

35216 / D

H. VI
man

FRANCIS

PHILIPPA DOLTON

1811

BIBLIOTHECA

CHIRURGICA

1811

1811

THESAURUS

1811

1811

1811

1811

1811



46124
JO. JACOBI
MANGETTI,

MEDICINÆ DOCTORIS,

& Serenissimi ac Potentiss. REGIS PRUSSIÆ Archiatri,

BIBLIOTHECA
CHIRURGICA,

SIVE

Rerum ad ARTEM MACHAONICAM quoquô modô spectantium

THESAURUS

ABSOLUTISSIMUS;

QUO OMNES PRORSUS HUMANI CORPORIS AFFECTIONES


Chirurgi Manum, aut aliam aliquam ejusdem Operam exposcentes,

Ordine Alphabeticô explicantur;

ET PER CURATIONES, OPERATIONES, CONSILIA, OBSERVATIONES, AC CADĀVERUM
Anatomicas inspectiones, è variis, iisque præstantissimis Autoribus, Veteribus ac Recentioribus
petitas, abundè; imò & curiosè tractantur. *Cum FIGURIS æneis necessariis.*

KONINKL.
BIBLIOTHEEK
TESHAG

TOMUS TERTIUS.



GENEVÆ,

Sumptibus GABRIELIS DE TOURNES & FILIORUM.

M. DCC. XXI.

TO LAGORI

MANGET

MEDICINE DOCTORS

BIBLIOTHECA

CHIRURGICA

THESSAURUS

ANATOMIA

THESSAURUS ANATOMIAE

THESSAURUS ANATOMIAE



THESSAURUS ANATOMIAE

- Graaf Opera omnia 8. *Lugd. Bat. cum figur.* 1677.
 — de Succo Pancreatico 8. *figur. Lugd. Bat.* 1671.
 — de virorum Organis generationi inservientibus, & de usu Syphonis in Anatomia 8. *Lugd. Bat.* 1668.
 Guillelinus de sanguinis natura & constitutione 8. *Ultrajecti* 1704.
 — de Salibus 8. *Lugd. Bat.* 1707.
 — de Hearnum vitis, correctione & usu ad statuendam & inquirendam morborum naturam 8. *Lugd. Bat.* 1709.
 Gruhlmanni de novo contra Oculorum caliginem remedio 4. *Iena* 1706.
 Griendellii Micrographia nova 4. *Norimb.* 1687.
 Glandorpulii Gazophylacium Polyphusum 4. *Bremæ* 1633.
 Grimm compendium Medico Chymicum 8. *August.* 1684.
 Grabæ Cervi Descriptio Physico-Medico Chymica 8. *Iena* 1688.
 Grabe de Arcanis Medicorum non Arcanis, cum Epistola Bartholini de Transplantatione Morborum 8. *Hafnia* 1673.
 — de modo simplicium Medicamentorum facultates cognoscendi 8. *Hafnia* 1669.
 Hippocratis & Galeni Opera omnia, græce & latine, fol. 13. vol. *cum figuris. Parisiis* 1679.
 — Opera cum Œconomia Fœtalis fol. 2. vol. *gr. lat. Geneva* 1657.
 Hafenreffer de cutis affectibus 8. *figur. Vlmæ* 1660. [1657]
 — officina pharmaceutica 8. *Vlmæ* 1653.
 Harderi Apiarium Observatio. Medic. 4. *Basilea* 1687.
 Hamilton, de febre miliari & Regulis Praxeos 8. *Vlmæ* 1711.
 Hagendorn Observationes & historiae Medico practicae 8. *Ffurti* 1698.
 — de Catechu, sive Terra Japonica 8. *Iena* 1679.
 Hannemanni Ovum Hermetico Paracelsico Trismegistum 8. *Ffurti* 1694.
 — Methodus cognoscendi simplicia vegetabilia 4. *Khiloni* 1677.
 Harris de morbis acutis Infantum 8. 1715. *Amst.*
 Hartmanni Officina Sahitatis Chymiatrica cum notis Cardilucii 4. *Norimb.*
 — Succini Prussici historia 4. & 8.
 — Praxis Chymiatrica 8. *Geneva* 1682.
 Harvæi exercitationes de Generatione Animalium 12. *Hagæ* 1680.
 — de motu Cordis 12. *Roterd.* 1661.
 Heredia Opera Medica fol. 4: vol. *Lugd.* 1689.
 Heurnii Opera Medica fol. *Lugd.* 1658.
 Herculis Saxoniae Opera fol. *Patavii* 1683.
 Henningeri scriptores Diætetici quatuor de conservanda valetudine 8. *Argent.* 1713.
 Hellyvigii observationes Medico physicae 4. *Augustæ* 1680.
 Hermannii Cynosura Materiae Medicae 4. *Argent.* 1710.
 ab Heer Fons Spadanus & Observationes Medicae rariores 12. 2. vol. *fig. Lugd. Bat.* 1685.
 Van Helmont Opera 4.
 Heer Physiologia Helmontiana, sive Tractatus X. de Archeo 4. *Lipsia* 1706.
 de Heide experimenta circa sanguinis missionem, fibras motrices, urticam marianam &c. 8. *Amst.* 1686.
 Hermannii Pauli Floræ Lugduho Batavæ Flores 8. *Lugd. Bat.* 1690.
 — Lapis Lydius Materiae Medicae 8. *Lugd. Bat.* 1704.
 Havers de Ossibus 8. *Lipsia* 1692.
 Heinz de affectibus Soporosis 4. *Argentorati* 1678.
 Helbigii introitus in veram physicam 8. *Hamb.* 1680. & 12. *Heidelberg.* 1680.
 Heinsius de purgantium validiorum abusu in febribus 4. *Lipsia* 1693.
 Hanhardi nova experim. de Salibus 4. *Basilea* 1685.
 Hermannii Discursuum synopsis 8. *Londini* 1653.
 Hennicken recta chymice curandi methodus 12. *Ffurti* 1686.
 Hippocratis Œconomia a Fœtali fol. *Geneva* 1662.
 — de Morbis popularibus 8. *Londini* 1717.
 — Coacæ, cum not. Fœtali & Jonstoni 12. *græc. lat. Amst.* 1660. *Elzevir.*
 — Aphorismi illustrati a Dieterico 4. *Giesæ* 1656.
 Hoechstetteri observationes Medicinales 8. *Ffurti* 1674.
 Hoeferi Hercules Medicus 4. *Norimb.* 1675.
 Hobokeni Anatomia Secunda humanae 8. *figur. Ultrajecti.*
 Hofmanni Friderici Dissertationes Physico-Medicae curioſæ Selectiores 8. 2. vol. *Lugd. Bat.* 1708.
 — Dissert. Phys. Med. curiosar. Decas 8. *Lugd. Bat.* 1713.
 — Fundamenta Medicinæ 8. *Hala* 1695.
 — Clavis Pharmaceutica Schroderianæ 4. *Hala* 1681.
 — Danielis Annotationes Medicae de Generatione fœtus, ejusque partu 8. *Ffurti* 1719.
 — Casparsi de Medicamentis officinalibus tam simplicibus quam compositis 4. *Iena* 1686.
 Hofmanni Praxis medica curiosa 4. *Ffurti* 1680.
 — Pathologia parva 8. *Iena* 1640.
 — de Thorace ejusque partibus fol. *Ffurti* 1627.
 — de Generatione Hominis fol. *Ffurti* 1629.
 — Notæ in Galenum de Ossibus fol. *Ffurti* 1630.
 — Ioannis Mauricii Dissertationes Anatomico Physio-logicæ 4. *Norimb.* 1685.
 — Acta Laboratorii Chemicæ Altdorfini 4. 1713.
 — Disquisitio Corporis Humani Anatomico Patho-logicalica 4. *Norimb.* 1713.
 — Synopsis Institut. Medicinæ ex sanguinis natura & Altdorf. 1663.
 — Catalogus Plantarum in agro Altdorfino nascentium 4. *Altdorf.* 1662.
 Hollerii opera omnia Practica fol. *Paris* 1664.
 — de Materia Chirurgica libri tres fol. *Paris* 1552.
 — in Aphorismos Hippocratis 8. *Genevæ* 1675.
 Horstii Gregorii Opera omnia fol. *Norimb.* 1660.
 — idem 4. *Goudæ* 1661.
 Horstii Joh. Danielis Observationes Anatomicæ 4. *Ffurti* 1656.
 Hortus sanitatis, cum figuris fol. *Argent.* 1556.
 — Medicus Edimburgensis 8. *Edimburg.* 1683.
 — Dionysii Jonquet Medici Parisiensis 4. *Paris* 1659.
 — Malabarici Catalogus a Commelino 8. *Lugd. Bat.* 1696.
 — Academici Lugduno Batavi Catalogus 8. *figur. Lugd. Bat.*
 ab Hulden Tractatio de mirandis naturæ fontibus 4. *Iena* 1697.
 Jacchini Comment. in Librum Rasis de partium morbis 4. &c. 8. *Lugd.*
 Jackson Enchiridion Medicum 8. *Bruxell.* 1705.
 Jacobæus de Ranis & Bartholinus de Diaphragmate 8. *figur. Paris* 1676.
 Jehring de Calculorum in humano corpore generatione 4. *Iena* 1664.
 Jens Tyrocinium Medicum 8. *Hagæ* 1697.
 Imperati Historia naturalis 4. *figur. Bremæ* 1695.
 Jones de Morbis abstrusioribus 8. *Londini* 1683. & *Hagæ* 1684.
 Jordanus Hieronymus de eo quod supernaturale est in morbis humani corporis, ejusque curatione 4. *Ffurti* 1651.
 de Impotentia virili discursus Medicus 8. *Colonia* 1698.
 Joepferi manufactio ad vitam longiorem 4. *Norimb.* 1680.
 Jouberti Opera Medica fol. 2. vol. *Ffurti* 1668.
 Jungken Praxis Medica 8. *Ffurti* 1698.
 — Fundamenta Eclecticæ Medicinæ Modernæ 8. *Ffurti* 1693.
 — Manuale, sive Vademecum praxeos Medicæ 8. *Ffurti* 1707.
 — Medicus præsentis sæculo accommodandus 8. *Ffurti* 1689.
 — Lexicon Chymico-Pharmaceuticum 8. 2. vol. 1709.
 Kerchringii Spicilegium Anatomicum 4. *cum figur.*
 — Comment in Currum Triumphalem Antimonii Basilii Valentini 12. *Amst.* 1685.
 Kyperi Institutiones Medicae 4. *Amstel.* 1654.
 — Anthropologia Corporis humani 4. *Lugd. Bat.* 1650.
 — Collegium Medicum 8. *Lugd. Bat.* 1655.
 Knaut methodus Plantarum genuina 8. *Iena* 1716.
 König Regnum Vegetabile 4. *Basilea*.
 — Animale 4. *Basilea* 1698.
 — Minerale 4. *Basilea* 1703.
 Korimannii Opera curiosa 8. *Ffurti* 1696.
 Khunrath de Chao Physico-Chemicorum Catholico 12. *Argent.* 1699.
 Kunkelii observationes utiles de salibus, Auro, & Argentopotabili, spiritu mundi & similibus 12. *Londini* 1678.
 — Philosophia Chemica experimentis confirmata 12. *Amst.* 1694.
 Lancisii Opera Medica 4. 2. vol. *cum figuris.* 1718. *Genevæ.*
 Langii Opera Medica Theoretico Practica fol. *Lipsia* 1704.
 — idem 4. *Ffurti* 1683.
 — Miscellanea curiosa Medica 4. *Lipsia* 1669.
 Lamswerde naturalis Molatum Uteri historia 8. *fig. Lugd. Bat.* 1686.
 Lanzonus de Balzamatione Cadaverum 12. *Genevæ.* 1696.
 Ledelii Centaurium minus, Auro tamen majus 8. *Ffurti* 1694.
 Lentilii Eteodromus Medico Practicus Anni 1709. 4. *Stuttgart.* 1711.
 — Jaromnemata Theoretico Practica 8. *ibid.* 1712.
 — de Hydrophobiae Causa & cura 8. *Vlmæ* 1700.
 — Tabula Consultatoria Medica 8. *Vlmæ* 1696.
 Leeuwenhoek Arcana Naturæ Ope Microscopiorum detecta 4. *cum figuris Lugd. Bat.* 1708.
 — ejusdem Continuatio 4. *Lugd. Bat.*
 Lemety Cursus Chymicus 12. *Genevæ* 1681.
 Liber Mutus, in quo tamen tota Philosophia Hermetica figuris Hieroglyph. depingitur. fol.
 Lindenius Renovatus Mercklini 4. *Norimb.* 1686.
 Lyncei Historia Plantarum fol. *Roma* 1651. *figur.*
 Linsing Institutiones Medicae 8. *Ffurti & Erlange.*
 Lyonnet de Peste 8. *Lugd.* 1639.
 Licerus de Monstris 4. *cum figur.* *Amst.* 1665.
 Loevv in Aphorismos Hippocratis &c. 4. *Norimb.* 1711.
 — Tractatus de Variolis & Morbillis 4. *Norimb.* 1695.
 Lommii Observationes Medicae 8. *var. edit.*
 Lochneri Nerium sive Rhododaphne veterum & recentiorum 4. *Norimb.* 1716.
 Lover de Corde & de Motu & Colore Sanguinis 8. *Londini & Amstelod.*
 Lossius de morborum curationibus 8. *var. ed.* 1687.
 — Observationes Medicae 8. *Londini* 1672.
 Ludovici Opera Pharmaceut. Med. 4. *Ffurti* 1712.

- Mangeti** Bibliotheca Medico-Pract. fol. 4. vol. *Geneva* 1695.
 ——— Anatomica fol. 2. vol. *figur. Geneva* 1699.
 ——— Chemica fol. 2. vol. *figur. Geneva* 1702.
 ——— Pharmaceutica fol. 2. vol. *figur. Geneva* 1704.
 ——— Chirurgica fol. 4. vol. *figur. Geneva* 1721.
Malpighii Opera omnia fol. *Londini figur.* 1676.
 ——— Opera posthuma 4. *Amstel.* 1698.
 ——— Dissertatio Epistolica de Bombyce 4. *figur. Londini* 1669.
 ——— & Fracastori Epistolæ Anatomicae 11. *Amst.* 1669.
Mangold materiae Medicæ idea 8. *Basilea* 1715.
Manardi Epistolæ & Consultationes Medicæ fol. *Hanov.* 1611.
Maroja Opera Medica fol. *Lugd. Bat.* 1688.
Massaria Opera Medica fol. *Lugd.* 1669.
Martini Collectio Medico Practica fol. *Venetis* 1628.
 ——— Praelectiones in Hippocratem, de Aëre Aquis & Locis 4. *Paris* 1646.
Maroldi Practica Medica 4. *Ffurti* 1650.
Marggravii Opera Medica 4. *Amst.* 1715.
 ——— Materia Medica contracta 4. *Amst.* 1682.
 ——— Prodomus Medicinæ Practicæ 4. *Lugd. Bat.* 1685.
Matthioli Opera omnia fol. *cum figur. Basilea* 1674.
 ——— de simplicium Medicament. facultatibus 16. *Lugd.* 1571.
Mayerne de Febribus 8. *Londini* 1695.
 ——— de morbis gravioribus & Chronicis Syntagma 8. *Lond.* 1690.
 ——— praxis Medica 12. *Geneva.*
 ——— de Arthritide 12. *Geneva.*
Marchettis Anatomia 8. *Lugd. Bat.* 1688. & 8. *Patavii* 1675.
Macassii Promptuarium Materiae Medicæ 12. *Lipsia* 1677.
Majeri Secreta naturæ Chymica, nova methodo indagata 4. *figur. Ffurti* 1687.
 ——— Tractatus de septem montibus Planetarum 8. 1651.
Marci disceptatio de Natura Epilepsiæ, illius ortu & causis, &c. 4. *Ratispona* 1678.
Manelphi Theoria de Febribus 4. *Roma* 1625.
Maurocordatus de motu & usu Pulmonum 12. *Ffurti.*
Mesivæ Opera fol. *Venetis* 1623.
 ——— de Re Medica 8. *Lugd.* 1560.
Mena de sanguinis missione & purgatione 8. *Taurini* 1626.
Mentzelii Index Nominum Plantarum multilinguis fol. *Berolini* 1622.
Mermannii Consilia Medica fol. *Ingolstadt.* 1675.
Mercklini Casus Incantationi obnoxii 4. *Norimb.* 1698.
 ——— de ortu & occasione transfusionis sanguinis 8. *Norimb.* 1679.
Medicinæ exercitamenta ex selectis Authoribus, à Rhegino illustrata fol. *Lugd.* 1564.
Medicus Euporistus, cum variis ad praxim Medicam observationibus 8. *Haga* 1711.
Meibomius de cervicis & aliis potibus, & Turnebius de vino 4. *Helmslad.* 1668.
 ——— Hippocratis magni ΟΡΚΟC, sive Jusjurandum 4. *Lugd. Bat.* 1643.
Meynier speculum Universi, in quo de auro potabili &c. 8. *Bonna* 1674.
Messis Medico Spagyrica fol. *figur. Geneva* 1687.
Melichii Armamentarium Medicum 8. *Ffurti* 1657.
Methodus Generalis bene medendi ad omnes morbos &c. 8. *Lugd.* 1589.
Michaelis de Apoplexia & methodo curandi 4. *Hildesia* 1685.
Mylii Opus Medico Chymicum 4. 3. vol. *Ffurti* 1618.
 ——— Antidotarium Medico Chymicum reformatum 4. *Ffurti* 1668.
Michaelii Oculi Fabricatio & usus 8. *Lugd. Bat.* 1651.
Minsicht Armamentarium Medico Chymicum cum Mantissa Musitani 8. *Geneva* 1697.
Mizaldi Arcana Mirabilia 12. *Norimb.* 1681.
Mysteria Physico Medica 12. *Ffurti* 1681.
Moëbii Fundamenta Medico Physiologica 4. *Ffurti* 1678.
 ——— Epitome Institutionum Medicinæ 4. *Iena* 1663.
 ——— Synopsis Epitomes Institut. Medicinæ fol. *Iena.*
Montagnanæ Opera Medica fol. *Ffurti* 1604.
Montani Medicina Univerfa fol. *Ffurti* 1587.
Mollembroccius de Varis, seu Arthritide vaga Scorbutica 8. *Lipsia.*
Moroni Directorium Medico Practicum 4. *Ffurti* 1663.
Moor Pathologia Cerebri 4. *Amst.* 1704.
Morley Collectanea Chymica Leydensia 8. *Antwerp.* 1702.
Morelli methodus præscribendi formulas remedium 8. *Geneva*
Morton Opera Medica 4. *Lugd.* 1719.
 ——— de febribus inflammatoriis 8. *Londini* 1694.
 ——— de Phthyi 8. *Londini* 1689. & 12. *Ffurti.*
 ——— de Morbis universalibus Acutis 8. *Brema* 1693.
Le Mort Chymia veræ Nobilitas & Utilitas 4. *Lugd. Bat.* 1696.
 ——— Pharmacia & Chymia 8. *Lugd. Bat.* 1684.
Moræi Consult. & observationes de febre maligna 12. *Ffurti* 1670.
Moralis in Aphorismos Hippocratis 4. *Venetis* 1648.
Mockius de causis Concretionis & Dissolutionis Rerum 4. *Friburg.* 1596.
Moralis Enchiridium Medicum, Ethicum & Theologicum 12. *Venetis* 1655.
Morecotti Compendium Medicinæ 12. *Herborn.* 1604.
Mulleri Lexicon Medico-Galeno-Chymico-Pharmaceuticum *Lat. Germ. fol. Ffurti* 1661.
Munnick Anatomia 8. *figur.* 1699.
Muys Praxis Medico Chirurgica Rationalis 12. *Amst.* 1695.
Mulæum Hermeticum 4. *Ffurti.*
Mundii Opera Medico-Physica 8. *Lugd. Bat.* 1685.
Musitani de Morbis mulierum 4. *Geneva* 1709.
Mulgrave de Arthritide Anomala 4. 1715.
 ——— Symptomata 4. 1715.
Nasii Methodus medendi fol. *Brixia* 1633.
Nenteri fundamenta Medicinæ Theorico Practica 4. *Argent.* 1718.
 ——— Theoria hominis Sani seu Physiologia Medica 8. *Argent.* 1714.
Nymmani Tractatus de Apoplexia 4. *VVitteberg.* 1670.
Neucrantzius de Harengo 4. *Lubeca* 1654.
Needham Observationes Anatomicae 12. *Lugd. Bat.* 1714.
Nuck Operationes & Experimenta Chirurgica 8. *Lugd. Bat.* 1696. & *Iena* 1698.
 ——— Sialographia, & Ductuum Aquosorum Anatome 8. *Lugd. Bat.* 1696.
 ——— de Ductu Salivali Novo 12. *Lugd. Bat.* 1686.
Nucleus Sophicus per Liberium Benedictum 8. 1603.
Novum Lumen Chymicum 8.
Ochus de Febribus 4. *Venetis* 1657.
Ortlob Oeconomia Hominis 4. *Lipsia* 1697.
Paracelsi Opera fol. 3. vol. *Geneva* 1658.
Pacii Comment. in Galeni Methodum Medendi fol. *Vicentia* 1609.
Pathologia Nova Theoret. Pract. secundum medendi Methodum Schahlianam 4. *Lipsia* 1715.
Paulli Quadripartitum Botanicum, de simplicium Medicamentorum facultatibus 4. *Ffurti* 1708.
 ——— de Febrium Causa, & morbillorum, scorbuti, Luis Veneræ &c. 4. *Argent.* 1678.
Paullini Cynographia curiosa, seu Canis descriptio 4. *Norimb.* 1685.
 ——— de Candore 8. *ibid.* 1701.
 ——— Sacra Herba, seu Nobilis Salvia 8. *Augusta* 1688.
 ——— Lagographia curiosa, seu Leporis descriptio 8. *ibid.* 1691.
 ——— Bubo breviter descriptus 8. *Norimb.* 1686.
 ——— varia alia scripta.
de Partu Octimestris Natura fol. *Ffurti* 1601.
Pantaleonis Hermetica Scientia Pepti Examen Alchymisticum 8. *Norimb.* 1679.
 ——— Tumulus Hermetis Apertus 8. *Norimb.* 1684.
 ——— bifolium Metallicum 8. *Norimb.* 1679.
Patinus de Peste 4. *Augusta* 1683.
Pechlinus de Medicamentorum purgantium facultatibus 8. *Amst.* 1702.
 ——— Observationes Physico Medicae 8. *Hamb.* 1691.
 ——— de Potu Theæ 4. *Kilonii* 1684.
Penotus de Denario Medico & alii Tract. Chymici 8. 1608. *Berna.*
Peucer de præcipuis Divinationum generibus 8. *Ffurti* 1607.
Peyeri Merycologia, sive de Ruminantibus & Ruminatione 4. *Basilea* 1685.
 ——— Parerga Anatomica 8. *Geneva* 1681.
Petermanni praxis Medica 8. *Lipsia* 1707.
Pezoldi Observationes Medico Chirurgicae 8. 1715. *Vratislav.*
Pechey Promptuarium praxeos Medicæ 12. *Amst.* 1694.
Pecqueti Experimenta Nova Anatomica 12. *Amst.* 1700.
Pestis & Calamitatum Taurini anni 1599. descriptio 4. *Taurini* 1600.
Petri Carduus Sanctus, seu Benedictus 2. *Lipsia* 1698.
Pharmacopæa Schrodero Hofmannian fol. *figur. Geneva* 1687.
 ——— Augustana Zvvelpheri 4. 2. vol. *Norimb.* 1693.
 ——— extemporanea Fullerii 8. *Amst.* & 12. *Londini.*
 ——— Batxana 8. *Amst.* 1719.
 ——— Londinensis 12. *Ffurti* 1711.
 ——— Parisiensis 4. *Paris* 1645.
 ——— Schroderi 4. *Lugd.*
 ——— variae aliae Pharmacopææ.
Pharmacopolarum Schedulæ, seu Inscriptiones fol. *Geneva.*
Philaletha introitus Apertus ad Occlusum Regis Palatium, Opus Chemicum 8. *Iena* 1699.
Pitcarnii Opuscula Medica 4. *Roterd.* 1714.
 ——— Elementa Medicinæ 4. *Haga* 1718.
Piens de febribus *cum not. Mangeti* 4. *Geneva* 1689.
Piscanelli de Alimentorum facultatibus 12. *Ofnabrug.* 1677.
Plateri Observationes Medicæ 8. *Basilea* 1680.
 ——— Praxis Medica 4. 3. vol. *Basilea* 1666.
 ——— Quaestiones Medicæ 4. 8. & 12.
Plazzonus de Vulneribus Sclopetorum 4. *Venetis* 1618.
 ——— de Partibus Generationis 12. *Lugd. Bat.* 1664.
Plumier Nova Plantarum Americanarum Genera 4. *Paris* 1703.
Plempii Fundamenta Medicinæ fol. *Lovanii* 1664. & *Amst.* 1658.
 ——— Ophthalmographia fol. *Lovanii* 1659. & 4. *Amst.* 1632.
 ——— in Abuali Ibn-Tina, seu Avicennam fol. 2. vol. *Lovanii* 1658.
 ——— Plem.



JOH. JAC. MANGETI
BIBLIOTHECÆ
CHIRURGICÆ
LIBER DECIMUS.

*De Affectibus & Operationibus Chirurgicis à Litera
L. incipientibus.*

LABIORUM MORBI.



LABIA præter musculos duos quos habent cum maxilla communis, quadratum scilicet & buccinatorem aliosque etiam, tum utrique famulantes, obliquè scilicet sursum trahentem, obliquè deorsum trahentem, oris constrictorem, seu orbicularem; tum cuique proprios, superiori, nimirum duos, sursum trahentem unum, ac deorsum moventem, alterum; inferiori verò unicum nempe deorsum trahentem; innumeris præterea glandulis serò copiosò irriguis, fibrillis nerveis, ac vasis non unius generis invicem connexis, interspersa sunt; sicque variis obnoxia ægritudinibus. Nam si serum quod illa alluit acrius redditum, corrosivum quid induat, *ulcera*, & *crustas*, imò etiam carcinomata excitabit. Si parcius affluat, ac stipticitatem aliquam acquirat, glandulas constringendo, ac fibrillas iis intimè connexas & ad dextras ac sinistras variè protensas paulò validius retrahendo, *fissuras* procreabit. Si abundantius depluens inibi cumuletur, *magnitudinem* faciet *excedentem*, ad quam referri potest affectus *Cheilocace* dictus, ubi præter tumefactionem partis non est quod aliud reperias, quamquòd labia à gingivis & dentibus abscedentia longius & foràs aliquatenus replicentur multa cum deformitate, ac in utroque latere, dextrò scilicet & sinistrò, angustò sed profundò sulcò, inde à gingivis, aut gingivarum confiniò ad usque extimam labii viam, seu ejusdem marginem, (nunquam ulterius ascendendo) divi-

Bibl. Chirurg. Tom. III.

dantur, perque hosce sulcos sanie semper madeant, aut crassò pure obsita sint. Si irritatio in spiritus fibras musculares animantes invehatur, *tremor* inducetur. Si retractio aliqua peculiaris fibraum musculosarum à quacunque demum causâ enascatur, *perversio* partis oritur. Si ulcera in utròque labiò posita dum cicatrifantur, ea invicem conglutinent, *labiorum continuitas* fiet. Si glandula aliqua in specie ad magnam intumeat molem *labiorum globum* efformabit. De *labiò leporinò* hìc nihil addo, quia ejus natales internæ non debentur causæ, nec humorum pravæ cuipiam dispositioni assignandi veniunt, sed imaginationi maternæ fœtui impressæ unde ejus labium superius ad intar labii leporini unica vel etiam duplici fissura divisum videtur ab ipsò nasò ad sui usque marginem. Alios affectus eosque memoratos quod spectat: Carcinoma remediis propriò capite descriptis, curabitur, ut & etiam Tremor, ac Perversio convulsiva, aut inflammatoria. Hìc itaque de reliquis tantum.

CURATIONES.

Ulcers Crustosa.

Labia ulceribus crustosis inficiuntur, quæ à pituitæ cujusdam falsæ putredine, aut ab humore melancholicò, aut à bile retorridâ, vel à pituitâ & melancholiâ simul mixtis generatur. Si hæc ulcera non ritè curentur, faciem deformem efficiunt, & serpendo cancroso evadent.

Curatio, diætâ, purgatione, venæsectione aliisque præsiidiis universalibus perficietur, deinde lotionem crustarum cum aqua plantag. aut aqua aluminosa, des-

ptionis nostræ, in qua, si ulcera sint putrida, dissolvantur unguentum Apostolorum, aut pulvis mercurii. Si verò simplicia sint, abluentur hydromel. aut œnoemelite, addendo parum aluminis rochæ. Vel usurpabitur aqua sequens, quæ valdè efficax est.

℞. Sacch. albiſſ. ℥. j. sal. comm. ℥. β. alum. rochæ ʒ. j. m. & destillentur in alembicô vitreô, fiat aqua, cuius guttulæ aliquot immisſæ in crustam, exsiccant, sanant, & cicatricem inducunt: dictæ crustæ guttulis quibusdam hujus aquæ cum paucô bombace tanguntur.

Vel ℞. Tutie præp. ʒj. olei rosar. & succi solani an. ʒij. ponantur simul in mortario plumbeô & agitentur cum pistillô plumbeô tamdiu donec acquirant convenientem consistentiam: postea cum modicô ceræ albæ liquefactæ fiat unguentum molle, & servetur in pixide plumbea ad usum. Quod si ulcus non possit exsiccari, tangatur aquâ aluminosâ magistrali Fallopii cap. de ulceribus venereis descriptâ, vel aquâ sublimatâ secundâ, oleô vitrioli vel sulphuris, solis, vel temperatis aquâ plantagin. deinde uteris unguentô de plumbô, vel collyriô sequenti.

℞. Aq. alumin. descriptionis nostræ ℥. j. trochiscor. de ruthia, & collyrii alb. Rhasis sine opio, ana ʒiij. cerussæ, & utriusque litharg. præp. & lot. aquâ rosarum an. ʒβ. dissolvantur omnia simul & fiat collyrium, de quô abluatur frequenter ulcus. *Iohann. Vigierius in Chirurgiâ magnâ.*

Fissura.

In curatione fissuræ labiorum, evacuatâ materiâ, linthea tenera succô sempervivi madida imponi; & si profundiores fissuræ sint, adipe anserinô & caponis illiniri debent. Prodest & unguentum ex lythargyr. argent. & myrrh. an. ʒβ. cum cerâ virgineâ & oleô communi paratum. Foris imponitur in petiâ. *Ioh. Ionsionius in Idea Medecin. Præct.* Pro remediô præstantissimô hocce in casu, oleum ceræ destillatum habet *Ioh. Harthm.* tractatu de oleis chymicè destillatis. Non minoris est efficacix oleum è vitellis ovorum.

Magnitudo excedens; & Cheilocace seu Labrosulcium.

Labia tumentia sanant fots ex hyssopo, origano, fatureia, salvia, & rosis rubris parati; ut & suffitus ex mastiche, olibano, myrrhâ, succino, benzonio &c. Item oleum myrrhæ per deliquium elicium & applicitum: Præmissis universalibus. Imò si malum paulò pertinacius, ac rebellius fuerit, & cauteria, & aurium perforationes, & vesicantia emplastra, locis aptis ac commodis veniunt admovenda. Atque hæc de tumefactione simplici; aliud jam superest, scilicet de peculiari illa tumefactione ulcerosa quæ vulgô Cheilocace seu Labrosulcium audit, breviter agamus ex *Arnoldo Boëtio* de affectibus omisſis, tract. 10.

Morbus hic cui græcum nomen à parte affectâ, latinum à præcipuô ac maximè conspicuô symptomate fecimus, familiare in Hiberniâ omni tempore, interdum verò etiam epidemiæ luis instar in quamplurimis populariter grassatur, rarissimè tamen, ac vix unquam, adoretur adultos, sed infantes duntaxat, eosque ferè ab altero ætatis anno ad quartum aut quintum, quamquam & teneriores aliquantò, & paulò vetustiores non sunt semper ab eô immunes.

Labra in eo admodum tumescunt, tumore duro & nonnihil rubicundo, sed nequaquam fervido, aut inflammatorio, & qui nunquam suppuretur aut caput fœdet. Vergit autem aliquantò magis introsum, quàm ad exteriorem partem, unde labia à dentibus & gingivis abſce-

dunt, ac longiùs & foras aliquatenus replicantur sulci qui labrum à dextris & sinistris interiùs dividunt, semper sanie madent, aut crasso pure obſiti sunt, interdum quoque crustulæ in iis succrescunt. Malum hoc quandoque utrumque labium inceſſit, ut plurimum tamen superius tantùm eô afficitur; quando ambo simul hæc obſidet labes, longè tamen semper deterior est superioris quàm inferioris labii conditio. Ut plurimum, ac ferè semper hunc morbum comitantur aphthæ in palato, linguâ, buccis, labiis, gingivis, quamquam infinitus est infantium numerus qui aphthas patiuntur absque eo ut in cheilocacen incidant, sicuti rursus non rarò accidit ut idoneis remediis adhibitis aphthæ aboleantur, & cheilocace superſtite.

Malum hoc nonnullis spontè aut levibus remediis sanescit, ast plerumque si diutiùs negligatur, aut perperam curetur, contumacissimum evadit, ita ut postea difficillimè tollatur, & multo opere agrè sanatum, aut sanitati proximum improvisò rebellet; in nonnullis verò inmedicabile penitus redditur, & serpente contagio miseros infantes lenta tabe conficit, & tandem letho mittit; id quod tum præcipuè usu venire solet quando epidemicè hæc labes sævit, ob quas causas Anglicum vulgus cancrum oris appellat, quod tamen de aliis quoque ulcerosis ac malignis oris affectibus usurpat.

Ad peragendam feliciter curationem corpus purgandum est, non semel sed repetitis vicibus, ita ut idoneum temporis spatium semper interponatur. Purgationes pro captu corporum & ætatis satis validæ esse debent, præcipuè ex senna & mercurio dulci, quæ duo cæteris in hoc casu præferenda. Quod si cum infante tractabiles est magnopere conducet purgare decoctis paratis è fumaria, betonica, phyllit. rad. lapathi, cichor. poly-pod. senna, agaric. coriandr. tamarind. cujus decocti bini, ternive haustus die dandi per sat longum temporis spatium. Quod si grandior sit infans, sanguis quoque è brachiis detrahendus, vel hirudinis ſuctu aperta vena, vel ſcapello etiam. Interea etiam oris ulcusculis adhibenda idonea remedia, & labra fovenda illinendaque iis quæ tumorem imminuere, sordes detergere, sulcos emundare atque implere valeant, eosque cum reliquâ labiorum carne æquare.

In hos usus multa sunt quæ inservire valeant, sed cæteris præcellit decoctum chærephylli, quinquefol. myrrhid. rosar. ac salviæ, in quo sal vitrioli alb. sat. magnâ copiâ dissolutum sit, ac linimentum factum è sacchar. saturn. aq. plantag. & aceto rosaceo. Utilissimum quoque est hirudines faciei admovere, iisque sanguinem, tum ex fronte & temporibus, tum ex labiis ipsis affatim deplere, idque bis aut ter facere. Quod si hæc omnia non satis juverint, tandem in alterutro, aut utroque brachio excitandæ fontanellæ; & per multos dies potui dandum infanti decoctum concinnatum ex sarsapar. radic. chin. fumar. phyllit. lapath. integr. sem. card. rad. scorſon. & passul. maj. ac quamdiu hoc bibet omni alio potu arcendus erit. Ubi tenellum admodum infantem invadit hoc malum, nonnulla istorum omittenda, quædam aliter ordinanda, & in omnibus clementiora deligenda sunt, quod minimè opus est particulatim explicemus.

Labiorum continuïtas.

Curatio instituenda 1. Dividendo ac separando ab invicem labia conjuncta & conglutinata per cultellum acutum. 2. Eadem ab invicem disjuncta tenendo, per lamellas præsertim plumbeas 3. Cuticulâ obducendo, cicatrifando separata hæc labia, initium ducendo à loco ubi committuntur secundum naturam labia. In quem finem optimo cum successû applicantur utrinque hami plum-

plumbei obtusi, os in longum expansum servantes, ne scilicet coalitio utriusque labii denuò habeat locum, ad novamque cogat dissectionem. Ubi autem locus commissuræ fuerit suâ tectus cuticulâ, adeoque cicatrice obductus, facilis erit reliqua curatio, dummodo cicatricem admittat reliqua labiorum pars media. *Franciscus Sylvius de le Boë.*

De Labiorum nodo, seu globo. vide quæ inferius in observationibus ex Stalpartio Meekren adducuntur.

Labia Leporina.

In Labio Leporino (quicquid demum dicat *Gasp. Anthor.* in Nosoc. Infantili de curatione per suum unguentum perficienda, si statim secundo à nativitate die, ter de die imponatur cum linteis. Cujus unguenti hæc est compositio.

℞. Olei olivar. picis comm. pingued. canis, taxi, an thj. liquefiant ad ignem. post dissolvè mastich. oliban. galban. an. ʒj. M.) Non potest tamen felicior successus sperari quàm ab operatione; quæ licet crudelis admodum sit, ut plurimum optimè cedit, si modò scilicet temporiùs instituta, non expectetur donec pateriens adolescentiam, aut maturam attigerit ætatem; tunc enim etiamsi margines labii divisi ad invicem adducantur, ac inter se conglutinentur, deformitas semper magna superest ex cicatrice in parte ficciori, quæ est dilatationi inepta; imò vox non parum inde depravatur. Itaque in junioribus perficiatur, non quidem statim post nativitatem; quia sic illic ficitas partis extimescenda venit; hic sanè major mollities non minùs faceret difficultatis, continuique infantis è dolore ejulatus, totum opus disturbarent ac futuras disrumperent. Hæc autem ratione illa absolvatur suò tempore; scilicet quintò, aut sextò ætatis annò.

Ægro in sedili luci objecto, collocato, chirurgus forcipibus aptis labiorum ab utraque parte portionem apprehendet, post cultello recurvo cutem intermediam resecat, à parte superiori nasoque proxima, ad inferiora descendens, ut sic vulnus recens & sanguinolentum fiat. In idem negotium possunt etiam adhiberi forfices eximie aciei. Tum permittendum ut aliquot sanguinis effluant guttæ, & oræ labii quàm maximè æqualiter fieri poterit ad invicem adducantur, ut acus argentea, aut chalybea, per eas satis altè transigatur, quæ acus in ipsò relinquetur vulnere, postquam filò per ipsius foramen immisso circumducta fuerit, eâ prorsus ratione quæ factoribus familiaris est, dum acum filò indutam conservare volunt. Si fissura fuerit grandior, in ipsius oras duæ acus possunt immitti, alia quidem in superioribus, alia in inferioribus. Si partes divisæ ad se invicem facilè adduci nequeant, ut uniantur, duæ incisiones, in superiori labii cutis parte ad formam lunæ crescentis, ita sunt instituendæ, ut earum cornua vulneri sint objecta, sic enim ejusdem oræ faciliùs ad se invicem accedunt. Si tantum ab una parte labium difficiliùs accedat, unica sufficiet incisio. Si acus per labium transacta multum ab utraque parte promineat forcipibus est excindenda, sub ejusdem extremis apponendo minores pulvillos desuperque emplastrum de betonica, & inter duas incisiones ad formam lunæ crescentis confectas applicandum linteamentum siccum, ut quæ ex crescent carnes vulnus compleant, sicque labium laxius faciant. Ut plurimum die post operationem octava, vel decima conglutinantur atque uniantur labii oræ; tunc si satis valida fuerit unio, excindendum est filum acui circumductum, ipsaque acus amovenda, & ulcus atque parvula quæ supersunt foramina desiccantibus cu-

Bibl. Chirurg. Tom. III.

randæ. Aliquando labia duplici finduntur loco, sed hoc nihil interest, nam dummodo distantia inter utramque fissuram major non fuerit, eadem illæ curantur ratione ac si unica tantum adesset. Si fissuræ hæc in auribus, aut naribus reperiantur eodem modò ac in labiis procedendum. Quidam in hisce operationibus incisionem fissuræ marginum non adhibent, sed postquam sub labio pulvillum minimum imposuerunt, cutem intermediam pernicillo oleo antimonii aut lapide aliquo caustico fuso, intincto, leviter attingunt; sic quicquid cutis separare volunt separant, quò peractò acum, ut supra dictum, transigunt.

Operatio in Labio Leporino, exercenda ex Clariss. Anton. Nuck

Labium superius (rarissimè inferius) nonnunquam ita fissum apparet, ut haud obscure *labium leporinum* repræsentet, affectus, qui manum chirurgicam sæpe etiam requirit.

Antequam autem hanc Operationem suscipiamus, attendendum primariò examinandumque, utrum labium unò tantum, an duobus in locis sit fissum: an fissura magna vel parva; an divisum conspiciatur palatum; an gingiva tumore aliquò, vel cartilagine, vel exostosi sit obfusa: an dentes promineant aut obsint: an pateriens sit infans, puer, aut adultus (in his enim non facilè tentanda est Operatio) an denique corpus benè aut male dispositum; quibus ad rationis trutinam ritè ponderatis, utrum malum curabile sit, nec ne, facilè concludi poterit.

Si in infante labium simpliciter fissum occurrat, sequenti methodo procedendum: Ligatis infantis manibus pedibusque, ministri alter sedili insidens firmiter eum teneat, alterque ejus caput quantum possibile immobile servet. Chirurgus interim diductis ab invicem labiis, partem labii superiorem interioremque adhuc integram, à connata maxilla superiori, cultello separet, quò hiatus integrè expleri, labiaque eo rectius extendi possint.

Hisce peractis, statim fissuræ margines callosâ superficie quodammodo induratas, acutiori forfice, loco atramento priùs notato, resecano cruentas reddat: dein interposito plumaceolo, ne gingiva jam separata denno coalescat, tres *acus argenteas, vel chalybeas* unam post alteram, à parte superiori incipiendo, per labium divisum traducat, genisque compressis (quod commodè, servo caput tenente, peragitur) labia cruenta ita adaptet, ut filum circa easdem sepius glomeratum, eadem adducta in hoc itatu servet; Hòcque feliciùs succedit, si *laminis plumbeis* orbicularibus perforatis labiorum latera magis comprimantur. Mox resectis acuum extremitatibus, fila liquore balsamico v. g. *Bals. Copayv.* vel *Unguen. Arcaï* humectanda, quibus *plumaceolum* eodem balsamo irroratum superimponendum; hisce insuper *Emplastrum glutinosum* ab una parte male ad oppositam sese extendens, applicandum, quo genæ rectius adducantur: denique *compressula* ad formam nasi accommodata fasciæ ope alliganda.

Internè labium *Syrupo de Symp. Fernèlil*, aut *Violaceo* obliniri potest, cavendumque quantum possibile ne plorando, sternutando, cibos quoque duriores minuendo, labia quodammodo diducantur, quòd *Cucuphæ aneæ*, extremitatibus suis genas comprimente, vel *Splenis* è chartâ tabellatâ compositis, nonnunquam præpediri potest.

Sequenti ab Operatione die obligatio maneat, necesse est. Tertiò verò die aliqualis fiat deligationis solutio, tollendo ea, quæ externè filis fuere applicata;

medię interim Acūs vinculum tantillum relaxetur, (uti etiam cum reliquis aliquando procedendum) ne fortiori filorum constrictione ulcera otiantur.

Quartô die media Acus extrahenda, reliquarumque Fila magis solvenda. Quintô sepe acuum superior turtô extrahitur; & sextô seprimôve inferior sive ultima; quibus sublatis, applicatô Emplastrô cicatrisante unâ cum Fasciâ, facillimè restituitur patiens.

Sunt qui *Unguentis*, secundô post partum die impositis, Labia Leporina in infantibus restituere satagunt, sed nostrô iudiciô, malè procedunt.

Hac Clariss. Nuckius. Celeberrimus autem Fabricius ab Aquapendente, non tantum hîc in casû acû transmissâ confuit; sed etiam glutinô, (de quô vid. sub titulô Lagophthalmos) partes labii confutas ad se invicem adducit, ut futura in tenellô subjectô peracta non discedat aut dissolvatur.

Observationes.

De Rostrô Leporinô singulari.

Honestâ fœmina, sub gestationis ferè finem negotiî expediendî causâ, ad vicinam ostio minùs obserato invisens, tandem illam per camerę rimam meridiari cum amico videt, non sine risu & joculari apprehensione. Post tres præter propter septimanas enititur puellam; cum vigilaret, variè senet (sed modo quem apud Martialem facilius quis legerit, quàm ego descripsêro) moventem; ut cum anicula jam in sella sederet, etiam facies inde cum rubore nonnunquam intumesceret. Primò torminibus parentes adscripserant, sed cum postmodum minus verecundam viderunt, ad me detulere annum tunc cum dimidio natam; uxori rem aperuit mater, nec per expantiora adhuc exempla absconum id ratus sum; curam verò pro talium more, aut nullam aut perdifficilem futuram. Nihilominus experiundî gratiâ, per 14. dies vesperî quidem quotidie granum unum cinnabaris nat. manè guttas tres vel quatuor spiritûs cephalici Hart. dedi, sicque incompta illa motitatio evanuit. Sexennem autem Quartillam hanc Petronianam dysenteria sustulisse dicitur. Incidit hîc in memoriam singularis & (inter similes conceptu difficilior) puellę, etiam in gestationis demum fine, deturpatio, ante biennium observata. Est in vicinia rusticus, per inflictam à patre gravidę matri alapam (rostrô leporino admodum præ aliis deformis; siquidem palati s. cœli extremitas aliqua, cum ipsius maxillę parte (quasi excisa) versus nares sursum flexa iisque adnata est, cum mystace & dentibus aliquot. Hunc (injunctum tegmen negligentem,) intuita ex improvîso, & exhorrescens gravis quędam, post tres septimanas puellam peperit, cætera perfectam, nisi quod simile penitus ostentaret rostrum. Cum autem frustum ipsum; quasi per columellam quandam, extremitati narium annatum, ac post dies aliquot, duos incisórios, molliculos adhuc dentes utrinque protrudens, lactis suctionem penitus suppresso spiritu impediret, cochleari verò infusum vegetiori infanti non sufficeret, parentes quidvis tentare prius voluerunt, quam puella denegato alimento tandem fatisceret; aut deformē malum ampliùs incretceret. Moniti de difficultate, præsertim ob palati anticam illam excavationem; non tamen destitere. Præcidit proin chirurgus noster aulicus illam excrescentiam, & actuali cauterio (non tamen planè candenti) leviter admoto hæmorrhagiam statim compescuit; infante ne minimum quidem vagitum edente, sed quasi bene secum actum foret, strenuè postmodum fugente, & lac applicantibus se invicem labiorum extremitatibus quorum unionem convenientiori tempore reservabat, (deglutiente, car-

ne quoque glandulosa in palato, ad hiatus occlusionem semet protendere incipiente. Verum post 14. diem, citra externam hinc causam, dum hætenus benè valuisset, noctu subito, & epilepticè aliterve, spes nostra hæc occidit. Addamur huic; sed feliciori eventui, aliam ante annos aliquot binis in quavis maxilla incisórios ab ortu armatam. His sibi linguam totaliter transfixerat, ut modicè saltem utrinque ad latera cohereret. Parentes ad tonsorem detulere, quo (ob deficientem suctionem ac nutritionem) aut dentes eveleret, aut linguę illud frustum auferret. Intervenient illos suo loco relinquere suasi; (siquidem evulsiōs lacteam quandam materiam, & hinc lethales convulsionēs insequi notum est) vulnus autem solis oculis cancri inspersis, ac per vices extracto pyrolæ saccharato insperso intra paucos dies (ceu plurimis aliis, per casum aliterve sic læsis) persanavimus: Proventioribus ætate inspersum vitriolum albicans similiter confert. *Dan. Ludovici.*

De excrescentia in Labio superiore.

Venit ad me ex pago Lössen paupercula, ac inspicendum præbet Labium, quod mirum in modum excrescerat: in medio Labio ulcus fuerat; Ex eo principio caro ista fungosa suum ortum habuit: Nullam aliam spem eam habere quam sectionem ostendo. At illa paupertatem obtendit, aliud consiliū expetit. Consulo ergo, ut tumorem cum setis equinis fortiter apprehendat, & indices arctius astringat. Fecit hoc, licet, ut ipsa postea dicebat, magno dolore, multis noctibus insomnibus, tandem tamen decidit caro ista superflua. Venit ad me lætior, ego unguenta consolidantia illi præscribo, quibus adhibitis in totum convaluit, Deoque gratias egit; Quia enim paupercula erat, & lino in fila ducendo se sustentabat, labium ad hunc laborem obeundum maximo erat impedimento.

Scholion.) De excrescentia ejusmodi carnea in supremo vulvæ labro orta, exemplum refert Marc. Donatus Hist. Med. Memor. l. 5. c. 3, Curatio cum setis equinis est egregia & admodum conveniens, constructa enim arteria nutrimentum afferente, ut tumor tabescat necessum est. Unde verò ista arteria originem trahat? quæstio movenda. Arteria enim est pars spermatica, & non generatur extra uterum: Marc. Aurelius Severinus de Absc. anomal. c. 13. pro veris arteriis habere non vult, sed putat illas saltem aliquid simile esse, ut venulæ illæ in affectu, qui Arabibus zebel vel sebel vocatur, ubi textura rubra venularum in annata oculi tunica sive albo oculi videtur. Quod verò ad illum affectum attinet, cum Sennerto l. 1. P. 3. S. 2. c. 15. sentio venulas illas revera existere, visum verò effugere, nisi sanguine valde turgeant. Itaque, salvis aliorum judiciis, putarem, quod crescente ista hyperfarcosi adjacentes arteriæ & venæ simul crescant, ut in pueris & nondum adultis fieri videmus, ubi arterias & venas cum aliis partibus augmentum acquirere nemo negare potest. Hoc quidem secundum naturam fit, sed quid naturam per errorem idem facere prohibeat, non video. Vocatur verò iste tumor encanthis sive hyperfarcosis, & oritur exulcerata parte è materia affluente nutritia & ad glutinationem superflua. *Georg. Chr. Wincleri.*

Labiorum tumor in puero, ab humore Bufonis conquassati in ea resiliente.

Puer cum offensum Bufonem lapidibus insectaretur, nonnihil humoris conquassati Bufonis fortè profiliit in Labium pueri, quæ statim singula tumescebant in crassitiem duorum circiter pollicum: Cum verò principi-

piis ob stare negligeret, neque uteretur medicinâ, quæ labia pristinæ tenuitati restitueret, ad hoc tempus usque Labia eandem monstruosam figuram servant. *Dom. Nath. Fairfax, in Actis Philosoph. Febr. 1666.*

Tuberculum Labii excisum.

Visitavi cum D. Casparo Kolichen Poliatro meritisimo, infantem XVI. menses natum, cui tuberculum rotundum superius labium occupavit. Occasionem huic cerasum dedisse creditur, quod matri prægnanti quidam per jocum alliserat. Jamque metus est ne excrescat. Dependet enim instar cerasi maturi. Sectionem perfecit Laurent. Nicolai Lithotomus ex voto. Filo cum acu transverberatum tuberculum novaculâ abscidit. Mox fibulis labium superius consuit, vulnusque curavit. Fibulæ vices apud illum supplet acus crinalis, quæ utrinque laminula plumbea rotunda perforata clauditur. Tuberculum dissectum glandulæ speciem præ se ferebat, sine ulla alia materia extranea. Ex glandulis illis quæ circum labia habitant, actus hic tumor fuit. *Th. Bartholini.*

Curatio Labii Decurtati temeraria.

Medicus quidam insignem suam Chirurgiæ scientiam gloriatus, civis cujusdam Ratisbonensis filix cœlibi, Labii superioris decurtati vitium nativum emendare certò promittens, ipsas manus adhibuerat, sectionem transversim per malæ musculos ducens, nihil aliud perfecit quàm quod Labii vitium carne nova denuo obdlexerit, & simul novam, oblongam ac indecoram buccæ cicatricem temeraria sectione sua induxit. *Helwigii.*

Labii pseudo-cancer.

Singulas corporis nostri partes, invadere posse cancrum jam olim Galenus libro secundo ad Glauc. capite decimo & lib. introd. 26. docuit. Sæpenumero tamen contingit, ut nonnulli se cancris fustulisse gloriantur; cum ne simile quidem illis malum fuisset. Unde non famam tantum laudemque inter plebeios affectant, sed & plus aliis sapere videre volunt agrosque non raro decipiunt.

Muliercula quædam gravida, nec ætate provecta 22. April. 1682. meum imploravit auxilium, cujus labii inferioris parvum tumorem, minorisque fabæ magnitudinem nonnihil excedentem, cæruleique coloris, ac quibusdam cancrum habitum secabat Medicus Chirurgusque. *Corn. Selingius.*

In dissectione quæ crasso fiebat forcipe, è tumore præter viscosum, lentumque quendam humorem, nihil omnino profluere animadvertimus, qui, commorden- tibus labium dentibus, in læsam quandam glandulam (qualibus infumum labium, nec non aliæ oris abundant partes) juxta arteriolam quandam effusus, commodo exitu negato, stagnavit, unde glandula magis, magisque intumescens, quicquid hoc est vitii produxit. Tumore itaque sublato, Hungarico supprimebatur sanguinis affluvium vitriolo, nec non lapide hæmatitide, ac postridie in partem affectam Syrupus è ros. sicc. illinebatur, unde brevi percuratum vulnus. *Corn. Stalpartius in Observationibus rarioribus.*

Labii nodus.

Ictu, casu aut percussione, imò etiam ubi dentibus apprehendimus labium, nodus in eo producit, quem ex doctrina Albucasis quæ habetur 2. part. Chirurg. *Bibl. Chirurg. Tom. III.*

part. 27. cultro primò excendere, hinc alumine ustò conspergere tenetur Chirurgus.

Nodum hunc quidam oleo vitrioli, alii cauterio actuali tollere tentarunt. Nobis arrisit modus declarandus, non nisi ubi cancri naturam induere incipit, locum inveniens. Inter varios, in quibus extirpatio ejus à nobis instituta, etiam nominari potest Reverendus Doctissimusque Vir, Dn. Jacobus Heyblock, amicus singularis, qui fabæ magnitudinis nodum jam ab aliquot annis, cum molestia summa, venarumque tensione, in labio inferiore gestaverat.

Labium ipsum ope pollicis & indicis sinistrae manus incurvabamus, hinc cultro acuto crucialem aperitionem instituebamus usque ad nodum, ita tamen ne læderetur ipse; separatis hinc integumentis volsello, nodum sensim extraximus, eo educto cavitatem replevimus linteo combusto ad hæmorrhagiam, firmiter ea propter lintheum hoc digitis compressimus, partim quò in totum sanguinis fluxio inhiaberetur, partim quò quod in vulnere residuum, auferendum, tolleretur.

Stypticò hoc ablato, ad mundificationem vulneris nil nisi Mel Rosarum cum Spir. vini, hinc ad consolidationem ipsam tutiam pulveris applicavimus.

Nodos præter dictos observare itidem licuit nobis Vesículas pituitosas, in labiis existentes, quas cancris annumerarunt varii, quo in arte Chirurgica plurimum experti habeantur Chirurghi.

Nihil aliud vesiculæ hæc sunt, quàm lymphæ extravasa lymphatica dicta, prolapsæ, eo quod compressione labii ex mutuo dentium contactu, lacerata. Sæpius eas forcice aperuimus, applicatoque Melle Ros. cum aq. vitæ curavimus.

Non raro observare nobis datum vesiculis his dissec- tis, exsiccatisque, duritiem aliquam relictam esse, quæ & dolorifica, & molesta. Hanc sequenti modo tollere soliti sumus, uti testatur, inter alia, exemplum viri Reverendi Dn. Christiani Harilocher, Theologi apud Alcmarienses in Ecclesia Remonstrantium, in quo præsentì Viro magno D. Egberto Veen, Medico nostri loci curatio hæc peracta. Acum falcatam filo fortiore instructam cruciatim per labium affectum trajecimus, sic ut fila inter partem sanam & induratum continerentur, hinc sinistra manu filum utrumque, quatuor extremis gaudens, ita extendimus, ut, cultri acutioris ope, icu uno alterove, duram partem ab eo quæ sana separaverit dextra. Vulneri imposuimus, ut supra, lintheum combustum Spiritu Vitrioli madefactum, hinc Mel Rosar. cum aq. vitæ. *Job. à Meehren in Observationib.*

De globulo mobili inferioris labii.

Juvenis viginti tres annos habens, ostendebat mihi in labio inferiori tumorem rotundum, mobilem, parum dolentem, sed interea tamen satis molestum mole sua, quæ æqualis erat globulis illis, quos pueruli in lusibus suis adhibere solent; color à reliquo labio non differebat.

Patiens ante trimestre spatium, labium inferius suis dentibus momorderat, & ab illo tempore animadvertit hunc tumorem.

Jam temporis nemo ferè est, qui nesciat, quàm multæ exiguæ glandulæ non tantum per reliquas oris partes, sed etiam per labium inferius disseminentur, quarum una sine dubio à morfu læsa fuit ita, ut humores ex arteriola egressi, in glandula, occluso exitu, substerint, & sic glandula hæc parva in tantum tumorem excrevit, quantum in hac Observatione mox exhibui.

Quamvis hic tumor in praxi sæpius occurrat, tamen nemi-

neminem novi, qui ipsius causam explicuit, & unum tantum, qui ejusdem curâ exemplo proponit, nempe Jobum van Meeckeren Chirurgum Amstelodamensem, qui, nisi me mea fallat memoria, huic affectui nomen indit, quod Belgicè sonat *een steen tznoot*.

Sed quid miraris? num putas impossibile, glandulam tam exiguam ad talem magnitudinem posse pervenire? perpende, quæso, quantum unius & ejusdem uteri magnitudo differat in virgine & parturiente; perlege disputationem, quam Clarissimus Dominus Johannes Munnicks, Professor Ultrajectinus, anno 1678. die 20. Novembri publicè ventilandam proposuit, in qua narrat, virginis alicujus tubam uterinam tam latè extensam fuisse, ut centum & duodecim aquæ libras contineret.

Sed quid hæres? oportet, ut afferam adhuc unum experimentum, quod ad rem propositam propiùs accedit; ego nempe, ubi à frigore supra modum læsus eram, non rarò glandulas circa collum, quas in statu sanitatis tactu reperire non possum, in tantam molem excrefcere animadverti; ut ovum columbinum superarent.

Ut tandem ad curam properem, dico, quod medicamenta hic loci commodè applicari vel retineri nequeunt, ideoque sectione scalpelli simul & semel totum tumorem sustuli, vulnusque relictum solo melle rosarum sanavi. *Joh. Mays. in Praxi Chirurgica rationali.*

De affectu oris apud nostrates vulgo nuncupato de VVater-hantzer.

Puerulum biennem, qui jam per tres integros menses quartanâ laboraverat, non ita pridem invisi, ac inter ejusdem labium superius & gingivam inveni ulcus, quod ante quatrimum initium suum ceperat, satis altè sursum vergens, cavum, durum, dolens, nigricans & grave-olens.

Hujus nempe ægrotuli sanguis à cibo potuque acido & acrescente, nec non à quartana diuturna, multò, quàm par est, evasit acidior, atque ita non tam alibi substitit, quàm inter labium superius & gingivam, quia sanguis & humores ibi facile coagulantur ab aëre frigido per inspirationem admissio, nec non à reliquiis cibi inter dentes hærentibus, atque morâ suâ acorem contrahentibus.

Sanguis autem & humores stagnando tandem valde corrosivi evaserunt & sic Fibrillas labii & gingivæ non tantum vellicarunt valde, sed earum multas diruperunt etiam, atque hoc pacto exortum est ulcus altum, cavum, durum, dolensque.

Ut autem nigroris mox adducti rationem eò feliciùs investigemus, priùs referre libet, quod non ita pridem frustulum lintei candidi per microscopium meum conspexerim, & quod singulæ Fibrillæ, ex quibus fila contorta erant, glaciæ instar pellucidæ apparerent, sed unumquodque filum ex pellucidis istis Fibrillis conflatum album cernebatur, non aliter ac aqua apparet quidem pellucida, sed spuma alba, quæ constat ex multis aquæ superficiebus sibi invicem ita superpositis, ut multum aëris interjaceat.

Cum autem linteam hoc combusseram, non tantum tota fila, sed singulæ eorundem Fibrillæ oculo meo microscopio armato colorem nigrum offerebant, quia nimirum pori in linteo à vi ignis valde distorti sunt, & particulæ multæ sub forma fumi ex linteo avolarunt, sic ut radii solares in poris illis suffocati ad oculum meum non reflecterentur.

Et quod ignis in linteo effecit, hoc particulæ acido-corrosivæ præstiterunt in ulcere, dum Fibrillas dirum-

pebant, illarumque poros aliter figurabant, imo multas particulas ex ulcere sub forma vaporis avolare cogebant, ut manifestum erat ex fœtore.

Ut autem multis mirandi causam præripiam, quòd acidum ad nigritiem inducendam concurrere scribam; volo ut conspiciant, quàm bonum atramentum ex decocto gallarum conficiatur cum aceto, in quo limatura chalybis priùs infusa fuit; aut saltem malum citrium cultello dissecant, nam tunc mox cultellum egre- giè nigrescere videbunt.

Sola igitur ulceris graveolentia adhuc enodanda superest; ac ut prædicta comparatio hic loci mihi iterum inserviat, unumquemque olfacere jubeo ingratum odorem, qui in combustione lintei nostras nares plerunque ferit, nam quod agit ignis respectu lintei, idem operatur humor acido-corrosivus ulceris respectu, dum salis volatilis (quod magnâ copiâ in statu sanitatis continetur in partibus corporis humani, aliorumque animalium, ut destillatio docet) multas particulas corrumpit, illarum figuras immutat, ac ita easdem, solutis vinculis, quibus priùs alligabantur, avolare facit, quo tempore cum aëre, quibus se miscent, in nares propulsi fibrillas nervorum olfactui inservientium nimio tremore agitant, & sic animæ graveolentis odoris conceptus exhibetur.

Phænomenis hujus morbi in praxi tam sæpe occurrentis, & à nemine, quod sciam, hætenus bene dilucidati perspicuè satis explicatis, mihi perinde erit, an cum Hildano gangræna, cum Carolo Batto cancer, an verò cum Cornelio van der Voorden dicatur ulcus nomina, quandoquidem ego meras illas quæstiones de nomine parum admodum moror, qui nihil capto nisi res.

Hoc autem malum celerrime proserpit & brevi ægrum jugulare potest, sicut ego ante duos menses expertus sum in puella quatuor annorum, quæ quinto post morbi invasionem die ad me deportata fuit, adeò deformis, ut homini vix similis videretur, nam dimidia nasi, & quarta linguæ pars jam absunta erat, ac mala sinistra lapidis instar dura, magnoque foramine perforata, unde intra quatrimum juxta meam prognosin obiit.

His igitur sedato animo ponderatis sequens unguentum acido-corrosivo resistens præscripsi:

℞. Theriac. ʒiiss. ung. ægyptiac. ʒiiss. gum. laccæ Spir. salis armon. ana ʒij spir. cochlear. parum M. F. ung. quo cum pauculo spiritûs vini mixto calidè quotidie lavabatur sexies pars affecta, eique imponebantur lintea carpta eodem medicamento imbuta, atque hoc solo remedio non tantum hunc puerulum, sed etiam plures alios feliciter ac intra breve tempus sanavi. *Idem ibidem.*

De labio leporino.

Puella semestris jam à nativitate sua laborabat labio leporino, hoc est, fissurâ hiante labii superioris, formam puellæ aliàs haud adeò deformis miserè dehonestante.

Pater meus accersitus labium liberavit à partibus adjacentibus, ut extremitates melius ac facilius ad se invicem appropinquarent; deinde utramque labii fissi extremitatem sufficienter excoriavit, ac univit, unitamque servavit tribus acubus argenteis, circum quas fila decussatim ducebantur, ut acus in situ suo retinerentur; interim cuspidēs acuum abscissæ sunt instrumento idoneo, quia metus erat, ne illi aliàs stragulis, aliisve rebus infingerentur, & sic carnem, cutinque dilacerarent & exciderent, sicut id ipsum contigisse recorder.

Octavo die acus extractæ fuerunt, ac utraque labii leporini extremitas prorsus coaluerat ac conspiciebatur unita, sanguine scilicet ac humoribus ab una extremitate in aliam circularem suum motum peragentibus. Foramina autem ab acubus producta nonnihil puris adhuc fundebant, procul dubio non alia de causa, quam quod acus nimis diu labiis infixæ permansissent, quare pater, ubi postea similem affectum in aliis curavit, citius exemit, & quia acus argenteæ non minus quam chalybeæ tanguntur rubigine, in locum argentearum substituit acus confectas ex chalybe, quia hæ carnem cutimque facilius perforant.

Clarissimus Sylvius vult, ut labium leporinum absque acubus sanetur sola ope emplastorum; atque chirurgum quendam ægrotulos nonnullos hoc pacto sanasse inemini.

In infantibus semestribus hæc operatio plerunque exercetur, nam juniores si sint, carnem adeo mollem habent, ut illa minima de causa laceretur ab acubus in hærentibus, ac in ætate magis matura labii fissi extremitates tam prompte non coalescunt.

Sed unde fit, ut infantes labio leporino deformati aliquando ex utero prodeant in lucem? plerique mirabilem hunc effectum adscribunt matris imaginationi; verum hanc aliquid hic efficere alii iterum negant ac pernegant. In ovo gallinaceo ante incubationem pulum jam-jam formatum per microscopium conspici posse perhibent; volunt que eodem modo in ovo humano, ex quo nos generari statuunt, corpusculum jamjam formatum contineri, sive illud sit integrum, sive labio leporino affectum; atqui res hoc pacto nondum satis dilucidatur, ratio addi deberet, cur in uno ovo humano corpusculum labio fissio laborans generetur potius quam in alio, sed hæc penitus inquirere, ad praxin parum aut nihil conducit, ideoque hoc labore superfedebimus. *Idem ibidem.*

Mira Labiorum intumescencia Clariss. Joh. Henrici Hottingeri,

Miscell. Curios. Decur. iij. Ann. 9. & 10.

Filia honesta, parvæ staturæ, ac emaciata, XVI. annum agens. Anno 1701. Mense Februario, cælo pluvioso ac nubiloso, plateam perambulavit, insciâ ipsâ; Labia, superius & inferius derepente ita intumuerunt; ut farcimina ferè æquarent, colore intensè rubente, imò ad livorem inclinante, nullam tamen tensionem, dolorem, aut aliud incommodum passa est; hinc animis Parentum ac Propinquorum tenacissimè infixæ hæsit opinio, deformitatem hanc à fascinatione productam fuisse, cum nulla satis apparentia naturalia adfuerint indicia. Sed diligentius & exactius examinata, ingenuè falsa est, duos vel tres Menses demum ab imperigine ac ulcusculis colli manantibus fuisse liberatam, Lunareque tributum nondum persolvissè. Facilis hinc fuit conjectura, tum ab istis suppressionibus, congregatione plurimarum particularum heterogenearum salutarum, acidarum in massa sanguinea stabulantium, quam & ipsa Plethorâ originem suam traxissè. Succurri itaque Remediis materiam hanc evacuantibus, sanguineam massam edulcorantibus, imò & Emenagogis; Externè Sacculum discutientem ac resolventem applicui. Evanuit hinc tumor planè intra quatuor dierum spatium, eodem, absque dolore, vel tensione, modo, vel aliquo stigmate relicto; Sed non diu moras egit, recurrebat enim unius mensis revolutione, iisdem circumstantiis, ipsa non percipiente; Hostem hunc iisdem ferè aggressus sum armis, quem, sed cunctantiùs, vici: Institi sed incassum, pharmacis menses provocantibus, massam

sanguineam massam, torpidamve excitare laboravi: Tumor quidem erat sedatus, sed rivuli uterinum fundentes cruorem operi perseverarunt. Ulterius Medicamentis uti recusabat, cum optima se nunc perfrui valetudine assererat: Quanquam confirmata reconvalescentia, non nisi Mensibus sine dubio brevi tempore, fluxuris, sit speranda.

De Labiis per resectionem decurtatis, eorumque reparationis modò, vide sub titulò, Caro ablata quomodo restituenda.

LACHRYMATIO *Vid. EPIPHORA.*

LACTIS VITIA, & LACTATIO LÆSA.

De his consuli potest Bibliotheca Medico-Practica.

LAGOPHTALMOS.

De hoc morbo scribit Clariss. Hieronimus Fabric. ab Aquapend.

QUando oculus non contegitur à palpebris: Si vitio superioris palpebræ id accidit, *λαγοφθαλμὸς* Græci dicunt: Provenit autem hic morbus, vel quia nimium excisæ cutis est in curatione Palpebræ laxatæ ac super oculum corrugatæ; vel, ut Paulus ait, ex imposito supra palpebras causticò medicamento; ex immodicâ scilicet ustione, vel aliâ de causâ. Si igitur plurimum palpebra deest, nulla id restituere curatio potest: Si verò parum, mederi licet. Ac propterea paulò infra supercilium cutis incidenda est, lunatâ figurâ, cornibus ejus deorsum spectantibus. Altitudo plagæ esse debet ad cartilaginem usque, id est ad substantiam palpebræ membranæ, quam Celsus, ut video, Cartilaginem nominat. Ego autem addo esse potius vitandum subjectum palpebræ musculum orbicularem, qui scilicet cuti proximè subjectus est, qui lædi non debet, alioqui palpebra concideret, neque amplius attolli posset. Attamen diducenda incisio est, & linamentum adjiciendum, ut apertum vulnus ita carne repleatur, ut palpebræ oculum operiat. Quæ Chirurgia, ut videtis, primùm obsoleta est, quia magna: Incidere enim ab unò ad alterum angulùm, non est exiguum inferre vulnus; quod si magnum est, ex Celsò, periculum infert: Deinde alterum incommodum illius Chirurgiæ est, quod refert Celsus lib. 3. cap. de Pilis palpebrarum oculum irritantibus: Inquit igitur; si quidem sub hac Chirurgiâ duo circumstant pericula; si nimium fuerit excisum, non contegi oculus possit; si parum, ne nihil actum sit. Ego propterea hujus chirurgiæ vice, mitiorem, imò mitissimam excogitavi, quæ glutino perficitur. Glutinum autem, de quo hic, secundum Autorem nostrum, ex multiplici paratur materiâ, quæ omnis glutinosa est, tenax, & astringens, unius modi sunt pulveres ex thure resinoso, mastiche, bolò armenâ, sarcocollâ, quibus ad prohibendam madefactionem ex sanie, admiscetur colophonia, aut resina picea, aut aliud. Dum prius interim pulveres semper ovi albumine excipiuntur, ad mellis crassitudinem.) Applicetur igitur glutinum, quod duas, aut tres habenulas suspensas habeat, ad superiorem palpebram, & aliud ex adversò respondens, ad alteram; & alligentur habenulæ sibi invicem adversæ, & subinde valentiùs adstringantur, trahanturque; ita enim distendi, & inferior ad superiorem palpebram adduci, & oculum regi tandem necesse erit. Quod si etiam aliud glutinum statim supra supercilium applicetur, cum suis habenulis, & aliud deorsum illi respondens

agglutinetur, trahanturque, & alligentur invicem habundantia, erit & hoc aliud præsidium, distentionem superioris palpebræ adjuvans, per supercilii & frontis cutem deorsum protensam. Quæ Chirurgia, uti mitissima, ita tutissima & felicissima est.

LAPIDILLUS.

Vid. sub titulo *Calculus*, ubi scilicet de *Lithotomia*.

LAQUEI CHIRURGICI.

LAquei apud antiquos varia obtinere nomina; unde alius est nauticus, alius pastoralis, alius lupus &c. apud nos alius audit textorius &c. Usus eorum est, primum, ut post sectionem herniarum, quæ per ablationem testiculi fit, peritonæi processus rectè constringatur: deinde cum vena est secanda, sanguinis: ad fontem recursus iisdem inhibetur, quò possit vena intumescere: item ad intercipiendum sanguinem ex arteriis & venis, fluxurum, ubi sectio profundior est instituenda: Traducitur enim acûs magnæ, & nonnihil incurvæ beneficiò, crassum filum; quò fortiter adductò angustantur vasa majora, ne sanguinis effluxus turbet operantem chirurgum. Varia quoque per laqueos ligaturæ instituuntur. 1. cum membrum sphacelatum amputandum est: Insuper 2. ad dolorem inserviunt extremis artubus excitandum, quò sanguis nimium fluens revellatur: Item 3. ad extendendum luxatâ, vel fracta ossa majori robore: Tandem 4. ad retinendas ferulas adhibentur. *Hæc Clariss. Joh. van Horne in Microtechnæ.*

LARYNGOTOMIA. Vid. BRONCOTOMIA.

LEPRA ARABUM. Vid. ELEPHANTIASIS.

LEPRA GRÆCORUM. Vid. IMPETIGO.

LEUCE. Vid. IMPETIGO.

LEUCOMA. Vid. CORNEÆ VITIA.

LICHEN. Vid. IMPETIGO.

LIENIS MORBI.

Generalis horum morborum deductio, post partis istius explicationem, anatomicam, videri potest in Bibliothecâ nostrâ Medico-Practicâ. Hic tantum super tumoribus variæ naturæ, aliisque ad Chirurgiam magis pertinentibus per Curationes aliquot, Consultationes, ac Observationes agemus.

CURATIONES.

Tumor Splenis.

Splenis tumor laxus, & distendens, si à succo vitriolato, quem vulgus facem Melancholicam vocat, propriè melanagogis deturbatur. Talia sunt extractum Ellebori nigri. It. Extractum senæ aliaque composita Extracta cum Essentia Epithymi, polypod. Cuscutæ, capparum, scolopend.

Universaliter tamen has fæces exturbat Mercurius dulcis (qui ad miraculum usque operationes perficit.) Item panchimagogon Quercetani, cujus iusta dosi existente necessitate data multum valet, præsertim si acuat cum Mercurio vitæ ad gr. ij. Merc. dulcis gr. xvi. Merc. vitæ longa trititione miscendo, & postea cum Extracto Ellebori nigri in pilulas formando.

In hoc casu Pilulæ istæ exhibendæ sunt post mediam noctem, repetita altera atque etiam tertia nocte, vel eadem, vel aliquantulum immutata dosi. Præstant simul in hac cura, quemadmodum in cæteris splenis affectibus, in vino maceratae radices filicis, quæ ab innata proprietate hujus visceris affectus curat. It. in victu quotidiano admisceatur Galiopsidis seu lamii pulvis propter dispo-

sitam proprietatem, quam habet ad morbos lienis: Itali Milzatellam vocant; (auffdem Haberacker.)

Externè, si opus fuerit, applicetur tale vel simile Cataplasma.

℞ Rad. Cucumeris asini, bryoniæ an. ʒj. scillæ Num. j. rad. liliorum albor. bulb. j. sem. malvæ, althææ, fœnugræci, an. p. j. lini p. ij. flor. althææ, Malvæ, mercurialis, parietariæ, an. Mj. rad. betæ albæ Mß. Decoque omnia in aqua ferrariorum cum sexta parte aceti, & F. Cataplasma, vel etiam fotus ad regionem splenis. Huc referantur Emplastra usualia.

Si distensio à flatibus, à purgantibus abstinendum quidem, sed insusum radicis filicis cum pauxillo senæ sufficiat, præsertim, si semina carminativa simul adjecta fuerint.

Extrinsecus valent inunctiones ex oleo rutæ, capparum, liliorum alborum cum pulvere seminis agni casti, ceterach, corticibus capparum, ad justam consistentiam mistis.

Quòd si dolor vehementior urget, cappares contusi & in forma Emplastri exteriùs applicari dolorem subito tollunt.

Obstructio Splenis.

In obstructione lienis statim corpus ab initio leniendum sequenti syrupo:

℞ Rad. ellebori nigri præparat. ʒiß, herbæ scolopendriæ M. i. Cuscutæ Mß. fol. senæ Alex. s. s. ʒjß, galurgæ ʒjß. zinziberis ʒj, sem. anisi ʒß, medull. Cistiti ʒii, Epithymi ʒß. Infundantur in decocti aperitivi. s. q. per noctem: manè coque ad ʒviii, exprimantur & colentur. In colatura infunde rhabarbari elect. ʒiii. Cinamomi ʒj.

Colaturæ adde syrupi de ʒ. radicibus & de absinthio an. M. pro tribus dosib. matutinis.

Inungatur latus sinister calide manè & vespri Unguento sequente.

℞ Unguenti Agripp. ʒj. ol. de capparibus ʒß, lauri ʒjß. M. Quod si fortè ad primam dosin syr. istius liquidioris non respondeat satis alvus, tum seq. addi potest ex pulvere, qui

℞ Spec. diaturnbit. cum Rhabarbaro ʒj. Diagrydii gr. iij.

Quibus peractis, si vires permittant, & reliqua, incidatur vena interna brachii sinistri, & plenitudinis ratione emittatur sanguis, Hinc per bidduum utatur seq.

℞ decocti aperitivi majoris ʒviii. oxymel. Elleborati ʒiij, syr. de betonica; de ʒ. radicibus ana ʒiß. aq. fœniculi, Cinamomi an. ʒiii. sp. vitrioli ʒß, salis scolopendriæ ʒj, M. Pro 4. dosibus. Interim fiat Apozema:

℞ Rad. fœniculi, petroselinæ an. ʒß, asari, sarsaparill. an. ʒiii. herb. agriemoniæ, Ceterach. Cuscutæ. Scolopendriæ an. Mß. sem anisi ʒß. fœniculi, Coriandri præp. an. ʒj. flor. borraginis, buglossæ, betonice an. p. ij. passularam ʒi. Decoque ad ʒj. in s. q. aq. simplicis: Colaturæ adde syr. de ʒ. radicibus ʒij. de Cichorio cum Rhabarbaro ʒß. oximelitis elleborati ʒiv. f. apozema pro ʒ. dosibus. Singulis v. dosibus, horis duabus ante & post cenam addatur Electuarium, quod

℞ Conservæ fumarie, betonice, buglossæ ana ʒiß, Cort. aurant. Condit. ʒß, Extracti scolopendriæ, Croci Martis nostri an ʒiii, ocul. Cancr. præparat. Salis Corall. an. ʒj, C. C. usti, spec. arom. rosat. an. ʒjß. cum syr. de scolopend. q. s. F. Electuarium, de quo capiat ad magnitudinem castanæ.

Potus sit Vinum, aut aqua hordei chalybeat.

℞ Vini aut aq. hord. ʒj. vi. infunde in cineribus calidis Martem, aut Croci Mart. ʒj, Cinam. ʒiii. stent

stent per 8. noctes in vase bene clauso ; hinc colentur. De colatura capiat ad libitum , aut utatur vino vel potu , in quo concocta aut macerata sint sequentia , aut , quod melius est , sequentia sacculo inclusa cum vino novo aut cerevisia deferveant.

℥ Rad. polypodii ℥iiss ; herbæ fumariz , melissæ , rorismarini , Cuscutæ an. Mij ; Cort. radices Capparium , Tamarisci an. 3vi. fol. linguæ Cervinæ Mii. tart. albissimi 3j. M. Prodest quoque Extractum splenis bovis eo modo præparatum , ut infra de suppressione mensium describitur.

Quod si morbus in scirrhum abiit , iisdem medicamentis addi possunt pilulæ , quæ sunt sequenti modo.

℥ Gum. ammoniaci 3ii. dissolve in acet. & per pannum rarum trajiciantur. Adde aloes succo rosar. nutritæ 3ß. salis absynthii 3ij , incorporentur omnia & F. Massa, conservanda in aluta madefacta oleo anisi, de qua per intervalla.

℥ 3ii. ad 3j , & F. Pilulæ: Prodest quoque sequens aqua assumpta.

℥ Rad. raphani sylvestris ℥iiii. polypodii quercini ℥jß. sem. fœniculi 3i , Cardamomi 3ii. radices inciduntur & reliqua contundantur & infundantur in Vini vet. ℥ xv. stent in loco calido per tres noctes vase quotidie bene agitato. Deinde adde aq. nasturtii aquatici, bardanz , fumariz an. ℥ii , feri lactis destillati ℥jß , destillantur in lento igne per curcubitam , dosis haustus unus vel per se , vel cum syr. aliquo. It. Fiat ex nasturtio , Bardana & Fumaria recentibus in mortario lapideo succus , qui depuratus ad usum servetur cum aliis miscendus aut ad syrupos coquendus.

Ad lienis regionem , ubi sentitur tumor , applicetur Emplastrum ex Ammoniaco in aceto scillitico soluto , prius tamen foveatur locus sequenti fomento.

℥ Herbæ scolopendriæ , meliloti an. Mjß , flor. Chamomilæ , anethi , genistæ an. Mj , sem. filicis 3ß. Decoq. in f. q. Vini albi , aq. & aceti ana , usque ad consumptionem mediæ partis , cum hoc decocto foveatur locus spongiis manè & vesperi.

Ad confortationem lienis maximè confert Electuarium sequens , aliàs Electuarium Solenandri dictum

℥ Passularum majorum ℥ß.

Coque in vino generoso ad pultis consistentiam , excerne per seraceum & admisce conservæ anthos.

℥ Corticum citri condit. pulveris Cinam. an. 3j. spec. aromatici rosar. diamargariton. calidi , diacinamomi an. 3ij. ligni aloës odorati 3ß. Croci oriental. vel essentiz ejusdem 3ß. M. Capiat ad libitum magnitudinis Castaneæ.

In pastu sæpius utatur capparibus & foliis genistæ muriâ condit.

Potest quoque offerri Diacapp. in tabulis.

℥ Diacapparum & croci Martis an. 3i. sacchar. in aqua scolopendriæ soluti 3iiii. F. f. a. Tabulæ de quibus sumat manè unam & 3. horas post pastum.

Non incommodum quoque erit exhibere sæpius tartarum vitriolatum , & crem. Tartar. spiritum ejusdem & tincturam , cui succenturiatur Vinum Martiale , pulvis cachecticus , sp. Vini tartarizatus , adjunctis simul externis , aliàs nihil efficientibus. In primis Emplastrum de cicuta de quo supra tart. vitr. primas tenet modò præcesserint mitiora aperientia , præsertim in scirrhu inveterato.

(Tincturam spleneticam vide infra de calculo.) Fomentum pro Hypochondriis :

℥ Rad. althææ ℥ß. bryoniæ , Cucum. agrest. an. 3iii. apii , petroselinii an. 3ii. Cort. & rad. Capparium , Tamarisc. an. 3i , fol. hederæ , sambuci an. Mij. Ceterag. Mj. sem. agni casti , abrotani an. 3ß. fl. genistæ , Chamomillæ , melilot. an. p. jß. F. Decoctum.

℥ Ol. capparum , amygdalarum amararum an. 3jß. Tartari 3i. Gum. bdellii ; ammoniaci dissoluti in acet. scillitico an. 3vi ; Ceræ tantillum. F. linimentum.

Inveteratam plerumque dissolvunt deobstruentia hepatis , in primis quæ a Marte suppeditantur specifica : spir. vitrioli hic multum prodest : acidulæ ejusmodi obstructions facile tollunt.

Scirrhus Splenis.

In scirrhu splenis dextrè curando , præsertim , si inveteratus fuerit , solers cura maximopere requiritur. Nihilominus , si quæ huic visceri scirrhum passio convenientia adducenda sunt , ante omnia ab initio acquirenda sunt mitiora imprimis aperientia. Tartarus vitriolatus inter omnia talia principes partes obtinet , cui succenturiatur quasi Vinum Martiale. It. pulvis Cachecticus ; postremo omnium spir. vitrioli tartarizatus. Hæc autem omnia parum aut nihil proficient , nisi deinceps externa quoque in subsidium eant.

Mirabile est Emplastrum de succo cicutæ & de succo Mandragoræ (succus Mandragoræ ebur dissolvit ; hinc a Medicis recentioribus in usum introductus) si utrique cum ammoniaco distemperati fuerint. Vide quæ supra de scirrhu hepatis dicta sunt.

Inflammatiô Lienis , Abscessus , Ulcus.

Inflammatiô lienis , abscessus , & ulcus eandem requirunt curam cum hepatis affectibus. Joh. Hartmann. in Praxi Chymiatrica.

De Tumore lienis.

Affectus sensibus patet. Indicationes sunt , obstructionum referatio , tumoris emollitio & discussio.

Conveniunt hîc purgantia , viz. cum granis Angelicæ sequentibus , de quibus sumat gr. xii. dimidia horæ quadrante ante levem cœnam , & manè sequente sumat potionem sequentem.

℥ Fol. fenn. 3iiij. pulp. tamarind. 3vi. flor. cordial. p. ij. sem. coriandr. 3j. coq. in aq. font. q. f. Incolat. infund. cassi recent. extract. 3j. rhabarb. 3j. macis 3j. Post infusion. adde mann. 3j. M. F. potio.

Repetatur purgatio septimo quoque die. Grana Angelica per se sumi possunt tertio quoque die , & sic componuntur.

℥ Sen. 3ij rhabarb. 3j. irrorentur succo limonior. affund. infusion. novæ rosar. pallid. 3xii. sal. tart. 3ß. stent in infusione per biduum , f. colatura & expressio fortis , in qua dissolvatur aloës è vesica 3iv. f. exhalatio , addendo mastiches 3ß. pulver. coriandr. scital. citrini an. 3ij. coagula ad pilular. consistentiam.

℥ Gumm. ammon. aceto scilicet solut. & inspissat. 3ß. sagapen bdell. eodem modo prepar. an. 3ij. myrrh. 3iv. croc. 3j. pulv. stomach. 3iiß. sal. absynth. arthemif. tartar. vitriol. an. 3j. syr. beton. de alt. ana q. f. f. massa pilularis.

℥ hujus massæ 3ß. anim. hepat. gr. v. f. pil. 3. deaurand. manè hor. 4. ante prandium , superhausto alæ maciatæ saccharatæ momento , supperambulando. In lecti ingressu sumat 3ß. sine anima hepatis. Continuetur per septimanam aut diutius.

℥ syr. Martial. 3ß. aq. absynth. 3j. aq. pomor. redolent. 3ii. aq. cinam. gutt. iv. M. f. Julap. exhibend. manè hor. quartâ ante prandium. Postea augeatur syrupi quantitas ad 3vi. Interim tertio quoque die sumat granor. angelic. gr. xii.

℥ syr. de cihor. simpl. de quinque rad. ana. 3i. de alth.

alth. Fernel. ℥iii. viol. beton. ana. ℥iiiss. spir. vitrioli & salis in æquali portione mixt. q. f. ad gratam aciditatem Mf. pro dos. 14. bis in die sumendis longè à pastibus ex posseto alterato fol. tamarisc. ceterach. ling. cervin. viol. borrag. bugloss. & meliss.

Si opus sit clytere propter alvum astrictam,

℥. fol. agrimon. m. ii. chamæm. totius m. j. summit. absynth. p. ij. ros. rubr. furfur. macr. hord. integr. ana. p. jss. Coq. in posseto & cola. de colatura.

℥ ℥xii. adde syr. viol. sacch. rub. ana. ℥iiss. vitell. ovor. numero 2. Mf. f. Clyster.

℥ Rad. alth. ℥iii. cichor. taraxac. rub. tinct. rec. ana. ℥ss. rasur. corn. cerv. ebor. ana. ℥iii. cicer. rub. cappar. à sale mundat. uvar. Corinthiac. ana. cochl. j. Includ. ventre junioris galli, qui confusus elixetur cum frusto carnis vitulin. addendo sub finem fol. endiv. bortag. bugloss. chærefol. calend. cum flor. ana. p. jss. poma redolentia secta cum cortic. numero 3. inacis florem unum aut alterum, reduc. ad ℥xxx. pro tribus jussulis, in quorum singulis dissolve crem. tartari ℥ss. gum. Arab. gr. xxiv. Capiat tribus horis ante prandium.

℥ Rad. cynogloss. alth. lil. alb. bryon. cort. med. ulm. ana ℥ii. fol. malv. parietar. cicut. chamæd. ceterach. ana. m. j. summit. rut. flor. chamæm. melilot. an. p. ii. flor. centaur. hyperic. an. p. iiss. sem. malv. ℥ss. lin. ℥j. Incidantur & bulliant in cacabo cum ol. commun. axung. suill. ana. ℥bj. medul. crurum bovis ℥ss. vin. Canarin. ℥bjss. acet. scillit. ℥ss. ad liquorum consumptionem, & specierum putrilaginem. Exprime & separetur pars purior à crasso, quocum friceatur pars affecta manè & vesperi manu calida per horæ quadrantem superposito linteo calido.

Fotus sequens usurpari potest ante usum linimenti, viz.

℥ Rad. alth. cort. med. ulm. sambuc. ana. ℥iv. heder. fraxin. rad. bryon. utriusque enul. irid. nostrat. ana. ℥iii. lign. rhod. cortic. aurant. citr. ana. ℥ii cynogloss. totius m. iii. fol. rut. chamæm. hyperic. centaur. min. cum toto tamarisc. ana. m. j. scabios. malv. parietar. ana. m. jss. flor. genist. sambuc. eupator. Mesues. summit. abrotan. utriusque an. p. iij. sem. agn. cast. nigell. Roman. ana ℥i. bacc. laur. junip. ana. ℥x. Concisa includantur sacculis quatuor oblongis mediocriter latis, quibus decoctis in duabus partibus aq. fabror. & una vin. alb. addit. acet. vin. alb. accerrimi ℥ss. f. Fotus toti hypochondrio sinistro per hor. unam.

Præterea conveniunt quoque Cataplasmata emollientia & discutientia: Item Emplastrum de cicuta cum Ammoniaco.

Profunt quoque cerevisiæ medicatæ in aliis viscerum obstructionibus descriptæ. *Theod. de Mayerne Prax. Med. lib. 3.*

De obstructione Lienis.

℥. Gummi. ammon. ℥j. resin. scammon. gr. viiij. sal. lapid. hæmat. gr. v. M. f. pilulæ num. v.

Vel ℥. Gummi. ammon. extracti hellebor. nigr. & fumaris an. ℥ss. resin. scammon. ℥j. sal. fraxini gr. xv. olei still. myrrh. tartar. an. gut. v. M. f. massa pilularis, dos. ℥ss.

Seu ℥. Gummi. ammon. galban. an. ℥i. sal. hæmatit. ℥i. olei still. tartar. gut. viiij. M. f. massa pilularis, dos. ℥ss. vesperi.

Elixiria. ℥. tinctur. lapid. hæmatit. spir. gummi. ammon. tartari an ℥j. M. Dos. gut. xv. in decocto fol. scolopendr. & polypod.

Conditum. ℥. Pulp. passul. ℥ij. extracti absinth. & funa. an. ℥ij. sal. lapid. hæmatit. ℥ss. olei myrrh. tartar. an. ℥ss. M. f. conditum. Dos. mane & vesperi à ℥j. ad ℥ij.

In India. ℥. Extract. fol. fenn. ℥j. resin. turbit. gr. viiij. sal. cinnam. vitriol. gr. x. sæcular. Aronis ℥j. conserv. flor. tamarindor. ℥ij. M. f. bolus.

Vel ℥. Pulp. passular. ℥ij. conserv. flor. tamarind. ℥j. syr. rhei & syr. chalybeati an. ℥ss. M. Dos. à ℥ij. ad ℥ss. mane & vesperi.

Vel ℥. Marmaladæ spleneticae ℥ij. Dos. ℥j. ad ℥ij. bis in die.

Externa. ℥. Unguenti althææ ℥j. gummi. ammon. ℥ss. olei lign. guajaci, tartari an. ℥j. sacchar. saturni ℥j. M. F. linimentum. In India præprimis usu se commendat nostrum unguentum splenicum.

De Scirrho Lienis.

℥. Gummi. ammon. opopanac. bdellii. an. ℥j. resin. Jalap. ℥ss. resin. guajaci ℥i. mercur. dulc. ℥j. ol. still. tartari ℥j. myrrhæ stillat. ℥ss. M. f. massa pilularis. Dos. ℥j. quæ semper alterno vesperi usurpetur. Interim posunt potus aperientes, communis vice bibi, & herbæ spleneticae vino aut cerevisiæ debito modo admisceri.

Pulvis. ℥. Tart. vitriol. nostri ℥ss. sal. essential. tartar. fraxini an. ℥ss. M. f. pulvis pro una dosi.

Vel ℥. Magister. tartari ℥j. sal. lapid. hæmatit. gr. vi. M. pro una dosi.

Sive. ℥. spir. gummi. ammon. tartar. essentia martis an. ℥j. M. Dos. à gut. x. ad xii.

℥. Elixir. balsamici ℥j. spir. gummi. ammoniaci, tartari an. ℥ss. essent. martis ℥j. M. Dosis anteriori similis.

In India. ℥. Elixir. proprietat. ℥j. sp. lign. ebeni, gummi. ammon. an. ℥ss. essent. martis ℥i. M. Dos. ℥j.

Spir. salis ammoniaci acidus, propter contentum in se volatile sulphur metallicum, si debito modo & tempore ordinario potui, vel communi aquæ loco acidularum, admiscetur exoptatè operatur.

Externa. ℥. Emplastr. de mucilaginis. ℥ij. de meliloto ℥j. olei tartar. fetidi lign. guajaci an. ℥ss. sacch. saturni ℥ss. M. f. emplastrum.

In India. ℥. Gummi. ammon. galban. an. ℥j. olei galban. destill. lign. ebeni an. ℥j. de caparib. ℥ij. amalgam. mercur. ℥ss. ceræ ex baccis cinnam. ℥ij. ceræ citrinæ q. f. M. f. artis lege emplastrum.

Inflammationes lienis eodem modo, quo hepatis, tractentur. *Hartmann. Nicolaus Grimm, Compendii Medico-Chymici lib. 3.*

Consultationes.

Pro Egregio Viro scirrho lienis laborante.

Quod tumor in hypochondrio sinistro egregii viri sit de serie scirrhorum, suadet insignis ad tactum durities percepta, quod verò talis existat exquisitè, ex absentia doloris liquet, & quamquam molestiam aliquam cum sensu gravitatis ad partem illam percipiat ager, hoc tamen in sensum partium loco laboranti adjacentium, referendum existimo, tumor enim pensilis factus, egregio viro stante, atque etiam insidente, distrahit, ac deorsum partes trahit circumfusas, ut sensus ille gravitatis necessariò fiat.

Cæterum tumorem hunc lienem occupare, præter illius positum; habitas ipsius lienis ad hujusmodi tumoris generationem suadet, lien etenim, qui & sanguine crasso, ac sæculento nutritur, quique pluribus vasis est refertus, faciliè hoc morbi genus, ut unicuique patet, incurrere potest, & quamvis musculi abdominis ea in parte sint superpositi, eos tamen minimè affectos esse existimo, quando tumor non partibus extimis: sed paulo profundioribus observetur.

Hujus tumoris principia, & modus generationis ad curationem primum investiganda. Quare duo propono principia,

cipia, succum videlicet melancholicum, necnon pituitosum crassum, & lentum, illum à jecore, hunc autem à ventriculo ad lienem transmissum, tanquam ad locum non tantum ex propria natura imbecilliolem, ut tactum fuit, verum etiam ex accidenti ob intemperiem frigidam excitatam. Porro succus ille melancholicus propriam habuit originem à jecoris intemperie calida, necnon ab alimentis paulo crassioribus, quibus patiens usus fuit, qui cum interea sit habitus, ac temperamenti melancholici (cum tamen prius à primordio ortus fuerit naturæ biliosæ) sine dubio & jecur succi melancholici ferax habet, quare & illud ipsum fervidius existere oportebit, nam succus hujusmodi ex omnium sententia à nimio calore jecoris generatur.

Cum itaque hoc verum sit, & ventriculum justo frigidior, atque ad gignendum succum pituitosum in egregio viro maxime aptum esse, necessario quoque fateri oportet: nam præter id, quod jecur fervidius substantiam calidi innati ipsius ventriculi depopulari ab omnibus proponitur, sæpe etiam accidit, ut cruditates in ventriculo genitæ, ibique retentæ intemperiem cognatam inducant & ob id ipsum frigidior reddant: cruditates autem hujusmodi gignuntur triplici de causa. Prima, quia fervore à jecore ori superiori ventriculi impertito patiens sitibundus evadit, unde plurimum potum assumens insignem occasionem humores crudos in ventriculo gignendi sibi met impertitur; accedit quod jecur fervidius justo, difflando fumos in ventriculum emittit tempore concoctionis, ut coctionem ipsam labefactari sit necesse, à coctione autem vitiata occasio cruditates coacervandi exoritur, quod accidit & ob humoris melancholici præsentiam, quia suâ naturâ frigidus, & siccus, coctioni, quæ sit in calido ac humido reluctatur; Ut his omnibus rationibus facile sit intelligere ventriculum in egregio patiente sine dubio frigidum esse, quod pariter ex potu aquæ pregresso colligi potest.

Verum quoniam (quod attinet ad scirrurum) ex Galeo quinto Simpl. triplex est scirrorum modus generationis, per repletionem primus factam à copia materiæ; per siccationem secundus à causa valenter siccante ortam ac per concretionem postremus ob frigiditatem inductam, cum in proposito casu præcesserit intemperies frigida lienis, jure optimo scirrurum hunc per concretionem ortum fuisse sancire oportet, quamquam etiam & repletionem quoquo pacto locum habuisse non dubitem, à qua repletionem obstructions fuere subortæ, à quibus propagata materia per parenchyma lienis tumor fuit aliqua ratione suscitatus; Causa verò illius frigida intemperiei potus extitit frigida, tamen si eadem lienis intemperies, sed intra latitudinem sanitatis veluti à primo semine substituerit, ut referunt. Utrum autem gelida potus possit lienem potissimum immutare, colligo ex mente Divini Hippocratis qui lienem in humano corpore locum aquæ constituit, & sanè summa cum ratione: quia lien præter id, quod est receptaculum humoris melancholici, cujus Comes perpetuus est ichor, ut Divinus idem Hippocrates sanguinem melancholicum aquam dixerit, laxus adhuc, rarus ac pluribus vasis refertus, vel facile tenui liquore; facileque penetranti, ut est aqua, imbui potest, ut non sit mirum si potus ille morbosam illam intemperiem in lienem introduxerit. Atque hisce omnibus causis varia ac penè innumera errata in omnibus ferè rebus non naturalibus, at præcipuè in alimentis improbis assumptis, in intempestivo, ac nimio motu corporeo, usuque crassioris aeris perpetrata adjuvare teneor.

Quare si egregio patienti (ut pietas Christiana suadet) est succurrendum, oportet lienem & ventriculum calefacere, jecur refrigerare, prius tamen obstructions per attenuantia, ac detergentia, incidentiaque emenda-

re, materiam impactam, præmissa emolitione discutere, sed ante hæc iterum, atque iterum toti prospicere est necessarium.

Verum quoniam scirrurum exquisitus, ut est ille, de quo interim agitur, materiis Medicis non cedit, quoniam pars laborans facultate regente, quæ est morborum medicatrix destituitur, scopos propositos attingere haud licebit, & eo magis quoniam plura viscera sunt malè affecta, ac tolerantia, quæ omnium signorum salubrium sigillum existit, quàm maxime desideratur, quando vires totius corporis in dies magis ac magis languere videantur, quod & ætas egregii patientis inclinans permittit; Sed quoniam ipse prudens, ac obsequens est, & morbus de genere eorum tractatur, qui etiam si non sanentur, ægros tamen (si bene hi à Medicis tractentur) non interimunt, spero saltem futurum, ut à majori calamitate, hydropica nempe passione mox imminente præservetur; quamprimum idcirco materiis præsidiorum est ipsi succurrendum.

Si de chirurgicis igitur sit cogitandum, nunc postquam affectus est ferè confirmatus, missionem sanguinis ex partibus infernis, interim verò ex talo sinistro per sectam venam; Autumno futuro ex venis podicis per hyruidines applicitas probo; fonticulum etiam laudo in parte domestica femoris sinistri gestatum, immisâ pilâ cereâ helleboro nigro, & Agarico refertâ; sicuti & plures inustiones ad lienis regionem factas, vesicatoriaque adhibita non improbo, & eò magis ubi ulcera excitata diutius quàm fieri poterit asserventur.

Pharmaca respiciunt materiam tum in totò tum in parte determinata, necnon & viscerum discrasias; Quapropter si de prioribus sit sermo, lenita alvo cum syrupo de polypodio Magistri Augustini vocato, & melle rosato solvente, quod ex succis dicitur; præparatisque humoribus decocto in jure columbi turrialis parato, betonica, lupulorum, fumaris, Ceterac, Agrimonii, cicorii, & passularum, adjecto syrupo de cicorea composito, & bisantino cum aceto, vel oxymelle composito, deturbandi ultimo loco sunt iidem humores infuso Agarici, hellebori nigri cum syrupo de polypodio; post hæc denuo præparandi sunt humores oxymelle facto cum decocto tamarisci, prassii, cuscuthæ, corticum capparorum, hyssopi, calamintæ, cicorii, borraginis, radicum aperientium, liquiritiæ, vel Althææ, ac pro purgante usurpanda sunt Catapocia ex helleboro, quinimmo & intervallis quibusdam usus alicujus purgantis placidioris mirifice proderit, quare syrupus de polypodio propositus, vinum cum senna, & Cartamo, vel cum myrobalanis Indis, & chebulis medicatum, item & pulvis hellebori nigri præparati cum succo rosarum ter irroratus, ac in umbra exicatus ad grana decem ex ovo forbili exhibitus arridet.

Sed huc referenda quoque sunt, quæ insensibiliter evacuant, atque obstructions referant, jus ideo galli antiqui cum simplicibus jam dictis, chinâ, & assafras alteratum, pilula ex Ammoniaci ante syrupum matutinum assumpta maxime convenit, præcipuè verò si Ammoniacus in aceto scillino dissolvatur; vinum etiam chalibeatum, itemque trochisci de Agno Casto, Rhafis, ac oxymel tum scillinum, tum ex decocto asari cum aceto scillino paratum usui esse poterunt; De vino autem statuo, ut prius bulliat in duplici vase cum aqua scolopendrii, adjectis simplicibus spleneticis, caryophilis, ac cypero, in quo vino postmodum, de more, chalybem immacerare oportebit, & aliquando in vino ita præparato helleborum, polypodium, & Cartamum pariter immacerare expedit.

Exteriùs stillicidia ex aqua lanarum, vel ex oleo semini, & rutaceo, vel ex decocto simplicium jam dictorum laudantur, potissimum verò quod ex oleo commu-

ni cum modico aquæ Ardentis, plantis spleneticis, radice cyclaminis, peucedani, hellebori utriusque, liquiritiæ, malvarumque & colocyntide, facta ebullitione in duplici vase, paratur: A stillicidio adhibendum est, vel Cataplasma Oribasii ex fermento acri in aceto dissolutum, ac ad spissitudinem cocto, adjectoque pulvere thymi, pulegii, serpilli, & absynthii, vel unguentum de Artanita Mes. f. otus quoque ex spongia madefacta in aceto decoctionis radicum filicis; & extensionis lapidis pyritidis igniti huc est referendus, à quo vel oleum ex radicibus cucumeris agrestis, aut cyclaminis factum, vel unguentum, quod ex partibus æqualibus butyri rec. olei nardini, & succi radice cyclaminis, sisymbriique aquatici conficitur, est usurpandum; postremò & ceratum ex Oesipo cum aliqua portione cerati Diapirites, vel Diachilon magnum cum gummis, adjecto Ammoniaeo, succoque tabacci, maximè efficax habetur.

Pro lienis autem alteratione conveniunt omnia calefacientia commemorata, solum etenim ad illius proportionem servandam addendus est pulvis lienis Asini, vel Equuli.

Gratià verò ventriculi grana mastiches devorata, aromaticum rosatum, & cariophylatum assumptum, ac ceratum ex mastiche cum laudano, & Benzoino videntur accommodata.

Pro jecore demum nil præstantius excogitari potest succo cichorii tum assumpto, tum adhibito.

Victus ratio jam per se viro Excellentissimo curanti cognita est; id autem semper constitutum habeat, ut cibaria in aqua chalibeata coquantur, & vinum medicatum cum simplicibus spleneticis, vel chalibeatum, aut etiam auratum offeratur; item ut alvus in proprio sit officio, devorato pane in prima mensa ex tota farina cum pulvere tartari albi, fœniculi, ac passulis parato. Atque utinam hæc omnia in salutem egregii viri succedant.

Julius Cesar Claudinus in Consultation. Medicinalib.

Tumor insignis Lienis in Virgine.

Consultatio I.

Lienosa est nob. Virgo, cui septem abhinc annis, post febres, lien manifestè intumescere cœpit, & modò in tantam molem excrevit, ut totius abdominis partem, non solum epigastricam sed & hypogastricam quoque obfederit; supereminet enim tum mesenterium, tum intestina, uterum & ventriculi partem, ac ferè totum jecur; quod insigne incrementum suscepisse credendum, ob menstruorum perfectam suppressionem, vigesimum licet ætatis annum attigerit; suspicandum enim naturam sanguinem impuriorem à jecore, per ramum celiacum, ad lienem ipsum effundere cœpisse, & temporis processu vas illud laxius redditum, & valde pervium, sanguinem crassum, fœculentum atque melancholicum facile admisisse, ac in lienem ipsum transfudisse; nec hunc rursus ad liepar, per ramum splenicum remeasse, propter ejusdem obstructionem; ideo lienis venæ repletæ, nec amplius novæ materiæ capaces, humorem eundem melancholicum, sed naturalem, in ejusdem corpus & parenchyma eructarunt; unde tumor in hanc magnitudinem succrevit; qui tamen nondum scirrhus exquisitus, sed scirrhusus dicendus, cum tactui quodammodo cedat, & potissimum doloris non sit expers; præterquamquod, si scirrhus exquisitus foret propriam frigiditatem partibus circumstantibus, potissimum jecori impertiret, sicque Pat. in cachexiam aut hydropem incidisset; & quidem multò promptius & facilius, si jecur unà cum liene tumorem eundem pateretur, ut à Confluente hujus Patientis fuit dubitatum.

Affectus equidem gravissimus, tum ob magnitudinem

tumoris, tum quia jam inveteratus, & causam foventem difficulter removendam habet; unde imminentis hydropis periculum instat. Aliqua itaque hoc anni tempore hyemali sunt agenda, ut saltem perniciosum hoc malum remoremur; utque accuratam curationem in vernum tempus differamus.

À nobis itaque præstanda, causam potius antecedentem, quàm conjunctam spectabunt, ne scilicet tumor adaugeatur, neve jecur, hucusque forsan obstructum, intumescat atque induretur.

Ordine itaque executivo, sumat primò pot. magist. ex manna clarif. inde, quinque dies, matutinis horis, hunc. syr.

℞. oxymel. simpl. ℥ii. f. aq. cinnam ℥i. pollinis crem. tart. ℥iii. m. pro syr. & sic pro aliis. Deinde sumat hujusmodi potionem.

℞. Pot. ex manna clarif. ℥iv. syr. de polyp. ℥iii. aq. flor. cit. par. m. f. p.

Qua peracta primarum viarum expiatione, ad aliquod medicamentum aperiens, deobstruens & simul evacuans statim deveniendum, syrup. scil. Fernel. à nobis præscriptum, ad ℥ii. alternis diebus, in vino albo non dulci dissolvendum & exhibendum. Diebus verò intermediis bibat hoc preparans.

℞. Decoct. paratè in aqua fabrorum, radic. cich. petroselini, capparum, fol. agrim. cuscute, asplenii, scolopendrii & tamarisci ℥vi. in qua dissolve gr. x. tart. vitriol. & Pat. summo mane præbeatur, ita alternatim ad dies triginta vel quadraginta; quibus transactis sumat ℥vi. decoct. epith. Mes.

His peractis, si possibile fuerit uteri viæ aperiendæ forent, aliquot dies, horis vespertinis, præbendo pil. ex optimo aloë non lota, ad gr. x. sequenti verò mane, epoto cyatho aq. itill. capil. Ven. artemisiæ & matriariæ, in qua dissoluta sint grana salis ejusdem artemisiæ, aut gutt. ol. sabine.

Interim ceratum totum lienem occupans erit applicandum, hac formula.

℞. diachyl. magni ireati ℥iii. oxelæi ℥ii. oesypii ℥i. m. & ref. ad ignem; addendo salis ammoniaci ℥i. succi herbæ reginæ ℥i. ref. ceratum.

Toto autem hyemali tempore, in usum ducat pulverem archangelicæ, sive Urticæ maculosæ Plinii, quæ habetur pro Lamio Dioscoridis, ad ℥i. in vino albo tamariscato assumendum; quod si vinum, jejuno ventriculo, non conferat, dissolvatur in jure tenui tamariscato, aut in aqua still. scolopendrii sive asplenii.

In victus ratione se bene gerat, & Medici assistentis præceptis obtemperet; neque enim exiguos errores ferre potest status ipsius Patientis. Comedat itaque frequenter cappares, petroselinum, fœniculum, juscula sint petroselino alterata. Vinum paucum, modicè generosum, & tamariscatum bibat. Abstineat omnino à carne suilla, bubula, à piscibus, à lactariis omnibus, à laganis, à leguminibus, à fructibus, exceptis pistaciis; parum cibæ & multum labore, vitam mulieribus familiarem fugiat. Atque bis saltem mense hujusmodi medicamentum utatur.

℞. pil. de tribus cum rhab. de hiera cum agarico an ℥i. magist. mechoac. gr. x. m. ref. pil. & aur. Quæ nunc agenda proponimus, ne in deterius ruat Nobilissima Virgo, præstantiora & efficaciora, opportuniore tempore proximo videlicet Vere præscripturi. *Raym. Joh. Fortis Consult. & Resp. Medic. t. 1. Cent. 3.*

Pro eadem.

Consultatio Secunda.

Cum Nobiliss. Virgo, septem abhinc annis lienosa,

ex præscriptis à nobis medicamentis præservativis, potius quàm curativis, anni quoque tempore frigido & incommodo administratis, levamen præter spem consecuta fuerit, jure merito sperare juvat iisdem & aliis curativis efficacioribus, hoc Verno tempore purgationibus idoneo; fore ut salubres progressus succedant, & in meliorem statum Nobiliss. Virgo redigi possit.

In quem finem primò primarum viarum expiatio erit procuranda. Secundò jecur omnino referandum. Tertiò venosum genus depurandum. Quartò lien aperiens, attenuans, incidentibus, emollientibus & evacuantibus exauriendum. Quintò uteri venas aperire tentandum. Et tamen viscera roboranda. Quæ omnia accommodato ordine erunt administranda, hac ratione.

Prima intentio medicamentis jam alia consultatione præscriptis perficietur. Secunda usu succorum depur. hoc pacto.

℞. Succ. depur. cich. agrim. an. ℥jss. decoct. cichor. borrag. malv. agrim. cuscuth. petroselin. ℥v. m. pro syr. & sic pro aliis, quinque diebus exhibendis; diebus verò intermediis assumat bolos hujusmodi.

℞. extract. rhab. ℥i. tart. vitriol. ℥ss. flor. cass. q. f. m. f. bol. ij. quibus horâ post superbibat semicyathum aquæ agrim. In horum autem usu ita alternatim pergendum ad quindecim dies. Verùm die tertia, aperiatur vena magis conspicua sinistri brachii, & sanguis ad uncias sex educatur. Accuratè considerandum; quo tempore cauterium sinistræ coxæ inuri poterit, nisi antehac inustum fuerit.

Quindecim verò exactis diebus, tertiæ intentioni satisfaciendum, sanguinem tum in portæ ramis, tum in cava purificando, syr. Fernel. usu ad ℥ii. in vino albo, duodecim continuis diebus assumendo; quibus exactis, decoctio epythimi Mesf. erit præscribenda. Inde ad quartam intentionem explendam erit progrediendum, hoc decocto,

℞. Salsæ parillæ electæ, ligni tamarisci an. ℥i. medii cort. fraxini, salicis an. ℥ss. aq. fabror. fumar. an. ℔i. f. m. f. inf. per horas 24. deinde bull. ad consumpt. dimidii in fine ebull. adde folior. asplenii, scolopendrii an. pug. i. bull. par. & colat. fervetur pro duabus vicibus, matutino tempore assumenda; cui immisceantur gutt. xii. spir. tart. ter rectif. cui decoctioni præmittantur bol. ita parandi.

℞. Terebinthinæ Cypr. lotæ in aqua malvarum ℥ss. trochisc. de cappar. ℥i. salis ammon. gr. v. m. refor. bol. ante decoctionem exhibendi; in quorum usu triginta vel quadraginta dies persistendum; sed decimo quoque die præbeantur boli.

℞. extracti veratri nig. ℥i. extracti sennæ ℥i. flor. cass. ℥ss. m. f. bol. quibus horâ post superbibat feri destill. vel aquæ hord. ℔i. f. & tribus horis ab iis prandeat.

Postrema superest medica intentio implenda, quæ licet difficillima, negligenda tamen non est. Præbeatur itaque summo mane cyathus aquæ still. Arthemisiæ & capill. Ven. cui immisceantur gutt. iiii. ol. Sabinæ, vel ejusdem sabinæ aquæ still. ℥i. præmisso bol. ita parato.

℞. trochisc. de myrrha ℥i. borracis mineralis ℥ss. succi matricariæ q. f. ref. bol. In his autem pergendum supra 20. dies; in quorum medio tundi poterit saphena pedis, parçè sanguinem educto, ad motum illi conciliandum.

Dum hæc omnia administrantur, externa medicamenta, emollientia præsertim, sunt continuò applicanda; ut ceratum præterita consultatione præscriptum, & stillicidium tumentis lienis adhibitum, ex lotura pingui & oleosa lanarum, modico aceto addito parandum. Verùm ut Nob. Pat. ad Luta D. Bartholomæi se con-

ferat omnino consulimus quindecim aut viginti dies, manè & vesperi admovenda; reliquo autem tempore ceratum jam dictum lienis appositum gestet. Chalybis verò usus erit in Autumnum differendum.

Victus rationem, paucis superiori consultatione à nobis præscriptam, servet in omnibus, ut & cætera omnia prodesse & salutaria evadere possint. *Idem ibidem.*

Pro eadem.

Consultatio tertia.

Repetitis curationibus Nobiliss. Virginem lienosam integræ sanitati non fuisse restitutam, nil mirum; quin potius admirari subit quod in pejus, verbo, in Hydropem prolapsa non fuerit, ob insignem adeò & amplum tumorem, qui tamen remediorum ope, dimidia saltem parte obliterated; reliqua verò mollior valde observatur, & quidem non tactu solum sed & visu. Sicut enim dum splen florescit, corpus contabescit; ita cum Virginis corpus quodammodo floreat, Lienem contabescere conjiciendum est. Jure igitur, tertia vice, idoneo hoc Verno tempore, opem nostram medicam exposcit, ut in meliorem statum redigatur, & propius ad sanitatem accedat, sicque hydropem arceat, quam medicamentis non proficientibus minatur. Hipp. oraculum.

In hunc itaque finem Medicæ nostræ intentiones erunt primas vias expedire. Secundò emolliendo aperire. Tertiò humores emolitos evacuare. Quartò tumorem quoque laxare, & insensibiliter cautè resolvere. Quintò totum impuritate emundare. Tandem uteri vias aperire, & menstrua provocare.

Pro prima itaque intentione, Leniens primò ex Manna clarif. & syr. de polyp. conveniens erit. Præparans inde sit oxymel, cum polline crem. tart. aq. cinnam. irrorato; quinque verò exactis diebus, assumat syr. ros. sol. & de polyp. cum elect. lenit. Inde ad ulteriorem humorum præparationem deveniendum, syr. hujusmodi.

℞. Succ. depur. chich. borrag. agrim. an. ℥i. decoct. malv. lupul. fumar. scolopendrii ℥iv. m. pro syr. & sic pro aliis; cui præmittantur ℥ii. oxymel. ex florib. Genistæ parati. Secunda verò die aperiatur vena interna sinistri brachii, educto sanguine ad ℥vi. & septem post diebus præbeatur infus. agar. sennæ, rhab. in aq. borrag. additis syr. ros. sol. & Diaphæn. ℥ii. cui succedat aquæ aut juris hordei potus ad ℔i. siccitas enim in purgationibus prævertenda.

Et quoniam ab expertis medicamentis, aliàs utilibus, non est recedendum; melius enim est, dicebat Avic. medicamentum expertum non experto. Ideo rursus in usum revocetur syr. Fernel. juxta nostram descriptionem paratus, & more Ferneliano, in vino albo, tertio quoque die oblatus. Intermediis verò diebus, sumatur jus Columbi, malvâ, foliis chamæd. scolopend. rad. cappar. alteratum, additâ aceti squill. ℥i. in quibus alternatim persistat, ad 15. dies; quibus exactis assumat decoct. epith. Mesf. ℥vi. cui pariter aquam, vel jus ex hordeo Pat. superbibat.

His peractis, tumoris emollio omni conatu; internis & externis molienda. Quare jus Galli anniculi ita præscribendum.

℞. Salsæ elect. lign. Tamar. rad. Helen. an. ℥i. radic. gent. cappar. an. ℥ss. aq. still. agrim. fumar. an. ℔i. f. m. f. inf. per horas 24. deinde adde quartam partem Gall. & bulliant ad consumpt. dimidii; colatura verò servetur pro tribus diebus, matutino tempore assumenda; cui præmittatur bolus ex Terebinth.

Cypria, succo raph. lota; cui addatur croci Martis aperitivi cum acido sulph. parati, granum; quorum usui integro mense insistat; decimo tamen quoque die assumat huiusmodi pilul.

℥. pilul. de trib. cum rhab. extr. sennæ an. 3℥. extr. Helleb. nig. ʒi. m. refor. pilul. quatuor horis ante cibum assumendæ, à quibus pariter ebibat calycem aq. hordeac. aut cich.

Externa quoque sunt administranda; quoniam verò Luta D. Bartholomæi non parum profuere, ideo repetenda, appposito statim ab iis cerato, prima consultatione descripto.

Interim menstruorum provocatio internis & externis tentanda. In quem finem assumendus quotidie matutino tempore, jejuno ventriculo, cyathus aq. still. capill. Ven. & lil. alb. additâ aq. Sabinæ ʒ. i. Extrinsicus verò incessus in aq. sulph. D. Helenæ, sine tubulo, tempore quo luta administrabuntur, poterunt adhiberi, illita postea uteri regione ol. lil. alb. cum arom.

His accedat congrua victus ratio jam proposita; circa quam repetere liceat quod exercitia, & consueti tantum corporis motus non sufficiunt, laborare enim oportet. *Idem ibidem.*

De tumore Scirrhuso Lienis.

Consultatio. I.

Comes Illustrissimus ad me pervenit, de Lienis tumore conquerens, quem duobus abhinc annis, non sine animi perturbatione aut applicatione gestat; eundem non exiguae molis, & perdurum manibus deprehendi, qui paulatim succrevit, libera foveute vivendi ratione; non enim inflammationi, febribus, aliisve huiusmodi successit affectibus, quamvis scirrhusus tumor certò sit, à crasso sanguine, facile exustis cruditatibus commisto, productus: præcalida enim est ejusdem jecoris intemperies, & liberam, atque incautam semper vitam duxit.

Purgationes consuetas, & ne quidem minorativas, nedum eradicativas inivit: modò meo consilio Purgationem hoc verno tempore, tanto malo necessariam aggredi decrevit, ne Scirrhus tumor perfectus evadat, sicque tracto in consensum jecore, Cachexia, & tandem Hydrops accedat.

Medici itaque scopi erunt, primas vias & totum expurgare; deinde partem affectam emollientibus non nihil calefacientibus & evacuantibus tractare.

Et à fonte Chirurgico iterata est desumenda sanguinis missio, ex Jecoraria dextra primum, deinde ex Salvatella sinistra.

Ex fonte Pharmaceutico reliqua depromenda medica auxilia; & primò Leniens ex manna clarificata, aut ex lenit. cum tartaro. Primum Præparans erit Julapium acet. ad ʒ. iii. cortic. citri alteratum; quinque transactis diebus, repetatur præscriptum Leniens. Deinde ulterior procuretur præparatio succis depuratis chich. fumariz, pomorum dulc. in decoct. Chichoraceorum, additis malvâ, lupulis & agrimoniâ. Septem transactis diebus, assumat Purgans ex infus. agarici, rhabar. & sennæ, addito syr. ros. solutivo paratum, vel Electuarium lenit. & Cass. additâ drachmâ pilul. de tribus. His peractis, opportunissimus erit usus syrupi Ferneliani duodecim vicibus assumendi in vino albo, sed alternis diebus, ut diebus intermediis assumat cyathum aquarum agrimoniz atque fumariz, in quibus dissolvantur tart. vitriol. gr. x. Inrerim Lien Ceratum erit apponendum, ita parandum.

℥. Gummi. Ammoniaci, in aceto dissoluti, Cera-

ti oxelæi an. unc. j. salis nitri ʒ. j. adipis anseris, succi urticæ mortuæ an. ʒ. β. m. & ad ignem cum cera q. s. reform. Ceratum Lieni apponendum. Hæc pauca præscripsi, ut executioni mandentur, forsitan enim plura omnino omitterentur: repeti namque debebunt medica auxilia, ut prorsus Lien ad naturalem statum redigatur.

Interim victus ratio congrua erit servanda, adeò ut loca non inhabitet paludosa. Abstineat ab usu carnis bubulæ, suillæ, leporinæ & anserinæ; à volucris lacustribus; à piscibus cœnosis & squaminis carentibus, sicut ab Ostraceis & à Conchyliis; à fructibus. Ex herbis, à lactuca & brassica; ab omnibus leguminibus, hordeo, orizâ & ciceribus rubris exceptis; à vinis crassæ substantiæ, nimis generosis & dulcibus, & sit pro mensa Tamarisco medicatum. Somnus diurnus sit brevis. Exercitium, imo labores, sed ante cibum, non solum convenientes, sed necessarij sunt. Et semel aut bis in mense assumat pilulam ex semidrach. pilul. de tribus, & semisrup. Magist. Mechoac. compositam. Alacrique animo cum fociis, sed sine computationibus, vivat. *Idem Tom. 2. Cent. 3.*

Pro eodem

Consultatio. II.

Insignis tumor lienis dimidiam abdominis partem occupans, qui durus quidem, non sine sensu, cum manibus tractatus & pressus dolorem patitur, primam originem habuit in Illustriss. Comite duodecim abhinc annis, dum duplici tertiana tunc temporis correptus, & curatus, imperfectè tamen fuit expurgatus, relicta enim in corpore excrementa, si non similem priori feбри recidivam excitarunt, saltem valetudinarium Comitem Illustriss. reliquerunt, & facile aliqua febricula detentum: immodicè namque continuò sitiebat, & pro siti sedanda, indiscriminatim aquam & vina cujuscunque generis avidè potabat; quare humiditates in corpore excrementitias redundantes suscepit Lien. (ideo ab Hipp. fons aquæ dictus) & intumuit, quoniam facile cruditates quoque quibus ætas illa tenella scatere solet, humiditatibus immixtæ erant, unde obstructions non in vasis solum; verum & in parenchymate, quæ earundem humiditatum depositionem & evacuationem impediens, tumoris in ipso liene causa fuerunt, non parum conspirantibus excrementis à Medico non expurgatis, & in corpore relictis.

Delituit tumor per annos, ætatis & vegeti caloris ratione, nec suas vires exerere potuit, probo namque totius corporis calore & convenienti nutritione potius, munera omnia, ut sanus, perfectissimè Pat. obivit, usque ad Sereniss. Domini sui obitum, quem adeò agrè tulit, ut mœrore confectus, paulò post acutè febricitare coactus fuerit, à qua quidem febre medicis auxiliis libetatus fuit, aucto tamen & in tumorem non exiguum elevato liene, adeò ut ab illo tempore, quatuor nimirum abhinc annis, valetudinariam semper vitam duxerit, totiusque color, roseus antea, in pallidum & flavum mutatus fuerit, macies invaluerit, & verbo, liene semper magis florente, totum corpus contabuerit.

Lienosus itaque factus & confirmatus est Illustriss. Comes, dum lien non quidem Scirrhuso exquisito, sed scirrhuso tumore laborat; & ad scirrhum legitimum atque exquisitum hucusque pervenisset, si ætas consistens, & ad humoris attabilaris generationem idonea fuisset. At quoniam adolescens, & cruditatibus potius producendis obnoxia, ideo ad tumorem huiusmodi constituendum pituitosam materiam à calore crassescens,

etiam, longis magis, quam melancholicam convenisse certò credendum; unde potius à copia humorum repleta, quam à siccitate condensante, aut frigiditate congelante tumorem factum fuisse credendum.

Verum quoniam in diuturno lienis tumore necessario & jecur refrigeratur, atque in consortium trahitur, ideo & viscus hoc non adeò perfectè sanguificare cœpit, sicque crassum & quodammodo exustum sanguinem gignere, & in seipso retinere incipiens, organicum quoque morbum, obstructions scilicet, pati cœpit; à quibus intercepta aliqua ex parte bili, tum ad vesicam, tum ad ductum cholidocum transitu, bilis ipsa in eodem viscere manens, & massam sanguinis inquinans, ictericum Comitem Illustriss. reddebat; sicut frequenter augebatur affectus à tumore lienis vasa jam dicta comprimente.

Modò post varia & efficacia medicamenta administrata, tumoris moles nonnihil diminuta manu percipitur, adeò ut ad jecur comprimendum non amplius perveniat; mollior quoque, quam antea, reddita est, obstructions in jecore ex toto non adhuc ablatae; licet & ipsa imminutae sint; ideo præter hucusque administrata aperientia, post præmissam totius convenientem expurgationem, in debellandis prorsus jecoris obstructionibus, lienisque tumore minuendo adhuc insistendum esse decerno, ut imminuentem Hydropem arceamus.

Et ideo per integrum mensem, alternatim, Rhaponticum infusum, & salem tart. vitriolati ut assumat consulo: sed singulâ hebdomadâ medicamentum & aperiens, & per alvum purgans familiare sibi reddat. Et si res pro voto succedat, aliis quindecim aut viginti post diebus salem tartari quotidie rursus assumat, quorum omnium rectus usus talis erit.

℞. Raphont. opt. inc. ℥. ii. Aq. de succo cich. ℥. iv. de succo agrim. ℥. ii. m. f. infus. per integram noctem, & fiat colatura pro potu, cui addatur syrupi de succo lim. ℥. j. m. summo mane quatuor horis ante cibum. Pro sequenti verò Die.

℞. Idem raphont. in prægressa infusione relictum, juvis pullae tenuis, endiviâ & galiopsi alterati ℥. vi. m. f. infusio per integram noctem & in colaturâ, dissolve salis tart. vitriol. ℥. j. m. pro potu. Sequenti verò die, nova repetatur infusio novo raphontico, ut supra & ita pergat integro mense. Purgans autem singulâ hebdomadâ assumendum erit.

℞. Pilul. de trib. cum rhabarb. ℥. j. Magist. Mechocac. gr. viii. m. reform. pilulae, tribus poris ante prandium assumendae. Mense peracto, eadem dosi sal tartari erit exhibendus, quinimo & usque ad semidrachmam ascendi poterit; quo tempore de horum medicamentorum effectibus certior fieri desiderabo. Interim toto hoc tempore Diachilon magnum, oxaleum, & de amoniaco, aceto dissoluto Ceratum regione lienis semper erit gestandum, congruaque convenienti atque cauta vivendi ratione utendum.

Et primò fugiat aërem nubilosum, ventosum. Summo manè domo non exeat, & aërem nocturnum caveat. Secundò, inter carnes prohibentur, suillae, bubulae, agninae, annosae omnes & pingues, palustres & aquaticae. Inter pisces, ferè omnes prohibentur, exceptis saxatilibus, Carpionibus & Troctis junioribus. Legumina omnia infensa, ita lactaria omnia, excepto exiguo butyro pro condimento. Ab omnibus eduliis pastâ paratis abstineat; ab omnibus patiter fructibus, pistaceis & amygdalis exceptis. Olerum usus nocebit, exceptis fœniculo, apio, capparibus, capis coctis, radicibus cichorii & petroselini simul coctis, & pro acetario conditis. Panis sit bene coctus & fermentatus. Vinum album tamarisco medicatum, ad ℥. iii. pro unaquaque situla: quinimo in vase è ligno Tamarisci parato detineatur. Pro

Bibl. Chirurg. Tom. III.

ciborum condimentis conceditur allium, capra, acetum; nonnunquam & succus limonum. Inter aromata piper ruditer contusum, cinnamomum: præterea pulegium, thymus, satureja, & hujusmodi alia; & frequenter aliquot amygdalas amarâs jejuno ventriculo comedat: vel saltem absynthii ad ℥j. assumat. Tertiò, Somnus nocturnus coctionibus magnopere prodest. Quartò, Exercitium omnino necessarium, manè tamen ante cibum, & horis vespertinis, quod potius ad laborem vergat: solo enim exercitio & abstinentiâ à potu nonnulli sanitati restituti fuere. Quintò, Coitus omnino arcendus, & bis in mense pilulis supra propositis, excrementorum apparatus erit extraducendus, quibus addi poterit Extracti senae ℥. j. Tandem alacri & confidenti animo vivat: consortia genialia quærat, citra tamen comestationes & compotationes. Hæcque sunt pro hoc hyemali tempore ab Illustrissimo Comite observanda; ut meliorem statum acquirat, & ad meliorem adhuc sibi comparandam viam pro venturâ vernò tempore sternerat. *Idem Ibidem.*

Pro eodem

Consultatio III.

Jam diu lienosus Comes Illustrissimus durum quidem; sed sensui manifestum tumorem in liene habens; & ideo scirrhosum, non autem Scirrhum, plura proximè præteritis annis; & interna, & externâ medicamenta, attenuantia, aperientia; emollientia, nunquam tamen vehementer solventia, & apposuit, & assumpsit, à quibus nisi juvamentum recepisset, in Hydropem jam incidisset, asserente Hipp. quod Splenicis, quibus Pharmacorum potiones nihil proficiunt, is morbus in hydropem degenerat: subdit verò quod quibus proficiunt, diuturna quidem est affectio, sed non lethalis; profuerunt igitur ideo medicamenta, etiam sine exacta vivendi ratione, ut non solum tumoris augmentum, & intensive, & extensive inhibuerint, verum & eundem & intensive, & extensive imminuerint: siquidem & ipsius moles minor & renitentia mollior facta est; idcirco summa cum ratione Juvenis Illustriss. administrata remedia quæ juverunt repetita sanare posse sperat; & propterea rursus congruo hoc anni tempore vernò pro Curatione ineunda ad me confugit, promittens se in vivendi ratione obsequentiorem, quam antea, ut evidentiùs etiam, quam antea, ex medicamentis juvamen consequatur.

Dum igitur modò abdomen manibus tractavi, lienis, ut dixi, molem minorem & molliorem deprehendi. Verum sicut anno elapso obstructions in cava jecoris aderant, quæ ictericum reddiderunt Cō. Illustriss. ita adhuc earundem reliquias servari censeo: quæ quamvis tactu percipi non possint, cum in cava jecoris parte lateant, attamen & dolor quo afficitur equitando, & universalis subsēcuta scabies à vitioso sanguine procedens, & morbo in intemperie, & instrumentali jecur affectum esse confirmant: nec mirum, cum facili à liene per venam splenicam jecur in consensum contrahatur. Et ut quidpiam rursus de natura tumoris attingam, cum aut ab utrisque mistis fieri possit, in casu nostro missionem quidem non excludo, sed pituitosum humorem alios superare credo, ex Hipp. diuturno jam præterito tempore, & color totius pravus continuò redditus esset, & ulcus aliquod malum in cruribus apparuisset, & os graveolens observatum, gracilior evasisset, & splen eodem modo & durus, & magnus servatus fuisset: sicut cum pituitosus est tumor ipse, hujusmodi mala non accedunt, tumorque minor & mollior reddi potest, sicut redditus est: cujus generationi non levem occasionem præbuit,

præterita libera vivendi ratio, nec non in aëre crasso & paludoso commoratio, & aquarum lacustrium impuritas; biliosum autem humorem subministrare poterunt ætas ipsa juvenilis, jecoris temperamentum calidum & siccum, promiscua ciborum & condimentorum comestio, atque forsân vinorum dulcium consuetudo potatio.

Quibus paucis prælibatis, Curatio est confidenter à nobis instituenda ut Illustrissimus Co. ad sanitatem propius accedat, pro qua ordo talis requiritur, ut primæ viæ prius expientur. Deinde jecoris obstructions referentur. Tertio ut sanguinis massa purificetur. Quarto ut moles lienis & mollior, & minor reddatur.

Pro quibus intentionibus exequendis, remedia ordine executivo proponam.

Sic primò ℞. Syr. ros. solut. ℥iij. aut pot. ex man. clarif. ℥iij. aq. florum citri parum, m. f. potio quatuor horis ante prandium assumenda.

Quinque sequentibus diebus.

℞. Julap. acet. ℥.ii.β. aq. florum citri ℥. j. aq. cinnam. ℥. β. m. pro aliis. Inde repetatur superscripta potio;

Vel ℞. Elect. lenit. ℥. j. cremor. tart. ℥. ij. m. f. boli. Mox septem sequentibus diebus assumat.

℞. Succî depur. & per arenam trajecti. cich. borrag. agrim. an. ℥. j. tart. vitriol. gr. x. aq. stillat. cich. agrim. an. ℥. ii. m. pro syr. & sic pro aliis; Et si pro aquis libentius eligat jus pullæ tenuæ, alteretur cichorio, agrim. endiv. cuscûtâ & malvis.

Secundo verò die dictorum succorum aperiatur Jecoraria dexteri brachii, Medico Excellentiss. præsentè, & educatur sanguis, qui non excedat pondus ℥. vi. sed quantitas sit minor, si tenuis & serofus apparuerit: educitur enim sanguis non ratione tumoris lienis, sed ratione calidioris jecoris & vitiosi sanguinis, scabiem quoque inducentis; ideoque monebat Aëtius, quod in liene indurato curando observari debeat Ægri universum corpus frigidiusne sit, an verò calidius. Septem verò transactis diebus.

℞. Flor. cass. rec. extractæ, elect. lenit an. ℥. β. pilul. de trib. cum rhab. ℥. j. m. f. boli; quibus post horam superbibat jus pullæ hordeo alteratum, & tribus horis ab assumpto jure prandeat. Et quoniam non adhuc jecoris obstructions satis apertas fore censeo, ideo repetatur.

℞. Aq. stillat. cich. agrim. asparag. ana ℥. ii. syr. de cich. cum rhabarb. Bisant. cum aceto ℥. β. spirit. tart. ter rectif. gutt. x. m. pro syr. & sic pro aliis septem; à quibus.

℞. Floris cass. ℥. vii. electuar. de succo rosarum ℥. iii. m. f. boli, quibus post horam superbibat jus pullæ hordeo aut malvis alteratum, quibus horis ab assumpto jure prandeat. Hinc ad lienem convertatur Curatio ita.

℞. Succî depur. & per arenam trajecti fumar. unc. ii. decoct. in jure pullæ paratæ cortic. radic. cappar. tamarisci, scolopendrii, agrim. polypod. senæ ℥. v. m. pro syr. & sic pro aliis septem; quibus assumptis.

℞. Floris cass. rec. extr. ℥. vi. Extracti veratri ℥β. m. f. boli, quibus post horam superbibat jus pullæ malvâ alteratum ad lib. ii. & tribus horis ab assumpto jure prandeat; vel potu.

℞. Decoct. Epit. Mes. ℥. ii. aq. florum citri parum, m. f. potio; cui pariter, evacuatione incepta, superbibat supradictum jus.

His peractis, vinum chalybeatum ita paretur,

℞. Vini albi opt. lib. x. limaturæ chalyb. prius aceto lotæ, lib. j. ligni tamarisci incisi ℥. iii. cort. rad. cappar. ℥. j. ponantur in vase vitreo, & in hypocausto detineatur per hebdomodam, sæpe agitando, cujus dosis erit ad ℥. v. quotidie summo mane; efficacius autem medicamentum reddi poterit, si præmittatur hujusmodi bolus.

℞. Trochisc. de cappar. ℥. j. salis Martis gr. iij. cum succo fumar. reform. bolus, & aur. in cujus usu xv. & xx. diebus erit perseverandum; quo tempore seipsum conferat Illustriss. Co. ad lura nostra Patavina D. Bartholomæi, pro tumoris emolitione atque resolutione. Interim Ceratum apponatur, ita parandum.

℞. Ammon. pinguis aceto dissol. unc. j. deinde adde diachil. cum pingued. ℥. j. spirit. vini unc. β. m. bull. ad consumpt. spiritus & aceti, deinde adde floris salis unc. β. pulv. cyclam. nicotianæ an. ℥. ii. m. reform. Ceratum, lienî apponendum; & tunc Avicennam secutus, de lacte quoque asinino exhibendo cogitabo, quod materiam tophaceam emollire atque dissolvere asseruit quoque Galenus.

Et quoniam scabies infestare potest, atque vigilias excitare, ideo ad evitandas molestas inunctiones, paretur talis aqua.

℞. Vitrioli Rom. ad albedinem calcinati unc. ii. aq. ros. scabiosæ, plantag. an. lib. β. m. f. infusio per horas xxiv. deinde coletur, & servetur ad usum, & spongiola hac aqua madefacta mane & vespere corpus illiniatur.

Quibus, ut necessariissima est addenda congrua vivendi ratio. Et primò aër crassus & paludosus datâ operâ evitandus, præsertim Æstate & Autumno. Secundo Victus debet esse qualitate attenuans: quantitate mediocris. Panis sit salitus, bene coctus & fermentatus. Vitentur carnes annosæ, pingues, præsertim suillæ, agnæ, salitæ. Pisces pariter cœnosi, palustres, ut Tinca, Anguilla, & hujusmodi alii. Inter lactaria omnino caseus vitetur; edulia omnia ex pasta parata; omnia legumina, hordeo & orizâ exceptis. Inter olera, conceduntur borrago, cichorium, beta: progressu lupuli, asparagi cum aceto, fœniculum, apium. Fructus omnes; ut noxiâ damnantur: minoris autem momenti sunt fraga & parvus melonis usus, saccharo conditi; inter Bellaria concedi tamen possunt amygdalæ recentes & pistacia. Condimenta conceduntur aceti, petroselinî, apii, fœniculi & aromatatum quoque, sed parcè. Vinum moderatè bibendum, chalybeatum & tamariscatum, Æstate aqua quidem, sed nunquam nive refrigeratum. Tertio Somnus diurnus sit, sed nocturnus, quo deficiente; suppleat diurnus. Quarto plurimum spei reponit Aët. in exercitio, adè ut solis deambulationibus & cursibus aliquos se vidisse sanatos assermet: commendat quoque equitationes: quies enim, dicebat Celsus, hoc vitium fovet & auget; labores autem jubebat Hipp. Ante cibum Alvus Æstate electuario lenit. Hyeme verò pil. de tribus cum Extracto senæ semel aut bis in mense sollicitanda, & Venus omnino deferenda; aut saltem rarissimè amplexanda. Et tandem animi passiones & perturbationes arcendæ; & alacres consocietates, sed sine comotationibus & comestationibus procurandæ. Hæcque pro meliori statu Co. Illustriss. cui sicut omnia bona debentur, ita perfectam sanitatem à Deo Opt. enixe precor: *Idem ibidem.*

Pro eodem.

Consultatio IV.

Tumorem scirrhosum in liene Illustrissimi Cornitis hoc Vere proximè præterito tractavi, & medicamentis emollientibus, modicè calorificis aperientibus, nec non evacuantibus imminuere tentavi, quod equidem si non ex toto, aliqua ex parte pro voto successit, tum tumoris circumferentia minor & renitentia ejusdem mollior reddita est, quinimo moles ejus antea pluribus in locis indolens & insensibilis, dolens atque sensibilis est facta. Et quamvis præcalido hepatis in remediis administrandis semper prospectum fuerit, non solum moderatè calefacien-

citissime & ventriculum, & jecur permeantibus, aliqua tamen caloris impressio copiosioris bilis proventum induxit, quæ cum sanguine per venam cavam ad cor delata, indeque per arteriam magnam ad universum corpus distributa, illud ictericum reddidit, cum tamen Ictericia Lienosis familiaris: unde dicebat Gal. quod quibus lien augetur, corpus minuitur, cacochymum redditur, & regio morbo sæpe laborat: Ictericia autem postea remissa est ejusdem bilis electiva educatione, & aliqua fervoris jecoris contemperatione, quam tentare cum Hipp. lacte asinino ausi sumus, quod admittere noluit bilis præsentia.

Verum quoniam tumor insignis magnitudinis & renitentiæ considerabilis solis Purgationibus semel aut bis in anno peractis; si remitti; non tamen auferri, vel saltem novum augmentum inhiberi potest; ideo perseveranti affectioni, perseverans quoque, atque continua curatio & præservatio debetur; quæ depromenda erit à congruo & convenienti sex rerum non naturalium usu, necnon ab aliquo leni & familiari electivè purgante medicamento, totò anni cursu frequenter usurpando, ut mox Autumno proximo leni adhuc prægressâ corporis expiatione; quotidiano aliquo diuretico medicamento per mensem exhibito, lienosi tumoris major adhuc imminutio obtineatur.

Peractis igitur quatuor hisce diebus rhabarb. infusionem in jure endiviæ alterato assumet Illustriss. Comes; jecoris ejusdem fervor quodammodo erit tepefaciendus, præbendo seminum melonum Emulsionem in jure pullæ paratam, additâ unciâ syrûpi de succo limonium, aut ejus loco, succo endiviæ depurato ad unc. iii. in eodem jure Pullæ dissoluto, addito limonium succo, idque continuato octiduo. Mox vacandum ab omni opere medico; sed nunquam congrua vivendi ratio deferenda.

Et primo loco paludosa; æstivo præsertim, & autumnali tempore; non incolat, si fieri possit; & crepuscula, tum matutina, tum vespertina effugiat: Secundò inter carnes abstineat omnino à suillis, aprinis & leporinis, bubulis. Inter pisces, eligat saxatilles, ut Tructas, Carpiones, neque Bulberes mali: Eduliâ ex pasta parata, sicut lactaria omnia mala, concedi tamen potest residuum ab extracto caseo & butyro (vulgo Puinâ recens dictum). Legumina prorsus mala; excepto jure cicerum rubeorum. Inter herbas, conceditur borago, petroselinum, apium, fœniculum, menthastrum, orminum; Condimentum allii & cæparum, imo & cæpa cocta in Acetariis sicut & cappares. Inter fructus, Pepones conceduntur, optimi saporis, à Sole bene concocti, ut qui durities scirrholas emollire, & quodammodò detergendo, urinas quoque movere valeant; Pistacia quoque conceduntur. Condiantur cibi aromatibus quidem, sed moderatè, cinnamomo nempe & pipere ruditer contuso. Acetum in condimentis libenter conceditur, in vase Tamarisci servatum. Vinum sit album, tenue, maturum, non dulce, non acidum & tamarisco medicatum. Tertiò Somnus nocturnus diuturnus esse potest, diurnus brevis. Quartò Exercitium, etiam immodicum, opportunè tamen factum, magnam partem obtinet in hujus mali destructione, sive deambulando, sive equitando, sive in rheda longum iter faciendo, ut autem opportunum sit, jejuno ventriculo fiat. Quintò Evacuationes peccantis humoris sollicitandæ, decimo quoque die assumendo bolos ita paratos;

℥. Extracti senæ, Extracti polypod. elect. lenitivi an. ʒ. j. Extracti rhabarb. ʒ. j. m. reform. boli: ait enim Hipp. Splenicum purgabis modico ingesto, multum educente: quibus post horam superbibat jus tenue hordeo vel malvis alteratum, & duabus transactis horis ab assumpto jure prandeat. Venus autem omnino ableganda, imo ut pollutiones nocturnæ arceantur; talis inunctio erit conveniens.

Bibl. Chirurg. Tom. III.

℥. Vng. rosati Mel. Infrigid. Gal. popul. fantal. succi sempervivi, majoranæ. an. unc. j. m. reform. in mortario plumbeo, pro renum inunctione, superponendo folia vitis, vel folia nymphææ, antea aquâ frigidâ lota: ita enim contemperari poterit renum fervor ex cingulo plurium annorum contractus, & eorundem laxitas corrigi. Sextò studiis & applicationibus nonnisi ventriculo vacuo est incumbendum, & curæ quantum fieri potest, ablegandæ, geniales Consocietates procurandæ. Autumnalis Purgatio ita exequi poterit, primò sumendo pot. ex man. clarif. unc. vi. exiguâ additâ aquâ florum citri, quatuor horis ante prandium. Inde quinque sequentibus diebus matutino tempore assumat.

℥. Julap: acet. unc. ii. aq. flor. citri unc. j. aq. cinnam. cochlear. j. m. pro syr. & sic pro aliis. Repetatur deinde potio ita paranda.

℥. Syr. de polypod. ʒ. iii. rosati solut. unc. iii. clarif. deinde adde aq. florum citri cochlear. j. m. Mox sequentibus diebus syrupum hujusmodi quotidie sumat.

℥. Oxymel. comp. syr. Bifant. cum aceto, syr. de cich. cum rhab. an. unc. ʒ. decoct. malv. scolop. tamarisci, cort. radic. cappar. radic. apii unc. v. tart. vitriol. gr. x. m. pro syrupo, & sic pro aliis. Hoc tempore, si Ictericia forsan reverteretur, Salvatella dextera aperiri poterit, quatuor aut quinque sanguinis uncias educendo; sicut si ad plumbeum colorem vergeret, aperienda esset sinistra loco dextera. Septem transactis diebus, assumat.

℥. Decoct. epith. Mesues clarif. unc. v. & tribus post horis superbibat juris hordeac. libram, & duabus horis ab assumpto jure prandeat; vel.

℥. Extracti senæ ʒ. j. Extracti veratri nigri ʒ. ʒ. Extracti de rhab. ʒ. i. m. f. boli: erit enim medicamentum fortè debile, ut dicebat Avic. & fortiora sine molestia tolerat lien.

Tandem ad Diureticorum usum erit deveniendum, cum facilis sit in Comite Illustriss. aditus ad urinam; ad quam conspirat quoque anni tempus, & per quam alii quoque Lienosi sponte à natura expurgati & liberati fuerè; parentur itaque boli. ii. ita.

℥. Terebynth. nostræ in aqua raphani lotæ ʒ. j. salis tart. fixi gr. x. salis ammon. gr. iii. m. reform. boli n. ii. & aur. quibus superbibat jus pulli junioris, alteratum foliis scolop. tamarisci, radice cich. apii, fœnic. cappar. petrosel. ad unc. vi. In hujus autem usu perseveret integro mense; & decimo quoque die assumat bolos in præservatione suprâ descriptos.

Ceratum jam à me præscriptum atque paratum mutetur, & semper congrua victus ratio superius descripta, servetur; ut Illustrissimus Comes ad sanitatem optatam, & à me ex corde expetitam atque tentatam propius accedat. *Idem ibidem.*

Pro eodem.

Consultatio V.

Lienosus Illustrissimus Com. multis abhinc annis, qui repetitis validis & appropriatis Purgationibus à tumore ejusdem partis scirrholo nunquam vindicari potuit, quamvis tumor ipse non parum imminui visus fuerit, adeo ut anno proximè præterito habitus ejus multò; quam antea, carnosior, totiusque color floridior factus fuerit, imminuti lienis testimonium verax, dum Hipp. tradidit, quod dum lien floret, totum corpus contabescit, & è contra. Verum quoniam Pat. Illustriss. non minus corporis, quam animi delicatioris, deliciis libenter indulgit; ut ex quatuor antea Consultationibus, pro eodem à me habitis, facile elici potest in

quibus de eodem crimine semper accusatur, addito quoque incolatu & permanentia in Urbe, aërem lacustrem spirante, hinc factum fuit ut congesta in toto excrementorum moles, fermentata ac putrefacta, Autumno præterito febrem continuam tertianam duplicem excitaverit, quæ quidem auxiliis medicis cessit, sed lienis tumorem ex tempore magnopere adauxit, dum natura per venosum & arteriosum genus omnis generis excrementa ad partem illam imbecilliolem & antea affectam deposuit, qua secuta metastasi, cessavit febris, & lien intumuit. His accessit quoque flavus totius color, qui eidem Comiti etiam in superioribus annis valde familiaris fuit, tum propter obstructions, jecoris cavam occupantes, tum propter biliarii ductus compressionem, à lienis mole procedentem. Et quamvis plura fuerint administrata remedia aperientia; utramque bilem educantia, quæ à me præscripta, & in patrio solo administrata fuere, exiguum tamen juvamen tulerunt: ut propterea Patavium rursus hoc verno tempore accedere decreverit. Convenimus igitur Medici tres, cum in ore duorum, vel trium steterit omne verbum, & abdomine manibus tractato, invenimus tumorem in liene insignis circumferentiæ & intumescentiæ, ad ossa Ilii & Pubis inferius sese extendentem, & ad latera dimidiam etiam hypochondrii sinistri regionem occupantem, in situ lienis durum & ferè indolentem, non autem adeò durum & cum dolore in circumferentia. Præterea profundas obstructions observavimus quoque in hepate ipso, permanente sædo icterico colore in toto. Quare inita fuit repetita Consultatio de agendis, sequenti ordine propositis & administratis. Primum Leniens fuit.

℞. Pot. ex man. clarif. unc. v. aq. cinnam. parum, m. f. potio. Primum Præparans.

℞. Julap. acet. unc. iii. aq. florum citri, cinnam. an. unc. β. pro una vice, & sic pro aliis quatuor. Mox repetitum Leniens.

℞. Pot. solutivæ magistr. unc. v. addendo infusioni consuetæ rhab. opt. ʒ. i. β. aq. florum citri, cinnam. an. unc. β. m. pro potu, cui superbibat jus pullæ simplex, aut hordeo alteratum. Inde ad ulteriora Præparantia devenimus, ita præscripta.

℞. Succī depur. cich. borag. fumar. an. unc. i. salis tart. fixi gr. x. decoct. fol. endiv. beton. petrosel. unc. iii. m. pro una vice, & sic pro sex aliis. Secunda verò die dictorum Præparantium extractus fuit sanguis ad unc. vi. ex Jecoraria dextera, ab initio nigricans, progressu verò floridus. Interim vinum Aperientibus & Attenuantibus pro mensa medicatum ita præscriptum fuit.

℞. Salsæ parillæ, unc. iiiii. ligni tamarisci unc. vi. m. pro duabus vini situlis. Secuta præscripta præparatione, tale Purgans assumpsit.

℞. Pot. solut. magistr. unc. v. addendo infusioni consuetæ fol. senæ, rhab. el. an. ʒ. ii. aq. florum citri unc. β. m. f. potio, jure pullæ tenui superepoto. Mox in Aperientibus insistendo, præscriptum fuit.

℞. Decoct. cich. borag. fumar. agrim. lupulorum, scolopend. unc. v. Aperientis circulati ʒ. β. m. pro una vice, & sic pro quatuor aliis. Et tertio quoque die sumpsit Purgans.

℞. Extracti senæ, rhab. an. ʒ. i. m. f. pilulæ n. ii. pro una vice, & sic pro aliis. Interim tumorem lienis quotidie perfricandum esse jussimus, manibus tali inunctione illinitis.

℞. Ol. cyclam. capp. amygdalarum amar. an. unc. i. m. Hinc ad ulteriora Aperientia & Purgantia devenimus.

℞. Decoct. cich. borag. fumar. agrim. lupulorum, scolopend. unc. v. salis tart. volatiliz. ʒ. β. m. pro una vice, & sic pro tribus aliis, tertio quoque die; Inter-

mediis verò diebus minorativum Purgans fuit ita præscriptum.

℞. Extracti senæ ʒ. i. pilul. Paracelsi gr. xv. m. f. pilulæ duę, & aurentur. inde alia aperientia validiora ita præscripta fuere.

℞. Decoct. suprascriptę unc. v. salis tamarisci gr. x. Aquilę cœlestis gr. v. m. pro syr. & sic pro aliis; in quorum intermedio assumpsit pilulas Paracelsicas.

℞. Extracti senę ʒ. j. pilul. Paracelsi gr. xv. m. f. pilulę ii. & aurentur. Et tandem tale Purgans.

℞. Decoctionis Epith. Mes. pot. ex man. clarif. an. unc. iiij. aq. florum citri parum. m. f. potio.

Et quoniam jam dicta omnia incassum administrata fuisse observavimus, ad usum syrupi Ferneliani cum aliis Attenuantibus & Aperientibus deveniendum esse consuevimus; sed antea aperta fuit vena sinistra, & modicus extractus sanguis substantię solidę atque floridus. Inde præscriptum fuit.

℞. Decoct. cich. fumar. asplenii, scolopend. unc. v. oxymel. squillit. unc. i. tart. vitriol. gr. x. m. pro una vice, sic pro quinque aliis, tertio quoque die; intermediis verò diebus.

℞. Syr. Fernel. unc. ii. dissolvatur in vino albo, & summo manè assumatur. Hinc ad majora Attenuantia & Aperientia interna, atque Emollientia externa deveniendum esse censuimus, nimirum ad luta D. Bartholomei, utpote validè emollientia apponenda, & eodem tempore præscriptum fuit Decoctum splenicum attenuans & aperiens hunc in modum.

℞. Salsę parillę el. incisę, radicis ligni tamarisci incisi an. unc. i. aq. stillat. cich. lib. ii. agrim. lib. i. succi limon. unc. i. m. f. inf. S. A. per hor. xxiiij. bulliant ad consumpt. dim. & in media ebullitione adde radic. althęę ʒβ. postea f. colatura, & servetur pro duabus vicibus summo mane assumenda, cui præmittantur hujusmodi boli.

℞. Terebinth Ciprię ʒ. j. croci Martis aperitivi gr. vi. m. reform. boli .n. iiiii. pro duabus vicibus; in quorum usu viginti diebus perseveravit, & intermedio hujusmodi Purgans assumpsit.

℞. Pot. solut. magistr. ʒ. v. addendo infusioni consuetę polypod. querc. ʒ. β. radic. hellebori nigri præpar. ʒ. ij. aq. cinnam. cochlear. j. m. f. potio, cui superbibat jus pullę.

Quę omnia licet parum, aut nihil hucusque profecerint; nihilominus dura provincia deferenda non est, ut ad meliorem statum ducatur Illustriss. Co. & imminens Hydrops totis viribus arceatur; in quem finem in Emollientibus, Aperientibus & Resolventibus insistendum. Et quoniam emollientia primum locum exposulare videntur, idcirco parumper ab Aperientibus & Digerentibus desistendum, & Emollientia majora, tum intrinsecus, tum extrinsecus sunt eligenda. Intrinsecus lac asinum efficacissimum erit Emolliens, cum tantum in se contineat unctuositatem, quę quidem emollire poterit, at tumori crassam & viscidam materiam addere non valebit; quare præmisso sequenti medicamento evacuante descripto, lactis usus de more cum saccharo ad triginta dies usurpandus erit. Portio. ex man. clarif. unc. v. addendo infusioni consuetę polypod. querc. ʒ. iii. radic. veratri nigri præpar. ʒj. β. aq. florum citri parum, f. potio, cui superbibat jus hordeac. vel aquam, cum serum respuat Par. Illustrissimus. Decimo quoque die, dum lac assumit, aliquo minorativo medicamento purgante utendum erit, quale esse poterit illud à Paracelso compositum, quod continet Extracta diagyridii. helleb. nigri, & colocynth. ad semidrach. exhibendum, cum exigua portione elect. lenitivi, aut floris cass. reformatum. Interim extrinsecus quoque efficaciora Emollientia sunt quotidie apponenda, & si

possibile fuerit, tota nocte detinenda, hunc in modum paranda.

℞. Radic. cucum. asinini, brionæ, althææ, lil. alb. an. ℥. j. sem. lini, scœnugræci, an. pug. ii. fol. malvarum, mercurialis, betæ, parietariæ, ebulorum an. manip. ss. contund. contund. incid. incid. & m. bulliant in aq. ferrariorum cum sexta parte aceti, cui adde œsypi humidi ℥. ii. m. f. Cataplasma.

Terminato usu lactis, & Emplastri jam descripti, ad Aperientia & Resolventia efficaciora deveniri poterit, & intrinsecus, & extrinsecus adhibenda. Intrinsecus erit vinum chalybeatum, ita parandum.

℞. Vini albi opt. lib. xii. chalybis preparat. lib. j. ponantur in vase vitreo per octo dies, & quotidie bis vas agitur; tandem adde rad. tamarisci; corticum radice. cappar. an. ℥. j. rad. polypod. querc. ℥. ii. fol. senæ rec. mundat. ℥. ii. post tres dies ex hoc bibere incipiat Patiens summo mane ad ℥. v. Toto hoc tempore illiniatur bis aut ter in die tumor lienosus adipe leonino, quem extollebat Gal. dicens, quod sit medicamentum optimum, quia ob partium tenuitatem & caliditatem valenter duos tumores emollit ac digerit.

Tandem medicamenta à proprietate & vi. occulta juvantia nullo modo sunt omittenda per experientiam inventa, cui fides semper habenda; inter plura ab Antiquioribus & recentioribus recensita, in nostro casu eligi possunt Talus bovis pulverizatus; Vulpis hepar pulverizatum; decoctio lienis bovini; pulvis herbe galiopsis, quæ milzatella quoque, & urtica mortua, imo & Arca Angelica appellatur. De talo bovis assererat Gal. quod durum splenem liquefacit; de Vulpis hepate dicebat, quod duos lienis & hepatis tumores dissolvit. Decoctio lienis bovini extollitur à Quercetano, sicut herba galiopsis, sive milzatella commendatur à Dioscoride, Marthiolo, & omnibus Recentioribus. Quare modò unus, modò alter ex pulveribus tali bovis, hepatis Vulpis, aut galiopsis herbe exiccate ad ℥i. in decoct. lienis bovis assumi poterit summo mane per plures dies, dum universo lienis tumori apponetur Ceratum nostrum lienosum, ita efformatum.

℞. Ammoniaci pingui. ℥. ij. sal. albi ℥. j. comarum absynth. manip. j. m. contund. omnia per horas, ita ut à calore pistili atque mortarii liquefiant, & fiat Ceratum super aluta addendum, & lienis apponendum, quousque à seipso decidat.

Jam dictis omnibus congrua vivendi ratio addenda, quæ superioribus Consultationibus fuit satis superque descripta; inter quæ duo præsertim repetitione indigere nobis videntur, nempe parcè bibendum, & quamplurimum laborandum esse jejuno ventriculo. Deus omnia fortunet, & vota nostra secundet. *Idem ibidem.*

Pro virgine Lienosa. Quæ aliis tribus prius allatis respondet.

Consultatio IV.

Nulla mihi vel gratior, vel expectata magis, quam ad Te scribendi, Vir Inclite, offertur occasio, utpote in quo medica verè prudentia effulgeat, quam seridò in te agnovi, & unice diligo, & ex qua solidiora semper excipiam. Quæ igitur in Illustrissima Comitissa circa sanguinem observanda imperasti, ad amissum peregi. Primò namque, & quæ tempestivè, nec excedentes supervenire menstruæ expiationes, extiterè colorationes initio, postmodum dilutæ valde, & viscida mucositate oppletæ. Dein qui ex vena cubiti eductus sanguis in prima matula niger ubique valde, in altera laudabilior.

Concrevit uterque ex toto vix dimidiis, consistens tamen, ac in sublimi obsistenti ex pituita, crassa velatus, reliquus purum serum. Alvi excretiones biliolæ simul & pituitolæ. Urinæ sæpius cum crassiori ac copiosiori sabulo, nonnunquam cum farinaceo sedimento deponuntur. Quæ omnia ulteriorem Alterationem & Defecationem desiderantia, tuis præfidiis tractantur, ex quibus nil omittendum censerem, cum Indicantibus apposite respondeant. Tibi verò annuente inserviet sedulo singularis observantia mea, qua summam tuam Virtutem semper ex animo colam. Vale.

Dum quæro, & Te verò hominem invenio, quid mirum, si præsentem, aut saltem alloquentem, ut temetipsum videam, perpetuò concupiscam? Et cum in profligandis morbis, spe quoque medica destitutis, te non semel, Duce Virtute, fortunatum observaverim, cur teipsum comitem semper non optabo? Et præsertim pro hac Comitissa Illustrissima, moribus præclara, meritis referta, & ut pristinæ sanitati restitatur, totis nostris viribus digna: Hujus itaque sanguinem è brachio extractum, & solitâ diligentia à judicio tuo perspicaci consideratum, in genere quidem primò exultum vocari debere mihi quoque videtur, tum ratione copiosæ serositatis, & tandem ratione crustacæ & omni-genæ naturæ excrementis abundans, quæ ne tumori superaddantur, purgationem requirunt; eoque magis, cum ab illo non valde distet menitruæ purgationis conditio. Verùm consideratione non minus dignum, quam utile est, ad crassam illam, furfuraceam, arenosam atque tartaream subsidentem materiam efformandam non sufficere venarum & arteriarum calorem, sed renum quoque fervorem concurrere omnino necessarium esse, cujus ratio in Curatione erit habenda; & ideo salte Decoctum in tertia Consultatione præscriptum, diureticum libenter redderem, infusione facta in aquis, moxque emulsione ex seminibus refrigerantibus diureticis præscripta; adeò ut & Decoctum, & Emulsio simul præbeantur: ita enim toto prius Purgantibus evacuato, tutius per locum conferentem naturæ expellenti inserviemus, & unâ renum fervorem temperabimus; non omisso tandem jam proposito lactis asinini usu: Meum tamen sit proponere. Tuum verò disponere; siquidem tuæ summæ Virtuti confisus, tuis quoque decretis lubens perpetuò subscribam. Vale. *Idem ibidem.*

Pro Eadem.

Consultatio IV.

Lienosa Illustrissima Virgo, tribus præteritis meis Consultationibus descripta, quarta vice modò ad me pervenit ut de agendis pro meliori statu consulat; Etenim cum de integra sanitate assequenda spem exiguam semper concepit, cum ab infantia usque ad vigesimum suæ ætatis annum tumorem in liene citra ullam animadversionem, minusque medelam, libera vivendi ratione nutritur atque fovetur, eundem tumorem uti sibi familiarem atque connaturalem semper patienter tulit, donec tandem ad tantam molem evectus est, ut totum abdomen, ceteraque omnia viscera naturalia occupaverit atque compresserit, sicque & Menstrua prorsus interfecerit, & coctiones, tum in ventriculo & primis viis, tum in hepate impederit, & Virginem Nob. prope Cachexiam duxerit: tuncque ad Medica auxilia confugere coacta tantum ab eorum administratione levamen consecuta fuit, ut tumor magnus & durus ad multò minorem molem sit modò reductus, ita ut in præsens à me manibus tractatus, multum à jecore distans observetur, nec adeò ventriculum obtegit, minusque Uterum comprimat, & in ipsius lienis regione, inter

umorem ipsum & costas mendosas manus tangens apponi & intercedere possit; & idcirco & coctiones melius procedunt; unde totum corpus & magis nutritum, & probiori colore præditum est, ad motum quoque agilius; & menstrua tandem post tertiam peractam Purgationem apparere, quæ singulo quoque mense, statim temporibus, naturaliter & sufficienter perseverant; tumoris autem qualitas est, ut in inferiori hypogastrica parte durus & fere indolens sit, in epigastrica verò superiori, & mollior, & majori sensu præditus observetur. Quibus ita se habentibus, de agendis me consulit Virgo Nob. ut aliquid in melius adhuc proficere possit: prolixas tamen & laboriosas Purgationes evitare cupiens; cui satisfacere intendo, cum ejusdem tumoris partem molliorem magisque sensibilem attenuare, magis emollire, & imminuere spem habeam, dum interim & hypogastricam partem molliorem reddere, quoad possibile fuerit, tentabo.

Sed prius primæ viæ sunt expiandæ. Secundò Aperientibus & Attenuantibus à crassis humoribus vindicandæ. Tertiò Tumor lienis emolliendus, & Purgantibus per epicrasin exhibendis imminuendus.

Præbeatur itaque potio magist. ex manna clarif. additis quoque duabus unc. mell. ros. solut. & exigua aqua florum citri. Mox primum Præparans, sex diebus matutinis horis offerendum, erit oxymel dilutum ad ℥. iii. cum polline crem. tart. & cochleari aquæ cinnamomi. Præparati verò humores expurgentur potione ex manna clarificata, consuetæ infusioni addendo portionem agar. arque rhabbari. Inde ulterior procuretur humorum præparatio ita.

℥. Succ. depur. & per arenam trajecti, cich. agrim. an. ℥. j. salis tart. gr. xv. dec. in jure pulli paratæ, melissæ, lupulorum, asparag. cuscutæ, petrosel. ℥. iiii. m. pro syr. & sic pro aliis septem. Interim de sanguinis missione nulla sit mentio, quoniam jam fluunt Menses, quorum ordo naturalis à superiori sanguinis missione facile perverti posset; ideo post jam dictam præparationem sequatur Purgans ex infusione rhab. agar. & senæ, addito syr. solut. & de polypodio. Tandem ad lienem emolliendum ac imminuendum internis & externis deveniri poterit. Præparans.

℥. Succ. depur. & per arenam trajecti, fumariz, agrim. an. ℥. j. aceti squillit. ℥. β. tart. vitriol. gr. x. decoct. in aqua fabrorum paratæ, cich. lupulorum, scolopend. splenii, radic. cappar. ℥. v. m. pro syr. & sic pro aliis. Sequenti verò die bibat vinum chalybeatum, ita parandum.

℥. Vini albi maturi lib. j. limat. chalybis ℥. iiii. fol. tamaricis, asplenii, senæ rec. mundatæ an. pug. j. cinnam. integri ℥. ii. m. macer. xxiv. horas, & factâ colar. servetur pro duabus vicibus matutino tempore, summo mane præbenda. Tertia die repetatur syrupus ex succis & tart. vitriolat. Quarta reassumatur vinum chalybeatum, & ita progrediatur, alternatim utrumque sumendo supra viginti dies. Et interim tota lienis regio erit illinienda.

℥. Adipis anser. ℥. ii. leonini ℥. j. ol. de cappar. de cyclam. an. ℥. β. m. reform. linimentum splenicum. Sed tertio aut quarto quoque die, frequenter toti regioni lienis cucurbitula sicca apponatur, sed statim apposita detrahatur.

Verum quoniam Melancholicos per inferiora purgandos præcipiebat Hippocrates; ideo vinum medicatum electivè purgans, ut sibi domi paret, & in usum ducat familiarem Nob. Virgo, consulo, hunc in modum: Accipiat phialam vitream, amplo osculo fabricatam, vino albo in mensa consueto repletam, cui addantur hujusmodi ingredientia.

℥. Fol. senæ rec. opt. mundatæ, radic. polypod.

quercini an. ℥. β. rhabbar. opt. mat. ℥. i. m. reponantur in phiala, & f. infus. citra ignem per diem naturalem, osculo phialæ bene clauso: deinde coletur, & colatura ad usum servetur, cujus cyathus primus, postquam comederit, in prandio hauriatur; reliquo vero tempore prandii bibat vinum purum, sibi consuetum; hoc autem uti poterit quandoque etiam tempore æstivo, frequenter verò Autumno & Hyeme; in cujus præparatione tunc addi quoque poterit limatura chalybis ad unc. v.

Hisquæ omnibus victûs ratio conveniens erit semper addenda, aded ut panis sit bene salitus, bene fermentatus, beneque coctus. Vinum sit medicatum; saltem tamariscatum. Alimenta sint attenuantia & acria: sic acetum, non solum medicamentis componendis, verum & in cibis condiendis utilissimum existimavit Galenus.

Plurimum fiducia in exercitio ante cibum ponebat Aëtius: unde quietem hoc vitium augere, dicebat Celsus. Ad alvum autem sollicitandam utatur vino solutivo, jam præscripto. Quæ Nobilissimæ atque Honestissimæ Virgini pro nunc scripta sufficient. *Idem ibidem.*

Pro Eadem.

Consultatio VI.

Tumor scirrhusus qui multis abhinc annis Virginem Illustrissimam corripuit post febrem perpeßam & immodicum potulentorum usum, dum à mensium suppressione, fomentum imò augmentum semper suscepit, licet à præteritis Curationibus quodammodo cessasse visus fuerit, rursus tamen invaluit, & universam abdominis regionem, uno excepto jecore, occupans in superiori parte, quia indolens, scirrhus omnino absolutus atque perfectus factus est, cujus augmentum inhibere, nedum jam factum curare, impossibile mihi videtur: siquidem solam Uteri compressionem ab aded insigni tumore, præter sanguinem, in Uteri venis crassiorem redditum, menstruorum expurgationem suppressere posse credo. Quare pauca aliqua, sed efficaciora, administranda proponam, ut portio non aded scirrhusa minuat, utque augmentum remorando, Cachexia & Hydrops, quoad fieri poterit, arceatur.

Idque primas vias expiando, humores atros atque melancholicos præparando, & per epicrasin expurgando; atque portionem tumoris lienis emolliendo & resolvendo.

Pro quibus explendis, aliqua, sed parca sanguinis missio ex Jecoraria dextra admitti poterit ad sanguinem potius explorandum, quam evacuandum. Cauterium sinistræ coxæ inustum præter rationem non esset. Leniens tumori tale Ceratum adaptari poterit.

℥. Diachil. magni cum pingued. ℥. iiii. succi cyclam. petrolei an. unc. β. pulv. rad. ireos, herbæ reginæ an. ℥. ij. m. reform. Ceratum ad ignem, extendatur super aluta, & lienì apponatur.

Primæ viæ expientur potione ex manna clarificata. Inde quinque diebus summo mane assumat julapium acet. cortic. citri aromatiz. ad unc. iiii. tribus additis pollinis crem. tart. drachmis, ut repetatur potio jam dicta, addito rhabarb. & agarico infusioni consuetæ. Deinde pro humorum præparatione parari poterit hujusmodi oxymel.

℥. Fol. capill. Ven. ceterach. tamarisci, fumariz an. manip. β. rad. petrosel. fœnicul. cappar. cyclam. an. unc. j. aq. stillat. malv. agrim. capill. Ven. cichor. an. lib. β. m. bulliant ad consumpt. tertiæ partis, deinde f. fortis expressio, & colaturæ adde aceti opt. unc. vj. mellis opt. sacchari albi an. q. s. m. f. oxymel longum

longum S. A. ad ignem, & in ebullitione addatur globulus, ex pulveris radic. ireos odorat. & cinnam. an. 3. β. paratus, cujus dosis est ad unc. ii. in decoct. malv. agrim. borrag. & scolopendrii, in cujus usu insistat ad xv. dies. Verum post septem primos dies assumat medicamentum minorativum, ex lenit. confect. Hamech & Extracto senæ paratum, quod repeti poterit septem aliis diebus transactis.

Inde ad usum alicujus validi Aperientis deveniendum erit, quod simul & efficax ita parari poterit.

℥. Fol. malv. melissæ, borrag. fumaricæ, matricariæ, matrisil. herbæ reginæ, scolopendr. origani, pulegii, calamenthi, dictami Creten. an. manip. i. rad. cappar. cyclam. althææ an. unc. ij. gum. ammon. chalybis præpar. an. 3. β. salsæ parillæ opt. inc. ligni tamarisci inc. an. unc. iii. aq. stillat. capill. Ven. artemis. agrim. lil. alb. malvarum an. lb. iv. m. macerentur per duos dies, deinde f. torcularis expressio. Expressioni iterum similia prioribus ingredientia addantur, & fiat nova maceratio per duos alios dies; deinde fiat rursus fortis expressio fæces omnes calcinentur, & repellantur in manicâ Hipp. deinde liquor expressus fervens ter fæcibus superaffundatur, mox tale lixivium B.M. destilletur, & aqua destillata servetur ad usum; atque tandem colligatur Extractum in fundo Continentis, ad melleam consistentiam redactum. Deinde.

℥. Jam dictæ aquæ unc. vi. summo mane quotidie assumendæ, cui præmittatur bolus ita paratus.

℥. Extracti jam dicti ʒ. i. Trochis. de cappar. ʒ. β. m. reform. bolus, in hujus autem usu perseverare poterit integro mense, decimo quoque die assumendo Extractum senæ & polypodii cum flore Cassiæ. Interim in consueta victus ratione persistat, ut vitam diutius protrahere valeat. *Idem ibidem.*

Observationes.

Pro lienis dolore, duritie, & Inflammatione.

Detur primò vomitus cum vino emetico. Deinde exhibe electuarium splenicum.

℥. Ras. chalyb. præp. ʒi. scolopendr. ʒi. spic. nard. Lap. lazul. an. ʒiii. cinnam. ʒβ. cum melle cocto despumato. F. elect. cujus sumat. cochl. j. manè tribus horis ante cibum; & vespri alterum cochl. duabus horis ante cœnam. Rodericus à Fonseca. tom. 2. consult. 75.

Multis & variis tentatis remediis, æger tandem hoc unguento sanus factus est.

℥. Ol. communis lbiiij. medull. cruris bovis lbj. butyr. rec. lbβ. succ. bryon. succ. cyclam. an. lbj. bulliant ad lentum ignem usque ferè ad succi consumptionem: colat. adde pulv. ceterach: cort. cappar. tamarisc. sem. agn. cast. an. ʒiii. M. F. unguentum. Est hoc unguentum mirabile quo omnes doctissimi Medici Ferrarienses usi sunt, inter quos numerare est Savonarolam, Ugonem de Senis, Leonicum, Bonaciolam, Manardum, Brassavolam, & omnes hodie ibi artem medicam exercentes, cum quibus nos per septennium ibidem agentes eò quoque sæpe usi sumus & magnum ex ejus usu observavimus juvenentum. *Amatus Lusitanus.* cent. 1. curat. 86.

Pro Lienis obstructione.

Mulier quædam obstructione lienis cum Levi tumore non admodum duro laborans, sequentibus medicamentis utens egregiè habuit.

℥. Endiv. cichor. cum rad. ceterach, cap. ven. cusc. scolopendr. an. M. i. summit. lupul. M. β. cort. rad. cappar. tamar. an. ʒβ. sem. agn. cast. ʒii. sem. anis.

carvi. an. 3. j. fol. fen. ʒiβ. epithym. ʒiii. uvarum exacin. ʒi. F. omnium decoctio pro iti. add. ʒiii. aceti in decoctione, in colat. dissolv. oximel. simpl. syr. de quinque rad. & de scolopendr. an. ʒi. M. F. julepus. Deinde secta est vena lienaris in manu sinistra, quod egregiè profuit. Postea denuo purgata est, pilulæ iii. ex ʒi. ammoniac. aceto dissolut. exhibitæ sunt, supersorbendo oxymel. scillit. ʒiβ. hoc enim solo vidi præceptor meum Elidæum Bononiæ curasse quendam splenicum tribus annis eo malo detentum. Jussi quoque ut uteretur vino decoct. rad. filicis, quo & idem præceptor meus uti solebat. Idem dedit Amatus, cent. 6. ad splenis duritiem post universalia remedia, ad viginti dies, minuit enim lienem, ut & foris aceti acerrimi in quo lapis pyrites candens extinctus fuit, quod acetum spongiâ exceptum ad Gal. meliorem optimum est remedium.

Utebatur etiam Elidæus hoc unguento & cerato.

℥. Succ. Bryon. succ. cyclam. an. lbj. dialthææ ammoniac. in aceto solut. ol. cappar. amygd. d. an. lbβ. omnia in duplici vase bulliant, adde ceræ q. s. ut F. unguentum.

℥. Pingued. anser. mucilag. alth. an. ʒi. pulv. tamarisc. ceterach. rad. filic. an. ʒi. resin. colophon. ʒiii. ceræ, resin. pini, an. q. s. F. ceratum: commendabat pulverem tamarisci in furno exsiccari cum cinnam. in cibis, & in potu dabat pulv. rad. filicis. *Petrus Forestus* obs. 2. *De Lienis Morbis.*

Cum Villicus quidam Lienosus siti maxima torquebatur, jus cum tribus aut quatuor guttulis spiritus vitrioli sumens, ad temperandum immodicæ sitis æstum, ex hac portione ventris soluto plus quam quadrages, siti & obstructione lienis liber convaluit, ita in multis casibus res eveniunt inexpectatæ. *Dominicus Panarolus.* obs. 21. pentecoste 2.

Sacratissimus Imperator Ferdinandus tertius, pro cura verna, ex consilio medicorum, solius limaturæ chalybis crudæ in vinum passulatum infusione utebatur, quam malè colatam & filtratam frigide bibebat, & in curru vectus celeriter, quia pedibus uti non poterat, sese per horam exercebat. *Wolfgangus Hoeserius, Herc. med. lib. 3. cap. 3.*

Pro Lienis Scirrho.

Post universalia remedia, imperavi, ut hoc arcano Præceptoris mei Faventini uteretur ad quindecim dies, quo omnis durities splenis dissolvitur.

℥. Rad. filicis ʒβ. rad. cusc. ʒii. M. & bulliant in ʒviii. vini albi potentis ad tertiæ partis consumptionem: colatura patienti detur. Postea ut hoc unguento regio lienis inungeretur mandavi: quo & alii curati sunt, & magni pretii apud me habetur.

℥. Ol. cappar. ʒi. ol. lil. alb. amygd. d. chamæm. butyr. rec. an. ʒβ. succ. bryon. cyclam. an. ʒβ. ebulliant olea ad consumptionem succorum: adde ammoniac. in aceto solut. ʒiβ. pingued. gallin. medull. crur. vitul. œsyp. humidi an. ʒβ. pulv. cort. rad. tamarisci, capparum, ceterach. rad. filicis, an ʒi. pulv. sem. agn. cast. genist. an. ʒi. ceræ parum: F. unguentum. *Petrus Forestus.* obs. 8. lib. 20.

Ceratum meum de ammoniaco, quo ego utor, fuit impositum: cujus hæc est descriptio.

℥. Ammoniac. dissolut. in aceto, ʒi. dialth. & empl. de melil. an. ʒβ. furfur. ʒi. pulv. rad. bryon. sicc. pulv. rad. ireos sicc. an. ʒβ. pingued. anatis, anser. gallin. an. ʒiii. bdell. galban. an. ʒiβ. ol. irin. ʒiβ. bulliant leniter in mucilagine sem. lini, fænugræc. an. q. s. adde ceræ ʒβ. terebinth. & resin. pini, an. ʒiβ. F. ceratum S. A. Plurimum emollit & resolvit duritiem scirrhosam

ut hoc ipsum pro arcano habeam, ac in officina pro me semper paratum inveniatur. Deinde lien fomentabatur cum aceto in quo lapis molaris vel pyrites candens extinctus sit. Idem. observ. 10. lib. 20.

Virum quendam à multis annis scirrho lienis graviter laborantem, divino favore feliciter & brevi, his quæ sequuntur medicamentis, sanitati restitui. Instituta itaque primò optima victûs ratione, sequens lenitivum exhibui.

℞. Fol. agrimon. veronic. cuscüt. scabios. fumar. an. M. ℞. sem. anis. & fol. sen. an. ℞ii. F. decoctio in colat. ℞iiii. dissolv. confect. hamec. ℞iiii. diacathol. ℞℞. M. F. potio.

Purgato corpore, sequens præscripti apozema.

℞. Rad. fœnic. aspar. lapat. acut. scrophular. poly-pod. q. saniculæ, cort. inter. rad. frangulæ, an. ℞i. fol. agrimon. veron. cuscüt. scabios. ceterach. fumar. scolopendr. cap. ven. cochlear. nasturt. aquat. an. M. j. fl. genist. sambuc. an. M. ℞. sem. fœnic. anis. an. ℞i. liquir. ras. uvar. pass. exacinat. an. ℞i℞. fiat decoctio S. A. in colat. tibi. dissolv. syr. de scolopendr. de epithymo, an. ℞i℞. aq. cinnam. & aceti. an. ℞j. M. F. apozema pro tribus matutinis. Interim loco affecto sequentem applicui sacculum.

℞. Rad. alth. malv. cum toto, an. ℞i. fl. chamæm. melil. sambuc. fol. cochlear. nasturt. aq. an. M. ℞. incidantur & contundantur, indanturque sacculo, quo filo intertexto, & in aq. cocto, calidè bis aut ter quotidie applicetur. Post forum totum latus unguento meo, ad splenes induratos inunxi, emplastrumque meum de cicuta supra alutam extensum applicui. Hisce scirrho emollito, sequentem potiunculam propinavi.

℞. Confect. hamec. ℞iiii. extract. hellebor. nigr. gr. vi. aq. cinnam. ℞℞. cum decoct. præscripto F. potiuncula, sumatur mane. Corpore ac potione tam per superiora quàm inferiora (absque tamen ulla violentia) probè expurgato maximum levamen persensit; evomuit enim multum humoris adusti, nigri, & melancholici, procul dubio ab elleboro ventriculum versus attracti: quapropter ne imperfectum relinquereimus opus inceptum, denuò apozematis præscripti doses sex vel septem exhibui, interim quoque fomentationibus, inunctionibus & emplastro præscripto usi sumus: per intervalla quoque potiunculam ex confect. hamech. & extracto ellebori propinavi. Sic divino favore plenissimè convaluit, multosque deinceps annos incolumis supervixit. *Fabritius Hildanus* obs. 49. cent. 2.

Unguentum ad splenes induratos ex oleo amygd. d. ol. de cappar. pinguedine humana, ursi, caponis & anseris, in quibus succus cochlear. nasturt. aq. & tamarisc. coxerit, conficio. Adde nonnunquam nonnihil gummi ammoniac. dissoluti aut in prædictis succis aut aceto scillitico. Idem. pag. 657. Ibi etiam habetur descriptio empl. de cicuta.

Mirabile est Emplastrum ex cicuta cum ammoniaco, aceto dissoluto. Accipe cicutæ Miiii. ammoniac. t℞℞. infunde aceto acerrimo dies octo. Deinde bulliant, dum ammoniacum solvatur, hinc per pannum fortem lincum validè exprimatur, iterumque expressus liquor ebulliat quinquies, & adjectâ cerâ, cum oleo amygd. d. F. unguentum. Hoc sit pro secreto: nam omnem duritiem molliet. *Joann. Heurnius. lib. 2. Method. ad praxin. cap. 10.*

In lienis scirrho remedium habeo probatum, ceratum nimirum compositum ex duabus partibus ammoniaci in aceto dissoluti, unâ succi tabacchi, dimidiâ resinæ pini, terebinth. & succ. ebuli, unâ olei de cappar. & ceræ novæ q. s. ad empl. seu cerati formam adipiscendam, quod emolliente & dirigente sua facultate plurimos obduratos lienes sanavit: dicam vobis ali-

ud quod ostendit aliquando experientia: curabam quendam nobilem; cujus custos domûs erat hydrope affectus ex scirrho lienis, quem habebat pertinacissimum, cui ego ordinavi spongiam ex aquâ calcis vivæ expressam. Sanato domino non ampliùs accessi, neque ille me adivit, sed expertus indies magis spongiarum earum utilitatem perpetuò usus est spongiis jam propositis, quousque tum ex hydrope, tum ex scirrho lienis fuerit curatus. *Hier. Fabrit. ab Aquapendente lib. 1. Chirurg. cap. 51.*

Puella septem annos nata correpta fuit febre quartanâ, & post curationem ipsius incidit in tumorem durum & scirrhosum lienis: curata fuit solo usu aq. stillat. tamarisci; cum oleo vitrioli: sumebat singulis matutinis horis jejuno ventriculo, istius aquæ ℞iv. cum ol. vitriol. gr. vii. & intra mensem perfectè curata fuit. *Joh. Faber. curat. 67.*

Novi vetulam quandam (cum viginti annis splenetica fuisset) tumore lienis duriusculo laborantem solo continuo esu capparum convaluisse. *Petrus Forestus. obs. 2. lib. 20.*

De exciso Liene ex homine, sine noxa.

Sculterus pagi *Henickenhagen*, non procul à Colberg. à rustico, quem in terram prostraverat, sibi subjacente in sinistro latere cum cultro graviter fuit sauciatus: in cultri acie media scissura magnam simul partem lienis extraxit: subsequenter subinde vomitibus, magis fuit lien expulsus, & per noctem illam in suo sanguine, ob absentiam talium, absque adjutu ullius, qui potuisset opem afferre, decubuit. Mane è Colberga jussu Magistratus, Nicolaus Matthiæ, Chirurgus Colbergensis, adveniens miserum in cruore immersum invenit, lienemque è corpore propendentem tumidum. Omnes, qui tum præsentibus cum Sacerdote fuere, videre splenis parenchyma, & admirati sunt, tam nobile viscus per vulnus prominere. Chirurgus cum lacte, cæterisque ad idoneam fomentationem facientibus herbis plagam curare aggressus, patientem circa Solis occasum in urbem Colbergam transferri curavit. Postero die Medico ad consilium vocato, lienem per vulnus prætundum monstravit, & utrum præscindere eundem deberet, quæsit. Ille verò, quia neminem sine liene vixisse unquam docuerint Authores, renuit: nec enim unde postea effluens affatim sanguis ex abdomine, viam vel modum exitus habeat, sibi constare, respondit. Chirurgus è contra, quia per lien ampliùs per vulnus intrudi, inque locum suum convenientem reponi posse non videret, satius esse illum auferri judicavit.

Huic assensit patiens, in tali mortis versans discrimine omnia pati patienter paratus. Tunc sericeo partem splenis propendentem arctim ligavit vinculo, & integrum viscus extraxit: Hinc eam, qua adhærebat corpori, partem funiculo perstrinxit, & tertio post die universum sectione abstulit lienem, sanguinem abundè fluentem pulvere stiptico compescuit, cæterisque convenientibus medicamentis intra trium septimanarum spatium ad sanitatem, vulnerratum reduxit, remanente saltem in illo vulneris loco tuberculo avellanam æquantem; quia vasa ibidem abscissa carni se agglutinarunt. In hunc usque diem commodè cum uxore, non exors prolis vivit, laboribusque solitis præest. *D. Danielis Crugeri.*

De Lienis resectione in Cane vivo.

Anno 1663. mense majo, assidente Magistro Pearle, Ducis Eboracensis Chirurgus ordinario, è cane gregario, quoad corporis molem mediocri, non pingui, lienem exciseui, transversim facto vulnere circa lienis regionem, ex quo iratum animalculum, partem omenti, intesti-

intestinatorum & ipsum lienem extruxit, quem nullâ factâ ligaturâ, partim secando, partim digitis separando penitus avellimus, deinde partibus cæteris extrusis repositis, vulnus statim consuebamus, & hirriens animal servi curæ commisimus, qui brevi post futura priori ab irato animali rupta, vulnus iterum consuevere coactus erat. Ab illo tempore tamen canis perfectè sanus evasit, magis quàm antea mansuetus, & ad actus venereos postea valdè proclivis.

Hoc modo vitam sanam & multò jucundiorē degit, & pinguior etiam evasit. Mense Aprili anni sequentis, canis, quo casu nescimus, præ foribus mortuus & rigidus, capite contuso inventus est.

Aperto cadavere partes carnosas rubicundiores, quàm in aliis animalibus observavimus, uti & pinguedo, ubicunque erat, albissima apparebat. Mesenterium in vasorum interstitiis, diaphaneitatem, illius instar quæ in septo lucido reperitur, exhibebat; vasorum tamen ramificationes ubique pinguedine illa albissima coopertæ. Partes cæteræ omnes, pro naturæ modo apparebant; partes tamen omnes rubicundæ floridiores erant, quàm in aliis apparere solent animalibus, & partes albæ multò albidiores, quod quidem non injucundum præbebat spectaculum; sed ubi lien exsectus erat, pars omenti, & vasa splenica, cicatrici interiori vulneris firmiter annecti videbantur. *D. Timoth. Clarchii.*

Num lien certa veneris sedes.

Veneris sedem, vel malis nidum in Liene esse Helmontius Author est Tr. de asthm. & tuss. §. 58. Id quod Veteres simili illustravere, ut conjicit citatus, dum Saturno Splenem Deastrorum primo, primam ascribere paternitatem & inde Faunos & Satyros (genus salacissimum atque scurrile) figura depinxere. Quam sententiam multis firmare rationibus nititur in Tract. Jur. Duumvirat. ubi tandem §. 42. ita concludit. Uti Sanguificatio in venis mesenterii tanquam Jecoris stomacho: Sic spermatis coctio fit in testibus à Splene. Huic Opinioni magnam lucem affundere videtur Experimentum D. N. Frederici Deckers Med. Doct. in notis & observationibus nuper editis ad Praxin Barbetriannam p. 221. lit. b. annotatum.

Dissecuimus quoque subinde canes lienem eximendi gratiâ; notatu dignum observavimus in cane fœmella jam destituta atque curara; nempe quod annum circiter à dissectione catulire incipiens, cumque aliis canibus bis terve congressa, nunquam conceperit nec catulos produxerit; quare nonnulli lienem vim sanguinem prolem generandi aptum adscribere.

Verum autem verò, de singulis circa Naturam præprimis versantibus dubitare magna pars est Sapientiæ, vel ad minimum via ad indagandam veritatem, sic dubium mihi cum D. N. Regnero de Graeff amico meo integerrimo Anno 64. Leidæ decretum fuit simile experimentum. Canem fœminam ipse in ædibus paternis Schonoviæ alebat, ut melius cura ipsius haberetur, cui excissus lien erat. Quæ Canis postea imprægnata duos vivaces genuit catulos, & quod mirandum, quod canis aliàs vegeta duos solùm produxit. Et quo experimento liquet, licet Lien haberet vim spermaticam, tamen non sufficere, ut illo sublato tota quoque tollatur animalis fœcunditas, licet imminueretur, nisi quis hîc instare vellet fœcundum quidem habuisse semen istam canem sed antea paratum & reconditum antequam Canis liene privata fuerat. Ex altera parte in dubio manet an lien paucitas annumeranda, an potius massæ sanguinæ, ex qua Spiritus genitales extrahuntur, quæ non ita disposita fuit quemadmodum in aliis, nam licet Lien absque canis interitu excindi possit, & canes

isti vivaces æquè ac alteri videntur, tamen dubito quod functiones naturales æquè peragantur, quemadmodum in aliis; Lien enim non est viscus inutile, uti censuere nonnulli Anatomix ignari, mirabilis enim & copiosa arteriarum & nervorum textura longè aliud docent, & licet Lien non ad esse, tamen necessarius erit ad bene esse Animalis.

Quæ experimenta jam cum mihi ipsi non sufficiant, ut vel in dubiam vel vanam proclamem Helmontii sententiam, hîc Tibi author sum B. L. si majorem certitudinem desideras, ut varia experimenta tentes canesque fœminas & masculos quibus Lien sectus jungas, ex quorum reiterata conjunctione certò certius Sententiæ veritatem invenies.

Scholion.) Notum est à multis & primæ notæ Anatomicis sæpius operationem per quam excinditur lien fuisse tentatam & levi quoque diligentia illam peragi posse, & ut plurimum feliciter succedere. Hinc miror nonnullos esse Summos Medicos, & inter illos aliquot Anatomicos, qui negant illam assertionem absque interitu animalis impossibilem esse, quia ipsimet experimentum tentarunt, sed cum morte canis. Quorum in gratiam, & illorum qui adhuc illud tentare volunt addo, quod cauti sint in ligatura vasorum abscissorum, nam multi unicâ ligaturâ omnia vasa constringunt, quæ vix sufficit, Sanguis enim copiosus movetur ad vasa abscissa, qui impetu suo sæpius vasa à ligatura liberat, per quæ sanguis & cum ipso Vita exitum querit animalis.

Et hinc mors non dependet ex defectu lienis, sed potius ex operatione non ritè peracta. Si itaque successus in hac operatione sperandus, singulis vasis, singularis & quidem artificiosa injicienda ligatura, vel potius bifida si possibile est. Plura curiosa de Liene addere possem, sed illa tibi B. L. promitto invenienda in anno secundo Miscellaneorum. Unicum addo, quod dubiam meam mentem tenet de Liene, qui si Sedes esset Veneris; fermentumque præparet quod semen reddit fœcundum, cur non secundum leges Circulationis sanguinis via adsit manifesta per quam Natura illud duceret ad testiculos. Posito enim in liene præparari fermentum aliquod, Lien tamen nulli parti illud communicare potest quàm Hepati, nisi quis statuere vellet lienis fermentum prius admixtum toti massæ sanguinæ, tandem cum sanguine advenire ad testiculos, quod assertum tamen an subtilitati an potius veritati annumerandum nescio. *Joach. Georgii Elsneri.*

De Lienis resectione in homine vivo.

Lanius quidam rusticus in parte hujus Insulæ Occidentali, in Comitatu Sommerfetenfi, in villa prope Crookhorne, VVayford dicta, Guilielmus Panier, nomine, ære alieno oppressus, ne in jus caperetur, semet ut plurimum abscondere coactus erat, tandem dum privatim laniavit, lictores illum jam capturi erant, quos ut evitaret, vir desperabundus, cultrum laniarium in sinistram abdominis partem adegit, unde magno facto vulnere, pars omenti, intestinatorum, & lien etiam statim erupere. Hinc lictores perterriti, virum, ut putabant, moribundum, statim dereliquere; Per trium dierum spatium, vulnus sine futura manebat; tandem verò accersitus chirurgus, retrusis intestinis, partem omenti, cum liene, cultro abscindebat, & confuto vulnere brevi convaleuit lanius, & per totum annum sequentem sanus & hilaris vitam degebat, & deinde in novam Angliam profectus est, ubi non ita dudum sanus adhuc vivebat. Vir fide dignus & testis oculatus Doubeny Tubeville M. D. & inter nostrates oculorum medela

medela celeberrimus, hanc observationem mecum communicavit. *D. Timothei Clarkii.*

Lien, citra Sanitatis læsionem, extisus.

Clariff. Marci Gerbesii. Miscell. Curios. Decur. iij. Ann. 9. & 10.

De genuino Lienis usu, etiamnum sub Iudice lis est. Communiter tamen, & probabiliter videtur is esse sanguini à crassioribus, vulgò tartareis dictis, acidis & atrabilariis particulis depurando dicatus. Quæ aliàs ex quocunque hujus visceris defectu in corpore relicta evaderent plurimarum gravissimarum indispositionum causa: imprimis obstructionum, magnorum lienum, schirrorum, melancholiæ, scorbuti, arthritidis vagæ, febrium quartanarum &c. Id quod quidem, si ita est, libenter videbo; si benignum Numen eò usque mihi vitam prorogarit, quânam se habitura sit triennis puellula, elapso mense Julio in nostra hac Labacensi Urbe, à propria sua matre Liene fortuitò privata? Infecerat verò paulò post, cum vespertinâ quieti sese dederat lectum puellula, interdium cerasis nimium pasta. Hinc in iram concitata Mater, eam fortè obvio cerasi ramusculo in crassiore sui parte, alium ramunculum instar unci retortum sibi adnatum habente non solum acerrimè verberaverat, verum eodem in sinistrum hypochondrium adacto, eatenus vulnerarat, ut cum retracto ramusculo extraxerit totum quantum Lienem.

Advocaverat propterea in subsidium citra moram Chirurgum Joh. Bapt. Funtun rei gestæ unà mecum etiamnum superstitem testem. Hic primum reponendum censuerat esse lienem, & desuper vulnus more solito consolidandum: ast negotium non successit. Hinc mutato consilio potius deligandum, & postquam nonnihil emarcesceret abscindendum esse unà mecum concluderat. Dictum factum. Lien proximè ad radicem filo bombicino ligatus fuit; post quadriduum abscissus & extremitas ejus unà cum filo ad interiora retrusa, extremitate filii tamen ad extrà, usque dum sponte abscessisset, propendente. Et tractato more solito vulnere, puellula eatenus pristinæ sanitati restituta est, ut etiamnum vegetissima vivat.

Dixi autem me libenter visurum, quânam se cum tempore puellula hæc habitura sit. Supposito siquidem allegato lienis usu inevitabile videtur puellulam successu temporis gravissimis morbis fore obnoxiam non obstante, quòd spleneticam mulierem exempto 32. lib. Schirroso liene meliori sanitati restituisse legatur *Florovantus*: neque obfuisse, ejus abscissionem certo latio, & Rustico testentur in *Ephem. Nat. Cur. Clarkius & Hannaus*: *Lentilius* autem Sutorem Crailsheimensem in pueritia liene orbatum planè in velocissimum cursorum evasisse. Si Lien siquidem, uti in *Tract. suo de Scorbuto Cap. 3. ait Mællenbrocius*, officii obliviscatur (magis autem si planè absit) partes tartareæ atque salia sylvestria in sanguine non separantur & excernunt sed ceu grave pondus in hypochondriis commorantur, obstructiones augent. & accedentibus postmodum aliis cruditatibus peculiari modo corrumpuntur: unde corrosivam & acrem cum peculiari quadam malignitate conjunctam, & quasi venenatam acquirunt naturam atque scorbutum, variosque ex eo oriundos in corpore nostro inducunt affectus.

Lien putridus ex abdominis ulcere prodiens.

Curiosa sanè mihi ac rara visa est observatio, quam antè aliquot menses amicus meus Carolus Ferrerius Med. Doct. communicavit. Atque hæc ipsius D. Ferrerii enarrata verbis Historia est.

„ Mulier ætatis ann. xxx. Temperamenti sanguinei, „ caput Januario mense An. MDCCXI. febriculâ „ laborare cum Tumore ad tactum profundo, circum- „ scripto, ac duro in hypogastrii parte sinistrâ: Qui „ Tumor de die in diem unâ cum doloris sensu in mani- „ festam surrexit molem, succedente pedis ac cruris „ inflatione. Interim pus per pudenda cum diminutio- „ ne Tumoris, atque Ægrotantis modico Levamine, to- „ to Februarii mense effluxit, perseveranti tamen fe- „ briculâ, Tumorisque duritie ac profunditate. Qua- „ tuor tandem exactis mensibus macilenta jam Mulier „ facta marasmo appropinquabat. Julio mense, ubi „ Tumor erat, undulationem Chirurgus percipit; ideo- „ que tres circiter infra umbilicum digitos lateraliter „ Lanceolam adëgit; unde insignis effusio fætidissimi „ puris per multos dies subsequuta est. De atrocissimis „ interea doloribus Ventris conquerebatur Ægra, maxi- „ mèque in Hypochondrio sinistro; tantâque fuit pu- „ rulentæ acredo materiæ, ut spontè alterum sibi in um- „ bilico orificium paraverit, quod aliquantulum dila- „ tatum fuit; quare ex utroque orificio sanies mana- „ bat. Ad summam ferè maciem Corpus Mulieris per- „ venerat, cum medicamentorum, quæ fætido ventri „ applicita fuerant, renovaturus apparatus Chirurgus, „ & ad orificium Umbilici magnum corpus corruptum „ animadvertens accersitum me fecit. Putabat is Inte- „ stinorum putrescentium massam se exhibere; at ego „ minimè intestinalem observans figuram, quidquid ta- „ men id-ipsium fuerit, tanquam putredine affectum, es- „ se educendum putavi. Itaque haud difficilè Chirurgi „ dexteritas hanc molem extraxit, Corpus hoc di- „ ligenter & oculatè examinatum, lienosam omninò „ formam referebat. Octo transversos digitos Longi- „ tudo, crassitudo duos, quatuor latitudo superabat. An- „ terior pars propriâ adhuc tunicâ vestiebatur. Sub- „ stantia ejus à naturali Lienis substantia vix recede- „ bat. Posterior pars corruptam superficiem ostende- „ bat. Sequenti nocte paululum ægra quievit, indeque „ cibum appetere cepit, & melius se habebat. Cæ- „ terum multorum spatium dierum (quod mirabile est) „ portio alimenti vix immutati unâ cum putridis recre- „ mentis per idem orificium prodibat. Nihilominus fe- „ bris sensim evanuit, atque per orificium paulatim „ angustius factum serosi tandem humoris portio dum- „ taxat fluere consueverat. Postremò sanitati restitu- „ ta est Mulier, cujus facies vividum, floridumque colo- „ rem nunc refert. Viribus validis, naturalique men- „ struâ purgatione gaudet.

Extractum atque exsiccatum Corpus, quod spleni vi- detur sumillimum, mihi humanissime D. Ferrerius misit. Experientissimo Chirurgo D. Alberto Vernæ dono dedi. Plurima sunt, quæ in hac Historiâ notatu digna re- peries: Singula tibi examinanda relinquo: Hoc unum, quod ad rei veritatem pertinet, admonebo: ingenue scilicet, atque perito Auctori fidem omninò esse habendam. Ex communicatione amicâ Præclarissimi Viri Joh. Fantoni, Professoris Taurinensis Celeberrimi, & Regii Archiatri.

Lien ruptus, Anatome deprehensus.

Clariff. Caroli Raygeri. Miscell. Curios. Decur. iij. Ann. 2.

Nunquam satis mirari possum, quoties mihi occurrit absurda illa & plena periculi Chirurgia in Schirro Lienis, viri alicujus nominis, cui multi fidebant Patavii, quam nominabat Splenem excindere aut Splenis excisionem, cujus meminit Fab. ab Aquapendente de Curat. chirurg. pag. 248. Ponebat chartam supra lienem indura-

induratum, & supra chartam aciem securis, tum maleo securim percussit valide, & dimisit Patientem velut sanatos. Post plurimos ita tractatos tandem inale cessit cura, nam uno ictu & abdomen & Lienem & vitæ filum præcidit. Mirum sæpius factum non fuisse, valde enim tenella est membrana Lienis, ita ut levi ictu bacilli ruptam referat Tulpus Lib. 11. Obs. 29. Accidit Anno 1684. circa initium Decembris ut uxor cum marito aliquot saccos in inferiorem domus fornecem portando, impar ponderi unâ cum sacco in gradibus caderet, omnèque frumentum effunderet; succensus maritus graviter ipsam objurgavit; à verberibus tamen, quibus aliàs non infrequens erat, abstinuit. Ascendens vicinis suis conquesta uxor se graviter impigisse in sinistrum latus, ac dolorem ibi sentire, hoc tamen non obstante incipit ad pinsendum panem farinam subigere, maritus interim rixas & jurgia continuat, quæ etiam vicinæ mulieres audivere. Derepente maritus aperit januam clamat ipsis ut intrent, videant quid sit isti bestię fortè temulentæ. Accurrunt illæ, deprehendunt fœminam agonisantem sine loquela, & post aliquot suspiria expirantem. Perterritus maritus, cum potuisset fugere, nec pedem movit, in eo perseverans, tantum intra verba mansisse litem, ad verbera non fuisse devenit. Alterâ die apertum cadaver, me præsentem, perlustratum externè totum corpus, utrum aliquod signum plagæ appareret, sed cutis naturaliter sine vibice aut livore deprehenso, venter verò horrendum in modum tumebat. Tegumentis remotis, tota capacitas abdominis plena inventa sanguine grumoso & ichoroso, quo evacuato, & intestinis ad latus repositis, Lien sat magnus (laborabat enim ut adstantes referebant Scirrhus Lienis) aspectui se obtulit, in gibba parte secundum longitudinem disruptus, unde ista effusio sanguinis & mors. Examinatus maritus, constanter negavit se ipsam vel baculo vel manibus percussisse. Hinc conclusum ex lapsu fortè aliquam læsionem aut rimam parvam acquisivisse, quæ validâ farinæ subactione aucta & dilatata, sanguinis profusionem & consequenter mortem intulit. Ita autem fuit omnis extravasatus sanguis per istam lienis fissuram, ut in trunco venæ cavæ, in cruralibus &c. ne guttula remaneret.

LIGATURARUM VARIÆ. SPECIES.

Vide de iis sub titulo *Fasciaciones*, sed præcipuè in *Instrumentis Chirurgicis*.

LINGUÆ MORBI.

DE Lingua fabrica hîc aliquid præfremur, ni illud abundè factum esset in Bibliothecâ nostrâ Anatomica per Illustrissimos Viros Marcellum Malpighium, Carolum Fracassatum, ac Laurentium Bellini, quorum Dissertationes integras exhibuimus; illuc itaque Lectorem remittentes, inpræsentiarum tantum de hujus partis morbis agemus.

Sunt autem Lingua affectus; ejus pustulæ & ulcera; ardoris sensus, nigrities, paralytis, convulsio, aponia; magnitudo excedens, tumor; sanguinis fluxus ex ea immodicus; procidentia, gustus læsus, ranula, balbuties; item frænum, seu vinculum strictius, ac vulnera.

De Lingua pustulis & ulceribus; jam actum capite de aphtis, in posterumque etiam agetur ubi de Luë venerea. Ardoris sensum citra aliquam inflammationis apparentiam observavit Clar. Platerus; nosque etiam non semel vidimus; cui non aliàs medebamur quàm per universalia feri acrioris correctiva, ac præcipuè reme-

Bibl. Chirurg. Tom. III.

dia antiscorbutica dicta, additis topicis quibus ichoris in papillulas fibrasque omnes hujus partis depositi, illamque adinstar aquarum stygiarum adurentis, vis obtunderetur. Nigrities in febribus mali moris satis est familiaris, ac remediis ibi allatis curatur. Vidi eam autem semel exortam ab assumptis pilulis lunaribus ejus compositionis quam maxime deprædicat, pro hydropè curando Illustrissimus Robertus Boyle in sua Philosophiâ experimentalis; ac eam tam profundè impressam, ut nullâ arte detergi posset, sed ad finem usque vitæ perduraverit. Paralytis ac Convulsio nihil habent peculiare, quod propriis de hisce morbis capitibus non explicetur. Aponia est proprius paralytis partus, vel naturæ vitium inemendabile, ac propterea speciali non opus habet tractatione. Totam linguam tumidam non semel etiam observavimus; indeque & loquelam & deglutationem non parum impeditas. Huic malo providebamus per venæ sectionem, purgantia medicamenta; decoctum saturiæ & hyssopi ex vino & melle, adjectis etiam quandoque cucurbitulis scarificatis, raninarum venarum apertione ac salivam educentibus masticatoriis. Tumoris historiam raram à Clariss. Jul. Cæsar. Claudinò mox adducemus, alios præterea multos nos ipsi vidimus, inter quos sufficiat uno verbo adferre illius historiam quem in Reverendissimo quodam Abbate non ita pridem adnotavimus; enascebatur in latere sinistro, spatio inter linguæ apicem ac radicem intermedio; nucemque juglandem magnitudine suâ æquabat. Ejus indolem curiosius rimatus, adverti illum quidem lividum, verum non ex aliquâ malignitate, sed tantum per dentium vicinorum continuam attritionem; nihil durum in se continebat, sed flaccidus ac molliusculus erat, & à mera resolutione fibrarum partis oriebatur. Itaque nullatenus probavi sententiam eorum qui vel scarificationes, vel incisiones, vel ligaturas consulebant; uniceque in eo fui ut post generalia remedia, pars specificis confortaretur: inter quæ sanè præcipuum tenuit locum essentia gummi laccæ paucis admodum volatilibus maritata: sic enim fibræ ad propriam mensuram propè fuere reductæ, humorque in spatium ab earum resolutione, ac quasi hernia, effectum inductus, ita fortiter expressus, ut jam commodè tumorem; aliàs sanè molestissimum; Vir Reverendus tolerare valeat. Sanguinis fluxus, vel à venis ac arteriis per morificationem laceratis; vel ab iisdem lanceolâ compunctis oritur. Illius exempla duo vidimus insignia, primum quidem in virò epilepticò; qui non tantum ineunte paroxysmo linguam mordebat cum multa effusione sanguinis, sed semel etiam totam eam prope per sui medium conscidit; ita ut in vulnere curandò futurâ linguæ opus fuerit. Aliud in virò admodum plethorico, cui subinde lingua tumens per dentium attritionem cum multa sanguinis expuitione lacerabatur. Hujus verò pluries testes fuimus, dum scilicet sanguis sero sanguinosiori prægnans inflammationes enormes in faucibus, trachæâ, arteriâ; œsophago, ac etiam ventriculo pariebat, ac præcipuè in iis qui hydropè pectoris laborabant, aut longis intestinorum ardoribus affligebantur, imò qui etiam aliàs suffocatione affiebantur. In illis etenim post raninarum apertiones fluxum non tantum immodicum; sed etiam aliquando ad mortem usque perdurantem, adnotavimus; unde in istis tundendis venis in posterum circumspectores ac magis sobrii fuimus. De Procidentia hæc habet Platerus. Lingua procidentia evenire potest; vix tamen aliud ipsam quàm summa pariet vis; cum connexus per musculos; tunicam succingentem & ligamentum factus adeò firmus existat. Accidit tamen in contusione colli, vel pectoris vehementi, qualis est ea quâ valido rotæ ictu latronibus; membra & artus franguntur

tur, ut lingua precul ex ore mortuis exeratur; quod & ex casu potest accidere. Sic memini infanticidæ, cui collum laqueo frangebatur, abrupta resti deciduæ, linguam ex ore procidisse, à vehementi exitu aëris in pulmonibus coërciti linguam foras propellentis. Hæc autem procidentia, cum vix nisi à mortali læsione proveniat, lethalis plerumque est; quod si supervivant, aliis potius accidentibus gravioribus quàm huic cura adhibetur, Gustus, tum naturalis, tum læsi, rationes in partibus explicatione traduntur, huiusque per consultationes ac observationes curam proprio capite adduximus. De Ranulâ propriò itidem capite agetur. De Balbutie verò ac Blæsitæ, Bibliotheca Medico-Practica videri potest.

Curationes.

Linguae morborum Curatio generalis.

In Ranula sub initium præsertim aperiatur vena sub lingua: Quidam ranam vivam nuchæ applicant: non tamen semper respondet effectus.

Paralysis linguæ, præmissâ universali ipsius curâ, curatur frictione linguæ cum semine Erucæ & theriaca. It. oleo anisi in apicem linguæ instillato. It. Balsamo vel oleo caryophyllorum, spiritus cerasorum nigrorum loquelam amissam ad miraculum usque restituit.

Aphonia in genere curatur ut paralysis: in specie autem laudatur (præmissâ capitis universali purgatione.)

1. Aqua liliorum convallium. 2. Aqua Antapoplectica ex flor. lilii convallium & lavendula, de qua in Apoplexia. Quod, si alterutri sanguis turturis fuit permixtus (sanguinem turturis universum in ℥ii. vel ℥iiii. aquæ misce) & tandem in usum revocatus, aquâ nempe colluendo linguam aut diutius in ore tenendo felicius succedet vocis restitutio.

Ubi tamen semper ad casus fuerit respiciendum, pro quarum varietate medicamentorum farragines quoque variant.

Præmissis igitur universalibus pertinentibus, localia tum loco affecto, tum præterea in vertebrae colli, nuchæ & collum ipsum reliqua sunt dirigenda, quæ petantur à Practicis.

Balbuties difficulter tollitur.

Gustus depravatus amarus corrigitur usu radicis cichorii conditæ, sic etiam amaritiam linguæ tollit sal cichorii. It. rasura ipsius linguæ cum radice zedoariæ. Item gentianæ.

Si abolutus vel imminutus, 1. tundantur venæ sub lingua. 2. Utere gargarismate, quod in affectibus oris communibus & angina est præstans.

℥. Herbe malvæ hortensis Mj. flor. rosarum rubrarum, prunellæ, Veronicæ, salv. an. Mß. rad. polypodii quercini ℥ii.

Coque in aq. puræ ℥iv. & acet. vini ℥vi. usque ad casum transversæ pollicis, postea colentur & colatura leviter exprimatur.

3. Fiat talis mixtura. ℥. spir. vitrioli 3ß, sp. Vini ℥iij. mellis ℥j. M. instar linimenti: hoc linimento post adhibitum gargarismum illinatur lingua, & imminutus gustus paulò post redibit. Joh. Hartmann. in Prax. Chimiatica.

Linguae Vinculum nimis strictum, sic curat

Clariss. Nuckius.

In nonnullis infantibus Lingue Vinculum adeò strictum existit, ut nec ubera premendo lac sugere, nec ad maiorem ætatem provecti, articulatè loqui possint, nisi Chirurgica manus huic malo opem tulerit.

Non tamen ita temerè, quemadmodum communiter fieri solet, hic procedendum arbitramur; quoniam adeo vulgaris hic affectus non est, quàm quidem vulgus credit, quod imprudenter nimis vinculum naturaliter sæpe dispositum, non rarò dissecandum cupit. Omnium verò maximè culpandæ veniunt obstetrices illæ, quæ pollicis aut digiti unguibus frænulum dilacerant.

Indicium autem est, Operationem hanc esse necessariam, si infans ultra dentes & labia linguam exserere nequeat, vinculumque versus dentes incisores solito quidem magis prelongatum, sed contractum conspiciatur.

Tunc itaque Chirurgus sinistrâ linguam exsertam teneat, alteraque manu transversò vulnere vinculi huius portionem forcicis ope incidat: dein *Melle Rosaceo* aliquoties de die partem læsam inungat.

Cavendum interim probè, ne ad candelæ lucem sectio instituat, nec vas arteriosum aut nervosum aliquod lædatur, seu Ductus Salivales inferiores dissecantur, ne hæmorrhagiâ & doloribus infans pereat, aut molestissimo pyralismo, nullâ arte restituendo, tenellus patiens afficiatur.

Si verò fortè contingat, vas aliquod sanguineum læsum, copiosum sanguinem exspuere, hæmorrhagiâ talis alioquin satis periculosa, nullo medicamento rectius compescitur, quàm adnoto *Penicillo Vitrioli Ungarici* particulâ instructo.

Quod si vinculum breve admodum tensum, crassiusculum, aut carnosum fuerit, temerè, nec sine periculò sectio instituat.

De consuenda linguæ majori ex parte per vulnera ressecta methodò, Vide Fabricium ab Aquapendente, in *Vulneribus*, sub finem *Appendicis ad sum de iis Tractatum*, quem integrum illic inferimus.

Consultatio

Pro Nobili puella Romandiolensi linguæ tumore miro affecta.

Memini apud Galenum me legisse, linguam naturæ limites secundum magnitudinem egressam, vario modo intumuisse, nam lib. de differentiis morb. 9. tumorem præter naturam, sed non totò genere (quod ibidem linguæ incrementum dicit) citra aliquam substantiæ mutationem proponit, at 14. Meth. 8. tumor verus, & inflammatorius, tanquam ille, qui succo lactucæ adhibito curatus fuit, ab ipso traditur, ut propterea tumor linguæ propositus in nobili puella 12. annos nata necessariò, & ipse vel incrementum simpliciter linguæ, vel tumor ejusdem verus sit constituendus.

Non esse autem tumorem verum ex eo convincitur, quoniam esset vel inflammatio, oedema, vel scirrhus; non primum quoniam est indolens, non secundum, quia prementi manui minimè cedit, & fovea non remanet, neque tertium, quoniam haud omnino sensu caret; Relinquitur igitur, ut sit incrementum illud à Galen. propositum loco citato absque ullo sensu doloris, quod tamen actionem duplicem lædit, nam & locutionem vitiat, quia puella veluti balbutiens loquitur, & incisionem ciborum aufert, tanquam eam, quæ dentibus anterioribus, ac incisoriis dictis celebratur, ut necessariò sit morbus, & morbus in magnitudine aucta valde, quoniam est adeo insignis tumor, ut in ore nullo modo contineri possit; Occupat autem apicem & paulo plus, non autem mediam pro majori parte, atque linguæ radicem, ut unicuique perspectum esse potest, ex quo non mirum si comedat, ac mandat puella, quoniam illud totum linguæ, quod intumescit, extra dentes, & os ipsum detinetur.

Hujus

Hujus tumoris generatio petenda est ex materia, quae in tumoribus præter naturam à toto genere, non tantum copiâ, sed etiam qualitate ex lib. de tumor. præter naturam peccare debet, hic autem cum tumor sit solum incrementum quoddam & non à toto genere præter naturam, sufficit ut materia copiâ tantum peccet. Qualis autem sit hæc materia sic adinvenire licet, lingua est carnea, ergo necessario constat, & alitur sanguine, at quod alit, ut quantum etiam augeat, ergo lingua ex copioso sanguine augeri debet; quare cum incrementum, de quo agitur, sit extra naturæ limites, nulli dubium est, & sanguinem ad linguam copiosius admodum, quam pro illius nutritione, & augmento secundum naturam deceat, per venas fluere, quo ubi pervenerit apponitur, appositus coquitur; ab alteratrice assimilaturque, atque sic jugiter appositâ novâ materiâ, continuo etiam forma linguæ permanens majorem materiæ copiam informat, atque hoc est incrementum ejusdem. Sed sanguinem hunc primum à dolore, occasione fracturæ linguæ in puella nostra ut disrupti; concitato attractum fuisse; mox verò à natura huic fluxioni assuefacta & imbecillitate à sanata illa fractione derelicta, transmissum esse; continuoque transmitti pro certo habeo.

Verum undenam sit quod tumor hic in vespera parum decreseat, manè verò augeatur, semper autem liveat, & non rubeat ut sanguineus; brevibus oportet explicare.

Quantum igitur ad primum attinet, id totum accidere puto, quoniam in coctione, & assimilatione sanguinis illius alioqui pituitosi (qualis in pueris ob ætatem humidissimam; & ingluviem generatur) multi flatus, potissimum autem per noctem retracto, & coacto calore concitantur, qui per diem ob motum linguæ ac ambiens dissipati, sunt in causa, per quam tumor parum decreseat.

De secundo statuo id accidere, quoniam tumor hic in aere continuo versatur, qui sua frigiditate sanguinem ad superficiem linguæ affluxum, antequam assimiletur concrefcere, & proinde vivere facit, à frigido enim sanguinem nigrescere scribitur 3. de Sympt. causis 2. & ab Aëtio, ac Avicenna; quod in aliis nostri corporis partibus non contingit, quoniam ad illas ea sanguinis tantum portio, quæ pro nutritione sufficit, sed non superfluit, demandatur; ex quibus facile etiam est intelligere causam, cur epidermis linguæ in hoc tumore assidue squammat; hoc enim accidit, quoniam ab aere corrumpitur.

Ut ergo ab hac linguæ calamitate vindicaretur nostra puella, oportet, quicquid linguæ superfluit potissimum per incisionem auferre, sed primum habitui totius corporis cacochymo, bilioso inquam, & pituitoso cum aliquo sanguinis subdominio, est prospiciendum per præparantia, & evacuantia medicamenta. Verum quoniam hæmorrhagia venarum linguæ incisionem est subsequutura, idcirco oportebit, venas incisas agglutinare, unire & sanguinis motum retrahentibus compescere. Quibus peractis danda est opera, ut puella præservetur, quod fiet, si sanguis copiosius minuatür; motus illius ad linguam corrigatur; ac tandem occasio omnis sanguinem copiosorem gignendi submoveatur.

Et quantum ad incisionem spectat, quin illa felicem successum sit assequutura non dubito, scimus enim in aliis animalibus, etiam cum salute illorum non semel sectam fuisse linguam, quod eò magis feliciter evenire existimo, quoniam lingua est de numero earum partium, quæ solum ad meliorem vitam conducunt.

Quantum verò ad alias indicationes causam aliquam, quæ quò minus illis satisfaciendum sit, impedimento existat, prorsus ignoro: Difficultatem tamen aliquam ob-

viam futuram fateor, ob multas rationes, maxime verò ob hæmorrhagiam ex venarum incisione suborituram.

Quare ad curationem descendens à fonte chirurgico materias quasdam ante, alias verò post incisionem desumo, in serie priorum reponitur sanguis mittendus primum à dorso per cucurbitulas scarificatas, vel à cubito per hyruidines venæ basilicæ applicitas, deinde ab occipitio vel à venis post aures per hyruidines pariter adhibitas. Post hæc & alia quamplura ad usum deducenda, sed ex pharmacîa desumpta, ad incisionem est deveniendum; pro qua facienda tenaculas semicirculares parare oportebit, quibus totum illud, quod linguæ tumet apprehendetur, apprehensumque cultello incisório abscindetur; statimque ad hæmorrhagiam præcavendam pars ferro candenti erit inurenda, quod adhuc fieri posse ignito cultello existimo. Post incisionem tandem extrema jugiter fricanda; lavanda, deliganda & ventosanda sunt. Et ad præservationem cauterium in brachio sinistro, & femore dextro non displicent.

Medicamenta tum communia, tum privata conveniunt: Ex coordinatione priorum lenita alvo cum syrupo & melle rosatis solutivis, humores præpararem decocto sonchi, hepaticæ, betonicæ, & borraginis cum suis serapiis; mox præparatos deturbarem infuso agarici trochiscati, & Rhab. adjecto syrupo ros. sol. (post quæ facienda erit incisio) deinceps de medicamentis privatis cogitarem, quorum alia ad partem ustam, alia ad sanguinem referuntur.

Si ad partem, primum ad Crustam, & escharam ab inustione inductam conservandam inspergerem pulverem ex chalcytide, & mysi; deinde sublata ferè omni hæmorrhagiæ suspitione escharam digestivo loto, aut etiam tetrapharmaco abjicerem, ac mox facta suppuratione, si opus fuerit ad detergendum melle rosato colato uterer, & si aliqua inæqualitas præsens esset, cavitates pulvere ex thure, & mirrha parato replem, ac tandem pro agglutinatione aquam thermalem aluminosam cum filamentis, vel Ceratum phœnicinum adhiberem. At gratiâ sanguinis cervicem petiis lineis poscâ imbutis obducerem, ac intus quæ sanguinem incrassant, exhiberem.

Manè igitur & vesperè jus medicatum cum portulacæ, plantagine, equiseti, & acetosæ, in quo amyllum esset dissolutum offerrem, syrupus quoque ejusdem plantaginis, portulacæ, de rosis siccis, ac de ribes ex cochleari datus mihi probaretur.

At ubi rudimentum hæmorrhagiæ aliquod occurreret, primum à saccharo rosato, pulvere carabe, & seminum papaveris albi, mox à philonio persico cum trochiscis de terra sigillata exhibito, nec non & à cataplasmate ex fuligine sartagini hærente, atque cotto combusto, albumine ovi excepto; applicitoque non recederem, quibus non conferentibus filamenta imbuta vel aqua plantaginis; cui immixtus sit pulvis calcanti usti, vel oleo ipsius calcanti cum succo porrorum; vel oleo pariter sulphuris cum melle apponerem.

Quoad medicamenta præservatoria, jus pulli medicatum cum china ad plures dies exhibitum mihi non parum arrideret, ea tamen ratione, ut aliquot interval- lis in illo myrobalani citrini, & chebuli macerentur.

Victus rationem opportunam omnino seligerem; quapropter tempore providentiæ totius vellem, ut puella in aere temperato detineretur, uteretur bonis cibis, ac vinum pauciferum biberet, & ubi facta fuerit incisio, cibi inviscantes & agglutinantes, liquidi tamen offerrentur, ideo jura parari possent ex carne pulli, vel caponis cum extremitatibus vituli in aqua chalybeata, & in juribus illis panis tritus aut hordeum, cum farre; vel Oriza ad liquationem usque incoqui poterunt, & si res eò devenerit, ut lingua valde intumescat, & sic cibum difficile admodum admittat; ut

propterea rarò idein cibus offerri possit, succus carnis caponis ac ova non erunt deneganda, quo casu etiam si instrumentum aliquod ad cibum in os infundendum opportunum videbitur, illud quod secundum partem, quæ in os immittitur angustioris, secundum verò illam, in quam cibus infunditur latioris est foraminis, commodè parari poterit, quo tempore patiens, abstineat à vino necesse est, & utatur vino granatorum, vel cydonior. cum aqua chalybeata: At si vires collabi videbuntur, ab odore vino, eodemque subaustero aquâ diluto non abhorrerem. Lingua verò ad agglutinationem properante, ac detumescente, liberatius, ac cibus paulò solidioribus nutrirî poterit. Tempore autem quò decoctum chinæ puella assumet, victus mediocris, ac moderatè attenuans instituitur; vinumque dilutum aqua cocta cum china concedatur. Semper tamen alvus clysteribus, & glandibus communibus irritetur, ac in aliis omnibus mediocritas servetur. Faxit autem Deus ut voti nostri compotes hisce præsidiorum materiis afficiamur. *Jul. Caf. Claudinus in Consult. Medic.*

Observationes.

De Lingua calculo.

Sororcula quædam Delfia annos nata viginti & tres, cum circa os maxillæ inferioris prope mentum longo tempore doleret, sub linguam musculosa carne laxiore versus radicem, Chirurgus qui illam quotidie invisebat, cum duritiem diu sensisset, abscessum in lingua futurum sperabat: huic ficum aridam per medium scissam continuò ad suppurationem promovendam, loco dolenti apponit: & præter spem tumori jam enollito, lapillus quidam insigniter durus ultro exivit absque incisione ad magnitudinem nucis avellanæ, formæ tamen longioris ut vidimus: illo lapillo expulso statim omnis dolor cessavit, nulla suppuratione, aut sanie vel pure subsequente: & quod dictu mirum est, labris vulneris per se rursus unitis, absque ullis medicamentis. Istis etiam diebus lapillum ex lingua prodeuntem vidimus paulò ampliorem ab alio quoque tandem expulsum: res admiratu digna, lapillo erumpente, nec saniem nec sanguinem subsecutum fuisse, linguamque ita per se coalitam; fortè, cum & vulnera linguæ faciliè per se coalescant, ut constat in perjuris & iis maleficis, quibus lingua clavo perfoditur, faciliè coalescit & conglutinetur ob molliitudinem carnis. *Petrus Forestus. obs. 26. & Schol. lib. 14.*

Intumuerat mulieri cuidam admodum lingua, ita ut eam movere, aut loqui non posset, uti neque aliquid deglutire, rupto tandem sponte abscessu procidit calculus tophaceus, durus & magnus. *Felix Platerus. obs. lib. 3. pag. 896.*

Vir quidam quadraginta annorum graves & frequentes in fauces & tonsillas fluxiones patiebatur: tandem animadversum est lapillum sub lingua concretum fuisse, qui faciliè extractus est, ægerque ab eo tempore fluxionibus prædictis vexatus non fuit. *Petrus Estanove observ. 5.*

Lingua ex vulnere sclopeti curata, partibus subiectis arctè coalescens, cum impedita locutione, perita sectione separata, ac restituta.

Vir quidam Ruri degens, vulneratus Sclopeto in mandibulâ inferiori, cum ejusdem fractura, à rustico Chirurgus curatus, digna certè Medico curatio; cum enim in his vulneribus pus erodat plerumque propinquas partes, patiens non omnino fuit sanatus; quod cum globulus utramque partem mandibulæ inferioris traje-

cisset, lingua parte inferiori, non ab eodem, sed à pure fuit corrosa; prout & pars inferior ipsi subiecta, cui eadem ita annexa erat, ut patiens ne minimum quidem ipsam, non solum exerere, sed nec movere, ac loqui posset. Curatione itaque suscepta, ut linguam ad naturalem statum reducerem, novaculæ acie paulatim sejunxi ab invicem partes ipsas conjunctas sectione sensum quindecim dies continuata, qua ægro loquela integra restituta est, imposito tantum sub lingua, à sectione, linteolo imbuto ovi albumine, cum pulveribus boli armeni orientalis, nec non usu aquæ hordei quotidie, cum syrupo diamoron, ratione doloris, & inflammationis; quandoque verò lactis, dolore urgente; quibus ægrum sanavi. *Petrus de Marchettis in Observation. Medico-Chirurg. Sylloge.*

Tumor carneus, & scirrhusus ad raninas, cum impedita locutione, & motu linguæ, sectione, & inustione solerti sanatus.

Alium nobilem Veronensem sanavi, laborabat autem tumore sub lingua, ubi raninarum ortus, magnitudine avellanæ majoris, duro, sed carneo, qui impediēbat locutionem, & motum ipsius linguæ, nulla cavitate, neque alia materia inclusa, quàm carnea, quæ constabat; verbo, tumor fuit potius scirrhusus, quàm alterius generis; doloris quippe expertus, præterquam, remediis adhibitis. Facta itaque totius corporis expurgatione, descendi ad operationem, qui cum nec manubriolo, nec novaculâ, propter tumoris duritiem possem ipsum abscindere, paravi instrumenta illi secando, & inurendo accommodata, quibus mensis spatium eundem radicitus extirpavi, apposisis solis pulveribus adstringentibus cum ovi albumine, prout in casu superius proposito; sedato dolore, ac prohibita inflammatione, ab inustione & sectione, anodynis & medicamentis propriis quorum usu omnino æger convaluit spatium duorum mensium. *Idem ibidem.*

De ligamenti sub lingua periculosa sectione.

Nulla Chirurgus committitur operatio quam vulgus magis flocci facit, atque sectionem ligamenti sub lingua, ita etiam ut obstetricibus ut plurimum committatur, quæ ligamentum hoc digito abrumpere solent: quod mihi tamen non probatur, sæpissimè enim vicinas partes simul lacerant atque dirumpunt. Hinc dolor & inflammatio, ita ut pueri lac sugere non possint, fiuntque morosi, extenuantur atque debilitantur. Prudenter itaque hac in operatione agendum est, neque spernenda, etiam si minima omnium videatur. In primis autem explorandum convenit, num ancyloglossus operatione hac indigeat, nec ne? multoties enim pueri aliam ob causam quam propter vinculum sub lingua, vocem articulare ac proferre non possunt nulloque ligamento lingua annexa est. In his sectionem periculosam esse, sequens exemplum demonstrat.

Rustici cujusdam hîc in vicinia, in pago Corfellis, *Petityeux* nomine, filius duorum annorum ætatis, superiori mense Majo 1608. ad ædes meas adductus fuit, idque ad eum finem, ut sibi ligamentum sub lingua solverem, quandoquidem abscisso ligamento linguam officio suo fungi, infantemque brevi sermonem proferre posse, plane sibi persuasum habebant parentes. Porro aperto ore & elevata linguâ, quæ crassâ valdè erat nullum inventum est nervosum vinculum. Quamobrem parentes cum infante remisimus, manumque adhibere recusavimus. Post mensem venit Empiricus & circumforaneus, cui idem adductus fuit infans, is linguam mediante ligamento nerveo durissimoque annexam esse, parentibus persua-

persuadebat, & dummodo pecuniam numerare vellent, ut infans brevi sermonem proferret facillimè se efficere posse audacter ipsis affirmare ausus est. Numeratur pecunia: in sinum cujusdam matronæ collocatur infans, tum impostor linguam ex utraque & anteriori parte alterè, ut mihi ab adstantibus relatum fuit, separavit. Sed quid sit? puer iste, qui prius erectus incedere poterat, in ipso momento maximis & asperrimis prius projectis clamoribus contrahitur, ita ut genua versus inguina, & brachia versus pectus retraherentur. Ceterum, quia dolores continuï, & medicamenta adhibita non essent, valdè extenuatus atque debilitatus fuit infans: nunc tamen aliquo modo meliusculè habet. Heri enim 18. hujus mensis Julii, ipsum unà cum doctissimo Dn. Eman. Urstio, artium liberalium magistro, convictore meo aliisque ex meis domesticis, ipsum adivi, & ea, quæ recensui, ex parentibus adstantibusque excepi. Huc usque ut antea, ne verbum quidem proferre potest, crura, brachiaque adhuc contracta sunt, quæ cum vi extenduntur, protinus iterum contrahuntur; sed non ita ut antea; nulloque modò incedit. De dolore tamen non usque adeò conqueritur, & appetitus rediit ita ut paulatim vires reficiantur, lingua crassa, caput verò, totaque constitutio corporis phlegmatica est. Ego, quia pauperes, opem meam ipsis obtuli: si accedant, faciam quicquid in me erit, & libenter videbo, qualis erit exitus: Rarus enim est casus, similem enim nunquam mihi observare contigit. Est mihi frater uterinus, qui cum infans esset, admodum valetudinarius fuit. Inter ceteros autem morbos, quibus obnoxius erat, ad quartum annum ætatis ne verbum quidem proferre potuit. Ego: cum apud Chirurgum practicum versarer, & singulis ferè diebus sectionem hujus ligamenti feliciter administrarem, & quadam die ad paternos lares pervenissem, linguam ipsius inspicere visum fuit. Tum mediante ligamento crasso spissoque, linguam adeò annexam inveni, ut ipsa vix dentes anteriores attingere posset. Ego eà qua potui diligentia, ligamentum hoc abscidi, posteaque singulis diebus ter quaterve locum affectum melle rosaceo inunxi. Duobus mensibus à prima abscissione elapsis, ligamentum aliquo modo iterum annexum inveni: quapropter eodem modo ut prius processit. Res Dei beneficio ita feliciter cessit, ut brevi loqui inciperet, tandemque & huc usque, laus Deo, vocem optimè proferre & articulare posset.

Vacat autem omni periculo operatio hæc, dummodo rectè administrata fuerit, præcipuè autem perspicuum convenit, ne nimis profundè incidatur, ego elevatà linguà, apice forficum ligamentum ut plurimum in duobus, nonnunquam & in tribus locis incido; sic enim difficilius coalescit iterum, quàm si uno tantummodo in loco incisio facta esset: incido autem tantummodò quicquid nerveum est, ita ut carnem vix attingam, quod si prima vice non satis abscissum, aut iterum annexum fuerit, poterit postea eadem operatio administrari, inciso ligamento, jubeo ut nutritrix sæpissime digito melle rosaceo, aut communi madefacto; linguam blande elevet, sic enim agglutinatio atque consolidatio impeditur *Gulielm. Fabric. Hildan. Obs. Chirurg. Cent. 3.*

Mutus loquens.

Iohannes (cui muti cognomen imposuit infortunium) petiturus Italiam, incidit in pyratas Turcicos: quorum religioni nomen dare quum renueret; adnixi fuere homines feroces, linguam propterea radicitus ipsi evelere: sed per plagam; ex vulgi-sententià, sub mento inflictam. Verum ea crudelitate minùs ex voto ipsis succedente detruncarunt ipsi deinceps totam illam partem, qua lingua homini volubilis est; eaque adempta,

Bibl. Chirurg. Tom. III.

privarunt juvenem omni voce. Qua re amplius annos ubi caruisset; evenit fortè ut intempesta nocte admodum percelleretur ab inopinato fulgure: cujus pernicissimum lumen, cælitus innisum, perstrinxit usque eò pavidum ipsius animum; ut inde ipsi, non secus ac olim Cræsi filio, dissolveretur violenter tenax illud vinculum quod ipsum sermonis usu hæctenus privaverat. Quem tamen, ubi vidit sibi restitutum, vix credidit sibi ipsi loquenti; nedum ipsi alii. Commovit quippe hæc inexpectata ipsius vox usque eò totam familiam, ut inde protinus abortierit juvenula ipsi cohabitans. Quo rumore latius deinceps se se diffundente, ivimus & nos tandem Vesopum, modicum Hollandiæ oppidum, spectatum coram insolitè hujus rei novitatem: fama certè sua nequaquam inferiore. Qui enim integrum triennium obmutuerat, ob mutilatam mediam linguæ partem; eum audivimus, cum eodem vitio, non tantum distinctè loquentem: sed etiam accuratè pronunciantem quascunque litteras consonantes; quarum tamen enunciationem, solius linguæ apici attribuunt sagaciores naturæ indagatores. Sermo quippe non formatur sine motu: nec consonantes literæ sine linguæ apice. Quatenus enim lingua volubilis, eatenus distinguit vocem in verba: & prout allidit, vel ad dentes, vel ad palatum, aut labia: pro eo, creditur, discernere vocabula, & modulari concinnè sermonis sonum. Ac proinde haud mirum, læsà tam evidenter linguà, genuino dearticulatæ vocis instrumento; læsam utique fuisse & ipsam vocem: sed eandem post triennii obmutescentiam, manente lingua perinde mutilata, integrè ipsi nihilominus rediisse: id sanè excedit omnium eruditorum captum: potuit, quippe, non modò expedire exclamare, (id enim & aliis integrum fuit post abscissam, resolutam, vel ligatam linguam) sed distinxit quoque perspicuè vocem in vocabula, & eloquutus fuit omnia admodum articulate. Sed, ut explicem me clariùs, quoad repagulum à fulgure disruptum; asseveravit mihi candidè, se protinus à fulgure percepisse majorem motum in musculis linguæ. Quasi sublatò jam inæquali illo coalitu quem sub mento reliquerat vulnus ibidem à pyratæ ruditer sanatum. Verum deglutitio (cui non minus quàm elocutioni inservit lingua) mansit ipsi perindè impedita: ideò ut ingenuè conquestus sit, ne tantulum quidem alimenti, etiam tum temporis transmittere gulam, nisi id in eam intruderet violento digitorum suorum adminiculo. Vid. Ecclesiast. libro quarto, capite decimoquarto & B. Gregor. libro tertio Dialog. cap. 32. *Nicolaus Tulpus Observation. Medicarum lib. 1.*

Puella bilinguis.

Bilinguis fit elinguis: Puella civis cujusdam Galli hæc in Urbe degentis, quintum fere egressa annum, à nativitate duplici gaudet Lingua, & est elinguis, propter enim magnitudinem, gravitatem ac crassitiem Linguarum, sibi invicem incumbentium, rimæque circumcirca tantum separatarum, vix linguam movere; multò minus loqui potest. *Joh. Doléi.*

Apostema Linguæ.

Venit ad me superioribus annis juvenis, post inebriationem de faucibus, hinc linguà admodum conquestus; per sextiduum. Tumebat illa enormiter, ut amplius eam nec exerere, nec ferè intus movere posset, digito saltem inter inconditam vocem malum indicans. Eminentiam quandam erupturientis suppurationis conspicerè, vel per ipsam denegatam oris aperturam non poteram; nec intensior apparebat rubedo, in linguæ qualitercunque apparentis substantià, ut de resolutione cogitarem: com-

modèque incidebat Rulando adeò commendatus spiritus ligni Heraclini. Dedi de Guajacino, quem leniter illineret. & cum in tempore, sive perfecta suppuratione venissem, post aliquot horas ruptum est apostema, pure non paucò, ingenti cum fœtore prodeunte; Et brevi per essent. rosar. scabiosæ, ac saniculæ saccharatam, inspersisque similiter oculis canc. perfanata sunt omnia, *Danielis Ludovici.*

Tumor Linguae Miraculosus.

Nuper Ill. quidam Baro in more habuit venenatissima Linguae jacula, non tantum in quemlibet, sed maxime in Devotos religiosos frequentissime jaculari; in flagranti à pio honestæque vitæ religioso deprehensus fuit, cum infernale hoc pulsaret tintinnabulum: ad quem religiosus, quàm maledicta tua lingua jam dudum meruit pœnam, ex iusta Dei vindicta intra breve tempus experietur. Relicto & minime commoto Barone, elapsis paucis diebus, Tumor exiguus ad Linguae latera pullulare cœpit, qui paulatim crescens carcinomatis inexpugnabilis naturam manifestavit; à quo tandem incurvata, convulsa & retracta ad fauces lingua, miserrimè delictum pœnitenter confessus, ad strictissimum Judicem suorum famulorum vindicem acerrimum, commigravit. *Pauli de Sorbait.*

Lapsus palati cum linguae tumore mirabili.

Mulier quinquagenaria circiter, temperamentum calidi & humidi, cephalæa & fluxionibus catarrhosis sæpius laborans, aliquando aëre nimbofo sævientè, dolore capitis permagno infestata, palatum & linguam sensit subito & insigniter intumescere, atque linguæ motum naturalem impediri, ut vix vocolam balbutiret, nec quicquam cibi deglutiret, & cum linguam exerere voluit, linguæ massa ad fauces retracta, muscoli primi sublinguales in utroque latere acuminati serpentum linguarum instar prominerent, vixque respirare ipsa posset. Huic dum in primo aditu venas sublinguales statim incidi, ac pari tumorem scalpello pertundi, atque gargarismis ex aqua tepida cum paucò aceto & sale commixta, os elui curaram, confestim respirationis via aperta fuit, & tumor omnis evanuit. *Helwigii.*

Scholion Hellyvigianum. Hujusmodi ferè casus meminit Nicol. Tulpius observ. med. lib. 1. cap. 3. 8. quæritans, casum prolapsi à Medicis hæctenus vel omnino præteritum, vel levi saltem brachio percussum fuisse, cum malum tamen omnino grave & rarium sit, ortumque habeat à distillatione humoris deprimentis usque eò musculos sub palati finem sitos, ut præ pondere prolapsi præcludant viam spiritui tum per os, tum per nares erupturo, cum vitæ periculo. Et recordor eodem malo affectum quendam Religiosum, in paucis diebus obiisse.

Additamentum Schröckii. Naturalis linguae magnitudo, ut cum Clar. Lindano pag. 569. Medic. physiol. loquar, tanta est, quæ impleat capacitatem inferioris tantum maxillæ: Quam si excedat, morbofa evadit, magnamque inprimis nobilissimæ isti humanæ actioni, sive loquelæ, incommodum adfert. Hinc morbos inter, qui membris naturali figura non depravata, in magnitudine, cum eorum operatione læsa, contingunt, linguam etiam supra modum excrecentem expressè denominat Galenus cap. 9. libr. de differ. morb. ubi incrementum istiusmodi vidisse se, testatur, lingua, præter unicam magnitudinem, nullum in ipsa substantia vitium habente. Et Ill. Thom. Bartholinus cent. 2. hist. anat. 22. Clar. Joh. VValæi communicatione, puellam producit, quæ manûs magnitudine amplam grossamque linguam nacta

fuerat, ut ore vix contineretur, à Medicis mirâ curâ, particularum superfluarum in extremitatibus abscissione ad consuetam molem perductam; qui ipse etiam aliam horridiorem & portentosam, ab imaginatione matris, in puero enatam linguam cent. 3. hist. 43. describit. Qualem magnum & tragicum linguæ tumorem miraculo adscriptum, recenset Illustr. Archiater Cæsareus, D. Paulus de Sorbait, Ann. II. Ephem. German. Cur. obs. 107. Ipse quoque Pergamenus, uti 14. meth. med. cap. 8. refert, linguam ita tumefactam cuidam vidit, ut ore contineri non potuerit, compendiosè tamen curatam. Subitam linguæ à tantillo menthæ nocturnis horis degustatione intumescentiam, theriacâ & vino curatam habet Borellus cent. 2. observ. 43. à veneno bufonis in mentham effuso causam deducens. Aliam à viperino veneno excitatam producit Johan. Faber exposit. in Nard. Ant. Recchi Hist. animal. Mexican. pag. 778. In hac quoque venerea similis quandoque affectus contingit; exempli loco sit quod ex communicatione D. des Gransprès, Riverius obs. 1. suggerit, frequentius nempe & diutius celebratas frictions mercuriales tantum fluxionis impetum in particulam illam corporis excitasse, ut quatuor digitorum transversorum mensura extra os prominuerit, feliciter tamen ab eodem curata. Plures consimiles observationes apud Marc. Donatum lib. 3. de med. hist. mirab. c. 4. videri possunt. Cæterum præsentem in Casu, præter insignem linguæ tumorem, catharrus etiam in palatum vicinosque musculos impetum faciens, eos in tumorem periculosum distenderat, sanguine videlicet seroso in corpore abundante; seroque isto, mediantibus innumeris illis lymphaticis ductibus, quos unâ cum glandulis, ut vocat, Palatinis, Celeb. Nicol. Steno §. 21. obs. anatomic. descripsit, ibi locorum collecto atque coacervato; quem tumorem Auctor noster, ad Tulpium mentem, Palati prolapsum nominat; quod an benè fiat, Critici dispiciant; minus tamen propriè nominis istud obtinere mihi videtur; ad Anginam commodius referendus, quæ infertiori sensu faucium affectum ab earum inflammatione, latiori autem à quacunque causa productum earum tumorem, difficultatem respirandi inferentem, denotat.

De Calculo sub Lingua.

Degit hæc Grumbergæ honoratior fœmina, quæ quamdiu hic vixit, (vixit autem per decennium) singulo vere & autumnno de dolore sub lingua cum motu læso conquesta est. Ordinavi varia dolorem demulcentia, qui etiam sopiebatur. Intercurrebant abortus aliquot, etiam exclusio fœtus mortui cum retentione aliquali lochiorum. Hoc præterlapso anno, initio Martii accedit iterum pristinus ejus linguæ dolor adeò vehemens, ut ad anodyna & narcotica confugiendum esset: adponimus emollientia, cum lingua admodum tumeret; quid sit? linguam dum movere prorumpit lapillus instar nucis avellanæ, cum intermissione dolorum, & plenaria reconvallescentia. Calculum sibi servat fœmina sanctè, utpote tam diuturnorum dolorum auctorem. Placebat nonnemi hunc lapillum vocare Ranulam lapideam, alii tamen Practici calculum linguæ indigitant, quale exemplum habet Forestus lib. 4. obs. Zacut. Lusit. de Pr. M. adm. lib. 1. observ. 72. Talem calculum sub lingua latitantem Uratislaviæ ante annum Civi cuidam etiam extractum fuisse memini, nec spongiosa linguæ caro potest impedire generationem calculi, uti amarissimæ bilis vésicula generationem vermiculorum non impedit. *Samuelis Ledelii.*

De Calculo sub Lingua feliciter exciso.

Ut in omnibus ferè Corporis partibus, ita etiam sub lingua

lingua lapillos generari posse, fide digni Authores posteritati tradiderunt: Quorum Catalogum describit Joh. Georg. Schenck. Lithogenes. Patholog. Hist. c. 4. Eisdem sub lingua repertos connotavit Nicol. Florent. Serm. 4. tra. 1. c. 8. & Serm. 5. Tract. 9. c. 9. Item Laur. Joubert. paradox 3. Dec. 2. contra Brun. Seidel. Ejusmodi lapillorum sub lingua prognatorum & feliciter excisorum bina sequentia exempla observavit Chirurgus noster Antonius Stadtlender, è cujus fide digna communicatione utriusque casum Lectori fideliter recensebo. An. 1655. 7. Jan. vocatus est prædictus Chirurgus ad Nobilem Matthæum Rudiger Dantis de magno dolore sub lingua per aliquot jam menses anxie conquerentem, ejusque opem implorantem: Qui in loco affecto non solum tumorem, sed etiam duritiem animadvertens, dedit ipsi Collutionem ex decocto herbarum partim emollientium, partim discutientium, à cujus usu melius habere cepit; dolor tamen in totum non cessavit: Tum Chirurgus partem dolentem digito tangens, majorem duritiem percepit scalpelloque superficiem parum solvens, & instrumento tractans, lapidosum quid animadvertit, majoreque incisione facta, exemit lapidem sub lingua latentem magnitudine Olivæ conditæ minoris, post cujus exemptionem Vulnus melle rosato cum pul. flor. balaust. inunctum, consolidatum est, Nobilisque Patiens à dolore liberatus fuit. An. 1662. 22. Febr. accersitus est idem Chirurgus ad mulierem in ædibus Nobilis Jacobi Esken, Consulis & Camerarii Thorunensis, ministrantem, quæ itidem per longum tempus gravissimum dolorem sub lingua perpeffa est, qui licet quandoque post usum anodynorum & emollientium Medicamentorum intermiserit, mox tamen reversus, & præsertim à comestione post motum linguæ atrocior factus est: Incisione itaque scalpello peracta, repertus est in loco dolente lapillus durus, hujus magnitudinis, coloris cinericei, cujus & prior erat: Quorum utrumque Chirurgus mihi monstravit. Mulier illa consolidato vulnere hucusque bene valet, neque de ullo dolore conqueritur, quam ego quoque de facie novi.

Scholion.) Similis Lapidis (qui modò in Illustrissima Societate Regia Anglicana custoditur) Acta Philosophica ejusdem laudatissimæ Societatis mentionem N. 83. p. 4062. cum faciant, Historiæ sensus, ut huc transferretur, operæ pretium visum est.

Vir, cui Lapis excisus est, ore tenus retulit, quòd calculus generari cæperit in hyemali expeditione maritima, qua, præterquam opinatus erat, diutius detinebatur, frigusque intensissimum perferre cogebatur. Paulò post reditum suum, quendam Nodum (sub Lingua) deprehendit, atque annis fere octo pertulit. Crescente Calculo, molestiæ quoque increvère, præcipuè ad omnem frigoris sensum intensus dolor in hac parte, qui cessante frigore cessavit.

Circa septimum & octavum annum frequenter ac repente omnes glandulæ oris & faucium intumuerunt ab assumpta Cerevisia aut cibo, qui tumor brevi iterum evanescibat. Tandem, quod præcipuè observatu dignum, vertigine repentina correptus est, à primo Vere ad Augustum circiter durante, quo mense sine ulla alia prævia causa, locus, ubi Lapis condebatur, desubito intumuit, cæpitque profluere materia purulenta ex ductu VVarthonianò; qui fluxus tamen statim cessavit (viro nil nisi frigus incusante) unde Tumor cum insigni inflammatione & summo suffocationis periculo, ut vix credi possit, quantum dolorem perceperit patiens, cum cerevisiam, vel alium liquorem vellet deglutire. Hæ angustiae durarunt quinque dies; quo toto tempore tanta saliva profluxit, ut caput reclinare non posset, quo dormiret; usque adeò, ut amici ægrum visitantes inter se quæfiverint, numne medicamentò quodam Merc. usus fuisset.

Varietas & conditio spontaneæ hujus Salivationis annotatu digna est: Prima die Saliva tenuis erat, & instar aquæ, limpida sine ullis bullis. Secundo die erat spumosa, falsa (quod calori potius, quam veræ falsedini licet adscribere, quoniam eo die Inflammatio in statu erat:) Tertio die summopere lentescibat, ac præterea foraminulum supra calculum fiebat, unde materia purulenta, perinde ut ante, proveniebat. Quarto die saliva profluere insipida, in ore manifestè frigida, (quod rursus opinionem confirmat, supradictam acredinem effectum caloris fuisse, non verò immediatam saluginosi humoris qualitatem;) spumosa modicè: Quinto die (quo incisio celebrabatur) saliva profluere, ut quarto die, sed relinquebat summam viscositatem in dentibus, adeò ut sæpius cohærent, ac si conglutinati essent.

Facta incisione, quæ non satis larga erat, membranae quibus condebatur Calculus, primò removebantur: Lapis verò ipse adeò durus erat ut forcipibus tractari posset; contactus erat, graminei coloris materia, quæ mox exsiccata est, & calculum subalbum reliquit. Levis est Calculus respectu suæ magnitudinis pendens 7. grana circiter, ac similis est fabis, quas Equinas vocant. Apparent etiam in eo Lituræ vasorum quorundam capillarium, inter quæ prognatus est. Denique est scabrosus & arenosus, utur substantia est Tophacea.

Symptomata comitantia elaborationem Calculi. (nam incisio erat merè obstetricalis.) Locus generationis ansam præbent provocandi ad intemperiem Ranulæ. Liqueat hinc talismodi Tumorem vocandum esse *Atheroma*; proinde nominamus Calculum, Lapidem Atheromatis. *Simonis Schultzei.*

Tophi sub Lingua.

De Tophis sub lingua (an Linguae, an Tonsillis adscribendi, judicet Lector) sequentem narrationem Dn. D. Joh. *Jeremias Rutterferus* Phys. Oppenheimensis Dn. D. Christoph. Ernesto Stempelio Practico Annæbergensi, Amico meo singulari transmisit. Erat vir consistentis ætatis, huic frequentissimè post vehementiorem masticationem tonsillæ intumescere solebant, sine noxa tamen rursus detumescentes. Cum aliquando subitò in tumorem insolentem elata deglutitionem impedirent, sensit vir ille aliquam titillationem circa radicem linguæ, quam statim solvit tophus aliquis albicans majoris pisii oblongari magnitudine, quo excreto levamen aliquod sensit, sed exiguum, donec post aliquot horas alius priore colore similis & consistentiâ, quantitate tamen minor succederet, quo facto post unum vel alterum diem evanuit planè tumor sine recidiva. *L. Christiani Frid. Garmanni.*

De vermibus intra Linguae Venam stabulantibus.

Menfe Septembri hujus 1677. Anni, vir quidam macilentæ staturæ, ætate circiter quinquagenarius, in Suburbio Uratislaviensi habitans, febricitare incipit, singulis diebus recurrente paroxysmo cum horrore & calore enormi in dies ingravescente, & delirio periodico. Cum paroxysmi sic quater vel quinquies redissent, tandem ingravescente febre, lingua subito intumuit admodum & nigrore infecta esse visa est, quocirca adstantes citra moram tonsorem vocarunt, qui venam sub lingua aperiret: qua dictum factum secta, mox vermiculus visus prorupit, & post aliquot guttulas sanguinis alius paulo major, cruce per omnia & capite & caudâ quàm maxime similis. Posthæc febris statim remisit, ægrotusque paulatim ad integritatem sanitaris rediit. *Observatio Collectorum.*

Vinculi linguae sectio in puella decenni.

Ratisbonæ puella quædam pulchra & sana, à cunabulis quasi muta, & ne vix, licet quàm maxime conareretur, voculam proferre potuit. Igitur inspecto ore videbatur linguae frænulum nimis constrictum, ac ex consilio Medici, Chirurgus ligamentum hoc incidebat forcipe, non tamen absque hæmorrhagia quadam, sed non periculosa. Exin puella incēperat expeditissimè garrere, atque sine hæsitantia verba cuncta proloqui. *Helwigii.*

Scholion. Helwigianum.) Inter linguae partes ab Anatomicis numeratur etiam ligamentum, corpus membranofum, latum, valde validum, inferiori linguae parti inter ambas venas sublinguales, ranulas dictas à natura substratum, pro firmiori linguae cum inferioribus partibus connexione, ac molliori basis ossis hyoidis innixæ constrictu, ut laxitate sua permittat linguam liberè loqui. Hujus ligamenti pars extrema apicem linguae versus protensa frænulum dicitur, hoc cum recens natis plerunque linguam adè totam alligat, ut lactis suctioni impedimentum magnum sit, & balbutiem molestam tempore inducat, obstetrices post partum ungue divellere solent, (quod tamen periculosum & non admittendum censet Th. Barthol. l. 3. Anat. reform. c. 13.) vel Chirurgi scapello aut forcipe incidunt, sed adhibitâ cautelâ, ne venæ sublinguales, sive caro musculosa ob metum hæmorrhagiæ, sive nervi ibidem implantari attingantur, ob metum convulsione, qualem se vidisse scripsit Joann. Riolanus lib. 4. anthropolog. cap. 8. Cæterum imperitè omnibus indifferenter infantibus frænulum hoc incidi queritur Bartholinus loc. cit. quum ex mille, quibus indivulsum manet, vix unus balbutiat.

Additamentum Schröckii. Compendiosam illam obstetricum in dirumpendo vinculo sublinguali chirurgiam, non immeritò temeritatem vocat Hieron. Fabricius ab Aquapendente in Operibus suis chirurg. quæ nempe passim & sine discrimine recens natò infanti, digiti ungue, quem paratum & acutum ad id perpetuò gestant, ligamentum sub eorum lingua incidant, ratæ nisi id præstarent, infantem nequicquam loqui olim posse; quam tamen incitiam & fatuitatem varia incommoda sæpius subsequuntur, dolor imprimis & inflammatio, à qua papillæ maternæ apprehensionis lactisque nutritii suctionis lethale sæpe impedimentum exoriatur, cui Excell. Car. Rayger Collega nost. annot. in Jacob. Rolandi Aglossostomogr. cap. 3. maxillæ, à digiti crassioris intrusione luxationem, cum inevitabili infantis interitu junctam surperaddidit: Quare peritam Chirurgi operam accerere præstat, si ligamenti illius solutione opus fuerit: Funestum aliàs temerariæ istius ab obstetricis unguibus diruptionis, atque imprudentis postea Chirurgi ulterioris dissectionis exemplum notavit Joh. Sculterus p. 2. Armament. Chir. obs. 37. Quamvis autem in omnibus operationem istam haud necessariam esse certum sit, quandoque tamen administrari debere casu proposito Author noster egregiè ostendit: Quin & hac in urbe jam adultioribus, loquela articulata destitutis vinculum hoc chirurgico auxilio cum fructu solutum fuisse compertum habeo.

Quatuor annos mutus, subitò vocalis.

Socium hîc adjungimus Cræsi filio, qui, ut perhibet Herodoti Clio, viso irruente in parentem minaci Persâ cum antè mutus exegisset vitam, ὁ δὲ θεὸς τὸ κακὸν ἐπὶ τῷ φωνῇ Ἀνδρῶν, μὴ ἄτεινε, χραίσον, Noster hic, Christiano-hafniensis civis, per infortunium mutus, toto quadriennio vocem frustra expectaverat. Tandem ad me ventum: inspicio fauces, expendo linguae fa-

bricam, & membrum infelix stylo ferreo latiori hinc inde converto. Nihil adè à natura peccatum observo, tantummodo frigus partis flaccidæ displicuit, & movendi segnities. Designo igitur quæ fieri velim, & exaratis quæ in rem videntur, adque pharmacopœum remissis, dimitto agrum; qui domum properans, ut se pharmacis recipiendis accingat, in ponte sublicio, qui utramque urbem dirimuit, obviam fortè videt vetulam nescio quam, ob inimicitias funestas jam olim sibi invisam; eâ conspectâ toto animo, exardescens, & vindictæ accensus cupidine; Ut te, inquit, Dii Deæque omnes perdant. venefica; simulque laxata linguae suæ fræna stupens observat, tum demum sibi irrior, quàm aniculæ quod faustissimum ejus occursum convitiis exceperat, & primum redeuntis linguae usum à maledictis esset auspicatus. Scilicet, credibile, grumum aliquem sive sanguinis, sive pituitæ tenaciorem, principio arteriæ loquacis impactum; & hætenus comprimentem vicinos nervos, ad motum illum incandescens animi concitatissimum, & secutum hinc irritati sanguinis motum vehementem delituisse. *Olai Borrichii.*

*Jacobi Rolandi, De Belebad, Chirurgi
Salamuriensis.*

Aglossostomographia, sive, descriptio oris sine lingua, quod perfectè loquitur, & reliquas suas functiones naturaliter exercet. E Gallico in Latinam versa, Additis Annotationibus. à Carolo Raygero, M. D.

Curioso Lectori S.

En tibi novum & memorabile naturæ miraculum, Os sine Lingua perfectè loquens. Quod quondam de Africa hodie jure suo de Gallia dici potest; Ex ea semper aliquid novi, aliquid curiosi. Elinguatos olim Martyres singulari Dei miraculo aliis pœnas suas dixisse, & fidem verbis propagasse Christianam, in illorum temporum leges historiis. At nostra, vel Patrum memoria sine lingua loquentes vix alibi, nisi in Galliis reperies. Mutilatas aut præcisas linguas locutas, & loqui posse. fortuito invento in artificium traducto, superiori seculo in Gallia monstravit ac docuit Paræus Chirurgus. Nunc alius ejusdem Professionis in eadem Gallia, novo antè & inaudito exemplo, producit, ac describit Os sine Lingua, sine artificio, perfectè non tantum loquens, sed & reliquas sibi convenientes edens actiones. Ita, quos Natura disertos vult, sine Lingua reddit loquaces. Nefas duxi uni Linguae relinquere omnibus linguâ decantandum prodigium. Digna res, visa, quin Orbis sciat id quod sola hætenus admirata Gallia. Habe ergo tibi curiose ac benevole Lector, curiosum hunc Discursum, quem vel pauci hætenus habuere, vel pauci soli, nempe Linguae Gallicæ periti, intellexere. Accipe grata mente, quod curiositatis tuæ gratiâ transferre & communi sub Litteratorum Idiomate tibi communicare volui. Multa hîc reperies curiosè tractata, & ad plenioris hujus historiae cognitionem omninò necessaria, quæ nec Riolanus annotavit in Anthropographia sua, nec Bartholinus observavit in Observationibus, ambo tamen cum nonnullis aliis hujus rei mentionem facientes. Quod de meo accessit, una vel altera Observatio, recentior sententia, melior ab Authore dictorum explicatio, non contradicendi reprehendendique studio, nec vanæ gloriolæ aucupandæ causâ factum puta. Res, ætas, semper aliquid apportat novi, aliquid monet. Cæterum si Translatione hac mea tibi placuero, plaude: si non, dum vel minus rectè ubique Idiotissimum assecutus fuerim Gallicum, vel cujuslibet verbi sensum genuinum non expresserim; ignosce Indigena peregrino, Linguae Gallicæ

Gallicæ peritior imperitiori. Vale. Pofonii. Kal. Novembris 1672.

Aglossostemographia, seu Descriptionis Oris sine Lingua.

Praefatio Authoris cum Ordine Tractationis.

Ad dignè graviterque loquendum vel scribendum, de Ore quodam memorabili, sine ullo linguae vestigio perfectè & intelligenter se exprimente, aurea me Lingua Angelicis deberet intruere verbis, aut stylus requireretur ferreus, qui tabulis inscriberet aheneis miraculum hoc incredibile, quo ventura secula scirent, quod præterita ignorarunt, & præsentis hujus Doctissimi etiam Viri, nisi plane, vel testes, vel Judices hac in re, vix credunt. Quos inter incomparabilis noster fuit Anatomicus Riolanus (ceu testatur in Antroph. l. 4. cap. 8.) priusquam per D. Duncanum & me transmissum vidit puerum hunc Pictonem, de quo agimus. Verus enim nervus sapientiæ est, non facile credere omnia quæ dicuntur, sed lumine rationis quærere veritatem in abdito latentem, & experiëntiâ se certum reddere de eo, quod controversi potest. Ego autem non intermittam & ore, & calamo, & verbis & scriptis, qualia etiam sunt in id incumbere, quo crinibus arripere queam istam occasionem, quæ se offert publicandi per universum Mundum miraculum hoc, quod jam innotescere cæpit Parisiis in illa totius Franciæ Epitome, sperans me materiæ hujus novitate ita rara, ac fuit preciosa olim ab Hipponio dicata statua, licet non à Polyclete Excellentiss. sui temporis Sculptore facta, majorem firmioremque operi meo conciliaturum famam, quàm si historiam, vel descriptionem suscepissem omnium miraculorum Mundi, si unumquodque etiam, tam magnificum, tamque superbum esset, ac fuere septem illa tantopere ab antiquitate decantata. Illos insuper, qui iis Ingenii dotibus pollent, quibus me ad exequendum propositum destitui sentio, quas tamen, tum ad illorum satisfactionem, tum ob splendorem pulcherrimæ hujus materiæ, vel maxime mihi optarem, benignis meam & voluntatem, & imbecillitatem intuentes oculis, labentem me potius confido relevaturos, defectus meos reparaturos, quàm destructuros Trophæum hoc, quod in honorem Chirurgiæ, charæ meæ Professionis, erigere laboro, ut facere solerent Aristarchi & efferati Spiritus contradictionis, sibi tantum benevolentes quique quod non plantarunt, nec crescere, nec florere sinunt, sua ex aliorum ruinis exornantes ædificia; sed quoniam novo modo & ratione mihi loquendum, loquendo autem omnia quæ sunt laudantur, ita discursum meum instituam, ut Lector inde laudare, & admirari queat Deum, naturam in operibus suis quasi manu ducentem. Ordo itaque, ut bene formatus hic prodeat noster fœtus, septem erit Capitulum, quo tanquam perfectæ & sufficienti numero includam, quæ de hac materia dici possunt.

Et primum quidem Caput continebit Descriptionem illius, qui Linguâ caret, & qua ratione ea amissa.

Secundum, Conformationem Oris hujus elinguis exhibebit.

Tertium, De Constructione, & Usu Linguae ordinario in homine edisseret.

Quartum, Linguam semel amissam nullo modo denuo regenerari posse adstruet.

Quintum, Quare qui Linguâ carent, nonnisi cum artificio loquantur? inquirat.

Sextum, Qua ratione hic noster sine Lingua & sine artificio locutus fuerit, proponet.

Septimum, Quomodo gustare, expuere, ore assumpta hinc inde movere, & colligere, & deglutire sine Lingua potuerit.

§. 1. *Quis ille sine Lingua loquens, & qua ratione eadem amissa.*

In historia bene tractanda, Persona illa de qua agere; aut cujus notitiam dare volumus, ita ratione nominis, nativitatis, ætatis, patriæ, conditionis & constitutionis designanda est, ut nihil desiderari queat, quod ipsum ab aliis distinguat. Ille ergo, cujus miraculum me has lineas ducere formam ejus delineare & ad vivum repræsentare impulit: Petrus vocatur Durandus, octo vel novem Annorum puer, natus Andrea Durando, & Margaritha Salè, rusticis inhabitatoribus Pagi de La Rangeziere sub Parochia S. Georgii, ad Montem Acutum in Pictavio inferiori, (*près Montaigne en bas Poitou*) qui quinto vel sexto ætatis anno correptus variolis, morbo toti propè humano generi communi, quique sæpe horrendas edit strages, inprimis autem infantibus, & in facie malignitate sua crudelissimam nonnunquam exercet Tyrannidem, quam & ita in hoc puero exercuit, ut integram inde perdiderit linguam, illamque gangrænâ & putredine corruptam (quod in hoc morbo, ubi ægrotus negligitur, nec ritè medicamentis necessariis juvatur, facile tam ob septicam Veneni naturam, quàm ob calidam, humidam & laxam linguae constitutionem fieri solet) per partes expuerit totam, nullo remanente vestigio adfuisse Linguam. Hoc tamen vel prorsus non, vel parum, obstante, quinque actiones linguae competentes perfectè edit, quæ sunt loqui, gustare, expuere, assumpta in ore colligere, deglutire, ceu alibi dicemus. Os namque hoc Linguâ destitutum, ejus in locum, noviter aliam acquisivit conformationem, mirabili planè naturæ prudentiâ, quæ nunquam non, ita ferente occasione, benignam se quasi matrem erga liberos suos exhibet.

Non alius crudelior, aut turpior hostis in mortalium insurrexit genus, præter Variolas, nulli, nec senibus, notante Nicol. Florenr. Tr. 2. Sum. 4. Dist. 6. c. 13. Aug. gen. l. 9. de feb. c. 7. Forest. l. 6. Obs. 44. nec pueris, quibus communissimus, nec fœtui in Utero latenti parcens, teste Schenckio, l. 6. obs. tit. de Variol. & Morb. Fab. Hild. C. IV. obs. 55. Rhod. C. iii. obs. 83. &c. & quos non occidit, illos ita quandoque notat, ut per omnem vitam Tyrannidis suæ turpissimas notas, maxima cum deformatione, circumferat, quod multis videre est apud Schenckium l. c. obs. penult.

Unum de meo addo. Ancilla quædam 30. & ultra annos malè valens, circa festa Natalitia sævissima Bruma Anno 1669. Trenschinio trium prope dierum itinere, huc Pofonium proficisci constituit; Huc delata in suburbio divertit ægrota, videtque totum corpus repleti variolis. Negligentiùs initio habita, quia paupercula: post octiduum de adventu ejus, certior reddita Consobrina quædam mea, quia eam ante noverat, & restitutam servitio suo destinaverat, curam ipsius suscepit, me vocato in auxilium. Nihil intermissum, quod ex re videbatur, adhibita expellentia sufficienter, aliaque huic morbo convenientia remedia: Sed ecce, in morbi declinatione remittentibus symptomatibus variolæ quidem decidere sed remansere tubercula parva verrucosa, nullis medicamentis cedentia; Non hinc quicquid externè, vel internè adhibitum, profuit, inunctiones nihil, nihil Balnea artificialia vel naturalia, & licet quandoque dispareant, vel squamularum instar decidant, statim iterum recrescunt, idque jam per integrum triennium. Sed non satis est, sævissimo morbo cutem defœdare exteriorem, quin & in interiora sævit. Deprehensum sæpe quosdam ab interitu dissectos, quibus Jecur, Lien, Pulmones, omniaque interiora, haud secus atque Cutis sordidissimis papulis

pulis manantibus scaterent. Fernel. l. 2. de Abd. rer. caus. c. 12. Barth. C. IV. Obs. 43. Quam ori palato, faucibusque nocent, vel præsens, de puero isto elingui, sufficit historia. Vidi ego Anno 1668. hic Posonii in suburbio puerum 4. vel 5. annorum, cui post varicellas, quibus ut Parentes referebant, os in guttur usque quantum videri potuit plenum erat, remanens ulcus, & totum palatum, superiores gingivas, labium, & aliquid de dextra gena absumpserat, miserrima insequente morte. Anno 1670. media æstate hic morbilli quasi Epidemialiter grassantes, singulare aliquod oris vitium, idemque periculosissimum conjunctum habebant. Aphthæ erant per totum os interius ad Uvulam usque & fauces albæ, quasi inducentes membranam, cum præsentaneo strangulationis ac mortis periculoso, nisi promptè succurrebatur. Mulierculæ appellabant *den Meel-Hund*, fortè à colore, quod totum os, ac si alba farina conspersum esset, apparuerit.

(b) Inprimis si citò desinunt, aut intermittunt uti pulveribus expellentibus, quos ego usque in decimum quartum, & si malignitas adfuerit, in decimum octavum, impari tamen dosi, continuare soleo bono cum successu. Diaphoreticis enim hisce Ichor ille acris & erodens infringitur, & ad exhalationem, seu transpirationem quasi insensibilem disponitur, unde exiccata variolæ sponte decidunt, nullis vel exiguis post se relictis vestigiis. Undè non melius, non tutius, ad præcavendas foveas, seu variolarum vestigia commendare tam propriâ quàm alienâ experientiâ possum, præter diligentem & continuatum usum expellentium.

§. 2. *Qualis Conformatio Oris hujus quod sine lingua loquitur.*

Os ab Anatomicis communiter, & externè, & internè consideratur: Sed ut de hoc nostro ritè agamus, motus insuper & quies spectari debent. Quod si enim extrinsecus id, dum non movetur loquendo, intuearis, nullam ab alio observabis differentiam. At si apertum, & loquendo se movens inspicias, statim nobis differentiam, quid habere debeat, & quid habeat. Quod scilicet moveatur pro ratione Conformationis, ut usus postulat, quodque Conformatio ejus interna inprimis consistat in dentibus, in palato, in faucibus, in Uvula, in Amygdalis, in Ranularibus, in reliquiis linguae, in Saliva.

Dentium inferioris maxillæ gemina est series extrorsum, Primi siquidem, Lacteos appellant, ipsi non excidere & posteriores non intermiscere versus interiora succrescere (secus ac faciunt dentes supercrescentes) ubi modò apparent longi, & quasi inversi, non aliam ob causam, quàm quod dentibus superioris maxillæ ex opposito non jungantur, qui anteriorem seriem tantum tangunt, & quod à primis remanentibus locum suum semper occupantibus introrsum pressi, à lingua hinc deficiente, ad exteriora non repellantur aut retrudantur. Id quod facile alio, & communi exemplo probari potest. Dens, verbi gratiâ, maxillæ cujusdam, qui vicinum amisit, semper crescit, & se extendit in locum deperditi. Aut si dentes accrescentes, vel etiam primi, non debito tempore evellantur, unà crescant, & extra naturalem situm ponunt illos, qui remanere debent, id quod non exiguum affert deformitatem, quam, ut evitemus, foramen dentis decidui, & qui non amplius regeneratur est implendum, superflui autem maturè evellendi.

Palatum, Oris Cælum, naturaliter convexum, ut ad vulgi mentem vox edatur fortiùs; potiùs autem juxta meam opinionem, ut lingua, dum se in rotunditatem contrahit, majus habeat spatium. In hoc puero depressum est, & planum plus solito, quod linguam non habuerit cum cresceret, quod ipsum formasset, aut naturalem convexitatem conservasset.

Faucium Isthmus, sive ille introitus. per quem aer, & cibus, & potus ingrediuntur & egrediuntur, hoc in subjecto ovalis est formæ, tam angustus, ut vix digiti apicem admittat. Una sui parte palatum altera radicem linguae attingit. In medio superius annexa dependet Uvula, rimam in semilunarem formam dividens, & internè ad Epiglottidem descendens; cum alias faucium hic Isthmus aut gulæ introitus sit rotundus, & cum Uvula duos quasi arcus tribus insistentes columnis repræsentet, nempe ut aer loquendo melius infringatur & prorumpat.

Uvula in hoc puero longa est, tenuis; ejusque extremitas pendens ac mobilis. Longa est; ut Epiglottidem attingat. Tenuis, ne nimis rimam claudat. Descendens ad Epiglottidem, ne se nimium movendo mutationem & vocis inflexionem impediatur, cujus scilicet gratiâ est in homine, qui solus inter reliqua animalia particulâ hac pyramidalî carneâ gaudet, magis ad commodiorem loquelam, quàm ut eâ pulmones ab aëre frigido, Larynx ab ingressu pravorum, (nisi fortè in hoc subjecto elingui) Oesophagus, vel à deglutione magnorum frustorum, & Nasus à regurgitatione assumptorum præserventur. Primum namque nares & os præstant; secundum Lingua, tertio non repugnat inservire posse Uvulam, quarto verò reliqua animalia magis essent obnoxia; quæ demisso in terram Capite cibum aut potum capiunt, quàm homo erecta cervice coinedens & bibens.

Amygdalæ, duæ glandulæ sunt, spongiosæ, à figura nomen sortitæ, utrinque ad linguae radicem in ingressu faucium sitæ, ad excipiendam à Capite, & ori reddendam salivam, quo irrigentur Lingua, Palatum, Gingivæ, Ranulares, & imbuantur masticanda. In hoc verò subjecto instar duarum Castanearum sunt apparentiores, quàm alias in hac ætate solent, quam magnitudinem iterum à defectu Linguae acquisiverunt, in quam, quod non evacuarint suam humiditatem, ita excreverunt. Quinimò necessarium erat in hoc subjecto, talem obtinuisse figuram, & dimensionem ad coarctandam gulæ rimam, quo melius fieret elocutio.

Ranulares, (*Les Ranulaires ou Grenouillères*) de quibus etiam recentissimi silent Anatomici, in hoc ore non inveniuntur. Sunt autem duo corpora rotunda, spongiosa, subrubra, utrinque in parte maxillæ inferioris anteriori dextrorsum & sinistrorsum versus dentes maxillares in formam pedum posteriorum Ranae sub apice Linguae & mento sese extendentia, quo in loco illa tempore silentii se retrahit, reponit, & quasi super molliissimum pulvinar quiescit. Ultra hanc commoditatem, quam præstant, inserviunt etiam ad continendam superfluum salivam, quæ aliàs semper ex ore proflueret. Hinc etiam si filum Linguae minus dextrè secetur, perpetuâ oritur salivatio, & hoc in loco fieri solet Batrachion seu Ranula.

Quod superest, adhuc eo in loco, ubi antea Lingua fuit, duplex est corpus planum, & in oris fundo situm, carne constans musculosa, lineaque distinctum secundum longitudinem excurrente, & ab interiori menti parte usque ad gutturis ovale foramen se extendente, in medio sui, utrinque inflatum, se colligit, & retrahit, versus palatum, ceu duæ hirudines sibi junctæ, cum puer loquitur, aut aliquid deglutit. Unde pro reliquiis habeo partium posteriorum musculorum, aut Genioglossorum, aut Myloglossorum, ubi terminata gangrana, quæ nunc constituunt istud corpus moventque.

Saliva, Aquosus parumque glareosus humor est, qui ex Cerebro ad infundibulum, & inde, scribit Riolanus, per duos parvos canales in ambas fertur amygdalas, ex quibus partes internas oris per illas cavitates circum has glandes; instar parvorum loculorum sitas,

tas irrigat, ut os humectetur, Lingua reddatur agilis, ut ad hujus profunditatem deducat sapores, & hi penetrant palati membranam, ut melius in ore moveatur cibus, serviat instar fermenti ad digestionem, ut tandem loquelam reddat suaviorem, lenioremque respirationem. Restat ut loquamur de motu Oris hujus externo, qui triplex, secundum tres parres, quæ moventur, Labia scilicet, Maxillam inferiorem & Genas. Singulæ motus edunt diversos; in hoc puero dum loquitur, deglutit, aut expuit, ab aliis diversissimos. Quæ cum facit labia magis versus interiora, vel versus exteriora inflectuntur & invertuntur, maxilla inferior valde cogitur, aut se extendere, aut contorquere, musculi buccinatores genas intra dentes trahunt molares ad fungendum officio Linguae.

Dentes, ut numero, ita quoque & ordine quandoque variant. Visi quibus triplex, quibus duplex ordo, imò quibus dentium loco nonnisi continuum os fuit, test. Schench. lib. 1. observ. T. de Dent. Laur. l. 2. Hist. Anat. c. 10. Melch. Sebiz. Disp. 2. de Dent. aliisque; Ordinariè homini una est series 16. Dentium in utraque maxilla. Quadrupedibus mordacibus ac rapacibus ad proportionem plures & validiores; Omnium autem piscibus carnivoris plurimi ordines. Rarum est ac notatu dignum, quod Cl. Steno de Cane Carchariæ, alias Lamiae dictæ, Piscis voracissimi & Antropophagi, cuius in ventriculo nonnunquam, teste Rondeletio, integer homo, isque loricatus, fuit inventus, dissecto capite refert, se tantum in media mandibula (nam plerisque resciderant, & quibusdam in locis resectis cum dentibus gingivis, ne vestigia quidem dentium integra reliquerant:) tredecim dentium ordines invenisse, quorum interiores inferiora versus recurvati sub gingivarum molli & fungosa carne ita delitescabant, ut nonnisi resectis gingivis in conspectum prodirent. In alio vero pisce, itidem ex Canum genere, dissecto, maxillæ inferioris octo observavit ordines, singulos 19. dentibus instructos, in superiori sex cum 17. dentibus. At cur natura hisce animalibus tot concesserit dentes? cum ob structuram in tam ubere eorum numero minima pars usui esse possit, prædamque insuper totam sine prævia masticatione deglutiat, meritò mirandum; Prælaudatus Author factum hoc ob materiæ abundantiam & necessitatem, ut delapsis, vel quomodocunque amissis anterioribus, statim interiores succederent, existimat, in discursu suo elegantissimo, quem de hac Anatomia Florentiæ specimini Myologiæ Elementorum annexum edidit. Fortè etiam, ut & hi versus interiora reflexi instar hami serviant; quibus impedita præda ex ictu immanis belluæ extricare minimè se queat. Unde annosis, quibus priores sæpius excidere, minor ordinum numerus, quo alias multum variare solent Authores.

Rondeletius sex numerat series; Tot Mercatus, sed putat Cl. Steno in exiccato capite non tam bene omnes in gingivis latentes deprehendi potuisse. Bellonius in universum ipsi 140. dentes tribuit. Lamiae verò, quam ab hoc distinguit, plus minùs ducentos per quaternos versus (ut inquit) in utraque maxilla dispositos. Alii triplicem tantum seriem adstruunt, vide Gesner. lib. 4. de Aqua. In Gaditana littora expulsum belluam marinam cujus inter duas pinnas ultimæ caudæ cubita sexdecim fuere, dentes ejusdem 120. maximi dodrantium mensura, minimi semipedum, ex Turriano citat Jac. Pont. in Att. Fallar. l. 2. Synt. 3.

Ita dicti à tempore, quòd lactentibus erumpant, non à materia, quòd ex lacte fiunt; ut cum nonnullis vult. Auth. lib. de Princip. 5. seu Carn. Quem librum meritò D. D. Melch. Sebiz. in Disp. 2. de Dent. cum Mercuriali Hippocratis fuisse negat,

quia non pauca continet à veritate aliena; aliisque Scriptis Hippocraticis contraria. Formantur enim in Utero æquè ac reliquæ partes spermaticæ, sed gingivis teguntur, tum quod minores, quàm ut illas transire queant, tum quod illorum nullus adhuc usus; quibus gingivis in dissectione remotis, in alveolis suis nemo, nisi Teresiæ cæcior, non videre potest. Ego certè cum ex fœtu legitimo tempore, sed mortuo excluso, ac proindè nunquam lac suxerat, Sceleton pararem Lutetiis Parisiorum, ablatis gingivis perfectè absolutos inveni (quos & adhuc monstrare possum) octo priores dentes utrinque; sub quorum uno vel altero satis jam duro, eruto curiositatis gratiâ, inveni subjacentem materiam cartilaginosa; ceu rudimentum dentis subsecuturi, qualem etiam deprehendi in alveolis maxillarium. Undè non ineptè Causa deduci posset; cur anteriores cadant & regenerentur, molares verò, sive maxillares non.

Fabricavit scilicet natura primos dentes primo septenario deciduos, ut sint operculi loco, sub quo tutius & firmiter crescant secundi, & ut interea, dum hi adolescant, convenientemque acquirant duritiem serviant infanti, quem tamdiu edentulum esse non decuit. Dentes in senectute regeneratos, hinc inde vide apud Observationum Scriptores.

Nullum animal Uvula gaudet præter hominem, quia nullum animal loquitur, magisque articulatam vocem, ut ut varia avium modulamina & suavissimas tenellæ vocis inflexiones mireris, edit, præter eundem. Loquelæ enim vel maximè, vel primario inservit, missis aliis actionibus, quæ homini cum Brutis communes, & quas ista sine illa facillè peragunt. Unde vel erosa, vel penitus amputata (quod nunquam fieri debere vult Rud. l. 4. c. 14.) statim vox læditur, Laurent. Hist. Anat. l. 11. c. 18. Muti fiunt, Gal. de us. Part. 11. c. 11: Diterius, minusque perspicuè loquuntur. Joubertus de Aff. Thor. Vitiata voce absurdè & de naribus loquuntur; Pareus Anat. l. 5. c. 13. raucam vocem edunt, Rioli. Antropogr. l. 4. c. ult. Et quidquid contradicatur Fallop. in Observ. Anat. certò adstruens nullum pati vocem detrimentum ab exesa uvula; Vivum hujus rei exemplum hic Posonii habemus in Typographi filia 10. vel 11. annorum, quæ à primo ortu hac particula destituta, sine impedimento aut regurgitatione ad nares deglutit, sed difficulter loquitur, imò quasdam literas planè pronunciare nequit; ut l. f. c. 1. ch.

Andegavi vidi hominem triginta annorum, qui duplicem habuit Uvulam, quæ legitimo in loco pendebat, sed digitum minorem propè lata in medio divisa, in apice verò Epiglottidem versus iterum coalescens, ut mirabilem præbuerit formam. Deglutiebat iste sine difficultate quodcunque, sed lubentius liquida, quàm solida, loquela tamen de naribus procedebat, (*il parloit du nez*, ut Galli dicunt) Tabidi autem quomodo reddantur hac particula destituti, non capio, nisi fortè credam hoc potius fieri à destillationibus acribus & erodentibus ad pulmones, quæ causam etiam præbuere huic erosioni, quàm ob ingressum aëris frigidi in eosdem, quem Os & nares satis temperant. At quæri posset quomodo Aves loquantur, aut vocem humanam imitentur, istâ particulâ, ad loquendum, adeò necessariâ, destituta? Psittacos certò loquentes plurimos habemus, nota, quæ de Corvo Augustum salutante dicuntur, & de Pica apud Martialem;

*Pica loquax certa Dominum te voce salutò,
Si me non videas, esse negabis Avem.*

De Auriviti Fringillæ quodam genere refert Deusingius in Dissert. de Surd. & Mut. ab Ortu Sect. 4. de Loquela Brut. Illam, quoties se ad Cantum componeret, submissa & raucâ voce Belgico Idiomate exclamasse;

malie : *Bing-Manectente*. Verum enim verò non tam ad loquendum simpliciter, quam ad bene loquendum, ad bene articulandam vocem; ad pronunciandas literas gutturales videtur necessaria; Unde loquuntur quidem istæ aves, vel potius imitantur humanam loquelam, sed malè pronunciant, & quandoque vix, nisi ab assuetis, intelligi possunt.

His novum usum tribuit VVarthonus in Adenogr. c. 22. Gustus organum esse vult, omnesque Oris partes, in quibus Gustus perficitur, subtere contendit. At merito recedit ab ista Sententia L. Bellin. in Gustus Organo c. 13. 14. gustationem fieri adstruens in papillis, quas linguales fungos appellat, nihilque aliud esse dicit, quam furculos nervorum è Linguae substantia assurgentes, & siphunculorum instar ad extimam superficiem desinentes, non stratos & Linguae plano parallelas, sed eidem implantatos & erectos apice suo, ut osculis occurrant salibus, quibus mediantibus gustabilia ipsis communicantur. Atque papillaris hæc extensio, seu papillare corpus, ut amat nominare Malpighius in Epist. ad J. Alph. Borellum; per totum corpus Linguae expansum, imposuit fortè Veteribus, ut linguam duplici carne contare crediderint: glandulosam unam, alteram musculosam; Cum in contrarium hodie diligens Inspectio & Examinatio demonstret, Linguam verum esse corpus musculosum, miris quidem fibrarum plexibus donatum, quia viros etiam ac varios, si ullum aliud membrum debuit edere motus, per quos fibrarum anfractus propullulant fungi illi nervi, sive nervorum extrema filamenta.

Quid velit Author per Ranulares, non satis intelligo, denominationem ex Gallico retinui; Non enim sub hoc nomine quidquam vel legi, vel audiui, vel vidi. Vix erunt Musculi Basioglossi, ratione ortus, insertionis & formæ exterioris, unde & nonnullis Ypsiloglossi audiunt, hisce similes, sed ratione substantiæ dissimili. Nisi fortè ita appellet carnem illam plurimis glandulis & pinguedine constantem, ad radicem Linguae sitam, quam nonnulli, teste Barth. in Anat. reform. pro undecimo musculo Linguae habent, quamque longè melius Cl. VVarthonus Glandulas maxillares nominat, & modo huic, quem proponit Author, non absimili describit in Adenogr. cap. 21. Earum inquit, pars posterior parotidi & glandulis jugularibus, appropinquat multò crassior & rotundior, ut & rubicundior, antè progressa paulatim attenuatur, media autem via videtur primo aspectu ab interiori parte quasi discontinuari, & recedere, re ipsa tamen exiguo ramento continuatur, dein verò nonnihil iterum crassescit, & cunei instar inter maxillam, & Linguae musculos ad mentum usque protenditur.

Et hic quidem locus non superfluum salivam, ut vult Author, quam ad mentem illius temporis, novos ductus Salivales ignorantis, è Cerebro deducit, sed ejus scaturiginem continet, quia vas salivale transit, & si in hac parte minus dextrè fiat Ranulae operatio, vasaque illa discindantur, perpetua oritur Salivatio. Id quod jam ante VVarthonus vidit & prædixit Carpus in Mundinum, liceat mihi locum hunc totum ex Cl. Deusing. Disp. de Alim. depur. quem à Brenzelio, & hic Berlingario habet mutuare, & quia multum, quæ diximus illustrat, huc transcribere. Sub lingua, inquit, duo sunt Orificia seu Ora, sive fontes, à quibus exit Saliva & duo habitacula Salivæ vocantur etiam ab Avicenna, generativa Salivæ, & in illa Orificia ingreditur stylus, teste Avicenna & teste Sensu: & talia orificia aperiuntur & constinguntur per suas pelliculas, prout clauditur & aperitur bursa. Et interdum aliqui Chirurgi ignorantes, propter aliquod opus manuale in isto loco incidendo aperiunt talia orificia taliter, quod suæ

pellicula possunt non postea claudi tempore debito, & tunc perpetuò, velit, vel nolit patiens, ille temper est cum ore pleno sputamine: Et ego habui tales præ manibus, quos fontes devastarat Cursor de Vercello, Baptista vocatus, volendo curare Ranulam sub lingua: Et tales fontes implantantur ad Carnem glandulosam, quæ est sub lingua versus radicem, quæ est multa, & est semper plena spūto, suscipiens illam humiditatem à venis proximis. Hæc ille.

Confundit hic Author, ut & plerique veteres Anatomici Sputum cum Saliva. Humor ille crassus viscidusque, qui sæpè cum Saliva commistus è tonsillis, ad quas è Capite, seu Cerebri excrementum depluit, provenit, Sputum est non Saliva, quæ nobilioris naturæ & ortus. Vide VVarth. Adenogr. c. 21. De cujus materia, modo generationis, usibus & necessitate, cum actum alibi fulius, & ex professo, hic supersedeo.

§. 3. De naturali Conformatione & Usu ordinario Linguae in Homine.

Si quis dignè & doctè de Lingua, aut alia Corporis humani parte loqui vel scribere vellet, linguam & calamus mutuare à Riolo, aut ex illo sumere deberet, & transcribere, quod in pulcherrimo suo Anthropographiæ Operè tanta cum Excellentia, tanta cum elegantia dixit, scripsitque, ut curiosissimi Anatomici desperent, aliquid ulterius, aut ipso melius, proferre; dum nihil tam egregio operi ad sui totalem perfectionem deesse videtur, quam applausus, quem jure promeruit, & qui meritò tam raro Authori debetur. In ejus igitur æs incidendum esset, si non & suum cuique tentare talentum, & quid valeant vires experiri liceret, quam in totum alienis laboribus acquiescere.

Dicam ergo, quod Lingua sit membrum particulare, unicum in suo genere, diversas assumens in ore humano figuras, mediante linea quadam secundum longitudinem excurrente, distincta sine divisione in partem dextram & sinistram, carne constans duplicis generis, pulposa sive glandulosa, fibrosa sive musculosa, duplici gaudens motu, uno proprio à se ipso procedente, quo nonnunquam mentem præcurrit, & Velox dici potest, altero, qui à voluntate dependet, unde animalis vel voluntarius audit, instructum nervis, arteriis, venis, membranis rectum, & tandem duobus alligatum ligamentis, ut instrumentum Loquelæ, Gustus, Exspuitionis, ut colligat assumpta masticanda, ut juvet deglutationem, ut sit instar speculi, in quo signa sanitatis, & morbi, & mortis videri possint, & ut mentis nostræ sit nuncius, nostrarumque interpres cogitationum.

Figura Linguae, quæ cum Proteo convenit, quia, prout nobis placet, variatur, certa designari nequit, quamvis recentiores Anatomici ipsi Pyramydalem adscribant, quæ tamen nonnisi certis competit animalibus, Aristoteles latam esse dicat, ipsa certè contat experientia hanc pyramidalem figuram coactè tantum accipere, tum nempe, quando ex ore protenditur, vel quando conjunctis duabus marginibus in formam imbricis effingitur.

Duplex in Lingua Caro est, glandulosa superius, inferius musculosa. Prima sui generis (nec non vel glandula est, vel musculus) porosa, aut imperceptibiliter undique perforata, rara seu spongia, subtilis, dura à radice, usque ad apicem Linguae, ejusque verum constituit corpus. Secunda fibrosa, sed unita, compacta, musculis constat, genioglossis, basioglossis, styloglossis, myloglossis, qui attingunt, inseruntur, miscantur cum hoc corpore, ut utrinque absque confusione aut com-

mixtione cum glandulosa, ad movendam figurandamque linguam pro voluntatis arbitrio.

Nervi, quorum beneficio lingua animatur, gustat & movetur, procedunt à tertia, quarta, & septima Cerebri conjugatione, secundum plurimos Anatomicos, & secundum receptum Distichon latinum, septem horum parium insertiones complectens. Sed Riolan. l. 4. c. 2. Bauhin. l. 3. c. 12. & Spigel. l. 7. c. 2. Tres Celebrissimi Anatomici nostri temporis nullam, tertii paris distributionem prosequendo, mentionem faciunt, quod ex illo nervus ad linguam progrediatur. Ipse quoque Riolanus quartum tantum in oculis absumi vult. Quod ego in Riolano & Bauhino valde miror, dum ille quidem l. 9. c. 4. dicit: Quod Lingua nervos suos à tertia & septima conjugatione accipiat; Hic autem, sui quasi oblitus, l. 3. c. 89. inquit nervos habere à tertia, quarta, & septima Conjugatione. Ita Riolanus septimum par ad Linguam deducit, & exiguum ramum quinti, quem transire vult aquæductum Fallopiæ. Spigelius autem ultra portionem septimi, tertii, & quarti, etiam partem inferioris quinti paris. Quod hic obiter notare volui, quia ad propositum & quo unus vel alter ansam habent, hæc loca inter se conciliandi.

Arteriæ linguam vivificantes, ex Carotidibus proveniunt, ipsique istum ardorem, nigredinem, siccitatem, & deglutendi difficultatem conciliant, quæ in febribus observatur ardentibus, magis per immisionem sanguinis calidi & ebullientis, perque communicationem caloris cum Oesophago, quam per vapores ex toto corpore huc delatos, ut notavit Spigelius l. 6, c. 2.

Quæ nutrimentum afferunt Venæ ab illo Jugularis externæ ramo, quem profundum appellat Spigelius, & à tertio ramo jugularis internæ oriuntur, ut vult Bauhinus. Harum sectio valde prodest in affectibus Cerebri, ut bono cum successu, observavit Riolanus.

Membranam lingua involventem communem habet cum interna Oris & Oesophagi à dura matre procedentem, & se extendentem ad hæc omnia investienda, unde etiam gustus speciem sensui communi communicat, sentitque affectiones Oesophagi, Ventriculi, humorumque læsorum.

Duorum Ligamentorum, quæ annectunt, ligant, & tenent linguam, alterum est membranosum, alterum nervosum, & rotundum. Illud basi suâ leviter alligat linguam ad Os Hyoides, ut eo liberius & securius moveatur. Hoc autem apice suo mento interno symphyssi ad dentes anteriores annectit, ne linguæ mucro, vel nimium ex ore propendeat, aut seorsim moveatur, & ut doceamur reprimere ac continere molestas illas quandoque in nugas, calumnias, aliæque oris vitia, heu nimis hoc seculo ordinaria, pruritiones. Ultra hoc rotundum ligamentum aliquando aliud planum & superfluum reperitur, quod à Linguae cuspide versus medium gingivarum inferius tendit, ita ut infantes hoc habentes nonnisi cum labore & dolore linguam extrahere, aut ubera sugere queant, quia impedit quo minus papillas mammarum apprehendant, unde quoque refecari solet. Sed quoniam nisi cura habeatur, facile verum ligamentum offendi potest, administranda est ista operatio cum una parte forcicis, ut cuspis sit inter duo ligamenta, dorsum versus linguam, acies directâ ad gingivas, & ita refecandum est subito, tenendo linguam digitis manûs sinistræ. Nonnulli fide digni referunt in Canibus ex hoc ligamento rotundo vermem fieri. Si quidem aut inter linguam & ligamentum rotundum esse debere scio, admonere volui, caveant, ne dissecent hoc ligamentum, seu facile fieri potest in extirpando, ad præcavendam rabiem, hoc verime, ut Venatoribus solenne est.

Linguae motus alius est proprius, & ab ipsa solum dependens, alius verò ab alio, ut inquit Riolanus. Primus in carne sui generis consistit, alter in Musculi Illum Velocem, vel præcurrentem, vel ideò vocari, quod præcurrat quasi alterum à mente procedentem. Nullus enim musculorum istam velocitatem linguæ possit dare, quam continuare videmus nonnunquam satis diu, dum retentum in ore aërem diverberat, ad formandam elocutionem, aut dum nobis etiam non advertentibus loquitur, ut videre est in Oratoribus, qui sæpe plus loquuntur quàm volunt, aut præmeditati sunt. Voluntarius in musculis dependens ad fortiores linguæ actiones requiritur, sine quibus illas edere nullo modo posset. Nam deglutire, colligere cibum, exspuere nunquam ex se ipsa potis esset. Verùm hi duo motus conjunctim ad omnes concurrunt actiones. Fertur incredibili velocitate per omnes Oris partes, referturque, pellitur, repellitur, ut faciat & dicat quod velit, adeò ut non tantum cujuslibet hominis, sed & brutorum variorum voces imitari queat. Insuper quemadmodum natura omnes Corporis partes duplices fecit, ita quoque linguam in duas partes divisit, ne affecto uno latere offendatur & alterum, impediaturque illius functio naturalis. Non quidem, quod revera in duas partes dissecta, aut bifida sit, seu in Lacertis, Vitulo marino, aut trifida, ut in Serpentibus; aut se habeat quemadmodum Torquemade in Hexaemero suo ex Joh. Bohemi libro de moribus omnium Gentium refert; Esse quosdam qui duplicem linguam habeant, quibus duas diversas cogitationes simul, & semel erga duos itidem diversos exprimere aut proferre possint. Sed unica est & unita, ut unica solum illa transversali secundum longitudinem, divisa in duas partes, & ratione superficiei à parte inferiori, & ratione unius extremitatis ab alia, nisi ita duplex sit, quemadmodum in plurimis hominibus hodiè Cor reperitur duplex, aliud cogitans, aliud loquens, quod simulatoribus frequens, qui non melius repræsentari possunt, quàm in istis hominibus duplici lingua præditis.

Omnes qui hætenus de Lingua scripsere, nullo modo dubitarunt, illam Elocutionis, Gustûs (addo ego) Exspuitionis organum constituere, & quod multum, ad masticandum, deglutendumque conferat adstruere. Nunquam, ut Exemplis probemus, Thyreus Philomelæ linguam amputasset, nisi exinde ipsam mutam fore credidisset. Facile judicarent de saporibus illi, quibus Lingua repleta pituitâ crassâ, nisi hoc tantum facere possent linguâ in statu naturali constitutâ. Deglutirent exhibita Paralytici, exspuerentque sine impedimento, si lingua non ideò in ore esset, ut hæc omnia præstaret quæ modo diximus. Ita ut quinque notabilia habeat officia, quæ ipsi denegari non possunt, licet Exspuitio à me detumum ipsi addita, & nemo illam hætenus inter actiones linguæ humanæ numerarit. Si enim consideres reliqua omnia animalia, vel salivare, vel certè spumare, salivare etiam Senes, Infantes, debiles, qui linguam habent resolutam, ut & qui ex iracundia, seu Equi, vel Apri spumant, facile judicabis Salivationem provenire ex imbecillitate, Spumam ex Commotione, Exspuitionem autem actionem esse voluntariam, dependentem à motu linguæ voluntario, ad exonerandum os eo quod ejicere gestit. Constat, linguam ut spongiosam, & ex variis compositum est partibus Corpus, recipere ac absorbere omnes evaporationes, destillationes, & tincturas, ex omnibus Corporis partibus, repræsentare harum colores, qualitates: ad servitia, ut hoc præstet, habet nervos, arterias, membranas, quæ instar lineæ Communicationis sunt ad cognoscendam sanitatem, morbos, eorumque exitum. Quare huic materiæ non diutius immorabimur, utpote quæ satis nota, & apud alios legi potest,

potest. Tandem nemo ignorat linguam veram esse mentis interpretem, nuncium rationis & propalatorem nostrarum cogitationum, etiam intimarum, illam per elocutionem discernere hominem à brutis, per hanc fieri conversationes, probari amicitias, hac publicari beneficia & miracula Dei, hac iram placari cœli, hac gratiam concitari, hac benè, vel malè de proximo mereri, hac illum vel laudari, vel vituperari, occidi, vel resuscitari eundem. Verbo, gladius acutus est lingua, Pessima simul & optima res in mundo. Sed mirandum, quod certè aliis temporibus pro miraculo habitum fuisset, Os sine lingua, sine artificio cum parva incommoditate omnia hæc facere, quæ aliàs facit lingua in ore, quæque balbutientes difficilius, nec melius possent peragere, illi cum duplici lingua, quorum meminit Torquemade quàm puer iste penitus elinguis peragit.

Operæ pretium est hæc loca inter se conciliare, ne gravissimi isti viri sibi scribendo, vel non constitisse, vel contradixisse ipsis credantur. Quæritur itaque cur Riolanus, Bauhinus, Spigelius persequendo tertii paris nervorum distributionem nullum ramum ad linguam deducunt? Cum tamen postea Riol. l. 4. c. 9. de Lingua agens, sui immemor nervos habere dicat eam à tertia & septima conjugatione. Bauhinus verò itidem l. 13. c. 89. linguam nervos habere à tertia, quarta, & septima conjugatione adstruat. Cur Riolanus quartum par in oculos absumi velit? Et cur Spigelius ultra septimi, tertii, & quarti paris ramum, etiam ramusculum quinti paris ad linguam deducat? Hic est ni fallor Status controversiæ, quem Author confuse nimis & obscure in discursu suo proponit.

Sed R. ad 1. Fortè Authorem non benè inspexisse Riolanum, qui lib. 4. c. 2. dispensationem tertii paris proponens expressè in hæc erumpit: Alter ramus tertiæ conjugationis, qui Cranio excidit, linguæ communicatur. Bauhinus verò & Spigelius nullum quidem ramum in linguam deducunt, sed tantum in dentes, & gingivas absumi volunt, quas partes etiam gustare, & sapes discernere vult Galenus. Bauhinus verò l. 3. c. 89. melius se explicat quâsi, cum in tunicam tantum vult ferri ramum tertii paris, non totaliter inferi. 2. Cur quartum in oculos absumi, atque adeò ab aliis recedere Anatomicis velit Riolanus, Riolano opus esset ut se explicaret, nam nimis succinctus hoc in loco. Si quid conjectare licet, credo, cum Authores mirum in modum quarti, & quinti, & sexti paris distributionem inter se confundant, & non rarò tertii paris radicem pro quarto habeant pari, de hoc locutum fuisse existimo, quod revera totum in oculis absumitur. 3. Cur quinti paris ramus addatur, cum illud auditui & auribus sit destinatum ab antiquis versiculis latinis? facilis responsio: Tertia & quarta conjugatio, licet ab iisdem gustui sunt destinata, hoc non obstante, furculos & ramusculos suos in oculos & totum vultum spargunt.

Non de Carotidibus, quibus cum Oesophago nulla est vicinitas, sed de trunco Aortæ ascendenti hoc dicit Spigelius loco ab authore citato; verba ejus hæc sunt: Hinc ratio inquit, reddi potest, cur in febribus ardentibus lingua nigrescat, & difficulter ægri deglutiant. Etsi enim verum est, ex universo corpore vapores ad caput plurimos transmitti, non maximam tamen hujus nigredinis culpam arteriæ vicinitati licebit adscribere, quæ accensa & inflammata Oesophago, & sic consequenter ipsi etiam linguæ gravia mala impertit. Postquam enim incommoda, quæ ex refrigeratione Oesophagi Aortæ accidere possunt, tractasset, illa subjicit mala, quæ vice versa Aorta plus justo incallescens Oesophago & partibus vicinis aut continuis faucibus nimirum & linguæ affert. Unde fortè est, quod in tenellulis infantibus nulli melius calorem præternaturalem deprehendamus,

quàm in ore. Et quomodo sane exigua illa vasa sublingualia, utur sanguine fervidissimo plena, tantum ardorem, tantam siccitatem linguæ, totique ori communicarent, qua illæ partes non aliter, ac terra sub Canicula furenti, omni exhausta humiditate finduntur. Rectius ergo nigredinis & ariditatis linguæ in febribus causa remota erit, insignis illa sanguinis effervescencia in Aorta partiumque adjacentium incallescencia, ex ea autem resultantes vapores & fuligines pro ultima habendi causa, vid. Senn. l. 4. de febribus c. 18. Nihil hoc symptomate apud nos in febribus malignis, inprimis in Lue Hungarica, communius, & est quandoque cum, sed sæpius sine deglutitionis difficultate. Vulgus appellat *die Braunt*, oder *die Herg-Braunt*, scilicet à Colore linguæ, diversus tamen toto Cælo est affectus ab Angina: propinant communiter pulverem tormentarium, & credunt eo juvari, fortè ob nitrum & sulphur, vide Hoefser. Herc. Medic. l. 1. c. 12.

Nihil frequentius hîc in Hungaria harum venarum Sectione, id quovis Capitis dolore, febre, Lue Hungarica; quin & nonnulli singulis annis præservationis causâ illâ utuntur, quemadmodum alii apertione Medianæ. Pro malo, imò lethali, signo habeo, si apertæ parum, vel nihil stillent sanguinis; id quod bis hoc Anno mihi cum interitu ægroti accidit. Contrà autem si bene fluunt, bonum signum. Accidit quandoque ex apertis his tam exiguis venulis, tam insignis Hæmorrhagia, ut nullis medicamentis sisti possit. Ita ante aliquot demum septimanas, Vinitor quidam morbo Hungarico detentus, manè sibi aperiri curavit raninas, stillavit sanguis per totum diem, quem demum circa vesperam vocatus, omnibus aliis medicamentis frustra adhibitis, pulvere compescui sympathetico.

Pessimus ille mos, in quem meritò invehitur Aquapendens in Operationibus suis Chirurgicis, & apud nos invaluit, ut Obstetrices digito ligamentum sublinguale recens natis rumpere tentent. Ultra enim mala & pericula, quàm ille ibidem notavit, facile & hoc accidere potest, ut parvum Os nimis diducendo, inprimis, si digiti Obstetricis, vel fœminæ administrantis sint paululum crassiores, dislocetur maxilla inferior, cum inevitabili interitu infantis. Subitò enim Os ipsis quasi clauditur, maxilla hæret immobilis, nec vagire, aut sugere queunt, sicque miselli coguntur interire. Nostrates hæc videntes Symptomata, in refrigerationem Capitis, & temporum causam conjiciunt, dicentes Germanicè: *Dem Kind seynd die Angeln erstarrt*. Cui sententiæ vulgi primò fidem adhibens varia adhibui calefacientia, & discutientia; Sed postquam his me nihil prorsus profecisse viderem, in eam descendi opinionem, luxationem vel dislocationem adesse debere inferioris maxillæ, cui nisi statim reponendo medeatur, mors juxta Hippocratem supervenit. Non tamen semper ex ista causa oritur, affectus hic; quippe nonnullos interiisse meminimus, quibus ligamentum illud non ruptum fuit, sed si digitis crassioribus escam præbeant, quin & si Matris vel Nutricis papillæ mammarum plus justo sint majores & crassæ, ut nonnisi cum valida Oris distensione apprehendi ab ore sugentis queant.

Mirum, fabulam istam vulgi in omnium doctissimorum virorum etiam esse Ore, & Scriptis reperiri: Plerique enim Anatomici, dum de ligamentis agunt linguæ, illud in Canibus aiunt abire in vermem. Quare nonnulli tam studiosè præscindunt istud ligamentum, credentes ita Canem præservari à rabie, in quam ageretur, si vermis iste vitam acquireret. At quæ Metamorphosi plus quàm Ovidiana ligamentum hoc in Vermem abiret? Quis quæso unquam vivum illum vidit? Aut quomodo sub lingua natum exiguum Animal in cerebrum repet, in eo Spiritus accendet, rabiemque introdu-

roducet? Hinc meritò cum VVarthono ridemus illos, supponendo rabiem Canum nihil aliud esse, quàm Cerebri inflammationem; aut quod in homine est Phrenitis. Aiunt enim non diu supervivere Canem rabiosum, & post mortem Cerebrum liquefactum ex naribus fluere, quod verisimile, desinente scilicet inflammatione in suppurationem, eaque consumpta massa Cerebri. Ut melius facere mihi videantur, qui ad præcavendam rabiem venas incidunt sublinguales quod à sene & petiro Venatore habeo, qui Canibus suis inprimis petulantibus, & fervidioribus aperire illas solebat. A vermibus autem non sub lingua, sed in intestinis contentis rabiem ipsis suboriri, æque ac hominibus febres, deliria, phrenitidem valde credibile. Unde & illi Canes, quos Vermem hunc fictitium (certius fortè vermes in intestinis) habere & proclives in rabiem dicunt, omnia corrodunt, fortè à vaporibus verminosis, oris tunicas vellicantibus, ut in homine ex simili causa prutitus narium oritur.

Movetur Lingua beneficio musculorum, inde ipsi nullus alius, nisi voluntarius assignari potest motus; Si proprium, & à se sola, sine ope musculorum, aut nervorum, motum haberet, & loqueretur lingua, cur Apoplectici, & Paralytici non loquuntur? Præcurrit interim, ut Proverbium sonat, lingua mentem, sed rarò sapientem, id est, ad verba sua attendentem, multò minus Oratorem diserte & cum connexione perorantem.

Verè Anilem fabulam, & suave de delitioso Utopiæ Regno insomne somnium sapiunt, quæ bonus ille Bohemus in sat alias erudito tractatu de moribus Gentium habet, de fortuna Jamboli, seu de Insula à Jambolo reperta. Nam ut taceam, in illa pyrum supra pyrum, malum supra malum, uvam supra vitim senescere, terramque absque cultura, sponte sua, uberes fructus ferre, (fortè enim reliquæ sunt Paradysi terrestres) dabo saltem curioso Lectori Descriptionem istorum hominum duplici lingua præditorum interserendo ita seriè jocosa, cum fortè non in omnibus manibus sit Autor. Sic autem Ille: Ejus Insulæ homines corpore aut moribus haud nostris sunt similes, eademque tamen Corporis forma, sed quæ magnitudine quatuor cubitos excedat, horum ossa veluti nervi (fortè voluit dicere veluti cera nervi nimis molles sunt, mirum, quomodo erecti incedunt) quo velis flectuntur, reflectunturque. Corpore sunt plusquam nos robusto ac agili, nam si quid manibus ceperint, nemo ex digitis eripere potest. (An Herculis progenies? Cui nemo clavam extorquere) pilis corporis adeò perpoliti, ut ne parva quidem lanugo appareat. (nihil ergo ibi Barbitonsores) Pulchri sunt, decori & Corpore composito. Aurium foramina multò nostris patentiora (scilicet respectu duarum linguarum, nam qui multa dicit, multa quoque audiat ille) quemadmodum & lingua à nobis differunt. Habet enim eorum lingua privatim aliquid tum à natura, tum ab ingenio datum; Divisam linguam natura dedit, quæ scinditur in inferiori parte ut à radice duplex esse videatur. Ita variâ utuntur loquelâ ut non solum vocem hominum loquantur, sed & diversarum avium imitentur cantus. Et quod mirabilius videtur, unâ cum duobus hominibus perfectè simul respondendo & disputando loquuntur. Sed mirum cum in istis hominibus omnia ab aliis diversa, quod non etiam duplicem mentem in una anima, ceu duplicem linguam in uno ore habeant. Hoc quippe si addidisset Author, fidem apud omnes promeruisset: nunc cum omnes sciamus, linguam beneficio musculorum quidem moveri, sed non nisi per mentis cooperationem hæc vel illa eloqui posse, non posse autem unam mentem in uno instanti diversa concipere, vix credit unus & alter, qui *ὁ φανταστικὸς* istam mentis duplicaturam præsupponit. At-

Bibl. Chirurg. Tom. III.

tamen inquires, de C. Julio Cæsare omnes Historici tradunt potuisse cum simul legere, scribere, audire, Epistolas de rebus maximis dictare aliis quatuor, ipsum manu sua quintam scribere, aut, si Calamum excipias, septem dictare. De Ælio Adriano Imperatore refert Spartianus uno tempore scripsisse, dictasse, audivisse, & cum amicis confabulatum. Origenem septem notarios totidemque puellas, præter alios juvenes, omnes simul ex ejus ore diversa scribentes incredibili agilitate fatigavisse, ex Trithemio legitur. Antonium Perenottum Granvellarum Cardinalem tantâ memoriâ fuisse præditum, ut quatuor aut quinque Scribas de variis Reipublicæ negotiis dictando defatigaret, Lipsius tradit in Præfat. Variar. quas eidem inscripsit. Item & Comminæum non rarò quatuor Scribis de rebus magnis & diversis eodem tempore dictare solitum ex eodem contat ibidem: & J. Pontani Artic. Bell. Synt. I. Hist. IX. Ergo si hæc isti unâ linguâ præstare potuerunt, cur non & illi duabus linguis diversa simul & semel loquerentur. Sed audi quæso quid Politianus Ep. 2. l. 12. scribat de Puero quodam Pauli Ursini filio, cui ille plura deponenti quinque tamen Epistolarum proposuit argumenta; Consistit, inquit, in summo puer terram intuens modestè cogitans aliquantulum, mox tamen oculos attollens imperat ei, qui summus confederat, ut jam scribat. Ubi pauca dictavit, inquit & secundo, dictat & huic alterum argumentum: Pergit ad cæteros deinceps donec ad infimum. Rursus quoque ad primum revertitur: sarcians quod omiserat, fulciens, quod pependerat. Dissidebat ubi nihil. Ita sæpius in orbem remeans, Epistolas unotempore (quis credat) quinque absolvit. Ex his satis constare puto, uni menti unam linguam etiam ad diversa uno eodemque tempore peragenda sufficere, plures esse superfluas. Sed de his satis. Pueri duplicem & bifidam linguam habentis ex relatione Obstetricis meminit. P. Borell. C. II. Obs. 63.

§. 4. Nullo modo linguam regenerari posse.

Prodigiosa hæc historia de parvo nostro Pictone nobis ansam daret credendi quæcunque dicuntur, licet longissimè à vera ratione abessent, quia tam insolita, tam plena admirationis, nisi & nos quoque rationem & experientiam haberemus discernendi credibile à ridiculo, in illis quæ nobis proponuntur. Ad hos ergo duos lapides Lydios (Experientiam scilicet & Rationem) examinabo; An lingua semel amissa possit regenerari? ut vult Horstius, refert Schenckius, subscribit Riolanus. Ad Chirurgum enim spectat hæc Quæstio, nunquam aliàs agitata, multum quippe refert scire ad faciendum prognosticum in vulneribus Linguae, an suscipienda, aut relinquenda sit, Cura, cum vel ejus pars, vel tota amissa est. Quidquid in favorem hujus regenerationis dici potest, desumendum ab experientia Horstii, à Consensu Schenckii & Riolani, à silentio Hippocratis, & tandem à molli & carnosâ lingue substantia. Horstius apud Schenckium refert linguam ex variolis contracta putredine ad radicem usque amissam intra 6. Menses regeneratam fuisse in puero sex vel septem annorum. Riolanus citando istam historiam l. 4. c. 8. videtur approbare, eo quod mollities lingue mirum in modum apta sit, tum ad vulnere acceptorum consolidationem, tum ad reparationem illius quod amissum. Hippocr. 6. Aph. 19. partes recensens quæ amplius non regenerantur, nullam facit mentionem Lingue, cujus nunquam oblitus fuisset si illam refarciri posse credidisset. Ulterius Lingue Caro mollis est, multum habens tum sanguinis, tum spiritus, multum calidi & humidi, convenientissima ad sui regene-

regenerationem principia. Hinc credibile linguam vulneratam, modò vulnere labia conjungi queant, facile iterum coire, & juxta Horstium denuo regenerari posse. Sed quæ in contrarium afferuntur, plus roboris habere videntur rationes. Præter enim quod ad hæc proposita facile responderi possit, en tibi alias quatuor rationes, quæ meo judicio refutari nequeunt. Prima desumpta est à natura Linguae; Secunda à materia necessaria ad generationem; Tertia à modo tractandi vulnera linguae; Quarta à quotidiana experientia.

Naturam Linguae quod concernit, illa ita comparata est, ut semel amissa reparari nequeat, juxta illud: Partes dissimilares deficientes naturaliter non restituuntur. Jam verò Linguam utique partem esse dissimilarem, ex pluribus aliis compositam partibus similaribus, nervis, scilicet, venis, arteriis, membranis, musculis, & ligamentis, quemadmodum manus, aures, pedes; Manus autem, Aures, Pedes non regenerari posse, æquè ac Linguam, quis est qui dubitet? Ergo nec in uno, vel altero expectanda regeneratio. Partibus quippe similis essentiae, similia sunt accidentia. Ad regenerationem partis cujusdam in corpore, in totum deperditæ, requiritur materia in substantia, qualitate & potentia conveniens illi, quæ a nulla, quæque reparanda. Jam sanguis, qui solus fortè hîc materiæ nomine veniret, non ita aptus secundum omnes conditiones, ut inde regeneretur caro linguae propria, multò minus fiant nervi, arteriæ, venæ, membranae, ligamenta, muscoli, quæ omnia ad ipsius compositionem requiruntur, semenque habent pro principio suo materiali; Concluditur itaque talem linguam, quæ inserviat homini, & sua officia præstet, quemadmodum illa quæ amissa fuit, refici, aut refarciri nullo modo posse. Quod si ridicula ista reparatio locum haberet in Chirurgia, aut unquam facta fuisset, Authores nostri à tot seculis non omisissent illius mentionem facere. Verum ne unus quidem usque ad Ambrosium Paræum Coryphæum illum Chirurgorum Gallicorum docuit, quomodo vel simplex tantum linguae vulnus tractandum sit. Ut ipsi soli hanc Chirurgiam debeamus, quemadmodum & alias pulcherrimas operationes: quas propria & non nisi solâ liberalitate publicandi inculpabili industria in publicum edidit fecundum hoc ingenium. Accedamus ad Experientiam: Quis unquam vidit, illis, quibus vel propter malefacta amputata, aut alio modo ablata lingua eam recrevisse? Nonne observatum, illos per omnem vitam mansisse mutos? Illos verò qui insigne in lingua vulnus accepere maleque nec convenienter tractati sunt, difficulter fuisse locutos, propter Cicatricem scilicet, quæ non ita benè sine artificio, ob necessarium linguae motum obduci potuit. Insuper si linguam hominis comparare licet cum lingua Equorum, videbimus illas, quas vel nimis longas, vel ex ore pendentes, præscindere novit faber quidam ferrarius Parisiensis, nunquam recrevisse, sed potius ita liberatum Equum ab illa deformitate, quæ ipsis valdè molesta est, tempore caloris propter muscas, pulverem, aërisque siccitatem. Pluribus agere possem de istius paradoxo falsitate, nisi proposita brevitatis me revocaret ad Examen Historiæ Horstianæ, ad demonstrandum quomodo à Schenckio & Riolo citata, ad dicendum, quare Hippocrates linguam non nominavit, & ad probandum, quòd ejus mollities non possit esse causa regenerationis? In Horstii Historia quinque notanda, quæ eam suspectam reddunt, & impossibilem. 1. Quod ipse fatetur, se in principio morbi violentissimi Infantem non vidisse, ne fortè contagium afferret Illustrissimæ cuidam personæ, cui tum medebatur, ita ut referat tantum ad id quod Chirurghi dixerunt, qui infantem inspexere. 2. Cre-

dibile, Chirurgos æquè fuisse deceptos, credendo linguam uti Uvulam amissam, quam tamen Uvulam Horstius postea, accepta libertate ad eundem egrotum, integram & salvam invenit, hinc notandum, non omnibus omnia semper esse credenda, 3. Possibile esse, copiam crustarum in ore latentium & foetorem cadaverosum, qui ordinariè in variolis laborantium ore deprehenditur, impedivisse omnes, quo minus adesse, vel abesse linguam dignoverint. 4. Dari potest, putredine ablatam fuisse portionem superficiem linguae, illamque abstinencia à cibo propter difficultatem deglutienti, usque medicamentorum detergentium, ita extenuatam fuisse, ut penitus abesse fuerit credita. Quin & 5. fortè ita fundo oris affixa fuit, ut propter istam crustarum & puris copiam, item propter dolorem, propter extenuationem & debilitatem, puer illam ad loquendum, vel deglutendum movere nequiverit, atque inde etiam ejus absentia certò sciri non potuerit, usque ad perfectam ejus restitutionem, quæ ipsam ibi patefecit, ubi non amplius quærebatur, & minimè expectabatur. De Schenckio qui istam historiam in Observationibus suis refert, dicendum, ipsum vel idèd enarrasse, ne quicquam, quod memorabile, omitteret, ceterum nec refutasse, nec approbasse. Idem de Riolo affirmari potest, quod & hic eam simpliciter ex Horstio retulerit, fidem relinquens penes Authorem, magis ad exornanda sua doctissima scripta, quam ut probationis loco serviret, in re quadam, quæ absque Authoritate crederetur, si de simplici vulnere linguae sermo esset, quia lingua balsamum in saliva continet, & ad propria, & ad aliarum partium vulnera, utpotè quæ, imprimis si jejuni hominis, præsentissimum remedium est, contra multa mala, quin & contra ipsa serpentum venena. Sed quid de Hippocratis silentio dicemus in allegato Aphorismo, nisi quod modus ejus loquendi valde concisus paucis verbis, & exemplis constans, ipsi non permisit nominare linguam inter alias Corporis partes ejusdem naturæ, quæ amplius non minus regenerentur ac ipsa lingua, licet vel exiguum quid ipsis decesserit. Videamus mollitiem linguae, quæ tam mirabilis ad restaurationem dicitur. Sed utut abundat sanguine, spiritibus & calore, non tamen ista omnia faciunt ad sui regenerationem, quia pars est composita ex diversis aliis partibus, & naturaliter definitam habet magnitudinem, intra quam & crescens & imminuta manere debet, non aliter ac manus, pes, oculus. Concludamus ergo amissionem linguae totalem vel secundum partes irreparabilem esse, sive naturaliter, sive per medicamenta. Quin & ars admirabilis Taliacotii, difficulter eo perveniret per appositionem similis substantiæ particulæ, si vel maximè talem in proprio, aut alieno corpore inveniret.

Non sunt de nihilo, quas toto hoc Capite, sat curiosè tractat Author, rationes, quæ contra Historiam Horstianam, & affirmativam Quæstionis, An Lingua mutilata recrescat? afferri possunt. Vix tamen his utut speciosè propositis in totum subscribere, aut Historiæ Horstianæ fidem omnem denegare possum. Verum est non statim omnia, quæ dicuntur credenda, facile enim qui credit, facile decipitur. Sed nec omnia quæ in natura accidunt, nimis rigorosè ad rationem semper sunt examinanda. Plus quandoque in hoc examine valet sensus externus, quam omnes interni, & ubi sensus fidem faciunt, ibi ratio sensui repugnans spernenda. Multa pulcherrimis rationibus adstruuntur, *αὐτοψία* diluuntur: Multa iterum *αὐτοψία* probantur, quæ ratione consequi non possumus. Multa fieri videmus, miramur, facta vix credimus. Ita in Naturâ philosophandum, ut quid fiat, quid factum sit, discamus, non ut

quid fieri debeat, doceamus. Ipsa Magistra, nos Discipuli; In momento non raro perfectè proponit, quod nos per totius vitæ curriculum imperfectè vix comprehendimus. Arte opus habet, à quâ juvari dicitur, non ratione sui, sed ratione nostri, ut per artem imitatores, intelligamus, credamus, quod ipsa sine arte peragit. Præcedit ipsa, ut nos sequamur ratione experientes, & experientiâ rationales ipsam sine ratione experientem, sine experientiâ artificiosissimam. Jam ad præsentem materiam. Si Casp. Taliacotio Bononiensi, si Paræo credimus, mutilatas Aures, Nares, Labia, arte reparari posse, ceu testatur ille in sua Chirurgia Curtorum, hic in tractatu de deficientium supplemento; utut rationi dissentaneum, particulam Carnis ab integro resectam, quæ statim mortua, ac putredini obnoxia, alio in loco, quin & alio in corpore reviviscere: adhærere in aures, nares, labia abire posse. Si Burro, si Kerkringio, si aliis, (vid. Thom. Barthol. Epist. ad Illustr. D. Burrhi, & hujus respons. de Artificio oculorum humores restituendi. Kerkring. Spicileg. Obs. Anat. ult. D. D. Sachsi Gammarolog. p. 573. 474.) arte visum restitui, & humorem aqueum infusâ aquâ Chelidonii, vel aliâ reparari; cur non & eundem humorem naturaliter regeneratum fuisse credamus R. Columbo, l. 10. Rei Anat. Rhodio C. I. Obs. 82. Platero, &c. Cur non Horstio variolis, absumentam naturaliter renatam linguam? Ulterius, si lingua ita naturaliter quandoque in longitudinem & latitudinem excrescit, ut vix ore contineatur, sed extra illud pendeat, ceu, præter Galenum, binis exemplis probat Barthol. C. II. Obs. 22. & C. III. Obs. 44. ipseque Autor in Equis ostendit; cur non & mutilata, vel amputata, in debitam longitudinem iterum excresceret, & protenderetur. Si enim ejus Caro & substantia apta est ad unum, non inepta erit ad alterum. Insuper componitur Lingua ex Carne, ex Venis, ex Arteriis, Nervis & Membranis, at Caro citò recrescit, juxta Hippocratem & Galenum, Carnem lateris recrevisse testatur Barthol. C. 6. Obs. 59. Venam, præter Galenum, ut & membranam recrevisse notat Borell. C. II. Obs. 18. At si hæc separatim regenerata, quid obstat cur non & conjunctim ad linguæ corpus constituendum recrescant? Vide P. Zacch. in Quæst. Med. l. 5. Tit. 3. q. 5. §. 28. Non ergo absolute impossibile linguam renasci, licet unum sit ex iis, quæ raro, imò rarissimè fiunt, nam si semper, & omnibus, quibus mutilata lingua accideret, non peculiarem inereretur Observationem, sed æquè ac pilorum, unguum abrasæ cuticulæ regeneratio negligeretur.

§. 5. Quare ii quibus mutilata Lingua, non amplius sine artificio loquantur.

Licet spinosa ista sit Quæstio, nodo alligato Gordio, soli cuidam Alexandro reservanda, non intermitam tamen ejus tentare resolutionem, sperans, licet non eò, quò collimo, deveniam, ansam tamen me daturum aliis propius accedendi; Quin imò nullus pudor parvis ingeniis in gravioribus conatibus deficere, siquidem nec magnis omnia, quæ suscipiunt, ad voluntatem succedunt.

Considerandum igitur, quare ii, quibus præcisus Linguae apex, non amplius loquantur, scilicet, quia Lingua in vocis articulatione debet retrahi, elongari, dilatari, constringi, apice suo agili ferri, modò versus palatum, modò versus dentes, ad rumpendum & dividendum aërem, ex quo formatur vox, vel fortior vel submissior, prout vel fortius, vel lenius, vel suavius litteras, syllabas, verba proferre placet. Id quod trunco suo, qui utpote nimis crassus & brevis, neque retrahi, neque elongari, nec dilatari, nec constringi potest,

Bibl. Chirurg. Tom. III.

multo minus sit agilis est, ad movendum se contra palatum, & dentes facere nequit, ut iste plus impediat, quàm producat loquelam; Quod videre est, comparando istum puerum elinguem cum aliis, qui adhuc portionem linguæ habent, & tamen nisi instrumento adjuti artificiali, loqui nullo modo possunt. Ita ut necesse sit linguam, aliasque oris partes sanas esse & integras, aut restauratas instrumento trunco probè admo, si quis velit intelligi. Id quod observare licet in iis, qui linguam habent paralyticam, aut calculis impeditam, inflatam, siccam, quibus frenum, aut nimis crassum, aut nimis curtum, aut superfluum, quibus vel nasus fractus, vel portio ablata palati aut labiorum, qui destituuntur dentibus anterioribus aut Uvulâ. Quod insuper probat historia muti ex Paræo, qui nunquam ad hoc beneficium pervenisset, nisi patinam ligneam messorum fortuito ori admovisset, quæ res ipsi tam benè cessit, ut Rosæ Sacerdotis Ildis ad exuendam formam Asini Apuleio. Nam ad perfectè edendam actionem opus est perfectis organis, ita quoque loquela omnium actionum eminentissima, quia per Verbum Mundus factus, & Christianissimus propagatus, non fieri decuit, quàm per instrumentum omnibus numeris absolutum, quale est Lingua, quæ dignata insuper, ut figura fuerit & instrumentum Spiritus Sancti ad annuncian- dum verbum divinum fidelibus. Sed non sufficit ostendisse, quare in quibus lingua mutilata, sint muti, oportet etiam monstrare, quomodo isti muti facti loqui possint per instrumentum ad hunc affectum fabricatum. Necessitas artium Magistra istum modum fortuito, sed fortunato casu traxit ex abjecto margine patinæ cujusdam lignæ, quæ ars postea expolivit & juxta hujus formam rudem & imperfectam efformavit instrumentum ingeniosum, quo mediante, applicando scilicet illud ori, mutus qui præcisam habet linguam, modò ante locutus fuit, suas potest declarare cogitationes, quin & cæteris paribus, addiscere, & loqui alias diversas linguas. Instrumentum istud sit, vel ex auro, vel ligno formâ ovali, capitato argenteo lato, uno & medio superius, inferius uno tantum crassum, habens in medio unius lateris cavitatem mediocrem, in altero planitiem æqualem, in parte crassiori foramen, per quod filum ducendum, quò in promptu ex Collo geratur. Applicatur hujus instrumenti pars tenuior trunco linguæ, crassior dentibus incisivis, & cava versus oris fundum, ut aër inspiratus melius frangatur, dividaturque, & ita dum linguæ reliquæ commotæ feruntur in marginem hujus instrumenti fiat elocutio, repareturque illud quod in lingua desideratur.

Ita quendam diu difficultate loquendi, ob tumorem in basi maxillæ inferioris sub linguâ, laborasse, apertò autem tumore, lapides duos extractos fuisse, refert P. Borellus. C. II. Observ. 17. Kentmannus lib. de Calculis humanis ex tuberculo suo lingua orto; quod Tubicinem quendam valde impedivit, apertò exiisse Calculum durum recenset. Vide plura apud Schenk. l. 1. Obs. Tit. de lingua, & Barth. Anat. reform. lib. 3. c. ult.

Mira res, in tam molli carne, in tam tenellâ substantiâ tam durum gigni posse calculum. Sed quid magis tenellum pulmonum substantiâ, quid mollius hepate, quid laxius Liene, attamen in his omnibus inventi & generati calculi, ceu produnt Observationum Scriptores, ut taceam renes & vesicam utramque, in quibus, quasi jam nihil novum, calculos inveniri, Ruffus apud River. in Obs. commun. p. in. 670. observavit in universo cujusdam corpore inter carnes, musculos, membranas, nervos, ossa indifferenter, in

auribus, in genis, in ciliis natos calculos, Credo Gorgonis hunc ora vidisse, aut Deucalionem agnovisse Satorem.

Quomodo iste puer naturaliter sine linguâ, sine artificio loquatur.

En tibi paradoxum, tam mirabile, tam novum, quod neminem invenisset, qui ausus fuisset ejus defendere affirmativam, quodque semper in contemptu & incertitudine mansisset, non aliter ac obscuræ Centuriæ Noltradami, Miracula Plinii & numerus stellarum in cælo, si propositum fuisset absque experientiae testimonio, quod hodie perhibet P. Durandus, qui nos asserere cogit; Possè aliquem loqui sine Lingua. Ipse Patres nostri nunquam hoc nisi miraculosè observarunt. Nihil enim in Naturâ creditur quod veritati non probabile, ac rationi conforme. Nam vidisse corda sine linguâ loquentia, aut Linguas sine corde disertas ad propagandam fidem Christianam, hoc naturam superat, & verificatur historiis Ecclesiasticis. Sed accidisse, ut os aliquod sine linguâ naturaliter sine artificio locutum fuisset, nullus adhuc Autorum prodidit, neque unquam, nisi nostris temporibus, visum.

*Multa tegit sacro involucro Natura, neque ulli
Fas est scire quidem mortalibus omnia: Multa
Admirare modo, nec non venerare, neque illa
Inquiras quæ sunt arcanis proxima.*

Inquit Poëta quidam, quibus docet ac demonstrat, occultam habere naturam potentiam, quam, datâ occasione, cum vel minimè cogitemus, exerat. Prudentem istam opificem ita res suas disponere, ut illa dignior sit nostrâ admiratione, quàm nos illius cognitione; Industriam suam in minimis transcendere etiam altissimas nostras cogitationes, & illa, quæ nos contra omnem rationem putamus, tam regularia esse ut nihil desiderari queat. Argumento Confirmationis sit os istius pueri sine Lingua loquens, quod nunquam cuidam in mentem venisset, nisi visum fuisset, nec adhuc creditur, nisi quis ipsum viderit & audiverit loquentem, aut sciverit quomodo loquatur. Ad formandam aliàs vocem & verba, quæ differentiam constituunt inter homines & bruta, quæ nationes distinguunt, oportet, ut organa & cætera media eò pertinentia ita sint disposita, ne aliquid possit desiderari. Scilicet ut aer intret & egrediatur liberè pulmones per foramen Laryngis sufficienter apertum, ut Uvula pendula moveatur pro voluntate, ut Lingua sit integra, seque liberè debita cum promptitudine, & agilitate moveat ab una parte ad alteram, ut dentes in ordine, palatum ritè cum Naso formetur, ad faciendum ex aëris percussione sonum vocis, qui producit loquelam, ut Saliva sit in sufficienti quantitate ad humectandas omnes Oris partes, & facilitandum motum Uvulæ, Labiorum & Linguae. Nam si ista media, seu Instrumenta, non ita comparata & facta sunt, necesse est loquelam deficere, imperfectiorem fieri, aut ut natura, quæ libenter variat, si ipsi ex usu videtur, suppleat per aliquod æquivalens id quod deest; Et hoc nobis demonstrandum in hoc subiecto, in quo illa exeruit suam Prudentiam, Sapientiam & Industriam magis, quam in aliis reddendo loquelam illi, cui nec ipsa ars potuisset reddere linguam. At quomodo hoc nostrum os elingue tam benè loquitur? Causa est, quod foramen Laryngis valdè cixguum & ovale, quod Uvula ipsum claudens ex parte longa, quod parvum istud corpus carnosum, reliquæ videlicet Linguae, infletur in medio versus palatum, quod dentes sint inversi & longi introrsum, quod labia habeant motum

liberum, quod muscoli buccinatores facilè se inter dentes molares contrahant, quod saliva inveniatur copiosa, tandem quod omnes partes vocis & loquelæ necessariæ sint dispositæ ad loquendum ob defectum Linguae. Per foramen ovale Uvula secundum longitudinem donatum sit vox, dum pulmones attrahunt & repellunt aërem ut videre est in Linguâ Tibiæ Gingivæ, aut Utriculi. Per inflationem parvi istius Corporis carnosissimi, (quod cum lingua ranæ comparari posset, nisi alligatum per duas extremitates) per motum labiorum, per retractionem buccinatorum, per tremulum motum Uvulæ, per commotionem maxillæ inferioris, aer rumpitur, prout necessarius est ad articulandam vocem, & formandam loquelam. Per dentium inversionem, per palati depressionem, amygdalarum magnitudinem, buccinatorum contractionem, abundantiam Salivæ, Oris capacitatem, retracta est, quantum opus ad determinandum sonum. Et per continuum loquendi exercitium in tenerâ istâ ætate partes etiam teneræ aptæ redditæ ad loquendum; quemadmodum fit apud omnes nationes diversa habentes Idiomatica. Quod probari potest peregrinis Dialectis, quæ nonnullis subindè adhærent, quando aliam quàm vernaculam addiscunt, licet illam perfectè sciant, & per seculum exerceant. Ita facile est formare partes ad voluntatem nostram, ceu mores in tenera Juventute, & difficile mutare, quando in consuetudinem abivere, sive bonam sive malam.

Vidisse Venerabiles Viros, qui abscissis radicitus linguis, pœnas miserabiliter loquebantur, inquit Justinus Imper. in Cod. tit. de Off. Præfect. Præt. Af. Nonnullus alios quibus Honorichius Vandalorum Rex linguas radicitus præciderat, loquelam tamen habuisse integram, præter duos, qui cum se scortis commiscuissent, loqui amplius non potuere: Ut & alium, qui mutus natus, præcisâ postea linguâ, loqui cœpit, & Arrianorum confutavit impietatem, ex Cujacio refert. P. Zacchias. Quæst. Med. Leg. l. 5. f. T. 3. q. 5. confer. Gasp. à Reies Cam. Elis. jucund. quæst. LV. Nempe qui cælum, qui terram, qui linguam ipsam sine lingua loquendo in principio rerum condidit, cur non & Idem sequioribus temporibus & Nominis sui divinam gloriam, & veritatem verbi sui propugnare sine linguâ potuisset. Certè non dignari videntur impii hæretici linguâ confutari, qui tot blasphemias contra Deum, contra æternum Verbum incarnatum impudentissimâ linguâ effutiebant. Non omisit & in hoc puncto Diabolus, simia illa infernalis, imitari Deum etiam sine lingua loquendo per varias Corporis humani partes, imò, ut impurum & impudicum Spiritum decet, per loca impura & pudenda. Ita enim ex Chrysostomo VVier. l. 2. de Mag. Infam. c. 14. Dicitur Fœmina Pythia quæ super tripode divaricatis cruribus malignum Spiritum inferiùs immissum, partesque genitales, è quibus loqueretur subeuntem, excipiens furore repleatur, &c. Vocabantur illæ ἐγλασπίται aut ἐγλασπίμοδοι. Latine Ventriloque, Ventriloqui, nam & in viris per ventrem, quamvis sæpius per pectus, quin & per Os vincitâ linguâ locutus legitur; In σερχομαυρία spiritus inclusi pectoris cujus Os σερχον nominatur, vel suggerebant, vel vincitis compressisque linguis obfessorum, ipsi per Os efferebant requisita præcitateque vaticinia. VVier. l. c. Non autem semper ex Tripode accersebant istum Spiritum, sed nonnullos à tenella ætate Dæmonium Pythonium possedisse scribit Origines l. 3. ἐκ ἀρχῶν, talemque Ventriloquam fuisse, cujus Act. cap. 16. fit mentio, vult August. in lib. de Doctrina Christiana, & fœminam illam, quæ Samuelem demortuum evocavit, constat ex 1. Sam. 28. ubi notanter LXX. μαυρία δὲ μοι ἐν τῇ ἐγλασπίμῳ. Vide hac de re Sel. den.

den. De Diis Syr. Synt. l. c. 2. Sched. de Diis Germ. Syngt. 2. c. 47. & quæ ex Photii Patriarchæ Constantinopolitani Epistola habet Camerar. Op. Subcis. l. 3. c. 71. VVier. l. c. ubi ab Adriano Turnebo recensitam jucundam leges Historiam de Petro quodam Brabantio, qui quoties volebat, toties ex una corporis parte, ore quidem aperto, sed labiis immotis, loquebatur, hacque sive arte, sive Exercitatione, sive Impositura Dæmonis, Lutetiis benè dotatam uxorem acquisivit, Lugduni verò divitis Mercatoris filium sex Francorum millibus emunxit. Cardan. l. 1. de Ven. c. 17. Engastrimythos non ad Dæmoniacos, sed ad naturæ miraculum reducit, & meminisse à quodam sat celebri Anatomico audivisse, dum de duplicatura Mediastini ageret, si membrana ista duplex naturaliter unita in duas partes dividatur, loquelam quasi ex pectore procedere, ut circumstantes credant, Dæmoniacum hunc aut Sternomythum, quod quidem suo loco relinquo, videatur tamen P. Zacch. Quæst. Med. Leg. l. 2. q. 18. T. 1. Taceo præstigiosas alias loquelas Arborum, Murorum Babyloniarum, Lapidum, Boum, Canum, quibus usus Caco-dæmon, ut Gentiles deluderet, & in sui reverentia, Diabolica Idololatriâ devinctos contineret. *Gasp. Reies. l. c.*

Nullum membrum est, per cujus operam homo à cæteris Animalibus differt, ac per ipsum Linguae officium nempe per elocutionem tot hominibus utilitates alias perituræ, in scientiis addiscendis emanant. P. Zacch. l. c. l. 5. t. 3. At si differentiam ponit inter hominem & bruta, cur & hæc loquuntur. Elephantos inter se fermocinari, distinctas susurrare atque emitte-re voces tradit Oppianus. Philostratus probat de Avibus, confer Aquapend. de Loqu. Brutorum. Sed fallunt & falluntur, sermo externus internæ mentis interpres, hinc Græci Sermonem & Rationem uno & vocabulo *Λογον* appellarunt, quapropter ubi non est ratio, non est sermo. Vocem habent Bruta, quâ aliquatenus affectiones suas exprimunt, si quid ultra, assimilari potest humanæ loquelæ, ut Simia humanæ figuræ. Vide elegantissimum Discursum Cl. Deusing. de ratione & loquelâ Brutorum; Vocem edere naturale est, at hoc vel aliud, hoc vel illo modo effari, rationis, artis, ac instituti.

Cur Animalia ejusdem speciei ad invicem loquentia se intelligant, homine excepto, qui alterius hominem nationis non intelligit, cum tamen sub eadem specie humana continentur? Quærit Aquapend. de Loqu. Brut. Tot Linguae, tanta loquendi varietas, ut externus alieno penè non sit hominis vice inquit Plin. l. 7. c. 1. Sed id provenire, quia hominis locutio ad placitum, Brutorum naturalis. Habet homo potentiam naturalem ad loquendum, præ omnibus reliquis Animalibus, sed nullam Linguam congenitam, quia hac vel illa Lingua loqui habitus est exercitio comparatus. Aliquid in suo universali naturale est, quod si ad speciem revoces, fiet ad placitum: loqui & sermone aliquid distinctè enunciare insitum ingenitumque homini est, sed hoc vel illo modo agere ad placitum Rhodig. l. 29. cap. 14. Adamus sine Exercitio, sine Magistro perfectè locutus, nullam facit consequentiam: Ille in perfectione creatus, nos imperfecti nascimur ætate perficiendi. Hinc hominem nihil sine doctrina scire, non ingredi, non fari, non vesci, breviter nil nisi plorare inquit Plinius. Camerar. Tom. 3. Op. Subcis. c. 71. putat, si qua lingua naturalis esset Ebraicam, qua concreata credibile Adamum locutum, fore. At cum ita non sit & æquè ac reliquæ addiscendæ, ridendi meritò ii, qui per expositionem Infantum primam & connatam ex aliis linguis indagare voluere. Undè autem tanta linguarum diversitas, & ex una tot Dialecti? Respondet Aldrovand. de Monst.

C. de Voce. Noës filios, nepotes, pronepotesque in diversas Mundi plagas distributos, ut totus Orbis coleretur, hanc verò filiorum immaturam abalienationem, totius diversitatis, imò & variarum linguarum extitisse causam, quod non quadrare cum sacro Codice videtur Gasp. Reies. l. c. qui varietatem Linguarum à confusione illarum in extructione turris Babylonice divinitus facta provenire asserit; Sed licet adhuc controverti possit, an Linguae Confusio præcesserit Dispersionem subsequutam gentium? Vel an *Deus* præmiserit Dispersionem, quam insculta Linguae confusio? Certè posteriori favet textus Biblici connexio. Statim enim ac Gen. c. 11. v. 7. Consilium inivit *Deus* confundendi linguas, subjunctum sequenti versiculo legitur: Et dispersit eos super omnem terram &c. Deinde, ut *Deus* in festo Pentecostes in unanimi & concordi Discipulorum congregatione linguas sanctificavit, & cum Spiritu Sancto super Apostolos effudit, ita credibile in Gentium dispersione confudisse easdem. Tandem quotidiana experientia probat; non magis linguas corrumpi, confundi, immutari, quàm nationum dispersione, confusione, commixtione. Sed quidquid sit, videtur Aldrovandus hîc locutus magis ex variis linguarum accentibus, aut Dialectis, quàm de Linguis ipsis. Credamus cum Veneranda Antiquitate, & nonnullis Sanctis Patribus, Irenæo, Epiphonio, Hieronymo, Hilario, Augustino, tot Linguas in confusione Babylonica originem sumpsisse, quot Capita secundum familias & Linguas recensentur Gen. 10. Sed non impedit credere, cum illæ singulæ familiæ iterum in plures fuerint successu temporis dispersæ & divisæ, nepotes Avorum moribus non satis imbutos, in diversis Oris diversa fecisse, diversa locutos. Hinc causam reddunt Autores, cur olim in una Græcia tot Linguae Græcæ Dialecti, quia scilicet tot in ambitu suo continebat Insulas, quarum quilibet ut loco distabat sic Dialecto differebat. Quid quod, ut supra dictum, variarum gentium irruptio, cum priscis Regni vel Provinciæ cujusdam inhabitatoribus commixtio non novas penitus linguas, sed novas tantum producit Dialectos. Id quod sequioribus seculis Lingua Latina probari potest, ex qua pronata Italica, Gallica, Hispanica. Probat hoc elegantissimè, ut est per omnia Ingeniosissimus Immanuel Thesaurus in Regno Italiæ, de Ortu Linguae Italicæ loquens in vita Theodorici Ostrogothi. *Allora di due popoli si fece un popolo; & di due Linguaggi, un Linguaggio; in cui latineggiando la barbarie, & barbareggiando la Latinità nacque la bella lingua Italiana.*

§. 7. *Quomodo Quis sine Linguâ gustare, assumpta in ore colligere, exspuere, & deglutire possit?*

Satis superque demonstravimus solum hominem perfectam habere linguam ad loquendum, & ad exspuendum, quæ duo ipsi sunt propria, gustare verò, cibos colligere, deglutire cum reliquis animalibus commune habet. Sed unde quod Picto hic noster solus inter omnes possit deglutire, colligere, exspuere & gustare, quod ori ingerit sine Linguâ? Et hæc est illa difficultas quæ se offert, quam explicare debeo, quod satisfiat & promissis & Curioso Lectori. Quantum ad Gustum, licet Galen. l. 4. de caus. Morb. & Sympt. c. 15. & 16. dicat, nihil esse in toto corpore, quod discernat & judicet de Saporibus præter Linguam, & Aristoteles l. 1. hist. Anim. c. 11. Linguam appellet Judicem Saporum, dicatque ejus mucronem mirabiliter differentias illorum discernere. Idem tamen Galen. l. 9. de Usu part. c. 8. scribit naturam nervium dispersisse per omnes Oris partes, quibus expediebat Sensum gustûs communicare, & lib. 16. c. 2. inquit, quod & dentes

sentire debuerint, & sapores discernere, quemadmodum reliquæ Oris partes. Sic & Durandus noster omnes ordinarios Saporum species quàm optimè sine lingua dignoscit: Ut ita, annotante Plinio, facultas gustatrix in homine se usque ad palatum extendit, propter ejus membranam communem, ut credibile est, cum Lingua nervorum extremitatibus dotata. Recipit enim notabilem ramum à quarto pari, & juxta Vesalius ac Platerum non tantum à quarto, sed à tertio dilatantem se per omnem palati tunicam, ut vices suppleat linguæ, vel amissæ, vel laborantis, vel crasso humore obductæ, quâ de causâ quidem sæpe gustum amittit, qui tamen necessarius ad sanitatem, ad benè vivendum non tantum homini aliisque animalibus, sed & plantis, quem istæ habent in radicibus, quarum quælibet fibrillæ oris loco sunt ad gustandum seligendumque quod ipsis convenit: Hinc non omnes ubique crescere, aut nasci herbas, quod non quibuslibet delectentur humoribus, probabile est. Quod Masticationem attinet, lingua ibi instar batilli est, quo alimenta ab una maxillæ parte in aliam ferantur, comminuantur, meliusque digerantur in Ventriculo.

Nihilominus hic puer necessitate edoctus, quasi linguam haberet, medianibus genis & labiis, per eorum musculos repellit versus maxillares illud quod masticando cadere potest ab una parte in alteram. Primum enim quem sumit, bolum nequit masticare nisi in illo latere cui manu imposuit. Alterum imponit alteri lateri, & ita variat, ponendo cibum modò in aliud latius, & quod ipsi buccinatores maximo sunt auxilio, donec satiatus à pastu recedat.

Lingua juvat etiam deglutitionem, quare quidam apud Galenum dixere, ipsam ceu alteram manum inferre Ventriculo, illaque animalia, quæ eandem quasi recurvaram habent, instar Cochlearis, incredibili cum velocitate gutturi infundere aquam. Et quid facere deberet noster elinguis in re tam necessaria ad conservationem vitæ, nisi & deglutitio ab aliis partibus dependeret, nisi actio esset libera, & motu planè fieret animali, musculos suos habens ad operandum orbiculares & Oesophagicos, fibrasque ipsas Oesophagi, ubi duo illi musculi juncti, detrudunt cibum inferius, & fibræ tensæ trahunt in ventriculum, nisi quoque animalia esse quæ deglutirent absque lingua, ceu Testudo, Crocodilus, Ciconia; Alia autem licet habeant linguam, ipsis tamen ad hanc actionem inutilis est, ut plerisque piscibus, quibus lingua immobilis palato affixa. Certè miserabilis hic noster esset lingua destitutus, si attractio & expulsio non à facultate naturali dependeret, & pondera rerum deglutitarum ad hoc non contribuerent. Undè mirandum non est, si deglutiat etiam majores bolos sine adminiculo linguæ. Collum enim parum elongando, caput verò inclinando, retrahendoque buccinatores inter dentes peragitur hæc actio, modò Os humidum sit ad reddendam viam lubricam, & humectando dura, si quæ deglutienda, quemadmodum hoc facit iste noster, quando deglutit.

Licet videatur nullius momenti agere de exspuitione, ipsa tamen me magis, quàm reliquæ actiones affligerent, quippe inter omnia animalia solus homo exspuit, reliqua, vel salivant, vel spumant, eo quod ista actio videatur non aliter fieri posse nisi per linguam, sine qua ista tamen puer exspuit, ac si linguam haberet, nisi & medium viderem aliud, quàm linguam, quæ ipsi in exspuendo jam non servit. Aliàs autem sputum à colatoris palati, dum mucro linguæ antè fertur, radix ejus inflatur & versus superiora ascendit, attrahitur, rejiciturque ex ore, quando illa ad dentes iterum se confert anteriores, extendit sese & dila-

tat inter labia, quæ & ipsa ad hanc actionem summè ad sanitatem necessariam juvant, præservatur quippè ea Cerebrum ab infinitis morbis, ex abundantia humidi & frigidi pronatis. Quomodo autem hic spuat absque auxilio linguæ, hoc partim dependet à labiis, non minori agilitate præditis, quàm lingua, si ad experientiam recurrendum, & credendum Riolano, qui certis hoc probat exemplis. Dependet etiam ab interna Oris contractione, ac parva illa inflatione muscutorum linguæ, & à contractione buccinatorum, superdentes molares, nam quando exspuere vult, omnes partes ipsi serviunt ad id præstandum.

Finem impositurus Discursui de Miraculo, quod in hoc Ore elingui apparet, incipere possem alium de duobus aliis ob raritatem non minus memorabilibus, nisi illa aliis reservarem inferenda observationibus Chirurgiæ meæ Gallicæ. Tamen quia ista quæ sequuntur, nescio quam inter se habent convenientiam, & Triadem efficiunt, non possum intermittere, quin parum de iis agam, ut eò magis Lector ansam habeat admirandi *Deum* in operum prodigiosorum naturæ varietate. Prima Historia de quodam est ex agro Andegavensi (de Rille pays d'Anjou) oriundo, nomine *La Ramée*, 25. annorum, modò Marchionis de Lezay Coquo, qui à nativitate sua planè nullum habet palatum, ita ut interior narium constructio penitus videri queat; Nihilominus tamen duas Uvulas habet benè dispositas. Harum quælibet ad introitum gutturis sita est pollice distantes, undè difficulter in Infantia fuit educatus, dum nullo modo fugere ubera potuit, & adhuc difficulter loquitur, linguæ mucrone nullam superius inveniēte resistentiam, ad infringendum aërem suctioni & elocutioni necessarium, ut ita opus habuerit uti palato factitio ad melius articulandam vocem, & intelligibilius loquendum; id quod ipsi suasi. Altera est. Cantor quidam Cinonius (à l'Eglise de St. Mesme à Chion) quem curiositatis gratia visitavi ultima Septemb. Anno 1630. in præsentia Dominorum Bureau, Santerre, Canonicorum, & Domini Tupini Medici in prædicta Civitate. Inveni ipsum in ætate 60. annorum circiter, jam per octo menses lecto affixum, à quatuor verò mensibus apparet quasi planè nihil haberet de partibus interioribus ventris inferioris, cujus partes continentes ita sunt retractæ, extenuatæ, fundo alligatæ aqualiculi, ossi interno ilio, vertebis lumborum, costis spuris, partique inferiori Diaphragmatis, ut verum appareat Sceleton chartæ pergamenæ involutum, quem à prædictis partibus detrahare impossibile, ita ut in parte anteriori omnes vertebæ spinæ Dorsi numerari possint. Exinde cogitari potest, quod nihil ipsi restet Hepatis, Lienis, Renum, quàm ipsa vasa & membranæ siccata, per quæ quandoque serositas in vesicam descendit, quam adhuc deponit. Quod si verò de Ventriculi, Intestinatorum, Mesenterii, Epiptoi substantia aliquid adhuc adest, Atomis erunt quasi, in respectu quod antea fuere, excepto intestino recto, quod aliquando Enema recipit, sed absque Excrementis reddit. Pinguis antea & ventricosus fuit iste homo, & adhuc firmas habet partes vitales ac animales brachia & pedes. Ex Lecto ad proximam sellam processit, pulsus habet æqualem, sed parvum. Assumsit alimenta quædam liquida, imprimis vinum, cui nunquam pepercit, sed absque mora revomit, unà cum aliis Sordibus, & materia membranosa, talia incepit, & continuavit evomere, ex quo & ventrem suum perdere cæpit. Undè colligo partem unam intestinorum fuisse emaciatam & per vomitum rejectam; Aërem verò & vinum pro alimento esse moribundi hujus corporis.

Modus non variat rem, nec possunt animalia in spumantia, vel salivantia dividi, eadem Animalia quæ spumant, possunt & salivare, sic homo, ut ipse superius innui, salivat in Senectute ac Infantia, spumat & iratus & Epilepticus; Equus & spumat & salivat. Spuma enim est profluvium Salivæ Spiritibus, vel alia de causa agitata & commota. Hoc tamen notandum frequentius spumare Animalia cornibus destituta, quam cornigera.

Ita memini me Puerum adhuc sæpius luisse cum supremi cujusdam Excubiarum Magistri filia, lepida aliàs mihiq; cœtanea puella, quæ inter strepitus bellorum nata, & nutrici Lue Venerea infectæ lactanda tradita, venenum cum lacte hausit, quod exulceratis faucibus palatum propè omne absumsit. Curata quidem, sed cum Os restitui non posset, carie exesum, remansit foramen, in nares usque, quod gossipio replebat & sic loquebatur, edebat, bibebat, quo exemplo nihil horum præstare potuit.

Videtur hic ad mentem J. Quercetani loqui, qui in Dietet. Polyhist. c. 3. de Puella quadam Conflanensi, quæ per sesquiannum sine cibo & potu substiterat, cujusque abdomen ita depressum, & instar marmorei lapidis induratum deprehenderat, ut nihil trajici, vel influere potuerit, agens quærit, quomodo vita frueretur? Subjungit partes potissimas corporis in quibus vita suam sedem habet, idè tam vividas perstare, quod non ut reliqua membra ignobiliora crassum alimentum desiderarent; Sed cum partes sint spirituales, & magis aëreæ, Spiritu ac aëre easdem foveri. Hinc Cor intercepto Spiritu statim præfocari, Cerebrum autem odoribus refici, &c. Sed pace Quercetani, non negamus partibus spiritualibus spirituale & subtilius competere nutrimentum, quàm aliis, at unde illud, nisi ex prima concoctione? Ubi verò non datur prima alimentorum mutatio, unde quæso secunda? Unde Alcohol Vini habebis, nisi prius Spiritum vini ex facibus, aut communi vino destilles? Purum aërem in alimentum cedere diu jam explosum. Nullum Elementum quatenus tale, esse potest Alimentum. Odoribus excitamus Apoplecticos, Epilepticos, Syncopticos. non quod materiam præbeant Spiritibus restaurandis, sed quòd Cerebrum & partes magis sensibiles vellendo revocent, id quod etiam præstant Ligaturæ dolorificæ, frictiones &c. in hoc subjecto ad aërem confugere minimè opus, quia Vinum bibit, quod naturâ suâ halituosum, & alimentum spirituosum, & juxta Hipp. 2. Aph. 10. Facilius est potu, quàm cibo refici. Si terrestrem materiam revolvit; spirituosam tamen in Corpore mansisse probabile est.

Hactenus Rolandus de Belebad, commentante Clariss. Raygero, de loquelâ sine linguâ.

De tumore gravi linguae, partiumque vicinarum.

Pituita non semper est, aut humiditas albicans, quæ partibus corporis inheret vel adheret.

Aristoteles eam ob Causam Cerebrum album dicit, quod ex pituitâ albâ constituitur.

Fallopianus Ranulas sublinguales ex pituitâ tenui, glutinosâ, originem ducere statuit, eo quod hæc materia copiosè eo loco colligatur, hinc ex admixtione sanguinis vel bilis flavæ aut atræ coloris ejus fieri cujus Ranula, unde nomen habet.

Naturæ cujusdam Sneckensis uxor per tres quatuorve dies faucium laboraverat ariditate, cui originem forsitan dederat catharrus frigidus, frequenter hinc ipsi molestæ erant mucosæ collectiones, quarum partem ad faucium humectationem, emollitionemque deglutiebat,

partem ad anxietatis quam ex angustia faucium patiebatur imminutionem, excreatione ejiciebat.

19. Mensis Martii 1656. subito ex delapsu humorum ad asperæ arteriæ principium quasi suffocari videbatur, illa, ut ab hac materia fauces angustante liberaretur omnes intendebat conatus, evacuationemque moliebatur quâ fieri poterat vi, excrecentia hæc, molesta valdè, dum peragebatur, ex sonitu quem audivisse se ferebat, aliquid circa fauces dirumpi colligebat, quod factum certius constare videbatur, ex eo quod Lingua, Amygdalæ, ipsumque palatum illicò intumescerent.

Tumor hic partium dictarum brevi tempore incrementum sumpsit adeo magnum, ut quovis momento, quod fauces summopere præcluderentur, suffocationem instare sibi persuaderet. Cogebatur adeoque de nocte me accedere, submissequi ipsi in hoc periculoso statu constitutæ succurrerem, licet sine voce, rogare.

Quæ primò in ore occurrebant sub lingua ad palatum, imò ad fauces ipsas nil nisi mucum albicantem compactum referebant (tantæ erant albedinis partes omnes locis dictis se exhibentes) unde ob summam anxietatem, mentum applicare pectori, fauces constringere, linguam extra os exserere, cogebatur. Præcipuum quod in hoc casu usurpare conveniens videbatur, quo mucus abstergeretur, Gargarismus erat sequens vi penetrante atque incidente præditus.

℞. Aq. Hord. ℥b. j. Lavend. ℥. iiii. Vitæ ℥ii. Syr. Stœchad. ℥i℥. M. F. Gargarism.

Urebatur eo, pro collutione, calidè. Jungebatur huic Unguentum collo, mento, pectori illiniendum.

℞. Mucag. Sem. Lini, Althææ, Fœnugræci, Extract. ex Decoct. Ficum an. ℥j. Ol. Lilior. alb. Anethin. Axung. Anatis, an. ℥℥. Cera novæ q. s. F. Linimentum.

Præter hoc Cataplasma applicatum collo, mentoque, quod.

℞. Radic. Althææ. Lilior. alb. an. ℥ii. s. Ireos. nostrar. ℥. i. Fol. Malvæ, Violar. Bismalv. an. Mj. Flor. Chamomill. Anethin. Melilot. an. M. i. Ficum Recent. ℥i. Coquantur in aq. com. q. s. hinc terantur, & pistentur, postea adde Fatinæ Semin. Lini, Fœnugræci an. ℥j. Adipis Gallin. Anseris, Anatis an. ℥iii. Coq. Mod. F. Catapl.

Nihil omnino hæc omnia effecerunt. Venæ sectionem hic instituere, nihil erat quod indicaret; Tumor etenim splendens, albus, sanguinis fermentationem haud notabat, imò calorem potius imminuere quàm augere videbatur.

Ad materiæ revulsionem conveniens magis æstimabam Enema aliquod injicere, Cucurbitulasque nonnullas cum scarificatione applicare. Clysteris alvum lubricare, superfluitatesque evacuare, apti hæc erat descriptio.

℞. Rad. Althææ, Lilior. an. ℥i℥. Ficus Ping. n. iiii. Fol. Malv. Violar. Verbasci, Mercurial. an. Mj. Semin. Lini, Anis. Fœnugr. an. ℥℥. F. Decoct. in aq. com. q. s.

In Colaturæ ℥ix. dissolve Mell. Violar. ℥j. Confect. Hamech. ℥i℥. Hier. Picr. ℥ii. Salis comm. ℥i. M. F. Enema, statim injiciendum.

Clysteris usu præmissò, Cucurbitulas tres quatuorve Cervici, ac scapulis cum scarificatione applicari curavi, imò & Vesicatorium ex cantharidibus locis, post aures.

Nec hæc aliquo cum successu usurpata, quin potius in pejus ruere omnia videbantur, in lingua enim, palatove, imò partibus sublingualibus, buccisque color subniger se manifestabat, qui sphacelum earum partium minabatur, hinc respirandi majorem difficultatem.

Summo manè egrotantem nobiscum accessit Vir Experientissimus Dn. Franciscus de Vicq, qui affectûs gravitate perspecta, cui similem toto praxeos tempore

se haud observasse assererat, Venæsectionem in brachio æque ac sub lingua instituendam commendavit. Sub lingua eam instituere difficillimum erat, eò quod Tumor linguae partiumque sublingualium impediret, sectis nihilominus raninis venis, sanguis effluxit prævus, niger, cum respirandi difficultatis aliqua equidem imminutione, at gangrænæ signis evidentioribus, ad hanc Collatio sequens præscripta.

℞. Decoct. Hord. ℥vii. Scordii ℥ss. Aquæ vitæ ℥iii. Liqueor. Ægyptiac. ℥ii. Mell. Rosar. ℥i. M. F. Gargarisma.

Indò & Cataplasma hor: Collo mentoque applicari necessarium duximus.

℞. Nidum Hirund. benè purgatum. Flor. Chamomill. m ii. Coq. in cerevis. tenuis q. s. ad consistentiam Cataplasmatiss. Addendo Ol. Lili. albor. q. s.

Circa meridiem, quod & vires & respirationem imminui observaremus, ad evacuationem materiæ locis dictis hærentis, utrinque linguam longè profundeque vulnerare, utile duximus, sanguinem etenim hîc collectum esse, haud adeo pituitam, in prægressis circa affectûs curationem observata, declarabant.

Quamprimum incisiones peractæ, sanguis effluxit ater, impurus, concretus, secuta illicò respiratio liberior, tumoris imminutio, loquendi major facilitas, hinc labiorum, lingue, internarumque partium buccarum separatio, ad hanc promovendam Gargarismum suprâ præscriptum usurparet, Authores fuimus, omisso Ægyptiaco & spiritu vini. Eundem in usum Linctum hunc parari iussimus.

℞. Syrup. Rosar. Portulac. an. ℥ii. m.

Et horeum mediorum usum Curatio secuta integra, licet inexpectata, sic tamen ut intumescencia quædam intra musculos & glandulas linguae relicta fuerit, quam successu temporis imminui posse censebamus.

Observatio hæc evidenter satis, meo iudicio, declarat, signa quæ ab externis desumuntur in dignotione morborum, causarumque morbificarum fallacia sæpius esse, adeoque quæ ex materia mucosa producta judicantur, idè quod interius latentis calidioris humoris indicia haud adsint, non semper medicamentis calefacientibus, incidentibus, dissipantibus curanda esse, ne exasperetur malum, quale quid in nostrâ ægrotante observare nobis licuit.

Marcus Aurelius Severinus humores pituitosos ope sanguinis per partium poros diffundi docet, adeoque in eiusmodi casu non adeo pituitam, quàm sanguinem ipsum, Medicum-Chirurgum in sua curatione respicere debere.

Observationi huic antequam imponamus finem, inquirere necessarium quæ fermentationis gravioris collectionisque in hîc affectu causa fuerit.

Credibile valdè, eò tempore quò magnò conamine faucibus collectum mucum ejicere laboravit, aëris aliquid venæ jugularis ramulum intrasse, cujus in linguam, fauces, palatumque distributio, hinc disruptione accedente, sanguinem fuisse extravasatum, quale quid non rarò in vasis pulmonum contingere notamus, ex clamore, tussi expectoratione.

Sanguis hic circa linguae basin collectus, pituitæ quod habet lingua (habet autem ejus quantitatem majorem ac habent partes aliæ) commovit, sic ut extrorsum delatum ranulas, candore notabiles, excitaverit; hinc etiam universam partium ore contentarum superficiem madefecerit.

Annò 1659. mulier hæc ædes nostras accessit, tumore gravi, inæquali, eoque satis magno, dictis locis fauces adhuc non parum angustari, non sine dolore summo referens. Hic cancroli quid accedere posse, & ætas senilis, & temperies frigidior, & ipsius affectus con-

ditio præsens, inter alia suadebant. *Job. à Meckren in Observat. Medico-Chirurgicis.*

Lingua ulcerosa durities scalpellò & cauteriò extirpata.

Quæ in monetis Belgicis invenitur inscriptio, *idem tutor & hostis*, nempe Mare: Eandem dentibus nostris accommodare liceat; qui benè constituti (præterquam quod linguae & faucibus tutelæ sunt) cibum diminuunt, variisque in rebus nobis inserviunt; malè è contra affecti hostes nobis infestissimi evadunt. Ecquæ pars corporis tam immanes in nobis excitat dolores, prout illi simulac cariosi redduntur? imò ne linguae quidem parvunt, quæ ab illis cariosis non rarò ita induratur ac exulceratur, ut homines è medio tollantur. Varia in medium possem proferre exempla, at illa extra scopum forent. Vidèamus solummodo quomodo curanda sit lingua, ab hac causa non solum indurata, verum etiam exulcerata. Curatio istac semper ab evulsione dentium malè constitutorum est inchoanda, linguaeque mel rosarum cum olei vitrioli tantillo, pro re nata, mixtum applicandum, idque sæpius uno die, quia diu non adhæret parti affectæ. Si huic aut simili remedio non cedat malum, tumorque incrementum sumat, aut pars affecta magis magisque exulceretur, & magis fungosa appareat, aut labia recurventur, tota pars linguae indurata & exulcerata extirpanda, & post extirpationem inurenda; per experientiam enim sum edoctus, nil magis valere (malignitatis signis apparentibus) quàm inustionem cauteriis actualibus, extirpata corrupta portione, institutam. Alii potentiale cauterium præferunt, at minus prudenter. Vetula quædam à longo tempore hoc malum perpessa, post iteratam sectionem recidivam passa est; inde exanimis ferè facta, à nobis auxilium petiit; itaque cum magistro Petro Mennonista, qui antea malum semel quoque incassum (quamvis satis profundè sectio fuerat facta) amputaverat, deliberavi quo remedio affectus radicitus foret evincendus, decrevimusque iterandam extirpationem, & post eandem peractam, inustionem cauteriis appropriatis & satis magnis faciendam. Postquam egra à nobis perceperat rem nondum esse desperatam, & aliquod adhuc remedium superesse, nempe amputationem, & post eam inustionem; facile consensit, animoque adeo forti & infracto operationes pertulit, ut vix ullos ejulatus emisit. Præmissis itaque universalibus, linguam linteo comprehendimus, quò melius posset ore extrahi, postea scalpello acuto, incurvatoque totum malum abstulit dictus magister: quo facto parti interiori buccæ linteum aquâ frigidâ madidum applicitum est, ne bucca nimis à cauteriis læderetur. Hoc facto partem læsam cauteriis inustissimus, sat fortiter cauteria adigendo, idque semel atque iterum iterando. Posthæc oris collutionibus emollientibus usâ est ad dolorem compescendum & escharæ casum promovendum; qua separata cura brevi absoluta est tincturâ myrrhæ & aloës, mixtâ cum decoctis exsiccantibus & melle rosaceo, chelidonii, &c. Atque hac peractâ curâ vetula isthac vivit & valet in hunc usque diem. *Clarif. Dom. Fridericus Ruyschius in Observationum Anatomico-Chirurgicarum Centuria.*

LITHIASIS, & LITHOTOMIA.

Vid. sub titulò

CALCULUS.

LIPODERMUS.

Est praputii defectus; de cuius remediis, & operatione vide quæ capite de variis penis morbis.

LORDOSIS *vid.* GIBBOSITAS,
LOCHIA *vid.* PARTUS.

LUES VENEREA.

Omissis hîc Morbi explicationibus, ac curationibus, quas in Bibliothecâ nostrâ Medico-Practicâ recensemus, contenti erimus ea jam proponere quæ Clariss. Viri Carolus Musitanus, & Gualtherus Herris istò ipsò in argumentò habent. Sit itaque primò.

Clariss. Caroli Musitani, Physiatros Professoris, &c. Tractatus

DE LUE VENEREA.

LIBER PRIMUS.

Cap. 1. Quid per Luem Veneream intelligant Medici.

UT eorum, quæ passim trademus, clarior sit intellectus, quid per Luem Veneream Medici in eorum mente concipiant describere præstabit; Quoties igitur vir sanus in mulieris contaminatum uterum coierit pustulosum, pollutumque os osculatus fuerit, vel contrà mulier sana virum in pudendis, vel in ore pollutum admiserit, virus quoddam in pudendis, vel in ore contrahunt, quod in aliquibus multos post dies, verùm ultra quadraginta, sub diversis se pandit apparentiis in iisdem partibus, cuiusmodi sunt pustulæ cum profundâ, & durâ radice, erodentem eructantes saniem, quas caries vocant. Gonorrhœa virulenta, ac purulenta, cum urinæ acredine & in erigendo pene, intenso dolore. Venerel bubones in inguinibus, vel ob hujus virulentiam, extuberantes glandulæ absque suppurationis spe; & hæc primitiæ sunt jam concepti veneni exterius efflorescentes, quæ parum accuratos passim decipiunt Medicos, ex eo quia earum curationi tantùm vacantes, nil de latente intus veneno, quod externi morbi fuit in causa deinde ampliùs cogitant. Porro ex hac Medicorum incuriâ temporis circulo corpora, quæ haustum foverunt venenum, in diem semper novas repræsentant ab ipsâ lue pullulantium variorum morborum scenas etenim, ut communi utamur loquendi modo, imperus si facientes spiritus hoc contaminat venenum, ephemeram febrem; si humores putridam; si solidas partes, hæcticam producit. Deinde quis memoret urinæ vitia, suppressiones, stillicidia & mingendi difficultates à carnis excrescentiis, ardores ab acrimoniâ, & ulceribus? Quis caries, & pudendorum corruptiones, gangrænas, & in totum præcisiones? Quis laryngis, faucium, gurgulionis, tonsillarum erosiones, raucedines, aphonias, & palati foramina, labiorum consumptiones, gingivarum putredines, nasi casus, ossis ethmoidis jacturam? Quis calvariæ, cæterorumque ossium omnium corruptiones? Quis oculorum strabismos, lippitudines, cæcitates, aurium surditates, tinnitus, graves auditus? Quis nodos, & gummata circa lacertos, & nervos, & cum his, & sine his dolores, cruciatusque acerbissimos, quibus aliqui brachiis, aliqui cruribus, manci redduntur? Quis serpiginosas rimas, & squamosas in manibus, & pedibus? Quis cerebri epilepticos insultus, melancholias, vigilias? Quis cordis palpitationes, & syncopes, pul-

monis marasmos, asthmata, tussés, tabes? Quis hepatis ardores, fluxus varios, lienteriam, cœliacam, diarrhœam, atque dysenteriam? Quis totius corporis lassitudinem, membrorum omnium languorem? Quis capillorum omnium casus, ut alii sine barbâ, alii sine superciliis, plerique glabro capite ridiculi appareant? Quis tandem quicquid horroris, feritatis, turpitudinis, doloris, languoris, hoc virus in corporibus susceptum imaginari potest, unquam commemorabit? Cùm nullum sit morborum genus, nulla symptomatum species, quæ ex hac lue pullulare non possit, nullumque membrum, nullaque in corporis theatro tot repræsentat scenas, sub tot insignibus se pandit quàm hæc, de qua nunc agimus, Venerea Lues, nec cessabit, imò in æternum, & ultrâ horribilibus se pandet modis.

Cap. 2. De Luis Venerea Nominibus.

Hujus luis multiplex, ac varius lædendi modus symptomatumque ab eâ pullulantium diversitas, nominum quoque multiplicitem, & varietatem induxit; quippe Medici, prætermittâ veneni radice, ad omnes producendi morbos idoneâ, tantùm pro læsionis modo invenire nomina, præterea, quæ è provinciis, in quibus hæc Lues suam exercuit stragem. Dictâ enim propterea fuit *lues Gallica*, *lues Hispanica*, & *lues Neapolitana*; quippe cùm in Neapolis obsidione circa 14. Sæculi finem, ut infra dicemus omnes dictæ Nationes concurrerint, ac lues tunc primò emergens affixerint, unaquæque earum reliquis sceleratum illud facinus vitio vertebat. Reduces ab Indiâ Hispani ad Neapolitanos in subsidium missi suspicionem dedere illam luem ab Indiâ secum Neapolim attulisse, quam cùm Neapolitani, & Galli eum mulieribus ab Hispani compressis coeuntes contraxissent, Hispanicam, & Indicam illi dedere denominationem, at Gallorum plerique Neapolitanos ab Hispanis non distinguentes cum Galli Luem secum non attulissent, obsidentesque Neapolim illius paterentur furores, Neapolitanam indigitavere. Tandem Neapolitani cùm nunquam antea fuissent hanc experti luem, eamque à Gallorum obsidione experirentur, Gallicam dixerunt, Hispani interea utrosque Neapolitanos & Gallos vicissim pro tanto scelere exprobrabant. Sanioris deinde judicii viri cùm cognovissent à luxu, Venerisque congressibus hanc luem etumpere, ac inter homines grassari, relictis nationum litigiis, non abs re hanc luem dixerunt *Veneream*, quod nomen modum, quo lues propagatur, designat, non autem essentiam.

Medici deinde, dum sub hujus luis initiis affectus observabant, ob horum diversitatem diversa illi indidere nomina ab antiquis desumpta; secundùm symptomatum proprietates. Fuere ex his, qui ob læsionem quam lues inferre solet, per *Albotin Avicenna*, & per *Terminthor* Græcorum eam designarunt; Alii *Sabaziam*. seu scabiei pustulosæ speciem. Aliqui *Arthritidem* ob artuum dolores; Quidam *Psozam*, seu cutis defædationem; Quamplures antiquorum *Elephantiasim* eam esse dixerunt. Plerique hanc luem *malorum omnium congeriem* existimârunt, Nonnulli *morbum vagum*, *incipitem*, *erronem* luem esse, ac sub nullo certo morborum genere collocandum; & tandem *Scabies scortatoria*, *Mentagra*, vel potius *Mentulagra lupanaris*, & ab aliquibus *pudendagra*, *caries Venerea*, *pustula obscena*, *variolata magna* dicta fuit; omnium tamen optimè *Hieronymus Fracastorius* vetustissimus poëta proprio, ac speciali *Siphylidis* nomine, dum eleganti carmine hujus luis materiam pertractavit, insignivit: fuit enim *Siphylus* primus æger ut ipse putavit, qui hac lue contaminatus fuit dum inquit:

Syphi-

Siphylus (ut fama est) ipsa hac ad flumina pastor.

Nos verò infrà cum hujus luis essentiam, & ejus lædendimodum demonstrabimus, nomen, quod illi adæquate correspondere possit, proponemus; quo nulla infametur natio, & omnes à notâ adeò infami vindicentur.

Cap. 3. De Tempore, quo hæc Lues in humanam irrepsit carnem.

DE tempore quo hæc innotuit Lues, authorum sententiæ tam variæ & discrepantes sunt, ut illi ipsi, qui illo tempore vixerunt, in hac re non convenerint, multò minus nos qui ab illo tempore jamjam ferè duo sæcula remoti sumus, eos conciliare valebimus. Itaque eorum opiniones recensēbimus, & transverso notabimus stylo, ut nostram deinde stabilire possimus.

Nonnulli, & præcipuè, *Leonicæus*, Veneream Luem aëris vitio tribuunt, asserunt ierem hoc contraxisse vitium è magnâ Tyberis, aliorumque fluminum alluvione sub *Alexandro VI. Pontifice Romano*, quæ universam ferè Italiam, & præcipuè Romam devastavit, & tota navigabilis reddita fuit. In cujus funesti eventûs memoriam, in publicâ columnâ hæc insculpta fuere carmina.

*Tempore Alexandri sexti, nonisque Decembris,
Intunuit Tybris bis senas circiter ulnas.*

*Insula quaque domus facta est mediisque repente
Circumducta viis aquabat Cymba fenestras.*

Æstate enim sequenti, sordes, & illa colluvies ab aquis relicta radiorum solarium æstu recanduit, totumque aërem putredinalibus effluviis infecit, unde hæc dira Lues mortalibus irrepsit. Verùm illi aquarum inundationi perperam hæc lues tribuitur, cum potissimum hoc malum tantum Romæ acciderit, & Venerea lues Neapoli primò innotuerit. Præterea aquarum inundationes potius pestilentes quandoque excitare solent morbos, ad breve tempus, nec per sæcula & ultra duraturos. Imò tales inundationes etiam sæpissimè antè acciderunt, nec antè talis Venereus excitatus fuit morbus.

Alii hunc morbum epidemicum dijudicavere, ejusque causam ab astris mendicarunt, inter quos fuit *Nicolaus Massa*, & *Hieronymus Fracastorius*, scribit namque uterque, quod mirum non videri debet, novos, insolentesque morbos certis apparere temporibus, idque variorum morborum historiis probat, & præcipuè de sudore Anglico. Credidit hujus morbi noviter exortitam malâ planetarum configuratione, maleficisque cælorum influxibus inductam fuisse; refert namque eam in Saturni, Martis, & Jovis conjunctionem, quæ tali accidit tempore, unde cecinit.

Intremuit, tactusque novis defluxibus æther.

Paulatim aerei tractus, inania lata

Accepere Luem, vacuasque insuetus in auras.

Marcor iit, cælumque tulit contagia in omne.

Sed *Massam*, & *Fracastorium* astra deceperunt, nam eorum effectus æque sunt benigni, & maligni ab ipsis per se non dependet, sed per accidens tamen fieri potest, hoc, vel illo modo aërem, aquam, terram, & humana alterando corpora, cum rerum naturalium generationis, corruptionis sint excitatores, ut inde mali producantur effectus, quomodo verò hunc in specie; & non alium morbum producere potuerint, non explicant hi authores.

Crediderunt alii hunc morbum non epidemicum, sed sporadicum i. sparsum, ejusque originem Valentiam, in Hispaniâ Terraconensi habuisse, namque loci Gallus quidam elephantiasi laborans, integram à mobili, & pul-

cherrimo scorto quinquaginta aureis emerit noctem illudque ita infecerit, ut hanc diram genuerit luem, ut inde factum fuerit, ut omnes alii, qui cum eodem rem habuerint, coinquinarentur, & hinc brevi tempore infectio plurimis communis facta fuerit. Quasi nulla antè mulier elephantiaci commista fuisset. Verùm differt elephantiasis à luis Venereæ ideâ, ac proinde elephantiacus hanc luem excitare nequivit.

Multi hanc pestem ex Indiâ Occidentali, ubi populariter grassatur, ab Hispanis in Gallorum exercitum ad Neapolim delatam fuisse autumant; Referunt namque historici. *Christophorus Columbus* ex novo invento Orbe rediens, plurimos reduxit milites, qui non minùs auro, quàm hac peste gravati, hanc appellentes urbem à Gallis obsessam, cum ferè biennium in navigatione consumpsissent, ubi primùm nostram civitatem occuparunt nulli temperantiæ, & continentiae pepercerunt, ac præcipuè cum scortis avidissimè luxuriantes furibundæ libidinis æstro plus iusto perciti, hujus mali generationi ansam dederunt. Dùm Galli obsidione magis, magisque premerent urbem, ob annonæ caritatem ejecta scorta avidè exceperunt Galli ignorantes hostiles dolos, & Hispanorum versutias, cum illis effrenatè coeuntes se infecerunt, & insueta illuxit lues, nec nostro prius cognita cælo. Unde inquirunt Hispanos hanc pestem non tantum in hanc nostram urbem, verùm in Italiam, & totum in orbem invexisse. Verùm errant historici hanc Luem in quibusdam Indiæ regionibus epidemicam esse contententes; nam aliis à Lue Venereâ morbus est, qui an sit aëris, vel aquarum, vel victûs vitio nondum ab ipsis explicatus fuit.

Aliam hujus morbi originem adducit *Andreas Casalpini* traditam à quodam milite Aretino, qui in eo bello militavit. Referebat is, oppidum id monte Vesuvio, quod dicitur *Summa*, ubi generosi copia vini est, quod Lachryma appellatur, clam noctu ab Hispanis derelictum, obsidentibus Gallis sed vino infecto, admisto sanguine, quem ex iis extraxerant, qui in Nosocomio Sancti Lazari laborabant: Ingressos enim Gallos, cum se eo vino explevissent, cœpisse laborare morbis, & symptomatibus elephantiasim referentibus. Verùm si verum hoc esset, elephantiasis potius, quàm Venerea Lues hoc stitagematè excitata fuisset.

Leonhardus Fioravanti, empyricus, de hujus morbi origine aliam peculiarem habet sententiam, quam apud nullum alium scriptorem legimus: Narrat se rerum causas indagandi avidum aliquando Neapoli fuisse, cumque variis discendi gratiâ conversationem iniisse, inter quos senex quidam nomine *Paschalis Gibilotto Neapolitanus* annorum 98. sibi retulerit, tempore, quo *Johannes, filius Renati Ducis Andegavensis*, bellum gerebat in *Alphonsum, Neapolitanum Regem*, circa annum 1456. se sæpius à suo patre audivisse, qui fuerat mercator in Regis Alphonsi exercitu, quod cum magna, tum inter exercitus annonæ caritas, & præcipuè carniū extitisset, utriusque exercitus mercatores noctu clam cætorum militum cadavera in frustra concidissent, & varia edulia ex eis parata militibus vendidissent, qui avidè ea inscii assata, cocta in artocreatibus satis longo tempore comedissent, antequam nullus id scelus resciverit; tandem hæc lues in toto Gallorum exercitu vagari cœpit, adeò ut vix unus inventus sit inter omnes, qui pustulis, bubonibus, doloribus, cappillorumve defluvio non laborarit. Quibus auditis, *Fioravanti* ut certior hac de re redderetur, per experimentum certiorari voluit, an humanæ carnis comestio hunc morbum in specie producere posset. Domi suæ suam alere cœpit, omnique ejus pabulo axungie porcinæ aliquid immiscuit, atque intra paucos dies suis pili, seu setæ ceciderunt, & undique pustulæ, tumores, seu bubones protubue-

rubuerunt. Hoc non contentus experimento, etiam in cane periculum fecit, clauso in peculiari conclavi, ac nihil escæ ipsi dando præter caninam carnem per duos menses, & idem in eo deprehendit, qui dolorum & pustularum plenus, pilosque amiserit, & die, ac nocte dolorem suum hominis ægroti instar misero ululatu testatus fuerit. His duobus experimentis tertium addidit, idemque in Bubone ave tentavit, eundemque notavit effectum. Ex quibus experimentis concludit unumquodque animal propriæ speciei carnibus nutritum hunc morbum, qui hodiè Gallicus appellatur, incurrere. Atque hanc ipsam causam esse putat, quod in Indiâ morbus hic sit epidemicus, utpote in qua Antropophagi carnibus vescantur humanis.

Miramur sanè tantum Empiricum, id est bonum tonsorem, his experimentis luis Venereæ causam indagasse, & tot Scriptores Italos, Gallos & Hispanos de huius mali tali causa mentionem non fecisse. Nec Neapolitani senis relatio fidem facit, nec tempori quadrat propter falsam annorum computationem, nam Lues hæc non innotuit Anno 1456. quo tempore *Johannes, Renati Ducis Andegavensis* filius, contra *Alphonsum Neapolitanorum Regem* bellum gessit, sed illuxit circa annum 1494. in bello, quod *Carolus VIII. Galliarum Rex* cum *Alphonso, Neapolitanorum Rege* gessit. Præterea demus verum esse, quod falsum nos experientia docuit, animal suæ speciei carnibus nutritum, pustulis, & doloribus affici, ac pilorum casu corripì, adhuc sub iudice lis esset, an morbus iste esset ipsissima Venerea Lues, & talis, qui per contagium, & præcipuè per Venerem in alios transplantari possit. Insuper rationem reddere deberet, cur animal ejusdem speciei carnibus nutritum, pustulas, dolores, & pilorum casum patiatur, alterius verò speciei non? Fabulosum judicamus Antropophagos, quia humanis vescuntur carnibus, hoc corripì morbo, cum multi inscii nostris in regionibus ad longum tempus humanis pasti fuerint carnibus, nec hoc correpti fuerint morbo. Pustulas, dolores, & depilationes endemicum esse malum aliquibus Indiæ populis, non humanarum carniū comestione, sed aëris, aquæ, victusve vitio verti certum sit.

Aurelius Minadoüs credidit hanc luem ex impurissimarum mulierum foedissimis uteris irrupisse. Hanc luem illuxisse putavit, cum fœminæ impurissimæ reditæ sunt, quando variam seminum commistionem recipere cœperunt: Inquit enim sicut unum semen uni utero tantum familiare, ac sanum est, & fœcunditatem promovet, ita seminum multitudo, & varietas uterum infœcundum, & infectum reddit, ut ex optimâ substantiâ prava, imò pessima corruptela fiat venefica, & explicatu difficilis, unde contagiosa generatur lues.

Sed falsum est ex nimia Venere semen putrescere, nam citra contagium hæc lues genita fuisset, cum assiduus, immoderatusque Veneris usus ab orbe infantulo fuerit, & præcipuè post feracem illam benedictionem: *Crescite, multiplicamini, replete terram*; & per annorum decursus nunquam interruptus fuit, cum ad speciei humanæ conservationem spectet; ideoque

Per victum, & coitum pugnant animalia quaque.

Libido nunquam satiatur, & extincta reaccenditur, usu crescit, in ceteris satietas, in coitu nulla, & præsertim in mulieribus effervescens prurigne vulvæ per libidinem inflatæ, perpetuò excandescit, unde jure *Juvenalis Satyr. 6.* inquit:

Et lassata viris nondum satiata recessit.

Igitur experientiâ constat, ex quavis immodicâ Venere, & multorum putrescentiâ seminum nunquam genitam fuisse hanc luem citra contagium. Nec huius observationis mentionem aliqui fecerunt authores, quod uti-

Bibl. Chirurg. Tom. XII.

que non omisissent, si aliquam huius rei notitiam habere potuissent. Præterea falsam quoque existimamus variam seminum commistionem in utero, ac proinde corruptionem veneficam fieri. Credimus Minadoüm parum versatum fuisse in Veneris palæstrâ; nam mulieres meritorie post coitum semen non retinent, sed inde sponte labitur, cum lubricam, & sine rugis hanc habeant partem. Si quandoque illud retineri accadat, vel post aliquod tempus rejiciunt, vel si non, concipiunt, & uteri os ita clauditur, ut specilli aciem non admittat, vel ita statim se comprimunt, ut illud rejiciant. Unde in coitu duplicem Veneris voluptatem sentiunt mulieres unam in seminis virilis ejaculatione, alteram in ejus expressione; ideoque harum mulierum uterus non fit diversorum seminum colluviarum. Insuper semen ut plurimum intra uteri vaginam ejaculatur, unde sponte labitur, & mulieres à coitu statim indusio, vel petiâ ad id paratâ pudenda abstergunt.

Univocus est Historicorum, & Medicorum consensus in assignando huius Luis originis tempore, aiunt enim anno 1494. *Carolo VIII. Galliarum Rege*, cum *Alphonso Rege* bellum gerente, numerosissimo exercitu Neapolim obsidente, primum hæc Lues in Gallorum castris innotescere cœpit. Cum ob annonæ caritatem Neapolitani inutilem propellerent multitudinem, milites Galli scorta exceperent, & quia hos non pudet etiam turpissima scorta palam futuire, eorum pulchritudine allecti magno libidinis æstro insatiabiliter fornicari cœperunt. Unde totum inquinârunt exercitum, & vix unus inventus fuit, qui cariebus, pustulis, ulceribus gonorrhœâ, bubonibus, doloribusve non laborârit. Tunc primum tam virorum, quàm mulierum partes generationi dicatas hac lue laborare fuit observatum, unde *Fracastorius* eruditè cecinit:

*Qui casus rerum varii, qua semina morbum
Insuetum, nec longa ulli per secula visum
Attulerint: nostrâ qui tempestate per omnem
Europam, partimque Asia, Lybiaque per urbes
Savit: in Latium verò per tristia bella
Gallorum irrupit, nomenque à gente recepit.*

Verum, an obsidentes Galli, an obsessi Neapolitani, & Hispani tantum nefas primi in humano patrârunt genere, vel passi fuerint, est in tenebris, ac ut supra dictum est, ex incertitudine originis una gens alterum luis increpabat exercitum, atque gentis cognomentum addebat, Gallicum tamen frequentius fuit appellatum, ex eo quia Gallorum occasione Lues irrepsit.

Cap. 4. *An veteres Medici ante annum 1494. de hac Lue aliquid tradiderint, vel eam cognoverint?*

N Il inter homines tam vetus agitatam, quod aliquando novum non fuerit; unde ridiculi sanè sunt ii, qui veluti Medusæ spectrum attoniti novitatem exhorrent; actum jam esset de rebus humanis, si quod semel novum & insolitum fuerit, in humani generis usum admissum non fuisset, viverint nunc homines pecudum more, aliorumque brutorum, quæ cum artium facultate inventivâ careant, hætenus ab eorum origine herbis, glandibusque vescuntur sub aperto Jove degunt: nulla apud ipsa futurorum præventio, nulla præteritorum memoria. D. O. M. non omnia primo homini manifestavit, vel saltim quicquid ille callebat, amisit: reservavit ipsemet Deus determinatis temporibus passim ea propalare, quæ nunquam prius innotuerant? sic suum fuit creationi tempus, suum transgressioni, suum

universali diluvio, suum incarnationi, suum denique redemptioni, tempus, & licet potuerat, non hæc omnia simul disposuit.

Quis negabit novam olim non fuisse *Hippocratis* doctrinam; Quis recentiorem illam *Galen*i? Attamen si dum nova iis authoribus eam profitentibus vivis inter homines emerit, non fuisset recepta, nunc dictorum authorum doctrina vetus, & antiqua dici minimè posset, ac promittimus, quod quæ à nobis nunc nova, & insueta medicorum vulgo odiosa traduntur, post tria, quatuor, aut decem sæcula, non secus ac *Hippocratis* & *Galen*i placita pro antiquis, vetustisque habebuntur. Tam itaque est in hoc inferiori Orbe novitatis necessitas, ut ipsamet natura multoties exorbitet, monstra, prodigia, resque producat insolitas, ac si tribuli, & spinæ ex ingluviis, aliisque luxibus in humanam novi pullulant pro inexpertis hætenus causis morborum, pigra non est novis patefaciendis remediis, quibus novis succurratur languoribus. Ut nunc ad nostrum redeamus propositum, certum est non omnes morbos, quorum hætenus plenam habemus notitiam, simul in humanam irrepsisse carnem, sed passim nunc unus, nunc alter pro videndi hominum modo emerit. Antiquitus simplices erant morbi, & medicina paucis erat contenta medicaminibus. Prisci homines solidiora habebant corpora, facili cibo, nec voluptate, & arte degenerato nutriebantur, non ad appetitum excitandum, sed anferendum, eaque opere, labore, cursu aut versatâ glebâ solidabantur, unde nec innumerâ medicarum grege opus erat, nec tot ferramentis, pyxidibusque medicina referata erat. Nunc non mutata est humana natura, sed vita à multis ferculis, quæ multos fecerunt morbos. Bone Deus! una gula tantorum morborum cohortem in humanam invexit naturam? Addimus & gulæ humorum cupidines, luxus, luxurias: oia omniumque sensuum illecebras passim per ætates, & sæcula excedentes, quæ ita naturam lacerant, & subvertunt humanam, ut novorum, insolitorum, inexplicabiliumque morborum semper fiat fecundior ager, ac ut lacerata natura tota jam degener novis est producendis morbis proclivis, ita passim novis opus est medicis, novis medicinis, novis medicaminum præparationis modis, ut novis irruentibus morbis obviam eatur; quod ut illa crepent iis, qui antiquitati strictissimo jure eorum assensum sacrarunt, Lues Venerea jam cunctis se patefacit hominibus, & cognitis prius remediis nullo modo cedebat, ex eo quia licet symptomata, & effectus, quibus Lues hæc Venerea nobis se pandit, fuerint antiquis cognita, novum tamen aliquid in obsidione Neapolitanâ acquisivêre, quod iis remediis, quibus tunc olim expugnabantur, ampliùs postea expugnari non poterant: fuit sanè illud novum, quod contagium vocamus, quo Lues de corpore in corpus per contactum transfunditur.

Non desunt medici, qui pervicaciter *Hippocrati* hoc malum innotuisse affirmant, & ab ipso *lib. 3. epid. sect. 3.* accuratè descriptum fuisse, ubi ossium denudationes, capitis & menti glabrities, carnum, & nervorum supurationes, sacros ignes cum ulcusculis, variorum membrorum dolores, abscessus circa fauces, dentes, gingivas, & genitalium exulcerationes recenset. Sed levia proculdubio sunt prædicta, & inefficacia ad demonstrandum, quod quærimus; nam nec quidem *Hippocrates* citato loco Veneream Luem describere somniavit, sed tantum pestilentiam ibi refert constitutionem, in qua relatæ affectiones sunt vagatæ, quæ majori ex parte, acutis, febribusque malignis copulatæ fuêre, cum Venerea Lues ex propriâ vi febrem non afferat. Præterea *Galen*i testimonio constitutio illa epidemica, & popularis fuit, qualis profectò non est Venerea Lues. Adde, quod curationes longè inter se diversæ idem declarant.

Insuper morbi epidemici non semper durant, sed tandem finiuntur, hæc verò lues nunquam ut malum epidemicum vagatur, & ex quo incepit ad hoc usque tempus, durat, & durabit.

Non defuerunt alii, qui luem hanc elephantiasim esse dixerunt, ex eo quia Venerea lue apparente, cessavit elephantiasis, unde *Gabriel Fallopius* refert, quod tunc temporis elephantiacorum nosocomia vacua reddita sunt, & Gallorum contra innumeris repleta ægris. Idem inquit in utroque affectu est inficiendi modus, si quis c. ex. in lecto sudet cum infectis, si os ori conjunxerit, si cum infectâ coierit. In utroque affectu pili, & capilli decidunt, pustulis, squamis, & ulcusculis defœdatur cutis, quarum eadem utriusque affectus erit natura, etsi voces, & nomina sint diversa. In æquivoco voluntantur, qui cum elephantiasi luem confundunt Veneream; nam illa affectus cutaneus est, ac tota cutis redditur crassa, dura, ostreosa, ejusque sanum nil remanet, labia intumescunt, & crassiora fiunt, sub lingua tubercula, & glandulæ sub auribus innascuntur, & tota transformatur facies; hæc verò totius corporis est affectio, nec solum cutem, sed partes liquidas, carnes, cartilagine, nervos, & contaminat ossa: non semper, vel infrequenter fœdatur cutis, sed intimæ impetuntur partes, bubones in inguinibus protuberant, partes generationi dicatæ exulcerantur, & pustulæ, quæ in cute nascuntur, nunc plures, nunc pauciores, nunc majores, nunc iniores existunt, & nunquam totam obsident cutem, sed semper aliquid sani inter ipsas mediat, & minùs sæpè visuntur in facie. Elephantiaci perpetuò inficiunt, & proles gignunt elephantiaces sanandive destitutas; Gallici autem non semper filios generant infectos, & non ægrè restituuntur. Ad rationes in oppositum facilis est responsio, & ad primum: Verum quidem est in Italiâ, ubi Venerea Lues est frequentissima, & copiosissima, rarè elephantiasim vexare; non tamen aliis in locis, & præcipuè in Galliâ, ubi innumera ferè sunt pro elephantiacis Nosocomia, adeò ut nullus sit ferè pagus, in quo non sit hoc nosocomium, & tamen aliâ ex parte innumera etiam Lue Venereâ pollutorum multitudo. Ad secundam, idem inficiendi modus naturæ identitatem non arguit; non enim quia phthisis contagiosa est, ut lepra, inferre licet ejusdem fore naturæ. In pilorum defluvio diversitatem in utriusque cognoscimus, nam in hac lue decidunt quidem pili, capitisque capilli, non autem axillarum, & pubis; elephantiaci autem omnibus spoliuntur, imò à pube, & axillis incipit casus.

Cæterum ficos, sordida ulcera, & pustulas antiquitus homines fœdassee præter *Celsi* testimonium apud *Martialem* non pauca legimus, & præcipuè *lib. 7. Epigrammatum, epigrammate 70.* hæc habet carmina.

Ficosa est uxor: ficosus & ipse maritus:

Filia ficosa est: & gener: atque focer.

Nec dispensator: nec villicus ulcere turpi:

Nec rigidus fossor: sed nec arator eget.

Cum sint ficosi pariter juvenesque, senesque,

Res mira est: ficos non habet unus ager.

Et *Juvenalis Satyrarum lib. 2. carm. 8.*

Quis enim non vicus abundat

Tristibus obscenis? Castigas turpia quàm sis

Inter Socraticos notissima fossa Cinædos.

Hispida membra quidem, & dura per brachia seta

Promittunt atrocem animum, sed podice lavi

Caduntur tumida, medico ridente, marisca.

De hoc quoque morbo scripsit *Gal. 5. de compos. med. per loca cap. 4.* Expresse quoque apud eundem bubones in inguinibus descriptos legimus *6. de simpl. med. facult. & 2. de sympt. causis cap. 2. & 6. de loc. aff. c. 6.* De gonorrhœâ

gonorrhœa prolixè disputat, ut non prætereamus ea, quæ in *lib. habet de tumoribus p. n. & II. de facult.* ubi de Uvis, & 9. de *compos. med. per loc. cap. 8.* quibus in locis, diversis sub capitibus quamplures ulcerum, pustularum, ac tumorum species proponit, quas passim nunc in Lue Venereâ affectis præcipuè quàm in cæteris hominibus ab hac Lue immunibus, observamus.

Avicennas quoque, reliquorumque Arabum cohors multas tumorum, ulcerum, ac pustularum species describit, quæ grassatis nunc Luis Venereæ affectibus adæquatè respondet: at ut suprâ notavimus, non defuere, qui Arabum Sahafatum, mentagram, & pudendagram, hanc Luem, quam nunc Veneream vocamus, esse crediderint.

Verùm nos, cum accuratè antiquorum libros ad hanc rem percipiendam evolverimus, certi sumus apud veteres inter morbos acutos pestem tantùm per contactum non solum, sed etiam per fomitem ex contaminatis corporibus in non contaminata irrepsisse; in chronicis verò de scabie; & leprâ idem quoque evenisse tradunt: reliquos deinde morbos omnes per contractum sana corpora contaminandi hac prærogativâ omnes expertes fuisse legimus. Contrâ observamus Luem, de qua nunc agimus Veneream nil novi secum habere præter sui in sana corpora per contactum propagationem; affectus verò, & symptomata, quibus se pandit, in veterum sunt authorum observationibus diffusè descripta, nec hætenus in duorum millium Lue infectorum numero, quos observavimus, symptomata vidisse accidit, quæ apud *Celsum*, *Galenum*, & *Avicennam* notata non invenerimus. Undè concludimus Luem hanc Veneream Anno 1494. dùm Galli Neapolim obsidebant, antiquis morbis fermentale tantùm addidisse virus, quo per contagium ægri corporis cum sano, morbus, qui antea non propagabatur, deinde propagaretur, non secus ac scabies, & lepra antiquis quoque contagiosæ fuere.

Cap. 5. Ratio diffusionis Luis Venereæ per Europæ, Africæ, & Asiæ Provincias.

Venerea hæc Lues non solum Gallos, Hispanos, ac Neapolitanos, in quibus sui apparuere primordia; afflixit, sed annorum lapsu extra Europam in Lybiam, & Asiam transfretavit, ut innumera testantur historia, quod multam afferre debet admirationem, nam cum inter has mundi partes ob frequentatam nostris temporibus navigationem perenne sit hominum commercium, totaque, ut prædiximus, consistit hujus Luis essentia in acquisito contagio: quoties Europæi Lue contaminati in Lybiam, & Asiam navigarunt. & cum mulieribus Lybicis, Asiaticisque inire commercium, hujus Luis Seminarium jam in dictas provincias transplantarunt, quod deinde per individua serpens, vulgaris morbus devenit, ut in Europæ magnis urbibus experimur; atque hoc eodem modo ubi gentium hæc Lues hætenus suum non diffundit virus, diffundere illud potest, cum sufficiat polluti hominis cum sanâ contactus, ut Luis Venereæ fiat transplantatio.

Agitari hinc curiositatis gratiâ dubium posset, An bruta animantia huic Luis Venereæ contagio sint obnoxia, cum experientia nos doceat hominum pestem, pestem non esse brutorum, sicut contrâ brutorum animantium pestis, licet homines cum his commercium habeant, in eos non serpit, neque in sanitate, neque in vita læduntur; quapropter requiritur quædam mumialis ejusdem speciei dispositio in vivente, ad hoc ut fiat pestilentis auræ transfusio: homo itaque peste correptus, si equum ascendat nudum & simul immediatum habeant contactum, equi pili contagium suscipiunt, alteri homini communicabile, si illius fiat approximatio, sed

Bibl. Chirurg. Tom. III.

equus nihil ab impresso contagio patietur, ex eo quia humanâ caret mumia humani contagii susceptivâ. Idem eveniet, si in specie equinâ sit pestis, nam licet homines cum equis contaminatis commercium habeant, nil tamen in salute læduntur.

Contrarium tamen de Lue Venereâ nos docuit casus, enimverò meretricem aliquandò observavimus Lue Venereâ undique putrescentem, & sordidis ulceribus fœdam, quæ catulam habebat familiarem, hanc lingendis sibi ulceribus assuefecerat, quæ post aliquod tempus carcinomate in ore corrupta, totaque scabiosa, & in generationis loco exulcerata, tabefacta periit. Differt sanè pestis simplex à peste Venereâ, illa enim vitam immediatè adurit, illamque extinguit, hæc immediatè nutrimentum corrumpit, propterea illa acuta est, hæc chronica, illa speciei mumiam requirit, hæc minime quidem.

Cap. 6. De Venereæ Luis Duratione, prolato à Scriptoribus Judicium.

Jam suprâ, quæ ad Luis Venereæ historicam narrationem attinet, diffusè tradidimus, superest, ut quid de eâ scriptores prædixerint, subjungamus.

Hieronimus Fracastorius asseruit hanc pestem propriâ sponte aliquandò finem habituram; ac ut enormentico irrepsit modo, ita certâ adveniente planetarum revolutione, eam à lædendo desistere, existimavitque eam suo tempore senescere & paulò post planè interituram, ac longa post secula, eadem planetarum revertente conjunctione reversuram, unde sic cecinit.

*Namque iterum, cum fata dabunt, labentibus annis
Tempus erit, cum nocte arrâ sopita jacebit
Interitui data: mox iterum post secula longa.
Illa eadem exsurget, cælumque, aurasque revise
Atque iterum ventura illam mirabitur ætas.*

Hujus Luis causam *Fracastorius* è cælo evocavit, cælestemque ei tradidit originem, tanquam è matre Venere natam, & à Sideribus expositam mendicavit, quorum conjunctiones perennes non sunt, sed labente tempore mutantur, ideoque morbum esse credidit epidemicum quem interiturum secum trutinavit, quia tempore, quo primum hæc grassari cœpit, Lues statim à coitu pustulæ ex nigro virescebant, ulcera sordida innumera exedantia usque ad ossa, ac sanies ab his emanans ita prævum spirabat odorem ut cujus nares attingisset, is mox infici crederetur, & ipso magis aspectu, quàm dolore ægros torquebant. Gonorrhœæ fatidæ, in mingendo ob acrimoniam luctuosi ejulatus, in erigendo atrocissimi sentiebantur dolores. Bubones ante suppurationem sævissimis noctis torturis, & aliis hujus Luis inficiebant symptomatibus, quæ nullis medicis, nullâ arte tolli, aut saltem sedari poterant. Imò adèdò truculentior hæc grassabatur Lues, ut omnes ægrorum aspectum fugerent, contactu verò sic abstinerent, ut morbi præterea nullius. Tunc suo tempore mitius se gerere occipiebat, quia pustularum, ulcerumque fœditas cicurata; gonorrhœa, bubones, gummata, dolores &c. amicitiùs se gerere intuebatur; perperam credidit luem senectutem attingisse, quoquò modò interituram. Verùm planetarum conjunctiones eorumque rotationes *Fracastorium* luserunt, is non optimè astrologiâ callebat, credimus multoties hanc luem in humanam irrepsisse carnem, si ex planetarum conjunctione accessisset. Nec luem senescere, nec experientiâ cessare videmus, imò quo senior, eò evadit fortior, & licet pustularum, ulcerumque fœditas tolerabilior evaserit, dolorum tamen cruciatus, gummata &c. immanius torquent. Ea est hujus Luis conditio, ut non statim

perimat, esto in prima origine violentius irrepserit, non per hoc ultimam habebit periodum, ea enim, quæ præter naturam sunt, ac vi fiunt, perpetuis carent causis: Verum est nil præter naturam, & violentum durabile, & ex se perpetuum esse, si tamen causa perpetua sit, ipsum perpetuum erit. Potest pestis quandoque extingui, ut de facto extinguitur, si eadem, quæ in peste præcavendâ, & curandâ adhiberetur sedulitas: modò quia semper dantur homines, qui hac laborant lue, aliosque inficere possunt, alii verò ab eorum confortio non se abstinere, etiam hæc tamdiu durabit Lues; quando istæ conversationes cum infectis, vagæ libidines, & coitus durabunt, & tamdiu eam propagaturam, & duraturam judicamus. Præterea experientiâ comprobatum est, quòd quoties morbus in humanâ pullulavit carne per contactum diffusibilis, chronicus, non autem acutus. nunquam amplius cessavit, sed diffuso undequaque semine, semper mensem multiplicavit: Lues ergò Venerea, cum jam in cunctis orbis terrarum provinciis suum transplantavit semen atque per sæcula semper ulterius serpet, eam in humanâ specie ad supremam usque periodum duraturam cognoscimus.

Eustachius Rudius sibi persuasit posse Medicorum ope, & artis auxiliis extingui, inquit enim: *Si unus esset mundi Princeps aut una multorum adversus hunc morbum conspiratio, medicorum ope planè extirpari posset. Si nimirum ii, qui hac premuntur lue, cuncti medicis curandi consignarentur, & interim ab aliorum confortio sequestarentur, ac illud idem cum hac lue infectis perageretur, quod cum infectis peste, vel leprosis fieri afolet, spei utique esset hanc luem extirpari posse; & eò magis, quia Venerea Lues, non ut pestis ad distans, est contagiosa, sed per concubitum propagatur.*

Optimum profecto pro Lue Venereâ extinguenda remedium excogitavit Rudius, sed inutile, quia facilius est dictu, quàm factu. Est remedium quod contra fœlem excogitarunt mures, de suspendendo nempe in ejus collo tintinnabulo. Si unus esset mundi Princeps, & præcipue si ipse fuisset, hac totâ suâ solertiâ in id incubuisset malo, sed plures sunt orbis tetrarum Principes, nec omnes eodem vivunt voto.

DE VENEREÆ LUIS ESSENTIA,

LIBER SECUNDUS.

AD Luis Venereæ essentiam percipiendam opere pretium fuit, quæ historica sunt, prius de hac Lue præmittere; multum enim ad essentiae cognitionem juvat quemque esse conscium hujus Luis originis, diffusionis, lædendi modi, symptomatum, accidentium, aliarumque circumstantiarum eam comitantium: Verum quæ sequuntur, quia altioris sunt indaginis, attentissimum unumquemque exhortamur, etenim pollicemur, quòd si quæ ad Venereæ Luis essentiae intelligentiam trademus, intellexerit, verissimam omnium morborum theoriâ percipiet, à qua curationis indicatione desumptâ, nunquam curandi morbos certitudine frustrabitur. Quapropter veteres cum humores, & intemperies pro morborum causis tantum agnoverint, sintque humores occasiones tantum, quibus animal infirmatur, causâ pro efficienti occasionali desumptâ, morbi quidditatem non intellexere, quam omni conatu suggerere aggrediemur.

Cap. I. Opinionum de Luis Venereæ essentia, Examen.

Hucusque secundum Scriptorum libidines multæ, ac diversæ fuere, circa Luis Venereæ essentiam Sen-

tentiæ, aut enim illam dixere causam, non morbum, alii spirituum alterationem, aliqui venenum, quidam læsionem proprietatis temperamenti; alii excrementum; nonnulli symptoma nominarunt, qui verò morbum illam esse asseverarunt; alii arthritidem, pforam, elephantiasin, variolas, morbum epidemicum, continui solutionem, intemperiem calidam, & siccam; nonnulli calidam, & humidam; alii frigidam, & siccam; quidam morbum à totâ substantiâ, & qualitate occultâ; multi omnium morborum congeriem; tandem *Minadoüs*, nec causam, nec morbum, nec Symptoma illam esse dixit.

Ex tot opinamentis, quàm intricatum sit negotium hujus Luis Essentiam assequi, quisque colligere potest; de tot namque Authoribus, qui de hoc scripsere morbo, vix pauci inter se conveniunt, quin potius phantasiæ ductu per vanas conjecturas peculiarem habent sententiam: sed omnes eodem amiciuntur pilo, eodemque inficiuntur corno; cum ex caudâ vulpem, & ex ungue leonem cognoscere profiteantur. Horum rationes in examen adducere joci gratiâ juvât, licet non conducatur, utpotè nimis rusticantæ, cum confusionem animis inducant, & ignorantiam pariant.

Hercules Saxonia Luem hanc esse tantum causam, non verò morbum, nec symptoma asserit, quia extra corpus humanum existere potest, in linteis nempe, vel aliis id genus vestimentis, in sudore, fœcibus, præterea semine, & sanguine jam à corpore secretis, intra corpus humanum etiam, quia partes non viventes, morbisque subjectas inficit, & obsidet, nempe humores, spiritus.

Johannes Manardus esse morbum in solutâ unitate ab exultis humoribus contagio affectis pendentem scribi, probat primò, ex *Hip. lib. de loc. in homine num. 47.* ubi habetur. *Morbi quicumque ulcera sunt*, cum Venerea Lues ex morborum numero sit, ad ulcera reducitur, quæ in solutâ unitate consistunt. Secundò, præcipua hujus Luis symptomata sunt pustulæ plurimæ universum afficientes corpus, necnon ulcuscula, quæ statim à Lue contractâ pudenda afficiunt: Sicuti etiam faucium, columellæ, narium erosio, & casus. Tertiò, dolores nimium atroces, qui infectos torquent ægrotos, quamvis non sint ulcera jam facta, saltem sunt dispositiones ad ipsa, cum in doloribus continuum solvatur solum, licet non sit solum: itaque hoc mali genus ad solutam unitatem, aut unitatis solutionem reducitur, & quicquid in eo observatur, est ulcus factum, vel fiens.

Hieronymus Capivaccius, Aurelius Minadoüs & alii sustinent hanc Luem non esse morbum, & primò, quia ad nullum morbi genus reduci potest; non ad intemperiem, ut pustulæ ostendunt; non ad solutam unitatem, ut docent gummata, bubones, & cætera; nec tandem in malâ compositione, ut ulcera suadent. Secundò, morbus est constitutio p. n. primò, & per se operationes lædens: Lues verò hæc primò, & per se non lædit; itaque morbus dicendus non est. Minorem probant: ubi quis post coitum Luem contraxit, multo intercedente temporis spatio, bene valet, nullumque persentit incommodum, quousque tandem ægrotare, & dolere incipiat. Ita multi post duos, tres, vel plures menses, & ferè omnes post aliquot dies Luis incommoda peripiunt. Imò nos quendam militem Hispanum post quadraginta annos, ex carie quendam monachum post quadraginta quinque, ex gonorrhæâ contractâ, attamen ante religionis ingressum, in gummata, & dolores incidisse observavimus. Hoc intermedio tempore nulla adest sensibilis læsio, cum tamen adsit contracta Lues; igitur Lues non est constitutio lædens, cum ipsa sine actuali læsione reperiatur, itaque non est morbus. Tertiò, Lues contracta quamvis lædat, non primò lædit: igitur non est morbus, cum non quæcunque læsio sit morbus, sed illa solum, quæ primò, & per se fit, ut à morbi causâ differat,

ferat, quæ non lædit primò, sed introducto morbo: itaque esto lædat Lues, quia dum lædit, læsionem primò non facit, morbus non erit. Assumptum probant, quia læsio facta à Lue est ulcus, bubo, gonorrhœa, caries, & similia, quæ sunt vel verissimi morbi, aut symptomata suos sequentia morbos: ergò Lues, ut lædat, requiritur morbi introductio, cum nunquam lædat, nisi facto morbo: ergò ipsa non erit morbus. Quartò, Venerea Lues conservatur in subjecto non vivente: igitur non est morbus, qui est sola, & mera viventis passio, non viventi subjecto nullatenus communicabilis. Antecedens probant primò, quia est nonnullorum asserentium sententia Luem Veneream posse communicari per sudorem fluentem à corpore infecto, & conservari in linteis similibusque subjectis nullâ gaudentibus vitâ. Quomodò ergò Lues erit morbus, si in hisce inanimatis recipi potest subjectis? Secundò, Lues insidet sanguini, & semini adhuc à seminante deciso, qua propter semine infecto non minùs inficiuntur coeuntes, quam fœtus. Si gignitur, nascitur infectus: sed neque semen, neque sanguis vivit, præcipuè post decisionem, & ejectionem è corpore: ergò non est morbus. Quintò, Venerea Lues est quid corporeum, imò verum corpus: ergò non potest esse verus morbus, cum hic sit de genere qualitatum. Antecedens patet, quia aliud non est Lues, quam vapor, seu seminarium quoddam contagiosum transiens denuo in aliud, quod omninò distat à qualitate, & accidentibus, & necessariò corporis, seu substantiæ rationem importat, unde *Lucretius* canit.

Tangere enim, & tangi, nisi corpus, nulla potest res.

Si ergò hujusmodi rationem habeat Lues, morbus esse non poterit. Sextò, ex multis coeuntibus cum infectâ muliere, non omnes inficiuntur, sed aliqui, alii nullâ tentantur labe, & tamen omnes eundem excipiunt vaporem, seu seminarium: ergò Lues ista non est morbus, alioquin omnes egrotarent, quod falsum est, ut constat experimento à *Fallopio* adducto duodecim Scholarium, qui dum rem habuerunt cum muliere infectâ, tres tantum ex illis Venereâ Lue correpti fuere: ex quibus liquet Luem non esse morbum.

Neque symptoma esse potest, quia hoc est inseparabile à morbo, sicut umbra indissociabilis est à corpore.

Neque morbi causam esse, quia causa p. n. est illa, inter quam & actionem læsam cadit medium, morbus nimirum, cum morbus sit id, quod proximè lædit actionem, cum autem hæc morbi interventu lædat.

Capivaccius hunc affectum non morbum, sed excrementum putavit; dum eum definivit; quod sit excrementum p. n. toto genere potens multifariam lædere hominem genitum ex humanâ substantiâ à simili.

Alii Medici, dogmata quorum sunt caloris, frigoris, siccitatis, & humiditatis, relietis suprâ notatis litigiis, ad causas manifestas hanc Luem reducere, scilicet ad intemperiem calidam, & siccam; conati sunt, hujus farinae sunt *Alexander Massaria*; *Johannes Baptista Montanus*, & ceteri, & probant primò, quia proprius caracterismus, sine quo hæc Lues non elucescit, non consistit, nec viget, est exustio, ut apertissime accidentia demonstrant supervenientia, quæ affectionis cujus sunt, materiam declarare valent. Ita pustulæ universum ferè occupantes corpus, gingivarum erosio, faucium ulcera, capillorum defluvium, columellæ imminutio, ossium caries, & similia, quæ Luem comitantur, atque ostendunt, certissime faciunt exustionis fidem: sed talis, tantaque exustio, non nisi à calore morbofo excedente dependet: ergò in calidâ intemperie reposita est Lues. Secundò, hoc idem deducetur ex bubonibus suppuratis, qui præcipuè hunc sequuntur morbum; eorum namque labia multum callosa, & nimis indurata observantur, maleficio scilicet caloris ex-

urentis, & callum inducentis. Confirmat tertio eorum asseritionem mordax, & acerrima gonorrhœa, quæ primò, & plerumque ab hac lue indici solet; adeò enim mordax esse consuevit; ut genitalia frequenter exulceret, & urinæ ardorem afferat, sic discurrendum de aliis incommodis à Lue inductis, quæ non nisi prævalentem consequi calorem possunt. Excreta tandem omnia in infectis hac lue si benè observantur, utpote acris multum, mordacia, calidam intemperiem certè certius arguunt: committantia igitur & subsequentiâ signa calidam intemperiem in hac Lue significant.

Nonnulli medentes, ut *Nicolaus Massa*, *Rondelerius*, & ceteri, desumpto à curatione argumento, quia Venerea Lues remediis omninò calidis, imò in calore multum prævalentibus curatur: siquidem extenuans diætâ calida, & sicca ab omnibus practicantibus præscribitur ita infectis; validiora, acriora, calidiora pharmaca eisdem administrantur; vehementiora adhibentur sudorifica ex salsâ, guajaco, & similibus parata: unò demum verbo, quidquid pro hujus Luis curatione usurpatum, calidum est, ut ignis naturam sapere videatur, calidam, siccamque intemperiem pro hujus Luis causâ repudiarunt, cum calidissimis, & siccissimis curetur præsidiiis; meditantes præcipuè famigeratum illud in ore Medicorum theorema, quo sancitur curationem instituendam esse à contrariis; quia in eodem volutantes luto, dixerunt hujus Luis causam in intemperie frigida & humidâ consistere, id probant primò eodem argumento à curatione desumpto: Curatur calidis & siccis: ergò intemperies erit frigida & humida. Secundò, gummatâ, diuturni dolores, rebelles fluxiones, crassi, & cœnosi sanguinis generatio, & alia similia, frigiditatem, humiditatem prævalentem demonstrant: igitur.

Judicate vos quantum à tantâ sententiarum multiplicitate absit hæcenus veritas, & quæ in tanto morbo curando usque adeò adæquata ex theoriis desumpta fuerit indicatio: quod si in cognitione Luis Venereæ quæ tam palam nobis alloquitur, in tantâ confusione jactantur medentes, in quantâ sanè erunt in aliis morbis, quorum latentior est fiendi & lædendi modus, quisque judicare poterit. Pendet quidem tanta confusio, sententiarumque contrarietas ab impostura & falsitate doctrinæ temperamentorum versutè à *Galenò* in rem medicam introductâ.

Alii multa hujus Luis symptomata considerantes, modò calida, modò frigida, modò exustionis signa, quæ siccitatem habent adnexam, modò humiditatis quæ interdum copulantur, & tandem solutam unitatem, ut à tot se tricis expedirent, Syndromen, seu congeriem omnium morborum dixerunt, quia hæc Lues nullum denotat peculiare, & determinatum morbi genus, sed per omnia excurrit, & vagatur.

Multi, ut *Fallopins*, *Mercurialis*, *Zacutus Lusitanus*, *Fernelius*, *Sennertus*, & alii, Luis admirandos, contrariosque effectus meditantes, ac nullis primis, vel manifestis qualitatibus agere, imaginati sunt ad nullam reduci posse intemperiem, nec unitatis solutionem, formæ, seu structuræ lapsum; etenim cum major morborum pars, & eorum, quæ homines crudeliùs vexant, intemperiebus accommodari non possint, ut à tot se eriperent tricis, necessarium fuit illis, qui præter temperamenta sciebant nihil, ut majorem ingenii hebetudinem patefacere inter secundi generis causas recensere, scilicet ad occultas qualitates recurrere, tanquam ad sacrum ignorantie asyllum, & ad speciosum vocabulum, quo apud imperitum vulgus ignorantiam tegere valeant; aliis verò nascituribus ad plausibiles confugere terminos, uti sunt: Lues Venerea est morbus occultus, à totâ substantiâ, à deleteriâ facultate, à proprietate occultâ, à venenatâ aurâ, simileque,

qui si rectè examinentur ; eos ignorantix arguunt , & sciunt , quod nesciunt. Id colligunt , quia virulentæ Luis natura est arcana , & prorsus ignoratur , nam licet quandoque sublata sit , & expugnata videatur , nisi tamen occulta illa qualitas expugnetur , homo inculpata nunquam recuperat sanitatem. Observatum enim est ex parvâ , vel carie malè curatâ , Lucem Veneream occultam per triginta , vel quadraginta annos furtivo modo in corpore delituisse , post quos in actum dolores , gummata , ulcera &c. erupisse quasi occultarum qualitatum actione. Ut etiam ex proprio , ac specifico curationis modo eruunt : putant enim remediis à totâ substantiâ agentibus expugnari , non quia calida , vel frigida sunt , sed quia modo nobis incognito , & occulto operantur. Hujusmodi credunt lignum Indicum , falsam parillam , hydrargyrum &c. Lignum namque calidissimum est , frigidissimum hydrargyrum , quare si hæc Lues calida , aut frigida foret , horum usu intenderetur potius quàm remitteretur.

Nos , ut hos vitemus scopulos , & ne in barbarorum impingamus syrtes , non ex nostrâ phantasiâ , sed à rebus , circa quas philosophamur , veritatem hauriemus ; quid sit morbus in genere , & quomodo in vivente sano exoritur , investigabimus , ut deinde ad Luis Venereæ quidditatem tutius accedamus , undè sit.

Cap. 2. De Essentiâ Morbi in genere.

Dum vivens animal , quod intra se efficere à naturâ sibi datum est , efficere potest , vel si efficit , vel diminutè , vel depravatè , vel cum dolore , hoc tale vivens animal , vel in toto corpore , vel in aliquâ sui corporis parte , morbum habere dicimus. Præcedunt morbum vita , & vitæ integræ inculpataque actiones ; itaque ut , quid sit morbus intelligamus , quid in vita sit , & quid requiratur ad inculpatas actiones peragendas , prius cognoscere necessarium erit ; ab hac suppositione neque *Galenus* ipse recessit , nam *Galenus* morbum non agnovit , nisi in facultatibus læsis , constituitque apud *Galenum* essentiam morbi facultatum læsio.

Videndum nunc est , an facultates in vivente propriam habeant substantiam , & à temperamento tantum dependeant , ut *Galenus* placuit , an verò ipsæ à simplici quadam entitate æthereâ , & energetica in spermaticis viventium partibus implantatæ exerceantur , ut *Hippocrates* prius , deinde *Plato* , & *Aristoteles* sensere.

Galenus sententia , præterquam quod Atheismum includit , & animæ substantiam , præter temperamentum obstinatissime negat , ut toto titulo de substantiâ facultatum naturalium , & titulo : an animi mores corporis temperiem sequantur , hac demonstratione de fallitate convincitur : Nemo dat , quod non habet : elementa vitam non habent , ergò vitam dare non possunt. Respondent , distinguendo minorem , vitam non habent elementa separata , & simplicia , concedunt : non habent vitam elementa mista , negant. Sed iterum contrâ : mistio elementorum si vitam efficeret , ubi vis fuerit elementorum mistio , ibi vita foret : sed omnia corpora Universi , in *Galenus* sententiâ , ex elementorum misturâ constant : ergò omnia Universi corpora vitam habent : Sed hoc est falsum : ergò &c. Præterimus , quod jam apud omnes sanæ mentis viros , elementorum quaternarium , earum qualitatum mistura , & ex eâ resultantia temperamenta indifferenter pro fabulamentis habentur.

Ad firmiorem *Hippocratis* sententiam transeamus , quæ vitam , spiritum impetum facientem asserit æthereæ naturæ , & hoc *Hippocratis* placitum , ultrò confirmavit *Aristoteles* ; qui relictis elementis , eorum misturis , & complexionum figmentis , naturam , & vitam dixit spi-

ritum proportionem respondentem elemento stellarum : & in definitione , quam de naturâ tradidit , (idem enim est vita , ac natura in viventibus ,) profundiori intellectu hanc veritatem expressit : dum dixit : *Natura est principium motus , & quietis in iis , in quibus inest per se , & non per accidens* , quod motus principium nullo modo in elementis concedi potest , cum moveantur , & non moveant , & cum in elementis tali , & tali modo misceri , & non misceri sit merè per accidens , elementorum miscela vitam nullo modo efficere potest , quæ per se , & non per accidens in vivente inest. Diderat id fortassè *Aristoteles* à *Platone* , qui vitam , sive animam è corpore separabilem , non autem cum complexione corporis dissolubilem docuit.

Horum nos Philosophorum sententiam libenter amplectimur , quia veram agnoscimus illam , & cum illis sustinemus vitam in viventibus esse spiritum æthereæ naturæ , simplicis , & homogeneæ , motus principium in se habentem , in spermaticis corporis partibus stabulantem & secundum organorum dispositiones , in iis vitam exercentem. Hic spiritus per artus diffusus corporis agitat molem , & ubique unus , & idem membrorum diversitate diversas molitur functiones , non secus ac eadem manus cum calamo scribit , penicillo pingit , gladio ferit , habenâ equum regit , ita vitæ spiritus cum naribus olfacit , auribus audit , palato gustat , manibus apprehendit &c. ut fusiùs diximus in nostrâ *Trutinâ Medicâ lib. 1. c. 2. de Apoplexiâ*.

Itaque nobis concipienda est vita in viventibus pro entitate quadam simplici , homogeneâ , similari , undequaque corpus penetrans , partibus spermaticis , & tenuibus earum fibris inserta ; quam ut percipiamus , sciendum est , quod Vita animalium est de naturâ lucis , sive ipsa lux est , id quod intellexit *Aristoteles* , dum illam dixit *Proportionem respondentem elemento stellarum* , nam elementum stellarum lux est , ac eodem modo se habet lumen cereum in medio obscuri cubiculi positum , quod sui diffusionem aërem cubiculi æqualiter penetrans , circumstantes parietes illuminat , ac sicut lumen candelæ in elychnii fibris subsistit , ita animalium vita in fibris spermaticis ex semine productis subsistit ; nec aliter lumen candelæ cerâ , sevo , vel oleo per fibras elychnii resolutum inducendo perseverat , ac vita animalium nutrimento ex cibis parato , & per fibras spermaticas diffuso perseverat.

Se habet ergo vitâ in corpore viventium ad modum Lucis ; quæ in cubiculo tunc circumstantes parietes claro splendore illustrabit , cum nullum corpus opacum inter lucem , & parietes interponitur , & cum circumstantes aër purus , & absque ullâ nebulâ præbet illi transitum , denique ut si aliquod corpus sit inter lumen , & parietes positum , illud simplex sit , & crystallinum omni prorsus colore expers. Nam contrâ , si inter lumen , & parietem ponatur corpus opacum , interceptur luminis continuïtas , relinquitque parietem obscurum. Si verò ambiens aër purus non sit , sed nebulosus , tunc languidum , & inæqualem splendorem lumen in parietes diffundet ; ac tandem si corpus diaphanum Luci opponatur , quod sit viridi , vel rubro colore tinctum , tunc radii per illud corpus tinctum transeuntes , colore polluti transibunt , ac in pariete colorem corporis diaphani pingent.

Exemplum Lucis ad vitam transferre viventium , vel imaginamini ipsam viventium vitam lucem esse calidam se moventem , & in corpore viventis veluti in cubiculo clausam , hæc à centro corporis in totam circumferentiam , lumen , & calorem diffundit ; per humores optimè ad vitalitatem dispositos transmittens radios , non secus ac lux candelæ per ambientem aërem potissimum , atque dum sic in vivente res est disposita , inculpa-

inculpata salus in illo observabitur, omnes functiones organorum perfectissimæ erunt, omniaque optimè se habebunt, ex eo quia lumen vivens in corporis centro implantatum, absque ullo impedimento purissimos suos radios calidos per corpus usque in illius circumferentiam diffundit. Salus ergò in vivente semper morbum præcedit, tunc inculpata, & perfecta in viventibus erit, cum quicquid in corporibus informat, illam puritatem, & perfectionem habeat, quam vita exigit, ad hoc ut in illud suum lumen, calorem, & motum impertiatur, ac tunc perfectissimæ, & inculpate totius corporis, singularumque ejus partium functiones erunt.

Declarandum nunc superest, ut morbus in sano corpore accadat, ac ut à similitudine Lucis in cubiculo obscuro non discedamus, dicimus, quòd non aliter morbus in sano corpore producitur ac umbra, caligo, & radiorum coloratio in illuminato cubiculo fiunt. Fingamus enim in cubiculi medio clarissimum lumen ardere, quod purum sit illud circumstantans ambiens aer, & tandem quod nullum corpus opacum, vel diaphanum coloratum sit positum inter parietes, & lumen. Certissimum est cubiculum tam in suo medio, quàm in circumstantibus parietibus æqualiter illuminari, verum esto, ut inter lumen, & parietem, opacum corpus ponatur, illicò in pariete pingeretur umbra corporis, quæ umbra licet occasionaliter à corpore causetur, tamen & effectivè à lumine fit; nam umbra aliud non est, nisi spatium alio spatio; in quo non est umbra minùs illuminato nullum adesse corpus solidum opacum, sed quod ejus medium sit tenebricoso fumo turbidum, tam caligans, debile, exileque lumen observabitur, & tam in medio, quàm in parietibus, quod quidem occasione fumi advenit, sed efficienter, & effectivè caligo illa à lumine nascitur. Esto demum fumum non turbare medium aërem, neque corpus opacum interponi, sed corpus diaphanum illudque viridi colore tinctum, observabitur, quod trans corpus diaphanum fertur, ubi in pariete terminatur, viridem efformat umbram, quæ etiam à lumine efficienter fit, occasionaliter verò à corpore diaphano viridi. Interest multum in hac morborum physiologiâ, ut differentiam participantis inter causam occasionalem & causam efficientem cognoscamus quæ differentia clarissimè innotescet, si mente percipiamus, quòd causa occasionalis est illa, quæ indifferens est ad aliquem effectum producendum, & perseverare potest absque eo, quòd talis effectus sequatur, & hujusmodi in allatâ doctrinâ sunt corpus opacum, fumus, seu nebula, & corpus diaphanum tinctum, quæ umbram, caliginem, & tincturam in lumine induxerunt, nam si lumen à cubiculo auferatur, licet ibi dicta corpora remaneant, uti prius erant, umbram, caliginem, & tincturam tamen non inducent: causa verò efficiens est illa, quæ ad affectum producendum non est indifferens, sed necessaria, ut est lumen, quod si à cubiculo auferatur, remanent ibi suprà notata corpora, neque coloratio produceretur.

Exemplum nunc lucis ad viventium vitam transferamus, quam in corpore sanitatem producere diximus, quoties summam humorum puritatem, per quos transit, ut corpus vivificet, invenit, inculpata sanitas adest, & quoties in iis nil degeneratum, vel corruptum reperit, sed caliginosi sunt humores, vel in iis aliquid corruptum, vel degeneratum adsit, statim morbus in promptu est; ac ut nil ab allato lucis exemplo discedamus: finge tibi humoris particulam jam corruptam esse respectu vitæ, veluti corpus opacum respectu lucis, ac quoties id accidit, producitur in illo membro ob interpositionem humoris corrupti, per quem vita

penetrare non potest, ac tunc morbi eveniunt, qui apud *Galenum* solutæ unitatis nomen meruere. Si verò impuritas sit aliqua humoribus commista, illosque turbidos reddat, tunc lumen vitale per illos transiens caliginosum reddit, depravatasque operationes tunc in membris exerceri necesse est, producitque illos morbos quos *Galenus* & *Galeniste* ad intemperies reducant. Demum, si humores degenerati fuerint, scilicet quòd ubi falsi esse deberent, facti sunt accidi, ubi fluidi, viscidi, ubi volatiles, & resolutibiles, fixi, & constantes, tunc vitæ evenit, quod luci ab opposito vitro colorato evenire prædiximus, scilicet quòd radii vitales per tales humores degeneratos transeuntes secum ferant in membra degenerati humoris colorem, quo colore polluti puritatem, & simplicitatem vitæ exercere non possunt, sed membrorum functiones degeneres eruat: ut degener est vita quæ illas efficit, & hi morbi respondent illis morbis, quos *Galenus* & *Galeniste* à totâ substantiâ, delecteriâ qualitate, causâ arcana, & latenti procedere adstruunt. Occasiones ergo, quæ ad morbos omnes producendos vitam disponere possunt, ad tria genera reducuntur scilicet ad humores in corpore corruptos, vel ad aliquid aliud, quod licet corruptum non sit, utilitate capax esse non potest, ad humores impuros, & ad humores degeneratos. Vel tamen semper est memoriæ tenendum has causas ad hæc tria genera reductas, semper occasionales existere, ut suprà notavimus, nam illæ post mortem adhuc in cadavere perseverant, tamen morbum non producant; ex eo quia vita cessavit, quæ umbram, caliginem sive colorem ab his causis nata, efficiens causa morbi esset: ergo ex hac integrâ doctrinâ, quàm tradidimus, conclusionem hanc elicimus, scilicet quòd *Morbus in genere sit ens naturale physicum in viventibus constans ex ipsâ vitâ, tanquam ex materia; & ex umbrâ, caligine, vel colore à causis occasionibus in vita productis, tanquam ex semine. cujus deinde entis naturalis effectus sunt functionum membrorum læsiones.* Superesset pro doctrinæ integritate hinc explicandum entia omnia naturalia physica generabilia, & corruptibilia ex duabus tantum causis, materiâ scilicet, & semine in universo produci; verum de his fusiùs in nostrâ *Pyrotechniâ* egimus.

Cap. 3. De Luis Venereæ essentiâ.

MORBI in genere constitutâ essentiâ, ad Luem Veneream illam traducemus; ad quam exactè intelligendam dicimus, quòd quicquid suprà retulimus de hujus morbi origine, alii atrâ, alii Indias, alii imperscrutabilem causam &c. accusavere; nos ad causam naturalem physicam, & in viventibus corporibus producibilem reducimus, quod sic demonstrandum aggredimur.

Ulcus quodlibet chronicum, quod in vivente corpore ex temporis longitudine, & ex contractâ pravitate esthiomenum; sive malignum factum est, suam eructat saniem colore, odore, & sæpè acredine virulentâ, & aspicientibus perhorribilem, quæ sanies uti est omnium Medicorum consensus, aliud non est, nisi ulceratæ partis nutrimentum: tam ob continui solutionem, quàm ob exortam ibi pravitatem degeneratum, sive transmutatum in hoc aliquid acutum, & acre, quod sui contactu succedens, nutrimentum dulce, quod in ulceris locum natura transmittit, in suam materiam perenniter transmutat, unde succedit quoque ulceris perennitas.

Hac doctrinâ positâ, dicimus, quòd si inveniretur homo adeò sordidus, qui linguam, vel denudatum præputium in impuro aliquo ulcere esthiomene detinere

per aliquod spatium, ut halitus calidi ulceris in linguam, vel in glandem impingeret, si statim aliquo lavacro dictarum partium non fieret absterfus, hic in lingua, & glande jam ulcus esthiomenum contraheret, verum id non evenit, nam talis approximatō existimatur cuilibet homini sani iudicii impossibilis, atque si fortasse talis eveniret contactus cum partibus corporis perfectæ cute obductis, non autem tenui epidermide, non induceretur quidem ulcus, ex eo quia ulceris halitus ob cutis duritiem spiritum sensitivum attingere non possunt, qui deinde halituum ideis imbutus, proprium corrumpet nutrimentum ad ulceris productionem; etenim si quis digitum in saniosâ Lue Venereâ infectæ mulieris vulvâ detineret, digitus Luem non contraheret, quam illic contraxisset, si glandem, non digitum immisisset. Confirmat id quotidiana experientia, nam si in congressibus Lue Venereâ pollutis pustulæ, caries, ficus nunquam in cute externa penis pullulant, licet illa cum contagiosâ vulvâ contactum habuerit, sed in glande, in parte internâ præputii, ac circa coronam efflorescunt, & ratio est, quia non sufficit halituum virulentum viventis carnem attingere, ut illam polluat, sed requiritur, ut spiritus sensitivus illius carnis virulentiam halitus sentiat, quod in partibus, quas tenuissima epidermis cooperit statim accidit; in cute verò aut nunquam, aut ex longâ applicatione.

Ex his observationibus, & experimentis deducimus id, quod supra proposuimus scilicet quod ex physicis causis in vivente corpore existentibus Lues Venereâ originem duxit; enim verò si demus casum, aliquam mulierem ex causâ non gallicâ ulcus malignum intra uteri vaginam contraxisse, illudque saniosum. Demus casum, virum illius ulceris inscium cum dictâ muliere coire, dicimus talem virum ulcus in parte aliquâ sub præputio contrahere, ex eo quia sanies in ulcere mulieris exaltata penetrat suâ acredine epidermidem partium intra præputium contentarum, ac spiritus sensitivus sub ipsâ exoritur, ob Venereæ actionis motum, Labem illius saniei contrahit, quam deinde nutrimento sibi proximo imprimit, quod à suâ degenerans indole & in corrosivum transiens, ulcus extemplo aperit. Sic contrâ, si vir in præputio tali laboraret ulcere, & cum sanâ coirêt mulier, mulier ulcus contraheret: nam cum ob concubitûs turpitudinem, neque mulier virum, neque vir mulierem intra pudenda aspiciat, alter alterius ulcus non advertit, ac propterea ab eo non exhorret.

Ex hac ratione Sacræ literæ toto *Levit. XV.* huic suspicioni consulunt, quod tam severe gonorrhœâ laborantes, ad alios accedere prohibuerint, omneque quod attigerint pro immundo habendum, & si testaceum quid sit, frangendum, ligneum verò & cætera aquæ immergenda, mandaverint, ne aliquis ab eis inficeretur. Non negavimus tamen antiquitus hunc morbum fornicatoriam non exercuisse turbam, sed à suis ægris semper fuit cœlatus; est enim pudibundus, & in illis incipit, quibus à pudore nomen est, & à mulierum sexu nec in optima constitutione, multò minùs adeò spurie pustulata, & non nisi extremâ necessitate lethali Medicis ostenduntur, quod ubi tum forsan quandoque observatus, pro aliò acceptus fuit.

Hoc posito, quod dubium non admittit, dicimus; quod in obsidione Neapolitanâ cum è Civitatis lupanaribus meretrices expulsæ fuissent, illæque in Gallorum tentoria se recepissent, facili negotio earum plures tali ulcere in uteri vaginâ laborabant, in quibus cum se exerceret militum incontinentia, & alternatio, quid mirum fuit, si totus exercitus in pudendis saniosâ contraxerit ulcera? Quid mirum fuit, si meretrices ab exercitu in civitatem reduces Neapolitanos deinde infece-

rint? Et tandem quid mirum fuit, quod Galii in Galliam redeuntes, in illam regionem ulcerosum illum morbum transplantarint? Quod idem de Hispanis quoque Neapoli in Hispaniam revertentibus existimare possumus. Concludimus ex his itaque nostram hanc esse sententiam scilicet Luem Veneream semet originem duxisse ex ulcere maligno in utero mulierum, vel intra præputium virorum ab intinseco producto, non autem ab externo contagio.

Præterea ex hoc modo originis Lues Venereæ deducimus id, quod à nemine in dubium vertetur, id est, quod sanies, pus, halitus, sive effluvium illud ab infectâ muliere resultans, quod adhærendo epidermidi, præputium sani viri inficit, omnes suæ activitatis gradus, & contaminandi energiam in pollutæ mulieris utero acquisivit; ita ut inde emanans, omnes habeat proprietates, quæ necessariae sunt ad epidermidem viri penetrandam; ac spiritum sensitivum sub eâ latentem attingendum, illique imprimendum id, quod suam subvertat œconomiam, ut proximum nutrimentum degener efficiat; nam si dictas proprietates in mulieris pollutæ utero non acquisivit, quicquid in viro sano producit, producere non posset: exemplum est in septicis, & escharam producentibus, quæ nisi activitatis gradum à naturâ, vel ab arte exegetint, cutem urere, & escharam inducere non possunt.

Quomodo hoc activitatis gradus acquirat sanies illa & quomodo sanum alioquin nutrimentum ad suam convertat virulentiam, philosophandum est.

Dicimus igitur, quod pars ciborum, quæ ab illis pro nostro nutrimento educitur, spiritus est falsus, & volatilis, ut fusiùs in *Trutina Medica, lib. 4. cap. 1. de Ventriculi actione* tradidimus, hic per corporis fibras, se insinuans, nos recreat, & sustentat, ac deinde in halitus, effluvia insensibilia per cutem resolvitur: verum si spiritus iste ob expultricis defectum, vel ob ejus resistantiam totus non resolvatur, & pars illius in aliquo remaneat membro, membri calore agitatus fermentescit, & ex falso fit acidus, ut mechanicè de ciborum actione in ventriculo probavimus: evenit illi spiritui nutritio id, quod vino accidit dum ex novâ sui spiritus motione in acerrimum mutatur acetum, quod erodit, exulcerat, spiritum irritat sensitivum, lapides, perlas, & corallia solvit, quæ omnia, dum vinum erat, non efficiebat, ac si deinde vi caloris naturalis ulterius exaltetur, in septicum, & exulcerantem transit liquorem: Ut de sale nitro observamus, quod si caloris vi in retortâ cum bolo armeno agitetur, exaltatum emittit liquorem, qui si nostræ carni applicetur, in illa ulcus inducit, quod non faciebat; dum erat in formâ salis; ut hoc modo quoties nutrimentum nostrum non omninò resolvitur secundum naturæ leges, & in membris remanet, fermentescit, acescit, & in erodentem, exulcerantemque abit sanie:

Videndum nunc, quomodo parva particula hujus degenerati nutrimenti, & in sanie versâ, magnam quantitatem perfecti, & sani nutrimenti in sui malitiam convertat, quod idem est, ac causam cognoscere, cur una aceti libra vini cadum in acetum convertat, & vini cadus aceti libram in vinum convertere nequeat; & pastæ fermentatæ uncia paulatim quantavis azimæ pondera in fermentatam convertat, & mille libræ azimæ unciam fermentatæ in azimam convertere non possunt, quæ exempla respondent interrogationi, cur in corpore viventi parva pars gangrenata, vel corrupta reliquum sanum corporis mortificet, vel corrumpat, & reliquum corporis sanum parvam partem gangrenatam, vel corruptam sanitati, vel vitalitati restituere non possit. Tanquam non arcanum insinuant antiqui: *Quod rancitur à putrido, putridum fit.* Sed animadvertere debeant,

bebant, quòd, id est rusticis notum, philosophi iudicii erat quomodo id eveniebat, nam evenire ex re ipsa patebat.

Ut luce clarius hoc, quod valde arcanum est in naturâ innotescat, supponendum primò est, quòd ad hoc ut inter duo corpora actio, vel motus succedat, debet inter ea intercedere symbolum, scilicet, quòd unum alterius naturam participet, nam aliter ex amborum contractu nulla succedet alteratio, nullusque motus; nam si acetum cum oleo, vel melle misceatur, neque mel, neque oleum in acetum convertet, quia mel & oleum acetum naturam non participat: verum si acetum cum vino misceatur, quia ejusdem sunt naturæ, acetum ad sui naturam vinum convertit.

Secundò, supponendum est, quod quoties liquor volatilis in aliud corpus se fixius ejusdem naturæ agit, liquor volatilis fixat, & in naturam corporis, in quod agit, transit, juxta illud chymicorum: *Omne volatile agens supra fixum, fixatur*. Sic vini spiritus, si cum sale tartari misceatur, pro eâ parte, qua sal est, in sal tartari transmutatur. Sic Spiritus salis communis, vel vitrioli si cum sale communi, vel tartari misceantur, fixantur, & in fixa salia transmutantur. Idem accidit de aceto destillato, quod si corpus aliquod rodit, cum eo figitur, & in sal transmutatur.

Tertiò, supponendum est, quòd quilibet liquor falsus, volatilis, & cremabilis, dum ex falso in acidum degenerat, fit fixus, amplius non inflammatur, & caloris actioni resistit. Clarum est hoc in vino, quod si destilletur, spiritum reddit falsum, volatilem, & accensibilem: sed si dictus spiritus in ipsomet vino acefcit, ita ut vinum acetum fiat, tunc si destilletur, acetum non amplius spiritum falsum, volatilem, & accensibilem reddet, sed liquorem acetosum, non accensibilem, & ab actione caloris in salem fixum reducibilem.

Ex his suppositionibus deducimus, quòd idè acetum libra mille vini libras in acetum convertit, & non contra mille vini libræ unam acetum libram in vinum mutare possunt, quia inter vinum, & acetum intercedit symbolum ejusdem naturæ, & quia vini spiritus volatilis, & falsus tangit in aceto alium spiritum acidum & fixum; sed ex secundâ suppositione, quoties volatile tangit fixum, fixatur, & in fixi naturam convertitur: ergò necessariò evenit, ut parva acetum quantitas quantum vini tangat, tantum in acetosam sui naturam convertat.

Exemplum hoc nunc ad rem nostram traducamus: Ut supra notavimus, quoties nutrimentum in aliquo membro viventis non resolvitur, acefcit, & ex volatili fit fixum, ita ut natura, & membri calor illud resolvere non possit, hoc nutrimentum fixato in membro existente, dum sanum nutrimentum falsum, ac volatile in membrum advenit, & fixatum illud attingit, acefcit illicò, & in naturam illius fixi fixatur, & hæc est fundamentalis ratio, cur parum putridi multum sani corrumpat, & multum sani parum putridi sanum reddere non possit, scilicet quòd fixum constanter est volatili, & transmutat, & non transmutatur à volatili, cujus participat naturam. Eodem modo de Venereâ lue discurrendum est, nam nutrimentitius liquor volatilis est, & falsus, ac quoties fermentum Venereum, quod acutum, & acidum exaltatum est, nutrimentum sub epidermide gliscens inficit, degenerat, exaltat, & figit, proximas inquinando partes, per exaltationem, & fixationem, erodentem acquirit acorem: fermentum hoc non est neque admodum fixum, neque summe volatile, sed medium quid, nam oritur ex congressu cum muliere infectâ & raro, vel nunquam per simplicem communicatur contactum, sed vel aliqua requiritur mora, vel concubitus, nec om-

nes cum eadem infectâ coeuntes inficiuntur, nec eodem modo. Unde, ut his theoriis finem imponamus, ex traditis doctrinis hanc definitionem veram Luis Venereæ essentiam constituentem deducere possumus. *Lues Venerea est ens naturale physicum in viventium corporibus productum ex spiritu sensitivo, tanquam ex materia, & idèa corrosiva & corrupta proprietatis à contractu saniei à contaminato membro producta, desumpta tanquam ex semine, quod in vivente proximum prius nutrimentum, deinde sanguinem, tertiò partes spermaticas molles, tandem cartilagineas, & ossa corrumpit.*

Liceat nobis aliquantulum digredi, & aliqua adducere problemata, quæ ad ulterioris hujus luis notitiam, ejusque causarum faciunt intelligentiam, &

Primum est, cur hæc lues hic Neapoli, ubi primum innotuit, ferè adèd sèva, & formidabilis fuerit, ut ferè semper perniciofa, & lethalis extiterit, quàm nunc temporis adèd mitius, & amicus se gerat, ut nunquam ferè sit perniciofa, & lethalis?

Respondemus primò, id accidisse à corporum, qui inficiebantur, dispositione; cum enim in castris magna fuerit fames ob annonæ caritatem, pravisque cibis se impleverint milites, magnus, pravusque in eorum corporibus fuit apparatus, in quem cum lues inciderit, in eo majores exercuit vires, tum ob passi dispositionem, tum ob luis agentis activitatem.

Secundò; morbi novitate id accidisse, quia initio vehemens timor, & terror omnes capiebat; in malis, namque contagiosis gravius afficiuntur, fortiter pertimescentes.

Tertiò, quia initio hujus luis curatio non nota fuit, unde omnes morbi contagiosi magis in eorum initiis sunt sæviore, quàm in declinatione. O terque, quæ miseri, quibus sub horum morborum initio ægrotare contigerit, cum ferè omnes occubuerint, nam Medici per hominum mortes tentant experimenta, antequam ad alexipharmacum deveniant. Nunc multò mitius agit lues, tum quia, quæ inficiuntur corpora non adèd, ut tunc, pravo detinentur apparatu; tum quia lues parvi æstimatur, imò flocci fit; tum etiam quia, & verior ratio est adinventæ ejus curatio, nec amplius perniciofa, & lethalis existit.

Secundum est, cur quandoque hæc Lues illicò post unicum venereum congressum manifestetur; interdum post plures concubitus, & maximâ cum difficultate contrahatur, & quandoque diutius lateat, ut post hebdomadam, mensem chymicum, & tandem etiam post triginta annos, & ultra, ut refert *Fernelius* de abditis rerum causis; quo tempore nullum sui exhibeat indicium?

Respondemus id partim fieri ex Luc, partim verò ex corporis constitutione. Ex parte Luis, quando fermentum Venereum est adèd exaltatum, activius, & volatilius, ut activitate suâ, & volatilitate epidermidem penetret, & liquorem alimentitium volatilem exaltet, vel figat, ut in hujus Luis initio evenit. Multoties nos quosdam ægrè curavimus amicos, qui gonorrhæas, caries &c. contraxerunt, non ex membri virilis in uteri vaginam ingressu, sed tantum ex penis perfrictione circa labia cunni quarundarum puellarum, quia se virgines simulabant, concepto Venereo fermento ex effluviis, quæ ex istarum colluviariis exhalabant. *Eustachius Rudius* se vidisse narrat quasdam meretrices tam volatile, & exaltato veneno Venereo infectas, ut omnes, qui cum his rem haberent, non solum illicò obirent, sed gravissimis corriperebantur symptomatibus, quæ nulla arte & præfidiis tolli, vel saltem mitigari potuerint, imò nonnulli non multò post suum obierint diem. Tum ex parte Luis, quando fermentum est magis fixum, quàm volatile, & otiosè penetrat; unde diutissime delitescit absque sanitatis læsione, non secus ac favillæ sub cineribus, & ejus semen per decennium,

nium, & ultra reconditum manet, ejusque progressus est insensibilis, donec tandem penetrandi vi majori præditum fuerit, magisque subtile, & in vetustatem abierit. Ex parte corporis, quando est optimæ constitutionis, compactum, & densum, crassis exuberans succis, & præcipuè si ictu oculi venereum compleat actum. Hinc prostibulæ non faciliè labem concipiunt, quæ membranam uteri vaginam constituentem, lævem, lubricam, & humore oblitam viscido habent ex assiduâ perfricatione, quia immissum semen eodem ferè momento labitur, cum quo simul faciliùs secedit virulenta illa materia, cujus adhæsiōi sufficiens non suppetit tempus. Vel ex parte corporis, si pravis scateat succis, si molle, laxum, veluti raræ texturæ sit; si penem longum, glandem laxam, & præcipuè si diù in concubitu moretur Venereo, major inducitur fermenti agitatio, & faciliùs contrahitur Lues.

Tertium problema est, An vir, & mulier non infecti inficere possint?

Respondemus, quòd non ex famigerato illo axiomate: *Nemo dat, quod non habet*. Hoc tamen non obstante, dicimus cum virum, tum mulierem posse inficere licet actu non infectos. Hoc faciliè intelligetur, si in actualem, & radicalem distinguamus infectionem. Unde non infecti nec actualiter, nec radicaliter sine dubio inficere non possunt; actualiter infectos experientiâ notum est inficere? radicaliter infecti licet hac non molestantur Lue, continent intra se ejus radicem per actualem Luem jam olim susceptam, non curatam, vel negligenter, quæ non otiosa in corpore latet, sed lentè inficit, donec tandem, superatâ resistantiâ, infectio fiat actualis. Unde accidit quandoque mulieres radicaliter infectas, & absque actuali infectione inficere, & præcipuè tunc cum menstruas patiuntur purgationes, quia tunc periodicè natura pravorum humorum cum aliquâ Luis portione inquinatum colluvies per uterum purgant, & facili negotio inficere possunt. Hinc scortatorum vulgus sanguinum contrarietati conceptam refundit labem. Contrà verò quæ nullatenus Luem passæ fuere, estò menstruorum tempore rem habeant cum viris, nil mali reportant isti nisi virile membrum sanguinolentum, & veluti elixum, vel vibicibus obsignatum ad breve tempus. Accidit etiam quandoque quòd meretrices nullâ prorsus labe infectæ rem habent cum aliquo Lue Venereâ infecto, coinquinatum in utero excipiunt semen, si postmodum illicò alteri jungantur viro, semen illud coinquinatum in secundo concubitu excernunt, à quo secundus scortator inficitur, & ipsæ liberantur, & sanæ permanent. Idem accidere potest in viris, & nos novimus quemdam amicum, qui rem cum habuisset cum quadam prostibulâ, statim adivit quandam mulierem castam, & connubio sociatam, quam pluries incassum ad Veneris palæstram sollicitaverat, & paucis suam compressit, cui virulentam transfudit gonorrhœam à Prostibulâ contractam, & ipse liber exitit; & hanc nos mulierem breviter, & clam curavimus.

Cap. 4. De Luis Venerea Sede.

HActenùs de Luis essentiâ, nunc de ejus sede inquiramus oportet, in qua statuendâ non una, eademque sententia est, sed ingens sententiarum cumulus, & quot in medicinâ sectæ, tot emergunt sententiæ.

Nonnulli cum *Leonice* hanc sedem esse cutem voluerunt, quia hæc non minùs quàm in scabie, lichene, & similibus exulceratur, & inficitur. Sed non semper sola afficitur cutis, verùm & aliæ partes internæ, ut pudenda, fauces, nervi, cartilagine, & ossa, quæ cariosa fiunt, ideòque hæc Lues inter cutaneos non connumeranda est affectus.

Alii hujus subjectum esse caput affirmant, tanquam illud, à quo semen emanare creditur, & quòd frequentius ulceribus, acoribus, capillorum defluvio, & dolore Luis vitio tentatur. Verùm id non est perpetuum, sed quandoque accidit; ideòque perperam pro Luis Veneris regiâ caput assignat.

Multi pudenda primariò affici existimant, quia in pudendis ex impuro concubitu prima Luis vestigia apparent, quæ nisi suo curentur alexipharmaco, statim affectio invalescit. Sic glans, & præputium cariat, & exulceratur, caro callosa sepe longo tempore durefcit, accedunt gonorrhœæ, & bubones in inguinibus vberant. Sed esto negari non possit à pudendis Luis originem esse, & præcipuè sese eò loci prodere, tamen id non est perpetuum, licet ut plurimum accidat, sed etiam per oscula, amplexus, sudores, & vestes idem morbus contrahi potest; attamen per amplexus, sudores, & vestes non ita faciliè contrahitur Lues, nisi longum post contactum. Imò infantes etiam per Lac, quòd à nutrice sugunt, inficiuntur, & qui hoc inficiuntur modo, nil in pudendis apparet. Verùm id experientiâ nos falsum deprehendere fecit, nam moniales Surrentinæ cum ferè omnes formosam infantem ubera infectæ nutricis sugentem, deosculatæ fuissent, intra quadraginta dierum spatium; aliæ gonorrhœas, aliæ caries, pustulas, vel ulcera, & aliæ bubones in pudoris sinu contraxerunt; & nos multoties Luem in puerorum, & nutricum pudendis ex lactatione contractam curavimus.

Aliqui hujus Luis subjectum partes spermaticas dictas, nervosas, ac membranosas esse crediderunt. Verùm hic morbus non solum nervosas, & membranosas afficit partes, sed etiam carnosas.

Plerique omnes nostri corporis partes esse Luis subjectum asseverant, cum nullum membrum peculiare in nostro sit corpore, quòd perpetuò in Lue non inficiatur; ideòque nullam partem certò assignare possunt, quæ illam determinatè recipiat, & subiectet. Hoc illam deprehendimus, ut infra suo modo dicemus, cum nunc illam afficiat partem.

Hercules Saxonia triplex huic malo assignat subjectum, aliud in principio, scilicet dum recens est, pro subjecto ei spiritum naturalem seu partem massæ sanguineæ vaporosam, & deinde succos excrementitios, & tandem alimentitios. In medio, scilicet cum progreditur, succos adustos, & ex partibus ventriculum, & hepar affici, atque hinc chylosum, & hæmatosin lædi. In inveterato affectu subjectum fore subdit succos pituitosos, crassos, & seminales particulas, ossa scilicet, nervos, & membranosa corpora. Verùm *Saxonia* cespitat in Luis assignando subjecto; sive enim Lues recens sit, sive antiqua, idem subjectum habere debet, & non migrare de subjecto in subjectum. Præterquam quòd istum chylum nunquam natura cognovit à parte rei, nisi in medentium phantasiis, ut rationibus, & experimentis in nostrâ *Trutinâ Medicâ lib. 4. cap. De Ventriculi actione* fusiùs probavimus. Nec hepar est sanguinis officina, ut hætenus creditum est, sed tantum viscus, per quòd sanguis transcolatur venalis.

Omnes nostri barbat, scilicet *Galenista*, nemine discrepantè, sanxerunt hanc Luem hepatis figere sedem, his suasi ineptiis: Lues hæc est affectio diuturna nimis, imò ibi fixerit radices, ferè nunquam evulsas vidimus illas; ideòque necesse est perennem in aliquo viscere habere fomitem, cujus maleficio tam pertinaciter perseveret. Præterea universum compati, & condolere corpus in hac Lue videtur, dum nulla extat pars, quæ ejus infectionem non persentiat: necessum igitur est aliquam statuere partem, qua dum cæteræ noxium recipiunt succum inficiantur, & in infectione conserventur, alioquin

quin, deficiente hoc assiduo accursu, difficile non esset priorē receptum succum dissipari, & evinci, eoque magis quod aliqua per intervalla fœdus initium videtur, dum per aliqua temporis interstitia feriata, tanti hostis arma observantur; sed quia postmodum nova accurrit materia similiter infecta, hinc affectionis perennitas oritur: aprior pars ad hujusmodi perennitatem fovendam excogitari non potest, quā hepar, cujus actio toti corpori necessaria est, cum partes omnes nutritione indigeant, & hepate, à quo sanguificatio pender: hoc igitur viscere malè constituto, depravetēque operante noxæ, & læsiones, quæ in hac Lue accidere solent, sunt hepatis, & functionum ejus, ac naturalis facultatis, quæ in ipso resident. Hujusmodi sunt vitiosa nutritio, per quam corpus pravè, & vitiosè nutritur ob excrementorum copiam quæ ex hoc proveniunt: hoc totum incidat floridus faciei color defloratus, excrementorum in corpore congeries, sanguineæ massæ conspurcatio, coctionum læsiones, corporis emaciatio, pilorum casus, pustularum, aut ulcerum proventus, ossium adhesiones, variaque tuberculorum genera. Concludunt tandem Luem hanc specificam habere inimicitiam cum hepate, & per unum contrahi membrum, ejus tamen fontem, seu primariam sedem esse hepar, illudque primariò à virulentâ infestari Lue, & per id reliquas partes hanc contrahere Luem.

Ab *Aristotelis* ævo ad *Galenī* usque sæculum hepar viscus abjectum, inutile corporis pondus, ignavum parenchyma nullius usus, nullius functionis vixit, per accidens tamen corpori necessarium. At suo sæculo, dum medicinam faciebat *Galenus*, abjecti hepatis partes fovere cœpit, & græcalicâ loquacitate absolutum in animantis republicâ dominium illi tribuit, ad thronum evexit, illudque omnium partium corporis Monarcham constituit, ipsum vitæ œconomiae præfecit, & reliquarum in corpore partium famulatum dicavit. Ab eo ventriculum calorem, intestina fotum, cor, & arterias sanguinem, cerebrum materiam pro spiritibus animalibus creandis, generationis organa materiam pro Semine, universumque corpus sanguinem pro nutrimento mendicare fancivit, unde credula, & inepta Medicorum posteritas hepati plaudere cœpit. Sed parvo quodam venarum lactearum phænomeno à *Pecqueto* propalato per sacculum lacteum, deinde per Lacteas thoracicas chylum in subclavias ascendere, ac demum in dexterum cordis ventriculum, hepar suspectum esse, & acceptum per tot sæcula imperium quod usurpaverat, amittere cœpit, & fatali quoque necessitate hoc nostro sæculo *Galenī* autoritas cum declinare cœpisset, ejus quoque sectatores declinare cœperunt, & ferè omnes medentes respiscere, & vertere terga *Galenō*, solum pauci remansere barbari hirco obstinatores, sed præter hos, quod maximè in republicâ medicâ dolendum, *Saleritanum Collegium* ceu *Galenī procurator per epistolam* illius tueretur causam medicinæ tyrones cogendo, antequam diplomate impunè necandi insigniantur, ut jurent in verba *Galenī*, estd collegium sit *Hippocraticum*: Adeò *Galenī*, præjudicio allegati hepar morborum omnium patronum tutantur, ut quemlibet sive magnum, sive parvum morbum hepatis tantum culpâ fieri, vel causari communiter arbitrentur, & nil corporibus accidit, quod despoticâ non patretur hepatis lege, quod adeò verum est, ut Veneream Luem, quæ ab externo in corporibus creatur contagio, in fonte hepate suam habere sedem unico consensu insinuetur. O bella Medicina, quæ ita quemlibet agafonem unâ horâ reddere Medicum potest, ut inter proceres *Galenistas* affideas! Sed ad *Galenistarum* hepar noster redeat sermo.

Hepar in Lue Venereâ primariò affici falsum esse

probatum primo. Qui per imparem congressum statim primò pudendorum cariem, pustulam, ulcus, gonorrhœam &c. contrahunt; certè neimò negabit Lue affectos esse Venereâ, & tamen in his hepar nondum laborat, cum luis initia sint. Eadem ratio procedit in iis, qui per osculum ex. c. hanc luem ab initio contrahunt, vel in faucibus citra hepatis infectionem. Secundo, Curatur nullâ hepatis habitâ ratione, imò brevi temporis spatio, adhibito medicamento, quod luem extinguit, quod sequi non posset, si communicata hepatis lues esset, necessariò namque in ejus gratiam plurima, & valida adhibenda essent medicamenta, quemadmodum facimus in reliquis affectionibus tale viscus assilgentibus. Terriò, Nulla malè affecti hepatis indicia post contractam luem apparent, cum diu, multumque perseveret floridus faciei color, facies namque (inquiunt) est hepatis probatissimum speculum, & index: quare si illud semper in hac afficeretur lue, semper etiam faciei color immutaretur, quod falsum deprehendimus; observavimus enim plures viros, pluresque mulieres hac labe infectos floridum faciei habere colorem, quod evidens signum est bonæ hepatis dispositionis, eique nullo modo labem fuisse communicatam. Quarto, Quando impurus exercetur concubitus, quærimus; quomodo à pudendis non primò infectis lues deferatur ad hepar, & ab hepate ad has remeet partes? Quomodo ad hepar deferatur, absque eo quod in itinere non inficiat partes? Quis fidus ductor, & remeator? Quæ semitâ id facit? Credunt forsân luem ventris crepitui non absimilem esse, qui calcaneum collimat, & nasum ferit; ita collimare ad pudenda, & hepar afficere.

Aliqui barbari nasutiores hujus sententiæ ineptias meditantes, ut hos effugerent scopulos, luem in duplicem statum discriminarunt, unam incipientem, cui nullam certam consignarunt sedem, quæ illam determinatè subiectet; alteram confirmatam, quam in hepate radicatam constituerunt. Sed perperam distinguunt luem, nam confirmata non tantum hepar, verum & omnes in humano corpore partes inficere potest, quod barbitonfores etiam sciunt.

Hermetici tandem luis sedem, & portitorem spiritum naturalem esse volunt, præcipuè illum, qui in sanguinis massâ consistit, infici, & inquinari à spiritibus venenatis ex alio sanguine infectis similiter exeuntibus. Verum hæc sententia *Hermeticos* fallit, nam ut docuimus in nostrâ *Trutinâ Medicâ*, præter spiritum vitalem non datur alius in corpore nostro spiritus. Præterea iste spiritus naturalis nil aliud est, nisi massæ sanguineæ vapor, qui à sanguine non differt, sicut aquæ vapor ab aqua non differt. Verum *Hermeticorum* sententia nec pilo quidem differentior est à *Galenistarum* placito; nam isti etiam volunt Luis causam esse venenum sanguinem depopulans; & jecur primariam offendens sedem.

Pro nostrâ sententiâ de Luis Venereæ Sede præmittimus, quod Lues nunquam partibus corporis perfectæ cute obductis communicatur; nam si quis digitum in vulvam lue contaminatam immitteret, utique digitus Luem non contraheret. Præterquam quod Chirurgi, & barbitonfores. infectorum curationi vacantes, caries, ulcèra, bubones &c. non semper Volsellâ, sed ut plurimum manibus tractant, quas frequenter virulentâ conspurcant sanie, & tamen omnes infectionis sunt immunes, ut quique in incurabili Xenodochio observare potest, ubi horum infectorum ingens jacet numerus. Hinc colligimus multò minùs credendum esse, ex vestium, cubilium, linteorum, indusiorum &c. usu hanc contrahi Luem. Deridendus itaque est *Fallopins*, qui refert quendam Venereâ correptum fuisse

Lue,

Lue quia easdem adhibuerat caligas, quibus utebatur tempore, quo Lue laborabat. Et idem quandam castam irridet Matronam, quæ ex aquæ Lustralis aspersione se hanc Luem contraxisse affirmabat. Solent quandoque bonæ notæ Medici simulare, & credere videntur tali pacto contractam fuisse Luem, ne ægrorum famæ detrahant: Ita asseruit *Averroës* quandam mulierem concepisse, quia semen exceperat in balneo antedecenter emissum, & reverà eodem in loco semen exceperat sed more consueto. Sed sub silentio hîc non involvendum, quod cuidam pulcherrimæ mulieri in Urbe accidit: erat huic conjux mercator, qui mercimonii causâ per octennium ab Urbe abfuit, tandem domum reversus, puerum in aulâ ludentem invenit, de quo quærenti, quisnam esset puer ille? respondit uxor, non cognoscis? Hic est filius tuus. Interroganti quot habebat annos? Sex inquit: Mirabatur, & secum obstupebat, post octo annorum absentiam reperisse filium. Quærenti, quo modo id accidere potuisset. Respondit uxor: Care conjux, quadam nocte per somnium mihi videbatur inter tuos amplexus, & oscula manere, teque mecum Veneris fœdus inire, ac illis conjugii deliciis concepî, & hunc quem vides, tuum peperî filium. At vir blandis uxoris dictis non acquievit, sed multa secum volutans, tandem plurimum Medicorum consilium convocavit ad inquirendum, an mulier per somnium sine mare concipere posset? Mulieris famæ prospicientes Medici, utique id casu accidere posse jurejurando responderunt, hos enim pecuniâ corruerat, qui illam compresserat: Multa ad id confirmandum adduxerunt, mulierem sine viri concubitu concipere posse, quia habet testes, in quibus prolificum gignitur semen, vim activam continet, uterum, & pro alendo fœtu materiam habet: Itaque dari potest casus fœminam per somnium concipere posse. Insuper equæ per equorum hinnitum ad distans sine equorum coitu imprægnari possunt, ut multæ extant historiæ, quia spiritus equini deferri possunt ad equæ vulvam, postulante, & attrahente vulvâ, ibique equæ semen informare, & equum producere perfectum absque equi semine: itaque afferre potest casus, ut mulier per somnium etiam concipiat. Præterea admirandi sunt fortis imaginationis affectus; imaginatio namque humores, & spiritus movet, corpus alterat, morbos parit, eosdemque curat, & pestem inducit. Matris imaginatio fœtum afficit, & mutat, ac fœtui notas imprimit: quidni dari potest casus per fortem ideam, seu imaginationem, ut mulier per somnium absque viro concipiat & pariat? Has rationes multaque exempla adduxerunt medentes, & tandem communi statuerunt sententiâ casum id efficere potuisse. At conjux his argumentis non contentus, neque persuasus, quia prudens erat, multa volutans animo, tandem inquit: Ego nescio, an id efficere potuerit casus cum literâ S. an cum Z.

Item in congressibus Lue Venereâ pollutis pustulæ, cæries, ulcera, verrucæ, &c. nunquam in extimâ penis cute pullulant: esto in coitu totus cum cute penis utrò, citroque ingrediatur, & egrediatur, sed in glande, & in parte præputii internâ, ac circa coronam efflorescunt: & ratio est, quia non sufficit, ut virulentus halitus viventis carnem attingat, ut illam polluat, sed requiritur, ut spiritus illius carnis sensitivus halitus virulentiam sentiat, quod in partibus, quas tenuissimâ cooperit epidermis, accidit statim, in cute verò nunquam, aut post longam applicationem. Hinc deducimus Luem tantum inficere partes cute carentes, ita anus, vulva: glans cum parte præputii internâ, os, lingua, fauces, aut adjacentes particulæ. Unde per oscula hæc Lues facillè contrahitur, ex his, qui os, gingivæ, labia, linguam, vel fauces Lue exulceratas ha-

bent, quia sanies, pus, halitus, sive effluvium, quod inde emanat suâ acredine harum partium epidermidem intra os contentarum penetrat, & inficit. Eodem modo per lactis suctionem inficiuntur infantiuli, quoties nutrices lue contaminatæ fuerint, vel vicissim infantiuli contaminati nutricum papillas, inde totum inficiunt. Imò pocula, cochlearia, ac communis omnium instrumentorum usus in cibo, & potu, quibus usi fuerint, qui os, aut adjacentes particulas ex Lue habent exulceratas, imbuta sordibus, aut sanie indè emanantibus inficiunt. Vitet quisque cane pejus, & angue venereum virus, nec cum infectis cibum, potumve summat, non secus ac sit cum iis, qui leprâ laborant. Pari ratione in podice, vel vulvâ inficiuntur, alvum statim excernentes in eodem loco ubi plurima sanies virulenta ab egro venerea ulcera in podice patiente, deposita est.

Dicimus immediatum Luis subjectum esse spiritum sensitivum sub tenuissimâ epidermide latentem, qui virulentorum halituum ideis imbutus, suam subvertit œconomiam, & proximum depravat nutrimentum, subjectum verò mediatum præter nutrimentum, quod luis portitor est, sunt sanguis, partes spermaticæ, molles, cartilagines, & ossa prout nunc ad unam, vel plures, nunc ad alias deflectit particulas.

Cap. 5. De Luis Venerea signis.

Diagnostica signa hæc Lues nulla habet certa, demonstrativa, & inseparabilia, verum omnia sunt incerta, & fallacia, & licet quamplurima ab authoribus proponantur, aliis fiat communia morbis, & contingentia esse possunt, ita ut non facillè per certa signa Lues dignosci possit. Non morbus unus Lues est, sed vagatur per quamplurima morborum genera, est veluti Syndrome, & Lerna malorum.

Primò Luis status diligenter perpendendus est, qui quidem alius in Lue incipiens est, alius adauctus, & alius inveteratus. Luem adultam cognoscere non multum operosum est, verum dum adhuc latet, & in primâ herbâ, est, eam cognoscere hoc opus, hic labor est. Ut enim herbæ, & arbores jam adultæ vulgò etiam notæ sunt, in primo verò germine, eas cognoscere non nisi optimi botanici est, ita etiam Lues hæc dum variis morbis, & symptomatibus se se patefacit, lippis atque tonsoribus patet, dum in obscuro latet, non nisi à peritis deprehenditur Medicis; idèoque ex his pluribus signis illam colligemus, præter ea, quæ in particulari adducentur.

Ordinariam infectionem ex actionibus læsis, & accidentium speciebus ut plurimum venamur, inter actiones læsas tristitia, & mœstitia præter rationem post concubitum recensentur, unde qui antea erant hilares, & jocosî, si à coitu præter rationem mœsti, & taciturni fiant, potissimam hujus luis exhibent conjecturam, & tamen *omne animal post coitum meret*. Sic spontaneæ lassitudines post Veneris palæstram idem denunciant, ob spiritus sensitivi coinquinationem. Unde hac de causâ ad motum segnes, fiunt, & toto corpore graviores.

Primum circa obscena loca, seu pudenda in utroque sexu incipit ex concubitu cum viro, vel muliere infectâ, cum hoc modo lues diffusa fuerit, ac his nostris temporibus omnes mulieres meritorias infectas esse experientiâ constat, imò, quod pejus est, observantur in dies uxoratæ graviore inficere Lue, quæ quadam simulatâ castitate, tot *Penelopes* creduntur, unde incauti juvenes facillè inficiuntur, & quod pessimum est virgines,

nes, absque eò quod castitas lædatur, & honor tangatur, aggreditur hæc lues, unde virgines: & lue confpurcata inficiunt. Itaque in omni mulierum genere difficilimum est reperire pudicam, ita canit *Juvenalis satirâ* 6.

Rara avis in terris, nigroque simillima cygno.

Et hac occasione quidam poëta in maritos iunctus, ita cecinit:

Uxorem qui nescit mæcham, in vertice cornu

Unum habet: Ille potest qui simulare duo.

Qui videt, & patitur, tria portat: quatuor ille,

Qui ducit nitidos ad sua tecta procos.

Qui nullo istorum se credit in ordine poni:

Credit is & uxori, cornua quinque gerit.

Post Veneris usum si in pudendis, & præcipuè circa præputium, coronam, vel glandem uscucula appareant, certissimum contactæ luis indicium, & licet quandoque à multâ perfricatione, & oculorum muliebrium angustia possint excoriari, sive exulcerari pudenda, si nullum adsit contagium, estò evenerit sanies, vulgaribus faciliè cedit medicamentis.

Quandoque in pudendis vesiculæ crystallinæ, caries vel pustulæ pruriginosæ grani milii similitudine apparent, vel totam circumdant coronam, quæ postquam rumpuntur, ulcera alba relinquunt, quæ pedetentim profunda, callosa, & dolorosa fiunt. Interdum gonorrhœa sanioso prorumpit fluxu, vel in inguinibus bubones apparere incipiunt. Si malum augeatur, floridus faciei color coinquinari incipit ex turbatâ coctione & vitiatâ sanguificatione, unde sub oculis circulus lividus apparet, qualis in mulieribus menstruatis apparere solet.

Solent ulcera à pudendis quandoque ad alias serpere partes, nempe ad pubem, inguina, femora, brachia, manus, faciem, collum, capitis cutem, & universum corporis habitum, vel circa oris angulos. Ubi lues per comperationem, vel oscula aut lactationem contracta fuerit, tunc in ore, & partibus adjacentibus apparere incipiunt excoriationes, & ulcera, quæ etiam in infantibus, si à parentibus sanis orti sint, fiunt, ubi à nutrice infectâ lac sumpserint, vel ab infantibus infectis nutricum papillæ, & partes circumjacentes exulcerantur, quæ vulgaribus non curantur medicamentis, & inde ad pudenda fit luis diffusio. Si parentes hoc morbo laborarent, vel laborarint, & in infante quædam se offerant signa, quæ Luem arguant Veneream, vix dubitandi locus superest. Vel serpendo, gingivas, fauces, palatum, tonsillas, columellam, & narium pinas exedunt, tunc loquelam vitiant; unde vox rauca, vel sibiloia, & omni sonoritate destituta, vel per nares clangosa.

Invadit interdum capillorum, pilorumque radices, eosque excidere facit à capite, superciliis, mento, cunctisque locis pilosis. Manuum ungues ut plurimum finduntur vel planè decidunt. Manuum volæ, pedumque plantæ in rimas, & rhagades dehiscunt. Sic si in obscœnis partibus excrescentiæ, ut verrucæ, mariscæ, thymi, mora, condylomata, cristæ, aut in ano conspiciantur.

Certissima hujus luis indicia sunt dolores non in articulis, sed in eâ regione, quæ medio ossium est, & prope articulos, ut anteriore tibiæ parte, cruribus, brachiis, & scapulis, & capite, qui intensissimi, & acerbissimi sunt, ac circa vesperam exacerbantur, noctu ingravescunt, & sunt diuturni.

Hujus morbi soboles sunt gummata, & tumores duri, qui in ossium locis pullulant, dolore divexantes nocturno, à quibus ossa dilatantur, & non rarò exeduntur, vel cariantur, sanâ existente cute, & hoc sæpius accidit in cranio. Accidunt tandem tabes, febres

Bibl. Chirurg. Tom. III.

hecticæ, cachexiæ, dentium casus, surditates, cæcitates &c.

Addimus & nos prædictis signis esse veluti hujus luis proprium signum, affectuum contumaciam in affligendo, & rebellionem, in desistendo; Nam nullus affectus est tam contumax, & rebellis, ut Venerea lues: Si quoties vulgaribus non cedat remediis, nec remittatur, sed crudeliùs vel denuò exacerbetur, de latente hujus luis naturâ meritò est suspicandum.

Cap. 6. De Luis Venerea Præfagiis.

Venerea Lues cum primò grassari cœpit, multum ferox extitit, multasque hominum myriades jugulavit, at nostris temporibus aut neminem, aut paucissimos interemit, postquam Veneris corruptæ Mercurius vindex innotuit. Solet quandoque hæc lues fœdus iniire, & planè extincta interdum, & veluti hydra videri, & tamen post plures, ut triginta, vel quadraginta annos, & ultra, eam nonnunquam sævissimis doloribus, pertinacibus gummatibus, ossium adhesionibus, tabe, cæterisque symptomatibus, quasi clam corpus invadere observavimus, quia pustula, caries, ulcus, gonorrhœa, & bubo non alexipharmacis, sed vulgaribus curata fuere præfidiis. Est hæc lues veluti parva favilla, quæ nisi optimè, & totaliter extinguatur, maximum parit incendium.

Faciliùs curatur hæc lues recens, quàm inveterata, quia hæc continentis, illa contentas contaminavit particulas. Qui aliàs hanc passi fuerunt luem, & denuò eandem contrahunt, majori curantur difficultate, quia fortius in iis imprimitur lues. Quoad anni tempora hæc lues faciliùs æstate, quàm hyeme curatur. Ulcera in pene recentia non tam ægrè curantur, quàm in vulvâ, vel in, & circa podicem, quia hic locus est excrementis dicatus, & medicamenta non satis commodè applicari possunt. Si nasi ossa sint adesa, & simul lentâ adsit febris, difficilis curationis malum denotat, cum cerebro, vel ejus membranis sit impertitum. Vertigines, epilepsiæ, surditates, & cæcitates, gravissimæ, & pertinaces sunt; indicant enim Veneream luem cerebrum obsidere. Faciliùs curatur hæc lues, quæ per Veneris congressum contracta est, quàm quæ alio modo, qui per præposteram Venerem contrahunt luem, difficiliùs curantur. Sic quoque difficillima, & ferè insanabilis erit lues contracta sanguinis, & seminis vitio ex primâ generatione, aut lactatione; hujusmodi namque occasiones connutritam reddunt luem, ac radicatam in partibus nutritis, aut solidioribus genitis ex principio, aut alimento coinquinato. Quò plures graviores morbi, & symptomata luis Venereæ copulantur, eò magis ægri periclitantur; quò pauciores, & leviores, minùs. Quapropter ii in primis pereunt quibus luis Venereæ febres putridæ dictæ, & malignæ associantur; virulentia enim Venerea non tantum alimentum corrumpit, malignitatem adauget, & febrem reddit graviolem, verum etiam innatum debilitat calorem, unde nec febris, nec morbus ille malignus à natura superari potest. Parem infert difficultatem habitualis febris juncta luis; hæc enim paulatim partes omnes consumit, & tandem erit immedicabilis propter contrarias coincidentes indicationes, quibus simul satisfacere nimis arduum est, unde ægroti necessariò moriuntur. Ex læsâ ventriculi coctione pertinentes oriuntur obstructions, & ex læsâ sanguificatione hydrops lethalis. Sed fusiùs in prognosi particulari.

Hic unum pro coronide notandum est, quòd nunquam natura pro luis curatione crissum moliri visa fuit, nec critici supputandi, vel expectandi sunt dies; imò

nec sanctorum preces valent, ut aliis suffragio solent morbis, nec unquam votivas tabellas de more suspensas vidimus pro hoc curato morbo, cum in scortatorum flagellum immixtus, uideatur, ut criminis luant poenas.

Tandem ad infectorum solatium non tacendum censemus, quod hæc lues nullius infamiae, nulliusque opprobrii notas infectis inurit, & hoc est maximum alinae Veneris privilegium, aliter totum humanum genus ignominiosum esset, cum non tantum hæc dira lues conjuges, viduas, juvenes, & senes inficiat, & quotquot in Veneris castris militant, sed etiam nec uxorum pudicitiae, nec virginum castitati, nec infantum innocentiae parcat.

DE LUE VENEREA.

LIBER TERTIUS.

De Curatione specierum Luis Venerea.

EX iis, quæ supra diximus, jam constat, quod Lues Venerea primò ultimum partium nutrimentum corrumpit, secundò sanguinem, tertio partes spermaticas duras, ac quælibet dictarum corporis partium, dum morbi virulentia imbuitur, suos producit in corpore effectus pro sui proprietate. Quippè pollutum ab hoc morbo nutrimentum producit gonorrhæas virulentas, pustulas, caries, ulcera, bubones veros, vel spurios, scabiem per universum corpus, alopecias, caloris depravationes per totum corporis habitum. Si deinde à nutrimento fermentum in sanguinem diffundatur, tunc in promptu erunt capitis dolores, in periostis dolores, in artubus noctu crudeliter cruciantes, qui deinde in gummata, & nodos abeunt: maciem postea inducit, sive marasimum Venereum, vel faciliter cachexiam universalem, & hydropem. Quartò, si ubi sanguis contaminatus dolores, & gummata excitat, continentes partes, uti sunt venæ, arteriæ, nervi, membranæ, & cartilagine, inficit, tunc in promptu erunt ulcera cavernosa, & profunda, gangrænæ, membrorum stupores, paralyfes, contracturæ, ulcera corrosiva, in lingua, faucibus, uvulâ, larynge, naribus, tinnitus aurium, & capitis dolores fixi, & profundi: Quintò, si spermaticis mollibus virus in ossa, quibus adhærent; imprimatur caries ossium, gangrænæ ossium, palati foramina, nasi putredo, dentium corruptio, & cranii mortificatio usque in cerebrum evenient. Verum enim verò licet, ab uno, eodemque semine tot fructus in viventes pullulent, unam tandem, eandemque curationem non admittunt; diversificatur enim illa tam ratione partis, quam ratione modi, quo pars à morbi virulentia læditur; itaque sigillatim uniuscujusque ex enumeratis affectibus trademus nomen, & quid per nomen intelligatur, ejus signa, causas, prognosim, curationem, verum de nostro more, perpetuò vulgarium causas, & curationes trutinabimus, easque semper repudiantes: Unum tamen hîc notandum, quod Lues Venerea neque gradus neque species mutat. Sed semper in uno gradu acquisitæ suæ activitatis persistit, horribilior, & vehementior tamen devenit, vel ratione partis læsæ, vel materie quantitate ab ejus virulentia corruptæ.

Cap. 1. *Vulgarium præsidia in examen adducuntur.*

ANtequam affectuum à Lue Venereâ pullulantium curationem exordiamur, operæ prætium duximus juxta nostram Trutinam vulgarium præsidia in isto curando morbo examini subicere, ut eorum indicationes,

& curationes potius ludamus ineptas, quam inde aliquid boni eruamus. Luem nullatenus isti curare poterunt, cum juxta eorum principia ex occultarum ægritudinum numero esse fateantur, quarum natura est illis intrinsecè abscondita, & hinc occultos morbos non solum ignorantiam in teoriâ, sed & errores in praxi parere certum est; nam methodus, quæ per indicationes à rei naturâ desumptas procedit, morbi naturam, qui curandus assumitur, cognitam, & manifestam supponit, cujusmodi apud ipsos non est lues. Ita fatetur *Gal. 3. meth. c. 16. Eorum quæ sunt nobis incognita, vera methodus haberi nequit.* Curant vulgares morbum ignotum in causâ, & in effectum cognitum à posteriori, & per experimenta; omnia enim remedia per experientiam inventa fuisse credunt, & *Sennertus, Fallopius*, cæterique hujus farinae vulgares docent, nisi *Hispani*, qui primi hanc ab Indis attulere luem unâ simul remedia etiam non asportassent, lignum nempe guajacum, saltparillam, chinæ radicem, & *Jacobus Carpus* vel casu, vel analogismo ductus curationem per hydrargyrum non invenisset, usque modò vera hujus mali curatio lateret, & medicamenta occultâ qualitate agentia ignorarentur: hujusmodi igitur remedia per experimenta inventa, & non per indicationes curativas nostros barbatos Empiricos reddunt, præclarosque doctores nihilo à tonsoribus dissimiles.

Tria sunt vulgarium præsidia pro lue curandâ, primum est phlebotomia, secundum purgatio, tertium sunt ligna & radices. Verum phlebotomia & medicamentum purgans sunt veluti duæ firmissimæ columnæ, quibus tota vulgarium medicina nititur, has cunctis adhibent morbis, quibus remotis, tota quanta est, ruit. Perpetuò eorum medicina in sanguinem, & stercus terminatur, non mirum, sunt de hirudinum, & scarabæorum genere. Sunt vulgares Agyrtarum instar, qui oleum, vel emplastrum nacti, illud ad omnes prorsus efferunt morbos, atque alios insuper quamplurimos valere.

De Phlebotomiâ.

Rixantur, & digladiantur *Vulgares*, an sanguinis missio locum habeat in hoc affectu; & ferè omnes plenâ aulâ, paribusque votis eam probant, credentes sanguine missio non minus pravos educi humores, quam infecto hepatis magnum præstari beneficium. Prætereâ eam admittunt, ut sanguinis copia minuatur, & fervor in hepate compescatur, præcipuè si ex eo febris oriatur. Insuper, si sanguis nimium calidus sit, & habitus plethoricus, quia propria luis remedia calida, & sicca esse debent, quæ tutò administrari non possunt, nisi sanguis prius diminutus sit, ratione cujus major evadat luis fomes, & excrementorum copia augeatur.

Locus sanguinem deplendi est: Si virulentia nullum peculiarem ad aliquam partem motum habeat, *Fallopius, Sennertus*, & alii ex cubito sanguinem mittunt, ex venâ scilicet internâ, seu basilicâ ob hepatis rectitudinem; Si verò ad partem aliquam peculiariter habeat motum, & quidem ad inguina, si delitescens bubo, aut suppurationi reluctans, vel gonorrhœa recens suppressa, aut parçè fluens, in partibus inferioribus venam tundunt: ita enim virulentia versus inferiora trahitur, & propter calidi sanguinis affluxum postea bubo facilius suppuratur, & gonorrhœa refluit. Eodem modo si caries, ulcus &c. in pudendis adsit, in pedibus venam aperiunt. Itaque si infra hepar partes laborent, ex inferioribus venis sanguinem educere congruum erit; Si supra hepar, scilicet ad caput virulentia ruat, & ibi vehementissimos excitet dolores, prava ulcera, capillorum defluvium, in brachio cephalicam aperiunt.

Hirun-

Hirudines podicis venis non raro in lue locum habere credunt, scilicet dum vires debiliores venæ sectionem sustinere non possunt, vel dum sanguis crassus, & fœculentus plus justo in corpore redundat, aut dum ejus suppressa, vel saltem imminuta est evacuatio, aut cum è propinquo hepar, & naturalia viscera evacuare & expurgare intendunt.

Cucurbitulis etiam utuntur, dum ad inguina attrahere volunt, ut cum bubones, postquam apparuerint, non crescunt vel delitescunt. Item cum ad partes cutaneas evocare intendunt.

Sed errant vulgares sanguinari, sanguinem mittentes, quia vitium in sanguine excitatum à lue, non est ejus conditionis, ut phlebotomiâ emendari, & corrigi possit, nam quantumvis sanguinem detrahas, ille, qui remanet, est ejusdem energię, ac qui missus fuit, cum non sit in quanto, sed in quali venenoso, quod antidotis expurgari debet, & sanguinem educi non indicat virulenta lues, nec est appropriatum præsidium, cum ei tantum alexipharmaca adversentur. Imò phlebotomia multum nocere potest, quia vires, & calorem minuit, cum noster calor à sanguine excitetur, virulentiam adauget, refrigerat, & refrigeratæ partes minus veneno resistunt, imbecillæ vires concoquere non possunt, unde continuus excrementorum proventus cumulatur, nec tam citò restituuntur ii, quibus sanguis detractus fuit. Quare propter aliena pericula cauti ægri nullum aliud reformidant præsidium, quam phlebotomiam. Testes sint ejulatus, planctus, & clamores tot in hac urbe infectorum, qui vulgarium sanguificinam tolerarunt, *Clamitat de terrâ ad cælum sanguis in lue eductus, & suam habet vocem, sicut clamavit in Abel.*

In lue correpto sine noxâ è pedibus sanguinem extrahi credunt, ac si sanguis è pedibus extractus non esset ejusdem conditionis, ac ille, qui è brachiis extrahitur, ac eliminatus à toto, & in pedibus depositus, ac si extra vitæ œconomiam stagnaret, & *Harvejano* non reparetur motu. Crudele barbatorum subterfugium, quia ipsi crudeles.

Hirudines venis sedis locum habere credunt, & præsertim, si vires ita debiles sint, ut phlebotomiam ferre non possint; vel dum sanguis crassus, & fœculentus plus justo in corpore abundet; vel dum suppressa est aliqua evacuatio. Verum toto cælo errant, credentes sanguinem è venis eductum hæmorrhoidalibus non debilitare id facile videre est in iis qui hisce obnoxii sunt evacuationibus, qui magis ab hac, quam ab omni aliâ debilitantur. Observate, quæso, & comparete eos, qui hæmorrhagiam ex aliquâ corporis parte patiuntur, & videbitis eadem sanguinis copiâ exhaustâ, magis debiles apparete subditos infernæ evacuationi. Ridiculum est; cum imaginentur sanguinem crassum, & fœculentum excerni; nam talis apparet ex stricto orificio, ex quo guttatim exit: quapropter statim coagulatur, dum educitur, cum sit orificium strictum, quod facile quisque observare potest etiam in brachio ex angusto foramine. Ex orificio autem stricto nulla aquosa sanguinis pars, sed crassior, in qua volatiliores partes conducuntur, & consequenter melior, & utilior sanguinis pars excernitur, ferosâ exclusâ. Imò venæ hæmorrhoidales extimæ non ex splene, ut volunt, sanguinem recipiunt, sed ad ipsum reportant, quem hauriunt ab arteriis, & quia proximè illum exhauriunt, idè sanguis est florentissimus. Id, quod ex suppressâ aliquâ evacuatione hæmorrhoides tundere dicunt, vanidum arbitramur, nam non semper ars imitari potest, quod natura facit: non enim semper scit Medicus; an natura id facere debeat, & non possit, ut ille suppleat. Evacuat natura sanguinem aliquando per inferiores partes, sed quandoque id non rectè facit, & quandoque rectè

ut quod in venis fluctuat excrementitium, evacuet: sed quomodo scit Medicus excrementitium hoc in venis fluctuare, & qua arte assequi datur partem, ex qua natura excrementum vacuare intendit, nam licet circuletur sanguis, & excrementum fluctuet, nec semper cum toto circulator sanguine per totum corpus, & interdum missò sanguine ex parte ab excremento distanti, minuitur sanguinis motus, & excrementum vel in vasorum parietibus remanet, vel in illis, per quas ex uno vase in aliud transit sanguis. Isti Medici sanguinari sunt publici grassatores, urbani Sicarii, horrendi lictores, spurci carnifices, crudele, & exitiandum hominum genus, sunt tandem ministri, scilicet divinæ ultionis executores, sanguinem ebibunt, & peccatis vescuntur populorum, ita habetur *Ecclesiast. cap. 38. num. 15. Qui delinquit in conspectu ejus, qui fecit eum, incidet in manus Medici.* Sunt morbi Dei flagella propter peccata, idèque impunè, proprioque genio fortunas hominumque vitam negotiantur, dum incerta, & periculo plena audent tentare remedia: saltem sanguinis educationem tanquam maledictam rejiciant, & à remediorum censu eliminant.

De Purgatione.

Purgatio per pharmaca cathartica multum in lue locum habet, corpus enim caco-chymum, & vitiosos exturbat humores, ejusque antidotis meliorem sternit aditum, aliàs hujus morbi alexipharmaca impuro corpori parum prodesse, capropter detrimentum afferre, & corpus aliis obnoxium morbis reddere possunt, estò lues expugnetur. Non omnes per sudores vitiosi discutiuntur humores, sed tenuiori dissipatâ parte, crassior remanet, quæ nisi eliminetur, siccescit, & visceribus adhæret, & quandoque acrimoniam adipiscitur, & vasorum substantiam lædit. Unde lues curatu pertinacior redditur, & obstinatæ fiunt obstructions.

Verum ante purgationem corpus reddunt fluidum tribus præparantibus *Syrupis, de boragine*, scilicet, *lupul. cichor. endiv. fumar. pomis &c.* cum appropriatis aquis s. *Lupul. fumar. borag. cichor. capill. ven. &c.* quos ita præscribunt.

℞. *Syr. fumar. & lupul. ana ℥. j. aqua fumar. ℥. ii. m.*
Vel ℞. *Oximell. simpl. aut compositi ℥. ij. aqua betonica ℥. ii. m.*

Vel ℞. *Syr. Capill. Ven. & Cichor. ana ℥. j. aqua lupul. ℥. ii. m.*

Nonnulli vulgares tanquam efficaciores earundem herbarum decoctiones ad uncias quinque, vel sex Syrupis præferunt, addito ad saporem saccharo.

Altercantur *Vulgares*, an in lue percurandâ purgantia lenia, vel fortia propinanda sint: Verum quia lues, cum sit gravis affectio, lenia respuit, eisque non cedit, fortiora, & validiora aliqui commendant medicamenta, quæ radicitus luem exterminare valent. Contrà alii valentiora exhorrent, ne vires infirmetur, quas conservare tenetur Medicus, & in chronicis præsertim morbis. Verum hæc lis, ne diu inter barbatos agitetur, facile dirimi potest, si juxta corporis, & evacuandorum succorum conditionem diversificentur medicamenta, quò circa: Si corpora robusta, & humores educendi sint tenaces: potentiora administrare expedit, nullam timendo virium jacturam, quæ utpotè robustæ hujusmodi permittunt medicamenta excrementorum crassitiam exturbantia: Quòd si delicata sint corpora infecta, neque succis admodum crassis abundant, rationabile erit mitiora propinare medicamenta, ut viribus consulatur.

Præparato corpore tribus syrupis, ad purgans deveniunt

niunt medicamentum, sed juxta eorum nœnias assignant humores biliosos, pituitosos, vel melancholicos, vel ex his congeriem, cum hoc tamen discrimine, quod in recenti lue biliosi magis, in diuturnâ verò pituitosi, & melancholici dominantur. Inter medicamenta bilem expurgantia recensent *rhabarbarum*, præstantissimum remedium, ceu hepatis animam, addito *syr. viol. aut ros. solut. vel de cichor. Nic. in decoct. fol. sen. prun. Damasc. & pulp. tamarind.* Inter pituitam, & melancholiam purgantia principem habere locum credunt *Syr. Sueff. & de fumar. maj. addita confect. hamech. in decoct. fol. sen. agaric. polyp. epithim. &c.* Ità concinnant pro bile purgans.

℞. Fol. sen. or. ℥j. prunor. damasc. num. vj. pulp. tamarind. unc. ℔. f. decoct. & in suff. colat. diss. Syr. ros. solut. unc. iv. de Cichor. Nicolai unc. ij. rhabarbari ℥j. m. f. & adde aquæ Cinnam. parum.

Pro pituitâ, vel melancholia.

℞. Agarici trochis. ℥. iij. polyp. querc. ℥. ij. fol. sen. ℥. j. (Si aliqua adsit obstructio) tart. vin. alb. ℥. ℔. f. decoct. & in suff. colat. diss. Syr. sueff. & de fumar. maj. ana unc. iij. confect. Hamech. ℥. ℔. m. f. p.

Pro variâ succorum congerie.

℞. Fol. sen. & polyp. querc. ana ℥. j. prun. damasc. paria iij. Cinnam ℥. j. f. decoct. in aquis cord. & in suff. colat. diss. syr. ros. solut. & sueff. ana ℥. iii. confect. hamech. ℥. iv. m. f. p.

Si æger à pharimaco potabili abhorreat, parant pilulas, ut

℞. Pilul. aggregat. de fumaria, & de tribus, ana ℥. j. cum cathart. ros. formentur. pilul. ix. & deaurentur.

Post quatuor deinde horas exhibent apozema, ut

℞. Conf. ros. pers. ℥ iij. elect. de suc. ros. ℥. iij. m. & desuper comedat æger.

Non loquimur de aliis compositionibus scamoniatis, aquis solutivis, syr. de spinâ ponticâ, jalap. turbit, colocynthide, mannâ &c. quia lippis & tonsoribus patent. Hæc, & alia sunt *Vulgarium* quamplurima purgantia, quæ vertiginoso feruntur motu, & curriculo isto absoluto, semper eadem recurrunt. Magnum errorem in quatuor purgandi humoribus patrant vulgares dum in istis lucem quærunt, in quibus reverâ non consistit, & in omnibus producit, nec demonstrari potest, cum per ipsos sit occulta. Est medicamentum purgans maximæ imposturæ inventum, remedium pecuniosum, emungendarum pecuniarum officina, quotidianus census, & egrorum certissima perniciēs, quod naturæ vim imitatur. Purgantia igitur nos acri studio rejicimus, quia nullum juvamen præstare possunt: quod vel minimam luis speciem nos curare dicimus, sed saltem occultare valent; à diffitis enim partibus, & à circumferentia ad centrum trahunt, & hujusmodi attractio majorem luis penetrationem juvare potest, quàm hoc destituta auxilio non præstitisset, unde luis universalis imminet metus. Non est medicamentum purgans id, quod alvi solutionem promovet, nam in hoc minimam spem collocare debemus, sed quod morbum per suum emunctorium solvit, ita sunt reliquæ evacuationum species, vomitus nempe, urinæ, sudores, insensibilis transpiratio &c. Sunt *Vulgarium* purgantia mucida, & rancida, quia vetustatem sapiunt, & ante luis ortum extrabant: nec tunc quicquam profuerunt; considerate, si nunc pro tanto curando morbo prodesse possent. Non sunt medicamenta huic morbo propria, sed communia per applicationem, idèque de communi morborum omnium, nullum alexipharmacum pro lue continent, nisi virus laxativum, quod est de veneni corrosivi genere, ac pro ejus curatione noxia. Est lues morbus novus, idèque nova medicamina, novosque requirit Medicos.

De Ligno Guajaco.

Sufficienter corpore per plures phlebotomias, tum pluribus purgantibus depleto, ad reliqua procedunt præsidia, quæ propriam, & specificam hanc lucem expurgandi vim habent, & totalem, ac omnimodam ejus extirpationem operandi, non quia calefaciunt, aut siccant, vel sudores, aut aliam movent evacuationem; sed id patrant propriâ vi, ac formâ, sive occultâ, & arcanâ quadam proprietate, sicut ejus causa est occulta, & deliteria. Hunc extirpant morbum ad eum ferè modum, ac theriaca venena, & malignitatem expugnat, unde luis antidota, & alexipharmaca vocantur. Hæc tria sunt, primum Lignum guajacum, secundum Salsaparilla, & tertium Chinæ radix.

Inter luis antidota principem tenet locum lignum Guajacum, quod etiam *lignum sanctum*, seu *palus sanctus* dicitur: sanctum appellant ob eximias vires quas adversus Veneris lucem habet. Nonnulli à ligno sancto guajacum distinguunt, verum hæc differentia tantum se tenet ex ligni adolescentia, vel senectute, idèque hæc duo confundi solent, & pro uno, eodemque accipiuntur, esto in oppositum blateret Fallopius. Dicitur *Indicum*, quia ex India ad nos vehitur. Nascitur hæc arbor apud Indos, ubi Venerea lues endemia esse fertur, atque ibi unicum ejus præsidium, Guajaci planta ad fraxini proceritatem, & ad hominis mediocris habitus crassitudinem plerumque assurgit. Folio refert quadantenus plantaginis amula, dura ac brevica; flores ejus producuntur lutei; fructus verò juglandis magnitudine, quæ esu alvum subducit; cortex annosus niger, juvenibus verò subrutilus. Hallucinantur, qui putant buxum, quæ apud nos nascitur, idem esse cum guajaco: Siquidem guajacum pingue, & resinolum visitur, materia intus nigra, ebeni ferè modo: quin & sapor amarior, & acris, quibus siccam buxi materiam carere constat.

Divinum ad lucem arcendam prædicant guajacum quantum ad vires, quia admodum calidis, & siccis constat particulis, ut ex sapore, odore, & acrimoniâ conjicere licet insigni, quâ linguam mordicat, & quidem calidum putant in principio tertii gradûs, vel in fine secundi, ac simul tenuium partium, unde crassa attenuandi, lenta incidendi, & detergendi vim habet, sudores, & urinas ciendi, superfluos humores frigidos dissipandi, & absorbendi. Quapropter specificum hujus luis credunt alexipharmacum, verum non ob istas manifestas qualitates exhibent, guajacum vulgares, cum non desint nostris in regionibus medicamenta hujusmodi qualitatibus prædita, sed ob peculiarem, specificam, & occultam qualitatem, quâ Luei adversatur.

Eligendum est optimum, & præstantissimum, quod non sit tempore, & vetustate consumptum, sed recens, non sit totum nigricans, nec totum albicans, densum, ponderosissimum adè, ut in aquis non fluctuet, sed mergatur, resinolum, odoratum, gustui & acre, & subamarum. Cortex optimus censendus est crassus; & fortiter ligno adhærens, adè ut vix ferro sequestrari valeat, nam qui facillè separatur à ligno vetustatem sapit.

In luis curatione totaliter pendent à ligno vulgares, illudque in varias parant formulas, sed præstantissimum judicant, si limetur & in minutissimam redigatur scobem, quia sic citius, & melius ex eo extrahitur virtus. Ita præparatum infundunt, macerant, viginti quatuor horarum spatio in aqua nonnulli, alii in hordei decocto, quidam in aquis stillatitiis, aliqui in vino, alii in feto lactis, quidam in jute carnis ad calentes cineres servant, postmodum lento decoquunt igne ad tertiæ partis

partis consumptionem, & decoctum formant, quod maxime in usu est, quia in formâ liquidâ totum penetrat corpus, ut

℞. Lign. guajac. cum cort. ℥. iij. infundantur in aquæ font. lib. iij. stent per 24. ad calentes cineres. Deinde bull. lento igne ad tertiæ partis consumptionem, addendo in fine s. a. flor. cord. p. j. passul. enucleat. ℥. j. liquiritia rasa ℥. s. coriand. præp. ℥. iv. cinnam. ℥. iij. f. colat. & servetur.

Dosis lib. s. Hoc simplici utuntur decocto in delictis, imbecilibus, excarnibus corporibus in lue recenti, temporibus, & naturis calidis, quando tantum alterare intendunt, Quod si minus excalefacere velint, lignum infundunt in aqua cichor. lupul. endiv. sonchi &c. & herbas concoquunt refrigerantes. Si verò humectare intendunt, in tabidis, & emaciatis in jure pulli, vel carniū vituli, aut arietis decoctum parant addendo melonum semina, ptisanam hordeaceam, &c. Pro infantulis, & lactantibus lue infectis julepum parant, ut

℞. Lign. limat. ℥. ij. aquæ graminis lib. ij. infunde per 24. horas, bulliant deinde ad duarum partium consumptionem f. colat. & cum saccharo q. s. f. julep. De quo detur parum, & sæpe.

Vel compositum formant decoctum, cui dejectoria addunt pharmaca, quod non solum alterat, sed purgat, & alvum solvit. Usurpatur illud in corporibus duris, & rusticis, aut temporibus, & naturis frigidis, aut in Lue confirmata, quæ citam evacuationem tolerare possunt, ut

℞. Lign. guajac. recenter limati ℥. iij. in aqua fontis lib. iij. infundantur per 24. horas. Deinde lento bulliant igne ad medietatis consumptionem, addendo s. a. polyp. querc. ℥. ij. prunor. damasc. num. x. fol. sen. or. ℥. j. endivia, plantagin. fumariæ ana m. s. flor. cord. p. j. coriand. præp. ℥. s. f. colat. & servetur. Dosis lib. s. pro vice.

Postquam etiam primum decoctum simplici modo paratum, & colatum est, residuo ligno post primam coctionem, iterum majorem aquæ quantitatem affundunt, & ad tertiæ partis consumptionem coquunt, & in ventriculi gratiam passul. coriand. debitam addunt quantitatem, & colaturam faciunt, vel saccharo edulcorant. Colaturam pro potu ordinario in prandio, & cenâ exhibent. Vel guajacinum parant vinum, ut

℞. Ligni lib. v. sacchari alb. lib. iv. Vini alb. lib. Cl. Lign. cum saccharo in cadum inde, & vinum calefactum affunde.

Hoc vinum prævalet in luis inveteratæ vestigiis delendis, præcipue ubi prolixo remediorum usu defatigatus æger à medicamentis jam abhorret; commodius autem tempus, & opportunior modus hoc vinum parandi erit tempore vindemiarum, ut

℞. Musti alb. dulciss. amphoras LX. lign. guajac. recens limati lib. iv. passul. enucleat. unc. vj. pomor. redolentium num. XL. fermentescat mustum in vase ligneo, & finito fermentationis tempore, hoc vino utatur æger pro potu ordinario, vel semel inter prandendum, & semel inter cenandum.

Aliqui tertiâ vice lignum coquunt, & decoctum pro ciborum elixatione inservit, pro panificio, pro manuum, & faciei ablutione, narium elotione, ulcerum mundatione &c. usurpant: Propinant decocta composita vulgares ad dies 25. simplicia verò ad dies 60. & ultra, quia lues Venerea morbus chronicus est.

Nautæ & mercatores qui lignum sanctum ad nos tam ex occidentalibus, quam orientalibus Indiis invexerunt, præclaros ejus effectus in lue curandâ adeò versutè omni extulere conatu, quo venale redderetur, ut scriptores veluti psittaci ejus virtutes miris decantare encomiis non sint veriti, fidem tantum illorum relationibus potius adhibentes, quam experientiæ; unde plura de

Bibl. Chirurg. Tom. III.

ligno scripsere, quæ vel nunquam vel rarissime observantur in praxi, nec nominis rumor promissis respondet; sed magno in pretio fuit in luis principio, quapropter nunc in officinis prostat, & est vile, abjectum, ignavum & nullius compos efficaciar. Ita evenit, ubi res ad summum devenit fastigium, eam retrocedere, & declinare necesse est. Aliquos non puduit Medicos firmiter credere hujus ligni decoctum non minus nutrire, quam jus pulli nutriet, & extenuata ab eo non offendi corpora, sed impinguari; easdem quoque impinguandi vires falsæ parillæ, ligno sassafras, & præcipue chinæ radici perperam tribuerunt: Observarunt namque nonnullos lue Venereæ ferè tabefactos hominum decoctorum usu hebetiores redditos fuisse, & statim protulerunt horum decoctionibus corpora pinguescere. Verum hi malè de ligno cogitarunt; nam esto vegetabile sit calidum, tamen siccum, & tenuium partium prædicant Vulgares, & si aliquid in decoctione deponat, hoc potius medicamenti, quam nutrimenti rationem habet. Quod nonnulli post luem Veneream opimi fiant, id accidens aliter evenit, nam nutrimentum, quod ad cunctas corporis partes effluit contaminatur, nec nutrit ob depravatam impressionem, cum non sit de partium indole; si enim cibus quantumvis optimus non nutrit; imò Corpora i. pura quò magis nutries, eò magis lades: consideratè, si lignum, radices, &c. in tanto morbo nutrire possint. Per medicamenta luis adversantia, per secessum, sudores &c. eliminatur lues, purificatum nutrimentum, & statim corpus benè nutrir, & impinguari incipit. Id in mercurialium, & antimonialium exhibitione quandoque observamus. Numquid mercurius, & antimonium nutrit, & impingat? In quibusdam aliis morbis, & præcipue febribus, diarrhæis, dysenteriiis &c. accidit, antè quas, cum homines ob depravatam nutrimentum erant graciles, per morbum absterfo pravo nutrimento, & optimâ ventriculo restitutâ coctione, postea benè nutrir incipiunt, & corpulentiores evadunt.

Naturam ut novercam accusare debemus, si pro nostratibus curandis morbis medicamenta ex utriusque Indiæ locis, aliisque dissitis terræ plagis mendicaremus, & mercatores lucri cupidine allekti in nostras magno nostro sumptu asportarent regiones; latitant in nostratibus plantis adhuc summæ virtutis medicamina, quibus nostrates morbos curare valemus.

Indiæ populi quodam endemico laborant morbo, qui cum lue Venereâ quandam habet cognationem; quicquid aliqui dicant scriptores, quem ligni guajaci, falsæ parillæ, & chinæ decoctis curare satagunt; sed non eorum votis respondet sanatio, & experimenta de iis facta fallacia reperta fuere, licet hæc vegetabilia viridia, & succis plena possideant, tamen ii fucatam tantum, & palliativam sanationem ab illorum simplicium decoctionibus adipiscuntur; unde symptomatum remissio, & quædam comparatæ valetudinis species emergit, ita ut iterum illa repullulent, & deinceps sæviora, quam antea exsuscitent. Consideratè quæso nunc, an hujusmodi sicca corpora nimio virium detrimento ex dissitis regionibus ad nos convecta infectis profutura sint. Verum quia jam pridem parta fama multum eis contulit, ut ridiculum sit ea omnino repudiare, quæ aliàs communi applausu sunt recepta, adhuc nostri Vulgares imposturam meditantès, ea multis præparationum formulis usurpant, ac testari hujusmodi plantas, quas celebriores reddiderunt, idem emolumentum contaminatis impertiri tenentur hîc loci, ac in solo naturali. Hos Vulgares secuti sunt Spagyrii, arcanorum distributores; & ex his extracta, salia; olea essentialia, spiritus, tincturas, quintas essentias speciosis decoratas nominibus concinnarunt, auro contra caras, & aliorum simplicium medicamentorum admistione,

adulterarunt, & ignarum vulgus, & stolidi plebecula pretiosa chymicorum medicamenta, seu imposturas existimant, quia maximo emuntur pretio.

Credunt *Vulgares* lignum, & radices luis esse alexipharmaca, quia qualitate agunt occultâ: sed velle-
mus scire, quo instrumento, sensu, & ratione id vos affecuti fuistis? Quis eam qualitatē occultam nobis inesse ostenderit? Unde ejus virtus vobis innotuerit? A calore forsan? Pondere? Durtie? Nonne idem pondus, durties eadem in buxo, ebena? Quando horum vegetabilium decoctionibus in aliis utimini morbis, illi morbi numquid occulti, dum medicamentis utimini occultâ qualitate agentibus? Occulta illa qualitas potius in vestris depravatis phantasiis, quam in his vegetabilibus consistit, cum eam demonstrare non possitis. Si tanta vis ligno, falsæ, & chinæ inest, quare jejunia quadragesimalia, & tenuem institutis diætā? Si alexipharmaca, quid coctione opus est? Quid prodest arcanum componere? Si inest occulta qualitas, quid & compositione opus est? Non charitas luis mēdetur, verum lucris cupiditas cum crassâ Minervâ conjuncta, pecuniæ jactura, & majus aliud damnum quod tam malè agrorum corpora multantur. Casu luem curant, si quandoque curant, cum hujus mali causâ, & prædia ipsos sint occulta, & veluti cæci in tenebris ambulant, unde ambo, æger & Medicus in foream cadunt, idèque in morbis occultis, occultis prædiis, tam medendi artem callet agas, quàm Medicus vulgus: Unde factum est, ut tonsores, balneatores, veterenarii, & veteramentarii in luis curationem sese ingerere auserint.

Horum vegetabilium decocta fucatam, & palliativam luis sanationem præstare possunt, non quia alexipharmaca sunt, & vi operantur occultâ, sed quatenus solummodo sudores movent, & superficialiter venereum disperdunt fermentum, eapropter non solum guajacum, falsâ, & china luis profunt, sed ea omnia vegetabilia, quæ sudores eliciunt. Nos parvo sumptu nostratibus plantis, ut ligno buxi, visci quercini, cedri, cupressi, rhodiæ radice feliciter multos deploratos sanavimus gallicos, quos guajacum, falsâ, & china, quæ non nisi sicca, & omni succulentâ substantiâ emuncta in nostras asportantur regiones, curare potuerunt. Paravimus nos domi ex nostratibus plantis decocta mediâ maceratione, digestionē per 24. horas, & ebullitione, & ad commodiorem, & faciliorem salium essentialium, seu tincturæ extractionem pro qualibet aquæ communis librâ spiritus vini alkoholizati unciam dimidiam admiscuimus. Verum hæc nunquam in vase aperto, sed perpetuo in duplici, juncturis tritici farinâ, & ovi albumine optimè clausis, ut vini spiritus, & horum vegetabilium volatile sal in decoctionis aquâ solutum nullo modo aufugiat, sed in vas ascendat, superius, ac iterum decidat. Vasa, semper fuerunt vitrea, & horum defectu terreis, sed vitreatis usi sumus.

Barbari decocta cum Vino parant, & reverâ laudabilior extrahendi ratio vegetabilium vires, quàm cum aquâ, & præcipuè ubi ventriculus frigidior, & debilior est, ac æger vino assuetus, quia decocti vis ad omnes corporis partes facilius penetrat, & sudoris provocationem adjuvat. Non negimus vinum commodissimum esse ad vegetabilium detrahendas vires, sed quia decocta cum vino in vase aperto ad tertiæ partis consumptionem parant, totâ errant viâ; nam unusquisque, qui leviter destillandi arte est imbutus, scit, quod si vinum leviter urgeatur igne, spirituosâ ejus pars, & optima ab eo prolicetur, & nihil remanet præter aquosum, & ingratum, vel nauseibundum phlegma omni virtute, odore, ac sapore vini spoliatum: sic tali modo decocta concinnantes, vini faciunt jacturam, cum in decoctione

deperdatur, remaneatque phlegma ipsâ aquâ simplici minus commodum. Corrigant decocta parandi modum, et si cum vino vase benè clauso conficerent, ut nil exspiraret; certè nec tormina, nec nausæam excitarent, sicuti præfato modo parata. Præterea ligni caliditatem aquâ hordei, sero lactis, & aquis stillatitiis refrigerantibus corrigunt, si in decoctis vino uterentur, ligni caliditatem potius intenderent, quàm corrigerent.

Vulgares decocta vim habere siccantem, atque ad eò ad exsicandos multos ab eis fictos humores propinari asserunt. Verum nos adducimur, ut credamus unicam cuiusque exsiccantis vegetabilis Sex aliis aquæ unciis immistam, quæ ut sex humectare valent, exsiccare posse, cum siccitas ex *Aristotele* nil aliud sit, quàm *humidi defectus*, atque ipso naturæ lumine constat exsiccationem perfici per humidæ evaporationem à calore factam; non igitur videmus, quomodo in sex aquæ unciarum exhibitione, siccatio fieri possit, quin potius oppositum, scilicet humectatio succedat.

Verum pro hujus rei intelligentiâ juxta nostra principia dicimus decocta propriè non exsiccare, cum siccitas non sit qualitas positiva, neque posito, quod exsiccandi vim haberent, idè morbos curare valerent, cum non simplex humiditas, cui supponitur contraria siccitas, sed humorum degeneratio à naturali statu ut plurimum similes gignit morbos. Præterquam quod semper cum ægri maximo propinarentur damno, quia non minus excrementitium, quàm nutrimentitium humidum suâ siccitate resolverent decocta; tum quia non esset major ratio, cur unam potius, quàm alterum resolverent, exsiccarentque, tum etiam quia non adest in nostris visceribus sedulus aliquis separator, qui ad medicamenti exsiccantis natum, excrementitium à nutrimentitio sequestraret, illudque subjiciat, exponatque medicamento, ut illud tantum exsiccet, infonsse remanente.

Prædicant *Vulgares* lignum, falsam, chinam &c. calidum, siccum & qualitate occultâ præditum, sed per coctionem ab his non extrahitur caliditas, siccitas, & occulta qualitas, quia hæc sunt de accidentium genere, sed juxta nostra principia, ut fusiùs egimus in *nostra Pyrotechniâ*, dicimus, quod omnis corporum actio ab intrinsecâ eorum essentiâ, seu spiritu seminali eorum constitutivo dependet, qui in vegetabilibus præsertim sub formâ salis essentialis ludit; ita ligni, falsæ &c. decocta agunt virtute hujus spiritus, sive salis essentialis soluti in aqua decoctionis. Unde ligni, falsæ &c. decocta vim diaphoreticam habent, vel diureticam, quatenus sal illud essenziale aliud sal mordax, piperinum, vel acidum exaltatum corrigit, & resolvit, à quo Lues fovetur. Hic spiritus sub formâ salis essentialis ludens in nostratibus reperitur affluenter plantis Luem curantibus.

Hinc deducimus nunquam ex ligno, falsâ &c. decocta aperto vase fieri debere, nam spiritus ille, sive sal essenziale cum sit summè volatilis, faciliè abeat in auras, & quod remanet, nil est, nisi phlegma inutile, ignavum, & omnis virtutis expers. Hinc etiam eò magis secundum & tertium *Vulgarium* decoctum vanum, & nullius efficaciam judicamus. Adest in ligno pingue, & resinofum quid, ac nunquam illud in decoctis supernatante observatur, sed sub olei formâ tantum in destillatione per descensum, & non nisi aperto igne.

Chymici meditatores longâ decoctione, vase aperto, ad dimidiâ, vel tertiæ partis consumptionem subtiles, ac spirituosas dissipari partes, vel medicamentosas saltem minui vires, alio modo ligni decoctum parant, ne ejus virtus pereat: Cornutæ ligni scobem cum sufficienti aquæ quantitate, induunt, cui receptaculum adaptant, ac supposito igne primo digestionis, deinde destillationis, spiritum sulphureum, sive essentiam è lig-

no cum aquâ evocant, ad dimidiâ partis aquæ destillationem. Hujus destillatæ aquæ, in qua ligni purum ens essentiale ludit uncias quatuor magno cum juvamine exhibent. Continuant deinde aquam destillare, quam pro quotidiano præscribunt potu. Nonnulli spiritum ex guajaco eliciunt, qui prolixâ & solerti digestionem, fermentationem, & destillationem indiget, ut proliciatur, atamen summis virtutibus est præditus. Quidam summo perè guajaci oleum, tanquam alexipharmacum commendant, quod variis exhibent modis: Verum nullum oleum per alembicum destillatur, sed tantum per descensum, aperto igne, quod nullius est efficaciam, & intra corpus non commodè, imò vix tutò exhiberi potest. Multi guajaci extractum miris efferunt encomiis: verum nos nulli profuisse; imò cunctis obfuisse observavimus, ob admistam sulphurei menstrui partem, quod lui maximè adversatur. Præstat gummi guajacum naturale, sed debiles habet vires, nec recentem, aut antiquatam luem debellare potest, estò ex arboris incisione fluat.

De Salsaparillâ.

Primas in Lue curandâ guajaco tribuunt vulgares, post quod salsaparillæ radix succedit, quam aliqui Spartamparillam, & Hispani Sarsamparillam nuncuparunt. Advehitur illa ex Peru, ubi in sepibus nascitur, non aliter ac apud nos smilax aspera, vitis alba & nigra, ac lupulus salictarius, oblonga est, per terram longè, latèque serpit, ut sex cubitorum longitudinem æquet, & ultra, modicæ est corpulentia, & in fasciculos alligatur. Optima censetur, quæ intus alba, & solida est, corticem habens plenum, & dum finditur, foraminulenta non apparet; quæ verò rufa est, & dum finditur, pulverulenta, inefficax est, quia vetustatem sapit. Credunt nullam manifestam excedentem habere qualitatem, ex qua temperiei excessus induci possit, unde omni corporis constitutioni, & ætati tutò exhiberi posse fatentur, ac propterea temperatior, & moderatè calida est in primo ordine, ac insipida, nullius acrimoniæ, amaroris, aut adstrictionis, aut odoris particeps, sed obscuram quandam habet dulcedinem; existimant tamen illam in siccitate magis excedere, quàm chinam, ac tenuibus constare particulis, & proinde potenter incidit, attenuat, discutit, insigniter exsiccatur, sudores movet, & nimiam absument humiditatem; atamen non ob has manifestas qualitates, Lui adversari fatentur, sed ob qualitatem occultam, scilicet quam nesciunt. Quare multum valet salsa ad Luem profligandam, nec invidet ligno, nam multos curavit salsa, quos non potuit lignum; estò hoc falsâ efficacius à plerisque credatur; tamen in hoc lignum superatur, quod ob insignem tenuitatem laxandi, & penetrandi vim habet, dolores sedat, nec ullus dolor quantumvis contumax, & diuturnus erit, quem non tandem aliquando sopiat, & superet, si ejus decoctum constanter, & diutissime sumatur. Sic pariter tumores duri, & gummata multo brevius à falsâ, quàm à guajaco discutuntur per insensibilem evacuationem, eorum consumptâ materiâ, quapropter in aliis multis affectionibus feliciter usurpatur.

Ejus decoctum pariter parant simplex, vel compositum, vase aperto, & ad duarum partium consumptionem, ut

℞. Salsaparill. minut. concis. ℥. ij. infunde in aq. font. lib. iij. & per horas 24. macera; Postea levi igne bulliant ad dimidiâ partis consumptionem, addendo ℥. a. passul. ℥. ij. coriand. præp. ℥. j. f. colatura.

Dosis lib. ℥. Addunt nonnulli in ventriculi gratiam

mentham, absinthium, cinnamomum &c. aut simplicia cephalica, hepatica, vel nephritica juxta partis laborantis conditionem. Post primum decoctum per reafusionem secundum pro potu ordinario parant, & tertium pro carniis, & ciborum elixatione, manuum, & faciei ablutione, ut de ligno diximus. Pro infantulis, & delicatis, addito saccharo in primo decocto Julepum formant. Ex falsâ etiam decoctum parant compositum, additis medicamentis purgantibus, eo modo ac de guajaco retulimus.

Parant *Vulgares* pulveres falsæ, quos summo perè efficaces pro lue curandâ celebrant.

℞. Salsaparilla unc. ij. fol. sen. or. & hermodactyl. ana unc. j. turbit. ℥. vij. iuxta arthetica ℥. iv. Cinnamomi, & zinziberis ana ℥. j. f. omnium pulvis subtiliss.

Dosis ℥. ij. pro vice, cui adde diagrydii gr. vj. usque ad x. Infunde per noctem in suff. vin. alb. opt. quantitate, manè sumat æger cum pulvere vinum.

Habeat apud *Vulgares* salsaparilla omnes roris marini virtutes, miris celebretur encomiis, appelletur parilla, estò quod cum illâ nil aliud medicamentum comparari possit; illud interim à nobis quotidie observetur, minus etiam guajaco, & chinæ radice exsiccare, ac urinæ vias magis, quàm cutis poros affectare, quapropter ad gonorrhœæ sanationem, quæ à feri virulentia fotum suscipit, eximia est, cum testes, aliasque partes feminis coctioni, distributioni inservientes, occupet. Ejus decoctum ventriculum nimis laxat, ut estò simplicia pro eo roborando admisceas; frustra tentaveris. Reperitur passim apud nos Smilax aspera, quæ vulgò dicitur *Salsa pasana* majoris energiam, quæ felici cum successu plures à Lue Venereâ eripimus, & hanc pauperes pharmacopolæ pro salsaparillâ usurpant, quoties parilla præscribitur illis. Discrimen, quod inter Peruvianam falsam, & nostratam intercedit, est, quod illa magno, nostra ferè nullo emitur pretio; in reliquis tamen idem sapor, & cortex, eadem medulla, & facultas, imò in nostrate vividior, & vegetior.

De Chinæ radice.

Inter plura Venereæ Luis antidota Chinæ radix celeberrima recensetur, quæ à mercatoribus Lusitanis à Chinarum Regno advehitur, ad quam pro hoc fugando morbo confugiunt Chineses. Radix hæc non est valdè longa, verum admodum nodosa, & arundinum radici non absumilis. Color subrufus, pondus mediocre, id est neque levis, neque ponderosa, recens sit, & nullatenus carie exesa, nullum insignem referens odorem, nulloque sapore præpollens; propterea in activis nullum excessum habere credunt, sed potius temperata, vel si excedit à temperato, ad frigiditatem in primo gradu inclinât: de recenti tamen radice *Garzias ab Horto* refert: *Eam insigniter adeò calefacere, ut si quis ejus decocto paulum meraciori utatur, aut calidum hauriat, ob nimium medicamenti calorem in maximos hepatis ardores, in erysipelata, in phlegmonas, atque alia gravissima incidat symptomata; in passivis verò sicca non leviter: quapropter nec oleum, nec unctuositatem habere videtur.*

Tenuis est substantiæ cum aliquâ adstringendi vi, & substantificâ quadam humiditate, qua mediante, *Vulgares* miseris adulantur ægrotis, ejusque usum homines pinguescere dicunt, quia ejus decoctum facile acefcit; verum hoc fusiùs etiam de guajaco repudiavimus, quod ejus decoctum acefcit, non est sufficiens impinguandi ratio, cum omnium lignorum, radicumque decoctum acefcit. Cum primum mercatores in Europam advexissent miris laudibus Chinæ radicem,

tanquam auxiliare medicamen à divinâ auxiliatrice manu promanatum ad chronicos, deploratosque morbos celebrare cœperunt luci cupidine tracti. Unde bar-di Medici nimium quàm par est, mercatorum technis fidem præbentes, psittacorum more citra experientiam, & ultra vires eximiis præconiis commendare aggressi sunt: ut quæ tenuium partium digerendi vim habeat, siccitatis ratione attenuet, omnis generis excrementa liquet, quæ deinde in urinas, & sudores transeunt. Lue Venereæ non ob manifestas qualitates, sed ob occultæ formæ proprietatem non solum prodest, verum etiam ulcera absterget, obstructions referat, sanguinem à corruptione vindicat, destillationibus medetur diuturnis, phthisim curat, hepatis inflammationes restinguit, hydropisim sanat, atrophiam tollit, lepram depellit, elephantiasim abigit, articulorum dolores aufert, & quia temperata est, omni ætati, omnique sexui, quocumque anni tempore, ipsique adeo febricitantibus tuto exhiberi potest. Quæ facultates omnes cum in guajaco desiderentur, à nonnullis tunc temporis supra guajacum china evecta est, & non ad solam Luem Veneream; sed ad sexcentos alios morbos adhibita fuit.

Ob tot tantasque virtutes à scriptoribus decantatas, Carolus V. partim ob Luem Veneream, partim ob atrophiam, partim ob artuum dolores de quorundam Medicorum consultatione hujus radice decoctum accepit, & maximam ei largitus fuit famam, quæ vagata per orbem, Chinæ radix tanquam pretiosum medicamen auro carius maximo venundari cœpit, unde:

Pauperiem fugiens, currit mercator ad Indos.

Sed experientia ejus rumorem postea derogavit, & celebritati nominis proportionem nequaquam respondit, neque ejus pretio enormi: scribit namque de hac re Julianus Palmarius de Venereâ cap. 14. Multos magno suo incommodo radicem hanc guajaco prætulisse, sequæ experientiâ comperisse, quod etiam in magnâ vitæ parsimoniâ adversus hanc Luem inefficax fuerit, sæpe etiam ejus decocto ita humescere ventriculus visus sit, & nativus calor opprimi, ut lenteria gravis, magnæ cruditas non raro subsequuta fuerit, quibus imbecillos infiri calorem fomes inerat. Præter has incommoditates, & vitia, non raro etiam lienis tumores, atque duritiem diutius utentibus inducere scribit. Non agit qualitate occultâ, quia hæc qualitas est sacrum ignorantie asyllum; nec adversus Luem est verum prophylacticon, cum plura de hac radice circumferantur, quæ non nunquam, vel raro observantur in praxi. Plurimi ægroti diuturnum hujus radice usum adhibuerunt, nihilominus neque vel tantillum morbi vis se remisit, vel alleviata, recidivam passi fuere, ita diuturna experientia nos edocuit maximo ægrotum incommodo; est itaque vana chinæ exhibitio pro ægrotis, non verò pro pharmacopolis, & Medicis, & tamen stolidum vulgus magnam medicamenti vim esse credit, quoties impendium maximum est, & medicamentum putat pretiosum, quod carissimè emitur. Hujus farine est China, ac proinde non exiguum obtinuit famam; laudamus propterea pharmacopolas, qui pro chinæ radice à Medicis ordinatâ arundinum radices substituunt, quibus parem, & fortasse majorem inesse virtutem in praxi comperimus, quia arundinum radix succi plena haberi potest in nostris hisce regionibus, chinæ verò omni succulentia emuncta in nostras asportatur regiones. Sed quia veterum corrigere errorem difficillimum est, expedir idcirco ægris, & vulgo morem gerere aliquando: Verum tantum divitibus ægris hæc propinent decocta, nec sumptuum, & crumæ pauperum immemores illis fortunas absque salutis spe eripiant.

Hujus radice decocta ita parant vulgares:

℞. China in talleolas dissect. ℥. j. infunde in aq. font. fervent. lb. iij. per 24. horas. Deinde bulliat lento igne ad consumptionem duarum partium: addendo in fine, funariæ, lupulorum, capill. Veneris ana m. j. coriand. præp. unc. ℥. cinnamomi ℥. iij. f. colatura, & servetur.

Dosis ℥. ss. pro vice. Ex radice, quæ primo inservivit decocto, paratur secundum pro potu ordinario, ut

℞. Rad. chinæ primò adhibita unc. j. Infundantur per 24. horas in lib. 9. aquæ fontis ferventis, deinde bulliat ad tertiam partis consumptionem, addendo in fine, coriand. præp. ℥. vij. cinnamomi ℥. iij. f. colatura, & servetur.

Post secundum per reaffusionem tertium parant pro ciborum elixatione, manuum, & faciei ablutione. Hæc decocta magnâ aquarum copiâ, & longâ indigent ebullitione, ut virtus extrahatur, & aquæ communicetur, & ad 30. 40. vel 50. dies assumuntur.

Hæc sunt vulgarium alexipharmaca pro Lue fugandâ; quorum unumquodque eam profligare valer, verum tamen semper alia aliis sunt efficaciora, juxta varios morbi gradus, & patientis temperiem, nunc unum, nunc aliud usurpant; si nullâ tamen viscerum intemperies adsit præstantissimum esse guajacum judicant, licet in occultis qualitatibus unum sit occultius alio, quia unum alio præstantius, & hac ratione nunc guajacum, nunc salsam parillam, nunc chinam usurpant, & nunc hæc omnia ob varias intentiones in majori, vel minori quantitate admiscunt, ut

℞. Lign. guajac. lb. ss. cortic. ejusdem, & Salsaparilla ana unc. iij. rad. chinæ unc. j. ss. Infunde spat. 24. horarum in aqua lib. 12. Postea bulliant ad medietatis casum, fiat colatura, Residuo reasfunde aquæ lib. 12. stent in infusione horis 8. postea coque ad tertiam partis consumptionem pro potu in mensâ. Vel

℞. Salsaparilla, & cort. guajaci ana ℥. iij. Lign. guajaci lb. j. infunde in aqua lib. 16. & coque ad medietatis consumptionem. Deinde reasfunde, & coque pro potu ordinario.

Multi his decoctis purgantia quandoque admiscunt, quæ à nonnullis improbantur. Primò, quia antequam ad horum decoctorum usum accedant, diligenter purgandum est. Secundò, purgantia, & sudorifica motus efficiunt contrarios. Tertiò, fortiora sudorificis sunt purgantia, & purgantia sudorifica per secessum trahunt, quia fortius attrahit minus forte. Quartò, melioris notæ Medici purgantia decoctis non admiscunt, sed per certa intervalla purgant quarto, vel quinto quoque die.

Verum non improbandus in decoctis compositis est sudor, nec diversæ fiunt evacuationes, motusque contrarii, ad cutem scilicet per sudores, & ad alvum per purgantia; nam evacuationes prædictæ, & motus non fiunt eodem tempore, citius nempe post horam à decocto assumpto proritat sudor, post multum verò tempus dejectio, quia vis dejectiora majori indiget tempore.

Lues Venerea morbus est chronicus, & diuturna expostulat medicamenta in ejus curatione, ac proinde tota barbatorum curatio in horum decoctorum exhibitione volutatur, unde si decocta propinant solutiva; eorum usum præscribunt ad dies 25. aut 30. Si fuerint simplicia, primò corpus deplet purgantibus de communi morborum omnium à nobis recensitis, deinde decocta exhibent simplicia ad dies 50. aut 60. vel ulterius, interim visitando quotidie ægros, pecunias emungunt. Decoctum propinant valde calidum, ad hoc ut citius per corpus penetret, & sudor proritetur: decocto assumpto sub aurorâ, superdormiat æger, ut citius digeratur, & per corporis habitum diffundatur, ac stragulis optimè cooperiatur, ut sudor copiosus emergat, vel in Laconico se componat, & ibi detineatur, quousque sudet. Et quia, dum simplicia assumuntur decocta,

decocta, per sudorem non nisi tenuia evacuentur excrementa, crassioribus remanentibus, laudant propterea *Vulgares*, ut singulis quatuor, vel quinque decoctis assumptis, purgans aliquod præbeatur pharmacum, quod crassiora excrementa purgandi vim habeat, ita sunt *Syr. de fumar. maj. Syr. Sueff. ros. solut. manna &c.* Nostrates vulgares hoc utuntur pharmaco:

℞. Syr. de fumar. maj. ℥ iv. decoct. cord. ℥ ij. m.

Imperant tamen, ne tali die sudor proritetur, quia æger duas non potest ferre evacuationes, & alteram impedit. Interim per totum decoctorum tempus ægrum ita in cimмериis claudunt, ut ne aëris quidem claritatem aspiciat, nedum pedem e cubiculo efferat, & interrim quoque exactissimam victus rationem, scilicet mira jejunia instituunt per panis biscocti, & urvæ passæ, aut amygdalarum modicum, & si ad summum adeo exactam tolerare diætam non possit æger, vel parvam concedunt, carnem assam. Verùm sæpius evenit, ut ante constitutum tempus quidam ob tenuissimam victus rationem ita imbecilles, & viribus destituti conspiciuntur, ut:

Vix habeant tenuem, quæ regat ossa cutem.

Et penè spiritu, & vitâ deficient. In tam conspicuo vitæ discrimine versantur miselli ægroti, ut in sceleti formam redacti, cum magnâ ætis jacturâ, vitam quasi deperditam vix recuperare possint, nec mendicata sanitas ex voto succedit, nisi palliata, & fucata, dum diu Lues paulò post truculentior recrudescit.

Nostri malè feriat *Vulgares* præter decocta urbanas habent stufas calidas, & siccas, ad quas Lue correptos ablegant ægrotos, sed præcipuè Sole canceri signum percurrente; innumeras hominum, mulierumque infectas copias ad Tritholi vaporosum sudatorium in Puteolano, vel ad Pithecusæ sudatoria, ubi maximus de toto corpore fluit sudor, sed hic vanâ spe miseros ludit, levat quandoque, non eradicat Luem, nam calor ille sudorem proritans nullum antidotum, sive alexipharmacum ad Neapolitanum extinguendum venenum servat, sed est simplex, homogeneous, nec differt à quocumque culinario calore, sive igne (calor enim, & ignis non differunt, ut luculenter probavimus in nostrâ *Pyrotechniâ sôphicâ lib. 2. cap. 1. de igne*) ideòque licet degeneres attenuet humores, non sine capitis mortui residuo id exequitur, unde Lernæ hydra latens paulò post majores suscitât iras, & hinc lerna malorum, nec Vulcanus clandestina Veneris adulteria ulcisci potest; quia claudus, nisi vindice Mercurio. Venerea Lues est morbus mineralis, & minerale requirit remedium; curandum itaque, ut Mercurii naturam in stufam convertamus, hoc est absque stufâ procedat sudor: nam statim ac à Mercurio provocatus fuerit sudor, jam in proximo est sanitas; omnis igitur sudor absque mercurii interventu inutilis est. Sunt nonnulli, qui absque Mercurio sudoribus factis, aliquos Lue correptos curant, tamen res fundamento caret, & ferè semper in deterius malum minatur.

Cap. 2. De Curandis affectibus Venereis à nutrimento corrupto nascentibus, & primò, De Gonorrhœâ.

Effluvium saniosum ex interiori pudendi parte viri, seu mulieris, Medici gonorrhœam appellant, sed falsò, nam hoc nomen græcum gonorrhœa seminis profluvium designat, quod ex vesicularum seminalium debilitate retentricis, vel aliâ de causa procedit; sed id, quod ex urethrâ fluit ex contagii gallici communicatione, semen non est, sed penis nutrimentum in sanie

à contagio degeneratum: Neapolitanis dicitur *scalatura*, reliquis Italis *purgatione*, Latinis verò rectè dicitur fluxus Venereus saniosus.

Signa.

Non immediatè post pollutum concubitum hic saniosus adveniet fluxus: sed ut plurimum ante quartum diem, multoties ante septimum, raro ante quadragesimum, sed post quadragesimum à concubitûs die nunquam observatus fuit. Quisque in concubitûs actu facile futuram gonorrhœam cognoscere potest, si intra urethram in illâ Veneris palæstrâ, veluti lancinari, vel quoddam effluvium sentiet. Magna erit in mingendo acrimonia, in pene erigendo dolor, & si patiens penem emungat parvam saniei quantitatem, veluti per lam è glandis foramine educet. Acrimonia in mingendo, & dolor in erigendo ut plurimum post 21. diem cessabit. Saniosus fluxus adeo erit assiduus & quandoque magnus, ut indusium ex eâ parte saniei immersum appareat; unde juvenes, qui parentibus sunt subjecti admonitqs esse volumus, ut penem periâ obvolvunt, ne indusia, quæ à matribus ut plurimum observari solent, conspurcent, & saniosæ Veneris clandestina conubia pateant.

Multoties contendunt ægroti gonorrhœam exortam fuisse ob immoderatum motum, renum calore, equitatione &c. Tu verò facile distingues, num gallica, aut non gonorrhœa sit; si simplex namque illa fuerit, & sine contagio, nullam ostendet virulentiam, excretio proinde colorata non erit, sed albida, nullumque afferet dolorem, nullum urinæ ardorem, & inflammationem nullam, at si copiosa, & diuturna erit, sequitur corporis consumptio. Contra si viridis, flava, multum varicolor fuerit expurgata materia, in ejus fluxu dolor persentiat, penis arrectio impediatur, urinæ verò sit ardor, glandem inflammet, præputium in tumorem elevet, & fluxus diuturnus, & copiosus sit, non sequitur, corporis tabes, apertissimum habebis indicium illam esse virulentam.

Causa.

Ridiculi sunt Medici vulgares, qui ex hepatis intemperie, & renibus hunc saniosum fluxum oriri autumant. Non negarimus quandoque hepar, & renes ex diuturno contagio Venereo infici posse, sed fluxum, qui ex polluto succedit commercio, ex quo fluit, suam habere productionis causam, non autem in hepate, & renibus asseruimus.

Hujus saniosi fluxûs causa est effluvium halituum ab utero Lue Venereâ polluto prodeuntium, & per urethram viri in ingressu se insinuantium, à quibus penetratâ illius partis epidermide, spiritus sensitivus sub epidermide gliscens, ideam contagii induit, cujus ope totius urethræ nutrimentum in sanie vertit, illam inflammat, & ad reliquos disponit affectus.

Prognosis.

Solet in gonorrhœâ ex sanioso illo fluxu præputium inflammari, & in tumorem elevari, ac vitreum videri, & in rimas dehiscere. Multoties inflammantur testes maximo cum tumore. Interdum supprimitur, & quandoque obstinata plurium annorum spatio perdurare consuevit, adeo quandoque grano hordeaceo, nullis cedens præfidiis. Ut plurimum in carunculam, vulgò carnositatem, terminare, quæ vel nunquam, vel tardissime curatur. Itaque nisi statim ab urethrâ contagium illud omnino abstergatur, omnes lûis Venereæ species;

species, quas enumeravimus, temporis tractu ab eâ produci possunt; nam paulatim Venereum fermentum ex nutrimento in sanguinem, ex sanguine in partes spermaticas, & ex spermaticis serpit in ossa.

Curatio.

Vulgares medici pro gallicâ gonorrhœâ curandâ præstolantur, ut saniosus fluxus absque remediis propriâ sponte cesset, unde eorum malitia, quia efficacibus remediis ad fluxum gallicum perferendum hætenus caruit, infirmis proponit, ut gonorrhœâ fluat per 40. dies, interim vana, & inutilia quædam exhibent medicamenta, quæ contra contagii virulentiam nil efficaciam habent, sed ex 40. diebus spontaneam expectant curationem. Instituunt interim victus rationem, & prohibent austera, & acria, ut vinum rubrum, & acetum, prohibent aromatica acuta, & falsa; consulunt deinde victum humidum, & refrigerantem. Nos errores in victu non laudamus in gallicis, neque in præscribendâ diætâ multum immoramur, scimus enim contagium gallicum cuicumque extremæ diætæ cedere omnino non posse. Instituta victus ratione, *Vulgares Medici* sequentia recepta per multos dies exhibet.

℞. *semin. melon.* unc. β. *contunde*, & *cum aquâ C p ll. v. n.* unc. ij. *diff. f. expressio.* *Sacchari* unc. β. *m. ut f. p.*

Vel ℞. *Quatuor sem. frigid. ana.* unc. β. *contundantur modo*, *qui supra*, & *diff. in eadem aquâ, f. expressio.* *cum add. in c.* *sacchari*, & *exhibe ut supra.*

Vel ℞. *Syr. p ll. ven. malvarum*, & *viol. ana.* ℥. β. *an. C p ll. Ven. cum expressio.* *sem. mel.* unc. iij. *Spiritus violi gutt. vj. m.*

Consulunt *malvarum caules conditos*, *melonum semina condita* post prandium, & cœnam, & assiduum *aqua capill. ven.* usum, neque desunt, qui supra allatis viliora, & ignaviora præscribant, credentes prædictas feminum, syruporumque mucilagines, ut urinæ acridinem infringunt, ut adeo acute urethram stimulet, contagium gallicum semel impressum è corpore eliminare posse: sed ejulatus, clamores, & planctus tot miserorum, qui ex gonorrhœis præscriptis remediis curati, nunc morbi gallici furores ubique in corpore patiuntur, dictorum medicaminum ignaviâ, Medicorumque obstinata ignorantia, ubique in hac civitate testantur: mirum sanè est, quod hujus morbi virulentiam supra omnia venena extollant, & quod deinde à melonum feminibus, & aquâ capillorum Veneris tantæ virulentie debellationem expectent? Morbum in causâ occultum prædicant, & manifestis, ac vulgaribus deinde medicamentis sanationem perficiunt.

Per quindecim, aut viginti dies, & ultra notatis mucilagines exhibitis, aliqui *terebinthinâ utuntur lotâ aquâ violarum per os assumptâ ad quantitatem ℥ β.* quolibet manè jejuno stomacho per sex, vel octo dies cum *pulvere glycyrrhizæ*, & *saccharo ad formam boli*, sed inicitè faciunt; multum enim sui balsami per lotiones deperdit, fitque merè inutilis. Latet in terebinthinâ mirabile balsamum, quod in vias urinarias specificâ fertur proprietate, illisque balsamicam suam impertitur virtutem, ne earum nutrimentum degeneret, corrumpatur, vel fixetur: Unde est, quod post assumptam terebinthinam urina, quæ reddita, violaceum à longè sensibilem secum ferat odorem. Nonnulli procedunt hoc modo:

℞. *Terebinth. lib. j. coquant in aqua lib. xxiv. donec odorem amittat*, & *inspissetur*, adeo ut refrigerata digitis in pulverem veri queat, ac vitri modo dissiliat; sed etiam ineptè faciunt, cum tota pars essentialis in

aquam transeat, remaneatque tantum pars inutilis balsamicâ spoliata virtute. Aliqui tandem medicastri terebinthinam propinant crudam in ovo forbili, quod medicaminis genus; ferculum nimis ingratum, ob olei rosacei defectum, à digestivo parum differt.

His parum proficientibus ad Cassiæ usum patientem inducunt, eamque ita præscribunt:

℞. *Pulp. Cass. noviter extract. per setam* unc. ij. *fol. sen. or. pulverisat.* unc. β. *cinnam. contus.* ℥. ij. *Sach. q. suff. f. conserva.* quæ exhibeatur in formâ boli.

Nos Cassiæ usum non omnino inutilem judicamus, nam omnes humores cuicumque generis dulces reddit, difficillimum lotii exitum faciliat, urinæ ardorem cicurat, & veneni gallici virulentiam mitigat, licet non extinguat: errant tamen *Vulgares medici* in foliorum Senæ additione, nam simplicia omnia, quæ suapte naturâ in renes, & vesicam properant, si solutivis miscantur, propter vim solutivam per intestina præcipitant, antequam in renes descendant: Nos itaque sequenti modo cassiam exhibemus, & non parum juvamus in virulentis gonorrhœis:

℞. *Pulp. Cass. recenter extract. per setam* ℥. ij. *pulp. tamarind.* ℥. j. *pulv. glycyrrhiz.* ℥. vij. *Sacch. parum f. conf. in patinâ super calidas cineres.* Dosis unc. j. usque ad ij. Immediatè ante prandium exhibeatur quinque, aut sex successivis diebus.

His sic exhibitis, si gonorrhœam patientes Medicos urgeant pro integrâ curatione, ad asylum medicum, scilicet ad sanguinis missionem, & purgans deveniunt medicamentum, scilicet ad sanguinis, & stercoreis educationem, quibus si gonorrhœa non cesserit, infirmo suadent fluorem illum utilem esse, cum natura per eum locum virulentam materiam expurgare conetur, neque cohibere debere, quia corpus inficere potest, & pejora eveniunt mala; hac malitiosâ industriâ, quod illi perficere nequeunt, per alios curari sub pœnâ majoris damni infirmis prohibent. Ex pedibus itaque sanguinem mittunt semel, & bis, quasi retractum deorsum versus crura venenum intra corpus non remaneat. Deinde ad sequens, vel simile deveniunt medicamentum purgans, absque ullo tamen Anti-Venereo, sed solum per applicationem commune morborum omnium, quo semel, bis, & ter corpus solvunt:

℞. *fol. sen. cr. tart. vin. alb. & polyp. querc. ana* ℥. j. *flor. cord. p. j. f. decoct. f. a. in aquâ capill. ven. & in suff. quantitate prædict. decoct. diff. Syr. Suesf. & ros. solut. ana* ℥. iij. *confect. hamech.* ℥. β. *m. f. potus*, adde aqua cinnam. parum.

Verum nos fraternâ charitate *vulgares Medicos* admonitos volumus, (licet de errore admoneri nolint) ne audeant sanguinem mittere, neque purgans exhibere medicamentum, saltem dum in gonorrhœâ perseverat urinæ acrimonia, & in erigendo dolor, sed usque hunc perseverare debent in aperientibus, & diureticis, nec aperientium, & diureticorum usus debet esse prolixus, quia testium inflammationem, & tumorem, vel podagram, vel involuntariam urinæ excretionem causare potest, ut nos multoties observavimus. Verum his syrupis aperientibus, & diureticis Laconicè res absolvi potest.

℞. *Syr. de quinque radie. aperient. & de althæâ Fernel. ana* ℥. j. *aq. capill. ven.* unc. iij. m.

Vel ℞. *Syr. de Nymphæis, & malvar. ana* unc. j. *aq. ejusdem mæva* unc. iij. m.

Vel sequenti in hunc modum concinnato, quo plures curavimus gonorrhœas:

℞. *Decoct. capill. Ven. agrimonie, hepaticæ, plantaginis, Ceterach.* ℥. v. *Syr. de succ. V. l.* ℥. ij. m.

Et ratio est, quia tam sanguinis missio, quam medica-

dicamentum purgans à corporis circumferentiâ centrum versus trahunt, & venenum gallicum, quod in pene, vicinisque stagnat partibus, intrò trahitur, aut ejusdem materiæ in testiculos deductio, & horrendi morbi inde sequuntur. Terque quaterque infelix ille, qui virulentâ adhuc fluente gonorrhœa ex misso sanguine, vel ab adhibito purgante gonorrhœa à fluore cessat, vel enim febte malignâ corripitur, vel intra mensis spatium acerbissimis in toto corpore doloribus cruciabitur. Expectent itaque, ut in gonorrhœis omnis dolor, omnis urinæ acrimonia, & omnis materiæ fœdus color cessent, nam tunc licet sanguinis missio, quæ tamen nullo modo fieri debet, & purgans medicamentum, nihil proficiant, multum nocere non possunt.

Si his præsidiiis gonorrhœa non cesserit, oleis adstringentibus ex *maftiche*, *menthâ*, *rosâ*, *myrto* paratis Lumborum regionem, & perinæum inungunt, vel ex rebus adstringentibus foveant.

In diuturnâ gonorrhœâ prædicta non sufficiunt, & ad fortiora confugiunt, nempe ad falsæ parillæ pulverem, quam tali modò describunt.

℞. *Salsæ parill.* unc. j. *turbitib.* & *hermodactyl.* ana unc. iij. *fol. sen. or.* unc. ss. *fiat omnium pulvis subtilissimus, de quo*

℞. 3. ij. *pro vice. in qua dosi singulis vicibus sunt addenda gr. v. vij. vel viij. diagrid & infundatur de sero in vino albo generoso.* Postea manè sumatur ad plures dies usque ad morbi declinationem.

Solet quandoque tam sæva, & rebellis esse, & tunc labein hepatis impressam esse signum est, & decocta sudorifica ex ligno guajaco, & falsâ parillâ in vino austero parata, vel æstuaria multum prodesse possunt, quibus non juvantibus utendum censent intra mentulam lotionibus ex *aquis plantag. ros. rubr. portulac. & Nymph. additis cerussæ lotæ in aquâ ros. 3. ii. lithargyr. bol. armen. or. & terr. sigillat ad 3. j. Bulliant ad tertia partis consumpt. & colatura addatur sacchari alb. parum*, & f. injectio pluries in die usque ad gonorrhœæ sanationem.

Tandem aquam commendant solutivam, quam ita parant:

℞. *Tartari*, & *polyp. querc. ana* unc. iij. *sen. or.* unc. ij. *passul. sine arillis* unc. iv. *coriand. præp.* unc. j. *cinnam. elect. parum.*

Bulliant s. a. in sufficienti aquæ quantitate, & facta colatura servetur. De hac decoctione exhibeantur unc. vj. pro vice ad plures dies.

Ex his debilibus, & barbitonforiis medicamentis, quæ tam sævo, deleterio, & pertinaci nostri barbati exhibent morbo, non ægrè quisque omnimodam sanationis impossibilitatem conjicere potest, & licet quandoque his futilibus medicamentis gonorrhœa cessare videatur, quia Luis virulentia proprietatis non absterfa, & resoluta fuit, inquilinus remansit hostis, qui horrenda fabricat symptomata, temporis tractu barbatorum palliatæ patefcunt sanationes.

Pro nostrâ methodo in curandis virulentis gonorrhœis repetimus id, quod in nostris theoriis diximus, scilicet quod causa occasionalis Luis Venereæ est fixatum nutrimentum, cui quoties nutrimentum sanum, & volatile approximatur, figitur quoque, & in ejus naturam convertitur. Gonorrhœa gallica hoc modo fit, scilicet halitus, & effluvia uteri gallici viti sani urethram intrant, ejus epidermidem penetrant, proximum illius partis nutrimentum sanum, & volatile attingunt, illudque in eorum naturam transmutant, transmutatum deinde in sanici formam effluit, totamque inflammatur urethram, quæ inflammatio in vesicæ collum usque transfunditur, & hinc eger cum decumbit, intensis afficitur doloribus, si penis tentigine corripitur, &

in lotii emissionem, nominatim verò in viris, convulsione nervorum penis, qui dum ad principium retrahuntur, intumescunt, à qua intumescencia, pars illa flectitur, & incurvatur, unde gradus urinæ acrimoniæ, & gonorrhœæ exurgit, quam chordatam appellant Medici. Hac posita doctrinâ indicatio curativa duplex inde confurgit, una, quæ fixatum jam nutrimentum resolvit, immutat, ac volatile reddit, & altera, quæ adveniens sanum nutrimentum in suo balsamo conservet, ita ut licet contaminatum attingat, non transmutatur ab eo; quoties enim quod advenit in partem nutrimentum non transmutatur, & quod illud transmutatur, resolvitur, & abstergitur, de gonorrhœâ jam actum est.

Resolutio, & absterfio fixati, & corrupti nutrimenti non fit nisi per vitriolata, ut alibi demonstrabimus; quoties enim loca, in quibus facta est degeneratio, attingunt, illa abstergunt, quod in gonorrhœis fit, injiciendo in urethram per syringam aquam vitriolatam dulcem, quam aliqui ex vitriolo Cyprio ita parant.

℞. *Vitrioli Cyprii 3. ij. ss. aquæ ros. & plantag. ana lib. j. fiat in aquâ vitrioli resolutio absque calore, deinde illam ter per chartam emporeticam filtra.* Quidam pro Cyprio utuntur Hungarico. Multi adhibent lapidem salutis, ut

℞. *Aquæ plantag. lib. j. Lapidis salutis 3. viii. stent simul spatio duodecim horarum deinde decanta.* Verum nos felici cum successu usi sumus *aquâ nostrâ Venereâ*, quam ita paramus:

℞. *Viridis aris* unc. ss. *aquæ font. lib. ij. stent simul usquequò aqua coloretur, decanta, decantata dissolve.* *Mercurii meteorizati gr. ii. vel. iij. & filtra.*

Tandem nos specificum nacti sumus medicamen, & omni laude dignum pro curandâ virulentâ gonorrhœâ trium dierum spatio, quod nunquam gonorrhœâ correptum fefellit, illudque sine invidiâ communicamus.

℞. *Aquæ plantag. lib. ss. Draconis mitigati in polonem redacti 3. ij. m. in phialâ, & agita.*

Vel loco Draconis mitigati (in dictâ aquâ dissolvi potest *salis Saturni 3. j.*) Hanc aquam recipe cum syringâ, ac permitte, ut syringæ fistula, quæ tenuissima esse debet, & syringa ex ebore, parum ultra glandem intret, ac tunc siphonis pressurâ fac, ut aqua per urethram interiùs excurrat, digitis premendo balanum, ne syringa ulteriùs intret, & aqua immissa fluat. Hæc lavatio ter fiat in die, & ter qualibet vice per tres, vel quatuor dies; ubi quisque advertere debet, quod ad hæc nostra applicanda remedia non requiritur, ut per aliquod spatium gonorrhœa fluat, sed ipso tunc, quo apparet, imò si susceptæ gonorrhœæ, vel bubonis suspicio adsit, qui non adhuc se manifestavit, hujus medicaminis usû ritè præcaveri potest, nam exterminantur causæ, quibus positæ pulularet.

Conservatio balsami nutrimenti est altera indicatio, quæ nos cogit invenire remedium, cujus energia nutrimentum, quod in partem contagio pollutam advenit, suam puritatem, & volatilitatem servat, nec per contactum cum corrupto ipsum quoque corrumpatur; hoc auxilium mirabilius, quàm credi potest præstat terebinthina per os assumpta ad quantitatem unc. ss. quolibet manè jejuno stomacho per sex dies in formâ boli intra hostiam convoluta. Verum nos feliciter utimur in gallicis gonorrhœis terebinthina Venetâ illotâ ad quantitatem 3. i. ss. alternis diebus intra hostiam convoluta aquâ madefactam cum *Draconis mitigati gr. x. vel xx.* in formâ pilulari, cui medicamini nulla gonorrhœa quantumvis virulenta resistit, movetque duos,

vel tres secessus, & urinę quantitatem. Illicò urinę acridinem, & in erigendo dolorem aufert, materię fluentis colorem immutat, omnia symptomata reddit benigna, & ad octo vices integrè curat fluxum, nec eger alio indiget medicamento purgante. Spiritu terebinthinę in gonorrhœis percurandis nil est potentius, suâ namque balsamicâ vi renes, & omnia vasa à venenatâ Luis labbe abstergit, & purificat.

Quercetanus contra gonorrhœam virulentam suam commendat aquam, quam se centies expertam esse gloriatur, cujus componendi talis est modus:

℞. *Menth. fisc. dictamn. Cretensis, radic. Ireos florent. ana unc. j. semin. agni casti, ruta, lactuca ana ℥. vi. terebinthin. Venet. unc. iv. vini albi unc. xx. m. omnia, & destilla in vas vitreo, in balneo vaporoso.* Dosis cochlearia duo per aliquot dies, manè jejuno stomacho, corpore prius purgato.

Sed nos non satis commendare possumus nostras pilulas in gonorrhœâ virulentâ, nunquam nos, & egrotum fefellerunt, hætenus pro reconditis habuimus, at nunc charitas nos monet, ut communicemus absque invidiâ ad proximi utilitatem, ut

℞. *Stibii diaphoretici ℥. ij. ℔. succ. liquiritiæ inspissat. ℥. v. succini alb. ℥. ii. gumm. guajac. nativi ℥. i. v. Mercurii dulc. ℥. vj. Mastich. elect. ℥. ij. terra examinata Virioli. ℥. ij. ℔. m. & cum suff. q. terebinthinæ Cypriæ efficiatur massa, ex qua pilula parva efformentur, quarum quatuor, aut quinque pro dosi unâ exhibeantur ad plures dies. Nulla gonorrhœa quantumvis virulenta, & antiqua his nostris pilulis resistit, sunt veluti specificæ pro hoc malo. Non infelicitatis conditionis sunt sequentes nostræ pilulæ, licet compendiosiores, ut*

℞. *Gummi guajaci nativi ℥. iij. Stibii diaphoretici ℥. ij. cinab. nativi, vel antimonii ℥. ℔. merc. dulc. ℥. j. ℔. m. cum balsamo Peruviano liquido, formentur pilula XII. & deaurentur.* Dosis pilulæ. ij.

Multum conducit *spiritus terebinthinæ mistus cum saccharo Saturni* in gonorrhœâ virulentâ, non absorbendo semen, ut vulgares perperam credunt, sed absorbendo acidum vitiosum in hac gonorrhœâ peccans; & eadem ratione conducit *Camphora*, non quod castrat per nares, ut vulgò putatur, unde versus:

Camphora per nares castrat odore mares.

Sed tanquam sal volatile oleolum detergit, & corrigit acidum Venereum. Hâc eadem ratione *infusum cantharidum in vino* expertum est remedium contra gonorrhœam cujusdam Belgæ, quod hic pro secreto apud quosdam pharmacopolas, & Medicos habetur in spiritu vini infusum; & nos multos, qui tale infusum acceperunt à faucibus orci eripimus. Verum cantharidibus inest vis salis volatilis quæ magna caustici, sedulitate & cognitione temperari debet ab acido aceti, vel vini, ut abeat in falsum temperatum, non adeò corrosivum, aliàs est potentissimè urinam cieat, corrodit, vesicat, & exulcerat non tantum vesicam, sed in transitu alias internas corporis partes, & ultimò vesicam, & inde inducit mictum cruentum. Adhiberi tantum debent cantharides externè in vesicatoriis, & tamen quoque mictum cruentant. Aliqui *sale petræ, vel prunellæ* utuntur quia abstergit, & resolvit omnia salia Venerea; & per urinæ ductus expurgat.

Extincto syringæ, terebinthinæ, vel pilularum nostrarum usu gonorrhœæ gallicæ fluxu, tutò, citò, & jucundè, magna cautela adhibenda est, ut si fortassè aliqua contagii aura intra corpus delitescat, omninò exterminetur. Nonnulli aquâ solutivâ magistrali utuntur à celebri Viro *Paulo Emilio Ferrilio* inventâ; ejus enim usus post symptomatum gonorrhœæ virulentæ remissionem, illam omninò extinguit, & de totali vene-

ni gallici extinctione aliquo modo ægros tutos reddere potest ejus descriptio talis est.

℞. *Sals. parill. scissa, minutim incisa, & benè lota, polyp. querc. confusi, tartari alb. pulverisati, uvarum Corinthiacar. ana unc. ii. santal. rubr. confusi. unc. j. limatura ligni sancti, rasura eboris, corn. cerv. non calcinati ana unc. j. Ponantur hæc ultima tria in pipatellâ, & simul cum aliis projiciantur in aquæ fontis ferventis lib. xx. ac deinde operto vase detineantur in loco tepido per 24. horas, bulliant postea ad Consumptionem tertia partis aquæ, & tunc adde fol. sen. or. unc. iij. cinnam. elect. confusi. unc. j. bull. parum, & auferatur vas ab igne, ac bene cooperum frigescat. Aquâ per inclinationem à materialibus pura separetur absque expressione, & post separationem in eâ exprimatur fortiter pipatella & servetur.* Dosis lib. j. usque ad j. ℔. pro patientis dispositione. Exhibeatur frigida post anisorum conditorum comestionem, jejuno stomacho per quinque, aut sex dies. Leniter solvit corpus septies, vel octies in die. Lauto indiget prandio, & ex carne, cruda omnia interdiciuntur.

Verum, ut in futurum æger tutus esse, & absque suspitione vivere possit de lue, si sequentibus pilulis, quisque utatur, procul dubio succedet.

℞. *Pilul. de tribus ℔. ii. in gracilibus; robustioribus vero ℥. j. ℔. merc. dulc. ℔. j. m. f. pilul. v. & deaurentur.* Et exhibeantur ante cœnam, eandem dosim ter exhibitum dierum spatio posito inter unam, atque alteram, & perfectè curatus erit infirmus. Vel melius.

℞. *Extract. Catholic. ℥. j. manna merc. gr. x. m. f. pilul. iij. & deaurentur.*

Cæterum si æger nostris utatur pilulis, nullo alio purgante indiget.

Præscriptis remediis indubitanter recens gonorrhœa virulenta curatur, & contagii suspicio, in posterum regerminatio omninò tollitur; verum si gonorrhœa fuerit antiquata, iisdem remediis tentari potest, facile tamen evenire poterit, ut impressum profundius virus non ita extinguatur, ac si recens esset; atque tunc ut fluxus curetur, qui faciliter in urethrâ carunculam inducere potest, quæ illam occludere solet, ad efficaciora transeundum est, nam quod antiquior gonorrhœa, eò remediis fit rebellior. Itaque ubi in recenti lavatio per syringam, & terebinthinæ usus per sex dies fuere præscripti; in antiquâ per 12. dies præscribi debent eodem modo, quod si jam pertinax persistat; jam hæc sunt inutilia, tunc *ad turpei mineralis, vel mercurii diaphoretici in nostrâ Pyrotechniâ* descripti usum recurrendum est, vel *ad lucertæ viridis* præparationem, cujus remedii tanta est in curandis gonorrhœis efficacia, ut recentem unâ vice exhibitum curet: antiquam verò quatuor vicibus assumptum radicitus abstergat. Hoc remedium versatum in spagyricis requirit artificem, nec indifferenter cuilibet pharmacopolæ est pro eo fidendum, modus illud conficiendi hic est.

℞. *Merc. vivi mundificati ℥. iij. f. ejus solutio in aqua fort. ℥. i. v. & servetur, deinde.*

℞. *Veneris unc. ij. solve in aqua fortis unc. iv. ℔. Has solutiones conjunge in uno vase atque postquam sunt commista, aqua foris destilletur, urgendo sub fine ignem vehementius ut maxima spirituum corrosivorum pars tollatur, quod in fundo restat, retere, & cum spiritu aceti in cineribus; vel in B. digere per xxiv. horas, ultimò ebulliando, ut potissima Mercurii pars in aceto solvatur, nam acetum destillatum tingetur colore lazareo, hoc coloratum acetum per inclinationem à præcipitato separa in vas limpidum, & serva, affunde iterum super præcipitati residuum aliud acetum, ac eodem modo, quo & spatio separetur, & in vas limpidum serva, & sic ter-*

tio fiat, usquequò acetum non amplius tingatur, tunc remanebit in vase pulvis citrinus dulcis, quem serva, nam mirabile est diversis morbis remedium; tinctum verò acetum destillatum quod omne in vase asservasti, in cucurbitam vitream loricatam suæ fornaculæ adaptatam injice, & evaporationis ignem suppone illumque continua, usque dum sicca materia remaneat viridis coloris, ac ea propter lacerta viridis dicitur. Hanc materiam à vase exime, & reduc in pulverem, qui non est eluendus. Est specificum pro gonorrhœâ virulentâ antiquatâ jamjam ad luis Venereæ præcipitium declinante, & licet gonorrhœa cessare visa sit, redit tamen ab hoc specifico exhibito. Idèoque doses convenientes tandem iterandæ, donec omnis fluxus saniosus sedatus, & sublatus fuerit. Movet nimirum simul hoc pharmacum gonorrhœam, & eandem tollit. Dosis à granis duobus, ad quatuor cum aliquâ massâ pilulari. Solet ut plurimum lenem provocare vomitum, paucosque secessus. Vel sequens massâ pilularis formari potest, ut

℞. Lacerta viridis ℥.ij. (forsan potius ℥.ij.) terebinth. Cypria leviter cocta ℥.ij. succ. liquiritiæ inspissati ℥.ij. extract. gentianæ ℥.j. m. omnia simul, & f. massa pilularis s. a Dosis ℔.j. ad ij.

Nonnulli infusum cantharidum in vino simplici, sublimato tanquam expertum remedium pro gonorrhœâ curandâ præbent, quia cantharides acerrimo sale volatili abundant, quo mediante acidum sal vitiosum in gonorrhœâ absorbetur. Verum non est tutum medicamen; est namque hoc sal causticum, & nisi optimè corrigatur, corrodit, & vesicam exulcerat, & inde mictum cruentum inducit. Et nos multos è faucibus orci eripimus, qui tale infusum sumpserunt; Concedimus itaque cantharides vulgaribus pro excitandis vesicis. Nonnulli bardi ad stimulandam Venerem cantharidum pulverem sumpserunt, sed res male se habuit. Salmuth. de sene historiam narrat, qui juvenulam duxit, cui ut placeret, accepit medicamentum, cui adjunctæ fuere cantharides, inde factum ut altero nuptiarum die fuerit mortuus, pene rigido permanente post mortem. Pro excitandâ Venere expertum remedium externum est cantharidum oleum per infusionem, quo penis & testes inungantur, sic enim Venerem stimulat, & penis erectionem promovet.

Post extinctum fluxum saniosum Venerem, per aliquod temporis spatium quædam lucida lacrymula ad urethræ expressionem usque ad glandem quandoque exprimi solet, quæ verum semen est; adhæret namque pollici, indici cum aliquali extensione, quod non contingit in fluxu sanioso, & hæc dicitur vera gonorrhœâ. Contingit hæc vel à feminis ubertate: hi enim gonorrhœâ Venereâ correpti à coitu se abstinere, semen augent, unde ut plurimum nocturnas patiuntur pollutiones cum magnâ feminis excretionem; vel provenit à laxitate vesicularum seminalium non secus ac prostatarum glandulofarum, quæ à fluxu sanioso introducta fuit. A feminis copiâ illis curatur medicamentis, præter extenuantem diætâ, quæ semen diminuunt, ut

℞. Fol. ruta sicca, sem. agni casti, mentha ana ℥.j. m. f. omnium pulvis, de quo accipiat aliquid æger manè jejuno stomacho in ovo sorbili. Utilissima est aqua castitatis alibi à nobis descripta. Vel sequens medicamentum per aliquot dies s. sumptum, ut

℞. Syr. ne Nymphaea unc. j. trochis. de vitice ℥.j. aqua Lactuca unc. iij. m.

Vel sequens propinetur emulsio ad plures auroras, ut

℞. Sem. cannab. melonum ana ℥.ij. quatuor frig. maj. ana ℥.j. aqua Lactuca, portulaca, flor. Nymph. ana unc. iij. fiat emulsio, & edulcoretur cum sufficiente quantitate syr. papav. albi.

Si vesicularum seminalium laxitate ortum ducat, ea conducunt medicamenta, quæ hæc vasa coarctant, & ad naturalem partium structuram disponunt, ita sunt

Bibl. Chirurg. Tom. III.

coralliorum tinctura, vel horum syrupus, vel magisterium. Vel sequentes pilulæ ad finem usque continuentur, ut

℞. Extract. rad. tormentil. ℔.ij. magist. coral. ℥.j. s. sperniol. Croll. ℔.j. m. f. pilul. ix. pro tribus dosibus.

Vel ℞. Croc. Martis adstring. ℔.ij. trochis. de carabe. ℥.j. offis sepia præp. ℔.j. Sacch. Saturni gr. xv. m. cum syr. de Nymphaea, & formentur pilula magnitudinis ciceris. Dosis pilulæ iij.

Solet quandoque gonorrhœa ita rebellis esse, ut omnibus adhibitis remediis reluctetur; hoc provenit, quia granum hordaceum est læsum, vel ulceratum & hæc est illa gonorrhœa, quæ ad plures annos, & ultra perdurare solet, nisi nostra adhibeantur medicamina.

Cap. 3. De Testium Tumore.

Testes variis tumorum generibus infestari solent, inflammatione scilicet, scirro, erysipelate, œdemate &c. quæ sunt aliis communia partibus, de quibus hîc non agimus? quædam alia sunt particularia, & propriè ipsis competunt testibus, non enim fiunt in extimâ scroti parte sed in intimâ, & circa ipsos, hujusmodi autem sub herniæ nomine comprehenduntur, de quibus in Primo Tomo tractavimus, sed hîc de illo testium tumore, qui ex virulentâ gonorrhœâ ortum ducit, agimus, quæ Hernia Veneris dicitur.

Signa.

Hujus affectus signa sunt: Si actu gonorrhœa fluit, vel ejus intempestiva præcessit suppressio, & ingens rigor corpus invaserit, deinde febris, testes intumescunt, insignis, & dolorificus exoritur tumor, quandoque in uno, & quandoque in ambobus testibus, cum pondere, quasi testes deorsum trahente, rubore, & pulsatione, ut plurimum ad renum loca se extendente.

Causa.

Vulgares Medici testium tumorem per viam fluxionis fieri credunt, imò per confluxionem catarrhalem ex hepate, quia gonorrhœam esse penis catarrhum opinantur.

Fit testium tumor, si æger diætæ leges parùm servet, sed ex ejus arbitrio pendeat, variosque committat errores; vel potius si saniosus fluxus adstringentium ope repulsus fuerit; vehementioribus catharticis vel intempestivè adhibitis; vel à nimio aperientium, & diureticorum usu, vel ex phlebotomiâ in pede celebratâ. His mediantibus causis occasionalibus, saniosus gonorrhœæ fluxus, vel aliqua ejus portio inhibetur, stagnat, nec amplius quandoque fluit, & consuetam obstruit viam, tunc è prostaticis per testium fibras, vel unâ cum sanguine, vel succo nutriente, vel lymphâ ad testes propellitur, & diffunditur, ibique excitatâ effervescentiâ, vasa intumescunt, succi inter testium fibras stagnant, fermentescunt, & arrepto veneno Venerico, ita exagitantur, ut acidæ, & cuspidatæ eorum particulæ vehementius commotæ fibras vellicent, lancinent, contrahant, vel distendant, & hoc non modò tumor, & ingens dolor, sed febris, rubor & pulsatio nunc in uno, nunc in ambobus testibus exurgit. Sæpè plures testium canaliculi à materiâ stagnante aperiantur, & succi intus contenti effluunt, & hyperæcosin producant insanibilem.

Prognosis.

Testium tumor est malum non contemnendum, cum testes ad speciei conservationem non solum sint necessarii,

sarii, illisque valdè læsis, læditur & generatio, sed etiam testantur humanitatem; unde tumor hic in principio non ægre curatur, si illicò convenientia adhibeantur medicamenta, & nullus nec à patiente, nec à medico committatur error: ut neglectus rarò suppuratur, vel perpetuò in scirrhum degenerat, si succi stagnantes ab initio non attenuentur, & resolvantur, præter alia diræ luis symptomata, quæ huic malo supervenire solent.

Curatio.

Curant *Vulgares* testium tumorem præmisso clystere refrigerante, & emolliente, peccant testes, & anumi plectunt; deinde venæ sectionem revulsivam celebrant, quæ multum nocet, ut fusiùs demonstravimus: quia non peccat sanguis, & in morbis venenatis sanguinismissio est ipso veneno nocentior. Postmodum victus refrigerantis, & humectantis institutâ ratione, ad cataplasmata refrigerantia deveniunt *ex malvarum foliis, radicibus altheæ, floribus chamomillæ, & meliloti, seminibus lini, ac psyllij.* Vel

℞. *Succ. solan. lib. ℥. flor. alth. exsiccat. ros. rubr. ana ℥. j. aquæ persicar. maculat. plantag. ana ℥. iij. farina hordei lib. ℥. olei ros. ℥. iv. f. cataplasma.*

Verum in magno versantur errore, quia licet copiosius refrigerent, tumorem non tollunt, nec resolvunt; sed in scirrhi duritiem vertunt. Nonnulli *fabatam* applicant, quam concinnant, fabas coquendo ad cataplasmatis formam usque cum oleo ros. & eodem modo *ex ciceribus cataplasma* conficiunt, quæ juvare credunt ob signaturam cum testibus. Dato, quod cicera ob signaturam juvent, fabæ quam signaturam habent; Interim non desunt *syrupi refrigerantes*, & renum *ex unguento rosaceo, & Comitissæ* inunctiones. Corpus semel, & bis *Cassia* purgant; sed malum pejorant, & tumorem augent, cassia namque per urinæ vias purgat.

Testium tumorem ex virulentâ gonorrhœâ contractum nos curamus dolorem sedando, fluxum saniosum avertendo, diffusum dissipando, & tumorem resolvendo. Unde æger in lecto quiescat, & statim ad doloris sedationem, testibus cataplasma de micâ panis sæpius applicetur quod fit *ex lacte, micâ panis albi, vitellis ovorum recentium, ac oleo rosaceo.* Magnæ efficacis est hoc cataplasma in inflammatione, & sedandis testium doloribus, non quia frigidum, sed ob anodynâ energiam, quam continet. Verum si dolor sit ita acerbus, ut totam se curationem trahat, tunc maximo juvamine applicetur cataplasma *ex foliis hyoscyami, papav. alb. & umbilici Veneris confectum in aqua spermatis ranarum* & addi possunt *mucilagines seminis psyllii cum eadem aquâ extracta.* Vel inungi possunt *oleo sem. papav. alb. per expressionem elicito*: Præsentissimum est etiam *Cataplasma ex ruta, & ebulli foliis aceto coctum*, & applicatum. Vel fiat fomentum *ex decocto radicis china cum floribus sambuci in vino generoso*; hoc enim decocto si fomentetur scrotum, & testes, discutit, & inflammationem resolvit cum gonorrhœâ conjunctam. Pro pauperibus tamen expertissimum est cataplasma factum *ex farina fabarum coctâ cum poscâ scilicet aquâ, & aceto*, & reverâ tale cataplasma est expertissimum ad quancumque testium inflammationem; Cujus rei aliquot experientias videre poteritis in Riverii observationibus, aded ut hoc ipsum cataplasma non tantum in simplici testium inflammatione; sed etiam quæ interdum suppressis intempestivè gonorrhœis supervenit, commodè applicari possit.

Saniosus avertitur fluxus, si nostra adhibeantur medicamina pro gonorrhœæ curatione, & præcipuè ea, quæ balsamica comprehendunt. Virulentam à testibus resolvunt materiam sequentes pilulæ, ut

℞. *Gummi guajaci nativi ℥. j. ℥. sibi diaphoretici ℥. ij. balsami Peruv. ℥. ij. ℥. m. cum syr. card. san-*

cti, f. pilul. xx. & deaurentur. Dosis pilul. ij.

Pro tumoris resolutione, transactâ inflammatione, & dolore, unicè valet *oleum sanctum rectificatum, & corroboratum cum oleo ligni sancti, vel oleum cera cum oleo gummi ammoniaci vigoratum*, pluries injunctum, vel *balsamus sulphuris à Rulando descriptus*, vel applicati potest *emplastrum sticticum*: Sed in horum medicaminum applicatione, ut partem tangerent, & actuerent, ac ne suo pondere testes deorsum trahantur, & dolorem adaugeant, necessarium est subligaculum.

Tumorem antiquatum tollunt purgationes nostræ pilulares capite præcedente de gonorrhœâ descriptæ, quibus parum proficientibus, quia scirrhi naturam sapit, ad nostra decocta infra describenda recurrendum est, vel ut tumor scirrhusus curandus.

Cap. 4. De Carunculâ Penis.

SI gonorrhœa virulenta fuerit antiquata, vel sextum præterierit mensem, faciliter evenire potest, ut virus profundius impressum in urethrâ sordidum inducat ulcus, & inde eveniat caruncula penis rarissime verò ex aliâ causâ prægressâ hoc oritur malum.

Signa.

Facile cognoscitur penis increescens caruncula, seu excrementia carnea in urethrâ, ex prægressâ fœdâ gonorrhœâ, quæ modò stranguriam, modò disuriam, jam ichuriam infert; observatur namque urinam non eodem tenore ac antea prodire, aut bifurcatam, ac obliquam, tandem ita subtiliatur, ut guttatim tantum exiliat, aut omninò intercipiatur. Unde cathetere, vel parvâ candelâ cereâ immissâ in penis canalem mox se offert obstaculum carnosum, modò, anteriùs, modò idque ut plurimum posterius, circa penis radicem non longè à prostaticis glandulis, ibi enim ut plurimum hæc ipsa caruncula excrecere solet.

In mulieribus cognoscitur, cum in uteri collo formatur, quia membri virilis introductionem impedit.

Causa.

Penis carunculæ causam credunt vulgares esse humores lentos, viscidos, & pituitosos ad urethræ ulcus fluentes, & cum aliquâ sanguinis portione admistos, in carneam excrementiam abire. Verum errant in hujus affectus assignanda causa, non enim humores viscidi, & pituitosi, vel sanguis ipse hujus excrementiæ causa esse possunt, sed hujus mali origo pendet à fœtida gonorrhœâ, quando nempe acrimoniâ acido-salinâ corrosivâ liquaminis effluentis corrodit urethram, & nonnihil exulcerat. Unde sequitur tandem, ut in loco cortoso ex ulceris impuritate, & crassitie unâ cum alimento naturali affluente succrescat substantia quædam carnosâ cujusdam verrucæ instar, ut in aliis ulceribus videre est, quemadmodum à turdi conspurcatione arboribus viscum innaasci dicitur. Hæc sylvestris caro vivit alienâ quadrâ, scilicet vitâ totius, non aliter ac viscum frutex arboris vitâ.

Prognosis.

Penis caruncula malum est periculosum, & curatu satis difficile ac tardæ sanationis; circa enim initia mollis, & laxa percipitur, quandoque parva, & non multæ observantur, temporis verò diuturnitate plures grandiores, duræ, & callosæ, & tunc vix curationem admittunt: siquidem levioribus non cedunt medicamentis, fortioribus irritantur, & potissimum si medicamenta in formâ liquidâ administrantur, à quibus potius

tiūs sanæ partes, quàm carunculæ eroduntur. Præterea curationis difficultatem auget affecti membri nobilitas, compositio, & connexio, quam cum præcipuis partibus habet, adest viarum angustia, & tractandi difficultas, ac proinde vix sine majorum malorum metu curari possint, nam absque exedentium medicaminum usu vix superantur, & quod malum adauget, medicamenta in parte affectâ commodè applicari nequeunt, nec commodus est locus ad amputandas has carunculas. Insuper curandi difficultas oritur, quia pars est mobilis, & frequenter ab urinâ humectatur, & irritatur. Imò malum comitatur modò stranguria, modò dysuria, & modò ischuria. Est stranguria urinæ stillicidium & sæpe ad mictionem stimulat, parùm tamen, & guttationem saltem redditur urina, idque qualibet vice cum mordicatione acerbâ, & uisulatoriâ inter mingendum in meatu urinario percepta, inprimis autem circa mictionis finem, ubi mordacissimus ardor usque ad glandis extremitatem sentitur. Dysuria est urinæ difficultas, quando urina cum laborioso conatu, diuturniorique quam aliàs fieri solebat, occupatione. & quandoque cum hypogastrii dolore vix tandem omnis ea quantitas, quæ pro vice in vesicâ collecta est emittitur, interrupto, subindè mictionis filo, atque in guttationem converso, imò integram subsistentiam minante, ut proinde patiens opus habeat ducto prius integris pulmonibus spiritu fortius conari atque unâ nonnunquam manibus hypogastrium comprehendere, quò omnis urina foras propelli queat, tanto labore, & dolore urinæ redditio fit, ut interdum etiam tenesmus concitet, alvum ad se exonerandam stimulet, & saltem ani sphincter simul per consensum doleat, ac hæmorrhoides inflentur; unde miseri ægri ejulare cogantur. Ischuria est penitus urinæ suppressio, ita ut planè nihil, & ne guttula quidem emanare possit, & ad superiora regurgitat. Et hinc difficillima emergit curatio, & luem Veneream comitem habet, quia hujus soboles est. Nec radicitus tollitur, & post remediorum applicationem licet absumpta videatur, tandem ad sepulchrum usque comitari solet.

Curatio.

Pro Carunculæ curatione præmissis internis purgantibus, tam mercurialibus lui dicatis, quàm appropriatis, sed blandioribus, nam satius est bis, vel ter corpus purgare, quàm viribus prostratis, agitat, ac calefactis humoribus malum exacerbare: deinde idoneâ institutâ victûs ratione, ad decocta confugimus sudorifica. Si caruncula in magnitudinem, & duritiem excreverit, emollienda est foris ex radicibus liliorum alborum, altheæ, semine lini, fenugraci, floribus camomilla, & meliloti, quæ concisa, & contusa bulliant intra crura, ac pannis undique circumtectâ, ne quid exhalet, & fomentetur penis, post foris applicetur cataplasma ex prædictis materialibus confusis, & trajectis. Vel fiat linimentum ex unguento de altheâ, butyro, adipe humana, & oleo simul mistis. Emollitâ carunculâ sequitur, ut extirpetur; hujusmodi autem opus non expectandum est, neque sperandum est à naturâ sed ab arte. Si omnimoda urinæ suppressio ægrum fatiget, vel stillicidium, pro urinæ excretionem ad cereæ candelæ usum deveniendum est, esto in ejus introductione intensissimi excitentur dolores, sed candelæ cuspis illinenda est aliquo medicamento non valentiori, & acriori, ne ob dolorificam erosionem aliquod exitiale succrescat malum, sed talis energię esse debet, ut carunculas dissipandi, & consumendi vi potiatur citra mordicationem. Absumetur caruncula sequenti pulvere.

℞ Draconis mitigati ℥. ij. ℞. stibii crudi ℥. ℞. tutia præp. ℥. j. m. f. pulv. subtiliss.

Utinur hoc pulvere cum candelis cereis & cerâ vir-

Bibl. Chirurg. Tom. III.

gina factis quatuor, vel quinque filis cerâ obductis, Ceræ verò præparatæ tenuissimis obvolvendæ sunt fasciis ex lineo panno carbasino, ne nempe fabrefactæ candelæ relinquant ceram, & ut commodiùs unguentum recipiant. Pulvis iste prius cum oleo amygdalarum distemperatus sit, eoque superior illinatur candelæ cerea, & in penis ductum immittatur, eò usque ubi caruncula viget. Si æger mingere volet, deinatur candelæ & post mictionem nova indatur, idque fiat integro quatrinduo. Vel meliùs fiant candelulæ ex cerâ albâ quatuor filis ex serico crudo cerâ obductis, ne intra urethram rumpantur, ut multoties observavimus. Pars, quæ urethram ingreditur, parum calefacta volutetur supra simplicem draconis mitigati pulverem, & modò quo supra adhibeatur; vel eodem modo utinur Colomelano Turqueti feliciore eventu. Non credibile est quantum hic pulvis valeat ad penis carunculam absorbendam, nam medicamentum pro carunculâ talis energię esse debet, ut sanam non exulceret partem, & luxuriantem tantum absorbeat, ejusmodi est Draconis mitigati, & Colomelani Turqueti pulvis.

Nonnulli in carunculæ absorptione candelæ vice, chordâ ex intestinis contortâ, & oleo amygdalarum dulcium oblitâ utuntur, quæ nullatenus rumpi potest & multum pro unguenti illitione valet; chordæ namque apici, & vacuitatibus adhæret. Multa sunt unguenta pro hoc malo ab authoribus descripta, sed ab acribus, & corrosivis abstinere oportet, quia urethræ molliissimæ, & tenerrimæ fibræ facillè læduntur, & discinduntur, periculum namque est, ex nimia corrosione, ne gangræna oboriatur, & esset malum priori pejus. Mitia itaque conducunt, & quæ sensim absorbendo procedunt, ita est sequens, quod sat extollere non possumus, ut

℞. Offis sepia, tutia præp. ana ℥. ij. cornu cervi usti, aloës lotæ, aristoloch. rotund. ana ℥. j. al. usti ℥. ℞. f. pulv. subtiliss. postea.

℞. Ol. rosar. ℥. ij. Lithargyr. aur. ℥. j. f. decoct. quousque acquirat emplastri consistentiam, deinde ab igne deposito, adde illum pulverem & ad ignem tractato, ac misceto donec medicamentum evadat duriusculum; hoc remedium emplastri habet consistentiam, & extremitati candelæ, vel chordæ, præsertim si illa tenuior facta sit, satis commodè annecti potest.

Quod si caruncula admotis vulgaribus præsidii non dissipetur, & urinæ stillicidium omnimodam ita minetur interceptionem, ut patiens periclitari videatur, tunc ad specillum plumbeum confugiendum est, præmissis emollientibus; sic enim vehementes non concitantur dolores, & non ita facillè inflammationes sequuntur.

Si omnimoda sit urinæ suppressio, parvus character in meatum urinarium intrudatur usque ad vesicæ fundum, sic carunculæ atteruntur, & comminuantur, & urina evacuat; interim permittendum est, ut sanguis copiosè educatur, ita enim, ne prava accidentia sequantur, prohibetur. Opus crudele videtur, atamen longè crudelius est, cum nihil urinæ excernitur, sinere, ut ad alias partes recurrat, & patiens citiùs, & certiùs periclitetur.

Absumptas esse carunculas per nostra medicamenta deprehenditur ex urinâ, quæ liberè, promptè, & pleno meatu prodit, vel ex candelâ, quæ liberè, & absque ullo impedimento ad vesicam penetrat: tunc incumbendum est, ut per syringam medicamentis vulnerariis inducatur cicatrix, quibus tandiù utimur, quousque nulla humiditas educatur, nec quicquam ex urethrâ resudet.

Cap. 5. De Bubone Venereo.

Non infrequenter ex Venereo concubitu cum scorto impuro Originem trahit Bubo Venereus, tuberculum in inguinibus à principio admodum parvum, &

obscurum, in quo maxima Veneris virulentia latet; appellatur Venereus ad illorum differentiam, qui Venerei non sunt. Bubo ab inguine, tanquam ut plurimum existente loco affecto ita dictus est. Bubo vulgò dividitur in benignum, vel simplicem, & malignum, & hic rursus in pestilentem, & Venereum. Simplex bubo est pueris, & adolescentibus familiaris; unde & vulgò augmenti corporis index habetur. Pestilens pesti, ceu fructus, & effectus, ac pestilitatis tempore grassatur; Venereus lui Venereæ debetur. De simplici, & pestilenti primo Tomo diximus, de Venereo autem impræsentiarum agimus.

Signa.

Ex prægresso concubitu cum muliere infectâ, vel saltim suspectâ de Lue Venereâ, & maximè si nulla alia externa apparuerit causa, vel caries, vel ulcus, aut gonorrhœa præcesserit non ritè curata, vel suppressa parvus tumor in inguine apparet, qui in dies augetur cum dolore, & rubore, circa vespertas rigor, capitis dolor, & cum totius corporis lassitudine, febris molestare solet, quæ manè præter tuberculum omnia remittuntur, atque evanescunt.

Solent quandoque malè feriat Chirurgi decipi in rupturâ, & eam pro bubone accipere, ut nuper cuidam accidit. qui prægresso insueto itinere, catarrho cum vehementi tulli, & in inguine parvo tumore correptus fuit in principio, procedente verò tempore magis increbuit, & dum stabat, protuberabat cum dolore punctorio, ac velut lancinativo, dum verò supinus decumbebat, retrocedebat. Accersivit urinæ Medicum, duosque Chirurgos, qui inspectum tumorem bubonem Venereum esse asseverârunt ex malè curatæ gonorrhœæ suspitione, in quam tunc quartus decimus agebatur annus, inciderat. Inito itaque consilio, corpus mannâ deplent, deinde maturantibus per tres menses incubuerunt quibus irritis, tumorem rebellem, ideoque maturantibus, vel solventibus reluctanter esse sanxerunt. Secundum ineunt consilium, & tumoris incisionem decreverunt, quæ peracta nil præter sanguinem fudit. Sunt Medici buccinatoribus non absimiles, qui amissam buccinant rem, cuius ad unguem omnes delineant notas, licet postmodum non agnoscant, etiam si eam intueantur. Introspectantes foveam versus glandulam bubonariam, pro magno sinu acceperunt, quem secuerunt, sed peractâ sectione extemplo excarnificatus languens sævâ teneri febre, linguæ ariditate laborare, anhelâ excruciarî siti, in parte laniatâ dolores sentire truces, varios vomere humores, urinas reddere confusas, nulli succumbere somno, & innumera pati symptomata, quæ præsentem intentabant mortem, cœpit. In tantâ symptomum procella sanguine conjuncti de vita decumbentis hæitare cœperunt, tertioque consilio accersitum Chirurgum *Prudentem*, & peritum adjunxerunt, qui percepta relatione, assidentibus Medicis rupturam, non bubonem rescuisse exprobavit, incisionem repudiavit propositam, & ut errori consulere, Rulandi balsamum sulphuris pro incisæ partis sanatione proposuit. Patefactâ Chirurgorum crassâ Minervâ, demisso ignaviæ indice, ad eorum exitiale scelus tegendum, duorum Chirurgorum opem implorarunt, qui quia canis caninam non est, jure jurando, imò perjurio asseverârunt non rupturam, sed Venereum esse bubonem, & multum collegis assentantes, tertiam laniemam profundè faciendam instituerunt, in hac tertia incisione non tantum pyramidales musculos, verum etiam qui pubem constituunt, secuerunt. Tum dein exitialia symptomata increbuerunt, & fractis viribus languens, paucissimis diebus in mortis agone jactatus, non extenteratus obiit, sed abiit.

Non infrequenter Chirurgi accipiunt quid pro quo, & pro eorum tuenda ignavia acerrimè digladiantur,

ac ut inter ipsos auxilii imploratio colatur, facile in tertium conjurant. Ager in manu Medici est velut ovis in faucibus lupi. Pecuniæ causâ, non ægrorum salutis gratia discurrunt; ideoque Medicorum avarissimum genus est, & quod mirari subit, sunt quidam Medici, qui pro sesquihorâ vitam non habent, ac in lecto perforato cubare deberent, & tamen se trahunt, vel trahuntur per urbem, schedulas salutis, qua carent, jactant in vulgus, nec urinam quidem gratis, aut mercedem inspiciunt, aut eductum sanguinem assula volunt, aut ægrum vel semel tantum visitant. Sunt veluti pediculi, qui alienis saginantur ærumnis; ut diteſcant nullis fraudibus, nullisque parcunt mendaciis: omnes in iis ambulant, & in iis voluntantur, quæ pro fundamento agnoscunt, & veritatem vocitant mendacium. Hinc hortamur ægrotos, ut à morbo potius occidi sinant; quàm à Medico, ille enim mitius, hic verò inhumanus agit.

Causæ.

Vulgares Medici pro bubonis causa ad ineptas hepatis nēnias recurrunt, inquiunt enim bubonem non fieri, nisi hepar fiat certius, quia venenata qualitas per penis ductus, partiumque genitalium meatus primò ad proximas venas, deinde per majores ad hepar se insinuat, cujus substantiam vehementer lædit, & conspurcat, quò fit, ut sanguinis loco vitiosi generentur humores, quos estò natura ad varias propellat partes, frequentissimè tamen ad inguina tanquam propria emunctoria deponit: Verum si accidat, ut pravos humores ad extimas partes non propellat hepar, in venis retenti varia, & prava accidentia concitant, febres nempe putridas diuturnas, & pravi moris, quæ sæpè in hecticas degenerare solent, vel innumeras pustulas, veluti exanthemata, vel variolas, vel vlcera in universa cute, vel cœtera luis symptomata producant. Quare Lue Venerea contaminatus hepatis perennes gratias pro tanto beneficio referre debet, quia secus si labem ad partes intimas, & nobiliora demandasset viscera, graviora excitasset symptomata: patet id, nam hepatis motus, quo humores vitiosi ad inguina demandantur, inhibeatur, aut perturbetur, & omni sedulitate non adjuvetur, irascitur hepar, & bubonis materia recurrit, ac symptomatum emergunt procellæ. Sed has vulgarium insulſitates fusiùs respuimus *lib. 2. cap. 4. De Luis Venerea Sede.*

Genuina bubonis Venerei causa est acidum acre à pure ulcusculorum in mulieris pudendis elevatum, & viri urethræ exceptum, quod vasorum sanguinis tunicas penetrans, illius massæ immiscetur; in complexu enim Venereo penis ductus, partiumque genitalium, omnesque pori dilatantur, & aperiuntur, unde malignus vapor, sive halitus mediante circulatione unà cum sanguine per angustiores venas circa glandularum tunicas ad inguen advehitur, illic remoram contrahit, coagulat, & apostema, qui bubo Venereus dicitur, parit. Bubo intra tunicas, glandulæ corpus vestientes erumpit, non verò intra glandulosam substantiam, aliàs esset bubo spurius, de quo sequenti capite agemus. Excitantur quoque bubones ex repentina gonorrhœæ virulentæ fermentatione, quoties ab efficaci aliquo remedio, cessatio illa causata non fuerit, sed spontanea evenit, vel ex aliqua, quæ virulentiam non superavit Veneream, uti sunt natatio, medicamentum purgans, sanguinis missio; & similes.

Prognosis.

Bubonum præſagium quoad suppurationum est, quòd disponuntur multoties circa quartum, multoties circa septimum aut circa undecimum, decimum quartum,

tum, & vigesimum primum pro patientis robore, & materiæ, tum qualitate; quò citius extra emergunt, extuberant, & suppurantur, eò pro infirmo melius: se-
cus qui pigrè eleuantur, sublidet, duritiem contra-
hant, & artis auxilio indigent, ut suppurationem nan-
ciscantur. Curationis vaticinium à Chirurgi diligen-
tiâ, & peritiâ, quæ si rectè fuerit administrata, nil
mali bubones portendunt, si malè, gangrænas, morti-
ficationes, musculorum abdominis corrosiones, & tan-
dem mortem bubones producere possunt. Vel si ne-
gligenter curentur, in fistulas abeunt. Vel post cura-
tionem, nisi interna adhibeantur præsidia, præter pu-
stulas, ulcera, dolores, gummata &c. ex transmissio-
intus veneno à bubonibus temporis cursu excitari pos-
sunt.

Curatio.

Vulgares Chirurgi, seu barbitonsores pro bubonis
curatione nunquam resolventia adhibent, sed potius cu-
rant, ut supuretur, quàm resolvatur, nam melius tum
corpus, tum hepar in cuius emunctorio nascitur, ab
excrementis vindicatur. Omni itaque industria pri-
mò student, ut contagiosus humor ad affectum traha-
tur locum, & suppuretur. Secundò, omninò à san-
guinis missione ex brachiis abstinere, ne prava quali-
tas ad principes ducatur. Solùm igitur si bubo post
apparitionem per multum tempus neque crescere, neque
decrecere, neque ad suppurationem disponi videtur, &
præcipuè si in corpore plethora adsit, ex pede ejusdem
partis affectæ semel: pluries sanguinem mittunt, ut
materia ad inguina trahatur: quasi sanguis stagnaret,
& non in vertiginem ageretur, & ejus extractione cor-
pus non refrigeraretur, & suppuratio non impediretur.
Deinde statim ac bubo apparere incipit, *quatuor oleis*,
scilicet *utriusque lilii, amygdalarum dulcium, & chamo-*
milla bubonem inungunt, superponendo lanam succi-
dam, id est fordibus redundantem, nam hæc partim la-
xando, materiam facilius ad patiens inguen defluere
faciunt, partim præparando ad suppurationem: verùm
hæc olea potius subuculas conspurcant, quàm bubo-
nem suppurant. Si hoc non sufficiat, commendant su-
pra partem affectam cucurbitulam magnâ flammâ ap-
poni, quod terriculamenti genus optimum censetur,
quia Vulcanus adulteræ minatur Veneri. His vanidis,
plenissimum præscribunt victum: *Sed impura corpora*
quo magis nutries, eò magis lades. Imponunt ægro,
ut valido se exerceat motu, ludat pilâ, folle, pale-
strâ, arte digladiatoria &c. ad hoc ut ratione motus,
materia in hepate agitata ad partem affectam transmit-
tatur: Verùm quis spondere poterit his validis moti-
bus potius ad inguen virulentiam transmitti, quàm ad
alias partes.

Quibus omnibus parùm proficientibus, apponere so-
lent *emplastrum diachylonis magni cum gummatibus.* Si
verò istis præsidii postquam apparuerit tumor, neque
crescit, neque decrescit, ad corporis purgationem de-
veniunt, nam sublatâ cacochymiâ, & minoratâ mate-
riâ, id quod relinquitur, faciliè à naturâ superatur, un-
de tribus syrupis humores præparant, ut

℞. Syr. de succ. fumar. lupulor. cichor. ana ℥ss. aqua
lupulor. ℥. iij. m.

Post quos purgans exhibent medicamentum, ut

℞. Fol. sen. or. ℥. j. Polyp. querc. ℥ij. flor. cord. p. j.
f. decoctum, & in suff. colat. diff. Syr. Suesf. ros. solut.
ana ℥. iij, confect. hamech. ℥. iij. m. f. p.

Vel in formâ pilulari, ut

℞. Pilul. de tribus Gal. ℥. ss. cum cathartico ros. f.
pilul. vii. & deaurentur.

Vel in formâ boli, ut

℞. Pulp. Cass. recent. extract. per setam ℥. j. confect.
hamech. ℥. jv. pul. fol. sen. or. ℥. j. m. f. bolus.

Bibl. Chirurg. Tom. III.

Et post tres horas exhibent *apozema ex syr. ros. solut.*
cum levi decoctione. Sed est purgans de communi mor-
borum omnium, quòd à circumferentia ad centrum
trahit, non verò à centro ad circumferentiam, unde
certior erit universalis Lues, quàm ad inguen depo-
sitis.

Si ab assumpto purgante extuberat, maturantia ad-
hibent, inter quæ præsens principem locum tenere cre-
dunt, ut

℞. Radic. utriusque lilii, althea ana ℥. ij. fol. malva:
altheæ. Violarum, Scabiosæ ana m. j. Bulliant, & con-
rundantur, addendo axungia porcine puride, buxyri re-
center loi ana ℥. iv. adipis anatis, anseris, gallinæ ana unc.
j. ol. utriusque lilii, amygdal. dulc. chamomill. ana unc.
ss. fermenti unc. ij. Croci filax. & f. cataplasma. Si
hoc non sufficiat, uti solent emplastro diachylonis ma-
gni cum gummatibus, ut

℞. Empl. diachyl. cum gummatibus unc. j. ammo-
niaci, bdellii, sugapeni ana unc. ss. m. f. empl.

Postquam maturatus fuerit, ad apertionem deveniunt,
ferro aperiunt in formâ crucis, incidendo apices, ne
succedat fistulâ, totamque cavitatem turundis ex stup-
pâ, ovi albumine conquassato oblitis complent ad san-
guinem sistendum per 24. horas. Apertum detinent
saltim 40. vel 60. dierum spatio, & ultra, quia non
solum materia, quæ ad emunctorium fluxit, evacuatur,
sed habent naturæ irritamentum, quo ipsa cogitur ad
expellendam materiam, & sic tum hepar, tum totum
corpus melius expurgatur. Ab initio digestivo, quod
ex ovi luteo, terebinthinâ & oleo rosaceo conficiunt, bu-
bonem regunt, exterius ad inhibendam inflammatio-
nem circumliniunt oleo rosaceo, mox unguentis mun-
dificantibus, tum implentibus, tum cicatrisantibus ut-
untur. Aperto bubone, & jam digesto, iterum cor-
pus purgant medicamentis suprâ positis, & eò magis si
pus non laudabile excerni videatur; ad contagiosæ Luis
extirpandam qualitatem, ut nullum ex ipsâ supersit in
hepate seminium, decocta propinant.

Hæc sunt chirurgorum, & barbitonsores pro bubo-
nis curatione medicamina, quæ an contineant pro Lue
extinguendâ antidota, dicant qui in eorum inciderunt
ungulas. Luem prædicant magnum morbum, & ma-
gni morbi magnum medicamentum esse testantur, &
pro ejus exterminio irritis, ridiculis, & hisce diris ut-
untur medicamentis. Statim ob ejulantium voces,
planctus, & puerulos gemitus eorum, qui perperam ab
ipsis curati, in doloribus, gummatibus, ossium exesio-
nibus &c. contabescunt, infestam experti artem, resi-
piscant, & dediscentes, veram discant medicinam, quia,
quam exercent, non est vera medicina, sed carnificina.
Verùm querelarum in medicinâ causâ est, quod homi-
nes, qui nullius pretii, vel intellectus existunt, ani-
mum medicinæ dant, quo fit ut hoc nostro tempore
nulla gens contemptior existat, excepto Monacho,
non propter artem, sed per personas, quæ ex omni
nequitiarum genere ad medicinam; tanquam ad refu-
gium, confluunt, unde in hac nostra civitate plures
sunt medentes, quàm ægroti. Non omnibus datum
est medicinæ ministerium nosse, nec omnibus sapienti-
bus, sed tantum illis, quibus datum est intelligere,
quia est peculiare Dei donum, non omnibus conce-
sum. Hinc oritur, ut vulgares, qui medicinam fa-
ciunt, ægrotis duobus assibus, vix majori pretio me-
deantur, quare ob vilem ejusmodi mercedem, medici-
na meretrix esse & unicuique subijci compellitur,
quia non potest aliter se alere. Eapropter non mul-
tùm vulgares culpamus, à quibus id provenit: nam
raro vili pretio bonæ emuntur merces, sed ineptos in-
simulamus ægrotos, non idèò duobus assibus meden-
tes æstimamus, quia pro tantillâ pecuniâ medicinam
faciunt, cum vix aliud præstare possint; licet scient,
&

& tamen fideliter se agere putant, & interim hæc tantilla merces utinam illis tota perfolveretur. Discant melius, & postea medicinam exercent.

Non possumus non criminari vulgarium chirurgorum imposturam, qua questum indies novum faciunt, sed dolo, & fraude, quod est eorum artis fundamentum: circumferunt ærea scrinia cum sepimentis disponendis colorum varietate unguentis, in pharmacopolio emendicatis, nec unguenta habent, quæ in bonum tendant finem: ceu pictores suos circumgestant asserculos variis coloribus exornatos. Non loquimur hîc de quorundam chirurgorum imposturâ, qui in phialis liquores triviales, sed auro cariores pro balsamo pretiosissimo circumferunt, ut ab egrotis extorqueant aurum. Delendus hic abusus est, & talia unguenta putida, quæ tanquam arcana gestant, per fenestras abjicienda sunt. Multum se ipsos jactant, & extollunt, potissimum eorum est magisterium mentiri, imponere, optimum est unguentum, sed his minimè curare possunt, curant loculos, non egros, quos ars curat, non ipsi, quia iis non inest.

Bubonum curatio optimè instituitur, si chirurgus ante apertionem perfectam inducat maturationem, quæ medicaminum internam fermentationem promoventium ope inducitur, ea sunt, quæ blandis suis particulis volatilibus succos stagnantes acido acri conspurcatis incalescere, effervesce, æstare, & exaltari faciunt; unde tubuli cum contentis succis, tunicæ, fibrillæ, aliæque partes corroduntur, discinduntur, dilacerantur, & in pus degenerant, & dum cutem versus viam sibi parat, bubonem, prominentem, mollem, digitisque cedentem efficit, ita est sequens cataplasma, ut

℞. *Stercoris columbin. pulverisati, Croci contusi. axungia gallinacea ad libitum m. & cum panis fermento reduc in cataplasma*, quod duodecimâ quaque horâ super bubonem renova. Vel medicamenta crassa, pingua, mucilaginosa, & resinosa conducunt, quæ poros obstruunt, insensilem perspirationem impediunt; materiam intus contentam mediante impeditâ perspiratione exagitant, fermentationem promovent, & in pus degenerare faciunt, ita est sequens emplastrum, ut

℞. *Empl. de mucilag. filii Zachariæ ana ʒ. ʒ. m.* Sed præstat solum emplastrum filii Zachariæ, quod si verbo ignavè ad maturationem procedat, acui potest oleo de lateribus ad eam sollicitandam. Emplastrum supra tumorem aplica, & quolibet duodecim horarum spatio renova. Bubonem suppuratum aperi; sed minimè quidem ferro, ut vulgò fieri solet, sed sectico mercuriali, nam cum aperit, & veneno resistit Venereo, quod ferro non evenit: secticum ad hoc opus peragendum ita paratur,

℞. *Merc. Meteorisati ʒ. j. farina hordei ʒ. iij. m. & cum sputo f. massa, miscendo cum spatulâ ligneâ, ex illâ massâ trochiscos in pineorum formâ compone, & exsiccari permitte.* Exsiccatos hujusmodi trochiscos ita adaptato: Expandatur emplastrum de Gratiâ Dei, vel fodicationu super alutam, & in medio emplastri ponatur trochiscus, quem adapta super bubonem, ita ut in declivi parte illum aperiat, post duodecim horas emplastrum exime, nam apertum reperies bubonem, cuius materiam expressione evacuabis.

Verum, quia ægri tam ferro exhorrent, præcipuè si chirurgus ex ignorantia incisionem, ut convenit, efficere nescit, quàm secticum; nos ob charitatem erga fratres, nobilissimo, & efficacissimo emplastro, quod *Benedictum* appellamus, Rempublicam medicam ditamus, cujus solâ superpositione, & renovatione non tantum Venereus bubo maturescit, & aperitur, verum strumas, ad quas utimur, cunctos tumores tum calidos, tum frigidos dictos, imò tophos podagricos maturescere facit, & ad cicatricem usque sanat, ejus compositionem ingenuè communicamus:

℞. *Ol. com. lib. iij. radic. arund. ʒ. ij. lilior. Cælest. unc. iij. althææ unc. j. ʒ. Dùm oleum ebullire incepit, affunde radices undatas, & in talleolas subtiliter incisas, coque ad nigredinem usque quas aufer, & pedetentem injice. cerussæ unc. iij. tutia præp. unc. ʒ. cera citrina unc. iij. semper spatulâ agitando. Coque ad emplastri consistentiam, quousque nigrum evadat, tandem adde balsami nigri ʒ. ij. aufer ab igne, & serva.*

Non credibile est quantum emplastrum hoc ad maturanda omnis generis apostemata rumpenda, & sananda valeat, ita major experientia verbis, ut æger sui ipsius sit chirurgus.

Adaperto foramine pulvillos immitte inunctos sequenti hoc nostro *Unguento Magistrali*, quod ita paramus:

℞. *Lithargyr. aur. unc. viij. Cerussæ unc. iij. tutia præp. unc. ʒ. plumbi usti unc. j. merc. sublimat. dulcis unc. ʒ. Stibii crudi tantundem, cinnabaris unc. ij. cera unc. vi. ol. ros. lb. ij. f. Ung. f. a.*

Vel utere pulvillis unguento albo, & aureo inunctis, quod immisillum contineat magnum calcinatum *Paracelsi*, vel *mercurium præcipitatum incarnatum præparatur*, scilicet supra quem bis, vel ter incensus fuerit vini spiritus, & infra paucissimos dies à bubone omnem absterget pravitate, illumque exhibet mundum, prosequere ad carnis reductionem usque juxta artis præcepta, & tunc emplastrum *Benedictum*, vel fodicationum adhibe, nam perfectam inducet cicatricem, facta cicatrice, sunt infirmo exhibendæ pilulæ ex mannâ mercurii, quas supra descripsimus.

Verum quia plerique sunt, qui bubonum suppurationem exhorrent, cupiuntque eos vix apparentes internis medicamentis resolvere, tunc in tali casu hac nos utimur methodo.

Primò accuratè nos observavimus, an suppuratio inceperit, nam suppuratâ existente materiâ, impossibilis est per interna remedia resolutio. Secundò advertimus, an patiens sit robustæ naturæ, & ad vomendum facilis, nam si gracilis, & ad vomendum difficilis, tunc ter exhibemus pilulas ex mannâ mercurii supra descriptas, & à sequenti medendi modo est removendus; cum igitur suppuratio non incepit, patiens est robustus, & ad vomendum facilis, incipienti buboni sequens superponimus emplastrum, quod post 24. horas renovamus.

℞. *Empl. de Ranis cum triplici Mercurio; q. suff. extendatur super alutam.*

Deinde infirmus in lecto se contineat, & manè illi exhibemus *Turpeti mineralis dulcis gr. vj.* in ovi vitello, hoc vomitum provocabit: ter illud exhibemus alterno die, exactæ diætæ indulgeat æger, vinumque bibat, perque integrum medicaminis tempus, frigidum, humidumque fugiat aërem, sic paulatim bubo omnino resolvetur absque ullo futuri mali periculo.

Et reverà optimus videtur bubonem resolvendi modus, absque eo quod patiens experiatur ferrum, vel ignem, & quidem ex *Hippocratis* & *Galen*i sententiâ tutior, utilior, & compendiosior est suppuratione resolutio, sed non semper ex voto succedit, post prædicta medicamenta quandoque minoratâ materiâ, bubonem in suppurationem abiisse observavimus, quod si resolvatur, brevi temporis intervallo omnia diræ Luis symptomata superveniunt, nisi ad productum tempus pro Lue Venereâ extirpanda efficacissima exhibeantur præsidia. Tutior, & utilior est suppuratione resolutio in tumoribus nullam pravam qualitatem habentibus, at bubones Venerei virus continent: tutior itaque & utilior est resolutione suppuratio, quia per apertam vomicam, tanquam per emissarium universum corpus virulentiam expiatur. Resolutionis praxis tantum exerceri potest tanquam remedium pro mulieribus nuptis, quæ furtim incio viro compressæ bubonem

contra-

contrahere, ut nos non paucas ob ore gladii uxores vindicavimus.

Cap. 6. De Bubone Spurio.

Est & aliud bubonis Venerei genus priori deterius, qui Bubo spurius, & illegitimus appellatur, suam cognoscit genesein ex male curatis in præputio cariebus, vel ulceribus; nam non ob sanguinem à viru Venereo remoram contrahentem in venulis circa glandularum tunicas in inguinum emunctoriis, sed per aliqujus partis spermaticæ consensum ab ulcere contaminatæ glandulosum aliquod corpus inguine sit turgidum, illi venenum communicatur, & impertitur. Sic vulneratâ manu, aut digito, in brachio, & sub axillis; vulnerato pede, tibia, vel crure, in inguine tumores fieri assolvere, & malum communicari experimur: non aliter ac materia vitiosa, subtilis, & prava latenter per nervos ad cerebrum defertur, ut in epilepsiâ fieri videmus à partibus extremis aurâ venenatâ sine insigni dolore in partes per quas transit, ascendente.

Signa.

Signa suadet ipsius tuberculi extumescencia, quæ est circumscripta, incrementum sensim suscipit, sed non magnum, duritiem demum habet, quæ neque emollientibus cedit, neque suppurantibus suppuratur, neque resolventibus resolvitur, imò una glandula susceptum virus alteri & alteri communicat, non aliter ac sturnis in collo succedit, febris abest, dolore vacat, non rubescit, quia non ex sanguine fit, carni est concolor. Interdum sub aurorâ sudat æger, quia multa vasa lymphatica vel originem ab inguinum glandulis habent, vel ad ipsas terminant, Sicut aliis locis glandulosis evenit; virus glandulis communicatum impedit lymphæ elaborationem, & transitum, tunc regurgitat diffunditur, & per poros in formâ sudoris eliminatur.

Causa.

Bubonis Venerei spurii causæ sunt caries, vel ulcera in præputio, glande coronâ, vel fræno malè curata, vel à medicamentis nimis corrodentibus, & acerbum excitantibus dolorem, quàm par est, tunc acidi acris subtilis substantia à carie, vel ulcere elevatur, & per partem spermaticam ad glandulas in inguine furtim defertur, ibi hæret lympham vitiat, acidam reddit, coagulat, ejusque motum impedit, & tuberculum fit, deinde per partes spermaticas virus Venereum ab unâ glandulâ ad alias inquinando procedit, & glandularum lymphâ vitiat, & messis multiplicatur.

Prognosis.

Bubones Spurii pessimi sunt, neque ex naturæ efficaciam, neque artis auxiliis suppurationem unquam admittunt, brevi temporis spatio dolores, gummata, & cætera diræ luis symptomata inducere solent; si quandoque in suppurationem abeant, ut plurimum in putrida, maligna, cavernosa, & valde dolorosa ulcera degenerant.

Curatio.

Falluntur ut plurimum in his curandis bubonibus inepti Chirurghi, nam ex suppurantium applicatione aliquid sub cute mollescit, & nil inde extrahunt præter nigricantem sanguinem ex glandulâ manantem, adducuntque hoc modo infirmum in magnum discrimen, quippe glandula incisa nunquam digeritur, ac propterea pessima semper emergunt symptomata,

Si itaque hujusmodi bubones occurrent, primò attendendum est, ut si adhuc persistant caries, vel ulcera in præputio, glande &c. curentur; nam absque carierum, vel ulcerum curatione, frustra glandulæ resolutio tentabitur. Curatis ulceribus, vel cariebus, glandulam emplastris tentabis, ut sensim contenti resolutionem ad temperiem reducat. Multi sequens commendant emplastrum diaphoreticum ex *Mynsichtio* deprumpruin, correctum, & in artis formam redactum, ut

℞. Gummi ammoniaci ℥. ij. elemi ℥. j. ℞. Sagapeni ℥. j. Solvantur in sufficiente quantitate aceti, ad pulvis formam cui adde pedetentim, & quasi guttatim. cera flava odorata lib. j. terebinthina clara ℥. iij. colophonie ℥. ix. liquata invicem leni igne, in sartagine, separatim, & non nimis calidè, superidribus gummatibus sensim, & alternatim, ut dictum sub continua agitatione, infusa, hinc alternatim etiam inspergantur successive hi pulveres: utpote, Pulv. gummi bdellii. ℥. iv. succini citrini unc. iij. olibani, mastichis ana unc. j. sandaracæ ℥. vj.

Post agitantur, donec omnia commista, atque dextræ unita sint, per horam integram, in diplomate, vase scilicet duplici, calore leni fiatque emplastrum. Extendatur super alutam, quod renova secundo quoque die, & sensim per diaphoresim resolvetur glandula, & ad suam reducetur temperiem: verum non semper felici cum successu applicatur. Alii vulgò *emplastro de ranis cum triplicato mercurio* utuntur: sed hoc tantæ efficaciam, ut extollitur, non est. Efficacissimum nos experti sumus *emplastrum nostrum Benedictum*, quo omnes bubones non tantum legitimi, verum etiam spurii ut plurimum ad suppurationem, ut in isturmis quotidie experimur, & quandoque ad resolutionem reducuntur. Post glandulæ resolutionem appropriatum remedium est aqua Anti-Venerea, vel decocta sudorifica præcedente medicamento cathartico. Verum accidit quandoque ut plurimum, ut his, aliisque adhibitis, optimis præsidiiis bubo spurius invictus, irresolubilis, & inexpugnabilis resistat, tunc non ita relinquendus est, sed ad nostram curationem confugiendum est. Solet quandoque in corpore juvenili atletico, naturalibus facultatibus, robore & vegetiori calore prædito resolvi, sed in occidua ætate cum vires enervantur, lues, quæ furtim delitescit, vires reassumere solet, & tot diræ luis emergunt symptomata, quot milites ex equo Trojano, nisi opportuno tempore medicamentis admodum prævalidis succurratur. Unum salutare, & efficax remedium in bubone spurio experti sumus, quod est apertio, & glandulæ vitiatæ consumptio: hic bubo eandem cum bubone pestilenti sortem sortitur, qui nisi aperiatur, & virulenta educatur materia, totum inficit corpus. Hæc apertio ferro non fieri debet, ut diximus, sed caustico, ad quem finem sequens in formâ liquidâ efficacissimum experti sumus, ut

℞. Lixivii saponariorum lib. j. Salis ammoniaci unc. j. vitrioli Romani ℥. ij. ℞. Opii Thebaici ℥. ℞. Coque ad duarum partium evaporationem, factâ colaturâ, insignem habebis liquorem causticum ad quemcumque tumorem aperiendum.

Vel *℞. Lixivii saponis, vel marris lib. ij. Calcis viva lib. j. Affunde aquam ferventem, bis invicem misceantur, cum clarescit, affunde sartagini, adde Salis ammoniaci unc. ℞. & in qua coque ad duarum partium evaporationem, & cola.* Si tam primum, quàm secundum causticum tamdiu coquas, quousque fiat lapis dicitur infernalis. Hoc, vel illo caustico in formâ liquida madefac plumaceolum ex filamentis, ad bubonis proportionem, super quem impone cum plumaceolo superstrato, servatis partibus circulo, ne liquor causticus foras effluat, & partes exedat sanas. Inductâ escharâ, procuretur ejus casus medicamentis laxantibus, ut *buYRO, vel unguento de Althæâ*, deinde

non ferro glandula extirpetur, sed corrosivis dulcibus est totaliter absumenda, ita est *mercurius præcipitatus dulcificatus*, *magnum Calcinatum Paracelsi*, *Lapis infernalis ex Lunâ cupellatâ*, in aquâ flygiâ solutâ & ad cuticulam evaporatâ, vel *mercurius dulcis*, vel *arcannum corallinum*. Absumptâ glandulâ, vel glandulis, sarcoticis, & tandem epuloticis pars tractetur. In curationis non desint *pilula ex cerussa antimonii*, & *gummi guajaco naturali* ante cœnulam, deinde virus Venereum, præmissio cathartico, à toto eliminetur decoctis juxta nostram descriptionem compositis, vel aquâ Anti-Venereâ.

Cap. 7. De Pustulis.

Pustulæ inter Venerea symptomata recensentur, quæ in luis primordio penis præputium sibi vendicant; attamen in lue confirmatâ præcipuè in capite, canali inter utramque natem, & cœteris corporis partibus erumpunt: harum pustularum cognatæ affectiones sunt phlyctenæ, epinyctides, scabies, exanthemata, variolæ, impetigines, consimilesque aliæ cutaneæ affectiones, quæ interdum pauciores ad summam cutem à vitiata radice assurgunt; interdum frequentiores, & numerosiores, non raro aded copiosiores, ut universum corporis habitum obsideant; nonnunquam unicam tantum occupant partem, caput nempe, & faciem, vel manus, aut crura, & pedes. Præterea quandoque sunt latiores, quandoque minores &c. Sed sæpissimè orbiculares, vel acuminatæ, vel depressæ, & mox unius, mox alterius rei figuram ostendunt. Insuper interdum sunt duræ, & siccæ, nihil ichoris profundentes, imò squamosæ, interdum sunt molles, & humiles, & cum disrumpuntur, ichorem, vel saniem, vel virulentum pus admodum foetens eructant. Quod ad colorem visuntur lividæ, fuscæ, cineritiæ, vel rubræ, insuper dolorosæ, & pruriginosæ magis nocturnè, quàm interdiu.

Signa.

Ex his quæ diximus, signa facillè patefcunt, nam post commercium cum scorto Venereâ lue conspurcato, quædam bullulæ superficiales veluti milii grana, quæ pruriginosum inducunt sensum, in præputio oboriuntur; epidermidem, & cutem lacerant, & saniosum eructant fluorem. In lue confirmatâ prorumpunt pustulæ, earumque cognatæ affectiones in capite, facie, manibus, circa loca naturalia, crura, pedes, & quandoque totum obsident corpus, modò latiores, modò minores, & ut plurimum rotundæ, nunc fastigiatæ, nunc depressæ, interdum molles, & humiles, & in disruptione ichorem, vel saniem, vel pus profundunt; interdum sunt duræ, & siccæ, interdum squamosæ.

Verum quia Venerea lues per se nullum morbi genus constituere videtur, & perpetuò falsum, aut apparenter veram alicujus morbi imaginem representare, quin cuicumque morborum generi aded insolubili nexu coheret, ut veriùs ejus naturam emulari videatur, hinc vestiganda est inter pustulas Venereas, & simplices distinctio. Pustulas Venereas à simplicibus discriminant coitus prægressus cum muliere lue conspurcatâ, aut caries, vel ulcus malè curatum, aut gonorrhœa suppressa, aut bubo resolutus, aut negligenter sanatus, aut capitis artuumque dolores evanescentes; nam nunquam ejusmodi pustulæ absque internâ aliquâ horum affectuum concomitantium, aut evanescentium notâ prorumpunt. Præterea pustulæ Venereæ medicamentis vulgaribus non cedunt, imò in pejus ruunt, quia causam fœventem, & conservantem habent, quæ nisi aufertur, nunquam sanescunt.

Causa.

Pro immediatâ pustularum causâ statuunt vulgares virulentos succos, de naturâ bilis effervescentis cum aliquâ falsæ pituitæ portione permistos, quem jecur lue Venereâ conspurcatum generat affatim, & ad generationis loca, vel ad alias extimas propellit partes. Vulgares hepar veluti morborum omnium patronum venerantur, & reverâ apud ipsos non est mulum in toto corpore, quod non faciat hepar. Nos dicimus, quod accidit multoties, ut effluvia uteri Lue Venereâ infecti urethram non intrant, ac sordes, & sanies in præputii cuticulam impingunt; hæc odore earum virulento liquorem nutritium sub cuticulâ gliscentem inficiunt, fitque degener; & bullulas quasdam albicantes excitat. Ex liquore nutritio virulento in cœteris corporis partibus nunc hîc, nunc illic nascuntur pustulæ, earumque cognatæ affectiones.

Prognosis.

Facillè istæ pustulæ in primordio Luis absterguntur, quia multum sunt superficiales, si ante viginti quatuor horas congruo remedio curentur; nam aliàs in caries pustulæ transeunt, quæ superficiei non contentæ, semper ulterius terebrando fundum petunt, & in ulcera expansa etiam abire solent; nec contemnendæ, sed quamprimùm curandæ: observavimus namque quod cum curatio contemnitur, diutius protrahitur, cutem excavant, & in ulcera serpentina, sinuosa, & corrosiva degenerant, & quandoque etiam ossa contaminant. Si in aliis corporis partibus efflorescant, Luem arguunt confirmatam, & extrinsecis tantum non cedunt præsidiis, sed in prava degenerant ulcera: illud tamen verum est, quod semper fœdæ, & molestæ sunt, præsertim si faciem invadant; quæ verò diuturnæ, callosæ, dolorosæ, & virulentes, præterquam quod majoris mali sunt præludia, difficulter admodum superantur, & vitam in discrimine ponunt, & non semel ægrotos ad tabem conducunt.

Curatio.

Vulgares Medici & Chirurgi ad præputii pustulas persanandas, *unguento de tutia*, *minio*, & *cerussa* utuntur, sed infelici eventu, licet in dicta unguenta mineralia intrent, quæ vim pustulas Venereas curandi continent, quia tamen unctuositati sunt admista, impeditus est illis aditus ut in cuticulæ læsionem penetrant, ac ex dictorum unguentorum usu ut plurimum pustulæ vel in caries, vel in ulcera abire solent. Deinde illa præbent medicamina, quæ hepar hac labe infectum vindicant.

Ad pustulas ex Lue confirmata exsiccandas, & delendas, primò hepar tanquam sedem, & partem primariò affectam respiciunt, cui alexipharmacis, nempe *sassa parilla*, *radicis china*, & *ligni guajaci decocto* per plures dies in loco sudorifico exhibito succurrunt, quod ut magis juvare possit, corpus antecederet purgatum esse oportet, & in decoctorum cursu, quarto, vel quinto quoque die purgans exhibent medicamentum: Interea ea, quæ pustulas respiciunt medicamenta, admovent, quæ exsiccantia, & non repellentia sint, non enim consentaneum est venenatos ichores ad præcipuas partes repellere, ne majoris mali detur occasio, quare attemperantia probant, ut est *guajaci decoctum in aquâ plantaginis*, *pimpinella*, & *hordei paratum*, aut *cerorum liibargyri*, aut *unguentum de tutia cum unguento Isidis commistum*. Maximopere extollunt *spumam guajaci*, *scabiosa*, & *aristolochia rotunda*. Quibus non juvantibus, ad *saponem nigrum*, vel ad *mercurii præcipitati pulverem unguento rosaceo admistum*, vel ad *oleum scorpionis*, *sebum hircinum*, *pinguedinem gallinaceam*, vel ad *oleum viperinum confugiunt*.

Opportu-

Opportunum ad curandas pustulas auxilium est, ne in caries, vel ulcera abeant; medicamenta se insinuandi vim habere debent vel in formâ pulveris, vel liquoris, hujusmodi sunt *lithargyrium aureum* vel nullo alio præstantior erit *mercurius dulcis*, in pulverem redactus, & per setam trajectus. Indolens est ille, & hic pulvis, qui præputio aspersus bis in die, infra duos dies pustulas curat, si vino tepido leniter humectetur, & dictus pulvis adhibeatur, & præcedens abstergetur, multumque valet in his præcavendis; Mercurii namque pulvis omnem acredinem, & aciditatem in se imbibit, & omnia corrosiva obtundit, immutat, & cicurat, non aliter ac in mercurii dulcis opificio contingit, ubi partes acutæ, & corrosivæ mercurii sublimati supra corpus mercurii obtunduntur, infringuntur, hebetantur, dulcescunt. Vel

℞. *Aqua ros. lb. j. merc. meteorizati gr. x. f. horum in aqua solutio*, qua ter vel quater die pustulæ laventur, & curatæ erunt. Eiusdem, & majoris efficacix erit *aqua Venerea*, vel *lapidis medicamentosi*, si post singulas ablutiones, petia madida dicta aqua superponatur; Post earum curationem mercurii dulcis, vel manna mercurii pilulas infirmo exhibe ter eodem modo, quo eas, dum de gonorrhœa egimus, præscripsimus.

In pustulis ex confirmatâ Lue hæc medicamenta non sufficiunt, sunt namque germina, quæ à vitiata radice semper pullulabunt, nisi extirpetur: internis itaque averruncanda est, & primò corpus purgandum est illis medicamentis, quæ Lue appropriata præsidia in compositione admittunt, hujusmodi est *Aqua solutiva magistralis à Paulo Emilio Ferrillo* inventa, quæ salsam parillam, limatam ligni Indici &c. recipit, sumi debet jejuno stomacho per quinque vel sex dies; vel quæ Luem exterminant; ita sunt *pilula de tribus Gal. vel extracto catholico* in quas *mercurius dulcis*, vel *manna Mercurii* ingreditur. Deinde propinari possunt *decocta ex lignis, & radicibus* juxta nostram descriptionem, & interim pustulæ, & cognatæ affectiones, nisi sensum resolvantur, leviter inungantur *unguento pomato*, in quo *Mercurius vivus ita immixtus sit*, ut nullum ejus *gratum appareat*. Vel si corpus sit pustulis, aliisque cognatis affectionibus refertum, tunc præmissis præmittendis. Suffumigari potest, & brevi temporis intervallo cessant. Vel exhiberi potest *aqua Anti-Venerea*, & absque ullo adjuvante extrinseco spontè arescunt, ut nobis experientia pluries indicavit.

Cap. 8. De Cariebus.

Pustulis non, vel malè curatis, quædam ulcera parva, & rotunda producuntur ab humore virulento, & sub epidermide pudendorum carnem exedente, & contaminante, quæ caries appellantur, quia quorundam vermiculorum ligna erodentium instar, in cutem altè se insinuant, eamque erodunt, & estò peculiari nomine caries ad ossa pertinere videantur, quia hujusmodi vitium est ossibus attributum, attamen etiam certo quodam analogismo ad carnes exesas se extendit. Prorumpunt autem, & observantur hujusmodi ulcuscula non solum in partibus pudendis, nempe in præputio, glande, coronâ, & mulierum sinu, verum etiam in labiis, mamillarum papillis, linguâ, & palato.

Signa.

Primum in pudendis parvæ erumpunt pustulæ, quæ milii figuram repræsentant, his minimè curatis, & disruptis remanet ulcusculum pruriginosum, ichore madens, parvum, & rotundum, in medio exiguum habens foraminulum albicans, nunc unum, interdum plura, aliquando tota glandis corona est his referta, & hujus-

modi ulcusculis copulantur, & ex duabus, vel tribus vel quatuor unum fit, & tenuem fundit ichorem. Decipiunt multoties caries, nam superficie tenuis nil ulcerati ostendere solent, interim radicem in carne profundant, nunc magis, nunc minùs: id cognoscitur ex tactu, nam percipitur durities, & dolor.

Causa.

Medici hepatici credunt caries fieri, quia hepat infectum, pravum & tenue excrementum generat, ad pudenda transmittit, & ea exedit. Barda est hæc vulgarium sententia, nam caries non curaretur, nisi curato hepate. Quoties pustulæ non curantur, & in latum se non extendunt, in profundum progreditur earum venenum, quod callosam quandam inducit radicem, deorsum semper petentem, eructatque ichorem, qui ubi residet, in pudendis similes excitat caries.

Prognosis.

Caries pessima hujus morbi species est, nam ab ignavis curari nescit, ac faciliter in horrenda ulcera exedentia, vel mortificantia abit, excitatque bubones ut plurimum spurios, qui sunt legitimis multò peiores,

Curatio.

Carietum curatio fit cum totali radicis averruncatione, & ulceris remanentis consolidatione. Grex barbitonforia, ad quam omnes hodierni chirurgi reduci possunt ad carietum curationem utuntur solâ ablutione ex *aquâ rosaceâ, vel plantaginis, aut portulacæ, vel vino albo*, in quo *rosæ rubræ sicca incompleta ebullierint*, vel ut plerique faciunt, *urinâ sanant*, vel *pulvere pyrio*, quæ medicamenta non tantum sunt ridicula, & inefficacia pro tanto curando malo, sed ipsam pejorant, caries multiplicantur, & perpetuò deorsum exedunt, unde in pessima, & maligna seivissimè serpentina degenerant ulcera.

Alii altioris doctrine vulgares, unguentis utuntur, unusquisque pro suâ Minervâ, *minii, lithargyrii, cerussæ, rutie, apostolorum, Egyptiaci*, similiumque nec hactenus animadvertunt, quod unguenta radicis cariei profunditatem attingere non possunt, ac proinde sunt inutilia.

Curationis cardo consistit in cognoscendo totalem radicis extirpationem, & de hac quisque certior esse potest, cum ex remediorum applicatione cariei fundus non appareat albicans, sed rubicundus, sanguinemque profundat, non saniem, & cum nulla circum observetur durities, His positis signis, ulcus sine scrupulo consolidari potest, sin minùs pro consolidatione infano indulgetur labori; curet quisque priùs linteis partes sanas à carierum ichoribus defendere, deinde sequentibus pulveribus profunditatis cariei ratione uti potest, ut

℞. *Merc. præcipit ℥. j. vini sublimati ℥. ij. Stent simul in vase, & vinum sublimatum accendatur, ut totum cremetur, id cum novo vino sublimato ter repetatur*, nam mercurius præcipitatus dulcescit, extirpatque caries sine ullo dolore, & inflammatione, quod magnum est arcanum, & nemini cognitum.

Vel ℞. *Merc. præcipit unc. ij. Sp. V. ardentis unc. iv. Ponantur ambo in retortâ, & spiritus vini à Mercurio præcipitato destilletur, & in vas recipiens accipiatur*, hunc spiritum serva, nam ejus contactu callositates, durities, excrecentiæ carneæ, fungi, môra, cristæ, ac hujusmodi symptomata à Lue Venereâ pullulantia brevi tempore exterminantur absque dolore, & inflammatione. Felix ille, qui hæc remedia propriâ manu parat, eorumque efficaciam, & applicationis modum intelligit, nam miraculosè curabit,

Vel ℞. *Merc. vivi opt. purgati ℥. j. quem solve in aqua fortis unc. ij.*

Solutio

Solutioni superfunde aquam communem, postea paulatim oleum tartari correctum guttatim adde, & Mercurius luti instar præcipitabitur, quem probe à corrosivis per aquam simplicem vindica. Hic præcipitatus vocatur Luteus, ab aliquibus verò Magni calcinati Paracelsi nomine insignitur.

Est hîc sedulò advertendum, quòd quotiescumque hujusmodi remedia applicantur, quæ corrodingi habent efficaciam, partes circumvicinæ sanæ linteis, unguentis, emplastris, aliisque similibus muniri debent, ne corrosivorum actio eas tangat, & lædat.

Hîc advertendum, quòd tam pustulis, quàm cariebus, & ulceribus, post veneni Venerei extirpationem cum mercurialibus, aliisque suprà descriptis remediis, remanet, ut citò fiat earum consolidatio, quæ multoties pigra esse solet; sequenti *proprietas balsamo* quisque uti poterit post veneni eradicationem, nam 24. horarum spatio ulcus licet magnum, consolidatum erit:

℞. Aloës, myrrha, & croci ana unc. j. f. omnium pulvis, & misceantur, ponantur in vase vitreo, & affunde sp. V. ardentis lib. j. stent simul per dies duos. deinde per inclinationem tantum vini spiritum separa, & in vase optimè clauso serva. Aspergatur ulcus ter, vel quater in die, & consolidatum erit. Verùm hujus balsami aspersio nimis dolorosa est, ac proinde ut advertatur dolor, & quandoque aliqua veneni suspicio latere potest, ad suspensionem tollendam consolidari potest unguentis vulgaribus, ut *tutia, de plumbo &c.* aliquam suprà dictorum pulverum asperginem admiscendo, quæ curatio licet pigrè incedat, tamen tutò fit. Post carierum curationem utatur infirmus pilulis mercurialibus suprà descriptis.

Accidit interdum, ut hujusmodi caries sub præputio lateant tumefacto, vel constricto, adeò ut cerni non possint, in hoc casu per siphonem medicamenta in formâ liquida injicienda sunt. Vulgares *aquâ hordei, & melle rosaceo* utuntur, qui etiam usu urgente, quidpiam *unguenti Egyptiaci, & decoctionis ligni guajaci* admiscant; Verùm nos felici cum successu per siphunculum injicimus *aquam nostram Veneream, vel de lapide medicamentofo.* Advertendum quoque est, quod quoties glans tegi potest; nunquam detecta relinquatur, ut quidam chirurgi, & tonsores faciunt, ne tandem cutis exsicceetur, & contrahatur, sic nunquam postmodum tegi possit; quod si ita vulgares nihil proficiant; & necessitas urgeat, ad incisionem procedunt.

Sæpe in ipso penis meatu caries suboriri solet quæ difficilem reddit curationem, tum quia latet, nec facile pulveres, unguenta &c. admittit linimenta; tum etiam quia promptè carunculas gignit. Cognoscitur ex sanie manante, & maximo dolore mictionis tempore, ac glandis apex rubet. Hanc cariem curabis *aquâ nostrâ Venereâ, vel melius dracone mitigato cum aqua plantagininis per siphunculum.*

Cap. 9. De Ulceribus in Præputio.

Nullibi tam frequentius, quàm in præputio, & in glande ulcera elucescunt, cum pustulæ ex impuro concubitu contractæ citò non abstergantur, vel in caries & inde in ulcera corrosiva degenerant.

Signa.

Nunquam ulcera ex abrupto efflorescunt, sed perpetuò pustulæ præcedant oportet, quarum sanies non absterfa ulcera in latum producit, quæ si opportuno non curentur tempore, fiunt sordida, livida, profunda, dolorosa, callosa, & cum labiorum tumore, quæ pessima, & maligna sunt.

Causa.

Hujusmodi ulcera ex hepate Lue inquinato ortum habere maleferiati vulgares obstinatè contendunt, in quo, tanquam in propriâ sede maligni generantur humores, & à robore ejusdem facultatis pulsi, ad penem transmittuntur, non aliter ac si penis esset hepatis emunctorium, ad quem sua excrementa deponit. Verùm, oh! quàm horum ulcerum difficilis esset curatio, quia non nisi curato hepate, contingeret, quòd si lue esset affectum non tantum difficile, verùm & impossibile, dijudicemus, quòd oppositum observamus: curamus namque hæc ulcera, nullo habito hepatis respectu. Fiunt ulcera quoties pustularum non absterfa sanies subjectam carnem suâ acredine in latum serpendo procedit.

Prognosis.

Penis ulcera contemnenda non sunt, est namque exquisitissimi sensûs pars, sensûs Veneris organum, ac proinde idonea medicamenta, quæ pro ejusmodi ulceribus curandis sunt valdè proficua, citra tumoris, & inflammationis metum nunquam adhibentur. Præterea medicamenta, quæ in hac parte administrantur, admodum difficilè adhærent, & retinentur, ac ut plurimum labuntur. Tandem hujus partis ulcera citra contagium sunt contumacia, & prava, ac cum contagio erunt contumaciora, & sæviora. Ulcera hæc faciliter sorditiem in superficie contrahunt, sub qua subjectam occultè carnem depascunt, ac tunc bubones spurios excitant, qui nunquam ad suppurationem deveniunt, neque faciliter resolvuntur. Suntque majoris mali infelicissima præludia. Si opportuno tempore non curentur, sic sæva, & exedentia evadunt, ut penem absumant, vel saltem aliquam ejus partem minuant, quo fit, ut in coitu nectarea Veneris dulcedo vel minuat, vel depravetur, vel prorsus deperdatur, ceu illis contingit, qui meritâ pœnâ pene viduantur. Sed quod pejus in prava, profunda, & cancerosa degenerant ulcera, minitanturque ut plurimum gangrænas, & mortificationes, quæ citra ferrum, & ignem superari non possunt, & ex penis abscissione ferè semper vitæ periculum impendit.

Curatio.

Pro ulcerum præputii, & glandis curatione utuntur vulgares chirurgi *unguento de tutia, aut plumbo*, & demum siccis filamentis pro cicatrice inducendâ. Quod si nihil profecerint, adhibent *vinum album austerum, in quo incoquant lignum Indicum, & rosas*, quo ulceratam balneant partem, & post balneationem lithargyrio inspergunt. Si hæc non sufficiant, & ulcus sordidum fuerit, recursum habent ad *mel rosaceum simplex, unguentum Egyptiacum, apostolorum, ad alumen, calchantum ustum.* Alii utuntur *unguento rosaceo cum pauco præcipitato.* Utitur Fallop. *Aquâ aluminosâ magistrali*, id est aquâ mercuriali, quam describit *Tract. de Morbo Gallico, de pustulis cap. 39.* ut

℞. Aquar. plantag. rosarum ana lib. j. alum. roche, merc. sublimat. ana 3. ij. Sublimatum, & alumen terantur, & misceantur omnia in phialâ vitreâ, postmodum ad medietatis consumptionem bulliant, deinde stent spatio quinque dierum, ut subsideant alumen, & sublimatum, & extrahatur aqua limpidissima. Verùm hæc vulgaria medicamenta vel sunt ita nullius efficaciz, ut nihil proficiant, vel ulcera ulceribus cumulant, vel bubonem spurium, vel statim omnia Luis pessima excitant symptomata.

Horum ulcerum curatio distinguitur, nam ulcus in superficie valdè sensitivum est, dolorosum, & uno modo curatur, vel putredo in superficie producta obtu-

sum causat sensum, vel nullum, suntque ferè indolentia, & tunc diversam requirunt curationem.

Si dolorifica sunt ulcera, hoc modo curantur: relictis unguentis de tutiâ, minio, cerussâ &c. ut suprâ de pustulis monuimus, ulcus tegatur *mercurio dulci* in pollinem redactò, ac ter in die recentem imposito, abluto præcedenti cum vino albo tepido, nam infra tres dies ulcus consolidatum fuerit. Vel utere *aquâ lapidis medicamentosi*, sed præstantissima est *nostra aqua Venerea*, in qua madefac petias, & super ulcus impone, inuenies petiam exsiccata, & saniam petiæ adhærentem, quam abjice, repete ter in die, ad ulceris usque sanationem.

Si verò dolore careant, ex eo quia callosam quandam sorditiem in superficie contraxere, tunc sordes est efficacioribus abstergenda; utere *Mercurio præcipitato dulci*, vel *præcipitato Luteo*, alias *Magno Calcinato Paracelsi*. Vel.

℥. *Spiritus Vini ardentis unc. ss. Mercurii meteorizati gr. v. m.*

Hac aquâ ulcus sordidum sensum illine, & ipso tunc sordities abstergetur. Vel

℥. *Vitell. ovi ad duritiem cocti n. j. deinde in rigillo mellis opt. unc. j. Liquefeat leniter, & misce vitellum pistilli beneficio cum melle diligenter, donec abeant in medicamentum spadaceum, admisce optimè merc. præcipit. alb. ʒ. ij. & utere.* Si ulcera fuerint fœtida, maligna, vel cancerosa, nullamque sanationem recipientia, specillo leviter ea tange *aquâ persicaria spiritu Mercurii albo imprægnata*. His nostris medicamentis cujuscumque generis ulcera cedunt. Absterfis, mundificatisque ulceribus, quæ cognosces, si sensitiva, si rubicunda, si æqualia, ac sine duritie fuerint, *unguentum nostrum magistrale* appone, & pilulas mercuriales infirmo exhibe.

Cap. 10. De Vesiculâ Crystallinâ.

INter dira Luis Venereæ symptomata recentissimum, & sævissimum est Vesicula crystallina. Adnascitur hæc ad membri virilis glandem, quandoque ad coronam, vel præputium; & vesiculæ crystalli instar translucet, unde nominis ratio desumpta est. Infrequentissimum est hoc Luis symptoma, à quo non multos eripimus, sed postquam Hispanorum classis ad hæc nostra littora pro Messanæ expeditione appulit, Neapolitana ganea hoc sævissimo germinavere symptomate, sed brevi tempore suo alexipharmaco extinctum fuit.

Est lethalis, si optimis adhibitis non cedat remediis, quia ab igne paritur, nec affectus coalescit locus, licet quæcumque pro Venereis exulcerationibus medicamenta adhibeas valida.

Solus *tabaci spiritus* laudem hîc invenit, qui fit *ex tabaci foliis viridibus cum malvatico solâ infusione, sine destillatione*.

Ubi hæc vesicula prius mortificata fuerit mercurio præcipitato, vel sublimato, tangatur hoc spiritu quinques ad summum, & tacta spontè evanescit absque aliorum medicaminum ope. Hoc fiat jacente patiente, alioquin ad levem spiritus tabaci tactum sideratus cadit, & convellitur. Post vesiculæ crystallinæ curationem, Venerea labes è corpore elicienda est pilulis mercurialibus, & decoctis sudoriferis, aliàs sicuti est sævissimum Luis Venereæ symptomata, ita temporis cursu perniciosissimas calamitates eniti potest.

Cap. 11. De Ulceribus, quæ per universam cutem erumpere solent.

NON solum in obscœnis ex contractâ Lue erumpunt ulcera, verum ex malè curatis gonorrhœâ bubo-

ne pustulâ, carie, & temporis progressu ex his partibus in totum corporis habitum veneni minera pro subjectorum ratione, id est ob salium varietatem in nutrimento latentium transplantantur, & multipliciter defœdatur cutis, ita sunt pustulæ, scabies, impetigines, serpigines, lichenes, ulcera, aliæque innumeræ defœdationes extrinsecus apparentes, quæ quandoque ita altè radices figunt, ut optimis averruncari nequeant remediis.

Signa.

Signa, quæ hæc ulcera ex Lue Venereâ procedere arguunt, sunt his dolor, & pruritus circa vespertas, eorum diffusio, & remediis resistentia, quibus simplicia ulcera parere solent.

Causæ.

Clamitant vulgares ulcera, quæ per universam cutem erumpunt, hepar Venereâ labe pollutum propalare, tunc cum ob debilem facultatem expultricem non propellit ad vasa spermatica, vel ad penem, vel ad inguina, tanquam ad proprium emunctorium, ut à Lue se vindicet educâ virulentia, hepar sanguinis officina, Lue laborans depravatum gignit sanguinem, illumque corrumpit, & hinc pravi procreantur succi, quos tanquam inutiles, & molestos ad corporis peripheriam natura deturbat, in qua tot erumpunt ulcera, quot ex e quo Trajano non emerferunt milites.

Suscepto veneno Venereo quinque suprâ notatis modis, si illud à nutrimento internis remediis omninò non exterminetur, licet gonorrhœæ, bubones, pustulæ; caries, & ulcera in obscœnis curentur partibus; temporis tamen cursu, uti est unius, vel alterius anni pro patientis dispositione in diversos prorumpit effectus. Fiunt hæc ulcera à salibus acribus, & acido-salinis, quæ furim serpendo unâ cum nutrimento, vel fero, ad glandulas cutaneas pro insensili transpiratione transmittuntur, ibi se exaltant, glandulas cutaneas, & ipsam cutem exedunt, corrodunt, exulcerant, & pro diversâ partis dispositione diversæ ulcerum differentie emergunt pruriginosæ, quæ proximas inficiunt partes, segetes multiplicant, & per totum serpunt corpus, sed præcipuè per scrotum, circa labia, faciem, collum, frontem, aures, capitis cutem, brachia, femora &c.

Prognosis.

Horum ulcerum præsagium est, quòd si non curentur, in esthiomena, cancerosa, & putrefactientia degenerant.

Curatio.

Vulgares primò medentur hepatis, & deinde ulceribus; ac proinde statim ac aliquis Venereis ulceribus defœdatus in eorum incidit ungulas, initio prius plurium barbatorum consilio, idoneum instituunt victum ex cibis exsiccantibus, & minimè calefacientibus, tres symplos & medicamentum purgans de communi morborum omnium, ut *de fumarîâ majori cum confect. hammech, & vipera pulveribus*: pluries propinant; postmodum quia hepar, & sanguinis massa sunt infecta, *decoctâ ex ligno guajaco, salsa parillâ, & santalis* ad triginta, & plures dies, intercalaribus quinto quoque die ad hepatis fervorem temperandum, ejusdemque intemperiem corrigendam exhibitis purgantibus ex *symplo de fumarîâ composito*. Vel stufis, seu Laconico exulceratum tradunt, non timentes hepatis adustionem, quia illud *cerato santalino, vel unguento refrigerante Galeni* post earum egressum inungunt. Post plura decocta, vel stufas ulcera Lintcolò *decocto guajaci* madi-

do ter, & quater in die humectant, ut exsiccent. Vel ad temperandum fervorem, qui in parte læsâ quàm maximè viget, Lotiones commendant ex *decocto fol. plantag. hordei, lupinorum, limaturæ ligni Indici, fol. myrthi, pimpinellæ, & aluminis saccharini*. Tandem *aquam aluminosam magistralem* cum plumaceolis adhibent. His, vel similibus deterfis ulceribus, *unguento de minio, vel lithargyrio, vel tutiâ* curationem absolvunt.

Horum ulcerum curatio erit, si priùs remediis appropriatis Veneream labem è corpore extermines, deinde si ulcera purificaveris, & consolidaveris, multùm proderit in his curandis affectibus, si corpus humorum crassorum multitudine exonerabis, quod hoc modo obtinebis.

℞. Aqua solut. suprâ de gonorrhœâ descripta lib. j. propinetur infirmo manè, jejuno stomacho cum anisidis conditis, & successivè eadem dosis per quatuor dies. Corpore exonerato, mercurialibus venenum infringes, exhibendo per vices pilulas de mannâ Mercurii suprâ descriptas, vel pro expertissimo medicamine aquam nostram Anti-Veneream propinabis, cujus usu Luem exterminabis, & absque ullo extrinseco adjuvante exsiccantur ulcera.

His præmissis:

℞. Merc. meteorizati 3. ij. ℞. aq. font. lib. ij. aqua in vitro incalescat, & in eam injice merc. & serva. Hac aquâ semel in die ulcera irrota, nam infra quatuor dies curata erunt, prodest *aqua lapidis medicamentosi, & aqua nostra Venerea, vel aqua persicaria spiritu, seu oleo merc. alb. imprægnata.*

Solent meretrices, & pueri meretorii frequentissimè tentari ulceribus intra podicem, vel extra cum ex infando concubitu: Hęc ulcera, præmissis universalibus, curabis per siphunculum, injiciendo primùm *vinum in myrrhâ, & aloë infusum, & colatum*, deinde *aquam nostram Veneream* adhibendo.

Cap. 12. De Ulcere Narium.

ETiam nasus in Lue Venereâ suam patitur cladem, non aliter ac si in Veneris palæstrâ adhiberetur, sed hic nullam cum membris generationi inservientibus habet sympathiam, & in coitu minimè usurpatur: attamen physiognomi potiùs vanâ conjecturâ, quàm ratione ducti ex nasi magnitudine, membri genitalis magnitudinem, & molem hariolari audent. Verùm enim verò conjectare possumus, quòd qui prægrandem nasi formam nacti sunt, genitalibus illecebris sunt obnoxii, unde legimus Heliogabalum Imperatorem omnis generis lasciviæ studiosum, nasutorum virorum congregasse manipulos, ut secum in turpi certamine arma aphrodisia pertractarent strenuè. Hoc id ipsum de fœminis clariùs percrebescat, quæcumque enim magno, & oblongo præditæ sunt naso, ad luxuriam sunt proclives: nasus itaque cum peccandi ansam præbeat, si deindè ipse meritis peccati pœnas subeat, admirationem asferre non debet.

Nasus multùm usum, commodumque nostro corpori affert, per eum enim omnes intrant odores, item aër ad respirationem maximè necessarius, clauso ore per eum ingreditur, & egreditur; item multumque facit ad faciei ornatum, & pulchritudinem. Hinc si maximus, vel parvus, vel simus, aut aquilinus, aut nimis longus, vel ulceratus, vel penitus absumptus sit, maximam faciei deformitatem affert. Sic quoque per nasum, seu canalem effluunt excrementa, qua de re Veteres eum putârunt esse cerebri emunctorium, & mucum pro cerebri excremento venditârunt, unde prisca vulgares ad humores, pituitam potissimum è cerebro evacuandum; errhina medicamenta naribus attracta; item eandem ex eodem cerebro eliciendam, sternutatoria ex-

cogitârunt. Non est mucus cerebri excrementum, sed dumtaxat partium narium internarum alimentum ante nutritionem degeneratum. Ab hoc excremento non patiuntur nares, sicut non patitur oculus à lacrymâ, intestina à fœcibus, vesica ab urinâ &c. quia propria sunt horum emunctoria. Patiuntur quandoque nares ab his excrementis, tunc cum quid adventitium consociatur, ut est Lues Venerea, unde oritur ulcus. Hoc narium ulcus duplex est, vel incipiens, & simpliciter vocatur ulcus; vel inveteratum, & appellatur *ozæna*.

Signa.

Præcessit Lues quinque notatis modis contracta, quæ à nutrimento opportunis non fuit eliminata remediis, & estò appareat curata, temporis curriculo recens ulcus nullum, vel exiguum excitans dolorem invadit nares, quæ ichore madent; siccâ, & subnigricante obducitur crustulâ, quæ si violentiùs sæpiùs attingatur, vel vi depellatur, vel à fortiori narium emunção una exturbetur, sanguinem fundit, & mox densior regeneratur crusta. Si diutiùs hæreat, subter exedendo perpetuò procedit, & ulcus efficitur majus. Quòd si negligatur, in dies depravatur, donec tandem in ozænam transeat, quæ est ulcus priori magis dolorificum sordidum, & putridum cum crustâ sordidiori, & humidiori, ex quo graveolentia emanat, adeò ut mucus, & sanies graveolentem, & tetrum reddat odorem; anhelitus etiam ægri non modò adstantibus, sed & ipsi ægro nauseam parit, unde ipsi, & aliis molestus, & abominabilis est. Sic sæpe narium ulcera, quæ intus latent, cognoscuntur solum ex eo, quod fœtor è naribus provenit.

Causæ.

Ulcerum narium causam putant *Vulgares* esse humores, putridos, & Venereâ malignitate imbutos à partibus inferioribus, ab hepate nempe per ascensum capiti communicatos, & à capite per descensum catarrhosâ colluvie naribus impertitos, qui acrimoniâ suâ cutem erodunt, & nares exulcerant; in Ozænâ verò eisdem humores simul putridos, & virulentos esse autumant. Verùm errant *Vulgares* in ulcerum narium assignandâ causâ; nam non ab hepate in cerebrum per ascensum scandunt, quia inferiores partes, per quas transcunt, primùm exulcerarent, deindè cerebrum, & narium tandem partes.

Fiunt narium ulcera ex gonorrhœâ, pustulâ, carie &c. malè curatâ in pudendis, à quibus particulæ acutæ acido-salinæ lentè, & dilutius serpendo unâ cum nutrimento, ad narium epidermidem perveniunt, ibi maximè exaltantur, & patescunt cum narium excrementis, & quia Venereum virus est de salium corrosivorum genere, corrodit, & corrumpit nasi fibras, & ulcus fit, quod brevi temporis intervallo sordidum, crustosum, putridum, & graveolens evadit, & tandem nasi ossa cum aliis ejus partibus exedit, iisque destructis, intolerabilis exoritur fœtor.

Prognosis.

Narium ulcera circa sui exortum non ægrè curantur, debitis adhibitis remediis, præsertim si superficialia munda, & externa sint, verùm quia Luem Veneream comitem habent, semper pro suspectis habenda sunt, ideòque perpetuo in deteriorationem abeunt, & prava excitant symptomata. Ut plurimum crusta nares obstruit, & respiratio læditur, ac ulcere ampliato, olfactus sensus extinguitur, vel si in sarcoma, vel poly-pum degeneret. Multoties narium hæmorrhagia supervenit, narium venis exesis. Annua, crustosa, interna, occulta

occulta profunda, putrida, & fistulosa difficillimam habent curationem; sentim enim serpunt, narium pinnas effodiunt, interstitiumque corrumpunt, vel tenella nasi ossi, præsertim cartilagine exedunt, deformitatem inducunt, & vox vitiatur. Furtim palatum perforant, & fœtore contagiosæ putredinis ad cerebrum usque sentim serpunt, & primum ossa, deinde carnem corrodunt, & tunc nulla salutis spes superest.

Curatio.

Vulgares in Venereis narium ulceribus curandis vitæ rationem ad humorum acrimoniam temperandam, & eorum genescim inhibendam præscribunt, Corpus illis pharminis, quæ hepar lue conspurcatum respiciunt, & si sanguis exuberet, phlebotomiâ utuntur. Caput fluxionis fontem exsiccant, roborantque, ne vitiosam materiam ulterius ulceris curationem impediens transmittat, deinde ulcus exsiccant, & consolidant.

Ad topica deveniunt, & primò crustas emolliunt, & auferunt, pro quibus emolliendis unguentum commendant, quod conficitur *ex medulla ossis bovis, cerâ novâ, oleo nenupharino, & rosaceo*. Vel utuntur *butyro recenti, anseris, vel gallinæ adipe, aqua rosarum loco, oleo amygdalarum dulcium, & similibus*. Crustæ emollitæ spontaneum expectant casum, vel per ultroneam sternutationem. Crustâ remotâ ulcus *decocto ligni guajaci, vel ejus spuma* eluunt, deinde *unguento de iutia, vel albo Rhasis* illiniunt. Si hæc non sufficiant, ulcus bis, ter, quaterve, *unguento Ægyptiaco in aqua hordei dissoluto* abluunt.

Vel utuntur medicamento *ex melle rosaceo, farina hordei, terebinthina, & pulvere aluminis saccharini, additis aliquot granis mercurii præcipitati*.

Ulcere deterfo, illud exsiccant, probantque *Rondeletii suffumigium*, ut

℞. *Ladani puri, hypocistidis, mastiches, myrrha ana 3. iij. styracis calamitæ, cortic. thuris, sang. draconis, auripigmenti rubri ana 3. ij. sandarachæ 3. jß. Excipiantur terebinthina & f. trochisci*. Verum venenatum est suffumigium ob auripigmenti, & sandarachæ admistionem, quæ inter venena recensentur. Vel summo opere commendant *aquam ejusdem Viridem*, ut

℞. *Æruginis aris 3. j. auripigmenti 3. jß. Fundantur subtilissimè, & coquantur in Vini unc. iv. ad consumptionem med'æ partis, cum refrigerent, adde aqua rosarum, & solani. ana unc. jß.*

Vel *ligni guajaci decocto* utuntur, in quo dissolutum sit *unguentum Ægyptiacum*. Sed tale unguentum ob viride æs, & acerrimum acetum vehementem habet acrimoniam ulceribus hostilem, præcipuè ubi adest ossis exesio, illud nigredine inficit. Optimæ notæ chirurgi huius unguenti usum Veterinariis consignarunt.

Ulcus narium ex Lue Venereâ difficillimæ est sanationis, ac proinde medicamina, quæ ex Mercurii penu eruuntur, exposcit, unde præmissis pilulis de Mercurio alibi descriptis, conveniunt lignorum radicumque decocta, & post hæc, quæ particulas acido salinas in affectæ partis nutrimento exaltatas hebetant, corrigunt, & ad naturalem redigunt constitutionem, ut *gummigujaci naturale, antimonium diaphoreticum, cerussa antimonii, vel Mercurius diaphoreticus* per vices in formâ pilulari, vel aliâ assumenda. Interim non omittenda sunt topica, inter quæ efficacissimum est *unguentum nostrum magistrale* cap. V. de Bubone descriptum. Non credibile est, quantum unguentum hoc valeat in omnibus ulceribus, & etiam recentibus, præsertim Venereis, putridis, malignis, vetustis, & exedentibus. Mundificat, carnem bonam producit, consolidat, putrefieri ac corrumpi non permittit, nec carnem excrescere, & tandem sanat unâ hebdomadâ magis, quàm aliud integro mense. Sequens balsamus in narium ulcere est remedium rarò fallens, ut

Bibl. Chirurg. Tom. III.

℞. *Ocul. cancr. spermatis ceti ana. 3. ss. Cinnab. nativi gr. ij. sacch. Saurini gr. v. camphoræ gr. iij. balsami Peruviani q. s. f. balsamus*, quo sæpius pars affecta illinatur. Vel sequens linimentum adhiberi potest, quod est magnarum virium, ut

℞. *Ung. basil. 3. j. ol. guajaci, balsum. Peruv. ol. sassafras gummi elem. ammoniaci dissoluti. ana 3. j. præcipitai alb. gr. ij. m. f. linimentum*.

Si verò ulcus sub oculos non cadat, medicamenta in formâ liquidâ commendamus, inter quæ præstantissima est *Aq. Viridis Harimanni* alibi à nobis descripta, quæ cum penicillo, vel gossypio, vel calefacta, tamen ulcus tange, vel irrota syringulâ, quæ mirificè non tantum ulcus mundificat, sed insuper consolidat, Vel adhiberi potest sequens mistura, ut

℞. *Aqua plantag. semplici ana. 3. ss. mell. rosar. 3. vj. spiritus vini rectificati 3. iij. mercurii meteorizati gr. vii. m. & guttatim naribus absorbeat, vel lintecolum hac misturâ madefactum, & contortum naribus inferatur, vel syringulâ intrudatur. Vel tandem fiat sequens suffumigium, quod egregias obtinet vires, ut*

℞. *Thuris, gummi anime ana 3. ij. cinnabaris 3. j. m. f. pulvis* pro suffumigio carbonibus injiciendus, & naribus excipiendus.

Cap. 13. De Oris Ulceribus.

Sunt quædam oris ulcera superficialia, vulgò Aphthæ nominari solent, quæ præcipuè infantibus lac sugentibus accidunt, & lactucimen appellantur. Sunt exulcerationes in summa cute, & in palatum, gingivas, linguæ latera, radicem, & quamlibet ejus partem serpunt. Quandoque profundius sese demittunt, & palatum, carnemque linguæ exedunt, & ulcera absolute nominantur. Verum de his non est noster sermo, cum sint ulcera simplicia, non negamus tamen aphthas infantibus interdum aded esse perniciosas, ut penitus eorum tenellam exedant carnem; sed præsens noster sermo est de ulceribus à Lue Venereâ ortum ducentibus, quæ per ora non tantum superficie palatum, gingivas, linguæ latera, ejusque radicem serpunt, verum etiam brevi temporis intervallo profundius sese intinuant, & harum partium carnes exedunt.

Signa.

Si oris ulcera vulgaribus reluctentur præfidiis, sub Gallorum vexillo militare censemus, hæc per se visui patent, primum levia, & superficialia, deinde profunda, & adesa, vel albo, vel cineritio, vel nigro imbuta colore.

Causæ.

Assignant *Vulgares* pro oris ulcerum causâ biliosos, aut pituitosos aut melancholicos humores Lue infectos, in ore collectos. Verum isti humores vel antequam ad os colligantur, sunt infecti, vel in ore infectionem contrahunt, si primum, pravitatem partibus, per quas transeunt, communicant; si secundum, quomodo in ore pravitatem nanciscantur assignare tenentur. Censent à capite in os mediatè per distillationem per descensum, ut Chymici loquuntur, sed de his fabellis ad tædium usque in nostrâ *Trutinâ lib. i. cap. 8. de catarrho* egimus. Immediate verò oris ulcera uni infecto tribuunt hepati, tanquam ignorantia asylo, & omnes morborum causas à plantâ pedis ad verticem capitis usque hepati refundunt.

Contrahunt Venerea ulcera infantes in ore cum lacte nutricum non aperto, sed furtivo quodam modo Lues se insinuat, inficitque. Miselli infantuli, qui dum Lac pro sustentandâ virâ ab uberibus mendicant,

cum lacte nutrix, ceu sæva noverca mortis insidias struit alumno inficiendo pocula.

Contrahuntur etiam in ore ulcera ex osculis cum scorto in ore infecto, imò per solam conversationem habitu, vel computatione. Quapropter plurimum nocet inter bibendum (ut plurimorum mos est) totam combibonum turbam in uno, eodemque cyatho bibere, cum quandoque inter combibones semper unus, & interdum plures reperiri possint, qui in labiis, gingivis, lingua &c. Venerea patiantur ulcera: & talis Labiorum, gingivarum, linguae &c. sanguinolentia, corruptio, & sanies in computatione à potu eluitur, à qua cessando, aliquid putridi circa cyathi margines remanet, & quid in ejus fundum refluit, quod postmodum non infectos inficere potest.

Fiunt oris ulcera ex suscepto veneno Neapolitano, & non rectè à nutrimento extirpato, quod tempore serpendo, ad os tanquam ad aliquod corporis emunctorium devenit ibi, labiorum, gingivarum, palati, linguae &c. fibras adoritur, eorumque proximum nutrimentum degenerare facit, exaltatur, & solvendo vim adipiscitur, & ulcera emergunt exedentia.

Prognosis.

Ulcera Venerea in pueris, si superficialia sint, & recentia, facillimè curationem recipiunt, attamen profunda & diuturna perniciosissima censentur; tum ob carnis mollitiem, quam facillimè exedunt, & serpendo, palatum, totumque os occupant, & ad gurgulionem, & fauces descendunt, & validiora expostulant medicamenta, quæ ob eandem carnis mollitiem, & ætatis inbecillitatem ferri nequeunt; tum quia infantuli nimia oris humiditate abundant, & facilè salivâ eluuntur; tum quia partes valdè sensiles sunt, & facilè ab acris medicamentis, quibus quandoque uti necesse est, irritantur; tum tandem quia metus est, nequid de medicamentis acrioribus in fauces delabatur, & majus vitæ discrimen oriatur. Unde necesse est ob has causas malum invalescere propter loci naturam calidam, & humidam, ac proinde infantulos consumere, & hinc fit, ut interdum ex ulceribus Venereis acerbò succumbant funeri.

Si adutorum ulcera debitis adhibitis medicamentis non profligantur, sed putrescunt, & à gingivis serpendo per palatum, totumque os occupant, & ad columellam, faucesque descendunt, pessima censentur, & fortissimis indigent medicamentis, quibus si non cedunt, lethalia sunt, præsertim si exedentia, æger debilis, si livorem, nigredinem, & veluti crustam contraxerint, periculosa sunt, & irreparabilis mors præ foribus cubat.

Curatio.

Curant *Vulgares* gallica infantulorum ulcera, idoneam victus rationem nutricibus præscribendo, quæ refrigeret, & exsiccat; verum refrigeratio ulceribus mordax, & quia ulcus exsiccatione indiget per se ipsos, nunquam sanaretur ob assiduam, superfluumque oris humiditatem. Deinde ad oris medicamenta recurrunt mitiora, ut sunt *aqua plantaginis, rosarum, violarum cum syr. de rosis siccis, granat. de moris* pro oris illinctu. Vel ad *decoctum ligni guajaci cum syr. de moris, portulacæ, & myrtill.* Si fusca, vel livida pro illinctu utuntur.

℞. *Aqua plantag. unc. ℔. mell: ros. 3. ij. diamori 3. ij. aluminis gr. vj. m.*

Venerea adutorum ulcera curant *Vulgares* iisdem remediis ac in infantulis, sed paulò fortioribus pro corporum naturâ, ut *decocto hordei, ligni cum iisdem syrups, melle rosato &c.* quibus nihil proficientibus *Ægyptiaco* utuntur *unguento in aqua plantaginis cum pauco*

aceto, & melle dissoluto. Verum hæc medicamenta erodentia adjunctum habent periculum, ne in fauces illabantur, & sic majus malum, quàm oris ulcera producere possunt. Vel ea *spiritu vitrioli, vel aqua forti* leviter tangunt. Sed hæc medicamenta corrosiva sunt, carnem exedunt, & eorum acutie potius malum adaugent, quàm levant. Si hæc ulcera putridam habeant carnem, eam totam præscindendam, vel ex ea parte *præcipitati pulverem* admovendum *cum gossypio in aqua plantag. prius infuso* jubent; attamen frustra præcipitatum adhibent ob assiduam oris humiditatem, cum in parte diù persistere non possit, nec in ulcus agere.

Nos ita in infantulorum ore ulcera curamus, si contracta fuerint ex infectâ matre, vel nutrice, hæc pilulis purgetur mercurialibus, & in purgationis actu infantulo lac præbeat, ut unâ purgetur. Cibus præscribatur melioris nutritionis, vitentur acida, & salsa, omnis aromatis. Postmodum sumat nutrix aquam nostram *Anti-Veneream*, & interim ulcera in ore *decocto hordei, & melle rosato simplici* illiniantur, vel *decocto Veronica, cui addatur aliquid spiritus Vitrioli, vel sulphuris per campānam*: Verum expertum est à nobis majoris energiae sequens medicamentum, ut

℞. *Aqua plantag. unc. j. mell. simpl. unc. ℔. spiritus vitrioli philosophici, ad gratissimam aciditatem, m. & tangantur, sic non resistent. Vel aquâ viridi dilutâ cum aquâ persicaria tangantur.*

Adutorum ulcera Venerea, si recentia sint, facillimè cedunt medicamentis, quæ proposuimus pro infantium curatione, vel ea leniter tangendo *spiritu vitrioli, vel sulphuris cum melle rosaceo diluto*, ut gustus spiritus acidior adhuc percipiatur; vel *mellis rosacei tincturâ, vel lapidis salutaris aquâ* tangantur.

Si contumacia, rebellia, & inveterata sint aliter tractari debent, curatio itaque instituat, corpus pilulis deplendo mercurialibus, & postmodum supra descriptis medicamentis fortioribus redditis tangantur, quòd si his reluctantur, quia putrida, & callosa, expertum erit remedium, ea pluries *aquâ saphiræâ, vel melle ros. sale armoniaco immisto* tangere vel *spiritu salis armoniaci persicaria aqua diluto ad sensilem aciditatem.* Cave, ne *aqua stygia* ea tangas, (ut aliquorum vulgare mos est) quæ vires in metallis eluserit, vocaturque *aqua Mortua*, nam non per hoc veneni corrosivi indolem deposuit. Si serpentia sint, *lixivii ex Reguli facibus* attractu sistuntur. Verum *aqua mercuriali* leniter contacta brevi sanescunt, & *gargarisma ex persicaria decocto cum sublimato dulci* expertum est apud nos remedium. Interdum tam maligna evadunt, ut quodcumque optimum spernant medicamentum, præsertim si profunda sint, tunc *aqua viridi* cum gossypio, vel penicillo madefaciendo, & cavitates tangendo, funditus exulcerationem mundificat, & mirificè sanat, quòd si hæc parum, vel nihil profecerit, ad oris suffumigium, tanquam ad sacram anchoram, confugere necesse est.

Cap. 14. De Tonsillarum Ulceribus.

DUæ carunculæ exiguae, & naturales in oris termino, utrinque circa linguae radicem, paulò suprâ laryngem, videlicet ad uvulæ latera in omnibus hominibus positæ sunt, quæ rotundæ sunt, duorum nucleorum amygdalinorum instar, ac proinde vulgò à figura amygdalæ, Latine tonsillæ, & glandulæ vocantur, Græcè verò paristhmia ob similitudinem ab isthmo significant angustam terræ partem, seu telluris brachium inter duo maria jacens; necnon antiades, quia primò oculis se offerunt.

Condite sunt à naturâ tonsillæ spongiosæ, ut salivali humiditate fauces, laryngem, linguam, & œsoph-

phagum humectent, ut cibum sicciorem, & duriorē madidum reddant ad faciliorem deglutionem, item ad laryngis irrigationem, ut ejus cartilagine ad motum aptiores reddantur, quod imitantur ii, qui fistulas irrigant.

Sepe hæ partes licet exigue, magnum Medico, sed majus ægroto facessunt negotium; intumescunt enim sine inflammatione, ardore, colorem retinent naturalem, & dolore vacant: at interdum inflammatione, ardore, dolore, & sibi infestantur cum deglutionis, & respirationis difficultate. Qua inflammatione in abscessum degenerante, pus intra fauces effunditur, unde sepe ulcus sordidum, & fœtidum relinquitur. Quandoque non suppurantur, & in scrofulas, scirrhososque degenerant tumores. Tandem cirra inflammationem fit ulcus illas exedens, quod ut plurimum Lue Venereæ familiare est, de quo præsens est noster sermo.

Signa.

Præcessit Lues malè curata, vel clandestinè cum lacte, osculis, compotatione &c. se insinuavit. Tonsillæ aliquantulum majores tactu, & visu cognoscuntur, intus verò ceu quoddam carnis frustulum faucibus adhærens mole suâ premit, obstatque ne facilis deglutitio fiat, Ardorem, & dolorem inferunt molestum, sitim, & siccitatem excitant, paulatim fiunt ulcera, partim alba, & maculis similia, partim colori cineritio, aut crustis non dissimilia, quæ ferro inuruntur.

Causa.

Tonsillarum ulcera excitari clamitant *Galenici* ab humoribus biliosis in hepate Lue conspurcatis, qui in caput transferuntur, & inde in tonsillas, illasque erodunt, & exulcerant.

Fiunt tonsillarum ulcera post contractam Luem vel per lac, oscula, compotationem, vel concubitum tunc cum particulæ acido-salinæ in latice hospitantes, à quo antea diluebantur, in laxam, & spongiosam tonsillarum substantiam vehuntur, nec per salivofum liquorem excluduntur, sed inibi exaltantur, & tantam corrosivam adipiscuntur indolem, ut unà cum epidermide non tantum mollium tonsillarum continuitatem solvant, & corrodant, sed etiam sæpe in totum auferant.

Prognosis.

Ulcera tonsillarum, si mox ab initio medica adhibeatur manus, facile curantur; at si negligantur, quæ munda sunt, & exigua, sordida, lata, & profunda evadunt quodam concreto humore albo, aut nigro. Exigua quandoque, & rara oriuntur ulcuscula, quibus supervenientia alia in unum ulcus latum coalescunt. Si ulcera depascendo serpent, gurgulionem, linguam, palatum, & gingivas exedunt, ac dentium præsepiola occupant, dentes labefactantur, nigrescunt, vacillant, & tandem decidunt, unde ægri inediâ, & fœtore consumpti moriuntur. Quod si ulcera per tracheam serpent, quia pulmo, & cor neque odoris fœditatem, neque ulcera, neque ichorem sustinent, obortâ tussi, spirandique difficultate, eodem die strangulant.

Curatio.

Tonsillarum ulcera venerandi barbati curant phlebotomiâ, medicamento purgante, & aliis diversionibus. Deinde quia talia ulcera à salivâ perpetuè humidiora fiunt, adstringentibus, & exsiccantibus utuntur medicamentis; unde si ulcus sit superficialium, cicatricem inducentia usurpant, collutiones nempe ex vino, cui *balaustia*, *malicorium*, *gallæ immatura*, *folia myrti*, *Bibl. Chirurg. Tom III.*

olea, & *sumach.* fuerint incotta, & parum aluminis dissolutum. Vel uruntur gargarismis, ut.

℞. *Aqua mulsæ lib. j. diamori unc. jss. m.*

Vel ℞. *Aqua plantag. lib. j. ss. syr. de moris unc. ij. mell. ros. unc. j. alum. scissil. ʒ. j. aceti ros. parum m.*

Sed nescimus, an hæc magis exsiccare, quam humectare valeant. Vel frequentius abluunt os vino, in quo *bolus Armenus* sit dissolutus. Si sordidum sit ulcus, pro gargarismate uruntur decocto ligni sancti cum alumine, & melle. Quandoque penicillo exulceratas rangunt tonsillas spiritu vitrioli, vel sulphuris vel aqua aluminosa Fallop. ut eas magis exulcerent.

Ulcera tonsillarum Venerea nos curamus primò pilulis mercurialibus totum deplendo bis, vel ter, interim gargarismo de peto, vel efficacius urimur sequenti.

℞. *Decoct. Satureiæ, persicariæ, plantag. lib. j. mell. ros. simpl. unc. ij. salis armoniaci ʒ. ss. m.*

Si sordida sint, ea mundificat, & consolidat infusio lapidis salutis, & tinctura mellis rosati simplicis. Vel sequens gargarismus, ut

℞. *Rad. tormentillæ, & salsæ parillæ an. unc. ss. Veronicæ, & fol. querc. ana m. ss. f. decoct. in aquâ rad. consolidæ ad remanentiam lib. j. in qua diss. merc. dulc. subtiliter pulverisati ʒ. j.*

Si depascentia, tangantur lixivio ex reguli fœcibus, verum præ cæteris maxime valet *Aqua viridis Hartm.* calefacta, qua cum penicillo bis in diè tangantur, & hac aquâ in oris, tonsillarum & collumellæ ulceribus nos familiariter utimur, & sic feciliter cedunt, quod si non eveniat, ad partis suffumigium ex cinnabari, & thure; tanquam ad sacram anchoram confuge, nec ægrotum ulcerum sanatione defraudabis, ut experientia millies nos edocuit; imò tantum hoc suffumigio multos, quos tanquam incurabiles, & deploratos barbati post varios cruciatus deseruere, pristina restitimus sanitati.

Cap. 15. De Columellæ exulceratione

Descendit in os reres caruncula ex palati tunica reduplicatâ, penitus juxta narium meatus supra Laryngis rimam, inter tonsillas, quæ Uvula appellatur, est morbofa hujus caruncule affectio, cum ejus summum uve acino non absimile appareat. Proprium hujus caruncule nomen est columella quia oblonga, & rotunda, columnæ ad instar, parvam columnam, seu columnellam efformat. Dicitur quoque gurgulio, à sono illo, qui in gargarisatu auditur. Ejus substantia est glandulosa, mollis, spongiosa, & rubro donata colore, communi oris tunica amicitur, figuram habet ut diximus, rotundam, teretem, superius crassiorē, & inferius in acutam obtusè desinit. Hæc caruncula suos patitur manes scilicet laxitatem, tumorem, inflammationem, & atrophiam, de quibus hîc nos non agimus, sed solum de hujus caruncule Venereâ exulceratione noster erit sermo.

Signa.

Hujus affectûs signa sub oculos veniunt, aperto ore, & depressâ linguâ, columellæ exulceratio cognoscitur: laxa: & flaccida apparet, albo mucore obducta: quandoque cineritio cum ardore, & sorditie graveolentem spirat anhelitum.

Causa.

Columellæ exulcerationem fieri autumant *Vulgares* ab humore acro, & falso Lue Venereâ infecto; à cerebro

cerebro in columellam fluente, Verùm hæc vulgarium putatitiæ fluxiones sunt veluti Sisyphi supplicium, ut fabulantur poëtæ, qui saxum ingens in montis verticem provolvere cogitur, & cum ad culmen benè extulerit, repente deorsum relabirur.

Ulcera columellæ sunt ex veneno Venereo contracto five furtim; five quinq; suprâ notatis modis, & non ritè eliminato internis remediis à nutrimento, non aliter ac de oris, & tonsillarum ulceribus diximus.

Prognosis.

Columellæ exulceratio festinam requirit opem, aliter in perniciosum, & operosum definit ulcus, quo tota exeditur, & quibus columella adesa est, potus ex ore in nares regurgitat; insuper rarè clarè, & articulatè loqui possunt, inservit enim ad vocis modulationem, unde vocis plectrum ab Anatomicis appellatur. Insuper; & quod pejus phthisis imminet periculum, cum particula jam deficiat, quæ aëris frigiditatem moderatur, ne in pulmones irruat, eosque lædat.

Nos juvenem, & scortum, columella quorum tota adesa fuerat à Lue curavimus, qui nunc vocem claram, & sonoram, expeditamque conservant, quia vicinæ aliæ partes ad vocem conferentes non læsæ fuerant. Item mulierem sanitati restituiimus, cujus columella non totaliter adesa fuerat à Lue, sed veluti filo pendula remanserat à Luis curatione, & quia multum illi faciebat negotium in sermone, cibo, & potu, nos, ut molestiam tolleremus, apprehensam volsellâ forfice rescuimus, & sanguinis fluxum terrâ exanimatâ vitrioli statim compescuimus, sed quia aliæ vicinæ læsæ fuerant partes, vocem in raucam, clangosamque mutavit. Omnes incolumes vitam degunt, sed horum deploranda est salus, nam qui columellâ destituuntur, phthisici moriuntur.

Curatio.

Ad columellæ ulcera ex Lue *Vulgares* hoc utuntur linimento, quo ea tangunt, ut

℞. Ung. *Ægyptiaci unc. ℥. alum. usti 3. ℥. mell. ros. unc. ℥. m.*

Sed parum feliciter in hoc linimento utuntur unguento *Ægyptiaco* propter viride es, quod ejus compositionem ingreditur, potius enim corrodendo, quàm separando, suas absolvit operationes. Insuper *Ægyptiacum* partem affectam nigredine tingit, quod omninò vitandum est. Si verò contumacia fuerint, *aq. forti dilutâ, vel aquâ, in qua mercurius sublimatus decoctus fuerit*, utuntur. Verùm aqua fortis, licet diluta venenatam non respuit qualitatem, idèdque si per se metalla corrodit, diluta & in gradu remisso carnes absumere, & corrodere valebit, & eò magis columellam, quæ molli, & spongiosâ dotata est substantiâ. Mercurius sublimatus in aquâ decoctus non definit dilutè continere vim corrosivam, venenatam, & causticam, idèdque non tantum columellam, & proximas partes eò magis venenate exulcerabit, verùm etiam si fortè in asperam arteriam, vel in œsophagum gutta aliqua delabatur, in magna noxa, & vitæ discrimine versatur ægrotus. Insuper sanguinem inflammât, unde sputationes cruentæ, aliaque gravissima oriuntur symptomata, & ipsa patientis destructio.

Ulcera ex Lue Venerea tam columellæ, quàm cuscumque oris partis curamus universalis luis extirpatione, & hac ratione ulcera incipientia in istis locis unâ cum lue sponte evanescent; quod si interim curare velis, *ad aquam lapidis saluris, Veneream mellis tincturam*, & tandem *ad aquam viridem*, quæ omnem putredinem; exulcerationemque tollit fœdam, & consolidationem inducit perfectam, vel *ad suffumi-*

gii topici usum deveniendum est, & sic facilè eliminantur. Prædicta remedia his ulceribus adhibita, non præmissis universalis luis curationibus; nunquam Medicum, & ægrotum fallent, quæ remedia mille experimentis à nobis comprobata fuere: verùm aliquo temporis spatio interjecto, vel recidivam patiuntur, vel graviora luis Venereæ symptomata excitantur. Unde post perfectam horum ulcerum sanationem, præmissio leni cathartico, propinari debet Aqua nostra *Anti-venerea*, quæ universalem luem, ejusque omnia symptomata ex toto corpore radicitus eliminat.

Verùm fufius de labiorum, dentium, gingivarum, faucium, palati, laryngis, œsophagi, tonsillarum, uvulæ, linguæ, & nasi morbis, nec non de ranula, balbutie, cæterisque vitiis, quatenus loquelam depravare possunt in nostra *Grammaticâ speculativâ* egimus capite de *Barbarismo*.

Cap. 16. De Alopecia

Accidit quandoque in lue Venerea non solum in capite capillorum, verùm etiam in mento, & superciliis capillorum defluvium: Malum hoc Alopecia vocatur, cui plures sunt species, nempe Ophiasis, Area, & Calvitium. *Area* est quando in aliqua capitis parte capilli areatim decidunt, & sub se comprehendit *Alopecia*, id est omnimodam depilationem, five ea fiat in capite, mento aliisque locis pilosis, & *Ophiasin*, in qua semper capilli à capite decidentes; certam quandam figuram depilatam constituunt, nimirum ab occipite ad aures, frontisque partem anteriorem in modum carinæ. Quando autem capillorum pars undique à capite decedit, & pars remanet rara, tunc simpliciter *capillorum defluvium* appellatur.

Signa.

Ex his quæ diximus, & dicemus, hoc malum facilè innotescit.

Causæ.

Vulgares alopecia fieri dicunt ex capillorum radices erosionem ab infectis Venereâ labe succis, quos quidem tenues esse, & halituosam habere naturam credunt: Verùm nunquam tam benè locuti sunt vulgares, quàm nunc, sed nihil dicunt, cum succorum, five halituum non explicent naturam.

Fit alopecia, quando particulæ acido-salinæ non erumpunt in ulcera, sed glandulæ cutaneæ, quæ poris adstant cutaneis, quibus capilli tanquam ex fundo emanant, & in quibus radicibus suis infixi sunt, exciduntur, ita ut absumptis capillorum radicibus, atque adesis, capillos quoque decidere necesse sit.

Harum affectionum diversitas oritur à particulis exedentibus, non tamen undique æqualiter, sed aliis tenuioribus, unde rectam viam servare nequeunt & tenuiores à crassioribus impediuntur, in suo cursu remoram contrahunt, & capilli obliquè excidunt, & fit *ophiasis*. Vel oritur à majori quadam particularum copiâ quæ magis ad unam partem, quàm ad aliam confluit, capilli inibi omnes areatim excidunt, & fit *area*. Vel ad hanc, vel illam glandulam pilosam particulas salæ & acres deferuntur, capillorum radices absumunt, & rari excidunt, & *capillorum defluvium* fit.

Ab Acribus, salis, sulphureisque particulis capillorum radices corroditi, illosque decidere probant sequentia, quod affectus hic contingere solet, quibus magna inest acrimonia: Post febres potissimum malignas decidunt capilli, quia salinæ, & acres particule ad has glandulas transferuntur, & radices absumunt. Sic in phthisicis capilli decidunt, ob præcedentem

sanguis.

sanguinem acrem liquorem nutritium conspurcantem, qui inde acrior factus capillorum radices erodit. Sic quoque talis radicum pilorum corrosio fit ex applicatione olei vitrioli, aquæ fortis, arsenici, calcis vivæ. Hujusmodi est balneatorum unguentum, quod ad pudendorum loca depilanda inservit, componiturque ex auripigmento, calce aquam non expertâ, oleo communi pro incorporatione. Sic etiam à veneno corrosivo assumpto capilli decidunt.

Prognosis.

Alopecia ex lue Venereâ in principio facile sanari potest, at neglecta calvitiam inducit, quæ multoties, in incurabilem, horridamque degenerat morphæam, miserabiliter deturpat, & ita ridiculos reddit ægrotos, ut amplius non cognoscantur.

Verùm nostris hisce temporibus calvities, capillorumque defluvium, alopecia, & ophiasis nullam insignem turpidinem, aut deformitatem parit; hodiè namque ferè omnes caput, barbam, & mostaces bis in hebdomadâ sibi abradunt monachorum more, & adscititiâ utuntur comâ, cujus usum introductum fuisse credimus, ut has ægritudines occultare possent. *Cajus Julius Cæsar Imperator* calvitium ita iniquo tulit animo, ut post plurima incassum attentata remedia à Senatu tandem perpetuam laureæ gestationem impetravit: Qui si hoc nostro sæculo viveret in maximam felicitatis partem sibi duceret capillitio tegumento ex alienis confecto calvitium occultare. Imò nostris temporibus, & præsertim hac in nostra civitate ad juventutem simulandam adscititia coma multum confert, omnes namque senes hoc artificio, & bis in hebdomadâ mentum, & mostaces abradendo, antiqui videntur juvenes.

Curatio.

Vulgares corpus ab infectis succis purgant, & si quæ sanguinis excretio cohibita fuerit, infernas tundunt venas, deinde capillos, vel pilos deradunt, & ob alopeciam credimus capitis capillos abradendos, pro quibus artificiosâ quisque utitur Cæsarie, & barbam decurrandi usum Hispanico more introductum fuisse: Verùm id non omnes admittunt, & præsertim religiosi, quorum morbos occultos esse decet. Et quia capillorum defluvium non est laxantibus tractandum, nam hæc malum redderent deterius, adstringentibus utuntur decoctis pro capitis ablutione: post ablutionem laudant succum ladani concretum, contusum; & maceratum in oleo myrtillorum, & rosaceo omphacino quo bis in die locum inungunt: Sed hæc etiam malum pejorant, ulcera, dolores, & gummata ex pravis retentis succis oriuntur. Interim masticatoria præscribunt ex radice pyrethri, angelica, mastiche, caryophyllis &c. ut copiosissimo excitato sputo, pravi retrahantur succi à partibus capillofis, vel pilosis.

Si hæc non juverint ad ligni, & salsæ decocta cum sudoribus, & dejectoriis accedunt, quod si non profecerint, ad particularia capitis, & faciei suffumigia confugiunt. Si autem malum obstinatè particularibus reductetur suffumigiis, ad totius corporis suffumigationem, descendunt, ut

℞. Aloës, thuris, benjoini, camphoræ ana ℥. iij. gall. mosc. ℥. j. lign. aloës ℥. ij. cinnabaris, auripigmenti, & marchasitæ aureæ ana ℥. j. m. f. pulvis.

Inspargendus super accensos carbonem ad totius corporis suffitum. Bardum suffumigium, quia ipsi bardi; putant enim vulgares odoratorum fumum aliquid antidoti pro lue continere, & corpus penetrare posse, quod falsissimum est. Credunt quoque auripigmentum esse pro lue præsidium, & tamen venenum est, nisi dicere velint, quod unum venenum expellit alterum, & non

Bibl. Chirurg. Tom. III.

intendit, cum ambo hæc sint corrosiva. Ponamus hominem auripigmenti suffitum inspirare, & certissimè veneno necabimus illum. Tandem opinantur marchasitam, quæ est cautes metallica, ad ignem, in fumum converti, & huiusmodi consulere. Isti maleferiati sectatores decipiuntur, & decipiunt, nec medicamina examini subijciunt, sed pecudum more eunt, quod itur. Lues Venereæ sanatio tantum in cinnabari consistit, tanquam proprio alexipharmaco, alia adjuncta sunt meræ inutilia.

Si ceciderint capilli, vel pili, diversis lixiviiis caput, vel faciem lavant, deinde aspero linteolo illud fricant, donec cutis erubescat, & tandem, ut capilli, vel pili renascantur, pluries caput, vel faciem urinâ lavant.

Alopeciam curabis præmittendo dejectiones per aquam solutivam magistralem, ac deinde per mannam Mercurii, ut paulò supra præscripsimus: postmodum in hypocausto infirmo sudores consule, quos præcedat sequens vulnerarium per horæ quadrantem:

℞. Limatura ligni sancti ℥. ij. limatura cornu cervi ℥. j. β. Creci ℥. β. Zinziberis ℥. j. Santalor. rub. contus. ℥. j. Ponantur hæc omnia in vas vitreum cum lib. j. aquæ fontis, illudque optimè occlude, ac in M. B. bulliant per tres horas. postea refrigeretur; & aqua à pulvribus exprimatur. Hujus aquæ uncias quatuor infirmo exhibe ante ingressum in hypocaustum, post sudorem capitis cutem sequenti aquâ irrota:

℞. Aquæ vitæ opt. lib. j. in eâ diss. merc. meteorizati gr. iv. & postea cum eâ cutem irrota.

Tandem, ut citò renascantur capilli, caput inunge oleo Bufonum alibi descripto, vel de ovorum vitellis, vel oleo mellis quod ita paramus.

℞. Favos residuos post mellis expressionem q. s. pene in sigillo supra ignem, & misce cum arenâ ad sufficientiam, forma globulos, & inde retortæ vitreæ adapta recipiens, perge destillando, & eructabit oleum flavum.

Cave, ne urfi pinguedine caput unguas, nam cani renascantur capilli. Item si locus depilatus sequenti famoso inungatur liquamine, largiter regignuntur capilli, ut

℞. Carnium limacum, apum, vesparum, sanguisugarum, salis fortiter adusti ana partes æquales. Inde omnia vitro in fundo multis foraminulis perforato instar cribri, ac subtus illud aliud colloca vitrum; quod ex superiori liquorem stillantem recipiat, qui sensim intra multos dies è superiori misturâ resolvetur, quo locus depilatus prius ad rubedinem frictus inungatur.

Nos experti sumus remedium pro renascendis in areâ capillis, & tale est limonum succus, in quod solvitur nitrum, pluries depilato loco affricatus. Si glandulæ pilosæ planè deficient, vel pori, per quos capilli erumpere solent, vel planè coaliti, & obliterari sunt, incurabilis est alopecia.

Cap. 17. De Rhagadibus.

Inter alia lues Venereæ importuna Symptomata, quæ inquinatos torquere solent; annumerantur Rhagades; sive fissuræ in volis manuum, & plantis pedum, quæ sunt ulcuscula oblonga discindencia in rimas, sive rugas, suntque scissuræ his non absimiles, quæ sæpius oris labrum, & mammarum papillas occupant. Hæ rhagades ex lue Venereâ non solum in volis manuum, & pedum plantis fiunt, verum etiam in ano, & utero nunc humidæ, & saniosæ, nunc siccæ, & callosæ. Nos hic tantum loquimur de rhagadibus, quæ lues Venereæ seminio affligere solent, nam extra hanc lue etiam molestare possunt, & harum à priscis Medicis facta mentio est, antequam Venerea lues incepisset.

Signa.

Ex his quæ diximus, signa manifesta sunt, nam sunt ulcuscula rimosa, oblonga cum pruriginoso dolore, tetro odore, ac virulento humore, ita ut nigrum quid, vel viride, vel citrinum foetens effluat; aliquando tamen nihil scaturit, sed sicca, & callosa solummodo apparent scissurae.

Causæ.

Vulgares ineptè credunt hepar lue inquinatum humores phlegmaticos, salios, & adustos generare, & his ad volas manuum, & pedum plantas tanquam ad emundatoria se exonerare quibus cutis in rimas dehiscit. Equis bardus de plebe homo in triviis nutritus non fieret unâ horâ celeberrimus Medicus de solo hepate in unoquoque morbo differens? Certè sine labore, & studio hepaticam assequetur medicinam, quam omnes profitentur vulgares, & sine dubio inter *Galenistarum* proceres assidere, istis negotium facessere, & minimè garulitate superari solo hepatis commento. Docent vulgares volas manuum esse hepatis speculum, quasi chironanticorum more, inspiciendo manuum volas, divinare salubrem, vel insalubrem hepatis constitutionem. Concederemus, si res ita se haberet, hoc in dextræ manus volâ, quæ vergit ad hepar, non verò in sinistrâ, quæ tantum è lienis conspectu sita est, & splenem non hepar respicit. Crederemus utique cum vulgaribus, si nostrum iudicium esset limitatum, rhagades non solum in manibus, verum etiam in pedibus, labiis, utero, & ano, si hepar esset veluti totius corporis monarcha, & ut tyrannus in cuncta dominaretur non jure, & legibus æquis, verum quadam animi insolentiâ, & feritate.

Fiunt rhagades ex prægressâ lue Venereâ, cujus virus appropriatis remediis non fuit exturbatum à nutrimento, sed temporis cursu particulæ acres, acidæ, & salæ furtim serpendo ad manuum palmas, & pedum plantas cum latice deveniunt, ibi exaltantur, alimentum inficiunt, & ulcera secundum rectitudinem rugarum corrodentia producant.

Prognosis.

Rhagades pruriginosæ sunt, ideòque molestissimæ, quæ si negligantur, ad plures annos durare solent; vel faciliè in ulcera exedentia degenerant.

Curatio.

Pro rhagadum curatione *Vulgares* priùs de communi propinant purgans, deinde salæ decoctum ad plures exhibent dies, & tandem ad topica deveniunt medicamenta. Abluunt manus, & pedes decocto *guajaci*, ejus corticis, *scabiosa*, & *pentaphylli*, si verò durities adsit, manè & vesperi pedes, & manus macerant in decocto ejusdem *guajaci* parato cum radicibus *althææ*, foliis *malvarum*, *violarum*, *plantaginis*, & *hordei in jure pulli*: postmodum adstringentia addunt, & tandem manuum palmas, & plantas pedum inungunt *butyro*, *adipe anseris*, vel *gallinæ*, vel *pomatâ*, unguento albo *camphorato*, de *plumbo*, *cerussa*, vel tangunt rhagades aquâ *aluminosâ magistrali*. *Hercules Saxonia* refert se mulierem cognovisse, quæ octo annis continuis manuum rhagades passa fuerat, & inutiliter omnium, & Venetorum, & Patavinorum Medicorum operâ usa fuerat, brevi, & faciliè curatam fuisse succo herbæ, quam alii *artemisiâ*, alii *tanacetum* vocant, in omnes fissuras diligenter pennâ illito, & omni manuum lotionem omisâ. Verum ex his vulgarium medicamentis nil frugiperari potest, & licet per longissimum tempus adhibeantur, morbum protrahere, non verò curare possunt.

Curamus rhagades, particulas acres, acidas, & salas lue Venereâ temeratas diluendo, educendo, vel demulcendo, pro quibus assequendis primò patiens bis, vel ter pilulis cum mannâ mercurii purgetur, deinde manè & vesperi aquâ mercuriali tangantur. Vel cutis rigiditas emollientibus compediatur *mucilaginibus seminum cydoniorum*, *psylli*, quibus mercurii dulcis parum addimus. Vel rhagades manè, & vesperi inunge hoc unguento, ut

℞. Axungia porcina q. pl. m. cum oleo tart. p. d. facto, donec f. ung.

Verum solent quandoque ita rebelles, & obstinatæ esse rhagades, ut cuique optimo topico reluctentur, tunc suffumigentur manus, & pedes mercurii suffitu, vel inunctione fricentur mercuriali, vel mercurius ita misceatur cum unguento pomato, donec nullum granum appareat, & affectæ obliuantur partes; & interim ab omni manuum lotionem absteineat æger. Vel tandem aquam nostram Anti-Veneream sumat, & absque topici medicamentis sponte sanantur, ut pluries nos experientia docuit.

Cap. 18. De Moris, Cristis, Verrucis &c.

Nullus ager tam ferax reperitur, quàm Gallicus; in ipso enim semel tectum seminum Venereum suo fermento vegetat, germinat, crescit, florescit, fructificat, suisque successivis generationum periodis uberem fert messem: Verum hi fructus sunt corruptæ genetricis soboles, non secus ac à turdi conspurcatione viscum frutex in arboribus innasci dicitur. Hujusmodi sunt quædam carneæ excrescentiæ dictæ, mora, cristæ, verrucæ, ficus, condylomata, rhyni &c. quæ in pene, mulieris sinu, & podice ex lue Venereâ innascuntur.

Signa.

Prædictæ excrescentiæ Venereæ cognoscuntur his signis nam

Mora sunt excrescentiæ similitudinem quandam mororum arboreorum referentia, atque nomen sortita. Oriuntur in pene, pudoris sinu, & podice.

Cristæ sunt carunculæ ani cristaceæ, pullorum gallinaceorum cristam referentes, ex infando, ac naturam pervertente concubitûs abusu nascentes.

Verrucæ, aliàs dicuntur porri, sunt quædam carneæ excrescentiæ, quæ exterius quasdam obtinent radículas ad porrorum similitudinem, & id ob majorem siccitatem.

Ficus, seu Sycofes sunt quædam excrescentiæ tam circa anum, ejusque circulum, vel pudendum, quàm circa uterum, ubi hæmorrhoidales, & menstruales terminantur venæ, quæ basim habent strictam, supernam verò partem latam, ficubus, non absimiles, à quibus nomen sortitum est. Vocantur etiam mariscæ.

Condylomata sunt tumores in sinu muliebri, vel in ani margine excitati, similes digitorum pugno, aut maturis moris, aut ficui, aut grano uvæ nigræ.

Acrochordon est verruca pensilis, orbicularis angustæ basis, ita vocata, quod chordæ nexu suspensa videatur, una vel sola vix nascitur, sed ferè semper pluralis magnitudine pisi, vel ad summum fabæ, rarò major, in summitate latior in inferiori circa corporis cutem est tenuior, ita ut quasi pediculo suffulta appareat cuti est ferè concolor, perdura, & aspera.

Thymus est protuberans quædam excrescentia aspera, subrubra, oblonga, thymi summitatis colorem referens, & augescens, ac in excisione plurimum sanguinis profundens, ejus generatio est circa sedem, & pudenda.

Myrmecia sunt verrucæ humiliores, inferius latiores,

res, superius tenuiores, & duriores, quæ radices suas altius figunt, doloremque movent, colore nigricantes, nomen suum inde habent, quod ad contactum dolorem exhibeant, qualis sit à morfu formicæ, magnitudine lupinum vix excedens.

Causa.

Pro harum excrescentiarum causis statuunt *Vulgares* humores lentos, viscidos, & pituitosos, cum aliqua sanguinis portione ab hepate lue infecto ad podicem, mulieris sinum, & penem demandatos, in quibus locis in varias carneas excrescentias abeunt. Verum decipiuntur *Vulgares* in harum excrescentiarum statuendâ causâ, quia humores lenti, & pituitosi cum sanguinis portione non possunt esse causæ. Id quod perpetuò de hepate repetunt, non sunt hæ partes hepatis emunctoria, sed nœniæ, & aniles fabellæ.

Harum excrescentiarum causa est succus alimentitius Venereo contagio imbutus, nimirum viscosus, qui extra solidas fibras aglutinatur, & juxta partis texturam, & dispositionem in luxuriantes degenerat carnes; darur enim quandoque in parte vel crassâ ulceris impuritas, vel ipsa unguentorum crassamenta, & tales excitantur excrescentiæ, ut in aliis ulceribus videre est, ceu à turdi conspurcatione arboribus innasci viscus dicitur. Et hac de causâ ferè semper Venerea lues per podicem contracta in mora, cristas &c. definit. Hæ sylvestris caro vivit alienâ quadrâ, scilicet vitâ totius non aliter ac viscum frutex arboris vitâ.

Prognosis.

Supra dictæ excrescentiæ familiares, & frequentes sunt in nostrâ Italiâ; paucae enim sunt meretrices, & pathici, ob inumeras prædiconum catervas, in ano hujusmodi non habentes excrescentias, quas sub hæmorrhoidum titulo occultant. Hæ excrescentiæ nunquam solitariae, sed plerumque plures sunt, quia spurcum fundunt ichorem, qui vicinas fœdat partes, & multiplices pullulare facit magno cum pruritu, ita ut sæpissimè scalpere cogatur æger.

Si initio ob pudorem celantur ab ægrotis, ut plerumque fieri solet, multiplicatur Gallica messis, & nisi appropriatis averruncentur remediis, in cancerosam migrant naturam. Quandoque in ani orificio, & vulvæ labiis exurgunt, quandoque ita profundæ in recto intestino, & uteri collo, ut attingi non possint, ac proinde curationi non subjiciuntur, nisi quantum utriusque speculum sinit, vel saltim difficillimæ curationis censentur. Quæ exiles habent pedunculos, facilè curationem admittunt: contra verò, quæ latissimis potiuntur radicibus, quibus adherent, ægrè curantur. Ubi exciduntur; nullasque relinquunt radículas, non renascuntur; ubi verò radícula remanet, necessariò regerminant.

Curatio.

Curant *Vulgares* carneas excrescentias, quæ tenuem habent basim eas serico vinciendo filo, sensimque stringendo, usque quò eger dolorem percipiat, donec ob nutrimenti privationem exsiccentur, & decidant. Verum non omnes filo vinciri possunt, quia plurimum lata est basis vel callosa. Præterea vinculi usum repudiamus, licet eas vulgares vincere possint, quia dolorificus est curandi modus, semper tumorem accersit, & inflammationem, & si tali pacto curentur, promptissimè repullulare possunt.

Quandoque eas forcipe præscindunt, quia his non est magnus dolor; in eis enim non viget exquisitus sensus. Verum ferrum pro præcisione formidolosum est ægris, nec radículas, quibus hæ carnes excrescentiæ ad-

herent, præscindit, unde impromptu est harum regerminatio. Tandem semper inflammatio, vel tumor accedit, qui curationem impedit, & chirurgus pro uno curando morbo, alium, magni negotii inducit, pejorem forsitan cum aliquo vitæ discrimine junctum.

Nonnulli has excrescentias si fuerint complicatæ, vel duplicate, candenti exiunt ferro. Sed hoc medicamenti genus est periculo plenum, quod maximo-perè exhorrent ægri, & hæ excrescentiæ nimis sensitivæ sunt, licet sylvestres sint carnes, vivunt tamen vitâ totius, & adherent partibus nimio exquisito sensu gaudentibus, ut sunt penis, podex, & cunnus, quæ istius medicamenti applicatione intumescere solent, & ægri vitam in quæestionem adducunt.

Multi ferri, & ignis edacitatem reformidantes, Vulcanum, & ferrum contra Veneris carnes repudiant, & pro actuali igne utuntur potentiali. Hujusmodi est *arsenicum crystallinum*, & *auripigmentum*. Verum hæc duo lethalia sunt venena, quæ contra veneficas adhibent soboles: sunt hæc duo adeò vitæ nostro balsamo infensa, ut non modò intus assumpra, sed etiam extrinsecus adhibita, horrenda introducant symptomata, de quibus fusiùs egimus in nostra *Pyrotechniâ*, & *Trutinâ*, ubi de Venenis sub prætextu icteritiæ ex veneno agimus.

Alii has excrescentias aquâ fortî communi extirpant. Verum magnâ sedulitate illinienda est, quia caustica, & multum spirituosa, ideoque se diffundit, pruritus excitat intolerabilem, carnes exedit, tumorem, inflammationemque producit, nec laudabile medicamen est apud optimè notæ Chirurgos.

Omnes tandem nostræ tempestatis gregarii Chirurgi, si latam hæ excrescentiæ habeant basim, unguento utuntur *Egyptiaco*, vel præcipitati pulvere unguento aëreo admisto, vel pulvere viridis aris, vel sabina, aluminis usto, aquâ aluminosâ Fallop. &c. Sed hæc vulgaria medicamenta nimis trivialia sunt, nec efficaciam pro excrescentiis absumendis, nec aliquid alexipharmaci contra luem continent.

Mora, cristas, verrucas, mariscas, condylomata, & cæteras carnes ex impura Venere ortas, nos eradicamus non solum externis adhibitis, prout etiam interni sunt affectus, sed etiam internis luis Venereæ remediis: præmissâ igitur corporis evacuatione pilulis mercurialibus pluries à nobis descriptis, sequentibus topicis eas absumimus:

℞. Alum. rocc. usti, viridis aris ana ℥. j. Bulliant in aqua rosarum lib. iij. ad tertias, filtra & excrescentias ablue ter in die, & insensibiliter evanescent. Magnæ energię has eradicandas erit pulvis ex alumine usto, & pulvere sabina ana, quem solâ superpositione, felici eventu centies experti fuimus. Vitriolum pulvere tenuis non solum ulcera fordida mundificat, verum carnis excrescentias absumit.

Optimum remedium erit oleum viridis aris, quod ita paratur:

℞. Viridis aris part. i. nitri ij. Pulveriscentur, optimè misceantur, ponantur in rigillo, & carbone incendantur, donec deflagrârint, quod remanet, solvatur in cellâ p. d. vel in vesicâ snillâ diligenter clausâ in aquâ demersâ. Sed præstat oleum sulphuris, vel vitrioli, attamen in applicatione summa solertiâ adhibenda est, nè naturalis caro tangatur.

Maximoperè præstat spiritus Mercurii albus, quo nos felici cum successu utimur, bis, vel ter has tangendo carnes sylvestres, quas felicissimè persanamus absque ullo recidivæ timore, & ita paratur:

℞. Merc. meteorizati tenuiter pulverisati part. j. argilla rubra part. iij. misce, & efformâ cum aquâ communi globulos in umbra exsicandos, destilla deinde ex retortâ vitreâ per arenam igne suppressioni (gradatim tamen) horis duabus adhibito, prodit, elegans spiritus.

quem serva. Siquid mercurii sublimetur, cum recenti argilla misce, & procede, ut antea.

Præstantissima erit ad hos curandos affectus Aqua salis ammoniaci, quæ ita paratur.

℞. Tart. crud. pulverizati ℥. ij. Salis ammoniaci pulverizati ℥. j. misce, & in vase sublimatorio sal sublimabis, quod iterum cum eodem tartaro, hoc quater repete. Tunc sal sublimatum in humido loco repones; ibi enim resolvetur in aquam, quæ sine dolore has excrescentias exterminat absque recidivâ.

Verum efficacissimus omnium erit spiritus salis ammoniaci tali modo elicitus:

℞. Salis ammoniaci q. v. misce cum argillâ humidâ, ac exinde fac globulos. Destilla s. a. Sal ammoniacus est ita summè volatilis, ut nullo modo destillari possit, præditus est enim mercuriali naturâ, abundat sulphure, quod faciliè sublimatur: attamen argilla per minima inter salis particulas interjecta sublimationem inhibet, & facilius ignis activitate cogitur in spiritum. Quod omittentes plures spagyrici, omnem laborem, & operam perdidit, nam sal ammoniacum cum sit summè volatile, in salis volatilis formâ in retortæ cacumine, & collo sublimatum invenire, non autem attenuatum in formâ spiritûs intra receptaculum receperunt. Mediantē destillatione essentificatur, majoremque nanciscitur perfectionem, dum ad summam essentiae puritatem devenit, & suâ subtilitate permeabilis evadit.

Siquis admiretur nos tantoperè salem ammoniacum in excrescentiarum absorptione decantasse, is sciat non tantum in ulceribus putridis, & gangrænâ, putridâ carne absorbendâ summum esse remedium, verum etiam sublimatum aptum esse ad metalla in fluidum mercurium reducenda. Nec fabricari potest aqua regia, quæ aurum solvit, absque sale ammoniaco; Imò enim valet, ad sublimanda multa metalla aliaque fixa corpora mineralia, eaque transmutanda. Unde Paracelsus lib. 7. de transmutatione rerum naturalium: inquit Notandum hic, quod quodlibet metallum, quod in sublimationem per Sal ammoniacum perducitur, postea in frigore, vel aëre solvatur in oleum, & contra in igne, coagulatur in lapidem.

Salem ammoniacum emortuas absorbere carnes non tantum ratione didicimus, verum etiam id experientia nos edocuit; accepimus namque bovis os carne vestitum, & ammoniaco Sale salavimus, post 48. horas carne absorptâ nudatum invenimus. Item Sal ammoniacum terræ optimè commiscuimus, & in dictâ terrâ sale gravidâ os carne refertum sepelivimus, & item carne exutum invenimus.

Hinc quisque discere potest, qua ratione terra quam sanctam appellant, in qua cadavera sepeliunt eorum carnes absorbat, & nudata ossa relinquat: ista terra est illa, in qua martyrum millena pro Christianæ fidei confessione sanguinem suum, veluti aquam fuderunt, & quia referta sanguine, idè sale armoniaco: sanguis enim præcipuè humanus armoniaco scatet sale, id luculenter patet ex salis ammoniaci confectioe, quæ talis est.

℞. Sanguinis humani lib. j. sang. bovis, vel alterius animalis lib. ij. aquæ putei lib. vj. misce, & filtra, pone ad ignem, ut bulliant ad aquæ consumptionem, & sal ammoniacum manebit in fundo.

Præterea terram dictam sanctam sale armoniaco refertam esse propriâ didicimus mechanicâ, nam accepimus supra dictæ terræ lib. iij. aquæ putei lib. x. miscuimus in tigillo figulino, supra ignem ebullivimus, & filtravimus. Relictæ terræ novam aquæ quantitatem bis, ter, & quater reafundimus; & ut supra peregrimus, & omni sale prorsus nudatam reliquimus, & ex terra sancta in terram, quam damnatam vocant, chymici, redeimus: omnes aquarum decanta-

tiones, & filtrationes ad ignem posuimus ad totalem aquæ consumptionem, & magna salis armoniaci copia in fundo concrevit. In prædictâ terrâ omni sale spoliata cadaveris digitum humavimus, nec unquam absumptam vidimus ejus carnem, ideoque terra sancta religiosè custoditur, tum ob sanctorum martyrum sanguinem illic effusum, tum pluviarum ratione, ne sale dilueretur, & aliò transferretur, & effæta in cadaverum excisione langueret.

Vocatur terra sancta, ex eo quia tot martyrum sanguine decorata fuit, non quia cadaverum carnes exedit; neque hoc, quod naturale est, pro miraculo sancta declaravit Ecclesia, ut rude vulgus sentit: nam quælibet terra humano sanguine facta, ut in prælio, ubi multorum millium militum interfectio obtingit, si in eâ cadavera sepeliantur, carnes absorbendi energiam habet. Sed ad luis Venereæ excrescentias noster redeat sermo.

Nonnulli has excrescentias leviter spumâ venenatâ duorum draconum rectificatâ illiniunt, & eas penitus eradicant, nam est medicamentum causticum, & has sylvestres destruit carnes solâ iteratâ illinctione. Sed in hoc illiniendo liquore magna diligentia adhibenda est.

Si prædictæ sylvestres carnes non veniant in conspectum, sed profundè in colli uteri, vel intestini recti latebris recondantur, tunc matricis, vel ani speculo patefiant, & nostris supra descriptis tangantur medicamentis; & prorsus eradicantur, ut nunquam eodem loci repullulent; quibus perfectè absorptis, iterum mercurialibus pilulis expurgetur corpus, ut Venerea lues exterminetur.

Cap. 19. De Torturâ Noctis: Sive De Doloribus Venereis.

INter omnia luis Venereæ symptomata, nullum est, quod magis laborantes torquet, quàm sævissimum illud dolorum genus, quod plerumque in capite, vel toto, vel dimidio, vel circa articulos, & maximè in internodiis tantoperè exquisitiùs excruciat; profectò huic nec crudelissimum quodlibet quæstionis genus, nec severum equulei iudicium est comparandum. Sunt Venerei dolores arthritide, & nephritide crudeliores, sunt, ut uno absolvamus verbo, inferni dolores, quos nec ipsæ naturæ vires, nec preces, nec vota, nec quandoque Deorum numina, præter Mercurium, depellere, possunt.

Signa.

Dolores Venerei incipientes sunt vagi, & non stabiles, præsertim modò in capite, humeris, cubitis; & modò in artubus, quos imperiti medentes pro flatibus accipiunt, maximè noctù, & ad vespertas excruciare incipiunt; temporis tamen protractu per omnes artus, internodia, membranasque sævissimi excitantur, distendentes, lacerantes, & terebrantes noctù etiam magis, quàm interdiù. Unde doloribus, Venereis noctis torturæ nomen jure imponimus ex eo quia circa matutinas horas ii ferè non sentiuntur, at dum advesperascit, torquere incipiunt, & usque in mediam noctem, & ultra semper vehementiùs terebrant. Hinc nullum certius habemus signum dolores à fomite Venereum originem ducere, quàm hoc eorum circa vespertas incrementum sumere. Non uno, eodemque modo omnes excruciant, nam cum permanentem sibi construunt sedem, alii atroci capitis dolore corripuntur, vel solummodò hemicraniâ, alii in scapulis, pedibusque vehementer torquentur, vel ex coxendice conqueruntur &c.

Causæ.

Causa.

Credunt *Vulgares* Venereos dolores fieri ab humoribus melancholicis, & pituitosis adultis ab infecto hepate, ad internodia missis, ibique hos humores per paulatinam congestionem depositos, vel ob acredinem, sive ex propriâ naturâ, aut ex putridiue, sive deleteriâ qualitate, continui solutionem efficere, vel intemperiem inducere & sic ingentes excitare cruciatus.

Rentur dolorum causam esse humores melancholicos & pituitosos, quia lues vetusta hos apprehendit & quia melancholia vespere, & pituita noctû exacerbat, hæc est eorum ratio, cur Venerei dolores ad vesperam incrementum sumant, & noctû magis affligant.

Si fomes Venereus ab ultimo partium nutrimento in sanguinem transit, horribiliores repræsentat scenas, nam sanguinis nutrimento salior est, ejusque sal quoties à fermento Venereo exaltatur, vel figitur, corrosivum evadit, & dolores excitat acerbissimos. Ferè semper dolores Venerei in cranio, & ossium superficiebus; non autem in eorum articulatione sentiuntur, fortassè quia in periostiiis venulæ, & arteriolæ capillares grumescam ferè sanguinem à venæo Venereo deponunt, cujus sal non potest à calore per insensilem transpirationem resolvi, concoquitur, fixatur, ac proinde exaltatur, unde periostia admodum sensibilia corrodit, pungit, vellicat, lacerat, & continentes distrahit, convellitque partes, hinc dolores crudeliores, & atrociores sentiuntur.

Prognosis.

Si Venerei dolores efficaci non curentur remedio, in gummata, vel in universalem totius corporis cachexiam abeunt, ex qua deplorabilis sequitur hydrops.

Curatio.

Medicorum vulgus triplici præsidio dolorum Venereorum curationem tentant, purgante scilicet, decocto, & sudore ab externo calore provocato. Purgans medicamen producta à veneno Venereo non purgat, nec minùs venenum ipsum, quia est de communi morborum omnium, nec dolentes adit partes. Decocta saltim ratione modi, quo illa præparant, sunt inutilia, & licet quadragesimale instituant jejuniū, nunquam ad inculpatam perveniunt salutem. Sudores palliatum afferunt juvamen, nam productum à veneno, non autem venenum ipsum educunt, unde infra mensis spatium dolorum recidivæ experiuntur.

Nonnulli vulgares suorum medicaminum insufficienciam aspicientes, pro dolorum curatione ad hoc electi, confugiunt, ut

℞. Fol. sen. or. ℥. j. turbit opt. ℥. viij. salsa parilla, china elect. scobis ligni sancti ana ℥. ℔. sassafras, hermodactyl. & cinnam. ana ℥. iv. fiat omnium pulvis subtiliss. & cum saccharo diss. & ad syr. consistentiam cocti cum decocto radicis china, & salsa parilla q. suff. f. elect. in formâ opiat. Dosis uncia una manè per quinque horas superjejunando, & eodem modo vesperi per dies octo.

Alii sequens propinant decoctum, ut

℞. Sals. parill. minutim incise, rad. china in taleolas dissecta ana ℥. j. turbit ℥. ij. ℔. rad. glycyrrhyz ℥. j. agrimonia capill. Ven. ana m. j. toriand. ℥. vi.

Infunde in aqua font. amphor. viij. stent in loco calido spatio 24. h. Deinde bulliant ad tertia partis consumptionem, & adde fol. sen. or. ℥. ij. bull. parum, cooperi vas, & remove ab igne, cola, & ad usus serva. Dosis ℥. vj. manè, & vesperi, corpore purgato prius, cibis sit assatus, & optima observetur diætâ. Pro potu ordinario residuo magmati aqua communis reafunditur.

Quidam hanc infusionem pro arcanò in doloribus Venereis præscribunt:

℞. Fol. sen. lign. sancti limat. cortic. ejusdem, salsa parilla ana ℥. iij. sem. feniculi, rhabarbari opt. i. galang. ana ℥. ℔. colocynth. card. sanctian. ℥. iij. antimonii ℥. ℔. vini graci lib. viij. f. s. a. infusio.

Dosis lib. ℔. pro vice. Attamen ab hac infusione eliminandum est antimonium, quia cum vino horrendos ciet vomitus, & sic æger in magno vitæ discrimine versaretur, evacuando per superiora, & inferiora. Verùm hæc inutilia sunt pro extirpandis doloribus; & corticem tantum, non verò nucleum attingunt.

Sequens decoctum pluries experti fuimus dolores sedasse, cujus præparationem ingenuè communicamus:

℞. Salsa parilla minutim incise unc. iv. hermodactyl. à cortice exteriori mundat. & contus. ℥. ij. anis. ad libitum.

Infunde in aqua font. amphor. x. stent per 24. horas in loco calido, deinde bulliant clauso vase ad horas tres, aperi vas, & infunde fol. sen. or. unc. iv. post simplicem ebullitionem cooperi vas, aufer ab igne, frigesacto vase cola, & utatur æger pro potu ordinario, observatâ exsiccante diætâ.

Partibus à dolore obsessis applicant digerentia, & attenuantia, ac sacculum fursuribus, milie, & sale repletum imponunt, cum hæc parum profecerint ad fontem recurrunt ex decocto ligni, & salsa, additis foliis betonica, rorismarini, pulegii, flor. chamomilla, meliloti &c. Dolores leniunt oleo liliorum, alborum, rutaceo, vel guajacino: Verùm olea poros obstruunt & dolores augent. In doloribus vehementissimis obtupescientibus utuntur, tamen in venereis nunquam his utendum est, quia materia magis incrudatur, fixatur: & deinde pertinaciter torquet. Præterquam quod anodynorum usum nunquam aliquid adjumenti attulisse experti sumus, imò nec somnum conciliasse; idèoque anodyna in doloribus Venereis è remediorum censu eliminamus.

Si his vanidis medicamentis reluctentur dolores, & & vehementissimi sint, sanguinem fundunt, quia in magnis doloribus saluberrimum est sanguinem mittere, deinde in brachiis, & tibiis cauteria aperiunt. Tandem his nihil proficientibus, ad empirica confugiunt medicamenta, ad suffumigia scilicet, extremas inunctiones, quibus non juvantibus, doloribus affectum, deserunt tanquam insanabilem. Imò major est nostrorum vulgarium impostura, qui postquam aliquis doloribus Venereis tortus in eorum incidit ungulas, post quinque vel sex menses cum totali æris, & salutis jacturâ eum destituunt. Nonnulli, quod pejus est, malum naturæ viribus insanabile proclamant, quia pro suis viribus iuxta artis pandectas omnia possibilia applicuerunt medicamenta: purgans propinaverunt medicamentum, clysterum myriades injecerunt, sanguinem detraherunt. sedis venis hirundines imposuerunt, syrupos magistrales, & salsæ parillæ, ac ligni guajaci decocta per duos menses, & ultra accepit eger, duò cauteria aperta fuere, suffumigia, & extremas Mercurii præbuerunt inunctiones, & his magnis remediis sanus non evasit, aliquid divini submurmurantes inesse morbo, sacrificiis tradunt, & terga vertunt.

Si quis hac eadem methòdo uti velit, sequentia exhibeat remedia, prout præscribuntur parata, nam ex utilitate, quam sentient ægri, aliorum Medicorum ignorantiam cognoscat.

Venereis doloribus vexatum in cubile degere curabis, & à frigore, & humiditate sit exactè munitus, exactam deinde illi præscribe diætâ, & sequenti medicamine ejus ventrem solves,

℞. Syr. de spinâ ponticâ ℥. iij. elect. de suc. ros. ℥. iij. Syrup. de succ. Viol. ℥. j. vini graci q. s. m. & propi-

netur immediatè ante prandium, si infirmi vires sint valide, iterum repetatur, deinde decocta hoc modo parabis :

℥. *Limatura ligni sancti* 3. iij. *salsa parilla confus.* 3. ij. *betonica, sampsoci, limatura cornu cervi ana* 3. j. *cinnamomi confusi* 3. β. *aqua card. bened. lib.* jβ. Ponantur omnia in vas vitreum a plum, quod optimè cum subere, & charta pergamenâ claudatur, ne exhalet, deinde bulliat in MB per quatuor horas, postea refrigescat vas, aperiatur, & decoctum coletur à pulveribus leni expressione : Hujus decocti recipe uncias quatuor quadrantis horæ spatio ante ingiessum in hypocaustum, ægro propina, in quo se detinebit, usque dum sudores erumpere incipiunt, tunc lecto se componat, & profusos procuret sudores : hoc modo procedat per duodecim, aut quindecim dies, si venter exsiccatus appareat, quartâ, vel quintâ qualibet die prætermisso decocto, & sudore, hoc utatur dejectivo :

℥. *Manna Mercurii gr. x. pilul. de tribus* 3. ij. *m. f. pilul.* iij. propinentur vesperi ante cœnam immediate. Vel si æger hypocaustum exhorreat, purgato prius corpore, sequenti decocto immunem à doloribus reddes, ut

℥. *Salsa parill. minutim incis.* unc. j. *lign. visci querc.* unc. j. *limatura corn. cervi, eboris ana* 3. iβ. *aqua card. sancti.* ℥. iβ. Ponantur in vase vitreò amplo, quod optimè claudatur, ne quid exhalet, collocetur in loco calido per 24. h. deinde bull. in cinerum, vel arenâ igne ad tres horas, amoto igne, & frigefacto vase, aperi & cola leni expressione. Hujus decocti ℥. β. infirmo exhibe manè quatuor horis ante prandium, totidemque vesperi, detineatur æger in lecto, & stragulis optimè tectus profusos expectet sudores, hac methodo pocedat per xx. dies, & ante dictum tempus immunis erit à doloribus absque futuræ recidivæ timore. Si alvus non deponat onus, quinto quoque die, prætermisso decocto, sumat pilulas de tribus cum mercurio dulci, exsiccantem observet diætâ, pro potu ordinario bibat aquæ communis residuo magmati reaffusionem cum ebullitione, quæ fiat etiam clauso vase.

Verùm ad dolores Venereos radicitus extirpandos non datur in toto orbe potentiùs medicamen, quàm *Aqua nostra Anti-Venerea*, quæ reverà, longè superat omnia antidota Luem Veneream, & primum inter omnia alia medicamenta sibi vendicat locum; adeò omnibus palmam præripit, ut nulli in toto naturæ ambitu comparanda videatur. Hujus ope inutilia vulgarium decocta, & ab æstuaria aulâ Medicorum recesserunt, & quos ægrotos Mercurii suffumigia, & extremæ inunctiones deluserunt, hæc ad pristinam evocavit sanitatem. Adeò in hoc affectu infallibilem in dies experti sumus, ut multos, quos tanquam deploratos vulgarium grex post decocta, suffumigia, & inunctiones omni salutis spe orbatos deseruit, hujus aquæ beneficio ab orci faucibus revocaverimus, ejus compositio talis est :

℥. *Salsa parill. minutim incis.* 3. ij. *ligni visci querc.* unc. j. *limatura corn. cervi, & rasura eboris ana* unc. jβ. *antimonii crudi minutim incis. petra pumicis ana* unc. iij. Hæc duo ligentur in petiâ lineâ, & simul cum aliis infunde in aqua fontis ℥. viii. Detineantur per 24. horas in infusione, demum bulliant lento igne ad mediæ consumptionem, in fine adde cinnam. acuti 3. ii. cola, & ad usum serva.

In hujus aquæ confectione pumex admiscetur pro antimonii correctivo, aliàs enormes excitaret vomitus; ideoque ad sistendas superfluas vomitiones ab antimonio exciratas, tanquam incantamentum valet parùm pumicis in pollinem redactum, & in vino propinatum, ut fusiùs in nostrâ *Trutinâ Medicâ lib 4. cap. 8. de nausea, & vomitu egimus.*

Verùm, ut verum dicamus, putricis admistio cum antimonio frustranea est, nam experientia nos cum aliis docuit antimonium decoqui posse absque tali correctivo, & non provocare vomitus, neque secessus. *Zwölferus*, uti etiam *Borellus* tale habent decoctum in Lue Venerea ex *Radicis falsaparill. unc. viij. & antimonii pulverisati s. nodulo inclusi* 3. ij. coquunt à a. & sic propinant ægroto. Item *Willisus* in Lue Venereâ pro potu ordinario commendat sequens decoctum, ut

℥. *Rasura ligni salicis* ℥. β. *radic. falsaparilla* unc. viij. *santal. alb. ligni lentisc. ana* unc. ij. *rasura eboris, corn. cervi ana* 3. vj. *antimonii crud. in petiâ ligati* unc. iv. *radic. liquiritia* unc. jβ.

Infunde, & coque in aqua fontan. lib. xvj. ad medietatem, colatura servetur ad usum.

Vulgares delusimus Medicos, eorumque repudiavimus decocta, tam in hoc secundo libro de lue, quàm in nostrâ *Pyrotechniâ*, quia aperto vase decocta parant. at nunc nos hanc aquam fieri aperto vase ad mediæ consumptionem præscribimus : verùm non extra limites profilimus : ea enim ingredientia, quæ sal habent fixum, vel non adeò volatile, eorum decoctiones aperto vase fieri possunt, cujusmodi sunt hanc aquam ingredientia, quæ dura sunt, & compacta vegetabilia, quæ longam sustinere possunt coctionem; quæ autem sale abundant, volatili, rara, humida, & aromatica sunt, quorum omnis vis, & facultas in superficie consistit, brevem; lentamque exigunt coctionem, in vase clauso faciendam. Verùm nos semper in decoctionibus faciendis vas clausum ad majorem cautelam commendamus, & clauso vase nos hanc aquam paramus : quem modum nunc ampliùs reticere non possumus, qui clauso vase eam parabit, miracula efficiet, nam citò, tutò, & jucundè luem radicitus extirpabit.

Quandoque hæc aqua admirandos, & à nobis decantatos non patrat effectus ob aliquorum malitiam, & parsimoniam pharmacopolarum, qui non tantùm falsæ parillæ loco, similace asperâ, vulgò falsâ pæsanâ utuntur, verùm etiam, quod pejus est, lucri cupidine allecti, & ut laboribus parcant, residuo magmati novam aquam reaffusam ebulliunt. Ad hanc igitur evitandam imposturam, ô quàm præstaret in ægrotum domibus parari.

Pro magnatibus, & divitibus delicatulis, & medicamenta respuentibus alium usitatum à nobis aquæ Anti-Venereæ conficiendæ modum ingenuè communicamus : materialia, quæ pro hujus aquæ confectione ingrediuntur, post viginti quatuor horas in loco calido infusionem, destillantur per alembicum cum suo recipienti optimè lutato, sed non ad siccitatem, ne empyreuma concipiat. Hujus aquæ ea destillari potest quantitas, quæ pro sanando ægroto sufficiat; conservatur enim ad plures, & plures menses incorrupta, imò aliò transferri potest pro luis curatione, nec nauseam parit, nec stomachum subvertit, nec ructus nidosos parit, ut accidit, tunc cum fit per viam decoctionis : mediante destillatione majorem nanciscitur perfectionem, & ad summam devenit puritatem, & suâ subtilitate permeabilis evadit, unde jucundè, citò, & tutò luem radicitus eradicat, quia salia volatilia ingredientium non evanescunt in auras, ut in decoctione fit; sed intra recipiens recipiuntur, & salia fixa mediante destillatione attenuantur, & in recipiens transiunt.

Bibitur hujus aquæ amphora una pro potu quotidiano, & non tantùm ejus usus est in doloribus Venereis, quos statim post decem dies sedat, verùm etiam bubones tam legitimos, quàm spurios resolvit, gummata discutit, & plura præstat, quæ ejus usus,

usus, & quotidiana experientia te docebit, si rectè operatus fueris. Cibus debet esse ex carne assatâ, cruda, acida, & salsa vitentur. Corpus debet esse purgatum, operaturque per diaphoresim, sudores, urinam, & leniter per secessum, verum notandum est, quòd si diarrhœa superveniat, cessare debet aquæ usus, aliter enim ægrotus in vitæ discrimen conjicitur, ut multa testantur exempla. Ejus usus continuari debet per mensem chymicum, nam licet intra decem dies dolores sedet, tamen aliud est dolores sedare, & aliud radicitus sanare. Quolibet anni tempore sumi potest tam rigido, quàm fervido.

Optimus est hic modus, quo nostram præbemus aquam, attamen majori cum fructu energiam stupemus, dum hujus infirmis *Galenicum* propinamus Cyatum quatuor horis ante prandium, eundemque vesperi, qui in lecto lodicibus operi sudores expectent, & pro potu ordinario secundam affusionem in residuo magmate cum ebullitione, & vase clauso præscribimus. Si ita operatus fueris intra decem dies admiraberis effectum, sicut nos quotidie experimur. Evidens futuræ sanitatis signum erit, si doloribus vexatus ab aquæ assumptione, nocte somno indulserit.

Verum si hominis status, & necessitas, vel tempestatis rigor præscripta non tulerit medicamenta, ad nostram confugiendum est Pyrotechniam, quæ medicamina præparat ad exterminandos dolores Venereos efficaciora; primò itaque à levioribus, & paratu facilioribus incipiendum est. Vexato igitur à doloribus ægro, dum gracilis non sit naturæ, hoc vinum exhibe.

℥. *Croci metall.* ʒss. *infundantur in vini* unc. ij. *per 24. horas, post quas illud à pulveribus separa*, & ægro propina, lenem ciet vomitum, & aliquot secessus, alternis quibusque diebus illud reitera quater, aut sexies, & dolores pederentim cessabunt. Vel

℥. *Mercurii Vivia gr. vj. infunde in vini* unc. ij. *per 12. horas, deinde vinum separa*, & propina. Eisdem producet effectus, ac crocus metallorum, sed aliquantulum vehementiores, verum citius à doloribus liberat. Hoc medicamen repete ter, vel quater alternis diebus: Vel eodem modo nostrum *Hippocras emeticum* in nostrâ *Trutinâ* descriptum, cap. de *Apoplexiâ*, propina. Vel

℥. *Turpeti mineralis dulcis gr. iv.*

Sensum augendo, & exhibeatur cum pilulis solutivis, vel confectionibus cordialibus, nam vomitum, & lenes secessus ciet, & ut plurimum ptialisimum ter assumptum, & omnes exterminabit dolores. Non credibile est, quàm efficacissimum sit turpetum minerale in exterminandis doloribus, & gummatibus, nam nos plures, quos vulgares post decocta, suffumigia, & extremam hydrargyri inunctionem omni sanitatis spe destitutos deferuerunt, perfectè sanavimus.

Multoties adedò pertinaces sunt dolores Venerei, ut neque vulgaribus, neque pyrotechnicis cedant medicamentis; Sed post eorum applicationem crudeliùs cruciant. Tunc ad mercuriale suffumigium, vel inunctionem, veluti ad efficacissimum, & ultimum deveniendum est remedium; nec vos aliquorum Medicorum horror terreat, quem absque experientiâ à solo mercurii nomine contraxere, nam præterquam quòd nos plusquàm mille ægrotos doloribus vexatos hoc medicamine curavimus, & nullus fuit ex iis, qui vel integram salutem, vel dolorum remissionem per annos integros ab hoc medicamento non receperint. *Fallopium*, *Quercetanus*, & *Epiphanius Ferdinandus hist.* 17. verum, genuinum, & infallibile alexipharmacum luis Venereæ in Mercurio tantum esse affirmant, & multorum ab iis curatorum referunt historias, qui alia remedia inutilia experti erant, & de curatione jam desperaverant. Imò idem *Epiphanius* eodem loco fatetur, quòd nonaginta auctores, qui de lue Venereâ scripserint qua-

tuor tantum invenit, qui hydrargyri usum in hac lue improbarint. Fatemur nos libenter horribiliora symptomata ab hujus remedii applicatione emergere: sed docto, & experto Medico symptomata illa metum nullum afferre debent, siqua evitanda sunt in hoc remedio, æger vitabit, & quæ facienda sunt, faciet. A symptomatum apparatu non solum vitæ discrimen, dentium, capillorumque casus expectanda non sunt, sed perfecta infirmi salus cum totali contagii Venerei exterminio. In quibus optimè peragendis, Medici prudentia est necessaria, & quæ à medicamento applicatione evenire solent, ægro, præfagire debet, ut lis deinde supervenientibus neque infirmus, neque astantes terreantur, sed procellæ cessationem securo expectent animo.

Antequam ad medicamenti praxim deveniamus, non erit à re alienum, quid sit Mercurius, ejusque proprietates examinare, quid de eo protulerint antiqui, & quid recentiores observarint, docere.

Hic nos non loquimur de Mercurio, qui unus est ex tribus principiis, sed de vulgi mercurio, quod dicitur argentum vivum, quia lunæ instar est albus; vivum verò ratione mobilitatis; qua semper irrequietum agitur, unde dicitur animal currens sine pedibus. Dicitur Mercurius à notâ Mercurii cœlestis velocitate, & inconstantiâ, de qua fabulati sunt poëtæ. Dicitur hydrargyrum, quia aqueum videtur argentum, & re verà aquæformis est mercurius, non verò aqua made faciens omne, quod tangit.

Constat argentum vivum, ut singula, ex sulphure, sale & mercurio. Sulphuris copiam habet, mercurium perquamoptimè mistum cum sale, ita ut mercurius suo sale cohibeatur. Sulphur indè ita est anatizatum cum mercurio, & sale, ut non faveat nec mercurio, nec sali, sed ambo æqualiter amet. Unde ob sulphur perpetuò est fusile, & currit in superficie planâ absque adhærentiâ suæ substantiæ; ob ejus copiam perpetuò est in motu, & non adhæret, & quia mercurius perquamoptimè mistus est cum sale, ita ut mercurius suo sale cohibeatur, non madescit, nec madefacit.

Antiquiores *Græci* admodum tenuem de hydrargyro habuere notitiam, ut colligitur ex *Dioscoride lib. 5. cap. 70. ex Oribasio lib. 13. ex Aëtuario lib. 5. cap. 12. & ex Avicennâ lib. 2. tract. 2. Gal. lib. 9. simpl. medicament.* temerè pronuntiavit: *Argentum vivum ex sponte nascentibus non esse, sed ex iis, quæ parantur; velut cerussa, arugo, psoricum, lythargyros:* fateturque se nullum istius mineralis fecisse periculum, an interimat, si devoretur, vel ubi foris fuerit admotum.

Posterioribus verò sæculis in communem ferè usum adscitus est mercurius, & in contumacissimorum morborum curationem, unde non paucæ circa illius facultates exortæ sunt inter Medicos recentiores controversiæ, quidam naturæ esse calidæ pronuntiârunt, alii vero frigidæ, alii temperatæ, quidam veluti toxicum, ac perniciosissimum venenum à communi hominum usu, atque commercio proscribendum docuerunt. Demùm quidam adedò extulerunt, ac pro tam admirabili remedio habuerunt, ut angelicum pronuntiârunt, cum tam admirabilis, & stupendæ naturæ sit, ut quascumque formas, veluti novus Proteus sibi induere videatur, & tamen propriam nunquam amittit; nam in altum in atomos elevatus, deorsum præcipitatus, mortificatus, fixus, aut quomodocunque mutatus, naturam semper suam, & essentiam servat, ut ad pristinam suam facillimè redigatur formam. *Fallopium* inquit esse imaginem & speciem resurrectionis, miraculum soli Deo reservatum, & hoc exemplo apud incredulos confirmare possumus, ut verbo Dei ex nostro cinere resurgamus, cum pulvis præcipitatus iterum in argentum vivum reviviscat. Semper quippe suum retinet

retinet corpus, nec ullam subit corruptionem, aut alterationem, eò quòd in sui corporis consistentiâ homogeneous sit, nec partium alteritatem habet, quam homogeneitatem etiam auro ejus filio præstat, ideòque inter utrumque magna illa familiaritas, & necessitudo; illudque præ cæteris avidè amplectitur, protinùs cum illo congreditur, amalgamatur, & amicabiliter unitur, tanquam verum, & homogeneous auri menstruum, & sicut facilius est aurum construere, quàm destruere, ita facilius est naturæ mercurium construere: quàm destruere.

Quantum ad qualitates *Avicennas* dicit esse frigidum, & humidum in secundo gradu, cui consentit *Averroës*, ut refert *Pandectarius*. *Fernelius* de abditis rerum causis frigidum, & humidum in quarto gradu dicit hydrargyrum, quod confirmat *Matthiolus*. Alii sustinent calidum esse & siccum intensissimè; pro primâ opinione militat *Fallopianus de metallis*, & fossilibus cap. 37. pro secundâ adducunt *Galenum* 4. de simpl. cap. 18. dicentem *Hydrargyrum esse causticum*, talia sunt in quarto gradu calida, quanquam scilicet de simpl. 19. asserat: *Essè à totâ substantia contrarium humanæ naturæ*, & in fine ejusdem fateatur se nescire *jussu mineralis usum*, ut suprâ. Aliqui esse calidum, & humidum in quarto gradu, *Amatus Lusitanus* dicit esse frigidum, & siccum. *Matthias Untzerus de anatomicæ spagyricæ mercurii* ait esse temperatum, compositum ex partibus calidis, & frigidis, præparatum verò esse calidissimum. Idem sentit *Saxonia de Lue Venerea* mistum esse imperfectum, à quo per calcinationem frigidum evolat, & remanet calidissimum. Hos damnat *Sennerius* cap. 21. de *Lue Venerea* prohibetque esse calidum, & siccum, quorum rationes omnes adducere, & repudiare satis prolixum esset scribere, eò magis quia ad nauseam usque apud *Fallopium* & *Sennerium* discussæ inveniuntur.

Recitatas nugas, & allata fabulamenta hætenus de argento vivo protulere, qui horrore quodam percussus, illud neque extremis digitis tetigere. Unde quid de hoc minerali docuerint, nunc videamus, qui à primis qualitatibus ejus virtutes non emendicarunt. Horum aliqui dixerunt argentum vivum esse venenum, aliqui verò id negarunt. *Matthias Untzerus* prolixè probat non esse venenum, adducendo *Avicennam* lib. 4. fen. 6. dicentem: *Argentum vivum potum non ledere, sed egredi per alvum*. Idem *Haly Abbas* lib. 1. Pract. cap. 43. & *Rhasis* in 9. ad *Mansorem* de potu argenti vivi statuunt. *Brassavolus* sine ullâ noxâ intra corpus assumi asserit, cum Veterenarii brutis vermibus scærentibus, quod ex anhelitu cognoscunt, avellanæ nucis putamen dimidiatum argento vivo repletum; & faucibus injectum, quatuor vicibus diglutiendum tribuant, nullo graviore morbo succedente, curant. Et pueris in extremo constitutis periculo, quibus cætera nihil profuerant duorum granorum milii quantitate felicissimo cum eventu *Brassavolus* exhibuisse testatur. Et nos absque ullâ noxâ plusquam centies moribundis pueris mercurium vivum exhibuimus pondere unius scrupuli, & ab imminente morte fuerunt liberati, necatis illicò vermibus. In Galliâ verò propinatur pueris pro quotidiano remedio aqua mercurii hoc modo parata:

℞. *Mercurii vivi* unc. j. eam injice in aqua ferventis lib. 3. Bulliat per spatium dimidii quadrantis, deinde aqua à mercurio decantetur, & sumatur pro quotidiano usu. Nam vermes non solum illicò necat, sed eorum generationem prohibet, corporis temperamentum servat, & contagia arcet. Id quod mirum est, eadem mercurii uncia quantumvis aquæ quantitatem eâ imbuit virtute, ut paulo post de hac veluti infinitâ mercurii virtute explicabimus.

Mulier cum abortum tentasset diversis remediis, ad

eundem obtinendum libram integram argenti vivi, eam ingurgitasse refert *Matthiolus*, & apud me constat pro eodem fine mulierem mediam libram mercurii ingessisse, sed ut abortum non obtinuit, ita illæsa à mercurii assumptione remansit. Verum est, quòd obstetricæ laboriosè parientibus scrupulum unum mercurii exhibere solent pro partûs acceleratione, & non frustra. Imò observatum est quosdam sitibundos noctu in tenebris vasa argento vivo plena pro poculo arripuisse, & plenis faucibus argentum vivum magnâ quantitate exhaussisse, id tamen sine damno per alvum rejecisse. Tentare adulteræ mulieres multoties argenti vivi exhibitione Zelotypos necare maritos, sed argentum vivum uxoribus humanius scelus non complevit, unde extat apud *Ausonium* epigramma:

*Toxica Zelotypo dedit uxor macha marito,
Nec satis ad mortem credidit esse datum,
Miscuit argenti lethalia pondera vivi,
Cogeret ut celerem vis geminata necem.
Dividat hac si quis, faciunt discreta venenum,
Antidotum sumet, qui sciciata bibet.
Ergo inter sese dum noxia pocula certant,
Cessit lethalis noxa salutaris.
Protinùs ut vacuos alvi petiere recessus,
Lubrica dejectis qua via nota cibus.
Quàm pia cura Deum, prodest crudelior uxor,
Et cum fata volunt, bina venena juvant.*

Servi in mineris argentum vivum colligentes, ut dominos fraudent, argenti vivi aliqua pondera ebibunt, illudque deinde per secessum ejiciunt, & secretò vendunt.

Ac tandem usum mercurii externum innoxium experimur in diem in necandis pediculis, cimicibus, & pulicibus; nam si vestis eo spargatur, mercurius vivus pediculos omnes inflato corpore interimit, ita ut per excussionem omnes decidunt: at si verò dictæ sordities in capite inter capillos fuerint, ut frequenter pueris accidit, tunc

℞. *Mercurii vivi* quart. j. ponatur in mortario, & cum saliva reducatur in atomos adde tunc unguenti albi unc. j. & cum pistillo agita, ut unguentum fiat nigrum.

Hoc unguento caput in tribus, aut quatuor partibus inunge semel, aut bis, & omnes pediculi turgidi, & mortui decident; multum quoque levaminis affert hoc unguentum venis hæmorrhoidalibus turgentibus, ac dolentibus.

Non prætereundum est hîc unguentum illud, quod ex mercurio conficitur pro enecandis illis pediculis, qui loca pilosa secretiora incolunt, tenacissimèque cuti adhærent, vel adnati, citissimè tamen ab uno loco in alium per infectionem transferuntur, adeò ut si quis unicâ saltem nocte in eodem lecto cum aliquo dormierit, qui his scatet pediculis, mox uberimos secum reportabit, tam firmiter cuti affixos, ac si agnati essent, atque hi pediculi vocantur *peffolata*, vel *petala*, vulgò *piattole*:

℞. Ung. ros. unc. j. argenti vivi 3. j. misce diligenter in mortario lapideo, quousque argenti novi nullum appareat vestigium.

Citati omnes authores, & decantatæ experientiæ dilucidè concludunt argentum vivum purum, crudum, & nullâ præparatione ante datum, non solum non esse venenum, sed innocuè intra corpus assumi posse.

Contrà non desunt, cum argentum vivum non solum non tetigerint, sed neque viderint, qui illud lethiferum toxicum esse crediderunt, credulis professoribus eorum scriptis eundem metum impresserint, hujus farinæ homines fuere *Galenus*, *Aëtius*, *Conciliator*, *Cardanus*, *Fernelius*, & alii, qui sine ullo fundamento argentum vivum stuporem, tremorem, convulsionem, paralysem, Epilepsiam, apoplexiam, lypothymiam excitare,

citare, & interdum mortem inferre insinuant, sed horum hominum de hoc minerali ignorantiam diffusè demonstrat *Quercetanus in Alexicaco*; & in consilio de *Lue Venerea*, & ab aliis plurimis, præcipuè à *Sennerto* & *Zacuta* controversia decisa est.

His de argento vivo traditis, quæ quicquid de eo vulgaria ingenia protulere, continent, aliud superest examen faciendum, an scilicet argentum vivum pro Luis Venereæ antidoto fuerit communiter receptum. Tale esse argentum vivum sustinet *Quercetanus* cit. supra locis, *Epiphanius Ferdinandus Hist.* 17. jurejurando affirmat 150. gallicos curasse ætatis, sexus, regionis, & temperamenti varios, & vario anni tempore; atque *Laurentium* memorat plusquam 1000. sine recidivâ curasse, & hanc mercurii alexipharmacam vim ab occultis qualitatibus pendere, & à proprietate specificâ disputat *Felix Platerus*. Qui argentum vivum Luis Venereæ antidotum esse negant, ii sunt, qui ex ignorantia illud venenum esse existimant, cæterum passim experientia docet, & hætenus docuit, eæ morbi Venerei species, quæ à vegetabilibus remediis, atque à provocatis sudoribus evinci non possunt, ab applicatione mercurii absque ullo periculo radicitus curantur. Nunc nostras observationes, & de argento vivo fundamentalem doctrinam ingenuè communicabimus.

Sciendum itaque est primò, quòd argentum vivum est corpus metallicum, in cujus productione causa est naturæ industria, ut sub lege omnium corporum mistorum illud non posuerit; quippe omnia corpora mista corruptioni, alterationi, divisioni, & transmutationi experiuntur obnoxia, tantum argentum vivum hoc gaudet privilegio, ut incorruptibile, inalterabile, indivisibile, & immutabile non solum ab ordinariis naturæ, & naturalium agentium viribus, & etiam vehementissimis liquoribus, aliisque mediis, quæ humana industria hætenus invenit, & imposterum inveniet; ac propterea multum à cognitione hujus mineralis absunt ii, qui illi primas tribuunt, qualitates vel in excessu, vel in remisso, nam qualitas à toto misto manat, suum corpus deserit, & in aliud imprimitur; argentum verò vivum, cum corpus indivisibile, & inalterabile, nil sui alteri corpori conferre potest: nam siquid ex sua substantiâ perderet, illud non esset, quòd antea erat, quòd falsum est in hydrargyro innumeris experimentis.

Neque qui toxicum, & venenum argentum vivum esse credidere, ob eandem rationem suæ indivisibilitatis aliquid rationi consentaneum retulere, cum id quòd venenum est, aliquid à se, quòd vitam adoriatur, & occidat, emittere necesse est, quòd cum in argento vivo impossibile sit, impossibile quoque est, ut venenosum esse possit: Verum tamen est, quòd cum argentum vivum neque venenum, neque cibus dici possit, medicamentum illud nobis suadere debemus; unde neque exterius applicandum, neque interius exhibendum esse præter necessitatem, & morbi urgentiam: quæ curare solet, existimamus, more aliorum medicamentorum, nam præter necessitatem assumptum, si uti venenum non lædit vel ratione admirabilis suæ penetrationis vel ratione excessus ponderis (quòd gravissimum præ omnibus metallis, excepto auro) lædere facilliter potest.

Secundò sciendum est, quòd argentum vivum constantiam, indivisibilitatem, & inalterabilitatem, uti illud semper idem, in suo corpore conservat, ita quicquid quòd acutum salinum, vel sulphureum est, quoties in argentum vivum agere conatur, supra illud emoritur, & in aliquid aliud à pristino omnino destinatum, transmutatur, argento vivo semper eodem perseverante, licet illud aliquâ larvâ mutatum appareat. Hinc discite, quàm sit innocens, & omnis venenositatis expers, dum simplex, purum, & nulli alii corpori commistum erat argentum vivum: cum deinde liquoribus acutis, salis, sulphureisque commiscetur, tantam venenositatem acquirere potest, ut infra quadrantis horæ spatium hominem perimere possit, ut de ejus sublimato experimur.

Ubi est advertendum, quòd non est argentum vivum, quòd in venenum convertitur, sed sunt salia acuta liquorum acutum, quæ dum impenetrabile mercurii corpus strenuè adoriuntur, illudque corrodere præsumunt, quia debilia sunt ad tantam hujus corporis evincendam constantiam, ipsa super mercurii corpus transmutantur, exaltantur, & corrolivi veneni proprietates, acquirunt, itaque venena non ex mercurio, sed supra mercurii corpus producuntur, & coagulantur: nam mercurii corpus post calcinationem venenosam, si à salibus calcinationis separetur, idem remanet mercurius, qui ante calcinationem erat, quòd evenire non posset, si aliqua mercurii pars in venenum abiisset, nam de privatione ad habitum facilis non est regressus. Dupliciter ergò argentum vivum adjuncta sibi in venenum transmutat, vel per sublimationem, vel per præcipitationem.

Primò per sublimationem sal vitrioli volatile in corrolivam, ac veluti igneam naturam mercurius convertit, nam vi ignis illud secum rapit, & suis partibus commistum illam acutiem sollicitat: fit autem argentum vivum sublimatum hoc modo.

℞. Mercurii purgati, vitrioli rubificati, & salis preparati ana lib. j. salis nitri ℥. iv. Terantur, & misceantur simul in mortario lapideo cum modico aceti tamdiu, donec mercurius nullo pacto appareat vivus. Quæ omnia benè mista pone in cucurbita luto munita, cui superimponere alembicum rostratum: Da ignem per gradus f. a. per viij. vel x. horas, & excipe aquam fortem, quæ per alembici rostrum destillabit, & habebis mercurium sublimatum adinstar nivis album. Operam ut melius perficias, poteris iterum sublimare, addendo pro qualibet libra mercurii aliam libram salis preparati, & vitrioli uncias quatuor, ac tertio cum sale tantum sublimabis.

Verum, ut argenti vivi invincibilem constantiam cognoscatis, quamvis illud in crystallum sublimatum certitis, immutatum tamen sub illâ salinâ larvâ persistere hoc artificio animadvertetis.

℞. Lixivij com. fortis lib. iv. mercurii sublimati lib. ℔. Fiat hic pulvis, & in dictum lixivium repidum projiciatur, nam infra unius horæ spatium sal volatile vitrioli aliæque salia relinquuntur in suâ libertate, & tunc argentum vivum vasi fundum petet in pristina suâ formâ fluidâ, & sal volatile vitrioli &c. sali lixiviali associatur. Ex qua mechanicâ vobis I. In aperto est constantia, & indivisibilitas, quam de argento vivo prædiximus. II. Quòd spiritus acuti, & salis super argenti vivi corpus immutantur, & absque reactione in mercurium à mercurio patiuntur. III. Quòd argentum vivum non sit per se venenum, sed id quòd suo corpori conjungitur, & exaltatur, novas proprietates acquirit, & in hoc aliquid transmutatur, quòd corrolivum, corruptivum, ac putrefactivum erit.

Præcipitatur argentum vivum per liquores fortes ab igne antè exaltatos, hujusmodi sunt aqua fortis, oleum sulphuris, spiritus vitrioli reverberationis igne expressus, spiritus nitri, & similes qui arte pyrotechnicâ præparantur, quorum ad præcipitati præparationem talis erit processus.

℞. Aquæ fort. vel alterius ex dictis spiritibus ℥. ij. mercurii crudi currentis ℥. j. Ponantur ambo in vase vitreo: ita ut mercurius totus solvatur in aqua, factâ solutione, vasi lentus ignis supponatur, ut aqua humiditas in vapores exhalet, & in vasis fundo flavâ coaguletur materia, tunc ignem aliquantulum auge, nam paulatim flavâ illa materia in rubicundissimum pulverem exsiccat, & tunc argentum vivum præcipitatum dicitur, quòd vehementissime corrodit, & cauterizat; est

tamen in agendo sublimato mercurio aliquantulum pigrius.

Evenit mercurii præcipitatio ex eo, quia sal exaltatum in liquoribus fortibus destillatis, dum argentum vivum adoritur, super illius corpus coagulatur, & humidum aqueum per quod diffusum erat, derelinquit: Sal illud mercurii partibus admistum, & omni humiditate privatum igneam penetrationem acquirit, & mediante mercurio corrosivi veneni indolem præ se fert, mercurius tamen sub ipso immutatus perseverat; etenim mercurius præcipitatus, si in aquâ communi fortiter maceratur, deponit sal à spiritibus fortibus mutuatum, quod in ipsamet aquâ sub formâ aluminis rocchæ invenitur: currens verò mercurius in vasis fundo colligitur eadem quantitate, qua antè præcipitatus fuit.

Præter dictos modos sublimandi, & præcipitandi mercurium, quibus mortificatur, nullo modo intra corpus assumi debet propter irreparabilem mortem, quam affert: Pyrotechnica praxis tertium invenit, cum quo mortificatur mercurius, velut id cum quo mortificatur ex eo quia salinam non habet indolem, igneas, ac venenatas proprietates super mercurium non acquirit: est illud sulphur commune, cui à naturâ datum est metallica corpora penetrare absque necessitate artificialis exaltationis per ignem, hoc modo.

℥. Sulphuris vivi com. lib. j. Permite, ut igne liqueat in vase terreo; tunc paulatim injice mercurii vivi lib. j. agitando cum spatulâ usque dum mercurius cum sulphure optimè sit commistus, tunc massam illam reduc in pulverem, & in vas sublimatorium injice, hunc per sex horas urge per ignis gradus, & ascendet mercurius simul cum sulphure in cinnabarim, qua in apothecis venalis est, vitri lateribus in sublimatione adhærescit, concresecitque in formâ strictâ.

Mercurius hoc modo cum sulphure sublimatus nullius est saporis, nulliusque activitatis, & in quavis dosi intra corpus assumi potest, nam sicut inutilis est, & nullius actionis; ita innocuus per intestina deorsum descendit: mirabilis tamen est in formâ fumi cinnabaris usus, ut infra dicemus. Ubi advertendum, quòd multi, qui hoc remedio empiricè utuntur, cum illis non constet, quòd cinnabaris ex mercurio fiat, jurejurando promittunt se argento vivo in curatione non uti, sed quodam pulvere iis tantum noto.

E mercurio in cinnabarim conversio fit etiam in pristinum mercurium reductio hoc modo.

℥. Cinnabaris pulverisata lib. j. Calcis vivæ pulv. lib. iij. misce simul, ac projiciantur in retortam vitream, cui vas recipiens annectendum, ignem deinde suppone per gradus, nam paulatim mercurius vivus in vas recipiens decedet, relicta in calce sulphuris larvâ. Mercurius iste è cinnabare redivivus purissimus est, & ab omni labe, & impuritate immunis, eoque uti debemus in mercurialium præparationibus, ut apothecariorum imposturam aufugiamus.

Commiscetur etiam argentum vivum per ejus mortificationem rebus pinguibus & unctuosus, ac tunc corporibus perunctum ob analogiam, quam cum vitâ animali habet, intrâ trahitur, omnesque corporis partes penetrat, & ab omnibus contagiis liberum reddit. Mortificatio argenti vivi multipliciter fit, cum aliud non denotet argenti vivi mortificatio secundum communem sententiam, nisi ejus corporis in atomos reductionem, nam quoties in atomos fuerit reductum, feliciter cum pinguibus, & unctuosus fit ejus commistio. Tu ita sic mercurium mortifica:

℥. Mercurii vivi ℥. ij. ponantur in mortario lapideo, illique saliva recens hominis injiciatur, cum pistillo agitetur, nam paulatim in atomos exilissimas dividitur.

Vel ℥. Argenti vivi ℥. ij. succi limonum ℥. j. ponantur simul in mortario lapideo, & cum pistillo agitentur. Sic etiam argentum vivum in atomos reducetur.

Vel ℥. Argenti vivi ℥. j. urina humana ℥. j. eo-

dem modo in mortario agitentur, nam habebis argentum vivum in atomos divisum.

Didicistis jam mercurii proprietates, & quomodo salia in eum, suas vires exercere conantur in corrosiva venena degenerant, mercurio suam immotam conservante substantiam: operæ pretium nunc erit aperire, an actione penitus imperscrutabili mercurius luem curet Veneream, an penitus investigantibus manifesta esse possit. Nostra quidem sententia est argentum vivum manifestissima actione Luem Veneream è corporibus, in quibus impressa est, exterminare, & id hoc modo investigandum aggredimur.

Ex allatis jam suprâ argenti vivi præparationibus apertissimè acutos, salios, & ignis vi exaltatos liquores supra mercurii corpus suas exercere vires, & impetuoso motu illud aggredi constat; quòd licet acuti liquores mercurium per eorum actionem superasse videantur, tamen super mercurii corpus, quòd semper perseverat idem, eorum mortuos, ac transmutatos esse ex reductione mercurii in suum corpus jam patefecimus. Certum quoque est ex superius adductis, quòd argentum vivum crudeum, & in suâ formâ fluidâ viventibus corporibus venenum non est, imò quòd intra illud assumptum nonnullis medeatur morbis, abire tamen illud in venenum, dum super ipsum acuti liquores mutantur. His sic per allatas mechanicas, & per constantia experimenta determinatis, ad theorematata de lue Venereæ essentiâ accedimus; tradidimus enim morbi veneri essentiâ sitam esse in degenerato nutrimento, quòd per fixationem erodentem acorem contraxit, cujus effectus ipsi passim testimonium præstant: enim verò ulcera, caries, dolores accerbissimi, tonsillarum erosiones, partium spermaticarum, cartilaginum, ossiumque corruptiones, corrosivi liquoris sunt necessarij effectus, fateri unde absque dubio possumus luem veneream nutrimenti sal exaltare, illudque acidum, corrosivumque reddere.

Ponamus nunc argentum vivum lue venereâ contaminatum corpus ingredi, ac suâ, qua maximè pollet penetrandi energiâ, in omnes ejus partes se insinuare; certum est, quòd exaltatum nutrimenti sal ulcus, dolorem, erosionem, corruptionemque actu in parte producens, adveniente argenti vivi corpore, in illud agere tentabit, & eâ actione se à partibus separabit, totumque super argenti vivi corpus pro lue, eique commistum unum fient, non secus ac aqua fortis, & mercurius post solutionem una res apparent. Hoc modo separato à partibus degenerato jam à lue venereâ nutrimento, & exaltato, mercuriique super corpus præcipitato, natura partium antè à materiâ luis oppressâ libertatem pristinam acquirit, & ad expulsionem præcipitati mercurii insurgit, ac ut plurimum per fauces, laceratâ epidermide, per putentissimum pryalismum illum expurgat, aliquando per urinam ejicit, aliquando per intestina, & aliquando per sudores, qua expurgatione completâ, tanquam à pugnâ laceffita quiescit natura, vires resumit, corpusque tam à lue, quàm à medicamine labefactatum recreat, & restaurat.

Superest tantum recidivæ suspicio, quoties mercurius integram materiam à lue productam non omnino ad se traxit, & habuistis jam à posteriori deductas demonstrationes, quibus aptè cognoscitur argentum vivum unicum, verum, & singulare esse medicamentum veneræ luis curativum.

Superest quoque nunc docere mercurii legitimas præparationes, quibus tutò uti possitis artificio pyrotechnico, ejus omnino venenositate subalatâ, ac primò suprâ asseruimus mercurium sublimatum potentissimum esse, corrosivumque venenum, sequenti artificio omnem ejus corrosivam activitatem auferetis, & in suave mutabitis medicamen, quòd *Mercurius dulcis* vel *Draeco mirigatus* communiter indigitatur.

℥. Merc.

℞. Merc. sublim. & Merc. vivi currentis ana lib. ℥. ponantur ambo in mortario lapideo, & eò simul pistillo misceantur, ut vivi mercurii nullum appareat vestigium, sed in massam nigricantem ambo redigantur. Tunc massam illam pone in aludele, & igne arena administrato per sex horas, sublimabitur mercurius, frigidum postea vas frange, nam ad ejus latera mercurium dulcem sublimatum crystalli instar invenes remanentibus in fundo facibus, quas una cum nigricante materia in collo vasis adhærente rejice. Si verò sexies sublimabis, efficies, Calomelanos Turqueti. Mercurii dulcis dosis est à scrupulo j. usque ad ℥. ℥. pro personarum conditione, commisceri potest cum pilulis solutivis, conservis catharticis, theriacâ, confect. Hyacinth, & Alkerin. aliisque similibus pro Medici cupidine, & infirmi exigentia, cujus efficacia luem è corpore efficaciter expellit, priusquam dolores, gummata, aliæque species his graviore non apparuerint, nam in his aliquod affert levamen, minime quidem integram sanationem.

Mercurius non æquè bonus existit, sed variat primò ratione matricis, seu loci naturalis; unde naturali loco censetur optimus, qui eruitur è mineris vicinis auro, vel argento, & hinc optimus censetur Hispanicus, & Hungaricus. Secundò, ratione inquinamentorum, qui nonnunquam per se in terrâ conspurcatus est; unde ut plurimum scæter commistione arsenicali, antimoniali, saturninâ, cadmiosa, quibus nonnunquam in terræ cuniculis venenosus redditur. Tertio, nonnunquam ab impostoribus adulteratus venditur; adeò enim exactè eum adulterare norunt plumbi beneficio, ut quoque simul per corium transire possit, adeòque difficile sit fucum cognoscere. Quapropter ne quis incautus decipiatur, non abs re erit hæc bonitatis signa observare. Primò; bonus censetur, qui per retortam propulsus nihil recrementi relinquit. Secundò, qui in cochleare argenteo evaporationi super prunis impositus maculam relinquit flavam, aut albicantem; qui nigram, aut fuscam purgari debet: Primò, expressione per corium, facibus qua crassis in corio remanentibus, mercurius transit, sed hic modus non est tutus, ut diximus. Secundò, lotionem, lavetur autem vel per acetum simpliciter, aut cum sale mistus, vel per livivum calcis vivæ, & cinerum clavellatorum, vel etiam per lixivium saponariorum, sæpius nimirum cum his agitando, & vicissim à sordibus eluendo. Purgatur quoque agitatione forti cum spiritu vini in vitro obturato, separatur enim nigredo ad latera. Tertio, destillatione, destillatur nimirum in arena per retortam igne sat forti, idque per se sine additione, vel addito sale tartari, calce vivâ & similibus. Optimè verò purgatur amalgamando cum metallis perfectis, ac postmodum per retortam, à corpore admisto separando. Optimè purgatus censetur mercurius ille redivivus, qui ex sublimato, præcipitato, & cinnabare elicitur, ut diximus.

Præcipitatum verò argentum vivum, quod supra corrosivum venenum esse descripsimus, hoc modo in *Turpetum minerale* parabitur, nam habebitis mirabile medicamentum:

℞. Merc. præcipitati ℥. ij. ol. sulph. per campanam extracti ℥. iv. Ponantur ambo in retortâ vitreâ super calidos cineres per dies duos, tunc destilla, quod humidum est à reliquo in retortâ mercurio ter cohoba, ac ultimâ vice ignem vehementem urge: remanebit tunc in retorta turpetum minerale, quod in pulverem redactum ter, vel quater aquâ communi calidâ lavabis pulverem, ab omni humiditate exsicca, vini spiritum destillatum affunde, quem accende in to-

talem conflagrationem, id ter repete, habebis inde pulverem dulcem. Hujus ℞. gr. v. usque ad viij. pro personarum conditione misce cum pilulis solutivis, conservis, vel confectiõibus cordialibus. Lenes secessus, & vomitus concitare solet, aliquando pyralisimum, symptomata omnia Luis Veneræ mitigat, adeò ut infirmi appareant sani, attamen infra paucos menses recidivam patiuntur.

Cinnabaris deinde, quam sulphuris communis calcinatione ex argenro vivo fieri prædiximus, post sublimationem sui, sicut intro assumpta innocua est, nullamque producit in corpore motionem, ita quoque inutilis experitur propinata ad quancumque Luis Veneræ speciem, usus itaque cinnabaris est omnino externus, & in formam fumi circa corpus, vel intra illud promotum. Cinnabrium enim in pulverem redactum prunis impositum ignem concipit; totumque in fumum densum, gravemque evolat, qui fumus nil aliud est, nisi mercurius per calcinationem, & sublimationem sulphuri permixtus, & ab igne simul cum sulphure resolutus. Hujus fumi tanta est cum vitâ hominis sympathia, ut quoties ille circa corpus aliquod tam sanum, quàm infirmum elevatur, à tali corpore affatim intro attrahitur in ossa non solum usque, sed etiam in medullas. Hujus fumi mercurii tanta est energia, & efficacia, ut legitime ab accurato Medico administratus, minimas quasque corporis partes, & profundissimas pervadat, & in quacumque latum sit venereum contagium impressum, evellat & exterminet, tantumque aliquoties ex ejus usu recidivam patiuntur ii, qui remedio, ut convenit, usi non sunt, vel eam quantitatem intus non admisierint, quæ omnes partes contaminatas à contagio venereo expellere, ac subigere valebit; sæpe enim accidit, ut qui sevisissimis ex lue venereâ doloribus cruciantur, tertio, vel quarto suffumigio omnino à doloribus se liberatos agnoscant; ac proinde à remedii continuatione desistunt: Verum quia idem non est dolores sedare, & eorum causam occasionalem subigere, & expellere, facile evenit, ut hi recidivam patiantur; nam materia corpori residua temporis cursu iterum se exaltat sedatosque dolores iterum concitat.

Fumus iste mercurii catholicum, sive universale remedium dici potest ad omnes Luis venereæ species persanandas, ritè, ac rectè administratus, nam ulcera, pustulas, dolores, durities, gummata, nodos, scabies, alopecias, tabem, hydropem, & quicquid hujusmodi lues venerea in contaminatis corporibus producere potest, efficacissimè curat.

Verum quantum efficax est mercurii fumus ad species omnes persanandas, tantum infirmis fastidiosus, laboriosus, intolerabilis observatur ob symptomata, quæ ad finem expellendæ materiæ producere solet, unde accurato Medico convenit ea symptomata infirmo prædicere, ac ulterius quam torquere possunt extollere, ne infirmus, & adstantes inscii horrendis illis affectibus supervenientibus ferreantur, & veneni suspicionem animo volent, & eò magis si alio advocato Medico remedii ignaro, in illa timoris apprehensione confirmantur, alioquin si accidentia illa Medicus pronunciat, infirmum, & adstantes à timore liberabit, & prestigiosæ artis gloriam acquireret, quippe licet horrenda accidentia huic remedio administrato supervenerint, si infirmus erit obediens, ac patiens, & Medicus accuratus, infallibilis, & absque salutis periculo intentus habetur à remedii in sanando efficaciâ, & omnes in admirationem trahet.

Operæ pretium nunc erit de his horrendis symptomatibus notitiam tradere, & causam docere, & cur talia eveniant, & pro clariori intelligentiâ, quæ in theoreticis tradidimus, in memoriam vestram reducemus, scilicet quando contagii venerei producta in corporibus affe-

Etis sunt de naturâ salis exaltati, & corrosivi indolemque manent aque fortis, & aliorum liquorum per ignem exaltatorum, hæc producta utcumque in corpore suam exerceant lædendi efficaciam, & in quo mercurii fumus accedat, non secus ac aqua fortis si mercurio supponatur, illa apprehendit, & unum simul fiunt, hoc modo mercurius per corpus apprehendit morbi Venerei producta à partibus, quas prius torquebant, separant. Verum quia natura intra soliditatem suarum partium, quod extraneum est, tolerare non potest, materiæ mercurio admistæ expulsionem sollicitat, perque eas illam dirigat vias, quæ sunt ad opus perficiendum congruentiores; hinc est, non uno, & invariabili modo ab assumpto mercurio fumo fit materiæ expurgatio, nam aliquando per sudores, aliquando per urinas, & aliquando per intestina à naturâ expellitur id, quod mercurio victum, & calcinatum est.

Cæteris paribus insolentissimum est hoc remedii genus, quoties per os, & fauces, cum calcinatam materiam expurgat; nam lingua, fauces, gingivæ, palatum, labia, & interna generum pars prius vehementer intumescunt, ita ut multoties linguam os non capiat, neque bibere, neque comedere possint infirmi, deinde exulcerantur, & saniosam, putidamque eructant salivam in maximâ copîâ, summo cum dolore, acri mordacitate; quæ omnia sunt infirmo prædicenda. Medicus internâ in tanta symptomatum vehementiâ trepidare, aut timere non debet, sed forti debet esse animo, & tunc plusquam maximè certam jam infirmi salutem pronunciare, nam si ut convenit, negotium gubernet, intra decem dies expurgatâ materiâ, cessabit ea symptomatum procella, & infirmus ab omni morbo se liberatum agnoscet.

Aliquando in fauces non ascendit materia expurganda, sed in mesenterium fluit, & primò diarrhœam, deinde dysenteriam excitare solet cum levibus torminibus, quæ omni neque infirmum, neque Medicum terrere debent; nam nullo adhibito remedio, intra tres dies spontè cessabunt cum integra infirmi salute.

Multoties per urinam materia expurgabitur, & tunc nullum affert horribile symptomata, nisi urinæ exorbitantem quantitatem crassæ, & albæ, qui etiam aliquot post dies spontè cessabit cum infirmi salute.

Tandem materia per cutis poros sive aditum aperire solet, ac per sudorem, quàm per insensiles halitus foras etumpere, & hic modus cæteris tutior, ac jucundior est nullumque incurrit metum.

His adinadversis, quæ adhibito mercurii fumo evenire solent, subjungendum est, quid Medico sit agendum, ut cautè procedat, & à notatis supervenientibus symptomatibus infirmi salutem expectet, & non ejus mortem. Primò ergò simplicis aquæ potus tanquam venenum est infirmo interdicens, nimium enim frigefacto vel humectato corpore, sistitur materiæ exitus: potest ergò æger vinum generosum, & in debitâ quantitate. Secundò, ambiens aer, in quo æger degit, ne frigidus sit, Medicus curare debet, imò positivè calidum esse oportet, ut poros servet laxos. Tertiò, à cibis crudis est egro omnino cavendum, & proderit, ut nonnullus sit cibus, qui per quam optimè nutriat. Quartò, sanguinis evacuationes, purgantia, & quæcumque naturam valdè debilitant, vel spiritus resolvunt, sunt fugienda. Tandem veneris usus est omninò tanquam exitiale venenum, fugiendus, quia spiritus dissipat, & vires enervat; egri namque curationis tempore maximoperè veneris cæstro exagitantur, quia antidota, quæ luem curant, sympathiam, seu consensum cum partibus naturalibus habent illasque impetunt, titillant, vellicant, & inexplibilis oritur luxuria.

His omnibus exactè perpensis, quæ accuratam remedii praxim includunt, ad cinnabarii describendum ad-

hibitionis formulas devenimus, & primò advertendum est, quod cinnabrium emi non debet in pulverem jam redactum, nam seplasiarii lucris cupidine illi minium admiscunt quod in fumum non resolvitur, & sic curationis eventu Medicus defraudatur. Emite illud itaque integrum striosis frustulis constans ac vomescit ipsi deinde in pulverem redigite, vel propria manu parate.

Prima ergò formula administrandi mercurii fumum, insciis quondam medicis, fuit pilulas quasdam ex diversis materialibus componere, non enim illis cognita erat radicalis remedii energia, & prout Agyrtæ imponebant iis, ita varia, diversa simul miscebant materialia, potius ad ægrorum perniciem, quàm salutem: hujusmodi mistio hic Neapoli in fucurabilium Nofocomio pro magno arcano hætenus habita fuit:

℞. *Lithargyrii* ℥. v. *antimonii cinnabaris ana* ℥. j. *rhapontici* ℥. vj. *polyp. quer.* ℥. iij. *calami aromatici, cinnamomi, macis, nucis mosch. aluminis, virid. eris, aloës ana* ℥. iij. *minii, sandarach græcorum ana* ℥. j. *fiat omnium pulvis, & terebinthinâ excipiuntur, ut fabricentur pilule carbonibus imponenda.*

Mira sanè authoris hujus recepti simplicitas, qui sibi suavit lithargyrium, & antimonium igni imposita fumum eructare posse, cum fixissima sint, & à placido igne non patiantur; simpliciter fuit author, qui credidit reliquorum simplicium vegetabilium fumum posse corpus penetrare: tota itaque efficacia juvandi est in sola cinnabare, quæ tot inutilibus commista rebus ferè inutilis ipsa quoque efficitur.

Altera fuit *Fallopîi* formula, quæ tantum à scopo non aberat, licet à suâ simplicitate recedat, illa talis est:

℞. *Cinnabaris* ℥. iij. *sandarach. græcor.* ℥. j. *ss. myrrhæ, thuris, ligni aloës, ammoniaci ana* ℥. j. *Tindantur hac crasso modo, & cum terebinthinâ formantur pilula, quæ imponentur super carbones.* Hoc receptum, cum cinnabarim pro basi habeat, non aded improbamus; verum quia cætera adjuncta sunt inutilia, & pretiosa, ut lignum aloës, & cinnabaris correctione non indiget, nam præter suum fumum nil aliud in corpus penetrat, relictis tot additamentis, vos simplici cinnabare uti potestis, addito tantummodò thure, ut odoris ingratitudinem tollatis, & cinnabari larvam addatis, ne à vulgò remedium flocci pendatur:

℞. *Cinnabaris pulverisata, & thuris pulv. ana* ℥. j. *Hæc ambo optimè misce & misturam deinde divide in x. chartulas, si æger sit perquam maximè debilis; in viij. si mediocres sint vires; in vj. si validus sit æger, quas sequenti administrabis.*

℞. *Cinnabaris pulverisata, & thuris pulv. ana* ℥. j. *Hæc ambo optimè misce & misturam deinde divide in x. chartulas, si æger sit perquam maximè debilis; in viij. si mediocres sint vires; in vj. si validus sit æger, quas sequenti administrabis.*

Infirmum prius vel syr. de spinâ ponticâ, vel pilulis de tribus cum mannâ mercurii à crassis Humoribus libera, deinde in cubiculo, in quod ventus non intret. vel quod facilè incalescat, illum pone cum suo lectulo, circa quod sit dolium ex tenui ligno, uti est Neapolitanum utroque fundo carens, vel alio modo, dolio simile constructum, hypocautum adapta, intra hoc sit constituta sedicula cum fundo aperto, in qua æger commodè sedere possit, tigillum deinde prunis imple, & intra dolium pone, panno laneo superposito, ac in dolia tigillum permanere permittite, ut illud perquam maxime incalescat. Tunc æger nudus dolium intret, in sediculâ sedeat, & à tigillo carbones exime, remaneantque in eo tantum tres, vel quatuor, infirmo da chartulam cum cinnabare; illique præcipe, ut cum sudare incipiat, chartulam prunis imponat, nam fumus ab eâ ascendet, totum dolium replens, & ægri corpus circumdans; in eo maneat per horæ quadrantem, postquam linteum se involvat, & in lectulo optimè cooperito se componat per unius horæ spatium, nam affluenter sudabit, tunc sudorem abstergat, & cibum sumat, à cubiculo per viginti dies non exeat. Tempus fumigandi opportunius erit ante cœnam, quàm ante prandium, vespertinis enim horis producta à lue venereâ sunt

sunt in motu, & remedio libentius obedient. Tertio quoque die si æger imbecillis, sit, à fumo se abstinere potest. Uncia una cinnabaris est ad cujuslibet infirmi curationem sufficiens, si verò fuerit cinnabaris antimonii \mathfrak{z} . β . sufficiet, & tandem cinnabaris naturalis \mathfrak{z} . ij . β . sufficiet.

Præterea cum mercurii inunctio adhuc frequens sit in usu, præcipue apud Hispanos, & easdem requirit animadversiones, quas supra de mercurii adhibendo fumo tradidimus, operæ pretium erit inunctionum mercurii formulas tradere, in quibus notare, quòd nulla alia est differentia inter inunctionem, & fumum, nisi quod mercurius in fumo corpus intrat sub formâ fumi: in inunctione verò mercurius corpus intrat sub formâ ejusdem mercurii, undè unus, idemque est utriusque modi finis, & scopus; tutius tamen erit mercurium in formâ fumi, quàm inunctionis exhibere, ex eo quia inunctio nimio impetu, & quantitate in corpus intrat, symptomatumque vehementiam quàm maximè acceleret; fumus verò quia in Medici arbitrio est, illum in majori, vel minori quantitate administrare, & ab ejus continuatione cessare, si cum nimium urgeat, tutiori eventu exhiberi potest. Verum tamen est, quod obstinatis gummatis, nodis, prout etiam pertinacibus doloribus fumo non cedentibus efficax inunctio proficere non parùm solet. Undè præparato ægro, prout de fumo adhibendo diximus, omnia observanda sunt, præter quòd antequam dolium æger ingrediatur, inungi debet, deinde dolium calefactum ingredi per horæ quadrantem, ut inunctio penetret. Tam varia sunt inunctionum formulæ ex conglomeratis inutilibus ingredientibus, ut tædiosum foret opus eas transcribere. Neapoli sequens est in usu.

℞. Mercurii, adip. porc. recent. & non salata ana \mathfrak{z} . iiij . ol. laurini \mathfrak{z} . j . ol. ligni guajaci destill. \mathfrak{z} . j . β . styracis \mathfrak{z} . j . quæ dissolvi debet in terebinth. \mathfrak{z} . j . β . & f. ung. f. a. Joannes Zuvelerus in animadversionibus in Pharmacopœiam Augustanam sequens receptum describit:

℞. Mercurii vivi mundati axung. porc. veteris ana lib. j . lithargyr. argentei, cerussa ana \mathfrak{z} . ij . myrrh. elect. rhuris masculi, bdellii ammoniaci ana \mathfrak{z} . j . theriaca Andromachi, Mithridatii Democratis ana \mathfrak{z} . j . β . ung. Aggrippe, martiati ana \mathfrak{z} . ij . de althæa \mathfrak{z} . ij . β . ol. laurini \mathfrak{z} . iv . axung viperina vera \mathfrak{z} . ij . resina pini \mathfrak{z} . ij . β . Dissolvantur gummi in spiritu vini, & cum reliquis juncti, lege artis in unguentum redigantur.

Verùm tot adjunctorum congeries propter lentorem, crassitiam, & unctuositatem, vel propter plumbi calces, nempe lithargyrii, & cerussæ commistionem, mercurii efficaciam infringit, poros occludit, cutem obstruit, & intimarum partium penetrationem retardat, nec malignitatem obrundit, quia stultè mercurius vinctus, nec debita quantitas admissa fuit, nec integris viribus, sed hebes, & torpidus membris hæret unde graviora symptomata non excitat, & hæc est ratio, cur ægri qui istis inunctionibus mercurialibus quasi perfectè curati visi sunt, brevè post recidivam passi fuerint. Mercuriales inunctiones quò simpliciores sunt, eò majorem successum, & celeritatem sortiuntur effectum: secus verò in tantâ rerum ferè innumerarum farragine evenit ubi plura intermixta sunt, quæ magis obesse, quàm prodesse possunt. Nostra inunctionum formula talis est.

℞. Argenti vivi succ. limon. extrinchi \mathfrak{z} . ij . axung. porc. vin. generoso lota \mathfrak{z} . iv . ung. nuc. mosch. \mathfrak{z} . j . m. omnia simul f. ung.

Cum quo tantum plantas pedum, & manuum volas inungere sufficit, nam mercurius per universum corpus penetrabit, non secus ac fumus. Si aliqua in corporis parte pertinax perseveret, vel guma, vel nodus, vel dolor, hoc unguento mercuriali læso tantum loco adhibito integra obtinebitur curatio. Inunctio in ro-

Bibl. Chirurg. Tom. III.

busto semel in die, in debili verò ægro alternatim celebrari debet. Unguenti mercurialis pro valido uncia una, pro debili uncia dimidia sufficiet. Partes dolentes fortiter cum panno fricentur per dimidiam horam, deinde inungantur, & postmodum dolium intret, post cujus egressum involvatur linteo optimè calefacto, & in lecto calido stragulis tectus per horæ spatium sudorem expectet, absterfo sudore, eger in altero lecto placidè calido se componat. Quandiù continuari debent inunctiones, non facile est statuere propter individuorum varietatem, attamen continuari possunt, quousque gingivæ tumescant, quod ptialismi est principium, vel quando solvitur corpus, vel in ore ulcera fuerint curata, & quod melius quando dolores, & gummata evanuerint.

Et habetis jam omnium medicamentorum mercurialium, quæ tam intrò, quàm extra in lue Venereâ adhiberi possunt, exactam præparationem, & genuinum administrandi modum cum omnibus accidentibus, quæ illis in administratione supervenire possunt; hæc verò præparationes licet multæ sint occultæ, & rarissimis Medicis cognitæ, laudem tamen non merent apud veros spagyricos, nam non solum ab his ut proficiat non recipiuntur, sed ut quoquomodo noxiæ exploduntur, quippe apud illos sublimiores inveniuntur præparationes, quibus argentum vivum omninò figitur, curatque radicatus quamlibet morbi Venerei speciem ore assumptum trium granorum pondere, nulla concitante sensibili evacuatione, hujusmodi est Mercurius diaphoreticus Paracelsi, & Helmontii, cujus præparationem tradidimus in nostrâ *Pyrotechniâ sôphicâ*, lib. 4. 3. art. 4.

Cap. 20. De Gummatis.

Mala symptomata sunt dolores Venerei, sed pessima gummata, & omnem antecellunt noctis torturam, nec læsi equuleo assimilanda, sunt ipso dolorosiora dolore; cum doloribus, vel post dolores accidere solent. Appellantur gummata, quia materiam continent crassam liquato gummi non absimilem.

Signa.

Tumores sunt circa articulos & internodia, qui sæpius oriri solent in fronte, capite, tibiis exteriore parte, & cæteris locis excarnibus. Cognoscuntur ex aliquo luis etiam diutissime prægresso symptomate, & noctu tantum cruciant. Interdum sunt majores, interdum minores, & nunc minus duri, sæpius steatomatum, & altheromatum naturam habent, raro meliceridum, attamen folliculo carent. Quandoque tophacei sunt, majori ex parte lapidosi, & porum osseum tangentibus præbent.

Causæ.

Vulgares pro gummatum causâ pituitam, & melancholiam tenacem, in pravam & vitiosam materiam redactam assignant, quam natura concoquere non potest, ratione viscerum malè affectorum, & præcipue hepatis, illamque ad partes demandat imbecilles, in quibus gummata, & tophos progignit. Verùm hæc vulgarium causæ nimis est trivialis, sicut eorum doctrina; nec materiam, nec modum, quo gummata fiunt, explicat idèoque suspiciosam existimamus.

Diximus dolores fieri per fermentum Venereum ab ultimo partium nutrimento ad sanguinem transfusum; sanguis enim nutrimento salior est. Si istud sal à venulis, & arteriis capillaribus ad perioestia se colligat Venereo fermento imprægnatum, exaltatur, & corrosivum evadit, primò atrocissimos parit dolores; Si inter ossa, & perioestia se diffundat, immobiliter-

que perseveret, dolores fixos, deinde dolorosissima excitata gummata, tandem nodos, & tophos.

Prognosis.

Gummata quandoque sunt simplices tumores, at si per aliquod temporis spatium cruciârint, sub periostio ossa exedunt, corrumpunt, & mortificant.

Curatio.

Ad gummata discutienda *Vulgares* primò corpus de communi morborum omnium purgant catharticis, & deinde ad salis parillæ decocta deveniunt, tanquam hepatis alterativa, quia efficacissimam censent salisam plusquam lignum, ac ejus corticem. Verum nos observavimus salisam nunquam eliminasse, non tantum gummata, sed nec etiam dolores (tùm ratione modi, quo decocta conficiunt: tum quia imbecillia sunt pro tam sævo extirpando symptomate, quod majora, & efficaciora requirit medicamina.

Ad hunc etiam finem gummatis *emplastrum de Ranis cum duplici, vel triplici mercurio* imponere solent, vel linimentum mercuriale. Verum licet quandoque hoc emplastrum, vel linimentum gummata colliquet, majores emergunt procellæ, (nisi totaliter lues extirpetur) nam liquatâ gummatum materiâ, & per totum diffusâ, fit lues universalis. Id in tenuioris fortunæ fœminâ observare nobis evenit, hæc gummata in capitis vertice cum truci pariebatur dolore, noctesque ejulando peragebat insomnes, unde doloris impatiens facta nos consulit, sed quia pauperie premebatur, quæ est immedicabile malum, vix emplastro de Ranis cum duplicato mercurio à nobis descripto potiri potuit, cujus impositio intra octo dies dolorem, & gumma discussit, sed brevi spatio gummatis materia in corporis habitum à capite defluxit, & universam cutem confectum variolarum Venerearum agmen conspurcare cœpit, quarum numerum comprehendere impossibile erat, unde miserabiliter suis cessit fatis. *Sennertus*, ut experimento probatum refert in inscriptum emplastrum, ut

℞ Empl. diachyl. cum gummât. ʒ. j. simpl. ʒ. ss. morc. salivâ extincti ʒ. j. ol. guajacini q. suff. f. empl.

Verum hoc emplastrum non multum differt ab emplastro de Ranis, idèdque iisdem angit procellis.

Inungunt gummata *oleo ligni guajaci*, sed incassum, nunquam enim hoc oleum gummata resolvit, vel vidimus saltem sedasse dolores, nec decantatis chymicorum encomiis satisfecisse, imò promisso ludit inani, unde à remediorum suppellectili meritò recessit. Nonnulli *vini spiritu* gummata resolvere tentant, sed frustra cùm vini spiritus sit debile medicamen ad gummata resolvenda, & siquam moliretur resolutionem, malum peioraret, nam subtili parte resolutâ nodi, & tophi resolubiles persisterent.

Si gummata resolutione fuerint incapacia, licet suppurationi reluctentur, ea suppurare satagunt variis oleis, *amygdal. lilior. chamomill.* diversisque *adipibus etiam rancidis, gallinæ, porci &c.* Vel utuntur Galeni emplastro, ut

℞ Pernam porcinam salitam, sed rancidam, bull. & f. jus in quo caseum vetustissimum coque ad emplastri consistentiam, & supra gummata, nodos, & tophos applicant. Aliqui emplastro de mucilaginis, filijzacch. utuntur. Collocant Vulgares gummata inter tumores frigidos, scilicet inter atheroma, steatoma & meliceridem, crassam tenacemque materiam coctioni reluctantem cum folliculo habentes, & miramur, quòd ea vanidis oleis, pinguedinibus, & mucilaginis suppurare tentant. Certè gummata illud juvamen consequentur quod ex unguento hernia.

Solent gummata quandoque ex diutinâ suppuran-

tium applicatioue molliem sub cute contrahere, at decepti vulgares chirurgi ea ferro aperiunt; si subiectum os deprehendunt adesum, abradunt, vel adurunt, alias digerunt, mundificant, carne replent, & demum consolidant. Verum ferri apertio dolorosa, horribilis, & periculi plena est, præcipue si fiat in articulis, nervis, & tendinibus.

In nodis, & tophis fortiora usurpant emollientia, ut *radices bryonia, cucumeris agrestis cum radice altheæ in aquâ ardenti &c.* Item *gummi ammoniacum in aceto solutum &c.* Vel imponunt *laminam plumbeam mercurio illitam.*

Gummatum curatio ita perficitur: Applicetur supra partem affectam emplastrum de Ranis cum triplici mercurio, quod post 24. horas removeatur, & post quatuor dies sumat patiens *Turpetum mineralè dulce* ter, vel quater eo modo, quo de doloribus diximus. Vel corpus optimè *extracto catholico cum mannâ mercurii* purgetur, deinde ad suffumigiorum, vel inunctionem usum deveniendum est, illis adhibitis cautelis, quas supra recensuimus; verum quia in horum exhibitione horribilia emergunt symptomata, & ægri in magno vitæ discrimine versari videntur, meritò ea repudiamus, cùm tutiora habeamus remedia: Ea propter nullum majus, & certius medicamen pro absolutâ gummatum sanatione, quam nostra *Aqua Anti-Venerea* reperitur, quæ citò, tutò, & jucundè his extremam imponit manum, si eam juxta nostrum parandi, & exhibendi modum quisque præbeat, & brevi tempore absque topicis evanescunt cum totali luis exterminio. Quod si quandoque resolutioni reluctantur, topica mercurii inunctio adhiberi potest.

Interdum gummatum suppurationem molimur, tunc citissimè nostro *emplastro Benedicto*, quo nullum extat majus, suppuramus, & aperimus, deinde nostro *Unguento Magistrali* ad cicatricem usque utimur, antequam aquam Anti-veneream propincimus, vel *mercurium diaphoreticum* alibi à nobis descriptum præbeamus, quo luem funditus exiripamus.

Si nodosa, vel tophacea sint gummata ab acido coagulante, tunc caustico mercuriali, cap. de Bubone descripto, aperimus, & post materiæ eductionem, ut supra progredimur.

Cap. 21. De Ossium Corrosione.

IN nullo symptomatum genere Venerea lues tam suam digito demonstrat naturam, quam in ossium corrosione; & quasi depositâ veste usque ad ossa, ante omnium oculos se contemplandam præbet, bardosque reprehendit *Vulgares* se non occultè, sed manifestè agere; est enim ejus venenum corrosivum de salis exaltati naturâ, id clarè patet in cariebus, ulceribus, doloribus &c. qui non nisi à merâ producuntur corrosione. Si hoc sal ulterius quàm maximè exaltetur, ac supremos exaltationis gradus, & activitatis nanciscatur, in potentissimum corrosivum transit venenum, quod cane pejus ossa corrodit.

Signa.

Si gummata exquisitis adhibitis remediis non resolvantur, certissimum signum est ossa, quæ ipsis subjacent, esse corrosa. Qui diuturno capitis dolore ex Venerea lue affligitur, & nullis præfidiis curari potest, illæsa capitis cute, subjectum cranium habet adesum. Si gummata adaperita fuerint, & ægrè ad cicatricem perducuntur, qua inductâ, paulo post cicatrice rupta: iterum aperiuntur, de osse carioso nullus remanet ambigendi locus, quia sanies ex carioso osse emanans cicatricem corrodit, & ulcus patefacit. Hinc certissimè conjicere licet: Si quod ulcus sæpius renovetur, semper de

de osse adeo suspicionem præbet. Sæpius palati ossa, & narium cariantur, si horum ulcera in longum protrahantur tempus, putrefactivâ exesione primùm ossa, quia densitate suâ magis resistunt, exedunt, & corrumpunt, postmodum carnem, quia rara, & foraminata est. Cognoscitur hoc, quia sanies ex ulcere emanans copiosior est, quàm pro ulceris magnitudine, estque tenuis, fœtida, & livida; caro uleeri superposita mollis, & flaccida redditur à sanie. Si ossium caries se subtrahant oculis, specillo immisso in ulcus usque ad os explorantur, nam si os inæquale, asperum, & molle depreheupatur, cariosum esse sine controversiâ est. Si specillum minùs intrat, corrosio superficialis est, si verò altius descendit, profunda.

Causa.

Credunt *Vulgares* ossa cariem contrahere, & corrumpi ab occulta luis proprietate; cœterum est occulta in causâ & manifesta in effectu, & integrâ remanente causâ effectui medentur, vel illa præbent medicamenta, quæ ab occulta proprietate curant: sed si est causâ eam non cognoscunt, nisi ab effectu, & sic perpetuo occultum per occultius, & ignotum per ignotius assignant. Fiunt ossium corrosiones, cum ulcera, intolerabilis capitis dolor, & gummata non tempestivè curantur, sed ossa, quæ ipsis subjacent, exaltati ad supremum activitatis gradum salis paulatim contagium suspiciunt, quod per eorum substantiam disseminatur, unde ossium corrosiones, putrefactiones, & mortificationes succedunt.

Prognosis.

Truculenta in lue Venereâ est ossium corrosio, sed adhuc truculentior, cum corroduntur in illis locis, ubi chirurgicæ operationes non facile institui possunt, ut in articulis, magnorum ossium capitibus, circa musculorum capita, nervos, & tendines, imò truculentissima est eorum putrefactio, & corruptio. Ossium corrosio ulceris sanationem impedit, nec ulcus perfectè sanari potest, cui corrosum subjacet os. In ossium corrosione caro livida malum portendit; significat enim maximam eorum corruptionem. Si palati os adesum fuerit, sermo vitatur, nam aer, qui in palato, tanquam in loco camerato, elidi deberet, simul per foramen ad nares penetrat, & per eas erumpit. Omnia liquidiora, quæ per os assumuntur, ex naribus profiliunt. Malum ad nares serpit, & faciliè cerebro communicatur. Erosio nasi ossibus exeduntur narium pinnae, & cartilago, ac ad palatum, cerebrum usque serpit. Si capitis os corrosum fuerit, facillimè lues cerebro communicatur.

Curatio.

Ossium caries curant *Vulgares* carnem absumendo usque ad os subjectum *alumine ustis, pulvere sabinae, calchan:o adusto, vel aquâ aluminosâ*, vel carnem ferro abscindunt, vel ferro ignito, vel caustico uruntur medicamento. Si foramen aliquod in carne adesit, ut plerumque fieri solet, illam *turunda ex gentiana radice, vel ex spongia concinnata* aperiunt, os cariosum detectum abradunt, *vel euphorbiæ, & peucedani pulveribus* ad levitatem reducant, & tandem sarcoticis ulcus curant. Si os fuerit corruptum, naturam expectant, ut illud aufert, & separet, sed natura tardè, & vix 40. vel 60. & quandoque 80. dierum spatio ossa corrupta separat, & interim vitium in morâ pars contrahit; Si totum opus naturæ imperio committant, præterquam quod Venerea lues est extra naturæ jurisdictionem, conclamatum est de vitâ ægri. Ea propter ad ossis excisionem deveniunt, idque scalpro excisorio cum malleolo assequuntur, eodem ferè modo, quo statuarii statuas efformant, quo-

usque lividum, & denigratum ablatum fuerit, postmodum *myrrha, & radicis aristolochiæ pulveribus* os excisum aspergunt. Si os totum corruptum fuerit, auferunt illud, & primò alimento privant siccis medicamentis, uti sunt *folia hyoscyami, radix peucedani, utriusque aristolochiæ, iris, opponax, squama aris, arugo, &c.* vel ferro ignito; deinde os nutrimento destitutum facile auferunt imò cadit, non aliter ac folia autumnis, cum humido radicali privantur.

Si capitis os tectum fuerit, & cariosum, vel corruptum, cutem secant, detectum os abradunt, separando à sano corruptum; verum si corruptio profundius se insinuavit, totum auferunt terebrâ, vel melius trepano, circum liniunt oleo rosaceo cutem ad inflammationem arcendam, & stuppam cum ovi albumine conquassato per 24. horas super imponunt, deinde *aqua aluminosa cum aqua rosacea temperata* os foraminatum madefaciunt *emplastrum de Betonica, vel de Gummi Elemi* applicant. Quandoque affectam partem abluunt adstringente *decocto ex rosis, betonica, ligno guajaco, parato in vino austero* adduntque *aluminis* parum, & tandem *unguento de plumbo* cicatrizant.

Si palati, vel nasi os corruptum fuerit, bis in die *aqua aluminosa magistrali* gossypio excepta affectam madefaciunt partem. Quandoque, ad saniei eductionem palatum *melle rosaceo* inungunt, tum *aqua aluminosa cum aqua rosacea, vel plantaginis* detergant, & interim *decocto scabiosa, plantaginis, agrimonie, rosarum*, ut os abluat eger, imperant, vel *decocto ligni guajaci, & sarse parato in aqua plantaginis*. Interea per totum curacionis tempus decocta frequentant.

Juxta varias ossis corrosi indicationes vario modo ejus curationem instituiimus; unde corpore depleto, si os sub oculos non cadit, quia carne operitur, ulcus inducatur, & specilli intrusionem exploretur, quod si asperum & minùs penetrans deprehendatur superficialis erit corrosio; tunc tota caro absumenda est *precipitato dulci, nostra aqua salis ammoniaci, ejusve spiritu, vel spiritu mercurii albo*, donec corrosio secundum totam suam latitudinem, longitudinem in conspectum veniat, & fiat ossis abrasio limâ ad lævorem; vel madefiat *balsamo caryophyllorum, in quo facta fuerit peucedani, euphorbiæ, & radicis aristolochiæ rotundæ infusio, vel boyonia trita* imponatur. Verum si aliquantulum profundius corrosum fuerit; totum corrosum ad sanum usque auferatur; lævitate superinductâ, deinde sarcoticis, & præcipuè *unguento nostro magistrali*, periosio inducto, ad cicatricem perducatur.

Si caro appareat flaccida; spongiosa, pallida, aut livida, ossis corruptio profundior erit, tunc totum corruptum auferatur; neque enim quod mortuum est corrigi, emendari, & in naturæ gratiam redire potest, cum à privatione ad habitum non detur regressus, & à naturâ gratiam non amplius recipere valet. Nec ossibus sphacelus accidit, sed tantum corrosio, & putrefactio. cum sphacelus solummodò in partibus carnosis mollioribus accidat. Nullâ interpositâ morâ, citam ablationem procurare debemus præsertim in thoracis ossibus.

Ense recidendum est, ne pars sincera trahatur.

Nec naturam pro ossis separatione prestolari possumus, quia actu affert perniciem, & nisi ablatio fiat irreparabilis sequetur mors. Ea propter ista procrastinatio periculosissima erit, nec unquam in Lue naturam crism moliri observavimus. Caro itaque superjacens absumatur medicamentis supra propositis, vel caustico, vel cauterio potenciali, vel dissectur, quousque os corruptum denudetur, & ne nervi, tendines musculorum capita, aut arteriæ, & venæ majores sedantur, secundum partis longitudinem fibrarumque ductum, neutiquam transversim insti-

tuatur; verum non semper ita commodè operatio celebrari potest, quin aliqua harum partium læsio non oboriatur.

Medicamenta, quæ os corruptum à sano separant, exsiccantia esse debent, ut excrementitias superfluitates in corrupto absumant, & ipsum sanum conservent, huiusmodi sunt *oleum sulphuris p. d.* hoc modo paratum:

℞. *Sulph. citrini lib. j. ponatur ad ignem lentum, ut liquecat, cui adde tartari usti pulverisati lib. β. misce diligenter, donec frigida evadant. Postea pulveriscentur, & super lapide in loco humido ponantur, donec in oleum p. d. transeant.* Hoc oleo ossa corrota, & corrupta inungantur. Multum ad sequestranda ossa valet *Acetum radicatum*. Item hæc *tinctura Euphorbii*.

℞. *Peucedani, euphorbii, radic. utriusque aristoloch. iridis; bryonia ana ℥. β. myrrha, aloës ana ℥. ij. spiritus vini q. s. & extrahatur tinctura.*

Si tanta sit ossis corruptio, ut his, vel aliis medicamentis tolli non possit, ubi os non ita altè corruptum est, scalpro, ubi profundius, terebrâ opus est, quæ operatio tunc absoluta est, cum scobs nigra desit. Si totum vitiatum est, totum eximendum.

Si capitis os cariosum fuerit, fecetur cutis, in qua operatione si magna sanguinis profusio succedat, *nostrâ Aquâ Arteriali, in Pyrotechniâ, vel Tomo. 1. De Tumoribus cap. 15. De Aneurismate descripta*, listatur. Deindè os abradatur, vel *tinctura Euphorbii, vel oleo sulphuris, vitrioli, sive spiritus salis ammoniaci* alternis diebus cum filamentis madesiat os, donec ad liquorem reducatur, interim vulneris margines, partes sanæ muniantur, & *fodicationum emplastrum* superponatur, ac *unguento nostro Magistrali* cicatrice obducatur. Si corruptio profundius serpat, vel totaliter sit corruptum, trepano auferatur, & *tincturâ caryophyllorum* tegatur pars cum *fodicationum emplastri* superpositione, & *unguento magistrali* pedetentim ad cicatricem deveniat. Curatio diuturna est, eapropter ad longam, invictamque tolerantiam hortetur eger, & interea *Aquâ nostrâ Anti-Venereâ* utatur.

Palati ossi catioso, vel corrupto quàm citissimè est occurrendum, imò cum Medicus palati pustulas & ulcera observet, statim ossis corruptioni consulere debet: purgato, itaque corpore pilulis pluries suprâ repetitis, leviter os tangatur *aquâ viridi, vel nostrâ salis ammoniaci, tincturâ euphorbii, sive spiritu mercurii albo cum aquâ persicaria diluto*, penicillo bis in die. Os inrerim pluries in die gargarismate *ex decocto persicaria, scabiosa, & rosarum cum sale ammoniaco, & melle rosaceo simplici* colluatur, & corrupta ossicula frustulatim sequestrantur, ac patiens *aquâ nostrâ Anti-Venereâ* non defraudetur.

DE LUE VENEREA.

LIBER QUARTUS.

De Tabæ ex Venereâ fermento productâ.

Fermenti Venerei jam patefecimus essentiam, quam in fixatione liquorum volatilium, resolubiliumvè per vivencia corpora sese moventium consistere probavimus. Quippe qui eorum fixationes aliàs volatiles ad ipsa accedentes cognoscunt, & ad eorum naturam vitali calori resistantem se convertunt, faciliè ejus quidditatem adipiscuntur. Docuimus præterea affectuum differentias, quibus huiusmodi fermentum inquinatum corpora torquet, pendere ex ipsorum corporum partibus, in quas fermentum istud diffunditur, & imprimatur: si in liquidis, versantibusque corporis humoribus fiat fermenti diffusio, prima producitur effectuum differentia; si verò solidis specie matris molli- bus imprimatur fermentum, secunda exciatur mor-

borum differentia; tandem si solidis, duris ossibus scilicet, fiat fermenti adhesio, tertia nascitur læsionum differentia. Has differentias exactè narravimus, signa quibus ipsæ se pandunt, aperuimus, prognoses, quibus earum eventus in bonum, sive in malum portenditur, adduximus, & medicamenta, quibus efficacissimè curari possunt, tradidimus; verum quia tabes Venerea omnibus his tribus notatis differentiis, quibus corpora à contagio Venereo lædi possunt, supervenire potest, ne in eâ curandâ in dubio, perplexoque maneatis iudicio, operæ pretium vos magnum esse facturos existimavimus, si Venereæ tabis singularem explicationem in hujus tractatûs complementum vobis suggereremus, unde sit.

Cap. 1. De Nominibus, quæ Synonyma cum Tabæ existimantur.

Scriptores cum *Veteres*, tum *Recentiores*, qui litterarum eruditionem professi sunt, in nominum proprietatibus laborârunt, id quod per ea connotare velent, sine ullâ ambiguitate perciperetur; artium verò profitentium vulgus huiusmodi nominum eruditione jejunum faciliter in confusionem omnia trahit, ea rebus tribuendo nomina, quæ nunquam talia meruere; hinc per abusum multa in medicâ facultate sunt in obscuro, perplexaque in recipiendis tyronum ingenia sunt, ut in hoc affectu, quem tabem connotare existimârunt, ac per marcorem hecticam, marasmm, atrophiam, cachexiam, & phthisim designari solent; unde ab horum nomine unamquamque rem eandem significari credatur, cum ita non sit apud eruditos; priusquam igitur rei interpretationem aggrediamur, operæpretium erit dictorum nominum genuinam significationem tradere.

Tabes vox est Latina significans viventis corporis ex-tenuationem ex cutâ, vel animi mœrore procedentem, translata deinde quopue fuit ad ejus corporis affectiones, quæ in extremam exsiccationem illud adducunt, vel paulatim corrumpunt.

Marcor etiam Latinum est nomen, idem ferè significans, ac tabes; verum quodammodò generalibus nomen est marcor, quàm tabes, nam ea, quæ sine corrumpente causâ spontè in exsiccationem properant, ut extrema senectus, & vegetatio, ultima periodus, magis marcorem pati dicimus, quam tabem, quæ tempestivam corruptionem designat.

Tabi, & marcori *Marasmm* respondet, cujus tres species ab antiquis proponuntur.

Prima marasmi species est, cum alimentum ad corporis partes non accedit, & summa oritur macies & hæc marasmi species à Græcis *Atrophia* dicitur.

Secunda marasmi species, cum ob malam corporis habitûs dispositionem nutrimentum, quod ad illud fertur, corrumpitur, & hæc marasmi species ab ipsis Græcis *Cachexia* appellatur.

Tertia marasmi species est, cum ex putrido ulcere præcisè in partibus intra thoracem contentis contracto nutrimentum contaminatur, & non apponitur, & hanc marasmi speciem *phthisim* dixere Græci.

Hæctica deinde Græca etiam vox est, & sonat habitualis, sive habitûs corporis mala dispositio, quæ unicuique illius particulæ solidæ est uniformiter impressa, ita ut non sit particula ulla solida in corpore, quæ affectu cunctis aliis communi non laboret; hinc apud *Galenum* passim invenietis calorem hecticum, febrem hecticam, pulsum hecticum, & his similes loquendi modos, qui habitualement totius corporis passionem designant.

Hinc sciendum est, quod hecticæ dispositio præcedit in corporibus tabem, sive marcorem Latinorum, sive

sive dicas marasimum Græcorum, & per consequens tres illas marasimi species, atrophiam scilicet, cachexiam, & phthisim. Impossibile enim est, ut rotum corpus marcescat, & contabescat, quin prius singulæ, & universæ ipsum corpus componentes particulæ malè afficiantur, & singulæ universæque paulatim in marcorem abeant: unde est, quod periti *Medici* conatus exerceri non debet investigando, quid sit tabes, quid atrophia, quid cachexia, quid denique phthisis, quæ habitualem corporis dispositionem, veluti causam consequuntur: sed omnes ingenii vires intendere debet Medicus, ut quantum fieri possit, clarè, distincteque cognoscat primum illud, ex quo habitualis dispositio suum nata fuerit initium; unde sit.

Cap. 2. De Habituali viventium corporum Affectione in genere.

Consentiunt cum antiquis recentiores in eo, quod una natura vivens animal regit, conservat, & movet; diversa tamen illa nobis apparet ex functionum partium diversitate; oculus enim videt, & non audit, auris audit, & non videt: verum ista functionum diversitas minimè quidem à diversis naturis intra animal latentibus pendet, sed ab ipsâ organorum diversitate, quippe oculus ab aure differt; auris à palato, & sic de aliis; at natura cum sit principium motûs ejus, in quo inest, una semper est, & eadem, motuum verò, sive functionum, actionumque diversitas pendet ab organo mobili, quod pro suæ texturæ, & compositionis proprietate movetur. Igitur cum una natura in singulis corporis particulis vigeat, sintque in ipso corpore aliqua membra, in quibus ob functionum nobilitatem, & præstantiam, ipsam naturam veluti præsidere cognoscamus, non erit à ratione alienum nobis suadere id, quod à magnis viris sancitum fuit, naturam scilicet viventium influam, & insitam esse, influam quidem in principalibus membris, insitam verò in substantiis totius corporis particularum.

Nunc intelligere erit facilè, naturam influentem, & naturam insitam, si concipiamus ignem in suo foco accensum; & multa corpora circa ipsum posita, quæ ab ipsis ignis præsentia sint excalefacta, in hoc enim exemplo ignis in suo foco influus dicitur, quippe qui in vicina corpora suum diffundit calorem, iis illum imprimit, calor verò calefactorum corporum insitus dicitur, ex eo quia ab igne in suo foco existente fluit, ipsis corporibus participatus, subsistitque per perseverantem præsentiam ipsiusmet ignis. Constat etiam ex eodem exemplo explantari, & minui calorem insitum in circumstantibus corporibus pro majori, & minori influi ignis robore, & vehementiâ: extingui quoque prorsus si ignis omninò extinguatur.

Simili sanè modo natura viventium influa, & insita dici potest, influa enim est in illis membris, quorum functionibus reliquis corporis particulis aliquid præparatur, & subministratur. Insita deinde est in cunctis particulis, quæ aliunde vivendi actum mendicant, & ab alieno pendent arbitrio.

Ex his cum clarum sit, quid intelligi venit pro naturâ influâ, & insitâ; restat nunc videre, quanam corporis pars influæ naturæ privilegio gaudeat, & quanam insitâ fruatur,

Primò ventriculus influam habet naturam: etenim quod à cibis separatur nutrimentum, à ventriculo in reliquum corporis diffunditur.

Secundò, eandem naturam continent intestina, tum pro munere, quod commune cum ventriculo habent, tum etiam excrementorum transmutationem ex superioribus intestinis ad inferiora.

Tertiò, eadem naturâ potitur lien ob serosita-

tes, quas à ventriculo fugit: & in venas transmittit.

Quartò, influens natura est in renibus, qui serum ab humano corpore fugunt, & in vesicam deponunt.

Quintò influa quoque existit in hepate, quod sanguinem colat, volatilem facit, & ad corpus vivificandum idoneum.

Sextò, influam naturam obtinent pulmones, quorum ope aer intra corpus recipitur ad diversos fines necessarius.

Septimò, influam habet naturam cerebrum, cum sibi continuâ spinali medullâ, ab his enim tum ros albis, spermaticisque partibus subministratur: dum voluntarius infunditur motus.

Præter notata membra principalia, quæ influentem naturam continent, reliquæ omnes corporis particulæ eandem naturam ipsitam habent, & ab illis supradictis influxum aliquem recipiunt necessarium, ut exempli gratiâ à ventriculo nutrimentum, à corde sanguinem & calorem, à cerebro rorem, & cambium antiquorum.

Sunt ergò isti principaliores influxus tres. primus est nutrimenti quod à ventriculo, & intestinis toti corpori suppeditatur. Secundus est sanguinis, & caloris, qui in corde perficitur, & per universum corpus distribuitur. Tertius tandem est roris, & cambii, quod in solidas totius corporis partes dispergitur à substantiâ medullari cerebri, & spinalis medullæ elaboratur.

Hac doctrinâ naturæ influentis, & insitæ positâ, posito quoque in ventriculo nutrimenti influxu, & in corde sanguinis, & caloris, & tandem in cerebro roris, & cambii, ut affectionem habitualement intelligamus prius nobis perpendendum est, quomodo se habeant isti influxus in homine sano, qui integrâ valetudine gaudet, nam facilè deinde erit cognoscere, quomodo iidem se habeant in malè affecto; & infirmo corporis habitu.

Ventriculo, corde, & cerebro in eorum naturali constitutione manentibus, necessariò universi corporis habitus apparebit floridus, vegetus, & optimè nutritus, non ex aliâ causâ, nisi ex eâ, quod à ventriculo particulis illius nutrimentum perfectè elaboratum distribuitur, à corde optimus sanguis, & temperatus calor impertitur, & à substantiis medullaribus in solidas ipsius corporis particulas roridus liquor effunditur.

Habemus optimum corporis habitum, quoties singulæ, & universæ corpus componentes particulæ optimum nutrimentum à ventriculo habent, optimum sanguinem, & temperatum calorem à corde, & optimè paratum rorem à medullaribus substantiis. Ac cum sit extra omnium dubium, eorundem membrorum esse functiones læsas, quorum sunt functiones sanæ: ergo si optimus, vel sanus corporis habitus à sanis functionibus ventriculi, cordis, & cerebri producit; malus, & infirmus ejusdem corporis habitus à læsis, depravatisque eorundem membrorum functionibus producit, quod accuratè fuit à Galeno animadvertum lib. de Marcore sequentibus verbis: *Itaque perspicuum jam est, si marcor totius corporis affectus sit, ipse nisi etiam animalis principio patiens fieri posse: imò verò fieri non potest, ut alius in toto animali affectus sit, aliud verò principium occuparit: ita fit, ut marcescentibus necesse sit cordis corpus exsiccari, quamobrem si omnes causas, à quibus exsiccari cor solet, invenerimus, etiam utrum, qui marcescunt omnes insanabiles, an cuncti quidam eorum possunt, intelligamus.*

Præsupponit ergò malus corporis habitus principalium membrorum læsionem vel omnium, vel quamplurium, vel saltem eorum unius; sufficiens enim est unius principalis membri læsio, ut reliqua deinde lædantur: quippe principalia membra mutuo gaudent influxu, nec potest eorum unum malè se habere, quin reliqua, & ipsum universum corpus malè se non habet: interest tamen multum scire Medicum, quod membrum pri-

mò, per se læsionem contraxit, quod deinde per consensum, & per influxum, sive per accidens; Idem enim multum facit tum ad prognosim, tum ad curationem supervenientis marasmi, ut supra citato loco fortè innuit *Galenus*, remque clariùs explicat *eodem libro cap. 7.* in sequentibus verbis: *Totum autem febris voco etiam animalis partem qua primo suis solidis partibus immodice calefacta sit, cor igitur primum calidius, quam par sit affectum, hecticam febrem affert: Deinde jecur non tamen per se, ut cor, sed quod illud in consensum secum trahit, enim verò ipse affectus cordis rationem causæ obtinet; sed qui sunt, corporum cordi vicinorum, tamen ventriculus, & post hunc quoque alia concalefacere cor possunt: quare si vicinitatem attendas, oportet pulmonem maxime omnium aliorum simul concalefacto corde febrem hecticam, & siccam importare, ex qua marcor consequitur.*

Ut itaque ex allatâ doctrinâ Habitualis Affectionis essentiam intelligatis, & eam definiendo, memoriæ mandetis, dicimus, quod *malus corporis habitus, est dispositio singularum universum corpus componentium particularum à naturali statu recedens, ob læsionem substantiæ alicujus membri principalis, quod ratione sui muneris aliquid cunctis ipsis totius corporis particulis distribuit.* Explanabimus nunc hujus definitionis partes, ut clariùs habitualis affectionis essentiam percipiat.

Diximus primò, quod sit dispositio singularum &c. ut sciatis non satis esse aliquam corporis partem, ut manum, pedem, hisque similem ob topicam aliquam affectionem contabescere ad constituendum affectum habitualem, nâm particularis cujusdam membri corporis tabes, vel facilis curationis erit, vel vitæ extinctionem non affert, quod contrà se habet in affectu habituali totius corporis.

Diximus à naturali statu recedens, ut intelligatis impossibile esse habitualem affectum produci, nisi dispositio singularum corporis particularum à naturali statu recedat; nam quousque natura insita membrorum malo influxui resistet, eousque bonus habitus perseverabit, ac tunc in malum declinare incipiet, cum insita partium natura pravo, inloque influxui succumbere inceperit.

Diximus ob læsionem substantiæ alicujus membri principalis, ut inde percipiat habitualem affectionem produci non posse, nisi principale aliquod membrum, non per accidens, sed essentialiter in propriâ substantiâ læsionem contraxerit; quippe si per accidens lædatur, ut in putridis evenit febribus, eousque malus habitus duraverit, quousque humor, sive materia febris putridæ suâ præsentia, & motu turbatur, ac temperiem principalium membrorum non tenuerit, redeunte deinde pristina temperie ob coctionem materiæ ejusdem putridæ febris, redibit & simul bonus corporis habitus, ac quoties substantia membri principalis læditur, malus habitus talem læsionem consequitur, nunquam cessabit, nisi cum restitutione integrâ læsæ illius membri substantiæ, dummodò à morte non præveniatur infirmus.

Diximus tandem, quod ratione sui muneris aliquid cunctis &c. ut certi inde fiat læsionem substantiæ illius principalis membri habitualem affectum inducere, quod animal functionem exercet, ob quam aliquod cunctis totius corporis particulis præparatur, ut in bono habitu conservetur; etenim licet oculi sint viventis animalis principalissimæ partes, ut etiam sunt testes, quia tamen istæ partes, functiones non exercent, quarum ope aliquid cunctis corporis particulis præparatur, si oculi extrahantur, si testes abjiciantur; vel quomodo libet istæ partes corrumpantur, non proinde habitualis affectio inducetur, quod non sic evenit, si hepar, lien, intestina, ventriculus, cor, pulmo, & cerebrum in earum lædantur substantiis, vel à corporibus extrahantur: nam omnes corporis parti-

culæ, quæ ab his aliquid recipiunt, vel depravatè recipiunt à naturali habitu recedere coguntur,

Est tamen hîc advertendum, quod dari potest casus, ut ille substantiæ, quæ à principalioribus membris cunctis corporis particulis præparantur, absque eo quod læsæ essentialiter sint, ipsorum membrorum principalium functiones à causâ aliquâ externâ polluantur, deturpentur, contaminentur, reddanturque ad bonum habitum producendum ineptæ, ut in Lue Venereâ infectis accidit; de quibus paulo infra, & in iis, qui ex vulnere, vel ulcere malè curato tabidi fiunt; parum enim interest, ut id quod ad particulas corporis accedit, ab hac, vel illâ causâ deturpetur, cum ad malum constituendum corporis habitum sufficiat, ut id quod accidit, deturpatum sit, unde pro rei complemento, adducta definitio possit in hanc formam redigi: *Affectus habitualis est dispositio singularum universum corpus componentium particularum à naturali statu recedens ob id, quod ad illas accidit sive ab externâ contaminatum, sive à læsâ substantiâ principalis alicujus membri illud producentis pollutum.*

Tandem vos in admirationem adducere non debet; uos febris hecticæ, & caloris hectici additionem in definitione habitualis affectionis præterisse, cum ex communi Medicorum sententiâ ad constituendam essentiam hecticæ affectionis calor febrilis necessario requiratur; enim verò in Tractatu de Febribus docebimus affectionem illum viventium corporum, quam febrem Medici appellant, in caloris excessu nullo modo consistere, sed in motû cordis depravatione, quam multoties exorbitans naturalis calor comitatur, multoties verò non. Hanc sanè doctrinam in habituali affectione nunc ulterius confirmamus, cum sæpius experti simus tabescentia corpora nullo penitus exorbitante calore exuri, vel exsiccari, imò tactûs frigoris, vel potius teporis sensum replere, illorum verò marcidum habitum celeritati, frequentia & inæqualitati pulsûs conjunctum proximæ mortis dedisse argumentum, placuit ergò potius illa loquendi formulâ uti, scilicet dispositio à naturali statu recedens, nam sive habituali affectioni conjunctus sit hecticus calor, sive non, optimè per dispositionem à naturali statu recedentem intelligi utrumque potest, quod nobis suggerere non præterit *Galenus libro de Marcore*, ubi de Marasmo ultima senectute, vel fame laborantibus superveniente loquitur.

Cap. 3. De Habitualis Affectionis Differentiis.

Quantum nostro ingenio assequi potuimus, præcedente capite, patefecimus habitualis Affectionis Essentiam, & quomodo primò in corporibus producat. Nunc, ut plenius rem quisque concipiat, differentias, & species habitualis affectionis, quæ paucae non sunt, docere aggredimur, cum earum propriis, & pathognomonicis signis, quod multum intererit tum ad præfigiendum habitualis affectionis finem, tum ad rectam ejus curationem instituendam. Piacet ergò uti veteri illâ, & generali *Græcorum* marasmi distinctione, quæ vult marasimum, vel atrophiam, vel cachexiam, vel phthisim dici debere secundum trium modorum diversitates, quibus produci solet, etenim licet alias species proponemus, ad notatas tamen tres differentias, veluti ad generaliores reduci ipsæ possunt, est quodammodo congrua habitualis affectionis in tres species secundum veteres *Græcos* distinctio; enim verò cum vel ab eo, quod ad particulas corporis advenit jam contaminatum, vel ab eo, quod ab ipsis particulis malè affectis contaminatur, vel tandem ab eo, quod contaminatum advenit, & in ipsis ultrò corrumpitur, affectionem habitualem produci necesse sit; primo

primo modo atrophiam dici debere, secundo cachexiam, terrio phthisin, congruenter existimatum fuit.

Producitur atrophia vel cum nullus assumitur cibus, vel cum licet assumitur, nullam penitus in ventriculo patitur alterationem. Utroque modo singulae corporis particulae alimento prorsus destitutae in atrophiam, & mortem properant. Huiusmodi atrophiae remedium non admittunt, verum qui cibum non assumit, quia non vult, non quia non potest, si deinde voluerit, fame non peribit.

Secundo modo producitur atrophia, cum laesa ventriculi, vel cordis substantia, adjacentiumque his visceribus principalium membrorum, liquores, qui ab ipsis generantur, & ad cunctas corporis particulas fluunt, ab iis non admittuntur, neque assimilantur ob pravam illam impressionem, quam a laesa viscerum substantia receperunt; tunc enim non solum inducitur habitualis affectio, ex eo quod particulae nutrimento privantur, sed universum corpus celerrime contabescit, ob recursum repudiatorum liquorum versus naturales, spiritualesque partes, & huiusmodi atrophia aliquando curationem admittit, aliquando vero non; ut infra patebit; quae vero atrophia originem ducit a contaminatis corporis liquoribus contagio externae causae, curationem ut plurimum admittit, si prudens sit Medicus, & remediis utatur opportunis.

Secunda marasmi species dicitur cachexia, produciturque cum conservantibus adhuc ventriculo, corde, adjacentibusque membris eorum temperiem, atque producentibus adhuc toti corpori liquores non praveos; quia tamen natura insita singularum particularum a sana dispositione recessit, advenientes illos liquores non solum in earum habitu non apponit, sed eos corrumpit, universumque corporis habitum mucidum reddit ex languore, qui cachexia dicitur.

Recedit in natura insita particularum totius corporis a sana dispositione, si humiditas vitalis non quidem advenit, sed substantia earum, quae a medulla cerebri regitur, sanas proprietates amittit, quippe tunc functiones naturae insitae laeduntur, & non solum id, quod particulis advenit, non assimilatur sed etiam corrumpit, affectionemque habitualem cachexiae producit.

Præsupponit cachexia substantiarum medullarium a naturali statu recedentem temperiem, unde evenit quod ros, & cambium, quibus fibrae spermaticae solidae sustentantur, non ut convenit, elaborantur, & cum illo rore vita solidarum partium vivat: ergo secundum naturam se non habente singularum solidarum partium ækonomiā, dissolvitur, unde adveniens ad venas hepatis corruptas habitualis effectus, qui cachecticus dicitur, impossibilis ferè curationis est, ex eo quia non potest inveniri remedium, quod medullarem substantiam deperditae temperiei restituat.

Fuere non pauci, qui differentiam inter atrophiam, & cachexiam in eo esse existimarent; quod atrophia constituitur a totali defectu illarum substantiarum, quas ad bonum producendum habitum particulae corporis requirunt: Cachexia vero constituitur non quidem a defectu, sed ab accessu ipsarum substantiarum, quae, quia contaminatae sunt, ab ipsis particulis respuuntur, unde cachecticus evenit habitus.

Phthisis vero ferè semper cachexiae succedit: fit enim cum contaminati, vitiosique liquores a particulis solidis non admissi, in mesenterium, vel thoracem recurrunt, producuntque in visceribus naturalibus, vel spiritualibus aposthemata, abscessus, inflammationes, erysipelata, similesque affectus, quos necessariorum exulceratio sequitur, eosque secuta cachexia in phthisin degeneravit, quae incurabilis ab omnibus existimatur; cum in ipsa non solum requiratur medicamentum, quod a principali aliquo vitium contractum

abstergat, sed ei naturalem temperiem restituat, quod munus vix naturae permittitur, & arti omnino negatur.

Assignatas marasmi species propria signa comitantur, quae eas distinguunt.

Atrophiae signa sunt pallor, macies, labiorum retractio, narium acuminatio, unguium excessus supra carnem, rugae cutis, ipsius exsiccatio, sitis sine linguae siccitate, alvi excretio, vigilia, pulsus frequens, & exilis; extremorum refrigeratio, respiratio anxiosa & rara, sine tussi; his apparentibus signis atrophiam infirmum laborare indicabis, a totali ciborum defectu, vel a prorsus facultate ventriculi destituta dependente.

Verum cachexiam infirmum laborare conicies, si cutis universae colorem non simpliciter pallidum, sed foedum animadvertes, si in ea non simplicem siccitatem, sed squalorem observabis, furfuribus, aliisque spurciis horridum, pediculorumque multitudinem, huius ungues sunt aduncæ, ut etiam nares, os lividum ostendet, & limosum, non multum sitit, cibum stomachatur, sæpe diarrheam laborat, pulsus habet frequentes, inæquales, exiles cum acuto quodam, sed paulo calore, quovis corporis motu, licet levi spiritus anxietatem patitur, tussiculam cruciatur sicca. His apparentibus signis cachexiam laborare infirmum tibi suaseris, a vitiosis humoribus enascente, sive a læsione principali alicujus membri, sive a causâ externâ vitium contraxerit.

Notare hic convenit, quod cachexia, quae neque ab externâ causâ, neque a læsione alicujus visceris, vel regionis naturalis, vel spiritualis originem ducit, necessariorum a substantia medullari cerebri vitiatâ movetur, cujus signa sunt: Aridus totius corporis habitus, præceps, & inexpectata macies, pulsus parum a naturali statu recedens, artuum contractio, & abbreviatio, aspectus mutatio; acutus calor, falsa fames, excrementorum copia, & huiusmodi cachexia facillime in phthisin degenerat.

Phthisis signa sunt extrema macies, cutis squalor, calor acutus, & exurens, infirmo non sensibilis, pulsus frequens, & durus, spirandi difficultas, tussis profunda, purulentæ materiae excreatio cruori commissa, vigilia, anxietas, ciborum desiderium, frequens diarrhoea, cui mors imminet.

Hoc est signum omnibus dictis tribus marasmi speciebus, malus habitus, qui in deteriore semper abit, depravatio motuum pulsus absque sensibili accensione, vel declinatione symptomatum, exacerbatio post prandium, & cenam.

Pathognomonicum, & proprium signum est marasmi a lue Venereæ fermento procedentis, symptomatum exacerbatio circa vespertas usque ad mediam noctem, ex proprietate ejusdem fermenti Venerei, quod in illis horis suos excitat furores.

Præterea, cum dictæ marasmi species; a læsione substantiae cujuscumque principalis membri originem ducere possint, ut jam prædictum est, unumquodque ipsorum membrorum læsum propria, & pathognomonica signa in suo marasmo patefacit.

Unde primò a ventriculo producti marasmi signa sunt, durities, & tensio in situ orificii superioris ipsius ventriculi, tussis tenax cum excreatione tenacis pituitæ, per intervalla spirandi difficultas pulsus frequens, & inæqualis, extremorum tactus tepidus, & ad frigiditatem potius inclinans.

Intestinatorum marasmi signa sunt, durities circa mesenterium assidua diarrhoea cum cruenta, & mucosa excretionem.

Lienis marasmi signa sunt, scorbuticæ affectiones, scilicet anhelitus foetor, marcidus cruor e gingivis effluens, excretio cruentæ materiae, ipsius lienis durities.

ties, ulcera fœtida in cruribus, urina pauca, rubra, & quæ statim corrumpitur.

Marasmi hepatici signa erunt, fœdus color totius cutis, ejusdem hepatis tumor, & durities, mesenterii omnimoda exsiccatio, diarrhœa cruenta, & continua sitis, calor acutus.

Renum marasmi signa sunt, anhelitus nidorøsus, corporis macies, urina purulenta, putrida, & pessimè olens, calor acutus, sitis, & à cibo febris incrementum.

Pulmonis marasmi signa sunt, tussis perennis, purulenta excreatio; spirandi difficultas, vocis rauco, sanguinis arterialis excretio, genarum rubor, calor acutus, pulsus frequens, tenuis & durus.

Cordis marasmi signa sunt calor exurens, pulsus frequentissimus, & parvus, labiorum rubor, anxietas, & circa costas ejusdem cordis inæqualis pulsatio, quibus reliqua, quæ de pulmone diximus, succedunt, ac tandem mors.

Cerebri marasmi signa sunt, repentina totius corporis macies, cui nulla præcesserit tussis, nulla spirandi difficultas, nullus vehemens calor, & nulla pulsus depravatio: sed hæc omnia illam subsequuntur usque ad phthisis productionem, & hæc sunt signa marasmi comitantia, quæ certum præstant argumentum membri principalis læsi marasmi producentis primò, & per se; nam reliqua membra deinde per accidens concurrunt, unumquodque pro sui muneris functione per accidens læsa.

Marasmi verò, qui ab externâ causâ ducunt originem, uti sunt illi, qui ab ulcere malè curato, & à lue Venereâ producuntur, præter communia specialia signa, & propria non habent, nisi ulcera cachœtica, & fermenti Venerei indubitabilem diffusionem, adeò sunt in aperto, ut de iis dubitari non possit, & ratio est, quia in marasmo tam ex ulcere, quàm ex Venereâ lue proveniente, membra principalia non per se, sed per accidens sunt læsa: nam liquores corporis à dictis causis externis contaminati, dum ad principalia membra accedunt, necessariò illa inficiunt, ac illorum unumquodque in sui muneris functione depravatur; hinc confusa oriuntur signa, & non minùs unius membri læsi; quàm aliorum præstant argumenta: fieri tamen potest, ut cum principalia membra roboris equalitate non gaudeant, eorum imbecillimum faciliùs recipit vitiatorum liquorum affluxum, & reliqua in illud jam debile factum se exonerant, quòd cum illi tolerabile non sit, ejus substantiæ læsionem faciliùs contrahere potest, atque tunc licèt vitium ab externâ causâ productum, efficacibus remediis curetur, marasmus tamen non cessat, nam à læsione substantiæ membra postea ab externâ causâ contaminata foveantur.

Cap. 4. De Indicatione curativâ Tabis in genere.

Indicatio curativa tabescentium corporum nullo modo à malo habitu contracto desumenda est, ut verbi gratiâ à macie, ut pinguis habitus producat, & à fœdo cutis colore, ut floridus fiat: ab exorbitante calore; ut ad temperiem reducat, & à similibus, quo modo Medicorum vulgus hodiè tabidorum curationem aggreditur, nam prædicta sunt effectus, & symptomata potioris causæ, à qua pullulant, tanquam à radice. Ridiculus sanè est Medicus, qui tabescentem pinguem reddere conatur, nisi tabis causam priùs evellat, imò tantùm abest, ut cibus optimi, & plurimi detrimenti in tabescentis corpore in bonum cedat, ut corruptioni, plusquam alii obnoxius maximum afferat detrimentum. Erit ergò indicatio curativa omnium marasmodum purificatio liquorum partes solidas corporis itrorantium cum correctione vitii eos contaminantis, sive in sub-

stantiis membrorum principalium sit impressum, sive à causâ externâ originem ducat; Verùm enim verò cum liquores corporis purificationem admittere non possint, usque dum contaminans illos vitium subsistit, & contrà correcto vitio, faciliè sit ipsi naturæ liquorum purificationem moliri, cardo durationis marasmodum omnium in correctione vitii in substantiis membrorum principalium contracti, vel ab externâ causâ exorti prorsus innititur: quippe vitio correcto, liquores etiam corriguntur, utque paulatim in bonum habitum corpus adducunt absque medicamento, vel cibi speciali exhibitione, sed communis, & ordinarii.

Est adeptorum Medicorum sententia dari non posse medicamentum, quod membra principalia essentialiter læsa ad pristinum restituere possit, nisi indolem habeat universalem, scilicet ut sit tantæ subtilitatis, perfectionis, & temperiei, ut ipsi naturæ ob symbolum conjungi possit, & membris reddere, quod illis deficit, vel auferre id quod illis præter naturam est additum: cumque ad tale medicamentum obtinendum summa industria, & artificium requiratur, specifica quædam trademus medicamenta quæ instaurationem principalium viscerum summo perè promovent, & marasmo ab ipsis proveniente succurrunt.

Igitur si in tabidum incideris, qui signa tabis ventriculi suprâ notata præ se ferat, sitque auxilii capax, vomitu primò illum levabis hoc modo:

℞. Salis vitrioli ℥. ij. fiat pulvis: qui in conservâ florum boraginis inclusus exhibeatur, & immediatè post jusculi gallinacei ℥. iij. superbibendum præbe. Verùm hoc emeticum non est tutum ob indolem suffocantem.

Si validæ constant infirmi vires:

℞. Merc. vitæ opt. præp. gr. iv. infundantur per noctem in Vini græci ℥. ij. manè vinum separetur à pulveribus, & infirmo exhibeatur. Præstat tamen *Hippocras Emeticum nostrum in Trutinâ* descriptum.

Post vomitum *vitriolò Martis* usque per 40. dies prosequatur curationem, ejus dosi erit gr. vj. quæ augeatur paulatim usque ad gr. xv. manè jejuno stomacho. Verùm vitrioli Martis usum repudiavimus in *nostrâ Trutinâ*, præstat *tinctura Martis* à nobis descripta in *Martis julepo*, vel *idem julepus*: & quolibet etiam die exhibe *elixiris proprietatis* ℥. ij. vel *elixiris Helmontii stomachici* tantundem, duabus horis ante prandium, totidemque antecedit *syr. de corticibus citri*. Cibus sit paucus, facilis coctionis, & qui corrumpi non possit. Si opus fuerit vomitus repetatur, à solutivis abhorre.

Verùm si signa tabis intestinorum tibi occurrant, à vomitivis, & solutivis abstinebis, curationemque institues cum sero lactis caprini:

℞. Sero lactis ℔. ij. syr. viol. ℥. ij. m. & infirmo exhibe, quod si serum per alvum reddatur, per 20. dies ejus usum prosequere, nam curationem integram complebit; nisi serum per alvum reddatur: post secundam vicem ab eo abstine, & per 40. dies sequentibus utere pilulis:

℞. Myrrha opt. ℥. j. aloës ℥. ij. fiat pulvis utriusque, & cum terebinthinâ Venetâ reduc. in massam, pro quibus dosi à ℥. ij. ad iij. quolibet manè.

Si tabes à liene, sive scorbuti signa se manifestaverint, deobstruentibus, & diureticis curatio tentanda est;

℞. Sero lactis caprini ℔. j. b. ferveat in igne, & dum fervere incipit, insice sena orient. ℥. b. cinnam. contusi ℥. ij. vâs illicò cooperiatur, & auferatur ab igne, frigefactum serum coletur, & infirmo exhibeatur per quatuor dies eadem dosi. Hoc levissimo purgante corpus à crassis humoribus liberetur, tunc.

℞. Vitrioli Martis, salis absinthii, tartari vitriolati ana ℥. j. in pulverem redacta misceantur: hujus mixturæ.

℞. ℞. j. infirmo exhibe quolibet manè per 40. dies.

Si lien durus, & turgidus apparuerit, tribus continuis diebus illum sequenti cataplasmate dissolve:

℞. Farina hordei ℥. iv. verbenæ contusæ m. iij. misce cum albumine ovi, & fiat cataplasma, quod turgido lieni ponatur, nam resudabit extra cutem cruenta lienis sanies. Verùm hoc cataplasma maximam continet imposturam. Corroborabis demum lienis substantiam hac inunctione.

℞. Olei laterini q. s. cum quo quolibet manè per 30. dies lienis locum inunge, & hæc est omnium affectionum lienis efficacissima curatio, ita ut obstinatas etiam vincat quartanas.

Scirrhum etiam hepar suam affert tabem cum propriis signis, ut suprâ, quam diarrhœa cruenta semper comitatur, hanc tabem hepatis tutò curabis feto caprino absque ullâ additione, nisi solius syrapi violarum.

℞. Seri lactis ℔. iij. syr. viol. ℥. ij. Exhibe per xv. dies quolibet mane, nec te exterreat cruentus fluxus à seri usu, fluxus caussam quippe abstergit cum partium integrâ mundificatione. Post seri ulum liquore absynthii per mensem hepatis substantiam roborabis, quem ita parabis:

℞. Absynthii fol. & summitates, quæ contundantur crasso modo, injiciantur in vas vitreum amplum absque ullâ additione, quod optimè obstruatur, ne exhalet, & bulliat in M. B. per 24. horas, perfrigeretur tunc vas, & aperiatur, liquoremque pretiosum absynthii à foliis separatim remove, leni foliorum expressione, & serva, cujus liquoris recipe ℥. ij. & infirmo exhibe in vini albi generosi ℥. ij. per mensis spatium. Intercâ hepatis regionem unguento ex santalis fovebis.

Corroboranda demum est hepatis substantia rhabarbari essentiâ, quam ita parabis:

℞. Rhabarbari opt. ℥. j. fiat pulvis, cui in vase vitreo affunde Spiritus vini ardentis ℔. β. sine, ut simul maneant per 12. dies, post quos spiritum vini intensè coloratum à rhabarbaro separa per inclinationem. Spiritum hunc tinctum retorta vitrea inde, & lenissimo colore fac, ut vini spiritus pro tertiâ parte distilletur. Quod remanet in retortâ, serva, est rhabarbari genuina tinctura, quæ balsamum est hepatis. Dosis ejus est unius scrupuli quolibet die per mensem.

At si marasimum ex pulmone signa affirmaverint, & tussis assidua, & spirandi difficultas vigilem faciat, ægroto somnum pro quiete tussis cynoglossæ usu concilia,

℞. Pilul. de cynogloss. gr. xii. & infirmo exhibe post cœnam quartò quolibet die. Verùm si ex sanguinis ejectione periculum imminet, sequenti utere arcano, quod nunquam te deseret in sanguinis ex pulmone dejectione:

℞. Ranas palustres integras, uti sunt, atque viventes in calidissimum furnum in vase positas immitte, ibique exsiccantur, usque dum in pulverem redigi possint, fiat earum pulvis, cujus infirmo exhibe ℥. j. in Syr. de papavere: cessabit illicò sanguinis ejectio, induciturque lacerato vasi cicatrix, ita ut novâ laceratione opus sit ad novi sanguinis ejectionem. Pulmonem deinde elixire proprietatis roboras.

℞. Elixiris proprietatis distill. ℥. β. Syr. de papavere ℥. jβ. m. Hæc dosis per 24. horas ægro sufficiat per vices admodum lambitivi.

Petrus Poterius lib. 2. Pharmocop. cap. 9. Anti-hecticum mirabile describit ex alumine, quod nos multoties proficuum experti sumus, & multos ægrotos ex faucibus orci eripuimus, præstat igitur in proximi utililitatem, & tyronum Gratiam illud describere, ut

℞. Aluminis rupei q. v. solve in aqua pluviali, coque in alembico, donec spumam exhibeat, spuma cum cochleari ligneo separanda, rursus coque, & inter coctio-

nem adde aceti destillati, tunc alumen deponit vitriolum suum in superficiem instar spumæ cerulea, quæ rejicienda, filtra solutum, & despumatum alumen infunde in vas ligneum, ut crystallifetur. ℞. purificati hujus aluminis lib. jβ. destilla in alembico phlegma leni igne ad siccitatem, cavendo, ne spiritus ascendant, sed ut alumen saltem terra alba fiat, quam impræгна proprio phlegmate, & cohoba. Inde sumatur caput mortuum tartari, ex quo omne sal com. tartari, fuit extractum, hoc in crucibulo reverbera aperto igne per mediam horam, ut fiat terra porosa absque omni salino sapore. Hanc terram tartaream philosophicam inde filtro chartaceo, rursus suprâ terram aliam pone chartam bibulam, in quam aluminosam terram proprio phlegmate solutam filtra, sic acida terra aluminis attrahitur ab igne à terrâ filteri, & saltem dulcis terra transit filterum cum proprio phlegmate, quam rursus coagula per destillationem abstrahendo phlegma, repete solutionem hujus cum proprio phlegmate, & filtrationem per terram tartari rursus clotam, & tertiâ vice reverberatam. Sic alumen deponit per præcipitationem à phlegmate omnem terram adstringentem; & crystallifatur primum ens aluminis in frigore instar sacchari.

Aliud Anti-hecticum magnarum virium, & multis aliis morbis proficuum describit Poterius, quod nihil aliud est, quam regulus antimonii, & Jovis compositus, cum triplo nitri perfectè fixatus.

Porrò si tabes ex corde tibi signa apparuerint, potius mortis prædictionem, quàm salutem ex medicamentis proponere poteris, incipienti tibi ex orde lac perlarum mederi tantum poterit, quod absque industriâ & artificio haberi non potest, aliquod tamen perlæ promittunt, si aceto stillatio solvantur, oleo tartari præcipitentur, à sale abluantur, & residuus earum pulvis per 60. dies infirmo exhibeatur quolibet mane pondere unius scrupuli. Multum enim præstat tabidis ex corde cinis cancerorum fluvialium loco, & tempore hauustus pondere ℥. β. Demum liquore ex cornu cervino tanquam magno remedio in ex corde utere, quem ita parabis:

℞. Limatura corn. cervi ℥. j. bull. in aqua com. ℔. jβ. ad duarum partium aquæ consumptionem, quod remanet aqua à limaturâ separa & serva, cujus aquæ Recipe ℥. j. magist. perlarum supra descripti ℞. j. ægro propina per 40. dies.

Hanc etiam curationem adhibere poteris tibi ex cerebro, quæ unquam fieri invenitur auxiliis capax: & hæc de curatione marasimorum, qui ex lésione substantiæ principalium membrorum ducunt originem.

Verùm si ab externâ causâ corporis liquores contagium susceperint, ac propterea tabidum produxerit habitum, prudenti Medico ut plurimum salutis spem reliquant; ac primò si ex ulcere ab externâ causâ producto tabes aliquem invasit, hoc modo illum curabis.

Solutiva sunt fugienda, ut etiam vomitum cientia, corpus si opus fuerit aloë, vel rhabarbaro tantum leniendum, deinde tota spes in vulnerariis reponenda, inter quæ hoc quod tradimus, efficacissimum experti sumus.

℞. Limatura eboris, cornu cervi, ligni guajaci ana ℥ij. ponantur in pipatellâ, deinde recipe betonica, sampsiuci. santal. rubr. rosar. incomplet. ana ℥. jβ. aqua fontis. lib. j. β. Ponantur hæc omnia simul cum pipatellâ in vas vitreum altum, quod optimè obstrue, ne exhalet, & bulliant in M. B. per quatuor horas, sine deinde, ut omnia frigida fiant, ac à pulveribus, & pipatellâ decoctum exprime, cujus Recipe ℥. v. infirmo exhibe mane, & vesperti duabus horis ante cibum, quo vulnerario utere per 40. dies; nam paulatim eger bonum habitum adipiscetur cum ulceris curatione.

Subdemus hîc jura consumpta ex viperis, quæ tabidos ex quavis causâ summooperè instaurant, ac

precipue ex quavis causâ summoperè instaurant ac precipue ex causâ externâ, vires enim ita sublevant, ut infirmo difficile non sit medicamentis validioribus uti, quæ alioquin tolerare non posset.

℞. *Viperas* ij. à senectâ denudatas, abscissis capitibus, & caudis, minutissimè contere, ac in vitrum amplum injice, quibus adde vini generosi ℥. j. aqua Card. bened. ℥. ℞. santal. rub. cinnam. contus. ana. ℥. j. Vas optimè claude, & bulliat in MB. trium horarum spatium. Post refrigerationem vasis fiat juris expressio, quod propinetur infirmo bis in die per 40 dies, nam magni hujus remedii effectus admiramini.

Nunc pro hujus Tractatus complemento curationem marasmi à contagio luis Venereæ exorti quam proposuimus, instituemus, ac promittimus sequentium remedium rectâ administratione semper tabis ex lue Venereâ curationem assequi posse, dummodò ab ipsius luis virulentia substantia alicujus membri principalis non sit læsa, vel vas aliquod conspicuum sanguinem continens corrosum, adaperitumvè sit: his enim impressionibus à lue Venereâ factis, certa promitti non potest marasmi curatio, cum licet contagium Venereum ex integro eradicare valeamus, vasorum corrosiōnem, & substantiarum læsionem restituere, promittere non licet.

Tabem ex Venereo fermento productam vulgares tentare curant juribus consumptis, quæ *Ludovicus Sep-talius animadvers. lib. 7. num. 214.* proponit, ut

℞. *Sals. parill. minutim incis. ℥. vj. infundantur* horis 24. in aqua calida lib. xv. in loco calido vase clauso. Deinde bulli. lento igne ad consumptionem tertiæ partis. Hinc cochleari perforato extrahatur salsa parilla, & contundatur in mortario. Contusa eidem aqua injiciatur, addendò carnis vitulina macra lib. ij. sem. coriand. præp. ℥. j. & vase aperto iterum lento igne bulliant, donec remaneant liq. V. & in fine aromatizentur. cinnam. elect. ℥. iij.

Hinc fiat colatura cum forti expressione, quæ usui servetur in vase vitreo, vel vitreato. De qua æger manè horis quatuor ante cibum capiat ℥. vj. vesperi autem horis tribus ante cœnam ℥. iv. vel v. Quod si æstas sit, aut si conjuncta febris hectica, addit hordei excorticati unc. iv. atque in usu medicamenti plurimis diebus perseverat, quandoque etiam ad centesimum usque diem.

Si tabes his juribus non cesserit, tanquam ad sacram anchoram recursum habent ad lactis asinini exhibitionem, inito tamen prius consilio: Asina debet esse nigra, & omni manè pexa, eam in otio degere sinunt, nutriuntque herbis refrigerantibus admistâ ligni guajacis fœbe, & salsâ parillâ minutim incisâ. Verum hæc vulgarium præsidia pro tollendâ tabe Venereâ insufficientia sunt experta, nec ipsum tollere sunt idonea.

Itaque tabis Venereæ curationem ita instituimus: Corpus leniter purgandum hoc modo:

℞. *Pilul. de tribus* ℞. j. merc. dulc. gr. x. m. Exhibe ante cœnam. Deinde decoctum vulnerarium paulò suprâ descriptum bis in die infirmo propina, cui adde elixiris proprietatis destillat. ℥. ij. optimumque erit, si simul cum pulveribus vulnerariis carnem duarum viperarum commisceatis; nam vis vulneraria additione viperarum summoperè augetur. Hoc vulnerarium cum viperis per decem dies ægroto exhibe absque ullo alio medicamento, ut vires restaurentur, & natura sublevetur. Vel si tabidi vires fuerint fractæ, sequentibus juribus consumptis reparentur:

℞. *Salsa parilla minutim incisa* ℥. ij. ℞. *rasura eboris, limatura corn. cervi, santal. rubr. ana.* ℥. j. Infundantur per 12. horas in loco calido in aqua communis unc. ix. Deinde injiciatur pullus deplumatus, exenteratus, & in frustra dissectus, cinnamomi acuti ℥. j. salis communis ad gratum saponem q. s. Operi vas, ne quid exhale, & bullias leniter per tres horas, post-

modum refrigerato vase, fiat lenis expressio, & pro Cœnâ ad plures dies ægro propina. Restauratis viribus, infirmum ad cinnabaris suffumigia disponetis eo modo, quo supra tradidimus, adhibitis omnibus circumstantiis, quas ibidem adnotavimus. Dosis cinnabaris ℥. j. pondus non excedat, & non quolibet die sed alternis diebus suffumigationem adhibere ac pro ægri viribus. Si in remedii cursu diarrhœa cruenta, vel grumefactum sanguinem per os infirmus ejiciat sine vomitu, & tussi, non solum aliquid mali timere non debetis, sed proximam curationem expectare, si æger præscriptam servabit regulam, infra duorum mensium spatium non solum bonum acquireret habitum, sed præter modum pinguescet.

Verum nec medicamentum secundum, aut quicquam simile viget aquæ nostræ Anti-Venereæ, nec ipse Mercurius sive in suffumigiorum, sive inunctionis formâ, tam exaltatus, quam præcipitatus in rabidâ Venere persanandâ est comparandus; hæc enim tam mitis, tuta & jucunda est, ut nunquam aliquem læserit, omnesque sanarit, & id nos jurejurando affirmare possumus.

Denique *Arcanum Metallicum* patefaciemus, quod omnes luis Venerei species curat, ac precipue tabem restitutione læsionis substantiæ membrorum principalium, hoc tantum remedio obtinere poteris, si illa sit remedii capax: fixum est hoc remedium, ac cum cibo assumitur, nullam causat sensilem evacuationem, & indolem habet universalem, ejus preparatio exercitatum requirit spagyricum, & talis est:

℞. *Merc. ter aqua forti semper recenti, & quolibet vice ad rubedinem præcipitati* unc. j. ℞. *butyri antimonii* unc. j. Ea simul urinali vitreo conjunge, & adde aquæ regis unc. iv. urinali supponatur cooperculum cum suo rostro, aquam regis lento igne à mercuriis destilla, quam iterum deinde super ipsos mercurios repete quinquies; in fine destillationis augendo parum ignis gradus, post quintam aquæ regie cohobationem remanebunt in fundo urinalis ambo mercurii fixi, qui fusionis ignem sustinebunt reduc materiâ in pulverem, ac retortâ vitreâ injice, addendo.

Spiritus vini ardentis unc. iv. quem lento igne à pulvere destillabis, deinde eandem quantitatem recentis spiritus vini injice, & eodem modo destillabis, & hoc duodecies repetes; nam pulvis remanebit dulcis, ut mel, nullam acridinem præse ferens, estque mercurius diaphoreticus, vi sulphuris antimonialis ad summam perfectionem eveltus. Dosis est granorum iij. usque ad vj. cum cibo prandii, vel cœnæ, nullam promovet sensibilem evacuationem, ac triginta dierum usu omnem curabilem tabem radicitus curat absque metu recidivæ. Si hoc arcanum aliis applicaveris morbis, usus te plura docebit.

Cap. 5. De Præservatione à Lue Venereâ.

ESset hîc pro coronide de Luis Venereæ præservatione agendum, quia multum gloriosius esset hanc luem præcavere, quam eandem curare; siquidem postquam homo hac fuerit conspurcatus, non nisi post multum tempus, improbo cum labore, & gravissimis incommodis ab hac dirâ eripitur lue, omni proinde nixu movendus esset hic lapis ponderosissimus: Verum enim verò tutâ conscientia ista antidota doceri non posse credimus, quæ tot homines ad libidinem liberius accenderent, quos ab eâ forsan morbi metus avertere poterat. Eapropter multi monent. authores (& revera est efficacissimum præsidium,) - ut Veneris palæstra omninò vitetur, quia sic evitantur pericula: sanum sanè consilium, quod

quod nemo, vel saltem unus observabit, cum caro fragilis, & infirma ad carnem semper anhelet, quod circa esset tollere, non solvere, quod quaeritur, ac proinde non desuere scelesti authores, qui hæc describunt antidota, quibus tanquam clypeo muniti ganeones confidunt se posse meretrices maximè infectas penetrare, omnesque ganeas libere peragrarè. Hujus farinae authores fuere *Hercules Saxonia, Aurelius, Minadoius, Eustachius Rudius, Julius Palmarius*, & præceteris *Gabriel Fallopius*, qui de luis Venereæ præservatione cap. 89. tractat scribitque. *Ego nihil fecisse videor, nisi doceam vos, quomodo quis videns pulchram Sirenem, & coiens cum eâ, etiam infectâ à carie, & lue Gallicâ præservetur.* Paulò infra proponens antidotum inquit: *Ego feci experimentum in centum, & mille hominibus, & Deum testor immortalem nullum eorum infectum fuisse.*

Pro luis præservatione his utuntur medicamentis authores, imprimis mulier, cum qua Venus exercenda sit, num infecta, investigandum, quod cognoscitur ex superioribus propositis signis, quæ cum dubia ut plurimum sint, & coeuntes non sunt semper Medici, idè ad alia confugiendum magis veridica, vel aliorum sectanda sententia; nam videndum, an madida, & humecta sint, vel tumida muliebria, an aliqua sordities in eadem parte resideat, an dolor, & ardor in, & post coitum, vel lancinatio intra urethram persentiat, tunc enim clara sunt luis vestigia, ac proinde pluries fortiter emungendus est priapus, ut seminis reliquie propellantur, & abstergendus erit subuculâ, mox emittenda est urina, qua pluries abluendus, vel vini efficacior erit ablutio, præcipue si in eo fuerint *incocta myrti folia; rosa rubra, alumen, absynthium, aristolochia, limatura guajaci ad ana.*

Fallepius tanquam præsentaneum suum extollit Antidotum, quod ita paratur.

℞. Radices gentiana, aristolochia longa, rotunda, dictamni albi ana ʒ. ij. pulverem santali albi, rubri, ligni aloës ana ʒ. ij. pulv. corall. rubr. spodii ex ebo-re. Corn. Cervi ust. ana ʒ. ʒ. fol. scordii, sonchi, betonica, scabiosa, tormentilla ana m. j. rosarum m. j. ʒ. scobis guajaci ʒ. ij. squama aris ʒ. ij. ʒ. præcipitari præp. ʒ. j. ʒ. vini malvatici opt. potentis lb. ʒ. aqua sonchi, scabiosa lb. ʒ. ij. Assumitur vinum, & aqua, & in his infunditur scobs guajaci per 24. horas, deinde adduntur reliqua omnia, & bulliunt simul ad consumptionem medietatis, deinde colatur decoctum. & exprimuntur medicamenta ista diligentissimè, in hoc decocto perturbato maceratur per noctem pannus lineus purissimus, deinde siccatur in umbrâ, & hoc fit tribus vicibus, ter enim maceramus, ter etiam siccamus. Postea paramus frusta ad proportionem glandis, & semper habeantur in marsupio. Quoties ergo quis coiverit, abluat pudendum, vel panno detergat, postea habeat linteolum ad mensuram propriæ glandis paratum, quo post coitum obvolvatur glans, & præputium recurat, horâ transactâ, novâ linteoli portione obvolvatur, primâ rejectâ, & sic repetatur quater, vel quinquies.

Si timetis, ne caries oriatur in medio canali, habeatis ejusdem linteoli portionem in modum turundæ, si-ve penicilli, & in glandis foramen injicite, eodem modo repetendo; ejus namque beneficio, si contracta fuerit virulenta materia, facillè extrahitur.

Verùm si prius in pudendo sentiat, expertum medicamen est illud suffumigare suffitu ex cinnabari, & thure ana.

Opportunum quoque nonnulli censent glandem fovere spongiâ madefactâ in guajaci decoctione in æqualibus partibus vini, & aceti factâ. Valere quoque credunt hanc decoctionem, ut

Ligni guajaci limati ʒ. v. infundantur in aqua font. lb. ix. per 24. horas, deinde bulliant lento igne ad con-

Bibl. Chirurg. Tom III.

sumptionem tertia partis, addendo radic. cucumeris agre-stis, malvarum, althææ ana ʒ. j. Radices contundantur, & fiat ebullitio ad medietatem, qua colaturâ abluantur pudenda & foveantur linteis in eadem madefactis.

Quo facto, si adhuc dubitet scortator de aliquo contagio, jubent assumendos syrupos ligni guajaci, pro quo:

℞. Lign. sanct. limat. ʒ. x. infundantur in aqua font. lib. xii. per 24. horas in vase benè clauso super calidos cineres, deinde bulliant in Balneo vaporoso ad medietatis consumptionem, ex qua colaturâ cum sacch. f. syr. Dosis unc. j. vel ʒss. manè sub aurorâ ad plures dies.

Ad majorem præcautionem ulteriùs laudant, ut ante coitum abluantur genitalia roborante & adstringenti aliquâ decoctione, cujus vis resistat Lui, siqua timeatur, ut

℞. Cortic. myrobolan ʒ. j. nucum cupressi. num. xv. ros. rubr. p. ij. absynth. pontici m. ij. gallar. granat. myrtill. & semin. sumach. ana unc. j. Contundantur, & macerentur omnia in vino rubro, deinde destillentur per alembicum, de quo liquore fiat ablutio ante coitum.

Iisdem præsidiiis utuntur mulieres, quas in marium gratiam tantum præservari convenit, nam ex alio capite nullâ essent pietate dignæ, cum ab ipsis omne malum originem ducat; sollicitæ idcirco multum esse debent, ut à coitu muliebria emundent, & receptum semen infectionis suspectum illicò expurgent lotionibus, & artificiiis propositis, postmodum panno lineo frequenter exsiccando. Verùm ante coitum mulieres non statim se comprimere faciant, scortatoribus inter oscula, & tactus blandiantur, & blanditias, arripiant penem, illumque emungant pluries propter gonorrhææ metum (solent gonorrhæâ laborantes ante coitum prius mingere, ne saniosus conspiciatur fluxus), recurat præputium ut glans cum coronâ observetur, inspiciant interim inguina, ut cum securitate futuri possint, cæterum castæ Penelopes, hanc diligentiam adhibere non possunt; ne estimationi sibi detrahant, nec scortatores ob hanc æstimationem earum pudenda observare audent, unde statim decumbunt, & pallam ad genus usque sublevant, idèque facillè inficiunt, & inficiuntur. Mulieres verò meritorie, quia his observationibus incumbunt rarò hac dirâ corripuntur Lue.

Verùm decipiuntur, & decipiunt vulgares, credentes hanc Luem in occultâ qualitate consistere, & in hepate sibi præfigere thronum, postmodumque in externis partibus linteolis, suffitu, lotionibusque illam præcavere. Sunt hæc medicamenta vanida, valida lenocinia, ac irritamenta malorum, licet hæc Lues per minima corpuscula saniosa communicetur, quæ si abstergantur, extrahantur, dissipentur, hanc avertere possunt, tamen nec fomitem in externis pudendorum partibus abstergere queunt, quia nullam vim anti-Veneream habent, nec internas à conceptâ Lue eripiunt partes, cum contagium corpus per porositates permeet. Eapropter ablutiones, quæ solum externas attingunt partes, & alia medicamenta extraposa certam præcautionem, & incolumitatem minimè polliceri possunt ac proinde his non valdè fidendum. Præterea non solum per pudenda in coitu, verùm per os, papillas, podicem, omnesque partes perfectâ cutè carentes hæc dira Lues cum contrahi possit, arduum nimis erit illam præcavere, cum non omnibus occurrere possimus partibus, & ignoremus, quænam primò illam contraxerint.

Habemus nos nobile, & expertum antidotum ad Luis Venereæ præcautionem, quo si quis, postquam cum infectâ coierit, utatur, facillè à pustulis, cariebus, ulceribus, gonorrhæâ & bubone præcavetur, illudque sparsim communicavimus; nolumus tamen locum, ubi extet, cuique digito demonstrare, sed emundationibus feligendum relinquimus, ne hujusmodi remedium tantummodò in abusum trahatur, & citò scortatio-

rationem repetant, ac nos libidinum fautores videamur. Unum tantummodò hîc tutissimum & infallibile docuimus antidotum, quo, qui usi sunt, nunquam hac correpti fuere Lue, quod est à scortis abstinere, & perpetuò præ oculis habere, quòd justus Deus scortatores castigabit, qui etiam in hac vitâ isto fœdissimo morbo eos afficere solet.

Sed jam ad calcem pervenimus eorum, quæ nobis hoc præsentî Tractatû scribere atque posteritati tradere instituimus; Itaque manum de tabulâ moveamus, ipsa monet res. Certè scripsimus hæc non inviti, qualiacumque essent, namque cùm ferè omnes oras pertraverit dira Lues, miserèque hominum genus afflicta verit, haud fuit difficile ad hæc edenda animum inducere, firmiterque nobis videri omnibus accepta fore, quæ aliorum commodo insudavimus, atque votis expetere, & undequaque conquirere ea, undè aliqua salus speretur; Itaque præter expectationem non erunt, quæ nobis ab initio hujus operis fuere proposita.

GUALTHERI HARRIS, M. D.
Celeberrimi Medicorum Londinensium
Collegii, Socii.

D E

LUË VENEREA Ejusque *Origine, Natura & Curatione, DISSERTATIO.*

Hic morbus tam gravis & acerbus est; tam latè serpit, & perniciem suam undique spargit; tantis cruciatibus miseros plerumque opprimit; & pristina fanitas tam difficulter restituitur, ut ab annectendo quædam eò spectantia non potuerim prorsus abstinere. Primordia hujus mali quæ pudendis solis labem iniungunt, contemptui & ludicro habeant, si ita placet, ganeones & Belli nostri, & petulantibus facetiis, tanquam nugas & crepundia, ea excipiant; sed quandoque aut prima illa inquinamenta aut succedentia, in sanguinem denuò transferentur, atque per totum corpus virus distribuetur; pænas insipientiæ debitas illi abundè persolvent.

De Origine hujus morbi ambigitur, an ab omni ævo, post homines natos, extiterit; an superiori ferè sæculo in *Europam* ex *Indiâ* Occidentali fuerit advecta. Multa sunt testimonia, aut saltem suspiciones non contemnendæ, de antiquitate hujus Luis, quam tot ferè Regna non ita pridem contrà ejus Natales probrosos decertarunt, alterum in alterum illud opprobrium rejiciens, quot urbes olim *Homerum* sibi gloriòse vendicarunt. Certè nomen ejus legitimum usque ad nostrâ hæc sæcula in tenebris latuit. Nec forma & figura hujus Monstri à prioribus Medicis satis clarè & distinctè sunt descripta, neque ante novam suam denominationem nisi confusè admodum cognita. Hoc autem proculdubio scimus, plurima olim apud nos Nosocomia leprosis recipiendis fuisse extructa; & multum fallor, si unica & singularis domus apud nos etiamnum maneat, Leprosi vulgò recipiendis peculiariter dicata. Porro Venerei contagii eadem semper causa tyrannidem exercuit, nempe vaga & promiscua scortatio; nullisque sæculis defuerunt meretrices infames, quæ corpore prostituto vilem quæstum facerent: *posita verò causa ponitur etiam effectus, quemadmodum & sublatâ semper tollitur.* Quibuscumque enim in regionibus, quibuscumque demum locis prostibulæ istæ, ac corruptelæ juventutis vulgares prorsus exulant; legumque asperitas scortationem omnem coercet, deest etiam unâ cum impuris scortis Lues hæc Venerea. Ubicunque verò

lupanaria palam permittuntur, remisso Magistratu aut dissimulante; vel ubicunque meretriculæ latebras aliquas fœdas securè nanciscuntur; eadem Lues cum horridâ malorum turbâ, cumque omni suo miseriarum famulitio, longè latèque dominatur. Atque, ut mihi quidem videtur in utero impuro meretricum vulgarium, quæ plurimis viris, quantumlibet sanis, sese prostant & commiscant, certò & naturaliter progignitur Lues, perindè atque in nido ex ovis nascuntur volucres. Et quoniam *corruptio optimi est omnium* semper pessima, cur non ex feminis prolifici, & in tantos naturæ usus destinati, corruptione pravâ & incongruâ venenata illa Lues possit *Phormios* propagari? Et nullus dubito, paucissimos uspiam esse scortatores, qui, quantumvis pænas meritas aliquamdiu effugerint, non seriùs aut citiùs in laqueos illos inciderint, qui non turpi & funesto illo veneno fuerint tandem aliquando contaminati.

Sanè Lues hæc perniciofa est Supremi Judicis tremendum quoddam flagellum, instar ensis illius stricti capitis Damoclis inter epulandum impendentis, omnibus scortatoribus semper interminans, quod sapientes ab impuris amplexibus facillè deterrebit; quod insipientes severissimis flagris aliquando cædet. Quis enim mulierosus certus esse potest, meretriculam qualemcunque sibi uni, ut videtur stipendia facientem, non aliis pluribus fuisse priùs aut denuò obnoxiam venero inquinamento, utcunque ista mendaciis suis, perjuriisque usitatis, pudorem aliquem comminiscatur?

Neapolitanus hic morbus vulgò nuncupatus est, & ab obsidione *Neapolitanâ* primùm ejus contagium originem traxisse ut plurimum creditur, anno scilicet post *Christum* millesimo, quadringentesimo nonagesimo tertio; cùm *Neapolim* castris suis circumdaret *Carolus* octavus, Gallorum Rex. Sed cùm rumorum popularium tanta sit incertitudo, ut sapientes vix quicquam pro certo pronuncient, quod non manifestis & sibi notis testimoniis confirmatur; cùm aliorum morborum primus exortus in tenebris æquè permaneat; cùm ita constitutum sit rebus humanis, ut in singulis sæculis quædam continuò pereant, oblivioni tradantur, alia quædam rursùm emergant & suscitentur; cùm virus Venereum in omnes ferè regiones totius orbis quantum nobis innotescit, ab oriente ad occidentem, à septentrione ad meridiem, jam diu spargatur, & usquequaque diffundatur; cùm denique Medici aliquot gravissimi Luem istam infamem ante obsidionem illam *Neapolitanam* contagio suo virulento *Europam* jam dudum invalisse constanter affirmant, sanè difficile est aliquid certi & indubitati in re ita obscura stabilire & decernere; quanquam antiquam Luis prosapiam admodum apertè indicare videatur antiqua, ac permanens causæ existentia; nempe scortatio illicita, vaga, & promiscua, primordiis fortè rerum humanarum, aut saltem effræni hominum libidini, ac corruptelæ meretriciæ coævâ.

Sed ut hanc rem paulò altiùs perscrutemur, *Hippocrates*, cujus autoritas apud omnes doctos plurimum valet, libro tertio de Morbis Epidemicis plurima horrenda symptomata enumerat, quæ ad formam Venereorum quàm proximè accedunt: ut *pustulas magnas, & pustulas corpore universo erumpentes, maximeque caput impetentes, ulcera fœdissima circa pubem & pudenda, inflammationes Erysipelatodes malignas & depascentes, diarrhæas & cibi fastidia, tabes multas, aut atrophias, nunc sine febre nunc cum febre contingentes; carnum, nervorum, & ossium mutilationes ex decidentia magnas, à carie præcedente, prolapsus partium abscessibus corruptarum, & denudationes femoris integri, tibia, aut pedis totius, prolapsus brachii, aut cubiti totius, & omnium miserrimas car-*

nium jacturas, cum pubem, pudendaque malum affecerit; ichores ulcerum & abcessuum puri absimiles, & pure omni deteriores, capillorum defluvia fluxiones ad pudenda multas, dolores gravissimos cum vigiliis, ulcera oris serpentina, & tubercula tam interna quam externa circa inguina, aut bulbones, tubercula faucium, ulcerationes pudendorum, & similia, quæ quidem breviter tradit, & more suo conciso. An verò hæc omnia à Peste verâ, an à Pestiferâ hâc Lue oriantur, in utramque partem ut differant par est doctis liberum relinquere.

Quicquid verò de turpibus Luis natalibus sit statuendum, certè dolendum est maximè, Curationem tantè Ægritudinis, omnes corporis partes, tam internas quam externas, à capite ad calcem, polluentis, è manibus Medicorum doctorum & peritorum ita profugisse, atque Chirurgis, nec non tonsoribus imperitis, ignatisque quibuslibet vulgò concedi. Quis enim tam fatuus & insulsus, quis tam illiteratus ardelio, qui non Medicafter in hoc morbo circumforaneus facile evadat, sine instituto, sine sumptu, & sine arte; qui non curationem Luis, aut saltem Gonorrhœæ Infalibilem perfrictâ fronte polliceatur? Quales autem hi sunt Medici? Sartores ut plurimum & fabri, similesque artifices, propinatores inertes & decoctores, qui in officinis suis fidem prius labefactaverant. Quàm infelix igitur & misera est infectorum conditio, qui duplices sustinent pœnas, damnanturque tum atrocissimi morbi cruciatibus, tum rudis agyræ ignorantie periculose! Quasi levissimi quilibet affectus peritiam Medicam jure efflagitent, morbus verò maximè anceps, medullisque penitus infixus, cuius illiterato possit tutò demandari!

Ut autem summum discrimen Lue infectorum manifestius appareat, considerandum est, hunc morbum frequenter esse Protei-formem, & post primam ejus subjugationem, sæpè novas postea inducere facies. Illud equidem facile adducor ut credam, propterea quòd tot tabidos, & atrophiam confectos, pulmonibus ferè intactis, nec nisi secundariò læsis; viderim perire. Et nisi ex acuto aliquo morbo illos contigerit extinguere, marcore & atrophiam vix intellectâ tandem contabescere semper observavi. His lac Asininium, pectoralia, narcotica, & similia, primam venenatam causam nihil respicientia, ad supremum usque diem frustra exhibentur. Chirurgi salivatione absolutâ, & mercede laborum acceptâ, integram sanitatem audacter promittebant; atque denuo ægrotantes, longè diversis symptomatis quam prius affecti, nequiquam somniant de reliquiis fomitis venenati, aliquamdiu consopiti, & intus delitescents, sed sub novâ formâ revirescentis. Interim Medicus quantumlibet peritus, nihil causæ Venereæ facile suspicabitur, atque ægrotus partim ex verecundiâ; partim præterite curationis securus, de pristinis rebus oblivioni jam traditis nullam mentionem facit. Heu quanto igitur discrimine versantur hujusmodi ægrotantes, cum nec ipsi de causâ ægritudinis primariâ ne verbum müssent, cumque Medici contra morbum incognitum, Andabatarum morè, cœcutientes militent! Certè Autores nonnulli, magis emunctæ naris, veritatem horum suboluerunt, cum ita prudenter illi consulerent, quoties aut dolor Ischiaticus, aut Rheumaticus, aut alius valdè pertinax, remediis propriis & usitatis nequaquam cederet, ut ad Diætam sudorificam, è Ligno sancto, Sarsaparillâ, & consimilibus, tanquam ad sacram Anchoram confugeremus.

Ex his Luis reliquiis spreis, & aliquamdiu abditis, non solummodò pendet valetudinaria, & misella parentum, eque ac aliorum scortatorum conditio; sed & hinc morbi aliquot puerorum tralatitii, & ferè immedicabiles, & quos nominare minimè convenit, nè nati infantes, viri tandem facti, contumeliam, mæsti-

Bibl, Chirurg. Tom. III.

tiam, atque animi perturbationem aliquam exindè immeritò patiantur. Quanlibet enim majus est reverà dedecus à vitiorum suorum, quam natalium, turpitudine & infamiâ, tamen novi viros eximios & fortes, clarâ & illustri stirpe, sed illegitimè prognatos, qui præter modum dolore opprimebantur, quoties de natalibus suis spuris mentionem aliquam factam ex fursis clanculariis in communi hominum consortio illi suspicarentur. Atque in eâ re major est Turcarum justitia & sapientia, apud quos nemo parentum culpam in filios iniquè transfert, & nulla est ignominia natis ex partu illegitimo prodisse.

Porro statuendum est Litem Veneream esse morbum venenatum maximè deleterium. Et quanquam non ita repentè interficiat, ut ictus & morsus animalium venenatorum, tamen temporis aliquo spatio, modò longiore, modò brevior, vitam infectis certissimè adimit, nisi remediis propriis & salutaribus sanitati pristinè tempestivè restituantur. Paucis igitur agamus de veneni hujus, cæterorumque naturâ, & breviusculâ comparatione. Inter alias notæ sunt signa venenorum, insignis faciei totiusque corporis pallor, & extremorum perfrigeratio, quæ in Venereis sunt maximè conspicua. In venenis assumptis, natura materiam venenatam omni vi expellere nititur in superficiem corporis & partes externas, undè maculæ variæ, papulæ, & exanthemata oriuntur: Similiter in Lue Venereâ prædeunt maculæ, interdum parvæ, lentiginum instar, interdum latiores; eque modò rubræ, modò flavescentes; & primùm circa frontem ac tempora, deindè caput reliquum, tandemque per totum corpus diffusæ: nec solummodò maculæ, sed & pustulæ & tubercula in cute erumpunt. Venenis per os assumptis, calidis dico & erodentibus, magnum exoritur incendium in faucibus, & ventriculo, atque intestina doloribus aut torminibus exquisitis cruciantur; Lue infecti faucium inflammatione, & paulatim exulceratione, semper corripuntur; ventriculus illorum sensim prosternitur; & quanquam artus dolorum sæviciam & atrocitatem ut plurimum ferunt, tamen plus semel novi, aut intestina, aut hypochondria eisdem diris cruciatibus affecta, iisque tempore vespertino recrudescents, quos artus ut plurimum & magis regulariter sustinent. Denique Venena propria sua & peculiaria medicamenta, sive Antidota, ut ritè expellantur, requirunt: Lues, nisi propriis & quasi specificis Antidotis pernicies ejus virulenta depellatur, vulgaria omnia pharmaca, & methodos omnes quantumlibet doctas, solet aspernari.

Sed natura hujus Veneni est alia atque alia, tum secundum regiones magis ad Septentrionem aut Meridiem positas, tum secundum Temperamentorum varietates. Etenim in Hispaniâ & Lusitaniâ, de hoc morbo (sæpè tam mitis iste est illic) vulgò colloquuntur, quemadmodum nostri solent de Liene & Scorbuto. Siquidem illorum Medici ad febricitantes matronas nobilissimas ac virtute præditas accersiti, solenniter quærunt, an Lue Venereâ laborent, sicut nostri de Catameniiis, quanquam & verecundè inrerrogant. Et in illis regionibus, ubi Veneni aliqua portio indefinenter perspirat, infecti multi sese totam vitam hoc morbo comite satis placidè traducere nonnunquam posse, sæpè consentunt. Apud nos verò longè aliter se res habet, & hæc Lues ferocem & immanem tyrannidem exercet. Nullus hic symptomatum & cruciatuum finis, nisi aspera aliqua, aut diuturna mitior medicatio interponatur, donec aut dolores contorquendo, aut ulcera depascendo, aut ichor venenatus ossa corrumpendo, miseriis finem imponant; & lacerum putridumque cadaver tandem abjiciatur, pabulum sanè ingratum, & vix vermibus acceptum.

Quinetiam juxta Temperamentorum diversitatem

K 3

Vene-

Venenum hoc dissimiles vires apud nos obtinet. Temderies Melancholica, & Biliosa ejus exterminationem ægrius sustinent, quàm Sanguinea, & Phlegmatica. Multò facilius restituntur juvenas quàm ætate provecti. Idemque est dicendum, de Scabie, Herpete, & nonnullis aliis morbis varia temperamenta affligentibus. Et sicut Temperamentorum differentia efficit, ut Cathartica longè dispares effectus obtineant; hoc corpore mitissimis medicamentis facilè purgato, illo fortissimis ægre cedenti; utque idem dejectorium medicamentum eodem pondere diversis hominibus exhibitum, in uno celerem ac violentam, in alio tardam ac mitem, & in alio nullam omninò operationem concitaverit, ita & de Venenis dicendum est, quod illa citius aut serius interimere soleant, non modò ex propriâ & innatâ vi perniciosâ, sed secundum fortiolem aut debiliorem repugnantiam naturæ ejus, qui venenum accepit. Nam opinio ista vulgaris ficta est & falsa, quæ *Indos*, ab iisque *Italos*, ita artem veneficam itatuit calluisse; ut in statum diem, aut tempus prædeterminatum, siue fuerit septimana, siue mensis, siue annus, Venenatos omnes certò conficere possint. Natura enim unius quàm alterius, quemadmodum dictum est de catharticis, veneno magis se opponit, & lethale virus reprimat, aut frustratur.

Sunt qui Luem arbitrantur, fractis & attritis senio viribus tyrannidem suam fermè omnem jam deposuisse, & ad interitum suum cum senectâ demùm vergere. Eademque apud plures doctos sententia jamdiu obtinuit, quandoquidem blanditiis verborum tam literati quàm aulici spe vana ductis nonnunquam se accommodant, & gratiam lenociniis solent sibi conciliare. Qui verò sic sentiunt, nosocomia hodierna paulisper adeant, aut Chirurgos probos ac exercitatos consulant; videant ulcera multiplicia, cancrofa, & depascentia, tophos & gummata, ossium caries, & carnium putrilagines; videant tabes, lipothymias, cachexias, denique totam Pandoræ pyxidem ibidem apertam; exaudiant etiam horrendas miserorum execrationes, gemitus acerbos, & ululatus permolestos; tandemque dicant, an Venus egregiâ illâ mansuetudine mancipia sua hodierna excipiat; dijudicentque pariter, utrùm Mars an Venus plures ex numero viventium tollat; uter denique istorum amasiorum exitium pejus & frequentius cultoribus suis inferat.

Quod ad Therapeiam attinet Luis. alii Salivatione curationem moliantur; alii sine Hydrargyro, & nescio quibus ineptis Arcanis eandem audacter pollicentur; alii denique emeticis, & catharticis Mercurialibus, & Diætâ Sudorificâ intarcalatâ similibusque, venenum illud penitus subigere annuntiantur.

Medici fermè omnes, totumque Chirurgorum sodalium, unò consensu, Salivatione tanquam brevissimâ, & maximè efficaci methodo, Luis curationem aggrediuntur. Nec denegandum est cuiquam in Arte Medicâ mediocriter versato, Salivationem esse omnium Methodorum quas hactenus excogitavit peritiam Medica, maximè expeditam, atque efficacem, ad virus illud Venereum valdè obtundendum, & malignitatem ejus perniciosam abundè frangendam, si minùs ea valeat non rarò ad venenum istud penitus delendum. Certè in his regionibus Borealibus, frigoris prædominio obnoxiiis, ubi labes Venerea tantâ immanitate sævit, Salivatio præ aliis adhuc notis inducias maximè veloces, pernicipiei dilationem, & symptomatum omnium vehementium cessationem obtinet celerrimam; nec non in quibusdam infectis, & potissimum in junioribus, curationem perfectam aliquando complet, Sed si conderetur horrenda illa, terribilis, & nonnunquam intolerabilis medicatio, tantis cruciatibus & periculis extremis stipata, saltem exoptanda est, & omnium votis exposcenda, alia aliqua jucundior methodus, tuor illâ minusque molesta.

Potentissimum, & efficacissimum Salivandi genus est id, quod per inunctionem Mercurialem excitatur, & quod solùm tanquam *dignum nodo cuneum* Sidenhamius noiter præclarissimus laudat. Sed refert scire, attentèque contemplari, in quot vitæ discrimina Salivatio ista conjicit infectos; quot ex eâ solent vulgò interire; quàm horrendas capitis, fauciumque efficit intumescencias, suffocationem repentinam frequenter minitantes, & vix fræno manûs peritissimæ rectè gubernandas. Nòrunt quidem aliptæ quàm periculosas diarrhæas, dysenterias, lipothymias, in temperamentis maximè Mercurio repugnantibus, ista crebrò producit; sed aliam vix exercebunt artem, vix quærent aliptæ, nisi quam in tyrocinio à Magistris suis didicerunt. Tanta verò est in hoc Salivationis genere humorum fusio, tanta succorum omnium corporis sæpe exantlatio, ut nil mirum sit, si spiritus vitales unâ dissipentur; & maximè si in hac terrâ, aliter felicissimâ, ubi Melancholia tantum obtinet imperium, complures ex tam rapidâ fluidorum profusione succumbant ac pereant. Quàm fugax scilicet voluptas acerbissimas sustinet sæpenumero pænas! Quantâ curâ & industriâ Sirenium illarum veneficarum blanditiæ sunt ab omnibus fugiendæ, quicumque aut sanum corporis temperamentum conservare volunt, aut vitam longævam jucundâ lenique senectute finiendam cupiunt.

Porrò si facultates Hydrargyri tantâ copiâ in corpus intromissi, ac sanguinis motu circulari omnes corporis partes pervadentis, velut in Salivatione vulgari contingit; si illius vires naturæ humanæ tam noxias, ac inimicas; si virus ejusdem nervis & cerebro peculiariter adversum, attestante id paralyfi, & tremoribus frequentibus; si onus & tormina, quæ ventriculo & intestinis vulgò infert; si pallidissimum plumbeumque colorem, quem vultui impertit; si denique quòd à veteribus omnibus medicis Hydrargyrum in catalogo Venenorum annumeretur, diligenter perpendamus: sanè Medico probo incumbit, quando duobus Venenis tam Morbi quàm remedii unâ convenientibus sit necessariò occurrendum. de Antidoto aliquâ propriâ, salutari, & excellenti, sollicitum esse. Et si tela ad hunc morbum ritè expugnandum magis apta & idonea unquam reperiantur, è Medicorum pharetrâ magis magisque denuò instructâ, potius quàm ex aliorum quorumcunque sive armentario, sive officinâ, nî plurimum fallos, certò extrahentur.

Et quicquid delirum vulgus, alique nonnunquam saniore judicio præditi, contrâ sentiant, sanè nescio, an quisquam omnium morborum qui miseros mortales solent excruciare, judicium accerrimum, Medici periti & exercitati, potius quàm agyrtæ aut indocti alicujus artificis, requirat ac mereatur, quàm Lues ista immanis & venenata.

Quanquam verò Salivatio omnibus aliis Methodis ubique palmam præripuit, tamen notatu dignum est, quod *Julius Palmarius*, Medicus Parisiensis clarissimus, & eruditissimus copiosius disseruit, qui Magni illius *Fernelii* fuit discipulus, & qui librum de Morbis Contagiosis, tum doctè tum eleganter scripsit. Ille Salivatione, quantumlibet tunc populari, quantumlibet nunc vulgò usitatâ, *vix contesimam quemque* Luc correptum, perfectè sanari tradit; sed recidivo illos morbo, ex scintillis aliquamdiu consopitis recrudescente, nonnunquam citius, nonnunquam post plures annos affici, & languescere. Atque *alii*, inquit, *decies*, *alii duodecies* suo tempore *Salivationem frustra sunt experti*, tantâ interim cum doloris acerbitate, malorumque miserrimorum acervo, ut forti viro multò satius sit semel mori, quàm vitam morte pejo-rem sic proferre.

Ego itaque hæc animo diu multumque evolvens, nunquam complecti potui, quamobrem *Fernelii*, *Palma-*

Palmarii, aliorumque medicorum doctissimorum methodi tutiores ac jucundiores tam paucos sectatores consequutæ sunt, & praxi hodiernâ ita proscribantur, nisi ob has potissimum rationes:

1. Medici illi præclarissimi odio adversus Hydrargyrum nimis acri flagrabant, propter noxas illas gravissimas quas sæpius infert corpori. Et *Fernelius*, primus omnium Medicorum curationem Luis sine quocunque Mercurialium usu interno, & fortè nimis temerè suscipiebat, & palam pollicebatur; Amuletis suis selectis ac saluberrimis, Diætæ sudorificæ, victui tenui & frugi, & catharsi intercalatæ solummodò confusus. Et certè propter ausum ac tentamen tantum, tamque salubre generi humano, si fortè minùs felix fuisset successus, omni laude dignissimus est egregius ille Medicus, quanquam in pestifero hoc morbo usus illius medicamenti periculosi, quòd à Plinio vocatur *Venenum omnium rerum*; summe necessarius nobis hætenus videtur. Nam *malum ovum malo corvo* apprimè convenit. *Palmarius* autem Hydrargyrosi vulgari infensus fuit, tum ob perniciem ejus, tum propter extremos cruciatus, doloresque asperissimos quos inuncti sustinere necessariò damnantur; tum denique, quia proposita sua curatio per Guajacum & Amuletum, aut per Alexipharmaca sua Hydrargyro conjuncta tutior fuit, & longè salubrior inunctione vulgari, sputantium vires exhaurienti. Quocircà aliàs Luem extirpandi methodos, tutiores, ac magis salutares, necnon jucundiores, licet nonnunquam paulò cunctabundas, fusè proponebat.

2. Chirurgi uno ore Salivationi præ aliis curandi modis favere videntur, aut quia præmiis donantur majoribus isto modo valetudini prospicientes, summâ cum assiduitate, infectumque sub imperio quodam despotico vitæ ac mortis clanculum in conclavi, remotis aliis plerumque arbitriis præterquam nutrice, tamdiu tenentes; aut quia durantè tyrocinio nullam aliam æquè certam Lue medenti artem illi hætenus didicerunt; aut quia aliam discere vix unquam volunt.

3. Quoniam Chirurgi technis suis hanc Medicinæ partem: quantum in illis fuit, tanquam sibi jure propriam ubique arripuerunt; & Medici, sive ob molestias tam fædæ curationis; sive aliis negotiis impediti, illam provinciam quasi derelictam nimis neglexerunt, ac vilipendèrunt.

4. Quia curationes temporaneæ & Palliativæ in hoc morbo, ut in aliis nonnullis magis placent, agrisque gratificantur, quàm Eradicativæ, quæ magis operosæ sunt, & exercitatione non parva egent. Quam ob rationem induciæ multorum dolorum gravissimorum Narcoticis derepentè comparatæ, & ægrotantibus sæpè magis placent, & medicis nonnunquam præferuntur, quàm quæcunque alia, permanentibus interim aliquamdiu doloribus, salutaris medicatio. His adde Salivationem symptomata omnia Venerea ita ut plurimum tollere, ut nulla recidivæ suspicio impresentiarum restet, aut præmii procrastinandi ratio convalescentibus ampliùs appareat.

Quod ad impostores illos imperitos, turpissimos lucriones, ac nebulones vulgares attinet, qui sine Mercurio, sine regimine, sine quacunque molestiâ, & nescio quibus *Arcanis* insulsis, curationem brevissimam, nec non infallibilem, omnibus Lue infectis cum insigni impudentiâ publicè pollicentur, argumento sunt Bacillino quàm Medico digniores, & fascibus Magistratum aut collistrigio, prout veteratores perfidi, sunt potiùs castigandi, quàm disceptationibus, aut ullis rationum momentis accipiendi.

Denique tertium Lue Venereæ medendi genus, quod posthabita Salivatione solenni per inunctionem instituta, & spretis deceptorum insciolorum in fallaciis, cathartico- aut emeticorum Mercurialium vi & effi-

ciaciâ: cum Diætâ è Lignis & Radicibus exsiccantibus, ac regimine debito, conuictorum nititur fusio-rem orationis copiam planè requirit. Sed nè tot impostores & agytæ dolis insidiis suis hinc ansam aliquam avidè arripiant, vela dicendorum contraham, & pauca haud prorsus inutilia jam dictis adjiciam.

Et 1. Notandum est, Ligna exsiccantia, Gummi, corticem, & lignum Guajaci, lignum Sassafras, atque Radices Sarsaparillæ & Chinæ, tantum ferè emolumentum naturæ humanæ conferre, & debilitatè suppetias salutes præbere; quantum damni & nocuenti Hydrargyrum corpori infligit. Sunt hæc salubria quædam hujus morbi venenari, licet imperfecta, pariter atque Mercurii ipsius Alexipharmaca, quandoquidem & citra Mercurii auxilium opera & oleum nostrum sine fructu perdi solent: Et quanquam illa ex se nunquam apud nos scopum artingunt, Hydrargyro prætermisso, venenumque Venereum nequeunt penitus delere & extinguere, tamen robur nativum erigunt & foveant, palloremque huic morbo congenitum, in vividum ac sanum colorem certo certius immutant.

2. Notandum est Cathartica deleteria dicta huic morbo expugnando, qui vires corporis validissimas ipse infringit, & robur summum facile comminuit, quandoque minùs convenire, quàm mitiora & blandiora medicamenta. Et quoties fortior & validior requiritur catharsis, illa longè tutius obtinenda est, in debilibus scilicet naturis. fennâ, rhabarbaro, agarico, jalappâ, epithymo, polypodio, mannâ, hermodactylis, aut eorum quibusdam, additis etiam ceu stimulis, sale mirabili, cathartico amaro, polychresto, prunellæ, aut crystallis tartari; his inquam, sæpè securiùs & commodiùs alvus movetur; neque plura eorum identidem reperita ita corpori imbellium nocent, quemadmodum scammonium, colocynthis, & helleborus, quæ aut ventriculum conturbant, aut intestina corradunt, gravibusque torsionibus excruciant, aut visceribus omnibus partibusque principibus, malignâ suâ qualitate sunt infensa.

3. Quanquam Mercurialia, & Hydrargyrosis, in omnibus temperamentis Lue inquinatis indiscriminatim vulgè usurpentur, tamen notandum est, corpora crassa, obesa, phlegmatica, & frigida, ab illis maxime omnium lædi, & constat injurias insignes quas Hydrargyrosis talibus facit, vix unquam postea deleri; addè ut non minus discriminis à medicamento quàm ab ipso morbo illis contigirit. Atqui Sanguinea, Biliosa, & præservido calore redundantia corpora, incommodo minore Hydrargyri usum paulò copiosorem sustinent, quàm aut priùs nuncupata, aut Melancholica Temperamenta. Etenim calida & sicca viscerum intemperies, contrariis quibus pollet facultatibus Hydrargyrum, corrigitur, emendatur, & nonnunquam insigniter juvatur, atque bilis ferocientis acrimonia plurimum demulcetur.

4. Quotiescunque Lue jam pridem infecti, qui Pryalissimum priùs subierunt, aut qui aliis modis ad tempus tantummodò sunt testituti, morbo recidivo è latibulis erumpente, aut novam formam sortito, turbas novas commovente; quoties, inquam, illi in atrophiam, neque à Pulmonibus tabidis, neque à Lumbricis pendentem, inciderint, quanquam Diarrhæa admodum violenta exhauriantur, à Narcoticis quibuscunque abhorrendum est Medico, & restringentibus interdendum. Nam Malignitate veneni Venerei intus delitescantis sic imminutâ, & per sentinam corporis depositâ, propria Antivenerea optato eventu non diu frustrabuntur, & corpusculum strigosum deleteriâ Lue pænè confectum, præter expectationem rursum pinguescet.

Cùm virus Venereum sit benè retusum ac fractum, omnisque symptomatum ferocia refrænata; at fomes venenatus haud penitus extinctus sub cineribus delitescat,

cat, novos postea tumultus suscitaturus: quemadmodum & in aliis nonnunquam casibus, ubi symptomata anomala, doloresque vagi infirmos detinent, Medicamenta nervina, arthritica, amara, & antiscorbutica *salubria*, aliquamdiu usurpata, cathartici blandis identidem intercalatis, reliquias Veneni istius infraacti tuto profligabunt, integramque tandem sanitatem præ aliis restituere valebunt. Siquidem talia corruptelæ humorum deleteriæ contraria, sanitati tuendæ, amissæque recuperandæ, vitæ producendæ, staminibusque vitalibus tenuioribus confirmandis apprimè conducunt.

6. Infantes à nutricibus lactantibus infecti, quamquam maculis, pustulis, ulceribusque scarent, quamquam & nocturnis illis doloribus erunt excruciat, facillimè omnium restituuntur. Farina sarsaparillæ ferè insipida, saltem nullo gustu ingrato, aut fastidioso prædita, panatellis aut pulcibus suis, ut par est, commissa, addito etiam, ventriculi gratiâ, Santali citrini poline, nullâ pariter nausæa donati, catharticiisque debitis intercalatis, tenerimæ ætati, ut lætè nonnunquam observavi, salutem perfectam reddidit. Quod verò infantuli à contaminatâ nutrice infecti, tanquam à Peste quâdam, sint ante inceptam curationem quamprimùm amovendi, non opus est ut admoveamus.

Denique 7. infectis, cum curatio modis mitioribus magisque benignis ac salutaribus quam Salivatione illâ acerbâ & excrucianti instituat, non est iis persistendum ad certum quendam ac determinatum dierum numerum, sed nunc brevius, nunc diutius, pro ratione veneni, naturæque reluctantis, remediis immorandum, quousque sub regimine debito venenum penitus subigatur, & symptomata omnia prorsus evanescant.

Antequam finiam, nequeo tacitè prætermittere errorem popularem insulsum, at valdè perniciosum, qui longè lætèque inauspicatò increbuit. Nimirum didicit, aut fortè audivit ignarum vulgus, si quispiam infectus cum sanâ muliere mutuis amplexibus se comiscuerit, à labe omni Venereâ se confestim fore tutos & immanes. Quot innocuæ virgines inter alias ex hoc stupido errore perierunt! Sed cum sanguinem pervaserit virus pestilens, & viscera afflatu illo impuro imbuantur, credat etiam plebecula insipiens pari ratione, se clavam *Herculi*, quod ajunt, fulmen *Jovi*, extorquere posse, & se montes excelsos, virtute cujusdam incantamenti, posse radicitus avellere, & alioversum transferre.

Ut verò finem faciam, nonnullis videri possum nimis acriter perstrinxisse morbum Venere clementi proptatam, Deâ scilicet illâ amabili, cui tam principes summi, quam vulgus infimum, vota sua nimis frequenter faciunt, & cujus illecebræ pectora ferè omniam æstu quodam impotenti facilè percellunt. Acrius, inquam, hujus morbi sævitiam perstrinxisse videar, quam plurimi medicastri, qui eundem in postremis habere solent, ac pro nihilo, ut aiunt, ducunt; ut scilicet artis cujusdam exquisitæ, quam alicubi didicerunt, ostentationem gloriosè faciant; atqui ut reverà crumenas incautorum aliquando emungant, ut familiares suos opprimant, omniaque ad quæstum commodumque proprium iniquè referant. At verò longè præstat medico probo, liberalibusque disciplinis instructo, verum dicere, quam quæstu quovis duci, communique utilitati quam suæ consulere. Modici rerum statûs modò res sint benè partæ, nemini pœniteat. Nam paucæ nonnunquam desiderium explent, permulta animum rarissimè satiunt. Paucitas rerum commodè benèque vivendo necessariorum facilè suppletur, vitisque bonis rariùs deest. Sed in superfluis accumulandis nullus vulgò finis gravissimarum sollicitudinum, nullum molestiarum maximarum tedium rapinarum terminus; quasi dira illa execratio, aut fascinatio, avaros injustosque semper comitaretur, ut in

opulentia inopes, in abundantia egeni vitam prorsus inquietam producere damnarentur. Præcipiti cursu breviuscula labitur vita. Nec magna pompa impedimentorum necessaria est, ut amena sit profectio, neque requiritur tanta viatici copia, ut breve iter conficiatur. Præclare illis actum puto, quibus in benè agendo deponitur vita. Nec sapientibus *legendam esse corporis mortem, quam animæ immortalitas consequitur*. Etenim tum demum nos verè victuros constat, cum è vitâ hâc excefferimus. Quid eò olim eximie dixerit Philosophus, (pectore spe tumido, consolationis pleno, animoque futuris gaudiis admodum aspirante) in senectam vergens, & *Senectutem* ornatissimè laudans? *Si in hoc, inquit, erro, quòd animas hominum immortales esse credam, lubenter erro: nec mihi hunc errorem, quo delector, dum vivo, extorqueri volo.*

Haftenus Clariss. Harris; cui subjungeremus aliquot lineas ex Clariss. Archibaldi Pitearnii Opusculorum Medicorum Editione tertia, anno scilicet 1714. publicatâ exscriptas. Verum cum hac minus elimata, ac ex schedis Autoris, post ejusdem obitum indiligenter nimis excerpita visa sunt; ab iis abstinendum credidimus.

LUPUS. *Vid.* CANCER.

LUPIA.

Vide ea quæ de hoc tumore sub titulò *Atheroma* dicuntur.

LUXATIO.

De eâ pluribus agunt Hippocrates & Galenus Operum Editionis Charterianæ Tom. 12. à pag. 287. ad pag. usque 400. Verum quandoquidem hujus apud Authores sæculi proximè præteriti variæ species non parum accuratè describuntur, adjectâ expeditiori curâ, tam à Veteribus illis indicatâ, quam etiam propriâ industriâ excogitatâ: commodum omnino duximus hisce solos jam legendos exhibere; imò etiam ex ipsis Hieronymum Fabricium ab Aquapendente, & Joh. Munnicks tantummodò seligere. Veniat itaque primò,

HIERONIMI FABRICII AB AQUAPENDENTE,

DE LUXATIONIBUS, LIBER.

Cap. 1. De Definitione, Differentiis, Causis, & Signis Luxationum in genere.

Luxatio, seu exarticulatio, Barbaris dislocatio dicitur; & prolapsus capitis articuli è proprio sinu, in sedem alienam. Dearticulatio enim ad motum destinata, constare è capite ossis, & sinu. In capite observandum, quod capita rotundissima omnes habent motus, ut in femore, humero; in sinu, quod ossa, quæ habent sinum profundiorè, ut os coxendicis, minus apta sunt luxationi; contrà, quæ habent sinum leniter cavum, ut scapula. Sed ne capita ossium facilè è sinibus excidant, adsunt etiam vincula, quorum alia sunt orbiculata, quæ in omnibus articulis, & caput, & sinum in orbe complectuntur, alia rotunda, quæ tantum in iis sunt articulis, qui serviunt motibus robustis; ut in femore, & genu; hæc profundo sinu in caput ipsum inferuntur. Qui igitur articuli utrumque habent ligamenti genus; vel qui orbiculare tantum habent, sed id arctius difficilius prolabuntur

labuntur. Est in articulis unctuosus, & viscidus quidam humor, ne ossa perpetuo motu incalescant, & exsiccantur.

Summa luxationum genera tria sunt; primum, cum ossa dehiscunt, quæ antea inter se juncta erant; quod tribus locis contingit; nimirum cum latum scapularum os ab humero recedit, aut radius à cubito, aut sura à tibia, Celso ita scribente, cap. 10. lib. 8. Rhasi dicitur disjunctio, 15. Continentis. Alterum genus est, cum ossa elongantur, propter molliem, & laxitatem, distensionem ligamentorum, ob quam fit, ut caput ossis aliquantulum promoveatur à sinu, nec tamen excidat, sed facile possit excidere, juxta Avicennam, 5. 4. tractat. 1. c. 1. Hanc luxationem sæpe vidi in mendicantibus, in carpo, & cubito. Tertium genus, propriè luxatio dicitur, cum caput à proprio sinu excidit; cujus nullæ sunt differentiæ, nisi secundum magis, & minus, Paul. c. 11. l. 6. Si ergo caput è toto, & perfectè excidit è suo sinu dicitur *ἐξάρθρωσις*, Rhasi, dislocatio; si ex parte, & imperfectè, dicitur *παράρθρωσις*, Rhasi distorsio. Utamque luxationis speciem patiuntur articuli cubiti, manus, tibie, pedis, & digitorum; solummodo perfectam patiuntur duo, femoris, & humeri, cujus causa est capitum rotunditas, & superciliorum in sinibus tenuitas, unde fit, ut capita, quasi in puncto attingant supercilia, & vel è toto prolabantur; vel rursus in sinum ingrediantur. Dicit tamen Hippocrates, quod etiam humerus, & femur possint secundum magis, & minus luxari; quod de perfecta luxatione intelligendum, dum magis, vel minus à loco suo naturali distant. Gal. Com. 1. Lib. 4. de Artic. Porro vera hæc luxatio quatuor modis fieri potest, in partem superiorem, vel inferiorem, dextram, vel sinistram, Galen. c. 4. lib. de Constit. ar. addit, partem priorem, & posteriorem; sed os non potest excidere ante, vel retro; quia adest os immobile, quod resistit; nam retro est os, cui innititur membrum, & quod resistit ossi comprimenti, dum movetur; ante, est os quiescens, supra quod membrum movetur.

Primum genus luxationis fit tantum à causis internis, id est, ab humoribus remollientibus, & laxantibus ligamenta; reliqua duo genera, nimirum hiatus, & vera luxatio, fiunt tum à causa interna, scilicet, ab humoribus ad articulos fluentibus, qui cavitatem sensim implent, & caput ossis à sede deturbant sua; tum ab externa, quæ violentia quadam os loco movet, ut saltus, casus ab alto, vehementissimus cursus. Et de his luxationibus, quæ fiunt à causa externa, nos tantum agemus.

Luxationis autem signa varia sunt. Primum, si pereunt motus articuli; nam quandiu motus non pereunt, licet luxationis sit suspicio, non tamen facta est luxatio; sed hoc signum non sufficit solum, addenda alia. Secundum ergo signum, est concavitas, apparens in loco investo, & contra eminentia in loco opposito; semper enim tumor est in ea parte, in qua os prorumpit, & sinus, ea à qua recessit; deprehenditur hoc signum visu, & tactu, & magis in juncturis, aut sua natura excarnibus, aut macie affectis. Tertium, membrum ferè brevius evadit: os enim prolapsum è sede sua, cum non habeat resistantiam, sursum trahitur à musculis, id quod fit in perfecta luxatione. Quartum, membrum luxatum sano dissimile apparet figurâ, situ, longitudine.

Perfecta luxatio ab imperfecta distinguitur intensione signorum prædictorum. Si enim omnes motus articuli pereunt, membrum brevius redditur, eminentia, cavitas magna, & membrum admodum sano dissimile, perfecta est luxatio. Contra, imperfecta Disjunctio, in qua ossa dehiscunt, signum est certissimum, crassities membri major facta, supra naturalem statum,

& qua capita ossium consistunt, extuberantia quædam major. Ea autem luxatio in qua membra fiunt longiora, ob remolitionem ligamentorum, cognoscitur; primum, quia articulus veluti filo appensus apparet, & huc illucque inordinatis motibus movetur, & vacillat, quia ligamenta sunt luxata, & ossa non amplius se contingunt. Secundò, dum comprimitur caput ossis, membrum in suam mensuram naturalem redit; & si rursus dimittatur, ad mensuram accidentalem revertitur. Postremo circa articulum undique cavitas generatur, in quam interdum etiam digitum immittere possumus.

Luxationis ablata, id est, membri bene repositi, signa sunt contraria, quæ naturalem statum indicant, si non amplius adsint signa, vel causæ luxationis. Præterea Avicenna aliud adfert signum, nimirum strepitum, & sonum, qui sentitur ab ægris, & astantibus, dum os in cavitatem redit. At hoc signum non est bonum, & exoptandum, cum duas habeat malas causas. Vel enim fit ille strepitus, dum caput ossis alliditur superciliis sinus, unde supercilia tenuia, & cartilaginosa rumpuntur, cavitatemque subeunt, prius quam caput ingrediatur, & proinde vera repositio fieri nequit, quia caput amplius in cavitate sua circumverti non potest, unde claudicant; vel fit strepitus, quia caput ossis contundit sinum, unde ulcus potest excitari, & pars putrescere, possunt cartilagine incrustari, auferri à reliquo osse, & remanere os asperum, unde motus sequitur difficilis.

Cap. 2. De Curanda Luxatione in genere.

TRACTATUS de luxationibus verè chirurgicus est; quia in eo omnia à medici manu dependent, nihil à natura; quatuor enim sunt scopi in luxatione, extensio, repositio, deligatio, collocatio, Com. 52. 53. & 54. lib. 2. de fract. & Com. 21. l. 3. de iis, quæ fiunt in med. Extensio est necessaria, quia musculi trahunt os prolapsum, & membrum brevius reddunt, cum non amplius habeat resistantiam. Deligatio etiam necessaria est, ne ob ligamenta laxata, & per musculos extensa facile rursus prolabatur.

Dicta autem quatuor ita sunt administranda, ut & debita membri figuratio servetur, & præcaveatur phlegmone; figurandum enim membrum ita est, ut dolore vacet; in extensione quidem servandi sunt musculi ex una parte integri, ne scilicet caput musculi sit in parte interna; finis in externa; in deligatione, & depositione, figuram membri servare debemus, quæ inter motus istius membri extremos est media. Phlegmone in luxantibus accidere solet ob dolorem, qui excitatur, & cum fit luxatio, & dum facta est; cum os in loco alieno musculos, partesque nervosas comprimat, fit etiam dolor in extensione, qua os reponitur. Præcavenda autem est phlegmone, quantum ad partem recipientem, commoda figuratione; quantum ad mittentem, id est, universum corpus, venæ sectione, purgatione, diætâ, de quibus alibi diximus.

His notatis primum, extendendum est membrum, sicut etiam in fracturis diximus. Secundò, reponendum placidè; ne fiat contusio, vel attritio capitis, & sinus inter se, vitanda capitis ossis circumrotatio, ne frangatur supercilium. Tertiò membrum deligandum, ne rursus prolabatur; deligatura igitur ita administranda, ut servet naturalem figurationem membri, & arceat inflammationem, exprimendo humores influxos, & detinendo influentes. Antequam autem fiat deligatio, oportet medicamenta apponere quæ phlegmonem prohibent, nimirum adstringentia, quæ præter hanc utilitatem, etiam laxata ligamenta contrahunt, & partem roborant; talia sunt, ceratum Barbarum, diapalma, de minio, oxycroceum, ceratum simplex, ceratum rosaceum; unguentum rosaceum, vinum, posca, vinum granato-

granatorum, succus hypocytidis, decoctum corticum granatorum, balauftiorum, cum ovi albumine. Componitur etiam medicamentum è bolo Armeno, sang. drac. myrtillis, cortic. granat. pulverizatis, & miltis, cum ovi albumine, ad mellis consistentiam; exceptum hoc stupis pexis, circa articulum imponitur.

Quod si dolor adsit, hic indicat lenientia, & unctuosa, id est laxitati vinculorum, & inflammationi contraria, unde sic procedendum; si dolor sit exiguus, parvi pendendus est, & admovenda adstringentia, sine unctuosus, ut stupæ cum ovi albumine; si verò dolor ad se curationem trahat, pars prius inungenda est oleis dolorem lenientibus, quæ tamen vim habeant etiam adstrictoriam, ut sunt oleum rosatum, oleum myrtinum, mastichinum, deinde medicamentum propositum imponendum, vel linteum cerato rosaceo illitum, cui superponendæ stupæ jam dictæ. In principio non sunt usurpanda cerata, quia propter duritiem comprimunt, & inflammationem movent, qua de causa Gal. ante deligationem apponit lintea aliquo succo tincta, ne comprimendo dolorem excitent.

His peractis, membrum deponendum in figura media, ne dolor excitetur, eritque positio mollis, æqualis, & sursum versus.

Iam ergo oportet membrum deligatum, & quantum fieri potest, imnotum servare per tres, aut quatuor dies, tunc enim laxatis fasciis, & pruritu ob detentos vapores, excitato, solvendæ fasciæ; parsque pruriens aquâ calidâ perfundenda; ne tamen nimis calida aqua laxet ligamenta, quæ debebant potius astringi, propterea, pruritu non præsentente abstinendum à fomentis. In secunda autem deligatione, si dolor non adsit, possumus aliquod ceratum apponere, ut hyeme, ceratum Barbarum, æstate, ceratum de minio, diapalma: hoc tempore etiam possumus plagulas, & ferulas è corio, aut densa papyro apponere propter firmitatem capitis ossis, & ita procedendum, donec membrum satis videatur robustum, quo tempore solvendum, & fovendum decocto absinthii, rosarum, chamæmeli, musci albi querni, quæ corroborant; postea, appposito cerato per aliquot dies, absque deligatione membrum est conservandum, & præcipiendum ægro, ut operationes consuetas exerceat, sed moderatè. Hæc de curatione universali omnium luxationum recentium.

Luxationes vetustæ eosdem habent scopos, quos tamen præcedit, mollitio, & discussio materiæ, quæ influit in articulum. Quamobrem, Rad. althææ unc. vi. rad. cucum. asinini unc. iii. fol. malvæ M. ii. coctis in aqua, & contusis adde farinæ fœnugræci, & seminis lini ana unc. i. sem. olei communis unc. vi. a-xungie porcine unc. iv. Decocti prædicti q. s. Misce, & fiat emplastrum. Utimur etiam Empl. diachyl. & simplici, & cum gummi, in callo majori, & duriori, prius tamen oportet, partem fricare digitis, inunctis æsypo humida, quin imò, & crassam æsypum admovemus. Membrum sæpe immergimus in loturis lanarum calidis, mane, & vesperi, per horam unam vel alteram, profunt etiam luta thermalia, præcipuè D. Bartholomei. Hæc sunt emollientia.

Post hæc digerentibus utendum, qualia sunt in naturis mollioribus, ceratum de betonica, in durioribus, emplastrum sacrum, ante adhibitionem emplastrorum, fiunt fomenta è decocto chamæmeli, hyssopi, betonice, stæchadis; item è vino albo generoso. In humoribus multis, & valde induratis, si modo prius remolli sint, usurpamus fomentum, seu suffumigium è lapide pyrite, aut molari, item fomentum è decocto rad. cucum. asin. althææ, ivæ, colocynthidis; quæ tum calore, & siccitate materiam discutunt, tum proprietate eandem extra articulos ad se trahunt. Infunduntur etiam membra in aquis thermarum Patavinarum, maximè Aponitanis, & Montis ægrotorum.

Suffumigantur quoque in foveis eorundem balnearum, è quibus halitus evaporat calidus, vim digerendi insignem habens, his factis omnia reliqua administrare oportet, quæ in recenti luxatione.

Cap. 3. De particularibus Luxationibus, & primùm de Luxationibus maxilla.

Maxilla luxata, & masticatio tollitur, & locutio depravatur; raro tamen accidit ut ea luxetur; quia caput maxillæ, quod in cavitate continetur, undique ossibus circumvallatum est; deinde maxilla plures, & validos obtinet musculos, qui ipsam in proprio continent loco; tum duo habet capita, quæ non tam facile, ut unum, prolabuntur, superque duos processus acutos; quartò maxillam in unam tantum partem, nimirum anteriorem, prolabitur, quintò, pauca sunt causæ luxationis maxillæ.

Non enim luxatur maxilla, nisi processus acutus ipsius elabatur infra os jugale, & non amplius sursum redire queat; deorsum autem labi processus ille non potest, nisi in maxima oris apertione; & sursum redire nequit: nisi in oris distortionem, ego tamen sæpius vidi maxillam luxatam; cujus causa esse potest, frequens, & assiduus maxillæ motus, tum in mandendo, tum in loquendo, quo muscoli fatigantur, debilitantur, & ita occasionem præbent, ut promptè maxilla luxetur.

Guilielmus de Saliceto, & alii Chirurghi, anatomes imperiti, scripserunt maxillam luxari etiam ad partem posteriorem, sinistram, dextram, at hoc falsum est; nam post, impedit os; ad dextram; impedit caput maxillæ sinistrum; ad sinistram, impedit caput dextrum. Sequitur ergo, quod maxilla tantum in priorem partem luxetur, Comm. 3. 4. 5. 6. lib. 2. de Artic. Cels. cap. 12. lib. 8.

Luxatur autem vel utrumque ejus caput, vel unum tantum. Si unum tantum; 1. ea maxillæ pars prominet in partem anteriorem. 2. in partem luxatam mentum inclinatur. 3. ad partem contrariam parti luxatæ, os distorquetur, & maxilla distorta eminentior apparet. 4. sub dentibus incisioribus canini consistunt. 5. in parte luxata processus acutus eminentior apparet. 6. dentes non possunt committi. Si luxetur verò maxilla ex utroque latere, signa sunt; 1. quod tota maxilla anteriorem partem prominet, neque distorta est, sed recta. 2. os manet apertum. 3. processus acutus ex utraque parte apparet prominentior. 4. dentes inferiores excedunt multò superiores. 5. muscoli temporales interni admodum, & duri conspiciuntur.

Hippocrates scribit, nisi confectum fiat repositio, oriri febres continuas, soporem, inflammationem, dolorem, convulsionem, bilioforum ejectionem, & ferè decimo die mortem sequi. Ego horum nihil vidi, licet plures curaverim; credendum est tamen visa hæc ab Hippocrate, præsertim cum omnia hæc ratione contingant, propter affectos musculos, & nervos primariò, & cerebrum per consensum.

In repositione maxillæ; faciendi sunt motus contrarii iis, quos fecit maxilla, dum prolapsa est è proprio sinu. Primùm maxilla elabatur in partem priorem; propellenda igitur in posteriorem. Secundò in apertione oris deorsum trahitur; propellenda igitur sursum. Tertio, muscoli sursum trahunt processum acutum; deorsum ergo trahenda maxilla. Si ex una tantum parte maxilla proruperit: propellenda etiam est ad latus oppositum. Incipiendum autem est à motibus postremis; & proinde, si utraque maxillæ pars exciderit, prima actio chirurgi est tractio, seu extensio ipsius deorsum; secunda, retrò; tertia, sursum; si una pars exciderit, requiritur altera operatio, quæ est repulsu ipsius maxillæ

xille ad latera. Hæc ut præstentur, oportet intra os immittere ambos digitos pollices; cum reliquis autem, apprehendi debet mentum exterius; tum maxilla trahenda deorsum, retro, & sursum, sic facillimè, & citissimè reponitur. Oportet, ut minister aliquis caput teneat; vel hoc ad murum applicetur, ne cedat, cum retro pellitur maxilla.

Facta repositione, ad capita maxillæ, id est ad tempora, imponenda sunt, quæ inflammationem arcent; ut ceratum rosaceum, in valida distensione, ubi majori opus est adstringente, possumus admoveere stupas, madefactas ovi albumine, additis, si opus est, pulveribus astringentibus. Oportet etiam inungere partes temporum, id est, totum muscolum temporalem, oleo ros. lumbricato.

Deligatura fit hoc modo, fasciâ imponitur ad mentum, ubi aliquantulum dehiscet, ut hinc inde mentum apprehendat, deinde ex utraque parte ad aures, eadem fasciâ rescindenda, aurisque foras trahenda, post, liganda fasciâ in vertice capitis, & sic detinendus æger donec maxilla fuerit firmata; quod fit spatio unius diei. aut bidui, vel ad summum tridui, quo tempore, si periculum immineat, ægrum à cibis abstinere optimum erit, nec dimittenda venæ sectio, & ea, de quibus in curatione luxationum universali diximus. Ego tamen, ut verum fatear, per unum saltem diem, medicamenta loco affecto adhibui, & tempore capiendi cibum, fascias laxari jussi.

Cap. 4. De Luxatione Humeri.

Humerus est os magnum, rotundo capite donatum, quod inseritur in sinu scapulæ insculpto, leviter cavum. & obvolvitur caput hoc, ligamento tantum orbiculari, eoque laxo satis Sinus circumcirca, habet quædam propugnacula, ad partem enim anteriorem scapula habet processum quendam satis magnum, conflatum è spina scapulæ; in parte superiori habet, partim quidem dictum processum, partim claviculam, in parte interna habet processum anchoroeidem, hinc apparet humeri caput facillimè luxari, Com. 3. lib. 2. de artic. est enim hic articulus uniformis, & simplex, non quemadmodum in genu, duplex; deinde humeri caput rotundum existens, destituitur collo oblongo inseritur in sinum profunditate carentem, & hinc facilius elabatur, quàm femur quod collum habet longum, & in profundum acetabulum inseritur; tertio, ligamentum hic tantum est simplex nimirum orbiculare, non etiam rotundum, ut in femore estque laxissimum, quarto articulus humeri satis est excarnis, & propterea facilius prolabitur è propria sede, quàm articulus carnosus. Potest autem humerus nonnisi sub alam, id est, deorsum prolabi, quia ibi nulla sunt propugnacula, ut in aliis locis, & humerus etiam suo pte pondere faciliè descendit, attamen Galenus quinquies se vidisse ait prolapsum humeri in partem anteriorem.

Si sub axillam prolapsus sit humerus, figura sano admodum dissimilis apparet, deinde in summo humero cavitas insolita apparet, sub axilla verò rotunditas capitis, & durities perferitur, tertio si humerus in loco naturali consistit, processus scapulæ superior rotundus apparet, prolapsus verò humero acutus videtur, quia caput, quod rotunditatem efficiebat, jam prolapsum est, quarto, cubitus à costis valde recedit; & ad eas non nisi maximo dolore admoveri potest; quinto egri non possunt manum ad caput porrigere, quia humeri articulus non potest amplius sursum moveri, alique etiam motus humeri multiplices impediuntur; sexto brachium luxatum fit longius altero,

si humerum tantum deorsum prolabitur, at brevius fit si caput, postquam deorsum prolapsum est à musculis sursum trahitur; septimo, pars ad extremam maxillam plicas efficit, in humero luxato longè inferiores, & anterius, & posterius quàm in brachio sano, quod significat caput humeri inferius prolapsum esse.

Si humerus luxetur ad partem anteriorem, signa sunt, quod in anteriori parte eminentia, in posteriori, insolitus sinus conspicitur; præterea cubitus ad posteriores partes vergit nec apparent signa luxati humeri sub alam.

Hippocrates, ait humerum, & femur tantum perfectam luxationem pati, cujus causam supra attulimus; quod verum est, si luxatio à causa externa oriatur, si verò causæ sint internæ, id est, humores concretæcentes, & sensim incurati, hi dum caput paulatim recedere cogunt, possunt imperfectam excitare luxationem.

Modi, quibus humerus in alam luxatus reponitur, ferè decem ab Hippocr. enumerantur, lib. de art. qui ad tria genera commodè reduci possunt. Primus modus fit per circumrotationem, seu circumvolutionem, dum vel æger, vel medicus, manum omnibus modis adstrictam, ponit sub axillam, ut nodi medii caput humeri in cavitatem suam impellant, hic modus administratur tantum in corpore puerili, & in iis corporibus, quibus laxa admodum sunt ligamenta, & humida; at sicut hoc modo faciliè humerus reponitur, ita faciliè rursus excidit; hic modus ab Hippocrate dicitur, non secundum naturam, quia non ita tutus est; nam dum circumrotamus caput brachii, per corpus scapulæ, faciliè atteruntur membranosa, & nervosa corpora, item supercilia in sinu, unde propter affluxum humorum medicum frustra est repositio.

Secundus modus fit viâ contrariâ prolapsui. Humeri caput si luxatur, primum à sinu recedit, & sic in anteriorem partem movetur; deinde deorsum fertur; tertio ad partem posteriorem, id est, retrò à musculis trahitur, differt hic modus à primo, quod in primo, per circumrotationem, fit motus per lineas curvas, in secundo per rectas. In restituendo ergo, etiam tres hi motus sunt efficiendi, viâ prolapsui contraria. 1. à posterioribus ad anteriora. 2. ab anterioribus ad superiora. 3. retro. Primum igitur Chirurgus apponet caput ad summum humerum patientis; deinde digitos sub alam immittet; tertio genu cubitum premet; hocque fieri debet ægro sedente. Videamus jam, quomodo hæ operationes propositis indicationibus satisfaciant; primus motus, qui fieri debet in restitutione brachii, est ad partem anteriorem, & fit, digitis sub ala positis; hunc motum roborat, & faciliorem reddit genu, quod cubitum ad costas premit, quia ab his nimis per prolapsum recesserat, sicuti enim dum caput in alam prolabitur, cubitus à costis removetur, ita vicissim, dum ad costas impellitur cubitus, humerus in anteriora movetur; beneficio igitur digitorum, & genu, humerus à partibus posterioribus movetur ad anteriores. Caput autem Chirurgi summo humero innititur; ne, dum digiti ipsum humerum trahunt ad partem anteriorem; reliquum etiam corpus ad eandem consequatur, vel potius, quod ergo experientiâ didici, ne ipsa scapula, quæ mobilis est, consequatur; articulus enim humeri luxatus, si non sit recens luxatio, difficillimè reponitur, ob unicam hanc causam, quia dum fit extensio ipsius humeri, non movetur humerus è suo loco præternaturali, sed potius scapula movetur. Sic igitur Hippocrates primum motum efficit, id est, humerum ad partem anteriorem promovet reliquorum duorum motuum nullam facit mentionem; quoniam à musculis efficiuntur; hi enim dum integri sunt, & luxatio recens facta, humerum sursum trahunt, & in propriam sedem restituunt; modo

modò caput humeri non sit impeditum, prout, dum consistebat retro sub ala, potest etiam hic modus alia ratione administrari; quia enim genu non adeò facile humerum ad costas impellere possumus, pro genu ministrum substituemus qui manu cubitum apprehendat, & ipsum ad costas deducat. Est & tertia ratio, qua secundus hic modus absolvitur; reducat cubitus retro ad spinam dorsi, sic enim humerus promovetur ad partes anteriores; deinde altera manu cubitus prehendatur, ut fiat motus ad partes superiores; altera verò manu innixus fiat in summo humero, ne scilicet scapula moveatur, ut antea etiam diximus.

Tertius modus generalis, secundo addit extensionem, quæ maxime necessaria est, si caput humeri in loco alieno jam sit firmatum; accidit insuper, quod muscoli semper sursum trahunt, unde oritur indicatio deorsum trahendi, per extensionem. Absolvitur hic modus vel sine instrumentis; vel cum instrumentis.

Sine instrumentis, duobus modis; primus est, si patiens jaceat, & Chirurgus in eadem planitie sedeat, apprehendens ambabus manibus brachium luxatum, & calcem apponens sub ala, dextrum quidem, si luxatus est humerus dexter, sinistrum, si sinister, antequam autem calcem apponat sub ala, necessarium est apponere pilam duram, qualis est palmaria illa, quæ ab artificibus conficitur; hoc facto, minister alter debet oppositum apprehendere brachium, & deorsum trahere; alius vero habens fasciam, lorum, vel habenam, sed firmam, ejus latitudinis, ut pilam comprehendat, ambo ejus capita sursum, versus caput ægri trahere debet; deinde altero pede inniti summo humero luxato.

Considerandum autem, quomodo humerus his operationibus reponatur. Primus, qui trahit brachium, deorsum, & alter, qui sursum habenam trahit, efficiunt extensionem, & motum deorsum. Motus ad anteriora fit, tum à pila, tum à calce, unde calx inferi debet inter costas, & caput humeri, seu pilam, ut caput humeri prematur ad anteriora, pila autem ea ratione apponitur, ut quo perungere non potest calx, propter cavitatem ipsius axillæ, quæ fit à tendinibus, & musculis utrinque positis, pilæ tamen beneficio calx operari queat. Duo igitur motus fiunt à Chirurgo, primo deorsum, & ad anteriora, alter minister, qui sursum trahit habenam, efficit motum sursum, premens autem pede summum humerum, facit innixum, ne scapula consequatur, tertius qui deorsum trahit humerum sanum, id præstat, ne totum corpus ad extensionem unà consequatur.

Alter modus sine instrumentis sic fit; Homo; qui altioris sit staturæ, quàm patiens, alam ægrotantis à terra sublatis, ponat supra suum humerum, ut sic faciat extensionem; deinde brachium luxatum adducat ad suum pectus, ut humerus ad anteriora moveatur; post, alius minister, ambabus suis manibus ad ægri cervicem, & summum humerum retro positus, partem illam trahat, & premat ne scapula consequatur, denique puer à tergo lateribus appendatur; ne pedibus terram tangat, ut prohibeat, quò minus totum corpus consequatur. Hæc de modis qui fiunt sine instrumentis.

Instrumenta, quibus fit repositio, vel tantum ponuntur sub ala, vel unà cum tabula adhibentur. Sub ala tantum ponuntur Pistillus, & Scala. Pistillus, vel ejus inopiâ baculus involvatur linteo, ne propter levitatem elabatur, deinde altero extremo ponatur sub ala, altero terræ innitatur, sedeat patiens si brevis sit pistillus, vel si longus, stet; postea minister brachium deorsum trahat & alter retro stans trahat, seu comprimat summum humerum, & cervicem. Denique teneatur firmiter humerus sanus. Hic primum fit motus deorsum deinde ad anteriora, à pistillo ad co-

stas promotus, de reliquis motibus antea est dictum. Verum pistillus aliquo modo fallax est, fierique potest, ut in pistilli usu totum corpus circumvagetur; magis igitur laudatur scala, in qua gradus aliquis, in sui medio habebit corpus quoddam rotundum, quod sub ala ponetur, inter costas & caput; postea chirurgus brachium luxatum deorsum trahet; alius minister apprehensa cervice, & summo humero, similiter trahet ex alia parte; tertius apprehendet totum corpus, trahetque deorsum ex alia parte scalæ. Hic, modus antefendus est priori, qui fit cum pistillo, quia corpus firmitus tenetur, ut circumvagari nequeat.

Si placeat instrumenta cum tabula administrare, ita agendum. Tabula paretur paulò brevior binis cubitis, id est tam longa, quàm est brachium ipsum, lata 4. aut 5, digitos, prout brachium ægrotantis, aut crassius, aut minus crassum; crassitudine tabula sit duorum digitorum, aut paulo tenuior. Extremitas hujus tabulæ in angustum finire, & aliquanto tenuior esse debet cum extante capitulo rotundo; & leviter cavo, ut aliquam capitis humeri particulam recipere possit, hæc extremitas inferenda est sub alam humeri luxati, inter costas & caput humeri, reliqua vero tabula, per longitudinem brachii interna collocata, ligari debet, primum quidem statim sub capite humeri luxati, deinde supra cubitum; post ad carpum: sic ergò tabulâ brachio affixa, reponimus humerum, ope aliorum instrumentorum, qua trium sunt generum. Primum instrumentum fit è duabus columnis, & trabe transversa, alligata ipsis columnis, quæ trabs non erit rotunda, sed ejus figuræ; cujus est tabula, major tamen, quoniam totum corpus debet appendi huic trabi transversæ.

Ad hanc trabem collocetur humerus luxatus, ut trabs sit inter costas, & tabulam brachio alligatam; tamque altè alligetur columnis, ut patiens vix summis pedum digitis terram attingat, sic collocato ægro, chirurgus ex una parte brachium deorsum trahet ex altera minister cervicem, & summum humerum amplexus, ægrum similiter deorsum trahet. Dum chirurgi brachium deorsum trahunt; tabula etiam, unà cum brachio, ad costas trahitur; ubi autem inferior tabulæ extremitas ad costas adducitur, superior rotunda pars facit motum contrarium, ita movet caput luxatum ad partem anteriorem, à quo motu facile postmodum muscoli trahunt, aut ipse chirurgus impulsus faciens reponit hoc modo caput ossis.

Alterum instrumentum est sedile Thessalicum; qualia sedilia in nostris etiam regionibus fiunt, quorum reclinatorium est planum; supra hoc reclinatorium collocatur brachium, cum alligata tabula, & os reponitur, eo modo, qui in trabe transversa explicatus est, Tertium instrumentum, est janua biforis brachium igitur; cum tabula alligata collocabitur ad transversam illam tabulam, quæ consistit in janua bifori, eo modo, quem jam attigimus in trabe transversa, & sedili Thessalico.

Hi sunt omnes decem modi, quibus reponitur humerus, in alam luxatus; præter quos & scamno utebatur Hippocrates, ubi majori opus erat robore.

Si humerus in partem anteriorem luxatus restituentus, faciendus est motus contrarius; & licet membrum brevius non sit redditum, quia tamen caput explicamus, & solvimus, efficienda est aliqua extensio, sed modica.

In genere autem sciendum, si recenter humerus sit luxatus, ipsis etiam digitis facile reponi posse; at cum vetusta est luxatio, difficillimè reponitur; quia humerus firmam sibi fecit sedem, ita ut callo etiam quodammodo obduruerit, præterea cavitas ipsa carne repletur, quæ os etiam repositum, nihilominus è proprio sinu prolabi cogit.

Reposito humero, cum deligare debemus, ante deligatio-

ligationem autem imponenda quæ phlegmonem arcent, & simul luxata, distorque ligamenta conjungunt; ut sint ea quæ supra proposuimus, bolus Arin. sang. drac. myrtilli, balauftia pulverizata, ovi albumine subacta ad mellis consistentiam, & cum stupa, aut linteis imposita. Debet autem in humeri articulo pila confici è linteis convolutis, aut è stupa, quæ medicamentis modò dictis infecta, sub ala ponenda; ne humerus, propter gravitatem, & ligamentorum laxitatem, rursus descendat; postea linteum latius, vino nigro austero expressum imponitur. Tertio loco fasciâ circumducitur, quæ pilam constringat, & brachium semper sursum trahat, vel saltem conservet, primum ergo media fasciâ pilam apprehendet, & circumvolvetur semel, aut bis circa articulum; post ambo capita circumvolventur ad cervicem alterius lateris, exactis tribus, vel quatuor diebus, solvenda fasciâ, & si timor inflammationis non præterierit, aut ligamenta nondum perfectè adstricta sint; renovandum simile medicamentum, donec timor inflammationis recesserit, & ligamenta roborata sint; tunc enim abjectâ & fasciâ, & medicamento proposito; apponitur aliquod ce-ratum, hyeme quidem, barbarum; æstate verò, diapalma.

Cap. 5. De Cubiti Luxatione.

Cubiti articulus difficillimè luxatur, & reponitur, secundum Hipp. Lib. 2. de artic. Gal. lib. 1. de fract. primum, quia est multiformis, & varius, non rotundus; secundò, ossa articulum componentia, vicissim se mutuo suscipiunt, unde hic articulus dicitur ginglymœides, quod factus sit ad formam cardinum, tertio ligamenta hujus articuli sunt arctissima, postremo ossa non sunt duo, ut in plerisque articulationibus, sed tria, cubitus, radius, humerus, quæ mutuo membranosis ligamentis sunt connexa.

Nisi autem citissimè reponatur luxatus cubitus, vehementissimus sequitur dolor, quia caput ipsius prægrande comprimit musculos circumjacentes, & nervos ad manum excurrentes; alta quin etiam, acutaque ipsius supercilia easdem partes pungunt; præterea radius dolorem auget, si enim consequatur, fiunt aliæ compressiones; si non consequatur, fiunt multæ distensiones, nervosorum corporum distractorum, dolorem hunc sequi solent febris, bilis vomitus, torpor, &c.

Cubitus luxatur ad partem anteriorem, vel posteriorem; ad exteriorem, vel interiorem, & radius vel subsequitur vel subsistit.

Si radius subsequitur, tactu sentitur distractio radii à cubito. Si laxetur cubitus in partem anteriorem, signa hæc sunt, extremum cubitum flectere non possumus; brevior cubitus redditur, tumor insolitus apparet in parte anteriori, & cavitas insueta in posteriori, & motus cubiti impediuntur. Si luxatio facta sit ad partem posteriorem, signa sunt eadem, nisi quod tumor apparet in parte posteriori, sinus in anteriori. Si luxetur in partem exteriorem, eadem sunt signa, sed tumor in parte est exteriori, cavitas in interiori. Si luxetur in partem anteriorem, contrà.

Celerimè luxatus cubitus est reponendus; aliàs enim propter dolorem, magna oritur inflammatio, ob quam cubitus luxatus celeriter callo obdurescit, resoluta materia tenuiore; maximè, quia cubitus excarnis est, nervosus, frigidique temperamenti; induratus autem cubitus reponi nequit, nisi prius remolliatur supradictis remediis.

Si ergò cubitus luxatus sit in partem priorem, primum extensio fieri debet in congrua figuratione, non in directum, sed in obliquum; ne in humeri caput attin-

gat *καρπώνη*, est id altum cubiti supercilium, & hoc per circumrotationem rumpatur; his factis, cubitus luxatus in partem priorem, reponitur quatuor modis. Primum enim, si imperfecta sit luxatio, solo cubiti inflexu subito reponitur, secundò, in perfecta luxatione, fieri debet extensio; deinde aliquod durum, rotundum corpus, è linteis convolutis, apponetur ad cubiti flexuram; tum inflectetur cubitus. Extensio fiet à duobus ministris, quorum unus sursum trahet humerum, alius cubitum deorsum, sed obliquè corpus autem illud rotundum, ad cubitum positum, comprimere debet, ut facta inflexione fiat repositio, tertio, duo ministri similiter extendent; habena verò ponetur ad cubitum luxatum; & infra tam longa ligabitur, ut pes chirurgi possit ei, tanquam stapedibus inniti. Facta igitur extensione, & habenâ deorsum tractâ à pede chirurgi; postea chirurgus manus apponet ad ipsum cubitum, & retrò comprimens, hunc inflectet; sic enim reponetur. quartò, manibus solis hoc etiam fieri solet; facta enim extensione, apprehendendo hinc humerum, & hinc cubitum, cubitus debet inflecti, & in propriam sedem impelli.

Si luxatio fiat ad partem posteriorem, obliquè facta extensione, facile solis manibus luxatio recens reponitur; & quia extensio in hoc casu, difficilis esse solet, quoniam musculi extendentes cubitum exterius validissimi sunt, chirurgi manus inungendæ erunt oleo; ut musculi magis fiant sequaces; & si robur manuum, in reponendo cubito, non sufficit, utemur etiam organis, ut scalâ, scamno Hippocratis, &c. Si cubitus prolabitur in interiorem, aut exteriorem partem, facta extensione, fiat impulsus cubiti in partem contrariam.

Repositione facta, imponenda sunt medicamenta, quæ dolorem leniant, ligamenta laxa, & distorta contrahant, ac constringant, inflammationem arceant; quorum primum sit ex oleosis, reliqua adstringentibus, ubi videndum quid magis urgeat. Si dolor adest, cum pulveribus adstringentibus, & ovi albumine, miscendum est oleum myrtinum, aut rosaceum, vel utendum est cerato rosaceo, inducto linteo latiori; deinde apponi debent stupæ, obliniæ medicamento è pulveribus adstringentibus, ovi albumine subactis, post congrua facienda deligatio, similis ei, quam supra in fracturis proposuimus, semper mediam observando figuram.

Cap. 6. De Radii luxatione.

Radius prolabi solet, potissimum ad partem exteriorem. Signa sunt, quod in exteriore parte tumor apparet, cubitus, & radius invicem dehiscunt. Facta extensione, propellitur intro facile.

Cap. 2. De Luxatione Carpi, seu Manus, itemque Metacarpi, & Digitorum.

Carpus in se totus consideratus, & cubito toti per diarthrosin connexus, potest excidere ad interiora, exteriora, anteriora, posteriora, potissimum tamen ad anteriora; tunc signa sunt, tumor in partibus anterioribus, digiti non possunt flecti. Si luxatio fiat ad posteriora, digiti non possunt extendi; quia tendines, & nervi ab ossibus comprimuntur. Si luxatio fiat ad interiora, vel exteriora, tumor in ea parte, & sinus in opposita apparet.

Quod si ergò facta sit luxatio in partem anteriorem, aut posteriorem, manus ponatur in tabula, supina, si luxatio ad anteriora, prona, si ad posteriora

ra facta est; dein fiat extensio à duobus ministris, trahentibus hinc inde, tum brachium, tum digitos. Dum fit extensio, chirurgus articulum luxatum impellere debet ad partem contrariam, vel manu, vel, in robustis corporibus, calce pedis premendo. Celsus corpus aliquod durum, è linteis confectum, ad luxationem apponit, ea parte, qua premendum maximè est, ut sic robustior fiat intrusio, & minor dolor. Si luxatio fit in partem exteriorem, vel interiorem, facta extensione, chirurgus impellere debet in partem contrariam.

Luxatio ossium carpi, aut metacarpi, in illa, nulla facta extensione; in hac, modica facillè reponitur, manu collocata in tabula, & supposito corpore duro, sicque manu, calce aut ossibus in loca sua protrusis, vel antè, vel postè.

Digitus luxatur in partem anteriorem, posteriorem, ad latera. Signa sunt manifestissima quia articuli admodum sunt excarnes. Facta extensione super tabula à duobus ministris, facillè os in contrarium impellitur, facta repositione, imponenda medicamenta, membrum deligandum, & deponendum, &c.

Cap. 8. De luxatione Femoris.

Femur habet caput rotundissimum, longè cervici adnatum, quod in sinum profundissimum inseritur. Alligatur autem femur cum suo sinu, ossis coxendicis duobus ligamentis, altero orbiculari, altero rotundo; hinc apparet solum perfectam luxationem in femur cadere, non imperfectam, nisi sit causa externa, ut etiam supra de humero luxato diximus. Prorumpit femur ad partem anteriorem, posteriorem, exteriorem, interiorem; hoc tamen sit difficulter; primò propter musculos robustissimos, & propter copiosam musculorum carnem, quæ femur in proprio sinu conservat, secundo, propter profunditatem acetabuli; tertio, propter duo ligamenta arcta, & brevia. Rarò luxatur femur in partem priorem, & posteriorem; quia in his partibus supercilium acetabuli est altius; sæpe in exteriorem, quia hic minus altum; sæpissimè in interiorem; quia hic minimè altum; præter verò supercilium, ego ligamentum addo rotundum, quod magis proximum est parti internæ, & proinde facilius permittit, ut femur luxetur in partem internam.

Si interius luxetur crus, longius altero appareret, capite s. femoris descendente, genu item in exteriorem partem prominet, sicut etiam tibia, & pes; semper enim, si alterum extremum in partem aliquam elabatur, alterum extremum in oppositam declinat; unde si caput femoris interius dimoveretur, genu, pes, tibia in partem exteriorem inclinar; præterea crura non possunt inflecti ad inguina, quia muscoli flectentes sunt constricti, & impediti, quò minus possint ipsum femur attollere, & inflectere. Alterum signum est, quod è regione, quæ est inter anum, & testes, tumor manifestus apparet, in exteriore parte sinûs. Si femur exteriùs prolatur, signa sunt contraria; nam crus est brevius altero; quoniam caput elatius est ipso sinu; inter scrotum, & anum, pars in sinum dehiscit, juxta verò clunes, in rumorem attollitur, genu, pes, tibia interius spectant; egri crus sursum trahere possunt, quia muscoli flectentes non sunt impediti, calx terram non contingit, sed planta ima, quia crus brevius est redditum. Si in priorem partem elabatur femur, crus extensum flecti non potest, propter flectentes musculos impeditos, & compressos à capite femoris, urina his supprimitur, quoniam caput femoris premit vesicam; inguina intumescunt; eò quod caput femoris in eam partem promotum est; nates rugosæ, & excarnes apparent; quia femur totum, unà cum processibus, promotum est ad partem anteriorem. Si in partem posteriorem promoveatur femur contraria ad sunt signa; crus extendi non potest quia muscoli extendentes, qui sunt in

posteriori parte, comprimuntur, unde ad propria principia trahi nequeunt, deinde crus affectum redditur brevius altero crure; quoniam sinus consistit in inferiori parte, caput in superiori; calx terram non contingit, inguina laxiora apparent, & per nates caput femoris eminet.

Femur luxatum, difficulter admodum reponitur; quia propter robustissimos musculos extensio fieri non potest; & augetur difficultas, si luxatio non sit recens, quæ callo obduruerit, propter humores circa caput femoris affluentes, & propter repletionem ipsius sinus; repositum etiam femur facillè rursus excidit, propter musculos, jam imbecilles redditos, ut ponderosum femur in sua sede continere nequeant, propter ligamentum etiam teres laxatum, vel ruptum.

Reponi femur potest, vel sine extensione, vel cum extensione. Sine extensione, duobus modis; qui tum locum non habent, nisi recentissima sit luxatio, & modica, id est, parum distans à proprio sinu, ac nisi sit in corpore puerili. Primus modus est, ut circumrotetur caput femoris circa illud; quemadmodum etiam in luxato brachio diximus, nec ab hoc separatur, nisi in sinum perveniat: ar hic modus non est rursus; quia metus est ne caput cum supercilio attritum, retundatur, aut frangatur. Alter modus est, ut subito femur flectatur; nam & sic aliquando reponitur secundum Paulum, cap. 98. lib. 6.

Melius autem reponitur femur cum extensione. Si ergo femur in partem interiorem sit prolapsum, licet extensione non videatur opus, cum longius crus sit redditum non brevius, ut in aliis luxationibus, in quibus muscoli moventes caput ossis longè supra hoc habent originem, ideoque caput sursum trahunt, nihilominus modica fieri debet extensio, quanta nimirum sufficit ad caput fixum dimovendum, & extricandum. Manibus hæc fiet; si sit recens luxatio, si modica, & in corpore puerili; hoc autem instituetur modo; alter minister apprehendar corpus aegrotantis sub axillis, & firmiter teneat, alter supra genu ambabus manibus ipsum apprehendat, & extendat: interim, dum fit extensio, chirurgus femur ad interiora prolapsum impellat manibus ad exteriora, sic extricatum caput, beneficio hujus impulsione, sursum trahentes muscoli, facillè in suum sinum reponent; vel, si debiles sint muscoli, facillè chirurgus hoc præstabit. Si corpus non sit puerile, sed robustum, majori egemus extensione; quæ sit habenis, funibus, habena igitur ponenda est in spatio illo, quod interjacet inter genitalia, & anum; ita autem aptanda est habena, ne comprehendat caput ossis; deinde alia habena alliganda est supra genu, aut etiam alia supra talum, & hæc habena duobus capitibus trahenda, vel manibus tantum, vel etiam scalâ, cujus uni gradui superior habena alliganda, & eger in scala collocandus; altero verò habena deorsum trahenda: possumus etiam uti scamno Hippocratis; hæc tamen valentes extensiones potius locum habent in aliis femoris luxationibus, ubi in partem exteriorem, anteriorem, vel posteriorem luxatur; tum enim facta extensione, & capite in partem contrariam impulsio, à Chirurgo facillè reponitur. Post repositionem, apponenda medicamenta, quæ phlegmonem arcent, dolorem sedant, laxata ligamenta contriungunt, & roborant, &c.

Cap. 9. De Luxatione Genu.

Genu non adeò facillè excidit; quia duo habet ligamenta caput, & sinum duplicatum. Patitur autem imperfectam, & perfectam luxationem & labitur ad partem exteriorem, interiorem, & posteriorem: Solus Celsus addit anteriorem, ad quam tamen difficulter genu luxatur, propter patellam, quæ vallidissimis alligata tendinibus, mirificè genu firmat in partibus anterioribus ut ad hæc non prolatur, nisi adsit causa violentissima.

Species

Species autem hujus luxationis patent oculis, maxime; quia locus est excarnis, apparet enim tumor in loco insolito, sinus in loco contrario; figura depravatur; motus debilitantur; & pereunt.

Si luxatio sit imperfecta; nulla aut exigua requiritur extensio, sed solum impulsio ad partem contrariam, si perfecta, extensio est necessaria; quæ fiet manibus in recenti luxatione, & puerili ætate; minister trahat in superiori parte, alter sub genu, ad pedem; Chirurgus verò os impellat ad partem contrariam. In homine adulto, & magna luxatione opus est habenis; vel etiam machinamentis, præcipue quæ deorsum trahunt, & sufficientem efficiunt extensionem, &c.

Cap. 4. De Luxatione Tali, seu Articuli pedis, & Digitorum.

Articulus hic potest erumpere in partem anteriorem, posteriorem, anteriorem, & posteriorem, si in partem anteriorem, ima pars pedis in posteriorem partem convertitur: si in posteriorem contrà. Si in anteriorem, tunc latus ille, & robustissimus tendo in calcaneo durus evadit, & intentus; præterea pes minor fit; quia tibia, & articulus promovetur in partem posteriorem, & multam pedis partem occupat, unde pes fit minor, & brevior.

Si in posteriorem calx pene reconditur; quia articulus ad calcem elapsus est, præterea planta major fit, & pes videtur longior evadere, si hæc signa sunt manifesta; perfecta est luxatio; si obscuriora, imperfecta.

Curatio non est difficilis, si debita adhibeatur, extensio; manibus quidem in luxatione recenti, & corpore puerili; minister alter pedem manibus apprehendat, alter tibiam supra pedis articulum; & extendat; Chirurgus autem in partem contrariam impellat; si manibus non potest fieri proba extensio, utimur habenis, in pede, & tibiis supra talum, in parte tenuiori. Si valentissima, requiritur extensio, uti possumus scamno Hippocratis; aut eo modo, quem Paulus præscribit, lib. 6. cap. proprio.

Facta repositione, diutius est æger in lecto continendus, quam in aliis luxationibus, nimirum per quadraginta dies; quia talus totum corpus gestat, idcircoque nisi perfecte restitatur, id est, nisi ligamenta laxiora reddita, & muscoli distenti pristinum acquirant robur; vel ægri in eandem luxationem recidunt, levi de causa; vel longo tempore pedem admodum debilem sentiunt. Oportet ergo uti pulveribus adstringentibus, ovi albumine subactis, & itupâ exceptis, circaque articulum impositis, si dolor adsit, etiam hunc lenientia requiruntur. Ossa pedii, & tarsi tam robuste alligata sunt, ut nunquam patiantur luxationem. Ossa verò digitorum pedis raro luxantur; quoniam multis, & iis validissimis ligamentis suffulciuntur; multis etiam tendinibus, reponuntur autem, ut in manu supra Cap. 7. docuimus.

Hætenus Hieronymus Fabricius ab Aquapendente. Sequatur jam Joh. Municks.

DE LUXATIONIBUS,

Cap. 1. De Luxationibus in genere.

I. Quomodo in Fractura ossium solvitur continuitas, sic in Luxatione eorundem separatur contiguitas. Luxatio namque, sive Exarticulatio, Barbaris Dislocatio dicta, nihil est aliud, nisi Ossis à sua sede in alienam Prolapsus, quo motus arbitrarius impeditur. Proprie tamen Ea locum habet iis in ossibus, in quibus reperitur structuræ ratio talis, quæ ad motum manifestum est comparata; uti

Bibl. Chirurg. Tom. III.

sunt omnes articuli per diarthrosin conjuncti: videmus enim, quoties à sede sua excidunt ossa, motum articuli petire. In ossibus verò per synarthrosin conjunctis, in quibus nullus adest sensui manifestus motus, non quidem ille aboletur, sed propter tendinum ligamentorumve compressionem oritur dolor, & actio partis impeditur, exemplo sint ossicula in carpo, & tarso.

II. Dupliciter autem luxari ossa contingit, secundum magis & minus. Illa species perfecta est, ossis extra suum locum planè collocato, quæ idcirco ἐξάρθρωμα Græcis vulgò Luxatio seu Dislocatio dicitur. Hæc verò imperfecta, quæ παραρθρωμα Latinis Subluxatio nominatur.

Perfecta ergò Luxatio est, quum ligamenta ita relaxantur, vel dirumpuntur, ut os extra cavitatem suam planè deturbatum, & in alieno, nec consueto loco situm sit. Imperfecta verò dicitur, quum os è proprio loco non prorsus dimotum est, sed partim extra manet, partim intrà, sinus seu acetabuli margini insistent. Id quod accidit, aut quia violentia non valde magna fuit, aut quia ligamenta firma solidaque reperta sunt, nec admodum relaxata, sed violentiæ quodammodo resisterunt. Pertinent huc Distorsio, Perversio, & Relaxatio seu Elongatio; viz. cum laxatis & longioribus factis ligamentis, articulus quidem secundum longitudinem à sua sede quodammodo recedit, non tamen è toto excidit.

III. Verum præter duplicem hanc, perfectam & imperfectam luxationem, sunt & tria alia luxationis genera viz. in partem superiorem, vel inferiorem, & ad latus, quæ probè cognosci ac considerari debent, ut in proprium, naturalemque locum reduci ac restitui possint.

Adhæc aliæ Luxationes simplices sunt, aliæ compositæ. Simples dicuntur, quæ nullam aliam affectionem conjunctam habent. Compositæ verò, quibus unus vel plures affectus sunt conjuncti; ut cum ad luxationem vulnus, fractura, inflammatio, abscessus, vel aliud quid accesserit.

Denique & differunt Luxationes ratione causarum, quod nunc fiant à causis externis; casu, ictu, saltu, violenta membri distorsione: nonnunquam ab internis; humoribus puta affluentibus.

IV. Enimverò Luxationum Causa duplex est, externa & interna. Externa luxationum causa, est casus, ictus, saltus, extensio & motus partis violentus, aut quidvis aliud ejusmodi, quod vel ligamenta dirumpit, vel extendit & relaxat, adeoque violenter os sede suâ movet & expellit.

Interna causa, est humor ad articulum affluens, & ligamenta laxans, qui sensum adauctus, ossis caput tandem foras trudit.

V. Dignoscitur autem Luxatio visu & tactu. Tumor enim in ea parte in quam ossis caput excidit, appareat; cavitatis verò in loco, è quo prolapsus est: idcirco eo facilius deprehenditur, si corpus non admodum crassum & pingue sit, aut locus excarnis. Deinde perfecta si sit luxatio, membrum brevius redditur: quia prolapsus è sede sua os, cum resistantiam non habeat, sursum trahitur à musculis, nisi ingens ligamentorum laxitas in causa fuerit, quod ultra modum elongetur. Sed cum luxatum membrum semper sano dissimile sit, in situ, figura & longitudine; cum sano & integro id comparandum, ut brachium cum brachio, crus cum crure in eodem homine. Insuper cum articulationes propter motum factæ sint, si ossis caput è naturali sede excidat, motus articuli læditur; hinc ubi luxationis suspicio est, motus tamen non læditur, luxationem nondum factam esse concludendum. Tandem quia è sede sua elapsus os partes sentientes, in quas prolapsus est, tendines puta, nervos, musculos comprimit,

magnus inde excitatur dolor. Sin verò saltem sit Subluxatio, symptomata hæc remissiora sunt, aut quædam eorum absunt.

VI. Prognostica Luxationis Signa sunt, ex quibus vel periculosa & curatu difficilem, vel lethalem esse luxationemprehendimus. Hæc ex articulorum figura, item ex luxationis magnitudine, & causis: nec non morbis luxationi conjunctis, ac symptomatibus ei supervenientibus; denique ex luxationis tempore atque ex corporis habitudine, desumuntur. Ossa itaque facilius vel difficilius luxantur & luxata facilius vel difficilius in pristinam ac naturalem sedem restituuntur, vel ob majorem aut minorem sinûs cavitatem, vel ob ligamentorum ac muscutorum validitatem aut laxitatem. Quibus igitur membrum robustum, ac ligamenta valida sunt: articulus minus facile excidit, & difficilius reponitur; ac repositus validius continetur. At quibus membrum imbecillius est: corpusque mollius, & ligamenta infirma, facilius elabatur, faciliusque restituitur; verum restitutus minus fideliter continetur. Hinc in corpore puerili & tenero ossa luxata facilius restituuntur; restituta tamen minus facile retinentur. Contrarium accidit in adultis & corporibus robustioribus. Similiter illi articuli, qui profundiori sinu reconduntur: pluribusque ligamentis fulciuntur, difficilius luxantur, & luxati difficilius in pristinum locum restituuntur. E contrario, qui planiori sinu articulantur, paucioribusque ligamentis fulciuntur, facilius luxantur, luxatique facilius in pristinum locum restituuntur. Insuper quod longius à suo sinu articulus excidit, eò difficilius restituitur; quod propius eò citius.

Luxationes, in quibus ossium margines, sive cavitatum supercilia abruptuntur, pessimæ sunt, quoniam suo loco etsi restituuntur articuli; tamen non diu persistunt, sed levissima de causa iterum excidunt. Haud secus qui ob ligamentorum laxitatem elapsi sunt articuli, licet reponantur, tamen rursus facile elabuntur.

Luxationes quibus dolor ingens, inflammatio, aut vulnus accidit, curatu sunt difficiles, nec periculo carent, & sine convulsionis, imò mortis periculo restitui non possunt. Monet quoque Hippocrates, quod, si febris articuli repositionem antevertat, nullum luxatum articulum in suam sedem compellere conveniat.

Vetustæ item luxationes: & quæ jam callo obduruerunt, & in quibus lentus humor articuli cavitatem replevit, nunquam, vel saltem difficillimè sanantur. Omnis ergò luxatio statim reponenda est.

Cap. 4. De Luxationum Curatione.

I. **I**gitur in omni Luxatione Curanda, Communis est Indicatio, scilicet *Luxati & suo loco moti Membri in propriam & naturalem sedem Reductio*; quam operationem ἀρθρεμβολον Græci vocant. Hanc si cum fructu exercere desiderat, is in primis omnium in corpore humano articulationum naturam novisse debet: Etenim per illam viam per quam exiit, in suum locum reducendum est os, quod sede motum fuit. Huic autem reductioni inserviunt quatuor operationes; Extensio viz. Repositio, Deligatio ac membri repositi Collocatio. Enimverò luxatum membrum, hæud secus ac fractum, tum ob tendinum contractionem, tum quoque ut ossis caput suæ sedi è directo opponatur, est extendendum.

II. Fiat verò *Extensio* statim post luxationem factam. Quod si propter Chirurgi absentiam statim fieri non possit, fiat die etiam secundo vel tertio, nisi ob accedentem inflammationem desistere cogamur; die autem quarto propter exacerbationem nihil tentandum: observatum enim, quod si tenetur extensio, restitutio feliciter non succedat, sed multa eam sequantur incommoda. Unde Fallopius *Lib. de Lu-*

xationibus cap. 3. „moneo vos, inquit, ut habeatis semper rationem temporis, ad summum non excedentis diem tertium, & si tertius dies esset præteritus; expectandus est terminus inflammationis, & tempus, usque quo periculum non sit de inflammatione, estque, monente Hippocrate *Lib. de Articulis*, dies septimus. Et Tagaultius *Lib. 5. cap. 4.* hanc sententiam confirmat hisce verbis: „si antequam ad luxationem voceris, pars „luxata dolore infestetur, aut inflammatione occupetur, non „prius eam in suum locum reponere tentabis, quam dolor „finitus fuerit, & inflammatio conquieverit. Si enim membrum dolore aut inflammatione affectum distendendo laceraveris, periculum est, ne convulsio, aut aliud prævium „symptoma suscitetur. In similia verba erumpit Ambrosius Paræus, cum *Chirurg. lib. 15. cap. 5.* sic inquit „omnis luxatio restituenda est antequam inflammatio venerit: quod si jam illa adsit, de tollenda sollicitum statim Medicum esse oportet, de cætero Ægrum quiescere; ne si irritetur malum, doloris exacerbatio, convulsionis, gangrænæ, & tandem mortis adferat consecutionem; ut aliquando à se observatum refert. Ergò ubi inflammatio, & alia prava symptomata sedata & correctæ fuerint, tum demum aggredienda luxationis restitutio est, si præsertim corporis & membri affecti habitus eam admittere possit. Aditipulantur Joh. de Vigo *lib. 6. cap. 1.* Anton. Chalmæteus *Enchirid. lib. 4. cap. 2.* Scultetus *Armam. Chir. tab. 28.* & alii. „Non sine causa gravissima; Celsus *lib. 8. cap. 11.* & alii (inquit Fabritius Hildanus *Cent. 2. Obs. 40.*) monent, in Dislocationibus, quicquid suo loco motum „est, ante inflammationem reponendum esse. Sin illa „adsuerit, quiescere oportere, nec membrum laceßere, „usque dum inflammatio finita sit. Qui secus faciunt „non leviora symptomata, imò & mortem nonnunquam „inferunt; uti variis exemplis ibidem affirmat. Itaque si primis tribus diebus fieri non possit extensio, expectandum usque ad septimum aut octavum diem. Sed antequam tunc fiat extensio, quia callus interea generari incipit, præparandus est articulus ad indolentiam, & facilitatem restitutionis, calefaciendo, emolliendo, & laxando partes articuli; musculos nempe, tendines, & ligamenta: si namque partes hæc emollitæ sint, facilius & minore cum dolore extenduntur. Hæc autem articuli emollitio fit per *Fortun plurima Aqua Tepida, vel Decoctionis Malva, Althea, Violaria, Florum Camomilla, Meliloti, & similia.*

Cæterum Extensio hæc fit, vel solis Manibus Chirurgi, aut ejus ministrorum; isque modus Palæstricus appellatur, quia in palæstris luctantium membra luxata simplicissimo hoc modo reponerentur; atque convenit in mollibus corporibus, & ubi luxatio levis ac recens est; vel laqueis & Fasciis, nec non beneficio Salarum, Forium, Pistillorum, Instrumento Hippocratico ἀψή dicto; qui modus Methodicus nominatur, & convenit pueris, fœminis, & masculis jam robustioribus, & luxationibus mediocribus, non admodum levibus: vel Organis seu Machinis perficitur majoribus, & Organicus dicitur, ac adhibetur cum difficilima & inveterata sit luxatio. Hac de re consule Hippocratem *Lib. de Fracturis, & Articulis.* Oribasium *Lib. de Machinamentis,* Hildanum *Cent. 5. Obs. 69. & 86.* Scultetum *Armam. Chir. tab. 21. fig. 1. & 3. tab. 22. fig. 1 & 4.*

Quocunque autem modo luxari membri Extensio fiat necessum est eousque fieri, ut inter ossa liberum aliquod spatium relinquatur, ne in repositione ossis caput atteratur, & sinûs supercilia frangantur, unde symptomata gravia, & sæpè incurabilia eveniunt. Insuper in Extensione membri commoda figuratio observanda; rectitudo viz. tum ratione ossium, tum ligamentorum, & muscutorum. Servatâ namque harum partium rectitudine, minore cum dolore & difficultate succedit extensio.

III. Extensione sufficiente factâ, os, quod proprio sinu exciderit, vel restituendum per circumgyrationem, vel

vel placidè ab ea parte, qua fuerit prolapsum, in contrariam impellendum, & tandem minimo, quàm fieri potest dolore in proprium sinum *Reponendum*, ne fiat contusio, vel artritio capitis & sinus inter se. Hi verò motus non semper necessarii sunt; nam interdum, ubi extensio facta, si muscoli prius contracti tantum remittantur, facilè suâ sponte articulus in locum naturalem redit.

Quòd si & luxatio imperfecta, & os ex sinu seu acetabulo prorsus excussum non sit, necesse non est membrum extendere; sed illud movendo & agitando leniter & aptè in sedem naturalem, rectà propellendo, vel placidè circumgyrando, manu dirigatur ac restituatur.

Articulum autem rectè repositum esse cognoscitur, primum ex naturali membri figura, quando nulla cavitas nullusque circa articulum tumor apparet, quemadmodum ante restitutionem, sed in omnibus similis est sanæ parti, aut parum admodum abest propter influxos humores, quumque motum amissum reductum membrum recuperaverit, deindè ex doloris remissione, quæ signum est inseparabile: semper enim dolor sedatus indicat restitutum esse articulum, licèt reducto membro interdum & dolor remaneat, quod prius valdè læsi sint muscoli.

IV. Repositò verò in sedem articulo, membrum ita firmandum, ut articulus iterum ex sua sede egredi non possit, cum ob ligamentorum ac tendinum laxitatem facilè prolabi soleat. Id autem perficitur eodem ferè modo, ac in fracturis: primum enim antequam deligatio instituat, Medicamentum apponatur, quod influxum humorum & inflammationem prohibeat, & laxata ligamenta adstringere, partemque roborare queat; quale est *Oxyeratum*, vel *Vinum Rubrum Adstringens*. Hinc convenienter membrum deligandum per fascias & Splenia, quarum beneficio in orbem munienda est articulatio, donec ligamenta debitum robur & adstrictionem acquisiverint. Ità tamen administranda *Deligatura*, ut articulus in sua sede conservetur, ac humorum affluxus prohibeatur. Sique opus sit, & membri figura ac ratio id patiatur, Etiam Ferulæ è densa charta, vel corio, vel alia conveniente materia imponendæ.

V. His peractis *Collocetur* membrum molliter ac æqualiter, tali figurâ, quæ ipsi sano naturalis sit, non dolorosâ, nec lassitudini obnoxia. Et si pruritus, vel dolor, aliavè symptomata non uferint, deligatio haud solvatur ante diem quintum, sextum, aut septimum: tunc enim laxatis fasciis, & pruritu, ob detentos vapores excitato, solvendæ fasciæ, parsque pruriens *Aquâ Tepidâ* perfundenda, ut apertis leviter poris detentæ fuligines transpirare queant, adeoque pruritus mitigetur. Quòd si pruritus non sit molestus, à fotu hoc abstinendum. Hinc factâ molli Frictione, articulus leniter & hanc ad illam partem movendus, ne concrefcente in articulo humore, tendinibus ac ligamentis rigiditas tandem inducatur. Deindè impositis Spleniis *Oxyerato*, aut *Vino Rubro Adstringente* madidis, membrum ut prius deligetur; sed primâ paulò arctior sit secunda deligatio. Atque ita porrò procedendum, donec membrum satis videatur robustum; quo tempore solvendum, & Ægrotanti præcipiendum ut consuetas operationes moderatè exercere incipiat.

VI. Verùm accidit nonnunquam, ut Luxatio non sit sola, sed aliis insuper affectibus præter naturam; dolor puta, inflammatio, vulnus fractura, jungantur. Sin ergò, antequam Chirurgus vocatur jam dolor & inflammatio partem affectam prehenderit, articuli luxati restitutio non tentanda, nisi dolor & inflammatio sedata fuerint. Si enim antequam hoc factum fuerit, ea tentetur, metuendum est, ne ex tendinum & ligamentorum distensione Convulsio, vel aliud periculosum symptoma oriatur. Quamobrem nec extensio, nec aliqua alia operatio locum habet; sed in medio, minime-

que doloroso situ pars affecta deponatur, & Sectâ Venâ, alvoque Clystere laxatâ, ei apponatur *Vinum Rubrum adstringens*, vel Epithema ex *Aq. Fl. Sambuci, Aceto Rosaceo, Vino Rubro, &c.* v. gr.

℥. *Aq. Flor. Sambuci* ℥viij. *Aceti Rosacei* ℥iss. *Vini Rubri Adstringent.* ℥iij. *Camphoræ* ℥iss. *Sacchar. Saturn.* Diß. *M. pro Epithemate.* Vel circumjiciatur Fomentum ex emollientibus, dolorem sedantibus, & leviter resolventibus; ex *Malva, Althæa, Parietaria, Floribus Camomilla, Sambuci, Rosar. Rubr. Summit. Anethi, & similibus in Aqua Communi & Vino Rubro Adstringente decoctis.* Sedatâ inflammatione, doloreque mitigato, extendatur, reponatur, deligetur, & collocetur membrum, ut in luxatione simplici.

VII. Si inflammatio post repositionem succedat, quod non rarò contingit, tum ratione violentæ extensionis, tum doloris perpetui; instituendus est Victus Tenuis, Vena secanda, & Purgans Medicamentum exhibendum, moxque solvenda deligatio, etiam si sit primo vel secundo die, & præscriptum Epithema vel Fomentum imponendum, donec patiens levamen percipiat. Hinc membrum laxius deligetur paucioribus fasciis, idque singulis diebus faciendum, ad inflammationis usque declinationem: qua ablata, observetur curandi modus nunc expositus.

VIII. Si Vulnus luxationi accesserit, ita ut articulus vel detectus, vel extra cutem protrusus sit, affectus est admodum periculosus, ac sepè lethalis; cum ex tendinum ac ligamentorum distensione seu dilaceratione dolor, inflammatio, convulsio, febres acutæ, gravissima adeoque symptomata excitantur; estque eò periculosior, quòd membrum majus est, ligamenta & tendines circa id robustiores, unde humeri ac femoris luxatio cum vulnere plerumque mortem adfert. Eò etiam majus periculum est, quòd vulnus articulo propius. Ideoque Hippocrates ossium luxatorum cum vulnere repositionem, eorumque deligationem averfatur, solisque dolorem lenientibus, & inflammationem tollentibus initio uti jubet, nihilque ex his tutò reponi posse putat, præter digitos, manus, & plantas, atque in his ipsis etiam diligenter omnia peragenda esse præcipit. Neque enim vel digitus in quo minimum periculi est, reponi debet, cum inflammatio adest, sed vel antequam inflammatio accedit, vel cum jam sedata est, Multò magis in aliis articulis id faciendum, de quibus omnibus *Lib. de Articulis* §.74.76.77.78. ita inquit: „At verò quibus tibiæ ossibus luxatis, ac ulcere inducto, articuli circa pedem penitus eminenet, sive extra, tales reponere non oportet, sed permittere ut quicumque velit Medicus reponat. Illud enim clarè scire oportet, quòd homo morietur, si repositi permanferint. Sed & vita paucorum dierum his continget. Pauci enim ex ipsis septimum diem transgrediuntur. Convulsio enim est, quæ ipsos occidit. Sed & cancerari contingit tibiæ & pedem. Hæc ita futura esse certò scire oportet. Si verò repositi non fuerint, & ne tentati quidem ab initio, plerique ipsorum superstites evadunt. Eadem ratio est, si cubiti ossa circa manus articulum ulcere facto emineant, sive ad internam manus partem, sive ad externam. Clarè enim nosse id oportet, quòd is morietur intra paucos dies tali morte, qualis antea dicta est, cui reposita ossa permanferint. Quibus autem reposita non fuerint, neque repositio tentata sit, hi multò plures superstites manent. Quibus verò tibiæ os, facto ulcere, circa genu eminerit foras, sive ad externam partem, sive ad internam; his, si quis reponat, adhuc promptior mors adest quàm aliis, etiamsi etiam illis prompta aderat. Si verò omissa repositione medearis, spes quidem salutis hoc solo modo existit. Verùm periculosiora hæc ossa sunt, quantò superiora ac robustiora, & à fortioribus elapsa. Eadem ratio est, & de articulis circa gibbum, cubiti, & de cubito ac brachio.

chio : quæcunque enim ex his luxata ulcere facto eminuerint, ea omnia si reposita fuerint mortem inducunt : non reposita spem salutis : claudicationem verò superstitibus. Lethaliores autem sunt superiores articuli, si reponantur. Sed & si non reponantur, periculosiores iidem sunt. At verò quibus articuli digitorum aut pedis, aut manus luxati facto ulcere eminuerint, osse non fracto, sed circà ipsam connexionem avulso, his si repositi permanferint, adest quidem periculum convulsionis, si non benè curati fuerint : attamen operæ pretium est ut repositio fiat, cum prædictione, quod multâ custodiâ ac curâ opus habet. Minimè primi articuli periculosi sunt : superiores autem periculosiores. Reponere verò oportet eadem die aut postridie : tertio aut quarto minimè. Quarto enim die maximè recrudesce solent. Quibus autem non statim repositi fuerint, in his dictos dies transgredi oportet. Quicquid enim intra decem dies repositum fuerit, omne id continetur. Si verò reposito osse Convulsio accedat, articulum statim ejicere oportet, & calidâ quàm sepius humectare, & totum corpus, & præsertim circà articulos, calidè & leniter ac molliter tractare. Verùm inclinatum magis quàm extensum totum corpus esse oportet. Expectandum tamen est, articulos circà digitos, qui reponuntur, abscessuros esse. Quare si non, propter vulgi imperitiam, Medico verenda esset accusatio, nullum penitus reponere oportebat.

Quod autem Hippocrates in solis digitis faciendum consulit, id nos in reliquis quoque articulis facere conabimur, inquit Tagaultius lib. 5. cap. 4. ac statim quidem inter initia, dum pars adhuc inflammatione vacat, prolapsum cum vulnere articulum mediocri extensione (validam enim extra periculum perferre non potest) reponere tentabimus. Quod si juxta animi institutum evenerit, inflammationem solummodo arcere conabimur. Si verò inflammatio, aut convulsio, reposito osse accesserit, rursus id (si modò fieri sine vi possit) suo loco protinus expellendum est. At si hoc quoque periculum metuamus, (non inflammatus articulus sine vi fortasse cedit, & suâ sede iterum propelleretur) satius fuerit per initia in majoribus articulis repositionem differre. Ubi verò inflammatio conquieverit, (quod septem aut novem dierum spatio contingit; tunc præfari oportet, quale periculum ex repositione sit securum (& si non reponatur, hominem ea parte claudum ac mutilum omnino per reliquum vitæ tempus futurum : dein conabimur sine violentiâ os in suam sedem compellere. Porro ulceris curationem eandem, quæ proposita est in fracturis cum ulcere, administrabimus. Omne autem membrum, quod cum vulnere loco morum, neque repositum est, sic jacere convenit, ut maximè cubantem juvet; tantùm ne moveatur, nevé dependeat. Hæc Tagaultius : cui ut & Hippocrati subscribunt C. Celsus lib. 8. cap. 24. Galenus in Hippocr. de Articulis, Vido Vidio Interprete. Ambr. Paræus Chirurg. lib. 15. cap. 5. Fallopius tract. de Luxation. cap. 9. 10. 11. Cæsar Magatus de Vulneribus lib. 2. cap. 71. Scultetus Arman. Chir. tab. 28. & alii plures.

Ubi ergò articulus major reponi nequit, habitâ prius universalium & victûs ratione, membrum sine omni extensione & deligatione in media figura, vel de collo suspendatur, vel leniter collocetur, ut immobile maneat, & dolorem non sentiat. Impedienda interim inflammatio, & convulsio imminens, medicamento dolorem mitigante, leviterque repellente.

Sin verò (majoris præsertim articuli) luxatio facta sit cum vulnere, tendinibus dilaceratis, ac omnino disruptis ligamentis, atque adeò osse detecto ac extrâ cutem protruso, eoque tandem sphacelato, nulla curationis spes est, nisi quod supra luxatum articulum

in parte sana membrum extirpetur. Talem casum nobis videre contingit Anno 1678. in Rustico, cui tibiæ os, ubi talo conjungitur, cum vulnere erat dislocatum atque disruptis articuli ligamentis detectum & extrâ cutem protrusum ac brevi post canceratum. Quem cum tractarem cum Chirurgo N. van Engelen, suasi mox totius cruris prope genu amputationem, cui consilio cum Chirurgus obtemperare noller, putans certò certius se hunc affectum curaturum, morbus indies auctus fuit, gravissimæque accesserunt symptomata; ut tandem, cum præ foribus mors videretur, vocatis insuper Petro VVassenaar Medicinæ Doctore, & Petro Curtio Chirurgo fuerit conclusum de cruris prope genu extirpatione; qua sequenti die peractâ Patiens, qui duos præter propter menses miserrimè decubuerat brevi restitutus est, & ligneo crure instructus etiam nunc inter vivos versatur.

IX. Sed & nonnunquam accidit, ut Luxationi Fractura jungatur. Quo in casu membrum vulgari modo extendendum, & luxatus articulus in suum locum reponendus, ossa verò fracta conformanda & componenda sunt. Et primò quidem luxatus articulus, si fieri possit, reponendus, deinde fractura curanda, & utrisque conveniens deligatio adhibenda. Quod si ante fracturæ curationem, articulus sine periculo restitui non possit, primò fractura coaptanda; deinde ubi callus generandus est, danda opera, ut etiam articulus luxatus restituitur.

X. Sin verò luxatio vel ob Chirurgi absentiam, vel ob patientis negligentiam, vel ob præsentem inflammationem, aliamvè ob causam statim non restituitur, Callosa circà articulum contrahitur Durities. Estque callosa hæc substantia vel dura ac lapidea, vel non ita dura. Idcirco articulus fovendus, vel *Aquâ Simplicî Calidâ*, vel Fotu Emolliente, ac leviter admodum Resolvente, ex *Althea*, *Malva*, *Violaria*, *Floribus Camomilla*, *Meliloti*, *Radice Cucumeris Asinini*, *Seminibus Lini*, *Fenigræci* & *similibus in Aqua Communi decoctis*. Post fotum articulus inungendus Linimento ex *Unguento Althea*, *Oleo Liliorum Alborum*, *Amygdalarum Dulcium*, aliisque emollientibus.

Tandem ubi quicquid callosum fuerit, emollitum & discussum est, ad partis extensionem, & articuli repositionem deveniendum, atque reliqua facienda & administranda, ut in luxatione simplici. Quod si, articulo restituto, callus oboritur, Patiens juxta usum emollientium & leviter discutientium, articulum, quantum possibile, moveat; quo motu callus digeratur.

Cap. 3. De Luxationibus in specie.

CÆterum inter præcipuorum articulorum dislocationes, primo loco occurrit *Maxilla inferioris Luxatio*, qua & masticatio tollitur, & locutio depravatur. Rarè tamen accidit, ut ea luxetur, ob arctissimam ejus cum ossibus temporum per validum ligamentum articulationem, & validissimum musculorum eam sursum trahentium robur.

Hæc autem Luxatio vix aliam in partem fieri posse, quàm anteriorem, ejus cum temporum ossibus articulatione abundè docet. Enimverò in partem posteriorem luxari, non potest, quia temporum ossis processus obstant, idque impediunt; nec facilè dextrorsum, quia sinistrum maxillæ capitulum plurimum impedit: neque etiam sinistrorsum, quia impedimento est capitulum maxillæ in latere dextro. Ergo in partem anteriorem maxilla tantùm luxari solet. Accidit autem ista Luxatio, si processus anterior & acutus infra os Jugale elabatur, ut eo ita humilior fiat, ut sursum in suum locum amplius redire non possit. Aliàs enim

etsi processus hic ossē zygomatico humiliter demittatur, non tamen statim fit luxatio, sed ore aperto suum in locum revertitur. Fit verò ista Luxatio, vel in uno duntaxat latere, cum solum pars ejus dextra vel sinistra elabatur, vel in utroque latere simul, cum tota Inferior Maxilla è sede sua excidit.

II. Causa hujusce Luxationis frequentissima, si non unica, est nimia oris apertio & diductio, quæ plerumque fit oscitando, ita ut processus acutus; qui *Corone* Græcis dicitur, ossē jugali humilior fiat, simulque in latus convertatur. Nihilominus tamen ligamentorum laxitas, nec non musculorum debilitas, causæ esse possunt adjuvantes, quod maxilla dislocetur.

III. Maxillam autem è sua sede excidisse cognoscitur, quòd in anteriorem partem promineat, ejusque processus acuti extenti juxta articulos maxillæ luxatos. Si namque processus acutus ex ossē jugali excidat, necesse est, ut ibi emineat, quod in homine non ita obeso & visu & tactu facillè cognoscitur. Os manet apertum, unde loquela impeditur, & saliva Ægro invito effluit.

Si ex una tantum parte Maxilla luxata fuerit, ipsa cum mento in contrariam partem, qua luxata non est, inclinatur, os distorquetur, unde dentes nec committi possunt, nec paribus suis respondent, sed sub incisoriis, canini consistunt: Insuper in parte luxata protuberantia notatur, ac musculus temporalis rigidus admodum apparet.

Si verò in utroque latere sit luxata, tota cum mento, & quidem recta, in partem anteriorem sive ad pectus prominet, os apertum relinquitur. Dentes inferiores longius quidem, quam superiores excedunt, è regione tamen sibi invicem, incisoriis incisoriis, canini caninis respondent: juxta malas in utroque latere eminentia apparet, quam processus acutus efformat, musculique temporales, quorum tendines hic processus excipit, intenti, rigidi que conspiciuntur.

IV. Periculo interim non vacat Maxilla, sive ex altera tantum parte, sive ex utraque luxata. Facilior tamen restitutio est, si in uno duntaxat latere luxetur: sin verò in utroque simul luxatio sit, difficilior, periculosa, ac interdum lethalis est; præsertim si quam celerimè non reponatur, cum musculi omnes, quibus maxilla continetur & movetur, intenduntur admodum, hinc & dolores, inflammationes; febres continuæ, gravissimaque alia superveniant symptomata.

V. Maxillæ luxatæ repositionem eleganter docet Hippocrates *Libr. de Articulis* §. 26. quem secutus est C. Celsus *lib. 8. cap. 12*. Nimirum videndum imprimis, an ex altera tantum parte fuerit prolapsa Maxilla, an ex utraque. Si in utroque latere luxata sit, in humili sede Æger collocetur, ejusque caput vel ad parietem, interjecto pulvinari duriusculo, urgeatur, vel à ministro, à tergo Ægri collocato, ut immobile maneat, teneatur; hinc Chirurgus utriusque manus pollicem linteo obvolutum dentibus molaribus imponat, reliquis verò digitis maxillam ad mentum extrinsecus apprehendat, sicque eam primò deorsum trahat, mox in partem posteriorem adigat, tandem sursum pellat, sicque eam restituat.

Sin in uno tantum latere fuerit Luxata, reponitur Maxilla in partem oppositam protrudendo, quod non ita difficulter fieri solet. Imò vel colaphus gravior eam non semel restituit.

Repositione facta, conveniens Deligatio facienda, quæ fiat Fasciam imponendo ad mentum, ubi aliquantulum dehiscat, ut hinc inde mentum apprehendat: deinde ex utraque parte ad aures eadem fascia rescindenda, auresque foras trahendæ; hinc liganda fascia in capitis vertice, eaque non solvenda donec maxilla fuerit confirmata, quod bidui, tridui aut ad summum quadridui spacio fieri solet. Interim à sermone multo, oris diductione, & oscitatione, durorumque ciborum

masticatione Patiens abstinere, & liquidis contentus sit.

VII. Interdum & *Clavicula* sede suâ dimovetur, id quod Galenus in *Comment. ad Hippocratis Librum de Articulis* suo exemplo probat, ubi prolixè recenset, quomodo sibi in Palæstra hic articulus ita luxatus fuerit, ut inter acromium & jugulum trium digitorum intervallum intercederet, & quid circa se actum sit.

Luxatur autem Clavicula, quin potius subluxatur, vel in commissura ejus cum ltero, vel ubi scapulæ acromio jungitur, ex casu, aut violento quovis extrinsecò ictu, seu percussione, laxatis, extensisque conjunctionis ligamentis, hinc & è sede suâ paululum claviculâ avulsâ. Rarò tamen id accidit, propter firmam cum utroque ossē connexionem.

Quum ergò Clavicula subluxatur, manifeste elevata conspicitur. Ac quando summus humerus à proprio loco fuerit dimotus, acutior apparet, & exstare videtur os, quod recedit, sinusque unde excidit, persentitur, adeò ut imperitis luxati brachii suspensionem præbeat: ita Ambr. Paræus *lib. 15. cap. 11*. testatur, se multos Chirurgos novisse, qui decepti luxationem juguli pro summi humeri luxatione habuerint.

Subluxata Clavicula facillè admodum reponitur, & in sedem naturalem revertitur, sed vix unquam in ea servatur, unde necessariò sive plus minus à superiore parte prominet, sæpèque contingit, Ægrum manum neque ad caput, neque ad os movere posse. At circa sternum si subluxatio facta sit, & promineat clavicula, nullum inde relinquitur detrimentum.

Ut autem restituatur subluxatum hoc os, brachium extendendum, & clavicula in suum locum repellenda est. Quod fit, si Æger supinus jaceat, pulvinari duriusculo scapulis supposito, ut scapula thoraxque ad exteriora protuberet, & attollendo, deprimendo, aut protrahendo brachium antrorsum, retrorsumque, pro ut dislocatio exegerit, manusque volâ comprimendo, os hoc in suam sedem compellatur. Dein splenia multiplicia imponenda, ac pars arctius vincienda, si forsân restituta Clavicula in sede naturali servari, ac confirmari queat.

VII. *Dorsi Spina* è multis composita *Vertebris*, quæ peculiari articulatione, mediantibus quatuor obliquis processibus, nec non ipso vertebrarum corpore, inter se coherent & connectuntur, ut ad inflectendum, in anteriora præsertim, apta sit; & ne sedibus suis in isto motu excidant *Vertebræ*, multis variisque ligamentis insuper firmantur. Quandoque tamen causarum præternaturalium violentiâ è sua sede quodammodo exturbantur & subluxantur; rarò autem perfectè dislocantur. Enimverò perfecta *Vertebrarum* Luxatio fieri nequit, nisi diffractis apophysibus; nec non penitus divulsis cartilaginibus ipsi vertebrarum corpori adnatis, quibus in parte anteriore eæ inter se connectuntur.

Fit autem *Vertebrarum Spinx* Subluxatio vel in partem anteriorem vel in posteriorem, vel in latera; ex casu viz. percussione, nimia inflexione, ac similibus causis violentis.

Cæterum quòd *Vertebræ* suo loco motæ sint, visu & tactu explorari potest. An etiam versùs interiora, vel exteriora, vel ad latera subluxatæ sint, visu dignoscitur.

Atqui curatu admodum difficilis est hic affectus, præsertim si malum recens non sit. Si autem plures *Vertebræ* ordine sese consequentes simul subluxentur, minùs periculosum est, quàm si una saltem luxetur: una namque vertebra si loco moveatur, cum in acutum angulum desinat, spinalem medullam comprimit, eamque valdè lædit: at si plures simul loco suo quodammodo excidant atque angulum obtusum efficiant, minùs spinalem medullam comprimunt.

Perfecta verò quandò contingit *Vertebrarum Cervicis* aut *Dorsi* Luxatio, lethalis est. Etenim spinalis medulla, nervique ab ea oriundi ita comprimuntur, ut

spiritus animales in partes inferiores influere nequeant, hinc & respiratio tollatur, & ceterę partium inferiorum actiones mox sileant.

Vertebrarum autem Cervicis Subluxatio quandoque fit versus posteriora, quandoque versus anteriora. Versus posteriora si fiat, spinalis medulla comprimitur, mentum ad pectus flectitur, unde & loquendi & spirandi potentia tollitur, homoque non raro jugulatur. In anteriora si fiat Cervicis vertebrarum Subluxatio, collum distorquetur, caput moveri nequit, facies livet, locus affectus dolet, & spirandi ac loquendi difficultas adest. Malum tamen minus periculosum est, quàm integra luxatio. Statim autem iis occurrendum: quod fit, si Æger in humili sede sedeat, Chirurghi vero minister scapulas deprimat, at ipse Chirurgus caput utrinque ad aures apprehensum elevet, & variè moveat, donec vertebra suo loco restituatur; quod ubi factum, caput sine dolore iterum movere valet Æger.

Ubi Dorſi Vertebrae extrorsum Subluxatę sunt, Æger ventri incumbat super Scamnum Hippocratis, (vide Scultetum *Armat. Chir. tab. 25. fig. 2.*) hinc ministri duo vinculis duobus, quorum unum ad axillas, alterum ad ossa innominata, firmatum sit, fortiter partes Ægri extendant, quò is in totum quoad spinam elongetur, Chirurgus autem ipse protuberantes Vertebrae manu intropellat.

Ad interiora verò facta Spinę Dorſi Subluxatio pro incurabili ab Hippocrate *lib. de Articulis*, Paulo Ægineta *lib. 6 cap. 117.* Avicenna *lib. 4. fen. 5. tract. 1. cap. 21.* & aliis meritò habetur. Fabritius Hildanus tamen *Cent. 5. Obs. 69.* aliquid tentandum censet; primò quidem extensione, & Spinę nunc in dextrum, nunc in sinistrum latus concussione, nec non linteo sub ventre posito, ejusdem in altum elevatione, per instrumenta ab Oribasio & Paræo depicta. Deinde dorſi incisione usque ad vertebrae subluxatam, & vertebrae, quę post incisionem aptis tenaculis apprehendenda est, in altum elevatione, sed modus hic tutus vix videtur, modò non sit planè impossibilis.

VIII. Insuper & *Coccygis Os* luxatur extrorsum & introrsum. Extrorsum quandoque Luxatur fœminis in partu difficili, quibus tamen facilè, fascià circà nates validè constrictâ, restituitur. Introrsum quoque Luxationem patitur, quę ut restituatur, digitis tam in anum immisſis quàm extus applicatis eouſque moveatur, donec debito situ locatum sit, uti latius videre est apud Jobum Meckeranum *Observ. Chirurg. cap. 56.*

IX. *Costę* etiam nonnunquam Luxantur à casu aut percussione, nunc suprà, nunc infrà, nunc intrò. Si suprà, vel infrà, vel in latus fiat *Costę Luxatio*, inæqualitatis visu & tactu deprehenditur, & hinc cavitas, illinc extuberantia apparet. Si intrò luxata sit, saltem cavitas observatur.

Sequuntur autem varia Luxatas Costas symptomata; difficultas spirandi, thoracem movendi, & corpus erigendi, dolor pleuritidem referens, inflammatio, febris: hinc ut quamprimum suę sedi *Costa* restituatur, danda opera. Et si *Luxatio* sit in partem superiorem; Æger rectus suspensus ex januę vel fenestrę parte superiore brachiis statuatur, & *costę capitulum* extrà vertebrae eminens comprimatur, donec in locum suum redeat. Sin verò in partem inferiorem Luxata sit *Costa*, Æger pronus incurvetur, manibus suprà genua innixus, interim Chirurgus *costam* luxatam manu in locum naturalem comprimat. At intrò facta si sit *Luxatio*, incurabilis & ferè lethalis est, cùm manuum opera nihil præstare possit. Volunt tamen, ut Emplastrum aliquod validè adhærens apponatur, quod sæpius violentiâ summâ avellatur, si forsan hoc modo restitutio sequatur.

X. *Humeri Os* capite suo rotundo, cartilagine undique obducto, sinui cervicis scapulę perfectissimâ omnibus motibus obeundis absolvendisque accommodatissima, articulatione committitur. Cumque sinus hic non altè satis pro excipiendo humeri capite exsculptus sit, ne frequentibus luxationibus articulus hic foret obnoxius, provida natura duobus ligamentis validis, lato viz. & rotundo, duobusque scapulę processibus, acromio cum eoque conjuncto claviculę capite; & coracoides dicto processu, nec non musculis, deltoide præsertim ac bicipite, cavit, & insuper præter cartilaginem, quo sinum hunc incrustavit, aliam in ambitu adjunxit, quę sinui quidem haud adnascitur, ligamentis tamen adstricta crassior incipit, sensumque versus centrum extenuatur. Nihilominus verò causâ violenta si accadat, articulus hic excidit non solum, sed & reliquis frequentius & facilius.

Excidit articulus hic ferè semper in unicum tantum locum; deorsum scilicet in alam, seu sub axillam. Adeò autem raro in alium locum luxatur, ut scripserit Hippocrates, articulum hunc, qui cum lato scapularum osse conjungitur, se novisse uno tantum modo excidere, nempe in alam; in locum verò superiorem, aut exteriorem, vel interiorem nunquam, aut saltem rarissimè. Enimverò prolapsus humeri in partem superiorem manifestè impeditur à scapulę processu, acromio dicto ubi cum clavicula jungitur; at in locum exteriorem articuli hujus egressus prohibetur ab eodem scapulę processu, musculoque bicipiti; in interiorem verò, seu anteriorem ne ossis humeri caput prolaberetur, scapulę processus coracoides avertit: ut adeò cum Hippocrate affirmare liceat; in partem inferiorem plerumque humerum luxari, cùm nullum ibi adfit propugnaculum, quod hanc prohibere posset dislocationem.

XI. An verò Humerus saltem luxationem perfectam, an etiam subluxationem patiatur, queritur? Resp. articulum hunc subluxationem nonnunquam pati; imò frequentius subluxatur humerus, quàm alius quivis articulus, quia caput ejus rotundum destituitur collo oblongo, inseritur in sinum exilem, profunditate carentem, minimeque majori huic capiti respondentem, & hinc facilius descendit, parumque elabitur tantum, ac in margine cervicis scapulę subsistit. Atque talis humeri subluxatio haud ita difficulter restituitur; viz. levi factâ extensione; per simplicem circumgyrationem.

XII. Causa humeri luxationis violenta plerumque est; casus nempe, percussio, brachii vehemens extensio, aut distorsio, &c. Humerum verò sub alam prolapsum esse, facilè cognoscitur, & monstrat id certissimum, proprium, & inseparabile signum: nimirum quid rotundum ac durum sub axilla sensibilibiter tactui obvium. Quibus tamen & alia accedunt: luxatus namque humerus si cum sano comparetur, dissimilis admodum apparet, quoniam cavitas insolita est in humeri summo, videturque is extare, & acutior, nec rotundus, sicut sanus conspicitur; cùm humeri caput, quod rotunditatem faciebat, jam sit prolapsum, & in inferiore loco recipiatur. Insuper prolapsum brachium sano longius est, manumque ori admoveere Æger nequit.

Gracilibus porrò ac macilentis facilius Humerus luxatur, & luxatus facilius reponitur; at difficilior in sua sede detinetur. Carnosis autem sicuti rarius quidem luxatur, sic difficilior in propriam sedem restituitur; at restitutus minore cum molestia servatur. Recens quoque Humeri *Luxatio* facilius reponitur, antiqua difficilior, & reposita iterum excidit, quoniam scapulę cervicis sinus callosâ repletur substantiâ quę, si os reponatur, iterum è proprio sinu prolabi cogit.

XIII. Igi-

XIII. Igitur ut prolapsus Humeri articulus in suam sedem restituatur, prius aliqua humeri extensio facienda, ut versus principia sua retracti muscoli elongentur, adeoque luxatus humerus suo loco sic reponatur. Sunt autem varii reponendi modi, ut videre est apud Hippocratem *Lib. de Art. §. 2. 3. 4.* Ambroasii *Paræum Chirurg. lib. 15. cap. 21. 22. 23. 24. 25. 26. 27.* & alios, Horum tamen quosdam, quique minorem requirunt apparatus, ac tutissimi sunt resensebimus.

Primus modus fit cum minister articulum humeri valide detineat, Chirurgus brachium deorsum trahat, hinc idem in sinum suum elevando reponat Scultetus *Armament. Chirurg. tab. 23. fig. 3.*

Secundus modus fit per Calcem: hac ratione. Æger humi resupinandus est, ac inter alæ cavitatem, scilicet inter caput humeri & costas pila mediæ magnitudinis adaptanda. Chirurgus interim Ægro ex adverso sedens calcem super pilam alæ subjectam applicet, & ambabus manibus humerum deorsum (cum caput ejus musculorum vi sursum tractum sit) trahat; calce verò eundem sursum compellat, sicque in propriam sedem adigat.

Tertius modus fit per Scalam, (de qua Scultetus *Armam. Chir. tab. 21. fig. 3.*) estque tutus etiam: & satis commodus. Erigatur nimirum Scala firma, super cujus gradum altiore rotundum quoddam corpus quod Patientis alæ adaptari, humerique caput propellere possit, deligetur: ad ima scalæ subsellium locetur, cui pedibus insistat Æger, postea ala super corpus illud rotundum ponatur, brachium luxatum à Chirurgo deorsum trahatur, humerusque inde commoveatur. Interim sanum brachium à ministro ex opposita parte etiam validissimè deorsum trahatur, mox scabellum pedibus Ægrotantis subtrahatur, ut è scala pendeat, hacque ratione humerus restituatur.

Quartus modus à præcedente non multum differt, & pistillo perficitur. Viz. molli aliquâ fasciâ involvatur Pistillum, atque latus inter & humeri caput dimittatur. Sit autem ejus longitudinis, ut homo stans propemodum ex eo pendeat. Quod brevius fuerit homo sedeat sic, ut vix humerum super pistillum injicere possit: deinde brachium juxta pistillum extendatur; alter verò corpus in alteram partem adigat, manibus ad colum plicatis.

Commodior autem videtur quintus modus, qui fit per Humeri suppositionem; scilicet validus quidam & altioris staturæ vir Ægrotantis alam ponat super acuminatam humeri sui partem, Humerumque Luxatum versus pectus suum validè trahat, humerum suum elevando, ut ab eo Æger quasi pendeat. Intera minister alius scapulam deorsum comprimat, brachiumque variè moveat, usque dum omnia ritè restituta.

Sextus modus omnium commodissimus fit per Glosocomum, seu Ambi, ab Hippocrate descriptum, & à Paræo emendatum; de quo videantur illi: ut & Scultetus *Armam. Chir. tab. 21. fig. 7.*

XIV. Humero in propriam sedem restituto, meioris magnitudinis pila ex molli lana, & tenuibus linteis facta alæ subjiçitur, ne humerus propter gravitatem, ligamentorumque laxitatem rursus descendat. Dein Splenia *Vino Rubro Adstringente* aut *Oxyerato* madida luxato, at nunc restituto humero imponantur, tum ad arcendam inflammationem, tum ad relaxata ligamenta roboranda. Tandem Fascia longa, duobus capitibus prædita, ita circumjiciatur, ut pilam constringat, humerique articulum comprehendat; quæ deinde ad alteram alam, ab eaque ad scapulas, rursusque ad ejusdem humeri caput tendat, tum ad oppositi lateris cervicem vergat, sæpiusque eodem modo circumagatur, aded ut pilam non solum constringat: sed & brachium sursum trahat, vel saltem conservet. Cubitus similiter ad pectus adducatur, & fasciâ in orbem circa corpus

porrectâ deligetur, sicque vinctus humerus commode contineatur. Elapsis verò tribus, quatuor, vel quinque diebus, si vincula laxiora sint facta; vel inflammationi suspicio adsit; solventur fasciæ, & pars affecta ut prius deligetur, donec articuli ligamenta robusta satis evaserint.

XV. *Cubiti Articulatio* ex duobus Brachii ossibus, *Radio & Ulna*, ac inferiore capite ossis humeri, fit per Gynglymum, hoc est, eam articulationis speciem, qua ossa se mutuo excipiunt, & vicissim excipiuntur ab aliis. Sinus enim habet humerus parte inferiore duos, quorum anterior sive minor processum cubiti anteriorem, cum brachium inflectimus, suscipit; posteriorem verò, sive majorem, quem cubitum vocamus, cum brachium extendimus, posterior sinus admittit. Pro radio excipiendo humerus etiam capitulum peculiare exterius dictum, obtinet. Insuper articulum hunc validissima membranosa ligamenta firmant, roborantque. Ex quibus omnibus colligere licet, eum difficillimè luxari, cum multiformis & varia sit horum ossium conjunctio. Nihilominus tamen quaquaversum Cubitus Luxari potest, antrosum, retrorsum, extrorsum, & introrsum: quandoque cum radio, aliquando sine eo; nonnunquam radius è cubito absque ulla ejus luxatione recedit.

Cubiti luxatio alia completa perfecta est, (inquit *Paræus lib. 15, cap. 31.*) alia imperfecta, Hæc ut facile & levi quadam ex occasione incidit, sic facile restituitur. Perfecta contra, ut difficulter fit, sic non ita facilem habet repositionem; præsertim nisi inflammationem prævenieris: suborta enim inflammatio repositionem vel difficillimam, vel omninò impossibilem reddit, maximè quæ extrosum incidit.

Cæterum ut aliarum partium luxatio à causis violentis fit, ita & hæc. Et Cubiti quidem in anteriorem partem Luxatio, ut plurimum ex violenta & subita brachii extensione contingit: in posteriorem ex violenta brachii inflexione; & ad externam vel internam, ex brachii perversione fieri solet.

In quam verò partem Cubitus luxatus sit, visu, tactuque facile deprehenditur. Si enim in partem anteriorem prolapsus fuerit, brachium abbreviatur, nec curvari potest, in parte anteriore tumor insolitus, in posteriore cavitas insueta conspicitur. At in partem posteriorem si fuerit luxatus, brevius sitidem brachium efficitur, rumor in posteriore, cavitas autem in anteriore parte apparet. Sin in interiorem aut exteriorem partem Luxatio fiat, eadem signa adsunt, protuberantia eo loco datur in quem procidit os, sinus verò eo, quo excidit; brachium quoque curvatur, & extendi nequit, sicut in luxatione ad anteriora, & posteriora.

Cubitus porro uti ob multiformem ac variam cum humero articulationem, ligamentorumque robur, non facile elabitur, ita prolapsus difficulter restituitur. Luxatus autem cubitus nisi citissimè reponatur, non solum varia & periculosa symptomata; dolorem nimirum intensissimum, inflammationem, febrem, convulsionem; sed nonnunquam ipsam etiam mortem adfert. Omnium tamen luxationumque, in Cubito fiunt, maximè periculosa & dolorifica est, quæ in posteriorem fit partem.

Si ergo Cubitus in partem anteriorem sit Luxatus, ut reponatur, primum Extensio fieri debet in congrua figuratione, non in directum, sed in obliquum, ita ut Cubitus ad rectum angulum cum humero collocetur, ne altum Cubiti supercilium humeri capitulum lædat. Extensionem efficiant ministri duo, quorum unus summum humerum sursum, alter cubitum deorsum; vel solis Manubus vel, necessitate id exigente, Vinculis trahat. Deinde corpus aliquod rotundum è linteis convolutis apponatur ad cubiti flexuram, hinc comprimatur, tum cubitus inflectatur, isque citissimè ad posteriora à Chirurgo impellatur, ac reponatur. Scultetus *Arm. Chirurg. tab. 24. fig. 1.*

Imperfecta autem si sit Cubiti in partem anteriorem Luxatio;

Luxatio; seu Subluxatio, moderatâ factâ extensione, solo brachii inflexu facillimè restituitur.

At verò Luxatus in partem priorem Cubitus, si dicto modo restitui non possit, alius adest: viz. duo ministri brachium similiter extendant, ad cubitum autem luxatum Habena ponatur, & infrâ tam longa ligetur, ut pes Chirurgi possit ei tanquam stapedi inniti: factâ extensione, habenâ deorsum tractâ pede chirurgi, retrò comprimens Chirurgus cubitum inflectat, sicque articulum reponat.

Posteriorem tamen in partem Luxatus si fuerit Cubitus, obliquâ à ministris factâ extensione, Chirurgus luxatum os in contrariam partem urgeat, ac compellat; sicque recens Luxatio fuerit, facillè reponitur. Affirmat autem Hippocrates *lib. de Fracturis* §. 44. hanc Cubiti Luxationem solâ ejusdem subitâ ac diutinâ extensione se nonnunquam curasse.

In partem anteriorem vel posteriorem prolapsus Cubitus facillimè reponitur, si factâ extensione, ab ea parte, in quam prolapsus est, in contrariam impellatur. Scult. *Armam. Chirurg. tab. 23. fig. 2.*

Factâ luxati cubiti repositione, congrua fiat Deligatio, mediam semper observando figuram, sicut in humeri vel cubiti fractura diximus.

XVI. *Carpus Cubito & Radio* per Diarthrosin connexus, excidere potest ad anteriora, posteriora, interiora & exteriora; potissimum tamen in anteriora prolabitur. At *Metacarpi Offa* omnia introrsum quidem & extrorsum luxantur; ad latera verò duorum mediorum ossium prolapsus impediunt duo ossa extrema, indicem & minimum digitum respicientia: quæ duo tamen in latera ab ossium vicinia liberum excidere possunt. *Digitorum Offa* similiter in quatuor partes dislocari possunt; antè putâ, postèrius, ac utrinque ad latera: sed ut plurimum ad anteriora, vel posteriora luxantur.

Atque ut aliarum luxationum, ita & Carpi, Metacarpi, ac Digitorum Luxationis Causa est motus violentus, ictus, casus, perversio, contorsio.

Cognoscuntur autem haud difficulter partium manus Luxationes. Sive enim Carpi, sive Metacarpi, sive Digitorum ossa in partem anteriorem luxata fuerint, tumor eò loci in anteriore parte apparet, digitique flecti nequeunt. Sin in posteriorem exciderint, tumor in parte posteriore conspicitur, digitique, ob tendinum & nervorum ad ipsos tendentium compressionem, extendi non possunt.

Luxatio harum partium periculosa non est, cum facillè restitui in sedem naturalem possint dislocata ossicula.

Quod si ergò facta sit Carpi in partem anteriorem aut posteriorem, manus ponatur super Tabulam, (vide Scultetum *Armam. Chirurg. tab. 24. fig. 2.*) & quidem supina, si ad anteriora prona, si ad posteriora facta sit Luxatio: dein fiat extensio à duobus ministris, trahentibus hinc inde tum brachium, tum digitos. Dum fit extensio, Chirurgus articulum luxatum in partem contrariam impellat.

Luxatio ossium Carpi, aut Metacarpi, in illa nullâ factâ extensione, in hac modicâ facillè reponitur, manu super tabulam collocatâ, & supposito corpore duro, sicque ossibus in sua loca protrusis; vel antèrius vel postèrius.

Haud secus Digiti Luxati, à duobus ministris factâ super tabula extensione, facillè in contrarium impelluntur. Factâ luxatorum horum ossium repositione, membrum convenienter deligandum, & deponendum.

XVII. *Femoris Os*, omnium in corpore humano maximum & longissimum, capite suo globoso, valida cervice subnixo, & cartilagine obducto, coxendicis acetabulo, amplo satis & profundo, committitur, in eoque duobus validis ligamentis detinetur; uno lato, crasso, & membranoso, quod articulum totum circumdat, altero tereti quod ab ipsa acetabuli cavitate pro-

ductum, in susceptum femoris caput inferitur, idque acetabulo firmissimè connectit, sicque articulatio hæc per Enarthrosin Diarthrosicos perficitur: ut adeò Femur facilius & expeditius flecti, extendi, in latera moveri, & circumverti, nec facillè prolabi possit.

Excidit autem aliquando hic articulus in quatuor partes; nimirum in anteriorem, & posteriorem, sed rarius, cum acetabuli supercilium hac in parte altius sit; frequentius verò in partem anteriorem, & interiorem: cum eò loci humilior sit supercilium. Quoad Femoris imperfectam Luxationem, seu Subluxationem: nunquam, aut saltem rarè admodum eam dari puto; quoniam acetabulum, quo globosum femoris caput reconditur, alta satis in ambitu habet supercilia, ut omnino fieri non posse videatur, ut caput hoc partim in acetabulo contineatur, partim promineat, & exciderit: insuper de articulationis motu & circumactione, nec non musculorum robore in locum suum facillè id raperetur. Attamen à causa interna Subluxatio hujus articuli forsàn contingere potest: tum enim ligamenta ac vincula emollita admodum & relaxata, ossis caput acetabuli margini insistens retrahere nequeunt.

XVIII. Causæ perfectæ Femoris Luxationis sunt eedem, quæ luxationis humeri; externæ puta, & violentæ, casus, ictus, aliavè violenta & indecens femoris extensio ac distorsio. Insuper humores ad articulum hunc affluentes, eundem è sede sua sensim protrudere possunt, sicque imperfectam causare luxationem.

De femoris ossis capite aliquid notatu dignum annotavit Rolsincius, *Exercit. Anatom. lib. 2. cap. 49.* viz. caput hoc valdè laxa conjunctione ossi femoris adhærere, ita ut coctione in aqua citò emolliatur, & facillè manibus ab osse dirimatur, præcipuè in animalibus junioribus; atque hinc fieri, ut in infantibus & pueris junioribus nonnunquam ab osse recedat & divellatur, idque sæpè parva de causa, ut à levi casu, vel cum nutrices nimis maturè pedibus insistere & inniti jubent infantes, atque tunc illud communiter habere pro luxatione, ex eoque diagnoseos errore felicem curationem impediri. Testatur quoque Cl. Diemerbr. *Anat. lib. 9. cap. 19.* se recessum hujus epiphysis in uno aut altero vidisse, qui à Medicis & Chirurgis pro luxatione habebatur, licet caput ossis femoris extra acetabulum nusquam elapsum, sentiri posset: interim tamen os femoris versus posteriora reflectebatur, ejusque superior pars sine capite nonnihil sursum versus ascendere, sentiebatur, sicque crus illud altero brevius evadebat.

XIX. Dignoscitur autem Femoris Luxatio his Signis. In *Luxatione ad interiora*, crus longius est, si cum altero conferatur, & difficulter mobile; genu exterius protuberat, ac globosum femoris caput manu in inguine notatur. Facillè quidem reponitur, sed & facillè iterum excidit, unde pars emaciatur, & Æger fulcro uti cogitur. *Exterius ubi facta Luxatio*, crus altero brevius est, quoniam femoris caput in locum altiore excidit: inter anum & scrotum pars in sinum dehiscit, at juxta clunes in tumorem attollitur: genu pes, tibia intrò spectant, pedem equidem satis commodè flectere potest Æger, ac terræ imponere haud ita; calx namque terram non attingit, sed ima planta, quia crus abbreviatum est. Licet autem non reponatur, dolor tamen per se tandem cessat, Ægerque temporis successu sine sustentaculo incedere valet. *Anteriorem in partem si Femur fuerit Luxatum*, tumor in inguine est, cum femoris caput ad pubem incumbat, nates contrà propter musculos cum femore ad pubem contractos, rugosæ sunt, ac depressæ; urina, propter vesicæ cervicem quodammodo compressam aliquandò supprimitur; crus nec curvari, nec ad inguina adduci potest, cum in ipso flexu sit femoris caput, idem tamen nec elongatur, nec abbreviatur ad calcem præfertim

fertim: digiti pedis namque non facile extendi, nec ad terram converti possunt, unde in incessu Æger calci inniti cogitur. Etiam si nec hic repositio quædam fiat, rectus tamen incedere tandem potest Æger: contingit verò nonnunquam, pedem sufficienter à terra removeri non posse. In *Luxatione ad posteria*, pedem nec extendere, nec flectere valet Æger, unde calx terram non attingit; crus abbreviatur valde, in inguine sinus est, at compressis natibus protuberantia observatur notabilis; ex globoso viz. femoris capite in nates prolapsa, quod visu tactuque ibidem deprehenditur. Hic quoque etiam si repositio nulla fiat, dolor sensim cessat, pedisque motus redit; pes autem licet rectus, nec distortus sit, nihilominus tamen brevior permanet, & multum abest, ut terram calx contingat, unde immedicabilis remanet claudicatio.

In genere verò magnum Femoris periculum est, ne vel difficulter reponatur, vel repositum rursus excidat. Difficulter Femur Luxatum reponitur, quia propter validissimos musculos, qui in hac parte sunt, extensio sufficiens fieri nequit; & tantò difficilius reponitur, quantò Luxatio vetustior est: Repositum autem facile rursus excidit, tum propter musculos & ligamenta relaxata, & imbecillia reddita, tum quia suo pondere deorsum tendit: insuper ob ligamentorum abruptionem in proprio sinu persistere aliquandò non potest, & idè iterum delabatur. Si igitur Luxato Femore lacera & disrupta sint articulationis ligamenta haud ita difficulter articulus reponitur, sed repositus in sede naturali servari nequit, semperque denuò prolabitur: at relaxata solummodò si sint ligamenta difficilius restituitur luxatum femur, verum repositum in proprio loco nonnunquam detinetur.

Antiqua Femoris Luxatio, quæ jam callum contraxit, & in qua sinus oppletus est, incurabilis judicatur ejusque repositio minimè tentanda, cum frustra affligatur Æger. Docet quoque Fabricius Hildanus *Cent. 6. Obs. 100.* inveteratam hanc Luxationem reduci non posse, sed post tentatam reductionem semper malum pejus factum fuisse.

XX. Igitur dislocatum Femur ut sedi naturali restituatur, Æger subjecto pulvinari in scamno aut mensa ita collocandus, ut pars in quam prolapsus est femoris caput, sit superior, ea verò, à qua recessit, inferior, *hoc est*, pronus quidem, si extrorsum aut retrorsum Luxatio facta sit; supinus, si introrsum; & in latus, si antrorsum, postea conveniens facienda extensio, vel Manubus, vel Habenis, vel Machinamento, (quale est Trochlea trajectis funibus, depicta apud Hildanum *Cent. 5. Obs. 86.* & Scultetum *tab. 22. fig. 1.* Tandem verò Femur, semper viâ prolapsui contrariâ, in suum acetabulum impellendum.

Itaque *ad anteriora si Femur Luxatum sit*, Æger imponatur scamno aut mensæ, hinc inter utrumque pedem supponatur baculus fortis linteo benè obvolutus, mox valida fiat pedis extensio, usquedum commodè manu reponi possit. *Exterius autem si facta sit dislocatio*, similiter scamno aut mensæ Æger imponatur, extensioneque conveniente factâ Repositio fiat. *Anteriorius verò cum exciderit Femoris caput*, incumbat Æger lateri sano, hinc pes extendatur, sicque vel manu, vel genu in suum sinum compellatur. At *versus posteriora si sit Luxatio*, Æger imponatur ventri, hinc pes validè extendatur, mox Femur manu prehensum circa genu extrorsum à pede sano dimoveatur, sicque caput ipsius in sinum compellatur. Sed proprio in loco restitutum ut maneat, quietus Patiens decumbat, usquedum ligamenta pristinum robur acquisiverint.

At verò præter nunc expositos reponendi modos, & is occurrit, quem Hippocrates describit; quo femoris articulus, sive in interiorem, sive in exteriorem partem eruperit, restituitur. Nimirum Scala describitur, cui homo insidet, integro & sano crure leniter extento, &

quam commodè poterit alligato: cruri vitiato Calathus, in quem coniecti lapides fuerint, vel vas fictile appenditur aquâ plenum, sicque factâ extensione, luxati articuli repositio fiat. Scultetus *Armar. Chir. tab. 23. fig. 4.*

XXI. Genu & perfectam; & imperfectam patitur Luxationem, labiturque frequenter in partem interiorem, & exteriorem; rarò in posteriorem; at vix unquam in anteriorem, & non nisi à causa admodum violenta, cum Patella opposita id prohibeat.

Accidit autem hæc Luxatio à percussione, casu, saltu, cursu vehementiore, immodica tibiæ extensione, vel contractione & distortionem.

In quem verò locum Genu Luxatum sit, facile in excarni hac parte cognoscitur; siquidem in latere, in quod articulus prorupit, protuberantia, cavitas in latere, è quo discessit, visu tactuque deprehenditur. Insuper figura depravatur, crus est extensum, nec flecti potest; unde inotus necessarîo depravatur, vel omninò perit.

Genu porrò, si cum cubito conferatur, ob ejus juncturæ modum, sapius luxatur & facilius reponitur. Ossium namque, quibus uterque articulus continetur, structura arctior, & conjunctio profundior est in cubito, laxior in genu; atque adeo Luxatio Genu minus periculosa est.

Genu si Subluxatum sit, nulla, aut exigua saltem requiritur extensio, sed sola in contrariam partem impulsio articulum reponit. At perfecta si Dislocatio sit, extensio est necessaria; quæ fiat Manubus in recenti luxatione, & puerili ætate: minister unus trahat supra genu, alter sub genu; Chirurgus verò ad partem contrariam, è qua excidit, manu os impellat. In Luxatione non ità recenti, & corporibus robustioribus, opus est Habenis, vel etiam machinamentis, quibus sufficiens fieri potest extensio.

Os ubi repositum est, quod ex cruris liberâ extensione, & cum altero sano comparatione cognoscitur, Splenia imponantur *Oxycrato* vel *Vino Rubro Adstringente* madida, hinc conveniens instituenda Deligatio, Ægerque ab incessu abstineat, donec novæ luxationis nullus amplius sit metus.

XXII. Patella, cum à lateribus nullum habeat obstaculum dislocationem ejus impediens, in partem superiorem, inferiorem, exteriorem, & interiorem nonnunquam Luxatur; in posteriorem verò nunquam, cum tibiæ & femoris ossa, quæ ipsa tegit, obstant. Accidit autem hæc Luxatio à percussione, casu, saltu, ac indecente tibiæ distensione. Eaque visu & tactu facile dignoscitur, cum rectè flecti ac moveri crus nequeat. Et quoniam laxior est hæc articulatio, haud difficulter sedi suæ Patella restituitur.

Verum ut in suam sedem reponatur, Patiens firmiter in planitie erectus stet: Chirurgus interim Manubus Patellam à parte, in quam prolapsa est, in eam è qua excidit, compellat. Ubi restituta est, Splenium cavum, patellæ formæ accommodum, & *Oxycrato* vel *Vino Rubro Adstringente* madidum, parte eâ, ad quam prolapsa erat, collocetur; at poplitis cavitas variis compressis expleatur: omnia denique arctè fasciis constringantur, ne genu inflecti possit; si namque flectatur genu, periculum est Patella ne rursus loco suo excidat. Ubi verò novi prolapsus periculum nullus est, Æger sensim genu rursus flectere assuescat.

XXIII. Pedis nomine intelligimus septem *Tarsi* ossa, suis nominibus donata, quinque *Metatarsi*, quatuordecim *Digitorum*; quæ omnia variis modis invicem coarticulata, ligamentisque membranosis connexa sunt. De horum omnium luxationibus jam dicendum esset. Sed quia Tarsi, & Digitorum ossa eodem ferè modo in Pede, quo Carpi, Metacarpi, & Digitorum ossa in Manu, inter se uniuntur, iisdem quoque Luxationibus subiecta sunt, quæ easdem causas habent, iisdem signis dignoscuntur, ac eodem modo reponuntur, opere

operæ pretium non est, quædam de his superaddere. At verò de Tali, & Calcanei Luxatione, cum ossibus hisce nulla in manu respondeant, quædam addere lubet.

XXIV. *Talus* igitur, seu *Astragalus* in omnes quatuor partes prolabi potest, nimirum in partem anteriorem, posteriorem, anteriorem, posteriorem; frequentius tamen in anteriorem. Et quidem perfectè luxatur & subluxatur.

Calx autem, sive *Calcaneus*, Talo subjectus, frequenter quidem antèrius & posterius, rarò ad latera erumpit.

Fit verò horum ossium Luxatio à violento casu, ictu, aut aliâ inconueniente pedis distortionem. In specie autem *Calx* luxatur, & ab *Astragalo* divellitur, si quis ex alto desiliens graviter in calcem labatur & impingat, vel inter saltandum calci vehementer insistat.

Talus porrò si in partem anteriorem prolapsus sit, ima pedis pars in posteriorem, convertitur; si in posteriorem, contraria signa adsunt. At in anteriorem partem si erumpat, latus ille ac robustus tendo, qui calcaneo inseritur durus tensusque evadit, pes minor ac brevior apparet, ob articulum in priorem partem promotum; si in posteriorem, calx ferè reconditur, quia articulus ad calcem elapsus est, planta major, pesque longior evadere videtur: Et hæc signa si manifesta sint, perfectam Luxationem, sin obscura Subluxationem denotant. In specie verò *Calcis* Luxatio ex dolore, figurâ partis depravatâ; & actione læsa facillè cognoscitur.

Ceterum *Talus* uti facillè Luxatur, sic facillè reponitur; sed ob multitudinem ossium juncturas componentium difficulter confirmatur; atque idè post Tali repositionem diutius in lecto perseverandum, ne is *Talus*, qui rotum corpus sustinet, nondum confirmatis tendinibus ac ligamentis, ferendo oneri cedat; rursusque prolapsatur. Veruntamen *Calcis* Luxatio periculosior est; siquidem venæ & arteriæ majores, quas excipit, nec non magnus ille tendo, qui ei annectitur, facillè læduntur, unde inflammatio, convulsio, delirium, febris, & gravissima alia symptomata non rarò excitantur.

Ut ergò Luxatus *Talus* in proprium locum reponatur, primum debita facienda extensio; Manibus quidem ministrorum in Luxatione recenti & corpore puerili, quorum alter pedem, alter tibiam apprehendat & extendat. Sin manibus proba extensio fieri nequeat, uti in corporibus robustioribus, & luxatione haud ita recenti, fiat *Habentis*, vel aliis Machinamentis deorsum trahentibus. Scultetus *Armam. Chirurg. tab. 25. fig. 1.* Postèa Chirurgus articulum in partem contrariam, è qua excidit, compellat, convenientemque Deligationem instituat; quæ tamen minùs pro ratione adstringenda est, ne posterior *Calcis* tendo nimis constringatur.

Calcaneus etiam, levi extensione factâ, in naturalem sedem haud difficulter reponitur; repositus verò convenienter vinciendus, Agerque tamdiu in quiete detinendus, donec restitutus hic articulus probè confirmatus fuerit; id quod ante quadragesimum diem (uti de reposito Luxato Talo quoque affirmare licet) vix contingit.

Atque hæc de Luxationibus breviter dicta sunt.

Hactenus de Luxationibus curandis in genere & in specie, ex Aquapendente & Munnicks: Veninariam, Consultationes & Observationes in eodem Argumento ex Variis.

Consultationes.

Pro Perillustri, & Nobilissimo Barone Germano luxatione sinistri femoris laborante.

QUOD Perillustri, & Nobilissimus Baro patriatur luxationem femoris sinistri, multis potest compro-

bari rationibus, & primò motus lèione in ea parte, nam flexio & ob id incellus lèdirur, ut claudicare cogatur, nam femur minùs movetur, quàm antea, & præsertim ab ea parte, à qua recessit Articulus, cum non nihil moveatur, in quam venit.

Secundò femur sinistrum est dissimile dextro secundum figuram, situm, & longitudinem, ergo necessariò luxatum est; quidem dissimile secundum figuram, quoniam cavitas insolita in eodem observatur secundum eam partem à qua os recessit, & eminentia, seu tumor in ea in quam excidit; secundum situm deinde, quoniam femur sinistrum ad genu spectat partem internam, sicuti crus, & pes; secundum longitudinem tandem, quia crus sinistrum est brevius, nam trahitur à musculis, cum nil resistat.

Cum igitur nobilissimus Baro labore luxatione femoris sinistri, & Luxatio duplex existat, perfecta, & imperfecta: imperfecta primò si quæ sunt juncta separantur, & disjunctio Rhasi dicitur, cum nimirum ossa dehiscunt, prius juncta, Celso libro Quinto, ut supra à tibia, vel secundò quia ossa elongantur propter remollitionem ligamentorum, ita ut os non excidat à proprio sinu, sed aliquantulum promoveatur, ut facile sit postmodum ipsum excidere, ut carpo, & cubiro accidit. Distortumque à Rhasi nuncupatur. Perfecta verò si caput ossis excidat ex toto à proprio sinu, quæ differt secundum magis, & minus ex Quarto de Articulis primo, & sit in femore ac humero; nunc ex intensione symptomatum facillè est intelligere perillustrem virum vera, perfecta, & intensa luxatione laborare, præterea quia non adest tumor, ut quando dehiscunt; nec articulus est pensilis, nec vacillat, ut in elongatione in præsentem imperfecta luxatio non habet locum, sed perfecta solum, sub qua ex toto excidit: Ceterum cum in varias partes femur excidat, nunc in externam partem excidit, primum quia crus affectum brevius est, quoniam caput femoris elatius est sinu, secundò in perineo cavitas, extrà tumor apparet. Tertiò genu, pes, tibia interiorius spectant. Quartò crus sursum trahitur, & non potest flecti, quoniam musculi posteriores flexui repugnant, enim figurati dolent, & non distenduntur, calx terram non contingit, sed planta ima, hinc claudicatio, quæ omni tertio de Articulis habentur; ergo femur luxatum est in anteriorem partem; quæ luxatio sicuti frequens est, ita quæ in internam frequentissime occurrit, uti quæ in posteriorem, vel posteriorem propter supercilia sinus elatiora rarissime accidunt.

Utrumque tamen omnibus luxatio habet causam tum efficientem, tum conservantem. Efficiens duplex, impellens & incontinenens, prior hîc habet locum, nam cum nobilissimus Baro infans esset ex fasciis in terram cecidit, & ex hoc casu, tamquam causa violenta femur extra proprium sinum impulsus fuit. Causa incontinenens, seu incontinentia & ipsa facit ad luxationem, non continetur autem femur in proprio sinu ob vitium, vel acetabuli, vel ligamentorum. Vitium autem acetabuli potest esse nativum, & acquisitum; nativum, quando supinum est, ut secundum superficiem promineat, & sursum spectet, ut habetur libro de causis morborum nono; estque vitium in figura. Acquisitum quando supercilia sunt confracta. At vitium ligamentorum est tum disruptio, tum relaxatio à nimia humiditate, ex Galeno loco citato, & sexto Aphor. 59. cum Hippoc. Hîc autem incontinentia ex parte ligamentorum relaxatorum ob nimiam humiditatem locum habet, quæ incontinentia in luxatione femoris eò magis potest, quia caput femoris naturaliter in cavo deorsum spectante inseritur, proindeque levi etiam de causa continentiam lèdente fit hæc luxatio.

Causa verò conservans luxationis est causa detinens os extra propriam sedem, quæ multiplex esse potest, præcipua tamen est callus obductus, qui etiam hîc, ut &

& morbi diurnitas, & impossibilis repositio declarant, adsit oportet, quem callum ex materia à capite defluente, imò verò & ex alimento ipsarummet partium ortum habuisse, non est quod aliquis dubitet.

Nam quantum ad caput attinet, est magnum, humidum, ergo destillationibus obnoxium, hanc autem destillationem fluere per modum transmissionis ad articulationem illam, non tantum suâ naturâ; sed etiam occasione casûs jam dicti nullus unquam negabit.

Quare in hoc morbo propulsando respicit Medicus, vel ad curationem, vel ad præservationem; si ad curationem scopi sunt calli remollitio, & resolutio, collocatio, extensio, repositio; atque detentio, secundo, & tertio de fracturis, præservatorii fluxionis à capite in aliam partem conversio, materiæ fluxû evacuatio, cerebri siccatio, & partis recipientis confirmatio, habitâ tamen prius de toto providentiâ.

Verum scopi curativi sunt impossibiles, nam vitium est veluti nativum, cecidit enim ex fasciis, dum à nutrice contrectaretur; accedit callus qui materiis medicis non cedit, adesse autem callum ex eo liquet (ut etiam supra tetigi) quoniam luxatio est antiqua, quæ callo obdurescere solet, tum ob humores ad caput femoris fluentes, tum ob sinus repletionem: Immo etiam si recens esset hæc luxatio, femur adhuc repositum facile excideret, non tantum ob eam rationem, quod sinus capitis femoris deorsum spectat, sed etiam quia muscoli alioquin imbecilles, propterea femoris pondus illud non retinerent, & eo magis, si ligamenta sint læsa, ex Celso libro nono, capite decimo, sed non tantum ob hæc rationes, scopos curativos impossibiles existimo, verum etiam quia quamplura remedia citra fructum adhibita hucusque fuere, quamquam malum hoc non possit sanari sub hoc tamen minùs ægri patiuntur, quoniam sub luxatione femoris in partem externam melius corpus regitur, atque fertur, tertio de Articulis.

Cæterum scopi præservatorii non sunt impossibiles, nam patiens est decem & octo annorum, in mutatione ideo ætatis humidioris ad sicciorem, multum est fidentum; præterea est obtemperans, ut nil sit ulla ratione omittitur, quod illi conducere possit, aliquid tamen difficultatis occurrit ob fluxionem, ac partis recipientis imbecillitatem, à quibus tum motus abolitus, tum deformitas affecti cruris, uti gracilitas, impendet.

Atqui cum ex se nobilissimus Baro absque aliquo remedio præservari possit, (quantum ego existimo) non esset, quod ego materias medicas in hunc finem proponerem, nisi ab ipso cogerer.

Quocirca ad materias chirurgicas primum accedens, omitto curatorias, tanquam interim inutiles, nam cum repositio inter illas sit præcipua, fiat palestricè, seu manibus, Methodicè cum vulgaribus, atque machinis, quælibetque harum sit impossibilis, ideo jure omittenda; Nihilominus ad tentandum aliqualem extensionem mihi summopere probatur calceus pro pede sinistro, in cujus fundo intra soleam sit lamina plumbea primum subtilis, ac levis; deinde tractu temporis crassior & ponderosior.

Quamobrem quantum attinet ad materias præservatorias, ratione sanguinis subdominantis singulo Vere venam secare conduceret, cauterium autem in crure sano, vel brachio ejusdem lateris esset opportunum; sed an ustio ejusdem in loco affecto conveniat meritò aliquis inquireret? Cui responderem quod sicuti Galenus ex Hippocrate sexto Aphor. ultimo, hanc laudabat inustionem, non solum ut mucus absumeretur, verum etiam & cutis corrugata, atque firmata faci-

Bibl. Chirurg. Tom. III.

lè os femoris in suo sinu detineret, sic ne propter cutis laxitatem res interim in deterius laberetur, eadem Ustio videtur opportuna, cutanea saltem.

Medicamenta præservatoria; si quæ ex usu essent, ad propria capita reduci commodè possent, quando hæc respiciant vel materiam, vel locum affectum; si materiam fluxuram, fluentem, & fluxam; quæ fluxuram, sunt quæ respiciunt totum, & caput. Meritò igitur totius lenientia, præparantia & purgantia pituitam summopere conveniunt in genere verò purgantium pilulæ arthriticæ sæpius etiam repetitæ sunt præstantissimæ, quo & medicamenta insensibiliter evacuantia, decocta nempe guajaci, & falsæ, decoctum florum Hyperici, atque terebinthina cum pulvere florum hyperici, & ivæ referri debent.

At medicamenta, quæ materiam fluentem respiciunt sunt intercipientia, hinc horâ somni saccharum rosatum antiquum cum bolo Armena, ac theriaca recens erunt accommodata.

Meritò verò capitis lotio siccans, in activis temperata, & urgente necessitate embroca hujus census mihi probatur.

Materia tandem fluxa discutienda erit cerato Phœnicinio & Diachilone gummato, vel Oxycroceo, in quem usum etiam, quod ex Ladano, gummi Elemi, galbano & serapino paratur; est opportunum, pariter & oleum de spica odorata cum oleo Mastichino, oleum ladani, stillicidium cum oleo Hyperici, fons cum sacculo ex spelta, & floribus Hyperici; Infusum ex aqua sulphurea, & nitrosa, luta etiam ejusdem mineræ probantur.

Postremo occurrunt medicamenta, quæ locum affectum (seu proportionem ejusdem dixeris) respiciunt, inter quæ oleum antiquissimum salitum, aqua ardens, in qua ebullierint lumbrici terrestres, oleumque ex ossibus humanis destillatum arrident.

Victus talis instituitur, ut aeris inclementiæ fugiantur, omnis repletio, atque cruditas devitentur, cibi que facilis coctionis, & nullius excrementi (si fieri potest) assumantur; Panisque tempore frigidiori fiat ex farina cum decocto falsæ, & chinæ excepta, Cænaque semper sit parciore prandio, Victusque omnis (ut unico verbo omnia complectar) sit extenuans: Vinumque perillustri patienti sit in usu subrubrum, medicatum cum guajaco, & floribus Anthos. Deusque his omnibus favcat. *Julius Caesar Claudinus in Consultationibus Medicis.*

Luxatio Cubiti.

Morbum, quo Illustrissimus Patiens divexatur, cubiti dexteri manifestissimam luxationem judicamus; etenim ob ossium vitiosam articulationem, naturalis impeditur motus, illis extra cavum humeri valde prominentibus; cujus causam non internam, sed externam & manifestam cognoscit; quoniam in tertam prolapsu ossa suo situ deturbata sunt; hinc nec extendi flectique, nec rotari legitime possunt. Itaque, sicut facile cognoscitur, & sensui obviis affectus est; ita ossium repositionem ligamentorum durities impedire videtur, tum quia cavitates ossium, ob temporis diurnitatem, mucò replentur, qui durior evadens, ossa etiam validissima distensione; ad easdem compulsa non admitteret. Attamen Pat. Nob. juvenis est remediisque commodiorem extensionem, flexionemve meritò sperare licet. Antequam tamen parti succurratur, corpus expiandum est, juxta Galeni monitum; eaque postea emollienda, & pauca eisdem materia impacta resolvenda; ac denique roborandum.

M

Unde;

Unde, inter Chirurgica præsidia, sanguinis missio commendatur, ex vena communi sinistri brachii: ante tamen lenienda alvus, syrup. ros. mannâ, & decoct. cord. Alterantia erunt decoct. in jure, ex cichor. borrag. end. soncho, pentaph. & seminibus citri; à quibus exhibeatur prædictum medicamentum, additis rhabarb. agaric. cum correctivis, infusione.

Parti verò affectę mensis spatium, duabus vicibus, quolibet die; applicandi ventres vervecini per horam, quibus amotis, ex usu erunt omenta eorundem oleo amygd. lilliorum alb. chamamel. lumbric. pinguedine humana novissima imbuta. Et demum luta D. Barthol. per xv. saltem dies. Hoc interim parabitur instrumentum ferreum, quod sensum extensionem promoveat. Tandem, facta pro virili extensione, corroborandę parti, luta primò Aponiana, deinde D. Petri negligenda non sunt.

Quibus accommoda victus ratio succedat, Viris Excell. notissima. Et hæc proponenda duximus pro affectu Nob. Patientis. Faxit Deus, ut ex voto succedant. *Raym. Joh. Fortis Consult. & Resp. Medic. T. I. Cent. iv.*

Spina ad Anteriora Contorsio.

Colli dolor, non sine aliquo ejusdem tumore, spinęque non quidem luxatio, sed ad anteriora contorsio, seu à sua rectitudine recessus, non aliunde ortum duxerunt quàm à materia catarrhali illuc defluxa, per modum non solum transmissionis, à capite nimirum calida & humida intemperie prædita; verum & per modum attractionis spinali medullâ in partu imbecilliori redditâ, & post partum ex difficili & incompòsito situ diuturniori in ludis; crassa namque cartilago intra vertebra, & ligamenta humiditate imbuta spinam laxarunt: & quia ad anteriora, Pancreas, qui ventriculo subternitur, hunc elevavit; unde tumor quidam molestię non expers.

Quod si affectio in dies augetur, necessariò brachii, quę ab illis vertebis motum suscipiunt, multò magis læsa observabimus & ventriculi munus non levem offensam percipere posset, non sine spirandi difficultate.

Quare ad hæc mala arcenda, & progressum eorundem inhibendum, spina in situm pristinum restituenda, ligamenta roboranda; quod ut consequamur, materia antecedens tum exsiccanda tum divertenda; cerebri intemperies corrigenda, totò prius expurgato. Id autem consequi non ita facilè; recessus enim iste ad anteriora, sicut rarior, ita difficilior.

Instituatur itaque totius expurgatio, quę constabit sanguinis missione, vel ex illæso brachio vel ex saphe-na, si imminuti menses. Cauterium quoque eidem brachio peorpportunum erit. Lamina ferrea, fasciâ alligata, quę à primis vertebis ad os sacrum perveniat, procuranda rectitudo, appposito cavitati aliquo cerato oxelęo, citrino, & hujusmodi. Ex usu quin etiam inde pulvinar noctu durum, ventriculo appositum; die verò laminam ferream aut ligneam, ut moris est, ventriculum comprimentem gestandum censeo, potissimum jejuno ventriculo. Topicis tandem purgantibus perficietur expurgatio, ut pil. cochiis, aureis, aggregat. pulv. hermodact. hiera ruta Alex. & errhinis. Post hæc laudatur à nobis decoctum, ab Excell. Viro descriptum, cum sudore, cui adjici poterit bolus ex pulv. viper. cujus usu poterit insistere etiam absoluto sudore; parato etiam vino medicato in totam hyemem.

Diæta sit quidem semper attenuans, sed in curatione solum; mediocriter verò tenuis extra eandem juxta scopos propositos. *Idem ibidem,*

Subluxatio vertebrarum dorsalium.

Juvenis robustus & vegetus evigilans aliquando mane conqueritur de difficili respiratione; cum dolore tensivo hypochondriorum, quasi cingulo omnia ibi coercerentur; Surgens, corpus non æquè bene flectere potest; quin palus quasi dorso infixus videatur. [Negligit hæc per aliquot dies, sed contumaciter omnia perdurant; alvus constipatur, abdomen murmurat; hypochondria magis inflari videntur. Tandem phlogoses superveniunt. Interdum extremorum refrigeratio cum sudore frigido circa frontem & tempora; anxietates præcordiorum insignes & lypothymia subinde imminet; pulsus celer, durus, vehementia & magnitudine moderatus. In malo ita confirmato vocat medicum pro curâ.

Affectus in se levis, qui tamen neglectus; gravissima quęque infert symptomata. *Causa proxima*, mutatio situs, seu subluxatio vertebrarum inferiorum thoracis. *Remota* conatus ponderis gestandi.

Symptomata superveniunt sequentia. Spasmi circa hypochondria, ab irritatis ob dislocationem nervis. Difficilis adest respiratio; corpus flectere nequit; phlogosis vaga, ob succorum diversorum in primis viis effervesceniam. Refrigeratio extremorum, Lypothymia; Sudores syncoptici, propter motum spirituum impeditum. Pulsus durus adest: quia spasmò corripuntur membranae. Circa locum luxationis facilè aliquid colligitur sanguinis, quod successivè corrumpitur unde sudoriferis discutiendus.

Si malum duret diu Tetanos, vel Opistotonos, aut etiam propter Lypothymiam repetentem mors supervenire potest.

Curatio peragitur repositione & firmatione, de quâ vide Sennertum; Si verò in malo graviore, inflammatio repositionem impediat, ea prius tollenda, cancrinis, sanguine hirci, acidis, sanguinem stagnantem resolventibus, ut spir. sal. amon. sperm. ceti cum pauxillo croci in cerevisia calida.

℥. Lap. cancr. præp. ʒi. antimon. diaphor. ʒi. M. pro duab. dosib. Capiat primam dosin in duobus cochlearibus aceti, expectando sudorem.

Factâ repositione, in quâ partes extendendę; firmandę eadem vinò tepidò, vel solò, vel cum floribus hyperici decocto, vel petroleum spinę dorsii, præcordiis & hypochondriis calidè inungat; vel fiat emplastrum ex tacamahaca, quod malaxetur cum balsamo Peruviano. Pro reliquis symptomatibus & anxietatibus detur spir. carminativus de tribus.

Frequens malum est infantibus, qui phlogoses inde patiuntur. Si volunt cognoscere, an vertebrae sint luxatae, emplastrum supradictum ventri admovent, deinde pedem lumbo applicant, quo situ, si manu dextra pedem assumere possunt, signum est nullam adesse luxationem. *Michael Ettmullerus in Collegio Consultatorio.*

Observationes.

De Luxatione Spinae.

Inter luxationes omnium periculosissima est illa, quæ in spina dorsii occurrit: testantur id Hippocrates lib.

lib. de articulis : Avicenna, & alii, præcipue autem vertebræ colli; docente Avicenna, mortem subitanæ adferunt. Nervi enim respirationi inservientes, addit Avicenna coarctantur, respirationemque auferunt. Dislocatio præterea versus partem anteriorem, etsi hominem in momento necare non possit, præcipue ea, quæ completa non est, lethalem tamen esse scribunt post Hippocratem Avicenna, & alii. Medulla enim spinalis, cum pars sit cerebri, eandemque cum ipso habeat naturam, gravissima sequuntur symptomata, si suo loco amota vertebræ. Comprimuntur præterea nervi ex spina prodeuntes, si introrsum facta fuerit dislocatio, & symptomata adaugent. Est autem spinæ aut completa sive perfecta, videlicet cum vertebra omnino suo loco amota est. At illa præcipue si versus partem anteriorem fuerit, mortem infert. Aut imperfecta, quando nimirum vertebra aliquantum suo loco amota est. At hæc non semper lethalis est, quemadmodum ex sequentibus exemplis videre licet.

Exemplum. I.

Pistori cuidam Burgdorffensi, prope Bernam, cum rota plaustrum onusti vertebrae duas impressisset, domum semimortuus & ab umbilico ad pedes paralyti plane resolutus portatur. Barbitonsor advocatur, qui nulla habita ratione speciei luxationis, miserum primum in ventrem collocat, & eam, quam potuit, vi, manibus primò, deinde quoque genua spinam, quæ depressa, & proinde relevanda erat, magis magisque deprimit. Vides, qualis ignorantia, aut potius inhumana temeritas? Arbitror tamen ipsum tyrannidem suam circa vertebrae luxatas non exercuisse. Procul enim dubio vertebræ ulterius impulsæ fuissent; & in ipsa operatione animam egisset æger, sed vertebrae, quæ supra & infra luxationem erant, ipsum deprimere voluisse, ut tandem æqualis fieret spina. Sed quid factum est? Dolores, qui in ipso ictu rotæ exorti fuerant, in operatione mirum in modum adaucti sunt. Hinc febris, inflammatio, intumescitio, tandemque abscessus quoque supervenit. Qui cum ruptus fuisset, pus quinetiam copiose, & in longum tempus effluxisset, dolores, febris, aliaque Symptomata paulatim remiserunt: Paralysis tamen in eodem statu permansit. Anno 1616. post annum ab accepto morbo, & ego quoque accersitus fui, sed nihil præscripsi, cum morbum inveteratum, & insanabilem esse viderem. Ab umbilico enim inferiores partes omnes sine sensu & motu erant: Sphincteres tamen (qui ab initio quoque resoluti fuerunt) excipio. Excrementa enim & urinam retinebat. Fistula, quæ ex abscessu remanserat, ad ipsam spinam dorsi, & forsitan ulterius penetrabat; in cuius fundo caries ossium stylo exploratorio deprehendi potuit. Reliqua membra secundum naturam sese habebant, & integra erant, comedebat cum appetitu, sed lectum egredi non poterat. In hisce miseriis per annos aliquot vixit, qualis verò tandem fuerit exitus, mihi non conitat.

Exemplum. II.

Anno 1621. 10. Januarii, venit ad me ex villa quadam prope Bernam, rusticus quidam, Joh. Bucher nomine, cui ante menses quindecim, ex arbore cadenti in terram, secunda vertebra lumborum ita introrsum repulsa fuerat, ut manifesta luxatio conspiceretur, multoque magis manibus palparetur. Post casum protinus supervenit dolor acerbissimus, qui in longum tempus continuavit, neque etiam nunc ab eo liber est æger, præcipue quando corpus inclinatur, aut

Bibl. Chirurg. Tom. III.

erigit. Illicò præterea post casum, cibum indigestum evomit, nihilque cibi aut potus per dies aliquot retinere potuit. Febris quoque ardentissima, sitis inextinguita, vigiliæ, inquietudines, ariditas linguæ, tandemque delirium supervenerunt. Statim quoque post casum inferiores partes corporis ab umbilico paralyti correptæ fuerant, quapropter neque excrementa, neque urinam retinere potuerat; nunc tamen ea retinet, sed cum difficultate excernit. Ab initio symptomata adeo erant vehementia, ut de recuperanda valetudine nihil spei amplius superesset.

Variorum autem barbitonsorum usus fuerat opere; quorum ne unus quidem, uti æger ipse mihi retulit, luxationem spinæ cognoverat. Hinc factum est, ut nihil ex arte ipsi præscriptum aut adhibitum fuerit. Quia tamen juvenis (nondum enim trigésimum annum ætatis attigit) & optimo corporis habitu præditus est, solò naturæ beneficio, res eò devenit, ut dolores; febris; multaque alia symptomata remiserint. Urinam quoque & alvi excrementa, ut dixi, retinet; sensum quoque crurum recuperavit, coxasque & genua movet, quamvis difficulter, pedes verò etiam nunc adeo resoluti sunt, ut vix suffulcris se sustinere, aut passum unum vel alterum deambulare possit. Hæc omnia propter nervos ad crura descendentes, & à luxata vertebra compressos, accidunt. Cæterum quia omnia ita occalluerant, ut luxata vertebra in sedem naturalem reponi non posset, morbum insanabilem esse, ipsi significavi. Suasi tamen, ut, proxima æstate, præparato & decore expurgato corpore, thermas Badenses Helveticas inviseret. Crura quinetiam & os sacrum, aquis destillatis & appropriatis, veluti aqua Betonicæ, Salviæ, Primulæ Veris, Juniperi, & similibus, inungeret: si forsitan in hac florenti ætate nervis nonnihil roboris addi possit. Planè stupendam & opem Diaboli factam luxationem spinæ dorsi, vidi Dusseldorpii, Anno 1583. Juvenis quidam, viginti circiter annorum ætatis, cum propter conceptam quandam phantasiam, noctu decumbens in lecto, se strangulare vellet, & in hunc finem ex popliti suo funem parasset; eumque columnæ spondæ alligasset, colloque injecisset, sequenti die mortuus in lecto repertus fuit; etiamsi collum nullo modo à laqueo stringeretur. Mirantibus hæc omnibus, qui turmatim accurrebant, venit carnifex, qui cum cadaver exuisset. Metaphorem à diabolo adeo depressum repertum fuit, ut os pectoris ferè attingeret. *Guilielmus Fabricius Hildanus Observ. Chirurgic. Cent. v.*

Luxatio Spinæ introrsum facta, quomodo reponenda?

Quamvis luxationem spinæ introrsum factam in locum reponi non posse, passim apud rationales Medicos & Chirurgos trita atque celebrata sit opinio. Quomodo enim quis, inquit Hippocrates; ab anteriore parte per ventrem coactionem facere possit? attamen crudele & inhumanum esset, si Chirurgus ingeniosus & expertus egrum dereliqueret absque ullo præsidio; præcipue cum sciamus, affectum huncce hominem aut enecare, aut per totam vitam suam miserum & claudum reddere, quemadmodum ex præcedentibus exemplis videre licet. Mortalem autem esse affectum, præter Hippocratem libro de articulis, etiam Avicenna testatur his verbis: Si dislocatio, inquit, est ad partem anteriorem, non est possibile ut curetur, & est de eis, quæ interficiunt velociter. Hujus sententiæ quoque sunt alii quam plurimi Viri docti. Cum itaque, iterum inquit, inhumanum esset, egrum, qui alias moriturus est, ubi nullum aliud præsidium superest,

est, quam repositio vertebræ, sine auxilio derelinquere, omnia, quæ ex ratione fieri possint, tentanda sunt, hunc in modum.

Curatio autem hæc, ut id prius moneam, partim ex Hippocratis, Oribasii, & Æginetæ mente, partim quoque ex propria inventione instituenda est. Collocatur æger pronus super scamnum aut organum Hippocr. ab Oribasio lib. de machinamentis, cap. 35. delineatum; deinde laquei duo lati & spissi (ne extendendo entem vulnerent) ex tela fabricati, corpori injiciendi sunt, unus supra luxatum, alter infra. Qui supra Luxationem, sub axillis injectus est laqueus scamno, qui infra luxationem verò, axi annectendus est, lineâ tamen rectâ, ut circumducto axe; æqualiter fiat extensio spinæ.

Sed quia Organi Hippocratis usus jamdudum obsolevit; ideò Paræus inter modernos Chirurgos facile Princeps; alium modum excogitavit, injectis videlicet laqueis, uti dixi, viros duos fortes constituit; quorum unus superiorem laqueum apprehendit trahitque. Præstat tamen, meo quidem judicio, superiorem laqueum columnæ alicui immobile alligare; inferiori verò organum trochleatum Paræi annectere. Illud enim quàm aptum sit, ubi pars aliqua corporis extensione opus habet sæpissimè in fracturis ossium & luxationibus expertus sum. Caterum etsi Hippocrates Dislocationem spinæ introrsum factam, mortalem esse pronunciaverit, uti antea quoque dixi, docet tamen, tentandum esse, an concussio per scalam facta; ægro opem aliquam saluferam adferre possit? Quapropter cum eger aut organo; sive Glossocomo Hippocratis, aut instrumento trochleato Paræi alligatus fuerit; spina à Ministris extendatur, quantum necesse esse videbitur, æqualiter tamen Chirurgus interim ambabus manibus spinam nunc in dextrum, nunc in sinistrum latus concutiat, aut etiam linteo sub ventre posito, in altum elevet. Sed videat, ne deorsum deprimat dorsum, uti fecit ineptus ille restaurator in Burgdorsiensis Pistore, de quo in præcedenti Observatione dictum fuit.

Porro si extensio & concussio spinæ statim ab initio, dum adhuc recens est luxatio, administrata fuerit, spes aliqua superest, Luxationem, intellige imperfectam, reponi posse. Sin id fieri nequiverit, arbitror potius tentandum esse sequens remedium extremum, quàm penitus derelinquere egrum, qui alioquin præter magnitudinem morbi, aut immanissima tormenta & dolores, moriturus, aut vitam duram miseramque victurus est, uti ex superioribus exemplis videre licet. Fiat itaque incisio novaculâ, usque ad ipsam appendicem vertebræ descendentem, mox per idem vulnus iterum immisâ novaculâ duæ aliæ fiant incisiones, una ad dextrum altera ad sinistrum latus appendicis: deinde tenaculis ad negotium hocce aptis, apprehensa appendice trahatur in altum, & reponatur vertebra in sedem naturalem. Interim autem dum hæc fiunt spina ut extensa sit, necesse est; facilius enim in situm naturalem resiliet vertebra. Vulnus aut exiguum, aut magnum, secundum dislocationis magnitudinem infigendum est.

Si enim unica vertebra impressa fuerit, parvum sufficiet vulnus: sin duæ aut plures, magnum ut sit, necesse est, quò ambæ vertebræ luxatæ apprehendi possint. Si hæmorrhagia obstiterit, ita ut statim post incisionem factam operatio fieri non possit, stupis arcè contortis, & albumine ovi madefactis, nec non pulvere nostro, ad sanguinem sistendum aspersis, sistendus est. Ubi hoc observandum, totum vulnus, præsertim ex utraque parte appendicis, stupis istis quàm diligentissimè adimplendum esse. Id verò ut commodè fiat, ex stupis contortis fiant pulvilli multi; quorum unus

post alterum vulneri intrudatur, donec impletum fuerit. Applicetur postea Emplastrum aliquod tenaciter adherens, & fasciâ ligetur. Post horas aliquot cum sanguis substiterit, clementer, ne sanguis iterum prorumpat, eximendæ sunt stupæ. Postea adhibenda tenacula, quemadmodum dictum est. Tenacula autem fortis & denudata sit, quemadmodum utimur in extractione calculi. Si duæ luxatæ fuerint vertebræ, ambæ, & quidem duabus tenaculis apprehendendæ sunt.

Duo itaque sint Chirurgi, qui æqualiter, unoque cum consensu in altum trahant. Videat præterea Chirurgus, ne incisiones ad latera appendicis nimis profundè fiant, propter nervos, qui ad latera vertebrarum ex spinali medulla prodeunt. Necesse præterea est, ut operatio hæc fiat ab initio morbi, dum vires adhuc constant, & antequam pars affecta inflammatione & intumescione sit obfessa. Nec quicquam interest, an eger, ut aliquando sit, sine loquela & intellectu fuerit.

Quandoquidem in depressione cranii gravissima illa symptomata, loquelæ videlicet & intellectus amissio, quoque adsunt, nihilominus tamen diligens & expertus Chirurgus operationem non procrastinat. Scit enim impressionem cranii causam esse mali, reposito cranio in situm naturalem, remissura esse Symptomata.

Quòd si ab initio Chirurgus vocatus non fuerit, sed secunda, tertia, aut quarta demum die, ante operationem fovendus est locus decocto Betonice, Primulæ Veris, Salviæ, Camomillæ, Melilori, Rosarum, & granorum Juniperi, quibus emollientia nonnulla, veluti malvam, altheam, addere poterit, deinde repositionem tentare. Post operationem dorsum oleo Rosaceo & lumbricorum inungendum: vulnus quinetiam more aliorum contusorum vulnorum tractandum est.

Objiciet forsitan aliquis, Operationem hanc incertam ac periculosam, & proinde minimè tentandam esse.

Respondeo, idem & de aliis gravissimis operationibus dici posse; interim tantum nihil eorum, quæ cum ratione fieri possunt, omittit fidelis & ingeniosus Chirurgus, quin potius ex mente Hippocratis, extremum remedium extremo applicat morbo. Satius enim est, ait Celsus, anceps experiri remedium quàm nullum.

Depressio cranii, quæ maximam affinitatem cum luxatis vertebris habet, per se, nisi valde exigua fuerit, lethalis est, ubi operatio periculosa juxta & incerta est. Cutis enim decussatim ad cranium usque & quæcunque subsunt vasa venarum & articularum, inciduntur, Pericranium, membrana exquisitissimo sensu prædita, maximo dolore à pericranio abruptitur: Cranium deinde ad cerebrum usque perforatur terebello, hamulis & elevatoriis elevatur in altum: At hæc omnia suntne periculosa? maxime. Quid dicam de extractione fœtus mortui, de partu cæsareo, extractione calculi & similibus operationibus, quæ quidem periculo plenæ, nihilominus tamen indies cum fructu administrantur: ut ego multoties in praxi meâ expertus sum. Quapropter cum Celso lib. 7. cap. 33. assero, nihil interesse, tutumne sit remedium, necne; quod unicum: & proinde etiam in desperatis affectibus semper ea, quæ secundum rationem fieri possunt, tentanda esse. Cæterum non video operationem hanc tantoperè esse periculosam. In medio enim dorso non dantur magna vasa venarum

rum aut arteriarum. Nervi præterea in appendicibus exiles sunt; quapropter sæpius per magna vulnera circa spinam dorsæ feliciter sanata fuisse observavi: præcipue in juvene quodam viro, cui in tumultu, cultro vulnus circa quartam vertebram lumborum infixum fuit, ubi acies cultri fracta inter appendices spinæ remansit.

Huic ego post annos duos ab accepto vulnere, fragmentum cultri extraxi, fistulamque feliciter curavi. Erat autem angustissima, quapropter dilatanda fuit rum causticis, tum etiam instrumentis incisoriis. Omnia tamen sine inflammatione, aut aliquo alio graviore sympomate facta fuerunt.

Jubet præterea Magnus Paræus, in fractis vertebra, si fragmenta ossium magna symptomata excitaverint, cutim aperire, ossaque confracta extrahere. In fracturis costarum introrsum factis, ubi fragmenta costæ pleuram pungunt, maximosque dolores, aliaque symptomata excitant, idem Paræus suadet, ut cutis incidatur usque ad costam, eaque hamulis apprehendatur, & in situm naturalem reponatur. Hoc si in vertebra costisque fractis fit, cur non idem in spina luxata fieret? *Idem ibidem*

Mors à luxato pede.

Quantumvis populus raro Chirurgis committat curam luxatorum ossium; artis tamen non exigua est operam illam salutariter corpori impendere: Ecquid enim quæso mirum! Siquidem is cui omne præsidium ab audaciâ, vel non satis exactè noverit positum figuramque cujuscumque commissuræ, læserit facile tumultuario suo opere, tendines, nervos, venas ac arterias, nullibi quàm circa articulos frequentiores. Quibus tamen impròvidè dilaceratis, necesse erit ac tutum insequi dolores, inflammationes ac ulcera, quæ non modò carnem, ligamenta, & ossa, verum & ipsam depascuntur vitam.

Vir temerarius, magnus tamen in oculis vulgi, repositurus Adriano Omnimundo luxatum tali os, ad eum non attigit scopum illum; ut potius, fœdum in modum contorserit ipsius articulum, excitatis convulsionibus, febre, delirio, imò ulceribus tam frequentibus ac sensus adeò exquisiti, ut præ intolerabili dolorum cruciatu, coactus fuerit ante diem vigesimum, diem suum obire. Quem terminum etiam calcis ossi, ob summum cum universò corpore consensum, designavit olim locuples Auctor Hippocrates lib. de artic. 12. Histor. 48. lib. 5. epidem.

Acri idcirco, si ullibi, in hoc saltem tali articulo, circumspèctione opus erit. Neque fortassis minore diligentia, in manibus, ac pedibus, in quorum mæandris, ac diverticulis facillè videas plures à retentò acri pure oboriri abscessus quàm, vel natura humana ferendo, vel Chirurgorum industria fuerit curando. *Nicol. Tulpius Observationum Medicarum lib. 4.*

Dislocatio humeri.

Vir 32. annorum è curru prolapsus, passus est dislocationem in humerò sinistro, sicut caput ossis in inferiorem partem prolapsum causa foret ibidem alicujus eminentiæ, dum è contra in parte superiore deprehendebatur cavitas insolita. Ager conquerebatur de dolore satis validò, nec manum per partem anteriorem ad frontem, nec per posteriorem ad collum movere valebat. Os scilicet à sede suâ prolapsum, periostium partesque comprimebat vicinas, unde dolor, qui incrementum capessabat ex eò, quòd in tubulis partium compressis & distortis, humores stagnarent, acrescerent, ac vellirent fibrillas.

Motus brachii consuetus peragi non poterat, quia caput ossis è cavitate propria propulsum, non gaudebat, ut

Bibl. Chirurg. Tom. III.

ante, locò cavò glabròque qualis ad motum ipsius obeundem requirebatur; huc etiam faciebat, quòd spiritus animales, per tubulos ab humoribus stagnantibus obstructos & ab ossè dislocato compressos, musculos intrare, eosque inflare nequirent; huc tandem accedit, quòd motus fieri non posset, quin caput ossis magis adhuc premeret partes conterminas, unde dolor de novo exortiebatur, qui ad motum rite peragendum non parvum quoque afferebat obstaculum.

Ad ægrum vocatus os dislocatum mox reposui, statimque motus redibat, & dolor quidem adeo adhuc aliquis, quia humores acidi stagnantes fibrillas adhuc aliquatenus irritabant, sed tamen valdè diminutus erat, quia caput ossis jam in propria cavitate contentum non amplius comprimebat partes sensibiles.

Ossè reposito humores stagnantes per acidum temperantia dissolvere, ac circulationem humorum restituere studui, quare partem affectam lavi spiritu vini, in quo gummi ammoniacum dissolutum erat, & imposui emplastrum compositum ex diapalma, bolo, spiritu vini ac oleo camomillæ, tandemque, sub ala posito linteo in pilæ formam convoluto, adhibui idoneam ligaturam, sicque æger brevi temporis spatio sanatus est.

Petrus Pigreus, Gallicus auctor, ac Chirurgus laude dignus ossè reposito commendat adstringentia, sed (pace tanti viri dictum sit) in hoc egregiè fallitur; nam adstringentia augent obstructions quæ potius essent minuendæ.

Paulus Barbette vult, ut influxus humorum hoc in casu prohibeatur, sed male, quoniam ille, utpote naturalis, prohiberi non debet. Vidit ille vitæ absque dubio partes vicinas in dislocatione non raro elevari in tumorem, observavit præterea per crebram experientiam, rhus, mastichen, bolum, similiaque hunc tumorem fugare, & bene; sed ubi judicavit tumorem hunc produci à solito copiosiori influxu, & ubi secundum hoc præjudiciū putavit medicamenta sua ideo juvare, quòd influxum istum prohiberent, runc, inquam, erravit, nam obstructions in causa sunt, ut humores coacerventur & in tumorem eleventur, ac acrescant, dictaque medicamenta profunt ex eo, quòd obstructions tollant ac acidum temperent.

Jam locutus sum de dislocatione humeri subito contingente, restat adhuc alia tardè invadens, ac tardius adhuc sanabilis, cum scilicet à vi aliquâ externâ ligamenta humerî contunduntur, sic ut tubuli distortæantur, unde humores per ligamenta circulant, ibidem subsistunt, ac progressu temporis se insinuant in poros fibrillarum, ex quibus ligamenta constant, eosque poros extendunt non secundum latitudinem sed secundum longitudinem ligamentorum, quia ligamenta, dum motus peragitur, in longum sæpius extenduntur, atque ita ligamenta, quæ caput ossis aliàs in cavitate sua continebant, jam prolongantur adeò, ut os ex propria sede prolatabatur.

Hæc dislocatio facillè restituitur, sed os repositum difficillime retineri potest.

Medicamenta externa, quæ, ossè in locum suum redactò, hîc profunt, sunt talia, quæ multo sale volatili constant, quòd sal volatile particulas in poris ligamentorum hærentes potest attenuare, ac ex poris ita propellere, & circulationem humorum restituere. Curatio autem faciliior & brevior reddetur, si externis medicamentis opem feramus per internum decoctum constans ex ligno guajaco, radice sarfæ parillæ, chinæ, aliisque medicamentis multo sale volatili gaudentibus. *Joh. Mays in Praxi Chirurgicâ rationali.*

De Dislocatione tali cum vulnere.

Quadragenarius ex alto delapsus est in terram, atque ita passus est dislocationem in talo interiori sinistri cruris conjunctam cum vulnere vasto, extra quod os tibiæ tres digitos transversos longum prominebat, adeoque dolor atrocissimus.

Casus hic valde periculosus est, nam si non sine summo vitæ periculo gangræna aliquando invadat indicem digitum dislocatione cum vulnere correptum, sicut id ipsum non ita pridem contigisse memini, quàm horrenda symptomata timenda non sunt, si in magno tali articulo reperitur ingenti cum vulnere dislocatio?

Sed quàm periculosus, tam rarus est etiam hic affectus, sic ut Paræus, Pigeus, Aquapendens, Barberte, alique eundem in libris suis vix attingant, quamvis Scultetus in armamentario suo chirurgico de illo loquatur; sed an verbis ipsius adhibenda fides? an ejusdem consilium sequemur? videbimus illud postea, ponderemus prius verba sequentia ab eodem prolata: Si articulus luxetur, ita ut sit vel detectus, vel extra pellem parum protrusus, affectus est lethalis, majoris periculi, si restituatur, quàm si non restituatur. Si enim non restituatur, superveniet inflammatio, convulsio & interdum mors; deinde aderit turpitudine ipsius membri, ac tertio ulcus insanabile; quod si fortè cicatrice aliqua obducatur, ob mollitiem faciliè etiam solvitur; si verò reponatur, maximum adducit convulsionis, gangræne & mortis periculum; sed nonnulli ejusmodi pericula timent solummodo in articulis magnis, carpo videlicet, cubito, humero, talo & femore, qui ob tendinum robur, ligamentorum & vasorum magnitudinem restitutionem prohibent; deinde adsit; si osse restituto superveniat convulsio, statim articulus iterum luxandus.

Animus mihi est haud aliter ad hæc Sculteti verba respondere, quàm exactè ac fideliter referendo medellam, quam ægroto nostro adhibuimus, quandoquidem hinc satis liquidò elucescet; quàm bene vel quàm male scripserit citatus auctor.

Primo igitur tibiam è sede sua propulsam abluimus spiritu vini tepido ad sanguinem coagulatum ac sordes adhaerentes abstergendas, deinde, sufficienti facta extensione; os dislocatum in locum suum repulimus, vulneri applicuimus bonum digestivum, superposito idoneo emplastro, lavamento acidum temperante ac communi ligatura, atque crus hoc modo obligatum pulvinari molliori imponebatur, sicque eger deportatus est in lectum, supra quem funis suspendebatur, cujus ope patiens corpus erigere posset, sicut dixi in observatione prægressa, ac ad pedes ægroti lecto imposuimus assulam quandam, scilicet ne stragula suo pendere cruri vulnerato aliquod afferrent incommodum.

Ob copiam puris è vulnere profluentis crus affectum bis de die religare debuimus; sed interea temporis dolor vehementissimus suam exercebat tyrannidem in ægro nostro, qui febricitabat; delirabat, noctesque ferè totas traducebat insomnes, aut si patiens interdum brevi somno recrearetur, paulò post eundem subito è somno excitabat terror ille, de quo dixi in observatione præcedente, unde talus sæpius iterum aliquatenus distorquebatur.

Ad tollendum dolorem, febrim, vigilias ac delirium æger per vices assumpsit aliquid sequentis mixturæ;

℞. Aq. betonic. ℥iv. melissæ ℥j. Syr. card. bened. ℥iii. Antimon. diaphor. ℥i. Salis prunell. antimoniat. 3ß. Corall. alb. Oculor. cancr. ana ℥i. Laud. opiat. G. iv. F. Mixture.

Talus autem, quoties post somnum reperiebatur distortus, debebat reponi.

Atque ita trium septimanarum spatio vix elapso febris ac delirium cessabant, deinde etiam, sed tardius, terror modò nominatus, ac tandem quoque dolor ac vigiliæ.

Sed incidit hîc mihi aliquid in memoriam, quod propemodum oblitus eram, nimirum quod duo abscessus in affecto crure exorti sint, unus circa vulnus, alter in externa cruris parte, sed uterque hic abscessus post apertionem sanabatur.

Progressu temporis permulta fragmenta ab osse tibiæ separata sunt, quæ tunc ex vulnere blande sustulimus, ac carni fungosæ, quæ in vulnere conspiciebatur, singulis fere diebus semel pulverem aluminis imposuimus, atque ita tandem in conspectum venit cicatrix, quæ de die in diem majus capesserebat incrementum, sic ut circa sextum mensem totum fere vulnus contexerit, quare æger scipionum ope iterum incedere cepit, sed motu hoc vulnus iterum evadebat magis amplum; sic ut nondum omni ex parte coaluerit, quod nemini mirum videri debet, nam novi adhuc duos, qui per aliquot annos ulcus post dislocationem tali cum vulnere habuerunt.

Sed quid si post tali dislocati repositionem ægrum corripuisset convulsio; an tunc debuissimus sequi consilium Sculteti, & luxare iterum articulum repositum? non puto, quandoquidem causam non video; quæ nos ad hoc agendum impelleret.

Multorum phænomenorum hîc loci non reddo rationem, & quidem consultò, ne cramben bis coctam lectoribus apponam; nam puto nullam ullius phænomeni rationem hîc esse onissam, quam non in hac, aut illa præcedentium observationum offendes; *Idem Ibidem.*

Luxatio ossis caudæ.

Articulationis ope quæ juncta, luxatione facilièungi possunt, una tamen aliâ majoris periculi.

Mulier quædam Anabaptistarum sectæ addicta alyi-excrementa deponere studens, operculo locum secretum indebite rectum ignorans, ex improvîso os coccygis lædebat, adeò ut nec sedere valeret; sed ab aliis in lectum deportari debuerit.

Altero die dolor summus; qui jam à primo tempore adfuerat, similiter ac febris gravis, convulsionisque me advocari fecerunt, nec non Medicum ordinarium.

Considerandis consideratis, omnium symptomatum originem ossis caudæ luxationem infortunio quodam contractum pronuntiavimus, nullo verò modo ea tolli vel imminui posse nisi digito in anum immisso os idem suo loco restitueretur. At illa ut operationem hanc admitteret, nullis verbis, pudore suffusa, induci potuit, quæ exigebat Topica nullius fructus declarabamus, quamdiu repositio debita haud peracta.

Quod nihil omninò hîc efficere nos posse observavimus, relicta ægotante misere decumbente, discessimus.

Nox molesta valde, ob symptomatum, convulsionis imprimis, incrementum, quod commodum, imò unum in hoc casu medium heri declaraveramus manalem nempe ossis luxati repositionem, mane summo admitteret, urgebat,

Secutus adeoque modum à Paræo lib. 16. cap. 14. aliisque præscriptum, digitum sinistræ manus Oleo Rosarum inunctum in intestinum rectum immisi, mox manu dextrâ variis modis locum affectum tractavi, usque dum cum strepitu in locum suum officula recederent; quod brevi effectum, symptomatibus omnibus in totum sublati. Exterius Ceratum Vigonis imponebatur ad curationis solutionem. *Job. à Meekren in Observationibus Medico-Chirurgicis.*

De Ossis Coccygis Luxatione.

Vir quidam Nobilis, non procul abhinc, mense Januario hujus anni 1671. supinus prolapsus; podicem sub finem Ossis Coccygis lapidi acuto tam vehementer affigit, ut inde hocce Os luxaretur. Hoc facto patiens planè immobilis redditus, non ipse se levare poterat, sed à domesticis in lectum deportandus erat. Marie insequente septendecim post lapsum horas ego vocatus adsum; invenio ægrum febricitantem acute, crura pedesque immobilem, & non procul à convellendo existentem. Imprimis tamen querebatur de dolore intollerabili circa anum, ob quem nec respirare commodè; nec tussire, nec etiam alvi & vesicæ excrementa deponere poterat. De fractura ossium mihi primum suspicio; sed accuratius omnia examinans, sana cuncta invenio. Podicem tandem inspiciens omnia sugillata esse video. Recogitabam hîc gravissima symptomata, quæ ab Ossis Coccygis luxatione prodissse notarunt Amatus Lusitanus Cent. 2. Obser. 5. Joh. van Meekren cap. 56. Observ. Chirurg. & Henr. Smetius Miscellan. Med. p. 564. hinc an & hîc aliqua adsit luxatio digito in anum immisso inquirō. Sed hoc tentanti extremitas Ossis Coccygis quæ interius recesserat obstitens me de luxatione certum faciebat. Diutius nolebam ægrum suis conficere malis, hinc propinata prius drachma dimidia Salis Viperarum fixi, in aqua Chærefolii Romani, patientem loco prorum corpore & natibus elevatis, pedibus verò deorsum pendentibus, post juxta methodum, quam Paulus Ægineta lib. 6. cap. 98. breviter quidem, sed doctissimè describit, indicem sinistree manus pinguedine aliqua infalita inunctum podici immitto, eumque sensim sensimque incurvo, denique pollicem exterius admoveo, hoc modo trahendo & premendo tantum præstiti, ut ossa creparent, inque situm naturalem redirent, unde dolorum cæterorumque Symptomatum insigne levamen. Ne tamen os iterum excideret, podicem sæpius vino rubro, in quo folia quercus, cupulæ glandium, flores rosarum rubrarum & balaustiorum cocta erant, calide fovendum suadeo. Post febris Julapio cordiali refrigerante obviam ibatur, locus verò affectus Cerato Vigonis muniabatur.

Hîc ob argumenti similitudinem sequens addere placet: Matronæ cuidam primariæ post partum difficilem hocce Officulum adedò retrò cesserat, ut fæces semper involuntarie prodirent. Hæc cum per decennium hancce molestiam pertulisset, me per obstetricem consultit. Suadeo, ut obstetrix admoto exterius digito, an Officulum hoc repelli posset tentaret. Tentat sed sine effectu neque enim Ossis crepatum exaudire potest. Sed hacce regione oleo lumbricorum & liliorum alborum sæpius inuncta, & hoc modo mollificata, facile negotium processit, nec quicquam restabat agendum, quam ut locus iste emplastro contra rupturam Felicis VVurtzii muniretur. Recordor hîc, quod Rhodius Cent. 3. Obs. 80. referat, Adrianum Spigelium Nobili Matronæ Os Coccygis à partu luxatum solâ fasciâ restituisse. *D. Alardi Hermannii Cummeni.*

De mira utriusque Ossis Femoris luxatione.

Mirabile humanæ miseriæ & miserabile luxationis femoris Exemplum nuper XV. Decemb. Anno 1676. vidi in puero quodam rustico 14. circiter annorum, hîc Beruthi jam decumbente, cui ex præcedentibus vehementissimis coxendicum doloribus, quos ob nimiam partium externarum hyberno hocce tempore refrigerationem fortè contraxerat, utrumque os femoris capitibus suis coxarum sinibus excidit & luxatum est; dex-

trum nempe extrorsum, sinistrum verò introrsum: unde factum, ut non solum propter caloris nativi alimentique, ob venarum & arteriarum distortionem, defectum, abolitamque membrorum nutritionem utrinque crus & femur contabuerint; sed dextrum quoque crus, eò quòd femoris caput in locum altiore ex-ciderit, brevius redditum, ut calx terram attingere nequeat; sinistrum contra, si cum altero conferatur, longius sit; ambo v. ob ἀτροφίαν robore destituta, omnem plane motum atque utrum ad standum & incedendum amiserint, ut humi desidere natibusque repere deinceps cogatur, sicut Jeibolfus ille, cujus meminit Illustris Reinesius lib. 2. variar. lect. c. 18. *Joh. Matthie Nesteri.*

Luxatio Femoris.

Nepos xvii. agens ætatis annum, & mihi, & sibi xxix. Martii currentis anni 1673. bene valere visus, publicam aditurus scholam, præter opinionem difficilius incedere coactus est ob molestiæ aliquem sensum per plateas totum sinistrum crus invadentem, sensum auctum cum humorum circa vesperam dolente decubitu ad sinistrum coxendicis acetabulum, à quo ad ejusdem lateris genu 31. Martii transiit tumor & dolor. i. Aprilis nil amplius de sinistro femore vel genu conquestus, dextrum genu vehementius dolere incæpit cum febris acuta, siti, urina confusa & vigiliis. April. 6. Carpum sinistrum doluit, cum non levibus suppurationis indicibus, quæ post quartum se prodidit, febre nihilominus ad meridiem indies exacerbata usque ad 16. dicti mensis diem: quo omnia remissionem spondere videbantur, natura interim alium locum sponte eligente, dextrum scilicet Coxendicis acetabulum, quòd tanto impetu obruebat, ut non solum ingentem totius femoris tumorem induxerit, sed & inscio ac non advertente ægroto ejusdem dextri femoris caput, sensim laxato rotundo ligamento, post dies aliquot ex acetabulo & sede sua expulerit. Tentant quidam, ut rectè meministi, Chirurgi, Philippus Harquard & Dan. Aspackius, radice Consolidæ majoris &c. & aliis ex arte factis deligationibus motum articulum ad pristinam sedem reducere; tandem & manuali aggressionem; utrumque tamen infelici successu. Caput enim femoris in acetabulum me præsentem repositum, emplastris ac fasciis aptè impositis iterum è sede sua versus anteriora relapsum est, nec ullo ingenio in acetabulum postea reduci potuit. Ex suppurato carpo quædam erosorum ossium fragmenta subinde egressa sunt, jam verò cicatrix ulceri inducta est. Decimo quarto à decubitu die de dextri oculi debilitate visuque fere ablato conquestus est, qui tamen integer ex voto rediit post aliquot dies. Interea quæ è re visa sunt exhibui, evacuantia, alterantia, nervos & articulos roborantia, quibus tantum profecit, ut ad initium Augusti fere sine doloribus esset, eo autem inchoato, primum diaria febris, quæ post dies aliquot rediit, at sub alio typo, cum horrore, calore acri & fixo, siti, vigiliis, novo dextri femoris & genu, ac valde dolente tumore, & insigni virium prostratione. 7. August. totum femur erysipelatosum fuit cum magnis dorsi doloribus per cruentas & valde obscuras urinas intra triduum solutis. 11. Aug. in interna femoris parte ad superiora musculi Gracilis, materia, quæ ex toto confluerat, in acumen surgens exitium moliri visa est, quam levi scalpelli ictu adjuvimus, prorumpente copioso & cruento ichore; quia verò omnia totius femoris integumenta communia à nimia dicti ichoris copia distenta erant, etiam in externa femoris parte post dies aliquot incisio tentata est, exeunte magis cocto pure. Chinæ interea decoctum diu usurpatum, ac foniculus cruri inustus. Et quamvis poplitem necdum flectere potest, quæ hujus morbi consueta est calamitas,

ad robur parti conciliandum quotidianas jam suadeo deambulationes; omnia enim, ut nos Libro de Art. docet Hippocrates, quæ in corpore ad usum facta sunt, si quis moderate ipsis utatur & in laboribus exerceat, quibus singula sunt adsueta, sic quidem sana sunt & augeſcunt & probe conſeſcunt; si vero quis non utatur; sed quieſcat, morboſiora fiunt, & non augeſcunt, & cito conſeſcunt; inter hæc autem non minime perpetiuntur hoc & articuli & nervi, si quis non utatur ipsis. Et ne gibbum contrahat, sed erectiorem obtineat totius corporis figuram, longioribus sub alas ſcipionibus incedens innititur; ita tamen ut planta pedis terram attingere poſſit. *D. Thom. Bartholini.*

De Tumore Genu, ex lapſu, pro Luxatione male curato.

Chirurgus Bensheimenſis, Adamus Daigel, Darmſtadii me conveniens, impenſe rogat, quo ipſi ſim conſilio in filio Johan. Glingelbach, ejuſdem loci vindeſmiatoris. Puer hic undecim annorum, graviter in terram delapſus, ita ut conſeſtim tumor inſignis eſſet obortus, conſternati inde parentes, chirurgi opem implorant; metuens autem iſte luxationem, quam tamen ob tumoris magnitudinem haud cognoſcebat, genu egregie ac fortiter extendit, nervoſasque partes ita leſit, contorſit ac irritavit, ut mox ab iſta extensione dolor exortus ſit magnus, unde humorum e toto corpore in partes leſas affluxus, qui nec cohibitus, ſed de die in diem adauctus; dolores ſimul adauxit, hinc materia acris & corroſiva facta, nullis autem chirurgorum (quorum jam erant duo) præſidiis vel ablata, vel emendata. Hinc cuniculos egit, totumque non ſolum genu, ſed integrum ad calcem pedem, occupavit perforavitque. Advocatus autem tunc primum ego ſtatim animadverti, non carnoſam tantum ſubſtantiam, ſed ipſam tibiã materiã iſtã infectam corruptamve eſſe. Quare hoc dedi & parentibus & chirurgis conſilium: Quod videlicet cutis à genu ad calcem ſit incidenda, quo materia peccans tibiæque infeſta evacuetur, bonumque à malo ſeparetur. Hoc meum conſilium cum utriſque horridum ac crudele viſum ſit, neglectum eſt, egoque ſic ſum dimiſſus. Præterlapſo autem trium hebdomadarum ſpatio, redux parens de intolerabilibus filii doloribus conqueritur, lacrymiſque conſilium re-poſcit, quod cum aliud conducibilius non viderem, dictum dico. Annuens itaque parens, totum mihi negotium demandavit. In menſa itaque depoſito puero, à chirurgis parenteque detento, operationem ſum aggreſſus à genu ad extremum pedem feci incisionem, cutim detinui elevatorio. Animadvertens autem tibiã ferè totam corroſam, forcipe diffregi ſuperne ac inferne, offacula etiam conſracta curioſe removi, vulnuſque integrum lavamento ſequenti elui.

℞. Aloes ʒj. myrrhæ. rub. ʒii. maſtich. oliban. ana. ʒiſſ. herb. equiſet. pyrol. ana M. j. concif. contuſ. coq. in vino albo. Poſtmodum adhibui emplaſtrum ſupra laudatum eoque ſolo abſque omni baſſamo, aut emplaſtro alio, curationem abſolvi. Quamvis autem per anni ſpatium puer robur ſufficiens ad eundem non habuiſſet, tempore tamen & unius anni morâ, inſignis adeo à natura generatus eſt callus, ut jam vix deſideretur emendatio alicujus vitii ſui ingreſſus, vivatque jam ex omni parte ſanus. Tibiã exemptam mecum inter curioſitates alias paucas reſervo, deſiderantique conſpiciendam præbeo. *D. Joh. Frid. Allmacheri.*

Luxationis Offis Coccygis, facilis, quantumvis Empirica Chirurgica Curatio.

Clariff. Guſtavi Caſimiri Gahrliæp. Miſcell. Curios. Decur. iij. Ann. 5. & 6.

Quantos lapſus in os Coccygis dolores cieat ſin juvenile non ſemel expertus, adhuc dum memor, horreo; vox faucibus ſæpenumero hæſit, aut hæſitavit potiùs rauca, ſuſpirioſa, anhela. Periculo tamen tenera in etate ille ut plurimum vacat; raro enim ab ejuſmodi infantum lapſu aliquid funeſti, tum quod impetus ob pondus corporis exiguum non adeo ſit gravis, tum quod cartilagineſ & offacula tenera adhuc oneri faciliùs abſque dearticulatione cedant; at in grandibus & grandævus impetus alluſionis ob corporis molem multo vehementior, ac cartilagineſ jam ſolidiores cedere ſponte neſciẽ, e ſede ſua vi dejectæ neceſſariò exarthroſin patiuntur, eamque, utique ſequens docet caſus, periculo haud vacantem.

Socer primi mei matrimonii, Septuagenarius circiter, viduus, dum e Baſileâ Mercurio Gedani dicata, quæ ab Artum Regis Daniæ, utpote à quo extracta fertur nomine *Artus* aut vulgò *Junkerr-off.* dicitur, ſcalis lapideis, à nivibus ac hyberno gelu admodum lubricis, in forum ſubjacens negotiorum cauſâ deſcendit, utroque pede antroſum proruente, retrorſum cadit, ac poſteriora duro impingit graduum ſaxo, ſicque os Coccygis non ſine immani dolore luxat. Domum proinde maximâ cum moleſtiâ tendit, filia autem, quæ ipſi unica erat, tum temporis adhuc virginis, nil ejus quod factum aperit, ſicque dolores tacitus ſenſim decoquens, quatrimum tranſigit, alvò interea onus debitum neutiſquam deponente, unde male habere incipit, ac moleſtias, quas obſtructa parere ſolet, de die in diem majores patitur, donec vehementia tandem ſymptomatum caſus ipſi conſeſſionem extorquet. Filia conſilii inops, hinc inde conſtipati ventris remedia querit; ſed verâ cauſâ latente de luxatione enim offis Coccygis, nec Medico, nec Chirurgo, nec cuiquam alii quicquam ſubolebat, fruſtra. Donec quinto tandem die, quo peſſimè jam habere cœperat, ac abdominis turgelcentis dolores, flatuſ, borborygmi, ruſtus, nauſea, inapperentia, cephalæa, febricula, ſiniſtrum portenderent eventum, ex Ambubajarum Collegio Thekoitæ cuidam ſagaci forſ indicit, dum in poſteriora lapſum audit & recordatur, num etiam os coccygis introſum forſitan luxatum, fœcibus ex inteſtino reſecto tranſitum præſtruens, hujus tragædiæ charagus ſit. Suadet itaque, ut veſtibus exutus æger, ſolo induſio tectus, pronus ſcamno ligneo incubet, ac duæ robuſtæ mulieres ab utroque latere ſtantes alternatim coxendices unâ cum clunibus, utraque manu utrinque applicatâ decuſſatim, ſurſum, deorſum, ruſum, proruſum trudendo agitent. Arripitur conſilium dubium pro nullo, & dictum factum executioni non ſine effectu oprato datur. Os coccygis, quod interiora verſus adactum erat, unâ alterâve motitatione in nativum reducitur ſitum, alvus oppreſſulata remoto obice, cum impetu ſummo laxatur, ac omnes inde natæ ægritudines momento quaſi ſolvuntur.

Iis omnibus quæ de Luxationibus huc uſque tradidimus non inutile credimus ſubjungere quod ſcribit. Marcus Aurelius Severinus de Gibbis, Valgis, Varis, atque aliis ab internâ vi luxatis. Sic autem alter ille Machaon.

*Libri de Gibbis, Valgis, Varis, &c. Pars I.***Cap. 1. De Gibberis proprio subjecto, multiplicibus modis, appellationibus, definitione.**

Natura, quæ homini cœlestis suæ originis indagatori sublimes vultus, & ad sydera sublatos cum respondente in rectum, sed flexili corpore præstituerat; architectata est spinam, id est, verticulis ossibus & cardinis modo instructis in longum actam compaginem, quæ sic corpus sustentat, ut catena navem. Hujus autem ipsius omnes nodos atque tessellas, qui tum cervici, tum dorso lumbisque discreti sunt, extrinsecus ligamentorum aponeurosi firma è perricranio derivata & à prima cervicis vertebra ad infera usque producta confestit atque contegit: cui succum quandam pinguem lentumque vertibulorum morui conservando commodaturum perpetuò subdidit. Cui naturali linimento postea temporis commista inerte viscida pituita, quæ confertim è superioribus demissa irruit. Nedum quidem ductus nervorum, per osseas illas coagmentationes exiliunt, sed etiam ipsarum vincula, quæ modo dixi, distendit ita, ut sæpe de sua sede revellat; ac nunc uno quidem situ, nunc alio contorqueat: quarum eversionum modos tres fecere, tum primus Hippoc. in lib. de artic. com. 3. particula 1. 2. 7. 22. 68. tum Galen. ibidem, ac libro 4. de locis affectis c. 3.

Una situs perversio est extrorsum, cum vertebræ recedentes ab æqualitate laterum in medium ipsorum abscedentes, & se coaptantes in unum quasi turbinant conum. Hæc *κνῦσις*, & *κῦρσις* hominēs verò his affecti *ὕβος*, καὶ *κῦρὸς* Græcè dicuntur: affectionem verò gibber, corpus verò luxum & gibberosum dicere consueverunt latini. Alter modus est introrsum, qui fit cum à naturali rectitudine in hunc situm rapta spondylia simam & velut infossam dorso partem relinquunt; lordosis hæc à primoribus Magistris; divarticatio verò & repanditas à nostris est nominata. Tertius est ad spinæ latera conflexus, tum dextrum tum sinistrum, quem græcia scoliosis, obstipitatis verò nomine latium extulit. Est autem sic dicta, quod scolion, id est, lumbricum terre reptantem refert spirarum similitudine. Refert enim Hieronymus Cardanus in commentario de causis, signis & locis morborum parte 3. §. 56. id quod etiam obtigit mihi, visam sibi puellam flexa ita spina, ut S. literam referret. Quam rem equidem adjeci libentius, ut veram hanc distortionis ideam cognoscat quisque; enim vero simplicem ad latus spinæ flexuram creditam à medicorum vulgo video Scoliosin: quanquam multifariam flexuosam præcipuam inter omnes fortasse fecerunt antiqui.

Adverti gibber extrorsum frequentissime fieri, non infrequentem etiam ad latera, verum ad anteriora per multum insolens est, autore Hieronymo Fabricio: eam ob causam scilicet, quod antierius inter binas vertebrae interjecta cartilago multa non potest non facere, quin impulsus omnis spinæ retrudatur, id quod in aliis situs inversionibus non accidit. Illud enim animadverto necessarium; quod cavo partis unius respondeat oportet connexum alterius adversæ, id est, cum gibberus sit thorax posticus; cavus erit anticus: & contra, si dorso sit cavitas; pectoris tuber erit. Sic quoque cum cavitas in altero latere facta fuerit, continuo in adverso respondebit tuber, quanquam non ita luculentum hoc, ut in prioribus, nisi magna lateris facta fuerit divaricatio.

His sic expositis, quæ sit natura gibbosus apparet: est autem Hieronymo Mercuriali definitore, morbus tum in situ, tum in figura, non solum rectitudinem corporis depravans, verum & flexionem ad posteriora saltem

non parum impediens. Præter hæc est imperfecta situs emotio, sub qua juncturæ, madefactis laxatisque vinculis diducuntur & hiant tantummodo servata rectitudine. Galenus primus hanc invexit *velosin* appellatam: quæ luxatio & obductio quædam est spatio latiore relicto vertibulorum, cui vitio pueri priyatim ob nervorum mollitudinem sunt obnoxii.

His appellationibus Antonius Musa Brasavolus privatum hunc gibborum aphorismum interpretatus, addidit & aliam quampiam late patentem sic, ut cunctis præter spinam membri fecerit communem. Usus autem est & autoritate vulgi, qui flexam & tortuosam quamcunque rem ac figuram, gibbam appellare consuevit, quem ego nominis usum eò libentius memoravi, quo constet etiam mihi licuisse, ut ad valgos & varos & ad ejusmodi luxatus omnes consentaneum fecerim, & affinem. Ad hunc ad antica simul & postica gibbos posuit idem compositam scilicet, rationem.

Cap. 2. Exactiora & definitiora Gibbosus discernicula.

HI generalis quidem sunt gibberum spinæ modi: ceterum sunt & alii speciales: quorum hi quidem secundum partes corporis sunt. Aliud enim est gibber cervicis, aut thoracis; hoc sub septo transverso, hoc infra septum: quoddam in lumbis, quoddam infra ipsos: quod unam tantum vertebram emovit, quodve plures & paucas, quodve plurimas. Si perquisiveris atates, gibbosin incurrunt aut impuberes aut adulti grandioresque; sed spectatis causis alii gibbi ex ictu, alii ex casu, alii ex tuberculo: quæ tubercula calidiora, frigidiora, mitia coctiora; dura crudiora; vel in cervice constituerunt, vel in thorace, vel in lumbis atque etiam inferius: singulorum enim sua sunt effecta, atque secundum hæc, aliud Gibber primæ, vel ut aliis placeat, secundæ vertebræ cervicis mentum apprimat ad pectus, aliud majorem spiritus difficultatem, aliud minorem parit: de qua nos re in parte prognostica. Addidit his Hieronymus Cardanus in lib. de causis, signis & locis morborum loco ante memorato, Gibbosin ex materia sensim influente, quam sane causam non exposuerat Galen. observatam alioquin à nobis in filio Ill. Baronis Pascuarole.

Adhæc evadunt alii lentè gibbi, consuetudine, scilicet decumbendi atque flectendi, alii semel simulque ex irruente affatim humoris copia validaque vi tuberculi. Alia spinæ emotio ex ambabus partibus: alia ex alterutra. Nonnulla cum nervi sentientis atque moventis læsione, nonnulla sine nervi læsione: de qua re Cardanus antè dicto loco: Aliqua subito jugulans & funesta; quæ speciem unam anginæ facit: alia non funesta; quædam solvitur; quædam non solvitur: cum autem solvitur, interdum judicatur metastasi, id est, per transpositum acuti morbi, puta phrenitidis: qualem evenisse coco cuidam autor est Hippocrates in libr. 5. epidemiorum particula 22. Interdum est per symphatiam, ut si pus demittatur ad ilia, inguina, coxas, & hinc suppuratio nova suscitetur. Postremo gibber omne, vel omnino præter naturam evenit, qualia sunt antè dicta, vel aliquo pacto secundum naturam est; qualia sunt senibus, proceri præsertim corporis.

Cap. 3. De Causis.

Singulæ distractiones illæ dorso communes quidem sæpe, sed privatas etiam agnoscunt causas: communes quidem exterræ sunt, id est, quodcunque grave durumque

tumque corpus quassat, allidit, percutit: quarum causarum Hippocr. in dicta parte libri de articulis explicite meminit: itemque Galenus in commentario, plurimum autem hæc causæ vertebrae ad interiora compelluntur: qualis unus est casus de sinuata in vesicam spina à Galeno narratus l. 6. de locis affect. cap. 4.

Hæc quidem manifestæ, sed multò digniores relatu sunt cæcæ causæ, de quibus quidem mox audies, si simul approbes referri modos, quibus hi, qui jam perstabant, in sua sede nodi, depravantur. Hi Galeno teste in 3. de loc. affect. causæ sunt & spasmi communes; quæ sunt siccitas & plenitudo. Siccitatis & squalloris primus meminit Galenus in l. 2. de caus. pulsuum c. 11. cui addidit & frigus immodicum, à quo seu gelu convulsiva intentio est. Sed & inæqualis intemperies, eodem autore, distorquere potens est censenda. Siccitas in ardente potissimum febre visitur, cujus febris vi arefacta vincula vertebrarum, has in anteriora pertrahunt, ut & cervicis interdum; illud affirmate Hippocr. in l. 4. aph. 3. 4. quod est; si à febre detento collum pervertatur & cibum devorare vix ipse possit, sine ullo tumore lethale: porro mens est Hippocr. colli vertebrarum æstu febris distractatim comminisci: sic contractione & ariditate abstrahuntur fibræ ligamentorum, & quæ has sequuntur ossa verticilla. Ex adverso plenitudo ac distentia multa sæpius etiam distorcionem parit: itaque inflammationes & scirrhi; abscessus crudorum & quorundam generatio tuberculorum, breviter omnes præter naturam tumores vicinas partes ad se retrahere valent: res hercle veteribus medicis difficillimæ investigatu: quæ verba sunt Galeni libr. de causis puls. & libr. de locis affect. citato.

Jam autem ubi monstravi causas internas externasque separatim in luxandas spinæ vertebrae influentes. tu nunc intellige & utrasque posse sibimet ad invicem consentire. Nempe vis procatarctica forinsecus impulsu facto vertebram adurget in anteriora; Interior vero, quæ plenitudo est, distendendo; siccitas contrahendo eò versum etiam adducit. At verò cum emprostochyphosin, id est, ad anteriorem gibbosin externa causa valeat, an ad opisthocyphosin, id est ad posteriorem gibbosin, quidquam operetur? Hoc quidem summatim inspiciente hæc quaquam videbitur posse fieri: quando vis exterior tanta non est quæ citra corruptionem animantis, vertebrae & vincula foras abstrahere queat, gibber in spina relinquens. Sed enim præter id, quod docet Hippocrates in 3. de artic. sententia 19. etiam verò cognoscetur, idem ut eveniat, facile nimirum homine de sublimi loco in scapulas coxasque lapsa, vertebrae per plures in posteriora non difficulter exerentur, non in angustum, inquam, adducta, sed in ambitum sinuatæ, præsertim verò, si conferat ad hæc accommodata interna causa: rationem ejus rei docente Galen. initio 3. de art. quem Holler. in scholio sequitur, hanc.

Vertebrae quidem ossa per se, neque pervertuntur à tuberculis neque trahuntur, sed primum vitium fit in iis corporibus, quibus vertebrae alligantur. Igitur, ubi ad vertebrae tuberculum oritur, ac tum in tumorem assurgit atque augetur: ab interiori, sive priori parte (utroque enim vocabulo licet uti) necesse est, ut tuberculum sequantur ligamenta, atque hæc rursus vertebrae. Itaque si in una parte duntaxat tuberculum oriatur, ubi hæc in interiorem trahatur, in priorem partem spina convertetur. Sed si in duabus, ubi aliqua interjecta sit inviolata, gibba evadet: utroque enim tuberculo adjuncta vertebram trahente, quæ in medio sunt, à posteriori parte gibbæ fient, quod evidenter intueri, licet omnibus evenire, quæ curvari modice possunt: cujusmodi sunt virides rami, & ex scriptoriis calamis plerique, quos si quis dexteræ digitis ab una parte; sinistræ ab altera, prehensens ad se traxerit: medium in contrariam partem attra-

ctum gibbumque conspiciet. Atqui neque alia de causa spina ad latus convertitur, quam ob crudum tuberculum, quod ab ejusdem latere sit. Hæc autem tria vitia in spina incidunt, cum vertebrae loco moventur.

Præter internas jam expositas causas, est & virium imbecillitas, cujus unius vitio vincula lacertique dorsifimime valentes onus corporis sustinere faciunt, ut nutans spina curvetur, quæ fortasse causa est una, quæ senes omnes gibbosi existant: fit autem imbecillitate, ut succi, prævaleant tum copiâ, tum vitibus cum eò locorum impinguntur, unde mox & luxatus adogrinetur. Est & ex causis externis consuetudo corporis quoquo versum inflectendi, atque inflexum continendi; quemadmodum enim virgultis & viridibus lignis pondere pressis assidue contortis: ita & dorso nostri corporis accidit sub opificiis diversarum artium & sub institutis vitæ diversis. Ita, qui venales arculas quotidie de cervicibus appensas per totam urbem bajulant, his plurimum est spina gibbosa, id quod & in morbo accidit, testante Hippocrate, citato libro de articulis quosdam etiam in id vitium compellit unâ cum morbo habitus ille, quo jacere consueverunt. Sed & primus per fascias obligatus ineptus cerea puellorum ossa distorquet, ut vulgatum etiam inter feminas nosti.

His jam expositis expendendæ subeunt tres hominum opiniones: quarum una est Hieronymi Mercurialis, atque aliorum quorundam consentientium, exoriri posse dorsifimbosin à tuberculo, quod sustinente agere pulmone, sic agitatio multa pectoris, respiratio, depravatio & inde vertebrarum emotio suscitetur, quem gibberis exortum, dum explicandum suscipit Hieronymus, haud tamen explicat verè: nam quod concutiat spina motu thoracis insolentiore, ac magnum inde laborem experiatur; id profecto non facit, ut gibbus pariat: præsertim quando confessum est, agitationem illam thoracis ab incommodo respiratûs undeliber æquali, non magis uni, quam alteri parti situve vim ac noxam inferre debere. Ad hæc autem dum Mercurialis, exemplo proposito, Agæsis filie lib. 6. epidemiorum sect. 4. descripto; non exponit, cur ea puella ex certo pulmonis tuberculo reddita gibba non fuerat; interea peccat magis; jam enim cur posita necessaria causa, id est, posito pulmonum tuberculo, atque agitato depravato thoracis, non consequatur gibber? Atqui, quod post isthæc à Mercuriali necessaria posita sit causa, monstratur; quod omnem excitandi gibberis rationem apud Hippocratem, ex præcipuo pulmonis tuberculo deduxerit: neque enim ab Hieronymo verum constituitur aut suadetur Hippocratis enunciatur, præterquam hac unâ tuberculi pulmonis viâ. Quod autem Hippocr. tribuerit iste vir ex constante tuberculo pulmonis non perpetuò gibber futurum, vel gratis hoc quidem asseritur, vel unde colligi potuerit, asserri debet. At equidem sequentur gibbosin à tuberculo semper verum contendo, si res solum intelligatur ad sententiam Galeni, qui Comm. 3. de articul. procreationem gibbi necessariam retulit ad una vertebrarum tubercula, non autem ad tuberculum pulmonis, quod falso credit Mercurialis. Interim si nulla hæc nostra ratio proposita de hominis hallucinatu, sed hallucinatio ipsa sit: haudquaquam profecto defenditur dogmaticus enarrator, qui gibbosin omnem, pulmonis non vertebrarum (harum enim nullibi meminit) tuberculo retulerit. Rem sanè quæ neque Galeno, neque ulli magnæ autoritatis viro, vel per somnium quidem in mentem venerit. Sic enim respondeat velim quæ phthisici & asthmatici non gibbi omnes? Itaque tussis & asthma Hippoc. sunt symptomata, & affectus consequuti ex disrupto jam abscessu circa spinam; atque

atque adeo, quod magnus Magister doceat & constituat ex gibbo, vel hujus effectrice causa excitari asthma: oppositum asseri videtur Mercurialis placito, quod adstruitur ex asthma; vel hanc admolito tuberculo produci gibbum; contraria nimirum & adversante sententia: tantum abest, ut Hippocratis doctrina servetur.

Quod si Mercurialis occurrat memorans nobis (fundamentum scilicet opinionis, à quo suusus est) Hippocratem omnino posuisse pueros ex asthma ac tussi redditos gibbos. Atque tussis & asthma (dicat Mercurialis) non inducitur probabiliter in hypothesi nostra, præterquam à tuberculo pulmonis: ergo causa gibberis effectrix tuberculum est pulmonis. Cui quidem instantiæ sic satisfaciendum videtur: Mittatur enim primum ex tuberculo pulmonis tussis & asthma fieri, quod fieri quidem ex illius disrupta vomica potest: sed non propterea fit, ut Hippocrates dictum voluerit gibber ex tuberculo pulmonis creari: verum sic, ut voluerit gibbum quidem longius profectum ex tuberculo vertebrarum; ex quo tussis & asthma proximè derivent. Itaque tuberculum vertebrarum causa est Hippocrati præcedens & proxima gibbi: mox verò disruptum tuberculum spinæ succedens tum asthma, tum tussis excipiunt.

Adhæsit & huic opinioni postmodum Hercules Saxonia, qui Panthei medicinalis lib. 2. c. 4. qua curanda dyspnæa monstratur, in hoc aliquando prudentior Mercuriali; quod causam gibbi repletionem fecit ligamentorum Spinæ vertebris adnexorum: quæ fuerat quidem Galeni doctrinam lib. 3. de articulis primò proposita: verum ex adverso tantundem Mercuriali visus est Hercules ineptior; quod sibi nobisque suaserit distensionem induci tuberculo pulmonis inertis, maxime si crudum, ac parte postica consistens, ac neque non si disruptum & parte postica positum conceperit: nam quæ vel pulmone, vel hujus tuberculo corporibus vacuitate locorum & aeris inrerjecti dissitis vis sit, ut vertebrae spinæ convellat? at neque resultans à tuberculo pus tam aut penetrabile aut tam erga solidissima ligamenta prævalens est, ut hæc vincere queat. Præterquam quod fluete naturali suo nutu comparata purulenta substantia, nequaquam mediâ spinæ rectitudine consistere, sed ad infima repere debet: quapropter aut his private partibus gibbosin, aut aliud etiam quodcunque malum potius; quam gibbum excitabit; quod si tamen Patavino Professori detur, ut ex adversa pulmone parte spinæ consistat, & non diffluat sanies: tum & deterius argumentationis incommodum subibit Hercules, quod perpetuo circa dorsum erit, unde vertebrarum cervicis aut lumborum aut ossis sacri perverio fiat.

Ad has duorum interpretum opiniones accedit etiam examinanda tertia Hieronymi Fortunati philosophiæ, ac medicinæ magistri peritissimi, qui censuit gibber primum rheumate quidem initiatum, mox sub asthma ac tuberculo magno pulmonis necessitate quadam avertendæ difficultatis, atque laboris inspirando, ac respirando flexu dorso completum: quod multo liberius agitur pulmo, laxiusque succedit respiratio dorso jam conflexo, quam tenso septo transverso, atque externis musculis: qua de causa cogitur homo sic instigante natura testudinem thoracis quoquo pacto licet, atque etiam ampliante curvitate dilatare, qua inflexus assuetudine in dies facta, sic demum absolvitur gibbosus. Quæ nostratis viri videtur quidem ingeniosa excogitatio: veruntamen nihil ad rhombum atque ad sensum Hippoc. qui causas planè necessarias non contingentes gibbi posuit: fieret autem per hanc opinionem, ut gibbi & commoda semper respiratione fruerentur, & in quacunque spirandi difficultate perpetuum esset in dorsum incurvatio levamen, & illud quidem paratu facile,

Quarta opinio est hominum perpetam etiam, ut videtur, interpretantium aphorismum Hippoc. dum tussim vehementem adstruunt, quæ vertebrae è suo loco pellat. Res equidem, quæ à divino præceptore nunquam asserta est; ut asthma scilicet ac tussis sint causa gibbi: verum, ut gibber sit cum asthma ac tussi conjunctum; hoc sanè dictum à senè nostro fuit: quam rem quidem acutè discrevit Thadæus in enarratione aphorismi: ut appareat jam ex his omnibus summè verax opinio Galeni, qui causam gibberum laud tuberculum quidem pulmonis, sed spinæ contiguum alterum indicavit.

Hactenus hæ physici sunt enarrata gibborum cause: cæterum apud Astronomos, & apud Julium Firmicum in 8. gibbi fiunt, si in septima parte Arietis habuerint horoscopum. Quo claro cœlestium contemplatore major Ptolemæus in tertio de astrorum judiciis cap. 12: quod est de vitiis & morbis corporis, scripta reliquit hæc; Si lumina ad maleficos centris herentes adscenderint, aut ex opposito ab ipsis impedita fuerint maximeque Luna in nodis sive fluxuris constituta, aut in signis obnoxiiis, nimirum Ariete, Tauro, Cancro, Scorpio, Canicorno, vitia corporis eveniunt; gibbi scilicet aut claudicationes; & laxationes. Siquidem cum ipsis luminaribus fuerint maleficæ ab ineunte etate & horæ partus. Et Haly Rhodoam ait: ego prædixi gibbositatem, quæ duravit duodecim mensibus in nativitate, in qua Luna erat conjuncta cum Marte & capite Draconis in duodecima domo, qui erant in quadrato aspectu Solis cum Jove, qui in tertia erant, & temporis quantitas tot mensium, quotus est numerus annorum resolutionis Jovis: quia Jupiter sub Solis radiis positus erat. Ego verò observavi frequenter Caudam maxime cum Luna & persepe cum aliis Planetis in angulis constitutam, obliquos quoquo modo efficere. Hæc isti de occurribus astrorum vim imprimantibus ad gibbosin generatim. Jovianus verò Pontanus lib. 10. de rebus cœlestibus cap. de claudicationibus, singularum distortionum cervicis, colli, pectoris, genuum, crurum & juncturarum corporis effectrices, syderum mansiones discrevit; quas Astronomorum eadem de re nostra opiniones pleniores doctrinæ causâ non abs re fuerit, præsertim gnaris ejus facultatis hominibus nos recitasse.

Cap. 4. Symptomata & signa.

Hactenus jam de causis rectitudinem corporis præter naturam evertentibus. Succedunt ad hæc suborta symptomata, quæ cum triplicia nostris medicis sint, singula percurramus. Primis igitur functionibus animalibus incommodant spinæ subversiones, sive quidem sensus, sive liberi motus officinas evolvas, & utrisque quidem noxa est, ubi compressum experta est medulla, quippe quia per obliteratos jam ejus ductus spiritibus ad nervos inde profectos transitus non est, uti prius: & siquidem ex toto vertebrarum dimotio facta sit, abolutus ex toto sensus aut motus est: si verò non ex integro perveris fuerint ipsæ, sic pro subsultu ratione sentitur ejusmodi detrimentum, Rursus eò pluribus partibus sensus motusque interceptus est, quo superiorum spondylium fuerit eluxatio & contra eò paucioribus locis sentiendi, atque movendi nascetur incommodum, qui inferior spinæ fuerit abductio: Sed liceat huc nobis & quæ Hieronymus Cardanus Hippocrati vir studii pleniore aliquanto pagina docuit, recitare. Proponit tria Galenus, primum, noxa, quæ, accidit spinæ vel est per se, vel non per se, sed consequentia quadam; noxam per se vocat abscessum, seu inflammationem, seu intemperiem: in hac si contingat fieri resolutionem, seu ex una parte, seu ex ambabus, necesse est, omnia membra, quæ sunt

infra

infra illam partem spinę, quę resoluta est, resolvi, seu ex una parte tantum, seu ex ambabus: Si verò noxa sit ex consequentia tantum, velut in gibbositate, in qua spina dorſi non paritur, aut parum, sed nervus, qui facta luxatione obliqua, sed ad unam partem opprimitur ab ea parte, in quam spina deflectitur, quoniam vertebrę magis constringuntur, ex opposita autem nervi nimis distenduntur: ideo in hoc casu cum spina dorſi, seu medulla non sit affecta prorsus, sed nervi tantum ex ea orientes, & ob id resolutio non sit, nisi in membris, quę recipiunt nervos è regione partis medullę læsę, sicut in exemplo priore, in quo ob luxationem vertebrarum colli, tantum manus resolvebantur & non inferiora membra: hoc etiam fit minus, inquit, si luxatio fiat sensim, aut si fiat intus vel extrà: in lumborum vertebra minùs quàm thoracis, & thoracis, quàm colli: quia in cervice vertebrę inter se connexę equaliter conferunt foramini, unde nervus prodit, sed in thorace magis confert foramen inferioris vertebrę, & longè minùs in lumbis: qui ergò noxam patiuntur per se in medulla spinali, his omnes partes inferiùs resolvuntur, & quantò noxa fuerit major, & advenus repentinus: qui verò noxam patiuntur in nervo tantum; ut in gibbositate, & obliquum, id est, in latus, hi patiuntur resolutionem solum in parte, quę est è regione, ubi nervi læsi sunt, si vel læsio magna sit, vel repentina, vel in angina, in qua vertebrę luxantur ad latus: si verò luxatio vertebrarum fiat sensim vel etiam repente, sed intus, aut extrà non in latus, his nulla contingit resolutio, ob hoc ergò qui fiunt gibbi per casum, aut jactum, si fiant obſtupi, resolvuntur: sin autem incurvi, aut repandi, non resolvuntur: quia tamenſi repente fiat, non est obliqua luxatio, qui verò sensim fiunt gibbi, & si obliqua sit luxatio, non resolvuntur; quia non repente facta est: qui verò sensim facti sunt incurvi, aut repandi, nullam patiuntur resolutionem; tum quia sensim vertebrę luxatę sunt, & inrerim spinalis medulla, quę mollis est, potuit extendi, & ita nihil passa est; tum quia luxatio recta est, in qua nervi neque comprimuntur neque julto plus extenduntur. Ex quo concluditur, quòd in luxatione recta, gravi & repentina poterit contingere etiam resolutio: quia licet in angina non fieret, contingit hoc, quoniam ex tribus conditionibus, quę faciunt ad resolutionem, scilicet quòd sit repentina, magna, obliqua, non aderat nisi prima, si verò adſit & secunda, ut in vehementibus ictibus aut casibus, tunc solventur membra inferiora, aut saltem, quę sunt è regione. Vertebrę autem luxantur quatuor modis, aut casu, aut ictu, aut crudis tuberibus, aut materia sensim influente: quamvis hæc non, ut in proposito, Galen. omiserit, cujus hoc est præstantissimum sanè inyenitum. Hæc ille.

Sed descendentibus nobis ad sedes spirituales: succiditur vel minuitur respiratio non intercepta solum actione musculorum dilatatrice, constrictrice: verum etiam, quòd clauditur guttur sic, autore Gal. lib. 4. aph. 54. & lib. 4. de locis affect. cap. 5. ut minùs aeris recipiatur, atque emittatur: adeoque fit respiratio frequens & parva, spiritusque cum sono veluti stertendo fertur, ut adnotavit idem Galenus lib. 3. de articul. com. 13. Præcluditur verò in totum trachęa ob vertebraſ cervicis in priorem partem abstractas: pariter (ut jam ad functiones naturalium organorum deveniamus) neque deglutienti cibi potusque manet actio sub antè dicta colli contorsione. Itemque gracileſcunt particulę, quę luxatis vertebraſ affident: & si augendi sit ætas; tamen non augeſcunt. Sic bonos in contrarium immutatos vides affectus. Sæpe etiam excernenda, quę fuerant, supprimuntur: dejectiones, inquam, & mictus sub lumborum vertebrarum intrusionem, quę maxime fiunt à casu, lege de his Hippocr. & interpretem Galenum lib. 3. de artic. comment. 6.

Posthæc autem ubi petas exponi signa; quę morborum internas aliquot causas declarent: referam equidem, quę collegi: si causa fuerit siccitas, hæc nasci potuit à febre, præsertim acutâ, atque ab inanatione, quę utraq; præcellerit. Indicium quoque fuerit, quod factę ad locum illitiones olei cito reliccatę fuerint. At verò si laxatio vitium induxerit, partis forma significabit, ac tactus: itemque quod afflicta unguenta diu consistant, & non exsuccentur: quas suasiones confirmabit & liberior succulentiorque, qui fuerat ulitatus antè, victus. Ad hunc ferè modum Avicenna. Si verò tuberculi suspicio sit; id crudi succi corpore fusi monstrabunt. Quibus non se proidentibus (ait Hercules Saxonia lib. 2. præct. meth. curandorum morborum) indicium rei fuerit augeſcens paulatim spirandi difficultas; itemque tussicula cum sputo, sed sine febre ac reſonitu: sub quibus interim ex toto integer ipse sibi videtur homo: sic adnotante Galeno lib. 4. de loc. affect. antè citato. Quoniam autem ambiguum est plerumque; sit ne crudum, & imputre tuberculum sic, ut in steatoma (fortasse rectiùs atheroma) desitutum sit, an verò calidioris sit miscellę, quod in suppurationem transmigraturum appareat: hunc utrumque tumoris statum, aut apparatus ipse discreveris ad hunc modum: frigidum quidem poterit conjici temperaturâ corporis item frigidâ, ætate debili, vel inclinante; vitę instituto ac victus, qui frigidos crassosque succos profetere & congerere possit. Contrà verò tuberculi calidioris & suppurabilis suasionem facient crasis hominis item calida atque etiam humida, plenitudo sanguinis, & quę ad hæc accedunt alia. De febris autem indicio si quæſieris; illud anceps, & contingentis plerumque sortis affirmo. Sed de inflammatione te dubitantem multitudo sanguinis certum faciet. Docuerit eam rem curatio, contraria quidem, quę proſit; similis, quę obſit. Sed ejusdem ad supuratum abſceſsumque tendentis notę sunt auctore Rhaze lib. 1. divisionum ad Mansorem cap. 105. quod prægressus dorſi dolor cum febre aucta; pulsus arteriarum magni caloris immodicus, & aliorum omnium longus adheſus & perduratio. Deinde verò febre sedata, per aliquod tempus permanet dolor ac dorſi gravitas. Sed hæc enim incipit extare gibbus, quem ex flatu profectum indicabit dolor superveniens sine febre.

Hæc ferè Rhazes: qui & ab halituosa materia cieri gibbosum explicatè prodidit. An idem autem Avicenna senserit, incertum est propterea, quòd lemmate quidem capitis notati de gibbosi pariter ac ventositate inscripſit; post hæc verò, aut de flatulento affectu nihil exequutus est, aut dubia de hac re traditio facta est, qualem aut codex aut multiplex ejus versio parit. Post hæc causas intrinsecus gibberis effecta molitas docebunt te spinę prælegmina, quatenus à sua sede paulatim recessisse videbuntur, deinde ex læsis actionibus, quę sunt videlicet aboliti sensus, aut motus: imminuta respiratio ac deglutio; lotii sæcumque suppressio. Sed nihil ad firmandum certiùs est indicium, quàm corporis affectus evidens, qui se offerat qua gibbosus, qua sinuatus. Præterea differentias, quę ad qualitatem spectant, majora etiam, aut minora recessus momenta undique referrent; sed situm superiorum spondylium, læſorum deglutitio, respiratio; inferiorum verò noxę mictus aut dejectionum detrimenta: sensus item motusque amissio monstrabunt. Denique numerum vertebrarum complurium, in ambitum exultans ipsarum compositio, unius verò & paucarum, minor rotunditas & in angulum abſceſſus indicabunt.

Reliqua signa discretiva per Jacobum Hollerium ex Hippocrate translata sunt ejusmodi. Primę quidem cervicis perversio mentum deprimit ad pectus, summam loquendi ac deglutienti difficultatem excitat, ac extremum fatum accersit. At verò in gibberibus reliquarum colli scandularum cervix contorquetur, respiranti pariter & loquenti spiritu tenuius angustiusque

que eliso exhibilatum, dormienti verò stertorem facit. Sed in gibbere dorſi, ac thoracis, ſpiritus difficulter & cum ſonò fertur; coſtarum in latum incrementa ſunt nulla; thorax anterior in quendam veluti conum acuminatur, ſterno in acutum coacto. Sed in lordoſi extremus diſpnæ modus, paralyſis, torpor, ſtupor coxis; præter libitum voluntatis miſtus, ac defæcatus: poſthæc in ſcolioſi ſolutio, nervorum frequentior ad partem luxatam, ad latus verò adverſum diſtenſio. Poſtremo quibus ad lumbos ſpina repanda eſt; his accedunt renum, & veſicæ vitia, abſceſſus ad ilia atque inguina; coxendicis gracilitas; tarda & parca pubertas, ac barbæ emiſſio, infæcundioresque ſunt magis quàm quibus obſigat gibber partibus diaphragmate ſuperioribus tenuis.

Cap. 5. Judicia & Prognostica.

PAtent his affectibus corpora quæ ſunt fluxa, mollia, gracilia, anguſti pectoris, pueri parentibus orti cachecticis, & qui vitiatis fuerant ſub generatione viſceribus, affinis enim hic affectus arthritidi & podagre, congenitos inter morbos cenſeri poteſt: quanquam neque perpetuum, ut à gibbis gibbi naſcantur: ſed hoc perpetuum, ut hæreditarius hic affectus ſanabilis non ſit. Hæc naturalis certorum hominum eſt propenſio, ut obnoxii ſint hiſce malis, antequam ineantur: ceterum poſtquam inita ſunt eadem; dijudicandus eſt eventus ſalubris, aut funeſtus, & ſi ſalubris, num ſolvi poſſit aut ſecus. Lethalis quidem eſt gibboſis auctore Ambroſio Paræo, cum una tantum vertebra ſola excidit; nimirum ictu luxata, medullam, quæ ſpinæ ſub eſt, ita ſecum abripi, ut in angulum pene acutum eandem veluti turbinet; adeoque arctius compreſſa rumpatur, aut comminatur oportet: quod mortiferum non eſſe non poteſt: id quod ſub angulo luxationis aucto non accidit quidem; Hippoc. docente ſententia 51. ſect. 3. l. de articulis; quod orbiculata vertebrarum eſt ſuo ſtatu abductio angulari altera minus eſt periculofa, quàm ob cauſſam multo levior apparet ejuſmodi plurium vertebrarum exſolutio.

Eſt & lethalis divaricatio vertebræ primæ, aut ſecundæ cervicis: ſub quo caſu, teſte Galeno in comm. 35. lib. 4. aph. extentis ad partes inflammatas & ligamentis & uervis, trahi vertebraſ vel introrſum vel ad latus, eſt neceſſarium: ſi in altera nervi propagine fieri tentationem evenierit, ad latus quidem; ſin verò ambabus introrſum. Hanc à Galeno ſimpliciter propoſitam vertebrarum colli, primarum luxationem infantibus plurimum evenire noſtra tempeſtate nos & fœminæ nutricula non ſemel obſervavimus: de qua re Joannes Huccherus in l. de therapia puerorum, & ante hunc Galen. l. 6. de loc. affect. & omnium primus Hippoc. l. 3. de morb. num. 11. qui ſpeciem hanc quartam angina fecit. Sed de proveſtoribus ætate gibber, lordoſin potiſſime vertebrarum thoracis expertis pueris edidit Hippocrat. illud oraculi, quod l. 6. aphoriſm. 46. ſcriptum legitur; Quibus ex aſthmate ac tuſſi gibbi ſunt, ante pubertatem moriuntur; cujus rei cum Galenus tum alii enarratores ferme omnes rationem illam cenſuere, quæ eſt digeſta ſcilicet à nobis ad hunc modum,

Quicumque dum augentur, vertebrarum in regione thoracis luxationem à tuberculo creatam experiuntur: iſti corde & pulmone compreſſis à thorace non ad proportionem aucto, cum vehementi aſthmate vel tuſſi moriuntur.

Qui gibbi ſunt ex aſthmate vel tuſſi ante pubertatem; illi dum augentur, vertebrarum thoracis luxationem à tuberculo creatam experiuntur, quorum ſcil. materia prius aſthma vel tuſſim fecerat.

Biblioth. Chirurg. Tom. III.

Ergo, qui gibbi ſunt ex aſthmate vel tuſſi, antepubertatem cum vehementi aſthmate vel tuſſi moriuntur.

Diſceptatio ſuper Hippocratis aphoriſmo.

HÆc à primo Galeno fluxit vulgata jam apud omnes Hippocratici teſtimonii demonſtratio, quam utriuſque viri ſententiam operæ pretium ſane fuerit hæc expendi, ut, recta ne ſit utraque ſtatui, poſſit. Quod autem ad prius iſtorum caput ſpectat; plurima fuit interpretum dubitatio de veteris iſtius oraculi veritate, ſeu rectius perpetuitate, quando nonnulli puberes hypotheſi jam aphoriſmi conſtante viſi ſunt vixiſſe; ut eſt apud Ugonem Senenſem, Hyeronimum Cardanum, Franciſcum Valleſium, ac pleroſque alios aphoriſmi explanaatores. E quibus unus Antonius Muſa Braſavola teſtatus eſt, pueros ex aſthmate ac tuſſi diù ſuperſtites, gibbi ſecundum antica & poſtica fuerunt: nam pectoris cavitas ex vi materiæ ac fortasſe motus magis dilatata eſt, quàm conveniret adeo, ut in anteriore ac poſteriore parte elevationes faceret, ac veluti tumores; in longitudine verò abbreviaretur.

Quam rem quidem, ut ſuaderet Braſavola nobis, non fuit difficile; poſtquam videndus ſe obtulit Decius, ſeu vulgari literarum metaſtaſi Diecus Gallus Sartor ſecus Palatium, cui famoſiſſimi gibberes, tum pectore, tum dorſo exiterunt, ampliſſimum utrinque rhombum facientes. Sub qua loci vacuitate, tum pulmo, tum cor agitari quantumcunque liberè nemo non cognosceret, homine non incommode respirante. Quid ni verò tam latè diducto atque amplo pectoris excuſſu contra præſocatus interminata gibbis impuberibus pericula; ſupra adoleſcentiam atque ad vigelimum ſecundumque annum vixerit, ac vivat ejuſmodi homo? Sed & D. Hieronymum Gaſvaldum Neapolitanum juvenem Illuſtrem, ac Fulvium viridianum Calabrum Medicum Neapolitanum celeberrimum trigefimo in anno natum, ac Joannem cognomento Blancum vetuſtioris Gymnaſii Neapolitani janitorem quinquagenerio majorem, M. Ant. Chiayenſem paulò minorem atque alios tot quidem numero multos, ut horum omnium nobis adnotando plures, quàm venando reſtent utrinque gibbi longævitatæ ſortem experti, quin etiam alii comperti longe plurimi, quibus cum alterutro gibbere ſeniles anni contigerunt.

Ex hoc quidem verè, ſed ex heroico dignus ordine atque iuter ſummos glorioſiſſimoſque Principes nominandus ſingulariter eſto D. Carolus Emmanuel ſecundus Subalpinorum Dux Sereniſſimus, cujus quidem ætate noſtra Jaſoni, aut Alexandro Macedoni paræ mentionem ſuper hac re feciſſe nobis ornamentum inde libro quærentibus licuerit, deprecamur; quando & hac etiam occaſione Principis inclyti nomine ſuos de re phyſiognomica libros cohoneſtaverit Scipio Clarimontius Sapientium noſtræ tempeſtatis Italicorum nulli ſecundus.

Hiſ ergo tum rationibus, tum experimentis, & Hippoc. abſolutione; propoſitio & Galenica adjecta ratio nuper à me recitata minus firma minusque rata apparet, quàm, ut omnem hominum aſſenſum promereatur, ac fidem à bonis eſtimatoribus extorqueat. Unde factum eſt ſcilicet ut varias interpretando rationes commenti fuerint multi. Primum enim Hollerio enarratori alioquin Hippoc. apprimè nobili viſum eſt; haud de quacunque promiſcua gibboſi loquutum Hippocratem: verum de ea, quæ cervicem exercet anguſtiæ majoris neceſſitate, qua poſita interpretatione pro comperito credidit hic vir, in aphoriſmo pleraque ſolvenda problemata & ambiguitates. Verum enim vero primum haud probabile videtur, Hippocratem ſingulari hac gib-

boli suum enunciatum ac rem totam conclusisse. Deinde rectius hanc quartam angine speciem fecerit quispian, quam gibbum verè. Sed & angine speciem illam posuit ipsemet Hippoc. lib. 2. de morbis. Ad hæc ejusmodi affectio non parum acuta est, minimum autem de hac ipsa commentus apparèt Hippocr. qui longiores atque annuos extulisse terminos videtur per id quod est [ante pubertatem moriuntur.] hanc enim ad vigesimum quintum usque annum extendi Galeno visum est in aphorism. lib. 5. qui habet; τὰ ὀππὶλέ πικρὰ δ' ἀσπίσι πρὸ τῆς ἡβῆς γίνεται τὰ τέσσαρα πᾶσι ποικίλ' ἐμμελῶς-θροκοί; quibusque morbi comitiales ante pubertatem fiunt, transmutationem habent. Et rectè quidem Galenus comprehensam Hippoc. 25. annis pubertatem putavit; quandoquidem & lib. 3. de articulis eandem ἡβῆς voculam, id est, pubi seu pubertatis cum alia γεννῆ barbe ὁμονομίζοι & quasi confundit, dicit enim ἡβῆ δὲ καὶ γεννῆ βραχὺτερε καὶ ἀτελέτερε, id est, pubes verò & barba tardior, & imperfectior. Jam igitur si barba his ætatis provectæ annis completur; & ἡβῆς seu pubertatis anni, iidem & communes, qui barbæ erunt.

Additur & his indicium, & argumentum maximum, quippe si credimus Galeno, cui tota ratio præmaturæ defungendorum vita gibberorum, fuit incrementum summum viscerum spiritalium, quæ à thoracis angustia concludi commodè non possint: profecto ad hoc augmentum totidem requiruntur anni, quoti requisiti sunt ab Hippoc. non pauciores; fortassis autem & trigessimus annus est ad quorum accessus corporaturæ nostræ contendunt; dicente Philosopho in lib. 20. sect. problem. 7. quod ad hoc usque tempus proficiunt, & crassescunt corpora: & in l. de generat. animal. c. 20. prodidit, humanæ staturæ dimidium anno decimo quinto; quinimo si & hanc opinionem sequi placeat, judicio Halyab. 4. theoricæ c. 2. & Haly Rhodoam in Microtechnæ tract. 3. comm. 63. ad trigesimum quintum usque annum augescere potest homo.

Sic alti & cumulati sunt apud Hippocratem anni pubertatis. Quanquam Ptolemæus in 4. lib. Apotelesm. cap. ultimo spectatis Lunæ & Mercurii super homines transcurrente vitâ dominiis: illius quidem ad quadriennium, hujus in decennium: statuit pubertatem hominis anno quartodecimo esse. Quo loco inter ceteros enarratores Haly Rhodoam tradidit conceptis verbis. In hac ætate animam, scilicet generativam, dare materiam, & incipere tempus, quo plantentur in ea principia operationum & propriarum virtutum; post hæc enim assistit homini Venus octo annis. Ad hanc potissimè sententiam accesserunt & Jurisconsulti, quam explicavit Imperator Justinianus, lib. 1. instit. civil. tit. quibus modis tutela finitur, §. 1. cuius pubertatis plenitudo atque maturitas adoptionis facultatem anno decimo octavo constituta est, cod. lib. tit. de adopt. §. 4. Sed de hac omni re cumulatissimè ac perquam exquisitè tibi disputat inter omnes Paulus Zacchia medicorum, & jurisperitorum Hermes Italicus in tomo primo quæst. medico-legal. titulo primo, quæst. 6. & aliis ejusdem tituli locis, quin etiam ex medicis Avicenn. in lib. 1. fen. 1. doct. 4. c. 3. & Gentilis à Fulgineo in commentario statuerunt, & hoc tempore pubertatem, quo primum sperma producere & emittere possit homo.

Hæc de tempore pubertatis professores isti omnes: à quibus ipsis si rectè placitum unius cujusque dispexeris: non discrepat Hippocr. si principium duntaxat ejus ætatis spectetur: verum intellexit divinus homo pubertatem ad suum terminum extensam, quod apertè cognoscitur, quia memorato loco de articulis meminit barbæ; quæ citra vigesimum non erumpit, ac vigesimo quinto completur, itemque meminit! fecunditatis, quæ provectiore ætate perficitur; porro & si à decimo quarto & paulò superius semen ejacu-

letur homo; tamen si filios non generet, infœcunditas non coarctatur, neque evincitur præterquam ad ple-nos istos & maturos, qui floridi vocantur anni; ad quos etiamnum extenderunt & aliquot Jurisconsulti, ut apud eruditissimum Zacchiam, ibidem locorum notâ numerali 67. & quæst. 5. n. 4.

Sed de pubertatis finibus jam satis: ad recensendas alias aphorismi interpretationes redeamus. Præter Hollerii recognitam jam à nobis opinionem, fuit & Thadæi Florentini, atque aliquot aliorum, qui ad dorsî Lordosin exquisitam, & malum omne gibberorum, & rectas cunctas aphorismi resolutiones, problematumque explanationes retulerunt: contra quam tamen enarrationem est, tum multiplex nostrum experimentum, tum Hugonis Seriensis in commentario super hoc eodem aph. Neque verò lordosis vis est tanta: ad quam unam referre possis; aut noxarum expositarum, aut mortis inventam anticipantis necessitatem. Præter hos omnes alii fuerunt, è quibus unum Hieronymum Mercen-tialem nomen, qui non perpetuam, & καθόλου propositam ab Hippocrate sententiam hanc censuit, verum aut gratis aut sine solido fundamento dictum hoc à Mercuriali credes, donec aut firmior tibi demonstratio producta fuerit, aut mox adversatura nostra enarratio nulla sit, ego enim aliter circa proposita philosophandum aliumque in aphorismo sensum inveniendum autumo. Confido autem germanum occurrisse intellectum; quem mox audies si prius hypotheses aliquæ præstituantur.

Primum insuetum & alienum arbitror ab Hippocr. atque absolutissimis quibusque autoribus, causis effectricibus primis immediatisque relictis, poni secundas, & mediatas accidentariosas, itemque corporalis effecti poni causas spirituales, quando suppetant genere correspondentes, id est, corporales ac solida. Atqui causa gibberis prima, immediata, corporalis, & solida constituta jam ante fuerant ab eodem autore spinæ tuberculum: quam rem & Galenus in hujus aphorismi commentario præmonuit. Præter quam hujus viri confirmationem, est & altera plenissima Thadæi Florentini expositoris inter omnes juniores primi & gravissimi. Est, inquam, essentialis gibbi causa spinæ tuberculum, sed ex hoc ipso disrupto tussis, & asthma resultoria sunt symptomata, & secundum eruditorum hominum sententiam secundæ causæ, nequaquam autem apud verè doctos fuerint primæ, propter incommoda nonnulla, quæ Mercurialis opinionem confutans supra retuli.

Itaque quid aliqui sapienti viro veniat in mentem, aut probetur; tussim & asthma, ventosas utrasque res creditas ab Hippocr. causas gibberis effectrices? quid insuper hæ causæ adversus ossa, luxationes potius, quam adversus membranas & molliores cedentesque partes alias diversa symptomata & rupturas machinentur? quam quidem absurditatem, ut declinarent prudentissimi duo viri, Thadæus, inquam, & ab hoc fortasse mutuatus Hollerius, constituerunt [ex] particulam poni pro [cum] quam rem tamen à nullo Græcorum aut Latinorum rectè ac probatè loquentium autorum factum hucusque legimus. Quas ob res tandem, aut scripture modus aliquis, & lectio accommodata est inveniendâ, aut nova interpretandi ratio, quæ satisfaciat, est comminiscenda; id utrumque nos una methodo complectemur, quæ est? Si pro ἐξ statui possit ἐξω, quæ interim particula decreto Hippoc. etiam ad animum quadret, ac facilis immutatu se obtulerit; id quidem & non difficile feret quisquam, & liberè nobis etiam assentietur. Atqui sic equidem hæc ad unguem se habere, ut modò dictum est, ostendimus.

Et quod ad vocis immutationem spectat, hercules admittitur, aut rectius admitti necessum est, vocalis in dictione posterioris, altera vocali sequentis alterius dictionis proximè se offerente, fieri elisionem oportere (quod etiam à nostratibus Italis fieri consuevit.

Jam verò vides, post primam aphorismi particulam, quæ ἐξω me autore fuerat; mox ἀσθμῆς sequutam nomen; quapropter pro ἐξω ἀσθμῆς facile ἐξ, ἀσθμῆς afferrī potuit: atque adeo ἐξ ἀσθμῆς, quod in præsentī legitur; insinuatū fuerit. Sic quidem apparet facilis vocalæ cuiuspiam in alteram factus transitus, aut verius nullo factō transitu, vocalis unius facta expunctio. Cujus sic compositæ dictionis accipe nunc sensum & germanam veritatem.

Ἐξω quidem græcis, latine extra pro præter sæpè valet, ut ex Thucydide ac Dioscoride notant lexica: nos autem & vernaculâ id linguâ consuevimus; quæ vocabuli usurpatio non infrequens fuit & apud optimos auctores latinos, quorum omnis dignitas & præstantia ex una græcorum imitatione fluxit; neque autem hac de re Ciceronis unus est locus, nam secundo de legibus ait; extra collegium Sacerdotum ne quisquam sacra, quæ publicè essent; constituta nosset, & clarius epistola 3. lib. 4. extra ducem paucosque præterea; & alibi etiam, cuius est nemo in tanto populo extra contaminatam illam Publii Claudii manum, qui &c. quam eandem loquendi elegantiam ab Horatio Tursellino è Societate Jesu scriptore disertissimo, libro de particulis notatam, observavit etiam apud eloquentiæ Romanæ parentem & Marius Nizolius in Thesaurō Ciceroniano productis duobus præterea locis, quorum alter est lib. de inventionē, hoc separatū quiddam est extra illud; alter multò illustrior libro de oratore: nullus est numerus extra poeticos.

Jam igitur eo constituto, quod Hippocratis aphorismus legendus est sic, qui extra, vel præter asthma, & tussim gibbi sunt, hi ante pubertatem intereunt, hujus orationis sensus is mihi quidem videtur, atque omnibus videri debet, necessario quodam nexu comprehendendas has tres simul omnes gibberis, asthmatis, tussis affectiones; ut ante pubertatem, annum vigesimum quintum necessitas moriendi sit; quippe postquam unum aliquid istorum non explevit morbum, quod expleturum alioquin abunde videbatur: reliquum namque opigenesi facta pessimum & exitiale malum oportebit; ut jam nos in lib. de abscessu critico ex Coacis prænotionibus Ludovico Dureto enarratore monstravimus: Difficultas autem spirandi simplex haud necessaria absolute causa videtur, ut vitæ vim inferre queat, multo quoque minus tussis compulisse quenquam ad interitum visa est; quod indicavit summus Hippocr. aphorismo, qui habet, strangulatos aut suffocatos ad se posse redire, quibus circa os spuma non extiterit. In his enim quàm plurimam fuisse spirandi angustiam, quis est, qui non agnoscat? Ac neque sola gibbosis tantam habet vim, ut fatum accersat; necessum enim, ut pulmones, aut spiritus organa laborent sic, ut ex horum affluxibus malis tussicula parta plurimum molestat.

Quæ omnia cum non sunt; videmus quotidie multos, qui gibberis bellè ferunt incommoda propterea, quòd nullam, aut tussis, aut spirandi difficultatem experiuntur. Quinimo visi sunt inter nostrates homines gibbi, qui in arte canendi consummati vocem quàm maxime deprimunt, aut intendunt, quorum unus est presbyter sexagenarius, cui gibber amplum utrinque prominet: alter est, cui cyrtosis est magna dorso, Franciscanus Ordinis III. Quæ tanta vocis intentio, cui planum non sit, spiritus vi constet? An ne igitur exitiosum extreme quicquam istorum esse possit? Sic jam apertum est gibbis plerumque non esse spiritus angustiam; neque si aliqua sit ejusmodi, dispnam perniciosam alioqui futuram. Verum enim verò gibbere pectoris angustiam faciente; post angustiam verò difficultatem respirationis, ac multò maxime post disruptos abscessus tussim ac asthma consequens: sic plenissima & necessaria causa est, ut mors homini lente subrepat, vaneſcente scilicet calido cordis; qui diù

persistere in ea pressura veluti piscis in arido solo non potest; quando nimirum alimentum primum aeris venti desit. Hæc universalis nostra lex esto: deinde requiritur specialis; ut hi homines imbecilli, graciles, ac prope squalidi sint, quo calore ac siccitate constante sit, ut major sit ulus respirandi qui maximus in angustia pectoris in maxima: vides quantam ex difficultate spirandi præ se ferat noxam. Sed vegetiores moderateque carnosī & si gibber experti; nil detrimenti, ac neque spiritus difficultatem perpetiuntur. Sic Hipp. l. 3. de art. ait; Multi quidem gibbi facile, at non scimus; quàm benè valentes, jam usque ad senectutem id mali sustinuerunt, præsertim quibus corpus carnis plenum ac pingue effectum est: pauci autem ex iis ad sexagesimum annum pervenerunt; plerique enim citius moriuntur.

Requiritur & tertio causæ vis præpotentis ac vehementis, hæc autem est defluxio crudi gravisque succi multâ copiâ de capite confertim ad inferiora ruentis; cuius pars ad spinam delata & circa vincula vertebrarum coacta gibbum, ea qua dixi ratione contrahar, pars ad pulmonis & anhelitus vias brevius derivata & spiritus anxietudinem, & tussiculam excitet, sive quidem hîc relicto phymate submolli subcrudoque, quod sudorulentum suum veluti madorem in asperam arteriam insinuet; sive spiritalibus tantum irrigatis viis, & nullo phymate relicto. Ex quibus omnibus noxis, quæ primum se prodit, est pulmonis: quæ causa fuit scilicet, ut ex spirabili viscere languorem præ se ferente suscitatos spinæ conflexus opinati fuerint nonnulli. Conſectitur autem & sinuatur ad eos; quos dixi modos, plenis simul semelque, sed diu comparatis incrementis, ad mensum porro, atque aliquando ad annorum curricula maturitatem gibbi retulit; Cardanus in aphorismi commentario.

Accedit ad has gibbi causas & alia, quæ veluti principium est omnium; improba videlicet capitis conformatio, expers naturalis utriusque projecturæ, maxime verò posterioris, cum Theristica propè forma, tum capitis, tum faciei: præcipue verò naribus hiulcis atque anhelis, & oris ampliore rictu, cum rariore aliquando ac latiore dente; collo verò nullo vel intra thoracem reducto: hæc capitis universi conformatio plurimum incommoda est, vel quod ad ipsam pertinet, quæ cursum exhibet, ac non coerces humoribus superfluis; vel quatenus includens primam intempericm & imbecillitatem facultatis formatricis, causa est mali potissima; qua necessaria ac verendæ fluxiones pectoris economiam infestent.

Sæpe etiam cum formatricis vitio, quod intra matricis claustra constitit, conjungitur extra uterum imbecillitas nervorum, quæ maxime cedit, & opportunam se exhibet inflexui. Sic & mala partium conformatio & gibbi perversio apparet, quo multas quidem afferre narrationes possem: sed superat omnes eas, quam mox audies: nimirum Antonio Santoro Neapolitano puero quidem pusioni, sed 14. jam annos emenso visus à me gibberes omnes. mire complexos ad cervices, inquam & lumbos & coccygis repanditatem, ad dorsum & pectus cyrtoses à supremo dorso ad lumbos usque scoliōsin, præter quas omnes gibboſes est ne alia, quæ supersit? Sed & manus pedesque non modicè difformes, atque distorti spectabantur adolescenti malè feriario, qui perpetuo quidem Scipione se firmans cum à me rogatus, ut nullo fulcro nixus incederet; id summo cum labore & præcipite quasi gradu fecit. Quod autem summe dignum notatu visum est; nulla puero respirandi difficultas aut tum fuit, aut ante hac: de qua quidem re certos nos idem fecit propterea, quòd pulmo huic purior visus est. Non de his autem, sed de aliis secundum pulmonem affectis dixit certe Cardanus, quod gibbosi crebriter spirent.

Ad hæc in gibbosis potissimum illud requirimus, ut circa vias spiritus incubuerit amploque non tenui schemate sit ille panus, qui gibber excitavit: enim verò non spectans ad ductus spiritales exile phyma, hæc sanè valentem ad interrompendum vitæ cursum vim habere poterit. Itaque superiores spinæ partes tentet, atque ad interiora potius, quàm ad exteriora vergat gibbus tacitam homini tabem illaturus. Illud tamen cum lordosi perniciofa necessarium advertit plucina vir fidei Nicolaus Florentinus in serm. 7. sum. 2. tract. 3. c. 40. ut nulla sit contra pectoris projectura, seu cyrtosis. Sic enim præter magnam spiritus angustiam parva pectoris est intercapedo, ac modica commoditas, per quam pulmo quoad sit satis, extendi se permovendo possit. Sed tamen contra Nicolai hanc hyporhesin est Cardanus; qui simul cum costis contorqueri dorso spinam, atque hanc vicissim cum costis notavit propterea, quod costæ vertebrae aquæ ac ætheri mediæ colligatæ sunt cum utrisque quo fit, ut quam emotionem incurrerit posticus thorax; eandem & anticus subeat oportet: & contra, quæ quidem Cardani ratio, ut plerunque vera sit: at non perpetua; namque constare potest alterutrius partis integritas subversa altera: quam nos rem Neapoli non semel vidimus & admoniti per nos amici multi.

Habes jam nostram de lento gibberum exitio novam opinionem.

Post hæc omnia, quod ad materiam formamque gibberis & ad causas præmaturi interitus effectrices pertinent: ceterum superest expendenda ratio modusque, quo corruptio lente se insinuat in vitæ fontem. Hieronymus certè Cardanum animadvertit in Galenum, qui sub gibbosis affectu tabem parante vacuitatem thoracis semper fecerit minorem, quàm pectoris interaneis incrementa dorique amplitudo iudicio Cardani sæpe etiam sub flexa quàm sub recta vertebrarum compagine major est. Jam verò, quod offensus accusavit, illud est eversa figura, qua fit, ut una quidem parte pectus comprimatur, altera verò laxius sit: sub hæc autem multam agitandi sui commoditatem exuatur pulmo, consequitur, nimirum & si lateribus excursus patet: tamen immutato dimensu longitudinis, allidens ad angusta non parùm laboraverit spirabile viscum, uti vides. Hæc quidem ille gibberis detrimenta fecit: alium nos opinamur ab importunitate gibberum aëriis organis labefactatum, de qua re omni hæc mihi succurrunt in præfenti.

Scire licet thoracem à sapientissima natura sic conditum secundum longum ac latum, ut longitudo superet, non superetur; nempe longior est excursus à capite trachæ ad infimos angulos septi transversi, quàm à dextro latere ad sinistram: itaque ad ovalem figuram thoracis universi ventrem refert Hieronymus Fabricius in lib. de respir. part. 2. cap. 6. Et jure quidem optimo fuit eâ formâ donatus thorax; quippe naturalis quidam follis est attrahendo remittendoque aëri comparatus. Atqui follis oblongus est, igitur & thorax oblongus rite fuerit, quin imò ne follis formam solum, sed ejus etiam construendi rationem & causas consequutum est diaphragma; nam quod aërem colligit & expirat unum ejusmodi vas; qua facit hæc, angustior ductum; ceterum qua congerit aërem capacior locum obtinere debuit; ex quibus omnibus apparet, quod major thoraci sit loci commoditas in tractu longo, quàm in lato, eoque etiam amplius; quia secundum latum plura & solidiora sunt corpora; cor, inquam, mediastinum, aspera arteria & hujus diffusi rami: quæ partes totam latitudinem complent; non sic autem completur longitudinis dimensus, qui parte multa vacuus est; quo consilio naturæ quæres, & quo partium usu? sed respondeo propterea, quia septum transversum se extendendo liberiores ad superiora locum exigit, atque etiam ad inferiora pulmo.

Aliud nunc velim revoces in memoriam anatome comprobatum diaphragma parte quidem posteriore depressius esse; parte verò anteriore sublime sic, ut sterni fines attingat, pone nunc dorso gibbum & pectoris; pone cervicis sic, ut caput inclinet ac pregraveret; quod rectè notavit Cardanus, breviabitur protinus intercapedo longa, & pertrahetur ad superiora septum transversum sic, ut adhæreat pulmoni. Cum igitur in expirando se contrahet diaphragma, locum non inveniet, ac fibras pulmonum adurgebit. Sed neque pulmo tantum ad inferiora spatii nanciscetur, quantum sibi opus est, atque ab opifice præscriptum fuit.

Hæc secundum loci angustiam gibbi sunt noxæ: audi nunc alias ex distortionem nascentes, atque ad alia pectoris organa spectantes incommoditates. Hæ sunt partim aspera arteria, partim pericardium, & quod intro fovetur, angustissimum cor: de hoc ego prius dicemus. Nosti membranæ cor asservanti conglutinatum & appensum inferne diaphragma; eo scilicet naturæ consilio, notante Hieronymo Fabricio, ut dilatetur is sacculus, majoraque sint cordi perpetuò micanti, præsertim cuspide tenuis, spatia: id autem evenit facile, siquidem hic suspensculi tractus in diaphragmate latissimus est; ne si foret angustior in longum tantummodo distenderetur eadem tunica: quod cordis prolatactioni non parùm officeret. Flecte nunc mentem ad pervullas dorso vertebrae, emotaque ossa sive antica sive postica, sub utroque enim gibbere necessum erit, ut distracto primùm diaphragmate, mox distrahatur, & suspensaculum antrosum sive retrorsum, quo aliorum, quàm recta contorto, suam extendendi amplitudinem cor amittat, & ad latus amiculi suis in motibus allidat, oportet.

Præter hæc œconomia pectoris, & alia perturbatio est, oriens ex trachæ conformatione vitiata; hac enim per gibbum cervicis aut supremarum vertebrarum contorta, pulmo qui subest ab ea perperam & laxè suspensus fallat etiam in suo munere necesse est; quantum enim in recta suspensione per naturam electa perennis undequaque motus ritè rectèque adimpletur; tantumdem etiam in contortis pulmonum arteriis corruptus idem & perversus erit adeo; ut lentior ac laxior esse debeat, porroque si rem acriter estimaveris, fluctuare propemodum in vacuo thoracis sine suspensore pulmo videbitur; quem admodum rete jactum in mare sine rectrice manu.

Sed ipsa fistula spiritalis an racenda sit? quæ ob cervicis gibbosin recurvata nullam non spiritus offensam inducere apparebit; si naturalem suam prius spectaveris conformationem, quæ Galeno autore 5. de administ. anatomica est; Trachæam, quia ad inspirationem respirationemque nunc contrahi, nunc dilatari, ac nunc longiorem nunc brevior vicissitudine perpetua reddi oportuerat, musculis mesobronchiis, id est, ad cartilaginum intercapedines decussatis, itemque membranæ ad soliditatem eorundem bronchiorum natura parens exornavit: ut toto dum inspiramus thorace dilatato, deinde consequutione ad id, quod movetur, pulmonem ad omnes partes dilatante, id quod in arteriis est membranofum in latitudinem; quod verò cartilagine replet, in longitudinem extenderetur. Videris igitur num contortis bronchiis, id est, altera quidem parte coherentibus, altera laxatis possit suus hic feliciter perfici motus? Porro dubium alicui non est, quod qua coarctata & compressa bronchia sunt, nullam extensionem patientur: qua verò perpetuam laxitatem conservant, locum dilatationi non dabunt.

Hi quidem sunt omnes modi per quos aëriæ pectoris officina non mediocriter officere gibbi corporis superioris possint. Verum enim verò neque singuli tantæ potestatis essent;

essent; commodiusque cum homine gibbero ageretur, nili & ex altera turpis eluvies spirantes particulas, & horum conceptacula perenniter infestaret; hæc enim una & præcipua causa est, quæ summam fati necessitatem acceleret & denique absolvat, atque illud est etiam, unde Hippocrat. nobis tam absolute pronuntiavit; qui ex asthmate ac tussi, id est, ex causis asthmatis, & tussis gibbi sunt, &c.

Jam igitur considera mihi; sub gibboso quomodo libet pectore & fluxionibus capite superfluis gravato, septo non libere se agente, atque hoc & pulmone locum invicem invidente, præterea spumoso viscere per distortum suspensorem vage laxato; affabrefactæ trachæ corruptis usibus, corde sua connivente caspula male compresso: spiritualibus denique ac pulsficis organis perperam in suo munere se concitantibus, num spiritus & pulsus & vitæ munia feliciter sint processura? quin verò neque sufficientis aëris commeatu, neque æstus in corde refrigeratio, neque fuliginum expulsio perfici poterunt, parce igitur & coinquinata oblato in dies alimento consistat vitalis vigor & calor vividi vis non emarcescat? Igitur hæc causæ sunt & hæc ratio, ut animal (quæ Galeni vox fuit) corrumpatur, lentis tamen & in dies factis ad interitum accessionibus, non subitam & repentinam, quod multis visum est, strangulationem animante perpeffo, nisi fortasse ex alia vehementissima causa, quam tute per te intelligere potes: Quibus jam de Galeni Magistrique Hippoc. exactis enarrationibus ad cætera quæ supersunt transitus esto.

Collatio extrinsecus illata & ductu morbi nata gibbosis.

QUæ cum jam apparuerit interiùs partæ gibbosis coërthia: quæstio subinde se offert, utra funestior hæc sit, an externo principio producta. Difficilis quidem enodatu controversia, quam nemo, quem legerim, ex professo attingit aut resolvit, quod nos aliquando cum facimus contractam in brevissima disputationem disponimus ad hunc modum. Speculanti quidem protinus apparent graviora gibberis obscure producti momenta: nam quis est, qui plus uni, quàm compluribus & gravioribus omnibus demolitricibus causis non deferat? quandoquidem nec Hercules contra duos, atque istæ præterea causæ functiones vitales & recte, & proxime laceffunt: Ad hanc opinionem accesserunt certi super hoc judicio non falsi, Franciscus Vallesius in comment. citati sæpe de gibberis aphorismi, atque Ambrosius Paræus lib. 11. chirurg. oper. cap. 17. Veruntamen expensam exactè rem non fugit difficultas, atque aliter, quàm isti discessu nullo censuerunt, suadent nonnulla, quæ mox subjicio; propositurus primum, quod ictus spinæ dorsæ non minora ducunt pericula, quàm percussum caput, quocirca Hippoc. lib. Coacar. prænot. 3. quasi uno eodemque loco habuerit vulnera capitis & spinæ dorsæ; simul utraque complexus enunciavit; moriuntur ex vulneribus, si quis fauciatu fuerit cerebrum, aut spinæ medullam. Cui viro proximus Cornelius dixit & lib. 5. cap. 26. servari non potest, cui basis cerebri, cui spinæ medulla percussa est. Porro rachitis præcipuæ dignitatis est pars, unde nervorum excursus & propagatio est, cerebro & substantia & accidentariis plerisque formis proxima, quapropter & facultatis Igemonicæ impulsivæque noxâ sub spinâ vehementer percussa perpetuò resultat: enim verò per hanc princeps in consensum trahitur cerebrum, est autem spinæ luxatio per vim illata plurimum ad interiora, quæ sine medullæ violatu non est, quo fit, ut plane incurabilis & neutiquam attrectanda sit judicio tum Hippoc. tum Celsi Paulique, tum posteriorum omnium, has ob causas pernissima si quæ alia videtur externa spinæ medullæ intrusio, quam nervis graviter apprehensis, tum inflammatio, tum

convulsio, tum implacabilis doloris acerbitas consequuntur.

Sed quid jam tandem de utriusque mali profundiore noxa judicandum est? ego problematis resolutionem hanc statuo principio tamen proponantur in universum pares utriusque modi, id est, ut absoluta sit tum hæc, tum illa, tamen disparium generum nullam æquabilem verè comparisonem esse confessum est. Quod si quacunq; paragoge contentus sis, tum eam distinctionem pono; lædunt utraque functiones vitales; sed altera quidem inopiâ spiritus & inquinamento, sicut ostensum est: altera spiritus præsentis & minime deficientis dissipatu doloris & vigiliarum & phlegmones vi facto. Cæterum in altera visitur insignis acuties, in altera lentus marcor & exolutio, in altera calamitas est longinqua & annis necessaria, in altera dierum termino incerta, secundum Hipp. sententiam, quæ habet; Acutorum morborum non sunt certæ prænuntiationes salutis aut mortis. Ego autem cum utraque perniciofa sit, sed diversa ratione perdens: æquiparaverim duplici expugnationi urbium efficaci: quarum altera per strictos gladios & incendia cunctos & populos & urbem truculentè vastet: altera longa obsidione ac fame resistentes oppidanos è medio tollat. Cui nostræ resolutioni apud typographos lectæ mirum in modum plaussit Franciscus Romanus collega noster, qui libellum elegantissimum de militari medicinæ conditione jam pridem instituit.

Jam autem post traditam gibbosis ab humida plenitudine curationem, succedit altera siccæ medicatio; quæ judicio Rhazæ & Avicennæ non alia quàm convulsionis à siccitate profectæ remedia poscit; si tantum ulla curatio est ejusdem ab inanitate productæ, Hippocrate & Galeno auctoribus in aphorism. cujus difficultates miror equidem, quod non meminerit Rhazes, nisi quod immodica siccitas non est, unde oriatur profecto, licet porro, summum liniendi, ac mædificandi modum requisivit huic gibbosi rectè medendæ. Remediorum autem genera, quæ præscripsit, sunt ejusmodi; prima sanguinis detractio ex hepatica, secundus clysmus ex oleo, in quo ferbuerunt radices althææ & seminis lini, tertia portio atramenti cassiæ, dissolutæ ol. amygdal. dulc. Ita quidem in l. 3. divis. cap. 105. sed in 9. ad Mansorem cap. 91. si hoc vitio correptus fuerit puer: tepentis aquæ balnea, conjuncta febre ex herbis infrigerantibus decoctum cum cassia fistulari potui propinandum, atque emplastra ad dolentem usque locum vi sua refrigerandi perreptantia parti affectæ superaccommodanda sunt, inquit. Hæc ad ineuntem gibbum est Rhazæ curatio, nostræque quam audisti tuitio; cæterum gibbosi jam perfectæ, si qua curandi ratio est; hanc per chirurgica adjumenta conficiendam docuit optimè super omnes Ambrosius Paræus in operis chirurgici lib. 22. cap. 8. quam apud eum auctorem legito.

Alia quadam Hippocratis de gibbis judicia enarrata.

HI mali sunt & extremi gibberum eventus: alios verò è salubri neutroque genere nos docuit Hippoc. in citato sæpius comm. 3. part. 3. 4. 5. quarum omnium sententia hæc est; quod plerumque solvi nequeunt, potissimum ubi spina supra septi transversæ conjunctionem fiat, infra verò quidam solvuntur, cum varices in cruribus fiunt: illæ autem magis gibber spinæ solvunt, qui in vena poplitis oriuntur, fiunt etiam in venis inguinum. Solutum quoque jam sæpe vitium est à torminibus diuturnis. Hæc Hippocrates, quorum illa mea quidem opinione methodus interpretanda potest esse.

Fit spontanea gibbosis ab humorum defluxu, qui si diu consistit in vertebra sic, ut inde non recedat: facit sua permañsione atque adhæsu firmo, ut gibber absolvatur & consummetur, quod si natura procurante de vertebra, ad quas appulsus fuerat humor, aliò abscedit, vertebra liberet à tuberculo, quod gibbosin pariturum erat, oportet. Jam verò duplex hic humoris abscessus est, tum per decubitum, tum per affluxum, & per decubitum quidem alter modus est extra venas: sic in inguine per symphathiam conflatum, ex materia tuberculum & abscessum facit, ut solvatur gibbus, qui lumborum vertebra erat firmando. Alterum genus est intra venas per metastasin, sic excipientibus humorem vasculis ample distentis (varices dicunt) nec non hæmorrhoidis absolvuntur etiam à gibbere lumbi.

Cæterum præstabiliore longe forte per intestina transmissis succis & suppuratâ atque extenuatâ per hanc viam materiâ alioqui crassâ: similiter & nullum lumborum est gibber, quam assertionem firmam puta, si de nupera & inchoata, non de veteri & consummata, nec morbum consequuta; quæ Hipp. alioquin insanabilis est gibbosis; explicetur. Porro fit hæc humorum transmissio per primos & inferiores venæ magnæ ductus à quibusdeinceps in subjectos alios minores ramos descendit, donec aut effluat, aut loco cuiquam incumbat, aut verò transitus hic humorum & venarum, quæ viciatos succos recipere possunt, commoditas thoraci non est; illud etiam advertente Galeno in hac commentarii particula, quandoquidem de venis irrigantibus utrasque partes ait.

Utrinque octo costis una alimentum subministrat: sed superioribus, duæ aliæ tenues, scilicet ab utroque latere una; quæ omnes per thoracem distribuuntur, dissipantur; idcirco si succus aliquis ad ipsas ex tuberculis transferatur, excerni non potest, præterquam quod ægrè etiam admittitur. Succus enim, qui cruda & dura tubercula faciunt, glutinosi sunt & crassi, quare non facile per tenues venas feruntur, sed vena, quæ ad lumbos est, latissima est & sanguinem ad venas omnes transmittit. Ergò, cum hæc crassos & glutinosos succos receperit, si affectæ partes viribus adeo valeant, ut quod superat, expellant, & ad venas hinc sitas transmittit, quo fit, ut lateant, & in varices assurgant, ubi succi crassiores fuerint, id accidit in inguine protinus, sin mediocriter crassi, in poplite. Etenim, quibus citrà causam hanc varices in cruribus oriuntur, videre licet venas proportionem succorum crassitudinis latecentes, ubi crassissimi sunt, latissimas; ejusmodi venæ sunt in inguine, ubi minus crassi, minus latas, quales in poplite. Interdum enim, quum majores venas obstruunt, hunc affectum excitant, interdum ad inferiores concurrunt, quæ angustiores sunt; in universum autem in varicibus crassus sanguis continetur, nam id virium plerumque à succo melancholico, interdum etiam ab aliis crudis crassisque concitatur.

Sed pergimus ad alia subinde divini præceptoris enunciata. Quibus verò adhuc pueris spina gibba sit, antequam corpus perfectè increseat: his corpus ad spinam non augetur, sed crura & brachia duntaxat perficiuntur, quæ sunt ad spinam non complentur, quas res omnes Galenus ad perversos nutricularum venarum tubulos & ad membri *διόγκνισιν*, id est, movendi difficultatem & ad consequentem inde naturæ languorem retulit. Sic autem ait; & quæ jam perfectè increverunt, emarcescunt; nedum quæ adhuc incrementum suo juxta spinam augmento prohibentur; cæterum autem partes, quæ viciatis ulteriores sunt; ut brachia cruraque detrimento non participantia, crescunt feliciter & vigescunt. Hæc & ejusmodi tibi sunt loca præfagiorum de gibbis, ex Hippocrate.

Sunt alia præfagiendi capita & rationes ex modo tuberculorum; hæc enim si dura & cruda, quam-

vis Antonio Musæ Brasavolæ difficultatem pariant respirandi majorem, Jacobo tamen Hollerio minus inferunt periculi, plusque vitæ promittunt habentibus; at; quæ suppurant alia, deteriora; si viro Stempiano credimus: Sed de hac re paulo posterius agetur, quod periculi tamen haud fuit à tuberculo ad vertebra lumborum extante: præterquam enim tanta partis dignitas non est: ad hæc id loci nactum tuberculum adinvenire sibi poterit expurgandi transmittendique vias, quas jam ostendimus. Quæ de vertebra primæ luxatu secundum Hippoc. sententia fuit Hollerii, necessariam hanc suam interpretationem professi, ut probabilissima sit auctoris propositio: non ita verò visum est Ugoni Senensi atque aliis, qui gibber omni superius potissimum ad interiora cum tuberculo & illo quidem magno, necessariam causam fecerunt; ut gibbosum ex asthma vel tussi redditum impubetem præmatura mors tollat.

Quæ de superioribus gibberis latâ cum fuerint judicia: post hæc aliqua de inferioribus attexamus, videtur autem etiam Hippocr. traditione probabile quod lumborum repanditas incommodi multum allatura sit inferioribus partibus & ischio, quo subit referre id, quod Matthæo Coppulæ Neapolit. nobili viro contigit hoc & proxime superiori anno volventis sæculi trigésimo advenerat plenissimæ corporaturæ atque delicatioris vitæ juveni dolor ad alterutrum ischium; qui brevi liberum motum ademerat: postque sanguinis detractionem ex ischiadis vena sub talum, convulsionis non leves motus eidem lateri fuerunt, relaxari quidem ab aliquibus vellicato per phlebotomum nervo, sed me quidem iudice sunt hi cum innexo simul dolore, depravato lateris motu & manifesta macie revocandi potius ad altiore causam, nimirum quam attigi nuper, etenim à mali primordio facta est repanditas in lumbis inferioribus à me primo comperta, quam injuriâ nullam, sed naturalem affectionem, cum egroto dixerant alii medici; veruntamen hic tanti fuit, ut spontaneam etiam luxationem ossis femoris induxerit, quam etiam à me primum adversam admolitis omnibus ad reductionem, cum per atremبولum, tum per chirurgicam manum, equidem dubito an curaturi sint medentes, antequam à repando lumborum vitio vindicaretur homo, quæ quidem retulisse volui libentius, ut prudentes oculatique sint posthac homines nostri, si me tantum audierint, in pervidendis harum affectionum causis.

Alterâ quoque nobilis observatio per me facta est in Camilla cognomento Spargiata virgine puella Parthenophilacii spiritus sancti, cui ex ingenti lumborum spondyllum intrusione, primum interceptus cruribus vigor, ac plurima parte sensus ac motus est; pro quibus affectibus curandis vinaceorum remedium & medicamenta omnia sine fructu sentiit, quæ res quidem non evenit ex introcessu & repanditate ossis sacri: ex quo vitio nullum vel sarcosis, vel imbecillitatis detrimentum fuit Petro Fasciano Siculo Panormitæ Juveni operario typographo in officina, quæ mea hæc commentaria prælo submisit.

Hactenus de convexa & cava gibbosi multa, de tertia, quæ ad latera & in spiras est, Hexura nunc pauca: hanc plurimum incurrunt hi, qui de sublimi loco ceciderunt in pedes, cujusmodi homines equidem novi duos; qui utique perpetuam urinæ laxitatem ac mutilationem inferiorum artuum sunt experti, horum alter Scipio Pulsonus Neapolitanus, qui de celsa specula extremum nescio quod periculum fugiens, se dederat præcipitem; mox dimidio corpore resolutus ac toto languens in nosocomium nostrum est delatus, qui post aliquot susceptis inter lumbos & coccygen crustis, Ægyptiorum more per nos excitatis triduo liberatus est sic; ut eo temporis lapsu ex valetudinarii nostri lætibus volens ipse decesserit, qui super asserere per duos ba-

julos delatus fuerat exanimis prope modum; rem miraculi loco habitam in valetudinario, quam viderunt admodum Rev. Pater Flaminus Resolinus pientissimus unus vir ex his, qui sacro voto assistunt infirmis, Adamus Marchius nosodochii Medicus callentissimus, Dominicus Mosca, Franciscus Romanus Doctores utrique peritissimi. Incurrit & scoliosin licet ante descripta leviozem, cum pari tamen mictus laxitate juvenis Lucanus; quem ad nos curandum detulit Bernardinus Christianus elegans *εὐγραφὴς* admodum Rev. Patris Magistri Dominici Gravinæ rerum Theologicarum Scriptoris optimi pariter & fecundissimi: de quo consultore Theologo jure se jactare potest æquissimus cathedralis Ecclesiæ senatus; de professore vero schola nostra Neapolitana.

Cap. 6. *De præservatione, & curatione partium interiorum.*

HUjus autem affectus tibi curatio per omnes vulgo quaesita est, tamen præservatio longis intervallis tum dignitate, tum usu prior apparet: nimirum quod gibbi, qui ex interna causa proficiuntur, hi sunt insanabiles plurima parte; nisi confestim initio summâ providentiâ subtilique solertiâ revocati, quam inhibendi mali perversionem à plerisque omnibus in silentio præteritam, utinam nos, qui sumus aggressi nuperi obscurique autores; sic ut exigimur; sic ut cupimus, interdum exequi valeamus, rem sane non parvè neque futilis operæ; verum utcumque res evenerit, contentus auditor esse nostrâ diligentiam debet, quæ si non magnam, certe mediocri non minorem afferet frugem; confido. Illud autem, quod fortè meditatus in hac re sum, est hujusmodi.

Proponitur curatio gibbosis recentis, porro vetus & confirmata sanabilis non est, autore Rhaze nuper indicato loco; siquidem igitur primum ipsum gibberis initium prævidere potis sis: hac re sanè vix aliquid optabilius obrigerit. quippe statim occurrere remediis opportunis licebit sic, ut etiam anteverti possit humorum vitiosorum confluxus, verum enim verò, quia neque continuo medicus accersitur ad ineuntem affectum curandum, nedum ad præservandum: neque sic semper est facile morbum, qui se insinuat intrinsecus, oculatè pervidere (utinam autem jam initium ac latens quodcunque malum deprehenderetur à cunctis professoribus hoc nostro sæculò, quo minus, quam par est, Hippocratis doctrina colitur) sub hæc evidentia symptomatibus rudimenta gibbosi accessus sic intercipere, atque absolvere tentaveris.

Discretis enim causis, num ob plenitudinem, num ob inanitatem contractum vitium sit; his non aliter quam humido siccove spasmò, judice Avicenna, contrahi debetis, plenitudini quidem prima sanguinis detractione (basilicam elidit Rhazes) simul & victu quam maxime vires permiserint, tenui, ad hæc avertentibus omnibus remediis, quæ sunt frictions; vincula, cucurbitulæ, vomitus, clysmi; singula quidem ad situm supremum vel infimum, dextrum aut sinistrum affectæ partis opponenda. Deinde etiam expurgato levatoque à suspiciosis omnibus succis ac superfluitatibus corpore; deinceps ad sudorum artificiales manatus convertendum ejus, qui medetur, est consilium, quem equidem scopum, & quod remedium arbitror præcipuum & primarium ad morbi causas aut eximendas, aut minuendas; præsertim si sudationes istæ proliciantur ad æstuaria quæpiam peculiari naturæ munerè comparata, qualia nos ad nostras oras, & ad Neapolitanos terrarum tractus habemus Ænariæ, Puteolis, & in Crypta Aniana, quibus singulis uti si concessum non sit, aut anni tempore, aut loco, aut hominis facultate, aut aliâ qua

cunque causâ non patiente: tum his succedunt assiduationes in laconico arte paratæ: quas adjuverint sumpta per singulos dies decocta sparti parilis indicilignive guajacini, ad eum modum apparanda & conficienda, quæ in Pædarthroceacè nuper apertæ, in quo libro descripta multiplicia ex viperis medicamenta, huic etiam morbo depellendo non parum accommodata comperies, quippe quæ naturæ calorique nostro auxiliaria atque amica labem quancunque corporis emundare atque exhaustire sunt comparata. Quod si subjectæ vel crassi corporis, vel habitui; vel ætati; vel regioni, vel anni temporis constitutionique calidis & incumbenti febri minus congruere videantur alioqui calidiusculæ materiæ: viperas in caprimulgos & boas, quas vocavit Plinius, permutare fas est; accedunt hi proxime ad illarum naturam ac temperatiorès sunt primis qualitatibus tenuis. Utatur autem & homo, qui tractatur, iidem penè potionibus, ac victus ratione, quæ pædarthroceacè prohibendæ proposuimus, nam neque dissident admodum utriusque fomitis exsiccandi ratio: præsertim ubi gibbi, qui curatur, hereditaria sit suspicio.

Hæc quidem ad plenitudinem corporis privatim adversæ sunt medentis provisiones: per quas tamen omnes si prævalentibus ullis causis, tuberculi procreationem præcipi non licuerit, aut eo tempore vocatus ad curandum fueris; quo productum jam tumorem invenieris: præceptum est Jacobi Hollerii, ut neutiquam id maturare tentemus, nimirum propterea, quod suppuratus non est sine periculo; nève ex suffuso in thoracem purè & ad superiora pertracto, aut etiam ex suppurato primum eodem in cervice, mox in trachæam transmissio suffocati phthifici defungantur; quam ob causam monet nos iste vir suadetque, ut prohibeamus potius coerceamusque tubercula sic, ut dura redantur.

Opinionis Hollerii censura.

Quæ quidem Hollerii adversio, si rite recteque perpendatur, me iudice congerit difficultatem. Principio autem, quæ dubitandi dederint ansam, hæc fuere. Primum, quod cum plures sint tuberculorum optabiles fines postquam illa constiterit; diffusio, maturatio, seu concoctio, suppuratio: selectam indurationem, ac recrudescentiam prætulit aliis omnibus. Sint autem; quæso te, ex medentis voto crudi durique tumores? quos omnes malos, contra verò molles omnes bonos sanxit alicubi divinus autor. Adhæc improbetur humoris collecti suppuratio? cujus idem medicinæ parens epid. 6. maximas duas incommoditates exposuit: & quod morbo levet, & quod ejusdem reversionem fieri non permittat. Præterquam quod irritus & inanis sit oportet conatus omnis revocandæ supurationis internæ; quam humoris natura, locus abditus & conclusus; ætas florens; habitus carnosus, præpotentis & interni caloris vivida vis, actio motusque corporis & longinquitas demum temporis promoveant; deinde quæ sint pauci suppuratus incommoda? quæve saniei sub thoracis vacuitate modicè diffusæ sit noxa: porro si pus petat superiora; expulsum subire poterit potius, quam pariat præfocatum, vel non magis hoc, quam illud poterit indipisci. Hæc quidem ad maxime dubitandum de hac professoris clari doctrina nos impulerè.

Cæterum sunt & quæ tuberculi obdurationem dissuadeant, sunt & quæ suppurationem apprimè commendent. Quoad posteriorem rerum ordinem attinget, est primum suppurationis emolumentum, quod ipsa succedente tuberculum continuò minuitur, nam hæc causa est s. ut suppuratus multò minus doleat, quam crudus abscessus, id quod didicimus vel ipsius Hipp. oraculo; qui secundo aphorism. 47. scriptum reliquit; Dum pus conficitur dolores ac febres fiunt magis,

Quàm jam confecto, cujus rei rationem apud enarratorem Galenum legito. Deinde nos in angina pestilenti, quæ XII. adhuc annos miseros mortales, pueros potissimum exilialiter corripere non destitit, duritudinem primam paristhmiorum, glandularum, ac totius ad summam tumoris perpetuò vituperamus; suppuratum summa cum fiducia certaue liberandi spe excipimus. Tertio præter divinum hoc anginae genus, & alias, quæ citra cœli malignitatem accidunt, nedum non maturas & suppuratas exhorremus: sed neque suppurationem qualemcunque statim adversam ultro dirumpere dubitamus, id quod facimus digito, cereo funaliculo, ligno, cornu, & sexcentis aliis adminiculis: de quibus nos in chirurgia inermi speciatim tradidimus; autoribus ad hanc rem summis & veneratissimis viris Græcis, Arabibus, Latinis, Barbarolatinis, antiquis, nuperis, & omnibus medicinae doctoribus Clinicis pariter atque Chirurgis: sunt autem & de inexpectatis hisce salutis eventibus ob properatum tuberculi diruptum obtentis, historiae quamplurimæ relatæ per Antonium Benivenium, Amatium Lusitanum, Petrum Forestum, Marcellum Donatum, Joannem Scheukium absolutissimum omnium compilatorem atque alios. Nos autem plerisque anginosos jam jam isto tortabulo strangulandos & orco destinatos una hac ratione redemimus, quibus operis nunc Franciscus Antonius Pintus; nunc Franc. Antonius Ametrans; aliàs Joannes Jacobus Selanus; aliàs Franciscus Moscha; interdum Hieronymus Abiosus; interdum Vitus Jacobus Ferraiolus Medici Neapolitani præstantes omnes, quos honoris causâ nomino, interfuisse.

Succedunt his damna cruditatis offerentes argumentationes nonnullæ: quarum prima esto. Qui conservat causam distentionis, idem conservat & ipsam distentionem: atqui noster Hollerius conservat distentionis causam, quæ infarctus & plenitudo est: igitur & distentionem, pessimum sane malum conservat: præterquam & gibbosin ipsam quoque. Secundo augeat omnis admirationis modum, quod induranda tubercula vult medicamentis, quæ autem ista nisi refrigerantia? contraria quippe concoquentibus & calorem obtundentia, ac spiritus viis atque ossibus spinæ nocentia, quam rem disertè docuit Hippoc. aphorism. lib. 5. qualia quoque medicamenta & ad gibbosin universam vitanda cane pejus & angue nos monuit Rhazes in 9. ad Mansorem c. 91. atque Avicenna loco citato nil dubitare visus est, ut apostemodi gibbo proponeret curationem, quæ difficilè maturabili, contumaci ac duro tuberculo communis est, & (quod multò majoris est momenti) neque tuberculorum loca discriminatus est hic auctor, adeo verum est scilicet, & commodam maturationem istorum & in iisdem obdurandis Hollerii nullam aut frigidam cautionem esse. Quod si vis incommodum omnino suppuratum, contra nos deteriorem contendimus longum tumoris obduratum, qui perpetuò gravet, ac tensione comprimat, motiones lacertorum cohibeat, distensionem denique moveat: ex qua una & quæ non mala consequi possint? Jam igitur unde & quonam solido fundamento propositio in mentem venit Hollerio?

Sed equidem pro Hippocratico professore proferam extremam aliquam defensionem, quæ est; Sibi non oblatam speciem tuberculi biliosi, quæ digeratur, non pituitosi, quæ concoquatur, non sanguinei, quæ suppuretur; sed melancholici ac fæculenti, cujus portio tenuis per accomodata medicamenta digeratur, sic ultima relicta crassa durus tumor conservetur & immunis à suppuratu præservetur. Verum enim verò neque hoc effugium ullum est, nam quis succi melancholici circa caput; & unde proventus pueris? aut quæ hujus ipsius humoris ab inferioribus ad superiora transitio? neque enim simplex culpabitur melancholia, siquidem

res gravis non potest ascendere, citius autem, ut Homerus ait, Dii terram ad cœlos trahent, vel si commistam asserat tenuibus, ut necessum est, succis, horum hercle, qui evehant, erit portio major; ergo diffilabilior & digestior: sed omnino sit melancholicus simplex humor: tam parcus & iners credis ipse, demorstratam spinæ distortionem committere valebit? nil sane minus, ergo vides ad extremum nullam Hollerii super humore melancholico gibbosis effectore hypothesin, adeoque excogitatam ineptè de diu conservando crudo spinæ tuberculo suasionem.

De curatione per externa medicamenta, & per chirurgiam.

Præter hanc internam curationem, est & externa duplex per topica nimirum medicamenta & per chirurgiam; & medicamenta quidem ejus generis optima puto, quæ fuerint exugentia, vitiumque valida vi raptum dissolventia, qualia nos quidem ad evertenda pedarthrocacæ semina monstavimus valentia. Jam verò si timor sit per initia collectionis, extenuatis etiam exquisitè materiis calidiora medicamina adhibenti: non est profecto, quod hæc admittis probe facientibus corrigere & commodari non possis, sed & emplastrum cum eisdem oleis ibi recitatis, atque ex tacamahaca, & ligni guajacini resinis seu gummi concinnata licebit ad roborandum & dissolvendum imponere, emplastris etiam admisceat Avicenna pyretrum, euphorbium, castoreum, rutam, cupressum; ex quibus eisdem & olea paranda præcipit.

Superest curatio per chirurgiam, quam in Pyrotechnia nostra ad idem vitii traditam huc transferri concedetur: quæ sic habet; Albucasis chirurgicorum Arabicorum facillè princeps sectione 1. chirurgiæ cap. 4. & Avicenna lib. 3. fen. 22. tract. 2. cap. 14. gibber omne medicamentis inexcussum docuerunt, rectè denique curari ferramentis candentibus ad id accomodatis, ex quibus circulare unum erit, quo postremam dorsi vertebram circumplectente, ad eandem urendam uteris. Alterum instrumentum erit puncti-forme; quo ignito duas aut tres lineas describes, circum vertibula crustulis inductis. Tradidit & de cauterii in hanc rem usum Joannes Serapion tract. 5. pract. cap. 26. verum administrationis, & loci urendi quidpiam non explicat: quemadmodum etiam non explicavit Guilielmus à Saliceto lib. 5. chirurgiæ cap. 3. ad canterium spinam gibberis proponens. E nuperrimis verò Durantes Scacchius lib. 1. Subsidii medicinalis circulari magno cauterio gibberes tractari voluit, ab Albucasi formam instrumenti, sicut opinor, mutuatus, Meminit & hujus per ignem curationis Alexander Benedictus lib. 29. rei medicæ cap. 6. Sed quantum recenti proficua tantum inveterato gibberi inutilem, spasmo verò ab affectione sicca producto detrimentosam usturam admonuit Nicolaus Florentinus ferm. 7. sum. 2. tract. 3. cap. 40. Hæc ad proxime curandum gibbum efficacissima chirurgia esto; quam si quando ferramentis administrare vel vereatur inedens, vel exhorreat egrotans: tum succedit altera cunctis optatior, ac non minus efficax inurendi forma, per fomitem à me vocata in eodem opere Pyrotechniæ medicæ ex Prospero Alpino descripta, quam Neapoli primum vidit & approbavit optimarum & veterum medicinarum rerum exactissimus estimator Antonius Sanctorellus, exercitatum à me ad epiphoras finiendas honestissime fœminæ Mariæ Garziæ assidue perillustis uxoris Clarissimi Regii Consiliarii D. Gregorii de Angulo.

Præter hunc ignis usum proprium, est averforius alter, aut interceptorius per ulcus utile, quem vulgo fonticulum nuncupamus, quorum is, qui intercipit

in gibbosi supra septum, ad inion excitabitur: alter vero prior qui ad avertendam causam mali capitur ad gibber infra septum ad femorum vel crurium vulgata loca collocandus est. Præter quas sedes, si remedii certa commoditas ametur, sique solidis experimentis persuadeatur tum is, qui tractat, tum is, qui tractatur, non dubitabit utique ad alterutrum inguen inuri crustulam, vel chirurgicas transui setas; dixi autem accommodatissimum hunc locum, excellenti quadam huius cum lumbis sympathia spectata; quandoquidem ad has partes consuevisse fieri gibbosis lumbariæ transpositum supra meminimus autore Hippocrate in partic. libri de artic. sæpe memorata. Neque verò sic insolens videri debet hæc ustio nostro tempore plurimum ab insuetis medendi usibus abhorrente, enim verò, præterquam quòd necessum est ad contumacissimos quosque morbos nova pleraque comminisci, ad hæc memini quidem, nuper à me tam nominatum ac semper honoris causâ nominandum Sanctorellum, in causa lepræ Sacerdoti lectissimo Societatis Jesu in conventu celebrium medicorum id proposuisse, ac prope evicisse, sed quæ de gibbis adnotanda ac disquirenda fuerant, habeant hunc finem.

De valgis, varis, compernitis, ac membris aliis obtortis.

LIBRI PARS ALTERA.

Cap. 1. *Continuatio ad superiora.*

SED provecto jam sermone de puerorum abscessibus, qui fuerant Pedarthrace, varique gibberes; illud quidem cum corruptione vitium, hoc sine corruptione, consentaneum rationi visum est, ut subinde traderetur & de valgis, varis, compernitis, & hoc universo genere: porro istiusmodi luxamenta & crescentis ætatis homines & ossium juncturas tentant, & causas etiam plerunque communes agnoscunt, quòd experimentum inter multa singulare, faciendum exhibuit ferme nobis hæc observantibus, illustris viri Prosperi Pisani Pascuarolæ reguli filius natu maximus; qui postquam valgus fuerat, ad hæc repandus secundum dorsum vertebrae & pectore gibbus extitit, ob defluxum nimium capitis, quem uno ad unguem consensu cum Dominico Coccia collega eruditissimo conjectati sumus, argumento planè liquido, quòd malam à primordio conformationem capitis nactus fuerat sexennis puer, quare tot membrorum divaricatus, ab uno cerebri vitio atque ab humoris pituitosi laxamentis, quorum una intemperies origo est, profectos perquam probabile apparet. Quòd si forma gignendi queritur, neque inflammatoria systrophe, aut aliqua noduli modo coacta collectio juncturarum abstrahendis vinculis perpetuò desideratur, quin hoc & pueris & hominibus ætate jam grandibus evenire compluribus exemplis alio loco monstrabimus. Jam verò si cetera desint, est gibbosis, & obtortorum affinitas tanta ut invicem ἀδελφῶσι. Taceo, quòd admirabilis excessus dignissimam adversione ac tractatione rem facit; sic enim plerunque insolens, arox & inopinus puerorum hic casus est, ut ad corruptrices strigas, atque adeò ad divinas causas referant in eruditi. Quas ob res omnes annuis jam, ut de valgis, varisque & huius generis vitiis aliqua pars sermonis interferatur.

Cap. 2. *Notio seu nominis explicatio cum aliquot rei discerniculis.*

Valgi quidem Græce βλαῖνοι prominentes extrinsecus habent furas & in diversum actas, quales cancris & lacertis sunt pedes, quorum videlicet, pars intra conditur, pars extra procedit. Ægyptios ejusmodi tradidit Aristoteles. Plautus autem in milite varum, aut valgum, aut compernem, aut pætum, aut brochum nominavit: itemque valgum suavius, id est, intortum: cujus generis dicti sunt & vaiti, sic enim est apud Varronem lib. 2. rei rusticæ de canibus scribentem; cruribus rectis ac potius varis, quàm vatis, hinc vatorum & vaticiniorum cognomen fluxerunt his, qui primi in familia pedibus vatis extitere, quo Seneca in quadam epistola; Servilius, ait, vatia latere sciebat non vivere. Sed vari, Græcis παῖβοι, vocantur hi, qui crura vel pedes introrsum habent obtortos: cujusmodi spadones ac testibus capti ac foeminae pleraque visuntur. Flexuram quidem, non flexuræ modum explicavit Horatius, l. Sermon. 1. qui ait; Hunc varum distortis cruribus &c. atque inde factum est, ut varum pro obtorto sæpe veteres dictitarint: itaque varum brachium dictum à Martiali fuit in 7. vara nec injecto certamine brachia tendis, & varæ manus pro incurvis ab Ovidio 9. Metamorph. sunt usurpatæ: qui dixit, varas in statione manus. Hæc ex Grammaticis brevi recoluisse nos oportuit.

Cap. 3. *Causæ.*

SED præstat causas inquirere, quibus ante descriptæ distortionibus oboriantur, libet autem aliquanto superius rem repetere, ut plenius etiam nostra sententia percipi queat. Prima equidem & summa causa debilitas est, quæ concedit defluxibus. Imbecillitas autem oritur ex qualitatibus expertibus materie, vel cum eadem ipsa conjunctis. Ex primo genere fuerint aëris ambientis qualitates ad calorem, aut frigus; ariditatem aut madorem; siue simplicibus siue compositis excessibus immutantes, ad quas affectiones spectant & ventorum, pluviarum aut nivium occurfus, aquarum, id est, lacuum, fluviorum, marium tranatus & enavigatus, venationes piscium, natationes in his & ablationes, immersiones, quæ faciunt scilicet articulorum, musculorum ac tendinum temperatio transmutetur pro varia qualitate, quæ dictis aquis tum propria sua natura, tum ad attingentem hominem collata ejusmodi, vel aliter se habuerit; cui similis aut major vis inest & medicamentis, quacunque tandem ratione fuerint, ad easdem partes superdata. Interea hæ nominandæ sunt vehementes & assidue istorum artuum exercitationes, nec non diurnæ vacationes & cessationes à motu; etenim, ut hæ refrigerant & effeminant: sic illæ laxant & excalefaciunt. Ad hæc & quæ siue esculenta, siue potulenta offeruntur; quæque ab his toto corpore digestis atque diductis retinentur & emittuntur; & si quæ sunt alia huiusmodi.

Post hæc dicendum esset & de his, quæ qualitatibus quarumlibet excessum cum interventu materie insinuant. verum hæc ad ipsos humores ac succos, qui inibi colliguntur referri satius erit: substantias quippe notas, quæ partim crassitudine, partim etiam lentore, partim copiam, & pororum angustatione paulatim contrahant fibras, vel ab universo corpore, vel à certis quibusdam partibus huc attractæ, vel transmissæ. A toto quidem corpore transmitti consueverunt humores in febribus lentis & diuturnis; de qua re tum Hippocrates, tum Galenus; prognost. com. 23. & 4. aphor. 14. atque etiam in

in lassitudinibus, quam in iisdem febribus homines incurrerint; eodem Hippocrate Galenoque adversoribus in 4. aph. 31. Itemque per inexplicabiles commessatus, ebrietates, luxus rerum & libidinis nullos modos, quod neque poetam latuit, qui ait:

Et Venus enervat vires & copia Bacchi:

Et tentat gressus, debilitatque pedes.

Præterea sunt & certa corporis definitæque partes, quæ supervacaneis seipsas succis exonerantes, hos in articulos & attigua loca demittunt; sunt autem nunc caput destillationibus assidue pluvium; ad quam maxime, nisi fallor, opinionem accessit Fernelius: nunc uterus, cujus excretio suppressa sit: quocirca M. Hippocrates ejusmodi affectus mulieres immunes statuit in l. 6. aph. 19. veluti si affirmaret etiam eodem tempore cohibitas istas emissiones ad articulos continuo refruere debere: quod re ipsa equidem evenisse multis foeminis comperi; similiter & his, qui hæmorrhoidum detrimenta sentire.

Atque hætenus recipere judicati sunt articuli, ad quos nimirum suas superfluitates transfuderint aliæ particulæ. Cæterum & ipsæ etiam ex aliis eliciunt, seu caloris intemperamento propter violentum immodicumque laborem & usum balnei, sive ob ingentem dolorem, quo sentientes circum articulos particulæ fuerint tentatæ. Sic imbecillis defluxus validique attractus generales ad distortionem causæ sunt jam expositæ. His omnibus accedunt articulorum, qui sunt quibusdam proprii languiores: id est, his qui ex parentibus arthritidem, aut podagram expertis sunt nati: quo loco & materiæ vitium & formatricis debilitas sunt recensendæ. Nunc, ut humores distinguas, scire licet, unum non & simplicem, sed varium & multiplicem succum esse, qui dictas ad partes allabi possit: respondens scilicet crassi constitutioni viscerum morbosæ, vel naturæ, sexui, ætati, regioni, anni tempori, victui, consuetudini, vitæ instituto atque aliis præterea sint. Ex causis autem omnino malis atque morbosis, sunt cæcæ vel apertæ corporis continui solutiones, ex inconspicuis quidem apoplexia, distentio, cæca contusio, casus ab excelso loco, luxatio: ex conspicuis verò contritiones, ulcera, fracturæ, tophus, tuberculum, abscessus, ancylo, &c.

Cap. 4. Signa causarum.

Horum sic enarratorum affectuum, suarumque differentiarum, evidentiæ alioquin & nulli non perspectarum indicia non est, quod quispiam enucleari sibi nunc requirat, verum enim verò causarum notæ sunt explicatu necessariae; sed antecedentium inquam & internarum, ut his eisdem producendi morbi vi potitis occurrere singulis medendo possit. Sic repetitis ordinatim capitibus fontibusque causarum, quos supra recensueram: ad distinguendas eas causas, quæ tum per se, tum per consensum morbum invexere, devenio.

Igitur aëris & regionis & aquarum culpas prodent eorum excedens mador & illuvies, pluvie nimietas, irriguus & lenis situs, qui diu perduret & difficile discutiatur: item opacitas & vapidus nebulosusque proventus, quarum plerarumque rerum cum nonnihil participet cælum Neapolitanum, horum hominum maxime puerorum plurimos expromit: alias verò tales terras non vidi, judicare quidem temere non possum, sed dictat ratio non exortes hujus vitii futuras. Præter quas causas & alias, quæ ad externam horum comprehensionem pertinent; & respondens rerum evidentiæ & eorum, qui tractantur relatio comprobabit, expedita enim & facilis harum rerum deprehensio est; si non inertem indagatorem offenderit; quapropter his

superfedeo. Sed defluxus sympathiæ partium factos, declarant potissimum constitutiones earundem sedium mittentium: juvantque etiam intactis articulis remedia, quæ mittentium curationi accommodantur. Interea verò non latent symptomata, quæ proprias affectarum partium affectiones consequuntur. Seu primarum qualitatum seu simplices, sed compositas exuperantias deprehendens, tum ex causis; quæ antecesserint, ab ægrotante referendis; tum ex usu remediorum contrariæ facultatis, tum ex similibus noxa, tum etiam ex affectionibus spectantibus ad sensum tactus.

Atque hæc quidem sunt indicia qualitatum sine materia. Conjunctarum verò cum materia sunt communia his, quæ singulos humores præsentis produnt. Id est, ex causis antecedentibus, partium imbecillitate, superfluitatum crassitie, canalium angustia: deinde etiam ex principiis hos attrahentibus dolore, calore, medicamento, frictione, balneo, motu & exercitatione importuna, iremque à principiis transmittentibus, quæ sunt plethora, cacoehymia, febres diuturnæ, ac putres, rheumata, suppressæ vacationes, articulorum languores atque alia hujusmodi: denique & quæ fluxionem & collectionem in articulis adjuvant, aut averterunt omnia: sed & affectus tactiles articulorum eadem ostendere possunt. Post quæ omnia solutæ unitatis, quæ vitium induxerit, apertus prospectus atque evidens notitia est. Superest distinguenda laxitas aut contractio; id est, cum causa quidem hujus ariditas, illius humiditas. Laxitatem vinculorum ostendunt causæ laxantes ac similes adjuvantes, contrariæ constringentes, ad hæc effecta, id est, motus infirmior & propensior, ad luxationem. Contractio monstratur brevitate, tensione, duritie; sed numerum auctum causæ produnt, concreti glutinosique succi redundantiam efficientes, itemque juvantia, nocentia & effecta suis ex affectibus prodeuntia, quæ jam nosti.

Cap. 5. De naturali Ossium constitutione.

An tequam ad ostensionem nostram aliquam institutæ rei pergamus; operæ pretium facturi videmur, si præstituatur enarratio naturæ constantium articulationum, quam ad hunc modum accipe: Principiis revocanda est in memoriam ossis cujuslibet membri longi partitio, quam in pædarthrocacæ cap. 4. docuimus, deinde scire licet, coaptata jam mutuo rectoque occurfu duorum ossium capitula, præter membranam communem periostium circumvestiri musculorum chordis, id est, latis nerveis excursibus, qui prægressi juncturam cum inferioris membri musculorum tendinibus occurrentibus permiscantur & coalescant, ut per has attrahere vel inflectere membrum subjectum possint. Aliud nunc insuper intelligendum est, expositum à Galeno libr. 2. de motu muscul. ad unum quodque membrum pro libitu voluntatis agitandum tum flexores esse lacertos, tum extensores, qui contrarii sunt plane situ dispositi sic, ut sibi invicem cedere aut adversari possint, nam cedunt, inquit Galenus extensores exeriore parte, ut flexores internæ flexionis operam præstare possint: qui cedunt rursus extensoribus, ut hi suo extensionis munere potiri queant, quæ quidem ordinatio motioque naturalis est, recte veniens à libero moventis arbitratu, nam est scilicet cum præter præscriptum hoc voluntatis cedunt vel extensores musculi, vel flexores, prout nimirum paralyti molliori alteri & antagonista fuerint, quemadmodum scilicet sub oris distortionem canina trahi se sinit dextera genæ pars languens, cum sinistra est potior & contra: arque hoc quidem in paralyti sit, præter quem modum à resolutis nervis proficiscentem, est & alter à distentione seu spasmu, cum distenti inflammatione aut plenitudine, aut ariditate alteri lacerati,

certi, seu quidem extensores, seu flexores, adversos alteros vi sua distrahunt ac sua sede revellunt. Hæc statum articulorum naturalis esse descriptio.

Cap. 6. De morbi genere: & quod non capitulari ossis hæc sit affectio.

HActenus jam tot multis de rudi rei natura præmonstratis; quæ veluti fundamenta & parietes ædificii nostri fuere; reliquum est, ut essentiam rei totius & sententiæ nostræ summam, quasi supremum tecti fastigium imponamus. Incipiemus autem à generis inquisitione, ut mox differentiam, aut quod hujus loco fuerit, ad definitionem adjiciamus. Apud antiquos, qui sunt omnes, Græcos, Latinos, Barbarolatinos, Mauros, Arabas; Pœnos; qui vel omnem medicinæ præceptionem, vel nobilem hujus quamcunque partem tradiderunt: incertum est, cui malæ conformationis generi vel species *βλαίσωσιν*, ac *παίβωσιν* hanc, quam discutimus, retulerint; apud quos nimirum ea de re ne verbum quidem. At neque juniorum aliquis idem hoc argumentum attingit: quasi verò nullius esset usus res; quæ plurimum alioquin & cognita videtur utilis curando necessaria. Inexplicatum igitur apud veteres ac juniores etiam auctores negotium, tantum ætate nostra tractandarum quotidie consultationum usu comperi vulgatam opinionem facientium hoc vitium situs. Qui enim exarthrema luxationis speciem, qui pararthrema, subluxationem arbitrantur; figura quidem accessoria & succedenti affectione statuta. Ad summam autem apud hos homines nullum, luxationum communiter dictarum, arque harum privatè sumptarum discrimen est; præterquam quod illæ quidem ab externa magis causa, hæc verò ab interna profectæ visuntur. Sententia quidem & opinio, quæ si rationis & anatomes exacta lance perpendatur, incerta prorsus & indocta videbitur; multis, ut monstrabo, nominibus.

Primum quod luxatio, situsque ossis ab acetabulo, abscessus atque perversio liquido monstratur certissimis omnium sensuum criticis, qui visus est, ac tactus: nempe qua vacuitas præter naturæ conditionem agnoscitur, qua insuetus offarctus & plenitudo circa articulum: quæ ipsa per Jovem in ejusmodi distortionibus non extant, neque diu observata comprobantur. Deinde ab exordio ad usque plenam confirmationem, his ejusdem ut absit dolor, qui & perpetuus & peracerbus esse solet, donec os in sua naturali sede repositum sit, hunc autem neque pueri, neque viri valgi varique senserunt aut agnoverunt unquam. Postremò referat, quæso, quicumque nobis adversari velit, sub qua luxatione crurium videbit unquam incessus visum ad longos annos, ut in valgis varisque conservatum? Taceo, quod incipit distortio, non à summo ipso articulo; circa quem motus fit, sed à circumposito ossis processu, quomodo enim homo utroque latere distortus? genibus unis niti vel uno temporis momento valeret? porro sunt articuli rectè se habentes, veluti firmi cardines, quibus membra & corrotantur & consistunt. Hactenus, quod non sit putitium exarthrematis, seu subluxationis vitium hoc, de quo quærimus, jam patet.

Cap. 7. De sede affectus propria.

Superest nunc, quando non sunt ipsi articuli, qui luxationem sustineant; partem aliam proferamus. Dixi, principio ternas esse longis artuum ossibus particulas, truncum, processum, capitulum. Aio divaricatum hunc fieri circa processus & appendices; nimirum quod hæc principio coalitæ non fuerint; sed dissolutæ præter legem naturæ persistant, quibus partibus nitens

homo primum ad incessum, sic nixus pondere ad alterutrum latus interius aut exterius conflectitur crus; qua major debilitas est, aut qua primum occasione inflexum fuerit idem, qua laxitate & inflexus assuetudine, dum producta jam ætate coalescunt partes, sic obfirmatæ persistunt, ac distortis pedibus, ceterum ingreditur homo. Itaque si captâ viâ non aberramus, facile cognosci datur, id vitii, quod in questionem venit, tamen si depravata subsistat figura: tamen, quia contingens; id est haud quidem in figura, sed in connexu vitium erit, quippe qui cum esse debeat non sit, est autem nexus & de conformationis genere, si Vido pervidentissimo scripto credimus id testanti; lib. 1. anatomes cap. 1. Quod nostrum placitum confirmatur & hac ratione. Apparuit ejus vitii maxima causa laxitas, quam ab uno & perpetuo partibus item laxis incumbente madore proficisci nemo non novit: atqui partium hæc laxitas ac mador non alios insequitur, quam pueros & hujus ætatis affines: quos unos eosdemque, communiter tentat affectionis hæc, de qua scribimus, proprietates non obscuro scilicet ac probabili satis argumento, quod laxitas hæc memoratis ossis coagmentari partibus accidit; porro mador, qui toto quidem corpore fusus est, sed cerebro præcellenter; ubi præsertim hoc imbecillum & languens offenderit, cum ad articulos & ad juncturas ossium affluerit, vi diducat oportet; atque adeo tibiæ, quas nuper exposuimus, appendices. Sic inquam pueri, & qui conterminæ sunt ætatis hanc peculiariter affectionem incurrunt, quod observatum à me primum est in filiis Conzalis viri à secretis Ducis Albæ Neapolitanorum Proregis. Mox verò in Quadrimo filio Lucii Caraccioli viri patritii Neapolitani: quam rem quidem à me primum audiens Dominicus Antonius ab Alexio exacti judicii Medicus Collega meus, certam planè atque indubitabilem affirmavit; atque in aliis, quorum quidem omnium tediosa & longa esset historia. Verum enim verò & ætate grandioribus id morbi genus accidere scito. Sed ramen eo discrimine, quod viro valgitas præterquam uno latere non attingit: quæ si ramen utrinque accidat, hæc & admodum insolens quidem, & non simplex laxitas est, sed ex systrophe & abscessu, & ut simpliciter dicam corruptorum humorum in has ossium partes incurfu: quæ præscriptæ puerorum ætati non eveniunt. Divulsam quoque apophysin ossis tibiæ ita, ut angulum introrsum genu faceret; licuit mihi vidisse in quodam heimine, qui curabatur in nostro Nosocomio Anno 1625. quam quidem revulsionem sponte profectam idem homo referebat. Constat autem & ab arthritide distrahi convellique articulos; ut in coxendice posterius, & ab ossis carie per sepe vidimus figuram corruptam membrorum & partis privatæ: hic quidem omnino morbosus mador est; sincerior alter & puerorum proprius. Adeo nunc apparet, quod valgi varique pueri sint: hoc non paralytis aut spasmi vitio fieri, sed enarratâ jam causâ, & exposito laxationis modo;

Cap. 8. Definitio.

ITa jam intelligitur facilè, quo pacto distrahentibus ex altera parte humoribus, ex altera fiat articulatorum membrorum conflexus, quodque fiat hic non in extremo ossis membri capite, sed in appendice jam apparuit: ceterum invento generi addita parte affecta pro differentia, vides jam affectionis essentiam non obturam esse. Ex quibus utriusque definitionem elicere possis aliquam, quæ sit hujusmodi; valgitas & varitudo vacuitas est nexus in appendice ossis, distractis hinc aut inde lateribus laxitate atque madore simplici, non morbo ab abscessu. Quod si nomina substantiæ displicent nuper à me confecta, dixeris, valgi varique sunt, quorum appendicibus circa tibiæ ossa nexus abolitum passis, distortionibus istarum ad interiora, vel ad exteriora sunt factæ;

Cap. 9. De Judiciis, & re prognostica.

Affectus hic, puerorum valgorum interdum ope naturæ solvitur, interdum non item; sed auxilium quoque artis implorat: solvitur inquam, ubi vigor accedens ætatis, morbo, qui præoccupaverat, fit superior quo isto loco subit adnotari sæpe multis crura dirigi perfecte, ut in filio vitrearum specularum opificis compactoris, de quo posterius: aliquando eadem insigniter contorta manent in omnem ætatem, quibus scilicet nec natura, nec ars auxilio fuit, aut remanent quidem illa rectiora, sed alimenti defectu lignearum assularum modo, quæ in cados dedolantur, tenuata vidimus in Francisco de Pompeiis puero, qui mutilis fuerat incedendi usibus primordio; præter quos & alios novimus, quibus sic ad exteriora diducti sunt pedes, ut inter hoc cadens spatium latitudinem humerorum longe excederet. Ad hos occurrerunt & alii licet rariores, qui altero quidem valgo crure, altero varo longè difficillimo incessu ducunt ilia. Sed suas eventuum causas exponamus, quæ sunt hæc.

Constituto primùm, ab eo, quem diximus, immodico madore & primùm fieri divaricatum & deinde conservari, cum distinguendus est humoris modus crassioris, tenuioris, crudioris, æquabilioris, viscidioris, arentioris. Tertio calidi nativi vividioris & uberioris etiam radicalis vocati humoris conditiones sunt notandæ; enim verò horum omnium ratione, fit ut solvi distortio vel perpetuari magis minusque fieri divaricatus, & diutius aut brevius protrahi debeat; nam si vigor hominis calorque fuerit acrior, humor mitior minorque & æqualior, sic promptiorem, minorem, citiusque solum iri valgitatem ac varitudinem credens: si verò sit exillor calor, & habitus universi minus vegetæ vires, humor sit incommodior, & qui minus pareat naturæ imperiis & felici coalitui, serior, iniquior, & ut brevi finiam, improspera erit habitus sinistri correctio. Ad hunc modum apparet sanè, quod naturæ vis & humoris habitudo momenti plurimum habet ad solvendas ac dirigendas hujus generis distortionem: quamquam non inficior & opem medicam nonnihil conferre posse, quatenus eadem operâ citius, atque etiam aliquando rectius absolvatur, quæ ipsa, ut quibus medicamentis ordinanda sit, mox audies brevi.

Interim naturæ sponte curatos equidem referre possem hos. Unus antè memoratus puer de Pompeiis, qui valgus utrisque cruribus & secundum infimas spinæ vertebrae languens ac dolens ab ineunte propemodum ætate subalaribus fulcris innixus, hæc undecimo jam anno vacua & inutilia, repente se sentiens integrum abiecit, puer prætenuis & strigosus atque etiam propter catarrhos edentulus, qui quinque jam annis arthrocacen in levo brachio perpeffus, ut Joannes Dominicus Malliochus Medicus Neapoli percelebris testari potest, id quod ad Pædarthrocaces & valgorum communitates advertendas dictum esto. Alter Josephi Jordani vitrearum specularum constannatoris filius, quem omnino motionibus corporis inertem ex improvise restituendum non fallenti judicio prædixeram. Item alii non pauci quos eadem sorte potitos observavi junior apud præceptorem Julium Jafolinum.

Cap. 10. Curandi ratio.

Ad restituendum quidem naturalem suum valgus & varis habitum prompta videtur ἡ ταῖς, id est,

directio, quam nostri omnes apparatu rerum ad articulum ordinato moliuntur, nimirum, quia versatur animo luxationis idea, & extra vas ossis excapitulatio; si dici liceat, quod vas quodque acetabulum ex illapsis diu succis, & ex alimenti superfluitate congestis concrementum aliquod accepisse necessum sit, ob eam rem instituunt continuò medicamenta, quæ depletura sint sinum; ad quam rem assequendam necessaria facientes attenuantia & laxantia, hæc principio volunt administranda. Sic fomenta parant ex pingui jure ventris & intestinorum vervecis aut vacce, in quo discotæ fuerint utraque malya, acanthus atque alia generis malactici. Quam medendi rationem plane contrariam ac prorsus inversam arbitror, quippe adstringens, ac firmans medela congruit; accommodatis ad hanc rem epithematis atque emplastris. Ex fluidorum autem genere sunt aquæ naturæ nitratæ, aluminosæ ac metallicæ omnes, quales Puteolis sunt & Ænariæ. Item arenationes ab Andrea Baccio Elpidiano in opere de Thermis, atque à Julio Jafolino Calabro Hipponiata præceptore olim nostro in opere de Balneis & remediis Pithecusanis expositæ. Ex arte verò paratis sunt vinacea ex uva, quæ dat austerum protropum, aut ex labrusca, in quæ vinacea & vinum aliquorum tortivum infusum sit. Præter hæc sunt emplastra, quibus glutinandi ferruminandique vis est. Horum præcipuum est à gummi Tacamahaca Indum, & emplastrum à Gulielmo Varignana Comitissæ inscriptum, itemque ex pelle arietina ab Arnaldo Villanovano descriptum, ex quibus omnibus unum confeceris igne committis. Interim ferulis assulisse cum splenis contra recessum ossium appressis, & cum scita deligatione niti licebit, calceo, qua parte resistendum est, cum lamina subtenfa ferrea ligneas alteras assulas recipiente ac sustinente inferre.

Iam autem, quia vacua pagina concedit, ut conferre lector anice possis, quantum adeo noster hic de valgus & varis illustrandis labor, ceteris aliorum explanationibus præstet, subjungam id, quod unus & primus Ambrosius Paræus, vir alioquin elegantissimus proposuit, ea sunt videlicet: Vari latinis dicuntur, quibus pedes cruraque intro inflexa & obtorta sunt. Conformationis id vitium, vel jam inde ab utero est, culpa matris, quæ vel eodem illo intro conversorum crurum vitio tenetur, vel per graviditatis omne fere tempus defecit cruribus decussatis, aut post editum in lucem factum contingit, quod ejus crura vitiosè fasciis obvoluta in cunis fuerint, vel compressa, & depravato sito inter gestandum aut ambulandi conatum à nutrice collocata, sunt enim infantum ossa valde mollia & fere cerea. Quibus contra extrorsum pedes cruraque spectant & intorquentur, valgi nominantur. Hujus depravatæ conformationis eadem, quæ superioris causæ esse possunt, utroque vitio non pedes tantum, sed & genua sæpe obliquantur. Quod qui vitare & emendare volet, ossa in locum suum sedemque nativam & debitam restituet, sic ut varis ossa foras adeo propellat quasi, valgus, valgus contra introrsum quasi varos reddere vellet, nec compulisse satis est, compulsa præterea continere illi decet, aliàs haud firmiter stabilita relabeantur. Continebuntur fasciis & plagulis apposis, his partibus in quas vitiosè ossa sese inferunt & inclinant. Parantur in eam rem ocreæ ex corio elixo, capitati nummi crassitie, anteriore parte secundum ossis tibiæ rectitudinem & sub planta pedis fissæ ut undique diductæ pedi crurique aptentur facilius: parti affectæ imponeatur sequens remedium.

℞. Thuris, mastiches, aloes, boli armeni, an. ʒj. auminis rochæ, resinæ pinus siccæ subtilissimè pulverisatorum, an. ʒ. iiij. farinæ volatil. unc. i. + albuminum ovorum

2℥. Thuris, mastiches, aloes, boli armeni, an.
3. i. aluminis rochæ, resinæ pinus siccæ; subtilissi-
mè pulverilatorum, an. 3. iij. farinæ volatil. unc. i. ÷
albuminum ovorum quantum sufficit, fiat medicamen-
tum. Addere licet terebinthinam, ne citius & vehe-
mentius, quàm par est, exiccetur. Cæterum caven-
dum, ne pueros, qui valgi, vel vari nuper fuerunt,
ad incedendum antè cogas; quàm firmati fuerint ar-
ticuli, aliàs composita & restituta ossa, incedendi
labore præcoci rursus excident. Quin etiam cum
justum erit ad incedendi conatum tempus, obducen-
tur ipsis calcei altiusculi foccorum instar, supra pe-

dium nexi, vel fibulâ constricti, ut ossa suis sedibus
firmius contineant. Cæterum calcei solea sit ibi al-
tior, quo pes vitiosè videtur inclinare.

Hactenus Celeberr. Marcus Aurelius Severinus.

Instrumenta varia in Luxationibus reducendis adhi-
benda; videri possunt Tabulis sub titulò *Instrumenta*
Chirurgica, allatis.

LYMPHATICORUM VULNERA.

Vid. sub titulò

V U L N U S.

Finis Libri Decimi.

BIBLIOTHECÆ CHIRURGICÆ LIBER UNDECIMUS.

*De Affectibus & Operationibus Chirurgicis à Literâ
M. incipientibus.*

MACULÆ

Vid.

CUTIS VITIA. MADAROSIS

Vid.

PALPEBRARUM AFFECTUS.

MALUM MORTUUM.

Species est scabiæ contumacissima, comitem habens
spruritem, crustas nigras, lividas & plumbeas cum
partis affectæ deformitate, ab humore atrabilario &
aeri originem ducens. De ejus cura vide in Cutis
vitiis.

MAMMARUM MORBI.

Mammæ sunt corpora e glandulis vesicularibus, tu-
bulis ex ipsis assurgentibus, vasisque variè indo-
lis, arteriis scilicet, venis, lymphaticis, ac nervis in eas-
dem abundantissimè implantatis, compaginata. Quo-
rum omnium qui accuratam expetierit descriptionem,
adeat Anatomicos: interque eos, si ita lubet, Disser-
tationem de Mammis Bibliothecæ nostræ Parte secun-
dâ; insertam. Hic tantum paucis de morbis partes
hasce afficientibus. Sunt autem illi mammarum mag-
nitude aucta, vel diminuta, flacciditas, tumores, in-
flammationes, erysipelas, quibus adde foveam: ulcera
& fissuras, symptomataque à lacte orta. Magnitudo
aucta fit glandulis succo ex inferioribus partibus, præ-
obstructione à quacunque demum causâ facta, refluxo

turgidioribus; vel adipe copiosiori circum ipsa aggesta
propter alimentum scilicet pinguius in iis quasi devium,
&c. Ejus historiam adducemus raram in sequentibus
è transactionibus Anglicis. Magnitudo diminuta pen-
det vel à defectu pinguedinis, glandularumque vesicula-
rium mammas præcipuè constituentium constipatione
ac corrugatione, vel ab alimenti defectu, eò scilicet
per arterias, ac forsan nervos parcius advecti. Flacci-
ditas vel naturalis est à laxiori compage glandularum,
vasorumque, ac fibrarum ipsas colligantium, originem
trahens; vel adventitia, scilicet à mammarum frequen-
tiori ac longiori suctione enata. Tumores sunt diver-
si generis, flatulenti, œdematosi, scrophulosi, scirrhusi,
cancrosi, ac ipse denique mammarum cancer ulcerâ-
tus. Inflammatio & Erysipelas nihil habent peculia-
rè in hisce partibus, ut nec ulcera. Fissuræ papillas
in primis infestant, oriunturque vel à sero acriori unâ
cum lacte extrillante, ac papillas lacerante; vel à su-
gentis salivâ nimis falsuginosâ, vel ab ipsa suctione ve-
hementiori, quâ vis aliqua in papillarum fibris effici-
tur. Fovea rarus est affectus quem Riverius Cent. 3.
Observ. 57. describit. In eò fit consumptio quædam
mammæ, cute manente integrâ; unde non immerito
hic morbus ad canceri occulti naturam accedere dicitur,
cujus scilicet vi arsenicali, ac verè causticâ quicquid
glandularum, pinguedinis, ac fibrarum musculosarum
cuti subjacet, ad costas usque absumptum quandoque
observatum est. De symptomatibus à lacte ortis, vi-
de suprâ cap. de Lacte ac Lactatione.

In magnitudine aucta commodè adhibentia discutientia,
assumptis interim medicamentis expurgantibus, ac aliqua-
tenus desiccantibus, cibisque paululum adstringentibus.
Inter discutientia laudatur aqua stillaritia ex conis pini vi-
ridibus, decoctum alchymilla, imò oleum cicutæ, &c.

Si minor magnitudo fuerit naturalis, nec ab aliquo affectu consumente dependeat, aut si sanguis minus commodè ad mammas decurrat; blandis utendum confectionibus, frictionibus, cucurbitulis, fotu vini albi, imò & lactis, cui incocta fuerint aromatica cum emollientibus; de sinapismis nihil addo, quia mihi non ita tutum videntur medicamentum, qualicumque demum cum cautione adhibeantur. Sin verò gracilitas hæc ab affectibus febrilibus carnes & pinguedinem in toto absummentibus originem trahat, non aliter illi occurrendum venit quam remediis de quibus abundè in atrophia, febre hectica, phthisi, &c. eoque propterea lectorem remittimus.

Flacciditas curari potest in junioribus; at in vetulis, iisque que sæpius pepererunt, ac infantes suos lactarunt neutiquam. Applicanda sunt decocta, fomenta, unguenta & emplastra adstringendi, siccandi, fibrasque mammarum, tonumque vesicularum mammariarum firmandi vi prædita, quorum omnium materia exquiri poterit in radicibus tormentillæ, bistortæ, pentaphylli, plantaginis; caryophyllatæ, foliis centinodis, burse pastoris, anserinæ, equiseti, millefolii, levistici, cupressi, myrti, quercus, salicis: flor. rosar. rubr. balaustr. baccis myrti, nucib. cupressi, glandibus quercus, malicorio, alumine, aquâ aluminosâ, bolô Armeniâ, terra Lemniâ. Quidam laudant remedium pro quo.

℞. Putamin. ovorum perdicum & ceræ q. s. ut fiat ceratum, mammis inungendum.

Vel, ℞. Radic. lilior. albor. ex iisque cum oleo & cerâ paretur ex arte ceratum.

Vel, ℞. Muscum pruneoli sylvestris, incoque in aceto forti & expressum mammis imposito.

Vel, ℞. Olei rosar. ℥vj. Succu vineæ pervince ℥iij. Succorum menthæ & salviæ minor. an. ℥iss. Coquantur simul igne lento ad succorum consumptionem; colentur & exprimantur. In oleo expresso liquefiant ceræ flavæ ℥iij. Semirefrigeratis adde mastiches subtiliter pulveratæ ℥ss. Imbuatur illis tela mammis imponenti. Hoc remedium non minoris est efficacis in mammarum flacciditate; quàm in lacte ab iis arcendo post partum; qui ultimus usus præcipuè laudatur à Dominò Charras in sua Pharmacopœa.

Tumores imò *Cancer* mammarum, capitibus de tumoribus, ac cancro satis superque explicantur, additis remediis aptis.

Fissuris papillarum prodest mucilago gummi tragacanthæ ex aquâ rosarum & plantaginis extracta; item albumen ovorum aquæ rosarum immixtum & frustulô aluminis agitarum. Non inefficax etiam est balsamum saturni, sebum hircinum cum melle; aqua calcis cum albumine ovi ad linimenti consistentiam agitata, pulvis amyli, lactis lunæ, mel rosaceum, vel etiam syr. rosar. rubr. Si verò fissuræ sint profundiores, ac in ulcus abierint laudatur remedium, pro quo.

℞. Cancros vivos, contusos, coagulum vitulinum, & cremorem lactis, coquantur simul, iisque expressis fiat linimentum.

De *Foveâ* vide in sequentibus Observationem ex Riveriô.

De *Inflammatione* & *Erysipelate* vide propria capita.

Curationes quorundam à mammarum affectibus ex Harthmannô.

Inflammationem mamillarum præcipuè sedant Epithemata externa.

Sic Epithema ex thure & myrrha coctis cum acet. & vino, tepidè applicatum (si dolor vehementior, ad-

dantur Laudani opiatu gr. ij. iij. iv.) inflammationes incipientes tollit.

Sic Vernix præparata & emplastri loco applicata inflammationes tollit & abscessus prohibet: Cicuta simpliciter tusa inflammationes à lactis redundantia sedat, abscessum prohibet.

Internè in ejusmodi inflammationibus subito auxilium ferunt specula illa pennarum Pavonis (*die oberste Spiegelfeder allein*, ubi signatura mammarum) quarum 3. vel 4. diligenter cultro in minimas partes scissa & aquâ menthæ exhibita seu absorpta statim proficiunt.

Abscessibus adhibeantur 1. discutientia. 2. maturantia. Ulcera facilius non curantur, nisi ab oleo nucis juglandis expresso & leniter (sartagine inspissato) postea cum turundis applicato.

Præstantissimus est Balsamus Sulph. Rulandi, qui ita fit.

℞. Sulph. vel florum Sulph. ℥ij. Ol. papaveris expressi ℔vj. Vini boni ℥iij. Macerentur per 8. dies & noctes levi igne aliquoties movendo, postea bulliant igne carbonum lentissimo usque dum Vinum consumptum fuerit semper movendo. Tandem cola seu trajice per laciniam & serva. Vide curar. 29. cent. 1. Rulandi. Item Emplastrum diasulph.

℞. Olei sulph. ℥iij. Cerae ℥ss. Colophoniæ ℥iij. Myrrhæ ad pondus omnium, cerâ, Colophoniâ, oleoque liquefactis, inspergatur Myrrha subtilissimè trita paulatim, igneque lento coquantur, spatulâ semper agitando donec permixta fuerint benè, postea nimirum post horæ partem ab igne deponantur, paulatim frigescant.

De Extirpatione Mammæ à Clariss. Anthon. Nuck. Experimentis Chirurgicis.

Glandulosa mammarum fœminei sexûs substantia non raro malum, *Cancer* dictum, incurrit; qui nunc aliud est, quàm tumor durus dolorificus, livido aut plumbeo colore præditus.

Dum enim lac in mammis contentum intestinum particularum suarum patitur motum atque fermentationem (Belg. eleganter *een broeijing* vocatam) particulæ subtiliores fugam capessunt, crassioribus in mammarum tubulis remanentibus, obstructionsque causantibus. Cum verò crassior hic & viscidior succus lacteus in tubulis suis hærens continuo ab advectò recens lacte prematur, vasa sua dilatando, & in majorem molem extendendo, tumorem oculis conspicendum præbet.

Quod si adhuc illa pressio instet, particulæque stagnantes morâ suâ aciores reddantur, & à materia subtili usque & usque inter se agitentur, tubulorum tandem, quibus incarcerati tenebantur, parietes rumpunt, frangunt & discerpunt, sicque non raro tumorem in ulcus transmutant.

Interdum quoque tumor iste cancrösus occultus est, subinde manifestus sæpe mobilis, aliquando pectorali musculo firmiter annexus: Plerumque simplex, nonnunquam triplex vel quadruplex: Quandoque cum glandulis axillaribus, eodem malo affectis, commercium habet.

Inter medicamenta externè admota hætenus nulla vidi, quæ Cancrum curarunt, sive illa ex *Solano*, *Ranis*, *Succo Cancrorum*, *Plumbo* similibusque fuerint parata: Nec magnarum etiam virium est *Emplastrum Ireatum* dictum. Ad Cancrum ulceratum tamen medicamenta occurrunt, quæ malum refranare, & ulteriorem progressum ad multos sæpe annos inhibere valent.

An *Limaces* magnæ & rubicundæ ulcerato cancro ad-
motæ, cancri venenum assumere valeant, (quemadmo-
dum nonnulli volunt) vix aliquam fidem meretur.

Quamvis autem medicamenta cancrum penitus de-
bellare nequeant, non tamen ad Operationem siue mam-
mæ extirpationem nimis temerè progrediendum esse exi-
stimamus. Chirurgia enim, quæ admiranda hîc interdum
præstat, sæpius admodum periculosa est.

Quibus inquit Hippoc. *sunt occulti cancri, eos præ-
stat non curare; curati namque citius intereunt, quam
non curari.* Quam sæpe enim sublato tumore rectu-
descens malum cum majori & tumore & dolore iterum
propullulat, Labia ulceris callosa, inæqualia, plum-
bea, & inversa apparent? Idque pro varia humoris pec-
cantis natura.

Ubi tamen Operatio necessaria judicatur, sequenti
modo procedat Chirurgus: Trajiciantur per mammillæ
tumorem, crucis in modum, duæ Acûs filis siue ligu-
lis instructæ: Tum filorum extremitates compositæ re-
trahantur, ut mamma eò magis à pectorali musculò re-
cedat; Mox alterâ manû *cultro falcato* cutis circumse-
rentia ad mammæ basin discindatur, & à vicinis partibus
separetur: quod ab exercitato Chirurgo unâ aut alte-
râ incisurâ absolvitur.

Alii *Bidente* majori utuntur, cum Manubrio robu-
stiori, cujus dentes mammillæ infigunt, atque trajiciunt,
trajectas attollunt, ut cultro, eo quo jam dictum est
modo, extirpatio fiat.

Factâ jam extirpatione, admovenda erunt medicamen-
ta sanguinem sistentia: vel (uti quibusdam in more po-
situm est) Actuali Cauterio vasa sanguinem fundentia
leniter adurenda, parsque usta plumaceolis cum pulve-
re astringenti tegenda, quibus Emplastrum superim-
ponendum, & tandem compressa una atque altera, cum
Fascia Scapulari agmen claudat.

Sunt, quibus hæc methodus displicet, & à parte
antica tumorem in crucis formam incidendum suadent,
mox glandosum corpus induratum separant à remanen-
te cute. Hôc enim modò partis hujus nimiam deformi-
tatem præcaveri, aëremque circumambientem minus
nocere posse volunt.

Nos verò modum hunc improbamus, quòd multum
temporis ad Operationem illam absolvendam requira-
tur, dum interea patiens præ nimio dolore Operatio-
nem ferre non posset. Aëris verò incommoda facile
averti possunt, & deformitatem hôc in casû parum cu-
raret patiens.

Si tota Mammilla tumore non est obfessa, inutile fo-
ret integram extirpare, sed partem solummodò affectam
auferre suffecerit: quò factò, medicamenta styptica &c.
admoveantur.

Ubi tumor cancrusus ita se extendit, ut partes quo-
que vicinæ, potissimum glandulæ axillares malè affician-
tur, nunquam Extirpatio erit instituenda.

Observationes.

Fovea in mamma.

Rarus est iste casus. Nobilis matrona annum agens
51. temperamentò biliosò & melancholicò prædita, an-
te decennium subito terrore correpta est, ex repen-
tinâ infantis sui morte à nutrice incauta interfecti. Hinc
mensium fluxus omnino suppressus est, nec unquam am-
plius ab eo tempore apparuit. Post duos annos exor-
tus est in parte superiori mammæ sinistræ tumor sub-
durus & oblongus, digiti crassitiem æquans. Paulò
post apparuit in parte inferiori ejusdem mammæ, tu-
mor alius exiguus & rotundus, qui intra paucos dies fo-
veam effecit in eadem parte exiguiam, & sine dolore;
quæ fovea sensim incrementum sumsit, ut intra bien-

Biblioth. Chirurg. Tom. III.

nium dimidiam ferè mammæ totius partem ad interio-
ra retraxerit, in fundo illius cutis costis adherescere
videtur: In ambitu verò illius fundi quædam percipi-
tur durities, quæ compressa digitis doloris sensum in-
ducit. Aliquando ægra in totâ illâ parte dolorem pun-
gitivum percipit, sed exiguum & rarò eventum. Præ-
terea calore intenso afficitur in regione hepatis & dex-
trâ thoracis parte.

Habitò consiliò, sancitum fuit hunc affectum ad can-
cri occulti naturam accedere. Cum enim maximâ sit
humoris melancholici & atrabilatii naturæ varietas; sit
ut ab illis humoribus variæ formæ ejusdem speciei mor-
bi contingant. Vulgò humor melancholicus adustus
cancrum efficiens, crassus est, & tumorem durum pro-
ducit, qui tandem putredinem & acrimoniam acqui-
rens, partem exulcerat, ulcus insanabile producit.
In hôc autem casu humor ille tenuis est; idèò tumo-
rem perexiguum efficit; sed præterea humor ille mali-
gnam quandam ac dissolventem qualitatem habet, quâ
partis substantiam colliquat & absorbit; quemadmodum
videmus quædam salia erodendi & exulcerandi vi præ-
dita, qualia sunt ea ex quibus cantheria potentialia com-
ponuntur; quædam verò dissolvendi durissima corpora,
ex quibus sunt aquæ fortes, lapides & metalla dissol-
ventes; imò acetum lapides dissolvit, cutem tamen non
erodit. Sic in microrosmò generantur salia similibus fa-
cultatibus prædita, quæ humoribus permixta admiran-
dos effectus producant. Ita in hoc casu humor qui à
naturâ in mamma, seu partem mollem & spongiosam
expellitur, substantiam illius sensim dissolvit & ab-
sumit; ita ut fovea illa majus in dies recipiat incremen-
tum. Judicatus fuit iste affectus incurabilis, eique tan-
tùm curam palliativam esse adhibendam, metuendum-
que ne tandem pars ulceretur, introducta majori acri-
monia. Remedia præscripta fuerunt alterantia, serum
lactis, aquæ minerales, cauteria, opiata specifica, &
similia. Topica verò lenientia humoris ferociam & hu-
meantia, ut linimentum ex aleò rosac. succò planta-
gin. & solani cum mercuriò crudò, unguentum de ranis
viridibus à Chalmetho descriptum capite de cancro:
Linimentum è butyrò & aleò violaceò cum sale sa-
turni, fons ex aquâ rosar. cum sale Saturni. *Lazarus
Riverius Observationum Cent. 3.*

Pro Mammarum Inflammatione.

Puerpera cum lactare infantem inciperet, sensit in-
mensum cruciatum in mamilla dextra, cum rubore &
duro tumore renitente, in ambitu papillæ; aderatque
febris: mox cognoscere potui inflammationem esse; jus-
si primum inungere hoc unguento.

℥. Mucilag. sem. psyllii ℥ss. Bol. Armen. ℥ij. Olei
rosac. aceti rosac. an ℥ij. M. F. unguentum: diè se-
quenti cataplasma applicui ex farina hordei, lacte &
ol. rosac. post duos dies addidi huic cataplasmati
ol chamem. lil. farinæ semin. lini. & fœnugræc. portio-
nem; quia suppurabatur: sequenti diè dolor augebatur
& febris: pure genito, applicui hoc cataplasma.

℥. Farinæ hord. fabar. an. p. j. sem. lini, fœnu-
græc an. pss. fl. chamem. p. j. rad. lil. & ireos, an ℥ss.
Coq. & contund. addendo ol. chamem. ℥ij. Croci ℥j.
P. cataplasma: sequenti diè reiteretur addendo, ficuum
num. 10. farinæ orizæ ℥j. caulium malvar. coctarum &
contus. unâ cum lardo ℥vj. apparebat abcessus acutus,
pure ex contractu refugiente, jussi fermentum cum pul-
pa caparum coctarum applicare, sequenti diè sponte
ruptus est abcessus, puris magna copia profluente ad
dies binos: imposui turundam cum Terebinthina &
melle, tandem pauco immisto balsamo integrè curata
est. *Felix Platerus observ. lib. 1. pag. 521.*

Puerpera alia mammæ inflammatione laborans, in-
tra paucos dies sanata est his duobus remediis primis

bus facta fuit embrocatio ex duabus partibus olei rosari completi, & unâ omphacini: sequentibus diebus admotum est bis in die unguentum de althea. *Lazarus Riverius. observ. 41. cent. 1.*

Juvenis mulier circa nonum graviditatis mensem correpta est tumore mammæ sinistræ cum tensione, rubore & pulsatione. Vocatus Chirurgus cataplasma de mica panis statim admovet, unde tumor admodum increvit, vocatus ego cataplasma præscribo ex farina fabarum cocta in oxycrato, sæpè immutandum, quia intra paucas horas exsiccat: intra duodecim horas inflammatio ablata est, tumorque admodum imminutus, & intra paucos dies omnino evanuit. *Lazarus Riverius. observ. 74. cent. 4.*

Pro Mammarum duritie & tumore.

Sequenti linimento quo ego cum maximo fructu in tumoribus mamillarum utor, locus affectus intingi poterit.

℞. Gummi ammoniac. ℥ij. Ol. amygd. lil. alb. piug. gallin. an ℥ij. Succ. cicutæ ℥iv. acet. scillit. ℥ij. M. manentque in infusione horas viginti quatuor, in loco calido, postea coq. f. a. colatura cum forti expressione servetur ad usum, in præparatione autem hujus linimenti, danda est opera ut lentissimo igne coquatur, neque humiditas succi & aceti omnino inter coquendum absumatur, nullius enim valoris esset medicamentum, singularem habet efficaciam in tumoribus ex viscida materia oris, in quacunque parte corporis fuerint, linimento isto calidè inuncta mamma sequens poterit applicari emplastrum.

℞. Empl. de mucilag. & de melilot. an. ℥ij. Gummi ammoniac. in aceto scillit. dissolut. ℥iβ. M. F. f. a. Emplastrum; addendo parum ceræ si opus est. *Fabrit. Hildanus. observ. 25. cent. 3.*

Virginis cujusdam mamma tumuit, indurata fuit, doluitque vehementer: illam hoc modo curavi, mane & vespèri inunxi mammam affectam balsamo sulph. nostro. Postea applicavi empl. diasulphuris nostrum; quibus indies tumor, durities & dolor diminutus fuit, ac paucis interpositis diebus ad suppurationem pervenit, apertaque est in multis locis, & brevi ad optimam sanitatem reducta est, nam hæc duo remedia valent ad mammarum omnia vitia, etiam ulcera cancrofa. *Martinus Rulandus. curat. 2. cent. 8.*

Cataplasma ex caulis virentibus foliis & aristol. rot. oleo communi veteri incoctis super mammam scirrhuso tumore affectam die noctuque gestabit, ita ut singulis octo vel sex horis permutetur: si tumor in carcinoma videatur degenerare, utendum erit oleo rosac. completo cum portiuncula lithargyri in mortario plumbeo diu agitati. *Joh. Zecchini. consult. 14.*

Mulier Nobilis puerpera laborans tumore mammæ sinistræ præduro ex concretionem lactis, irritis omnibus remediis ex arte per mensem integrum usurpatis, curata est sumendo ℥j. pulv. millepedum præpar. in jusculo per triduum, hujus autem pulveris eximias dotes sæpe vidimus & audivimus ab expertis in hujusmodi tumoribus ex lacte concreto, nec non etiam in cancro mammarum ac reliquarum partium, ut contigit cuidam viro, qui patiebatulr ulcera multa profunda in multis corporis partibus, præcipuè verò in tibiis, à quibus brevi tempore curatus est sumendo ℥j. prædicti pulveris per septem vel octo dies, alternos, præmissis tamen præmittendis. *Simæon Jacoz. observat. 29. cent. 4. observ. Riverii.*

Fœmina Trimammia.

Trimammiam fœminam, infantem heic apud nos lactantem, vidi: quæ tres habet Papillas, totidemque fororientes Mammillas, duas scilicet in sinistra pectoris parte; quarum quæ inferior est, quasi supposititia, æque lactifera est & prominula ac superior. Unde etiam, vel hoc ipso, palmam mulierculæ, ab Excell. T. viscè (cujus meminit Cel. Bartholinus Epist. Medic. Cent. 4. ipsam Excell. Tuæ adducens Epistolam p. 452.) dubiam facit; cum ipsius tertia Mamma virili tantum similis esset: hujus verò, muliebrem per omnia equiparans, non differat à ceteris, nisi quod aliquantulum minor sit. *Ex epistolâ M. Georgii Hannæi Orthin. Jul. 1675. ad D. Olavum Borrichium.*

Tres Mamme.

Mulier quædam nudius tertius mihi oblata fuit, cui tertia Mamma in dorso conspicua eminebat, sed sine papilla. Nihil verò incommodi exinde sensit, nisi quod de tussicula & raucedine conqueretur. An exinde dependeat, affirmare non ausim; ita verò illi persuasum.

P. Borellus Cent. 1. Observ. 49. pariter in Rachele Rey, muliere Castrensi tres observavit Mammas, nempe duas in locis solitis, & tertiam sub sinistra, sed ceteris minorem, lac quidem effundentem, sed non æque ac reliquas. Quod de Mammarum aucto numero, id de papillis quoque observatum, meminit Borell. l. a. in Gabriela Gleise. fœmina Castrensi, binas papillas in una Mamma Naturam effecisse, non multum inter se distantes; idem videre contigit. *Jacob. Hollerio, apud Schenck. lib. 2. rar. Observat. tit. de mammill. Observ. 8. f. 304. Et pronuper Anno 1667. Exc. Kerckringio Amstelodami oblata fuit mulier. quæ ex dextra mamilla lac duplici fudit papilla, quo per annos quatuor infantem aluit, altera fuit in loco à Natura destinato, altera versus axillam ad latitudinem transversorum quinque digitorum descendens, quæ lac fudit copiosius propter situm inferiorem. Vide Eund. in Observ. Anat. 21. p. 49. D. Thom. Bartholini.*

Annotatio ad Observationem de tribus Mammis.

An Mammæ in Animalibus debeant numero fœtus respondere? Hanc quæst. enodasse libello de semine genitali, qui interiit, Scalig. profitetur; falsum tamen pronunciat axioma esse, in suis Comment. Sus sæpè 16. habet fœtus, nec tamen tot mammis scatet; mulier interdum ternas parit proles, imò septem, ut in familia Porcellorum Patavii factum, duabus tamen mammis gaudet. Attamen vivit Romæ fœmina honesta & juvenis, quæ cum marito suo plures filios filiasque, sed singulos omnes procreavit, quæ tamen à Natura quatuor dotata est Mammis, quæ omnes Lac habent. *Joh. Faber. Bamberg. Not. in Recch. f. 475. De alia Muliere 4. Mammis instructa Benedict. Cabrolus Observat. Anat. 7. D. Ph. Jac. Sachs à Levenheimb.*

Mammæ in dorso.

Bartholomeus Salevski, nobilis Polonus, vir fide dignus, in Insula Macarlar; (veteribus Celebes) mulierem vidit, quæ mammas suas in dorso habens; eas sub axillis protrahat infanti dabat, & firmè afferebat integro consanguinearum suarum numero hanc monstrositatem esse propriam. *D. Joh. Orionis Helbigii.*

Mam-

*Mammarum muliebrium repentina & ingens
Inflatio, Ex Actis Anglicis mensis Octob.
Anni 1669.*

Domine mi, ut perillustis Domini in Barbariam Legati mandatis morem gererem, Tuę dominationi Phænomenon & facti materiam exhibeo, quæ pro sua raritate atque miraculo minori meo, à Tua Dominatione ob meam præsumptionem reprehensione, & minori, propter ab aliis avocationem, offensione lectionis favorem obtinere potest. Res evidens & certa est, potest præterea à multis hominum millibus certificari, sed imprimis ab excellentissimo dicto Domino Legato, qui ocularis ejus testis fuit, & mihi in mandatis dedit, ut Tuę Dominationi perfectam miraculi narrationem exhiberem, quod ita se habet.

Elisabetha Trevers 23. vel 24. annorum nata, vultu eleganti, crinibus nigris, valida constitutione, statura parva, honesti nominis, sed infimæ & pauperis prope hanc urbem cognationis, Veneris die, Julii 3. 1669. proba fruebatur sanitate, & sana lectum petiit, quo somnum & quietem, equè bene ac unquam antea habuit; Cum verò manè surrectura erat, & experrecta sese movere in suò lectò contendens, id facere non potuit, cum suas mammas adeò inflatas invenerit, ut tota terrore attonita remanserit, tum assidere allaborantem ejus mammarum pondus ad lectum depressit, quò semper exinde jacuit, absque tamen omni dolore vel infirmitate in mammis aut aliis partibus.

Cum ejus rumor increbuisse, multi Medici & Chirurgi illuc venerunt, quorum aliqui suas mammas amputandas consuluerunt, cui omnino adversus eram, emollientem & temperatè calidum fotum consulens; ipsi verò semel exhibui bolum, cum ***** , quo recepto, 10. motiones deorsum habuit, & inflatio nonnihil minuta est, sed puella per duos vel tres dies postea debilitata fuit, ut nihil hujusmodi deinceps tentare ausus sim, sed quia mensium suppressionem per 6. retrò menses passa erat, diuretica nonnulla & sanguinis menstrui prolectamenta illi præscripsi; phlebotomiam etiam moliens. Mulieris mammarum tubuli admodum duri & inflati sunt, & quidem integræ mammæ nihil videntur esse, nisi hujusmodi tubuli; nihil verò inest venti vel aquæ quoad divinare possumus; mamma sinistra; 5. librarum ponderis ferme est, sed dextra nonnihil minor, cutis verò tergi, colli & ventris ad mammas retracta, ut distentioni sufficiat videtur.

Huc usque, Domine mi certissimam rei notificationem habes.

Quid verò mirandos hujusmodi integrarum mammarum tumores tam subitò, una nocte, efficere possit, nos maxime suspensos habet; nihil sufficiens, hæc in re nobis in Plateri, Roderici à Castrò, Fontani, Foresti vel alijs modernorum, qui de morbis mulierum tractavit, scriptis, quod mihi innotuerit, æquale reperitur huic, quod offerri potest ex datis sanguinis circulatione, lymphaticis ductibus vasisque chyliiferis thoracicis, & probabiliter aliquibus capillaribus vasis, illuc in eorum progressu ad subclaviales per musculos intercostales tendentibus pro mea prolixitate suppliciter rogo &c. *Plymouthii Julii 10. 1669.*

Responsum à Guilh. Duvstonio D. M. De magnarum mammarum mulieris, cujus mentio in præcedenti observatione, morte, unà cum eò, quod in ejus corpore observatum fuit.

Gratias, Domine mi, pro Tuis litteris, quæ mihi non redditæ sunt propter meam absentiam usque ad hunc diem, Tibi reddo. Elisabetha Trevers Jovis die mortua est, Octobris 21. sequenti die Chirururgum appellavi, & aliquos alios, ut præsentem essent apertioni & sublevationi illius mammarum; quamvis unam tantum amputaremus, videlicet majorem, quæ sinistra erat, & cum illam ponderavimus, reperimus esse 64. librarum ponderis. Quando eam aperuimus, (id autem fecimus plurimis in locis) neque aquam neque humores cancriferos, nec aliud quodvis vitiosum, præter prodigiosam magnitudinem cernere potuimus; Tubuli verò & parenchyma admodum candida & solida erant, nec alia, quàm in saluberrimis mulierum mammis vel aliorum animalium uberibus conspeximus. Appetentiam & quietem multis antehac septimanis amiserat, valdeque de ingenti suarum inammarum distentione querebatur, atque ejus corpus valde emaciatum erat; Unam mensuram hinc inclusam Tibi committo, quæ ambarum ejus mammarum latitudinis, dum in mensam mortua reposita est, erat, dico à remotissimo unius extremo ad aliud, quam invenies trium pedum, duorum digitorum & semissis, atque aliam mensuram circumferentiam ostendentem ejus mammarum secundum longitudinem, videlicet 4. pedum & ferè 4. digitorum, item aliam quæ latitudinis circumferentiam exhibet, videlicet trium pedum 4. digitorum & semissis.

Rectam mammam non amputavimus, sed eam 40. librarum ponderis fuisse existimamus; ante aliquas septimanas salivationem ejus incepti, quæ suas mammas aliquibus digitis in circumferentia minuit; Cum verò non morigera ad fluxum continuandum reperta sit, pergere non ausus, sed desistere coactus sum, admodum verò aliquandiu postea restaurata est; Cum vero hanc methodum fastidiret, causticum applicui, cujus eschara cecidit, sed nihil prorsus è mammis exiit, tum cultro incisioni usus sum; & incisionem 2. digitos & semi profundam, cum causticum putarem non satis profunde pertigisse, confeci, sed non majori emolumento fuit quàm prius.

*De Abscessu in Mamma Lactantis cujusdam,
cum folliculo.*

Fœmina quædam quatuor liberorum mater, ex lactis corruptione insignem dolorem ac tumorem mamme suæ dextræ perpeffa, nescio cujus suasu, Medicastrum cujusdam satis imperiti curæ se submittit; is Emplastrum quoddam ex allio quod aiunt & caseo putrido paratum, superimponit, rupto abscessu, neque turundam immittit, neque abstergentia decocta aut alia mundificantia adhibet, solo suo Emplastro (sanum certè fœtore suo offendens,) contentus: consolidato tandem spontè vultu, integrè ægra sanatam se putat, nisi quod duritiem adhuc avellanæ magnitudine superstitem, sine tamen dolore, persentisceret: ingravidata paulo post, tumor hic excrefcere videbatur nonnihil, nullo tamen urgente dolore, rem parvi pendebat, & filiolarum rebus sic stantibus feliciter in lucem editam, uberibus suis optime & copiosè alebat, indies ingravescente ac indurescente malo: accedit dolor, qui nimium intensus, eam ad salutaria & affectui huic magis resistentia remedia inquirenda, impellit, meum itaque auxillium implorat;

ablactata filiola, Emplastrum quoddam vi anodyna & emolliente singulari præditum, superimpono, quo vix per aliquot dies gestato abscessus sponte ruptus puris insignem quantitatem cum folliculo lacteo unciam semis pendere adæquantem, exclusit, & tantæ quidem tenacitatis, ut quovis modo agiturus, nullam rupturam pateretur, exactè aliàs vesiculam felleam representans, nili, quod lacte putrido repletus, lacteo quoque colore imbutus fuerit: qua materia excreta, mundificato & consolidato methodicè ulcere, cura feliciter finita fuit, nulla ut antè duritie, nullo tumore superstitè. *D. Joh. Pauli Wurffbain.*

Glandulæ ex Mammâ excreta Clariss. Christophori Danielis Mezgeri. Ephemer. Germanic. Centur. I. & 2.

Anni jam effluxerunt tredecim & plures, cum femina quædam ictu pugni violentiori inopinatò in mammâ dextrâ percussa, sensit exin dolorem quendam pungitivum eò ipsò locò, tribus vel quatuor digitis à papillâ, fere per trimestre, sine tamen tumore aut rubore. Ite autem dolor postea remisit, nec ipsa quicquam ampliùs perpessa est. Autumnò verò præteritò recruduit dolor à tot jam retrò annis mutus, accedente tumore quòpiam ad magnitudinem nucis juglandis mediocris sensim accrescente; apparentibus simul ulcusculis binis minutissimis ichorem subinde paululum flavescentem stillantibus. Petiit super hæc consilium meum. Ego glandulam unam alteramve mammarum scirrhosam judicavi, quippe venas circumcirca lividas aut turgidas nullas (cancris signum dantes) observare potueram. Fortum proin ordinavi ex aquâ scordii, pini, fumarie, calcis vivæ, cum myrrhâ & cineribus cancrorum fluviatilium calidè applicandum. Os unius ulcusculi sensim post hæc dilatabatur, & massa albicans, solida, compacta, glandula nempe scirrhusa visui sese offerebat, quæ tandem post quatuordecim circiter dies ultro procidebat, remanente in eò locò mammarum foveâ coloris carnei, floridi, naturalis, & tumore multum disparente. Sed & alterum quoque ulcusculum, eodem modò aliquò post tempore dilatabatur, & similem massam glandulosam tandem evomebat. Tumor & dolor continuatò hòc fortù remiserunt, & cutis integrè sine ullis aliis adhibitis consolidata fuit. Ante trimestre circiter dolor quidam pristinum locum subinde pungebat; sed repetitò iterum fortù mox cedebat, & egra nunc nihil ampliùs sentit.

De Juveni Tubicini, Extirpatâ Mammillâ, Operâ Clariss. Godefredi Bidloo.

ANno 1604. *Sylvamducis* vocatus in consilium, cum Medicis, clariss. quondam *Lobelio & Basselesio*, Medico *Ultrajecti ad Rhenum* sagaciter feliciterque praxin exercente, opitulaturis nobilissimæ cuidam matronæ, convulsionibus gravissimis, aliis symptomatibus correptæ, meo quoque examini sese, hac opportunitate, subiecit *Juvenis Jacobus de Celon*, ætate annorum *XXII*. natione *Gelus*, corpore validus, nobilissimo *D. de Linden de Park* turmæ, in cohorte comitis de *Albemarle* (vocant de *Carabyniers*) magistro, tubicen, magnâ laborans dextræ mammillæ intumescentiâ, enarrans, se ante quatuor, ab eo tempore, annos, venatum egressum, fervore nimio in prædam agitatam, sclopetum, ultra solitam mensuram, pulvere nitrato, oneravisse ac explovisse in objectum animal, ejusque ex retromotu violentaque concussione in mammillam mox, cum livore (echymosi) & dolore; intu-

mescentiam observasse; sed verò adhibito spiritu vini illas hæc omnes evanuisse apparitiones unâ relictâ, verum vix fabæ magnitudinis, induratâ glandulâ, eamque, post aliquot menses, incepisse augeri; ita ut intra sesqui annum pugni magnitudinem superaret, sensimque tandemque lactitantis mammarum formam præ se ferret: quoniam autem, nunquam dolore infestaretur, & officio suo non planè sese experiretur imparem, & insuper quidam Chirurgi & circulatorès asseverarent, hunc periculo vacuum tumorem, utpotè solammodò flatulentum temporisque tractu evanesciturum, id onus clanculum gestitavisse, usque dum & tubæ inflationem equitationisque succussionisque actum sustinere non valeret.

Quibus, interea temporis, usus fuerit remediis, quandoquidem ex iis solaminis receperit nihil, vergente continuo in pejus malò, non referam exactè: quid enim juvat inutilia; quinimò nociva retulisse? Quod si verò enidam videatur utile, etiam ut ex aliorum erroribus erudiat, noverit is, huic illi mammillæ fuisse imposta cataplasmata maturantia, Empl. variâ ex Summis & similia, quæ omnia indolè morbi cognita; vix & ne vix quidem ab viro Medico-Chirurgo, hujus generis morbis, absque peccato, applicari posse videntur: schirrhum etenim verum, ne vel quisquam, extra miraculum, resolvit, aut ad maturitatem perduxit: nam et si in variis multiplicibusque schirrhosis tumoribus, quod in & circa glandulam glandulasve infestatas, induratas, usu privatas, liquidum resolvatur, extat; induratur ipse tamen schirrhus, ipsæ glandulæ infestatæ, induratae usque private substantia atque sic istius glandosi corporis dispositio non resolvitur, aut in pus convertitur.

Quod tamen viris quibusdam honorandis quoque Chirurgis imponit phenomenon est; resolutionis quorundam tumorum initium felix atque iatus exhibitis medicamentis sanguinis massam & actum emendantibus evaporationis compacti & peccantis liquidi, veritatem rei & effectum verum eludens spes.

At verò quod solidum fuit ab initio nostri fieri inque soliditatem ulteriorem est factum, id in liquidum resolvi potest (actû præternaturali exceptò) nunquam contractis quippe, contritis maceratisque, quocunque modo supposuerit quisquam, solidis, habebunt, obtinebunt æternum suæ fabricæ; vel, ut me, et si barbare; sed tamen intelligibilius exprimam, sui essentiam, sive manebunt, indolè solida.

Omni in antecessum hausta, tum ex egro, tum ex iis, qui ei ab medicatione, aut consuetudine fuissent, informatione, ipse hujus mali examini me applicui, detexique mox, Primò; in mammilla schirrhum, 2dò; axillam, imò utramque, nullâ glandularum duritie, aut intumescentiâ infestata; hoc autem symptoma, vel potius hic, si mammarum schirrhosæ, comes sit morbus, raro illius sit absque recidiva, extirpatio, quacunque instituat methodò.

Sed permitte (*Lector Chirurgophile*) te ad hunc terminum sistam! verum et si sit mammarum schirrhosæ abscissionem & vel minimâ quoque axillæ glandulâ induratâ, non absque recidivæ periculo fieri; dantur tamen casus atque necessitates eum urgentes in modum; ut tentavisse eam videatur æquum justumque, danturque in quibus, axillâ nullo morbo infestatâ schirrhoque, secundum artem & probè extirpato tamen successu caret operatio: Sic ego *Haga Comitum Anno 1695*. simili versabar in dubio molestoque negotio; quod tamen non aggrediebar solus & sine multorum artis Chirurgices peritorum prævio et iterato consilio ac persuasione multa; ne autem nobilissima ars nomenque meum detrimenti quid exinde pateretur (solent enim cum ineptis, invidi et scioli

scioli ubi eventus actis responderè non videtur, in acta actoremque debacchari vehementer) quod sequitur, idiomate belgico exaratum et jam nunc in latinum translatum, mihi est oblatum scriptum, quod velim præsertim legant nostræ artis tyrones discantque hoc modo in dubio negotio cautè mercari turbidoque in mari piscari prudenter; ne decepti et isti serò sapiant.

NOs infra scripti med. doctores & Chirurgi examinato & sedulò perlustrato tumore ab nobis omnibus & singulis, in mamma Virginis *semblein* extante; judicamus & statuimus, eum non posse, in statu quo est, detineri; multò minus curari, sine extirpatione totius scirrhosæ mamme; & quamvis omnes & singuli ipsa in extirpationis actu difficultatis multum vereamur; tamen Deo ejusque gratiæ, confidentes, rogavimus & persuadere animumque addere sumus moliti Prof. *Bidloo*, egregium hoc in nomine Dei, auspicaretur facinus, quodque consentiente nobilliss. & ampliss. Magistratu *Haga Comitum*, est aggressus.

D. LIEBERGEN. N. WOUVV. JOH. FRED.
HELVETIUS.

JALON. M. V. REVERHORST.

CHR. FRED. SCHUMAN,
Med. Doct. C. DRELINCURTIUS.

A. STUKERY.
FRED. van KEMPE.

Datum Haga-Comitis,
A. 1695. 24. Maji.

Abstuli porrò, præsentibus prædictis Viris, solo Cl. dempto *Drelincurtio*, teneræ staturæ virgini huic scirrhosam hanc sarcinam, quæ, 4tâ horâ, post extirpationem, quatuordecim librarum comperiebatur; vixit aliquot annos postea doloris expers & vegetè; sed non sine ulceris, nunc quasi consolidati; nunc verò excoriati & aperti pseudoque carne luxuriantis, redincremento, foetore, multaque molestia. Priusquam autem typis exponerem hanc observationem, quæ sequuntur Clariss. Viro *M. V. Reverhorst*, *Haga Comitum*, hoc tempore Anat: & Chirurg: Doct: publico, dedi, videbitque Lector, ex ejus sponsoriis, ulteriorem præfatæ historiæ explanationem.

Viro Nobilissimo.

M. V. REVERHORST,

Med. & Anatom. Doct. publico.

S.

G. BIDLOO.

in ejus memoriam, exaravi: devinctum me habueris. & paratum, ad similia officia, huic si meæ petitioni satisfeceris quantocyus. Vale.

Dabam Lugduni in Batavis;
27. Junii A. 1707.

Viro Celeberrimo

D. G. BIDLOO

Anatomicorum hujus ævi facile Principi.

S. P. D.

M. V. REVERHORST.

ADmodum doleò me petitioni vestræ circa Casum Virginis *Maria Magdeleina de semblein*, non satisfacere; utpotè qui olim pauca tantum de casu illo notavi; quumque jam duodecim anni sint elapsi, quantâ curâ quæsierim, non potui tamen invenire illa, quæ tum temporis notaveram. Illa autem, quæ memoria fert libenter referam: nimirum quod Dominatio Vestra, quum primùm Operatio institueretur; abstulerit cultro tumidam Mammam pendente libras quatuordecim mercatorias, quum ablata esset, quamvis Operatio dexterrimè fuisset instituta, nullâ substantiâ peregrinâ remanente, tamen indies iterum accrevit, præcipuè Mensibus instantibus; & quamvis hæc Substantia de novo continuo succrescens, secundum artem idoneis Medicamentis, & reprimeretur; & auferretur; & plusquam semel omnis curata videretur; semper tamen Vernali tempore tumoribus bullosis iterum pullulabat, quibus ruptis de novo, & viribus quasi collectis augebatur indies. Illa vero firmo animo hoc malum per quinquennium tulit, quo tempore plusquam quadraginta libræ illius substantiæ luxuriantis ablatæ fuere, donec malum sensim magis magisque augens & sanguineæ atque Lymphaticæ Massæ labem suam adspargens viresque terens, & jam non tantum ipsas Axillares Glandulas occupans, sed & versus ipsum Dorsum latius repens, tandem hujus nostræ patientis vitam cum morte mutavit, finemque doloribus imposuit. Miratu dignum est hancce Virginein toto illo tempore non tantum exercitia sua assueta & domestica satis alacrem peregrisse, sed etiam quàm vehementer Medicamentis vellicaretur, ferrove tentaretur, post deligationem institutam, semper æque hilarem fuisse; & quum exiret, vel rebus sacris, vel aliis consortiis interesset, neminem potuisse animadvertere hoc ipsius Malum; nec potuerat illa aliam hujus mali causam & originem excogitare, quàm inopinatum nuntium mortis Mariæ P. M. Magnæ Britanniae Reginae, cujus favore, præ ceteris, fidei de causâ ex Gallia profugis fruebatur, mensium suppressionem intulit, & hinc, ut mihi sæpius retulit, illæ lachrymæ:

Haga-Comitum
28. Junii 1707.

Simile quid, aliam in partem, me & alijs Medico-Chirurgis agentibus & ancipiti ejus inolimini annuentibus, tentavit olim *Amsteladami*, quo non præstantior alter Chirurgus *P. Adrian Verduyn*: experientes enim fœminæ cuidam sublingualium glandularum fungosam luxuriem, nullis medica-

mentis; imò & ne inustione quidem deprimendam, minari mortem (implebatur quippe ei totum & undique os; ita ut respirare, summa sine difficultate, vel alimenti quicquam deglutire non posset) æquum justumque judicavimus, præfenti & prementi vitæ occurrere discrimini: resecta ergo ei, de die in diem (cultro ad excrescentiæ & oris figuram fabricato) pars fuit superficialis atque hoc toties, quoties videbatur necessum hocque modo misera, non curanda integrè; diu sustinuit vitam; vel si mavis, diro satisfecit vitæ amori.

Omnibus, in egro nostro, ad requisitam curationis normam, conspirantibus circumstantiis felicemque eventum prænuntiantibus, puta ætate, animi vigore ceteroque corporis habitu, cum regione ac anni tempestate persuasionis parum opus erat, ut eger sese mammillæ subjiceret extirpationi; verebundus tamen rogans; imò & efflagitans, audiremus quendam istius civitatis pharmacopœum, asseverantem se hunc scirrhum, cute solummodo fissa, exenturum curaturumque brevissimo temporis spatio. Huic ejus petitioni satisfactum est mox; sed testor Medicinæ præsidem verum; unicum! ut ineptè & insulsè iste ille nimium audax garrierit, de hoc morbo ejusque curatione, alipta: nam etsi ei ad oculum, ad digitum, ab nobis demonstraretur, papillam mammillæque glandulas intricatissimè ex vasorum multigenorum in-et emissionem in-et de cute, nexu planè insolubili coivisse, perficte frontis Homo nihilominus jurejurando multa que verba canora eructando, prætendebat; promittebarque hanc molem ab cute solubilem & ex ea posse eximi; verum nobis annuente nostræ sententiæ, etiam experientiss. Chirurgo *Mullero*, futile hoc ejus adspersantibus assertum, petiit ab me æger, liceret ipsi me sequi *Lugdunum in Bat*: meaque uti, cum consilio, manu & medicatione, cui voto, illud urgentibus prædictis viris medicis, familiâ illustriss. *Keppelianâ* inque mora periculo, adstipulatus, opus cum bono Deo! XIII. mensis Maji, peregi.

Quibus, hoc in casu similibusque semper, instrumentis, ligaturis, fasciis, medicamentis [aliis enim, quam alii utuntur, utor] brevi, qua methodo, mammillas extirpandas excipio, novissè, videtur interesse reipublicæ Chirurgicæ; mea ut postea premant sequanturque, ab ipsis juxta rationem & eorum experientiam probata, vel evitent, eadem conditione, improbata vestigia, artis nostræ cultores.

Ægri, vel agræ, in sedili altiore locatorum axillæ ad mammillam, videlicet, affectam, injicio majusculam pilam; deinde, in terga contortis brachiis; ut manus manum apprehendat, vel vinciri utraque possit, prominente hoc modo pectore, arripio manu meâ unâ, tumorem eique adhibeo alterâ, ligaturam tenuem, vocant fœminæ nostræ *een Plecht-of Harrznoer* eamque multa circulatione paulatim striccius & tandem firmiter contrahendo, efficio, protuberet exsurgatque integer & rotus; mox eum, parte ab una, tranfigo usque dum ad manubrium pervenerit excipioque proximè ad, vel permusculum pectoralem, furcâ, sive bidente, (*vide tab. 18. litt. A.*) quod si verò durissimus, parvus cutique fuerit annexus insolubiliter, stylô (*vide tab. 18. litt. B.*) delineatis, ultrôque eâdem tabulâ, *lit. C.* designatô, parte incipiens à superiore deprimensque in actus initio & elevans postea bidentis manubrium, abscindo omne illud, quod peccare videtur: permitto porrò sanguinis una, aut altera effluat uncia vulnerique injicio, cum multo carpto, in subtilissimum pulverem redactum, gypsum, cui, in majorum arteriarum truncatione, hepatis vitulini tosti itidemque in pulverem impalpabilem versi; ad gypsi libram semis, uncias duas admisceo; sed verò in mammarum extirpatione, nemo oportet sit sollicitus de hæmorrhagiâ sistenda, utpote in quibus, exiles solummodo abscinduntur arteriæ;

venas autem quod attinet, etiam varicum modo turgentibus, quis est qui periculum vereatur?


Ligaturæ deinceps *Thoraci*, vel *Cataphracta*, pulvillis ad clavículas diaphragmatisque circumferentiam, dispositis, confitmo prædictum apparatus, quem, sequente die, solvo & semper liquore requisitò purulentoque conspersum detego, adhibens latam postea fasciam vinculis ornata: ulcus quod jam tum prostat recens, in principio digestivis & Balsamicis Medicamentis ejusque margines labiaque *emplastro diapomph*: illaque multo carpto, exorno; verum etsi desiccari hoc debeat ulcus, id tamen, festinanter fiat, convenit minimè: crustâ quippe obducitur & arefcit, cum egrotantis damno, facillimè; quam curationis accelerationem immodicam, ex *mellis rosacei* adhibitione, post sextum ab extirpatione, diem, non sine multa molestia, correxi vitavique postea sedulò.


Sic soleo (*Lector Chirurgæ*) eas eosque tractitare, de quibus nobis sermo est; quòd si, dum de memeripso loquor, verba, quæ satis modesta ac minimè jactabunda videri possent, invenire valerem, enarrarem, jam nunc, multifariam, hoc de morbo, meam experientiam; sed eam commemorandam trado atque relinquo Medicis & Chirurgis, quorum multi hoc tempore vivunt, qui unius anni, videlicet, 1679. spatio, me vigesies bis hunc actum celebrantem viderunt & non reprehenderunt dicam: an laudaverunt: adjicerem etiamnum historicè, vel iis, supra inseruissem, rationes. ob quas multorum Clarissimorum Virorum Medico-chirurgorum instrumentis appatuque non utar eorumque agendi methodum non probem, rejectem; sed eos, quos propter celebratam amicitiam studique Chirurgici amorem resque sæpius egregiè aliàs præstitas, veneror, reprehendere (salvâ semper republicâ Anatomico-chirurgicâ) cum minus mihi in votis, quam meliora docere, sit; status, exemplo meo monstrante viam, eam ingressuros omnes artis nostræ fautores, quos præjudicium, nec invidia occæcavit cum oculis, mentem; sed redeo, de qua parumper sum egressus, in viam.

Tubicinis nostri prædicto modo, ablatam mammillam, eodem die, perlustravi anatomicè; verum in eâ nihil, quod schirrhum non saperet, reperimus, accepto, quod hîc & alibi, glandulæ quædam levi rubedine extus consperse vasisque tumentes sanguiferis, conspicerentur: ex Chirurgis quispiam notabat, liquorem flavescens in spissatunque ex quibusdam dissectis manare glandulis; ast cum frequens illud hoc in morbo sit, aliquid hæc de re specificè monendum, non reor.

Quia autem tota integraque mammilla parsque quædam musculi pectoralis erat abscissa, jucundo oppidò extabat spectaculo, observare, per musculos intercostales, pulmonis reciprocum motum: noverit interim, Chirurgiæ studiosus, minoris esse momenti, quam quidem prædicatur ac reputatur schirrhî, ad musculum pectoralem, adhæSIONem, modò, per eum & costas quoque non infestaverit, cum ulcere; quinimò & cum etiam casum non esse desperatum: igne quippe, abrasione & medicamentorum applicatione, hoc posse curari malum, plus semel sum expertus; mox, post extirpationem sanguinisque fluxum restrictum, loco affecto inspergens *ung. fusc. Felicis VVurstii*, quod, ut egregium, ad corruptorum ossium desiccationem & ab integra ejus parte, separationem, commendare ausim sedulò.

Musculum pectoralem ejusque quod spectat læsionem quarundamque ejus tum tendinearum, tum motricium fibrarum ablationem, nemo erit anatomicorum, qui non statuatur ex ingenti horum fasciculorum musculosorum serie, quasdam relictis in integrum multis, magna sine egrotantis molestia & in cetero modo, posse rescari; imò verò





ego nunquam dubitavi, dummodò de adhæsione prædicta, dubitare; hujusce musculi partem, unâ, cum mamilla, auferre.

Ægro nostro, quatuor, ab extirpatione dierum spatium, optimè sese habente febriculâque symptomatice solummodò correpto, supervenit.

10mò; cum nausea, febris violenta; ulcere attramen existente minimè arido, circa illud, mutatum est, respectu medicamentorum, nihil; verum præscriptus & exhibitus, qui sequitur pulvis antifebrilis.

℞. *Antimon: diaphor: ʒjss. Sal: card: ben: ʒj. Tart: virriol: ʒss.*

19mò; Sperato destitutus successu; sudoris, nempe, emisserat nihil; inveniebam ægrum irrequietum, vigiliis agitatum, sitibundum omnemque fastidientem victum, deque dolore plus abdominis, quam ulceris, queritantem, cum porro ex emulsione solaminis recepisset parum atque is ille, qui, cum eo, noctem transegerat planè insomnem, referret eum, cui belli strepitus clamorque virorum clangorque tubarum, ideò infixi extabant intimius, ea nocte sæpius inter deliria & vociferationes, nunc ore, nunc manu cingere viros in certamen, esse visum, injici ei enema curavi; verum & illud vix quidquam boni præstans; etsi alvus solveretur, sequentibus verò diebus.

20mò, & 21mò: maneret adstricta, continuante febre;

22dò; Mane, ex *infus. sol. fenn. &c.* purgans hauriendum exhibui, cujus beneficio, ter laxatâ alvo, circa vesperam cecidit in optimæ notæ sudorem, cum anxietatis præcordiorum levamine summo; ita ut is ille qui viribus fractus, confestim quasi ad multos festinare circa meridiem.

23tò; Sedili impositus, confestim & totus videretur sanitati restitutus; expetens, videlicet, cibum eoque vesceretur avidè & ne omni huic fausto, aliquid deesse pollet videri, circa vesperam alvum deponeret iterum.

24tò; Ulcus, pure madens laudabili hominemque doloris expertem, nulla febre agitatum; quinimò jocundum visitavi: enarrati autem symptomatis causa cum me lateret, eam postea, ex egri hospite, carniū suinarum venditore & lanione, intellexi: egrum, nempe lardi recentis concoctique vim devoravisse clanculum. Severa itaque multato reprehensione egro, curavi ne illud incontinentiæ perpetrare, imprudens valeret imposterum; monendum autem circa vivendi rationem, siue diætam, hoc in morbo, parvo atque malactico vivat eger victu bibatque dulcem cerevisiam, aut aliud genus lenientis decocti largiter.

Ab hoc temporis termino tota curatio prosperè cessit fuitque absoluta; ita ut æger, intra quatuor septimas, domo exierit atque brevi postmodum integerrimè restitutus desideratæ sanitati, *Sylvam ducis* abierit hocque tempore 1707. cohorti *Albemarleanæ* Tubicem inferviat.

Prima canceri mamillarum origo.

Quàm feliciter carcinoma geminum cordatissimæ feminarum Chisæ superiori hyeme sublatum sit, alterum sectione, pharmacis alterum, luculento tuo, Vir celebratissime, D. D. Thoma Bartholine, calamo expediundum delego, quod D. Simoni Pauli, Moinichenio, Fossio, Medicis experientissimis, mihi que adeo junctus rei feliciter gerendæ consilia sociaveris; unum ego tantum attingam, quod in accuratiore radicis secti jam carcinomatæ contemplatione mihi observatum. Advivum grassatus erat ferro chirurgus dexter Hacquardus, partemque musculi pectoralis malo vicinissimam, ne

ex reliquiis metuenda esset recidiva, una abstulerat. Hic quæ extima musculi superficies proximè tangit glandulosam illam mammarum substantiam, nodus in conspectum venit, avellanam magnitudine æquans, sanguine duriori, coloris saturi, & ad nigrum inclinantis distentus, unde obscuri quidam meatus in reliquum mamme corpus hinc inde proserpentes magnam ejus partem infecerant, & in substantiam albam, duram, firmam, & quasi cartilagineam, pinguiusculam tamen converterant, sinibus hinc inde variis quaquaversum discurrentibus, & sero, sed paucò refertis; nullo adeo minutarum glandularum (ex quibus sana constat) vestigio, ita corruptus humor omnem partis affecte habitum confuderat, & ex infinitis glandulis unum quoddam callosum magna effecerat. Similia fere infecta sub idem tempus mamilla Funccie observata, nisi quod in hac malum provectius, & mandri sero foetidissimo distenti patentiores. Sed quod ad primam mali spectat originem, utraque *ὑποερκε* & bene habita, utraque quinquagesimum ætatis annum nuper egressa, utraque, quo tempore menstrua solenni naturæ consuetudine desinunt, venæ sectionem neglexerat. Hinc sanguis in corpore abundantior, cum suetum per infernas vias procursum non inveniret, levi tristitia, levi iracundia excitatus ad vicina cordis erupit, inque confinio pectoralis musculi, cedente facilè molli glandularum mamillarum substantia, sese liberius extra arteriam effudit; jamque motu & carens paulatim caput accescere.

Ut capiunt vitium, ni moveantur, aquæ.

quotidie corruptior redditus, novissimè in proximas subiectæ mamme glandulas fœdum halitum derivare; unde serpsit pedetentim in vicina malum, & invaluit. Ut proinde non malè sibi consulant & id ætatis plethorice, & paulo juniores, si missione sanguinis, & pacatis animi perturbationibus ferocem adeo hostem declinent. Vidit & hic imminuendum quoquo modo sanguinem divinus Hippoc. unde l. 2. de Morbo Mulier. *μερόντων ὁ*, inquit, *καρκίνων ἐσθδαι ἢν λυθῇ τὰ ἐπιμήνια ὁ γυνὴ γε νερται.* Quamquam autem frequenter intestinis his causis primordia sua debeat infamis cancer, nascitur tamen etiam non rarò ab externis, sed ubique, non nisi sanguine prius extra vasa sua violenter protruso, & ubi heret, accescente. Vidi Parisiis, quæ ex allisa de improvviso post fenestræ mamilla, & imperitiùs tractata, malum contraheret. Ea erat generosi animi femina Moissetia vixdum quadragenaria, quam ex causa tam levi, & initio fere sprete corripuit sensim infausta lues, & depasta penitus ad sternum mamilla sinistra; per canalem patulum in dextram se effuderat, illaque jam semilacera ad axillam usque dextram perreptaverat; fœda aspectu, livida labris, ichore putida, jamque quadriennium integrum duraverat; inter hæc mala peritissimi cujusque opem frustra implorans, cum accersitus in urbem, clarus jam ante canceri domitor, Petrus Alliot, vir rerum Medicarum & Chemicarum scientificus, manum ulceri admovit, & nobilissimam famam extrema jam omnia metinentem feliciter asservit. Enim verò inspersit quotidie fœdo ulceri albicantem quendam pulvisculum, unde post horulæ spatium (visi mihi loquor) levis coorta febricula; quæ tamen mox cessavit, & quietem ægrè indulxit. Ita continua pulveris hujus insperione tesquimenſe effecit, ut vulneris labra ex livido in rubicundulum terminarentur colorem, & ichor serosus paulatim in coctum laudabiliter purveretur. Quo facto vulgaribus sarcoticis ministrante chirurgo plagam consolidavit. An tamen durabilis hæc cura fuerit, quod sperabo ex Parisinis Medicis nondum licuit rescire. Interea cum præparationem illius pulveris celaverit Alliottus lucro intentior, non destitit tamen ingeminare, malum illud carcinomatæ ex acido

acido peculiariter corrupto pronasce, ideoque lixivio peculiariter temperato sanari; de quo ut disertius sese expediret, sententiam suam scripto sed minuto vulgavit: quod ut paucorum manibus tritum non gravabor hinc annexere.

Quintius. Profligati sine ferro & igne Carcinomatis, missus, ducibus itineris Hippocrate & Galeno, ad Chirurgia studiosos. A Petro Alliot, Barroducto, Ducis à Lotharingia Consil. & Med. ordinario Parisiis 1665.

An φαινόμενα carcinomata ἀγνισκῶς curari possint arcano alkali ἡγεμονικῷ remedio?

I. Spiritus in nobis seu insitus, seu insitus, falsus est, de alkaliâ prolapia; balsamus item; quia partem, cuius est spiritus, costodit, ac præservat: hujus autem vel alteratio plus minus intensa, vel seu dissipatio, seu extinctio seu suffocatio, tandem viam pandit putredini, cuius individuus & inseparabilis comes est acor, spiritui illi balsamico prorsus hostilis: ut verò nullum ulcus seu purulentum sit, seu saniosum & ichorosum, datur absque putredine, sic planè nullum ulcus absque acore, qui quidem pro diverso ulcere multiplex est; alius leprosi narcoticus, alius gangrenosi necroticus, alius scabiei pruriginosus, alius carcinomatis διαβρωτικὸς, alius luis Veneræ, anthracis, erysipelatis, lichenis, herpetis, morbillorum, atque id genus, instarque fermenti partem affectam, ejusque alimentum multifariam labefactat ac corrumpit.

II. At enim verò sal, alkali, seu lixiviosum (aut quocunque tandem alio nomine sal omnis acoris expers appellare licet) seu naturale sit, quale est in animalibus fel, seu artificiale, quale est sal tartari & ejus liquor per deliquium; seu volatile, quale est in lapillis astacorum; seu fixum, qualia sunt omnia salia elixiviata, seu saporis salis, qualis est spiritus incoercibilis nitri magnarum in Medicina virium, seu amari, quale est in antiscorbuticis, aro, serpentaria, hoc inquam, salis genus cuilibet acido est verè ἐναντίον alterumque ab altero contemperatur, sitque neutrum ex utroque, teste passim experientiâ, non juvat propterea quodlibet ulcus ab alkali qualicumque curare, imprimis carcinoma, cuius acidum & volatile fermentum instar aquæ chrysulcæ corrosivum, ut spernit mitiora quæque alkalia, ita tantum abest, ut à valioribus, si liquabilia sint, (qualia sunt pyrotica) mitescat, contra propter subitam fermentationem, & partis vicinæ colliquationem; plurimum ab iis exacerbetur febris aliaque superveniant symptomata: igitur sic præparentur, necesse est, & ut fixa sint, & in aqua insolubilia, quod certe remedii genus est ἄπειρον, nec dum hæcenus à quoquam descriptum, benè autem, atque exacte paratum si parti ulcere cancroso obsessæ imponatur, sensum, ac sine doloris ἀξιολόγῃ sensu, tutò, citòque acorem καρπινώδην necat, (quod ferro & igne non obtinebis) idque quod carcinoma deturpatum fuit, desiccet in escharam intacta parte sana, & fermenti acidi experte, ipsa verò eschara vel à natura, vel ab arte separata, ulcus antè ichorosum sit purulentum, quod tum mundificatum cicatrice claudendum.

III. Et si verò Medici omnes post Hipp. & Gal. omnium carcinomatum, tam qua φαινόμενα in corporis habitu tangi possunt, & μυστήριον ἐντέλει & ῥίζαν ἐκπεριεῖ & καῦσαι διακρίνῃ ἐσιν, quam qua μὴ φαινόμενα ἐν βάθει & σάματι & delitebant, quæque proprie κρυπτοῖσιν dicuntur Hipp. cum vel sine ulcere facta per ἐκ γένεσιν vel tantum vitio partis oborta, continentem causam statuunt μέλαιναν ἀνελκῶς χολῆς humorem nempe seu ex bile flava aduata, seu ex succo melancholico retorrido genitum, in eo ne agnoscant τὸ δὲ ὠδες acidum, non qualecunque, sed τὸ δριμύν acré, τὸ διαβρωτικόν corrosivum, & τὸ δακνῶδες mordax instar aceti acerissimi, quodque ζυμοὶ τινὲς γίνῃ, terram fermentat, possitque ejusmodi acidum ut aliud quodcunque longe potentius à contrario alkali con-

temperari, & sub jugum trahi, non tamen indifferenter omni carcinomati sal alkali etiam exactissime, & ut supra insinuatum est, paratum opponi debere censendum est, sed illi tantum, in cuius radice, ut ita dicam omnes & singulas penetrare potest, ne minima illius fermenti maligni particula supersite, malum tandem de integro repullulet, ut liceat concludere.

Ergo φαινόμενα carcinomata ἀγνισκῶς curari possunt arcano alkali ἡγεμονικῷ remedio.

Hæc experientissimus Alliot. Idem à me interrogatus de prima mali hujus radice, statuit eam ex arteriis exudare, & paulatim in corpus degenerare maligne fermentescens. Adjecit se aliquando radicem post sectionem chirurgicam, invenisse, nervi crassioris frustillo similem, sed altera extremitate concavam ad instar cupule glandis. Et credibile sanè est alia atque alia facie subinde apparere, secundum coctionis diversitatem.

D. Olai Borrichii.

MANUUM OPERA.

quatenus ad Chirurgiam pertinent.

Vid. sub titulò

CHIRURGUS.

MARISCÆ vulgò CRISTÆ

Quod ad Cristas pertinet, quæ, ubi magnæ sunt, Chirurgiâ curantur, forfice statim præciduntur, tum verò uruntur, sunt qui etiam filo sericò alligant & ita subinde adstringunt, donec mortuæ cadant. Sunt etiam, qui ferrò candente urunt, & absumunt. Sunt tandem qui ferrò incidente, simulque candente tollant, ut sanguinis profusionem vitent. Qui verò Chirurgiam respuunt, cauterio medicamento coguntur eas auferre. *Hieronymus Fabricius ab Aquapendente.*

MAXILLARUM MORBI.

De iis nihil habemus quò speciale caput conficiamus. Nam præter ea quæ ubi de Dentibus, de Fracturis, de Luxationibus, ac de Ossibus afferuntur; quibus plura maxillas spectantiâ comprehenduntur, vix aliquid superest quò illæ affici dici possint. Habemus revera Parodontidem, partis hujus essentialem morbum: verum de eâ sub propriò nomine suo locò agemus.

MEATUS URINARIi OBSTRUCTIONES.

Vid. sub titulò

CARUNCULA,

MELICERIS.

Vid. sub titulò

ATHEROMA.

MENINGES DURA.

Vid.

DURAMATER.

MENTAGRA.

Vid.

IMPETIGO, de cuius est familiâ.

MESENTERII MORBI.

Mesenterii corpus membranaceum, glandulosis partibus majoribus ac minoribus chylò ac lymphæ trans-

colandis, vasisque variis iisdem ut & aliis succis convehendis, inservientibus confutum; inflammationibus indeque enascentibus abscessibus, imò obstructionibus non paucis ac congestionibus multigenis, obnoxiū reperitur. Ex quibus morbis jam alibi aliquot explicamus, alios in præsentiarum per *Curationes*, *Consultationes*, & *Observationes* pertractaturi sumus.

Curationes.

Obstructiones & Tumores Mesenterii.

Perperam verò plerique agunt, qui à contrectatione Abdominis de obstructione Mesenterii temerè iudicium ferre audent, præsertim autem decepti à musculis utrinque per ventrem in longum extensis: equidem tactu nequit certè decerni tumefactum, vel obstructum esse Mesenterium, quod profundè admodum sub musculis, peritoneo, omento, intestinisque reconditur. Vix autem tactu percipi potest lien, aut hepar, cum insigniter intumuerint.

Mesenterii, ejusque vasorum, & glandularum obstructiones, ac tumores, attenuantibus, dissolventibus, atque humores inde deducantibus Medentes tollere adnituntur. Purgantia rarò proficere adnotat Hartmannus, consentitque Mercatus, & Schenkius; quin & isti multò gravius à catharticiis egrotos affici attestantur. Medelam propterea petit idem Hartmannus à resolventibus, & emollientibus; resolventia autem mitiora probat ex tartaro vitriolato, vino, in quo chalybs infusus sit, pulvere cachectico, & acidulis tum naturalibus, tum artificialibus; emollientia verò extrinsecus adhibenda, atque in primis emplastrum de cicuta. At comparente per alvum pure, enematis insistit, quibus alvus ab inquinamentis mitissimè repurgetur.

Sennertus etiam à potentioribus purgantibus abstinere, & solum utendum monet lenioribus, quæ venarum orificia detergant, & humores blandè educant, quales sunt pilulæ Tartaræ, & Aloëticæ.

Verum non rarò, tutò, feliciterque curantur obstructiones sola victus ratione convenienter instituta, cavendo acida, glutinosa, cruda, potationes immoderatas aquarum præsertim gelidarum, otium. Juvat motus horis matutinis, vel longè admodum à pastu: aromata cum cibis: vinum absinthites, vel ex chalybe per ignem pulverato medicatum: sal absinthii: pulvis stomachicus, & cachecticus Quercetani, admotò interea ceratò ex ammoniaco, tacamahaca composito, aliove.

Neque verò semper expedit indiscriminatim usu chalybis; ejusque salis, vasa viscerum obstructa referare; si potissimum ad glandulas pertineat, vel ad partes multum à ventriculo distitas; tum quia longiorem moram in ventriculo sal chalybis patitur; dissolutumque statim in alvum dejicitur ab acido præcipitatus; tum quia glandulæ id maximè expetunt, ut aromatis roborentur, undè impactos succos attenuent, diluantque, haudquaquam verò vehementer proritatè exfolventur, flaccescant. Quare juvabit potius aromata exhibere, vel essentiæ mart. ejusdemque vitrioli dextro usu ejusmodi obstructiones curare.

In hanc rem maximè à nonnullis commendatur terebinthina Cypria ad ʒ. ʒ. quater lota aquâ absinthii, & rutæ, deinde adjiciunt pulverem cinnamomi & nucis myristicæ ad pondus unius drachmæ. Effertur aliis hoc electuarium, quod habet chalybis limati, & super lapidem porphyritem tenuiter cum aceto contriti, mox ad solem aut ignem siccati, & septies pari modo pulverati felibrati. cinnamomi, & nucis odoratæ singul. ʒ. iii. rhabbari electi ʒ. ii. specier. aromat. ros. ʒvj. Hæc melle optimo, & saccharo albissimo excepta rediguntur ad lentum ignem in form.

Elect. & singulo mane ad pondus semiunciæ exhib. præscripta convenienti corporis exercitatione.

Quæ denique cachexiæ, & Asciti curandæ, aliisque egritudinibus ab obstructione pendentibus ului esse possunt, alibi trademus.

Obstructionem Mesenterii, ejusque vasorum, & glandularum non rarò Inflammatio sequitur aliusve Tumor, & Abscessus, potissimum cum sanguinis cursus impeditur, retardaturque, ut præsertim in illius glandulis restagnet. Cumque in his exiguus sensus habeatur, eò quandoque tumor devenit, ut in ingentem molem attollatur, ac diutissimè persistat pondus, & dolorem intestinis inferens, quandoque etiam lumbis, quousque tandem membranas adjunctas pertingens, vel etiam processus nervorum, & Peritonæi comprimens, dolorem inducat intolerabilem.

Nedum autem in uno solum loco contingit Mesenterium inflammari, ac tumere, sed in cunctis ferè illius glandulis, ubi nimirum facilè humores impingunt, & adhærescunt: quamobrem totum tuberculis refertum aliquando Anatomici detexerunt, imò & scirrho, gangrænaque affectum, pure repletum, atque lymphâ plurimâ perfusum. Hinc dolores profundius ventrem excruciant, inquietudines, nãuseæ, vomitus, alvi durities, chyli dejectiones, febres, tabes, aliaque gravissima symptomata, etiam cerebro infensa, plerumque observantur, quæ falsò intestinis, Jecori, Lièni, Renibus, aliisque à nonnullis adscribuntur.

Pari modo Pancreas affici multoties compertum: nam & obstrui, & inflammari, & obdurescere, & abscessus pati observatum est.

Horum viscerum affectiones propriis signis internoscere difficillimum. Suspiciari autem aliquando licebit de inflammatione, aut abscessu in Mesenterio, & Pancreate, postquam ad maturitatem pervenerint, & purulentæ egestionis comparere cœperint, neque jecore, neque liene in tumorem elato. Affecti autem Pancreatis longe difficilior conjectura erit, etiam si à positu subter ventriculum, quis non se fallere arbitretur, cum à diaphragmate id ipsum prodire possit, itemque à musculis lumborum, & spinæ adjacentibus.

Sicut autem ista cognitu perardua sunt, ita & curatu difficillima: nam etiam si maturuerint, non tamen facilè aut per alvum, aut per vias urinæ ibidem congesta repurgantur, quamobrem retentum pus vel corruptionem afferret, vel si aliò deferatur, novum, & quidem graviolem morbum pariet, colicam affectionem, paralysem, Ischiadem, Dysenteriam. Quin postquam Abscessus fuerit emundatus, etiam inductum ulcus vitæ periculum minatur, cum nequeat convenienter abstergi, & consolidari, licet opportuna remedia adhibeantur. Veruntamen Naturæ Opera in hoc plurimum valet illamque proinde Medicus promovere debet, exhibendo primum, quæ inflammationem, si fortasse prænoscat, impedian, & sanguinem reinorari non sinant, qualia sunt pluries memorata diaphoretica: mox quæ maturitati illam subiciant, & dirumpant, si jam facta sit. Præcellunt sanguis hirci, sperma Ceti, mumia, coagulum leporis, aut hædi, extractum hyperici, & baccarum juniperi, omnis generis Bezoardica, stibium diaphoreticum, sal volatile C. C. viperatum, & succini, spiritus salis ammoniaci dulcis redditus, elixir proprietatis, tinctura mart. & Antim. Potiones vulnerariæ optimè quoque sunt, præcipuè dirupto jam apostemate. Terebinthina pariter fructuosa est, ut & balsamum Peruvianum, Tolutanum, & ligni guajaci. Quod si necesse sit inchoatum Naturæ motum per vias urinæ promovere, conducent diuretica, aquæ thermales, oculi cancr. sal cardui benedicti, & centaurii minoris, verum salis balsamum colore aureum, sapore dulce, & contactu linguæ volatile, pulvis, & essentia niacis, extractum glycy-

glycyrrhizę, trochisci Gordonii, Si demum remaneat ulcus, suffitus ex cinnabari cum balsamis miram opem afferre consueverunt, atque horum usu quosdam brevi salutem restitutos vidi: etenim ab inducto sensim ptialismo è ductibus salivariis deducitur humor ille, qui in Pancreate, & Mesenterio restagnat, ob communionem glandularum inter sese, & præcipue illarum, quæ in Mesenterio sunt, cum colli glandulis. Neque verendum de interno Argenti vivi usu, modò ritè præparatus sit, & diaphoreticus evaserit. *Lucas Tozzi. Medicin. Practic. Parte ii.*

Abcessus Mesenterii.

Signa sunt, si tumor cum inflammatione præcesserit, doloris in præsens mitigatio, materiæ purulentæ excretio: & febris hectica.

Indicationes sunt ulceris deterfio, & consolidatio; doloris mitigatio, & febris hecticæ extinctio.

Conveniunt hîc clysteres lenientes & detergentes. *viz.*

℥. Tapf. barbat. plantag. totius an. m. i. scabios. veronic. mar. an. m. β. hordei integr. furfur. macr. rosar. rub. flor. hyperici, trifol. odor. an. p. β. coque in aq. font. q. f. Colaturę ℥i. adde syr. rosar. sicc. ℥β. mell. caprifol. ℥β. terebinth. Venet. ovi vitello solut. ℥ii. vin. Canarin. aut de malaga ℥iii. Mf. f. Clyster & repetatur quoties opus fuerit.

Huic addi possunt rad. aristoloch. caryophyllatę, bacc. junip. &c. N. B. Clysteres primò debent esse detergentes, postea consolidantes & astringentes.

℥. Aq. decoctionis pomorum (Reginę dictorum) & hord. (addit. santal. alb. & rub. an. ℥iβ.) ℥iβ. syr. rub. Idęi. ℥iii. corall. ℥i. sp. vitrioli q. f. ad gratam aciditatem. Mf. f. Julapium pro ℥iii. dos. bis in die sumendis longè à pastibus.

℥. Diacod. ℥iii. syr. rub. Idęi, corall. an. ℥iβ. Mf. & sumatur hor. somni in haustu alæ maciatæ.

℥. Terebinth. Venet. aq. pariet. lot. ℥i. ocul. cancr. præp. ℥i. pulv. virg. aureæ gr. x. rhei. gr. v. gumm. Arab. gr. vi. MS. & cum pulv. glycyrrhiz. gr. iv. f. Bolus mane sumendus, superbibendo haustum jusculi calentis seq.

℥. Rad. alth. ℥iii. petroselin. fœnic. cichor. taraxac. an. ℥β. rasur. corn. cerv. dentis equi marin. an. ℥iβ. cappar. à sale mundat. uvar. Corinth. an. cochl. i. jujubar. passul. exacinat. an. ℥ii. includantur ventre junioris galli, qui consutus elixetur cum frusto carnis vitulin. addendo sub finem decoctionis fol. endiv. hepatic. agrimon. borag. adianth. polytric. ling. cervin. an. m. β. flor. calend. p. ii. F. colatura ad ℥xxx. pro tribus jusculis mane sumendis cum Pulvere sequenti.

℥. Crem. tart. ℥ii. lap. prunel. ℥i. crystal. syderei gr. iv. sacch. crystal. ad pondus omnium. Mf. pro una dosi in singulis jusculis dissolvendo.

℥. Rasur. lign. sanct. inter. nigr. ℥i. abiet. rec. resinof. ℥ii. rasur. lign. junip. ℥x. santal. citrin. ℥iii. rad. filic. fœmin. caryophyllat. rub. tinctor. an. ℥iβ. fol. scabios. agrimon. hyperic. totius, virg. aur. sicc. an. ℥vi. flor. sambuc. betonic. an. p. ii sem. alkekeng. mil. sol. an. ℥β. nuc. muschar. ℥ii. Incidantur minutim, & divid. in plures partes ponderis ℥ii. f. totidem sacculi ex linteo raro oblongi, qui indantur singulis lagenis lapideis duarum quartarum capacibus, cerevisiâ Semilupulatâ repletis: obturenur, optimè repnantur in cella pro potu ordinario, cum quo incipiat post duos dies.

Ingredientia possunt coqui in cerevisiâ semilupulatę gallon. vi. ad duorum consumptionem; postea addendo gallon. iv. ejusdem cerevis. infunde per noctem, mane cola per setaceum & doliolo inde, addendo fermenti alę rec. ℥bi. & sinatur fermentati antequam lagenis indatur. Singulis lagenis addi possunt ℥ii. mellis sequentis.

℥. Plantag. totius m. ii. bugul. bellid. scabios. agrimon. an. m. i. summit. caprifol. m. β. Coq. in aq. hord. q. f. colaturâ clarificat. adde mell. opt. ℥iii. coq. & despuma, clarificando donec iterum ad mellis consistentiam reducat.

Horâ somni Bolus sequens exhiberi potest.

℥. Conf. ros. rub. cum. sp. vitrioli acidulat. ℥β. confect. Alkerm. ℥β. magist. perlar. lap. bezoar. orient. an. gr. vi. Mf. f. Bolus. Si dolores urgeant, addatur aliquid laudani.

Purgerur aliquoties Pôtione sequenti.

℥. Rasur. lign. sanct. nig. ℥i. veronic. mar. scabios. an. p. i. flor. cord. p. ii. trag. commun. Div. crem. tart. ℥i. fol. sen. mund. vin. alb. irrorat. ℥iii. Coq. & seorsim infund. rhabarb. ℥iβ. in aq. card. bened. succ. limon. acidulat. addit. santal. citrin. ℥β. reducantur ad dosin debitam, addendo syr. nostr. cathol. ℥i. Mf. f. Potio manè sumenda.

℥. Tereb. Cypr. & Venet. vin. alb. cocturâ indurat. an. ℥i. ocul. cancr. præp. ℥β. gumm. guajac. junip. an. ℥iii. oliban. myrrh. mastich. an. ℥β. croc. ℥i. camph. gr. xxx. pulv. glycyrrhiz. ℥ii. balsam. Peruv. nig. q. f. f. Massa pilularis, & ex ℥i. pil. vi. Sumat. iv. mane & vesperi superbibendo ℥iv. Apozematis sequentis.

℥. Rasur. lign. sanct. nig. ℥ii. cancror. fluviat. clibanano exsiccat. & pulv. ℥iii. fol. scabios. m. i. agrimon. beton. veron. utriusque, virg. aur. pyrol. bet. rub. persicar. maculat. caprifol. an. m. β. ros. rub. p. iβ. flor. sambuc. p. iii. passul. integr. ℥iii. Coq. in aq. font. q. f. depurando donec liquoris limpidi restant ℥xlii. inter depurandum addendo mell. alb. despumat. ℥iii. Mf. f. Apozema pro vi. dos. bis in die sumendis.

Si dolores ventris urgeant, f. Fetus sequens.

℥. Rad. alth. cort. med. fraxin. ulm. an. ℥iv. rad. aristol. utriusque bryon. irid. nostrat. an. ℥ii. polypod. ℥iii. lign. Rhod. ℥iβ. fol. chamæd. chamem. totius, scabios. totius, sambuc. hyperic. centaur. min. eupator. Mes. & Avicen. an. m. ii. flor. sambuc. keyr. melilot. an. p. iv. sem. anis. fœnic. an. ℥i. lin. fœnugręc. an. ℥iβ. Coq. in aq. font. partibus tribus. & unâ vin. alb. generos. sub finem addendo acet. scillit. ℥β. f. Fetus ventris regioni adhibendus cum spongiis eodem intinctis.

Post Fetus usurpetur Linimentum sequens.

℥. Rad. bryon. utriusque alth. an. ℥vi. fol. sambuc. chamæm. agerat. eupator. Avicen. chamæd. hyperic. absynth. rut. an. m. i. scabios. tot. m. iv. flor. genist. centaur. min. an. p. iv. sem. lin. ℥i. viticis, ling. avis an. ℥β. axung. suill. rec. ℥ii. vino alb. generos. ℥ii. acet. vin. alb. ℥β. bulliant. ad liquorum consumptionem & herbarum putrilaginem. Exprime & ex parte puriore f. Linimentum.

Statim post forum detur jusculum supra descriptum, dilato ad tres horas prandio.

Parti dolenti applicari item potest Emplastrum de Cicuta cum Ammoniaco. *Theod. de Mayerne. Praxis Medicæ, lib. 3.*

In Obstructiones Mesenterii. ℥. Pulp. prun. ℥β. extract. senn. ℥i. tartar. chalybeat. gr. xv. olei myrrh. gtt. v. M. f. Bolus.

Vel ℥. Pulp. tamarindor. & prunor. an. ℥β. extr. rhabarb. ℥i. sal. essent. tartar. gr. x. ol. still. anisi gtt. iii. M. f. bolus.

In India. ℥. Pulp. cass. & prunor. an. ℥β. extra senn. & rhabarb. an. ℥i. sal. cinnam. vitriol. gr. x. ol. seu sal. volat. oleos. radic. cinnam. sylvestr. gr. iii. M. f. Bolus.

Elixiria. ℥. Elix. propr. ℥i. tinct. tart. essent. absinth. an. ℥β. M. dos. ℥i. mane & vesperi.

Vel. ℥. Elix. propriet. ℥i. sp. tart. sulphur. essent. centaur. min. an. ℥β. M. dos. à gtt. xv. ad xx.

Sen. ℥. Elix. Helmont. sp. tart. an. ℥β. M. Dos. gtt. xv.

Pulver.

Pulveres ℞. Sal. essent. tart. Di. tart. chalyb. 3℞. M. pro unâ dosi.

In India ℞. Sal. cinnam. vitriol. sal. volat. oleos. cinnam. sylvestr. Di. p. ol. still. myrrh. gtt. v. M. f. pulvis pro tribus dosib.

Condita ℞. Conserv. fumar. ʒii. extr. card. bened. centaur. min. & absinth. an ʒi. sal. essent. tart. chalyb. an. 3℞. elix. balsam. ʒii. ol. still. myrrh. Di. M. f. conditum. Dos. à ʒi. ad ʒii. mane.

In India ℞. Conserv. absynth. pontic. & rosar. an. ʒi. sal. volat. oleos. cinnam sylvestr. Di. ol. still. myrrh. 3℞. M. f. conditum Dos. a. ʒi. ad ʒii. *Hermann. Nicolai brinn. Compendii Medico-Chimici lib. 3.*

Consultationes.

Pro Reverenda Moniali Ferrariensi scyrrho Meserei correpta.

Corpora quæ secundum propriam, & naturalem temperiem ad frigidum, ac humidum inclinant, & quæ diu à morbis, & his ipsis gravissimis conflictata fuerunt, tandem, naturâ à vi morborum illorum veluti victâ ac superatâ, magis, ac magis morbida fiunt, morbosque frigidos incurrunt; Quod Reverendæ Vestali, de cujus adversa valetudine litteræ mihi datæ sunt, contigisse observo; cum enim in litteris illis exactè demonstratum sit temperamentum illud cum habitu mediocri, & colore albido eam nactam, atque postea diversis malis immaniter vexatam fuisse, non est mirum si hoc tempore in tumorem frigidum scyrrho sum secundum partem abdominis inferiorem inciderit; cujus ut exactè instituat curatio, vel saltem præservatio, videndum quænam sedes affecta, cujus censûs scyrrhus, & quænam generatio, ac modus generationis illius sit.

Quod ad sedem affectam attinet, certè apud me insignis difficultas ob varietatem partium, quæ in inferiori abdomine existunt, primum enim cutis membrana carnosâ, ac musculi. Secundò pars inferior omenti, intestina & mesereum. Tertiò vesica, uterus, vasa horum deferentia in illò adsunt, quænam harum, & an plures afficiantur decernere veluti (ob ægræ absentiæ) divinando oportet, quia igitur non audio, tumorem in superficie observari, facilè adducor ut credam in partibus illis extimis. primo loco enarratis neque tumorem existere, quod etiam & tumoris mobilitas confirmat; præterea, quoniam tumor, de quo tractatur, insignis admodum, & durus vehementer proponitur, cujus naturæ tumor in corpore rariori & tenuiori, ut est omentum nullo modo excitari potest, ideo omentum ipsum secludo, & eo magis quoniam si in parte hac esset tumor, præter id quod egregia Monialis detractione viscerum ad inferiora conquereretur; jugiter sensum insignis ponderis ad pubis regionem haberet, intestinisque primò, deinde vesicâ compressis, actio mingendi aliquo modo vitaretur; Verum nec in intestinis esse malum hoc ex eo convincitur quod actio intestinorum naturalis minime læsa deprehenditur, ob quod argumentum nec vesicam læsam esse satis perspectum esse confido; ergo aut uterus, aut mesereum afficitur, atqui uterus non esse sedem mali prædicti, non tantum eo confirmatur quod mensales purgationes de more, & secundum naturam procedant, verum etiam per id, quod uterus inter intestinum rectum, & vesicam sub ossè pubis repositus; ubi tumet, tactui tumorem suum, nisi magnitudine excedat, minimè patet facit, & sua mole, tametsi grandis non sit, perennè desiderium, modò mingendi, prout in collum vesicæ incumbit, modò egerendi, quæ intestinum rectum comprimit, immo sensum insignis ponderis in fundum abdominis parit, quæ cum non proponantur, idcirco u-

terus videtur secludendus; Nec facit illud negotium quòd nobilis vestalis singulo mense menstruetur, quoniam sit in extrema uteri tunica non autem interna, quoniam si vasa sanguinem superfluum ad uterum deferentia atque tunicam externam & internam attingunt pervaduntque, ergo æquè benè angustia vasorum à tumore inducta, cum in hac, tum in illa tunica sanguinis illius fluxum suppressere potest, propterea puto ego, tumorem prædictum attinere ad mesereum, nec enumeratio partium sufficiens sola nunc in hanc sententiam trahit, sed etiam quia tumor in profundo existens exterius valde prominet, ut quasi ab ossè pubis, cui hæret, sustentetur, & ob id sensum gravitatis non inferat, accedit quòd vestales, ut quæ magis quam aliæ mulieres in otio degentes, hoc genus mali frequentissime incurere solent, tumoresque mobiles absque sæcurnæ excretionis vitia (sicuti hic non vitatur) in nulla alia parte quam in mesereo sua natura, cum ob propriam substantiam, tum ob glandulas quibus est refertum ad suscipiendum maxime prono fieri solent. Tandem refertur quod tumor hic modò augetur, modò imminuitur, quod cum accidat ob flatum, qui elevatur dissipationem, hæcque commodius in mesereo, veluti rariori, & laxiori, quam in uteri tunicis densioribus, & compactioribus fieri possit; ob hanc aliam rationem mesereum, & non uterum affici arbitror.

Scyrrhus autem est de genere illegitimorum, quando sensus omnino non sit expers, suam verò habuit generationem ex materia crassa à prædominio viscida, ac pituitosa; deinde etiam melancholica, quod non solum ex colore subalbido totius, qui sæpè humori tantum sub cuti existenti attestatur, sed etiam ex habitu & temperie totius ad frigidum inclinante venarumque amplitudine, & nigrore conjicio, pituitamque in ventriculo valde, ut audio appatente melancholiam in hepate calidiori, ut status ille venarum, ac ætas ferè quadragenaria (nam octavum supra trigésimum annum suæ ætatis agit) humoris melancholici valde ferax aperte demonstrat, generari pro certo habeo.

Modus verò generationis fuit quòd humores illi duo transmissi à propriis suæ generationis locis ad mesereum maxime ad suscipiendum paratum, in illoque commixti, ac in ejus propria substantia, ac glandulis recepti tumorem, & hunc ipsum durum excitarunt, durum quidem, non per siccationem, nulla enim causa tale quid agens præcessit, ergo & per repletionem à copia humorum factam, & per concretionem à frigiditate, non tantum recipientis, sed etiam recepti inductam, & hæc de tumore sint satis dicta.

Proponitur & alter affectus illi annexus, nimirum febricula quædam, quam & ipse putridam esse, & ex loco tumoris vaporem exustum veluti fumum in cor à materia ibidem putredinem aliquam ob obstructionem nata elevatum, illam aliquoties excitare, ad modum Symptomatis opinor, quando nec ob ipsam semper decumbere cogatur, ac circuitibus quibusdam egregiam patientem affligere observetur.

Utrumque autem id certissimum est, totum Medici studium eo dirigi oportere ut ventriculus calefiat, jecur refrigeretur, prius obstructionibus per attenuantia, detergentiaque reseratis, ac materiâ impactâ per emollientia, discutientiaque evacuatâ, ita tamen ut toti ante hæc omnia provideatur.

Ad quos scopos an pervenire liceat nec ne, difficile cognitu non erit ei, qui naturam & constitutionem scyrrho sum noverit; primum enim scyrrho, qui partes extimas obsident vix aliquando curantur, ergo tantò minus, qui in visceribus nascuntur; nam cum vitia hæc partem veluti emortuam reddant, quia nimirum calor, ac spiritus vitalis ob densationem partis, ac vasorum angustiam non suscipiuntur, quis non videt medicamenta parti illi applicita nil posse agere, ut eam vi-

vificent? quod cum maximè scyrrhis exquisitis, minùs illegitimis accidat, propterea illi omninò incurabiles à Galeno constituuntur, hi verò aliquando vixcurantur, vel potiùs imminuantur, ut homo diu vivere possit, & eò magis, si sint instabiles, aliquando laugeantur, aliquando decreseant, qualis est scyrrhus, qui tractatur, tantòque magis spes præservationis subest, quod in ejus constitutione pituita prædominatur, nec valdè dissimilis est parti laboranti, qua ratione homines minùs sub morbis periclitari scripsit Hippoc. illud tamen non est negandum, ab hisce malis & hydropem, ac cancerosum ulcus suborta putredine imminere. ut propterea maxima diligentia in contrectando scyrrho hoc sit adhibenda.

Quare de materiis Chirurgicis ita censeo, ut sicuti ab omni sanguinis missione abstinendum, ita ad fonticulos femoribus secundum partem domesticam infixos deveniendum, nam quantum ad sanguinis missionem attinet, quoniam scopi mittendi sanguinem, ferè nulli occurrunt, idè illa non videtur opportuna, nec etiam à venis ani, quoniam hæc menses ab utero derivare, atque ipsos quoquo pacto impedire solet, quare si aliquid est quod posset Medico aliquam sanguinis missionem vel ex brachio longè à tempore mensium, vel ex talo suadere; hoc maximè esset jecoris aliquis fervor, meritò cujus eventativam aliquam sanguinis evacuationem fieri posse nemo negabit; quoad fonticulos certò scio continuò illos à parte laborante materiam noxiam derivare, ac totum ferè ab omni cacochimia expiare; frictions quoque cùm siccas tum humidas cum oleo decoctionis radicum cucumeris agrestis longo tempore scyrrhosæ parti adhibitas approbo.

Medicamenta primùm totius occurrunt, quocirca pro alvo lenienda mel rosatum solutivum cum syrupo de polypodio magistrali, pro humoribus preparandis decoctum betonicæ, fœniculi, lupulorum, buglossi, mellissæ, & cichoraceorum cum oxymel. simplici, pro eisdem humoribus deturbandis infusum agarici, & senæ cum melle rosato solutivo, vel Catapotia de tribus cum Rhabbarbo, adjecto pulvere epithimi seligantur, Atque pro evacuatione insensibili præter antidotum utramque magnam aliquoties devoratum, decocta guajaci, falsæ & Chinæ cum aliquot emollientibus, uti Althea & liquiritia huc referantur, decocta eò magis proderunt, si ante syrupum matutinum bolus ex ammoniaco ac sale theriacali cùm lacryma therebinti Cyprii exceptis, devoretur.

Post hæc de medicamentis privatis agendum, ego pro obstructionibus auferendis laudo, vel oxymel ex decocto radicum aperientium, liquiritiæ, Altheæ, ligni assafras, Chinæ, cuscutæ, agrimonii, capil. vener. betonicæ, cichorii, sonchi, boraginis, lupulorum, asari, artemisiæ, passularum, coriandrorum preparatorum in aqua pluries chalybeata parato, vel jus galli duorum annorum circiter, aut colombi turriti in quorum ventre simplicia nunc commemorata sint incocta, immò verò jura hæc vices quoque decoctorum paulo suprâ propositorum, si illis eadem medicamenta nunc dicta immisceantur supplere poterunt: atque illi bolo ex ammoniaco, & sale theriacali chalybem preparatum addere licebit.

Pro evacuatione materiæ tumoris impactæ topica usurpanda, idè præter ceratum Diachilon, gummatum cum portione cerati sacri, tria potissimùm medicamenta probo. Primum est ceratum factum ex cremore radicum cucumeris agrestis, ammoniaco, pulvere Sabinae, ac utriusque hellebori, & succo, pulvereque Tabacci; Alterum est, stillicidium factum cum oleo decoctionis tum radicum Altheæ, malvarum, peucedani, & cucumeris agrestis, tum foliorum Dictamni Cretici, thymi, & calamintæ, tandemque ligni guajaci, facta ebullitione in duplici vase cum modico vini odorati

ad consumptionem ejusdem vini, à quo stillicidio statim admovendum Cataplasma factum ex duabus partibus emplastri de baccis lauri, una emplastri de meliloto, & media fermenti acerrimi cum caricis aliquot, exceptis omnibus aceto scyllino; Postremum est suffumigium factum ex decocto in aceto & vino anethi, camomeli, fœnugraci, femin. lini, meliloti, abrotani, malvarum, Altheæ, origani, calamintæ, Dictamni Cretici, asari, Sabinae, artemisiæ, hyssopi, Tabacci, betonicæ, radicum filicis, utriusque hellebori, & colocyntidis, ea tamen ratione, ut dum adhibetur suffumigium, lapis pyrites, vel molaris ignitus pluries in decocto prædicto extinguatur, quod medicamentum adhibeatur autem, si vestalis nobilis pro-na super tabulam ita perforatam ut scyrrhus extra foramen extuberet, situetur, ac tabulæ circumponantur panni, ut totus fumus scyrrhum petat.

Tandem pro tollendis intemperantiis viscerum, atque primùm ventriculi, nil habeo quod proponam, quando sciam, pharmaca interna jam proposita ad id conducere; solum id dicam, quod postulante usu non erit inutile exterius medicamentum aliquod stomaticum calfaciens sub forma vel stillicidii, vel cerati adhibere, pro stillicidio autem Tettucianam aquam infusionis folius mentæ, & pro cerato quod ex gummi tachamacha cum succo absinthii concreto, & extracto ipsius mastichæ inter alia seligo & probo. Pro jecoris intemperie succus cicoraceorum & hepaticæ assumptus, atque hypochondrio dextro admotus maximè aridet.

De victu nil ferè dico, quoniam abundè, & exactè litteræ mihi datæ meliùs quàm à me nunc proponi possit, ipsum continent, id tamen non subdicebo; & pulverem coctilem ex agallocho, croco modico, pane biscocto, & saccharo paratum, cibariisque inspersum; & vinum tenue, album cùm auratum, vel chalybeatum, tum cum China, radicibusque buglossi medicatum magnopere probari. Deus Optimus Maximus hæc omnia salutaria nobili vestali reddat. *Julius Caesar Claudinus, in Consultationibus Medicis.*

Observationes.

De Mesenterii abscessu.

Juvenis quidam alvi torminibus vexabatur: inque dies magis magisque dolor vim capiebat: tantumque aberat ut hujusmodi doloris abditæ causæ comprehendere possent, ut numquam ullis præfidiis tolli, aut saltem levare hoc malum potuerit: omnia enim viscera sana videbantur, jecur, lien, & intestina omnia nullam doloris notam ostendebant: sed ille nihilominus, magis magisque indies, quàm ut tollerari posset, urgente dolore ipso, tandem è vita discessit: quare mortui corpore inciso, ut scilicet tanti mali causas dignoscere-mus, & sanis omnibus, ut putabamus, inventis visceribus, jubeo intestina amoveri: quæ dum gladio discindit minister, in abscessum magnum incurrit; quo præciso, materia multa nigrior foetensque profluxit, encausto sutorio similis: ex quo manifestam ejus mortis causam deprehendimus, atra enim bilis eò confluens hujusmodi abscessum paulatim effecerat. *Antonius Benevenius, cap. 33. lib. De abditis morborum & sanationum causis.*

Vir quidam febre valida correptus cum vomitu, decimo quarto die transacto in alvi cruentam excretionem devenit, ita ut sanguinem nigerrimum corruptum pessimè olentem ad quindecim librarum pondus excerneret, unde animi deliquio correptus omnes cum proximè moriturum existimavimus: nihilominus cibus per intervalla optimis refectus vires resumpsit, ita, ut

et si febre continua, licet non ita intensa & uniformi, continuo vexaretur, nihilominus suæ salutis spem nobis præberet; sed tamen cum quotidie feces conspersas sanguinolentâ saniosâque materiâ excerneret, indiesque magis, ac magis enaciaretur, infinitis propemodum præsiidiis adhibitis (nam septem Medici illius curæ incumbēbamus) sexagesimo tertio die (proh dolor) occubuit, cum tamen postremis diebus ingens urinæ profluvium supervenisset, ita ut quinque libras urinæ & amplius quotidie per plures dies extramitteret. Cadaver dissectum fuit, ut tanti mali causa innotesceret, atque in mesenterio, in parte superiori, ulcus sordidum ad spithamæ longitudinem adinventum; unde ea in parte collectum abcessum coniecimus, illoque disrupto putridum sanguinem ea in copia profluxisse non dubitavimus: sed quod mirum est, nunquam antea per totum ægritudinis tractum, præterquam extremo die, quo illi venter intumuit, de illius partis dolore conquestus est. *Marcellus Donatus lib. 4. Histor. munic. mirab. cap. 7.*

Novimus nos quandam, cui inflammatio in mesenterio nata fuit, & initio malè habuit, sed posteaquàm inflammatio suppurata & in abcessum conversa, melius habens, sana sibi visa est: interim singulis diebus per anum bis terve purulenta, admodum fœtida, sincera, nullisque excrementis permixta redduntur, & quidem nunc quartus agitur annus à quo sic se habet. *Rembertus Dodonæus. annot. ad cap. 33. libri Benevenii. De abditis morborum causis.*

MICTIO ac eam attinentes MORBI.

Vid.

URINAM SPECTANTES MORBI.

MOLA.

DE Mola sic paucis Clarissim. juxta ac Nobilissim. Dom. Fredericus Ruyschius in observationum suarum Anatomico-Chirurgicarum Centuria. Mola dicitur caro deformis ossibus destituta, & ex imperfectâ aut malâ conceptione generata. Quod, si verum sit, mirari subit ejusmodi molas à virginibus (aut saltem de quibus nulla alia suspicio erat) fuisse exclusas. Vetus Viris non utentes aliquando in lucem exposuisse tales molas, observavi. Sæpiissime in abortu, fœtu enixò, remanet per aliquot septimanas, imò menses, placentula, quæ à compressione uteri, non solum uteri figuram adipiscitur, verum etiam sæpius ita induratur, ut carnis substantiam duritie longè superet, & pro molâ habeatur. Jam à viginti annis Nobilissimi & Amplissimi D. Consules & Scabini, ad ulteriora infortunia (de quibus multæ audiēbantur quetelæ) vitanda, circa obstetricationem, injunxerunt Collegio Medico, & mihi, ut omnes, quotquot essent Amstelodami, Obstetrices examinarem; quarum numerus haud erat exiguus; hæc ferè omnes interrogavi, quid circa molas observassent? Nulla verò earum, nobis vel aliquid potuit revelare, unanimiter dicentes, sese quidem corpuscula carnosa & dura offendisse, quæ è mulierum corpore erant exclusa, ast verò nunquam viventia, sicut nonnulli credidere. Aliquando utero expelluntur Sarcomata, quæ pro molis habentur; Sarcomata inquam, quia præter carnem nihil in iis deprehendi. Ejusmodi excrescentias uterinas per pedunculum utero adhærentes observavi in ipso utero, dum mulieres in partûs laboribus essent. Illud verò neutiquam mitandum, quandoquidem in ipso etiam stomacho & vesicâ urinariâ ejusmodi corpuscula excrescere observavi. Itaque ve-

rosimile admodum est, molas ita decantatas nihil aliud esse quàm ejusmodi carnosas uteri excrescentias, aut placentulas retentas, & ab utero, uti supra innui, compressas; neutiquam verò è malâ conceptione ortas.

Hactenus Celeberrimus Auctor, cujus mentem non parum confirmant, tum Escrescentiæ Carneæ ab utero inverso rusticæ quinquagenariæ superioris cujusdam Turgovix pagi incolæ, ac non sine ejusdem Ægræ obitu à Nobilissima Matrona Sangallensi, avulsæ; fusæque à Clariss. D. Joh. Jacobo Hardero, è Celeberrimi D. Theodori Zvyngeri doctâ enarratione, ad Clar. D. Georgium Wolfgangum Wedelium, in Miscellaneorum Curiosorum Decuriæ Secundæ Anno 2. descriptæ. Tum & aliæ multæ moles carneæ ex uteris virginalibus excidentes, quales passim apud Autores reperire est. Sic etiam nos in virginibus & in viduis probatissimæ castitatis, hæc sarcomata genita, ac quandoque exclusa, quandoque verò mortis causas, fuisse non semel vidimus. De aliis innumeris molis, iisque ossis, membranaceis, vesicularibus, volatilibus, necnon de molis inter excidendum trepidantibus ac variorum animalium figuram ruditer exprimentibus, non pauca apud rerum mirabilium scriptores, hicque etiam quædam selectiora in sequentibus, ut omnibus sic satisfieri nostro opere possit, habebuntur. Præmittemus tantum *Observationibus rarioribus Curationes ac Consultationes aliquas,*

Curationes.

Observandum est maximè antequam ad indicationes procedatur, an mola sit conjuncta cum fœtu perfectò, an verò sit sine eò. Si est cum fœtu perfectò, nihil temerè agendum est, sed hujus naturalis exclusio expectanda, quoniam tunc simul ut plurimum ejicitur mola, aut si præter spem retineatur, tunc demùm vel manu Chirurgicâ, vel ope Pharmaceuticâ extrahenda, aut expellenda erit.

Quod si sine ullâ fœtus suspitione adsit, id quod in primis sit, si scilicet ultra decem menses; aut ultra annum integrum in utero persistat, tunc opera danda ut quantocyus ejiciatur.

In quem scopum omnia fortiora menses moventia, & partum difficilem accelerantia, ac denique omnia fœtum mortuum ejicientia, in usum vocanda.

His præmittenda subinde balnea, fomenta, inunctiones, injectiones clysmaticæ, & similes ex emollientibus paratæ; quæ vias laxent, uterum ejusque fibras, ac ambientes membranas tractabiliores & distentioni aptiores reddant.

Præparatis sic viis, conveniunt fortiora purgantia; quæ, uti notum est, simul potenter uterum stimulant qualia sunt, pilul. fetidæ; pilul. de hierâ cum colocynthide, aut ejus extract. species diatrybith. cum Rhabarb. decoct. Senn. pulegii; Sabin. in sero lactis, ad aliquot dies haustum, quò ipsò Rulandus aliquot molas ejecit; Item extract. hellebor. extract. è trochisc. alhandal. & similia drasticoteta internè usurpanda. His interdum per vomitoria feruntur suppetiæ: cum vomitoria potentia sint ad excludenda in utero contenta; siue sint antimonialia, quæ sane optima; siue sint vitriolata, sal vitrioli vomitivum, &c. quæ minùs commoda. His subinde addenda quæ pellunt fœtum, menses & similia; in primis ex sabinâ, bryoniâ, gentianâ, asarò, anetho & similibus; ex baccis itidem juniperi, ex semine nigellæ, ciceribus & aliis; quibus commodè cinnamomum; ac ejusdem aqua spirituoza, seu tinctura, aliæque ex cinnamomo ac canelâ remedia adduntur. Nam hæc potentia sunt ad promovendam ex utero excretionem. Oleum destill. Sabinæ cum ol. still. caryophyllor. in eleosaccharum reducta; ac diutius continuata stimulum potentem inierunt. Vel fiat pulvis ex borraça, myrrhâ, castoreo & sale volatili succini,

quo pulvere 36. in aquâ cinnamom. quotidie semel aut bis repetitis vicibus assumatur. Præ reliquis experimentum est pulvis secundinæ blandô igne exsiccata ad 3j. in aquâ cinnamomi propinatus; & hoc est experimentum Hartmanni, commendatum insigniter Lindano, & adhuc usitatum Sylvio; Singularis est hæc secundina ad præternaturalia ex uterô pellenda. Aut fiant pilulæ ex trochiscor. de myrrhâ 3j. Euphorbii, gr. iij. cum Syrup. de arthemisiâ, quæ pro 3. dosibus, tres dies successivè hauriantur: nam & hæc potenter expellunt.

Hisce internis simul addantur externa: quorum operatio non mediocriter juvatur, si mulier simul motu, aut saltu similive exercitiô corpus agitet. Externè ergo præter clysteres emollientes in principio præmittendos, clysteres acres & fortiter stimulantés injiciendi, imprimis ex pulegio, matricariâ, sabinâ, pulpâ colocynth. in nodulô ligatâ, ac similibus. Item fiant injectiones uterinæ ex decoctô arthemisiæ & sabin. an. 3ix. in quibus addantur myrrh. & sagapeni an. ʒii. ad ʒi cum castorei ʒi. quæ mista per metronchytam, ut vocant, injiciantur in vaginam uteri. Condantur item pelli acuti ex galbani ʒii. cum hellebor. alb. ʒii. qui violenter stimulant. fiat item suffitus ex scorii reguli antimonialis martial. item ex decoctô sabinæ & colocynth. cum cinnam. galangâ & macere, suffitus ex anethô & cuminô ad desperatam molam commendatur à Corberô.

Super pubem & uteri regionem, præmissis inunctionibus ex emollientibus, fiant litus cum oleo diacolocynth. vel cheirinô & anethinô, additis paucis guttis olei destillati succini. Emplastrum denique ex simô bovillô pectini impositum, cœu proficuum remedium commendatur à Forestô lib. 28. Observ. 61. His ipsis opera danda ut stimulatâ naturâ ejiciatur mola.

Quòd si non fiat, ad manulem chirurgi operam confugiendum erit, speculum uterinum applicandum vaginæ uteri, & orificium internum dilatandum, ac vel manu, vel instrumentis mola extrahenda. Enchirises pro tali operatione videatis in Hildani Cent. 2. Observ. 52. item in ejusdem epistolis.

Extractâ molâ, quacunque ratione subsequens hæmorrhagia; more consuetô in nimis uteri hæmorrhagiis, erit compescenda. *Michael Ettmullerus in Collegio Practicô.*

Molarum extractio quomodo fiat.

Extractio molæ manu si necessario perficienda veniat, propter sui adhæSIONem aliasvè causas, ea sic peragitur. Muliere eodem in situ collocata, qui pro fœtus mortui extractione quàm maximè conveniens est, Chirurgus manum in uterum insinuabit postquam ejus orificium, per introductos paulatim, unumque post aliud, digitos, & oleo, vel adipibus probè inunctos, satis fuerit dilatatum, molamque foras extrahet; quòd si tam magna fuerit, ut integra commodè exire nequeat, (quòd tamen rarum est, quandoquidem illa est corpus molle viis se faciliùs accommodans quàm ipse fœtus) adhibebitur hamus, aut cultellus, pro ea vel extrahenda, vel in duas pluresve particulas. prout id necessitas exegerit, dispescenda. Si Chirurgus eam utero adherere agnoscat, separationem apice digitorum quàm blandè fieri poterit instituet, eos per illud latus quò minus uterô adhæret sensim insinuando, eademque ratione pergendo, donec tota sit separata; advertendo interim, ne aliquid substantiæ ipsius uteri vel laceretur, vel laceretur. Atque hæc pauca circa operationem in molâ remediis non cedente, dicta, jam sufficiant.

Consultationes.

De Molâ & Fluore uterinô.

Nobilis mulier querèbatur de Molâ, & uterinô profluviô, ut nulla esset conceptus spes. Hæc sunt præscripta.

Molæ & uterini profluvii tam frequentis causa videtur nimia sanguinis humidioris copia, quâ semen & ejus vis prolifica obruitur. Indiciô sunt menstrua copiosiora, & à molæ excretionē, tanquam puerperia, per mensem integrum, eoque amplius fluentia. Itaque corpus siccabitur victus ratione, medicamentis, & iis quæ provocant urinas & sudores, corporis exercitatione, fame, pauciore victu, & jasculorum abstinentiâ. Particulatim verò siccandus uterus, tum fotu, tum ceratis, quæ eam vim habent: nec menses interim movendi. vere & autumnô utetur decoctô radic. chinæ. Aliquando è basilicâ sanguis parcius adimetur. Si verò humidior temperamento videbitur, semenque habere humidius, eadem ratione victus utetur. Parciôr sit venus, quâ tamen commodè utetur tribus aut quatuor diebus à mensium eruptione. *Gulielm. Ballonius Consiliorum Medicinalium lib. 1.*

De Molâ, Gravitate lumborum, Maculis, Inappetentia, Nausea, & vomitu. Pro Nobili Matronâ.

Quamquam difficillimum censeam de affectu Nobilis patientis certi quicquam statuere, quæ ad nonum usque mensem non obscura legitime prægnationis præberis indicia, vigesimum tamen attingit, justum ejus tempus prætergressa: vitiosi tamen conceptus, & molæ suspicionem injicit, non sine magna sanguinis pituitosi, & melancholici copia, in utero coacervati: cum molas, plures etiam annos gestari prodiderint Savonarala, Ludovicus Duretus in Coacas, & Ambrosius Parçus in Chirurgia magna. Quam causam censeo gravis illius doloris ad lumbos, ex uteri pondere ejus ligamenta divellente: necnon macularum lividarum efflorescentium, à sanguine melancholico, seu ichorosa materia incutem effusis: tum & gravitatis à cibo: nausæ, & vomitus heterogeniæ materiæ, ex consensu ventriculi cibum non perfectè elaborantis. Nobilis autem Matronæ floridus color, indicio est, omnem vitiosorum humorum colluviem, cum in utero concludi, tum ad ventriculum confluere, frequenti vomitu expurgandam.

Quæ cum ita se habeant; potissimum verò si quid certius constiterit de uteri osculo connivente, obstetricis testimonio, omni studio incumbendum, ut aliena hæc materia, quæcunque fuerit, ab utero exturbetur; attenuantibus, emollientibus, aperientibus, laxantibus, & uteri expultricem irritantibus.

Universalis itaque purgatio instituenda, non solum dejectoriis, sed & vomitoriis, cum vomitus non raro vomitum sanet. Clysteres quinetiam carminativi, & acres frequenter præscribendi; non sine sanguinis educatione ex utraque saphena per vices; necnon cucurbitulæ sine scarificatione cum multa flamma internis coxis sæpe affigendæ. A quibus interna menses moventia; & quidem validiora sunt usurpanda; trochisci scilicet de myrrhâ, de capparibus, & de rhabbarbo; nec non triphera magna, Theriaca antiqua, & hujusmodi; cum decoctione artemisiæ, pulegii, capill. Vener. & sabinæ; ex quibus herbis vino albo generoso incoctis paratus fortis ex usu erit; ut & pessaria ex matricaria, pulegio, & sabinâ;

fabina; atque suffitus ex aromatibus; ac tandem balneum ex matricaria, artemisia, pulegio, fabina, florib. chamemeli & hujusmodi, cum infusione ex oleo laurino, rutaceo, liliorum alborum cum aromatibus; moscho, & ambra.

Exercendum corpus, atque omni studio laxandum; & referendus uterus, ac materia excrementitia in eo redundans evacuanda. Quibus sperare juvat fore ut pristinae valetudini restituatur. *Bened. Silvaticus Consil. & Respons. Medic. Cent. 4.*

De Mola; Vteri inflatione; & Febre. Pro Spectabili Muliere.

Ex enaratis conjectare facile est juvenem hanc, fecundam alioquin, quatuor abhinc mensibus concepisse, intumescens inammis, sine ulla prorsus noxa toto quadrimestri suppressionis mensium decursu: quem tamen conceptum molam potius, quam legitimum fuisse censeo, cum quarto mense sævissimus infimi ventris doloribus excruciat a variorum præsidiorum externo usu corpus quoddam pilæ instar ejecerit cum copiosi sanguinis profluvio: quæ causa fuit, ut labefactato uteri calido innato, & vitiosis humoribus ad eum influentibus, in flatulentum tumorem elevatus sit, cum rugitu quodam, & vago motu, ad coxas, & dorsum per ejus ligamenta diffuso; non sine aliqua humorum in eo concludorum putredine, quæ vapores in cor expirans gravem illam febrem induxit, cum virium languore; non raro quidem eventu; cum febres ex utero continentes putridæ sæpius ortum ducant, ob magna vasa arteriosi, & venosi generis, quibus perfunditur.

Affectus quidem gravissimus, & difficillimæ curationis, cujus causa quid hætenus præstitum fuerit, cum nobis non constet; quid deinceps factu opus sit, brevibus attingam.

In quam rem, flatus discutiendi; evacuanda minera; præmissa humorum vitiosorum attenuatione, incisione, ac purgatione; cum universali, tum particulari ipsius uteri, non prætermisiss refrigerantibus, & humectantibus, ratione febris; atque alimentis accommodatis vires foventibus. Quæ præstabunt remedia Chirurgica, Pharmaceutica, & Diætica.

In Chirurgicis primæ debentur sanguinis missioni ex saphena, vel ex vena poplitis, durante mensium suppressione, vel eorundem stillicidio, de quo in morbi historia: quam non prohibet uteri inflatio: Quanquam enim calidum ejus innatum labe non vacet; calor tamen præter naturam ratione obstructionum & putredinis acrior sit; cujus causâ estuat quàm maximè, ut propterea Gal. exemplo Lib. Cur. per Sang. miss. qui venam secuit mulieri hydrope laboranti, ex suppressis mensibus, hæc rudi possit in uteri inflatione, citra ullum periculum.

Inseffus quinetiam in lixivio, alterato flor. Chamemeli. anetho, pulegio, origano, inatricaria, fabina, mentha & absinthio, ex usu erunt, præmissa verò humorum præparatione, & purgatione hætenus fortè instituta; tria remediorum genera opportuna censeo. Primum quidem Tripheram sine opio; cum speciebus diarrhodon Abbatis; hausta super his decoctione sem. citricontusorum, cichorii, melissæ, capil. Ven. cum quatuor, vel quinque guttulis spiritus vitrioli. Aliud est decoctum ex radice chinæ, cum modico fassastras, in jure pulli alterati pulegio, borrag. & cichorio; præmissa drachma sem. castorei, & trochisc. de myrrha. Tandem uteri fetus ex vino albo montano iisdem herbis alterato; vel clysteres uterini carminativi; applicato Emplastro regioni uteri, ex baccis lauri, seminibus cumini, & fœniculi contusis; cum farina fabarum, & oleo liliorum alborum cum aromatibus quæ flatus, & eorum mineram discutiant, juxta cum recta vietus ratione. *Idem ibidem.*

Biblioth. Chirurg. Tom. III.

De Mola. Pro Illustrissima Marchionissâ.

Gravissima equidem, & perobscura est effluxio, quæ octo abhinc annis Illustrissimam Marchionem affligere cœpit; juvenem alioquin boni habitus, & integra valetudine: cui ut occurramus, duo potissimum nobis sunt inquirenda. Primo quidem, numquid affectio hæc sit legitimus abortus, formati fetus; vel mola potius: tum quæ sit hujus causa. Quod autem effluxionis potius, quàm abortus nomine censenda sit, ex eo patet quod sex, aut septem diebus à menstrue purgationis periodo se prodar, cum tamen fetus pluribus formetur; ex Arist. sententia, 7. de Generatione Animalium; atque ex morbi historia constet, excretam fuisse per vires carnem membranosa, albicantem, & globosam; quæ nec divelleretur in aqua, aut agrè in filamenta dissolveretur, & dirimeretur, certo molæ indicio, omnis membrorum formæ prorsus expertis: cum tamen legitimus conceptus potius videri possit, quàm mola; quod hujus causa efficiens sit viri semen corruptum, aut invalidum; cujus nullum in Illustriss. Marchione habemus indicium. Accedit, quod molam comitatur fames præter naturam, pica scil. quæ nulla fuit: adde, quod mola diutius gestatur, etiam ultra nonum mensem; cum hæc effluxio contigerit primis statim conceptionis diebus, sexta nempe vel septima; nisi quod aliquando in decimum octavum diem protrahi observatum est. Quod si informis fuit sine ullo membrorum rudimento, adscribendum id fuerit brevi temporis spatio, quo conceptum semen retinetur; quod proinde ejus concretioni sufficiat, non verò partium conformationi: ut propterea Psaltria illa ab Hipp. Lib. de Natura Pueri memorata, quæ se concepisse ex eo conjectans, quod à congressu semen non effluxisset; eo sollicitato saltu, & citato motu sex post diebus genituram excussit; ab ipso Hipp. observatam, & expressam. Ut si quis ovo crudo externam testam undique auferat; in quo interna membrana contentus humor pelluceat; ad hunc ferè modum se habebat liquor ille; & præterea ruber erat, & rotundus. Conspiciebantur autem fibræ albæ, & tenues in inembra, cum sanie crassa, & rubra contentæ, & ipsa membrana externa parte cruore sugillatorum instar suffusa erat; in cujus medio tenue quiddam extabat, quod mihi umbilicus esse videbatur &c. Ex quibus constat, in verò conceptu non statim à principio conspici aliquam membrorum conformationem. Neque molam hanc esse evincit, quod ex femine virili corrupto producat; cum in Illustr. Marchione aliqua forsitan labe affici possit; nisi cum recentioribus statuamus, concrefcere posse quandoque carnem hanc molem in mulieribus sine viri consuetudine; ac proinde absque ulla illius seminis noxa: quod Medicorum plerique censent. Minus facessit negotii; quod appetitus non fuerit depravatus; cum à succis corruptis in corpore redundantibus ortum ducat; prout aliquando in legitima prægnatione; qui in Nobiliss. Matrona non exuberant. Quod autem mola longo temporis spatio quandoque gestetur, sit ex firmiori ejus nexu cum utero; qui laxior cum fuerit facili negotio ab irritata expultrice exturbatur: quæ mihi persuadent, abortum hunc esse potius molæ, quàm legitimi fetus; si potissimum non assimilis fuerit illi, qui contingit circa decimum octavum conceptionis diem: quo sanè temporis spatio aliquod partium rudimentum consequi potuisset. Accedit, quod in effluxione illa Psaltriæ conspectæ fuerunt fibræ quadam albæ, & crassæ, cruore crasso, & rubro perfusæ; atque & in hujus medio umbilici vestigia, quæ in hac non fuerunt conspicua; licet eam præclarissimi Medici sæpius spatulâ, aut vossellâ accuratiùs rimati sint: quod tamen penes judicium fuerit Virorum doctissimorum, qui Madri-

ti, & Florentiæ eam sæpius magnâ diligentia inspexerunt.

Nec minùs in obscuro latet causa hujus affectionis Illustriss. Matronam continuè affligentis à primo legitimo, & maturo partu, novennio abhinc; cum in muliebri profluvium referri possit, à primo illo puerperio in hanc usque diem ferè continuam, quod suppressum à menstruum periodo, usu Aquarum Picuncellæ, & facta deterfione materiæ excrementitiæ, recurrit, & adhucnum durat: necnon in sanguinem uberius manantem, post abortum quàm alioquin ex naturæ lege, quolibet mense: quarum tamen neutram censeo esse causam immediatam: non quidem primam, quod fluor ille parior semper sit, & in totum ferè subsistat: nec alteram; quia non rarò accidit, ut sanguis majori copia, facta conceptione effluat; quàm antea; cum tunc uberius ad uterum influat, formando, & alendo fœtui; ut propterea, juxta cum Viris Præclariss. non aliam agnoscam, quàm imbecillitatem retentricis uteri; cum nulla se prodatur accimonia, quæ expultricem irritare possit; atque ab omni prorsus motu abstinuerit Illustriss. Matrona utero gerens, abortus metu. Imbecillitatis verò autor est intemperies frigida, & humida ejusdem uteri, laxatis illius ligamentis à continuo muliebri profluvio, modò copiosiori, modò pariori; cum languidioris ejus caloris indicium præbeat luculentum primus Illustriss. Matronæ puellæ partus, quæ frequentibus, & gravissimis epilepticis insultibus convulsa, sex post mensibus extincta est. Retentricis autem uteri imbecillitatem fovere potuerit intempestivus veneris usus, fluentibus adhuc lochiis; quam forsitan auxerunt, cum frequentes fluxiones, tum continuas ferè proventus serosæ humiditatis in ipso utero, & venoso genere, necnon in ventriculo, à quibus in caput exhalantibus, vertigo quædam & capitis gravitas induci potest; prout ab iisdem in utero conclusis, madet semper ejus substantia, languescitque calor nativus; atque infarcta vasorum oscula, quæ cotyledones Hyppocr. lenta, & mucosa pituita, fœtum præ pondere continere non possunt, Hipp. testimonio 5. Aph. 45. Quorum causâ Nobilissima Matrona vel non concipit; ex Hipp. 5. Aph. 62. prout contigit triennii spatio, à primo legitimo partu; vel conceptus saltem excidit statim, qui tamen legitimus non est; accedente forsan Illustriss. Marchionis imbecilliori semine.

Ex quibus luce clarius patet, difficillimum fore, ut Illustriss. Matrona perfectum, & legitimum fœtum ad partus justum tempus perducatur; cujus tamen aliquam spem facit florida ejus ætas, Illustriss. Marchionis consistens adhuc; cujus firma corporis constitutio.

Agè igitur, ac præmissa universali purgatione accomodatæ præparantibus, & purgantibus redundantem pituitam, & serositatem melancholicam, misso in primis sanguine medio tempore ex vena jecorata, adhibeantur moderatè calefacientia, & validiora exsiccantia, non sine aliqua subadstrictione, roborando utero.

Materias remediorum præparantium, & purgantium consultò prætereo, ut notissimas Viris præclarissimis, affectionis hujus curationi præfectis: nisi quod hiera picra Galeni, majoris deterfionis causâ; & cremor tartari non omninò sint prætermittenda; atque in purgantibus, missis validioribus, inherendum sit agarico, senæ, & rhabbaro. Ab hac verò totius accurata purgatione, mihi quàm maxime commendatur repetitus decoctus ex ligno Indico, & radice chinæ, cum lentisco, & modico sassaffras, parati in jure columbæ turricolæ, additis betonica, stœchade, calamenthâ, & cichorio, missis aliis refrigerantibus, cum levi sudore: cujus ope, ut & purgantium, diureticorum, & frictio-num, sanavit Gal. uxorem Boëti fluore muliebri, gravissimo, & antiquo laborantem. Quod si Illustriss. Matronæ præstò essent Aquæ Thermæ sulfureæ; Lucenses scil. & potissimum nostræ Aponitanæ, curatio ha-

rum usu absolvi posset, potu, balneo, & infusu; immissa pro more in uteri vaginam cannula illa foraminibus pervia; cujus calorem nativum fovebunt Luta magni balnei D. Petri, aut D. Helenæ ipsius regioni applicita, cum capsula, supposito linteo raro, semel per diem, horæ spatio, & diutius. Quæ quidem præsidia naturalia quibuslibet aliis arte paratis præcellunt; non prætermittendis conservis, fomentis, injectionibus, & aliis uteri intemperiem contemperantibus, & adstringentibus, non tamen frigidioribus, & impensius adstringentibus, ne serosas & pituifas materias in penitiores ejus partes impingant, immixtis semper à proprietate juvantibus.

Quibus respondear recta victus ratio: quam ut notissimam brevitaris studio præermitto. Atque hæc portiora censuimus, quibus voti compotes fiant Illustriss. Conjuges, & optata latentur prole. Quod facilius continget, si Illustriss. Marchio levem quandam purgationem admiserit; corroboraro calore ejus innato. Succedente verò conceptione, non præter rem censeam aliquam sanguinis missionem ex partibus superioribus, antehac administratam; ea lege ut liberalior sit per vires, & repetita quolibet octavo, vel decimo die primò quidem ex jecorata dextra, tum ex sinistra. *Idem ibidem.*

De Mola Pro Nobili Matrona.

Cum matrona Nobilis, temperamenti calidi, & humididi, floridi coloris, habitior paulò, sæpius antehac conceperit sine ulla noxa, & lacte in mammis; editâ quinetiam in lucem sæpius utriusque sexus prole; abortum aliquoties perpessa, decem abhinc annis concipere desit, menstruis, licet ex naturæ præscripto semper fluentibus; discussa medicamentorum ope levi quadam duritie octo abhinc mensibus in dextro hypochondrio suborta. Decimus quintus verò agitur mensis, cum menstrua illi subsisterent per duos menses; atque tertio non sine gravi suspitione prægnationis; cum potissimum majori in dies incremento intumuerit; atque idem motus in ipso manifestus fuerit, quem antehac dum fœtaret, percepit; mensibus citra ullam offensionem subsistentibus. Quanquam verò ex signis quæ se produnt, ipsam non concepisse conjectari posset, quod decem abhinc annis non conceperit, atque menses hac ætate non fluxerint, quia alioquin ex naturæ lege plerumque sisti solent, in habitioribus potissimum, citra ullum incommodum; contrarium tamen præfata illa accidentia suadent; & potissimum quod mentium suppressio repentina nullum invexerit symptoma; illis parcius fluentibus tertio mense; ac postmodum prorsus subsistentibus citra aliquam noxam: quorum causa statuendum omnino censeo, juxta cum Virò Præclarissimo, Nobil. Matronam concepisse; cum earum in primis suppetant exempla, quæ per decem, & plures annos infœcundæ postmodum conceperunt. Namquid verò fœtus, vel mola gestetur, non abs re hæsit Vir Præclariss. nondum exacto decimo mense prægnationis; cum rariùs partus undecimum attingant, quanquam molam potius quàm legitimum fœtum statuendum, censeam, aut aliud quid præter naturam, cum sola hæc tremuli cujusdam motus autor sit; vitalis scil. atque diutius utero gestari possit, incolumi alioquin muliere & coloris floridi: in qua pondus, stante muliere, in inguina procumbit: & quæ devolvitur in quodcunque latus decubuerit mulier; doloris cujusdam lumborum causa, ex concitato corporis motu; cum grandior est, ratione ligamentorum ipsius uteri. Cum autem hujus causa sit sanguis menstruus crudior, à semine minùs elaboratus, facili negotio hac ætate, & temperamento luc succrescere potuit. Quæ nonnisi aliquo temporis spatio, & magno labore exturbari poterit; cum potissimum uterus facile ferat

ferat ejus consortium, citra ullum parientis incommodum, cujus causâ per annos quandoque gestari consuevit.

Non tamen supersedendum censeo medicis præliis; quæ ipsam excutiant; quâ irritatâ uteri expultrice; quâ laxata ejusdem retentrice; cum periculum alioquin immineat, ne vel putrescens in utero, febrem, & mortem tandem invehat; vel in ampliorem molem excreseat non sine graviorum symptomatum metu.

Universum itaque corpus accuratè expurgandum; præscriptis attenuantibus, & incidentibus validioribus; putrâ oxymel. scyll. syr. de hyssopo, & de artemisia, capill. Vener. quæ excipiant validiora purgantia, pil. scil. de hiera cum agarico, & aggregativæ; & demum hieræ magnæ; non omisiss quandoque vomitoriis validioribus; quandoque verò clysteribus acribus, ex colocynthide, centaurio, beta, & mercuriali, cum el. de bened. laxativa, mell. ros. sol. & oleo amygd. atque sternutamento sæpius repetito. A quibus, ad validiora interna & externa progrediendum censeo. In internis erunt, decoctum paratum ex ciceribus rubris, cinnamomo, ammomo, aristolochia, sabina, iride, & nepeta, cum melle, tum bolus ex opoponace, sagapeno, & castoreo, addito semine dauci, & seseleos, cum aquâ melisophylli, vel drach. i. myrrhæ, cum mulla; & alia hujusmodi. Externa, suffitus aromatum, muliebria ducens; pessarium item paratum ex Therebinthina, styracæ, myrrha, sabina pulverizata & melle despumato, vel aristolochia, abrotanum, sabina, & semen rutæ pulverizatum, & inclusum in sericea sindone ratori, pessarii formâ; quod oleo liliorum alborum imbuendum, & in vagina uteri detinendum; fiantque frequentes uteri inunctiones, oleo irino, chamæmelino, & liliaco; necnon intestus in Aqua communi; cui incoctæ fuerint eadem herbæ, vel hujusmodi aperientes, & laxantes; injectiones item uterinæ ex iisdem oleis.

Quibus accedat vehementior corporis motus curru; per loca confragosa, & aspera rapidissime citato; quo disruptis molæ ligamenti facilius excutiat, *Idem ibidem.*

De Pluribus Molis; linguae Paralyfi, & Cachexia Pro Illustriss. Comite.

Portento sanè simile est, quod à Viro Præclariss. oculata fide nobis narratum, Illustriss. scil. Comitem, quadragenariam plures quàm centum quinquaginta molas unico partu edidisse, variæ quidem figuræ, lacertarum; cochlearum, & cancrorum fluvatilium, non sine profuso sanguinis fluxu. A quibus, linguae paralyfi correpta est, & totius corporis stupore; cum cachexia & muliebri profluvio, quibus adhuc num afficitur, linguae; & totius corporis motu incolumi; quorum causâ nostram implorat opem, quo pristinam valetudinem consequatur.

Supponendum itaque, harum Molarum efficientem causam non solum fuisse invalidum virile semen: in quod potissimum refertur ab Hipp. Arist. Gal. & aliis Medicinæ Scriptoribus; sed & sanguinem crudorem, in quadragenaria, temperamenti humidioris redundantem: quem in Virginibus quinetiam, cum muliebri semine, solam censent molarum causam plerique Medicinæ Scriptores: quanquam eas vitâ carere sine maris semine; communi doctissimorum Virorum sententia receptum sit; nisi ab incubis ortum ducant, quod aliquando contigisse prodidit Marcellus Donatus, lib. 5. de Historia Medica Mirabili, sub finem Cap. 25. ubi molas vitæ expertes memorat; à solo muliebri semine conceptas monstrosas; & vitales, ex congressu genitas. Statuendum propterea, in Matrona Nobilissima magnum pituitæ, & serositatis proventum succrevisse, ob labe-

factatum calidum innatum cerebri, jecoris, & ventriculi habitus cachectici, & muliebri profluvii causam; cum cachexia sit intumescencia, modò totius corporis; modò faciei tantum, & oculorum, aliquando verò manuum, ac pedum, cum pallore: cujus aliam non agnoscit causam Galenus, quam sanguinem crudum, & pituitosum in imbecillo jecore genitum: quæ proinde vel est via ad hydropem, vel ipsius principium. Neque muliebri profluvii alia fuerit causa, quàm idem sanguis crudior, & serosus, ad uterum influens; accedente imbecillitate caloris innati ejusdem, hujus materię feraci; cujus ratione tum muliebri nuncupandum, ex ejus decubitu à toto venoso genere; tum uterinam, ex eadem in ipso utero genita. Paralyfi autem linguae; & totius corporis stupor, ortum facile ducere potuit à mœore concepto ex partibus admodum monstrosis; juxta Divini Hippocr. effatum, sect. 7. Aphorism. Quadrag. Quibus derepente lingua fit incontriens; aut pars aliqua corporis attonita stupor, est signum melancholicum; ac proinde statim cedens; quamquam admitti quineriam possit levis obstructio nervosæ substantiæ; quæ vesicantium, aliorumque validiorum revellentium ope facile cessit.

Uterque verò priorum affectuum gravissimus est; cum hydropem minetur; atque curationis difficilis; cum languidioris calidi innati viscerum principum soboles sit, in Matrona potissimum consistentis etatis.

His itaque curandis, inhærendum evacuantibus, divertentibus, & roborantibus internis, & externis, ex fonte Chirurgico, Pharmaceutico, & Diætetico depromptis.

In Chirurgicis, primas obtinent frequentes asperæ frictiones totius corporis, qua prorsus ratione ipsis usus fuit Gal. in cura uxoris Boëri muliebri profluvio laborantis, Libro de Præcognitione ad Posthumum; cum sanguinis missioni nullus sit locus, ob ejusdem profluvium jam memoratum.

Pharmaceutica erunt Attenuantia, Purgantia, Diuretica, Sudorifica, & Roborantia, præmissis lenientibus, manna scil. electa, & mechoacan, & exhibitis syrupis ex oxymel. scyll. syr. de hyssopo, de prassio, de mentha, & de absinthio; cum paucò diluto. Purgandi humores pilulis de hiera cum agar. vel de hiera dialococynthidos; non neglectis levioribus, & validioribus hydragogis; & potissimum elaterio, ad gr. duo, in mixto pilulis alæphanginis; cum eadem sit curatio cachexiæ, quæ ascitis, à qua differt tantum secundum magnis & minus. Quod si Illustr. Matrona vomitum facilem habuerit, non abs re censerem illum sollicitare quandoque radice asari, floribus genistæ; vel hujusmodi: quippe qui ab utero revellat. A quibus decoctum aliquod præscribendum ex ligno sassafras, lentisco, & medulla ligni Indici, cum radicibus fœniculi, asparagi, & rasci; necnon seminibus cumini, anisi & dauci, mentha, absinthio, & matricaria; paratum cum gallo juniore saliro, præmissò bolo ex trochiscis Cyphæos, de eupathorio, & terebinthina Cypria. In quibus & dialacca, diacurcuma, lithospermum erunt ex usu; illi intillatis quinque, aut sex guttulis spir. vitrioli, vel spir. salis. Cujus usus erit tres, vel quatuor hebdomadas, sollicitato sudore semel per diem, doliolis aquâ hydroticâ fervidâ repletis; vel etiam pane furfuraceo à forno recenti: arque octavo quolibet die exhibitò purgante medicamento, cum victu tenui, & attenuante; in quo condiatur panis seminibus fœniculi, coriandri præparari, & ameos, & quibusdam aromatibus. Vinum verò sit modicè generosum, tenuis substantiæ, & montanum; quod interim medicatum parari poterit ex iisdem, quæ decoctum constituunt; quod tota hyeme pro potu erit. Tandem visceribus principibus corroborandis. magnis antidotis locus erit: Theriacæ scil. & Mitridaticæ confectioni, præscripto victu

attenuante, exsiccante, & boni nutrimenti, aromaticis condito: cujus cura penes Viros Præclariss. fuerit. *Idem ibidem.*

Ad prohibendum Abortum, ac Mola generationem, & de aliis Affectibus. Pro illustriss. Maria Marfi, Lucensi. Ad Virum Doctissimum Franciscum Mariam Floreminum, Medicum Lucensem.

Apollinæ Artis Oraculum consulentibus fœcundæ prolis causâ à Præclar. Viri sententia doctrina & usu Artis præstantis, qui omnia accidentia accuratissimè observavit, recedendum non censeo, atque enarrata conceptionis vitia in morbosam Nobil. Matronæ constitutionem potius quàm Nobilis ejus conjugis affectiones referenda, cum femella abortu exclusa impurioris sanguinis indicium præbeat; maturiores verò partus, ab imbecilliori retentrice, ob exuberantem humiditatem ortum ducant, prout exomphalos ille gravis in illorum duobus atque tertio immaturiori subortus, eandem causam; juxta cum serosæ materiæ affluxu agnoscit. De mola verò gravior occurrit difficultas, namquid scil. virilis seminis, vel sanguinis menstrui vitio producta sit, cum divinus Hippocrates juxta cum Peripareticorum Principe, virilis seminis labem ejus causam statuatur, dum prodidit, molam fieri, cum multi menses exiguum, & morbosum semen excipiant, qui copiosi menses non sunt præternaturam, quale semen est viciosum: ut propterea hujus causa princeps in seminis noxam sit referenda, in qua potissimam vis formatrix viget, quæ in conceptione informis molæ languet omninò, ac proinde in Illustr. Viri morbosam dispositionem, quam tamen in Nobili Matrona potius admiserim, triplicem potissimum ob causam: primò quidem, quod meâ sententiâ mater in fœtus formatione efficientis quoque rationem obtineat, atque ejus semen mixtum cum virili vi formatrice præditum sit, hoc indicio, quòd filiorum aliqui matri potius sint similes, quàm patri, ac proinde in Nobili Matrona non possit esse perfectè adèd elaboratum, & spiritu vivifico fœcundum. Secunda causa est, quòd licet concedamus non concurrere cum virili semine, admitti saltem debeat, utrum hoc receptum fovere, & conservare, qui proinde nisi optima præditus fuerit temperie, quæ in Nob. Matrona desideratur, vitiosis humoribus redundantibus, faciliè virile semen corrumpere possit, qua prorsus ratione locus conservat locatum secundum naturam constitutus; quod vicissim corrumpit, cum est iniqui inatus. Terriò, quia si quandoque producitur mola à redundante sanguine menstruo; potiori ratione corrumpi poterit semen ab eodem crasso, pituitoso, & vicioso; cujus magnus est proventus in Nobili Patiente humidioris temperamenti, & coloris pallidi, cum palpebrarum intumescencia; cujus ventriculus crudiorum humorum ferax est; atque menstruæ purgationes decolores, & parvæ; quæ antehac pallecebant: quibus accedunt dolores capitis, & comatosa affectio, apoplexiæ affinis, quibus laboravit antehac; necnon editæ molæ membranosæ, quæ pauca carne constant; crudiorum humorum, & pituitosorum indicia, quæ vim seminis faciliè obnuere possunt.

Quæ cum ita se habeant atque fœtus numquam labem omnino vacuaverint, immaturè proinde editi, aut statim ab ortu extincti, non nisi multo labore causæ morbificæ jam confirmatæ removeri poterunt: aliqua tamen spe concepta, fore ut Medicis præfidiis adèd infringantur, ut fœtus etiam perfectos, ac vitales paritura sit.

Quod ut consequamur, totum corpus est accuratissimè expurgandum; caput peculiariter evacuandum; ventriculus à cruditatibus emundandus; ac tandem totum cor-

pus, caput, ventriculus, & uterus omni studio exsiccanda, & moderatè calefacienda; missò interea venereo congressu, ut & tempore purgationis, Vere scil. ne interpellat curationem.

Tunc autem toti accuratius expurgando, sanguinis nonnihil ex jecoraria mittendum fuerit, longius a menstruæ purgationis periodo; atque urgente admodum catarrho fonticulus sinistro brachio erit inurendus, quo alioquin superfedendum erit.

In Pharmaceuticis, leniatur alvus electuario lenitivo, cum speciebus hieræ picræ Galeni; necnon familiari usu pil. mastichinarum, & ex Aloë succo rosarum lota. Primi syr. sine diluto exhibeantur, oxymel. scil. simplex, syrup. de hyssopo, & de corticibus citri; cum modica emulsione seminum citri, per quinque dies circiter à quibus purgentur mox humores electuario lenitivo, diaphœnico, & modico agarico trochiscato; cum speciebus hieræ. Repetenda verò preparatio syr. compositis, de prassio, de beronica, & oxymelite compositis; atque absolvenda purgatio pilulis de hiera cum agarico, & aggregativis. Ab his Aqua Tetutaina alternato usu aliquot dies cum melle ros. sol. & cremore tartari, expurgando validius, & detergendo ventriculo maxime commendatur. Caput interim peculiariter expurgandum per nares, & os; paratis turundis ex radice cyclaminis, in nares immittendis; & masticatoriis, ex mastiche, staphyde agria, pyrethro, & zingibere, cum cera, & saccharo. A quorum usu progrediendum ad alterantia interna, & externa. In internorum censu duo mihi maxime commendantur, decoctum scil. ex ligno indico, visco quercino, & lentisco, eadem omnium dosi, cum modico sassafras, & herbis cephalicis, stomachicis, & uterinis, paratum cum columba turricola; præmissò bolo ex triphera, succo absinthii concreto, & speciebus diarrhodon Abb. cum syr. de artemesia; cujus usus erit viginti, & plures dies, cum blando hypocausti sudore. Aliud erit, usus Aquarum Thermalium sulphurearum, vel in patria; vel nostrarum Aponuarum; quarum præsens vis est in fœcunditate reparanda; per quindecim dies circiter, ad libras sex; primò addita quotidie libra, ad duodecim, usque; imminuta postea dosi ad minimam; præmissò semper syr. de artemisia; de capillo Veneris, cum drach. i. semin. fœniculi pulverizati; ea lege, ut perimeant. Tandem hydragogo evacuandæ aquæ; præscriptis deinde conservis stomacho, & utero dicatis. Externa erunt fomenta ventriculi, & totius ventris inferioris, ex vino generoso; cui incocta fuerint absinthium, calamintha, scordium & dictamnus Creticus; addito aceto, & sale, bis per diem; facta postmodum ejus inunctio, ne oleo mastichino, rutaceo, costino, & lentiscino; non neglectis frequentibus picationibus totius ventris inferioris. Utero verò suffitus aromatum, Capiti, pulveres capitales exsiccentes ex usu erunt: omnium tamen maxime Aquæ Thermales sulphuræ, & nitrosæ, cum stillicidii formâ capiti, ventriculo, & toti abdomini affusæ, tum infessu, utero adhibitæ, caniculâ foraminibus pervia in ejus cervicem immissa, non omissis à proprietate juvantibus, cum victus ratione, quæ his respondeat, exsiccante scilicet. Quæ potissima habui in salutem Illustriss. Patientis. *Idem ibidem.*

De iisdem Affectibus. Pro eadem illustrissima Matrona.

Quæ brevibus enarrata sunt à Viro Clar. literis ad nos datis, meam firmant sententiam, quòd humiditas exuperans in capite, ventriculo, utero, quinimo in toto corpore Nob. Matronæ cum nativi caloris languore, non solum abortum, molæ, umbilici prominentiæ, & aliorum vitiosorum partuum sit autor; sed etiam cachexiæ, fluoris muliebris, ischiadis, & universalis arthritidis,

dis, qua diutius atrocissimè torquetur. Numquid verò quid divinum, & occultum lateat, penes iudicium Vini Excellent. fuerit; qui nascentes affectus accuratius observare poterit.

Quicquid tamen fuerit, accommodata remedia, validius exsiccantia, moderatè calefacientia, & à proprietate omnino exigi censeo; intermisso in primis venereo congressu, ne concepto foetu perfectæ curationi instituentæ remoram objiciat: in qua corpus universum expurgandum accuratissimè, non simplici tantum, sed duplici, & triplici adhibita preparatione, & humorum purgatione, viribus semper consulendo.

In hac verò purgatione sanguis iterum educendus cum ex jecoraria, longius à mensium periodo, tum ex saphena, statim ab ipsis; atque præter fonticulum brachii sinistri, alter dextro interno femori inurendus erit, nisi aliis remediis administrandis cesserit affectus.

Ab accurata verò totius, & capitis purgatione, nullum remedium accommodatius censeo decocto ex ligno Indico, & falsa parilla, parato cum columba turticola, ratione ventriculi; simplicissimo alioquin, quo validius occultos, & refractarios morbos superare possit: cuius usus erit per quadraginta minimum dies cum victu tenui, pro virium modo, & exsiccante; missio vini usu; cuius loco erit mulla diluta, parata ex superstite decocti materia; à quo semel, aut bis per diem sudor eliciendus, pro tolerantia Nob. Patientis, subacto pane biscocto aquâ medicatâ ex eodem superstite ligno; atque octavo quolibet die exhibito purgante medicamento, cum sublimato dulci, ad grana 12. pervices, citatâ in primis alvo vacuis diebus, modò clystere epiceraftico, modò electuario de prunis sol. modò infusione sennæ, in eodem decocto. A quibus, ventriculo, & utero consulendum erit, stillicidio, infusu, fomentis & inunctionibus, Viro doctissimo quàm notissimis, cui sapienti sat pauca. *Idem ibidem.*

De Abortibus frequentibus, & Mola, aliisque gravibus Symptomatibus. Pro Nobili Matrona Lucensi

Syndrome malorum à decennio ferè Nobiliss. Matronam infestantium post nuptias, adeò disertè, & accuratè enarrata fuit à Viro Præclarissimo, & Artis peritissimo, ut eandem repetere supervacuum sit, ac proinde juxta cum ipso statuendum censeam, uterum esse partem per se, primò, & essentialiter affectam, quæ tamen affectionis suæ causam aliunde derivet, necnon jecur ipsum: cæteras verò partes per consensum, ex quorum viscerum morbosa affectione, omnia postmodum emanant symptomata. Quæ causâ forsân fuerit, cur affectus præsentis sint adeò refractarii, qui invalescunt potius Autumno, & Hieme; quàm Vere, & Æstate; quanquàm & præsentî anno etiam estate Nobil. Matrona gravius illis fuerit conflictata. Uteri autem affectio primo semestri conjugii se prodidit immaturo trium mensium partu, sive fuerit formatus foetus sive mola, quam primò triennio bis exclusit, necnon tumore, & dolore non rarè recurrente in sinistra parte infimi ventris, qua sinistrum uteri cornu, vel etiam testis retrahitur. Accedit, quòd menstruæ purgationes primis annis liberè erumpentes, parcius postmodum fluxerunt, penitus quandoque suppressæ; necnon, quòd melius habere visa est ab usu linimenti ex colophonia, & petroleo ventri inferiori, & pubi appliciti: quanquàm & progressu temporis non fuerit juvamento; quibus adde difficilem respirationem, privationem sensûs & motûs; totius corporis convulsivos motus, & dolores capitis lancinantes, deliria, aliaque hujusmodi symptomata, hysterica plurimùm; quibus cedenti-

bus convalescere videntur patientes. Uteri autem affectionem duplicem agnoscamus, ipsius scil. intemperiem calidiorem; cum copioso sanguine; qui molæ plerumque est causâ efficiens, juxta cum corrupto semine, dum à calore attractus in carneam molem informem concrevit, languente facultate feminis formatrice; cuius redundantis indicia præbent præteritæ hæmorrhagiæ diuturnæ, & frequentes. Intemperiem verò memoratam comitantur obstructions, pituitosi sanguinis soboles; qui ibi conclusus, & in vapores conversus, tumorem illum cum dolore excitat, in illo sinistro conspicuum. Nec solum essentialiter laborat uterus, sed & hepar sanguinis officina; quæ causâ fuit cachexiæ à principio morbi, diarrhææ diuturnæ; sudoris profusissimi ex balnei usu, & urinæ potum copia longè superantia. Quanquàm verò jecoris intemperies frigida censerî possit, ex labefactato calido ipsius innato, calida tamen affici potius crediderim, quæ purioris sanguinis loco ichorosum gignat; cuius meminit Hippocr. 2. in 6. Epidem. & Gal. in Comm. quod scil. non solum sit tenuis, & aquosus, sed virulentè insuper, & malignæ cujusdam qualitatis particeps, sanguinis potissimum melancholici soboles; qualis in Nobilissima Matrona redundat hoc indicio, quòd supra sexum literarum studio sit addicta, tum quòd ulcus subortum sit; cum dolore, maculis livescentibus, & subactis toto corpore efflorescentibus; necnon quòd medica præsidia noxæ potius sint. Quibus accedunt vigiliæ, & variis phantasmatibus interruptus somnus; de quo tamen certius iudicium feret præsens Vir Excell. cui nota est intemperies Nobiliss. Matronæ, & vitæ ejus ratio antequam nuberet; de quibus nihil mihi constat. Hic autem sanguis melancholicus, & ichorosus inculcatus & impactus in uteri venis, cum bilioso potissimum mixtus, fieri non potest quin aliis partibus auram veluti quandam veneni participem, putridam, & tetram afflet, convulsivi motus, præfocationis uterinæ, delirii, & omnium malorum autorem, quibus accedunt variæ febres, pro variis humoribus crudis in ventriculo coactis, necnon biliosis, & atrabilaribus à fervido jecore transmissis. Quibus ita habentibus, facile patet ratio durationis harum affectionum, cum humor melancholicus in atram bilem facessens, vel ad eam vergens sit omnium contumacissimus, si accedat in primis hæreditaria dispositio, quam nunc vigere accipimus, ingravescit verò potius Autumno, & hieme, duplicem ob causam, primò quidem ob ætatis præteritæ æstum, melancholiæ feracem, cuius causâ quartanæ, & alii morbi ex melancholia Autumno frequentius invadunt, tum ob prohibitam eo tempore horum humorum diffusionem, per insensibilem transpirationem, oclusis cutis poris.

Ex quibus horum affectuum patet eventus, qui difficillimæ erunt curationis, si potissimum divinum quid ipsis accedat, non sine spe tamen futuræ sanationis eorum, juxta Hippocratis effatum: Morbi connutriti in senectâ desinunt, quorum scil. causâ est calida, quæ decursu temporis languescit.

His itaque curandis inherendum alimentis refrigerantibus, & humectantibus; in quibus lactis usus mihi maximè commendatur, nisi rensa fuerint hypochondria. Peregrinationes quinetiam ex usu erunt, necnon injectiones quædam uterinæ temperatæ, missis aliis validioribus præsidiis; præter sanguinis missionem, modò ex saphena, modò ex venis sedalibus, ablegatis omnibus calidioribus exsiccantibus, cum noxæ illi fuerint. *Idem ibidem.*

Mola Aquosa, & Mensium imminutio, cum aliis Symptomatibus.

Articulorum dolor genuum præcipuè, per intervalla succedens, stomachi molestia pene continua, tristis, & fere assidua capitis sensatio, frequens pituitæ vomitus, tum noctu, tum interdiu perturbans, viscerum insignis obstructio, ventris inflatio, cum laterum gravitate, incerti & inordinati Menstruorum eventus, potissime sunt affectiones, à quibus Nobil. Patiens diutius afflictaur, & à quibus expediri desiderans, jam sexdecim abhinc mensibus Purgationem Patavii primum iniisse commemorat; qua nondum absolutâ, neque adhuc obstructionibus integre everfis, quia Conjugis discessus urgebat, sine usu Balnei per aliquot dies discedere voluit, ac, postmodum acquiescens consilio, ut cum in Patriam rediisset opportunis repetitis auxiliis, ad potum aquæ B. V. deveniret, eam per tres tantum dies cepit assumere; sed quia ob fervescens Solis æstus longius advecta putruerat, ita ut ori nauseam, & stomacho molestiam induceret; ideo ad Nocerianas aquas lubentius confugit; sed ab his etiam, aliquibus transactis diebus abstinuit; tum quia ad nundinas extra Urbem profecta, domum rediens, è cutu dejecta est, toto concussa corpore, capite præsertim & facie: tunc interim hujus usum omittere satius creditum est, tum quia per tres fere menses, Menstruis deficientibus paulatim venter intumescerebat cum insigni duritie, circa Uteri regionem præcipuè: frequenter & fere quotidie, antequam è lecto consurgeret, vel statim ac surrexisset, vel in prima cibi, aut potus assumptione, aquæ plurimum evomebat. Si scalas ascenderet: respirandi difficultate & gravitate anhelitus premebatur; assiduus renum & laterum dolor vexabat, insignis appetitus dejectio, mammarum tumor equalis; optimus atque jucundus faciei, & universi corporis color, gravidationis indicia credebantur, & me cautum reddebant, ne id fortasse contingeret in remediorum progressu, quod de Studiosi & Docti Medici Uxore narrat Zacutus, ibi adducto gravissimorum Auctorum contextu. Hoc tempore tubercula tam in brachiis, quam in cruribus eruperunt, quæ sponte postmodum evanescente, maculas & impressa in cute vestigia relinquebant, nec ullo remediorum usu ad pus unquam deduci potuerunt, ut in aliquibus tentatum est: laxa etenim effecta solummodo, per incisionem paucis effusis sanguinis guttulis sanabantur. Predictorum igitur symptomatum causa, invalescens quotidie prægnationis suspicio, à validiori Curatione animum diu revocavit, qua certo & multiplici affectui prospicere potuissem. Sed has inter anxietates Menstruorum exitus qui circa finem tertii mensis apparuit, amplius dubitandi ansam eripuit; & sic imposterum aliquando alternis Lunationibus, tum magis, tum minus, aliquando nihil per aliquot menses effluxit, donec post varia & assidua habita ruri exercitia, post frequentes agitationes quibus aut in rheda, aut in cisio, tota æstate vagata est, tandem Septembris initio, cum per mensem integrum Menstrua destitissent, imminente Purgationis tempore, aliquot tantum sanguinis guttas effudit: sed noctu, dum crederet ab Utero sanguinem ultra modum erupuisse, mane maximam puræ aquæ copiam ex ipso effusam esse comperit (non minus, ac Mulieri à Fernelio memoratæ contigerit) quæ per plures etiam dies paulatim atque guttatim destillare non desit, donec in præsentiarum atri ac nigerrimi sanguinis quantitas per tres dies feliciter exiit. Sed recensitis adhuc perdurantibus affectionibus & earum symptomatibus, prout compendiaro huc usque proposui, atque recensui, cum maxima illi sit, non tam salutis propriæ, quam suscipiendæ Proles aviditas, ac universi corporis, maxime præsens Uteri status tam arduè repugnet, Patientis desi-

derio & repetitis instantiis obsequens, ad Sapientissimam Doctrinam, veluti ad Apollinis Aram.

Venimus huc lapsis quæsitum Oracula rebus.

Dum Viri Excellentiss. exactissima relatio de statu Illustri. atque Excellentiss. Marchion. ad meas manus pervenit, in mentem venit me eandem hîc Patavii vidisse, valetudinariam vitam ducentem, ejusque abdomen tetigisse, obstructiones in mesenterio potissimum, sed & in cæteris visceribus continens, cum Menstruorum imminutione & symptomatibus hypochondriacis. Pro quibus debellandis aut saltem magna ex parte imminuendis, fuit inita Purgatio; quæ tamen ob Conjugis statum insalubrem atque morbosum, periculi plenum, ritè & rectè expleri non potuit: ideoque mirum non est, si felicem & optatum finem consecuti non fuimus; sed potius ipsius status in deteriorem lapsus, dum neque isthic pro corrigenda hepatis, sanguinis, & renum calida intemperie medicis intentionibus satisfactum est, & ita pravi sanguinis apparatus in toto venoso genere congestus fuit, qui ideo faciei & totius corporis colorem non deturpavit, quoniam valida Natura portionem improbiorem aliqua ex parte ad brachia & crura, sicuti multò magis ad Uterum ipsum deposuit, quo obstructo, omnino Menses suppressi sunt, imò corpus ejusdem repletum, veram conceptionem simulavit, quam falsam tandem detexit repentina post Menses aquæ copiosæ profusio, quæ potius aquosam molam, quam Uteri hydropem nobis significasse credo: cum mali habitus nullum indicium extiterit, & tumidus tamen fuerit à tua diligenti manu Uterus deprehensus, & mammae tumide sine lacte observatæ. Egressa autem confertim magna ex parte, indeque guttatim paulatim ipsa aqua à colliquante calore ex cruditatibus antea genita sanguis Uteri vasa obstruens, niger & crassus apparuit, qui medendi normam nobis insinuat; quandoquidem omnia mala enarrata, omniaque symptomata à vitiatò sanguine procedere concludo, huncque à viscerum intemperie, acquisita potius, quam naturali existente, & ab obstructionibus adaucta; quam facile introducere potuerunt animi pathemata, & fovere aëris istius Mantuani lacustris qualitas. Idcirco de specie propaganda non est quod cogitemus, individuo, visceribus & Utero male affectis.

Quare omnia agenda, ut voti compotes fiamus, neve Matrona Excell. ad deteriorem statum ducatur. Et quamvis reclamare videatur anni tempus non adeo Purgationibus opportunum, nihilominus quoniam bipartita debet esse Curatio, ideo pars una hoc Autumnali tempore perficienda, altera in Ver venturum erit differenda.

In præsens itaque, expeditis primis viis, obstructionibus referendis incumbendum, deinde massa sanguinea purificanda, ut tandem Uteri vasa aperiri possint. Cæteris autem intentionibus Verno venturo tempore erit satisfaciendum.

Et si de Chirurgicis remediis loquamur, utique necessaria erit ex venis superioribus repetita sanguinis missio, si prima vice crassus & niger fuerit inventus, tempus tamen eligendo à menstruis purgationibus eque distans; ex pede verò in præsens aut prorsus omittenda, aut saltem, quantum fieri potest, differenda, & nonnisi fortasse hystericis urgentibus præfocationibus eligenda: impura namque existente massa sanguinea, valde suspecta est habenda, ne sanguinis crassioris major quantitas trahatur ad Uterum, & ita adauctis obstructionibus, Menses omnino supprimantur.

Pro primis viis expiandis, potio clarif. ex manna, & syr. ros. solut. præberi & repeti poterit, interposita quinque aut sex dierum humorum præparatione julapio acet. ad ℥. iiii. corticibus citri, & frustulo cinnam. alterato.

Inde ad primas mesenterii obstructiones deturbandas deveniendum, à valde calefacientibus & exiccan-

exiccantibus abstinendo; ideo succi depur. & per arenam trajecti ex usu esse poterunt cich. borag. & endiv. in decoct. Cichorac. additâ malvâ. in quo dissolvantur gr. xii. salis tart. fixi. Transactâ hebdomadâ, præbeatur minorativum Purgans ex flore cass. cum pil. de tribus, cui post horam superbibat aut serum, aut aquam Nocerianam, & tribus horis ab epota aqua prandeat. Inde ad ultiores obstructions referandas succis pariter depur. ex cich. agrim. atque fumar. erit utendum, additis granis tartari vitriol. in decoct. Cichorac. foliis additis cuscute & scolopendrii; in quorum usu 12. aut 15. diebus insistendum, & in horum intermedio atque fine, Purgans erit exhibendum, quod præter florem cassiæ, electuarium de succo ros. & pilul. de tribus contineat, semper superpræbendo aut serum, aut aquam, ut supra. Et si Viro Excell. arrideat usus syrupi Ferneliani in nostris Consultationibus descripti, dum ab Excell. Patiente facile feratur, optimus erit: facultatem enim in se continebit, non solum obstructions aperiendi, verum etiam massam sanguineam deputandi.

Tandem Uteri vasis obstructis occurrendum erit, & quoniam pars illa longè à ventriculo distat, ita ut non adeo facile Aperientia illuc pervenire possint, ideo validiora sunt usurpanda, inter quæ validissimum est nostrum circulatum Aperiens, ex sale Martis, sale urinæ pueri, & sale tartari, non sine magno labore & industria Veneriis ad signum Sacræ Margaritæ à D. Hieronymo Rizzeto Pharmacopola Spagirico præparatum. Exhibetur autem quindecim aut viginti diebus ad ʒʒ. in cyatho aq. stillat. capill. Ven. & attemisiæ, cui addi possunt quoque grana salis pariter attemisiæ.

Hæc sunt quæ hoc anni tempore etiam frigido administrari possunt, cum humores huiusmodi, sicuti quoque partes affectæ, per centrum expurgari expostulent; dum interim ventriculo quoque robur aliquod addi poterit, at cautè, ne jecur magis magisque accendatur, exhibendo statim à prandio duo grana mastiches integra, vel salem absinthii, aut confectionem ex ol. legitimo cinnam. & saccharo paratam. De ceteris verò suo tempore scribendum; sicut victus rationem silentio obvolvendam, Viro Doctiss. atque Eruditissimo præscribendam relinquo, & reliqua omnia suo prudentissimo judicio, non solum executioni mandanda, verum & alteranda, & mutanda, si ita videbitur, libenter committo. *Raymund. Joh. Fortis Consultat. & Responsion. Medicin. Tom. 2. Cent. 4.*

Molæ cum Melancholica & hypochondriaca affectione.

Illustrissima & Nobilissima Comes trigessimum secundum annum agens, temperamenti à naturæ primordiis totius & jecoris ad calidum & humidum vergentis, olim habitus carnosus & rosei coloris, nunc verò potius gracilis, floridum tamen colorem servans, aromatibus, gingibere præsertim & caryophyllis in pubertate multo tempore abusa; anno ætatis suæ decimo septimo ventriculi & hypochondriorum doloribus frequenter corripitur, qui ab assumpta granatorum tinctura, necnon pulvisculo quodam purgante cedere solebant, subsequenter tamen animi passionibus, quæ à causa quoque externa, à diuturnis nimirum Parentum morborum affectionibus, magisque tandem ab obitu eorundem, fomentum, imò incrementum susceperunt, unde gracilior quoque evadere cœpit. Anno ætatis suæ vigesimo sexto Viro Nobiliss. juveni, jecoris & renum calidiori intemperie prædito, sed alioquin sano, nupsit, & quarto mense molam; decimo quarto verò post mense, filium peperit vitalem: sed post septem menses rursus Molam edidit; anno verò

transacto, filiam rursus vitalem concepit ac peperit, in cuius Puerperio de flatuositatibus copiosis cum animi deliquiis, stomachi fastidio, evaporationibus in partes superiores conquetti cœpit; quibus cremore tartari, levioribus Purgantibus & acidulis aquis provisorium fuit, exiguo tamen cum levamine. Quarto mense à partu filii, rursus Molam ceteris minorem peperit: quatuordecim verò diebus à Molæ partu, lac asininum tres continuos menses in usum duxit, & nihilominus circa Solstitium hyemate flatuosus affectus valde recruduit, cum capitis imbecillitate, cordis palpitatione, insigni animi apprehensione, sine tamen deliquiis, adeo ut tres continuo menses decumbere cum fletu & morore coacta fuerit: quo tempore frequenter evomebat acida & amara, alvi que excrementa flava & nigra observabantur. Interim à Clysteribus nonnihil levabatur; vino chalybeato, pristina hordeacea, interdum cum cremore tartari, quandoque tamarindis de more utebatur. Tandem 1671. melius habere sibi visa est, & filium rursus peperit, qui secundo suæ ætatis mense obiit: Puerperium tamen habuit valde molestum, tum ob secundinam pluribus horis detentam, tum ob dolorem capitis subsecutum. Mox ad usum decoctionis herbarum & spumam chalybis sese contulit, interjecto tamarindorum usu, quibus ferè pristina sanitati restituta visa fuit. Hoc anno filiam peperit sanam atque superstitem, & à partu octo septimanas per Uterum commodè expurgata fuit. Omnes tamen jam dicti partus crinones passi fuerunt. Dum verò iter longum versus Italiam facere cœpit, rursus flatuosus affectus invaluit, causam referente Matrona Nob. in vini potum non consuetum, dum levi cerevisia in sua regione pro potibus utebatur, & cum duo menses sine menstrua purgatione præterierint, Patavii tandem levi occasione factum non completum abortivit, convenienti subsecuta lochiorum expurgatione. Cum autem me pro salute consuluerint Nobilissimi Coniuges, hypochondria manibus diligenter exploravi, & contumacissimas atque durissimas obstructions inveni, non quidem in visceribus principalibus, jecore nimirum atque liene, sed ferè totum mesenterium occupantes, & profundiores sub ventriculo in pancreate stabulantes, percepimus.

Quod Matrona hæc Illustriss. hypochondriaco & melancholico affectu, post diuturnum aromatum usum, & longam, infirmis Parentibus, ac molestam assistentiam, molestissimam verò affectionem ob ipsorum secutum obitum, correpta fuerit, mirandum non est: sed admiratione potius dignum videtur, quod quindecim annorum spatio, quibus hac affectione divexatur, duros tumores præter obstructions in visceribus non contraxerit, & quod Melancholia ad totum venosum genus sese non insinuaverit, sicque Nobil. Mulier ad majorem gracilitatem cum coloris defloratione non deveniret: cuius resistentiæ causam in ejusdem temperamenti ab ortu naturæ calidum & humidum, hilaremque naturam magna ex parte referri posse puto: quam tamen bonam temperiem à diuturno aromatum usu, & à motibus animi in calidiorem permutatam fuisse non est dubitandum, sicut modò à potu vini hæc caliditas præter naturam foveri & adaugeri observatur; & quoniam coctiones tum in ventriculo, tum in jecore non ab exuberanti, sed à moderato & suavi calore naturali, perficiuntur, hinc factum fuit ut cruditates in prima coctione olim generari cœperint, quæ in melaraicis atque glandulis insinuatæ ac firmatæ ab adaucto calore jecoris exiccatæ, in tetram tandem, immobilem atque melancholicam naturam conversæ fuerunt; à quibus clausuris calore adhuc magis adaucto, sanguis quoque exustionem quandam suscepit; unde flatuosa non solum affectio, sed melancholica quoque subsecuta fuit, flatuosa primò, quoniam natura, sive calor naturalis, Naturæ instrumentum, nunquam cessat in materiam illam præter naturam

exiccatam agere; unde flatuose exhalationes, crasse nimium, continuo elevantur, quæ utpotè difficulter solubiles, dolores ab initio hypochondriorum, progressu verò septum comprimentes, spirandi difficultates, & quodammodo suffocationes: cor verò & caput petentes palpitationes, timores atque mœrores frequenter excitant, dum ab eodem sanguine exusto fuliginosi vapores iidem exhalationibus commiscuntur, & ita melancholica quoque redditur affectio: cujus utriusque affectionis existentia clarè nimis patet; molesti namque flatus hypochondriacum affectum designant: ut propterea flatuosus ab ipso Galeno fuerit nuncupatus: sicut timores atque mœrores in præsens, citra causam manifestam, melancholici affectus præsentiam demonstrant. Cur autem melancholicus humor non ultra processerit, nec totum venosum genus progressu temporis inquinaverit, duas alias considero causas; altera est, quod cum ab adaucto calore alimenta in ventriculo, non modò imminute concocta, unde Bradypepsia, verum etiam corrupta jam fuerint, unde Dyspepsia, & olim ventriculi dolores, frequenti tamen vomitu acido atque amaro eiciebantur, eodemque tempore liquida per alvum deponebantur, & ita à jecore & venis divertebantur. Altera verò & potissima causa est, quod impurus sanguis copiosus ad Uterum ferebatur, sicque non solum ulterius semper menstrua prodierint, verum & ab ejusdem copia, & pravitate, virili semine suffocato, Mole conceptæ fuerint, quas, sanguine quodammodo depurato, conceptus vitales subsequerentur, & Musculorum, dum virile semen à copia & mala qualitate sanguinis menstruui non obrutum, proprias vires conservare & exercere potuit. Verum quoniam non usque adèd purus unquam fuit sanguis ipse menstruus, neque muliebre semen, hinc fœtus omnes cridonibus infecti & affecti fuerunt, impuri & excrementosi sanguinis ad circumferentiam & ignobiliores corporis partes à Natura detrusi argumentum evidentissimum.

Non me later hujusmodi affectus incurabiles communiter à Medicis existimari, & præsertim hunc Matronam Illustr. divexantem, primò quia longe distat ab ejusdem propria temperie necnon ab ætate, unde efficacior atque potentior arguitur causa; & sicut non adeo facillè introducit, ita introductus difficulter eximitur; secundò quia jam inveteratus Medentis manuum respuit, ut dicebat Galenus, & Trallianus cum eo. Nihilominus quoniam Nob. Patiens propria & majora nondum remedia experta fuit, & præscriptione herbarum & aliorum remediorum refrigerantium à Medico suo domestico aptissime instituta, non leve juvenem susceperat, tum etiam quod se obedientem fore pollicetur, cui fides quoque præstari potest, ob perseverantiam in antea acta victus & remediorum ratione: idèd quamvis non adèd facile, nec unico tractu integra salus sperari possit, repetitis tamen congruis opportuno tempore Purgationibus, integrè sanitati restitui posse non diffido: dum interim à medicis præsidiiis, & in præsens, & Vere proximo administrandis, futuræ salutis firmam spem concipere poterit.

In hunc igitur finem medicæ intentiones erunt: primas vias mundare. Secundò siccās obstructions, Humectantibus, Emollientibus & aperientibus reserare. Tertiò Humores, easdem facientes, ad evacuationem præparatos, Benignis evacuare. Quartò Massam sanguineam quoquo pacto depurare. Quintò Jecoris & hypochondriorum exuberantem calorem contemperare; & tandem flatus emergentes caute discurre. Quæ omnia præstanda sunt remediis ex Chirurgico, Pharmaceutico & Diæretico fonte depromendis.

Et ex Chirurgico unica desumenda sanguinis missio ex Jecoraria dextra, tempore intermedio æque distanti à præterita & futura menstruâ purgatione; hæc autem præsentē Medico molienda erit, ut Galeni monitu

sanguis è vena exiens diligenter observetur, qui si niger, uberius educatur, imò si niger fortasse atque crassus (quod ego non credo) exire perieveraverit, ultra vii. uncias, supprimatur, & potius ex altero brachio, duobus aut tribus interjectis diebus, parcaeductio repetatur; quod si ruber & tenuis in prima missione observatus fuerit, parcius, & unica vice erit emittendus. De missione sanguinis è venis inferioribus cogitandum non est, nisi fortan Menstrua imminutè prodirent. Frequentes tamen pedum lotiones ad vapores septum comprimentes, caputque petentes, retrahendo, prodesse poterunt, jejuno tamen ventriculo, tum mane, tum vespere administrandæ. Reliqua ex hoc fonte haurienda mox in progressu proponam.

Ex Pharmacia præcipua erunt desumenda præsidia. Et pro prima explenda intentione, Leniens erit flos cassiæ cum tart. vel syrupus ros. sol. cum tartaro, quibus jus hordei bibendum superpræbeat. Inde quinque aut sex diebus subsequenter Preparator erit hujusmodi.

℞. Juh. acet. ℥. ii. aq. flor. citr. ℥. i. s. aq. cinnam. ℥. s. m. pro syr. matutino, & sic pro aliis quinque; & si agre toleretur ab Illustriss. Pat. substituantur cremor tart. ad ℥. s. addita quoque sacchari semiuncia, & omnia dissolvantur in jure tenui, frustulo cinnam. vel cortice citri alterato. Transactis sex jam dictis diebus, repetatur Leniens ex flore cass. elect. lenit. & cremore tart. paratum: vel syr. ros. sol. repetatur, addita portione mannae, cremore tart. clarif. quibus pariter superbibat jus, vel aquam hordeaceam; hæcque prima expurgatio respicit humores crudos atque pituitosos in primis viis existentes, quibus Melancholici abundare solent: & ideo jubent Hippocrates, & Galenus cum eo, in affectibus melancholicis pituitam ab initio expurgari.

Ita ad secundam intentionem iter paratum erit, in qua diutius insistendum, cum esse debeat principalis, magisque cæteris omnibus necessarius Medici scopus, quoniam inimicissimam habemus in casu nostro siccitatem, inimicam caliditatem, cum siccitas à calore humidum consumente augeatur, & calor cum siccitate (quæ lima caloris appellatur) vehementius agat: tota verò Curatio hujus affectus consistat in exsiccatæ materiæ extirpatione, jecoris atque hypochondriorum exuberantis caloris remissione; ideo Nob. Patiens ad usum succorum deputatorum ducenda erit ita.

℞. Succi depur. & per arenam trajecti, endiv. borag. pomorum dulc. an ℥j. Decoctionis in jure pulch. patatæ, folior. cichorii, malv. viol. ℥v. Salis prunellæ gr. x. m. pro syr. & sic pro aliis septem: quibus assumptis, sumat postea.

℞. Floris cassiæ recentè extractæ, elect. lenit. vel dialsebesten an. ℥v. M. F. Boli, aut massâ quatuor horis ante prandium sumenda; sed post horam superbibat seri capriini, aut asinini ℥ij. tribus verò horis ab assumpto sero prandeat. Mox repetat eosdem succos, eodem modo & tempore, & hebdomadâ transactâ, rursus assumat idem medicamentum descriptum cum sero; deinde sequentibus diebus assumat succos ita.

℞. Succi depurati & per arenam trajecti, cichor. borag. aut endiv. agrim. an. ℥jss. Salis tartari volatilizzati gr. x. decoctionis cichor. borag. endiv. malv. melissæ, viol. ℥iv. M. pro syr. & sic pro aliis. Sequenti verò die assumat.

℞. Flor. cass. recentè extractæ ℥ij. Rhab. optimi ℥j. M. F. Boli summo mane assumendi: transactâ horâ ab assumptis bolis, superbibat seri capriini, aut asinini depurat. ℥ij. & tribus horis ab assumpto sero prandeat. Tertia die reassumat succos depur. ut suprâ, & quarto cassiam cum rhab. & sero: sicque alternatim perseveret ad 20. usque dies: ita namque massâ quoque sanguinea quodammodo depurabitur; succis autem, necnon bolis cum rhab. quotidie superdormire poterit, si somno indigeat.

His

His peractis, secunda intentione non adhuc discedendum erit ut ad reliquas explendas pervenire possimus; & idcirco tribus diebus summo mane assumere debet Nobiliss. Patiens serum Capræum, aut asininum depuratum ad lb v. præmissò parum ante vehiculo dejectorio syrup. ros. solutivi, quod serum superbibat jam dicto vehiculo commodè, nec affatim, sed spatio horæ dimidiæ, vel paulo plus, & duabus vel tribus horis ab epoto sero prandeat. Qua secuta ablutione & hypochondriorum, refrigeratione, ad usum lactis asinini sese conferat, quotidie summo mane cum saccharo, ut moris est: cui tamen non superdormiat, ne caput nimium repleatur: pergat autem 15. continuis diebus, & interim totò tempore hujus præscriptæ Curationis, venter quotidie illiniatur unguento malvino cum medulla crurum vituli, ol. amygdalino reformato. Transactis autem 15. lactis diebus, ad Acidulas assumendas sese conferat Nobiliss. Matrona, primis tribus diebus præmissò vehiculo dejectorio mannæ clarificatæ, sequentibus verò diebus cum vehiculo diuretico, quod esse poterit spiritus tart. rer. rectificatus ad ʒi. vel ad semidrachmam in primis cyathis. Dum autem sumit Acidulas, ventriculus aliquo pacto erit corroborandus; in quem finem statim è prandio deglutiat salis absinthii ʒj. in exiguo vino, sive cerevisia dissoluti. Terminato verò Acidularum usu, rursus ad usum lactis asinini sese conferat; in quod ad 40. dies saltem persistat, cum enim tophos etiam emolliendo dissolvere possit, exsiccatas quoque obstructions superare valebit. Eodem verò hoc tempore, horis vespertinis, duabus scil. ante cœnam, in Balneum descendat aquæ dulcis, foliis malv. viol. & salicis alteratæ, quod sit vix tepidum, nullo inodo calidum; & in eodem maneat integrâ horâ. Mox à Balneo inungatur totum corpus oleo amygdalino recenti, venter verò Linimento confueto; in hujus autem usu perseveret saltem 20. diebus.

Absoluto lactis usu, aliquod ex jam dictis Lenientibus, propinato quoque sero, semel erit præbendum, sicut etiam decimo quoque die, tempore lactis aliqua levis evacuatio procuranda erit; imò si Clysteres non abhorreat, ex lacte, butyro & saccharo parati, ventrem laxare, & refrigerare, atque humectare poterunt; sicque absoluta Purgatione quies Illustr. Matronæ erit permittenda.

Postremæ tamen intentioni ut satisfaciamus, aliqua flatus discutientia non sunt omittenda, cautè tamen in usum ducenda, exigua nimirum quantitate, & à cibo potius, quam jejuno ventriculo assumenda: horum autem descriptiones jam habentur in præteritis meis Commissionibus; rotulæ nimirum ex oleo legitimo cinnamomi; aqua totius citri, cum clyxir vitæ; aqua cinnamomi cum theriachali; quibus addo.

℞. Olei de Cortic. citri ʒj. Sacchari albi dissol. cum aq. flor. citri ʒij. M. & ad ignem fiant rotulæ S. A.

Item ℞. Pulveris assafras ʒß. Sacch. albi dissol. cum aq. cinnam. ʒij. M. & ad ignem S. A. fiant rotulæ.

Jam dictis omnibus tandem congruâ victûs ratio erit addenda, quæ jam in meis præscriptis exactè fuit instituta, sed exactius adhuc institui poterit à Viro Excellent. Adstanti, qui propitiâ fortunâ Illustr. Patientis, affectum hujusmodi non adeo apud omnes cognitu facilem, ejusque causas optimè cognovit ac penetravit: Idem. ibidem:

Observationes.

Pro Mola.

℞. Ass. foetid. ʒß. Sem. rutæ, cass. lign. ras. lapid. daetyl. boracis, an. ʒiß. Croci ʒß. Myrrh. theriac. diatessar. an. ʒj. M. detur ʒj. cum aqua sabine vel

Biblioth. Chirurg. Tom. III.

vino rhenensi, cum hac confectioe, quam de assa foetida vocat Joh. Tiengius, mulierem curavit à mola quam per annum gestaverat, & aliam etiam mulierem eodem medicamento liberavit à fœtu mortuo, exhibendo manè & vespere ante cibum ad ʒj. donec ab omnibus fætûs partibus fuerit repurgata: aliquando cum succo verbenæ & prassii mixto cum vino rhenensi, nudo etiam cum vino decoctionis verbenæ & prassii, & semper (inquit) gratiâ Dei benè successit. Petrus Forestus. Schol. observat. 63. lib. 28. De mulierum morbis.

Ad molam excutiendam, qua laborabat mulier quædam, symptomata alia satis exitiâlia eam insequi solita tollenda, machinor ejusmodi.

℞. Sabine, pulegii, fol. sennæ, an. M. ʒ. Coq. lento igne in feri lactis q. s. manè & vespere ex hac infusione unâ vice ʒ viii. ebibit calidè.

Postridie præter meam spem inola est expulsa & à multis gravissimis accidentibus liberata fœmina. Martinus Rulandus. Cur. 78. Cent. 6.

℞. Myrrhæ castor. an. ʒj. Sabine, boracis, an. ʒi. Fellis bovin. ʒß. Ol. succini, gr. 4. Croci gr. v. cum succo sabine F. pilulæ 14. pro duabus dosibus. Joh. Petrus Lotichius observat. 16. cap. 1. lib. 5.

De Mola in vidua.

Molam carneam aliquot annis (plus minus quindecim) in utero olim gestavit honesta quædam vidua: existimabat uterum prolapsum, quod in ostio uteri propendere aliquid sentiret; profluebant statim temporibus menses, & subinde copiosiores quam par erat: tandem quodam tempore, supervenientibus nonnullis partûs doloribus, rudem excrevit & informem carneam molem, pedem ferè longam, latam semipedem; tres quatuorve digitos altam; sunt verò & aliæ à recentioribus dictæ molæ, per quas venter distenditur non minus quam gravidis: unâ collectis in utero statibus; altera aquosis humoribus uterum implentibus: hanc molam speciem vidimus nos in vidua quadam, quæ defuncto marito, cum se gravidam relictam existimaret; nonis mensibus adimpletis, supervenientibus partûs doloribus, non nisi aquosos humores enixa est, à quibus liberata: lacte ubera repleta haud aliter, quam si fœtum peperisset. Rembertus Dodanæus. lib. observat. medicinal. cap. 49.

De Mola aquosa, carnea & ventosa.

Nobilis urbis nostræ mulier indubie honestatis, matrona quinquaginta sex annos nata carnoso ac sanguineo corporis habitu donata; cum jam per aliquot annos menstruæ purgationes defecissent, molas tandem plures carnosas edidit, fluentibus velut in naturali partu mensibus copiose & maximis cum cruciatibus, interposito nonnunquam duorum, aliquando trium vel unius mensis spatio; diligenterque percontata, se nullum seminis profluvium in somnis; nec ullam oblectationem perpessam constanter affirmavit: fluebant interim menses albi, erant carneæ molæ nonnullæ ad pugni crassitudinem, aliæ minores, durissimæ nonnullæ, aliæ minus duræ.

Jacobus de partibus historiam refert de mola aquosa per hæc verba: novi quandam generosam dominam, quæ se prægnantem esse credidit, & ita Medici visitantes eam existimabant: dum venit pariendi tempus, providerat de bona obstetricè, & compatribus & comatribus: multa aqua prodiit à matrice ipsius; & sic illa & Medici fuerunt illusi, & illico venter penitus detumuit. Molam ventosam se vidisse Ulisbonæ in quadam Hebræa testatur Valescus de Taranta in suo Philonio cap. de mola: huic enim cum se prægnantem esse existimaret, preparata sunt omnia, quæ

parturienti necessaria esse consueverunt, dumque obstetrices vulvam & uterum pertractarent, tanta ventositas sine alio humore exivit à matrice, ut mirum videri possit. *Marcellus Donatus. cap. 25. lib. 4. Hist. Med. mirab.*

De Mola comitante fœtum usque ad ipsius perfectionem, deque ejusdem Mola extractione.

Isabella Macé, filia Antonii Macé olim apud Genevenses Pharmacopœi vigilantissimi, nunc M. Eliæ Brunier, civis Lausannensis uxor, matrona ut ex piis & honestissimis parentibus oriunda, sic quoque honesta ac pia, corpore robusta ac plerhorica. Anno circiter ætatis 34. cum quieret utero gestaret, ad sextum usque mensem continuè, aut minimum alternis diebus menstruis satis copiosis, absque incommodo tamen & viriam prolapsu, laborabat. Elapso sexto mense, mox ex toto menstrua denuò absque incommodo suppressa fuerant. 22. Mart. qui finis fuit noni mensis prægnationis, parturientium doloribus correpta, puellam robustam & omnibus membris perfectam feliciter peperit, & secundinam mox ejecit. Post partum, quia dardiciem ac pondus in ventre sine molestia magna persentiret, alterum utero se gestare fœtum sibi planè persuadebat: quod verò obstetrix dissuadebat, nec manum amplius adhibere volebat. Die 23. & 24. satis bene se habuit. Sed die 25. correpta est febre, vigiliis, & maximis doloribus circa inuim ventrem & regionem ossis sacri, symptomatis singulis momentis ingravescentibus. Altero die Joachimo Rohaud, apud Lausannenses Pharmacopœo vigilantissimo, & decumbentis sororio, Enema injicere, ac postridie corpus leni aliquo medicamento purgare visum est. Verùm injecto clystere, & exonerato ventre, cum ægra denuò de re aliqua ponderosa circa pudenda conquereretur, me advocandum suavit. Itaque sequenti die, nempe 27. ad egram ingressus, ipsam febricitantem cum doloribus tum capitis, tum ventris & renum, nausæa item, ructibus putridis, vigiliis & inquietudinibus, aliisque symptomatis offendi. Ex quibus facilè mihi conjicere licuit, aut molam, aut simile quid in utero remansisse. Primò itaque sequens exhibui enema.

℞. Radicum altheæ & aristolochiæ longæ an. ℥j. Folior. altheæ, malvæ, Parietariæ, artemisiæ, melissæ, pulegii, Flor. chamomil. meliloti. an. M. f. Sem. fœnigræci, lini an. ℥j. Anisi & fœniculi an. ℥j. f. Coquantur in aqua ad consumptionem tertiæ partis. In ℥b. j. colaturæ dissolve Benedictæ laxativæ, Hieræ ex colocynthide an. ℥ii. Vitellum ovi unius, salis p. j. Ol. rutacei & Chamomil. an. ℥ij. Misce f. ita Enema.

Postea pudendis & imo ventri sequentem sacculum applicui.

℞. Radicum aristoloch. longæ ℥ij. Herbar. artemisiæ, Melissæ, Matricariæ, Sabinæ, Rutæ, Pulegii, Flor. Chamomil. Meliloti. an. M. f. Sem. fœnigræci, lini, fœniculi, anisi, seseleos an. ℥f.

Incidantur incidenda, reliqua contundantur, indantur sacculo triangulari, filo intertexto, ejus magnitudinis, ut inum ventris ad umbilicum ferè usque cooperiat, apex verò ad pudenda, & perinæum descendat.

Sacculum aquâ incoctum, calidè applicui. Ventrem & genitalia per horas duas fovi, interim quoque aliquoties coxas, genitalia, ventrem, atque os sacrum, calidè sequenti unguento inunxi.

℞. Ol. liliorum alb. Amygdal. dulc. de vitellis ovorum, lumbricor. an. ℥f. Pingued. anseris & Caponis an. ℥j. Postea.

℞. Farinæ fœnigræci & cydoniorum an. ℥j. Croci subtiliss. pulveris. ℥ij. Aquæ artemisiæ ℥i. Misce & post unicam ebullitionem addantur olea & pinguedines præscriptæ, fiatque unguentum.

Rejecto clystere, mox illam in dorsum collocavi,

tantumque corpus deorsum retrahere curavi, ut pedes in infima parte spondæ commodè inniti possent & circa genua parùm inflecterentur. Singulis item columnis inferioribus spondæ suum manutergium alligavi. His omnibus præparatis, dextram ab annulis liberam, superiori linimento inunctam, paulatim clementerque in uterum immisi, idque ut eo commodiù fieret, jussi ut manutergia manibus apprehenderet, pedibusque ad inferiorem spondæ partem firmiter insisteret, & simul parturientium dolores, & conatus, quantum posset, provocaret. Sic enim naturæ beneficio, genitalia aliquo modo dilatantur & aperiuntur. Manu immisâ utero, Mola vel massa illa carnea quæ magnitudinem capitis infantis ferè adæquabat, statim obviam venit. Rotunda autem erat, sed paulatim decrescens, tandem in spongiosam quandam substantiam desinebat, quæ utero ad dextrum latus, non aliter ac secundina solet in fœtu, tenaciter adhærebat. Manu itaque altius in uterum immisâ, digitis clementer paulatimque fungosam hanc substantiam ab utero separavi, atque unicâ vice totam hanc molam semiputridam & fœtidam, sine violentia & dolore, præsentem marito & Joachimo Rohaud, nec non multis matronis piis & honestis, extraxi. Appendebar præterea molæ huic alia quædam carnis portio. Verùm quia mola hæc semiputrida, putredinis suæ notam utero jam inusserat, jussi, ut per dies aliquot decoctum sequens bis aut ter in die syphone utero injiceretur.

℞. Hordei integri M. f. Scordii utriusque, rosar. rubr. Absinth. vulgar. an. M. f. Coquantur in aqua usque ad crepaturam hordei. In ℥b. ij. Colaturæ dissolve mellis rosar. ℥iiij. Pulv. Myrrhæ Aloës an. ℥i. Misceantur, iterumque per linteum colentur, & colatura tepidè utero injiciatur. Postea spongia hoc decocto imbuta, fortiterque expressa, pudendis calidè apponatur. Illa enim non solum corroborat partem affectam verùm etiam cum decocto utero injecto putridos humores paulatim attrahit, & absorbet. Ideoque, ejusmodi spongas duas, ut unâ applicatâ altera interim mundeatur & exsicceatur, habeas necesse est. Reliquis item symptomatibus, tum optima victûs ratione, tum medicamentis, prout necessitas imperavit, prospeximus. Ita ut intra septimanas tres, divino favore in integrum restituta sit Matrona illa, & etiamnum una cum puellulo, quem enixa fuerat, bona valetudine fruatur. *Guilielm. Fabr. Hildanus Observ. Chirurgicarum Cent. 2.*

De Molâ aquosâ.

Anno 1604. honesta quædam Matrona Bernensis, ad quinti mensis finem gravida, & parturientium doloribus correpta, ultra decem libras aquæ, tenacissimâ membranâ inclusæ, non sine conatu & dolore maximo, unâ cum membrana enixa est. Ego, cum adstantes matronæ medicamentum, ad fœtum expellendum propinare vellent, vocatus, in sedili parturientium matronam hanc animo, ut ita dicam, perculso atque disturbato inveni. Putabat enim, nisi fœtus expelleretur, de vita ipsius actum fore. At ego contra suadedam, ut sese in lectum conferret, quo amissæ vires rescicerentur, recolligerenturque: quapropter optimam victûs rationem, & medicamenta aliquot cordialia præscripsi, sic brevi in integram restituta fuit, & fœtum ad maturitatem usque gestavit.

Alterum exemplum molæ aquosæ, observavi in honestissima & pia matrona, sanguine mihi juncta: illa cum per menses aliquot se gravidam existimaret, interim tamen valetudine parùm recta frueretur, factum est, ut dum noctu cum marito rem haberet, impetu quodam copiosa erupta ex utero sit aqua, utcunque viscida. Venter mox subsidit, convalescitque Dei beneficio & ad hunc usque diem bona valetudine fruitur, & liberos aliquot progenit. *Idem Ibidem.*

Mulier septimo mense molam enixa, nono mense filium peperit, diu incolumem.

Nunquam fœtum, cui conjuncta est mola, ad maturitatem perfectionemque pervenire posse, Medicis in confesso est. Arrahit enim mola partem sanguinis & nutrimenti, inde languescere fœtus, fit abortus. Ego tamen honestissimam, ac piam matronam cognovi Dusseldorpię, quę cum gravida esset, septimoque mense parturientium doloribus oppressa, enixa est molam, quę magnitudinem capitis aequabat. Nono verò mense filium peperit, quem ad decimum septimum annum ætatis sanum & incolumem superstitem cognovi, qui tandem Wesalię peste obiit.

Anno 1599. Coloniae vocatus ad honestissimam matronam, Rütgeri Groppers filiam, cui per triduum parturientium doloribus laboranti, fœtum perfectum & maturum extraxi. Paucis post fœtus extractionem elapsis diebus, mola sese offerebat, eamque frustratim, & semiputridam exemi.

Nobilem item & honestissimam matronam Freiburgi Aventicor. cognovi, ante annos 4. in puerperio dolore coxendico graviter laborantem, curandam habui. Ea mihi referebat, se in omnibus suis puerperiis (habebat autem tunc temporis quatuor liberos robustissimos) duabus aut tribus circiter à felici partu horis, molam enixam fuisse. Est illa matrona satis robusta, plethorica, & maxime carnosa. *Idem ibidem.*

De Mola Virginum.

Virgo quædam Generosissima, ex antiquissima Nobilium prosapia (nomen non addo) molâ laboravit, eademque morbo tandem extincta est; de cujus Virginali integritate dubitare non permittit pietas, morumque probitas ac virtus, quibus eâ dum viveret adiecta fuit.

Varia alia sunt observata, quę id confirmant. Alutam historiam habeo ex relatione cuiusdam fide dignissimi Viri & quidem Pastoris, olim hujus Virginis Confessionarii, cui ergo Virginis mores optime fuere cogniti, ac nulla unquam suspicio defloratę virginitatis fuit. Neque solum observata illud probant, verum etiam sana ratio idem evincit.

1. Unde in utero humano formantur glires, pisciculi, teste Bartholino, Ranę, serpentes, animalcula rubetis similia, alata animalia, &c. Vide Anp. 1. Ephem. Curios. Observ. 1. p. 12. 13. Addo: novi juvenulam Buxtehudanam fœminam, quę cum partu simul peperit monstrum capite Leonino præditum, sed demortuum. Unde horum animalium & monstrorum semen in utero provenit? quod si natura tantam metamorphosin efficere valeat, ut ex semine humano longè diversis formis prædita animalia producat, quid obstabit quod non etiam in virginum utero creare possit.

2. Ad molarum productionem (ut jam invitius retineam hypothese[m] erroneam de Generatione materiali, quam aliàs nego) non requiritur semen utriusque parentis, cum non vivat in utero vitam animale[m] & sensitivam sed merè vegetativam, & singulari attractiva, facultate prædita est, ita quoque ille[m]sa Virginitate in utero produci valet ex congesta materia putrida sanguinis menstrui, quę à calore uterino excoquitur, ac quotidie plus sanguinis allicit, donec tandem in magnam molam mole[m]que excrescat, hinc in ejusmodi egris partes superiores marcescunt, & gracilescent, quoniam ob insignem vim attractivam Molę superiores partes suo alimento privantur. Antè biennium ægram habui in vico quodam Horneburg dicto, quę molâ laborabat, ubi mola erat instar racemi uvarum colore albi, quę fœmina tota consumpta, ac tandem quoque hoc morbo extincta est.

3. Quod mola fiat ut plurimum ex sanguine materno, probat historia, quam Curiosi Collegę nostri afferunt ex Alex. Benedicto l. 45. de Morb. cur. c. 29. ubi intra molę ambitum masculinus fœtus inventus fuit, &c. nisi superfætationem accusare velis, sed quid superfætatio in hac re, ubi solus sanguis maternus sufficit: dum etenim punctum cristallineum saliens, primum mobile microcosmicum, summumque volatile fingeretur ab intromissa aëre seminis masculini, tanta quoque copia loco alimenti affluxit maternus sanguis ad nutriendum hoc fixum punctum, ut quidem in lineamenta masculini fœtus mantica fuerit extensa, verum quoniam nimia copia fuit sanguinis materni, hinc circumvallatus, ac extinctus est.

4. Stante thesi Harveana & Deussingiana, denique & nunc Ralliana, quod semen masculinum in uterum non intret, sed saltem aëre aspergar, quin tum opus accusare virginitatem deflorationis, ubi mola invenitur, aëre etenim masculini seminis molam non producit, quoniam non est corporalis sed spiritusosa, sufficit ergo ad molam sanguis menstruus cum aliis humoribus affluentibus.

5. Neque ad generationem fœtus humani semper requiri semen masculinum probat historia quam citat Excell. Rallius l. de gen. anim. p. 90. 91. ex Martino Leopardo Vissensi, qui ita loquitur, Virum quendam sibi facie & moribus notum, consuevisse interdum cęstro libidinis percitum, geniali desiderio fervere, cui tamen cum indulgebat, ea mulcebatur ac perfundebatur Venæris dulcedine, ut impotens voluptatis, sensibus ferè omnibus destitutis, humi concideret, &, quod erat magis admiratione dignum, seminis nihil effundebat; Hunc ipsum tamen virginem non solum subagitalle, sed & impregnasse refert; Huic Martino Leopardo subscribit Sinibaldus, & subscribo ego, generationem enim esse immaterialem credo; sed ut ad molam redeam, Nostram de ea sententiam probat. [Observ. D. Pauli Sorbait. Ann. 3. Ephem. cur. observ. 213. quo Lectorem remitto, Quo in puncto etiam nobiscum facit P. Joh. Faber. Curat. insign. 79. p. 731. D. Joh. Ludovici Flannemanni.

Mola Virginum.

Verum est quod scribis cent. 3. Epist. 28. Nunquam majora miracula & ostenta videntur quam in humano partu, est enim uterus, aëre, rerum mirabilium officina quædam. Hoc tuum assertum illic probas, probantque recentiorum scriptorum Volumina, tum Academia nostra Curiosa. Ad hæc pertinent quædam mirabiles historie, quas affert Clar. Rallius in eruditissimo suo Tractatu de Generatione animalium juxta mentem Harvei, & Deussingii, conscripto. Nuperrimis meis literis quædam attuli de quæsito, An Virgo ille[m]sa virginitate molâ laborare queat? Id asserui rationibus, & ni fallor, etiam aliqua historia. Pergo nunc in eadem materia, quamvis eleganter de quæstione hac pro & contra disputet Melchior Sebizijs in Exercit. Medicis & praxi sua. Et meum assertum, quod est, Virgo illæsa virginitate molâ laborare potest probo, & nunc verò aliqua historia; quam mecum in eruditiss. literis communicavit præcellentissimus Lachnund, apud Hildesien[s]es Practicus consultissimus. Et ego ipsemet, inquit laudatus Vir, antè paucos annos vidi virginem quandam monialem, & quidem Abbatissam Evangelicę religionis, quę ventrem tumidum non aliter ac fœmina partu vicina, per aliquot annos gestabat. Quis quæso vellet de hac virgine religiosa, quę voto castitatis Ecclesię obstricta erat, suspicionem malam habere. Huic nostrę assertioni quoque lucem fœneratur observ. 17. ann. 2. Ephem. Curios. p. 32. 33. Hactenus Celeberrimus Vir, quo cum & ego facio, ita amplius dubium esse non potest, quin Virgo salva integritate virginali molâ laborare possit. *Ex eodem.*

Mola septem in Virginis utero reperta.

In Virgine nuper Episcopocellense, matrice inclusas septem diversæ magnitudinis Molas videre datum, quæ omnes ad manum adhuc mihi sunt, & fortè typis ab admirandi ingenii viro Joh. Conrado Peyero mandantur, si id nondum præstitum D. Syl. Samuel. Author. ni.

Mola quinquennis prolapsum Uteri mentiens.

Plurimas easque raras circa molarum generationem & earum exclusionem passim apud autores fide dignos inveniri historias testem habemus sat locupletem Schenckium in suis observ. qui molas in utero per ipsos septendecim annos commorasse annotavit, id quod etiam Zvvingerus theatr. vit. hum. pag. 331. & 337. confirmat. Haud absimilem, aliis tamen circumstantiis & & accidentibus, curioso lectori hîc sistam historiam: Uxor quædam in suburbio Uratis lavienfi 34. annorum & decem liberorum totidemque ferè abortuum, necnon plurium molarum fœcunda parens, ante annos circiter duodecim fœtus aliquot exclusit vitales; ob impurum autem & ichorosum, quo & parens ipsa & hinc enata soboles scatebant, sanguinem, plerique excoriata totius corporis cuticula, nondum abloluto puerperio, diem suum obierunt, ut ex novem duas saltem conservare potuerit soboles, postmodum negotio concipiendi & pariendi natura defatigata aliquandiu vacare coacta est, quæ nullis tamen remediis, nisi anilibus suffulta, tandem ad incitas redacta nil nisi molas concipere, & singulis mensibus per selsqui annum, etiam absente longo tempore marito, numero unam, duas, plures imò plurimas acerbissimis parturiendi doloribus nimioque sanguinis profluvio excernere molita est. Tandem cordationum persuasum virum ob raram experientiam Clarissimum, Dn. D. Johannem Agricola, Reipub. hujus Proto-physicum p.m. consuluit, qui singulari sua prudentia & generosis medicamentis è lerna hac morborum eam eripuit pristinquæ & inculpatae sanitati restituit, ut mensibus ordinatè fluentibus postmodum denuo conciperet, ex difficili autem subsequenti decimo partu, prolapsu uteri satis periculoso non corrigibili & molestissimo se laborare credidit, obstetrix confirmavit, ut absque ligamenti huic malo aptis nec stare, multò minùs incedere valeret per quinque integros annos. Elapso autem quinquennio, tam ob errorem diætæ, quàm sulphur ex accensis carbonibus narcoticum, quibus hyberno tempore in foro publico intenum frigus arcere cogebatur, (questum namque in vendendis pomis habuit longo tempore) natura in deterius ruit, novisque mensium obstructionibus, passionibus hystericis & lipothymiis affligitur, nunc meam opem implorare gestit hæc misera. Ipsam invisens scini-animem reperio, morbum causamque indago, ex relatione adstantium hujus individui naturam, morbos & accidentia præterita prolixè & graphicè depicta video, & originem hujus mali ex impuro utero itidem provenire judico, interim ob urgentia symptomata cordialia hystericis nupta propino, his symptomata paulatim cedunt, ut ægra ipsa mecum colloqui valeat, cui ob adstrictam alvum clysterem applicandum suadebam, quem tamen cane pejus & angue fugiebat, coactus ergo tandem externè saltem fomentationes ex emollientibus & carminativis, preprimis herba mercuriali toti abdomini ad pubem usque applicari, internè verò essentiam castorei & spiritum secundinè (ob præsentis molæ suspicionem) in syrupo de artemisia propinari jussi, quibus præstitis elapso bihorio acerbissimi iterum dolores & conatus parturientium, absque tamen lipothymia aborti, brevique post molam, capitis infantis ad instar peperit,

tantæ tenacitatis, ut vix securi dividi potuerit, absque tamen putredinis & hinc orti cadaverosi odoris molestia, & quod magis miremur, sine omni sanguinis vestigio. Hoc factò prolapsus uteri quinquennis evanuit, & molæ molem non in utero, sed extra eum in vagina uterina, circa exterius pudendi orificium tandiu latuisse eventus docuit, uteri situ inculpato invento: Continuatis postmodum per mensem medicamentis sanguinem & uterum purificantibus, per Dei gratiam illi s sanitatem restitui, ut hoc ipso tempore, dum hæc scribo, benè se habens iterum gravida, sine omni tamen periculorum symptomatum futurorum suspitione incedere valeat, undecimumque partum, Deo volente, animosè expectet. D. Joh. Jænisch.

Gemina Mola in pregnantæ.

Nobilis fœmina in districtu Grunbergensi, ante quadriennium, impletis imprægnationis mensibus, partum exclusit puellam satis vegetam, & adhuc superstitem. Tribus horis interpositis successit mola carnosæ, durissima, satis crassa, cum copiosissimo sanguinis fluxu, etiam tali, quem vix medicamentis efficacissimis poteramus inhibere. Fluxu altero die subsistente, iterum conatus excernendi aut pariendi adest, & excludit puerpera adhuc aliam molam, minorem quidem primâ, at tamen etiam carneam & durissimam. In prima apparuerant luti naturæ aliqua rudimenta capitis, oris & oculorum, sed reliquum informis caro. Non impune tamen ferebat nobilis hæcce tantos naturæ conatus, succedebat enim febris ardens, quæ in primâ, ut dicitur, herba suffocata, desinebat in tertianam intermittentem per tres septimanas prolongatam, Deo benedicente, nostro que consilio tandem extirpatam. Illud erat notabile in hoc subjecto, quod laborarat pica virgo quatuordecim annorum, & pro cibo adsumserat calcem in parietibus avidissimè per sex menses, usque dum fuerat maritata. Ingentis molis esse curare molas possem proprio firmare exemplo, sed quia integrum *ov' thes* constitui exarare tractatum de mola, sufficiat hîc aliquid delibasse. D. Samuelis Ledelii.

Mola portentosa.

Mulier quædam L. annorum ultra tres annos, grati suo incommodo molam in utero gestabat. Potissimum verò maxima respirandi difficultate laborabat, ob compressum diaphragma, liberæ respirationis organum: venter prædurus erat, & sensim à pondere dolor imprimis hypochondria affligebat; si verò antrorsum propensa ventrem scamno imponens suffulciret, majus quàm ex cubatione aut alio situ levamen sentiebat. Hanc molam fœtidam, ingentem, enormis cucurbitæ instar, XX. librarum pondere, (vera recensco) que nullis antea remediis, plurimis licet adhibitis, expelli poterat, beneficio spiritus salis armon. falsi Zvvelfferi (in append. Asimadv. pag. 53. descripti) præmissò prius laxativo, non sine magna illius & adstantium admiratione, Dei gratiâ, feliciter exturbavi, muliere integra sanitate fruente adhuc superstite. D. Alphonsi Cobnii.

Molæ volatiles.

In vico Pictorum Hafniæ natum non ita pridem monstrum, capite canino, latrans senis digitis in manibus pedibusque instructum. Nulli indicium ejus factum est, mortuum enim & insciis vicinis sepultum. Hoc silentio puerperarum sapius occultantur Molæ illæ Volatiles, avem quadrupedem referentes, cujus sceleton in Musæo suo servat Vir Illustris Georgius Roscranzius,

Præses

Præses Regius Soranus, hinc publicè omnium oculis expositum.

Familiaris est illa mola in Belgio, ubi vulgò *Suygers* vocatur, quasi sanguisuga, fœtui infesta sugillando. Similis illi quàm *Levinus Lemnius* describit lib. 1. de Occult. Nat. Mirac. cap. 8. In urbe nostrâ nonnullæ sunt matronæ, quæ molam talem ediderunt, sedulo caventes ne facilè innotescat. Post fœtum in partu prodit, & cubiculi angulos pervolitando inquiet mulieres, quæ omni studio persequuntur, ut ene-eatam comburant, credentes nisi comprehensa comburatur, laborare aviculam in eo, ut iterum uteri laterbras intret, quas si reperierit, mori puerperam. Observatum quoque aliquando fœtus pedem ab hac commorsum fuisse in utero. Monstrum esse non dubito, & numero monstrorum quoque accenset *Licetus* lib. 1. r. de Monstr. cap. 3. sed id mirum videtur, quomodo semina Parentum in eam materiam in utero transmutari possint, unde aviculæ & insectanascantur. Scripsi de hoc monstro ad *Phil. Jac. Sachs.* Naturæ Curiosorum in Cæsareo Germaniæ Collegio quondam Phosphorum, ejusque sententiam exquisivi, quam in Miscellaneis Curiosis Anni secundi proposuit. Utinam tantum Virum fata nobis præmatura morte non invidissent. *D. Thoma Bartholini*

Placenta informes, quas vulgus Suygers, & vocat & esse putat.

Quia anicularum commentis, quæ de bestiis, quæ infantes consumunt, aut ab iis consumuntur fabulosè narrant, nec credo, nec te credere vellem, quisquis hæc legis, nisi oculatus ipse testis bestias illas videris, nostrate linguâ *Suygers* appellatas; quas unâ cum fœtu, aut sine fœtu in lucem edi; sæpe audire, nondum videre contigit: ideo binas hæc placentas deformes æri incidendas curavi; quarum alteram & vixisse & cucurrisse narrant, credo, ut tantò plus gratiæ inirent, & magis à rei novitate commendarent id quod adferebant mulierculæ. In altera & caput, & pedes, adeoque & oculos, & os & nasum ostendebant, nihil horum videnti. Tu, si in his accuratè satis ad prototypa sua delineatis, quicquam videre potes, quod figmentis illis, ut ego quidem hætenus existimo, patrocinetur, quæso, dubitantem docere. Et quo te excitem magis, ut eam in eas à me gratiam; gratis dicam quid de toto hoc negotio sentiam.

Fit sæpe, ut dum formari cœpit in utero fœtus, nec firmis adhuc retinaculis placentiæ alligatur, iis agitatione, saltu, casu, aut alio matris infortunio, aut etiam infirmitate solutis, nesciæ, & nihil tale suspicanti, fœtus tenellum rudimentum excidat matri, remanente in utero placentiæ materiâ, quæ dum ibi hærens non putrefit, sed augefcit, variarum in utero contractionum sæpe est causa, quæ dum subitis variantur vibrationibus tam vehementer, ut etiam extrinsecus motus earum percipiatur, animalis per uterum subito motu discursantis, tam ipsi, quæ symptomata pariter, quàm aspicientibus & tangentibus dat suspitionem, cum autem postea hæc placenta sine fœtu, quæ vera est mola, prodit in lucem, quod sæpe fit cum ipsis parturitionis laboribus, imò ipso tempore, quo prodiiisset infans, obstetrices, & reliquæ mulierculæ putant animal illud, quod antea vivum sensisse se existimant, fœtum, cujus nullum apparet vestigium, consumsisse. Sin autem prodeat fœtus post similes agitationes; contra animal illud, quod non compareret, absumptum esse ab infante pronunciant, & ejus vestigia præoccupatæ præjudicio in placenta quærent, & invenire sese imaginantur quandam bestiæ configurationem. Tu si melius quid habes, Lector, adfer: ego hîc Thomas sum,

Biblioth. Chirurg. Tom. III.

nisi videro, non credo. *Theodorus Kerckringius in Spicilegiò Anatomico.*

Massa informis per dolores instar parturientis à vidua castissima in lucem edita?

Siqua ventre nonnihil intumescat virguncula, continuo in partem deteriore cadit suspicio, siqua vidua tantillum distendatur, vix pudori suo potest consulere apud homines. Habeo tamen, quo hæc defendam, historiolum; illæ sibi, quantum quidem hinc licet, capiant patrocinium. Vidua quædam nomen suum & famam, honestè vivendi egregiè tuita hætenus, posthumum ediderat: post partum diu adversâ valetudine usa, tandem visa tumidiore pondus aliquod circumferre ventre; hinc conversi in eam oculi, & audite voces: hem, hæc illa est ægritudo, hic morbus viduæ: & verò tumor adeo increvit, ut etiam prudentibus & amicis ejus admirantibus, nescio quid vel pudoris incûteret, vel doloris adferret; quæ augebantur omnia, cum ingruentibus quasi parturientis doloribus obstetrix accersitur: illa sibi optimè conscia, puerum proditurum negat; esse tamen quod se non secus ac puer, qui in lucem moliretûr iter (pepererat enim, ut dixi) premeret: tandem post varia uteri luctamina prodit massa quædam informis, sive illa fuerit reliquum ex secundinis quippiam, cui aliæ immunditiæ adhæserant, sive nova quædam in utero congregatio. Illa certè ejecto onere optimè valuit, & quod nihil sequeretur eorum; quæ partum, aut abortum solent comitari famam apud suos integram retinuit. Posset in moralibus sæpe, in Politicis aliquando usui venire hæc observatio, Medicis certè & obstetricibus non erit prorsus inutilis, ideo non putavi prætereundam. *Idem ibidem.*

Infans Mola inclusus.

Quod superius scripsi; Observatione 38. jam scriptum & sculptum erat de monstris illis, sanguisugas aliqui Romano, nos nostro sermone *Suygers* vocamus: cum anno MDCLXIX. die 11. Februarii obstetrix quædam mihi attulit molam, seu placentam: & ecce inquit, mi Domine, inspicere, quod tibi adfero, & nega dari animalia, quæ *Suygers* vocamus: avide accepi, curiosè aspexi, ut illa dicebat, animal, ut ego existimabam, informem placentam. Habebat tamen quo quàm promptè mihi nummos, tam facilè unicuique opinionem elicere potuisset, quâ crederet esse, pro quo, illa venditabat, animal. Corporis forma cyprinum piscem referebat, nisi quod in longiore in angustioreque, quàm ille, ac tandem bifurcatam, ut ille, caudam desineret. Caput ei erat simillimum, & os perforatum, stilum ad usque mediam molis, aut molæ partem admittebat: oculos etiam aut videbam; aut putabam me videre in capite. Diffindo ergo medium molæ ventrem: & ecce tibi in eo infantem perfectè efformatum, tantillum, quantus esse solet unius mensis fœtus; affirmabat tamen adhuc præsens obstetrix supra quatuor menses gravidam fuisse matrem, quamvis ergo multis modis hîc peccans humani corporis conformatrix facultas, perducere non potuerat corpusculum hoc ad justam fœtus quadrimestris magnitudinem, aliquid tamen in membrorum perfectione molita erat, quod proderet gravidationis diurnitatem.

Condonet ergo mihi Lector curiosus, si adhuc in eadem, quam superius citato capite affirmavi, maneam sententia: nec adhuc de animalibus

similibus generandis negantem deferam opinionem. Video hîc quidem figuram pisces similem; caudam bifurcatam intueor: capitis formam, & in ea eo perfectum, oculorum quandam similitudinem contemplan: sed animal illud esse, fuisse, aut unquam futurum fuisse, nondum mihi persuadeo. Quid enim? aperta molâ nihil intestinorum, nihil viscerum in ea, sed infantem tantum reperio; non monstruosum quidem, nisi quod tanta post quatuor menses corporis exilitas, & placentæ, quæ sæpe variat, hæc forma admodum extraordinaria mihi monstruosa videbantur. Expectabo ergo adhuc certiora hæc super re argumenta, antequam in illam de sanguifugis descendam sententiam: quod non pertinaciæ, sed non nimis in incerta prone credulitatis, tibi sit, Lector, argumentum. In divinis sit chara fides: in ceteris quod opinor, opinor: quod scio, scio; fides autem in humanis, nunquam affirmantis in me superat auctoritatem, quæ hætenus non nisi femellarum est varie garrientium. *Idem ibidem.*

Ex placentulis post fœtus exclusionem in uterô remansis pseudo-mola

Quot & quanta incommoda puerperis obveniant, ubi præeuntem fœtum maturum secundinæ non sequuntur difficile dictu. Nonnullæ in uteri fluorem immodicum & irregularem, per intervalla repetentem, non sine cruciatibus, eâ de causâ incidunt. Aliis in magnam molem distenditur abdomen, cum respirandi difficultate, pedum edemate, ventriculi anorexiâ, præcordiorum anxietatibus, animi deliquiis & faciei pallore. Non raro quoque mors illarum miseris imponit finem. Ita ut malum illud magni quidem momenti & periculosum sit, non verò lethale per se, sicut voluere nonnullæ minùs peritæ obstetrices. Non raro per decem menses, & quod excedit spatium, in utero remanet placenta, fœtu jam in lucem edito. Mirum dictu quantam mutationem & metamorphosin, ut ita loquar, placentæ præter naturam subeant. Eas aliquando in hydatides, aut vesiculas è pedunculis dependentes, & humore aquoso repletas degenerare, posthac demonstrabimus, nunc oculis vestris sistimus retentas placentulas, perperam ab aliis pro molis habitas; pro molis dico, 1. propter duritiem, crassitiem, formam, & carnositatem, quibus descriptioni molæ sunt conformes: ut mirandum non sit, easdem pro molis habitas esse ab iis, quibus occasio haud data fuit, quotidie nobiscum ejusmodi retentas placentulas cultro anatomico subicere. A quo tempore enim in hac vastâ civitate lectiones in usum obstetricum habui, quicquid rari ac insoliti in earum incidit manus, in redhibitionem tum mihi semper adferunt. Rediens in viam unde digressus sum, dico placentulas fœtum, duorum, trium, quatuorve mensium, si diutius, quàm par sit, remaneant in uterô, non tantum periculi, ac quidem mutationis afferre. Si verò placenta fœtus maturi, aut septimestris, vel octimestris, remaneat, plus subest periculi, & sæpius tota placenta in hydatides degenerat, quarum numerus aliquando tantus est, ut gravidæ videantur mulieres, propter abdominis extensionem. Memini me bis scullam magnam, ejusmodi hydatidibus repletam vidiisse ex iis, quæ per aliquot post partum menses retinebantur in uterô. Dixi superius placentulas, duorum, trium, quatuorve mensium abortus, ita indurari, talemque adspici formam, ut pro molis habeantur ab imperitis, modò diutius quàm par sit, aut per dies aliquot, in uterô hæreant: humoribus enim cum fœtu expulsi, contrahitur placenta ab uterô in hanc vel illam formam, & sic talpæ; ranæ, aut similis rei speciem aliquando induit: unde fœminæ nimis credulæ, nugatoriisque fabellis addictæ

molæ viventes, imò volantes, in lucem prodierunt narrant, imò in partu præsentis socias suas alias monent, ut sibi caveant ab ejusmodi molis, ne scilicet molæ istæ ipsas adorianur, & sub vestimentis se se insinuent. Hiic rejectis anilibus nugis, observatu dignum esse censo, tales placentulas, si per septimanam, aut diutius retineantur in uterô, fœtu in lucem edito, ita ab uterô comprimantur, ut non solum carne musculosâ solidiores evadant, verum etiam formâ & magnitudine uteri naturalis exteriorem faciem adæquant.

Mulier ab undecim septimanis (ut ipsa mihi referebat) gravida facta ab animi pathemate abortiit: remanente per aliquot hebdomadas placentulâ; quæ, ab uteri compressione, cum ad pristinam ferè magnitudinem & formam rediret uterus, ita induruit, & deformis facta est, ante excretionem, ut nisi ritè examinasset ejus substantiam, molam credidisset.

Alia quædam in quintum mensem gravida, peperit fœtum immatuum, & post eum quoque secundinam integram benè constitutam. Hiic in lucem editis, secuta est carnea molis, formâ & magnitudine uterum naturalem referens. Hac incisâ, & ritè examinatâ, placentulam quoque esse deformem, & justo durior, deprehendi. A quò tempore gesserit hanc secundam placentulam dictu difficile. An gemellis gravida fuerit, & unò, in nihilum redactò, aut insciâ gravidâ exclusò, ejus placentula remanserit; an verò antè hanc ultimam imprægnationem gravida jam fuerit, & embrione exclusò, placentulam retinuerit (quod pluries contigit) & de novo uterum gesserit, haud licuit investigando determinare. *Clariss. Frederic. Ruyschius in Observ. Anatomico-Chirurgicarum Centuriâ.*

Massa Cruoris coagulati quandoque Molam mentiens.

Non solum placentulæ post embionis exclusionem, in utero per aliquod tempus remanentes, molam mentiuntur: verum etiam sanguis in uterô coagulatus, quem mihi obstetrices sæpius pro molis, aliæ pro placentulis obtulere. Hunc cruorem coagulatum, ab uteri compressione admodum durum, & in se coactum aliquoties offendi, cui sapissimè membranæ analogum quid appensum invenitur, sicut post venæ sectionem in pede institutam aquæ innatare videmus. Cum hîc & similia mihi occurrunt, ad hæc duo respicio. Primum an funiculi umbilicalis abrupti vestigium supersit. Secundò an vasis sanguiferis gaudeant ejusmodi massæ, (sine quibus non possunt vocari placentulæ retentæ) & insuper notandum in placentulis remansis, quantumvis vasa sanguifera adsint, ut plurimum eadem sanguine cassâ reperiri, ita ut magis fibras, quàm vasa sanguinea referant. *Idem ibidem.*

Mola Vesicularis.

Annò 1681. lectissima quædam Matrona Genevensis annos præter propter 30. nata, & puerperiò pluries jam feliciter defuncta, se iterum concepisse, atque in quartò graviditatis mense versari putabat, (quanquam per totum illud tempus aliquid sanguinis ab ipsius uterô perpetuò deflueret) donec die 15. Martii, post dolores instantis præmaturi partus prænuncios aliquandiu perpeffos, imò & frequens animi deliquium, largumque satis cruoris fluxum, non fœtum abortivum, ut & ipsa, & adstantes expectabant, sed ingentem vesicularum, & veluti ampullarum acervum enixa est. Quandiu duravit dies, tamdiu vesiculæ excretæ, adeò ut pelvis stanæa profundior vix eas omnes capere posset. Vesiculæ illæ rotundæ, aut saltem ovalis figuræ erant, sibi bique mutuo, quasi totidem ranarum ova, cohærebant.

Magni-

Magnitudo plurimum diversa erat; minime vix milii semen aequabant, maxime ad nucis juglandis, aut ovi gallinacei crassitiem accedebant, intermedie verò, uvæ, pila, & munitiora semina rotunda referebant. Pellucidæ admodum erant, & diruptæ liquorem limpidum emittebant. Sequenti die ejusmodi excretio omnino cessavit; at non item hæmorrhagia, quæ per aliquot adhuc menses molesta fuit. Benè tamen postmodum habuit hæc inatrona, atque anno 1683. mense Novembris. filiam peperit. Hæc vesiculas (quanquam coctione, instar albuminis ovi indurarentur) cum ovis prolificis nihil ideo commune habere nemo non videt; unde obiter concludere licet viviparorum ova etsi elixatione indurentur, ab hydatidibus unò hoc signò distingui non posse quin eas materiæ cuiusdam salinæ lentæ & viscidæ, post longiorem in uterò moram motum adeptæ, sive à flatu, aut spiritu intus conceptò exagitate & in varias ampullas facessentis, ortum suum acceptum referre debere existimamus; atque ideo illis molæ vesicularis; seu hydatidis nomen indè posse credimus. *Hæc ex Bibliothecâ nostrâ Anatomicâ;* quibus jam subjungimus non tantum placentulas relictas his hydatidibus originem præberi debere, sed etiam à serò viscidò intra uteri membranas coacervatò, dumque illinc transudat pelliculas sibi confingente; unde ampullæ ad instar ovorum subventaneorum, variè magnitudinis & figuræ enascantur subinde efformari. Opinamur itaque eandem sepius esse harum hydatidum materiam quæ hydroperum uteri efficere valet. Molæ alias quod spectat, non semel vidimus eas ovulis prægnantes imò iidem ovulis fœtus rudimenta conclusa conspeximus. unde non immeritò concludi potest eas aliquando à devîa in conceptionem suffocatus limaturâ, ut si ita loqui licet, embryonis rudimentis per placentam undiquaque ea circumcingentem, inque enormem sæpius magnitudinem excrecentem, oriri. De Molis carneis nihil addimus, quia frequentiores sunt, interim non sine admiratione nobis aliquando intueri contigit plusquam triginta per longos ac atroces plurium septimanarum dolores, excussas quorum minima ovum anserinum excedebat.

Mola ex membrana grumum sanguinis continente constans ab utero ejecta. Mola tota solida. Mola parenchyma Lienis interius referens.

Molam ex sanguine temporibus superioribus vidi, compactam seu concretam ex grumis, inclusam membranâ, qua dissecta, & grumum dividi sine ulla resistantia: Sanguis si quidem condensatus quasi infarctus fuit membranæ, ut in apexabine videmus: Adhærebat hæc mola alii, non carneæ sed membranæ per totum, ambæ pendebant plures libras: Aderat & tertia mola plane carnea, referens substantiam renis magna satis, cum quibus gemelli sexu diversi prodierunt non vivaces. *Hæbsterus decade VIII. casu. VIII.*

Mulier quater jam pepererat & post suppressâ menstrua quintum jam fœtum putabat in utero habere: Cum verò in novo mense ad pariendum se accingit, pro expectato fœtu globulum seu sphaeram excernit albam; mucore resperfam, caput humanum magnitudine superantem.

Cultro sphaera dissecta solida tota intus apparuit, cepè instar membranulis crassis & albis fabrefacta, quibus sectis nullus ichor, humor serosave substantia emanavit: Hæc mulier cum frigidi esset temperamenti attenuante victu est præservata. Zacutus Praxis admir. lib. 2. Observ. 155. Vide Obs. 153. ibid. de mola carnea vivente mirabili.

Molam observavi bulbum omnino referentem in parte exteriori, Dissecta verò per medium, carnem quandam spongiosam, sicut parenchyma Lienis habebat,

exteriùs verò membrana forti & carnosa cincta erat. *Dom. Panarolus Pentec. 4. Observat. 46.*

Uterus ulceratus carnem putridam continens.

Puella xiiij. annorum ex scala in subterraneam cellam delapsa, nihil mali expecta fuit præter dolorem colli, mox post sedatum; emerit tamen in dorso dolor post aliquot hebdomadas, quem tertium in hypogastrio dolor insequutus: Adhibita in consilium obstetrix, inspectò corpore puellæ, Gravidam pronunciat. Morbo interim correpta, nihil proficientibus remediis, tandem in dies egritudine incognita, octava hebdomada ad meliorem vitam transiit.

Moestissimorum parentum rogatu cadaver apertum, ut mortis tumorisque causa innotesceret. Statim dissecto abdomine uterus prodiit, ovi gallinacei magnitudine, ulceribus plenus, sed sine pure aut fœtore: In ipsa autem uteri cavitate nihil inventum præter frustulum carnis spongiosæ, & putridæ, libras quatuor cum media pendens, Hepar, Lien, reliquaque viscera nullum vitium visa contraxisse. *Bartholinus cent. 1. Observat. 97.*

Mola duæ extra matricem.

Quædam civis Viennensis habuit molam extra matricem: Erat illa albissima & mundissima, circa vasa seminalia: Vivebat cum viro annos 16. quam Medicus (ut mulier petebat ante mortem) disseccuit, quo aliis mulieribus simili morbo laborantibus consuleretur, Invenit autem duas molas extra matricem, Unam in quantitate frusti carnis supra matricem & ipsi fortissime adhærentem; alteram in latere sinistro circa vasa seminalia, in quantitate capitis: Nupsit bona puella seni, & quum venerea esset, caste & honeste vixit, quum interim vir senex debitum præstare non posset: caveant igitur puellæ venereæ à senibus & nubant similibus. *Johannes Marquardus, Præctica. Theor. & Empirica cap. 5. de mola.*

Mola membranacea bullis referta.

Compertum est Gravitationem aliquando degenerasse in membraneam substantiam globosamque, totam aëreosis bullis rotundis, tumidis, pellucidis & innumeris plenam, aliquando cum sanie fœtida & diluta: quam sanè figuram jam comperimus in uxore Bibliopolæ cujusdam. *Mercatus de mulier. affectibus lib. 3. cap. 8.*

Mola pulmentaria.

Vidi molam ab humore phlegmatico, grosso ad similitudinem pultis factæ per superfluum milii decoctionem in aqua, quæ tantum excrevit; ut post mortem patientis facta anatomia esset majoris quantitatis & ponderis quam residuum corporis ipsius 70. *Arculanus comm. ad cap. de mola, lib. 9. ad Almansorem.*

Mola duæ in uterò conceptæ.

Mulier ferè quinquagenaria, quæ nunquam viro nupsit, excongressu cum adolescentulo concipit in utero, unde sequuta est inappetentia, macies & palor totius corporis, quorundam eduliorum desiderium cum aliis graviditatis signis; post xl. à conceptione diem percepit palpitationem quandam versus hypochondrium dextrum, ab eoque tempore melius se habuit & appetitus restitutus est: Venter in dies augebatur, mammae intumescabant 4. mense: in mamma sinistra, rudum, postea album, in dextra lac apparuit; quarto mense

menſe fluxus menſtruorum apparuit copioſus, triduo perſeuerans, inde ventris tumor imminutus eſt, poſtea tamen ſenſim denuo augebatur, menſtrua purgationes ſingulis menſibus prodibant, quemadmodum ante graviditatem: motus in ventre ſentiebatur illi conſimilis quem fœtus in utero conſuſus ſolet exercere: Nono menſe dolores parturientium paſſa eſt, ita ut vocata obſtetricæ omnes adſtantes partum expectarent: Illi tamen dolores poſt xxiv. horas quieſcunt & nihil excluſum eſt: Ab eo tempore menſtruorum fluxus adhuc ordinatus fuit uſque ad xii. menſem, in quo iterum parturientium dolores paſſa eſt ſine effectu: poſtea verò nunquam menſtrua prodierunt, ventris tumor permanſit cum motu interpolato inſtar fœtus incluſi: Jamque ſunt ix. menſes à principio graviditatis, nèque tumor ventris eſt inſignis, vixque enim æmulatur ſeſtrem graviditatem. Duo tumores ſenſibiliter diſtincti, ut quoddam interitium apparent medium: Illi tumores ad hypochondria vergunt decumbente muliere, ac eademe recta veram graviditatem referebant, medi in ventrem occupantes, compreſſi recedebant & iterum accedebant, ſæpe motu proprio inſtar fœtus in utero incluſi: Mammarum tumor jam dudum evanuit, & illæ admodum molles & flaccidæ evaſerunt, à quibus exprimuntur lactis viridis guttulæ per exiguam: toto graviditatis tempore, mœrore & jejuniis ſe conſecit, domi incluſa remanens, quod graviditas illa ſine conjuge contracta fuiſſet: denique anno 1636. mortua eſt.

Aperto cadavere Molæ duæ diſtinctæ inventæ fuerunt, Guigani degebat vocabatur Claudia Demarez. *Observatio D. Pollet. D. M. Matifconenſis.*

Monſtroſa Mola in qua crines reperti.

Vidua quædam honeſta, quinquaginta circiter annorum ætatis, Catharina nomine, Molâ laborans, in Aula Sereniſſimi Principis ac Domini, Domini Georgii Friderici Marchionis Badenſis & Hochbergenſis, &c. ante annum naturæ debitum perſolvit. Hujus matronæ, ex juffu Principis: aperto cadavere, hepar & lien ſine noxa, pulmo verò ſemiputridus repertus fuit: Separatus & exemptus uterus, ad libras octoginta & ſeptem Mercatorum ponderavit: Et partim ichore quodam flavo, partim quoque materiâ adiposâ & oleaginôſâ inſarctus erat. Sed, quod admiratione non vacat, in medio ipſius uteri crines, (aut veluti lana flavescens, & adiposâ illâ materia involuta, reperti fuerunt. Quia verò juffu Sereniſſ. Principis aliquantum hujus lanæ communicatum mihi fuit, portiunculam quoque ad te mittere volui, ut illam interrariora tua reserves. De hac matrona clariffimus ac doctiffimus Vir, Dom. D. Ludovicus Schmid, Sereniſſimi Principis, ac Domini, Domini Georgii Friderici Marchionis Badenſis & Hochbergenſis Archiater longè celeberrimus, & amicus meus ſingularis, inter alia hæc annotavit mihiſque communicavit.

Venter, inquit, huic fœminæ intumuit ut in prægnante, urina coloris ac ſubſtantiæ mediocritatem ſervavit: functiones naturales, vitales & animales ſerè ſine noxa: alvus tamen ſegniſſima ſerè ſemper, quippe molis pondere compreſſa. Pedes ac tibiæ longè poſt in tumorem ſublatæ durum, renitentem; qui preſſus nullas foveas œdematoſas recipiebat, nec ſcarificatus, aqua exudabat. Carminantia, incidentia purgantia, balnea nihil proderant: Uſa fuit victu mali ſucci, refrigerante, præſertim braſſicâ muriaticâ (*Saurkraut*) acetariis, tantâ copiâ, ut de pluribus menſibus quæ horum ſuperarent, colligeret, ebibito inſuper, quod his affuſum erat, aceto. Venter prædurus erat;

ſenſim pondere dolor, inprimis hypochondria affligebat. Si verò antrorſum propenſa, ventrem ſcamno imponens ſuffulciret, majorem quàm ex cubatione aut alio ſitu levationem ſentiebat. Plus quadrienio duravit affectus iſte. Hactenus Domin. D. Schmid.

Præteritis diebus, cum piræ circa matronam cancro exulcerato & graviffimo, in mamma ſiniſtra laborantem occupatus eſſem, unâ cum Domino Johanne Hilderico Streitter, Doctore Medico excellentiſſimo, matronam quandam Molâ laborantem aliquoties inviſi, cujus venter in monſtroſam ſerè magnitudinem extenſus eſt. Circumferentia, ducto filo per medium, continet pedes Geometricos quinque cum dimidio: ſedendo præterea ad genâ uſque propendet. Tumor ille ventri, quatuor ab hinc annis incepit: paulatimque auctus eſt. Ab initio morbi utero ſe concepiffet, cum ipſa ægra, tum obſtetrices putarunt, Motus enim ac ſi fœtus adfuiffet, perſenſit, & ubera lacte abundare cœperunt, aliaque ſigna conceptionis aderant. Poſt menſes tamen aliquot lac ex mammis evanuit: motus quinetiam utero paulatim & in dies imminutus, tumor verò adauctus eſt. Jam etſi venter præmagnus ac durus ſit, facultates tamen naturales, vitales & animales integras habet. Sed de hoc caſu abſque ullo dubio, poſthac fuſius ad te ſcribet, Dn. D. Streitter, tanquam ordinarius ipſius Medicus.

Ante annos viginti, Genevæ ſimilem vidi molam in matrona quadam honeſta, quæ per annos ſedecim morbo iſto laboraverat: qualis autem fuerit ſinis, & quidnam in ipſa repertum ſit obſervare non potui: Ante obitum enim ipſius Genevâ diſceſſi. Illud tamen ſcio, ipſam multis variisque medicamentis, ex conſilio Medicorum præſcriptis, abſque fructu uſam fuiſſe *Gulielm. Fabric. Hildanus Observationum Chirurgicar. Cent. 3.*

De ingenti Molâ, & uterò peritonæo adnatò.

Matrona quædam duorum ſerè annorum ſpatio graviffimè utero laboraverat. Ab initio gravidam ſe eſſe putabat: omnia enim ſigna prægnationis aderant. Elapſis tamen menſibus aliquot falſæ hujus prægnationis, pejùs ſe habere cœpit; mammæ flacceſcebant, venter verò de die in diem accreſcebat, appetitus item proſtratus erat, dolores quoque rotius ventris continui, in primis verò lateris dextri, atque è regione renis ſiniſtri tam vehementes, tamque maximi aderant, ut ſepiffime maritum ſuum & adſtantes imploraverit, quod Medicum, aut Chirurgum accerſerent, qui apertò abdomine, horrendas illas & crudeliſſimas beſtias expelleret; planè enim perſuaſum habebat, ſe gerere beſtias. Tandem cum in hac miſeriâ ultra duos annos langueret, auctâ febriculâ, naufcâ & vigiliis, nullis item uſa remediis, è vita diſceſſit.

Adapertò abdomine, plurimum aquæ, carnis loturæ ſimilis, effluxit. Uterus in magnitudinem ingentem extenſus, peritonæo à lineâ albâ uſque ad coſtas breves & renem dextrum, adeo tenaciter adheſcebat, ut vix avelli poſſet. Ren ſiniſter planè putrefactus conſpiciebatur. Hepar undique abſceſſibus putridis ſcatebat.

Uterò diſſectò aquæ fœtidiffimæ puri permixtæ ultra libras ſex effluxerat. Mola quoque in conſpectum ſeſe dabat, magnitudinem capitis longè excédens, inæqualis, nonnullis quoque in locis dura, atque hinc inde putrida, ac fœtida. Utero tenaciter adheſcebat, præſertim parte quæ dorſum reſpicit, imò abſque dilaceratione uteri avelli atque ſeparari

non potuit. Ambo quoque ovaria adeo excreverant, ut magnitudinem pugni excederent, erantque inæqualia, dura, & ad instar ferè uvæ.

Aqua, seu lymphæ, quæ in ventrem effluxerat, ex hepatis abscessibus, sine dubio, emanavit, cui nonnihil sanguinis admixtum fuit.

Dolores in dextrâ latere, hepatis inflammationes & tandem abscessus fuere: in sinistro verò à putrescente rene sinistro aborti.

Mola est ovum jam jam utero receptum, atque à virili instrumentò, aut aliàs iterum læsum sed tamen non ita, quin aliquo modo alimentum accipi possit; hinc indigesta moles, & caro quasi fungosa. Sæpiissime figuram cordis refert, quia uteri cavitas trilatæ est.

Obstructiones in ovariis, eorum substantiam extenderunt, hinc liquet dolores totum abdomen occupasse. Mirum ejusmodi corpus, tamdiu fuisse superstes. *Stephanus Blancardus in Anatomia Practicâ rationali ex Gulielmi Fabricii Hildani Observationibus Chirurgicis.*

Mola ex parte ossea, uteri parietibus conclusa.

Anno 1683. Maii mensis 26. Matrona Genevensis annos 42. natâ quartò à conceptione mense, febris continua cum vomitu frequentissimò & violentissimò, prehendebatur. Post quatuor, aut quinque dies, vomitus (qui ipsa febre perniciosius symptoma videbatur) cessavit: at febris contrâ mirum in modum exanduit, usque adè ut, non multis elapsis diebus, egram è mediò, cum deliriò & convulsionibus, sustulerit. Cadaveris abdomen prætumidum erat: eòque resectò, flatus tantum cum aquæ exiguâ quantitate, eruperunt. Uterus verò pluribus in locis niger omnino erat, & inflammationis, seu gangrænæ, notas non paucas extrinsecus præ se ferebat. Fætum fœminæ octo uncias longum intus reperimus: nec eò contenti dum uteri parietes, inflammationis causas penitus exploraturi, curiosè lustramus; ecce corpus quoddam intra membranas uteri contentum, digitisque resistens, persentitur, quod incisione factâ facillè abstulimus. Magnitudine ad juglandem crassiorem accedebat; substantia partim carnea, partim fibrosa, & durissima erat, atque in sui centrò, officula, aut analogum quid, continebat. Sedes è quâ avulsam fuit foramini quò tuba dextra in uterum aperitur, ferè respondebat, tantumque propemodum spaciū occupabat, quantum tuba inter uteri tunicas serpens, occupare solet.

Molam hanc duritiæ suæ utero molestatam fuisse ejusque partes nerveas irritasse, tunicasque, unâ cum substantiâ vasatâ & cellulosa ab invicem divellendo, sanguinem & spiritus illuc, æquò majori copiâ advocasse, ac proinde inflammationem accersivisse, probabiliter asseri potest. Utrum autem hæc eadem mola ab ovò è testiculò, seu ovario dextrò, per tubam ejusdem lateris delapsò, & ingressu in uterum, propter meatûs obstructionem, aut angustiam, frustratò, derivari? An verò alii cuiuspiam materiæ (ut in molis communibus forsân usu venit) concretæ adscribi debeat, dererminare non audemus: Priorem tamen sententiam probabilitate non carere, situs corporis illius schirrosi, arguere videtur. Si teste Graessio, ova mediis in molis vulgaribus reperiantur; quidni idem & in hac contingere potuit? Quidni, quæso, è geminis ovis fecundatis, & ab ovario utrinque, ad gemellorum productionem, separatis, alterum in uteri cavum feliciter pervenire potuerit; alterum verò (crassius forsân, meatum in extremitate suâ impervium, aut saltem angustissimum, penetrare non valens, ibi hæserit, & aliquale incrementum, pro ratione loci, capesserit, donec tandem mole suâ importunum, honestissimæ matronæ & fœtui mortem intulerit? Nihil fanè obstat quò minus rem eò modò se habuisse credamus. *Hæc ex Bibliotheca nostra Anatomica Parté 1.*

Mola verè rara.

Clariss. Georgii Abrahami Mercklini Miscell. Curios. Decur. iiij. Ann. 3.

Honestæ & pudicæ fœminæ, aliquot quidem liberorum mater, nec dum tamen trigésimum annum supergressa, insolentissimâ corripitur affectione, quâ conquiritur, ex utero suo prodire nescio quam carneam partim; partim membranaceam portionem; mediocrem spithamam longitudine, latitudine verò tres quatuorve digitos transversos equantem; convocantur, ut in dubiis hujusmodi casibus plerumque fit, omnes penè cognatæ mulierculæ, quarum aliæ molam, aliæ procidentiam uteri, aliæ aliud quid p. n. incusabant; & cum hæc ita in partes distractæ, nec ad cognitionem, nec quoad morbi curationem convenirent, ego quasi arbitrer accersor; ubi, dum audio, menses rectissimè se habere, adeoque uterum vacare, dum certior fio, nullum unquam præcessisse violentiorem motum aut nihil fortius, quo aliàs uterus procidere solet, dum vires nil quicquam marcescere comperior, dumque plures alias circumstantias diligenter expendo (inspectio pertinaciter renuebatur) & factâ collibratione æquales penè eas deprehendo, ipse quidem aliquantum incertus hæsitavi, quid statuerem, tandem tamen eorum argumentorum gravitate motus, quæ ad molam propendebant, hanc quoque mali causam quàm aliam hîc loci arguere malui; legisse recordatus etiam in virginibus, viduis, viro non ulis & menstruum fluxum rectè passis aliquando contigisse molam; nec fefellit opinio: vix enim per octiduum uterus metuendæ putredini resistentibus injectionibus colluebatur simul ac exterius fovebatur, agendis cæteris sollicitè actis, cum ipsissima indigesta molæ moles derepente profilivisset, quo fœmina extemplo convaluit.

Mola ex Vidua L X I. annorum.

Clariss. Joh. Pauli Wurffbainii. Miscell. Curios. Decur. iiij. Ann. 7. & 8.

Vidua quædam nec formosa, nec amabilis, pia tamen & casta, quæ per XXIV. annos in sterili vixit conjugio, marito antè sexennium beatè defuncto, LXI. ætatis suæ auno, postquàm à larga jam annorum serie fluore laboraverat albo, die 1. Martii anni hujus MDCCII. meum expetit consiliū, narratque se per integras sex septimanas nausææ perpetuâ, vomitibus sæpius iteratis, capitisque doloribus vix amplius ferendis laborasse, & jam à biduo, magnum sentire è regione inguinis sinistri pondus, cum torminibus abdominis, præscripti carminativa, stomachicis & antihystericis maritata internè, simulque Epithemata ex emollientibus flatusque discutientibus applicari jussi externè; felici cum successu cessante mox vomitu ventrisque torminibus: d. 5. Martii, qui dies erat Domini, cum ægram ante concionem matutinam inviserem, jam statim se prolem edidisse refert, ancillâ Molam simul mihi com monstrante, pondere Unciæ unius cum Drachma unica, Lienis aliquo modo non absimilem, sed breviorē; Miror, cultrumque peto & difficulter satis secundum longitudinem disseco, videoque substantiam esse fibris benè multis carneis contextam, quam sine ullo sanguinis profluvio Vidua exclusit, post aliquot dies fluore albo consueto iterum se manifestante, obque torius corporis maciem, hecticam præfagiente. Similem ferè Vidua hæc ante biennium exclusit Molam, sed glandulosam, magisque albicantem.

SCHOLION.

Molas sine congressu virili in Virginibus Viduisque concipi non posse, communis ferè Medicorum est opinio, reclamantibus tamen aliis, quos inter nominare hac vice sufficiat Doctissimum Kerkringium Spicileg. Anatom. Observ. 81. Expetill. Hochstetterum Observ. p. m. 293. Clarissimum Ruyschium. Observ. Anat. Chirurgic. 58. inque perustratione Molarum præ reliquis Exercitissimum Lamzverd. Histor. Natural. Molarum Uteri Capite II. p. m. 16. ubi, proût etiam Cap. I. p. 19. rectissime dicit totam hanc controversiam consistere ex mera *ἔννομαχία*; Molasque non malè distinguit in Molas generationis & nutritionis, illasque in Virginibus, Viduisque nunquam, has verò omnino fieri posse, asserit, si enim variæ excrecentiæ carneæ, steatomatice, scirrhusæ in variis corporis partibus, si talis mola carnea in ventriculo Juvenis, teste Dominico Panatollo Pentecoste V. Observ. XI. p. 147. si in abdomine extra uterum annotante beato Frommano Ephem. Dec. I. Ann. II. Observ. XVII. nasci possunt; cur non etiam in Utero Virginum, Viduarum & Juvenularum, qualem in puella decenni per biennium jam valetudinaria repertam, leges in Observat. à Doctiss. Blasio Erudito orbi communicatis, absque criticis famèque laudabilis lætione? Concedit quidem Etmullerus Colleg. Pract. p. m. 1083. Editionis ab Optimo Collega nostro Excell. Dn. D. Westphalo editæ, feminas declinante mensium fluxu, aut etiam alio tempore, excludere solere ex genitalibus massam apparenter carnosam, attamen nihil aliud hanc esse quàm sanguinis majores grumos firmius coagulatos, molasque falsò dictas; nostra verò Mola à vidua sexagenaria exclusa, omnino carnosà fuit, quod tamen difficilis ejus dissectio & renitentia, quam ipsa substantia carneo-fibrosa sufficientissimè probavit; hinc Molis optimo à me juve numerata, è quarum numero è contra eas excludo massas carnes uterinas, quæ quaecunque animalis alicujus figuram, sive ex toto sive ex parte imperfectam representant, rectius intra monstra numerandas, de quibus tamen, quod sine mare concipi non possint, omnino concedo.

Molæ Singulares.

Clariss. Joh. Helfrici Jüngken. Ephemer. German. Centur. I. & 2.

Observavi præterita hyeme aliquid, quod ad molarum historiam spectat, sanè curiosi. Etenim illustris quædam maritata, incirca 45. annorum, post partum ante tredecim annos manu Chirurgi extractum sensim se malè habere cœpit, fluxu nimirum sanguinis continuo stillante per aliquot annos. Quod incommodum tunc temporis sensim per Martem suas D. Doct. Brunneri, Archiatri nunc Palatini, in tantum fuit sublatum ut ad quatuordecim dies rediret, donec successu temporis tandem in ordinem reducebatur. Interim annis aliquot ita transactis, nimio & impetuoso mensium fluxu tentatur, secedentibus concretionibus sanguineis, molarum instar, tenui tunicâ inclusis, formâ ut plurimum oblongâ lienis instar, & minimi digiti crassitiem haud superantibus. Uterus sentitur, quasi scirrhusus, & ad tactum duritiem lapidis adæquans, quæ durities tandem cedit & redit. Atque hoc malo per intervalla plurimis annis fuit molestanta. Præteritâ verò hyeme eodem fuit fatigata & tantum non enecta, per tres menses, intra quod tempus, concretionum talium ingens numerus fuit rejectus, maximis cum anxietatibus & doloribus, omnibus suam propriam formam, lieni

ordinariam referentibus. An molam nominarem anceps sum, quòd cum viro commercium haut habuerit intra longum illud tempus. Ipse cum vocarer, miras illas molæ-formes concreciones intra unum diem & noctem decem numeravi. Liquidum, quod simul prodit, simile apparet loturæ carnis; cessant tamen illæ concreciones singulis quatuordecim diebus, sed sanguis loturæ carnis similis fluere continuat, usque dum quatuordecim dies redeunt, ubi rursus concreciones tales repici incipiunt. Sed nunc à quinque septimanis postquam singulare aliquod sal, ex Martis & Antimonii scoris, propria manu elaboratum & casu à me inventum, propino, singulis matutinis, ac acidulas, saltim ad hunc levandam bibit, præter omnem spem se melius habere incipit, emanente sanguinis fluxu, & concretionibus illis molæ-formibus; imò in tantum vires recuperavit, ut haud desierit Nundinas hasce adire, aliquot licet milliaribus Francofurto absit. Quænam hîc uteri constitutio & textura sit, latet, sanguinem tamen singulari modo contextum, nec ritè coherentem, simul causam fovere credo, effectum Martis inductus, qui tantum effectum, sanguinis texturam restituendo præstat.

Mola Gemellos comprehendens.

Clariss. Adami Brendelii. Ephemer. Germanor. Centur. 3. 4.

Mulier quædam post partum alterum, de tensivo abdominis dolore, murmure & insultibus hysterics, appetitu dejecto, & lassitudine artuum per tempus aliquod conqueritur, facies pallida & livido infecta colore, squalet, Catamenia inordinatè manant, tubinde penitus exarescunt, ut tandem in suspicionem graviditatis propter abdominis incrementis molem, veniat. Domum per duos, & quod excurret, menses ex insperato terrore perculsa, exquisitissimos dolores hystericos, & profusissimam mensium fluxionem, cum grumis sanguineis experitur, inter quos caro deformis, ossibus destituta, & vasis dives, cum largâ hæmorrhagiâ prodiit, in cuius medio duo gemelli conclusi latebant, si figuram molæ spectes, ad similitudinem parvi cyprini accedebat, de qua mulierculæ multa non sine risu confabulabantur. Hinc & plures alias, tam embryonibus vacuas, quàm iisdem instructas, cum fœtibus abortivis variorum mensium in balsamicis liquoribus asservo, & nuper admodum mola mihi oblata est, in qua ovulum pellucidum conclusum est; jucundissimo sanè spectaculo, propter tenerrimum embryonem, à gracillimo funiculo umbiliculi dependentem.

MORPHÆA.

Vid.

CUTIS VITIÆ.

MORPIONES.

Morpiones facillimè fugantur per applicatum mercurium quoquo modo demùm præparatum; Nec est quod de iis multis agamus. Unicam itaque tantum observationem ex Nobilissimi ac Clariss. Nicolai Tulpii Observ. Medic. lib. 3. adducemus. Quæ hæc est. Juveni Brabantino, plurimum vagi, & oberrantis pruritus, in pube ubi fieret; vidimus tandem illic rectè delituisse, aliquos pediculos, figurâ rotundos, sed in dorso nigrâ maculâ notatos; ad hæc pedibus suis cuti tam firmiter accretos, ut nequiverint inde avelli si-

ne scalpello. Quæ tamen sordida, ac immunda colluvies, ne semel sublata, iterum facillè recurreret, imperata fuerunt insequentia remedia, quibus etiam radicatus evulsus fuit molestissimum hocce malum.

℞. Succī folior. asari ℥i℥. oxymell. simplic. ℥ss. aq. hordei ℥ ii. M. f. vomitorium. Quò ubi elicuisse mus pituitam in ventriculo stabulantem: movimus deinde alvum; & imposuimus feliciter loco affecto, fomenta ac linimenta, subtus notata.

℞. Aristol. rotund. ℥i. veratr. alb. ℥ss. absinth. marub. abrotan. an. m. j. sem. lupinor. & staphysagr. an. ℥ss. nitri ℥ii. coquantur ex lixivio dilutò, & admixtis colaturæ ℥bij. aceti scillitici ℥ iv. fiat fons. Quò convenienter deterfo, illinebatur pubis regio hocce unguento.

℞. staphysagr. ℥ss. radic. veratr. alb. & alumin. an. ℥j. argenti vivi sublimati ℥i. (*non videmus quid hic per argentum vivum sublimatum intelligat Auctor; nam si de sublimatò corrosivo hic agatur nimia est dosis; si de sublimatò dulci, multò parciòr. Itaque præstabit admiscere mercurii sublimati dulcis ℥iij. vel præcipitati albi probè loti ℥i℥.*) axungia porcina q. s. M. f. litus.

MORSUS HUMANUS.

DE Morfu humano vide capite, de Rabidi Morfu.

MUCRONATÆ CARTILAGINIS PROLAPSUS.

Quod vulgò Cartilaginis Mucronatæ, seu Xyphoidis prolapsus dicitur, est potiùs ejusdem depres-

sio ac reflectio. Ex eò cognoscitur morbus; quòd propter inde enatam orificii superioris ventriculi angustiam, cibus durior, nec satis dentibus contractus difficulter ad ventriculum transeat; dolor etiam hinc oritur, & aliquando vomitus; imò appetitus imminuitur, respiratio difficilis evadit in ascensu, & morbo durante icterus ipsaque atrophia inducitur.

Ut vitium hoc emendes, solùm-modò cucurbitula ventosa amplioris orificii, exterius cuti, cui cartilago subjacet, applicanda, sicque illa relinquenda usquedum inspiratio impeditur; subito tunc removeatur, & cartilago sæpiùs prima vice locum naturalem iterum occupabit. Quòd si non contigerit, repetat Chirurgus operationem semel, aut bis.

Postea præmissa illitione olei rosarum & myrtillor. emplastrum hoc apponatur, per aliquot dies in affecto loco detinendum.

℞. Radic. bistort. nucum cupress. an. ℥i. mastich. thuris an. ℥ss. balaustior. ℥i. ol. nuc. mosch. expr. ℥i. picis naval. & terebinth. an. q. s. M. f. emplastrum. *Paulus Barbette in Chirurgiâ.*

MYOCEPHALUS, MYDRIASIS & MYOPIA.

Vid.

OCULORUM VITIA.

Finis Libri Undecimi.

JOH. JAC. MANGETI
BIBLIOTHECÆ
CHIRURGICÆ
LIBER DUODECIMUS.

*De Affectibus & Operationibus Chirurgicis à Literâ
N. incipientibus.*

NÆVI MATERNI.



E his jam aliquid in Cutis vitiis, hîc rursus in eodem argumento Dissertatiunculam, & Observationem unicam adferemus.

De Nevorum varietate, & cicere in facie M. T. Ciceronis.

Nævorum historiam pauciores exposuere, inter quos singulari eruditione Lud. Septalius eminet, ut nuperi Scriptoris cujusdam delicatulam reprehensionem incurere non debuisset. Horum curatio licet ex se non sit necessaria, à plerisque tamen magis, quam vel gravissimi morbi, expeti solet. Novimus cui in gena muris pilosi effigies faciem fœdat, qui, cum lautissimâ fortunâ semper usus sit, hanc turpitudinem jam olim magno redemisset. Ex sequiori sexu plures nobis notæ, quibus aut in pectore, aut collo, aut brachiis, Ceraforum, pisorum, fragorum, ribesiorum, foliorum, avellanarum, & vulnorum quoque hiantium effigies multum displicentiæ animo ingerunt. Nos istis nunc in aliud tempus sepositis, exemplum ex veterum monumentis adducemus, quod nobis semper consideratione dignum visum: Quis enim M. T. Ciceronem, nisi qui Latinas literas, nescit? Huic nomen Cicer, in facie dedit, matris imaginatione, sub sinistro oculo conspicuum, quod quia in statuis nummisque antiquis plerisque non cernitur, quid causæ sit, hîc indagare lubet. Nec enim inde genuinis non accensendos concludi potest, quod nuper adeo Vir doctus putabat. Cum enim Illustrissimi Lambecii librum de Bibliotheca Augustissima Cæsarea vidisset, quo me insigni benevolentia donaverat, nummumque argenteum ex Cimeliarcheo Ambrosiano Archiducali in Vindobonensē translatum, cujus geminum exemplar uno latere Ciceronis-effigiem, altero Minervæ suę refert. lib. II. p. 726. æneâ icone expressum, diu contemplatus esset, de antiquitate illius modeste dubitavit, quod ipsa facies tenuior, rugosior, & sine Cicerculo illō videretur: Cui tamen temporum varietatem, qua uni homini non semper eadem vultus plenitudo esse solet, & irum corporis, quo dextra pars tantum exhibetur, si-

nistra, quâ nævus erat, latente, reposuimus, conjectura etiam nostra addita, quâ honori illius datum credimus, ne spectaretur quemadmodum de Apelle Plinius XXXV. Hist. Nat. VIII. refert. Antigoni Regis imaginem pingentē, altero lumine Orbam primum excogitata ratione vitia condendi, Obliquam enim fecit, ut, quod corpori deerat, Picturę potius deesse videretur, tantumque eam partem ostendit, quam totam poterat ostendere. Sic enim in isto quoque nummo obliqua facies eam tantum partem exhibet, quæ nævo libera exhiberi poterat. Plurimi certē nummi antiqui ceteroquin integras quoque facies representant. Quod si omnino genuina Ciceronis Statua marmorea dicenda fuerit, quam Theodorus Gallæus in libro suo Antverpiæ à Plantinis excuso in lucem protulit, Romæ in hortis Cœlimontanis apud Cyriacum Matthæum existentem, cur tamen nullum Ciceris istius vestigium habeat, nemo facile docuerit; nisi hîc quoque Statuarii ingenium suspectemus, quod tamen nullum esse poterat, quia directam faciem integramque ostendit. Vero sane simile videtur Romanos, qui tantum aruspicię, auguriis, ceterisque Etruscis disciplinis, & Mathematicorum thematibus ac præfagiis tribuebant, etiam Physiognomonice nævorum scientiam majoris, quam par erat, æstimasse, adeo ut illis non tantum turpitudinis specie molesti fuerint, sed etiam quod sortis futura loquerentur. Quod licet facile historiis probari queat, vicissim tamen obstare quis putarit, quod alii nummi & statuę reperiantur, in quibus verrucæ extuberantia manifestissima conspicitur. Talem nos Thoracidem marmoream perantiquam Venetiis apud Illustrissimum Rosinum vidimus, qui nobis, Viri summi Joh. Veslingii commendatione, Thesauros suos rerum Naturalium & Antiquitatis verè rarissimos, incredibili humanitate ipse monstravit. Huic autem faciei lineamenta, quę diu & attentè consideravimus, præter calvitium, Galeanę seu Mattheanę simillima, sed sub sinistro oculo transversa ferè pollicis latitudine Verruca cicercularis majuscula erat, versus exteriorem cantum, qua ferè Os superioris maxillæ ad temporum processum jugalem tendens, Zygoima constituit in vivis. Nihil ferè nobis ex veterum Physiognomonicis genuini superest, sed tamen ex Cardano aliisque recentioribus constat, nævos ejusmodi verrucarios levā faciei parte infaustos plerisque pronunciatos, vitęque violentos exitus portendere creditos, non tam fortuito casu, quam rerum gestarum imprudentia superinductos. Quod licet vanissimum sciamus,

mus, Romanis tamen quoque Vetr. ad superstitionem promptissimis, receptum ex ipso Cicerone patet, qui Piton. morum fœditatem obijciens: Non piosq̃, aiebat genē deceperunt me, nec vultus totus. Quid si vicissim Piso aut qui pro illo dixerat, Ciceroni Calvirium, & sinistram hoc Cicer objecerit? Infelix sanè fuit, quamvis rebus in Cilicia prosperè gestis. Consul enim in patriam redux, non aliud quàm Triumphum meritis suis proximum animo præcipiens, civili bello involutus, dum non potentiorē, sed justiorē causam sequi maluisset, cum illo etiam vitam, reciso à cervice capite amisit. Quod si è contrario hæc parum curata Tullio ostendi queat, non aliam deinceps causam reddituri sumus, quàm quod in Stoicorum Scholis educatus fatorum suorum fiduciam habuerit. D. G. Hier. Velschii.

De Nevæ Maternis.

Amicum habeo, Clarissimum Virum in cujus fronte vitrum elatius vino rubello semiplenum, quoties incalcescit, visitur, Matris id vitio adscribitur, visum fortè ejusmodi poculum avidissimè desiderantis. Alium novi in Francia Orientali, cujus in cubito perfectus mus cum pedibus & cauda exprimitur, pluribus pilis nigricantibus brevissimus horridus. Condiscipulum memini me quondam Mombelgardi habuisse, cui tuberculum fragiforme in humero enatum erat, Junio Mense semper tumidiùs ac aliàs. Accepta vitia ferunt illi terrori Matris, huic desiderio.

An cùtari possint aut debeant? non parum illustris quæstio est inter Chirurgo. Prostant exempla infelices tentaminis. Amicus cui in sinistra maxilla tres macule lentiformes lenticoloresque, nihil elatè, sed cuti equales à Matris phantasia sunt, pilis durioribus horridè, variis tentaminibus eradicare deformitatem instituit, sed à levissimis quibuscunque innocentes maculas ita exasperavit, ut surgere in tumorem, & immani dolore torquere genam cœperint, nec dubium, quin gravius quid fuisset passurus, nisi tandem medicaminis impatientes maculas fecisset missas. Infelix tentamen mori eradicandi in puella 17. hebdomadam memini me legisse apud Ammannum in Pargensi. Plura possent adduci; Præsertim in capite vel facie nævum, si tangatur, plus offendere tradunt, quàm prægrandes in corpore maculas aut verrucas. Consului hac in re excellentissimum Chirurgum Dn. Joh. Petr. Willium Civem Francofurtensem primarium, Patruum meum, qui à prudente & perito Chirurgo tale quid tarò reformidandum suâ experienciâ didicit, & hisce mihi respondit: Sectione talia tolli optimum, quæ facilis est, si tumor filo circa radicem possit constringi, apponique pariti talia quæ humores affluentes commode intercipient aut repellant: Cavendum ne arteria aut vas aliud majus, maxime verò nervus lædatur: Nam si sine vitæ periculo nasum, aurem, oculum evelli natura permittit, cur in spuris iis ejusmodi non eadem facilitate utetur? Cùm Ann. 1649. in *Richsleben*, qui locus Helmstadio quatuor milliariis distat degerem, affertur mihi infans ludimagistri loci, cujus avus pastor erat, supra cujus infantis utrumque oculum perque totam frontem infinitæ extuberantiæ molles tubrè, cœruleæ, albæ, fuscæ, variis denique variegatæ coloribus, non secus ac si Galli Africani collum & caput fronti accrevisset extendebantur, procedente super utrumque oculum crista rostrata Galli Africani longissima, similis excrecentia, sed aliquanto depressior genas deformaverat. Causa tantæ deformitatis erat similis facies aurigæ, quem fortè gravis viderat Mater. Infantem viderat etiam Excellentissimus Dn. D. Herm. Conringius, amicus meus colendus, cujus uxori infantis mater olim à famulitiis fuerat, & pro incurabili casum is habuerat. Ego ve-

Biblioth. Chirurg. Tom. III.

rò curam tentavi, & renotis hisce quicquiliis omnibus ea brevi felicitate infantem restitui incolumem, ut præter alios summopere illustris Conringius successus non sperati felicitatem fuerit admiratus. Nec hæc hirundo mihi sola quæ ver faciet, plura si voles recenserebo exempla. Vale. Francof. 1674. 2. Jul. Hæc ille venerandus senex, quæ in Sermonem Latinum transferre & publico communicare voluit. *Joh. Val. Willii.*

Connata frontis excreſcentia feliciter ablata.

Clariff. Christophori Horchii. Miscell. Curios.

Decur., iij. Ann. 3.

Die decimo septimo Julii Anni 1689. Matrōna quædam honestissima Bernensis Helvetica, ex Nobilissimo & antiquo Wartenvvilleriano Stemmata orta; nocte præteritâ, formosum aliàs enixa est pusionem, cum tumore inter ambos oculos ad nasi radicem connato, livido, mobili, ac molli, radice planâ, magnitudinemque juglandis non superante, æquante tamen.

Hic recens natus infans statim curæ Domini Alberti Baurencōningii, Manuductoris in Chirurgiâ tunc mei optimi, sincerissimi (cujus obitum multum lugeo) committebatur, qui etiam horâ quartâ pomeridianâ curam in hunc modum aggressus est.

Tumori cum cute, digitis quantum poterat, allevato, filum injiciebatur sericum, contortum & ceratum quod, dum subtili instrumento injectum filum depri-mendo & applicando ita, ut etiam cutis sanæ pars illò arriperetur, sensim quàm validissimè nodo simplici, nasi versus apicem, posteaquæ adhuc retrò superiora versus circumductum nodo strictissimo duplici constringebatur, filamentis extremitates reponebantur, & linteis exiguis contortis digestivo imbutis deligabatur.

Die insequenti excrecentia hæc livido-flavesceus & mortificata, frigida se præbebat digitis, suppurationi prospiciebatur solo digestivo, interim bene se gerebat Infans.

Tertio ab operationis die sinistram hujus tumoris latus, prope radicem lymphæ aliqua flava crudeſcebat, ast visibili apertura nulla, reliquæ tumoris substantiæ, dum esset dura & livida, absque tamen suppurationis odore, ad excipiendam lympham apponebantur lateri illi plumaceolæ siccæ, continuabatur digestivo ad accelerandam suppurationem temperato.

Die quarto tumor nigricans indurabatur multum, ita ut tophum simularet, diminuebatur tamen magnitudine sua, nullumque adhuc suppurationis spirabat odorem.

Die quinto plumaceolæ rubro colore tinctæ à filo serico, vasculum aliquod apertum mentiebantur, suppurationis jam ex odore advertebatur paucissima.

Dies sextus & septimus novi nihil ferebant.

Octavo tamen die, cutis radice filo inferior exco-riata & suppurans conspiciebatur.

Die nono, quoniam nimis exulcerabatur & recedebat à filo circumjacens cutis; Excrecentia hæc cultello inferiùs filo resecebatur, totaque hæc vulneris facies grossum Imperialem æquabat magnitudine, in cujus centro protuberantia quædam callosa & albâ radice instar se offerebat oculis; sanguinis fusio aderat nulla nec dolor, deligabatur solito; vespertinâ autem horâ, in religatione ob metum recidivæ, callosa hæc protuberantia ferro candente quintâ vice, suspensâ tamen manu, attingebatur absque gemitu pusionis, deligabatur emplastris contractivis & glutinantibus in formam crucis, ut artis est.

Decimo, ad separandam escharam applicabatur unguentum ex succo apii (quod nunquam satis laudatum

ad promovendam separationem in partibus membranosis.

Undecimo die, Glutinantia omittebantur, & radix ista callosa ad calami crassitiem præ reliqua vulneris carne prominebat.

Duodecimo, ulceris nunc facies exquisitissimi erat sensus, rubescere incipiebat, & materiam tenacem fundebat multam.

Decimo tertio, Radix præfata nondum satis exesa, infernali lapide suspensa manu, tangebatur, ex cujus tactu totum per diem ploraverat infans.

Decimo quarto, Radicis separabar se eschara, parva tamen adhuc supererat protuberantia albicans, quapropter causticum imponebatur linteolum.

Die decimo quinto, liquore deligabatur nostro vulneratio, qui constat ex aquæ calcis vivæ cum mercurialis equa commixtione, at nimis exsiccabat hic liquor, quapropter ad Emplastrum nostrum galbaticum, tanquam ad certam & rarissimè fallentem vulnerum consolidationum anchoram refugimus, sicque optimo cum successu continuavimus ad diem vigesimum primum, cum materia adesset nimia & caro parumper luxuriaret, at semel reiterato alterato liquore prælato, caro solida se præbebat & optima, continuabatur ergo cum emplastro illo ad omnem usque consolidationem, sicque hic infans, deformitate ablata, vigesimo octavo die sanatus, demitrebarur, remanente rubore aliquo, qui tamen ex tactu cosmetici breve evanuit.

SCHOLION

Arcta quæ sit & harmoniaca humorum & spirituum circulatio matris cum fœtu, ingeniosissimi Naturæ scrutatores satis clarè enuclearunt, hîc tantum referam: Matrona gravida cum esset, in octavo mense, ex improvise & cum terrore aliquo obviaffe hominem quendam vidit, strumâ colli pensili maximâ oneratum, ex cujus improvise adpectu atque imaginatione spiritus matris confusè permoti concurrerunt in illam partem nasi à matre fricatam, quia caro matris satis valida erat, ad recusandam talem disruptionem seu impressionem fibrarum, nihil illi nocebat, dum verò mater hæc videt & sentit, idem & fœtus in ergastrio sentit & videt, & quia hujus carnis fibrillæ nimis teneræ erant, & resistere cursui spirituum adeò violento & confuso nequibant, distorquebantur ac distumpebantur, figuræque visâ imprægnabantur. Suppurationis supra præfatæ, retardationem deduci posse credo. 1. Ex defectu caloris externi, quoniam nullis prospiciebatur fomentationibus, quas magnificare soleo ad accelerandam suppurationem. 2. Ob lymphæ transudatæ profusionem, unde partes particulis suis motricibus orbatæ, terrestriores, difficillimè moventur & suppurantur, quæ etiam causa duritiei inductæ esse potest. Et 3. quoniam cutis constricta & suppuranda fuerat sana, quæ arripiebatur filo ob metum remanentiæ alicujus lividitatis tumoris. Quod autem nihil immoraverimus ablationi excrescentiæ, in causa fuit timor, ne incrementum capessisset majusque spatium occupasset, & præstat hujus farinæ tumores quamprimùm post partum remove.

NARIUM, HÆMORRHAGIA.

vid.

HÆMORRHAGIA.

NARIUM MORBI.

Narium carnes spongiosæ, glandulis pluribus interspersæ, sedes sunt fœtoris, ulcerum, indeque

factæ ozænæ, & polyporum. Cancros non addimus, quia de his fusè alibi. Nec etiam opus est hîc de Polypo vel Ozænâ verba faciamus, siquidem ea propriis explicantur capitibus. Impræsentiarum itaque tantum generalia quædam de Narium Morbis, per *Curationes. Consultationes, & Observationes.*

Curationes.

Ozænâ.

In ozænis & reliquis fœtidis ulceribus, præmissis universalibus mundificantia primùm necessaria, postea consolidantia.

Mundificantia sunt aquæ abstergentes, qualis est aqua aluminis ex arena sine spiritibus cucurbitaræ terreæ simpliciter per alembicum destillata, & aq. plantaginis, in qua aliquid de Mercurio dulci dissolutum fuerit, & similia.

Deinde præstans est aqua viridis ex Auripigmento confecta, quam ex aliis Platerus habet in curatione doloris, quæ.

℞. Æruginis eris ℥j. auripigmenti ℥i℥. terantur subtilissimè, & coque in Vini albi ℥iv. ad consumptionem partis mediæ, ubi refrixerint, adde Aquæ rosarum & solani an. ℥ii.

Aq. Viridis Hartmanni.

Præstantior est alia aqua viridis mihi usitata, quæ non tantum in ozænis sed in omnibus ulceribus fœtidis narium, palati, uvulæ, gingivarum, linguæ mirificè valet. Estque talis.

℞. Mellis rosati, ℥ii. Sulph. vivi, aluminis crudi, æruginis eris, an. ℥i. albi græci, Comarum sabinæ, an. ℥iii. sambuci, ℥i. fol. hyperici, rorismarini, rubæ, plantaginis, salviæ, pulegii, an. M℥.

Hæc coque in vini & aquæ ℥i℥. ad consumptionem digiti transversî unius (in aphthis puerorum temperetur aquâ tabaci, solani ana, secus nimirum acrior est.) Nota: erugo aeris non simul coquatur, sed in fine addatur & relinquatur donec refrixerit, postea coletur & servetur usui. Cujus cochlear calefiat supra candelam, postea cum penicillo eadem aquâ intincto tangatur locus exulceratus.

In fœtidis ulceribus palati, faucium, uvulæ, immittatur aqua hæc cum stupis: mirabiliter non tantum mundificat, sed insuper etiam consolidat, in primis ulcera palati & faucium ex lue Venerea orta.

Mirabilis quoque est scorbuto oris (interdum applicetur cum gossypio vel stupis, ne noctu deglutiatur propter æruginem.) Pro gargarismate multum valet decoctum Veronica & mellis in aqua simplici vel decocto saturejæ in Vino.

Consolidantia sunt præter illam aquam Viridem posteriolem, quæ maximè ad consolidationem facit, præsertim in ozænis.

1. Præstantissimum est quod reperitur apud Rondeletium titulo de ozænis, quod.

℞. Ladani puri, hypocistidis, mastichis, mirrhæ an. ℥iii. styrac. rubri, Calaminthæ, Corricum thuris; Sandarachæ, auripigm. rub. an. ℥ii. (Rondeletius habet ℥iii. sed improbo) excipiantur omnia terebinthinâ & F. trochisci, quibus fumigetur in cubiculo serò & manè. Optimum etiam est ex iis parare candelas, cum cera rubra (propter cinnabrium, quod in cera rubra) & fumum, qui ex candelis succensis in loco angustiori colligitur, excipere.

2. Est decoctum Myrrhæ & Olibani an. ℥i℥. in Vino & acet. an. ℥ii. & in petiis aliquoties (de syndone) calide applicatum.

Erysipelas Narium.

Erysipelata narium communimore instar Erysipelatum cæterorum restinguuntur.

Specificum est menstruum virginis in acet. destillato rosaceo dissolutum, & in petiis rubris calidè applicatum, præsertim si sudores moveantur.

Carcinoma Narium.

Carcinomata narium curantur, ut alia carcinomata (carcinomata exulcerata tantum non intelligantur) reliqua quæ sine dolore, ne tangantur, mirificè tamen hîc valet aqua Arsenici, quæ sit hoc modo.

℞. Arsenici albi, salis nitri puri an. q. s. figantur invicem tigillo igne rotæ, ita ut in fine omnia fuerint liquata (NB. evitetur fumus studiosè, ideoque hæc operatio sub dio fiat) ubi omnia refrixerint, arsenicum erit candidissimum. Hæc autem operatio secundâ & tertiâ vice cum ana Salis nitri instituitur. Ex hoc arsenico per deliquium in loco humido F. oleum. Hujus tantum in aquâ plantag. vel persicorum dissolvatur, ut mixtura ipsa ad gustum linguæ tolerari possit.

Polypus.

In Polypo præter cætera vulgaria præsentissimam medicationem (præmissis præmittendis) præstant turundæ radicis gentianæ cum unguento sequenti illitæ.

℞. Pinguedinis anseris q. pl. foliorum malvæ, radicis altheæ q. s. coque invicem, postea exprimantur per laciniam & F. Unguentum.

Vel ℞. Butyri recentis, pinguedinis capî, ol. olivarum, q. omnium placet, adde ceræ exiguum, F. Unguentum.

In alterutro horum unguentor. misce Mercur. præcip. aut arcanum Corallinum, vel etiam Mercur. vitæ v. gr. in unguenti ʒss. Mercur. ʒss. vel etiam plus usque ad ʒj. Hoc unguento parato inungantur turundæ ex radice gentianæ factæ & indantur naribus, si adhuc quandam cavitatem habuerint: si minus tantum polypus propendens inungatur aliquoties, idque fiat tantisper donec totus absumtus fuerit.

Fætor Narium.

Fætor narium assiduus difficulter curatur: Fit ex abscessu vel putredine in ipso olfactu sensorio vel osse ethmoide.

Odoratus Abolitus.

In odoratu abolito specificum est Extractum Majoranæ singulis diebus jejuno ventriculo & vesperi præmissis universalibus, sumptum, dos. ʒss. vel etiam ʒj. Item Balsamus majoranæ affabrè factus, & cum Extracto mixtus, aut per se ad gr. vi. vel vii. sæpius in vino sumptus, vel etiam oleum, moderatè ad gr. ii. iii. iv. aliquando sumptum, penitus morbum tollit.

Valent etiam sternutamenta, cum præsertim vitium est in obstructione ossiculi Ethmoidis.

Coryza.

De Coryza vide supra in Catarrho.

Hîc etiam valet Gummi anime vel oleum ejusdem in suffitu super carbones. Item Tabacum aliquot guttis ol. anisi conspersum more communi sumptum.

Hæmorrhagia narium.

Hæmorrhagias narium excitat millefolii succus recens expressus (pulvis minus efficax) item flammulæ (sed minori efficacità constrictis leniter fasciâ) venis jugularibus. Vide P. Bayerum capite de Polypo.

Eandem si sistere libet, proximum est, accipe r. fumam de pilis leporis sub ventre nascentibus vel caudæ extremitates; die Weissen-Haar, Xenia Paracelsi.

2. Hæmorrhagiam narium sistit pulvis bufonis exsiccati in nares insufflatus, vel laciniiis inditus aut bufo integer sub axillis gestatus.

3. Flor. Bellidis minoris in manu patientis aliquandiu detenti, sanguinem sistunt. Alioquin iidem flores sanguinem coagulatum & putrescentem extra venas intra proprietate dissolvunt & consumunt, si in cibo usurpentur (etiam in partibus distantissimis, verbi gratiâ, sub unguibus.)

4. Stipites Melanthii admoti, vel gestati etiam idem faciunt sistendo sanguinem.

5. Laudanum opiatum vel intrò sumptum, vel etiam cum pilulis naribus intrusum.

6. Lamina argentea (verbi gratiâ Thalerus) inter cilia applicetur (fortissimè fasciâ,) extemplo juvat.

7. Hæmorrhagiam sistit extractum croci Martis sequens, si ejus gutt. iv. cum aquâ plantag. exhibentur.

℞. Limat. Martis ʒj. affundantur paulatim & successivè ʒiv. ad vii. Aq. fort. digerantur per noctem in cineribus vel arena: hinc per alembicum extrahatur. Aqu. fort. ad siccitatem. Pulveri restitanti affundatur spir. V. ad 2. digitorum eminentiam, digeratur totum, donec rubescat. Hinc à fecibus decantatur, & in B. vel cineribus usque ad oleitatem destillatur.

Lepus in Martio captus exsiccat, pulverisatus in nasum vel vulnus immittatur.

Hæmorrhagia Critica.

Hæmorrhagia narium critica; nisi copiâ vires prosteruat, non impedienda: morbosè verò mox in principio succurrendum. Quare ad ea, quæ sanguinem averunt ad alias corporis partes, accedendum, & si indicantia permittant, vena secetur brachii externa, nec magna sanguinis quantitas unâ detrahatur vice, sed reiteratis vicibus, horâ unâ intermissâ semper pro virium robore.

Cucurbitæ magnæ hypochondriis & inter scapulas applicentur. Omnia acria & calida vitet, vinum granatorum cum aqua Chalybeata dilutum bibat, succum ribium inspissatum: conditum eorundem per intervalla assumat: Syrupis utatur refrigerantibus, ut de Corallis Quercetani, dilutis cum aqua cichorii, Endiviæ, portulacæ, nymphaeæ additâ ʒj. aut alterâ Sal: prunellæ. Aquam item è Thyphis cervorum assumat; terram sigillatam; bolum armenum cum speciebus diatrion santalon in forma, aut in aq. cardiacæ cum confectio de hyacintho, aut in forma boli cum conservâ.

Epithema item applicetur exterius hepati ex aqua Endiviæ, cichorii, rosarum, nymphaeæ cum flor. ros. rubrarum, santalo, camphorâ, additis semine portulacæ, oxalidis, cichorii, cum pauco acer. statim hinc sequente manè purgetur infusione Rhabarbari cum syrupo rosarum solutivo aut de cichorio cum Rhabarbaro.

Fronti quoque & temporibus adhibeantur inedimenta adstringentia & refrigerantia: in primis fiat cataplasma ex bolo armeno aut sanguine draconis cum albumine ovi subactis, immittatur turunda è gr. 10. aut, 6. cum panno raso: aut fiant pilule duæ ex laudano occludendo illis nares utramque. Aut stercus asininum aut suillum acet. rosaceo dissolutum immittatur in nares, quod vel solo odoratu sæpius sistere compertum, si cum aquâ rosarum & camphora mixtum sacculis includitur ad odorandum.

Ad collum, ubi venæ jugulares ascendunt, applicantur lintea in aqua sperniolæ, in qua parum camphoræ & sacchari saturni solutum sit intincta.

Eadem aqua utiliter ad Epithemata hepatis & testium, qui involvi possunt linteis imbutis acet. rosaceo, in quo sperniolæ compositum dissolutum, adhibeatur. Imò dicta aqua lavare faciem & nares commodum, quia coagulat sanguinem: ita in hemorrhagiis quibusvis vulnerum applicari cum linteis commodissime potest. *Johan. Hartmannus in Praxi Chymiatr.*

Factor Narium.

Si ab ulcere, polypo aut sarcomate promanat, non prius quam eadem curatur; si verò à corruptis humoribus in naribus contentis, exoritur, ac recens fuerit, facile curatur. Si inveteratus, incurabilis est, maxime si à malâ narium conformatione, nempe similitudine & depressione nimia contingat.

Curatio perficitur causarum ablatione & symptomatis lenitione. Ac primum evacuationes universales instituendæ, quæ totum corpus & ipsum cerebrum ab excrementis pituitosis liberent, per apozemata, pilulas &c. quibus, si magna humorum copia redundare videatur, diætâ sudorifica addi poterit, mox errhina abstergentia, & materiam conjunctam educantia, erunt administranda; ac primum mane & vespere è vola manus vinum album attrahatur in quo centaurium minus & calamentum fuerit incoctum, deinde betæ succus cum aqua majoranæ extractus locò prædicti attrahatur.

Vel ℥. Radic. cyperi & calam. aromat. an. ℥ss. Rosar. rubr. p. j. Myrrh. ℥ij. Coquantur cum vinò albò pro errhinò. Ad potentiùs pituitam ex altò eliciendam.

℥. Rhad. ireos Florentin. Ellebor. alb. piper. long. an ℥ss. Sem. anis. & major. sicce pulver. an. ℥j. Euphorb. gr. i. Olei nard. cheir. & violacei an. q. s. f. unguentum molle, ex quò intincta digiti minimi extremitate fricentur nares internæ, vel turundâ, aut aliò linamentò lentis magnitudine in nares immittatur. Denique ad fœtidum odorem tollendum, suave olentia naribus sæpe immittenda sunt, ut Gallia moschata in vino odore dissoluta, aqua angelica, &c. *Lazarus Riverius in Praxi Medicâ.*

In narium profundò, circa ossa spongiosa, & in antris cavis maxillæ superioris ossium, pituita, mucus, diutius retenta, nauscosum, vel, si putrescant, fœtidum odorem reddentia, Narium fœtorem dictum inducunt. Quod cum ob mucii illius tenacitatem & immixtionem cum pravis aliis humoribus, tum etiam ob angustias harum cavitatum, ubi hæ sordes colligi, atque donec emungantur vel effluent, retineri solent, evenire potest, ab ortu sic constitutas, vel coarctatas, ac tunc ferè nasus naturâ, vel vi aliquâ externâ depressus apparet. Ab ulceribus in abdito narium, vel nasi amplitudine aliquâ hærentibus, hoc idem accidit.

Ab humoribus intra calvariam circa organa olphactûs, vel etiam in ipsis cerebri ventriculis putrescentibus, idem fieri scribunt, sed veritati haud consonum hoc videtur, tantam putredinem in cerebro gigni, quin longè graviora accidentia, & mors interdum ipsa sequatur.

Exhalatio illa fœtida si ab ulcere exurgat, eo curato cessat. Si à morbo narium organico, ob illarum angustiam, virium est ferè inemendabile, nisi præcaveatur ne excrementa cerebri majori copiâ, vel planè nulla eò defluent. Quod si alioquin causa sordium, quæ ob copiam vel pravitatem facile corrumpuntur, vel putrescunt: fœtor hic quando hæc redundant, aut retinentur, exurgat, tunc curatio sic aggredienda.

Purgamus corpus decenter, & pro ratione humorum redundantium medicamenta exhibemus, capitique ea accommodamus.

Naribus attrahuntur errhina, vel eæ illinuntur unguen-

tis, quæ abstergendo & irritando sordes promovere, odoreque suavi has sedes imbuunt. Succus iridis attractus, vel illitus naribus, valde efficax est boni odoris. Vel sic.

℥. Succus iridis ℥ss. Succus major. ℥j. Vini odorati vel malvatici ℥ss. M. Succus betæ ad majorem stimulationem addi potest. Vel, cum magna adest putredo, adde huic errhino succi centaurii min. & absinth. an. ℥j. Aceti rosac. vel scill. ℥ss. Myrrh. ℥j. M. Succus folior. lauri vel myrthi, alique odori addi possunt. Inspissantur hæc quandoque ut melius hæreant & illini possint.

℥. Prædictæ alicujus compositionis ℥ss. Adde ladan. storac. calamit. an. ℥ss. Mellis, vel infusionis gummi tragacanth. factæ in aqua aliquâ odoratâ q. s. ut fiat linimentum.

Ad odorem suavem conciliandum, odoratis, quæ vel attrahenda naribus, vel etiam infundenda, utimur; ut vinò generoso vel malvatico in quò folia ocymi, majoran. calamint. lauri, flor. lavendulæ, cinnamomum, caryophylli, infusa macerataque sint. Vel aqua still. flor. aurantii, rosar. citri, limon. usurpanda. Vel alia suavis odoris compositæ variis modis ex odoratis plantis, seminibus & aremat. Quibus tam simplicibus quam compositis, si moschus vel ambra addantur, majorem habituræ sunt gratiam.

Inunctiones similiter odoratæ, fiunt ex moschò, ambra, dissolutis in oleo de been vel aliis, quæ ramen horum odorem non planè infringant, ut ferè fit, si hæc aliis compositionibus, ut multi docent, addantur. Zibetum per se inungi potest: olea still. cinnam. caryophyll. majoran. aliave odoratâ cerâ albâ excepta, si naribus indantur, odorem vehementem & diu perseverantem expirant. *Felix Platerus in Medicâ Praxi.*

Errhina & ptarmica motum seri promovere, sicut bi stagnet, vel evacuari desideret. Motum promovere, tum mediata ex capite, una enim & perpetua est communio vasorum salivalium & lymphaticorum, tum immediata ex naribus ipsarumque glandulis; ubi spissescit quandoque serum; torpidius sit ac putrilaginosum. Quandoque enim in ossis ethmoidis confiniis residens humor; obstructis poris, nec aère sufficienter ventilatur, & odorem ingratum concipit; sive jam in ulcus faciescat, seu minus, quæ causa est fœtoris narium ordinaria. Ubicumque ergo per has vias motus seri promovendus est, illa ex usu sunt; evacuant humores præsentis, abundantes ac retentos, liquando & liquatam deplendo lympham. *Georg. Wolfgang. Wedelius in Aman. Medic.*

Consultationes.

Ad Narium fœtorem.

Cum sit factor narium antiquus, videndum num sit ob conformationem, aut gentilitium; à vitio olfaciendi facultatis, ossium, aut viæ, aut generationis ipsius materiæ.

Malum aliquando est in olfaciendi sensu ipso, aliquando in ossibus. Querendum an sit symptoma factor narium, an morbus, & quis morbus, quod symptomata, cujus morbi. An sit actionis læsio, an exiens mutatum, an utrumque. An sit ulcus. Nam in ea virgine de quâ consulebatur, solebat velut quoddam crustosum ex imâ nare deradi, quod *ἰατρὸς τὴ* significare videtur.

Sciendum præterea an vitio humoris qui talis generatur, id fiat; an bonus & *εὐδὲς* humor sit excrementitius, sed dum attingit ossa ethmoidea, aut alias partes ulceratas, ibi corrumpitur, & *δυσδιά* acquirit. Sic diathesis tantum mala esset. Et non tam vacuandum quam alterandum.

Est enim ubi diligentius purgandum, est ubi non, præsertim cum agitur de fœtore oris. Imò licet totum corpus evacuaremus, ne hilum fortè proficeremus. Indelebilis enim est diathesis.

Dubitari potest an humectantia conferant, an sicca & calida. Si enim tetra est sanies, si ulcerosum quid, potius est siccandum & detergendum. Et quod in meth. medend. aut potius in lib. de loc. affect. Galenus facit, qui pulmonicis, præsertim ubi putredo est in pulmonibus, sicca & calida dat; (contrà quàm Medicorum vulgus facit, præscribens multa iulcula) id Herclè faciendum est. Contrà quæ humectant juvare videntur. Nam quæ è cerebrò huic Virgini fluunt, viridia sunt & terri visus, quæ declarant æstum quendam in cerebrò aut corruptionem. Quibus enim corpus biliosum & æstivans: si tale caput est, iis ferè mucus viridis excernitur.

Sic ratione caloris valebit litus ex mucore psyllii extracto in aquâ plantagin. additâ pomatâ lotâ in aquâ odoriferâ, aut aquâ rosacæ. Valebunt pilulæ etiam cum aromaticis; Gargarismi cum odoriferis; Balnea ad contemperandum & squalorem tollendum; Cauterium occipiti addendum; Abstinendum à majoribus & calidioribus; Ptyalismus provocandus iis quæ sunt moderata; Tabellarum sit frequentissimus usus; Cucurbitulæ. Si ulcus, curandum ut ulcus. Caputpurgia valent.

Folior. major. betæ, betonic. an. m. ss. tundantur affund. aq. beton. & vin. alb. an. ℥ii. fiat expressio. Adde aliquid ireos. Vel infunde in hydromelite. Adde tantillum piperis, quia vis coctione evanescit. *Gulielmus Ballonius Consilior. Medicor. lib. 2.*

Annotatio Jacobi Ther. ii.) Noduli non sunt omitendi. Fernel. probat expurgationem cerebri per gargar. Si liquor haustus in nares ore resupinò relabatur in fauces. Fiat decoctio in hydromelite maceretur iris, salvia, cyclamin. rad. vel in hydromelite dissolvitur mel anthosatum.

De rubore Narium.

D. Robinella sentit ex intervallis appulsum fuliginis aut vaporis calidi, ut est prædita visceribus calidis, extrema naris incalescit, intumescit; sed ut mulieri non potest eripi cura cultus corporis, ita nihil negligit quod ad id mali evitandum pertinere possit; imò etiam ad Empiricos confugit. Illi calidis rem irritarunt, & infecta plane res est. Nos eâ ratione ei consultum volumus. Quia malum à visceribus; iis danda opera est, phlebothomia; purgatio valét cum cassia, catholice. sena; lotio pedum, epithemata; cucurbitulæ, enemata refrigerantiâ. Cavéat topica frigidiora; eaque quæ moram in parte affecta trahant. Unguentum citrinum, cera virginea in aquâ rosarum & nentharis lota; vinum fragorum, cretior hordei; decoctum hordei, quò mangones ad mangonium puerorum & nitorem, utebantur Hippocratis tempore. Emplastr. molle ex gumm. tragac. arabic. amylo, pauca cerussa & cera virg. locò ceruss. lythargyr. valebit.

℥. Folior. salic. m. ii. albumin. xii. ovorum, succi limonior. ℥ii. destillent cum lacte, oleum ex seminib. frigidis aqu. lilior. cum trochisc. alb. Rhaf. vel emulsionem aqu. rosar. cum paucò mucoris seminis altheæ & gumm. tragac. frustum carnis vitulin. mane applicatum. Valet pasta regia Fernelii & hordeum mundatum in iusculis *Idem Consilior. lib. 3.*

De Narium angustia pro Religiosissimo Concionatore.

Quantò cum labore legi præsentem Consultationem; tantum cognitu difficilis affectus proditur in ipsâ curâ, qui curandus proponitur, cum ipsius essentiam ad instar materiæ primæ per negationem descriptam viderim. Neque ex enarratis constat qua prædita sint qualitate, & qua copia, quæ per nares, cum antehac, tum in præsentia excernuntur, quæque sit excremen-

torum natura, & numquid melius habeat estate, aut hyeme: sed hoc solummodò religiosissimum Patrem, & disertissimum Oratorem, quinquagenarium: & quod excurrit, calidi & humidi temperamenti, cum totius, tum etiam quoad partes principes, ex parte narium, olfactu privatum, duobus abhinc annis, post varios labores exantlatos itineribus, studiis, concionibus, jeuniis, vigiliis, accedente incompota vivendi norma, conqueri cepisse de angustia quadam narium, ad instar nodi eas comprimētis, quæ ad quodcunque studium, aut scribendi munus se applicet, diutius illi incumbere non permittit, non sine sensu titillationis; cui & accessit ardoris sensus. Quibus etiam, adventante vere præterito, gravedo successit, licet variis medicis præliis universalibus, & particularibus antea usus fuerit.

Ex Quibus sanè compertissimum sit, partem affectam esse nares hæreditaria quadam imbecillitate, forsitan angustia naturali laborantes: cum præsertim non tantum lectissima Matrona, religiosissimi patientis mater sed & avunculus labem in naribus passus fuerit, ejus causâ velut ex naso loquebatur. Qualisnam autem sit narium affectio non constat, cum nil observetur, neque extrinsecus, neque in earum meatibus. Crediderim tamen angustiam illam esse majorem crassitiam, quàm conveniat, cum exsiccatione internæ narium membranæ, naturâ crassæ, quæ perpetuò nares patulas conservat, & sua lubricitate mucosæ illuviei effluxum faciliorem reddit; quoties enim cunque prædicta membrana crassior, & durior redditur, non potest non coarctare nares ad instar nodi, crassioremque redditam esse membranam prædictam, ob confluxum materiæ, cum pituitosæ, tum melancholicæ crassæ eò confluentis, & impactæ. Quod si talis materia falsedinem aliquam contraxit, quod in cerebro calido non difficulter contingere potest, titillationem, & ardorem excitare apta est, prout majori copia fluens, gravedinem, & forsitan difficilem respirationem reddere potest. Quæ omnia intensionem, & remissionem facile suscipiunt, cum ex lectura, tum ex scribendi labore, propter confluxum novæ materiæ, & ejus quæ confluxit resolutionem.

Affectus sanè curatu difficilis, cum jam sit confirmatus, hæreditariam dispositionem ducens à parentibus, totque & tam variis remediis hætenus adhibitis non cedens. Quinimò metus est, ne per ætatem in deterius labatur, cum ipsiusmet olfactus abolitione. Non tamen supersedendum Medicis præliis.

Hæc eò collimare debent, ut diverratur fluxio, fluxaque materia attenuetur; emolliatur; digeratur; & sensibilibus evacuetur, ac tandem contemperetur caliditas, & siccitas partis affectæ. Hæc præstabuntur remediis Chirurgicis, & Pharmaceuticis.

Chirurgica itaque quod attinet, præmittendam censeo aliquam sanguinis educationem ex venis sedalibus, non tantum hoc tempore, verum etiam, & alternis mensibus, pro majori revulsione; mox & sanguinem mittere suaderem ex venis narium phlebotomo, vel ad motis hirtudinibus, cavendò ne superiora petant; & præter inustos fonticulos, inurerem & alium occipiti, pro derivatione à capite, & revulsione à parte anteriore; duasque leves inustiones retrò aures, vel ulcuscula pararem, cum lacte tithymali, aliquandiu patientia servanda; non omissis infernarum partium lotionibus frequenter administratis lixivio dulci moderatè calido.

Pharmaceutica autem remedia sint, quæ alvum continue ducant, non tamen generosa, & præmixta blandâ totius curâ. Laudarem quoad interiora remedia, potum aquæ Villensis, vel magis Ficencellæ in agro Senensi. Porretanam enim in agro Bononiensi, & Mascaria nam in Valletelinensi erumpentem, dal Mascari dictam, tanquam calidiores suspectas habere.

A quibus saccharum rosatum cum jusculo ex cichorio aliquot hebdomadas summopore proderit, prout & antehac factum fuit ex præscripto præclarissimorum Medicorum Bononiensium. Omnia namque cum ratione facienti, non est ad alia transeundum, stante eo, quod à principio visum fuit. Extrinsecus pariter probantur embrochæ capiti jam propositæ, ex dulci lixivio cum cephalicis temperatis: vel stillicidium ex aquis Thermalibus supra propositis, præmissa aliqua peculiari capitis expiatione gargarismis potius, & masticatoriis, quam nasalibus, ne materia ducatur ad partem affectam. Non tamen propterea omittenda censeo errhina. spectantia materiam fluxam, cujus ratione pergendum erit aliquot dies in usu lactis vaccini, vel caprini, vel alterius animalis, ducti intra nates, & frequenter iisdem appositi cum linteolis; inungendæ quinetiam sunt intus, & extra oleo amygdalino, prout & antehac præparata fuere nasalialia ex hordeo, malva, & althea, additis deinde sensim, & sensim levioribus digerentibus, ut puta succo anagallidis, & betæ; vel attractio fiat aquarum Thermalium exsiccantium. Ac tandem deveniendum erit ad errhina validiora, ad pulverem nempe liliorum convallium: attractum sternuandi causâ ducatur item lac cum agarico, vel pulvis tabaci, ita tamen, ut ab horum usu, & post purgationem, denudò præscribantur refrigerantia & humectantia. Ac interim supersedendum est illis omnibus quæ quovis modò caput replere, & materiam ad nates alligere valent. Et hæc in casu hoc perdifficili attingenda duxi, in confirmationem eorum quæ summâ cum ratione præscripta fuerunt à Præclarissimis & Doctissimis Medicis Bononiensibus: Faxit Deus Omnipotens ut ad vota succedant. *Benedict. Silvaticus Consilior. & Respons. Medic. Cent. 2.*

De ulcere cancroso in Naso. Pro Nobili Tridentino.

Pustula illa sicca, & squamosa, quæ quatuor ab hinc annis apparuit in sinistra externa parte nasi illustris Viri, atque anni alterius cum medio vix medii unguis magnitudinem excedebat, ab eo tempore sensim & sensim ita excrevit, ut & in ulcus amplum, saniosum, crustosum, pruriginosum, degeneraverit, cum labiis crassibus; quod propterea disepulotum, fluxioni opportunum, cacoëthes seu intemperatum nunc dicendum est.

Hoc verò fluxionem recipit, cum à capite suggerente pituitam salfam, ob quam gravedinem, & raudedinem patitur, tum à toto venenoso genere, sanguine vitioso, redundante, ob incompositam victus rationem. Atque hæc intemperies est calida, cum aliqua siccitate, ut ex rubedine narium id probare est, & ex temperamento totius calido, & sicco.

Ideoque non solum ulcus hoc est difficillimum curatu, ob malignam naturam, & continuam fluxionem; verum etiam quia periculum imminet, ne subsequatur ossis corruptio, quod in præsentia illæsum esse scribitur. Habemus enim ex Hipp. Sexto aph. 4. quod, si ulcera annua, aut etiam diuturniora fiant, os abscedere necesse est, & cicatrices cavas fieri. Eoque magis id pertimescendum est, cum patiens hic vitiosis alimentis usus fuerit, à quibus necessarîo nova fluxio succi vitiosi jugiter in partem affectam decumbit; quod patet ex ulceris ipsius dilatatione, & labiis ipsius crassioribus redditis. Propterea non immeritò de agendis consulitur.

Pro debellatione igitur præsentis affectus valde difficilis, quinque sunt agenda. Primò divertenda est fluxio per evacuationem totius, & capitis; diversionem materiæ fluentis, & exsiccationem capitis: secundò corri-

genda est intemperies calida partis affectæ refrigerantibus: tertio detergendum est ulcus, sublatis labiis, & crustosa materia: quarto sarcoticis caro restituenda. Tandem exsiccantibus cicatrix erit inducenda. Quæ præstabuntur remediis Chirurgicis, Pharmaceuticis, & Diæticis.

Chirurgica quod spectat, conveniunt universalialia, ac deinde particularia. Ideo vena communis sinistri brachii tundenda, indeque sanguis moderata quantitate erit ducendus, reperita mox ejusdem evacuatione ex venis sedalibus; ac tertio ex vena retrò aurem partis sinistræ. Fonticulus quoque mihi videtur apprime necessarius in eodem sinistro brachio, ad derivationem fluxionis. Alia Chirurgica parti affectæ dicata proponuntur inferius.

Pharmaceutica quod attinet, alvo lenitâ syrup. ros. sol. & mannâ, præparandi erunt humores syr. acetoso simplici, de pomis cum decoctione betonice, cichorii, borraginis & hyssopi. Purgabuntur agarico, & rhab. cum syr. ros. sol. & de polypodio composito. Repetatur præparatio cum syr. compositis, & purgetur pilulis aggregativis, de hiera cum agar. vel hujusmodi. Purgatio denudò fiat simili purgante, si vires ferant, in quo casu quàm maximè necessarium censeo blandum aliquod decoctum, paratum ex radice chinæ, santalis & visco quercino, sumendum 30. dies ad minimum, cum sudore blando semel in die excitato, doliolis aqua fervente repletis, habita ratione nativæ corporis gracilitatis, & quibuslibet octo diebus dejectorio exhibito: in quem usum pilul. de hermodactylis, vel pulvis hermodactylatus dictus, erit accommodatissimus, præscripto victu attenuante, non tamen valde exsiccante, ob habitum gracilem à naturæ primordiis, uti dictum est. Dum hæc intrinsecus præscribuntur, externis quinetiam remediis tentanda, erit ulceris sanatio; ac primò removenda erit fluxio, per intercipientia, circumpositis partibus applicata, venis scilicet jugularibus & temporum, circa quas partes poterit fieri linimentum ex bolo armena, sanguine draconis, alumine pulverizato, & aceto: mox crustosa materia emollitâ est auferenda, si labia sint callosa, & dura, sunt abscindenda extrema forfice, sin minus, exsiccantibus validioribus detergenda, puta pulveribus ex ostreis ustis, aristolochiâ, radice panacis, chalcitide usta: linimento quinetiam applicito, confecto ex gallis immaturis, abrotano usto, cum quarta parte calcis vivæ semel extinctæ, quæ excipiantur melle, formâ linimenti. Nec abs re erit detergere aliquando ulcus melle ros. quod si fuerit valde sordidum, poterit aliquando addi portiuncula unguenti Ægyptiaci, vel etiam tangi oleo de chalcantho, moderatè tamen, si aderit intemperies calida, cujus ratione aliquando abluetur aquâ plantaginis, rosarum, & myrtilorum, applicabiturque unguentum de succis refrigerantibus. Quod si venæ illæ circa partem excurrentes turgent, duæ hirudines illis apponendæ erunt. His peractis, pro tollenda intemperie, fluxione & putrilagine materiæ sarcoticis postea consuetis, & exsiccantibus, seu cicatrizantibus utendum erit. In quem usum & conferet unguentum de betonica, de Matrisylva: à quibus unguentum de tuthia ejusdemque tuthiæ præparatæ pulvis, unâ cum ostreis ustis, ex usu erunt.

Et hæc administranda censemus, cum congrua victus ratione à Viris præclarissimis præscribendâ; hoc addito, cum Hippocr. quod, quæ medicamenta non sanant, ferrum sanat, quæ ferrum non sanat, sanat ignis. Spero tamen fore, ut levioribus propositis Illustris Patiens liberetur ab hoc affectu. Quod ipsi à præpotente Deo obnixè precor. *Idem ibidem.*

De Tuberculo in. Naso. Pro Perillustri Patiente.

Tuberculum, quod in præsentia patitur in summo naso perillustri patiens, & cui alia minora circumcirca accreverunt autumnæ præterito, ex pituita crassa originem duxisse verisimile est; quæ forsitan à capite, calida & humida intemperie donato eò confluit, à qua & præteritum tumorem in genu productum fuisse statuerunt Viri præclarissimi: cum præsertim uterque sit durus, indolens, & concolor, atque Vir Perillustri sæpius podagrâ correptus fuerit, cujus frequens causa est materia pituitosa. Ad horum tamen tumorum generationem non parum contulisse aliquam copiam humoris melancholici cum naturalis, tum & aliquatenus exusti, postquam geniti sunt in Autumno, post æstus præteritos, in ætate adhuc consistente, & temperamento calido, & humido, hac ætate ad siccum vergente.

Unde conjectare facile possumus tubercula ista scirrhusi, seu glandulosi tumoris naturam redolentia, non parum ad cancerum vergere: primò ob eorum aliquam asperitatem, & inæqualitatem: secundò ex crusta supergenita: tertio ex spongiosa carne, quæ subjacet: & quartò ex facili ipsorum mutatione in affectum inflammatorium, malignum, & ex prava materia, à compluribus Medicis præfidiis loco affecto, variis temporibus applicitis: unde summa cum ratione cautè procedendum esse in eorundem curatione statuerunt Viri sapientissimi. Quorum opinioni ego quoque subscribendum censeo, curationem ipsam periculi plenam ducens, ob imminens periculum ulceris cancræsi, vel in eadem parte affecta, vel si curationem admittat, in aliqua alia, ad quam hujusmodi materia facile decumbere poterit.

Non ob id tamen quibuslibet Medicis præfidiis superfedendum est: atque primò ac præcipuè divertenda est fluxio, per diligentem totius expiationem, per revulsionem, & derivationem. Secundò exsicccandum est caput, absque insigni calefactione: ac deinde blandis localibus emollienda est, & digerenda materia, quæ confluit. Quæ præstabuntur remediis Chirurgicis, Pharmaceuticis, & Diæticis.

Quantum ad Chirurgica, probatur sufficiens sanguinis detractio, cum ex jecoraria dextri brachii, tum ex hemorrhoidibus, ex quibus forsitan hætenus sanguis ductus fuit. Venæ autem frontis resectio tunc erit necessaria, quando caput esset valde calidum per essentialem intemperiem, non autem per transmissos vapores à subjectis partibus: quod observabitur à Viris doctissimis. Placet quinetiam fonticulus inustus dextro femori, & inurendus sinistro brachio, potius quam occipiti: ne materia à subjectis partibus trahatur in caput. Alias manuales operationes circa partem affectam quoquo pacto suspectas habeo, cum propter imminens periculum, tum quia licet Chirurgicis sanaretur affectus, immineret nihilominus periculum, ne excreceret novus tumor in aliqua alia parte.

Inter Pharmaceutica laudantur, hinc quidem evacuantia totum per alvum, sæpe repetita, & aliquando per vomitum, & evacuantia caput; per os potius, quam per nares; hinc verò præparantia, & alterantia interna: in quæ usum placet, summo pore decoctum ex santalis, falsâ, lentisco jam præscriptum. Nec præter rem adderetur viscus quercinus, ratione capitis, cum tamarisco, propter humorem melancholicum, additis emollientibus, vel etiam præmisso bolo ex Terebinthina Veneta, vel spiritu Terebinthinæ. Quoad topica, mihi sufficeret linimentum aliquod blandum molliens: & moderatè digerens, nullatenus mordicans, vel corrodens, quod parari posset ex pulvere ruthiæ, & lithargyri, ammoniaco, cinere cancerorum fluviatilium & oleo rosæ completo in mortario plumbeo, cum pistillo plumbeo, quo suscipiat facultatem digerentem,

& roborantem à plumbo ipso; validioribus missis, ut suspectis.

Addatur congrua victus ratio, quæ sit tenuis, atnuans, boni succi, & nulla ex parte excrementitia, aromaticis, glutinosis, & vinis generosis missis, factis. *Idem ibidem.*

Observationes.

Vir quidam cum nasi rubedine instar Cancris aliquot annis vexaretur, ac frustra Chirurgorum ope usus esset, ad nos tandem venit oratum, ut si quo modo possem, huic turpitudini opem ferrem. Huic consului ut sectâ venâ, & corpore repurgato ab atra bile, à cibis atram bilem gignentibus abstineret, & hoc linimentum præscripsi.

℞. Succî solani ℥iv. Pul. diapomphol. 3j. Cerus. ablut. cum aq. rosac. & iterum siccet. Diß. Ducantur pauco oleo, rosac. adjecto, & cerâ albâ liquatâ in mortar. plumbeo cum pistillo plumbeo, donec ad spissitudinem linimenti concrecant, quo optimè postea se habuit: & miraculi instar curatus est. *Petrus Forestus observ. 6. in schol. lib. 13. De Nasi affectibus.*

Obstructio utriusque naris, altera quidem integra, à polypo spurio, carne scilicet callosa ulceri ex contusione externa accrescente; alia verò imperfecta, feliciter sanata.

Curavi Nobilem Germanum in ædibus Præclarissimi Joannis Rhodii, laborantem obstructione integra alterius meatuum nasi, adeo ut altero quinetiam medio obstructo ægrè duceret spiritum. Hæc autem obstructio causam habuit contusionem insignem nasi, dum puer esset, prout in hujusmodi casibus observavi, læsis scilicet externis partibus, lædi quinetiam plurimum internas: ut quibus propterea ulcus progressu temporis suboritur, ex quo caro succrescit, quæ longo annorum spatio indurefcit, & aliquando polypus sparius evadit, educendus postea, modo ab Aquapendente proposito, quandoque in osseam fere duritiem occalescit; prout contigit nobili huic Germano, illa parte potissimum quæ omnino obstructa erat. Facta itaque totius corporis purgatione, deveni ad Chirurgicam operationem, præsentibus multis Germanis studiosis, & ipsum callum durissimum, ac partem obstructam, per cannulam, ferramento acuto ignito spatio viginti dierum perforavi, ut commodius respiraret, idque multis diebus, cum patiens non posset ferre continuam inustionem, peracta operatione, apposui globulum ex filamentis aridis, inductis post inustionem, butyro, illico quotidie naso oleo, vel unguento rosato, arcendæ inflammationi: quamvis operatio valde molesta esset, quod cum caro illa callosa admodum superficietenus, & dura esset, hac attrita, ab inustionibus nobilis patiens sævos pateretur dolores. Facta itaque perforatione, ut dictum est, & dolore sublato medicamentis anodynis, imposui turundam imbutam unguento ex tuthia, quo sensim induxi cicatricem, quæ ut firmior evaderet, inspersi turundæ pulveres ex bolo armena orientali, & cornu cervi usto, portiunculâ thuris: quibus adeo cicatrix occaluit, ut nunquam pars amplius coaluerit, patente naturali meatu. Sanata verò obstructione alterius meatus nasi, deveni ad aliam partem, non omnino obstructam, per quam nonnihil spiritus ducebat eger; ut propterea eodem tempore utrumque meatum curare abstinuerim, quo commodius respiraret. Hanc verò partem citius sanavi, utpote admodum callosam, duabus scilicet, vel tribus inustionibus, per cannulam ampliato meatu ad figuram naturalem, omnibus alioquin peractis ut in prima cu-

ratione, quibus quinquaginta dierum spatio æger omnino fuit liberatus. *Petrus de Marchettis in observation. Medico-Chirurgicar. Sylloge.*

De naso laeso ob frigus hibernum.

Puella sedecim annorum dum hiems sæviebat, ac frigus intensum aderat, conquerebatur de tumore, rubore nec non dolore in apice nasi, atque hoc malo revertente hieme jam sæpius afflicta fuerat ægrotula.

Scilicet ob frigus aeris nasum tam internè quàm externè afficientis sanguis in vasis valde exiguis ac humores in tubulis aliquatenus substituerunt, ac progressu temporis acorem quendam contraxerunt, unde tumor, rubor ac dolor facile deducitur.

Sed unde contigit, ut malum hoc jam aliquoties instante bruma redierit? non alia de causa, quàm quia vascula ac tubuli prima vice ita distorti sunt à sanguine ac humoribus stagnantibus & acescentibus, ut postea numquam tam bene ad statum pristinum redire potuerint, quin adveniente hieme sanguis ac humores in circulatione sua aliquod offenderent illic obstaculum.

Affectus hinc Belgicè nominatus *de koud* periculo caret, sed interim tamen haud parum invisus est puellis suam qualemcumque formam pro summo bono habentibus, ideoque vitam quàm formatam amittere non raro malentibus.

Paucis diebus linteo solo spermate ceti inuncto hoc malum in totum abegi. Non disputabo jam temporis, quidnam sit illud, quod spermaris ceti nomine innoscitur; an revera sit semen magni piscis, an sit substantia quædam, quæ sub forma olei crassi reperiatur in cellulis quibusdam ovi anserini magnitudinem habentibus ac sitis in capite balcæne, an tandem sit compositio quædam artificialis ex lixivio calcis ac cerebro cujusdam piscis siccatō confecta; hac, inquam, de re hinc loci non disputabo; sufficit mihi in citato medicamento contineri multum salis volatilis oleosi, quod acidum in sanguine ac humoribus stagnantibus correxit.

Hoc malum non tantum apicem nasi, sed & calcaneum, ac pedum manuumque digiros invadere solet; supervacuum foret hujus rei rationem reddere velle, quandoquidem manifestum est, aerem frigidum magis afficere extremitates corporis quàm alias partes, ac vascula exigua citius obstrui, quàm capaciora.

Ad malum hoc præcavendum cucurbitulas cum scarificatione adhibere solent, sed perperam, quoniam hoc pacto obstructions non tolluntur, sed multiplicantur, & vascula distorta ad pristinum suum statum non revertuntur, sed magis distorquentur. Præstaret vapor ex accenso spiritu vini progrediens aut fons ex vino ac herbis copiâ salis volatilis gaudentibus confectus.

Ad malum hoc, ubi apicem nasi infestare solet, præcavendum quidam applicant sanguisugas; sed malè, nam affectum hunc inde non parum exacerbatum esse memini, cujus rei rationem adderem, nisi illa satis constaret ex paragrapho præcedente.

Affectus, de quo dixi, pedetentim prorepere consuevit, sed occurrit aliquando aliud malum subitò ab intenso frigore proveniens, diciturque gangræna ex frigore, quæ incipiens curari solet immersione in aquam frigidam, verum enim verò num hæc medela rationalis est? maxime & rationi consentanea est & experientie, pomum congelatum in aquam frigidam conjicere exiguo temporis intervallo illud, salvâ pristinâ saporis gratiâ, ac consistentiâ, observabis intus regelari, totâ glaciæ crustâ putamini externo adhærescente; quod si autem idem pomum congelatum admoveas igni, flaccet illico, ac saporis suavitatem amittet.

Complures nimirum particulae in pomi congelati poris ac tubulis contentæ, quæ prius fluidæ fuerunt,

jam propter gelu induerunt formam glaciæ, hoc est, multæ particulae, quæ antea à materia subtili satis fortis, motibus à se invicem diversis continuò agitabantur, jam juxta se invicem quiescunt, quia cinctæ sunt materia subtili, quæ debilior est, quàm ut illas in motu solito possit conservare. Ubi pomum hoc congelatum jam aquæ frigide immersum est, materia subtilis fortior ex aqua provolat in pomum & sic pomum regelatur, materia autem subtilis debilior ex pomo progreditur in aquam, pomi putamen externum proxime tangens, quod inde crustâ glaciæ obducitur.

Ubi verò pomum congelatum igni admoveatur, materia subtilissima mundi, valde fortis ac multis crassis ligni aut cespitum particulis comitata per poros pomi congelati magno impetu ingredi conatur, nec potest, quia pori frigore valde contracti sunt, ideoque eosdem vi dirumpit, atque ita consistentia ac sapor hujus pomi mutatur ac vergit in deterius.

Hinc jam satis liquet, quod rationalis sit hæc gangræne ex frigore curatio, licet interim una circumstantia varianda quibusdam fortè videatur. Pomum nempe congelatum in aquam frigidam conjicitur, & quia dem optime, quia liquor in pomo bene constituto repertus quoad tactum frigidus est; sed sanguis ac humores nostri bene constituti non frigidi sunt quoad tactum, sed calidi aliquatenus, ideoque membrum levè gangræna ex frigore laborans potius in aquam tepidam (Belgicè *Boet-laewu*) quàm frigidam deberet immitti. *Joh. Muys in Praxi Chirurgicâ Rationali.*

NASI MORBI.

DE iis partim mox in Narium morbis; partim alibi in Cutis vitiis. De Naso verò deperditō restaurandō vide Capite de Carne ablatâ restituendâ.

NATA vel NATTA.

Vid. sub titulo

ATHEROMA.

NERVORUM VARIE LESIONES.

S I O N E S.

De iis Vid. sub titulo

VULNUS.

Hic tantum Observationem Singularem adducemus, de Nervis. Olfactoriis & Osse criboso laesis Clariss. Godefridi Bidloo Exercitation. Anatomico-Chirurgarum Decade secunda petitam. Quæ hæc est;

Jan de Haan Nordvico-Batav. ætat. 47. annor. munere restiarius, corpore robustior, in pago hocce, Anno 1704. 4. Octobr. aquam haustus ex publico puteo cujus tollenoni, in incolarum commodum, uncus est additus, cui appendi urceus potest: dum manu unâ eum ab uncō solvit, alterâ verò pondus tollenonis sustinere impotens est, petit unci apex, multo ex usu obtusus, ejus nasi & narium partem dextram, elevat ab terra, in duorum pedum altitudinem, tenetque per aliquod tempus hoc modo suspensum hominem, vociferantem, quem ab uncō; sed verò non sine difficultate, liberant vicini & experienti Chirurgo Joanni Kalis, Alcmariâ-Batav. mox inspiciendum tradunt, qui quatuor: uno de vulnere majore faciei, observat cutanea;

tanaas levesque, ut videbantur, quædam interioris nasi lacerationes & de hisce omnibus mediocrem hæmorrhagiam.

Trium, vel quatuor dierum intervallo, notabile cum quidquam nihil, præter liquidi cujusdam, de narium dextra stillicidium; apparet vulnereque desiccarentur, ad normam, levioris momenti habita est eorum curatio; verum ab illo die, adactæ hocce profluvio indies, indiesque novis ruentibus in vulneratum symptomatibus; agente interea pro munere suo diligenter chirurgo, periculosum esse hoc vulnus ei & ægro constitit nimium certò.

Post plurimorum, tum medicorum, tum Chirurgorum; quinimò & ægyptatum (utinam! isti medicalitro- rum cœtui aqua & igni nunc, ut olim *Roma* interdiceretur: ex usu etenim generis humani id foret) sed frustra experta consilia & molimina me 13. Novemb. convenit ægri uxor duxitque, cum Chirurgo *M. Alderkerk*, ejus filio & quibusdam studiosis, qui fortè fortunâ domi meæ erant, ad suum maritum tremulum, vacillantem, visu hebescentem, vertigine correptum, animo languentem, & liquidi multum de naribus dimittentem; inspectis hoc die naribus, vulnerum vestigiis, omnique non semel observata rerum apparitione, experiebar, sequenti luce;

14. Spatio viginti quinque horarum, circiter viginti, purissimi laticis uncias, de narium dextra, destil- litavisse, ægrumque convulsionibus agitaturn; imbecillem, titubantem, enervem, omnibus articulis quandoque rigidum quandoque solutum, & voce vix aliquid distinctè proferentem; sedulo itaque & denudò, ægro luci exposito, inquisivi in liquidi hujus fontem, detexique intus omnia ulcere, sed levissimo confecta, osque cribrosum exasperatum statuique, consideratis insuper prædictis symptomatibus, odoratus organum læsum, nervorumque ejus involucria disrumpita cerebrumque affectum: quocirca; etsi aliud genus medicationis mox meditabar, narium dextram fortiter; sinistram verò molliter, *turundis albumine ovorum & stipticis pulveribus S. A. ornatis*, farfi implevique.

15. Toto hoc temporis interstitio; tametsi de naribus effluxisset nihil, manserunt nihilominus, nunc inemorata symptomata, apparatus hoc die non solvi; verum ægro, languenti, frigore externo tremuloque motu febreque correpto, sudoriferum præscripsi, quod homini tremebundò potius gulæ fuit infusum, quam ab ipso haustum.

℞. *Antim. diaph.* ℥j. *Sal. absynth.* ℥ss. *Confect. Alkerm.* 3℔. *Syr. pæon.* 3ij. *Sal. volat. gut.* vij. & *Vini rhenan. q. s. pro haustu. M.*

multo, hac nocte, excusso sudore, mane.

16. Mitigatis aliquantulum symptomatibus, relictoque in naribus apparatu, sequenti linimento, post adhibitam *aq. Anhaltin.*

℞. *Balsam. peruvian.* 3ij. *Ol. terra* 3ij. *castor. Ruth. a.* 3℔. *Laurin.* 3jss. *Ung. nervin.* 3ii. *M.* fricuit Chirurgus bis totam vertebrarum syntaxin, ad ignem collocato ægro, verticique ex multo linteamine pulvillum, fervente *spiritu vini* imbutum adaptavi; eodem modo & non sine fruge.

17. Tractato ægro apparatuque novo naribus intruso.

18. Nuchæ ejus decuplum ex linteo pulvillum, *balsam. Peruv.* & *ol. Therebinth.* conspersum, injecimus eique cauterium actuale, non tamen urens, applicuimus; ut scilicet, medicamenti virtus, unâ cum externo calore penitus adiret medullam (ut vocant) spinalem nervosque ex ea oriundos: ter repetito hoc actu, inveni ægrum.

19. Quasi expergefactum, nausæabundum quidem sed tamen minùs spasmodicè convulsus, utentem distinctione loquela & viribus magis constantem; alvum in-

interea adstrictam patientem, ad quam solvendam purgans commune aliquod præscripsi, post cujus operationem, omnibus, ut supra, crebrò & præsertim frictione tractus vertebrarum & nuchæ, per biduum.

20. & 21. Præstitis, decrecentibusque symptomatibus inque hoc momentum temporis liquidi de naribus stillitante nihil, surrexit, propriis urens viribus, descenditque, adjutus, de lecto æger.

22. Victu potuque refectionis.

23. Renunciatum mihi, ab chirurgo repetente prædictam medendi methodum, est, circa meridiem: ter namque aliquando ægrum, unius diei spatio visitabat, ne si quid inopinatum fortè accideret, ego, cum ipso, paratus non essem, qui necessitati & rei peragenda prospicerem, de narium dextra, circiter 18. guttas. liquidi turbiduli, manavisse: sed verò illico ejus cessavisse profluvium; denuò itaque naribus, ut supra, obturatis omnibusque continatis mediis, de die in diem; melius & melius petrexit negotium, incedente ægro; prius per cubiculam & deinceps per totam domum & comedente satis benè.

24. Liquido prædicto, de novo & quidem guttatim defluente, statim turundas de naribus extraxi easque pure, parte una, laudabili, alterâ minùs tenaci & inale olente conspersas; sed paucissima quantitate madefactas inveni; ita ut nullus dubitarem, quin ipsa nervorum cerebrique involucria, vulnere quo cæteræ partes, essent læta: Medelam adhibiturus huic ulceri sub vespere, *Balsam. Sulph. Therebynt. & calefact.* turundæ adminiculo eâ, quâ fieri potuit & debuit, vi, in summas nares osque cribrosum intrusi, capitique, de cujus dolore gravativò eger, præsertim parte anticâ, querebatur, imposui *seq. cæcoph.*

℞. *Herb. Beton. salv. majoran. a. m. s. Flor. Lavend. m. j. Origan. P. I. F. S. A. Cæcoph. cui insperge Aq. vir. Mathiol. 3ii.*

hisce ad normam, non neglecta medicatione antea descripta, per triduum,

27. 28. & 29. Usurpatis adhibitisque; liquidi prædicti fluxus tamen non est impeditus: ægro porro præscriptum, *ex Resin. Jalapp. Mechoacan. &c.* purgans; cum autem vereretur medicamentum extus adhibitum; ad ipsam fortè plagam non pervenire, aliud genus aliamque ejus formulam commendavi, videlicet, quod siphonis ope in ipsas nares & ulterius injici posset & erat;

℞. *Vin. Gall. Aust. (vulgò) vin. grave, 3vii. Rad. tormentil. 3ii. Flor. balaustror. 3℔. Alum. crud. virriol. Cyprin. a. 3℔. Macerent. per 24. horas, adhibito lentissimo igne. Philtr. & conserv. in usum.*

postquam hoc medicamen magna cum vi naribus esset intrusum, illæ turundis, eo liquore imbutis, arctissimè sunt impletæ & obturatæ. Hæc pede pergentes & sæpè sæpius nucham egro calefacientes vertebrarumque tractum fricando inungentes, diminui nâ fluxum, augeri homini vires cœperunt; sed continuò de conatu in vomitum queritanti, exhibitum *consorians est vinum medicatum.* Ab ultimo hujus mensis, usque in 5. Decemb. rebus è voto succedentibus; mutatum, vel tentatum noviter est nihil. Observabamus interim semper, ægrum nostrum & animo & corpore deficere; vel refici, eâ proportionè, quâ liquidum memoratum amitteret, vel conservaret: primò quippe accidentè symptomate, mox rigescere ipsi membra, vacillare postea; secundò; exhilarari ipsum membraque suis fungi, sine tremore, muneribus & officiis, visa sunt.

De naribus plane apertis nulloque medicamento ornatis, cum, per aliquot dies, liquidi manarar nihil, addit æger, cui virium jam; non verò opum (etsi ego ne obolum quidem ab eo petierim) satis erat *Nordvicum*, quo loco imbecillis quidem interque ambulandum titubans; tamen vixit, magno sine incommodo; usque

usque dum, ut ex relatione ipsius uxoris Chirurgique *van-Leon*, altero pagi & celebri Chirurgo: accepi, initio mensis Martii, dirissima talique vellicaretur convulsione, ut cum lecto contremiscerent exinde ipsi parietes, eodemque mense cecidisse in fossam domui ejus proximam, amisisse de tempore in rempus vires & postquam cecidisset in fossam, vix vitæ suæ extitisse consci-um, tandemque omni amisso motu (sic dicto voluntario) amisisse 25. Maji Anno 1705. ullo sine tremore, vel spasmodico partium motu, vitam.

Ad hujus hystoriæ supplementum pertinere videtur, quæ sequuntur.

Ægrum dormivisse & comedisse, ut plurimum bene sed aliquando altissimo somno, per 7. aut 8. horas obrutum, postea, helluonis & sitibundi hominis adinstar, omnia quæ ei in victum, aut potum propinabantur, devoravisse.

Circa finem vitæ pueri, vel mente carentis hominis instar, traxisse vitam, artubus nunc laxatis, nunc rigescentibus in totum, ita ut truncus videretur.

Alvum satis commodè exoneravisse, ad ultimum vitæ terminum.

NODUS.

Vid.

GANGLIUM.

NOLI ME TANGERÈ.

Vid.

CANCER.

N Y M P H A.

De methodò quâ à Paulô refecatur, *Vid. in Hermaphroditorum Chirurgiâ*, ex Hieronymô Fabriciô ab Aquapendente.

Finis Libri Duodecimi.

JOH. JAC. MANGETI
BIBLIOTHECÆ
CHIRURGICÆ
LIBER DECIMUS TERTIUS.

*De Affectibus & Operationibus Chirurgicis à Literâ
O. incipientibus.*

OBSTIPITAS.

Pro Colli incurvati, seu Obstipi Capitis restitutione; Hæc habet Clariss. Anton. Nuck in Experimentis Chirurgicis.

Nter musculos caput flectentes, speciatim aliquando afficitur musculus *Mastoides*, qui relaxatus, aut convulsione aut paraly- si laborans, ab antagonista extenditur, & contractione sua caput versus alterum latus tantopere contrahit, ut collô incurvatô incedere necesse habeat patiens. Principiis itaque obstandum, & medicamenta non tantum musculo contrahenti (qui propriè non laborat) sed & relaxato applicanda. Præprimis conducunt Emollientia, & fibras nimium tensas relaxantia: E. G. Ol. *Violar. Lumbricor. de Lacer. Vulpin. Axung. Human.* Vel.

℥. Ol. *Amyg. d. Lumbric. aa. ʒj. Axung. humani ʒiij. Ung. Alth. ʒss. Theriac. ʒj. Sal. Card. Bened. ʒss. Caph. gr. xij. M. F. Linimentum.* Vel

℥. Ol. *Chamomill. Rut. aa. ʒvj. Nardin. Aneth. aa. ʒss. Spir. Vin. ʒiii. M. F. Linimentum*

Hiscæ vel similibus pars non tantum contracta, sed & relaxata bis quotidie illinatur, dein ter, quaterve singulis diebus, ex instrumento *Torques* dicto, quadrantis horæ spatio suspendatur patiens; quibus tandiu continuandum, donec ejus caput pristino iterum statui fuerit restitutum.

Verum aliquando hoc malum tam altas egit radices, ut propter summam musculi contractionem & duritiem, hac methodo restitui planè non possit; Hinc manus Chirurgicæ summo opere necessaria, quæ elevato patientis mento & collo, tendinosam musculi Mastoidæ partem (qua cum clavicula conjuncta persentitur) arripiat, eamque, si possibile, unica incisione cultello falcato præscindat; & si plures partes tendinosæ hujus musculi impedimento fuerint, easdem itidem dissecet.

Hæmorrhagia si superveniat, ea sistenda, vulnusque deinceps hians plumaceolis *Balsamo de Capayv.*

& Hyper. aa. q. s. irroratis, adimplendum, curandumque ut ampla generetur cicatrix, quod facile sperandum, si inter curandum caput ligulâ aliquâ versus oppositum latus inclinatum servetur.

Notandum, hoc in casu longè aliter procedendum esse, ac cum aliis vulneribus, quorum labia adducenda, hîc verò eadem, quantum possibile, deducenda veniunt.

Aliis hæc Operatio, ut crudelior displicet, & Cauterium Potentiale tendinosæ dicti musculi parti applicare maluit, quod separatâ jam escharâ, musculi unionem cum claviculâ disnecteret; Verùm molestissimam talem, & ob summos dolores convulsionisque, periculosissimam fuisse curationem, experientia docuit.

Quidnam autem de ejusmodi cauteriis sit judicandum, & quibus in locis conveniant, ubi de *Abscessuum Apertione* notabimus.

Consilium pro Obstipitate.

Nobilis vir annos natus 45. in bello civili perfuga multa tulit, & in tot tantisque discriminibus cœpit laborare destillatione à capite posticò, præsertim in humeros & cervicem. Hinc colli ac cervicis contorsio quedam, & cum tempore occursum non fuisset remediis ad id institutis, ita malum increvit ut facies in posteriora detorqueretur, & nonnisi magno conatu in anteriora reflecteretur. At sive bibere, sive edere, sive loqui vellet, funiculò in eam rem comparatò retraheretur caput aliorsum inclinans. Luterianis Medicis numquam quidquam tale videre contigerat. Ac laborandum fuit in specie morbi inquirendâ, & remediis accomodatis. Videbatur nonnullis unius partis esse resolutio, quæ alteri convulsionem attulisset: quod non erat credibile, nam in eodem statu pars perpetuò permansisset: At reducta facies ut locum suum, nisi magno conatu & cum dolore sisteretur, convulsivo quodam modo statim revellebatur in postica magnâ omnium qui aderant admiratione. Convulsio erat revera; & omnes musculi erant affecti, & viscosò frigidoque humore imbuti, qui discussus usu rerum calidarum affectum sustulit. Itaque hæc remedia descripta sunt, quibus aliquâ ex parte allevatus est.

℞. Pilular. cocciar. & aurear. an. ℥ss. Turbith. & agar. trochiscati an. ℥ss. F. pilulæ.

℞. Gummi. elem. ℥j. Olei ebulli. Keirini, & lumbricor. an. ℥ss. Pro litu ad cervicem & occiput cum lanâ succidâ.

℞. Emplastr. de betonicâ ℥iij. Opopan. gummi. elem. styracis an. ℥j. Picis navalis, picis pinguis an. ℥i. Pulver. major. & ireos an. ℥iiss. Ceræ & olei rutæ q. s. F. Emplastrum pro capite.

℞. Nitri pulveris ℥ss. Sulphur. vivi ℥iij. F. pulvis quo sinapizetur emplastrum prædictum.

℞. Castorei ℥j. Sem. nigell. Rom. ℥iij. Ligu. Aloës ℥ii. Pulver. major. ℥ss. F. pulvis pro suffitu cum rosis rubris.

℞. Conservar. anthos, bugloss. boragin. fol. betonic. an. ℥iij. Mithridat. ℥iiss. Marg. elect. ℥i. Rad. præoniæ, & semin. ejusdem an. ℥i. Cum syr. de stæchade & conserv. citrii. F. Opiata ad usum ante cibum, & serò ante somnum. Usus est decocto guajaci & chinæ; abstinuit vino: Reperta sunt remedia frequenter. Usus est laconico. *Guilielm. Ballonius Consil. Medicinalium lib. 1.*

Curatio Obstipi capitis.

Prout varia sunt musculorum paria, quæ simul agendo, caput vel in hanc, vel in illam ordinatè deflectunt partem. Pro eo utique occurrit non unum deformitatis genus, ubi illi ipsi musculi, non conjunctim,

sed separatim moti caput distorquent in alterutrum humerum: ob induratum corrugatumque illius lateris musculum. Cujus obliqui situs causa potissimum consistit in musculis mastoideis ac scalenis, quorum illi latiore, hi verò tereti tendine accretuunt claviculæ ossi, prope commissuram illius cum jugulo, ac osse sternò. Quorum profecto musculorum rigidam, ac callosam duritiem, nisi fomentis, aut instrumentis ferreis ad naturalem positum, figuramque reduxeris, unicum remedium est confugere ad scalpellum. Quò tamen etiam nonnisi acri circumspectione utendum.

Filio Consulis Mittelburgensis, annorum duodecim, ab ineunte ætate, obstipò capite, inclinabat cervix in humerum sinistrum: ob adstrictum curvatumque alterum musculorum secundi illius paris quod cervicem antrorsum flectit. Qua deformi immobilis, ac transversæ capitis figurâ, nullis auxiliis deinde ad statum naturalem reductâ; consultum visum fuit Gulielmo Stratenò, Principis Arausionensis Medico, ac Francisco Vicquio, qui mecum adolescentulo medicinam fecere, ut transversim præscinderetur tenacissimum illud vinculum, quod caput tantopere in humerum contorqueret. Quam operam Amstelredami deinde dexterrimè navavit, qui etiam aliis in simili affectu opem feliciter tulerat, I-facius Minnius, ob opera Chirurgica multis summe commendatus.

Factum autem fuit curationis initium à crustâ, per lixivium coctum, cuti inusta. Deinde verò directum scalpellum, supra claviculæ os, ab aure versus jugulum: At tardius certè ob crustæ lentitudinem, ac tibi midius propter venarum arteriarumque jugularium viciniam, quam natura tendinis, ac nervorum requireret. Quibus idcirco magis punctim, quam cæsim latis, sequebatur protinus vehemens cervicis, faciei, ac brachiorum convulsio; quæ tamen brevi iterum evanuit, adducto penitus scalpello, & præcisò animosius integrò, qui in vitio erat, musculò. Cujus amputatio actutum restituit capiti integrum erectioris figuræ usum, ac libertatem sese quocunque locorum movendi; quâ tamen ne abuteretur, circumpositæ fuere capiti variæ fasciæ, quibus deinde, ob vulnus brevi consolidatum, amotis, permansit tamen aliquandiu inveterata illa capitis inclinatio in latus affectum: adeò difficile est longam corrigere consuetudinem.

Quisquis verò deinceps ancipiti huic, ac periculose subjeceris alexæ; ne desperes iterum fieri posse, quæ semel facta sunt. Sed scito tria præcipuè vitanda, & primum quidem; ne crustam cuti inuras, utpote quæ adeò non profuit dolori, ut potius multum nocuerit; tum visui, tum incidenti scalpello. Deinde ne improvidè secando, magis jugules quam cures agrum. Danda ad hæc opera, neidentidem, ac interpolatis vicibus, sed simul ac semel, attamen cautè, integrum musculum præcidas: in quò potissimum hujus curationis instrumentum. Quæ certè animadversio, ut Chirurgus ex famâ, sic ægio non parum ex usu erit. *Nicolaus Tulpius Observat. Medicar. lib. 4.*

De Capitis Obstipi curatione.

Musculi Cervicis, Capitis etiam motui inservientes, antèrius posteriusque collocati, in quatuor classes commodè distribuuntur.

Horum operâ Caput movetur antrorsum, retrorsum, & ad utrumque latus; circa primi, secundivè generis musculos, eorumque actionem quàm consentiunt anatomici, ita circa actionem eorum qui sunt posterioris ordinis dissentiunt, ex eo quod firmitatem ipsis nullam, sedemque certam tribuere nequeant.

Adrianus Spigelius lib. 4. Fabr. corp. human. cap. 7. Musculorum cervicem moventium ad latera confusionem admittit, neutrquam eos hætenus diversos loco asserens.

Vopif-

Vopiscus Fortunatus Plempius tract. de Musculis cap. 22. hæc proponit: cervici musculus licet concessus, notui ejus ad latera propriè dicatus; sufficienter tamen satis, atque perfectè exercetur idem ab extensore & flexore simul agentibus.

Observamus nihilominus, ad latera claviculæ, musculo caput flectenti, Mastoideo, qui pectori atque claviculæ, hinc carnosus valdè, processui capitis mastoideo, necitur, adherere simbram, latam, tenuem. Vide *Barthol. anat. lib. 4. cap. 5.*

Julius Cæsius Placentinus musculum hunc mastoideum inter musculos caput & collum moventes primi paris musculos habet, eumque ex claviculâ adscendentem circa medium duas in partes dividit.

Fimbriam hanc membranosa ex musculo mastoideo, descendente littera A. signatam, non rarò indurata adeò, exliccatam, corrugatamque reprehendimus, ut tendini exarefacto similis videretur. Varia in hoc casu usurpata medicamenta emollientia, formâ fortis, cataplasmatibus, emplastri, linimenti, varia itidem instrumenta Chirurgica, retrorsum caput extendentia, at nihil successus attulisse visa. Præstantius hîc excogitari medium nullum poterit, quàm tendinosam hanc expansionem, usu non medicamentorum corrosivorum, sed forcicis acutioris, celeri manu à clavicula, cujus medio lateribusque firmiter cohæret, separare.

Obilipi hujusmodi capitis ad curationem vocatus aliquando, mediis omnis generis plurimis frustra adhibitis, indurati tendinis dissecctio quàmprimùm fieret author fui, quam curationis methodum etiam proposuerat ægrotanti puero 14. annorum, parentibusque. *D. Florianus.*

Operatio hæc Chirurgica convenienter quo institueretur, æger impositus fuit sedili comodo, fasciarumque aptarum ope debitè eidem alligatus, ministro hinc cuidam, caput ægri quietum detineret, injunctum; Mox locus secandus tendinis, prominentis, gracilis, indurati, tensi, claviculæ connati à Chirurgo *D. Floriano* secutus, similiter ac ille qui arteriæ est carotidis exernæ, lateribus satis conspicuæ, circa auriculam in musculum temporalem excurrentis, circumspeditione summâ, ne hæmo hæmorrhagiam incurabilem inferat, fugiendus. Tandem forcicis acutioris ope, tendinis dicti dissecctio ab eodem *Floriano* dexteritate singulari, uno solo imperu, peracta.

Dissecctione instituta, sanguinis fluxio nullâ observata, ad cujus tamen suppressionem in promptu nobis erant medicamenta, licet etiam cutis ipsa vulnerata; imò operatione hac peractâ Caput illicò, cum sonitu, erigebatur.

Huc facit insignis ea observatio, quam *l. 4. c. 58.* proponit magnus *Tulpius Jobus à Meekren in observationibus Medico-Chirurgicis.*

OCULORUM VITIA.

Ophthalmographiam integram, hîc texere non est animus, siquidem hoc pensum abundè ab Anatomicis confectum videmus, & præcipuè à Celebrerrimis ac Clarissimis Viris Vopisco Fortunato Plempio; & Guiljelmo Briggs, qui tractatus sanè absolutos hoc in argumento conscripserunt; ille quidem amplum, hic verò brevem at non minùs accuratum, quem Bibliothecæ Nostræ Anatomicæ Patte 3. insertum, legere licet. Suffecerit itaque si impræsentiarum quæ Praxim Medico-Chirurgicam magis spectant exscribentes, primum adductus mox prænotatum Famigeratissimum Plempium, ac aliorum variorum Curationes, Consultationes, & Observationes de oculorum morbis, ipsi succenturiemus. Sic autem ille Ophthalmographiæ libro 5.

De Affectibus Ocularibus, eorumque Curationibus.

Uti ingeniosè subtilisque in quavis scientia contemplationes ad operationem non destinata à cordatis viris inutiles haberi solent: ita verò in Medica disciplina conquistæ subtilitates ad praxin non ordinata, vel maxime reputantur supervacue. Quoniam quæcumque Medicina ratione perlustrat, ad corporum viventium utilitatem referre atque accommodare debet. Quapropter etiam universam Artis nomine contineri eminentissimis auctoribus visum est. Nobis tamen speculatiuncularum illarum agitationes nimis quàm impendio semper placuerunt, præsertim quæ rei cujuscumque originem causamve consecrarentur: ut enim ad animalium usum nihil faciant, nescio tamen, quâ ineffabili contemplantis animum voluptate perfundant. Adde, quòd mentis aciem non mediocriter exacuant: ut acrius possit subtiliusque speculari, quæ ad praxin conducibilia judicantur. Ita sane pleraque quasiuncularum huius opusculo interspersimus, quæ nullam præstant in artis nostræ exercitatione utilitatem: quòd verò etiam nullam divinæ nostræ menti ingerant oblectationem, nemo nisi misosophus ausus fuerit confiteri.

Verum enim verò ne partes Medicinæ, quam profitemur, deserere videamur; quas in præcedentibus libris sparsim fudimus cogitationes, in hoc easdem ad artis opera utiliter reducere conabimur, plenam affectuam ocularium descriptionem & curationem dantes.

Mirari verò hîc subit, imò etiam dolere hominum cecitatem, tam nobilis partis curam stolidis quibusdam aniculis & imperitis agyrtis committentium, Ophthalmicos se vocitantibus; cum, si quod corporis nostri membrum multis morbis pateat, si cui ad curationem multâ opus sit cautione ac prudentiâ, oculus sine dubitatione sit. At isthæc etiam querela doctissimorum virorum olim fuit, est, & erit. Mundus enim vult decipi, ut inquiebat ille. Agamus nos, quod agimus.

De inflatione palpebrarum.

Inflatio seu intumescencia palpebrarum, Græcis *Emphysema*, est tumor palpebrarum laxis & mollis œdemati similis.

Causa. Causa est aquosus & serosus humor. Unde inflatio observatur in febribus diuturnis, in cachexia, hydrope, lethargo, caro; & in iis, qui arthritide frigidique defluxionibus vexantur.

Signa. Malum per se patet: est enim palpebra tumida sine coloris mutatione, laxaque & mollis.

Curatio. Palpebrarum inflatio sæpè sponte evanescit, vel adhibitis calentibus linteis dissipatur. Si perseveret, foveæ adhibendi, vel inunctiones. Itaque.

℞. Rosar. rub. pug. i. Flor. anthos pug. s. Chamemel. hyssop. melilot. absinth. puleg. organ. an. man. s. Coq. in æq. parte vini & aquæ. De colatura fiat foveæ cum spongia. Postea imponatur emplastrum de Vigo sine Mercurio, vel de baccis lauri.

De trachomate, densitate, asperitate, & callositate palpebrarum.

Trachoma est internæ palpebrarum superficiei asperitas cum rubedine ac pruritu; nonnumquam & cum pustulis seu tuberculis semina scus vel milii referentibus.

Affectus hujus tres species seu potius gradus numerantur. Primus est, cum palpebræ, si invertantur, quasi densiores & inæquales apparent, diciturque densitas

fitas palpebrarum: in qua palpebrę intus rubent, inęquales & asperę sunt, ac pruriunt. Alter gradus est, cum jam aucta est affectio, & non solum densitas atque inęqualitas in palpebra interna apparet, sed manifesta jam asperitas & rubor, aded ut emineant quasi granula ficus: unde Gręcis dicitur *Sycosis*, quasi dicas palpebram ficosam. Tertius gradus est, quando jam inveteravit malum, & pars interior palpebrę exulcerata est, ac fissuram & callositatem contraxit, Gręcis dicitur, *Tylosis*; nobis callositas palpebrę.

Causa. Humor mordax & falsus est trachomatis causa: qui paucas, si asperitatem tantum quandam & pruritus excitare solet, cum molestia in interna palpebrę parte, præsertim cum movetur. Hinc eam perficiant homines; unde copiosior adfluit materia, actum postea alii trachomatis gradus sequuntur.

Signa. Affectus hi visu cognoscuntur: nam si palpebrę invertatur, rubra apparet & aspera; & quasi semen ficus vel milii grana extare videntur.

Curatio. Primò totum corpus & caput convenienter est evacuandum: cucurbitulę & vesicatoria cervici apponenda.

Deinde ℞. Hordei integ. man. i. Rad. Althęę unc. i. Sem. fęni Gręci unc. s. Coq. in aq. com. ad lib. ij. Colatura detur usui. Pannum lineum duplicem eo decocto madefactum supra oculos aliquoties pone.

De pruritu & scabie palpebrarum.

Pruritus & scabies palpebrarum alia est cum humiditate, & dicitur *Psorophthalmia*: in qua palpebrę sunt rubrę, exstillant lacrymę falsę ac nitrosę, anguli oculorum sunt exulcerati & rubri cum magno pruritu. Alia est cum siccitate, & vocatur *Xerophthalmia*; in qua palpebrę nec sunt inflatę, nec plorant, sed solum graves sunt & rubrę & noctu coglutinantur per crassam pituitam.

Causa. Oritur pruritus & scabies ab humore falso & nitroso, qui plerumque à capite ad palpebras descendit. Potest tamen etiam hoc malum fieri à collyriis nimis acribus & nimis diu adhibitis.

Signa. Patet satis per se malum; nam non solum pars interna palpebrę afficitur; ut in trachomate, sed afficitur tota, præsertim tamen versus oculorum angulos: nam ibi cum pruritu rubet, aspera & scabiosa & exulcerata est.

Curatio. Ad simplicem pruritus, postquam fomentatus est aqua tepida, applica tale collyrium.

℞. Aq. rosar. plantag. an. unc. ij. in quibus bull. lento igne Aloës hepat. semidrachma, Vit. alb. scrup. ij. Sacchar. cand. drachma una.

Pro curatione Psorophthalmię oportet venam secare, purgare, cucurbitulas & frictiones scapulis adhibere: vitare cibos omnes falsos: fomentare oculum ex lenticulę, Malvę, Rosarum & rad. Oxylapathi decocto: deinde applicare collyrium Philoxeni, quod recipit Cadmię drach. i. Chalti. crud. se midrach. Aloës scrup. i. Ærugin. scrup. s. Piperis gran. s. Flor. rosar. sesquidrach. Terantur & incorporentur unguento pomato.

Ad Xerophthalmiam valet quoque jam descriptum Philoxeni collyrium. Celsus laudat panem imbutum vino & applicatum. Quia verò ægri hęc valde conqueuntur se mane non posse aperire palpebras: ad id malum tollendum, oportet illas vesperi, quando vadunt cubitum, ungere unguento de tutia. Sed & unguentum rosatum Mesue est hęc bonum, adjecto paulillo tutię preparatę; apponitur cum petiis lineis. Eo se Forestus palpebras inferiores rubras & exulceratas, in quodam curasse ait unica nocte.

De Hordeolo, Grandine, & Lithiasi palpebrarum.

Hordeolum est tuberculum in summa palpebra succrescens prope cilia, oblongiusculum, quod suppu-

rascens simile est grano hordei: unde & nomen ei.

Grando, est tuberculum rotundum, translucidum, atque huc & illuc mobile.

Lithiasis similis ferè est affectus, videlicet in palpebra generantur nodi & excrecentię, & aspera quedam corpora lapidis instat dura & oculos prementia.

Causa. Hordeoli causa est humor pituitosus & crassus, cum mixtura tamen sanguinis.

Grandinis materia durior est, & quasi lapidescens. Qualis quoque in lithiasi est.

Signa. Patent ex descriptionibus datis.

Curatio. Hordeolum illinatur calente adipe gallinę: vel imponatur ei Galbanum modico nitro subactum; vel Sagapenum aceto dissolutum: vel foveatur decocto Hordei, flor. Chamęmel. Sem. lini fęni Gręci, rad. Althęę. Facto fotu imponatur tale cataplasma.

℞. Passul. unc. i. fol. Malvę Violar. an. man. s. Poma num 3. Coq. in aq. q. s. usque ad mollitudinem: deinde exprimantur: pistentur, & cribrentur; tum adde vitellos duorum ovorum, butyri, farinę hordei anā unc. s. Croci parum. F. cataplas. hoc maturat & rumpit tuberculum, facta apertione convenientissime pro mundatione & integra sanatione adhibebitur diachylum sine gummi. Omnes autem affirmant, muscas abjectis capitibus affricatas præstantissimum esse remedium.

Ad grandinem & lithiasin.

℞. Ammoniac. Opopanac. Galban. an. drach. i. Temperentur in aceto fortissimo per diem & noctem; malaxentur, & F. emplast. hoc mollit & resolvit.

Si hoc modo non curentur, sequendum Galeni præceptum *com. 2. in lib. 6. Hippocr. de morb. pop.* ut tubercula illa prius vel sepię testis, vel pumice, vel unguibus exasperentur, tum verò detractoriis medicamentis oblinantur: sic namque ulcerata tubercula in profundum vires medicaminum accipiunt.

De Ectropio, Lagophthalmo, & Corybantiasmo.

Ectropion est affectus inferioris palpebrę, quę invertitur & deorsum trahitur; ut internę palpebrę pars cum deformitate videatur, & instar rubrę carnis appareat: neque cum superiore committitur; sed pendet atque hiat.

Lagophthalmus est affectus superioris palpebrę, quę ita sursum adducta est, ut oculum totum tegere non possit, sed per somnum etiam aliquantum apertus maneat.

Corybantiasmus idem ferè affectus est ac lagophthalmus. Plinius *cap. 1. cap. 37.* mihi auctor est: Oculis patentibus, *inquit*, dormiunt lepores, multique hominum; quod corybant *ἰών* Gręci dicunt. Ego nunquam apud quemquam Gręcorum vocem eā in significatione usurpata recordor: usurpari tamen posse non dissuadet etymologia ab Hermolao excogitata qui Corybantes sacerdotes dictos ait à pupillis oculorum, & genis, quas Gręci *κόρυς* vocant: quippe qui cum Jovis custodes essent, non modò excubare, sed etiam apertis oculis dormire cogerentur. Obiter hęc simul spectata doctorum in Pliniana lectione hallucinationes. Adf. Turnebus legit: quos coribantia regrediunt, id est, corybantum sacra sanitati reconstituunt: qui enim sic dormiunt, *inquit*, sani esse non putantur: malè sanos autem curabant Corybantum sacris, quibus tum animo tum corpore egros initiabant. Contra Josephus Scaliger cum morbum Corybantibus inmitti, non ab illis sanari contendit, itaque legendum: quos corybantiare credunt. Uterque cerebrum suum, non codicem securus est. Legendum simpliciter, quemadmodum dictum est, ut rectè Dalechampius & literatissimus vir Salmasius.

Causa. Causa ectropii primò potest esse incrementum carnis, vel tumor in parte interna palpebrę, ob quę invertitur palpebra. Secundò potest esse vulnus vel ulcus in palpebra inferiore malè curatum, ita ut,

dum agglutinaretur, deorsum nimis sit retracta palpebra. Tertiò potest esse paralyfis, vel convulsio inferioris palpebræ, ob quam attolli nequit.

Lagophthalmi etiam variæ possunt esse causæ. Nam vel potest in utero palpebra ita fuisse conformata: vel à consuetudine istum positum accepisse, cum infantes in cunis sursum vel retrò continenter spectant: vel à convulsione; vel à vulnere, ulcere, & cicatrice potuit imminuta aut sursum retracta fuisse.

Signa. Signa patent ex descriptionibus jam datis.

Julius Scaliger *com. in Aristot. hist. de animal. lib. cap. 10.* egrotam matronam vidisse se scribit apertissimis oculis semel fornucum capere. Nos aliquot vidimus, qui ex dimidio apertis, ex dimidio clausis dormirent. Hoc Hippocrates in Pænot. magnum malum portendere in morbis notat. Cuius non penitus fide. Vidimus enim quibus sic dormire naturale esset: novimus, quibus consuetum: scimus, quibus morbosum, non tamen nullo pacto periculosum. Naturale quidem, quibus in utero superior palpebra ob materiæ defectum & conformationis vitium brevior formata esset: consuetum verò iis, qui ab incunabilis sursum vel retrò continenter spectare assueti essent: morbosum denique, quibus palpebra ab ulcere vel vulnere sursum esset retracta. Unde colligis, ubi quando Hippocraticum prælagium consentiat veritati.

Curatio. Ectropion à convulsione vel paralyfi, ortum, curandum ut convulsio vel paralyfis.

Si ortum duxerit à nimio incremento carnis in interna palpebræ parte, cato ea est absumenda. Unde præmissa debita totius evacuatione, alumen rochæ vino incoquendum, & palpebra eo decocto lavanda. Tum hic pulvis luxurianti carni inspergendus.

℞. Vitriol. alb. alumin. an. drach. ʒ. Lapid. Hæmatit. scrup. 2. Tutia semidrach. F. pulv. subtil.

Vel ℞. Lap. Hæmatit. probè levigat. semiscrup. Vitriol. alb. usti gr. 15. Myrrhæ, Croci an. gr. 5. Sacch. cand. scrupul. 1. Misce F. pulv. cujus particula misceatur cum aquis sequentibus, & pluma adhibeatur ipsi carni superflua bis die, cavendo pupillam oculumque.

℞. Aq. fœnicul. plantag. Raphani an. semunciam Misce.

Si his aut similibus non absumatur caro, est operatione Chirurgicâ auferenda. Quemadmodum etiam operatio ista necessaria est, dum ectropion factum est ob vulnus, vel ulcus malè curatum.

Absumptâ carne superflua, sæpè remanet turpis quidam rubor palpebræ, qui hisce linimentis pulchrè corrigitur.

℞. Axungie porcini. colat. sesquiunc. Tutia præpar. semunc. Caphuræ novies aq. rosac. lotæ scrup. 1. Misce, somni tempore inungatur. Vel Butyr. recent. novies aq. comm. loti, postea novies loti succo plantag. deinde ter aq. rosac. ʒij. & semis: tutia præpar. & lotæ semel. aq. rosac. Aloës lotæ aq. plantag. sief. albi cum opio ana sesquidrach. caphur. lot. scrup. 1. Mis. F. linim. Vesperis inungatur & mane calidâ aquâ abluatur.

Lagophthalmus infantium consuetudine malâ inductus contrariâ consuetudine corrigendus: pannis scilicet nigris cunas circa caput obvolvendo, & ad pedes luculam aliquam statuendo, quam continenter infantes adspiciant.

Si à contractione vel cicatrice provenierit, emollientia usurpanda.

℞. Rad. Althææ sem. fœni Græci, flor. Chamemel. an. drach. 2. Croci semidrach. F. sacculus, qui aquâ conveniente calefactus oculo imponatur. Tum illinatur hoc unguento.

℞. Pingued. gallin. medull. cervi ana semunc. Ol. chamemel. Ol. lilior. alb. ungu. dialthæ ana drach. 2. Misce.

Si hisce non cedat, Chirurgiâ est opus. In qua exercitissimus Paræus monet *lib. 16. cap. 6.* diligenter cavendum esse, ne in administratione sectionis cartilaginea palpebræ ora ledatur: hac enim dissectâ frustra, inquit, palpebram tentamus elevare. At hercle quid cartilagi-

næ oræ cum palpebræ elevatione? Seca ipsam audenter, & perfecta pluries, si rectum palpebræ musculum transversum non dividis, nihil officis palpebræ elevationi. Scitius & experientius antecessor ejus Guido, vita, quantum potes, ciliarem limbum, *scribit*, hic enim læsus difficulter sanescit. Hoc verissimū est ob cartilagineam ejus naturam.

De nimia palpebræ superioris laxitate.

Nonnullis palpebra superior procidit, quia ipsius summa cutis amplius relaxatur, quàm tegendo oculo necesse sit. Unde duplex molestia oritur; una quod oculus facile detegi non possit: altera, quod si relaxatæ palpebræ pili ad oculum tendant: ipsumque pungant.

Causa. Relaxationis illius causa est affluxio humoris aquosi non acris aut mordicantis: quod ex eo apparet, quia sic affectis unus alterve pilorum ordo sub ordine naturali succrescit ob loci humiditatem, quemadmodum terra humida pluribus herbis luxuriat. Jam si is humor acris esset, pruritum doloremve induceret, & naturalium pilorum radices arroderet, tantum abest, ut novis præter naturam suborientibus materiam suppeditare posset.

Ejusdem affectus causa est peculiaris illius loci paralyfis, quæ senibus frequens est.

Spiegelius Præceptor meus ex levi vulnere ramusculi tertie nervorum cerebri conjugationis, qui per foramen ossis frontis supra orbitam exsculptum elapsus in cutem & musculos frontis desinit, observavit prolapsam palpebram, eò quod supercilii seu frontis musculus propterea paralyfin incurreret.

Signa Affectus per se patet.

Curatio; Præmissis generalibus, & secundariis; ut cucurbitulis frequentibus etiam cum scarificatione, apophlegmatismis, cauterio in cervice ad diversionem humoris: fiat fons ex Majorana, flor. Chamemel. & Meliloti, Cumino, additis Balauistiis & Malicorio.

Quibus si non tollatur malum, Chirurgiâ est opus.

De palpebrarum inter se, & cum aliis oculi partibus coherentia.

Fit in multis, ut per somnum copia pituitosæ & viscidæ materiæ ad palpebras affluens earum extremitates ita conglutinet; ut vix mane aperiri possint.

Sed est altera majoris momenti coherentia, quâ palpebræ vel inter se, vel cum albâ, aut cornea, aut utraque oculi tunica planè coalescunt: qui affectus dicitur *Ancyoblepharon* propriè Græcis.

Causa. Nocturnæ cohesionis causa est humor pituitosus & viscosus.

Alterius autem coalitus causa est ulcus in interiore parte palpebræ, vel oculi exteriori tunica malè curatum; sic ut sanescendo, quod diductum esse debuit, conglutinetur.

Signa. Manifestus est affectus.

Curatio. In coherentia nocturna ex pituita corpus expurgandum est, & per cucurbitulas, velicatoria, aliosque modos humor ab oculis avocandus: deinde æger cubitum iturus palpebras aquâ rosacæ, cui rosæ & balauistia incocta sint, abluat, & perias eâ imbutas imponat.

Alter coalitus non nisi per Chirurgiam tolli potest: per quam tamen Celsus ne minem vidit perfectè sanatum: nam post separationem oculi rursus ferè coalescit cum palpebra.

De Phtheiriasi palpebrarum.

Phtheiriasis seu pediculatio est affectus is, sub quo pediculi palpebras infestant. Uti enim in aliis partibus, sic quoque hic pediculi nasci & molesti, esse solent.

Causa. Materia pediculorum est humor excrementitius calidus & humidus, putrescens non excellenti putridine, præsentē calore moderato.

Signa. Ipsæ bestiolæ per se visui sunt manifestæ, pruritusque magnus adest.

Curatio. Hoc unguentum ad palpebrarum pediculos apprimè est commodum.

℞. Ung. rosac. Mef. semunc. sulfur. vivi, staphisagriae, an. gr. 15. Hydrargyr. salivâ extinct. semidrach. F. unguent. quo palpebrę illinantur, Possunt prius abluī decocto staphidis agriæ, betæ, absinthii.

De affectibus pilorum ciliarium.

Cilio seu tarso palpebrarum pili innascuntur recti, eandemque semper servantes magnitudinem, & nigri vel subnigri.

Horum affectus sunt inversio ad oculos & incurvatio; abundantia nimia, defectus, & color alienus.

Causa. Pilorum incurvatio versus oculos oritur vel à palpebra superiore nimis laxata; vel quod ipsimet pili vitiosè & tortuosè crescant ob malè constitutos cili poros.

Abundant sive luxuriant pili aliquando duplici ordine, aliquando multiplici & veluti quadam acie. Causa est humor copiosus, sed minimè mordax ad cilia fluens.

Defectus & defluvium ciliarium pilorum fit ex vitiosis & acribus humoribus ad cilia allapsis, & pilorum radices erodentibus.

Color alienus est albor, qui visui incommodat; fitque vel ob defectum humidi nutrientis ex diuturna egritudine: vel ob præsentiam materiæ phlegmaticæ in radice pilorum situm quasi contrahentis, uti in canitie; vel ob cutem vitiligine albâ laborantem.

Signa. Affectus hi omnes per se noti sunt. Nec contemnendi, quia plurimum incommodant.

Curatio. Prolapsus seu laxitas palpebrę superioris quomodo curetur, jam antè expositum est.

Ubi pili superflui oculos pungunt, sive pauci sint, sive multi, sunt evellendi instrumento illo Chirurgico quod *Volsella* vocatur; sed ita, ut toti evellantur: nam si in medio abrumpantur, magis pungunt, quàm dum sunt integri. Postea loco, è quo pili evulsi sunt, adhibenda ea, quæ pilos renasci prohibent, ut rubigo ferri salivâ jejuni hominis subacta.

Vel ℞. Rhad. Mandragor. drach. 6. sem. Persicariæ semunc. Caphuræ semisrup. Aceti cochl. 1. Misce in mortario, & succus exprimatur, quo pori è quibus pili evulsi sunt, illinantur. Corrodentia, quæ aliqui hîc ad extirpandos pilos usurpant; non probo, quia periculum inferunt oculis.

In pilorum ciliarium luxurie damnat experientissimus Montanus in consil. eam Chirurgiam, quæ à Præticis solet proponi. Sanè infeliciter eam quibusdam cessisse animadverterat. Consulit verò, ut evellantur potius accommodatissimè à perito quopiam vulfore: tum post evulsionem frequentissimè illinatur locus lacte canis; id enim celebratissimum esse remedium apud antiquos, ne pili succrescant. Atque hoc idem remedium omnes passim repetunt & prædicant recentiores; adduntque alterum à veteribus proditum & commendatum, ranarum viridium sanguinem. Cæterum à Galeno discere poterant, in utroque mendaces esse veteres: quippe qui factò periculo falsum utrumque se comperisse monet lib. 10. de simpl. med. fac. Candidè Joan. Arculanus comment. in 9. Rhaf. ad Alm. scribit in hæc verba: Dicant omnes quidquid velint, ego adhuc non inveni medicinam in hac re conferentem.

In pilorum defluvio præmissis universalibus, illinantur cilia hoc unguento.

℞. Ol. lini semunc. Sevi hircini, pingued. urfi ana drachm. ij. Stercor. murium, dactyl. combust. an. semidrach. Mis. Vel. torretur stercus muris, & pulvis commiscetur melli. Aut uruntur avellanæ, ac cinis pinguedine urfi vel caprę subigitur pro linimento. Ante illitionem rectè adhibetur fons ex decocto adianthi & polytrichi.

De Vulneribus palpebrarum; & ad ministranda in eis sectione.

Asseverat Fallopius, attestante experientiâ, ista vulnera esse citæ facilisque sanationis. Cui tamen veritati veracissimus Hippocrates, uti videtur, adversans sect. 6. Aphor. 19. ait, perfectam genæ tenuem particulam neque augeri neque coalescere. Aristoteles lib. 2. de part. animal. cap. 13. hoc ipsum ex Hippocrate & alia aliquam multa, sine honorifica tamen ejusdem mentione, describens enuntiat expressius: Palpebram; inquit, aut præputium vulnere diducta coalescere non posse: sunt enim cutes sine carne. Ergone hæ scientiarum aquilæ adeo cæciverint; ut non perceperint, quod cuilibet occurrit quotidie? Quamquam id de Aristotele fortassis acutissimo contemplatore; de Hippocrate certè in artis operibus exercitatissimo ut credam non à me impetro. Itaque ut veritati consonet proposita ejus assertio; hoc debet sensu intelligi: palpebras nempe aliasque illic memoratas partes perfectas non coalescere per succretionem carnis vel substantiæ homogeneæ; coalescere tamen atque uniri per aliquid heterogeneum. Breviter, non per primam, sed per secundam intentionem consolidari, ut loquuntur recentiores.

Ex transversis palpebrarum vulneribus prædicunt unanimiter omnes Chirurgiam profitentes casum earundem, atque abolitionem elevationis. Ubi novissè convenit, ea transversa palpebrarum ab eis vocari vulnera quæ à superciliis deorsum versus oculum descendunt: recta vulnera ea, quæ ab uno angulo ad alterum vergunt. Afferunt igitur, si vulnus à superciliis deorsum descendens palpebram discindat, necessariò sequi abolitionem elevationis ipsius palpebræ. Me aliter erudit anatome. Nam circularis musculus utramque palpebram ambiens, clausuram palpebrarum ut propriam actionem exercet; unde sequitur ex transversa fibrarum ejus sectione abolitio clausuræ palpebrarum. Proinde vulnus à superciliis deorsum inflictum officit clausuræ, non reclusioni oculorum: ob tale namque vulnus recludentis sive elevantis musculi intus latentis fibræ non perfunduntur.

Præterea vulnus rectum, id est, ab uno angulo oculi ad alterum procedens periculo caret, inquiunt illi, nullumque portendit incommodum: quia vulneris ductus rectitudinem fibrarum musculi palpebralis sequitur. Sane verum inquiunt, si vulnus superiorem musculum circulare tantum lædat: sin autem profundius penetret, ut etiam dissecet inferiorem seu internum rectum musculum, tum non leve adfert incommodum; prolapsum, inquam, palpebrę, eo quod elevatoris musculi fibræ transversim discindantur.

Quamadmodum porrò in prædictionibus edicendis, ita & in ministranda propositarum partium sectione pro quibusdam curandis affectibus scriptores pariter omnes erraverunt. Id quod mihi quidem non tam mirum videtur de veteribus, quibus scio palpebrarum musculos incognitos fuisse, quàm de novitiis hisce posteris; qui absolutam horum musculorum dedere descriptionem. Evenit nimirum ipsis, uti & aliis nobis, pecorum ritu sequimur antecedentium grægem. Cæterum chirurgiam sive sectionem palpebrarum exercent auctores in earum prolapsu ac laxitatè; in contractura earundem, ut lagophthlmo; in tuberculis iridem, ut verrucis, moris, grandine, aliisque id genus. Quibus in affectibus semper atque indiscriminatim jubent sectionem fieri secundum ductum rugarum palpebræ. Me judicè discrimen hîc necessariò est constituendum. Si enim prædicta tubercula cutem vel externam circularem musculum obsident, sequemur in sectione ductum rugarum palpebrę: is namque est fibrarum circularis musculi processus. Huic similem chirurgiam instituens in lagophthlmo, cujus causa fuerit cicatrix. Ubi diligenter

attendendum, ne profundius instrumentum secans adigamus, aded ut lædamus sublatentem rectum musculum, quo læso petit palpebræ elevatio. Contrà si tubercula internam palpebrarum superficiem occupent, cum illic sedem habeat longus rectusque musculus descendens à superciliis deorsum, conformem huic sectionem administrari necesse est: diligenter iterum attendendo, ne cultellum altius deprimamus, ac persecemus musculum circulaem, cuius ex traversa sectione aboletur clausio oculorum. Quod spectat ad palpebram inferiorem, hæc unico dumtaxat donatur musculo, eodem nempe illo circulari, qui in superiore palpebra visitur. Itaque in ea solum habet lunata sectio locum, sic ut cornua non ad maxillam, sed ad oculum convertantur: nam is est fibrarum ejus musculi progressus.

Palpebrarum vulnera curantur ut alia. Verum tamen palpebræ vulneratæ vel omnino non, vel cautè admodum inungendæ sunt oleo rosaceo, ne oleum defluat in oculum, & ipsum inflammet; olea enim valde inimica sunt oculis, sed linteam potius in vino nigro austero expressum est superponendum.

De rebus oculo illapsis eximendis.

Ætius Tetrab. 2. sermon. 3. cap. 17. si culex, vel alia bestiola aut reclusa in oculum illapsa fuerit, altero oculo clauso, & qui affectus est, aperto, suâ sponte elapsuram scribit. Ejus causam investigans Alexander Aphrodisæus sect. 4. probl. 58. inquit, Videndi spiritum à clauso oculo retentum in patentem tendere, ipsumque implere ac tumefacere: atque ita extrudi ejusque, quod in ipsum deciderat, utpote imbecillum. Adde quod ipse erumpens confertim spiritus per oculi spiramenta illam extrudat bestiolam. Omnia hæc falsa. Non enim erumpit per oculi spiramenta visus spiritus. Neque altero clauso alter oculus à spiritu affluente tumescit. Nec denique illapsæ res, altero oculo clauso, elabi comperitur.

Extrahunt autem illas res sine periculo & parvo negotio oculi cancrorum fluvialium, sive lapilli, qui in capitibus cancrorum inveniuntur, hoc modo. Sinistrâ manu elevanda est palpebra: dextrâ circumspicere & blandè unus ex lapillis imponendus; mox oculus strophio obvelandus.

De Ophthalmia.

Ophthalmia est adnatæ seu albæ oculi tunicæ inflammatio. Sub hac continentur Taraxis, Xerophthalmia, & Chemosis.

Taraxis, id est conturbatio, est levis inflammatio oculi cum exiguo dolore & rubore.

Xerophthalmia est inflammatio sicca sine lacrymis, aut materia effatu digna effluente.

Chemosis est magna inflammatio non adnatam solum tunicam, sed & corneam ac palpebras obsidens. Hæc pueros magis quam adultos apprehendit.

Multi etiam literati ophthalmiam Latine vertunt lippitudinem. Malè. Nam lippire non est ophthalmia teneti, sed habere oculos *λίπω* id est, humore pingui fluentes seu lacrymosi s. Horatius se lippum vocat, quod hebetius videret, & oculis esset mollibus; non autem, quod continenter ophthalmia laboraret, uti credo.

Meliùs nobis distinxerunt utrumque nomen ii, quos ut barbaros isti insectantur politiores: ophthalmiam esse se oculi inflammationem ac ruborem; lippitudinem vero conglutinationem interpretantes. Et illatinus Pareus omnium scitissime distinxit lib. 16. cap. 11. inquit, lippitudinem esse albas quasdam sordes ab oculis profluentes, quæ sæpè palpebras sibi invicem agglutinant. Ubi & dicit, lippitudinem ab infantia sæpè

contrahi, & totam hominis vitam infestare; quod ophthalmiæ seu inflammationi non competit.

Galenus lib. 3. de comp. med. sec. loc. c. 2. ophthalmiam definit inflammationem tunice os capitis & calvariam ambientis. Quæ definitio etsi alia videatur, quam quæ adducta est, tamen nihil ab ea differt; nam tunica adnata eadem est ac pericranium substantiâ, etsi non officio: quippe illa procedit à tunica palpebras succingente reflexa ad cilia versus oculi bulbum, quem denique contegit: atqui palpebrarum superior succingentem suam membranam à pericranio sortitur. Nihilominus accuratè rem persequendo non tota adnata pericranio ortum suum debet; quia à superioris palpebræ membrana succingente non tantum nascitur adnata, sed etiam à membrana succingente palpebram inferiorem; hæc autem non à pericranio, sed à perioestio maxillæ superioris originem habet. Quod fortassis Galenus lib. 10. de off. part. cap. 2. considerans, adnatam procedere dixit à perioestio: id quod verum est, sive principium ejus spectemus à palpebra superiore, sive ab inferiore. Hinc ratio colligitur, cur inflammationis oculis tantus adsit sensus tristis. Membranæ enim pericranium & perioestium acuti sunt sensus. Indeque, est quod Hippocrates & Galenus ophthalmiam sæpè vocarint dolorem oculorum. Et Hippocrati quidem familiare est, in partibus valde sentientibus per dolorem intelligere inflammationem; uti in prognost. per dolorem auris quoque.

Causa. Ophthalmia pro causa antecedente & continente eam habet, quam ceteræ inflammationes, sanaguinem scilicet vel purum, vel quolibet alio humore permixtum. Malè ergo aliqui statum pro causa continente etiam adducunt: potest enim is quidem ob tensionem dolorem inferre, & sic causa esse antecedens, sed non inflammationem actu seu solus efficere.

Taraxis plerique ex Paulo Ægineta à causa manifesta tantum oriri tradunt, ut à Sole, fumo, pulvere, vento. Sed ratio & experientia convincit, ab interna quoque causa non raro excitari, præcipue vitio ventriculi: & post immoderatorem vini potationem.

Galenus lib. 4. de diff. puls. cap. 1. item lib. 1. de diff. feb. c. 2. ophthalmiam dicit contagiosam esse. Quod & sine Galeno quilibet experientiâ discere potest. Ejus tamen causam dicere non aded facile est, ophthalmia enim inflammatio est, at inflammatio contagione non accipitur. Causa autem ab ipsamet parte affecta petenda est, ab oculis scilicet, qui cum humidi, molles & facillè patibiles sint, promptè à vaporibus ex adstante inflammato oculo effluentibus afficiuntur. At cur ergo non perpetuâ ophthalmia laborant ocularii Medici & medicastri, qui in dies tot curant, & tractant, & inspectant ophthalmicos? Eadem questio peti possit de iis, qui peste infectos curant, quomodo tot annis ab isto morbo immunes agant? Videntur autem curantium corpora per longam consuetudinem reddi quasi similia corporibus ægris, atque, ita ab hisce nihil pati. Deinde abest imaginatio ac timor de contrahendo malo, qui timor reddit corpora contagioni valde obnoxia ac opportuna. Sed cur oculi inspectantes quamlibet aliam magnam inflammationem corporis non inflammantur quoque, cum etiam tum vapores ex parte inflammata exhalantes recipiant? Resp. Debet ad contagium intercedere quedam partium analogia. Sic enim dysenteria contrahitur, si quis insideat loco illi, in quo dysentericus excrementa deposuit, quæ excrementa etsi manu tractaret, non inficeretur: sic phthisis non contrahitur, nisi à pulmone sano vapores putridi excipiantur, &c.

Signa. Non eget signis ophthalmia, quippe quam rubescens oculi album; & venæ in eo conspicuæ manifestant. Si rubor sit modicus, est taraxis. Si ambæ palpebræ ex vehementi inflammatione inversæ sint, ut

vix oculi ab ipsis contegantur, & album oculi nigro sublimius evaserit, chemosis est.

Hippocrates lib. 7. de morb. inquit, Omnibus sup-purationibus & affectionibus circa oculum dolores ad noctem. Ejus probabilem rationem dicit Mercurialis in annotat. ad illum lib. dolores inquit noctu fieri acerbiores, tum quia minore facta corporis distillatione intus causæ dolorificæ magis cohibentur; tum quia sensus eo tempore, cum non sint aliò distracti, toti ad dolentem locum convertuntur, sicque insignior fit doloris perceptio. Verum hæc communes causæ sunt omnibus doloribus. Propria autem videtur esse, quòd cerebri passiones omnes, quæ ex succorum in eo redundantia pendent, augeatur noctu ob somnum & ob ipsam noctem, quæ causa est analoga somni, gravans scilicet, caput & succos intro pellens; jam autem oculi laborant cum cerebro; ergo cum cerebrum nocte lædatur, necesse est lædi etiam oculos.

Notandum prognosticum Hippocratis lib. i. coac. præf. sect. 2. scribentis: Ophthalmiâ correpto si dolor capitis accedit, idemque diutius comitatur, cæcitatæ periculum denuntiat.

Monet Galenus lib. 3. meth. ophthalmiam cum cura esse tractandam; cum ex curationis errore multos egrè confuseque vidisse observavit; alios rupta cornea visum amisisse. Contrà, si recte tractentur, evenit aliquando, ut post ophthalmiam acutiùs videant. Quod & Aristotelem non latuit: querit enim ejus rationem sect. 31. probl. 9. atque hanc assignat, quia oculi post ophthalmiam purificati sunt: fit enim sepe ut exterior densitas pupillæ aciem impediatur, quæ lacryma emissâ laxatur ac resolvitur.

Curatio. Ophthalmia, si quoquo modo magna fuerit, requirit venæ sectionem. Vena autem secetur aut cephalica, aut basilica, aut media; prout vel capitis vel universi corporis vel utriusque ratio urget. Post has tamen duas postremas sectas, si vires sinunt, ad cephalicam venire conveniet. Si menses sint suppressi, vel hæmorrhoides, venas inferiores eligere oportet.

Dubitatur autem, si unus tantum oculus laborat, in utro latere venam tundere deceat. Rhases & cum eo aliquor Medici venam eligunt brachii, quod oppositum est oculo laboranti. Sed sanior est doctrina Galeni, qui inquit, eam demum sanguinis missionem vel vacationem utilem commodamque esse, quæ secundum rectitudinem procedit; ex contraria autem parte sæpè nocere, quòd vires debilitet sine morbi sublevatione, Itaque sive ex brachiis sive cruribus mittendus sit sanguis semper mittatur ex eo latere, in quo laborans est oculus. Si uterque oculus laborat; potest utrimque mitti. Conducit verò uberem satis copiam educere, si vires ferant. Permittente morbo poterit ante sectionem venæ alvus clystere elui, vel levi medicamento leniri.

Sanguine misso purgans exhibendum: si enim alio quoquam affectu, certè in hoc purgatio convenit. Notus est aphorismus 17. lib. 6. qui sic habet. Ophthalmiâ laborantem alvi profluvio corripì, bonum. Unde constat, validum medicamentum posse propinari: contra quàm sentiant recentiores quidam, qui dicunt Hippocratem lib. de loc. in hom. prohibere forte purgans, ne humores corporis à pharmaco agitati confluant ad oculos. Contrarium enim illic docet Hippocrates. Verba ejus sunt: Si fluxio in oculos processerit, & statim fuerint inflammari, nihil omnino illine, sed fortissimo per inferna purgato, aut alio quoquam alvum subducente medicamento attenuato, vitando ne vomitum facias. Et Spiegelius Patavii dicebat nobis, hîc alternis diebus purgandum esse, imò dysenteriam posse excitari.

Purgante exhibito, cucurbitulæ occipiti & scapulis affigendæ cum scarificatione, quæ potenter ab oculis revellunt: & faciunt vesicatoria ibidem apposita, quæ proinde post cucurbitulas admoventi possunt.

Biblioth. Chirurg. Tom. III.

His ritè factis, ad topica deveniendum, circa quorum usum utiles quasdam animadversiones tradidit Ludovicus Septalius; quantum interpolat Seinertus quasdam, quasdam corrigit, quasdam adjungit. Quoniam verò in nobilissimæ partis curatione numquam nimis oculari esse possumus; assuam & ego alias cautiunculas, Uno oculo ophthalmiâ laborante, ambo oculi fasciâ obvelandi sunt, ut & sanum firmemus motumque illius cohibeamus. Ratio ejus ab Alexandro Aphrodisæo data est, jam vulgò innotuit. Capitis situs numquam sit depressus, vel prorsum inclinans, sed rectus & elatior. Locus, in quo decumbitur, non sit calidus. Sed præsertim lumen fugiatur: quare cum æger oculus inspicendus est, ut ipsi medeamur, accipiat candela cum obumbraculo, vel lumen sit chartâ circumvolutum aut in laterna; vel saltem manus interponatur.

Porro leves sed calidas oculorum conturbationes satis reprimit focus ex sola posca; sicut frigidas aëre ambiente frigido ortas fomentum per spongiam ex vino albo diluto. Video practitantes passim interdiceret acetum & acetosa in oculorum medicatione. Posca tamen, quam proposui, ad calidas oculorum perturbationes est Galeni remedium lib. de remed. fac. parab. cap. 10. Et fortassis intelligendi sunt isti probi auctores de aceto impermissio.

Ad ophthalmiam vulgaria remedia sunt lac & ovi albumen. Quæ duo perpendens & comparans Rhases 2. contin. dixit lac in curatione ophthalmiæ esse convenientius. Contra Abuali albumen esse magis conveniens scripsit. De qua controversia ita statuendum ex Nicolo Florentino: alterum altero diverso respectu posse esse conveniens magis. Et quidem (quod innuit Abuali) quando opus est aliquali abstersione, nec multa adest venularum obstructio: tum lac est melius; quia scilicet in lacte est vis quædam abstersoria; neque obstruit idem. At album, nullâ est abstergendi facultate effari dignâ præditum, ceterum obstruit magis, magisque est frigidum. Itaque dum non magna adest venularum conjunctivæ oppletio, sed materia magis suâ acrimoniâ & mordacitate molesta est, tum ovi albumen accommodatius est.

Hæc aqua in oculum instillata sedat dolorem, fluxum compescit, & aliquo modo digerit.

℞. Medull. panis alb. unc. iv. infund. per noct. in aq. rosacea qua utere. Equivalens huic est aqua rosacea cum albo ovi tandiu conquassata, donec spumescat: deinde tenuem stupam in eo tinge, atque oculo applica. Si magis digerere vis, adde vinum. Vel cape decoctum foliorum malvæ in aq. rosacea factum, eoque oculos fove.

Præstans quoque est, quod Montano erat familiare; scilicet Rosas, Myrtos cum fœno Græco, Chamæmelo Sem. lini in aq. plantag. coquere & in eo decocto pannos lineos tenuissimos ac mollissimos multiplices ad oculi magnitudinem & formam complicatos diu maccare, ac deinde oculis admove, æstate frigidis, hyeme calidos; observando diligenter, ut, priusquam arecant, removeantur, novique applicentur. Et de fœno Græco quidem Galenus dicit, ejus decoctum esse medicamen maximè omnium, quæ oculis applicantur, sine noxa digerens. Parari id inelius ex herba ipsa benè lota, quàm ex semine, ut monet Septalius, & ante ipsum Petrus Salius. Sed tamen ex semine etiam non videtur inconveniens deficiente herbâ, si ex præscripto Galeni primum decoctum abjiciatur, quia tum non aderit acrodo & calor.

Præsentè & infestante dolore, noctu palpebræ ac totus oculus, maximè ad angulos & extremitates, lenitè ungantur hoc unguento, quod pro secreto aliqui habent.

℞. Butyri maial. diligenter eloti drach. ij. huic admisce lapid. calaminaris tenuissimè triti, quantum capere poterit butyrum: tum mane abluatur oculus aq. rosacea cui incocta est malva. Item hoc unguentum laudo.

℞. Unguent. alabastr. semunc. lactis muliebris unc.

ij. Misce, imbuantur eo petiæ lineæ, & oculo apponantur: valet in dolore à qualibet causa. Uti etiam hæc aqua. Cape ovum, coque ad duritiem; exime postea vitellum; & saccharo cavitatem imple: tum colliga ovum, & è filo in cavea suspende; aqua quæ destillabit, usui est. Hoc etiam utor.

℞. Tutia prepar. semidrachm. aq. rosac. unc. ij. alb. ovi conquass. semunc. Misc. Denique propono medicamentum Saxonie, quod Dyabutyrum appellat, & præstantissimum est. Fit hoc modo:

℞. Butyri loti aq. rosac. semunc. Tutia preparat. semidrachm. Caphuræ gr. v. Misce. Sed usurpandum est tantum in statu vel augmento inflammationis.

Ad opiata, ut in aliis omnibus casibus, ita hinc raro veniendum est: si dolor tamen valde urgeat, sunt usurpanda. Præceteris valet album ovi agitatam cum decocto papaveris albi. Quod si minus efficax sit, adde aliquot grana opii. Vel capiatur sief., id est collyrium album Rhasis cum opio, & dissolvatur in aq. rosac. vel. plantag. Instillamus autem hæc oculis, aut pannum lineum mollem: vel tenuem stupam iis imbutam oculo applicamus, cavendo, ne exsiccetur, aut calefiat. Nam si exsiccaretur, adhaereret, & deinde abstraheretur cum dolore, à quo augeretur affectus: si calefieret à corpore, attraheret humores. Denique renotis dictis opiatibus medicamentis, debent oculi lavari decocto melilot. chamamel. fœni Græci, ut inductum ab ipso vitium corrigatur.

Etiā atque etiam notandum est, quod monet Montanus in Consil. nempe, in curatione ophthalmiæ adverti debere diligentissimè, an cum ipsa tuberculum, ulcus, aut pustula sit conjuncta: quibus nisi propriâ curatione succurratur, aut cæcitas, aut alia incommoda subsequantur. Ego, inquit, miserum quendam ophthalmicum novi cui in ea parte corneæ, quæ pupillæ opponitur, pustula inerat valde exigua, ut vix sensu perciperetur. Huic imprudens occurrens Medicus, tamquam solam ophthalmiam curaturus, pomum ferventi cinere coctum saccharoque conditum remerè applicavit: eaque nocte cum dolor omnino sedatus esset, probeque obdormisset, mane letus Medicum accersivit de sanitate gratulaturus, nec minori lætitia gessivit delirus Medicus. Soluta autem oculo, ablatoque cataplasmate, subsecutus est humor aqueus, ut miserabili eventu æger altero oculo cæcus redderetur: illo enim cataplasmate disrumpâ pustulâ profundiore, quam sensui apparuerat, ulcus subortum est.

Licet à Galeno & plerisque aliis auctoribus in proposito affectu passim frigida repellentia & adstrictoria præscribantur, cautè tamen ea usurpate oportet. Nam oculi tunica duræ & densæ substantiæ est, à qua postquam aliquid est receptum, difficillimè repellitur: sed & illis remediis ungues & nubeculæ in multis sunt effectæ non sine metu cæcitat. Tum ergò tantum ea adhibebis, cum fluxio nondum venas tunicæ egressa est, sed ibidem adhuc manens facilè repulso & compressione retrocedere potest; id quod est mox à doloris principio. Quod si fluxione revertente dolores denuò exacerbentur, & id, quod fluxit, in poris tunicæ adhuc impactum manserit: tunc adstringentia admovebis vel actu calida, vel discentientibus mixta: nisi dolor vehementissimus urgeat; hic enim jubet frigida actu applicanda esse. Porro hoc de adstringentibus oculo ipsi admovendis intellige; fronti autem temporibus securè valida adstrictoria adhibere potes ad intercipiendos humores ad oculum fluentes. Quod cum fructu evidenti facies, si per externas capitis partes ad oculum deriventur: quo in casu hoc cataplasma valde conducit.

℞. Bol. armen. mastich. sanguin. dracon. farin. hordei ana sesquiunc. rosar. rub. iv. album. duorum ovorum, ol. rosac. sesquiunc. aceti parum F. catapl. Circa hæc adstringentia fronti & temporibus applicata id cavendum, ne simul illa adhibeas, simul ab oculis repel-

las; item securius fidentiusque ea adhibentur in hominibus macræ atque extenuatæ frontis; in hisce enim talibus valentius vim suam exferunt: in pingui autem & carnosa fronte non aded valent, & possunt esse causa expressionis materiæ contentæ circa frontem versus oculum.

In diurnis & pertinacibus ophthalmiis, nihil præstantius quàm setaceum vel cauterium cervici inungere inter primam & secundam vertebra; id enim efficaciter ab oculis revellit, uti de cucurbitulis & vesicatoriis antè dictum est. Eadem ratione prodest inferiores arium lobos perforare, & annulos infigere; quod & vulgares jam passim faciunt, ac benè.

Qui ophthalmiis obnoxii sunt, ut se præservent, curent in vere folia cytoniorum integra colligenda: eaque diligenter asserventur, ne situ vel pulvere inquinantur. Horum foliorum licebit subinde manipulum accipere, & in putissima aqua coquere; eâ sæpè oculi laventur, mirum quàm ipsos præservant, ruborem discutunt, influentem humorem arcent. Eodem facit pharmacum, quod Galenus composuit, ejusque tempore omnes in usu habebant; quo si quis utatur, ophthalmiâ nunquam apprehenditur: describitur diserta oratione lib. 4. de comp. med. sec. loc. c. p.

Boni Præctici Galenum secuti in ophthalmiis nigra vel viridia oculis sive appendi sive opponi jubent. Celebrem tamen novi ophthalmicam, quæ non talia, sed alba appendebat, vel potius adligabat, Ratio ejus erat, quia ophthalmia cum inflammatio ut vel erysipilas, tutius lintea alba munda applicantur, quàm nigra vel viridia, vel aliis coloris: nam quia colores ii quibus tinguntur, recipiunt vitriolum vel erodens aliud, possunt ea colorata lintea exulcerationem efficere. Benè At neque hoc medici boni improbabant: commendant autem ipsi viridia vel nigra, solum ut obtutus in illa defigatur, & inde recreetur qui ab albo leditur. Sanè enim si albus color ab oculo undique sano non innoxie diu sentiat, quid de ægro sperandum est? Cæterum & à rubro colore ophthalmicorum adspæctus removeri debet; constat enim à diuturno ejus intuitu oculos rubore suffundi.

Eadem ophthalmica non probat etiam appensionem veli ad oculum inflammatione laborantem: ob continuam enim agitationem nocet potius oculo quàm profit. Adligabat autem lintheum album mundum oculo ægro: atque ita & oculum firmabat, & à diuturno lumine arcebat. Quod ut male factum nullus poterit cordatus Medicus condemnare.

Expendendus & explicandus hoc loco est aphorismus Hippocratis 13. sect. 6. qui ita habet: Dolores oculorum meri potio, aut balneum, aut fomentum, aut venæ sectio, aut pharmacum solvit. Sed enim plerisque doloribus oculorum est meri potio adversissima: fit tamen quibusdam etiam utilis. Atque singula eorum, quæ hic Hippocrates recenset; eodem modo habent; nunc scilicet sunt incommoda, nunc incommoda. Et proinde non ait ad omnes dolores hæc omnia valere; sed ad aliquos hoc, ad nonnullos istud, ad alios aliud proficere. Ut videatur verum, quod conjectat Galenus, scilicet Hippocratem curationem illam variam proposuisse memoriæ gratiâ, ut postea discuteret: doctrina enim coacervans varia genera remediorum in uno morbo inutilis est, si non explicentur indicationes à dispositione varia affectus; quas nos jam explicemus. Dolorem ergo efficit vel nuda intemperies, vel humor. Si intemperies nuda, rectè adhibetur fomentum; calidum: si frigida, frigidum, si calida ea sit intemperies. Si humor causa est, aut is fuit adhuc in corpore, aut fluere desit, toto corpore evacuato. Si fuit adhuc, vena secanda, aut propinandum pharmacum. Si desit fluere; & mundum corpus est, aut id, quod inheret, particulæ, est crassum, & tum

juvat potio meri: aut tenue & acre, & prodest balneum. Itaque etsi nullus oculorum dolor sit, qui aliquo ex istis modis non tractari queat, tamen hæc omnia ad nullum adhiberi possunt. Inter omnia autem potu vini omnium cautissime & circumspiciissime utendum est.

Jam operosiora aliquot, sed elegantia & præstantia proponam medicamenta. Aqua ophthalmica.

℞. Succ. eufragiæ, chelidon. ana semibr. lactis caprini libram. Misce, addendo zingib. macis crassiusculè contus. an. unciam, aloes semunc. vitrioli alb. ℥. iij. Macerentur per quatuor aut quinque dies: dein distill. per baln. vaporosum. Aquæ distillatæ adde Tutie frustula non pulverisata, quæ prius in cochleari ferreo novo ignita, & novies extincta fuerint, & tandem cum prædicta aqua continuò residere sinantur. Hujus guttula una oculo inflammato admoveatur. Nec respiciendum ad calida illa ingredientia: nam etsi initio dolor ingravescat, ferveatque per tempus aliquod, miros tamen postea prædit effectus, humores oculis adherentes, pungentes, & falsas lacrymas moventes dissolvendo.

Alia. ℞. Urinæ pueri lib. i. vitrioli, tutiæ an. ℥. iij. Macerentur per dies aliquot: dein per cineres ad siccitatem distill. Hujus guttulæ aliquot inflammato oculo infunduntur.

Alia. ℞. Vini malvar. libram, aquæ stillatiæ album. ovorum coctione induratum libram, aquæ sanguinis humani unciam, aq. rosar. alb. & rubr. an. ℥. iij. aquæ chelidon. tutæ, eufrag. fœniculi, valerian. fumariæ, pulegii an. ℥. ij. mellis virgin. sesquicochl. alum. rochæ sacch. cand. vitriol. alb. ana semunc. caphuræ drachma s. salis eufraf. fœnicul. Saturni ana drachmam. salis margaritarum, corall. an. scrupul. ij. caryophyllor. zingib. mastich. an. drachmam, tutiæ præpar. (id est, in aq. rosar. & vino. Cretico sexies extinctæ ac tenuissime trite) sesquiunc. aloes semunc. Terenda terantur ac misceantur: stent in vitro clauso, aut caloris digestionem per mensem; vel, quod melius, sub dio Soli & rori exponantur per 40. dies, quotidie movendo aliquoties: sic demum insolata promenda usui. Nora aloen in mortario cum aquis dictis miscendam esse, postea reliquis addendam. Usus hic est. Iaceat in lecto æger supinus, & cum pluma gallinæ nigræ gutta aquæ in apertos oculos injiciatur, claudat referetque oculos infirmus, idque bis terve in die fiat. Si nebule fuerint supra vel infra corneam, conficito pulverem e saccharo cando: alamine combusto, & lepiæ ossè calcinato, sed tenuissime tritum, ut tactum effugiat. Cum cubitum pergit æger, ex canaliculo pennæ parum de hoc pulvere insuffletur, moxque aquæ præscriptæ gutta instilletur: oculos dein claudat ac dormiat.

Alia. ℞. Fœniculi, rutæ, eufraf. verben. tormen-til. betonic. rosar. rost. porcini. gallitrich. hippia, pimpinell. chelidon. fol. pæon. fol. vitis, apii, agrimon. caprifol. an. manipulum. Primâ die trita ponantur in vino albo; secunda die in urina puellæ virginis; tertiâ in lacte mulieris; quartâ in melle optimo: dein ponantur in stillatorio, & quod inde emanat servetur ad lavandos oculos. Mira est illa ipsa aqua in visûs debilitate.

Trochisci oculares. ℞. Cernissæ lotæ unciam, cornu cervi sine igne calcinat. sarcocoll. nutrit. tutiæ præp. an. semunc. gum. Arabic. tragacanth. alb. amyli an. drachm. ij. matris perlar. præp. nil. alb. oliban. an. drachm. opii spagyricæ præp. caphuræ an. semidrach. Misc. & cum album. ovi F. trochisci cum collyriis variis cum aquis appropriatis parandis. Valent ad ophthalmias subactes, fluxum tenuem, pustulas, rupturas, scabritiem, pruriginem, dolores, vulneta.

Unguentum. ℞. Butyri majalis non saliti & aquâ eufrafiæ loti ℥. iv. sanguin. dracon. veri subtil. pulver.

semunc. sacch. cand. alb. tutiæ præp. an. drachm. ij. margarit. præp. sarcocoll. an. semidrach. caphur. semiscrup. opii spagyricæ præp. gr. iv. F. ung. Si hujus unguenti tantillum, præmissis prius universalibus, ad angulos & palpebrarum oras adhibeatur, omnes humorum fluxiones, calorem temperando, dolorem sedando, ruborem auferendo, acrimoniam mitigando, lacrymas sistendo & exsiccando, arcet, oculosque mirè roborat.

Nubecula ab inflammatione relicta sic methodicè curabitur. Primò purgetur.

℞. Mass. pil. aurear. luc. major. an. semidrachm. trochis. alhand. gr. vi. cum syr. de beton. F. pil. vii. Dein secetur vena, & cucurbitulæ scapulis applicentur. Tum sequens collyrium anodynum oculis instilletur, & pulvilli eodem collyrio imbuti applicentur.

℞. Mucilagin. sem. cyton. & fœnu Græc. extract. in aq. rosar. & plantag. ℥. ij. lact. mulieb. ℥. iij. tutiæ præp. semidrach. croci macerati in aq. rosar. & express. semiscrup. misce. F. collyr. liquidum. Hoc singulis aut alternis diebus deinde conficiendum, & sæpè in die adhibendum. Postea apozema præparans propinandum: quo absumto potio purgans danda. Post hæc setaccum cervici admoveendum. Tandem ad minuendam nubeculam sequens collyrium applicandum.

℞. Mucilag. sem. cytonior. extract. cum aq. rosar. unciam aq. fœniculi eufrafiæ an. ℥. ij. mell. rosar. semunc. tutiæ præp. cornu cervi usti an. semidrachm. caphur. gr. iv. Misc. Eo utendum per mensem; & singulis mensibus resumendæ præscriptæ pilulæ: singuloque mane imponendæ oculo extracti chelidon. gutta una vel duæ.

De vulnere oculi.

Natura affectus, causæ & signa nota sunt. Duo autem habeo remedia præclarissima horum vulnorum. Unum est aqua de cancris & chelidonia herba, quæ fit hocce modo: R. Cancros fluviatil. vivos mense Junio, Solè & Lunâ in cancro existentibus, num. xxxi. & pro pondere horum adde tantum herbæ chelidon. totius. Contunde hæc simul mixta: iisdemque porrò adde sem. fœnicul. contus. unc. fabar. marinar. præpar. caphur. ana semunc. caryophyllor. aloes epat. tutiæ præp. an. drachm. ij. Misce, & divide in tres partes æquales. Primam partem, in B. M. distilla: deinde partem alteram immitte cucurbitæ, & distillatam à parte prima aquam affunde, rursumque abstrahæ, ut prius: tum tertiam quoque partem infer, & aquas antea distillatas omnes iterum superinfunde, adeoque tertiâ vice distilla. Qui vult, ex fœcibus calcinatis salem potest extrahere, & majoris efficaciar ergo admiscere. Est mirum & stupendum ophthalmicum, oculos ad desperationem læsos restituit, & omnia vulneta 24. horar. spatio conglutinans. Gutte aliquot oculis instillantur, vel illinuntur plumâ gallinæ nigræ ter quaterve quotidie.

Sed omnem admirationem superat in vulneribus oculi curandis liquor, qui in vesicis ulmi invenitur mense Majo. Ejus guttæ aliquot oculo vulnerato affuse, & cum linteo applicatæ mediò die oculum sanitati restituant.

De ulcere oculi.

Ulcus oculi est soluta unitas cum magnitudine imminuta oculi procedens à causa mordaci.

Ejus variæ sunt differentiæ, pro varia habitudine

& figura : quibus singulis Græci propria nomina iudiderunt, nimis penè curiose ; quia neque ipsi forsitan institutores ea retinere possint, nisi perpetuò recolant : Botryn, Celoma, Argemon, Epicauma, Encauma.

Pars affecta est tunica adnata, & cornea, & angulus oculi.

Causa. Causa ulceris oculi est quidquid mordax est & erodens: quale inter causas externas est calx viva in oculos injecta, vel aliud erodens medicamentum. Inter autem internis humor quilibet acris. Frequens verò horum ulcerum causa est lachryma multa & calida effluens: item ophthalmia pregressa, maximè si per medicamenta nimium repellentia & adstringentia humor mordicans fuerit coercitus, & prohibitus discuti. Quod idem locum habet in variolis oculos obsidentibus: itaque quando illæ oculos occupant, fugienda sunt adstrictoria & emplastica.

Signa. A visu cognoscitur ulcus oculi. Sed autem aliter apparet ulcus corneæ, & aliter tunicæ adnatæ ulcus. In cornea habet se ad instar puncti vel maculæ albicantis; in adnata rubicat. Ratio est, quia sanies alba est, ideoque reddit ulcus in cornea album. Preterea dum vi ulceris cornea privatur pelluciditate, album præ se fert colorem: nam pellucidum coloris expers dum terminatur, album conspicitur.

At dices: Cur similiter in adnata ulcus non apparet album ratione saniei albæ? Resp. Est hæc tunica multis venulis referta, ex quibus in ulcere aliquid sanguinis effluit, & tingit saniem albam rubro colore; quod non accidit in cornea.

Hinc elicitor, Alexandrum Aphrodisæum sect. 4. probl. 117. falsum præsupponere, dum quærit, cur ulcera in oculi pupilla appareant alba; extra autem pupillam in nigro oculi, id est in cornea adhuc consistentia non item. Nam utrobique apparent alba.

Porro quæ è regione pupillæ stant ulcera, visionem lædunt: videntur enim ægri iis laborantes per fumum aut nubem videre, id est obscure. Ratio est, quia sanies ulceris opaca est, impeditque directum specierum ingressum in oculum, sed oblique intrare debent; quod efficit visionem obscuram. Hoc idem sequitur, etsi ulcera ad sanitatem perducta sint, à cicatrice relicta, quæ opaca est.

Ulcerata in oculo futura præfagiunt phlyctænæ seu pustulæ ac vesiculæ in oculo apparentes: illis enim non rectè curatis, sed disruptis, succedunt ulcuscula. Similiter ex diuturna gravi ophthalmia ulcera prædicere licet.

Ulcus adnatæ etsi difficulter sanabile, non admodum est periculosum, nisi valde magnum sit: corneæ autem est, quia periculum est effluxus humoris aquei ex oculo, ac, proinde cæcitatæ, Et quamquam Galenus lib. 1. de sympt. caus. cap. 2. ob solutam corneæ unitatem egressum aqueum in puero iterum regeneratum fuisse narrat; id tantum dicit de vulnere corneæ, non de ulcere: ob quod si elabatur humor aqueus, est irreparabilis visus ob deperditam corneæ portionem ex ulcere. Et sanè in adultis ex interna causa procedens corneæ ulcus pene insanabile habetur.

Curatio. Pro curatione illud in primis considerare oportet, num solum sit ulcus & expers aliis omnis affectionis, quæ vim indicandi habeat insignem. Solet autem sæpius ulcera comitari aut dolor ingens, aut inflammatio, aut utrumque. Quæ si adsint, his primùm incumbendum erit, ut tollentur. Quod faciendum venæ sectione, purgatione, aliisque revulsionibus & interceptionibus, tum etiam medicamentis topicis suprâ comprehensis.

His ita peractis, ad ulceris deterfionem & exsiccationem est veniendum. Cui negotio inter simplicia valde est accommodata pompholyx trita & exquisitè lo-

ta: qua sola sæpè oculorum ulcera feliciter sunt percurata. Utendum autem eâ in hunc modum: accipe pannum lineum rarum & mollem, in quo drachmam vel circiter pompholygos, seu, ut recentiores vocant, rutie lotæ & benè purgatæ liga; atque ita demerge in aqua rosac. vel eufrasie, vel in lac, prout magis expedire videbitur. Deinde ex raro & tenui panniculo expressam aquam in oculum instilla. Eodem modo & lapide corallio optimè in cote trito ac loto interdum ulcera sanantur. Imò & aloen hac eadem ratione in oculos injectam, curasse ulcera oculorum compertum est; quæ tamen si succo rosarum elota est, utilior evadit.

Si cum sorditie sit ulcus, illa primùm detergenda. Ad quod præstandum remedium vulgare est, sed bonum, saccharum candum purissimam permistum cum julepo vel syrupo rosaceo: cujus una vel altera gutta in oculum datur: moderatè absterget ac sine mordacitate. Idem facit mulsæ diluta cum fœni Græci decocto mucaginoso.

Ad cicatricem ulceribus obducendam, si præscriptis medicamentis obduci non potuit.

℞. Plumbi usti loti, rutie lotæ, æris usti, gummi tragacanth. ana semidrach. opii gr. iij. cum aqua pluvia F. collyr. Ejus capies semidrachmam, & cum ovi albumine instillabis in oculum.

Vel ℞. Antimonii, plumbi usti ana drachmam, Aloës, sarcocollæ an. semidrachmam, cum lacte, F. collyr. Uti tempore diluitur cum lacte, vel alio liquore conveniente.

Ad ulcus cancriforme, id est, nigrum & dysepuloticum mirificè facit lac asinum oculis immissum.

De ungue oculi & panniculo.

Unguis seu Pterygium, ut Græci nominant, id est parva ala, est nervosa & duriuscula membranula plerumque ex angulo sese obtendens, & sæpè pupillam contegens. Hæc membranula plerumque est albicans, non tamen semper, sed aliquando rubicunda, interdum citrina, nonnunquam subnigra. Oritur frequentissimè ab angulo juxta nasum qui major vocatur; rarius à minore, rarissimè ab alterutra palpebra. Neque semper arctè adhæret tunicæ adnatæ, sed aliquando ei tantum supertenditur admodum laxè, ut inter ipsam & adnatam specillum inferre liceat: quod Cassius Medicus adnotavit, atque etiam Paræus.

Ad hunc affectum redigitur Sebel, id est, panniculus Arabibus nuncupatus, qui est excrementaria quædam super adnatam non ita dura nec membranosa, ut unguis, sed mollior, & veluti quædam venularum textura sanguine turgentium.

Causa. Causa unguis est humor lentus è capite destillans; qui supra adnatam consistens ob viscositatem faciliè concrevit in tunicam. Proficiscitur autem id excrementum non tam ex cerebro, quàm ex parte externa, cumlatum supra cranium, unde adnata oculi tunica ducit originem. Et quia per majorem angulum major excrementorum copia solet transmitti, ideo in eo frequentius oritur: ex altero minore vix potest sufficiens materia suppeditari; multòque minus ex superiore inferioreque palpebra. Sæpius autem unguis sequitur alios oculorum affectus, ut ophthalmias diuturnas, scabras, & melancholicas, epiphoras, pustulas, ac similes.

Sebel seu panniculus Arabum oritur à sanguine venulis adnatæ impactò, easdemque turgesciente.

Signa. Ut quispiam oculatus affectum hunc cognoscat, signis non eget, quia visu percipitur.

Prognostica eventum curationis spectantia optimè nobis proposuit Aëtius: Facilia, inquit, curata sunt pterygia albicantia & angustum fundum habentia, his verò contraria ægrè curantur. Nam subrubra post curationem chirurgicam, cariam ac dolores dimi-

dimidię capitis parti inducunt; attamen post symptomatum sublationem oculus liberatur. At pterygia in quibus etiam principia sunt suffusionis, curare non oportet; his enim sublatis citius suffusio conflat. Sed neque crassa pterygia curanda sunt, & everfa & eminentia, atque indurata, & quę tempora per consensum afficiunt; sunt quippe maligna & cancrofa. Quę verò usque ad pupillam pertingunt, & propterea visum impediunt, si tollantur, liberant quidem oculum à fluxionibus, citatrix tamen, quę ex chirurgia juxta pupillam succedit, nihilominus visum impedit. Ceterum ex pterygiis ea manu curare oportet, quę aucta ad nigrum se extendunt: quę verò parva, & in albo sunt, ea conandum ut pharmaciam comprimamus. Hęc est doctrina Aëtii, quam omnes amplectuntur, titi & nos quoque. Hęcque ipsa ferè ad sebel Arabum accommodari possunt. De quo hoc itidem notant auctores, quòd sit contagiosus, id est, ab adspiciente contrahatur, quemadmodum ophthalmia, id quod non competit ungui seu pterygio.

Curatio. Curatio ipsius affectus per topica incipienda non est, nisi universalia præmissa sint. Itaque & purgationes frequentes, & venę sectio præmittenda, vesicatoria occipiti ac post aures admovenda, caput evacuandum &c. Nisi enim hęc fiant, quia pharmaca ad pterygium omnia acia sunt, magni dolores & inflammationes invehentur. His ergò ritè factis, ad localia procedimus; quę cum mordacia, uti dixi, esse oporteat, ideo ipsis mitigatoriâ commisceamus: vel si impermistis utimur, mox ab hisce mitigatoriâ adhibemus. Opus autem est imprimis unguem quadamtenus emollire, ut melius cedat pharmacis erodentibus: qui enim id negligunt, plerumque non attingunt scopum. Emollio hęc sit vapore decoctionis málvæ, fol. álthęę, sem. fœni Græci, atque ipso decocto semper ante acrium administrationem oculos fovere convenit.

Jam quod ad ista acia medicamentâ attinet, non quælibet sumenda, sed quę longo usu à patribus nostris tutò fuerunt adhibita: eorum quædam mitiora sunt, quædam valentiora, & ab illis incipiendum. Quod sequitur tutissimum est, & ratione atque experienciâ confirmatum.

℞. Chalcanth. Romani drachmam, viridis æris semidrach. in tenuissimum pulverem redigantur: tum sume unum ovum; coque ad duritiem, emundatum à cortice scindito per medium, extrahitoque vitellum, cuius loco pone pulvères jam dictos: deinde ligato divisum ovum, ac triduo macerato in aquę mellis stillatię 3. ij. & semis, vini alb. maturi sesquiuncia; ovum postea in liquore exprimito. Liquorem expressum quater singulis diebus instillato ad guttas v. aut vi. in omnes pterygii partes: nam oportet omnes tangere. Atque isto pharmaco quemdam scio à pterygio fuisse sanatum.

Valentius est, quod sequitur, ab oculariis Medicis summopere commendatum.

℞. Æris usti, chalcanthi, viridis æris usti, salis ammoniaci ana semidrachi. Pulverisentur omnia per se, ac postea misce. Sinuntur per hebdomadam sic permista; tum usurpantur hoc modo: adspargendum de hoc pulvere supra unguem oculi parum pro vice, & semel solum eo die, quo usurpatur; usurpatur autem alternis diebus: totus mox oculus duabus transactis horis lacte muliebri fovendus. Alter utendi modus est, ut sumatur pulveris istius drachma, liqueturque in aqua mellis stillatię; ex qua guttas vi. aut vii. pro vice angulo immitte, vasculum benè agitando; & potest hoc singulis diebus semel adhiberi. Si dolor ingruat, hinc mitigabitur, uti antè, fotu lactis, vel aqua rosacea, cui incoxit malva. Ut verò ritè pulvis oculo imponatur, cape stilum, in cuius extremo parum bombacis hereat, quem salivâ modicè imbue, tum pulveri inringe, atque ita

eundem oculo affecto admove, elevatâ palpebrâ. Potest eodem stilo & bombace uti ad aquas etiam instillandas, bombacem non imbuendo salivâ.

Aqua in pterygio, maculis & oculorum offuscatione mirabilis.

℞. Hepatis hircini sani & recentis libras ij. calam. aromat. mellis an. femunc. succi rutæ 3iv. aq. fœnicul. chelidon. verben. eufraf. an. 3iv. piper. long. unc. mosch. caryophyll. an. drachm. ij. croci scrup. flor. rorisinarin. aliquantum tritor. sesquimanip. sarcocol. aloes hepat. an. drachm. iij. fellis piscis raję, leporis, perdicis an. unciam. Terantur omnia, tritisque adde sacch. 3ij. mell. rosat. drachm. vi. Projiciantur in alembicum vitreum, & distill. in B. M. liquor frequenter oculis instilletur.

Ad ungues mirifica etiam est hęc aqua.

℞. Aquæ rosar. eufraf. fœnicul. an. 3ij. Mercurii sublimati & tenuiss. pulv. semisrup. Misce, & de ea singulis diebus mane guttas duas in oculum immitte.

Præstans quoque est hoc collyrium Joannis de Vigo.

℞. Aq. plantag. rosac. an. 3ij. vini albi sesquiunc. Bulliant simul leviter unica ebullitione; mox adde floris æris optimè triti drachm. tutię sesquidrachm. sacch. cand. drachm. ij. myrobal. citrin. scrup. Trita omnia misce, & sinantur per duos dies: deinde liquor coletur, & clarificetur, atque eo tangatur pterygium.

Quidam empiricus non alio utebatur, quam hoc.

℞. Salis gemmæ drachm. aq. rosac. fœniculi an. unciam. Misce.

Domina de Hoochstraten olim multis hac aqua visum exacuit, & ungues ab oculo removit.

℞. Extâ lupi piscis, & unâ cum felle, jecore ac reliquis visceribus in minutas partes concide; adjecto manipulo fol. fœniculi, vel seminis ejusdem confusi: tum in alembico distilla; atque usui reserva.

Julius Palmarius in artis operibus valde exercitus & felix; unguem pulvere bufonis intra paucos dies radicitus extirpabat. Bufonem vivum vase terreo probe obturato conclusum prebat in furno: ustum in tenuissimum pulverem redigebat, quem per calamum in oculum flatu oris immitti horâ somni jubebat; & mox collyrium ex ovi albo agitato cum aq. rosac. toti oculo imponi, ad prohibendam inflammationem. Alii loco bufonis ranam palustrem sumunt.

Si his medicamentis malum non cedat, ad operationem manualetn proceditur, quam exercere nostri non est instituti, sed operariis propriis relinquitur. Describit autem operationem Aëtius satis accuratè; sed disertissimè omnium Celsus lib. 7. cap. 7.

In tenebrosa ætate remedia præscripta usurpari non possunt, ob acedinem suam: jubetur hinc ergò mater vel nutrix jejuha lambere linguâ suâ, oculum affectum; sic chim sæpè & unguis & aliæ oculorum maculæ deterfæ sunt. Efficacius lambent, si fœniculi semen antè manderint.

De Epiphora.

Epiphora est immoderata tenuis humoris fluxio ad modum lacrimarum in oculos præter naturam facta.

Is humor, qui fluit, modò frigidus & aqueus est, nullum dolorem, nullum ardorem, ruboremve inferens: modò acer est aut salsus, ideoque & dolorem & ardorem, & ruborem imò nonnumquam palpebrarum exulcerationem inducens.

Arculanus hunc affectum refert ad morbum in via, quòd visum impediât; prohibendò debitam delationem specierum visibilium per corneam. Sed rectius dicitur esse symptoma in excretis: est enim fluxio, quòd & nomen ipsum indicat Epiphora, id est, incurfus, illatio: unde & Medici rheuma-

matissimum uteri ac ventris appellant epiphoram eorumdem: sine tamen adiuucto apud omnes significat immoderatam & præternaturalem illacrymationem.

Lacryma concreta seu cocta oculi colore Gramia dicitur Latinis; Lema Græcis. In Festi Pompeii monumentis invenias, Gramias oculorum esse vitia, alii Glamias vocant. Hinc Glamon, qui lemâ vitiatos oculos habet, & Glamynos apud Sophoclem: Gramiosi item apud Nonium oculi.

Causa. Hujus affectûs causæ possunt esse quadruplices: scilicet, vitium partis suscipientis, oculi nempe: vitium partis mandantis, puta capitis & cerebri: præsentia materiæ: viarum latitudo.

Vitium oculi in tribus iterum consistit, vel quod caruncula lacrymalis nimium laxa sit; vel quod desit, propter imperitiam chirurgi unguem auferentis malè, eam diminuentis, vel quod ipse oculus aliqua intemperie exsuperante afficiatur.

In parte mandante postrema hæc causa etiam locum habet: ratione enim intemperiei cerebrum vel non retinet debitè & concoquit sua excrementa, vel non convenienter expellit.

Præsentia deinde materiæ est causa epiphoræ vel ratione copię, vel ratione acrimoniæ expultricem capitis & oculorum stimulantis.

Latitudo denique viarum juvat ad hunc fluxum, sicuti ad ceteros.

Porro viæ, per quas hæc materia lacrymarum ad oculos ruit, possunt dici duæ, imò tres. Nam & per venas externas frontales ac temporales hæc quandoque fluit materia: quandoque per venas internas oculo insertas & per foramina cavo oculi antro insculpta: tertio denique per foramina ossium nasi ad oculos terminata derivatur; sicuti & contra collyria immissa oculis deferuntur per eadem foramina narium in os, unde interdum sentitur in ore sapor collyrii in oculum injecti. Id quod confirmatur quoque per hoc, quod, multis mucis defluentibus per nares, oculi plerumque collacrymentur.

Itaque minimè adsentiendum Fernelio, qui lacrymarum fluxus originem è sincipite & summo vertice tantum duci vult, in quo humorem extra calvam & subter cutem congeri censet, qui per pericranium in adhaerentem membranam destillet, ac demùm foras per oculos excidat. Hoc ipsum de arthritide, deque alia quavis destillatione statuit. Sed propter illud cacodoxum passim malè audit apud Medicos: & meritò. Quare enim partes internæ non habeant vim illam expultricem, quâ humores in externa membra mandent, absque ut ad capitis cutem ii mittantur. Sed de hac Fernelii sententia uberius, cum de arthritide agemus.

Signa. Symptoma sensu deprehenditur. Sed ab ægro tante audire oportet & causas, quæ antecesserunt, & qualitatem materiæ, quæ ex oculis ejus destillat, ex quibus causæ internæ conjiciuntur.

Utile est cognoscere, an materia antecedens extra calvam, an intra hæreat, quod ita scitur: qui hæret extra calvam humor, tactu percipi potest, cutis est œdematosa; capilli pectine in solum contrarium tracti dolent. Ubi defluxus à parte interna est, ea absunt; caput intus grave & somnolentum est. Si hæc indicia mista adsunt, tum ex utraque parte humor venit.

Lacrymarum profluvium non protendit mortem, nisi ob summam omnium facultatum imbecillitatem ex cadaverosæ faciei oculis lacrymæ præter voluntatem effundantur. At de illo profluvio hîc non agitur. Facilius verò vel difficilius, vel etiam nullo prorsus pacto affectus hic sanatur pro differentia causæ, à qua proximè proficiscitur. Siquidem is, qui externas occasiones sequitur, illis ipsis sublatiis promptè amovetur: at qui ob carunculæ excisæ vel corruptæ defectum oritur, insanabilis est. Non

est autem impossibile eum sanare, qui vel retentivis, vel coctivis cerebri aut oculorum imbecillitatem, aut etiam materiæ copiam, & canalium laxitatem consequitur.

Abuali scribit, & repetunt plerique scriptores lacrymarum fluxionem connatam non suscipere curationem. Observarunt tamen viri exercitati frequenter infantes puerosque ab incunabulis oculos molles & lacrymantes habentes in adulta ætate fuisse persanatos à molesta ea affectione. Neque enim dissuadet ratio; nam beneficio ætatis superflua desiccata fuerunt humiditates, præsertim si bona accesserit victus ratio. Ut ergò Abuali defendatur, dicendum est, illam nativam fluxionem ab ipso intelligi, quæ jam adultam usque ætatem perseveravit; talem in hac ætate frustra molieris percurare.

Curatio. Quod ad totius corporis capitisque evacuationem attinet, eadem hîc curatio locum habet atque in catarrho: nam hic affectus nihil est aliud, quam catarrhus ad oculos.

Ad revellendam materiam affluentem nullum hîc potentius remedium, quam colli setaceum. Vult autem Fabricius Hildanus cent. 1. suar. Obser. id figendum esse inter secundam & tertiam, vel etiam inter tertiam & quartam colli vertebra. Ego Aquapendentis, & Italorum morem potius sequendum duco, figentium inter secundam & primam vertebra: quod enim demissius positum est, cum dolore gestatur ob continuum appulsum attactumque collaris & thoracis. Cur verò Duretus contin. in Holler. cap. de ophthal. transfigi cervicis cutim in longum potius quam in transversum jubeat, equidem ignoro. Itaque à consuetudo modo non censeo recedendum.

Circa topicorum admotionem quedam hîc singularia notanda. Et in primis, etsi, quando oculi fluxionibus tentantur, censuerit Galenus comm. in aphor. 3. 1. sect. 6. & quoque lib. 13. meth. cap. ult. adstringentia non esse usurpanda; in epiphora tamen aliter faciendum docet maximè in initio: cum enim affluxus humorum sit ad partes oculi externas, roborandæ hæ sunt moderatè adstringentibus ac desiccantibus, ne materiam affluentem recipiant. Quæ tamen medicamenta omnino omittuntur, si humor ad interiores quoque oculi tunicas, prolabatur: durior enim iis remediis reddita exterior tunica atque humor factus crassior, pertinacior efficerent affectum, & sæpè visum læderent. Quò casu fronti potius adstringentia illa applicentur. Masticatoriis & apophlegmatismis hîc utendum est potius, quam errhinis: quæ tamen ipsa progrediente morbo & frigida affluente materia, modò valida non sint, in usum vocari possunt, ut fiat aversio materiæ ab oculorum angulis ad nasum. A sternutatoriis cujuscunque generis abstinendum: impetuosè enim mota materia meatus magis aperit, & eadem à naso ad oculi angulos faciliè excutitur.

Adfero nunc aliqua, quæ præmissis, ut decet, universalibus observata sunt profuisse.

In epiphora calida acri probatur pannus lineus tenuis madefactus albo ovi vel aquâ rosaceâ. Si morsus & imperus urgeat; decoque melilotum & capita papaveris in aqua rosacea atque etiam malvam, cæteraque, quæ in ophthalmia sunt proposita.

Platerus hoc commendat.

℞ Cortic. granat. semunciam, coq. in aq. fœnic. eufraf. an. q. s. in colatura dissolve lap. hæmatit. probe triti drachm. ij. myrrhæ sarcocoll. nutrit. prepar. scrup. ij. vitriol. alb. caphuræ an. semiscrup. mucilag. sem. fœni Græci, sem. psyllii extract. cum aq. fœniculi an. semunc. misce. F. collyrium.

Gulielmus Varignana dicit se expertum hanc aquam, ac mirabilem ejus effectum invenisse, ut pote quæ paucis immissionibus more collyrii lacrimas strinxit, rubores

res abstulit, pruritus sedavit. Cape herbam, quæ dicitur Pes columbinus; estque geranium alterum Bauhini: contundatur ejus semi manipulus; adjiciatur ipsi tutiæ pulveris. semunc. salis comm. albi triti drachm ij. vini boni clari media phiala: conquassentur simul, ac usui ferventur.

Hæc quoque aqua multis profuit.

℞. Tutiæ præpar. sarcocoll. an. scrup. vitriol. roman. sumach. an. semiscrupul. ligentur in nodulo, qui aquæ infrascriptæ imponatur.

℞. Aq. eufraf. rosar. sceniculi an. unciam; calefiant supra ignem, & ex nodulo expresso aqua instilletur in canthum majorem, ac palpebræ pruriginosæ eadem aqua abluantur.

Hoc quoque singulare experimentum est ad epiphoram & pruritus.

℞. Aeruginis æris gr. xii. caphuræ drachm. tutiæ præp. semunc. butyri recentis non saliti drachm. vi. Misce, F. unguent. indatur pisi magnitudine in oculi canthum majorem, leviterque ungantur palpebræ.

Sed hoc, quod sequitur, omnia alia vincit:

℞. Vitrioli albi ter usti, & ter extincti aq. rosar. semidrachm. gummi Arabic. tragacanth. ustorum & extinctor. an. drachm. tutiæ præpar. scrupul. cerussæ scrupul. ij. mucilag. sem. cyton. extract. cum aq. rosar. q. s. Fiat liniment: quo liniatur oculus circa utrumque, angulum, & ambæ palpebræ etiam: deinde clauditur oculus, & applicatur molle linteolum, tum abluitur aliquando hoc decocto.

℞. Gallar. cortic. thuris, mastiches, nucum cupressi, boli. armen. an. drachm. ij. bull. in aq. fluviali. Vitriolum in præscripto collyrio minuitur in delicatis, pueris, mulieribus, oculos splendidos exquisitoris sensus habentibus: augetur in viris, rusticis, nautis, militibus, durioribus, solidis, ac dolores melius ferentibus. Opii granum cum croci momento additur in majoribus doloribus.

Isthoc simplex aliquibus auxilio fuit: cape bombacem; insperge & immisce pulverem tabaci, atque auribus inde.

De Ægilope & Anchilope.

Ægilops est inflammatio inter majorem oculi angulum & nares.

Si Paulo Æginetæ credimus, inflammatio priusquam in ulcus erumpat, Anchilops dicitur: post eruptionem, si in fistulam dehiscat, vocatur Ægilops. Nihilominus ab aliis auctoribus & ante & post eruptionem Ægilops nuncupatur, imò & à Galeno ipso, ut colligere licet ex lib. ejus 5. de comp. med. sec. loc. cap. 2.

Quod ad vocis, Ægilops, vim attinet, oculum caprinum significat, quam nominationem sortitus est hic affectus, quod in eo pars tumeat & rubeat inter nares & majorem angulum, perinde uti in capris; vel quod, ut alii dicunt, ea affectio capris frequens sit, & fere propria.

Aliqui Fistulam lacrymalē vocant, & Fistulam oculi, ut Celsus. Sed proprie Ægilops non est fistula; neque semper necesse est, ut in fistulam transeat, veluti multorum experientia patet. Verumtamen adeo est difficilis curationis, ut sæpè in fistulam mutetur.

Christophorus à Vega & Petrus Bayrus ægilopa vocari dicunt inflammationem, antequam rumpatur. Mirum est eos non vidisse Paulum, qui planè contrarium docet. Vel forsan seducti sunt auctoritate Galeni, qui lib. de remed. fac. par. ad Solon. c. 12. scribit id ipsum, ægilopa, hunc affectum vocari, antequam scindatur. At is liber Galeno adscriptus tantum habetur, non legitimus ejus partus:

Quidam ægilopa non inflammationem definiunt, sed tuberculum, prout Galenus quoque definiit lib. 5. de comp. medicament. sec. loc. Verum dicendum tuberculum illud semper esse inflammationem, saltem siuriā ex omnium consensu, præterquam Aëtii forsan; qui dicit quandoque fieri ex lentō humore mellis aut pultis simili tumorem eo loco, quo oritur ægilops; sed vocat anchilopem. Ita videmus inter primates Medicos Græcos etiam non convenire de significatione vocum Ægilops & anchilops.

Causa. Causa ægilops est affluxus sanguinis ad angulum oculi majorem. Breviter, easdem habet causas, similemque generationis modum, atque aliæ inflammationes.

Causa fistulæ seu sinūs est, quod ægilops non sat cito aperiatur, aut quod post apertionem pus non liberè effluat, sed diutius cohibeatur; quo fit, ut in subjectas partes semper agens, easdem erodat atque excavat.

Porro ex fistulis aliæ foras aperte sunt, illæ maxime, quibus à verā phlegmone origo existit: aliæ intro, quæ scilicet à sanguinis pituitoso affluxu, aut ob congestionem ejusdem primò intumuerunt; adeo ut foris nullum visatur foramen, sed tantum tumor pisi magnitudine. Hic tumor compressus liquore manat seroso & sanioso, rufo, aliàs albo & viscoso, idque vel per oculi angulum, vel per interiores nares. Quibusdam talis sanies continenter profluit; aliis singulis tantum horis exprimitur; aliquibus menstruō tantum circuitu.

Anchilops Aëtianæ causa est humor melleus aut pultaceus. Est enim anchilops Aëtii nihil aliud quam meliceris vel atheroma circa angulum oculi majorem.

Signa. Affectus hic faciliè ex tumore in loco prædicto & rubore cognosci potest. Cum dolor ac tumor diutius perdurant, & dolor augetur, suppurationis future indicium est. Quando ulterius suprema parte mollescit, tum in pus vertitur. Pure genito dolor remittitur; & tumor mollis jam, neque itaensus aut rubicundus apparet.

Difficilis porro curationis est tumor hic: quod evenit multis de causis; partim ratione particulæ affectæ; partim ratione oculi proximi; & denique quia non faciliè remedia applicantur. Ratione quidem particulæ affectæ quia hæc adeo tenuis & exsanguis est, ut egrè influentes humores possit digerere. Deinde vitiosi humores ante & post suppurationem proximè ferè subjecto ossi inherant, quod ipsum tenue quoque est, facilièque proinde afficitur: ut necessarid consequatur fistula.

Absumta in angulo caruncula lacrymalis fistulam mentitur, adeo ut multi decipiantur. Nam ex foramine, quod conspiciunt, perpetim fluit lacrymæ & pituita: Verum non est fistula, quia locus iste non est præter naturam foraminulentus, sed per naturam: eique foramini incumbit dicta caruncula ad cohibendas istas humiditates.

Curatio. Anchilops Aëtiana nullis medicamentis cedit, sed chirurgiâ tractari desiderat. Perinde igitur ut in meliceride & atheromate, superficies secanda est ut, folliculis continens materiam adimatur: tum deinde uti simplex vulnus curetur.

Ægilops seu inflammatio uti ophthalmia primò curari amat; nam & sæpè ei ophthalmia conjuncta est. Adhibe ergo in primis generalia, venæ sectionem, purgationem, cucurbitulas, & alias revulsiones ibi dictas. Tum repellentia applica, deinde digerentia. Quod si inflammatio ad suppurationem tendat,

tendat, ea juvari debet cataplasmate ex farina tritici, lacte, ovi vitello & modico croco. Non est autem expectandum, donec disruptio per se fiat, sed ante completam maturationem scalpello vel cauterio aperiendus locus est, ne ex longa mora internæ partes hæ teneræ corrumpantur. Quapropter ratione loci latum quoque foramen fieri debet, ut exitus puri detur. Aperto tuberculo imponatur peniculus melle rosaceo imbutus, vel Aegyptiaco unguento, si sordet ulcus.

Est herba quædam veteribus dicta Aegilops, estque eadem atque avena; hujus farina cum plantagine aut parietaria aut portulaca in modum cataplasmatibus appositæ est specificum ad ægilopem.

Aliud: quo non solum incipientes, sed & disruptas ægilopas, etiam præsentem malâ intemperie, brevi tempore curatas vidit Petrus Bayrus, foramine etiam ad os perveniente.

℞. Mell. puri, aloes hepat. an. unc. myrrhæ drachm. vi. croci scrup. aquæ lib. i. coq. lento igne ad consumpt. mediet. In hac decoctura calente infundatur parva spongia nova, quæ expressa & in subtili lino benè mundo involuta ligetur desuper, & videbis mirabilem effectum, uti dicit se sæpius expertum esse prædictus Auctor.

Chalmæus insignis Chirurgus hoc velut præstantissimum commendat.

℞. Aq. vitæ vel vini optim. mell. rosat. colat. an. ℥. myrrhæ drachm. ij. Misce. F. linim. quo mane & vespere locus liniatur.

Speciem quamdam contradictionis apud Galenum reperio circa ægilopis curationem. Nam lib. 3. de comp. med. sec. loc. cap. 2. contra Archigenem dicit ægilopam non manuariæ opetæ, sed medicamentis secundum genus subici. Tamen Introd. cap. 18. ægilopas ad os usque excidi scribit, & ferramentis candentibus aduri; quosdam autem loco ferramentorum candentium terebrâ os forare usque ad nares. Dicendum pro Galeno, ægilopas alios esse abscessus simplices, alios in fistulam abiisse cum ossis vitio. Hi ferro solo curantur, illi pharmacis. Certè quæ in fistulam transit ægilops, & per sesquianum confirmata est cum ossis vitio, nunquam aliter remouetur nisi per cauteria commodissimè applicata ab aliquo exercitato chirurgo; frustra enim alia topica usurpantur. Itaque ad unctionem veniendum. Hanc autem docent inter veteres Paulus & Aëtius, inter recentiores Pareus & Aquapendens. Preferendum namque hic cum Medicorum probatoribus cauterium actuale potenciali vocato. Ceterum cur illud ex auro potius fieri præcipiunt, quam ex alia materia? Nam & commodè parari posse videtur; imò ex ferro fortassis commodius: etenim inest ferro confessa adstringendi potestas, hoc in casu non parum expetenda. Deinde aurum si fortiter igniatur, liquefit; sin autem mediocriter, nihil facit. Ioannes tamen Montanus summus Medicus aurum vel æs eligit in Consil. quia ex ferro fit major adustio & profundior cicatrix, quam teneræ particulæ hic objectæ ferant.

Sed quia plerique unctionem horrent, docebo medicamentum, quo quispiam utens non quidem ex toto sanabitur, sed ita præservabitur, ut sanus adstantibus videatur. Primò ergo sanies in fistula contenta digito exprimitur tota; deinde in angulum tres vel quatuor guttæ infra scripti medicaminis instillantur, infirmus post instillationem jaceat supinus duas aut tres horas: continuetur id per hebdomadem, exsiccabitur fistula, ut sana videatur, & multis mensibus sic manebit. Medicamentum est hoc.

℞. Aloës, thuris, sarcocoll. sang. dracon. balauft. antimon. alum. an. scrup. virid. gris. gr. V. Terantur omnia & cribrentur, & cum aq. fœniculi P. collyr. ex quo, cum necessum est, dissolvatur aliquid in aq. rutæ; & usurpetur, uti dictum est.

De Rhyade & Encanthide.

Rhyas est carunculæ anguli majoris imminutio vel absumptio.

Encanthis est illius carunculæ immodica excrecentia & eminentia. Eminent autem atque excrefcit hæc quandoque ad tantam magnitudinem, ut vel pugnum puerilem adæquet, sicuti observavit Henr. Smetius; vel pilam, prouti Forestus vidit.

Causa. Externæ causæ rhyadis sæpè sunt imprudentes Medici & chirurgi, qui pterygia, asperitates, ficos & callos palpebrarum pharmacis acerbis colliquare studentes, simul & carunculam colliquant: item qui in encanthis curatione chirurgica plus æquo de caruncula rescindunt. Causæ internæ sunt humores acres & erodentes, qui ad eam partem confluunt: unde sæpè epiphoram & ægilopem hic affectus sequitur.

Causa encanthis est sanguinis affluentis copia, & restitutio ulcerati anguli oculi immodica. Notat Auctor Introd. cap. 15. nautis & piscatoribus hoc vitium peculiare esse, quod & Aëtius dicit: additque in canibus quoque sæpè contingere. Unde sicuti à capris dicitur ægilops, ita hic affectus dici possit Cynops à canibus.

Signa. Uterque affectus ita facile cognoscitur, ut signis non egeat.

Encanthis autem benignitas cognoscitur, si dolore vacat, si tenera & laxa est caro: Malignitas, si dura est, inequalis, & dolores punctorii adsunt.

In rhyade perpetuò lacrymæ effluunt, ob defectum carunculæ, quæ meatum à nato ad oculos ducentem regit, adeoque impedit, ne extremita assiduò & affatim ab eo ad hos deriventur.

Quod ad prognosin attinet: encanthis benigna curari potest; maligna non item, meliusque est in hac non tentare curationem.

In rhyade, si planè absumpta est caruncula, etsi quidam præscribant curationes, frustra tamen operantur; quia caruncula illa pars est spermatica, ideoque regenerari nequit. Sin autem ex parte tantum absumpta sit, potest sanari malum. Ubi multum tamen interest, an ab incisione, an ab erosione sit imminuta. Facilius ab erosione imminuta redintegratur, quia id, quod erodit, plerumque tantum partem carnosam erodit, quæ non difficulter regignitur: id autem, quod incidit, tam partem carnosam quam seminalem aufert; seminalis autem restitui non potest, sed tantum carnosam. Esse autem hanc carunculam partem spermaticam, saltem pro parte, testis mihi est Galenus lib. 10. de off. part. cap. 11. ubi eam vocat carunculam nervosam.

Curatio. Rhyas, quæ est carunculæ imminutio, curatur modicè adstringentibus ex Galeno lib. 14. meth. med. cap. 16. toto tamen corpore antè ritè purgato. Moderatè adstringens est vinum, cui rosæ incoxerunt, addito modico croco: quod serviet ad generandam carnem. Ut postea caro genita cicatrice obducatur, utendum vino adstringente, cum gallis, aloë, & exiguo alumine. Unde notetur differentia inter generantia carnem in ulceribus aliis, & generantia carnem hanc angularem. Nam in ulcere alio adhibentur siccantia & detergentia citra adstrictionem, ne crassum excrementum cohibeatur: at in aggeneratione hujus carunculæ, cum nervosa sit, opus est magis siccantibus. Itaque & hoc convenit.

℞. Tutie præpar. aloës, thuris an. drachmam: infund. in succi granator. ℥iv. colaturam in angulum instilla. Et hæc sæpius ac diu faciendâ, quibus equidem vix adhuc curatur hic affectus; quod ipsum quoque signum est, glandulam hanc non meram carnem esse, sed partem spermaticam, uti dictum est.

Encanthis optimè incisione curatur, quia acria & erodentia medicamenta ferè fluxiones in oculos excitant. Cavendum autem, ne nimio plus rescindatur. Facta incisione albumen ovi conquassatum & aquâ rosaceâ commistum oculo commodè adhibetur. Si grandiuscula sit encanthis, ita ut filo prehendi possit, convenit eam ligare & stringere, sicuti verrucas solemus; sic enim paulatim destituta alimento sponte cadit. Si delicatulus aliquis, aut muliercula istas chirurgias re fugiat, exedenda est superflua caro alumine usto, vel oleo vitrioli, sed aquâ rosaceâ vel lacte correcto seu attemperato. Interim dum isthec usurpantur, defensivo aliquo oculus muniendus, ne fluxio incidat. Inter ista carnem confumentia unguentum Ægyptiacum quoque est. Mite est vinum vel aqua, in qua ebullierit alumen. Antequam hæc admoveantur, semper præmitti debent generalia, scilicet purgatio, venæ sectio, cucurbitulæ &c.

De Pustulis corneæ.

Pustula seu vesicula, Græcè Phlictena, est exiguum corneæ tuberculum procedens à materia ichorosa.

Ea modò in superficie fit, modò in profundo. Constat enim tunica cornea multis membranis densissimis. ac fortissimis. Aliquando ergò sub prima membrana pustulam fieri contingit, aliquando sub secunda aut tertia consistit.

Causa. Causa pustularum est materia ichorosa seu serosa in cornea consistens, eamque distendens, quæ plerumque acris est, & corrodens; qualis est, quæ ophthalmiam committit, quam etiam frequentissimè vel comitari solent pustulæ, vel subsequi.

Signa. An in cornea pustulæ sint & quo loco corneæ, cognoscitur visu. Sed arte opus est, ut cognoscatur, an in superficie corneæ consistent, an in profundo. Noscitur autem id sic: si materia sit inter membranam seu corticem corneæ primum & secundum, pustula apparet nigra: si inter tertium & quartum; alba videtur, Cujus apparentiæ ratio alia redditur ab Avicenna, alia ab Aëtio. Avicennæ ratio hæc est: dum pustula est superficialis, non prohibet visionem tunice uveæ; dum est profunda, prohibet. Quando non prohibet, sed uvea videtur, hæc cum nigra sit, est in causa, quòd pustula nigricans appareat. At pustula profunda prohibens intuitum uveæ, cum sistatur in ipsa pustula intuitus albicans apparet, quòd ipsa alba sit, producta scilicet à materia alba serosa. Hæc Avicennæ ratio ingeniosa est, & plerumque vera; sed explicanda & limitanda magis, ut semper sit vera. Pustula ergo superficialis semper apparet nigra, quando stat antè pupillam, vel etiam quando ante in marginem uveæ, dum ille ejus marginis niger est, adeoque dum oculus est niger, à colore enim marginis uveæ oculi denominantur hoc vel illo colore præditi. Tum, inquam, apparet pustula nigra, quia species nigricantis pupillæ vel uveæ ad oculos nostros venit per pustulam diaphanam. Dico diaphanam; quia si pustula oriatur ab alia materia, quàm serosa & limpida, ut puta ichore sanguinis rubriusculo, vel bilis flaviusculo, tum hæc non sequuntur, sed pustula visionem terminabit, apparebitque ejus coloris cujus est humor, qui est causa continens pustulæ. Ulterius modo, pustula profunda apparet alba, quia per hanc non transluet pupillæ vel uveæ nigrities, sed ipsa sistit visionem, adeoque apparet ejus coloris, cujus est humor: hic autem cum ordinariè sit serosus & aqueus humor, id est, albicans, etiam pustula talis coloris videbitur. Quod si à permixto sanguine rubicundior sit humor, vel à bile flavior talem quoque colorem pustula præ se feret.

Sed petere possit hic quispiam, Cur, quæ in su-

Biblioth. Chirurg. Tom. III.

perficie est pustula, diaphana sit; quæ autem in profundo, sit opaca, seu visionem terminet. Joannes Arculanus vir barbarioris sæculi doctissimus, cap. de ulcer. ocul. eventum ejus dat hanc rationem: quia pustula in superficie illuminatur à lumine ambientis propter propinquitatem, unde visio adspicientis potest penetrare ipsam: pustulam autem profundam non item, eo quòd hæc non sufficienter illuminetur. Verùm hæc ratio non penitus exhaurit difficultatem. Nam illuminatio vel præsentia luminis non facit res esse magis vel minus perspicuas, sed facit res visibiles magis atque illustrius videri. Sic adscito & admoto forti lumine ad oculum pustulâ profundâ laborantem, melius videbitur & opacior apparebit illa pustula; quæ tamen tum magis illuminatur, quàm à debili lumine ambientis ordinariè illuminetur, pustula superficialis, quæ tamen diaphana est. Itaque ad petitionem respondetur simpliciter; rem imperfectè perspicuam eò magis terminare visionem, quòd plura corpora imperfectè quoque perspicua ei superponuntur; atqui pustulæ profundæ plures corneæ cortices superponuntur, pustulæ superficiali tantum unus incumbit: inde hæc diaphana apparet, illa est opaca.

Contingit interdum, ob tunice corneæ erosionem uvea procidat, & superficialis pustulæ speciem exhibeat: cujus procidentie cum alia sit quàm pustulæ curatio, hinc alteram ab altera accuratè distinguere necesse est. Distinguit autem Aëtius & alii ab eo per colorem diversum. Sed hoc est incertum, quia pustula cujuscumque coloris esse potest. Certius signum sumitur è mutatione pupillæ, quæ prolapsa uvea vel parva sit vel variatur secundum figuram suam rotundam; in pustula non variatur pupilla.

Porro superficialia pustula non admodum difficilis est curationis: difficilis est profunda; periculum enim est, ne reliquum corneæ in profundo rene existens rumpatur, & uvea procidat, effluantque oculi humores. Et etiam si non effluant oculi humores, dummodò pustulæ intus rumpantur, malum est immedicabile.

Curatio. In pustulis quia dolor adest & sæpè inflammatio, convenit sanguinis extractio, aliæque diversiones. Si serius est, quàm ut sanguis mitti possit, alvus tamen ducenda est. Si id quoque aliqua res inhibet, utique vitæ ratio servanda est. Topica hic eadem conveniunt; quæ in ophthalmia præscripta sunt, si comitetur inflammatio. Si hæc absit, aut cessarit, tentanda est pustularum resolutio per decoctum fœni Græci. Plerique cataplasmata hic laudant, sed quia suppuratoria sunt, non probo: vitanda enim omni modo suppuratio est, ne eâ disrupta humores oculi sequantur. Quòd si pustulæ discutientibus resolvi non possint, acu auræ subtili pertunduntur: quòd tutò fit, si superficialiæ sint. A pertusione ablue hoc collyrio.

℞. Tutie præpar. semidrachm. Aloës scrup. Sacchar. drachm. croci gr. 4. F. pul. subtilis, qui linteo illigatus madescat aq. rosac. verbæn. fœnic. ana æq. parti Ter vel quater quotidie hæc aqua oculo instilletur.

De Albugine.

Albugo est macula alba in cornea: quæ si tenuis est & superficialia, dicitur *Nebula*; si crassa & profundior, propriè vocatur *Albugo* Græcè *Leucoma*.

Riolanus Pater Leucoma dicit esse vitiliginem, id est, speciem lepræ in oculo, contra omnium Medicorum veterum & recentiorum auctoritatem, qui omnes maculam tantum albam in cornea taliter appellant; & plerique cicatricem solum ab ulcere vel vulnere corneæ relictam. Non tamen velim negare, posse talem à lepra tribui albuginem corneæ: id dumtaxat aio non solum eam dici à veteribus leucoma. Deceptus est similitudine vocum *Leuce* & *Leucoma*: Leuce illud est, quod dicit, non Leucoma:

T

Causa

Causa. Causam albuginis statuit Fernelius vel tenuem humorem corneæ inhærescentem, & tunc nebula oritur: vel crassum & album humorem in cornea, aut etiam supra hanc concretum & densatum additque sæpè hoc fieri ex ophthalmia & epiphora: interdum ex proprio lento humore, qui ob pupillam effunditur ex iis spatiis, quæ sunt inter membranam adherentem & corneam. Quà descriptione videtur nobis potiùs proponere generationem pterygii, quàm albuginis, quia illud supra corneam sedet, hæc in ipsamet cornea est. Verùm ut ut est, non à solo illo humore crasso lentoque exsurgit albugo, sed etiam ex cicatrice in cornea relicta, prout omnes auctores sentiunt; ita ut Fernelius saltem sit diminutus in reddenda albuginis causa. Imò aliam quandam etiam nonnulli albuginis causam ponunt, defectum scilicet virtutis assimilativæ, qualis est in lepra & morpheæ. At hoc rarissimè contingit: nam & in confirmata lepra oculi solent esse ab albugine liberi.

Capivaccius putat solam eam esse veram albuginem quæ à cicatrice fit. Sed hoc non est necesse dicere; neque enim ulla hoc autoritas vel ratio suadet.

Persuasissimum vulgo est, ob Tobie senioris infortunium, sterco hirundinis oculis incidens albuginem cæcitatemque inducere. An autem hoc ob proprietatem occultam; an manifestam qualitatem agat, disputatur apud doctos. Vide, si vacat, quid super hac re speculetur Vallesius *lib. de fac. Philos. cap. 42.*

Signa. Affectus hic intuenti patet, ut signis non sit opus. Facile etiam cognoscitur, an à cicatrice, an verò ex humorum impactione proveniat.

Quod ad prognosticum attinet, albugo in senibus insanabilis statuitur; in adultis sanabilis quidem, sed difficulter; facilius in pueris. Cicatrix multò difficilius tollitur, quàm humor; imò non tollitur cicatrix, sed summum quod sit est, quod nonnihil deteratur. Callosas verò, diurnas & crassas cicatrices curare non oportet: necesse est enim hîc collyriis valde acribus uti: unde à vehemēti horum mordacitate alia oculi partes ulcerarentur: si verò etiam suffusio aut glauco adfuerit, vanum est cicatrices extergere.

Curatio. Quamvis detergentibus & discutientibus, quæ vim satis insignem desiccandi habent, tollendæ sint oculorum albugines; quia tamen, dum nimis exsiccantur; magis indurantur, & ad digestionem ac detersionem difficiliore evadunt; ideo ut medicamenta melius possint officium suum præstare, operæ pretium faciunt, qui mollire priùs earum substantiam nituntur balneis, fomentisve, aut vapore aquæ dulcis calidæ, vel decocti malvæ; althææ, fœni Græci: deinde admovent collyria detergentia humida vel sicca, ut magis visum fuerit conveniens. Antequam verò hæc adhibeantur; oportet priùs corpus universum & caput evacuare.

Simplex ac facile medicamentum ad albugines est, si mater vel nutrix vel mulier, alia fœniculum mandat, & mox in oculum inspiret. Valentius erit, si linguâ postquam manderit fœniculum, delingat diutius albuginem. Sed & einatnomum nostrum idem efficit: efficacius est piper vel ruta: imò si vel modicum salis vel nitri commasticetur, efficax erit remedium.

Inter composita hoc probatur, & est facile.

℞. Sarcocollam; Spumam matris seu alcyonium & saccharum candidum æquali pondere, simul terantur omnia exquisitissimè.

Vel ℞. Tutie præpar. sacch. cand. ana semidrachm. ossis sepiæ scrup. F. pul. Eis possumus ita in pulvere uti, vel etiam sumere tantillum mellis, aut succi rosar. vel fœniculi, & conficere in modum collyrii: ubi autem erit opus teretur & diluetur, atque in liquorem redactum instillabitur in oculum. Poterit autem dilui de-

cocto fœni Græci, vel aquâ rosacæ, vel fœniculi, vel rutæ. Fortius tamen erit medicamentum, si arido utamur. Aliorum acrium remediorum non est ita tutus usus, sicut horum, quæ facilia sunt; quamvis hæc longiore tempore egeant, ut opus suum perficiant. Verùm longè præstat ait Galenus *lib. 4. de comp. med. sec. loc.* seriùs & tutius curare, quàm majori periculo cum spe citioris curationis agrotantem exponere. Interdum certè ea, quæ acriora sunt, adedò particulam irritant, ut concitatâ fluxione inflammationem inducant: interdum verò nimis detergendo ulcerant membranas. Itaque mitia, quantum licet, eligantur saltem in principio: inter quæ est saccharum quoque candum, quo solo sæpè puerorum albugines curatæ sunt: in pollinem tenuissimum teritur & cribratur, atque aliquo specillo albugini, inspergitur, egrotante supino jacente apertis oculis, priùs tamen instillato lacte muliebri in oculum, atque iridem paulo post, ubi vellicare pulvis videbitur, ut dolor leniatur. Valentius est medicamentum, si capiatur fel lucii piscis; atque ei parum sacchari candidi admisceatur, diluaturque aquâ fœniculi, vel mulsâ.

Mercurialis solebat sustinere radicem chelidonis, & aquâ vitæ diligenter abluere, deinde pistare, & per colum transmittere, eumque liquorem guttatim instillare oculo affecto: expertusque est recentes maculas inde deteri. Alii os sepiæ valde laudant equali pondere cum saccharo cando commistum, & pulverisatum, atque statu ingestum: aut linimenti formâ cum melle adhibitum parti interiori palpebræ. Quidam utuntur in hoc aquis operosè distillatis, sed non opus est, nam non necesse hîc altè medicamenta penetrare, non enim hæret profundè malum, sed in superficie; ut satis sint medicamenta abstergentia simpliciter. Hæc tamen aqua à me & aliis probata est, esse valde efficax:

℞. Fœniculi manip. ij. rutæ, chelidon. ana manip. i. mell. optimi unc. iij. sacchari candidi, rhodomell. ana unc. i. tutiæ Alexandrinæ. sarcocoll. nut. ana drach. ij. vini alb. opt. cochlear. ij. Misc. & destilletur inde aqua paucò igne.

De Hypopyo

Hypopyon est collectio puris sub cornea: quæ si determinata fuerit circulo iridis, à similitudine Onyx, id est unguis, vocatur.

Vocant autem Medici tam veteres quàm recentiores aliam etiam Hypopyon, quam Latini Sugillationem dicunt, id est sanguinis effusionem sub cute vel in membranis oculi factam ab ictu vel alio modo. Sed in hac & illa significatione alio & alio modo scribi debet. In priore scribitur per ω & ψ Hypopyon: in posteriore per ω & ψ Hypopyon. Prior dictio derivatur ab ψ & ψ , quasi dicas, pus subtus vel sublatens; posterior ab ψ & ψ , id est sub oculo. Et quamvis hypopyon in posteriore significatione sumtum ex vi vocis tantum denotet sanguinis effusionem sub oculo factam, adsumitur tamen etiam ad significandam eandem effusionem factam in ipso oculo, id est in adnata ejus tunica vel cornea quoque: & nominatur alter Græcis Hyposphagma & Ecchymosis. Si in cornea è directo pupillæ sanguis effusus sit, omnia ægris videntur rubra; unde ab ea visione vocantur Hæmalopes; id est sanguinea videntes. Id enim habet cornea, ut, quo colore ipsa infecta fuerit, eodem objecta videantur.

Quod ad differentias hypopyi spectat, vel pus inter membranas corneæ illapsum, & in circulo iridis figuratum similem ungui resecto imaginem præ se fert: vel amplius est collectum, & dimidium nigri occupat: aut per totam corneam tunicam pellucet, & tunc oculum suppuratum esse dicimus.

Causa. Affectionis hujus causa est pus in cornea; & in ea variam id potest habere suæ collectionis causam. Nam interdum à vehementia inflammationis habet ortum; multo enim confluyente sanguine venule alique aperiuntur, aut disrumpuntur & sanguinem effundunt intus, qui ibi postea suppuratur: interdum aliquo ibidem genito ulcere.

Sed & à causa externa fit sanguinis effusio; quæ si contundens sit, effunditur per diapedesin sanguis; si rumpens, per dieresin. Itaque sæpe hypopyon seu suppurationem præcedit hyposphagma seu sugillatio. Nam primò sanguis è tenuibus venis effusus maculam rubram facit, quæ deinde livescit & nigricat, atque hæcenus est sugillatio: tandem tamen in pus vertitur, tumque appellatur hypopyon. Idem quippe accidit oculo ac cuti ex ictu: sanguis sub cutem effunditur, qui deinde livet; postremò, nisi resolvatur, putret & in pus vertitur: tumque pyosis, id est suppuratio dicitur, cujus species est hypopyon.

Signa. Sugillatio sensui patet, adeoque signis non eget; uti nec suppuratio. Utrum ex causa interna, an externa ortum traxerit, id ex relatu cognoscitur egri: & per has causas distinguitur hypopyon à suffusione, quam alioquin ita interdum emulatur, ut Medicis imponat.

Sugillationi porro statim occurrendum, antequam sanguis grumescat; grumi enim difficulter exauriuntur; & difficilius; si jam nigricent; uti quoque si in pus versi sint. Non magnâ operâ discutitur sanguis, qui non adhuc in grumos abiit.

Curatio. Venæ sectio & purgatio locum habent in sugillatione, antequam humor suppuret; uti & aliæ revulsiones ac derivationes in ophthalmia indicatæ. Itaque eæ primò præmittantur, antequam ad topica veniatur.

Facto pure venæ sectio non habet locum, nisi dolor urgeat. Purgatio tamen ritè instituitur, priusquam localia discutientia admoveantur.

Porro topica in principio sugillationis talia esse debent, ut non modò discutiendi vi prædita sint, sed insuper modicâ adstrictoriâ, quia vasorum tuniculæ, ex quibus sanguis exsilit, disruptæ vel saltem apertæ sunt. Quare si simplex discutiens pharmacum à principio adhibeatur, non solum, quod effusum est, discutiet, sed & per fissurâs aliquid attrahet è vasis. Postquam verò in suam naturam redierint venulæ, ad merâ discussoria medicamenta rectè transitur. Quæ primùm sint leviora: quæ enim vehementer discutiunt ac resiccant, statim quidem multam tenuioris evacuationem faciunt, sed quod reliquum est, incrassant: ut egrè postea dissolvi possit. In principio ergò probatur fomentum ex decocto foliorum rosarum in vino. Deinde ex decocto fœni Græci in vino, vel in mulsâ. Usitatum aliis & bonum medicamentum est instillatus calidus columbæ sanguis; quod ita fit: pulli columbini teneræ plumæ eveluntur ab alis, quæ adhuc sanguine plenz exprimuntur in oculos, deinde superponitur lana imbuta decocto meliloti ex vino. Celsus multò efficaciorē ad id dicit esse sanguinem hirundinis *lib. 6. cap. 6. sub fin.* Ubi addit aliquid consideratione dignum, scilicet, fabulam esse, quod visus hirundinum amissus per parentes aut herbam chelidonium restituatur, sed quod per se sanescat; quemadmodum & columbæ & palumbi, at celerrimè hirundinis: ideoque hujus sanguinem præfert.

Experientiâ constat verum esse, quod affirmat Archigenes apud Galenum; quod, si hyssopi coma nodulo inclusa bulliat in aqua, & tepidè nodulus oculo cruento applicetur tam manifeste sugat sanguinem, ut linteam ipsum sanguinolentum videatur. Attamen hoc remedium in principio sugillationis non adhibeatur,

Biblioth. Chirurg. Tom. III.

verum postea, nigrescente jam sanguine: unde & in pure collecto id valet. Quo casu si nihil effecerit, utere hoc, quod pyulcum est seu pus exsugens, & ad Æginetam Paulum refertur auctorem.

℥. Aloës, croci, myrrhæ ana scrupul. i. vini scrupul. iij. mellis optim. scrupul. vi. Crocis primùm teratur in vino, deinde adde Aloën & Myrrham, tandem mel adjiciatur: confectio in vase vitreo servetur, & oculo bis aut ter quotidie instilletur. Isti par est, si trochisci viperini in hydromelle dissoluti oculo immittantur. Sed videndum, ne hoc nimium siccet, & quod dissolvere non potest, illud induret. Succus raphani, itidem iridis impositus præclare facit.

Si istis pus non discutatur, ad Chirurgiam veniunt Medici, oculum ad eundem perforantes acu cavâ, & ita pus educentes. Verum nescio, quomodo pus illud, quod crassius est educere possint, non subsequente vel etiam prius effluente humore aqueo, qui tenuissimus est, adeoque ad fluendum aptissimus. Galenus tamen, Paræus, alique auctores dicunt se tali modo pus eduxisse. Sed non addunt, an homines illi, quibus educum erat pus, rectè postea viderint. Certè humor aqueus simul effluerit, & adultæ ætatis si fuerint, cæcitas necessario subsecuta est: illa namque ætate non regeneratur aqueus humor, eoque elapso corrûgatur cornea, & oculus fit minor.

De ruptura corneæ, & uveæ prolapsu.

Rupturâ corneæ est ejus sectio vel exesio; è qua primùm aqueus humor emanat, oculumque multò minorem relinquit; deinde uvea tunica procidit.

Cujus uveæ procidentie quatuor ab auctoribus statuuntur species, à formis, quas representant desumptæ. Prima quia exigua est instar capitis muscæ, *Myocephalos* dicitur. Altera amplior acinum uvæ referens *Staphyloma*. Tertia, quando ita increvit, ut extra palpebras emineat, *Malum* seu *Pomum*. Quarta denique, ubi obductâ cicatrice occalluit, nominatur *Clavus*; quia clavi caput refert.

Causa. Causa rupturæ corneæ est res vulnerans corneam, vel ulcerans.

Ætius inquit fieri aliquando staphyloma humoribus sub aliquam corneæ tunicæ striam collectis, à quibus coactam corneam elevari contingit & incurvari: similiter quoque à pustula inter strias corneæ tunicæ satis profundè consistente. Sed nos cum Paulo Ægineta istos affectus non numeramus inter staphylomata, verum de iis inter pustulas corneæ tractavimus; adeoque staphyloma non nisi à ruptura corneæ effici dicimus. Sunt tamen recentiores, qui hac in parte Ætio adsentiantur: scilicet Christophorus à Vega, & Ambrosius Paræus. Imò & Celsus idem sensit *lib. 7. cap. 7.*

Signa. Sequendo sententiam Ætii, Celsi, & recentiorum illorum, staphyloma aliquando niger est tumor, aliquando albus. Nam si cornea ulcerata est atque arrosa, sic ut per ulcus proferat se & procidat uvea tunica, nigricabit staphyloma acini maturi instar: nigricat enim uvea tunica, inquiunt, externâ suâ parte. At si laxata tantum, & non ruptâ corneâ fuerit, subalbido colore cernetur staphyloma acini nondum maturi instar. Hæc ita secundum doctorum auctorum placita dicantur. Nos autem, uti antè præfati sumus, tantum à ruptura corneæ verum staphyloma oriri volumus: à qua etsi oriatur, non tamen adhuc concedimus tale staphyloma semper nigricare; quia non verum est, quod supponunt, in omnibus uveam tunicam quatenus procidere potest, externâ suâ parte nigricare. Nigricat tantum iis quibus nigri dicuntur esse

oculi; glauca est, quibus oculi sunt glauci, &c. Itaque varii coloris potest esse uvea prolapsa. Quia verò apud Græcam nationem ordinariè oculi sunt nigri, atque adeò uvea nigra, rectè ejus procidentiam staphyloma nuncupant à similitudine acini maturi nigri. Apud nos alium colorem referre potest: utpote quorum uveæ non semper externa parte nigræ sunt, sed vel glaucæ, vel fulvæ, &c. Id quod neque Aërium latuit: nam quod ex uvea tunica procidit, non semper dicit nigrum apparere, sed quandoque cæruleum.

In circuitu ejus partis; quæ procidit, circa fundum labia corrosæ tunica alba apparent: & si adhuc magis pars prolapsa duraverit, labia ruptionis tunicae corneæ callosiora facta adhuc magis alba apparent.

Divulsa autem est omninò in uveæ tunica prolapsu pupilla ipsa; ut omninò non appareat, aut & siru & figura immutata.

Quod ad prognosticum attinet: si cornea rumpatur, visus deperditur, quia humor aqueus necessariò effluit, ideoque cornea corrugatur. Vidit tamen Galenus, alii-que postea recentiores visum dehinc restitutum esse, eo quòd aqueus humor regeneraretur: id quod non nisi in ætate puerili sperandum est. Quòd si præter aqueum humorem tunica uvea procidat insperabilis visus est; ultra quem deperditum accedit adhuc deformitas, quæ solammodò est curabilis. Unde miror, quod scribit Riolanus; se vidisse adolescentem, cui uvea prociderat supra magnitudinem avellanæ, qui tamen eo ipso oculo videbat. Nisi eo casu aqueus non effluerit, & pupilla tantum figuram mutaverit.

Curatio. In principio rupturæ corneæ omni modo cavendum, ne humores oculi effluant: nam tum oculus planè concideret, & magna inde deformitas oriretur. Itaque mox adstringentia adhibenda, ut fofus ex decocto plaranginis, myrri, bursæ pastoris, balastior. fol. rosar. Hoc deinde collyrium bonum est.

℞. Antimon. cerussæ, cadmiæ ustor. & lotor. an. scrup. ij. spicæ nardi, Aloës, tutiæ præp. sarcocoll. an. gr. 6. cum muccagine tragacanth. vel gummi Arabic. F. collyr. cujus aliqua portio solvatur in decocto bursæ pastoris: usu postulante. Hæc aqua etiam ut præstans laudatur:

℞. Bol. armen. sanguin. dracon. tragacanth. ana semunciam, pul. capitum hirundinum ustor. unciam. infunde in aq. rosar. & succ. granator. clarificat. ana unc. 4. Bulliant lento igne in Bal. Mar. deinde colentur; & linreum colaturâ imbutum applicetur: id repellit, ac suo loco restituit uveam: eademque operâ ulcus per sanat. Debet autem interim æger jacere supinus. Huc faciunt tum aqua ophthalmica de cancris & chelidonia, tum liquor, qui in vesicis ulmi invenitur mense Majo, de quibus diximus *cap. de vulner. ocul.*

Si malum sit magnum & inveteratum, medicamentis locus non est, sed ad Chirurgiam confugiendum, quam pete ab Aquapendente in *Operat. Chirurg. cap. 17.*

De dilatatione, & constrictione pupillæ.

Pupillæ dilatatio. Græcè *Mydriasis* & *Platicoria* dicta, est foraminis tunicæ uveæ nimia ampliatio.

Constrictio, Græcis *Myosis* & *Phthisis* pupillæ vocata, est angustia præter naturam foraminis uveæ.

Est uterque affectus in vitiata conformatione, scilicet in via seu meatu depravato, ut patet, & visionem lædit. Sed de modo & ratione qua lædit, non convenit inter Auctores.

Fernelius *cap. de ocul. morb.* dilatationem visioni obesse dicit, ut quæ visivum spiritum universè diffundi atque dissipari sinit: à constrictione autem nativa, quoniam spiritum cogit ac densat, acutissimam visionem

reddi ait; at à morbosa, quoniam causam præter naturam habet, deteriore fieri. Hoc idem ceteri omnes recentiores sentiunt & scribunt, eo fundamento innixi, quòd visio per radiorum ex oculis emissionem fiat; illud autem cum falsissimum sit, ut pluribus convici, & jam passim omnes emundioris naris viri agnoscunt, non poterit ea ratio statui, quâ dilatatio & constrictio pupillæ visionem lædunt.

Olsecit & hoc Sennertus in Praxi sua, ideoque quam majores sui propius scopum ferit, sed tamen non attingit.

Alii in dilatatione pupillæ res minores, in constrictione majores apparere aiunt: atque in hujus reddenda causa mirè & miserè tumultuantur inter se, in quibus tamen turbis ceteris verosimilius judicavit Joan. Arculanus, *Com. in 9. Rhaf. ad Almanf.* Sed omninò falsum quoque est, accidenria illa dictas sequi pupillæ constitutiones. Nec verò Galenus usquam eorum meminit. Paulus Ægineta primus, quantum sciam, id invulgavit; ex quo auctore hauserit, nescio; non enim addit. Si ex propria contemplatione dixit, deceptus est; non enim respondet vel experientia vel ratio. Aëtius idem docet, non etiam addens auctorem, ex quo habet.

Itaque quomodo ex istis pupillæ constitutionibus oculus afficiatur, fusè & explicare dixi *lib. 4. probl. 59.* cujus hæc est summa: scilicet, quòd per foramen uveæ præter modum exile represententur in retiformi tunica res visibiles distinctè, sed minutissimè, quæ ut percipiantur, multo opus est externo lumine. Accedit, quòd, quæ nonnihil à lateribus sita sunt, minimè comprehendantur, quia eorum imagines foramen præterlabantur. Per foramen autem uveæ latum clarè & in majuscula forma exhibentur res, sed in lucidiore aère dilate atque imperfectè ob subingressum nimii luminis rerum visibilium picturam oblitterantis. Adfect porò hoc commoditatis pupillæ amplitudo, quòd eâ prædicti capite immoto videant illa, quæ à lateribus stant, quæque non nisi capite eo converso ab aliis percipi queunt.

Ex hisce patet, probabile esse, quod ingeniosissimus Platerus *lib. 1. præct. cap. 7* scribit, pupillæ scilicet arctationem causam nyctalopiæ seu nocturnæ cecitudinis esse: cum enim, modico existente externo lumine, soleat pupilla ampliari ut luminis oculum ingressi debilitas, copiâ ejus suppleatur, fit, ut quibus pupilla angustior obrigit, nec potens dilatarari, sub noctem aut tenebris nonnihil ingruentibus minus cernant, quia debile & modicum lumen visum movere nequit. Confectarium hujus est, ob pupillæ magnam hiarionem in obscuriore & tenebricosiore aère rectius, quàm in nimium lucente videri: modò illa hiaratio non fiat ob incipientem obstructionem nervorum opticeorum, vel aliam internam causam visum obscurantem: tum enim contrà fit, ut scilicet dilatata pupillâ melius interdiu videatur, petus vesperi, uti aliquoties observavi.

Causa. Quod causas propositorum affectuum attinet, sentio cum doctissimo Plateto vix posse illas pupillæ habitudines ab adscititia humectatione vel siccatione, vel percussione provenire; uti neque ab humorum vel spirituum copiosiore influxu; id quod passim cantillatur à Medicis. Et quidem quæ potest major uveæ accidere humectatio in mediis humoribus nativanti? Influxus autem humorum non potest uveam tendere, nisi prius corneam tendat ac turgesciat maximè, & ita consequenter uveam corneæ validè adnexam. Excrescat autem aqueus humor ad tantam, quantam velis, copiam, si corneam non distendat, non distendet uveam, sed semper laxè hæc ei innabit: quippe non coërcet uvea aqueum, sed cornea. Itaque infrescens aqueus nullam vim uveæ facit, cum per ejus foramen

liber pateat transitus, sed corneam impetit, cuius obice continetur. Si crystallinus humor adeo mole augetur, ut antrorsum vergens foramini uveæ se infereret, ille sine dubio pupillam dilataret, neque sineret pupillam constringi. Ratio est, quia humor ille duriusculus est & consistens, quippe propria tunica obductus; atque ita suâ duritie posset distendere uveam: quod non potest de aqueo dici, utpote qui sit fluidus liquor. In crystallino haberet locum similitudo Valefci dicentis, humorem dilatare pupillam, sicut genu ampliat foramen caligæ disruptæ, quando complicatur.

Deinde à siccitate oriri dilatationem vel constrictionem pupillæ, longè minus simile verò. Siccescente enim oculi globo non solum siccescet quoque & corrugabitur cornea; unde cecitas: atque is affectus est oculi atrophia, non pupillæ constrictione.

Denique à percussione potius dilaceratur pupilla, quàm dilatatur. Hoc tamen verum est, ob dilatationem illam ducere rimam, ac sic quodammodo magis patere; quàm si sub dilatatione velis comprehendere, non amplius litigo. Item possunt ob percussione conturbari & impuri fieri humores, ad quos dein sequitur pupillæ ampliatio, uti post dicetur.

Porro opinor, ut plurimum ab ortu homines eas nancisci pupillarum figuras, nec facile ab externa causa, vel interna dein adipisci. Quodque priores Medicos ad contrarium adferendum impulerit, hoc esse puto; quia videlicet dum ad consultationem habendam de oculorum affectionibus & diminuta visione conveniunt, oculos egri vel in loco non admodum lucido inspiciunt, atque ita eum pupillæ dilatatione laborare concludunt: vel in loco admodum claro intuentur, ac tum pupillæ constrictionem putant adesse, nam in obscuro loco semper dilatatur pupilla, in claro angustatur, eæ tamen dilatationes & constrictiones morbi nequaquam dici debent.

Existimo nihilominus aliquando post ortum acquiri posse morbosam pupillæ dilatationem, hoc casu: si quis diutino tempore inclusus obscuro carcere delituerit; ibi enim cum adsint perpetuæ tenebræ, pupilla perpetuo quam amplissime patet, in quo situ ob diurnam moram induratur: denique, ut postea in lumine contrahi nequeat: restitutionique inepta permaneat. Quæ ipsissima causa est, cur ex diurno carcere sub diem lucidum prodeuntes tam ægre ferant lumen; amplas nempe patulasque ipsorum pupillas nimis ferit.

Scriptit Aëtius, & Medici ab eo alii, illos, qui naturâ nigros oculos habent, ferè magnis esse pupillis, ideoque in pupillæ dilatationem præ reliquis facilius incidere. Cur autem magnis sint tales pupillis, non dixerunt; & certò scio ipsos nescisse. Est autem causa hæc: lata sit vel stricta pupilla ad recipiendum vel excludendum majus lumen pro rectè obeunda visione. Jam verò nigri oculi cum ratione ejus sui coloris etiam obumbrentur, egent in aëre non admodum illustri copiosiore lumine, quàm glauci, quibus non fit tanta umbra: ut ergo copiosius lumen capeant, pupillam patefcere necesse est.

Isthæc itidem causa est cur impuros & turbidos habentes oculorum humores, pupillas quoque latiusculas habeant. Per humores namque istos crassiores subintrans lumen infringitur ac debilefcit: unde copioso opus est, ut aliqualis fiat visio; copiosum verò subire nequit nisi per diductiorem pupillam. Si igitur quispiam in altero oculo humores habeat minùs atque in altero limpidos ac puros, illius ulterius latiore pupillam, quàm hujus advertere licebit. Et ab hac causa puto frequentissime dilatationem pupillæ oriri; ab humoribus, inquam, turbidis, & aliquali obstructione nervi optici: quibus presentibus cum advertant Medici pupillæ ampliacionem; huic potissimum visionis defectum adscribunt, cum minimè huic, sed illis sit

attribuendus. Sic dum à validis oculi ictibus dicunt auctores pupillam fuisse dilatataam sine uveæ ruptione, id omnino existimandum est factum fuisse propter conturbationem humorum, & opacacionem eorundem, quam consequitur, ut dictum est, pupillæ diductio. Itaque non ineptè Auctor finitionum Medicarum mydriasm dicit esse alterationem visorie facultatis turbatis humoribus. Quamquam id Mercurialis explodat. In eandem sententiam scribit Avenzoar dilatationem pupillæ, si negligatur, transire in suffusionem, quia turbidi facti humores facile magis incrassantur; unde suffusio.

Ex præmissis patere potest, quàm falsè imò absurdè quidam practici scribant dilatationem pupillæ aliquando fieri à multa illuminatione & irradiatione oculi, & inspectione in sphaeram Solis. Omnium enim experientiâ constat, multam oculi illuminationem non dilatare pupillam, sed quàm maximè constringere: unde potius inde pupillæ constrictionem oriri dicere debuissent.

Neque minùs absurdum est, quod dicunt, à siccitate fieri & dilatationem & constrictionem. Dilatationem quidem, quando exsiccantur & contrahuntur partes uveæ posteriores versus nervum opticum: constrictionem autem, si exsiccetur humidum uveæ circa partes pupillæ, non exsiccatis partibus posterioribus. Nam hæc est vana speculatio sine fundamento in re. Non potest enim fieri ampliatio foraminis ob contractionem partium posteriorum uveæ; quippe partes illæ posteriores & laterales firmiter adherent corneæ, ut non possint in se contrahi, nisi & tota cornea contrahatur, & cum cornea quoque adnata, ac si totus oculus contrahatur, adeoque erit oculi atrophia, non phthisis pupillæ. Similiter quis credat, anteriorem partem uveæ exsiccari posse in humore aqueo natantem: non exsiccatis partibus posterioribus?

Ita quoque merum figmentum est, quod auctores ex Galeno adferunt *lib. 1. de sympt. caus. cap. 2.* de humectatione & exsiccatione tunicæ uveæ, ut est pars similis, & ut pars organica. Quemadmodum enim antè dictum est, non dilatabitur magis pupilla, etsi ut pars organica humectetur, id est, etsi ejus meatus humore aqueo repleatur.

Signa. Quia falsum de pupillæ dilatatione & constrictione latum judicium plerumque ex eo oritur, quod non in debito loco ægrorum oculi inspectentur, sciendum breviter est, ubi est judicandum, an nimia sit pupillæ constrictione, locum inspectionis esse deligendum obscurum: hic enim cum debeat se pupilla expandere, si non se expandat, pupillæ tabes est, suppositis aliis in oculo integris, & meatu nervi optici libero existente. Contra ubi explorandum, utrum præternaturalis adsit pupillæ dilatio, locum esse adeudum lucidum & clarum, in quo si non se contrahatur pupilla, contractioni inepta est: suppositis iterum iisdem, ut est antè.

Hieronimus Mercurialis *lib. 1. pract. cap. 36.* docens, quæ dilatio pupillæ sit morbofa; quæ naturalis, sic scribit: Unius oculi pupilla claudatur; quo facto, si alterius pupilla dilatatur adhuc magis, est à natura. Si verò, altero clauso oculo: alterius pupilla non dilatatur, affectio est morbofa: quia latitudinis naturæ terminos præterire licet, sed à morbo factam latitudinem non licet. Idem describit Sennertus ex ipso. At ratiocinantur perperam. Potest morbus non extremum suum terminum attingere; unde ultra eum ire licet, sed non citra illum: sicuti distentio vesicæ ab urinæ copia non illa tantum dicitur morbofa, quæ major fieri non potest, sed illa, quæ impedit naturalem vesicæ contractionem. Itaque morbofe seu præter naturam dilatata pupilla non ea est, quæ amplius non valet distendi, sed ea, quæ contrahi amplius non potest.

Quoniam Auctores dant pro signo constrictionis pupillæ à siccitate ortæ, quod oculus parvus sit & diminutus. Qui malè constrictionem pupillæ confundunt cum oculi atrophia; in hac enim tantum id fit. Quapropter ex ipsorum confessione etiam non potest adesse in oculo tanta siccitas, quæ uveam contrahat, quin ea contrahat totum oculum, prout antè dixi.

Circa hos Affectus videas miseras doctissimorum Medicorum in consiliis editis hallucinationes. Montanus conf. 91. & 92. observans in duobus ægris pupillas in obscuro aëre dilatari, in claro contrahi; inquit hæc signa esse visus imbecillitatis, refertque causam ad crassitiam spirituum. Nugæ. Omnibus id ex æquo contingit, etiam iis, in quibus summam spiritus tenuitatem habere ab ipso judicarentur. Fallopius & Bellocatus mirantur in consultatione quadam cur in ægro suo pupilla manè videatur constrictior, vesperi latior: & nescio, quas ulcerosas causas allegant, ulcera in faucibus sanata. Imperitè. Est semper ita; manè orto Sole ob aërem illuminatum unicuique pupilla constrictior est; vesperi eodem occiduo & absente, ob minùs illustrem aërem latescit eadem cuilibet.

Super difficultate curationis horum affectuum obscurus est Galeni textus *lib. 1. de sympt. caus. cap. 2.* scribentis: si tendatur uvea ratione inflammationis; scirrhii vel abscessus, peritus Medicus non magno negotio malum potest superare. Nam difficile admissum est, scirrhum uveæ facillè posse curari. Capovaccius ad eundem scopulum impingens ita se putat evalisse, dicendo: uveæ tumorem bifariam accipi; primò ut tumorem: unde si sit scirrhus nequaquam facillè curatur imò curari nequit. Secundò, prout tumor ille idem causa est amplitudinis foraminis: & secundum hanc rationem, inquit, non est difficile malum hoc superare, cum sat sit tumorem minuere, quo imminuto tensio etiam minuitur. Quæ evasio ingeniosa est, & valde Galenum excusat alioqui falsitatis suspectum.

Laceratio uveæ à percussione incurabilis est. Si contingat, ut vi percussione non laceretur, sed tumor tantum excitetur in ea, à quo foramen dilatetur, vel ut humores oculi ab ictu turbentur, id vitium est curabile.

Curatio. Conscribunt Practici curationes mydriasis & phthisis pupillæ: & multi in observationibus suis per exempla edita omnes earum penè species sanatas affirmant, tam à siccitate quam humiditate effectas. Quales cum ex nostra sententia fieri non possint, verosimile nobis sit, dictos affectus ipsis minimè obtigisse curandos. Et quandoquidem existimemus tales pupillæ constitutiones plerumque ab ortu advenire, consequenter eas plerumque insanabiles esse statuimus.

Si post ortum accendant, ut si post moram diuturnam in tenebroso carcere facta sit pupilla latior, paulatim lumini assuescendum est, gradatim locum luminosorem ingrediendo.

Sin id acciderit ob humores oculi turbatos & impuros factos, si quidem hoc citra ictum & percussione provenerit, attenuandi & discutiendi illi humores erunt: quod commodè fiet iis remediis, quæ suffusioni apta erunt, sequenti capite explicanda. Si verò ob percussione vel vim externam sit, fluxio ab oculo avertenda est per venæ sectionem, cucurbitulas, frictions, vesicatoria, deinde repellentia oculo applicanda: & ad summam faciendam penè eadem, quæ in ophthalmia sunt præscripta.

De Suffusione.

Suffusio, Græcè Hypochylis dicta & Hypochyma est, humoris præter naturam inter corneam & retiformem tunicam è regione pupillæ concretio.

Hactenus omnes Medici in definitione dixerunt, inter corneam tunicam & humorem crystallinum, existimantes cum Galeno, in hoc humore visionem effici.

Qua sententiâ clarè falsitatis convictâ, jam non dubitandum est, quin in crystallino quoque & post crystallinum in vitreo humore possit consistere materia suffusa: tam enim transmittunt species crystallinus & vitreus humor, quam aqueus. Itaque si earum transmissio à crassa atque opaca in vitreo stagnante materia prohibeatur, suffusione oculus indici debet laborare tam æquo jure, quam si in aqueo humore natet materia.

Cæterum fatendum est, rariùs suffusam materiam in vitreo, rarissimè in crystallino hærerè: ac ferè semper in aqueo observari humore. Ratio est, quia illi humores propriam habent à suis tunicis circumscriptionem; hic fluidus est, & alienis terminis continetur, adeoque facillè extraneâ recrementa suscipere aptus.

Illi, qui opinantur visionem in concursu nervorum opticorum fieri, censent itidem posse suffusos humores & imagines post crystallinum stabulari. Verum hæc opinio minimè sequenda est: tam enim est absurda, uti demonstravimus, quam illa vulgarissima Medicorum, in crystallino humore visionem absolvi, statuentium.

Disceptant speculatores, qualis morbus nominanda sit suffusio. Alii enim ipsam perpetuò obstructionem seu morbum in via esse contendunt; alii ex Galeno *lib. de differ. morb. cap. 8.* morbum in numero. Neutri me iudice penitus damnandi sunt. Oritur namque suffusio à crassiusculo extraneo humore pupillam obturante: oritur & ab ipsis humoribus nimio plus incrassatis; & utraque morbus in via vocari potest. Quod si humor ille extraneus progressu temporis ita concretaverit, ut jam membranæ speciem induat, morbus in numero dici equidem potest; nam videtur sanè quasi particula addita. Imò etsi membranæ speciem non induat, equidem volunt morbum in numero esse; in numero inquam, partis redundantis toto genere præter naturam, ut lumbrici in intestinis, & lapis in vesica sunt apud Galenum loco citato. Porro autem circumspicte si loquantur, qui suffusionem nominant semper obstructionem seu morbum in via; quomodocumque enim & undecumque orta sit, eo nomine potest comprehendi, & sub hac potissimum ratione actioni animalis incommodat. Quando verò oritur ab humoribus naturalibus incrassatis, potest dici morbus in numero.

Suffusionis differentia est duplex: alia est legitima & per essentiam, alia spuria & per consensum à vaporibus sursum illatis orta. Nos legitimam definivimus, ut pote verè & propriè ita tantum appellandam: nam spuria suffusio non tam suffusio dicitur, aut dici debet, quam affectus in accidentibus suffusioni similis, à Galeno vocatur *lib. 3. de locis male aff. cap. 7.* In hac varia corpuscula ante oculos versari videntur, interdum instar muscarum, vel capillorum, vel globulorum, & aliorum id genus.

Causa. Causam suffusionis rectè statuunt Practici omnes humoris alieni influxum, vel ipsum humorem innatum crassèfactum. Solus Platerus *lib. 1. Pract. cap. 7.* nullo duce aliorum deflectit à via regia, contendens ab aqueo humore tenacitatem aliquam adipiscente causam suffusionis proficisci: fieri verò ab humoris influxu nec ratione ullâ probari, nec demonstratione ostendi posse. Sed deerrat vir hic & fertur avius. Quod ut quilibet percipiat, imò perspiciat, libet argumen-

gumenta ejus expendere, quæ veluti desertionis suæ rationes adducit.

Inquit igitur primò: Si ab aquæ vel humoris in oculi globum affluxu fieret suffusio, non hæc exigua tantum & vix lentis instar ampla nasceretur materia, sed oculi globus totus distentus, & velut hydropicus tumeret. Resp. Quamvis suffusionem cataractæ nomine donarint incultiore sæculo Medici, non tamen adeò fuere rudes iidein, ut in eo affectu copiosum humorem ubertim quasi per amplas cataractas opinarentur in oculos irrumpere: satis visum ipsis fuit, si irrumperet. Irrumpit verò non copiosus humor, sed paucissimus, quia exiguiusculi & penè invisibiles sunt ductus: ac proinde oculi globum distendi ac tumere non est necesse.

Secundò ait: Nullum spatium inane in oculo invenitur, quod aquam hanc possit admittere; cum totus undique propriis humoribus abortu in eo natis adeò repletus & distentus sit, ut ne guttulæ quidem alienæ locus supersit, aut cornea ullâ ratione amplius distendi dilatarive queat. Veretur hîc fortassis penetrationem dimensionum, quam à natura fieri negant Philosophi. Ar non est periculum: est enim aut sit locus externo illabenti humori addensato nonnihil aqueo, & subterfugientibus aliquibus spiritibus humori forsitan aqueo commixtis. Quippè à mero aqueo non distendi corneam, significant mortuorum animalium oculi subsidentes & corrugati ob elapsos spiritus vel absentes saltem. Itaque spiritus hi leviores cedunt locum extraneæ irruenti materiæ graviori & corpulentiori.

Tertiò petit, per quam viam hæc aqua in oculum defluat? Non enim, *scribit*, per venas & arterias; cum hæc oculi interiora minimè subeant. Non per opticum nervum; indignum enim est partem tam nobilem excrementis hîc deferendis aptam statuere, per quam præter æthereum illum spiritum animale transire nihil potest. Confugere verò ad corporis transpirabilitatem, ignorantiaæ asylum est petere. Nos nihilominus omnes illos modos viasque commodas existimamus. Quod enim ad venas atque arterias spectat, opinamur contra Platerum oculi interiora omnino ab illis subiri. Nervis verò opticis etsi utatur natura ad devehendum animale spiritum, abuti tamen eisdem aliquando potest ad deferendas superfluitates: id quod in aliis multis partibus fieri consuevit, ut dum pravi ventris humores per ventriculum exonerantur; dum thoracis pus per sinus cordis; quibus tamen transmittendis nequiquam hæc nobiles partes sunt destinatæ. Non igitur mirum etiam vel indignum videri debet; nervos opticos benignè cujuspiam ichorosæ materiæ esse præter naturam portitores. Sed & alienam talem materiam optico contineri fatendum irrefragabiliter est in ejusdem optici obstructione, à qua gutta serena oritur. Denique quando ad ignorantiaæ asylum, corporis nempe perspirabilitatem, nos confugere exprobrat, calumniatur magno Hippocrati, qui dixit, corporis confluxum esse unum, conspirationem unam, & consentientia omnia: detrahit Galeno, qui id ipsum confirmavit: adversatur experientia, quæ attestatur. Sanè si quarumcumque fluxionum in arte nobis obvientium manifestas vias invenire adlaboret, Platerus magnum sibi imposuit opus, magnum laborem frustra; potest enim multorum exemplorum congerie inutilis ejus satagentia demonstrari. Ad extremum porò suffusionem non semper ob humorem aqueum crassum gigni, sed etiam ob alieni humoris influxum, hoc arguere queat, quòd incrassatio aquei non nisi

sensim & pedetentim longiore tempore absolvatur; at crassam & consummatam suffusionem uno die congeri interdum vidit Fernelius.

Mercatus *cap. de suffus.* putat eam quoque fieri, quòd spiritus densiores & frigidiores facti condensentur, idque in valde senibus contingere ait. Sed profectò inanis & falsa ista speculatio est, me iudice. Quomodo enim in vivente corpore à frigore interno (quod, ni fallor, intelligit) adeò spiritus condensari queant, corpora tenuissima & aëria, ut opacificent, id quod in aëre externo non evenit à frigore intensissimo?

Alexander Massaria examinans locum Galeni *lib. 1. de sympt. caus. cap. 8.* ubi habet, suffusionem fieri ab humore tenui & aqueo, si admodum crassus fiat; existimat hunc humorem tenuem & aqueum per se non posse tantam crassitiem & densitatem acquirere, ut visioni impedimento esse possit, sed alios humores præter naturam ad illud confluere, commiscerique eisdem, qui deinde crassescunt, densantur, & suffusionem efficiunt. Quam suam opinionem cum nullâ communiat ratione, non meretur adfensum. Et verò cur humor aqueus naturalis non tam possit in se crassescere, quàm tunica cornea quandoque, ceteræque & partes & corporis humores?

Cum suffusio est in uno aliquo oculo, sæpè videmus alterum sanum tandem affici quoque. Ejus rationem dicit Montanus in consil. hanc esse: quia spiritus decurrens à cerebro per nervos opticos per communem terminum dividitur: postea & unaquæque pars spiritus transit ad proprios nervos. Ubi autem ad partem obstructam pervenit, redit, & transit postea ad alium locum: quod videmus apertè, cum alterum oculum claudimus, dilatatur pupilla alterius; & ita per malum contagium tandem inficit spiritus alterius oculi. Qua in ratiocinatione duplicem errorem errat. Primum, dilatari pupillam ob influxum spirituum in oculum; quod supra refutavimus. Alterum, spiritus ad partem aliquam affectam influentes & retrogressos communicare alteri parti illius partis affectionem; quod in Medicina mihi est inauditum. Causa ergò propositi eventus est, quòd à cerebro frequentissimè materia suffusionis suppeditetur, à quo illa tam in unum quàm in alterum oculum nata est ferri.

Causæ suffusionis illegitimæ seu imaginum oculis obversantium sunt vapores à cerebro vel partibus inferioribus ad oculos delati, ac maximè à ventriculo. Similes imagines ante oculos oberrant quoque in phreneticis & melancholicis: in quibus Mercurialis dicit non verè eas apparere, sed esse tantum corruptam eorum imaginationem. Sed certè tam hîc verè aliquando apparent, quàm in suffusione; utrobique enim eadem causa. Attamen magna est inter illos ægros differentia. Nam phrenetici & melancholici, quæ in oculis percipiunt simulachra, ea perrinaciter credunt foris verè existere, ob læsam, quam habent, rationem. Qui verò tantum suffusi sunt, ratione duce cognoscunt, quòd vident, non foris esse, sed oculorum culpâ id evenire. Quamquam in principio hi etiam res illas foris esse putent; quia nempe assueti sunt, dum rectè valent, omnia in adverso aëre conspiciere.

Signa. Suffusio perfecta seu confirmata non difficulter noscitur: intra enim pupillam quædam colorata macula apparet, vel alba, vel citrina, vel livida, pro diversitate

tate humoris concreti, Antequam verò perfecta sit suffusio, & nondum concretus humor, tum pupilla non lucens apparet, nec vivido splendore perfusa, sed est similis vitro halitu adflato, vel aëri nebuloso. Quò antequam progressus sit affectus, in principio nempe suffusionis, solent varia simulachra ante oculos volitare, pilis, araneis, filis floccisque similia. Quæ tamen cum etiam in suffusione spuria seu per consensum videri soleant, diligenter hæc est à legitima seu essentiali discriminanda. *Primo*, itaque in vera ac legitima suffusione alter tantum oculus iis imaginibus deludi solet, aut si uterque fortè tentetur, non tentatur similiter: quod fit in spuria. *Secundo*, in legitima istæ apparitiones continenter sine ullis intervallis visuntur: in spuria secus est. Nam ablato vel inclinante eo affectu, per quem symptoma hoc efficiebatur, cessatio mali est. *Tertio* si imagines illæ aliquot annos hominem vexarint sine insigni visus detrimento, spuria est affectio & per consensum: nam ubi causa in oculo essentialiter latet, non potest sex mensibus ex prætorum observationibus durasse, quin concrefcere in humorem vapor incipiat. Hòc tamen in me & multis aliis falsum comperio, qui multis annis spectra ista in oculis patimur ab impuritatibus humori atque innatantibus sine subsequente suffusione, vel corpusculorum eorum concretionem.

Suffusioni ortæ ab incrassatione & impuritate humoris aquei signum est, quòd inspicienti oculum egrum appareat non limpidus oculus & clarus, sed conturbatus atque obscurus & instar impuræ aquæ.

Dicit Mercurialis, & alii quidam, imagines in principio perfectæ suffusionis videri solitas aliquando non aliam habere causam, seu non ob aliud videri, quàm ob acumen visus. Signum autem, quòd ab ea causa pendeant, dicit esse, quòd appositis rebus obscuris ante oculos non videant. Quòd nullo modo accipiendum est: nisi enim vapores vel humores alieni in oculis verè existant ista simulachra efformantes, certè visus quantumvis acutus ea percipere non poterit. Sed & obtusè videntes ea plerumque percipiunt, atque de illis conqueruntur. Quòd autem addit, appositis rebus obscuris ante oculos non videri imagines, id omnibus commune est, quibus nondum concretus est humor suffusus. Nam semper tenuia corpuscula in oculis volitantia non in obscuro, sed clariore aëre solum observantur. Ratio est, quia cum exiles ac tenues sint res, non possunt visum movere, nisi valde illustrentur. Et cum illæ res per se obscuræ sint, si simul alia corpora obscura adpiciantur, non fit discrimen ab oculo, neque illæ præ aliis elucet. Si tamen valde excellens lumen adspiciatur, ut Solis vel majoris facis, non etiam apparent; quia majus id lumen visum totum percellit, & quasi itas imagunculas dissipat, vel lumine ita imbuunt ut non amplius obscuræ sint, atque ita non discernantur.

Quòd ad locum attinet, in quo materia suffusionis consistit, si in humore aqueo hæreat, facilè visibilis est, & ad frictum oculi plerumque movetur; item in principio, antequam confirmata fuit, varia ante oculos obversata sunt: quæ omnia non observantur, si in crystalino vel vitreo consistat: & verò difficillimè cognoscitur, in horum alterutro hærens, neque potest ferè à nervi obstructione distingui.

Celebre & decantatissimum est apud Medicos præfagium ex Galeno desumptum *lib. 2. de sympt. caus. cap. 2.* in suffusione quibus altero oculo conniventibus alterius pupillam dilatari contingit, si punctio admittatur, recipiendi visus spem esse, quibus non di-

latatur, spem omnem adimi: nam nervi optici affecti id indicium esse aiunt, per quem spiritus ad pupillam penetrare non potest, etsi suffusus humor transpositus sit, vel exemptus. Quòd signum partim falsum docet, partim & ipsum in se falsum est. Falsum docet, quia præsupponit ab influente spiritu visorio dilatationem contingere pupillæ, cum à remissiore luce dilatetur. Falsum in se est, quia non omnes sunt desperati, quantum est ex parte potentiæ videndi; quibus non ampliatur pupilla, sic suadente ratione; *Primo*, si suffusus humor lentus crassusque inter corneam uveamque consistat, majus spatium, quàm ipsius uveæ foramen sit, occupans: tum namque lux externa non potest ferire interiorē oculum; unde nec dilatatio nec constrictio pupillæ fit. *Secundo*, si materia suffusionis viscida limbo foraminis uveæ tenaciter agglutinetur, tum enim prohibebit motum ipsius uveæ. *Tertio*, si suffusione laborans labore quoque constrictione pupillæ; etenim hoc casu inepta est pupilla diduci. *Quarto*, falsum est illud signum, quia potest pupilla dilatari & constringi, obstructo nervo optico, ut post videbimus *cap. de affect. nerv. optic.* Ac sic non omnibus visus recipiendi spes est, quibus pupilla dilatatur.

Suffusio sicuti in principio discuti potest, ita, dum fuerit perfecta, tantum deponitur acu. Cum autem suffusionum plures sint species, Rudius docet quatuor curabiles esse, scilicet albam instar calcis; albam ad cæruleum clarum tendentem; albam ad cæruleum opacum vergentem; & citrinam. Verum prima species, quia interdum propter percussione evenit, ideo quamvis curetur, fieri tamen potest, ut deinde propter percussione, quam æger sustinuit, non bene deinde videat. Secunda autem specie rectè deposita egri melius, quàm in cæteris videbunt: solet enim ex ventriculo, & propter pravorum ciborum usum procreari. Tertia species ubi fuerit deposita, & visio recuperata, non diu permanebit in eo statu, nisi adhibitis diligenter remediis ægros præservemus: solet enim ex multo capitis dolore, aut nimio frigore, aut propter angustiam, fletum, vigilias, & id genus alia immodica provenire. Quarta denique species, quæ ex multo potu, & cibo superfluo generatur, & interdum propter magnum laborem, & ex humore melancholico, rite deposita permanet, constante visu. Hæc Rudius ait probari experientiâ, quam suspicor ipsum numquam habuisse: nam veterum auctoritate atque experientiæ repugnant, præterquam quòd multa absurda dicat.

Audiamus igitur potius Celsum, quia ita rem hanc digerit. Suffusionis, inquit, plures sunt species, quædam sanabiles, quædam quæ curationem non admittunt. Nam si exigua suffusio est, si immobilis, colorem verò habet marinæ aquæ, vel ferri nitentis, & à latere sensum aliquem fulgoris relinquit, spes superest. Si magna est, si nigra pars oculi amisâ naturali figura in aliam vertitur, si suffusioni color cæruleus est, aut auro similis, si laborat, & hac atque illac movetur, vix unquam succurritur. Ferè verò pejor est, quo ex graviore morbo, majoribusque capitis doloribus, vel ictu vehementiore orta est. Neque idonea curationi, si senilis ætas est: at ne puerilis quidem, sed inter hæc media ætas.

Mercurialis scribit Celsum hîc sibi contradicere, dum inquit suffusiones coloris cærulei esse insanabiles, aquæ autem marinæ similes curari posse: quia, dicit Mercurialis, color cæruleus & aquæ marinæ idem est. Quòd contra

contra oculorum est sensum : cæruleus enim cæli est color, aqua marina viret. Voluit verò vir is Celsum cum Paulo conciliare, qui ponit suffusionem coloris cærulei inter sanabiles. At non multum in eo laborandum puto. Scripsit enim quisque, prout vel ipsemet observavit, vel ab aliis accepit: jam autem quædam unus aliquis observasse potuit, quod alteri non liquit. Itaque hic nihil usquequaque vel semper verum esse reor, cum res hæc non tam rationi quam experientiæ innitatur: inde plerique auctores hic sibi invicem repugnant.

Curatio. In principio dum imagines conspiciuntur, vel aliquo modo incipit visus obtenebrari, ac pupilla offuscari, curari quidem potest hæc affectio, tum universi corporis evacuatione, tum localibus remediis, quæ possint materias jam in oculo existentes digerere & dissipare. At verò cum concreescere & indurari incipit, tum, ut *lib. 4. de comp. med. sec. loc. cap. 4.* testatur Galenus, quamvis multa remedia & varia medicamenta in auctorum libris descripta reperiantur, quæ multa polliceri videntur: tamen cum deinde ad opus & experientiam devenimus, aut nihil aut omnino parum eorum, quæ ipsi polliciti sunt, præstari experimur. Quare si in his aliqua curationis est spes, ea in hoc in primis ponenda est, ut statim inter prima initia occurramus, antequam concreseat humor. Occurritur autem evacuationibus frequentibus tam totius corporis, quam capitis. Tum adhibenda, quæ oculos roborare possunt. Inter quæ fœniculum omnes tam intra quam extra commendant. Præterea herba, quam eufrasiam vocant, tam in cibo quam medicamenti magnopere laudatur: item ruta, verbena, betonica, chelidonia, quarum usus in decoctis, infusionibus, syrupis esse potest. Electuatum præstans describit Saxonia, quo se multos à phantasmatibus & incipientibus suffusionibus curasse & præservasse ait.

℞. Siler. montan. eufraf. fœnic. anisi, hyssop. puleg. chelidon. rutæ exsicc. & pulveris. ana drachm. ij. beton. levistic. ana semunc. cardamom. zingib. piper. cynamom. cumini ana semidrachm. mellis q. s. Fiat. elect. Dosis est à drachma una ad duas summo mane, & vespere in ingressu lecti.

Quod ad capitis evacuationem attinet, id hic non ita tutò per nares purgatur, sed magis gargarismata probantur, & quæ commansa pituitam detrahunt. Sed & maximè hic procurandum est, ut revellatur, & aliò convertatur fluxio materierum ad oculos confluentium. Quod fit per cucurbitulas sæpius cervici & scapulis appositas: item per vesicatoria ibidem applicata ac sæpius repetita. Nam etsi recisâ cuticulâ loco excoriato brassica cum copioso butyro imponatur, tamen invitis his medicamentis sæpè fit consolidatio; unde rursus repetito vesicatorio locus est excoriandus. Quod si minùs placeat, setaceum cervici infigendum, quod valde potens est remedium revulsorium. Inter derivatoria potens est vesicatorium applicatum ponè aures sub infimam auriculam: eâ enim parte in multis excurrit ramus quidam venæ jugularis in nervos opticos.

Si turbatus videatur oculus, ut jam aliquid sit in eo receptum, collyriis etiam erit agendum quæ digerant & discutiant, & simul robovent oculum, qualia sunt in primis confecta ex succo fœniculi, addito felle capræ vel galli. vel lucii piscis, atque melle optimo & myrrhâ. Ante quorum usum expedit, ut fiat fots ex aqua dulci calida, vel decocto fœni Græci. Internum remedium discutiens probatissimum est decoctum falsæ parillæ hoc modo confectum.

℞. Aq. chelidon. eufraf. fœniculi ana lib. iij. falsæ parillæ unc. vi. Macerentur per hor. xii: deinde bulliant ad consumptionem medietatis: in fine ebullitionis adde sem. fœniculi, sem. rutæ ana semunciam. Colatura detur usui. Dosis mane & vespere uncia octo: curaturque ut secundum morem æger sudet: at-

que interim utatur solo pane cum fœniculo, & carnibus avium allatis. Experimenti post purgationes, inquit Mercurialis, si hoc decocto utamini per 20. vel 25. dies, quòd suffusiones dissipabuntur; & si non dissipentur, non alia est spes, nisi in depositione; præsertim si topica efficacia simul cum illo decocto adhibeantur. Qualia sunt, quæ jam propono.

Ovum recens sub cineribus coquitur ad duntaxat: medium dividitur, & exempto vitello pulvere vituli albi, aut viridis æris admixto saccharo impletur: ambabus partibus arctissimè colligatis maceratur in aqua rosacea aut eufrasie per dies quatuor: expressione factâ fit collyrium, cujus præstantiam experientia confirmat.

Aliud collyrium, quod Spig. lius nobis aiebat inter omnia esse potentissimum:

℞. Aq. saturiæ, eufrasie; fœniculi ana unc. ij. fellis leporini vel caprini unciam, æris ulsi loti in aq. com. sesquidrachm. gummi tragacanth. myrrhæ ana drachm. Misc. F. collyrium quod potest dilui cum aqua chelidoniæ, cui guttulæ aliquot aquæ vitæ sunt admixtæ. Debet autem medicamentum id coqui in vase operato; ac deinde ab igne semotum in phiala bene clausa in fumo suspendi ad usum. Convenit verò fieri instrumentum vitreum aut argenteum excavatum ovale in modum cymbæ adaptatum oculo; & super ipsum sæpius id illâ aquâ plenum detinebitur: sic enim aqua non diffluet, adeoque potentius in oculum aget, quia diutius ei inherebit.

Hanc etiam aquam subscriptam cuidam visum restituisse aiunt, qui eum obfuscatum habuerat plures menses.

℞. Croci metallor. drachm. aq. chelidon. unc. v. Misc. Hujus tepidæ tres vel quatuor guttæ homine resupino intra oculos funduntur ter vel quater in die: sine morbo valentissimè abstergit, estque secretum. Fit autem crocus metallorum ita:

℞. Antimon. crudi, salis nitri purgati ana part. æq. redigantur in pulverem, & misc. in testa figulina; & applicetur ignis: accenditur flamma in sale nitro, quæ comburit antimonium; atque hoc dicitur crocus metallorum. Id igitur ita combustum teritur in pulverem, ac lavatur aquâ communi sæpius, atque exsiccat ad usum.

In aliis ex fœce olei & agrestæ succo unguentum factum sine morbo & periculo hunc affectum sanavit, teste Gesnero *lib. 3. Epist.*

Doctissimo Montano in suffusione incipiente hoc collyrium erat familiare.

℞. Fœni Græci sesquiunc. rad. althææ unc. ij. munden- tur diligenter & coquantur in aq. com. Factâ diligenti expressione.

℞. Aloës optim. pulveris. scrup. iv. bulliant omnia simul ad spissitudinem mellis liquidi: quod reservetur in vase vitreo bene obturato. Usurpatum si dolorem exciter, signum est non bene factum esse collyrium.

Aqua præstantissima ad deponendas ungulas, suffusiones, & clarificandum visum mirabilis:

℞. Aq. rosac. fœniculi, chelidon. eufraf. apii ana unc. ij. Mercurii sublimati ac tenuissimè pulverisati semiscrup. cum ille solutus fuerit, aquam filtra & serva. Quotidie mane jejuno ventriculo gutta una vel altera in oculum affectum immittitur.

Pulvis oculis hebetibus conducens, maculas tollens, nubeculas detergens, aquam eò defluentem absumens, visum acuens, claritatem faciens, sanitatem oculorum conservans:

℞. Sacch. cand. alb. tutiæ præp. ana. drachm. ij. Margar. prepar. sarcocoll, ana semidrachmam, fabar. marin. prepar. scrup. Misc. F. pul. subtil. Hujus portio ex canaliculo pennæ mane & vespere in oculos insuffletur, vel collyriis misceatur;

Collyrium subalbidum mirę virtutis contra amblyopiam, amaurosin, suffusionem, auctore Mynsichto:

℞. Aquę ophthalmicę de cancri semunciam, aquę eufraf. fœniculi ana drachm. ij. trochif. & pulver. ophthalmici Mynsicht. ana scrup. Misce, F. collyr. Gutta-
tim in oculos instillatur, nullum infert dolorem.

Hoc unguentum spatio 30. dierum suffusionem in puero discussit.

℞. Ung. rosac. pinguedin. porcın. in capsula eris rubri viginti dies retentę ana unciam, fellis passer. accipitris ana drachm. Misce, F. Ung. Oculus extra & intus cum pluma mane & vespere blandę ungitur.

Decoctum ad-nubeculam omnem & suffusionem confirmatam discutiendam:

℞. Vini malvatici lib. 3. gran. tritic. sem. fœniculi ana semimanipul. cinamom. elect. confract. drach. ij. Cariophyllorum contus. scrup. 4. fol. rutę, cimarum lauri ana semipugill. Infunde per diem naturalem: deinde coq. lentissimo igne ad consumt. quintę partis: Colaturę adde tutię præparat. drachm. ij. Servetur in æneo vase ad usum: cum autem uti vis, decoctum agita & tu bi.

Interim dum hæc usitantur, ægri utantur attenuante victu. Et valde convenit, ut semper à cibo cochlear hujus trageę seu pulveris sumant:

℞. Sem. fœniculi, anisi, carvi, ameos ana sesquidrachm. siler. montan. scrup. ij. eufraf. drachm. ij. Maccis, cinamom. caryophyll. nuc. mosch. ana drachm. sacch. optim. ad pond. omnium. F. pul.

Fernelius pro curatione suffusionis ita corpus totum & caput purgabat. Primò victum siccantem & attenuantem imperabat, quo neque humidioribus vel sorbicionibus, neque liquidis, sed assis dumtaxat & siccis æger vescatur, hisque satis tenuiter, & quantum sat videbitur ad virium conservationem. Vino interdicebat dies viginti aut triginta: & loco potius præbebat ligni sancti decoctum nullius alterius rei permissione apparatus; consulens, ut altero validiore & acriore decocto horâ quintâ maturinâ, & quartâ pomeridianâ & toto corpore, maximeque ex capite sudor eliceretur. Tertio aut quarto die hujus victus, cum jam humores exagitati apparebant, purgationem adhibebat per pilulas lucis majores, & pilulas sine quibus, aut per alias, quas laborantis naturę putabat accommodatiores. Eas octavo aut decimo quoque die repetebat, neque illo die sudores promovebat. Diebus interjectis alvum fortè duriores emolliebat clystere. Quotidie mane, potissimum sub finem sudoris, derafo capiti imponebat sacculos ex milio, sale, sem. anisi, fœniculi & baccis lauri torrefactis; quos ægrum in lecto decumbentem calidissimos perferre volebat horam circiter dimidiam, ut eorum operâ lentus humor foras proliceretur, & cerebrum roboraretur. Ad quod ptestandum efficaciores dicebat esse sacculos, quàm vel emplastra, vel sinapismos quantumvis calidos. Sublato sacculo caput muniendum est stupis siccis, quę suffientur styra-
ce, benjoin, caryophyllis, & horum similibus paulò ante utrumque pastum. Eodemque tempore pituita è capite detrahenda est apophlegmatifinis, quales sunt ex matriche ac pyrethro manlis, vel gargarismate ex accommodato decocto, in cuius libra una dissoluta sit drachma pyrethri pulverisati. Hic certè modus Fernelii præclarus est, cum quo si prædicta insignia collyria adhibeantur, & non curetur affectus, insanabilis est judicandus.

Si densa & concreta est suffusio, medicamentis non est agendum, sed operâ Chirurgicâ, quę operariis illis peculiaribus est relinquenda. Describit autem operationem istam eleganter & peritè Cornelius Celsus, atque inter recentiores Paræus. Videndum verò, ne curationi isti manus admoveatur, si tussi eger laboret: si enim acu introducta supervenerit, perforationis periculum impendit; &, si tunica depressa fuerit, ex

concussione vehementi dimota recurrit: item propter tussim moto capite posset acus alicubi impingere, & ita acies in perpetuum eripi, ut ait Celsus. Sternutamenta etiã tum temporis valde vitanda: quòd si operatione perfectâ sternutamentum imminere eger persenserit, summis duobus digitis utroque majore oculi angulo dextrè compresso id impediet; atque ita periculum recursus materię suffusę, vel inflammationis in oculo evadet.

Consulunt Practici quidam non indocti nec pauci, si transacto jam affectus hujus principio, curatione per medicamenta non succedente, ad Chirurgiam accedere sit constitutum, nondumque ad eam crassitudinem redacta sit suffusio, ut acu deprimi valeat, tum ut citius ad manuum actionem veniatur, consulunt, inquam incrassandam esse quàm primùm suffusionem crasso victu ac medicamentis. Quod tamen consilium non placet doctissimo Vallesio: & meritò. Enimverò non omnis suffusio, cum concrevit, acu curari potest, sed ea tantum quę est sine nervorum opticorum obstructione, & cæterorum ocularium humorum crassitie præternaturali. Usus verò eorum tum alimentorum tum pharmacorum, quę crassitudinem inducunt, timendum est, ne, dum humorem suffusum incrassat, vias quoque spirituum obturet, & humores oculi naturales reddat turbidiores. Nam non tantum in humorem suffusum vires suas exercerent illa remedia, sed promiscuè etiã in humores naturales ac cæteras corporis partes.

In suffusione per consensum ventriculi Galenus mirificè laudat hieram, jactatque se eã solâ multos in Asia per literas Romam missas curasse. Singulis hebdomadibus semel aut bis datur ejus drachma una: sed pilulę mastichinę idem ferè præstant. Quotidie convenit sumere sesquiunciam oxymellis scillitici vel mellis rosacei cum decocto fœniculi. Ad summam, ea sunt, facienda, quę cruditatem stomachi tollunt, atque ipsum roborant; unde & illis cœna debet esse parcior. Vomitus etsi quidam probent in eo casu, melius tamen omittitur, quia humores & vapores sursum protrudit; ita ut ex solo vomitu quidam in suffusiones inciderint. In hac specie suffusionis confert à cibo myrobalanos conditos sumere, vel conservam rosaceam, vel diacyonium, aliaque os ventriculi occludentia.

De Glaucomate.

Glaucoma est humoris oculi in glaucum colorem mutatio. Dico, humoris oculi, in genere, & non crystallini tantum, ut alii definiunt; quia quicumque ex tribus humoribus glauco colore inficietur, ea symptomata orientur, quę ipsi à crystallino glauconitate imbuti proficisci volunt.

Glaucus autem color est, qui admistum virori habet alborem quemdam. Aliter dicitur Cæsius: visiturque in felium & noctuatum oculis: à quibus noctuis color glaucus nomen sumit; noctua enim Græce dicitur γλαυξ.

Fernelius de suo addit, glaucoma etiã esse crystallini humoris in fuscum colorem mutationem; contra aliorum auctoritatem, & sine ratione.

Veteres Græci glaucoma pro specie suffusionis habuerunt: non absurdè: nam idem facit ac suffusio: &, si humoris aquei incrassatio atque addensatio ad suffusionem referatur, cur non ejusdem in alienum colorem mutatio? Quod forsitan considerans Galenus *comm. in aphorif. sect. 3*: dixit glaucomata speciem quamdam & ideam suffusionum habere.

Causa. Mercurialis lib. 1. *Pract. cap. 29.* glaucoma ex sententia Galeni dicit oriri ob multitudinem humoris crystallini. Cum autem videret Galenum lib. 10. *de usu part. cap. 6.* scribere, ex siccitate & nimia condensatione humoris crystallini oriri glaucosin, item tradi ab Aëtio: inquit ipse, aliud esse glaucoma, aliud glaucosin;

& hanc quidem à siccitate oriri posse, illud minimè. Sed hoc contra Græcorum omnium auctoritatem, qui glaucoma & glaucosin non distinguunt.

Galenus *cap. 27. Art. medic.* glaucum oculum fieri dicit, vel propter magnitudinem, vel propter splendorem humoris crystallini, vel propter situm prominentem, aut propter tenuis & aquei humoris, qui in pupilla existit, paucitatem & puritatem. Atque omnibus quidem in unum convenientibus fit glaucissimus oculus: quod si aliqua adsint, aliqua verò non, tunc maior aut minor glaucoedo contrahitur. Hæc de glaucoedine scribit, quæ non est morbosus, sed naturalis affectus. Unde tamen posset quis ita colligere: cum illa secundum naturam se habentia sint causæ naturalis glaucoedinis, si modum naturæ excedant, futuras esse causas glaucoedinis præter naturam seu glaucomatis; adeoque compertas haberi jam causas glaucoedinis morbosæ. Sed verò, qui id sibi persuadet toto aberrat cælo. Nam neque illæ sunt causæ glaucoedinis naturalis; neque quæ causas glaucoedinis naturalis tenet, continuò & glaucomatis causas nescit. Et primum causæ glaucoedinis naturalis illæ à Galeno adductæ non sunt, quia si ab humoribus sic glaucoedo oriretur, glaucus potissimum videretur oculus in ipso spatio pupillæ; atque hoc non est ita: sed denominatur ac videtur glaucus oculus in eo tantum spatio, quod occupat externa & apparens uveæ superficies: unde à colore huius superficiei petenda est causa colorationis oculi; & quando illa est glauca, oculus dicitur glaucus, uti pluribus evidentibus rationibus probavimus *lib. 1. cap. 12.*

Itaque jam constat quoque, cur causæ glaucoedinis naturalis modum excedentes non sint causæ glaucomatis. Nam glaucoedo naturalis in tunica uvea tantum residet, in ejusque convexâ solum superficie apparet, pupillâ nigrâ & limpidâ existente: at in glaucomate ipsamet pupilla glauco colore infecta est; hoc enim necessarium est, ut visio lædatur: nam in uveæ parte extrema hærens color non lædit visionem.

Quæ igitur, inquis, glaucomatis statuenda causa? Omnes eam ex Galeno *lib. 10. de usu part. cap. 6.* dicunt exsiccationem & condensationem crystallini esse. Ego verò res diaphanas, qualis est crystallinus, per exsiccationem & condensationem albas quidem fieri scio, veluti aquam ex condensato vapore; glaciem ex condensata aqua, nivem ex condensata nebula: sed verò glaucas inde fieri necdum scio, nisi illius coloris principia & causas ante condensationem in se habuerint. Et porro quod per meram exsiccationem crystallinus non evadat glaucus; oculi excocti docere possunt, è quibus si eximas crystallinum, siccum eum, imò durum invenies, at non glaucum, sed merè album. Præterea si à siccitate glaucoma oritur, & ob eam in senectute multis accidit, cur in hæcticis non semper fit? Cur non in oculi atrophia seu imminutione?

Quapropter existimo, glaucoma oriri vel ab humore viridi humoribus oculi commisto, eorumque alborem seu pelluciditatem nonnihil opacante; vel ex certa lucidi & opaci proportionem; quæ nobis ignota est. Ad qualitates autem aliquas primas, harumque varias commixtiones nullo modo vel hunc vel alium quemvis colorem posse referri censeo, quia quilibet color cum qualibet ea qualitate nequit consistere; ideoque glaucoma sæpè oriri nullatenus exsiccato vel condensato humore.

Signa. Glaucoma oculis cognoscitur: nam pupilla colorem repræsentat glaucum, id est ex virore & albore mistum. Si tamen humor vitreus glaucoedine solus infectus esset, id extrinsecus nosci per visum adstantis non posset.

Practici passim dicunt, agros in glaucomate videre quasi per nebulas & fumum. Quod quidem verum est; at id glaucomati non est proprium, verum etiam convenit suffusioni. Sed neque omni glaucomati convenit;

tantum quippe incipienti est peculiare. Confirmatum glaucoma planè tollit visum.

Porro quando tale est glaucoma, ut alborem vincat viros, nec penitus humori adempta sit pelluciditas, tum obscura fit visio, & externa omnia videntur quasi viridia, perinde ac si per crassum glaucum seu subviride videret: atque ista visio dicitur Græcè *Parorasis*, id est hallucinatio, qualis etiam fit, dum cornea alieno colore imbuta est. At verò non fit, nisi in principio glaucomatis, procedente enim affectu tollitur pelluciditas humoris, & simul visus.

Mercurialis signa glaucomatis vel jam facti vel incipientis esse scribit, si circa pupillam insignis ac profundus appareat albor, cum quò eveniat, ut vel lux non videatur, vel omnia tanquam per fumum conspiciantur. Verum ista signa non tam sunt glaucomatis, quam hypochymatis seu suffusionis. Nisi cum veteribus glaucoma & suffusionem idem morbi genus statuatur.

Plerique insanabile glaucoma esse scribunt. Quod tamen non usquequaque certum esse censendum est. Nam si ab alieno humore offuso glaucoma oriatur, curari poterit æque ac suffusio. Scitur autem id, si fluxio præcesserit, ac subito factum sit glaucoma.

Scriptores multi glaucoma fieri dicunt ab effuso humore aqueo, atque ita à siccitate; quod etiam aliquando curari aiunt in pueris, regenerato humore aqueo. Sed reverà illud non est glaucoma: nam elapso humore aqueo cornea corrugatur & in se concidit; corrugata autem cornea albicat nonnihil, quasique tendit ad glaucoedinem: sic ut ista glaucoedo in cornea tunica sit, non in humoribus, in quibus tamen propriè dictum glaucoma consistere traditur.

Curatio. Omne glaucoma insanabile est ex Auctorum sententia: nulla ergo curatio hîc adhibenda.

Excipiebamus illud glaucomatis genus, quod ab affluxu humoris fit: quod in principio curari posse putamus illis remediis iisdem, quæ capite superiore adversus suffusionem valere dicta sunt, tam generalia quam particularia, quæ nihil opus jam repetere.

De Nyctalopias.

Nyctalopias, Nyctalopia seu Nyctalops quid sit, non convenit inter Auctores. Aëtius enim, Actuarius & Paulus affectum esse dicunt, in quo interdium quis videt, sed noctu aut vespere nihil. Unde & Nocturna cecitudo à recentioribus appellatur.

Contrà Hippocrates *lib. 2. Proorrh.* affectum hunc dicit esse, in quo noctu melius cernitur, interdium verò deterius. Quam nyctalopis notionem etiam agnovit Aëtius; addens id vitium admodum rarum esse. Et sane ipsamet ratio nominis etymologica indicat illud esse, quod dicit Hippocrates: nyctalops quippe idem est ac nocturnus oculus.

Alii ut suam significationem tueantur dicunt derivari vocem Nyctalops *ἀπὸ τῆς νυκτὸς ἀλαός*, id est noctu cæcus: *ἀλᾶν* enim videre est. Sed si inde deducatur, debuisset dici Nyctalaos, non Nyctalops.

Altera adhuc absurdior meo iudicio datur origo huic vocabulo Nyctalops ab *ἀλατῆς*, quod vulpem sonat. Nam per hanc derivationem confirmatur, quod Nyctalops significet id, quod Hippocrates scripsit: vulpem quippe diurno tempore videre non posse docent, noctu verò cernere; quod ipsum Hippocrati est esse nyctalopem.

Nos de utraque nyctalopia agemus hîc, id est tam de Hippocratica seu de diurna cecitudine, quam aliorum seu cecitudine nocturna. Et inter animalia quidem pleraque, tum interdium tum noctu vident: quedam noctu tantum, non interdium, ut vespertilioes. Sed nullum est, quod sciam, cui à natura tributum sit interdium videre, non noctu, quod nyctalopibus accidit in ea significatione acceptis.

Aliqui

Aliqui nyctalopiam seu nocturnam cæcitudinem Latine posse dici putant vespertinam aciem, seducti quodam loco Plinii *lib. 8. cap. 50.* ubi scribit, jecur caprinum vespertinam aciem restituere his, quos nyctalopas vocant. Sed id valde insulse inde hauriunt, nam planè contrarium ibi dicitur: vult restitui vespertinam aciem nyctalopibus tamquam contrariam nyctalopiæ, adeoque hæc eo nomine appellari non potest. Diurna igitur cæcitas melius vespertina acies nominetur: quod & à quibusdam fieri auctor est Hollerius *cap. de debil. vis.*

Causa. Propositorum affectuum, id est tum nocturnæ tum diurnæ cæcitudinis causam esse omnes referunt constitutionem spiritus visorii: qui si copiosus sit, sed humidus & crassus, & obscurus, tunc nocturnæ cæcitatæ est causa, quia multo lumine eget ad sui illustrationem: si igneus sit & subtilis, diurnæ cæcitatæ est causa, quia diurno lumine dissipatur, nocturno colligitur, inquiunt. Hi quia supponunt visionem fieri per emissionem spirituum illorum ex oculis, non merentur assensum: nam sententiæ illius falsitas demonstrari potest.

Ergo aliæ sunt reddendæ causæ dictarum affectionum. Illæ autem, etsi variæ esse possunt, generaliter binario numero comprehendi queunt; dicendo, quod causa immediata & adæquata nocturnæ cæcitudinis sit requisitio multi luminis ad visionem, cum hoc, quod possit oculus ipsum multum lumen tolerare. Contrà quod causa immediata & adæquata diurnæ cæcitudinis sit requisitio pauci luminis ad visionem, cum hoc, quod oculus non possit multum lumen tolerare.

At jam ultra inquirendum specialius est, quid illud sit, cur oculus aliquis multum lumen requirat ad videndum, & cur alius requirat lumen paucum. In primis crassities & impuritas tunice corneæ cæterorumque oculi humorum est causa, cur non nisi de die & in magno lumine videatur. Nam sicuti per densum & obscurum aërem videri non quit, nisi valde illuminetur: neque item per crassa vitra res foris positæ, nisi valde illustratæ: ita facultas visiva objecta sua percipere non potest per tunicam corneam & humores crassos, qui medium sunt, quod species transeunt, nisi illa objecta & oculus intense irradiantur. Si contrà se habeant humores & cornea tunica, id est, nimis tenuis hæc sit, illique nimis rari & limpidi, causæ sunt cæcitatæ diurnæ. Quod si ad priorem causam accedat pupillæ nonnaturalis coarctatio, jam efficacior fiet nocturnæ cæcitatæ causa. Sicuti ad diurnam cæcitatem valde juvat, si pupilla nimium hiet, veluti perspicue explicatum est *c. de dilat. & contract. pup.* Unde causa procatartica nocturnæ cæcitatæ potest esse nimius aspectus Solis & rerum albarum, uti accidit iter agentibus per loca nivosa: nam hæc causæ pupillæ constrictionem efficiunt nimiam. Ita è converso longa mora in tenebroso carcere potest esse causa cæcitatæ diurnæ, quia nimium dilatatur inde pupilla.

Quod ad oculi externam constitutionem attinet: eminentes & glauci oculi magis ad diurnam hebetudinem pròni sunt; reconditi & nigri contra ad nocturnam. Ratio patet, quia illos quaecumque lumen fatigat, hos non. Præterea qui defluxionibus & inflammationibus oculorum laborant, diurnam lucem non ferunt, adeoque & illi diurna cæcitudine laborare dici possunt.

Porro animadverti volo, ex pupillæ stricture magis propriè nocturnam cæcitatem oriri, quam ex tunicarum humorumque crassitie & opacitate; quia in nyctalopia seu cæcitudine nocturna vespere egri non vident, sic tamen, ut de die fat rectè cernant: at qui crassas tunicas humoresque sortiti sunt, ne quidem de die res probè intuentur.

Animadvertendum insuper, eos, quibus oculi suffusi sunt, in magno lumine rectè oculos eorum feriente videre non posse. Cujus tamen contrarium ex dictis elici posse videtur: nam cum incrassatos habeant oculorum humores, magnum lumen benè videntur ferre posse. Sed ratio est, quia humore medium pupillæ obsidente species rerum è directo stantium non possunt rectè oculum intrare & retiformi adlabi: unde non vivida sit, sed maligna pictura, quæ non movet efficaciter visum; adeoque lumen quoque cum ipsis in oculos admissum diluit illam picturam, atque ad se visum totum rapit.

Signa. Nyctalops ex narratione ægri facile cognoscitur: conqueritur enim eger ipse vel de die se tantum videre, & non vespere, vel contrà vespere tantum atque in obscuro aëre, non de die.

Signa quoque causarum visu comprehendi possunt. Nam tunicarum crassities humorumque impuritas extrinsecus quodammodo adverri potest; oculus non clarus & limpidus, sed obscurus & turbidus apparet. Quod si pupillæ constitutio causa sit, hæc facillimè etiam visu perferitur.

Notandum Celsi dictum *lib. 6. cap. 6.* inquietis, nocturnam cæcitudinem seu imbecillitatem oculorum, ut ipse vocat, in feminam benè respondentibus menstruis non cadere. Idem Hippocrates scripsit *lib. 2. Procrhet.* Mercurialis rationem reddere conatus ita differit: Ubi fluunt menses mulieribus, spiritus ipsis depurantur, ubi verò non fluunt mentes, visorii spiritus ita crassescunt & obscurantur, ut necessariò vis visoria infirma sit. Sed perperam hæc dicta sunt, & planè contra mentem Hippocratis. Nam per illam suam rationem, quamquam absurdam, probat, istas mulieres, quibus fluunt menses, non esse obnoxias nocturnæ cæcitudini. Hippocrates autem vult, eas non esse obnoxias cæcitudini diurnæ; hæc enim vocatur Hippocrati nyctalops, uti antè est monitum. Unde & Celsus non rectè Hippocratis sententiam nocturnæ cæcitari accommodat. Recitemus ipsamet Hippocratis verba: Qui nocte vident, quos nyctalopas vocamus, hi morbo corripiuntur juvenes, aut pueri, aut etiam adolescentes: & liberantur sua sponte, aliqui in 40. diebus, aliqui septimo mense; quibusdam verò & per totum annum permansit. Quapropter de tempore conjectare oportet, ita ut & ad morbi robur, & ad ægri ætatem respicias. Abscessus autem his prosunt insuper apparentes, & ad infernas partes fluentes; verum non valde accedunt propter juventutem. At mulieres non corripiuntur hoc morbo, neque virgines, quibus menses comparent. Quibus autem lacrymarum fluxiones diuturnæ fuerint, & hi nyctalopes fiunt: eas interrogare oportet, an caput doluerint, antea quam hæc revelarunt. Ratio ergò, quod mulieres & virgines, quibus menses comparent, fiant nyctalopes, hæc videtur esse: quia quibus non comparent, hæc inflammationibus, doloribus & defluxionibus oculorum obnoxia sunt, ob raptum menstruæ materiæ sursum: at tales oculi diurnam lucem non ferentes de die cæci quasi sunt.

Curatio. Nyctalopia à pupillæ constitutione præter naturam orta curatur, pupillà reductà ad naturalem suum positum: de quo cum egerimus capite speciali, quod est de dilatatione & constrictione pupillæ, non est, quod hic iterum repetamus.

Supereft, ut hic alteram tantum nocturnæ cæcitudinis causam respiciamus, crassitiem scilicet tunicarum oculi & humorum: ad quam etiam pleraque valent, quæ adversus albuginem & suffusionem prodesse memorata sunt. Nam in principio, si ferant vires, secanda est vena cephalica: præbendum purgans, affigendæ collo cucurbitulæ, & quandoque setaceum.

Quod ad localia attinet, omnes veteres hic probant jecur caprinum, eo quod dicantur capræ non minùs noctu

noctu cernere, quàm interdiu. Dant autem jecur as-
sum, & cum sale comedendum: sanie, quæ inde ef-
fluit, dum assatur, oculos illuminant, maximè inserto
ei hinc inde dissecto pulvere piperis longi, aut va-
porem elixi jecoris oculis excipi jubent. Quod ta-
men remedium, si ex qualitatibus manifestis æsti-
memus, non valde hîc juvabit, imò nocebit: nam
jecur caprinum fœculentum ac crassum sanguinem
generat, ideoque humores oculi magis incrassabit; ni-
si conditum fuerit aromatibus, & ita comedatur. Ni-
hilominustribuendum aliquid veterum auctoritatibus;
proptereaque dicendum, non tam manifestis qualita-
tibus aget hic jecur caprinum, quàm occultâ proprie-
tate. Ita & eufrasia speciali proprietate oculos ju-
vat quomodocumque sumta. In proposito autem ca-
su vinum ejus probarim potius, quàm conservam,
vel conditum, vel pulverem; magis enim id pene-
trat & incidit. Parari potest hoc modo:

℞. Rad. elenii unc. iv. eufraf. manip. iv. sem. fœni-
cul. filer. montan. ana unc. ij. suspendantur in hydro-
melite recens cocto vel cerevisia, donec deferbuerit.
De hoc capiat æger singulis diebus mane vel in pran-
dio haustum.

Vel ita facito, ℥. Herb. eufraf. manip. ij. sem.
fœniculi semunc. cinamom. drachm. iij. concisa li-
gentur in nodulo, qui suspendatur in vini Rhenani
poculis ij. Ante quorum sumtionem si eufrasie con-
serva edatur, utile valde erit. Collyrium specialiter
quoque hîc conferens est hoc.

℥. Succu fœniculi cocti & depurati drachm. ij.
mellis, fellis caprini ana drachmam. Misc.

De Myopia.

Myopiasis seu Myopia est visûs debilitas, quâ qui
laborant non nisi admota oculis cernunt. Dicuntur il-
li Græcis Myopes, quasi *μυωπες ὥπας*, id est conni-
vantes seu claudentes oculos; solent enim isti palpe-
bris constrictis videre. Latine vocantur Lusciosi, &
Luscitiosi, & Nuscitiosi: vitium ipsum Luscitio à qui-
busdam. Quamquam alii lusciosos interpretentur esse
nyctalopas: imò & myopes eosdem esse velint ac ny-
ctalopes; hoc tantum discrimine, quod myopes ex
Aëtio & Paulo tales sint à principio sui ortus, ny-
ctalopes postea facti tales sint à morbo. Sunt &
qui myopiam opponant nyctalopie.

Sed nos hisce notionum ambiguitatibus dimissis,
myopes solum vocamus illos, qui proxima quidem
vident, remota verò non vident, sive id ab ortu pri-
mo habeant, sive postea à morbo. Aliqui practici
vocant ipsos luscios, male. Nam luscii sunt, qui al-
tero oculo carent.

Myopie contrarium vitium est senilis visus: liqui-
dem senes admota non videntes, longè reducta vi-
dent. De qua affectione hîc etiam agemus, quia con-
trariorum eadem est disciplina.

Causa. Libro quarto problem. 39. Philosophorum
& Medicorum, tum veterum tum recentiorum magis
celebrium de causis hujus affectionis sententias pro-
duximus & profligavimus, propriamque in medium
attulimus, cujus hoc est brevium.

Myopie causa est remotior situs retiformis tunice
ab humore crystallino: quam ob rem fit, ut conus
specierum ab objectis visibilibus remotis emissarum
non attingat dictam illam tunicam, sed citra eam-
dem formetur iste conus seu concursus specierum.
Unde necessariò qui ita constituti sunt, vident objecta
remota confusè: nam distincta visio fit tantum ibi, ubi
radii specierum visibilium coeunt. Contrà senilis visus
causa est nimia admotio seu propinquitas retiformis
tunicæ ad crystallinum: cujus ratione fit, ut species à
propinquis objectis productæ ultra tunicam retiformem

coeant, adeoque nec distinctè videri possint: à remotis
autem objectis emissæ, citoque coeunt in ipsamet
tunica faciant conum. Talis autem situs tunice re-
tiformis & crystallini plerumque obtingit à natura:
aliquando tamen & postea acquiritur; ut qui vitam
sedentariam agunt intra parietes, vel subtilibus ali-
quibus opificiis incumbentes victum quaritant: hi
cum ferme continenter oculos rebus illis affixos ha-
beant, assuefaciunt & firmant tunicam in eo situ, ut
postea ad remota videnda oculus penè sit ineptus. Con-
trà est in illis, qui in venationibus, aucupis, navigatio-
nibus, itineribus perpetui sunt: hi enim ad remota tan-
tum visu percipienda oculum assuefaciunt & aptant.

Altera myopie causa est crassities & turbiditas hu-
morum ocularium, ob quam fit, ut species à longin-
quis rebus profluentes illic quasi immoriantur, ne-
que possint retiformem tunicam attingere, ut ibidem
pictura exhibeatur.

Cur porrò myopes, ut acutiùs videant, palpebras
contrahere soleant & nictare: item cur minusculas li-
teras consueverint scribere, eodem libro explicavimus,
prius problem. 41. posterius problem. 42.

Signa. Myopiam suam æger quisque declarare po-
test. An verò is affectus à tunica tantum retinæ situ
oriatur, an ab humorum crassitie, signis opus est. Si er-
gò oculi planè appareant limpidi, puri & fulgentes,
indiciu est, quod à retiformis tunice situ vitium ve-
niat; ad quod si accedat, quod perspicillis juventur con-
cavis, jam certi reddimur, ob illam causam evenire
malum. Contrà si à crassitudine & turbiditate humorum
proficiscatur, ea visu extrinsecus nosci potest: neque ta-
les conspiciillis juvantur, & ad propinqua etiam cali-
gant; cum alii ab altera dicta causa myopes propinqua
distinctissimè & clarissimè videant.

Quod spectat ad prognosticum: quæ à situ retiformis
oritur myopia, curari medicamentis non potest: æ-
tate autem per se sensim corrigitur. Myopes enim, quod
magis senescunt, eò longinquius vident, & ad extremum
ferè senium sine perspicillis. Ratio est, quia cum myopia
fiat ob remotionem retiformis tunice à crystallino, in-
terposito videlicet nimis crasso corpore humoris vitrei,
quando ob senium totum corpus siccescit, & consequen-
ter etiam oculi humores, contrahitur in se humor vi-
treus, & minus spatium occupat, atque ita retiformis
propius à crystallino abest.

Myopia verò à crassitie humorum medicamentis
aliquando curari potest.

Curatio. Et si myopiam ob situm retiformis tunice
dixerimus esse insanabilem medicamentis, externis ta-
men adminiculis quibusdam emendari potest, perspicil-
lis nempe concavis, quibus fit, ut myopes remota ob-
jecta distinctè contueantur. Hoc autem quare ita fiat,
perspicuè explicavimus problem. 40. Ad emendandum
quoque visum myopum prodest sæpè vehi currum facie
aversâ ab equis, sic tamen, ut per partera currus po-
steriorem prospectare possint. Cujus rationem dedimus
problem. 43.

In conturbatione autem & crassitie humorum ea-
dem auxilia hîc profunt, quæ in suffusione sunt indicata.
Solent Medici præscribere myopibus densantia atq. con-
stringentia, ut aquam rosaceam cum turia; succum gra-
natorum densatum, vel mistum pauillo acaciæ, & il-
lis oculos illinere: intus verò pro cibo præbere carnes
crassioris succi, pro potu vinum rubrum. Quæ ita consu-
lunt, ut spiritus visivi incrassentur, à quorum tenuitate
putant oriri myopiasin. Sed valde falluntur: non enim à
spiritibus vitiatiss evenit illud malum, neque isti in visio-
ne ex oculo avolant, verum evenit ex illis causis, quas
diximus. Quod si ergò causa posterior subsit, id est cras-
sities & turbiditas humorum, quid damni prædicta con-
stringentia & densantia medicamenta allatura sint,
quilibet facillè videt.

De affectionibus spirituum visioni efficientibus.

Nusquam Medici sunt disertiores, nusquam magis sibi consentientes; quàm in recensendis affectibus spirituum, qui visioni incommodant. Adducunt eorum impuritatem, obtrudunt crassitiem, tenuitatem, paucitatem atque inopiam, & si Diis placet, multitudinem quoque eorum ac copiam. Ad illos referunt myopiam, nyctalopiam: illis adscribunt senilem visum, aliasque in visu tum depravationes tum hallucinationes. Quæ omnia quàm abscondita sint & absurda, jam sæpius monuimus: & hîc quoque nonnihil videamus.

Spiritum lucidum, tenuem, paucum propinqua tantum agnoscere dicunt, non remota. Qui verò remota tantum cernunt, eos lucido; crasso, & multo abundare statuunt. Qui deinde lucido, crasso & paucoprediti sunt, eos nec propinqua nec remota videre. Denique obscuros spiritus visioni valde incommodos statuunt, eoque magis, quò crassiores fuerint. Hi videlicet supponunt, spiritum visivum ex oculis ad objecta projici, ut visio fiat; quam opinionem ubique damnavimus, ob multas ineptias, quibus has adtexe. Si spiritus emissio ad visionem exercendam sit necessaria, cum ille corpus sit, adeoque in instanti moveri nequeat, sequetur, visionem in instanti non posse fieri: imò requiretur tempus valde magnum, quando nempe spiritus transire debet ad objectum longè distans, v. g. ad stellas. Cum enim corpus sit, non potest per plenum transire nisi cum resistantia: jam verò visio fit in instanti. Accedit, quòd hic spiritus in tanta distantia & tam frequentibus adspectibus deberet omninò consumi, etsi esset copiosissimus. Præterea cum transeat sæpè per loca valde intemperata, calida valde & ignea, per frigida item & glacialia, deberet sæpè corrumpi, atque ita visio impediri. Denique ex statu ventri necesse esset visionem turbari, utpote spiritum perinde atque aërem auferentis.

Sed objiciunt: Sunt quidam qui ad objecta utcumque remota aliquantulum vident, continuando tamen nonnihil visionem, obscuratur hæc ipsis, & denique planè aboletur. Quòd si claudant paulisper oculos, iterum redit ipsis visus. Quòd signum est, hosce paucis spiritibus donatos esse, qui ob continuatam nonnihil visionem dissipantur, ob clausuram autem oculorum iterum regenerantur. Ergò spiritus ex oculis videntibus emittuntur. Respond. ejus eventui causam minimè esse, quòd spiritus ex oculis evanescent, si enim tantilli solum sint, ut modicâ tali visione evolent, quomodo ad astra extendi ipsi possint, quæ tamen tales satis rectè & diu vident? Causa ergo est, quòd vel nervi optici semel obstructione laborent, ratione cujus spiritus non abunde satis influunt in oculum, ut visio possit continuari: vel quòd vapores humoresve impuri in oculo inter objectum & retiformem tunicam se interponant, qui tum potissimum moventur, quando videt oculus, quia tum laborat ac movetur; clausus autem oculus quiescit, adeoque & illi subsident ac quiescunt. Hæc contra emissionem generaliter. Quæ si admittenda non est, reliquæ etiam eorum rationes myopiæ, nyctalopiæ & senilis visus corruunt.

Sed dato etiam spiritus ad visionem eliciendam ex oculis ad objecta volare; equidem adhuc dictæ rationes nihili sunt. Dicunt enim myopes spiritus subtiles & paucos habere; senes, qui eminus tantum vident, habere crassos & copiosos, qui propterea ad visionem inepti sunt nisi longo spatio attenuentur. Ubi quæro ab hujus sententiæ patronis, cur, quando jam ob longinquorum intuitum spiritus illi attenuati sunt, non possint tales homines propinqua rectè videre converso mox ad hæc obtutu? Verum & in assignando modo istius spirituum attenuationis errant: nam à multo lumine

accedente à remotis objectis attenuari ipsos volunt. Atqui jam ponamus fieri visionem in medio obscuro, sic ut objectum duntaxat in claritate consistat, ibi tunc spiritus crassus non attenuabitur, à lumine, quòd non est, sed magis incrassabitur à medio obscuro & frigido, veluti si in hyeme & nocte obscurissima stellas intueantur senes. Adde quòd secundum hanc sententiam melancholici omnes senilem visum sint habituri, vel etiam cæcutient planè, utpote quorum spiritus ex omnium confessione obscuri sunt & crassi: multi tamen eorum sanè objecta tam propinqua quàm remota distinctè vident.

Nihilo melius in myopibus spirituum inopiam ponunt ad objecta remota non pervenire valentium. Quis enim credat in juvenibus & vegetis, quales sæpè myopes sunt, spiritus deficere? Et cur ergò tabidi morbisque consumti non sunt myopes? Sed quòd à spirituum paucitate non oriatur myopia, hoc mihi convincere videtur, quòd myopes juvenes, quòd magis senescunt, magisque decrepiti fiunt, eò fiat melior eorum visus, id est, ad longinquiora protendatur, cum tamen in ea ætate magis magisque spiritus diminuuntur.

Audiamus modo, quid de nimia spirituum multitudine statuunt, à quâ minus damnum in visu subsequi volunt, quàm ab inopia; idque non sine argumentis in speciem validis. Nam membra sunt animæ instrumenta non minùs quàm spiritus: at membra tam aucta quàm diminuta lædunt actiones: ergò & spiritus. Præterea valde calida res est spiritus: hic igitur moderatus temperiem membri servabit, excedens autem calorem intendet. Denique jugis ille spirituum influxus, spiritum condensat non secus quàm aërem impulsio: coactus autem in se minùs deducit rerum imagines ad sensorium commune. Mercatus lib. 1. de morb. curat. cap. 20. sic illa solvit. Abundantiam spirituum duobus modis fieri; uno ex efficacia causæ generantis, altero ex defectu causæ distribuentis. Quo supposito ait, abundantiam spirituum ex efficacia & ubertate causæ generantis nullo modo posse visionem vel aliam spirituum actionem lædere. Abundantiam verò, quæ fit ob subitum aut intempestivum retrocessum, vel ob improperam distributionem, posse lædere, uti fit in corde, oborto timore. Sed cum in oculis, inquit, istud contingere non possit, nisi ex diutino somno, ex diuturna mora in opaco loco, fit, ut abundantia non lædat; aut id debiliter, & per breve admodum tempus. Ita dubius est hic vir, & nonnihil videtur accedere isti sententiæ, quæ statuit, ex abundantia spirituum visionem lædi posse, cui tamen neutiquam est adsentendum. Nam ex diutino somno vel mora diuturna in loco obscuro nequaquam visio læditur ob spirituum abundantiam, sed quòd tum pupilla valde dilatata, in loco claro statuatur non possit ferre copiosum lumen oculum ingrediens: vel, ut alii explicant, quòd desueverit in tenebris distribui spiritus ad oculos; adeoque his accadat, quòd membris propter diuturnum otium marcescentibus.

Ad argumenta ergò respondetur: in primis membra aucta vel suis propriis actionibus officere, quia ob nimiam molem anima non possit ipsa regere, vel impedimento esse aliorum muneribus; quorum neuter modus in spiritum convenit, utpote qui nunquam in tantam molem excrecere queat. *Ad alterum.* Auctus spiritus naturali suâ temperie præditus nullum intensorem calorem communicabit: nam propterea calor magis in eo intensus non erit, sed tantum extensus. *Ad tertium.* Spiritus non cogitur defari aut conculcari veluti aër propter sequentem inundationem: neque enim intercedit impetus vel impellens vel comprimens, à quo densetur. Si dicas, facultatem cerebri distributivam seu expulsivam perpetuò spiritus emittere ad organa: Respond. eam facultatem non plus emittere, quàm quantum ad actiones est satis.

Quid

Quid ergo? inquietis. An nullus spirituum advisionem usus? Sanè non is, quem Medici sibi fingunt. Est tamen, & quidem magnus, nempe accipere impressionem specierum visibilium in retina factam; eamque impressionem offerre animæ. Ita enim naturâ comparatum est, ut sine ope spirituum nihil efficiat anima, quandiu in corpore hoc est ergastula.

Itaque duplex tantum agnosco spirituum vitium visionem lædens, defectum, & motum eorum circula-rem inordinatum. Ob defectum, prout is maior est, debilitatur vel aufertur visio. Ob motum circula-rem omnia in gyrum verti videntur: ob inordinatas autem eorum intra oculum agitationes atque impetus, aliquibus noctu potissimum luculæ quædam ac scintillulæ videntur; cuilibet percussis vel compressis oculis.

Sennertus addit spirituum impuritatem & crassitiem ob vapores crassos & turbidos eis committos, unde fiat, ut muscæ, flocci, filamenta, similiaque ob oculos versari videantur, visioque fiat quasi per nebulam. At in hisce casibus illi vapores potius humoribus oculi admiscantur, quam spiritibus. Ut enim dicti vapores lædant visionem eo modo, quò propositum est, debent commisceri in medio visionis, quòd humores oculi sunt, non item spiritus; utpote qui per retiformem tunicam sparsi impressionem specierum inibi factam recipiunt.

Causa. Causa defectus spirituum est vel opticorum nervorum angustia, ratione cujus spiritus in oculum non influunt: vel, eâ angustia absente, aliqua cerebri aut cordis affectio in causa est, quòd spiritus ad oculos non mittantur, ut in syncope, leipothymia, cerebri compressione, obstructione &c. Ab aliis causis spirituum dissipantibus, ut nimio exercitio, inedia, febribus ardentibus & hecticis, quas alii solent adferre non talis fit defectus, qui visioni noceat, nisi fortè ita excedant, ut omnem spiritum exhaustiant. Sanè in extenuatis penè ad extremum, & vix membra movere potentibus visum utcumque constare observamus.

Quæ causa porro sit alterius spirituum vitii, scilicet motus inordinati & circularis, explicatur tractatu de vertigine.

Signa. Mercurialis in sua Practica signum se invenisse gloriatur, quo cognoscitur, an læsa visio fiat ob vitia spirituum; an ob vitia humorum. Dicitque, quæ vitio spirituum sit læsa, hanc corrigi posse perspicillis; alteram minimè. At longè errat vir ille. Nam nullo modo spiritus immutantur à perspicillis, sed solum species oculum ingredientibus, eo quòd vitrum permeantes magis aut minus à perpendiculari linea, vel ad ipsam refringantur; atque ita vel propius conum faciant vel remotius.

Defectus spirituum an ob retrocessum eorumdem, an ob nervi optici angustiam sit, facile distinguitur: retrocedentibus enim ad penitus cerebrum aut cor, non tantum visus læditur, sed etiam cæteri omnes sensus: ob nervi optici angustiam solum visus patitur, neque adest gravis aliqua cerebri vel cordis affectio, prout in altero casu.

Læsa visionis ex inordinato spirituum motu cognoscitur ex vertigine necessario comitante. Ita ut nesciam; cur tanto molimine Sennertus *cap. de spir. optic. vit.* probet vertiginem à læsa hoc modo visione distinguui. Uti enim clarum est, vertiginem à visione læsa differre; illa quippe imaginatio læsa est; hæc sensio externa: ita certum quoque est, circula-rem istam visionem non posse contingere, nisi apprehendente ipsam imaginatione, atque ita est vertigo comitans. Sed, inquit, soli oculi possunt affici; cerebro ejusque spiritibus nihil patientibus. Resp. non posse: species enim illa circularis motus necessario cerebri spiritibus communicatur.

Quòd ad prognosin pertinet, Riolanus magnam dicit esse difficultatem in sananda visus hebetudine;

quia tot concurrant causæ immateriales (spiritus intelligit) in quas materialia Medicorum remedia nullum aut exiguum habent imperium. Quasi verò spiritus nostri materiæ sint expertes! Sunt sanè illi corpora eque atque ossa, etsi non tam densa: adeoque materialibus seu corporeis remediis subsunt, imò magis citiusque quam alia corpora ab iis alterantur, propter raritatem substantiæ.

Curatio. Memorata spirituum vitia curantur, curatis iis affectibus, quos sequuntur. Retrocessio enim eorum ob syncopen vel leipothymiam, & impeditio influxus ob compressionem vel percussionem cerebri, aut nervorum opticorum angustiam, hisce sublati tollitur: de quibus suo loco tractatur, uti de motione eorum inordinata sedanda *cap. de vertig.* dicitur.

Electuaria, conservæ, aquæ, pulveres, aliaque remedia, quæ innumera & magnis pollicitationibus Medici præscribunt, eò omnia tendunt, ut spiritus copiosi & lucidi generentur, putantes eos ex oculis ad objecta visibilia debere evolare.

De Affectibus tunicae retinæ.

Hujus tunicae affectiones nullus hactenus tractavit Medicus, quia verum ejus usum calluit nullus. Nos quia illum perspectum compertumque habere persuasi sumus, aliquas ejus affectiones adumbrare conabimur. Est autem verus ejus usus, objectorum visibilium species colorisque cum splendore per foramen uvæ in oculum immisos suscipere, & in se picturæ instar delineatos representare.

Prima ergo hujus tunicae affectio; & quæ frequentissime accidit; ad situm mutatum pertinet, nimia videlicet ejus vicinia vel remotio ab humore crystallino. Ratione viciniae fit, ut longinqua solum videantur; quòd senibus proprium est. Ratione remotiois fit, ut solum percipiantur propius constituta; quòd multis juvenibus usu venit. Assertionis hujus demonstrationes hîc non adjungo; satis enim argumentose illas construxi in problematis, & compendio dixi *cap. de myopia.*

Alter a retinæ affectio est raritas ejus nimia vel densitas. Si plus æquo rara est, luminis rerumque illustrum radiationes vix possunt perferri ab oculis sine aversione vel lacrymatione. Si densa sit nimium, lumen quodvis, imò ipsum solare impunè fixis oculis potest excipi. Sic Aëtius habet ex Demosthene, *lib. 2. sermon. 3. caput de oculorum debilitate*; estque 44. ubi inquit; oculos debiles esse, qui neque album splendidum, neque igneum videre sustinent; sed ex quavis occasione visum continent & lacrymantur, præsertim inter legendum. Hujus affectionis causam non reddit Aëtius: putamus autem nos esse tunicae prædictæ nimiam raritatem, aliis omnibus salvis in oculo. Quòd addo, quia oculo inflammato, vel carunculâ angulari imminutâ, idem affectus orietur sine tunicae retiformis rarefactione.

Causa. Causas remotiois & viciniae retiformis à crystallino diximus, *cap. de myopia.*

Causa raritatis nimiae vel densitatis, si hæc ab ortu sunt, est substantia seminalis rara vel densa. Si post ortum advenerint, causæ sunt alimenta rarefacientia vel densantia istiusmodi. In summa, quaecumque alias corporis nostri partes rarefacere vel condensare nata sunt, dictas quoque affectiones retiformi tunica possunt inferre.

Signa. Signa nimiae remotiois & viciniae retiformis ex ipsa visionis natura hauriuntur. Nam quibus remotia nimium est, illi myopes sunt, id est, cominus tantum vident. Quibus est vicina nimis, hi presbytae sunt seu senilem visum habentes id est, eminus tantum videntes; non quæ oculis sunt adnota. Accedit, quòd ob ejusmodi mutatum retiformis situm læsam habentes visionem perspicillis juvari possunt: qui verò ratione spirituum, vel humorum, vel nervorum visio- rum laborant, non possunt juvari.

Quod ad prognosticum attinet; hi retinae situs arte & medicamentis restitui nequeunt: ortum enim habent plerumque vel à natura, vel longâ consuetudine, quæ jam in naturam abiit. Nimia tamen remotio etate corrigitur, ut dictum est *cap. de myopia*.

Raritatis nimiae & densitatis signa similiter ex visionis affectione sumuntur. Nam omnibus in utroque oculo salvis atque integris apparentibus, si lumen & luminosa ægrè ferantur, rara nimis est tunica retiformis. Si facile quodlibet lumen quantumvis intensum accipitur visu, densa valde est tunica eadem. Illud in multis hominibus advertas; hoc in aquilis.

Causa autem quod retiformis raritatem tam molesta visio consequatur, est hæc: quia enim impressio specierum in retiformem facta non solum est quantitativa superficialis, sed etiam qualitativa penetrans; cum in raram substantiam major fiat penetratio, majorem quoque inde sequi affectionem, est necessarium. Jam autem lux capitales inimicitias cum eo, quod impetit, sibi non est simile, gerit: ergo quod penitus illud impetit, eò ipsi est hostilius; & consequenter quod lux se profundius quoque in retiformem insinuat, eò fertur à visu molestius. Quapropter ubi densa est retiformis, prohibens lumen ab ulteriore introcessu, perscitur lux etiam satis intensa innoxie. Quali retiformi præditas credimus aquilas, quæ Solem fixo obtutu dicuntur inspectare.

Porrò raritas & densitas dictæ tunice ferè comitantur similes totius cerebri constitutiones: ita ut; quibus cerebri substantia rara est, hæc quoque tunica sit rara; quibus densa, itidem hæc sit densa: nam revera hæc tunica est ipsa medullaris nervi optici substantia à cerebro propagata. Itaque quod signum erit raræ vel densæ cerebri totius substantiæ, poterit etiam hujus tunice talem indicare habitudinem: atque ingenii bonitas raram significat seu subtilem cerebri substantiam; contra intellectus tarditas indicat substantiam crassam seu aensam, ex Galeo *cap. 12. art. med.*

Curatio. Sicut tunica retiformis etsi arte corrigi non possit, visio tamen inde orta artificio emendari potest, scilicet perspicillis. Nam qui vicinam nimis habent, convexis juvantur; qui nimium remotam, concavis.

Controversantur autem, an expediens sit juvenibus myopibus in tam immatura ætate uti perspicillis cavis? Ego, si visus ipsis aliquatenus constet, ut quoquo modo carere iis possint, non admodum consuluerim: etenim perspicilla ista assidue usitata morbosum retinæ situm confirmant.

In retiformis quoque raritate & densitate curanda quid à medicamentis expectandum sit facile intelligi potest. Sunt enim illæ constitutiones à natura, adeoque sublato difficillimæ, imò impossibiles.

Ætius tamen debilitatem oculorum, quam supra descripsimus, curat deambulationibus, cursibus, exercitiis supernarum partium, cum frictione & spiritus detensione, capitique rasurâ, ac levi oculorum frictione post exercitia, & frigida in caput perfusione. Præscribit & aquæ potum, victusque rationem mediam; item lectionem cum clamore, similiter & scriptionem. Si verò pharmacis opus fuerit, adstringentibus & perfrigerantibus ac meatus obstruentibus hoc in casu utendum dicit.

De Affectibus nervorum opti- corum.

Frequentior & præcipuus nervorum opti-
corum affectus est eorum *Obstructio*: læsioque visionis inde consequens dicitur Græcis *Amblyopia*, id est, obscuritas, obfuscatio seu hebetudo visus: & *Amaurosis*, id est, visus abolitio seu cecitas, barbaris dicta *Gutta serena*, quod est absolutum visus impedimentum, nullo in oculis vitio apparente.

Alteri eorum nervorum affectus est *Resolutio* seu *Paralysis*, ad quam visus quoque sequitur ablatio.

Tertius est *Angustia*. Quartus *Disruptio* eorundem. Quintus *Convulsio*. Quamquam aliqui hanc non efficere visioni inquirunt, sed reborare: eò quia per convulsionem dirigatur opticus, & pupillæ constituantur planissimæ, ac sic recto canali celerius descendat spiritus, acutiorque procedat visio, sicut in priapismo accessus. Attamen dicendum, convulsione lædi visum, quia causa convellens angustet nervos, adeoque spirituum via impediatur.

Alii addunt Dissolutionem conjunctionis nervorum opti-
corum: ubi uniri volunt species & absolvi visum. Atque ab hac dissolutione dicunt oriri depravatam visionem, utpote quâ omnia apparent duplicia. Verum certâ constat tum Vesalii tum aliorum observatione anatomicâ, conjunctionem illam nervorum nihil facere ad simplicem unius rei visionem. Nam in quibusdam inventi sunt naturaliter disjuncti, qui rectè nihilominus videbant. Absolutè ergò dissolutio conjunctionis nervorum opti-
corum visioni nihil obest. Si tamen post ortum à causa violenta fiat, plurimum oberit, quia accidere non potest sine eorum disruptione, sub qua tum comprehendetur ille affectus.

Causa. Obstructionis opti-
corum causa est vel crassus humor quilibet in meatibus eorum illapsus, vel saltem vapor crassus.

Hæc eadem est causa paralysis; quam tamen & efficere possit pituitosus humor, substantiam eorum irritans, ac nimium humectans.

Angustia fit à tabe, vel ab humore aut tumore extrinsecus illis accubante & comprimente. Tumor ille potest esse inflammatorius, vel non inflammatorius. Ita doctissimus Platerus observavit, cæcitatem aliquando provenisse à tumore globoso instar strumæ in cerebro nervos opticos premente.

Disruptio à causa externa violenta fit: ut vulnere, ictu, casu, &c. à quibus tamen ipsis sæpè etiam tantum fit vel obstructio vel angustia.

Convulsio denique causas illas habet, quas convulsio quælibet alia. Ab aliquibus animadvertum, post graves & frequentes convulsiones cæcitatem relictam fuisse: quia scilicet in magnis per convulsionum paroxysmos partium omnium atque adeo etiam oculorum contortionibus; in quibus sæpè oculi quoque convulsi admodumque exserti & inflexi apparent, attracto, sic nimirum & exserto nervo optico illis adnato, illoque simul contorto & læso, oculos visione privari contingit.

Signa. Signa obstructionis nervorum opti-
corum seu guttæ serenæ dant Medici omnes omnino hæc: quod visus abolitus sit, nulla apparente in oculis noxâ; idque repente: quod item, altero oculo occluso, alterius pupilla non dilatetur, obstructâ videlicet spirituum pupillam dilatantium viâ. Examinemus hæc paulò accuratius, an vera sint, neque ita simpliciter temereque omnibus accedamus.

Philippus Montalto *lib. 3. Optic. cap. 7. art. 3.* scribit; nobilem quemdam ex illustri familia Percia apud Lusitanos ad os sinistræ maxillæ profundo vulnere læsum, videndi munere in dextro oculo plenè orbatum fuisse; tamen sinistro oculo clauso dextri dilatatur pupilla. Quæ res, inquit doctorum virorum ingenia non parum exercuit. Nam obstructio nervi optici cæcitatem illius oculi invehere credebatur, dilatatio tamen pupillæ indicio erat optici liberum patere meatum. Quapropter ipse istam visionis abolitionem referendam credidit ad intemperiem, quæ ex feriente telo, pervadente aëre humoreque decumbente contracta in posterum tranferit; sique continuâ alteratione fortè ad glaciale seu crystallinum usque pervagata. At hoc nihil est. Nulla enim à nuda crystallini intemperie opacitatem non inducente visui noxa fit.

vocat, angustiam: alteram, quæ attinet ad horum nervorum substantiam; alteram quæ ad meatum. Unde dicit, si angustia sit in nervi substantia (quod sese aliquando observasse addit) poterit oculi affecti pupilla dilatari, altero ocluso. Verum si angustia meatum nervi oblideat, non poterit dilatari pupilla. Ratio est, quia spiritum animale, qui dilarationis est causa, per foramen transire necesse est; quod foramen cum præclusum sit, interdicitur spiritui meatus. Angustatâ autem & densatâ tantum cerebri substantiâ, cum hoc foramen liberum sit, liberè quoque transit spiritus: non tamen fit sensio; quia facultas sentiens, inquit, non transir cum spiritu per meatum nervi, sed per propriam ejus substantiam. At nescio quâ vel auctoritate vel ratione meationem illam facultatis & spiritus animalis adstruat. Nam facultas non meat propriè de parte ad partem; sed spiritus solum meat, qui est instrumentum facultatis: & quia Medici sæpè causam principalem cum instrumentali confundunt, ideo dicunt communiter facultatem transire, cum spiritus tantum transeat. Verum etsi demus facultatem etiam à partibus emitti per modum luminis à Sole, non tamen satisfacit dubio, quippe falso innititur fundamento, pupillam scilicet ab influxu spiritus dilatari.

Mihi aliquando puella quinquennis Amstelredami curanda oblata est, quæ ex febre chronica guttam serenam incurrerat, sub qua ne luculentissimum quidem Solem agnoscebat. Observavi autem in ea non solum variare pupillam alteram, ocluso oculo altero; sed etiam ambas modò se contrahere, modò ampliare, prout vel ad lucem, vel ad obscurum locum oculi converterentur: non tamen adeò contrahebantur, quàm solent aliàs in sanis & salvis oculis lucem adspicientibus. Itaque hinc colligi potest, quàm falsum sit illud Medicorum indicium, quod tamen velut certum habent, obstructo nervo optico non dilatari pupillam.

At dicat aliquis: etiam in nostrâ sententia, quæ à lumine remissione diduci statuit pupillam, ab intensiore contrahi; si obstructus sit nervus opticus, & spiritus animalis in oculum non influat, non poterit quoque fieri dilatatio aut contractio pupillæ. Ut enim propter diversum illud lumen variet se pupilla in situ, necesse est aliquam inesse partibus oculi, internis ejus luminis sensionem: sensio autem à spiritibus per opticos affluentibus: his obstructis nullus fit affluxus; igitur & sensio nulla, igitur & variatio pupillæ nulla. Respond. motum illum uveæ tunicæ non fieri opè spirituum animalium; utpote qui animalis non sit seu voluntarius, sed merè naturalis, similis illi, quo uterus foetida fugit, & benè olentia persequitur. Similiter sensionem luminis majoris ut nocentis, vel minoris ut non nocentis; esse naturalem merè, non animale. Jam autem sensiones & motiones naturales fieri possunt, etsi nullus fiat influxus spirituum animalium; nam in hystericis obnubilato cerebro jacentibus sine animali motu ac sensu observamus uterum ab odoratis apposis benè affici, adeoque se demittere; foetida verò averfari. Item in membris paralyticis fieri actiones & motus naturales. Ad quorum instar internæ oculi partes naturalem luminis aversionem motu uveæ offendunt, etsi nullus per nervum opticum animalis spiritus illabatur.

Acetius & ex eo Donatus Altimarus, deinde aliquot etiam Practici adherentes signa causarum offuscationis oculorum, inquirunt: Si hæc affectio consequatur ad nervorum visivorum resolutionem, tarde movetur oculus, aut omnino non movebitur. Quod dictum est inscitum: nervi enim visivi sive optici ad visum, non ad motum sunt deputati: peculiare nervi oculos movent, quorum resolutio non inducit visui offuscationem.

Falsum item & hoc, quod Montanus consil. 94. scribit.

Biblioth. Chirurg. Tom. III.

bit, ex contortione nervorum opticorum oblique videri. Non fit in opticis visio, sed in oculis. Imò si rectè perspicis, optici sunt contorti, ut ipse intelligit, seu obliqui: non enim ab ortu suo rectà perpendunt ad oculos, sed ductu obliquo. Cur igitur visus non unicuique obliquus? Quomodocumque ergo constituti sunt optici, modò spirituum via non impediantur, visio est integra.

Porro vitia omnia opticorum nervorum prædicta sunt difficilis curationis: quædam impossibilis, ut disruptio, & antiquata obstructio; tabes; compressio à tumore frigido. Obstructio autem retens aliquando curata est: quemadmodum etiam à crassis vaporibus facta subinde subito per applicatas cucurbitulas, vel acris clysteris injectionem sanata est.

Curatio. Nervi optici obstructionem, quæ præ aliis frequens est affectio, sic curabat doctissimus Fernellius. In primis inhibebat, ne quid præterea eo recens influeret, idque bonâ victus ratione, quæ corpus moderate alat, nec tamen humectet, neque excrementis impleat. Bis aut semel saltem in mense purgabat per pilulas sine quibus, & lucis majores: atque etiam interjectis diebus, si quando adstrictior alvus esset, aut ventriculus crudior appareret, per catapotia ex aloë. Caput quotidie mane siccat fomentis ex sale, milio, & seminibus discutientibus torrefactis. Frictiones quoque in posteriora, & in occipitium inferiora versus deductas commendabat. Pituitam sæpè ex capite proliciebat apophlegmatismis. Errhinorum non æque tutum dicebat usum; sternutamentorum adversissimum. His & similibus rationibus excrementa per naturales meatus deducebat. Jam ad ipsum humorem ex opticis evellendum, sæpè, maximè verò postridie purgationis, & aliquot deinceps diebus affigendæ erant cucurbitulæ leves occipitio utrinque ad cervicis originem. Imperabat decubitus supinum, in quo si & caput aliquando succutiarur, conferre aiebat, ut, qui tenacius impactus est humor, sede suâ dimoveatur. Occipitii & cervicis appellatos setones non probabat; quandoquidem nullo illos usui vel comodo sed gravi sæpè periculo infixos animadvertisse se diceret. Efficacissimam autem ac tutissimam revulsionein laudabat, quæ fit à nervo optico in idcavum, quod est in radice auris & in connexione maxillæ pone infimam auriculam; per id enim ramus è vena jugulari intro subiens in opticos nervos utrinque excurrit; eosque comitatur ad oculos usque. In id ergo emplastrum unguis magnitudine apponebat, quod constabat vel ex æquis portionibus saponis nigri & salis communis triti; vel ex sem. sinapi & cantharidiana semidrachma, fermenti acris uncia. Quòd si metueretur, ne non satis sequax esset humor revellendus, præparabat eundem fotu remolliente & atenuante, ut ex decocto althææ, verbenæ, eufrasie, rutæ, sem. feniculi ac fœni Græci. Hujus decocti vapore ex spongia molli sub vesperam oculos fovebat, interim dum emplastra infimæ auriculæ inhærent. Collyria verò in oculos frustra immitri inquebat, quod eorum vis nequeat in affectam sedem penetrare. Utiliter nihilominus sæpè mandi jubebat semen feniculi; aut etiam pulverem præbebat in sine pastus, ex coriandro, aniso, feniculo, eufrasia, glycyrrhisa & cinamomo: istorum enim vapor & halitus ex ore & stomacho ad oculi anteriora fertur. Ultra hæc si guajaci decoctum potaretur, omnino profuturum prædicabat.

In ea insigni ac methodica curatione illud mirandum, quo pacto setones in occipitio damnet tanquam inutiles, imò graviter periculosos. Si cucurbitulas ibidem commender, & evellendo ex opticis humori utiles statuatur, quanto magis ad ipsum utiles sunt setones, qui potentiores sunt cucurbitulis? De periculo verò quod addit, nescio cur illud à setonibus ibi timeri debeant:

Quod ad sternutamentorum usum atinet: Capivaccius celebris & felix suo tempore Patavii Medicus, in initio obstructions horum nervorum confestim sternutamentum vehemens excitari consulebat, ut materia commoveretur angustans, nec figeretur; quia actum est, inquiebat, ubi figitur. Idem sentit Eustachius Rudius. Quæ agendi ratio etsi non omnino sit à methodo averſa, fortunę tamen etiam inrititur, adeoque periculo subjecta est. Tam enim potest per sternutamentum istud materia magis figi in nervis, quàm è nervis elidi; potest quoque alia, quæ præſto est in cerebro ad eosdem nervos detradi. Quæ ex causa multi ex pluribus sternutamentis, præſertim de industria sibi concitatis, in cæcitatem derepente lapsi sunt. Malim igitur ego cum Fernelio apophlegmarismis sine periculo materiam derivare per palatum, à quo non longe abest opticomam origo, veluti ostendit nobis dissectio.

In principio guttæ serenę ita in praxi hortabatur progrediendum esse laudatus jam Capivaccius. Eadem horâ, quâ accedimus, immittendus acris clyster: deinde, si sanguis est copiosus, eperienda cephalica. Eadem die post septem horas exhibeantur pilulæ fortidæ vel cochię ad drachmas duas: deinde caput vacuetur, & ſecetur vena frontis, postea venæ angulorum: applicetur cucurbita occipitio, & ilicò etiam usurpetur lotareum: simul fiat vacuatio per os & nares validis medicamentis. Deinde cum Paulo & Aërio caput perfundatur aqua salsa actu calidâ: licet etiam adſcendere ad sinuſum. Oculus foveatur spongiâ ex aqua marina. Præterea statim exhibeatur decoctum guajaci, & agri potissimam ſudent ſecundum caput. Hæc medicandi ratio efficax est, bona, ac ſequenda, præterquam in administrandis fortibus vacuantibus per nares, ob causam ante dictam. Hæc igitur usurpetur in subita ac recente obstructione: altera Ferneliana prædicta in obstructione aliquatenus inveterata.

Referunt Practicî quidam, & narrant observatores, ob frontis vulnera cæcitate aliquos aliquando liberatos. In quibus sane cæcitaris causam verisimile est fuisse compressionem nervorum opticomam à conterminis vasis, venis, inquam, atque arteriis sanguine tumidis, quas dicta vulnera nonnihil evacuarunt, unde compressione ablata reddita est visio. Quæ eventa ſequens Spiegelius non sine fructu in gutta serena mediam frontis venam pertundere solebat, sanguinemque tam diu evacuabat, donec suâ sponte erumpere desineret.

Nunc producam remedia aliquot selecta ad propositum affectum. Primum est vinum eufraſiatum, quod in visus obscuritate à nervi optici obstructione nata valde confert, si in principio mensæ, vel mane stomacho jejuno bibatur. Paratur eufraſia ſicca infusa; additâ radice & ſemine fœniculi, ac modico cinamomo.

Vel. ℥. Rad. enul. campan. in taleolas ſectæ & exſiccatae unc. ij. eufraſ. manip. i. ſem. fœnic. ſem. ſiler. montan. ana unciam. Contund. craſſiuscule, & omnia in unum vel plures nodulos immiſſa ſuspendantur in vino, & macerentur per mensem. Dantur duæ unciaæ mane.

Aqua aciem oculorum acuens, cæcitatemque in senibus incipientem prohibens.

℥. Rad. Valerianę, enulæ campanę, fœniculi ana unciam. Herb. chelidon. eufraſ. ana manip. ij. betonic. puleg. ana manip. i. ſem. fœniculi, ſem. ſiler. montan. ana drachm. 4. baccar. juniper. ſemunciam, flor. caprifol. roſar. alb. ana pugill. ij. ſtœchad. ſalvię, anthos, ſambuc. calendul. ſchænanth. ana pugill. i. Zingib. piper. long. cubebar. cardamom. ana ſeſquidrachm. Pulverifanda pulveriſentur, contundenda contundantur; & infuſa in hydromel. vel malvat. vini Canarici lib. 3. ponantur ad ignem lentum vel Solem per quatuor aut ſex dies: dein exprimantur fortiter prælo. Expreſſioni adde aquę peculi roſar. eufraſ. ana. lib. ij. aquę fœniculi, chelidon. ana. ſeſquilib. Miſce. Datur

uncia mane jejuno stomacho, & una atque altera gutta in oculum datur.

Alia. ℥. Baccar. juniper. unc. ij. Caſſię lign. unciam, ſem. ſiler. montan. fœniculi ana ſemunc. ſem. rutæ drachm. 3. ſpecier. diamoſch. dulc. unc. moſchat. lign. Aloës ana drachm. ij. fol. eufraſ. verbenę, rutę, ſummit. roriſmar. ſalvię, puleg. anthos, fœniculi ana ſeſquidrachm. flor. chelidon. betonic. lavend. roſar. rubr. anthos ana drachmam: macerentur in vini malvat. lib. 4. per octiduum: poſtea in Bal. M. diſtillantur. Datur mane & veſperi ab ſemuncia ad unciam & ſeſquiunciam.

Etsi in hoc affectu externa oculis admota nihil aut parum poſſint, ut antè dictum est, unum tamen propono, quod Foreſtus valde extollit, alique quidam conſentiunt; deſumptum ex piſce quodam, qui Belgis dicitur *Elpuyt*, Italis *Domola*, Lugdunenſibus *Lota*, Geben- nenſibus *Morella*, Latinis *Mustella*; eſtque piſcis mollis, valde limoſus, ſubnigriſculus, aliquantulum latior anguillâ. Hujus jecur, quod valde album eſt ac pingue, tegulę alligatur cyatho ſubjecto vel vitro in Sole, ut ab eo pinguedo olei inſtar deſtillet. Vel jecur tegulæ filo alligatur, vitroque capaci imponitur; & ſupra hoc aliud vitrum magis capax inſtar galeę ſeu capitelli ſuperponitur, ac Soli exponitur. Exit autem liquor albus & clariffimus, ad modum olei puri deſtillantis; qui uſui reſervetur. Hoc liquore ſi cilia tantum inungantur, lacrymæ ab oculis exhibunt; & iſ, qui viſum obſcurum tenebriſumque habet, inquit Foreſtus, miraculi inſtar ilicò lucidum & lunoſam recuperabit: dicitque in multis ſe expertum. Oportet autem minimè hunc liquorem in oculum ſtillare, verum ſatis eſt, ſi cilia & palpebrę eo inungantur.

Coronidis loco quærere hic libet, expediatne ablu- tionem oculorum quotidianam fieri calida an frigida. Sunt enim diverſæ & contrariæ de hac re ſummarum Medicorum auctoritates. Hippocrates lib. de humid. uſu calidam ſcribit oculis convenire. Apud Plinium reperi veteres exiſtimari ſalubre, ſingulo mane oculos gelidâ lavare. Et Aërius in propoſito affectu quotidie proluendam dicit faciem aquâ frigidâ, præſertim pluviâ. Meſue etiam oculos frigidâ lavari jubet. Inter recentiores doctiſſimus Manardus quoque oculos cuidam frigidâ potiùs inſperſâ, quàm per manus admotâ ſingulo quoque die ablueri conſulit. Galenus lib. 4. de ſimpl. med. fac. cap. 2. oculis frigidam mordax eſſe docet. Et Fabricius Hildanus inter neotericos cent. 1. obſervat. 27. ex lotionem aquæ frigida nobili cuidam debilitatum & obſcuratum viſum exiſtimat. Ego in hoc litigio etſi videam potiores non numero, ſed pondere eſſe eorum partes, qui frigida lotionem repro- bant, non tamen cenſeo ita hiſce accedendum, ut planè nihil concedatur aliis, ſed ſapienti moderatione utriuſque aliquid impertiendum. Et quidem oculos ulceribus vel ſuppurationibus aut ſimili affectu laborantes calidam poſtulare: in quo ſenſu videtur eo loci intellexiſſe Hippocrates. Inflammatis tamen iſdem in principio inflammationis poſſe, inò debere applicari frigidam; in declinatione calidam. Qui oculi tunica- rum vel humorum craſſitie afficiuntur, calidam etiam expetere; frigida enim denſat & increaſſat magis. Alio- qui frigidam autumo oculis ſalubriorem, etſi quoque alia de cauſa viſus cuipiam eſſet obtuſior: robur enim conciliat oculis frigida calorem cohibendo intus. Quod autem Galenus loco citato frigidum oculis mordax pronuntiavit, de ſummè frigido eum intellexiſſe eſt exiſtimandum; quod ſanè & nos oculis adhiberi planè re- nuimus. Vel ita itatuendum, ſi frigidum nudis oculorum tunicis confertim occurrat, mordax quidem eſſe, uti experimur eſſe in hyeme gelidum aquilonem. At enim dū de oculorum lotionem diſceſſimus, non tam volumus oculorum tunicis frigidam infundi, quàm adſpergi atque affundi palpebris, quibus frigidum eſſe mordax prodidit nullus.

De Strabismo.

Strabismus est mutatio debiti & naturalis situs oculi intra cavum suum recessum, proveniens à muscutorum ocularium contractione, vel diutina contortione.

Capivaccius strabismum inquit esse visionem inaequalem oculorum dependentem à motu præter naturam muscutorum motivum. At enimvero formale ipsius strabismi non est inqualis visio, sed hæc consequitur potius ipsius formale strabismus cuius affectio muscutorum est, non visiois.

Malè etiam Mercurialis *lib. 1. Pract. cap. 29.* & quicumque recentiores id ex eo descriperunt, strabismum inter crystallini humoris affectus recenset. Sanè enim apud Paulum Æginetam *lib. 3. cap. 22.* apud Galenum *lib. 2. de symptom. aus. c. 2.* apud Auctorem quoque Finitionum Medicarum strabismus est muscutorum affectio bulbum oculi moventium.

Johannes Goræus in Definitionibus suis Medicis scribit Auctorem *Finit. Med.* enumerare strabismum inter oculi exulcerationes. Tu adi locum, & videbis Goræum perfunctoriè eum transcurrisse.

Dixi, esse mutationem situs oculi intra cavum suum recessum, seu antrum osseum; ut excludatur prolapsus oculi, qui etiam est mutatio situs à resolutione. Unde quoque non addendò illam particulam, posset definiri strabismus, mutatio præter naturam situs oculi dextrorsum, vel sinistrorsum, vel sursum, vel deorsum.

Causa. Fernelius & alii aliqui scriptores strabismum à convulsione solum muscutorum oculi evenire dicunt. Sed si, ut ipse inquit, strabismus sit alterius oculi obliqua contortio, ita ut amborum nequeat unus ad spectus esse; id certè à paralyti etiam provenire potest. Nam resolutio aliquo ex musculis oculum moventibus, antagonista ejus seu oppositus sanus in se contrahitur & sic idem facit ac si convulsus esset; perinde autem videtur in convulsione canina seu tortura oris fieri orta à paralyti.

Causa convulsiois si hæc legitima est, musculos oculi afficit: si illegitima, cerebrum vel nervum secundæ conjugationis afficere potest.

Causa paralyti potest similiter vel afficere musculos, vel nervum secundæ conjugationis, vel eam cerebri partem, unde ille prodit.

Tertiam strabismi causam posuimus diutinam consuetudinem oculos contorquendi: in eo enim tunc situ firmantur oculi, uti infantibus in cunis accidit, dum oculos ad candelam oblique vertunt.

Sed hic peti possit: Quomodo infantes ex tali adpectu incurrere possint strabismum, sit affectio, in qua alter oculus non habet similem situm atque alter: at illo obliquo adpectu candelæ, uterque oculus oblique ad candelam vertitur; & sic uterque est obliquus, adeoque amborum unus adpectus. Respond. obliquam visionem, utpote laboriosam, non facile ab infantibus obiri; sed fieri plerumque, ut unus oculus ab illa contentione remittat; alter, qui lumini propinquior est: in actione persistat: unde dispar situs.

Quartam aliqui addunt strabismi causam, situm humoris crystallini vitiosum; cum is videlicet pupillæ non rectè opponitur, sed ad latus alterutrum, vel deorsum aut sursum inclinatur: ita enim si res rectè adspicienda est, oculus, inquit, ad latera contorqueri debet. At hæc causa strabismum non infert. Nam etsi crystallinus directè pupillæ non apponatur, videri tamen directè res potest, quamvis non distinctissime. Imò etsi videri non posset non tamen adhuc oriretur strabismus inde: siquidem non incurrunt strabismum illi quibus à suffusione vel alià causa medium pupillæ obiectum est: quia si è directo res integra aliqua videnda est, paululum ad latus convertunt oculos, sed æqua-

biliter; strabismus autem est, quando non equaliter eodem collineant. Vel si quispiam in uno tantum oculo situm crystallini mutatum ponat; & sic unius solum fieri oculi ad latus conversionem, altero directè ad rem obverso, adeoque inæquabilem situm habere: tum tamen adhuc situs crystallini remota solum erit strabismi causa; proxima erit diutina illa & consueta oculi ad latus contortio, quam in definitione expressimus. Verum nunquam aut rarissime talem vitiosum crystallini situm manente visu fieri posse puto.

Uti quoque fieri non posse reor, quod Sennertus in *Instit.* ait, atque inter causas strabismi quoque refert, scilicet ut pupilla non in ipsa anteriore oculi parte medium locum obtineat, sed ad alterum latus magis inclinetur. Ita pupilla per se inclinare non potest, nisi totus oculus inclinetur; vel nisi monstruosa talis facta sit conformatio.

Quidam ita sunt strabones: ut quando volunt, sic oculum contineant, ut non appareat strabismus: qui idcirco existimandus est fieri à levi tantum aliqua convulsione vel laxitate musculi, quæ adhibito conatu in naturalem statum reduci potest. Ubi observandum, id tantum posse fieri in quiete; seu dum oculus immotus continetur; quando autem movetur, non posse: vel quàm difficillimè. Ratio est, quia minore robore & conatu opus est ad oculum continendum, quàm ad movendum.

Capivaccius animadverti vult; causam strabismi afficere debere musculos motivos. Sunt autem, inquit, ex Galeno hi musculi sex tantum: septimus enim non movet oculum, sed firmat nervo optico circumdatus. Hic ergo si convellatur, intro cedat oculus, & continebitur firmiter: si resolvatur, oculus procidet. Verum frustra indicat illud curantibus homines, in quibus non reperitur septimus ille musculus oculum firmans, ac nervum opticum complectens.

Notanda diligenter ac memoriæ insigenda maxima sympathia inter oculorum & temporum musculos, ob participationem rami ejusdem nervi. Unde frequenter fit, ut hi ob consensum illorum afficiantur; & contra, nullo proprio morbo detenti.

Signa. Strabismus visu cognoscitur. An autem à convulsione: an à paralyti oriatur; id è propriis capitibus de convulsione & paralyti inscriptis petendum est. Et infantes quidem sæpe post epilepticos insultus strabismum retinent, qui tum putandus est à convulsione pendere.

Difficilis porro est curatu strabismus: si tamen recens sit, in infantibus curari potest; etsi sit etiam nativus, ut inquit Abuali.

Curatio. In infantibus tentanda hoc modo curatio; ponenda est candela accensa in parte opposita strabismo; vel res aliqua rubra, aut valde conspicua, ut infans eam partem adspiciat; quò natura discat à prava visione abscedere.

Si in adultis hoc malum contigerit, & sit recens adhuc, id est curationis modus, qui in convulsione canina præcipitur.

De oculi totius prolapsu.

Oculi prolapsus seu procidentia & exsertio. Græcè *Epieismus*, id est expressio; & proptosis est situs præter naturam oculi extra cavum suum recessum. Ita vero oculi aliquando prolabantur, ut in genas propendeant, turpi admodum spectaculo. Et quibusdam ita propendentibus oculis visus adhuc perstat; plerisque tamen læditur.

Causa. Causæ procidentie oculi possunt esse variæ. In primis illa omnia: quæ violentiâ quadam oculum extra antrum suum exprimere nata sunt, ut vehemens inflatio, ac fortis spiritus suppressio. *Secundo*, resolutio muscu-

musculorum & nervorum oculum moventium. *Tertio*, tumor aliquis magnus in interna oculi parte consistens. Ex prima causa sæpè fœminis accidit hoc malum, qui in partus doloribus ampliùs distenduntur: itè tubicinis, & strangulatis, violentè vomentibus ac fœces excrementibus. Hæc Platerus quidem negat, sed convincunt eum experientiæ. Secunda causa fit ob humores copiosos ad oculorum musculos fluentes; atque hoc habet ortum à casu ab alto interdum, maximè in iis, qui partes circa oculos molles & laxas habent. Sæpè ingens & dirus capitis dolor huic causæ originem præbet.

Scriptores novitii plerique oculi prolapsium ex resolutione ejus musculi, qui opticum nervum circumdat, oriri docent. At hæc causa in equis & mulis locum habet; in homine non item, utpote qui musculum illum non habet.

Quæstione dignum est, quo pacto laxatis musculis extra sinum suum oculus non rupto nervo optico possit procidere? accidit enim quandoque, ut ad genas usque dependeat, sicuti est suprà dictum. Hic dicendum, nervos quoslibet, adeoque etiam opticos, plurimum extendi secundum longitudinem posse. Dum ergò humiditatis hi plurimum suscipiunt in inflammationibus oculorum, vel aliàs aliter, facillè fit, ut laxentur: ipsique musculi valde inturgescentes, cum ampliùs in cavo recessu contineri nequeant, foras exseruntur, laxatis nempe eadem operâ membranæ ac ligamentis, quibus recessui connectuntur. Neque hoc hic mirum videri debet; observamus quippe & alias partes valde interdum laxari sine ruptione, ut intestinum rectum & uterum foras procidentes.

Signa. Procidencia oculi extrinsecus patet manifestè. Noscitur quoque ex relatu ægri, quæ fuerit causa ex iis manifestis, quas suprà retulimus. Sed & humorum affluxus non difficulter à Medico agnoscitur: adest enim repletio capitis, ac dolor ejusdem gravativus.

Oculi totius resolutio cognoscitur ex abolito motu & sensu: nam si quis acrius pharvacum sublinat, non percipit morsum: tumque periit visus. Si soli musculi sint resoluti, visus constat.

Totius oculi resolutiones ægerrimè curabiles sunt, maximè in ætate provectis. Procidencia à cæteris causis ferè possunt curari; nisi quæ à tumore scirrholoso interno venit, qualem scribit se observasse Trincavella.

Curatio. Platerus *tomo 3. Prax. lib. 2. cap. 2.* curationem prolapsus oculorum non aggreditur: quia, inquit, mors plerumque sequitur; vel etsi ægri manerent vivi, hæc dissolutio ex parte facta reparari minimè potest, neque oculus, ut in pristino statu permaneat, firmari. Adstringentia enim in hoc casu applicanda potius oculum corrugando cæcitatem inducent, quàm, ut in sua sede diutius remaneat, efficient. Ita ipse. Quæ valde sunt inexercitate dicta. Nam constat Clarissimorum virorum luculentis exemplis, atque historiis proditis, oculi procidencia plerumque per sanari; & quidem etiam non magnâ operâ. Quin ipsemet Platerus *lib. 3. observ.* curasse se testatur, nullâ visus læsione remanente, aut alio aliquo vitio. Infans, ait, ad me deferrebat, cui oculus ex sede sua prominebat, & veluti extra eam penitus exsertus, apparebat ovi gallinæ majoris magnitudine, horrendum præbens adspæctum. Præscripsit sequens cataplasma oculo tepidum applicandum:

℞. Farin. fabar. scutell. i. sem. fœniculi semunciam, flor. Chamemel. pugill. i. pulveriscentur: adde lac, mel, & parum butyri recentis; calefiant, & misce pro cataplasmate; quod spatio unius mensis affectum sanavit.

In adultis si ob affluxum humorum oculus proci-

det, rosarum, plantaginis, Cortic. anatorum, balau-

stiorum: ex cujus decocti residuo post etiã fieri cata-

plasma, ac deinde applicari.

Si succedat inflammationi epietis, oportet primò sedare dolorem hoc collyrio:

℞. Spicæ nardi drachmam, fo rosar. recēt. pugillum, malicorii drachm. ij. Coq. i aq. pluviæ ad uncias 4. in colat. dissol. opii scrup. i. Croci semisrup. F. Collyr. in quo tingantur lintea oculo applicanda. Poterit etiam imponi tale cataplasma:

℞. Fol. papaver. hyoscyamiatna manip. i. fol. oxalid. plantag. ana sesquimanip. rfar. rub. manip. i. Coq. in aq. com. & pistentur, ac trāmittantur, addendo myrrhæ drachm. ij. vitellum ovi F. cataplas.

Expressiones oculorum in æminis ex partibus doloribus sæpè contingentes, purgationes per locos muliebres solvunt; quare eas procurare oportet: interea oculi ligamine intro pellantur.

Hoc ipsum moliendum si per ictum, vomitum, strangulationem venit affectus: videlicet reponendus est obligatione vel manu oculis leviter comprimendo: & repolito nonnihil oculo applicandum est linteam imbutum aq. rosar. plantagin. & albo ovi tepidum; ac sæpè id renovandum.

In resolutione oculi, si æger sit benè habitus, vena cubiti secetur: alvus per clysterem eluatur: deinde corpus purgatorio medicamento evacuetur: cucurbitula occipitio affigatur: pituita per os ducatur: reliquæque fiant, quæ in paralyti commendantur, præcipuè in tortura oris vocata.

De Hippo.

Hippòs, ut habet Auctor *Defin. Med.* est affectio insita & naturalis oculorum, per quam nunquam illi conquiescunt, sed tremulè semper moventur, semper instabiles. Hanc affectionem Galenus *com. 1. progn. comparat* stridori dentium naturali & congenito. Meminit etiam ejus *com. 2. prorrhet.*

Pars affecta non sunt palpebræ, ut censent recentiores Medici, sed ipsi oculi, vel potius musculi oculares; quibus tremantibus necesse est tremere oculos. Auctor *Finit. Med.* dicit esse affectionem musculi basin oculi comprehendentis. Quod in brutis verum esse possit, non in homine, ut jam scitur.

Idem Auctor scribit Hippocratem id nomen indidisse. Ubi loci nescio. Fortassis in libris à nobis desideratis. Hippocrati tamen taliter instabiles oculi ex morbo in *prognost.* ὀφθαλμοὶ ἐναισθημένοι ut Galenus explicat in *comment.*

Adnotat in Praxi sua Riolanus pater hippon in pupilla non aliter excitari, quàm in bulbo oculi. Semelque se vidisse addit intra oculum palpitationem, quæ nullis remediis percurari potuit. Verisimile mihi fit in uvea tremulum eum motum fuisse. Quid enim aliud in oculo sensibilibiter contremiscat?

Velim hic obiter notari Plinii vel oscitantiam vel imperitiam in intelligendo Philarcho; qui cum in Ponto proderet Thibiorum genus, multosque alios ejusdem nature, quorum notas tradit in altero oculo geminam pupillam, in altero hippon. Hæc Plinius *lib. 7. cap. 2.* interpretatur equi effigiem. Malè: cum Philarchus intellexerit ingentiam illam oculi affectionem, quæ instabilis & tremulus assiduo motu concutitur.

Doctissimus Casp. Hofmannus in quadam sua ad me epistola inquit ὕπνιον oculorum esse somnium: atque esse ὑπνὸν δὲ ἔστιν unde etiam pharmacum ἵππότημον. Audenter nimis veteres contemnens. Quid igitur Galeno; quid Auctore finitionum Med. quid Plinio faciemus? quos somniasse dicere abs ratione, merum somnium est. ὕπνιον autem, si quis id scire aveat, idem est ac premo: ὑπὸ pressu. At quid hæc cum saltu oculi atque irrequieto motu?

Saltatoria hæc affectio quia insita ac naturalis, curationem non recipit.

Hactenus Clarissimus Plempius de Affectionibus Oculorum omnibus: sequuntur jam Curationes alia particulares à variis petita Autoribus.

De oculorum Affectibus hæc reperiuntur, apud Clariss. Anton. Nuckis in su, Experimentis Chirurgicis; ac primò,

De Strabismo.

Oculorum musculis paralyti seu convulsione laborantibus, vel nimium relaxatis, vel consuetudine contortis, antagoniste magis contrahuntur vel extenduntur, oculusque versus unum aut alterum latus deflectit. Si enim musculus oculum adducens affectus, tum nasum seu canthum majorem, si abducens canthum minorem respicit.

Primum nati infantes præ reliquis hoc malo afficiuntur, quod illorum musculi admodum tenelli à leviore causa affici possint; Imò in cunis jacentes solâ lucis pertinaci aspectione (potissimum visio oblique si fiat versus candelam ardentem vel lucidas fenestras) Strabismus incurrere experientia constat. Non rarò ab inopinato terrore, fulgure, frequentius autem à convulsionibus Epilepticis infantibus supervenientibus, hoc malum ortum duxisse, compertum est.

Summè itaque necessarium erit, matres ita componant cunas, ut candelam ardentem, aliâve lucem oblique aspicere infantes non possint; Si verò oculus quodammodo jam distortus sit, contrarium priori situm componere convenit, ut oculus affectus sensim motui naturali iterum assuescat.

Ubi distortio versus nares observatur, nonnulli foccos chremesino colore tinctos angulo externo apponunt, ut hos continuò respicientes oculi pristino statui restituantur.

His verò incassum tentatis, larva duobus foraminibus oculorum regioni oppositis prædita, faciei superimponenda, ut ita infans per dicta foramina lucem intueri necesse habens, oculos in linea recta objecta aspicere iterum erudiat. Cujus larvæ delineationem. Vid. apud *Schultetum*. (seu potius in hoc ipso opere sub titulò Instrumenta Chirurgica)

Si verò Oculi distortio ab humore acriori alterum ex musculis vellicante & contrahente ortum duxerit, cataplasma ex lacte cum pane biscocto & croci tantillò paratum, calidè oculo applicandum, quod acrimoniam temperando sæpius levamen attulit.

Si ex paralyti malum oriatur, Antiparalytica conducunt. Sic Fofus quos salv. Aneth. Beton. Hyperic. Rut. &c. ingrediuntur magnæ sæpius sunt efficacia.

Hæc autem speciatim locum habent in primùm natis, infantibus & pueris: In adultis enim partium tubulis durioribus, fibrillisque crassia, rigidis & inflexilibus gaudentibus, inemendabile ferè malum Strabismus esse solet.

De Oculi Symphysi.

Superiores palpebræ cum inferioribus nonnunquam ita connascuntur, ut eas aperire planè nequeat patiens. Quo in casu ope lanceolæ portio earum prudenter separanda, reliquumque forfice (cujus altera extremitas cuspidè obrusâ aut quodammodo rotundâ prædita est) incidendum. Factâ incisione Collyrium ex cicatrificibus & leniter astringentibus adhibendum: Externè videlicet ex *Album. ovi. Alum. & Aq. Rosar.* Intra palpebras autem Collyr. ex *Aq. Plant. cum Tut. præparat.*

Coalescente verò palpebræ interiori superficie cum ipso oculi bulbo, videndum, an illa cohesio latè se extendat. Quod si tanta non sit, Emplastro glutino lo palpebra aperta tenenda, & forfice tenuiori vel lanceolâ subtiliori prudenter separanda erit.

Post separationem Collyri in præscriptum convenit cicatrixque introducenda; quod tamen non semper succedit, sed nova nonnunquam subsequitur adhesio; Tum verò præstat laminam ex pergamina cum *Tinctura astringenti* vel *Vino Tint* coctâ, ad convexam oculi superficiem efformatam, parti separatæ interponere. Singulis verò diebus hæc interpolita lamina renovanda, novaque in prioris locum substituenda, donec tandem ad cicatricem vulnus perducatur, admoto externè leniter astringenti collyrio.

De Oculi Cicatrice albicante.

Cornea Oculi tunica pellucida, non rarò deformis redditur maculâ quâdam albicante, ingratum ipsi colorem inducenti. Hæc Iridem sæpius regit sine notabili tamen incommodo. Aliquando ipsam pupillam adeò obnubilat, ut radiis ab objectis versus oculum tendentibus ingressus denegetur, patiensque magnum ita patiatur visus impedimentum.

Malum si altas nondum egerit radices, conveniunt Collyria de acredine parumper participantia, v. g.

℞. Aq. Fenic. Euphrag. aa. ℥iv. Tut. præpar. ʒj. Vitriol. alb. ʒij.

M. & leni ignis calore coquantur parum, Calaturæ guttâ unâ aut alterâ bis terve de die oculus irroretur. Si verò adfuerit inflammatio; Colaturæ possunt addi *Ceph. gr. xv.*

Cæterum egregius est pulvis aliquis scaber, quò non rarò maculæ hujus superficies abraditur atque consumitur, e. g.

℞. Bol. Armen. (vel potius Tut. ppar.) ʒj. Pulv. Off. Sepia. ʒb. Sach. Cant. alb. ʒj.

M. F. Pulv. subtilissimus ter de die oculo inflandus.

De Oculo Artificiali.

Variolæ, Morbilli, Inflammationes; Vulnera, Ulcera &c. aliquando adeo malè afficiunt oculum, ut vel visum destruant, vel oculum exedant atque consumant, vel turpi cicatrice deformem reddant.

Quoniam verò irreparabile hoc malum est, artis Chirurgiæ Cultores Artificialem Oculum sibi fabricari curarunt, qui nihil aliud est, præter Hæmisphærium aliquod ex vitro confectum, atque ita coloratum, ut cum oculi facie externâ planè conveniat.

Ex lamina quoque argentea aureâve excavatâ & vitreâ crustâ (quam Nostrates *amilleersel* vocant) obductâ, oculi colorem superficiemque emulante, componitur, atque infra palpebras oculi affecti capsula illâ artificialis, ac si oculus sanus esset, movetur.

Longè tamen præferimus Hæmisphæria illa ex vitro confecta; quod splendorem suum rectius servant, quam hæ capsulæ vitro obductæ, faciliè colorem suum ab humore, oculum irrotante, mutant.

Hoc autem ut felicius peragatur; ante applicationem Oculi Artificialis, applicetur prius lamina quædam plumbea, eodem modo excavata, quam per bidduum aut triduum gestat patiens, ut ita malè constitutus oculus ejusmodi capsulæ vel vitreæ, vel aureæ deinceps applicandæ; sensim assuescat.

De Hordeolo & Grandine.

In palpebrâ superiori concrevit aliquando tuberculum rotundum & pellucidum, mobile simul, atque digiti pref-

pressuræ cedens Græcis χαλαζιον vocatur; Latinis Grando.

Aliud ejusdem ferè naturæ tuberculum in palpebrarum margine piloso occurrit, *Hordeolum*, ob hordei grani similitudinem, nuncupatum.

Sæpe in Abscessum abeunt, & spontè ruimpuntur. Quod si non contingat, acis beneficio capitulum albicans aperiendum, & materiâ intus collectâ expressâ, Emplastrum Cicatricans imponendum.

Ubi ex pedunculo pendulum conspicitur tuber, ligatura ipsi erit injicienda, quæ quotidie arctius constricta tuberculum tandem separare valet.

Durius quandoque occurrens tuberculum, pulticulâ sequenti ad maturatiōnem perducendum.

℞. *Medull. pan. alb.* ℥i℥. *Croc.* ℥ss. *Vitell. Ovi N.* j. *Lact. Vaccin. q. s.* M. F. Cataplasma, quod duobus linteaminibus Cambricenisibus impositum applicetur.

Factâ suppuratione procedendum ut supra.

Si acrior fuerit materia, ab eaque palpebræ superfices cartilaginea corrofa appareat, abrasa prius superfice lætâ, imponatur *Alb. Ov.* cum *Melle Rosac.* permixtum.

Tractionem fili, in modum setacci, utpote nimis molestant & eventus dubii, quicquid alii contradicant, non approbamus.

Si in interna palpebræ parte, oculum tangente, Hydatides exigue, aliave tubercula conspiciantur, illa maturè aperienda, hisque *Alb. Ov. conquassat.* cum *Aq. Rosar.* applicandum, cavendumque, ne palpebrâ cum oculi tunica concreascit.

De Hypopyo sive Oculo purulento.

Afficitur aliquando Oculus quamvis rariùs, affectu quodam, quem Græci ὑπώπιον, Latini *Saniem in Oculo* vocant. Est autem nihil aliud, quàm collectio materiæ purulentæ mobilis, in ipso oculi bulbo conspicuâ, quæ subinde pupillam occupando, lucis radios excludit visumque destruit.

Causam agnoscit vel Externam, vel Internam.

Externè oriri potest à Casu, Ictu, Contusione, Vexatione; Vehementioribusque quibusvis exercitiis, quibus vasculum aliquod sanguineum, tunicæ Uvæ læsum, sanguinem sub forma sanguinis effundit, qui brevi temporis intervallo materiæ purulentæ faciem assumens, huic malo viam sternit.

Cui quoque obstetricari possunt Ductus nostri Aquosi solirò patentiores redditi, varias unâ cum aqueo humore particulas crassiores, à reliquo sanguine divortium facientes transmittendo, quæ in oculi bulbo coeuntes, materiam purulentam representare videntur.

Internè verò non semel Hypopyum portendit, gravis Dolor capitis diu perdurans, continuoque excrucians, à corrosivo & acri sanguine ortum trahens, qui dicta vasculâ lædendo, materiamque ejusdem indolis in oculi bulbum exspuendo, fores ipsi pandit.

Inter medicamenta externa commendamus sequens, vel huic simile Collyrium:

℞. *Aq. Rosar. Fenic. aa.* ℥ij. *Tut. prepar.* ℥ss. *Antimon. Diaph.* ℥j. *Tinctur. Croc.* ℥j. *Aq. Regin. Hungar.* ℥ss. M. F. Collyrium ter quaterve de die calidè adhibendum.

Eo namque aliquando, materiâ purulentâ incisâ & attenuatâ, pristinis oculis vigor iterum conciliatur.

Materiâ verò in oculi bulbo herente nimis crassâ, nullisque medicamentis tam externis quàm internis auscultante, sunt qui patientis caput tandiu motitare solent, donec ipsa materia loco mota, in varias abeat particulas, externis deinceps medicamentis discutendas.

Verum enim verò Methodum illam patienti nimis molestant planè improbamus, cum tam arctè inter se coherentes particule hoc modo à vinculis suis liberari nequeant.

Præstat itaque instrumento, huic usui convenienti, tunicam Corneam secundum fibrarum ductum extra tridem, simul & semel pertundere, ut materiæ ibidem collectæ pateat exitus. Si verò non sufficienter prodeat, oculi bulbus parumper comprimendus, mox fibris sese jam contrahentibus sequens Collyrium admoventum.

℞. *Aq. Plantag. Rosar. aa.* ℥vj. *Sief. albi* ℥j. *Sem. Cydon.* ℥ij. M. F. Collyrium. Quo solo post factam incisionem curatio nonnunquam absolvitur.

Quod si vulnusculum inflictum difficiliùs consolidetur, *Aqua Plantag. cum Album. Ov. conquass.* & *tantillo. Croci* applicandum.

Si verò cicatrix oculi superficiem deformem reddat.

℞. *Aq. Plantag.* ℥ij. *Tut. prepar.* ℥ij. *Lap. Calam.* ℥j. *Sach. Cant. alb.* ℥i℥.

M. F. Collyrium bis tervè quotidie adhibendum.

De Oculo Purulento. Item de ejusdem oculi Procliventiâ hæc habet Clariss. Godefridus Bidloo in exercitationibus Anatomico-Chirurgicis.

De Oculo Purulento.

Ut de Oculo Purulento (*Hypopyo*) cujus variæ statuuntur species & denominationes, respicientes propriam, vel comparativam vocum ὑπὸ & πυον significationem, distinctè meam aperiā nentem, subjiciam primò hunc affectum distinctum ab sic dictis suis speciebus; examini sedulo, nec cum aliis & inferiùs describendis ejusdem tituli morbis, ut plurimùm solet, confundatur.

Oculus Purulentus est liquoris oculi lymphatici, ab causa interiore, infra membranas bulbum constituentes in pus mutati, collectio; apparens per corneam, nunc cum magna, nunc cum parva hujus; imò & vicinarum membranarum in totum, vel ex parte, protuberantia; quæ, si pedetentim sensimque ceperit incrementum, inrensi non est; si verò citò emerferit, intensissimi doloris: cui accedunt in primo casu, visus obfuscatio, in secundo, visus abolitio, externarum oculi partium inflammatio & intumescencia, quarum comites febres totaque earum molestissima & fida turba. Hic morbus curatur nunquam sine visus abolitione, ut mecum ratione docuit, mea ab multo tempore praxis & singularis hujus morbi observatio: pus etenim vulneribus partibus oculi vicinis inflictis aliisque morbis agitata, in oculi bulbum posse effundi, verum est; non autem verum est, inde *oculum* (ad titulum) *Purulentum* confici; sed an & quousque, respectu visus, hæc symptomata sint curabilia? docebitur inferiùs.

Completo huic morbo, qui dissipantibus; aut maturantibus in-vel externè adhibendis, resistere mederi que conantur; accizare & olerum additamenta apponere mihi videntur; dissipari, aut fugari cum pus nequeat ipsaque maturatio partibus interioribus tenerrimis devastationem ipsique morbo morbum superaddat novum, priore nocivorem; in Chirurgiam itaque mementi sit refugium?

Et si verò ab multis pertundendi corneam, hoc aliisque in casibus habeas methodum, sine tamen (*lect. Chirurgo-philo*) uti eam, secundum me, te doceam & tu videbis, eamne correxerim eique utilitatis aliquid adjecerim? vel non.

Ægro firmum occupanti sedile, luci exposito. fasciâ pulvilloque oculo ab morbo non infestato, obvelato, affecti verò bulbo, Chirurghi digitis, vel speculo confirmato derentisque ægri manibus, pertundatur tumor parte circuli iridis inferiore fiatque, per adnatam scleroticamque ad- & per corneæ limbum apertura: Instrumentum, quo, sit scalpellus (de alia quadam scalpelli figura mox) in formam rostri passeris acuminatus: de internarum quippe partium conservatione, hoc in casu, inutilis est sollicitudo, utpote jam nunc perditarum dispositione & usu. Motu; sed leniore, quàm est possibile, omne pus & peccans latex eliciendus est, quod sanè in aperiendis omnibus tumoribus idem non obtinet. Moneo vulnus per limbum corneæ tantùm esse infligendum & non ulterius estque mihi hujus asserti suaviorum hoc argumentum, primò; hinc hoc modo vulnus satis, secundò; pellucientiore melectro corneam, hac methodo, ab fœda liberari cicatrice & quasdam pristinæ diaphaneitatis postea conservare reliquias: nam lens crystallina & ipse liquor vitreus hoc in morbo quidem vera destituuntur dispositione & sic vero usu; sed tamen sæpius non liquefunt bulbumque oculi tenent distentum; quòd si verò in liquorem solvantur, unà cum pure per vulnus eliminari possunt. Medicamenta afflicte parti adhibenda aliaque hoc thema spectantia, prostant in sequenti observatione.

Multos jam ab hinc ante annos, duxit me Vir quondam Consularis J. SIX. artium nobiliorum antistes, Amstelædani in fossam (vulgo) *de Geldersche haap*, ad ænopolam; cujus decem annorum filius ex hypopyone laborabat insigni. Ex parentum relatu accipiens, infensissimos post totius exterioris oculi dolores inflammationesque, cecidisse puerum in bulbi intumesceniam deque die in diem augmentum capientem protuberantiam, cum visus primò obfuscatione & postea abolitione, fuisse ei sectam venam, alvum solutam atque cataplasmata varia in oculum adhibita: intelligebam deinde ab Chirurgo, me monitore, advocato, ea fuisse de maturantium genere, ut pote *ex radicibus liliorum* quas cum multis, calidas credebat, *unguento Basilic. far. lin. fruct. sic.* &c. composita; apta, nempe, nata, qui in oculo latitabat, tumorem ad maturitatem promoveret. Æger qui decimo die ante cataplasmatibus hujus applicationem, acūs apicem ab ejus capite discernebat, jam corneam albescentem intus, pupillæ vestigium nullum atque visus ne specimen quidem obtinebat, eminente, de ossea orbita, toto oculi bulbo & prolapsum minante horrenter: vociferante, instar furiosi, ægro, parentibus renunciavi visus conservandi, recuperandive nullam spem superesse, versari imò egrum in vitæ discrimine, ni illico pertunderetur oculus. Operationi obstabat Chirurgus,ürgens & instans apud præsentem; esse temporis committendam aperturam, quasi tenera pars corporis, oculus, non admitteret ferrum; cui ego, egisse eum maturationem promoveendo pessimè scarabeumque vocavi aquilæ obstetricantem. Consentientibus, secundo die; parentibus pertusionem, præmonui eos, esse mihi tantùm in animo, puero vitam & ejus oculo conservare formam; non verò visionis munus, ut pote desperatum; claudi quippe palpebris jam nullo modo ab aliquot diebus poterat; dictum, factum, methodo quâ, monui supra: de vulnere parti inflicto ruebant mox pus, lema, limpida materia, membranularum striæ ac sanguinis aliquid. Toti injeci oculo, quod sequitur, medicamen;

℞. *Medulla pomorum putresc.* ʒij. *Croci Brit.* ʒj. *Laud. opiat.* gr. v. *Aq. hordei & mic. panis albi q.s.* pro Cataplasmate, Inter lintheamina tepidè oculo adhibendo.

Uno hoc die ter oculum inspexi, nequaquam neglecto Cataplasmare prædicto; ter oculo leviter compres-

so & pure ab eo expulso omni, inspersi lactis (sic dicti) virginei tepidum cum lintheis & pulvillis laticem cujus formula hæc est;

℞. *Aceti acidiss.* lib. i. *Concoquat.* cum ʒiv. *Litharg. aur. Colat.* adde *Rad. Rub. Tinct.* ʒij. *Sacchar. Saturni* ʒj. *Caphura gr.* v. *Ebulliant leniter per horæ quadrantem, filtrent. Colatura conservetur in usum.*

Vesperascente, dolore sedato, altissima ægro beato quiete & iterata sæpius ea nocte medicamenti adhibitione, experiebar, in ipsius diei diluculo, rerum faciem felicissimè mutatam: continuo itaque medicationem usque ad insequentem vesperam, quâ cum, qui clamoribus contristaverat totam familiam, subrisu & blandimentis eam exhilarate totam, gaudebam. Doloris expertem egrum oculumque ejus de horâ in horam in orbitam recedentem, cum viderent parentes, nescio, quæ non fausta, de visus recuperatione ominabantur, omni verò expulso pure ulcerofoque consolidato vulnere, prognosin meam probavit eventus: amisso namque omni visu, oculo abfuit deformitas: nisi quod per corneam subluridam interioris suppellestilis (puta) iridis quedam & ligamenti ciliaris, non verò ipsius visus, vel minimè quidem apparerent reliquæ. Observatum ultimò volo, hac in curatione genis excoriationem, vulnere excrecentiam ejusque labiis indurationem nullam, cicatricem insuper planè lævigatam; Chirurgo verò famæ fuisse & mansisse fœdum stigma inscitie & gravem imprudentiæ cicatricem.

Purulentus itaque *Oculus*, ut suprâ descriptus; etsi curetur nunquam sine visus abolitione, pertundendus tamen est tempestivè, in totius hominis & partium internarum qualemcumque conservationem: febre enim aliàs & vigiliis emaciantur ægri protuberante oculi bulbo & in prolapsum tendente; festinanda, inquam, pertusio & ultima mox expectiri ratum; ut omni amisso usu, ad minimùm faciei decor conservetur vitenturque, quæ semper aliàs sequuntur, ulcera, stillicidia lacrimarum & liquorum, bulbi flaccescentia, vicinarum partium excoriatio, ex quibus omnibus dolorosa & tabifica vita tandemque mors: ut in publicano, pertusionem non permittente, cum Clariss: Chirurgo *Al: Cypriano* expertus sum *Amstelædani*.

Hoc de *Oculo Purulento*, cujus sub specie veniunt primò; tumores purulenti purisque collectiones inter corneæ tunica lamellas: secundò; puris purulentaque materie collectiones ab læsis partibus vicinis, puta inflammationis, vulneratis, ulceratis, &c. multo tumentibus, pure, in oculi bulbum, temporis tractu, effusa.

Horum morborum hujusque puris in oculi bulbo collectionis diversa cum sit causa, locus, sive pars primò affecta, curatio & finis ab præfato morbo, autumo hosce morbos esse habendos pro morbis alterius & sui generis, atque hoc respectu pus in oculi bulbo collectum non esse nisi symptoma: oportet enim ut verbis utamur intelligibilibus & res proximè designantibus; si quoque partium affectus, cum sibi vicinis partibus commercium habentes in eas ruunt & lædunt; postea verò ab primarum propriis affectibus, nomine non distinguantur, unus sine alio distinctè describi, aut percipi non poterit & ipse Delius natator ne per conjecturam quidem morbi alicujus typum, historiam, aut rei assequetur statum: ut hæc omnia explicatius edoceam, agam primò; *de tumore inter corneæ tunica lamellas oriundo*.

Hujus tumoris purulenti, vel saniosi descriptio traditur, ut alios taceam, confusè ab *J. V. Meerkeren*: in principio enim *Purulentum oculum*, ut *Solinguus* piofiri & postea, ut ille idem *Hypopyonem*, describit; sed præstat meliora docere, quàm perperam docta recitare & carpere.

Qui inter lamellas membranæ corneæ oritur (de arteriarum, venarum nervorumque propriis tumori-

bus nihil commemoro) duplicis est generis; videlicet, ab effuso sanguine, vel extravasata & stagnante lymphâ; primus nunquam, altera semper in pus degenerat; inde primus tumor ex subrubro livescente; secundus albescente de die in diem magis colore, dignoscitur, utroque agnoscente causam in vel externam: puta dictorum liquidorum, ab statu naturali, mutationem, vel vasorum lacerationem, rupturam &c. uterque extus propullulans; quinimò etsi maximus, modò hujus generis tumor sit, magno sine visus detrimento, curatur; si curatio ad normam instituitur: hi, ut opinor, sunt illi oculi purulenti, quos cum *Pareo* & aliis, se, salva visione, curavisse neotericorum referunt quidam. Quod si tumores hi interius rumpantur contentamque materiam in oculi bulbum evomant, visum primò supprimunt, deinde vestigia suæ læsionis post se relinquunt majora, aut minora, pro materiæ copia, sanguine, nempe, aut pure eorumque tempore, ab quo fuerunt retenta in bulbo, pro symptomatibus &c.

Hoc in affectu conveniunt mox ab initio venæsectiones, cucurbitularum impositiones earumque pertusiones, medicamenta dissipantia, alvi laxationes &c. et si exterius emineat tumor livescatque ex albo, pro quibusdam solummodò horis, maturantia; si verò extus, intra biduum suapte distentione & vi non erumpat collectum liquidum, pus, saniesve, moneo te, Chirurgophile, properes; ne seriùs absolvas, ad tumoris per scalpellum apertionem; ne interiora perdantur, aut uveæ membranæ postea sequatur procidentia; cornea extus quasi illæsa; sed heus! audi, cujus oporteat sit figuræ scalpellus quaque methodo tumori intrudendus; arcum, vel hominis linguam exprimat, sitque anterior pars solummodò acuta; latera verò obtusa: ita enim ulteriùs, quàm velis, non ruet; ne autem una, verùm iterata incisione, per & in eundem sulcum, tumorem perfores observetque; si possibile sit, quæ jam in *Oculo Purulento*, de eligendo loco pertusionis & eliciendo pure commendavi.

Imprudens porrò mihi videtur, completissimam, ut ajunt, moliti & expectare tumoris maturitatem: neque id solum hoc in tumorum; sed verò & in multorum aliorum genere vitandum, sustineo: optimo etenim cum successu tumores pertusi, præsertim urgente dolore, antequam undans me apertionem monere videretur contentus in tumore latex; ipso imò in tumore œdematoso id peragere vereor minimè; firmissimis hoc adstruerem dogma argumentis experientiaque multiplici, brevitati si non studerem, superfedeo insuper iis hoc in scripto; ut ventilationi relinquantur nascaturque opportunitas.

Quæ ex hoc tumore (curabili, nempe, sine ullo, saltè magno visus detrimento) elicitur puris quantitas, adeo exigua est; ut guttas sex, octo, pondusve dimidii scrupuli vix superet: quod si majore adfuerit copia, majori afficietur visio noxa. Hujus exemplum si desideres (lect. beniv.) en habe:

Juveni robustissimo ætatis xxii. ann. dolore correpto insensissimo ex protuberante in punctum & albescente sub cornea distentaque adnata (re in antecessum agitata & perpensa cum Clariss. quondam Amstelædamensibus Medicis, *Meub. Slado* & *Sam. Apostolio*) pertusi obliquè ab nasi regione, corneæ extimam partem: vulnere inflictò, mirabamur effluentis materiæ paucitatem: puris enim puri, puti arduum erat, vel unam guttulam exhibere, ei quoniam admixtus erat humor viscidus subruber ad guttas 5. aut 6. quem speravimus, obtinuimus tamen effectum, subsidente, videlicet, mox protuberantia, cedentibus medicamentis topicis anodynisque cum dolore, febre, vigiliisque. *albumen ovor. cum alum. crud. conquass. solut. opii*

& *mucag. per express. color. flor. melilot. in ag. fanic. in initio*, nobis usui veniebant probè.

Vulnusculum per aliquot septimanas, madebat, stillante ex eo, nunc aqueo plus minusve rubro, nunc verò glutinoso liquore, donec *fortu ex vino rubr. gall. aust. & Rad. rub. Tind.* iste fluxus sisteretur, tandemque ei cicatrix induceretur sequenti medicamento; *℞. sacc. satur. 3℔. sirof. alb. ʒj. liq. Tartar. 3℔. m.* evaderetque æger curatus perfectè.

Tumorem hunc materiæ agitatione & motu potius ejus intestino, quàm copiâ, dolorem huic gravem excitavisse, pro explorato habuimus omnes: paucis quippe diebus ortum & complementum acceperat.

Etsi porrò, secundum quosdam, *Hydrophthalmia*, *Hyposphagma* eorumque symptomata; quinimò *Tunica Corneæ livescens turbidula*, species *Oculi purulenti* dicantur, ab eorum tamen descriptione me abstinebo, egredi, ne quos mihi proposui terminos, videar. Cum autem *Sugillatio* (meritò verumtamen echymosi adnumeranda) unâ cum adjacentibus ipsam sæpè sæpius infestet corneam, ejus curandi brevem methodum huic annectere dissertationi utile erit, facietque ad propositum meum aliquid; utpote in cujus festinatione, quemadmodum in *Oculo Purulento*, omnis situs est curationis successus.

Sugillationi, lividini ab exteriori percussione oculo suborienti, præscribenda adhibendaque actutum sunt remedia: hoc enim ni fiat; coagulante, nempe, sanguine & liquoribus extravasatis, compressis, contusis, collapsis, frigescentibusque vasis vix postea resolvendis, restaurandis, fœda usque in ultimum quandoque vitæ terminam, nigredine partes consperguntur exteriores ipsaque visus acies, non sine totius visus periculo, obtunditur: quid in hoc morbo præstandum Medico Chirurgo collige (Lect. Beniv.) ex sequenti narratione.

In prædio *Loënsi* ab regio ostiario, mensarum præfecto, pugno percussus illicò intumescebat, oculus, laborans brevi ex *Sugillatione* ingenti: postero die (ita enim solet inter aulicos) lautissimo prostans æger cachinnantibus argumento: præ cæteris enim hic morbus cum infortunio homines ridiculos facit & contumeliis exponit, deserebatur ab ipsis Chirurgis, qui potius hoc malum riderent, quàm ei medicarentur: coactus porrò fœdissimum coram Rege abscondere vultum & aliis se ulteriùs obtrudere averfans, ibat ad me, qui, quod sequitur, ei præparabam medicamentum;

℞. *Rad. ir. flor. recent. ʒiij. cepar. contus. ʒj. f. in lint. nod. 4. injiciendi & macerandi in spir. vin. & ad partem affect. sæpè sæpius adhibendi calidè.* est & aliud epith. cujus virtutem non semel expertus sum hoc in morbo.

℞. *sterc. columb. contriti in pulv. ʒij. croc. Britt. ʒj. sal. volat. gutt. vi. F. ut supra, noduli.*

Qui post aures *cantharides*, aut aliud vesicantium genus nuchæ injecerit, vitium omissionis facilè fugerit.

Primo hocce remedio intra biduum oculo totique faciei (ipsæ etenim genæ cum palpebris ad nigredinem livescbant) colorem restitui naturalem, eum quidem in modum; ut vel petulantissimus pedissequorum, quod rideret, non inveniret.

Crustâ regi occultarique *cerussa, cretà, bolo & albumine ovi* posse *Sugillationem*, lippis totamque faciem colore hoc modo mutari ab naturali, comico-rum principi jam olim notissimum novimus. *Salis volatilis*, cum spiritu vini mixti penicilloque *sugillationi tenuiter inspersi*, stupendum planè effectum atque successum expertus nuperrimè est juvenis fustibus pessimè exceptus & ante aliquot annos, amici alicujus mei ex equo lapsus, stabularius.

Quod si mox ab principio sugillationi non occurratur, ipsius curatio quandoque est difficillima; ut meo periculo didici in homine Baccho pleno, cui genæ, buccæ, verbo, tota ferè facies inflata nigrescebat: dormiverat enim ea nocte, quâ ceciderat, aut alio forsitan infortunio malè esset exceptus, in platea; tertio die ad eum vocatus, videbam hominem febre correptum trementemque spasmodica agitatione, toto corpore; venam itaque secandam iudicavi; postea levi adhibito sudorifero sequens toti faciei injeci fomentum.

R. *Herb. bisnalu. m. ij. flor. melilot. m. j. sem. fœnic. 3ß. incid. concoq. in lacte dulci, exprim. applic. cum panno molliore, cavendo, ne post crebram applicationem, partes frigescant.*

Repetito sæpius hocce medicamento & depulsa ex parte nigredine; corrugatis verò hîc & alibi, cum palpebris genis, inspersi eis, quod in fine hujus dissertationis extat *ex liquore tartari* &c. medicamentum: hisce etsi de tempore in tempus faciei reveniret color ex luteo albus; naturalis tamen in integrum restitutus est nunquam; relictis cûi ex sugillatione multis maculis istoque colore, quo Javani tinguntur: in curanda sugillatione itaque actutum ad omnia simul accurrendum; excipio autem applicationes viventium dissectarum columbarum & similium animalium, in nucham, quas ullo sine commodo, adstipulatione & commendatione potius quorundam scriptorum, quam secundum rationem & experientiam, fieri sustineo. De dolorem sedantium familiâ *lac muliebre*, *opium in aq. fœnic. dissol. mucilag. seminum cydon psyllii, portulac.* rejicienda sunt minimè: suffitu & vapore herbarum fragrantium & sale refertarum volatili, dissipari concretos cum sanguine humores dissolvique in faciei superficie in sudores & liquamina, hausto interea *Theæ*, vel ejusdem virtutis portione, compertissimum est, internè adhibenda remedia de leniter sudorem promoventium & malacticatorum oportet sint classe; constipata si agro alvus, hoc modo purganda: plura ad hanc normam præscribi etsi possint; te autem (lect. beniv.) multorum remedium farragine non obrutum; sed verò, selectis quibudam, instructum volui, externè olea unguentaque pinguique, de cætu remedium, hoc in affectu, rejicienda, dictum est dudum.

Faciei ultimò decori, qui post curatam sugillationem studeat (& studeat oportet) inspiciat discatque ex *Clar Wekkeri Antidotar. general. titul. de unguent. faciem ornantib.* varias in hunc scopum collineantes præscriptiones.

De Oculi Prolapsu.

Sub hoc Titulo; etsi variæ describantur oculorum protuberantiæ, ego *Ectropium*, *Proptosis*, *procidentiâ* oculique resolutionem excedentiâque, differre inter sese, cum aliis didici dudum: eò enim venit quorundam incuria; ut *Stamphylomatis* species; imò & *Chemosis*, hoc ad genus & hunc ad morbi titulum referant.

Oculi *Proptosis*; *Procidentiâ*; de qua mihi impræsentiarum sermo erit, illa est, quâ totus oculi Bulbus cum annexis musculis, adipe & glandulis (quibus & sui sunt morbi speciales; deque quibus suo loco) extra osseam orbitam palpebrasque protuberat, propendit, eminet; quod fit cum, vel sine partium oculum constituentium visibili læsione & morbo, magnitudine excepta & distentione nimia, quæ, hoc sensu; morbus est. Secundò; cum, vel sine totius, notanda visus amissione: leve etenim quamvis in initio sit visui damnum; quædam, tamen semper & post inveteratum, nec curatum morbum major tandemque maxima visioni manet jactura. Est partibus singulis sua magnitudo, dispositio, quâ omnes sibi constant

& inter sese proportionem requisita ad usum, conveniunt, respondent; unde justâ major omnis earum exuberantiâ, morbus renuntianda; rarerer autem; si unquam, eousque, ut supra innui, oculus protuberat; quin & simul visum amittat.

Vidi, ante sex annos, *Londini*, virum robustum, cui ambò oculi, horrendum in modum protuberabant: quod ad ipsam partium dispositionem, illam genuinam observavi, præterquam quod ipsis pupilla majuscula, cæsius color & insolita esset cum duritie magnitudo; visu tamen utrumque destitutum omni expertus sum; inquirens in causam, accepi, inter luctandum ab adversario suo, irâ, gymnasticas, vel luctationis anglicanæ, leges excedente, pollices fuisse oculorum orbitis intrusos hominemque mox, nullò inflicto vulnere, dolore correptum summo, non medicis, non chirurgis; sed visu restitisse orbem oculosque magis magisque distendi atque protuberare, quandoque cum, quandoque sine dolore.

Totius oculi *Ectropismus*, vel *Protuberantiâ* curabilis, illa est, quam potius musculorum relaxationem dixerim: sive enim id vociferatione, partu difficili, respiratione impedita, vomitione aliave de causa fiat; sufficit manente visu, collegisse, ex partium dispositione, musculos tantum esse resolutos, distentos præter modum: ipse quippe oculus debitam servat magnitudinem palpebræque ad bulbi latera, vel inferius hemisphærium. Pristinum ut in locum hi prominentes reducantur oculi, imprimunt quidam suturæ coronali, aut temporum arteriis, cauterium; sed quo jure non capio, cum operatio hæc cum oculorum musculis, hoc in casu & respectu: de paralyti enim alia est ratio deque ea speciatim, commune habeat nihil. Tutius manus, tutius pulvilli, carptum, ligaturæ deprimentes, in auxilium, vocantur; quod si propter dolores inflammationesque medicamine opus videatur; audi quo ego usus sum feliciter.

Accersitus *Amstelædami*, in viam (vulgò *de Kerkstraat*) ad pauperculam (cujus nominis non recordor) difficillimo ex partu laborantem, exploratione & examine celebrato omni & prudenter, fœtum offendo mortuum matremque corpore obesiorum; ut me embryulciæ accingo, en! ventris tormina conatusque in partus summos; erumpunt unâ cum fœtu insignis umbilico hernia (exomphalos) & oculis protuberantiâ prima lævi manuum mearum compressioni; secunda verò cedens minimè, umbilico latam ex mantili ligaturam pulvillosque, sive compressulas; Oculis verò cum multiplici linteolo mox succum sedi major. *plantagin. ad 3 a ij. sacch. saturn. 3ß*; postea *ex cortice querno, rosis rubris & vino rubro gallico, decoctionem tepidè injicio*. Ægra hæc restituta in integrum ita fuit; ut sequenti anno, absque horum omnium symptomatum vestigio; fœtum peperit masculinum, vegetum.

Oculus totus quantus, visu amisso toto, immersum excrescens orbitamque excedens, cancer sive, sive ficus, suppuratio, putredo, aut sphacelus, cariesve ossis, in causâ sint, medicamentis curatum est difficillimum; multis in *Viriolum* & *præcipitatum album probe loium*, aliis in *mercurialiâ fortiterque adstringentiâ*, refugium est; Ego autem medicamentis, *Lapide præsertim infernali*; etsi moderatè usitato, inderi humalo non potui: sepositis quippe partibus incrustatis & in escharam deductis demortuisque, expullulantem denudò fungosam excrescentiam dolui semper; quapropter iteratis horum aliorumque medicamentorum applicationibus palliativam duntaxat curationem molitus sum. Corrodentium nihilo minus remedium postea optimum expertus sum, *Butyrum antimonii mixtum cum Tinct. croc. vel opii. Penicillo excrescentiæ & S. artem inspersum.*

Oculo ab humorum effluxu, extra orbitam distento tandemque crepante, cum cornea, uvea dimissioque cum pure, vel ichore, quidquid liquidi in ejus cavitate continetur, medela est in desiccantibus, *Pitriolum cypm. feces vin. rubr. vel. cori. lig. quer. flor. rosar. balauft. hysce conjunge Rad. tormentil. Terr. sigil. cretam.*

Partim conservatum partimque excisum, ex hoc morbo infectum oculum, memorie tradidere quidam: quod cum ab me factum, vel ab aliis tentatum nunquam viderim, velim rei & veritatis fides penes hoc scriptores sit;

Eti quibusdam vitum fuerit protuberanti, præfato modo, oculo, filum injicere, constringere atque ita putrescentem oculum de orbita avellere, aut ante putredinem forcipe & forfice apprehendere & abscindere, vel acucum trahere atque ita forfice extirpare; eg, tamen sapius & benè manu cultroque rem peracta n ab aliis, legi vidique, ut & ab me ipso & quidem primò ab

Marcello vander Maas, Chirurgo quondam *Amstelædami* celebri, qui viro nauclero, ætat. 38 ann. oculum sinist. um deformiter protuberantem, adeò ut digitis apprehendi removeriq palpebræ non possent commodè & fœtorem emittentem horrendum, excidit: ortum traxerat morbus hic ab tumore oculi interno, sanie impleto multa, protuberantem quem, prope encanthum majorem, scalpello post multas, sine fructu adhibitas medicationes, perforaverat quidam Chirurgus; sed puris nihil, saniei & ichoris verò fœtentis multo erumpente larice, suam agnoverat homo errorem memoratumque confugerat ad Virum, qui etiam plurimis usus mediis, præsertim *pastillis ex calce viva, sapone veneto & mercurio subl. mato*, irruente de die in diem & depascente partes internas externasque deformante, livore, fœtore & sphacelo, tandem omnia incassum adhiberi, persuasum sibi habere cogitur; cultello itaque manum applicat remque sequenti methodo, ad finem perducit optandum: altiusculo collocato in sedile, brachiisque ægro in terga devinctis, oculorumque obvoluto dextro, auxiliorum Chirurgorum unus; ut potest, cum frontis velamentis palpebram sursum detinet elevatam firmiter ipse chirurgus apprehenso detractoque toto de orbita tubere, excisionem, parte inferiore ab encantho majore ad minorem, incipit: deinde eadem methodo, parte superiore, cultro aliquantulum incurvato, apicis, nempe, respectu & manubrii, non verò semilunari, absolvit: verum non unâ alterâque; sed multiplici incisione, usus tandem forfice non semel. Exciso oculo, totum osseæ orbitæ cavum, capto, *albumine ovorum pulvereque consperso* implet *stiptico* obligans: & alterum oculum Nullam notandam hæmorrhagiam exulcerationes, putredinesve in nervi optici, vel aliarum partium velaminibus, nullas observavimus, ut & ne in tenerima, quidem ossa intrupisse cariam; quod autem significatu dignum, toto curationis intervallo, tanto nunquam fuisse agitatam dolore ægrum, quanto nuper unâ sæpius horulâ, conquestumque fuisse de eo, neque febre correptum graviore unquam. Adhibitis porò vulneribus hujus commatis adhibendis observatoque vitæ regimine peractisque, pro tempore peragendis, curatus extitit homo. Accino ego euge! benè! feliciter!

Ratio quare nervi optici motoriique læso hæc, graviora non pepeterit symptomata, hæc mihi videtur. 1. ipsi hi nervi, in causa morbi non fuerunt: nervorum quippe truncos benè constitutos vidi. 2. majores nervi, puta femoris, axillares, &c. obruncantur, amputantur, læduntur, sine graviorum symptomatum symmate: eorum enim truncatio proximè, sive ad exitum de ossibus capitis, vel vertebræ

libus &c. sive ab ipsis longius remota fiat, pro nervi magnitudine & aditu ad alias quoque partes, pendenda extat; cum nervus ubique locorum dispositione idem sit: periculum itaque non ab loro; sed nervi abscindendi, magnitudine & aditu ad alias quoque partes deducendum colligo stillantemque (post truncata membra) de ejus involucto, laticem partis restitantis & conservandæ, cum chylo, de arteriis accedente, medicamento esse balsamico.

Vivit, quondam præfectus militum pedestrium, nobilis vir, natione Gallus, cui, ab sola concussione capitis, ex magni tormenti explosione, uterque oculus visui orbus, extra orbitam, boum oculum instat, brevi postea protuberavit; Setaceis verò, venæ sectionibus multisque in usum vocatis medicationum formulis frustra diuque jam nunc, dolore percitus nullo, omni valedixit remedio, heroico ferens animo nobilioris sensus jacturam.

Ostendit mihi *Hage-Comitis*, 4. Septembris 1699. *L. Commenik, Med. Dodo. celeb. & A. Stuckery, famigeratiss. Chirurg.* spectatu horrendum oculi prolapsum, potiùs cum oculo excrecentem fungum, vel leciom excrecentiam, dextram totius faciei inferioris detradentem partem, ut adspectu; ita & fœtore vix tolerandam; negaverunt autem nobis parentes oculi excisionem, multis fatigati & incassum adhibitis remediis, eorumque sumptibus, cumque insuper, duodecim annorum puer tabidus, macilentus, dolore, vigiliis, febre lenta &c. confectus extaret, nemo notum hoc negotium valdè urgit moriebaturque miserrimè, sequenti anno, omnibus nominibus miser renuntiandus æger.

Feliciorem nacti sunt sortem Nobiliss. Vir *J. De Wilde*, Colleg. archithalassico, quod *Amstelædami* est, olim ab actis & *Brouwerius* mercator, adhucdum in vivis, quibus secundum artem excisus in totum oculus, ne vel aliquod quidem ulcus, fistula n, aut cariam post se reliquit.

Hysce aliisque exemplis ipsaque ratione duce, confirmatus, hanc operationem, cum *Joanne Rautenhof*, præpotentium D. D. Belgii fœderat. Chirurgo castrensi primario Ann. 1690. 24. Julii, in *Guiljelmo de Winkels*, milite in cohorte Nobiliss. ducis de *Heuvelom Bruxellis* institui: sinister oculus in prælio prope *Fleuvrus*, hastâ perforatus la eratque primò ab aliis *Caroloregiæ*, postea *Nivigella & Bruxellis* tandem ab nobis fuit tractatus & excisus, & probè curatus, orbitæq; osseæ excavatæ impositus è vit. o artificialis oculus: Nam eti inspector, vel moderator castrensium notocomiorum, ipsemet manum præbere ægris vulneratisque, ex mandatò Præpotentium D. D. Ordin. Fæder. Belgii, non teneret: hoc tamen similibusque in magni momenti casibus, rogatus eam miseris negavi nunquam.

Totum quandoque oculum fieri convertique in callum, legi apud alios; verum vidi nunquam: quinimò vereor, ne ipsius tunicæ adnatæ excrecentis durties, iis imposuerit: Eam enim excrecere immensum, & non rarò, & ex ungue, calli ad instar induvari, dictum jam nunc est suprà.

Curationes Joh. Harthmanni in aff. etibus oculorum.

Strabismus.

Strabismus recens (inyeteratus enim non curatur) in pueris (universalia pro humore peccante præmittuntur) corrigitur, si larva faciei applicatur foraminibus ad locum oculorum perforata, ut per ea radios visivos emittat patiens, et propter situm ipsorum radii

radii visivi ad genuinum oculorum situm reducendi conformentur: opus tamen est accurata diligentia, in hoc rectè perficiendo.

plicetur radix illa ad nucham alligando vel appendendo.

Paralysis oculi.

Paralysis oculi rarò occurrit sine resolutione aliarum partium: si tamen sola, vix curatur: & si cum reliquis partibus, ut in Hemiplexia, cura eadem instituitur, quæ in paralyti communi.

Visus imbecillitas & caligo.

Ad visûs imbecillitatem & caliginem, spiritusque visivos confortandos, cerebrum humoresque ipsius rectificandos, præmissis universalibus mirificè prodest Euphrasia dexte parata. Vulgò utuntur eadem in infuso vini, in quotidiano victu cibis admixtâ. Item in conservis, aliisque formulis. Præstat ipsius essentia Chymice extracta ad gr. 2. 3. 4. 5. Item Sal ejusdem crebris solutionibus & coagulationibus, præsertim, si cineres ab initio cum Sulphure ana calcinati fuerint sine igne, (h. e. ne fluat intigillo) ad summam puritatem deductum, & in usu salis mensario admixtum. Sic Euphrasie arcanum præstantissimum est in visû recuperando à gr. 2. ad 5. hinc verè *Argentrost*, dicitur.

Aqua quoque est efficax, quæ fit h. m.

℞. Fol. Euphrasie, Rutæ, Verbenæ, fœniculi an. M. j. Summit. rosismarini, salviæ. flor. ros. an. p. j. Bacc. juniperi ʒj. Cassiæ lignæ ʒß. Ligni Aloës ʒß. Sem. fœniculi ʒij. Sileris montani ʒj. Rutæ ʒß. Infunde c. vini Malvat. lbvj. macerentur per quindenam. postea destillentur. Hujus cochl. β. vel j. manè jejuno ventriculò sumptum visum eleganter confortat.

Externa est: aqua Ocularis cum Vitriolo albo confecta, h. m.

℞. Lapidis scissilis, *Schiferstein*, in frusta contusi lbß. Aquæ fontanæ claræ vel pluviae, quæ præstat, lbiv. Vitrioli albi ʒj. ad summum, vel ʒvi.

Coque ebulliendo in olla, & inter coquendum spumam diligenter remove ad casum 2. digitorum transversorum, postea per filtrum mitte, & vase benè clauso serva. Usus quotidianus est immittendo in oculum manè & vesperti guttas aliquot.

Ad externos usus it. in glaucomate mirificè commendatur aqua destillata ex fellibus piscium præsertim Lucii piscis. Vid. infra unguës, nebulae & pterygia oculorum.

Divulsio & ruptio pupillæ.

In divulsione & ruptione pupillæ, item corneæ omnium optima est aqua, quæ fit ex albumine ovorum. Item ex Cancris & Chelidonia, de quibus in notis ad Basilicam Crollii.

Carcinoma oculorum.

In carcinomate oculorum nihil melius est pulvere illo cuticularum ovi, à quibus pulli excluduntur, simpliciter insperso. Cætera fiant, ut in Cancro.

Epiphora.

In Epiphora vel Ophthalmia præstat Periapton ex radice malvæ simpl. (præmissò caputpurgio & aversionibus debitis.) Radix colligitur, quando Sol præcisè est in scorpio, effodiendo illam subtrus cum exortu solis, ita ut radix primùm denudetur ad latus fodiendo, postea planta tota subtrus eruatur. Ap-

Biblioth. Chirurg. Tom. III.

Ophthalmia.

In Ophthalmia mihi usitatum est applicare ad nucham, ceteris paribus, farinam Erucæ *Senffnehl* in sacculo interpassato & cum vino cocto repetitis vicibus eundem calidè è regione oculi patientis apponendo. Mirabiliter nimirum ab oculo versus nucham trahit, quod si vesicæ ab hac applicatione fuerint excitatæ, illæ aliquandiu servantur aut rumpantur, superimposito foliò brassicæ vel hederæ, postea cum mucilagine seminis cydoniorum in aqua plantaginis extracta, curantur. Oculus verò fovetur vel cum lacte muliebri, vel cum Sieff albo, seu opio in aqua rosarum dissoluto. Soleo subinde externè oculo applicare sacculum cum floribus Chamomillæ repletum.

In Ophthalmia & plerisque oculorum affectibus secreta est aqua ex floribus cæruleis de cichorio, quæ fit hoc modo. Collige flores Cichorii, quando sol leonis principium obtinet, recentes in vitrum inde, & illud replendo, etiam fortiter, quantum fieri potest, comprimendo, postea orificium diligenter claudere (subere vel vesicula quintupla) & circum circa applica farinam subactam, ex qua panis pinsitur, ita ut 3. vel 4. digitos æquet. Tandem in clibano pinse instar alterius panis, sed tantum massa illa est super affriculum in clibano ponenda, (ne rumpatur vitrum) & pro coctione fortiori relinque, donec panis eximatur, prospice tamen, ut hæc massa benè cocta sit. Exime & exprime & invenies flores in aquam rubentem & pinguiusculam conversos. Hanc destilla per alembicum ex B. (aqua hæc, nisi destillata, non servatur) & hac in affectibus oculorum, tantum palpebras externè singulis diebus bis illine (ituro cubitum & manè) albugines, nubeculae, unguës, suffusiones, caligo, imò ipsa cæcitas mirificè tolluntur.

Dolor oculorum.

In doloribus oculorum folia Nicotianæ applicentur, opiata hîc vitanda externè, internè tantum dari possunt.

Hordeolum.

In hordeolo, hordeum jejuno ventriculo sæpius mastigatum applicetur.

Procidencia oculi.

In procidencia oculi (ut & ani) ℞. Scarabæos in stercore equino natos, mortifica in vitro clauso, ad Solem benè exsiccentur, & F. pulvis tenuissimus, qui servetur usui: post mollicitas partes aspergatur tenuiter & fiat dextra repositio. Vide infra de procidencia ani.

Lachryma.

In lachrymis. ℞. Cort. granatorum ʒij. vel ʒß. Lapid. hæmatitis ʒj. vel ʒiß. Cortices coque in aqua rosarum, colentur sæpius, postea in colatura lapidem pulverisatum terendo dissolve. Hæc compositio applicetur oculis in petiis: quidam etiam applicant sacculum ex flor. Chamomillæ. Vide Platerum in præxi.

Pustulae & maculae oculorum.

Ad Phlyctenas, pustulas & maculas oculorum, fel

anserinum, gallinarum & piscium ana part. æq. vitro inde, adde mellis modicum. F. linimentum, quò oculi inungantur.

Fistula oculi.

Ad Oculi fistulam. ℞. Sulph. vivi, acet. fortissimi, aluminis, salis an. ℥j. Rad. lapathi acuti rec. ℥ß. F. Unguentum.

Inflammatio oculorum.

Ad oculorum inflammationem, dolorem, Epiphoram,

℞. Aquæ rosarum, Euphrasæ, verbenæ ana ℥ß. Tutia præparatæ ℥j. Matris perlarum subtilissimè pulverizatæ ℥ij. M. & usûs tempore præcipuè misce probè intillando parum in oculum, nec non petias ex mistura illa madentes extrinsecus applicando.

Principio sive à causa calida, sive à crassis & flatulentis spiritibus nata sit Ophthalmia, præmissâ evacuatione per clysterem seu lenitivum purgens, venæ sectio aut cucurbitulæ scapulis applicandæ.

Hinc statim ad corporis evacuationem die sequente properandum, & ad pillulas coccias & Lucis accedendum.

Interim statim collyrium in oculos mittendum, solum scilicet lac muliebre recens multum cum aqua plantaginis & paucò croco; Hoc nimirum humores ab oculo repellit, antequam verò applicatur, prodest lavare oculos decoctò fœnugræci, aut applicare pomum coctum cum paucò fœniculo sub cineribus in forma cataplasmatris. Repetatur lotio & cataplasmatris applicatio, dictique collyrii immissio sæpius. Hinc ad alia collyria & Ophthalmica properandum.

Quòd si affectus hic per intervalla revertatur, purgetur patiens cum sublim. cum sol. aliquoties.

Hinc Vena secetur & adhibeantur sequentia Ophthalmica.

Occipitio quoque setaceum seu cauterium applicetur, aut fiat Ronanellum in brachio. Nam hoc maximè ex capite & oculis revellit & ab ophthalmia præservat.

Si verò Hypochyma adsit incipiens (facta nimirum suffusio & confirmata, solius ocularii Chirurgi ope curari potest) nisi adsit plethora, vena secanda non est: ne refrigeretur cerebrum & postea materiem largiùs cùmulet, & in oculum transfundat; sed potiùs materia concoquenda est & educenda, visus & caput confortandum & ne vapores è ventriculo ad caput ascendant, cavendum. Unde pulveres post cibum præscribendi ex confectioe, semine fœniculi, summitatibus Euphrasæ, vel rabellis cum ol. fœniculi & aqua Euphrasæ, aut Extracto ejus. Et si necessitas urgeat, vesicatorium occipitio aut cauterium apponatur, quod ad minimum ad sex menses teneatur apertum.

Ad hæc collyriis sequentibus utendum, quæ antequam oculis indantur, non inutile erit, fovere oculos sacculo sequente aquâ calidâ immerso.

℞. Fœnugræci aq. frigida loti ℥iß. sem. lini ℥ß. malvæ, althææ an. ℥ii. terantur & pannis lineis raris includantur insuanturque.

Ad Collyria autem oculis immittenda mirè profunt aqua mellis, Euphrasæ, rorellæ, Chelidonis, fœniculi, valerianæ, succi dictarum herbarum per se depurati, qui vel soli adhibeantur, vel inter se permisceantur adjunctâ pauculâ aquâ rosarum lacte muliebri, decoctò fœnugræci, cum collyrio albo, croco & tutia præparata.

Si erosio vel vulnus subsequatur & adsit; stupen-

dum hocce ophthalmicum, oculos ad desperationem usque læsos restituit virtuosissimè eorumque vulnera spacio 24. horarum glutinat. Collige succum florum & foliorum Chelidonis, ejusque bonam quantitatem in M. B. digere, ut spontè suâ depuretur, donec n. m. pe omnes impuritates ad fundum dejectæ fuerint; deinde.

℞. Mense Junio sole & lunâ existentibus in cancro, caneros fluviales Num. xx. sectisque extremis seu durioribus pedibus & caudarum crustis, contundantur in mortario, ut succus inde exprimi possit, quem cum Chelidonis succo depurato conjunctum dehillâ ex B. M. reserva usui. Eodem tempore collectionis alium cancrum vivam integrum & nullâ sui parte mancum in ollam inditum exsicca in clibano usque dum teri possit, exsiccatum reduc in pulverem tenuissimum & subtilissimum, per incerniculum optimum trajiciendo. Hujus pulveris exiguum quantitatem ex canaliculo pennæ præcisæ in vulnus oculi instilla, atque ita relinque per horas 24. succedente tempore eandem tantum aquam sine pulvere prædicto sæpius immitte, lavando & eluendo omnem purulentiam, quæ tamen vel nulla, vel admodum exigua apparebit, & optatus certè finis subsequetur.

Rubor Oculorum.

Ad ardorem & ruborem oculorum cum dolore.

℞ Butyri recentis novies in aqua rosarum loti ℥ß: tutiæ præparatæ ℥j. Camphoræ ℥ß. M. & reserva in vitreo vase & parum oculo indatur.

Ad inflammationem, & rubedinem oculorum ut & pustulas faciei rubras dissolvat saccharum Saturni aquâ Euphrasæ & rosarum ana, addito pauculo tutiæ præparatæ.

Ad caliginem, rubedinem, lachrymas & omnia ferè vitia oculorum valet aqua Crollii Ophthalmica & sequens:

℞. Vini albi non adulterati, aq. rosarum an. ℥ij. sacchari candi albi, vitrioli purificati an. ℥iv. M. postea ex hac aqua super cotem tere tamdiu Zinziberis digitum unum, donec in aquam absumptus fuerit, cola per Chartam emporeticam per vitrum, tandem in S. V. Cochl. ij. solve camphoræ tritæ ℥i. M. cum prioribus & eam probè servatam ad quævis oculorum vitia usurpa, immittendo sæpe gutt. j. atque alteram.

Hyposphagma.

Hyposphagma oculi tollunt summitates hyssopi aquâ simplici coctæ, & in nodulo oculis tepide applicatæ. It. Radix sigilli Salomonis conquassata, oculo partibusque vicinis in forma cataplasmatris appositæ. Vulgò sanguinem è plumis columbarum pullo- rum expressum calidè oculo indunt.

Ad rubores tollendos utile ovum ad duritiem coctum per medium dissectum oculo per noctem calidè apponere.

In omnibus ferè oculorum morbis medicamentum est, Aqua ophthalmica cærulea.

℞. Calcis vivæ benè ustæ & in frustis integris, quæ aëris vel aquæ injuriam non passa sit lib. .iv. pone in vase amplo stanneo & superfunde aquam pluvialem aut fluvialem usque ad eminentiam dimidii pedis, si- ne lentè resolvi & agiâ subinde spatulâ lignæ usque dum aqua benè imprægnata sit sale calcis, quam filtra & serva usui. Hoc tertia vice repete cum aquâ recenti & singulas filtrationes seorsim serva. Nunc recipe aq. primæ part. i. secundæ part. ii. tertiæ part. iii. misce invicem & in lib. i. hujus aquæ dissolve drachm. unam salis armoniaci, infunde dissolutionem, hanc vasi cupreo aut aneo & retine in eo duodecim aut quin-

quindecim horas, vel usque dum instar Sapphiri orientalis tingatur; Post filtra exactè & usui serva in ampulla vitrea.

De hac le Febvre in tractatu de Chymia. Hæc aqua non habet sibi æqualem, ad omnes affectus oculorum, absque respectu à qua causa oriuntur. Nam sal calcis vivæ cum sale volatili urinæ, quod virtutem salis armoniaci constituit, permixtus, vitriolum subtile excupro & ære extrahit, quod inseparabiliter reperitur in aqua & communicat virtutem refrigerantem, mundificativam & desiccativam; Dicam insuper, quod hæc tria salia ita invicem conjuncta extinguere, & depellere possunt omnem malignitatem salium acrium corrosivorum, & mordicantium, quæ sanguinis serositati permixta sunt, & quæ sunt vera causa efficiens non solum doloris, inflammationis, & ulcerum oculorum: sed etiam plurimum, omnis pruritus, omnis eruptionis & ulcerum, quæ oriuntur & in externis humani corporis partibus formantur. Ideoque hæc aqua utilis non solum contra affectus oculorum, sed quoque contra pruriginem, scabiem & ulcera.

Ista autem emendatior est sequens. d. m.

℞. Aq. flor. Cyan. Chelidon. Euphras. rosar. proprio sale acuatæ an. ℥iij.

Superfunde calci vivæ injuriam aeris non passæ, cujus sale quoque imprægnatas filtra, adde.

Phlegmatis urinæ ex destillatione Mercurii microcosmi collect. ℥iv. Salis ex facibus ejus extracti, vel salis armoniaci ℥iij.

Stent in vase cupreo aut aurichalcino, donec perfecte colorentur, post per aliquot menses soli exponere, filtra & usui serva. Hæc aqua, quæ in oculorum morbis est stupenda, cum aquis destillatis simpl. permulceri poterit, ad usum pro medici arbitrio. *Hælenus Joh. Hartmannus in Praxi Chymiatrica.*

*Curationes in Oculorum affectibus ex Clariss.
Lucâ Tozzi.*

Dolores oculorum, inquit Hippocrates, meri potio, aut balneum, aut fomentum, aut venæ sectio, aut medicamentum epotum solvit, pro varietate scilicet humoris dolorem, aut phlegmonædem tumorem inferentis. At plerique nulla adhibita distinctione causarum, semper & omnino sanguinem detrahunt; ac refrigerantibus liquoribus affectos oculos abluunt: mox etiam purgans medicamentum propinant, cucurbitulas scapulis, capiti, & temporibus emplastra, oculis verò cataplasmata, aliæque topica admovent.

Verum refrigerantia nunquam affectis oculis profuere: his enim stagnantes humores adeo impinguntur, ut tandem insolubiles fiant. Notabile est quod refert Riverius. Rusticus quidam diuturna ophthalmia laborans, cum ex præscripto Medici refrigerante victu, & aquæ potu ad longum tempus nihil profecisset, tandem ab alio Rustico persuasus refrigerantem illum victum deseruit, & mero indulgit, ac subinde se melius habere sensit, & intra paucos dies, continuato eodem potu ab ophthalmia prorsus liber evasit. Idemque aliis duobus contigisse subdit idem Auctor. Neque solum vitiosos oculos refrigerantia lædunt, sed & sanos. Meminit de quodam Nobili viro Fabr. Hildanus, quod ab assidua lotionē faciei, & oculorum cum aqua frigidissima visus paulatim elangueret.

Conferunt itaque intrinsecus quæ sanguinem stagnantem dissolvere, atque à suis recrementis purgare valent: Externè verò efficax mihi semper, & salutaris observata est. Hæc aqua, quæ ita fit: In aq. ros. alb. lib. ℥. euphrasæ fœniculi, chelidonis & rutæ sing.

℥iij. vini alb. opt. & veter. lib. 4. infund. antim. crudi in pulverem redacti ℥iv. fel. avium aut Gallinarum iij. turis præp. ℥i. viridis æris pulv. ℥ii. aloës opt. 3. ii. β. caryophyll. pulv. 3. i. camphor. & croci singul 3ss. Omnia in phiala obturata exponuntur ad sol. per dies 30. tempore æstivo, quotidie vas agitando, donec aqua ad flavum tingatur.

Ea postmodum utor manè, & sero jejuno stomacho instillando in oculorum angulos unam, aut alteram guttam: brevi enim impactos humores attenuat & abstergit, visum acuit, maculas delet, suffusionem arceat, & oculos mirabiliter confortat. Addi etiam illi potest, si lubet, aliquantulum sacchari candidi, quod una simul cum cæteris dissolvatur.

Plurès aliæ aquæ ophthalmicæ, & collytia commendantur à Medicis, ut ab Hartmanno aqua florum cichorii, sicut etiam ejusdem collyrium. A Crollio, & à Quercetano alia; & alia pariter à Riverio, qui prætereà lib. 2. cap. 8. ad maculas oculorum conficit aquam mellis: & in aqua rosarum diluit sal ammoniacum. A Riolo describitur aliud collyrium. Et à Mynsicht aqua ophthalmica aurea, viridis, subnigra, & de cancris, quas omnes præstantissimas esse dicit. Commendantur quoque sanguis recens columbarum cum aqua rosarum: albumen ovi cum alumine agitatum: vinum album, in quo turia præp. soluta sit: decoctum radicis symphyti, & sigilli Salomonis in aqua vel vino: ipsiusque vini spiritus; si videlicet his oculi lippientes pluries abluantur. In Actis Hafniensibus ann. 1673. describitur unguentum ophthalmicum valde efficax compositum ex unguento nihili, & de tintia, margar. coral. rubr. ocul. cancri, camph. foliis aur. & lun. & saccharo saturni, idque Auctor experrum fateretur. Optimum quoque est quod conficitur ex una parte sacchari saturni dupla verò camphoræ.

Suffusio Græcè *ὑπόχρυσια*, & *ὑπόχρυσος*, vulgò ex Barbaris Cataracta, affectus ille est, in quo pupilla à concreto ibidem humore obstruitur, & visio impeditur. Arabum plerique inter crystalloidem, & uveam tunicam, humorem concretere arbitrati sunt. Galenus inter crystallum, & tunicam corneam. Celsus inter hanc, & aqueum humorem; cui Avicennas coherere videtur. Experientia verò pluries innotuit ejusmodi humorem densari inter Adnatam tunicam, & corneam, quia à peritis Chirurgis acu argentea extrahi solet. Nihilominus testatur Rolsincius suffusionem non raro fieri à crassitie humoris crystallini.

Incipientem suffusionem designant apparentes ante oculos mulcæ volitantes, culices, pulices, pili, ac veluti araneorum telæ; quin & aliquando res videntur cancellatæ, præsertim matutino tempore. Mox pupillæ color mutatus, & visio omnino deficiens confirmatam suffusionem arguunt.

Observat Galenus l. de sympt. caus. cap. 2. facilius curari suffusos, quibus altero oculo conniventibus; alterius pupilla dilatatur; secus verò quibus potius constringitur, sicut pariter cum omni lumine orbata cernitur, atque ad fuscum, nigrumque colorem versa est.

Quoniam suffusio oriri putatur à crasso, tenacique humore, illam tollere conantur Medici per medicamenta, quæ eundem humorem evacuare valent, qualia dicuntur phlegmagoga; deinde cephalicis calefacientibus incumbunt, itemque decoctis ex salta, sassafras, china, cum stœchiade, betonica, euphrasia, chelidonia. His non proficientibus deveniunt ad collyria detergentia, nempe ad aquam socialem dictam aut mel rosatum, aquam mellis, rutæ, fœniculi, verbenæ, euphrasie, chelidonis cum felle perdicis, accipitris, hirci, lucii piscis, aut lupi: pariterque ad cauteria occipitio, & brachiis adhibita. Tandem cum confirmata videtur suffusio, concretum humo-

rem instar membranz ac removendam expertis Chirurgis committunt. Cujus extractionis modum tradit Celsus lib. 7. cap. 7. Ægineta lib. 6. cap. 21. Fabr. ab Aquapendente de Oper. Chir. Scultetus, Barbette, & Gerardus Blasius, præ cæteris aliis. Addit Hartmannus, si erosio, vel vulnus subsequatur, stupendum ophthalmicum: quo oculos, inquit, ad desperationem usque lesos restitui, eorumque vulnera spatio 24. horarum glutinavit. Colligendum vult succum florum, & foliorum chelidoniz ad eam quantitatem quæ abundantior haberi potest: in B. M. digerendum subdit, ut sponte sua depuretur, impuritatibus nempe in fundo subsidentibus; deinde (mense Junio lustrantibus sol. & lunâ signum cancri) canctos fluviales 20. relictis durioribus extremis, & caudarum crustis, comundendos præcipit in mortario, ut succus inde exprimi possit, quem simul cum chelidoniz succo depurato destillandum ex B. M. & usui servandum inquit. Per idem tempus alium Cancrum vivum integrum, & nullâ sui parte mancum in ollam inditum, exiccat in clybano, usque dum teri possit; exiccatum reducit in pulverem tenuissimum, atque per lecerniculum trajicit. Hujus autem pulveris exigentiam quantitatem ex canaliculo pennæ in vulnus oculi immittit, ibique relinquendum per horas 24. succedente verò tempore aquam sæpius infundendam, lavando, & abstergendo omnem purulentiam, & optatum certè finem subsequiturum asseverat.

At quamvis fidem omnem adhibeamus ophthalmico huic medicamento, tot, tantisque aliis medicamentorum sive tormentorum generibus pro curanda suffusione propositis, minimè possumus assentiri: pluries enim experti sumus his non levari, sed magis labefactari suffusione correptos. Satiùs propterea erit congruentibus catharticis per vices uti, potissimum resinâ jalapæ, extracto agarici, diagridio ex fumo sulphuris parato, pilulis de succino Cratonis, pilulis Lucis, doni tamen moderatori; postmodum oculos affectos fovere spiritu vini iteratis ablutionibus, vel aquâ nostrâ ophthalmicâ superiùs descriptâ, aliave simili Ex Th. Bartholino in Actis Hafniensibus, suffusioni valde utilis dicitur Axungia viperina, si ea oculi liniantur. Commendatur etiam collyrium Riolani. Gentianam incisam, & cum aceto stillatitio coctam oculis instillatam suffusioni remedio esse testatur Lips. Refert Boyle succo millepedum curatas suffusiones ex consilio cujusdam Empirici, qui gradatim à tribus pro vice ad novem in singulos dies procedebat atque iterum ad tres, & rursum ad novem, & sic vicissim. De alia item Muliere meminit ab imminente suffusione præservata, quæ primùm quinque post 10. tum 15. dein 20. ac gradatim augendo numerum quotidie per quinque usque ad quinquaginta millepedes contundebat in vino albo, vel tenui cerevisia, ac liquorem expressum jejuno ventriculo bibebat. Cæterum concretum in modum membranz humorem, in confirmata suffusione, extrahere cum ad Chirurgos pertineat, ipsi consulantur.

In Pterygio, seu ungue oculi, eadem remedia abstergentia conveniunt, præter Chirurgorum operationes. Sed omittendum non est, incipientem interdum deletam fuisse iterato halitu mansi allii jejuno stomacho quod remedii genus Rusticis est familiare.

Accidit nonnunquam musculis oculorum resolutio, vel convulsio; indeque oritur strabismus, quo oculi à sua sede remoti nequeunt directè prospicere, sed coguntur obliquo situ objecta intueri. Aliquando etiam à nativitate strabones fieri contingit vitio musculorum, aut crystallini humoris, cum ejus situs non recta pupillam spectat: Qua visus deformitate integram familiam ex parentibus strabonibus oriundam affectam novi. Interdum quoque pueros in cunis ja-

centes hoc vitium arripit, si nimirum lucernæ lumen oblique intueantur; quin & metu repentino perculsos infantes strabismo affectos vidi, cum scilicet oculos inæquali, & violento motu ex incusso timore commoverent. Quod si non æquabiliter oculi contorqueantur, aut unus rectum situm, tortuosum alter nanciscatur, unus sursum, alter deorsum res geminæ apparebunt; undè Lucretius.

*At si forte oculo manus uni subdita subter
Pressit, cum quodam sensu sit uti videantur.
Omnia, quæ tuimur fieri tum bina tuendo.*

Ut etiam cum mente distracti, ac veluti ecstasi abrepti, aliò intendentes, lucernæ lumen, immotis oculis, spectamus, geminum illud intuemur, alterum in proprio situ, alterum aliquanto intervallo distitum.

Cum itaque ad Paralytim, aut convulsionem referri possit hic morbus, iisdem utemur remediis, quibus prædictos affectus curari superiùs tradidimus. Hæreditario strabismo correptos inemendabiles esse experientia docuit, sicut etiam ex diuturno tempore laborantes, pariterque vitio humorum, præsertim crystalloides à suo situ immutari. In puellis faciliùs sanatur, si ex obliquo rerum intuitu inductus sit, eâ tamen industriâ, ut continuato motu oculus affectus in suum naturalem situm sensim disponatur. Solent in hanc rem nutrices apponere auri alterutri; à regione affecti oculi, florem, vel aliud quidpiam, ut infans strabismo correptus in eam partem oculos dimoveat, atque ita inductum vitium tempore procedente, corrigit: quod sanè facile est in tenera illa ætate. Memoriam Patrum nostrorum proditum est quendam strabonem factum, ob subitum timorem à ruina cujusdam ædificii, cujus causâ oculos repente, vehementerque sursum attollerat, ab ejusmodi vitio evasisse, pupilla in suum situm demissa, à pari violento motu oculorum deorsum cum se ruiturum crederet; unde nil mirum quod scribit Sennertus, accidisse Medico Leuschenero, cui ob oculorum sursum citam vehementemque eversionem, omnia deinceps inversa apparuerint, & homines obversis pedibus ambulantes visi sint.

Hebescit visus, & quandoque etiam extinguitur; unde Hebetudo, Caligo & Cæcitas exoriuntur. Hebetudo, quidem in juvenibus, caligo in senibus, cum scilicet utrique in visu deficiunt; Cæcitas verò cum omnino Visio aboletur. Hebetudo insuper citra manifestam oculi affectionem Græcè ἀμβλυωπία, & ἀμαύρωσις dicitur etsi aliquando ἀμαύρωσις accipitur pro abolita visione; sine apparente oculorum vitio, quæ Gutta serena solet appellari.

Ad visûs hebetudinem, seu imbecillitatem reducitur μυωπία & Nyctalopia. In prima, nisi exilia corpora oculis admoveantur, iisque conniventibus, videri non possunt. In secunda verò patientes occidente sole, aut tenebroso aëre, obscurè admodum, & noctu nihil prorsus vident; at interdiu, & aëre sereno, ac lucido perfecte omnia discernunt: quamquam Hippocrati Nyctalopia dicuntur potius qui noctu clariùs quàm per diem cernunt.

Myopia referebatur antiquitus ad paucitatem, tenuitatemque spirituum animalium per opticos nervos ad oculos confluentium. Nyctalopia verò ad eorundem crassitiem. At ex Opticis causas rationabiliter deducit Platerus & ad crystallini humoris situm varium has videndi varietates refert. Si namque crystallinus humor ad anteriora & versùs pupillam magis vergat, objecta remotiora meliùs cernuntur; at si profundius immergatur, objecta nonnisi proximiora discerni poterunt. Unde Myopiam fieri docet ex situ crystallini humoris profundiori, Cum autem remotiora corpora meliùs videntur, crystallinum ad pupillam accedere ait. Verùm ejusmodi accessum ad anteriora non appro-

approbat Sennertus, qui potius in senibus humores à siccitare coarctari putat, indeque fieri ut remota re-
ctius, quàm propinqua ab illis aspiciantur.

At præter situm, etiam figura, & moles inde-
cens, videndi vitium afferre potest, si nimirum plana,
si globosior, & extuberantior iusto fiat; itemque si di-
minutior, vel auctior, nec non si solito den-
sior, vel laxior sit. Hinc experimur quosdam in visu
juvari conspiciis concavis, ut Myopes; alios conve-
xis, ut senes, & Nyctalopes, neque omnes pari perspi-
cillorum convexitate. Contingunt etiam aliquandò de-
fectus in visione ab humore aqueo, qui interdum ex-
tenuatur, & absimitur, quandoque crassescit, aut di-
strahitur, atque aliter multifariam vitiatur. Videndi
quoque vitia provenire possunt ab humore vitreo; sed
certè rariùs. Quare verisimile admodum est, quod
quemadmodum naturâ humores isti exigunt conve-
nientem magnitudinem, debitum situm, decentem fi-
guram, & proportionatam diaphaneitatem, ut acutè
videamus; ita cum in uno, vel altero deficiunt, visio
læditur, & quidem modis ferè innumerabilibus, pro
varia eorundem depravatione.

Innatam lucem oculis inesse, jam alibi ex Platone
meminimus. Provenit autem lux ista in oculis ex
humoribus, pari certè modo, ac observamus ex spon-
dylis, ostreis conchylis, cæterisque testaceis noctu,
& in tenebris lucem non exiguam emitti: Quamo-
brem, si magna, vehemens, & fulgida illa sit, ut
ex pupillæ amplitudine ad extimam superficiem effun-
datur, atque cum externo lumine, quod etiam noctu
per aëra aliquatenus diffusum invenitur, radiorum plu-
ralitate conjungatur, objecta adhuc in tenebris, non
tamen omninò opacis, videri possunt, ut plerisque
accidisse perhibetur. Atque hinc nocturæ, feles, bu-
bones, aliaque animalia ampliozem pupillam nata,
per noctem vident: quoniam in ampliori pupilla plu-
res, & confertiores externi luminis radii recipiuntur,
atque cum interno lumine uniuntur, colliguntur ad
formandam visionem. Est tamen necesse, ut simul
cum amplificatione, pupilla parumper etiam extube-
ret, ut ex convexa figura radii lucis melius, & arctius
uniantur, & in crystallo lenticulari excipiantur. Quam-
obrem è profundo somno experrecti, ac subito ti-
more perculsi, quia pupillam repentè dilatamus, si-
mulque oculum impensè expandimus, & extubera-
mus, propterea fulgorem quendam ante oculos con-
spicere solemus.

Imbecillitatem visus, imò & cæcitatem aliquando
procedere ab obstructione nervorum opticorum, pro-
babile quoque est: at non ex eo, quod impediti spi-
ritus animales influere nequeant in retinam, & cri-
stallinum, ut communiter ferè putatur; sed potius quia
fibræ nervorum opticorum, quæ à lumine percelli de-
berent ad promovendam in cerebro sensationem, inep-
tæ sunt redditæ ad ejusmodi translationem efficiendam;
quare delapsus humor in nervos opticos, impedit,
ne à cerebro sensationum omnium iudice & explorato-
re, objectæ rei visio percipiatur. Qua ratione, oculo
lucido adparente, visio nulla fit, ut in eo affectu,
quem Medici Guttam serenam nuncupare consueverunt.
Sæpiùs etiam deprehensum est Anatome, visum defe-
cisse à cerebri læsione varia, ut ex pluribus deducit
Bonetus.

Quocumque autem modo Visus imbecillitas con-
tingat, difficillimæ semper erit curationis, præsertim
verò si à Nativitate sit, vel ob ætatem senilem in-
ducta. Qui enim humorum vitia emendari unquam
poterunt, aut quænam remedium vis, & efficacia
in tot, tantosque oculorum anfractus inviolabiliter
pervenire? Perperam proinde plerique medentium plu-
ribus, iteratisque medicamentorum generibus ejusce-
modi visus defectibus, & lusciosis, ac hebetibus ocu-

lis insultant, quibus ægros potius torquent, & in pe-
jorem statum adducunt, quàm vel minimum allevant.
Satiùs, & rationabiliùs alii solis specillis adnuntur
languenti visui opitulari, atque extrinsecis dumtaxat
remediis oculorum aciem roborare, & exacuere: in-
ter quæ præstat potissimùm aqua nostra ophthalmica,
si mane, & vespere in oculos ad guttam unam, vel
alteram instilletur. Prohibeantur interim ea, quæ
caput, & cerebrum infirmare possunt, ne congesta ibi-
dem excrementa in nervos opticos, vel in membra-
nas oculorum deponantur, quæ si fortassè ibidem cu-
mulata credantur, blandè per convenientia medica-
menta repurgentur, uti sunt pilulæ aloëticæ, extra-
ctum agarici, resina jalapæ, extractum catholicum;
Confert deindè ad plures dies cerusa antim. descriptio-
nis Angeli Salæ ad gr. 15. in singulas vices manè per
quatuor horas ante pandium in aqua lavendulæ, eu-
phragiæ, florum tilia, fœniculi, betonicæ, aliæve; vel
etiam cum modico vini albi. Vinum in quo euphra-
gia infusa manserit efficax quoque dicitur, & effica-
cius adhuc si ex quo tempore mustum fervet, infusio
illius fiat; quo deinceps in potum assumpto per an-
num integrum, plerique fatentur etiam decrepitos
visus aciem recuperasse. Ad hebetudinem quoque vi-
sûs commendat Montagnana pulverem quendam, quo
decrepitis ad cæcitatem ferè perductis videndi perspi-
cuitatem restitutam vidit. Conficit autem illum ex
ʒj. macis, & euphragiæ ʒiv. de quo cochlearis dimi-
diam partem ante cibum exhibet. Heurnius verò
solutum liquorem ex hepate mustelæ recenter exemp-
to, & vino abluto, atque in vitro suspenso, solisque
radiis exposito, palpebris, & ciliis adhibendum suadet;
eo enim visum mirificè restitui scribit; licet Hart-
mannus solum eo utatur in albugine, & nebula oculo-
rum. Idem de alio pisce, Alpuit, vocato testatur
Borellus: idemque etiam de lampetra: & Forestus de
alio pisciculo Aelpuych, patrio idiomate dicto. Præ-
stantissimam aquam describit Cardilucius in Hæretman-
num, qua multos talem, ac tantam visus aciem com-
parasse fatetur, ut non ampliùs perspicillis oculariis
eguerint. Aliam quoque caruleam notat Hieremias
Marcus, quam Bonifacio arcanam fuisse ait. Verùm
hæc, & alia licet aliquandò profuisse credam, ple-
rumque tamen irrita fieri experienciâ restatur, scili-
cet ubi vitium intimiores oculi partes occupat, & mu-
tatione ætatum visus imbecillitas accidit.

Ad crystallini humoris vitium pertinet Glaucoma,
& Glaucolis; siquidem is in glaucum colorem mu-
tatur, ex eo quod crassescat, & plurimùm densetur;
unde fit, ut visio infringatur ob perturbatam luminis
refractionem.

Postremò epiphora, seu Illachrymatio involuntaria
fieri dicitur à nimio confluxu serosi humoris in oculo-
s, & præsertim in illorum glandulas; undè lachry-
mæ prosiliunt.

Illachrymationem sistere feruntur quæcumque adstrin-
gendi, & roborandi vim creduntur habere, ut acacia,
hypocistis, balauſtia, myrtorum baccæ, rosæ puni-
cæ, plantago, nuces cupressi, cortices punicorum,
gallæ immaturæ, mastiche; thus, aloë, sanguis Dra-
conis, bolus armenia, lapis hæmatites, gummi Taca-
mahaca, & Animæ, balsamum Peruvianum, myro-
balani: ex quibus aquæ & decoctiones parari solent
pro fomentis, & ablutionibus oculorum.

Ad epiphoras, & pruritus eorundem singulare ex-
perimentum inquit esse Platerus hoc unguentum, si
eo liniantur palpebræ, atque ad pisi magnitudinem
in majorem oculi canthum indatur. Componitur au-
tem ex ærug. æris gr. xii. camphoræ ʒi. tutiæ præpara-
tæ ʒ. ʒ. butyri recentis cum aqua ros. liquefacti, & pa-
rùm elixi ʒ. vi.

Quod si cerebrum compatiatur, & lymphæ superabundet

bundet, optima censentur, quæ sudorem movent; sicut pariter opiata, si mordacitatem lachrymæ præ se ferant, & erosionem, ardoremque afferant, potissimum commista cum liquoribus cephalicis, & oculariis.

At si Ægylops timeatur, vel fistula lachrymalis dicta immineat, convenient detergentia, ac tandem consolidantia. Amarus Lusitanus ad Ægilopes ceratum hoc describit, multisque laudibus effert. Habet autem pulv. test. conch. ℥ii. myrrh. aloës lotæ, & thur. singul. ℥ß. sarcocoll. sang. drac. & ceruss. singul. ℥iii. opoponac. aceto sol. & lapid. hæmat. singul. ℥iß. Croci ℥ii. ceræ, & resinæ singul. ℥iii. m. simul. ad ignem f. a. & f. Cerat. angulo oculi applicand.

At Petrus Bayrus sumit mell. puri, & aloës hepat. singul. ℥. ii. myrrh. ℥. i. croci ℥ß. aq. lib. ii. mox coq. lento igne ad consumpt. mediet. & in decoct. calenti infundit parvam spongiam novam, eamque expressam, & in subtili tela inclusam, ac superligatam sæpius adhibet. Commendat pariter herbam ægilopein, quam eandem esse ait cum avena: ejus namque farinam cum floribus labruscæ, id est vitis agrestis, sanare docet. At Plempius cum plantagine, panietaria, aut portulaca permiscet, & specificum ad Ægilopem dicit. Præscribit etiam hic Auctor linimentum ex aqua ardente; vel vino optimo, & melle ros. col. singul. ad ℥i. & myrrham ad ℥ii. addit.

Ad Fistulam denique sanandam, adhibet ulcери Fabr. Hildanus pulv. erem. euphorbii, quo nil præstantius inveniri ait: postea utitur emplastro ex gummi Elemi, aut balsamo Tolutano ad consolidandum. *Hædenus Clariss. Lucas Tozzi Medicina Practica parte. 1.*

Clariss. Theod. de Mayerne,

De Ophtalmia.

Ophtalmia cum sit oculi (præcipue tunicæ ejus Adnatæ) inflammatio, à sanguinis phoromque bilioli fluxione orta; quæcumque eundem revellunt, derivant, repellunt, ejusdem calorem & acrimoniam temperant, oculum denique ipsum, ejusdem canthos palpebrarumque leniter refrigerant ac refocillant, ad morbi hujus curationem faciunt.

Revulsionis & derivationis causâ mittitur sanguis è brachio larga manu si æger sit plethoricus & inflammatio magnum dolorem comitem habeat: parciore autem, si symptomata sint mitiora.

Injiciatur ante omnia clyster emolliens & refrigerans circa vesperam, ac mane seq. sum. potionem seq. & ad diem proximum differatur phlebotomia, nisi symptomata, viz. dolor, pruritus, rubedo, tumor, &c. urgent.

Clyster sit talis. ℥. Decoct. comm. em. ll. & refriger. pro clyst. ℥bi. elect. catholic. ℥iß. mellis violac. sacchar. rubr. an. ℥iii. m. f. clyster.

℥. Rad. chichor. polypod. an. ℥ß. glycyrrhiz. ℥ii. passul. par. iii. flor. buglos p. i sem. anis. ℥i. fol. tenu. mundat. ℥ß. cremor. tart. ℥iß. f. decoctio in aq. com. & colatura, cui addatur infusionis ℥ii. rhabarb. scor. sim factæ in aq. endiv. q. f. cum ℥ii. santal. citrin. Reducantur omnia ad dosin, in qua dissol. syr. rosar. compos. cum agariç. ℥j. aq. cinam. parum: m. f. potio, detur postridie clyst. mane hor. 3. ante jusculum cum custodia.

Alvus servetur laxa clysterem sæpius injiciendo, ac potionem hanc subinde reperendo.

℥. Flor. vetonic. rubr. p. iv. ros. rubr. p. ij. flor. buglos. borrag. & violar. an. p. iß. flor. papav. Rhæad. p. i aq. font. ℥biß. vini albi Rhenani ℥ß. Cum spiritu vitrioli extrahatur tinctura. In colatur. dissolv. syr. de pom. redolent. ℥iv. syr. nenuph. & ceras. an. ℥ij.

m. f. julap. exhibend. bis in die longè à pastibus per 5. aut 6. dies.

Vel ℥. Syr. violac. ℥iv. syr. de pomis redolentibus ℥ß. syr. de trifol. acetos. ℥vi. julap. Alexandrin. ℥iii. misceantur & serventur in ampulla vitrea. Utis tempore, istius syrupi ℥j. agitetur cum ℥vi. aquæ hordei, vel etiam fontane aut cisternæ limpidissimæ, & bibatur mane jejuno ventriculo, & post meridiem urgente sitis, loco alterius potus.

Ætus quoque sanguinis optimè attemperatur balneo aquæ dulcis & lact. tepidul. additis emollient. & refrigerant. cum ros. & floribus nenupharis.

Oculo externè adhibeantur sequentia.

℥. Aq. rosar. plantag. an. ℥ii. phlegmaris aluminis ℥iv. trochisc. alb. Rhatis ℥i. tutiæ præp. ℥ii. vitrioli alb. ℥ß. m. f. collyrium, cujus gutta una vel altera indatur oculis ad majorem oculi canthum.

Vel ℥. Aloës ℥ß. dissolv. in aq. rosar. ℥ß. adde sacchar. albi. ℥i. piasatur cum duobus ovorum albuminibus, additis gr. ii. camphoræ, f. expressio cum dissolutione aloës nascenda.

Vel ℥. Aq. stillat. ros. alb. rut. chelidon. fœnicul. an. ℥iii. vin. alb. Hispan. ℥bi. rutæ præp. aloës hepatic. an. ℥iii. camphor. ℥i. pulverizentur pulverizand. & infundantur loco tepido in arena per 20. dies: deinde servato ad usum.

℥. Viridis æris gr. vii. aloës ℥i. myrrh. ℥ß. mastich. ℥i. vin. alb. q. f. f. infectio.

℥. Herb. virid. betonic. fœnicul. euphras. chelidon. major. verbenæ, trifol. maculat. maculâ fulcâ an. m. iii. rad. pæon. rec. contus. ℥bi. omphacii ex uvis acerb. vel si desit, ex pomis sylvestribus ℥bi. phlegmar. vini post spirit. u. extractionem restibilis ℥ii. vini Hispanici ℥bi. Misceantur f. a. & in alembico stanneo nido f. distillatio, superposito capitulo vitreo, idque in B. vaporoso, ad siccitatem. Aqua servetur pro toto anno vase vitreo forti ad usum.

℥. Istius aquæ ℥iv. croci metall. optimè præp. smalti aut vitri nitentis in subtilissim. pulverem reducti ℥vi. Misceantur & stent continuè in infusione pro lotionem oculorum.

Egomet palpebrarum puritu summo, inflammatione, tumore, lippitudine laborans claudis oculis palpebras dolentes leviter exoriatas ablui cum spongia molli hoc liquore tepidulo imbuta quavis horâ diei, maximo cum levamine & omnium symptomatum diminutione. Excitat dolorem pungentem primo appulsu hic liquor, sed fugax est & momentaneum istud incommodum.

℥. Ovum recens, coque in cineribus ad duritiem, aperiatur, extrahatur vitellus, cujus vice cavitas repleatur pulvere ex vitrioli alb. & sacchar. cand. ana. part. equal. claudatur optimè. ponatur in ℥bi. aq. rosarum, atque in ea infunde per dies duos naturales, f. colatura servanda ad usum.

Unguento hoc de tutiâ nihil præstantius ad tumorem & inflammât. palpebrarum.

℥. Buryti recent. intus ℥i. scbi castrati ℥ii. ceræ ℥ß. m. ablue: adde tutiæ præp. ℥iß. m. optimè, serva in aqua. *Hædenus Theodor. de Mayerne Prax. Medic. lib. 1.*

Clariss. Joh. Nicolai Pechlinus.

De Oculi Crystallô difformi.

In humorum numero vulgò & Oculi Crystallinus habetur, sed *καταχρηστικῶς* Nam etsi velamento suo plusquam araneo orbatu lente diffinat inque humorem solvatur, non tamen magis hoc probat liquidum esse, quam vel Glandulam pinealem aut Utricam marinam, quod & ipsa aëri exposita formam suam amittant

rant & deliquio in humorem solvantur. Jam verò cum humor iste, si humor est linea suâ circumscriptur, & terminum nactus sit lenticularem, convexo rotundum, & solidum hoc sit proprium, suis ipsorum terminis contineri, non alienis; utique de corpore hoc figurato, tanquam de solido, loquendum erit, imprimis, cum actio ejus omnis à figura & solido, velut vitrea lente deduci debeat. Cetrè à figurâ est, scæque subtiliter rotundata, quod actio ejus integra sit & visus constet, quando enim vel complanatur nimium aut in acumen exit, vel in aliam formam refingitur, jam laborare visum necesse est. Nempe, ita comparatus ejus figura esse debet, ut ex tam vasto Horizonte prodeuntes radii tantum non infiniti in indivisibile punctum colligi, inque exiguas imagines, *ειδωλα* vocant, contrahi possint, quod fieri non potest, ubi in aliam aliamque figuram detorquetur centrique cum circumferentia analogiam amittit. Vitium est ætatis, aut morbi, quando CrySTALLUS ille & exsiccatur & deformatur. Ut autem figuræ exsiccatio non officiat, plevinque tamen cum ea conjuncta est quædam *ἀμερσία*, & rotunditas in angustius spatium contracta faciliè etiam in angulos projicitur. Vidi ex cæcis erutas Lentes crystallinas, si tamen Lentes dicendæ sunt scædata angulis corpora, quæ in illâ opacitate, hæc enim plevinque conjungitur, figuram indeptæ erant planè irregularem, tuberosam, triquetram, trifidam, hiantem hinc inde præ nimia siccitate fissurâ. Sed & alterum ab infarctu aut obstructione Lentis optice vitium est, quando tartareum quid aut gypseum intra fibras ejus lamellasve immititur; namque hinc etiam fatalis cæcitas oritur. Tumet tunc Lens illa sequè ipsâ major Pupillam opplet, & quod intertexta fibræ gypsea materia crassa est & opaca, totum quoque corpus & ipsa opacat, prohibita radiorum transmissione, atque hoc Veterum est Glaucoma, & sic explananda Galeni definitio, quando eam definit ἡ μὲν γλαύκωσις ξηρότης μὲν ἐστὶ καὶ πῆξις ἀμερσίας τε καὶ κρυσταλλίνου ὄψεως. Quod non tantum in decrepita ætate à nimia exuccatione, orbatis humido suo fibræ, sed etiam ab obstructione morbifica, transposita in eam partem facie quadam gypsea, oriri certum est. In Vatiolis certe visus orbitas non aliunde, quàm ab ejusmodi faculentia crassa & opacante repeti potest. Est lapillo- rum, ovalium aut lentiformium aliquod genus, quod, ubi siccum est, niveum habet candorem, ubi madescit, radios transmittere & lucescere incipit; huic simile quid cum fera ætate Lenti optice evenire credibile est. De angulis aliàs & vitiata Lentis rotunditate jam tum quoque extat Cl. Drelincurtii, accuratissimi Anatomi, Observatio. Vidi, inquit, in Glaucomate Veterum Crystallinum vel triperitum aut quadriperitum præ nimia ariditate findi vel hiscere:

Idem de Oculi procidentia.

Miseram Oculi procidentiam in Puero bienni notavi. Conflictatus inde erat jam à die natali cum Rheumatismis. Ophthalmia & Amaurosi, Nato statim oculus dexter inflammari & sanie stillare cœpit, quæ etsi remediis quibusdam mitigari videbantur, infantis tamen ferocia medicamenta non admittentis, aërisque in illa pauperie occurfus malum, magis magisque exasperabant. Accidit tandem, ut confluentibus in orbitam cathartis oculus sensim protuberaret cumque musculis omnibus atque indumentis extra eam propelleretur, propendentibus jam & visui expositis rubicundis musculorum ventribus. Miserabilis sanè & luctuosa erat Pueri facies, quam

jam sic annum traxerat Chirurgo in curam traditus. Fecerat hæc officium alvumque sæpius ducendo humorum minuerat affluxum; sed identidem recurrentis tumor novum medicationis genus poscebat, & jam suffitu, jam Balsamicis, jam aliis certabatur, quæ intolerabilem ardorem, & hinc natos ejulatus, ex parte lenirent; at neque sic dolorum requies & nullum aliud quàm à mucilagine delinimentum, illa namque, quàm diu hærebat, ardorem opportunè temperabat. Nihil autem magis reformidabat, quàm plagæ resolutionem ad motum aërisque novi impullum recrudescente denuo dolore. Postquam hoc remedio aliquot septimana transactæ essent, & linamentis oculus molliter adstrictus, certo die factum est, ut detractas fascias, quas ipsas exsiccata mucilago oculo accuratius conglutinaverat, ruptura Corneæ tunicæ, hanc statim magna vis humorum & saniei sequeretur, oculi autem moles, ut erat carne pinguedineque obrita, in orbitam repelleretur: quod eo cominodius fieri poterat, quia globi illa magnitudo, quæ pridem pugnum æquaverat, nunc remissa atque in angustius spatium puris jactura contracta manus officium non abnuebat. Restituto Oculi globo minus jam erat à carie periculum, sed absque visus detrimento res confici non potuit; quippe humor, qui oculo exstillaverat, exploratus, omnem vitrei aqueique orbitatem faciliè ostendit. Hærebant adhuc in Vitreo humore fibræ aliquæ ciliares, quæ Lentem crystalliformem ligamenti instar coercere & librare solent, sed ipsa adhuc Lens fibræ tenacioribus impedita cum Uveæ tunica coaluerat, uno in illo humorum detrimento superstes. Vulnus post Ichoris & Saniei debitam purgationem intra quatuordecim dies consolidatum, oculusque intra orbitam complanato globo resedit. In mediis tamen tunicis siccum candidumque corpus conspiciendum se dabat, quod Lentem illam vitiatam hodieque refert, at sine luce cæcum atque induratum. Hac occasione non possum, quin memorem peregrinum cæcitatæ genus in duobus pridem natis à me visum. Nimirum utrumque oculum spissa quædam Tunica ex muco, sive in Matris alvo, seu primo aëris adflatu concepto valebat, visumque omnem prohibebat. Uni Naturæ viribus solo saccato adjunctæ vitæ rediit; alteri quid acciderit, in illo locorum temporisque intervallo nescio. Nota mihi aliàs quoque oculi Procidentia à Carie ossium nasi vicinæque orbitæ, sed in Lue Venetea.

Idem de Vermiculis Oculorum.

Nulla admodum corporis pars ostendi potest, in qua non viva sæpe & animata putredo reperitur. Interna viscera ad unum omnia vermis quandoque occupat, sed externa vario, magno & parvo animalium genere infestantur, humores & ipsi, siquidem armatis oculis credendum, non uno genere animalculorum perfunduntur, quid quod & aquæ quamvis pellucidæ innumeros inesse vermiculos, certum microscopii genus, nisi laboret oculorum fides, ostendat. De morbis autem nonnullis, Scabie, Gangrænâ, Carbunculo, quod ex animatâ volatilique humorum putredine oriantur, dubitare experimenta vetant. Imprimis autem & aliâ symptomata, specie levicula, pustulas vultus ruginosas, exanthemata cruentata non rarè vermiculorum in quorundam agmine innundari, suique sensum pruriginis specie volubili & formicino corporis motu præbere, & jam pueri credunt. De oculis tamen necdum scio, an observatum sit inflammationem eorum minutulis deberi insensibilibusque vermiculis. Committeba-

tebatur curæ meæ Puella octo annorum, quæ à quinque inde annis morbo laboraverat oculorum; cilia semper rubebant & prurigine molestissimâ manuum quærebant temperamentum, sed neque tutum ab illis auxilium, quando magis magisque effervescente serum inque oculos descendere ad manûs frictionem gestiebat. Quæ omni ope allaboratum, ut prurigo hæc tolleretur prohibito humoris ferosi influxu, sed incassum, quando nec à calidis nec frigidis levare se sentiebat. Neque enim vel Vitrioli deliquatus ovi albo liquor, aut Saturni Sal, neque etiam, quæ alias vermiculos quibuscumque è partibus evocant, Saccari cantipollen aut Mella, quorum unum illud Fucorum ad miraculum usque ab aniculis celebratur, quidquam profuere. Mater autem pertæsa eorum, quæ hæcenus à Medicis exhibita erant, Vetulæ cujusdam consilium sequi statuit. Suadet ergo Ovum ut coquant ad duritiem, inde albumen ejus findant medium, & exempto vitello cavum albuminis, ut adhuc calet, oculi applicent convexo. Nec mora, quin statim prurigo deficeret nidoreque ovi & fumo evocata animalcula minutarum lendium instar albumen ovi occuparent. At cum tenella essent illa corpuscula, nudisque oculis vix distinguenda, ad nitidiorem lucem umbræ eorum, ad Microscopium verò figuræ ipsæ & lineamenta, quamvis confusus, apparuere. Sanè, cum flammanti candelæ admoventur, crepitum edidere, quem ego à rupturâ corpusculi salino-nitrosi deducere non verebar.

Hælenus bene multa de Oculorum variis morbis, eorumque curationibus adduximus: Jam antequam ad Consultationes & Observationes è pluribus in eodem argumento petitis deveniamus; commodum fuerit ex Appendice Centur. V. & VI. Ephemeridum Academia Casareo-Leopoldino-Carolinæ huc traducere,

Quadragesima circiter Operationes Chirurgicas quas oculis laborantibus administrat docetque in collegio, vulgò dicto de l'Ave Maria juxta Ecclesiam Parochialem St. Stephani de Monte, adjunctam Abbatia St. Genovesæ in Universitate Parisensi, Dn. de Woolhouse, Profapia nobilis Anglo-Londinensis, Jacobi Secundi Anglorum quondam Regis Ophthalmiater, jam à xxvii. Ann. degens Lut. Parisorum.

CAPUT I.

Ungulæ excisio & sublatio, sive oculi quadam pellicula externè laborantis (quam Græci Pterygion nominarunt) detectio, seu extricatio. Galli (Taye) nominant hunc morbum, qui (Tela) latinè dicitur, unde (Toile) nomen Synonymum in linguam Gallicæ vernaculam derivatur: Anglicè etiam nomen (Web) quæ vox quoque latinè tela sonat, aliquandò pro hōc morbo usurpatur: aliquandò & sumitur (æque ac voces istæ gallicanæ) pro Caligine oculi, sive exteriùs in corneâ hærente, sive interiùs in humore aqueo sita, & communiter suffusio dicta, seu cataracta innascens, quæ subapparet in modum telæ aranæ. Ungula verò est excrescentia quædam albicans & membranosa, quæ sensim fit post plurimos annos, ex anostomosi seu diapedesi fibrarum adnatæ (lymphâ acriori cotrosarum) quæ semper in declive ad puncta lachrymalia prosecta, ibi impeditur à fibrillis productio & sese earum succo miscens nutritio, tandem abit in nervosam quandam membranulam, consimilis cum adnatâ coloris: super Corneam verò demùm repangitur hoc corpus extraneum, plerumque in cantho majori (ex carunculâ lachrymali prognatum) rariùs in angulo minori, aliquoties autem subter hanc, aut illam palpebram, habens formam & colorem unguis humani, (vel sicut volunt alii) ungulam bestię bifidei referens formâ, duritie ac co-

lore. Græci appellant *πτερυγόστομον*, instrumentum huic operationi dicatum. Hinc Scire lubet, quod ungula & unguis duo sunt multum inter se diversi morbi ocularii. Unguis enim (sive onyx *ὄνυξ*) est apud Ophthalmicos, interna ipsius tunicæ corneæ suppuratio & abscessus ex parte, quem tum remediis diaphoreticis, tum incisuris quibusdam subtilissimis, (corneæ lamellis plus minùs intlicis secundum puris profunditatem) perfrangit hic noster Woolhouse.

Unguis autem neglectus omninò, vel perperam tractatus, conficit tandem albuginem, Græcis dictam *hypopyon*, *helenos*, *ὕπελον*, *έλκος*, vel *λένωμα*, & Celso ulcers superescerens; aliis ulcus subnascens, aliis cicatrix supereminens (*maille* Gallicè) Galenus in Definit. dicit, quod Leucoma est cicatrix crassior & profundior, ab ulceratione: & Paulus Ægineta scribit altiores cicatrices nominari Leucomata. Ceterum albugo est pus concretum inter tunicæ corneæ pelliculas, super iridem, quod tandem in margaritæ resplendentis convexitatem prominet, ac quibusdam Authoribus *Paralampsis* *παράλαμψις* appellatur. Sed differt Leucoma ab *έλκῳ*, vel cicatrice, quod hæc solum oculi nigro seu pupillæ, illa circulo variegato, vel circumferentiæ iridis oculi accidit. Differt etiam ab *αἰγῳ* sive *αἰγίᾳ* aut *αἰχλίῃ* Hippocratis, eo quod *αἰγῳ* sit concretio albicans, & superficialia materię viscidæ & excrementi granosi, super corneam inhaerentis, externæ, atque ideo suis curabilis: aliis cicatrix subalbicans, aliis calx, seu albula, aliis cataracta externa appellatur; Calvus guttam albam nominat: quin imò Leucoma Tobię Senioris malum ocularium fuit, atque nullis est remediis curabile. Quod si volunt Theologi quidem, Tobię curam (à St. Raphaële Archangelo factam) non fuisse miraculosam, oportebit adhuc distinguere Leucoma in internum (incurabile) atque in externum, remediis propriis penitus cedens, quod idem erit ac *αἰγῳ*, *aigias* aut *αἰχλίῃ* Hippocratis: nihil autem obstat, quo minus ista albugo aut albula Senioris Tobię sit verè externa; nam proveniebat ab avicularum stercore calido in oculos apertos illapso, & corneæ poros rectos obstruente, inurente, & corrodeute, pro quibus accidentibus fella animalium, utpote specificæ virtutis, ab Authoribus passim laudantur. Verum enim verò si Dn. Antonio *Maitre-Jean* admodum sum contrarius in his definiendis malis, saltem non est novitatis pruriginosæ gratia: errat enim tota viâ Dn. Antonius *Maitre-Jean* de his morbis, sicut videre est pag. 417. libri sui: Sed tempus jam est, ut redeamus ad *ungulam*.

Distinguitur porrò *ungula* à panniculò seu pannò, qui est aliud genus operimenti, carneum, rubrum, inflammatorium, vasculosum, (*Sebel* communiter dictum nomine Arabico) venis, arteriisque plurimis intertextum & refertum, semper à carunculâ lachrymali subortum, & paulatim serpens per totam bulbi faciem anteriorem, dolores satis molestos inferens, corneam ipsam non solum instruit ac obducit vas suis capillaribus, sed etiam intimiùs penetrat, & perrepat, adeò ut hæc quoque oculi tunica transparent, ex pellucidâ plus minùs rubescat, & opacetur. In hōc affectu Medicus noster ocularius venasque & arterias, adventitias & factitias, planè dissecat, & sic sanguinem copiosè ex oculo mittit, plurimis simul in locis, usque dum flaccescunt, subsident, & evanuerint vascula hæc præternaturalia. Pannus verò plerumque hōc modò dispergitur, destruitur, pessundatur, nisi fortè varicibus quibusdam insignitus, symptomata exhibet malignitatis, & carcinomatosis (ut aliquoties accidit) naturam, atque tunc ocularius noster malum penitus inurit, (vid. cap. 25.) specillo non admodum candenti, sicut edocuit Cous senex libello suo (*περὶ ὀφθαλμοῦ*

Thios) de visu, seu oculò. Notatū verò dignum est; quod Dn. Antonius (*Maitre - Jean* hujus phlebotomiae nescius, (licet in Ephemeridibus gallicis anno 1696. memoratæ) ei substituit siccum collyrium, in quo cum aliis commiscetur pulvis crystalli, cujus angulis acuminatis excoriari, coramini & absumi possint corpora hæc extranea, vid. Tractatum Gallicum de Oculi morbis (par Monsieur Anthoine Maitre - Jean) pag. 424. Pace verò Dn. *Maitre - Jean*, crediderim has tenues cuspides crystallinas ipsam corneam posse peredere, aut saltem illam, (æque ac conjunctivam) adeò posse perturbare, irritare, & compungere, ut corneæ pelluciditas ab eo offundi, & vel destrui etiam possit, atque conjunctivam maximè inflammari, præsertim cum & ipse Woolhousius observaverit sacchari candidi pulvillum (licet impalpabilem) cæterisque id genus pulveres insperiles usitatissimos & minùs nocuos, pupillæ tandem induxisse caligines, nubeculas, albugines, cicatriculas, cæterisque corneæ rebelles affectus. Idem Author Anthonus *Maitre - Jean* eodem capite pag. 429. declarat se duas solum panni seu *Sebel* operationes perfecisse, cum jam librum suum in lucem ederet, se verò in his operationibus fluxionem sanguinis in oculo, pulvere quodam astringenti inhibuisse. Si autem Dominus Anthon. *Maitre - Jean* hæc sæpiùs exercuisset operationem, non ampliùs sanguinem cohibuisset in hac chirurgiâ, cum verò cessare ultrò permisisset, plurima enim visui infert incommoda sanguis hic cohibitus, & capillaribus vasculis retropullus, & repressus, aliquandò in formationem novi panniculi, sicut Woolhousius aliquandò observavit, atque ideò in omnibus his casibus, sanguinem ex oculo detrahi jubet Hippocrates, utque dum non ampliùs splendidus exit, sed sanies eruantur & aquosa. Vid. Hippocratis libellum de visu.

Est etiam operæ pretium hic notare, quod nullus usquam Hippocratis Glossarius nec Commentarius vim naturalem sensumque genuinum adhuc perceperit & exposuerit hujusce paragraphi, ubi admirabilis hæc operatio (Europæis jam dudum perdita, & Asiaticis hodiè usitata) describitur, Van der Linden meus locum sic latinè explicat.

Quum verò palpebras oculi raseris, lanâ milefiâ, crispâ, purâ, circum fufum obvolutâ, radito, ipsam oculi coronam vitando, ut ne ad cartilaginem usque peruras. Signum autem sufficienter rasuræ est &c.

Cæteri etiam omnes interpretes pro ἀτράκτον, fufum exponunt, quod nunc dierum obsoletum, insulsum, & absurdum omninò est; tempore autem quo florebat adhuc Hippocrates, nihil clariùs, & emendatiùs dictum fuit, illo enim tempore attractylis (cardui species aculeati) pro fuso agresti erat, atque ideò jubet Hippocrates illo uti ad specificam oculi scarificationem: cum autem fufus hodiè alius quidem longè est, quàm fuit illis diebus, loco fusi oporteret carduum attractylem dicere, instrumentum verè idoneum ad incidendum & scarificandum. Lanæ verò istius Milefiæ usus non erat solum, ut obstarèt, quominus cardui spicula justo profundius oculum subintrent; sed ut ne digitos Chirurgi intimius pungant.

Nunc ad Panniculum revertamur, dicamusque si quæ supersint adhuc hujus operculi reliquie fibrosæ, eodem quasi tunc demum procedendum esse modo ac in Ungula; pannique hujusce tum institui debere dissectionem particularem & detractionem anatomicam, catunculam lachrymalem cautiùs vitando, ne comminuta hæc, punctum lachrymale superius arescat, tandem, & omninò claudatur, & obstrnatur: caruncula enim hæc est sicut agger, ad elevandam, evehendam, & promovendam his binis osculis lympham lachrymalem; atque ideò Veteres in deperditione sab-

stantiæ hujus caruncule, quam in homine lachrymale glandulam falsò putaverunt, morbum oculi Rhyada nominatum, potuerunt, causam pro effectu sumentes: quòd si foramina hæc lachrymalia non sufficiant ad omnem absorbendam lympham, quæ filtratur præter naturam à glandulâ verâ lachrymali, (innominatâ olim dictâ & in palpebrâ superiori locatâ) tunc regurgitat, redundat, & super genas plus minùs fluit, ac refunditur lachrymalis lympa, & epiphora morbus dicitur; qui fit propter relaxationem vasorum hydroblepharicorum glandulæ innominatæ; sumunt verò hoc malum ignari pro fistulâ lachrymali, in Diagnosi graviter errantes, sicut posthac in articulo de fistulâ lachrymosâ videbitur.

Oportet etiam panniculum hunc rubrum, sanguineumque dignoscere à morbo, quem Galenus *Petiam*, Avicenna *Alchadi*, & ii *maculam rubram*, aliquot Veteres *crustulam sanguinis*, & Græci *νεφέλην αἱματώσιν* appellant: est verò hic affectus aliqualis vivida suffusio aut tinctura sanguinis in superficie porosâ conjunctivæ inhærens; absque dolore, aliisve symptomatibus malis, subito etiam oritur, & citò absque ullis dissipatur remediis, vanum timorem incutiens insciis curamque inutilem exigens ob informe spectaculum incogniti mali, quod efficitur ab alicujus vasis capillaris in adnatâ disruptione.

Discriminantur denuò hi morbi ab *Hypophagmate* sive *hæmatopiâ* & *sugillatione* oculi (ecchymomatosis specie) quæ provenit à contusione & rupturâ interiori quorundam vasorum sanguineorum, vi & dolore illata. Græci aliquot malum nominarunt *hypochysin*, *hæmatodem*; Dioscorides *ὑποδρομὴν αἱματὴν*, Avicenna *Tarfath*, *tarfe* seu *tarfen* appellat; Galenus (libr. 4. topic.) nominat hunc affectum *ὑπόπτερος ὀφθαλμὸς* oculos suffusos sanguine; & Paulus Aegineta *ὑποπτερος* sanguine suffusos, quæ duo vocabula aliud longe significant quàm *ὑπόπτερος* id est purulentos, aut oculos hypopyo laborantes vel suppuratos.

Hæ porro ægritudines distinguuntur ab omnibus ophthalmiæ speciebus, sive ophthalmia simplex sit, sive composita, seu continua, seu periodica, seu critica, seu symptomatice, seu scrophulosa, seu venerea &c. Ophthalmiæ autem sedes primaria est in conjunctivâ seu albò oculi, cum rubore intensò, dolore molestò, fluentibus lachrymis, pertinaci vasculorum sanguineorum quaquaversum repletionem, temporum pullatione, capitis dolore, visus impotentia &c.

Denique oportet hæc mala ophthalmica dignoscere ab encanthide, quæ est ipsius caruncule lachrymalis incrementum & intumescencia phlegmonosa (morbo Rhyadi perquam contraria) oculum operiens & opprimens magnâ ex parte in modum membranæ istius nutritricis, seu palpebræ bestiarum internæ, in cantho nasali sitæ. Scarificat verò, & attenuat, abraditque ipsam carunculam ita auctam; productamque Woolhousius, xistri sui subtilis acunculis, posteaque collytiò astringenti, detergivo & desiccativo pristinam fibris tensionem restituit: in plerisque etiam aliis oculi gravibus affectibus scalprò hoc suò delicatulo mirificè bulbum oculatum interpolat, interstinctum frequentibus interpunctionibus & incisuris minutissimis; sanguinemque corruptum stagnantemque inde detrahit noster Ophthalmiater Anglicanus: quæ operatio à phlebotomiam Woolhousii multum diversa visum magnoperè recreat, & multorum malorum causam præcipit præciditque.

Cap. 2.

Exfoliatio, clarificatio, erogatio, & redintegratio tunicæ corneæ grano morbillorum seu exanthematum laborantis

ruris, vel hypoulo & ulcere subnascente, & albugine recenter apparentibus, sicut & velis, nubeculis, omnibusque maculis, & crustis albis, cæterisque corneæ obstructionibus, opacitatibus, & ulcusculis atque cicatriculis cujuscunque generis; saltem in juvenibus a crescentibus tam masculis, quam femellis, qui non jam jam in oculum caustici aliquid & nimis astringentis remediis admiserint, quod reddit malum prius immedicabile.

Cap. 3.

Repressio & restrictio, repositio vel repulsio tunice uveæ prolapsæ in omnibus staphylomatis speciebus; atque reductio herniæ oculariæ recentis (cum visus restauratione) in infantibus, aliisque omnibus, qui ad annos pubertatis nondum pervenerunt: ista verò hernia ocularia, malum est adhuc penè incognitum, & consistit in corneæ relaxatione quadam & protuberantiâ, contraque naturam protensione, & in tunica uveæ mollificatione & strangulatione (ad imitandam glandis quercinæ in proprio calice,) ipsique corneæ adhesionem, absque verò ullâ corneæ rupturâ, aut perforatione, uti communiter solet accidere in omnibus staphylomatis speciebus, seu malum appareat in formâ capitis muscæ, seu in formâ acini, seu in formâ summitatis clavi, seu mori, certò autem elapso tempore, nulla huic morbo solutæ continuitatis, curatio, præterquam palliativa reperitur. Item

Inhibitio, Emendatio, Reformatio, resectio, resumptio difformitatis oculariæ, quam nominare licebit oculum gibbum seu corneam (& aliquoties scleroticam ipsam) incurvatam, relaxatam, disruptam, & prominentem, vel (secundum Veteres) *melon* id est *malum*, quando cornea vel sclerotica (cum adnatâ) protruditur, attenuatur, & abscedens, enormisque facta, se extra palpebras foris exierit, in oculum sanum fluxionem attrahens & spectaculum exhibens informe & horrendum videntibus: in hac curâ palliativâ substituit plerunque Woolhousius oculum artificialem, cum motu, decore &c. oculi naturalis, quod si nolit agrotus oculò uti suppositiò, facit Woolhousius, ut oculi perdit globus restet integer, plenusque cum omnibus suis motibus, formâ & venustate quasi naturali.

Cap. 4.

Fistulæ lachrymalis (cæcæ nascentisque) administratio, expurgatio, depuratio, & perfunctio absque ferro aut igne actuali aut potenciali: sive sit methodò novissimè in ephemeridibus publicatâ, videlicet per foramina bina palpebralia sacculum palpebralem ductumque nasalem explorando, mundificando & discludendo, relinendoque, ac collyriorum propriorum injectione; sive ope emplastri cujusdam magnetici specificæque virtutis. Item fistulæ lachrymalis cum ossis carie manumissio, seu per cauterium actuale sanatio. Discussio, depressio seu suppressio, & dissolutio Anchylopiis, seu tumoris duri & callosi in majore oculi cantho, qui justissimè potest appellari lachrymalis sacculi hernia: sæpiissimè verò hunc majoris anguli affectum pro fistulâ lachrymali formatâ falsò præsumere solent chyrurgi in hac re parùm versati: sunt enim, qui sacculum lachrymalem ita relaxatum, induratumque per annos, plus minùs vigintri, absque ullò aliò partis detrimento sustulerunt, quoniam ductus nasi non obstructus, nedum ulceratus aut corrosus evasit, sicut in similibus plerumque oculorum fistulis accidit, quod etiam fasile percipitur in comprimendò

deorsum tumore, qui (si anchylops sit) saniem suam ferream in nasum atque sic in os ipsum velocius demittit; in Ægylope verò tam nascente quàm formatò, materia ista serosa semper per foramina lachrymalia utriusque palpebræ extruditur & regurgitat, quando digitis comprimitur malum sursum deorsum: hoc autem innotuit semper oculariis Medicis, atque Chyrurgis, (si Dominico Anello placet) qui nuper librum justo grandiorum, & ex litteris plurimis doctorum compilatum de fistula lachrymali edidit Taurini) adinvenit autem Woolhousius instrumentum compressivum, multò facilius & utilius in hoc malò quàm illud Aquapendentis Crinale, (cujus meminit Stultæus) ad retinendam & reprimendam hanc herniæ speciem.

Cap. 5.

Decissio, coactio, contractio, seu retractio, vel extenuatio encanthidis (vid. sup. cap. 1. art. 6.) quando caruncula lachrymalis inflammatur, dilatatur, relaxatur & extumescit in hyperfarcolim quandam visui admodum infestam, uncinulo quodam bifido levandam & scalpello falcato communiter dissecandam.

Cap. 6.

Incisio sive apertum tumoris albidii seu folliculi majoris vel apstematis in oculi membranis, qui species est materiæ purulentæ effusæ & collectæ intra conjunctivam & scleroticam. Sunt qui appellant hunc morbum suffusio tunice adnatæ, seu conjunctivæ tuberculum: alii hydrophthalmiam adnatæ nominant: morbus verò hic parùm frequens est, & fit plerumque ictu quodam violentò super oculum, vel plagâ capitis, aut vomitû, partû difficili &c.

Cap. 7.

Extractio corporum extraneorum cujuscunque generis & quomodocunque oculis infixorum; excogitavit ad hunc usum Woolhousius plurima instrumenta subtilissima, sicut vossellas, forcipes, specilla, & specula ocularia, cannulas, stylos, acus syringas &c. diversarum formarum & variarum magnitudinum.

Cap. 8.

Κερεκβαλεις Græcorum, id est vacui ingressus aut introitus, seu depositio, dejectio, eversio, & submersio seu disturbatio catharactæ, seu suffusionis, per omnes suas species: intuper Dn. de Woolhouse hypochyma vel catharactam & Glaucoma oculo eximit & omninò detrahit, cum uveæ vel iridis foramen pertransiens, & intra corneam pupillamque jacens, visui est impedimento, agrotoque multam molestiam, & oculario multum facessit negotium.

Comminutio, dispersio, concussio, in plurima segmenta & particulis divisio. Item

Resupinatio, evolutio, subversio, exturbatio, decussio, dissipatio, aut præcipitatio catharactæ adhaerentis elasticæ, vacillantis, fluitantis, & nascentis &c.

Collocatio, occultatio seu abactio glaucomatis, videlicet quando humor crystallinus ex centrò suo, vel ex sinu vitrei humoris excutitur, & depellitur per modum curæ palliativæ, ad abscondendam solùm difformitatem ordinariam, quæ ab alteratione & opacitate, seu glaucedine fulgidâ crystallini arefacti & indurati, provenit.

Cap. 9.

Effusio, emissio, & reparatio humoris aquosi turbidi ac morbidi; seu renovatio & elucidatio visus, vel liquidatio humoris aquei per illius exitum, effluxumque, quandocunque humor hic vitiosus, & corruptus, evadit.

Cap. 10.

Parakenthesis: sive punctio & pertusio oculi ad evacuandam & exhaustiendam, absumentamque hydrophthalmiam, seu hydropisiam oculariam, in qua membranae huius organi propriae magnoperè distenduntur, & visio tandem funditus destruitur. Dn. Woolhousius similem etiam operationem exercet in hydropisi blepharica, in qua serositates effusæ intra cuticulam & conjunctivam sub palpebrâ cuticulam sublevant, & attollunt in modum folliculi inflati: morbus autem hic alius est, quam hydatis veterum, vel pinguedinis superiori palpebræ substratæ incrementum, quod glandulam innominatam comprimens, & lacerans, fluxionem, pueris potissimum, in oculos gravissimam inducit, cum autem Veteres glandulam hanc lachrymalem ignorent, pro aquâ intercute præsumebant hunc hydatis affectum, qui nihil aliud est, quam lachrymalis glandulæ intemperies unctiosa, pinguisque, quæ specifica curatur operatione quâdam, palpebræ scilicet incisione, & huiusmodi steatomatis ablatione &c. Item perforatio phlyctenarum, pustularum, seu vesicularum, & tuberculorum, in oculi corneâ vel conjunctivâ eminentium & erumpentium ad eliciendum acre serum, quod oculos ulcerat & destruit.

Cap. 11.

Fissura, seu incisura corneæ, quæ est corneæ fibrarum inter se discretio, & exploratio ad evaporationem & subductionem puris, ex ungue impacti intra lamellas & pelliculas membranæ istius transparentis, cujus ab hac stagnante materiâ; pori recti obstruuntur, opacitas & cæcitas inducitur &c.

Cap. 12.

Eductio, expressio seu subtractio hypopyi, vel abscessus & aposthematis iridis (quem oculum suppuratum communiter nominant) cum visus integrâ redditione & institutione in priorem statum quotidie ut videmus in morbillis, variolis, scrophulis, hypophthalmatis dolorosis, ophthalmiis inveteratis & varicosis, cecos penitus factos ab hoc morbo, ubi ista operatio chirurgica admodum salutifera fuisset.

Cap. 13.

Exophthalmiæ seu oculi suspensi & prolapsi revocatio seu reductio in suam orbitam: oportet verò ut hæc bulbi ocularii procidentia simul ac supervenerit, remediis propriis adjuvetur, globusque ut remittatur & repellatur in receptaculum & democilium suum naturale: cæteroquin malum pertinax, rebelle, & periculosum devenit &c.

Cap. 14.

Extirpatio, perustio, consumptio, seu colliquatio oculi cancerosi, qui vulgò dicitur fungus oculi carcinomatosus &c.

Cap. 15.

Expulsio puris orbitæ seu expositio abscessus, seu apostematis in orbita latentis, seu globi denudatio, & explicatio vel inversio quando muscoli ocularii ulcerantur, pinguedo funditur, periosteum plus minus corroditur, & ipsa ossicula, quæ orbitam componunt, summò jacent in periculò; incidit itaque hoc in casu Woolhousius conjunctivam, malum explorat, mundificat, detergit, consolidat, percurat.

Cap. 16.

Restauratio & restitutio visus deperditi in guttâ serenâ sive nervi optici obstructione & paralyti, aut oculi defectione & exsolutione, vel in certis Amauroseos speciebus simplicibus & recentibus: hic verò (pro re natâ & symptomatum diversitate) varias exercet operationes specificas Ocularius hoster Anglicus: nunc enim setaceum in occipite facit perpendiculariter, nova quidem methodo, & suæ ipsius inventionis, nunc in eodem locò vesicatorium continuum applicat, nunc trepanò felicissimè utitur, nunc aures perforat, nunc arteriotomiam vult fieri, nunc aquis thermalibus caput, sinaput, spinam dorsii &c. jubet imbrogari: nunc ex naso, nunc ex linguâ, nunc ex jugulari sanguinem mittit, aut arterias vertebrales, secundum Hippocratis præceptum, usque ad os actualiter cauterizat, nunc ipsum cauterium in futuram coronalem inurit, nunc pyralisimum excitat; nunc vomitorium exhibet, nunc sudorificam prisanam &c.

Cap. 17.

Blepharoxysis, sive suffricatio, levigatio, interpunctio & depuratio palpebralis (quam Hippocrates in libello de visu tantoperè laudat) in omni ulcerationis specie glandularum lacrymalium & ciliarium, in trachomate, ectropiò cæterisque palpebrarum & tarsorum affectibus inveteratis, & rebellibus, qui communiter nulli remedio topico cedunt.

Cap. 18.

Resolutio; seu dissectio, enodatio, & exemptio tuberculorum, glandularumque cujuscunque generis in palpebris nascentium, sicut atheromatis, meliceridis, steatomatis, chalazii, hordeoli, achrocordonis, vel verrucæ sessilis aut penilis & prominentis &c.

Cap. 19.

Anaraphæ, sive sutura blepharica, (quam certi Aucthores nominant abbreviationem, collectionem & suspensionem palpebræ superioris:) operatio hæc feliciter instituitur in phalangosi, *prosi*, *πρωσι* seu *χάλασι* superioris palpebræ relaxatæ, prolapsæ, promissæ, & contra naturam valde protensæ, sive præclusæ & paralyticæ, visumque omninò cooperientis; sicut etiam quando hæc ipsa palpebra stipata est, & inhorrescit pilis ciliaribus intus & extra erectis undique, & ipsum oculi bulbum impetentibus, lacerantibus, & pupillæ claritatem nitoremque jugi cum dolore destruentibus. Cauterizat etiam levissimè palpebram, exterius in his malis Woolhousius (his qui nolunt futuram pati blepharicam) ad coarctandam, succidendam & sublevantem celsius palpebram submissam dejectamque; ad pupillam discooperiendam, & ad cilia allidentia exterminanda & retrahenda ex oculo sic affecto.

Evulsio & eradicatio sive exustio ciliorum supradictorum

etorum, multiplicatorum, inverforum, retortorum, præposteriorum, & contra oculum (ordine naturali per-
verso) reflexorum, & implicitorum.

Cap. 20.

Explantatio, ablatio, abrasio & abstersio pladarotis
sive parvularum carnis excrescentiarum mollium cruore
sanique profluentium (pisorum ad instar magnitudine)
subter palpebras prostantium: aliqui nominant hunc
morbum verrucam sanguinolentam, alii morum Celsi.

Cap. 21.

Ciliorum commissuræ disjunctio, palpebrarum co-
herentium & coeantium divulsio, solutio, apertio, sive
genarum conjunctarum disjunctio: vel anchyloblephari
& binarum simul palpebrarum tam inter se quàm cum
adnatâ & corneâ, oculique pupillâ conglutinarum se-
paratio, divisio, resignatio, aut disclusio: fit autem
hic morbus, tum ex ulceribus & abscessibus in morbil-
lis, variolis &c. tum ex accidentibus aliis improvisis
æque ac ab usû indiscretô topicorum impropriorum.

Cap. 22.

Redactio, assumptio, repressio glandulæ innominatæ
inflammatæ, tumefactæ, dislocatæ, prolapsæ &c.

Cap. 23.

Rectificatio, seu correctio & fortificatio oculorum
in infantibus strabonibus: sive confirmatio musculorum
distortorum antagonistarum in transversa tucntibus te-
nellæ ætatis pueris.

Cap. 24.

Cicatrificatio, incarnatio, consolidatio fistulæ in corneâ.
Woolhousius adinvenit methodum tollendi callosita-
tem in hac delicatula & parum cognita fistulâ: atque
reproducendi & regenerandi deperditionem & defectum
corneæ fistulosæ, seu ad reparandam specificè corneam
pertusam peresamque.

Cap. 25.

Eductio sanguinis in oculi bulbô peragenda, cum vasa
ejus capillaria maximè dilatantur, ac varicosa evadunt.
Cauterificatio item & præclusio utridum sive inustio ve-
narum & arteriarum tumidarum, lividarum & varico-
sarum ægros minitantium. de carcinomate cæterisque
desperatis oculi morbis: hæc operatio Hippocratis, non
fuit Parisiis in usû ex Borelli tempore: qui ejus chi-
rurgiam & successum in plurimis oculi rebellibus mor-
bis laudat quàm maximè.

Cap. 26.

Setaceum ophthalmicum trans oculi globum; (In-
ventum Chinense) pro curatione amblyopiæ, hydroph-
thalmiæ, cataractæ, & glaucomatis nascentium, atque in
aliis plerisque bulbi ocularii morbis periculosus.

*Absolutâ jam compendiariâ enarratione variarum O-
perationum, verè curiosarum, quas in oculorum mor-
bis exercet Nobilissimus de Woolhouse; qualem illam
ex Ephemeridibus præmemoratis exscripsimus: sequan-
tur in iisdem morbis.*

Consultationes.

*Ad Oculorum suffusionem, pro uxore D. de Riou
die 29, Martii 1551.*

Utriusque oculi hebetudo, & impendens cæcias;
tum quæ ex ophthalmiâ oculô relicta est, tum quæ po-
stea in sinistrum invaluit, primam efficientem causam in
cerebrô demonstrant. In hoc quippe abundantior pi-
tuita excrementitia progigni cumularique solet, idque
ex frigida humidaque. Domine laborantis intemperie
& ex immoderatâ vivendi ratione. Ea quippe, ut præ-
cipua est arthritidis causa, quoties per posteriora de-
fertur, sic per anteriora & per opticos nervos irrepens
in oculos, hæc videndi symptomata peperit. Neque
enim sola pupillæ dilatatio citra hanc causam cæcitat-
em inferre potest.

Hoc autem loco hæsitamus, ubinam potissimum hic
humor impediens, & qui continens & proxima est ma-
li causa consistat: An in nervo optico, an sub pit-
pillæ partibus intimis suffusionis specie, aut extrinsecus
supra corneam pupillæ effundatur albuginis specie? Hæc
enim singula diligenter estimanda sunt & internoscen-
da, sine quibus curatio, si qua speranda est, per-
fici non possit. Itaque optamus diligenter moneri
per te de iis omnibus. Si nihil ob pupillam in oculô
esse deprehenditur, causa est in optico nervo, atque is
obstructus forsan est: neque enim est suspicio læsæ fa-
cultatis videndi, aut partis cerebri in qua consistit. Si
quid obscurum ob pupillam animadvertitur, discernen-
dum denuo, id ne in profundo sub tunicis conditum
sit, an totis circa tunicam corneam idem adhærescat.
Illud suffusio, hoc albugo est.

Tantisper autem, dum horum certius monebimur,
curatio ineunda est generalis, & quæ hisce omnibus
affectibus æque communis est, primum victus siccans
& attenuans imperandus est, quo neque humidioribus
vel sorbitionibus, neque liquidis, sed assis dumtaxat
& siccis vescatur, hisque satis tenuiter, & quantum sa-
tis esse videbitur ad virium præservationem. A vino
abstineat dies viginti aut triginta, potus sit ligni sancti
decoctum, quod nullius alterius rei permissione sit ap-
paratum. Si alterô validiore & acriore decocto horâ
quintâ matutinâ & quartâ pomeridianâ tentes ex totô
corpore, maximeque è capite sudorem elicere, non le-
ve momentum ad curationem fuerit.

Tertiô aut quartô die hujus victus, cum jam hu-
mores exagitati apparebunt, purgatio adhibenda per pil-
lulas lucis majores, & pillulas sine quibus, aut alias
quas laboranti naturæ expertus eris accommodatiores.
Hæ octavo aut decimo quoque die repetendæ sunt, nec
eo die sudores movendi. Diebus interjectis alvus si
forte durior exister, emolliatur clystere.

Quotidie mane, potissimum sub finem sudoris, de-
raso capiti, vel tenso imponendi sunt sacculi ex milio,
semine anisi, fæniculi & baccis lauri torrefactis, quos
in lecto decumbens calidissimos pererat horam circiter,
diu ipsam ut eorum opera lentus capitis humor foras
proliciat, & cerebrum totius mali fons, magis quàm
partes cæteræ roboretur: hi hoc enim efficaciores sunt
sacculi, quàm vel emplastra, vel sinapismi, quantum-
vis calidi. Sublato sacculô, caput muniendum est stup-
pis siccis; quæ suffientur styrace, benjoin, caryophyl-
lis & horum similibus, paulo ante utrumque paltum.

Eodemque tempore pituita è capite detrahenda est
apophlegmatismis, quales sunt ex mastiche & pyre-
thro mansis, vel gargarismo ex accommodato decocto
in cujus libra una dissoluta sit ʒi. pyrethri pulveri-
fati.

His constanter utendum interim, dum affectus oculi certius innotescet, sit ne albugo, suffusio, aut optici nervi obstructio: nam imbecillitas ex spiritus penuria, aut virium dissolutione esse nequit. Quibus perspectis, idoneis remediis, dum licebit, opem feremus. *Joh. Fernelius in Consiliis Medicinalibus sub finem operum additis.*

Pro Illustrissimo Barone Germano imaginibus oculorum detento.

Dux sunt rationes, quæ ut in tractando casu Illustrissimi Baronis Maxima diligentia utar suadent. Una est, quod oculi, de quorum adversa valetudine mihi interim est agendum, nacti sunt prærogativam ex Galeno, ut ausus fuerit affirmare, caput, & proinde cerebrum, membrum præcipuum, factum fuisse ob oculos; Altera est, quod oculus tam variam, atque multiplicem habet compaginem, & constructionem, ut etiam varios, & hos ipsos cognitu difficiles morbos sustineat. Verum tamen maxima diligentia mihi adhibenda sit, nihilominus insigni utar brevitate, atque tria tantum enodabo. Primum erit, quis nam verè sit affectus præter naturam, qui in viro nobilissimo operam Medici exigit; Alterum, an affectus ille sit sanabilis. Tertium & postremum, si sanabilis vel saltem præservabilis, quibus remediorum materiis.

A primo itaque exorsus, dico, quod affectus de quo conqueritur duplex est, alter quidem naturalis & à primo semine contractus: alter verò ab hinc septem menses acquisitus, ille quidem est diminuta actio videndi, qua exactissime vicina videt, idque magis secundum oculum dextrum quam sinistram, mediis tamen ocularibus, remota verò non æque bene, qui affectus interim tanquam natus & minimè curabilis est relinquendus. Illud autem certissimum est, quod quia exactè videt, spiritus sunt clari; quia verò à longe probè non videt, idem spiritus pauci, ac nimis tenues sint oportet. Affectus autem, qui ascititius, & operam medicam exigit, refertur ad imagines quasdam, & simulachra, seu Idola, quæ à tempore superius statuto, narrat, se videre & magis secundum oculum dextrum, quam sinistram, magisque in claro, quam in obscuro. Imagines autem hæc referuntur ad lineam nigricantem, cui globusculi quidam videntur appensi, minoresque quidem in extremitatibus lineæ, grandiores in medio, & hi grandiores in medio sunt Diaphani, sic etenim in scheda data refertur, & querelæ in ipsa ab illustrissimo patiente propositæ, omnes in lineam prædictam cum globusculis propositis referuntur.

Sed jam sedes affecta atque constitutio hujus mali sunt expendenda. Quantum attinet ad sedem affectum, illud certissimum est; Idola illa esse inter chrySTALLINUM humorem; & corneam; atque aut inter albugineum humorem, & Rhagoidem, vel inter Rhagoidem, & corneam. Hic sine dubio vitium est; inter albugineam & Rhagoidem, aliàs si inter corneam, & Rhagoidem; pupilla evidentius obtenebrata observaretur, oculisque non obversarentur spectra aliqua, refertur tamen in chyrographo, oculum, optimè constitutum apparere & pupillam secundum naturam esse affectam; Item & oculis observari phantasmata jam dicta. Quantum verò attinet ad constitutionem hujus vitii, dico, quod necessarium est illud pendere à vapore, vel ab humore, seu minera. Non quidem à minera, quoniam malum gravius esset, ergo à vapore, qui cum possit esse vel crassissimus, tenuissimus, & mediæ naturæ, vel melancholicus, pituitosus, biliosus, & sanguineus, primum dico esse vaporem mediæ naturæ, quoniam ubi est crassissimus spectra sunt animalia, nimirum culices, muscæ, ubi

est tenuissimus, idola illa pilos, & filamenta tenuia redolent; quæ cum absint in nostro casu, nam phantasmata sunt linea, capillum quidem referens, necnon globusculi lineæ appensi, ideo imagines illæ mediæ sunt naturæ. Præterea, idem vapor est à prædominio melancholicus, deinde pituitosus, nam pro majori parte est niger, & prout Diaphaneitatem aliquam globusculi illi redolent, significatur; vaporem redolere etiam naturam pituitosam. Cæterum, cum vapor hic referat imaginem jam propositam, & in oculo nullum manifestum malum cernatur, necessarium est fateri mineram hujus vaporis extra oculum esse, ergo aut in capite, aut in partibus subjectis, aut in toto. Non in toto, quia corpus satis bene constitutum proponitur, puto igitur à capite prodire vaporem pituitosum, quia sicuti ob calorem nativum imbecillum, distillationem, quæ ad gingivas molesta deponitur parit, ita ex eadem materia distillationis ob eundem calorem, vaporem producit ad oculos à primo semine imbecillos, & ob id ad suscipiendum aptos transmissus, apparentias illas efficit. Cæterum, quoniam ex masticatoriis adhibitis, ex cauteriis tum in Nuca, tum in utroque brachio inustis, nullum juvamen perferit, necessarium est; malum hoc aliunde fomentum habere, in cujus confirmationem, & id facit, quod cum apparentiæ illæ pro majori parte sint nigricantes necessarium est, ut sit soboles humoris melancholici, qui cum non generetur in capite, nisi ob fervorem derelictum ab aliqua dispositione ignea, uti à phrenitide, vel à timore & mœstitia immoderatis, quæ absint in nostro casu, ergo oportet, ut humor hic melancholicus generetur vel in hepate fervido, vel in mesentericis obstructis ac calore æstuantibus; à quo fumi in caput & proinde in oculos delati Idola illa nigricantia efformant. In cujus rei confirmationem faciunt mores illius Illustrissimi Baronis, qui melancholiam redolent, quicumque enim in constituendis machinis torio; & in inspicendis volatilibus occasione venationis occupantur, proculdubio mores melancholicos sapiunt etsi aliquis contra hoc obstaret, quod magis afficitur oculus dexter, quam sinister, & quod idola sunt permanentia; ut propter hoc non sit necessarium à partibus subjectis oculis labem communicari, hic ipse sciat hæc accidere; quia oculus dexter forsan est imbecillior sinistro; Præterea propter rectitudinem magis ab hepate recipit. Quantum verò ad continuationem affectus, dico quod præter id quod jugiter à capite supeditatur materia, non est inconveniens; quod etiam à partibus infernis communicetur materia, ut aliquando etiam fiat; morbum aliquem per consensum esse continuum, quia causa morbifica continuè agit. Quibus in hunc modum sese habentibus; apparet imagines propositas non vitio imaginationis, uti in deliriis, sed vitio oculorum suam habere generationem, & hæc de primo capite dicta sufficiant.

Erat aliud, quod ad partem prognosticatricem attinet nimirum an malum prædictum sit remediabile, de quo ita statuo, nimirum vix malum hoc curari posse, nam præter id quod incidit in oculos à natura imbecillos fabricatos; tanquam forsitan valde progressum, materiis Medicis valde reluctatur, video enim cauteria in brachiis & in Nuca citra aliquod juvamentum usurpata fuisse. An verò immineat suffusio necne, dico, quod tamen si Avicenna affirmaverit, post sextum mensem ab istis appatentis non imminere suffusionem, nihilominus ego experientia edoctus affirmare possum, & ante & post illud tempus ab imaginibus illis subsecutam fuisse suffusionem, & quod post illud tempus id fiat, clarissime habetis à Galeno quarto de locis Affect. capite secundo, ut propterea valde suspicer, ne malum hoc in cataractam degeneret, & eo magis, quia Idola hæc non pendunt à materia renuissima, quæ in oculis minimè concresecat, sed ut dicebam à

materia partim crassa, & tenui, & nisi oculi nobilissimi patientis, ut qui in scheda Leonini, & fulvi proponuntur, essent ita calidi & estuantes; fulvus enim color, est ipsius ignis color, & Leoninus oculus valde calidus esse solet; ego puto, quod jam suffusio apparuisset, ut hinc nominibus ego arbitrer, cataractam imminere.

Erat tertium, quod proposueram de materiis Medicis, quæ indicationum inventionem supponunt, primum igitur totum, deinde caput ab excrementis jam dictis etiam expiandum, post hæc capitis, jecoris & hypochondriorum alterationi incumbendum, à quibus omnibus, quicquid in oculis præter naturam continetur, est discutiendum & evacuandum. Sed jam ad materias medicas deveniendum, in serie quarum auspicatus à chirurgia sectionem venæ negligo, tanquam, eam quæ imminuta visione ab omnibus, potissimum verò à Principe Avicenna, suspecta habetur. Accedit, quod in præsentī non adsint scopi illam indicantes, non negarem tamen cum fructu sanguinem ex venis podicis, per hyruidines extrahi posse, ea tamen ratione, ut sanguis crassus & fæculentus exeat, hac enim ratione venis hypochondriorum expiatis à sanguine fæculento, occasio effumationis in oculos subtrahetur. De cauteriis verò ita statuendum mihi videtur, ut quod in Nuca est, ac in brachio sinistro conservetur, quod in brachio dextro claudatur, & novum in femore dextro secundum partem domesticam excitetur; Immo verò quod in nuca ipsa gestatur, non excrementa evacuet, prout operaretur, probarem ut eo clauso in syncipite aliud inureretur, & per aliquot dies apertum servaretur, nam præter alia commoda illud unum præstare posset ut vapores ascendentes per ipsum evacuantur, immò verò Medici antiqui in similibus casibus à cauteriis ad utramque eminentiam capitis inustis non abhorrebant, quemadmodum nec ipse abhorreo ab aurium perforatione, & assiduis frictionibus, deligationibus, lavationibus, ventosationibusque partium extremarum, ac pectinationibus mane in posticam capitis partem factis.

Pharmaca, gratiâ primum totius, deinde hypochondriorum, tertio capitis, postremo oculorum sunt usurpanda: gratiâ totius, lenientia primo loco ex hiera pira Galeni, superbibito per modum apozematis syrupo de polypodio magistr. vel ex casia & speciebus ejusdem hieræ parata. Secundò preparantia ex decocto cicoraceorum, boraginis, melissæ, betonicæ, eufragiæ, & fœniculorum cum suis syrupis confecta. Postremo verò purgantia ex pilulis cochiis helleboratis, vel cum aureis, & sine quibus, vel ex hieris magnis helleboro refertis efformata probantur. Huc quoque referenda sunt quæ & insensibiliter evacuant, ergo chinæ decoctum, immò verò & ipsius salis, modicique guajaci in jure viperino paratum, sandalis, vel cicoraceis castigatum, plantisque præcipuè oculariis medicatum, ad plures dies bibitum erit maximi usus, & si viperæ non poterunt haberi, quemadmodum in Germania non ita facile habentur, paretur decoctum in aqua communi; deinde ante syrupum matutinum bolus ex trochiscis viperinis vel sale theriacali, cum conserva boraginis, & betonicæ efformatus devoretur. Mox studendum est obstructionum refectioni per medicamenta aliqua chalybeata, post quæ danda est opera, ut caput evacuetur Catopotiis jam propositis, potissimum verò pilulis lucis, & assaiaret Avicennæ aliquoties devoratis. Item & masticatoriis jam etiam adhibitis ex pulpa carthami, pulvere euphragiæ, mastiche, & caricis, ac cerâ paratis, nisi tamen destillatio ad gingivas hæc prohibuerit, quibus non vereretur pulverem Majoranæ, quæ ex Rhase solum odorata, imagines depellere solet admiscere. De sternutatoriis, etsi sciam ex Hippocr. in libell. de locis in homine probari, in imaginibus oculorum nihilominus cavendum à fortioribus; quare penna

gallinacea imbuta succo majoranæ, in quo manna sit liquata in nares immissa conducet, quæ narium medicamenta, etsi aliquibus in affectibus oculorum videantur suspecta, nihilominus quia humorem quem attrahunt, etiam foris educunt, possunt tunc usurpari, quod video, etiam factum fuisse à Gal. 3. loc. A quibus omnibus pro jecoris, ac hypochondriorum alteratione, non modò serum caprinum depuratum, cum succo cicoraceorum, & thermæ frigida mineræ, bibita, ut decet, sed etiam balneum aquæ dulcis tepida toti corpori adhibiti, sunt maximi usus. Sicuti & ad capitis alterationem, conservæ capitales, & euphragiæ, immò verò & theriaca serena mediæ ætatis cum saccharo rosaceo castigata lotioque capitis ex lixivio cum bacchara, verbenâ, myrto, & rosæ medicato, nec non embroca quæ siccet, & in activis sit temperata cum artificialis, tum naturalis quam magis probo, opportuna videntur, & eo magis, si unâ cum lotionē adhibeatur usus Saponis Damasceni cum cariophyl. santal. ligno aloës medicati, in pilas redacti, & exiccati. Tandem insistendum medicamentis ocularibus, tum internis, tum externis, in serie priorum, tum confectiōnem humani vocatam, tum vinum euphragiæ vel verbenæ medicatum, immò verò sal chymicum ex enfragiæ, & verbenâ, ac majorana paratum, etiam atque etiam probo, quo refero pulverem cibus inspergendum ex flore nucis muscata, euphragiæ, & saccharo fino paratum, morselli quoque ex carne viperina, pulvere euphrag. & fœnic. cum saccharo dissoluto in aquis ocularibus facti mihi valde arident. In coordinatione autem externorum ego ab acris omnino abstinerem, quo circa liquorem stillatitium ex vermibus in carne viperina natis & Chelidonia recenti, vel aqua majoranæ, in qua aloës, & tutia ignita sint extincta, vel destillatum ex conserva euphragiæ, vel vinum medicatum cum seminibus rutæ, & majoranæ intillarem in oculos, atque his admoverem, sicuti & insufflationem in oculos Illustrissimi patientis fieri ab homine sano jejuno, qui fœniculorum semina masticaverit, curarem.

Quæ omnia ut prodesse possint, patiens nobilissimus omnem ætis inclementiam, quantum fieri potest, augere debet; amplius bonis cibus vescatur, & in fine mensæ comedat cydoniatum, coriandros saccharo semirectos, saccharum rosaceum antiquum, poma, & pyra austera, sub cineribus cocta, & vapores à capite arceantur, quo nomine edulia omnia, quæ in caput vaporibus facile feruntur, sunt detestanda. Bibat vinum album, si tenue, pauciferum, quod magis proderit, tempore vindemiarum, cum china, santalis, radicibus buglossi, & euphragiæ alteretur. Alvum sibi lubricam usu panis ex tota farina cum sale, fœniculis, & passulis parati, & in prima mensa comesti, vel aloë succotrina, succo rosarum nutrita, aliquoties ante cenam devorata, servet. Dormiat capite humili, & cruribus retractis, ne ita facile in caput ferantur vapores, & ut coctio melius procedat, fugiet somnum meridianum, & statim à cibo factum: corpus exerceat ambulationibus, equitationibus, gestationibus in curru, & venationibus, sed modeste, & tempestive, & omnem visus defatigationem in aspiciendis ipsis avibus volantibus omnino devitet, & ab operibus per totum factis ad longum tempus protrahatis, & statim à cibo factis, caveat. Postremoque mœrores, tristitias, curas, sollicitudines aufugiat. Deus autem optimus maximus, qui verè omnes nostros languores sanat, hæc omnia feliciter, & secundet. *Julius Caesar Claudinus in Consultationibus Medicinalibus.*

De Nyctalopia, seu nocturnâ cecitate pro admodum Rev. Patre Carthusiano.

Quamquam admodum Rever. Pater, post lapsum ex equo de variis affectionibus conquestus sit; contusione scilicet femoris: genu & pedis doloribus articularibus universalibus, ac de hypochondriorum rugitu, & murmure, cum ventris segnitie, siti, & febricula; præcipuus tamen affectus, de quo conqueritur, cuiusque curationem expetit quam maxime, ad visionem spectat; quandoquidem elapsis annis, dum à sacris recederet Aris, repente ipsi omnia obscura & caliginosa visa sunt. Cæterum ex variis tum Chirurgicis, tum Pharmaceuticis remediis, iisque cum universalibus, tum ophthalmicis alterantibus; & resolventibus; visum recuperavit, ita ut in iisdem persistens remediis, eademque victus ratione usus perfectam sanitatem se adepturum sperare. Verum cum cælum mutasset in villa amænissima; & dum mane è lecto surgere vellet, iterum lux offuscata & tenebræ subortæ, hac tamen differentia, quod quando lux solis serena effulgescit, omnia perspicue videt, quâ postmodum obducta, perit visus: omnia namque caliginosa, atrisque nubibus offuscata sibi obversantur; oculi pupilla naturalem statum servante adeoque de agendis consulit.

Quare supposito oculum esse partem affectam, affectionemque ipsis esse visionem imminutam, cum videat interdiu; non verò noctu; statuendum est affectum præsentem cum esse quem Græci Nyctalopâ, latini nocturnam cæcitatem vocant; qua derentos, Plinius Lusciolos vocat; ita tamen, ut sicuti præteritis annis erat Nyctalops non morboſa, accedens & recedens; ita nunc morboſa sit, eaque valde moleſta.

Causa autem hujus affectus est crassities spiritus animalis per nervos opticos ad crystallinum transmissi, nec non & crassities aliqua humoris albuginei: cum enim visio non fiat per solam specierum receptionem, ut censuit Arist. qui propterea statuit visionem esse passionem, sed etiam per radiorum extra missionem; ut est ferè communis Medicorum sententia; propterea vitium hoc non solum est in spiritibus irradiantibus, sed etiam in humoribus species recipientibus, omnis enim actio fit ab agente valido in passum dispositum: Spiritus autem affectus est crassities; ob quam egent externò lumine ut fiat visio, sicuti quando sunt tenuiores; à radiis solaribus disgregantur; atque ideo, hi melius vident noctu quam interdiu. Quod si spiritus pauciores fuerint; sed tennes; tunc patientes proximiora perfectè discernunt; distantia non vident; si verò copiosiores, sed crassi; tunc distantia magis discernunt, ob eorum imminutionem ab aëre luminoso factam: concurret tamen dispositio ex parte passi nempe chryſtallini recipientis. Quare in casu præſenti crassities ipsorum provenit ab excedente cerebri humiditate, quæ est causa etiam arthritidis; eaque cum naturali, tum per ætatem adaucta, coadjuvante continua evaporatione à subiectis partibus, non solum ratione victus ex herbis; leguminibus; testudinibus; & lacticiniis, quibus ferè continuò vescuntur Patres isti, sed etiam ratione hypochondriacæ, cui est obnoxius.

His sic statutis, quam maxime petimescendum est; ne brevi temporis spatio aucta majori spirituum crassitie, nervorumque opticorum obstructione ab humoribus à capite fluentibus; superveniat integra cæcitas; Gutta serena vocata.

Pro curatione præſentis affectus dicendum est cum Platone, quod oculi curari non possunt sine capitis evacuatione neque caput, sine totius providentia. Ideo totius corporis & tandem oculorum instituenda est curatio. De totius autem providentiâ nihil dicam; cum

Biblioth. Chirurg. Tom. III.

sit sæpius à viris Excel. ex methode præscripta ideoque repetenda, insistendo revellentibus ad inferiora, crurum lavacris, frictionibus, & fonticulis, dummodo non persistat intumescencia crurum: clystereiſque carminativi sint familiares, supersedendo sanguinis educatione antehac missi; hac lege, ne adsit aliqua ejus proclivitas ad venas sedales, in quò casu sanguis in moderata copia ex iis educendus erit.

Caput tamen peculiariter, & diligenter est expurgandum, primò masticatoriis paratis ex mastiche, staphide agriâ, cubebis, & pyrethro contritis, & cum cera, & resina, modicoque saccharo in globulos redactis, quorum alter singulis matutinis horis atteratur dentibus horam unam; expuendo quidquid ad os defluerit. Per nares quoque fiet expurgatio, attracto succo fœniculi; modico pyrethri, & staphidis agriæ pulverizatorum; & permixtorum cum succis prædictis. Lac quoque cum castoreo; & elaterio dissoluto prodesse poterit. Nec displicet attractio pulveris tabaci aliquoties repetita; non tamen valde familiaris; quoniam agit humores plusquam conveniat. Sternutamenta quoque aliquando excitata præderunt. Ac interim topicis utendum est, non omisso decocto ex visco quercino, salsa parilla & ligno indico deraſo, pro catarrhi exsiccatione. Inter topica, commendatur aqua euphrasiæ, cum spiritu salis. Oculorum ablutio facta vino generoso; in quo dissolvantur fella quadrupedum, sicuti & sief de fellibus; dissolutum in aqua sileris montani, & chelid: vel in dec. fœnugraci.

Omnium tamen maxime juvabit victus tenuis, & attenuans, omnino contrarius victui consueto: potiusque sit vinum oligophorum, & alvus continuò lubrica servetur. Sic enim spero fore; ut saltem præſervetur à gravioribus affectibus Adm. R. Patiens. *Benedictus Silvaricus Conf. & Resp. Medic. cent. 2.*

De Myopia. Pro Juvene Istriano.

Affectus, de quo præcipue conqueritur studiosus juvenis, est imperfecta distantium objectorum visio, Græce Myopia, Latine Lusciôſitas dicta; quam quinque ab hinc annis observare cœpit, quæ in dies convalescit; cuique jungitur paucis abhiuc diebus expulsiô cruenta matutinis horis moleſta; dum surgit è lecto.

Provenit autem lusciôſitas hæc ab imminutione spiritus visorii, cum ob impuritatem sanguinis crassi & melancholici, quo totum corpus abundare patet ex eo quod jecur habet præcalidum, & cor excedenti aliqua caliditate donatum, unde provenit feivôr quidam quem observat ferè continuò in vola mannum, & plantis pedum, tum ob excedentem humiditatem cerebri, tum & à nimia spirituum dissolutione consequente vigilias immodicas, & intempestiva studia; ut propterea inde quoque sequatur spiritum cruentum, à capite scilicet destillante sanguine calido ad os nocturnis horis, dum tempore somni repletur cerebrum magis, quam conveniat; & facta venarum apertione, seu anastomosi, sanguis effluit sine screatu valido, sine tussi, aut vomitu. Unde manifestissime patet ipsum à capite profundi.

Quæ cum ita sint, patet affectus prædictos nonnisi cum difficultate removeri posse, ac pro ipsorum curatione necessarium esse caput exsiccare, jecur, & cor refrigerare, ac sanguinem ipsum puriorem reddere; cordialibus, & cephalicis horum duorum viscerum innatum calidum roborantibus, præmissa totius corporis expiatione. Hæc præstabuntur Chirurgia, Pharmacia; & recta Victus ratio.

Inter Chirurgica præsidia toti prospicientia; laudatur sanguinis missio ex jecoraria dextri brachii, & venis sedalibus; parca tamen, ne major fiat spirituum

diffipatio. Cucurbitula affigatur occipiti cum multa flamma bis aut ter in progressu curationis : ac deinde paretur fetaceum in occipite, saltem aliquot menses conservandum : quo postea obducto, parabitur duplex fonticulus, in dextro scilicet brachio & sinistra coxa ; cum cerebrum suscipiat ab infernis partibus potius per sinistram, quam per dextram regionem. Nec omittantur frictiones, & lotiones infernarum partium.

Inter Pharmaceutica, probantur primò totum corpus expurgantia, lenientia, præparantia, & purgantia, pituitæ potissimum accommodata, & melancholiæ, quibus abundare totum corpus cuilibet compertissimum esse potest. Purgetur deinde peculiariter caput, primò masticatoriis paratis ex zingibere, mastiche, cubebis, & staphide agria : deinde etiam errhinis, & iis cum levioribus, tum & validioribus : quibus peractis, ad topica deveniendum est interna & externa. Propterea valebit intrinsecus decoctum paratum ex radice chinæ, & salsa incisa, cum portiuncula ligni Indici, & santalis, additis betonica, chelidonia, euphrasia, verbenæ, cichorio, loncho, fumaria, & melissa ; cuius usus erit decem, & plures dies, cum sudore semel in die matutinis horis, ita ut caput sudet. Quod si à sudore magis incalescat quam conveniat, tunc ab ipso propinetur jusculum paratum ex cichoraceis, cum succo cichorii optimè depurato. Imò æstuoso anni tempore, usui erunt intrinsecus aquæ refrigerantes & exsiccantes : quales esse solent Acidulæ in Germania, & apud nos aquæ Beatæ Virginis, vel Villenses. Exhibeantur tamen aliquando magnatum Antidotarum aliquæ temperatæ magis, ad recreandos spiritus ; quales erunt confectio de hyacintho, & diamargaritum frigidum. Extrinsecus verò caput exsiccetur dulci lixivio alterato rosæ, salicæ, plantagine, betonica, salvia, agarico, & rosmarino, ita tamen, ut lotiones fiant capite supino, aqua non admodum ex alto labente, saltem primis diebus, ne liquata materia fluat majori impetu ad partem affectam. Deveniendum postea ad collyria. Ideo laudatur aqua fœniculi cum aceto, & vino albo, modicè generoso. Crocus cum vino mediocri ; Sies de fellibus, cum aqua euphrasiæ. Aqua marina alterata origano, & portiuncula myrrhæ. Frequenter abluantur oculi vino malvatico & aceto ; illis applicentur remedia tepida, & si fieri poterit, utatur cucurbita vitrea, ex illis, quibus applicata collyria diutius detinentur super oculum. Hisque non contentis, ad mineralia accedendum est, qualia usurpantur etiam in suffusionibus.

His omnibus proportionem respondeat victus ratio, ita ut habeat in usu familiari fœniculum, ex quo panis paretur, & vinum condiatur euphrasia, verbenæ, & fœniculo. Alvum frequenter lubricam conservando pilulis Lucis, & aggregativis. Hæc è re judicavi pro curatione affectionum propositarum. Faxit Deus ut cedant in emolumentum Nobilis, & studiosi juvenis. *Idem ibidem.*

De Suffusione, & Doloze. Pro Nobili Matrona.

Quemadmodum oculi naturaliter constituti duplici facultate sensitiva donati sunt, tactiva scilicet, quam habent communem cum aliis sensoriis, & visiva ipsorum propria ; ita sinister oculus Nob. matronæ utramque functionem depravatam habet, tactivam, ratione doloris, & visivam ratione incipientis suffusionis cum veluti per nebulam videat. Quorum symptomatum causa diligentissimè proposita fuit à Viro Excel. Nam si de dolore sermo fiat, hic non aliunde provenit, quam ab inflammatione tunice conjunctivæ Ophthalmia dicta, quæ morbum constituit in intemperie calida cum materia : non tamen in mala compositione in patiente nostra, cum tumor non devenerit ad tantam magnitudinem, ut inde motus oculi recipiat sensibile impedimentum : longè minus in soluta continuitate : quanquam enim dolor aliquam continui solutionem indicet, quia non potest

excitari à qualitate tangibili, nisi adeò confertim agat, ut partis continuitatem solvat ; tamen continuitas non est adeò soluta, ut inde constituatur morbus, quoniam ab ea non læduntur operationes sensibiliter : ut nos docet Galen. in L. de morborum Different 12. Quod si in 3. de Temper. 5. duplicem affectum in phlegmone constituit, alium scilicet in quantitate, & alium in qualitate, non propterea inferendum est, phlegmonem semper esse morbum in aucta magnitudine, sed tunc tantum, quando inde læduntur operationes : ut testatum reliquit in L. de Diff. morb. cit. Terminus enim distinguens sanitatem à morbo, est sensibilis operationum læsio, ex Lib. Artis meden. cap. 8. Quare ophthalmia hæc erit intemperies calida cum materia, quæ quidem est massa sanguinea, constans ex multo sanguine, non sine copia bilis, quam in nobili matrona prædominari, prodit promptitudo ad iram, & ad omnes actiones ; cum subdominio tamen melancholiæ, cum animi passionum tenax maximè sit, cum aliqua pituitæ copia, qua sexus iste ferè semper abundare solet. Massa itaque hæc sanguinis, multa copia genita à fervido jecore & totius temperamento calido & humido, neque expurgata per uterum, pro muliebri consuetudine, & habitus plethorici modo, caput facilè petit naturâ præcalidum, calidiusque redditum ex diuturna mora in thalamo calido, accedente forsitan aliqua naturali ejus imbecillitate, ob quam præteritis mensibus, vel annis, levem apoplexiam passa fuit, à quo deinde confluit ad oculum sinistram, tanquam ad partem imbecilliozem, ob continuas & diuturnas lacrymas plures menses manantes post dilectissimæ filiæ interitum : concurrente quinetiam oculi caliditate, indicata ab ipsius magnitudine, mobilitate, & venarum amplitudine ; unde postmodum successit Lippitudo seu Ophthalmia. Cui jungitur incipiens Suffusio, dependens à morbo in via, facta à vaporibus crassis, mediis inter crystallinum, & corneam, ab eadem forsitan massa sanguinea elevatis, & utcumque incrassatis, qui prohibent liberam facultatis irradiationem, & visibilium specierum receptionem. Augetur autem dolor, & affectus horis nocturnis : quia tum calor innatus ad interiora recurrit, & in humores agens ipsos in vapores resolvit, quorum distensionem nocturna aëris frigiditas prohibet. Hæc de essentia, & causis prædictorum affectuum.

A quibus certè non sine aliqua difficultate liberabitur patiens, cum sint 40. dierum circiter, foveanturque ab imbecillitate partium & augeantur à continua fluxione ad partem affectam ex utero, & toto corpore ; imò nisi rectè curetur suffusio, periculum imminet, ne densentur magis vapores, & in membranofam substantiam conversi, morbum scil. in numero, perfectam suffusionem inferant : propterea summa cum diligentia curanda est nobilis hæc matrona, prout video factum esse ab Excellentiss. Viro.

Quapropter totum corpus diligenter est expurgandum, materia fluens à parte affecta revellenda, & per partes mandantes, aut vicinas evacuanda ; fluxaque ad oculum sensibiliter, & insensibiliter, evacuanda, non neglecta aliqua capitis evacuatione ; quanquam ipsum afficiatur potius per consensum ab infernis partibus : nec posthabitis jecur, & totum corpus refrigerantibus, ad prohibendam regenerationem sanguinis hujus calidioris. Quæ præstabunt Chirurgia, Pharmacia, & Diæta.

Chirurgiam quod attinet, sicuti laudo summo opere sanguinis evacuationem ex cephalica sinistri brachii jam administratam, ita mihi summo opere probatur apertio venæ ejusdem pedis, ad majorem revulsionem à parte affecta, & etiam ab utero, tanquam à parte mandante : atque post aliquot dies, probatur apertio venarum sedalium, ut fiat major ab utero derivatio ad locum proximum, & à capite revulsio ; educendo sanguinem ad lib. 1. s. circiter ex his duobus locis. Fiantque frequentes frictiones, lotionesque partibus infernis, cum

aqua alterata baccara, puleg. fabina, matricaria, malva, & similibus. Applicentur cucurbitulæ cum multa flamma coxis in parte domestica, & si opus fuerit, posterioribus partibus, cum scarificatione. Nec omittatur fonticulus in coxa; quanquam audiam ipsam alium in coxa dextra gestare. In hoc enim corporis statu, nisi continuæ diversiones fiant ad infernas partes, periculum imminet gravioris apoplexiæ, qua de causa supersederem in præsentī vesicantibus, & cauteriis applicitis superius partibus, contentus aliqua evacuatione sanguinis, vel ex venis post aures, vel ex vena anguli majoris oculi affecti, hac lege, ut hanc operationem præcedat diligentissima totius evacuatio, & revulsiones jam propositæ. Dum verò fit hæc operatio, ligaturæ pedibus, & manibus erunt ex usu, ut & cucurbitulæ sine scarificatione coxis: vel pedes in aqua calente detinebuntur ad prohibendam humorum attractionem. Et hæc quantum ad Chirurgica præsidia.

Leniatur alvus antè prædictas operationes mell. ros. & syr. ros. sol. cum decoctione pulpæ tamar. vel elect. lenit. cum pulpa tamar. & portiuncula hieræ. Præparentur humores primò iis medicamentis, quæ toti corpori consulant, & nullatenus partem affectam respiciant. Quod præstabunt syr. de cichorio, acer. sim. cum decoct. cichorii, pentaphylli, capill. ven. borraginis, & sem. citri. Purgentur blando purgante ex agatiko, rhab. & myrobalanis Indis, infusus in vino albo, cum spica, addito syr. ros. sol. & de polyp. composito; post ea præparentur localibus valentioribus, utpote syr. de beton. composito, oxymel. composito, syr. de duabus radicibus, una cum decoct. chelidoniæ, betoniciæ, cichorii, capill. veneris, & borrag. & deinde purgentur pil. ab Exc. Viro præscriptis, vel alio simili medicamento boli formâ, potius quàm potionis propinato, quò magis ex alto trahat; ac deinde 12. aut 15. dies bibat serum caprinum destillatum, cum capill. ven. & absinthio Pontico; & ipsum modò diureticum, cum syr. de duabus radicibus, modò dejectorium, cum marina; quò tempore blando masticatorio caput purgabitur, ut chartâ, vel mastiche. Atque localibus externis digeratur materia in oculo contenta, pulvere scilicet ossis sepiarum, & saccharo cand. subtiliter pulverizatis, & insufflatis: aliquando aqua rosarum, fœniculi, & chelidoniæ, cum minima aceti portione & sief albo sine opio; ac tandem etiam tutia, in lacte nutrita, & vino albo montano, in quo ebullierint verbenâ, fœniculum, chelidonia, euphrasia, & rosæ cum portiuncula aceti. Ad validiora non progredere, & repellentia omitterem, ne materiam suffusionis causam nimis incrassent, & densent.

Victus sit tenuis, attenuans, non tamen calefaciens, neque caput replens; ideo selinum, hiposelinum, & similia mittantur, & à cibo comedat parum diacydonii, vel cydonii cocti. Abstineat à vino si fieri potest: cuius loco aqua coriandrorum sit in usu, vel vinum admodum lymphatum. Alvum continuò sollicitet pilul: ex Aloë lota cum succo ros. sumptis alternis noctibus statim ante cenam, ad scrup. 1. juvant enim, bilem educendo, & venas uteri, vel hæmorrhoidum referando, & à capite divertendo. Caveat ab igne quantum fieri potest; exercitium sit potius infernarum partium. Aërem frigidum, fumum, & similia vitet, & in reliquis se gerat juxta præcepta Viri Excellentiss. Sic enim pristinam sanitatem recuperabit; quam D. O. M. ut ipsi concedat, veneror. *Idem ibidem.*

De Ophthalmia.

Ophthalmia, qua quinque abhinc annis frequenter corripitur Nob. hic Juvenis, pluribus repetitis purgationibus præservativis minime cedens, proprie sanguinea à nobis existimatur, licet non sine aliqua, sed exigua pituitæ permistione, etenim copiosum sanguinem

producit ejusdem hepar, quo totum venosum genus redundat. Verum quoniam raro fiunt fluxiones ad quamlibet corporis partem, nisi aliquis intercurrat biliosus ichor, vehiculum, ideo & hoc casu eundem non abesse credendum, cum justò calidius hepar, & naturali fervidior sit ipse sanguis, qui propterea faciliè sursum petens, caputque replens ad venas tuniciæ adnatæ insinuat, & per ipsius substantiam diffunditur, unde inflammatio, lippitudo, sive ophthalmia constituens suboritur. Hanc autem contumaciorem reddiderunt non solum alexipharmaca adversus Celticam lucem administrata, aucto jecoris & sanguinis fervore, verum etiam aquæ Thermales, quæ caput petentes & opplentes imbecillius reddiderunt.

Quare, ut ab hoc affectu vindicari atque præservari possit; in præsens ratione curationis, primis expiatis viis caput erit expurgandum, & materia sanguinea conjuncta attenuanda, & resolvenda. Pro præservatione verò sanguis erit minuendus. Secundò omni industria à capite divertendus. Tertio serosus humor evacuandus. Quarto & ultimò jecur & sanguis ipse temperandus.

Quibus intentionibus satïsheri posse minime dubitamus, observato tamen præscripto ordine.

Et primò, pro curatione, expediantur primæ viæ Pot. ex manna clarif. aut cass. cum magist. mechoac. Mox, quoniam jam nuper totum corpus fuit expurgatum, pilulæ capitales hujusmodi exhiberi poterunt.

℞. Pil. aur. ʒij. cochiar. aggreg. lucis an. ʒj. m. ref. pil. cum succo chelid. aut euphrasiæ q. s. & aur. & tribus vicibus, quarto quoque die præbeantur, à quibus bibat aquam Nocerianam, temperando earundem calori, diebus verò intermediis exhibeatur jus herbis capitalibus ophthalmicis alteratum.

Interim oculo ophthalmica attenuantia & solventia adhibenda, postmodum detergentia.

Sic paretur fom. ℞. Sem. fœnugrec. ʒj. fœnic. ʒss. flor. Chamæm. melil. euphrag. an. m. i. Vini albi, aq. euphrag. an. ℔. i. f. m. bull. ad consumpt. quartæ, & spongiâ foveatur per horam oculus; qui bis saltem per diem postea abluatur aquâ euphr. cum saccharo cand. in pollinem redactò.

Dum hæc fiunt omnino absteineat æger à lectione & scriptura, à vino item, & parcè comedat.

Ut autem præservetur, jam propositæ intentiones erunt hoc ordine explendæ. Quolibet mense hæc assumat Nob. Juvenis.

℞. Elect. lenit. ʒvi. Magist. mechoac. ʒj. m. & summat tribus horis ante prandium: sequens verò dies vacuus sit, sed tertio aperiatur saphena, educto sanguine ad ʒvi. Interim adhibeantur frictiones, incipiendo à nucha per scapulas & dorsum mane antequam è lecto surgat, sicut & pedum lotiones frequentes, vesperi ante cenam. Et nisi valde abhorreat, Cauterium coxæ dexteræ inuratur; quotidie verò primâ mensâ, bibat jus plantagine alteratum, in quorum usu pergat atque persistat quolibet mense, ut dictum est, quotidie per integrum annum, hoc solo discrimine, quòd tempore hyemali frigidissimo, & æstivo calidissimo, saphenæ sectioni substituatur reseratio venarum sedalium hirudinibus admotis.

Et his addatur congrua victus ratio, adeò ut fugiat accessum ad ignem, & moram diuturnam sub radiis solaribus. Abstineat item à potu vini meracioris, à cibis omnibus vaporosis, calidis, salsis; de more prandium & cenam claudat conserva rosar. misso exercitio statim à cibo. In somno situs sit semper supinus & absteineat à lectione, & à scribendi munere, quantum fieri potest. Quæ si accuratè observentur, præservacionem penè certam Nob. Pat. spondemus. *Raymund. Job. Fortis Consult. & Resp. Medic. Tom. 1. Cent. 1.*

De Ophthalmia cum Maculis.

oculorum Illustrissimum ophthalmiā sep. n. hinc mensibus conflictari, ex historia transmissa accepimus. Et licet ejus gradus, num scil. Taraxis, an Lippitudo vera, seu potius Chemosis sit atque fuerit; non constet, lippitudinem tamen esse & fuisse supponimus; non enim Taraxis tandiū perdurasset; prout Chemosis ad inversionem usque palpebrarum progressa esset, de qua nulla sit mentio. Scitu tamen necessarium foret num legitima an spuria fuerit, ut causę antecedenti potissimum, nec non conjunctę adęquata præsidia adhibere possimus; digna siquidem Gal. observatio in ophthalmię curatione, qui juvenem sola biliosorum humorum purgatione sanavit; prout & Oeconomum sola sanguinis missione; & duos alios, cum Hipp. meraci potu, & balneo: si enim à sanguine cacochyino biliosa facta fuerit inflammatio, prodest purgatio; si ab ejusdem copia, sanguinis missio; atque si ab eodem pituitoso; in oculorum adnata & venulis impacto, meri potus & balneum, attenuando, dissolvendo prodest & affectum sanat. Verum quoniam ophthalmia diuturna fuit, licet totum corpus biliosa intemperie sit præditum, à bilioso tamen sanguine non provenisse credendum; neque à puro sanguine, tum ob totius & jecoris fervidam intemperiem, tum quia neglecta ad Chemosin devenisset, nec tandiū perdurasset. Quare, ut conjectura colligimus ex humida capitis intemperie, affectus diuturnitate, nec non ex maculis, sive nebulis in oculo superstitibus, spuriam fuisse inflammationem & ophthalmiam censemus, ex sanguine scil. pituitoso à capite humido, & facile à toto capiti subministrato, (cum pueri, ob ingluviem ciborum, cruditatibus sca-teant) ac per venulas ad adnatam tunicam transmissis; quo venis repletis, eademque tunica distenta & tumefacta, necessariò solutio continui fuit inducta, dolorum cum inflammatione causa. Et quoniam pituitosa portio non adeò facile ut sanguinea resolvi potuit, & quidem difficilius neglecta; hinc eadem densata, in nubeculas conversa & obfirmata fuit; quarum tamen sedes nos adhucnum latet, utpote quæ possit esse circa eandem tunicam conjunctivam, quod optandum magis foret; nonnunquam enim vi inflammationis atque doloris, per venulas internas ad aqueum humorem & membranulas alimentum devehentes, sit excrementitii sanguinis attractio, cujus pars crassior in illo spatio inter corneam & crystallinum densata, similes nubeculas, imò quandoque deterioris conditionis producit; quæ si parieti internæ tunice adhæreant infra crystallini situm, ut esse possunt præsentis, multò levius malum, prout gravius longè foret si aqueo humori innatantes crystallino obversarentur; suffusionem quippe temporis processu inducerent.

Affectus equidem sanationis difficilis, tum ratione sui; tum potissimum Patientis. Ratione quidem sui; quoniam inveteratus & confirmatus est, atque repleto capite & humida intemperie prædito sit; necnon quia licet lædatur oculus dexter, sinister tamen nihilo validior est; & tandem quia ex levi causa recrudescit inflammatio. Respectu verò Patientis; quoniam renuit ipse medicamenta, & præterea, quia multa & valida ejusdem tenella ætas ægrè tolerare poterit. Nihilominus, quæ administrari possunt omni arte & industria usurpanda; cum Hippocr. In diuturnis lippitudinibus cum dolore cæcitatem minetur; memores, quòd uno affecto oculo, facile temporis spatio alter quoque trahitur in consensum.

Quare, licet anni tempus purgationibus obluctetur, non est tamen differenda curatio; sicut enim præservationi opportunum tempus, vernum scilicet, præfertur; ita curationi quodlibet tempus accommodatum esse necesse est; morbi enim præsentis quolibet tempore curandi.

Primò itaque fluxus prohibendus. Secundò materia jam fluxa attenuanda & evacuanda. Tertiò causa fovens

fluxum removenda. Quartò oculi roborandi. Et tandem dolores demulcendi.

Quibus intentionibus ut satisfaciamus, aliqua sanguinis missio convenire videtur; ait enim Hipp. Anginam & lippitudinem solvit venesectio. Præterea in omnibus lippitudinibus, Avic. etiam missionem sanguinis conferre asserit. Convenire verò poterit in hoc puero, per cucurbitulas dorso appositas, pluribus eodem tempore siccis, infernis partibus admotis. Convenientissimę quoque erunt frictiones, & quidem quotidianę, matutinis horis, antequam surgat, à nucha usque ad extrema corporis; sicuti vesperi ante cœnam, quotidianę etiam lotiones pedum aqua calente. Cauterium brachio dextero inurendum, & in pertinaci hujusmodi malo, præmissis omnibus necessariis totius, & capitis evacuationibus. Nuchæ quoque; si non setaceum, saltem cauterium luculento juvamento inuri solet. Quod enim medicamentum non sanat, sanat ferrum, & ignis.

A Fonte pharmaceutico desumenda Lenientia, Præparantia, totum Evacuantia, caput Purgantia, materiam impactam Discutientia ophthalmica, oculum Roborantia, & dolores Sedantia.

Leniens sit cassia cum tattaro; vel pot. ex manna clarif. Primum præparans sit julap. acet. ad ℥ij. vel iij. cum ℥ii. crem. tart. per quinque, vel 6. dies, Primum purgans verò cass. cum pil. de tribus; vel potio ex manna clarif. infusioni consuetæ addendo agar. & rhab. à quibus bibat aquam hordei.

Præparantia secundo loco sint decoct. cich. borrag. end. viol. beton. euphragię; cui addatur julap. acet. & syrup. de beton. in cujus usu persistat septem, vel octo diebus. Inde ad purgans medicamentum deveniendum, quale esse poterit cassia, cum pilul. aggreg. vel potio superius proposita, à qua pariter hauriat aquam Nocerianam, aut hordeaceam.

Ita utcumque toto expurgato, caput quoque evacuandum pil. coch. aur. & aggreg. tertio aut quarto quoque die exhibendis, tribus aut quatuor vicibus, ab iis epoto pariter aliquo refrigerante, diebus autem intermediis, præbeatur decoctio borrag. cich. end. euphragię, chelidonię, & fœniculi.

Purgato toto & capite, & revulsionibus omnibus prædictis adhibitis, ad oculi curam erit deveniendum, hac præmissa cautione, ut ophthalmia prius & inflammatio, doloresque sedentur, antequam macularum & crassioris sanguinis impacti resolutio tentetur.

Ad inflammationem itaque atque dolores, Gal. tria potissima proponit remedia, lac scil. albumen ovi, & fœnugræci decoctum; in casu tamen nostro, uti possumus spuma ex albumine ovi quassato, cum aqua rosac. agitato, linteo puro, atque subtilissimo, oculo admota; inflammatione verò atque dolore remissis, foveatur oculus spongiâ decoctione fœnugræci imbutâ: sicut enim primum remedium repellendi & leniendi; ita secundum leniendi ac resolvendi facultatem obtinet.

Pro attenuatione verò, atque resolutione materię crassioris, talis præteretur aqua.

℥. Succ. prassii, fœniculi, euphragię, chelidonię an. ℥iij. Fell. perdicis, n. 4. Mellis optimi ℥ij. M. & B. M. destill. aqua verò servetur pro lorione oculi, tepida adhibenda. Et si aliquis ex jam dictis succis præsto non fuerit, suppleatur aucta aliorum dosi.

Ad nubeculas verò obliterandas, egregium ophthalmicum solet esse Crocus metallorum ad ℥j. in aquæ euphragię, aut chelidonię ℥iij. dissolutus.

Tandē caput & oculi roborentur contervis, sub ingressum lecti assumendis, modo ex rosis, modo ex euphragia, modo ex betonica, in earundem usu quotidie persistendo.

Victus ratio non postremum locum obtinet in hoc casu; & ideo primò cavere debet aërem nebulosum atque ventosum, accessum ad ignem, moram sub radiis solariibus; imò & aërem luminosum, adeò ut domi in obscuro potius quàm lucido cubiculo degat. Se-

Secundò abſtineat à vaporofis cibis, atque odoratis alimentis, ſicut & ab iis quæ ſuccum craſſum atque glutinoſum gignunt, quæ ab Excellent. adſtanti recenſeri poterunt, verbo, hic Puer ut febricitans curandus fuerit, ovis forbilibus, pullis junioribus, carne tenella vitulina, aviculis ſylveſtribus, ſed carnes, ut ait Hipp. exhibeantur ſerè ſemiputridæ, quas nos ſolemus appellare Frole. Vinum omnino interdicens; unde Ariſt. dicebat, quod qui aquam bibunt, acutiùs vident. Martialis verò, *Vinum Phryx bibit, oculi venenum*; Bibat autem aquam ſanralinam, aut ſtillatitiam borrag. ut quæ reliquis minùs frigida habeatur & in hac victus ratione ſine vino, ad menſes perſiſtat.

Tertiò noctu dormiat capite elato, & ſupinus, aut ſaltem nunquam in latus dextrum.

Quartò motus & exercitium ante cibum adhibeatur, capite ſemper erecto.

Quintò Alvus lubrica ſervetur, & aliqua pil. maſtich. cum granis magiſt. mechoac. bis, aut ter per menſem ſolicitetur.

Tandem alacri animo ſit Puer, qui & à ſtudiis, & à ſcribendi officio, & legendi eſt omnino avocandus. Quibus faxit Deus, ut optatam ſalutem conſequatur. *Idem ibidem.*

De Ophthalmia, & imminuta Viſione.

Non aded probam ſanguificationem fieri in Illuſtriſſ. Patiente, nobis ſignificavit ſæva ſcabies quæ olim eundem afflixit, medicis auxiliis tandem expugnata; ſicuti in præſenti idem nobis confirmat Ophthalmia non legitima, ſed ſpuria, pertinax atque rebellis, unius anni & ultra quæ nil aliud eſt quàm inflammatio adnatæ tunicæ, proveniens à fluxione impuri ſanguinis, cujus ratione alii quoque humores, per venas internas, in albugineum humorem ſeſe inſinuarunt, à quibus imminuta quodammodo redditur quoque viſio. Humores autem jam dicti, utrumque affectum producentes, primò & præcipuè à toto, ſecundariò verò à capite tranſmiſſi fuerunt, & tranſmittuntur ob jecoris calidam intemperiem, capitis verò humidam, à quibus prædicti pravi humores ſanguinem inſicientes, & ſpuriam, ideoque contumacè ophthalmiā inducentes, originē ducunt.

Affectus quidem ſanabilis, ſed non aded facilè; nam, ſicut difficilis eſt materiæ ad oculos influxus, per venas nimirum exiles; ita humoris jam tranſmiſſi reſolutio tarda, & fluentis diverſio laborioſa futura eſt; quod hucusque expertus fuit Illuſtr. Patiens; quia ſpuria, utpote à craſſiori ſanguine proveniens, difficilioris reſolutionis eſt. Diuturnitas autem poteſt viſioni quoque non parvum officere, nec tandem etiam ſine ſuffuſionis metu. Quare cauta atque diligenti curatione opus eſt; etenim oculum curare ante caput non licet; neque caput ante torum, ut habemus ex Galeno à Platone.

Quare primò primæ viæ expiandæ. Secundò totum venoſum genus deſcæcandum & expurgandum. Tertiò à capite & oculis revellendum. Quartò caput purgandum. Ultimò oculis ipſis erunt auxilia adhibenda. Quibus omnibus, ita jubente Illu. Viro, ordine executivo erit ſatiſfaciendum.

Sicque omnium primò aſſumat potionem, quatuor horis ante cibum, huiusmodi,

℞. Syrup. roſ. ſol. ℥iv. Man. elect. ℥ij. Aq. flor. citri parum m. f. p. Deinde per quinque dies, ſummo mane Julap. acet ℥iij. quibus tranſactis bibat hanc potionem.

℞. Syr. roſ. ſol. ℥v. Diacatholici ℥ſ. ſeri capr. q. ſ. m. f. p. à qua præbeatur ſeri Capr. depur. ℔iſ. & duabus horis ab eo, prandeat. Inde ad ſecundam præparationem deveniendum, ſuccis herbarum depuratis, Cich. Borrag. Beton. ad ℥j. ana, in decoctione cichor. borraginis, acetofæ, endiviæ, agrim. per ſeptem dies, ſummo mane aſſumendis. Altera verò die horum ſuccorum, horâ unâ ante prandium, ſanguis educatur ex venâ com-

muni brachii dextri ad ℥vij. Mox in uſu ſuccorum perſiſtat. Exactis autem his ſeptem diebus, ſumat ſequentem potionem.

℞. Syr. roſ. ſolut. ℥v. Elect. Diaphæn. de ſuceo roſ. an. ℥iſ. Seri depur. q. ſ. m. f. p. cui tribus poſt horis, ſuperbibat ſeri Capr. depur. ℔iſ. & duabus horis ab eo prandeat. Sequentibus duobus diebus, ſumat ſucci depur. cichor. beton. euphragiæ an. ℥j. In decoct. cich. borraginis, acetofæ, betonice, Euphragiæ, chelidoniæ. Tertiò verò die, in Aurora, ſumat pilulas has, quinque ſaltem horis ante prandium.

℞. Pilul. Aggreg. Cochiar. præpar. an. ℥j. Lucis, ℔j. M. reform. pilul. & aur. à quibus duabus poſt horis, hauriat Aquæ Nocerianæ ℔iſ. mox tribus horis ab eadem aqua prandeat. Deinde duobus ſequentibus diebus repetat ſuccos jam dictos, ruruſque pilulas eaſdem, ut ſuprà; & mox ſuccos, ita ut quarto quoque die, ter pilulæ repetantur. Interim maſticatoriis quoque caput expurgandum, ut.

℞. Maſtich. elect. ℥ſ. Pulveris gingib. Fœniculi an. ℥j. Ceræ q. ſ. m. ad ignem ſiantiglob. ad maſticand. Quibus peractis, decoctum in jure quotidie aſſumendum per menſem, non obſtante æſtivo calore; exſiccandi namque, at non calefaciendi vim obtinebit; verum altera die hujus decocti, horâ unâ ante prandium, educatur ſanguis à venis ſedalibus, hirudinibus applicitis, ad ℥vij. Decoctum autem tale erit.

℞. Santal. alb. raſp. ℥ij. Lentiſci è Chio unc. i. radic. roſar. noſtr. ℥ſ. Aquæ ſtillar. cichor. ℔iſ. Aq. beton. euphrag. an. ℔j. m. f. inf. per horas 24. deinde bulliant, ad conſumpt. dimidii, & colatura ſervetur pro tribus vicibus, ſummo mane aſſumenda; verum qualibet hebdomada aſſumat pilulas jam dictas, ſcilicet.

℞. Pilul. Aggreg. Cochiar. præp. an. ℥ſ. Lucis, Aurear. an. ℔j. m. ref. pilulæ, & aur. ſuperhauſtâ aquâ Noceræ, ut ſuprà, quo tempore utatur Conſervâ roſar. tum à prandio, tum à cœna. Et tandem oculi, jejunò ventriculò, pluries abluendi aquâ Euphragiæ, Fœniculi, Chelidoniæ deſtillatis, ſimul miſtis & tepefaſtis.

Quibus omnibus addenda congrua victus ratio. Sic vitentur radii ſolares, item alimenta calidiora, caput petentia, ut aromata omnia, condimenta Allii, Cæparum, & Aceti, Apium, vina generoſa. Dormiat ut plurimum ſupinus, numquam pronus. Exercitia ſint ante cibum. Summo mane, antequam ſurgat, fricções ſibi fieri jubeat, à nucha incipiendo, & ad crura deſcendendo; ſicuti veſpèri ante cœnam, frequentes pedum lotiones, ex aqua calente convenientiſſimæ erunt. Abſoluta verò præſcripta expurgatione, ſemel per menſem aſſumat has pilulas.

℞. Pilul. Maſtic. Aurear. Aggreg. an. ℔j. M. ref. pil. & aur. qua die hordeum comedat, atque alacriter vivat. Quæ omnia Patienti Illuſtriſſimo à Deo ſalutaria precor. *Idem ibidem.*

Ophthalmia Præſervatio.

Puer Nob. 28. natus menſes, hilaris, temperamenti calidi & humidum quoad torum, cerebrique calidioris & humidioris, ſub menſis Februarii initium correptus eſt defluxione ad utrumque oculum, cum lacrymis copioſis, oculorum rubore, dolore, ardore, turgelcentibus palpebris, & frequenti coalitu, ex materiæ ſordide viſciditate; qui affectus aded in dies invaluit, ut viſionis præſens periculum immineret. Curatus autem leviter quidem eſt eo tempore, quantum licuit per æſtatem & hyemem, non ſine aliquo levamine; videri quidem modo exactè, & oculi pellucidi ſunt, ſuperſtite tamen adhuc in extremis ciliis, unde pili erumpunt, glutinoſa fluxione, noctu in ſomno invaleſcente, & eadem cilia adeo conglutinante, ut nonniſi labioſe mane-

mane diducantur; prurit insuper totum corpus.

Præteritam Ophthalmiam, ad Chemosin usque perductam, in Nob. Puero, à sanguine bilioso & pituitoso simul mistis, per venam jugularem externam; aut per carotidas arterias ad caput sublato, atque à venis in adnatæ substantiam effuso, & inflammationem in eadem excitante, provenisse credendam; qui forsàn sanguis, si caput adversus ambientis frigiditatem fuisset munitum, in psoram, achores, & favos antehac erupisset, absque oculorum offensa. A toto autem caput, & ab hoc oculos, materiam morbosam suscepisse non dubitandum; cum universalis pruritus vitiarum sanguinem totius nobis abundè indicet.

Hęc affectio jam à prudenti manu medica curata & sanata fuit. Verùm quoniam de recidivis jurè dubitatur; ideo aliqua ad præservationem agenda, humores à capite revellendo; causam foventem removendo; & oculos roborando. Quod nos consequi posse speramus, non tamen certò; cum tenella infantis ætas propria prorsus auxilia non admittat; & Endemius sit affectus. Nihilominus quàm maximè confidendum adhibitis præsidiiis, & potissimum inusto jam cauterio, præservationi potius quàm curationi dicato; sicut quàm efficacissimum derivans materiæ antecedentis & decurrentis remedium, foret alterum inter primam & secundam vertebam inustum. Setaceum verò suspectum habemus, ob capitis à toto magnum consensum, quod proinde ob dolores continuos, copiosos in caput attrahere posset humores. Auriculis aliquod leve pondus ex auro est appendendum; prout frequentes pedum lotiones magni fecit Hipp. in oculorum affectibus, potissimum inflammatoriis; quinimò & Paulus atque Orbanus. Bis autem per mensem aliquod medicamentum serositates evacuans erit exhibendum: Lipientem enim alvi profluvio corripere bonum. Poterit verò esse ex usu potio ex manna clarif. ad ℥iij. Vel, quod melius, extractum mechoacan. ad gr. x. exhibendum, dulciariæ spiræ immixtum, ad faciliorem exhibitionem. Atque interim humorum fervor, atque acrimonia perpetuò erit contemperanda, repetita quotidie sorbitione jusculi, solà acetosâ alterati. Nec nos turbet multiplex atque diversus modus, quò & Hippocr. & Gal. usi fuerunt in ophthalmiis curandis; modò scilicet sola purgatione, modò sola sanguinis missione, modò solo balneo, modò meraci potu & somno, nam causæ quoque variæ sunt; aliquando enim fit ophthalmia ab humoribus heterogeneis in toto redundantibus, & ab eo ad caput transmissis, quo casu medicamentis purgantibus utendum, quibus gloriatur Gal. se oculorum inflammationem, unico die, purgatione sanasse; quandoque verò fit à solo sanguine, & tunc sanguinis missio quàm maximè convenit; atque ita Oeconomus Romani divitis, Medico Erasistrato antea commissus repetita sanguinis missione fuit à Gal. sanatus; item à solis acribus humoribus, & sic juvenis ille non plethoricus, solo Balneo aquæ dulcis fuit sanatus; prout interdum ophthalmia contumax, ex crasso sanguine in venis adnatæ hærente, & eadem tumefaciente excitata, vini meracis potu & Balneo sanatur, ut accidit alteri juveni. Nos itaque purgantium usui insistemus.

Ad oculorum verò corroboracionem, familiarem habeant Domestici eorundem lotionem, vel aqua rosacea, in quâ thus accensum pluries fuerit extinctum; vel aqua simplici, aut pluviali, in qua lamina æris ignita pluries fuerit injecta; aquâ autem euphragiæ & fœniculi utendum in sola declinatione, ad humores impactos attenuandos atque discutiendos, & ad curationem potius quàm præservacionem.

Quibus omnibus addatur conveniens victus ratio, Viro Excellentissimo Adstanti, sicut cætera omnia, notissima. Interim Gal. observatio non negligenda, quod caput calidum ab externis; frigidum verò facilius ab in-

ternis causis lædi soleat; & illud Martialis memoria tenendum. *Pbr̃x vinum bibit, Ocl. venenum. Idem ibidem.*

De Suffusione.

Sacrâ profanis ne misceamus, non canamus, sed dicamus cum Gal. Vis ut ostendam tibi in microcosmo Solem? ostendam oculum, organum lucidissimum, & Soli quàm simillimum; sed quid Sole præstantius? unde Tantâ fabricæ excellentia oculus præter alia omnia sensuum instrumenta, præditus fuit. Cerebrum autem locatum fuisse in capite propter oculos; reliqua verò sensoria omnia propter cerebrum, idem protulit. At quoniam hæc hujusmodi hominibus, aut ignota, aut non satis considerata esse solent; ideo luce orbatî, veluti talpæ promiscuè, imò alacrius vivunt, & laboris sibi infensi vacuî, securi pinguescunt. Unde parvi fecisse patientem hunc oculorum suorum morbosum primum statum pro certo habendum. Quare non mirum, si à prima ophthalmiæ accessione neglecta, calor & doloris causa per venas aquosa, imò mucosa materia ad spatium non exiguum, inter corneam & crystallinum, attracta fuerit, ibique magis densata, objectorum visibilibus intromissionem interceptans, in oculorum altero abolitam, in altero verò valde imminutam reddiderit visionem, & hypochymata, seu suffusiones tandem produxerit; facile namque id contingit in capite calida & humida intemperie laborante, à toto quoque genere venoso non levem fomitem atque consensum suscipiente.

Harum verò suffusionum altera, ut consummata, & in tertio gradu, omnino insanabilis; altera verò in secundo vix curationem admittit; incipiens namque sola discuti potest; quanquam & in hac quoque promissiones medicamentorum magnæ sint; effectus autem nullus, aut valde exiguus, potissimum hoc anni tempore frigido in hoc homine rudi, non Viro, & omnium minime, si annexam haberet ophthalmiam, prout judico, quæ ut causa sine qua non prius removenda foret.

Quare vix vera atque legitima curatio tentanda; in cuius gratiam prognosticum proponitur; quam si moliri animus esset, materia fluens & fluxa attendenda, fluenis evacuanda, revellenda, ejusque generatio inhibenda; fluxa calefacientibus moderatis resolvenda; oculique tandem intemperies corrigenda foret.

Et si de sanguine mittendo loquamur, ratione suffusionis, nec Gal. nec Avicena. usquam hoc præsidium admittunt, à Rhasi quinetiam prohibitum, ut quod possit materiam magis refrigerare, atque incrassare; nisi in corpore plethorico, & cum suffusioni Ophthalmia adjuncta est. Venæ hæmorrhoidales tamen in casu præsentî, aperiri poterunt. Pedum item lotiones, & frictiones asperæ dorfi; Cucurbitula in occipite magna, sicca, & repetita ex usu erunt. Sicut & setaceum, purgato toto & capite forsàn proderit; aliter enim in corpore Cacochymo, plus attrahit à toto ad caput quàm evacuet, & sæpè celerius occæcantur.

Purgatio ineuitanda, & repetenda, tum totius, tum capitis, à te prudenter præscripta; & inde ad decoctum ex Guajaco, visco querc. & santalo deveniendum, additis decoct. euphragiæ & chelidoniæ. Interim topica attenuantia & resolyentia oculo admoventur; inter quæ præstantissima duo Gal. sunt; alterum ex succo fœniculi, marubii, mellis, & fellibus compositum, destillatis omnibus B. M. ut fiat aqua adhibendum; alterum est efficacissima Aqua Quercet.

℥. Croci metall. ʒj. Aq. euph. aut chelidon. ʒiv. m. pro collyrio.

Vinum oligophorum pro potu, ex jam dictis parari poterit; quanquam acutius videant, qui aquam bibunt, ex Arist. Degat in cubiculo clauso, sed sine igne, & qualibet hebdomada pil. aliquam sumat; atque in reliquis, prudentissimis tuis mandatis obtemperet.

Faxit Deus ne oleum & operam perdamus. *Idem ibidem.*

De Suffusione Incipiente.

Illustrissimus Vir, post ictum vehementem capiti prope oculum inflatum, & hinc enatum tumorem, brevi tamen sanatum, Rus adhuc convalescens se contulit, ubi præter aërem humidiorum & impuriorem illius loci, sæpius etiam nocturno sese exposuit, sicque naturalem humidam capitis & oculorum intemperiem non parum adauxit. Quamobrem præteritis diebus ex improvise sensit humorem quemdam in dextrum oculum delabi, qui objectorum distinctionem non solum eripuit, sed visionem ipsam offuscavit, valdeque confusam & nebulosam reddidit; ideoque medicum auxilium exposcit.

Momentanea fere Visionis depravatio ex sensibili destillatione & condensatione materiæ inter tunicam uveam & corneam, non alio quam Suffusionis nomine cum Celso & Galeno nuncupanda est; quæ tamen in fieri in hoc casu est: etenim si absoluta foret, aut velum seu tela, aut macula, aut guttula quædam ante oculum appareret, vel nulla omnino esset visio: prout quando est in fieri, fumus solum, vel vapor, vel nebula tantummodo cernitur.

Hæc autem sit ab humore pituitoso inter uveam & corneam condensato ex Celso; seu inter corneam & crystallinum ex Galeno. Humor vero iste abunde generatus ab humido capitis temperamento, naturali quidem, sed ab erroribus etiam in rebus nonnaturalibus aducto; non potuit in oculum naturam imbecilem, postea à vehemente ictu debiliorem factum, nec in Curatione, ut par erat, corroboratum, partim non delabi: qui tamen humor neque hoc Suffusionis principium induxisset, nisi condensationem à frigiditate oculi addeptus esset.

Ut malo huic consulamus, satisfaciendum est intentionibus à Gal. propositis, dicente, quod Oculum curare ante caput non licet, neque caput ante totum corpus. Quare totum prius expurgandum, inde caput, tertio materia in oculo attenuanda & resolvenda, antequam Suffusio ulterius progrediatur: Hypochyma enim in principio digeri potest, ubi verò diu constiterit, amplius digeri non potest.

Et quamvis habeat Gal. quod promissiones medicamentorum in Suffusis magnæ sunt, effectus verò aut nullus, aut valde exiguus, nihilominus hoc locum habere supponimus in Suffusione tantum perfecta & absoluta, quæ, ut inquit Paulus, immoderate coaluit; quod dignoscitur, quia tunc ex digiti impressione nulla fusio oboritur. Sperandum itaque, & licet non sine dubio, agendum tamen ut saltem sanus oculus præservetur, qui facile ob mutuum nervorum oculorum consensum, & ipse quoque affici posset.

In Chirurgico itaque fonte, facta primarum viarum expiatione, sanguis ad 3. vi. ex Cephalica dextera educendus ad evacuationem & derivationem. Et quoniam caput copiosis humiditatibus abundat; ideo Catæterium utroque brachio inurendum pro Curatione læsi oculi, & pro sani præservatione. Et si morbus interrim potius auferretur, seraceum in occipite per aliquot menses conveniet. Frictiones quoque in dorso & cucurbitulæ siccæ valde conferent.

Ex Pharmacia, exhibito medicamento ex lenit. & speciebus hieræ, desumenda. Præparantia ex syr. de cich. de beton. & oxymel. simplici; in decoct. cich. borag. beton. fœniculi, euphrag. & stœchados; à qua Præparatione purgantur humores elect. lenit. & diacatholicon. Inde efficaciora Præparantia usurpanda, syr. scil. comp. in eadem decoctione; quibus succedat Purgatio pilulis de trib. cum rhabarb. sine quibus, mastic. aur. & lucis.

Toto expurgato, capiti quoque incumbendum masticatoriis & mastiche, rad. Acori, pyrethæ, zinzib. & cerâ paratis. Gargarismi quoque convenient ex decoct. origani, pulegii, calamenthi, hyssopi, beton. addito oxymel. simplici. Interim alvus lubrica servanda pilulis lucis, masticinis & de hiera cum agar. ad 3j.

Tandem ut corroboretur caput, parandum erit electuarium ex Conservis appropriatis, nempe rosarum, & floribus beton. & flor. roris marini, nisi potius Theriaca quandoque utatur, quæ magis fortasse proderit.

Si verò hisce remediis morbus non cedat, necessario deveniendum erit ad Decoctum guajaci, salsæ, visci querc. sassafras & santalorum, cum herbis appropriatis; per viginti aut triginta dies sudorem in lecto procurando: cui tamen præmitti poterit bolus ex succo cich. pulv. euphrag. fœniculi, sileris mont. & chelidon. paratus. Post Decoctum verò uti poterit Confectione aliqua, ex pulv. fœniculi, chelidonæ, sileris mont. chamædryos, sassafras, & sacch. q. s. Extrinsecus idoneum erit leve lixivium herbis exiccantibus paratum, quo abluatur caput, & inde pulveribus exiccantibus aspergatur, additis macis, caryophyll. laudano, & similibus, & à stillicidio abstinere, ne fusi humores ad affectam partem copiosius irruerent.

Purgato & corroborato capite, læsi oculi ratio habenda; & quidem inter plurima Collyria eligerem decoctionem Anagallidis, euphrag. fœniculi, chelidonæ, in aqua fœniculi & euphragie, in qua dissolvatur fel Perdici aut lucii, à proprietate oculis valde amicum.

Si his adhibitis remediis perseveraret adhuc morbus, Chirurgus relinquendus erit, dummodo tamen Suffusio talis sit, ut possit tuto deponi: hæc enim operatio non immerito subtilissima vocatur à Celso.

His addatur conveniens vivendi modus; adeo ut vitet aërem humidum & impurum. Alimenta sint potius assa, quam elixa, & fœniculo ac petroselino condita. In fine mensæ aliquod adstringens semper assumat. Somnus sit mediocris, & nocturnus tantum. Exercitium moderatum & ante cibum. Alvus lubrica servetur pilulis lucis & masticinis. Et alacriter vivat. *Idem T. 2. Cent. 1.*

De Suffusione Incipiente.

Excellentissimus Comes quinquagesimum quintum annum agens, temperamenti totius calidi & humidi, hepatis calidioris, & humidioris Cerebri, alearum ludo noctu & aquarum potibus maxime delectatus; præterito Autumnò catarrhalibus fluxionibus quibus semper obnoxius fuit, maxime divexatus est. Quare Medicinæ opem tentare coactus, præter alia Extractum chinæ, additis tamen salsâ, lentisco & santalis; per plures dies assumpsit, cujus ope bene habere visus est, usque ad Quadragesimæ initium, quo tempore Visus dexteri oculi obtenebratus est, & valde impeditus in apprehendendis clare & distincte objectis visibilibus, quinimo veluti nubecula quædam ante oculos appareret, quæ non solum peractæ expurgationi cessit, sed potius aucta est. Quare consilium tuum enix efflagitat.

Visus imminutio circa objecta distantia, Myopia didici posset, si sine ullo intercedente impedimento, & non adeo illico facta fuisset. At quoniam extempore incepit & quotidie magis increvit cum quadam apparente fumositatē, quæ specierum sensibilibus distantium impedit ingressum, sicut impeditur quoque obviantium spirituum ad debita loca transmissio, ideo Hypochymate seu Suffusione oculum dextrum Excellentissimi Comitatus affectum esse pro certo habendum, cujus quoniam tres dantur gradus, & primus est, dum nulla in pupilla, Medico intente; mutatio, & à Patientē solus fumus observatur; ideo in primo gradu constitui potest,

potest. Cum verò conditio hujus affectus sit, quod spatio mensum augeatur & increseat, ideo si ad secundum gradum accedat, nonnisi per telam raram, seu cribrum objecta Patienti videre concessum est, sicuti tandem ubi tertium gradum attigerit, prorsus aufertur visio, & Amblyopia evadit.

Fumus autem iste apparens vere vaporosa materia non est, sed aquosa, à vasis oculi, humoribus, & potissimum aqueo alimentum deferentibus, in intercapedinem inter corneam & crystallinum existentem extrusa, quæ tractu temporis à frigiditate, tum potissimum ipsius oculi, tum ambientis, & propria paulatim crasset, sicque visionem minuit, quæ tamen tanto tempore imminuta conservatur, quando conservatur perspicuitas atque diaphaneitas in ipsa materia etiam citra ullum alium alterius materiæ accessum: unde jure merito Paulus & Oribasius Suffusionem appellabat, humoris. Præterfusionem inte. Corneam & Crystallinum, & Aërius humorum præterfusorum Congelationem; quare decipi solent, qui Suffusiones à continuato materiæ influxu augeri credunt: ita enim exiguo tempore intumesceret & extuberaret oculus, aliique affectus à Suffusione diversi exorirentur.

Nec defuit serosæ materiæ antecedentis copia in Excellentissimo Viro, cum, hujus excedentiæ alia manifesta signa non desint, tum quia caput ejus essentialiter calida & valde humida inremperie jam diu laborat, tum quia in aquæ potu semper deliquit, & tandem quoniam à jecoris caliditate colliquante atque fundente, serositates in eodem multiplicari aliàs consideravimus, quas per venosum genus ad cor, deinde per arteriosum ad caput delatas, & ab oculis, tum in alearum ledæ accensis candelis circumstantibus, tum etiam facile in legendo aut scribendo sese exercentibus nimium attractas, & nutritioni ineptas, vasa ipsa in jam dictum spatium evomuerunt & suffusionem constituerunt, quæ quando ab extrinseco intuenste discernitur, tunc non amplius incipientem, sed progressam esse censendum.

Summa verò prudentia statim ab Excellentissimo Adstanti fuit tentata Curatio, quæ inservire quoque potuit illæsi oculi præservationi, cum facilis nimis unius cum altero sit communicatio, & rara unius, & non alterius læsio. Nec deferenda provincia, cum Excellentissimi Comitæ corpus totum & caput humiditatibus scateat, quas educere, corpusque totum, & præsertim caput exicare nostra semper intentio fuit. Et quamvis promissiones medicamentorum in Suffusis plures sint, effectus verò ut plurimum aut nullus, aut valde exiguus; attamen Hypochyma incipiens digeri posse promittit Gal. idem. Non est igitur cunctandum, sed in Curatione progrediendum, tum ut attenuato humore ulterius non procedat affectus, imo diminuatur, tum ut oculus sanus aliæque corporis partes ab imminentibus malis præserventur.

Et ideo Medicis intentionibus jam ab Eruditissimis Viris suppositis satisfaciendum; primò materiam fluentem evacuando, revellendo, ejusque generationem prohibendo, fluxam verò resolvendo, & oculos moderate calefaciendo.

Pro quibus assequendis, sanguinis missio locum habere non videtur, & ideo & à Gal & ab Avic. omissa fuit, sicut & Rhasis quamcunque sanguinis missionem prohibet, quam & nos in hoc Viro Excellentissimo omittendam esse censemus, sicut nullo modo omittendum Cauterium in lævo brachio inurendum, nec frictiones à nucha incipientes usque ad infernas partes, neque pedum lotiones. Interim totum corpus, quoad fieri potest, ab humiditatibus vindicandum. Inde caput quoque & pilulis Elleboratis, & Errhinis expurgandum: oculum enim ante caput curare non licet, neque caput ante totum, ut dicebat quoque Plato in Carmide. Quod tamen solis purgantibus medicamentis nos

assequi posse minime speramus, sed Diaphoreticis & sudorem provocantibus intus, & extra opus esse pro certo habemus, alioquin & oculos, & alias facile partes à redundantibus humiditatibus lædi dubio procul videbimus, ut superius innuimus. Idcirco præmissa exacta jam dicta totius & capitis expurgatione, Decoctum sudorificum erit instituendum; nec de liquatione & fluxione ad oculos quicquam timendum, dum liquatæ humiditates ad extimas corporis & capitis partes alliguntur, & per sudorem expelluntur, sicque ab oculis divertuntur, & interim materia jam fluxa attenuatur, subtilisatur & resolvitur, aut ad resolutionem paratur: sicuti valde suspectus apud nos semper fuit Decocti liquantis usus citra sudorem: fusi namque humores dum per sudorem non expelluntur, ad debiliores corporis partes irruunt, sicque præsentis affectus adaugent novosque producant: credibile namque non est Decoctum ipsum tantum absumere posse, quantum liquat. Paretur itaque Decoctum, sed sudorificum, adeo ut totum corpus, & caput potissimum in hypocaulto exudare possit, nempe ex visco querc. ligno roris mar. exigua pulpa guajaci, necnon lentisci portione, in aqua stillat. cich. atque beton. euphrag. aut chelidonie, cui si placeat præmittere bolum ex Extracto præscripto Chine, aut pulverem viperinum, Peritissimi Adstantis arbitrio remittimus, de cujus recto usu plura adducere non licet.

Interim autem Ophthalmica topica externa in usum ducenda, inter quæ quoniam crocus metallorum in aqua chelidonie dissolutus à Quercetano extollitur, ideo nos tincturam ejusdem croci parari jussimus, ipso croco multò præstantiorem: cum enim crocus metallorum ex antimonio & nitro simul calcinatis conficiatur, citra metallorum missionem non adeo operosum evadit tincturas extrahere; verum ut facilius Corneam permeare valeat ipsa tinctura, præmitti poterit suffumigium ex vino malvatico, in quo crocus & faniculum ebullierint, reposito vino calente in vase, aut phiala vitrea oculo adaptata, ita ut fumus ab oculo eodem recipiatur: rarefaciendo enim tincturæ penetrationem non parum juvabit.

Ante sudorem & post, vinum pro mensa ligno roris mar. & euphragia paretur medicatum. Et in reliquis congruam victus rationem à Viro Excellentissimo Adstanti præscribendam relinquimus: sicut cætera in præteritis nostris Consultationibus descripta optime dirigi pro salute Illustrissimi atque Excellentissimi Comitæ & optamus, & exoramus. *Idem ibidem.*

De Suffusione Incipiente.

Nob. iste Adolescens temperamenti secundum totum ad calidum & siccum vergentis, calidioris, capitis humidioris, glaucos oculos à natura sortitus, libere præterea vivens; annus jam agitur cum dimidio, ex quo corpuscula quædam, seu atomos pupillæ observantes, sursum & deorsum moveri observavit, quæ modò majores quàm antea eidem apparent, nec semper ejusdem magnitudinis, sed quandoque majores, quandoque minores, sine tamen visus imminutione, sed potius ejusdem confusione: objectorum namque visibilium visio non impeditur, nisi quantum loci occupant corpuscula ipsa, nunquam stabilia, sed ut superius diximus, in continuo motu posita. Pupilla observatur nitida, & licet non nigra, suo tamen naturali colore prædita; humiditas autem quandoque, licet rarè, sponte ab oculis decedit. Pejora verò timens Nob. Juvenis de agendis consulit.

Corpuscula illa in oculis volitantia, ascendentia & descendentia, Imagines dici possent cum Gal. si perpetua non essent, sed modò adessent, modò abessent: sicuti quoniam perpetuò adsunt, Idola potius cum eodem sunt

sunt appellanda. Differunt autem inter se Idola & Imagines ratione causarum: Imagines enim à materia vaporosa ab infernis partibus ad oculos elevata proveniunt, quæ vaporosa materia, quoniam modò elevatur, modò non elevatur, ideò nec illæ continuò apparent. Idola verò sunt à materia humerosa in oculo existente, quæ in Aqueum humorem exprimitur in intercapedine inter Corneam & Crystallinum, quæ postea in atomos divisa & à spiritibus semper commota & agitata, sursum & deorsum movetur, & modò majores, modò minores apparent particulae illæ humorosæ, prout quandoque elevatur quoque materia vaporosa, qua implentur, & majores apparent, sicuti à calore, vaporibus resolutis, minores sunt & ad pristinum statum redeunt. Oculo autem glauco existenti & naturalem imbecillitatem habenti, ab humidiori capite justò major impertitur humiditas, sicuti à jecore & hypochondriis, fervidioribus existentibus, vaporosa quandoque communicatur materia, unde hæc mala, eoque facilius, addita promiscua libertate vendi.

Quod quidem symptoma nuncius Suffusionis esse solet: jam enim Præterfusio humoris secuta est cum Paulo & Oribasio, unde restat quod uniantur corpuscula illa, incrassentur, & ut Aëtii verbis utamur, congelentur: tunc enim ad instar relæ ante pupillam velamen apparet, quod specierum visibilibus ingressum impedit, & Suffusio, seu Cataracta tunc absoluta evadit.

Jure merito igitur Nob. Adolescens affectum præsentem non parvi facit, cum majora mala minetur: ideo cum Hypochyma incipiens digeri posse promittat Gal. non sine spe præsentis ineunda Curatio & à progressu Præservatio. Et proximo vernò tempore agendum, antequam corpuscula illa simul coeant: tunc enim spatium mensium visio semper tenebrosior redidit.

Et quoniam oculum curare ante caput, neque caput ante totum corpus non licet, ideo primæ viæ sunt expiandæ. Secundò Totum expurgandum. Tertiò Caput. Quartò illud idem exsiccandum & roborandum, ut tandem materia pituitosa tenuis in oculo existens insensibiliter digeratur, habita semper caloris jecoris & hypochondriorum ratione.

Quibus intentionibus satisfaciendum remediis Chirurgicis, Pharmaceuticis & Diæticis.

Et à Chirurgico desumi poterit sanguinis missio semel tantum administranda, eaque ex pede dextero, tum pro revulsione vaporum ascendentium, tum ut minus caput & oculi refrigerentur. Cauterium quoque pro nunc in lævo brachio inurendum. Frequentes sint matutino tempore, antequam è lecto egrediatur, frictiones dorsi: vespertino verò ante cœnam pedum lotiones.

Reliqua remedia ex Pharmaceutico depromenda; sic potio ex manna clarif. vel syrupus ros. solut. cum manna poterit ventriculum exonerare; sicut cremor tart. ad semiunc. in jure, cortic. citri alterato dissolutus, per quinque dies erit primùm Præparans, cui succedat eodem medicamento supra proposito evacuatio. Inde ad ulteriora Præparantia erit deveniendum, & esse poterunt Julapium quidem simplex acet. ad ℥ij. cui superbibat succi depur. cich. & beton. an. ℥ij. in decoct. Cichorac. addita betonica, salvia & majorana; in horum usu insistendum ad dies 12. in quorum intermedio sumat vel infusum agar. rhab. & senæ, addito syrupo ros. solutivo, vel electuarius lenir. cum diaphæn. cui superbibat aquam hordeaceam ad lib. 1. vel j. 6. quod idem medicamentum repetatur duodecim jam dictis terminatis diebus. Post hæc caput quoque erit respiciendum, tum Præparantibus, tum Expurgantibus; Præparantia sint oxymel simpl. ad ℥ij.

Biblioth. Chirurg. Tom. III.

cui superbibat succi beton. & euphrag. an. ℥ij. in decoct. cich. endiv. melissæ, calend. beton. salviæ, euphrag. chelidonis & quinque transactis diebus assumat pilularum aggregat. coch. & aurearum an. 36. quibus, transactâ horâ, superbibat aquam hordeac. ad lib. 2. & quatuor horis ab assumpta aqua prandeat. Repetat deinde tribus sequentibus diebus eadem Præparantia, & inde pilulas aggregat. cochias, & lucis eadem dosi, ita & tertia vice interpositis, ut supra, Præparantibus. Quibus Præparantium diebus omnibus, masticatoria ex usu matutino tempore erunt, ex mastiche, pulvere staphisagr. pyrethri, fœniculi & cerâ parata: Errhina namque, sive Nasaria non valde ab Hippocr. probantur.

Purgatum caput esset quoquo pacto exsiccandum: Verùm pro hac vice faciliora proponemus: quibus tamen non sufficientibus, mox ad generosiora & magis operosa alio tempore esset deveniendum. Fiant ergo quotidianæ aspersiones & mane & vespere, pulveribus capitalibus exsiccantibus, paratis ex carie lignorum, cornu Cervi usto, radice. Iridis Florent. ustis orizis, rosas rub. major. & caryophyll. in aqua rosac. prius maceratis, deinde exsiccatis & in pulverem reductis. Post pectionem perfricetur caput spongia vino albo imbuta, mox expressa & exsiccata, in quo infusa fuerint, & efferbuerint lignum sassafras, roris marini, radix rhodiæ, radix fœniculi, majorana, salvia. Sub ingressum lecti, summo digito medio quinta essentia roris marini intincto illiniatur futura coronalis, & sumat Conservam, modò è floribus roris marini, modò beton. modò euphragiæ.

Tandem Ophthalmica quoque externa sunt adhibenda, & esse poterit aqua B. M. destillata ex succis euphrag. chelidon. fœniculi, prassii, vino malvat. & melle, additis bovis & lucii fellibus, cum volatiliis hoc tempore haberi non possint; qua aqua repida jejuno ventriculo pluries oculi sunt abluendi: & ut facilius Corneam penetrare valeat, præmitti poterit Suffumigium ex vino malvatico in quo ebullierit globulus Croci & fœniculi pugillus per phialam oculis adaptatam recipiendum. Ophthalmico jam dicto feliciore cum successu ego sum usus, quàm celebri illo Quercetani ex croco metallorum & aqua chelidonis parato.

Jam dictis omnibus cautior erit addenda victus ratio, ideo ut caveat Nob. Juvenis ab æris inclementiis, ab eduliis vaporosis, tum frigidis, tum nimiscaldis, & præsertim ab usu lactis, lactucæ, apii, leguminum; à crassis, & viscidis, à vinis generosioribus. Fugiat somnum diurnum, pariter exercitium à cibo; Veneris immoderatum usum; & alacriter vivat, sed citra comestiones & comotationes. Quæ à Deo Nob. Adolescenti salutaria precamur. *Idem ibidem.*

De Myopia, & Mydriasi.

Vir Nob. trigessimum sextum annum ægeus; temperamenti secundum totum ad calidum & siccum vergentis, fervidi jecoris atque cordis, ad actiones promptissimus, longis itineribus, & locorum atque Regionum mutatione postremis annis magnopere delectatus, qui ab incunabulis usque ad vigesimum semper pruriginosus fuit, & ob vivendi libertatem hypochondriacam actionem contraxit, ut propterea causariam vitam duxerit, & Quartanâ correptus, multos menses perseverante, à prurigine prorsus vindicatus fuerit. Vigesimo octavo suæ ætatis anno visionem in oculo dextero sibi imminui sensit, quæ imminutio usque in hunc diem semper augmentum suscepit, oculo quoque sinistro, progressu, communicata, cum utriusque oculi gravedine, præsertim noctis tempore.

tempore, & sæpe lacryma citra ullam inflammationem; quandoque aliquid veluti festucam in oculos incidere sibi videtur; & dum objecta, præsertim longinqua inspicit, aliquod impedimentum in oculo sibi obversari, & spiritus dissolvi videntur. Interim superioribus annis, dum in Gallia morabatur, Pleuritide & inde Peripneumonia fuit correptus, pro cuius Curatione sanguis copiosus ad decem usque vices fuit eidem extractus. Pleuritide verò sanata, tussicula cum totius macie perseveravit, ut propterea ad lactis asinini & balnei aque dulcis usum cum utilitate deveniret: carnosior enim factus fuit, tussisque recessit. Ob eandem causam duo Cauteria in brachio dextero atque coxâ affixa fuere, & postea suppressa, cum nullam utilitatem inde reportaverit Patiens; hæmorrhoides interim tumescere cum dolore coeperunt, exiguum rarò sanguinem fundentes. Modò cum visio semper in pejus labatur, pro hac potissimum consilium & auxilium implorat.

Nob. Virum à naturæ primordiis viscerum naturalium intemperie fortitum fuisse liquidò patet, cum ab ineunte ætate usque ad vigesimum quartum annum pruriginosa scabie universum corpus infectum habuerit, propter excrementitios & adustos humores in toto venoso genere redundantes à fervida jecoris intemperie progenitos: ut propterea additis à ventriculo cruditatibus, facile obstructiones & inde hypochondriacam affectionem contraxerit, eamque melancholicam, cum vitium in sanguine semper extiterit; quam veritatem confirmavit Quartana superveniens, validis melanagogis purgantibus curata, quibus unà cum Quartana scabies quoque sive pturigo evanuit, sicque morbum & causam morbi demonstravit sanatio. Verum quoniam post sanguinis depurationem superstites manserunt, intemperies viscerum; idcirco nova excrementorum reproductio rursus massam sanguineam inquinavit: unde portio illa sanguinis oculorum humores nutriens, crassior existens, visionis hebetudinem cœpit: spiritus enim & pauciores, & impuriore geniti, necessaria diaphaneitate privati à nimio lumine, requisito ab objecto distant, dissolvuntur, dum per radium longissimum deferuntur ad oculum species visibiles, sicque objecta distantia ægre videre, bene verò propinqua, & Myopiâ acquisitâ laborare cœpit. Præterea quoniam ab iisdem excrementis vel nimis impletur, & extenditur Rhagoides tunica, vel albugineus humor est adeo copiosus, ut replendo eandem tunicam nimis distendat, sicque Mydriasmum in oculo constituat, visio ideo imminuitur, qua spiritu evanescente ob pupillæ dilatationem, minima sit specierum impressio, quæ per radium acutissimum apte refractum, & in Retina exacte terminatum fieri debet. Ambo autem isti affectus in oculo dextero manifestiores, sicut obscuriores in sinistro in præsens apparent, quoniam octo abhinc annis in dextero inceperunt, nuper autem in sinistro. Excrementorum autem redundantiam in humoribus existentem confirmat gravado oculorum à Patiente noctu percepta: item & lacryma, & impedimentum quoddam quod visionem hebetem reddere ipsi videtur, præterquam quod sanguinis in toto pravitate attestabantur præteritæ ægritudines laterales & Atrophix cum tussi, nutritionis defectum ob alimenti pravitate significantes; & tandem confirmat hæmorrhoidum dolorifica intumescencia.

Affectus isti sunt curatu difficillimi, Myopia enim in Amblyopiam, indeque in cæcitatem ut plurimum terminari solet: desiderabilis enim potius esset Suffusio; & sicut brevi fit, & spatio mensium perficitur, ita frequentissimè facilis esse solet depositio quam non admittit humorum infectio. Nihilominus

omnia agenda, ne in deterius labatur Nob. Patiens, neve senectutem præcurrat cæcitas.

Quæ ut arceatur, Vere proximo erit ineunda Purgatio, primas vias mundando. Massam sanguineam totis viribus depurando. Jecoris fervorem temperando. Caput purgando; & Topicis ophthalmicis excrementitios humores absumendo.

Et quamvis ad vitium sanguinis corrigendum prodesse soleat ejusdem detractio, caute tamen in casu nostro est procedendum: obesse namque potuisse credendum copiosam & pluries jam repetitam in Gallia phlebotomiam; ideo sufficiens erit sanguinis ex hæmorrhoidibus detractio, hirudinem unam hæmorrhoidi magis tumenti apponendo, eandem statim amovendo, facto foramine: diurnam namque bestiolæ suctionem sequitur humorum attractio; quæ operatio bis & ter in anno repeti poterit, parcè sanguinem educendo: quo enim natura vergit, per loca conferentia, eò ducere convenit, Præterea duo Cauteria sunt inurenda, alterum in brachio sinistro, ratione capitis, alterum verò in coxa dextera, ratione totius.

Ex Pharmacia cætera sunt depromenda remedia. Sic pro primarum viarum expiatione potio magistralis ex manna clarif. conveniens erit. Pro prima Præparatione julapium acet. cinnamomo cortice citri aromatizatum, ut quinque aut sex transactis diebus repetatur potio jam præscripta. Inde ad ulteriora Præparantia progrediendum. Et quoniam saccharata & mellita ab Hypochondriacis non adeo facile tolerantur; idcirco succi herbarum, depur. substitui poterunt ex cich. borag. & agrim. in jure pullæ, cremore tart. alterato, vel cum crem. tart. prius ebullito: in quorum usu 15. diebus erit pergendum; quorum intermedio tempore, Purgans electivum erit præbendum, ex elect. lenit. de succo rosarum, diaphæn. & confectio Hamech paratum, cui superhibenda propinetur aqua hordeacea, aut Noceriana: ita medicamentum cum aqua repetatur in fine. Purgato toto, & caput Cephalicis erit purgandum; in quem finem præberi poterunt pilulæ coch. cum Elleboro præparatæ, additis aur. & aggregativis. Sed efficaciores essent pilulæ capitales Paracelsi, quæ constant ex Extractis diagrydii, colocynth. & Ellebori nigri, quarum dosis est à semidrachm. ad ℥ij. & quoniam assumuntur circa noctis dimidium, summo mane propinanda erit copiosa aqua Nocera, ratione caloris hypochondriorum & jecoris; hæ autem ter repetendæ erunt tertio aut quarto quoque die, intermediis verò diebus masticatoriis utendum, cum errhina suspecta ab Hippocr. habeantur: Pilulæ autem jam præscriptæ, paratæ diebus Canicularibus, habentur hîc Patavii ad signum Sirenis. Hoc verò eodem tempore, jecoris, cordis, hypochondriorum & sanguinis fervor temperati poterit usu emulsionis ita paratæ.

℥℥. Sem. melon. mundat. cucurbitæ an. ℥j. Aq. stillat. cich. ℥ viij. m. extrahatur emulsio, cui adde syrup. de pom. ℥j. m. pro potu matutino, integro. mense assumendo: aquæ namque minerales omnes, ut caput implentes, suspectæ. Tandem ad Topica ophthalmica deveniri poterit; & primò suffumigium recipiat Pat. ex vino albo generoso, in quo folia croci ebullierint, vinum reponendo in vase vitreo oculo accommodato: ita rarefactis oculi tunicis, Collyrium erit instillandum ex tinctura croci metallorum, aquæ chelidonix ita immista.

℥℥. Tincturæ croci metallorum ℥ss. Aq. chelidon. ℥j. m. pro Collyrio in æreo vase detinendo. Aliqua etiam Conserva Cephalica ophthalmica in usum ducenda, ut Conserva rosarum statim à prandio, & Euphrasix sub ingressum lecti.

Quod si jam dictis non cedat affectus, anno sequenti ad majora deveniendum, nimirum ad Decoctum capirale sudorificum, ut humores in capite & oculis contenti magis attenuari, & sensibilibiter ac insensibiliter evacuari & discuti possint.

Congrua vivendi ratio erit à Nob. Pat. servanda; abstinendo à vaporosis omnibus tum calidis, tum frigidis, & præsertim à lacte & à vinis generosis: etenim.

Vinum Phryx bibit; Oculi venenum.

à cibus incrassantibus, ab aëris inclementiis, à diuturna mora, tum prope ignem, tum sub radiis solaribus; à somno pomeridiano, & noctu à positu prono. Longa itinera dimittat, & quiescat. Inimica quoque immodica Venus & animi alterationes, ira præsertim & mæror.

Tribus autem hisce mensibus antequam præscriptam Purgationem aggrediatur, observet Nob. Patiens, quod alvus lubrica erit servanda, assumendo singulâ hebdomadâ electuarii lenit. semiunciam horâ dimidiâ ante prandium. Pariter in usum quotidianum ducar jus endiviâ, aut borag. alterarum, in prima mensa Utatur quoque Conservis præscriptis, necnon Collyrio, at sine præcedenti suffumigio, quod post Purgationem locum habebit. Quæ omnia D. O. M. salutaria reddat. *Idem ibidem.*

Medicatio juvenis, Panno oculorum laborantis.

Juvenis 25. annorum, cum variolis non satis acutare curatis & consolidatis se intempestive, sub tempus autumnii, aëri aliquot dies foris exposuisset, incurrit in quandam oculorum inflammationem; cui cum remedia convenientia non adhiberentur, excrevit hoc malum in tantum intra paucos dies, ut jam panniculus ex vasculorum sanguine repletorum distentione rubens, tanquam tela carnosâ in superficie oculorum, ac præcipue tunicæ adnatæ appareat. Oculi offendantur à lumine, & contactu rei externæ, tum calidæ, tum frigidæ. Visio non tantum est obscura, sed fere tota ablata.

Afficitur in hoc ægro, utriusque oculi & præcipue adnatarum tunicarum superficies; idque ex præcedente inflammatione, & ex insecta panniculi in illis excrecentia patet.

Morbus, qui ipsum torquet, est pannus, sive panniculus utriusque oculi: qui est membrana rubicunda, supra adnatam & corneam tunicam præter naturam genita, visusque obscuritatem hinc magnum inducens, atque cum intemperie sanguinea, & nimis laxâ utriusque oculi etiam conjuncta.

Causa procatarctica, unde hic morbus primum originem duxit, fuit aër autumnalis, externus, cui noster juvenis corpus suum, à variolis nondum satis curatum, foris per aliquot dies exposuit. Inde enim pori corporis, & præsertim oculorum, clausi, halitus acres & calidos exhalare solitos, & etiamnum emittendos, in corpore retinuerunt. Iique retenti antecedentem huic morbo præbuerunt causam. Pars verò eorum in oculorum tunicas adnatas per poros postea nimis dilatatos delata, ibique vehementius incallescens, induxit, tanquam causa continens, primum oculorum inflammationem.

Cumque illi pori nimis aperti, ob apta remedia neglecta, passim magis magisque aperirentur, hinc deinde factum, ut ex humoribus sanguinis, per poros illos nimis apertos exsulantibus, paulatim membrana quædam rubens, tanquam tela carnosâ, in superficie oculorum fuerit per partium cohesionem &

conglutinationem genita, eaque paulatim magis magisque crassescens inducit jam, per radiorum à pelliculâ istius crassitie factam ex oculis exclusionem, non tantum obscuram, sed fere penitus ablatam visionem.

Et quia oculi ex affluxu humorum non tantum foris, sed etiam intus valde teneri sunt facti; hinc contingit, ut oculi contactu rei externæ, tum calidæ, tum frigidæ, item à lumine valde offendantur.

Morbus hic, quia est in parte acutissimo sensu præditâ, atque ideò remedium, præsertim acrium contactu exacerbari solet, difficilis erit curationis; imò si diuturnior sit, Chirurgiâ tantum auferri poterit.

Curatio consistet in causæ antecedentis, & membranæ ac intemperiei istius ablatione.

Primum itaque purgetur æger tali Medicamento:

℞. Pil. cochiarum 3ß. Scammonii gr. x. F. Pilulæ, num. 7. aliquoties reiterandæ.

Postridie sanguis educatur è brachio dextro ad ℥viij. & sequente die etiam ex sinistro.

Cucurbitæ etiam collo & scapulis, primum sine, & deinde cum scarificatione, sunt adhibendæ, uti & vesicatorium.

Corpore sufficienter purgato, ad topica veniendum; quæ panniculum absorbere valeant; à mitioribus incipiendo, quale hoc est:

℞. Ollis sepiæ ℥j. Sacchari candi ℥j. Vitrioli 3ß. Tutie præp. 3ß. Misce F. Pulvis subtilis, panno inspergendus.

Quod si non sufficiat, ad fortiora est veniendum: quale hoc est, à multis in hoc affectu summopere laudatum:

℞. Succu fœniculi ℥iv. Chelidonii ℥iij. Rutæ ℥ij. Malvæ ℥iijß. Aloës 3j. Æruginis 3j. Sinibris, cinnamomi an. 3ß. Fellis anguillæ 3ß. Bubuli, aut porcini 3ij. Sacchari candi 3ij. Mellis optimi 3ß. Bulliant succi, addendo reliqua, & depurentur. F. Collyrium, bis in die in oculos instillandum.

Ante usum talium remedium, pars fovenda est decocto emolliente malvæ, fol. violariæ, sem. malvæ, cõtoneor. papav. sem. fanigræci, meliloti, & similia; quod etiam post eorum applicationem est; ad dolorem leniendum.

Si his topicis pannus absorbi non possit, ad Chirurgiam est veniendum.

In diætâ, luminosum aërem vitet æger; tenui utatur victu; abstineat ab omnibus fumolis, quies corporis hinc laudatur; alvus sit lubrica; natura vel arte. *Henricus Regius Medicationum lib. I.*

De Ophthalmia.

Vir triginta annorum, sanguine calido ac bilioso abundans, cum præterita hyeme vino generoso admodum excalefactus, maxime nocturno hybernò frigori se paulò diutiùs exposuisset, acutum in oculis sensit dolorem, cum ardore. Postridie magna quoque rubedo conspecta est in adnata tunica, seu albo oculi, cum vehularum manifesta intumescencia. Lucem ferre omnino non potuit, ita ut clausis oculis continuè sederet. Lachrymæ acres ex oculis affatim profluxerunt, & apertis oculis visus obscuritas observata est.

I. Pars affecta in hoc ægro est oculus, in quo primario afficitur tunica adnata seu conjunctiva dicta; reliquæ verò oculi partes per accidens.

II. Hic autem morbus Medicis Ophthalmia & Lipitudo appellatur, quæ est inflammatio adnatæ seu albæ tunicæ cum rubore, ardore, dolore & lachrymis.

III. Causa mali antecedens fuit corporis totius sanguis copiosus & calidus, qui ob exandescencia à vino inductam valde commotus, cum à causa pro-

catara, externo scilicet magno frigore, in oculo repente detineretur, in ejus adnatam tunicam copiosior effusus, causam continentem constituit.

IV. Cum enim sanguis, ob magnam incallescetiam à vtro, rapidius per arterias & venas moveretur, ab externo illo frigore oculis recepto, in adnata tunica subito incrassatus est, ita ut per minimas ejus venula tam citò transire & circulari non potuerit, quàm à corde per arterias eò propelleretur. Hinc cum plus eò impelleretur quàm transire posset, intumuerunt adnatæ tunicæ venulæ, & ipsa quoque tunica à sanguinis copiâ distenta fuit: qui sanguis diutius ibi detentus & aliquam putredinem suscipiens nimis calidus & acris factus est, ac inflammationem induxit.

V. Dolor autem accessit, partim propter adnatæ tunicæ (quæ acutissimi sensus est) distensionem; partim propter acrimoniam humorum eandem tunicam erodentium.

VI. Clausis oculis sedet æger & lucem perferre nequit, partim quia ab aere externo admissio exasperatur dolor: partim quia, cum apertis in luce oculis radii oculum feriant, sicque visio fiat, atque in eum finem, ut visio fiat, copiosiores spiritus animales ad locum determinentur & confluant, oculumque distendant, hinc ab illa distensione longè acrior fit dolor, quem ut æger evitet, oculos clausos tenere cogitur, ut ita radios illos evitet, sicque minor fiat spirituum determinatio, & ad oculum influxus, ac per consequens minor distensio tunicæ adnatæ.

VII. Cum autem visus fiat à copioso spirituum ad oculum influxu, eumque influxum ob dolorosam distensionem adnata tunica perferre nequeat, hinc apertis oculis visus ægro obscurior est; nam pauciores spiritus in principio visum obscuriorem præstant; cum verò copiosiores influere incipiunt, ob distensionem & dolorem adnatæ tunicæ cogitur æger oculum occludere, ut sic majorem spirituum influxum sistat.

VIII. Lachrymæ verò profluunt, imprimis aperto oculo, quia caruncula, quæ in cantho majore insidet puncto lachrymali, seu foramini nasi ossi insculpto, in utroque oculo à vicina inflammatione etiâ vellicatur, hincque dolet & contrahitur; imprimis si aperto oculo aëris injuria accedat; atque propter illam dolorosam contractionem minùs exactè tegit ante dictum punctum lachrymale, unde per foramen nimis laxum & apertum lachrymæ liberius effluunt. Quæ acres sunt propter salem isti teroso humori admixtum; & multò acriores ægro videntur quàm per se sunt, quia fluunt ad acutissimè sentientem tunicam adnatam, nunc malè affectam, & cujuslibet rei, etiâ aëris, quàm minimam acrimoniam facillimè persentientem.

IX. Ophthalmia hæc oculis periculum minatur, quia ob aëris hyberni frigidi allapsum, difficilior est humorum in adnata tunica influxum discussio; qui si diutius ibi haerint, metuendum est ne nimis erodatur & tandem exulceretur tunica adnata, atque etiâ cornea, indeque albugo, cicatrix, aliudve vitium remaneat, quod visum lædat.

X. In curatione quamprimum tollenda est causa antecedens, utpote quæ continentem fovet; procatartica quoque removenda est, ut sic continens melius discuti possit.

XI. Corpus primò expurgandum cum pilularum cochiarum drach. j. vel electuarii diapruni solutivi unc. f. additis paucis granis diagridii, vel tali haustu.

℞. Rhubarbari elect. drach. j. f. fol. senæ mundat. ʒi. tartari drach. j. sem. anisi drach. j. decocti hordei q. f. fiat infusio f. art. adde colaturæ, elect. dia-

pruni solutivi drach. iii. misce, fiat potio.

XII. Purgato corpore, mox vena brachii secanda est, & sanguinis unc. viij. aut x. educendæ. Deinde rursus purgandum, & post purgationem, iterum vena secanda, si necesse sit.

XIII. Ut verò pauciores humores excrementitii è cerebro ad oculos affluant, revulsiones instituendæ sunt per cucurbitulas cervici & scapulis appolitas: nec non per vesicatoria post aures applicata. Quæ si affluxum humorum ad oculum non satis avertant aut revellant, & malum diuturnius fieri videatur, cervici setaceum, vel etiam cauterium actuale aut potentiale eisdem, aut brachio adhibendum.

XIV. Ad doloris sedationem sanguis è pennis vivorum pipionum recentè evulsis in oculum exprimendus est; vel lac muliebre recens mulctum instillandum, vel mucilago seminis psyllii & cydoniorum in aqua rosacea extracta adhibenda: vel vitellum ovi ad duritiem coctum, aut sequens cataplasma imponendum.

℞. Pulpæ pomi assati unc. i. f. micæ panis albi recentis unc. iii. croci pulverisati scrup. j. f. lactis recentis & aquæ rosacæ, ana part. æq. fiat cataplasma.

XV. Dolore aliquantùm sedato, tale collyrium immittendum.

Rec. Sarcocollæ lacte nutritæ drach. i. tragacanthæ drach. f. mucilaginis sem. cydoniorum q. f. fiat collyrium.

XVI. Ad discussionem humoris in tunica adnata contenti, sequenti fortè tepido oculi cum molli spongia sæpe fovendi sunt:

℞. Herb. althææ, fœniculi, flor. chamomillæ, meliloti, ana. m. j. aquæ q. f. coquantur ad unc. viij. quibus adde, aquæ rosarum unc. iij. misce.

XVII. Post formam imponatur cataplasma antè præscriptum: vel tale collyrium oculo instilletur:

℞. Aloës aquâ fœniculi lotæ scrup. j. sarcocollæ lacte nutritæ drach. j. croci gr. vii. aquæ euphrasiæ, fœniculi, ana unc. j. misce, fiat collyrium.

XVIII. In diætâ sit aër temperatus ac purus, expers fumi, pulveris & ventorum, obscurior tamen & tenebrosior, habeatque æger linteolum atrum, caruleum, vel potius viride oculis obductum. Cibi sint pauciores, & facilis digestionis ac boni succi, conditi cum euphrasia, fœniculo, cichoreo, borragine, &c. Potus sit prisana, cerevisia tenuis, & in pastu paucillum vini valde tenuis. In cibo & potu vitentur semper repletio: vitentur etiâ ea quæ caput replent; raphanus, cepe, allium, &c. ut & ea quæ peculiari vi oculis nocere solent, qualia sunt caules, fabæ, lentes, olivæ, &c. Somnus longior sit, & quies corporis solito major; Alvus liquida servetur, & fugiantur animi pathemata, imprimis ira. *Isbrand. de Diemerbroeck in Medicationibus.*

De Suffusione & Suggillatione oculorum.

Adolescens duodecim annorum, temperamenti frigidioris, ante quinque menses visus aliquam obscuritatem in utroque oculo percepit, quæ primò culices; pulvisculos ac palcas ante oculos volitare putabat. Postea tanquam per nebulam densiorem vidit: sicque visus paulatim magis magisque imminutus est, ita ut nunc homines quidam aliquò modo videat; sed neminem cognoscere possit, imò vix equum à bove distinguat. In pupilla albicans quid crystallinum humorem contegens, conspicitur, quod, oculis digito pressis, loco cedit, seque dilatat.

I. Hujus ægri affectio Medicis Suffusio appellatur, quæ est pupillæ sive uvæ foraminis obstructio, facta

facta ab humore præter naturam inter corneam tunicam ac pupillam collecto ac consistente, visionemque impediente.

II. In hoc ægro humor ille est pituitosus, ut ex colore albicante in pupilla conspicuo patet: ibique colligitur, quia ob oculorum frigidius temperamentum, eorum nutrimentum non ita bene coquitur, quin ex uvea tunica exhalent subinde pauci crassiusculi vapores, qui in interstitio inter crystallinum humorem, foramini uveæ incumbentem, & corneam tunicam, ab aëris externi frigore in humorem crassiusculum condensati, sistuntur, & humori aqueo admiscuntur, ac crassiusculis viticidique particulis eidem innatant.

III. Humor hic cum in principio paucior ac tenuior esset, radiorum quidem ingressum ad crystallinum humorem non prorsus impedit, sed crassioribus suis particulis hinc illic impedimento fuit, ut omnes radii non ingrederentur, atque hinc æger in principio putavit pulvitulos, paleas ac culices ante oculos volitare, quæ tamen non fuere nisi crassiusculæ dicti humoris particule, aqueo humori ante crystallinum innatantes. Postea verò ubi paulatim copiosior & æqualiter crassior evasit, quasi per densiorem nebulam vidit, sicque pro incremento istius crassitiei visus paulatim magis magisque obscuratus est.

IV. Difficilis erit hujus mali curatio, quia humor ille pupillam contegens nunc valde incrassatus est; & medicamentis non facile discutietur, unde metuendum ne in pelliculam concreascit, & omnimodam cæcitatem indicat. Aliqua tamen sanationis spes apparere videtur, quia ad absolutam cæcitatem nondum est devenit; & oculis digito compressis, suffusio aliquantum loco cedit, neque firmata est.

V. In curatione primò corpus aliquoties purgandum est cum pilulis lucis, aureis, vel cochiis, electuario diaphænico, hiera picra, diacarthamo, vel haustu aliquo phlegmagogo, ex agarico, turbith, jalappa, senna, aliisque similibus composito.

VI. Deinde ad humorum frigidorum discussionem bis in septimana promovendi erunt sudores, cum theriaca, mithridatio, decocto salsaparillæ, chynæ, & sassafras. Intermediis diebus convenient decocta cephalica ex majorana, rosmarino, euphrasia, fœniculo, betonica, ruta, & similibus confecta: ut & condita cephalica ex conserva euphrasiæ, flor. salviæ, betonicæ, anthos, &c.

VII. Ad capitis corroborationem cucurbitula ex cephalicis calefacientibus vertici imponenda est. Capitis humores excrementitii etiam ab oculis divertendi, & ad alias deducendi sunt; quod commodè fiet per vesicatoria post aures sæpe applicata, vel per fonticulum in brachio aut cervice excitatum, qui diu apertus servandus est.

VIII. His præmissis, ad topica ipsi oculo adhibenda deveniendum, ac primò talis decoctio paranda.

℞. Radicum raphani unc. ij. Valerianæ unc. j. Herb. rutæ, fœniculi, euphrasiæ, levistici, majoranæ, fol. Lauri, an. m. j. flor. Chamomillæ m. ij. Sem. fœniculi carvi, an. drach. ij. Aquæ q. s. fiat s. art. decoctio ad lib. i. s.

Inter coquendum recipiat æger in oculos decocti vaporem: postea ipso decocto tepido oculos cum molli spongia diu multumque foveat, in ejusque usu per duas tresve septimanas procedat.

IX. Postea hoc collyrium in oculos instilletur.

℞. Succo chelidoniæ majoris, rutæ, fœniculi, Aquæ mellis, an. unc. s. Misce fiat collyrium.

Hoc cum aliquamdiu usus fuerit, fortius reddetur, addendo fellis perdicis & lucii piscis an. drach. i. s.

X. In diætâ sit aër ad calidum vergens, non valde lucidus. Cibi & potus sint modicè calefacien-

tes, attenuantes, & discutientes, vitenturque talia quæ caput vaporibus replent. In somno & corporis motu servetur mediocritas. Excretiones naturales bene procedant, & fugiantur animi pathemata.

XI. Si, his omnibus non juvantibus, absoluta tamen cæcitas fiat, ad Chirurgiam deveniendum, & suffusio acu à pupilla removenda est. *Idem ibidem*

De Suggillatione Oculorum.

Juveni plethorico in sphæristerio ludenti per infortunium pila iniecta fuit in oculum sinistrum. Hinc ipsi oculus adeò doluit, ut oculum per totum diem aperire non potuerit. Postridie dolore penè cessante, magna sanguinea rubedo per totum oculi album inspecta est, sine ulla inflammatione; & palpebræ quoque simili rubedine infectæ visæ sunt. Attamen nullo modo visus immutatus aut oblatus est.

I. Hujus ægri affectio, oculum occupans, Suggillatio dicitur, estque sanguinis extra vasa in oculorum tunicas & palpebras effusio.

II. Sanguis hinc imprimis profluxit è minimis vasculis tunicæ adnatæ & palpebrarum; ictu pilæ disruptis & apertis. Corneam autem tunicam illasam esse patet ex visu, qui nullo modo immutatus est: nam si in illam quoque sanguis effluxisset, præcipuè anteriore parte, objecta visibilia rubro colore ægro offerrentur.

III. Affectus hic periculo vacat; si modò remedia convenientia tempestivè adhibeantur, antequam sanguis extravasatus putrescat & inflammetur, tunc enim ophthalmiam aliudve gravius malum induceret.

IV. Primò igitur corpus purgandum, ac vena brachii secanda. Deinde lac muliebri recens multum in oculum instillandum, vel sanguis è pipionum vivorum pennis in oculum exprimendus est, hicque focus oculo frequenter adhibendus.

℞. Foliorum salicis, plantaginis, flor. Chamomillæ, meliloti, an. m. j. Coquantur in aquæ q. s. ad lib. s. adde colaturæ aquæ rosaceæ unc. j. s. Misceantur pro fomento.

V. Postridie, cum major sanguinis extra vasa effluxus non metuetur, fomentum sit solum discutiens:

℞. Herb. fœniculi, euphrasiæ, betonicæ, chelidoniæ majoris, flor. Chamomillæ, meliloti, an. m. j. Sem. fœnugræci unc. s. Sein. anisi, fœniculi, an. drach. j. s. Aquæ q. s. Coquantur ad lib. i. Sit fomentum, cum spongia molli adhibendum. Post fotum inungatur unguentum rosaceum cum pauxillo olei ceræ. *Idem ibidem.*

De Ophthalmia. Morbi enarratio:

Juvenis quidam 24. annos natus, temperamenti sanguineo-biliosi, cum per tempus aliquod victu calidiori, imprimis carne bubula, cæpis, vel raphano marino, vel aromatibus, conditâ delectatus fuisset, superque bibisset vinum satis generosum, factum ut primò dolorem capitis non tamen continuum, sed mox remittentem, mox iterum infestantem cum oculorum dolore perciperet. Nihil autem periculi hocce habere malum sibi imaginans; genio liberaliùs indulgere cæpit, quo facto pejus in malum incidit, nam progressu temporis tanto correpius fuit oculorum dolore & ardore, cibusque fastidio; ut diutius hoc malum perferre nequiverit. Quapropter gravius metuens discrimen, Medicum accersi curavit qui

primo intuitu oculos rubicundos lachrymasque stillantes, caput valdè calidum, Pulsus quoque plus justo celerior, in reliquis benè se habentem ægrum apprehendit.

Resolutio.

Si quis oculo accuratiori omnia ac singula in modò recentia historiâ consideraverit ac perpenderit symptomata, is procul dubio non errabit, si Affectum, de quo Juvenis noiter conqueritur, Ophthalmiam dixerit, nomen à symptomate & parte affectâ habentem.

Dicitur Ophthalmia Græcis, ut ab ovo rem exordiamur, ὀφθαλμία ἀπὸ τῆς ὀφθαλμοῦ ab oculo, sive parte affectâ, teste Gal. lib. 2. M.M. 2. p. m. 34. Sebitz. Manual. Medic. part. 2. Sect. 5. c. 32. p. 624. Latinis dicitur inflammatio oculorum, quo in sensu etiam sumpsit Hippocr. 1. 3. aphor. 11.

Hinc ophthalmiam Definimus: quod sit inflammatio oculorum, imprimis verò tunicæ annatæ, cum rubore, tumore, dolore & ardore, à sanguine acri confertim ac cum impetu in arteriolas ac venulas irrumpente eaque distendente, aut planè erodente ortum habens.

Generis loco hîc ponitur inflammatio, quoniam omnia accidentia, quæ ad inflammationem requiruntur, dolor nimirum, rubor, tumor, &c. in ophthalmia inveniuntur, quod etiam testatur Galen. lib. 2. de tumorib. cap. 1. p. m. 330 & lib. de differ. morb. cap. 13. p. 19. it. lib. 4. de compos. pharmacor. secund. loc. cap. 2. pag. 565. pertinetque ad morbos compositionis: teste Donat. Anton. ab Alto mari de medend. Human. Corp. mal. cap. 10. p. 260. & Galen. de differ. morb. cap. 1. p. 19. & 20 it. Hieron. Capiuacc. lib. de affect. oculor. p. 58. Adest enim (1) Intemperies oculorum calida, & sic pertinet ad morbos intemperiei calidæ; adest (2) læsa conformatio, quod videre est ex aucta magnitudine, & sic morbis conformationis accensetur: adest denique (3) Unitas continui soluta, quod ex dolore satis manifestò patet, & sic ad morbos solutæ unitatis refertur.

Dicitur Inflammatio oculorum, ad differentiam aliarum partium, quæ quoque inflammationibus sunt subiectæ, e. g. meninges, pleura, pulmo, &c.

Sequitur, imprimis tunicæ, annatæ ut excludantur reliquæ tunicæ, quibus oculus gaudet. Notum enim est ex anatomicis, oculus varias habere tunicas & quidem (1) annatam, quæ saltem est ligamentum, test. Donat. Anton. ab Alto mari cap. 10. de medend. human. Corp. mal. p. 259. Galen. lib. 4. de compos. pharmac. secund. loc. cap. 2. p. 565. & lib. 10. de usu part. cap. 7. p. 680. mediante quo oculus firmatur, ne ex suâ orbitâ excidat, & improprie ad oculi tunicas refertur, (2) Corneam, (3) Uveam, (4) Retinam, addit adhuc Barbette in sua Chirurgia aliam tunicam, quam vitream dicit, & à multis malè omisssam esse asserit. vid. Barbett. Chirurg. p. m. 325. Sed quoniam hæc proprie huc non spectant, sicco etiam pede præteribimus.

Additur porrò cum tumore, rubore, dolore, &c. ad confirmandam inflammationem, nam hæc omnia sunt signa inflammationis pathognomica.

Sequitur tandem, à sanguine acri confertim ac cum impetu in arteriolas ac venulas irrumpente, &c. quæ ultima verba hujus morbi causam proximam designant.

Reverâ autem rem se ita habere, Juvenemque nostrum ophthalmiâ laborare, haud obscurè signa in historia recensita confirmant, & quidem.

Essentialiter consequentia id quoque asserunt. In qualitatibus enim mutatis oculi apparent rubicundi, caput exploranti tactui valdè calidum occurrit, pulsus plus justò celerior apprehenditur.

Causæ prægressæ id etiam confirmant, quippe quæ partim partis debilitatem augere, partim bilis acrimoniam intendere, sanguinisque motum concitatiores reddere satis idoneæ sunt.

Hic itaque missis ad contemplandum subiectum sive partem affectam progredimur.

Subiectum, uti superius quoque in definitione inuimus, dicimus esse oculum, pretiosissimam corporis nostri partem, organum lucidissimum, teste Galen. lib. 3. de usu part. c. 10. p. m. 296. Notandum autem duplex dari subiectum, nimirum adæquatum & inadæquatum: Adæquatum subiectum, quod aliàs dicitur denominationis, est tunica, quæ dicitur annatâ. Illam etiam Hipp. lib. de princip. f. 18. ix. 12. p. m. 122. simpliciter τῷ πρὸς τὰς ὀφθαλμοὺς λεγόντι vocat. Riolan. autem lib. 6. Anthopogr. c. 4. p. 448. eam nihil aliud quam ligamentum oculo, ne exorbitet, circumjectum esse putat.

Cæterum cum omnis morbus dependeat à sua causa morbifica, nostrum erit, hic, inquirere in causam morbificam, & quidem proximam & immediatam.

Dicimus itaque Causam Proximam & Immediatam esse sanguinem acrem, confertim ac cum impetu in partem affectam irrumpentem, ibidemque consistentem.

Causas Mediatas Proximiores quod attinet, varii generis humoris ac vapores accusandi veniunt. In èr quos primatum obtinet sanguis tum quantitate, tum etiam motu peccans: Quantitate peccat sanguis, quatenus sc. plus influit in arterias, quam per venas refluxuere potest, unde sanguis in vasis suis stagnat, ea distendit & successu temporis, ob continuum & impetuosum sanguinis affluxum, quo ipso in motu p. n. peccat, distumpit, unde sanguinis extravasatio, quam ipsius putredo, hanc autem inflammationis necessariò insequitur.

Qualitate peccat sanguis, si ipsi conjungitur κακοχρμία (quod plerumque fieri solet teste Galen. lib. 9. M. M. cap. 11. & lib. 20. ad Glaucon. cap. 1. p. m. 391. it. Casp. Brav. Resolut. Medic. part. 4. Disput. 2. Resolut. 2. p. 484.) vel biliosa, quæ apta nata est ad producendam ophthalmiam, dum sc. unâ cum sanguine, mediantibus arteriis ad oculum deferretur, ibidemque vellicando ac rodendo suam ἐνέπλησιν forritur exeret test. Sylv. part. 1. disput. Medic. 6. §. 47. Vel etiam ferrosa, quæ quoque partes modo dictas exasperare & inflammare potest, de quo videlicet Schenck. dissert. de Sero sanguin. cap. ult. A Vaporibus quoque hoc malum oriri posse, quotidiana testatur experientia. Sunt autem nonnulli, qui hoc negant, dicentes, vapores oculos nullibi locorum subire posse, quod etiam Felix Plater. in sua prax. capit. 4. tom. 2. p. m. 235. asserit. quod tamen locum neutiquam invenire potest, nam si consideramus structuram oculorum, videmus eos suis gaudere poris, per quos tanquam per viam immediatam vapores ascendere & ad dictam partem pervenire queunt. Dein sua quoque habent vasa, nimirum arterias, mediantibus quibus unâ cum sanguine arterioso vapores ad oculum deferrentur, ibidemque hoc mali genus excitant; quod etiam testatur Schenck in Epist. ad Bartholin. in qua scribit, spumosum sanguinem conciliare ejus fermentationem & aëris accessum. Seque in ea etiam semper esse sententia, in arteriis plus esse aëris cum sanguine conjuncti, quam in venis.

Aggredimur nunc Causas Mediatas Remotiores quæ commodè in tres poterunt dispesci classes. Rerum videlicet Naturalium, Non-naturalium & Præternaturalium. Inter res Naturales primùm obtinet locum, temperamentum juvenis nostri ophthalmiâ laborantis sanguineo biliosum, quod utrumque ad producendum hunc affectum maximè est proclive, illud enim ad fieri, hoc ad acerbari valdè disponit; illud sanguinem quantitate, hoc qualitate peccare facit.

Secundum locum obtinet Ætas Juvenilis, unde etiam æger noster, quippe qui Juvenis, adeoque in eo ætatis flore constitutus, in quo sanguis, ob spirituscentiam & caliditatem, facile fervorem concipit, acriusque intendi solet.

In rerum non naturalium classe agmen ducit Aër calidus, quoniam caliditate sua excedente sanguinem p. n. effervescentia facit, ejusque motum plus justo celerem reddit, ut majori cum impetu ad partem affectam affluat. Spectat huc quoque anni tempus, siquidem hyems sicca & aquilonia si fuerit, ver a. pluviosum & australe, ætate necesse est febres acutas fieri & ophthalmias ex sententia Hippocr. *Secl. 3. aph. 11. it. aph. 14. Secl. 3.* si verò aquilonius & sine pluviis autumnus fuerit, iis quidem, qui à natura sunt humidi & mulieribus commodus erit, reliquis verò ophthalmiæ siccae.

Cibi & potus suum quoque ad producendum hoc malum conferunt symbolum; sic cibi crassi, viscosi, acres, flatulenti, it. potus calidi, impr. vinum, ophthalmiæ sæpè causæ sunt: quod noster Juvenis etiam testatur, qui cum non solum carne, raphanò marinò aromatisque conditâ, ac capis delectatus fuisset, sed etiam vinum satis generosum superbibisset, hoc malo correptus. Est autem raphanus marinus calidus & siccus ad tertium usque gradum, & secundum commune omnium Medicorum eloquium, oculis nocet, caputque vaporibus replet, idem etiam de cæpis sentiendum est, unde etiam factum esse censeo, quod, quoniam caput vaporibus replent, æger dolore capitis primò laboravit.

Vigiliæ quoque nimiae auctores hujus mali existunt, spiritus, unâ cum sanguine arterioso, continuo & justo celerius movendo, unde facile fieri potest, ut ob impetuosum sanguinis affluxum vasa rumpantur, & hocce malum producat.

Animi pathemata, si sc. in iis committantur excessus, ad subministrandum huic formitem, sat grave obtinent pondus.

Denique Suppressas consuetas evacuationes malo huic causam suppeditare, nemo ferè inficias ibit. Sic mentes suppressos ophthalmiam excitasse confirmat Gabelchov. *Cent. 3. pag. 49.*

Ex rerum præternaturalium censu, varii huc pertinent morbi. Sic dysenteriam secutam fuisse ophthalmiam testatur Horst. *lib. 4. obs. 19. p. m. 2. o.* A Catarrhosis defluxionibus ophthalmiam sæpius produci, quotidiana testatur experientia, cui etiam adstipulatur Guil. Fabric. Hildan. *Cent. 2. observ. 12. p. m. 89.* qui diurnam ad dentes defluxionem ophthalmiam excepisse, confirmat. Et Forest. *lib. 6. observ. 5. p. m. 103.* Ophthalmiam post variolas relictam & mox in Pterygium degenerantem commemorat. Confer. Lipsius *tr. de Variolis: it. Lotich. observ. Medic. lib. 2. cap. 2. observ. Medic. lib. 2. cap. 2. observ. 6.* Post frontis venam sectam, capite non purgato, gravissimam ophthalmiam una cum visus & loquelæ perditione observavit. Guil. Fabric. Hildan. *Cent. 5. observ. 18. p. m. 329.* Gallicam observavit ophthalmiam Joh. Steph. *decad. 7. consil. 5. it. Zacut. Lusitan. prax. admir. observ. 54. p. m. 43.* Periodicam Galen. *lib. 1. de differ. febr. c. 11. p. m. 134.* commemorat. Epidemicam ophthalmiam annotavit Amat. *Lusitan. Cent. 4 observ. 80.* Forest. *lib. 9. observ. 4.* Actuarius. *l. 2. MM. c. 7.* Galen. *l. 1. de differ. febr. c. 2. p. 116.* Mirabilem ophthalmiæ ex incantatione recenset historiam Forest. *in epist. medic. secl. 7. de morb. per incantat. p. m. 417.* Facit huc etiam aliorum viscerum labes & inflammatio, quæ per consensum ophthalmiam possunt inferre. Pertinent huc quoque varia capitis vulnera, sic ex levissimo circa palpebram vulnere, ophthalmiam ortam commemorat. Guil. Fabric. Hildan. *Cent. 3. obs. 17. p. m. 398.*

Contusiones, Ictus, Casus ab alto, quæ omnia apta nata sunt ad producendam ophthalmiam, Neque res forinsecus in oculos incidentes hinc omittendæ sunt, ut pulvis, fumus & ejusmodi alia. A fumo enim cinabaris antimonii ad oculos delato ophthalmiam ortam fuisse annotavit, Guil. Fabric. Hildan. *Centur. 2. observat. 24. pag. m. 102.*

Hiscæ præmissis specialiore nunc aggredimur ophthalmiæ considerationem, cujus ut & aliorum *Φαινομένων* Rationem paucis explicabimus.

Factum, ut primò æger dolorem capitis, non tamen continuum, sed periodicum, mox intermittentem, mox rursus infestantem, cum oculorum dolore, perciperet, quoniam vapores acres ad caput & oculos per intervalla delati, ibidem suam acrimoniam erodendo & continuum solvendo exseruere, hancque tristem sensationem induxere.

Progressu temporis pejus incidit in malum, majoriq; correptus est dolore: Propter variorum in diætâ commissorum errorum continuationem, nam vinum, uti assuetus erat, liberalius indulgit. Unde necessarîo major secutus dolor, quia vinum non potest non sanguini majorem conciliare effervescentiam bilisque acrimoniam intendere.

Et Ardore, ob nimiam sanguinis effervescentiam ac incalescentiam, & hanc secutam inflammationem, dein quibque ob nimiam particularum biliosarum, i. e. tenuium & acriorum sulphurearum, quæ salinis permilcentur, nimiam exagitationem.

Cibi fastidium adest, ob materiam biliosam in ventriculo collectam, ejusq; orificio superiori inhaerentem. Quapropter pejus metuens discrimen, Medicum accersit si curavit, qui primo intuitu oculos observavit rubicundos, ob plethoram & copiam sanguinis in arteriolas & venulas cum imperu influentem ibidemque consistentem, unde color ille rubicundus; & tumidos, quoniam novo semper affluente sanguine, vasa turgere incipiunt, & oculi tumidi quasi apparent: Lachrymas stillantes, ob seri in sanguine contenti copiam & acrimoniam.

Caput valde calidum, propter nimiam sanguinis bilisque effervescentiam & exagitationem.

Pulsusque plus justo celerem, propter nimiam sanguinis effervescentiam & rarefactionem, deprehendit.

In reliquis verò æger bene se habet, quoniam nulla in visceribus notabilis labes animadvertitur.

Cum autem plerumque non solum ægri sed & adstantes, magno cum desiderio morbi eventum scire desiderent, Medicus ut semper aliquo instructus sit Prognostico, mediante quo morbi eventum, an sc. salutatis sit, nec ne? predicere possit, necesse est. Dicimus itaque, hancce ophthalmiam, quâ Juvenis noster conflictatur, non esse lethalem, sed plus habere doloris, quàm periculi, quoniam ab externo tantum vitii errore suam ducit originem, & præterea altiores nondum egit radices: Si enim firmiores egit radices, dolor oculorum diu perseverat & valde contumax, difficiliorisque est curationis; Sicut etiam, quando negligitur vel malè curatur, gravissimos inducit affectus. Quod testatur mulier, quæ ex mala ophthalmiæ ab Empirico adhibita curatione in unius oculi ulcus incidit vid. Forest. *lib. 11. observ. 18. p. m. 25.* imò ipsam quoque interdum inducit cæcitatem.

Pergrimus, bono cum Deo, ad ipsius ophthalmiæ Curationem. Cum autem omnis curatio suis innitatur Indicationibus, eas, ut methodicè rem pertractemus, perillustrabimus. Dividuntur autem Indicationes in Generales & Speciales. Generales sunt, quæ quid in genere; speciales verò, quæ quid in specie faciendum sit, indicant. Generalis itaque hoc in casu

su est indicatio, causas morificas esse tollendas & removendas, speciales verò indicationes, pro varietate causarum, uti norum, variant, v.g. si humor quantitate peccat, evacuandus, sin verò qualitate, est vel alterandus, vel præcipitandus, vel quæ acrimonia corrigenda, & sic porro.

Hiscæ præmissis, ipsa accedimus præsidia, quæ ex triplici præsidiorum fonte, Chirurgico nimirum, Pharmaceutico & Diætetico desumentur.

Fons Chirurgicus, primo in limine nobilissimum & generosissimum remedium genus, nimirum Venæsectionem nobis suppeditat, sine qua nulla curata fuit ophthalmia, videlicet vera, (non enim negamus spuriam ophthalmiam posse curari solis adhibitis medicaminibus purgantibus & topicis) hanc enim omnes ferè Præctici uno ore commendant, vid. Forest. lib. II. obs. 12. p. m. 20. Cauti tamen in ejus administratione sumus, nec venam, corpore non purgato, secemus, nisi ægro nostro id accidere velimus, quod isti Sartori apud Hildan. loc. super cit. cui barbitonfor corpore non purgato venam frontis secuit, quo facto in gravius incidit malum. Quapropter non aded liberales sumus in secandis venis, sed potius sequentes circa venæsectionis usum observemus cautelas. I. Venæsectionem non esse adhibendam viribus non permittentibus; i. e. viribus maximopere debilitatis.

II. Venam non esse secandam, nulla præsentē venæsectionis indicatione.

III. Præsentē etiam si indicatione, venæsectionem non adhibendam esse, si ægri dispositio eam non permittat. i. e. si non dispositus sit ad perferendam venæsectionem, sed potius eam abhorreat.

IV. Venam non esse incidendam, corpore non purgato, ne nobis id, de quo superius nobis sermo fuit, accadat. Cum autem nostro in Juvene non solum vires eam permittant, sed & insuper adsint Venæsectionis indicationes, nimirum plethora sive sanguinis copia, quæ sui indicat imminutionem, omnino esse adhibendam venæsectionem putamus. Instituat E. venæsectio, majoris revulsione gratiâ in lateris oppositi brachio, ita cum sit oculus dexter affectus, in latere sinistro, sin verò sinister in dextro latere venæsectio instituenda, incidendo venam Cephalicam vel medianam, & emittendo 3v. vel 3vi. sanguinis; in sexu autem sequiori si malum à mensibus suppressis oriatur, vena saphena in talo secanda est. Huc quoque pertinet cucurbitularum impr. scarificatarum, in scapulis affixio, quarum usum non improbat Grembs. in arbor integr. & ruinos. p. m. 187. & Rhod. Cent. 1. observ. 79. has etiam hujus mali fomitem extirpasse testatur. Conveniunt etiam vesicatoria propè aures applicata, it. fonticuli in brachiis excitari, quatenus scil. serum abundans derivant & revellunt, & consequenter extra corpus eliminant: Convenit quoque sectaceum in capitis parte posteriori applicatum, test. Eustach. Rhod. art. Med. lib. 1. cap. 20.

Ex fonte Pharmaceutico nobis se offerunt purgantia cacochymiam, sive cruditatem biliosam evacuantia, qualia sunt fol. sennæ, Rhabarbarum, Jalappa, mechoacanna, agaricus, syr. de cichorio c. thabab. rosar. solutiv. Magistral. River. & quæ sunt id generis alia ex quibus variæ possunt concinnari formulæ; e.g.

℞. Fol. sen. f. st. 3iij. vel 3iij. Rhabarb. opt 3ß. Agaric. trochiscat. 3j. Herb. cusc. fumar. euphr. an. mß. Flor. betonic. euphras. violar. an. pß. Passul. minor. 3ij. vel 3ß. Sem. fœnic. Coriandr. præp. an. 3j. Cremor. Tartari 3ß. Incis. & trit. infund. per noct. in aq. simpl. q. s.

Manè leniter ebulliant Col. ℞. 3iij. cui add. syr. de cichor. c. thabarb. Vel rosar. solutiv. 3j. vel mann. el. 3vi. M. S. Purgier. Tranck Morgens nüchtern auf einmal zu nehmen.

Si autem Juvenis noster mallet pulverem, sequens ipsi præscribi posset:

℞. Pulv. Jalapp. 3j. Rhabarb. Cremor. Tartar. an. 3ß. Magister. Jalapp. gr. 1. oc. Cancr. præp. gr. 4. Ol. fœnic. gr. 1. M. F. Pulvis S. Purgier. Pulver auf einmal.

Ex quo etiam additis conserv. rosar. vel violar. 3ij. & paucis saccharo bolus concinnari potest.

Præmissis purgantibus & evacuantibus, doloris tanquam urgentioris symptomatis, habenda est ratio, isque mitigandus medicamentis anodynis, e.g.

℞. Mucilag. sem. psyll. alth. an. 3ij. Cydon. 3j. Aq. rosar. alb. plantag. euphras. an. 3ß. tut. præp. 3ß. M. F. Cataplasma.

Vel ℞. Medull. pomi dulc. sub cinerib. coct. q. s. malaxetur cum lacte muliebri, & linteolis inclusum oculo tepidè applicetur.

Guilh. Rondeletius lib. 6. meth. cur. morb. cap. 4. camphoram adhuc addit.

Potest etiam fieri cataplasma non inconveniens ex medulla panis triticeæ cum lacte muliebri, vel Aq. rosar. euphras. & liquor. album. ovi. it. cataplasma ex flor. Chamomill. melilot. papav. errat. &c. Hæc autem ex mucilaginibus vel lacte muliebri parata anodyna, sæpius renovanda sunt, diutius enim asservata, faciliè acorem contrahunt.

Riverius etiam utiliter adstringentia fronti & temporibus statim à principio admoveri posse dicit, utpote quibus venæ, per quas humores defluunt ad oculos, comprimuntur, humor influens repellitur; quem in finem sequentia præscribit cataplasmata.

℞. Bol. armen. sang. dracon. thur. Mastich. an. 3j. Rosar. rubr. balaustr. farin. lentium an. 3ij.

Excipiantur albumine ovi & aceto rosaceo. M. F. Cataplasma fronti & temporibus applicandum.

Vel ℞. Album ovi, agitetur c. frusto aluminis satis magno in patina stannea, & tamdiu moveatur, donec unguenti consistentiam adeptum sit, post extendatur supra linteum & oculis tepidè applicetur. Post duas aut tres horas auferendum est remedium, ne nimium adstringat.

Pinguedinem viperarum in ophthalmia, palpebris oculorum illitam, vel ipsis oculis instillatam, valde commendat Dn. D. Wedel. in Ephemerid. Germ. an. 2. observ. 125. p. m. 207.

Emulsiones hæc in usum quoque possunt vocari, quatenus spicula Salina acrimoniamque feri, à quibus tristis doloris sensatio provenit, obtundunt, & præcipitant, formula hæc isto.

℞. Sem. 4. frig. major. an. 3j. papav. alb. 3iij. c. s. q. Aq. hord. rosar. & euphras. f. l. a. emulsiō, cui add. C. C. Philosophic. præp. corallor. rubr. præp. an. 3j. Sacchar. perlat. 3iv. Aq. cinamom. 3ß. M. S. Kühlende Milch. Abends vorm. schlaffen gehen ein paar Löffel voll zu nehmen.

Hiscæ usurpatis, quoniam cruditatis biliosæ vires nondum sufficienter superatæ mihi videntur (impossibile enim est simul uno propinato purgante omnem evacuare humorem peccantem) ut corpus planè à cacochymia biliosa liberetur, sequentes in usum possunt vocari pilulæ.

℞. M. P. aggregativ. aurear. extr. cholagog. Quercet. an. 3ß. Resin. jalapp. gr. 4. vel 5.

Cum s. q. elix. propriet. Parac. vel spirit. euphras. fiant pilul. num. 13. asperg. pulv. fœnic S. Purgier - Pil-len mit ein paar Löffel vvarmer Brühe Morgens nüchter zu nehmen.

Huc faciunt etiam pilulæ cholagog. Timæi, it. potiuncula evacuans ejusdem.

Corpore sufficienter nunc expurgato, specialiore aggredimur curationem, eaque, quæ vulgo dicuntur appropriata sive specifica, in usum vocamus. Qualia sunt variæ aq. ophthalmicæ, spiritus, tincturæ, essentia,

tia, & ejusmodi alia ex quibus variæ possunt fieri formulæ e. g.

℞. Aq. ophthalmic. ex cróc. metall. Querc. ʒj. S. *Augenwasser.*

Quæ citra dolorem & morsum guttatim oculis potest instillari.

Vel ℞. Aq. Euphras. rosar. alb. fœnic. an. ʒj. Spir. euphras. fragor. an. gr. ʒj. Tut. præp. ʒj. M. S. *Besonders Augenwasser.*

Quæ linteis excepta oculis applicentur.

Crollius & reliqui Chimici miris laudibus efferunt Sal Saturni in aq. rosar. & euphras. dissolutum: vid. *Croll. Basilic. chimic. p. m. 47.* cui etiam adhuc addunt sal. armon. gr. aliquot.

Potest etiam ess. flor. cyan. quam valdè laudat *Tim. à Guldenklee lib. 1. p. m. 50.* oculis ad guttas aliquot instillari. Præparationem ejus tradit *l. 1. Epistol. 28. p. m. 514.* Barthol. in *act. Medic. Hassniens. Volum. 2. p. m. 302.* sequens unguentum ophthalmicum mirum in modum laudat, eoque manu ferè abstergi malum ægro visum fuisse refert.

℞. Ung. nihili, de tutia an. ʒij. Margarit. præp. Corallor. rubr. præp. oc. cancr. præp. tut. præp. an. ʒj. Camphor. gr. 6. fol. auri & argent. an. n. 4. M. F. Unguent. tempore decubitus cantho oculi majori, lentis magnitudine indendum.

Spongias sambuci per noctem in Aq. consolid. regal. vel rosar. imbutas & deinde oculorum palpebris decenter applicatas præsentaneum esse remedium dicit Simon Pauli *Quadripart. Botanic. Class. 2. p. m. 141.*

Forus ex herbis euphras. fragar. rorisinar. &c. hic etiam locum habet. v. g.

℞. Herb. euphras. fœnic. fragar. betonic. rorisinar. an. Mj. Flor. balaustr. betonic. cyan. euphras. rosar. alb. an. p. 1. β. Coq. in f. q. Aq. euphras. & fœnic. quò foveatur oculus.

Et hæc sunt, quæ externè oculis applicata, profutura censemus.

Cùm autem omnis curationis pagina solis remediis externis absolvi non possit, interna quoque, quæ acrimoniam salinam feri obtundant, ut propinentur, necesse est.

Quem in finem sequentia adjicete nobis placuit.

℞. Seri lact. caprill. ʒss. Aq. cichor. endiv. fumar. euphras. an. ʒβ. Syr. fragor. ʒiβ. M. S. *Mixtur des Tages etlichmal 3. bisz 4. Löffel zu gebrauchen.*

Vel ℞. C. C. philos. præp. Corall. rub. præp. Oc. cancr. præp. an. ʒj. Ebor. alcolif. Margar. præp. an. gr. 12. M. F. pulv. *Pulver auf etlichmal zu gebrauchen.*

Huc etiam facit emulsio ex seminibus suprâ præscripta, quæ acrimoniam feri potenter obtundere valent.

Denique restat tum partis affectus, nimirum oculorum, tum ipsius ventriculi, qui ob commissos in diætâ errores labefactatus, corroboratio.

Pro corroborandis itaque oculis sequentia proderunt remedia. e. g.

℞. Conserv. anthos, euphras. betonic. rosar. an. ʒj. Rotular. dianthos. pulv. rad. cichor. spec. diamargarit. frig. an. ʒj. Cum f. q. Syr. euphras. vel betonic. F. Electuar. M. S. *S. Larwege jedes mal einer Castanien grasz zu gebrauchen.*

Vel ℞. Spec. diamargarit. fr. dianth. an. ʒj. Diamosch. dulc. ʒj. Extr. euphras. betonic. an. gr. 12. Sacchar. in Aq. euphras. rosar. fœnic. solut. ʒiij β. Aspergant. ol. fœnic. & cortic. citr. an. gr. 2. F. l. a. Morfuli: *S. Starckende Morfellen.*

Vel ℞. Aq. cerasor. nigr. ʒij. Lilior. convall. Euphras. fœnic. an. ʒj. Syr. euphras. betonic. papav. errat. an. ʒβ. Spir. lilior. convall. fragor. an. ʒj. M. S. *Besonders Was-*

ser Abends vorm. schlaffen gehen ein paar Löffel voll zu trincken.

Ultimum nunc erit, ventriculo prospicere, nimirum cum corroborando, ejus fermentum restaurando, ipsumque ventriculum pristinum in tonum reducendo, quod sequentibus expedire conamur remediis, ut

℞. Clyff. mineral. ʒβ. Spir. absinth. ʒj. Mastichin. gr. 6. M. S. *Spiritus Morgens nüchtern jedesmal 7. 9. bisz. 11. Tropffen mit. 3. oder. 4. Löffel warmer Brühe zu nehmen.*

Vel ℞. Elixir. proprietat. Parac. ʒj. Spir. salis dulc. ʒβ. M. S. *Elixir alle Morgen jedesmal 13. bisz 15. Tropffen zu nehmen.*

Post meridiem circa horam tertiam vel quartam sequens pulvis stomachum corroborans potest assumi.

℞. Tunic. ventricul. gallin. ʒj. Spec. diatrion. fantal. diarrh. Abb. an. ʒβ. Aromatic. rosar. Corallor. rubr. an. ʒj. Margarit. præp. Nuc. Moschat. an. ʒβ. Sacchar. rosar. tabulat. ʒvj. Ol. cinamom. gr. 2. M. F. Pulv. D. ad scatulam. S. *Magen-Tresnet auf etlichmal.*

Usurpari potest hic pulvis vel cum pane triticeo prius tosto & dein vino macerato, cui tantum pulveris hujus quantum duo vel tres cultri cuspides capere possunt, aspergatur, & sic comedatur. Aut si placet sequenti cum aqua potest propinari. e. g.

℞. Aq. cichor. acetosell. an. ʒiβ. Meliss. c. vin. Cortic. aurant. an. ʒj. M. S. *Wasser zum Pulver.*

Huc etiam pertinent conservæ, ut acetos. cichor. rosar. vitriolat. &c. it. varia condita, ut rad. cichor. condit. cydon. condit. lactuca hyspanica, ribes, berberes, Cortic. aurant. Cortic. citr. Nux Moschat. in India condita, & quæ sunt ejusmodi alia, quæ, quoniam & vulgò nota, sicco præteribimus pede.

Vesperis ante decubitum sequens aqua ad ventriculum corroborandum cochleatim assumi potest.

℞. Aq. stomachal. Dorncr. ʒiβ. Cydon. cichor. Zedoar. c. vin. an. ʒj. Syrup. acetos. citr. Granator. an. ʒβ. M. S. *Wasser Abends beym. schlaffen gehen ein paar Löffel zu trincken.*

Et hæc sunt remedia, quæ fons Pharmaceuticus nobis suppeditat.

Quid bona ac legitima Diætâ ægris auxilii afferat, quidve contra illegitima & prava Diætâ damni producat, ipsa testatur experientia, & unicuique Medicorum notum est. Quapropter missis duobus prioribus curationis fontibus, Chirurgico videlicet & Pharmaceutico, ad ultimum Diæteticum nimirum progrediemur, videbimusque, quid is nobis suadeat.

Cùm autem optime Diætâ secundum sex res nonnaturales instituat, eam ad normam illarum ægro nostro præscribere placuit.

1. Fugiat igitur aërem nimis calidum, vel nimis frigidum, item nimis lucidum aut tenebricosum.

2. A cibis calidis, acribus, biliosis, flatulentis, viscidis, dulcibus, nimis sale, pipere, cœpis, allio, aceto, aut aliis aromatibus calidioribus conditis abstinere, sed e contra cibis tenuioribus, refrigerantibus, probè nutrientibus, facilioris concoctionis, &c. utatur. Pro potu ordinario cerevisiam benè coctam & probè defecatam, non adeò recentem, neque nimis lupulo conditam aut pinguem bibat; Vinum verò præsertim generosius cane pejus fugiat.

3. Corporis exercitia non sint diuturna nec vehementiora, sed potius moderata, & tempestivè instituantur.

4. Somnum debito tempore ineat, & lucubrationibus, quæ oculis maximè nocent, in concubiam usque noctem non incumbat.

5. Animi parthemata sint moderatiora, caveat sibi à nimia iracundia & mœrote.

6. Alvus quotidie suo fungatur munere & officio. Et hæc sunt, quæ Juveni nostro profutura cenfeo. *Joh. Michaëlis in Praxi Clynicâ speciali.*

In Oculorum vitio Consultatio.

Morbi descriptio.

Vir annò natus 1641. à juvenilibus annis visus debilitatem passus est, Verùm quæ à duodecimo ætatis discuti cœpit, ut à vicesimò ad quadragessimum usque octavum ætati etiam visione donatus fuerit. Cùm autem ultimò hòc annò paulò diutius scripturis immorari, illique etiam noctes integras impendere coactus fuisset, ipsius visus vitiari cœpit.

Anno 1689. mense Novembri cùm oculos intensiori obverteret lumini, aliquid observavit ipsis obvolitans, in puncta lineamque laxius circumcingentem, distinctam, indeque postea nubecula efformari. In specie verò, ante sex menses, ob oculum sinistram plures lineas quasi sanguineas in spiram convolutas, obversari deprehendebat, idque primùm præcipuè cùm loca solari lumini magis exposita, aut nive cooperta, intueretur, nunc verò in quemcunque demùm colorem incidat idem ipsi apparet. Filamenta hæc, seu spirales venulæ multipliciter variant: si enim oculorum axim rectà in aliquod dirigit subjectum, maculæ præmemoratae illius centrum non occupant, sed lentò passu à superioribus ad inferiora feruntur, (ex præsertim quæ oculo obversantur sinistro) sicque infra centrum, ad eandem distantiam, semper positæ remanent, etiam ad dextras & sinistras permotò oculò. Macula hæc in dies continuò augefcit, quasi nova filamenta ei sensim accrescerent; & ipsæ venulæ, seu spirales lineæ, quæ primò adnotatæ fuere, attriores sensim evadunt. Æger oculi iridem cæruleo colore donec tam gerit, plethoricus valdè est, nec aliò quàm arthritide, levique stomachi dolore, affligitur morbo. Cùm primùm hanc ægritudinem advertit, vitris ocularibus coloris viridis usus est matutinis horis, aliisque communibus sub vespèram. Interdum oculos aquâ Regine Hungariæ lavit, sales volatiles adhibuit, imò medicamenta aliqua corrosiva, ac succini fumum, quibus ne hilum quidem profecit. Exquiritur jam à Clarissimò Domi. ò Drelincuriò, Medicinæ in Leydensi Universitate Professore Celeberrimò, qualis in specie sit hic morbus? An ad cataractam accedat? Quæ remedia, & qualis diætâ in ipsò oppugnandò sint adhibenda?

In Casu proposito Responsum.

Ut accuratè explicari queant phænomena in casu proposito descripta, necessarium foret plura Optices ac Anatomie principia huc adferre, quibus sanè multorum defatigaretur patientia. Ea itaque ad maximè essentialia reducam, ac quatuor statuam, à paucis nota, sed quæ sæpius publicè demonstravi.

Primùm est quòd Ciliaris tunica, non, ut creditum est, membranaceum revera sit corpus, at potiùs mirabilis textura minorum muscutorum, qui omnes à limbo orbitali corneæ opacæ nascuntur, & qui radiatim inde prolongati in alium minorem circulum te minantur, nec ulteriùs, procedunt. Per illos musculos efformatur pars illa oculi quæ Iris dicitur, perque vacuum quod in sui medio relinquunt, seu potiùs per minorem illum circulum in quem implantantur, cujusque circumferentiam non transgrediuntur, faciunt partem illam quæ pupilla vocatur.

Secundò adnotandum venit, quòd omnes illi mus-

culi elongantur, aut abbrevientur, prout lumen fuerit vel intensius vel remissius, ac prout objecta magis aut minùs à nobis remota conspiciuntur.

Tertiò attendendum est, quòd illi omnes musculares radii, qui à majori circulo in minorem progrediuntur, velut ad suum modiolum, emittantur per parvas arterias à ramo anteriori carotidis internæ assurgentes, quæ nervum opticum concomitantur.

Tandem meminisse oportet, quòd spiritus animales quibus prædictorum muscutorum agitantur fibrillæ, à tunica procedant reticulari, in quam diffunduntur innumeri prædicti carotidis ocularis ramusculi; quod sæpius demonstravi incredulis quibsdam Doctoribus qui impossibilem opinabantur, vel unius tantum arteriæ, in oculi globo demonstrationem.

Hicce positis facilitum fuerit probare, quòd cùm D. N. debiliorem habuerit visum ad annum usque ætatis duodecimum, cùmque illi non minùs vim secerit per scripturas nocturnas, ita perturbatus sit ordo prædictorum muscutorum iridis, ut à se invicem dimoti fuerint. Per illam autem ab invicem amotionem, aut per spatia sic inter illos interjecta, effusæ sunt per modum rosis plures humorum guttulæ, unde puncta enata sunt primò observata. A motu verò eorundem iridis muscutorum pendet hoc phænomenon, quòd scilicet macula oculi motum subsequatur, in eadem semper centri distantia.

Si de aliis omnibus rationem dare intenderem, longior sanè forem. Præstiterit itaque explicare quid demùm in malo tam gravi, locoque remediis propè inaccessò positò, agendum veniat. Asseto enim topica omnia prorsus inutilia futura propter corneæ diaphanæ crassitiem impenetrabilem, quæ tanquam crystallina lamina iridis musculis apponitur: Unde consequens est remedia externa hinc non magis profutura, quàm si pro delendâ maculâ quæ in mercuriò speculo affixò reperiretur, detergendum quid extus laminæ ejusdem applicaretur.

Hæc idæ me in solâ concludant diætâ, inque remediis quibusdam internis selectioribus, quorum opera arteriis ocularibus sufficiant spiritus, dispellendis illis omnibus corpusculis intra iridis musculos effusis aptos, unde quilibet musculus ad vicinum suum proximius accedet, & in spiras non curvabitur à globulis ipsi suppositis.

Primò, cane pejus & angue devitandum est omne lumen vividius, sive à sole procedat, sive à facibus.

Secundò, fugere oportet frigoris omnem susceptionem tum in pedes, tum in caput, sive demùm per pluviam, per aërem nocturnum, cumque vaporum, adveniat.

Tertiò, caveat D. Pat. à viscosioribus alimentis, sive à piscibus, sive à quadrupedibus petitis, vitet propterea porcos lactentes, pedes suillos, legumina, &c.

Quartò, sub vespèram, aut de nocte, nec legat, nec scribat.

Quintò, prandium sumat largius, cænam verò parciorem.

Sextò, nunquam dormiat immediatè post pastum, videatque ne cubet vel super dorsò, vel capite nimium humili.

Septimò, alvum semper habeat liberam, idque vel per alimentum aptum, vel per clysteres, ac præcipuè per pilulas cephalicas in ipsa lunæ decrefcentia sumptas. Horum omnium delectum Medicis ordinariis relinquo.

Præterea oportet ut tum in pastu, tum extra ipsum, utatur cerevisiâ medicatâ, cum chelidoniò majori, hederâ terrestri, euphrasia, majoranâ, betonicâ melissâ, &c. Vino itidem medicatò cum inde Florentina, foliis lavendulæ & salviæ, seminibus rutæ & sceniculi, caryophyllis aromaticis, &c. Addendo per intervalla haustulo

haustulo hujus cerevisiæ, aut vini, guttulas aliquot spiritus cochleariæ, aut salis volatilis succini parum.

Post pastum varianda sunt bellaria: aliquando adhibendus venit cortex aurantiorum, vel citriorum conditus, isque vel siccus, vel propriò syrupò immersus; aliquando verò assumet nuces moschatas in Indiis conditas, aut nuces juglandes conditas, additâ etiam ambrâ, & moschô.

Matutinò tempore saliva est elicienda per semihoram, masticando baccas lauri, vel salviæ folia. Postea assumat conservam è floribus lillii convallium, caryophyllis hortensibus ac rore marino. Interdiu gestet in perâ tabellâ è confectioe alkermes, multâ ambrâ, ac moschô perfusas; iisque subinde utatur.

Si verò malum in autumnum usque perstiterit, necessariò deveniendum erit ad cauterium, commissuræ futurarum sagittalis & coronalis inurendum; ungen-do præterea bis de die, mane scilicet & vesperti, nucham cum balsamo confecto ex essentia rorismarini, oleò ceræ ac rutæ, & castoreo. Bibendo per id tempus hydromel vinosum multâ iride Florentinâ, caryophyllis aromaticis, & roremarinò alteratum.

Si autem à præscriptâ diætâ aliquatenus abhorreat Ager, quod ei nimium calida videatur; sciat oportet egritudinem quam curandam suscipimus aliâ ratione nunquam iri oppugnatum.

Oculistam quòd attinet, eò hic non opus est; quia nulla adhucdum cataracta efformata est. Verùm si negligatur morbus, sensim illa enascetur ex omnibus corpusculis descriptis, quæ facili negotiò in massam opacam obdurescent, quæ tum omnibus remediis erit impervita, &c. Datum Leydæ Maii 22. Ann. 1690. *Ex translatione Consilii Gallici à Clarissimò atque Amplissimò Viro D. Carolò Drelincurtio Lugduni Batavorum Professore Medicò Celeberrimo, & Universitatis Decanò, amicissimè communicati.*

Observationes.

Pro Oculorum rubore & dolore.

Quidam in hoc casu maximopere commendant aquam simplicem in qua vitriolum album & saccharum candum dissoluta sunt, ego verò plurimum prodesse comperi eam aquam quæ à nive Martii dissoluta in vase vitreo provenit. nam hæc etiam absque alia ulla re adhibita in affluxu calido, loco collyrii est: ad rubedinem autem peculiariter commendatur aqua fragorum, illis prius in eo vase in quo destillantur putrefactis in fimo: aqua etiam è tormentilla destillata rubores tollit, & initio fluxionum prædest; laudatur & hoc collyrium.

℞. Aq. fœnic. euphras. ros. an. ℥ss. sacch. candi, ℥j. vitriol. alb. ℥ss. M. & per filtrum aliquoties transfundatur; dolor isto modo sedabitur; noctu totus oculus inungatur isto unguento, cujus mirificam efficaciam expertus & pro secreto habui.

℞. Butyrum si haberi potest mensè Maio factum, aut aliud recentissimum diligenter elotum, vel loco illius medullam bovinam è cruribus, atq; vel cervinam huic admisce lapid. calamin. in tenuissimum pulverem triti quantum accipere poterit, atque ut dixi horâ decubitus applicetur; repeti autem potest aliquoties noctu ista inunctio, si præsertim dolor vehementer urgeat; manè abluitur aq. ros. & fœnic. in qua particula pomi dulcis sit decocta. *Jo. Crato consil. 5. lib. 5.*

Aurifaber quidam fluxum lachrymarum ex oculo sinistro diu perseverantem cum rubore, tumore & obscuritate illius oculi, patiebatur; aliquando hæc cessabant, mox iterum revertebantur, eratque anti-

quus & confirmatus affectus: tandem accersitus, ordinavi pilulas sequentes.

℞. Pil. aurear. coch. an. ℥ss. cum aq. fœnic. F. pilulæ: deiecit admodum, atque eo ipso die lachrymæ cessarunt; & oculus aperire potuit: velicatorium dein nuchæ applicui: emplastrum pro ruptura ad arcendam defluxionem utrinque temporibus quadrantis thaleri magnitudine admovi: ad cohibendam item defluxionem sequens ordinavi collyrium.

℞. Cortic. granat. contus. ℥j. bol. arm. pinguis, ℥ij. coq. in aq. plantag. & peculi rosar. an. part. æq. in colat. ℥iv. dissolv. lap. hæmatit ℥ii. diu agitando ut penitus dissolvatur, adde vitrioli albi ℥i. camphor. ℥ss. M. diligenter ut fiat collyrium: in quo parvam spongiolam madefaciat & exprimat, atque oculo clauso applicet, sæpe repetendo: cum aliquoties usus esset, ut melius operaretur addidi.

℞. Aq. plantag. solan. an. ℥iii. tutiæ ℥ij. mucilag. sem. psyll. fact. cum aq. rosar. M. cum priori collyrio, & utatur, & sanatus est. *Felix Platerus obs. lib. 2. pag. 377.*

Fomentum istud meum ophthalmicum (quo toties cum successu usus sum) tepide applicari jussi.

℞. Sem. fœnugræc. conquss. ℥ss. sem. euphras. anis. fœnic. an. ℥ii. fl. euphras. beton, meliloti, chamæm. an. p. is. tutiæ præp. sarcocoll. nutrit. sief. alb. an. ℥j. incid. & conquss. omnia & coq. in lact. vaccin. rec. q. f. & sacculis includantur pro fotu. *Jo. Petrus Lotichius. obs. 7. cap. 2. lib. 2.*

Jo. Heurnius oculorum rubedinem dolorificam riu-raculi instar hoc secreto remedio curavit.

℞. Phlegma aluminis, applica. extillatur in balneo, in notis annexis cap. 5. lib. 5. patholog. *Jo. Ferneli.*

Pro Oculi macula cum catarrho & metu suffusionis.

Pro conservatione oculi, velim utatur hoc collyrio abstergente.

℞. Aq. rosar. ℥iv. sem. fœnugræc. ℥i. rad. alth. numero 6. bulliant ad consumptionem tertiæ partis, fiat fortis expressio, colaturæ adde aloës opt. pulverizate & sacch. candi rosati, an. ℥ii. bulliat iterum cum his ad ignem clarum ad consistentiam mellis: deinde servetur ad usum in vase vitreo benè obturato, usu istius collyrii corroboratur oculus & mundificatur, & absterguntur humores, hoc mihi habeo familiare, quod semper fœliciter succedere expertus sum. *Jo. Baptista Montanus. consil. 145.*

Aqua mellis oculorum maculas certissimè delet, si penicillo illas tangamus; sed oculorum dolor, si quis sit, primò mulcendus; est enim dolorifica, quod notandum. *Petrus Pachecus, observ. 43.*

Quædam mulier infimæ fortis maculam habebat in oculo: cui consilium dedi, ut bis in die succi rutæ guttam unicam in oculum instillaret, quod cum satis diu continuasset, macula prorsus ablumpta est. *Samuel Formins. obs. 28.*

Pro Ophthalmia biliosa.

Præmissio lenitivo, ad humores acres & mordaces contemperandos, syrupos incrassantes & infrigidantes hoc modo propinavi.

℞. Aq. solan. plantag. cichor. an. ℥ii. syr. de ros. rub. sicc. de nymphæa & papav. an. ℥i. M. F. julepus pro duabus dosibus. Postea etiam purgavi cum infusò rheo, adjecto syr. viol. oculis verò candidum ovi liquorem instar aquæ concussim infundebam, hoc enim modo acris fluxio sine offensa eluitur juxta Gal. 13. meth. & cum dolor urgeret, accipiebam aq. albuminis

ovi lactis muliebr. ℥iij. succi plantag. ʒj. M. panni lin-
tei duplicati in eo infuso oculis imponebantur, in-
terea & collyrii alb. Rhasis ʒß. modò cum lacte mu-
liebri soluti, modò cum aq. rosac. oculis instillabam.
Fovebam etiam oculos cum decocto fol. malv. viol.
& sem. fœnugræc. Medicamento illo ex ovi liquore,
quo nos uti solimus, veteres magna consideratione ute-
bantur, cum minime mordens sit & glutinosus, &
propterea, lenit asperitates omnes quasque acris
fluxio excitat; deinde cum crassus sit & lentus humor
constantiùs quàm tenuis & aquosus in loco perma-
net; cumque absque rosione sit, si modicè incalcescat,
dolorem maximè lenit. *Petrus Forestus. obs. 2. & schol.
lib. 11. De Morbis Oculorum, &c.*

Mulier quædam de oculi dolore ingenti, cum ru-
bore conquerabatur, & palpebræ non solum inflatæ,
sed inflammatæ, ac rubedine affectæ conspiciebantur,
optimo victus ordine instituto, post ventris lenitio-
nem, huic vena cephalica in brachio è directo ocu-
li affecti secta fuit: postea etiam cucurbitulæ cum
scarificatione in parte colli qua jungitur cranio, ap-
positæ fuere: etiam sanguisugæ post aures applicatæ,
& inedulla panis, simul & pomotum dulcium, cum
lacte muliebri & aqua rosar. macerata oculo imposita
sunt: atque ovi albumen concussum cum collyrio
alb. Rhasis quod opium recipiebat, instillatum, pi-
lulas quoque lucis devoravit, & à dolore liberata est.
Alteram quoque, cum acerbè ab ophthalmia conficta-
retur, pomum coctum cum aqua rosarum & lacte
muliebri mixtum cum oculo continuò apposuissemus;
deinde collyrium Rhasis album cum aqua ros. solutum
instillassemus, tandem ab omni dolore liberavimus,
Idem obs. 5. lib. 11.

Cum tribus integris mensibus, nempe Octobri,
Novembri & Decembri, constitutio austrina perman-
sisset, multæ inflammationes oculorum cum rubedi-
ne, & ophthalmiæ non veræ populariter grassatæ sunt.
Omnibus ferè purgationes profuere; postea & cucur-
bitulæ scapulis oppositæ cum scarificatione, quibus-
dam verò propter pruritum & acres humores purga-
tionibus tum cucurbitulis præcedentibus, collyria ex
aqua albuminis ovorum cum aqua rosac. egregiè con-
tulerunt. Sed hoc collyrium sequens præ aliis omni-
bus valdè commodum fuit.

℥. Ceruss. lotæ ʒi. amyli ʒvi. gummi tragac. sar-
cocoll. tut. præp. an. ʒß. camphor. opii, an. ʒi. aq. ro-
sar. q. s. F. massa usui servanda, atque hujus portio
exigua dissolvebatur cum aqua ros. ubi usus postula-
bat, & collyrii instar pluma in oculum affectum stil-
labatur, præcedentibus tamen purgationibus. Infini-
ti hoc solo remedio convaluere. *Petrus Forestus. obs.
4. lib. 11.*

Pro Ophthalmia.

Ad fluxiones oculorum valet maximè crocus metal-
lorum in hunc modum.

℥. Croci metall. ʒi. aq. euphras. ʒiv. crocus tenuissi-
mè pulve izetur ut fiat pulvis impalpabilis, & misce
cum prædicta aqua. Deinde corpore supino exi-
stente quater in die instillentur intra oculos quatuor
guttæ repidè. *Rodericus à Fonseca. tomo. 1. consult. 1.*

℥. Aq. ros. ʒvi. aloës lotæ, tutiæ præp. an. ʒi.
M. F. collyrium, cum linteolo vel spongia foveantur
oculi. *Rodericus à Fonseca. tomo. 2. consult. 55.*

℥. Aq. ros. plantag. an. ʒii. troch. alb. Rhasis sine
opio ʒß. tutiæ præp. ʒii. sarcocoll. nutrit. ʒi. M. F.
collyrium. Si dolor simul urgeat, addatur præscripto
collyrio emulsio sem. papav. & mucago psyllii, & si
adhuc non cedat dolor, Rhasis collyrium cum opio
usurpandum. *Jo. Zechius. conf. 69.*

Multis frustra tentatis remedijs in patre meo oph-

thalmiâ detento, sequenti applicatione curatus
fuit.

℥. Album ovi, & cum aluminis frustto tamdiu
agitetur, donec pulvis consistentiam acquirat. Postea
linleo subtili involvatur, & oculo clauso palpebræ
imponatur sæpe renovando. *Petrus Borellus. obs. 31.
cent. 1.*

Rusticus quidam ophthalmiâ inveteratâ laborans,
ex medici præscripto, victu refrigerante & aquæ po-
tu longo tempore usus fuerat, sine ullo levamine,
tandem ab alio rustico persuasus fuit, ut victum il-
lum refrigerantem desereret, & meri potui indulge-
ret. Post assumptum primùm meri cyathum, se ocu-
lis meliùs habere sensit, & intra paucos dies eodem
potu continuato ab Ophthalmia prorsus liberatus est.
Idem aliis duobus contigisse mihi relatum est; quod
confirmat aphor. Hippoc. dolores oculorum inter-
dum meri potione curari: quando scilicet ophthal-
mia sit à sanguine crasso & pituitoso oculorum tu-
nicis impaeto, qui meri usu liquatur; attenuatur &
resolvitur. *Lazarus Riverius. observ. 25. cent. 3.*

Quidam laborabat à longo tempore inflammatione,
quæ tum adnatam, tum utramque palpebram occupa-
bat; affectus non erat continuus, sed recurrens, post
varia usurpata frustra remedia, tandem præscripti duo
cauteria inter duas scapulas gestanda, nec non cucur-
bitulam utramque amplectentem applicandam, urgen-
te nimirum fluxione, quod cum præstitisset, sani om-
nino illius oculi evasere, non parum ad curationem
contulit unguentem sequens, quo in initio usus fuit,
purgato priùs corpore, sectaque vena.

℥. Virid. ætis gr. xii. camphor. & lapid. calamin.
an. ʒß. tutiæ præp. ʒß. butyr. rec. aq. ros. lot. ʒii. M.
F. unguentum. *Jo. Marsus. obs. 7.*

Oculorum inflammationem & exinde exortos do-
lores nullo alio remediorum genere sedare nuper po-
tuit collega nuper noster inter primos æstimandus,
quàm nivis globulo, quem in horto obambulans ap-
plicavit, irrudentem enim ad corneam cruorem frigore
suo nix repellit, & eodem dolore mitigat. *Thomas
Bartholinus. cap. 23. De Nivis usu.*

Puella quædam post Variolas ophthalmiâ ex utro-
que oculo adeo laborabat, ut de visu periclitaretur.
Multa ipsi, sed frustra, præscripta fuerunt remedia.
Ego tandem cum Clarissimo D. Manlio Medicæ facul-
tatis in Academia Colonienfi Professore primario, ad
consilium vocati, setaceum ipsi consulimus, & ap-
plicavimus, cujus beneficio, & Divino favore, bre-
vi curata fuit. *Guil. Fabricius Hildanus. obs. 41. exempl.
2. cent. 1.*

Legantur etiam duo insequentia exempla; ubi in
oculorum Affectibus ulterius ostendetur setacei præ-
stantia & summa utilitas.

Aqua aluminis destillata in alembico supra cineres,
& oculo cum linteis eâ madidis admota, inflamma-
tionem efficaciter temperat. Crollius & reliqui chy-
mici miris laudibus efferunt sal saturni in aqua ros.
dissolutum, cui etiam salis ammoniaci grana aliquot
addunt, hujus formula talis esse poterit.

℥. Salis saturni gr. xij. Sal. ammoniac. gr. iij. aq.
ros. ʒiij. M. instillentur in oculum mane & serò, in
vulgari usu habetur aqua ex vitriolo albo, in hunc
modum.

℥. Vitriol. alb. ʒj. aq. ros. vel plantag. ʒiv. vitrio-
lum pulveratum in aqua ad ignem dissolvatur, cole-
tur aqua per linteum, & in oculos instilletur, si acri-
monia sua nimium eos vellicet, additione aq. ros.
vel plantag. ad libitum temperabitur, sequens minoris
acrimonix particeps, est, & magis resolvit.

℥. Rad. ireos fl. & ros. rubr. an. ʒj. aq. ros. &
plantag. an. ʒiii. bulliant lento igne ad tertias, cola-
turæ adde vitrioli albi pulv. gr. 8. F. collyrium.

Præstan-

Præstantissimum etiam & paucis notum ad discutien-
das ophthalmias remedium paratur ex oleo, seu liquore,
qui ex linteis accensis, & inter duas parvas suffocatis
elicitur; cujus liquoris gutta una cum saliva pueri per-
miscetur, & pennæ apice oculis admoventur.

Aqua fœnic. sola cum vino astringente permistâ uti-
liter admoventur pro fotu ad ruboris & inflammationis
reliquias discutendas & oculum roborandum, ovum
etiam ad duritiem coctum, detracta testa, & per me-
dium sectum, calidè oculo admotum ruboris reliquias
absorbet, fotus ex decocto hyssopi soli ruboris reliquias
etiam efficaciter discutit. Ad ophthalmias inveteratas
aqua sequens magnæ est efficacie.

℞. Aloës opt. & rutie præp. an. ʒvi. sacch. albiss.
ʒi. aq. ros. & vini albi non acidi. an. ʒvi. infund. in
ampulla vitrea benè clausa ad solem per quadraginta
dies, hujus aquæ non colatæ instillantur guttæ aliquot
in oculum.

Vesicatoria quoque in hoc affectu utilissima sunt,
tum posteriori parti cervicis, tum pone aures admota,
sed ante omnia statim ab initio vena secanda est, præ-
missis clystere, eaque è directo partis affectu aperienda,
sepeque iteranda phlebotomia, donec sufficiens evacua-
tio & revulsio facta fuerit: docetque Avicenna in vera
ophthalmia sanguinem mittendum esse usque ad leipo-
porymiam Gal. vero lib. De curat. per sang. missionem,
refert historiam cujusdam æconomi, qui a gravissima
ophthalmia liberatus est sanguine detracto, primum ad
thibi, deinde verò post quatuor horas ad tibi. inoderan-
da tamen est ista sanguinis missio, juxta temperamentum,
ætatis, sexus, vitium, & speciei ophthalmiæ, rationem.
Lazarus Riverius. prax. medic. lib. 2. cap. 8.

Vetula quædam in Italia oculos habens lippientes,
lachrymantes & saniosos cum intenso dolore & pruri-
gine, cum nullis remediis posset curari, tandem raso
capiti emplastrum vesicatorium impositum est, quo
præsidio perfectè curata fuit; ut ex arcanis Gisberti
Horstii præceptoris mei Romæ exaravi, si per venas ex-
tra calvariam descendat fluxio in oculos, post universa
remedia, liacauterium aliqui in temporibus vel post
aures applicant, remedia restringentia & emplasta ad-
stringentia supra tempora & frontem apponunt, prius
tamen corpore & capite repurgatis. *Petrus Forestus
schol. observ. 12. lib. 11.*

Ex diuturna defluxione ad dentes, Ophthalmia & visus alterius oculi abolitio.

Honesta quædam ac pia matrona Colonienfis, diu-
turnâ defluxione ad posteriorem dentem molarem sini-
stræ maxillæ, cum ejusdem erosione, & carie, vexaba-
tur. Medicorum consilio pilulis aureis, Lucis, & Co-
chiis frequenter purgata fuit, cucurbitularum quin etiam
applicatione in scapulis, aliquoties usa. Sed cum dentis
extractionem recusaret, cumque caries, tum dolor con-
tinuus defluxionem magis magisque ad gingivas irrita-
ret, & attraheret; tandem ejusdem lateris ophthalmia
exorta est. Hinc cataracta & cecitas insequentæ: forsan,
quia ratione inflammationis spiritus partim dissipati, par-
tim usu medicamentorum refrigerantium, unâ cum hu-
moribus condensari fuerunt. *Gulielm. Fabricius Hil-
dan. Observ. Cent. 1:*

Qua ratione, arena, festuca, segmenta aliaque similia ex oculis extrahenda.

Adnatam membranam à Pericranio, corneam verò à
dura matre, membranis exquisitissimo sensu præditis,
procreari, omnes norunt Anatomici. Hinc fit, ut ocu-
li adeo exquisitè sentiant, & ab arenis festucisque fa-
Blioth. Chirurg. Tom. III:

cilè lædantur. Vidi nonnullos; qui ex hujusmodi cau-
sa levissima visum amiserunt: Dolor enim, qui ex in-
flato oculis pulvere excitatur, statim humores ex capi-
te ad oculos attrahit, inde symptomata non levia exci-
tantur. Promptè igitur, & summo studio, quicquid eis
inhæret, extrahendum.

Suadent nonnulli, ut violentia narium emunctio,
aut etiam sternutatio exciteretur: putant enim hujus be-
neficio naturam simul, quicquid extraneum oculis inhæ-
ret, expellere. Id verò vix absque periculo fieri pos-
se, colligitur ex primæ Centuriæ Observ. 24. Vio-
lentus enim ille motus & concussio cerebri, quæ fit
sternutando, materiam excrementitiâ, tam ad ocu-
los, quàm nares protrudit, & excutit. Sine periculo
autem & parvo negotio, arenam, & pulverem ex ocu-
lis (uti ego non rarò expertus sum) expurgant oculi
cancrorum fluviatilium, sive lapilli, qui in capitis
cancrorum inveniuntur. Sinistra itaque manu elevan-
da est palpebrâ, dextra verò circumspectè & blandè
unus ex lapillis imponendus est, mox oculus clauden-
dus, & quocunque modo fieri poterit, excitandus est
somnia. Si verò eger in peregrinatione fuerit, oculam
strophiole obvelando colliget, sic enim lapillus non
excidet oculo, nisi prius ipso expurgato. Idque absque
dolore & incommodo fieri, affirmare ausus sum.

Alii granum unum seminis Ormini sativi oculis non
sine fructu imponunt. Quandoquidem semen hoc ocu-
lis & visui maximè prodesse, oculosque à segmentis
& pulvere expurgare, experientia comprobatum
est.

Si verò segmentum ligneum aut simile quid mem-
branis infixum est, ut mihi aliquoties videre contigit,
tum aliter est procedendum. In primis igitur ciligen-
ter prospiciendum, ubinam inhæreat, deinde jubeat
Chirurgus, ut caput ægri firmiter teneatur. Pona-
mus igitur casum, quod segmentum in inferiori parte
Iridis inhæreat, tunc Chirurgus sequens instrumentum,
auriscalpri instar factum, supra segmentum satis firmi-
ter, secundum longitudinem adnatæ membræ appo-
nat, ita tamen, ut acies concavæ partis instrumenti
membranam versus inspiciat.

Deinde jubeat, ut æger sursum respiciat, sic ocu-
lum fricando, segmentum sub instrumento extrahitur.
Quod si id prima vel secunda vice non successerit, non
tamen ab opere desistendum est, imò tandiu reiteran-
dum, donec extractum sit. Sin profundius membranæ
infixum fuerit, vossellis blandè extrahendum, postea
residentia albuminis ovi diu agitari, cum aqua rosæ
& plantag. paruinque aluminis crudi, oculo instillan-
da, pulvillus quoque eadem aqua madefactus, applican-
dus, & cum fascia firmiter colligandus est oculus, tum
ut medicamenta contineantur, tum etiam ut oculus mi-
nus moveatur. Dum enim oculus apertus est, semper
moveretur, at motus maximè contrarius est laborantibus
partibus; imprimis oculis. *Idem ibidem.*

De Ophthalmia à fungo inducta.

Anno 1680. die primo Augusti puer duodecim an-
norum, corpore sanus, inter ludendum, fumum ex or-
biculari vel crepitu lupi (qui belgico idiomate dicitur
een boevyst) ab alio puero emissum oculis suis excepit,
unde spatio duarum horarum vix elapso palpebræ adeo
intumescebant, ut oculos aperire nequirent; oculi toti
ruebant non aliter, ac si panno rubicundo fuissent
cooperti, & talis quoque apparebat interior palpebra-
rum superficies, ac dolor intensus aderat. Pater per
biduum remedia neglexit, ac interea prædicta ty. p. o-
mata crescebant, & præterea continuus erat lachryma-
rum acium effluxus.

Res miranda sane, quam nunquam me legisse n. e. ni-
A a ni;

ni; sed quo pacto fumus ille horrenda adeo phænomena potuit excitare? Orbicularis scilicet exiguo tantum foramine perforatus à manu pueri undique comprimebatur extrinsecus, atque ita particulas volatiliores & minus coherentes intus foras urgebat, quæ omnes simul exire non valentes aliæ alias propellebant, atque ita multo celerius agebantur; non aliter ac videmus aquam ex syringe celerissime proflire, quando pistillum non nisi leviter ac tarde tantum adigitur, aut sicut cernimus, latera folliis molliter tantum comprimi, dum aer interea ex tubo illius non sine impetu propellitur.

Sed si forsitan aliquis hic interroget, qualesnam sint illæ particulae, illi respondeo, ipsas esse acido-corrosivas ac utriusque acriter scindentes, nam tales particulas acidas orbiculari inesse, colligere licet ex illius usu in sistendo sanguine, quandoquidem, cum frustum orbicularis imponitur vasi sanguifero vulnerato, sanguis sistitur partim ob particulas ramosas ac sibi invicem implicitas vas apertum obturantes, partim ob particulas acidas orbicularis, quæ sanguinem coagulant, haud secus ac lac coagulatur ab acido infuso.

Hæ igitur particulae acidæ magna vi ex orbiculari expressæ profundè penetrarunt in poros oculorum & superficiei interioris palpebrarum, & sic lateribus suis scindentibus vehementiori motu agitabant fibrillas nervorum ibidem disperforum, unde doloris sentiendi occasio menti dabatur, cui dolori etiam suum contributebat distensio, quæ oriebatur ex eo, quod vapores soliti per poros à particulis orbicularis obstructos exire non possent, ac proinde intra tubulos membranarum colligebantur sub forma humoris, qui brevi temporis spatio acescebat à particulis acidis orbicularis tanquam à fermento, sicut videmus fermentum acidum in parva quantitate sumptum totam massam farinaeam in suam naturam vertere.

Hæ igitur particulae acidæ utræque laterum suorum acie validius impellentes fibrillas nervorum, ciebant in illas partes copiosorem solito spirituum animalium influxum, unde fiebant ibidem leves quædam contractiones, quæ tamen sufficiebant, ut impedirent aliquatenus circulationem sanguinis & humorum per tubulos illarum partium circulantium, nam adjuvabantur in hoc negotio à vaporibus intra tubulos illarum partium in aquam conversis.

Sanguis in vasis capillaribus contentus & humores in tubulis, dum ita stagnabant, etiam acescebant modo prædicto & coagulabantur, unde adhuc magis inepti reddebantur ad circulandum, atque hinc jam satis manifestum evadit, unde ortum traxerit rubor oculorum & palpebrarum, harumque intumescencia.

Sed unde continuus ille lachrymarum acrimæ effluxus? res ex prædictis facile deducitur; scilicet particulae quædam acidæ orbicularis intrarunt poros glandularum & vasorum lachrymalium, ibidemque leves quædam convulsiones irritatione sua excitando, lachrymas continuò expellebant; sed unde solito aciores sentiebantur; nullus ferè mortalium est, qui ipso gustu indice, nesciat lachrymas esse salvas, quapropter illæ in transitu effervescentiam quandam subitanæ inhibant cum particulis acidis ibi hærentibus.

His attento animo paulisper pensitatis mirari desino, quod fumus ille tantorum malorum causa extiterit; simulque jam non difficilis videtur medela.

Scio namque, quod lac fervens, ab acido coagulatum, iterum solvatur intra horæ spatium, si digeratur cum sale aliquo idoneo; scio, etiam quod acetum dulcescat ab injectis oculis cancri, ut & à lithargyrio infuso; novi etiam effervescentiam, quæ concitatur ex concursu olei tartari salis cum oleo acido vitrioli.

Atque ex his concludo, sanguinem ab acido coagula-

tum iterum fluidum reddi & acidum temperari posse ab oculis cancrorum, lithargyrio & multis aliis medicamentis multum salis continentibus, qualem exhibet vitriolum album, gummi ammoniacum, sagapenum, galbanum &c.

Ego igitur tertio læsionis die ad puerum vocatus instillavi calide in oculos guttas aliquot alicujus collyrii, quod ex vitriolo albo, aliisque cum aquis convenientibus mixtis componitur, & super oculum applicui emplastrum ex gummi ammoniaco, galbano, sagapeno, lithargyrio &c. conflatum & super lintheum extensum. Hæc ego quotidie bis iteravi, puerum in loco tenebroso retineri jussi, atque ita æger intra duas septimanas pristinam sanitatem in totum recuperavit. *Joh. Muys, in Prax. Chirurg. rationali.*

Oculi procidentia

Malè vocant nonnulli quamlibet oculi procidentiam, sive *προπίσσω*, sive *εμφύλωμα* Pauli Æginetæ *lib. 3. cap. 22.* & *lib. 6. cap. 19.* Loquitur quippe illic de illa procidentia specie, quam produxit, vel rupta, vel elevata oculi tunica: cujus etiam meminit Cornelius Celsus *lib. 7. cap. 7.* In ipsò, *inquit*, oculò, attollitur nonnunquam summa tunica: sive ruptis intus aliquibus membranis, sive laxatis, & similis figura fit acino: unde id *εμφύλωμα* Græci vocant.

At longè aliud procidentia genus contigit nobis subinde videre post Victorem Trincavellium, ac Fabricium Hildanum: qui idem quoque memoriæ consecraverunt. Protuberantiam videlicet non membranæ uveæ elevatæ, vel instar acini, vel capitis muscæ: Sed tumorem totius oculi; effundentem se tam latè ex sede suâ ut deturpet faciem universam.

Quem desotinem, excedentis oculi; prolapsum siquidem lubet reducere ad nomen aliquod antiquitati usitatum: videbis eum Paulo Æginetæ *επιεσµὸν* vocari *lib. 3. cap. 22.* Exprimuntur, *inquit*, oculi, & exerti permanent: causa est, vel strangulatus, vel dolores, qui frequenter accidunt, ex partu: quos solvunt uteri purgationes.

Sed Aëtio, ac Cornelio Celso, vocatur idem vitium *πρόπισσις*; tumor videlicet, ob magnum inflammationis metum, oculos è sede suâ propellens. Celsus *lib. 7. cap. 7.* Verùm addit Aëtius, procidere usque è oculis, ut à palpebris contegi haut possit: imò vergere interdum ad malas, & ipsa supercilia. *lib. 7. cap. 24.*

Ex suppressis menstruis, inciderat filia cujusdam vittrarii in immodicum narium profluvium: quò intempestivè ab iracundiâ suppressò; convertebatur protinus omnis impediti sanguinis impetus in oculum dextrum; qui inde usque adeò intumuit, ut sede suâ propulsus, deformaverit mirum in modum totam faciem. Cujus vitium uti auferret, nil non nobiscum molitus fuit, Vir jurè magni nominis, Vopiscus Plempius; sed successu minùs prosperò.

Induerat quippe jam tum naturam carcinomatis, cum cute lividâ, tubere inæquali, & pure tam acri: ut vitiata forent inde narium ossa; & vires præterea adeò fractæ, ut nihil profuerint etiam saluberrima consilia: nisi fortè lubuisset oculum excidere: quod tamen crudele auxilium, licet succedat nonnunquam feliciter: equidem haud facilè suaserim, nisi consent vires.

At enim, sublatâ è vivis ægrâ, vidimus evidenter procidentiam hanc originem traxisse, ex tumore ponè oculum delitescente: quò adaptò, occurrebant passim venæ laceræ; membranæ distentæ; ossa carie infecta; & tantum sanguinis cum extra, tum intra cerebrum, effusum; ut nulli mirum videretur periisse virginem, tot hostibus circumventam.

Inconsideratè itaque agit, quisquis fatagit coercere quale,

qualecunque sanguinis profluvium: distinguendi sunt cautè loca; & vitanda obnixè quæ hîc signantur brevîa; Satiùs enim naturam liberare, quàm onerare: & præstat interdum sanguinem aliquamdiu fluere, quàm indiscriminatim inhibere.

Quòd si verò procidentia hæc originem traxerit ex lue venereâ, (uti interdum fit) ex re ægrorum fuerit, aquâ mercuriali, aliòve aliquò mercurii litu, partem attingere; cujus deformitatis vitium felicissimè hæc remedio superatum iri videbis. *Nicol. Tulpus Observat. Medicar. lib. I.*

De Oculi humoribus restituendis.

Artificium expressos humores omnes oculorum restituendi apud Illustriss. Burrhum Hafniæ vidimus, cujus ea de re ad me scriptas litteras typis publicis commisi ita jubente Augustissimo Rege Divo Friderico III. Quamprimum in lucem essent missæ Epistolæ Burrhiæ, censorio Discursu eas percurrit Clariss. Medicus Jo. Dan. Major Kiloniensis Professor editoque libello indicavit dubia illi ex lectione Epistolarum orta. Missum mihi ab amicissimo Autore exemplar Burrhe statim obtuli, qui in editione secunda Epistolarum, quam in se susceperat, dubiis majoris momenti respondi, mihiq; tradere constituit, sed cum post Excessum Regis incomparabilis, abiturum hinc maturaret, cui eas consignarit ignoro. Mihi enim leviculam ob causam offensus non valedixit nisi per alios amicos. Quippe cum ex Cl. Kerchringi Observatione Centesima superime tum ex Belgio ad nos delata, recenserem plî in amico colloquio difficultates ibidem motas, non animo contradicendi, sed ut ad responsionem inviarem, ille, serîo me contra illum rem agere suspiscatus, mirari se dicebat, quod adhuc Thomas essem, seu incredulus. Non diffiteor dubium me semper hæsisse in experimenti veritate & oculatas manus desiderasse. Ut scrupulum mihi eximeret, tentavit quidem in anserè experimentum, sed neque tum mihi satisfacere potui. Invitaverat me & Dn. Bôrrichium ad prandium cum Chirurgo Nicolao Boje, ut præsentibus nobis operatio fieret. Ex vulnere satis largo per Chirurgum inflicto expressis humoribus omnibus, infudit succum chelidoni à se preparatum per vices sæpius effluentem. An quicquam in oculi bulbo remanserit, ignoro, obligatum vulnus oculi fuit & in scamno clauso anser reservatus vinculo injecto nostrisque sigillis munito nè de fraude ulla superesset suspicio. Reversi postea vidimus oculi bulbum integrum & quasi renatum cicatrice adhuc conspicua. Sed an integer oculi esset visus, discernere nequivimus. Nonnihil tamen admotam manum fugiebat. Experimenti successu lætus Burrhus cum in Arce Regia conveniremus, serenissimo Regi narravit, me præfente factum experimentum, audereque se etiam oculos prorsus erutos restituere. Ad quæ subridens Magnus Rex, an etiam malas mulieres eruere & restituere posset interrogat. Cui ille; si id possem, certè Serenissime Rex nollem. Tantum ego de artificio hoc Burrhiæo testari possum, cujus hîc loci nullam fecissem mentionem ad priores annos spectantis, nisi occasionem dedissem: Chirurgus Regius Doctus pariter & curiosus Henricus Jacobi Scriverius, qui à me rogatus, ut si ad manus esset observatio aliqua elegans eam non invideret Actis nostris Medicis sub prælo ferventibus; hanc mihi exhibuit, propriis ipsius verbis hîc consignandam. *Thomas Bartholinus.*

De sponte renatis in Anserè Oculorum humoribus observatio.

Quoniam de restitutione humorum oculi, toto literato orbe increbuit fama, aded ut non tantum Perillustis D. Burrhy peculiari Epistola artificium hoc pro-

mulgarit, sed & Romæ illud ipsum, cum per Chelidonii, tum simplicem fontanam tentatum sit, ut pluribus Miscellan. Curiosor. Germanic. anno Primo observ. 117. videre est, libet paucis delibare, quid mea hac in re præstiterit observatio. Cum coram Potentissimo gloriosissimæ memoriæ Rege nostro Friderico III. Domino meo Clementissimo, tamigeratissimus Dn. Fr. Joseph. Burrhy, humorum oculi restitutionem moliretur, ipse ego jussu Regio Chirurgiam administraturus præito fui, apertâ igitur lanceolæ ope corneâ, humores expressi, tunicasque, quantum quidem licuit, comprimendo corrugavi, Dn. Burrhy verò aquam aliquam, quam pro Chelidonii stillatitia, sed singulari artificio concinnata venditabat, orbo humoribus oculo instillabat, spem faciens ea ipsa in integrum restitutum iri oculum; quod quidem prælagium successu destitutum non est, ut pluribus ejus hac de re in publicum emissæ literæ testantur: An verò aquæ isti artificiosæ, non verò soli naturæ accepta ferenda sit hæc visus & humorum restitutio, dubium evadet ex hac mea sequenti observatione. Fortè eodem tempore, quo hæc à memorato Dn. Burrhy tanquam singularia artis mysteria venditabantur, periculum domi meæ in alio anserè feci, quem pari modo & corneam pertundendo & humores exprimendo excecabam, restitutionem soli naturæ relinquens, quæ ita solerter opus suum executæ est, ut intra paucas hebdomadas viuis cum humoribus restitutus fuerit, relicto tantum plagæ in cornea levi vestigio. Visus autem actionem ex parte (si non omnimodo) redditam fuisse, exinde conjectare proum erat, quod læsus ille oculus saniori alteri & simillimus præter solam cicatricem esset, & ocluso altero (prout experimentum aliquoties feci) eque ad plagæ minitacionem cederet, & conniveret, nec in varia hinc inde consultò disposita offendicula impulsus anser impingeret, quin potius scitè eadem declinaret. Hanc igitur restitutionem naturæ industriâ in anseribus, etiam citra ullius humoris vel artis accessionem obtineri; ea quæ dicta sunt, liquidò evincunt. Nec dubium mihi est idem in aliis omnibus contingere volatilibus, adeoque à Cl. Dn. D. ab Heer æque elenchum causæ committi, dum in Ulmi foliis collecto succo humores oculorum restituendi facultatem, adducta in prosecutionem de gallinaceo comprobata experimenti fide, tribuit. Hoc autem ipsum vestra, Vir Illustris auctoritate, quod in anserè ante quadriennium, his diebus in gallo & gallina expertus sum. Gallinaceum, quidem utroque oculo profunda satis plaga privavi, ita ut prioribus tribus hebdomadibus ne minima quidem lucis utilitate frueretur, adeoque ne fame periret, cibum in pastillos compactum ipsi in os ingerere tenebamur, sensim tamen subsequenter hebdomadibus ad lucis radios connivere cepit & proprio ductu pastum quærere, donec fortè quidam è Regiæ custodiæ cohorte protervior, me absente, miserum illum capite multabat. Gallinam autem altero tantum, sed studiosissimè expresso toto crystallino orbam ad hodiernum usque diem curavi, quæ ocluso quidem sano non æque feliciter, utpote minus assueta colligebat grana, colligebat tamen; Sed ut certior redderet, num ipse crystallinus regenerari posset, hanc ipsam hodiè capite truncavi & læsum oculum dissecui illumque pari fere felicitate ac reliquos renatum fuisse observo, licet nondum ad debitam pervenerit magnitudinem, sano enim minor aliquantò erat. Effluxerunt ab expressione humorum 8. hebdomades, quod si adhuc per aliquot asservata fuisset, dubium non est cum ipsum plane restituendum fuisse. Acta autem omnia hæc sunt dum mihi adstitit Henricus Creutzfeld Medicinæ Candidatus solertissimus fidus dictorum testis. In homine v. vel difficiliorem esse, vel omnino fortè impossibilem omnium humorum præcipue crystallini repositionem (nam de solo aqueo res paradoxa

non est, ut pote non tantum aliorum relatione, sed & mea ipsius experientia sapientius roborata) quod sequitur edocebit. Regius quidam puer purpuratus è nobili stirpate *von Kahlen* dictorum oriundus, ad alterutrum oculum ita ladebatur, ut omnes humores, qua data via, elaberentur. Advocabatur Regio iussu Dn. Burhus, ut ea, quam præ se ferrebat, arte, & humores & visum huic ægro restitueret, qui difficultatem perspicuens, subterfugium in dierum aliquot moram venabatur, quarum prætextu speciosum suæ artis commentum tueretur. Sed & moram gratis in subsidium vocari, nuper in mercatore quodam Hafniensi Nicolao Jahu dicto qui perinde ad omnium omnino humorum effluxum læsus erat, didici. Vocatus enim ad eum Vir celeberrimus & in omni meliore literatura Excellentissimus Dn. Henricus à Moinichen, Regiæ Personæ Medicus uti dignissimus ita meritissimus, postquam me sibi socium elegisset, nihil eorum quæ cum ad sanitatis restitutionem tum ad artis incrementum facere videbantur, prætermisit, sed tantum abfuit, ut vel aqua chelidonei vel aliis in subsidium ritè vocatis, restitui potuerit, ut etiam hodie factitium ex auro gestet oculum. Hac in re etiam apprime nobiscum consentit Ammianus in Medicina sua Critica Discursu 52. ubi examen hujus artificii instituit, qui loco citato pluribus videatur.

Quod de homine dubitat Scriverius noster, alio exemplo confirmabo. Colono cuidam Severino jam in prædio meo Hagested oculum calce equa ita colliserat, ut retracto intra orbitam bulbo flaccido humoribusque vacuo, visus esset deperditus. Rogatus glebæ meæ astrictum hominem ad Illustrem Burhum, cuius tum fama inter nostros increbuerat, deduco ut precibus uxoris satisfaceret. Rectè verò ille nihil auxilii superesse dicebat, siquidem nervi optici vitium appareret. Non semel enim ante monuerat. Naturæ Proculus, jam, quod dolemus, fortunæ ludibrio expositus, nervo optico illæso reparari posse crystallinum, & forsitan allabente humore nervino refici. *Thomas Bartholinus.*

Ad Observationem de Restitutione humoris Aquei.

Experimentum cum Anseri pariter fecit Exc. Dn. D. Joh. Dan. Major Prof. Anat. & Botan. Kiloniens. meritissimus, Collega Curiosus laboriosissimus, in Collegii Medici Curiosi privati specimine VI. §. 26. Anno 1676. qui Anseri utrumque oculum acu transfodit circa limbum tunice corneæ, ut humor aqueus ex flaccescente oculo efflueret, cæcitatem ipsi inde contigisse, probavit, quod manibus hinc inde ante oculos ipsius ultrò citròque jactatis, immotus tamen permansit; repositus anser ad experiendum, an natura per se aliquot dierum spatio compensatura sit detractum aque laticem, an imposterum visus restituendi gratiâ medicato liquore, aqua Chelidonei &c. sit utendum? Eventum dein explicat *Idem Dn. D. Major in specimin. VII. §. 30.* Anser, inquit, ante octiduum obcæcatus, in medium productus optimè iterum vidit, quod 28. vel 30. Auditoribus monstravi, idque natura sola in oculo anseris fecit, nullis medicamentis per vulnus infusus, adjuncta solo 36. horarum aut bidui spatio, in locum detracti humoris aquei novum alium undecunque attulit per vascula minima nervea & arteriosa ad oculi concavum tendentia, & oculi flaccidiusculi ex amisso humore iterum turgere visi sunt, parvam tantum maculam, inflicti vulneris vestigium in cornea reservantes. *P. 7. Sachs à Levenheimb.*

Oculi humores excussi redeunt, non ex adventitio præsiphones infuso, sed ex depluente à cerebri vasis liquore.

Verguncula annorum septem, rationarii scribæ Regii fliola ferreum infelix uncum improvise ictu, medio oculi impegit, ita profundo, amploque vulnere, ut proximo triduo non solum, quicquid erat humoris aquei, effunderetur, sed & quicquid vitrei, id quod crassamenrum cocto leviter ovi albuminissimum continuè effluens clarè ostendebat. Accersitus ego, ad avertendam, quæ violentissima successerat, inflammationem, & derivandum aliò ruentis humoris noxii procursum vesicatoriis insto, quibus parum conferentibus, ventum denique est, præmissis universalibus, ad setaceum: oculo autem collyrium ex aqua fœniculi, cyanique jubeo per intervalla infundi; quibus effectum, ut in paucis diebus multum adhuc humoris vitrei turbati eliceretur. Postquam mihi crassioris illius substantiæ per infaustum ictum confusæ prodire amplius observatum, infuso bractearum orichalci ex vino Hispanico (tantoperè laudato Angdo Salæ collyrio) hiantis oculi foramen sensim ad cicatricem perduco, ratus fore, ut ex cerebri vasis, five arteriolis tunicarum ejus paulatim tantum in vacuum pene locum destillaret humoris, quantum implendo oculi bulbo sufficeret, illum autem ipsum liquorem omni alio peregrino convenientiorem esse, (destillat enim aliquid videbar mihi colligere, tum ex eo, quod oculi in perpetuo motu & calore versentur, adeoque non possint non quotidie aliquid exhalando amittere; in cujus locum aliquid continuò succedere necesse est, ne bulbus oculi flaccescat, tum quod egrotantium oculos in morbis præsertim ardentibus flaccidiores videamus, humore, qui ex cerebri vasis aliàs subministrari solet, aliò translato, convalescentium autem & sanorum, vividos & humoribus suis repletos. Ut taceam, solo pressu moderato ex quibusdam bulbi oculorum bubulorum poris humorem proflire, quod Clar. Stenonio observatum.) Nec fefellit eventus: quamquam enim impetuosus ictus omnia confuderit, & ligamentorum ciliarium appendices vel distorsit, vel diruperit, hoc est; certam visui objecerit desperationem, impletus tamen bulbus est, & visus non planè abolutus, ut qui ad certas lunæ phases jam tum recurrit, & forsitan succedente ætate magis inclarescat. Licuit diu singulis hebdomadibus novas in oculo mutationes recognoscere: jam omnia albescebant, jam in flavum, jam coeruleum, jam turbatum vergebant colorem; sæpe tota pupilla filamentis candentibus obsita erat, nec adhuc certa mutationum meta est. Id quod ex membranarum, & ligamentorum, quibus in officio sustinentur oculi humores, læsione contingere censendum. Utcunque enim humores rectè se se iterum habere credibile sit, fluctuant tamen, & turbas dant, nisi limitibus suis coercantur, neque vel aque chelidonii majoris, vel alii cuicunque liquori stillatio, à natura concessum, ut rupta omnia resarciat. Quis rerum naturæ gnarus ab aqua destillando per alembicum evocata sperabit membranas & ligamenta? Imò, nè quid dissimulem, ex quo didici aquam illam Burhianam ophthalmicam destillando parari (neque enim Amstelredami, visis experimentis ejus, & epigrammate honoratis, id scieram) statim ita mecum: aqua illa acuit haud dubie visum, & labra vulneris oculis ad cicatricem forsitan disponit, restituere tamen crassos oculi humores solius naturæ est, humorum ex cerebri vasis renascentium: neque enim credibile est, gluten illud humoris crystallini, vitreique cum aqua chelidonii in alembicum ascendere posse. Quod, si vel succum folliculorum ulmi; vel humores ex oculis caninis aliis elicitos & sollicitè temperatos infudisset terebrato

brato molossi oculo, & anserinos alios anserino lumbini, color illustrior accessisset operationi, quamquam & id suos pateretur manes. Utque posset lentor ille crystallinus, vitreique humoris ascendere, qui ascendet, sal ille lixivius, qui in oculi humoribus deprehenditur: de quo ne sine experimento disseram, sepono quandoque humorem oculi bubuli aqueum ad ignem in vasculo vitreo, evaporat, relicto in fundo spissamento quodam crassiusculo non ascendente, quod amplius ustum ut incandescat, desinit in pulviculum salsum, qui cum spiritu vitrioli acriter effervescebat ostendit se esse ex genere salium lixiviorum. Similia contingunt humori vitreo, quo tamen evaporante crassamentum in fundo spissius, salius & copiosius apparet. In crystallino autem mihi nihil observatum est salis lixivii, nullus vel cum acidis, vel lixivii notatus fervor, relinquitur massa dura & firma, ad ignem intumescens, & nidore cornu ustum referens, qualem per alembicum paulo ante prodidisse, aut prodire posse, id vero est, quod nondum assequor, utcumque non invitum largiar aquas per alembicum evocatas crassamentum tandem, & post moram longiusculam, in fundum propellere fixum & in omni igne constans, sed insulsum. Sed cur gemini illi oculorum humores subsalsi? ad arcendam, opinor, putredinem, à qua tutior crystallinus, tum ob duriores substantiam, tum quod in subsalsis nater. Sed ut ad propositum revertar, video Ampliis. Tulpium observat. Med. I. 1. c. 30. neque aliud requirere in similibus oculorum affectibus, quam ut cicatrix inducatur, narrat enim se observasse, inducta vulneri oculi cicatrice, brevi iterum succrescere deperditam aquam; ante omnia illustris est Celsi locus lib. 6. cap. 6. ubi postquam docuisset lœsam oculorum hirundinum aciem interposito tempore in antiquum statum redire, subjungit, Unde etiam locus fabulæ est, aut per parentes, aut id herbâ chelidoniâ restitui, quod per se sanescit. De experimento clariss. Kerckringii hic nihil ut de re in publicum hætenus ignota, quanquam spes sit fore, ut quem doctissimum scimus, eundem in demerendo sibi etiam hac parte humano genere humanissimum experiamur. Olai. Bôrrichii.

Hirundinum Excacatio & Restitutio.

Artificii, quo Oculorum humores restituuntur, vestigia apud Veteres jam dum extare, superiori anno ostendimus, nimirum Tom. v. Ephemer. German. obs. 126. Adduximus autem ibi illustrem, notatuque dignissimum ex C. Plinio locum, cui merito quoque jure adjungendus nunc est insignis Cornelii Celsi textus; quem de Hirundinum excacatione & redintegratione habet lib. 9. De Re Medica, cap. 6. Verba autem ipsa apponere hic non pigeat: Harum avium, inquit, acies extrinsecus læsa interposito tempore in antiquum statum redit, celerique hirundinis. Unde etiam locus fabulæ factus est, aut per parentes, aut id herbâ chelidoniâ restitui, quod per se sanescit.

Potissimâ inde terna deduco: 1. Spontaneam visus restitutionem C. Celso. jam dum cognitam fuisse in avibus. 2. Fabulosâ esse, quæ intuitu Hirundinum excacatarum de chelidonia herba, forsari etiam chelidonio lapide, vulgus blaterat. 3. Operosum illum apparatus pro conficienda Chelidoniæ singulari aqua, quam Franciscus Josephus Burrhus Epist. 14. ad Thom. Bartholinum pag. 43. proposuit, esse supervacaneum. Quæ enim per se sanescunt, tantis haut opus habent mysteriis: Id quod citata etiam superius Observatione jam monuimus. Joh. Sigism. Elsholtii.

De artificii, quo Oculorum humores restituuntur, vestigiis apud veteres.

Biblioth. Chirurg. Tom. III.

Inter seculi nostri inventa refertur etiam enchiressis illa, qua oculorum humores sectione facta expressi restituuntur. Eam hoc ævo, quantum ex epistolis Franc. Joseph. Burri ad Thomam Bartholinum Hartniæ 1669. editis constat, primus exercuit Romæ. Eques aliquis Neapolitanus, ob tumultus bellorum civilium exul, qui artem hanc Cels. Principi Joanni Paulo Jordano Ursino ibidem monstravit: & paulo post Florentiam profectus, Robertum Sothuel Equitem Anglicanum eandem docuit. Is porro Robertus Sothuel cum Burrum Amstelodami inveniret, ipsi arcanum ostendit, atque ita circa annum 1666. apud Batavos artificium hoc inclarescere cepit, emulatore mox etiam felici Theodoro Kerckringio; quemadmodum patet ex ipsius spicilegii Anatomici observ. 100.

Hæc fama cum ad aures nostras perveniret, tentavimus anno 1670. artificium hoc in pullis, anseribus, vervecibus, canibusque exercere, non irritum prorsus successu: quamvis minore apparatu, neque tam artificiosè compositis liquoribus opus esse, quam Burhus prodidit, reipsa expertus sum. Quin imò si nihil prorsus instilles, tardius quidem redit perdita oculi globositas, atque iridis pupillæque nitor: redit tamen tandem, natura humores surrogante. Quod si verò facta incisione & expressione liquorem per sphunculum mox immittas, mox etiam oculus & globositatem suam recuperat; & si ve iridem sive pupillam spectes, alteri socio atque integro oculo similis evadit: remanente solo vulnere in cornea, id quod sequentibus diebus tam in longitudine, quam in latitudine paulatim etiam imminuitur. Unde patet, promptius omnia redintegrari, si liquor instilletur, quam si omittatur: quamvis verò consonum videatur, liquorem illum instillatum, à subrogatis sive succedentibus denudè humoribus naturalibus, iterum per vulnus corneæ totum extrudi. Profectò cum inter alias aves anseris horni dextrum oculum summo mane tunc incidissem, humoresque adeo, ut bulbus in se penitus collaberetur, expressissem, anseremque absque instillatione dimissem: sub vesperam ejusdem diei, bulbum suam globositatem jam tum ferè recuperasse adverti. Sequenti die globositati quidem nihil amplius deerat, itemque pupilla alteri similis conspiciebatur: Sed iris adhuc erat obscurior & minus vivida: cui etiam tertio vix die nitor suus redibat. Quamobrem omnino, ut superius dicebamus, præstat operationem hanc adhibita instillatione perficere, quam ipsam intermittere.

Dum verò isthæc experimenta illo tempore facerem, dubium mihi arduum de humore vitreo oboriebatur, an scilicet is, ob situm adeo profundum, totus ulla ratione exprimi per vulnus corneæ posset. Quare ad indagandam rei veritatem pullo gallinaceo sinistram oculum discidi, & post effluxum aquei spontaneum, expressi crystallinum totum, & vitrei tantum, quantum fieri mulgendo poterat. Ulterius eolum pullo abscondi, & oculum dissectum planè erui, quo explorarem, num adhuc aliquid humorum intus remansisset. Inveni autem post expressionem satis violentam, restitisse nihilominus aliquid de vitreo: at tantillum, ut pars ejus tertia, circiter videretur. Mox etiam dextrum oculorum in illo detruncati pulli capite discidi, & cum vehementia expressionem perfeci: deinde erutum oculum dissecui per medium, & adeo vacuum reperi, ut tunica interior tantum maderent. Hinc manifestum evadit, in vivente humorem aqueum sponte effluere, crystallinum à perita manu totum, vitreum maxima ex parte posse auferri: & quanquam portiuncula quædam vitrei altius aut retrò latens restet, tamen oculi æconomia priorum duorum expressione satis turbatur: imò adeo ut de cæcitæ irreparabili inducta olim nemo dubitasset. Id verò adnotatione dignum hic circa expressionem in mentem venit, quod,

ubi vitreus humor inter exprimendum egredi incipit, appareant quidem in isto vestigia ligamenti ciliaris nigricantia : ipsum verò ligamentum ciliare, quoniam in circumferentia corneæ, firmiter oris duræ membranæ conjungitur, nunquam, nisi violentissima & cæcitatem perpetuam illatura expressio accedat, elabitur. Salvis itaque nervis & membranis humores natura universos in oculis reparat : illis verò lēsis, etsi humores natura sutrogaret, omnis tamen peribit visio. Cl. Galenus certè *lib. de oculo cap. 1.* atq; alibi passim, jam statuebat, humorem crystallinum à vitreo, & hunc à cerebro nutrirī : nutritio autem fit per surrogationem nutrimenti : igitur hæc quoque surrogatio humorum ablatorum ab intra non erit ad mentem etiam Galeni adeò absurda. Ratio itidem inde patet, quare vulnera oculorum casu facta, adeò frequenter cæcitatem inducant : leduntur etenim per illa plerumque non humores solū, sed simul etiam membranæ, aut etiam nervi. Hæc autem vulnera non casu, sed perita manu inflicta, solos educunt leniter humores.

Alia etiam sub primordiis addiscendi hujus artificii difficultas mihi nascebatur, de explorando nimirum redeuntis visus tempore, præsertim in illis gallinis, quibus unum dumtaxat oculum incidebam, altero servato, ut cibum miserè capere possent. Itaque excogitabam pileolum sive vittam, ex panno xylino confectam, quæ capiti imposita, oculum integrum sive sanum prorsus contegeret, relicto foramine pro oculo inciso. Septimo aut octavo ab incisione die examen ordiebar, & accommodata capiti vitta atque alligata adverti, grana hordei à gallina cum quadam quasi præmeditatione & ad latus inclinato capite quidem colligi : rostrum tamen ad singula grana exactè dirigi, ipsamque nunquam hallucinari, argumento haud obscuro, aut ipsam perfectè oculo secto iterum cernere, aut certe à perfectione parum, & fortassis tantum, quantum à relicta adhuc cicatrice impediretur, abesse. Circatrix enim ut penitus evanescat, vix septem menses sufficiunt.

Atqui, ne nimis diu recensendis his experimentis nostris, aut argumento jam tum satis per orbem literaturæ cognito inherere videamur : placet stylum vertere, & ad antiquitatem respicere, inquirendo, num Artificii hujus vestigia apud veteres extent.

Galenus sanè, cujus auctoritatem de humorum in oculis nutritione paullo ante quoque citabamus, humorem aqueum puncto oculo effluere, & in pueris etiam regenerari, jam olim vidit; verum hæc puncturæ Galeno visæ, casu saltem inflicte sine dubio fuerunt, non arte; nequè ultra aqueum progressæ. Verum enim verò apud C. Plinium *lib. 29. Histor. natur. cap. 6.* extat insignis locus, & in quo operationis hujus non obscura facilè indicia agnoscas. Alii, inquit, cerram substernunt lacertæ viridi excæcate, & una in vitreo vase annulos includunt è ferro solido vel auro : cum recepisse visum lacertam apparuerit per vitrum, emissæ ea annulis contra lippitudinem utuntur. Et paulo post : Mustelæ etiam oculis punctu erutis, ajunt visum reverti, eademque quæ in lacertis & annulis faciunt. Tria autem hinc porismata deduci possunt : 1. Veteres lacertas virides & mustelas excæcasse, & quidem oculis punctu erutis. 2. Ab iisdem illa animalcula in vitris unà cum annulis tamdiu fuisse reposita donec visum reciperent, atque ipso recepto fuisse dimissas. 3. Annulos istos tanquam virtute ophthalmicâ imbutos, postea contra lippitudinem fuisse gestatos.

Ad primum quod attinet, Plinius diserte lacertas excæcatas nominat, non cæcas per naturam aut morbum; imò de mustelis asserit, oculos ipsis punctu erutos fuisse, atque ita manualis necessariò intercessit

operatio : non, quæ totos oculi globos evelleret, quippe visum hoc pacto nunquam recepissent : sed quæ puncturâ aut sectione scalpelli humores evocaret, atque hac ratione temporariam inferret cæcitatem. Ex altero membro constat, lacertas, mustelasque isthac ratione visu orbatas, absque ullo adhibito remedio, sola paulatim reparante humores natura, ipsum recuperasse : id quod in gallinis & anseribus pari prorsus modo nobis tentantibus evenisse, suprà retulimus. In tertio effectus annulorum istorum contra lippitudinem continetur, quem quidem suo relinquam auctori, atque illis, qui transfusioni virtutum ab una re in aliam multum tribuunt : inter quos eminet Henr. Cornel. Agrippa, qui propterea hunc Plinii textum ferè integrum in Philosophiæ suæ occultæ *lib. 1. cap. 16.* transtulit. Cæterum plura ex antiquitate loca jam non succurrunt, extare tamen non dubitamus; & quamvis plura haud extarent, ad ostendendam nihilominus analogiam ille Plini secundii tantisper sufficeret.

Referri huc meretur insigne experimentum restituendi humores oculorum cum succo vesicularum ulmi, quod refert. *Heerius Obser. 4. p. 71. Johan. Sigismundi Esholtri.*

De Cataractæ causis.

Si conjecturæ locus, ego de causa & foco suffusionis sequentia statuo; videlicet (de ætiologia hujus affectus secundum Galeni Scholam nihil addo) succum nutritium lymphaticum, qui humori crystallineo in nutrimentum cedit, extra suum locum esse propulsum, & in modum abscessus vel alicujus excrescentiæ tanquam appendicem aliquam humori crystallineo adnatam esse, ita etiam hæc passio insidet humori crystallineo tanquam suo foco. Hanc meam conjecturam stabilis. 1. quod corpuscula omni colore careant. 2. quod etiam minimi pulvisculi in aëre volitantis intuitum licet ea corpuscula inter visum & pulvisculum medium locum teneant, non tollant. Si ab aliquo humore hic affectus esset natus qualiscunque etiam ille foret, 1. aliqua coloris tinctura gauderet, sunt verò humori crystallineo simillima, id est, omnis coloris expertia. Posset autem hic humoris crystallinei abscessus facilè addensari, si libero affluxu quorumlibet humorum gauderet; eos exhauriunt fontanella & pulvis nasalis Tuus, tumque emplastra temporibus applicata. Mirum nihilominus est, quod rerum à meo visu contemplatarum simulachra, etiam postquam ea visu meo sunt subtractæ, in oculis circumferam, vestigiaque diutius inhereant. e. g. discus Solis & alia phænomena lucidiora, cujus rei ætiologiam ego à fortiori rerum spectandarum apprehensione, quæ sit in retina, deduco. Quemadmodum nunc de suffusionis ætiologia aliter ac alii philosophor. eodem modo divortium facio in causis reddendis vel foco guttæ Serenæ assignando, quem communiter in obstructione nervorum opticorum collocant, verum enim verò, si nervi optici forent obstructi, non solū visui cæcitatem, verum etiam ob privationem alimenti, quod per hos nervos impellitur vel trahitur, tabem aut oculorum marasmodum conciliarent, quare hi nervi sunt salvi, & alibi focus querendus. Kilix 21. Maii 1678. *Joh. Ludovic. Hanneman.*

Suffusio Tunica Adnatæ.

Patiuntur diversos affectus quælibet machine oculi partes, non solū interiori concamerationi intervenientes, verum etiam externæ. Adnatam in ophthalmia inflammari sæpius experimur, at eadem suffundi humore, paulò rarius est. Pastor quidam in

viciniâ

viciniâ primum in mala prope oculum dextrum tuberculum quoddam passus, me consulebat, quòd illo evanescente oculus ille ruberet, & tunicæ adnatæ cuticula tota circumcirca pupillam manifestè elevata sero turgeret fluxili, & hinc inde pro ipsius oculi motu mobili & tremulo, adeò ut pupilla & iris depressa subsidere in profundo viderentur. Aperire sanè non consultum duxi, sed dissipationem meditatus, exhibui sudoriferum liquidum cum essentia succini alcalina, exterius verò præter vesicatorium nuchæ applicatum, balsamum ophthalmicum ex pinguedine viperina, & collyrium ex croco metallorum cum aq. chelid. maj. &c. ex voto sanitatem & vigorem pristinum brevi restituit.

*Cataracta metus. D. Jo. Lud. Hanneman. Med.
Buxtehude. 16. Jan. 1673.*

Ante 10. menses ferè oculis meis simulachra telarum araneorum instar observata, visus verò Dei gratiâ adhuc, licet nullus dies sine quærela transigatur, dum hæc scribo, tam acutus est ut nec atomus fugiat eum, & splendidissimam lucem citra omnem ferunt laborem oculi, universum corpus sæpius evacui, ut & caput pilulis cephalicis mundavi, interdum quoque ad sudorem eliciendum me composui, fonticulum in sinistro brachio & jam per 9. menses habui, vesicatoria quoque, errorem in diætâ angue & cane pejus vitavi, nihilominus adhuc dum hæc spectra ante oculos fluitare, & varias juxta oculorum nutum inducere formas, perseverant. Periculosam prognosin mecum instituo, & ne tandem aliquando, quod tamen cælestis avertat Archiater, suffusio succedat, paveo herclè; licet Clariss. Plempio à pueritia, Platero & ipsi ægro apud Carolum Pisonem talia citra notabilem noxam oculis fuerint observata, & ipse in hac praxi mea vidi virum, cui quasi rete ante oculos expensum per quod objecta videret, verum jam citra ullam querelam acutè cernit, nihilominus tamen ego mihi vereor, quare à Te implorò auxilium, &c.

*Th. Bartholini ad D. Hannemannum
Responsio.*

Dolendi causam subministras, sed telis araneorum, ut spero, fragiliorem. Times scilicet à suffusione, quod simulachra quædam instar telarum araneorum ante oculos observentur. Sed noli metuere. Securus Te à suffusione esse jubeo vel meo exemplo. Triginta & amplius anni effluerunt, cum primum Patavii hæc spectra metum quoque mihi injicerent, ut consilii gratiâ ad senem Medicum Jo. Dom. Salam, in Praxi meum ibidem Ducem, accedens pro remediis solatium reportarem, plus hæc terrete quàm nocere. Ego certè ex illo tempore sprevi ista simulachra, quæ pro aëris humidi vel calidi conditione, vel augentur vel minuuntur, nullo visus impedimento, quem Tibi quoque integrum & acutum superesse lætor. Cæterum sedulo ex illo tempore cavi à lucubrationibus, à quibus mihi tempero, ut post cœnam ad lucernam nunquam vel legam vel scribam. Præterea pulveri Tabaci magnam partem clarioris visus refero acceptam, derivanti per nares oculorum humiditates offuscantes visum. Quo remedii genere plures sublevavi. Vel sola Tabaci folia in pulvisculum comminuo, vel addo majoranam, euphrasiam, Agaricum Trochiscatum & sem. fœniculi. Alia medicamenta ad suffusionem præcavendam Tibi commendare nolo, ne noctuas Athenas. Ipse qua es experientia, plura & scis & rectè lingulis uti novisti. Axungiam viperinam

laudatam vidimus in Miscellaneis Curiosis Germanorum, quam etiam amicus quidam meus expertus nuper est, quem idem metus tecum terret. Simplex aqua Ophthalmica ex vino albo Rhénano, in quo infusa fuere fœniculum, bethonica, ruta, euphrasia, chelidonium majus, farsara, iriticum, laudabatur mihi Patavii ex Bellocati traditione. Non dubito quin corpore quotannis ritè expurgato, servataque decenti victus ratione, & à lucubrationibus abstinencia, post hac simulachra ista mecum discas spernere, quod ex animo precor, ut diutissimè salvis oculis tuis perfruaris.

Cataracta depositio.

Idem Lithotomus & Ocularius Laurentis Nicolai non semel magna dexteritate cataractas labente anno deposuit. Unius depositioni interfuit, me in prædio absente, filius Casparus Bartholinus cujus in hanc rem literas ad me scriptas non pigebit hîc subnectere, modò non pigeat Lectorem legisse.

Pater charissime

Adfui die 19. Januarii cum Dn. D. Simone Paulli, D. Henrico à Moinichen, & D. Casparo Kolichen, Viro cuidam natione Gallo, annorum vix quadraginta, cui reliqua membra de meliore luto finxerat Titan, cæterum in sinistro oculo suffusionem patiebatur, quam summa cum dexteritate deponi vidimus à Laurentio Nicolai Cimbro, artis quam profitetur haud infelici Magistro. Oculo sinistro opposuerat se hæc suffusio ex pituitosi, ut videbatur, humoris in spatium, quod est inter corneam tunicam & crystallinam, attusione, quanquam Galenus lib. 1. de sympt. caus. cap. 2. ab ipsius humoris aquei condensatione fieri interdum suffusionem doceat. Veram & legitimam suffusionem hanc atque à spuria distinctam esse nemo dubitabat, quippe quæ omnes veræ suffusionis habuit notas. 1. Alterum tantum oculum occupabat, quod veræ suffusioni proprium ajunt; unum tantum oculum aggredienti, aut si utrumque, non tamen simul aut similiter, sicut in spuria accidit. 2. In legitima suffusione tenebrosum quiddam in pupilla apparet, quod in spuria non contingit. Unde Vegetius lib. 11. Artis Veterinariæ cap. 16. Cum accedit suffusio oculus videtur incolumis, nullis lachrymis, nullo sanguine, nulla indignatione prodit injuriam, sed uno tantum declaratur indicio, quod cum pupilla ipsius imaginem tuam tanquam in speculo videre non potes. 3. In vera suffusione symptomata sunt continua, nec ulla sunt intervalla, in spuria verò per vires augentur & remittunt, prout, vapores ad cerebrum efferuntur. Quas notas nostras, de qua scribo, suffusionem habuisse vidimus. Quanquam autem Plinius lib. 28. Histor. Natural. cap. 1. Milotum scripsisse ait, oculorum suffusiones felle hominis sanari, huic tamen usitatum atque præsens nostris temporibus remedium adhibitum fuit, sola depositione per acus seu styli immissionem. Hic sine jure jurando sed efficacius oculos tetigit alienos Ocularius, secus quàm veteres, qui oculos juraturi olim tangebant, teste Petronio. Ovidius Lib. 11. Amor. El. 16.

At mihi te comitem jurabas usque futuram

Per me, perque oculos, sidera nostra, tuos.

Sic & Tibullus lib. 3. El. 6.

Et si perque suos fallax juravit ocellos.

Cur id factum, ex Parente discere vellem, quem scio in Anatome Pagana olim rem hanc pertractasse accuratius. Sed Vulcani invidia tantus labor periit. Si balbutientem me audire velis, Minervam hoc more coluisse & ad testimonium vocasse veteres suspicor. Oculos quidem Cupidini Veneris filio, in quibus ex-

cubet ceu specula quadam, tribuit Philostratus: rectius tamen Minervæ eos sacros fuisse Paganis tradit Fulgentius. Unde Minervam cæcis oculis, ut pulcherrimis, sinxerunt Poëtæ Hesiodo in Operibus vocatur Θεὸς γλαυκῶπις Ἀθήνη: Dea Cælia Minerva, Et a bi di Deorum Generat. idem Aleræus:

Ἄντ' ἐν κεφαλῇ γλαυκῶπιδα Τειρωΐεσσιν.

Ipsæ verò (Jupiter) ex capite (peperit) cæcis oculis Tritogeniam.

Neque in injuria Minervæ enim oculi debebantur, quibus nihil pretiosius aut utilius est. Hinc oculis digni habitum non sunt venefici & malefici. Exurebantur enim istis. Plaut. Menech. A. 5. sc. 2. Ecce Apollo mihi ex oraculo imperat, ut ego illi oculos eamam lampadibus ardentibus. Imò malignis eruti, apud eundem Plautum in Captiv. A. 2. sc. 4. Nam Hercle ego huic diei si liceat oculos effodiam libens, ita malignitate oneravit omnes mortales mihi. Deus Tibi, Parens indulgentissime, Tuos diutissime conservet. Vale. Hafniæ. Filius obsequentiſſ. Gasp. Bartholinus.

Suffusionis initium Fonticulo in brachio excitato evanescens: Et oculi vigor eodem in nucha factò, restitutus.

Chirurgo enidam hujus Urbis ante oculos muscæ & culices obversari videbantur, hicque Fontanellam facit in sinistro brachio; hujus beneficio visus naturali claritati restitutus, muscæque obvolentes evanuerunt?

Aliàs quidam puer rustici Filius in Hollandia ex pago Barchinensi, omnimodo oculorum imbecillitate laborans ita ut lucem ægre ferret, hic primò in nucha habuit fonticulum sine successu, tandem consolidata rursus fontanella in nucha, unum in brachio, alterum in pede ipsi fecerunt, fonticulum; hinc optimè jam habet, acurè cernit, splendidissimam lucem oculi admittunt. Joh. Ludovicus Hannemannus.

Oculi putredo.

Verula sexagenaria, ante annum circiter epiphorâ oculi sinistra affligi caput, quam susque deque habens incrementa sumere permisit. Nuperis natalium Servatoris feriis intumescens oculo grande frigus persensit ex ambitu orbitæ, simul gelu nasi lateris sinistri cum dentium ejusdem vehementi dolore. Tum è canthis oculi copiosa materia purulenta fluere coepit, & aliqua quoque per os. Continuavit verò hic materiæ fluxus cum ingenti partium circumjacentium dolore, tantâ vehementiâ, ut omnis brevi oculus cum palpebris, pinguedine, musculis & vasis materiæ purulentiæ instar efflueret. Uta est misella medicaminibus, quæ quisque empiricus commendaverat. Accessit tandem, ea qua hæc scribo, die, ad me, miserandum commonstrans spectaculum. Tota orbita cava spectabatur, non secus ac si corvi ungulis & rostris eruisent bulbum. At ubi nervus opticus à cranio se prodere solet, globulus aliquis, avellanæ instar, membranaceus, haud dubiè cornea est tunica, cernitur, Musculi etiam ut dictum omnes absumpti. Ubique fovea hæc tangitur, indolens offenditur, pure & cruore ad latera passim oblita. Ad limbum hujus foveæ tam horrendæ computrescentes musculi cum cute saniem semper fundunt & cruorem, utur parçè, circumtenso tumore, haud elatiori, ex purpureo livescente, ubi quidem dolores sentit misella acerrimos; tetra & cadaverosa hoc ex foramine spirat mephitis. Dexter oculus valet quidem satis, sed periculum est ne & hic corrumpatur, cum facies passim & natus frædis ulcusculis frædetur.

In nasi parte sinistra continuum sibi esse frigus misera conqueritur, & sensum doloris fere nullum, at creberrimum dentium superioris maxillæ, utur non multi adsint, imminere cruciarum. Affluxui scorbutico corruptorum humorum rem totam adscripsi, unde oculi sideratio & putrefactio. Cum medicaminum nihil ferè hic loci præparatorum, Hafnia aliquantum remotiori, mihi superſit, sanum oculum muniti jussi Unguento illo, quod in Actis vestris efficax ophthalmicum nominare voluisti, atque ut massæ universæ consuleretur, sub noctem — C. C. Scrup. f. & — trifolii fibrini drach. ij. cum cerevisia calida absorbere jussi. Ipsum verò horrendum chasma stuprà canabina in spiritu trifolii fibrini calefacto, cum momento — C. C. probe madefacta implevi, super imposito Empl. Diachil. cum gummi. Ego equidem in muliere mediocriter vegeta per Universalia tam purgantia & sudorifera, quàm V. S. in partibus remonioribus & vesicatoria avertere materiæ fluxum, simulque antiscorbuticis, exsiccantibus, mundicantibus & resolventibus margines hujus hiatus fovere decrevi, ad quam rem ea quæ ex Trifolio fibrino petuntur medicamina, utpote crebra hic experientia in Ulceribus malignis scorbuticis, à me comprobata, commodissima arbitror. Joh. Valentini Willii.

Oculorum Suppuratio, & visus imminutio.

Infans trium hebdomadarum in vico Boreali, nescio an per incuriam humi prolapsus; tantam oculorum inflammationem concepit, ut non tantum invisibiles nobis fuerint oclusis palpebris, sed humor crystallinus ex altero efflueret instar albuminis ovorum. Interea suppurati, copia puris ingenti quotidie effluente. Acta à Medicis qui curationi adfuerunt, quæ in hujusmodi casu agi solent. Tandem aqua ophthalmica ex succo chelidonii majoris, aliisque impletus quidem, finita suppuratione, oculi humore crystallino vacui bulbus, sed sine visu. De Visus imminutione penes me est Consilium Joh. Dom. Salæ Medici Nobilis Patavini & ætate & experientia & eruditione inclyti, quod hic propter materiæ affinitatem inferere operæ pretium duco, gratâ in magnum Præceptorem memoriâ, quo ducere olim in Visitandis agris triennium Patavii insumpsi. Latina consuetudine à me redditum ita habet:

De relatione missa, quæ melior fuisset si à Medico esset conscripta, ita judico: quod causa visus imminuti non sit Cataracta, quia si illa esset facta, videretur, nec meliori statu conspiceretur, sed semper in pejorem statum provolveretur, ut jam prorsus visus esset sublatus; si esset incipiens, ut solet, depravationem visus induceret potius quàm imminutionem, adeò ut hoc tempore apparerent ante oculos aut culices, aut filamenta, aut alia objecta quæ obijciunt ea visui quæ revera non videntur; præterea, cataractæ non solent ad maturationem tantum temporis requirere ut visum auferant. Non est ungula, quamquam externè aliqua ejus appareant vestigia, quia, quando ungula pupillam non attingit, innoxia est. Non est alterius generis maculâ externâ, eâ quippe appareret. Judico non esse affectum illum internum nervi visorii, quem Græcè vocant Maurosin, Latini Guttam Serenam, in qua videntur oculi & pupilla tam clara instar sanorum, siquidem non capit initium hic affectus à causis externis oculorum, sed potius ab internis capitis, & subito omnem visum tollit, nec mutatur modò in melius modò in pejor.

Judico igitur esse in oculo offensam ante humorem crystallinum, qui præcipuum est visus organon ab humore aqueo, per quem transire debent species visibiles, & præterea adesse crassitiem tunicæ corneæ, quæ

quæ etiam transparens esse deberet, ut ad organum dictum species transmitteret. Credo huic parti introducta esse hæc vitia à diuturna & ingenti defluxione, posseque ætatem aliquid conferre ad hanc offensam, quia causæ exigui visus in omnibus senibus, quam ætas sola non sufficeret ad tanta mala producenda, nisi ab alia causa esset oculi debilitas. Sed de his rectius possent judicare Medici periti præsentēs, quales sunt Norfini, idque multò securius.

Si causa proxima est illa quam judico, causæ remotæ erunt humores pituitosi, crassi, & tractu temporis defluxiones incrassatæ primò à capite calido & humido, unde semper fluxiones prodeunt, deinde etiam ab hepate calido, quod se prodit per tot pustulas in reliquo corpore apparentes. Quicquid sit, periculum imminet ab hoc malo ne visum amittat oculus hic, sicut altero oculo evenit. Difficile erit curatu, quia magnum, quia antiquum, quia à fluxione conservatur, quia oculus est debilis, quia in hac ætate incidit, quia multa remedia à longo tempore tentata sunt. Spero non fore impossibilem curationem, quia alia remedia supersunt quæ procurentur, quia observata est mutatio, modò in pejus modò in melius.

Ideoque in opportuna hac anni statione, primo purgandum est totum corpus, postea particulariter, caput, fluxio divertenda, quantum possibile, exsicccandum nonnihil caput, refrigerandum hepar, in quo generantur humores qui possunt deducere alios ad locum, denique attenuandæ & resolvendæ materiæ concurrentes, roborandaque est pars læsa.

In purgatione universali corporis suadeo, quia adhuc nulla adest inflammatio, in hac ætate & oculi imbecillitare, parum sanguinis extrahere. Successerit ad calorem hepatis, & ad purgationem, quæ facienda est, ne concursus fiat humorum calidorum per medicamenta localia, extrahere quatuor vel quinque Uncias ex hæmorrhoidibus, & supplere per balneum aliquod inferiorum partium, per frictiones & cucurbitulas sine scarificatione.

Medicamenta purgantia & præparantia respicere debent humores pituitosos & biliosos. Sed purgatio erit diligens & duplicata, primò per medicamenta mediocria & Syrupos simplices, deinde per Syrupos compositos, & purgantia nonnihil efficaciora, ut possint trahere ex partibus dissitis & ex capite quoque, sicut sunt pilulæ Lucis cum juvamine probatæ. Materiæ remediorum notissimæ sunt, & præscribentur à Medicis præsentibus.

Caput non expurgatur per nasum, ne irritetur fluxio ad oculos, sed per os, abstinendo propter eandem rationem à medicamentis calidis. Sufficit masticatoria conficere ex mastiche, cera, pulvere fœniculi & Saccharo, vel, quod mihi magis placet, masticare fœniculum conditum in aceto. Si hoc tempore oriretur inflammatio aliqua in oculo, laudarem sanguisugam unam vel alteram post aurem sinistram.

Ad fluxionem derivandam fontanellæ inuruntur, ut evacuent. Fiat setaceum in nucha. Sæpe applicentur vesicatoria, sed superficialia post utramque aurem, quæ fiunt vel cerato cum pulvere paucò cantharidum, subtili manu extenso supra telam, vel lacte ex Tithimalò omni stillante, frangendo caulem, & locum tangendo aliquot guttis quæ exstillant: qualia vesicantia gestentur longo tempore, minimum quadraginta diebus, renovando quotiescunque sanantur. Derivabitur quoque usu diuturno masticatoriorum, & familiari aliquo purgante leniori, sicut pil. de Tribus cum Rhabarb. & ex Aloë lota cum succo rosarum cum auxilio ex pil. Lucis.

Ad caput exsicccandum interiùs laudo decoctum ex salsa parilla, sandalis rubris, vel visco quercino, additis fœniculo & euphrasia, ut oculis approprietur.

Exteriùs spongia alterat partem tincta sæpe & siccata in decocto ex eo quod remansit, additis rosa, beronica & Agarico, quod magis ad rem faciet, si fiat aut in lixivio dulci, aut in aqua marina, aut in balneo quodam sulphureo, & hac spongia sicca fricetur caput, semper ad nucham versus.

Hepar refrigerabitur, si post usum decocti hujus, sumat per quindecim dies vel jusculum alteratum cum cichoraceis, vel unciam unam Sacchari rosati. Dum decoctum sumit, non mihi necessarium videtur nec securum sudorem excitare, vel victu uti adeò tenui sicut solent; caro assa concedi potest, & vinum, sed lymphatum.

Inter remedia localia expertus sum utile esse Unguentum diabutyri, quo primo simplici utor, oculis applicato, postea sensim augendæ sunt vires ejus expositi Soli in vase æneo cum paucò aceto, ut acquirat colorem viridem ab ære: augentur præterea addito parum fellis primò piscis, deinde animalium volatilium & quadrupedum.

Probatum mihi etiam illud, quo Norfini pro secreto utuntur, nempe ut sapius abluatur oculus aquâ Euphrasiæ, fœniculi, in qua infunditur parum vitrioli coloris cœrulei. Efficax quoque remedium est, destillata aqua vitæ, in qua infunditur panis coctus ex tota farina cum fursuribus, additis fœniculo, euphrasia, & exsuis viperæ, quæ oculo applicetur tepida cum aliquo instrumento vitreo, ut aqua oculum tangat.

Et siquidem hæc remedia aliquando propter vehementiam suam alterant oculum dolore & rubore: in tali casu oportet ea intermittere donec mitigetur dolor & rubor, soloque diabutyrate simplici inungere, aut aqua rosacea cum paucò vino albo, & aqua fœniculi vel euphrasiæ.

Tandem volente Deo ad pristinum visum restituto oculo, ut roboretur; conducet nunquam aquâ lavare, sed vino albo mediocri vel decocto euphrasiæ & fœniculi, cui infundatur parum Tutia.

Cancer latens causa cæcitatis.

Mortuus paucis abhinc annis Leutschovix Senator ferè 60. annorum, nomine Josephus Alauda, hypochondriaca affectione diu afflictus, qui canceri malitiâ oppressus varia sensit Symptomata. Triennio ante obitum in digitis pedum loco Unguium succreverunt horrendæ, curvæ, densæ & plumbei coloris ungulæ instar cornu, ex quo pedines elaborantur, & quidem tam abundè augmenta sumpserunt, ut cogere-tur eosdem singulis octiduis forcipe demetere. Tota substantia cutis degeneravit in planta pedis in naturalem ungulam, cornu taurino æmulam, quam pariter post pediluvia crebriùs abradere coactus fuit, nenimia cutis durities gressum impediret, eumque dolorificum efficere. Postmodum exulceratæ ungues in manibus per abcessum perierunt, & similia: monstra corneæ soliditatis succreverunt, nisi quod cutis in vola manûs mollior permaneret. Et hoc malum ad vitæ finem perseveravit. Paralyin postmodum dextri lateris sensit, sed sensus motusque restitutus fuit: successit denum falsa imaginatio quasi ab uxore ipsi venenum pararetur, quæ Phantasia tam vehemens, ut per dimidium annum præsentiam uxoris nullo modo toleraverit, imò eandem nudis pedibus ne strepitum ederet, clam incedentem quasi odoraretur. Defecit postmodum paulatim visus, auditus verò factus intensior: tandem in momento cæcitas supervenit. Cum peractis Universalibus aliisque revellentibus Nuchæ vesicatorium applicaretur, nulla vesica fuit excitata, sed subjecta caro tantum intumuit & subpunicea facta est. Post triduum vesiculæ hydatides multo sero stillantes

lantes coloris plumbei collum infederunt, quibus cum Balneator improvidè Empl. maturativum imposuisset, per aliquot dies, tumor incrementa sumsit, non minus, quam humorum effluvium, primum serositates, post purulentam foetentemque fundens materiam. Durante hujus materie egressu à phantasia depravata liberatus, ut ab uxore sepiusculum actorum erratorum veniam peteret, visus autem non rediit. Tandem quod ab improvido Chirurgo cancer ille ingens plumbeus & gibbosus cito suppuratus fuisset, intra 3. Septimanas è vivorum numero sublatus fuit. Mediæ fuit staturæ, ex parte sanguineus, liberalis, comis, in juventute hilaris, vino deditus: provectiore ætate morosus, iracundus, pigrior, & defectum memoriæ, imò totius capitis sentiens, ut cum vino se ingurgitasset liberalius, triduanam ferè experiretur ebrietatem.

Scholion. Cur vesicantia in cadavere ita etiam in cutè cancrōsa nihil operentur, explicare conatur *Helmont. de Lithias. cap. 9. §. 103. pag. 730.* Consideravi inquit, quod Ranunculus, Apium, Flammula non vesicant in cadavere: vesicant tamen carnem vivam. Censui itaque quod in ipsa anima sensitiva consisteret differentia hujus actus & non primario in flammula; quippe quæ tantum vesicat, quatenus mordicatione justo acriore infestat hæc Spiritus sensitivos, ut qui sensatam acrimoniam mitigent, retundant aut extinguant, furit anima in illis, resolvitque ideo propriam membrorum substantiam vitalem in albumen corrosivum, quapropter ipsamet anima sensitiva: ut immediata substantia sensitiva: ita est causa efficienter effectiva; flammula verò quæ in cadavere operatur nihil est causa effectiva occasionalis, externa & excitativa. *Davidis Spilenbergæri.*

Tuberculum eminens, Pupillam dextram obregens.

In juvene Tuberculum eminens, Pupillam dextram textit & obvolvît, dubiis nobis an crystallinus humor intus latens sanus esset, adeoque de curatione vel ablatione tumoris nihil suadere ausis. *Gaspar Bartholinus.*

Pustula Oculi, cum totali visus ablatione, ex Ophthalmia, feliciter curata.

Juvenis Mercatorii ordinis 19: circiter annorum bilioso-sanguinei temperamenti, optimoque & robusto aliàs corporis habitu præditus; nisi quoddam defluxionibus capitis subinde obnoxius, à nono jam ætatis suæ anno Fonticulum gestare coactus sit, utriusque oculi Ophthalmiâ gravissimâ, aliàs quidem etiam satis sibi familiari, corripitur, qua cum jam penè ultra octiduum laborasset, frustra adhibitis euphoristis quibusdam remediis, me tandem ad se accersit. Suadeo cucurbitularum in dorso applicationem cum scarificatione etiam auricularum; applicatur cum stupa utrique oculo alumen crudum cum albumine ovi agitatum inque unguenti formam redactum, ceu indubitatum præcipuumque hoc in casu præsidium; & lac muliebre tepidum subinde instillatur; quin & venesectio in brachio celebratur. Et hæc omnia remedia, quamvis non sine euphoria adhibita sint, tamen tertio statim à venesectione die, nobis nil tale metuentibus, exorta in sinistro oculo pustula visum ante triduum adhuc salvum penitus obfuscavit. Actum esse de oculo adstantes uno ore clamabant: sed ego quidvis potius tentare, quam socorditer desperare in casu licet admodum ancipiti, satius duxi. Hinc actutum pilulas purgantes exhibeo, quæ fortiter oculo inhærentes quoscunque vitiosos humores excutiant atque disturbent; &

collyriam aquam præstantissimam instillari jussi. Imò altero mox die Chirurgum & Ophthalmicum dexterimum Dn. Brotmannum in consilium convoco; is pulvisculum oculo inspergit, facitque, quod suarum erat partium egregie. Quarto post die setaceum in nucha posuimus; quod adeò benè successit, ut mox pustula nonnihil discussa oculus indies propius ad pristinum statum redire, ac visio tandem perbellè restituta visa fuerit, relicta solum super oculo exigua nubecula quasi cujusdam portione, quam tempore non minus deletum iri confidimus.

Visus privatio, omniumque membrorum tremor, ex totius corporis Refrigeratione.

Notabilis fuit sævities hyemis anni 1670. circa finem mensis Januarii, ubi præcendete aliqua exundatione tum temporis insolita, una nocte ita adstrictus glacie Danubius, ut sicco quodammodo pede quis ex una in alteram ripam ire, & ubi heri remos duxit, jam equo vel carpento vehi potuerit. Quodnam majus damnum intulit; inundatio, an inopinatum & rigidissimum frigus, dubium? Verum periisse multos, inprimis qui insulam illam Danubialem è regione urbis incolunt, aquis singulis momentis crescentibus, & ingruente nocte; sed & non paucos, qui in excelsioribus domus partibus, vel arboribus irruentem vim aquarum effugere conati subitaneo frigore toti madidi vel extincti, vel ita destructi, ut digitis in manibus, pedibusque mutilari opus habuerint. Fortè civis hujus urbis victor, ut ligna pro opificio suo necessaria, & in loco quodam Danubio vicino jacentia; salvaret ex undis, ultra tres horas quandoque usque ad axillas in aquis mansit. Domum reversus penes fornacem fortiter calefactam decubuit, statim lassitudinem sensit omnium membrorum. Aliquot diebus elapsis in singulum incidit tres dies durantem, inde restitutus, intra anni spatium visum in sinistro, mox in dextro amisit oculo, utrisque tamen externè bene constitutis. Post triennium articularum doloribus horrendis corripitur, quibus supervenit tremor perpetuus in hunc usque diem durans. Multa ille adhibuit quibus dolores ad tempus mitigavit, non sustulit, præterea estate & à me petiit consilium, dedi variâ iterum pro leniendis tantum doloribus; sed in senili laboribusque exhausto corpore plura efficere nequivi. Originem autem sumpsisse malum ex ista corporis refrigeratione extra dubium, cum constet non tantum ex veterum historia, verum etiam ex recentioribus, quantum damnum soleat inferre talis corporis refrigeratio. Certe retulit mihi persona Illustris, quod ex Candia rediens naufragium passa ita membris contracta & quasi paralytica sit facta ut difficulter Paduæ in integrum restitui potuerit. *Caroli Raygeri.*

Cæcitas subitanea.

Anno nati Christi 1654. Prior quidam in Cænobio Pr. complexionis phlegmaticæ, corporis obesi, vitæ desidiosæ, bibaculus, hypochondriorum dolore, ac ventris constipatione sepius laborans, inciderat in cæcitatē subitanæ, ita ut etiam apertis oculis neminem cognosceret, nec lucem & tenebras discernere posset; sed post usum clysmatis carminativi, atque cathartici brevi visum recuperavit. *Helwigius.*

Scholium ejusdem.

Indubitatum principium est, monente Andr. Laurentio tract. de visus nobilit. cap. II. ea, quæ parti aliqui corporis humani accidunt, cognosci posse, nisi prius.

prius, ut ipsa se secundum naturam habent, cognitum & perspectum sit. Quare necesse est, ut naturam oculi, & quæ ad ejus actionem requiruntur, exactè teneat Medicus, aut autopsia; vel ex lectione Anatomicorum ediscat, si lætæ visionis species indagare decreverit. Morborum verò oculi ut infinita propè multitudo est, ita in illis distinguendis maxima confusio, ac cum Galenus variis in locis docet, omnem partium corporis actionem tribus modis lædi, nimirum aut auferri, aut diminui, aut depravari, hinc duxit de secunda lætæ visionis specie, diminutione scilicet, quæ Monacho nostro acciderat; sermo noster erit. Ad cæcitatē, quæ propriissimè aliàs est visus omnimoda abolitio, genera a Practicis vulgò annumerantur etiam amaurosis & amblyopia. Amaurosis enim est absolutum visus impedimentum nullo manifesto affectu in oculo apparente, sed pupilla pura & incolumi. Amblyopia est visus hebetudo, sine manifesto quoque oculi affectu. Uterque affectus, qui inter se tantum differunt secundum magis & minus, oritur vel ob spiritus visorii crassitiam, vel ob debilitatem aut densitatem tunicarum oculi, vel ob humorum lentorem, vel ob nervi optici obstructionem à crassis & viscosis humoribus. Amaurosis alioquin, uti Tulpus lib. 1. observ. med. cap. 31. scribit, duplex est, altera cerebro propria; altera verò cum consortio aliarum partium Prior species ut est planè immedicabilis, sic cutatur interdum posterior. Porissima autem hujus cæcitatē causa statuitur humor turgens à flava bile, aut atra, vel à veneno potui dato, manente in hoc cæcitatē genere pupilla semper clara & pellucida, licet intetum nil cernat oculus, ob vitium nervo visorio intrinsecus objectum, vel ab humore eò uberius affluente, vel à cerebro affecto. Cerebri autem occasione uti omnes sensus lædi possunt, sic & visio quoque labefactatur, tum si aut generatim, aut speciatim, & præsertim ea sede, ubi nervi optici prodeunt, affectum patiatur, vel illi ipsi nervi à cerebro producti, & ad oculum usque delati, afficiantur, ex mente Plateri lib. prax. de function. rationib. cap. 7. quod multifariè fieri potest, veluti mox dicetur. Amaurosis præterea interdum sensim & tempore, nonnunquam etiam subito evenit. Quæ sensim evenit, varias habet causas: vel enim spiritus visorius acciditur, idque sive vitio cerebri spiritum non suppeditantis, quando nimirum à longa evacuatione est exhaustum, vel ob insignem morbum, vel ob senectutem: vel spiritus visorius, qui naturā debet aërem redolere, & qualitatem moderatam gerere, nimium crassescit: vel tunice oculares densantur, aut humores visifici lentescunt. Subito verò videndi vi exuuntur homines, cum crassi quidam succi confertim irruunt in nervos opticos, vel cum ille nervus visorius paralyti laxatur; quæ causæ nascuntur plerumque à rebus, quæ à foris fiunt, veluti sunt cruditates assiduas, crapula, in nudum caput summi frigoris aut caloris incussio, studium, lectio, scriptio repentina ac continua à cibo, balnea, vomitus, Venus immoderata & cita à pastu, nimia contentio, verba sunt Joh. Heurnii tract. de morb. oculor. Vel ut vulgaris versus habet:

*Allia, vina, Venus, pulvis, ventus, faba, fumus,
Ista nocent oculis, sed vigilare magis,*

Assentit etiam Holler. lib. 1. de morb. intern. c. 19. aëns, affectionem hanc, experientia teste, non raro ab interna causa excitari, præcipuè vitio ventriculi, & post egregiam potationem, neque tamen propriè esse ophthalmiam, licet aliquando in corpore cacochymico, & si ea negligatur, in illam facillè degeneret. Præter has causas manifestas debilitatur etiam sæpius

visio, asserente Gordonio in Lilio Medic. part. 3. cap. 5. propter vapores à stomacho ascendentes, quod discernitur, quando imaginum apparitio stet per menses, & pupilla appareat munda; quando verò provenit à cerebro, non permanet tanto tempore, sine aggregatione aquæ. In senibus quidem visus debilitas est familiaris, sive catarrho obruente, sive longo usu absumptis spiritibus, sive denique quod nervi sicciore, & nonnihil marceidi, ut vult Barthol. cent. 4. Epist. med. 41. non admittunt spiritum animale, in nonnullis senibus satis copiosum; quam etiam in junioribus fuisse cæcitatē causam, observationes docuerunt. Petrus Pavv notavit in observat. anat. 2. se Anno 1590. puellam octodecim annorum secuisse, quæ aliquot ante obitum annis diabete laborarat; & præternaturaliter sitibunda fuerat; hæc paucis ante obitum diebus cæcitate correpta, qua uterque oculus clausus quidem existerat, nec aut in membranis aut in humoribus vitii aliquid apparebat, ipsa tamen nec lumen quidem candelæ oculis admotæ percipiebat; in hac aperto craniō reperta insignis vesica, quæ nervos opticos circa incruciationem (uti Duncanus Liddellius, coalitum verò nervorum Riolanus vocat,) occuparat; hac novacula pertusa, circiter libra dimidia materię aqueæ limpidissimæ effluxit. Utpote materia potus præ renum debilitate attrahi amplius cum non posset, ad caput regurgitavit, eumque locum occupavit. Notandum insuper, sicut Gulhielm. Ader in tract. de ægrot. & morb. in Evangel. part. 3. enarrat. 12. memorat, cæcitatem ab obstructione nervi optici jam diu contractam, cum primis remediis non cedat, indelebilem seu incurabilem fore, nec magis sperabilem quæ ab imbecillitate cerebri, spirituum visualium paupertate, aut senectute fiat. Si à debilitate cerebri, pergit Idem, restituatur roborantibus, spiritus crassiores & tenebrosi recta victus ratione incidente & visum clarificante restaurentur reparenturque. Paschalius lib. 1. de curand. morb. cap. 19. ad curationem hujus affectus proponit, præter dietam legitimam, remediorum quinque genera, nimirum præparantia, purgantia, avertentia, roborantia, & reliquias resolutiva, denique visum acuentia. De quibus ipse legatur, atque simul cæteri Practici celeberrimi consulantur.

Additamentum Clariss. Schröckii.

Salutarem Enematum usum hac etiam ex observatione abunde discere possunt Olores eorum, non tantum è Vulgò qui contemnunt atque rejiciunt; sed & Medentium nonnulli, quorum inprimis agmen ducit ingeniosus aliàs Joh. Bapt. Helmontius, pudendum subsidium Medentium, & belluinum remedium lib. de febb. vocans, variisque argumentis invisas reddere injectiones istas laborans; Cui tamen cum alii jam, præsertim verò Excell. D. D. Frideric. Hoffmannus in Meth. medend. lib. 1. cap. 10. sufficienter responderint, aliud quod addatur, neutiquam opus est. Hoc saltem monendum, quod, quemadmodum idem Helmontius neminem unquam per clysteres eduxisse febres, objicit, quia materia febrili oblecta loca non adiverint, pariter hinc à Sciolis opponi possit, nec cæcitatem à clysteribus emendari, cum ultra intestina crassa non adscendant. Quibus sanè prælaudato cum Hoffmanno regerere æquum foret: Licet ipsam non rejiciant febrem, (cæcitatem) tamen causam ejus occasionalem diminuerere possunt. Imò dicere: ipsam causam primariam per Enema in hoc Casu fuisse sublatam, non video, quid prohibeat. Ventris enim morbofa tarditas uti diversorum malorum causa existit: ita vaporum & flatuum inprimis uberrimum suscitatur proventum, qui non intestinales tantum fistulas disten-

dunt, sed & reliquum in corpus propagantur, unde fecum alvinarum præternaturalem retentionem frequentissime cephalalgia, alique capitis aliarumve partium adfectus insequuntur. Quare cum æger nolter constipatione ventris sæpius laboraverit, cecitatem; in quam subito incidit, ab eadem sumisse primordia, mihi videtur verosimile, præsertim dum corporis constitutio phlegmatica, quam desidiosa & bibacula vita sustentabat, obstructioni nervorum opticorum concitandæ satis quadrabat. Unde subducta, ope cathartorum clysteri junctorum, materia illa excrementitia in intestinis hærente, ulterior flatuum exortus fuerat impeditus; Quin & ingredientium istorum solutivorum uberiori, à calore intestinorum, facta, resolutione, particulæ quædam, tum venarum lactearum oscula subeuntes, tum etiam, quæ subtiliores, in venas mesaraicas penetrantes, ac ita utrobique ad massam sanguineam delatæ, agitare illam, & quam à natura possident, separandi vim exferere, sicque una pituitosum humorem ab oculis, vi circulationis eò perductæ, propellere poterant. Idque tantò promptius præstare valebant, cum addita carminativa, subtili sua ac volatili natura in remotiores etiam partes penetrando, calorem in iisdem debiliorem confortare, peccantesque pituitosos humores incidere, attenuare ac resolvere & ita flatulentorum spirituum dissipationi non parum momenti addere potuerint. Quia eadem fortè præditus fuit virtutes clyster, quo puellæ, repente cæca quæ fuerat facta, præter expectationem visum restituit Guil. Rondelet. uti ipse cap. 58. Meth. cur. morb. memorat. Licet verò magna enematum sit utilitas, tantum tamen abest, ut universale constitui medicamentum queant, i. e. quod in omnibus subjectis morbisque adhiberi possit; cum plurima sint usum eorum prohibentia; veluti, exemplum ut addam, quorundam in colo intestino interiorem tunicam adeo teneram & sensilem esse, monuit Celeberr. Th. Willis part. 1. Pharmac. ration. sect. 1. cap. 2. ut ab enemate, licet anodyno, injecto, spiritus statim excandescunt, ac intra fibras nerveas explosi, membranas summè inflent ac distendant, adeoque in toto abdomine maximas molestias excitent. Ut itaque duplici nomine impudentissimum fuerit Circulatoris istius promissum, quem omnes, nulla alia consideratione habita, solo clysteriorum usu curare se velle ægros, quicunque illi essent, Brixia fuisse professum, Aloisius Mundella, Medicus Brixienfis Italus Epist. medicin. 8. scribit, scilicet tum quòd omnibus grotis indiscriminatim istud remedii genus adplicare ausus fuerit, tum quemvis morbum solo eo profligaturum se jactaverit; cui quidem tam proficua ex isto mysterio obtigit messis, ut brevi tantam pecuniæ summam extorserit, quantam præfatus Medicus, licet continuis medendi exercitationibus omne tempus contriverit, decem annorum spatio non lucrifecerat. Quod eò facilius credere ipsi debemus, quò certius Practici compertum habent, ubique ferè locorum non admodum absumilem sortem Medicis genuinis & fictis contingere. Præsertim verò frequentior eorum usus non adeò tutus esse competitur. Maximi nominis Archiater Cæsareus, Joh. Crato. tria incommoda recenset: videlicet calorem, intestinorum debilitari, flatuum proventum suscitari, & naturam ad expellendum segniores reddi, vid. Consil. medic. à Laurent. Scholzio collect. cons. 169. & 199. Immoderato quoque usu non semper subduci superflua, sed interdum quoque necessaria, indigere Naturæ in utile alimentum cessura, Nicol. Tulpius lib. 3. observ. medic. cap. 16. edocet. Jure meritoque igitur Barbitonsorem quendam Listerus Benancius, Gallus, tract. de pharmacop. fraud. & error. ab Excell. D. Th. Bartholino latinitate donatus, pag. 67. perstringit, qui vix octidui spatio ul-

tra centum clysteres misero cuidam agro adplicuit, simulque eundem ære egregiè emunxit, cui tamen unus vel alter morbo conveniens subito sedare & imminuere dolorem potuisset. Tales utique catalogo illorum veterum Medicamentorum inferi merentur, quos remedio isto non adjuvandum, sed noendum usus fuisse, Celeber. D. D. Joh. Dan. Major. dub. 11. Chirurg. insusor. §. 8. ostendit, quorum causa interdicto opus fuerit, quod sub nomine Ulpiani L. 9. §. 1. ad leg. Aquil. his verbis exstat: Si quis per vim vel suum medicamentum alicui infundit vel ore, vel clystere, vel si eum ungit malo veneno, lege Aquilia tenetur. Similium ergo ad humani generis destructionem natorum Medicinæ monstrorum peccata si vulgo innotescant, neutrquam mirum, medicamen adeo proficuum ei invisum reddi, utpote cui abusus à genuino usu discernere, raro est concessum. Quamvis hac etiam absque data occasione, novum haud sit, clysterum usum ab eo, tum ineptum ob pudorem, tum & vanum propter timorem, contemni ac rejici. Quoad illum, Paracelsi fortè defendi possent clypeo, qui lib. 2. tit. 1. de morb. & tartaro oriund. cap. 6. vilissimum, absurdissimum, & turpissimum medicamen vocat; nec ipse usus contradicere videtur, dum isti adaptari requiruntur parti, quæ vel non, vel saltem haud absque pudore nominari solet, & sic multò minus denudari, quod tamen pro applicatione requiritur, absque verecundiæ læsione debet. Sed, quæ de hoc Paracelsi effato, ratione turpitudinis, est sententia Cl. D. Olai Borrichii lib. 2. cap. 1. §. 12. de Hermete Egypt. utilitas vincit turpitudinem. Turpia quoque delectare aliquando, exemplo addito, ibidem demonstrat. Naturalia sanè, si petulantia absint & lascivia non sunt turpia; neutrquam deest partibus istis, obscænis dictis, suus nitor & elegantia, qua vel cum aliis corporis partibus decertare, palamque dubiam reddere valent; cujus specimen apud Athenæum lepidè suppeditat historia, quam etiam Exc. D. D. Joh. Theod. Schenckius Exercit. anatom. p. 201. inseruit. Caterum verecundiam omnibus cordi esse utique decet; ast necessitas ubi urget, tam strictè eadem non obligat. Huic tamen utilissimæ medelæ impedimento obviam ut irent, de clysterum, quæ ab ipsis ægris fieri possent, applicatione multi laborarunt, quos inter Chirurgorum Germaniæ Antistes, cen Guil. Fabricium Hildanum venerandus Archiater Dn. Simon Pauli Class. 3. Quadripart. botan. cap. de ruta, ubi de clysteribus differit, appellat, non incommodum invenit & descripsit libello de dysenter. c. 10. Alios etiam Joh. Heurnius Meth. ad praxin. lib. 1. nec non Joh. Scultetus part. 1. Armament. Chirurg. tab. 13. & 44. delinearum. Suum inprimis extollit inventum Regnerus de Graaff. tract. de clysteribus addito tract. de virorum organ. generat. inserv. quo tam commodè injectionem istam peragi, scribit, ut nullus ægrotantium suorum à clysteribus amplius abhorreat. Nec contemnendus est modus, quem exhibet Nob. D. Joh. Patersonius Hain. Ephe. German. Curios. Anno 3. observ. 221. pubundis suis ægrotis, præsertim feminis, rem esse gratissimam; testatus. Innocentiam verò remedii huius, à perito & prudente Medico propositi, ipsa experientia satis superque defendit. Unde illorum timorem, qui ejusmodi medicinam usurpantes Libitinæ victimas evadere putant, appositè superstitiosum vocat Excellent. D. Christian. Langius Miscell. curios. med. 6. Grave etiam & periculosum ut remedium qui rejiciunt, toto cælo aberrare, è contra benignissimum & innocentissimum esse, ostendit Jacob Primerosius lib. 4. de vulgi in medic. erroribus, cap. 20. Ridiculum in super metum istum popularem falsâ, sed condigna oratione explodit Clariss. Henr. Cellarius cap. 6. art. 3. de puratis morb. uterin. Vulgare hoc, in Germania præ-

nia præsertim malum hac quoque in Urbe sæpius experimur; in qua pernecessariam quandoque infusio- nem istam ægerrimè ut plurimum Medentibus im- petiare datur; quin & ob perversam plebis in judi- cando licentiam, non nisi summa cum circumspe- ctione sæpe suadere licet, ne culpa, si mors obgra- vitatem morbi opprimat, vel aliud symptoma grave urgeat, adhibito prius enemati perversè imputetur; saluberrimumque remedium diffametur. Quam gra- tiam felicissimo Practico, Felici Platero, quidam ab angina jam reconvalescens, debilitate verò corpo- ris adhuc laborans reddidit; à quo tamen genuinam causam, suæque opinionis stultitiam edoctus fuerat; quod ipse lib. 2. observ. medic. pag. m. 412. recensuit. Rarum itaque habeatur Bartholini, magnam laudem Enematis deberi, scribentis iudicium: quæ nec cor- pus turbant, nec debilitant, quod Dissert. de Me- dic. Danor. domest. protulerat, atque aversionem à clysteribus inter errores Patriæ Dissert. 9. referendam duxerat.

*Ex faucibus aqua Mercuriali inconsulte tactis
cæcitas.*

Honestæ fœmina nondum quadragenaria ex osculis, & halitu, & arcubitu mariti, ex lue Venerea recens convalescentis, fauces asperari sibi sensit, tonsillas erubescere, & ulcusculis hinc inde obsideri. Advoca- tus imperitus magisterii tyro, non expurgato prius corpore, aqua Mercuriali fauces quotidie illevit, & in paucis hebdomadibus ulcera omnia ad maleficam cicatricem perduxit. Verum enimvero stagnans ad- huc in glandulis faucium impurus humor, cum viam amplius per clausas tonsillas non inveniret, infelici metastasi in utrumque egræ oculum sese violentius effudit, & ita paulatim invaluit, ut licet omnia in adversum moliente Chirurgus oculoario, quem re co- gnita suasi consulendum; malum in funestam cæcira- tem degeneraret, nec vel fontis Helenæ collyrio, nec aliis utcumque generosis cederet remediis. Tanti est methodum in medendo vel ignorare, vel negligere. D. Olai Borrichii.

Cæcitas altero oculo læso.

Hæc vidi Filiam Consulis cujusdam in Cimbria; cujus dexter oculus vulnere per cultrum impactum visu orbatu: Eo verò oculo perfuncto, sed sine visu, sinistram oculum antea sanum Catarracta incipiens aggreditur: Fortè quoddam ad Oculum læsum humores affluere jam sunt alueri: Aquam Ophthalmicam ex cheli- donio majori aliisque videbimus quid posthac efficere valeamus. Thomas Bartholinus.

Cæcitas post epilepsiam in parturiente.

Chr. H. Mercatoris primarii uxor, cum per to- tum gestationis tempus satis benè & bellè se habuisset, Anni agonizantis 1668. die 23. Decemb. nihil tale cogitans, frequentibus corripitur convulsionibus epilepticis. Vocor confestim à fratre ægræ affinitate mihi conjuncto, variaque antepileptica præscribo. Sed vix discesso uno Paroxysmo accessit alter, atque ita continuè ferè convulsa, enititur filiulam. Tandem superatis post partum convulsionibus, atque lethargo has insequente, ubi ad se rediit ægra, ignorans quid intererè contigerit, infantem recens natum sibi por- rectum primum quidem ad se pertinere negavit, postea verò non tantum persuasionibus, sed ipsa quoque alvi detumescencia victa, suum quidem esse partum cognovit, simul tamen visum sibi sublatum esse con-

questa est. Obtulimus mox & alia objecta, sed ne- que umbram illorum oculis, iisque ut ex inspectione colligere licuit, nullo modo læsis, comprehendere potuit. Repentina hac cæcitate non tantum ipsa ægra ejusque maritus, sed & amici adstantes maxime percellabantur, quia cunctis in recenti adhuc memoria erat Matrona nostras, post plurimos in- sultus epilepticos eodem anno visu omnimodè priva- ta. Ingenuè fateor, quod & ego, ubi non tantum citatum jam exemplum, sed & illud, quod refert Fab. Hild. observ. Chir. Cent. 5. observ. 5. & alias cæcitatibus à diversis morbis curatis ortæ, atque autho- ribus annotatæ historias, propè perpensi, tale in ani- mo meo formaverim Prognosticon, quale similes suppeditavere casus. Ne tamen conceptum terrorem auferem, bono animo omnes esse jussi, nebulasque istas sudore largiori dissipandas esse monui. Ægra desi- derio videndi fœtum, per tot menses ut Utero suo absconditum, capta, omni conatu sudorem provocat, licet nullo, ut tum videbatur, emolumento. Donec tandem vespere post horam octavam primum quidem lumen candelæ accensæ se videre edixit, & sic dein pedetentim visus pristinam recuperavit aciem. Quæ adhuc Deo propitiante pollet. Georgii Segeri.

In cæcitate inopinatè Visus restitutus.

Anni proxime ad exitum currentis die Nov. 3. ad- fui Nobil. Virgini, natæ 25. annos, quæ cæca erat; Palpebris clausis oculi intorti deorsum ad angulos internos decumbabant, nihil prorsus videntes: Guttæ serena videbatur ex cerebri narcosi, vel humiditate ejus partis, unde nervi oculorum motorii & visorii oriuntur, ut & Paralysis oculorum. Præter voluntatem subinde oculus movebatur, sed leviter; concussam fuit ea parte cerebrum à janua cadente. Ipsum quoque cranium inæquale, sinum ostendit circa futuram lamb- doideam. Antequam hæc oculorum vitio compre- hensa est, copiosè sero stillarunt oculi, pusque ex naribus fluxit, ut de cerebri abscessu suspensionem de- derit. Cum prorsus visu privetur, metusque sit im- minentis vel Apoplexiæ vel Epilepsiæ, D. Henricus à Moinichen Regius Medicus, qui curæ ejus præerat, me unà cum celeberrimis Viris, D. Simone Paulli & D. Olao Borrichio, ad consilium vocavit. Commu- ni consensu ad evacuandos humores serosos cerebrum inundantes, caputque exsiccandum & roborandum præscriptæ Pilulæ Cephalicæ, Lucis, Cochæ, Pan- chymagogicæ Crollii, cum resina Jalappæ: Empla- strum de Betonica raso bregmati impositum, & sub- inde Pilulæ de Succino Cratonis exhibitæ; aliaque hisce indicationibus interservientia. Post usum horum medicamentorum commotus aliquando uterus, ad vo- mitum concitavit ægram, quo concusso cerebro, medicamentis præscriptis roborato, oculi converti sensim, exsiccatis scilicet liquoribus nervos laxanti- bus, coeperunt, pupillæ ad rectam lineam erectæ, palpebræ aperiri, & mox obscurè, tandem clariùs objecta discernere, magna omnium admiratione, qui perpetuam cæcitatē ipsi ægræ prædixerant. Tho- mas Bartholinus.

*Visus debilitas, cum acri Catarrho in Oculis
decumbente, fonticulo sanata.*

Memini me ante annum 1673. duo singularia uti- litatem fonticulorum probantia in malo Ischiatico & Scrophularum curatione ad nostros Curiosos transcrip- sisse. Huic materiæ amplius inhæreo. Chiliarcha quidam apud suos fortissimus, visus imbecillitate acri- que defluxu cum rubedine oculorum laborans, cum

adversus hoc malum omnia præsidia frustra experiretur, fontanellam ipsi suavit Medico, cui consilio obediens, iam singularem successum jam experitur, ut & ea, quæ antehac vix oculo perspicillis armato conspiceret, nunc acute sine conspiciillis cernat, & quidem senex melius ante decennium. *Joh. Laur. Hannemanus.*

Mirum visus symptoma.

Anno 1674. die 4. Octobr. Buxtehüdæ quidam faber lignarius annorum 54. conquestus mihi est de quodam visus symptomate, quod subito ipsum invasit tabacum è fistula fugentem, omnia enim objecta in aëre sereno & claro ipsi ante visum duplicantur ac geminata apparent. Suasi caput purgantia, & pulverem Bartholini nasalem mihi quàm maximè familiarem. Quomodo visus duplicetur, præsertim qui tam cito id factum in allato ægrò, mecum multi scire desiderant. Fortè suctio tabaci humores nimium movit in nervum Opticum, eumque mediotenus obstruxit. *Dom. Joh. Ludovic. Hannemanni.*

Rarum circa visum Symptoma.

Vivit etiamnum Vir Eruditus, Theologus summus, qui cum ante duos circiter annos, animum curis & laboribus fessum, musicâ recreaturus fides aptaret, una chordarum disrupta oculum ipsius dextrum plagâ dolorificâ afflixit. Prospicitur statim oculo læso refrigerantibus ophthalmicis, quibus inflammationi imminenti obviam itur, ita ut nil amplius timendum videatur. Nocte jam adulta, ex somno evigilans cuncta clare ac si de die esset videt, adeo ut & minimos picturarum & tapetum tractus observare characteresque ex libro legere posset, miratur causam, læsumque oculum claudit, hic densæ ubique tenebræ, sanum dum claudit ubique lux est clara. Inclamat servum, jubetque apportari lumen, sed sustinere non potest ob splendidos ad molestiam usque apparentes colores. Idem de die fit si modò sol aliquantum splendet: unde coactus est oculum clausum semper firmare. Hoc Symptoma durabat per aliquot dies inde sensim evanescibat. *Dn. Alhardi Hermannii Cummi.*

Flamma ex Oculis erumpens, & Illuminans literas.

Quæ de Urina noctu lucente ad Ephemerides Naturæ Curios. transmissi, ea & aliis cordatioribus, & imprimis clarissimo Dom. Joh. Tackio Archiatro Hassio Darmstadino atque Med. & Eloqu. Prof. in Academia Gießena aperui, & sub censuræ regulam tradidi. Ille ergo in amicitiaë literariæ mutuos complexus firmandos, candorisque sui certitudinem eloquentissime sequentia respondit, „ Darmstadio 30. Decemb. 1675. post salutem & pauca alia. Sed sepe lassant conatus nostros impedimenta, & vel unius clypei defectus, quo tueamur regiam vitæ nostræ, ne dicam inania hæcenus & ab aliis decantata præsidia, quibus multoties inhærete cogimur, ne à consuetudine recedere velle videri queamus illorum, quibus integrum est nihil ultra sapere vel le, nisi quod ipsis visum est, & ne calumniandi illis suppeditemus materiam. A qua sane neque tu, apud omnes immunis eris, dum de Urina lucente, tam egregias ad me scribere voluisti meditationes, dum censuerint nonnulli te vel superstitione captum, vel impedimentum oculorum passum tibi ipsi de in viso urinae lumine gratificari voluisse. Sed valeant, sinistrae aves. Mihi, quantum luminis sit in animalibus, præter ea, quæ Bartholinus scripsit, jam satis

„compertum est, dum vel unius dici recordor, qua in hærens meditationibus intensioribus, pro elaboranda oratione funebri in honorem Electoris Saxonie Divæ memoriæ, in Academia Gießena ingruente crepusculo jam in noctem vergente, vidi subito ex oculis meis erumpere flammam in subjectam albam chartam, quæ adeo illuminabatur, ut adhuc illius luminis usura scribere possem duas integras lineas, antequam evanesceret, qua sane non leviter territus è Musæo me cito proripui, haud interea parum anxius ob exempla Bartholini & rationes ipsius nonnullas, ne oculorum aut visus damnum inde mihi succederet. At Deo Servatori meo sit laus & gloria, qui in hunc usque diem me ab illiusmodi visus malis sospitem & immunem esse voluit, licet ideò illius apparentis flammæ coruscationibus multoties ex oculis promicantibus infester, ut sæpe soli mihi non esse liceat. De Urina verò tua lucente ut ali- quid tuis addam, vix invenio, videris enim retigisse acumen veritatis, dum Urinam tuam lucentem cum mari coruscante & scintillante comparare voluisti, Habent & Philosophi suum mare: habent & hi suum Oceanum, in quo pingues, squamisque argenteis micantes generantur pisciculi, quos qui subtili reti involve & extrahere noverit, piscator peritissimus habendus est. Vid. arcani Hermetice Philosophiæ operis §. 54. neque ignotum tibi esse arbitror, quod de luce commentatus sum in Chrylogonia mea, sive Phaside secundo, & præprimis quod ex insigni illo Theologo Arndio, quem Adeptum fuisse credunt multi, ex quarto libro de vero Christianismo adduxi, cap. 1. de luce. Denique nec illud ab hoc loco alienum est, benignissimum Opificem lucem puram, pulchram & delectabilem omnibus rebus creatis indidisse: ut norunt physicorum separationum periti; & qui omnium rerum puritatem ab impuritate & tenebris Philosophicè norunt separare & ad naturalem suam perfectionem & clarificationem corpora perducere. Quæ ipsa pulcherrimus typus & testis clarificationis corporum illa die, quando omnis impuritas à corpore & anima separabitur. Hæcenus Arndius, unde haud sine consideratione dicit Daniel, cap. 12. Erudientes splendebunt quasi splendor expansi; nempe in resurrectione, & justificantes multos, ut stellæ in sempiterna secula. Et Christus: Justi effulgebunt, ut Sol in regno patris sui. Ecce tibi absconditam in nobis lucem, & veram sophorum materiam, qua sine nihil unquam solidi præstiteris.

„Sed quid hæc ad urinam, non nemo dicet excrementum illud exosum, puridum, proscriptum extra regiam microcosmi? Quid hæc cum illa æterna beatitudine conferri poterit? Sed, quæso, parcite Viri cordati, etiam in sterquilinio habitat interdum splendor, & sordido sæpe pallio involuta regitur Sapientia. Homo microcosmus est, & quod in cæteris regnis invenitur, id fortè in homine solo conclusum invenietur universum. Admove, quæso, manus vestras & quærite, & invenietis, quod in metallis est, & plantis & arboribus. Imò in carne, sanguine, cæterisque corporis humani partibus, idem non desiderari in urina. Est autem id lux quædam, sive stella lumine suo coruscans, quam aliqui appellant humidum radicale, lumen celeste, scintillam vitæ, saltem armoniacum, qualem etiam habent herbæ, prout demonstravi, quæ interdum è chao suo emergit & videtur singulari dispositione naturæ vel artificis. Si diu in vitro derinueris urinam, illa prope fornacem colores induet & instar anri colorabitur in superficie. Sic enim humidum radicale paulatim ad superficiem egreditur (ob mentis strui salisque extraversi conditionem, ut habet Phas-

„2. p. 117. Vir summus. Cui simile quando Phas.
„primi pag. 33. inquit : Et quis nescit, in urina ho-
„minis esse virtutem mineralem? Siquidem arenu-
„læ cum ea secretæ & aurea supernatans urinæ pin-
„guedo, qualis etiam aquis innatare solet stantibus si-
„ve quiescentibus, mense Junio & Julio, testimo-
„nium satis perhibent vitriolicæ in homine naturæ)
„videmus aquas vitriolatas auri colore tingi stantes &
„solari luce irradiatas. Et dicit Walchius, materiam
„Philosophorum instar flammæ aliquando accendi,
„fortè prævia putrefactione aliqua, & ubi à suo cor-
„pore liberum sit humidum radicale. Quo pertinet
„illud Basilii: *Wenn du den feurigen, brennenden Wein-
„Geist kanst gefanden nehmen, so hast du ein Grosses
„in der Chymischen Feld-Schlacht erhalten.* Fit enim
„ex sale, oleo & phlegmate spiritus vini, cui analo-
„ga est urina. Sed quo propior, Tu jam exami-
„na, quæ in Te habes aut invenisti & conspexisti;
„& vide, unde possis oleosi & vitalis tui luminis
„causam etiam in urina deducere. Hæc ille veri &
„sapientiæ cultor, Amicus sincerissimus.

Iterum cum rogarem, an pace ipsius liceret respon-
sum hoc pro scholio ad observationem nostram
Ephemeridibus Naturæ Curiosis adjicere, inter multa
alia, quæ gemina illis in Phaside suo triplici sophi-
co expositis nolo hac transcribere, rescripsit 15. Ja-
nuar. 1676. Rata verò Deus habeat vota tua, ver-
tatque benevolentiam tuam, quam in me exeris,
in petram immobilem, ut alius alium levando tan-
dem ascendamus in sublimem petræ sanctæ apicem,
in eaque neque convulsi, neque commoti stemus,
usque superatis omnis ignorantiae angustiis, hujus-
que mundi faucibus exempti invicti inveniamur;
nihil ad æternam veritatem caligantes. Est enim
ea lucis natura, ut in apricum semper promoveri
amet, &c. Post quæ tandem. Magna res est ve-
ram cognoscere lucem, quam si noveris, humi-
dum radicale noveris, noveris aurum verum & so-
phorum, noveris ignem & plura alia, quæ tantò
celarunt alii artificio. Separa & ad puritatem om-
nia cum Paracelsò ducito. Sic tibi vita pater, nec
non & mortis imago. Quæ de cætero de meis
communicandis ad me perscribis, ea quidem non
invideo Naturæ Curiosis; si emolumentum exinde
ad illos aliquod sperandum est. Minimus sum ve-
ritatis occultæ indagator, unde ad discendum po-
tius, quàm ad informandum factum me existimo.
Fac ad placitum tuum omnia. Veritas perstabit
semper. Huc usque Chymicus celebratissimus. At
cheu non sine omine, quippe qui postea ex febre
tertiana syncopali evasit quidem feliciter Dei auxiliis,
sed dysenteria tandem lethali occubuit cum luctu au-
læ Principalis, lacrymis familiæ fecundissimæ, dolo-
re eruditorum plurimorum; sed anhelans ad mundi
melioris felicitatem, quibus verbis ipse finit Phasi-
dem suum secundum, sed relinquens Nobiliss. filium
Dn. Ludovicum Christianum Med. I. & Prof. Extra-
ordinarium apud Gissenfes, quem ut non imparem
jam videmus paternis virtutibus, ita vovemus, & spe-
ramus, ut quod credit in eruditissima Disputatione
„inangurali de Podagra Ann. 1675. Gissæ habita Asæ
„& Phaleiæ luminibus brevi emerfuris, manifestum
„reddat vera esse quæ audivit & vidit de Spiritu illo
coagulato, qui est Sulphur, Lumen & Centrum re-
rum omnium. Quæ eum magnus ille Philosophus in-
videre noluerit, nec ego invidebo. *Salom. Reifeli*

Unguentum Ophthalmicum efficax.

Vitricus meus Dn. Anton. Schott. Ictus, Comes

Palatinus & Consil. Cæsar. Colmariensium Syndicus,
Liberarumque in Allatia Civitatum Imperialium (cheu
fuimus Troes!) ad S. R. I. Comitibus Legatus, cum
Basileæ studiis literarum, tanta corripiebatur ophthalmia
atque epiphora, ut luminis impatiens, horrendos inter
dolores, in calamitosa obscuritate, non paucos men-
ses transigere fuerit coactus. Nihil inexpertum à Me-
dicis relinquebatur, intactum nihil. Sed tanta erat
vis morbi, ut nulli auxilio cedere voluerit. Tandem
cum lumina, tantum non occæcata, methodicè cu-
rari respuissent, ad empirica transitum est. Commen-
datum inter alia hoc etiam unguentum, quod recipit
Ung. Nihili & de Tutia ana ʒij. Margarit. Corall.
rubr. oculor. cancr. Tutia, omnium præparatorum an.
ʒj. Camphoræ gr. vi. fol. aur. & (arg. an. num. 1 v. M. f.
Ung. horà decubitus lentis magnitudine cantho oculi
majori indendum, & infra palpebras illinendum. Dici
non potest, quàm cito unguenti hujus usu violentia
morbi laxabatur, adeo ut manu fere abstergi malum
videretur, gaudeatque hodiernum vir laboriosissimus
satis acie oculorum acuta, quæ tamen manifestè obtun-
ditur, quoties per biduum aut triduum abstinere illi-
tione hujus chrysmatis, è vestigio redux, ubi repeti-
tur. Quo modo prædictos, qui molestaverant, affe-
ctus sedaverit, facile assequi possum, ex moderate
quippe quibusdam refrigerantibus, adstringentibus &
desiccantibus conflatum, rite jam celebratis universa-
libus omnibus, non potuit non esse conducibile. Sed
quomodo visum acuire possit ex meris terrestrioribus,
non volatilibus, excepta camphora, constans, dubium
subit. Fallor ne; Excellentissime Dn. Bartholine, si
dixero tunicarum poros diuturno lippitudinis ardore,
& jugi decursu copiosioris materiæ lachrymalis, aliuf-
que excrementitiæ, magis dilatatis, quàm pro naturæ
consuetudine fuisse, ita quidem, ut propter diuturni-
tatem mali, etiam hoc cessante; in pristinas tamen an-
gustias coire & cogi non potuerint, indeque fieri, ut;
laboribus literariis intentissimi, spiritus inter agendum
copiosius exhalent, impediri verò hunc transitum citi-
orem, si angusti meatus constringantur magis, recreen-
turque spiritus copiosiori volatilitate. Feci experimen-
tum ita, addidi sacchari saturni ʒj. & Camphoræ pon-
dus duplicavi, sensique manifeste effectus promptiorem
felicitatem. Quin, præmissis universalibus, prædi-
ctum unguentum in Ophthalmia cognatisque affec-
tibus tempestivè adhibitum, usque adeo rarè fefellit
spem, in Colmaria, Ratisbonæ, Viennæ &c. quam-
plurimis in pretio habeatur, felicissime illo & frequen-
tissime tum ad præservandum, tum curandum uti soli-
tis. Incidit hinc memoria restitute hujus beneficio 1672;
Ratisbonæ puellæ triennis, cui quicquid feroforum erat
excrementorum ad oculi dextri regionem confluxerat;
intumescentibus ita circa oculum partibus, ut ne quic-
quam videri posset, spectaculum erat, quale descripsit
Cous noster l. *des yeux Intumesc.* t. 32. aucto præser-
tim circa noctem dolore, quod an universale? quæri-
tur lib. 7. *Επιδημ.* t. 30. Conclamata videbatur salus
oculi, cum tentata per complures dies omnia, nuci-
ne cassè pretium effecissent, tandem obstructio alvi
Syrupi rosar. S.S. exhibitione debellata ut l. *des yeux.*
κατ' ανδρων. t. 21. docemur, tum illitum chrysmā,
& majorana recens naribus eo successu admota fuit,
ut altera statim die detumescere oculus & con-
spectui se dare acceperit, brevi integra sanitatē
subsequente, materia verò per nares evacuata tam
acri, ut etiam labia eroderet, quam quidem viam
improbare videtur Dn. Mauritius Hofmannus in
Sciagraph. Morb. Contagios. Disput. 34. sed con-
fusus oraculo Hippocratico l. *des yeux κατ' ανδρων.*
ανδρ. tit. 21. Cui exemplum Hehefistarii, libr. 5.
t. 16. patrocinator, quo vergere videbatur, composito

eduxi materiam. Vias ab incomparabili Stenonio, præceptore hîc Hafniæ meo, egregie didici, ut mirari subierit, qua ratione tantus ab oculo in nares canalis tam diu cæcus fuisse potuerit? *Johan. Valent. Willii.*

Aqua Ophthalmica nova.

Illustrationi spirituum, puritati humorum, educationi excernendorum, mundicie tunicarum, haud mediocriter consultum iri arbitrabar, si ex concinna simplicium ab omnibus authoribus commendatissimorum collectione spirituosissima aqua & paratu facilis & viribus præstans eliceretur. Quod an ego feliciter exsecutus fuerim, iudicium penes Te & experientiam esto. Herbas certè, quas in constitutionem aquæ coopravi, qui præ aliis omnibus visus claritudini dedicatas ignorat, hospes sit in medicina necesse est. Omnium scriptorum loco, ad quos provocare possum, esto Quadrupartitum Excellentiss. Dn. D. Sim. Paulli.

Colligo scilicet, ad solis ortum cum jam Mneumonis genitrix cælos purpuravit, mensibus æstivis Valerianam magnam, chelidonium majus, euphrasiam atque fœniculum, quæ cum floribus, caulibus, foliis, radicibus eruo, probeque à sordibus omnibus repurgata, non tamen lota nec tusa, equali portione singula in cucurbitam capacissimam vitream conjicio, infundo dein aquæ rosar. albar. bis destillatæ q. s. clausumque probe vas loco tepido committo, & triiduas inducias pro sorbendo & imbibendo, quem affudi, liquore rosaceo, plantis concedo. Tum aptato recipiente, leni admodum M.B. calore latex limpidus nec usque aded remissè olens destillatur, in quo tamen mephytis valerianæ prævalere videtur. Elicitum ita liquorem recentibus denuo herbis eodem modo collectis & purgatis affundo, repetito priori processu; quæ cohobia atque hæc excipientes destillationes ubi tertia vice successerunt, enituntur spirituosissimam aquam colore limpidissimo fonti similem, sapore subacri, odore mixto, prævalente tamen valerianæ, tantæ penetrationis, ut si vel unicum guttulum tetigeris, integram diem odorem liquoris sparges, solet etiam olei aliquid, fœniculum potissimum redolens, innatare. Anceps hæsi extractumne sale lixivum, tam ex capitibus mortuis, quàm aliis recentibus plantis paratum (si enim ad liquoris lbj. salis requiruntur 3j. vel iij. atque ad salis 3j. Olei 3ss, ad 3j. capitum mortuorum sales minime sufficere possunt,) impregnarem oleo, liquoriq. sic permiscerem, An verò oleum sincerum, absque mixtione cum sale, innatare liquori? Illud suadebat, augmentum virium quod ex mixtione omnium partium plantarum redundaturum esset, si quidem in omni sale fixo lixivo, volatile adhuc aliquid latere, viresque aliquas plantæ peculiare suæ obtinere salia talia, non ambigebam, confirmorq. jam rationibus Excellentiss. & experientiss. Dom. Olai Borrichii, magni illius Philosophi, in Hermēt. c. 5. r. nu. 8. Accedit deinde, quod oleum, in quo haud exigua & inutilis virtus dominatur, aqueo liquori alio modo uniri nequeat. Verum quia in omni salis lixivio mordax latet acrimonia, (qua si careat retusis scilicet vehementia ignium angulis salinis, salis nomine indignus profecto est: (cujus aliquoties applicitæ oculi quorum sensus exquisitissimus, & dolor periculosus est, impatientes sunt, plus incommodi quàm fructus, hanc falsuginis copiosioris admistionem excepturum videbatur. Noveram equidem alias etiam aquas ophthalmicas, longe falsiores adhiberi solere, v. g. saphireæ illa Agyrtarum apud Schroeder. l. 2. Pharm. c. 39. sed neque usum harum frequentem neque ad alia quàm crassiora vitia, v. g. pterigia, suffusiones, ulcera &c. approbare possumus. Ne verò aqua suo

privetur oleo, nonne q. s. sacchari, ratione absterfionis scopo non adversantis, eo imbui, aquæque remisceri posset? Quin expertus sum etiam oleo quam studiosissime ablato, tanta tamen virtute liquorem distasse, ut vel guttula, prout modò innui, volæ infusa & penetraret citò, & odorem tota die, non omnibus verò eque gratum, spiret, oculo, si guttula inditur, brevi mordacitate molesta est, brevique resiccatur, magno Virium argumentò, sufficientium ad acuendum visum, & facilè per miscellam salis & olei augendarum, si usus & necessitas postulaverit. Itaque hanc ego distuli, jurene, nec nè, Te arbitrum advoco. Effectum quod attinet, in me ipso non levem expertus sum, qui dextri oculi acie plane non ex voto fruor, sine tamen dolore, quam quotiens vesperi unius & alterius guttulæ instillatione in oculum utor, manifeste acuo adeo, ut sequenti die liceat esse longe oculatori. Ita ejusdem liquoris efficaciam laudarunt quotquot eo sunt usi, quamquam prima operatione rudior parumque crassior prodierit. *Joa. Valent. Willii.*

Pinguedo Viperarum Ophthalmica.

Ubi virus ibi virtus: Benefica mater est Natura, ubi maxime noxia videtur, obtulisse humano generi, ibi summum revera offert remedium; quoque excellentiores virtutes simplici cuidam è Regno triplici corpore indidit, eo magis id munivit, & quasi obvelavit, ut arcerentur indigni, contra rimantes ipsius arcana eò magis allicerentur non aliter ac thesauri illic tutissime reconduntur, ubi minima illorum præsentie datur suspicio. Exemplo sint viperæ, quarum doctes medicæ olim ignoratæ, nostro potissimum producuntur seculo, ut proverbio: Sanguine viperino pejus, nullus in rei veritate amplius sit locus. Taceo illa, quæ jam publice mundo sunt exposita, Bezoardicum animale, Spinar. magister. sal. volat. — um, oleum, taceo coronam viperinam, alibi recensendam, & alia. Pinguedo viperarum, ut oculos nitore suo & puritate mire delectat, ita præter alios usus singulare constituit Ophthalmicum. Meminit hujus tribus verbis Crollius Basil. Chim. p. m. 314. sed utendi modum non exponit, multò minus virtutes. Duplex est ille usus, ea enim vel extima oculi vestis, h. e. palpebra, illinitur, id quod pro visus confortatione & humorum dissipatione locum habet, vel, quod melius & præsentius, cum penna scriptoria munda, inferius obtusè resecta, gutta una vel altera in ipsum oculum derivatur. Medicamentum est divinum & serenissimum in affectibus oculorum plerisque, imprimis verò, ubi unguiculus unus vel plures, *ein Stiften*, se prodit, idque vel simpliciter, uti dictum, adhibitum, vel prius leniter calefactum. Demulcet acrimoniam, lenit, abstergit, consolidat ut nihil supra. Hac ipsa sæpius unguiculos & tubercula brevissimo tempore abegi, rubedinem discussi, & aliis affectibus opem tuli. Vulneratis oculis præsentaneo est auxilio, à variolis residuis in oculo maculis, nubesculis & unguibus unice medetur. Hoc autem inprimis peculiare & curiosum est, quoties instillatur oculo, brevi post tempore initar butyri albi, purisve effluit materia, vel, quod humores acescentes & acres h. m. quasi salino pinguedinis fermento, præcipitantur, vel, quod eadem omnem amurcam, sine mordicatione, abstergit & educit. Possem plurima citare experimenta, nisi crederem, tam apicam veritatem luce meridiana emicare clariorem. Usû mihi commendata est, in sæpius jam dictis Unguiculis, in Ophthalmia, tum alibi, tum post Dysenteriam exorta, in suffusione ipsa, in ulceribus oculorum, maxime post variolas, in vulnere per fusi acumen, *eine Spindel*, facto

facto restituto humore aqueo, sed ob nimiam læsionem sine exacto visu. Dedi illam insuper interne binis Phthylicis, alterutri Studiofis cum successu. Cum enim pinguedine canis quidam restituti sint tãbidi, cur non balsamica viperarum pinguedo præstaret idem? Prodest in morbo & externe spinæ dorsali inuncta laudato eò nomine jam olim Cardano. Consolidat etiam vulnera alia, sed cum experimenta plura hanc in rem; v. g. circa restitutionem oculi humorum, circa vulnera nervorum, &c. mediter, hisce hac vice finio. *G. V. Wedelius.*

Fel Viperarum Ophthalmicum.

Ut fel lucii piscis cum modico sacchari mixtum, præmissis præmittendis, & vesicatorio simul applicato, feliciter Cataractas incipientes abigit, experientia Scul. Armam. Chir. tab. 33. p. 40. ita longè præsentius id expedit fel viperarum quo simili modo adhibito, incipientem suffusionem in Viro Rever. discussi. Sæpius quoque idem miscui cum essentia Sulphuris, cum vino Malvat. facta, descripta ab Angel. Sala in sept. plan. terrestr. p. 211. Sicque Ophthalmicum admittandarum virium his viperæ novis virtutibus adauxi, feliciterque eodem in ejusmodi oculorum affectibus utor.

Aurea Gal. est sententia 4. de comp. Med. sec. loc. c. 4. ubi scribit de pharmacis ad suffusiones compositis, promissiones horum magnificas esse, effectus verò aliquando nullos, aliquando valde exiguos. Id ægri toto die experiuntur, variis frustra ab agyrtis divexati. Sin verò ex methodo abstergentia ejusmodi acriuscula, innoxia tamen, adhibeantur, non rarò voto suo damnantur. Pollet fel viperarum sale volat. discutiente, sic salem viperar. ipsum, aq. purâ resolutum, ter de die instillatum, facie supina aliquandiu detenta commendat Severin. Vid. *Göldenkleee* l. 1. c. 23. Saccharum Canariense, de natura salina participans, additum, mucositatem aliqualem fellis remperat, & propria absterfione vires auget. Hoc solo fœmina quædam circa Magdeburgum, antè aliquot annos magnam quæstum fecit, insufflando pulverem subtilissimum Sacchari in oculos suffusione laborantes, & continuato remedio ægros plurimos restituens. Veneris laudes A. Sala l. c. satis superque deprædicat. Præter verò hæc Medica, alia quoque observanda sunt circa suffusionem, quo de elegantissimus extat locus apud Senecam Epist. 94. 1. Remedio opus, scribit, quo purgetur acies & efficientem sibi moram effugiar, 2. Oculos ægros non tantum Medicus curat, sed etiam monet; Non est, inquit, quod protinus imbecillam aciem committas improbo homini: à tenebris primò ad umbrosâ procede deinde plus aude; & paulatim claram lucem pati aduesce: Non est quod, post cibum studeas; non est quod plenis oculis acumentibus impetes: Asslatur & vim frigoris in os incurtentis vita: alia ejusmodi quæ non minus quam medicamenta proficiunt. *Idem.*

Axungia leporina ad oculorum pannos.

Non esse tutpe Medico ab agyrtis nonnunquam; vetulis & Veterinariis aliquid addiscere Medici mecum haud pauci statuunt. Audivi quondam à Veterinariis equos, quorum oculi sunt pelliculis prorsus obvelati, illita axungia leporina curari: tentavi id in hominibus, & in leucomate, panno; me nunquam fefellisse quin profuisse sæpius obtestor: Temperavi tamen axungiam leporinam melle rosaceo. Hoc addo, unguentum ophthalmicum J. Val. Willii Actis Med. Hafn. infertum me sæpius exoptatissimo cum successu, non in inflammationibus oculorum tantum, verum & pannis

Biblioth. Chirurg. Tom. III.

& aliis multis adfectibus, oculorum sed methodicè adhibuisse. *Ref. Lenilius.*

Hepar Bovis Nyctalopes curans.

Pro lectione publica aliquando Dom. Gothofredus Hæbius P. P. Jenensis hæc verba faciebat: Nyctalia facile curatur, si Hepar Bovinum coquatur, post in tres partes dividatur, & quælibet tertia detur manè jejuno ventriculo Nyctalopi comedenda. Hoc modo famulum meum Nyctaliopi curavi. Hæc cedo prout è laudati viri ore excepta in chartam conjeci. Pro confirmatione autem hujus experimenti afferre possum, quod mihi in praxi obtingit. Pastorem Ecclesiæ novi, qui ante triennium post Solis occasum quotidie cæcus reddebatur, quod ipsum non tantum per molestum, sed & rei familiari summè noxium erat. Curatus tamen fuit hoc, de quo dixi, remedio per sex dies continuato. Eundem affectum Hepatis anguillæ super Carbones assati esu curatum notavit Panarollus Observat. pent. 3. Observat. 49. *Dom. Alardi Hermannii Cummeni.*

Remedium Atrophie Oculi.

Proprio sibi modo, scitè, inquam, plurimum Plinius pretiosissimam partem Corporis vocat oculos. Quod enim Sol macrocosmo, id microcosmo oculum esse constat. Nec ideo quod hic pretiosior pars majoribus exemptum se insidiis gaudet: cum ex pluribus affectibus, qui præter naturam ejus actiones turbant, sit Atrophia Oculi. Quæ originem ducit vel ex nutritii humoris defectu, vel ab humectatione debita intermissa, vel nimia Spirituum jactura. Affectus hic quidem rarus est, curatuque difficillimus, cui etiam vix medicamenta ore assumpta solum resistere possunt; ut enim restituendus medicamento planè specifico humectante, foras oculis instillato, id quod docuit Juvenis atrophia incipiente correptus. Qui natura aliàs siccus, & à nimia Venere, calidisque ad venerem languentem confortandam assumptis malum sibi asciverat.

Ut oculi periodus imminui videretur, siccitas adesset, & cum dolore levis ardor. Qui cum consilium ex me peteret, opportune se menti infirmat confortativum humectans singulare in affectibus oculorum, quod mihi fortè fortunâ ante aliquot septimanas cuncter anatomicus detexerat; cum occupatus fueram in anatomia Oculi Urogalli, quem cum nimium pressissem, incisione profundiori effeceram; ut humor aqueus casu oculo insiliret, illumque madefaceret, ex quo aciei visus consultum iri percepi, & lenitivum dolori, & siccitati quibus tum temporis oculus mihi ex nimia lucubratione vexabatur, sponte offerri sentii. Sentii; & consulenti antor fui, ut ex erutis mactato Urogallo cæteroque gallinaceo generi oculis (in copia quippe tum in Italia habebamus) sibi instillaret hunc liquorem, pro diætâ verò sibi eligeret gallinæ costas cum Endivia. De cætero continentia eò anniteretur, ut abstineret nimia venere, & usu medicamentorum nutrimentorumque quæ gradum calidi debitum excedunt. Hisque effeci, ut paucis ecliptata illius lumina illustrarentur, & globus oculorum ad pristinam rediret figuram.

Scholion.

Notandum 1. Non necesse erit, si quis humorem illum vellet in usum medicum trahere, ut semper sit ex oculis Urogalli, idem quippe præstabit meo judicio aliorum animalium, præprimis illorum, quæ præ-

reliquis acutiori visu gaudent. Nam quod Ipse ego tunc temporis humorem elegi gallorum & gallinarum, fuit quod ibi in Italia mensæ nostræ fere quotidie hoc alicum genere instrueruntur.

2. Hoc Naturæ compositum prævalere multis pretiosissimis chymica arte eductis liquoribus existimo. Cum Artem Naturæ famulam, an simiam dicere, certe ambigam.

3. Si cui data occasione suppetat copia colligendi hunc liquorem ex oculis animalium, studeatque modo illum conservandi, adhibitis aliis, quæ vim ipsius non imminuant, sed magis augeant, habebit sanè singulare remedium, & poterit aliis specificis miscere, ut exinde præstantius redundet auxilium.

4. Dum de oculo & liquore multis oculorum vitiis appropriato sermo vertitur, placet erecto mentis oculo plus ultra tendere, eoque prælucente arduam scrutari materiam. An quoque læsis & exhaustis oculorum humoribus liquor iste vim habeat subveniendi. Circa humoris aquei restitutionem nullus facilè dubitabit, illius enim regenerationem vidit Galenus lib. 1. de Sympt. caus. cap. 2. Coiter quoque illud observavit in Observ. Anat. Chirurg. Calculum quoque suum addit Benivenius cap. 74. de Abd. quæ exempla nonnullis aliis illustravit Schenchius in Observ. Medicis. Si Natura jam vel maximè sponte sua occupata est, ut restitueretur perditus humor aqueus, magis id præstabit in ista actione, cooperante liquore hoc verè appropriato.

Quin insuper restitutioni vitrei quoque inserviat nullus ambigo. Magis tamen præstaret si cum vitreo conjunctus quotidie, adhiberetur. Quia alijs defectum hujus humoris albumine ovorum supplevit olim Duncanus Liddellius Medicus eximius, non absque ratione, quod signatura ipsum edocuit comparisonem planè similem humoris vitrei cum albumine ovorum; & quod albumen ovorum vulnerarium est, & consolidatione tunicarum efficere potest, ut humor effusus regeneretur. Sic Henricus ab Heer. Obs. Spad. 4. scribit succo Ulmarie mense Maio collecto, gallo gallinaceo, ut & puellæ cuidam, vitreum & aqueum reddidisse humorem. An verò etiam conducat crystallino, arduum sanè erit formare judicium. Videtur enim omnes ferè, qui hæcenus in ista re occupati fuere, unanimiter desperasse in hujus humoris restitutione præter paucos, quibus (in hoc seculo, aliàs ferreo, ingeniorum vere politiorum fertili segete, plane aureo) de meliore luto judicium finxit Ter Maximus, qui acumine judicii & indefesso labore eò pervenere ut destructis tribus humoribus, immisso succo chelidonii, effecerunt quod non solum ab isto humores restituerentur, sed & visus pristinæ integritati. Experimenti copiam exhibuit ante aliquot annos Caspar Schottus in Tech. curiosa lib. 11. mirmisc. c. 2. p. 895. asserens præstitum Pragæ in præsentia D. N. Doctoris Marci, ab Anglo quodam curioso: Sed quod majus, ante annum Franc. Josephus Burrhi in Epist. ad Exc. Th. Bartholinum, non solum hujus experimenti dedit descriptionem, sed & arcani, & quo artificio humores exprimendi, & quo modo restituendi exactam exhibuit delineationem, multisque factis experimentis veritatem hujus inventi vindicavit: Cujus rei testis omni exceptione major accuratissimus hujus sæculi observator Th. Bartholinus, qui in Lit. pridie Cal. Oct. 1669. Hafniæ datis ad Exc. Dn. Phil. Jac. Sachs à Leuvenheim, testimonium sequentibus scripsit verbis, De artificio humores oculorum effusos omnes restituendi quæ ad me perscripsit Illustris Burrhus non dubito Te legisse: Experimentum tantum in ansere successit, quamquam justo profundius fuerit vulnus oculo inflatum: Cæterum laboratorium suum D. N. Burrhus, mole vastum, cum trabibus, ferro & camino, ab una

ubis regione diffusa ad aliam machinis tractoriis transtulit, de quo ipse ludit.

Limina fixa volant, pariterque volatile figunt,
cui pentametrum addidit Huberus, Medicus & Poëta.

Dædalus alter adest, Hermes & alter ovat,

Ex quibus lucè meridiana clarius patet possibile esse arte restitui posse humorem Crystallinum; Adposito humorem illum posse restitui artificio, ab exercitata manu expressum, effusionem tamen illius casu factam vix ac ne vix aliquis restituet: Casu quippe vel ictu vulnus inflatum violentia quadam peragitur, qua impossibile erit quin nervus opticus non lædatur, vel fibræ profundiores pullulantes à nervo optico, vel tunicae, quibus læsis, etiam in artificiosa expressione nulla restitutio speranda. *Joachimi Georgii Elsnæri.*

Experimentum Opticum, conducens visui deficienti, communicatum per Virum Honorandum;
qui ejus beneficium ipse est expertus.

Communicabo tecum Experimentum, si eo potius nomine quàm nugarum dignum est: cujus materia omnibus est nota, sed non adhibita (quantum sciam) in illum usum cui idonea est. Et mihi quidem usus ejus majoris est valoris quàm fortè credideris; & puto eundem juxta proficuum fore pluribus. Et fortè nemo patiens fuerit usus ejus, nisi qui eodem casu necessitatis & defectus mecum teneretur. Et sic nosti me sæpe doluisse defectum visus mei. Profitetur animus effœminatum, quando multas fudi lachrymas in studiis meis, ob eorum defectum: sed hoc modo minime visum poteram recuperare. Nescio quænam fuerit causa hujus defectus oculorum meorum, cum nondum superarim annos 60. ætatis: an quod sæpius steti ante flammam ignis, an quod sæpe scripsi è regione fenestæ coruscæ, an quicquam aliud: Sed videbar ipse mihi circumdatus densa nebula vel nube, & globulos atros observare volitantes per aëra circum oculos meos, & quasi subito intrassem in conclave ex longa ambulatione per profundam nivem. Imò non poteram discernere facies familiarium meorum, neque mares à fœminis, in conclavibus lumine non carentibus. Non poteram legere Biblia Ecclesiastica typis grandibus & atramento egregie nigro impressa, nec poteram servare planas, tritaque semitas per campos & pascua, nisi manu ductus. Nullorum perspicilliorum ope juvabar, sed similis eram illis, quorum visus defectus ex senio major est ullo remedio perspicilliorum. Maxime legibiles Impressiones mihi apparebant per perspicilla instar cæcarum Impressionum, paucis atro remanente.

Hac infirmitate correpto quas nugas putes fuisse auxilio, quas æstimo supra magnam vim auri? Certè, nil nisi quod sequitur. Accepi perspicilla amplissimis circulis; pressè ad semi-circulos partis superius utrinque dissecui ossa; deinde, exceptis vitris, circulis vacuis adaptavi nigrum corium Hispanicum, instar fasciolar spirales (taper-vvise:) & circuli isti satis dilatati (una cum aucta amplitudine corii) capiebant totum oculum meum ad extremitatem ampliore, & statim animadverti beneficium per minorem extremitatem spiralem, cum possem legere minutissimas impressiones, ac si fuissent majusculæ & bene distinctæ. Curavi corium illud à Chirothecario resui duplici sutura, ut egregia rotunditate donaretur, & excluderet omnes radios luminis, Corium tinxì atramento, ut nitorem tollerem. Et hæc est sola molestia, quam habui, præter usum & patientiam in praxi. Tantum, ubi comperi remotiore ori-

orificio minore, distinctiorem & clariorem minutissimam Impressionem apparere, & idem orificium magis parens, majus occupare spatium, ideoque non requirere tantum motum manus & capitis mei injectione: resecui unam harum fasciolarum spiralem (Tapers) paulo amplius brevius altera: & hac ampliore utor ad communes Impressiones legendas; longiorem & tenuiorem ad impressiones minutissimas: has sine ulla molestia, prout commodum vel necessarium visum fuerit, altero. Nonnisi extremitatem digiti mei auricularis capere potest orificium brevioris; sed idem digitus paulo profundius, nec tamen usque ad primum articulum penetrat in orificium amplioris. Mox hoc, mox illo oculo utor, secundum commodum mutationis; nam sciendum radios visuales utriusque oculi non concurrere in lectione in mutuum auxilium, quando tam procul sunt divisi per tubos istius longitudinis.

Quo lucidior est materia, eo minus negotium facessit. Semper denigra interiora latera, ne niteant. Tubos etiam convenit ita esse mobiles, ut extendere eos & contrahere queas, nec non (ut modò dixi) facere orificium amplius vel angustius, prout commodum visum fuerit ad usum. Mihi non fuit necesse, sed conveniens arbitror, ut sericum villosum, vel corium molle agglutinetur extremitati ampliori prope oculos; quo oculi arceantur ab ambiente lumine.

Jam dixi tibi, me nullam opem invenisse in ullis lentibus perspiciliorum; sed nondum tentavi, quid lentes his tubis insertæ præstarent, cum mihi illis non sit opus, contentus sum nudis tubis. Nunc summo pere gauderem, si familiarium meorum quidam adjuvarentur obvia hac inventione (non continente nisi vacuum & tenebras.) Et fortassis aptiores sint tubi illi strabis, quorum oculi seorsim eunt, & objecta ita præsentantur, quasi linea super lineam scribenda esset, ubi, ambabus etiam rectissime scriptis, neutra facile sit legibilis. Hic strabi detinebuntur in quiete, & diriguntur modo debito atque ordinato. Profecto inde se allevari sentient, qui non possunt ferre lumen, & fortassis oculos diutius præservarent. Si N. N. inde beneficium perceperit, prout ego, gratias tibi agat pro informatione &c.

Excerpta ex alia Epistola eiusdem Viri, confirmante contenta prioris; & addente alias quasdam Observationes circa Visum.

Plus valoris est in simplici illa Observatione, quam nuperrime tibi misi, quam quis putet, qui non eodem, quo ego, defectu laborat. Et fortassis nemo patiens sit usus illis, nisi qui eadem, qua ego, necessitate tenetur. Deo gratias pro eo ago, quandoquidem auxilio harum nugarum, (the Taper tubes) æquè bene video, ac maxime juvenes in familia mea, & per tubos dictos legere possum impressiones quantumcumque minutas & obscuras, non secus ac unquam potui ab infantia mea, cum tamen visus meus penè esset abolitus. Et ubi loco Perspiciliorum his vacuis foraminibus usus fueram paulò supra septimanam, nunc iis utor totam diem sine molestia, & certò persuasus sum, ex hoc brevi usu eorundem, visum meum jam multum esse correctum. Video enim nunc Virorem horti, & pascua viridia, cum tamen nuperrimè obscuri colores, cæruleum & viride, eandem mihi præberent speciem.

Si rogas, qua ratione inciderim in hoc inventum, dicam omne quod novi. Abhinc aliquot annis conformabam Polemoscopium Hevelianum; Cum tentarem Tubum, sine lentibus Dioptricis, percepi quod, licet Tubus parum admodum occuparet, & videretur vix

aptus ad momentosum usum; tamen objectum mihi appareret distinctius & clarius per Tubum, quam per aërem apertum. Hoc recollegi, & super eo institui tentamen, atque comperi effectum penitus respondere desiderio meo, & maxime aptum esse tubum ad Characteres ibi impressos. Et tunc non parum arguebam meam stupiditatem; quòd non citius observassem indicium propositum in Ingeniosi Doctoris Lovveri Observationibus circa Maculam in equorum oculis, impressis num. 32. quanquam id nihil pertinet ad meum casum, in quantum parum video aëre obscuro, (glomy) vel nubilo; neque laboro concursu humorum, vel sensibilibus defluxionum circa oculos meos.

Et nunc permittite mihi ut addam, quod si consulissem eruditissimos & sapientissimos mortalium, non dubito quin ab iis defectus meus omni remedio major judicatus fuisset; & forsitan perdidissem Crepusculares (ut ita dicam) reliquias visus mei per fortuita tentamina circa tam tenerum organum. Quis sciat, quam sæpe sapientissimi mortalium aberrant, remedium obvium contemnendo? Videmus quot ingeniosi & laboriosi artifices; & quàm diu laboraverint in Ellipticis & Hyperbolicis sectionibus lentium, sperantes eo ipso efficere fragile illud corpus Vitri pretiosius pulcherrimis Adamantibus: attamen dubito, quin hæc inventio perducta in summum perfectionis fastigium mihi id præstaret, quod præstant hi vacui & obscuri Tubi. Sed enim nunc spero omnes, quibus Virtus & Philosophia curæ est, usuros tam justa bilance ad examinandam virtutem rerum, ut singula quantumcumque vilia & contemptibilia videantur, æstiment secundum rationem beneficii & auxilii, quo defectivis subveniunt? *Αἰεὶ δὲ μὴ ὀδύνη.*

Non silentio hîc involvendæ sunt paucae quædam notæ, quarum quædam referuntur ad Observationes Doctoris Lovveri, communicatas in jam memorato Numer. (32.)

1. Equos ferruginei vel scutulati coloris esse solere obnoxios amissioni alterutrius, vel utriusque oculi, si iusto citius in nimium velocem cursum fuerint impulsî.

2. In hominibus & brutis (minimum in equis) oculum dextrum esse infirmiores, & frequentius defectivum.

3. Pupillam oculi ampliorem esse in myopibus, quam qui longius vident.

4. Sæpius observavi myopes, non dicam lippientes, omnia discernere, quæ circum ipsos aguntur ferè à tergo ipsorum, perfectius, quam qui optimo gaudent visu, quandocumque non esset conclave nimis amplum pro activitate visus eorum.

5. Possim quoque quasdam Observationum Doctoris Lovveri confirmare meâ experienciâ. In juventute mea angusta mihi fuit salus ab egregio equo, qui tantum pterygio laborabat, (quem mihi defectum post casum narrarunt.) Proposueram transilire scrobem, sed equus nullam videns scrobem, me secum in ruinam traxit. Prout Equi bijuges & plaustrarii habent tegmina ad oculos, quæ vergunt ad aures, ita hæc tegmina queant adaptari (& in speciem ornatus) ad obumbrandam superiorem partem oculorum; ut tamen satis luminis habeant ad progrediendum. Nescio an apud vos sit usitatum, instar angustæ larvæ ante oculos, quæ debitis locis erat perforata ad ducendum oculum. Et hoc ferebatur esse præsentaneum remedium puellæ rerortis oculis videnti quod vitium contraxerat quasi jure hæreditario ex matre.

Ut concludatur, pro tuo tentamine perspiciliorum tubulorum: addam tubulos posse constare ex charta tantum denigrata, & conglutinata, quæque plicis interioribus extendi queat, ex unius digiti in trium longitudinem; quarum quædam plicæ extrahi queant, ut

officium sit vel amplius vel angustius, pro ratione gradus cujusque defectus. *Act. Philos. Londin. Jul. 1668.*

Annotatio Concernens ante dictam narrationem de Tubis vacuis utilibus ad visum deficientem, Ejusdem Authoris.

Domine rogo Te ut significes me tentasse Convexa Perspicilia quæ ab hinc annis circiter tribus (antequam visus meus eo usque deficeret) mihi satis utilia erant, & vix vitris impositis in meos tubos spirales vidisse minutissimas impressiones aliquanto majores, sed non eque claras, distinctas, atque oculo jucundas quam per tubos vacuos. Sic confirmatus sum in sententia vacuos hos Tubos præservare, corroborare, & aliqua ratione restaurare visum: Et commodissimi mihi sunt Tubi coriacei, quibus primò usus sum, imò commodiores sunt non affici circulis perspicillorum: Nam simplici illo modo pendentes possum tactu digitis meis eos elevare, deprimere, dividere & unire in eodem objecto, quod majus est quàm quod primò dixi, eoque applico mihi, & removeo eadem qua quævis perspicilia velocitate. *Actorum Philos. 1668. Sept.*

De Vitio in Oculo Equi hætenus non detecto ab ullo Authore; quæ multum utilis esse queat curiosis in eligendis equis: per D. Richardum Louverum coram Regia Societate facta, Ianuarii 23. 1668.

Inter varia vitia & defectus oculorum, oculi Equorum afficiuntur speciatim uno, quo nullum aliàs animal, (quantum observavi) neque memini illud vitium ab ullo Authore hætenus fuisse observatum. Est autem illud Spongiosa Excrecentia (ut plurimum colore fusco) quæ excrescit ex acie Tunicæ oculi dictæ Uveæ; quæ spongia si ampla evadat, vel numero crescat (prout sæpe accidit) corrumpit admodum Visum, vel prorsus intercipit. Sed ut facilius concipias modum, quo id accidit memineris, Uveam esse partem musculosam, ejusque usum præcipuè esse contrahere & dilatare seipsam ad admissionem Objectorum tanto cum lumine, quantum Oculus convenienter sustinere possit; ita quò splendidius & magis radians est lumen, cui Oculus est expositus, eò magis contrahit se membrana illa in circuitum angustiores, & quò locus est obscurior, eò se magis dilatat: quemadmodum videre est in Oculo Felis promptius evenire, quàm in quovis alio animali hætenus à me observato. Si itaque substantia spongiosa, quæ excrescit ex acie Uveæ adeò fuerit ampla, aut numerus earum tantus, ut crescant in diversis locis circa Oculi pupillam, ubi semet contrahit, pupilla vel visus plurimum (si non totaliter) obstruitur, & per consequens Equus parum vel nihil videt, quemadmodum sæpius observavi in equis quibusdam, qui adducti in locum apricum nihil poterant videre, quin potius patiebantur me tangere pupillam Oculi sui digito meo sine ullo ictu: at iidem reducti in stabulum, Uveæ in loco illo obscuro se dilatante, denuo optime poterant videre, nec patiebantur ut admoverem digitum meum proxime oculis suis, sine frequenti ictu palpebrarum, & capitis quassatione. Eosdem equos percepi ex possessoribus valde pronos esse ad vacillandum interdiu, tempestate serena & Sole splendente, sed bene & secure ambulare vespèri, & tempestate obscura ac nubila.

Quenam sit causa hujus fungosæ Excrecentiæ: vel quare peculiariter Equi illi sint obnoxii, vel quæ maxime Equorum species, non consideravi. Sed non

possum opinari, illam oriri ex nimio labore in vehendis ponderosis oneribus, vel nimis cursibus, aut longis, velocibusque itineribus, quia vidi amplas admodum Spongas (ut ita vocare liceat) in equorum juvenum anno ætatis 2. quartove oculis, antequam fuissent agitati vel exerciti; Spongiæ autem illæ, postquam equi stabulis fuerant detenti, & nutriti cibo sicco, multum decreverant: postquam verò in pascua Veris tempore redierunt, ad purgandum & refrigerandum corpora sua, rursus excreverunt in pristinam amplitudinem. Verum utrum id acciderit ex nutrimento humido, vel demissione continua capitis ad edendum (quæ inferret majorem defluxum humorum in illum locum) nequeo determinare. Quoniam verò pauci sunt equi omnino liberi ab hoc vitio, & multi eo ipso contemptibiles redduntur, recensabo Casus maxime observandos, quibus Equi plurimum inutiliter & suspecti fiunt.

1. Quò plures & majores Excrecentiæ illæ sunt, eò magis pupilla Oculi seu Visus obnoxius est totali obstructioni; quod ulterius examines, vertendo oculum Equi lumen versus, & observando, quantum pupillæ obstruant.

2. Spongiæ superioris aciei Uveæ solent in majorem excrecere amplitudinem; & visum magis obstruunt.

3. Spongia in medio Uveæ crescens, magis obstruit Visum per distractionem objecti, quàm quæ crescit in alterutro angulorum.

Quòd Curationem concernit, arbitror nullam posse expectari, nisi ex sicco genere nutrimenti; quanquam fortassis & exterius aliquid possit inveniri ad obumbrandum oculum, eumque arcendum quo minus nude Soli exponatur, & per consequens visus non tam multum obstruatur. *Ex Actis Philosoph. anni 1668. m. Februar.*

Vermium generatio singularis, in oculorum palpebris & aurium cavitatibus.

Narravit mihi vir fide dignus, dum viveret, Casparus Wendlandt, Pharmacopæus Expertissimus, S. R. M. Pol. Minister & Civis Elbingensis, se in Polonia puero cuidam rustico duorum annorum vermiculum album è palpebra extraxisse, cujus cuticula parum duriuscula erat, magnitudinis erucæ (Germ. *Raupe*) consumpsitque vivendo quatuor dies duas amygdalas dulces: circa oculum pueri tumor insignis cum rubedine apparebat; palpebraque clausa non sine insigni dolore manebat, extracto verò vermiculo neque sanguis, neque pus è foramine emanarunt, cui vermiculus inhesterat, puérque ille postea optimè valuit. Vermiculus mortuus coloris parum rubei, sive ejus, qui est corticis amygdal. conspiciendus erat: Similem fere huic casum mihi & D. D. Segero narravit hoc anno millesimo sexcentesimo septuagesimo ante aliquot septimanas Chirurgus noster Antonius Statlender, qui cuidam puero ex aure extraxit vermiculum talem; qualis in nucibus avellanis perforatis latitare solet, sed paulò majorem, coloris albissimi: alteri quinque minores ejusdem generis similiter ex aure: omnes aliquot horas supervixerunt, nulloque alio liquore quàm Spiritu vini mistura simplici permisto enecari potuerunt. Vermiculos adhuc viventes oculis nostris vidimus.

Scholion.) De Natura Vermium & Lumbricorum optimè differit Joh. Bettus, Med. D. Regis Medic. Ordinar. & Collegii Londinens. Socius de Ort. & Natur. Sangu. Londin. 1669. edit. qui cum paucorum manibus adhuc teratur, ejus verba excerptare placet. Ita verò ille Cap. 1. sect. 3. §. 6. p. 26. Lumbrici in intestinis ex diutina putrescentis lactis (ita chylum vocat) mora manant,

nant, & in solidam quandam coeunt substantiam. Nam cum corruptione omnia in peius ruant, idcirco alimentum quod ad nobiliorem effectum humanum scilicet corpus restaurandum, ex naturæ intento datum fuit, idem labascens ac in sordes degenerans, animal quoddam imperfectum ac formæ rudioris generatione æquivoca efficit. Convenit cum ructu acido, distans saltem putrescendi gradu & modo: ructus etenim ex ventriculi ore inferiore nimis adstricto provenit, Lumbricus à lacteis obstructis, debilibus aut angustis, unde halitus acidus & ventris tumor frequens lignum eorundem. Causa materialis illorum inde patet: inveniuntur vermes in fimo & cœno, in carne corrupta, nucibus, fructibus, in caseo Parmensi vino addito, in caseo pingui non debite presso; unde constat pinguedinem, visciditatem, humiditatem, calorem & putredinem ad verminationem concurrere; quæ omnes causæ in lacte (chylo) intra intestina putrescente stercoreque admisso reperiuntur. Membranaceum est animal, quia caseosa lactis pars sufficit ad ejus totum corpus cute vestiendum. Notandum ea quæ lac minuunt, ut acria, falsa, acida, & amara Lumbricos quoque necare: Mercurius verò ad eos extirpandos adhibitus resolvendo & quasi enervando partium rigorem eos occidit: nam cum alimentum in singulas eorum partes motu peristaltico devehatur, hoc cessante vitam quoque unà cessare ipsam necesse est. Generantur Lumbrici in quolibet sexu & ætate si debita materia & obstructio viguerit: in pueris præcipue, in juvenibus non raro, in senibus aliquando, sed maxime in mulieribus iis quibus subbiliosis matetie vomitus extra conceptionis tempus contigerit. *Hactenus D. Bettus, Simeonis Schultzii.*

Palpebrarum Paralysis.

Quanta hæc difficultate curetur, consilia saltem apud D. D. Timæum Medicum celebratissimum ostendunt. Observationem nostram in casu rariori hinc adjunximus, si forte simili circumstantia conferre posset quidpiam. Marer puellæ decennis caput Achoribus crustulisque scatens, unguento, nescio quo, desiccavit. At sequente nocte, ceu alibi dispoëa, epiphora, epilepsia, ita hinc peculiare istud malum supervenit, ut Japonensem, aut à media tartaria quendam in folio suo quasi verecundantem videre credetem. Purgantia universalis & capitis particularia interna, resolutiva retro aures, externi cum aquis, ac oleis nervinis litus, &c. frustranea erant omnia. Tandem incidit vis olei Tart. nigri. sæpius in resolutionibus æquè ac contusionibus nervosarum partium comperta: & applicatum est palpebris inferioris frontis parti, ad emplatri quasi formam cum ceræ particula redactum; brevi evanescente malo, ut obtutu defixa in uno satis oculatam se testaretur. *Danielis Ludovici.*

Morum in palpebrâ oculi curatum.

A. H. Chirurgo Noribergensi, tuberculum in forma, magnitudine, & colore fructus mori in inferiori palpebra oculi dextri excreverat, cujus impatiens, ob deformitatem Vultus, & metum ulterioris augmenti, in tempore præventurus, sera ex cauda equina circumligata, & indies arctius contracta, ad radicem usque sibi ipse illud abscepsit, sine omni sanguinis profluvio, nec unquam postea recruduit, aut recrevit. *Ex observ. propr.*

Scholion Helvigiæ.) Oculorum partes dividuntur, secundum Bartholinum lib. 3. Anatom. reform. cap. 8. vel in externas, quæ circa oculum, vel internas, quæ in ipso oculo existunt. Illæ munimenti seu commoditatis causâ procreatæ, nimirum palpebræ cum ciliis & superciliis, item carunculæ in angulis

oculorum; Hæ, quæ ipsum oculum constituunt, sunt adeps, muscoli, vasa, membranæ & humores. Palpebræ utriusque oculi sunt duæ, superior & inferior, utæque oculum tegunt & claudunt, itemque ex aliquorum sententia tunicam oculi corneam extergunt & depurant, deinde simul suggrundinatione sua illustriorem retinæ picturam reddunt; & constant ex cute, membrana carnosa, musculis, tunica, tarsis, & ciliis. Sed cum membrana carnosa cuti ferè ubique in corpore connectitur per venas, arterias, nervorum propagines, & fibras membranaceas, atque ex diversis causis suos quoque patitur manes, ita etiam hac in parte diversi affectus oriri queunt, veluti tumor seu inflatio palpebrarum, densitas, asperitas, callositas, scabies, tubercula, verrucæ, hordecolum, grandæ, nodi & excrecentiæ, palpebrarum inversio, horum inter se, & cum aliis oculi partibus coalescentia, cancer, livor ex percussione, incisio vel vulneratio, pediculi in pilis palpebrarum, pilorum inutilium & oculos pungentium in palpebris, ortus, duplex vel multiplex pilorum ordo, pilorum defluvium, denique palpebrarum crassities cum pilorum defluvio. Huc quoque numerentur oculos aperiendi impotentia; palpebrarum perpetua nictatio. Affectum hinc nostri subiecti ad nodorum vel excrecentiarum genus referimus, quæ non ex humoribus, sed ex solida substantia ortum habere dicuntur, à variis autem formis diversam sortiuntur appellationem. Nominantur enim vel sessiles, quæ stabiles, latæ, ac altioribus radicibus fixæ, minusque ex cute sese exerunt: aliæ dicuntur peniles, quod exiguo quasi pediculo, tanquam de chorda dependeant; hæc si non sunt ejusdem coloris, sed morum, ut nostra, aut thymi florem referunt, atque inæquales & parvæ sunt, Thymi appellantur; si verò majores, à similitudine, quam habent cum ficus fructu, Ficus nominantur. Ortum hæc omnes habent, ut pulchrè scribit Sennertus lib. 5. prax. sect. 1. cap. 37. à materia crassa, melancholica & pituitosa, quam cum natura non potest discutere, ex ea hoc genus nodorum format. Posteriores ob radicem exiliorem facile extirpantur, & semel excisæ non renascuntur; priores subius radiculam rotundam habent, quæ penitus ad carnem descendit, eæque excisæ, relicta radice, rursus recrescunt. Tolluntur autem hæc excrecentiæ vel nodi aut medicamentis, aut Chirurgi manu: medicamenta externè applicata, sive qualitate & proprietate occulta hoc præstant, sive earum alimentum exsiccant, ut postea marcescant & evanescant; per chirurgiam tolluntur seu extractione, seu excisione, seu adustione, veluti multifariè apud Practicos habetur.

Additamentum Clariss. Schröckii.

Ampla tumorum est familia, & tot eis conditi tituli, ut nonnunquam; quo hic vel ille exactius sit comprehendendus, fere ignoretur. Sexaginta & unum Joh. Philipp. Ingrassias ex Galeni de tumoribus libro recensuit, illisque centum & sexaginta quinque alios superaddidit. Verum, quæ *ἐνίπρησις* est Magni Dan. Sennerti lib. 5. Med. pract. part. 1. cap. 1. sine causâ hoc modo multiplicantur entia. Inprimis cum sub tumoribus istis recenscantur adfectus, qui tumores non sunt, tumorque unus & idem variis sub nominibus repetatur. Quin si nominum diversitatem attendere liberet, multò majorem constitueret numerum, foret facillimum. Quare ad evitandam perplexitatem illam, præsens tuberculum, Mori nomine insignitum ad Verrucas, quas vocant, peniles, Græci verò *ἀποχαραδονας* referri aptissime poterit. Generatio ejus à sanguine, vel potius ejusdem sero crassiore dependet, dum is per exigua palpebrarum vascula delatus concrevit, nec in venulas transsumptus ad principium universale reducitur; sicque

sicque in intermediis spatiis subsistens & novo subinde accedente, adcumulatus, in ejusmodi corpus præternaturale vertitur. Cui exstirpatione; quæ sit per injectum vinculum, commodè satis occurritur; sic enim sensim sensimque meatus, præter ordinem naturæ generatus, alimenti adductor, in gracili radice angustatur atque constringitur & consequenter ulterior nutrimenti adfluxus inhibetur, partesque istæ; sanguine vitali & succo nutritio orbatæ, quasi emoriuntur. Nec refert, quo id fiat vinculo, serico vel equino; vel alio, modò tenui in corpusculo requisitam habeat ad validam constrictionem firmitatem; neque utile videtur, quod aliquibus placet, sublimati solutione illud prius imbuere cum vicinas partes, oculum præsertim, acria haud impunè ferentem, acri & caustica vi sua facile ledere valeat, ut taceam, cum sola hic nutrimenti exclusione opus sit, æque feliciter promptèque à simplici filo; non medicato, negotium sic expediri. Celeriori modo ille, cujus Galenus 14. Meth. med. cap. 17. meminit, Morum hunc abstulisset, cum acrochordones primoribus apprehensos dentibus abscindere consueverit: quia enim angusto faris principio cuti adhærent, ut ex ea dependere videantur, auferri facile possunt; & quidem absque regenerationis metu. Acrochordon inquit Celsus lib. 5. de re med. si excisa est, nullam radiculam relinquit, ideoque ne renascitur quidem. Varia aliàs contra tubercula hæc commendari solent remedia, & Circulatorum etiam indolentiam multum exercent verrucæ; quæ equidem contemni semper nequeunt, sæpe tamen fallere comperiuntur, & plus in ostentatione quam effectu possident: Plurimis etiam eorum illud Galen. l. 10. simpl. med. fac. adcommodari potest, qui, an murium domesticorum sanguis acrochordonas decidere faciat, ne quidem experiri voluit, cum aliorum ipsi magna ad hoc pathema copia superfuerit: Imò sponte quandoque evanescere Celsus citatus testatur, scribens, Nonnunquam subito desinunt, idque è Brasavola. Joh. Schenckius l. 5. observ. med. comprobant.

Strabismus ex Epilepsia.

Anno 1670. sub initium mensis Decembris. F. N. Mercatoris filiola sexennis, antequam erumperent variolæ sibi lethales, multoties convulsa, cum ab ipso ortu suo usque ad invasionem morbi Comitialis oculos habuerit bene constitutos, post illum debellatum omnia objecta visibilia retortis excepit oculis. Sic quoque memini: quod cum Anno 1662. mense Julii Francosurti ad Mœnum singularem meum amicum, Dn. G. F. Bibliopolam haud postremum inviserem, atque mihi filiulus illius ac filiola ambo strabones occurrerent: Hos quidem salvis ac rectè cernentibus oculis natos fuisse, ast altero post natiuitatem anno detestabili Paroxysmo epileptico correptos Strabismum contraxisse, mœsti retulere parentes. Georgii Segeri.

Oculi protuberantia cancrosa.

Letiſſima quædam Virgo nostras. Ann. ætatis 12. patiebatur variolas maligniores, è quarum pustula in sinistro oculo elevata enatum est ulcus juxta pupillam, quo, debilitata cornea diaphana, facillimum fuit oculi humoribus jam per inflammationem nimium exagitatis, tunicam hanc in molem attollere præternaturalem, caput muscæ, ac sensim uvæ acinum magnitudine sua referentem. Verum non hinc perſiſtit malum, at in dies incrementa sumpsit, unde non tantum ad majoris castanæ magnitudinem prædicta moles affurgebat, & dura, livida, ac vasis varicosis confusa apparebat, sed etiam inde humoris acrimonia

in dextrum oculum translata, ophthalmia sic in eum inducebatur, quæ vix remediis cedere valens, subinde regrediebatur, visumque sensim minuendo, totalem cæcitatem minitabatur. In casu itaque tam gravi sumpto, à pluribus Medicis ac Chirurgis consilio, non aliud occurrebat præsidium quam operatio in oculo primùm affecto, à quâ major pars consultantium non parum abhorrebat; dum ego cum alio Medico & duobus Chirurgis hanc unicam esse salutis viam dum assererem, & ni promptius celebraretur operatio, cancerum præ foribus esse adderem, animum feci, & ægræ, & parentibus. Postquam itaque per remedia generalia corpus præparassemus; incisione longitudinali oculum ab uno cantho in alium aperiebat Chirurgus dexterimus. Sic effluebat parum liquoris; & quicquid protuberantiam faciebat, vidimus esse corpus durum, totum propè oculi cavum occupans, quod intactum hac prima die reliquimus, nec aliis etiam subsequenter illud à sede sua per instrumenta dimovere licitum fuit, itaque ad præcipitatum album probè elotum, recurrendum erat, quem copiosius vulneris fundendo inspergebamus, sicque sensim totum tumorem absumebamus. Hoc interim non sine maximis molestiis peragebatur, interdum enim vix oculum aperire licebat, per palpebrarum tumorem ingentem, prorsus occlusum; interdum erysipelatoſa inflammatio totam faciem occupabat, pustulæque; quasi ab igne excitate enascebantur, partis gangrænam minitantes: At hisce benedicente Deo præcipuè providebamus; post palpebrarum scarificationem, per rorem vitrioli; cujus vires, ut & prædicti præcipitati hocce in casuprehendimus prorsus mirabiles. Postquam materia tumoris absumpta fuit, & faciei ac palpebrarum inflammatio sanata, orbita magna ex parte vacua, artificialem oculum facile admisit; sicque non tantum deformitati, atque cancro adventanti, providebamus, sed alterius oculi infirmitati: nam ille ab operatione celebrata, scilicet à quinque ad minimum annis, omnino sanus est, nec unquam ophthalmiâ, sibi antea familiari afflictus fuit.

Tunica oculi adnata, Hydrops.

Clariss. Philippi Fraunderfferi. Miscell. Curios. Decur. iij. Ann. 3.

Commissus est meæ curæ proximè elapso autumno puer Aurifabri cujusdam filius. cujus oculus sinister affectus fuit ut sequitur: Tunica adnata intra paucas horas, nullo alio malo præcedente, per totum album oculi à tunica cornea secessit, & undique circum iridem in annularem tumorem fornicis instar elevata fuit, spatio inter utramque tunicam aquâ limpidissimâ per adnatam transparente pleno, adè ut puer præ annularis hujus tumoris altitudine vix oculum claudere, aut si hoc cum magna difficultate præstitisset, vix iterum aperire posset; iride & pupilla interim sanis. Ego post purgatum corpus Cataplasma discutiens, & tandem post aurem vesicatorium applicare jubeo, quia licet referatis per cataplasma tunicæ adnatæ poris, aqua aliqualem exitum inveniret, & partim in forma lachrymarum efflueret; tamen alia priori continuo succedens, tumoris imminutionem impedivit: interea in caruncula anguli exterioris oculi tumesculus alius cum inflammatione ortus est, qui suppuratus & spontè ruptus, cum pure, quod fudit, toti aquæ inclusa, ac si paracœntesis facta fuisset, exitum fecit, unde tunica adnata mox concidit, & patiens paucis excantibus adhibitis, paulò post plenè convaluit. Hic affectus, quia ab Authoribus, quantum mihi saltem constat non est annotatus, & nomine Hydropis tuni-

cæ adnatæ fortè dignus, cum publicum facere volui.

Oculi dextri procidentia, quoad totum.

Clariss. Joh. Adami Genselii. Ephemer. German. Centur. 1. & 2.

Fœmina 60. annorum, temperamenti cholero-melancholici, patitur procidentiam oculi cum excreſcentia maxima & carne luxuriante; Lindenius in Pathologia eundem negat, dicendo: Ani procidentia est frequens, uteri minùs, oculi minimè datur, & quamplurimi cum ipſo impugnant: verùm oculatus sum testis, manibusque hunc prolapsum palpavi oculum, causa verò hujus procidentia fuit contusio, vel potius alſio oculi sat vehemens ad vitam ante septem annos facta, ubi in principio ecchymosis, effuso extra sphaeram suam ordinariam, sanguine; observabatur cum rubore ac subsequente livore; *sævis* itaque hæc inducta auferenda, motusque intestinus ac progressivus sanguinis vigorandus, ac elater partis affectæ roborandus fuisset, at incautus Medicaſter Barbitonſor quidam, loco diaphoreticorum, reſolventium, ac blandorum fotuum discutientium, adhibuit in initio repellentia, & inter cœtera acetum roſaceum cum alumine, quæ eccentricum humorem magis adhuc fixerunt. Collyria item nimis acia musculos corrodentia, tandem corroſis musculis oculus cum fœgore proſiliit ac procidit, accedente sphaelo ac *væxpoſet* plenaria, *sævis* irreparabili, neque ad suppurationem reducibili, unde Paupercula necessarîo fatis debuit cedere: factâ per me Anatome, notatu dignum, quòd cranium tam in occipite, quàm ſincipite pollicem viri craſſitie adæquaverit; reſciſſo oculo cum excreſcentiâ sphaelatâ, inveni in cavitate oculi materiam nigricantem, retrum spirantem odorem, que non tantum omnes musculos, tunicas, ac humores, sed etiam ossa orbitaria naſi, item ac palati corroſit, cum totali carie.

ODONTALGIA.

Vid.

DENTIUM MORBI

OEDEMA.

I. **O**edema apud Hippocratem, & plerosque veteres Medicos generaliter denotat omnem tumorem præter naturam. *Odyſis* namque, seu *Oidyma* nihil aliud ſignificat, niſi eminentiam. Sed potius cum Neotericis Oedema nos appellabimus Tumorem ab humore pituitoso genitum.

II. Sit igitur Oedema Tumor frigidus, pituitosus, mollis, lusus, doloris & caloris expers, plerumque albi coloris. Vel dicatur, Tumor præter naturam ab humore seroso aut pituitoso ortum habens, albus, mollis, indolens prementi digito cedens, per congestionem frequentius, quàm per affluxum humorum productus.

III. Atqui distinguitur vulgo Oedema in duas species. Nimirum est Tumor hic, vel cum humore collecto cumalatus, certa circumscriptione, definitus, isque genuinum & legitimum dici solet œdema; vel est sine ulla circumscriptione, aut humoris in locum unum collectione, sed per partem diffusus & expansus ac rectè nuncupatur œdematosus Tumor. Verum legiti- numque œdema fit ab humore subcruento, crudo, seroso-pituitoso, subacido, à sanguine in aliquam

partem secreto ibidemque congesto, atque mollema- laxum, indolentem, certa que circumscriptione defi- nitum tumorem excitante. Tumor verò œdemato- sus fit ab humore crudo, seroso-pituitoso, subaci- do, è cruore itidem amandato, vel lymphatico per totam partem diffuso disperſoque; quam ita tumefa- cit ac distendit, ut cum digito prematur, fovea quæ- dam fiat, quæ remanet, atque sui vestigium ſervat, ut in Tabidis, Cachecticis, aut aliter malè habitis in dies observatur.

IV. Causæ ergo Oedematis sunt humores crudi, seroso-pituitosi, subacidi in sanguine redundantes, hinc in partem quamdam effusi, in eaque Tumorem hunc, per congestionem potius, quàm per fluxionem excitantes. Procatartica verò, seu Primitivæ Causæ esse possunt, Casus, Percussio, Aer nimis frigidus, & humidus, Cibi viscidis ac glutinosi, Crapula, Somnus longior, Otium nimium, Vita ſedentaria, & ſimilia, quæ sanguinem crudum, serosum, pituitosum, subacidum producere valent.

V. Signa autem quibus cognoscitur Oedema, sunt Albedo, Mollities digitis cedens ut fovea relinquatur, quod maximè proprium est Oedematis signum. Minor quoque adest Dolor minorque Pulsatio.

VI. Solet præſertim Oedema generari hyeme, & frequentius senibus corporibusque phlegmaticis acci- dere. Terminatur verò pluribus modis, vel per Re- solutionem, vel per Suppurationem, vel per Indu- rationem. Per Resolutionem, seu Insensibilem Tran- spirationem sæpius terminatur, sæpe etiam indura- tur, raro per Suppurationem solvitur; quia ex hu- more oritur frigidior ac mitior qui haud facile in- pus vertitur, aliquando tamen hic Tumor Suppuratur si in calidioribus fiat partibus. Atqui in Scyrrhum aut abscessum si abeat Oedema, difficilioris est cura- tionis; Periculosum item si Phthisis aut hydrops ad- fuerit.

VII. Oedematis Curatio duplicem sibi scopum proponit; unum, qui antecedenti materiæ se oppo- nat; alterum, qui causam conjunctam evacuet. An- tecedens materies emendabitur recto ac legitimo non- naturalium usu, qui sanguinis, aliorumque humo- rum dyscrasiam immutare & corrigere queat. Ci- bus & Potus, similiter ac Aer moderatè caleſciant, exſiccantque. Caro assata præstat elixata, Nocent Fructus Horarii, Caseus, Pisces Marini. Nocet & quan- titas Cibi Potusque nimia. Conducit Vinum, per se usurpatum, aut herbis caleſciantibus alteratum, Exercitia profunt moderata. Obest somnus longus; item Alvi durities, Quies, Tristitia, Venus.

VIII. Sed præter convenientem rerum nonnatu- raliū administrationem Antecedens Causa corrigetur insuper, ac educetur Remediis Generalibus, quæ cru- dos, seroso-pituitosos, subacidos humores emendare, ac evacuare solent. At quoniam affectus hujus causa antecedens in sanguine non fervido, sed vappido, se- roso, ac aliter vitioso consistit, hinc Venæsectio ne- quaquam conducit, atque non niſi rarissime in Oede- mate curando instituitur. Et si aliquando sanguis sit mittendus, id non ratione morbi, aut causæ conjun- ctæ, sed ratione alicujus symptomatis, aut causæ an- tecedentis fieri solet.

IX. Frequentius verò locum habent quæ viscera roborant, obstructions aperiunt, humores seroso- pituitosos attenuant, eosque Transpiratione aucta In- sensibili, promotisque tum Diaphoresi, tum Diuresi, nec non per Alvum facta Purgatione educunt v. g.

℞. Rasur. Ligni Guajaci ℥iij. Sassafras ℥ss. In fund. per noctem calide in aquæ puræ ℥lxx. Dein S. A. coq. addendo, Rad. Fœniculi, Petroselin. an. ℥j, Galangæ ℥ij. Cor. med. Sambuci rec. ℥ij. Herb. Ca- lamenthæ, Chamæpitheos an. Mj. Baccar. Juniperi ℥ij.

℥i β. Pulpæ Colocynthis ℥i. vel ℥iv. Glycyrrhyzæ rasæ ℥iij. F. ex his S. A. Colaturæ ℥ x l.

X. Corpore sic purgato, utile erit Decoctum Diaphoreticum, simulque Diureticum, ex quo manè in lecto adhuc decumbens, & hora à meridie circiter quarta largiorem hantum calidè sumat Ager, atque matutino tempore, quousque vires concedant, inde sudores moveat.

℥. Rasur. Ligni Guajaci ℥iv. Sassaphras ℥vi. Rad. Chinæ ℥i. Infund. ut prius in Aquæ puræ ℥ lxx. Dein coq. add. Rad. Bardanæ rec. ℥iij. Petasitidis. Rac. Juniperi an. ℥i β. Apri ℥β. F. ex his S. A. Decoctio ad ℥ xl.

XI. Alter Curationis Scopus est, humorem parti affectæ inhaerentem evacuare, Topicis admotis Medicamentis. Sint autem Ea, Incidentia, Attenuantia, Digerentia, Exsiccantia, Resolventia. Tumoribus namque à Congestione ortis Repellentia nunquam sunt imponenda. Agitur acre sumatur Lixivium, prout majore aut minore Resolutione opus est, cui admisceatur Acetum, Sal Gemmæ, aut Alumen, vel Sal commune, idque cum nova Spongia imponatur. v. gr.

℥. Ciner. Ligni Quercini, Stipitum Fabarum, Sarmentorum Vitis an. p. aq. per eos transfundatur Aqua Fabrorum extinctionis Ferri calida, addito Aceti Vini modico, idque toties fiat, donec efficaciam acquisiverit Lixivium. In cuius ℥iv. dissolve Salis Nitri, Aluminis an. ℥ii β. Sulphuris vivi ℥ii. Misceantur pro lotu. Lixivii loco usurpari potest Fomentum.

℥. Rad. Ebuli, Bryoniæ an. ℥i β. Cucumeris Asinini ℥i. Herb. Absynth. Abrotani, Salviæ, Calamenthæ an. Mj. Flor. Camomillæ Mj. Rosar. Rubr. M. β. Sem. Cumini ℥vi. Coq. in S. Q. Cerevisiæ tenuis ad ℥iij. Barbette Chirurg. part. 2. lib. 1. c. 4. laudat Ceratum.

℥. Sulphuris crudi. Ciner. Sarmentorum Vitis. Salis Gemmæ an. ℥ii. Farinæ Fabarum ℥ii. Aceti ℥i. Olei Nucum ℥i. Therebinthinæ, & ceræ q. l. F. ex his S. A. Unguentum vel Ceratum.

Nonnulli Olea & Unguenta calida inungunt; sed puto ea poros obstruendo, adeoque transpirationem cohibendo parum prodesse.

XII. In statu & Declinatione non male applicatur hoc vel simile Cataplasma.

℥. Rad. Althææ rec. ℥i β. Bryoniæ, Cucumer. Asinini rec. an. ℥i. Fol. Salviæ, Rutæ, Flor. Camomillæ an. Mj. Coctis in Cerevisia tenui ad molliem, & in mortario minutim contritis adde Farinæ Fabarum ℥ii. Ciner. Ligni Quercini, Stercoris Vaccini an. ℥i. Salis Nitri ℥ii. Olei Anethini ℥ii. M. F. S. A. Cataplasma.

Alii haud absque ratione imponunt Stercus Vaccini calidum, quod respectu salis volatilis ac nitrosi in eo abundantis potenter poros aperit, ac Tumorem Oedematofum resolvit, discutit. Vel Cataplasma conficiunt ex Stercore Vaccino, quod unà cum Aceto frigunt, ac parum Aluminis & Sulphuris ei admiscunt. ex gr.

℥. Stercoris Bubuli ℥iij. Fimi Columbini ℥ii. Frigantur simul in sartagine cum Axungia, aut Butyro, aut quovis Oleo, vel bulliant in Oxycrato, atque Sulphure & Alumine additis, F. S. A. Cataplasma.

Insuper Emplastra Resolventia utiliter imponi possunt, qualia sunt, de Meliloto, de Ranis sine Mercurio, de Spermate Cæti, & similia, quibus pro re nata & alia Attenuantia, & Resolventia addi possunt.

XIII. Sculterus post Armamentarium Chæirurgicum observat. 72. refert, se multos Tumores Oedematofos discussisse Calcis Aquâ per aliquot dies, usurpatâ. Sumitur autem, inquit, frustulum Calcis

, viva, ad quantitatem Nucis Juglandis, & in Aquâ, quam ferventem immittitur, donec dissolvatur, quo facto Calx cum Aqua agitur, & postea spontè residere finitur: Hinc clarior Aqua, per inclinationem in aliud vas transfunditur, in qua Spongia nova exprimitur, calideque parti affectæ superligatur. Notandum verò, quod Pars Oleo Amygdalarum dulcium, vel Axungia Porcina veteri debeat inungi: facillè enim fieri potest, ut portio quædam Calcis, quæ est acerrima & corrosiva, in Aquam transfusam abierit, quæ cum Spongia applicata erodere, partemque mordicare possit.

Idem Observ. 98. in Tumoribus Oedematosis, simulque Erysipelatosis curandis admodum extollit hoc Epithema,

℥. Lixivii ex Cineribus sarmentorum vitis ℥j. Salis comm. ℥i. Nitri ℥i β. Aceti vini optimi ℥i. Fiat Mixtura, quæ splenio duplici repide excepta adplicetur, fasciisque strictè loco affecto superligetur.

XIV. Cæterum pro Crure & Pede Oedematoso, sequens aliquoties expertus sum summopère conducere.

℥ Spiritus Vini optimi, Aceti Vini an. ℥vii. in iis dissolve Salis comm. ℥iij. aut circiter. Hic liquor cum panno immerso repide applicetur. Deinde pes & tibia universa fasciâ lineâ longâ digitorum tres quatuorve latâ, à digitis pedum incipiendo, sursumque ad genu usque procedendo, strictè ligetur, ita tamen ne pars affecta nimis comprimatur, & cavendo ne plis aliquid in crus fiat impressio.

Si verò spernat hoc remedium Ager, vesperi cubitum iturus per semihoram pedibus insideat Balneo calido, (quod fiat ex Semine Graminis, exsiccati, hoc est Fœni, Cineribus Ligni Quercini, & Sale communi, in Aqua pura decoctis) & dein, pedibus mappa calefactâ abstergis, in lectum se conferat, cruribusque magis solito elevatis decumbat: manè autem fasciâ lineâ Pedes, Tibiæque universæ dicto modo ligentur.

Attamen omnibus hisce ritè administratis Oedematofus Tumor si non discutatur, consulendum ut Therimas Aquisgranenses, aliasve calidas adeat Ager, quæ potenter humores seroso-pituitosos discutere, simulque interna viscera suâ caliditate roborare valent.

XV. Sed Suppurationem si minetur Oedema, quod rarò contingere observamus, Cataplasma imponatur; cui addantur Herbæ Emollientes, Fermentum acre, Fimus Columbinus, Unguentum Basilicon, &c.

℥. Rad. Lilliorum albor. recent. Caparum sub cineribus assat. an. ℥ii. Fol. Malvæ, Althææ, Salviæ; Flor. Camomillæ an. Mj. Caricarum ping. No. x. Coctis in Aqua pura ad molliem, & in mortario contritis adde Farinæ Fabarum ℥ii. Fermenti acris, Fimi Columbini an. ℥i β. Unguenti Basiliconis ℥ii. M. F. S. A. Cataplasma. Cataplasmatibus loco Emplastrum Diachylum cum Gummi applicatum Suppurationem abundè promover.

XVI. Quum igitur suppuratum, & ad maturitatem perductum sit Apostema, curandum ut id tum loco commodo, tum tempore opportuno aperiatur. Etenim lenta frigidæque materies nos fallit non rarò, quod sua effecta extrinsecus rariùs producat, quàm intrinsecus, ubi partes interiores paulatim sine magno dolore corrodit, exeditque. Turius autem hujusmodi frigidum Apostema Potentiali Cauterio, quàm Scalpello aperiiri solet; quod contrarium in calidis tumoribus observamus. Illud namque ad humorem illum frigidum, Viscidum, Pituitosum maturandum, atque ulterius coquendum non parum juvat.

Apostemate aperto, Ulcus conveniente Digestivo mundandum, & dein Sarcotico imposito Unguento carne replendum.

Sin verò alicujus Morbi Symptoma sit Oedema, ut Pthiſeos, Hydropis, Cachexiæ, vel ſimilis, Morbus à quo provenit imprimis curandus. *Municks in Chirurgiâ ad praxim hodiernam adornata.*

OMPHALOCLE

Vid.

HERNIA.

OPHIASIS

Vid.

PILORUM VITIA.

OPHTHALMIA

Vid.

OCULORUM VITIA.

OPERATIONES CHIRURGICÆ.

De iis in Generales ac Speciales distinctis, sic scribit Clariss. Joh. Van Horne in Librò, quem MIKPOTEXNHN inscribit.

Operationes Chirurgicæ in Eñerales & Speciales dividuntur. *Generales* appello, quæ in omnibus iis affectibus, qui manus operâ curantur (paucis exceptis) locum habent: suntque tres: *Exploratio*, *fasciarum circumductio*, *spleniorum applicatio*. *Speciales* rursus sunt vel *curativæ morbi*, & *senario* numero comprehenduntur, 1. *synthesi*, 2. *diæresi*, 3. *exareſi*, 4. *aphareſi*, 5. *prostheſi*, 6. *diorthosi*: vel *applicativæ medicamenti*, eæque versantur vel circa *naturalia*, ut est *hirudinum* & *ignis* admotio; vel *artificialia*; eaque vel *liquida*, ut est *injeſtio*, *instillatio*, *fomentatio*, *suffitio*, vel *solida*, ut est *emplaſtratio*, *pulveris inspersio*, *penicillorum* aut *peſſariorum intruſio*. &c.

Non est dubium, quin chirurgus, ad ægotantem vocatus, velit & debeat ante omnia *explorare*, quale & quantum vitium sit, quò patiens laborat: Hoc autem vel *oculis* statim deprehenditur, vel præterea in auxilium adhibemus 1. *manum solam*, aut unum duosve ejusdem *digitos* v. g. ad dignoscendos tumores œdematosos, ventosos, eryſipelatodes; ad explorandum calculum in vesica, digito in anum intruſo: sæpe, præter manus, 2. *instrumenta* requiruntur, *specula* à *speculando* vocata: sic specillo deprehendimus cariem in osse, fissuram in cranio, vulnere profunditatem, sinuum aut fistularum longitudinem, carunculam in meatu urinario, rem extraneam vulnere insidentem. Hæc, ratione *formæ*, sunt vel *κωνοειδὲς* *nucleum habentia*, vel *tenuia*, vel *lata*: ratione *materiæ* fiunt ex argento, ferro, plumbo, candelâ cereâ; quâ utimur ordinariè, quando partes sunt nimis sensiles. *Dexteritas* potissimum hîc spectari solet, eaque in hoc consistit; ut suspensa manu, interdum velut circumtorquendo, iisdem utamur. Huc revocandus est *catheter*, de quo Hildanus *l. de lithot. vesicæ, c. 3.* Paræus *l. 17. c. 35.* utilis ad certiore dignotionem calculi in vesicâ existentis, cujus, ut à reliquis specillis diversa est conformatio, ita & utendi modus. Pertinet huc quoque *speculum oris*, *ani*, *matricis*, quorum figuræ extant apud Vidium *l. 2. chir. c. 3.* & apud Paræum *l. 24. c. 86.* Scultet. *t. 22. fig. 2. 3. 4. &c.* Vitia namque iis in locis hærentia, aut oculis dignosci, aut manu curari

nequeunt, nisi diductis explicatisve ab invicem partium oris aut labiis.

Fasciationis usus latissimè patet, ob insignem ejus utilitatem in chirurgia: hancque ob causam Hippocr. *l. de off. mèd. & l. de fracturis* tam studiosè eam inculcavit. Earum *materia* communiter est tela lineæ, priùs aliis usibus ex parte attrita emollitaque, valida tamen, ne rumpatur. *Efformanda* autem fasciæ sunt è tela, secundum staminum rectitudinem scissæ: sint munda, non contortæ, non limbo aut futurâ præditæ, ne sua duritie aut inæqualitate subjectam partem lædant. Ratione *figuræ aliæ* sunt simpliciter glomeratæ, *aliæ* extremis partibus scissæ, *aliæ* assutæ ex pluribus fasciis inter se junctis, qualibus utimur ad hernias; ad deligationem vulnerati, post extractum calculum, petinei: *aliæ* sunt duobus capitibus præditæ, quod valdè incommodum est; utraque enim manus est occupata. Horum omnium delineatio exstat apud Scultetum *tab. 39. fig. 7. & tab. 51. longitudo* debet esse tanta, quæ sufficere possit pro circuitibus necessariis, quod petitus chirurgus facillè judicabit. *Usus* varius est: vel enim 1. iis utimur ad *retinendum*, sic cadunt cataplasmata & emplastra, nisi vinciantur; iisdemque, mediante pulvillo, vena secta obturatur; iisdem firmantur latera intruſi & succussatione vehementi; iisdem prohibetur influxus humorum; item luxata ossa, ut & fracti ossis partes, post conformationem debitam, in suo situ continentur; 2. ad mutuam labiorum vulneris *adductionem* adhibentur, modo vulnus per longitudinem sit inflitum in parte, quæ fasciis circumduci potest. 3. educitur & *expellitur* per fasciæ humor in declivi sinu delitescens, si ab inferiore parte incipiendo, firmiterque stringendo, sensim versùs superiora ascendendo, paulatim manus comprimamus; manente interim aperto foramine, idque per impositam cannulam, aut turundam, ut effluere contenti humoris aliquid possit. In omni fasciatione spectanda est *securitas*, quæ enim fasciæ sunt laxiores justò, non benè continent; nimis *arctæ* dolorem pariunt & inflammationem, & quæ hanc ferè excipit, gangrænâ. Prudenter itaque monet Galenus *comm. 1. in lib. de off. mèd.* ut chirurgus diligenter in his sese exerceat, puerum aliquem sanum sepius deligando, eundemque interrogando; num aliquam à fasciis molestiam sentiat; nam partim ex agri responſo, partim ex membri deligati circa extremitatem tumore, cognoscitur fasciæ compressionis qualitas; si enim postridiè tumor fuerit mollis & parvus, *justam*; si durus, *nimiam*; si nullus, *justò minorem* arguet adstrictionem.

Fasciis subjungo *laqueos*: hi communiter fiunt ex lino vel cannabe: *nomina* apud antiquos varia obtinere, ut alius sit nauticus, alius pastoralis, alius lupus &c. apud nos alius audit textorius, nauticus &c. *Usus* eorum est, *primum*, ut post herniarum sectionem, quæ per ablationem testiculi fit, peritonæi processus arctè constringatur: *deinde*, cum vena est secanda, sanguinis ad fontem recursus iisdem inhibetur, quo possit vena intumescere: *item* ad intercipiendum sanguinem ex arteriis vel venis fluxurum, ubi sectio profundior est instituenda, traducitur enim acus magnæ & nonnihil incurvæ beneficiò, crassum filum, quo fortiter adducto angustantur vasa majora, ne sanguinis effluxus turbet operantem chirurgum. Variæ quoque per laqueos ligaturæ instituuntur, 1. cum membrum sphacelatum amputandum est; insuper 2. serviunt ad dolorem in extremis artubus excitandum, quo sanguis nimium fluens revellatur; item 3. ad extendendum luxata vel fracta ossa majori robore; tandem 4. ad retinendas ferulas adhibentur.

Non raro solent fasciis insuper adjung. *Splenia*, seu panni linei complicati, oblongi, & crassi insuper ple-

pleant, e. g. eam, quæ est sub poplite, item intra suram & calcaneum, quo possint à fasciis melius comprimi. Hæ sæpè oxycrato humectantur, sæpè siccæ imponuntur, ut partes à fasciarum & ferularum stricturâ defendant. *Compressæ* vocantur barbarò vocabulò, Latino *pulvilli*.

Sequuntur operationes chirurgicæ *speciales*, inter quas primum obtinent locum, quæ *morbi curativæ* dicuntur, quia certis morborum generibus directè opponuntur, seu totidem remedium materię, iisque solent, quantum in ipsarum potestate est, præsentaneam opem adferre. Harum prima vocatur *Synthesis*, quæ definitur *conjunctio disjuncti*, sive illud os fuerit, sive caro, aliave pars mollis. *Ossa* iterum *duplici* modo disjunguntur; vel quoad *contiguitatem* appellaturque *ἑξάρθρωμα luxatio*, eique conveniens operatio *ἀρθρέμβολον*: vel quoad *continuitatem*, & dicitur *κατάγωμα*, habetque sibi oppositum *συνθετισμόν*.

Franguntur ossa vel *simpliciter*, vel *cum* adjuncto *vulnere*, extremitatibus acuminatis fracti ossis, musculos cutemque perforantibus. Idem contingit, cum à glande plumbea vulneratur caro & subiectum os frangitur. *Simplex* fractura *tribus* modis contingit; vel *καυληδὲν transversim* per modum caulis effracti, vel *σχιδακηδὲν* instar alicujus asseris, vel *ἀλφιτμηδὲν*, cum instar farinæ in multas tenues partes os comminuitur. Nomina hæc exstant apud Hipp. *l. de articulis textu* 28. & 32. distinctius apud Ægineram *l. 6. c. 89*. In omnibus his unica est intentio, ut ossis fracti partes iterum uniantur. Hanc unionem medicus facere nequit, sed solius naturæ opus est, quæ in junioribus quidem per intrinsecam & omnimodam partium disjunctarum unionem; in adultis verò, interveniente *πύλω* seu callo, tanquam glutine, conjungere fractas extremitates solet. Hæc autem sic intelligere oportet, quòd in ambobus quidem interveniat substantia quædam, ipsissimum videlicet ossis nutrimentum, quod ibidem effervescit, dum concoquitur, & in tumorem attollit substantiam ossis, ut in taleolis arborum per insitionem adaptatis, videre est. Quia autem hæc effervescencia major est in adultis, quorum ossa sunt sicciora, hinc fit, ut sæpè affluat multa crassa materia, quæ crassum & extuberantiâ notabilem porum, circuli instar os ambientem, facit: atque hoc est, quod chirurgi vocant *per secundam intentionem coalescere*. Chirurgus interea suo muneri satisfacit *ἀνίστασθαι membri* fracti in diversa *extensione*; cum enim musculorum fibræ, ossis robore destitutæ sequantur naturalem suam determinationem, & in se contrahantur, necessum est, per vim eos, simul cum ossē fracto, tantum elongare, quantum à naturali statu recesserunt. *Fit* hoc aut *solis manibus*, idque unâ vel pluribus; vel *habenis*, sive linteis fasciisve circumpositis, vel per trochleam trajecto *fune*, quale exemplum habet Hildanus *cent. 5. obs. 86*. & ex eodem Scultetus *fig. 1. tab. 22*. extensioni succedere debet *διόρθωσις conformatio* sive coaptatio, dum chirurgus membrum, utraque manu comprehensum, studet ad pristinam figuram reducere, impellendò hinc inde, ante, retro, ad latera, donec exstantes particulæ in suas cavitates & pristinas sedes fuerint reductæ; quod ex doloris cessatione, ossis fracti in superficie equalitate, & comparatione cum sano membro facta, elucescit. Nec movere nos debet, si post fracturam reductum membrum longius nonnihil appareat; hoc enim violentæ extensioni tribuendum. Ossa sic probè coaptata, exactè conjuncta tenenda, quod præstabit *deligatio* per *fascias* duas sæpius circumductas (quarum una à dextris ad sinistras, altera contrario modò incedat) aut per *ascialem fasciationem* (de qua Scultetus *tab. 27. fig. 1. & t. 28. f. 8. & 10.*) instituta, cujus major est usus, si pars affecta crebram requirat inspectionem, ut cum vulnus fracture conjun-

gitur, aut cum fractura est in femoris medio, parteve superiore. Post deligationem superest *repositio*, sive in *capsula lignea*, qualem depingit Hildanus *l. de ichore & melic. c. 29*. & Scultetus *tab. 56. fig. 1. 2. 3.* aut *coriacea*, sive in pulvinari molliusculo, ita tamen, ut, ratione succedentis inflammationis, extremitas membri sursum erigi debeat, & calcaneus ab omni compressione liber relinquatur.

Solvitur osium contiguitas in *luxatione*, quæ in iis propriè locum habet, in quibus reperitur structuræ ratio talis, quæ ad motum manifestum est comparata; uti sunt omnes articuli per diarthrosin conjuncti; videmus namque, quoties è sede suâ excidunt ossa, motum articuli perire: in ossibus verò per synarthrosin conjunctis, in quibus nullus adest sensui manifestus motus, non quidem ille aboletur, sed propter tendinum ligamentorumve compressionem oritur dolor, & actio partis impeditur; exemplo sunt ossicula in carpo & tarso. *Dupliciter* luxari ossa contingit, *secundum magis & minus*; illa species *exarthrema* Græcis dicitur; Hæc iisdem *pararthrema*, *subluxatio* Latine, vocatur: an autem talis detur, vehementer dubito; quod si contingat, non fiet, nisi à causa interna. Etenim luxationum *causa interna*, est vel *naturalis*, laxitas ligamentorum, vel *humor* in cavitate excreescens, qui sensim adauctus, caput ossis foras trudit: *externa* causa est casus, ictus, saltus, extensio & motus partis violentus. In ambabus speciebus unica & communis est *indicatio*, nempe, luxati membri in propriam & naturalem sedem reductio, quam operationem *arthrembolon* Græcè eleganter vocare licet. Quisquis autem hanc exercere cum fructu desiderat, is inprimis omnium in corpore humano articulationum naturam novissè debet, etenim per illam viam, per quam exiliit, in suum locum reducendum est os, quod sede motum fuit. Huic autem reductioni inserviunt 1. *antitaxis*, luxatum enim membrum, similiter ut fractum, tum ob tendinum contractionem, tum quoque ut ossis caput suæ sedi è directo opponatur, est extendendum. Hæc extensio fit *vel solis manibus*, isque modus *palastricus* vocatur, quia in palæstris luctantium membra luxata simplicissimo hoc modo reponebantur; vel *laqueis* aut *fasciis*; vel *organis* seu machinis majoribus, cum difficillima & inveterata est luxatio. Consule hâc super re Hildani *cent. v. obs. 69. & 86*. Extensionem excipit *mochlevisis* articuli videlicet in naturalem cavitatem *compulsio*, quæ similiter vel *manibus solis* fit, vel *pedis calcaneo*, (ut cum humeri ossis caput in alam prolapsum est) vel beneficio *scalarum*, *forium*, *pistillorum*, *instrumento Hippocratico* *ἀμβή* dicto: dicitur hic modus *methodicus*, ad differentiam tertii, qui *organicus* vocatur, quia per *organa* majora & machinas fiebat, quæ nunc in usû esse desierunt, vide Oribasium *lib. peculiari*, aut Sculteti *tab. 22. fig. 4*. Gourmelenus, præter has, adjungit insuper *apothesis*, quando membrum ipso facto jam reducitur in suum locum, quod ex sono, qui exaudiri solet, vel etiam ex membri reducti munere, colligitur. Quia verò, ob vinculorum & tendinum laxitatem, repositum membrum in sua sede morari nequit, ecce iterum fasciis opus est & spleniis, quarum beneficio in orbem munienda est articulatio, donec ligamenta debitum robur & adstrictionem acquisiverint.

Similis ferè chirurgica operatio occurrit in *carne*, i. e. carnosus seu alioquin mollibus partibus, quarum similiter vel *continuitas* solvitur, vel *contiguitas* vitatur. Prioris exemplum est in *vulnere*, quod est solutio continui recens & cruenta: si enim inveterata sit & saniosa, *Ulcus* vocatur. Vulnus magna est *diversitas* ratione *partium* vulneratarum, & etiam ratione *situs*, nam vel *rectâ*, vel *oblique*, vel *transversim* infliguntur: iterum aliud vulnus est *simplex*, aliud cum deperditione substantiæ, aliud cum *læsione internarum*

narum partium. Simplex vulnus simplicem habet indicationem, quæ est, ut divisa labia conjungantur. Hæc ubi cruenta adhuc sunt, aut, si non fuerint, talia redduntur ablatis oris callosis, ope forficis; ad se invicem adducuntur, adductaque conservantur, quod possit natura, mediante *naturali* quodam balsamo, eadem arctissime unire, non secus ac taleolas arbori infertas videmus cum eadem coalescere. *Adductio* fit vel *futura*, vel *deligatura*, vel *glutine*, quæ futuram sciam, sed improprie, nominant; vel *comprimente* instrumento: his omnibus vel *separatis*, vel *simul*, ut possumus. *Epagogen* hanc operationem vocat Gourmelenus, ad eamque reducit *curtorum chirurgiam per insitionem*, de quo habemus peculiarem Taliacotii librum; sed hæc res suo auctori relinquenda est. Nos contenti erimus *σαφῆ* sive *satura*, quæ locum habet potissimum in vulneribus transversim inflatis; aut, cum fasciationem locus non patitur; aut ubi particula nondum à suo continente separata est, sed per tenuem cutis portionem tantillum eidem adhuc hæret. Ad futuram rite perficiendam opus habemus *acu triangulari*, cuius cuspidis nonnihil esse incurva debet; *filo* ex lino aut serico; & *canali*, extrema suâ parte *fenestrato*, cui vulneris labium innitatur, ne in hanc aut illam partem, dum acus adigitur, commoveatur. Sed interdum, dum futuram instituimus, acum unam pluresve in carne relinquimus, iisque filum circumglomeramus, ut solent mulieres acus in vestibus fixas asservare, & ita consuevit fieri in *labiis leporinis*, aut admodum profundis vulneribus: vide *Paræum lib. 10. cap. 26.* interdum, post translationem acus & fili, facimus nodum, supraque eum filum resecamus; quod in vulneribus superficialibus, quæ cutem non excedunt, usu venire potest; hanc *interscissam* vocat Gourmelenus: interdum, pelli-
onum more, acum cum filo sæpius traducimus & circumvolvimus; talis futura debetur vulneratis intestinis, abdomini, partibus pendulis. *Deligatura* nonnunquam sufficit, idque in vulneribus artuum per longitudinem factis, fitque simplici fascia; adhibitis splenis utrinque labia comprimantibus. *Sutura sicca*, seu *emplastrum glutinatorium* adhibetur in vulneribus faciei, evitandam deformitatem, quam puncturæ acus alioquin adferre solent. Olim fiebant ex *pannis lineis triangularibus*, per habenas adductis, ut videre est apud Joh. And. à Cruce *lib. 2. tract. 2.* *Paræum l. 10. c. 26.* & Guillemæum *tab. 6. fig. 2.* nunc sufficiunt emplastra, digiti minimi latitudine, cuti pertinaciter hærenria, inter quæ excellit *diapalma* rite præparatum. Non debet prætermittere *instrumenta*, quæ comprimendo venæ arteriæque læsæ orificia, ad earundem consolidationem non parum juvant; idque vel eo nomine, quod legerim in historia Batava illustribus satrapæ Hooftii *l. 19. de consilio Leonardi Botalli* (cujus ego ante septennium opera in lucem edidi) vulneratam jugularem venam in collo cellissimæ Arausianorum Principis Gulielmi primi, imposito supra eam digito obturatam, sanguiniqu; ex eadem fluxum inhibuit fuisse. Hoc artificium jam olim fuerat descriptum à M. Gatinaria, qui vixit circa annum 1440. *lib. de Aegritud. c. de apoplex.* Vicem digitorum præstare possunt ferra-
menta comprimantia.

De *vitiata partium mollium contiguitate* verba facturum, moneo lectorem, ne offendatur, si ad hanc classem eam referri viderit: expendenti enim clarum fiet, summam esse inter luxata ossa, & viscera, quæ nativis suis sedibus exciderunt, convenientiam. *Prolabi* solent & procidere *omentum*, tum & *intestina*, sive in *inguen*, sive in *scrotum*, tum etiam *uterus* ipse ejusque *collum*, denique *rectum intestinum*: soler aliquando *umbilicus* etiam indecore prominere. Operatio his vitiis opposita, *ταῖς* dicitur: *duplex* autem chirurgi sco-

pus est: *præcipuus*, ut partes in pristinum locum reducantur, *secundarius*, ut ibidem retineantur, obstructo videlicet meatu, & angustatâ viâ per quam exciderant. *Reductio* hæc vel *spontanea* est, non adjuta manu chirurgi, ut fit in *recto intestino*, adhibitâ solâ fomentatione tepidâ, à qua roboratis musculis elevatoribus, & corrugatâ intestini substantiâ, anus sua sponte introsum redit. Aliam chirurgiam docet Hippocrates *l. de fistulis §. 4.* qui etiam in *prolapsu uteri* cucurbitam coxæ affigere jubet *l. 2. de morb. mul. §. 38.* vide quoque Hildan. *c. 3. obs. 76.* vel *manibus* peragitur, ut cum intestina scrotum occuparunt, aut cum uterus extra abdomen labitur; vel corporis concussione, aut resupinatione, ut in dictis casibus, & umbilici prominentia in suâ sede derinentur vel *fasciis*, vel *subligaculis*, ut in *herniis*, vel *placentâ* cum nodo, ut in *exomphalo*: utriusque iconem graphicè depingit, & curationem à se institutam adjungit Hildanus, *cent. III. obs. 64. cent. VI. obs. 69. & 73.* vel circularibus pessariis, è subere præsertim factis, intraque vaginam intrusis: etenim, intumescere suberis substantia porosa, circulus intra vaginam manet, nec tantopere subiectus est, ut excidat quod metuendum à globosis aut piriformibus pessariis, qualia depingit Hild. *c. 4. obs. 60.* ex buxo factis. Horum circularium primus autor est Guillemæus *l. 3. de gravid. & partu c. 29.* In aliis ante memoratis casibus natura, commodis medicamentis adjura, sensim arctare, interdum etiam omnino occludere solet vias, ne amplius transire aliquid possit.

Secunda species operationum chirurgicarum, jam recensita, è directo est contraria, vocatur enim *DIÆRESIS*, seu, *divisio partium integrarum*, quæque naturaliter aliquando nexu sunt conjunctæ vel colligatæ. Exercetur autem vel in partibus *duris*, vel *molli-
bus*. *Ossium* continuitas solvitur 1. *foratione*; perforare autem solemus os, vel *terebrâ* fabrilî, ut Hippocrates *lib. de intern. affect.* in hydrope thoracis costam forare jubet; vel *τρύπανον* sive *modiolo*, quod est ferramentum concavum, teres, imis oris serratum; quo non tam perforamus, quam ex medio osse partem excindimus. *Modiolus duplex* est, *mas*, qui in medio clavum habet; *femina* quæ eodem caret: *illo* utinur ab initio, donec in osse descriptum sit modioli vestigium circulare; *hoc* verò, donec utraq; tabula sit perforata. Utriusque bonitas consistit in hoc, ut sit *αβατρίσον* & citra voluntatem chirurgi mergi non possit. Quia verò manu circumduci debet, utriusque modioli extremitati applicandum *manubrium*, vel habens figuram litteræ T, vel instar *vertibuli*, quod unâ firmatur manu, altera circumvolvitur, estque hoc priori ut præstantius, ita magis usitatum. 2. *serratione*: ita in cranio adhibemus varii generis *ferrulas*. 3. *excisione* per *cycliscos* & *scalpros excisorios*. 4. *rasione*, ubi os aut nigredine affectum, aut alioquin inæquale, fuerit. Huc refertur *limatio*, quæ in dentibus exercetur. Figuras videre est apud *Paræum toto lib. decimo* & apud *Sculter. tab. 2. & 6.*

Mollium partium divisio variis modis fit: 1. *puncti-
one*, idque vel *acu*, ut in depositione cataractæ, de qua Dur. *Scacchi subsid. med. l. 1. c. 11.* aut cum phlyctanæ punguntur; aut cum *setaceum* in collo excitatur; cuius modum depingit Hildanus *cent. 1. obs. 40.* aut cum cutis capitis unâ cum pericranio in hydrocephalo; aut in tumorem à sero elevatus umbilicus, ut aquæ cl. Tulp. *l. 4. obs. 42.* aut scrotum aquâ tumidum, perforatur, aut etiam peculiari canulato instrumento, quale depingit Barbette *chir. part. 1. c. 15.* asciticorum venter forando pertunditur: vel *cuspidè* seu acie *phlebotomi*, ut in scarificatione, quæ *κατὰ πληγὴν* dicitur, & in varicum compunctione.

2. *sectione*: eaque instituitur, aut *scalpelli mucrone*, ut est venarum arteriarumque incisio, abscessuum aut vomicarum, ut & laryngis apertio, ani & penis clausi, vulvæque imperforatæ, referatio, quorum exempla videre est apud Hildan. *cent. 1. obs. 73. cent. obs. 60. & 61.* & apud Wierum *in fine libelli observationum*, quamvis pro ano non perforato aliud nunc excogitatum sit instrumentum, parum differens ab eo, quod extat in Sculteri *tab. XIV. f. 20. 21.* item ea scarificatio, quæ κατὰ σάγματι dicitur, usitata in partibus gangrenâ affectis, & in hydropicorum cruribus teste Alpino *lib. 3. cap. 9.* aut *intero scalpelli corpore*, ut sit in cranii cutis sectione, in apertione lateris seu spatii intercostalis empyicorum, in sectione vesicæ ad extrahendum calculum: aut *forfice & syringotomo*, ut in sinuum dilatatione, & cum digiti per membranam ab ortu sunt conjuncti; cumque vinculum sub lingua nimis est protractum; item, cum uvula est corrupta, aut præputium cohæret cum glande; vid. Hild. *c. III. obs. 54.* aut fungi portio relicta est in aure: idem *c. 3. obs. 1. 3.* *Divulsione*, qualis fit à cucurbitulis: Item à filo serico aut indies contorto, ut habet Celsus, *l. VII. c. 4.* aut ab appenso pondere deorsum vergente, & coalitas partes separante citra molestiam, cujus curationis elegans extat exemplum apud Hild. *c. VI. obs. 7. 4.* *Ustione*, sive ea sit actualis per ferrum ignitum; sive potentialis per impositum ruptorium ex lixivio cinerum clavellatorum parato.

Tertiam speciem operationum chirurgicatum facio Exeresin: est ea extractio rerum noxiarum corpori nostro inhærentium. Hæ res vel intus in corpore nostro sunt genitæ, vel aliunde, i. e. forinsecus advenerunt. In corpore nostro generantur, & generatæ molestiam nobis creare possunt, 1. *urina*; hæc enim in vesica subsistens, immanes adfert cruciatus, ipsam quoque mortem infert; ni tempestive eandem emoliamur. Vocatur hæc operatio in specie καθετηερισμός quod perficiatur cathetere i. e. fistula argentea, levi & incurva, ut Celsus eam describit, simulque modum eandem adhibendi accurate exponit *l. 7. c. 26.* hac enim, velut anthlia, urina attrahitur & evacuat: aut, si adhibere velis catheterem sulcatum, ut nunc apud artifices in usu est, postquam ab eodem referatum vesicæ collum est, urina per compressionem effluit. 2. *calculus*; hic interdum est exiguus, dum è vesica elurriatur, hæretq; in urethra, è qua, ope parvi cochlearis factò per sectionem foramine, est educendus; vid. Hild. *cent. VI. obs. 56. l. de lith. ves. c. 26.* Qui in vesica manet clausus, post factam in perineo sectionem extrahitur majore cochleari, (*lapidillum* nostri vocant,) vel forcipe extractorio. Instrumenta videre est apud Hildanum *tractatu peculiari de lithotomia vesicæ*, 3. *Fœtus mortuus*, hujus enim caput uncò aut gryphò apprehendendum, & sic vel integer fœtus extrahendus, vel frustillatim resecta videlicet unâ parte post aliam. *Mola* extrahendæ modum, à se feliciter institutum narrat Hildanus *cent. II. obs. 52. 4. Secundina* seu placenta uterina; sensim separanda & foràs educenda. 5. *Dentes*, hos evellimus forcipibus varii generis, quales apud autores depinguntur; figuras exhibebit Paræus *l. 17. c. 27. Gab, Ferrara silv. chir. l. 2. fig. 34. 35. 36. 37.* & addit nomina Scult. *tab. X. fig. 3. 4. 5. 6. 7. 8.* imo vix ullus est, qui non habeat aut excogitaverit aliquod sibi proprium aut familiare. 6. *Frustula cranii* in ea vulneris specie, quæ σφλασις effractura dicitur, & ab Æginieta ἐκπίεσμα, cum in multas partes calvariæ effractio est, adeò ut separata à suo continente ossa, cerebri membranam contactu suo premant. Vide Hildan. *c. V. obs. 23.* instrumenta sunt apud Paræum *l. 10. c. 6. 7.* Addo huic classi,

sanguinem extravasatum, aut alioquin in pus conversum, sive in abdomine sive in pectore collectum, quem, siphonis majoris ope, idque parvâ ægri molestiâ (si nempe vulnus dictarum partium præcesserit) evacuamus.

Extrinfecus in corpus nostrum immittuntur. 1. *tela* vel *sagitta*, aut etiam *globuli plumbei*. Omne telum ait Celsus *l. 7. c. 4.* extrahitur aut ex eâ parte, quâ venit; aut ab ea, in quam tetendit; illic viam, qua redeat, ipsum sibi facit; hic à scalpello accipit, nam contra mucronem caro inciditur. *Instrumenta* sunt, quæ peculiari nomine βελόνοι dicuntur; vel alia feramenta instar terebræ acuminata, aut instar cochlearis excavata. Consule Hildanum *l. 1. obs. 88.* Paræum *toto lib. xi.* Scultetum *tab. 15. & 16. 2. piscium spina*, seu ossicula gulæ infixæ, ad quas auferendas ἀκανθα βολον Paulo sic dictum inservit, vel instrumentum Gualtheri Ryff, recensitum ab Hildano *cent. 1. obs. 36.* utrumque extat apud Scultetum *tab. x. fig. 1. & 2.* aliud vid. apud Hild. *c. vi. obs. 34.* aut spongia ossiculo balne per se satis flexili alligata, & sic intra fauces & gulam immissa. 3. *lapilli*, corpora metallica, plantarum fructus & semina, *animalcula* etiam auris meatum subintrantia: hæc aliquando excutuntur sola sitûs declivitate & partis concussione; aliquando auriscalpium adhibetur, vel specillum lanâ involutum, quæ in terebinthinam fuerit immersa: de his agit Hildanus *cent. 1. obs. 4. 5. 6. 4. festuca*, exigua grana plumbea, vel aliæ sordes, quæ in vulneratis partibus continentur, ad quas educendas opus est *volsella*, Hild. *c. 2. obs. 13. c. 4. obs. 17. 18. c. 5. obs. 21. c. 6. obs. 78.* idem *de vuln. sclop. graviss. p. m. 947.* vel *gossypio*, vel *petia* linea tenuissima. 5. *ferramenta*, aut cultri pars, uti refert Hildan. *cent. 1. obs. 62. cent. III. obs. 24.*

Quarta species est *Aphæresis*, quæ definiri potest, *ablatis supervacui*. Hoc verò aufertur vel *occulte*, vel *aperte*. *Occulte* materiam demunt corpori *frictio*, qualis & olim & nunc adhibetur in balneis. *Instrumenta* fricandi sunt *lintea* crassiora & asperiora, ut cannabina; item *strigiles*, quas depingit Mercurialis *art. gymnast. l. 1. c. 8.* num etiam huc pertinet violenta *extensio*, de qua Hildanus *c. 1. obs. 79?* huc referendas *cucurbitulas absque scarificatione*, quæ materiam ab una parte in aliam transferunt, testis est Hildanus *cent. 1. obs. 80.* & omni exceptione major Hipp. *l. de medico §. 6. l. de loc. in homine §. 20. & 24. l. 2. de morbis §. 26. l. de affectibus §. 4. aph. 50. f. 5.* De iis actum fuit supra. *Modus applicandi* varius est, alii enim stuppam accensam intra corpus cucurbitulæ ponunt, alii frustulum candelæ cereæ imponunt crassioris chartulæ particulæ, alii aquâ tepidâ intinctam cucurbitam, per accensam candelam aërem expellendo crassiorem faciunt, ut cucurbitula carni adhæreat. In Ægypto olim, hodie in Germania, suctione extrahunt aërem per foraminulum, quod deinde particulâ cereæ aut petiolo corrii madefacti obturatur: Ad hujus imitationem solent accipere siphonem è cupro, cujus inferior circulus latitudine æquans diinidiatum imperialem, applicatus carni, post suctoris extractionem cum robore factam, egregiè attollit cutem. *Aperte* materiam auferunt è corpore 1. *cucurbitulæ scarificata*, quæ etiam vicariæ venæ sectionis esse possunt: frequenter quoque adhibentur ad auferendam virulentiam à morsu venenati animalis parti communicatam: vid. Severinum *de vipera p. 3. c. 5. 2. cultellus* isque vel *falcatus*, quod melius comprehendat majorem tumoris peripheriæ portionem. Tali utimur, cum auferenda est mammilla cancro affecta, item *natta* insignes, sive eæ sint pendulæ, sive latiore basi præditæ. Vid. Hildanum *cent. 6. obs. 16.* ab eodem quoque resectus est penis, *cent. 3. obs. 88.* præputium *c. 4. obs. 81.* interdum redditur ignitus cultellus, ut *c. 2. obs. 32.* interdum utimur *peculiari instrumento*, ut

videre est *cent. 1. obs. 1. & 2. c. 2. obs. 79. cent. 5. obs. 27. 28. 3. forfices*, qui locum habent in resectione testiculi putridi, aut alioquin cancro affecti, post vasorum seminalium ligaturam; item, iis aufertur commodissime particula linguae aut labii a cancro occupata. 4. *forceps excisorius*, ne excidantur frustula cranii, aut interstitium inter duo foramina, post trepanationem, inciditur. Vid. *Paræum. l. x. c. 6. Scultetum tab. v. interdem cartilaginis portiones auferuntur: vid. Scultet. tab. xii. fig. 4.* sic etiam *polypus* è narium spongiosis ossibus separatur simulque extrahitur. Quod verò ad digitos sive superfluos sive etiam corruptos attinet, quamvis forcipes iis adhibeat *Paræus lib. xvii. c. 30.* tamen ad evitandam ossis in frustilla comminutionem, potius ab iis abstinendum esse monet *Hild. l. de gangr. & sphac. c. 19.* atque *ferrulas* parvas præscribit. 5. *laquei*, ita sextus digitus, aut verrucæ peniles filo ferrico circumducto, quotidieque adstricto, tandem nutrimento privatæ emoriuntur & separantur. *Hild. cent. 6. obs. 79.* per similem ablaqueationem fungus ex aure propullulans, *cent. 3. obs. 11.* alius item ex umbilico, *cent. v. obs. 62.* ab *Hildano* fuerunt sanati. 6. libet quoque huc accersere *ligaturam expulsiuam*, qua mediante è sinu aliquo, seu iacæo, contenta materia expellendo evacuat. 7. *ferra magna*, quâ solâ utimur in separandis *sphacelatis* artubus: delineatio existat apud *Hildanum lib. de gangr. & sphac. c. 19.* nisi quis malit in usum ducere instrumentum à *Botallo* descriptum *pag. 790. edit. Batavæ*; cuius talis est fabrica: fiant duæ columnæ lignæ, ponderoso cippo infixæ, & utrinque per longitudinem interius sulcatæ. In infernâ parte cippi infixus sit firmiter latus culter, acie sua sursum spectans, & alterius cûltri, per sulcum mobilis, aciem sibi oppositam habens. Ubi detruncandum est membrum, superior illè culter, plumbo oneratus, è superiore parte descendit, aut malleo gravi adactus carnem simul cum ossè secat. Testatur auctor *J. Régius*, hunc modum admodum expeditum & indolentem esse, imò temporis momento perfici, adeo ut putent ægri, è *lychnio* ignis scintillam in membrum incidisse.

Quinta species dicitur *Prosthesis*, seu *appositio deficientis*; habetque locum in mutilatis membris aut particulis. Hæc non nisi palliativa est; tamen quia decorationem non parum facit, dum ars emendat, quantum in se est, naturalem defectum, ad medicinam, & in specie ad chirurgiam, pertinet. Sic *oculum* casu amissum compensamus oculo vitreo atreove picto; *aures* mutilatas ex papyro crassiore vel corio picto relarcimus; *nasum* factitium ex argenteis laminis fabricamus; non enim licet nobis esse tam beatiss, ut *Taliacotium* imitemur, quod de *Griffonio* testatur *Hildanus cent. vii. obs. 31. dentes* amissos, si loquæ obfint, factitiis ex ebore restituimus; *palati* exesam portionem lamina argentea obturamus: consule *Hild. c. 2. obs. 22. Paræus l. 23.* mentionem facit cuiusdam, cui insignis portio linguæ erat ablata, attamen ope lignei instrumenti, quod ore detinebat, voces proferebat articulas. Sic factitiis ligneis *cruribus* utimur ad incedendum, & ex ferro fit instrumentum brachio applicandum, quo in manus defectu, apprehensio quadantenus exerceri potest. Vid. *Paræum l. 23. c. 12.*

Sexta & ultima superest *species*, quæ *Diorthosis* dicitur, per quam membra, quæ, sive ab ortu sive postea, malam acceperunt conformationem, reducuntur ad naturalem figuram, functionibus obeundis aptam. Ejus notabile habet exemplum *Hildanus cent. i. obs. 83. & lib. de ichor. & melicer. c. 27.* Ordinariè hæc operatio non perficitur nisi ferreis instrumentis, qualia sunt *thoraces*, de quibus consulendus *Hild. cent. v. obs. 67. Paræus, l. 22. c. 8.* aut *ocrea*, *Hild. c. v. obs. 86. cent. vi. obs. 89. & 90. Paræus l. 23. cap. 11. Blioth. Chirurg. Tom. III.*

Gliffonius l. de rhachiide c. 29. quibus ossa in contrariam partem sensim pelluntur: aut à se invicem ita sedulo diducuntur, ut, quod nimium prius comprimebatur os, nunc à compressione liberum, veluti respirare, copiosius nutrimentum suscipere, ab eodemque augeri, & ad justam magnitudinem pervenire possit. Cujus rei demonstratio haberi potest ex inspectione sceleti alicujus gibbosi. In civitate *Uleræ* æstinâ insignis habitat artifex *Scotus*, qui plurimos ejusmodi ægros etiam è longinquis regionibus curandos suscipit, & ad miraculum nique distortos pedes, incurvatam & gibbosam spinam, &c. corrigit. Huc revoco *elevatoria* dicta instrumenta, quorum usus est in depressione ossium cranii, ut eadem in situm reducantur pristinum. Consule *Hildanum* ex professore de his agentem *cent. 2. obs. 4. & 5.*

Hiscæ expeditis, nunc transitum facimus ad eas operationes, quæ ad chirurgos etiam relegate sunt, & jure merito, quia in iis manus non minimam partem sibi vindicat. At secundaria in hisce curationibus manus est opera, sunt enim tales hi affectus, qui sine medicamentis ad sanitatem pervenire non possunt, ut testatur *Celsus in præmio libri v.* igitur principale negotium pendet à virtute & efficacia medicamentorum, sive simplicium sive compositorum; sed quia cuiusvis non est, hæc debitò modò corpori admoveere, atque exercitatio prævia requiritur, inde est quod nomen acceperint hæ operationes, quod sint *medicamentorum applicativa*.

Medicamenta, quæ manuum ministerio partibus nostri corporis applicantur, divido in *naturalia*, & *artificialia*. In censu *naturalium* primò occurrunt *hirudines*, de quibus vide *Moufetum l. 2. c. 41.* hæ, postquam venenatam qualitatem deposuere per aliquot dierum moram in aquâ purâ, apprehendendæ sunt pollice & duobus prioribus digitis (sed linteo involutis, ne elabantur) atque osculo suo venis in sede, aliisve partibus applicandæ; sed necesse est, partem prius asperiore panno fricare, aut sanguine columbæ illinere, aut etiam levissimâ puncturâ lædere, sic enim promptius adhærebunt. Adhærent autem tantisper, donec fuerint cruore exsaturatæ: quod si majorem sanguinis copiam educere velimus, caudæ earum rescandæ sunt, sic nunquam ad saturitatem perveniunt; atque, si vapore aquæ calidæ foveantur, sanguis perpetuò effluet; ubi, quantum satis est, extraxerint, non sunt avellendæ, relinquunt enim in cute oris sui aculeos, sed adpersis cineribus calidis fugandæ. Plura vide apud *Viduum, l. 2. chir. c. 9. & Claudinum de ingressu ad infirmos l. 2. c. 5. Secundum* locum tribus igni actuali. Hic varius est, pro subjecti varietate, à quo suscipitur; alius enim inhæret stuppæ, alius carbonibus, aliis plantarum partibus, ceræ *Hispanicæ* lineæ petiæ in pyramidis formam revolutæ, apud *Alpinum med. Egypti. l. 2. c. 21.* alius autem; argentove, sed præsertim candenti ferro, inhæret. Vide de toto hoc negotio *Severinum in eff. chir. l. i. Pyrotechnia p. 2. c. 1. 2. 3. 4. 5.* ipsa quoque flamma, per tubulum flatu propulsa, utitur idem *Severinus in chirurgia spiritali nondum edita.* Antiquissimum esse ferri igniti usum, docent *aph. 27. l. 5. & 6. l. 8.* adhibetur autem ad discutiendum, roborandum, concoquendum, putredini resistendum, abscessus aperiendos, crustam partibus inducendam. *Instrumenta* in specie *cauteria* dicta, variæ sunt figuræ alia plana, alia orbiculata, alia recurva &c. quorum figuræ apud *Albucasin* potissimum reperiuntur: sed & apud alios, *Scultetum tab. 19. Gabr. Ferratam l. 2. tab. 28. 29. 30.* singulatim describuntur à *Guidone tract. vii.* Interdum ignitum ferramentum intrâ capsulam occultatur, ne adpectu terreat; quale *Placentinus* invenit atque depingit, post *Aquapendentem* & *Glandorpium*, *Scul-*

tetus *tab. 1. fig. 10.* Quando candente ferramento uti volumus, ante omnia vicinæ partes muniendæ sunt, vel per impositam *laminam* vel *emplastrum defensivum*, vel *linteum* oxycrato madefactum; interdum per *cannulam* capream transmittitur ferramentum, securitatis partium gratiâ. Modus imprimendi vel applicandi varius est, pro conditione affectûs & partis. In spha-celo omnium *acerrime* est urendum; in mollibus par-tibus *parcius*; in humidis *liberalius*; in sanguinis è na-re fluxu, ut & ossis carie, oportet ignitionem sæ-pius *iterare*, donec aut crusta sit inducta, aut humidi-tas in osse fuerit ablata.

Medicamenta vocamus *artificialia*, quæ à medico præscribuntur, & ab artifice parantur ad usum præ-sentem. Sunt autem vel *liquida*, vel *solida*. *Liquida* adhibentur sub forma, 1. *injectionis*, cum liquorem in penitiores corporis partes injicere necesse habemus. Sic in frequenti usu est injectio in anum; (quæ *από τῆς κλύειν* ab *eluendo*, *κλύειν* dicitur) in uterum, in penem, in sinuosa fistulosaque ulcera: Instrumentum est *sipho*, vel *vesica*, cui *cannula* est alligata: debent autem injectiones fieri lenisim, & si in anum, æger dextro lateri incumbat. Nonnunquam cum violenta sit syringatio, ut per eandem viam resiliat liquor injectus, quando videlicet sordes quædam intus hæ-rent pertinacius. 2. *Instillationis*, hæc præcedenti mi-nus est artificiosa: *triplici* autem modo perficitur; etenim *vel* è vasculo, cum proboscide angustissimi orificii, guttatim liquor effunditur; *vel* è linteo spon-giæve madefactâ exprimitur; vel denique, (quod I-talis familiare, ut patet ex Claudino in *append. l. de ingressu ad infirm. sect. 11.* qui *stillicidium* vocat,) ex altiori loco è vase ligneo per epistomium guttatim destillare facimus liquorem supra bregma aut stoma-chum, hepâr, aliamve partem imbecillem. Horatius *epist. v.*

Qui caput & stomachum supponere fontibus audeni.

Vid. Hipp. *aph. 21. & 25. l. v.* & Baccium *de therm. lib. 2. cap. 14.*

Embrocha seu *irrigationis*, quæ priori valde est affi-nis, nisi quod in hac, postquam pars liquore est per-fusa, *linteum* madidum aut *spongia* desuper impona-tur: sic lintea *oxycrato* madida testiculis circumposuit in hæmorrhagia narium Hildanus *cent. 2. obs. 45.* hanc *κατακλισην* Græci vocant. *Irrigatio* quoque vocatur; cum aquam, aut aceti guttulas in lipothymia faciei adspargimus manu, sive etiam adspergillo. 4. *Fomen-tationis*, quæ interdum fit eodem modo, quo embro-cha, interdum ab eadem differt, cum scil. liquor oleaginosus vesicæ inclusus, aut sacculus aridâ mate-riâ eaque calefactâ repletus, parti applicatur. *Bal-nei*, quod duplex est: *humidum* vel *siccum*; & utrum-que vel *totale* vel *partiale*; in *illo* totum corpus, in *hoc* dimidiam partem immergimus, & speciali nomi-ne vocatur *semicupium*: figuras dabant Heurnius in *meth. ad praxin. l. 1. p. m. 45.* Severinus *pyrotechn. chir. l. 1. p. 3. c. 47* Utrumque est vel *naturale*, vel *artificiale*. *Naturale humidum*, fit ex aquis thermalibus, quarum suc-cedanea sunt, quæ ex herbis aliisque in aquâ commu-ni decoctis præscribuntur. *Naturale siccum*, constat exhalatione calidorum vaporum è subterraneis cryptis elevatorum. *Artificiosum*, fit per accensos *carbones* aut *spiritum vini*: sic namque stragulis benè coopertus æger, sudorem copiosè emittit. 6. *Suffitus* vel *vaporis*, quorum *ille* ex liquidâ, *hic* ex humidâ materiâ exci-tatur. Ut verò uterque commodius ad partem affe-ctam perveniat, suscipitur exhalatio *vel* per infundi-bulum, *vel* sellæ perforatæ insidere jubetur æger. Nunc quoque Nicotianæ fumum, unusquisque sibi, ad pro-ritandam alvum, immittere potest in anum per nu-perum ab Anglis excogitatum instrumentum; quod à chirurgus Woodallio primò descriptum & delineat-

tum, deinceps exstat à Bartholino depictum *cent. 6. obs. 66.* 7. *inunctionis*, quæ fit digitis aut penicillo.

Solida medicamenta, quorum adhibendi modushic spectari solet, his titulis comprehendi possunt. Est enim 1. *pulveris inspersio*, sive ea fiat mediante staga, ut cum uvulæ laxatæ piper adspargimus, instrumento ab Hildano excogitato *cent. 2. obs. 21.* sive per in-strumentum aurifabris familiare; quod nihil est aliud, quam capsula cuprea, proboscide, ferrinos dentes habente, donata. Etiam cum pulveres restrictivos *suppis* inspergimus & partibus applicamus. 2. *inru-sio suppositoriorum* seu *glandium*. 3. *Emplastratio*, sub qua comprehendimus etiam *sparadrapa*, *dropaces*, seu *pica-tiones*, de quibus vide Goræum: item *vesicatoria*. *quarta* cauteriorum potentialium seu *rupteriorum* ap-plicatio; nam parti imponitur emplastrum exiguo foramine præditum, cui ruptorium inditur; huic ve-rò desuper pulvillus imponendus, eique fascia cir-cumjicienda: post horam unam atque alteram, cau-stico liquato, cutis reperitur adusta & insensilis red-dita, quam scalpellus sine dolore faciliè penetrat.

ORIS MORBI

OS constat partibus osseis, musculosis, glandulo-sis, vesicularibus, ac membranosis; inservitque cibo & potui recipiendo, illique masticato, ac salivæ, è suis glandulis per canaliculos in id fabrefactos de-pluente, admisto, in ventriculum amandando. Ni-mii essemus, si sigillatim horum omnium descriptio-nem Anatomicam exhiberemus, illudque minùs ne-cessarium credimus, dum apud Autores Anatomicos, ac præcipuè Viros Clarissimos D. D. Godefridum Bid-loo, ac Stephanum Blancardum, hoc pensum abunde confectum cernimus. Morbos verò quod attinet, il-lorum historiæ & curationes è capitibus de Dentibus, de Epulide & Parulide, Gingivis, Gargulione, Gut-ture, Labiis, Linguâ, Maxillis, Palatò, Parodontide, &c. commodè peti possunt. Hic itaque tantùm de Oris Fatore aliisque paucis.

De Oris Fatore.

In fætorè oris curationis capita hæc sunt. Pars unde mali prima labes diligenter repurganda. Toti consulendum. Gargarismis os colluendum. Manè præsertim ptialismus provocandus iisque temperata sunt. Salvia vino macerabitur. Aurum, id est nummus au-reus, ore continebitur. Theriaca aut Mithridarium quotidie manè devorabitur. Pilularum usus ex rha-barbarò frequentissimus. Tabellæ. Pimpinella vinò macerata. Eadem ore contenta. Frequens usus sy-rup. rosar. pallid. Vini absinthitis frequens usus. Car-nium usus paucus. Vitanda allia & quæ odore in-grata sunt. Granatorum & limonum usus jucundus. Pomorum aureorum cortex conditur. Usus corian-dri. Masticatio nucis moschatæ mirò profectu indul-getur. Aqua cisternæ cum rosâ ad collutionem oris.

℞. Rad. acori & coriandr. ppt. an. ʒj. dictamni ʒj. Absinth. Pontici, Scordii an. p. ʒ. bryloff. pimpinell. pilos. meliss. stêchad. an. p. ʒ. flor. cordial. p. ʒ. fiat. decoctio in qua infunde rhabarbâri ʒiʒ. Cinnam. & nucis moschat. an. ʒʒ. expressioni adde vini albi co-chlear unum, syrup. rosar. pallidar. ʒx. fiat potus.

℞. Coriandr. ppt. ʒij. pulver. panis tosti ʒv. fœ-nicul. dulc. conditi ʒj. Glycyrrh. ʒʒ. fiat mixtio.

℞. Tabellar. aromatic. rosar. & diarrhodon abbat. an. ʒʒ. utatur.

℞. Mithridat. ʒij. Conserv. rosar. bugloss. & vio-lar. an. ʒj. utatur manè & horâ somni.

℞. Rha-

℥. Rhabarbar. ʒij. nucis mosch. gr. 8. pulver. aromat. rosat. gr. 6. agaric. troscifc. & Aloës lotēan. ʒj. cum vinō albō infusionis zingiberis, & cinnam. fiat massa utenda ad 4. pilulas sæpe ante pastum.

Aquæ Imperialis usus convenientissimus & vinum absinthites, *Guilielmus Ballonius Consiliorum lib. 2.*

Annotatio Jacobi Thevartii.

Cum à toto corpore sudor graveolens manat, quod symptoma ut plurimum biliosis, & ruffo capillitiō, cuteque subalbida præditis contingit, hac ratione corpus odorum & bene olens redditur, præsertim ætate; quō tempore cutis spiracula & pori patent; propter ambientis aëris caliditatem. Coquunt radicem Cardui benedicti in vinō albō quotidie manē propinant tres vel quatuor uncias. Statim à potu hujus decoctionis urina crassa & fætens redditur. Vel, accipitur terebinthina Veneta ad quantitatem olivæ cum pari portione mellis, coquitur inodice, deglutitur, vinumque insuper bibitur. Alii magnō profectū myrrhæ & serpilli pares portiones terunt, & ex iis pilulas formant, quatum duas manē devorandas præbent, insuperque vinum bibendum exhibent. Hæc præsidia non modò ad totius corporis fætorem, sed etiam ad oris graveolentiam arcendam valent.

A Recurrente Oris Tortura, & Vertigine Præservatio.

Illustrissimus Abbas ætatis suæ annorum sexaginta; temperamento verè sanguineo, habitu corporis pingui, quadrato & Athletico, in quo & calor hepatis magnus, & abundantia humidi pari passu procedunt; elapso jam anno decimo per dimidium quadrantem Vertigine non tenebricosa correptus fuit, ita ut omnia in gyrum verterentur; à qua immediate sudor erupit, & voluntas ejiciendi. Sequenti mane expergefactus, tortura oris seu spasmo cynico cum capitis gravamine cœpit laborare; & convaluit facta purgatione & sanguinis copiosa missione. A decoctis calidis offensus, à frigidis & temperatis curatus, bene postea se habuit, nisi quod dubius, ne iterum fieret convulsus, vel vertiginosus, medicamenta diversa à Medicastris in dies accepit; solo habito respectu, quod humorum moles evacuationibus, masticatoriis, sternutatoriis, & similibus diminueretur. Omnia tamen medicamenta cum sine corporis & humorum præparatione exhiberentur, humores agitabant, & sæpe febres aliquæ, uti catarrhales, ephemeræ, synochæ, & similes emergebant, quæ vel evacuatione integre facta, vel sanguinis missione facillime tollebantur. Modo Illustrissimus Dominus inculpatè saluti proximus est, & spatio septem horarum perbelles dormit, optime & cum sensu comedit, digerit, excernit, ad motum indefessus; quia tamen ob hepatis calorem agitur materia in hypochondriis, ubi ebulliendo vapores elewantur ad caput, & imprimunt in Nobilissimo Patientè timorem futuræ infirmitatis, idè præcautionis gratiâ frequenter masticatoriis utitur, sternutatoriis, & nescio quibus pilulis magistralibus, à quibus tamen caput debilitatum, sæpe coryza offenditur, fluxione scil. narium quæ à quovis aëre matutino vel nocturno intempestive & frigide recepto adaugetur; raucedine quinetiam superveniente, quæ necessariò medicamenti debet expugnari. Sed quia Illustriss. Abbas valde dubitat de nova Vertigine & inde de Oris tortura, cum caput aliquando grave, aliquando vanum sentire sibi videatur, ideo hæc brevi temporis spatio scribenda duxi, omnia tamen subjiciens Clarissimo & Doctissimo Viro, cujus immortalem Doctrinam addictissimus veneror.

Vertigini solutæ quinquagesimo-ætatis anno in Illustrissimo Abbate successisse oris torturam, sive Cynicum spasmus mirandum non est, cum Vertigo ipsa proxima sit comitialibus & apoplecticis affectionibus, non quia ab eadem immediata causa Vertiginis mali jam dicti producantur affectus, sed quoniam Vertigo pravam in cerebro dispositionem reperiri nobis significat, quæ materiam sive causam accersere valeat dictis affectibus producendis idoneam: Vertigo enim fit ab inordinato motu spirituum animalium, cujus causa est fumosa materia spiritibus immista; cujus ratione, irregulari & circulari motu moventur. Convulsio verò secuta, sicut & Apoplexia, à solidiori materia quodque sanguinea, ut plurimum catarrhali & pituitosa excitari solent, dum in casu nostro ad nervos tertiæ conjugationis deposita, eisdem replendō labiorum contractionem & convulsionem induxit. Materia autem hujusmodi num à toto venoso genere ad caput transmissa fuerit, an potius in eodem genita dubitari posset, quamvis tunc temporis ab educto sanguine è venis elici potuerit. Conjectare tamen nobis licet caput tunc suscepisse, non produxisse materiam, tum quia non adeo facile medicamenti cessisset affectus, tum quia si idiopathice affectum fuisset, decem præteritorum annorum spatio recidiva, imo pejora mala successissent. Verum tamen est quod sicut à plenitudine totius tunc lædi potuerat, ita ætatis progressu & perseverante ab infernis partibus fomite, essentialis potest evadere capitis læsio. Propterea monebat Galenus de Vertigine sympathica locutus, quod; Quamvis caput per alterius partis consensum laborat, affectio nihilominus ipsi capiti tribuenda sit: & præsertim in casu nostro, dum caput ab injuriis externis facile alteratur & læditur; ut propterea, cum hypochondria in Illustriss. Abbate æstuantia & valde evaporantia à Viro Doctissimo observentur, eorundem primò ratio sit quidem habenda, capite tamen nunquam neglecto. Et quoniam ab hepatis & hypochondriorum calore comparitur etiam ventriculus, ita ut juges cruditates producat, à quibus obstructions in vasis melsaricis genitæ fuerint, quæ exciata hypochondriacum affectum constituerunt, unde evaporationes sive exhalationes elewantur in caput; idcirco prius instrumentali, ut ita dicam, ablato affectu, mox utriusque partis, sed magis jecoris quàm ventriculi intemperiebus erit prospiciendum.

Quare ut Illustriss. Abbas ab imminentibus malis præservetur, & à præsentī hypochondriaco affectu perpetuum timorem incutiente vindicetur, regularis Purgatio hoc anni tempore instituenda est; primò vias primas mundando. Secundò Obstructions aperiendo. Tertiò Venosum genus depurando, & succorum ejusdem copiam minuendo. Quartò Caput purgando. Quintò Intemperiem hepatis corrigendo; atque tandem ventriculum & ipsum caput roborando.

Quibus intentionibus ut satisfaciamus, à fonte Chirurgico repetita, sed moderata, est depromenda sanguinis missio; ex brachio primò, mox ex fedalibus venis. Utile quoque fore existimo Cauterium, sinistro brachio affixum. Frequentes etiam debent exerceri pedum lotiones aqua calente, sive mane, sive vespere; sed semper ante cibum.

Pro prima intentione lenientia jam proposita bis repetita ex usu erunt. Et intermediis quinque diebus pro Preparante julapium acet. corticib. citri alteratum, & exigua aqua florum citri dilutum, aptissimum fuerit.

Pro secunda, rhabarbarum opportunissimum censetur, vel comansum cum passulis ad semidrach. quotidie, vel drachmis duabus cassiæ commistum & deglutitum: cui post horam superbibat cyathum seri capræ aut asin. destillati; & in hujus usu perseveret decem aut duodecim dies.

Unde assumat. ℞. Flor. cass. recent. extr. ℥j pilul. de trib. cum rhab. 3. j. m. f. boli, quibus posthoram superbibat seri capr. aut asin. depur. lib. j. β. & tribus horis ab assumpto sero prandeat.

Tertię intentioni satisfaciendum erit succis depur. & electivę purgantibus medicamentis, sic

℞. Succis depur. cich. borag. agrim. m. 3. j. decoct. endiv. melissæ. pentaph. beton. an. 3. iiii. salis tart. fvi gr. x. m. pro syr. & aliis decem, in quorum intermedio & fine assumat.

℞. Elect. len. 3. v. de succo rosarum 3. ii. pilul. de trib. cum rhab. 3. j. m. f. boli, quibus post horam superbibat seri depur. aut aquæ hordeac. lib. j. β. & tribus horis ab assumpto sero vel aqua prandeat.

Quartę intentioni satisfacere poterunt pilulæ capitales ita parandæ.

℞. Pilul. coch. ptapar. aurearum, aggregat. an. 3. β. m. reform. pilulæ, & aut. media nocte à primo somno, aut in aurora assumendæ. Erchinum quoque parari poterit ita

℞. Pulv. major. ireos an. 3. ii. nigellæ 3. j. m. f. pulvis more tabaci mane tantum per nares attrahendus. Pulvis quoque exiccans capitis inspergi poterit, ita parandus.

℞. Pulv. ligni cariosi, ossium sepiarum ustorum, cornu Cervi ulti, majorinæ. rosarum rub. an. 3. ii. m. f. pulvis subtilissimus pro capitis inspergione sub ingressum lecti faciendæ.

Quintę intentioni satisfaciendum Conserva rosarum, xv. aut xx. diebus summo mane assumenda, cui superbibat cyathum aquæ stillat. de succo cich. vel aquam jam dictam bibat cum Conserva de acido citri, rosarum Conservam omittendo.

Tandem Ventriculo aliquod robur addendum, si non aqua Tetruciana tribus aut quatuor diebus in medio præscriptæ Curationis cum vehiculo dejectorio assumenda, saltem frequenti usu absinthii statim à prandio, aut absinthii Conservam comedendo, aut sal absinthii ʒ. i. in exiguo vino dissolutum hauriendo; aut pilulam devorando, ex uno scrup. succi absinth. condens. paratam; Sicut non parum Ventriculo profunt duo aut tria grana mastiches, statim à cibo integra deglutita. Pro capitis verò roboratione in usum frequentem sunt ducendę Conservę capitales, è florib. beton. roris marini, salviæ: & æstivo tempore rosarum vespere sub ingressum lecti assumendæ, quibus immisce-ri posset medicamentum aliquod à proprietate juvans, aut aliquot guttulæ ol. de camphora, aut olei de buxo, aut de succino, aut quintę essen. roris marini: æstivo verò tempore tincturæ corall. chymicæ. Quibus etiam futura coronalis nonnunquam illiniri poterit.

Et jam dictis omnibus congrua vivendi ratio à Vi- ro Excell. præscribenda omnino addenda erit. Interim observando num capitis læsiō essentialis progressu magis innotescat: tunc enim opportuno tempore de Decocto sudorifico, moderato tamen, & ad hominem præscribendo, cogitandum esset, ut capitis humiditas absumatur, & ejusdem intemperies corrigatur. Raym. Joh. Fortis Consult. & Resp. Medic. T. 2. Cent. 1.

Oris tortura & Destillatio in alias partes.

Athletarum habitum semper damnavit Hipp. si ad summum bonitatis attigerit: humanę enim sortis ea conditio est, ut in eodem statu permanere nequeat, & ideo cum homo in tali extremo sit constitutus, & proficere non valeat, reliquum est ut in deterius decidat. Hoc evenit Adm. Rev. Patri. qui tali habitu præditus, tum à naturali sui corporis constitutione, tum verò à liberali victus ratione, quatuor adhuc annis variis

morbis cœpit conflictari, quorum primus fuit perniciosissima Diarrhœa febri acutæ ac dysenterię conjuncta, æstuans ejus hepar demonstrans, cum biliosissimis perniciosissimisque & frequentibus cruentis dejectionibus, qua per multos dies adeo laboravit, ut in maximo vitę discrimine Pater Adm. Rev. versatus fuerit; à qua remediorum opę tandem convaleuit. Sed non mutato vitę genere sequenti anno horridiori forsan casu correptus fuit; incidit enim non sine præcedenti capitis offensa in notabilem oris torturam & sinistra palpebrę resolutionem, à qua nonnisi operosa & laboriosa Medicamentorum ac remediorum administratione fuit solutus: non recuperata tamen partis sinistra figura integrę, licet decocto accommodato, etiam cum sudore per plures dies exhibito, & localibus non neglectis, atque composita victus norma servata. Nonnullos verò post menses occasione cauterii ab eodem Patre de ejus purgatione nimium sollicito exasperati, in insignem sinistri brachii tumorem incidit, cum summa partis inflammatione & dolore, qui tandem operatis suppuratus, & per multos dies expurgatus fuit, vix ramen ad cicatricem perductus, maximè sub axilla in qua de fistula relicta diu meritò dubitatum fuit.

Nec tamen tali morborum facie perterritus Pater exactam, ut debuerat, vitam duxit, præcipuè in ciborum & potus usu, in quo solam Diætam consistere credit vulgus, sed maximè exponendo se cuicunque aëri, etiam in montibus magis alpestribus, & rigidiori anni tempore, tum ut Divini verbi Orator, tum proprię hilaritatis gratiā: Unde mirum non fuit si permanente naturali partium constitutione, & reproducta materia ab externa causa exagitata, debilem locum eadem rursus obsederit, ipsam Oris torturam in eadem parte licet levius renovando, quę tamen solis expurgantibus de more præscriptis & corroborantibus substitutis remissa adeo est, ut Rev. Pater pristinam recuperaverit salutem; qui tamen frequentes has horridorum morborum ac symptomatum minas, majorum ut plurimum nuncias jure pertimescens, sub Præstantiorum facultatis Medicæ Virorum confugit præsidium, ut sic tutius salubrem vitam agere valeat.

Cur Athletarum habitibus non solutis majora ac sæviora symptomata succedant, si quispiam quærat, respondendum: quia corruptio optimi pessima. Et ideo mirum non sit, si Adm. Rev. Patris olim optimo habitu ad summum bonitatis perducto, à copia succorum nativo calore suffocato, & adscititio adaucto, ab hoc corruptiones contigerint, & in biliosam materiam transmutationes, unde biliosæ Diarrhœæ atque dysenterię successerint: ab illo verò cruditates emerferint, quę à sanguine circulante per carotidas ad caput delatæ, in eodemque tanquam parte imbecilliori depositæ, & inde per nervosam & musculosam substantiam ad partes infernas transmissæ, & oris torturam, & palpebrę resolutionem induxerint. Quoniam verò non satis rota massa sanguinea fuit depurata, hinc factum fuit ut Cauterii exasperati occasione non exiguam pravi sanguinis portionem ad brachium & axillam deposuerit ipsa natura, ad majorem totius massæ sanguinæ depurationem. Verum quia ejusdem Rever. Præsb. caput calidam & humidam intemperiem à natura sortitum fuit, quę ab erratis in vivendi ratione commissis, & præsertim in aëris inclementiis, augmentum, imò excessum suscepit; ideo propter illam multiplicata cruda ac pituitosa materia, & ad musculosas potius, quàm nervosas partes rursus secunda vice detrusa, & palpebrę relaxationem, & oris torturam antea remissam renovavit, & exasperavit, tandem medicamentis electivę purgantibus atque Topicis expugnatam. Quibus omnibus consideratis, de alia recidiva sive majori imminente malo non sine ratione dubitat Adm. Reverend. Pater, cum intemperies calida &

magis

magis humida in capite vicens, materiam catarrhalem suscipiendi & reproducendi vim obtineat, eoque magis, cum non adeo exquisitæ vivendi rationi seipsum tradere possit: cum enim Studiosus sit, ab applicationibus abstinere non poterit, præterquam quod & in reliquis rebus non naturalibus debitam mensuram servare eidem non adeo facile fuerit.

Quare ut tutiorem vitam degere possit, humidam capitis intemperiem corrigere necessarium putamus, capite prius expurgato, & ante caput, toto venoso genere depurato, primis viis ante omnia inundatis.

Quibus intentionibus satisfaciendum repetita sanguinis missione ex utroque brachio, quantitate Viro Excell. Assistenti commissa. Cauterium jam inultum custodiendum.

Primæ viæ Lenientibus & congruis Præparantibus sine diluto expediendæ. Inde ad massam sanguineam defacandam erit deveniendum, indicatione ab extracto sanguine desumpta, quem quoniam cruditatibus abundare facile credi potest, ideo oxymel. diluto præmisso, jus superbibere poterit cichoraceis, agrim. pentaphyllo, melissâ & fumaria alteratum; & si aliqua quoque adustio in sanguine observata fuerit, juri alterato succi quoque depurati cich. & borag. addi poterunt. Transactâ hebdomadâ, expurgatio procuretur, addendo potioni ex manna clarif. in infusione consueta rhabarbarum & agaricum: Vel parentur boli ex elect. lenit. diacarth. & diaphen. Quibus tamen omnibus superbibat aquam hordeaceam live Nocerianam. Repetenda mox iterum Præparantia, quibus addi poterunt grana 12. aut 15. sal. Tart. & eadem Purgantia mox iteranda; Ut inde ad capitis expurgationem deveniatur pilulis cochiis, aureis & aggregat. ter quarto quoque die repetendis; & diebus intermediis præbeantur succi depurati agrim. beton. & fum. in decoctione cichoraceorum; additis foliis majoranæ, salviæ & stachadis; quo eodem tempore; matutinis horis per nares quoque caput idem expurgari poterit erthino ex pulvere majoranæ, freos, nigellâ & tabaco parato. Quæ jam dicta omnia in gratiam postremæ & magis necessariæ intentionis peracta fuerint; huic autem satisfaciendum sudorifico Decocto ex visco querc. ligno ros. mar. falsâ, guaiaico, in aq. stillat. cichor. & beton. parato, cui progressu addi quoque poterit portio, aut lentisci, aut santalorum; sudor verò in hypocaulito provocandus, ut totum corpus, & caput præsertim abundè sudare possint. Et ut sudor felicius provocetur, utque massa sanguinea facilius purificetur, præmittatur pulvis viperinus ad gr. 15. aut 20. & in hujus usu 40. diebus persistat; decimo verò quoque die potionem ex manna clarif. de more assumat, ad humiditates redundantes à potu secundæ aquæ excernendas; & ratio vitæ, sit quidem attenuans, at non adeo tenuis.

Abtoluro sudore, si Viro Prudentiss. Adstanti visum fuerit, aliqua caloris contemperatio opus esse; rursus aperiri poterit vena brachii, parcè sanguinem educendo; & quindecim diebus uti poterit portione matutina, ex lib. i. aq. stillat. de succo cich. addita conserva de acido citri, aut præmissa conserva rosatum; cujus usus statim ab assumpto cibo & sub ingressum lecti non inutilis fuerit.

Hisque omnibus congrua vivendi ratio erit addenda, à Peritissimo Viro præscribenda, cui reliqua quoque omnia meliùs dirigenda; imò & corrigenda remittimus. *Idem ibidem.*

Observationes.

Oris Fætor

Causas fœtentis anhelitus potissimum quinque; repetio. Primum quidem vulgatam maximè, supersti-

tem sive ex ciborum reliquiis seu gingivarum vitio mucilaginem, albam illam & dentium margini, quâ insinguntur, circumlitam, cui adjungas licet, quâ in dentium molarium cavis colligitur putrescens verminansq; propediem succus. Deinde est sanguinis intra gingivarum venas concrecentis stagnantisque pûtredo. Tertio est, qui ex Ventriculi corruptelâ halat nidor, animam cætera puram itineris societate defœdans. Quarto etiam ipsi sanguinis texture immixta pûtredo animam quoque redeuntem comitari atque perpetuò infamare solet; Tandem etiam, quâ naribus redditur anhelitus, ab ulcere, Ozænam vocamus, odorem recipit fœdum planè atque impudicum. Primæ illæ species in Belgio, imprimis Hollandia, popularitèr grassantur; & cum dentium ibi cura ferè nulla sit, fœtor ille communis est & ipsa consuetudine neglectus. Oris aut Gingivarum olidum sanguinem sudantium ibidem quoque, quàm alibi, frequentior noxa, & in pueris propemodum malum domesticum, exserentibus, sese ibi primum hæreditarii Scorbuti rudimentis; Stomacacem jure voces jam olim notum morbum, quique non ante profligari cum fœtore symptomatico potest, quam extèro cruore oris integritatem per Balsamica & purificantia; per Myrrhata, Camphorata, Spirituosa & Alcalina procuraveris. Qui à Ventriculi saburrâ aut putredine nidor est; mirificus sæpe & quasi stercoreus, nisi jam antè diu insedit aut congenitus est; Emetico faciliè propulsatur; aut aliàs corrigentibus Antiscorbuticis lente resolvitur. Hecticis autem vel tabidis certum inhærescit odoris virus, quod pulmonibus rejectum animam corrumpit, neque nisi cum morbo sanari potest; adeò durat plerunq; & commoritur. Quis autem credat in tam manifesto sanguinis vitio & odore impudico vivere diu homines posse, vivunt tamen & egra membra in seram ætatem trahunt, &, quod mirandum in illa animarum communionem, sine ullo contagii incommodo; fortè, quod sua cuique aura & peculiaris temperies in Antidorum transit. Novi olim Matronam hecticam, viro nuptam robustissimo. Hic Conjugis miseræ sanè & malè olentis contubernio delectatus; etiam inter basia & animarum inisturas, quibus amor declarari solet, non tantum incolumis mansit, sed & octoginta annos natus ex marasmo senili, ne quid à consuetudine illâ traxisse videretur, occubuit. Liberos autem omnes, numero sex, Hectica intra trigésimum ætatis annum erumpens absumpsit. Mater ipsa trigésimo quarto ætatis anno liberorum partu defuncta, tandem & ipsa defecit, quæ quotidie mori visa erat. *Joh. Nicol. Pechlinus in Observationibus Medicis.*

Anhelitus & Excrementorum Odor

-Moschatus.

Famigeratum est in Historiis, quo melior esset Regum aut Heroum veneratio; singularia quædam de iis & humanis votis majora effecta esse, nunc nævos quosdam prodigiosos in corpore latentes, nunc lucem aliquam lambentem, hunc gratum quemdam odorem, quo ne sudores quidem aut excrementa caruisse fabulantur. Alexandri adulatores, ut hominis majestatem redderent augustiorem & propemodum divinam, commenti sunt *εὐωδία* aliquam, quam corpus spiraret; atque utinam ea superstitio non etiam in nostri sæculi homines defluxisset; & Docti quoque, ne temere dominatum & fasces eruditionis in aliquem ingenii viribus majorem, cætera *ὁμοιοπαθίᾳ*, contulisse viderentur, ejusmodi res, aut accidentium lusus; pro libidine effinxissent; fuisse tamen aliquid singulare in certis corporibus non negaverim, sed quod in divinitatis argumentum rapi omnino non debuit, ne reperta in aliis, iisque minorum gentium Diis, prodigia plane eadem

conceptam pridem venerationem traducerent. Adeo etiam ad asserendam aut augendam divinitatis suspitionem, quæ in Josepho Scaligero resedisse visa est, ineptè allegantur, quæ domesticorum testimonio sibi constituisse ait Vir magnus, excrementa nimirum ejus sudores alvi scybala non reliquorum hominum more fœdum quid, at Rosam, at Moschum, oboluisse. Solet hoc Phyllicorum vulgus ab æquabili & harmonico elementorum concursu & partium aliquâ *συμμετρίᾳ* unde & animi quædam magnitudo exsurgat, deducere, sed inani & specioso conatu. Erit ergo, si placet, absolutissima quædam tum elementorum tum particularum temperies in Fele Zibethicâ, in Caprâ Moschiferâ, in Caudâ Vulpinâ, in Sorice & Glire moscharis, in muscis Pisanis Chimentellii, ut quorum excrementa, jam etiam corpora, nacta sunt odorem planè acceptissimum & ad fucos quæsitum. Quod si odor ille argumentum est harmonici particularum contextus, major erit in excrementis, quàm corporibus, quorum ipsa sunt partes, perfectio, quod sane quàm inficetum. Adhuc ipsa illi odoris gratiâ in exili momento & certo particularum occurfu consistet, quo mutato jam & odor pridem adeo gratus infamis est atque invisus. Nimirum quæ particulæ in molem coactæ unitæque naribus nostris graves sunt atque molestæ, illæ divisæ multoque intercludente aëre narium sese organo commendant gratiamque sensus aucupantur. Equidem Vaccarum excrementa nuper tam grave olentia, ubi certum digestionis gradum attingere, vel moscho factum faciunt, & imbuendis odore linteis alibi servire solent; & fuit fortè olim illa etiam stercoreum Crocodili gratia, ut quæ in fucum adscita mangonum quoque *ἀνθρώποις* ornavêre; atque hinc Horatii istud; Nec illi jam manet humida creta, colorque stercore fucatus Crocodili. Quidquid demum hoc sit, relativæ sunt hæ qualitates & suo quoque organo estimatæ; nam quæ certis hominibus grata accidunt, aliis fœda & *δυσώδεια*, & quæ nos in universum narium judicio, velut ingrata, aversamus, plerisque animalibus non sunt talia, aliquibus etiam in delictum vocata. Sanè scybala humana damnatissimi odoris, si judicio nostro credendum, Canum Porcorumque naribus gratissima accidunt & odoris inacio in escam sollicitantur. Tantum ergo abest ut concursum quendam Elementorum ex equo commonstrent, ut contra corruptelæ speciem manifestò designent, neque ante narium gratiam sectentur quàm putredine soluta; quæ usq; eò progrediuntur, ut, cum malè olentia putredinem arguant, jam ipsa illa mutata suaviusque spirantia majoris corruptelæ sint signum. Ufus sum olim familiaritate Sacerdotis pii ac honesti, causarii tamen & à Scorbuto malè affecti, Exhalabat hic semper animam fœdam atq; impudici odoris, cujus etiam occasione consuetudo hominis mihi aliquando molesta erat. Cum itaque semel gratus quid & Moschi odorem spirare animam offenderem; quâ eram libertate, objurgare hominem cœpi, quòd corruptelam corporis fucò adscitisque in speciem odoribus velare non dubitaret: Ubi ille, nolim, inquit, te male habeat odor hic insuetus; hic enim non infrequenter fœtore aliàs domesticum mihi & quotidianum excipere solet, & tum maxime, cum morbi mihi gravius metuenda est tempestas; adeo scito hoc uno prodromo monitore in propinquo esse, quem metuo morbum. Et sane ita erat, protinus enim morbus invasit eumq; lecto affixit, à quo nec ante immunis factus, quàm animæ fœtorem, quem pridem cum morbo amiserat, reciperet documento insigni, odorem illum gratum majoris putredinis indicium fuisse, quàm *δυσωδία*. Pharmacopœum quidem novæ artis suæ callentissimum, sed valetudinarium & Tabæ laborantem; hic ut in ceterâ animi constantiâ spiritum trahebat magis quàm ducebat, identidem periculosus conflictabatur, quod quoties immineret ex urinis colligebat, illæ enim &

aliter coloratæ quàm pridem, & Violarum halantes odorem jamjam adfuturum Paroxysmum significabant; atq; cum hisce invalescebat morbus non ante desiturus, quàm Urinis naturalis ille atq; inficetus odor redisset. *Idem ibidem.*

Distortio Oris percurata.

Superiori anno tres mihi oblatis sunt distortionibus oris laborantes; duæ primariæ fœminæ, & civis Academicus unus. Omnibus ex rictu nimis patulo, tempestate frigidiori os in alterum latus reflexum iniram vultui deformitatem addebat; quin & cibaria ægrius deglutita, laxato velut in paralyfin nervo, qui maxillam alteram gubernabat. Ut ergo obliquitas illa tolleretur, vocata à me in usum purgantia cephalica, vesicatoria in occipite, & ad aurem affectam, cucurbitulæ scarificatæ, castorei extractum & spiritus, quibus denique cessit pertinax malum, & ora (adjuncta diætâ ad siccum declinante) jussu loco quievere. D. *Olai Borrichii.*

De Calculis Oris sub lingua suis & Batrachio, quos Epid. 7. memorat Hippocr. Sed quorum sedem nemo hominum detexit antè hunc annum 1664.

Recentem historiam mihi retulit Clariss. Car. Drelincurtius, lapillosq; mihi ostendit 5. quos sibi è 7. conservat, & quos ipse unguium apicibus una vice è ductu salivæ inferiori dextrâ revulsit, ubi tumorem pepereant enormem atq; contumacem. Dum enim Præses meus remedium radiò afficeretur, & exactius in tumorem sub linguâ monstrificum inquireret, quippiam rugosum prominulumq; deprehendit, idque præcisè juxta frænulum linguæ & à dextris, ubi rumor rebellans assurrexerat in molem stupendam. Mox conjecit obstipata esse ostia salivosi ductûs sublingualis dextri, nec eventus conjecturam fefellit, nam unguibus summis obturamentum illud tam feliciter corripuit & eduxit, ut salivam protinus plurimâ glutinosamque expuerit ægra, tumore illo horrifico penitus subsidente. Re diligentius exploratâ percepit Præses meus calculum fuisse grandiorum unum quem unguibus evocasset, qui cæteris minoribus sex viam interclusisset intra ductus illius salivosi decursum; atque adeo salivam exitu prohibitam enormiter inibi fuisse coactam, donec referatis canalibus illius ostiis plenissimè fuerit eructata, unâ cum calculis illis adunatione suâ inibi stipatis & canaliculum enormiter expandentibus; Sic dies diem docet, & veritas pedetentim eruitur è puteo. *E Theſibus Discipulorum Præclariss. atque Ampliss. D. Caroli Drelincurtii. Annò 1670. publicatis.*

De eodem Calculo sublinguali observatio aliâ.

Non absimile quid historiæ è Clariss. D. Carolo Drelincurtio mox allatæ mihi etiam anno 1680. observare contigit, cujus integram descriptionem hic insere non pigebit. Vir Honestiss. D. R. Mercator apud nostros integerrimus, Plerhoricus & valde obesus, ac subinde fluxionibus ad fauces, quasi strangulatoriis, affectus, anno præmemorato, post omnium à parte dextrâ, salivalium glandularum, ac proinde ejusdem lateris parotidis, tumefactionem maximam, in eum deducebatur suffocationis periculum; ut subinde de eo conclamatum meritò crederemus, dum in morbo rebelli, pro liberandis faucibus nihil proficiebat; nec etiam dabatur os satis aperire ut quid demum in eò latitaret malignitatis advertere liceret. Quid sit? Momento post sputum aliquod purulentum, maxil-

maxillæ minùs clausæ fuere, unde per eas aliquatenus referatas nobis videre licuit, vas salivale sub linguâ interiùs à dextris situm, per minimam etiam partium ad basim oris sitarum compressionem, multum pus fundens, atque ita referatum, ut filum argenteum, imò etiam Syphonis tubulos tenuiores, quibus in partis collutionem liquores deterfivi injicerentur, facile admitteret, sicque commodum tandem fieret in corpus obstruens, totiusque tragediæ ministrum incidere; scilicet in corpus durum quod promptam sui amotionem indicabat. Situm erat in confiniis glandulæ sublingualis dextræ, quò cum datum fuisset penetrare, non sine multò labore, per instrumentum aptum, extractum illud fuit, nobisque tophosum, sed solidius, & magnitudinis suæ fructum olivæ mediocris referens, visum est. Momento remiserunt symptomata, scilicet, remora humoribus salivalibus, ipsique sanguini per eas buccarum partes naturaliter circulanti à corpore extraneo injecta, perque ejusdem remotionem sublata, illis cursum dedit liberum, unde quicquid excursions in viciniam fecerat, brevi in suos revocatum canaliculos, fauces constrictas laxavit. Vulnus ab instrumentò, pro calculi extractione, inflictum, solò melle rosaceo, tincturæque è myrrhâ, thure, aloë, &c. in spiritu vini portione, intra paucos dies curatum est; sicque Vir Egregius ab imminente periculo evasit; & per plures annos vitam protraxit; quam hòc ipsò tantum annò 1695. per suffocationem à nimia obesitate, & pravo regimine advenientem, tandem amisit.

Anatomica Inspectio.

Oris fœtor à Thymo glandula corruptis humoribus infecta.

Thymum novi, ex quo undam lue venerea infestorum cadaverum sectionibus id doctus, tam certò instar spongiæ ab excrementitiis corruptis humoribus intumescere, quàm ter tria sunt novem: unde quoque sonora non sunt voce, egre cibum potumque deglutientes, sæpe per foramina nasi in nares ea excernentes; ægre spirantes insuper, compressò à tumore Thymi œsophago, renitente cartilaginosa aspera arteria, (hic illico ignarus Anatomes crepabit occultam causam morbumque Formæ) Imò suspicor eisdem ob pravam hanc Thymi constitutionem fœtenti esse anima, salvis adhuc Pulmonibus: (Id enim si ita se non haberet; aut exulcerati pulmones essent, quò quæso fieri posset, ut spatium sex septimanarum lue venerea infectis mederi possemus?) non tussientes, sed sputatores ac sreatores; unde quis, si non facilè halitu, at sputo contagioso & osculo spissiori interveniente, inquinari per facile potest: Quæ omnia de Thymo hîc tradita, quoque lue venerea laborantium medela confirmat, facta per ptyalismum artificialem, quem collo circumdatum empl. de ranis Vigonis simplo vel duplo mercurii constans, promovet & accelerat: Licet verò Thymus in sanis & ætate provectioribus, ex Warthono, exigui sit ponderis vel magnitudinis, imbibit tamen plurimum feri, sæpe corrupti, ob situm quem habet inter divisiones arteriarum & venarum subclaviarum satis insignium. S. Pauli Digressione de Febr. malignis §. 17.

Oris Fœtor ab ulcere ventriculi genitus.

Matrona annos 60. nata ex ore spiritum fœtentem multis emiserat annis: E naribus graveolens quoque mucus concretus subinde extrahebatur, virens aut omnino varii coloris: Dolor circa ventriculi regionem assiduus, non tamen valde molestus; ut quem lenire poterat sacculus in quo herbæ, semina & aromata unâ

cum gossypio confuta erant: Mens & sensus ad extremum conititerunt, longo morbo confecta è vita discessit.

Ventriculus hujus exterius ab omni parte, superficie tenuis, exulceratus extitit, & quæ ipsum contingebant universa, non tamen alia quàm qua ventriculo contigua erant parte: Cerebri substantia integra, sed copioso admodum humori velut innatans, qui fomes esse potuit muci qui sæpe in naribus concreverat.

Graveolentia ex ore variis effertur de causis; quandoque in ore, faucibus, aut juxta nares, vel in ipsis vitium consistit: subinde in pulmone latet, quandoque verò ex ventriculo odor procedit: Tradunt recentiores vitio ventriculi graveolentiam fieri, majoremque esse corpore jejuno, minorem vero ab assumpto cibo: verum hujus matronæ ex ore fœtor semper similis fuit, neque unquam sive post cibum sive ante cibum remissior: Ulcera tamen ventriculi causam fuisse graveolentiæ satis apparuit. Dodonæus cap. 25. Observ. Medic.

Oris Fœtor à Pulmonibus oriundus.

Cuidam cum aphthosum os & gurgulio fuisset, cum Anhelitus insuavitate, excretio puris contigit: Aperto corpore totus internus thorax syderatus apparuit: Et nos vidimus Dominam cui saniosum os est & velut purulentum, fœtens: Dubitant Medici an à Pulmonibus à cerebro Ballonius Paradigmate 108.

Interiorum oris partium gangrana & corruptio, ab hydrargyro in cerebro post litum relicto.

Vicentius Boniventus, Patritius Clodiensis, à juventute omnibus carnis voluptatibus addictissimus, indeque quasi consumptus, postquam quinquies ligni s: salsæ parillæ, mechoacæ decoctum assumpisset, terque sed frustra inunctus fuisset, tandem cuidam meretriculæ se curandum tradit, quæ quidem illum tali medica dignum ita tractavit, ut magna inflammatio in palato, ossæ cribroso, in columella & partibus omnibus illis adjacentibus, à mercurio male extincto, & aliis corrosivis facta, subito in gangranam, & mox in cancrum verum affectus terminaverit, adeo ut quotidie aliquid ex partibus illis corruptis & putrefactis excrearet, & gurgulione partibusque vicinis primò ejectis, eousque progressum est, ut & demum cerebrum ipsum excreatu per os exspueret maximo cum fœtore: Tandem miserrime obiit.

Mortui caput serra aperui, filisque inembranulis liberavi, prout potui; erat enim tantus ibi fœtor, etiam sub dio, ut nullus astare posset: Nihilominus magna patientia, summoque videndi desiderio ductus, superiorem cerebri partem cultello satis largo amputavi, & confusis omnibus cerebri ventriculis multum argenti vivi cum cochleari in eis collegi, & illud ipsum charè reservavi: atque intolerabili fœtore victus & exturbatus, vespilloni cadaver sepeliendum reliqui. Ex Observationibus D. Georgii Garneri. D. m.

Oris fœtor à nimia Pylori laxitate.

Oris fœtidus anhelitus ab intestinorum excrementis prodire solet, quando ob nimiam laxitatem & dilationem ventriculi, illiusque præsertim orificii, Pylori dicti, quo se in intestina aperit, is nimium patet, vixque exactè amplius constringi occludique potest, sicuti naturaliter fieri debet, tunc fœda excrementorum exhalatio sursum per intestina exspirans, per apertas hæc & laxas vias in ventriculum, indeque ad os usque delata, anhelitum fœtore suo inficit: Quam nos præcipuam causam illius oris fœtoris, qui

stercorosum odorem exprimit, esse diligenti inquisitione deprehendimus; Ob id adeo perseverantem & pertinacem, cum ab organi vitio procedat, quod ægre reparari potest: Cui occasionem crapula diu continuata præbere solet, ex qua tandem ventriculus adeo laxus redditus, vel alia illius imbecillitas sequitur. *Platerus de funct. laſion. lib. 3. cap. 3.*

Equi, cui os subito obrigit ut pabulo frui nequirit, Anatome.

In stabulo regio dissectus fuit à Chirurgis Regiis Philippo Hacquardo, & Henrico Sriver, in præsentia Augustissimi Regis, Procerum & Medicorum Regionum Equus generosus, cujus affectus fuerat, quod subito os obrignerit, clausumque fuerit, ut pabulo vesci nequiverit, unde sensim contabuit. In hujus affectus causam inquirunt, sequentia in sectione strangulati animalis invenerunt, quæ deinde diligenter annotavit Senior Medicus D. Simon Paulli.

1. Statim jugulato equo muscoli colli & dorſi, (qui vivente animali tenſi & duri erant,) flaccidi evaserunt.
2. In apertione abdominis, inter peritonæum & musculos abdominis, ichor quidam flavescens observatus, ad os pubis usque protensus.
3. Inter intestina & peritonæum multi vermiculi candidi longitudine digiti, crassitie fili mediocris, partim mortui, partim viventes reperti.
4. Omentum pravi coloris, exile & contractum.
5. Lien colore p. n. in limbis contusus quasi, ut fricari potuerit, colore quam reliquum lienis corpus, rubicundiori.
6. Epar valde magnum, concava parte plumbeo colore, convexa sanius, sine vesicula fellis, sanguine, qui in vasis erat, nigro & adusto.
7. In ventriculo satis parvo, magnâ copiâ vermes singulares reptabant, rotundi, crassi, nigri, crisei. Aliquot cochlearia plena quoque aquosæ, flavæ & nigrescentis humiditatis.
8. Pylorus ferè cartilaginofus.
9. Cor insolite magnitudinis, in sinistro latere durum quidem tactu, sed secari tamen aptum. In ventriculis polypus $\frac{1}{2}$ quadrante longus, pollicem crassus.
10. Pulmones exiles, duri, colore p. n. præditi, nempe pallidiores præter morem aliorum animalium, immisso siphone immobiles.
11. Musculis colli digito separatis, utrinque ad latus arteriæ asperæ, præsertim ad latus sinistrum, pellucida, flavescens lymphæ inter musculos adhuc membrana sua involutos reperta.
12. Glandule pone aures, & infra maxillam inferiorem, solito copiosiores, magis pariter & exiguæ, quarum minores digitis facillimè, majores minimè friabiles erant.
13. Caput à vertebra colli prima reſectum nihil insoliti monstravit.
14. Separatis musculis maxillam inferiorem moventibus, penitusque abscissis, & carne ossis palati reſecta, maxilla tamen immobilis mansit in articulatione cum superiori, ut manibus fortissimis separari aut aperiri non potuerit.
15. In cerebro nihil p. n. notatum, licet solito fuerit siccus. In cranio os singulare inter cerebrum & cerebellum observatum, quale in canibus solet.

Judicium Anatomicum & Medicum de Equi Regii morbo.

Quæſtionem sibi in Aula propoſi m, quæ Causa fuerit quod Equo Nobili subito & insperato maxillæ

contractæ fuerint, ut cibum capere nequiverit, & spina dorſi obriguerit, eruditè solvit Celeberrimus D. Simon Paulli Regionum Medicorum Senior, & publico scripto lingua Germanicâ edidit Hafniæ. Neque ea cura infra dignitatem ejus æstimanda. A Medicinæ enim, si credimus Vegetio Præf. Art. Veter. non adeo in multis discrepat Veterinaria. Imò Jo. Phil. Ingrassias Quæst. de Veterin. c. 13. Veterinarios Protomedicorum examini subiiciendos voluit. Certè Artem Veterinariam & Hippiatricam plures Viri illustres & exercuerunt & descripserunt sine famæ detrimento, quorum catalogum hic texere non vaeat. Verissimè enim Vegetius idem: Ipsa opera Mulomedicorum videtur adjectior, notitia autem curationis non solum honestissimis, sed etiam disertissimis convenit. Per compendium igitur repetam libelli laudati D. Sim. Paulli præcipua momenta, rationes prægnantiores & observationes Medicas notatu dignas. Respondet igitur Anatomicus expertus.

1. Sanguinem omnem totâ substantiâ corruptum, unde polypo cordis nata occasio, quem ante cum Chirurgis in humano corde repentina morte extincto cum veneni oblatis suspitione Hafniæ viderat.
2. Notandum inter musculos abdominis ichorem insolitum, uti & inter musculos colli ad latus utrumque arteriæ asperæ collectum fuisse.
3. In Studioſo Chirurgiæ Gallo, cum Hafniæ ex gangræna os humeri reſectum esset, successisse post paulo maxillæ inferioris immobilitatem, ut liquida per dentium rimas haurirèt, & per easdem verba proferret.
4. Eidem Chirurgiæ candidato 24. horis antequam expiraret postremum, præter convulsionem colli prædictam, etiam Tetano universum corpus, brachia, pedes & dorſum obriguisse, ut integro intellectu, neque ipse neque aliorum auxilio se membraque sua movere potuerit, sed trunci instar ad faralem usque horam decubuerit.
5. Viduam Pastoris Primarii post choleram morbum simili Tetano comprehensam ex esu limonii, quod febricitans aliàs ægra diu manu versaverat.
6. Ex suppressio igitur sudore in his exemplis, & in Equo Regio Tetanum oriri posse. In cujus rei confirmationem duo exempla notabilia recenset. §. 9. & 10.

Primum de puero 14. annorum, cui ex suppressio sudore in paroxysmo febrili tertio spasmus levis quartum decimum post diem successit, oris, colli & aliarum partium, moxque tetanus earundem partium & nonnullarum paralyſis, ut integris sensibus internis non tantum mutus fieret, sed oculis solis nutu animi sui sensum exprimere potuerit. Hæc symptomata superveniens febris maligna curavit, qua rursus ex methodo extincta paronychiæ digitorum succreverunt, partim decocto sudorifero ex china, partim chirurgi manu sanatæ.

Alterum Nobilis quidam in choreis velata facie larva intus argento foliato obducta subministrat, qui cum sudorem intra larvam collectum abstergere non posset, musculis oris convulsis, spasmodum Cynicum passus est.

Ex his observationibus & hypothelibus de circulatione & Lymphaticis Vasis ad Equi Regii morbum devolvitur

Author, sanguinemque, corruptum vellicasse musculos & lympham extra vasa sua magis quam sanguis malignam suspicatus.

Ex intempestivis verò habenis nimisque arctis, circa collum compressis glandulis, & cursu exercitiisve excalefacto, & maturius ad aquæ potum adducto, forsan sudorem repressum, Tetanum aliaque Equorum mala induxisse. In rusticorum equis affectum illum capitis, vulgò Fiebel, provenire partim ex crassioribus habenis caput constringentibus, partim quod in pratis humidis frigiditque gramin mordicantes, infrigidentur pedes. Magnum autem consensum pedum & cordis esse, circulationis beneficio, experimentis duobus demonstrat.

1. Juris quidam Doctor Hafniæ ex sphæristerio reversus in hospitium, pedes frigida immergens, post paulò in lipothymiam & cordis palpitaciones incidit, ut fere obmutuerit pultu perditio: Revocavit istum ab orci faucibus calido vini spiritu quo lavit pedes, & vino Gallico albo, cui calidissimo immerit pedes.

2. Similia passam fœminam, mentium tempore inordinatè viventem, curavit immisso brachio cubitum tenus in amphoram vino Gallico calido repletam. *Thomæ Bartholini.*

OSSIUM MORBI.

Ossium fabricam, variosque etiam in fœtu progressus, qui videre cupierit, consulat, tum quæ per transennam & aliud agens, paucis quidem, sed accuratissimis explicuit verbis Illustrissimus Malpighius, in suâ Plantarum Anatome; ut & quæ ex professô hoc in argumento vulgavit Præclarissimus Kerkringius, suô de Osteogonia Fœtuum verè aureô tractatû. Numerum verò, figuram, appendices, ac colligationes varias quod attinet; illa omnia abundè traduntur apud Systematum Anatomicorum Scriptores, & præcipuè apud Vesalium, Spigelium, Bartholinum, Dieterbroeckium, Blancardum, ac præterea inter alios multos apud Doctissimum Havers, qui non tantum de ossibus in genere; sed etiam in specie de eorum natura partibus & internâ structurâ; de eorundem accretione & nutritione; de periostio; de affectionibus ossium in rachitide & nodis venereis; de medullâ; de glandulis mucilaginosâ & usu mucilaginis in juncturis; de causis item rheumatismi & arthritidis, & de modò quò hi morbi generantur; ac tandem de cartilaginibus, satis fusè egit in tractatu cui titulus, Osteologia nova, sive novæ quædam Observationes de Ossibus, & partibus ad illa pertinentibus. Lectorem itaque ad hosce Autores meritò hic remittimus; ne opus nostrum jam grandius ex istis rursus accrescat; quorum selectum in novâ nostrâ Bibliothecâ Anatomicâ editione videre dabitur. In morbis itaque in præsentiarum unice nos continebimus, ac etiam circa eos quandoquidem jam de carie, cum, vel sine ulcere, de fracturis, de gibbositate, luxationibus, rachitide, exostosis in lue venereâ, propriis disseruimus capitibus, hic tantum de Spinâ ventosâ aliisque paucis per Curationes, & Observationes agendum restat, quibus tantum præmitteremus quæ compendiò duabus Observationibus complexus est Vir eximius ac verè ingeniosus Clariss. Johannes Nicolaus Pechlinus, de ossium, in primis & suturarum generatione, item de tendinum, membranarum, cartilaginum & ligamentorum ossificatione.

Ossium, imprimis Cranii, & Suturarum generatio.

In generatione nonnullorum Capitis ossium notavi eam primùm in membrana fieri, & à principio centrali tenuissimo æquali undique conatu in circumferentiam exire Ideam ossificam; tandem etiam occurrentia sibi laminarum extrema convexum illud capitis, si hiatum exceperis Rhomboidem, cooperire totum. Jam verò eâ parte, quâ prima ossium semina prodiere, Cranium durissimum est tuberculisque velut condylis se manifestat, qui rotunditatem illam capitis nonnihil depravent. Quod autem in Capitis quoque ossibus alia citius alia tardius adolescant, causa est Centrorum seminalium matura aut lenta eruptio, ut in appendicibus ossis Occipitis apparet. In Craniis imperfectorum fœtuum Centra illa seminalia luculente

conspiciuntur & soliditate se suâ produnt. Verum & hoc notatu dignum, ab illis centris emissitias quædam sturias super membranam lente excurrere, ut aquarum superficiiei incumbere glaciei ramenta solent quæ deinde intervenientibus aliis stiriis aut recepto in interstitia quædam reticulata succo osseo in planum coeant convexum. Et verò Ossificationi inesse vim quandam Crystallisationis æmulam hoc fortè probaverit, quòd in medio fluido illa concretio eveniat perque acuminatas sturias, quæ cum in dentatos exeant limbos, Suturas efficiunt serratas, & connexionem, modò ita vocare jus sit, *γυγλυμμοειδῆ* aut cardinaram. Verum quò texturam hanc & crescendi modum melius intelligas, libet Malpighii, oculatissimi Anatomici, verba adscribere, quæ libro 1. de Anatomis Plantarum protulit. Fœtus ossa & Cranium præcipuè filamentorum progressum exhibent; hæc non omnino sibi parallela sunt, & hinc breves appendiculas ligamentosas promunt, quibus invicem colligata rete efformant parum à libri arborei naturâ distans, cujus potiores aræ & tota fibrarum compages exsudante osseo succo repletur & tumet, successivis incrementis nova fibrarum plana superinducuntur, quæ præexistenti lamellæ osseo agglutinata succo debitam molem & firmitatem excitant. Putent autem singula plane resolutione factâ per longam ossium macerationem; integræ namque ossæ reticulares bractæ evelluntur; in Abortibus verò in Cranio inchoatum rete evidenter absconditur. Cui istud duntaxat habeo, quod adscribam, esse nempe in fibrarum istarum aut filorum interstitiis, antequam in planum solidius coalescant, imò etiam, cum jam coaluerunt, poros quosdam pervios, qui tamen ipsi fibris arctius contextis aut succo opplati osseo cum tempore obliterantur. An quod, cum succulentiora sint omnia *ὀστέα*, transpirationem requirant copiosiorum; an, quod ille Naturæ sit defectus omnia tarde completis, non facile dixerim. De Centro seminali cum ante ostentum fuerit illud è medio exsurgere, in uno osse frontis contrarium notasse videtur Kerkringius; namque ibi fermentum ossificum primum oras legere suturarum & orbitæ oculi, neque Centrum Cartilagineum nisi sero in os consolidari. Quod nisi experientia ille defenderet, facile aliud persuaderet Centrorum frontalis natura, postquam jam facta sunt; plane enim eadem tuberculorum illorum facies, quæ est vel sincipitalium vel aliorum; & æque ibi omnes stiriæ vel filamenta à centro exire videntur atque in cæteris ossibus, ut, quamvis solidum ossis in centro tardius erumpat, vim tamen illam aut Ideam ossificam jam initio ibi latuisse necesse sit. In Suturis notabile est, superioris ac inferioris laminæ coalitum non esse parallelum, qui tamen magis è directo respondeat, quâ parte hiatu fuit Rhomboides: Forma autem coitionis hæc est, ut inferioris laminæ denticuli non ante laminæ & superiori & obversæ jungantur, quam partem ejus crassiorē attigerint; nisi enim hoc esset, nimis profectò tenues commissuræ ad levissimas injurias fatiscerent. Itaque hac ratione factum est, ut alibi vel ad digiti latitudinem à parallelismo distarent Suturæ & exterior & interior. De Fontanellâ rectè observatum à Kerkringio maximam ejus partem ossibus frontis deberi, cujus ore et si sero coeant, tamen, cum coeunt, Suturam constituunt *ἀρραφον* vel Suturam non Suturam, eamque non ex lineari aut harmonico sed denticulato congressu, ut curioso oculo apparet. In Æthiopsâ, quam nobis fortuna ante annos quinque obtulerat, cranium offendimus præter Riolum opinionem maximam partem *ἀρραφον*: Coronalis quidem & Lambdoidalis vestigia exterius nonnihil manifesta, intus verò præter Coronalis ductum omnia obscura, ut necdum intelligam, an, quem usum vulgò Suturis adsignant, promiscuus sit & uni-

versalis. Habet certè à πᾶσι Velschius in Observat. Hecatoosteis exemplum Cranii sine Sutura sed & sine dolore. De Sutarum autem discessione, re penè incredibili, nisi & Hippocratis auctoritas & Virorum Clarissimorum testimonia intervenirent, haud facillè subscriberem. Arnoldus Bootius libro de Affectibus omis- sis de hac ossium Cranii discessione, velut de re in Hybernâ notâ & frequentî, loquitur. Et ne planè ab hisce terris exulare hunc morbum credam, experimen- to uno atque altero adducor. Vetulam Hamburgi no- vi cum atrocissimis capitis doloribus per triginta an- nos conflictatam; hanc nihil magis quàm isti circa Sutam Coronalem pulsus & Arteriarum palpitationes excruciant, cui si subveniretur, jam & dolori- bus subventum erat. Post longa demum fastidia & medelarum experimenta nihil conducibilius repertum manus auxilio. Nempe fronti atque occipiti applica- ta utraque manus, idque vi maximâ, velut fascino, & dolorem & pulsus tollebat. Quod si horæ unius in- tervallo tolerari auxilium pòterat, aliquot dierum ma- lacia speranda erat; sin intra illud spatium abrumpeba- tur, non penitus adunatæ Sutaræ novis facile dolori- bus januam aperiebant. Ipsa illa muliercula à me roga- ta non aliunde sibi hoc malum impendere ajebat, quàm à Cranii divisione, manifestè enim & vel digitorum documento illam ossium discessionem à se notatam, imò etiâ, invalescente dolore, Arteriarum palpi- tationes insignes valde ibidem deprehensas esse, quod cer- tè ab aliâ causâ, quàm nudo & obvio Membranae Du- ræ Cerebrique pulsantis sensu, in illo Sutarum hia- tu deduci non potest. Aded non dubito, quin infames isti & interitici tot annorum dolores, qui fœminas sibi eripiunt formamque non rarò dehonestant, neglecto pri- dem Sutarum vitio deberi.

Tendinum, Membranarum, Cartilaginum & Li- gamentorum Ossificatio.

Explanavimus mirificam Ossium naturam ab exili- bus centris in diversos sese orbes & solida spargentium. Nunc istud quoque videndum, quàm in varia admo- dum subjecta recidat ossificandi illa vis; neque enim cartilagine solum, sed & membranas & tendines inva- dit. Observat quidem hos Natura gradus, ut mem- brana in Cartilagine, Cartilago proximè in Ostran- feat, verùm etiam reperias; ubi & tendo & ligamen- tum sine difficultate in os convertantur. Tendinis sic- citas in os durat, estque experimentum in Gallis ob- soletis, maximè Africanis, notissimum. Quid quod ego & Cordis tendines aut tendinosos sive Valvularum seu Columellarum processus in ossa concretècere posse probabile judicem; cum vis illa ossifica aliàs quoque Cordis affectet contubernium, & Galenus, quamvis falsò persuasus, libro de Administr. Anatom. omnium Animalium corda ossè aliquo instrui contendat. To- tâ Italiâ differtur miraculum de B. Clara de Monte Falcone, quippe in cujus Corde, ut Religiosi Extispice- tes syngraphrâ testati sunt, ossicula reperta fuerunt tot numero & figura, quæ omnia & singula Passionis Christi instrumenta expresse- rint; ubi an aliud quàm Tendinum per Ventrículos errantium Ossificatio impo- fuerit, censeant accurati juxta & religiosi Anatomici. Videant autem stolidæ superstitionis vindices, qui tam exactè omnia apparatus illi tormentorum, quibus Ser- vator noster excruciat, respondisse volunt, vi- deant, inquam, quid de Lupi piscis capite futurum sit, in quo hodieqte meliore successu ociosum vulgus om- nia Passionis Instrumenta ostendere ad unguem solet. At neque membranas ab ossèâ transmutatione liberas esse ostendit præ aliis omnibus Leonardus Botallus Ob-

servationum Anatomicarum secundâ, ubi Ossiculorum femina per septum Cerebri falciforme diffusa & vidit & miratus est; cui deinde duobus exemplis suffragatur Celebris Anatomicus Joannes ab Horne, addito etiam in fidem rei schemate. De uno autem sic ait: Asservo etiamnum domi meæ falcem è capite Viri Clarissimi an- no 1653, exemptam, in quâ spectare est utrinque, ma- gis tamen à dextrâ parte, ossicula plura à latâ basi in acumen delincentia, & rupis cujusdam instar aspera & inæqualia, durissima item & valde solida, intusque, quantum oculis assequi licuit, quodammodo caverno- sa. Mihi quoque ipsi eadem videre licuit, pascente oculum novo planè & insolito spectaculo. Semel etiam à me visa Lienis membrana, quâ parte vasa bre- via admittit, ossèa omnino & ad notabilem crassitudi- nem. Cartilagine, etsi aliàs ossium naturæ affines, mi- nus tamen mutationem illam recipiunt. Ossèa fuit Cartilago scutiformis in Fure patibulari apud Carda- num, qui Carnificis operam eludebat. Ego etiam olim in Cane vetulo Cartilagine scutiformem jam tum ru- dimentis ossis conspersam reperi, ejus schema, quod mirum illud seminandi artificium curiosè exhiberet, cum amicis communicavi. An verò ligamenta quo- que in os degenerent, non ita liquet, magis alienâ eorum naturâ ab ossium soliditate. At si Arteriæ li- gamenti referunt ingenium, salva res est; nam eas quo- que ossis induere speciem multis Observationibus, ali- quibus etiam meis, est comprobatum. De ossibus Cor- dis Cervi vulgarissima res est, etsi nondum sciam utrum tendinosæ Basis an Arteriæ ligamentosæ illa sit proge- nies. Sed tamen Arteriæ basin variis ossiculis semina- tam atque distinctam in Cadavere Cardinalis Meltii vidit & in imagine ad Excellent. Bartholinum Româ transmisit Henricus à Moinichen Regum Daniæ Ar- chiaterus meritisissimus: Ante annos etiam aliquot in Su- tore Parisiensi, commodante manum egregio Chirurgo Gayant, valvulas semilunares rotas ossèas deprehendit Catolus Raygerus. Jam etiam ante immortalis ille Harvæus Arteriæ descendens portionem cum duobus cruralibus ramis Spithamæ longitudine in os fistulosum conversam & à se exemptam fuisse fatetur, ut, quid Rio- lano, quid Willisio, quid aliis contigerit, præteream. *Hactenus Praclarissimus Pechlinus, sequuntur jam, maxi- mi ac gravissimi illius Ossium morbi qui Spina Ventosa dicitur, Curationes, ex variis.*

Materia hujus morbi est Pituita, locus affectus semper articuli, nunquam verò internodiâ primario; quæ tamen aliquando corrumpantur, id fit ratione symphatiæ.

Modus generationis hic est; si pituita nutritioni ar- ticularum dicata, putrescat, aut quodammodo fiat a- crior, primò ossa corrumpit, & quidem nullo dolo- re, quibus postea corruptis, periostium labefactatur; cujus signum, dolor pungitivus, acutus & lancinans; ita ut patiens referat se veluti Spinâ pun- gi, unde spi- næ nomen morbo inductum: dum verò hujusmodi do- lore æger divexatur, atque periostium eroditur, nullus adhuc apparet tumor; corruptis verò, & quidem pri- mariò ossè, secundariò verò periostio, materia pituito- sa liberè permeans per loca carnosâ, attollit articulum affectum in tumorem, primò mollem, & laxum, ac do- loris expertem: cuti concolorem, qui patefactus durior evadit, confluentè eò humorum copiâ, quorum tenuior pars exhalat, superstitè crassiori; ex quo insuper ema- nat materia serosa, atque specillo, os corruptum, prout dixi, se prodit. Ad vigesimum verò quintum annum circiter plurimùm observavi tum viros, tum feminas huic morbo obnoxios, non verò provectioni ætate, nisi antea eodem tentati necdum convalescerent.

Signa Pathognomica sunt, dolores à principio instar puncturæ spinæ, articuli affecti, adolescentia, tumor mollis, laxus,

laxus, qui hians, ferositatem effundit, cui si pus immistum fuerit, hujus ex corrosis partibus carnosus aliqua portio gignitur.

Quoad Prognosticum; hic morbus ægre sanabilis, tum, propter assiduam materiæ confluxum; tum ratione corruptionis ossis, quæ qui gravior, difficilior evadit sanatio, incipiens facilius cedit antiquo; nunquam tamen sanandus, nisi remota fluxione, & sublato toto osse corrupto, vel igne, vel ferro.

Curationem quod attinet, statim ac patiens conqueritur de dolore pungitivo spinoso veluti, in articulis vel manuum, vel pedum, cubitorum, aut genuum, quanquam hoc rarius, sive malleolorum, statim, nullo licet apparente tumore, sectio ejusdem est facienda, à qua non rãm cito demittendum specillum, quo os corruptum inæquale percipitur, indicio ejusdem ante ipsum periostium corrupti, tunc verò prima elicitur indicatio, nempe ejus cariem abrasendi, sine cujus præsidii ope, tum in ulceribus, tum in vulneribus nunquam ad firmam cicatricem deducuntur, osse verò sublato, curanda carnis generatio, cicatrice tandem induta, methodo recepta.

Quod si propter loci profunditatem ferramenta abrasoria intrinuari non possint, utendum igne actuali.

Dilatato igitur foramine, sectione, spongia præparata, radice gentianæ, medulla sambuci, aut sorgi, in idem demittenda cannula ferrea utrinque perforata, mox candenti ferramento os corruptum, inurendum, quousque perito artifice ex usu videatur futurum, ut statim abscedat; tum verò curationis quod superest, modo superius proposito prosequendum.

Quia verò interdum accidit ut totum internodium, maxime in pueris, digiti manus, vel pedis sit corruptum, hoc casu neque ignis, neque ferramenta juvant; quorum loco utendum trepano tenuiori, quo perforanda media pars ejusdem, à qua, forficulis affabrè in hunc usum paratis, partes laterales secandæ, atque totum internodium paulatim educendum volsellâ, cujus vœnus locus progressu temporis carne oppletur; quæ quidem in pueris durior quodammodo facta, & veluti callosa, ossis vice fungitur; quanquam ubi totum internodium est ablatum, digitus, musculis ad caput suum adductis, & cedente carnis mollitie, decurtatur.

Quod si Medicus accedat, facta jam soluta unitate ab ipsa materia pituitosa ex putredine acriori facta, tota curatione dirigitur ad ablationem ossis corrupti, machinamentis, & industriâ superius propositis; quibus aliquando duo, tria, aut plura quinetiam ossicula evelluntur.

In ossis verò abrasione, ultione, aut evulsione, cavendum ne tendines offendantur; metu convulsionis.

Hæc est curatio topica hujus morbi; cui totius corporis cura præmittenda, medicamentis pituitam expurgantibus: quinimò ad exsiccandum, exhibitio decocto ex China, salsa, ligno Guajaco, & hujusmodi.

Atque hæc satis de curatione spinæ Ventosæ; de qua agere decrevi, utpote à nullo Auctore accuratè, & data opera satis explicata. *Petrus de Marchettis Observatorium Chirurgicarum Sylloge.*

Omnes morbi non æqualiter manifesti sunt, & omnibus personis indifferenter innotescere possunt, eò quod morbi quidam sint rariores & minus frequentes, nec cuilibet oculo obvii, quidam magis intricati, impliciti, aliisque morbis illaqueati; ideoque non tam facile de illis statui potest, quia interdum larvam induunt aliorum complicatorum affectuum semeiotice sibi affinium. Scripsere pauciores ut supra monitum de tumoribus varia, eadem haud methodo eaque obscura: de Spina Ventosa præter Excellentem ac Nobilissimum Marchettis gymnasii Patavini patrii Professore anatomicæ ac Chirurgiæ hæcenus quasi nullus: rem ultimo articulo tangunt insignis Scultetus & eximius p. m. van Horne antè laudatus Præceptor meus, uterque prior causam

in veterum humoribus (non quod novis scateamus) ponens sed ne *ὕπερον πρῶτον* immemores etymologiæ ponamus, Græcis affectus hic dictus est *παιδαρρροακή* *δὲ* *ἔ* *παιδὸς ἄρρρρ* & *Κακή*, id est malum puerorum plerumque articulos affligens, vel ut Severinus ossis circa articulum inflammatio & abscessus puerorum proprius: num verò omnis articulus per Græcam vocem *ἄρρρρ* intelligatur, disquiritur? hunc tumorem articulos infestare certò certius est, pedis præsertim & brachii circa *ὀσφύς* & hæc Græca ejus origo. Latinis spina ventosa audit, aliis spinæ ventositas falso dicta; spina nuncupatur à modo doloris, quem infert; nam spinæ instar perterebrando quasi dolorem incutit; ventosa, ratione tumoris & inflationis; prout Arabibus ventositas est loco œdematis; num Veteribus hoc morbi genus innotuerit, valde dubito, nisi forsan etiam cum aliis tumoribus aut abscessibus confusum tractaverint; ut evidenter liquet, quando sermo fiet de variolis, ex quibus suppressis vel retrocessis tumores scilicet fiunt, quos spinæ ventosæ nomine male insigniunt; hic arbitrum adduco antè dictum Severinum, qui fusius originem pertractando litem dirimit: affinitatem quandam habere cum variolis *παιδαρρροακήν* affirmat cum illo Schaefferus Medicus olim Reipublicæ Francofurtensis in disputat. suis; Spinam Ventosam porro Nicolaus Florentinus; Johannes de Vigo, Langius, Manardus, Ballonius, Marchettis; Scultetus, &c. nuncuparunt, Arabum secuti elogium. Avicennæ tumorem hunc spinæ ventosæ nomine venisse lib. 4. fen. 4. tract. 4. cap. 7. voluit doctissimus p. m. van Horne in *μικροτέχνῃ* sua. Protinus aliena videtur illa, quam Nobilissimus Marchettis in appendice observationum Medico-Chirurgicarum enodat, cum tamen omnes ratione cariei in uno conveniant, quod Spina Ventosa sit affectus cum carie infestans peculiari tamen modò, quod caries ut plurimum externæ ossa rodât, hæc è contra: (ut postea in causis indigitabimus: internè ossa rodendo perforet, eandem tamen cum teredine Belgis *Beenbretter* dictâ non esse putem, cum rarissimus hic sit affectus in Regionibus præprimis septentrionalibus. Ossâ tumorem hunc Spinam Ventosam sc. ab interiori parte à medullâ ossis inchoandò rosione infestare & perforare, ab *αὐτοψία* convictus fui. In nosocomio Patavino divi Francisci observavi tumorem Spinam Ventosam in viri quadragenarii metacarpo manus sinistrae, ubi huius vel potius ichor ille acerrimus non sola metacarpi ossicula, verum etiam ulnæ & radii capita ita rodendo infestaverat, ut ossa illa duo à se invicem separata in musculos cum integumentis pertunderent, ibique ad tres digitos prominere, adeò ut manus esset pendula, quam Chirurgus sequenti die ligatura probe instituta detruncavit, cauterio actuali inusto, hæmorrhagiâ sublata, convenientibus remediis locum affectum deligavit, patiens nihilominus paucis ab hinc diebus fati cessit, cujus primò metacarpum, postea ulnâ & radii privatim curiosa sectione præsentibus Doct. Dominis Sattlerò ac *van der Beecke* Medicis. Poëtoribus indagavimus & examinavimus, quæ omnia quoad interiorem faciem planè erosa ac corrupta, quoad externam superficiem aliquantulum cariola deprehendimus, & insuper, in quantum ossa carie erosa conspicerè licuit, in tantum medulla ipsorum ossium (phacellata quasi ac corrupta erat: quod idem in puerulo duorum circiter annorum observare licuit, qui, dum lue gallica infectæ nutricis ubera adhucdum sugeret, destabili ac dolorosâ spinâ ventosâ excruciebatur circa metacarpum manus sinistrae ejusque brachii, ut & dextri cubitum miserrime puerulum affligente, adeò ut jam plura ex metacarpo sinistrae manus & dextri cubiti ossicula carie erosa abscesserint, quæ statim examini curioso subjecta eodem ut supra monitum corrupta ac erosa fuere visa modò; musculis & integumentis

communibus ex parte longiori temporis tractu ex-
 sis, unde satis liquet subjectum functi tumoris hujus
 esse ossa, & primariò eorundem articulos, sc. carpum
 & metacarpum, tarsum & metatarsum, cubitos, genua,
 &c. quamvis non negaverim alias etiam corporis par-
 tes huic affectui itidem esse subiectas, uti puellam in
 utroque carpo, utroque tarso, & circa vertebrae lum-
 bare spinâ ventosâ laborantem cernere licuit: locus
 itaque affectus semper sunt articuli, nunquam autem
 internodia primariò, quæ si aliquando corrumpantur,
 id fit ratione sympathiæ & vicinitatis partium, ut non
 male sæpe laudatus Marchettis in observat. Duplici mo-
 dò ossa lædi possent externè videlicet ac internè strenuè de-
 fendunt Marianus & S. Barolitanus in compendio Chi-
 rurgico de emendatione ossis corrupti: spina ventosa
 internè primò, postea externè ossa infestat, ut plurimum
 circa articulos, quia ibi ossa sunt magis porosa, adeò
 ut aciditas ibi loci stagnans cartilagineas quasi men-
 struum aliquod dissolvere & ossa perforare queat, quod
 itidem ob tenellam ossium & quasi cartilagineam adhuc-
 dum dispositionem frequentius in primâ etate, infan-
 tiâ ac pueritiâ potius, quàm adultâ, licet in adultis
 & jam ipse observârim, accidit. Anatomicus & Chirur-
 gus insignis Marchettis ad vigesimum quintum usque
 annum utrumque sexum vidit obnoxiuin huic morbo,
 non proVectiorem ætatem, nisi eodem antea tentati
 nec dum curati fuerint. Distò nomine, locòque affectò
 demonstratò ingenium & symptomata ex ipsis causis
 eruenda essent quæ partim ex allegatis suprâ historiis &
 observati, partim ex definitione modòque agendi pa-
 tet: quidam plura conjungunt symptomata, quæ om-
 nia locum equidem habere possunt, rariùs attamen ob-
 servantur: ossa carie infestantur salvo periostio, quod
 postmodum cum musculosa carne discerpitur ac quasi
 petterebratur. hinc tumor apparet cum dolore intenso,
 livor quidam adest, circa ora ulceris rubedo ac quasi in-
 flammatio quædam conspicitur, ulcus postea fistulosum
 apparet paucâ sanie repletum, quippe paucam effundit
 sanie potius ichorem acerrimum, quandoque cum,
 quandoque sine febris concomitante, nullam ego ob-
 servavi, quandoquidem talem huic affectui adesse pos-
 se cum Doctissimo Medicorum Cicerone non negave-
 rim; notabilis ac evidens cum humorum præcedat mo-
 tus & propter contrarietatem eorundem effervescentia,
 nonnulli tumoribus causas assignantes male fermenta-
 tionem dicunt, ut paulo inferiùs, antequam epilo-
 gum hujus brevibus formemus, Humor in genere
 oriundorum generales abusus propalabimus. Diversæ &
 variæ ab authoribus diversis tumori Spinæ Ventosæ
 tribuuntur causæ, Senex Marchettis Vir aliàs incom-
 parabilis dexteritatis ac peritiæ, de quo sanè præter alia;
 præprimis artis Chyrurgicæ eruditionem ac notitiam
 effari licebit, quod olim Aristoteles ad Platonem re-
 scripserat: Nulla ferent talem secla futura virum, ma-
 teriam ac causam pituitam immediate accusat, quæ
 nutritioni articulorum dicata putrescens, aut aliquo mo-
 do acrior facta ossa primò corrumpit, aut nullo adhucdū
 cum dolore, quibus corruptis & erosis, periostium ag-
 greditur, ubi dolor incipit acutus, pungitivus, rodens,
 lancinans, adeò ut se spina pungi credat æger, dolore
 sic in dies ingravescente & periostio quodammodo ero-
 so ac perforato nullus jam apparet tumor, qui po-
 stea humore peccante intra musculos permeante &
 ibidem sese insinuante ac articulum affectum attollen-
 te conspicitur primò mollis & latus, doloris expers,
 cuti concolor, postea affluente humorum copia, quo-
 rum tenuior pars exhalat crassiori superstitite, durior
 evadit; materiam, vel si mavis, ichorem eructat se-
 rosum, acrem, ubi tandem os corruptum prodit.
 Scultetus ad humorem recurrit occultâ & insensâ suâ
 qualitate ossa primò citra omnem periostii læsio-
 nem dolorisque sensum corrodentem, unde œdema

fieri indolens, pattemque exactis aliquot mensibus
 exulcerari autumat: tumorem spinam sc. ventosam
 œdemati haud adsimilem esse non negaverim quoad
 externam faciem, quoad modum autem agendi &
 causas maximè dissimilem. Acidum jam & austerum
 contemplemur utpote immediatam mali hujus causam,
 quod omnes probant effectus, itemque ætas &c. Lac,
 chylum, sanguinem, succumque nervosum materiam pec-
 cantem declarabimus; infantes lacte nutritum galli-
 ca vel venerea lue infectarum nutriti facillimè in
 hunc incidunt tumorem, partim quod ipsimet infan-
 tes multis jam scateant humoribus acidis, quod ex
 scabie, pustulis &c. in illis affatim & copiosè erum-
 pentibus satis patet; partim quod ipsum lac facilli-
 mè in corpore acefcat sicque effervescentiam patiat,
 quippe lac in chylum post sanguinem conversum ef-
 fervescentiam propter aciditatem cum reperto alcali
 in sanguine excitans humorem separat acriorem, qui
 ad articulos ipsamque ossium medullam cum sangui-
 ne deferitur, ubi stagnans acidissimus fit ipsam medul-
 lam corrumpens, postea rosione ossa penetrans nexu
 ac situ solvit eademque protrudit, musculos tandem
 ac cutem perforat & exulcerat, carnem tandem, ubi
 aciditas prævalet, exedit, ut gangrænatur ac in sphac-
 elum desinat: callosa inducit ulcera & quasi fistu-
 losa, quatenus ibidem latens alcali cum acriori aci-
 do coagulatur, unde callositas oboritur, quam iti-
 dem in lue Venerea observare licet, ubi non leve
 dominatur acidum quod apprimè Sylvius noster in
 tractatu suo de lue Venerâ conscripto exponit dubiam
 quæstionem formans, in quo natura contagii venerei
 consistat, quam primariò humorem acrem acidum,
 secundariò pituitam viscidam dicit, quod ex sympto-
 maribus deducit, conjuncta gonorrhœa videlicet, pu-
 stulis vel scabie squamosa ab acido ita coagulata,
 tuberculis, nodis, gummatibus (ut Itali vocant) sub
 periostio otiundis proque diversitate materiæ magis
 minusve dolentibus, maculis rubris, lividis, flavis
 &c. pro varietate acidi tingentis, bubonibus, ficu-
 bus, condylomatibus & similibus omnibus ab acido
 procreatis, quæ fufius scriptor jam jam laudatus judi-
 ciò & gravis & judiciosus deducit. Lac ab acido in
 aciores serositates præcipitari, quid manifestius? chy-
 lum, sanguinem, succumque nervosum ab illo itidem
 affici posse, quis negat? à semine Parentum ex lue
 Venerea corrupto acerrimum hoc malum quandoquæ
 trans- & implantari proli credibile est, adeò ut tunc
 hæreditarium liceat dicere affectum, quamvis malè,
 quippe parentes lue gallicæ, laborantes (quorum
 massa sanguinea infecta ac corrupta, infectum itidem
 semen, ex quo generandus postea fœtus, infectum lac
 ex quo nutritur jam natus infans) non statim nec
 omnes spinâ ventosâ affliguntur, quæ si afflicti essent,
 sicque per traducem malum illud propagaretur in
 progeniem, tunc verè hæreditarii nomen mereretur,
 qui longè deterior adventitio, utpote qui profundis-
 simam habet maculam. Dubium hîc oritur, ossa
 ab interiori parte primò carie infestari ac corrodi, imò
 ipsam medullam ossibus adhuc integris, corruptam
 deprehendi, ut mihi ipsi in investigandis causis, aper-
 titisque ossibus conspiciere licuit, an potius sanguis, an
 verò succus nervosus in censum veniat tanquam im-
 mediatum medullæ & ossium nutrimentum, quod ab
 acido postea p.n. infectum, tumorem Spinam Ventosam
 inducat. Plures & quidem veteres, inter quos Hippocra-
 tes, Galenusque sanguinem nutrimentum corporis uni-
 versale, sive materiam, ex qua partium substantia in-
 dies deperdita, indies etiam, redintegratur ac re-
 stauratur, perfractè defendunt, nescii forsan ad plu-
 res corporis partes sanguinem non deferri, quæ nihilo-
 minus æquè ac aliæ suo gaudent nutrimento, san-
 guis autem vicina partium illarum loca alluit, ut sin-
 gula

gulæ partes à spiritu vitali, quem secum fert foveantur; imò si ipsa ossa eorundemque medullam perspexeris, nullam quasi cum ipso sanguine similitudinem & affinitatem habere deprehendes, adeò ut ossa à sanguine tam multis discrepare affirmer incomparabilis Charlethon, ut eadem sanguine constare nemini facile in mentem venerit, multò minùs quòd medulla ex eo resultet eodemque nutriatur, necesse quippe est, ut succus nutritius priùs à sanguine separetur, quàm partibus adferatur apponaturque; Ossa ab ipsa medulla nutrirì contendunt alii, quòd Veslingius cum Spigelio negant, & sanguini nutritionis negotium committunt, medullam potiùs excrementum, seu secretum cum insigni Glissonio statuentes; Diversissimæ utpotè illius cum sanguine substantiæ &c. sed illam potiùs lubricationi, humectationi inservire, quòd experimento confirmant iidem, quia plura dantur ossa medullæ carentia, imò in juniorum ossibus paucissima medullæ quantitas reperitur, quæ non minùs indies augentur & quàm maximè nutriuntur sanguini effectum hunc adscribentes, quamvis hîc non malè per accidens nutrire dici possit; plura tamen pro succo nutritio per nervos ad partes nutriendas delato pugnant argumenta, quòd egregie variis phænomenis iisque doctis demonstrat suprà laudatus Charlethon, primùm ab atrophia partium paralyti affectatum, alterum à glutine ex ossium fracturis exillante, quòd nec arteriæ nec venæ suppeditant; sed quid in his immoramur, ubi in suprà observatis ipsam medullam in ossibus spinâ ventosâ extinctis omnimodè corruptam ac putridam quasi deprehendimus, causam ipsi acidò p. n. assignantes; fatetur equidem Mercurialis sanguinem circa ossa facillimè putrescere, quò autem passò putredo oboritur, non explicat, in quo Lumen nostrum Cartesium meliùs satisfecisse aurimo, qui illam fieri censet, quando particulæ inter se vel motu fermentationis solvuntur, adeò, ut particulæ spirituosæ solvantur, solutæ exspirent, ita ut situs partium naturalis mutetur. Nonnulli serum acrius, vel potiùs acidius, per periostium percolari ibique ossa rodendo salvo periostio infestare credunt, quòd in spina ventosa non accidit, siquidem ossa ab interiori parte, in qua medulla recondita est primò exeduntur & corroduntur. Veram itaque ex suprà allegatis & enodatis causam Spinæ ventosæ assignare possumus, quæ ratione corrosionis, doloris, cariei &c. acidiori fixo, corrosivo, ratione tumoris & inflationis, alcali mediæ consistentiæ originem suam debet, medullam tali modo afficiens & corrosivam reddens, ut ipsa ossa etiam perforaret, quòd clariùs porro ex juvantibus & nocentibus deduci poterit.

Difficiliter rarior hic affectus in principio dignoscitur, quòd & sufficienter inculcat Severinus in *opusculis de morbis* l. II. p. 1. c. 110. de osse corrupto in hæc prorumpens verba; latet interdum os vitiatum sub carnoso artuum ulcere, sic, ut imprudentes facillè fallat, verum enim verò, qui oculatior est multa subtiliter dispicit, primùm loci naturam, sub quo subest os, deinde colorem alienum, qui nullo vel etiam præstanti medicamento permutatur; dein quòd longò tempore vix sanescat; quòd si illud accidat, brevè recurrit ulcus, adhæc quòd sanies perpetuò tenuis ac ichorosa sit, itemque copiâ effluat; præterea, quòd carosemper hebes ac mollis gliscit, medicamine autem remota, talis rursus increscit: postremum signum fit exploratione specilli, quòd mollietatem ossis docet; ubi autem periostium adhuc integrum osse subtra corrosio deprehensum fuerit, specillum fallit, nisi externa ulceris & tumoris facies nobis jam cognita sit ac familiaris. Circà articulos utplurimum observatè licet spinæ instar dolorem pungitivum, tumorem laxum, mollem, qui post apertus, ichorem & aliquan-

do sanie permixtum effundit, adeò ut hinc facili operâ colligere liceat difficilioris affectum hunc esse curæ propter profundam cariem, copiosum ichoris confluxum, loci affecti situm & naturam, quòd itemque ab inveterata ac pertinacissimâ causâ oboritur, quapropter præter manum Chirurgicam & Medicus requiritur labor, ut vitiosa ac peccans humorum aciditas corrigatur, evacuetur alterantibus, purgantibus, primum autem sibi vendicant locum talia volatilia, Cornu Cervi, salis armoniaci, succini, tartari &c. acidum præcipitando, quòd lixiviola referri debent, non neglectis decoctis lignorum, guajaci, Chynæ, salis, salassras, buxi, juniperi, quercini &c. acida temperantibus perque poros educantibus, quibus diuretica vel radices aperientes addi poterunt ex apio, asparago, baccis juniperi &c. Salivationem hoc in affectu multam præstare posse operam mihi persuadeo, corrigendo humores acidos eosque per os evacuando. Specia-liorem tumor hic postulat curationem, adeò ut Celsi monitum locum inveniat, quos medicina non sanat, ferrum sanat, quos ferrum non sanat, ignis sanat, quos nec hæc duo curant, insanabilia existunt hîc vulgare illud, ure, seca, in sensum venit.

Ante omnia itaque, quàm primùm patiens de dolore intensiori ac pungitivo circa articulos conqueratur, è vestigiò, nullò etiam apparente tumore, sectio loci affecti erit tentanda, os carie infectum quærendum, abradendum, sin verò propter loci profunditatem rasoria non possint immitti, vulnus, aliquando ulcus, quovis modo dilatandum, quia utplurimum angustioris orificii & fistulosum, quòd radice gentianæ, spongiâ, vel sambuci medullâ peragitur, sin verò nullum adhuc pateat orificium, arte id est ferro, cautè attamen parandum, ossis carioli statim ratio habenda, quòd, aut ferramento candenti inurendum, vel instrumentis abrasoriis radendum, & quandoque os corrosum eximendum: quòd si contingat totum internodium manûs vel pedis corruptum esse, trepanum subtilius commendat Marchettis, quòd mediâ ossiculi pars perforatâ forficulis hunc in usum asfabre paratis internodii latera secanda, sicque sensim vossellâ extrahenda; quòd in casu, ut & inustione, abrasione, terebratione, sectione tendines utrobique vitandi, ne malum in pèjus ruat sicque afflictio major addatur afflictio. Ulcus post mundificandum ac cicatrice obducendum & consolidandum. Scultetus in observat: suis Chyrurgicis spinam ventosam cum Spigelio malum incurabile exclamat, adeò ut cum illo partis affectæ extirpationem suadeat. Sex res non naturales tandem in censum veniunt, quatenus aër, cibus & potus, motus & quies, somnus & vigiliæ itemque animi pathemata talem possunt inducere effervescentiam, vel gignendo, adaugendo, exasperando acido, ut faciliùs quispiam aut huic affectui obnoxius fiat, vel patiens jam in deterius malum ruere possit; quapropter ut & in reliquis affectibus conveniens & exacta observanda diætâ quæ tanquam coindicata. *alcalica* videlicet curæ, respondeat necesse est. *Joh. Clariss. David Porizius in demonstratione brevi Medico-Chirurgicâ de Tumoribus.*

De spinâ ventosa fusiè scripsit, ut mox videbimus, Præclarissimus Marcus Aurelius Severinus, sub nomine Pedathtocacès, in suo de recondita Abscessuum natura Tractatu, Joh. Van Horne in *Mixpore* xvi; aliisque etiam plures. Verum omnibus forsan præcellu Clariss. Josephus Pandalphinus à Montè Martiano qui de hoc affectu, tamquam Regioni suæ familiari, sæpiusquæ à se viso ac curato, librum integrum conscripsit. Unde jam excerpemus quæ ad praxim in morbo observandam spectant, qualia nobis ea dedit non parùm suis commentariis illustrata, Celeberrimus & Doctissimus D. Georgius Abraham. Merclin. Illa autem hæc sunt.

Pandolphinus, de Indicationibus universalioribus.

Morbus (ut è Gal. 13. Meth. 2. colligimus) vel imminet, vel est in fieri, vel in facto esse. Imminens (1) præcautionem; factus, sui (2) curationem; in fieri autem existens duplicem sollicitudinem indicat, præcautionem scilicet atque curationem. Unde si morbus per fluxionem oriatur, inhibendus, ipsius fluxionis causas tollendo, cujus duplex est differentia, (3) transmissio videlicet atque attractio, Galen. 13. Meth. 3. Transmissio à cunctis (4) humoribus, vel quantitate vel qualitate peccantibus (veluti ostendimus) causari potest. Si à quantitate tantum; (5.) quantitas diminutione tollitur; quæ diminutio per evacuationem fit; nempe sanguinis missione, (6.) frequenti balneo, exercitatione, frictionibus, (7.) digerentibusque medicamentis, & præter hæc omnia, inedia. (8.) Caco-chymia autem purgatione, quæ (9.) cuique superabundanti succo sit accommodata, corrigitur, Galen. 13. Meth. 6. materiâ primò præparata, (10.) si non turgat, ut inquit Hipp. 1. Aphorism. 22. Nimirum si fuerit calida, est (11.) refrigeranda; si frigida, calefacienda, si acris, vel falsa, attemperanda; & sic de singulis tum primis tum secundis qualitatibus, quæ quidem supra nominatæ evacuationes in ægro febricitante non sunt administrandæ, exceptâ inedia, sanguinisque missione; (12.) Prout autem major vel minor ipsius sanguinisque redundantia, major quoque & minor sanguinis copia detrahenda erit; & quidem per contrarias partes, (13.) revellendo; per proximas (14.) derivando; & si non fuerit maligna, nec aliud impedimentum superveniat, (15.) intercipiendo, (16.) repercutiendo, partemque affectam, vitiosos succos gignentem, aut colligentem, aut multiplicantem, & per solitos ductus non expellentem, (17.) roborando, eamque ab obstructionibus, vitiosisque succis liberando.

Si autem fluxio per attractionem fiat, causa illius pariter (si fieri potest) surripienda, deinde affectus sanandus, Galen. ut supra. Cujus attractionis causam dolorem esse jam diximus, (18.) calorem non excludendo. Idem quoque agendum in congestione, intemperiem videlicet, aut quodlibet aliud vitium tollendo. Si random morbus reconcentrationis causâ nascatur, materiam per afflictam partem (quemadmodum etiam congesta) & non per aliam viam educenda est.

Merclini Annotationes ad Indicationes universales.

(1) Consistit autem vulgò Præcautio, sive præservatio in remotione causarum;

(2) Curatio verò in remotione ipsius morbi consistere perhibetur; non tamen fortè neglectis ipsis quoque causis, cum omnis methodica curatio, & non solum præservatio, per causæ ablationem fieri debeat.

(3) De transmissione, & attractione egimus supra.

(4) Imò humores non solum quantitate, & qualitate, sed etiam motu peccant.

(5) Recte! A quantitate enim, sive abundantia humorum, & plethorâ diminutio indicatur; non autem, ut nonnulli arbitrantur, præcisè Venæsectio, quippe quæ rectius inter auxiliorum materias, quæ nunquam indicantur, non autem inter auxilia ipsa refertur, cum indicatum semper opponi & contrarium esse debeat indicanti, abundantia autem humorum non contrariè opponatur Venæsectio, sed imminutio, quam Medicus, sive per Venæsectionem, sive per cucurbitulas, sive alia ratione, prout nempe visum ipsi fuerit, instituere potest.

(6) Scarificatione sive cucurbitularum appositione, quæ hîc inferenda.

(7) Anne digerentia medicamenta inter evacuan-

tia, vel quantitatem humorum diminuentia medicamenta referuntur? Insolitum!

(8) De Venæsectione respectu humorum abundantia, sive plethoræ quod dictum est, idem Recentiores quidem de purgatione respectu Caco-chymia, seu corruptionis humorum intelligendum volunt; nimirum nec purgationem propriè à caco-chymia, sed late humorum vitiosorum correctionem ab illa; ob eandem n. 5. allatam rationem, indicari, sive illa postea humorum correctio purgatione propriè dictâ, sive alterantibus medicamentis, sive alio quovis modo celebretur. Sunt enim inter Modernos, quibus tantum non electivè fortiora purgantia omnia omninò sordent, qui in dubium adhuc vocant, an omnis etiam caco-chymia purgationem exigit.

(9) De purgantibus accommodatis, id est, de iis, quæ appropriatum humorem peccantem evacuare dicuntur, loquitur Author, ut quando rhabarbarum, bilem, folia sennæ melancholiam &c. purgare creditur. Quæ de re iterum Moderni dubitant. Sed quales lites nostras hîc facere nolumus, maximè cum prælum, quod anxie hæc expectat, abrumpere, brevesque nos esse jubeat.

(10) Vid. Commentar. Heurnii in alleg. Hipp. Aph.

(11) Materia, sive etiam intemperies calida simplici hac indicatione refrigerationem quidem postulat, sed non semper, imò raro solis actu frigefacientibus instituendam, quibus v. g. in febribus ardentibus plus sæpè officeremus, quàm proficeremus. Quin eò potius nunquam non respiciendum, unde ille p. n. calor contractus fuerit. Jam quia vix frequentior causam habet, quàm pororum occlusionem, fuliginumque per eos subinde abscedere solitarum retentionem, ideo pororum illa apertio, & retentorum fuliginum excretio non solum revera indicatur, sed etiam sæpè sapius maximè proficua re apse deprehenditur.

(12) Cui addatur & scarificatio.

(13) Est enim revulsio humoris in partem aliquam fluentis in contrarium aversio.

(14) Derivatio verò humoris parti incumbentis ad vicina aversio, & per ea loca evacuatio est.

(15.) Interceptio fit, quando humores in via ad partem affectam sufflaminantur, ut ad eam perungere nequeant.

(16.) Repercussio sive Repulsio fit, quando humores ad partem affectam fluxuri aliò propelluntur; ne ad affectam partem perveniant; vel quando, qui noviter influxerunt, retunduntur, sicque pars affecta ab illis humoribus liberatur: quæ in plerisque affectibus rariùs, & in hoc nostro fortassis rarissimè hocum habet.

(17.) Hæc partium roboratio tertiam indicationem, nimirum vitalem, ab Institutionistis dictam, respicit.

(18) Ob quas rationes supra dolorem propriè attrahere negavimus, ob easdem ferè negati quoque potest; calorem propriè humores attrahere. Solum hîc superaddimus, quod, si calor humores attraheret, sequeretur, ibi majorem esse calorem, ubi major est humorum atque sanguinis copia; quod tamen à vero alienum. Deinde ibi calor intensior p. n. ibi quidem quod fatendum, major quoque humorum confluxus; sed cujus causa non attractio, verum hæc potius esse videtur, quia calor partis affectæ poros rarefacit, unde illa humores per arterias ordinatio motu continuè affluentes in greinium suum liberalius admittit, ac promptius suscipit, qui dum ob poros rarefactione ampliores redditos motu suo ita turbantur, ut ex arteriis in venas transire, & per hæc redire non nisi difficul-

difficulter queant, fit, ut ibi subsistant, & copiosius cumulentur.

Pandolphin. de Indicationibus specialioribus.

Quò autem ad ipsam laborantem partem deveniamus, Medicus si à morbi principio accersitus fuerit, (quo quidem tempore nunquam vocatur) omni uti debet ingenio, ut (1.) dolor (sine quo noster affectus nunquam creari potest, quia corpus nervosum ratione periossei à qualitate statim tangitur, indeque dolor necessario excitatur,) tollatur v. l. saltem remittatur, eò quòd dolor ultra attractionem, vires consumit, indeque morbus inimicum se debiliorem habens, potentior evadit, difficillimè que expellitur. Est autem dolor hic duplici via tollendus; anodynis videlicet, atque sanantibus; Galen. 13. Meth. 6. & 5. Simpl. 9. (2.) Anodyna alia sunt secundum esse; alia secundum dici talia. Anodyna porro calida sunt, & bipartita. Alia enim nostro corpori (ut suppurantia) simillima sunt; alia verò calida in primo gradu, tenuiisque partium. Prima à calore naturali, & partium temperamento (3.) indicantur. Dum enim hæc incolumes servantur, virtus etiam earum servatur robusta, ut tristem sensationem illam expellere queant, quo mitior evadat dolor; alia calida in primo gradu, tenuiisque partium esse debent, ut evacuent, digerant, rarefaciant, concoquant, ac materiam in parte affecta existentem equabilem reddant; quæ quidem anodyna à causa adjuvante indicantur. (4.) Anodyna secundum dici intense frigida sunt, & à calido innato quidem indicantur, sed non faciunt ad aliud roborandum, & conservandum membrum, veluti anodyna temperata; neque ad dirigendam, evacuandamque materiam peccantem, sicut calida in primo gradu, sed illam tantum usum habent, ne objectum (v. gr. calida intemperies) suâ violentiâ partem nervosam nimium afficiat. Nam quo pars calidior, (loquendo de partibus nervosis) eò etiam sensum magis exquisitum habet. Quare cum huiusmodi Anodyna sint valde frigida, nimirum in quarto gradu, & frigidum calido adversetur; nervosas partes stupefactas, insensibilesque relinquunt; unde dolor cessat; quo verò calido reverso, dolor quoque revertitur; quia manente causa fealiter non cessat affectus.

(5.) Sanantia autem à causâ principali indicantur, doloresque & ejus causam auferunt. Hac enim remota realiter cessat effectus, nempe dolor: v. gr. si intemperies aliqua peccaverit, eam alterando; si materia, ipsam educendo; & denique materiam in parte existentem evacuando. Cujus evacuationis duplicem à Galen. 13. Meth. 9. habemus speciem; nempe aut quando ad alias partes transfertur, qui in ægra continebatur, dummodo influxerit & non (6.) congestus, neque reconcentratus; neque malignus fuerit, inque venis (saltem minimis) & non in spatio contineatur, quandoquidem aliâ translatio minimè convenit) aut quando prorsus è corpore foras expellitur. Translatio duplici modo fieri potest, primò cum pars affecta roborata, ad alias abigit humorem, quod quidem rarissimè contingit, cum ob partis laborantis maximam debilitatem; tum ob continuum affluxum qui difficillimè tardissimèq; avertitur, præsertim corruptione jam in offe contractâ; quod jam corruptum os si non auferatur; neque fluxio auferri potest: alterò verò modo translatio fit, quando illæ partes, quæ sanæ sunt, ad se trahunt humorem; quod fit, dum attrahens aliquod, ut ligaturæ, frictiones, cucurbitulæ; atq; similia usurpantur, hisque admoventur. Prorsus foras è corpore expellitur humor dupliciter, vel sensibiliter, vel insensibiliter: sensibiliter per partem ipsam affectam, eam scarificando, ac incidendo; quanquam scarificati-

ones in hoc casu, non laudem, quia absque utilitate sunt, dum materia in profundo propè os continetur: incisio verò (cum factum fuerit apostema) convenit. Quo facto, semper os corruptum à me repperit fuit. Insensibilis autem evacuatio fit (7.) discutientibus, cum quibus (si materia fuerit indurata) emollientia sunt permittenda. (8.) Os denique corruptum à sano est segregandum, forasque educendum (9.)

Merclini Annotationes ad indicationes specialiores.

(1.) Alias symptomata, quale dolor quoque est, juxta Methodi medendi leges, curationem non exigunt, quippe quæ sublato morbo, à quo foveantur, suâ sponte cedunt; non secus, ac sublato corpore, tollitur umbra ab illo facta. At si urgentia fuerint symptomata, id est, talia, quibus præsentibus vera morbi ablatio sine magno periculo & vitæ sæpè discrimine expectari non potest, ipsa causæ naturam induunt, & ad se quoque curationem trahunt, ac ante ipsius morbi, à quo dependent, ablationem, removeri aut saltem mitigari desiderant. Et tale urgens symptoma hic quoque Author noster per dolorem intellexerit.

(2.) Anodyna sive dolorem lenientia latissimè sumpta secundum Greg. Horstium, Oper. Med. Tom. 1. p. m. 383. triplicia sunt. (1.) quatenus purgatione, Venæsectione, vel aliter causa doloris evacuat; (2.) quatenus membrum stupefit. (3.) quatenus medicamentum immediatè facit ad correctionem illius, quod in membro dolorem efficit, quod propriè vocatur Anodynum; estque omne illud, quod temperato suo calore membrum suaviter alterat, laxat, & rarefaciendo emollit.

(3.) Anodyna propriè dicta non indicantur nisi à dolore urgente.

(4.) Anodyna hæc, secundum dici ab Authore dicta, in specie Narcotica propriè nominantur, quæ stuporem parti inducunt, sensumque, ne id, quod dolorificum est, percipiat, hebetant. Id quod præstant, ex vulgari sententiâ medicamenta in fine tertii, graduque quarto, frigida, calorem partibus insitum, unaque spiritus quasi profligando; nisi plerisque occultam proprietatem cum Veteribus assignatè mavelis.

(5.) Hæc sanantia medicamenta etsi dolorem auferant, tamen anodyna, propriè sive dolorem lenientia non dicenda, quia propriè dicta anodyna doloris causam non tollunt, sed manente etiam causa, saltem dolorem ipsum respiciunt, eumque leniunt. Conveniunt autem sanantia hæc medicamenta cum prima illa Horstii jam alleg. anodynorum improprie, ac late accepta specie, sed quam ipse à veris anodynis statim removet.

(6.) Ita omnino est. Neutiquam convenit, humorem per congestionem collectum aut intro repulsum; aut malignum ab hac parte aliò relegare. Quid enim inde levaminis sentiret succumbens hanc quidem partem à morbo liberare, eodem autem aliam iterum onerare, huicque non majori cum agrotantis levamine obtrudere, quod alia à se abegit?

(7.) Hæc discussio, ab Institutionistis diaphoresis alio nomine vocata, fit, quando humores in parte aliqua impacti hærentes, & remeare nescientes in vapores resolvi discutiuntur, ac insensibiliter in auras abeunt.

(8.) Corrupti ossis ablatio in affectu nostro præcipua videtur intentio, agendique scopus, adeo quidem, ut Antiquissimus Chirurgiæ Scriptor, Petrus ab Argillata l. 5. Tr. 22. c. 2. (ubi primus spinæ Vento-

Corporis evacuatione, unicam curationis spem in corrupti ossis remotione ponere videatur. Cui Petr. quoq; de Marchettis adstipulatur, quando l. c. numquam, inquit, Morbus hic sanandus est, nisi remotâ fluxione & sublato toto osse corrupto, vel igne vel ferro. Et fere sub finem: quod si, ait, Medicus facta jam soluta unitate accedat, tota curatio dirigitur ad ablationem ossis corrupti.

(9) Totam Spinæ Ventositati medendi methodum certis fundatam indicationibus atque regulis paucissimis eleganter complectitur M. A. Severinus cap. 21. pag. 316. Postquam enim dixit, tot ut Pædarthrocæces curatio obtineri possit, proponi scopos, quot ad unguem in communi cariei, seu teredinis vitio spectentur; triplici hinc utitur scopo: primus est, quo prohibeatur, ne humor paulatim colligatur, vel ne influat: secundus, quod detrahatur id, quod emortuum est: & tertius, quo calculus provocetur. Nec ab his multum diversas indicationes sibi præfigit Petr. de Marchettis, Specillo enim explorato, corruptum esse os, tunc, ait, prima elicitur indicatio, nempe ossis cariem abradendi: osse verò sublato, curanda carnis generatio, cicatrixque tandem inducenda, methodo recepta.

Pandolphin. de Temporibus.

Affectus noster (1) quatuor habet tempora, nimirum principium, incrementum, statum, & declinationem; quanquam status non sit verè status. Licet etenim per multos dies stare videatur, tamen vel ad (2) declinationem, vel ad mortem usque dolose ambulat, quoniam ossis sit corruptio, & corruptum, sanum tangendo, hoc quoque corrumpit. Et quamvis propriè locus temporum hic non sit, & ea (3) in Cap. de Differentiis commemorata sint, dum dixi, Ventositatem Spinæ aliam imminere, aliam esse in fieri, & aliam in facto esse; tamen hic ea poni absurdum non est; quia Ventositas Spinæ per putredinem, atque corruptionem generatur; (4) proptereaque in omni tempore cum ceteris medicamentis ea quoque, quæ putredini, corruptionique contraria sunt, item à tota quæ agunt substantia, propter aliquam malignitatem in parte affecta, sive ratione sui, sive ratione excrementorum ad eam confluentium, contractam permisceri solent; ut in crisi malignæ febris, in morbo Gallico, & in variolis, ut supra diximus.

Merclini Annotationes ad Tempora Spinæ Ventosæ.

(1) De universalibus his temporibus illorum morborum, (non enim omnes morbi quatuor hæc habent tempora) qui à materia pendent, cuius nimirum cruditate, & coctione tempora illa determinantur: Vid. Sennert. *Instit. Med. Lib. 2. Part. 1. cap. 12.*

(2) Imò vereor, ne in perfecta ac consummata Spinæ Ventositatē frequentius desit declinatio, quam status; nisi tūc declinare morbum credideris, quando in mortem terminat, ipsa certè vitā sæpè optabiliorem.

(3) Non solum Cap. 6. de Differentiis; verum etiam Cap. 10. de Indicationibus universal. affectus nostri temporum aliqua ab Authore facta est mentio.

(4) Hæc, & quæ sequuntur, in Curatione potius quam hic inculcari debere videntur.

Pandolphinus, de Curatione, & primò de Chirurgia.

Scopis hisce tribus instrumentis satisfaciendum, Chirurgico videlicet, Pharmaceutico, atque diæterico. Si affectio igitur sanguinea fuerit, aliaque coindicantia adfuerint, nimirum vitium robur, ætas, tempus anni &c. licet hæc omnia non semper respicienda sint Galen.

2. ad Glauc. 2. (2.) Venæ sectio competit. At ubi prohibentia non adfuerint, ejus loco, scarificatæ cucurbitulæ applicari solent. Et quanquam sanguinis redundantia non appareat, & à cacochymia Malum tantum fiat, tamen venæ sectionem non derelinquimus, quare? (2) quia morbus est magnus, & ratione suæ naturæ, (ex omnibus enim morborum generibus compositus est) & ratione doloris. Galen. enim 4. Meth. 6. tamen si, inquit, redundantis sanguinis concursus non adsit; ad ipsam tamen sanguinis missionem interdum confugiendum, quando, si morbus valens est cum virium robore, nemo reperitur, qui sanguinem non mittat. Est autem sanguinis missio (affluente sanguine) revulsionis ergo facienda, id est, quàm longissimè à parte fluxione tentata, Galen. 13. Meth. debita distantia, rectitudineque servata, verb. grat. (ait ipse Galen. 2. ad Glaucon. 2.) si fluxio ad genu deferatur, vena inferior, vel media cubiti secanda: si autem ad brachium dicta feratur fluxio, in brachio altero, aut in crure ejusdem lateris vena incidenda, sive retrahere, sive derivare velis; & insuper (3) pro epate aperienda vena basilica dextri brachii; pro liene, vena manus sinistræ, quæ (4) salvatella dicitur; pro utero venæ quæ in poplitibus, vel talis sint; (5) pro hæmorrhoidibus, apponendæ hircines ad venas ipsas hæmorrhoidales; (6) pro naribus tandem hirudinibus ibi utendum; fiantque præterea (ventriculo vacuo) revellendi gratiâ, mane, & vespere, frictiones, ligaturæ, balnea calida, hujusmodiq; alia; quin &, si opportunum videbitur, derivatio non omitatur, quæ propè affectam partem, ubi vasa communia sunt, fieri consuevit: ita enim Galen. 2. ad Glaucon. fluentium dicebat, humorum revulsio medela est, derivatio autem eorum, qui jam obsederunt membrum: utrumque autem evacuationis genus per communes venas instituendum est. Si verò fluxio non cesset, aut, quæ cessavit, revertatur, læsamque stimulet partem; tunc (7) cauterium applicetur; & quidem pro capite in occipite; vel fiat loco cauterii setaceum, quod magis juvat uno mense, quàm fonticulus per sex menses gestatus: pro epate, & utero (si ad generationem morbi concurrunt, veluti sæpè concurrunt) in dextro crure parteque domesticâ, vel supra, vel infra genu, & denique pro liene in sinistro crure cauterium vel fonticulus ponatur.

Merclini Annotationes ad Curationem Chirurgicam.

(1) Quanquam Venæ sectionis unus tantum sit primarius finis, atque usus, nimirum sanguinis evacuatio & imminutio; plures tamen quin sint secundarii, nullum est dubium, quos inter numerant Practici refrigerationem, revulsionem, derivationem & fortassis alios. Crediturque communiter ea in sola plethora, sive sanguinis abundantia locum habere. Ast Pandolphinus noster in Spinæ Ventositatē non solum tum concedit sanguinis missionem, quando dicto cum malo conflictans sanguine abundat; sed etiam quando cacochymicum corpus circumfert, & vitiosis scatet humoribus. Cui præ ceteris officiosum calculum adderet Leonhard. Botallus, qui de Curatione per Sanguinis Missionem toto cap. 8. id ex professo agit, ut rationibus, propriâ experientiâ, ipsiusque Galeni, Celsi, atque Rhasis autoritate convincat, in Cacochymia etiam necessariam sanguinis esse Missionem. Cujus vestigia D. Ammannus quoque legit, quando sæpè alleg. Disputat. cap. 4. hujus Botalli sententiæ experientiam favere videri, inquit, qua clarum reddatur, multas impuritates sanguine, sectione emissio simul evacuatæ fuisse, indeque patientes melius sese habere cœpisse. Nos tamen hic nolimus cum quoquam con-

tentionis ferram reciprocare, latgientes potius & ipsi, posse fortassis nonnunquam in cacochymia cum aliquali plethora conjuncta leviozem sanguinis missionem, si nihil aliud prohibuerit, non sine *εὐφορίᾳ* celebrari; nihilominus persuasissimum nobis habemus, in illa Spinæ Ventositate, quæ altiores jam egit radices, quæque habituata cacochymiam conjunctam habet, ut plerumque habet, aut quæ malignitatem matrem agnoscit, sine plethoræ manifestis notis, plus Venesectionem obfuturam, quam profuturam; maxime cum, quid utilitatis ratione ipsius morbi, & ossis corruptionis ea asferre possit, non videamus. Si itaque unquam locum habebit, habebit certe vel ratione causarum, vel ratione accidentium, & symptomatum concomitantium, vel supervenientium, DD. Medicorum atque Gotthi egregio testimonio. Venesectio, inquit, alleg. Disputat. cap. 5. locum quidem hic non obtinet ratione ipsius morbi & corruptionis ossis; commodam tamen esse potest ratione causæ & accidentium, quæ circa ossis abscessionem contingunt, necnon in corpore plethorico, si ejus adsit indicatio, & nihil, vel virium imbecillitas, vel ætas prohibeat. Generosum enim, pergunt, sicuti est in gravissimis ulceribus prohibendo inflammationem, revellendo & alterando humores, remedium, ita & hic sano judicio adhibita suas asferre posse superperias non dubitamus. Multoties enim inflammationes, potissimum quando os abscedit, teste ipso Galeno, 6. Aph. 45. suboriuntur.

(2) Hæc ratio invalida videtur. Graviore sunt illa Botalli loco cit. Quod si enim in omnibus morbis magnis vena secanda esset; in omnibus malignis morbis, & in omni lipothymia secari deberet. Quod tamen absolum. Ad hæc si ideo Venesectio conveniret in affectu nostro, quia morbus est magnus, id est, ut Auctor explicat; ex triplici morborum genere compositus; conveniret certe in omnibus tumoribus p. n. quia omnes ex triplici morborum genere constant. Sed quod iterum, absolum.

(3) Fluunt hæc ex venarum delectu, quem Veteres tam religiose observandum præceperunt; quem delectum etsi prorsus repudiare nolum, illum tamen in ejusdem cubiti venis consistentem, cum plerisque hodiernis Medicinæ Doctoribus, non immerito vanum deputabo; cum omnes tres, cephalica nempe, mediana & basilica ab una radice, trunco nimirum subclavio sive axillari manifestè prodeant; adeo ut basilica non majorem cognationem cum hepate habere videatur, quam habet cephalica &c. nisi quis credat, nobis occultum, solique naturæ cognitum quid hic subesse. Vid. D. Joh. Theod. Schenckius Decad. Illustrium Proble; circa V. S. occurrentium, Problem. 2. ubi hanc controversiam; an in Venesectione delectus venarum observandus; uberrimè pertractat. Cæterum ex his & paulo post sequentibus verbis apparet quam studiose Auctor rectitudinem observet. Scilicet hepate simul laborante in dextro, liene verò laborante, in sinistro latere venam incidi, & fonticulum inuri jubet; Hippocratis fortassis nixus præcepto, docentis, dextra dextris, sinistra sinistris magis consentire.

(4) De hac Salvatella, an nimirum ejus incisio, eam habeat utilitatem, quæ vulgò jactatur; & in specie, an in affectibus lienis majus præstet commodum, quam alterius cujuscunque venæ incisio? Vid. Sennert. Paralypom. c. 23. pag. m. 89. seqq.

(5) Id est, si ab hæmorrhoidum obstructione ortum duxerit Malum, vel saltem earum apertionem ad Mali curationem proficuum fore credatur, tunc ad illas venas hirudines applicandæ, spe fore ut iis refferatis vitiosi sanguinis pars per eas eliminetur, sicq; natura, quæ corpus nostrum, velut nauclerus navem, regit, eo quo velut sarcina premebatur, exonerata, quod

reliquum est, facilius subigere queat.

(6) Hoc est, si è naribus sanguinem detrahere expediet.

(7) Cauterium, sive fonticulum excitare jubet Auctor pro capite, id est, à capite, ceu præcipua mandante parte ad partem affectam continuè dimanantibus vitiosis humoribus, & quidem in occipite, ubi apud nos rarissimè fonticuli parantur: vel suadet, in cervicæ fetaceum, ut humores distillantes per hoc evacuentur, sicque intercipientur, ne ad affectum locum pertingant. Cur autem capiti præ cæteris tam sollicitè prospiciat Auctor, hæc subesse videtur ratio; quia ipse ferè omnes hoc affectu nostro laborantes, primo alio ad ipsum caput attinente morbo correptos fuisse observavit, indicio; caput haud rarò multum ad Spinæ Ventositatis generationem tribuere. Quod si ita est, uti prorsus dubitare nolumus, fetaceum utique præstans erit remedium; humorum ad affectam partem affluxum inhibendo.

Pandolphinus de Medicamentis communibus.

Quoad Phatmaciam, comprehendit ea lenientia, alterantia, præparantia, solventia, roborantia, discutientia, atque similia, cum universalia tum particularia. Lenientia ad primas superfluitates circa epar existentes diriguntur, quæ vel per viam oris, vel alvi evacuant; illa vomitoria dicuntur; hæc vel per os, vel per alvum exhibentur. Si per os, propriè leniens erit: si autem per alvum, clyster, atque suppositorium nuncupatur; quæ (1) lenientia ab inclinatione, consistentiaque materiæ indicantur: vel enim ad superiora, vel ad inferiora inclinatur; & vel in ventriculo tantum, vel in ipso ventriculo, atque tenuioribus intestinis, vel tantum in crassioribus, veluti alvi excrementa, existit. Alterantia ad intemperiem diriguntur solum: Præparantia ad qualitatem cum materia: (2) Solventia ad materiam dictam, sed coctam, & non turgentem: roborantia ad partem debilem: Discutientia tandem ad materiam alicubi hærentem.

Ventositatē ergo Spinæ per cacochymiam (ut semper vidi) oriente, & humore calido, aut acuto, aut acri existente, & quidem per se, & non per putredinem, veluti est bilis, quæ ceu amara, (ut jam dictum) cæteris humoribus calidior, & acris est effectus, tales per sepe producit; aut sanguis fervidior, & tenuissimus, ex sanguine alimentali, dum hic funditur, justoque fervidior redditur, talis factus bilisque rubra à Galen. 6. de Morbis Vulgar. Com. 4. nuncupatus; ut caliditas hæc tollatur, acutiesque illa attemperetur, (3) refrigerandum ac humectandum; deinde verò demum humor purgandus est; ante omnia tamen administratis lenientibus, vel in forma vomitorii, vel potionis, vel clysteris, vel suppositorii, prout prima superfluitas inclinationem, & situm habuerit.

Si superfluitas tenuior, ut bilis serositasque adfuerit, & inclinet ad vomitum, hicque facile moveri poterit, motus iste per vomitorium aliquod adjuvandus, quod in multa quantitate, nempe ad libram, & ultra, ac tepidum exhibendum, ut per multitudinem aggravata, & per injucunditatem irritata expultrix, ad materiam noxiam expellendam insurgat; insurgetque eo magis, si præterea in summitatē gulæ, vel digitis, vel pennis irritata fuerit. Vomitorium aut cum hydroleo, aut cum aqua hordeacea, aut cum jure pulli, & syrupo acetofo permixto, pareretur, v. gr. (4).

℞. Decocti hordei unc. decem, syrupo acetos. unc. duas. Misc. pro Vomitorio.

In frigidiori verò ventriculo addendum aliquod corrigens, & irritans, ut anethum, vel apium. Quod si autem crassa extiterit materia cum supradictis (nempe aqua vel jure) loco

loco syrup. sumatur oymel. & succus apii, vel taphani ad unciam unam.

(5) Leniens pro materia biliosa, erit syrup rosat. solutiv. aut manna, aut tamarindorum pulpa; diaprunum item, non solut. diasebest. aut cassia, vel in forma boli, vel potionis, cum decoctione ex cichoriaceis facta. Si materia fuerit tenuis, sed aquosa, & non biliosa, propinandus syrup. rosatus non cum frigidis, sed cum jure pulli, aliove simili. Si superfluitas calida, crassaque fuerit, excipiendum mel rosat. solut. ad unc. quinque cum decoctione refrigerante, veluti endiviæ, vel cum sero caprino.

Vel ℞. Cassiæ noviter extractæ drachm. duas. Misc. cum saccharo; & Fiat Bolus. In materia crassa frigida leniens tale præscribi potest.

℞. Mellis rosat. solut. unc. quatuor, mannæ elect. unc. un. semis. Misc. & cum jure pulli, vel cum decoct. betonicæ & borragin. quant. suffic. Fiat Potio.

Vel ℞. Specier. hieræ drachm. i. cassiæ noviter extractæ ℥. i. Misc. & cum sacchari q. s. Fiat Bolus.

At si humores heterogenei peccaverint, ut semper peccant; aut supra dicta lenientia simplicia invicem permisceantur, aut electuaria lenientia ad hunc finem parata excipiantur, ut est diaprunum solut. electuar. lenitivum, diacatholicum, diasebesten, & similia, quæ omnes respiciunt superfluitates, licet magis unam, quam alteram.

Clyster, si materia fuerit calida atque acuta, refrigerans parandus est, verb. grat.

℞. Decoct. malvæ. violat. lactuc. lib. i. olei violat. mellis violat. ana ℥. tres, ovum numer. i. salis parum. Misc. pro Clystere.

Vel loco mellis sumatur cassiæ extractæ ℥. i. sem. Si verò materia fuerit crassa, & frigida.

℞. Decoct. betæ, mercurialis, fursur. lib. i. mellis rosat. olei communis rosat. aut chamæmelini an. unc. tres. Misc. pro Clystere. Loco mellis iterum sumi possunt cassiæ ℥. i. hieræ simpl. drachm. 2.

(6) Præparans biliosum humorem tale erit.

℞. Syrup. endiviæ, cichorii, violati an. ℥. semis, decoct. endiviæ, cichorii, hepaticæ, ana unc. tres. Misc. Quale medicamentum etiam frigidius parari potest, si ipsa materia peccans fuerit calidior.

(7) Purgans in forma potionis, prædicto humore præparato, sic describatur.

℞. Rhabarbar. elect. drachm. i. semis. Infundatur in aq. endiviæ per horas decem; & optima expressione facta, adde electuar. è succo rosar. drachm. duas, syrup. rosat. solutiv. ℥. i. Misc. & Fiat brevis Potio. In forma boli.

℞. Rhabarb. elect. & optime pulverisat. drachm. i. electuar. è succ. rosar. drachm. duas, cassiæ noviter extractæ ℥. i. Misc. & cum sacchari quant. suff. Fiat Bolus. Et, si pilulas magis desideret ægrotans, dentur illi pilulæ de rhabarbaro ad scrup. quatuor.

Et cum hepar præcipue hujus humoris acuti, ob calidam suam intemperiem, fons sit, alterandum illud est intus sero caprino depurato, eoque vel solo, vel cum emulsione seminum melonum, vel cum aqua, vel succo lactucæ, aut endiviæ parata permixto; quo fini etiam conserva rosarum, vel cichorii, usurpari potest, ita tamen, ut aqua stillatitia actu, & potentia frigida (si nihil impediverit) vel aqua fontis superbibatur: (8) extra vero aquæ, vel succi herbarum frigidarum, veluti cichorii, endiviæ, lactucæ, & hepaticæ applicentur: imprimis verò succus cichorii depuratus mirifice hîc valet, summopereque ab excellentioribus Viris laudatur: valde etiam (9) unguentum santalinum pro linimento prodest.

(1) Præparans pituitam, ventriculorum, atque caput respiciet, in quibus illa copiose generatur: & prout

per se vel frigida, vel crassa, vel viscida est, præparans quoque vel calefaciens, vel attenuans, vel incidens requiritur, verb. grat.

℞. Syrup. betonicæ, mellis rosat. saccharini, oxy-mellis simplic. an. ℥. semis, decocti betonicæ & calamitæ ℥. tres Misc.

(11) Purgans conficiatur ita.

℞. Electuar. diaphœnic. drachm. tres, mellis rosat. solutiv. ℥. quatuor, cum decoct. betonicæ & calamitæ q. s. Misc.

Vel ℞. Agaric. trochiscat. drachm. duas, mellis rosat. solut. ℥. quatuor, Cum decoctione supra dicta, Misc. & exhibeatur diluculo.

Vel (12) ℞. Pilul. hieræ cum agarico, cochiarum an. scr. duos Misc. & cum syrup. de betonica; Fiat Pilulæ quinque; dea trentur, atque diluculo exhibeantur.

Antequam autem ventriculi, capitisque alterantia describantur, aliquid de materia in ipso capite existente dicendum. In capite, nempe, (13) in cerebro copiosiora generantur excrementa, quam in cæteris corporis partibus; inter quæ excrementa crassa, (tenuia enim insensibiliter evaporando exhalant: aut per sudorem sensibiliter abscedunt) quotiescunque in venis consistunt, purgantibus supradictis tolli possunt, minimè verò, quæ extra venas consistunt; & hac de causa illis expurgatoria paravit natura; os nimirum, atque nares; quorum expurgatoriorum, ob aliquam causam, viâ interceptâ prædicta excrementa per aliam viam à natura ipsâ transmittuntur, acciditque sapissimè, ut per suturas, & calvariæ poros ea transmittantur, aut intra cranium, & pericranium detineantur, ibique ab ambiente frigido incrassentur, congelentur, tandemque ob moram putrescant, (14) unde ipsum cranium corrumpitur, Ventositasque Spinæ generatur: veluti in quibusdam pueris nescio quo ipsorum infortunio anno contingebat elapso: quod quidem cranium duplici modo corrumpi solet, vel quando dicta excrementa super ipsum immorantur, & putrescunt; vel quando ipsius cranii poros transeunt, ejus substantiam emolliunt, ac temperamentum viciant; quæ postrema cranii corruptio inde dignoscenda; quando videlicet os cadit, (si vi non auferatur) non est cariosum, neque fœtidum, (veluti in pluribus à me observatum fuit) & quidem cranii vitrea seu cranium cum medicullio, & prima lamina ad duram matrem usque cadit: quare ut ea excrementa per consueta loca excerni impedita, (15) ad consuetos ductus revertantur, & evacuentur, omni utendum est ingenio, quod alicujus (16) irritantis medicamenti ope consequemur; veluti ad nostrum propositum Medicorum Princeps Galenus nos docet; quod scilicet medicamenta dicta debeant esse calida, tenuia, acria, detergentia, suavis odoris, atque saporis. Calida enim attrahunt, tenuia facile penetrant, acria expultricem irritant (cum illi non sit amica) detergentia viscida, atque mucosa incidunt, odor, saporque bonus oblectat; quæ vel mitiora, vel validiora, paranda, prout necessitas exegerit, atque ægrotantes tolerabunt: simplicia talia esse possunt, nempe mastix, thus, origanum, pulegium, betæ, manna, mel, oxy-mel, hyssopus, salvia, majorana, nasturtium, crucca, cuminum, calaminta, dictamnus, folia & baccæ lauri, folia, corticisque citri; piper, zingiber, pyrethrum, succus iridis, sinapi, rhabarbarum, agaricus, epithymum, scammonium, polypodiū, colocynthis, euphorbium, elaterium, atque helleborus niger. At quia horum quædam sunt partim gustui, partim odorati ingrata, valde corrigenda sunt, acribus nimirum dulce aliquod permiscendum, veluti caticæ, nec non pasulæ, mel item, & saccharum: fœtidis odoriferum aliquod addendum, ut est ambra, moschus, gallia moschata, & styrax calamita, quæ & ipsa solida, & in

in solida, & in liquida forma exhiberi possunt & vel per os, vel per nares. Per os exhibenda masticatoria sunt, ac gargarismi, nec non ea, quibus palatum illinitur, quemadmodum in pueris cæteris medicamentis uti nescientibus fieri solet. Per nares exhibenda er rhina sunt, eaque vel in forma solida, ut pulveris, vel in forma liquida. (17) Masticatorium tale parari potest.

℞. Mastichis, drachm. duas, cere, caricarum, an. drachm. β. Misc. pro Masticatorio. Aut validius.

℞. Sinapis, piperis albi, salis communis, an. drachm. i. Misc. & cum mellis quant. suff. Fiat Masticatorium. Aut adhuc validius.

℞. Euphorbii, elaterii, an. scrup. i. moschi grana tria, ladani, cere, an. drachm. i. sem. Misc.

(18) Gargarismus sic præscribendus.

℞. Caricarum, vel passularum, ℥. i. origani, calamentæ, foliot. betæ, an. pugill. i. aquæ communis libr. tres. Fiat decoctio ad consumptionem tertiæ partis : deinde.

℞. Prædictæ decoctionis libr. semis, mellis communis vel oxymellis ℥. i. semis Misc.

Aliud validius:

℞. Cuiumini drachm. i. hyssopi pugill. duos, piperis, pyrethri, an. scrup. i. Misc. & decoq. in aq. salviæ aut rorismarini q. s. cujus libræ decoctionis adde oxymell. scillitic. ℥. duas.

Pro linimento in palato uti possumus confectioe cum sinapi factâ, mustarda vocatâ. Aut.

℞. Succi, betæ, lapathi, oxymellis, an. quantumvis. Aut.

℞. Staphidisagriæ, scammonii an. scrup. i. oxymell. quant. suff. ad incorporandum.

Et hæc omnia, vel in forma liquida, vel in pulverem redacta, in nasum quoque injici & sic (19) er rhina fieri, ex illisque pulveribus turundæ hoc pacto parari possunt.

℞. Pulveris sinapis, nasturtii, an. scrup. i. ladani, cere an. drachm. i. Misc. & Fiat Turunda. Alio modo.

℞. Euphorbii, elaterii an. scrupul. i. moschi grana quatuor. Misc. & cum cere q. s. Fiat Turunda. quæ medicamenta omnia modis supradictis administranda, si nullum impedimentum adfuerit : ut est ulcus, fluxus sanguinis e naribus, vel si eger vertigine, apoplexia, aut simili morbo corripitur quandoque soleat.

(20) Caput roborantia interna, externaque sunt. Interna sunt syrups, & conservæ de betonica, salvia, roremarino, pœoniâ, hyssopo, item diaciminum, diacalamentum, Mithridatium, & Theriaca : Externa sunt lotiones confectæ ex decocto absinthii, betonicæ, majoranæ, salviæ, hyssopi, calamentæ, lauri, agarici, atque similibus; quibus etiam annumerandæ aquæ thermales, cæteris dictis utiliores : nec non unctiones, ac stillicidia ex oleo chamæmelino, nardino, rutaceo, & laurino ; ut & ceratum de betonica sacrum, & ceratum capitale commune.

Pro ventriculo intro utimur syrups de corticibus citri, de mentha; aromatico rosato, Theriacâ, & Mithridatio : Extra verò linimento ex oleo absinthii, nardino, menthæ, mastichino, Magni ducis Heturriæ & nucis moschatæ parato, ventriculum inungimus; fomentumque ex absinthio, calamenta, origano, pulgione, floribus squinanti, rosis siccis, corticibus cydoniorum, seminibus anisi, fœniculi, & spica nardi constans eidem admoveamus ; & præterea cerata, velut est ceratum stomachale Magistrale, de tacamahaca, aut sequens, applicamus.

℞. Mastichis ℥. semis, macis, nucis moschatæ, caryophyllorum, menthæ, absinthii, an. drachm. i. Misc. & cum resinæ atque cere q. s. Fiat Ceratum. Ex supradictis herbis, aromatibusque sacculi quoque

confici, ac super ventriculum ipsum gestari possunt.

(21) Preparans melancholiam tale sit.

℞. Syrup. fumariæ, lupuli, è succo borragin. an. ℥. semis decoct. borragin. lupuli, melissæ ℥. quatuor. Misc. pro Syrup.

(22) Purgans verò ita conficiatur.

℞. Electuarii lenitivi drachm. sex, confect. hamech. vel diasenæ drachm. tres, syrup. polypodii ℥. duas semis. Misc. & cum decoctione cordiali q. s. Fiat Potio. Aut :

℞. Pilul. de fumaria, Indar. Mefves an. scrup. duos. Misc. & cum syrup. de polypodio q. s. Fiant Pilulæ numero quinque. Si autem humores Ventositatem Spinæ procreantes fuerint acres, falsi, & nitiosi per incalcescentiam, atque putredinem ; & antequam ad laborantem partem confluxerint, tales facti ; præparandi illi prius deinde & purgandi sunt. (23) Preparans igitur biliosum humorem sic præscribendum :

℞. Syrup. violati, de pomis ; acerosi de succ. acetos. an. ℥. semis, decocti hordei ; endiviæ, sonchi, hepaticæ ℥. quatuor. M. Preparans pituitam.

℞. Oxymell. simpl. syrup. betonicæ, cichorii an. ℥. semis, decoct. hordei, cichorii, betonicæ ℥. tres. Misc. Preparans melancholiam :

℞. Syrup. borragin. violat. de pomis simpl. an. ℥. semis. decoct. endiviæ, borraginis, ceterach. ℥. tres. Misc. Purgans autem humores istos nullum melius, inquiunt Autores, esse medicamentum, quam modò dictam Confectionem hamech.

Et tandem, si humores prædictum morbum efficietes extiterint aquei, (24) hydragogis illi sunt evacuandi. Ut :

℞. Succu iridis vel ebulli aut secundi corticis sambuci drachm. tres, mulsæ ℥. duas vel tres. Misc.

Vel : ℞. Succu iridis condensati drachm. duas : Formetur inde Pilulæ :

Vel : ℞. Pilul. aloëphangin. drachm. semis ; euphorbii præparat. gratia sex M. Fiant Pilulæ.

Vel : ℞. (25) Antimonii præparat. gran. sex (vel etiam plurâ paucioravè, prout opus fuerit, & vires aliaque accidentia Patientis permittent, vel prohibebunt, ut Medicis omnibus notum. Infundantur per noctem in vino albo aromaticoque, & hoc, manè colaturâ factâ, patienti exhibeatur ; quod antimonium non tantum semel, sed bis, terque hoc eodem modo usurpari potest. Non enim prima vice totam facultatem purgatoriam amittit. Evacuatur autem præterea aquei humores, & per urinam, & per sudorem. Quæ evacuant per urinam, sunt (26) diuretica; veluti est radix asparagi, brusci, fœniculi, api, cinnamomum, crocus, bacca juniperi, & alia simplicia fere innumerabilia : composita autem sunt species dialacæ diacurcumæ, diacalaminthæ, & diacimini. Quæ evacuant per sudorem, sunt (26) diaphoretica ipsa, frictiones, nec non ea omnia, quæ administrantur in lue Venerea. Præscripti autem humores hosce aqueos purgantia, quia nullam recipiunt coctionem : qua de re Galenus scriptum reliquit Libello, quos, & quando purgare oporteat : tenues aquososque succos à principio esse evacuandos ; à levioribus tamen semper facto initio. Denique notandum quod, si aliqua occulta subfuerit qualitas, ut in febre maligna, & pestilentiali, atque in lue Venerea, (27) alexipharmaca quoque exhibenda : ut theriaca ; Mithridatium, lignum Indicum, sarsaparilla, sassafra, & (8) hydrargyrum.

Merclini Annotationes super medicamentis communibus.

(1) Lenientia hæc quia duplicia, ideo à duplici quoque indicantur indicante.

(2) Solventia hæc nos vocamus Purgantia.

(3) Hæc

(3) Hæc per refrigerantia & humectantia instituenta alteratio antecedentem, ut omnia in hoc capite contenta, respicit causam, ut nimirum sanguis calidior, tervidior, atque acrior eorum ope artemperetur, sicque, antecedente causâ quandâtenus correctâ, proxima quoque causâ minus ab ea foveatur.

(4) Satis manifesta hæc sunt Vomitoria, & delicatulis nostris procul dubio minus placitura. Graviora eaque æquè tura offerunt Chynici: Talia sunt Aqua benedicta Rulandi, Syrupus catholicus, emeticus Angel. Salæ, Crocus metallorum, Sal vitrioli, Tartarus emeticus Mynsichti, &c.

(5) His addi possunt Syrupus de cichorio cum rhabarbaro, Aqua laxativa D. Mannagettæ, Electuarium Tamarindinarum, & infinita alia.

(6) Hujusmodi biliosum humorem præparantia quamplurima in Promptuario suo Macasius, & Jacob à Braun, in Sytem. Mater. Medic. aliique collegerunt. Nos pauciora nominamus. Suntque Syrup. rosar. simpl. acetositis citri, granator. de cichorio compos. aq. taraxaci, Lactuc. acetosæ, Cremor. & crystall. Tartari, Tartar. Viriolar. Arcanum. Tartari &c.

(7) Mitiora hæc purgantia fortioribus illis, quibus nonnulli summo sæpè cum ægrotantium damno hodie utuntur, longe certè præferrem. Optandumque esset, ut delicati nostri ægri Medicis suis adeo morigeros se præberent, ut non tam ea, quæ palato sapiunt, quàm quæ sanitati redintegrandæ conferrent, appeterent medicamina: Hinc enim fit, ut Medici ægris suis paulò longiores, sed admodum profuturas potiones abhorrentibus, sæpè præter necessitatem scammoniata, aliaque fortiora purgantia, saltem ut palato satisfaciant, porrigere cogantur.

(8) Non tam hepar alterandum, quàm sanguis, quo vasa illius pleniora sunt.

(9) Non possum, quin huc transferam Gulielm. Rondeletii, de Medicamentis externis p. m. 1049. probe notandam, de medicamentis hepar exterius refrigerantibus, cautelam. In refrigerando hepate, inquit, plus est periculi, quàm in calefaciendo. Admiscenda itaque quædam calida, sumpta indicatione à facultate sanguificandi, quæ calore perficitur. Adiditque; non leviter ideo peccare, qui Ceratum vel Unguentum Santalinum usurpant in hisce causis, quia refrigerat & adstringit non leviter.

(10) Hujusmodi præparantia pituitam cum simplicia, tum composita plura vide apud Macasium. Præter illa ab Authore adducta celebriora sunt Syrup. de absynthio, melissæ, de stœchade, capillorum Veneris, de duabus & quinque radicibus, Aqua hyssopi, centaurii min. fœniculi, agrimonie.

(11) Quando Petrus de Marchettis l. c. Spinæ Ventrosæ topicæ curationi semper totius corporis curam præmittendam esse admonet, id fieri debere notat medicamentis pituitam expurgantibus. Ast D. Ammann. loc. cit. cap. 4. §. 6. hoc negans, medicamenta hinc non phlegmagoga, sed potius celebratiora purgantia commendat, quibus serum vitiosum absque ulla electione educatur. Absque ulla electione, non oscitanter dixisse videtur, fortassis ut simul innueret, se non facere cum illis; qui singula purgantia peculiarem sibi humorem, ut rhabarbarum bilem, folia fennæ melancholiam, & non alium humorem, eligere quasi atque evacuare, statuunt; sed credere potius, omnia indifferenter purgantia non certum, sibi que proprium tantum, verum quemcunque in corpore obivum peccantem humorem sine distinctione per inferiorem, ut cum Plauto loquar, gutturem excernere. Cui sententiæ parum abest, quin meum quoque calculum adjiciam.

(12) Pilulæ hæc, propter magnitudinem suam hinc

que eas deglutiendi difficultatem, teneræ præcipuè ætati & sequiori sexui minus arridebunt. Vel ergo plures ex iis formandæ: vel hæc aut similes substituendæ.

℞. Mass. Pil. cochlearum scrup. un. extract. panchymagi Disp. novi Noriber. grana septem. Milt. & cum sufficient. quantitat. aq. betonic. Fiant. Pilulæ num. 15. deurentur.

(13) Copiosiora excrementa Cerebrum generare communiter dicitur, quod natura sit frigidius, hincque humores minus concoquere valeat: unde excrementa.

(14) Non inelegans modi descriptio, quo Spinæ Ventositas fiat in cranio.

(15) Id est ad nares & nos defluendo. Vid. Conf. Victor Schneider. de osse Cribri formi, per integrum quidem Tractatum, præcipuè tamen p. m. 396. & seqq. ubi de Coryza agit.

(16) Irritantia hæc medicamenta vel ut Gargarismus, vel ut Masticatorium, vel ut Errhinum exhibenda.

(17) Plura Masticatoriorum prädigmata imprimis vid. apud. Weckerum Antidotar. General. Lib. 1. cap. 46. & Special. l. 2. Sect. 42. nec non apud Schroder. Pharmacop. Medic. Chymic. Libr. 2. cap. 68. Sequens Fernelii commodissimum videtur.

℞. Sacchar. candefacti ʒ. 1. Mastichis ʒ. semis. piperis long. pyrethri, staphysagrie an. drachm. unam Fiat Pulvis, qui Nodulis parvis comprehendatur, & dentibus comprimatur, atque masticetur.

(18) Gargarismorum non solum hujus, sed & omnis generis exempla similiter apud eundem vid. Weckerum Antidot. Special. l. 2. Sect. 10. cui adijunge Hadr. Mynsicht. Thesaur. Sect. 26. p. m. 400 & seqq. Schroder. d. Libr. 2. c. 61. & Sennert. Institut. l. 5. Part. 3. Sect. 3. cap. 27. Pituitam è cerebro egregiè elicit sic inscriptum ac descriptum Joh. Theodor. Schenckii Systemat. Componend. & Præfer. Medicam. Part. Special. Clariss. 2. cap. 5. p. m. 130. quod.

℞. Origan, salvia, rorismarin. an. manipul. un. rosar. rubr. pugill. un. pyrethr. zingiberis an. drachm. un. semis Coq. in sufficient. quant. aq. pur. fontan. Colaturæ libr. uni adde aceti acerrimi unc. unam. Misc.

(19) Errhina non sunt uniformia, nec solum turundarum, pessulorum aut pyramidalis formæ, parantur; sed sunt adhuc alia eaque vel liquida, quæ naribus infunduntur, & ab iis attrahuntur, ut aquæ & succi; vel mediæ consistentiæ, quæ naribus illiuntur, ut linimentis, & balsama; vel sicca & arida, quæ, forma pulveris nunc subtilioris, nunc grossioris naribus aut statu immittuntur, aut inspirando attrahuntur, Præmica seu Sternutatoria propriè dicta. Ipsas singulorum formulas copiosâ farragine iterum reperire licet apud Weckerum Antidot. General. Libr. 1. cap. 47. & Special. Lib. 2. Sect. 11. Quercetan. Pharmacop. Restitut. cap. 18. Schroder. Libr. 2. cap. 55. Sennert. Institut. Libr. 5. Part. 3. Sect. 3. cap. 30. aliosque. Pyramidalia errhina, Nasalia cognominata, in Pharmacopœis nostris uno eodemque modo parata habentur, quorum descriptionem suppeditat novum nostrum Dispensatorium. Schroderi Extractum nasale pituitam & humores falsos à capite per nares educendi peculiari laude dignum hic erit medicamen, si ejus parum naribus indarur. Inter pulverum præmicorum hodiè usitatissimorum, innumerum ferè numerum, suum quolibet impensè iactitante, non postremus huc faciens erit ille Mynsichti, quem Species Dia Tabaci vocat, itemque pulvis sternutatorius Dispensatorii novi Norisbergens.

(20) Plura caput & ventriculum roborantia qui desiderat, adeat Promptuaria allegata, quorum ope

ope copiotissimas formulas facile concinnare poterit.

(21) Huc pertinent præterea Sirup. de pomis, de epithymo, de scolopendria; Aqua aperitiva polychresta Rolfink. Tinct. Martis aperitiv. Mynsichti, Mœbii, tartari, Extract. chalybis sive magister. Martis aperitivum, vitriolum Martis, oxymel & vinum chalybeatum &c.

(22) Solus Macafus purgantia melanagoga sufficienter suppeditabit. Laudem imprimis merentur Elect. de Sena cum ambra; Extr. hellebor. nigr. fol. senæ, lapis lazuli, Pilulæ tartaræ Quercetan. & Schroderi.

(23) Hæc, & quæ in hoc paragrapho sequuntur, præter necessitatem repeti videntur.

(24) Præter hæc ab Authore enumerata celebriora Hydrgoga sunt Sirup. diafercos, domesticus, florum Pericorum, Extract. diacarthami, gratiolæ, soldanelle, Magister. gualappæ, Gummi gorte, Pilulæ Hydropticæ Bontii, aliaque.

(25) Mirum, ni præparatum atque ita exhibitum hoc Antimonium (an Crocus metallorum?) intoleriores prius vomitus moturum sit. Unde à violento hoc remedio hic loci prorsus abstinere satius fortassis foret.

(26) Diuretica simul ac diaphoretica, tam simplicia, quam composita, apud hætenus citatos Authores longa serie consignata reperies, ex quibus omnis generis formulas facili negotio concinnare licebit. Quemadmodum autem in affectus nostri curatione diuretica hunc præstant usum, ut acres atque falsos humores peccantes in toto corpore redundantes, & ad partem affectam subinde effluentes, ad urinarias vias divertant atque sic imminuant, ita imprimis diaphoretica eosdem humores per poros cutis, sudoris atque vaporis formâ, è corpore eliminant, hacque ratione ab affecta parte quadantenus revellunt. De illis testatur Heurn. Commentar. in Aph. Hipp. 45. Sect. 6. ubi scribit, in contumacibus ulceribus (qualia in Spine Ventositatis sæpe sæpius occurrunt) mitum in modum solatio esse solere revellentia succos à parte exulcerata, qualia sint urinas moventia, quæ ichorosam materiam, quæ quotidie in partem ulcerosam ferri solebat, excludant. Diaphoreticorum verò usum in his & similibus affectibus nemo facile vocabit in dubium. Inter alios Plateus; ait ulcera, quæ in lue Venerea prorumpunt (quàm hæc autem benè cum nostris conveniunt?) sanare unâ cum morbo diaphoretica & in aliis diuturnis non minimam curationis partem efficere.

(27) Imò quia sub verâ Spine Ventositatis plerumque, si non semper, aliqua latet malignitas, ideoque non abs re erit, plerisque hætenus enumeratis medicamentis, quoad possibile fuerit, alexipharmaca immiscere quibus virulentia simul infringatur. Id quod imprimis D. Mœbius atque Gontsius loco allegato solenter præcipiunt, qui, postquam c. 5. lenientia & præparantia medicamentâ recensuerunt, omnia illa pro ratione morbi, ægri, & causarum componenda, & exhibenda, semperque aliquid addendum esse monent; quod specifica facultate morbi virulentia & malignitati resistet; cuiusmodi formulam exhibet Paul. Barrette Chirurg. Anatomic. Part. 3. cap. 3. p. m. 20. similiter summo opere necessarium existimans, quod malum hoc ferè semper ab intemperie universæ massæ sanguineæ dependet, medicamentâ quædam præparentur, quibus toti corpori auxilium feratur, estque.

℞. Rad. consolid. m. j. osmund. regal. Chinæ, salaparill. an. ʒ. i. cort. ligni Guajac. ras. ʒ. duas, rhabarb. opt. drachm. sex, fol. senæ mund. drachm. decem, caryophyllorum drachm. i. cinnamom. drachm. duas.

Infusa hor. viginti quat. in suff. quant. aq. hord. tepid. Coq. lento igne, & Expressionis libr. quatuor adde syrup. de symphyt. Fernel. ʒ. quatuor. M. Fiat Apozema.

Bibliot. Chirurg. Tom. III.

Sumat ejus æger ætatis adultæ uncias tres, quatuor, quinque. Leniter pinguabit, curationem promovebit, & a novo morbo præservabit. Quod etiam innumul repperisse videtur Petr. de Marchetis, quando, inter illa medicamenta, topica curationi præmittenda decoctum ex China, taliaparilla, ligno Guajaco & hujusmodi suadet: Cæterum ab Authore adductis alexipharmacis addi possent timida Antimonii vera, essentia pini, lycopodii, angelicæ, varia Bezoartica imprimis animale, nec non tal viperarum mirum in modum & ferè unice ad totius corporis curam vyperas, & quæ ex iis parantur, medicamina, laudante Severino cap. 20. quod agit de Præservatione.

(28) An, per hydrargyrum Mercurium dulcem non continentium anas in Gallica potissimum lue remedium, an verò Mercurialia unguenta, vel denique adhuc aliud ex Mercurio præparatum medicamen intelligat Author, non adeo planum est. Intelligat autem sive hoc, sive illud, sive istud, utrinque tenenda illa cautela, quam de aqua divina Fernelii ea utentibus injunxit Joh. van Horne, Microtechn. Sect. 2. Part. 2. p. m. 236. eam nimirum cum judicio adhibendam esse; quæ certè cautela de omnibus Mercurialibus medicamentis subsumi & observari potest. Atque ut ne dubites, accipe, quid de iis moneat Clarissimus Dom. Mœbius. Quemadmodum omnia, inquit loc. cit. in Praxi Medica cautè & circumspèctè sunt agenda; ita imprimis in usu horum Mercurialium providentiâ opus est, taliaque vix, nisi ab exercitatissimo tentanda. Laudat autem Idem ibid. cum Respondente suo D. Gontsio in specie illa Mercurialia, quæ *πρωαλισμὸν* sive salivationem procurant, quod hæc acie & acutum in massa sanguinea effervescentes serum, mediante peculiari Mercurii *δυναμίδι*, commodissimè separent, ad ductus salivales præcipitent, & evacuent, atque hoc modo causæ Ventositatis Spine non leve bellum indicant, quo conflictu sæpe victoriam atque coronam cum laude deportet imperterritus in Arte versatus Medicus. Quo ipso præsidii genere puellam, hoc affectu nostro detentam, mensibus licet apparentibus, nihil tamen melius inde habentem, per salivationem Mercuriali inunctione excitatam, & duodecim dierum spatio continuatam feliciter, restituit Rolfinkius Dissertat. Anatomicarum L. 2. c. 47. p. m. 423. Confer. Senner. Prax. lib. 6. Part. 4. cap. 21.

Pandolphinus, de Medicamentis Topicis, & de Chirurgia ad Partem laborantem spectante.

Quoad specialem, per topicam, Chirurgicamque curationem, si Ventositas Spine imminet, expurgatio à superfluitatibus corpore, veluti demonstratum est, pars affecta roboranda, intemperies per sua contraria tollenda, parsque ipsa rara, & nimis laxa adstringenda, dolor auferendus, materiaque peccans evacuanda; ubi ante omnia probè notandum possibile à (1) pinguibus, oleaginosisque cum ratione putredinis, (quippe quæ visa maximè ad putredinem inclinant) tum ratione partis, caveamus, & horum loco (2) exsiccantibus utamur, cum ipsa ossium natura, quam respicimus, sicca sit. Ita enim Galen. 7. Meth. 13. Prima, inquit, indicatio à laborantis partis temperie sumitur, quæ calefaciendi, refrigerandi; siccandi, humectandi, vel aliquid horum conjunctè cum alio faciendi, mensuram præscribit: secunda ex eo sumitur, quod actio partis affectæ omnibus animalis partibus sit communis, aut quod communem virtutem subministret: tertia ab ipsa partis figura; & quarta denique ab ipsius situ, cujus pot-

rio cum vicinis animalis partibus copulatur, desumitur. Tum præter hæc dicta ipsa sentiendi vel acrimonia, vel hebetudo; & quæ inde sequuntur consideranda.

(3) Roborantia tum calida, tum frigida sunt; verbi gratiâ, inter calida, absinthium, cupressus, salvia, rosmarinus, costus, juncus odoratus, ladanum, aloë, moschus, myrrha, lentiscus, & alumen rochiæ. Inter frigida verò, rosa, myrrhus, balauitium, malicorium, galla, & similia numerantur; ex quibus vel vino austero, vel aquâ chalybeatâ fomenta confici, & adhiberi possunt; quanquam non absque iudicio. Nam si raritas partis fuerit sine intemperie, ex calidis, frigidisque roborantibus simul temperatum medicamentum parandum: Si verò cum intemperie, & quidem frigida, conjuncta illa fuerit, calida; si cum calida intemperie, frigida roborantia in usum vocanda. Et sic raritas, intemperiesque insimul tollitur: præterea oleum rosarum omphacinum, myrrinum, mastichinum, & lentiscinum, unguentum item de lithargyro, de cerussa, santalinum, & illud Comitissæ.

Si autem dolor non sensim, sed cum impetu supervenit, & absque tumore incipit, membrumque frangi ægrotanti videtur: tunc (ut de signis in genere diximus) materia aliqua sub periosteio continetur, nisi frigida fuerit intemperies: quæ si non acuta tenuissimaque fuerit, vaporem, seu materiam flatulentam doloris illius causam esse, cernendum est, qui propterea per ablationem causæ tollendus; nempe prædictum vaporem resolvendo, qui cum sub periosteio contineatur, & propterea medicamentum ad eum non ita facile perveniat, propter ipsius periosteii densitatem, ideo medicamentum discutiens & omnium tenuissimum hîc requiritur; ut est aqua ardens, quæ ab Italis dicitur, di sette cotte, vel oleum spicæ, Philosophorum, & petroleum; quæ cum valde calida sint, & vaporabilia, cum illis aliquid permiscendam, quod loco corrigentis atque adjuvantis inserviat: ut mustum, sapa, succus mali cydonii, vel folia sonchi, quinquefolii, oleum myrrinum, cerussa, lithargyrium, & cera; vel utendum fotu anethi, chamomillæ, & sem. cumini coriandri, fœniculi, & petroselini, cum vino diluto parato; quæ omnia etiam pro frigida intemperie satis erunt commoda; excepto, si perseveravit dolor, ubi, ne inflammatio oriatur, recurrendum ad anodyna, & ea quidem in specie, quæ tenuium sunt partium; quia hæc omnem materiei speciem respiciunt, evacuando scilicet, digerendo, rarefaciendo, extenuando, concoquendo, atque æquabile reddendo, si qui, in partibus affectis, humores acres, lenti, crassi, & copiosi, vel vaporosi, crassi, aut admodum frigidi spiritus exitum commodum non inveniunt tenuibus spiramentis impacti hæserint, & conclusi fuerint, Galenus 4. Simpl. 19. Nec præterea dicta hæc tenuia anodyna poros obturant, aut materiam includunt, veluti anodyna symmetra, ob suam visciditatem, quorum natura simillima est cum eâ, quâ suppurantia prædita sunt; hoc solum notato, ut cum jam laudatis anodynis ea permisceantur, quæ (4) os corruptionemque respiciunt; quibus utrisque scopis unum idemque medicamentum, cum uterque siccans expostulet, satisfacere potest; quale antimonium calcinatum est, quod ita calcinari solet.

℞. Antimonii lib. 1. sulphuris lib. semis, Misc. pulveriscentur, & indantur ollæ optimè luto sapientiæ clausæ, carbonibusque accensis circumdatæ, donec dictum antimonium calcinatum fuerit, quod trium horarum spatio fiet. Vel permisceatur cum ipsius (5) antimonii oleo, quod sic paratur: Accipiat videlicet dictum paratum antimonium, & pro quolibet ipsius libra, sumantur aceti 3. quatuor.

Bulliant simul in olla ad aceti consumptionem, deinde eximatur antimonium, & ponatur in vas vitreum rectorum ad lambicandum, è quo oleum egredi videbitur,

quod in huiusmodi affectu, nec non in ulceribus malignis, serpentibus, cancriosis, & inflammatis admodum potens est.

Possimus etiam cum iis oleum ligni corni permiscere: nimirum.

℞. Olei anethini, chamæmelin. ligni corni an. 3. semis, pulveris prædicti drachm. 1. & cum ceræ q. l. Fiat Linimentum.

Vel: ℞. Olei de lumbricis, aut vulpini, aut communis antiqui unc. un. ligni corni, aut antimonii drachm. duas, Misc.

Vel: ℞. Vini dulcis, vel sapæ libr. un. succi graminis, quinquefolii ana unc. tres, farinæ fabarum, hordei, milii, ana unc. duas, olei chamæmelin. anethini. de lumbric. ana unc. sem. Misc. Fiat Emplastrum ad ignem. Aut foveatur pars cum decocto florum chamæmeli, anethi, melilothi, rosarum, myrri, sem. coriandri, fœniculi, lini, milii, & radic. peucedani cum vino diluto parato. Vinum enim roborat, & exsiccatur; aqua verò tepida rarefacit, ac resolvit. Et, si defensivum applicari potest, applicetur.

Dolore autem non cessante, & naturâ ab illo irritatâ, licet non adsit plethora, tamen sanguinem, & spiritus affluere: atque tumorem inflammatorium, nempe phlegmonem fieri necesse est; unde dolor augeatur, utraque fractionem, tensio quoque, gravitas, & pulsus percutitur, & hinc dolor tensivus gravativus atque pulsativus causatur, ita ut ibi ad dolorem & materiam simul respicere, necessarium Medici sit munus. Ad quem dolorem, materiamque impactam, & parti affixam (6) supraposita medicamenta optima judicantur; quibus hoc solum addimus, ratione fervoris, succum lactucæ, plantaginis, vel sempervivi, & similibus, cum illis permiscere, operæ utique pretium esse: cujus loco & hoc uti possumus:

℞. Farinæ hordei, lentium, micæ panis, ana unc. duas, plantagin. lactucæ, ana manipul. un. Misc. & bulliant in aq. simpl. q. s. deinde contundantur, & addantur olei rosati, violati, chamæmelini, ana unc. un. Fiatque Emplastrum dolenti parti applicandum.

Notandumque hîc, nunquam, præsentem dolorem, (7) reprimentibus puris esse utendum: ait enim Galenus 2. ad Glauco. 2. expresse siquidem non admodum partes dolent, talibus (nempe reprimentibus) utendum; magno autem dolore fluxu incidente, nequaquam reprimendum, quoniam reprimentia omnia ad-versantur anodynis.

Multò minùs in huius modi casu discutientia vera, seu calida siccaque in tertio gradu, propter nimiam suam caliditatem, locum habent: imò dolore maxime urgente (derelictis scæteris omnibus) huic soli succurrendum, & quidem non anodynis tantum veris, sed etiam (8) narcoticis, seu stupefacientibus, ne vires nimium dissolvantur, cum morte ipsâ patientis subsequente: quæ stupefacientia frigida sunt in quarto gradu; quemadmodum est cicuta, mandragora, hyosciamus, & opium, cum alio quodam medicamine, intensam jam dictorum frigiditatem corrigente, & eorum penetrationem adjuvante, permixta; ut est crocus, atque castoreum; ex quibus simplicibus narcotica sunt composita; quorum aliud per os assumitur, aliudque exterius applicatur: quod per os assumitur, est Requies Nicolai, philonium Romanum, diaspermation, & pilulæ de cynoglossa: quod autem exterius admoveatur, ita parandum:

℞. Micæ panis in sufficiente quantitate sæpe decoct. unc. duas, opii scrupul. un. croc. drachm. semis, castorei, grana quinque, Misc.

Quamvis in complexionibus membrisque admodum debilibus hæc narcotica valde sint suspecta, quippe quæ calidum innatum, jam ante debile existens (prout sunt

sunt ei contraria) magis adhuc corrumpunt: calorem enim nativum à frigore corrumpi, Aristoteles 3. Probl. 25. his verbis testatur, dum corrumpitur, inquit, calore aut marcere, aut extinctu; extinctu quidem à contrariis, hoc est frigido, atque humido. At si dolor modicus, aut humor non attractus, sed expulsus fuerit; tunc valentius repercutiendum, exsiccandumque est: unde spongia in posca, vel frigida, vel repida, prout fuerit tempus anni, ægrotantisque tolerantia, madefacta, atque expressa partidolenti sepè admota juvabit: vel; madescat spongia in vino rubro austero, in quo rose, balaustra, atque chamæmeli flores bullierint; & applicetur. Uti præterea possumus emplastro ex farina hordeacea, vel fabacea, aut milii cum posca, vel decoctione dictâ confecto.

Aur. ℞. Unguent. lithargyr. de ceruss. santalin. olei rosati, omphacini, ana unc. semis. Misc. pro Linimento.

Post percussione[m], materia, quæ percussioni non cessit, paulatim resolvenda, hoc ferè resolutivo pharmaco quo ad putredinem, partisque temperiem simul respicitur:

℞. Cicerum rubr. florum chamomill. anethi, rosar. rubr. ana manipul. un. Misc. & bulliant in vino tenui cum modico aceti, & decoctio cum spongia usurpetur.

℞. Farinæ fabar. hordei, cicerum, ana unc. duas, Misc. & bulliant in aqua mullâ, vel vino mullô: & Fiat Emplastrum.

Vel: ℞. Farinæ orobi, lentium, fabarum, semini lini, fenigræci ana unc. un. Misc. & bulliant in oxymelite: & Fiat ut suprâ.

Vel: ℞. Diachyli magni cum gummis unc. duas; antimonii, suprâ dicti calcinati drachm. duas. camphoræ drachm. semis; Misc. ac incorporentur. Vel, loco antimonii sumatur marchesita, vel aristolochia; cum primo tamen cerato cum aceto malaxata. Eritque loco hujus conveniens quoque ceratum è marchesita, sacrum, oxycroceum, & illud de tabaco, faciendo ut suprâ. Convenit quin spongia in aqua maris, vel in lixivio cum modico aceti madefacta, & expressa.

At si materia resolvi nequit, sed suppuratur, vel corrumpitur, tunc de ossis corruptione timendum, quâ non obstante nihilominus ad suppurandam materiam dictam natura adjuvanda est; licet (9) suppuratio post corruptionem in casu nostro pessimas alias existimanda; quia resolutione exsiccationeque, & non materiæ ratione, ac humiditate indigemus; deinde quia humore in pus se vertente dolor fit, ut inquit Hippocrates Aphorismo 47. Sect. qui à tensione & calore procedit, ut Galenus in Commentario ad prædictum Aphorismum ostendit; hincque ipse primo omnium (veluti ipse jubet 2. ad Glaucon. 7.) tollendus, vel saltem leniendus est; quo lenito (cum maximè adversetur naturæ) natura ipsa validior fit, materiamque concoquit; quando aliàs si ab extraneo natus calor superatus esset (quorum auxilium in suppuratione necessarium est) non concoctio, sed corruptio fieret. Lenietur autem dolor iste tensionem fervoremque removendo, quibus non sufficientibus, ad anodyna tandem deveniendum censemus; quæ ad omnem intemperiem accommodata erunt; nimirum ad decoctum florum chamæmeli, melilori, anethi, violarum & passularum; aut ad emplastrum cum lacte, vel mulierum vel brutorum, & farinâ hordeacâ, oleo rosato, chamæmelino, atque vitellis ovorum paratum: aut

℞. Olei rosati complet. chamæmelini, an. unc. iii. farin. hordei flor. chamomill. ana unc. tres. Misc. & cum sapæ q. s. Fiat Emplastrum ad ignem, partique applicetur.

Relaxantia, quæ à Galeno, 7. de compositione medicamentorum secundum genera chalaistica nuncupantur, sunt butyrum, oleum commune, amygdalarum dulcium, adeps suillus & gallinæus; sed quæ antiqua esse debent; recentia enim anodyna symmetra sunt, atque suppurantia.

Dolore lenito, partequè laxatâ, suppurantia applicare congruum est, quorum formulæ antequam tradantur, primò eorum natura tradenda, & prius quàm tradatur natura, perpendamus quod Galenus 5. simplicium 6. habet, nimirum quot alterationes in corpore animalis sint; quid sint, & quomodo fiant? quæ quidem alterationes tres sunt, quarum prima est secundum naturam; secunda; præter naturam; tertia & ultima utraq; est & mixta. Prima ab ingenito calore in materia animanti familiari fit: secunda ab aliena caliditate provenit & ad nihil utile est, tertia fit quidem ab ingenito calore, sed non planè vincente, & in materia peragitur, quæ prorsus benigna non est; neque tamen omni ex parte aliena. Sed quemadmodum naturales alterationes, quæ ab innato proveniunt calore, à simili extrinsecus juvantur; pari modo & quæ in movendo pure conspiciuntur. Nam ventriculorum imbecillitatem habentes, ut adjuvent calorem nativum ejusque substantiam, pueros catellosque sibi imponunt; quorum quippe calor æquè calidus, & humidus; ac calor noster temperatus existit: ita suppurans familiaritatem nobiscum habere debet; ita ut neque humiditate complexionem nostram exsuperet. At; quia hominum naturæ inter se differunt (Galenus ut suprâ) suppurantia quoque differre debent. Naturâ enim calidior calidius expostulat pharmacum; frigidior minus calidum. Et non solum temperamentum totius respiciendum, sed etiam partes laborantes, veluti Galenus docet libr. de Oculis, dicens: Maturantia necesse est calorem habeant quantum membro curando necessarius est, ne imminuant, vel augeant suam naturalem humiditatem; ita ut quilibet homo; & quælibet pars suo proprio, atque determinato indigeat suppurante. Et præterea cum calor vel calidum (nam quando dicitur calor, de qualitate intelligi potest: at quando dicitur (10) calidum, de substantia intelligitur) substantia sit tenuis, atque vaporabilis; & facile exhalare possit, prædicta suppurantia poros etiam obstruent, quoniam inquit Galenus 5. simplicium, 9. si quicquam concoquere consilium est, quamplurimum, meo iudicio, spiritus servati intus oportet spiritu enim exhalante, debilitatem partis sequi necesse est; unde concoctio fieri non potest. Denique & materia respicienda: quoniam in calidiori materia, suppurantia frigidiora; in fridiori, calidiora administranda. Suppurans ergo erit farina hordeacea, aut triticea, aut panis ejus cum hydraleo, unguentum tetrapharmacum, seu basilicum, vel emplastrum, factum è malvarum & violarum foliis, farina triticea, vel hordeacea, butyro, & croco, quibus addi possunt radices althææ, passulæ, & casticæ, dummodo non fuerit intense calida: vel parandum emplastrum cum farina triticea, hydraleo & croco.

Factâ supputatione, (quod cognoscitur cessantibus, vel saltem remittentibus symptomatibus, duritie videlicet, tensione, pulsatione, calore, dolore, & tandem febre, quæ omnia in puris generatione concurrunt, ut Hippocrates, loco suprâ citato, & Avicenna. Fên. 3. text. 3. cap. 21. itemque lenitate quadam præsentem, nec non molliem, sub digitis inundatione aliquâ parte cæteris eminentiori, inque mucronem subducta, & tabescente) tunc discussio materiæ non expectanda, veluti in multis casibus facere consuevimus, & Galenum facere videmus 13. Meth. 5. qui confectio pure (antequam ad apertionem abscessus veniat) materiæ discussionem tentat, dicens: si pus aliquod notabile in suppurante parte est contentum, non expedit, (quod

nonnulli faciunt) protinus incidere, sed potius exhalationem moliri medicamentis valentibus, quorum usus experientiâ comprobatus est. Non expectanda, inquam, discussio, quia, si tunc os nondum corruptum esset, inde demum corrupteretur: humiditate enim extantâ prope os commorante, os ipsum faciliè corrumpitur; sed (11) statim apostemâ per longitudinem aperiendum, & eo quidem loco, ubi editissimum est; postque extrahendum.

Quod si autem, immisso specillo, os pessentitur corruptum, (12) foramen quantum possibile dilandum, ut totum vitiatum patefiat, id quod si (12) ferro, vel medicamento caustico, aut putrefaciente, propter aliquod impedimentum fieri non potest, verbi gratiâ propter arterias, nervos, & tendines præsentis (12) spongiæ, vel gentianæ turundis dilatio fiat, tuncque totum vitiatum os (13) vel limâ tollatur (14) vel candenti ferro; si, ob foraminis angustiam abradi non potest, & corruptio ossis vel nimia, vel à materia virulenta & abundante potius humiditate, quàm ab acredine orta deprehendatur.

At si Chirurgus manu non est adeo expeditus, per foramen oleum chalcanthi, vel sulphuris, vel aquam fortem, qua aurum ab argento dividitur per aliquot vires intromittat, continuòque turundâ in oleo antimonii, aut ligni corni, aut (15) in melle rosato cum aqua vitæ & pulvere antimonii, plumbi usti, ireos, & peucedani permixto intinctâ uratur, addendo, ad temperandum aquæ vitæ & aliorum calorem parum aquæ plantaginis, vel graminis & farinæ hordei; quia in morbis istis semper reperitur aliqua inflammatio: præterea assidue fiet lotio cum vino in quo decoctæ sint rosæ, hordeum, radix ireos, & lupini cum cortice ligni sancti, ut ulcus à sanie expurgeretur simul ac exsicceretur, proindeque natura valentior ad sepatandum malum à bono insurgat. Et ut humiditas ex ulcere jugiter evocetur; aliquod ex suprâ propositis ceratis applicetur: & tunc vitiatum os desquamato, mitiora siccantia valebunt.

Si autem os non conspiciatur, tunc potest esse corruptum, & læsum (16) vel minimè læsum: si fuerit læsum, tunc tumor, inflammatio quodammodò obscura, dolor, & ut plurimum copiosa, fœtensque sanies præsentis erunt; quare videndum, ubi caro magis sit mollis, inflammata & violacea: ibi enim os vitiatum esse colligitur, nisi ea contigerint ob partem tumoris decliviorē, ad quam natura semper majorem materiæ partem transmittere solet, quæ ibi putrescens, quandam acutiem, nitrositatemque (ut dicebatur) acquirit, & ob quam acutiem, partes erodendo, ad exitum parat sibi viam, à natura expellente adjuncta; atque tunc si absque tendinum, nervorum, venarum, & arteriarum læsione fieri potest, aperiendus est locus, dilatandus, procedendumque, ut suprâ. Osse autem non laborante melius se res habebunt, & absque multo abscessus sanabitur labore, concoquentibus primò adhibitis, quæ conficiuntur è vitellis ovorum cum oleo rosato: vel cum oleo rosato, terebinthin, & cera: aut cum terebinthin, vitellis ovorum & croco, prout materia calidior, dolor, nec non complexio exposulaverit: deinde medicamentis à sordibus quæ detergant & rhyprica à Græcis nuncupantur, applicatis, Galen. 5. simplicium 17. quorum quædam dulcia, quædam amara sunt tenuiumque partium, ut crassitiem illam, quàm sordes habent, attenuare valeant; veluti mel, mulsa, mel rosatum, Syrup. rosatus, succus apii, saccharum, terebinthina, sarcocolla, radic. ireos, farina ervi, fabarum, hordei, lupini, & alia similia, quæ in materia calida sic componi possunt.

℞. Terebinthin. claræ unc. un. syrup. rosat. unc. semis, farinæ hordei drachm. un. vitellum unius ovi Misc. vel loco syrupi addatur mel rosatum nec non succus apii, unâ respiciendo ad materiam peccantem,

ad naturam ægotantis, & ad sensum partis. Quæmodum enim materia viscidior, crassiorque, naturaque robustior & non adeo exquisitus sensus, validius requirunt detergens; ita contrà, tenuior materia, natura debilior, sensusque exquisitus, mitius expostulant detergens.

Si in abscessu sinus magnus reperitur, & detergentia crassa ad os undique pervenire non possunt, liquida per siphonem intromittenda sunt, crassis tamen in orificio adhibitis cum turunda: ut:

℞. Decoct. hordei non expoliati libr. un. mellis rosat. unc. tres Misc. & utere pro Lotione.

Aut: 2. Lixivii Barbitonforis libr. un. mellis rosat. unc. tres, succi apii unc. quatuor sarcocollæ unc. semis: Misc.

Deteritione factâ, (quæ ex carnis rubedine cognoscitur) ulcus carne explendum est; ad quam carnis generationem duæ necessariò concurrere debent causæ. Galen. 3. Meth. cap. 3. materialis unâ, efficiensque altera: materialis est sanguis; qui quidem sanguis (ut caro ipsa regeneranda) cum subjecta carne ejusdem speciei) necessariò sine ullo esse debet peccato, ut videlicet neque qualitate, neque quantitate, neque substantiâ peccet. Causa efficiens est temperamentum partis, quod, si naturale fuerit bene est; sin minus, ad statum ipsum naturalem reducendum, vitium præternaturale removendo. Et sicut duplex excrementum omnem qualitatis alimenti sequitur mutationem, ita in novæ carnis generatione duo conspiciuntur excrementa, unum tenue, alterum verò crassum, Gal. loco citato; cumque excrementa dicta à natura excerni non possint, quemadmodum illa quæ per urinam, alvum, sudorem, & insensibilem transpirationem excernuntur, hinc natura ipsa indiget ministro, qui medicamentorum ope tenue (ichor vocatû) exsiccet, & crassû (sordes nuncupatum) detergat: quare tale medicamentum duplicem possidebit facultatem, exsiccantem scilicet & detergentem, quod sarcoticum à Galeno, ut suprâ dictum, vocatur debetque (ut humani corporis temperies incolumis servetur) cum modicè exsiccare, tum modicè detergere. Primi ordinis medicamenta vide apud Galenum ibidem & sic quoad activas qualitates; at si aliqua fuerit intemperies contracta, ea primò tollatur, quia aliàs ulcus nunquam impleteretur carne, neque ad cicatricem perducere posset. Galen. 3. Meth. 8. Quia verò non uni tantum medemur naturæ, & ex Celso scriptum habetur, non oportere ignorare quod non omnibus ægris una eademque auxilia convenient, propterea in siccantibus primi gradus non semper standum, quin potius gradus iste primus (cum tres habeat mansiones) perscrutandus est: nam alia natura humidior existit, à qua minor exsiccatio indicatur, & siccior alia, quæ validiorem exsiccationem indicat: sic vicissim partis laborantis natura (ut jam diximus) consideranda, nec non forma, qualitas ulceris, & tempus anni: ulcus enim magis profundum magis exsiccandum, quoniam copiosiores ibi generantur humiditates quàm in superficiali. Tempore hyemali, calidius, quàm æstivo applicandum medicamentum. Simplicia sarcotica sunt thus, resina abietina, laticina, terebinthina, gummi; lithargyrium; minium, plumbum ustum, & lotum: composita sunt unguentum de minio, de lithargyrio; plumbo, isis: atque hæc in siccioribus naturis, in cæteris verò epulotica, nempe cicatrifiantia locum habent: habemus præterea unguentû (17) resinum basilicum, (18) matrifylvæ, oleum hyperici, ceratum barbarum, & diapalmæ: In casu nostro summopere unguentum resinum cum unguento de minio permixtum valebit, itemque mel rosatum, cum terebinthina, & thure, quibus turunda illinatur; & super ulceris os ceratum barbarum, aut diapalmæ applicetur.

Si do-

Si dolor ab acuta vel falsa materia procreabitur, five is frangitivus, five alterius speciei sit, tunc pro ejus sedatione ita procedendum est, ut causa doloris auferatur, velut indigitavimus, resolvendo nimirum, exsiccando, & partem roborando, quibus scopis supra posita medicamenta satis facient; quemadmodum etiam si à materia ex ipso osse scatente dolor oriatur; quibus tamen jam dictis medicamentis ea præterea addere possumus, quæ aliquam (1) reconditam respiciunt qualitatem, quæ sæpe numero cum morbo nostro conjungitur; ut

℞. Hordei, lentium, fabarum ana manipul. un. pomorum granator. acidor. numer. duo, sonchi, plantagin. quinque folii ana manipul. semis, Misc. & bulliant in vino rubro quousque omnia decocta fuerint; hac tamen cautione, ut legumina sejunctim decoquantur, post omnia triturentur, contundantur & cum pauca quantitate olei myrtini, & anethini tantilloque croci, & camphoræ in formam emplastri redigantur: aut excipiantur decoctum spongiæ, & super partem factâ prius fomentatione expressa ligetur: vel

℞. Sonchi, plantagin. quinque folii, flor. chamomill. vel herb. anethi, vel parietariæ ana manipul. un. Misc. contundantur, fiatque Emplastrum parti affectæ applicandum.

Optima etiam est cæta in oleo rosato, myrtino, aqua ardente, oleo petroleo, vel spicæ cum pauco aceti, dissoluta, qua membrum affectum illinatur crasso modo, illitæque per 24. horas permaneat, iterando istud remedium quotiescunque opus fuerit.

Si materia frigida tenuique fuerit, spongiis, in aqua salia, lixivio, vel aqua ardente madefactis, inodo supradicto, exsiccabitur: At si resolutionem renuat aut ob multitudinem materiæ aut ob partis imbecillitatem, seu aliud vitium; incidatur, & curetur abscessus modo jam dicto, concoquendo nimirum, detergendo, incarnando, & agglutinando; si cavitas ingens, humiditates prius exsiccatæ, sordesque deteritæ, ac expurgatæ fuerint, cum agglutinantia ceu austera, & adstringentia, (Galen. 3. Meth. cap. 6.) aliàs non convenient; quæ agglutinantia sic parari possunt.

℞. Rosarum, balaustrorum, absinthii, fol. myrti, ana manipul. un. nucum cupress. numero decem, aluminis Rochæ, unc. un. Misc. & bulliant in vino rubro aultero, & usurpetur intus cum siphone, & extra cum spongia, sed expressa, & fasciis decenter circumligata, ut fluentes humiditates per fascias exprimantur, & vi spongiæ exsiccentur: quo facto os ulceris cute tegendum: sed quia cutis pars est seminalis, & pars seminalis semel deperdita amplius non crescit, juxta Hippocratis sententiam 6. Aphorism. 19. natura adjuvanda est, ut aliquid cuti simile regeneret, nimirum (20) cicatricem; quæ à carne admodum exsiccata oritur: ita enim Galenus 3. Meth. 5. materia, inquit, carnis est sanguis, & cutis, cicatricis autem itidem quidem caro est, sed exsiccata admodum: epuloticum ergo non solum, superfluum quod affluit, exsiccare; verum etiam humorem, qui in ipsa continetur carne, consumere debet: & Simplic. cap. 16. idem ait Galenus: in planis ulceribus ad cicatricem ducendis id est consilium; ut caro alteretur fiatque cutis; id quod perficitur per ea, quæ carnem contrahere, constringere, constipare, densare, & calli instar siccare valent; ita ut cutis veluti in calum durata sit caro: quare epulotica ista sicca sunt in tertio gradu, & admodum adstringentia; partim, ut siccitate sua humidum absumant, partim ut constrictione præcaveant, ne sanguis copiosius affluat; quod ipsum inter alia præstant, aloës cortex, thuris, pini, ligni sancti, tutia, plumbum ustum, sumach.

Bibliot. Chirurg. Tom. III.

bolus Armena, balaustrum, spodium, cerussa, & ferè innumerabilia: composita sunt unguentum de minio, de cerussa, tutia, plumbo, isis, ceratūque diapalmæ. Advertendum autem, quod in siccioribus naturis sarcotica; in humidioribus verò epulotica; ut supra diximus, magis convenient.

Oriente autem Malo à frigida, crassa, & viscida pituita, ut plerunque observavi, repercutientibus non utendum, quia materia ipsa reprimentibus non cedit, sed adhuc crassior evadit, magisque parti affigitur, & prorsus incurabilis redditur, verum ipsa materia per affectam partem evacuanda est eam emolliendo, incidendo, & resolvendo subsequenteribus ferè medicamentis, nimirum:

℞. Cerati diachyl. magni, cæsi philagrii, ana unc. duas; mucilagin. semin. althææ, caricar. succi ireos, ana unc. un. Misc. & bulliant usque ad mucilaginum; & succi consumptionem; deinde addatur terebinthinæ claræ uncia semis, ceræ, q. s. ad faciendum ceratum: aliud:

℞. Galbani, serupini, opopanax, ammoniaci, ana unc. semis, succi ireos, bryoniæ, aceti scillitici, ana unc. unam. Misc. & bulliant lento igne, quousque gummata fuerint dissoluta, & succi consumti; post addatur olei liliorum alborum, terebinthinæ, ceræ, ana uncia semis, iterum parum bulliant; & in fine addantur pulveris ireos drachmæ duæ: Aliud:

℞. Farinæ semin. lini, fœnigræci, hordei ana unc. duas pulver. flor. chamæmeli, meliloti, ana unc. unam. Misc. & bulliant in oxymelite q. s. ad faciendum emplastrum; in fine addendo, olei liliorum alborum, pinguedinis anaris, ana drachmas sex; & Fiat Emplastrum: aliud summopere valens.

℞. Flor. chamomill. aneth. melilot. herb. parietariæ, ana manipul. un. rad. althææ, ebuli, ana libr. unam, sem. lini, fœnigræci, ana unc. duas: Misc. & bulliant in aqua multa, quousque omnia decocta fuerint; quibus adde olei communis libram semis: quæ decoctio pro fomento ita inserviat, ut in illa spongia madefacta & expressa, super partem laborantem continuè detineatur; hac tamen cautela; ut in fine morbi prædictum fomentum sine oleis adhibeatur, & vel spongia cum aqua salina, lixivio; & præferim cum nitro, & pauco aceti, vel ceratum è marchesita; vel diachylon magnum cum pulvere aristolochiæ, & ireos, administretur. Solco autem & parare stillatitium oleum hunc in modum.

℞. Terebinthinæ, resinæ pini, ceræ citrin. mastichis, ana unc. quatuor, ligni sancti raspati unc. duas Misc. & in vase vitreo lutato, lento igne destilla; quod oleum ad roborandos articulos, & materiam resolvendam summopere conducit.

Si tandem à materia maligna subortus fuerit dolor, illa discutienda exsiccandaque est: cujus particularia discutientia prætereo, quia superius posita hic accommodari possunt; modo cum his aliquod alexipharmacum permisceatur, ut est theriaca; bolus Armena, cepæ, & alia sub prunis decocta, dictamus; item gentiana, quinquifolium, ruta, scordium, terra Lemniæ, chamædris, atque Mercurius in morbo Gallico. Et si ad supputationem tendit tumor; suppuretur, & procedatur, eodem, quo supradictum, modo: At si à deleteria qualitate calor, temperamentumque partis penitus corrumpuntur, ad ferrum ignemque deveniendum, aut saltem ad mox dicenda sequentia medicamenta; si sufficientia videbuntur, etsi his quamvis partem carnosam cum aliqua ossis corrupti portione tollere possimus, morbum tamen perfectè curare nequeamus, quia à corruptione major pars ossis obsessa est; quo in casu, (12) totum membrum læsum, ferrâ à sano refecandum, (22) pars sana relicta exurenda, partim ut roboretur, par-

tim ut sanguinis fluxus tollatur, partim ut, si aliquid maligni remanserit, destruat. Et quia, ubi os corruptum est, plura solent ulcuscula cum carne mala, squalida, & foetente oriri, ideo caro illa tollenda, vel (23) cathartico aliquo, quale est dyphriges, flos aris, æs ustum, alumen Röchæ, hermodactylus, asphodelus, Mercurius præcipitatus, unguentum Apostolorum, Ægyptiacum, atque aqua fortis, cui fini etiam (24) filamenta à Fallopio parantur hoc modo.

℞. Filamentor. unciam unam, Aquæ rosar. plantagin. solani, an. unc. quatuor, Opii scrupul. unum, medullæ panis unc. duas, Argenti vivi sublimat. scrup. quatuor. Misc. bulliant ad medietatis consumptionem. Deinde extrahe, exprime atque utere.

Quibus jam dictis medicamentis putrefacientia subitui possunt, ut (25) trochisci de Minio, Johannis de Vigo; aut sublimatum pluries aquâ rosarum, & plantaginis lotum, iterumque exsiccatum; aut idem jam dictum sublimatum cum Aquâ rosarum & tragacantho exceptum, inque formam teretem redactum; aut idem sublimatum infusum in Aqua rosarum & succo apii, inque phiala per quadraginta dies, & quidem ipsos caniculares, retentum sæpe agitaturn, tandemque exsiccatur & usui servatur.

Atque hoc sublimatum illud est medicamentum, quod Scrophularii pro maximo secreto, neminique revelando habent, quod tamen nos, qui ejus usum propriâ experientiâ & tandem cujusdam relatione, in strumis, cancris, carbunculis, & cæteris hujus generis morbis, sæpe feliciter, cum tantillo opii permixtum, experti sumus, reticere noluimus: quod etiam ad dilatandum ulcus usque ad os, optimum est, deinde verò demum os ipsum, vel instrumento rasorio, vel ferro candente (ut jam diximus) tollendum; si potest; sin minus, & jam allegatis remediis ob aliquam causam tolli nequit, ea applicanda pharmaca, quæ maximam vim exsiccandi habent, ut est, oleum de chalcantho, & cætera suprà enarrata, desuperque ceratum aliquod è suprà dictis ducendum. Sed si materia adeo acris, & acuta fuerit, ut inde ulcera fiant serpentina, loco ceratorum dictorum substituaturn Unguentum de stercore canis, quod ita paratur.

℞. Stercor. canis ossa comedentis exsiccari & pulverisati drachm. sex, plumbi usti, Turicæ præpar. an. unc. semis, lithargyrii, Cerussæ, an. drachm. duas, lactis caprin. libr. duas, farinæ lentium unc. quatuor. Antequam verò unguentum hoc componatur, sic omnia sunt disponenda: primò multa ferramenta extinguantur in lacte; deinde farina & sterco cum lacte misceantur, & coquantur ad spissitudinem usque, post adde olei rosati, myrtini ana unciam unam semis, ceræ albæ q. s. iterum coquantur omnia, donec cera liquefacta fuerit; ultimò mineralia adjiciantur, & statim auferatur ab igne tota massa, ac ducatur simul, donec unguentum fiat, quod Johannes de Vigo Copios. Libr. 7. de Natura Simplic. ferè sub fin. p. m. 624. Fiat etiam lotio cum decocto è rosis, hordeo, balaustiis, & plantagine parato & cum vino diluto.

Si post ulcerum sanationem, & materiæ discussionem, exsiccationemque aliqua remanserit durities, veluti quam sæpissimè accidere solet, quia dum ossis timemus corruptionem, magis discutimus, & exsiccamus, quàm emolimus; eò quòd melius est ægrotañtem aliqua duritie in parte vivere, quàm eum laborare magnis apostematibus, fœtoribus, febribus, & tandem mori; emollientibus (sublato ossis corruptionis metu) utendum, facto tamen semper fomento cum lapide pyrite ignito & in aceto extincto, quod, licet exsiccet, respicit tamen simul naturam partis, facitque, ut emollientia malactica à Galeno 5. Simplicium & 7. de Compositione medicamento-

rum secund. genera cap. 1. appellata, penetrent, hincque ipsam materiam crassam & viscidam attenuat ac incidit, & à Galeno 2. ad Glauconem, in duritie ligamentorum, tendinumque laudatur.

Ne verò ea malactica absque ratione administremus; cum durities multiplex sit, non erit inconveniēns, imò necessarium, declarare, quid sit durum; quot modis fiat, nec non quanam differentia inter durum, & tensum intercedat. Quoad primum; dura dicuntur illa, quibus caro nostra cedit Galen. 5. simpl. 4. & 3. de Pulsibus, sicque durum, vel per exsiccationem, vel per concretionem, vel ex nimia repletionem; vel ex permixtis causis; quamvis durum tertio modo acceptum, improprie durum dicatur, densumque potius appellandum sit. Durum enim proprie dictum illud est, cui caro nostra, ut diximus, cedit; densitas autem nihil aliud est quàm transponentis, & transpositi æqualis actio, verbi gratia, si ponitur transponens, nempe digitus super densitatem, digitus densitatem transponit; deinde transpositum, (densitas scilicet,) transponens transponit, & sic successive fit, indicatque laxantia, & emollientia, propterea, cum non una sit induratorum natura, neque una eorum debet esse medela. Nam quod à siccitate induratum est, humectari; quod à congelatione, excalescere; quod à repletionem, inaniri; quod autem à permixtis inter se causis, hisce medicamentis permixtis curari debet. Stantibus ergo his, duritiei per congelationem ortæ proprie dicta malactica conveniunt, & quidem malactica calida, ut frigori, seu congelationi contrariantur. Ita namque Averroes 5. Collig. quod per congelationem, inquit, induratum est, calefactionem requirit. Quicquid enim congelatum est frigore, liquatur à calido, siquidem liquari potest. Et cum in congelatione dicta, seu in eo, quod congelatum est, humor sit, & humor absumi debeat, quia præter naturam ibi reperitur, idcirco prædicta malactica, ultra caliditatem, siccitatem quoque possident. Et quia potenter calefacientia subtiliores partes resolvunt, cæterasque in afflicto membro, relinquendo, morbum reddunt curatu difficillimum, & vehementer exsiccantia suâ naturâ ad summam duritiem humorem parti impactum adigunt, ideo illa malactica, neque caliditate, neque siccitate excedant; sed sufficit, ea in secundo, vel tertio calida, & in primo gradu sicca esse. Galen. 5. Simpl. 9. Averroes loco citato, Avicenn. lib. 4. Fen. 3. cap. de Apostematibus duris Paulus 4. 38. & alii. Ad duritiem à solventibus, vehementerque siccantibus ortam, hæc valebit fomentatio (adhibito tamen semper prius fomento, vel ex aceto, vel ex mulso, cum lapide pyrite, ut diximus) quæ talis est:

℞. Radic. althææ incis. libr. unam, folior. malvæ, manip. duos, flor. chamæmel. melilot. an. manip. unum sem. lini, fœnigræc. an. unc. quatuor. Misc. & bulliant in aqua cum capite & pedibus vervecis, quousque caro optimè cocta fuerit, & adhibeatur embrocando & fomentando duritiem; Cum quâ ipsa aqua decocta emplastrum etiam sic formare possumus.

℞. Farin. sem. lini, fœnigræc. an. unc. tres, radic. althææ incisar. & contusar. libr. semis; Misc. & cum prædictæ decoctionis, s. q. F. Emplastrum ad ignem addendo pinguedin. gallin. anapis, medull. vitulin. ol. lilior. albor. an. unc. unam; quò facto, servetur ad usum. Luta etiam Patavina sumopere prosunt, & præ omnibus proficiunt. Facta autem per congelationem duritie, ut in materiâ calidâ propter nimiam repercussientia adhibita, atque in scirrho tam à pituita crassa, & lenta, quàm à melancholia procreato contingit, utile erit ceratum diachylon magnum cum gummis: vel unguentum de althæa cum iisdem gummis compositum, vel sequens, quod

℞. Bdellii, Ammoniac. Galbani. Mucilag. sem. lini, althææ, caricar. an. unc. unam, Misc. & cum ol. sem. lini, vel lilior. albor. q. l. Fiat Cataplasma. Vel hoc, quod

℞. Cerati magis prædicti, cœpsi Galen. Emplastr. mellior. an. unc. duas, caparum, medull. crur. vitul. pinguedinis gallin. an. unc. unam: Misc. & cum Cera q. l. Fiat ad ignem molle Ceratum. Quibus jungantur & quædam eorum medicamentorum, quæ in curatione materiæ pituitosæ idonea esse dicta sunt. Juvat præterea (pro omni intentione) animalium calor, quia calidum innatum suscitatur, atque restauratur; hincque jubemus, ut ægrotantes in calidis brutorum ventribus, læsa sua membra aliquandiu detineant. Habemus præterea in agro Neapolitano Puteolis balnea, quæ omnes durities emolliunt, præsertim (quod miraculi instar est) callos, in fracturis, malè restauratos unius horæ spatio, si verum est, quod mihi à quodam Religioso relatum est, ita emolliunt, ut inde, & calli; & ossa plicabilia, sicut puerorum ossa, reddantur.

Merclini Annotationes super Medicamentis Topicis & Chirurgia ad partem laborantem spectante.

(1) Pingua atque oleosa ossibus noxia esse, per vulgatum est, sciuntque illi etiam, qui vel è limine falcein Chirurgiam salutarunt. Id testatur Celeberrimus Ambros. Paræus, qui lib. 18. cap. 26. pingua hæc atque oleosa inter cariei & ossium putredinis causas refert. Ossium enim, inquit, putredinem istam auget nimis oleorum & pinguium medicamentorum usus. Testatur insuper adhuc clariùs Paul. de Barbetre, Exercitissimus Chirurgus. Notandum, (sic habent ejus verba Chirurg. Anatôm. Part. 3. cap. 3. pag. m. 22.) ossa medicamenta pingua, oleosaque perferre non posse, nisi vel summè exsiccantia sint, vel ope destillationis omnem pinguedinem amiserint. Testantur denique fortassis & alii; sed quos, ne longius abeamus, huc trahere nolumus.

(2) In his, & similibus corruptoriis ossium abscissionibus exsiccatione cumprimis opus esse, & quidem non solum ratione ulceris, verum etiam ratione corrupti ossis, eleganti Galeni confirmamus testimonio; quando in Commentar. 6. Aph. 45. exsiccari, inquit, omnia ulcera postulant, præcipuè verò ea, in quibus os affectum est. Finis verò siccandi esse debet, si pars ejus affecta abscesserit.

(3) Non possum, quin sequens Joh. Vigonis, quod ipse Practic. lib. 9. cap. 34. valde ad affectus partis roborationem deprædicat; huc transcribam:

℞. Hord. mund. lentium, rosarum, fabarum an. Manipul. semis, pomotum granatorum cum corticibus numero duo: Bulliant omnia simul cum aqua dulci usque ad hordei creparuram; deinde pistentur, & cribrentur, cui cribaturæ addantur olei myrtini, rosati, omphacini, anethini, chamemelini ana unc. duas. ceræ albæ unc. duas sem. & iterum bulliant omnia parùm, deinde deponantur ab igne, baculo agitando, donec tepida fuerint, & ultimo loco addatur Croci scrupul. un. & utere super loco dolenti more emplastri. Mirum in modum (sunt ejus verba) confortando locum materiæ conjunctam desiccatur & resolvitur.

(4) Ossis corruptioni imprimis convenire exsiccantia medicamenta; adeo ut exsiccante sua virtute corruptas etiam ossis partes à sanis separare valeant, præter fidam rerum magistræ experientiam aliquot eximii quoque Chirurgiæ Scriptores fidem faciunt. Galeni testimonium num. 2. adscripsimus. Epiphan. Ferdinandus Histor. seu Cal. Practic. 42. Sicca, inquit, & arida ossium humiditatem absumunt, & si arida magis fiunt, separationi seu desquamationi paratiora fiunt. Paræus lib. 18. cap. 26

rationem præterea, modumque addit, quò exsiccantium virtute vitiosum os à sano abscedere posse credat. Scilicet medicamenta, inquit, insigniter deuccando, omnem ossis humiditatem tum excrementitiam, cariei authorem, tum alimentitiam exhaustit. Unde exangue manet, & nutritionis, adeoque vitæ expers. Quò sit, ut os necessariò abscedat, glutine eò, quo cum sanis partibus vicina & vitæ communione continebatur, deturctum; foliorum instar, quæ decidunt, exhausto humido; quo, tanquam glutine, ramis propriis adhærebant. Hunc corrupti ossis per exsiccantia medicamenta à sano successione ac separationis modum paulo aliter, ita nempe exponit Sennert. lib. 5. part. 2. cap. 13. Medicamenta, inquit, quæ os corruptum a sano separant, valde siccantia esse debent; ut humiditates superfluas in osse corrupto absument, ipsumque os sanum siccet, ut virtus expultrix ab eò, quod vitiosum est, in eò separet, & vis ossifica os seu callum generet, qui os corruptum protrudat. Ipsa autem quod exsiccantia hæc; ossisque corruptionem emendantia attinet medicamenta, describit ea Galen. lib. 3. de Comp. Med. sec. loc. cap. 3. & lib. 10. cap. 2. nec non lib. 5. de Compos. Med. sec. gen. cap. 14. quæ omnia in tres Classes redigit Sennert. loc. cit. nimirum vel in mitiora, vel in fortiora, vel in fortissima. Mitiora sunt: Rad. peucedani; vitis albæ, (bryoniæ) iteos Florentin. Aloë, Alumen. Fortiora: Rad. Aristolochiæ rotund. draconii, cortex panacis, pini, pumex ustus, scorïa æris, Chyl. locolla, Spiritus vini. Fortissima: Euphorbium, Chalcanthum ultum, cinis ficulneus, calx, aqua fortis, Oleum Vitrioli & Sulphuris. Præter omnia hæc memorata commendat Petr. ab Argillata Chirurg. Lib. 1. Tract. 6. cap. 9. Rad. gladioli, fructus & folia ficus cum foliis papaveris in forma emplastri, betonicam humidam contrusam & superpositam, & imprimis cinerem vermium terrestrium cum melle crudo permixtum atque applicitum. Barbette Chirurg. Anatôm. Part. 2. Lib. 2. cap. 3. addit Lignum guajac. Spiritum Sulphuris, Vitrioli, Salis, Tartari, & oleum Antimonij. Celebris ille Amstelodamensis Consul Nicol. Tulpius Observat. Med. Lib. 1. cap. 34. omnibus præfert oleum cinnamomi cum oleo sublimati. Affirmat enim, se hoc remedio in segregandis celeriter ossibus nec vidisse, nec legisse quicquam convenientius. Oleum aluminis præ cæteris extollit D. Schaffer Disputat. sua Inaugurali, adjicitque opopan. sagapen. & ostrac. combust. cum terebinth. Mercurium dulcem in aqua plantaginis solutum & illitum ad cariem simul ac nigredinem ossis probat Johan. Hartmann. Prax. Chymiatric. p. m. 392. sub. tit. Fistul. Capivaccius Libro 5. Meth. Med. cap. 11. in carie ex lue Venerea ad ossium exsiccationem pulverem tutiæ cum pulvere lithargyri, & corticum ligni guajaci inspergere, & unguentum de tutia superponere jubet: quoad ossium verò corruptionem quam primum ad fortiora, quæ inter præcipitatum potissimum laudat, veniendum esse docet; hac tamen, ut opinamur, lege, ut cauto cum circumspectu fortioribus illis utamur, ne periculosas inflammationes excitando, putredinem, ossisque corruptionem angeamus magis, quam imminuamus. Unde Argillata loc. cit. hanc fortassis ipsam ob rationem prudenter monet, ut si euphorbium (idem judicium esto de cæteris plerisque fortioribus) ossi superponere velis, præmunenda sit caro circumdans aliquo cerato vel panno lini, ne aduratur illa. Et quod Hildanus observat. Chirurg. Centur. 4. observat. 11. in specie de cariosis ossibus mandibularum, & oleo Vitrioli fortique aqua pronunciat, id nobis de aliorum quoque ossium carie, hincque similibus fortioribus

ribus, vel fortissimus medicamentis dictum censeamus. Ita autem scribit: Ossibus cariosis mandibularum ut ignis & ferrum, item Oleum Vitrioli & aqua fortis adhibeatur, non suadeo, idque propter gravissimas causas. Cæterum poterunt ex adductis simplicibus, prout res feret, variae compositionum formulæ facili negotio concinnari. Sequens Sennerti loc. cit. ex Avicennæ Fen. 4. Lib. 4. Tract. 4. cap. 11. primitus dimanat, unde Argillata quoque hausit:

℞. Rad. Aristol. rotund. ireos, Myrrhæ, Aloës, Cortic. panacis, terræ Erythridis ust. scorizæ æris, cort. pini, partes æquales. Ex his vel pulvis ossibus inspergendus, vel; si melle rosato, aut unguento Ægyptiaco, prout videbitur, excipiat. Unguentum fieri poterit. Succincta est, laude tamen sua non minus digna illa Pauli Barbette l. c.

℞. Mumiz, sarcocollæ an. drachm. sem. Euphorbii drachm. un. M. F. Pulvis. Item quæ sequitur.

℞. Succ. chelidonii maj. unc. duas, Spirit. vini unc. un. Myrrhæ, Aloës an. drachm. duas, Vitriol. alb. scrup. un. M. pro Injectione. Restant adhuc duo singularia: unum Sennerti est loc. all. quod ita describit:

℞. Sulphuris citrini libr. un. Ponatur ad ignem lentum, ut liqueat, cui adde Tartar. pulverisat. libr. sem. Misce diligenter, donec frigida evadant. Postea pulveriscentur, & super lapide in locum humidum ponantur, donec liqueant. Hoc oleo ossa corrota iunguntur. Alterum Ceratum divinum Joh. Sculteti est, ab ipso descriptum in Armamentar. Chirurg. Observat. 6. quod D. Paul. Ammanno cum primis probatur, potissimum si pro majori efficacia oleum de lacertis vitridibus admisceatur, quod hoc solum (cum ipso loquor) Spinam Ventosam perfecte curate dicatur. Ex omnibus autem, quotquot jam cum simplicia tum composita recensuimus medicamenta, nulli major virtus in corrupti ossis emendatione ab Authoribus adscribitur, quam euphorbio; unde quoque à variis vario elogio ornatur, & quasi certatim commendatur. Argillata Lib. 1. Tractat. 6. cap. 9. ex Serapione refert, euphorbium ossi superpositum ossa in una die excoriare & fragmenta separare. Paræus, Aquapendens, & Hildanus vires euphorbii ex Dioscoride deprædicant. Ita enim Paræus Lib. 18. cap. 26. euphorbicum, inquit, ossium testulas, squamasque eadem die eximit Dioscoridis sententiâ. Aquapendens Op. Chirurg. Part. posterior. Libr. 3. cap. 10. scribit, à Dioscoride laudari euphorbium pulverisatum. Hildanus Centur. 4. Observat. 21. §. ult. asserit, euphorbium mirandas habere proprietates, quod suâ caliditate non solum humores in ossæ exsiccet, sed & occultâ quadam facultate hîc conveniat; additque, quod etiam à Dioscoride ossibus cariosis adhibitum fuerit, nec metuenda sit ipsius acrimonia, etiamsi linguam & nares mordicet, quodque ulceribus, quantumvis copiose inspersum tamen nullum dolorem aut inflammationem excitet. Hoc porro ait, paradoxum quidem esse putabis: Sed ego expertus loquor. Tandem ab horum latere stat Fallopius, qui Tractat. de Morb. Gallico cap. 96. ingenuè profitetur, se euphorbio nullum præstantius, & quod citius os corruptum tollat, invenisse remedium. Hæc elogia nonne imitabile nobis pariant exemplum?

(5) Hujus hoc Authoris modo præparati Olei Antimonii loco esse fortassis posset vel ipsum oleum sive butyrum Antimonii cum æquali parte Mercurii sublimati paratum, & in Dispensatorio novo Norimbergensi descriptum; vel saltem oleum Antimonii Sennerti cum saccharo cando confectum, & in Dispensatorio Augustano exhibitum.

(6) Quibus addatur hoc Joh. Vigonis Ceratum, huc, ut videtur, apprimè facturum, quod ipse Pra-

ctic. Lib. 5. cap. 2. pag. m. 509. millies cum honore & non parva utilitate se esse expertum testatur, nobilisque & securioris operationis & magis delectabile, quam linimenta, inque exulcerationibus & doloribus Gallicis, item ubi tuberositates per os sunt, in removendo illo dolore magnam esse medicinam, & unam quamque ejusmodi ulcerationem brevi tempore sanare scribit. Est autem tale:

℞. Olei chamæmelin. anethin. de spica, de lilio an. unc. duas, de croco unc. un. Pingued. porcine libr. un. vitul. libr. semis, Euphorb. drachm. quinque, Thuris drachm. decem, olei Laurin. unc. duas & sem. Pinguedin. viperæ unc. duas & sem. ranarum viventium numero sex, lumbricorum lotorum cum vino unc. tres & sem. Succ. rad. ebul. enul. an. unc. duas, squinant. stœchados, matricariæ an. manipul. un. Vini odorifer. libr. duas. Bulliant omnia simul usque ad consummationem vini: deinde colentur, cui Colaturæ addantur lithargyrii auri libr. un. Terebinthin. claræ unc. duas, & cum cerâ albâ sufficienti ad ignem fiat Ceratum ad modum Sparadrapii, addendo in fine cocturæ, styacis liquidæ unc. un. sem. deinde auferatur ab igne, baculo agitando, donec tepidum fiet, postmodum addantur Argenti viv. extincti cum saliva unc. tres, iterum baculo agitando, donec Argentum vivum optimè incorporetur.

(7) Reprimendum usum alii admittunt, alii rejiciunt. Admittere videtur Rhases, allegante eum Severino cap. 21. p. 17. quando toto studio infrigidandum locum præcipit, quoniam hoc regimine prohibitio fiet, quo non corrumpatur os, sed remanebit in ipsa dispositione per tempus longum absque ulceratione. Hunc sequitur Vigo, qui Libr. 9. cap. 34. quod de Spinæ Ventositatis inscripserat, expressè ait, quod consecutâ ventris solutione, ad localia resolvenda transeundum sit cum aliqua percussione mista. At Severinus, qui omnia repellentia penitus damnat, ad Rhasis sententiam respondet, quod is non nisi leviter frigidâ cum roborantibus mista materia, & quidem sublato etiam prius cacoehymicæ fomentis, eo consilio utendum censuerit, ut ea à nimio succorum acrium atque effevescentium incurso tueretur obnoxiam magno malo particulam; deinde quod ipse Rhases non perfectam & absolutam Pædarthrocaces notitiam habuerit. Quod autem Severinus repellentium usum improbet, hæc ferè ejus sunt rationes (1) quod Spinæ Ventositatis tumor sive abscessus non calidus, sed frigidus, appareat, (quæ tamen ratio infirma est, cum nec in calidis abscessibus semper proficua sint repellentia) (2) quod tumor noster per longum congestum procreetur, longissimus item & contumacissimus sit affectus, ossique, articulis, periosteis, & nerveis particulis incumbat, ubi iterum repellentia partim non convenirent, partim etiam non efficerent, quod aliàs solent. (3) quod verendum esset, ne ossium, ceu partim corporis nostri alioqui debilissimarum natura pusillus calor intempestivo repellentium usu prorsus jugularetur: Quæ causa tanti fuit apud Gabriel. Fallopium, ut Libr. de Tumoribus generalem hanc normam atque exceptionem posuerit inter decem leges repulsum interdicens (4) quod Spinæ Ventositas plerumque corrupti habitus homines, id est, cacoehymicos lacestat, ipseque ille humor, qui externas partes sub hoc nostro affectu coinquinat, corruptus ut plurimum sit. At quo in casu vicissim repellentia adhiberi minimè debeant; juxta Heurnii cautelam, qui Commentar. in Aph. Hippocr. 25. Sect. 6. Adeo generalem inde format regulam, ut dicat, quicquid ex visceribus ad cutem abit, id non debere retrudi. Nos mediâ tutissimi ibimus viâ, Pandolphinum nostrum, ceu du-

cem seculi, qui similiter hîc quidem loci, præsente dolore, puris reprimentibus penitus quidem interdicit, ita tamen, ut aliquo in casu, quem vide, paulo postea vicissim admittat.

(8) Uti narcotica medicamenta in quibusvis morbis prudenti cum circumspeditione, & non nisi extremae dolotis urgente necessitate in subsidium vocanda, quia omnia palliativam tantum curam præstant, ita hæc quoque in præsentis nostri affectu caute ac deliberatè adhibenda sunt, quemadmodum hoc ipsum Pandolphinus quoque noster præcipit, quippe qui hîc quidem loci ea quadantenus probat, aliquot autem interjectis lineis rursus improbat, ac non immerito suspecta habet.

(9) Inter illas rationes, propter quas suppuratio in Spinae Ventositate pessima merito existimanda, potestrema validissima nobis videtur, quia nimirum suppurantia ossis & circumscriptarum partium corruptionem, juxta ac putrefactionem magis adhuc accelerarent, quam tamen omni studio servandorum hominum Opifer, Medicus, avertere, ac prohibere debet.

(10) Per calidum autem hoc intellige calidum innatum, quod plerique Veterum Scriptorum per substantiam corpoream calidam, viventibus propriam, & pro specificarum formarum diversitate diversam definiunt.

(11) Hujus opinionis è Veteribus Petr. ab Argillata loc. sæpe alleg. è Recentioribus verò Petr. de Marchettis loc. cit. imprimis esse videntur. Argillata postquam modum, quo Spinae Ventositas generetur, exposuit, statim nulloque alio intercedente verbo subnectit, illic consequenter facta incisione reperitur corruptio in substantia ossis tota, vel in parte ejus, usque ad medullam. Ex quibus colligitur, Peritissimum hunc Chirurgo-Medicum incisionem, sive apostematis apertionem sine prævia multorum aliorum topicorum adhibitione, antequam eundo Malum altiores egit radices, suadere. Quod & quæ mox sequuntur verba confirmant, quando, cura, inquit, Venositatis Spinae est evacuatio universalis; deinde, operatio loci, ubi necessariò consequenter debet os corruptum removeri. Marchettis vult, ut, statim ac Pariens conqueritur de dolore pungitivo spinoso veluti, in articulis vel manuum, vel pedum, cubitorum, aut genuum, sive malleolorum, nullo licet apparente tumore, sectio ejus fiat. Sed in quem animadversio, quam habet Dom. Ammann cum Respondente suo, non susque deque habenda. Nimirum Marchettis consilium, ait hic; admodum præceps est, quando in pungitivo dolore, v. gra. cubitorum, genuum, & malleolorum, nullo etiam adhuc apparente tumore, sectionem suadet. Nunquam enim ad amputationem confugimus, nisi factâ jam solutâ unitate, hoc est, præsente ulcere, quandoquidem Medicus ex relatione ægri certam morbi hujus cognitionem non semper habet, nec quilibet dolor solum; quamvis etiam formicans sit, Spinae Ventosæ præsentiam præcisè indicat. Quomodo ergo in tam dubio casu amputationem, vel saltem incisionem moliri poterit? Quin potius expectandum ipsum ulcus, & ubi certò per signa constat, adesse Spinam Ventosam; videndum, utrum, juxta monitum Paræi vel terebellis desquamatoriis & radulis (veluti faciunt statuarii) testæ cariosæ subtiliter abradi aut desquamari, vel utrum terebello, ab eodem Paræo descripto, os cariosum locis pluribus perforari possit? Verùm de hoc duplici Paræi consilio iterum monendum, ossis cariosi abrasionem & desquamationem in vera Spinae Ventositate sine magno ægrotantis emolumento institui nobis videri. Spinae enim Ventositas est interna ossis corruptio, id est, in qua in-

tima ac interna ossis substantia primò corrumpitur, & in qua tota ossis substantia ut plurimum occupatur. Quid ergo proderit, os abradere ac desquamare, cum abrasio nonnisi externas corrupti ossis squamas tollat? Consentientem habemus Optimum Sennertum Prax. lib. 5. Part. 2. cap. 13, dum abrasionem duo exigere instrumenta scribit, scalprum putà, & terebram, quorum illi locus sit, ubi os non ita altè corruptum est. Idcirco abrasio in vulgari quidem, si-ve externa ossis carie conveniet, in nostra autem & verà Spinae Ventositate non item; nisi in hac quoque ideo saltem abradenda osse credamus, ut iteratâ abrasione attenuata ac rarefacta ossa, postea vel sua sponte, vel congruo medicamentorum usu præterea adjuncta citius ac facilius tota cariosa abcedant. Alterum autem consilium de terebello, terebrâ, vel trepano certis in casibus non penitus spernendum videtur. Terebrâ enim utendum, si caries profundius penetret, iterum docente Sennerto l. c. ex Cels. lib. 8. cap. 2. & comprobante eandem Operationem Petro de Marchettis, non quidem indifferenter in omni, sed hac solummodo Spinae Ventosæ specie, quando totum internodium, maxime in pueris, digiti manus vel pedis, corruptum est. Hoc enim in casu, inquit, quia neque ignis, neque ferramenta juvant, horum loco trepano tenuiori utendum, quo ejusdem internodii media pars perforanda, à qua, forficulis affabrè in hunc usum paratis, partes laterales secandæ, atque totum internodium paulatim educendum vossellâ, cujus vacuus locus progressu temporis carne oppletur; quæ quidem in pueris durior quodammodo facta, & veluti callosa ossis vice fungitur, quanquam ubi totum internodium est ablatum, digitus, musculis ad caput suum retractis & cedente carnis mollitie, decurteretur. At si totum internodium auferri debet, indeque digitus decurtatur, dubitare adhuc subit, utrum curatio trepano jam descripto tenuiori, an verò vel communi amputatione, vel vossellis, maxime in cartilaginosis puerorum ossibus, feliciori successu contingere possit. Caterum quod modum attinet, quo apostema aperiendum sit, sequitur in eo Pandolphinus noster Johann. Vigonem l. c. quando uterque juxta longitudinem incidendum præcipit. Ita enim Vigonis sonant verba: Factâ maturatione, inquit, quæ pro majori parte sequitur in membro absque multa elevatione cutis, & mutatione in colore, locus incidatur juxta membri longitudinem. Quibus ex verbis & hoc insuper simul hæriolandum, ipsum quoque Vigonem Spinae Ventositatis tumorem, antequam ipse exterius rumpat, aperire ac incidere suadere; taceo, quòd Idem paulò post perspicuè asserat, se compersisse, dolorem in Spinae Ventositate adeo intensum fuisse, ut propter ejus venenositatem, & multitudinem materiæ sæpenumero locum ante maturationem perfectam aperire coactus fuerit. Quæ tamen vicissim cum grano salis intelligenda. Aliàs quoad ipsam incisionis figuram dissentit à Vigone & Pandolphino nostro Severinus, quando cap. 21. pag. 316. si cutis integra adhuc est, non per longitudinem, sed ad figuram literæ X. eam incidere, orasque ita diducere jubet, ut spatium pateat, quò ferramenta adhiberi, aliæque Chirurgicæ operationes administrari queant; utut ceteroquin (ut obiter hoc adjiciamus) quando os jam detectum est, idem crebris per terebellum foraminibus pertundendum esse & ipsum affirmet.

(12) Aperto apostemate, foramen quod vel illa apertione Chirurgi manu vel sua sponte factum est, non solum apertum deinceps servandum, sed & ulterius dilatandum, quo fieri potest modo. Fiet autem vel turundis, vel ferro, vel caustico aliquo medicamento. Turundæ parantur vel ex spongia præparata, vel ex radice gentianæ, vel ex medulla samolici aut

aut forgi, quæ foramini intrusæ humiditates circumfluentes imbibunt, unde intumescunt, sicque foramen ampliant. Ferro ulcus sive foramen dilatare, inusitatus est, nisi vel peculiare dilatatorium instrumentum vel sectionem subintelligere velimus, quæ vicissim non semper, sed tum demum locum habere potest, quando de arteriæ, nervi aut tendinis alicujus periculosâ læsione nihil metuendum. Frequentius autem ferro ipsum apostema aperiri solet, quod & ipse fortassis Author noster voluerit. Ita caustico quoque medicamento appposito ulcerum foramina, non solum ampliora redduntur, sed & tumores aperiuntur. Est autem causticorum ingens varietas, adeo, ut vix Chirurgus sit, qui non secreti aliquid hîc jactitet. Illud communissimum cauterium, quod ex solo lixivio, è quo sapo conficitur, parari solet, sexcentis aliis præfert Heurnius Libr. 1. Meth. ad Prax. quod inde peti potest. Sequens magistrale causticum mirabile vocatur, quod apostemata & bubones rumpat, fonticulis excitandis interviat, cancrasque, scrofulas & malum fornicæ, (quo ipsa Spine Ventositas indigitatur) persanet. Describitur autem in Italico quodam Libello Libr. 1. pag. 65. Venet. 1670. impreso, & Compendium mirabilium Secretorum Dominici Audæ inscripto; cum nova Appendice ejusdem Authoris Et communicavit nobis Amicissimus noster D. Lucas Schröckius Jun. Medicus Augustanus. Estque Latine à nobis redditum tale:

℥. Vitrioli usti unc. duas, Salis Armoniac. unc. un. Calcis viv. Tartari calcinat. an. unc. tres. Coq. in lixivii è stipitibus fabarum parati quant. suff. ad humiditatis consumptionem, legeque Artis exsiccata massa servetur loco sicco in vitro bene clauso ad dictum usum. Sunt autem caustica hujusmodi eadem cautione apponenda, quâ fortiora illa contra ossium corruptionem superius num. 4. commendata medicamina apponenda esse diximus. Nimirum nunquam non affectæ partis habenda ratio, cavendumque est, ne arteriæ, majores venæ, nervi, aut tendines cum gravi ægrotantis damno temerè violentur.

(13) De rasione sive abrasione ossis, quæ lima, sive raspatoriis, ut vocant, instrumentis fit, incidenter aliquid diximus ad num. 11. Cui hîc addendum, quod, si spes est, limatione os corruptum totum tolli posse, hæc operatio in nostro quidem affectu majori cum fructu institui videatur, quàm si superficie tenus tantum abraderetur, ob dictas rationes; ob quas fortassis ipse quoque Vigo l. c. non leviter ossa vitiata derasit; quin potius, uti scriptum reliquit, multoties magnam partem focillis brachiorum & tibiarum raspatoriis & ferro candenti removit, modò ut ad sanitatem infirmum perduceret.

(14) Ad ignem, sive candens ferrum & ustionem tandem etiam, mirioribus hætenus adductis præfidiis non sufficientibus, deveniendum, juxta antiquissimi Præceptoris, Hippocratis nostri Aph. 6. Sect. 8. datum consilium: quæcunque non sanant medicamenta, ea ferrum sanat, quæ ferrum non sanat, ea ignis sanat: quæ ignis non sanat, ea incurabilia judicare oportet. Miris autem laudibus ignis efficaciam in hoc nostro quoque affectu imprimis Severinus effert. Id, inquit, cap. 20. pag. 315. quod efficacissimum proponere super omnia possum, est ignis ætuosus, quod remedium usitatum in plerisque comperi mirabile; confirmatque ejus usum aliquot exemplorum inductione, quæ mox ibidem sequuntur. Modum utendi docet Petr. de Marchettis loc. cit. Dilatato, ait, foramine sectione, spongiâ præparatâ, radice gentianæ, medullâ sambuci aut forgi, in idem demittenda cannula ferrea utrinque perforata, mox candenti ferramento os corruptum inurendum, quousque perito artificio ex usu videatur futurum, ut statim abscedat; tum ve-

ro curationis quod superest, modo solito prosequendum. Non absimili huic modo procedit Sennertus l. c. quippe qui ibidem per fistulas ferreas, quibus caro defendatur, cauteria applicanda, illarumque plures in promptu habere suadet; ut, postquam una incaluit, alia frigida adhibeatur; vel, si unâ uti libeat, postquam incaluit, in aquam frigidam immittatur. Atque hoc utroque modo, prout decet, cavebimus, ne caro vicina, aliæque adhuc sanæ partes improvisò simul adurantur, unde exquisitissimi dolores, periculosæ inflammationes, aliæque gravia symptomata suscitari possent. Quod tandem ipsum ustionis usum spectat, habet ea non solum peculiariter iis in locis locum, ubi propter loci profunditatem aut foraminis angustiam lima, aliave abrasoria instrumenta adhiberi nequeunt; sed creditur præerea, eam singulari virtute contra malignitatem & virulentiam, eam exorbendo ac exhaustiendo, facere, corruptique ossis separationem juvare, & imprimis ad excrementitias humiditates absumendas præstantissimum, ut vocat Sennerus l. c. esse remedium, qui postremo & hoc non prætereundum addit; post ustionem, ad inflammationem prohibendam, & dolorem leniendum primò aquam rosaceam cum albumine ovi applicandam, hinc oleum rosat. cum ovi vitello, postea butyrum cum melle rosaceo, ipsi vero ossi adusto pulverem ex Rad. peucedani, aristolochiæ, euphorbio, aut aliud ex suprâ propositis medicamentis imponendum, donec os corruptum separetur & abscedat. Singulares inustionis modos vid. apud Joh. van Horne Microtechn. pag. 196. & seqq. nec non Severinum Pyrotechniæ passim quidem, præcipuè vetò Part. 3. cap. 1. 2. 3.

(15) Huc referri posset & illud remedium, quod in ipsa nostra Spina Ventosa, seu secretum, sapissimè proficuum expertum se esse testatur Dominicus Audæ, Italico suo suprâ allegato Libello, quod

℥. Aquæ vitæ rosarum an. unc. sex. Mercurii sublimati unc. tres. Opii unc. semis, Primùm coquantur opium minutim dissectum, & liquefiat, dein addatur Mercurius sublimatus, & post quatuor ebullitiones decoctum hoc ab igne removeatur; quod si adhibere cupis, linteum in eo madefactum parti affectæ imponatur, ut eam totam cooperiat, atque supra illud aliud majus aquâ plantaginis imbutum; sicque per 12. horas relinquatur.

(16) Os in Spina Ventositatè semper est læsum, & quidem primariò. Et si non est læsum, non est Spine Ventositas, sed aliud quidam tumor, qui huc non pertinet. Unde hæc Authoris differentia nulla est.

(17) Est autem Unguenti Resini Sarcotici descriptio talis, uti habetur in Antidotar. Bononiens. pag. m. 407. & 417. item in Pharmacopœa Bergomens. p. m. 267.

℥. Resinæ pini, terebinthinæ, cææ citrinæ, olei communis, an. unc. 3. Dissoluta cera, resina cum oleo, ultimò terebinthina, omnia colentur, & in cacabo ad ignem lentum bulliant: deinde permittantur infrigidari.

(18) Unguentum Matrisylvæ, seu Periclymeni, seu capitale, vel capellum, uti vocatur in Pharmacopœa Bergomensium p. m. 276. ita describitur.

℥. Cææ flavæ, Resinæ terebinthinæ, seu communis, Pineæ, olei rosati completi an. lib. 2. abiegni lib. 1. foliorum periclymeni in umbra siccatorum, betonicæ, foliorum salviæ, gummi elemi an. unc. 6. Radic. aristolochiæ rotund. unc. 3. Herbæ fractæ vino albo odorato macerantur per 24. horas: reliqua adduntur, & coquantur, donec vinum ferè evanuerit; expressum ope torcularis, & refrigeratum igni redditur, dum vinum extoto evanuerit; postea additur gummi, vino, aut oleo solutum, vel in pulverem redactum, agitan-

agitando dum fiat unio. Aliqui monent ceram & resinas immiscendas, postquam vinum coquendo evanuerit, & in fine gummi. Sunt qui addant Mastiches albæ, Thuris optimi an. unc. unam & sem. aut etiam duplum.

(19) Talem reconditam qualiter & illud fortassis possidebit remedium, quod prædictus Dominicus Audas ibid. secretum paucis cognitum, planeque miraculosum, & in Malo formicæ, id est, Spinâ Ventosâ probatissimum vocat L. 1. p. 67.

℞. Duos aut tres vesparum nidos unâ cum inibi hærentibus parvulis vespis, itemque mellis favi cum minutis suis apibus pugillum unum. Contundantur simul, & cum tantillo mellis fiat inde Emplastrum supra partem affectam applicandum.

(20) Paul. Barbette scribit, Oper. Chirurgic. Anatomic. Part. 2. lib. 1. cap. 7. pag. m. 174. se nullum medicamentum cognovisse, quod suo tempore adhibere citius cicatricem inducat, quam Amalgamâ Mercurii, cujus hæc sit præparatio.

℞. Plumbi unc. duas, liquefacto adde Argenti vivi unc. duas, effunde super chartam. Exsiccatum, pulverisatum, Emplastro de plumbo aut diapompholygos misceri potest.

(21) Hoc extremum illud est remedium, quod extremus hic poscit Morbus. Et quanquam, ut sapientem omnia prius consiliis, quam armis experiri, decet, ita Medicus medendi initium à mitioribus præsidiiis ex diætetico & pharmaceutico fonte hausit merito capere debet, antequam ad efficaciora deveniat; tamen quemadmodum iterum, solis consiliis nihil juvantibus, ipsa arma capeßere optimum sæpe esse solet; pari ratione vulgaribus remediis minus sufficientibus; extrema hæc, & tantum non crudeliâ, in nostro præcipue hoc sævo affectu, saluberrima sæpe comperta sunt. Hinc Author noster tali in casu totum membrum læsum rescare jubet, ad imitationem Petri ab Argillata loc. cit. qui similiter factâ universali evacuatione, totum os corruptum removeri debere; sequè ipsum totum unum facile brachii removisse scribit: quem Severinus quoque & Petrus de Marchettis sequuntur. Ille os, quod vitiatum est, pag. 316. totum excindere suadet: Hic verò, quod si Medicus, ait, accedat, factâ jam solutâ unitate ab ipsa materiâ puitosâ ex putredine acriori factâ, tota curatio dirigitur ad ablationem ossis corrupti: Quomodo autem & quibus instrumentis hæc corrupti ossis ablatio, sive amputatio fieri debeat, nemo horum specialius explicat. Pandolphinus noster ferram commendat, qualem depingit Joh. Scultetus Armamentar. Chirurg. Tabul. 27. Figur. II. lit. C. Johan. van Hoorne, qui artium amputationem propter nullum alium, quam sphacelum, ipsumque hunc nostrum affectum inventam esse credit, Microtechnes p. m. 189. inter instrumenta ad hanc operationem necessaria præter jam nominatam ferram, cultrum quoque falcatum; cultellum ancipitem, qui Hippocrati *μαχαίρης σπυδαίης* vocatur; interdum etiam, sed rarius scalprum excisorium, aut excisoriam forcipem adhiberi posse scribit, Cultrum sive scalpellum falcatum vide apud Scultetum loc. cit. Tabul. 27. Figur. II. lit. B. Cultellum sive scalpellum ancipitè, quem Celsus & Paulus Spatham appellant, exhibet Idem Scultetus ibid. Tabul. 2. Figur. 1. Scalprum excisorium depingit Idem, ibidem Tabul. 20. Figur. 4. Item Tabul. 27. Figur. 12. lit. E. Excisoriam forcipis figuram habet Idem ibid. Tabul. 20. Figur. 1. & Tabul. 32. Figur. 6. De quibus instrumentis notandum, ea non omnia unâ requiri; imò sæpe sæpius, in minoribus præcipue articulis, ut digitis manuum ac pedum, unum solum, & quidem simplicissimum sufficere, quemadmodum Spigelio apud Scultetum Armamen-

tar. Chirurg. Observat. 86. vulgaris forceps, sufficit, quâ Monacho cuidam Bononiensi pollicem sinistræ manus Spinâ Ventosâ correptum feliciter abscidit. Quid? quod Joh. Jessenius à Jessen. Institut. Chirurgic. Proëm. arbitretur, Chirurgica illa instrumenta, quorû nullibi plura habeantur, quam apud Aquapendētem aliquantò magis ad ostentationem, quam usum comparata esse. Præterea nec hoc omittendum, ferram contra plerosque exercitatissimos Chirurgos in magnorum membrorum amputatione Leonard. Botallum de Vulneribus Sclopetorum cap. 23. vehementer vituperare, & quidem ex his præcipue rationibus, primo quod ea plerunque multas nervosas partes à novacula relictas misere laceret; deinde quod, dum ferrâ ossa secantur, sectæ venæ & arteriæ perpetuo sanguinem & spiritus fundant. Verum quamvis hæc Botalli rationes non de nihilo sint, probeque notari possint, videtur tamen eum ferræ usum potissimum ideo saltem rejecisse, ut cultros suos, quos in illius locum substituit, quosque mirum quantum laudat atque commendat, eò facilius, eoque felicius introduceret. Cæterum quoad locum, an os sive membrum in sana adhuc parte, an verò in illa Spinæ Ventositate obsessa, item an in ipso articulo, an verò extra illum excindendum sit, non omnibus eadem est mens. Aquapendens, & qui hunc sequuntur, in parte læsa & jam emortua (si de sphacelo vulgari sermo sit) amputationem fieri suadent, his fere nixi rationibus, cum quod hac viâ minorem dolorem sentirent ægri, tum etiam, quod non tanta sequeretur hæmorrhagia. Verum Clarissimus Johan. van Horne loc. cit. hoc consilium non immerito periculi aleæ plenum vocat, partim, quia verendum, ne illud corruptum, quod relinquitur, se sit multiplicaturum, partim etiam quia non possumus esse certi, an non os, quod carni subest, altiori in loco sit corruptum. Idcirco in sana potius parte faciendam esse sectionem judicat, proximè tamen ad ægram, spatio unius digiti transversi. Quod Severino quoque, Neapolitano illi Chironi placuit, quando cap. 21. cap. 316. sermò monet, ut totum os, quod vitiatum est, præcidatur, eò quod nisi id fieret, hoc est, si quid corrupti relinqueretur, ulcus recidivam sentiret. An in ipso articulo, sive juncturis, an verò potius supra aut infra juncturas detruncati debeat os violatum, propter ingentem varietatem locorum, quæ Spinæ Ventositas occupare consuevit præcise definiri nequit. In genere scire sufficiat, sectionem in ipso articulo admodum suspectam videri, (1) quia ibi plerunque nervi, venæ & arteriæ copiosius concurrunt, (2) quia non tam promptè inveniri potest locus, ubi duo ossa conjunguntur, (3) quia difficilius quam alibi cicatrix obducitur. Tandem quod ipsum modum amputandi, vel excindendi, attinet, breviter omnium optimè ita fere eum tradit prælaudatus Johan. van Horne loc. alleg. Nimirum ante omnia, (implorato Numinis supremi auxilio) oportet ægro cardiacum aliquod præbere, ne in ipsa operatione deficiat; deinde à viro aliquo robusto cutis & caro sana; quantum fieri potest, sursum est attrahenda, ut eadem postmodum relaxata ossi denu- dato melius obduci possit. Tum (si locus concedit) ad latitudinem pollicis supra locum, in quo amputatio est facienda, valida fiat ligatura vinculo non ita lato, sed forti; cum ut æger minus dolorem percipiat, tum ut ob vasorum constrictionem sanguinis fluxus melius compesci possit. Mox sub ligatura Chirurgus falcato, sed aliquantùm minus, incurvo cultro, quam potest festinanter totam circumquaque carnem musculosam rescet, & perio-steum abradat ab osse, ne à ferra dilaceretur; denique ferra est adhibenda, vel in digitis forceps tantum. Post

hanc factam amputationem quid sit faciendum, mox sequetur. Atque hic communissimus est modus. Alium & planè novum excogitavit Leonard. Botallus loc. cit. quem ipse impensè laudat, & dictus Joh. van Horne in Annotationibus ad eundem approbat. Quem vide sis.

(22) Factâ, eo, quo diximus, modo, amputatione, alii pattem sanam actuali cauterio inurere cum Pandolphino nostro ob dictas rationes suadent; alii contra dissuadent. Et dissuadent quidem metuentes, ne crustâ, quæ à ferro candente inducitur, decidente, periculosus fiat sanguinis fluxus, cui addit Paræus lib. 12. cap. 35 quòd hoc modo dolores ingentes & nonnumquam convulsiones inde excitentur. Unde ipse cap. 31. & 32. tenaculâ potius vel vossellâ vasa apprehendere & acu transfigere jubet: sed quem modum Gourmelenus Syntagmat. Artis Chirurgic. cumque eo Joh. van Horne l. loc. pag. 193. adhuc magis improbat, qui postremus pag. 194. hanc curationem longè felicior, absolvi scribit, si fungus ille, quem crepitum lupi, vulgò *Pofit* appellant, in usum ducatur, ita nimirum, ut ejusdem portiunculæ pulveribus sanguinem sistentibus plenæ & ovorum albumina madefactæ applicentur; vel etiam ex eodem fungo excavato veluti scutella pulvere stegnotico repleta conficiatur, tuncque extremitas membri ei immittatur; atque hic apparatus in situ suo emplastri defensivi & glutinantis beneficio, superinductâ vesicâ bubulâ, donec hæmorrhagiæ metus transierit, detineatur. Nos admodum hæremus, incerti, cui nostrum adjiciamus calculum, maximè cum propter affectû partis insignem diversitatem vix certi quid in nostra Spinæ Ventositate determinare liceat. Si quid tamen statuendum necessariò esset, mallems iis in casibus, ubi inustio fieri potest, cum nostro Authore facere, hac tamen annexâ cautelâ, ut durior jam aliquantùm facta crusta emolliente quodam oleo sive unguento inungatur, quo sine hæmorrhagiâ, aut aliò præviori malo decidere possit; quanquam vicissim pluribus in casibus tam vehementi, & tantum non crudeli ustionis præsidio non opus esse, aliudque præstans stegnoticum remedium, quale Johann. Horne describit, abundè sufficere posse credamus. Ad hæc usus atque exercitatio optima hîc est magistra; semperque adhibendum judicium, quod Chirurgum imprimis commendat. Postremò in omni amputatione sedulò observandum videtur illud, quod monet Joh. Jessenius Instit. Chirurg. cap. 21. nimirum amputato membro aliquantulum pro virium ratione sanguinis profluvium permittendum. Reliquum curationis nihil habet peculiare, & quomodo sit instituendum, docent omnes illi, qui de vulgari artuum amputatione agunt; unde peti potest.

(13) Ad hunc cathæreticorum censum & illud unguentum reduci posset, quod Dominicus Auda in allegati Itali Libelli nova Appendice contra Spinam Ventosam peculiariter directum secretum atque rarum vocat. Estque quod.

℞. Mercurii sublimati, drachm. duas semis, Unguent. popul. dra. hm. iij. opii grana quinque, Lapid. hæmatit. præp. scrup. i. Misc. Fiat unguentum & applicetur parti affectæ per 12. horarum spatium, postea removeatur, atque factâ escharâ applicetur axungia rancida non salita; nondum verò factâ escharâ repetatur dictum unguentum, & ablata illâ, medicamenta incarnantia adhibeantur.

(24) His similia sunt illa Fila Caustica quæ olim D. Sigisfund. Schnizer D. Joachim. J. F. Camerario communicavit, quorumque Zacutus Lusitanus quoque in Prax. sua meminit.

℞. Filorum carminativ. unc. ij. Mercurii sublimati correct. drachm. septem, Sal. armoniac. drachm. iij. Aq. rosar. plantagin. an. libr. unam. Bulliant ad

remanentiam tertiæ partis, & fila tractata in furno lentè exsiccentur; quæ, si fortiora velis, adde ad coctionem arsenici unc. ss.

(125) Sunt autem Trochisci de Minio hi: uti Vingo eos describit Practic. lib. 8. cap. 13.

℞. Medullæ panis crud. bene fermentati ℥iv. sublimati elect. & fortissimi ℥j. minii ℥ss. Omnia ad invicem pistentur cum modico aquæ rosaræ: deinde fiant trochisci ad modum grani pinoli, & aliquantulum longiores: postmodum extendantur super tabula, & ponantur in furno non multum calido, & reserventur in scarula, & utere. Mirabilis, inquit eorum inventor, sunt operationis; & si vis, ut corroborentur in virtute corrosiva, addatur virtus sublimati.

Pandolphinus, de Dieta.

Absoluto de medicamentis discursu, ad (1) dietam progrediendum. Constat autem diætâ sex rebus non naturalibus, quæ res, vel indicantur à virtute, & erunt alimenta; vel ab aliquo præternaturali, & sic erunt remedia. Quoad acrem; si morbus à sanguine oriatur, aer ipse ad frigiditatem, & siccitatem vergere debet. Victus in principio tenuis, postea verò quando morbus in longius protrahitur, (quod plerunque fieri solet) largior sit, ut infirmus ægritudinis onus ferre possit, simulque refrigerans, si febris affligerit; hac verò absente vinum oligophorum etiam concedendum, præsertim ægotanti debili; Ipsa autem præsentè febre, à vino abstinendum, & (2) refrigerantibus, humectantibusque utendum. Quies totius corporis (& præsertim laborantis partis) amplectenda. (3) Somnus vigiliæque mediocriter exerceantur. (4) Repletio summopete evitetur. (5) Alvus lubrica habeatur. (6) Venus (utà cum (7) iracundia) cane pejus & angue fugienda.

Ab humore acuto ortum dicente morbo, omnia ad frigidum & humidum tendere debent, sintque vel magis, vel minus talia, prout magis, vel minus acuta fuerit materia: unde si aer suâ naturâ talis non erit, arte reddendus est, cubiculi pavimentum gelidâ perfundendo aquâ, nec non in eo vitium folia, salicum ramulos, rosas, violas, atque hujusmodi refrigerantia dispergendo. Abstineat æger à (8) pinguibus, dulcibus, acribus, ac tandem ab omnibus facilè in bilem vertibilibus; utaturque lactuca cucurbita, portulaca, ptiâna hordeacea, atque similibus: potus verò sit aqua hordeacea, vel simplex, vel cum julepo acetoso, vel cum granatorum acidorum succo permixta, aliaque omnia supradictis respondeant.

(9) Peccante autem pituita, frigida, crassa, & viscida; diætâ calefaciens sit, attenuans, & incidens; aerque calidus, ac siccus, qui si talis per se non fuerit, aromatibus, atque aliis calidis talis efficiendus: cibus modicus laudatur: panis bene fermentatus: carnesque laudabiles pauca excrementa generantes, inter quas avicularum sylvestrium, nec non pullorum, & quidem assæ magis, quàm elixæ commendantur carnes. Utatur insuper patiens petroselino, menthâ, origanò, seminibus fœniculi, anisi, cumini, cinnamomo, pipere; nec non multis eduliis cum aceto paratis; veluti sunt cappares, asparagi, fœniculi: Vinum concedatur clarum, & præsertim cum aluminosa, vel sulphurea aqua modice dilutum: repletiones dissuadeantur, & exercitationes adhibeantur (11) somnus sit modicus & tantum nocturnus: (12) Animi passiones vitentur, licet sæpe (13) ira vim curatotiâ habeat; egoque propterea biliosum hominem à suo naturali statu delapsam irâ sanatum esse viderim: alvus lubrica teneatur: Venus exulet, quippe quæ in universi corporis partibus frigidis & præsertim in ventriculo, copiosam generat pituitam.

Si Malum nostrum ortum duxerit ab humore frigido, & tenui, supra posita omnia opportuna sunt, modò non attenuent & incidant: potissimum verò potus sit modicus.

At si à melancholia, omnia tendant ad quandam calefactionem, humectationem & attenuationem; & propterea evitentur, quæ ab his diversæ sunt naturæ; unde laudatur vinum album, tenue, & aquosum; panis optimus; ova sorbilia, carnes omnes laudabiles, spinachia, borrago. & cetera.

Procedente tamen pessimâ hac egritudine (14) à virulentia Gallica, vel ab alia prava qualitate; cum victu conveniente alexipharmaca permiscenda & usurpanda sunt.

Merclini Annotationes super Diata.

(1) Quomodo Diætâ in nostra Spinæ Ventositatē instituenda sit, faciliè intelliget omnis prudens Medicus, si ejus antecedentes ac procatacticas rectè reputaverit. Uti enim hæ causæ se habent. & prout hæ ipsæ ad affectus nostri productionem concurrunt, ita diætâ quoque habere se debet, nimirum ut ipsa peccanti illi causæ contrariæ opponatur, atque sic contrariam morificam dirigatur. In nimiam ergo atque inutilem prolixitatem excresceret hæc nostra Tractatio si contra singulas, tamque diversas Mali nostri causas, tot quoque tamque diversas diætæ regulas præscribere vellemus. Quid? quod nec opus esse censeamus, cum quivis Medicus, qui cerebrum non prorsus in calcaneo gerit, verique Medici nomen mereatur, congruam victus rationem ipsique Spinæ ventositatis peccanti privatæ causæ ritè oppositam ægrotanti suo facili negotio imperare novèrit. Ut adeò nos nihil aut parùm habere existimemus, quod his, quæ hoc ipso Cap. de Diætâ à Pandolphino nostro dicuntur, addamus ulterius.

(2) Juxta Hippocrat. Aphorism. 16. Sect. 1. Victus humidus febricitantibus omnibus confert.

(3) Somnus enim & vigilia, utraque modum excedentia, malum: est Aphor. Hippoc. 3. Sect. 2.

(4) Nititur Hippocratis Aphorismo 4. Sect. 2. Non satietas, non fames, neque aliud quicquam, quod naturæ modum excedat, bonum.

(5) Fluit iterum ex illo generali Hippocratis axioma Aphorism. 69. Sect. 7. Per alvum & vesicam, & quacunque corporis prodeat aliquid, si non purgatum restiterit, malum.

(6) Venus fugienda, non solùm quia hujusmodi in affectibus vires enervat, corpusque debilitat, sed & quia Morbus hic noster vel ipsum Gallicæ luis virus, vel certè non absimile quid plerumque redolet; quâ verò in spurcissima labe Venus pestis instar est.

(7) Qui elegantem illum Libellum Johannis Wieri de ira, Morbo, percurrat, is abundè inveniet, quid immoderatio iræ atque excandescentiâ non solùm ad multos alios, & in specie ad hunc nostrum affectum tribuere possit.

(8) Pinguia enim & dulcia faciliè bilefcere vulgò perhibentur.

(9) Quemadmodum à sola pituita frigidâ, crassâ atque viscidâ per se vix ac ne vix quidem Malum nostrum provenire posse jam supra diximus, & adhuc credimus; ita contrâ hanc rariùs diætâ dirigere existimamus.

(10) Suffulcitur illâ vulgari hypothesi, per somnū immoderatum atque nimium excrementa cumulari, pituitamque copiosius generari.

(11) De Animi affectibus ceu postremâ rerum non-naturalium classe cum in genere tum in specie è Recentioribus nemo melius, nemo accuratius, nemoque ad hodierna nov-antiqua principia accommodatius egit, quàm Gualter. Charleton, exercitat. Patholog.

8. quem vide sis.

(12) Lethalis iræ exempla habet Camerarius Syllog. Memorabil. Cent. 10. Part. 52. Salutaris verò iræ exempla rariora quidem sunt: dari tamen posse, vel inde sit manifestum, quia animi passionibus ad quas ira quoque refertur, quemadmodum omnes aliæ Res Non-naturales, indifferenter & medio modo se habent, id est, dextrè usurpatæ sanitatem juvare, sinistrè verò usurpatæ eidem incommodare valent. Modica ergo, & suo tempore, quæ effunditur ira quin morbi curationem promovere quadantenus possit, non est quod dubitemus.

(13) A Gallica lue vel alio simili maligno morbo si Spinæ Ventositas prognata fuerit, ad illum ipsum morbum non solùm curatio, sed & diætâ, victusque ratio cum appropriatorum alexipharmacorum usu dirigenda, & ex illo speciali morbo petenda est.

Totus Tractatus Avicennæ, de Ventositatē Spinæ, pro Authoris excusatione.

(1) Ventositatis Spinæ causæ sunt humores acuti, penetrantes in os, & corrodescentes ipsum, & (2) incessus Ventositatis Spinæ, est incessus doloris juncturarum. Veruntamen materia in dolore juncturarum est in carne, & in Ventositatē Spinæ est in ossē, & (3) ejus additio corrumpit ossis partem unam post aliam. Dixerunt quidam, quod Spina est spasmus in toto corpore propter ulcus, & non affirmatur.

Hæc sunt formalia Avicennæ verba circa totum hujus morbi Tractatum, de quo (veluti in principio asseruimus) neque Rhases, neque Recentiores, de his plura scripserunt. Quare non miretur aliquis, si & nos brevem sermonem fecimus, & fortassè in pluribus deficientem: imò excusatione apud omnes digni sumus; quia in hoc nullum ducem habuimus, qui obscuram, perdifficilemque viam nos doceret: sed quem (Deo favente) aliàs uberiores facere in animo habemus.

Annotationes ad Tractatum Avicennæ de Ventositatē Spinæ.

(1) Hic Avicennæ flosculus ex ejus Fen. 4. Lib. 4. Tract. 4. cap. 9. tanquam fecundâ arbore decerp-tus est. Mirum autem in hunc Avicennæ locum è præcelebris illis ejus Interpretibus (Gentilem de Fuligine dico, Jacobum de Partibus, Dinum Florentinum, Ugonem Senensem, Averroem Cordubentem, Matthæum de Gradibus, Thaddæum Florentinum, & Gentilem Florentinum) nullum ne verbum quidem commentatum fuisse. Unde Pandolphinus noster non solùm illam veniam, quam sibi dari petit, utique merebitur; sed & laude præterea, quod primus ferè atque solus in Spinæ Ventositatis fusiori explicatione glaciem fregerit, dignissimus erit.

(2) Per incessum, teste Severino de Pedarthrocace p. 308. accessus intelligitur.

(3) Id est, materiæ additio vel accumulatio, quæ in ossē contingit, ita illud corrumpit, ut ejus una pars aliam etiam quodam quasi contagio in consensum rapiat, similiterque corrumpat.

Hactenus Clarissimus Pandolphinus, ejusque Commentator Doctissimus, jam sequentur.

MARCI AURELII SEVERINI
DE PAEDARTHROCAE,
IDEST, DE OSSIS CIRCA ARTICULUM
inflammatione,

ET ABSCESSU PUERORUM
Proprio,

Spina ventositatem aliqui falso nominarunt.

LIBER VNVS,

Prefatio. De argumenti Dignitate.

PURIMIS ab hinc sæculis, postquam Arabum & Mauritano-um Academia floruit sub Rege Monfore, morbus, non constat an à Græcis memoratus, exiit ex tumore atque ulcere, tum carnis, tum ossis vitio mistus, quem barbari scriptores (incertum qua ratione) ventositatem spinæ nuncuparunt. Hanc diu afflictantem maximè pueros nemo è veteribus pro rei dignitate, nec satis explicare tractavit. Unus nostra memoriâ Josephus Pandolphinus à Sancto Martino, Medicus hoc argumento nobilis, affectum hunc patris sui oris admodum frequentem paulo studiosius enarravit; Sed vel omnia, præsertim præcipua problemata non attingit, vel aliqua per se perpena minùs accommodatè resolvit: curationem verò, quæ in providendo maxima est, atque alia quædam apprimè requisita nihil exequutus est, præterquam quod nonnulla parùm probabilia sibi persuasit, quæ discussione indigent. Has ob causas operæ pretium existimaui facturum, si quæ mihi virium hoc in amplissimo Incurabilium valetudinario, atque in urbe tota sæpissime medenti se obrulerunt; observatione digna; brevem in commentariolum conferrem, ad ea, quæ priores Viri scripserunt, nova. Quam rem equidem feci libentiùs eo nomine, ut in compositis à me nuper libellis de abscessibus, hic qui desideratissimus est omnium, non desideraretur, & completum de multiplici abscessus specie volumen veniret in manus studiorum: quorum equidem gratiâ laborem hunc suscepi. Tuum nunc erit & hæc candidè excipere, & mihi munus hoc exhibenti pari gratiæ modo respondere. Res quæ cum abditè affectus proprietate & novitate; noxæ gravitate & curandi difficultate luculenter à nobis discussa, non mediocrem legentibus frugem ac jucunditatem allatura sit, confido.

Cap. I. Notio affectus.

Quoniam, ut Galenus docuit l. ad Thrasyb. initio in omni contemplatione optimum inventionis initium est, prius exactè cognoscere quidnam sit id, de quo disputatur: consentaneum rationi visum est, ut ante omnia de re, quam instituimus, constet; atque adeò nominis huius ratio est inquirenda. Difficillimum autem, ac verè spinosum, si quod aliud investiganti se exhibet hoc nomen ventositatis spinæ: ac nisi vel falsæ translationis, vel vulgaris appellationis suspicio esset, quæ post receptum jam usum in commentarios scribere tiam perperam irrepperit: finem nullum haberet admiratio: simile quiddam offendimus in rosulis sistracensis vocatis tuberculis à vulgo & à Philippo Ingrassia alicubi memoratis, quale nomen etiam cum nolimus, cogimur usurpare, neque aliud usus inno-

vare permittit. Porro nascuntur in populosis commerciis omnibus, inquit Cardanus, nomina, ferente sic eloquendi occasione, nec certo illo autore, quæ fortè minus apta, aut usquequaque probata, sed dura subinde usu mollescunt. Aliam quoque ineptiam continet hoc nomen, ut ex disparibus & omnino diversis duobus substantivis confletur, quo autem pacto unam alteri coordinetur? Sed nihilominus ejus aliquam rationem & quam licet, oportet inveniri. Ego autem non quæ multa comminiscendo subeant, nec quæ aliis, utcumque placuerunt: sed quæ optima ex omnibus interpretatio sit, hanc accipiam. Num igitur ventositas ad eum modum est dicta, quo apud Avicenn. & alios quoddam item Barbaros tumor est inflatio? spina verò vocata est tumor ex acuto sanguine sine putatione contans, qualem spinam appellavit Avicenna l. 4. fen. 3. tr. 2. cap. 1. & Aldemanul etiam suo loco.

Sed alia occurrit ratio, quæ utrique particulæ & harum complexui suum sensum accommodet. Videre licet à Barbaris, & Barbarolarinis autoribus affectis, ventositatem esse loco œdematis: ita Petrus ab Argillata lib. 1. tract. 2. cap. 8. sermonem fecit de ventositate alba. Sic etiam communis multorum est loquendi modus; *La ferita cacciata all'aria pigliar di vento*, id est, extumescere.

Fortasse igitur ejus nominis autor ventositatem quidem tumorem, quæ sedatum; spinam verò, quæ crebriter terebratum ac veluti perpunctum expressit: quæ compositio vocum eo quidem artificiosior est, quod contrarios sensus utrarumque in una consonantium conflatur & cogit. Verum enim verò quid non contenti sumus eo, quod unus Rhazes apertè declaravit in opere omnia continente, dicens ventositatem hanc spinæ dictam propterea, quod ipsa os perforetur. Sed in corrupto ejusmodi aut vulgari vocabulo non est fortasse morosius ac subtilius philosophandum: atque in hoc præterea maximè, quod non arguere illud, quod sonat admonuit nos Petrus ab Argillata. Nos autem quæcunque sit barbari nominis vis, atque etymon, ossis circa articulum in pueris abscessum græco verborum complexu paedarthrocacen, quasi puerorum ad articulos malum inscribi voluimus. Fortassis autem est spinæ ventositas à Junioribus perperam intellecta: de qua re suo loco.

Cap. 2. De genere affectus.

Non est sanè facilè decerni, quo sit genere censendus hic affectus. Namque videtur tumor ejusdem perpetuus continuè ad auctam magnitudinem referendus: hæc autem, majoris momenti est; non summo tenus corpore, sed intrinsicè extensa est in longum latum altumque dimensum: quod enucleate tradidit Gal. initio lib. de tumor. præ. nat. Itaque tumoris vitium hoc esse quis inficietur? Sed enim ulcus verè censendum apparet propterea, quod unum consummationis suæ tempore, non alio quovis spectandum est; perinde ac cum perfectum & absolutum est vitium; hoc morbi præcipuam, & nobiliorē formam habet; huc primum curantis studium contendit; & huc omnis sanescendi difficultas refertur: ac neque etiam tam extumescens, quàm pertusi corporis abhorretur forma: Sed ad utrasque carnis affectiones accedit tertia, quæ est ossis vitium indubitatum: de quo posteriori agetur. Possumus igitur omne vitium complexum multis compositumque dicere, nam quid quæso prohibet, quin ad plura genera referatur; quandoquidem in multis aliis id fieri consuevit.

Cap. 3. *Ossibus apostema suscitari posse.*

QUOD in gravissimis omnibus pertractandis morbis accedit, pender curationis omne momentum à plena vitii dignotione. In hoc igitur affectu difficillimo primam nos notitiam rei sequimur, quæ, ut ordinata firma brevisque, non confusa aut implicita sit inter cætera necessarium arbitrati sumus; aliquot hinc hypotheses ante proponere, quæ veluti fundamenta & principia demonstrationis nostræ sint, lucemque disputationis conferant quàm maximam. Primam autem esto de ossium habitudine ad abscessum; de qua re sic aliquando meditabar. Utrum ossa suapte natura subeant apostema; non sic quidem unum affirmatur aut negatur; ut non alterum contra contendere possit; negavit porro Serapion Arabs in primo Breviarii cap. 20. dicens, quia nos scimus, quod in omni membro, in quo fit tensio, accedit apostema; sed non est in natura cerebri, ut recipiat tensionem propterea, quod est frigidum currens: & similiter non est in natura ossis; ut recipiat tensionem propterea, quod est frigidum & siccum; & durum valde; ergo necesse est, ut non accedat tensio, nisi membrum; quæ sunt inter id, quod est in fine duritiei, & inter id quod est in fine lenitatis, sicut sunt panniculi & ligamenta & nervi & lacerti & caro, & quæ sunt ipsis similia. Quæ hominis sententia in breviorē & commodiorem argumentationis formam aptari sic potest. Ea pars subdita naturaliter est apostematæ, quæ distensionem in longum, latum & profundum recipit: atque os distensionem non recipit; igitur neque apostema.

Non terruit hæc ratio neque alia huiusmodi quæcunque principem Avicennam: qui lib. primo fen. 2. doct. prima cap. 5. paulo post initium ait; apostematæ quidem membrum accidunt mollibus. Sed est etiam, cum ossibus accidit res, quæ apostematæ similatur, per quam ejus ingrossatur magnitudo & ejus augmentatur humiditas; neque est, mirum aut extraneum, quod recipiens augmentum aut additionem cum nutrimento recipiat eam (scil. additionem) cum superfluitate; cum in ipsum penetraverit, aut in ipso acciderit. Vides quàm acutâ ratione, & sive defluxu, sive congestu demonstraverit Avicenna, posse ossa concipere apostema; quam rem enucleatius exposuit & in l. 3. fen. prima tract. 3. cap. 1. principio refutatâ Serapionis opinione per hæc verba: Non enim est quemadmodum quidam medicorum existimant, quod cerebrum ipsum non apostemat, sic ratiocinantes: nam quod est lene sicut cerebrum, & durum sicut ossa non extenditur: & quod non extenditur, non apostemat: hic autem sermo est erroneus, & illud idem quoniam lene viscerum extenditur & ossa etiam apostemantur, & Gal. illud confessus est, & nos monstrabimus sermonem de eo in capitulo dentium. Deinde lib. 3. fen. 7. cap. 1. tradidit idem vir rationem, quæ est; nam omne, quod nutritur, idem extenditur, & augmentatur cum nutrimento; & similiter est possibile, quod extendatur & augmentetur cum superfluitate, & illud est apostema, & quandoque accidunt, ait, dentibus species apostematæ, & illud quidem non est mirum: omne enim, quod recipit extensionem cum augmento nutrimenti; non elongatur; quin recipiat extensionem cum superfluitate, nam si non reciperent materias penetrantes in eis, augmentantes eos; non fierent virides, & denigrarentur, illud enim est propter penetrationem superfluitatis in eis.

Quæ verba Principis eò majorem firmamenti vim continent, quod sunt ex Gal. traducta; qui l. 5. de comp. med. secundum loca cap. 4. circa medium scripta reliquit hæc; si verò lividi per omnem suam substantiam facti dentes appareant nil mirum est ipsos quid inflammationi simile pati & aliquid detrimenti

ariditatisque suscipere. Post, quæ addidit; redundantia verò consimilem in eis affectionem concitare potest, qualis est circa carnosas partes inflammatio. Mirum autem est quantum hoc toto cap. nostro faveat proposito Galen. Succenturiatus autem utrisque viris est Albenzoar. l. primo Theilir. tract. 6. l. 2. cap. 2. quod est de superadditione ossis in principio per hæc. Et ingrossantur quandoque ossa in sua superficie ab humoribus mordificativis, qui infunduntur in ipsis ossibus à sanie, quæ transit super ipsa: unde concavantur, corroduntur & ingrossantur. Qui idem auctor eodem tit. 6. lib. 2. cap. 5. retulit de quodam homine, cujus dorso concretum os instar cornu, non ita durum, ut os naturale; pater excussit cathartici impellentibus humores crallos & medicamentis exterius exiccantibus. Itemque narrat de se ipso, qui natum sibi super dorsum os graviter molestum crassa vacuantibus pharmacis & emplastris dissolutivis ademit. Quid quod Galen. ipse l. 6. de usu part. cap. 3. nulla, ait, substantia est adeo dura, ut sicut alitur, non possit etiam augeri præter naturam; ita ut ossibus id quoque usu veniat: sed maxime hoc experiuntur, qui laxiora sunt & molliora. Jam igitur, inquires, si quæ præter naturæ statum sunt ossa, extendi atque augeri cognoscimus: multo etiam magis ossa naturæ modo se habentia sub alimentum extendi superfluisque crassescere posse confitendum est.

Sed & dentes inflammatorium abscessum pati monstratur testimonio Ludovici Dureti, qui super illam sententiam Hippocrati in l. 2. Coacarum prænot. cap. 21. §. 8. (Dentis sphacelismus abscessum in gingivam exolvit) Dens; ait; os acerrimi sensus, quod tantum atteritur, quantum molendo mandit, ac tandiu crescit; quoad quiescit; omnium affectionum capax, omnibusque morborum causarum telis expositum, quibus & caro ipsa est, nec cum minore perceptione rei molestæ, unde successionis doloribus cruciatur. In eo symptomata conspiciuntur omnia; intemperiei, phlegmones, continuitatis & contiguitatis emotæ. Significavit & suam non recedentem ab hac ipsa sententia Joannes Langius l. 1. epist. med. 42. cum numeratis plerisque luis veneræ symptomatis, quæ cognita singula veteribus contendit: steatomata, ait; & tubera, atque ex intima ossium medulla concretus sub illorum panniculo tumor; &c.

Demonstravit & hanc rem experimentis Phil. Ingrassias in lib. de tumor. ubi narrata historia à se dissecti cadaveris in nostro nosodochio Incurabilium; cui cadaveri hominis alioqui Syphilide commortui repperita sunt ossa pectoris & juguli & aliquot costarum insignibus tumoribus exaltata; quibus subinde ruptis apertisque puris graviter oleitis nonnulla portio manavit quo demum exhausto patulis & cavus ossis sinus apparuit. Quibus addidit idem auctor; etiam præter ætatem incrementi Galehum & Avicennam censuisse dentes colorem bonum deponere mala subeunte substantia; atque similiter imbuta corrumpi pattium mollium & carnis modo. Subdiditque idem Ingrassias; rationem Galeni non in augmento; sed in nutritionis vi consistere; quod apparebit facile; si Galeni verba non oscitanter legantur: Post quæ curationem dolentium ipsorum dentium tradens, repellentibus non aliter, quàm ad carnis phlegmonas utendum præcepit: quippe quia per defluxum sit vitium: Quod si per defluxum est quidem, ut est verè: defluxum ipsum causam inflammationis accommodatam ec quis non videt? atque eò maxime, quod ossi calvariæ sinistre excisio necessariam inflammationem impendere movuit Hippoc. in l. de vulneribus capitis sæpe; nec non Gal. l. 6. meth. cap. 5. *πάναλογοι νπ τὴ φλεγμονή.* id quid inflammationi proportionale perpeti ossa professus est. Quid quod Hip-

Poc. I. 4. epid. id in historia senis qui in lapideis vestibulis habitabat, conceptis verbis testatus est ossis suppurationem; in quo loco Franc. Vallesius retulit hæc non nihil ad nostrum usum facientia; Ubi autem inflammatio sit, & hic abscessus esse potest, sive malueris apostema, cujus etiam ratio consistit, ut partes aliquo intercedente vitio diducantur; quis autem inficietur ossis partes interiores saltem, humore copiosiore impellente diduci atque laxari? Sunt & huc demonstrationes, & experimenta Langii quem adi.

Restat nunc videndum, ex quo peculiariter apostemate atque humore corripì debeant ossa: statuitque Ingrassias nullum esse, à quo vitium ducere non possint: si verò paulatim proprii alimenti, ut par est, superfluitate coacervata procreandum apostema sit, ex melancholico exusto succo promptius illud est eventurum: Sed de viris Ingrassias loquutus apparet: in pueris alioqui sanguinem, aut pituitam esse materiam inflammationis probabilius est: qui uterque humor, ut paulò postetiùs ostendam, vitiatum & in poros ossis il lapsus & in horum substantiam non coaptatus, sed rejectus & conculcatus, jam computrescens & fervens, ossa vitabit, imemperabit, evertet ita frigida & sicca ossis temperies naturalis, in calidam & humidam, quæ est præter naturam transvadet, proportionalis scilicet carni: quod Galenus dixerat inflammationi proportionale.

Ex his jam constat, nequaquam esse difficile, ut ossa conditionibus abscessus subjiciantur.

Cap. 4. *Quod articulos propriè longorum ossium apprehendere debeat hoc vitium, ut reverà apprehendit.*

UT planam atque expeditam evidentiam comparent ea, quæ præcipuo hoc meo argumento monstraturus sum: equidem cogitavi conducibile, si partium ossis ad articulum potissimè spectantium usus & conditio dispiciatur, quam rem jam exequi paror ad hunc modum. Ossis universa partitio triplex est: Una pars innominata veteribus quæ corpus nobis dicetur ossis, pars ejusdem maxima & præcipua, aliarum veluti truncus, in medio sita. Altera pars ossis firmitatem primam afferens capitulo à natura conditricem conglutinata, epiphysis dicta Græcis, appendix & additamentum Latinis. Estque hæc authore Vesalio ossi alteri ossi adnatum, peculiarem obtinens circumscriptionem; neque illius ossis, cui committitur, vera portio. Tertia pars est segmentum ossis extremi, supra communem ejusdem æqualitatem extuberans: estque hæc eod. Vesalio describente ossis pars nihil à suo osse differens, nisi, quod tuberculi, seu gibberis instar ex osse proccedit; quemadmodum ex arboris trunco radices & rami exultare procedereque videntur.

Corpus ossis anatomicorum omnium consensu durissimum est, quod propugnaculi instar impetum injuriarum sustinere debuerat. Appendix verò secundum Galeni sententiam in decimo de usu part. excogitata est à natura, ut operculi vice essent ad medullarum ossis partem tuendam, ne diffunderet, atque ut arctius coarticularentur ossium capitula; quanquam alia Vesalii & Columbi fuit opinio, seu veriùs erga Galenum diluendum prurigo. Sed & alter usus à Gal. expositus est l. 2. de usu part. c. 5. circa F. adnexas ossibus appendices, ut ex ea conjunctione ligamenta possent nasci, quæ articulos circumligant & firmant. Tertius usus est ab Andrea Laurentio relatus Hippoc. primo auctori, volenti esse epiphyses quasi ventres ossium; in quibus concoquatur ossium alimentum, quod sensum in horum cavernis percoletur. Porro est hic usus, qui nostris placitis maximè favet.

Sed processus ossis & capituli quis finis? Ad partium; quarundam, musculorum præsertim, exortus atque insertionem tradiderunt quidem omnes. Verum & usus alii non desunt, ubi variam hujus formam atque figuram spectaveris: sed de hac re satis.

Cognoscis nunc molliissimos & maximè succulentos esse fines ossium longorum, quæ cum aliis coarticulantur raramque & accommodatam horum structuram, ut succos advenientes pro nutrimento excipiant. His adde, quàm ipso motu laxos, imbecillos & ad repellendum ineptos? Quas ob causas memineris etiam, ut in abscessibus absolvendis, has maximè partes consuetus ferè semper impetere sit humor, qui rejectus à superioribus huc transmittitur. Mirum igitur ne sit, quod communi ossium atque alia privata, quam post hæc exponam, cacoehymia s. arthrocacen maximè colligant articuli.

Cap. 5. *Quod non carnis, sed ossis præcipue sit hoc vitium; quodque non à carnis habitu profectum, sed ossi primum*
αὐτῷμα.

QUONIAM autem os, & caro naturam inter se nata dissidentaneam, vitium uno communi loco habere: quæri non inutiliter potest; utri nuncupandus sit affectus & utrius sint morbi conditione priores partes. Videtur autem, quod ossis vitiatum longè potiora sint momento, neque illud tam dico curandi difficultate, scilicet hoc planum & nulli dubitabile: verum etiam procreati mali (cum Philosophis dicam) anticipatu: quoniam autem video nonnullos, quorum opinio fuit, hoc vitium ossibus secundariò advenire; nimirum ab exteriori habitu & à periostia membrana translaturum, ostendam equidem hoc falsò credi & ab ossibus veriùs proficisci vitium in circumscitas partes; quod ostenditur duplici ratione. Prima, quod cum simul appareant hæc utraque vitia, multò priùs antecedere debuit id, quod invasit os, utpotè quod durius & obsistentius est naturæ, quatenus penetraretur, molliatur, conteratur. Deinde, quòd à primordio in loco alioquin excarni non parum altus extitit tumor, qui propriùs fuerit ossis oportet, non carnis, quæ in articuli ambitu nulla est planè. Tertiò, cum exilis sit portio carnis, quæ vitari possit, ejusdem quoque vitii parva sit vis consequitur, quæ duritiem ossis conficere queat, contrà verò os, cum molè majori constet, amplum ejusdem vitium, etiam atque etiam carnes conterere ac labefactare valebit; præsertim quando subiectum veluti fulcrum sit os carni: nos autem experimento quotidiano didicimus in vulneribus capitis & corruptelis aliorum ossium, circumjectam carnem amplè computruisse, sub hac verò vitiata subiectum os commarcuisse non ita multum licet procedente longius tempore non nego commaculatum os, & labefactum. Adde, quod ossis quanto durior est soliditas, tantò gravior est corruptio, quod declarat gravis factor ab osse cariem experto, & nigro exurgens: sic licet pauca hujus putredo, qualis quidem putor non est à pari vitio carnis. An autem illud sit, quia sub densiore substantia complexa magis putredo minùs expirat, minùsque dissipatur; sed particulis ejusdem in se coactis confertim exhalat odiosam mephitim: Accedit ad hæc testimonium Avic. qui l. 4. fen. 4. tr. 4. c. 9. professus est non obscuris verbis vitium hoc, tametsi carnes etiam præhendat; nihilominus veriùs esse ossis. At neq; aliter post hunc Nicolaus Florentinus ferm. 6. c. 40. & Jo. à Vico in l. 9. sup. copiose c. 34. Quorum omnium sententiam tam manifestè secutus videtur Joannes Langius vir æque doctus ac disertus; ut ulcerosam hanc ossium affectionem à se vocatam non alio, quam

quàm de terebine atque exostosi pertractarit loco : quæ fuit epistola 42. l. 1. Sed nemo fortasse melius Petro ab Argillata qui l. 3. tract. 22. c. 2. scripta reliquit hæc ; Ventositas spinæ est quando aliqua materia in substantia ossis congregatur ex debilitate virtutis assimilativæ, vel ex debilitate membri, unde congregata materia causatur apostema : illic autem consequenter facta incisione, reperitur corruptio in substantia ossis tota, vel in parte ejus usque ad medullam & istos casus sæpe vidi, & curavi.

Cap. 6. *Abscessum hunc esse puerorum proprium.*

MOrbus hic, quantum nos observatio nostra docuit, qui plurimos inde laborantes in valetudinario curavimus, atque huc aversionem quàm maxime sedulam adhibuimus, haud per omnem promiscue ætatem homines laceffit, sed puerorum videtur & familiaris & proprius quod autem istorum morbis interseuerint scriptores, factum puto propterea, quod grandiores, quàm infantes arripit hoc vitium. Est autem utrumque illud inquisitione dignum ; & cur ad pueros spectet, & cur eos, qui incunabula excefferint, maxime tentate solitum sit ; utrumque porro sua non caret causa, quam nos hic enodatè discutimus : unde simul fiet, ut id, quod ante supposuimus ratum & confessum apud omnes reddatur. Pueri quidem simpliciter hanc affectionem incurrunt eam ob causam, quam mox audies : Substantiam homo, qui nascitur, refert ex semine patris & ex sanguine menstruo matris, utrumque principium & materia, ex qua fœtus conflatur, non usquequaque purum & inculpatum ingreditur in generationem, sed nunc excrementosum, nunc feculentum, nunc vitiosum & maculatum est ; præsertim si à morbositas, & à cacochymis parentibus procedit. At si tamen integræ valetudinis homo sit, qui generat, non est hæc decisa portio sic inquinata, ut expurgationem non ferat, atque hoc de virili semine dictum est. Sed neque perpetuò mulier munda, probatam exhibet generationis materiam : verum plusquam vir sæpe maculosam ac tetram : quando frigidior s. humidior, & inexercitior est : unde fit, ut mulieres sæpe doléant capite propterea nimirum, quod superfluitates ex crudiore stomacho plurimas congerunt. Accedit, quod natura in fœminis solet menstruas expurgationes ciere : sint quidem istæ mali succi, vel boni, non disputo : utrumque suos habet autores : Satis est, quod gestationis tempore non perpurgatæ mensibus fœminæ, incredibilia per hoc tempus appetunt & variè mala : unde malus etiam sanguis pro nutriendo puero congeritur, qui neque corporis exercitatione, quæ nulla tunc temporis est, emendari potest, sic immundus & vitiosus est ejusdem sanguis, unde incrementa fœtus capessit, quem ipsum trahit secum jam natus : undeque continuò sunt illi eruptiones toto corpore, & capite quidem achores, ceria, favi, lactumen, glandulæ, strumæ, aphthæ, intertrigines, pustulæ, varioli, morbilli, & hoc omne genus excretionum : quæ si contigerint quidem, commodæ sunt, quia corpus emundant, quare non has prudens cohibet medicus, sed adjuvat potius, quæ si non evenerint, vel si postquam apparuerint, intro recutierint : consueverunt plurimo detrimento esse, ut inde fiat plerumque puer valetudinarius, calore atque habitu malo, sic fiunt pueri languoti cuiuspiam opportuni.

Illud hic ad causas pertitens dicere non omit- tam : præter communes istas seminarias infectiones, quales jam diximus ab utrisque parentibus proficisci ad hæc vitii effectrices esse alias majoris notæ, qualis est cachexia, sive proxime gignentium, sive progenitorum : neque enim elabatur hic affectus causas, quas

Biblioth. Chirurg. Tom. III.

dicunt hæreditarias ; inter quas est & infectio luis venereæ per semen communicata : item si vitium hoc, de quo disputatur, à tabido vel ad tabem propenso veniat ; equidem præter inexpurgata seminaria inquinamenta vidi sæpissime manasse pædarthrocacem ob aliud, quod est ; quia parentes habitu corrupto, vel languidi fuerant. Verum enim, verò cum puerorum proprium huic affectum posuerim, haud negaverim tamen ulteriori ætati contingere posse. Equidem Mariæ Caracciolæ lectissimæ fœminæ Neapolitanæ, quæ Deo & Sacris à libera vita & à viro in hanc rem consentiente & cœnobium ingresso in D. Andreæ Sacro Sodalitio se abdicaverat, cariem in malleolo diuturnam curavi : sed enim illud commune vitium, quemadmodum rarum est, vel ad ventositatem spinæ referam equidem, vel causis constantibus pædarthrocaces, dilata est eruptio ad grandiores gravioresque annos, non aliter, quàm variolæ, morbillique ad senilem usque ætatem fervari consuevere. Huic nostræ sic expositæ opinioni, aliud etiam addere nunc admoneor ; non ignorare me, Fernel. 7. phys. 7. & Matthiolum epistolarum opere confirmationes attulisse, quod puer in utero menstruâ materiâ non alatur. Verum his omnibus communis Schola satisfacito ; dum interim mea roborat Philippus Ingrassias in opere de tumotibus, qua de morbillis atque alii viti non pauci.

Cap. 7. *Quod non tam per influxum, quàm per congestum sit hæc abscessus generatio.*

His auditis, quæstio nunc se offert, per influxum an per congestum abscessus hæc procreatio fiat : atque equidem dixerim utraque ad morbum procreandum causam intervenite : defluxum quidem, quia natura sagax humorem malum & abscessus non obtenti, sed intus revocati reliquias studet quo potest, commode transmittere, sed nullam in partem potest incolumius & salubrius, quàm in articulos : igitur huc materiam malam transmittit, atque deponit. In hunc modum apostasis quædam hæc videtur, id est, humoris vitiosi translatio. Ad hæc & congestus adesse videtur excrementosæ substantiæ, cum nutrituro succo advenientis, qui non raptus neque immutatus à concoctrice propterea, quod aliena substantia coacervatur, & congeritur quotidie intra spongiformem substantiam ossis, quam inesse jam diximus suo capitulo ad recipiendam alimoniam accommodatus, sic tandem fit proventus maximus, qui fomes est putredinis ossis.

Iam autem cum utraque sit abscessus incendiî causa, tum inquam fluxio, tum congestio : puto equidem multo majori parte esse congestum propterea, quod fluxionis modus obscurus est, tum propter alias causas defectus, tum maxime, quia viæ defluxionum toto corpore non extant ad ossa sic expeditæ, ut in vehendo alimento, quod nulla vi secum ducit superfluitates admistas ; quæ propterea felicior evenit, & cum perennis sit, copiosior fieri potest confluxio, quæ perennis esse non ita facile potest. Ob hæc conficitur sane, majora congestus esse momenta, quàm confluxus in hoc ossis abscessu procreando. Confirmat abunde nostram hanc opinionem Ioannes à Vico, qui libr. 9. copiosè F. notavit à materia interdum corrupta & venenosa, defectu virtutis assimilativæ, occasione debilitatis membri generati,

Cap. 8. *An corruptio. vel corrosio sit morbi forma: simul & de generationis cariei modo.*

Questionem hanc, ut ritè rectèque possimus expedire, corruptionis & putrefactionis nominibus, hoc loco confusis, utramque nos affectionem secundum Nicolai Florentini commentationem in Avic. lib. 4. fen. 4. tract. 3. definimus; si primum distinxerimus, quod sit putrefaciens & corrodens, scire licet corpus humanum & hujus partes, quæ dictarum passionum sunt subiectum, esse trium generum, id est, solidum, humidum, spirituosum. Solidum inquam, ut ossa, carnes, nervi, membranæ, & hoc genus: humidum verò dico quatuor humores, qui sunt sanguis, pituita & utraque bilis: spirituosum denique dico spiritus, vitalem, animale, naturalem, quæ omnia vocavit Heppocrat. lib. 6. epid. sect. 8. aph. 8. continentia, contenta, & impetum facientia, in hæc tria invadunt putrefaciens & corrodens. Putrefaciens est id, quod corrumpit spiritum & humidum membri adeo, ut non sit amplius pars, nisi æquivoce. Ceterum non pervenit ad hoc ejus actio, ut resolvat humiditatem membri, sed tantum dimittit eam corruptam, autor autem est calor extraneus. Putrefactio igitur est dispositio, sub qua humidum membri corruptum est absque resolutione ita, ut in vitam redire non possit, propter corruptionem spiritus. qui est in eo.

Corrodens autem est illud, quod præter acuitatem, quam habet resolvit atque extrahit humidum, propter quâ resolutione atque extractionem minuitur substantia carnis, ut ulceretur. Pro qua re intelligenda doctrina est Arist. 4. meteor. siccum ejus naturæ, ut semper egeat colligatione: humidum verò id est quod colligit & conjungit. Corrosio igitur est dispositio, sub qua humidum terminans sive agglutinans partes membri resolvitur ita, ut partes membri remaneant disjunctæ sic, ut non sint amplius continuæ; præterquam tamen humiditas sit corrupta.

His jam expositis utra ratio sit in hoc affectu, constare potest: porro subesse non videtur corrosio, sed corruptio propterea, quod in hoc vitio totum humidum est corruptum absque resolutione ita, ut extincta restiterit pars; quod si tamen post longum tempus exempta ossa proferunt cariem, ac teredinem hoc nihilominus sit, resoluta per longum madorem parte: quemadmodum accidit lignis, quæ longa humoris alluvie tabefactâ corrosionem referunt, quæ vere non est: atque ad hunc modum interpretandi sunt Avicenna, Nicolaus Florentinus, Joannes à Vico, atque alii si qui sunt autores nobiles, qui corrosionem in hoc vitio adstruxerunt. Firmari autem hoc abundè licet exemplo simili gummatum & exostosium luis venereæ, quæ resolutione veriùs & vi corruptentium humorum, quam à corrodentibus facta visuntur, quam etiam rem historia, superiùs à Philippo Ingrassia recitata demonstrasse potuit. Fuit autem & meæ sententiæ Joannes Langius in l. 1. epist. 42. quam rem apud eundem autorem legito.

Illud nunc desiderari videtur, ecquo pacto procreetur ejusmodi corruptio; evenit autem meo quidem & Vidii judicio ad hunc modum. Quoniam à nobis constitutum est superiùs, per arthrocacem, per congestum, quàm per influxum fieri magis; id est, quod contrahatur paulatim humor in osse ex alimento superante: contrahitur quidem in osse paulatim veluti mucus, qui ob loci imbecillitatem nec concoquitur, nec ad alendum est idoneus, nec expellitur, sed ibi manens tumorem excitat. Cum autem hic idem humor, vel acris sit, vel retentus putrescat (est, & qui in lue venerea diuturniori col-

lectus ea tubercula excitat, quæ gummi dicuntur) erodit ac perforat ejusmodi partes integræ cuti subiectas.

Cap. 9. *Quod exostosi sphaceloque ossis syphilis similis sit ista.*

EX his facile quisquam affirmet, exostosi syphilis similem abscessum hunc esse, quod assertum neque displicet nobis; qui credimus gummata, quæ dicuntur, à venerea lue profecta, non per defluxum, sed per congestum esse: quam rem cum quispiam ostendi sibi desiderat, dicam, hominis venereo morbo confecti sanguinem universum & humores graviter esse corruptos; siquidem, & ab omnibus constitutum & à nobis ante monstratum est, luem hanc esse universale corporis in temperamentum, atque hepatis præcipue, quod est officina sanguinis; quo labefactato, & humores omnes cum sanguine comprehensos in corruptionem abiisse necesse est; quapropter & tales accedentes in substantiam alendarum partium, has non corrumpere non possunt: maxime autem inter omnes tuentur se carnes, & ad hanc naturam accedentes aliæ partes sic, ut alienum à se, vitiosumque succum quoad ejus fieri licet vel concoquant & commodarentur, vel abjiciant, non ita quidem ossa, quæ inter omnes corporis partes sunt debilissimæ, atque etiam maxime exangues & frigidissimæ quapropter id, quod à se rejecerant carnes, ipsa recipient. Inditio autem est, quod ossa capitis à nonnullo calore foris comprimis obnoxia sunt his congestibus: Indicavit autem ventositatis spinæ cum exostosi venerea similitudinem Joannes à Vico memorato jam loco, quamquam verò contulit arthritidi morbo Avicenna: tamen ejusmodi comparatio facta est secundum doloris speciem, qua communicant; non autem spectat illatio vitium jam initum ossis, quam diximus esse corruptionem, quam quidem opinionem eo libentius amplexus sum, quod Jacobo Cæsario medico nostri gymnasii professori præclarissimo ac Diomedio Paladino viro item doctissimo communicatam video placuisse.

Cap. 10. *Ex quam humorum materiâ pendeat hic abscessus.*

Pincipio dubietatem nonnullam facit, num halitiosa levisque sit materia, quæ procreando huic vitio causam præstet: Cujus sententiæ videtur fuisse Philippus Ingrassias in commentario de ossibus cap. 1: sine; persuasus tum ab etymo, tum quia figi quidquam in ossis corpus, præterquam tenuis substantia non potest. Quod confirmavit Philippus auctoritate Razæ in suam opinionem traducta, qui prodidit profectum nomen à perforando, perforare autem solidissimam ossis compaginem nulla non valet præterquam penetrabilis tenuisque substantia, quæ transcurrat, ut enim crassamentum aliquod humoris pervadat? Quam etiam ob causam factum est, ut Jo. Lang. in lib. 1. epist. medic. epist. 42. censuerit ejusdem teredinis causas esse putres ichoras. Sed Josepho Pandolphino in c. 4. quod est de morbi generatione placuit vitium omne tribuendum pituitæ crassæ, ut quæ maxime in pueris, & puellis sceminis proveniat, flatuque multos ad tensivos artuum dolores excitandos accommodate ferat. Ante quos omnes viros Avicennæ Principi viro placitum est, ut humores hi sint acuti, penetrantes in os & corrodentes ipsum, quem virum, secuti sunt & Nicolaus Florentinus & Joannes à Vigo. Post quos Joannes Langius cit. epist. ulcerosa

rosa vocata hac ossium affectione, purulentos & acres rheumatum ichores, quo terebrentur ossa causas dixit esse à qua magni viri sententia, nostra profectò non longè discedit, nisi quòd sanguinis putres ichores posuimus, qui veniens in alimentum ossis alioqui rarioris & levioris, quales capitulorum & processuum sunt, has inficiunt & contaminant, uti & hujus l. capite superius explicavimus.

Cap. II. *Vera affectus natura.*

SI mentis aciem penitiùs in rem defigimus, longe alia quàm apparens, & exposita sensibus affectus hujus est natura, usque adeo, ut equidem non conquiescam his, quæ dudum genus inquirenti se obtulere, sed in recessu, positam formamque aliam abscurtiorem mali confector, quam etsi non adverterint, alii tamen, ut puto lucidissima est: Illud autem, quod meditor est hujusmodi. Sæpe numero legimus apud viros auctoritate plenissimos, sensimusque disputando constitutum; inflammari ossa non quidem eque, sed paulo secius, quam carnes; ignis porro nullum sibi met objectum quantumvis durum excipit, quominus in ipsum vim suam παντοδυναμῶν non exerat; ad hunc quoque modum inflammatio; quæ ab internis visceribus malè habitis, & à foco putredinis aliquò proficiscitur; nullam partem corporis excludit suâ tyrannide atque incurribus, quin & dentes, quibus ignem parcere & immolitos linquere scripsit Plinius: quotidie cernimus insensibili succorum acrimia infestatu solvi, conterì & erodi: multò igitur potius ossa minus compacta, minusque sententia humorum vim acutorum ad languorem experiri ac perpeti debuerint? Qui languor in Pædarthrocace accedens, sit corrosio an corruptio certum non est; quamquam nos superius nostram opinionem aperuimus, quæ corruptionem amplectitur, sed tamen aut nullum, aut parum necessarium, quod ad ossis vitium & affectionem attinet, istorum est discrimen; difficilior autem ossis per humorem est erosio quàm corruptio, hæc enim ab humoris labefacientis duntaxat copia; illa verò ab ingenti acrimonia proficiscatur oportet. Atque ita jam apparet non admodum referre, siue corrosio, siue corruptio particulæ sit hic abscessus, quantum ad ipsum vitii jam procreati eventum. Jam autem, quantum facilius ossis erit hæc vitatio in pueris? quorum ossa molliora ac teneriora sunt, quàm in viris: & eò amplius, quod ossis partem accipi volumus non promiscuam; sed privatim eam, quæ est circa articulos atque hæc, ut anatomica nos observatio docuit; spongiosa est multum; eo s. nature consilio, ut foret accommodatio ad suscipiendum alimentum delatum à venis arque arteriis apellentibus ad ea loca: à quo deinde alimentò propagaretur & resiliaret nutritio perennis in medullam.

Hac jam cognita partis ossis habitudine atque structura, in viris quidem laxa & rara, in pueris verò singulariter molli ac friabili. Si dixerimus hanc ex alaplus humoribus semiputribus & alienis inflammari ab inflammatione verò abscessum & corruptelam perpeti; non erit sanè, qui refragetur, aut facilem vitii procreationem inficietur. Quæ res tamen ubi cuipiam difficilis fortè videatur in promptu sum ostenturus etiam opere constantes hos abscessus in plerisque pueris à me visos: quibus extractæ sunt ossium particulæ qua semiputres, qua putres confectæ sanie, succique lentore maximo: quæ quidem putredo quæso te, quo pacto fuerit inducta sine fervore, atque inflammatione? Cartilaginem quidem in senibus, tum aurium, tum narium, tum sterni post inflammatio-

nem in venereo morbo peresam sapissimè vidi: puerorum igitur hæc ossa mollia inflammationis capacia non fateamur? profectò cartilagine seniles non minus densæ compactæque sunt, quàm puerilia ossa, quibus accedit & cerea mollitudo & spongiosa porositas, quam omnes mecum sunt confessi. Ad hæc in ossa, id est, in horum capitula venæ subeunt & arteriæ licet pusillæ & inaspectabiles: unde enim aut quomodo nutrantur, aut vivant eadem? si non ingreditur in ea succus & nisi permeant undecunque vasa? quod si permeat succus alienus & importunus ad hæc loca delatus & confertim aliquando cumlatus; maximè etiam valebit hæc inalterare atque in calidam diathesin immutare sic, ut aliquando inflammantur & inflammata subeant abscessum quem partim ventositatem appellarunt propterea, quòd veluti ventus, particulas ossis inflans distendat, partim etiam dixere spinam, quòd veluti spina in centrum membri, quod os est, defigatur. Postremò inflammationem ossis persuadet augmentum in se inductum. Unde enim hoc, præterquam à putredinis fermento? fermentum autem unde præterquam ab inflammatione? quæ quidem tanti momenti sunt; ut facile, quod nos sentimus, etiam unicuique persuaderi debeant.

Cap. II. *Quod non affectus hic occultus & causa quæsito satisfaciens exposita.*

NONNULLI cum hujus affectus & ossis corrupti causas exponunt; non inventa, quæ satisfaciatur, ratione peculiariter affecti ossis perinde, ut à magna difficultate citò se extricent, ad antipathiam & ad occultas rerum causas confugiunt: id quod in plerisque multis hoc nostro sæculo fieri consuevit ab his, qui rerum indagationis petresci, viâ quàm expeditissimâ sunt contenti: equidem etsi perpetuò non renuntiandas hæc proprietates arbitror; in hoc vitio tamen amplectendas non consentio propterea, quod ad causas ratione contemplabiles referri potest, sunt autem, quæ mihi videntur, hæc.

Scire licet, humorem illum, qui morbum invehit, excrementitium omnino esse, quod jam expositis autè sermonibus hujus libelli monstratum est, quia sunt, inquam; reliquæ variolarum & morbillorum minimum expurgatorum, item quæ sunt non excussæ superfluitates capitis ichorodes, quibus obnoxii sunt infantes, & his affines pueri: quæ superfluitates omnes, & materiæ sunt crassæ, viscidæ, pingues, ac putres adeo, ut contagione communicari puerilis aliis cohabitantibus possint. Verumtamen cum humore hoc pingui conjuncta est aliqua siccitas & exustio: quemadmodum in fuligine non dico picis, thutis, thymiamatum & pinguium omnium: de quorum præparatione Diosc. sed & aliarum materiarum omnium: porro non deest hisce fuliginibus & excrementis cremor, id quod ostenditur plerisque indiciis, quæ sunt hæc: primum interiorum, ac tineæ speciebus singulis sua est crusta in lupinari, inquam; furfuracea, & hoc genus multò a. maximè in ectymatis & residuas crustulas nemo non norit, Deinde salsas nitrosasque hæc excretiones esse constat, pruriginosæ. Tertiò non possunt non referre fuliginem impressione materiæ, quæ tot multas cretiones & agitationes passæ sunt à calore partium diversæ, primò quidem in vasis & conceptaculis parentum; deinde in universa puerorum officina naturali, donec perveniant ex omnibus vasibus ad postremam cutem. Præterea fiunt excretiones istæ omnes non sine fervore, & quia heterogeneæ sunt partes substantiæ vergentis ad siccum, torreantur oportet: inde enim, acrochorodons in pueris evenire docuit Cornelius Celsus lib. 5. cap. 28. & è junioribus Antonius Musa Brasavolus & alii.

His omnibus argumentis constat, inesse nonnullam inustionis totam his excrementis. Has ob causas conjuncta fuit, ut dixi. cum pinguedine siccitas. At hæc qualitas & natura fuit etiam ossibus, quæ M. Hipp. sententia in libr. de carnibus, ex multa pingui & glutinosa feminis portione concalfacta & exusta constant. Itaque ad ossa magno naturæ consensu repere has materias, & ab his attrahi substantiæ similitudine non alienum est credi. Atque hæc una ratio est, quam contemplator homo comminisci possit. Altera verò ratio deduci potest ex Arist. l. 3. de hist. animal. 19. ubi tradens de sanguine dicit, hunc & partes sanguineas putrescere circa ossa, atqui per doctores nostros omnes variolarum & morbillorum prælegmina sunt sanguinea, hæc ergo retenta & ad partes ossium appulsa, facile has conficiunt & corrumpunt. Tertia ratio potest esse illa, partes omnes corporis, quod robustiores & calidiores & sanguine instructiores, eò facilius promptiusque repellunt à se noxas advenientes, itaque Gal. 13. meth. scripsit inter omnes in expellendo validissimos esse musculos, minus arterias, minus his venas, omnium verò debilissimas esse glandulas. Ita quidem ille, sed nos glandulis imbecilliora dicimus ossa, quæ plane repellere nequeant incurfus alienorum humorum. Sic excrementa hæc à singulis æconomiæ nostræ partibus rejecta, cum amplius remittere non valeant ossa, reliquum est, ut eadem in se congesta cum putrida sint & virulenta, Ioanne de Vico autore vitium in se ipsis excitent corruptionis, & alienationis. Atque hæc sunt causæ, ad quas pædarthrocacen referre, licet.

Cap. 13. *Affectus definitio.*

Post hæc definitionem adornaturis jam nobis primum omnium inveniendum est genus, cuius quedam multorum communis est natura, quam definita res participat; quoniam autem videmus in hoc morbo distentam in omnes partes substantiam, quæ apostema dicitur à græcis, abscessus à latinis: utrumque nomen acceperimus, liberum est quidem, quoniam verò latinum est commodius, in abscessu consistemus. Quo invento genere differentia supplenda est, vel quæ hujus loco sunt accidentia propria: Iam autem, quæ se offert, est corruptoria species sive ratio cui se subicit τὸ ἰσχυρὸν, quod distinxeris, dixerisque (os) & quia multiplices hujus sunt partes: quibus non expressis ambiguitas dari possit: nam aliæ partes ossis ab aliis morbis occupari solent, ut à syphilide media ossa, sic addideris (circa articulum.) Quoniam autem proprius pueritiæ morbus est, & horum articuli potissimum abscessionem hanc incurrere consueverunt, hoc maxime pro diorismo retinendum apponendumque est; ut dixeris (in pueris) causæ autem, quæ magnam lucem afferant, exponendæ, quæ sunt s. spermatis & menstrui sanguinis inquinamenta non repurgata, cum quibus causis si generationis modus possit exprimi, fiet hoc sane cum singulari definitionis gratia, qui modus est per congestum. Iamque cum nil intra complexum definitionis venire possit, quod definiti nomine non comprehendatur atque etiam nil à definito contineatur, quod definitio non exprimat atque explicet; sic jam collegimus absolutam definitionem, atque adeo dicimus; Pædarthrocace abscessus est corruptorius seu sphacelissimus ossis circa articulum in pueris, ex primis spermatis & menstrui sanguinis inquinamentis non repurgatis, per congestum illapsis & computrefactis natus.

Cap. 14. *Num hic affectus Græcis antiquis notus.*

Præstemus equidem omnes, ut faciem nobis in hac re prætulisset quispiam ex autoribus Græcis, ut qui

diligentes, & exacti in uno quolibet argumento pertractando fuere, quod autem ipsorum nullus ejusce rei meminerit, excitaret quidem nobis admirationem, nisi fortasse cognitum hunc illi morbum dubitarem: qui morbus sexcentum ab hinc annis, nî supputatio fallit, mortale genus invalit, num ergo nullus Græcorum memoria fuit hic affectus: an verò, sicut syphilidem non ignoratam ab istis plerique voluere propterea, quod symptomata luis ejusdem nulla his obicura fuerunt: pariter & pædarthrocacen eosdem non latuisse persuaderi possumus, etiam, quod ad cariem ossis universalem hoc vitium referri non est absurdum, siquidem eo proposito, quod antè monstravimus, ulcerosam hanc ossium affectionem ortum habere à male purgatis aut intro relapsis à summa facie corporis humorum excursibus & exanthematis Hippocrati, Galeno, Aetio non incompertis, ut Andreas Laurentius affirmare visus est in l. 8. historiæ anatomicæ quæst. 9. atque etiam Franciscus Vallesius in l. primum epid. sect. 2. & in l. 7. ejusdem operis r. 94. Sic profecto fit ut neque iis abscessus hic ignorari debuerit. Porro non ita fortassis accurate descriptus ab iisdem fuit uterque affectus propterea, quod ob exquisitam victus rationem (verba sunt Laurentii) mitiora essent omnia.

Ad hunc modum plane constat fieri potuisse, ut in Asclepiadarum notitiam venerit hocce vitium τερηδον nomine comprehensum. Quinimo factum, ut comprehenderint, sic animus est ostendere, ut mirum, nî demonstrarem etiam. Neque obstat, quod non meminerint Græci multorum accidentium; quo modo significavimus, quemadmodum non refert, quod de variolis non tradiderint. Rē autem vera spinam ventosam veteribus aliquo pacto notam evincimus ex Razæ verbis part. 2. Contin. l. 15. c. 5. descriptis, Pandolphino quidem non compertis: quæ sunt hæc. In 2. cap. de morbo, & accidente dixit tandem, quod ventositas spinæ fit ex humoribus calidis corrodentibus & perforantibus os & derivatur hoc nomen à perforatione. Addidit & ibidem loci Razæ; In summis causarum dixit, absterio fit in osse ex superfuitatibus prohibentibus cum absterione ipsarum, quod non oriatur super illud caro, sed debet fricari. ut bona fiat conditio ad generandam carnem super illud. Dico possibile est, quod caro non generetur super ossa corrupta, non ex parte ipsorum viscositatis, sed eo, quod patiuntur complicationem malam, erit ad modum ovi in generatione faniæ, quoniam videmus os perforatum in grossitudine aspera & super illud non generatur caro radicitus. Hæc ille, quibus jam indubitato vides, non aliam Razæ atque Arabibus suam spinæ ventositatem, quam Græcorum teredinem, neque hanc fuisse aliam, quam illam: ita nulla prorsus, quam diversitas nominis intercedit, quas ob res jam constat cognitam antiquis pædarthrocacen fuisse. Illud nunc judico disquirendum, num Galeno τερηδον nobis cariei nomen corruptionis an corrosionis sit usu. Et ambigue profecto significationis apparet fuisse libr. de caus. morb. c. 11. in quo loco foraminulenta caries, quæ ab acutis humoribus erodentibus profecta est, discernitur ab unaquaque ossis asperitate, quæ causam quamcumque aliam agnoscat; verum aliter l. de differentiis morb. c. 5. in quo loco auctor ossa putrida similia fecit lignis, quæ sunt vetustate corrupta: quem ossis affectum com. 3. de fractur. tex. 20. cum Hippocr. sphacelon, id est, consummatam ossis corruptionem vocavit: omnibus autem modis cariem Galen. potius ad corroden-tes, quam ad corrumpentes causas visus est retulisse, quamquam Razæ sententia recitatis modò verbis videtur ea fuisse, ut sua spinæ ventositas, & taridon, teredinis corruptum nomen, affectum & causam utramque corruptoriam, inquam, & corrosoriam, saltem conjunctam complectatur.

Cap. 15. *An ventositas spinæ ab Arabibus
autoribus descripta Pædarthrocacæ
congruat nostræ.*

DE ventositare spinæ primus omnium, quos novimus, scripsit Avicenna cujus verba recitata semel fuisse referet non pauci, commodissimus autem hic locus, in quo disquirendum proponimus, num ejusmodi, qualem ipse ventositatem spinæ descripsit; sit Pædarthrocacæ nostræ. Ventositatis, inquit, spinæ causæ sunt humores acuti, penetrantes in os & corrodentes ipsum; & incessus ventositatis spinæ est incessus doloris juncturarum. Veruntamen materia in dolore juncturarum est in carne, & in ventositatē spinæ est in osse & ejus additio corrumpit ossis partem unam post aliam. Dixerunt quidam quod spina est spasmus in toto corpore propter ulcus, & non affirmatur, hæc ille. Professus autem & de hac re, sicut audisti fuit Razes, licet diversa, vel si parum respondente sententiâ. Ex Arabistarum verò schola qui meminerint ejusdem vitii, fuisse Petrus ab Argillata: cujus etiam verba recitavimus; ac Nicolaus Florentinus, & Jo. à Vigo Genevensis. E cultis verò scriptoribus fuerunt Jo. Langius l. 2. epist. 42. & Joan. Manardus lib. 7. epist. 2. sed omnes hi quidem aride ac jejune, plenius è nuperis Josephus Pandolphinus vir à nobis sæpe memoratus: neque præter hos alii de hac re tradidere.

De quibus omnibus, quod ad institutum modò sermonem privatè pertinet; sic equidem judico. Principem Avicennam imprimis audiendum, nam Nicolaus & Joannes à Vico, atque alii sunt hunc præcipuè secuti. Nec sat video, an hi omnes rem ab experto tradiderint; quam verè si novissent, necessaria pleraque conscripissent: aut si ejusmodi non fuit istorum præceptio; vel mancā hanc & potissimā partē defectā fatearis, oportet: ac descriptus à se affectus alius erit ab eo, quem nos conscribimus. At Pandolphinus spinæ ventositatem & Pædarthrocacem unam eandemque rem fecit, quod nos equidem non ita facile volumus asseri, nimirum, quod non omnia consentire, quæ in utraque hypothesi statuuntur. apparent. Primum, quod non corrodentes per se humores Pædarthrocacem producant; neque in hac aliqua corrosionis est forma, sed corruptio- nis & syderationis. Deinde, quod Avicennæ verbis in dolore, præcipuè videtur affectus essentia constituta; sic enim ait: Veruntamen materia in dolore juncturarum est in carne, & in Ventositatē spinæ est in osse. Sic quidem ille de perdolente ventositatē spinæ. At verò in Pædarthrocacæ nullus dolor est pungens, aut qualiscumque alius, præterquam sub ulceris abscessu.

Deprehenditur ergo falsi Pandolphinus, qui inseparabilem ejusmodi dolorem à pertractato morbo posuit. Sed & Petrus ab Argillata sphacelismos ossium medi- orum à penitissimis abscessibus cum carniū corruptio- ne conjunctis, & penes communes causas & affectus, quamvis promiscuè ætate profectos non dubitavit in sin- gularem atque eximium spinæ ventosæ characterem & censum inferre: quod à nullo priorum ad quos atti- nuerat, est utique factum: à quo autore prompta her- cules conjectura mutuatum atque imitatum. Joan. Janu- ensem opiuari licet, qui vir teredines ossium à lue ve- nerea procreatas ad hunc spinæ morbum liberiore com- mento revocavit: vel hunc ad illas, confusis affectus utriusque rationibus: quando citra cariem malum hoc spinæ definierit Princeps: ad cujus sententiam hac ea- dem de re professus est ipse Vigonius; plus scil. Avic- ennis verbis accommodans res, quam verba rebus: ita sci- licet corrupta longo jam tempore scribendi fides est & autoritas. Sed nos ad primum sermonem redeamus.

Dico igitur Pædarthrocacem morem non esse, qualis est arthritidis, aut si mavis doloris articulorum, quan- quam ossium juncturæ sunt, quas nos posuimus absce- ssus sedem. Sed neque hoc absolute protulit Avicen- na, sed ait, & incessus ventositatis spinæ est incessus doloris juncturarum; veruntamen materia in dolore juncturarum est in carne; & in ventositatē spinæ est in osse: & ejus additio corrumpit ossis partem unam post aliam, &c. vel ut alter codex habet; est ejus ac- cessus, vel dilatio, vel progressio corrumpens. Qui- bus verbis docemur discrimen ineuntis affectus, & progressi: ut incipientis quidem sit corrosio fortasse levis & os tantummodo lambens; provec- ti verò cor- ruptio sit & abscessus amplior.

Ex his omnibus non violenta tandem una suasio nas- citur; qua credamus, vel alium esse planè spinæ mor- bum, quam Pædarthrocacæ nostræ sit: vel adversus se- curas & certas Pandolphini theses omnino plurimam esse nobis dubitandi an- sam, ubi si omni detractato de- monstrandi conatu nostram opinionem non promovea- mus in tanta verba Avicennæ paritate; testimoniū suū obscuritate; ac vulgatæ interpretationis incomper- ta fi- delitate. Ad extremum, sensus noster & decretum est; si veterum testimoniis & auctoritate certamus; non magis in Pædarthrocacæ definienda observaturos nos esse, quid Princeps Avicenna, quam quid Razes inter Arabas omnes medicos experientissimus, atque ego & usu me- dendi consummatissimus professus est, eo maxime au- diendus, quia cum primis & optimis Græcis magistris mirè consentit sic, ut in ventosa ista spina excutienda novi nihil in medium attulisse videatur, quam quod decreverint iidem.

Cap. 16. *Differentiæ.*

Pædarthrocacem non uniformis alioquin, ut pleriq; morbi omnes, sed plurimum à se ipsa dissidentis, differentias laud constitutivas, quæ nullæ sunt; ve- rum eas, quæ modum immutant, hic nos exponemus: rejectis tamen iis, quæ parum ad curationem faciunt, atque illis, quæ ad hanc maxime spectant, amplexis. Has autem applicemus oportet ad subjectum, cui sa- nitas & morbus natura inhaerent, aut subjectum ipsum non tam simpliciter, quam secundum modos & affe- ctiones, quibus informatur, observabimus. Ex priori genere cum crasis & constitutio corporis, habitus, ac ræxtura sint: secundum hæc singula discreveris homi- nem, qui suppositus est affectui. Sed multò fortasse certius definitiusque pertinebit expendi ætatem; cujus firmitudine aut imbecillitate levius ad morbum alii, de- terius alii se habent. Ex posteriori genere, id est, ex modis quibus affectum est corpus; prima differentia ratio fuerit, si perfectè morbus inhaerit, & penitissi- me illatus hand multum curationi pateat: fixus inquam, aut insito familiæ caractere, aut venerea contagē, aut malo corporis habitu, quam cachexiam dicunt: aut si citra hæc sit affectus & leviusculè impressus.

Alterum differentiarum caput erit eorum; quæ con- sequuntur formam in subjecto. Ex his magnitudo, vel parvitas, multitudo vel paucitas, locus, motus, ac tempus est: secundum quas singulas circumstantias, ac modos vitium discrevisse difficile non erit ei, dili- genter singula percurreret. Ad magnitudinem spatium quoque pertinet, sic Petrus ab Argillata posuit Pæ- darthrocacem modos; alterum quidem totum ossis am- bitum complexæ, & ad medullam usque progressæ; alterius verò partem ingressæ: at Nicolaus Floren- tinus aliam posuit in summo versantem; alteram profundius delapsam: Vidiū verò ad alteram ossis partem transgressam etiam fecit.

Sed tū partitus ad summam fueris, vel latius patentem, vel finibus angustis conclusam.

Quod spectat ad tempus; hoc vel discretum pendes: sic initium, aut incrementum, aut statum distinguēs; vel non discretum secundum has certas partes, sed secundum absolutiorem alium dimensum capies, tum longitudo se offerret, aut brevitās. Ad quem ordinem accedit proxime divisio motus tarde procedentis vel acute. De qua re sic Razes ait; & juxta modum acuitatis ipsius materiæ, erit malitia & velocitas ulcerationis ipsius. Sed loci discernicula sunt hæc; nam aut ipsemet articulus affectus est, aut proximę partes ossis; processus, inquam, aut pars ceterior, aut reliquę. Ceterum & articuli discernendi sunt, namque vel artuum, vel partium mediarum malo tenentur, equidem ad os male supremum, & circa nodos pectoris, & costarum cariosum hoc apostematis genus curavi, ut inter alias memorata Bibliopolæ filia, &c.

Succedit ordo tertius, qui causarum est, quę sicut ostendimus internæ sunt semper, quarum quidem effectricibus ante relatis addere potes affluxum atque congestum divilim aut conjunctim, uti videbitur: materias verè distinguere poteris vel biliosas & acres; ut placuit Arabibus, vel pituitosas & putres; ut Langio visum est: vel sanguineos ichores putres, quę nostra opinio fuit; præterea corrodescentes aut corrumpentes, complexim aut separatin; principio aut deinceps, prout casus simul & opinio tua feret; item synceras mistas; crassiores tenuiores; coctiores crudiores; dilutas, salsas, nitrosasve; benignas malignas; multas paucas; affluentes quotidie, vel sine affluxu vigentes.

Quarta denique series est effectorum: secundum quam dixeris, ab ossis primigenio, sicut jam ostendimus, abscellu inductum in carnes ulcus latum, vel angustum; æquale vel inæquale; purius aut putrius; simplex aut multiplex: & ad summam sic aut aliter affectum, ut ulcus omne partiri consuevit. Citra quod ulcus ossis etiam esse corruptio non diuturna potest: ita ut pars una differentię sit; arthrocace carne contexta; pertusa & hians altera. Ad hæc videris an morbus dolore vexat, an hujus expertus est. Itemque num febrem invexit, aut secus: hancque vel perpetuam, vel intermitrentem; hecticam aut putridam: maciem aut neutrum corporis statum, &c. Hi tibi satis ex pluribus, qui nunc offeruntur, esse poterunt differentiarum modi.

Cap. 17 *Symptomata, & Indicia.*

EXposuimus in Pædarthrocace jam duos præter naturam affectus; qui sunt morbus & causę. Tertia supersunt symptomata, quę nos variis morbi temporibus applicata, secundum hæc eadem digeremus: Primum ei re notata, quod morbus hic longissimus est, ut qui ossis intimi vitio continetur. Initio igitur tumor est globosus, interdum pressula rotunditate; indolens primordio ante carnis exulceratum, dolens aliquantulum ab exulceratu: quę ulcuscula duobus post mensibus, vel circiter adveniunt, atque hæc quidem tempora sunt initii atque incrementi, quibus temporibus per angusta foramina missō specillo contactum leviter vitio sentituros: mox in statu consummatus apprehenditur ossis marcor & consummata putredo. Cujus maior varie diffusus in carnes viciatas, eas in varios abscessus & ulcera pertrahit; nisi tamen hæc arte magistra prævertantur & aliqua ratione redimantur. Articulis, ut ante ostendimus, infestum vitium est adeo, ut ignaris hominibus ossis luxati speciem præbeat, quapropter ad repositum capituli contrectata pars exasperatur. Præter hæc assident & alia nonnulla, quę sunt in om-

ni carie promiscua. Interdum febricula quedam tenuis & pusilla corpus tenet. Interdum macies & cachexia, quę non minime verenda sunt mala; præsertim in cachecticis gracilibus & male habitis im-
puberibus.

Succedunt hæc signa, quę pædarthrocacem ab arthritide ac luxatione similibus plurimum affectionibus discernant, & separent de qua re scripsit hæc aliqua, Razes. Dico ventositas spinę est ad modum doloris, sed materia in dolore articulorum erit in carne & muscularis: sed in vitio spinę hæc materia erit in osse & parte ejus: corrumpitur caro vicina ei & juxta modum acuitatis ipsius materię erit malitia & velocitas ulcerationis ipsius. De cognitione quoties videris articulum ingrossari cum durabilitate, non deficit vitium; sicut deficit articulorum, sed quoties perdurat in dispositione ipsa, fiet acutius ambulando. Hęc ille.

Ad quę nos subnectimus & hæc alia notas vitii discretices; Prima, Pædarthrocace familiaris est puerorum; unde primis à nobis nominata est ipsa. Secunda, quod post recurrentes variolarum, morbillorum, ceriorum, & achorum, lactuminis, ut dicunt, ac tineę, negatās imperfectasque repurgationes succedere solita sit. Tertia, quod os prius vitii vim sentiat, qua circum obducta caro. Quarta, quod cum artus impetere solenne sit huic vitio: maxime tamen articulos laceffit ac ferit. Quinta, quod malignam vim præ se fert; quam vix ulla medici providentia & sedulitas venientem antevertere aut aggressam curare valeat. Taceo dolorem periostrię membranę puncturiorum, à qua specie dictam hanc spinam volunt, si placitum Avicennę sequaris.

Cap. 18. *Prognostica, & Judicia.*

PRæclare quidem enuntiavit Hieronymus Fabritius in operum Chirurgicorum parte posteriore, qua curata sibi sunt ulcera cum osse corrupto; quod ejusmodi vitium inter maligna censetur, nihilque medicos etiamnum præstantes tam mire fatigat, quam ossis una corruptio. Quod si dictum est de omni promiscue, carie: quid de hac amabo te, quę prorsus intimos articulos nerveasque partes subdola & ineffabili quadam antipathia convellit? Insolens igitur si quod aliud, & infinite molestum vitium, odiosum autem ideo, quod sua semper malignitatē firmum, irritam omnem industriam & laborem hominis procurantis facit. Acerbum etiam atque atrox, quod non admodum multo tempore natos matribus abripit, quanquam hoc vere non tam ulceris quam cacochymię culpa sit, enimverò vitium unum quodque ossis perniciosum sua natura non est; sed quantum curatu longum, tantum etiam tutum est, exemplo autem esse potest Marylli puer à Gal. 7. de anatom. aggress. cap. 13. memoratus, cui puero ex ictu & prava curatione corruptum os pectoris patulumque sic ut viscera viferentur, sanatum excisione fuit. Si quod igitur periculum subest, vel ad partes, quibus contegitur; referendum est, vel ad causas, quę prodixerunt, vel ad symptomata, quę sunt adjuncta: puta cachexiam, febriculam, maciem, &c. quę in l. de congestu cap. de præfagio sunt à me plenius exposita. Verum enimvero, quoniam articulos apprehendi conterique ab hoc uno monstratum est, ob id à mutilatione sæpe non evadunt hi pueri: quin motus abolitionem aut depravationem, aut ancylen plurimum incurrunt hi, quibus penitissime propagatum est vitium.

Cap. 19. *De Pædarthrocace, vel emen-
tita vel non consummata.*

ANtequam autem ad præservationem nos accin-
gamus, pauca de ementita vel non consummata
pædarthrocace dicemus, occasione ex præcedente capite
sumptâ; Itaque ossis abscessus circa articulum perpes-
sus fuisse pueros nonnullos novimus, quippe Thomas
Andriolus Barolita atque alter nomine non compertus,
cujus os tibiæ mediæ tumore tentatum scalpro derafi
coram D. Ferrante Pagano integerrimo domus Incu-
rabilium gubernatore. Item Franciscus Cicero Aver-
sanus ossium tumores perpeffus secundum anteriorem
thoracem. Denique puella, quam curavimus cum Aloy-
sio Vita auditore & observatore meo diligenti ad D.
Petri Majellæ in plerisque corporis partibus. Verum
enim verò non est hæc utique nostra pædarthrocace,
verum alia similis affectio. Quanquam si falleret ob-
servatio pædarthrocaces, nihil alioquin in medicina
perpetuum est, ut sapienter ab Aurelio Celso nota-
tum est. Quoniam autem pædarthrocaces memoravi so-
lemnes causas traduces parentum contagies, & horum
reliquias variolas & morbillos, libet nunc assumpti
argumenti & opinionis nostræ confirmatione commemo-
rare, id quod retulit suâ experti fide Paræus: Ple-
risque hac lue tactis pueris tum sterni & humerorum
articulationes, tum brachiorum epiphyfes & homopla-
tarum capitula corrupta & abrofa: quodque testatus
est Alfarabius, vidisse se plures pueros, quibus junctura
ræ fuerint apostematibus correptæ, ita ut ex his
nonnulli genuum motum amiserint; quam rem cavere
non noverunt hi, qui curarunt D. M. Antonium,
Excellentissimi Principis Maydensium filium, qui ex
his ecchymatibus perperam expurgatis abscessus in cu-
batis perpeffus labefactatâ horum articulatione, inten-
sis ad unam figuram brachiis restitit.

Abscessus capitis subcutaneus post malè purgatos
variolas & morbillos in puella quadrima ad furcellæ
vicum observatus, jam mihi & solerti medico Joanni
Alphonso Ferrillo.

Cap. 20. *De præservatione.*

Pædarthrocace priusquam exactè compleatur, jam
tum ab eo tempore quo se prodit, operè pretium
est anteverti: quod fiet scilicet, si concepturiens prin-
cipio vitium & materia, quæ subjicit in cunabula,
continuo dissipetur medicamentis, tum internis, tum
externis. Prioris generis, quæ maxime sint accom-
modata, atque præstantia; hætenus, qui tradiderit
mihi compertus est nemo, sed neque genus, atque ali-
quam istorum rationem attingit quispiam: quæ mihi
quidem aliquando meditati visa est illa, superiore
nostrâ demonstratione credo luculenter apparuit affec-
tum hunc initio foetibus humanis insitum propterea;
quod cum principiis nostræ formationis accedit. Jam
verò quamvis patrocinate natura per plenos axanthe-
matum ac variarum expurgationum abscessus sæpè fi-
niri consueverit: tamen non fit propterea, ut cum
his levamentis eximatur perpetuo, materiæ copiosio-
ris manentibus adhuc seminariis, quæ à pusillo pueri
calore vinci nequiverint. Ob hæc omnia magno ac
pertinaci labore videtur opus, ut non ejecta primo na-
turæ studio labe, ceterum opera nostra deleatur, huc
igitur divina Pæonis intelligentia; huc Æsculapii ars;
huc omnis Cratevæ supellex parata esto.

Ostensum à nobis fuit pædarthrocaces vitium exo-
tosi syphilis proximum: quapropter analogismo quodâ
usi nos pariter hanc, ut illam exiccandam tum sensi-
bili, tum per halitum diffusili ratione putamus. Sed

sudores à puberibus, aut bene firmis non incommode
quidem omnino; ab impuberibus verò suo modo su-
tineri possunt; ab infirmis ac tenuioribus non item.
Verum, quæ non apparentem quidem oculis, sed ob-
scurum exhibent exhaustum, quæ ab omnibus ferri at-
que accipi possunt, est tamen adhuc incertum qualis
istorum debeat esse ratio. Mihi perscrutanti videtur
illa commodissima, quæ vivida quædam, & insita vi
valeant emundare: nimirum, quæ naturæ vim non in-
ferant, sed familiaria quàm maxime sint. Jam autem
ego dum materiem omnem medicinalem lustrò & pervol-
vo triplicem: animalis plurimum per se ipsam comendabi-
lis offertur; quippe quæ nostræ naturæ, atque calori pluri-
mum est conientanea. Ex hac verò, quod genus sit
præterquam angues & viperæ? qui quemadmodum Jo-
sephus Quercetanus in Pharmacopœa restituta notavit,
hyeme transeunte, ac veris initio sub terræ latebris,
cum omnis parturit arbor, æthereum inde imbrem ac
nectar, quod balsamum chymici vocant, exhauriunt.
Sed & Hieronymus Cardanus ad Joannem Archiepis-
copum Sancti Andreæ dispensatorem laborantem, arcanum
hoc viperarum, quo necdum excogitatum est majus,
asserit, quod phthisicos & elephantricos & lue vene-
rea quantumvis graviter laborantes præter omnem
speciem ad integram valetudinem perducit sic, ut pin-
gues eosdem reddat, certis deploratorum & pluries
observatis experimentis. Jam verò ubi infestis memo-
rans nobis diversam istorum sortem; præterquam ost-
endi consimilia sanguinis inquinamenta agnoscere ge-
nus hoc morborum universum: ad hæc & cum Bal-
do Angelo Abbatio in l. de natura viperæ c. 28.
monstrabimus carni viperinæ peculiarem virtutem esse
corroborandi concoctricem facultatem tertiæ; quæ in
membris perficitur; coctionis, atque verò tertiæ coc-
tionis vitium est Pædarthrocace: sicut jam constitit,
quare &c.

Restat nunc, ut præparandæ viperæ modos expo-
nam, jus, sales seu cinis, essentia de quibus omni-
bus & Quercetanus, & Abbatius tradidere, selectio-
ra nos aliqua describemus. Jos. Quercetanus in part.
3. lib. de spagyrica medicamentoarum præparatione
cap. 3. habet hæc; Mense Junio cape quatuor aut
sex viperas, ex quibus & caudam & caput abjicies,
cutem intestinaque detrahes: carnem verò minutim
præcisam, indas cucurbitæ vitreæ per tres aut quatu-
or dies, ut in calore balnei vaporosi, vel fimi cali-
dissimi sudorem ipsarum pellas (cave tamen, ne fu-
mi hujus ætem è viperarum exhalatu vitiatum &
venenosum inspires.) Quo facto superfunde spiritus
vini alcolizati & terebinthinati solutivi ana; ut su-
pernatet octo digitis, digerantur vase occluso her-
meticè in balneo, vel fimo calidissimo 12. dierum
spatio, donec tota caro viperarum dissolvatur in præ-
dicto menstruo, abjectis facibus separetur menstruum
in calore balnei, & fiet coagulum, cui denuo affun-
de spiritum vini caryophyllatum, fac circulentur in
pellicano 10. dierum spatio, & separato menstruo re-
manebit caro viperarum optimè præparata, & essen-
sificata: cui misce sub blandum ignem olei anethi, &
cinnamomi ana scrup. unum & semis, essen-
tiæ croci & margaritar. an scr. 1. cum muccaginè
gummi tragacanthi finge pilulas: vel si vis cum pane
triticeo arido ac trito more veterum pastillos. Hu-
jus medicamenti exhibetur sc. 1. ad lepram, pestem,
& ad omnes venenatos affectus. Quod si tibi preti-
osa & subtilioris ignis arte conquistata viperæ præpara-
tio cordi non est; magis autem amatur communis pla-
citi ratio, en Aetius, qui Tetrab. 4. sem. 1. cap.
97. inter ceteros exactissime professus est de viperæ
salibus quos in summa prædicat tales, ut nullus ferè sit
morbus, quantumcunque desperatus, qui non edome-
tur hisce salibus. Horum autem emendatissimam præ-
parationem

parationem apud Josephum in opere Pharmacopœæ restitute leges. His exactis cura te omni solvere non oportet: sed hominem continenter in optima victus ratione conservatum medicamentis lenibus; quæ *πενδιαστικά*, id est, in annum vocavit Alexander Trallianus, & Aëtius in curatione podagræ, tuerberis. Illud autem fuerit, vel radicis thapontici decoctum, vel aliud quidlibet hujus generis; oblati singulos in menses theriacâ vel theriacis pastillis, quos dixi.

Hæc quidem adversus causam antecedentem sunt medicamenta, ceterum ad causam, quam dicunt, conjunctam, & ad partem sub initia extumescentem, opus est medicamentis exsiccantibus & absorbentibus, quæ *ἀπορροήματα* dixerunt Græci. Sunt autem valenter attrahentia simul & discutientia, quæ quidem ad hunc affectum abigendum, quod valentiora, èo laudatiora: debent autem ad pyrotica accedere, dummodo talia verè non sint: quare de genere dicto chymico fuerint, efficacissima: utpotè quæ penetrantia sunt plurimum atque ignea. Ad hunc igitur usum puto commodum ol. camphur, ol. menthæ, ol. salis, ol. croci, ol. bryon. ol. sulph. ol. calcis vividæ, ol. costi, quod descriptum ad frigida apostemata legimus apud Dioscorum Eulichionem l. 2. polychymia §. 5. quod R. costi unc. 1. piper. pyrethri, euphorb. an. 3 l. Castor. unc. 1. trita tenuissime dissolve l. —; ol. de liliis vel laurino, quod melius erit, vel ol. de spica &c.

Hæc nisi rem præstent; vel etiam nisi præstitura confidas: id quod efficacissimum proponere super omnia possum; est ignis actuosus, quod remedium equidem usitatum in plerisque comperi mirabile. Testis autem est mihi locuplex inter multos Augustinus Saulinus medicus Neapolitanus apprime doctus, qui viso non semel experimento necessarium hoc præsidium sæpè prædicavit. Sed & cum Jo. Antonio Foglia medico consummatissimo & cum primis celebri collega valentissimum hoc remedii genus instituimus exequendum ad ulcerosam malleoli affectionem; qua cum ingenti tumore tenuique febriculâ diù laboraverat Thomas Adulcius Fortunii Senensis filius, qui longo demum labore restitutus est. Quâ autem curâ vendicatus à sphacelo fuit Josephus Magnifici Thomæ Florilli filius sex annos natus, quam alioquin exitu felicem operam, ut aliena facta corripere multis est proclive; pro maxime periculosa vituperavit invidus quidam. Neque aliâ sanè ratione liberata fuit à certa faciei mutilatione filia Joannis à Gregorio librarii compaginatoris: quam cum Joanne Dominico Comes medico vigilantissimo curavi, secundum genam eodem abscessu graviter tentatam. Referam autem, si patiatur angustia temporis, eos omnes quos certè plurimos in valetudinario suæ incolumitati restitui; quorum aliquot novit Joannes-Baptista Caputus medicus humanissimus ac rerum bonarum apprime studiosus.

Cap. 21. Curatio.

Curationis universale consilium brevi definivit Petrus ab Argillata particula sui operis alias memorata: cui præter communem totius corporis expurgationem ac procurationem visa est præcipua per chirurgiam eradicatio vitii necessaria. Ego enim, ait, jam totum unum focile brachii removi; & factâ aperturâ totum focile erat putrefactum, & discoopertum carne ab uno extremo ad aliud, & pro isto vide caput proprium in primo lib. c. de corruptione ossis. Hæc ille: nititur autem uno illo axiomatico curatio Petri, quod omne alienum propriè dictum, i. putre & corruptum est auferendum primò: mox ulceris obductio procuranda. Verum ut hic ritè finis obtineri possit, proponitur scopus non unus, sed multiplex, quotus ad unguem in universis cariei,

seu teredinis vitio spectandus à nobis est, primus quidem ad procreandum callum: cujus meminit Gal. l. 6. med. c. 5. interea verò detrahenda est ossis portio cariola propterea, quod non inutilis tantum, sed etiam noxia est; impedimentum afferens unitati. Præterea providendum est, ne acres humores, aut paulatim in laborantem particulam contrahantur, aut aliunde confluant.

Triplex igitur est omnis scopus: Primus, quo prohibeatur, ne humor paulatim colligatur, vel ne influat ab ulcere. Secundus, quo detrahatur id, quod emortuum est. Tertius, quo callus provocetur. Quantum ad humorem pertinet: curandum imprimis est, ne nimius contrahatur in corpore; & ne ille, qui jam contractus est, feratur ad partem infectam. Ne contrahatur efficiet accommodata victus ratio. Sed ne, qui contractus est, feratur ad affectum locum: ad hoc obtinendum singulariter competit sanguinis missio aut purgatio. Jam verò is humor, qui continetur in morbofo loco; ne vitiet diutius insidens: educendus est quoquo pacto licet. Sic ulcus exiccandum est, ne ad os carne nudum dimanet sanies. His actis exiccandum est os emortuum: jamque si vitium summa ossis attingit, est scalpro deradendum, ut Celsus nos docuit cit. loc. Si verò profundius pervasit, crebris per terebellum foraminib. est pertundendum, quæ foramina tantum procedant, ut caries adæquetur; nec desistendum ab excisione (Celsus ait) nisi cum de sana parte visum fuerit extritum id omne, quod vitiosum erat, indicium autem hujus rei fuerit, quod os, quod nigrum & foraminosum antea perspiciebatur, album nunc, & solidum oculis spectandum se offert. Si quod pingue, inerit candenti ferramento est inurendum, donec absumatur in abscessu præter naturam advertes, aut nisi permittatur ignis usus; pyroticis pastillis ad hoc paratis transigenda res est: de quorum delectu, præparatione, usu & administratione Pandolphinum & alios de anfractuoso ulcere scribentes legito.

Si vitium ad alteram ossis partem penetravit; excindendum id est, quemadmodum se fecisse perhibet Gal. l. 7. de anatom. administ. cap. 13. in puero Marylli, cui cum ex ictu & prava medici curatione pectoris os corruptum appareret, præcidit totum; quod vitiatum erat. Id nisi fiat; hoc est, si quid corrupti relinquatur, cicatrix vitiosa & adhuc humida inducetur & ulcus sentiet recidivam atque diruptum. Hæc detectæ cariei curatio est. ceterum si cutis integra est, ad figuram lit. X. concidenda atque oræ diducendæ, ut spatium pateat, adhibendaque feramenta & omnis ad summam chirurgia: quæ cum nihil prorsus evariet à præscripta, est eadem exercenda. His expeditis, mox offi exciso porus inducendus restat, quod naturæ relinquitur, tantum medicus, qui est efficiendi socius, impedimentum adimere debet, quemadmodum explicate docuit Galenus antedicto methodi loco. Id autem cum sit duplex; excrementum tenue & crassum, ut 3. meth. 3. tenue quidem exiccabit, crassum absterget. Quoniam autem os vehementiora sustinet, utpotè frigidum & siccum, ac sensus minimi: propterea vehementioribus est urgendum, sive exiccantibus, sive detergentibus, ad quam rem probata sunt autore Galen. 2. de compos. med. per loca cap. 16. & 17. medicamenta *καταγματικά* dicta, hoc est, ad fracturas accommodata. Præterea ejusdem Galeni testimonio tradentis in l. 3. meth. c. 2. & in 6. meth. c. 6. pulvis *σαρκωτικός*, id est carnis productivus, qui constat ex iride Aristol. farina erui farina hordei, thure. Sed cum gignendus callus est; pulvis ex iride, aristolochia, farina erui maxime conferent. Hæc & Vidii viri cuncta videntis medicamentorum, & scoporum

videntis medicamentorum, & scoporum ordinatio fuit.

Sed addam his pauca, quæ Razes ad curationem præcepta reliquit. Minutio fiat primo de proximiori loco, illitio fiat cum eo, quod confortat locum & solidat particulam, purgetur corpus de superfluitatibus calidis; generetur sanguis humidus modicæ acuitatis (superponantur locis semper emplastra ad corroborandum, ad prohibendum manationem superfluitatis ad ea; & toto studio infrigidetur locus, quoniam hoc regimine prohibitio fiet, quo non corrumpatur os, sed remanebit in ipsa dispositione per tempus longum absque ulceratione. Quod si aperis illud cum ferro velociter, non de levi sit glutinatio ipsius, quoniam os aptum est ad corruptionem, & jam corrupta est pars ipsius, & hæc non glutinabitur, nisi extrahatur os & totum id, quod fuerat corruptum, ex corruptione ipsius ossis, vel alterius, difficilis erit sanatio ipsius. Quando igitur est extrahendum os noli dimittere, quod non custodiatur de corruptione ossis alterius cum rebus confortativis in-frigidativis & prohibitivis.

Hæc ille, quibus nulla cum ambiguitate propositis, constitutum ab ipso vides, ad primum hujus vitii coactum frigidis & repellentibus medicamentis non abstinendum; quam rem tamen non parum à ratione dissentaneam experieris, si perpenderis mecum aliquot contra suadentia capita, quæ sunt; primum quod hujus generis abscessus calidus non apparet, & quod per longum congestum procreatus longissimus item & contumacissimus est affectus, & quod ossi, articulis, periostii membranæ nerveisque particulis incumbit. Quæ quidem adstruxi negans referendum ad calidos, abscessum: cæterum eo concessio, quod humor opifex mali præcalidus sit; neque videtur continuo refrigerandum ad reprimendum natura spectata frigida partis, quæ concepit abscessum, atque adeo ad articulos partes alioqui corporis debilissimas minimè tutum est uti repellentibus, ne fortasse pusillus eorum calor juguletur, quæ causa fuit tanti apud Gabrielem Falloppium, ut l. de tumor. generalem hanc normam atque exceptionem posuerit inter decem leges repulsum interdicentes. Quæ dixi jam ostendens incommodum repellentium usum in hisce tumoribus: cæterum enim citra comprehensæ noxæ testationem, neque etiã succedere quaquam repulsus potest super abscessibus à congestu; in quibus, ut ostendi, cum alibili materia mista superfluitas per ossis intimos & medicamentis frigidis inaccessos meatus insinuat, quæ autem ad congestile alimentum aut alimentarium congestum repulsus sit forma? nimirum incerta, nisi prorsus hallucinet, & inanis. Itaque jam nulla contra Pædarthrocaces initia repulsus vi constante; reliquum est; ut ad inanitionem per intrinsecus avertentes, perque resorbentes extrinsecus alias à nobis memoratas medelas confugium sit solum. Taceo quod affectus proprium est, corrupti habitus homines laceßere, itemque corruptus est humor, qui externas sub hoc abscessu partes coinquinat: quæ fuscæ nos in superioribus libri sermonibus demonstravimus singula. Jam autem quid de Raze statuemus? profecto nihil præterquam, quod honestum simul & scite prolatum sit; quapropter objecta ego sic brevi judico depellenda, & quod sublato prius cacochymiae fomento, & quod cum roborantibus mista materia frigida leviter utendum censuerit eo consilio, ut à nimio succorum acrium atque effervescentium incurfu tueretur obnoxiam magno malo particulam: cæterum neque perfectam & absolutam Pædarthrocaces nostræ notitiam huic homini fuisse credi fas est, quando neque Avicen. cognitam admodum ejusdem abscessus ideam nobis ostendentibus approbasti.

*Hic rursus adjiciemus Spina Ventosa
Curationem à Clariss. Antonio Nuck in Experimentis suis Chirurgicis accuratè quamvis compendio, enarratam. Et quæ hæc est.*

Quandoque Ossa cariei quadam specie consumuntur, quæ principio non percipitur: Quod malum ab interiori ossium superficie originem ducens, gravissimum symptomatum causa non existit, nisi prius ad externam ossium superficiem serpsit, eamque perforando, membranam, periostium dictam, læserit. Hinc dolores lancinantes cum tumore molliusculo & concolori patienti obveniunt, febres & ulcera fistulosa accedunt, emaciatur patiens, & cartilaginea excrescentia partem affectam subinde occupat.

Affectus hic, *Spina ventosa* dictus, omnem quamvis medicamentorum vim sapius eludat, nonnunquam tamen Antivenereis vulgò vocatis auscultat, quibus crassæ viscidæque particule inciduntur, aut per sudores expelluntur, acidæque corrosivæ infringuntur & involvuntur. Salivantia præterea dicta, suum quoque hic conferunt symbolum.

Factâ tumoris incisione, sunt, qui corruptionem corrigere cupientes, *Eupherbium* cum *Spiritu Vitrioli* & *Sp. Vini* admovent. Sed præstabit *Terebinthina* coctione indurata, in pulverem redacta, & *Unguento Egyptiaco* mixta.

Sequens Fomentatio magnarum quoque est virium:
℞. Raf. Lign. Guajac. ʒiiss. Cortic. ejusd. ʒj. Herb. Card. Bened. Absinth. aa. Mj. Scord. Centaur. min. Rut. aa. Mss. Coq. s. a. ex Aq. & Vin. aa q. s. Colat. ʒxxx. add. Aq. Theriac. ʒij. Mell. Rosat. ʒj. M. F. Fomentum. Plumacolis, petiisque madidis calidè applicandum.

Si hisce, uti frequenter contingit, nihil proficiamus, ad Ferrum Ignemve perveniendum. Primò itaque *Scalprum* in usum vocandum, potissimum si *Spina* non admodum magna fuerit, quocum tamdiu continuandum, donec omne vitiosum separatum fuerit. Si verò malum profundius hæret, *Terebraque* applicari potest, eâ melius quàm *Scalpro* tollitur. Quæ sublato, pulveres exsiccantes & Callum generantes appellati, facto foramini inspergendi. Ubi autem dicta instrumenta propter loci angustiam applicari nequeunt, *Cannula* admovenda, per eamque *Ferro Candenti* pars affecta utenda; retracto dein *Cauterio*, per eandem *Cannulam* Medicamenta præscripta applicanda.

Quod si nec hoc modo malum superemus, sed hisce non obstantibus quotidie ulterius serpat, pars affecta rescindenda, ejusque extirpatio necessariò instituenta erit. Quibus autem cautelis & circumstantiis eadem peragatur alibi dicetur.

Observationes, super variis ossium morbis,

Ossa propter causas externas denudata, non semper alterari, cariemque contrahere, exemplis demonstratur.

Ossis cariem unam ex præcipuis esse causas, quæ vulnere & ulcerum consolidationem impediunt, etiam mediocriter in Chirurgicis exercitatis notissimum est. Corruptuntur autem ossa aut à causis externis aut internis. A causa externa, quotiescunq; in vulneribus profundis & magnis os à carne & periostio suo denudatum est: tunc enim ratione aëris ambientis corrumpitur: Si enim calidior quàm pro temperamento ossis convenit, fuerit, vitalem spiritum os-

sis, humidumque innatum absument, sitque aridum & cariosum. Ita etiam si nimis frigidus fuerit aer, emoritur superficies ossis, propterea quod humidum radicale ratione frigoris veluti gelatum, & ad caloris pabulum ineptum tactum sit. Corripitur quoque, si oleosa, putrefactientia, & acria medicamenta applicata fuerint.

Interna causa est, cum acris humor circa aliquam partem ossis collectus fuerit, ossaque eraserit: quemadmodum accidere videmus in abscessibus putridis, præcipue ex lue venerea, & variolis ortis. Verum de hac causa alias, nunc de externa solummodo agere constitui.

Ceterum nonnullos, & quidem non vulgares vidi Medicos atque Chirugos, qui in hac fuerunt opinione, ossibus etiam in recentibus vulneribus denudatis non posse adnasci carnem, nisi ipsorum superficies naturæ & medicamentorum beneficio in equam abierit. Quapropter quamprimum ipsis vulnus cum osse denudato occurrebat, illud per dies aliquot ad cruorem usque scalpris abradebant, aut acria medicamenta, veluti oleum sulphuris, vitrioli, aquam fortem, & similia applicabant, ac proinde ex simplici vulnere non raro ulcus malignum efficiebant. Oleum enim vitrioli, sulphuris, & aqua fortis propter ipsorum ingentem calorem, acredinem, ac vim causticam, humidum innatum ossis absument, idque non superficiei tenus tantum (mirum in modum enim penetrant ad vicinas partes) verum etiam profundè, quemadmodum videmus in dentibus cariosis. Si enim horum medicamentorum aliquod denti carioso impositum fuerit, remittit quidem dolor ad tempus, interim tamen caries non castigatur, sed dens ad sui usque radicem brevi omnino eroditur. Et si autem aer adversissimus sit ossibus denudatis, atamen ut ab ipso alterentur & corrumpantur, non semper sequitur, præsertim si Chirurgus diligentem curam circa vulnus adhibuerit, nec quicquam acre applicuerit, idque etsi multis exemplis demonstrare possem, unum tamen aut alterum, ne nimis tædiosa sit læsio saltem addere constitui.

Exemplum I.

Anno 1582. ego adhuc juvenis, cum apud præstantissimum atque excellentissimum virum Dom. Cosmam Slotanum, Chirurgiæ studio operam darem, & ab ipso in pagum Langenberg in Marchia ad ægros quosdam curandos missus essem, incidit mihi in manus quinquagenarius quidam, cui cutis simul & pericranium ictu baculi lignei à toto ferè bregmate sinistro abstractum, separatimque fuit, absque ulla tamen concussione cerebri, aut fractione cranii.

Curationem sic institui. Primò albumen ovi, pulveri rosarum mixtum, ad sanguinis fluxum cohibendum vulnere imposui, cutemque carnosam, quæ ad aurem ferè usque dependebat, quantum fieri potuit, in altum reduxi. Alyum quæ adstricta, eodem die Suppositorio subduxi & venam in brachio sinistro incidi, Altera die sequens lenitivum exhibui.

℞. Foliorum & florum betonicæ fol. agrimonix, veronicæ, labiosæ an. M. β. fol. senæ. sem. anisi an. ℥ ii. Coquantur in aqua ut colatura redeat, ad ℥ iij. in quibus dissolve electuarii de succo rosar. Mef. ℥ ij. syrupi rosarum solutivi simplici ℥ j. Misce, fiat potio.

Quotiescunque autem curabam vulnus, ne os ab injuria aeris ambientis læderetur, famulum constitui, qui sartagine prunis impletam è regione vulneris tenebat. Os detectum diligenter filamentis siccis obtegi, labiis verò vulneris, ad decimumquartum ferè diem sequens digestivum imposui.

℞. Cera novæ, colophonix, gummi elemi an. ℥ j. terebinth. ℥ vi. ol. rosarum & de vitellis ovorum an. quantum satis, Dissolvantur omnia simul & percolentur, admisceanturque croci ℥β. vitellum ovi numero unum.

Prospiciendum autem, ne unguentum hoc nimis sit liquidum, neve ad os perfluat, quapropter filamentis illud parè, & labiis solummodo applicui, quod reliquum erat vulneris filamentis siccis ac mundis implevi, omniaque emplastro Basilicone obtegi, totumque caput oleo rosaceo intunxi. Hoc modo cum per dies aliquot vulnus quotidie curassem, tandem undique in ipso cranio denudato maculæ rubræ, veluti si illud sanguine conspersum fuisset, apparebant. Hæ cum in singulas horas accrevissent, brevi in substantiam carneam abierunt, quamvis spongiosam: quæ intra paucos dies cranium denudatum undique obtegit. Tum sequentem pulverem inspersi.

℞. Florum betonicæ, salviæ, rosarum an. ℥ j. β. Rad. iridis florent. cariophyllatæ, ligni sassafras, masticis, thuris ana ℥ ij. croci ℥ j. Misce, fiat pulvis tenuissimus.

Tandem quoque emplastrum de betonica applicui. Sic intra mensem curatum fuit ingens hocce vulnus, sine ossis deperditione. Filamenta autem, quibus utor in vulneribus capitis, sequenti modo præparare consuevi. Accipio telam contritam, & ad filamenta paranda aptam, eamque sequentibus aquis imbuo, iterum in umbra exsiccò, idque ter aut quater repeto, tandemque ex tela illa filamenta conficio.

℞. Aquæ betonicæ, salviæ, lavendulæ, rosar. odoriferat. ana ℥ j. cinnamomi, ligni sassafras, styracis calamitæ, benzoini ana ℥ ij. Pulveriscentur, & cum prædictis aquis commisceantur ad usum.

Exemplum II.

Anno 1616. Dn. Johan. Rudolphi Huieri, Reipublicæ Bernensis Consilarii, & Tribuni plebis prudentissimi filiolus, Nicolaus nomine, trium circiter annorum ætatis, cum ex alto cecidisset, & panniculum carnosum inter suturam coronalem, & frontem, versus sinistram partem à cranio separasset, craniumque ad latitudinem palmæ ferè denudatum fuisset, præcedente methodo vulnus feliciter sanavi, absque ulla ossis deperditione.

Exemplum III.

Anno 1600. puella quædam octodecim mensium ætatis, Lausannæ in torrentem cum cecidisset, & capite in unam & alteram partem contra rupes projecta fuisset, tanta sequuta est capitis contusio, ut propter puris copiam, panniculum musculosum circa bregma sinistrum tribus in locis incidere coactus essem. Incisa cute, cranium non solum denudatum, verum etiam depresso, non tamen confractum reperi. Puerorum enim crania nonnunquam absque ulla fractura deprimuntur. Sic autem processu præter universalia bis in die caput sequenti linimento inunxi:

℞. Ol. rosac. myrtillorum an. ℥ ij. chamomil. amygdalarum dulcium an. ℥ j. gummi elemi ℥ j.

Misceantur lentissimo igne usque dum gummi elemi dissolutum fuerit, tum per linteum colentur, reserventurque in ampullâ vitrea ad usum. Cranio filamenta sicca præscripto modo præparata, labiis verò vulneris præscriptum digestivum, totique capiti sequens cataplasma calidè applicui.

℞. Farinæ fabarum, hordei an. ℥ iij. pulv. florum &

& folior. betonicæ, salviæ, rosarum, myrtillorum, stœchad. an. ʒj. sapæ ʒii. Coquantur in vino rubro ad formam cataplasmatidis, adde sub finem pulv. radic. caryophyllatæ, calami aromatici an. ʒ ii. croci ʒj. vitellos ovorum num. tres. Misce, fiat cataplasma: applicetur calidè.

Ab initio autem, & quidem spacio quindecim dierum, cum pus copiosè efflueret, iussi, ut mater singularis, ut ita dicam, momentis, digitis os natesque clauderet: idque in hunc finem, ut retentis spiritibus cerebrum inflaretur, impressionemque cranii in situm naturalem reduceret. Elapso decimo quinto, loco prædicti digestivi, sequens unguentum vulneribus imposui.

℞. Pulv. radic. angelicæ, caryophyllatæ, iridis florent. aristolochiæ rotundæ an. ʒj. cinnamomi electi & ligni sassafras an. ʒij. extracti betonicæ & salviæ an. ʒij. croci ʒj.

Cum melle rosato quantum satis, fiat unguentum. Post usum cataplasmatidis emplastrum de betonica applicui. Præscriptis adhibitis remediis, impressum cranium non tantum in naturalem situm rediit, verum etiam vulnera brevi coaluerunt, neque squamæ ullæ ossis exciderunt: & in integrum ita restituta fuit puella, ut ad annum 1613. (quo anno peste obiit) vixerit.

Exemplum IV.

Puellæ cuidam Bernensi, filiæ Dn. Jonæ Weis, simile vulnus contusum cum cranii denudatione, simili methodo, similibusque remediis feliciter curavi; sine ossis deperditione.

Exemplum V.

Crura quamvis excrementitios humores ex toto corpore facile recipiant, idem tamen & circa tibiæ & crurum vulnera observavi, uti sequens historia fidem facit. Rusticus quidam Montagni in ditione Reipublicæ Freiburgensis Helvetiorum, vulnus maximum ex maxima contusione in sinistram tibiæ recepit. Paterniacum cum mihi adductus esset, os multum denudatum inveni. Dolor (vulnus enim ab initio neglexerat) maximus, inflammatio, intumescitio totius cruris aderant. Convenientibus adhibitis remediis, in integrum restitutus fuit, absque ulla ossis deperditione.

Exemplum VI.

Anno 1615. quidam ex domesticis Illustris Viri Dn. Castilionei, Sætenissimi Regis Galliæ Consilarii prudentissimi, & apud Helvetios Legati vigilantissimi, Bartholomæus nomine, juvenis viginti annorum ætatis & robustus, cum ictu securis vulnus in dextrum crus accepisset, focileque majus usque ad medullam ferè fissum, & mihi curandus commissus fuisset, restricto sanguine, corpus eodem die electuario de succo rosarum, nec non syrupo rosato solutivo, cum aquâ cichorei dissoluto, expurgavi: altero die venam in brachio dextro incidi: in superficie vulneris digestivum, quale ante descripsi, ossi verò filamenta sicca imposui, totum crus ad coxam usque oleo rosaceo inunxi, & sequens cataplasma applicui.

℞. Farinæ hordei ʒ vi. pulv. rosar. rubear. myrtillorum an. ʒj. boli albi ʒij.

Cum aceto rosaceo & aqua, fiat cataplasma, sub finem adde albumen simul & vitellum unius ovi: Misceantur, fiatque cataplasma. Processum illum ante decimum quartum non mutavi. Deinde quæ cicatricem inducunt applicui. Hisce remediis in integrum

restitutus fuit, nullo superveniente symptomate. Partem autem illam ossis, quæ ad medullam usque ferè separata, & in altum elevata erat, fasciis, laminisque plumbeis paulatim clementerque depressi, ita ut mediante callo iterum annexa fuerit, & ne festuca quidem ossis exciderit. *Gulielmus Fabricius Hildanus Observ. Chirurg. Cent. 4.*

Ossa propter causas internas denudata, non semper squamam abjicere, exemplis demonstratur.

Ex causis quoque internis ossa plerumque cariem contrahunt, præcipue si humor aliquis acris aut putridus diutius in aliquam partem corporis defluerit, & abscessum procreaverit. Ossa enim etiam si omnium partium corporis sint durissima, attamen successu temporis ab ejusmodi humoribus defluentibus corrumpuntur, quemadmodum cadentes guttas pertundere saxa videmus. Quapropter rectè Hippocrates scriptum reliquit: Ulcera quæcunque annua sunt, quæque per annum integrum durant, aut etiam diuturniora, in iis os abscedere est necessarium. Nam cum hæc ipsa sint maligna, necesse ut non tantum caro ipsa, verum etiam os corrumpatur, & abscedat. In lue venerea, item in variolis, aliisque abscessibus putridis sæpissimè id observatur. Quotiescunque autem ossa ex hujusmodi causis denudantur, ut plurimum corrumpuntur, antequam caro & cutis ipsa (uti non raro mihi observare contigit) exulcerantur: nec coalescit vulnus, nisi caries ossis prius ablata fuerit. Id autem commode fiet, si labia ulceris spongiis præparatis aperta retineantur, & pulvis euphorbii quotidie inspergatur: vix enim quicquam præstantius ad cariem ossis auferendam occurrit euphorbio, quemadmodum observ. 92. Centuriæ 1. observationum mearum fusiùs declaravimus. Est enim calidum usque in quartum gradum: quapropter humores ossi imbutos exsiccat, neque ad partes sanas penetrat, uti faciunt oleum vitrioli & aqua fortis, quemadmodum in præcedente observatione annotavimus. Hac methodo aliquando cariem ossis emendavi, ubi nulla excidit squama. Euphorbium enim paulatim, cum insigniter exsiccando, tum etiam à quadam proprietate occulta, ossa corrigit, & quicquid cariosi cum pure effluit. Hujus rei exemplum mihi Anno 1600. in puella duorum circiter annorum ætatis, & filia Dn. Petri Sylvii Viviacensis, ad lacum Lemannum videre contigit. Huic puellæ enim cum post variolas abscessus ingens circa cubitum sinistrum supervenisset, Lausannam mihi adducta fuit, Aperta vomica, os denudatum & cariosum repertum fuit. Ex una porro parte ulceris, ubi profunda erat caries, naturæ atque euphorbii beneficio squama decidit: reliquam verò cariem natura sensim, & quidem insensibiliter correxit, ita ut plenissimè convaluerit ægra, neque ad hunc usque annum 1614. quo hæc scribo, ullum incommodum hac de re persenserit.

Eodem anno cum Dom. Joachimi Rohauld, pharmacopolæ Lausannensis filia, duorum annorum ætatis ulcus ex variolis contraxisset, mihi quæ adducta fuisset, os denudatum & cariosum reperi. Præscriptis adhibitis medicamentis, ulcus absque ulla manifesta ossis separatione sanatum fuit. Manifesta, inquam, quandoquidem fieri non potest, ut os cariosum carne laudabili obtegatur, & ulcus cicatrice obducatur, nisi prius ablata carie. Sensim itaque, naturæ & medicamentorum beneficio, quicquid cariosum, separatur, & veluti pulverulentum quid cum pure effluit. Hæc in gratiam tyronum adscribere visum est, ne ægtos cauteriis actualibus, scalpris, aut medicamentis erodentibus facile excrucient. *Idem ibidem.*

In magnis ossium comminutionibus atque contritionibus, etiam post multos annos fragmenta ossium prorumpere, exemplo demonstratur.

Strenuus quidam & generoso animo præditus miles, Petrus Gautier nomine, cum ante annos 20. in Galliis exercitum duceret, in obsidiones & aggressu oppidi cuiusdam, ictum sclopeti recepit. Globulus autem in ipsa regione hepatis, & quidem ad latus musculi recti, latitudine circiter digitorum sex supra umbilicum intraverat, & trajecto musculo obliquo, simul & transverso abdominis (illæsis tamen visceribus internis) superficiem ossis ilei prope os sacrum perforavit, ibidemque ad ipsam cutem remansit. Altera tamen die levi à Chirurgo facta incisione cutis, extractus fuit. Ab initio, etsi gravissima supervenerent symptomata nonnulla, vulnus tamen è regione hepatis existens, brevi consolidatum fuit, neque ab eo tempore ullum incommodum ægro attulit. Alterum verò ulcus in ipsa superficie ossis ilei, etsi Chirurgus illud ab initio & methodice, & eâ quâ fieri potuit, diligentia curasset & ossicula nonnulla comminuta ex ipso extraxisset, tandemque quoque ad cicatricem perduxisset, post annos tamen circiter duos, cum æger febre, maximisque rigoribus & bubone in inguine correptus fuisset, iterum dolor ingens inflammatio insignis, atque intumescitio, in loco prioris vulneris circa superficiem ossis ilei exorta est. Advocatus Chirurgus, illam adhibuit diligentiam, ut tumor ille paulò ad suppurationem pervenerit: quo rupto, multum puris inde effluxit; ossicula quoque nonnulla, quæ sese ultro offerebant, à Chirurgo absque ulla violentia extracta fuere: ac brevi iterum consolidato vulnere, æger convaleuit. Ab eo tempore, etsi aliquoties iisdem symptomatibus corripere- tur æger, & diversorum, & quidem in artis operibus exercitissimorum Medicorum atque Chirurgorum curis sese submitteret, hætenus tamen nullus, ut ferrum & ignis adhiberetur, imò ne Grifonius quidem, excellentissimus atque exercitissimus ille Chirurgus suavit. Ante mensem, postquam ulcus denudè plusquam per annum integrum clausum fuisset, ac eisdem symptomatibus corripere- tur æger, tandemque apertum fuisset ulcus, nec non multum puris effluxisset, Bellicium se contulit, meque in consilium adhibuit. Tum immisso stylo exploratorio, fragmentum ossis in imo vulneris statim inveni. Quapropter suasi, ut adhibitis universalibus, ulcus clementer & absque dolore dilaretur, donec ossa fracta, & quidem illa imprimis, quæ stylo inveniebantur, extrahi possent. Quid verò facturum sit, & an consilio meo in posterum obtemperaturus, nescio: ego enim propter festinationem, curationem isto in loco, à familia mea remoto; suscipere non potui. Deinde etiam prædicta symptomata per intervalla, & ut plurimum de secundo in secundum annum recurrant, malumque iterum recrudescat, & ossicula ejiciantur, quia tamen non usque adeò malum hoc ipsi molestum est, & ulcus iterum facile coalescit, non magnopere hac de re sollicitus est æger. Est præterea vir robustissimus, & optimo corporis habitu præditus morbisque parum obnoxius. *Idem ibidem.*

De usu corticum arborum, loco ferularum in fracturis ossium, & incommodis inde subsequitis.

Cortices arborum in fracturis ossium loco ferularum in usum quoque receptas esse, sciunt Practici. Ego verò eas, ob causas, quas mox annectam, plane improbo.

Anno 1587. Nobilis quidam Chamveriacensis, Glaude de Combe nomine, ex Germania rediens, prope Lausannam ex ictu equi fracturam tibiæ cum vulnere contraxit. Ego accersitus fracturam reposui, ægrumque in lectica ad urbem conduxì: ubi cum in diversorio ad crucem albam, per dies aliquot permansisset, ut ipsum Chamveriacum in Sabaudiam ad ædes suas conducere, petiit. Porro in via transeundo Romiliacum Sabaudia oppidum, Empiricus quidam (quem in ossium fracturis, & dislocationibus reponendis, ad cælum usque extollebat vulgus) ægro adductus fuit. Præcedenti autem die propter maximum æstum, erat enim sub finem mensis Augusti, suasu, ne dicam iussu egri, loco ferularum cortices recentes salicis applicueram. Solutis itaque fasciis, præsentem Empirico, impressio quædam in parte musculosa haud longè à poplite conspecta fuit: qua visa, arrogans in le Empiricus (me ob juvenilem ætatem in hac parte Chirurgiæ impetum & inexpertum judicans) ossa illa fracta non satis accuratè à me reposita fuisse, inde colligit: ac ægro persuadere cœpit, ut de novo tibia extenderetur, ossaque fracta, & suis locis remota in situm naturalem reponerentur. Ego, etiam si fracturam planissimè restitutam esse, neque in eo loco, in quo Empiricus fracturam sibi imaginabatur, unquam os malè affectum fuisse, sed impressionem illam atque foveam ratione corticum accidisse, satis scirem: attamen quia de honore atque existimatione mea agebatur, supra modum fui anxius. Tandem ægrum & adstantes, ut negotium in sequentem diem differrent, admonui, hisce adductus rationibus: primò quia æger defatigatus, deinde quoque, quia operationes nunquam vespertino tempore, nisi maxima urgente necessitate administrandæ. Opinioni meæ cum clarissimus, ac longè doctissimus Vir Domin. Claudinus à Veneto, I. U. Doctor, Judex ordinarius Episcopatus Mauriacensis, & Advocatus in supremo Senatu Sabaudia, ægri Gener (qui eadem die Chamberiaco socero suo obviam venerat) subscripsisset, & ut operatio in sequentem diem produceretur, æger consensisset, protinus totum crus, & ipsum femur oleo rosaceo & myrtilorum inunxi: ut autem eò melius penetrarent, atque influxos humores repellerent, oleo guttulam unam aut alteram aceti rosacei adjunxi. Inuncto crure, illud à pede usque ad genu fasciâ, sequenti decocto madefacta, involvi, mediocriterque constrinxi, idque in eum finem, ut humorem influxum, idibemque veluti congestum, exprimerem.

℞. Folior. & radic. plantaginis majoris, summitatum rubi, rosarum, myrtilorum, foliorum salicis, prunorum sylvestr. ana M. j. absinthii, rosmarini, Salviae an. M. ss.

Coquantur in aqua ad consumptionem tertiæ partis: Colaturæ adde parum aceti. Postea ferulas meas stupis involutas fracturæ iterum circumposui, & mediocriter constrinxi, tibiæque in capsulam, quâ in via usus fuerat æger collocavi. Lectum ita sternere jussi, ut crus malè affectum natibus nonnihil altius jaceret, & influxi humores sursum refluere possent. Illa nocte optime quævit, nec ullus adfuit dolor. Altera die solutis fasciis, nulla inæqualitas, nullaque depressio, aut fovea reperta, inscitia nec non arrogantia, aut potius impudentia, hujus empirici detecta fuit. Quapropter deinceps nobilis æger plenissimam fiduciam in me habuit. Conduxì ipsum Chamveriacum, ibique per duos menses apud ipsum moram traxi, curationemque divino favore feliciter absolvi. Ab eo tempore cortices arborum, imprimis recentes, loco ferularum nunquam applicare volui. Hæc, quia in superioribus observationibus de fracturis ossium egimus, in gratiam tyronum adscribere

bere volui, eosque adhortor ut hac in re caute & circumspicte agant: Cortices enim cum exsiccantur, circa fracturam contrahuntur, doloresque excitant, ossaque nonnunquam suo loco iterum remonent. *Idem ibidem.*

Usus emplastri oxycrocei in fracturis ossium non semper tutus.

Vulgus Chirurgorum in fracturis absque distinctione, statim ab initio, aut post paucos dies, emplastrum oxycroceum fracturæ applicare solet: idque non sine ingenti periculo fieri posse, multis quidem demonstrare possem exemplis, sed hoc unicum sufficiet.

Adolescens viginti quatuor annorum, robustum & biliosum cognovi, qui tibiâ fractâ, in manus barbitonforis (cujus nomini parco) incidit. Repositâ fracturâ, primo apparatu emplastrum ex bolo armeno, farina hordei, & albumine ovi applicuit. Tercio post die cum deligasset tibiâ, & fracturam suo loco repositam inveniret, emplastrum oxycroceum admovit. Eodem die exortus est pruritus, qui paulatim transit in dolorem vehementem. Post dies aliquot ego vocatus, tibiâ inflammata, & pustulis lividis refertâ, & ut paucis dicam, gangrænâ infectâ reperi: undique scarificata cutis, & remediis, quæ ad gangrænæ curationem faciunt, applicatis, cessavit gangræna. Postea fracturam suis quoque remediis propriis & aptis, divino favore persanavimus. Hinc perspicuum fit, usum hujus emplastri periculosum esse in fracturis, præcipuè autem ab initio fracturarum & dislocationum: est & eò periculosius emplastrum istud, quantum subjectum, hoc est, corpus ægri biliosius, calidius, aut pravus humoribus refertum fuerit. Sunt enim ingredientia hujus emplastri fere omnia calida: Hinc partem affectam calefacit, sanguinemque & humores attrahit, qui, quod circa initia fracturarum ac dislocationum in motu sint, & ratione doloris & solutionis continuitatis, libentius atque facilius affluunt. Mirum itaque nemini videri debet, Vigonem libro octavo capite vigesimo sexto, Emplastrum hocce Oxycroceum diabolicum appellasse. Ego, ut ingenue fatear, rarissime eo utor, nisi forsâ in fine morbi pro corroboratione partis affectæ, aut ad duritiem aliquam dissolvendam. Usus autem cerati Vigonis ad fracturas ossium (cujus descriptionem vide libro & capite præallegato) mihi summo opere probatur. Neque infimum locum hac in parte obtinet emplastrum Slotani, Præceptoris mei honorandi, cui ego pulvères aliquos convenientes addere solitus sum, ut

℞. Emplastri Slotani ℥ iv. pulveris radicum symphyti majoris, rosarum rubearum, myrtillorum an. ℥ ij. lapidis osteocollæ præparati ℥ vi.

Misceantur lentissimo igne cum modico olei rosacei, fiatque emplastrum. *Idem ibidem.*

De Streptu Ossium.

Puella novendecim aut viginti circiter annorum aliâs boni habitus quotiescunque ambulabat, aut pedes movebat, ab adstantibus & vicinis Ossium circa genua strepitus & fragor quasi nuda eorundem capita inter se artererentur, summa cum admiratione ac stupore audiebatur: hinc quasi in proverbium inter domesticos ac notos abiit, quoties eadem incederet, ecce caprâ venit. Cæterum nec ullum dolorem, morbum, aut aliud symptoma patiebatur, corpore toto bene conformato, ac sano; actionibusque omnibus integris existentibus.

Bibliot. Chirurg. Tom. III.

Scholion.) Crepitus Ossium hunc non multum ab- similis in morbo Scorbutico ab aliis (quod sciam) non observari meminit Thom. Willis patholog. Cerebri fol. 318. dum inquit: Novi quosdam, vix tamen ultra tres aut quatuor, qui Scorbutico dudum laborantes, noxam ejus non tantum in humoribus & partibus carneis, sed in ipsis demum ossibus luerunt: quoties enim membrum quodvis ullo modo flecterent, ossium capita, quasi nuda essent, inter se attrita strepitum ingentem edebant, porro cum lecto decumberent, ibidemque è latere in latus se devolverent, à vertebrarum collisione, tanquam à Sceletro asperius tractato, crepitus ingens, vel ipsos affectos perterrefaciens exaudiebatur. De causis vero rationis hujus Symptomatis ita discurrit.

Hujus causa conjuncta forsân videatur esse, quod molli ossium interstitio, scilicet adipe, membranâ & ligamenti valde absumptis ipsorum juncturæ, velut lapides molares prosus inaniti, propter mutuum attritum, resonarent: at tamen rem secus habere constat, quia nec summe tabidis adest ossium crepitus, neque hoc affectu laborantes semper intabescunt: quare potius dicendum erit, quod Symptomatis hujus causa immediata sit ossium ariditas, sive medullæ ita propriè dictæ, quam intra ossium cavitates, ac imprimis capita ipsorum, contineri oportuit, defectus: nam siquidem ossa quævis medullam, sive humorem unctuosum, aut cavitatibus magnis, aut poris & meatibus exiguis ubique excusis, includunt, hujus usum statuimus, cum ut ossa eadem irrigata, minus fragilia evadant, cum insuper, ut humor iste, ossium nodis exudans, articulos quosvis velut machinæ commissuras pinguedine linat, lubricet, eorumque adeò motus faciliat: quare ossium capita, hac medulla destituta, crepant, non secus ac currus rotæ, rariùs inunctæ.

Quod si de morbi hujus causa procatartica inquiratur, quamobrem scilicet unctuosum illud articulorum oblinimentum deficit: hoc equidem vel sanguinis vitio imputandum erit, quasi hic, alimentum Sulphuris æque ac Salis, particeps ossibus haud rite suppeditat; quod equidem minus verisimile est, quoniam massa sanguinea, etiam in Scorbuticis particulas utriusque generis prædicti continet; quin & ossium crepitu laborantes cutim, & musculos pinguedine satis obritos ostendunt, vel secundo potius videtur, humorem unctuosum quo articuli lubricentur, ipsorum ossium culpa desiderari, quia scilicet horum pori & meatus à materia quadam extranea, forsân limosa, aut rartarea per sanguinem advecta, in tantum obstruuntur, propterea ut balsamum iis destinatum non satis excipiant, nec pro humectandis ipsorum commissuris exudent: non facile erit (quia res tota in abstruso latet) particulares hujus affectus rationes investigare. *Hucusque Willis.*

Puellam hanc nostram scorbutica passione affectam fuisse, nulla adsunt indicia, præsertim cum floridi fuerit corporis habitus, de nulloque morbo aut actionum læsione conquesta; alia itaque sine dubio hæc latuit causa quæ ariditatem illam ossium, mucosique eorundem oblinimenti absorptionem, unde ossium strepitus, induxerat. Forsân inde contrigit, quod absumpto uberius in reliquarum corporis partium nutritionem alimentari nervorum succo, mucosum hoc defecerit oblinimentum. *Dom. Georg. Sebastian. Jun.*

Streptus Ossium.

Stridorē dentium hæcenus observarunt Medici;

Gg 3

da

de stridore verò, strepituque ossium, sive articulorum apud neminem, præter ea, quæ Excellentiss. Dn. Jungius Ephemer. German. Ann. III. observat. 275. pag. 488. & Willis de Scorbuto capite nono p. m. 118. annotarunt, quicquam me legisse memini. Ego stridorem omnium ossium observavi in quodam Doctore Juris Heidelbergense, 38. præter propter annum, temperamenti, ut videbatur, ad melancholiam vergentis, qui sanitatis ergo decrepita ætate acidulis Swulbacensibus utebatur, in auxilium vocato Medico famigeratissimo Domino Geilfusio, diversorum Principum Archiatro.

Labitur mensis, quo hîc Neohanoviæ sutoris visitabam uxorem hypochondriacam, per dies vitæ sterilem 30. annorum, temperamenti summè melancholici, quæ inter alia de magno cranii crepitu, nec non dolore sæpius obveniente maximè conquerebatur, quem strepitum quoque paulisper adstans, auribus meis percepi. Crepat enim non aliter, ac si parvam inflatam rumpas vesicam magno cum conatu. Sæpius hunc strepitum noctu ipsi accumbens maritus audivisse, mihi juravit. Num ossa cranii, ubi sunt future, unctuosissimo balsamo ex mente Willisii l. c. destituta à vaporibus flatibusque intra cranium collectis (valde enim est vertiginosa) commoveantur, sicque crepitum excitent? Sive num intra cranium aliquid rumpatur? meretur meditationem. D. Joh. Dolai.

De Abscessu Ossium.

Abscessum Ossium bis vidi, primum ante duos annos in articulo primo pollicis virginis cujusdam honestæ, Soror quæ Diaconi hujus loci erat, osse prorsus resoluta, in minima frustula contracto, & per duodecim particulas abscedente. Particulæ ossis erossæ erant omninò & quasi calcinatæ, ut solo digito in subtilem pulverem teri possent. Originem ducebat malum ex aciculæ punctura neglecta, & si rectè judico à barbitonsore non bene tractata. Alterum abscessum vidi in rustico, qui spinam inter carnem & unguem indicis digiti sinistri manus intulerat: huic prima indicis junctura per minutissima frustula prodiebat, ossa itidem erant friabilia: an spina ut & acus venenata fuerint, dicere non possum. Ceterum ossa in Lue venerea cariola fieri & fragilia rarum non est; Legi in Manuscripto Marquardi Slegelii; raræ curiosis & magnæ experientiæ viri, ipsum in Museo suo servare Sceleton cujusdam nobilis meretricis Venetæ ex lue venerea consummatæ, epiglottidem quæ exesam habuerat, atque propterea ex cibo fortè fortuna in tracheam asperam illapso suffocata fuerat. In hac fœtus repertus est masculinus pariter hac labe contaminatus, itidem in Museo prælaudati viri qui servabatur, ubi Ossa cariola ob luem gallicam videre licuit. Ipsemet Parisiis notavi, quòd Nobili cuidam Burgundo ex confirmata & inveterata lue venerea ossa tam fragilia essent, ut ad minimum impulsus frangerentur. Servo etiam & hodie radium dextrum brachii cujusdam militis, qui sex vel septem locis exesus & perforatus existit. hoc me Rotomagi Gallorum donavit Chirurgus quidam Castrensis, qui ipsum ex brachio militis lue venerea mortui in Catalaunia extraxerat. Alardi Hermannii Cummeni.

Abscessus Ossis.

In ædibus Philippi Hacquart Chirurgi Regii peritissimi, presentibus Medicis, sectus fuit pes à milite detruncatus, in quo præter alia notavimus per abscessum exesam & absumptam fuisse tibie partem, quæ exinde in pede defuit ad quinque digitorum transversorum capacitatem. Eodem abscessu musculi pedis ejus-

dem, prorsus glandulosi evaserant, quam metamorphosin satis admirari non potuimus, in diversas conjecturas abrepti. D. Thom. Bartholini.

Ossium mollities cera instar flexilium.

Stupendam, ac ceræ instar flexilem omnium ossium mollitiem in cive quodam Sedanensi olim observavit Peritissimus Regis Christianissimi Chirurgus Abraham Bauda; qui & ipsius ejusdem civitatis fuit incola, & ægotantis egritudinisque hujus oculatus testis. Perquam rarus quidem hicce est morbi casus, sed verissimus. Nam egomet ipse cum anno 1665. Sedani commorarer, admirandam hujus rei veritatem non solum à quamplurimis istius loci incolis enarratam, sed & pro singulari, quam postmodum cum modo dicto Chirurgo contraxeram amicitia, ab eodem ipso communicatam accepi, manu ipsius propriâ conscriptam subsignatamque, prout eam nunc hîc legendam exhibeo, & quidem ipsissimis sæpe mem orati Baudæ verbis, quæ ita habent;

Microcosmus Mirabilis seu Homo in miserrimum compendium redactus.

„Monstra in morbis fieri, quis ibit inficias? si
„modò fidem adhibeamus scriptis doctissimi Fabricii
„Hildani, quid monstrosius, quàm quod refert Cent.
„2. p. 66. & 67. & pag. 244. & seq. de mira ossium
„fragilitate. Attamen ista Observatio, quæ nobis
„apparuit Sedani An. 1650. omnem admirationem
„superat; immo inauditam dicere possumus.
„Civis Sedanensis nomine Petrus Siga, annos na-
„tus 32. obiit Sedani, postquam per aliquot annos
„detentus fuisset in grabato suo. Anno ætatis suæ
„24. cœpit affici dolore utcunque tolerabili circa ta-
„los pedum, ita ut cogeretur uti calceis latioribus
„& mollioribus solito. Duobus circiter mensibus
„elapsis dolor versus genua sese extendit, & sic in
„numerus Podagricorum nomen suum dedit coactus-
„que fuit uti fulcris. Tandem dolor irrepsit ad su-
„periorē partem femoris, & sic confirmata fuit opi-
„nio illorum qui in catalogum Arthriticorum illum
„referebant, & pro Podagrico curabant. Anno elap-
„so de impotentia omnium articulorum cum maxi-
„mis doloribus conqueri cepit, ita ut ab eo tem-
„pore usque ad extremam vitæ periodum lecto deten-
„tus fuerit. Et quamdiu ossa illius suam duritiem
„& soliditatem conservarent, dolores continuò eum
„vexabant. Post trimestre à detentione illius in le-
„cto Ossa ejus inceperunt molliora fieri instar ce-
„ræ, ita ut secundum appositionem & situm tam
„crurum quàm brachiorum partes illæ servarent fi-
„guram loci. Imò testari possum ego, qui hanc hi-
„storiam refero, me pluries incurvasse illi & crura &
„brachia, sine ullo sensu doloris, modo ad figuram
„majusculæ literæ S. Tandem omnia ossicula illius adeo
„molli evaserunt, ut musculi omnes sese contraxerint,
„ita ut homo staturæ justæ & elegantis formæ, in ho-
„munculum redactus staturam infantis duorum, sed
„non trium annorum vix attingeret. Figura capitis
„facta est torunda instar spheræ, crus vix æquabat
„longitudinem dimidii pedis aut sex pollicum. Tho-
„rax ad formam thoracis gallinæ sese coegerat. Inte-
„rea temporis utebatur cibo & potu, somno & vigi-
„lia, prout uti solebat in integra sanitate. Omnes
„functiones animi & corporis satis liberas exercebat
„excepto motu. Satis hilari fronte excipiebat om-
„nes advenas, & optimo discursu eos afficiebat, do-
„lores, qui eum diu liberum reliquerant, de
„novo aggressi sunt miserum ultimo mense, quousque
„mors

„mors & morbo & ægro finem imposuit. Multi
„causam tam portentosi morbi inquirentes scorbuti-
„cam saburram accusarunt; alii alias causas, rima-
„ti sunt. Ego virus Venereum credo causatum es-
„se hunc morbum, eò magis, quòd certus factus
„fuerim, ægrum olim ante tredecim annos Gonor-
„rhæa virulentâ per aliquot hebdomadas laborasse;
„& procul dubio male curatum fuisse. Quæ om-
„nia vera esse, attestor. Datum Sedani die 12. O-
„ctobr. Anno 1665.

Hæc D. Daniel Pruttenius in Miscellan. Curiosis.
Abraham. Banda Chir. Regius.

Ossium mollities.

Vidi nuper Abscessum Ossis, in articulo medii di-
giti Uxoris cujusdam militis, Osse prorsus resoluto
& in minima frustula confracto, sicut manifestum
fuit post sectionem. Scilicet emollescunt subinde
Ossa, ut officio suo fungi non possint. In Brutis
hoc efficit Herba Ossifraga dicta. Non raro inter-
næ causæ Ossa à statu solito deturbant. Medullam
gallinæ osseam observavi, in aliis exostosi perpetua
deformia ossa. Dn. Thom. Barthol. Epist. Uratisl.
missa ad D. Sachsum.

Scholium.) Ossa à solita duritie vel nativa imbe-
cillitate, vel morbo succedente, deflecti jam idem
Bartholin. cap. 6. H. 40. pag. 263. notaverat. A
nativitate talem observavit Forestus, lib. 17. obser-
vat. 15. ubi homo natus cum dextro brachio, à cu-
bito usque ad humerum, non tantum resolutum, sed
omnino osse non coagulato, ut brachium instar lori
concideret. Sic mulierem Parisiensem toto corpore
flexilem & sine solidis ossibus memoravit Jacob. Hol-
lerius observat. rar. 7. Vidit Excellentiss. Wormius
apud Bartholinum l. a. pag. 264. puellam cui pedes,
crura, & femora flexibilia, cui cartilagine ossium
vices supplebant.

A morbis fit facilius. Testatur Fernel. D. Abdit.
Rer. Caus. l. 2. cap. 9. p. 96. se propriis oculis vidisse,
quod Ruellius litteris mandaverat, in milite quo-
dam ex morbo ossa crurum, brachiorum & femorum
tam mollia & flexibilia evasisse, ut ceræ modo faci-
lè sequerentur, quocunque torquerentur. Fabric. Hil-
dan. Cent. 2. observ. 66. p. 139. in Sexagenario Ar-
thritide pituitosa laborante observavit tantam ossium
fragilitatem, ut dum chirotecā in manum affectæ
partis levissimo conatu induere veller, brachii os,
& postea quoque os circiter cubitum fractum fuerit.
Fœminam, quæ recentem subuculam induens, ossa
aliquoties fregit Janus de Burgo recenset apud Fabr.
Hildan. centur. 11. observat. 68. à latente aliquo
veneno causam deducens; nec non in Soloduriensi ob
continuos Catarrhos ossa fragilia facta, exponit idem
Hildanus Cent. 5. observat. 89. D. Samuel Costerus
Amstelodam. Medicus scribit Nic. Fontano Re-
spons. & curat. Med. Hist. 2. fol. 10. ob ætatem ve-
tulæ adeo debilia reddita fuisse ossa, ut vix tactum
sustineret, quin tactu levissimo ipsa membra frange-
rentur, quod Nic. Fontan. p. 12. ob siccitatem fa-
ctum putat, quia ossa glutine suo & adipe medullo-
so privata, non aliter ac ossa calcinata facilè fran-
gantur. Admirandam quoque Ossium molliem ob-
servavit Petrus Affelinæus medicus Gallus, apud
Georg. Hier. Welsch. in observ. Medic. Epistag. Ob-
serv. 82. pag. 53. quæ curata fuit ab Empirico bal-
neo frigido ex sulphure, vitriolo, alumine & sale
gemm. aquâ incoctis. Et simile balneum ad pedes
cercos describit Zacutus l. 3. Pr. Adm. Observ. 127.
In Elephantiasi sæpe simile ferè Symptoma accedere
ex Porphyrio Tyrio describit Petr. à Castro Obser-
vat. M. SS. observat. 40. Crateri scilicet, Medico

eximio, novum inauditumque morbum accidisse, ni-
mirum carnes & ossa ab invicem discessisse, nec me-
dicamentis ullis, nisi sola comestione viperinæ car-
nis curari potuisse, tunc enim rursus carnem ossibus
hærere cæpisse ac conglutinatam esse. Tandem idem
Petrus à Castro observat. M. SS. 51. de membrorum
& ossium mollificatione sequentem commemorat hi-
storiam. In vico Hiadaya, (limite Galliæ Aquita-
nicæ) ad Hispanos Cantabros pertinente, puer 8. an-
norum factus est impotens ad motum & gressus,
propter nimiam membrorum mollificationem, ita ut
perpetuò sedens maneret, aut bajulatus incederet, ne-
que posset stare, neque ambulare, cum febricula
quasi habituali, nec tabescebat tamen, sed molli ha-
bitu & valde carnosum. Vocatus morbus iste Arabi-
bus Alcahad & Alzmena, curatur ab Avicenna oleo
de Audachoca, (h. e. Loto silvestri Matthiol.) po-
tando ex eo, inungendo cum ipso, & paratur hoc
oleum, crasso modo Andrachocam coquendo cum se-
minibus: ponitur quoque pellis ovina, supra ipsum,
liniatur lacte vaccino dulci, conducet Balneum sic-
cum, sudor in furno os. fovea ignita. Hæc Castro
l. a. D. Thom. Bartholini.

Infans avosé.

Bristolæ in Anglia monstratus infans qui ossibus
artuum plane destitutus, ut brachia & manus, crura
pedesque ad nostrum arbitrium chirotecæ instar flecti
ac circumvolvi possent, Puetum *avoséon* suo tempore
vidit Hippocrates. D. Oligeri Jacobæ.

Ossium flexibilitas: Item Excrescentia.

De Ossium flexibilitate ac mollietate exempla ad-
ducit duo Joh. Rudolph. Camerarius Memorabilium
Medicinæ Parte 2. pag. m. 1565. Primum quidem ex
Foresto, infantuli sine osse in brachio dextro nati,
ita ut hoc brachium instar lori flexile esset, quodque
defensivum ex bolo armeno, farina volatili pulvere
myrtillor. oleo rosaceo. & albumine ovi concinnatū,
ac super impositis ferulis ex charta durior, & super-
inductis fasciis à cubito ad humerum, intra tres sep-
timanas miraculosè sanatum est. Alterum ex Fernelio,
militis in quo crurum, femorum, & brachiorum
ossa, ex morbo tam mollia evasere, ut ceræ modo
facilè sequerentur quocunque torqueres: quæque bal-
neorum naturalium, sc. aluminosorum, usu, in pristi-
num vigorem ac robur restituta sunt. Atque hæc
verbo memorasse satis.

De Ossea Excrescentia historiam habet apprime cu-
riosam Clariss. Cornelius Stalpartius Observation. rarior.
Medico - Anatomico - Chirurgical. Cent. 1. quæ,
aliàs curari non potuit quàm totius intumescentiæ
ratione, ac pulveris catagmatici super-inspersione. Quo
etiam pulvere, addit ille, non satis proficiente, ad
ignem deveniendum. Et in hoc quicquid prædicta
observatio ad praxim spectans habet, continetur;
itaque non est quod ulterius illi immoremur. At
equidem magis è re fuerit paulò fusiùs enarrare quod
Clariss. D. Gottfriedus Schultzius Miscellaneor. Cu-
riosor. Decembr. 2. Anno 8. adfert de viro juvene,
cui ossa radius & cubitus prope carpum utriusque
manus, mirâ intumescentiâ affecta fuere, à scabie
malè curata. Cujus curam sic aggressus est. Primis
viis evacuatis, sanguinem, quia venæ, cum maximè
doleret, insigniter turgabant, misit: & præscriptâ
convenienti diætâ, exhibuit varia præcipitantia cin-
nabatinis mixta, tum etiam tartarea & martialia,
in formâ tam sicca, quàm liquida, quæ inter prima
facilè erat essentia martis tartarificata nigra: ex marte
& tartaro mutua, in invicem actione in syrupi formam

offam redactis, conveniente menstruo extracta: Tum quoque essentiam summitatum pini antiscorbuticam; nec non urgentibus doloribus, essentiam anodynam cum succo pomor. Bosdorff. per fermentation. factam. Externè applicuit decoctum ex nervinis & paregoricis, imposuitque emplastrum ex oxycroc. additis gumm. carann. & racamahac. Tandem per septimanas tres, decocto sudorifero ex lign. sassa. & sant. citrin. rad. sarsapar. & chinæ, herbisque nervinis antiscorbuticis quotidie sudorem in laconico promuluit. Quibus non solum dolor abactus est, sed & tumor ferè omnis discussus; imò cum æger post aliquot septimanas, iter satis longum habuisset, omnino vegetus reversus est.

De Osse dextri brachii adjutorio, motu integro permanente, ablatò.

Non sine causa magnus Hippocrates ad Thessalum filium scribens, osium cognitionem tanti facit, ut etiam difficillimum judicet ossa luxata, fracta, contorta, aliisve modis malè constituta, à Chirurgo restitui curatique posse, cui eorundem structura, atque connexio ex debito, non cognita; hanc autem convenientius acquiri non posse nisi ex legitima consideratione eorum quæ in sceletò occurrunt. Similia Galenus variis locis proponit. Necessarium adeoque summopere, ea quæ ad constructionem ossium, articulationemque faciunt, intimè cognoscere, ne ægrotantes, quemadmodum cum multorum infamia multoties contingere notamus; auxilia carnicum, aliorumque illius conditionis hominum implorare cogantur.

Non lubet errores variorum adducere; legi possunt quæ hac de re variis locis habet Hildanus. Sufficiat exemplum proposuisse, quod anno 1664. occurrat.

Puellula, per tres annos subjecta fuerat curæ circumforaneæ, quod brachii dextri, inter flexuram cubiti & scapulæ, tumore laboraret ex decubitu humorum, cum dolore gravi; luxationem aliquam hinc subesse sibi persuadens mulier dicta; variis extensionibus, flexionibus, in antica, postica, superiora, inferiora, illud effecit, ut aucto & dolore, & tumore ab opere desistere coacta fuerit. Haud tamen, omnia bona & sibi & ægrotanti promittens, Cataplasmata atque linimenta negligere voluit, quorum etiam usu effecti, ut, præter intentum, ex materiæ collectæ, suppuratæque abundantia, abscessus fuerit ruptus. Huc cavernæ variæ pute scatentes, toto eo spatio quod cubitum humerumque intercedit, se exhibuerunt. Quæcunque hoc in statu adhibebat nihil efficiebant, foramine uno clauso aliud exoriebatur, eò quod pus contentum viam sibi faceret; & ossis subjecti corruptio adesset.

Tandem, post mortem utriusque parentis recepta in domum publicam; qua sustentantur superstites pauperum liberi, Orphanotrophium vulgò vocatur, per aliquod tempus curæ subfuit Chirurgi ordinarii Joannis Svart. observans hic majoris momenti affectum esse quàm qui ab uno Chirurgo tractaretur; superiorum permissu me in consilium advocavit.

Accedens brachium loco supra indicato insolitum in modum tumefactum inveni, imò induratum, suppuratumque, cum ossis subjecti carie, rebus omnibus rite consideratis consultum visum fuit, utraque foramina, ad quatuor transversorum digitorum latitudinem à se invicem distantia quorum unum exterius ad tephysin ossis adjutorii, alterum interius magis apparebat, per sectionem Chirurgicam ope forcicis conjungere, apertione facta vulnere imposuimus plumaceolum, deligationeque convenienti facta ab o-

pere ulteriori abstinuimus usque in diem sequentem.

Hoc tempore forcipe apprehendere placuit os subiectum, quod etiam, levissimo labore, fere integrum, extraximus, non sine admiratione & nostra & adstantium, quam summopere auxit, quod sine ulla motus brachii læsione ablatum fuerit.

Sanguinis fluxu sedato; vulnere ad doloris sublationem, applicuimus Ung. defensiv. thereb. cum ovi alb. & Ol. hyperici, similiter ac Emplastrum Vigonis. Hinc singulis diebus mundificativum & exsiccativum hoc adhibitum.

℞. Sevi Hirçin. Bovis. an. ʒ β. Ung. Rosac. ʒ i. Thereb. lotæ ʒ β. Ol. Cerae ʒ β. Hipericon. q. f. Mercur. præcip. ʒ ii β. F. Mixtura.

Deligatio non nisi fasciâ peragebatur in spiritu vini madefacta, ad humorum expulsionem, musculorum verò cutisve conjunctionem. Et horum mediorum usu brevi curatio absoluta.

Ex observatione hac cognoscere licet, nullum artis Chirurgicæ cultiorem verum haberi debere, nisi qui in Osteologia bene versatus, cum sine notitia structuræ connexionisque ossium impossibile sit ea quæ circa luxationes, fracturas, similiaque vitia alia excurrunt, ritè tractare; Cognitionem hanc siquidem habere nequeat ex oculari inspectione ossium ipsorum sceleton constituentium, habebit aliquam ex consideratione eorum quæ figuris suis exhibent Anatomici.

Quodsi in hac Anatomix parte excellere magis studerent Chirurgi nostri, & nomini suo plus honoris, arti plus famæ, circumforaneis verò minus detrimenti adferrent.

Alterum hinc considerandum naturæ providentiam spectat, qua ablatae partis in locum ea reponere observatur, quorum ope actio requisita exerceri queat. Ita notare nobis licuit in milite quodam Anglo femoris os totum abscessu consumptum, & ablatum fuisse, & tamen incessum neutiquam læsum, eo quod in locum deperditi substantia alia regenerata. Quale quid observasse se scribit Carolus Battus Chirurgiæ suæ part. 4. cap. 3.

Ita ossis femoris partem separatam ab Huyberto Kok, Chirurgo Woerdeni extractam narrat observat. Chirurg. parte secunda Henricus à Roonhuysen.

Simile huic exemplum, quod modò proposuimus; quo in orphana dicta adjutorii ossis magnam partem ablatam vidimus. *Jobus à Meekren in observationib: Medicò-Chirurgicis.*

De Ossis cancro, seu Spinâ ventosâ.

Celeberrimus, & in arte Chirurgica exercitatissimus Dom. Marcus Aurelius Severinus singulari de abscessibus tractatu tumores nodosos varios, in manibus, pedibus, digitis, pollice occurrentes descripsit, qui membrorum summam induxerunt deformitatem, eò quod præter modum, ligamentis, carnibus, cute, extensis, dilatarentur.

Hujus conditionis abscessus erat, quem in rustico 50. annor. 1642. Petavii vidit magnus Bartholinus, ut habet cent. 2. hist. 53. cui ab annis duobus pollex in tantum tumorem excreverat, ut caput hominis exæquaret, & præter unguem nihil digiti conspiceretur.

Prætermittere nequeo, quin hic exhibeam digitum monstruosæ figuræ, in sartore quodam Eduardo Willemson, ablatum, ponderis viginti unciarum.

Contraxerat hic exiguum in digito medio manus sinistrae circa articulum majorem tumorem, cujus curam ipse primò, hinc circumforanea quædam, habuerat, varia applicando Emplastra & Cataplasmata, unde sine dolore & purulentia insignem in molem intumuit digitus.

Anicula artis Chirurgicæ ignara, experientiæ tamen suæ plurimum tribuens, incisione quadam digitum aperiebat, unde materia aquea incocta, effluebat, cum doloris exacerbatione summa, & curationis instantis vanâ persuasione. At quæcunque usurpabantur frustranea omnia, aded ut etiam ab ulteriore aliorum usu abstinere coactus æger.

Quicumque in consilium vocabatur Chirurgorum, nihil omnino levaminis adferebat, imò omnia indies in pejus vergere videbantur.

Nos consideratione habita tumoris, quem summa cum molestia per annos quinque circumgestaverat, constitutionisque ossis subjecti, verum hinc adesse ossis Cancrum, qui Spina ventosa aliis dicitur, pronuntiavimus; ad hoc verò malum tollendum, sic ut digiti crassities imminueretur, tumor auferretur, ossisque corruptio ulterior inhiaberetur, integro manente digito, nihil remedii superesse; Interim tamen Chirurgiæ locum aliquem concedi, qua extirpetur digitus, ad tumoris, doloris, fetoris, molestiarumque ablationem, modò ossicula metacarpi, patteſque vicinæ simpliciores in statu sano existerent.

Placebat ægrotanti propositum nostrum, simulque primo tempore ad operationem dictam nos accingeremus, obnixè rogabat, sic fore sperans ut à dolorifica, ponderosa, hinc molesta admodum, sarcina brevi liberaretur, ad eam adeoque majori cum fructu quo pervenire concederetur, fasciam validè contractam manui supra carpum imposuimus, ad sanguinis effluxum inhibendum, hinc cultri acutioris ope sectionem instituimus inter digitum læsum & indicem usque ad medium ossum metacarpi, mox eodem modo in opposito latere inter digitum læsum & annularem, procedere animus erat, quo sic, utraque parte separatione sufficienti instituta, in parte ossis metatarsi adhuc sana extirpatio iusta perficeretur, & ablato digito deformitas omnis quantum possibile tolleretur. At intentioni meæ se opposuit Chirurgus alius non nisi in osse ipsius digiti malum radices fixisse, nec ullo modo ad ossa alia se extendisse, sibi certo persuadens.

Quod vanam hanc opinionem ex animo Collegæ mei auferre nulla arte liceret, etiamsi certiore curationem eam dicerem quæ ad modum à me propositum, & jam ex parte peractum institueretur, imò minus deformitatis sic accedere manui, siquidem altiori loco in osse metacarpi sano extirpatio perficeretur, imò dolor ex ligatura gravis satis celerem operationem urgeret, nolens volens digitum affectum circa articulum abstuli.

Ad hæmorrhagiam, pulverem usualem stypticum applicabamus, partis dissectæ labia fasciæ convenientis ope conjungebamus, ligatura carpo injecta soluta, & secuta fuit quies per diem noctemque.

Usque in diem vigesimum omnia prospere succedebant, quo tempore circa articulum manus carnea quædam excreſcentia acus majoris caput magnitudine referens se exhibuit, varia eidem applicabantur, exsiccandi, consumendique virtute prædita, ast nihil effecerunt, quin contra eam in molem augmentum sumpsit tumor, ut pondus duarum triumve librarum referret.

In re desperata nullum superesse medium videbatur præter totius manus ablationem, ad eam devenire nulla præmissa consultatione arduum, placuit adeoque, consentiente ægrotante, in consilium adducere Viros Clarissimos Dom. Joannem van Hartogvelt, Guilelmum Pisonem, Medicos, Dom. Petrum Lupenium, Theologum, Georgium van Loon, & Danielelem Florianum, Chirurgos. Omnes perspecto morbi statu, consideratisque iis quæ in prægressâ operatione peracta, neglectaque, omnimodam manus

extirpationem unicum, si aliquod recuperandæ sanitatis remedium, declararunt.

Operatione peracta, die decimo, quod & vires valde vehementiâ symptomatum fractæ, & febris gravis, continuò moleſtaret, interiit æger. In manu amputatâ evidentissimè nobiscum annotabant omnes, in Chirurgiâ exercitati, siquidem extirpatio prima in parte ossis sana fuisset peracta, curari potuisse malum. Ut adeò consideratione nostrâ digna sint, quæ de Pedarthrocacé S. Spina ventosa habent Paulus Barbetæ anat. præct. patt. 1. cap. 3. & Severin. cap. 24. Jobus à Meekren in Observat. Medico-Chirurgicis.

Ossis in Spinâ ventosâ constitutio Anatomè demonstrata.

Illustrissima Dom. Baronissa de Merode in casum incidit de quo varia fuerunt Medicorum judicia. Ego autem eodem conspecto, protinus judicavi eundem esse, quem alias videram Neapoli apud Clariss. Severinum, & quem ipse depinxit p. m. 467. operis de recondita abscessuum natura. Quapropter, cum juxta consilium Argelata, non posset os morboſum removeri, necesse fuit ad ultimam anchoram, amputationem scilicet tibiæ, nos procedere. Qualis autem ossis ipsius constitutio nobis postea per Anatomicum innotuerit, addere non gravabor. Remotâ cute, quæ admodum erat, propter extensionem, attenuata; invenimus tendines musculorum peroneorum, ut & maximum tendinem, qui calcaneo affixus est, & crassitiem naturaliter insignem obtinet, instar chartæ allicujus, tenuem: solum calcis os erat affectum, atque in magnitudinem insignem adauctum, ut libræ unius cum dimidiâ pondus æquaret: non solum autem porosum redditum erat; sed pori illi erant repleti materiâ cartilagineâ, qualis quoque cartilago os extrinsecus ambiebat, & cartilagini callosa materia desuper erat adnata. Joh. Van Horne in Mè-
xpothèq.

Rarior Spinâ ventosâ constitutio amputatione feliciter curata.

Uratislaviæ 15. Januar. anno Christi 1688. jussu inclyti Magistratus, inspectioni meæ & Godofredi Scholtzii; Chirurgorum senioris, nec non Samuelis Rasperi, senioris pariter & ordinarii Civitatis Chirurgi, committitur Danielis Bugschii Pannificis filiolus, quatuor annos natus, qui sine causâ manifesta, ante annum tunc effluxum in medio sinistrae manus digito contraxerat dolorem punctorium insignem cum tumore laxo & spongioso; succedenteque, ac juxta dein semper, ex ulceratione profunda, ichorosam materiam, è duobus in exteriore, & uno in interiore digiti faciè, foraminibus continue plorante; circa juncturam medii ibidem internodii cum primo versus metacarpium spectante; quæ cuncta solis hæctenus domesticis externis à matre paupercula fuerant tractata.

Perlustrantes ergo locum affectum, præter dicta modò, deprehendimus conspicuam per ista foramina, intumefactamque insigniter substantiam articuli osseo cartilaginosa ac spongiosa quasi, nigredine & carie hinc inde manifestò jam notatam, quæ veram proin exhibebat spinam ventosam, &, aliis frustraneis, de die in diem ulteriùs serpendo; cum periculo totius inficiendi; versus metacarpium semper magis extendebatur.

Consilio igitur nostro, Senatusque ac matris viduæ consensu, præmissis præmittendis, ac potiuncula in primis confortante & præservativa; ea quæ cum externis excitativis ac roborantibus, sub & post operatione-

rationem repetita; post reliquos digitos in volam reclinatos, beneque manui, à ministro firmiter retentæ, alligatos, mediante scalpro excisorio acutissimo, (quale Arcularii *einen Meissel* vocant) in superna parte per malleum fortiter percusso adactoque, digitus ille cariosus, basi cuidam lignæ impositus, prope juncturam cum metacarpio, 20. Januar. per laudatum modò Samuelem Rasper ablati fuit; sanguine arcuatim proficiente, per crepitum lupi, cum pulvere stegnotico, pulvillis multiplicibus, & optima ligatura mox inhibito, sine ulla lypothimia, aut symptomate alio periculoso, sub, aut post operationem eveniente; pueroque paucis dein post externis digestivo-mundificativis, & consolidantibus tandem, benedictione Divina clementer annuente, perfectè sanato. Separatis verò per sectionem partibus cutaneis à digito abscisso, primum & medium ejus internodium osseo-cartilagineo spongiosum, circa juncturam mutuam insigniter intumefactum ac inflatum quasi, distinctim hinc inde perforatum, atrescens ac cariosum, de reliquo autem maximam partem in fragmentula minutissima, cuspidis acicularum triangularium exactè referentia, redactum observavimus: indicio sanè manifesto, nutrimentum ossis omnium primò affecti, adeò acce causticumque factum fuisse, ut illud non solummodò consueto perforare, sed & in minutissima prorsus corrodere ac diffingere valuerit. Hoc adjicio, pariter ac Rachitides, sic nec Spinas ventosas hodie adeò raras amplius ac olim, apud nos esse, cum ne triennii quidem spacio in Nosocomio nostro ad sex ferè exempla earum notaverim, potissimum in articulationibus carpi, genuum, malleolorum, & digitorum pedis, cum totali corporis universi emaciatione, & funesto ut plurimum exitu, ni per sectionem articulus talis amputetur, aut cuncta fragmenta cariola, quod tamen rarissimè fit, spontè secedant atque separentur. *D. Maximilian. Preussius Miscellaneor. Curiosor. Dec. 2. Ann. 7.*

De eadem Spinâ ventosâ rursus aliquot exempla.

Spinæ Ventosæ non ita etiam apud nos raræ sunt, quin sæpius in praxi occurrant. Nec tantum eas observavimus in infantibus, sed etiam in adultis, imò ab aliquot annis virum plusquam trigenerium hoc morbo in genu enatum, extinctum vidimus, nihil proficiente tardiori tibie supra genu amputatione. In eo autem non tantum caput ossis tibie, ossi femoris in genu colligatum, carie profunda affectum, sed etiam paulò infra prædictum genu quasi terebra perforatum, repertum est; medulla verò, tum ipsius, tum ossis femoris, & colliquata, & quasi gangrenosa visa fuit. Idem nobis etiam apparuit in puellula octenni quæ in talo eodem morbo afflicta fuerat; scilicet serpserrat malum ad medium usque crus, nec aliàs removeri potuit quam per tibie infra genu extirpationem; adhucdum autem non video quomodo evasura sit, quia febris lenta ante sectionem ita jam adoleverat, ut remota parte, unde originem suam primò sumpserat, non potuerit illa tolli quin potius in dies increscens, carnes colliquet, & in extremam tabem miseram nostram deducat. Alia rursus nobis itidem aliquando oblata est ægra, in imò capite ossis tibie, calcaneo scilicet adjuncto, afflicta quæ ipsa evasit, & sana ac vegeta jam vivit, postquam prædictum caput sine membri excisione, nescio, quo felici fato, separatum est. Natura scilicet per grandius ulcus, prædictum caput, profundâ carie non tantum cavatum, sed etiam ita emollitum, ut cultro exsecari posset, Chirurghi manui ita objecit, ut instrumentò avelli potue-

rit. Verum quod mirabilius in hoc casu observavi, quodque vix aliàs observatum video, est, quod post deperditam hanc ossis partem, non tantum commodè deambulet hæc juvencula, sed etiam motum articulationis pedis cum tibia, liberum satis habeat, præterquam in exteriora, unde os per ulcus ibidem apertum evulsum fuit. De aliis multis nihil addo quamvis forsitan non parum curiosa videri possent.

De Exostosi, è Clariss. Godefr. Biddloo Exercitationibus Anatomico-chirurgicis

(1) Proprio & specifico titulo designandus morbus, *Exostosis*, est partis alicujus ossis, ubique alias benè constituti, uno loco, luxuries & incrementum immodicum: hinc ab hoc genere morbi excluduntur *Ganglion*, *lupia* &c. quæ perperam ejusdem familie censentur: in *Exostosi* quippe ipsa & sola ossea substantia; in *Ganglio* verò *lupia* &c. nervorum tendinumque involucra, non autem ossa, primariò patiuntur.

(2) Ortum ducit, lentissimo passu progrediens, à causa quasi innocua, à nimia, videlicet, boni succi nutritii in unam ossis, alias benè constituti, partem alluvie, infarctione & accretione, partem hanc nutriendam extendente immodicè; quinimò & deformante; ut patet,

(3) Ex partis affectæ Phænomenis; quæ sunt; ossis supra & infra *Exostosin*, constans & requisita dispositio; puta magnitudo, figura, connexio cum vicinis. Indolens, durus, osseus hic tumor, sive eminentia præternaturalis, sine asperitate, periostio ritè contextus, nunquam in ipsis articulis; sed infra illos aliquantulum remotus, detegitur atque hoc respectu, ab omni alio ossis morbo, distinctu est facilis; adde (*Lecl. Beniv.*) hominem, ex hac luxurie & immodica accretione ossea laborantem, cætero corpore ejusque habitu esse sanum; sed verò, vigente *Exostosi*, vicinas ei partes periostium, nervos, artérias &c. tandem dispositione sua naturali posse privari & hoc sensu secundariò lædi, non esse sanas, sincere, quis est qui ambigat? verum de *Exostosi* simpliciter, non de ejus symptomatibus & sequelis, morbo complexo, mihi sermo est;

(4) Cum autem extuberentia hæc *Exostosis*, temporis tractu, id incrementi capiat; ut toti corpori, vel insigni ejus cuidam parti, incommodo sit, luxurie huic *celeriter obstandum*, *medicandum* (connorme rationi monitum) secundum me, hac methodo; adimendo *Exostosin*, unâ cum osse, ex quo ortum duxit; fieri quod potest in minoribus exterioribusque ossibus, cum ablatione totius ossis, imò & membri; In majoribus, cum ablatione partis, cui inest, usque ad ossis cavitatem: Licet enim infantum *Exostosin*, medicamentis, fasciis, ligaturis, instrumentis, deprimendam continendamque intra terminos, præcipiant auctores Chirurgi, vanum eos sanè molimen & irritum laborem actori imponere, expertus sum non semel. Eiusdem commatis commentum est, recentem; vel inveteratam *Exostosin*, cute apertâ, radulâ, scalpro, cuneo (osse, ex quò, relicto in integrum & probè consolidato) ita posse auferri; ut postea nunquam assurgat, ulcus post se, aut fistulam relinquat (taceo ea, quæ in quasi cautelam & præsidium vocantur, adducunturque, cauteria actualia, ossa vitiata desiccantia, separantia &c. Medicamenta) ex eorum omnium fastuoso apparatu patet, partem illam ossis, ex qua *Exostosis* luxuriat esse partem sanæ, adimendam, vel ita dispositione sua & vitâ destituendam; ut, quemadmodum, scaturigine ex qua, fonte ex quo, obturato, oppilato, alluvionis liquidi; ita de noviter luxuriante *Exostosi*, metus me-



Fig. 1.

Fig. 2. a

Fig. 3.





Fig. 2. b





Fig. 4.

Fig. 4.



ritò sit nullus. Tutius, citius jucundiusque ergo: *Telephorus* enim adest, is agit, qui huic malo infanti celeriter, methodo mea memorata, medicatur;

(5) Hoc quod probabunt sequentia indubitata & ad normam Anatomico-chirurgicam producta exempla, experimenta; ut & peractarum in curationem rerum historiarum & eventus.

Anno 1697. ostendit mihi *Lugd. in Bat.* Vir Juvenis 25. ann. ætat. sanus toto corpore, si quis, munere faber lignarius, digitum suum minimum, enormiter, phalange ossium tertiâ, tumentem; expetens, hilati planè fronte, cum manui dextræ adimerem; pro ratione adducens, ejus in manu usurpanda, incommodum, inutiles diuque adhibitas, cum pecuniæ dispendio, medicationes interque illas reverà ridiculas quasdam, quas tamen racuisse non noceret; enarrans porrò, ullo sine dolore, aut alio, præter inmodicum partis incrementum, symptomate, jam tum ab multis annis, accrevisse hunc tumorem, quem dissipare &c. frustra conati essent duo Chirurgi: cæterum totam manum digitosque cæteros, omni promptos sibi extare motui usuique.

Digitum oculique mei, cum attentione huic tumori injecti, me mox certò docuerunt detexeruntque *Exostofin*; cum autem in superficie hujus intumescentiæ generaliore, particulares quasdam observarem prominentias, easque continuò augeri magisque & magis extendi intelligerem, multum procrastinare ejus ablationem ratum duxi minimè; nè moras hecitantando, lascivienti naturæ, vel hujus partis luxuriei, vires & opportunitatem ulterius peccandi, fecisse viderer. Ut sese inspiciendus hic exhibuit digitus, ante truncationem, demonstrat.

Vid. Tabula xix. Figura prima.

- A. *Digitum minimi primus &*
- B. *Secundus articulus benè constitutus,*
- C. *Tertii media pars, Exostofeos excrevens & luxurians.*
- D. D. *Extuberantia in hoc osseo tumore ejusque superficie particulares & varia.*
- E. E. E. *Totius tumoris circumferentia.*

dum autem aliquot dies expeterem, quibus de incremento hujus tumoris aliisque, tali in negotio, considerandis perpendendisque me ipsum instruere valerem, ægrè mihi concessis homo patiens tres, urgens digitum sui truncationem maximè; ne dixerim insolenter;

Metacarpio itaque, tumore prædicto totaque manu omniumque horum dispositione ritè perlustrata, quarto ab inspectione die, *Exostofin* hanc, cuneo; ad ejus figuram, fabricato & uno malleoli ictu, sin-cera de parte amputavi, resecaui, insigni sine hæ-morrhagia.

Vixdum, cum stiptico pulvere; apparatus, qui requirebatur, vulnere erat adhibitus, quin homo patiens, fortem qui se inter agendum, præstiterat, cachinnos inter & musiones, ajat; *nu zal het immers lukken?* id est, jam demum succedet! ego sanè & imò omnes adstantes, mecum credebamus eum, peracta truncatione, liberatum se ab omni hoc malo ejusque populatione & incommodo; statuerè; verum quam in sinu, quam in intimis ossium medullis fovebat spem quodque gaudium, apertius statim detegit; *amica, inquit, mea, mihi conjugii fidem dedit & præstabit, ea condicione; ut hoc sine tumore ad eam reveniam: eccam! jam nunc adeo eam facilius meam.*

Curationem quod spectat, illa brevi omnimodò, levioribus adhibitis, secundum artem, medicamentis, peracta est integrè annuloque ei accedente pronubo,

postea se homo hic bis & amplius dixit felicem.

Ut sese memorata hæc *Exostofis*, post truncationem habuit, videre est;

Vid. Tab. xix. fig. secunda.

- A. & B. *Præmonstrati digiti minoris Articuli superiores benè constituti.*
- C. C. C. *Margines vulneris & truncata partis, in qua apparent;*
- D. D. D. *Exteriorum toti corpori communium involu-crorum ut &*
- E. *Ossis Metacarpii &*
- F. F. *Tendinum quorundam abscissorum, vestigia.*

Ulteriore & quidem anatomica, hujus tumoris disquisitione reperi quoque, phænomenorum respectu, mea asserta (3) probata: ossi etenim huic, supra & infra *Exostofin*, constans & requisita erat dispositio; nulla asperitas; cum vicinis ossibus debita conjunctio; periostium ritè dispositum & sequax in ossis luxuriem & extensionem præternaturalem; succus itidem nutritius, ossium cellulas, laminarum strias, fibras, sive tubulos distendens, osseam hanc molem, saccharatorum adinstar tragematum impleverat abundè; succus, inquam, nutritius & abundans; alio verò nomine non peccans: nullibi etenim locorum extrus, nec intus inflammationis, acrimoniæ, putredinis, vel minimum aliquod mihi licuit observare signum, vel vestigium. Circumjunctæ quoque cartilagines, membranæ, tendines ipsaque, cum omni exteriori corporis velamento, pinguedo, verbo, omnia erant benè disposita & sana;

Ut autem hominis magni ossis *Exostofis* rarò (nunc cum, nunc sine ratione) conditione memorata, ipsis auferatur, concedunt & tamen aliud non datur medium curationis; ita hoc malum, hanc luxuriem incurabilem, quasi, habeo; quod si verò per ipsos liceret, in ipsos, secundum rationem & artem agere, eos, ut plurimum evasuros curatos verissimum est: si enim pars quædam majoribus ossibus, putà femoris, tibiæ, adjutorii &c. transversim, relicto hoc osse superius & in integrum, ab ipsa natura, vel casu auferatur nihil in medio existente osseæ substantiæ, ut factum vidi sæpius restanturque Chirurgorum monumenta, quid quæso illud periculi erit, quod mihi, hac in operatione dubium impertiat? agenti secundum artem Anatomico-Chirurgicam; quia verò insuper hic morbus (*Exostofis*) lentò progreditur, dolore vacat & magno quandoque hominibus incommodo non est; defertur curatio & conceduntur luxuriei huic sese amplificandæ & extendendæ venia & vires.

Utriusque asserti exemplum sequens exhibet, cum schematibus, historia.

Anno 1689. viri ætat. annor. 52. munere mercium bajulatoris, tumore durissimo in ossis femoris parte superiore ab multo tempore laborantis, cæteroquin sanissimi; nunc verò ex pluritide demortui, cadaver, hac parte, rogatu Clariss. Medici & Chirur-gi, qui eum tractitaverant, inspexi anatomicè vidi-musque quam propono *Exostofin*;

Vid. Tab. xix. Fig. 3. quæ refert, parte ab antica, & laterali, ossis femoris sinistri partem superiorem.

- A. *Ossis femoris caput.*
- B. *Trochanter major.*
- C. *Minor.*
- D. *Pars ossis femoris supra;*

- E. Infra Exostosin, naturali dispositione prostantes.
- F. Ipsa Exostosis, cujus lamella vitrea glabra & aequalis extat, exceptio
- G. Eo loci, cui, aperta cute, desiccantia primò & deinde escharotica fuerunt adhibita medicamenta.
- H. Limbus, circumvoluta hujus excrescentia, inherens pedunculo, qui ad latus ex ipso osse assurgens, hac in delineatione, propter tumoris umbram, demonstrari non potuit; quapropter, ipsum hoc os exostosisque ipsam serrâ per medium fidi; de hacce autem representatione statim. Idem hoc os femoris, unâ cum ejus Exostosi parte à postica exhibet;

Figur. 4.

- A. Ossis Femoris caput.
- B. Trochanter major.
- C. minor.
- C. Pars ossis femoris supra,
- E. Infra Exostosin, naturaliter disposita.
- F. Ipsa Exostosis.
- G. Lamella vitrea, difracta carieique, contra artem excisâ documenta; unde homini, dum viveret, cum dolore impurum fuit inflictum ulcus.

Figurâ 5. depingitur serrâ fissi, hoc loco, tum ossis femoris, tum ipsius exostoseos, interior adpectus.

- A. Trochanter minor.
- B. Os femoris supra,
- C. Infra
- D. Exostosis;
- E. Ejus pedunculus.
- F. Lamella vitrea, ubique locorum dura.
- G. Cellulosa ossis substantia, omni ablata medulla.

Figurâ 6. delineatur interior ipsius Exostoseos ejusque de ossis femoris parte sincera, innocua, sive nullo morbo tentata (luxurie excepta) exortus & pedunculus.

- A. Os femoris serrâ dissectum.
- B. Ejus cavitas.
- C. Pedunculus Exostoseos.
- D. Ipsa Exostosis.
- E. Ejus limbus, instar fungi, circumvolutus.
- F. Ossis femoris cellulosa & fibrosa substantia.

Quantum ab Exostosi ejusque dispositione, distet Fungus, vel morbosa fungiformis excrescentia, videte est;

Tab. XIX. Fig. 7. Quâ depingitur, de osse femoris, aspera prostanti superficie, omni ablato periostio & extus ex durissima; intus verò molliore ossis parte, assurgens fungus.

Hisce non obstantibus, cum ratione & experientia adductis; asserunt tamen quidam, se Exostoses curavisse medicamentis absorbentibus, desiccantibus; alii, depascentibus, escharoticis &c. hi, radulis; illi, inustione; sed ut quod verum est, asseram, ego pro comperto habeo, ab ipsis tophacea & callosa concretamenta (sub Exostoseos titulo) ossibus fuisse ablata: sic infausta furente Venere, aut spinâ ventosâ intus agitante, solutâ vitreâ ossium lamellâ, ossa eorumque fibrarum tubulorumque compagem solvente, corrupte atque ex ea muco, callove, indurata as-

surgente, quibusdam Exostosis est; sed quàm malè tibi, aequo lectori, dijudicandum trado; vera itaque Exostosis mandragora, cicuta, Hyoscyami, nec urtica mortua, jugere, vel multâ muriâ, velusto caseo, aut pyriti usque scobe, prædicent qui volunt horum medicamentorum virtutes! dissolvetur, aut intra terminos coercebitur; sed enarrata methodo curabitur semper.

Ossium mira mollities.

Clariss. Pyrrhi Maria Gabrielis Miscell. Curios.
Decur. iij Ann. 2.

Nobilissima mulier 32. annos nata, temperamento calido & humido, cum pituitæ subdominio molli ac delicato corporis habitu prædita, ad motum segnis, decimo, sexto ætatis anno nupta viro, plures peperit filios, & non nullos passa fuit abortus; fluxionibus catharralibus, absque ulla luis venereæ suspitione, ad varias corporis partes obnoxia, sex abhinc annis laboravit epulide in maxillæ superioris gingivâ finistrâ, quæ paucis temporis spatio incrementum suscepit, quare Chirurgicis instrumentis incisario nimirum & ustorio ad eandem extirpandam feliciter adhibitis, satis bene se habuit. Anno autem sequenti, catharri fluxiones insurgentes, cum ad pulmones irruerent, medicamentis cum china, sarsaparilla, & aliis simplicibus secundum artem paratis in usum ductis, cessavere, sed humerum dextrum atque hinc ejusdem partis coxendicem dolore molestare coeperunt, unde plurimis adhibitis remediis, majus tamen ob humoris peccantis pertinaciam semper augmentum susceperunt. Et quoniam hisce tempestatibus ab uteri gestationibus minimè fuerat immunis, gravidationes & partus admodum ipsi erant molesti, & præcipuè tempore partûs, quanquam lochia naturalem habuissent exitum, dolores & fluxiones catharrales suprâ enarratæ augebantur, & maxima cum molestia eam torquebant, unde die 10. Decembris 1686. coacta fuit in lecto decumbere, quo tempore epulis, gingivarum nimirum excrescentia versus palatum ipsosque dentium alveolos augescens & cavitatem ossis mandibulæ superioris subingressa, os ipsum extollens, tumorem durum indolentem produxit, etiam circa oculi ejusdem partis orbitam, ne tamen ipse oculus læderetur, cum ad maturationem quamvis imperfectam devenisset, instrumento chirurgico fuit opus, unde apertus tumor, usque ad patientis mortem absque alio detrimento, & non infelici eventu, ad modum fistulæ patenti orificio fuit servatus. Tunc autem temporis ab ægra singulis mensibus, quandoque verò singulis ferè hebdomadis dolor capitis gravativus & pungitivus per aliquot diei horas percipiebatur, atque hinc descensum catharri, ac si esset aquæ frigida subita ac repentina effusio, à capite ad artus omnes, præcipuè verò dexteræ partis se manifestè persentire affirmabat, indeque dolores augescentes maximo cruciatu, eandem medullitus lancinantes, ossaque è propriis locis divellentes ac contorquentes, de die in diem tale augmentum susceperunt, ut ne minimus pedis digitus ab assistentibus absque patientis molestissimis angoribus potuerit quamquam leviter manibus attingi. In osse sacro, quod extra proprium situm, propter fluxiones fuit depositum, dolor adeò intensus erat, ut ægra inmotâ prorsus in lecto, resupina, absque ullo crurum & coxarum moru, decumberet, caput tantum & brachia sine dolore nonnihil agitando. Post aliquot menses partem quoque finistram fluxiones majori cum molestia occupaverunt, atque hinc pedibus & cruribus tumefactis, eorumque doloribus aliquantulum sedatis, paulatim totum terè corpus,

corpus, femora, vertebræ, costæ, scapulæ & claviculæ proprium mutavere locum, indeque respiratio-
ne difficili redditâ, afflictiones in dies augebantur. Quatuor ab hinc mensibus brachium dexterum in-
motum, sed emaciatum redditum, doloribus magis
magisque afficiebatur, & paulatim sinistram quoque
ceperat inotum amittere. Hoc temporis decursu fe-
bres quandoque eam invaserunt de genere pituitosa-
rum; ut plurimum cum nausea comedeat, urinam
reddebat copiosam, sed non plurimum aliâs colore
excedentem, sæpe sæpius crudam, aqueam & pin-
guem. Alvus rarè ex se respondebat, sed glandibus
irritata, vel clysteribus emollita fœces naturales e-
mittebat. Ac tandem post varias pectoris angustias
à costarum & clavicularum compressione subortas, nec
non viribus exolutis emisit spiritum.

Post mortem crura cum pedibus, coxæ & brachium,
præcipuè dextrum, erant adèd secundum omnem par-
tem flexibilia & mollia, ut quocunque ponerentur
loco, eundem ad amissim servarent, unde eorum
ossâ mollia & carnea, juxta nonnulla ab Autoribus
tradita exempla, ut à *Fernelio, Ruellio, Hollerio, Bar-
tholino, Theoph. Boneto &c.* evasisse, fuit creditum.
Ob id dictis partibus cultro anatomico observatis,
nedum crurum & femorum, sed etiam brachii dex-
teri adèd mollia & rubicunda fuere adinventâ, ut sub-
stantiam carneam exactissimè secundum omnes par-
tes veluti gingivarum carnem, non autem musculo-
rum fibrosam, referebant; quæ quidem membrano-
sâ tunicâ erant obducta, & ad instar carnis absque
ulla disruptione, aut friabilitate circumflectebantur.
Eorum autem internodia, & reliqua ossâ ut verte-
bræ, costæ &c. non adèd mollia fuere reperta, fa-
cilè tamen tangentium compressioni & aciei cultri ce-
debant, dum incidebantur, nec non quacunque levi
contorsione, ac si essent friabilia, frangebantur. Cra-
nium & reliqua capitis ossâ mediocri duritie erant
prædita, ad ipsum namque dissecandum ferra parum
aut nihil, sed solum in occipite fuit necessaria, fer-
ro enim incisorio ad instar corticis cucurbitæ medio-
criter duræ circulariter fuit recisum. Viscera omnia
quoad sensus nostros in statu naturali, sicut etiam
cerebrum & cerebellum cum spinali medulla sensibi-
liter intacta fuere observata; serositas tantum in pau-
ca copia inter piam matrem & cerebrum in parte
posteriori fuit adinventâ. E carnibus autem dum cul-
tro scindebantur, humor quidam pinguis & veluti o-
lei stilis aspersus effluebat. Ac tandem ex tumoris
desuper allati in maxilla superiori detenti cavitate,
quæ reperitur inter palatum & os oculi, orbitam in
parte inferiori constituens, maximè adauctâ, unde
tumore duro in gena, ut diximus, producto, mate-
riam purulentam ad duas circiter uncias produximus.
Cutis corporis universa, & in ea quoque parte, su-
per quam continuo decubuit, illæsa & absque ullâ
noxâ fuit inspecta, quanquam linteum, anacliterium-
ve prorsus putridum ac corruptum, sub osse præfer-
tim sacro fuerit redditum.

Casum hunc, utique rarum, sed Physicis Naturæ
arcana intus perscrutantibus, facillimæ resolutionis
esse putamus, quam quidem tempore opportuniori,
ut interim doctiores propriam valeant edere senten-
tiam, exponere conabimur. Modum enim, quo præ-
dicta in præfata Muliere apparuerunt phænomena,
in medium adducere non est adèd difficile, ut cum
nonnullis inconsultò ad rem supernaturalem sit con-
fugiendum; rationes namque ex Juniorum Physicâ pe-
titæ, casum naturalem & à causis naturæ limites non
excedentibus, productum esse, ut supò loco patebit,
manifestissimè demonstrant.

Spina ventosa, cranium multoties perforans.

Clariss. Matthæi Blavv. Miscell. Curios. Decur. iij.

Ann. 7. & 8.

Anno 1699. die 28. Novembris obiit vir quidam
rusticus, nomine Joannes Windenhalder, ætatis suæ
propè quinquagenarius in pago Lehen ditionis Fri-
burgensis in Brisgoia, cujus affectum extraordinarium,
cùm urbis hujus Chirurgus aliâs satis artificiosus &
expertus, nomine Joannes Hergott, qui ægrum ali-
quo tempore tractabat, cognoscere non posset, ro-
gavit me & alios duos Chirugos, nomine D. Ban-
geron & D. Biffon, ut ægrum defunctum visitando
inspiceremus, & quo morbo propriè laborarit, aut
occubuerit, sectione exploraremus. Refert interim,
se ante 14. dies ad hunc rusticum ægrotantem vo-
catum esse, quem cùm primâ vice visitasset, intel-
lexisse ab ægro, quod nuper, cùm difficilius è lecto
surgeret, os brachii subito perfregerit, visitat Chi-
rurgus locum & invenit brachium ex hac levi cau-
sa reverà totaliter & itâ diffractum esse, ut os hu-
meri in medio instar cubiti incurvari potuisset. Et
dum patientem hunc ulteriùs tractat & visitat, inve-
nit tandem successivè similem fracturam in brachio
sinistro, uti etiam in femore sinistro supra genu.
Refert proinde, quod in hoc rustico observaverit duo
satis magna tubercula dura in ossis frontis dextra ac
superiore parte, quæ verò paulatim liquefacta dispa-
ruere, quo loco profunda cavitas & fovea paulatim
ita successit, ut extremitas pollicis immitti posset &
cranium ibi perforatum & magna parte absumptum
esse videretur. Cæterum, ajebat ægrum maxima ex
parte corpore: & viribus consumptum fuisse &c.

Itaque nuntiata morte accessimus locum, quo de-
functus jacebat, visitabamus diligenter omnia & in-
venimus externè, sicut Chirurgus retulit, immò plu-
ra; nam non solum in ossibus frontis, sed etiam in
sincipite aliisque cranii partibus plures ejusmodi fo-
væ satis latæ & profundæ erant hinc inde conspi-
cuæ, quas cutis contegebat naturali prorsus colore
prædita, excepto uno loco Bregmatis, ubi foveola
apparebat sublivida, ac si Ecchymosis fuisset.

Ut ergo Cranii & contentarum sub eo partium
constitutionem certius & per ocularem inspectionem
investigare possemus, cultro anatomico uti voleba-
mus; quod verò ejus vidua nullo modo admittebat,
usque dum à nobis & loci Parocho persuasa, tan-
dem concessit, ut omnibus amicis absentibus citâ
sectione propositum nostrum assequi potuerimus.

Itaque separatâ cute à Cranio, plurimæ eaque sa-
tis magnæ foveæ, quæ totum cranium perforatum
fuerat, erant conspicuæ, in quibus materia corrupta,
livida, subnigricans continebatur; hinc & Cranium
secundum rotunditatem detraximus & observavimus
utramque Meningem unâ cum Cerebro nullatenus læ-
sam, sed omnes has partes quoad omnia bene con-
stitutas, ipsum Cranium verò (ut suprà dictum)
hinc inde multis foveis & cavitatibus in concava e-
jus parte seu interiori laminâ latioribus totaliter per-
foratum fuisse. Hinc confutâ cute accepimus Cra-
nium, quod domi per cocturam præparatum
plus quàm viginti foraminibus majoribus & minori-
bus perviis excavatum repertum fuit.

Secuimus etiam loca, ubi erant fracturæ ossium;
nimirum in utroque humero & femore sinistro, in
quibus fœda caries conspiciebatur & ex levissima
pressione fragmenta dissiliabant, intus loco medul-
læ, corrupta sublivida materia continebatur: similis
fractura observata est in clavicula sinistra, nec du-
bium,

bium, si reliqua corporis ossa inspiciendi tempus pro anatomia nobis concessum fuisset, quin plures alias ejusmodi ossium fracturas & caries invenissemus, ita ut exinde rari exempli defectuosum sceletum construi posuisset, quod xerò nobis non licuit.

Scholium. Ex præsentì observatione, prudenter judicare licet, morbum hunc fuisse talem malignum affectum seu cariem ossium quasi universalem, quæ (quod mirabile est) intactis partibus mollioribus cariosis & membranosis, solum duriores seu osseas aggressa est. Ossa sæpe sapius ex causa aliqua externa, v. g. ab ulcere fædo, aut fistulis, aut materiâ purulentâ acri tumoribus impactâ cariola fieri, lippis & tensoribus notum est; sic certi dantur affectus maligni ossibus singulariter hostiles, uti de lue venerea & scorbuto constat: at nihil tale in nostro casu, tum ex relatis tum ex aliis signis concomitantibus reperiri potuit; hinc dubium non est, affectum hunc singularem ex sola causa interna peculiari & malignæ humorum ac præcipuè medullofi succi ad nutritionem & conservationem ossium necessarij corruptioni adscribendâ exortum esse; quamvis enim supra scripta ossis humeri fractura ex difficiliore corporis ægri in lecto erectione orta esse videretur, huic tamen causæ externæ nullatenus adscribi potuit, fuit enim causa tantum facilitans, ex qua ossa aliàs internè marcida & carie infecta tantò faciliùs diffracta sunt: quod ipsum in Cranio factum absque ullo Causæ alicujus externæ concursu, & quidem ab intrinseco, eò quòd foramina illa cranii in inferiori seu concava ejus parte magis extensâ & latiora fuerint quàm exteriùs.

Quemadmodum itaque in Gangrænâ & splanchno partes corporis molliores, carnosæ, glandulosæ & membranosæ potissimum corrumpuntur ac mortificantur, sic è contra in præsentì nostro casu, ossæ tantum partes carie quadam universali seu, ut ita loquar, Cancro aut Gangrænâ ossium (quæ aliàs *Spina ventosa*, vel à quibusdam *Spina venustas*, vulgò *Beinsfresser*, in pueris proprio nomine *Pedanthrocace* nominatur) infectæ fuerant. Scribit *Scultetus* in suis Observationibus Part. 2. observ. 90. provenire Spi. „nam ventosam ab humore, qui occultâ & insensâ „qualitate primùm ossa, citra omnem perioestii læsionem atque doloris sensum corrodit, deinde Oe. „dema efficit minimè dolens & post aliquot menses „partes exulcerat &c. Circa quam descriptionem notandum, quòd quia ossa ceu partes duræ frigide in sua substantia nervos non recipiunt, neque spiritibus animalibus affluxum concedunt, sensu immediatè destituta sunt, & consequenter propriè in se non sentiant aut dolorem percipere possint nisi mediante perioestio iis supertenso; hinc in communi ossium carie à causa externa, v. g. fistulis, abscessibus aut pure exorta, absque prægresso dolore haud corrodi posse; è contra verò in tali Spina ventosa à causa interna exortâ (qualem casus præsens demonstrat) verificatur expertissimi Sculteti assertum, quòd nimirum citra omnem perioestii læsionem atque doloris sensum ossa corrodantur. Causam internam præfatus Author, adscribit humori, occultâ & insensâ qualitate ossa corrodenti; quibus terminis morborum causas explicari, etsi Recentioribus quibusdam (qui occultas qualitates ignorantie asylum vocant) non placeat, condonari tamen potest viris etiam doctis & expertis, quòd in explicatione affectus cujusdam rarioris & haud omnibus noti, ejusmodi (ante hac consuetis) utuntur terminis: quippe etiamsi corruptionem succi ossium nutriticii peculiariter malignam & corrosivam in causa esse dicamus; in quo autem talis corruptio propriè consistat, æque ignotum est, eò quòd ossa humana, & si in spiritu summè corrosivo vel Aq. forti infundantur aut Pulvere infernali inspergantur,

corrosionem tamen vix patiantur, quin è contra membranæ qualescunque, citò consumantur, quamvis vitalitate nullâ ampliùs gaudeant. Hoc equidem indubitatum est, succum illum medullosum in ossibus contentum, eorum tantum & non aliarum partium nutritioni & conservationi dicatum esse: verum quomodo corruptio illius per solos ossæ substantiæ poros penetret, eamque corrodat, & non simul ipsi perioestio dolorem & cranio subjacentibus meningibus læsionem afferat, hoc à priori per rationes fundamentaliter explicare est difficillimum; dum è contra notissimum est, quòd in communi ossium carie, ab ulceroso carnis sinu aut collecto sanguinis pure, exortâ membranosis partibus non parcat, sed hæ simul cum ossis ledantur & absumentur. Leguntur quidem varia in Prædicorum observationibus exempla, quòd unum tantum vel alterum membrum spinâ ventosâ affectum fuerit, quòd statim incurabile pronuntiavit *Spigelius*, & partis læsæ amputationem fieri debere voluit; at in nostro casu erat universalis quasi ossium caries ab ipsa summitate capitis ad brachia & femora usque se extendens & crassissima ossa pertetebans: quare malum hoc ex universali etiam causa originem sumxisse non est dubium, ita ut antecedentem ejus causam meritò in peculiari succorum (ex quibus ossium medulla generatur) acrimoniâ & malignâ vel diu latitante scorbuticâ corruptione querere liceat, quandoquidem æger simul atrophiam universali laboravit. Sed licet de Hæctica ordinaria aliàs constet, quòd eâ laborantes summam membrorum lassitudinem conquerantur, ita ut præsertim in marasmo, non tantum succi liquidi nutriendi una cum pinguedine, sed consequenter tandem ipsæ carnosæ partes tanquam nutrimento suo destitutæ successivè consumantur; verum de ipsa ossium substantia nihil deperditur, quæ quid etiam in scorbuto ordinario præter corrosionem dentium non observatur. Unde si non occultum dicere velimus, obscurum saltem & difficile esse profiteri debemus, veram rationem assignare, in quo affectus hujus causa essentialiter & distinctivè consistat, cujus ulteriorem tritinationem acutioribus relinquo; interim verò, quamvis de hoc affectu mirabili, in aliis Authoribus & Observationibus annotatis mentio fiat, quia tamen hoc forsân modò non evenit, & inter rariores casus notatu dignos recenseri meretur, idcirco observationem hanc rario- rum notandorum calculo inferi indignam haud censui.

Spina ventosa oppidò rara, cum insigni ossis femoris dextri fracturâ, ejusque notabili fragmine per abscessum separatò.

Clariss. Joh. Mauricii Hoffmanni Miscell. Curios. Decur. iij. Ann. 9. & 10.

Hominem ab ortu totum morbosum esse, uti Hippocrates ex fide experientiæ scripsit; ita casus nunc recensendus confirmat. Puer quipiam parentibus natus scorbuto acido multum corruptis, ab incunabulis dubia valetudine sapius conflictatus, scabie compressis molestâ subinde divexatus, nondum exacto ætatis sexennio, Anno supra Millesimum sexcentissimum octuagesimo secundo, noctu Diem Lunæ Dominicæ secundæ Adventus proximum insequente, cum scalam ad cubiculum ducentem ascendere vellet, repente sublayâ incedendi Facultate, dolorem insignem in medio femoris dextri cariosi sensit, ob quem per longum satis tempus in lecto decumbere coactus est, etiamsi præter intumescientiam totius femoris morbidam, nulla inflammationis, aut coloris in cute exteriùs mutati signa apparerent. Post aliquot autem superatas septimanas, Anno insequente 83. in parte femoris interna

terna prope genu macula rubicunda magnitudinem innotet *ein Grosse* Germanis dictæ adæquans emicuit, quæ per Chirurgi phlebotomum pertusa, pauca emanaverunt cruoris guttulæ, sed temporis successu notabilis puris copia inde effluxit. Arque interea eger pedem afflictum spasmò detentum extendere haud poterat; extremis nihilominus pedis digitis inniti conabatur, dumque vacillantem gressum ita tentabat, aliquando subsidens in terram, ex corporis facta concussione novos patiebat dolores; Chirurgus autem in subsidium vocatus, os femoris in medio *Καυλῶν* per modum Caulis effractum deprehendebat, cujus consolidationem uberior puris proventus remorabatur, adeoque eger ultra annum maximis cum dolorum cruciatibus in lecto decumbere cogeatur; Anno 1684. mense Aprilis baculo suffultus, egrè admodum aliquot gressus perficere valebat; dumque Chirurgus ossi fracto consolidando, & puris ampliori affluxui per fascias circumductas excludendo intentus erat, & sub poplite duo triave erumpebant ulcuscula, per quæ ossis spina ventrosa erosi squammulæ abscedebant: Anno 1696. amplior squama sola exitum per unum illorum ulcusculorum habuit, hocque facto singula paulatim occludi ceperunt, sed mox in illorum vicem aliud in medio femoris & supra fracturam, cum lateralibus quibusdam prorupit; Anno nonagesimo septimo, itaque demum per remedia interna Curatio expectebatur, quando Chirurgus ulcusculum medium cum vicinis per incisionem & caustica imposita copulare & amplificare omni ope enitebatur, hinc apertura satis larga specillum profundè penetrans admittebat. Anno hujus seculi primo eger iter Weissenburgum parabat, balneo medicato ibidem celebri usus, sed irritò effectū, dolor siquidem intendebatur, id verò notabile erat, quod post apertionem, in secuto aliquo temporis intervallo, occlusio ejusdem spontaneâ evenerit, tuncque eger pedi morbo etiam aliquantisper inniti, nec tamen nisi cum quapiam difficultate incedere potuerit. Mense ejusdem anni sextili, sumto dolor recrudescere incremento, & cutis eo loco quo incisio antehac adornata erat livescere incipiebat, mox rupta extremum ossis fracti prominulum proferebat, pro hoc autem ulterius detegendo, & ad extractionem faciliorem promptius arripiendo, ipse æger viam per novaculam pendere allobotabat, sed arreptum idem ob firmiorem cum osse residuo nexum sese divelli renuebat, donec 26. Novembris die post separatam carnis spongiosæ circumcirca luxuriantis insignem partem fragmentum ossis cariosi talis; qualis hîc delineata cernitur figuræ & magnitudinis exemptum fuerit. Ab illo tempore abscessus foramen, sua sponte claudi cœpit, ita tamen ut per intervalla, modò longiora modò breviora, saniei parum inde emanaverit; inpræsentiarum autem vix tantillum lymphæ saniosæ ampliùs extillat, idemque mox in crustam concrevit, quod autem miraculo proximum est, Juvenis pius & probus ob solertiam & eruditionem bonis omnibus charus & amatus, commode obambulare & aliquot milliarius iter pedibus exigere, idque commode satis valet; nec femoris ossi relicto quicquam de longitudine decedit, quin potius hæc accrevit, ita ut pedem dextrum sinistro longiorem metiri liceat. In proposito autem casu, sicuti humorum acriorum acidorum erodentium in ossibus depascendis virulentia, tanquam præcipua spinæ ventosæ causa evidens est, ita consolidationis beneficium callo loco medullæ subnaro osseam soliditatem fermè adepto, & extrema ossis fracti (post fragmentum separatum) denuò quasi ferruginanti imputandum videtur, talem namque succrescere olim Patavii in Nosocomio D. Francisci majoris observavi, ubi in adolescente ossis tibiæ cariosi frusto, mediante adnoto canterio actuali ut dissiliret, exempto, medullæ locum centra-

lia callum ossescentem occupasse annotavi.

O T H A L G I A

Vid.

A U R I U M M O R B I.

O Z Æ N A.

O *Zaiva* ulcus est narium vetustum, putridum & graveolens, sanie putidam ac fetidissimam fundens; cum corruptione cartilaginearum ac ossium etiam nasi partium serpens. Causa est humor acris, & interdum, ut in lue venerea, malignus; oritur etiam aliquando à suffumigiis à mercurio & cinnabrio incautè adhibitis: dignoscitur ex effluente sanie & crustis decidentibus; laborans præterea non solum ipse sibi graveolet, sed & astantibus tetri spiritus contagione molestus est.

Curationes.

Quòd si asini lotium naribus trahere placebit, minime damno; quòd arcanam vim contra narium foetorem habere sit a plerisque existimatum. *Hier. Mercurialis. Tomo 1. consult. 69.*

Præstans est aqua viridis mihi usitata, quæ non tantum in Ozænis, sed in omnibus ulceribus foetidis Narium, Palati, Uvulæ, Gingivarum, & Lingue mirifice valet. Estque talis.

℞. Mell. rosar. ℥ij. Sulph. vivi; alum. crudi, erug. æris, an. ℥j. Albi græci, comar. sabinae, an. ℥ß. Sambuci ℥j. Fol. hyperici, rotisinar. rutæ, plantag. salv. puleg. an. M.ß. Hæc coq. in vini & aq. ℔ij. ad consumptionem unius digiti transversi (in Aphthis puerorum temperetur aquâ tabacci & solani, an. secus acrior est) nota: ærugo æris non simul coquatur, sed in fine addatur, & relinquatur donec refrigerit, postea coletur & usui servetur: hujus cochlear calefiat supra candelam, postea cum penicillo eadem aqua intincto tangatur locus exulceratus: in foetidis ulceribus palati, faucium; uvulæ, immittatur aqua hæc cum stupis: mirabiliter non tantum mundificat, sed insuper etiam consolidat; imprimis ulcera palati & faucium ex lue venerea orta: mirabilis quoque est scorbuto oris. *Joh. Hartmannus. Pract. chymiatr. pag. 110.*

Ozæna curatur purgatione totius corporis exactâ; masticatoriis ex mastiche pituita capitis purgatur, quibus si adjungatur scammonium, potentiùs trahet & derivabit materiam in proximiorè partem. In principio, antè omnia medicamenta, utilissimum erit uti aquâ illâ pro polypò descriptâ, vel lixivio paratò ex cineribus caulium & fabarum; item aquâ forti, vel oleò vitrioli, oxymelite dilutis. Detergent hæc omnia, & carnem putrem exedunt, ut & omphacium antiquum paratum ad oculorum affectus, dissolutum in aqua calamenti & cœnomelite. Posset in principio unguentum Ægyptiacum dissolutum in aquâ hordei convenire ad ulceris detersionem; deinde conficienda sunt unguenta quæ adstringant & detergant, ac summè exsiccent, ut unguentum Pompholigos, additò alumine, chalcitide, & cortice mali granati; vel conficiantur sic.

℞. Omphac. ℥ß. Cortic. mali gran. & balaustior. an. ℥iij. Myrrhæ, alumin. ladan. an. ℥ii. Chalcyt. Aloës, cortic. thuris an. ℥j. Olei rosar. & myrthin. an. ℥ij. Ceræ rubr. q. s. Fiar unguentum, quod applicetur parti narium interne; vel dissolv. in vinò, aut

aqua myrtillor. aut peculi rosar. Id frequenter nari-
bus attrahatur, ore aquâ plenô.

Vel. \mathcal{M} . Rad. dracuncul. ari, vel serpentar. maj.
harum alterutra pistetur, succus extrahatur, qui na-
ribus injiciatur. Vel, quod multò commodius est,
turunda ex pannô lineô concinnata, eodẽ succô im-
buta; aut denique ejusdem radicis frustum, in id
apparatum nari indatur; ulcus contingens illa ablu-
mit. Hujusmodi solida remedia per diem integrum,
vel noctem gestanda, & diebus aliquot iteranda,
& brevi mirandus eorũ succedet effectus.

Vel. \mathcal{M} . Granator. dulc. & acidor. an. part. æq.
contundantur cum corticibus, succus extrahatur, &
decoquatur ad mellis liquidi consistentiam: huic succo
miscce cortices, grana, & pulpam prædictorum grana-
torum iuta: hæc omnia tamdiu simul agitentur donec
fiat pasta, ex quâ fiant turundæ nari laboranti immitten-
dæ, succô prædicto prius illitæ; manẽ & vesperi.

Vel. \mathcal{M} . Mâli. emplastr. de mucilagîn. $\mathfrak{z}\beta$. Pulver.
sabin. $\mathfrak{z}\text{ij}$. Malaxentur & incorporentur simul, ex hâc
massâ fiant cereoli debitæ molis in narem egram im-
mittendi ut suprâ, operantur sine dolore. In istis
unguentis abstinendum à fætidis, & miscenda sunt
aliqua odorata, propter fætidum illum odorem, aliàs
offendit. Ex suprædictis confici potest pulvis & in-
sufflari ad ulceris exsiccationem. Fiet ex iisdem, ex
quibus compositum est ultimum unguentum ex om-
phaciô. In ulceribus narium post aliquam deterio-
nem, nihil aliud efficacius inveni quàm suffumigium,
quod partes illas profundas attingit & siccatur. Parân-
dum autem ex potentissimè resiccantibus, ut auripi-
gmentô rubrô, vel luteô, cinnabari, quibus addenda
sunt aliqua odorata, ex quibus fuligo excitatur, &
ulcera siccantur, uti myrrha, thus, mastiche, benjo-
in &c. Veluti.

\mathcal{M} . Ladani puri, hypocistid. mastich. myrrh. an.
 $\mathfrak{z}\text{ij}$. Styrac. rubr. & calamit. cortic. thuris, sandarac.
auripigment. rubr. an. $\mathfrak{z}\text{ij}$. Excipiantur omnia tere-
binthinâ, & fiant trochisci quibus fumigentur serò &
manẽ in cubiculô. Optimum est etiam illis parare
candelas ex cerâ rubrâ; nam fuligo talis candelæ
plurimum juvat exsiccationem, maximè si continea-
tur in cubiculô bene clausô & angustô. Quod au-
tem fuligo recipiatur, idem experimur cum diutius
in muscô moram trahimus noctu; nam postea sputum
& recrementa narium fuligine illâ denigrata redduntur.
Hâc ratione nos ulcus curavimus, quod neque ab
Italîs, neque à Gallis Medicis curari potuerat.

Ulcerata alia narium, ut quæ fiunt in alîs narium
ipsarum, fortiter resiccantibus citra morsum, & sar-
cotidis sufficienter curantur, quibuscumque adstringenti-
bus additis. Mineralia diligentissimè lota, cum cor-
tice mali granati, & Aloë lotâ, talia ulcera curant;
Unguentum paratum ex pompholige cum balaustiis
idem efficit. Item frequenter pars lavetur decoctio-
ne sequenti, vel aqua destillata.

\mathcal{M} . Balaustior. cortic. malor. granator. an. $\mathfrak{f}\beta$ ij .
Plantagin. caudæ equin. pilosell. linguæ passerinæ, &
herniar. an. Mj . Radic. bistort. $\mathfrak{f}\beta$. Folior. myrthi,
vel summit. pyri sylvestr. an. Mj . Contundant. & si-
mul destillent. & fiat aqua, de qua sæpe abluat na-
res. His adde alumin. quart. j. Vel fiat decoctio ex
suprædictis, & frequenter abluat nares, exsiccando eas
postea fumigiô præscriptô ad curationem ozænarum.
Joh. Vigierius Chirurgia magna lib. 3.

Ozæna sepius quidem Luis venereæ est sympto-
ma; aliquando tamèn (licet rariùs) ab humoribus
acribus & falsis ad nares decurrentibus (ista lue non
venenatis) procedit.

Si à Lue Venerea dependeat, istius affectûs curatio
generalis instituenda est; aliàs frustra Ozænae sanan-
dæ remedia adhibebis.

Undecunque oriatur malum, post phlebotomiam,
(si necessaria sit) purgationem per vomitum & sedem,
detivationem per Vescicator. cucurbit. &c. hujusmodi
medicamentis ejus sanatio tentetur.

Toto curæ curriculo decoctum seq. ab ægrò sumat-
ur.

\mathcal{M} . Sarsaparill. \mathfrak{z} ij . Rad. arundin. vallator. vel infi-
mæ partis ejusdem, rad. bardan. an. $\mathfrak{z}\text{v}$. Rad. pæon.
mar. \mathfrak{z} ij . Rasur lign. Rhodii $\mathfrak{z}\text{x}$. Rasur. buxi, C. C.
eboris, ossium bubulorum maj. ras. an. $\mathfrak{z}\text{ib}$. Fol. be-
tonic. chamæpit. veronic. mar. bugulæ, faniculæ an.
m. j. flor. herb. paralyf. p. 6. flor. hyperic. & sambuc.
an. p. 3. Omnia debitè concisa infund. per hor. 12. in
 $\mathfrak{f}\text{bx}$. Aq. fontan. vase idoneo probè recto; mox f. len-
ta coctio & ebullitio, donec post colatum & à fæ-
culenta parte apprimè separatũ liquorem, restent
ejus limpidi $\mathfrak{f}\beta$ iv . pro 8. dosibus bis in die sumendis,
provocando sudorem post dosin matutinam in lecto
vel cupa ope caloris externi per horam unam & alte-
ram habita ratione virium. Videndum ut caput be-
ne sudet, sine violento excessu tamen.

Magmati hujus decocti affundantur $\mathfrak{f}\beta$ xx . Aq. fon-
tan. addendo passularum integrarum $\mathfrak{f}\beta$ f . decoctio ad
 $\mathfrak{f}\beta$ v . Consumptionem. Liquor restibilis agatur per ma-
nicam: Aromatizetur cinamomo vel coriandro pro
potu ordinario.

Nisi fluat alvus toto horum usûs tempore (quod
sit per 2. vel 3. septimanas) subducatur liquore quo-
dam cathartico admiscendo dosi decocti pomeridia-
næ, quæ citra sudoris provocationem propinabi-
tur.

Singulis matutinis post deterfũ sudorem & cor-
pus refrigeratũ, utatur gargariſmate seq. si ozæna
palatũ versus vergat, ut sæpe accidit.

\mathcal{M} . Fol. caprifol. betonic. aquat. an. m. j. veronic.
virg. aur. faniculæ, bugulæ an. m. β . Ros. rubr. p. ij .
ras. ligni sancti $\mathfrak{z}\beta$. F. omnium decoctio in oxycrato:
In colaturæ $\mathfrak{f}\beta$ j . dissolv. mell. trachelii $\mathfrak{z}\text{j}$. Alum. ru-
pis $\mathfrak{z}\text{j}$. Adde usûs tempore vini clareti optimi circiter
quartam liquoris partem tunc usurpandĩ. Ita colluto
ore utatur liquore sequenti indendo utrique nari
calidè è penicillo vel ex syndone rara cui insuta fue-
rit spongia mollis.

\mathcal{M} . Lign. guaiac. sassafr. Rhod. an. $\mathfrak{z}\text{ij}$. Rad. peu-
cedani $\mathfrak{z}\beta$. Rad. aristoloch. utriusque & ireos Florent.
an. $\mathfrak{z}\text{ib}$. Sol. scord. Card. benedict. betonic. aquat. &
vulgar. veronic. maris & chamæpit. an. m. β . Caprifo-
lii m. j. Ros. rubr. p. ib . F. omnium decoctio in f. aq.
& colatura, de qua cap. $\mathfrak{z}\text{vii}$. vini de Malaga $\mathfrak{z}\text{iv}$.
Mellis Ægyptiac. à sedimento penitus liberat. $\mathfrak{z}\beta$. mſ.
ad usum dictum. Adde huic quantitati liquoris Aloës
è vesica, myrrh. elect. an. $\mathfrak{z}\text{j}$. gr. 18. Vel in colatura
cum vin. mixt. dissolv. mell. caprifolii & anthosati an.
 $\mathfrak{z}\text{vi}$. Olei myrrhæ præparati per album. ovi indurat.
 $\mathfrak{z}\beta$. mſ. pro injectione faciendâ in nares bis in die
per syphonem, vel attrahatur per nares tepidè ore
aquâ pleno.

Horâ dimidiâ post narium lotionem utatur fumo
seq.

\mathcal{M} . Gumm. guaiac. succini an. $\mathfrak{z}\text{ij}$. Gumm. animæ;
benzoini an. $\mathfrak{z}\beta$. Nuc. moschat. caryophyll. an. $\mathfrak{z}\text{j}$. Fol.
sicc. salv. majoran. rorismar. tabaci an. $\mathfrak{z}\text{ij}$. Cinnab.
 $\mathfrak{z}\text{j}$. gr. 45. carbon. salicis tantũ quantum cinnabaris,
f. omnium pulvis primò subtiliss. qui excipiat aquâ
gummatâ, leviter postea siccetur in hypocausto vel
ante ignem, & teratur crassiusculè: hujus $\mathfrak{z}\text{v}$. Abſu-
mantur pro vice, & ex eô in fistilibus fistulis accen-
sô fumus ore haustus reddatur per nares, ut sit ex ta-
bacô.

Vel post factam injectionem, & optimè deterfũ
ulcus penicillô è spongia molli, tangatur os nuda-
tum aquâ aluminosâ Fallopii.

Sumat.

Sumat item dosin Electuar. sequent.

℞. Farin. sarsaparil. ℥iv. Rad. sic. pœoniæ, caryophyllat. tormentill. bardan. an. ℥i℞. Folior. siccor. betonic. veronic. mar. virgæ aureæ, chamædr. chamæpyth. an. ℥iij. Rasur. cranii hum. ust. & non ust. C. C. usti præp. an. ℥℞ Carnis viperin. debite præp. ℥i℞ Diaphoret. Antimon. fixiss. ℥iij. Omnia in alkool redacta mixtaque excipiantur suffic. quant. syr. ex vinô Canarinô, infusion. veronic. & betonic. aquatic. apprimè colatæ, sine coctione præparati. F. electuar. instar opiatæ. cujus dosis sit ℥j. Manè, ut dictum est. *Theodor. de Mayerne Præleos Medicæ lib. 1.*

Consultatio

Medicatio viri, Ozænâ laborantis.

Vir 32. annorum, postquam antea diu defluxionibus acribus, ad nâres & fauces delabentibus, laborasset; incidit in narium & palati erosionem; ossiculumque quoddam putridum, cum fætido purè & sanie, postea excrevit, aliaque deinde ossicula illud sunt secuta. Malum hoc paulatim ita incrementum sumit, ut jam in naribus, circa earum interstitium, quod ex parte est exesum, atque etiam in palato, solutio continui satis magna & profunda appareat; fœtidaque sanies frequenter inde exstillet.

Affectum fuit in hoc ægro cerebrum; quod destillationes diuturnæ, quas noster eger est passus, arguunt. Afficiuntur etiam nâres & earum interstitium, item palatum: quod eorum erosiones, & exulcerationes satis clare demonstrant.

Morbus, qui hunc ægrum affligit, est Ulcus narium & palati fætidum, putridum & saniosum, item larum & profundum, quod à Græco verbo ὄζω, id est, oleo, sive fæteo, deductum; vulgo Ozæna dicitur.

Isque ab acribus humoribus ex toto corpore, sed præcipuè ex superioribus capitis partibus, tum in nâres, tum in palatum decumbentibus, easque partes primùm actimoniâ suâ erodentibus, ac deinde diuturnitate defluxûs, etiam exulcerantibus & exedentibus, & putredinem iis inducentibus, originem duxit.

Morbus hic periculosissimus est, primùm ob diuturnas fluxiones; quæ hunc morbum produxerunt; & deinde propter erosionem, non tantum partium mollium, sed etiam ossium, & putredinem eorum.

Cutatio in humoris generatione, & illapsu impediendo, & ulceris consolidatione, consistet.

Primùm itaque utatur talibus pilulis:

℞. Aloës rosatæ gr. 12. Scammonii ℥℞. Olei caryophyll. gut. i. F. Pilulæ num. 4. mane sumendæ.

Potridie venæsectio adhibeatur in brachio dextro, pro ratione virium, ad ℥vi. vel viij.

Deinde per quadriduum utatur sequenti Apozemate; sumendo ℥iij. vel iv. pro dosi:

℞. Rad. Cichor. fœnic. Graminis an. ℥j. Polypod. querc. ℥ij. Herb. beton. primul. veris, scabios. ceterach. veronicæ, agrimonix an. m. j. Sem. fœnic. anis. an. ℥ij. Liquirit. ras. ℥℞. Passular. ℥j. Decoq. in aq. hord. q. s. ad ℥i℞. addendo sub finem decoctionis, fol. fennæ ℥i℞. Mechoacan. ℥iij. In Colatura dissolve syrup. de cichor. cum rheo ℥i℞. Misce F. Apozema.

Corpore ita expurgato, sequenti decocto sudorifero, prout vires ferent, utetur.

℞. Scobis ligni guajaci ℥vi. Cort. ejusd. ℥iij. Aq. communis ℥viii. Macerentur in loco calido per 24. horas. Postea lento igne decoquantur ad dimidiæ partis consumptionem. Et colaturæ ℥vi. Dentur mane, corpore bene tecto, ad proliciendos sudores.

Et ℞. Resident. prior. decoct. eiq. adde scobis

Bibliot. Chirurg. Tom. III.

lign. guajaci recent. ℥ij. & denuo affunde aq. ℥xiiij. & F. decoctio ad tertiæ partis consumptionem. Colatura usurpetur pro potu ordinario.

Consultum etiam erit, non tantum cucurbitas sine & cum scarificatione, collo & humeris: sed etiam scetaceum, vel fonticulum cervici, ad humores versus posteriora revellendos, adhibere.

Dum hæc fiunt, quotidie bis ulceri narium, cum turundis illitis, adhibeatur tale Unguentum:

℞. Lithargyr. aur. plumb. ust. lap. calamin. cerussæ an. ℥ij. Succor. geranii robertiani, sempervivi, solatri. an. q. l. Pulverisanda pulveriscentur, eaque mixta indantur in mortarium, quibus primò cochleare plenum olei rosacei affunde, & postquam aliquantum pistillo agitaveris, omniaque probe commiscueris, cochleare plenum ex succis præscriptis admisce, quibus itidem agitatæ & commixtis, mox iterum affunde olei parum & agita: Idque tam diu alternatim & continuò agitandò facito, donec ℥iij. Olei rosacei, & tantundem præscriptorum succorum impen-deris. Atque ita fiet Unguentum, ad hujusmodi maligna ulcera sananda utilissimum.

Ulceri verò palati turundæ, sequente syrupo imbutæ, subsequente pulvere conspersæ, bis in die etiam imponentur:

℞. Rad. scrophulariæ majoris ℥ij. Fol. & flor. beton. agrimon. veron. scabios. fumar. pyrolæ, sanic. alchymil. an. m. ij. Coquantur herbæ & radices in aq. comm. ad tertiæ partis consumptionem. Colaturæ prælo expressæ adde succi geranii robertiani, mellis opt. sacchar. alb. an. ℥℞. Et fiat s. a. Syrupus.

℞. Rad. angel. aristol. rotund. iridis florent. caryophyllatæ, Ligni guajaci an. ℥℞. Cinnam. ℥ij. Hæc mixta contundantur in mortario, ut F. Pulvis subtilissimus.

Hæc inquam, bis in die reiterari debent; & extractis turundis, antequam recentes imponentur, tota cavitas nasi sequente liquore, siphone injecto, penicillis etiam eo imbutis, erit eluenda.

℞. Succor. plantag. geranii, aq. ranarum aquaticar. an. ℥i℞. Syrupi superius præscripti ℥j. Misce pro injectione.

Ulcus ubi consolidatum fuerit, si ex palato in nâres tanta sit apertura, quæ locutionem commodam impediatur, lamella quædam cum ansulâ superiori ejus parti affixâ, cui spongiola affigi poterit, erit fabricanda: ea enim ubi cum spongiolâ alligatâ palato recte erit adhibita, locutionem satis articulatam in hoc viro efficiet.

In victu, vitentur omnia, quæ acres succos gignunt; item exercitia vehementiora, vigiliæ, & vehementes animi affectus. *Henricus Regius Medicationum lib. 1.*

Observationes:

Ozæna gravissima cum ossis palati erosione.

Laurentius Toupinus, civis Staffiacensis, Vir 30. circiter annorum ætatis, Catarrhis aliàs à teneris (prout patentes ejus sæpius mihi retulerunt) satis obnoxius, cum anno 1605. defluxione acri ad fauces correptus fuisset, inflammatio inde circa radicem uvulæ cum maximis doloribus, ac tandem etiam exulceratione, exorta fuit.

Profectus Fryburgum, à Chirurgo quodam non imperito curatus est. Sequenti verò anno qui fuit septimus supra millesimum sexcentissimum, quum in vitæ regiminè deliquisset, & interiorum medicamentorum usum neglexisset, Catarrhus denuo ad fauces, sed inprimis ad nâres, decumbere cœpit. Quia tamen dolores nulli accesserint, affectum floccipendit, nec

Prius in consilium me adhibuit, quàm frustula nonnulla cartilaginum, ex naribus ejus jam excidissent. Tandem circa principium mensis Maji, Anno 1607. me conveniens, cum affectum ejus inspicerem, animadverti, ipsum uvulâ destitutum fuisse (sicuti quoque tibi ipsimet tum observare licuit) fuerat enim illa jam antea erosa, postmodum tamen iterum cicatrice obducta: sermonem nihilominus (quod mirum) adeo articulate proferebat, ac si nullus defectus adfuisset. Continuo autem à capite ad nares humor quidam acris & mordax, qui os palati, interstitiumque nasi erosit, destillabat.

Nasus undique tumefactus erat, absque tamen doloribus, usque adeo vehementibus.

Ut igitur affluxum humorum ad alias partes diverterem, optima victus ratione instituta; sequentem ipsi potiunculam exhibui.

℞. Herbar. betonicæ, agrimonie, veronicæ, cuscute an. M. s. sem. anisi & foliorum fenæ an. ʒij.

Coquantur in aqua, ut colatura redeat ad ʒiv. in quibus dissolve pulveris laxativi nostri ʒj. syr. rosar. solut. compos. cum agarie. rhabarb. & sena ʒj. Misce, & fiat potiuncula.

Postridie venam in dextro brachio incidi: deinde per intervalla scapulis cucurbitulas, nunc ut vocant, siccas, nunc vero cum scarificatione, applicui, naribusque sequens medicamentum tum siphone injeci, tum filamentis in eodem imbutis imposui.

℞. Sem. cydonior. contus. ʒj. Aq. plantag. rosar. & ranar. aquatil. an. ʒij.

Maneant in infusione per horas aliquot, & quidem in loco calido. Expressioni mucilaginosæ adde mellis rosac. ʒj. Pulver. corallor. cornu cervi usti, lapid. calaminat. tuiæ, omnium præparatorum, nihili an ʒj. Misce.

Die septima ejusdem mensis Maji, pro majori diversione catharri, Setaceum ad tertiam colli vertebra adhibui. Naso extrinsecus ad humores repellendos, partemque affectam corroborandam, de sequenti applicui decocto.

℞. Folior. & florum betonicæ, Rosmarini, Rosarum rubr. Equiseti, Plantag. Summitat. rubi, Folior. salicis an. M. j. Coquantur in vino rubro ad consumptionem tertiæ partis. Colaturæ addatur modicum aceti. In hoc decocto lintamina aliquoties reduplicata, & madefacta, applicentur, eaque sæpius reitentur.

Ab usu decocti hujus, tumor nasi extrinsecus paulatim subsidit.

Ulceri verò palati sequens linimentum imposui.

℞. Radicum angelicæ, Aristoloch. rotund. Iridis Florent. cariophyllatæ, Ligni guajaci an. ʒi. Cinamomi ʒij. Misce, fiat pulvis subtilissimus, cujus parum in vase vitreo misceatur cum melle rosaceo, & ulceri palati cum penicillo indatur.

Postera die à setacei applicatione, ei dosim pilularum meatum capitalium exhibui. Ea die officulum per os excrevit.

Die verò decima prædicti mensis, aliud officulum magnum corrosivum & foetidum, per nares emunxit. Dehinc ulcus in palato in dies auctum, interstitium quin etiam nasi penitus erosum, ex quo in naso tanta cavitas relicta fuit, ut aliquando tredecim, imo usque ad quindecim turundas majores, unam post alteram, sequenti unguento illitas, indere opus esset.

℞. Succi geranii, Succi solatri, Sempervivi, ana partes æquales. Lithargyrii auri, Plumbi usti, Lapidis calaminaris, Cerussæ an. ʒij.

Indantur in mortarium, quibus primò cochleare plenum olei rosac. affunde, & postquam aliquantum pistillo agitaveris, omniaque probe commiscueris, cochleare plenum ex superscriptis succis admisce, qui-

bus iisdem probe agitis & commixtis, mox iterum affunde olei parum & agita. Idque tam diu alternatim & continuo agitando facito, donec ad ʒiv. Olei rosac. & tantundem præscriptorum succorum impenderis. Sic habebis unguentum pretiosum in ejusmodi ulceribus, quæ aliquid malignitatis sapiunt, interstitium nasi ab apice ejus, usque ad superius labium, propter maximam, quæ hinc inde serpebat, putredinem, paulatim corrodebatur, & quidem non absque maximo dolore, adeo, ut labium superius exulceratum, cotone, aut filamentis suavisibus vix abstergere liceret.

Postquam verò per dies aliquot parvis istis & dolorosis ulcusculis pulverem præcipitatum rectificatum inspersissem, dolor cessavit, malignitasque aliquantum remisit. Sed & loco mellis rosac. præscriptos pulveres radicum angelicæ, aristol. rotundæ, &c. Syrupo sequenti permiscui.

℞. Succi geranii lbj. Radic. scrophular. majoris ʒij. Folior. & flor. betonicæ, Agrimonie, Veronicæ, Scabiosæ, Fumariæ, Pyrolæ, Saniculæ, Alchimillæ an. M. ij. Coquantur herbæ & radices in aqua ad consumptionem tertiæ partis, colaturæ per prælum expressæ, adde succum suprâ scriptum, mellis optimi, Sacchari an. lbj. Fiat secundum artem Syrupus.

Ad remperandam quoque malignitatem atque acrimoniam humoris affluentis; usum feri lactis præscripsi, quo uti cœpit ultima Maji continuando usque ad 16. Julii, singulis matutinis tribus horis ante prandium, bibendo haustum unum, saccharo dulcoratum.

Ceterum etsi ab usu horum remediorum malignitas aliquo modo cohibita esse videbatur, quia tamen res adhuc in ancipiti erat, ne si curatio minus ex voto succederet, culpa in me transferretur, suasi, ut Medicum aliquem peritum atque doctum accerterent. Unde die 11. Julii, vocatus clarissimus atque doctissimus D. Sebastianus Meyerus, Reip. Fryburgens. Doctor Medicus ordinarius, cum Paterniacum venisset, & circumstantias omnes, morbi que essentiam mecum, ea qua potuit diligentia inquisivisset, causam mali in catharrum acrem ac erodentem, ex intemperie quadam cerebri procreatum, referebat. Deliberatum itaque inter nos fuit, ut æger (quamvis summopere à pharmacis abhorreret) denuo probe expurgaretur, & postmodum decocto ligni Guajaci per mensem, vel septimanas sex, uteretur, Rursus itaque ʒj. Pulveris nostri laxativi cum ʒj. Syr. rosati solut. compos. ei exhibui. Deinde quoque per dies quatuor de sequenti Apozemate, ut uteretur, jussi.

℞. Rad. cichorii, fœniculi, petroselinii, graminis an. ʒj. Polypod. querc. ʒij. Herbar. & flor. betonicæ, primulæ veris, scabiosæ, ceterach. polytrici, cuscute, veronicæ, agrimonie an. M. j. Sem. fœniculi, anisi an. ʒij. Liquiritiæ ratæ & uvarum passular. an. ʒj. Coquantur in aqua ad consumptionem tertiæ partis, utque colatura redeat ad lbj. De qua melle despumato aliquantum dulcorata, & aqua cinamomi aromatizata, tempore matutino exhibeatur ad ʒvi. In postrema dosi infunde, Folior. senæ ʒiij. Rhabarbari ʒj. Agarici ʒj. s. Expressioni deinde addidi syrupi rosar. solut. compos. cum rhabarb. agat. & sena ʒj.

Hoc modo corpore expurgato, sequenti decocto sudorifero uri cœpit.

℞. Ligni guajaci ʒvi. Corticum ejusdem ʒij. Aquæ claræ lbviii. Macerentur in loco calido per horas 24. Postea lento igne coquantur ad consumptionem medietatis, colentur, & in ampulla vitrea usui reserventur.

Residentiæ ejusdem ligni denuo affunde aquæ lbviii. Bulliant, ut suprâ ad consumptionem tertiæ partis. Quo decocto secundo utatur pro potu ordinario.

Decoctum primum semel tantummodo in die, tempore videlicet matutino ei exhibui, & ut sudaret, imperavi. Interim rationem viduis convenientem præscripsi. Ufus est decocto isto septem aut octo saltem diebus, adeo enim sibi adversabatur, viresque ejus prostrabat, ut diutius uti non ausus esset. Decocto tamen secundo per septimanas aliquot inter pastum utebatur.

Et quia interstitium nasi omnino, os verò palati ex parte tantum erosum erat, totam nasi cavitatem turundis præscripto unguento è succis illitis, ut supra monui, implevi, quo sic unguentum non solum undique adhæreret, verum etiam nasus, quorundem fieri posset, erectus reservaretur. Ulceri verò palati turundas, syrupo præscripto ex radic. scrophulariæ, betonicæ &c. cum pulvere radicum angelicæ, aristoloch. rotund. &c. illitas, imposui. Hæcque omnia bis in die reiteravi. Extractis turundis, antequam recentes imponerem, totam cavitatem nasi sequenti medicamento, siphone injecto, penicillis item in eo inebriatis, adhibui.

℞. Succ. plantag. geranii, aquæ ranar. an. ℥i. f. syrupi præscripti ℥i. Misc.

His adhibitis remediis, malignitas cessavit, ulcera irem in cavitate nasi indies cicatrice obducebantur. Verum vigesima prima Julii, patre ipsius morbo gravissimo correpto, à me sumptis secum medicamentis, ad suos discedere, & post mortem parentis res domesticas curare, coactus fuit. Interim superveniente actu dierum canicularium, quia sanguis ita incaluit, ut acrior maligniorque factus sit, deinde etiam quia medicamenta, quæ secum sumptis, minus decenter applicata fuerant, malum recrudescere cœpit. Quapropter denuo consilio meo opus ipsi fuit. Tum de novo putredinem ac malignitatem exortam esse, animadverti: fœtor enim magnus aderat, apexque nasi ad pinnas usque lividus conspiciebat. Unde curationem rursus sic institui.

Corpore prius probe expurgato, venam incidi. cucurbitulas item (etiamsi setacei beneficio continuò multi supervacui humores effluerent) ad majorem diversionem applicui. Ulcera, in die bis undique in cavitate nasi, & circa palatum diligenter medicamento præscripto, ex succo plantag. geranii, & aquâ ranar. &c. ablui, turundas, unguento de succis illitis, quemadmodum superius monui, imposui. Et quia putredo illa, quæ apicem nasi occupabat, vicinas partes quoque invadebat, non tantum apici nasi, verum & ulceri circa palatum nonnihil unguenti nostri Ægyptiaci, imponere coactus fui. Sic favore divino, putredo & malignitas paulatim remisit, curatio tamen ad mensem usque Decemb. protrahita fuit, propter copiam ossiculorum cariosorum, quæ hinc inde tam ex cavitate nasi, quam palato, excidebant. Quorum ossiculorum ego usque ad triginta quatuor reservo. Exciderunt & nonnulli ex dentibus anterioribus cum suis alveolis, adeo ut maximum foramen ex ore in ipsam cavitatem nasi penetrans, relictum sit, per quod ne aer dispergeretur, sicque vox & loquela impediretur, instrumentum quoddam ex argento, cui spongiola adnexa, fabricandum curavi. Quod instrumentum adeo commode foramini prædicto palati indipotest, ut sermonem ita articulatè proferat, ac si nullus omnino defectus subesset: cum è contra instrumento cum sua spongiola extracto, vix verbum unum aut alterum distinctè ac articulatè proferre posset.

Inciderunt & nonnullæ aliæ circa hunc affectum difficultates, quæ curationem hanc & longam, & laboriosam effecere, quas, quia tibi non ignotas esse sciam, brevitatibus causâ hîc omitto.

Nunc tamen, laus Deo ager ita convaleuit, ut ad hunc usque annum 1609. optimè valeat, & remfa-

miliarem probe ipsemet administrare possit. Apex tamen nasi, quia corrosus fuerat, sinus factus est. Guilielm. Fabricius Hildanus Observ. Chirurg. Cent. 2.

Ex suffitu Ozæna gravissima, aliæque symptomata.

Quàm periculosa sint suffimagia ex cinabrio aliquando dixi. Etiam si enim in lue venerea inveterata à viris doctis adhibeantur, neque ea omnino improbem, ita tamen semper mihi suspecta fuisse, ut ea hætenus non adhibuerim. Nihilominus tamen multos, quantumvis inveterata lue venerea laborantes, Dei singulari beneficio sanitati restitui. Sunt autem in desperata tantummodo lue venerea, & robustissimis, ac antea diligenter præparatis, nec non ab omnibus excrementis aliquoties expurgatis corporibus adhibenda. Qui secus, & Empiricorum atque barbitonorum nostrorum more, faciunt, non curant, sed destruunt corpora, & ad summam miseriam perducunt ægros. Hujus rei exemplum non vulgare post tuum à nobis abitum, mihi videre contigit, quod tibi communicare non gravabor.

Juvenis robustus, & optimo corporis habitu præditus, ante annos quatuor coryzâ cum maxima narium obstructione laborans, Empiricum in consilium adhibuit. Is catarrhum hunc per nares palatumve facillime se evacuare posse, audacter affirmare, aureosque montes promittere, ausus fuit. Quibus æger commotus, sese ipsi curandum commisit. Impuro itaque nec ullo modo præparato corpore, nudum ipsum sub conopæo in labrum collocavit, ac totum corpus cinabrio in prunas projecto suffumigavit, & quidem per dies aliquot. Hinc maxima virium prostratio sequuta est, adeoque pituita ad os & nares confluit, ut circa ossa cribrosa sordidum ac fætidum ulcus sit generatum. Ego superiori mense Majo ad ipsum in consilium vocatus, interstitium nasi omnino, reliquas verò cartilagineas ex parte erosas reperi, ita ut maxima cavitas ac nasi depressio adsit: continuò quoque pus fætidum è naribus extillat, olfactus plane abolitus est. Tanto præterea impetu humores ad faciem defluunt, ut indies nova tubercula hinc inde orientur. Circa sinistram cantum minorem ante menses duos rupta est vomica, ex qua relictum est vlcus sordidum: supercilium quinetiam, & palpebræ dextræ in tumorem elevatae sunt, nova item in partibus istis apostemata oriuntur. Multa ac varia ipsi præscripsi medicamenta, tam interna, quam externa, quæ si à presenti Chirurgo rectè & cum diligentia adhibita, de recuperanda valitudine spes est, sin minus, verendum ne malum indies accrescat, & in pejus ruat.

Memini me superioribus annis unâ cum clarissimo viro D. Sebastiano Meyero, Reip. Freyburgensis Doctore Medico celeberrimo, à duobus nobilissimis in consilium adhibitum fuisse, quibus similiter post suffumigia ulcera sordida fætidaque circa ossa cribrosa remanserant.

Nudius tertius cuidam nobili Ozænâ ex suffumigiis contracta, setaceam ex consilio prædicti Dn. D. Meyeri, adhibui. Vides itaque quàm periculosi sint suffitus in lue venerea, & narium affectibus *Idem ibidem.*

Ozæna curata, in qua os vomer majori ex parte excidebat.

Nobiliss. Vir D. D. C. quinquaginta & quinque annos natus, Lue veneteâ ita malè affectus, ut per plures curationes tum hîc Genevæ, tum Parisiis, tum etiam in Belgio, tentatas, ab ea liberatus non fuisset. Quin potius morbus in dies increpescens nova symptomata subinde inducebat, dolores scilicet universales,

nodos in variis partibus, utinas ac alvi defectiones cruentas, exspuitiones purulentas, ac febrem lentam; quibus denum post adhibitum incautiùs, minùs probè præparatum mercurium, adjuugebatur palati, faucium, imò totius œsophagi exulceratio, omnem prorsus nutrimenti & glutitionem, præter solas emulsiones è seminibus frigidis & nucleis pistac, cum aquâ pullorum gallinaceorum extractas. Sceleron verè dixisses, tanta aderat totius macies; nec in hoc totum continebatur malum, siquidem ex palato in nares tanta corruptio sequebatur, ut eâ spiritus infectus longè spargeret odorem tam fœtidum, ut præ ejus virulentia vix liceret ægri cubiculum ingredi. E naribus effluebat multa sanies, ipsæque etiam carnes spongiosæ ad earum radices sitæ subinde excidebant cum variis ossis particulis. Vix erat quid consilii sumerem in tam atroci morbo; ne tamen miserum prorsus desererem, aliquid etiam ultra Artem tentare visum est. Itaque decoctiones validissimas ex lignis & radicibus desiccantibus, additis etiam herbis nostris traumaticis, in vasis probe coopertis, ac secundum methodam Clariss. D. Pappini confectis, paravi, earumque aliquid, post admixtum syrupum de Balsamò Copaivæ, & de Mechâ, subinde propinavi. Pulveres è jalappâ, mercurio dulci, cinnabari naturali, & paucò Mechæ Balsamò, concinnavi, ac tertia quaque die, exhibui; intercalatis pulveribus, ex eodem balsamo, ac mercurio dulci, & cinnabari, cum aliis etiam absorbentibus, ac spermate ceti, sed sine jalappa. Succos præterea è vincâ pervincâ, alchimillâ, veronicâ montanâ, saniculâ, ac hæderâ terrestri, extraxi, quos balsamò prædictò, melle rosacè & paucissimo spiritu armoniacali aromaticò, imprægnatos, cum lacte vaccinò per syphonem, in superiores nares, indeque in ipsas fauces, frequentius injeci; & quia paulò glutinosior erat hæc mixtura, illi per vices aliquid decocti pro potu lacti adjunctum, quò pars commodiùs mundificaretur, succenturiavi. Hunc potum post aliquot dies laxantem feci, infusus in eò foliis orientalibus, atque etiam hac imbutum vi purgante, non minùs in nares instillavi. Per tres septimanas sic continuata est cura; & totò eò tempore, non tantum potus fuit desiccans, sed etiam ex decoctionibus tenuioribus ejusdem facultatis, confeci aquam pullorum emulsionibus parandis destinatam. Hacce methodò, parum admodum salivationis motum est; cui etiam integræ sustinendæ prorsus impar erat Æger Nobilis; sed per inferiora, sedes scilicet & urinas, non parum vacuatus est; imò per nares ipsas ingens copia purulentæ ejiciebatur, cui ossiculorum fragmenta subinde erant associata. Sic denum curatâ faucium ac œsophagi exulceratione, alimentum minùs tenue assumere valuit, juscula scilicet carniū quibus incoquebatur aliquid panis. Tunc vires aliquatenus fuere refectæ, indiesque accrescebant per validius nutrimentum. Continuabantur interim decocta desiccantia & laxantia, imò subinde mercurius dulcis ac cinnabaris nativa balsamò Copaivæ sub formâ pilulari adjuncta; injectiones præterea non omittebantur. Quibus omnibus ita tandem proficiebamus, ut sanus omnino ac vegetus evaserit intra sex septimanas, & solum os vomer, nares in superioribus interlinguens, profunda carie exesum, deperdiderit.

Ozæna in quatuor fratribus

*Clariss. Udalrici Staudigeli. Miscell. Curios.
Detur. iij. Ann. 7. 8.*

Placuit hanc observationem subjungere superiori, propter nonnullam, quam cum eadem habet similitudinem, & commercii sympathetici symbolisatio-

nem. Sunt rustico cuidam, *in der hult genannt*, quatuor filii, quorum natu minimum elegantior forma, genii vivacitas, indolisque docilitas à reliquis suis fratribus notabiliter distinxit, perindeque patri longè ceteris chariorem reddidit. Hinc studiis ipsum deputans, cujusdam Ludimagistri disciplinæ subdidit, à qualifiandis ad receptionem in Gymnasia pueris non incelebris. Vix dum duos emensus in hoc stadio menses erat, primò facies ejus pallore, dehinc nares ozænâ corripuntur. Unde factor, canit, quem discere jam inchoaverat, impedimentum, torpor in reliquis functionibus, & alia ludimagistro non modice molesta. Dum autem, ut familiare apud rusticam gentem, remedium partim à tempore expectatur, partim ab imperitis Chirurgis expetitur, affectus quotidie vergebat in pejus, crustâ continuò latius serpente, & ipso fœtore domesticos semper vehementius infestante: remissus enim erat à ludimagistro domum puer, postquam incrementa sumpserant symptomata. Coactus itaque necessitate pater, de remedio cogitare, filium hunc ad me deduxit atque ut ab affectu tam fastidioso liberarem eundem, multis ambagibus sollicitavit, promptus est ad quoslibet sumptus & expensas, dummodo pristinæ sanitati restitueretur filius. Indaganti, prout pat erat, in hujus affectû causam, retulit pater, se tres adhuc alios habere filios, eodem malo laborantes, quodque dignum admiratione mihi videbatur, omnes, quamvis in quatuor, & multis ab invicem miliaribus diffisis locis essent constituti, in una eademque simul hebdomade correptos. Interrogatus, cur hunc solum adduxisset? pro hoc reposuit pater, se magis esse sollicitum, utpote ad Scholam & cantum aptissimum, atque propter factos intra brevè tempus utique progressus à ludimagistro ample laudatum: rogaturum se posthac etiam pro reliquis tribus remedia, siquidem in hoc feliciter cessissent. Satisfactorius igitur patris precibus, dari potiunculam adcuravi, qua sanguis ab impuritate acrimoniâ vindicaretur, ex decocto fennæ, elect. diacarth. Spec. diatyrb. cum Rhab. calidè sumendam; pro usu externo aquam mercurialem, post elutionem, etiam petiis intinctis in nares intrudendam. Rediit post octiduum pater, referens filium jam aliquantulum melius habere, crustas in naribus decidere quandoque, renasci verò rursus, quamvis mitigato notabiliter fœtore. Præcepi, tepeteretur Potiuncula primitus data, credens sanguinis acrimoniam nondum satis absorptam; pergereturque porro in aque mercurialis usû. At nihil diversum retulit post simile temporis spatium reversus pater. Hinc scorbutum huic affectui complicatum suspicatus, quod idem patet de victûs ratione requisitus; fassus fuerit, totam familiam suam aceto summo opere delectari, plerisque cibis largè commixto: jussi, ut per tres septimanas decoctum raphani Sylvestris, cum seto lactis caprilli confectum, bis in die, cuilibet dosi ℥iij. consociando spiritûs ammon. gut. x. Essent. trifol. fibrin. gut. xv. alternis verò diebus de infuso ocul. cancr. in vino haustum, horâ circiter unâ ante lecti ingressum, cum prolectione modici sudoris sequenti mane. Aquæ mercuriali substituta fuit aqua viridis Hartmanni, quorum medicamentorum constanti usu, servatâque, quam imperaveram, exactâ diatâ, puer perfectè convaluit. Post Benjaminum adducti quoque fuere Ruben & Simeon, primo & secundo-geniti. Sed enim apud hos tantis ambagibus opus non erat. Præmisso cathartico, biberat uterque de infuso oculorum cancri; ter in hebdomade, collutis naribus, ille quidem cum aqua viridi, iste cum mercuriali, & intra quatuor septimanas immunes evaserunt ab inviso hospite. Jam verò de quarto filio quid? tamen pater parum cogitaverit, dignumque fortassis, ceu reliquis filiis mi-

nus morigerum, expensis aut sanitate non censuerit, curatus tamen & ipse fuit, nullis prorsus adhibitis remediis. Observatum verò fuit, fœtorem & ulcerosas in naribus crustas statim diminui cœpisse, postquam convalescere cœperant in fratre natu minimo; penitus autem disparuisse non ita multò postquam reliqui duo poterant convaluisse.

Scholium.

Quemadmodum casus iste singularior videtur raritate, ita dignus etiam severiori naturæ mystarum scrutinio. Præ omnibus autem inquirenda venit causa, quæ in tot, tamque diversis subjectis, eundem suscitare potuit adfectum, & simul propemodum, in una nimirum eademque septimana. Nam si domi fuissent omnes, mensâ lectoque communi, communibus item ad edendum & bibendum instrumentis vasibus usi, tum enim verò ad quoddam referri poterat contagium, effluvio substantiali morbofo seminatum. At quoniam separatis, & utcumque diffisis in locis commorati, sese diu ne viderint quidem amplius, tres saltem illorum integro propemodum anno, contagium accusari ritè non potest. 2. Indagari meretur, quorsum referenda sit in quartum filium, videlicet illum, absque medicamentis relictum, translata sanitas? Etenim sua sponte, vel solius naturæ, quæ medicatrix aliàs optima dicitur, nisu vigoreque hunc adfectum fuisse depulsum durum videtur, asserere vellet: quandoquidem, ut præstantissimi fatentur practici, docetque frequenter experientia, indolis illius ut plurimum sit, ægte manus ut cedat, & egregiis etiam medicamentis non rarò diu resistat. Aut si tantus contendatur naturæ vigor, ut citra remedia ulla vincere poruerit hunc hostem, & in fugam conjicere; cur hac victoria, priusquam fratres reliqui medicarentur, potita non est? cur trium fratrum restitutionem comitata, vel subsecuta potius? Et verò mentem ego meam hac super se si cogere edicere, illuc inclinarem, quòd tam scabiei natalis propagatio, quàm ejusdem, & quidem facilius in duobus natu majoribus, in tertio autem fratre citra remedium ullum eliminatio, virtute animali, seu spiritu omnibus quatuor fratribus insito & confermentato fuerit procurata. Neque vereretur, ut intelligeret melius, spiritum hunc mumialem prædictis fratribus inexistentem; mihi repræsentare in quatuor chordis, ad omnimodam toni æqualitatem attemperatis. Harum enim, si percutiatur una, sonant omnes etiam reliquæ, ceu multoties expertos se testantur P. Kircherus, Schottus, alique plures. Jam quemadmodum sonus à chordâ percussâ transfertur ad chordas alias, manu non attractas, mediante aeris undulatione; ita scabiem ab uno fratrum, ceu chordâ percussâ, in alios rancum non expertos communicatam arbitraret, mediante spiritu mumiali, toni similitudinem in omnibus hisce fratribus, adæquatè consecuto. Pervenire verò posse spiritum istum mumialem ad ejusmodi similitudinem, integræ familiæ satis evincunt, in certos morbos, hecticam, icterum, caducum, hydropisim; Podagram, lithiasim, amentiam etiam propensæ: quæ propensio non aliunde rectius advocatur, quàm à mumiali fermento, & hoc vel à parentibus vel à nutricibus imbibito. Quod si verò nihil impediat, quò minùs spiritus iste mumialis pluribus unius familiæ personis inexistat, vitiatus, & fermentum morbosum in sinu suo continuò fovens; etiam utique nihil impellet, quò minùs idem mumialis spiritus in pluribus unius familiæ per-

sonis insitus sit, incontaminatus, integritatis characterem ab optimè constitutis parentibus sigillatum referens, & eundem, lenonis ad instar in personis illis, velut in actionis suæ peripheria constitutis concilians, & pro posse conservans. His ita dictis, à vero non multum aberravero, si mihi imager, totum hujus propagatæ scabiei negotium ita successisse, videlicet, quod è quatuor fratribus unus, quocumque demum errore commisso; quandam in sanguinem acrimoniam induxerit, quam deinde spiritus mumialis in eodem suscipiens, & commercio suo magnetico reliquas sibi consonantes chordas percutiens, id est, in reliquos fratres transfundens eadem acrimoniam sanguinem in iisdem infecit. Et quoniam, ut credi par est, hæc originalis acrimonia à particulari narium archæo erat sigillata, & ad certum locum determinata; hinc evenit ut in reliquorum fratrum sanguinem insinuata, demum ope circulationis, ad eundem in singulis privatos narium archæos devoluta, ibidem cœperit confermentescere, in putredinem desciscere, sicque parem in singulis fratribus ozænam elaborare. Multam huic speculationi lucem affundent historialæ duæ, quas recenset Helmontius in Tract. de magnet. vulner. curâ p. m. 707. & seq. Prima de muliere nobili, toties à doloribus podagricis inclementer infestata, quoties in fratris, dum viveret, podagrâ laborantis, sellâ confedisset. Mumia siquidem fratris, licet fatis jam defuncti, in sella, qua vivens continuò sedere consueverat, adhuc dum hospitans; & sororis, sicubi in eadem se locasset, vestes penetrans, dormientem magnetismum, quem ad uterinam sororis mumiam habuerat, suscitavit, simul & fluxus ac dolores podagricos; aliàs altè quieturos, si scilicet sessionem in sella evitasset. Altera est de naso insitio, post plurimos menses derepente frigidato, & post aliquot dies, contractâ putrilagine penitus delapso. Contigerat enim post hujusmodi temporis spatium, illum, è cujus brachio nasus erat excisus, mortem obire. Unde particula illâ excisa, licet vitâ mediâ illius, cui erat insita, sensu quoque & vegetativa facultate gauderet, tamen per mumie magnetismum à toto, à quo erat excisa etiamnum dependens, & ipsâ putredine infecta fuit, postquam totum putrere inceperat: & quidem aut, quòd mumiali totius vitalitate sustentata non amplius fuerit, aut quòd putrilaginosum fermentum è cadavere, commercio suo mumiali, per longissimum terratum intervallum transmissum in se suscepit.

Simile quid cogitari etiam posset de facilius in natu majoribus, & spontanea medicatione in tertio fratre, nimirum, quòd partim ejectis per catharticum è natu minimo, partim etiam per applicita media, præcipitatis ac suppressis acribus in sanguine particulis; spiritus mumialis jam liberior, & ipse residuis omnino superior redditus, aut easdem novo affluxu penitus destituerit, aut illas ipsas particulas quibus acrimonia fuit in natu minimi sanguine præcipitata & quasi, mortificata, in reliquorum fratrum sanguineam massam intulerit, quo factum, ut in cujuslibet massa particulari, acrimonie participatio fuerit facilitata, fermentatio in naribus eversa, sicque corruptio sublata, & simul pristina incolumitas revocata: ad illum ferme modum, quo persicaria, serpentina, sophia &c. in frigidam demersæ, & super vulnus aut ulcus impositæ, donec intepefiant, & mox defossæ, & putridæ factæ, ulterius fermentum præcipitant, quæ noxia sunt, ex iisdem eliminant, sicque læsis membris antiquam sanitatem restituant.

JOH. JAC. MANGETI
BIBLIOTHECÆ
CHIRURGICÆ
LIBER DECIMUS QUARTUS.

*De Affectibus & Operationibus Chirurgicis à Literâ
P. incipientibus.*

PÆDANCHONE

Vid.

APHTHÆ.

PÆDARTROCACE

Vid.

OSSIUM MORBI.

PALATI MORBI.



E illis jam aliquid in Epulide ac Parulide, ut
& in Lue venereâ ac Oris morbis. Hic ita-
que tantum Observationes aliquas.

Prolapsus palati.

Haftenus quidem vel omnino præteritus, vel levi
saltem brachio percurfus fuit à Medicis prolapsus
palati. Vitium tamen non minùs grave quàm
rarum. Cujus origo est à distillatione humoris depri-
mente usque eò musculos sub finem palati sitos; ut
præ pondere prolapsi, præcludant viam spiritui, cum
per os, tum per nares erupturo.

Quæ angustia necessariò pessundat hominem, nisi
dictum, ac factum scalpellò tumorem pertuderis; e-
vacuatòque humore illic conclusò, aperueris confestim
viam, accedenti ac recedenti spiritui necessariam. Vi-
di equidem tumorem hunc in palatò, adèò celeri ac
pernici cursu, aliquando exortum, ut vix licuerit co-
gitare de gargarismate; nedum de aliis auxiliis; præ-
terquam de solâ scalpelli incisione: quâ dextrè, &
festinanter, id temporis, institutâ, vidimus non modò
effluxisse inde plurimum aquæ: sed detumescente pa-
latò, protinùs ad se rediisse hominem extinctioni jam
proximum. *Nicolaus Tulpus Observationum Medi-
carum lib. I.*

De insignis magnitudinis hiatu in palatò.

Quàm inordinatus sit sonus in iis, quibus oris pa-
latum inveteratò hiatu laborat, quoties loqui cogun-

tur, omnibus notum qui arti se se dederunt Chirur-
gicæ Medicæ, Hujus mali ad correctionem, quò
accuratus magis excitetur sonus, varia omni tempore
excogitarunt artis nostræ cultores media, opercula in-
primis, quorum quædam descripsit, delinearive cura-
vit Carolus Battus manualis Chirurgicæ tract. 2.
cap. 13.

Intermittere non possumus, quin describamus, de-
lineemusque obturamentum aliquod extraordinarium,
ex foramine incredibilis amplitudinis palati ad fauces
prolapsum, præsentè Corneliò Kerchem Reipubl. hu-
jus Chirurgò ordinariò, in cadavere mulieris alicu-
jus ex mandatò Ampliff. D. Prætoris atque Scabino-
rum dissectò, observatum.

Subitò hæc extincta, unde venenum assumpssisse di-
cebatur. Hoc, quò constaret, ope speculi oris, inte-
riora ejus intueri consultum visum; occurrebat illico
particula corticis illius porosi quò uti solemus ad vi-
trorum occlusionem (Belgis *Kurk*) obducta pluma-
ceolis, hinc laminâ argenteâ testâ, quæ ex palatò,
cujus foramini imposita fuerat, deciderat ad fauces,
ubi laryngis deducta angustia, ex quâ subita suffoca-
tio. Notavimus hæc 27. Martii 1654.

Proposuimus hæc, non quòd foramen, magnum a-
dèò, quod jam occalluerat, curari debuisset, aut po-
tuisse, velimus; sed ut moneamus nunquam operi-
menta talia usurpari debere, nisi quæ firmiter vicinis
undique cohæreant; ne suffocationis, periculum adsit.

*Ulcerum Palati cum carie, ac etiam
hiatu quadam exempla.*

Non ita pridem curæ meæ se committebat Nobilis
Matrona Burgunda, quæ sine ulla Luis suspitione,
tantò afficiebatur palati ulcere, vel potius pluribus, ut
per humoris ex iisdem depluentis acrimoniam, os va-
riis in locis non parùm alteratum ac excusum foret.
Ægram sæpiùs purgavi; venesectionem bis imperavi;
decocta sudorifera exhibui; & ulceribus; succum pri-
mò alliarie paucò spiritu salis armoniaci impregnatum,
postea succum alchimillæ, faniculæ ac pyrolæ, eod.
spiritu paulò magis saturatum, ac tandem tincturam
gummi lacce spiritu vini sale armoniaco volatili im-
buto, extractam, admovi. Quibus auxiliis brevi con-
valuit, & adhucdum sana vivit. Spiritum autem ar-
moniacum, & præcipuè tincturæ gummi lacce per
eos

eos extractę, virtutem non possum satis commendare in oris interiorum ulceribus, cum & sine carie: siquidem eorum vi, quicquid corrupti ab ulcere pullulat, commodę exeditur, osque cariosum benigne exfoliatur, ac cicatrix tandem inducitur. Non ita bene cessit duobus inter nostros viris, quorum alter convulsus periit, postquam, nihil proficientibus remediis, palatum variis locis perforatum; imò dentium plures alveolos ita cavatos habuit, ut per eorum hiatus minor digitus ad nares usque promoveri posset. Tantus autem inde prodibat fœtor, ut cum semel digitum ipse induxisset, vix per diem integrum mephiti contracta, variis etiam adhibitis lotionibus idoneis, ipsum spoliare concessum fuerit. Alter verò ex parte suffocatus, sed præcipue ex alimenti inopia, obiit; postquam tantus hiatus in ipsius palato factus est, ut nulla arte obtutari potuerit, deficiebant scilicet omnes dentes, qui nempe præ carie largissime serpente deciderant, nec aliquid aliud erat cui obturamentum necessarium colligare daretur. Itaque quicquid assumere veller, miserrimus hominum, statim per nares ascendeat, nec in ventriculum deduci valebat. In eodem egrò, vidimus ex carie partium auris interiorum, osticula auditui ex communi sententia, facientia; quibusque nomina, stapedis, incudis, malleoli, ac ossis orbicularis indita sunt, cum aliis multis excidentia: Unde satis constare potest quanta demum fuerit cariei vis in tota superiore maxilla partibusque vicinis. Sed de his jam satis.

PALPEBRARUM AFFECTUS.

DE iis jam in Oculorum morbis; superest itaque tantum ut hęc rursus aliquas Curationes, Consultationes & Observationes morbos harumce partium paulò specialius spectantes, adjiciamus.

Scabiei Palpebrarum Curatio.

Præmissa purgatione, & cucurbitulis cum scatificatione scapulis admotis, jussi ut aquā rosacę, Aloë exiguā immixtā, collyrii instat palpebras sæpius obliniret; si neque juvaret, ut myrrham cum lacte muliebri misceret, quò palpebras inungeret. Sed & hoc linimentò ad pruritus palpebrarum, & ruborem commodę sæpè usi sumus.

℞. Cadmię lotę in aq. rosac. ʒʒ. Sanguin. dracōnis ʒij. Viridis æris ʒj. Aloës hepaticę ʒij. Fiat pulvis ut alkool. Adde olei commun. ʒij. Laridi sine sua ʒj. Incorporentur omnia; postea adde camphor. subtil. pulver. ʒj. Fiat unguentum. Amicus quidam noster, cum palpebras inferiores rubrās & exulceratas haberet, sequens illi linimentum paravi ex unguentò rosac. paucā adjectā tutiā præparatā, quo, cum petiis lineis, ac hoc aptatis, apposito, unicā nocte (quod mirabile fuit) ab illa molestia liberatus est. *Petrus Forestus de morbis oculor. & palpebrar.*

De tumore Palpebrarum Consultatio.

Lidgardis Cundenreichia, Conjux viri integerrimi D. Joh. Calsouven, tumore quòdam laxò, & quasi œdematosò, afficiebatur, sine omni dolore & molestiā, nisi quòd oculos aperire non posset.

Resolutio.

Εμφύσημα hoc ab humore aquosò-serosò & flatulentò, quò abundare videbatur egra, natum est.

Foveantur palpebrę decoctò flor. Chamemeli, rutę, cumini. Inungantur oleò anethi & rutę. Hęc frustra fuerunt,

Humores itaque serosi evacuentur sequenti pulvisculò.

℞. Cremoris tart. ʒij. Magister. gutt. gamand. gr. 6. Resin. gialapp. gr. 3. M.

Postmodum palpebris emplastrum applicetur pro quò.

℞. Pulver. semin. cumini subtiliss. ʒij. Farin. tritic. & fabar. an. ʒss. Mellis rosarum q. s. M. f. emplastrum.

Sic intra biduum penitus evanuit tumor, brevi tamen recruduit; imposui demum emplastrum, iterum subsedit. Verum cum sæpius postea recurreret & cachexiam subesse animadverterem, convenientibus remediis eandem expugnaui, sicque ab omni recidiva immunem præstiti. *Baldassar Timæus Casuum Medicinalium lib. 1.*

Ex verruca in oculi sinistri Palpebra male curata Cæcitas.

Mechtildis von Pollem, uxor D. Georgii Frorichii, Quæstoris in Episcopatu Camineni Provincialis, myrmeciam, sive verrucam glabram & sessilem in oculi sinistri palpebrā jam à multis aiebat annis, nullò adhibito remedio, siquidem molestiæ & doloris erat experta. Obtulit se tandem ultro Chirurgus quidam castrensis opem exiguā herbulā pollicitus; Succò nimium ex esula recenti expressò verrucam illinivit, simulque linteolum eodem succò imprægnatum, oculò clausò sub vesperam palpebrę imposuit. Noctu totius oculi tumor & inflammatio suborta, tam atroci cum dolore & cruciatu, ut de vita desperaret Ægra.

Resolutio

Accersitus ad leniendos immanissimos cruciatus; lac muliebre instillavi oculo, idemque & palpebrę cum petiis duplicatis tepidè applicui. Fronti autem & temporibus epirrhema ex repellentibus induxi. Mox ad inflammationem coercendam, aperta in cubito vena sanguinem ad uncias septem detraxi.

Hinc alvum enemate convenienti provocavi, aliaque revulsionum media adhibui. Dolore nihilominus perseverante, & immane quantum sevientē; cataplasma anodynū tepidè imposui.

℞. Pomor. dulc. num. 3. Coquant. ex aq. rosar. & plantag. q. s. ad mollitiem; trahantur per cribrum. Pulpe adde sacch. albiss. gr. xi. Croci gr. v. M. f. cataplasma.

Hujus usu sæpiusculè repetitò immanissimi dolores mitigati, postmodum ex toto remiscere, quin & ipse tumor sensim disparuit: Oculus verò à mordaci & erodente thymali succò insigniter læsus, in calamitosam cæcitatem concessit.

Galenus 10. de usibus partium, parte 12. scribit in somno se accusatum fuisse quòd oculorum munera non satis accuratè explicasset. Quid de barbitonfore medicastro oculos aliorum temerariò ausu excæcante olim fiet, cum in die illo decretorio omnium reddenda erit ratio? *Stultorum adjumenta, nocumenta*, ut habet vetus emblemata, quò pingitur villicus anseres per amnem portans, dum cavet ne mergantur, cingulò collo renus, alligatos, jugulat.

Anseribus fatuus constringit colla per amnem.

Dum vadit; hoc stulti more juvando nocent.

Idem ibidem.

Palpebra cum tunica Cornea connexio curata.

Nobili cuidam in Italia ense inflicto fuerat vulnus, quod partem faciei ab aure sinistra ad oculum usque occupaverat. Non saltem autem superior palpebra incisa fuerat; verum etiam ipsa adnata & cornea tunica, sed superficialiter saltem, & nequaquam ad vacuum oculi: humores enim non effluerunt. Sanatum quidem fuerat vulnus in Italia, sed parum feliciter. Quia enim oculum fasciâ nimis arctè clauferat Chirurgus, palpebra superior conjunctivæ & corneæ annexa fuerat, tamque firmiter adhærebat, ut oculum aperire non potuerit, neque à dolore omnino immunis erat æges. Cum enim, ut Anatomicis notum est, uno oculo moto, alter quoque moveatur: At hic oculus malè affectus, cum altero liberè moveri non posset, & palpebræ propter motum oculi hinc atque illinc dirigerentur, non potuit non consequi dolor: quapropter intumescitio oculi aderat, & continuo ferè lacrimas profundeabat. In Italia Chirurgos in consilium quidem vocaverat: sed quia separationem palpebræ ab oculo non nisi instrumento scindente fieri posse responderant, modusque ille procedendi ægro (etiamsi visum veluti deperditum esse sciebat) suspectus, curationem in longum tempus distulit: Verebatur enim, ne in separatione cornea distrumperetur, humores effluerent, membranae conciderent, & deformitas subsequeretur. Tandem, cum prædicto anno 1593. Coloniam pervenisset, & Dom. Joannem Slotanum, Medicinæ Doctorem, mecum in consilium adhibuisset, Divinâ gratiâ sequentibus prædiis feliciter ipsum restituimus.

Præscriptâ optimâ victus ratione, purgato item corpore, & incisâ venâ in brachio, stylum exploratorium incurvatum versus canthum majorem, subter palpebram superiorem inter oculum & palpebram blandè immisi, donec apex saltem styli ex cantho minori promineret. Tum stylo exploratorio filum sericum tenuissimum annexui, mox stylum eadem viâ, quâ ipsum immiseram, videlicet per canthum majorem extraxi, & extremitates filii sub oculo junxi, eique frustrum plumbi drachmæ circiter ponderis annexui. Plumbum hocce pensile interdum liberum erat, & hinc atque illinc, prout eger caput in unam vel in alteram partem inclinabat, movebatur. Noctu verò, ne forsitan incommodum aliquod, aut dolorem excitaret, plumbum illud seposui, oculumque fasciâ leviter obtexi.

Oculo frequenter collyrium sequens penicillo ex peninis gallinæ facto, per angulum majorem ter quaterve in die per ministros imponere jussi.

℞. Aquæ rosarum, plantaginis, Euphrasie an. ʒʒ. Tutie præparatæ, Cerussæ lotæ, cornu Cervi usti & præparati an. ʒʒ.

Misceantur in mortario, addendo mucilaginis spississimi sem. Cydoniorum q. s. ut formam linimenti adipiscatur. Beneficio prædicti filii serici & plumbi, quicquid sub palpebra oculo annexum erat, intra dies octo aut novem abscissum fuit. Tum oculum integrum quidem, sed visum propter cicatricem pupillæ depravatam invenimus: Palpebras, frontemque per dies aliquot oleo lumbicorum inunxi, & sacculum ex Betonica, Euphrasia, Iva arthetica, primula veris, chamomilla, rosis, & Roremario in aqua coctum, calidè applicui, præsertim noctu. Sic motus palpebrarum & oculi penitus restitutus fuit, ita ut nulla remanserit deformitas, præter exiguam cicatricem in cornea tunica. Est quidem laboriosa operatio hæc, ingeniosa tamen, certa, minusque periculosa, quàm ea, quæ à Celso lib. 7. c. 7. Et Hieronimo Fabricio ab Aquapendente lib. de operationibus Chirurgicis, cap. de Ancyloblepharo, describitur, sitque ferè sine dolore.

Gulielm. Fabricius Hildan. Observ. Chirurg. Cent. 5.

PANNUS, cui propter affinitatem adjungitur, UNGUIS, PENNA, A L A, imò etiam ENCHANTIS.

De his omnibus actum est in oculorum vitiis; imò de Enchantide sub propriò titulò; de iis propterea jam tantum afferemus quæ habet Clariss. Bidloo in suis Exercitationibus Anatomic. Chirurgicis.

De Panno.

SPECIE, an verò genere, *PANNUS* & *UNGUIS*, differant Tu (L. B.) ex sequenti collige descriptione: est autem *PANNUS* ab initio ad inveterationem, excrecentia mollis, plana, rubicunda, augmentum citò capiens, dolorifica, adnatæ tunice, ex qua omni & incerto loco ortum ducit & ipsi aliquando quoque corneæ, continua. Si itaque ad aliud oculorum morbi genus referri debeat, morbo incipiente, ad id inflammationis, referatur.

Ut sudamina rubentesque minutulæ in aliis corporis partibus, pustulæ coalescentes, inflammationis præ se ferunt speciem universalem; ita hoc in morbo, minima sanguifera vascula, per adnatæ corporis porositates interstitiaque prorumpentia, lamellam, citò & omni loco incrementum capientem moxque totum oculi album occupantem, efformant; unde jure merito, huic affectioni nomen à comparatione. (*PANNICULI* in initio, *PANNI* in fine) inscriptum existimo. Animum itaque adhibe hanc ad maximam (taceo cæteras) differentiam. *PANNUM*, nempe, ex reticulari vasorum sanguiferorum plexu conflatum, tunicæ adnatæ adhærescere firmiter; *UNGUEM* verò, ex rupta, læsa inversaque ipsius membranæ substantia oriri supertendique cætero suo corpori, ut & quandoque corneæ. Hisce prælibatis, concessu erit facile, curationis methodum in hoc quoque & illo morbo differre; nisi quis nudis clariss. *SOLINGII* & aliorum verbis fidem habendam spemque collocandam sustineat omnem: ait enim ille; *Pannus, eodem modo, ut unguis, curatur.*

Curationis totam historiam encheirisi, sive instrumentis minimè gentium; medicamentis verò; sed in alium scopum, quàm ex communi sententia collinantibus, posse absolvi arbitror: instrumentis etenim quibuscumque, *PANNUM* ab adnata tunica elevare, separare, deponere citra & sine sanguiferorum vasorum laceratione, eorumque relinquendis aperturis, vulnusculis, vestigiis, ipsi depositioni partique morbificæ contrarium & impossibile factu est: vasa enim hæc rete quoddam formantia (sive *PANNUM*) ab adnatæ tunice parte interiore ad exteriores prorumpunt & ab ipsa proinde membrana filo, acu, scalpello &c. elevari tota & integra non possunt: qui itaque ab adnata tunica excrecentiam, lamellæ in formam extensam, deposuerunt instrumentis, non *PANNUM*; sed *UNGUEM* deposuisse, verum videtur, quàm quod verissimum.

Secundò; ex unanimi Medico-Chirurgica sententia præstat; in morbi infantia, mitioribus; ubi verò adleverit, fortioribus uti acerbis corrodentibusque pharmacis; ad (ut ajunt) *excrecentia consumptionem totalem*. Non credo opus esse addam nomina eorum qui dicunt, cum passim apud auctores Medico-chirurgos, hoc vigeat axioma, sintque qui sustineant, oportere *acria corrosivaque* medicamenta, omnem tangant & singulam, hujus excrecentiæ partem.

Verum ego, pace illorum, existimo solis anodynis topicis, malacticis, malagmatibus, confortantibus &c. artem huic posse mederi affectui, & omnem, hoc in negotio, angue pejorem, esse vitandam accedinem cotrolionemque,

Sicuti in concinnanda descriptione sequentis *UNGUI*s morbi, non nisi transitoriè de medicamentis dico, utpote perparum, aut nihil & nisi in ipsissimo morbi initio ad curationem facientibus, ita de præsentis affectionis curandi ratione dicturus, agam de medicamentis, utpotè solis in usum vocandis, fusiùs; unicum hoc assumens assertum; omnes ad unum Chirurgico-Medicos statuisse, sanguinem, hoc in morbo (*PANNO*) propelli ad extrema adnatæ corneæque tunica: idque, latice sanguineo in vasis remanente, secundùm alios; utroque autem respectu acribus medicamentis nihil fiet boni, ad curationis attingendum Scopum: si enim sanguis manserit intra vasa, caveat oportet sibi Medico-chirurgus, ne acribus corrodentibusque doloreisque excitantibus, sanguinis fluxum augeat vasæque lædat, rumpat morboque morbum superaddat: levissima enim quoque frictione in morbi initio rumpuntur; nec propterea cessat morbi vigor; si verò depulsi jam extra vasa sanguis oraque vasorum aperta statuatur; acia, ad summum, prorumpentis adductum sanguinis fluxum impedire valebunt; sed de eo nemo illorum videtur sollicitus: volunt enim totam excrescentiam ferro deponere, verùm, quomodo, expullulatum sanguinem, sive sanguinolentam excrescentiam (*Panniformem*) exterminant, consumunt, auferunt de tunicis subjectis citò, tutò, jucundè, adhibentes, nempè, *cum exsiccantibus corrodentia*? eaq; pro ætate & mole excrescentiæ plùs minùsve potentiora. Veruntamen hæc, quo plùs, eò pejùs operari demonstravero facilè.

Esse *PANNUM*, vasculorum sanguiferorum ultra proportionem (morbose) turgentium in-et ex adnata tunica, congeriem, cum ad oculum attendenti, mox ab incepto morbo, appareat; hujus morbi curatio, mox & in initio, ab eorum vasculorum læsione, corrosione, cum sapientiæ grano (ex superiore argumento) peti non poterit; inveteratum autem medicamentis irritare corrodentibus & ratio & usus jam vetuit dudum: priusquam enim ad ipsam adnatam tunicam pervenerit medicamenti vis, tanto infestate sunt dolore, intumescentiâ, inflammatione partes vicinæ; ut ipsum symptoma hoc, primariam videatur requirere Medico-Chirurgicam curam.

Denuò; etsi (quod sanè nunquam) *PANNUS* consumeretur, nonne aperta, aut crustulâ contacta restitarent vasorum læsorum ora? ipsaque an non unâ cum excrescentia esset corrosa tunica? jam solito mollior, adde tandem asserere quosdam; *Se paucorum dierum intervallo Pannum carnosum, unâ nocte utrumque infestantem oculum*, curavisse. Quod si ita esset, etiam pro differente ab effectu, actione, sive argumento à posteriore habearur oportet: quævis enim levissima vel *PANNI* vel *UNGUI*s expullulatio multo non sine labore & diligentia coërcetur; sed credamus! ponamus mox à morbi initio, expullulantem *PANNUM*, potius protuberantia hæc vascula estumque in iis sanguinis, posse reprimi facilè. Nonne sanè illud pro me militat iterùm? perpende vim mei argumenti (L. B.) primò; eo in casu, vasa non sunt acrimoniâ medicamenti consumpta; acribus autem ad usque absolutam curationem, utebantur: aspera enim & excoriata & proinde in integrum non restituta, mansisset tunica adnata corneæque. De hisce apud eos nihil; Verùm cum iis, *causa UNGUIS & PANNI sit lymphæ viscosa, extravasata tunica cornea firmiter adherens; ita ut si ramulus arteriarum inferatur, non membranofus; sed carnosus evadit*, verbum non addo; rubor itaque oculi: an aliud quid morbofi fuerit, quod curatum describitur cuiusque momenti, hæc sit causæ delineatio & an cum *PANNI*, *UNGUI*s-ve

dispositione conveniat, trutinæ tuæ (L. B.) dijudicandum relinquo libenter.

Curationis & Principium & finem colloco 1^o. in sanguinis præter modum agitati motique compositione universali & particulari: *secundò* partim ex diætâ, putà abstinencia à nutrimentis, quiete; partim ex foniculis, sanguinis missione, alvi depuratione &c. *Tertiò*, ex medicamentis haurienda anodynis, topicis, malacticis, lenientibus, corroborantibus atque tono partium restituto, desiccantibus. Ad positum primum; nemo erit qui non ei assentiatur: ad secundum; alvum reddi laxam leviterque moveri *Cassia fistul. Manna, massulâ pillularum cochiarum* & hæc sæpiùs esse iteranda quis est, qui ignoret? Ad tertium positum. Omnium horum agmen (mihi) ducit *opium*, antesignana sunt *crocus, mucilago sem. Hiescyami, Rad. consolid. major. & alth.* inter composita eminet *ex lacte, pan. alb. mic. & vitell. ovor. cataplasma*. De virtute, interim, vi & operatione *opii* multa, etsi nos (me inquam) lateant; hoc saltem pace rixantium dixerim; si quæ coram istis ulla renuntiasse liceat, constare mihi cuiusvis dolentium oculorum generi & speciei, sive suppositia humorum vasorumve obstructione, sive ab immodica ab eorum agitatione ortum ducant, tutò cum hæc & fructu posse adhiberi. Formulæ Medicamentorum, quas ad scopum meum præscribo, hæc sunt & plures esse aliosque ad morbos usurpari poterunt; velim autem, ut in genere omnes pulveres non solubiles, ab oculorum medicatione rejiciendas putem; ita præsertim in hoc morbo (de aliis postea) tutiæ, ossis sepiæ &c. seponantur.

Fronti temporibusque applicatur sequens *anacollema*.

℞. Bol. armen. ʒij. Sang. dracon. Thuris a. ʒj. Far. volat. ʒss. Alb. ovor. quass. q. s. ad consist. anacollemat.

Mucilago sæpè iteranda, dolores mitigans.

℞. Mucilag. sem. psyll. cydoneor. a. ʒj. Croc. ʒj. exprim. cum aq. fenic. ʒij. M. applic. aplici linteam. Sed repidè.

Confortans medicamentum.

℞. Herb. fenic. verben. a. M. ij. Mirth. M. j. Flor. Rosar. M. j. β. Cariophyll. macis a. ʒij.

Macerentur in vino albo, distillantur, oculo instillantur guttatim. S. A.

Solani, ut & *succum formicis Rubris expressum cum FORESTO* commendant multi; ego autem ejus efficaciam non sum experiens: qui focus, ad leniendos dolores, ex *Herb. Violar. malv. flor. melilot. sem. coroneor. fen. grac.* præscribuntur &c. noti sunt nimium, quàm ut disertis verbis doceantur.

Quæ hac exercitatione posui, dilucidius colligere dabuntur ex sequenti.

De Ungue, iPannâ, Alâ.

Πτρυγιον, cum *PANNO*, *PANNICULO*, *ALA* & *CATARACTA EXTERIORE*, à multis; toto etsi inter sese differant cælo, confunditur; ne autem nominibus inherere præfataque in mea, de evitanda nominum multitudine, peccare videar ipse; enucleabo quamnam quàmque insignis horum sit morborum diffe-

tentia: ubi enim ex ipso nomine totius morbi descriptio atque cognitio (quod passim à Græcis observatum videmus) hauriri potest; opus & æquum videtur, de nomine dicatur & quidem primum.

Pterygii titulo, nisi extremitates laterales, mulieris pudendi eminentiæ intra labia, unguium reduviæ, aurium humerorumque partes elatiores; ut & comparative, Maxillæ inferioris musculorum duo paria & tandem morbi genus, impræsentiarum describendum, indignantur.

Est (Pterygium) in punctum duriusculum (unde pinna, pinnula) circa angulum oculi majorem nunc, nunc minorem, ex exasperato (excoriato) aut læso, eò loci, tunica adnatæ corpore, in initio albescens, sine dolore, lento passu protuberans prædictæque incumbens tunicæ, excrescentia, tractu temporis in lamellæ formam (unde ungula & unguis Latinis) superatâq; prædictâ tunicâ, quandoq; ad & in corneam, de qua, in totum, ut de adnatâ, obtusiore instrumento, spatulâ &c. elevari potest, extensa, unde nomen quoque alæ accepisse verisimile est. Excrescentia hæc inveterata cartilaginea merè livescenteque, hîc & alibi, tincta colore, prostat. Omnia hæc phænomena, ut supra videre est, in PANNIO ejusque speciebus, contraria huic descripto morbo inveniuntur; quo respectu autem à fungo sicco &c. aliisque protuberantiis morbofis differat, explanabitur postea.

De Curationi Methodo, renuntiandum est; antiquitus institui eam posse quadruplici methodo; 1^o; ope medicamentorum, exsiccatione; 2^{do}; corrosione; 3^{io}; ope manuum instrumentorumque; filorum, setarum, nervorum citharæ, pilorum de cauda equina constrictione & 4^{to}; excisione, sive abscissione. Quid de hisce observaverim novique præstiterim collige ex sequentibus; postquam de quatuor prædictis dixerim mediis.

Ad primam Methodum.

Velim lectori notum sit, non posse; nisi jamjam incipiente morbo fieri cum fructu; quinimò, si exsiccantibus curetur hæc, aut illa excrescentia, eò loci, me dubitare (ne dixerim asserere) hujusce tituli; an potius levis solummodò excoriatio, adnatæ fuerit tunicæ; sed absit omnis cavillatio; si verus fuerit & completus (& de eo agitur) UNGUIS, exsiccantibus medicamentis non curabitur; quæ autem in usum contra recentissimum vocatur, sunt; fœtus ex herb. malva, sem. lin. fen. græc. thaps. barbat. sc. ad attenuand. & emolliend. vitriol. alb. lap. Hematit. in pulverem versum. solut. cum aq. Euphrag. succ. Rad. lilior. portulac. sang. anguil. Zinzib. fricat. & vino impositum. Tinct. ven. cum aq. caprifol. nempe; ad abstergend. sunt & qui sal armoniac. & merc. sublim. corrosiv. ad lenem acrimon. q. s. aq. Rosar. mixt. commendant. Chalcant. Rom. virid. aris in ovi album. exemplo vitell. per triduum macerat. & fellis Raje. perdicis. mel. chelidon. aloës & sief. rubrum Mesuës.

De secunda Curationis Methodo statuo eam; fidemque facio expertus, esse fugiendam planè: escarotica quippè, eò loci, sine summo dolore, nec tutò applicari posse, dudum HILDANUS statuit; liquescente, videlicet, corrodente materia; etli oleosa, huic partique inspersa, cautè; primò; vicinas facillè infestat partes adfluente liquore, terminos præscriptos, nempe, egredientè, aut virtutem amittente operandi ad normam; addo secundo; excitato in parte affecta, dolore, partes quoque circumjacentes intumescere & tertio;

Hunc morbum mox concomitari alios, putà inflammationem & cum febre vigilias &c.

Ad Tertium propositum filis, pilis &c. posse constringi, attenuari, ligari; ut tandem cadat exsiccata excrescentia, annuerim, ex comparatione cum similibus, in aliis corporis nostri partibus, operationibus; modò circa principium instrumento comprehendi laqueusque ad ipsum mali fundum descendere queat; de quo dubito; cum pedunculo lato: nunquam verò tereti ortum debeat suum;

Sed quia hoc artificium eò loci & respectu non exercuerim ipse, nec à quoquam celebratum vidi, illud aliis relinquo in integrum & (ut autumò) sine fructu, tentandum.

Ut mentem meam de quarta Methodo capias propè; aperiam (Lector Chirurge) quid in ea mihi contigerit; jucundiorè tibi suscepti vovens laboris exitum.

Accessit ad me, mense Januario A^o. 1693. Hagæcomitis Cæmentarius, ætate quinquagenarius, corpore robustus, ex sinistri oculi prædicto laborans morbo. Distulisse minorem in tempestatis periodum curationis conamen; verum urgente quotidie ægro instigantibusque doctiss. Viris medico Liebergio chirurgoque van KEMPE; quibus idem de hoc morbi genere Judicium, malo insuper abeunte in pejus, de die in diem illud differre, inexorabilis, nolui.

Ægro collocato in sedili, capite retrorsum supinato, oculoque facto velamine cooperto linteo, injecit famulus manus dextræ digitum minorem superiori, sinistræ pollicem inferiori palpebræ hasceque detinuit apertas firmiter. Jussi verteret; ne glandula infestaretur lacrymalis, ad encanthum minorem, oculi Bulbum eger, quod præstitit: opportunitatem hæc optatam, oculi speculo annuloque inutili, hoc in negotio; supellectili; in usum non vocato, depositionem excrescentiæ aggrediebar; sed hamulo acuto (talis autem requirebatur) perruptâ laceratâque non semel excrescentiâ, ad extrema ora tenuissima eo die, etsi parùm efflueret sanguinis, iterum &, ut verebar, irritò tentare ratum duxi nequaquam eoque minus, cum jam didicissem; compressione palpebrarum continua, excrescentiam subiectæ agglutinari tantum, non verò uniri cum tunica hoc & Cassium observasse olim, memoriæ est proditum. Ne itaque, eodem tentasse modo, noceret ulterius, alium experiri volui. Paratâ vellellâ, alis instructa exasperatis, ægro, ut ante, constituto limbum (unguis) excrescentiæ elevavi, ipsa porro sequebatur, usque ad principium, sive exortum. Toto & quantum potui radicibus, forfice acuminato, abscisso Pterygio; subtilissimum carptum in vitrioli cyprini solutione coctum posteaque exsiccatum vulnere applicui; quod, cum parùm itidem efflueret sanguinis, vel liquidi, parti mox læsæ adhæsit firmiter. Quatriduum tractata S. A. solut. sathar. satur. carptog. prædicto; pulvillis, de minoribus parte compressa læsa palpebrisque motis & fultis cartulâ madidâ; quinto fungositatis nihil expullulante omnique sexto die, seposito apparatu, rem in vado meque in portu navigare mihi persuadebam; Sed spe excidi: post pruritum enim violentiorem, erupit denuò; renuente porro moroso ægro, alia experiri; ipsum calamitatati suæ tradere coactus fui & invitus.

Ex iterata inspectione compertum habeo, Ipsius adnatæ tunicæ substantiam, fungosâ instar lamellæ, reflexo, sive incurvato vulnere, vel rupturæ limbo, in reliquum ejus volvi corpus & ad & in ipsam quandoque extendi corneam; quare autem ad pupillam semper vergat? ratio videtur, quod encantho majore glandulâ insigni impleto, liberiùs alterâ viâ extendi & incrementum capere potest.

Hinc postea, ubi vel minima præfati mali signa mihi apparuere; quinimò si vel solida quædam suspicio incertum

incertum me detineret; per cannulam æneam (vicinis partibus, secundum artem munitis, de quo præsidio latius alibi) ignitum stylum ad mali faciem proportionatum, parti adhibere non neglexi, quod tamen mihi è voto successit semper. Exemplum si velis, in promptu est.

Ut constans, hoc in cananthe, meticulosus sit animus, hac utantur, nempe, à majore ad minus, ratiocinandi methode. Si tunica cornea ladi, cum in modum, potest; ut lamellula quædam ab ipsa separetur & laceratio tamen hæc, vulnuseve hoc consolidetur, sine visus discrimine, vel depravatione insigni, ut exemplis probatum habemus multifariis; quid est, quominus huic (adnatæ) membrana, parti, nempe, exteriori & visus, propriè dictum organum non integranti, hoc modo, non posset, sine discrimine, injici plaga atque crustula? quæ (oportet enim in mali initio fiat) ipsam deprimens desiccansque excrescentiam, suapte virtute, peracto suo munere, de parte cadit quondam affecta.

Qui hisce contemplatis, nihilominus contendunt *UNGUEM* & *PANNUM* specie, non genere differre; quia in utroque morbo tunica adnata semper ejusque partes vicinæ aliquando infestantur, æquè bellè probaverit, ossium fracturam ab eorum carie, specie, non genere differre; quia in utroque morbo ossa eorumque partes vicinæ infestantur. Ignoscat (Lector Benev.) me repetere morbi (*UNGUIS*) ipsius tunicæ substantiæ, (*PANNI*) esse per & in ejus corpore vasorum sanguiferorum luxuriantem protuberantiam. Atrodant, in contrariam opinionem, qui volunt, ungues suos! ego, à mea, ne latum quidem unguem discedam; nisi aliter edoctus.

De Encanthide.

DUabus præcedentibus hanc (Lect. Benev.) addicio exercitationem; quoniam multa in iis occurrunt, quibus vicissim & mutuo, quædam asserta dilucidantur confirmanturque ulterius. Morbus hic, ab quem occupat, loco; nomen adipiscitur estque nequaquam carunculæ, sive glandulæ lacrymalis; sed verò ipsius tunicæ adnatæ, ad utrumque oculi encanthum laxè complicatæ, in tumorem rotundum, pedunculo insistentis expullulatio, excrescentia; differens ab *UNGUE* & *PANNO*, quod mox in lamellam extensa, absque tunicæ adnatæ ruptura ejusque inverso limbo, vel, luxuriantibus in planum, vasculis sanguiferis, oriatur; extus pelliculâ tegatur, pedetentim crescat & crescendo mollescat.

In initio naturalis, postea verò rubicundi lividique coloris reperitur; inveterata, tuberculis protuberans variis, facilè excoariatur carcinomatique ad instar tandem putrescendo; foetorem & parti mortem infert.

Si, *UNGUE* non probè curato, tuberculum restitet, aut ipse *UNGUIS* iterum propullulet, *Encanthis* est minime; nullo etenim involucre tectus, circumvolvuntur ejus ora marginesque & denuò ad corneam prorepunt; cum in *Encanthide*, ipse tumor pelliculâ obvolutus, in rotundam semper propullulet formam: malè itaque & ut notanda inter hujus tumoris differentias, recensetur à quibusdam, *lacrymis nunc, tunc verò non tumescere; fluere aliquando ex Encanthide lacrymas usque imò in genas*: glans quippè lacrymalis hac in affectione, primariò non infestatur; quod si verò illa vitio labore aliquo, non *Encanthis*; sed alterius generis alioque titulo denotandum ejusque ruptura, læsione lymphæductus, aut hydatidis erit: ab compressione prorumpentis *Encanthis*, in glandosum hoc corpus, liquidum ejus posse expelli, nullus dubito; verum hoc ubi fit, duplex statui debebit affectio, glandulæ, nempe, lacrymalis & *Encanthis*.

Hac ex morbi (*Encanthis*) descriptione, vera

Bibliot. Chirurg. Tom. III.

elici poterit, eum curandi, norma: posse, videlicet, ne ab ipsissimo quidem ejus initio, medicamentis corrodentibus reprimi, coerceri; quod si quis tamen tentaverit, male egerit: *Primo*, enim, parti expullulanti & adhuc pelliculâ circumscriptæ, opportunitatem præbet ulterius faciliusque progrediendi lascivæque luxuriandi; si eam ei ademerit; corrosionis autem scopus & prior est effectus; ut exteriora adimantur; consumantur. *Secundo*; quæ in *UNGUE* ab escaroticis acribusque medicamentis discrimina, eadem illa, hoc in morbo, metuenda veniunt: quocirca alia in usum vocanda sunt media & quidem minere Chirurgica; non autem præcoci festinatione præviaque sine aliqua curationis adhibitione, ad cauteria actualia currendum. Constringendus, filo serico, aureo &c. pedunculo enim instat, mox ubi limites egressus, palpebras elevare & elevatas sustinere, valet tumor; palpebras autem: ob earum teneritudinem, frequentem dehiscentiâ & minus strictam clausuram, circa encanthis, itidem ob glandulæ lacrymalis protuberantiam, ad minimam quoque; ab interiore parte, pressionem, facile cedere; norunt omnes Medico chirurgorum filii adepti.

Si quis cadente, vel lapso jam, tumore, eum locum, sive pedunculi reliquias vestigiaque inustione exsiccanda censeat, id agat, methode modo præscripta, per cannulam ad rei exigentiam efformatam: dempto etenim tumore, patet ad hanc operationem, via; quæ præclusa, ipso tumore, funditus cauterium fugit actuale.

Sunt qui, ex veterum doctrina, ipso tumore acutransfixo, aut volsellâ comprehenso atque elevato, eum resecant, quod mox, id est, ab ipsius morbi initio, quando vix seminis cannabini magnitudinem obtinet, feliciter fuisse factum, verisimile videtur; addo autem & eo quoque in casu oportere, inuratur cruenta pars; etsi ejus sit tenuitatis, parvitat; ut de exsiccatione nullum instare videatur dubium, aut discrimen: quod si quis hoc nolit, contegat gypso undique & sæpius plagulam. Idem illud observandum autumo, quoties (minutus quamvis) hujus indolis tumor, de aliis corporis partibus; forfice fuerit abscissus; quod autem prævia, sine constrictione, me suatore, fiet nunquam, edoctus excrescentias hæc facile luxuriam repetere; imò & superare pristinam, violentiâ.

Ut quæ sunt affirmata, exemplo illustrentur, audi (Lect. Ben.) quam passa sit hujus affectionis recidivam, *Amstelædami ANNA, LEENARDS*, sacchari depuratoris ancilla: A^o 1670. ei *ENCANTHIDIS* progeniem novam abstulerat peritus quidam Chirurgus, cui etiam primitias artis meæ debeo; ut impatiens moræ hic: operam enim luserat per aliquot dies & incommodi agra, quod ab non aptè clausa palpebra; levique, sed continuo pruritu, perlentiscebatur oculique deformitatem, juventute in viridi, verita: itur ergo ad volsellam forficemque confestim; ut dixerim quod res est, actum factumque, ictu temporis, abscissionis artificium, vidi: præscripto *alb. ovor. cum alum. conquass.* discipulis cura porro mandata, operepretium non duxit posterâ, nec quibusdam sequentibus diebus, malum ab ipso inspicere; donec querirante agrâ meq; monente,, illustrasse conatus suos, inopinatam recidivam, comperiret, tumorem expullulare denuò; verum nullâ pelle crustulave tectum: quantæ molis postea hæc fuerit curatio (peracta tamen fuit) nemo paucis dixerit. Summa autem rei in eo consistit (prætereo frustra adhibita, ut erant *trochisc. alb. ras. pulv. ireos, vitriolata varia preparationis, leviuscula caustica &c.* agram indefessa gypli & interdum *aluminis recenset usi* (N.B.) applicatione, fuisse restitutam, opitulabaturque quam maxime contra morbum, quod agra leviori digito, partem affectam, ut supra, instructam, die; noctu verò machinâ ex chartâ ma-

jorē (vocant *Bordpapier*) madida, teneret depressam.

De gypso (et si hoc supra monuerim) monitum denuò velim; esse exsiccans, præ multis, in hujusmodi morbis, excoriationibus non malignis atque hæmorrhagiis plurimis, commendabile & maximi usus, remedium.

Hoc, quod juvenis, jam tum didiceram, in meam propriam & ægotantium convertere utilitatem, postea neglexi nunquam.

Ita A^o. MDCLXXX, *Amsteladami* Juvenem *VAN- DERVOORT*, juxta me & clariss. medic. in consilium vocatorum *QUINÆ* & *STAMHORSTII* suffragia, ex *ENCANTHIDE* laborantem medicamentisque desiccantibus intus & escharoticis extus, magis imbutum & vexatum, quàm adjutum, vel liberatum, fœminamque unâ cum famigeratissimo olim Chirurgo & Botanico ejus urbis, *VINKIO*; uti & *Hagæ-comitum* signiferum in Cohorte præsidiaria ducis *TORSEI*; & hac in civitate *Lugd. in Batavis*, rogatus à diaconis Ecclesiæ *Walbonensis*, pauperculam (actam hunc, cum disciplinæ meæ cultoribus, præsentia suâ, cohæstante quondam Medico *COSSONIO*) methodo enarrata, adhibitis secundum artem cicatricem extru-entibus, curavi feliciter, intactâ, nisi ex alterius mali consensu, illâsâ conservatâque, in omnibus, lacrymali glandulâ;

Sed confido te (*Lect. Bën.*) exemplorum plus non expetere, utpotè à priore de morbi indole probè instructum facilèque mecum affirmaturum, *Encanthidem* & *Rhyadem* converti numquam, verùm ex *Encanthide* & *Rhyade* simul, unum eundemque & eodem tempore; posse laborare oculum.

PAPILLARUM MAMMARIUM MORBI:

Vid.

MAMMARUM MORBI.

PARACENTHESIS.

De ea paucissimis sic scribit Clariss. Joh. van HORNE in Mirotechnè.

Paracenthesis est vulnus arte factum in aliquam corporis cavitatem penetrans, ut inde educatur humor in illa contentus. Institui autem solet præcipuè in Thorace vel in Abdomine. In Thorace, quando vel sanguis, vel aqua, vel pus in alterutro thoracis latere continetur, & non solum suâ præsentia diaphragma premendo, sed & putrefaciendo vicinas partes, in vitæ discrimen ægrum adducit. Ante omnia certi debemus esse de latere affecto; quod tum ex calore, tum dolore, tum ponderis sensu dignoscimus; nam si æger lateri sano incumbere velit, sentiet pondus delabi supra mediastinum. Deinde locus faciendæ incisionis exactissimè est determinandus; hoc verò accuratè satis factum ab illustr. Aquapendente in *lib. de operat. chir. hoc tit.* qui meretur consuli. Nos breviter dicimus, faciendam apertionem in spatio illo, quod interjacet 4^æ, & quintæ costæ, ab inferiore seu spuria numerationis initium faciendo: quòd si quis regerat, Hippocratem *l. de int. affect.* tertiam ab ultima secari jubere; respondeo, rem eodem redire, nam Hippocr. numerare incipit (ut ferè omnes debemus in carnosis subiectis) ab undecima, quam pro prima habet; etenim duodecima ob exilitatem, & quia carne musculosâ multâ circumvestitur, tactu vix percipitur. Insuper necesse est invenire *distantiam* latitudinis: si enim versus *dorsum* sectio instituat, crassities musculorum dor-

salium, multitudo tendinum, & nervorum è spina egressus, periculum ostendunt; si *antrorsum* versus *pectus*, metuendum, ne diaphragma lædamus, aut, si hoc evitemus, ne materiam (ob acclivitatem diaphragmatis) commodè expurgare queamus, utpote quæ verius posteriora descendit. Hos ut effugas scopulos, sume filum, & metire à mucronata cartilagine usque ad apices vertebratum spinæ; hoc dein divide in tres partes, & quo loco duæ tertiæ filii partes (à sterno incipiendo) pertingunt, ille verus erit paracentescos locus. *Instrumenta* sunt *scalpellus*, linteo obvolutus, quo vel simul & semel pertundimus cutim, musculos, & succingenrem membranâ (loco prius signatâ per atramentum) vel imponimus *ruptorium*, ad cutim exurendam; sanguinisque fluxum impediendum. Factâ sectione; noli peccare *contra aph. 27. lib. VI.* sed impositâ cannulâ alatâ, humorem contentum sensim expurgari finito. Monendi hîc sunt lectores, sæpè hanc operationem ex arte institui, nullum ramen percipi puris egressum; cujus hæc ratio est, quia illud hæret non supra diaphragma fluctuans; sed inclusum sacco cuidam, efformato à connexionione pulmonis cum succingente membranâ. Non possum, quin etiam hoc insuper addam, hanc operationem magis esse periculosâ, quàm vulgò creditur. Cum enim pulmo semper lambat internam thoracis superficiem, & ab eadem, in expiratione admodum parùm recedat; vix poterit idem scalpelli aciem effugere: deinde, non poterit pus commodè exire: tandem si pus prodeat, probabile mihi fit, ex ipso pulmone, post vulneratam ejusdem runicam, provenire: quæ causa est, cur rarò optatum scopum medicus consequatur, sed æger pletumque paulò post intereat.

Paracethesis fit in *abdomine*, quando illud à sero distentum est. Hujus sanè necessitas sæpè incidit, quam tamen pertimescere solent nonnulli, tum, quia metuiunt, ne lædantur interiora viscera, quæ sæpè ita corrupta sunt à diuturna aquæ præsentia, ut ad pristinum statum redire non possint; tum quia vix inhiberi potest, factâ apertione, aquæ effluxus copiosus, post quem tamen, ut habet *aphorif. 27. l. 6.* mors succedere solet. Verumtamen considerandum est, naturam ipsam, quæ à nemine edocta, tamen ea, quæ conveniunt, facit, hanc ipsam operationem nobis digito monstrasse, dum per umbilicum in tumorem clarum & reseratum, sæpè ab ascite, imò præsentem morte, ægrum liberavit. Quaquam verò difficillimè pertundi possit umbilicus, tamen ubi is protuberat, alius locus eligendus non est: quod si contingat, umbilicum non attolli in vesicam, alius locus commodus eligendus; is autem est, in sinistro abdominis latere tribus. digitis sub umbilico, totidemque ab eodem remotus; prius ramen ægro stante erecto, si non adfuerit magna feri copia; aut eodem sedente, aut jacente, quando insigniter tumidum est abdomen, diligenter locus atramento notetur. Olim *scalpello* fiebat sectio per cutim, musculos, & peritonæum, non sine metu læsionis intestinorum; deinde post sectionem indebant vulneri cannulam argenteam, levem & alatam, exactè foramini facto respondentem. Quod cum difficilè factu esset, recentiores alium longè commodiorem modum invenerunt, idque beneficio *cannula perforata*, circa extremitatem acuminatam cuspidem habentis; hac enim sensim perforatur abdomen: ubi verò jam penetratum est usque in cavum protinùs solet aqua promptè effluere, per foramina quæ sunt ab utroque cuspidis latere: cujus fluxum nimium si inhibere velimus, stylô argenteo exactè cannulæ cavitatem occludimus, eoque extracto rursus aquam pro libitu effluere sinimus. Illa perforatio toties repetitur quoties necessarium est.

Præcla-

Præclarissimo Van Horne, Celeberrimum & Accuratissimum hic subjungemus Antonium Nuckium, qui de Paracenthesi in Experimentis suis Chirurgicis sic scribit.

In Abdomine pariter atque Thorace Chirurgia, Paracenthesis dicta, occurrit: Estque Vulnusculum vel (Abdomini, de quo in sequentibus) vel Thoraci in regione intercostali inflictum, per quod vel sanguis, vel aqua, vel materia purulenta extra vasa fluctuans, partesque alias Thoraci inclusas inficiens, extrahi potest.

Collecti verò in Thorace puris signa manifestari solent ex difficili respiratione, anhelitu ferente, gravitate in pectore perceptâ, tussi sicca & molesta, febri continuâ, post sumptum cibum, aut circa vesperam ingravescente, sudore copioso, somno interrupto, appetitu prostrato, corporis emaciatione, &c.

Interèa de latere affecto certos nos esse oportet, quod tum ex calore, dolore & ponderis sensu dignoscitur; ubi enim in latus sanum se convertit æger, pondus supra mediastinum delabi sentit. Præterea lintheamentum madidum pectori impositum citius exsiccatur eâ parte, quâ latus affectum tangit, quod etiam non raro intumescere solet.

In *Pectoris Hydrope* eadem signa sæpius observamus; quibus accedit, quod dum sese de latere in latus convertit patients, aquæ fluctuationem distinctius percipiat.

Si verò sanguinis extravasati copia pectori includitur, ex difficili respiratione, lateris affecti distentione, & pregresso vulnere manifestum evadit.

Locus interim incidendus accuratè notandus venit, quem aliqui in sterno ponunt, quodque haud difficulter ope *Trepani* perforant; sed evacuatio non ita facile procedit, quod materia in Thorace congesta à foramine facto nimis sit remota; & si acrior fuerit, spongiosa sterni substantia facile cariem conciperet.

Alii in ipsis costis, sequentes ob rationes, perforationem hanc instituendam volunt: quia videlicet.

1. Nec musculi, nec vasa inde læduntur.
2. Labia vulneris non collabuntur.
3. Commodius turunda immittitur, & plumaceolum applicatur.
4. Pus crassiusculum per foramen stabile melius exit.
5. Quies partis curationem promovet.

Quæ argumenta contemnenda sanè non forent, nisi cariei osis, ut & vasorum intercostalium, quæ facile læduntur, vulneris metus adesset; spatiumque præterea costæ nimis angustum, Operationem hoc in loco dissuadere videretur; in *Hydrope* tamen *Pectoris* locum habere posset.

Qui in loco aliquo intercostali incisionem faciendam præferunt, ii spatium illud, quod inter quartam & quintam costam, à spuria costâ infetiore numerationis initium faciendo, occurrit, incidere solent.

Loco autem notato, ad latitudinis distantiam præprimis attendendum, non enim nimis versus dorsi spinam apertura facienda, quod musculorum Sacrolumbi, Longissimi dorsi, & Semispinati crassities, tendinum multitudo, vasorumque sanguineorum cursus illud non permittant. Si verò nimis sternum versus Thorax inciditur, diaphragma, cujus situs hoc in loco acclivior, facile læditur, difficiliusque materia collecta, posteriora versus magis hærens expurgatur.

Hunc in finem filo metiri solent spatium inter mucronatam cartilaginem, & posteriores spinæ processus: filum dein in tres partes dividunt, ubi verò duæ terciæ filii partes (si à sterni incipiamus, & una tertia

si à spina) pertingunt, ibidem verum locum assignari volunt.

Verum locus incidendus hac methodo minus rectè invenitur, quia in aliis pectus magis elevatum, in aliis complanatum magis conspicitur.

Convenientius itaque certiusque locus ad latitudinem sex digitorum transversorum, à processu spinæ posteriori numerando, notatur, ibidemque Operatio instituitur, si in subjecto fuerit adulto: Si verò in corpore tenello, juniore, aut minoris staturæ, subjecti ratio habenda erit, locusque tantillum mutari, nec eo usque à spina remotus notari debet.

Non tamen ubique certus servandus locus, sæpe enim contingit, loco magis versus superiora, inferiora, aut posteriora Tumorem quendam conspici, qui digito quasi demonstrat, hunc & non alium eligendum esse locum.

Operandi modus triplici instituitur methodo: *Cauterio* scilicet *actuali*, *potentiali* vel *incisione*. Qui autem Cauteriis peragi solet, jam plenè in desuetudinem venit, solam incisionem reliquis præferunt, quâ tutius, citius & commodius Operatio absolvitur.

Loco attramento prius notato, longior exspiratio patienti commendatur, quo tempore obliquè secundum ductum fibrarum musculorum intercostalium internorum cultelli ope (cujus portio lintheamine sit involuta, ne ulterius quàm par est intromittatur) foramen conficitur, cavendo ne vasa intercostalia lædantur. Quo facto, cannula aut plumbea aut argentea immittitur, per quam quotidie ʒij , iiij , aut iv . extrahuntur.

Prout autem materia crassior tenuiorque existit, dictum foramen vel majus, vel minus facere oportet; sic quoque in Thoracis *Hydrope*, ob facilem aquarum exitum, exiguum solummodo esse debet.

Aliquando materia præ nimia crassitie exire spontè non potest, quo in casu patients rursus, & in partem læsam se convertat. Quod si tamen materia majori visciditate prædita prodire nolit, Syringæ beneficio *Infusum Herbae Thee* vulnere injiciatur; vel sequens,

\mathcal{L} . *Seri Lact.* ʒj . *Mell. Rosat.* ʒiiij . *Succ. Chelid.* ʒj . *M. F. Injectio*,

\mathcal{L} . *Rad. Consol. maj.* ʒij . *Herb. Absinth. Card. Ben. aa.* *M. is.* *Flor. Ros. rubr.* Mj . *Sem. Sumach.* ʒiiij . *Cog. ex Vin. rubr.* *Gall. & Aq. comm. aa.* *q. s.* *Colat.* ʒxxx . *Add. Mell. Rosat.* ʒiiij . *Myrrh. Aloes aa.* ʒis . *M. F. Injectio*.

Quibus medicamentis materia crassa non tantum fluidior redditur, sed & pitredo abarcetur.

Aliquando stylum excavatum vulnere intromittere summe necessarium; illo namque materiæ excretio multum promovetur.

Obligatio aut *Injectio* ubi instituitur, cavendum, quantum possibile, ne externus aer, vulnus subingrediatur, ille enim solus, intrus admissus, fætoris horrendi causa sæpius existit.

In *Hydrope Pectoris* si fluidior fuerit aqua, simpliciter *Acu Minori* perforatio instituenda. Si verò minus fluida, *Major Acus* in usum vocanda, uti infra in Abdominis Paracentesi explicaturi sumus: Nulla siquidem obesse videtur ratio, cur non æquè hoc in loco, quàm in Abdomine talis perforatio locum habere posset.

In *Hydrope Ascite*, aliis remediis incassum tentatis, Paracentesis aliquando opem tulit. Mature autem instituenda est hæc Operatio, nisi aquarum moles nimis aucta, viscera malè affecta, febris continua, respiratio molesta, viriumque prostratio eam planè dissuadeant.

Locus perforandus communiter eligitur in sinistro Abdominis latere, tribus digitis transversis sub umbilico; totidemque ab ejusdem latere remotis.

Hic itaque locus atramento notatus, secundum ductum fibrarum musculi oblique ascendens, inciditur aut perforatur.

Verum hæc methodus necessariò observanda non videtur, sperinde enim est an in sinistro, an verò in dextro latere Abdomen perforetur, Veterumque hac de re opinio nullius momenti est.

Præterea dictarum fibrarum ductus scrupulosè observare, nullius est utilitatis; iis enim observatis, aliorum subjacentium musculorum fibræ transversim dissecantur.

Præstabit itaque paulo propius ad umbilicum accedere, ductusque longitudinales fibrarum carnearum musculi recti incidendo sequi, hac tamen cautela, ne tendinosæ musculi inscriptiones lædantur.

Umbilicus si propullat, & in vesicam quasi artollitur, haud difficilè pertunditur, aliusque locus non est eligendus, quia foramen ob corrugatam cutim facilis clauditur, exitusque aquarum (qui aliquando vehementer nimis urget) compescitur.

Si verò non protuberat, sed *Scrotum* sero, aquæ distentum conspicitur, illudque vesperi magis & mane minùs repletum occurrit. Scrotum potius, quàm Abdomen perforare multò erit tutius.

Veteres partem suprà notatam *scalpello* incidebant, vulnerique *cannulam argenteam, plumbeamve*, lævem & alatam, exactè parti vulneratæ convenientem, immittebant.

Verum Recentiores animadvertentes, cannulam hanc, foramini precisè ita respondentem, vulneris latera nimis premendo, succumque nutritium à fibrarum poris hac ratione angustatis abarcendo, Gangrænæ subsequens causam extitisse, commodiorem methodum invenerunt, beneficio *Cannule perforatæ*, circa extremitatem acuminatam cuspidem sed rotundam habentis, Operationem instituentes.

Abdomine itaque hac *Cannulâ* pertuso, protinus aqua per foramina ab utroque cuspidis latere conspicua rivulosè prodit. Fluxus autem nimius stylo cannulæ cavitatem occludente compescitur, quo extracto aqua rursus pto lubitu effluet.

Probè interim cavendum, ne aqua simul & semel, sed pattitis vicibus extrahatur.

Ubi repetere Operationem hanc Chirurgus desiderat, aut de novo foramen Abdomini infligitur, aut, quod prius factum, referatur.

Si retractâ acu, factaque linteo carpo & emplastro glutinante obligatione, aqua involuntariè extillet, cannulam breviorē subere clausam, foramini aquam stillanti immittere convenit, quæ non iterum statim extrahatur, sed immissa ibidem remanet, ut ejus beneficio quotidie aquæ portio, subere remoto, extrahi possit.

Aliquando mucago quædam, intestina aliâque viscera obfident, aquæ immixta, cannulæ extremitatem obturando, exituræ aquæ viam præcludit. Quo in casu, Styli longioris cannulæ immitti beneficio facile illam loco movemus, & aquæ liberum exitum præbimus.

Nonnullis & hæc methodus displicet, Operationem feliciorem cum successu (saltem ut perhibent) absolventes *Acu* longè minori, quâ quotidie novum foramen faciunt. Verum si viscidior aqua fuerit, Acus illæ nullatenus opem ferre poterunt.

In omni denique Paracentesi prudenter procedendum: In Senioribus enim, Cachecticis, Pueris, Ascite inveterata laborantibus, aliis remediis si auscultet morbus; Operationem suscipere caveas, & famæ potius tuæ consulas, ne Operatione malè cedente, patientis uti ferè semper fieri solet, fata anticipes.

Peaici quidam hujus ævi non incelebres, varios Hydropicos per modum scarificationis se restituisse as-

serunt; quas tamen instituendas non suademus, nisi artuum inferiorum partes subcutaneæ, lymphatico humore obsessæ & œdematosæ conspiciantur.

De *Acubus in Paracentesi adhibendis*, vide sub titulo *Instrumenta Chirurgic. Tab. XI.*

Paracenthesi, Hydrops curatus.

Clariss. Danielis Crügeri; *Miscell. Curios. Decur. iij. Ann. 4.*

Opificis cujusdam uxor, à sex annis sensim tumore abdominis corripitur, qui tanta incrementa capiebat ut lecto affixa desperabunda quovis modo opem imploraret; considerans ego quòd per semestre tantum decubuerit, reliquo tempore munia sua domestica ritè cum molè sua obire potuerit, cibum & potum cum appetitu sumserit, exceptis paucis præterlapsis septimanis, paracentesin circa umbilicum suadeo, præsertim cum obstupendum tumorem & disturtio & gangrænâ metueretur, cutis enim in inferiore parte erat nigra. Ideoque cum spatium opportunum & intervallum trium digitorum ab umbilico se offerret, ibidem incisio facta & sensim siphunculò aqua educitur. Quæ per vices collecta cum libratetur, libræ 60. inventæ sunt. Exhaustâ aquâ involucrum abdominis ad genu usque propendebat, quod fasciâ collo alligatâ suspendendum erat; cartilago *ἔμφωειδής* planè erat elevata. Sed ut in causam inquirerem, abdomen perlustravi, viscera non inveni tumida neque scirrhusa, sed totum spatium circa umbilicum durum, nodosum, scirrhusum, deprehendebatur ad quatuor digitorum intervallum. Dicebar autem Ægrotâ se ante sex annos curru in abdomen decidisse, & ab illo tempore se malè habuisse. Idcirco unguentis & emplastris convenientibus adhibitis, durities paulatim disparuit, & servato foramine aperto, singulis diebus putulenta quasi materia effluxit, si non efflueret, siphone extracta est; ægra ad hunc usque diem jam non vivit modò sed cibum appetit, de lecto surgit & ambulat, templum frequentat, spem plenariæ reconvalescentiæ concipiens. Remedium igitur hoc, nempe Paracentesis, locum quidem habere potest visceribus adhuc bene constitutis, verum ubi signa corrupti hepatis animadvertuntur, frustra applicatur, quemadmodum idem remedium nequaquam Domino Doctori Movio eodem tempore hydropico proponere volui, luculenta enim signa hepatis corrupti aderant, idcirco mortem pedissequam prædixi, sed quoniam erat vir de civitate Statgardienfi Syndicus bene meritus, & Assessor Scabinatus Electoralis Brandenb. admodum laboriosus, item Advocatus Brand. Dicasterii Pomeran. ne obscurus abeat, in ipsius memoriam & honorem sequentes composui versus:

Mansuetus Movius maturâ morte macescit!

Mutescat Momus, metrica multa meret.

Mæstitiâ mentes Movii marcere moventur;

Me miseret Movii, morbida membra macent.

Mortales miseri marcescunt morte maligna,

Mens minime moritur, mens meliora metit.

Mors Movio miracula, mors mysteria monstrat,

Magna manet messis, mystica manna, merum.

Mirtas mæstiriam, mærorem, mæsta marita,

Mas melicus modulans, musica mille modis.

Magnificat, meditans magnalia, mystica magna,

Mercedem meruit, mansio mira manet.

Paracenthesis naturalis in hydropica Salutaris.

Clariss. Andreae Lovv. *Miscell. Curios. Decur. iij. Ann. 5. & 6.*

Ipsam sæpe Naturam in remediis poscere, quæ sen-

sentit profutura, quibusque in libertatem ac sanitatem pristinam afferere vult homines desperatè decumbentes, præter alios ferè innumeros testis est Ascitica confirmata, solo potu Cerevisiæ Sanata, apud Pechlinum Obs. Med. 63. l. i. p. 133. Et sæpius, ubi Medicus jam desuit, ibi demum incipit agere natura, quæ sibi relicta, morborum semina quandoque felicius expedit, quàm medelis coacta; imò sæpissime juvat humanâ ope jam destitutos, & prognosticis relictos: Nihil quippe ipsi invium, quin præclusâ viâ superiore, decurrat inferiores, excretionique dicatas, iisque impeditis, quærat insensibiliores, transpiratorias, quibus similiter obstructis, abditissima loca, quæ ne somniaremus quidem, ut per illa sarcinam suam copiosè deponat, seque à præsentaneo mortis periculo vindicet. Veritatem hujus asserti, atque admirandam naturæ energiam, ac conatum efficacissimum videre licuit in Illustrissimâ Matronâ Viduâ, septuaginta aliquot annorum. Hæc in Matrimonio plurimum liberorum Parens, tandem in puerperio malè tractata, acquisivit motus convulsivos qui tractu temporis in habituales degenerarunt epilepsiam, quotidie ferè imprimis nocturna, & imminetibus lunæ mutationibus recurrentem, sed brevi transeuntem, quâ finitâ, surrexit, ambulavit, bene comedit, in publicum prodiit, mente tamen vacillante, aliàs sana. Anno 1695. incidit in dolorem Colicum, quem adhibitis adhibendis, Clysteriis nempe frequentioribus, portionibus laxativis mannatis, infecuta est largissima diarrhœa duas septimanas continuans, cum Illustrissimæ Comitissæ levamine; hac cessante, rediit dolor cum levi abdominis tumore, atque febricitare cœpit. Prædixi hydropicam dispositionem, si non præsentem jam Asciten. Hydragogis, ob diversos affectus, viscerum tonum labefactatum, ob ipsum senium, cum nihil hîc tentandum, cordialia solum & absorbentia, v. g. Magist. Perlar. Smaragd. cord. temp. de gemm. frig. pulv. analep. lap. 69. præp. unicorn. mar. fl. nitr. pulv. hepatic. &c. adhibui. Continuarunt nihilominus calores, dolores acerbiores facti, sitis intensior, vigilie continuæ, accessit gravitas pectoris, spirandi difficultas, crevit abdomen, indicia aquarum in corpore crescentium, adeoque mortis indubiæ propediem adventuræ. Rebus ita jam conclamatis supervenit tandem natura, sollicita vitæ conservatrix aperuit poros quosdam in abdomine, sub epigastrio, à parte sinistra umbilici, instar acupuncturæ, ex quibus exiliit dies noctesque, non aqua pura, sed serum lentum, turbidum, pituitosum, coloris fusci, recrementis variis remixtum & in pelvi subsistens gelatinam aliqualem in fundo relinquens, copiosum. Evacuatis jam hac ratione liquoris huius aliquot libris, natura longè patientiorem sibi formavit viam, dilatando non solum poros, sed & eisdem erodendo, instar ulcusculi à fonticulo recens facti, quod foramen indies excavatum fuit, ut interanea nobis videnda dederit, & maximum digitum admisit, adeoque Chirurgi deligationem postulaverit. Crevit effusio seri turbidi quotidie in quartam usque septimanam, quo tempore demum decrescere, abdomen subsidere, symptomata suprâ recensita remittere cœperunt. Per duos menses apertum remansit foramen, antequam consolidatum fuit, ex quo ad minimum manarunt triginta libræ materiæ serosæ. Toto verò fluxionis tempore, vix aut rarissimè epilepticis suis convulsionibus, quas forsan eradicatas voluit natura, tentata fuit, metatasti sine dubio factâ, deductisque humoribus superfluis, acribus, salis, ad locum hunc paracenthesi naturali referatum, & evacuationi destinatum. Sic Aqualiculus nimium quantum tensus, cum toto abdomine subsedit, & Illustrissima Comitissa ab omnibus morti jam adjudicata, delinictis omnibus sympto-

maribus convaluit, vixitque sana & incolumis, ultra biennium, exceptis suis convulsionibus, post morbum redeuntibus, & à natura pro remedio ac signo sanitatis habitis. Anno demum 1697. quiescentibus iterum ex improvîso convulsionibus, sensit gangrænâ in femore ad muliebria serpentem, qua accedente Sphacelo, placidissimè obiit. Paracenthesin artificialem in debili hoc, ac senio jam confecto, nec non tot tantisque miseriis enervato, morti jam proximo, subiecto, diarrhœâ prægressâ, adeoque visceribus minus bene constitutis, quis ausus fuisset applicare, aut quis hîc loci, rebus sic stantibus, prosperum successum, multò minùs ejusmodi eventum planè admirandum sibi polliceri, nedum experiri potuisset, quin maturasset magis quàm distulisset mortem. Ast naturâ optima medendi Magistra, cum simul temporis sit servantissima, & sola omnium optimè noscat horarum momenta; varia excogitat inventa, quibus tempestivè satis dissolvat morborum nodos, arti Medicæ planè iudissolubiles. Similes fonticulos aut paracenthesin abdomine & thorace hydropicorum observarunt Spindlerus, Cent. Obs. Med. 52. p. 96. Cefo Gram. M. A. N. C. Dec. 1. Ann. Obs. 257. p. 383. & Ann. 3. Obs. 18. p. 23. Simon Schultz. Ann. 4. & 5. Decur. 1. Observ. 97. p. 128.

Paracenthesis abdominis sæpe reiterata.

Clariss. Hieronimi Laubii. Ephemer. German. Centur. 3. & 4.

Ann. 1713. sub finem mensis Aprilis, imploravit opem meam Muliercula, Tumorem abdominis prægrandem monstrans hydropicum, ac Paracenthesin desiderans, quam Lubecæ & Altonaviæ quinquies triennii spatio sibi cum aliquali levamine administratam retulit, simulque vivum adhuc & vegetum puerulum quinquennem monstravit, quem præsentem jam isto tumore, se concepisse ac peperisse asseruit. Reliquum illius corpus erat emaciatum, vires tamen, pro ratione mali non adedò fractæ. Dolor abdominis ac dorsii, à pondere aquarum usque & usque ad crepaturam usque abdominis accrescentium auctus, maturationem petita paracenteseos suaserunt, qua prima vice hîc loci instituta, ultra 42. libræ aquæ effluerunt cum levamine, ut in publicum rursus prodire valuerit, non longè post autem, denuò augmentum capiente tumore, paracentesi rursus opus fuit, qua decem mensium spatio, sexdecim distinctis vicibus instituta, ultra 720. libras vel 360. mensuras nostrates Aquæ purulentæ, ac sub finem morbi scetidæ eduximus, spatio temporis, à Paracentesi unâ ad alteram, ab initio quatuor vel quinque, postea vix duarum hebdomadam interjecto, singulis vicibus plerumque quadraginta, nonnunquam quinquaginta libris seri effluentibus. Notabile aliquandiu fuit, puncturâ (quam in dextro latere instituere soliti eramus) in latere sinistro factâ, ultra tres libras puris albi scetidi absque aqua profluxisse, eodemque tempore latere dextro peritulo, aquæ circiter triginta octo libras, secutas fuisse. Ob pauperiem, diætâ illius erat mala, cibus consuetus panis cum sale, potus aqua cruda.

Ultimis tribus septimanis lectum semper tenere coacta, ob vires prostratas, donec miseram vitam. mensis Martio, Ann. 1714. cum morte diu desideratâ commutaret, octiduo ante mortem adhuc triginta libris aquæ fuscæ greveolentis paracentesi educis.

Sequenti die à morte Cadaver examinaturus, remotis integumentis abdominis valde extenuatis & distentis, reperi e regione ventriculi, hepatis & renis dextri sex distentos tumores vel abscessus, quorum maximus circa ventriculum palmæ magnitudinem æ-

quabat, reliquis paulò minoribus: aquæ foetidissimæ adhuc plusquam viginti libræ effluebant. Mirabar initio unà cum adstantibus, cur neque intestina, neque reliqua ventris viscera in conspectum venirent, re autem accuratis examinatâ apparuit, non in ipsam abdominis cavitatem cultrum nostrum adhuc penetrasse, sed Abscessus memoratos & aquam in duplicatura peritonæi valde incrassatâ saltem hærete, isto enim à musculis abdominis & infra jacentibus visceribus levi operâ separato, quæsitâ omnia in conspectum prodibant, sed valde tenuia, parva; compressa, inprimis renes, qui vix juglandis magnitudinem habebant. Uterus adeò erat contractus, ut tota sua mole nucem Moschatam majorem vix excederet, & in cavum suum vix pisum recipere potuisset: vagina verò satis ampla erat, ut tres digitos facillè admitteret. Ovaria & tubas Fallopianas præ parvitate vix videre licuit. Saccus verò iste Peritonæi connexionem suam firmissimam habuit circa fundum uteri & intestinum rectum, ubi fornice refecari debuit, alibi vel solis digitis separabilis.

Majores tumores in vitâ adhuc semper post effluxum aquæ sentiri potuerunt: incisi & illi ac examinati post mortem, nil nisi cavitates pure crasso spissoque refectas monstrabant.

Plures alie de Paracenthesi Observationes videri rursus possunt in Bibliotheca nostra Medico-Practica, sub titulo Hydrops Ascites.

PARAPHYMOSIS.

Vid.

PENIS MORBI.

PARACYNANCHE.

Vid.

ANGINA.

PARODONTIS.

Solent interdum juxta dentes (inquit Aurel. Cornel. Celsus de Rē Medica lib. 6. cap. 13.) in gingivis tubercula quædam oriri dolentia *παρόντις* Græci appellant. Hæc initio leniter sale contrito perfricare oportet, aut inter se mixtis, sale fossili, combusto cupresso, nepeta; deinde eluere os cremore lenticulæ, & inter hæc hiare, donec pituitæ satis profluat. In majore verò inflammatione iisdem medicamentis utendum est quæ ad ulcera oris suprâ posita sunt: & mollis linamenti paulum involvendum aliqua compositione ex iis quas antheras vocari dixi, demittendumque id inter dentem & gingivam. Quod si durior erit, & id prohibebit, extrinsecus admovendus erit spongiæ vapor calidus, impotendumque ceratum: si suppuratio se ostendit, diutius eo vapore utendum erit, & continendum ore calidum mulsim, in quo ficus decocta sit: itemque subcrudum incidendum, ne si diutius ibi pus permanferit, os lædat. Quod si major tumor est; commodius totus exciditur, sic ut ex utraque parte dens liberetur. Pure exempto, si levis plaga est, satis est ore calidam aquam continere, & extrinsecus fovere eodem vapore: si major est, lenticulæ cremore: uti iisdem medicamentis quibus cetera oris ulcera curantur. Ex his patet apud Celsum morbum hunc Parodontidis nomine venire, nam idem habent editiones hu-

jus Autoris accuratiore; Oporiniana videlicet Basileæ Ann. 1552. confecta: ut & alia ab Henrico Stephano Ann. 1567. evulgata. Miror autem quid causæ fuerit cur Gulielmus Pontinus, in Notis ad Oporinianam editionem scripsit, legendum ex Ægineta *παροντις*, quia nullum vitium quod græcè *παρόντις* appelleretur: siquidem præterquam quod sic legere potuit Celsus in Codicibus græcis qui suo tempore exstabant; quique in prædicti Pontini manus non venere; quis non videt legitimam esse vocis ethymologiam ex *παρ* & *δόντις*: quâ apprimè denotatur affectus juxta dentes; quem nullò assignatō nomine propriò, sic describit & curat Hieronimus Fabricius ab Aquapendente Operationum Chirurgicalium libro, ubi de Gingivarum Chirurgiâ. Quod si præter Gingivarum tumorem (inquit ille) accedat retrò magis ad molares dentes, caro crassa & putrida, maximè extuberans, eò casu, ferramenta adurentia difficulter imponuntur; tum quia, propter carnis crassitiem, & densitatem, vel multâ morâ, non satis comburunt; tum propter loci angustiam & partes circumstantes, quæ non sustinent candentia ferramenta; ideoque necessarium est prius, quantum fieri potest, excidere ferramentis excidentibus, scalpris similibus; sed longe majoribus; postea reliquias inurere, & os quoque maxillæ, quod labem contraxit. Quod si scalpria sanguinis profluvium moveant, iisdem; aut certè aliis, eadem formâ præditis, sed candentibus utendum est; ut his, qui cætera recti, in extremo recurvati sunt, prout usus & locus requirit. Postremò ad reliquias putridæ carnis, & os subjectum, quod ex contactu putridæ, glandulosæque, & pinguis carnis vitium contraxit, candentia commoda alia ferramenta per cannulam immittuntur, obice secundum eorum longitudinem sanarum partium contactum prohibente; quæ sanè putridæ & intumescences carnes; etsi ab aliis non proponuntur, mihi tamen sunt perspectæ, & experientiâ comprobata, quibusdam ferramentis ad id fabrefactis. Parodontidis etiam nomen in Lexico Medico Castello-Brunoniano legitur, additurque non videri quid obstat quò minus hoc retineri, & in usum revocari queat, quantumvis opponant aliqui à nullo Græcorum usurpatum observari. Interim tamen Accuratissimo Viro Marco Aurelio Severino magis arrisit Parontidis vocabulum per abbreviationem alterius efformatum, nec est quod in hoc litem ipsi moveamus; quin potius quæ in aureo suo tractatu de recondita abscessuum natura; doctè, promore, de hoc affectu scripsit, continuò hîc adjungimus. Sic itaque ille:

Proditum est à Bartholomæo Eustachio j. de dentibus; ad horum præsepiola sæpè, tam multum affluere gypseæ pituitæ, ut sinibus ipsorum repletis dentes à vinculis exsolvantur, forasque sensim propellantur. Mea verò est observatio, ex eadem eluvie pituitæ concrementum enasci carneum, subrubrum, durum, progerminum, quod interdum galli coronam, interdum ostracodermi carnem purpuream refert. Hoc genus Epulidem nostrates Medici nominant, verum quàm rectè viderint. Etsi enim epulis excrecentia quædam est carnis: hæc tamen succedit ad malè purgatam, & minimè resiccatam parulidem, quæ Paulò, & Aetiò testibus, inflammatio quædam est particulæ cuiuspiam gingivarum. Utraque autem expullulatio quædam est sanguinis, & calida *δυσσημασία*: quæ Pauli est doctrina, partim in lib. 3. partim in lib. 6. descripta. At verò, quod nos proponimus, germen est carnis, nullâ unquam prægressâ phlegmone, sed solâ humoris viscidî crassique scatebrâ profectum: quod genus *παρὸνθλασιμαζα* Galen. vocavit, lib. de tum. præter nat. cap. 21 *παρόνθας* verò, latinò non inventò nomine, dixit Cornel. Celsus lib. 6. rei Medic. cap. 13. Non difficile autem est, ut germen latiusculum intellexerit

lexerit carnis; quandoquidem ait; si major is tumor est, commodius totus exciditur sic, ut ex utraque parte dens liberetur. Quod si minor interdum etiam hic tumor à Celsò describitur: id propterea non facit, quò minus & major hoc genere comprehendatur.

Quod ego germen; tum ex substantia, tum ex durtie, scilicet sarcoma vocandum judico: quale ferme descripsit Balduinus in hist. Medic. Miscellan. 7. aut quale narravit Felix Platerus in observ. Sed & quæcumque nos hujus generis curavimus, omnia citrà phlegmonem evenere. Quæ, si placet, experimenta de plurimis selecta narremus.

Perisæ Peregrinæ conjugii Michaëlis Angeli Pinti, trigésimum annum natæ, ad ante penúltimum molarem obliquè nata caruncula, principiò lentis magnitudine, mox dimidiè fabæ modo. Quod concrementum à Medicis & Chirurgis leniter tractatum, & per medicamenta plurima non repressum, intus, extraque septa dentium excrevit sic, ut molarem alterâ parte revulserit, & contorserit, quò tempore infrenabilia profluvii sanguinis extiterunt: atque eò magis verenda, quòd cumulatissimè prægnantem offenderunt, à qua jam sarcina diù levata; sed incremento latiore sarcomatis; & putore saniei, quam grypi duxerant, afflicta & perterrita: jam me ferramenta liquidò adhibiturum accersit. Quibus ego, tum frigidis, & rescindentibus, tum igne retorridis variè, arque aptè administratis, viraginem alioqui fœminam ab annua, & amplivaga noxa liberavi, collega ad eam rem Joh. Dominicò Mallochò efficacia medicina cum primis amicò. Quò ipso item præsentè, & Joh. Baptiste filio, Andree Piscicelli, octavum annum nato, schirrhosam istiusmodi carunculam, mole quidem aliquantò minorem, sed pro immedicabili ab aliis summis Chirurgis relictam, semiligneò discindentè scalpro curavi. Post hos erit tertia filia Tonforis, Anton. Fusci, Sed aliis nominibus admiranda fuerit narratio de Victoria, Antonii Contadi Sartoris filia, quæ ad hunc se modum habuit. Maxilla inferior dextri lateris mirum in modum turgida vitium alebat, quâ molaris secundus est. Hic si ferrò plusculum atrectaretur, audiri tum fragor, & resonitus vaginulæ veluti quassæ. Ita scilicet minùs amicus erat dentium complexus; quàm obrem de excutendo saltem uno molari, alioquin infirmiore, significatum à me est: qui sic quidem hærebat laxè; ut matris manu per filum fuerit exemptus. Sic carnis inutile glomer, quòd radicibus extracti dentis exultaverat, tractare commodius fuit: adeoque resectum primò per scalprum, mox ignito auro repressum est: quæ cum semel opera exhaustiendò vitio non satisfacisset; rursus, ac 3^o repetita est. Mirumque fuit, ut extumescens diù facies; atque etiam maxillæ turgor residere brevi sunt visæ; quanquam ad exteriorè malæ faciem, & medicatè cinnabaris fumo spongiolæ, & diapyriti emplastra, & ex plumbo hydrargiroque conflatè lamellæ, nonnihil adjumenti dedere. Quas meas omnes administrationes, & curationes confidentèr admittendas, atque exequendas; parentibus suaserat excellens in arte Medica vir Horatius Thesaurerius Collegii Salernitani Doctor. Ad hæc exempla possem & de caruncula spongiformi dicere, quam Illustri fœminæ Victoris Pyrrhoniæ de primo molari dente subduxi. Quibus jam omnibus expositis experimentis, satis perdiscere potuistis, initiis, materiâ, substantiâ, magnitudine, more atque aliis accidentibus propriis; & privatis, scilicet sarcoma esse. Tantum abest ut de parulidis genere sit, quòd firmatum aliorum opinione fuerat.

Hactenus Doctissim. Severinus. Hisce jam proprias subjungemus observationes, oppidò raras; quarum prior communicata fuit Viro Præclarissimo Dom. Joh. Jacob. Wepffero; ac ea propter ejusdem responsum,

ipsius historiæ annexum videbitur:

Parodontis in Virò plus quàm quadragenario, lethalis, postquàm maxilla inferior, à parte dextra, ab ejus malignitate profundius corrosa, seu potius perfracta fuisset.

Vir plus quàm quadragenarius, temperamenti pituitoso melancholici, fluxionibus in dentes subinde obnoxius, tandem patitur tumorem circa secundum dentem molarem à parte dextra, in inferiore maxilla, qui sensim incrementa sumens, cum aliquo dolore, dentem proximum de sede sua non parum dimovit, unde facile fuit Chirurgo expertissimo, primùm accersito, illum digitis apprehensum, sine ulteriori apparatu avellere. Verum non sic eradicatum est malum: nam carnes glandulosæ ac pingues, quæ jam in ejusdem dentis alveolo radices posuerant, commodiorem quasi vegetationem per ablatum obicem nactæ, non parum excrevere; nec licitum fuit Chirurgo eas per spiritus aciores, aut nitri, aut vitrioli cohibere; quin potius indies vegetiores factæ, eò magnitudinis pervenerunt ut caput infantile equarent, partemque concavi oris, non tantum occuparent; Sed etiam inter maxillam & maxillam ac buccas exterius monstruosè protensæ, immensum à parte afflicta genam inflarent. Tumor grandiolem referebat uvam cujus pedunculus in ipso dentis evulsi alveolo, ac gingiva utrinque ipsum circumcingente, positus, truncum ac ramos varios de se promebat, quibus appensa erant corpora glandulosa innumera, coloris, partim subalbidi, partim lividi; sed admodum fœtentiâ. Quod primum non cesserat remediis, vulnerariis, balsamicis, & variis desiccantibus, tum intus, tum extus, magnâ diligentia adhibitis; ferro, tandem & igne, etiam renuente egro & affinis, aggressi sumus, nec tamen datum est illud eradicatum facere; imò sic vidimus cariem in subjectam maxillam non parum serpsisse, illamque jam propè discidisse, ita ut igne profundiores ipsius cuniculos attingere non liceret. Propterea à tam malè affecto fundo continuo pullulabat ea carniū glandulosarum quantitas, quæ resarciendis intra minùs quàm viginti quatuor horarum spatium carnis magno labore exsectis, & combustis, satis esset. Affectionem tam horrendam concomitata est postmodum febris hectica; eaque satis vehemens, quâ corpus in extremam maciem deductum, per crura ac tibias leucophlegmaticè tumuit. Perstat tamen appetentia, ac ea vitium tolerantia quæ quibusvis operationibus hactenus par fuit. Parodontidem credimus hic adesse ab Aurelio Cornelio Celsò, descriptam; & à Marco Aurelio Severino per ferrum & ignem sapius sanatam: Sed pessimi prorsus moris, quæque nullis auxiliis auscultare sit parata. Nobis præterea omnia peritimescenda veniunt ab accensa febre, & leucophlegmatia enascente, imò & jam adolescente; quapropter libentes consilia super casu tam difficili excipiemus.

Consilium Medicum Præclarissimi D. Joh. Jacob. Wepfferi super casu proposito.

Caro ex gingiva pullulans nondum cancroso, esse videtur, licet glandulosa dicatur; (mallem illam fungosam appellare) quia manifestè os cariosum tangitur, & quidem insignis ejus portio in maxilla inferiore; deinde quia jam aliquoties suâ membranâ sublatâ nondum ad vicina serpsit: quòd aliàs fieri solet, & in hoc loco factum fuisse memini; scilicet non pepercisset vicinæ maxillæ, gulæ & linguæ. Ustionem ferro candente cum excellentissim. Dom. Medicis & Chirurgis summopere probo; illamque strenuè continuandam existimo.

existimo quoniam præ aliis fungum radicibus extirpat; Si malignitas sublit, illam corrigit, quin etiam illius scaturiginem scilicet, cariem tollit. Hæc longè tutior est spiritibus corrosivis, etiam aq. viridi Plateri, butyro antimon. &c. Vix enim caveri potest quin hæc fluida ad partes vicinas dimanarent, illisque periculosè exulcerarent; quin etiam, quia ad omnimodam sublationem, frequenter & diu instillarentur, tandem totam massam sanguineam acri humore imbuerent. Sic talem fungum cancrum in parte interna femoris, butyri antimonii quidem usum sublatum novi, egram tamen post annum phthisi mortuam fuisse. Tinctura lacce, quæ adhibita est; ad coercendam carnem luxuriantem efficax est; & quoniam gingivæ quoque tumidiores sunt, talis syrupus cum pulvillis ex filamentis paratis, inter gingivam & malam dexteram interponi posset.

℞. Succ. nasturtii ℥ij. Folior. raphan. rusticar. ℥j. Melis rosac. ℥iij. Myrrh. electæ ℥ij. Coque ad consistent. Syrup. crassioris. Ulcus in maxilla inferiore amplius reddendum est, ut caries plenè detegatur, & scalpi, aut radi, quin etiam trepano, quæ Aquapendens est, in uno alteroque loco perfodi posset. Sic enim os cariosum facilius à sano separatur. Pulvis catagmaticus tardius suum officium faceret. Dilatatum ulcus, omissis balsamis, & tincturis, solis filamentis implendum, & emplasti diapalm. regi posset. Si ulcus foris fordesceret, aut tincturâ myrrhæ, aut aquâ phagedenicâ, caro eluenda erit, parcendo quantum possibile ossi.

Quoniam D. Ager est temperamenti frigidi & humid, decoctum siccans necessarium erit, quod procul dubio feret, cum, febre præsentē, purgantia aliquoties data, toleraverit. Certè ab his decoctis, secundum Nicolaum Massam, pinguiotes fiunt; cui adstipulantur experientia & Freitagius, qui illa in quadam phthisi cum fructu suadet. Omissis itaque antimonio crudò & mercurio vivò, tale paratur.

℞. Lign. sanct. ℥iij. Sassa. ℥j. Radic. sarsapar. ℥vi. Passul. maj. exacinat ℥iij. Sem. fenic. ℥iij. Incis. & contus. infund. hor. 12. in aq. font. lb viii. Postea coque in vase vitreato bene clauso in B. M. horis duabus sponte frigidatum, coletur sine forti expressione. Hujus decocti manè, horâ quintâ bibat ℥iv. vel ℥v. calidè. Post horam incumbat scamno sudorifero, cujus confectionem & adaptandi modum nuper descripsi; videri quoque potest apud Tenzelium in Trino Bezoardico, & Marco Aurel. Severinum de Chirurgia efficaci. Super scamno primâ vice non ultra horæ dimidium moretur. Dum scamno incumbit, subinde refocilletur tali, aut simili misturâ, cujus, qualibet vice, unum alterumve cochlear detur.

℞. Aq. Card. benedict. fumar. an. ℥iiß. Antim. diaphor. cum triplo nitri deton. ℥j. C. C. pphicè præparati ℥ß. Syrup. de rubo idæo ℥vi. M. Post horam dimidiam, lectum repetat; sed calfactum. Vespere, circa quartam, rursus bibat decocti ℥iij. Elapsâ dimidiâ horâ, scamno rursus incumbat, ibique ut manè mixturâ reficiatur. In progressu, manè & vespere, etiam ad horam cum dimidia super scamno permaneat, quod sine ulla virium prostratione fiet; si modò misturâ diligenter reficiatur. Ad minimum hæc ultra tres septimanas continuanda, quotidie bis sudatido; sed nunquam ultra bonam tolerantiam. Sudoris provocationem super scamno tutiorem putò quàm in stupa, aut cista ad id accommodata, quoniam inde caput non multum incalescit; & efficacior quàm in lecto. Sudor elicitur commodius calore prunarum, quàm spiritu vini accenso. Si affectus protrahatur, naturæ per dies 14. induci concedendæ; postea sudatio rursus per alios 14. repetenda. Viæ sit paulò plenior quàm in lue venerea conceditur, & quia

mastitatio difficilis est, præter jascula carnis, concederem carnes elixas minutim concisas, item ova forbilia, fructus dulces coctos. Potus sit decoctum sassafr. aut lign. visc. quern. aut rad. chinæ

D. T. O. M. Domino Aegro hæc salutaria esse jubeat. Scaphusii, die 18. Decembr. Ann. 1689.

*Hactenus Clariss. D. Wepfferus, jam sequitur
continuatio historiae ad mortem usque
D. Patientis.*

Accepto Clariss. D. Wepfferi consilio, non tantum ferrò & igne, ac medicamentis desiccantibus, vulnerariis & balsamicis, intus & extus adhibitis morbum debellare adnitebamur; intus scilicet decoctis traumaticis variis, ac etiam ex radicibus & lignis, purgantibus subinde cum mercurio dulci intercalatis; extus verò, iisdem decoctis & succis, ac etiam tincturâ gummi lacce cum spiritu vini armoniacato extractâ. Sed præterea ad sudores ipsos devenimus, quos igne in lecto, quia alium situm ferre non poterat commodè æger, provocavimus, nullumque inde enatum febris augmentum, quin potius sic aliquatenus illa remittere visa. Verum non interim coerceretur malum in maxilla, quin in dies profundiores agens radices, illam tandem prorsus discidit, ita ut ad anteriora pendula foret, nec aliàs os claudere posset Domin. Patiens quàm per adhibitam fasciationem aptam, impositamque ferri tenuiorem laminam ad formam soleæ ferreæ quæ equorum armantur pedes exsectam. Carnes è carie pullulantes quæ primùm quasi glandulosæ fuere, tum propè cartilagineæ factæ sunt, atque ex primo suo fundo ad maxillæ usque juncturam radices suas promoverunt. Tot victus malis Ager noster tandemque funestâ colicâ delaniatus, inter frequentes lipothymias, die 28. Januarii anni 1690. animam efflavit. Emortui cum maxillam ipsiusque tumorem ad examen revocassemus, vidimus illius cariem, ultra pollicis cum dimidio ad summum se extendisse, sed inde ita os corruptum fuisse, ut prorsus friabile foret. Tumor ex parte carnis, ex parte glandulosus, seu, ut Clariss. Wepffero lubet, fungosus, ex parte cartilagineus, ac quasi corneus, reperiens est; totamque maxillam à parte dextra latè circumcingebat, ac ad ejusdem juncturam ascendens, ipsius ligamenta ita laxaverat, ut luxatio ibidem perfecta sic efficeretur. Plura in cadavere non sumus rimati.

Parodontis in puella, brevi sanata.

Annò 1690. mense Septembri cum Neocomum Helvetiorum iter habuissē, mihi oblata est puella quinquennis; in cujus maxilla inferiore, parte sinistrâ, medio inter mentum ac juncturam maxillæ propè loco, enatus erat tumor glandulosus, quò proximus dens de sede sua pulsus, simplici forcepe à Chirurgo extractus fuerat. Verum non ita facile tumori in dies incrementa sument, ac cariem in subjectum os propaganti, mederi. Suadebam ego extirpationem tumoris, atque identidem ignis admotionem pro ossis correctione: at renuebant parentes; & propterea autor fui ut subinde imponerentur loco affecto plumaceoli, elixyre volatili, è spir. sal. armon. variis balsamicis saturato; imbuti. Adjungebam prisanam desiccantem, purgantiaque per intervalla mitiora. Sicque, nullo alio adhibito auxilio sanata est Agra.

PARONICHIA

De Paronichia hæc habet Clariss. Joh. Munnicks.

I. Inter Tumores haud immerito à Cheirurgis refertur Reduvia seu Paronychia, quippe quæ in vicinia seu lateribus Unguium in Digitis generari consuevit: Latinis Panaritium nuncupatur, Nostratibus *De Vuit*, Germanis *der Wurm oder das Ungenade*. Vulgus enim in ea est sententia, Vermem in illo Tumore latere, qui rodendo tantos excitat dolores, eumque nominatum exasperari, ideoque nominandum non esse.

II. Est autem Panaritium seu Paronychia Tumor in Digni extremo, admodum dolens, ex acido-acri atque fetino humore, tendines, nervulos, periosteum, imò os ipsum rodente, ortus. Estque duplex hic Affectus: Alter enim ad Unguis radicem nascitur, ac plerumque in superficie duntaxat, cum nonnullo dolore. Alter verò profundior est, ad ipsum usque periosteum, cum acerbissimo & acutissimo doloris sensu;isque symptomata gravissima, febrem puta, syncope, convulsionem, ulcus malignum, cariem, interdum & totius partis corruptionem infert.

III. Igitur ortum habet hic Tumor ab humore acido-acri, & acri-salino, simulque volatili, Aquæ Stygiæ haud ab simili, præterquam quod hic multo volatilius sit; qui cum sanguine per arteriolas ad Digni extremum, & quidem ipsum in periosteum delatus, immanem rofionem, hinc acerbissimum dolorem, simulque ex continuo affluente sanguine Inflammationem excitat.

IV. Signa verò quibus dignoscitur hic Affectus, sunt Tumor, Rubor, Dolor circa Unguem intolerabilis, qui continuo Ægrum affligit, atque non raro ob consensum partium nervosarum per totum brachium extenditur, & comitem habet febrem continuam; ac lypothymiam, &c. Cæterum quo peccans humor magis vel minus acris, ita malum hoc mitius vel deterius est. Quandoque os, digitus, tota manus corrumpitur, imò aliquando ex dolore mortuus fuit Ægrotans.

V. Sed quemadmodum de Causa hujus Affectus superstitiosas opiniones (viz. Vermem in hoc Tumore latere, qui rodendo tantos excitat dolores, &c.) Vulgus habet; ita & de Curatione putat nimirum, si quis Tempore Verno Spermate Ranarum manus madefecerit, ac sponte siccati fuerit, & postmodum Digitum hac inflammatione laborantem comprehendat, inflammationem sedari. Alii Talpam vivam singulis annis manu comprehendunt; & pronunciatis conceptis quibusdam verbis Talpam comprimendo occidunt; atque hinc per totum annum Vermes istiusmodi se occidere posse jactant. Verum ut nugæ hæc omittamus, genuinam Panaritii consideremus Curationem.

VI. In qua, Generalibus; Venæsectione scilicet, & Universali Purgatione haud neglectis, Affectus Dignus aliquandiu foveri potest hoc vel simili Decocto,

℞. Florum Camomillæ, Meliloti, Sambuci an. Mj. Seminis Lini, Fœnigræci an. ʒss. Coquantur S. A. in Lacte Vaccino.

Vel applicetur Cataplasma,

℞. Fol. Hyosciami, Flor. Anethi, Sambuci an. Mj. Sem. Lini; Papaveris an. ʒij. Farinæ Althææ ʒiſs. Coq. in Lacte Vaccino, & fiat ex his S. A. Cataplasma.

℞. Farinæ Hordei, Lini an. ʒvi. Butyri recentis; Mucilag. Sem. Psyllii an. ʒj. Vitellum unius Ovi, Pulv. Croci ʒj. Misceantur S. A.

Nonnulli laudant Ea, quæ sequuntur,

℞. Farinæ Avenacæ, vulgò *Havergoxt*, Coq. S. A. in Aceto Vini in formam Cataplasmatidis, quod calidè applicetur, & identidem renoveretur.

℞. Herb. Senecionis, Sedi Majoris an. part. æq. Ex his contusis fiat Cataplasma. Scribit Aquapendens, quoddam mulieres hunc Affectum in initio (viz. cum Dignus incipit dolere, hoc est, in primo doloris impetu, neque adhuc in Digno ullus Tumor Ruborve apparet) statim Curare, Digni extremum in Ebullientem Aquam aliquoties immittendo, ita tamen ut vix digitus aquam attingat: est enim remedium, quod materiam exiguam fluxam statim dissipando evacuat. Probat quoque hanc immiſſionem in Aquam Ferventem Severinus in Pyrotechnia.

Alii volunt, ut aliquandiu in Ovo Putrido teneatur Dignus, idque sæpius hunc Affectum curasse affirmant.

Riverius peculiari Medio hunc Affectum curat, de quo Cent. 4. Observat. 63. hæc habet: „Virgo quædam Paronychiam patiebatur in indice manus sinistra quæ ipsam vehementer afflixerat per quatuor dies; jussi ut Dignum immitteret in Aurem Felis, & intra duas horas doloris expers fuit: sentiebat per intervalla attractionem digiti in auris cavitatem, ac subinde dolor totum brachium invadebat, usque ad humerum: eo denique tempore Felis vociferabatur, ut credibile sit, eum dolore affici à veneno attracto; tota manus intumuit, ac postea detumuit, excepto digito, qui tumefactus remansit, sed doloris expers: subito dolore digitus extractus est, & suppuratus apparuit, ac deinceps solo Emplastro Diapalmæ curatus.

VII. Saltem in Principio Curationis dolorem lenientia, & acrimoniam humorum mitigantia, suppurationemque adjuvantia Digno Affecto admoveantur. Itaque Ægrotans aliquandiu Dignum detineat in hujusmodi spiritu fervefacto.

℞. Spiritus Vini ʒij. Theriacis, Camphoræ an. ʒj. Opii ʒss. Misceantur.

Deinde imponatur Cataplasma.

℞. Herb. Rutæ, Salviæ an. Mss. Flor. Camomillæ, Sambuci, Meliloti an. Mj. Sem. Cumini ʒj. Coctis in Aqua & Vino ad molliem, & in mortario contusis adde Farinæ Lini, Hordei an. ʒj. Pulv. Sabinæ ʒij. Croci ʒss. Butyri recentis ʒiſs. & M. F. S. A. Cataplasma.

Sed quandoquidem hujusmodi Tumor valde contumax & suppuratu difficilis est, & is maxime qui os attingit; si adhibitis remediis Suppuratio tardè promoveatur, ille profecto, etiam ante perfectam maturitatem aperiendus erit. Id quod tutum ac unicum remedium est, & ad sedandum dolorem, & ad supradicta symptomata impedienda commodissimum. At enim Tumor hic alia ratione secandus est, quam ceteri abscessus, propterea quod non semper facile est de loco, ubi pus resideat, judicare; quippe quod quantitate exiguum, profundum adeo, & ossi proximum. Igitur Sectio facienda est in medio Digni in interiore parte, non longè à Digni extremo, ad os usque; deinde Ulcus curandum.

Quod si negligentia Ægrotantis aut Cheirurgi Sideratus Dignus fuerit, extirpetur, nisi totum negotium naturæ committere placeat, quæ sæpius officulum corruptum separat, ejicitque.

Sin Caruncula luxurians, seu Carneæ Excreſcentia in orificio excreverit, Ea vel Ferro, vel Medicamentis exsiccantribus aut exedentibus tollenda.

Quum verò tardius accersitus Cheirurgus magnam humorum collectionem reperiat, Dissipantia & Suppurantia applicentur. Hinc rupto vel aliter aperto Tumore, summa habeatur Cura, ne tendines corrumpantur; atqui corrupti qui sunt, separentur sive medicamentis, sive instrumento secante.

VIII. Fabricius Hildanus, uti refert Cent. 1. Observ. 97. Inflammationem aut notabilem Tumefactionem, & Suppurationem non expectat; sed in Muliere, quæ dolore acerbissimo in extremitate digiti, cum febre

febre, lypothymia, nausea, aliisque symptomatibus laboravit, Curationem sic instituit. Primò Digitum Lacte Vaccino, cui Flores Camomillæ, Meliloti, Semen Scenigræci & Cydoniorum incoxerat, aliquandiu fomentavit. Deinde cutis superficiem paulatim dissolvit. Cute abrasâ Maculæ quædam rubicundæ apparere; quibus acie currelli incis, guttulam unam aut alteram Aquæ rufæ sub cute invenit. Illâ evacuâtâ Linteum madefactum Spiritu Vini, in quo dissoluta Theriaca, applicuit; quibus mox sedatus est dolor; atque unico hoc remedio sanatus fuit digitus altero die.

In alia quoque Matrona, quæ per triduum ob vehementem ex Paronychia dolorem dormire nequiverat, abrasâ cute maculam in apice digiti sub cute invenit, in qua vix una guttula ichoris contenta fuit. Maculâ incisâ, applicavitque Digito Gossypio Spiritu Vini cum Theriaca imbuto, Manui verò & Carpo Linteum reduplicato ac Poscâ madefacto, statim cessavit dolor; ita ut postero die omnino sanatus fuerit digitus. Equidem addit Hildanus, statim ab initio incisionem hanc fieri debere, aliàs ex concursu humorum inflammationem & tumorem excitari, atque subjectos tendines, imò etiam ossa erodi. *Hactenus Joh. Munnicks in Chirurgiâ ad Praxim hodiernam adnotatâ.*

Curatio ex Glandorpii Speciali de Paronychiâ tractatu.

Corpore purgato per venæ sectionem & purgationem ad topica deveniendum est. Nec solum hîc, secundum Hipp. 1. Aphor. 1. præstare oportet opportuna se ipsum facientem, sed & ægrum, & assidentes & exteriora.

Joana. de Vigo iis præmissis stypticis medicaminibus utendum cernit, quorum prima forma talis.

℞. Dno poma granatorum integrorum decoctorum in decocto hordei, rosarum, balaustrorum. deinde omnibus pistatis & cribellatis cum farina lentium, hordei & fabarum, parumque decoctionis prædictæ cum huiusmodi cribratura ad ignem fiat emplastrum solidum, add. ol. rosat. omphac. myrtin. an. ʒiʒ. Croci ʒi. Ultimam facies sic.

℞. Farin. lentium. Hordei. Fabarum. an. ʒj. Myrob. citrin. ʒj. Gallat. tinctot. ʒʒ. Bull. omnia cum vino granat. & pau. acet. rosat. usque ad spissitudinem solidam, add. ol. rosat. omphac. ʒij.

Et nota, quod si ista auxilia viderentur conferre huic morbo, ita quod præstent sedationem doloris, tunc cum eis transeundum est. hæc ille.

Guidonis de Cauliaco cura non variatur à cura communi, nisi in majori infrigidatione & refrenatione circa principium, & majori sedatione doloris, factâ igitur phlebothomiâ, evacuatione & diatatione calidarum, juvetur in principio cum aceto puro, aut cum semine psyllii mucilaginato, aut cum gallis & corticibus granatorum misto, unde Halyabbas dicit, quod sapiens Hipp. in 4. Epid. cum galla viridi & aceto dolorem curabat. Camphora etiam ab Avicenna in hoc affectu multum laudatur in augmento & statu acetum cum farina hordei aut cum fursure apponatur, & in fine competit oleum cum thure & nigella ad resolvendum.

Paracelsus, *der Heylung seyn dreyerley* characteristica, superstitionalis, & naturalis Glossa. Character est Abraculaus, quod nomen scribunt in papyro, & circumligant digito, & per tres horas sinunt durare, postea curatus est: sic utuntur campisatores. Superstitionalis, id est, benedictionalis, *mit segenen*. sicut serpentes adiutantur. Aqua benedicta sumitur, & miscetur cum sale benedicto, & mixtum rursus benedi-

citur, & postea digitus baptizatur in nomine P. P. & S. S. & tamdiu habetur in mixtura, donec vermis moritur. Alius iusticus est, qui sputis tribus vicibus super digitum languentem, & semper dicit, Pouz. Tales superstitiones apud Paracelsum & alios aliquando invenies. Sed religionis rectæ lex tum in veteri, tum in N. Testamento huius modi impias nugas, in quibus sacrosanctum Dei nomen per diabolicas impeturas contemneratur, vitare jubet.

Nam hoc est tentare Deum, humana curiositate fictis ritibus Dei operationem alligare velle. Neque enim ipsi visum est agere per alia media, quam quæ in natura & verbo suo ordinavit. Naturalis cura est per anodyna, sperma ranarum, narcotica, mandragoram, & per putrefacientia, stercus porcinum, &c.

Gordonius, corpore igitur mundificato, à principio fiat emplastrum cum mucilagine psyllii facta in aqua rosarum, & opio, & camphora, & farina hordei, & aceto, in augmento autem illinatur locus sorditie auris, & in statu cum mucilagine psyllii, facta cum lacte, & in fine statim perforetur cum acus, & in declinatione medicetur cum farina lupinorum & melle, & si ibi esset ulcus, curetur cum aloë, thure & arsenico.

Valeiscus de Taranta laborans paronychiâ in principio seipsum hoc modo curavit, cum maxime inquietus esset, apposuit lenticulam aquaticam, & incorporatam cum aceto, & albumine ovi, statim à dolore fuit liberatus; & cum vidisset aliquid sapiei sub cute, in latere unguis aperuit cum acu, & emisit duas tresve guttas saniei, & curatus fuit.

Pigræus: In paronychiâ initio refrigerantibus utendum pharmacis, & iis, quæ censentur esse magis anodyna, dolorisque sedandi vim habentia. Cataplasmata oxalidis coctæ & recenti butyro aut axungia porci admixta, optima sunt & appositissima. Quod si inflammatio magna fuerit, utiliter addentur hyosquiami folia, aut malum granatum in cineribus coctum, unâ cum axungia, ut dictum est, mucilagine psyllii, seminis lini, scenigræci & althææ ad id etiam valde conferunt. unguentum populeum cum melle æquali portione mixtum, & croci aliquantulum efficax est remedium.

Ægineta, cum parva adhuc est reduvia, & prima habet rudimenta, gallâ cum melle eam reprimat, vel Musæ pastillus, vel Neræ ex aqua.

Platerus nobili puellæ applicavit ab initio emplastrum ex melle cum farina subactum, addito pauco salis, unde dolor mitigatus est.

Chalmeteus, in topicis initio repellentia cum anodynis miscenda asserit, hancque formulam præscribit.

℞. Succu portulac. Solani, Plantagin. Aut crassul. & umb. ven. an. ʒj Muccag. semin. psylli cum succis extract. ʒij. Boli Armen. ʒij. Gallat. ʒʒ. Camphor. ʒj. Ol. rosat. ʒiij. Misceantur & frequenter applic. Dein inquit idem, Ego expertus sum ovi albumen cum oleo violato magis dolorem arcere, quam narcoticum.

Rhasis: In panariciis confert, ut igniatur oleum, ne aduratur taliter, & imprimatur in ipso. Si ergo sedatur pulsatio, & sanatur, tunc illud sufficit. Quandoque confert ei in principio, ut liniatur cum æruginis ferri & aceto, & ponatur in nive, usquequo obstupescat.

Stockerus: A principio fiat repercussio cum succo solatri, aut vermicularis, aut ejus aqua. Ponatur etiam digitus primò in acetum calidum cum fursure & farina hordei, confert albumen ovi, mucilago psyllii, pulvis gallarum.

Paræus, ad doloris sedationem eadem remedia parti laboranti imponenda sunt, quæ carbunculis imponi so-

ni solent ut folia oxalidis, hyoscyami, cicutę, mandragorę, sub cineribus calidis cocta, & cum unguento populeo recenti, vel oleo rosaceo, butyrove recenti & salis experti in mortario contrita &c.

Guillelmus Fabricius Hildanus, chirurgus per universam Germaniam famatissimus observat. & curat. chirarg. centur. 1. observ. 97. hæc habet: Curationem sic institui, primò quidem digitum lacte vaccino in quo flores chamęmel. melilor. semen fęnigręc. & cydonior incocta erant, aliquantulum fomentavi: Deinde superficiem cutis paulatim abscui, abrasa cute maculę quędam rubicundę apparebant, quibus acie cūtellii incis, guttulam unam aut alteram aquę rufę sub cute inveni. Illā evacuatā, lintecum madefactum aqua vitę ubi nonnihil theriacę dissoluta erat, applicui. His statim sedatus est dolor: atque hoc unico remedio altero die sanatus fuit digitus. Reliqua quoque symptomata, purgato leviter corpore, sopita fuerunt.

Ego, præmissa phlebotomia, corporeque convenienter expurgato, statim, si modò consensus sit patientis, ad sectionem confugio, præsertim ubi animadverto, repellentibus me nihil præstare posse. Hocque affirmo audacter, me ex omnibus, quos hucusque sub cura habui, nullum solis percussivis ex toto curasse, leviora verò ex illorum usu oborta symptomata. Ubi itaque mihi denegatur sectio, nec repellentia satis faciunt, caustica fugiendo ac evitando, (utpote meo iudicio inconvenientia) ad suppurationem curationis scopum & quidem dirigo feliciter meum, ut ex observat. latius patebit.

Quoniam si materia, quę affluxit, & in parte contenta est, repellentibus profligari nequit, secundum Joannem De Vigo, si dolor indies augeri videtur, tunc statim ad maturativum de malvis & violis farinaque hordei, omnibus secundum artem in huiusmodi decoctione decoctis cum butyro & vitello ovorum emplastrum faciendū, recurrendum est, quod per duos dies super loco applicetur. Deinde nulla medicina melior est, quam protinus candenti ferro locum aperire secundum longitudinem, in summitate digiti, ista enim cauterisatio, licet non sit sequuta loci completa maturatio, plerumque digitum conservat, ne fiat corruptio in nervo & ossę, & cum hoc dolorem sedat, &, quod aliquando sunt nonnulli, qui huiusmodi cauterisationem repudiant, & ipsam pati nolunt, ideo in istis necessarium est, utique ad ulteriorem maturationem procedere. Quare, maturatione celebrata, locus ferro bene incidenti, aut ruptorio de capitello materia existente ad summitatem cutis, aperiendus est.

Guido de Cauliaco: si verò materia resolvi nequit, verum collectionem facit, juvetur ad maturandum cum mucilagine psyllii cum aqua adipe mixta, aut cum illo emplastro, & est Guillelmi.

℞. Vitell. 3. aut 4. ovor. coct. Farin. fęnigręc. Semin. lini. Mucilag. malva visc. an. ʒj. Butyri recent. quart. s. Incorporentur omnia simul, & fiat emplastr. &, cum est maturatum, perforetur perforatione subtili & parva, & evacuetur, quod in ipso est.

Ægineta. Suppuratas autem redurias acu adacta humorem emittere, spongiamque aquā imbutam imponere oportet, vel lenticulam applicare ex aqua tritam, aut palmularum cum vino, vel rosas virides, vel siccas, aqua maceratas, tritasque vel polentam cum aquā, efficax est reduviis etiam lupinorum farina, melle vel mulso macerata.

Rhasis. si verò non sedatur pulsatio, tunc ponatur super ipsum, quod saniei faciat collectionem cum ergo colligitur sanies, & maturatur, perforetur foramine parvo, & exprimatur.

Bibliot. Chirurg. Tom. III.

Pigręus, si verò his omnibus adhibitis remediis, malum tardè suppurat, quippe ejusmodi tumor valde contumax & suppuratu difficilis est, & is maximè, qui os attingit, ille profectò etiam ante perfectam maturationem aperiendus erit. Illud verò tutum unicumque remedium est, & ad sedandum dolorem, & ad supradicta symptomata impediendo commodissimum, ut verò faciendā sectio, ejusdem authoris cap. 21. de tumorib. præternat. lib. 2. consule.

Paracellus. *demnach so es gebahren ist. so musz das ventiel eröffnet werden, das machet er ihm selbst, aufz ursachen der thierischen Art, er fuedt und nehet sich in seiner statt, &c.* Hic loquitur de panaricio ut verme. Postquam igitur, inquit, natus est, oportet, aperiiri ventile, quod ipse sibi facit, ex causa naturę animalis, alit & nutrit se in loco suo.

Fabricius Hildanus, observ. 97. sed necesse est, statim ut ab initio fiat incisio hæc, alioquin ex doloris vehementia cito concurrunt humores, qui inflammationem ac tumorem excitant, atque subjectam carnem, imò etiam ossa erodunt; est enim cutis admodum ea in parte densa, ita ut materia paronychię (quę per se maligna est) cum nullo modo exhalari possit, majorem acrimoniam & venenositatem acquirit: digitus quoque, imò tota manus, propter doloris vehementiam inflatur, parumque prodest incisio hæc, nisi prius materia cocta, & in pus conversa fuerit. Contrarium sentit Vigo & Pigręus, qui etiam ante perfectam maturationem sectionem administrant.

Ego, si materia non sit nimis profunda, vix suppurantibus, per duos utor dies, statimque ipsis etiam patientibus insciis novaculā superiorem illam partem amputo. Si verò profundè sita sit materia, & sectio negetur, dum suppurantia adhibeo, indies aliquid cutis novaculā aufero, ac quinto vel sexto ad summum (quod rarum) septimo, incisionem non exiguam, sed magnam satis & profundam, per rectum (quę tamen Hildano valdè periculosa est, quoniam nervos lædit & tendines: unde dolor acerbissimus, inflammatio, febris, aliaque gravissima symptomata oriuntur) sine ullo incommodo, secundum Gal. lib. art. parvę, cap. 92. molior, quo eschara (*peddig*) quę tendinibus, musculis & membranis solet adherere facilius possit evacuari, materiaque melius penetrare. Obsecratio namque cutis vulnere, cum nihil exspirat, sæpe oritur convulsio. Hinc Petrus Forestus lib. 5. observ. chirurgicarum observ. 16. statim ad sectionem confugit. Semper autem mihi antiquorum subtilis perforatio fuit & est suspecta. Levissimo enim negotio foramen illud exiguum occluditur, pusque subtus collectum, ac quodammodo incarceratum irritatumque pejoratur: sique sectio hæc administratur antè perfectam maturationem, hanc promover.

Sectione administrata mundificetur locus unguento Ægyptiaco secundum Vigonem misto cum unguento apostolorum, aut cum pulvere suo corrosivo, vel cum throchisco de minio, si opus est, ultimò purificetur locus post administrationem corrodentium cum melle rosato vel cum abstersivo de apio; incarnetur deinde locus seu ulcus pulvere incarnativo, demum sigilletur pulvere sigillativo cum lotionē aquę aluminosę & unguento de minio.

Guido: Facta sectione evacuetur, quod in ipso est, & mundificetur cum melle & farina lentium, & lupinorum, & aloë est de melioribus rebus ad incarnandum. Omnia autem auxilia suavi panno & indolorosè apponantur: quia hoc accidens superat causam suam. intelligit lenem, non asperum pannum, & vult molliter imponi.

Platerus metuens, ne tendines circa radices unguium putrescant, ubi profundum videbatur ulcus, unguentum deterisivum, emplastrumque & laricea subacta cum

vitello ovi & melle, addito succo plantaginis apponere iussit.

Forestus, ait: Chirurgus, apparente foramine, cum materia virulenta non exiret, amota pelle pulverem præcipitatum imposuit, & demum amotâ elcharâ & crustâ impositum est digestivum, quod habebat paratum ex una parte mellis, dimidia verò terebinthinæ, cui vitellum ovi, & pauca farina hordei, tum myrrhæ adjecta erant, exteriorem partem unguento nutrito inunxit, brachium verò ad axillas usque oleo liliaceo & lumbricorum terrestrium, postea adhibuit unguentum apii, seu hyperici Philippi Harmanni, quod convenit, ut ipse ait, panaritio, ulceribus malignis & inveteratis, &c.

Paræus, vulnere inflicto, id est, facta sectione, sanguis multus effluere debet, mox immergendus digitus in forti & calenti aceto, in quo dissoluta theriaca venenositatem attrahat.

Chalmeteus, cum aperta erit vomica, derergendum melle, terebinthinâ & hordei farinâ, & unguento apostolorum, aut pulvere mercurii, si opus fuerit postea sarcoticum proderit Vigonis.

Ego, facta sectione copiosoque effluxo sanguine à medicamentis planè abstineo acrioribus, ne dolorem inflammatio sequatur insignior, suspectaque mihi sunt corrodentia, ob nervosas necnon tendinosas partes, utor a. Anodynis mundificantibus benignis, nec non virulentis & venenatis materiæ qualitati rebellantibus, ut est balsamum meum hyperici, quo cum & brevissimo temporis spatio vulnus carnosum sine deperditione substantiæ necnon ulcera cancrofa non raro curo curavique. Hoc namque materiam impactam concoquit, mundificat, dolores lenit, abstergit incarnatque. Et, ut non dissimulem, quod me experientia docuit, observavi, me nunquam facta sectione usum pyroticis cum successu. Supervenerunt namque ac insequuti sunt ex horum usu, etiam si dexterrimè imposita, defensivaque adhibita excellentissima, ingentes & novæ inflammationes: sed tuò, leniter, etsi tardius, aliquando cum felici successu medicamento superiori affectum hunc debellavi. Ubi verò ob ulceris naturam rebellem pyroticis uti summa me coëgit necessitas; caute, blandioribusque remediis quoad fieri potuit, idipsum aggressus aquâ divinâ, qualis est Fernelii; raro etiam mundificantibus, abstergentibusque cathartica nisi vi impulsus maxima, in pauca tamen, imò paucissima quantitate immiscui, hæcque potius ubi nervosæ partes tectæ nec non tendinosæ, adhibui.

Incarnativum Vigonis.

℞. Aloës epatic. ʒiij. Myrrhæ. Thuris, Sarcocoll. an. ʒi. Misce. Et si adderentur terebinthinæ claræ. ʒv. mellis rosat. colat. ʒij. utilissimum erit.

Trochisci ex Minio Vigonis c. 13. lib. 8. antid.

℞. Sublimat. bene triturat. ʒiij. Medull. panis crud. & benè Ferment. ʒiv. Minii. ʒij.

Omnia pistentur in mortario, & incorporentur cum aqua rosata, deinde formentur trochisci ad instar punctarum clavorum, & super tegula ponantur in furno ad coquendum, ut coquitur panis, & utere. Quod ad interficiendum fistulas solemnis & mira est medicina, & insuper ad extirpandas tuberositates morbi Gallici radiconatas, inter ceteras medicinas principatum obtinet medela ista.

Pulvis sigillativus ejusdem lib. 8. Antid. c. 11.

℞. Alumin. Roch. comb. Corall. albi. Rub. an. ʒß. Terræ sigill. Boli Armen. an. ʒij. Balauft. Myrobal. citrin. an. ʒiij. Tutie ʒj. Misce, & utere, quod in cicatrificatione magna est medicina.

Alius sigillativus pulvis ejusdem.

℞. Calcis lotæ, Alumin. roch. comb. an. ʒij. Myrobal. citrin. Terræ sigill. an. ʒj. Misce & fiat pulvis,

& utere in vulneribus & ulceribus, quod mirabiliter cicatrificationem procurat.

Trochisci affodillorum ejusdem.

℞. Sublimat. fortiss. & elect. ʒß. Argent. pulv. ʒiij. Ceruif. Amyd. an. ʒiij. Succi affodill. ʒio. Aceti ʒv. Bull. omnia simul usque ad consumpt. succi & acet. dein. pistent. subll. & incorp. cum ʒij. Medull. panis crudi, adde Auripigment. calcin. ʒß. ʒß. & de omnibus cum modico aquæ fiant trochisci in furno.

Pulvis Corrosivus ejusdem.

Pulvis nobilissimæ operationis ex inventione Joannis de Vigo descriptus lib. 8. Antid. cap. 13. Corrosivus, remotivus malignitatem ulcerum, & carnis male superflue absque dolore.

℞. Aquam, cum qua aurum ab argento dividitur, quæ sic fit.

℞. Vitrioli Romani, Alumin. roch. an. lb. ij. Salis nitri lb. 11. & in vasè vitreo elambicetur, & quanto fortior, tanto melior lb. 11. Argenti vivi lb. 11. ponatur aqua in buccia vitrea bene inlutata, deinde ponatur ad furnellum, cum capello & recipienti omnibus simul inlutatis, ne aer valeat exire, & elambicetur, imprimis lento igne, deinde cum incipit elambicare, ignis fortificetur usque ad rubedinem recipientis boccie, deinde successivè ignis aliquantulum augmentetur, donec aqua in totum sit elambicata, postmodum frange bocciam, & extrahe argentum vivum calcinatum, quod apud alchymistam præcipitatum nuncupatur, & trituretur super lapide marmoreo, deinde iterum ponatur in boccia, modo, quo supradictum fuit, inlutata, & iterum cum suo recipiente, ut dictum, elambicetur, donec tota aqua sit elambicata: quo facto frange bocciam iterum & extrahe, quod intus est, & super lapide marmoreo cum alio lapide pulverifetur: quo facto ponatur pulvis in caciola ænea ad ignem satis fortem, semper baculo agitando per horam cum dimidia, quia isto modo melioratur pulvis, & ad perfectionem reducitur, & signum perfectionis est, quando cognoveris ipsum colorem minii aut aliquantulum clariorem acquisivisse, &c.

Unguentum apii seu Hyperici Philippi Harmanni.

℞. Succor. Hypericon. Apii an. lib. ij. Senet. seu cruciat. Succi millefol. Absynthii. an. lib. 1. Succi chelidon. Persicar. an. lib. 1. Mellis despumat. lib. v. ol. hypericon. lib. ij. Terebinth. lib. 1. Farin. triticeæ q. s. Alumin. usti ʒiij.

Succi coquantur secundum artem, & reliqua addantur & coquantur, ut a. e. ad spissitudinem linimenti seu unguenti mollioris, & usui reservetur.

Affectum hunc non raro ossis caries, corruptio, corrosio, exulceratioque insequitur. Putrescit os, vel corroditur, putrefactio ipsi non secus ac ligno humiditati continuæ incumbente substantiamque penetrante nec non vastante accidit. At ubi hæc acris erodens salsa; imprimis verò nitrosa redditur, corrosio ac caries ossis ligni instar, quod à xylophagis corroditur & exeditur, oboritur: putridum os nigrum, corrosum verò à colore naturali parum variat, ac instar spongiæ durioris existit. sed major, at brevior ossis corrosionem minor putrefactionem, ac diuturnior comitatur dolor, hæc vi ac violentia quadam, illa tempore succedit, Benedictus Bologinus lib. 2. cap. 7. de cura ulcerum, sequentes ossium corruptionum statuit differentias. Vel corruptio est de proximo futura, aut jam facta est, & est in ossè magis & minus profunda, aut magis & minus superficialis: alia præterea est vel vel in capite, dorso, coxendicibus, juncturis & consimilibus, &c. Petrus Pavv in comment. suis in lib. 8. de re medica Cornelii Celsi, cariei duas statuit causas, vel obscuram, vel apertam. Ego in panaritio agnosco vel internam, humorem scilicet malignum, venena-

venenatum, acrem, copiosum ac in parte ultra debitum permanentem occlusum; vel externam, ut aërem, oleum seu pinguedinem, quæ suâ dyspartheiâ ossis substantiam humectando, nativum ipsius humorem extinguunt, nigredinem nec non cariem inducunt. Accidere verò potest caries ossibus, non secus, ut ferrugo ferro. Quemadmodum autem à ferrugine Mars conservatur oleo, sic è contr., os ejus admotione ferruginem seu cariem contrahit, oleaginosi ferrû, siccis os delectatur, &, quatenus os est siccissimæ naturæ, eatenus & conveniunt siccissima medicamenta, nec non calida, quæ humorem affluentem absumendo, absorbendoque ossis substantiam in eodem symmetro conservant.

Ossibus denudatis & cariosis simplicia convenientia. Agaricus, Aloë, Anthos, Centaur. min. Cortex panacis, pini, thuris. Euphorbium, Hypericon, Iris, Lumbrici terrest. Opopanax, Pes columbinus, Pêucedanum. Radix Aristol. rot. Arundinis, Alphodillorum, Dragontæ, Symphyti, Viticis. Rosæ rubræ, Sublimatum, Sulphur, Tartarum, Vitriolum Romanum, &c.

Ulcus in panaricio ubi fit chironium, esthiomenum, præsupponit non cariem modò & corrosionem ossis, verù & putrefactionem. Os autem corruptum carieque infectum esse, designat doloris pungitivi perseverantia & contumacia, hypertarcolis, seu carnis excrecentia cernitur, nunc fungosa, mollis, spongiosa, rara, laxa, mydosa, interdum dolens ac sanguinem effundens, nunc ostracata, non raro pus cum sanguinis effusione fetidum, aquosum, tenue, iustar saniei istius, quæ inepto vocabulo à tonsoribus *Gliedvasser* (quasi aqua artium: id autem est humor ex nervosis articularum partibus lassis emanans) vocatur, punctiones ac sinus modò ingni modò exigui, pro diverso partium respectu & magnitudine, ulceraque difficillimè ad cicatilationem, nisi evacuato osse carioso, perducuntur. In casu verò, (inquit Guido) in quo est corruptum os, discoperiatur, & os cum ferro calido cauterisetur; cauterium enim in hoc est juvamentum valde. Quod si contingat os carne obductum, auferenda, portioque cariota removenda. Remotio autem illa fit dupliciter secundum Fallopium tract. de ulceribus cap. 22. altera fit manu, altera fit à natura, quæ expellit id, quod noxium est. Hoc in affectu scalpris aliisque instrumentis haud datur locus, ob fragilitatem, ossis mollitiem, ac insignem dolorem, tutiusque est naturæ opus illud committere, eique auxiliari medicamentis valde siccis & tenuium partium. illa namque os siccant, partem integram siccam conservant, & calefaciunt, aut saltem calorem custodiunt, vocanturque talia medicamenta à Fallop. squamas auferentia.

Si verò adsit ulcus, secundum Guid. Cum trochicis affodillorum, aut calidico, seu arsenico desiccetur. si etiam esthiomenatur, scarificetur, & cura illius procuretur, &, si ambularet corruptio ad digitum, ita quòd de ipso timeatur, incidatur & cauterisetur.

Exulceratis reduviis ex sententia Pauli opitulatur hoc medicamentum.

℞. Æruginis, Argenti spumæ, sing. ʒiv. Sarcocolle tantundem, super linamentum ex vino & spongia imponitur.

Gordon. Et, si ibi esset ulcus, curetur cum Aloë, thure, & arsenico.

Fallop. Hoc utitur in carie ossium medicamento.

℞. Pulv. rad. penced. Iridis an. ʒj. Euphorb. ʒi. fere opt. & misce, deinde excipe cum medulla molli panis frumenti, & fac emplastrum durum; cuius portio ponatur supra os, stipata prius carne. Vel (inquit idem) ceroto utemini tantum supra pulv. penced. aristot. rot. Opopanax. Euphorb. an. ʒβ. Terebinthi. ʒβ. Ceræ ʒβ. Aceri ʒj. Misce & coque ad ceratidioris consistentiam. Euphorbii verò in ossium ca-

rie quanta sit præstantia, his verbis apertè declarat Chirurgus ille præstantissimus Guilhelmus Fabricius Hildan. lib. de gangræna & spacelo c. 19. Euphorbium (etsi, ut verisimile est, genuino & legitimo Dioscoridis caremus) separat & deturbat ossium cariosorum fragmenta. quemadmodum observ. 92. cent. 2. fusissimè demonstravimus. Ac idem author dubitat, num Dioscorid. & Avicennæ euphorbium, cuius beneficio ossis caries una die abscedere solet, ad nos apportetur: quod Dioscorid. lib. 3. c. 94. & Avicenn. lib. 2. tract. 2. c. 136. describit, cum hoc nostrum vix spatio quadraginta dierum idipsum præstet.

Præterea commendatur in hoc affectu, carie scilicet ossium, à Benedicto Bolognino unguentum ex agarico, cuius hæc fertur esse descriptio.

℞. Salis, Agarici, Tartari ana p. æ. fiat pulvis, & cum melle unguentum. Si his medicamentis os non possit desquamari, cariesque tolli, calculus à linea movendus, ferrumque candens (quod quamvis ipsa bile amarius videtur medicamentum, ipso tamen sanguine dulcius commodum, quod insequitur, existit) sine cunctatione adhibendum. Extremis namque morbis extrema secundum Hipp. 1. Aphor. 6. appropriata conveniunt remedia. Quod si accidat carunculam quandam luxuriantem ipsi ulceri innasce, ea secundum Pigræum validis remediis deterenda absumendaque non erit, sed detergentibus lenibus ac benignis, ne quid irriteretur ac acerbetur, cum præsertim per se ipsa corrigatur, ubi primum materia evacuata fuerit. Contrarium sentire videtur Paræus, ubi inquit: sed & in hoc affectu præter naturam sæpe putredinosi caloris adustione eschara fit, & caro superflua sensu exquisitissimo prædita, succrescit, quæ pariter volvellis rescindenda est, ut à sanguinis copioso effluxu, dolori sedatio, parti veniat solatium.

Ego hac in parte Pigræo potius quam Paræo, si modò ille cum eschara velit & rescindere carnis excrecentias, adstipulor, ac idipsum expertus loquor. Non paucis namque carnem eam excrecentiam seu carunculam rescindens, plus incommodi quàm commodi, plus detrimenti, quàm emolumenti præstiti, ita ut ab eo tempore carnem hanc, donec os abscessurum esset evacuatum & desquamatum, semper reliquerim, & detergentibus lenibus ac benignis eo usque, dum res in vado erat, tractarim.

Interea, ubi insignis carnis istius fuerit moles, vel scarificationes, quò sanguis effluat, vel emplastrum diapompholygos, cui permista pauca aluminis usti quantitas, ad paulatinam absorptionem, adhibeo.

Notandum, quò fortiora ac potentiora adhibentur medicamenta, carnem, quæ possint absumere eo magis magisque ipsam accrescere, doloremque supervenire vehementiorem.

Contusio in carne non raro & in osse, solutio seu continui est divortium, à re gravi & obtusa ortum, cuius gratiâ carnes vel ossa contunduntur & conquassantur; eaque contusio fit cum vel absque vulnere. Insequitur autem morbum hunc symptoma, quod sugillatum, Peliosin & Melasma, Naisiosin, alii Ecchymosin seu sanguinis sub cute effusionem, quæ fit vel per anastomosin, vel diapedesin, vel anabrosin, nominant.

Ego ubi panaritium ex contusione ortum, statim, an adsit insignis contusio seu ecchymosis, & an sit vel cum vel absque vulnere, perpendo. Dein venam secari curo, supra partem affectam astringentia & intercipientia, ne major fiat sanguinis affluxio & sparsio adhibeo, &, si materiam discutientibus resolvere nequeo, ad malacica & suppurantia, quæ hoc in casu iis tutiora, nec non scarificationes, præsertim ubi contusio est absque vulnere, si verò cum illo, digestiva statim, quibus & permista habentia facultatem carnem contusam & sanguinem thrombosum in pus vertendi, administro; digesta verò

putrefactaque materia, mundificantia, abstergentia, incarnantia, ultimò cicatricem inducentia impono.

Quò citius autem contusæ, carnes suppurationi redduntur obediens, eò minus periclitatur pars affecta. nec ultra debitum pus generatum, retinendum, ne sua maligna qualitate & acrimonia, quam ex putrefactione nanciscitur, partes magis lædat afficiatque vicinas. Suppurantium verò ulus nimius ulcus inducit phlegmonosum, sordidum, foetidum, sed & ante perfectam maturationem secandum. Si verò notabilis oboritur dolor, qui comes contusioni nervosarum partium exiit, huic anodynus succurrendum, diligenterque ratio habenda, ne ad gangrenam, quæ ut plurimum iis partibus læsis accidit, tendat. Ad doloris autem mitigationem Guilhelmus hoc præscribit unguentum: in quo & Halyabbas consentit.

℞. Olei rosat. ℥i. Apii. Jusquiami an. ℥ss. Sem. apii ℥ss. Aceti ℥iii. Pistando fiat unguentum.

De variis variorum Authorum, nec non à vulgo usitatis remediis.

Avicenna summopere laudat camphoram; acetum cum farina hordei, aut cum furfure appositum, aut oleum cum thure & nigella.

Agineta. Galla cum melle paronychiam reprimit, vel Mufe pastillus, vel Nere ex aqua.

Crolius in sua Basilica chymica pag. 276. de sperniola. Si panaritio per duas imponatur horas, necat illum, vel imponatur digitale è corio multoties prius intus madefacto & exsiccato.

Chalmeteas inquit: Ego expertus sum, ovi albumen cum oleo violato magis dolorem arcere, quam narcoticum.

Dioscorides lib. 1. cap. 70. Thus paronychiis cum melle medetur.

Idem lib. 4. cap. 176. Bryoniæ radix in oleo decocta, usque dum liquecat, reduvias committit.

Idem lib. 5. cap. 53. Rubigo ferri perquam utilis est ad reduvias.

Idem eboris quoque scobem in paronychia probat.

Forestus lib. 5. observat. chirurg. 16. ait post phlebotomiam & universalia remedia ponendus digitus per longum tempus in ovo putrido.

Idem. Alii cum in musculis putribus tenere optimo cum successu, & magna cum laude, ut audio.

Fioravanti in sua physica lib. 1. cap. 108. substantiam sulphuris in hoc affectu his verbis extollit *Bisogna adunque solfaro pigliare, & la sostanza d'esso cavare, & con esso il dito lavare, & poi infasciare, & con pezza bagnata del medesimo liquore sopra la piaga bisogna lasciar, &c.* id est. Oportet itaque accipere sulphur, ex eo substantiam elicere, digitumque eo lavare, deinde fasciis involvere; ac linteam in liquore madefactum vulnere adhibere, &c.

Guido commendat acetum purum, aut cum semine psyllii muciliginato, aut cum gallis & corticibus granatorum mistum.

Hippocrates in 4. Epidem. cum galla viridi & aceto dolorem curat.

Johannes Cuba ait: Fel taurinum, *Rinds gall*, seu aqua ejus stillatitia panaritio admota, medetur. consentit *Wirsung*.

Idem. Multipes seu oniscus, *Efel*, vivus impositus, interficit.

Idem. Gladioli purpurei radix, *Schwertel*, cocta cum vino albo & olibano, digito in quo vermis est, admota, dolorem aufert, eumque sine noxa extrahit. confirmat. *Lonic.* cap. 378. de gladiolo.

Idem. Pulegium, *Poley*, contusum croco permistum depellit ulcera corporis, præsertim circa radices un-

guium, vermem puta. *Adstipulatur Lonic.* cap. 103.

Idem. Rasura eboris permista oleo rosato, & unguento populeonis, addita parca quantitate cera, quò inde massa emplastica efformari possit, sanat apostema circa, sive in radice unguis, sive manus, sive pedis, vocatum vermis.

Idem. Buphtalum, *Rindsaug*, contusum & appositum excellens est remedium.

Idem. Vinca pervinca, *Magdepalm*, contusa panaritio apposita, secretum est.

Idem. Aqua stillatitia Barbæ Jovis, seu sempervi-vi, *Hauswurztz*, sive *Windebahr*, paronychiæ adhibita, ipsum vermem necat, ac dolores sopit.

Lonic. cap. 66. de sambuco, *Holder*, & ebullo, *Heyland*, folia contusa, apostemari calido, quod digitis accidere solet, vermisque nominatur, apposita, è vestigio curat. id ipsum confirmat *Tabern.* fol. 733.

Idem. cap. 97. de urtica. Utrica foetida seu labeo, *Nessel*, quæ galiopsis dicitur, quæque retro sepes, hortosque provenit antiquos, ac à Germanis *oder glass* vocatur, contusa, emplastrique vice vermi digitorum apposita, ipsum enecat, cui altipulatur *Brunfels*.

Idem cap. 377. de lilio, *Lilie*, laborans apostemate sive ulcere calido, ut *Miette*, aut perinde vocetur affectus, contundat hanc radicem cum *Mentha Romana* acuminata, *Balsamkraut*, & farina hordei, indeque conficiat emplastrum.

Matthiolus compag. pag. 748. Herba Paris, *Wolfsbar*, recenter tusa, & illita paronychiis medetur.

Idem compag. pag. 704. de paronychia. illita paronychiis atque favis remedio est.

Plinius lib. 21. cap. 20. de radice Ireos; *Violwurt.* Iris rufa melior, quàm candida, ad paronychias farinâ ejus utuntur, cum vino ad clavos & verrucas, triduoque non solvitur.

Idem lib. 22. cap. 25. de medicamentis ex frugibus. Avenacea farina illinitur & paronychiis & callo pedum in aceto.

Idem lib. 23. in proemio. Cinis ex vite alba. ad collyria & ad ulcera purganda & paronychia & pterygia probatur.

Idem lib. eodem cap. 4. de foliis oleastri, imponuntur folia & paronychiis & carbunculis, & contra omnem collectionem cum vino, iis verò quæ purganda, sunt, cum melle.

Idem lib. eodem c. 9. de myrto folia siccantur in farinam, quæ inspergitur ulceribus aut hæmorrhagiæ. Purgant & lentigines, pterygia, & paronychia, & epinyctidas, condylomata, testes, tetra ulcera, item ambusta cum cerato.

Idem lib. 24. cap. 4. de Galla: paronychiis ex melle & unguibus scabiis, pterygiis, ulceribus manantibus, condylomatis, vulneribus, quæ phagedenica vocantur.

Idem lib. eodem, cap. 19. de gramine altero, quod aeizoo simile: Ad paronychia & pterygia unguum, & cum caro unguibus increvit, utuntur cum a-xungia: ideo dactylon appellantes, quia digitis medentur.

Idem lib. 28. cap. 8. Ramentis eboris cum melle Attrico (ut ajunt) nubeculæ in facie, & scobe paronychia tolluntur.

Idem lib. 29. cap. 2. de medicinis lanarum; Succida lana reduvias sanat ex aqua frigida.

Paracelsus. Sumatur corium, quod saepe humectetur in spermate ranarum, & exsicceetur, ex quo postea efformetur digitale, digito applicetur, & morietur.

Platerus. In paronychia etiam immersionem eligi in principio statim in aquam frigidam aliqui laudant.

Idem

Idem, balneum digito in decocto pentaphylli, abanthii, agrimonie, fraguriæ, myrti granorum, facto in vino, in paronychia privatim convenit.

Idem, in paronychia hoc est peculiare. Penis mica cocta in lacte cum ovi albumine & terebinthinæ paucum miscetur, quod dolorem compescit, maxime si mucago psillii addatur: quæ mucago in eodem affectu & cum aliis farinis, ut hordei, apponi potest, quibus urgente dolore apium permiscetur, & camphora, posita ad sanationem pulvis gallarum.

Idem. Paronychia herba, quæ inflammationibus circa radices unguium genitis, quæ paronychias vocant, medetur, nomen inde accepit. Cui malo etiam pentaphyllum adhibetur, & dentis leonis herbe caulis lacteus inversus, digitoque obvolutus, uti & membrana ovi testam succingens singularia sunt remedia. *Idem* præstat succus cicutæ in panno, nec non cancri cruli contusi.

Galenus lib. 8. simpl. med. Paronychia ab effectu nominata est: sanat enim paronychias, & ut refert, Dioscorid. favos quoque.

Paronychia herba qua ego in panaritio utor Tabern. lib. 2. sect. 11. cap. 16. fol. 382. lit. F. quinta est species Alines, *Kleinste Vogelkraut*. Matt de Lobel. fol. 249. observ. stirp. est paronychia alines folio. Brunfels vocitat *Gensblum*, quia anseres eâ delectantur herba, asseritque quale nomen, qualesque virtutes apud Dioscorid. habuerit, se ignorare. C. Bauhinus in lib. 3. sui prodromi cap. 13. mentionem facit cuiusdam herbe, quam & describit, quæ meæ paronychiæ, seu buræ pastoris oculis oblongis haud dissimilis, quæque ab eodem bursa pastoris Alpina hirsuta dicitur, Tabernem. lib. 2. sect. 11. cap. 78. lit. F. tres habet paronychiæ species, Matthiol. compag. pag. 704. 705. duas. Johann. Cuba aliam habet paronychiæ speciem, quam & vocat Lunariam Italicam, *Nagelkraut*, sive *Welsch Mähnkraut*, quia de nocte folia ejus splendent: hæc tula & imposita dura, ut ait, digitorum curat apostemata. Hanc describit Lonicer. part. 2. cap. 297.

Ego aliis authoribus suam relinquo paronychiam, hanc Lobellii meam & esse volo, quoniam in hoc affectu feliciter eâ usus fui.

Paronychiæ Autheris descriptio.

Paronychia ex radice tenui, fibrosa, capillari ac alba, foliola quàm plurima pallidè virentia, in orbem humi strata, incana, lenticulæ magnitudine, nunc unam, nunc duas utrinque crenas habentia, nunc integra profert, quorum foliorum medio enascuntur cauliculi tenuissimi, non nihil hirsuti, subrubi, floribus quatuor foliis stipatis, ac corculi instar incis, in circumferentia albicantibus, circa ungues verò subviridibus, habentibus in centro filamenta albida, quorum apicibus lutei quiddam adheret. Flos ubi evanuit, ejus loco loculi oboriuntur primò subvirides, qui deinde flavescunt, in quibus semen exiguum continetur. Apud nos Paronychia hæc in agris ac locis incultis humidioribusque ad Junium usque copiosissimè viget ac floret: imò & in Septembre ac Octobre cælo clementiori, repullulascit. Hæc de paronychia herba.

Rhasis: ponatur digitus in principio in nive, usquequo obstupefcit. Tabernæmontanus l. 2. sect. 7. cap. 1. fol. 724. lit. D.

℥. Farinæ siliginis ℥iſs. Vitrioli Romani ℥vi. Albumen unius ovi, Aquæ rosar. q. ſ. misceantur invicem, & redigantur in formam emplastri, distendatur deinde super lintea, & affectui apponatur.

Idem. eodem loco. Membranam internam ovi admove digito dolenti; deinde.

℥. Farinam siliginis, tempera cum spiritu vini conficeque emplastrum, extende super linteo, ac su-

perimponere membranulæ, quò unâ cum affecta parte tegatur: verniem trium horarum spatio enecat.

Idem. lib. 1. sect. 4. cap. 31. fol. 498. lit. F. Ruta confusa theriacâ petinista, & saliva jejuna vice emplastri apposita curat hunc affectum.

Idem. lib. eodem. sect. 4. cap. 41. fol. 713. lit. G. Saccharum Canarium sive Maderiente in pollinem redactum curat ulcera à paronychia orta, secundo de die inspersum.

Idem. lib. eodem. sect. 7. cap. 2. fol. 732. lit. A. medulla panis siliginis permista aquâ & oleo rosato, emplastri vice digito dolenti apposita à paronychia seu verme ipsum liberat.

Idem. eundem effectum habet panis siliginis masticatus, jejuno ore.

Idem. lib. 1. sect. 7. cap. 3. fol. 741. lit. H.

℥. Partes duas farinæ triticeæ, Vitri Veneti subtilissimè pulverisati partem unam, lactis mulieris puellam lactantis q. ſ. fiat emplastrum, quod curat paronychiam.

Valescus seipsum curavit lenticula aqua trita, & incorporata cum aceto & albumine ovi.

Wirsung. part. 4. sui operis cap. 1. paragrapho 12. Digitus affectus pani triticeo immittatur calido: & dolor mitigabitur.

Idem. Sunt quidam in ea opinione in fructu Cynosbati Theophrasti, sive oxyacanthæ Dioscoridis verinem latere, fructumque hunc digito apponendum, quod si contingat, vermem in digito contentum mori, & latitantem necessariò emori.

Idem. Stercus hominis sani appositum, eundem præstat usum.

Idem: Iadatur digitus laborans manui hominis sani, & morietur vermis.

Idem: Lavetur primò manus ovis ranarum (*Forschleisch*) deinde apprehendatur digitus: & statim necabitur.

Idem. Pannum sive cæruleum, immerge ovis ranarum, ut eorum humiditate madescat, siccet deinde in umbra, appone digito: & sanabitur.

Marcellus lib. de med. Ad paronychiam digito parietem continges, & rursus digitum ducens, dices ter Pu, Pu, Pu. Nunquam ego te Videam Per Parietem Repere.

Quod si medicamento illo affectus hic debellatur, reor non ratione verborum contingere, sed frigiditatem parietis in causa esse, repellendo materiam affluxam: in initio namque statim repellentia competunt. Sed interest pietatis, has superstitiones aniles & improbas minuire, adeoque tollere, & in remediis, quæ in natura à Deo opifice condita, fundamenta acquiescere.

Sic medicastrices nonnullæ (*ut vocant ineptas inepto vocabulo*) stercora vaccina aut alia inter duarum viuarum edes colligunt, & parti affectæ adhibent, aliaque aliis in locis collecta haud opitulari perhibent.

Verularum alia cohors, anseres nunc huc, nunc illuc pellit, tandem quod excernunt, digito laboranti paronychia calidissimè apponunt. Quicquid & hîc superstitionem olet, cum cæteris antè dictis ex usu & opinione hominum est pellendum.

Ego verò omnis generis stercora, vaccina, caprina, ovina &c. ubique locorum, modò nihil à substantia sit ablatum, congesta laudo. Sic non rarò felicissimè cum successu stercore vaccino, vel fimo equino calido usus sum: stercus etenim ob putredinem, quatenus calidū, attrahit, dolores mitigat, suppurationēque accelerat.

Nonnulli lumbricos terrestres recentes contundunt, succum exprimunt, ac ad hauriendum propinant. Cujus succi præstantiam Guilh. Fabric. Hildan. tract. method. de gangræn. & sphacel. cap. 13. his verbis extollit: succus lumbricorum propriâ & peculiari vi penetrat illico, permeatque ad nervos, & nervosa omnia, ipsaque adeo venas & arterias,

arterias, quarum tunica nervosa constant substantia, & eas quidem partes succus ille roborat & calidius mediocriter, tollendo, quæ in iis sunt obstructions &c. Joann. Weyerus in tract. de scorbuto, lumbricos cœmentiorum, utpote pinguioribus cæteris, aliis præfert. Alii lumbricos in pulverem redigunt, & applicant. Alii eodem recentes contingunt, & parvi affectu apponunt.

De curatione pterygii, Paronychiam consequenti.

Pterygion itaque & paronychia, ut supra dictum, cum plurimum invicem dissent, curationis propterea alios & habent icosos.

Quoniam verò nil aliud sit Paulo Æginetæ lib. 1. cap. 81. pterygion, quam Hypertharcon, seu exarcescentia quædam carnis unguis aliquam partem operiens, ex reduvia aut alia hujusmodi causa proveniens: & ut idem lib. 6. cap. 85. addit, sit autem in pedis manusque potissimum pollicibus, in pedibus quidem ex offensione phorumque, in manibus autem ex neglecta reduvia, inflammata & in pus mutata, &c. eodem sectionum eundem dirigenda est curatio. quo caro superflua per medicamenta rodentia auferatur, in quo catu idem laudat auripigmentum & mannâ pari pondere inspersam, super autem linimentum ex vino & spongia imponitur. Aliud. Chalcitidis squamæ malicorii an. p. æ. excipiuntur fico tosta, & melle, parte affecta spiritamentorum decocto prius dilibuta: quod autem siccum est in ungue, circumcidito. Ad digitum pterygia putrida, item ad pudendorum ulcerâ.

℞. Lachrimæ thuris, squamæ æris an. 3j. Ærugin. ras. ʒiv. Mellis cyathus, terantur in sole, donec subflavescant, & loco vino prius irrorato per splenium inducuntur. Sequens pterygia subito exsiccat perfanatque. Soreos combustos ʒij. Thuris tantundem, æruginis ras. ʒj. cum melle contrita ipsi pterygio indocuntur. Aliud squamæ æris palmularum carne excepta aut ficorum utitur. Aliud. Columbæ stercus cum polentæ polline ex passo coctum pertritumque imponitur. Item æris squama per se inspersa, pterygia desiccant. Oportet autem crebrò angulum unguis pungentem, ne increseat, scalpello superimmissio adimere. Contusi, scabri & cruenti unguis, ut abscedant, vide Paul. locis citatis.

Ego aliis unguentum Ægyptiacum, aliis alumenustum pulverisatum adhibeo, aliis præcipitatum inspergo. vel sequens compositum.

℞. Unguenti populei ʒiβ. Aluminis usti pulverisati ʒiβ. Misce vel.

℞. Empl. diapomphol. ʒij. Aluminis usti ʒj. Misce vel.

℞. Unguenti rosat. ʒj. Præcipitat. ʒij. Ol. tartari. g. 7. M.

Hactenus Martias Glandorpins de Curatione Paronychie. Sequitur jam decas Observationum ex eodem, quibus alias item adjicimus è variis petitis Auctoribus.

Paronychia quatuordecim dierum spatio curatur.

Honestæ cuidam matronæ, triduo antequam advocaret, dolores pungentes, ingentes, atrocissimique circa radicem unguis oborti sunt cum inflammatione ferè ad cubitum usque tendente, præscribo, ut apponat statim stercus vaccinum calidum, metacarpium necnon carpum unguento albo camphorato, inungo adhibitis & linteolis in vino rubro francico, in quo cortices granatorum & rosæ rubræ coctæ erant, madefactis. Repercutientia, quoniam materia jam ad sup-

purationem vergat, adhibere nolui, interim sequens præparari jubeo cataplasma.

℞. Paronychie recent. Pij. Flor. verbasci. Ungujum ros. rub. an. Pij. Farin. rad. al. sicæ, Consol. maj. an. ʒij. Sem. lini ʒj. Farin. tritic. ʒj. Bull. in f. q. aq. comm. ad catap. consist. in fine add. Vitell. ov. num. 1. Croci g. 7. Camphoræ g. 8. Ol. rosati, lambicari, Lilior. albor. ʒvj. Misce.

Circa vesperam cum dolores parum aut nihil remitterent, hoc circumcirca pollicem adhibeo tepidè cataplasma, & ut de nocte miteret, præscribo, manè, cum viderem autem attenuatam, materiamque subtus collectam, sectionem superficiale molior, ac exitum puri præbeo, digestivo sequenti tepido illita filamenta in pono.

℞. Terebinth. lotæ in aqua Jvæ arthet. ʒβ. Mellis rosat. col. ʒvi. Vitell. ov. num. 1. Myrrhæ. Cortic. thuris, Mastic. an. ʒiβ. Pulv. lambicari. terref. ʒiv. Ol. rosat. lambicari. ʒβ. Balsami mei hyperic. ʒvi. Croci g. 8. Camphoræ. ʒiβ. Misce pro digest. quod usui servetur.

Occludo emplastro Basilic. testæ superiori cataplasmate, meridie & vesperi, necnon simili modo per triduum procedo; dolores mitigantur, pus optimum evacuatur, quod unguis vicinas comprimeret partes, animadverto. Quare, ne oboriretur pterygion à compressione, scalpello unguis eam partem aufero, pro exsiccatione cornu cervi usti & præparati, necnon aluminis usti pulverisati ana partes æquales permixtas, inspergo. Cum jam pus esset satis concoctum, ulcus mundificatum, doloresque mitigati, quo vomica carne repletur, linimento per duos dies meo sarco-tico filamenta carpta inungo, emplastrumque Diapalm. appono, ubi carne infarctum, epuloricum meum pulverem, adhibito emplastro diapompholygos inspergo, cicatricemque sine unguis deperditione induco.

Verum, quia pollex aliquantulum ad movendum redditus erat ineptus, balneum ex floribus chamomillæ & foliis violarum coctis in cerevisia, necnon oleum chamomillæ & amygdalarum dulcium permixtum, præscribo: taliterque quatuordecim dierum spatio matrona hæc feliciter, cum divino auxilio, ab affectu illo savissimo liberata est & curata.

Paronychia spuria in tertio medii digiti articulo consistens, ipsius rigiditatem, quæ tamen curatur, inducit.

Matrona quædam, quæ ante aliquot menses nupserrat viro, incidit in dolores tertii articuli medii ipsius digiti intensissimos intolerabilisque, advocatus chirurgus, emplastrum statim, nescio quale, nigrum adhibuit, hinc malum exacerbatum, majorque accita inflammatio, accersitus ego, paronychiam, & quidem spuriam, quæ eek à nostratibus dicitur, ex signis esse collegi, emplastrumque abjeci: repellentia apponere, quoniam materiæ persentiebatur pulsatio, hand tutum esse judicavi. Decoctum malvarum cum paronychia herba pro fomentatione, usque quo cataplasma, quale observatione 1. præscriptum, confectum, quod digito applico, manumque unguento albo duplicarâ camphorâ inungo, ac supra carpum acetum rosatum succo sedi majoris permixtum linteis madefactis appono: alia die dolores intensiores redduntur, in adhibitione eorum tamen remediorum persisto, quoniam intentioni, suppurationi quippe, satisfaciebant: quarta, ut ante meum adventum, manum prædicto decocto, cui additi flores chamomillæ fomentet præcipio. sectionemque eadem die ipsa consentiente administro. Phlebotomiam, purgationemque

que ob gravidationis metum imperare, quamvis utilissima fuissent medicamenta, nolui. effluit pus satis bene concoctum, quare ab ulteriori usu cataplasmaris abstinco, digestivum observat. 1. præscriptum cum emplastro diachylo appono. Interim metacarpium ob materiæ copiosam affluxionem, non modò intumescit, verum & insigniter inflammatur; admoveo medullam panis spongiosi in aqua rosarum maceratam, inflammatio cessavit, copiosum evacuat pus, & quidem non absque dolore ad decimum usque diem, ubi, adhibitis mundificantibus, abstergentibus, incarnantibus, epuloticisque prædictis, viginti dierum spatio curatur. Verum digitus permansit rigidus, ea propter sequentia præferibo.

℞. Radic. Althææ ʒʒ. Consol. major. ʒvi. Semin. lini, Fœnigræc. an. ʒiij. Herbat. Malvæ Althææ an. M. j. flor. chamom. Melilot. an. M. f. Incis. & contus. bull. in f. q. cerv. præmisso balneo, sequenti utebatur linimento.

℞. Unguent. dialth. Aragon. Martiat. an. ʒiʒ. Ol. Recodini Lumbricor. an. ʒʒ. Axung. human. ʒj. Misce pro linim. quibus adhibitis intra mensem à paronychia curata est & à rigiditate liberata.

Ancilla respuens in paronychia sectionem, misere affligitur.

Ancilla quædam circa extremitatem medii digiti paronychiâ vexata, ipsum aquæ ebullienti imposuit, unde inflammatio, attractio, insigniorque dolor insequutus, deinde verulam quandam medicastricem, quæ acu tumorem perforat, medicamentamque ex aqua & pane triticeo applicare jubet, consulit: dolores nihilominus augentur, inquietudines vigiliæque continuæ, nec non totius brachii oboritur inflammatio; me tandem accedit, meamque operam expetit. Ego invitatus illam curandam suscipio, qualisque metuentis esset eventus, patefacio, suadeoque, pauca quoniam puris quantitas per exiguam illam puncturam effluebat, ut digito finem vaccinum applicet, repercutientia adinistrare, quoniam ex punctura facta materia tendebat ad suppurationem, nolui, ac à carpo ad cubitum usque lintea vino tepido imbuta, apponere jubeo, unguentoque nutrito totam manum inungo. Dolores secundum mentem ejus nihil remittebant, quare cum importunitate (præ doloribus tamen) me circa vesperein compellat, ut sævissimos illos cruciatus è vestigio auferrem, postulat: Ego in mea haud esse potestate tam brevi tempore affectum illum contumacissimum curare, doloresque atrocissimos sopire, affirmo, ac ut crastinum expectaret diem, in quo vena secanda, peto, sequentiaque applicanda ordino.

℞. Flor. chamomill. Melilot. an. Pii. Summit. hyperic. Ivæ arthet. an. M. f. Violar. Hyosquiam. an. m. i. Incis. bull. in f. q. cerevis.

℞. Pulv. radic. althææ. Consol. major. an. ʒiʒ. Farin. Semin. lini. Fœnigræci an. ʒiij. Herbat. Malvæ. Hyosquiam. an. m. j. Florum Chamom. Melilot. Ivæ arthet. an. p. ij. Paronychiæ m. j. Farin. triticeæ ʒiʒ. Hordei. ʒj. Incis. & cont. bull. in f. q. aq. comm. ad catapl. consist. in fine add. Boli Armenæ ʒiij. Ol. rosat. lumbricat. ʒiʒ. Lilior. albor. ʒvi. Vitell. ov. n. 1. Misce pro cataplas, dolor his adhibitis nihilominus augetur ob collectionem affluxionemque materiæ, quæ jam in pus vertebatur. Dum pus enim fit, secundum Hipp. 2. Aphor. 47. dolores fiunt ac febres magis confecto. Manè me accedens, se totam noctem insomnem duxisse cum maximis afferebat cruciatibus instanterque, ut dolorem abigerem, petebat. Propono itaque phlebotomiam, quam respuebat, of-

fero sectionem, ejusque commodum extollo, nullo modo se illam admitturam constanter affirmabat. Quid agendum esset, haud videbam: ad narcotica contugere, non fuit mihi ob periculum, animus, interea mulierem quandam auxilium præstantissimum ad affectus tales curandos habere, referebat. Lætus ego, ut illius ope uteretur, meaque auxilia intentata relinqueret, suadeo, mihiq; excellentius remedium nullum præter sectionem esse, affirmo, quam tamen (quamvis panacea unicumque asylum chirurgorum in hoc est affectu, amara namque bilis amaris est pharmacis proluenda) præ mollitie plerumque nostri, nostri inquam Germani, ut & ustiones rejiciunt, sicque propriæ salutis desertores existunt, dum scilicet in principio omnem medendi procrastinant occasionem, nec priusquam morbus in medullam obriguerit, succurrunt, unde ex parva sæpe scintilla neglecta, magnum non rarò imò maximum accerunt incendium. Tali modo ego patiente illa liberatus, illa verò intensissimis affecta per multas septimanas cruciatibus, quarto namque mense digitum infasciatum gestare eam vidi, nec remedium antea prædicatum præstantissimum, tunc temporis quicquam præstare potuit.

Sic & inveniuntur non pauci, qui medicamenta saluberrima, & ut verius dicam, divina, à clarissimis celeberrimisq; tum medicis tum chirurgis usu, exercitatione & experienciâ longâ comprobata, & in magno ac vasto medendi pelago à Galeno, Hippocrate, aliisque promulgata contemnunt, sua autem è contrario, si quæ habeat medicamenta, tanquam fœtum admirandum, in tantum evehant, extollunt, prædicant, ac nescio quo nominis adornant titulo, vulgoque mendaciis suis splendidis egregieque compitis, & adornatis imponunt, qualia autem illorum sint remedia, eventus non rarò in cheu conversus patefacit.

Ancilla in paronychia sectionem admittens, breviter & feliciter curatur.

Ancilla quædam in extremitate annularis per aliquot dies de doloribus lamentata intolerabilibus, me accessit, paronychiam esse, meque nullum excellentius, præter sectionem, scire remedium prædixi. Ancillas namque paronychiâ affectas suscipere omnium in chirurgia curationum ferè est difficillima, periculosissimaque, quoniam à dominis ad labores instigantur, quod si perficere nequeunt, torvo vultu ab iis aspiciuntur, & quamvis chirurgus omnem suam operam impendit, in fine tamen ingratitudo viruperiumque pro honorario persolvitur. Assensum præter expectationem præbet: quare sectionem ad os usque secundum longitudinem molior, sanguineque effluxo copioso digestivum observat. traditum cum emplastro diachylo ad decem usq; dies adhibeo, totamq; manum & carpum unguento populeonis & infrigidantis Gall. permisso bolo inungo, tum mundificantia, deinde sarcotica, ultimoque epulotica impono. Nam, ubi sectio adhibetur, ipsius cura vix à vulneris, nisi in majori digestionem, mundificationem absterfitioneq; consistit. Carnem verò illam, quæ excreverat, partemq; unguis occuparat, alumine usto pulverisato insperso, emplastroque diapompholygos admoto eradicavi. Atque taliter ancilla hæc, in omnibus morem gerens, breviter absque offis deperditione digitique rigiditate convaleuit.

Paronychiam exorcista morte curat.

Rusticus obeso cacochymicoque corpore, cum paronychiâ in medii digiti apice afficeretur, exorcistam

cista n̄ adit : Hic conjurare incipit , chartamque cui sequentia inscripta erant , vinculo firmiter circumligat. *† tu † Credis † ita † Tibi † Eveniat †* ac trium dierum spatio , ne dissigaret , præcipit , vermemque tum sub charta conspicuum futurum asserit. Rusticus quamvis maximis obruitur interea doloribus , vigiliis continuis , inquietudinibusque , non tamen schedulam aufert , verum ea , qua potest an̄mi constantia perfert , tertia die fasciis sepositis , apex digiti nigricans omni privatus sensu conspicitur , nec non digitus ex toto inflammatus cum dolore ad axillas usque protenso , ad vicinam tandem confugit civitatem , chirurgumque consulit , qui gangrænam animadvertens inflammationemque insignem , appropriatissima quidem , sed frustra , adhibet remedia , circa vesp̄eram totam manum gangræna invalerat , quæ alterius diei manè ad cubitum ulque extendebatur ; quarta die sub noctem , supervenientibus convulsionibus , exstinguitur.

Ex paronychia , indicis articulum medium occupante , sævissima symptomata.

Anus quædam lotrix , cum circa medium indicis articulum dolores rodentes ac quodammodo repentes perſentiret , vermem inesse vivum opinabatur. Vetularum more varia tentavit remedia , ad signaturas tandem & benedictiones (*segnen* ut vocant) devenit. Hæc cum non proderent , ab aliis , quoniam paupercula erat , doloresque indies majores , vigiliæ continuæ necnon febris deliquiaque evadebant vehementiora , ut curam ejus susceperem , rogatus , misericordiâ commotus , sequens prognostico præmissio rigoroſo , cataplasma ipsi digito , extremitate excepta , adhibeo.

℞. Galioptis , quæ & urtica mortua & fœtida , ab aliis lamium appellatur. M. i. Paronychiæ recent. Fol. sambuc. recent. an. M. i. Rutæ. M. S. Radic. lil. alb. recent. ʒiʒ. Bryoniæ ʒj. Flor. violar. Verbasci. an. P. ij. Farin. femin. lini. ʒvi. Tritic. ʒj. Incis. & cont. bull. in f. q. aq. comm. ad catapl. consist. add. Ol. chamomill. Lilior. alb. an. ʒj. Rosat. cum succo solan. ʒvi. Vitell. ov. N. j. Milce.

Manum totam , ad cubitum ferè usque sequenti linimento ob insignem affluam materiæ inflammationemque inungo.

℞. Unguent. Populei. Infrigid. gal. an. ʒiij. Succ. sed. major. ʒvi. Boli Armen. ʒij. Acet. rosat. ʒij. Misce. apici verò appono percussivum ex aceto rosato , succo hypocist. permixto ; dolor non mitigatur , tumor augetur , necdum sectionem admittit , duodecima die erumpit vomica , pus fœtidissimum excernitur , ulcusque evadit esthiomenum , sequens adhibeo.

℞. Terebint. lotæ. ʒij. Mellis rosat. Syr. ex ros. sic. an. ʒij. Unguent. Ægyptiac. ʒj. Camphor. g. iv. Succ. Scordii. ʒiʒ. Vel ejus loco pulv. ʒiʒ. Misc.

Hoc medicamento ulceris malignitatem domui , dolores in profundo nihilominus permanserunt , insignisque carnis excreſcentia oborta , dolorosa , spongiosa , ac laxa cum sanie graveolenta & aquosa ; hinc conjeci , ossis infectam substantiam , quare totus , quò lenitèr hyperſarcosis ista , caroque os regens , ne novum inducerem dolorem , inflammationemque , adimeretur ; in id incubui , officuloque nigricante conspicuo hunc pulverem admovi.

℞. Radic. Peucedan. Treos. an. ʒiʒ. Pulv. lumbricor. terr. ʒj. Cortic. thuris ʒiʒ. Euphorbij. g. vj. Misce fiat pulv. subtilis.

Ulcus nullo modo ad cicatrificationem , antequam os desquamatum , perducere potui. Septuagesimo tandem die natura ossis portiunculam protrulit , qua emissâ digitus intumefactus , inflammatus , doloresque

denuo à secundo articulo , anteriore digiti intentato relicto , carpum versus & ultra in interiori duntaxat oboriuntur parte , filamentum quoddam crassum ipsi ulceri nigricans inesse conspicio , vossellâ arripio , tendinisque exsiccati & quasi in fumo arefacti septem digitorum transversorum latitudine extraho partem. Ipsa ea re visa , vermem illum tot dolorum fontem fuisse , exclamat. His excretis sigillatur ulcus , motus verò ob tendonem deperditum flexivus toti digito adimitur , nihilominus tamen , adducebatur , abducebatur & extendebatur , sive elevabatur , ac , quamvis varia post curationem pro recuperatione motus flexivi adhibuerit medicamenta , frustra fuit. De privatione enim ad habitum (ut loquuntur Phisici) non datur regressus.

Adolescens à paronychia decem dierum spatio liberatur.

Adolescens corporis habitu sanguineo de doloribus auricularis digiti circa ejus extremitatem conquerebatur , prima invasionis die manè , ubi titillationem & levem quendam pruritum perſentit , me accedit ; paronychiæ principium animadverti , statim venæ sectionem , & quidem in opposito latere basilicæ præscripti , sequentique percussivum digito , ac supra cubitum intercipientis adhibui.

℞. Succ. Portulac. Sedi major. an. ʒiij. Lactuc. Solani. an. ʒij. Succ. acaciæ inspissat. & in f. q. acet. rosat. dissol. ʒiv. Sperniol. Croll. ʒiʒ. Opii g. vi. Farin. hordei q. f. ad cataplasm. consist.

℞. Boli Armenæ ʒij. Pulv. fol. myrti. Malicori. Balauft. an. ʒiv. Farin. molend. ʒiv. Acet. rosat. ʒiij. Alb. ov. conq. ʒiʒ. vel. q. f. ad catapl. consist.

Secunda die eadem apposui , purgansque propinavi , dolores paulatim remiserunt , attamen sub cute exiguum quoddam tuberculum , quod quinta incisum , abortum , convenientia deinde adhibendo , absque ullo incommodo decima die pristinam sanitatem est adeptus.

Paronychiam in principio neglectam insequitur ossis caries , necnon desquamatio.

Matrona quædam honestissima in manûs tam dextræ , quàm sinistræ pollicis extremitate , cruciatus perſentit , dexter tendit ad suppurationem , facillimeque curatur , in sinistro verò pollice fixiores validioresque excitantur dolores , quapropter medicatricem quandam consulit : hæc acu perforat , unde cruciatus exacerbantur , deliquia , vigiliæ oboriuntur continuæ , per tres namque septimanas singulas ferme noctes traduxerat insomnes , tandem ego accersitus , paronychiam esse , doloresque ob neglectum principium indies evasuros intensiores , asserui , exiguum verò illud ulcus acu factum , aliquid emittebat saniei , insuper caruncula excreverat , sectionem foraminisque amplificationem summè necessariam , & ad minimum vel os , vel unâ cum ipso extremitatem seu extremam articulationem periculum minari , pronunciaui , ut , si tale quid contingeret , id meâ culpâ hand evenire agnoscerent ; ea die sectionem admittere noluit , quare sequens præscribo.

℞. Terebinth. Venet. lotæ in aqua malv. ʒvi. Vitell. ov. numero 1. Ol. rosat. lumb. ʒiʒ. Pulv. femin. lini. ʒiij. Myrrhæ. Thuris an. ʒiʒ. Boli armen. ʒiʒ. Redigant. & incorp. simul , fiatque unguentum , quod linteis illitis toti pollicis , quò materia redderetur suppurationi obediens , adhibeo , interea & aliquid foramini

instillo, altera die sectionem, quam ad os usque scalpello instituo, admittit, deinde balsamo. meo hyperici tepido, quo quamplurimos ab eo feliciter curavi tempore, filamenta inungo, effluxo prius sanguine & pure emplastrum ex curcuma appono, totamque manum unguento nutrito inungo, linteolisque vino madefactis carpum cubito tenus tego. dolores nunc remittunt, nunc augentur, interea annularis apex gravissimis cruciatibus afficitur, illum ovo putrido ut immittat, suadeo, & depellitur. Eschara vulneri aut potius ulceri inhæret tenacissima, quare unguentum dialthææ impono, quam decimo octavo aufero. ablata illa, fovea cavitasque conspicitur insignis, è qua pus foetidum evacuabatur: conjecturavi, os affectum, balsamum denuo Hyperici cum emplastro diapalmæ adhibeo, pollicemque spleniis albo cocto emplastro illitis infascio, manumque unguento albo camphorato illino, ac, ut à frigore perquam bene ipsum muniat, hottor. Frigidum namque secundum Hipp. 5. Aphor. 20. ulceribus &c. inimicum, dolores de die in diem aliquantulum mitigantur, cavitas carne, attamen non superflua, impletur, sanies nihilominus ichotosa, tenuis, aquosa à carie ossis profecta effluit, nil præter emplastrum diapompholygos adhibeo, fomentationem ex malva & floribus chamomillæ ordino, trigesima die circa unguis partem sinus quidam, quo compresso, materia manebat, percipitur, metui ibidem ossiculi portionem latere, sectionem, at frustra, urgebam tandem trigesima septimana die ossis pars excreta, ulcusque adhibito emplastro albo cocto absque pterygio & abscissu unguis consolidatum. Rigiditas relicta balneo ex salvia, rosmarino, amaraco, malva, floribus chamomillæ & meliloti facto. & inunctione balsami Hyperici curata, strictissimisque nec non arctissimis fasciis anterior pollicis articulus alioquin tumidus, satis superque coarctatus.

Paronychia in medii digiti apice feliciter curata.

Frater meus Guilhelmus Glandorp, cum Galliam peragraret, chirurgumque apud Mons. du champlain Capitaneum Parisien ageret, famulum ipsius anno 1620. 16. Julii paronychiâ laborantem sub cura habuit. Hic ubi fortè cum suo domino silvas turtures & columbas capiendi gratiâ ingressus, domum postea reversus, dolor statim in extremo digiti, quæ ab eo neglectus obortus, sequenti intensior redditus est. Frater tum temporis ejus loci chirurgus, curationem sequenti modo instituit. Primò quidem secundum methodum clariss. Fabric. Hildani observ. cent. 1. obs. 37. digitum lacte vaccino, in quo flores meliloti, chamomeli, semen lini, fœnigræci & cydoniorum cum radicibus althææ incocti erant, aliquoties fomentavit, deinde superficiem cutis paulatim dissecuit, qua ablata, rubicundæ nonnullæ conspectæ maculæ, quibus incisus una aut altera guttula aquæ emanavit citrinæ: cum verò materia copiosior profundius & altius posita, ad os usque cultello vulnus incidit, maximaque copia puris altera die bene cocti effluxit, statim linteum in aqua vitæ theriaca permista, madefactum, applicuit, deinde folia brassicæ (quæ Galli vocant de chous) sequenti decocto imbuta, & ex illis tentas factas vulneri immisit, superimposuit.

℞. Rad. apii. ℥ss. Mellis optim. ℥j. Vini alb. generos. ℔ss. Coquantur simul, donec mel sit despumatum, ac tertia pars consumpta, postea fumantur folia brassicæ, ac carbonibus superimponantur, statimque ne comburantur, amoveantur. Inde enim molliores & humidiores quodammodo, & quo decocto facilius & commodius immergi possint, redduntur: Hoc-

que medicamentum (ut frater refert) chirurgorum in Galliis primariorum secretorum omnium est secretissimum. Manui verò & carpo defensivum ex oleo rosato, bolo Armena, & albu mine ovi, cum stupa cannabina apposuit, digitumque affectum oleo rosato indies inunxit, paulatim vulnus, adhibitis sarcoticis, incarnari cœpit: ad inducendam cicatricem, unguentum aureum imposuit, & diapompholygos applicuit: atque ita, divina favente gratia, quàm brevissimè feliciterque curam absolvit.

Alium, cum in Americæ regionibus chirurgiam exerceret, paronychiâ affectum sub cura habuit, quem eodem modo, quo Hildanus loco suprâ citato, nobilissimam dominam de monte, matronam honestissimam curavit, ad dolorum verò sedationem sequens adhibuit.

℞. Fol. Hyosquiam. Cicutæ. Mandrag. sub cinerib. cal. coct. an. Mj. Ol. rosat. Butyr. recent. & sal. expert. an. q. s. Ex his omnibus contritis fiat linimentum. atque tali modo septem dierum spatio curæ finem imposuit.

Paronychiam furca aliæque gravissima tubercula & symptomata insequuntur.

Adolescens corporis habitu cacochymico 25. annorum circiter, dolore circa apicem pollicis vexabatur acutissimo, per aliquot dies, nescio quibus usus medicamentis, medicastricem tandem accedit, quæ novaculâ callosam cutis aufert partem, & interim ut applicet micam panis triticeam in aqua fluviali maceatam, & lacte deinde coctam ad puliculæ consistentiam, suadet: at frustra, meæ tandem se curæ subicit, verum quamvis illubenter illum ob affectus hujus atrocitatem periculumque, principium quoniam neglectum, suscipiebam, tamen ob familiaritatem, quæ mihi cum ipsius erat domino, intermittere haud potui. præscribo itaque sequens cataplasma, quia inflammatio insignis, dolores & inquietudines aderant intolerabiles, ita ut nec noctu nec diu somnum caperet.

℞. Paronychiæ recent. Mi. Pulveris radic. althææ. Consol. major. an. ℥iij. Semin. lini. Fœnigræc. an. ℥ij. Flor. chamomill. Unguium rosar. rub. an. p. i. Solani. Sedi majoris an. p. iij. Farin. triti. ℥i℥. Bull. simul. l. a. in. f. q. aq. comm. ad catap. consist. in fine add. Ol. rosat. lubricat. ℥j Lilior. albor. Unguen. dialth. an. ℥ss. Vitell. ov. N. 1. Canphoræ ℔ss. Misce.

Hoc idipsum tepide toti pollicis applico, & per biduum tertio, quoniam insignis, quæ comitabatur inflammatio, diesque caniculares, cataplasma exsiccat, renovo. Die tertio, materiam sub cute pulsantem percipio, quare ipso haud animadvertente & ex improvise sectionem ad os usque quoniam materia profunda, instituo: sanguinis aliquot guttulæ cum puris exigua quantitate evacuantur, filamentis digestivum observ. 1. præscriptum, cum emplastro ex curcuma in speculo meo chirurgorum observat. 19. propositum, impono, ac supra carpum ad cubitum usque, quod sequitur adhibeo defensivum.

℞. Boli Armenæ ℥ij. Succu plantag. Sedi major. an. ℥ss. Pulv. Balaustr. ℥ss. Gallarum. ℥iij. Rosar. ℔ij. Farin. volatil. ℥vi. Pulveris, rad. ireos. Sandal. rub. an. ℔ij. Acet. rosat. opt. ℥ s. Album. ov. conq. q. s. fiat massa.

Tumor fit auctior, materiæque ob insignem cacochymiam major affluxio, intra pollicem & indicem furca oboritur, idem admoveo cataplasma. Illam ei quinto die aperio, dolor indies augmentum capit, totaque manus ad cubitum fere usque livescit, gangrænâque minatur. E vestigio itaque sequens

pro corroboratione, partemque confortatione, cataplasma ordino.

Ungulum rosar. rub. Paronych recent. an. M. i. Pollin. flor. chamomil. Melilot. Summ. hyperic. an. P. ij. Salvia. Mentha. Absinth. Abroton. an. P. i. Scordii. nost. Ivæ arther. an. P. ij. Alliar. Plantag. fcc. an. M. C. Pulveris radie. ireos. ʒij. Farin. amygd. dule. non ranc. ʒij. Lupinor. Lolii an. ʒvi. Incis. contrus. & cribel. quæ in subtil. bull. l.a. in f. q. aq. comm. ad catap. consist. in fine add. Ol. rosati lumbicat. ʒij. Amygd. dule ʒj. Vitell. ov. N. ij. Misce pro catapl. quod circa vesperam diei sextæ admoveo : septima quo iam liporhymia obortiebantur frequentes rigoresque, in principio vix sectio neglecta, sudoriferum, quo venenosa materia à centro ad circumferentiam corporis depelleretur, propino.

℞. Diac. d. Fract. absque Galban. ʒj. Syr. ex Galga composui ʒij. Extract. ligni. sanct. g. xv. Spiritus vini ex insul. ligni sancti ʒij. Aq. Card. bened. ʒij. Spiritus Vitriol. g. iv. Misce.

Sudor evocatus copiosissimos Octava eisdem topicis utor medicamentis. Nona in parte pollicis musculosa tuberculum enatum, quo secto, pus evacuatum copiosum foetidissimum; nec non decima in metacarpii superiori parte circa os, quod medio digito substernitur, similis obortui tumor, quo aperto, & copiosissima similiter purulenta evacuat materia. Sectio verò administrata in pollicis apice perquam bene sese gerebat, optimeque mundificabatur plaga illa. Cum verò materiam maligniorem contumacioremque, quam in aliis inesse tumoribus animadverterem, ipsi mundificativum digestivumque, hoc tentis illitis impono.

℞. Terebin. lot. in aqua scord. ʒv. Syr. ex succo Nicotian. Ex apio an. ʒij. Pulv. scordii ʒj. Unguent. dialth. ʒij. Ægyptiac. ʒj. Balsami mei Hyperic. ʒij. Croci. g. vi. Misce. Duodecima purgans exhibeo.

℞. Extract. Diacarth. ʒij. Pulv. Mechoac. Cremor. tartari an. ʒj. Syr. rosar. sol. ʒij. Spiritus vitriol. g. ij. Aquæ veronicæ ʒij. Misce.

Ex cujus usu septies alvum deposuit, ac manui à carpo ad cubitum usque vino rubro Gallico, in quo flores chamomil. melilot. & rose rubræ coctæ, lintea imbuta applico. Interea nunc mitiores, nunc graviores existunt dolores, ac in ipso carpo decima sexta die tria alia exsurgunt tubercula, quæ & sectione per longum, ne tendones laderentur, facta, aperio, tentamque superscripto digestivo, cum emplastro ex currenna, pollicis vero apici, quoniam mundificata plaga, incarnativum cum emplastro diapalmæ adhibeo. Magna interea ex tribus illis in carpo & uno ex metacarpio ulcere effluit materiæ purulente copia quotidie, præscriptis ad vigesimum quartum usque diem insito medicinis, fasciamque circa cubitum incipientem, ad rasceta vergentem, quò melius materia posset evacuari, administro. Vigesima quinta brachium è cubito ad brachiale usque intumescit indurefcitque, ac quàm plurimis in locis suppurationem de die in diem notabiliorem minatur. succorro, sequensque emplastrum appono.

℞. Empl. Diachyl. cum gumm. de vigo. De melilot. an. ʒj. Gummi ammon. dissol. ʒij. Cum s. q. ceræ & ol. lilior. alb. exig. q. fiat massa.

Vigesima octava sectionem prope cubitum ferè molior, ubi supra modum tumor erat auctus, incredibilis materiæ purulente statim & per viginti dies continuos evacuat, non modò ex illo, verum & circa carpum existentibus apostematibus copiosis: quæ aliis eadem & hæc appono interim & duæ aliæ in metacarpii externa parte oriuntur eminentiæ, quæ & incitæ. In summa incredibile est dictu, quantæ materiæ effluxerit copia.

Spes hæc sola, solusque metus hic erat: aut totum brachium, aut carpum solum, aut pollicem immobilem permanfurum; aut ad minimum extremi pollicis articuli os, aut articulum ipsum abscellurum. Ubi jam materia evacuada, mundificata, dein detergentia, ultimò incarnantia, tandem & epulotica adhibeo, cicatricemque induco. Curatis & consolidatis apostematibus, cubitus immobilis, carpusque cum pollice inflexibilis, persistit, sequens propterea ad id balneum, methodumque, quoniam peregrè mihi erat abundum, utendi præscribo.

℞. Radic. Althææ. Consolid. maj. an. ʒvi. Bryonia ʒij. Herbar. Malvæ. Althææ. Violar. Mercurial. rec. an. Mj. Summit. Hyperici. Ivæ arther. an. M. s. Sabinæ. Pii. Flor. chamomil. Melilot. an. M. j. Semin. lini. Fœnigræc. an. ʒvi. Bull. incis. & contrus. in f. q. aq. comm.

Brachio prius evaporationem excipiat, ubi refrigerit ferè in totum, brachium unà cum manu imponat: hæcque per hebdomadam continuet, vel prout necessitas exigit, semelque instituatur de die, deinde sequenti inungat linimento.

℞. Unguent. Aragon. Marriat. an. ʒij. Axungia gallin. ʒij. f. Gummi. ammon. dissol. ʒiv. Unguent. dialth. Ol. rosar. lumbicat. an. ʒij. Ceræ q. s. fiat linim.

Inunctione facta, adhibeat emplastrum ex superiori massa confectum, & super alua distentum, post decem circiter dies domum reversus ipsum ferè omnia sua obire posse cum admiratione summa conspexi, & quavis magnus aderat metus, ne ad minimum os, vel extremus abscederet articulus, tamen nec os, nec articulum imò nec unguem quidem ille suum perdidit.

Pro tua verò, Triune Deus, omnium rerum benefactor unicè admirande, ineffabili clementia, quæ mihi non modò in his, verum & in aliis meis curis omnibus in hunc usque diem adfuisti, proque eo, quòd ex terra ad hominum utilitatem creavisti medicinam, qua sanitas ob peccata nostra deperdita restituitur, eamque quamplurimis revelavisti, laus tua semper erit in ore meo, & lingua mea favorem tuum singularem, quo me in & extra uterum maternum prosequutus es, quamdiu vixero, deprædicabo. *Hætenus Decas Observationum Matt. Glandorp.*

Pararicii sive paronychia incidenda modus tutissimus, & compendiosa curatio.

Quàm dolorifica, & longæ curationis sit paronychia, neminem practicum latet. Si tamen statim ab initio pars affecta, eo modo, quem mox expediam, incidatur, cedit dolor, citoque curatur ægri, prout hætenus in plerisque expertus sum. Quod sequentibus exemplis illustrare visum est.

Ante annos aliquot Colonia Agrippinæ ad piam & honestam matronam, uxorem D. D. Joan. Burgois, divini verbi ministri fideliss. & amici mihi multum observandi, laborantem dolore acerbissimo in extremitate digiti, cum febre, liporhymia, nausea, aliisque gravioribus symptomatis, vocatus fui. Digitus tamen nondum inflammatus aut tumefactus erat, liquidem morbus tantum incipiebat. Ideoque curationem sic institui. Primò quidem digitum lacte vacino, in quo flores chamomeli, meliloti, semen fœnigræc. & cydoniorum incocti erant, aliquantulum fomentavi. Deinde superficiem cutis paulatim dissecui. Abrafæ cure maculæ quedam rubicundæ apparebant: Quibus acie cultelli incisis, guttulam unam aut alteram aquæ rosæ sub cute inveni. Illa vacuata, linteam madefactum aqua viræ, ubi nonnihil theriacæ dissolutæ erat, applicui. His statim sedatus est dolor: atque hoc

Paronychia

hoc unico remedio, altero die sanatus fuit digitus. Reliqua quoque symptomata, purgato leviter corpore, sopita fuerunt.

Hoc anno 1604. vocatus fui ad nobilissimam Dominam de Monte, Bernensem, matronam honestissimam quæ triduo, propter paronychiæ doloris vehementiam dormire non potuit. Abrasa cute maculam hujus magnitudinis O in capite digiti sub cute invenimus, in qua vix guttula una ichoris continebatur. Incisâ maculâ, applicatoque ipsi digito gossipio, intincto, aqua vitæ, in qua dissoluta erat cheriaca, manui verò & carpo linteo reduplicato, ac imbuto poscâ, statim cessavit dolor: ita ut postero die plenissime sanatus sit digitus.

Hujus curationis cum anno 1593. primum periculum in uxore mea fecissem, & ex voto successisset, postea in supradictis matronis, ac multis aliis maxima cum utilitate ægrorum, administravi. Et semper ad ungulam sub cute nonnihil ichoris inveni. Sed necesse est, statim ut ab inito fiat incisio hæc: alioquin ex doloris vehementia citò concurrunt humores, qui inflammationem, ac tumorem excitant, atque subiectam carnem, imo etiam ossa erodunt. Est enim cutis ea in parte admodum densa, ita ut materia paronychiæ (quæ per se maligna est) quum nullo modo exhalari possit, majorem acrimoniam & venenositatem acquirat: digitus quoque, imo tota manus, propter doloris vehementiam inflatur, parumque p odest incisio hæc; nisi prius materia cocta, & in pus conversâ fuerit.

Vacat autem eo modo facta incisio omni periculo, nec est dolorifica, neque nervos aut tendones offendit, quum sit superficialis. Alius verò modus apud praticos passim usurpatus, incisio nimirum quæ fit à superficie ad centrum, & versus os valde periculosa est. Lædit enim nervos & tendones: unde dolor acerbissimus, inflammatio, febris, aliaque graviora symptomata oboriuntur. *Gulielmus Fabricius Hildanus Observat. Chirurgic Cent. 1.*

Pro Paronychia.

In principio post phlebotomiam & universalia remedia, ponatur digitus per longum tempus in ovo putrido. id enim plurimos curasse experientiâ constat: alii eum in musculis putribus tenere optimo cum successu & magna cum laude, cum apostema jam perfectum esset, & incisionem admittere nollent, quod optimum est remedium, adhibui unguentem apii seu hyperici Philippi Hermanni, quod propriè educit materiam viscosam ex ossibus, & panaritium per se curat, & est nobile experimentum non solum ad panaritium, sed & contra vulnere: cujus hæc est descriptio.

℞. Succ. hyperic. & apii. an. ℥ij. succ. senecion. vulgò cruciatæ dictæ, millefolii, abtyn. h. an. ℥ij. succ. chelidon. persicar. an. ℥ss. mell. despumat. ℥v. ol. hyper. ℥ii. terebinth. ℥ij. farin. tritici, q. s. alumin. usti ʒiij. succi coq. s. a. & reliqua adduntur, & coq. ut artis est, ad consistentiam unguenti mollioris, & usui reservetur, arcanum est contra paronychiam, quo solo aromatatus quidam ab hoc morbo curatus est. *Petrus Forestus obs. 16. lib. 5. obs. Chirurg.*

Puerulus quidam angebatur à duabus paronychiis duos affigentibus digitos cum acerbò cruciatu, pro his sanandis talis per me curatio est adhibita; manè & vespri inungebam hos abscessus oleo sulphur. & desuper applicabam emplastr. diasulphuris: per quæ citissime maturati, ruptique sunt ac iisdem remediis iterum consolidati ac sanati in paucis diebus: *Martinus Rulandus. curat. 87. cent. 3.*

Vidi cui paronychiâ digitus obsessus erat, distinctus fortè ad brachii amplitudinem, perque noctes

aliquot insomnes torserat miserè: huic cruor & recens pellis talpæ circumdata, manè crastino die digitum cum nocturna quiete restituerant. *Joh. Helmontius. tractat. cui titul. Butler.*

Virgo quædam paronychiam patiebatur in indice manus sinistrae, quæ ipsum vehementer afflixerat per quatuor dies; jussi ut digitum immitteret in autem felis, & intra duas horas doloris expers fuit; sentiebat per intervalla attractionem digiti in cavitatem auris, ac subinde dolor totum brachium invadebat usque ad humerum; eo denique tempore felis vociferabatur, ut credibile sit, eum dolore affici à veneno attracto; tota manus intumuit, ac postmodum detumuit, excepto digito, qui tumefactus remansit, sed doloris expers: sublato dolore digitus extractus est, & suppuratus apparuit, ac deinceps solo empl. diapalma curatus *Lazarus Riverius, obs. 63. cent. 4.*

Mulier alia eodem remedio à panaritio curata est, hinc colligere licet in capite felis esse vim quandam magneticam panaritii qualitatibus familiarem, cujus beneficio venenum in tumore illo latens ad se trahatur. *Idem. obs. 19. cent. 4.*

Vocatus fui ad mulierem quandam quæ jam duodecimi noctes cum clamoribus duxerat insomnes occasione paronychiæ in pollice manus prope ungue laterali, nullo tumore, nullaque digiti inflatione existente; quidam chirurgus curam hujus passionis penitus ignorans, bis fecerat quasdam superficiales incisiones, in quibus caro excreverat, rogavit me instantissime, ut ejus curam susceperem, crastino die feci incisionem cum rasorio laterali ab ungue usque ad os, à summitate digiti ad juncturam exclusivè: deinde applicavi album ovi cum vitello agitatum intus & extra vulnus, statim cum recessi, cepit dormire: & dormivit toto die usque ad noctem: cessavit omnis dolor, neque unquam postea doluit ea causa, sed brevi temporis spatio, Deo favente, fuit sanitati restituta, absque digiti deformitate, vera igitur curatio hujus ægritudinis est, facere incisionem secundum modum dictum; usque ad os inclusivè: quia statim cessat omnis dolor, neque est aliud remedium, quin os & junctura perdatur. *Petrus Bayrus. practic. lib. 20. cap. 9.*

Consultatio.

De Paronychia sive Panaritio.

Illustris Dom. Ferdinandus de Capua, &c. constitutionis melancholicæ, in extremitate digiti annularis manus sinistrae circa unguem, tumore exiguo afficiebatur, tantò cum cruciatu ut dies noctesque insomnes duceret, aliquando & in lipothymiam incideret, dolore per totum ferè brachium diffusò.

Resolutio.

Paronychiam sive panaritium à sanguine adustò & atrabiliariò ad extremitatem digiti à naturâ detrusò, ibidemque inflammationem excitante productum censleo.

Dolor adedò vehemens est & atrox, cum ob materiæ acrimoniam & fervorem, tum ob nervosas partes, quæ exquisitissimo sensu præditæ sunt, affectas.

Per totum brachium diffunditur dolor, ob nervorum consensum.

Lipothymiam doloris vehementia, spiritus dissipans, excitat.

Curationem per phlebotomiam & purgationem auspiciatus sum; mox dolorem lenientia, & fervorem humorum mitigantia, suppurationemque promoventia parti affectæ applicui.

℞. Mu-

℞. Mucilag. sem. psyll. cum aq. solan. extr. ʒß. Farin. sem. lini, sænugr. an. ʒiij. Vitell. ov. num. i. Butyri rec. pingued. gallin. an. q. s. M. fiat unguentum.

Purc genitō, abscessum aperui, & pro deterfione unguentum ex melle, terebinthinā & farinā hordei præscripsi, postea impositō sarcoticō Chalmeræi ulcus ad sanationem produxi.

℞. Sarcocollæ, thur. myrrh. an. ʒj. Aloës ʒiij. Terebinth. ʒv. Mell. colat. rotat. ʒij. M. f. linimentum.

Contra animi deliquium præter externa quædam, pulverem bezoardicum ex sequenti aquarum cordialium misturâ sæpius & per intervalla exhibui.

℞. Pulver. cordial. Dornreilii ʒij. Bezoartic. Senneri. ʒj. Magister. perlarum, corallor. oculor. cancr. an. ʒj. M. detur ad scatulam.

℞. Aq. nostr. bezoartic. ʒiij. Cordial. frig. ʒij. Borrag. buglos. scabios. ex succō acetos. au. ʒj. Spir. rosar. rub. idæi, citr. an. grt. 7. rotular. manus Christ. perlat. ʒiij. M. *Baldassar Timæus in Casibus Medicinalibus.*

P A R O T I S.

Vid.

A U R I U M M O R B I.

P A R T U S

Hic consultō omitemus Physiologica multa, quæ in Bibliothecâ nostrâ Medico-Practicâ videri possunt: De Partu v. g. Octimestri vivaci, vel non vivaci, ut & de alijs Partus terminis; ac unicè nos restringemus ad ea quæ Praxim magis spectant Chirurgicam; Idque peragemus; tum per Observationes primò generales super Partione, eiq. intervientibus Obstetricibus; tum per Consultationes & Observationes speciales, super methodis quibus parturientibus, in variis sitibus. Fætuum, tum vivorum, tum mortuorum succurritur alijs etiam rarioribus adjectis. Veniant itaque primò.

Observationes generales.

Partus incerta conditio.

Vulgatum est laboriosius primiparas parere, nec fallunt cogitantem rationes; experientia autem etiam hoc docuit ex iis esse, quæ *ὡς ἐπὶ τὸ πολλόν*, non semper, eveniunt: credo ego plurimum in graviditate situm esse, & ut illa est, sic sæpe partum quoque facilem aut difficilem esse. Si enim illa vires non attingit, probabile est partui magis idoneum fore corpus atque integrum: verum uti in magnitudine, figurâ & situ post conversionem potissimum consistit partu. momentum, ita non semper ratio illa respondet, graviditasque facilis duro & laborioso partu expiatur. Ex hisce autem imprimis fluere video, non omnem Primipararum partum necessariò alijs quibusque graviorem esse, cum primi infantes sæpe minores meliusque figurati, & ad partum compositi, quàm vel secundi aut ultimi. Quod autem de Naturalium dicunt angustis primò partu explicandis, id certè nihil est; mox enim, saltem nisi aliud interveniat, non post partum die ad pristinam redeunt omnia angustiam, eodem labore vel etiam majore postea iterum dilatandam. Jam si angustia est illarum partium in Primiparis major, facilè eam & naturali mollicie, quæ juvenculis est concessa, & copiâ lymphæ uterinæ, quæ & ipsa copiosius adfluit, quàm in adultis, emendari posse probabile est: quantum autem humor iste sive uterinus, seu vaginalis partum promoveat, illæ

sicci habitus adultæque virginès, plerumque semper laboriosius parientes, exemplò suo ostenderint. Et verò experientia didicimus, plurimum liberorum matres, præsertim si virium & humiditatis jacturam provectâ ætate fecerint, de ultimis mediisque partibus magis quàm de primis queri. Quemadmodum autem non semper primus partus magnitudine reliquos antecedit, ita etiam ab hac parte minùs est periculi. De figurâ autem & positû æq; omnia incerta, quòd & illa in primū partum non magis quàm medium aut ultimum cadant. Cur autem aliquando Primiparis partus sint difficiles, non una est causâ, primū enim, ut insuetis omnia sunt duriora, ita illis quoque futuri cogitatio præsentique rei experimentum animos facillè dejiciunt, dolorisque sensum exaggerant. Deinde corporis illa curatura, quam virginès olim nimium affectabant, pompæ & gratiæ servientes, multum quoque patris molestias auger, quippe dum Hypochondria ventrisque inania, quorum expansione plurimum fætus expulsio juvatur, fasciis tæniisque constringuntur, & penè repirationis usû interceptō tonum amittunt, defunctæ pridem fibræ etiam tum, cum necesse est, officium facere nequeunt matremque in ipso opere destituunt; ut intelligant jam virginès, quàm difficile sit in tam tenui juveoque habitu matres fieri. Accedit, quòd nec ætatis nec staturæ in utròque sexu habeatur ratio, atque hinc dispar proportio partus quoque augeat incommoda. Tenerrimis sæpe pusillisque virginibus viri collocantur & robusti & *πλατύνεσθαι*, quod ipsum post capitis vastitatem præcipuè notandum: atque hinc sæpe capite Naturalibus immisō, reliqui corporis exitum humerorum moratur latitudo inque majorem angulum finiens processus. Hæc tamen ita facillè sæpè corriguntur Naturalium mollicie atque humiditate, ut non satis mirari Lucinæ vires possimus. Id autem in universum constat, feminas, quæ viros nactæ sunt capite, humeris, ossiumque mole conspicuos, dum ipsæ delicati sunt habitus, plerumque laboriosius eniti. Verum quò magis incerta partuum ratio constet, singulare est, quod quæ doloribus sæpe fastidiisque sunt confectæ matres, faciliorem experiantur Lucinam, quàm quæ uterum animosè & sine ullò incommodò gessere. Imò reperias, quibus à morbo eoque gravissimò deprehensis, partus superveniat & æquius solvatur, quàm aliàs, cum immunes degant ab omni morbo. Ut hinc appareat non matris tantum has esse vires, quæ partum secudent, sed & fœrum hinc aliquid posse, & validum suoque genio in cætera partium harmonia fruentem. Nimirum evenit subinde, ut principium virale fætus matris vitia non moretur, & vis elasticæ robore imminens contagium à sphaera nutritionis suæ vel avertat, aut fermentō propriò in melius immutet, atque hinc matribus ab ægritudine consumtis partus procedant rotunduli & nitida cute pingues. Dici non potest, quàm graviter sæpe laborent partui proximæ desperantibus etiam mulierculis, & tamen, post exhaustum corpus, quando Nixiæ sunt partes, adsint vires tanquam de cælo missæ, collectæque etiam sine magnò labore partum solvunt; ut sciatur, quanti referat. hominem servari. Sed ecce hinc anodynus partus exemplum. *Joh. Nicol. Pechlinus in Observat. Physico-Medicis.*

Partus & subiti & sine dolore.

Impositæ ob primævum vitium mulieri dire hanc quoque traxere necessitatem, ut durius & cum dolore pareret, fortè ut conceptæ initiò rerum labis sensus, aut nascenti, aut gignenti imprimeretur, quod adò verum experimur, ut vix unam reperias matrem, cui non partus magno constet, etsi non æquo omnibus labore. Barbaris equidem hominibus & ad mundi fines rejectis magis propitiam esse Lucinam, quàm nostris, commen-

commentaria docent peregrinantium. An quod, cum sacrorum religione peccatique originalis conscientia minus tangantur, securiore nisu pariant? An, quod diare magis equalis ac innoxie usu aeris ad hoc majore constantia fruuntur, quam nostri orbis hospites? Illud autem satis constat, si ratio ineatur molis istius & ostioli, quo se erumpere debet suo & alieno infans, non posse non laboriosum esse & lumbifragum partum, etiam inquam sanis quadratisque foeminis. Quo magis mirari oporteat, quod paulo ante attingi, matribus nonnullis à morbo jam attritis atque cinaciatas, jamque extrema spirantibus, partum oboriri facilem, imò ante parere, quam peperisse se intelligant. Adeo tenellæ matres cum febre conflictatæ calida ipsas quatuor sex & octo septimanas ante partum, quin & sub ipso partu, quæ prognostico relictæ videbantur, tam propitiam expertæ sunt Lucinam, ut unde vires suppeterent in tanto animi corporisque deliquio, nemo conicere posset, pariebant tamen, & facilius quam ipsæ illæ sanæ, & nisi credere piaculum est, sine dolore. Nempe Naturâ, id verò est, invisibilis Dei digito operam omnem præstante, quam vel mater sana aut ipse Puer præstare debuerant, facilis est in incredibilibus labor. Quando itaque in conclamata aut afflicta matre partus succedit, probabile est soli foetui tantum esse virium, quibus ipse se expediat Naturæ claustris jam ante quoque mucilagine copiosâ, quam fortè morbus eò derivat, referatis. Unum autem exemplum partus anodynus non possum quin memorem. Mulier erat sutoria, sextum nunc etiam mensem gravida, aliquot ante liberorum mater, quæ febre ardente epidemia misere afflicta jam aliquot septimanas fevitiem morbi sustinuerat, eò redacta ut extrema spiraret. Actum videbatur de matre & foetu, cum mulier nullius admodum conscia doloris matulam poscit, quâ excipere urinam, quod illa rebatur, posset. Tum illa, ubi aquam mittere se putat, infantem excludit nitidum atque vegetum, sed qui septimum nondum attigerat mensem, adeoque ultra tres septimanas non superstitem. Illa quid actum esset nesciens, etsi molem sibi excidisse quereretur, præsentis advocat mulierculas, utque rem explorent monet. Ibi illæ non sine horrore infantem reperiunt vinculis adhuc suis alligatum, quem non procul habitans Obstetrix in auxilium vocata rite liberabat, toto etiam puerperio, extinctâ febre, feliciter cedente. Et verò in parturientibus hoc quoque notatu dignum, non omnes eodem modo eniti, & quamvis plurimis in strato jacere commodum sit, novi tamen, quæ & ambulando provocent partum & stando dejiciant, quod ipsum Gallicanæ foeminæ Viri & πᾶν in more fuisse intelligo. Aliàs exemplo didici temerariæ matri suique fidenti jamque partum vicinum anguranti, dum se speculo sisteret, & ut nonnullis foeminis familiare est, vultum ornaret componeretque ad decretorium laborem, vix dum consciæ excidisse offam albâ, abrupto etiam vinculo umbilicali; inde quidem puerum mortuum, matrem verò extantlatâ magnâ hæmorrhagiâ evasisse. De meretricibus autem vulgo increbuit, utrum certo rumore, nescio, eas ferè omnes facilius parere: credo quod, dum profano concubitu omnem decoxerunt pudorem, nihil pensi habeant, quid eventurum sit, modò ab impudico onere liberentur. Ita notæ sunt, quæ inter choreas lususque ventrem excusserint, ad consuetos labores subito reversæ. Hoc verò etiam novum, quod in vicina pridem urbe meretriculæ paulò ante nuptias, ut fieri solet, sacram Eucharistiam in Ecclesia ambienti, tantum non, dum ad altare properat, partus dolores supervenerint, quæ, ut erat in propinquam domum delata, illico infantem enixa est sanum atque integrum. Novum autem non est plurimas feminas sedendo parere, nec antè solvi; quam post varios habitus jectigationesque in sellam procubuerint, composito sic melius ad exclusionem corpore.

Idem ibidem.

Biblioth. Chirurg. Tom. III.

Fortuita excussio Partus foetentis jam & semilaceri.

Naturæ auti obstetricios labores ferè sola absolvit, ita Fortunæ etiam aliquæ hæc sunt partes; sæpe enim, ubi foetus uterique & virium conditio minus nobis perspecta, mirificis illa lufibus se ostentat. Ubi anceps quandoque eventus, & quod superest exigua spei prudenti consilio regere volumus, ipsa se interponit Natura; & improvise sæpè etiam in speciem periculo casu salutis prospicit laborantium. Foemina quadragenaria primipara, viro *πλάτωνα* juncta, ex partu novem dierum periclitabatur, erantque jam omnia deplorata, quippe à triduo mortuus infans & manu una pedeque, nunc etiam evolutis intestinis, ab Obstetrice truncatus, in eam figuram redigi non potuit, quæ cætero corpori extrahendo vel truncando esset idonea. Ergo parturientis vires deficiebant, & ob crudelissimam manus operam, quam adferre Obstetrix & sagacissima & exercitatissima necesse habebat, omnem amplius sui curam detrectabat, & jamjam semisuriosa mori decreverat; nec parum adfuit, cum parturiendi dolores pridem defecti in illo corporis frigore immensoque foetore: qui matronas adstantes repellibat; denuo subrepunt, & illa paulum sibi reddita operam implorat Obstetricis, quæ cum vix crederet veros esse dolores à parturiente importunius rogatur, manum ipsa commodaret, sed ad frigus foetoremque pudendorum manum subito retraxit, quam dum rursum insinuat habitum superstitis trunci exploratura, omnia adhuc dum arcta & ad expulsionem imparata reperit. Illa tamen urget *ωδίνας*, quas pridem senserat, postliminio redeuntes. Ne ergo volentem conantemque deferere videretur, jubet ut sine strepitu è lecto tolleretur, quod cum parturiens audiret, non expectato auxilio contra monitum ipsa se lecto velut furibunda præcipitat, sentitque rupto vinculo molem aliquam Naturalibus dejici. Ad quæ conversa Obstetrix increpare primum parturientis temeritatem, mox mirari fortunæ casum, quippe saltu illo, quo se lecto præcipitaverat, maxima pars foetus effusa tractandam se extrahendamque Lucinæ præbebat. Verum in illo corporis materni foetore atque invalescentis febris delirij periculo vix aliud quam mors expectabatur, quum tamen, suppressa post quatuor septimanas Urinæ incontinentia, quam vis intulerat, effugit pristinae sanitati restituta, post illa etiam facilius pariens. Certum autem est, posse aliquandiu in ventre latere incorruptum onus, aut si corrumpatur, non protinus matri quoque mortem adferre. Memini foeminam cum mortuo infante jam inde a novem diebus, cum foetore autem manifesto à tribus diebus conflictatam, frustillationem reddidisse infantem ipsa agrè evadente. Sed observatione dignius, quod Venerando Socero meo B. M. Langelotto videre contigit, & ipse cum diligentissimis Naturæ custodibus, Germaniæ Curiosis, Collegis meis honorandis, mecum ipso olim communicavit, nimirum mulier quintum mensem gravida cadaveris conspectu terribi illico nescio quid mutationis & nausæ oboriri sibi queritur: lassitudo inde membrorum & omnium rerum *ἀνορεξία*, objecti cadaveris species turbare perpetuò constantem aliàs mentem videbatur, non tamen ullum in corpore frigus nec adeo etiam ventre insoliti ponderis sensus; ex illo autem uterus non magis intumuit, dubitare ergo de conceptu incepit, & cum decimo mense partus non sequeretur, etiam undecimum mensem & duodecim. opperiens, tandem colluviem quandam esse obstructorum mensium planè sibi persuadet. Consulit ergo D. D. Langelottum & rogat in illa corporis sui Uterique fallaci qualitate menagoga propinaret. Ille autem ne quid in re ancipiti non noceret, Pilulas exhibet de Sagapeno Martis Vitriolato sale elegantiore permixtas. Sumpsit has illa manè & ecce post meridiem gravissi-

mos & parturientium æmulos dolores, dum illa autem nihil quàm menses expectat, incumbens Naturalibus rebus Obstetricem poscit, quæ ut venit, statim ex doloribus partum, quamvis molæ, auguratur: præterierant aliquot horarum tædia, cum omni opinione citius infans excluditur, absolutus quidem ille & quinquemestri fœtui similis, sed niger, obscurus, exsuccus, strigosus, & carnis instar fumo duratæ retorridus. Sanè ex omnibus indiciiis colligere licet, jam tum ad terrorem habitusq; cadaverosi spectaculum lentè interiisse hunc fœtum, & raro Naturæ conatu in liquore illo suo, velut Balsamo, mersum perdurasse, averso jam etiam per tam vehementem animi passionem à nutritione ejus sanguine materno, constrictis, quod metus terrorisque proprium est, venis. *Idem ibidem.*

Aqua diu ante Partum.

Lympha illa Uterina, quæ & antecederè & comitari Partum euntem solet, si maturius justo tota excutitur, siccatis tum morâ Naturalibus, necesse Partum fieri laboriosum, ut qui maximè lavore illo mucilaginoso in tantâ viarum angustia rugosâque contractione adjuvetur, Itaque Obstetriculæ, cum aquæ subito prorumpunt & copiosè, non statim in fœtum quoque excute nitu, malè metuere parturientibus solent, neque injuriâ; eò enim majus periculum, quò intempestivior ille & sine dolore fluxus. Accidit fœminis nonnullis, ut duos tresve dies ante partum fluat Lympha illa Embryonis pridem balneum, sed nec subito neque confertim, adeò etiam reliquum est, quod imminente jamjam partu vias deliniat: atque illis tamen paulò laboriosior est partus, quàm quibus unâ cum fœtus parturitione aquæ profluunt. Sed & illa justo subitius fieri inque periculum adducere & fœtum & matrem possunt, quò intelligas modum aliquem esse debere & satius esse, si aquas præeuntes ponè sequatur infans & invicem se excipiant. Aliquibus tamen etiam longo intervallo ante partum, imò, quod ex probatæ Obstetricis ore habeo, novem diebus citius (cuius rei exempla anno 1680. in unâ Kilonio quatuor contigisse memini, quasi cœli quidam influxus eò spectaret) aquæ istæ prorupère; atque ejusmodi matres, nisi ante aliquot partibus fuere exercitæ, omnium laboriosissimè pariunt. Stillat sæpè hæc aqua multò ante, neque hoc adeò partui officit, sæpè fluit aut funditur, & hoc cum periculo est conjunctum, quamvis favente Lucinâ etiam majori discrimini eripi parturientes possint, quo scias Naturam optimam sui esse ac curiosissimâ custodem. Vidi fœminam septem menses gravidam, quæ cum Viro sociata vesperti obambulare plateas, à studiosis grassantibus conjugemque invadentibus terita incredibiles statim sensit ac veluti partus dolores. Accersita Obstetrix cum aquas lentè stillare videret, partum initio ominabatur immaturum: verùm cum dolores non intenderentur, ipsa ramen usque & usque malè haberet & cum animi deliquiis conflictaretur, aquæ autem non nisi stillatim profluerent, non quidem tam citò, sed agrè & cum mortis discrimine parituram rebatur. Verùm, ut arcanos rerum inopinatum exitus Naturæ relictos scias, opinione sua decepta fuit Obstetrix. Namque aquarum illarum stillidum quotidianis animi deliquiis comitatum ipsas septem hebdomadas continuaverat, cum partus invalescunt dolores & fœtum enititur non sine magno labore & periculo, vivum quidem, sed orbitate alimenti macrum atque exilem. Obstetrix à me sollicitè rogata de aquis sanctè testabatur toto illo tempore, quo fluxerant, fuisse versicolores, albas, flavas, virides, nigras, pessimo semper fœtore comitante. Aiebat quoque se sæpius ante partum Amnii rupturam & caput infantium conversi osculoque uteri expositis, ut est nudum, digitis deprehendisse, quod cum ego erro, e aliquo factum esse contenderem, religiosè illa obstitit, & ad manuum experientiâ, quatuor mille liberorum partu exercitatum, provocavit.

Quidquid demum sit, aut res portentis adnumeranda, aut digitorum error eo excusandus, quod, cum in illa fermentatione spirituum & aquarum putredinali, ut fœtor testabatur, pars Chorii decessisset, aquæ eo quoque ex interiore Amnio exsudaverint stillatimque collectæ profluxerint, prohibente fœtus immaturi conditione & Naturalium angustia, ne & Amnio rupto aquæ totæ effunderentur, comitante fœtu. *Idem ibidem.*

Parturiens suffocatione Uteri convulsiva extinguitur.

Quàm facilè alium quemque morbum in virginibus feminisque pro Suffocatione Uterina accipiunt Matronæ, tam præfractè eam, etiam cum adest, in gravidis; magis quoque parturientibus, negant: nam cum morbum hunc omnem à feminis Viro maturi corruptelâ oriri sat impudicè sibi imaginantur, solâ gravitate, matrimonii fructu, velut Antidoto, arceri morbum hunc possè fidenter credunt. Sed oppido falli mulierculas manifestum est, cum non tantum omnis generis & conditionis fœminis, verùm etiam aliquando viris, si non morbus, certè eadem morbi Symptomata eveniant. Sanè ut ab Utero sæpè in fœminis *μιασμα* illud surgit respirationi gulæque infestum, ita in Viris à ventosâ Hypochondriorum sentinâ eadem in corpus redundat symptomatum facies, quod ne temè dixisse videar, sequentis exempli argumento rem defendam; nunc tamen parturientis fœminæ hoc morbo extinctæ historiam deducam. Mulier erat annorum duorum & viginti, quadrato & obeso corpore, hæc se, ut est Gravidarum appetitus ad noxia propensus, crudis austervisque fructibus oppleverat sobriam dictam semper exosa; accidit autem, ut proxime ante partum cum marito contentione maximâ altercaretur, tandemque importuno litigio nescio, quas minas extorqueret. Vix hæc erant acta, cum partus dolores cumque iis occulta dudum vitiosorum humorum saburra erumpere cœperunt. Duraverant aliquandiu dolores, sed sine effectui, intercipiente respirationem flatuum copiâ, quam nec Clysteres neque alia diminuere poterant. Mox animo linquitur, emnisque in angusto labor est; inde paulum ad se rediens Uterinis, Castorio & succo Nepethæ, quæ Obstetrix jam & ipsa morbi conscia imperaverat, reficitur. Prodiunt quidem tuctus nonnulli, sed post iterum oppressâ voce gulæque, quod digito significabat, vinculo injecto obdormiscit; jamque hanc perpetuam noctem fore omnes credebant, cum interea missis subinde suspiriis motibusq; convulsivis aut vitam, aut vitæ reliquias testaretur. Adfuit proinde, quæ me auxilii causâ sollicitent; nec mora, cum me in pedes conjicio, sed quia in ultimâ urbis regione habitabat, tardiùs accessi. Agræ propinquans genas reperio roseo colore perfusas cætero corpore livente, respirationem vel nullam aut post longas pausas suspiriis interruptam, pulsus adhuc insensibilem, verbo, omnia conclamata. Una interim ex præsentibus opiferisque fœminis refert, in illa mortis imagine infantem suis se viribus clam inter stragula eduxisse, matre dumtaxat gemitibus aliquot motibusque convulsivis mutationem prodente, quæ cum indicia mortis esse putarent, accidit ut partus ea fuisse ex ejulatu constaret. Post omnia quietiora, nisi quod trium horarum agonem suspiria motusque convulsivi interpolarent, tandem etiam finirent. Ventris tumor etiam post partum major, quàm ante, sive quòd flatuum viscosorum copia tympani instar eum inflasset, seu quòd tensæ Uteri fibræ in illo agone convulsivo ad Systolen reduci nequiverint. Jam cum Hystericæ aliàs ex facili revocari possint Salium volatiliu nidore, hinc neque Spiritus salis Ammoniaci, qui cum Lapide Calaminari expellitur fortissimus, quidquam profuere. Infans satis erat vegeus, ostendebatque nihil sibi cum tumultu, illo fuisse commercii.

Er verò suffocationem fuisse quæ fœminam jugulavit, sympomata ad eò omnia indicabant, namque obstetric crediderat, nisi insolitum rei portentum, & fœminarum contumacia eam circumegissent. *Idem ibidem.*

Infelix Obstetricis manus.

Ut situs, figura, robur infantis plurimum adjuvent partus felicitatem, tamen & obstetriciæ manus aliqua est in hoc negotio opera. Noscat illa oportet, vel initio bene conjiciat parturientis ingenium, noscat idque accuratè, num, qui insultant dolores, veri sint, an simulati, num in partum uterumve, an intestina vicinasque partes erumpat ille imperus, hoc enim neglecto accidit persèpe, ut frustra vires suas impendat mater, & justo tempore destituta veris doloribus adesse non possit. Adeò momentum illud, quò uterque & mater & fœtus operam dant, sollicitè distinguendum à doctâ Obstetrice, ne alter alterius conatus intempestive deferat. Contigit sèpe, ut illud sit Infantis robur & tam subiti imperus, ut, si velit, coërcere natiuitatem ruentis non possit, & ut possit, non debeat. Hic malè eruditæ Obstetrices, cum credant statim initio nullos dolores esse veros, monent, urgent matres, contineant, quantum possunt spiritum, ultimisque casibus reseruent, infelici certè consilio, cum semel elapsa temporis illius oportunitate contabescat lentè partus & omnis deinde opera in solam Matrem redundet, adeoque vel non procedat partus, aut laboriosius finiatur. Itaque discant distinguere tempora & motus infantis provocantis matris Labores. Quòd si illud sit Matris Infantisque robur vegetusque calor, ut uno impetu & aquas & se protrudere possint haud facillè Obstetrix vehementiam illam cohibeat, & prodeuntis casum moretur; præstat autem ibi sequi Naturæ imperus & cadentem excipere, quam non profuturis monitionibus parturientis conatus infringere. Fateor, usu hoc venit in juvenculis fœminis, & malè sibi metuentibus, jam etiam ad minimos dolores commotis, ut à frustaneis illis conatibus, quibus sæpè se ante horam macerant, abstineantur, & veris tantum conjuratisque partus doloribus, quod judicium esse debet Obstetricum, sese impendant. At cum tam subiti sunt atque improvisti partus dolores, id agendum cumprimis Obstetricibus, ut Naturæ subveniat & festinationis vitia manus dexteritate corrigantur. Conjugi meæ primus partus fuit laboriosior, idque quod absente Obstetrice à mulierculis monita dolores & vehementes datâ operâ retinere cogeretur, elapsis jamdudum aquis viisque morâ illâ exsiccatis. Et verò verula Obstetrix tandem adreptans, cum ingenium ejus nondum edidicisset, lecto illam usque detinet, dum interim parturiens solvi se posse negat, nisi in sellam reponatur, quòd cum noller Obstetrix, aliquot horæ frustratis laboribus extrahuntur: instat tandem violentis precibus motique corporis laboriosa conjux; nec mora, cum in sellam translata novi & veri dolores cumque iis partus insurgeret feliciterque siccis sese viis expediret. Secundus partus illi tam facilis fuit, ut sine fœminis, me absente, in vulgari sellâ partum unâ cum aquis effunderet; & cum clamoribus impleta domus vicinam fortè fœminam præterambulantem ultrò invitaret, opportunè accidit, ut illa jamjam pavimento illapsurum puerum supparo pronâ exciperet, & me quoque ab urbe reducem arcique Principali ob præstandas ibi operas vicinum vegeti rotundulique infantis nuncio bearet. Terrius autem partus infanti ob celeritatem improvisam & Obstetrici minus curatam fatalis fuit. Nam cum fortè fortunâ inviseret eam Obstetrix nihil aliud cogitantem, commodum incidere partus dolores, sed cum partum tardius imminere illa opinatur, & crepundiis vestimentisque venturo infanti necessariis incumbit, parturire incipit

conjux mea; igitur præventa & conturbata hac festinatione muneris partes negligentius obit, sellamque & alia minus rectè disponit, jam verò & fœminarum opiferarum defectus in illa longinquitate adium distitarum parturienti Matri valdè molestus erat, neque enim erant, quæ pedibus divaricandis, necessario admodum operi, sufficerent. Effudit ergo se subito cum aquis infantis caput, qui, quòd obesus esset & *πλατύς ἐστιν*, circa collum hæere incipit: magna ergo Obstetricis, magna præsentium fœminarum sollicitudo. Dum interim mole se sua urget Infans Matrique provocat conatus, horæ sic effluunt duæ, frustransque laboribus fracta Mater tumido lividoque ob suffusum sanguinem vultu dubium præbebat sui spectaculum, & jam infans quoque deferere matris operas videbatur, cum utrisque subventura Obstetrix humeros componere viasque manibus dilatare negotiosè studet; operam ergo, quam potest, præstat, sed in illa festinatione casuque ancipiti molliculæ manus oblita sinistrum humerum à scapula divellit: prorumpit tandem ad hæc vexatus infans, tamque subito latebris sese effert, ut nisi pede dextro ruentis impetum sustinuisset, solido allisus periret; sed in illa consternatione vix ita regi manus potuit, ut non & ipsa incondito tractu crus dextrum luxaret, fatalique omine in utriusque partis tandem & corporis ruinam grassaretur. Nitida erat & vegeta puella, cum prodiret, sed ad lucis statim usuram & toto illo tempore, quo membra finge batur tristi ejulatu aures nostras offendebar; sed verò nulla, nec post lactis usum, nec octidui spatium requies, semper enim & usque fletus intendebat. Quorum causam cum identidem quærerem & tandem propè humerum sinistrum crurisque dextrum ingentem deprehenderem tumorem, facillè conjeci in illa imprimis membri utriusque *ἀκνησιώ* luxationem esse, & hinc coeunt in tuberculum humores dirissimis doloribus scenam instuxisse: & sanè ita erat; nam ex violenta articulorum luxatione ruptis vasis sanguineis lymphaticisque omnis in tumorem se collegerat humor, intra viginti dierum spatium planè purulentus; nihil enim ad discussionem viscosioris Lymphæ vel Emplastrum de Galbano, Diaphoreticum Mynsicthi, aut Diachylon cum Gummi, vel illud de Ranis cum Mercurio, profuere. Igitur instituto cum alijs, tum maxime cum Affine meo, consilio, tumorem primum humeri novaculâ aperuimus; dici autem vix potest, quanta statim puris vis profluxerit, quam, ne simul & semel vires prosterneret infantis, coërcere fas fuit: & ex illo quidem ulcus coire amplius noluit, sed semper & usque humidum quotidianum puris demensum reddebat. Jam verò & alter ille cruris tumor durus & magnus ad maturitatem spectabat, novaculamque poscebat, itaque & ille incredibilem stillavit puris copiam, quæ ad extremum usque perduravit; jurasses sanè toto corpore emunctos humores nutricios in una hæc loca coisse, desertoque infantis habitu hac exitum quærere, adeò, quod reliquum erat corporis, in quotidianis istis deliquis à nupera obestitate deficiebat umbræ similis; & verò disturbata semel partium illarum adhucdum cartilaginosa structura, nec coalescere amplius ossium contigua, neque humorum adfluxus quantumvis excogitatis remedijs impediri potuere, imò cum semel cruris illud ulcus siccissimis adstringentibusque emplastris ad consolidationem perduxissemus, fueri excurrere eò humores vel circa eundem illum locum aut in ventris panniculum, immensis & scirrosis tumoribus, sese collegerunt, adeò ut fontem illum iterum aperire necesse haberemus, quo facto remiserunt illi tumores omnesque ad vererem locum revocata est sanies: verum, cum illo temporis tædio & diuturnitavulneris coitum rentassemus, in ventrem inque ipso umbilico resedit tumor, qui & ipse tandem se aperuit. Itaque tribus illis toraminibus inexhausto fonte intra, vigin-

tres septimanas totum misellæ & in dolore tantum ejulatusque natæ puellæ corpus exaruit, animamque, quam, pridem acceperat, ad Deum, illum omnium autorem, remisit. Cogitent hîc piæ animæ, quam me casus ille hominem alienis semper miseriis indolentem affecerit. Machinam condiderat Deus venustulam, omnibusque numeris & legibus pneumaticis hydraulicisque absolutam, tum maxime animæ domicilio superbam: hanc inconsiderata manus, quæ opem ferre debuerat & in melius fingere, deformat atque destruit, divulsisque membrorum articulis fibrarumque & venarum conjugio planè mutilat; unde intolerandi statim in ipso ortu dolores tot humorum affluxu fontiumque sanioforum stillicidio perennaturi. Prona initio fuerat, in illa saniei putrescentis morâ ossiumque molliculorum luxata compage, tum ad Fonticulos tum Spinam ventosam dispositio, sed diligens Defensivorum applicatio & Chirurgicæ manus opera, quam ipse commodabat Affinis meus, D. D. Langelotus, facile hoc prohibuit. Satis autem fuit, nihil commeritam puellam, parentum dumtaxat avorumque noxis infelicem, ideò in hoc theatrum venisse, ut ne quidem libato tota vita somno miseriarum dumtaxat dolorumque testis esset atque arbitra. *Idem ibidem,*

Obstetricis examen.

Semel iterumque examen intitui Obstetricum juxta cum aliis Medicis, ubi mirari licuit principiorum varietatem, quibus niterentur; namque & à sese & ab obstetricæ artis regulis vulgatis discedebant. Cum autem in naturali beneque figuratò partu nulla sit mora, isque ipse, nisi corporis prohibeat vastitas, sua se sponte excludat, præcipue circa partum vitiosum quæstiones oriri solent. Itaque Juvenis Obstetrix, Matre & Avia obstetricibus prognata, Serenissimi Principis jussu à nobis examinata hoc dedit responsi. Rogata annon in hoc potissima Obstetricis opera consisteret, quòd malè situm infantem molli tractu manuum formæ & positioni debitæ restitueret? Respondit, non temerè variandum esse situm, nisi planè à Natura abhorreat, & verò plerumque omnem manuum molitionem frustraneam esse, sæpè & noxiam; quandoquid; ea sit Naturalium angustia, occupante imprimis omnia fœtu, ut lufum dextræ etiam digitorum, egrè admittat: adeò quoque, si præposterè exire conatur infans, eum sibi relinquendum & ea figura qua sese objicit, extrahendum, idque se non tantum suis, sed & matris & Aviæ experimentis didicisse. Instabam, quòd si venter pronus osculo Uteri incumberet, annon ita refingendus esset situs? Imò verò ait, si possit, nihil prius nec potius esse debere, modò Lucina, quod rarum est, faveat; & verò, si promoveri venter potest manibusque cedat, satius esse pedes quam manus captare, quod plus periculi sit in harum cõpositione quàm pedum. Quod si nates Uteri osculo se admoveant, non facile sic vexandum corporis habitum, imprimis si uni alterique conatui cedere detrectet; adeò vel flexum duplicatumque provocandum esse, non abnuente operam Nixia: dicebat exemplis sibi constare conversione frustra tentata felicem fuisse fœtus sic malè siti educationem, & non ita pridem ab importuna Obstetrice vellicatum illum corporis habitum scroto, quod primum jamque per tres dies propendebat, Gangrenam Partuique interitum adtulisse. Rogata ulterius, num, si pes unus se ostenderet, is quoque, ut in manibus fieri solet, reponendus esset in Naturalia? Respondit, minimè hoc faciendum, sed in eo operam locandam esse, ut & alter prodeat adeoque Agrippæ partum æmuletur. Monita ex dictatis scribentium, sic tamen ante manus componendas esse, quam exclusio tentetur, dixit nec sibi nec suis fuisse in more laboriosa manuum compositione tempus fallere, & notasse, manuum illam configurationem non esse sine periculo, quando & suis & Aviæ, exercitatissimæ sanè fœminæ, mihi quoque & notæ & probatæ, exemplis didiscimus, post compositas & directas in Agrippæ partu ad femora manus, osculum uteri, elapsis jam humeris, circa

infantis collum jam minus tutum coivisse, puerumque vel jugulasse aut violenter protractum capite truncatè: cui etli Obstetrices reponant, digitis, sese tamdiu & usque distinere uteri osculum, donec caput prætereat, scio tamen ubi difficillimè id impetrari potuit. Quid quod, cum ante aliquot annos Flensburgi in Cimbria essem, præcipua mihi Matrona narraverit, Obstetrici diu nimis nimisque laboriosè manuum compositionem quærenti tandemque indeptæ adeò malè hoc negotium cecidisse, ut caput in utero avulsū manserit, & non nisi mirifico Naturæ lusu post prodierit. Objiciebatur deinde huic nostræ, non tamen sic quoque periculi immunem esse partum, quando & brachia sic sursum acta luxationem in ista viarum angustia facile incurrerent: Huic discrimini manus digitorum; opponere se ajebat, inde & post partum positu atque lufimento subvenire, subindè etiam, ubi necessitas id flagigaret, id operam dare, ut una manus deflectatur. In Gemellis adfirmabat se, etiam si unius sexus essent, placentas tamen observasse duas distinctas, semel quoque unam in gemino sexu, sed obiter discriminatam: etiam Gemellos suis singulos membranis & aquis inclusos, quorum unus etiam adhucdum Amnio involutus prodierit, jam verò & vidisse se duplices aquas & Amnii & Chorii illas, & esse has, quæ tam diu sæpè ante partum fluant, dum interim Amnii illæ ultimæ necessitati reserventur & unà cum infante profundantur. De Fune Umbilicali hoc quoque notaverat, non in partu primum collo eum aut aliis partibus circumvolvi, sed jam inde à primis fœtus rudimentis flexum illum figuratum esse, monstrantibus id ad oculum abortivistrium quatuorve mensium fatibus. Sed & hæc non vulgaris erat Obstetricis Observatio, quod Meconium viderit prolabi ex utero, multò antequam fœtus in lucem exiret. De Secundinis id quoque monebat, cum illæ parturiuntur, videri nonnullis ob dolorum affinitatem alterum esse fœtum; adeò hoc avellendum esse laborantis animo, ne ad novos dolores nunciumque obortus mœror vias contrahat, & quæ in exclusione fœtus fortunata erat mater, ex Secundinis periclitetur: in quam rem adferebat exemplum fœminæ, cujus & ipse testis sum, quæ, cum duos jam genuisset infantes idque laboriosè, ad improvisum tertii infantis nuncium subito & in fellâ exanimata periit. *Idem ibidem.*

Placentæ extractio à peculiari funiculi in eandem insertionis modò redditur difficilis.

Obstetrices non ratò cum anxia sollicitudine in placentis, post fœtum in lucem editum, extrahendis occupari, mirum videtur negotii istius ignaris: ast verò si res penitiùs investigaretur, nemini admirationi foret; sæpiùs enim in earum potestate non est, placentam ex voto arreptam educere. Ecquid verò in causa sit, hæcenus à nemine satis perspectum reperi. Nonnulli autem placentam nimis arctè utero adhærere, propter firmiorem coalitionem vasorum uteri cum vasis placentæ, in quo tamen eos falli crediderim. Alii in placentæ putrefactione, & substantiæ ejus laxitate, imò & in ore uteri nimis strictè occluso causam difficilis istius extractionis consistere statuunt. Nemo verò, quod sciam, mentionem facit ejus, quod omnium maximè hîc est momenti, nimirum centralis insertio in placentam: scilicet quando præcisè in centrum placentæ idem inseritur, ut plurimum difficillimè abscedit; non rarò enim coguntur obstetrices placentas ita constitutas digitorum indice ledere ut abcedant. Si verò in hoc vel illud latus implantetur, facili negotio, & quidem suâ sponte, sequitur fœtum in lucem prodeuntem: Eadem hujus est ratio quæ corii in orbem scissi cum adhærente in sui centro funiculo; hoc namque corio madefacto, & lapidi etiam ponderoso applicito, idem levi operâ è terra evelli potest: fi

si verò lateraliter affigatur funiculus, irritum erit opus. *Fridericus Rhuyfchius Observationum Anatomico-Chirurgicarum Centuria.*

Hactenus Observationes promissa. Sequuntur jam in partu difficili Curationes quædam ac identidem de Partu Casareo pauca, quibus subjungetur in eadem materia Consultationes, Observationes, & anatomicas inspectiones.

Curationes.

In partu difficili, item secundinarum educatione, inter reliqua præstat specificum ex secundinis; pro quo.

℞. Secundinam recentem & segregatâ venâ umbilicali, cuticulam exteriorē exsicca in clybano, ut possit pulverari. Dos. à ℥i. ad ℥iſſ. Item oculi leporis in Martio capti, (valet etiam in mola, modò de ea constet) qui studiosè eximendi: ne comprimantur nimis, cumque pipere in orbe exsiccandi. Horum unus vertici cum pipere ita alligetur; ut vertex à pupilla tangatur; & fœtum, sive mortuum, sive vivum educet. Quo facto mox amoveatur, ne uterum planè propellat. Sic oleum succini & carvi an. gutt. iii. iv. v. vi. vii. in vino exhibitæ partum accelerant. Apud pauperes vidi partum sepè difficilem solvi haustu urinæ mariti. Sic sterçus equinum in vino expressum & percolatum subito fœtum & secundinam expellit. *Joh. Hartmannus in praxi Chimiatica.*

In partu difficili ℞. Tinctur. succin. ℥i. essent. cinnam. gutt. vi. aq. secundin. ℥i. M. pro duabus dosibus.

℞. Extract. fellis & jecoris anguill. ℥ß. aq. antihyster. ℥i. M. pro duobus haustibus.

℞. Pulveris fellis & jecoris anguillæ ℥i borac; venet. ℥i. olei cinnam. gutt. ii. M. f. pulvis.

Vel ℞. Specier. diajovis ℥i. aq. cinnam. ℥ii. M.

Predictis medicamentis, & parvis uncis cum catenis à Sculteto demonstratis, duas mulieres à fœtu mortuo facillimè liberavi. Quarum una Horfeniæ in Dania, & alia in Indico regno Coromandel vitam egit.

In Secundina retenta. ℞. Spirit. ex ebore, tal aimon. succin. an. gutt. x. tinctur. succin. ℥i. essent. cinnam. gutt. v. aq. antihyster. ℥ii. M. pro duabus aut tribus dosibus.

Vel ℞. Essent. cinnam. gutt. v. succin. gutt. x. tinctur. castor. gutt. xv. extracti sabin. ℥ß. aq. apuleg. & matricar. an. ℥i. M. detur cochleatim.

Vel ℞. Specier. diajovis ℥i. aq. secundin. ℥i. M.

In Terminibus à Partu. ℞. Elixyr. vitæ Matth. ℥ii. tinct. succin. ℥i. aq. carminat. ℥ii. syr. cinnam. ℥ß. M. detur cochleatim.

Vel ℞. Spir. carminat. ℥ii. Essent. succin. ℥ß. tinct. castor. ℥i. aq. matricar. & artemis. an. ℥ß. syr. artemis. ℥i. M. detur cochleatim.

Vel ℞. Specier. diajovis ℥i. tinct. succin. ℥ß. essent. rorismar. gutt. xv. aq. artemis. ℥ii. M. pro duabus dosibus. Tinctura præterea succini ad ℥i. in aq. cinnam. cum vino distill. ℥iv. ac syr. cinnam. f. q. mista, vera & unica puerperarum aqua vitæ indubiè eximari potest. *Hermann. Nicol. Grimm. Compendii Medico-Chimici l. 4.*

Si medicamenta, laboresque & matris & obstetricis, nihil effecerint, chirurgiæ negotium committendum, nisi gravida valde debilis, vel fœtus jam per aliquot dies demortuus fuerit, quo in casu & operam & famam perdes.

Diligenter adeoque primò discernendum quanam causarum partum impediat. Major si sit fœtus, & via angustior, dilatatio hujus fiat; hanc obstetrices nonnullæ instrumentis commodis perficiunt, sicque vivum fœtum extrahunt, quibus deficientibus obstetrix manum in pugnum arctissimè contractam, in ipsam vulvam usque ad uteri orificium inserat; & deinde digitos successivè, per orificium, in uteri interiora, quo in statu constitutus fœtus explorandi gratiâ, intromittat. Hic

Biblioth. Chirurg. Tom. III.

quod si brachium aut pedem illegitimè collocatum reperiatur, leniter sursum adigat, caput verò deorsum, quod ubi orificio proximum, alteram quoque manum, si possibile, per pudendum in uterum immittat, quò sic utraque fœtum amplecti & extrahere queat. Hoc si impossibile sit, hamo, ori, oculo, aut auri fœtus firmiter (cavendum enim non recedat, & uteri interiora lædat) inserto, fœtum leniter educat. Et sic sequi si recuset fœtus hamo alio exterius levè, intus acuto, ventrem, thoracem, aut caput fœtus dissecet: brachium verò, aut pedem, si ad exteriora diducere liceat, extirpet, sicque tandem membris variis ablati, reliquum extrahat, & operationem ad optatum finem perducatur. Verùm si neque hoc modo liberetur gravida, cultellò forti atque acutò membra ordine amputentur, sicque per partes fœtus educatur, necesse est; sed hoc efficere nullius est, nisi Anatomici expertissimi.

Secundina fœtum illicò sequatur, nullius enim illo exclusò, usus est; imò mox à partu arctè admodum os uteri clauditur, ut non nisi summo cum labore incum inferere manum liceat. Obstetricis adeoque est primò statim tempore eam extrahere, digitisque, si utero arctius adhæserit, leniter separare, nam vi si eam avulserit, patiens sine dubio peribit. Et quamvis scriptorum varii, obstetricesque communioris sortis, parvi æstiment secundinam utero adhærentem non statim post partum prodire; fundamento tamen valido me insistere censeo, si inter symptomata puerperii ex gravissimis eam habuero. *Paulus Barbette Chirurgiæ, part. 1.*

Annotationes quædam in methodum extrahendi fœtum à Clarissimo Paulo Barbette mox propositam.

Non ita cominodum est caput infantis partui vicini, & in malo situ collocati, deorsum adigere ut utrâque postea manu extrahatur; præstatitaq; remotis partibus superioribus, pedes exquirere, per eosque extractionem moliri, nam sic liberior manibus operatoris aperitur via. Aliquando re vera ille situs ita molestus est, ut quæcumque demùm adhibeatur vis, inversio ad pedes sit prorsus impossibilis; cujus casum satis rarum aliquando nobis videre contigit in muliere Neocomensi, quæ partus doloribus diu vexata, opem meam imploravit. Accersito Domino Jonâ Anton. Purry Chirurgo experientissimo, ille omni nisi caput ad os pubis per mentum allidens, atque quasi impactum, & brachia foris pendula ad superiora rejicere, aut aliâ ratione parturienti auxilio esse per plures horas, quamvis summa cum dexteritate, in casum tentavit, hancque tandem pro deplorata relinquentes de ea prorsus conclamatum credidimus; sed aliàs se res habuit, nam natura, efficacîa, salis cujusdam volatilis amari & aromatici in eâ compositionis, quem agere ad guttas aliquot vino admistum aliquoties propinavi, maximis conatibus fœtum per pectus duplicatum tantò cum impetu excussit, ut costæ extra situm dissilirent, & os sacrum præ compressionem quam ab occipite patiebatur intus non parum adigeretur, & propè disrumpere. Vixit tamen postea mulier sine ulla vel colli uteri, vel pudendorum laceratione, atque integræ sanitati restituta, laborib. sibi ordinariis non minus quam antea inservavit.

Secundinas autem quod spectat, perquam accurate annotat Franciscus Boerhaave in suo elaboratissimo tractatu gallico de morbis mulierum parturientium & parturientium, multò satius esse manu eas extrahere, quam remediis intus adhibitis pellere. Nam quandoquidem ea omnia quæ in id assumuntur sunt intensioris caloris, febris excitandæ non parum faciunt, & sæpius enorimes hæmorrhagias, alvi fluxus, uteri inflammationes, atque relaxationes, aut prolapsus, producant; unde multò plus imminet periculi quam à Chirurgi dexterè operantis manu. de Molarum extractione vide quæ proprio capite.

De Partu Casareo.

De Partu Casareo in præsentiarum acturi, dicemus primò sic designari eâ operationem, qui vivens fœtus è matre

sub partionis conamine agonisante, mox mortuâ, aut jamjam moriturâ, per uteri ac superpositorum abdominis musculorum, tegumentorum communium, & peritonæi longam incisionem extrahitur. Sic olim Scipio Africanus & alii multi dicuntur in lucem producti; Sic proximè præterito sæculò Eduard. VI. Henrici octavi Angliæ Regis filius, per Janæ matris, ut multi narrant, latus apertum luci traditus est.

Illam autem sectio fit, ut mox innuimus, vel antequam mater mortua est, sed cum agone conficitur; vel postquam jam ultimum eadem traxit spiritum, & tum debet Medicus morituræ mulieri diligentius assidere, ut ipsò quò animam efflat momentò, fœtum exsectione educat; brevi enim aliàs suffocaretur nec alicujus fructus foret operatio. Hic de illa præcipuè loquimur, quâ matre adhuc vivâ, & fœtu itidem vivo, illius abdomen & uterus cultro aperitur, ut per foramen hic vivus educatur; Ad eum scilicet finem, ut fœtus & mater non pereant, & supervivere possint.

Contra hanc operationem non parum declamatoriam suam exercet Paræus dum scribit, se etiam mirari, quod inveniantur homines qui dicant id factum esse, quandoquidem, addit, fœtus per ventrem extrahi nequit nisi muscoli epigastrii maximo vulnere secantur, & simul etiam ipsum uteri corpus, unde magna sequetur hæmorrhagia, parturienti, necessariò lethalis. Novissimè præterea.

Franciscus Mauriceau in Rousselum acriter insurgit, qui tractatu peculiari de hac operatione, agit, atque minime impossibile esse ut mulier ex ea evadat per experientiam statuit. Verum Antonius Mizaldus asserit pluribus mulieribus fœtum per ventrem sic fuisse extractum, quæ multis postea annis supervixerint, conceperint, & pepererint. Casparus Bauschius narrat historiam de quadam Elisabetha in Turgois quæ sic secta fuit & convaluit, & postea adhuc gemellos, & post illos adhuc quatuor alios pueros peperit. Matthias Cornax scribit quod quædam Margareta Karlinger Viennæ fœtum mortuum, plusquam quatuor annis in utero gestaverit, & postea venter ei fuerat apertus, & fœtus per foramen extractus, & ipsa curata, quodque postea secundo adhuc conceperit, sed propter neglectam tum iterum sectionem mortua sit. Sic & ego ipse Genevæ vidi mulierem quampiam ex vicinia, quæ postquam fœtum mortuum per aliquot annos in utero gessisset, exorto in latere dextro tumore, ex eo aperto extracta fuere fœtus ossa adedò corrupta, ut mephitim intolerabilem longè spargerent; sanata tamen est illa, & nec à corruptione quam intus tamdiu gessit, nec à tumore, subsecutaque sectione, occisa, per plures annos supervixit. Sennertus Institut. lib. 2. part. 1. cap. 9. habet historiam herniæ, in quam cum uterus contentusque fœtus devolutus fuisset, mulier affecta à doloribus tempore partus supervenientibus aliter expediri non potuit, quàm sectis ad latus & musculis & utero, unde fœtus per annos novem vivax, eductus est, mater verò postquam à 21. die Aprilis, qui fuit operationis dies, ad 16. Maii, vitam suam præstaret, tandem lipothymia correpta, cum morte commutavit; in ejus autem utero aperto omnia salva inveniebantur. Sic & aliam adfert Doringius Epistolâ ad Guil. Fabr. Hildanum, de paupercula Niessæ Silesiorum vivente, cui itidem ob herniam sub gestationis finem ad genua usque propendentem, & fœtum cum utero ad maturitatem usque concludentem, latus fuit exsectum, ex eoque post multos labores & sollicitudines, fœtus satis vegetus extractus, qui sesquiannum superstes vixit, dum mater tertio à sectione die, post multos dolores & cruciatus piè in Deo obdormiverit. Rodericus à Castro, in suo de morbis mulierum tractatu, operationem cæsaream omnino possibilem supponit, nec aliàs sentit

Clar. Isbrand. de Diemberbroëck; dum scribit Anatom. lib. 1. cap. 35. pag. m. 232. in partu quocumque demum tempore fiat, fœtus aut per viam naturalem excluditur, aut per alienam, sc. per sectionem in abdomine & utero factam, quæ vulgò partus cæsareus appellatur, de qua chirurgia egregium tractatum conscripsit Franciscus Rousselus. Addit præterea, rarissimè autem visum est ipsam naturam sua sponte per vias alienas fœtus exclusionem moliri, cujus tamen casus memorandam habet historiam Bartholin. lib. de insolitis partus viis, de muliere quæ primò ex umbilico tumido ac dissecato, deinde ex apostemate infra umbilicum aperto, ac tandem ex ulcere in illo sinistro suborto, plurima fœtus humani ossicula, non simul & semel, sed diversis vicibus; imò diversis, multumque inter se distantibus annis, excrevit, eaque tam multa, ut pro gemellorum ossibus sufficere potuerint. Thomas Fienus lib. de præcip. art. chirurg. controvers. tract. 8. sectionem hanc pluribus rationibus, iisque magni ponderis, abundè ut mihi videretur confirmat; nam ut ipse ait periculum tunc, vel à læsione musculorum abdominis, vel ipsius uteri, verum primò abdominis, vulnere etsi majuscula, non tamen propterea suum lethalia, ut ipsa experientia satis comprobavit. Peritonæum in modo herniam curandi antiquorum, cum substantiæ deperditione exscindebatur, & hodie in eadem cura magna sectione perforatur, sine ullo mortis metu. Uterum quod attinet illius vulnus non est adedò periculosum, nam etsi eo tempore quo est distensus uterus, debeat fieri valde magnum, tamen fœtu exempto, quia contrahitur, exiguum fit, & propterea in parte carnosa, nativo calore abundante, & à circumscriptis partibus probè munita, potest faciliè à natura consolidari. Legimus magna uteri apostemata, vulnere & ulcera sæpè fuisse curata, ipsum uterum sine vitæ detrimento fuisse exsectum, (de quo alibi in ejusdem prolapsu) & aliquando excidisse; (ut illud satis testatur historia à clarissim. Domino Nozet Archiatro Friburgensi amicissimè nobis communicata quam alibi legere licet.) Hic addo, etiam si vasa uteri sint multa, & maxime dilatata graviditatis & partus tempore, non propterea tamen tam enormem hæmorrhagiam pertimescendam, nam præterquam quòd non sunt undique æque magna & potest à Chirurgo perito locus sectioni aptior seligi, vasa quæ maxime varicosa fuerint, excisa profundent quidem sanguinem contentum, & postquam extrema ab utraque sectionis parte se contraxerint, necessariâ diligentia adhibita satis faciliè occluduntur, ut in aliis vasorum sectionibus evenit, adnotandum insuper quòd depleto utero, à fœtu contento, illius corpus non parum concidat, sicque vasa secum corrugata sanguinis effusioni, minùs habilia faciat. De ipsa jam operatione sic habet præcitatus Fienus.

Posita hætenus auctoritatibus, experimentis & rationibus partus cæsarei possibilitate, restat ut de ejusdem perficiendi methodo verba faciamus. Mulier supra lecti margines constituitur, & in dorsum incumbat, sic, ut tibiè è lecto nonnihil propendeant. Pedes ejus conjuncti à robustis brachiis blandè retineantur. Si mediocriter adhuc robusta sit, non jaceat, sed elevatior adhuc in dorsum tantum inclinet: sin debilis sit, ferè decumbat; decubitu enim in dorsum magis syncope vitatur. Tum cogitandum in quo latere sectio facienda, quod operatori anatomie perito committitur; advertendum tantum quòd si hernia laboret, debet fieri sectio in eodem latere, in quo hernia est; si à sectione hernia fortè altera remaneat, ab utroque latere sit herniosa. Deinde quia in partem herniosam magis incumbit uterus, & magis tumet, prout in historiis ex Sennerto & Doringio supra citatis

citatis manifestum fit. Notetur atramento locus incidendus, lineâ ad illum modum & longitudinem ductâ, quibus sectio fieri debet. Locus est inter umbilicum & inguen versus pectus, quinque digitis ab inguine. Notandum tamen, quod præstat paulò altius ascendere, propterea quòd quò propius ad uteri fundum devenitur, eò minùs frequentiora & grandiora vasa reperiuntur, & consequenter hæmorrhagia sic melius vitetur. Linea ergo ducatur rectâ, secundum longitudinem abdominis, & secundum fibras musculorum rectorum, longa dimidium circiter pedem. Super illam lineam, in quatuor aut quinque distantibus locis, ducantur quatuor aut quinque parvæ lineæ transversæ, quibus postquam sectio facta erit, denotetur locus, per quem acus porrecta pro facienda sutura transmittatur: Tum fiat sectio super lineam longitudinalem cum acuta novacula, quæ ad pinguedinem usque adigatur. Postea eodem sectionis tramite, profundius muscoli epigastrii incidantur, sed cautè, quia immediatè uterus subjacet. Tum uterus ipse incidatur ea dexteritate, ne fœtus, membranis suis exolutus, subitus vulneretur, & loca testiculorum & præcipuorum vasorum ramicaventur. Dein fœtus & secundina extrahantur. His ita peractis linteis carptis multiplicatis locus foveatur, quò sanguis ex parte sistatur, & sanies abstergatur. Decoctum erit ex vino rubro, cui salvia, rosa, mellissa, betonica, alchimilla, fanicula, artemisia, flores chamomillæ, radices cyperi, nuces cupressi, incoctæ fuerint. His factis uterus leniter in locum retrudatur, sine ulla alia adhibita cura; utero enim à contentis evacuato, labia vulneris per se facilè concidunt, & arctè conjunguntur, & consolidatio soli naturæ est relinquenda. Verùm vulnus quod in abdomine factum est, debet censui, (alioquin uterus aëri expositus protinus alterationem aliquam & putredinem contraheret) sed paucis & distantibus futuris, ut inter eas sit sufficiens exitus sanguini & sordibus ex utero & ventre adhuc exeuntibus. Sutura debet fieri decussatim in illis punctis, sibi mutuo oppositis, ante sectionem atramento notatis. Debet autem sutura comprehendere cutem abdominis, & ex parte peritonæum, ad præcavendum si fieri potest herniam. Inter suendum, videndum ne intestina foramini occurrant, & ipsa acutangantur vel comprehendantur, aut inter labia vulneris confuta includantur, quapropter si occurrant à ministris diligenter sunt removenda. His factis vulnus abdominis curandum, prout vulnera reliqua curari solent, superpositis emplastris desiccativis & constrictivis. Interim uti per interna habenda est ratio, tum medicamentis per os datis consolidantibus & utero confortando appropriatis, tum aliis subitus adhibitis, ut pessariis, clysteribus uterinis, aliisque quæ primum haberi debent ex anodinis, dolorem sedantibus: inde verò consolidativis uterinis & mediocriter detergentibus.

Quandoquidem de Partu Cæsareo jam paucis egimus, & ejus possibilitas ac utilitas, apud Medicos atque Chirurgos non parum sanè controversa est. Antequam ejus varia exempla in subsequenter sub finem præcipuè hujus articuli observationibus, afferamus: Aliquid Doctissimo Lectori pergratum nos facturos arbitrati sumus, si jam Clariss. Doringii ad præstantissimum Guilielmum Fabricium Hildanum Epistolam, hujusque ad illum Responsum, insereremus: Quandoquidem illic de Partu Cæsareo, ut de aliis ad Partus præternaturales pertinentibus curiolarum multa recensentur. Sit itaque primò,

EPISTOLA

De nova, rara & admiranda

HERNIAE UTERINAE,

atque hanc justo tempore subsequenteris

PARTUS CÆSAREI

HISTORIA,

scripta ad

GUILHELMUM FABRITIUM HILDANUM,

Medicum & Chirurgum clarissimum,

a

MICHAELE DORINGIO, BRESLAVIENSI,

Philosophiæ ac Medicinæ Doctore.

ANNUS elapsus est, volvitur modò alter: ex quo, clarissime *Fabrici*, pro more ab aliquot annis continuato, literas invicem permutavimus nullas: Ultimæ enim fuerunt tuæ, quas die 10. Aprilis anni præteriti 1611. ad me perscripsisti. Ultimæ verò meæ, quas eodem ejusdem anni mense ad te exaravi. Eas num unquam videris, legeris, vel saltem de iisdem quicquam huc usque inaudieris, ego quidem sum nescius. Neque enim ad ipsas responsi aliquid à te accepi. Respondissem ipse etiam dudum ad tuas ultimas: nisi superiore Autumno certissima spes mihi facta fuisset, quod è Patria rediens Gieslæ transiturus, nosque inibi invisurus esses, quod ipsum si nobis effectum dedisses, ne tuus adventus nobis jucundissimus pariter fuisset, & gratissimus: Et mihi quidem præ aliis, quàm exoptatus advenisses, tutè ex amore, quò te hucusque colui sanctissimè, non difficulter æstimabis. Æstimabis verò vel ex eo etiam, quod ob tantam, quâ jam disjungimur, locorum intercapedinem, omnis propè tecum in posterum unquam colloquendi occasio mihi crebra ac præcisa esse videtur. Quæ res quàm acerbè animum vellicet meum, hîc non eloquar. Feram interim patienter, quod mutari vix licet prudenter. Neque enim dubito, quin graves causæ te detinuerint, quo minus tam tuè illi quali promissioni, quam seriè nostræ expectationi tunc temporis satisfaceret. Ipse igitur postquam ob causas multas & ponderosas resignato munere, quo hætenus Gieslæ per Dei gratiam functus fui, Professorio, atque humillimè impetrata ab Illustrissimo & Celsissimo Principe ac Domino Dn. Ludovico Hassia Landgravio, Cemite in Catzenellenbogen, Dietz, Ziegenheim & Nidda, &c. Domino meo clementissimo, clementissima dimissione, superatisque itineris latis longinqui non exiguis molestiis, feliciter tandem ductu & auspiciis divinis in Patriam dilectissimam appuli: nihil mihi visum fuit antiquius, quàm si amoris nostri igniculos, qui ob intermissam nonnihil literarum communionem semisopiti quasi fuerunt, redintegrato scribendi officio suscitarem. Cogitanti verò mihi attentius de idoneo literarum argumento: ecce occurrit, ut nova, ita rara *Hernia uterina*. & hanc subsequenteris partus cæsarei Historia. Novam dixi: ut quæ vix decurso biennio accidit. Raram, & quidem verè raram: ut

que vix simile exemplum in mundo unquam habuit. Rectè itaque mihi facere vilis sum, si eam pro præsentis epistolæ argumento non seligerem solum, sed & comitanter retinerem.

Sed quæres tu ex me, quid causæ habuerim, quod typis publicis exscriptam publicè ipsam tibi nunc inscribam? Dicam brevissimè, & dicam simul planissimè. Amor erga alios non nostri tantum, sed ordinis literati, rerum atque observationum novarum & rararum cupidi homines, in universum istam scribendi qualemcunque sive licentiam dicas, sive audaciam, excussit. Amor quidem erga te meus, ut qui jam à sexennio cœpit, & ad hunc usque temporis articulum illibatus permansit. Amor verò erga alios, ut quos tam mirabile Dei opus diutius latere nolui. Accesserunt deinceps & aliæ, sed meo iudicio aliquantò leviores causæ, inter quas ista non immeritò princeps dici potest, ut scilicet præsentis epistolæ editione pro secunda tuarum Observat. Chirurg. Centuriæ Observationis 21. quæ est, *De vulva relaxata curatione*, publicâ inscriptione, publicum aliquod (quamquam leve & tuis in me meritis non satis congruum) gratitudinis statuere monumentum. Ad quam observationem me iamdudum respondere debuisse confiteor. Ast inter venerunt iubeinde alia eaque non contemnenda, de quibus tecum per litteras colloqui hæcenus placuit. Invitavit me deinde ad ejusdem epistolæ editionem, loci, quo invicem nunc discernimur, partim longinquitas, partim ejus in quoriam fortè subsistas, incertitudo, quod igitur scriptam duntaxat, non verò impressam ad te misissem, facile profectò evenire potuisset, ut alicubi intercidisset, nec ad tuasmet manus pervenisset, quod quàm crebrò fieri soleat, præsertim in tanta locorum distantia, exempla nos docent quotidiana. Addo superpondii loco causam adhuc geminam: una est, ut me aptud meos lectores, propter sustentam *tertiæ de Medicina & Medicis libri residui* publicationem, aliquo modo excusarem: Tametsi enim in votis nihil habebam prius, nihil etiam posterius, quam ut fidem publicè datam, publicè quamprimum solverem, tamen nescio, quæ non impedimenta (quorum partem non omninò levem è modò dictis prudentes Lectores non difficulter colligent,) hæcenus mihi objecta mihi fuerunt, ut promissis stare non potuerim. Moram ergo istam quantulumcunque æquo ferte animo *Lectores æquissimi*: Exsolvam enim me bonocum Deo ocyssimè & exsolvam quidem cum fœnore: posteaquam aliquantò rectius atque etiam nunc res meas disposuero. Altera est, ut lectoribus tenue quoddam specimen exhiberem, ex quo de subsequendis epistolarum, à nobis bono irem cum Deo suo tempore edenda um libris, nonnihil judicare possent, quid ipsis porro in eis expectandum sit.

Nec moror, quas in meâ sciolis nonnullis ac nasutulis sparsum ita certò provideo, sinistras cavillationes, dum me vana scriptitandi libidine teneri, actum agere, & per id quod ab aliis dudum publicatum fuit, leviculâ famæ popularis auram; captitare vel plenis buccis publicè clamitabunt, vel clanculum saltem hinc inde mussitabunt. Atque istis quidem ut hoc in loco operosius respondeam, opus non est. Quis enim clancularios istos hostes & insidiosos diffamatores, securus alio atque imperterritito animo non contemnat, rideat, spernat? Namque non rarò usu venire videmus, ut, qui aliorum famam se depressuros autumant, de propria non parum pereclitentur, atque adeò per eadem, per quæ peccant, ipsimet justissimè puniantur. *Aperte rem agunt, qui probi, qui candidi, qui ingenui sunt.* Reliqui audeant & ipsi aliquid ac meliora proferant, si viri sunt, nec nocturnarum intar lucem fugiant, & in tenebris circumvolitando, ac bonos viros iniquè traducendo, oberrent. Illis verò paucula res-

pensionis ergo reponere libet. Fateor enim, non ita pridem *Clarissimum atque excellentissimum virum* Dn. D. Danielem Sennertum in *illustri Witteberga Professorrem publicum & Affinem nostrum honorandum*, hanc ipsam Historiam suarum Medicinæ Institutionum opere diligenter descripsisse. At forsitan multi sunt, qui tam insigne opus (cui in hoc genere par mihi quidem hæcenus oblatum est nullum) non dicam non legērunt, sed ne oculis etiam suis usupaverunt unquam. Quare ut istis utcumque gratificarer, facere non potui, quin eandem Historiam è prænominato *Sennerti* Institutionum opere transcriberem, eanique scorsim publicis typis exscriptam publici juris facerem, ac cum plurimis communicarem: præsertim cum exempla exstent aliorum virorum celebrium, qui in similibus argumentis idem præstiterunt. Tu *Sol meus* Sennerte, *Affinis colende*, lumen tuum paulisper mihi, quæso, fœnera, & ut cum tua bona pace historiam, sapiculè ciratam, & è *splendidissimi Institutionum tuarum operis lib. 2. part. 1. cap. 9.* mutuatam, tui ipsius verbis describere patere. Sic enim non solum me tibi reddes devinctissimum, verum etiam ita omnibus ad quos forsitan epistola hæc perventura est, mereberis, ut ipsis procul omni dubio commendatissimus in posterum sis futurus.

Ergo *Ursula* uxor *Martini Opitz* victoris, cum maritum in incurvanda pertica, ex qua vinculum vasis parandum erat, juvaret: fortè ab eodem reciprocante ad sinistram inguen percussa est, ruptumque seu laxatum porius (quantum quidem ego ex sectione judicare potui,) est peritonæum. Paulò post enim tumor ad sinistram inguen oboritur, qui brevi tempore tantum incrementum sumpsit, ut nullo modo intra abdomen recondi posset, etsi verò de utero prolapsio suspicio incideret, tamen nec ipsa, nec aliæ fœminæ id facile crediderunt, donec tandem res ipsa atque eventus omnem dubitationem sustulit. Nam uterus conceptu gravidus, ita indies aucto fœtu dilatatus, simulque cum eo cutis inguinis sinistri, qua uterus prolapsus erat, extensa est, ut utero & cute conclusus factus instar sacci ferè aut cucurbitæ oblongæ majoris modo propenderet: motusque infantis tandem & tactu & visu perciperetur. Quæ res cum ipsum, maritum, cognatosque perturbaret, Collegium nostrum in consilium adhibuerunt. Cum autem ob fœtum jam maturum de utero in abdomen reponendo, atque adeò partu naturali, nullam spem superesse videremus, si naturæ res relinqueretur, & fœtum, & matrem de vita tandem pereclituros, nullaque alia re, quàm sectione auxilium expectari posse, ostendimus. Quod cum & ipsa, atque maritus, cognatique facillè intelligerent, atque spem vitæ in angusto esse facillè animadverterent: ut sectio fieret, omnes petierunt. Cum igitur die 21. Aprilis An. 1610. partus tempus adveniret, doloresque parturientem apprehenderent, Deo imprimis in auxilium vocato, præsentibus mecum Dn. D. *Ernesto Hettenbachio*, & Dn. D. *Tobia Tandlero*, Colleg. M. item *Henr. Silbermanno* Ecclesiæ nostræ Archidiacono, duabus obstetricibus atque aliquot honestis fœminis; horâ 8. matutinâ sectionem instituit Chirurgus *Jeremias Zautmann*, ministrante & altero chirurgo *Christophoro Seesth.* 1. secta est cutis & peritonæum, hoc enim quantum ego quidem visu judicare potui; cuti integrum adhuc suberat & in sectione à cute manifestè distingui poterat. Hinc & ipse, qui jam extra cutem facillè prorumpibat, uterus apertus hæmorrhagiâ non adeò insigni, neque etiam acerbo dolore, quod ipsa postea falsa est. Utero secundum longitudinem aperto infans facillè cum secundina extractus est: imò quasi suoapte moru, cum via facta esset, exitum quæsiivit & quidem Dei beneficio, salvus & incolumis.

De utero verò intra abdomen reponendo, cum ob ejus magnitudinem nullà spes esset, cutis, sanguine conveniente decocto prius absterſo, ipsi inducta & confuta est: ipse verò uterus non conflatus. Qui etsi aliqua insigni inflammatione non corriperetur, tamen quia extra abdomen propenderet, & ab externi aëris incurſu in curatione vulneris defendi non posset: membrana quasi purulenta circa labia vulneris obducta est, uterufque iterum purus evasit, & naturalem faciem ac habitum circa diem 14. ostendit, atque indies magis in se contractus, ad naturalem magnitudinem rediit. Verum post dies aliquot labia vulneris nigrescere, cum tangerentur, facile sanguinem fundere, atque adeo gangræna suboriri cœpit, ut ferro sine sensu particulæ de labiis vulneris demi possent: sed cum idonea medicamenta adhiberentur, omne illud malum cessavit, & caro circa labia vulneris ad pristinum colorem & statum planè rediit, vulnusque indies angustius evasit: adeò ut intra paucos dies coalitum vulneris speraremus, & vix vllum de recuperanda sanitate dubium superesset. Verum enim verò cum illa 16. Maji horâ quartâ pomeridianâ, extra lectum aliquandiu conſediſſet, atque iterum in lectum sese reciperet, lipothymia suboriri cœpit, & præter omnem spem intra dimidiam horam, procul dubio ab abstantibus, cum esset paupercula, non rectè in lipothymia tractata, vitam cum morte commutavit. Ipsa mortua ut planè sciremus, an in utero omnia salva fuissent, an verò aliqua latens putredo lipothymia, & subitanæ huic morti causam præbuiſſet; Uterum aperuimus, verum omnia salva in eo invenimus. Infans etiamnum vivit salvus & incolumis, Dei beneficio. Huic enim soli, & ipsa mater acceptum feteat, quod toto gestationis tempore, à variis & periculosis motibus nihil damni percepisset. Etsi enim uterum extra abdomen pendulum in fascia gestaret, tamen in obeundis domesticis negotiis, quæ ipsimet ob rem familiarem angustam expedienda erant, uterum cum fœtu nunc in femore, nunc in hoc loco, prout usus & res expediendæ exigebant, reponere neceſſe habebat. Ita mirabilia sunt opera Domini. Huc usque *Sennertus*.

Infantem bimulum jam præſentis anni 1612. mense Majo Wittebergæ in ædibus Domini D. *Sennerti* ipse vidi. Virium is erat satis vegetarum; Staturæ tamen pro ætatis ratione paulò brevioris, quemadmodum & corporis habitus aliquanto tenuioris. In fronte elatiori parte supra oculum alterum cicatricem quandam habebat: quæ vulneris in ipso partu Cæsareo accepto exigui index dicebatur.

Hic autem, *Fabrici* clarissime, non tecum agam de partus Cæsarei neceſſitate, difficultate, administrandi ratione, & aliis, quæ in genere circa ipsum aliàs moveri solent. Hoc enim si attentarem, justos epistolæ limites facillimè transilirem, & sunt ea ut plurimum talia, de quibus eruditi hoc temporis parum amplius controverſantur. Quippe multi juga experientia illa omnia dudum reddita sunt certa atque indubitata. Ad propositum casum me potiùs converto, & quæ in eo inquisitione discussioneque potissimum digna sint attendo.

Lubet ergo primùm ex te quærere; Ruptione vel dilatato saltem peritonæo Herniam istam uterinam censeas accidisse? Quæ enim utrinque adferri possunt, non sunt fortassis planè nulla.

Dilatato saltem sive laxato peritonæo factam, si quid aliud, certè evidentissime evincit, quod id in sectione à reliqua cute manifestè discerni potuerit. Et quidni peritonæum ex altera parte in tantum laxari potuerit: cum in Hydropicis secundum omnes ferè dimensiones totum abdomen in immensam propè molem extendi, sæpenumero observatum sit? Ipsamet superiori An. 1611. *Giesse* Typothesam, cui scrotum ad capitis magnitudi-

nem ab aqua illapsa distentum erat, citra sectionem Dei beneficio sanavi. Quid? quod mulier quædam Germana nomine *Dorothea*, quæ in Italia gemino partu filios viginti edidiſſe traditur; altero quidem novem, undecim altero, ob ingens pondus tumidam alvum, & ad genua usque propendentem, fascia collo & humeris appensa sublevare solita est; post *Joh. an. Franciscum Mirandulanum* Principem & *Lycosthenem* author est *Schenckius* lib. 4. obl. 162. Solidiores multò durioresque, quàm peritonæum, ipsæ sunt arteriæ. Ast hæc in aneurismate ad ovi anserini magnitudinem quandoque laxari deprehensæ sunt. Quin aneurisma Bernæ Helvetiorum Anno 1605. à te viſum, seu Soloduto ante triennium ad me perſcripſiſti, quod totam pectoris partem sinistram à ſterno ad collum usque occupavit. Solidissimum est cranium; in hydrocephalis tamen quantoperè id nonnunquam distendatur, pluries docuit experientia.

Rupto autem peritonæo Herniam fuiſſe productam, inde quis forſan arguere posset; quod plagam à pertica reciprocaute inſictam subſecuta fuit. Quæ ratio num satis solida sit, tute *Fabrici* clarissime, judicabis. Mihi ob rationes antea adductas dubia nonnihil videtur. Etsi enim vel maximè concedatur, interiorem peritonæi tunicam perticæ illiſu fuiſſe diſruptam, exteriorem tamen permanſiſſe ſalvā atque integram, ſectioni adminiſtratæ Historia ſuperior fidem facit luculentam. Nec reſert, ſi quis prætendar, membranam illam, quæ poſt cutis diſſectionem in conſpectum venit, fuiſſe muſculi tranſverſi laxatum tendinem. Nam ut alia multa, quæ in contrarium adduci poſſent, præteream, unicum illud loco omnium dumtaxat adferre placet; Nempe muſculorum tranſverſorum tendines non in viris tantum propè os pubis ad vaſorum ſeminalium præparantium ad teſtes deſcenſum; indeque ejaculatoriorum ad glandulas proſtatas, quæ veſicæ cervici appoſitæ ſunt aſcenſum; ſed in mulieribus, etiam ad duorum proceſſuum nervoſorum ab utero prodeuntium & in ſummam partem pudendi muliebris pervenientium, tranſitum perforari. Unde cum Bubonocèle laborarent, ſectione ſanari poſſe, eruditè monet *Casparus Bauhinus* lib. 2. Theatr. Anatom. cap. 8. Per foramen igitur tale ictu perticæ laxius redditum. uterus integræ peritonæi tunicæ exteriore excidit, atque herniam uterinam produxit. Sed de his pro accurato tuo judicio rectiùs ipſe ſtatues, ſufficiet me de iſdem meatu ſententiam qualitercunque tibi nunc delineaviſſe.

Deinde & hoc mihi reſpondeas velim. Num ſœminam priuſquam plagam acciperet, gravidam fuiſſe, vel poſterius deſum gravidam evaſiſſe, exiſtumes? Cui quæſtioni etsi nemo ipſa ægrotante aptius olim ſatiſſacere potuiſſet; tamen quid conjecturando de eadem nunc dici poſſe conſidam, paucis exponam. Non fuiſſe priùs gravidam ex eo quis forſan demonſtrare poſſet, quod poſt plagam vehementem à pertica reciprocante acceptam nec 1. inguen ſiniſtrum intumuit; nec 2. abortus etiam obortus fuit. Ex adverſo, poſterius quoque gravidam vix evaſiſſe. Uteri diſlocatio à perticæ ictu procul omni dubio excitata docere poſſe videtur; niſi forſan evenerit, ut uterus non ſtatim à plaga, ſed tandem poſt factam impregnationem ſuo loco primùm pulſus ſit. Quod ipſum à vero non eſt uſque adeo alienum; præſertim cum (uti habet historia) non ſtatim ab ictu, ſed paulo poſt tumor in inguine ſiniſtro adparere incœperit. Tu utrum tibi probabilius videatur, deſini. Ego hic *ἐνέχω*.

Illud potiùs tertio loco ex te quæro, Annon putas, tumore in inguine oboriente, fascia aliqua competente, uterum contineri, ac ne longius extra abdomen excideret, prohiberi potuiſſe? Mihi quidem, quin hoc ab initio fieri potuerit, prorsus dubium non eſt; qui no-

vi; quantum utilitatis fasciæ convenientes in aliis herniis adferre soleant.

Illud quoque doceas: *Cur hernia figura oblonga, non autem* (cujusmodi aliàs gravidarum abdomen esse solet) *rotunda fuerit?* Num quòd utero foràs extra abdomen prolapso, & contentorum pondere ad inferiora depresso, superiores herniæ partes acuminatæ sunt? An quod fœtus plano & erecto; non autem in globum contorto situ in utero concludebatur,

Quin & istud mihi expedias; *num spes ulla superesse potuerit partus naturalis?* Mihi quidem Medici Wittebergenses rectè conclusisse videntur, spem planè superfuisse nullam. Cum enim utero in proprio loco constituto, non rarò fœtus naturaliter educi non potuerit, ob causas in Medicorum observationibus hinc inde annotatas, atque imprimis in libello *Rosseri* de partu Cæsareo sect. 1. cap. 3. diligenter collectas: quâ quæso ratione in præsentī casu extrahi valuisset? An non contigisset facillimè, ut in medio & tamen irritò uterum in consuetum ac naturalem locum unà cum fœtu per tam angustas vias reponendi conatu, fœtus suffocaretur, materque ipsa præ dolorum acerbitate simul extingueretur? Quamobrem cum viderent, quòd parturienti alia ad salutem via præclusa esset omnis, excepta una eaque dubia & periculi plena per sectionem Cæsaream, necessarium esse arbitrati sunt, ut ea periculo adversi irent. Id quod in talibus casibus fieri voluit Galenus lib. 10. Method. med. cap. 16. Nam ut Aetius scribit Tetr. 4. sermon. 1. cap. 120. in fine de Elephantiasi; humanum & plenum benevolentie signum in extremis etiam malis usque ad experimentum procedere, ad difficultatem affectionis compescendam.

Non quero jam de *futura uteri*. Num illa ea institui vel potuerit, vel debuerit? non de *causa membrana* super labiis vulneris uteri natæ; non de *Gangrana* superveniente: de quibus singulis quid sentias, aperire aliquando poteris.

De illo saltem colophonis loco quærere placet; quid causæ subfuisse arbitraris, quod cum vix ullum de recuperanda integra sanitate dubium superesse videretur, ægra lipothymiā ex improvīso correpta & paulò post extincta? Num virus aliquod atque occulta malignitas in vasis, (in cavitate enim omnia salva sunt inventa) uteri genita delituit? quæ ut è prædictis nonnulla sic & lipothymiam & cum lipothymia mortem ipsam ex insperato invexit. *Atque hætenus de historia præsentē.*

Nunc ob argumenti affinitatem aliam non minùs raram, sed priore multò antiquiorem, utpotè quæ An. 1531. Decembris die nono contigit, subjungere placet; cujus quidem nuperrimè pressius meminit in suo Hemerologio Silesiaco *Nicolaus Polius* sub mensis Decembris die citato; fusiùs verò ac per circumstantias descripsit *Samuel Meigenius* in sui historiarum Nuclei classe 1. cap. 4. eam nos è Germanico in Latinum sermonem ita transtulimus.

Nieße, quæ urbs est Silesiæ satis celebris, vixit pauperula, quæ quindecim annis viro suo cohabitavit & novem liberos enixa fuit. Accidit autem ut in primo partu propter summam impatientiam & morositatem ab obstetricibus & aliis fœminis præsentibus deserta, sola sibi consulere, & solo Deo obstetricante, eniti cogeretur. Hinc etsi mali aliquid in abdomine sibi evenisse sentiret, nihilominus tamen ex ordine octies porrò naturaliter & feliciter citra ullam noxam per Dei gratiam peperit. Non multò autem post malum in primo partu acceptum, circa inguē sinistrum sæpiusculè sensit, ac sub cute extra abdomen mediocris quantitatis quippiam sibi excidere animadvertit. Anxia igitur casu isto reddita, rem primò ad maritum, mox ad fœminas, ob fidem sibi dudum probè explo-

ratas detulit: ab illis verò consilii solatiive aliud retulit nihil, quàm Deo Optimo Maximo totum negotium esse committendum. Quod dum fecit, ecce tumor indies in majorem magnitudinem increvit, ut tandem vesicæ bubulæ spiritu distentæ ac gravidæ formā repræsentare videretur. Quin id magnitudinis longitudinisque demum acquisivit, ut ad genua usque propenderet. Unde aliis accedentibus indiciis non arduum fuit concludere, in vesica ista fœtum contineri vivum. Interea verò magnos dolores fœmina perpessa est, sive cubare, sive sedere conaretur. Namquè non sine multo & dolore, & ejulatu, onus istud instar sacci alicujus penduli hinc inde levare, ac reponere cogeatur. Verum enim verò cum pariendi tempus appropinquaret, senatus Niessenus, (quòd paupercula esset,) curam ipsius suscepit & prædictum casum cum Medico-Chirurgis & obstetricibus peritis, aliisque fœminis honestis communicavit, atque re diu multumque deliberata, & accuratissimè pensiculata,prehendit spem partus naturalis reliquam esse nullam, nec alia via cum matri, tum fœtui succurri posse, quàm sola tumoris apertione; tanetsi omnes simile quid se nec vidisse unquam, nec audivisse testarentur. Prægnanti itaque consilium hoc tandem aperuerunt, quod ipsa lubenti animo acceptavit, atque se totam divinæ protectioni seridò commendavit, cum se unà cum fœtu aliter liberatum non iri ipsamet facilè intelligeret. Postquam verò in tam periculoso rerum statu constitutæ animum crebris adhortationibus & consolationibus propinqui obfirmassent. Medicus, Chirurgi, obstetrices, aliæque fœminæ honestæ definito tempore convenerunt, & divino auxilio implorato tumorem defecuerunt, fœtumque post multos labores, & sollicitudines satis vegetum denique extraxerunt. Quem cum matri adstantes gratulabundi consolabundique obtulissent, oculis duntaxat aspectum auferri, & in cunas reponi, manuum indicio jussit. Is *Christo* per lavacrum sacratissimum initatus; sesquiannum superstes vixit: mater tertio à sectione die post multos dolores & cruciatus piè in Deo obdormivit.

Hic de uno saltem, mi *Fabrici*, tuum judicium exponas, rogo, *quī scilicet fieri potuerit, ut post, sive rupturam sive laxationem peritonei, in primo partu acceptam, nec bubonocèle, nec hysterocèle fœmina illa protinus correpta sit? & quod admirationem adauget, octies sine noxa feliciter pepererit.* Num censes, noxam peritonæi non aded fuisse magnam; quæ intestinum elabi permetteret? An putas temporis diuturnitate emendatam, & totaliter oblitteratam; postea verò foriā alia aliqua de causa, in historia quidem neglecta & prætermissa, redintegratam? ego utram in partem magis inclinem, non satis video. Et tantum de hac etiam historia. Ex his igitur, mi *Fabrici*, constare confido, quod non temerè argumentum hujus epistolæ, ut *novam, ita raram historiam* appellaverim. Tibi si tertium aliquod exemplum vel in artis usu occurrit, vel lectione aliquando innotuit, ne id me celes, oro.

GUILHELMII FABRICII

HILDANI,

ad

EPISTOLAM

Clarissimi ac longè celeberrimi Viri

DN. MICHAELIS DORINGII,
Breslaviensis, Philosophiæ & Medicinæ Doc-
toris multis nominibus excellentissimi,

De

Nova, Rara & admiranda Hernia Uterina,
atque hanc jūsto tempore subsequentis

PARTUS CÆSAREI HISTORIA,

Responsio Epistolica;

in qua

Multa variaque de affectibus Uterinis, &
extractione fœtus mortui recensentur.

Quemadmodum plantę tenellę, Vir amplissime, & multis nominibus mihi charissime, nisi radices ipsarum per intervalla irroratę fuerint, citò perire solent, & olim ignis Vestalis nisi refocillaretur continuo, extinguebatur: ita & amicitia, (quę si vera & sincera fuerit, nescio quid divini amoris, post lapsum hominis, in homine remansisse denotat, & plantas omnes, imò & gemmas quantumvis preciosas, longè præcellit:) nisi sepius mutuis officiis, aut ad minimum colloquiis & literis exulta fuerit, flaccescit; paulatimque refrigescit, extinguiturque: imò & inter Christianos tum languida & imbecillis est in hoc ulceratissimo sæculo Christiana charitas. Verum enim verò in T. Exc. jam pridem, & quidem sepius, contrarium mihi observare licuit. Etiam si enim propter locorum intercapedinem, amicitiam inter nos ante sexennium (cū propter singularem tuum erga me amorem atque studium, etiam ex longinquis regionibus, me invisendi causā, Te in Helvetiam contulisti; atq; exiguam familiam meam pro hospitio tibi elegisti,) contractam coram nunquam, scriptis verò raro fovere concedatur, nihilominus tamen fruticulos illos amicitie nostrę, non flaccescere, sed potius in altum excrescere, frondesque suas longè latèque expandere video. Cujus causa, profectò, non ex meritis erga te meis, sed ex præclara humanitate, simul & benevolentia tua proficiscitur. Assentator non sum; quandoquidem non tantum privata ad me scripta tua, & laboriosum simul & utilissimum opus tuum, de Medicina & Medicis, in quo tam honorificę mei mentionem facis; verum etiam publica & impressa epistola illa, de nova, rara & admiranda Hernia Uterina, atque hanc jūsto tempore subsequentis partus cæsarei historia, luculenter fidem faciunt. Etsi porò te illam ad me misisse minimè dubitem, interceptum tamen, aut potius deperditum illius in via fuisse fasciculum, arbitror; quandoquidem ad manus meas hætenus nondum pervenit: & unicum tantummodò exemplar mihi videre licuit, illud autem clari-

ssimus ac doctissimus Vir Dn. Georgius Faber, Castræ Imperialis Fridbergensis Medicus ordinarius, longe celeberrimus, amicus noster communis, mihi communicavit. Quod verò epistolam illam meo nomini inscriberis, gratias ago habeoque maximas: & candidam illam in me humanitatem Tuam; quoad vixero, celebrare non desinam. Maturius rescripsissem, & gratias egissem: sed varia intervenire impedimenta. Cū enim ex Patria domum reversus essem, Chirurgia Castrensis Germanica ad prælum mihi describenda fuit. Illam vix cū absolvissem, Wormatium ad generosum ac Strenuum Virum D. Eberhardum Kammerer von Wormbs, genandt von Dalberg, vocatus fui, apud quem per tres integros menses mihi commorandum fuit. Re-deundo in Helvetiam, Basileę, Bernę, & nonnullis aliis in locis quoque paulisper detentus fui, & demum 29. Augusti Lausannam reversus sum. Ne itaque egre feras morem, obnixè rogo. Quę adversa quoque, & luctuosa mihi post reditum meum Lausannam advenire, ex Dn. D. Horstio, aut Dn. D. Fabro Te intellexisse, non dubito.

Ceterum ex patria ad meos redii 13. Decembr. anni elapsi: iter quidem longum & laboriosum fuit; non tamen (Laus sit Deo) usque adeò molestum, etiam si enim in patria morbis bis correptus fuerim, humanitas tamen illa atque benevolentia, qua cū Principes Patrię, & alii, Comites item & Nobiles, tum etiam undique viri docti me persecuti sunt, veluti Panacea mihi fuit. Quantum enim morbi, & labores itineris, corpus affecerunt, tantum humanitas atque familiaritas horum: mentem simul & animum recrearunt atque refocillarunt. Quod Tuam Excellent. Gissę non offenderim, etiam nunc ex animo doleo: nihil enim optatius mihi accedere potuisset, quàm si illam ambabus ulnis amplecti mihi licuisset. Amplissimus simul & humanissimus Vir Dn. Gregorius Horstius, communis noster amicus, infinitis honoribus me affecit: & Giesā Heidelbergam usque deduxit, & quod magis est, in causa fuit, quod Darmstadii in aula Illustrissimi & Celicissimi Principis ac Domini DN. LUDOVICI Hassia Landgravii, Comitum en Catzevellenbogen, Dietz, Ziegenheim & Nidda &c. clementissime simul & humanissime exceptus, & per dies aliquot detentus fuerim. Quod cum tuis feliciter in Patriam appuleris, gaudeo: Prepotens ille Deus, fons misericordię & clementię, qui te in Patriam, me verò ex laborioso & sic satis longo itinere (quandoquidem Belgium, & præcipuè Hollandiam quoque eadem operâ perlustravi) extra Patriam ad meos reduxit, & ut in posterum nos in hac valle miseriarum spiritu suo sancto ducere, sed imprimis omnibus donis spiritualibus benedicere atque ornare, tandemque propter meritum filii sui unigeniti Jesu Christi; in Patriam celestem, tum omnibus fidelibus introducere velit; ambabus ad cælum elevatis manibus; Deum Ter. Opt. Maxi. submitte ac humillimè imploro atque efflagito.

Porò historiam illam quod attinet, rectè profectò raram & admirandam illam inscribis: vix enim unquā simile quid observatum fuisse; tecum mihi fatendum est: quapropter, quicquid dicant invidiosi, prudenter fecisti, quod opus hocce divinum publici juris feceris. Vere inquam Divinum; quomodo enim fœtus extra uterum, aëri, eique frigidissimo, qualis fuit tum temporis, cū utero gestaret, expositus, à calore verò materno & vasis cotyledonibus remotus: ad perfectionem & maturitatem pervenire potuerit, hominis captum superat. Mirabilia itaque Dei etiam si in omnibus rebus à Deo creatis appareant, in Medicina tamen, præcipuè in morbis sese patefacere, historia illa tua luculenter ostendit. Ideoque minimè erat à te omittenda, etiam si à clarissimo ac longè celeberrimo Dn. D. Sennerto, antea evulgata quoque fuerit. Non enim

enim, ut tu quoque rectè addis liber iste omnium ad manus pervenit, & ut de aliis quamplurimis regionibus taceam, profectò huiusmodi scripta aut tardè aut nunquam ad nos perveniunt. Observationes quoque de affectibus uterinis habeo plurimas, historiarum tamen tuarum minime equiparandas. Interim tamen nonnullas earum nunc (ut par pari referam) tibi communicare non gravabor. Verùm antequam ad earum narrationem me conferam, ad quæstiones, quas ex prædicto casu proponis, pro tenuitate ingenii mei, paucis respondere conabor.

Quæris primò: *Ruptumne an dilatatum fuerit peritonæum?* Ego minime illud ruptum dilaceratumque fuisse, tecum sentio. Etiam si enim ictus à pertica factus, & gravis, & magnus fuerit, cutem tamen & musculos vix læserat, multò minus igitur peritonæum; quod, ut testantur anatomici, firmissimum validumque intestinorum & ventriculi tegumentum sit: substantiâ membranosum & molle; Potius itaque extenditur & relaxatur, quàm dilaceratur, præcipuè in fœminis, in quibus ab umbilico ad pubem usque validissimum est. At cum in hac matrona ne cutis quidem aut musculi abdominis (quantum quidem ex historia colligere possum) insigniter læsi fuerant, multò igitur minus peritonæum, quod, uti dixi, validissimum est, musculisque quin etiam subjacet? Interim tamen duo incommoda ex ictu perticæ oborta fuisse, non dubito. Relaxationem nimirum aliquam peritonæi: & contusionem musculorum abdominis, simul & dolorem. Ille porro, cum, ut Galenus & experientia fidem faciunt, attrahat, sequutus est concursus humorum in partem læsam. Hi verò quia pauci & propter constitutionem subjecti, pituitosi & viscosi essent, ut inflammationem aut abscessum procrearent, minime fuerunt apti. Remanserunt itaque in partibus musculosis, & quidem circa peritonæum, illudque paulatim laxum ac lubricum reddiderunt: imò etiam ita debilitarunt partem illam, ut cum utero gestaret fœmina, facillimè relaxaretur, atque in saccum extenderetur. illam porro relaxationem atque extensionem peritonæi, circa foramina illa, circa quæ bubonocèle fiunt in mulieribus, accidisse, tecum censeo.

Sed quid sentis, quæso, de herniosis, nonne in ipsis peritonæum disruptum esse putas? Multos quidem id asserere scio, verùm ego ipsis subscribere non possum. Si enim disrumpitur, id ut circa foramina illa abdominis (quæ tamen veriùs, Laurentii verbis utor, productiones dixerit instar canalium elongati) fiat necesse est: alioquin nunquam neque omentum intestina in scrotum descenderent. At rupto ea in parte peritonæo, frustra fieret in sectione herniarum ligatura atque contractio vaginæ, simul & abscissio testiculi. Peritonæum enim cum sit corpus, ut dixi, membranosum, nonne disrupto illo, partes disruptas ita retrahi, ut amplius conjungi, & filo ligari minime possint, existimas? Deinde in herniosis peritonæum dilatari, non autem disrumpi, ipsa ocularis inspectio fidem facit. Aliquoties enim in herniosis, post obitum, præcipuè in fene illo, cujus fit mentio obs. 65. Cent. 2. (qui insigni hernia intestinali per multos annos laboraverat) ea qua fieri potuit diligentia; locum affectum perstravi, nunquam tamen quicquam aliud, præter dilationem peritonæi, observare & repetire potui. Venæ nonne unica, eaque tenuissima membrana constant? at tamen aliquando in monstruosam magnitudinem dilatantur: Varix cujus ego in præcedentibus meis ad te meminisse literis (quæ crassitiem brachii mei ad carpum excedebat) testis est; Nec est ut aliquis venam ruptam fuisse, existimet. Sanguis enim, ut Hipp. docet, quamprimum in ventrem, hoc est, extra vasa sua pro-

funditur, putrescat necesse est; At in viro illo nunquam computruit, ergo sequitur, venam non disruptam sed dilatatam fuisse. Concludo itaque, in fœmina ista peritonæum dilatatum non disruptum fuisse. Si enim in hydrocephalis cranium dilatatur, non autem disrumpitur, quemadmodum ex Observat. Cent. 1. & ex ipso cranio, quod tu in Museo meo vidisti, apparet, quantò minus in hac fœmina peritonæum, quod forsan jam ante aliquoties in gestatione uteri distentum dilatatumque fuerat, disruptum fuisse, verisimile est? Peritonæum autem aliquando monstruosè extendi atque dilatari, sequens historia fidem quoque facit.

Anno 1607. Bernæ Helvetiorum quadragenariam mulierem obesam & pinguem (cui & præsidia nonnulla præscripsi) invisi. Illa in difficili partu relaxationem umbilici contraxerat, ex qua paulatim distento atque relaxato peritonæo exomphalos monstruosa sequuta fuerat. Umbilicus enim veluti saccus ingens extra abdomen propendebat: cum venter tamen suam debitam servaret proportionem. In capacitatem ventris retrocedebat nunquam. Interim tamen illa tam valido erat corpore, ut rem familiarem sine impedimento administraret. Hæc obiter: integram enim historiam habes apud clarissimum Virum Dn. D. Gregorium Horstium. Ante menses aliquot similem affectum in Germania, in nobilissima quadam ac singulari virtute prædita matrona, vidi. In illa tamen non umbilicus ipse; sed paulò supra ipsum peritonæum, veluti in saccum dilatatum conspicitur: in quo non solum omentum, sed & intestinum aliquod continetur. aliquando enim murmur in ipso percipit, indeque in partu contraxit. Plura non addo: exempla enim, quæ tu ipsemet in medium adfers, tuam, meamque opinionem stabiliunt.

Secundò quæris: *Gravidane fuerit, necne, cum ictum exciperet?* Ego etsi hac in re nihil certi constituere queam, attamen ipsam tunc temporis nondum concepisse, verisimile mihi videtur. Si enim utero gestasset proculdubio propter perturbationem animi, & imaginationem vehementiorem, ut in gravidis fieri consuevit, abortum fecisset. Exempla sunt in promptu: quorum nonnulla recensebo.

Superiori ætate, in oppido Essen, in Marchia, matrona gravis cum casu ictum bombardæ in coxam dextram, non quidem globo, sed charta madefacta, & dentibus masticata, recideret, protinus doloribus partus correpta fuit: & aqua, quæ fœtum comitari solet, paulo post effluxit. Sequenti die fœtum non tantum mortuum, verùm etiam nigrum, quasi pulvere tormentario infectus fuisset, edidit. Historiam integram, & quomodo à me divinò aspirante numine, à gravissimis, quæ supervenerant, symptomatibus, restituta fuerit, posthac in observationibus meis videbis.

Mense Julio Wormatia Lausannam rediens, cum Bingæ Brisgoviorum, propter certas causas, apud Nobilissimum ac strenuum Virum Dn. Franciscum Conradum à Sickingen, Serenissimi Principis ac Domini Dom. Maximiliani Archiducis Austriae, &c. consiliarium prudentissimum & Satrapam in Stauffen vigilantissimum, per dies aliquot hæsissem, matronam quandam honestam, Dn. Pauli Hartmanni, Nobilissimi ac strenui viri Dn. Christophori von Ampringen uxorem, ibidem vidi. Illa cum gravis, quadam die vicini sui infantulum ex alio quodam muro in terram conuere vidèret, supra modum perterrita atque commota fuit: nihil aliud sibi persuadens, quàm infantulum istud omnia sua confregisse membrum, aut in ipso casu, aut paulò post vitæ suæ finem facturum: cum tamen ne minimam quidem

quidem ac strenui viri Dn. Christophori *von Ampringen* æconomi uxorem, ibidem vidi. Illa cum gravida, quadam die vicini sui infantulum ex alto quodam muro in terram corruere videret, supra modum perterrefacta atque commota fuit: nihil aliud sibi persuadens, quam infantulum istum omnia sua confregisse membra: & aut in ipso casu, aut paulò post vitæ suæ finem facturum: cum tamen ne minimam quidem lesionem ex casu isto, quantumvis periculi pleno, receperit, & etiam nunc in vivis sit. Mansit gravida ista in istis angustiis & animi perturbationibus per aliquot septimanas. Tandem verò non absque maxima difficultate fœtum edidit: sed mortuum: habens omnia sua membra veluti contracta: & mirum in modum contorta. Sed, quod summo opere admirandum, indutus fuerat infantulus prænominatus, cum ex alto delaberetur, veste quadam alba, undique fimbriis rubris adornata: quæ rubræ etiam fimbriæ in fœtu isto mortuo evidentissimè apparebant: Post infelicem tamen huncce partum, bis, si rectè memini, feliciter peperit. Hæc ex relatione ipsius mariti Dn. Pauli Hartmanni accepi.

Aliud exemplum, non minus memorabile, mihi communicavit Dn. D. Dan. Daniel, apud Dusbergenses Clivorum Medicus longè celeberrimus, amicus meus singularis, hunc in modum se habens. Matrona gravida, cum duos inter se confligentes videret, & ex eis unus gladio perfoderetur, nec non mortuus in terram corrueret, supra modum perterrefacta & perturbata, (exclamando, & nomen Domini pro eo qui cecidit, invocando) manu dextra oculos obvelavit. Eadem die doloribus partus correpta fœtum mortuum, cui caput ab oculo ipso, ad occipitum usque perfossum erat, edidit.

Gieffæ matronam gravidam propter incendium obortum perterrefactam, post triduum infantem vivum, sed undique maculis igneis contaminatum edidisse, Dn. Horstius ad me scripsit. Plura hujus rei exempla, ex quibus ictum perticæ, absque abortu vix fieri potuisse, videre liceret, quamvis autem plura in medium producere possem: Ne autem prolixior sim, his contentus ero, ex quibus quantum & quid in prægnantibus efficere possit perturbatio animi, fortisque imaginatio, satis superque apparet. Post actum itaque ipsam concepisse, credibile est. Deinde accrescente fœtu, quum uterus de die in diem gravior fieret, & partem illam abdominis, à pertica læsam, præ cæteris debilem, & (propter affluxum & concursum humorum pituitosorum viscidiorumve) lubricam ac laxam reperiret, totus in partem læsam debilioremque decubuit, & peritonæum magis magisque distendit. Herniosis, etiam si intestina semper eandem ferè servant constitutionem, neque quemadmodum utetus gravidus, accrescant, idem tamen accidere, quotidie observamus. Quandoquidem ex minima relaxatione peritonæi, tota moles intestinorum in partem illam decumbit, herniamque aliquando monstruosam procreat.

Tertiò *extuberantiam illam in inguine, ne longius extra abdomen excideret, ab initio fasciæ aptâ, prohibere potuisse, sapissimè in matronis, bubonocèle laborantibus expertus sum*: imò aliquando uterum ipsum, ne excideret, fasciâ prohibui. Ante annum à nobili quadam matrona in consilium adhibitus fui: huic continuo ferè, inprimis ambulando uterus ante ostium

Biblioth. Chirurg. Tom. III.

propendebat. Ego instrumentum adaptavi: quo collo matricis impolito uterus ita in loco suo retinetur, ut sive pedes incedere, sive curru vehi, sive quovis alio modo corpus movere velit, id sine molestia & difficultate perficere facile possit. *Fuit autem hernia illa uterina oblonga hanc ob causam*, 1. quia fœtus (ut tu quoque doces) non in globum conortus, sed erectè in utero continebatur. 2. quia foramen, per quod uterus prolapsus fuerat; angustum. In herniosis ut plurimum idem accidere solet. Quàm diu enim foramen angustum est, hernia figura oblonga propendet: innigiter verò dilatata productione peritonæi, sive vagina, in rotundum ad eò extenditur scrotum, ut membrum virile aliquando appareat. In matronis verò sanis, cum utero gerunt, venter rotundus est: peritonæum enim undique æqualiter extenditur.

Rectè simul & prudenter, absque omni contradictione, fecerunt Medici Wirtembergenses, quod sectionem Cesaream instituerint. Uterum enim extra abdomen prolapsum, à fœtu quinetiam dilatatum, atque extensum per foramen. Illud angustum, in ventrem nunquam retrudi potuisse, quis est qui ambiget. Si enim in herniosis aliquando intestina in ventrem, ut ego aliquoties observavi, reponi nequeunt, quanto minus in hac matrona uterus, cum ut habet historia, post sectionem, & extractionem fœtus, solus ob ejus magnitudinem in ventrem reponi non potuerit? Prius itaque dilatandum fuisset foramen abdominis: quemadmodum nonnunquam in herniosis, si intestina in scroto intumuerint, fieri solet. Verùm & dilatationem illam, tum propter dolorem, tum etiam propter hæmorrhagiam aliasque causas absque maximo periculo matris, simul & infantis, fieri minime potuisse arbitror. Deinde quia uterus per tot menses, unà cum fœtu extra abdomen propenderat, non erat ad ipsum excipiendum locus satis aptus, & capax in ipso ventre. Per totum enim tempus gestationis, omnia, quæ ad uterum, & fœtum excipiendum sunt necessaria, paulatim adaptantur disponunturque. Intestina crescente fœtu, & dilatato utero, retrocedunt; Hepar, lien & venriculus, versus diaphragma blandè reprimuntur; peritonæum simul & musculi abdominis, prout fœtus accrescit, sensim extenduntur, dilatanturque omnia ad partum naturalem, natura, divino quodam instinctu præparat atque disponit: idque sine periculo, quia sensim fit, & absque violentia. Cum violentia verò absque læsione prædictarum partium reponi non potuit. Sed ponamus casum, abdomen absque insigni periculo dilatatum, uterum quàm etiam & in ipso contentum fœtum, feliciter in ventrem repositum fuisse, partus tamen naturalis, quomodo consequi potuisset, non video. Ut enim de reliquis impedimentis, quæ adesse poterunt, taceam, hoc unicum nimirum incisio musculorum abdominis, ad partum naturalem impediendum sufficiens erat. Quantum enim compressio musculorum abdominis in partu sit necessaria, sciunt Medici, at hîc ratione vulneris, fieri non potuisset.

Medici, quod post partum Cesareum uterum sutura non conjunxerint, meo quidem judicio prudenter fecerunt. Utero enim à contentis evacuato, labia vulneris per se faciliè, ut Rousselus de partu Cæsareo testatur, concidunt, & arctè conjunguntur. Deinde post partum, ut sanguis & quicquid præter naturale in utero superest, paulatim evacuetur, perquam necesse est. At quia in hac fœmina (ut verisimile est) naturalis via occlusa fuit, non erat occludenda via illa præternaturalis & arte facta. Cutim verò quod consueverint, rectè fecerunt;

M m

Alio-

Alioquin uterus, aëri expositus, protinus alterationem & putredinem aliquam contraxisset ægramque mox e medio sustulisset.

Sed aliquis forsan partem illam uteri, quæ per tot menses extra abdomen propenderat, filo ligasset & abscidisset; Neque omnino rejicienda fuisset operatio hæc, gangræna enim, quæ postea supervenit, ut verumile est, hoc modo evitari potuit. Deinde mulierem absque utero vivere, imo & ad coitum aptam esse, multis exemplis & observationibus demonstrant Avenzoar l. 2. tract. 5. cap. 4. Franciscus Roussetus lib. de partu Cæsareo. Casparus Bauhinus in appendice libri Rousseti. Verum operatio, & abscissio hæc, ut tutò fieret, hæc obstabant. Primò quia reliqua pars uteri, in ventre abscondita, ut necesse erat expurgari non potuisset. Via enim ad id à natura destituta, ut antea quoque dixi, proculdubio occlusa fuit: hinc retento sanguine, gravissima symptomata & mors consequuta fuissent. Deinde quia impossibilem ad procreationem inutilis fuisset fœmina illa. Totus enim ferè uterus decidisset. Potuisset quidem concipere, Ea enim omnia quæ ad conceptionem necessaria sunt remansissent integra, emisisset insuper semen, non minus ac fœmina illa, cujus meminit Dn. Bauhinus in suo in lib. Rousseti Appendice, sed an fœtum usque dum maturus fuisset, gestare potuisset, vix credibile est. Nimis enim angustus fuisset locus, nec unquam uterus propter partem ablatam, sese satis extendere & dilatare potuisset, & proinde abortum maximo cum vitæ discrimine fecisset. In partu enim nisi uterus, prout fœtus sese ex una in alteram partem projicit & circumvolvit, extendatur, ut plurimum parturiens simul & fœtus ipse, versantur in periculo vitæ. Quapropter qui scirrhus uteri laborant vix parere posse observavi, cujus rei veritatem ex sequenti historia videre poteris. Illam etsi clarissimo atque doctissimo viro Dn. Andrea Weickio Medicinæ Doctori, amico meo singulari inscripserim, & quartæ Centuriæ observationum mearum inferere constituerim, attamen quia hoc loco ad institutum nostrum quadrat, illam hîc subjungendam esse, visum est: sic autem habet.

Anno 1611. Dn. Andrea Morge, Arcis Mons dicta (quæ inter radicem montis Jurati & lacum Lemannum sita est) Oeconomi uxor, matrona pia atque honesta, cum quinto utero gestaret, & finem noni mensis imprægnationis attigisset, doloribus partus correpta fuit 24. Maji circa horam decimam matutinam, cum pro more, & quidem cum voluptate & appetitu pransa fuisset. Dolores parturientium tam acerbos & motus fœtus tam vehementes ac impetuosos fuisse, ut vix unquam simile quid observatum fuerit, adstantes matronæ referebant: quapropter vires illicò mirum in modum prostratæ fuerunt. Circa horam tertiam pomeridianam lypothymia & horrores maximi supervenerunt: quo tempore fœtum in utero matris animam reddidisse verisimile esse mihi videtur. Dolores enim & conatus ad parturiendum ab eo tempore cessarunt, nec fœtus sese movebat amplius. Ego accersitus, circa undecimam noctis ad ipsam perveni, tum pulsus ferè nullus, extremitates frigidae erant, & sudor frigidissimus totius corporis aderat, brachium quoque dextrum fœtus extra vulvam propendebat; Quapropter mortem in propinquo esse, prædixeram. Ne itaque inventionem meam, extrahendi fœtum mortuum, quæ hæcenus in multis & quidem in deploratis, per Dei misericordiam feliciter mihi successit, apud vulgus & imperitos odiosam atque suspectam redderem, manum adhibere nolui.

Adstantium tamen, & ipsius agræ precibus commotus, statim nonnihil confectiois Alkermes, aquâ cinnamomi, parumque vini dissolutæ, propinavi. Postea quia genitalia refrigerata, & veluti arida erant (quandoquidem ne gutta quidem sanguinis aut humoris profluebat) sacculum ex radicibus, herbis, floribus & seminibus emollientibus, relaxantibus & dolorem lenientibus calidè applicui; Unguento quidem etiam emolliente imum ventris, coxas, os sacrum & genitalia inunxi. Tandem eodem unguento inuncta manu, situm fœtus expiscari cœpi: qui etsi omnino præternaturalis esset, ut postea dicam, & brachium dextrum extra collum matricis propenderet, caput tamen, quod pectori incumberebat, (prius inuncto, & clementer intruso brachio infantis) versus ostium uteri adduxi: Verum quum uterus, & ipsius collum propter virium & expultricis facultatis summam imbecillitatem; supra modum clauderetur, adeoque constringeretur, ut manus mea compressionem sufferre non posset, ab opere desistere coactus fui. Brachium mox iterum sponte excidit, & sequenti die, circa horam decimam matutinam naturæ satisfecit.

Ego admiratione captus, quænam causa esset potuerit; quòd fœmina illa, alioquin sana, tam citò extincta fuisset. Suasi ut cadaver incideretur, & causa mortis investigaretur. Aperto itaque ventre, vacuum ipsius sanguine fetoso repletum reperi. Propter ingentes enim dolores, & violentum motum fœtus, venæ nonnullæ in parenchymate hepatis, & circa os sacrum ruptæ fuerant; atque ex ista profusione sanguinis, mortem subsequutam fuisse in controversiam revocari non potest. Porro situs fœtus talis erat. Caput collo matricis proximè adjacebat, brachium dextrum, quod lividum extra collum matricis propendebat. Crura versus pectus & caput infantis ita reflectebantur, ut pedes in vertice conjungerentur. Brachium sinistrum hypochondrio dextro ita erat impositum, ut crura in ipso poplite amplexerentur. Exempto fœtu scirrhum durissimum, qui magnitudinem capitis infantis ferè adæquabat, inveni. Ille autem, utero non simpliciter adhærebat, sed ipsum corpus uteri in scirrhum concretum; atque induratum fuerat. Porro scirrhum huncce causam mortis fuisse, nemo abnuere potest. Quandoquidem uterus ratione hujus scirrihi, ita angustus fuerat, ut tempore partus sese extendere non posset. Et quia fœtus maturus & vegetus, ralem impetum fecerat, ut venæ rumperentur, & hæmorrhagia sequeretur. Simile ferè exemplum habes observ. 67. Cent. prim.

Membranam illam, quâ obductus fuit uterus, rectè nominat Dn. D. Sennertus purulentam. Non enim fuit membrana vera, & recenter procreata, sunt enim membranæ partes spermaticæ, nec facilè regenerantur; Sed fuit aliquid præternaturale, ex viscida materia, à natura procreatum, idque in eum finem, ut subjectæ partes regerentur, & ab injuria aëris vindicarentur. In hunc quoque finem natura in vulneribus capitis fungos producit. Cum enim aër, præcipuè frigidus; Ut Hippocrates & experientia testantur, cerebro & proinde omnibus partibus nervosis, sit inimicus, talis est naturæ (dummodo fuerit valida) industria atque providentia, ut partes nervosæ, si denudatæ fuerint; Tegumento aliquo munire studeat: Hinc sunt in vulneribus capitis, in quibus cerebrum insigniter detectum est, fungi; De quibus vide observationem 15. Cent. 1. Item observ. 36. Cent. 2.

In vulneribus juncturarum idem me vidisse meminî,

dies aliquot fungus carnosus exortus est. Is partibus nervosis denudatis ita adjacebat, ut aer illas offendere non posset.

Simile quid ante paucos annos mihi observare contigit. Paterniacensis quidam Adamus Perinus nomine, cum ingentem & nodosum truncum arboris, pulvere tormentario findere vellet, & nimis imprudenter ad truncum appropinquaret, junctura ipsius pedis dextri, ab ipso trunco (cum in partes dissiliret) per medium ferè dissecta fuit; cum ingenti contusione, & sanguinis, profusione. Ego protinus advocatus, quæ sanguinem sistunt, humores repellunt, & dolorem leniunt ab initio applicui, & statim enema exhibui: quo rejecto, venam ejusdem brachii incidi: Eamque victus rationem quæ in magnis & nervosarum partium vulneribus convenit, institui. Post cœnam ratione doloris nonnihil laudani exhibui: quo facto utcunque quievit ea nocte. Sequenti die pharmaco corpus à pravis humoribus exoneravi. Dolores etsi usque ad quartum satis acuti essent, paulatim tamen remiserunt, & brevi vulnus ad suppurationem pervenit. Circa septimum porrò diem morbi fungus carnosus adeò magnus, ut totum vulnus adimpleret, subjectasque partes omnes nervosas cooperiret, ipsique veluti pulvinar adjaceret, in ipso vulnere exortus est. Ego interea institutam methodum minimè mutavi: Sed præcipuè in hoc laboravi, ut adfluentes humores repellerem, doloresque lenirem: Reliqua omnia usque ad diem decimum quintum naturæ commisi. Elapso decimo & quinto die, ea quæ mediocriter exsiccant, absque tamen acrimonia applicui. Curatio ita ad votum successit, ut divino aspirante numine, intra hebdomadas quinque pristinæ sanitati restitutus fuerit: ita quidem ut deinceps absque baculo per annos ferè octo, usque dum Deus illum peste ex hac vita evocaret, incederet. Historiam hanc recensere volui, ut juniores cheirurgi ex illa ediscant, hujusmodi fungos summo naturæ beneficio & quidem, uti dixi, in cum finem, ut subjectæ partes ab injuria aeris vindicentur procreari: Et propterea non temerè auferendos esse.

In ossibus denudatis, eadem est naturæ industria. Cum enim aer ossibus denudatis sit adversissimus, ea statim carne aliqua fungosa tegit natura: sub qua nihilominus partem illam ossis ab aëre aut medicamentis, vel etiam à ferra, veluti in abscissione membrorum, alteram, paulatim separat & per carnem illam fungosam expellit: os vero carne solida & laudabili tegit. Itaque non satis recte nec prudenter faciunt nonnulli, qui in ossibus denudatis quotidie ferè (ut ego apud nonnullos vidi) scalpris os abradunt. Hinc multoties ex recenti vulnere fiunt ulcera maligna, atque diuturna. Hæc ego perpendens nunquam in ossibus denudatis (nisi caries profunda fuerit, veluti in lue venerea) utor scalpris, sed pulverem aliquem catagmaticum, aut euphorbium pulverisatum, quod in ossibus denudatis, uti observatione 92. Cent. 2. demonstravimus, præstantissimum & absque omni periculo applicari potest, quotidie inspergo; neque ab usu horum medicamentorum desisto, donec os squamam abjecerit. Interim quoque, ne labia vulneris jungantur, & ante casum ossis coalescant, quantum quidem possum, radicibus gentianæ, spongiis præparatis, & similibus impedio. Sed & ossa carne & periostio suo denudata, non semper, uti existimant practici quamplurimi, ab aëre alterari, & squamam abjicere, suo quoque tempore in observationibus meis exemplis declarabo.

Gangranam illam, quæ tandem supervenit, ex interceptione spirituum, & penuria alimenti ortam fuisse.

Biblioth. Chirurg. Tom. III.

se, verisimile mihi videtur. Abdomen enim simul & ea pars uteri, quæ extra abdomen prolapsa fuerat, per exiguas habet venas atque arterias: hæc autem quum tempore gestationis supra modum elongatæ, extensæ & proinde veluti aridæ factæ essent, non potuit spiritus & alimentum per tam angustas vias, post partum satis copiosè descendere; partesque longinquas nutrire. Extinctus itaque paulatim fuit calor nativus, & supervenit gangrana quæ arte prohiberi non potuit. Sed objicies forsitan: Cur extinctio illa caloris nativi, tempore gestationis, aut paulò post partum non acciderit? Respondeo, sanguinem & nutrimentum tempore gestationis, motu quodam naturali, pro nutritione fœtus, copiosè ad partes illas defluxisse: post partum verò, motum illum naturæ paulatim cessasse: & sanguinem illum qui antea ad uterum fluebat, ad mammillas aliasque partes destinatas, retrocessisse.

Lipothymiam quæ ex improvviso supervenit, & mortem intulit, imò & eo ipso tempore cum vix ulla amplius de recuperanda integra sanitate spes superesset, ex occulta quadam malignitate, ex præcedente gangrana progenita & in vasis contenta, ortam fuisse, tecum arbitror: simile enim quid, ut sequens historia fidem facit, mihi observare licuit.

Anno 1609. 16. Februarii Nobilis quædam matrona, sed in primis pia, & singulari virtute prædita, Dn. Maria Pelissèria, excellentissimi atque doctissimi Viri Dn. Samuelis Weis, Inclytæ Reipubl. Bernensis Commissarii generalis conjux, Bernæ Helvetiorum circa octavam matutinam puellam feliciter peperit. Post partum sanguis quidem copiosè effluxit, secundina verò remansit in utero. Illam quum obstetrix manu non extraxisset, multa variaque medicamenta ad ipsam expellendam, eaque omnia calida, veluti decoctum sabinae, pulegii, rutæ, aristolochiæ, & similibus, adstantes matronæ exhibuerunt: sed frustra omnia. Remansit enim secundina utero, ad decimum octavum ejus mensis diem: dum circa horam decimanam noctis natura illam sponte, sed putridam fœtidamque expelleret. Ego unà cum clarissimo Viro Domino Paulo Lentulo, ejus Reipub. Doct. Medico celeberrimo, piæ memoriæ accersitus, ipsam febri continua & ardenti laborantem invenimus, lipothymia, angustia pectoris, vigiliæ & inquietudines tales aderant, ut ab eo tempore, quo doloribus partus correpta fuerat, somnum capere minime potuerit. Cæterum etsi secundina, si adstantibus credendum est, integra elapsa esset, nihilominus tamen materia, veluti sanguis corruptus & putridus, sed ita fœtidus ut suo fœtore totum conclave adimpleret, per pudenda extillavit continuò: quæ porrò in materia & fœtor, internam aliquam putredinem arguebant. Aderat præterea & fluxus alvi, proculdubio propter imbecillitatem reentricis facultatis. Nos eâ, quâ fieri potuit diligentia, symptomata ita debellavimus, ut omnia ferè salva viderentur, sed fefellit nos opinio, quartà enim Martii, qui fuit decimus septimus morbi, cum præcedens nox utcunque quæta fuisset, & circa septimam matutinam, jusculum sumisset & haustum vini bibisset, per horam quinetiam ferè integram mecum de morbo suo, infantulis & rebus domesticis confabulata fuisset, ancillas, ut lectum sternerent, advocandas jussit. Quæ cum è lecto illam elevarent, & in sedem collocarent, in lipothymiam incidit, & protinus imò & in eo ipso momento, & antequam ego ex proximo cubiculo accurrerem, vitam cum morte commutavit. Utinam igitur obstetrices omnes illam haberent industriam, ut secundinam (quod tamen facile & absque periculo fieri posse, sæpissimè me edocuit experientia) manu, antequam ostium uteri claudatur, extrahere possent.

Sapissimè enim parturiens in excludendo fœtu vires adeò consumit, ut postea secundinam expellere non possit: præsertim in abortu. Abortiones enim, inquit Hippocrates, majorem molestiam quàm partiones asserre solent. Neque enim circa violentiam abortio contingit, sive ex medicamento, sive potione vel cibo, vel subtilis medicamentis, vel ex re alia quapiam contingat. Ut enim (quemadmodum Dn. *Helior Schlanovius* Wormaticensis D. Medicus, amicus meus singularis, libro de vasis umbilicalibus, & alii scribunt) poma matura de arboribus spontè sua decidunt, cruda verò & immatura, nonnisi magno labore, aut ventorum impetu à suis pediculis avelluntur, ita cum secundinis accidit; quæ tempore partus maturo & legitimo, sponte sua facilè natura à vasis uteri quibus cum interventu cotyledonum per contiguitatem connectebantur, divelluntur. In abortu verò & partu prematuro, nonnisi magno molimine distrumpuntur.

Duobus autem modis secundina, post partum retenta educitur: manu scilicet, & medicamentis: sed videmus nunc, quænam sit tutior via. Quantum ad medicamenta illa, nisi beneficio naturæ de potentia in actum redacta fuerint, operari non possunt. Deficiente enim natura, frustra laborat Medicus: frustra exhibet medicamenta. Sed & antequam natura præcedentibus doloribus prostrata, novum robur acquirere possit, requiritur tempus. Interim ostium uteri contrahitur & clauditur, putrescitque secundina, & putredine sua adjacentes partes inficit, corrumpit, viresque magis magisque prostermit, uti ex præallegata historia videre licet. Deinde, quia medicamenta, quæ fœtum mortuum & secundinam expellunt, plerumque (præter pauca, quæ id proprietate quadam occulta & specifica perficere posse, à Domino D. Schlanovio & aliis proponuntur) calida, imò calidissima, partes internas supra modum excalefaciunt: hinc febris, inquietudines, vigiliæ, aliaque symptomata accrescunt, atque ut plurimum mors ipsa sequitur, præstat itaque illam manu extrahere: Idque statim post partum, & antequam ostium uteri claudatur, faciendum est.

In illa autem operatione, ut circumspicere & prudenter procedat cheirurgus, aut obstetrix, ne loco secundinæ uterum accipiant, extrahantque necesse est. Id enim ante paucos annos in Belgio evenisse Dn. D. Henricus Stapedius, Medicus longè celeberrimus, & amicus meus plurimum honorandus, superiori anno Coloniæ Agrippinæ mihi retulit, obstetrix enim cum post partum secundinam extrahere vellet, & ipsius loco uterum arripuisset, extraxissetque, tandem quoque abscidisset, eadem die perperam naturæ satisfecisse, mihi aliquoties affirmavit. Quapropter magistratum, cui salus subditorum à Deo commissa est, moneo atque adhortor, ut neque Cheirurgis, neque obstetricibus hujusmodi operationes, tam magni momenti, exercentes concedat, nisi à Medicis eruditis, sed imprimis in hac operatione exercitatis, prius edocti, examinatique fuerint.

Ad quætionem illam, quam ex secunda historia tua proponis, jam paucis respondeo. Nimirum peritonæum in primo partu procul dubio aliquo modo læsum fuisse; non tamen usque adeò ut bubonocèle inde sequeretur. Quum autem toties utero gestaret, & pars illa peritonæi, in primo partu malè affecta, continuò ferè propter impregnationes frequentes afficeretur, paulatim adeò debilitatum fuisse, ut affluentes humores facilè recipere, verosimile esse mihi videtur. Illi autem, quia (uti antea quoque demonstra-

tum fuit) ratione subjecti, pituitosi, visceri & lenti essent, peritonæum tandem adeò laxum & lubricum reddiderunt, ut cum ab utero gravido premeretur, facillimè cederet, & in sacculum illum relaxaretur. Atque hæc sunt, clarissimè atque doctissime mi Dn. D. *Doringi*, quæ ad quæsitæ Tuæ, ex duabus istis historiis admirandis atque raris, pro tenuitate ingenii mei respondere potui, Tu ut omnia amice, de quo tamen minime dubito, interpretari velis, plurimum rogo. Porro ut pari referam, observationes nonnullas singulares, de extractione fœtus mortui, T. Exc. communicare visum est. Inprimis autem quàm feliciter uxori meæ charissimæ inventio mea, extrahendi fœtum mortuum succedat, trium matronarum exemplis, quas intra annum, per singularem Dei misericordiam atque clementiam, ex evidentissimo mortis naufragio, ad vitam revocavit, recensébo.

Maria, Jacobi Clerici civis Lausannensis, uxor, matrona tenella, constitutione corporis sicca, cum novies utero gestaret, & ad legitimum pariendi tempus usque pervenisset, fœtum tamen excludere non posset, uxor mea advocata fuit. Illa quum fœtum mortuum esse, certis indiciis cognovisset, manum, ut situm fœtus exploraret, adhibuit. Situs autem planè præternaturalis erat. Venter enim simul & vasa umbilicalia, (quæ veluti in globum obvoluta contortaue erant) sese ante ostium uteri offerebant, pedes, brachia, & caput retrorsum ita reflectebantur, ut ferè conjungerentur. Dolores & conatus ad parturiendum aderant maximi; vires tamen adhuc constabant. Injunctis genitalibus, ventre, atque coxis oleo liliorum alborum, & amygdalarum dulcium, pinguedine gallinæ & anseris, manu quoque eodem unguento inuncta, atque in uterum immissa, fœtum paulatim itaolvebat, ut caput sensim ad ostium uteri adduceret: quo facto ipsum feliciter extraxerit, sed mortuum. Mater brevi convaleuit, & huc usque optima sanitate fruitur.

Anna, Petri Belleti civis Lausannensis uxor, corpore utcunque valida, cum teritiò concepisset, doloribus partus correpta fuit 26. Novemb. Anno 1612. Aqua quæ fœtum comitari solet, statim effluxit, & dolores quàm maximi & continui supervenerunt: obstetrices accersentur plurimæ; sed frustra. Tandem per dies novem doloribus istis gravissimis debilitata, & cum uxor mea in ipsius subsidium vocata fuisset, miseram illam veluti in mortis agone reperit. Propter ingentes enim, longosque dolores, vires ita erant prostrate, ut pulsus vix perferri posset. Inquietudines aderant maximæ, vigiliæ, sitis inexhausta; lipothymia item frequentes, propter fœtum semiputridum supervenerunt. Implorato itaque prius Numine Divino, & de præseuti periculo facto prognostico, operationem sequenti Methodo aggressa est. Primò alvum, quæ constipata fuerat, enemate communi subduxit. Mox potiusculam ex confectioe Alkermes, aquâ cinamomi, buglossæ & boraginis dissoluta, exhibuit. Et quia genitalia veluti arida & refrigerata, (aqua enim, quæ fœtum comitari, & ostium uteri lubricum reddere consuevit, ab initio effluerat) sacculum ex radicibus, herbis, floribus, & seminibus emollientibus, & dolorem lenientibus, calidè applicuit: ventremque, coxas, os sacrum, & ostium uteri linimento, in præcedenti operatione præscripto inunxit. Tandem inuncta manu, eaque clementer in uterum immissa, situm fœtus exploravit. Is autem præcedenti ferè contrarius erat, Lumbi enim ante ostium uteri sese offerebant. Caput & pedes, sursum versus diaphragma reflectebantur.

Brachia

Brachia verò deorsum: & ita quidem, ut è regione ossis sacri conjungerentur, & extra collum matricis propenderent. Obstetrices enim aded protraxerant manus, ut brachia mirum in modum prolongata essent. Vasa umbilicalia crura bis obvolvebant. Operatio quidem difficillima & laboriosa fuit: nihilominus tamen feliciter successit: & brevi absoluta fuit. Et quamvis fœtus, ut antea dixi, semiputridus esset, & procul dubio putredine sua, ram uterum, quàm partes nobiles mirum in modum læserat, puerpera tamen per Dei misericordiam brevi convaluit, & ad hanc usque diem 3. Mens. Decemb. anni 1613. quo hæc scripsi, apud nos vivit, & quidem feliciter.

Cæterum præstantiam lapidis Bezoardici, in hac ægra evidentissimè observavimus. Secunda enim die post partum quum propter putredinem præcedentem, & errorem in victus ratione commissum, febris aliaque symptomata adaugerentur, & lipothymia iterum supervenirent, ad grana octo lapidis subtilissime pulverisati, parumque confectiois alkermes, ex aqua cinamomi, sine vino destillata, exhibuit. Post paucas horas à sumpto medicamento sudor copiosè erupit: atque eadem die insignis mutatio morbi sequuta est. Subsequentibus diebus eandem potiunculam, non minori cum fructu exhibuit. Ego quid in memetipso de præstantia lapidis bezoardici observaverim, hic prætereundum non dico. Ante annos enim duos, cum autumnii tempore quartanâ continuâ, eâque periculosâ laborarem, & quadam die (prius tamen aliquoties rhabbaro, sena, agarico, polypodio, & similibus expurgato corpore) ad grana 8. lapidis bezoardici, confectioe Alkermes, & aqua cinamomi destillata sine vino, mixti, sumpsissem, eadem die, etsi non curata fuerit febris, ita tamen ejus symptomata mutata fuere, ut ex continua facta sit intermittens, deinceps de quarto in quartum diem tantummodò me infestaret. Deinde iterum melanagogis expurgato corpore, & aliquoties iterata potione ex lapide bezoardico, paulatim restitutus fui. Addo autem confectioem Alkermes, & aquam cinamomi, non solum quod cor, partesque nobiles roborant, verum etiam ut sint veluti vehiculum lapidis, qui alioquin tardè operatur.

Hoc anno 9. Januatii, similis casus hic Laufannæ accidit: quem paucis tibi recensebo. Anna Bergeri M. Johan. Quebay uxor, matrona pia atque honesta, ætat. suæ 30. circiter annorum corpore renella, cum 3. utero gestaret, 6. mense imprægnationis, sanguis ex collo matricis ipsi profluere cœpit, & quidem continuè. Quum autem nullum adhiberet remedium, paulatim copiosior profiliit sanguis, nihilominus tamen (quæ res admiratione non vacat) fœtum ad constitutum terminum usque gestavit. Tum parturientium doloribus & quidem maximis, simul & vomitu correpta fuit. Sanguis quoque tam copiosè perfluebat, ut post partum in pavimento cubiculi ipsum catillo colligere necesse esset. Hinc vires aded prostratæ fuerunt, ut adstantes omnes & ipsa obstetrix, de recuperanda valetudine desponderent animum. Suasum itaque & consilio Reverendi ac doctissimi Viri Dn. Johannis Guibaudi civis & Ecclesiæ Laufannensis verbi divini ministri fidelissimi, ejusdem parturientis cognati, periculum præsens animadvertentis, uxor mea advocata, ipsam veluti in agone mortis invenit. Sudor enim frigidus totius corporis aderat, extremitates frigida erant: mens ita commota atque perturbata, ut ferè ratione atque intelligentiâ privaretur. Porro etiamsi mors in propinquo esse videbatur, attamen quia nostrates legem illam Regiam, quâ cautum erat, prægnantem mortuam, nisi prius

excisus esset fœtus, sepelire, ut plurimum observant, petierunt parentes, & ipse maritus, ut an fœtum, (qui alioquin post obitum excidendus erat) dum viveret, extrahere posset, tentaret. Adhibita itaque manu feliciter illum nullo adhibito instrumento, sed sola manu eduxit: mortuum tamen. Curatio quoque aded ad votum successit, ut puerpera maxima cum admiratione omnium brevi convaluerit, & ad hunc usque diem 4. Decemb. 1613. quo hæc scripsi optimè sese habeat. Situs omninò præternaturalis erat, & hepar uterinum (quod notandum) ab ipso utero separatum, ad ipsumque ostium uteri usque propendens, repertum fuit: hinc hæmorrhagiam illam insignem, in ipsis parturientium doloribus ortam, provenisse, certum est.

Cæterum antequam ulterius progrediar, quorundam diffamatorum atque insidiosorum hominum impudentia, simul atque inscitia notanda est. Illi enim, si Medicus aut Chæirurgus abdomen prægnantis mortuæ inciderit fœtumque extraxerit, rem crudedem simul & inhumanam esse exclamant, quod dicere profecto insulsum, parumque modestum est, quasi verò Medicus fidelis, crudelis censeretur debeat. Hoc sanè genus hominum, si finem Medici rectè perpendere, nihil crudelitatis, nihilque inhumanitatis, in hac operatione invenirent, quin potius illam non solum necessariam & licitam, sed ab ipsis quoque Ethnicis, ut postea dicam, approbatam & sancitam esse, Christianamque insuper charitatem eam à nobis requirere intelligerent, perciperentque.

Duo autem in hac operatione quærit Medicus aut Chæirurgus. Primò ut situm fœtus in utero exactè annotare possit. Id enim quàm Medicis simul & Chæirurgis, in extractione fœtus mortui sit necessarium, omnibus qui hanc operationem aliquando administrant satis superque cognitum est. Er quia varii, imò infiniti penè (ego, qui hanc operationem toties administravi, expertus loquor) reperiuntur situs fœtum mortuorum, non potest aliquis in perfectum operatorium evadere, nisi extincta matre abdomen inciderit, situmque fœtus diligentissimè observaverit. Nec video quomodo Medicus aut Chæirurgus, ineptissimas plerumque istas obstetrices, (quas ut plurimum Magistratus nullo prægresso examine ad provinciam hancce, tam magni momenti, & humano generi tantopere necessariam administrandam, admittit) instruere possint, nisi prius ipsimet negotium intelligant. Secundò inciditur abdomen prægnantis mortuæ, ut infans conservari possit. Sæpissimè enim prægnans propter causam aliquam aut morbum, veluti hæmorrhagiam, lipothymiam, apoplexiam, aliosque morbos acutos, vitâ subito privatur, infans verò etiamsi ita debilis sit, ut interim dum prægnans in agone versatur, in utero sese movere nequeat, potest tamen ad tempus vivere. Hæc perpendens antiquitas, ne fœtus, extincta matre & ipse suffocaretur, simulque periret, prudenter & optimè constituit, ut extincta matre per apertionem abdominis extraheretur.

Hujus porro legis hæc sunt verba, loco prius adducto obvia: *Negat lex Regia mulierem, quæ prægnans mortua sit humari, antequam partus ei excidatur.* Legem autem hanc non solum per excellentiam Regiam appellant Jurisconsulti, verum etiam, quia à Numa Pompilio secundo Romanorum Rege, sancitam fuisse creditur. Quæ si à Christianis ubivis observaretur, multi procul dubio infantuli, qui nunc, extincta matre, miserè in utero suffocantur, conservarentur: multique parentes quietiorem conscientiam conserva-

rent. Non enim immeritò author ejus legis addit. *Qui contraxerit, spem animantis cum gravida peremisse videtur.* Non video itaque quomodo quis operationem hanc crudelem atque inhumanam dicere auit. Multoties enim infantulos, mortua matre, vivos excisos fuisse, exempla apud authores inveniuntur multa. Sed quod summopere admirandum, refert Valerius l.c. ult. *Gorgiam* quendam Epirotam in funere matris suæ, utero elapsam, & inopinato vagitu suo, lectum ferentes, conuultu coëgisse, & ita matrem fato functam peperisse, *Gorgiamque* ante elatum, quam natum fuisse.

Anno 1567. die 14. Junii inter Daventriam & Sutphaniam ab Hispanis, maritus cum uxore gravida suspenduntur. Uxor quum pependisset per horas 4. gemellos vivos jam mortua peperit. Historiam hanc describunt Paulus Eberus, in calendario historico, Diomedes Cornarius Irenissimi Principis Maximilianii Archiducis Austriae, &c. Medicus celeberrimus, Historiarum admirandarum Histor. 14. Gregorius Horstius, *Illustissimi & Celsissimi Principis ac Domini Dn. Ludovici Hassia* Medicus, multis nominibus clarissimus in Marcelli Donati lib. 7.

Idem Diomedes Cornarius, historiarum admir. hist. 15. & Gregorius Horstius loco præallegato, sequentem quoque habent historiam. In Hispania Maducii, quædam matrona ex familia Dn. Francisci Laslo oriunda, postquam per triduum in mortis agone decubisset, existimantibus cognatis eam mortuam esse, deportata est in locum sepulturæ destinatum, quem Græci *νεκρώσιον* appellant, ubi pro more sola relicta fuit occlusa. Post aliquot menses aperto loco, repertum est hoc cadaver in eodem loco, in quem repositum fuerat, habens in dextro brachio infantem mortuum. Hinc apparet ipsam tum temporis quando sepulta fuit: nondum obiisse, sed postmodum peperisse infantem, qui unà cum matre miserrimè clam sub terra obiit. Hanc historiam (addit Cornarius) ex fide dignorum & authenticorum vitorum relationibus certissimis percepi, quorum nomina postulante necessitate subungere facile possem.

Similem ferè casum Coloniae Agrippinae accidisse, Dn. D. Henricus Stapedius, Medicus Coloniensis longè celeberrimus, amicus meus singularis, superiore ætate, cum Coloniae essem, mihi retulit. Matrona enim gravida ex morbo acuto mortua & loculo imposita, cum sequenti die inhumanda esset, & loculus ab obstetrice, (ut si forsan aliquid cruoris effluxisset, illum spongia exciperet) inspiceretur, foetus inter foemora extra matricem repertus fuit, sed mortuus.

Ex his porrò historiis videre est, foetum non semper in eo ipso temporis articulo, quo anima ex matre emigrat, mortem obire, sed nonnunquam ad tempus in ipso utero materno supervivere posse. Ideoque minimè audiendi sunt illi, qui foetum extincta matre, è vestigio quoque animam efflare autumant, ac propterea sectionem inutilem, frustraneam, & quod majus, crudelem esse, clament, Medicosque simul ac Cheiturgos, qui aliquando sectionem illam administrant, deridere atque contemnere non erubescunt &c.

Haecenus Viri Clariss. Doringius, & Fabricius Hildanus. Sequantur.

Consultationes

De partu legitimò, ejusque terminò &c.

De partu qui ducentesimo secundò nuptiarum die

in lucem editus est, cum is integrè conformatus, ac bene vividus existeret, dubitatum, quæsitumque est. Num fortè ante nuptias conceptus esset, & nonum jam mensem complevisset? Deinde, an hoc dierum numerò natus, septimestris, ac bonæ ætatis habendus sit?

Ad prius sic responsum. Recens editi partus ætatem nullis indiciis certò definiri posse, & immaturos foetus aliàs videri integrè conformatos atque perfectos, aliàs sine pilis, unguibus, labris, aut palpebris, vel auriculis vix dum disjunctis, quemadmodum & abortum observavimus nonnumquam, die quadragesimò dimidii digiti magnitudine membris omnibus distinctum, interdum terciò mense rudem adhuc & malè digestam molem representare. Id autem efficit seminis varietas, & facultatis, quæ in eò est, conformantis robur, aut infirmitas.

Ad posterius itidem sic responsum. Partum editum die ducentesimo secundò septimestrem censendum. Etenim Hippocrati, vetustioribusque græcis, tum Philosophis, tum Medicis, qui in hanc contemplationem accuratius incubuerunt, incompti erant Romanorum menses hisque, quemadmodum & Hebræis, lunæ cursu demensi sunt; constatque mensis diebus viginti novem cum semisse, quod tempus ferè à quovis lunæ congressu ad proximum intercedit. Hac anni supputandi ratione, (quæ in foetus gestatione, in morborum decretoriis diebus, in omni denique Medicorum observatione in primis & ad unguem tenenda) partus hic, de quo queritur, prodiit in lucem die vigesimo quintò completo septimi mensis. Neque tamen (ut vere septimestris censeatur) necesse est septimum mensem prorsus implevisse: satisque fuerit, ad hunc terminum, aut ultrà, aut infra dies septem accedere. Ita enim siderum nos gubernantium vires non in momento consistere, sed his limitibus contineri atque vigere, Ptolomæus, alique Astrologi celeberrimi literis prodiderunt Septimestrem quoque partum bene vitalem esse, præterquam quòd Hippocratis & omnium Medicorum autoritate celebratum est, atque receptum; nos etiam longâ experientiâ notavimus. Cujus rei ab Astrologis petenda ratio, qui primum conceptus mensem in Saturni dominiò, septimum in lunæ potestate collocant, quæ viventibus omnibus vitam atque vires impertit. *Joannes Fernelius in Consiliis Medicis.*

De Partus Vitalis tempore.

Si quid obscurum in re medica solis conjecturis nititur, hoc potissimum est tempus vitalis partus; qui non solum novimestris est, sed & octimestris, licet rarissimè, frequentius verò septimestris; ex Hipp. Lib. de Septimestri Partu; Arist. 3. de Hist. Animalium 4 Gal. Pliniò, aliis Autoribus. Quinimo censeat Horatius Augenus etiam 6. mense edi foetum vitalem, Opusculo, quòd homini certum non sit pariendi tempus: atque prostant historiae eorum, qui quinto mense nati superstites fuerunt; in quibus recensetur à Montuo Pincernæ cujusdam Galliarum Regis Henrici, nati quinto mense; qui illius ævo ætatis fuit consistentis; à Cardano item Tract. 3. Lib. 1. Contradiet. 8. Comitibus de Trivultis quæ sub id tempus juvenula apud Comitum S. Secundi degebat, quinto mense editæ. Ut propterea foetu nato quinto mense, 27. Januarii proxime elapso pro comperto nihil statui possit; cum non constet ex historia de tempore conceptionis, sed de partu tantum qui perfecti sane foetus fuit; quia magnus, & vitalis, cum vagiret alta voce atque, lac ex mammis exluceret

sugeret. Totus itaque rei cardo in eo vertitur, utrum partus hic sit novimestris, vel potuerit esse quinquimestris, vel immaturioris ætatis. Qui de re licet certi quicquam pronunciare non ausim; dixerim tamen, quod si fuerit quinquimestris omnibus nihilominus partus vitalis dotibus, ut ita dicam, potuit esse instructus; non secus quàm septimestris partus, qui omnium Autorum consensu vitalis est, & perfectus. Cùm autem menses sint vel solares; vel lunares, & peragrations, solares 30. dierum, lunares 29. & peragrations 21. atque menses medici plurimum sint peragrations, vel saltem lunares, obstetricum etiam testimonio, quòd scil. cùm partus attingit novem lunas, si fœtus hic conceptus est 25. præteriti Augusti, partus 7. lunas absolverit, scil. comprehensa Julii Luna; cujus terminus fuit 26. Augusti, ad 24. usque Januarii: atque ita septem lunas impleverit; & potuerit esse vitalis. Causam verò immaturi adedò vitalis partus, duplicem Hippocr. assignat Lib. de Alim. primò quidem robur infantis bene nutriti, qui propterea si utero angustiori coercetur; calcitrat, & expultrice irritata, ex eo elucatur; alia verò est alimentum inopia. Ut ex his statuendum censeam potuisse esse vitalem, licet conceptum 25. Augusti, & editum 27. Januarii. *Benedictus Silvaticus Consilior. & Responson. Medic. Cent. iv.*

Qui plura hòc in argumentò, scilicet super partus variò terminò voluerit; consulat Responsa sanè permulta, è pluribus Medicis, ac etiam Academiis à Baldass. Timæò in Respon. suarum Medicarum pag. quæ mihi 1107. ac sequentibus bene multis, super casu fœminæ die 17. matrimonii parientis, allata; item quæ habet Paulus Zacchias in Quæstionibus suis Medicò Legalibus.

De Fœtû incolumi, dubiâ Matris morte.

Ex enarratis constat Nobilem Matronam septimestri partu, appetente epilepsia extinctam fuisse sexto Januarii anni vertentis; ex cujus ventre 24. post horis regitus, & murmur quoddam ab adstantibus cadaveri excubantibus exaudita fuerunt; eodem paulo post attollente se, & subidente, cum sonitu quodam, & vagitu veluti nascentis infantis; quem exaudientes iterum biduo post adstantes, hora octava matutina; atque humorem quendam è lecto in terram extillantem conspiciari, detecto mulieris corpore sub horam undecimam matutinam infans in conspectum venit, inter matris femora prolapsus, mortuus, tepens adhuc, flexilis, cum roseis labellis; qui tamen mox refrixit, & obriguit.

In qua historia duo potissimum quærentur; primò quidem, utrum hic infans edi potuerit tot horis ab obitu matris, si tamen tunc extincta jam fuerit. Aliud est, utrum infans secundum naturæ leges editus superstes esse potuerit; atque extinctus sit suffocatus à maternò sanguine. Graves sane difficultates. Quibus elucidandis, meam libere proferam sententiam, maturiori iudicio committendam. Primò itaque quod infans à matris obitu in lucem erumpere potuerit, novum certè, & insolens videtur. Cùm enim ad partum, matris, & fœtus conspiret robur, ex Gal. Comm. in 5. Aph. 55. atque tunc dehiscat uteri os, transmittendo integro fœtui quod prægnationis tempore connebat adeo, ut ne quidem specilli mucronem admitteret, Gal. testimonio 16. de Usu Part. Cap. 7. ubi quo pacto id fiat mirari nos quidem posse fatetur, intelligere verò non posse, quæ ratione fœtus matris mortuæ utero conclusus, viribus omnino collapsis, sibi ipsi adedò facilè, absque ulla obstetricis ope egressum moliri potuit. Quamquam enim fœtus jam maturus uberiori alimento,

& spiritu egens, imminente partu in utero calcitraret, membranasque ipsum involventes disrumpat; cuius indicium fuit elevatio illa ventris in Nobilissima Matrona conspicua: atque constet sub id tempus naturam transmittere ad internum os uteri copiam muscosæ matetiæ, qua madens absque disrptionis periculo erumpenti lætui cedat; quod tunc contingere potuisse mihi persuado, cum Nobilis Matrona ante validum insultum epilepticum infantis motum quendam percepisse sibi visa est; præter hæc tamen accedere debuit aliqua ipsius matris opera, excludendo fœtui facultatis uteri ope; luculentissimo ipsius Gal. testimonio 3. de Natural. Facult. 12. Cùm autem instante partu vel laxata pubis ossa sejungantur, vel Ilium à Sacro diveillantur: ut censent Arabes, & Latinorum plerique vel saltem, os coccygis retrosum cedat, quæ vulgaris est opinio, quò uteri cervici amplior pateat locus; horum nihil contingere potuit in cadavere. Ut propterea in eam concedere cogar sententiam, infantem ex corpore extinctæ matris sibi egressum moliri non potuisse nullis potissimum ante matris obitum conspicuis partus indiciis. Minus autem verò consentaneum censeo, hoc evenisse triginta septem post horis à matris interitu, (quod temporis intervallum intercidit à matris obitu ulque ad tempus partus) tamdiu siquidem infans in cadavere conclusus superstes esse non potuisset. Cùm enim fœtus in utero matris per transpirationem, & aërem à matre inspiratum vitam ducat, omnium rectè philosophantium consensu, illa sublata per matris mortem, eum perire necesse fuit quòd vita transpiratione carete non possit, quæ sine respirationis usu superstes aliquandiu esse potest, frequenti exemplo, hysteriarum præfocationum. Quæ causa est partus Cæsarei, cum extinctis prægnantibus illico secatur uterus, quò fœtus ab interitu vindicetur; exemplo Scipionis Africani, & Julii Cæsaris, atque aliorum quamplurimum à Plinio, aliisque autoribus memoratorum, qui hac arte in lucem eruperunt. Statuendum itaque infantem nondum mortuâ editum fuisse. Quam quidem censeo epilepsiâ, vel apoplexiâ repente correptam, vel uterina potius præfocatione; cùm potissimum rarò admodum epilepsia mortem inferat; imò nec apoplexia, etiam fortissima. Quâ de causâ cùm motus, & sensus expers prorsus fuerit, sublata respiratione, & sola transpiratione superstite ad vitæ usum, aliquo saltem temporis spatio existimatum fuit ab adstantibus, eam extinctam esse horâ nonâ vespertinâ. Falsò tamen, hoc potissimum indicio, quòd postridie stillavit ex ipsius ore veluti saliva, agitata scil. materia aquosa ab aëre intercluso, ob læsam respirationem, calente eadem die ejus corpore, ventre potissimum, dorso, & renibus, quamquam hoc solum vitæ signum non sufficiat, cùm à fœtus utero conclusi calore proxima membra foveante partes hæ incallescere potuerint. Cùm autem appetente partu omnibus viribus natura conuiteretur fœtum excludere, dissipatis spiritibus extincta est. Utrum verò naturæ legibus editus infans superstes esse debuerit, atque à stragulis suffocatus fuerit; vel à sanguine ex utero emanante; statuendum censeo, omninò quidem vivere potuisse; primò, quia perfectus erat, & maturus; tum ratione temporis, cùm septimestres fœtus sint fere semper vitales; tum etiam ratione disrptionis membranarum, quæ nonnisi partu maturo contingit; tum & quia vegetus adedò fuit, ut accedente levissima matris ope, egressum ex utero sibi moliri potuerit; & quidem facili partu, qui urriusque vires exigit, ex Gal. Quod si superstes fuit fœtus ille partu cæsareo exclusus à Carolo Stephano de Dissectione Partium Corporis Lib. 3. Cap. 1. memoratus; qui tamen præ imbecillitate ex labore partus

nullum præbuit vitæ indicium, præter solam pulsationem arteriæ umbilicalis, motus alioquin expers; nulla respiratione, aut carotidum arteriarum pulsû conspicuis; potiori longè ratione hæc infans superites esse debuit, qui moveri in utero, & extra eum vagire observans est. Quem tamen alimentî penuriâ potius perisse gratis apud me est suspicio, quam suffocatum. Cum enim tunc editus sit, cum primùm vagitus ille exauditus est, die scilicet septima, (*fortè melius secundâ*) cum multas horas, & fortè integrum diem alimento caruisse necesse est; ut spirituum parte aliqua dissipata, eruptione illa ex moribundæ utero; nec ejusdem calore aliquo temporis spatio satis refrigerato in corpore hystericiæ matris, ac proinde languente facili negotio perire potuerit; non ipsi potissimum statim suppetente accommodato alimento. Accedit, quod suffocato facies fortè livere deprehensa fuisset, ut suffocatis contingit, qui tumere, & rubere, ac tandem livescere observantur. Ex historia insuper constat, infantem inter femora mortuæ delituisse, quorum crassities ipsum facile à tegumentorum compressione præstare potuit incolumen neque de aliquo sanguinis profusio, livore, aut intumescencia, aliisve ignis suffocationis, quicquam memoretur. De qua tamen re nil certi pronunciare ausim sola contentus sagaci conjectura. *Benedicti Silvatici Consil. & Resp. Medic. Cent. iv.*

Pro Illustrissimâ, ac Nobilissimâ Matronâ in eam partus difficultatem incidente, sub quâ longiori tempore, quàm deceret, cum maximis doloribus, atque cruciatibus fœtus expellitur.

Quamquam difficilis partus sit expulsio fœtus maturi cum difficultate, nihilominus affectus est etiam, qui unam, & eandem rationem habet, quoniam sub eo (ubi jam advenit pariendi tempus opportunum) fœtus tum ex parte modi, tum ex parte temporis non editur, prout deceret; ex parte modi, quoniam inter parturiendum cruciatus, ac dolores insoliti accedunt, ex parte verò temporis, quia tamen tempus accesserit ipsius partus constitutum, fœtus tamen non expellitur, aut si sic, longiori tempore quàm conveniret. Cum itaque illustrissima & nobilissima, Matrona triginta annos nata temperamenti sanguinei cum subdominio pituitæ plures liberos conceperit, atque cum difficultate peperit, certum est ex relatis, ipsam in eam partus difficultatem incidisse, sub qua tempore longiori, quàm sit conveniens, & cum doloribus, atque cruciatibus inconvictis partus fieri solet.

Laborandum igitur mihi est circa causarum investigationem; Cum ergo vitium quod communiter partus difficultas dicitur, nil aliud sit, nisi expulsio fœtus maturi difficilis, pendens ab expultrice uteri frustrata, satius, quinimodò necessarium erit vitium hoc definire per motum, qui expulsio vocatur, in motu autem hujusmodi, ex Aristotele septimo Physicorum considerantur movens expellens, mobile expulsum, atque spatium, seu via per quam expellitur; Movens interim expellens, ut unicuique satis constat, facultas est expultrix uteri, quod expellitur fœtus, spatium autem os, atque collum ejusdem uteri existit: quare causæ difficilis partus necessariò ex altero horum trium pendendæ.

Profectò quantum attinet ad ipsam facultatem, certum est hanc nulla alia ratione concurrere, nisi qua instrumento accommodato, spiritu inquam, & calore innaro necessariis ex Galeno quinto Aphorismo, 53. destituitur, nam fœmina ex eodem Galeno, loco citato Aphorismo, 55. in partu valde robusta esse debet, ut propterea non sit mirum, si spiritibus deficientibus, aut etiam aliò evocatis ob metum & pusillanimitatem, mulier languida, & proinde pariat difficulter.

Ex parte verò mobilis, fœtus inquam, quinque aut etiam sex existunt, quæ partum difficilem reddunt, nutnerus inquam, magnitudo, robur, figura, & sexus infantis, quibus & crassities, densitasque membranarum est addenda, propter quæ partum difficilem reddi posse ita unicuique perspectum esse confido, ut nullo pacto in hujus rei comprobatione sit immorandum: Atqui viæ etiam, ut dictum fuit, partum difficilem reddunt quatenus nimis, quàm deceat, sunt angustæ; possunt autem esse tales vel ex propria natura, qua sic à primo semine genitæ fuerunt, vel ex accidenti ob constipationem, coalescentiam, subsidentiam, & compressionem, ob ossa pubis firmiora secundum compagem, & ita compressa ut intrò sint veluti gibba, ac proximè ad sacrum os accedant verum & ad vias partus, si cum difficultate fiat siccitas eorundem, atque pariet ulcus ex Avicenna referantur.

Quibus ita se habentibus duas (quantum ego colligere potui) ex his causis in casu nostro locum habere existimo, quarum alteram ex parte moventis, alteram ex parte spatii desumo. Prior ex eo dependet, quòd ob metum, & pusillanimitatem conceptam, occasione primi partus difficilis, spiritus, (ut de se patet) in aliam partem avocantur, ac proinde facultas uteri expellens illis destituta, languescit adeò, ut coacta sit in expellendo frustrari, quod sæpius evenire experientia quotidiana demonstrat.

Altera modò causa, quæ in spatium refertur, est quædam illius angustia pendens à siccitate partium, quas ad infantis exitum natura destinavit, nam ubi os, collumque uteri, ac pudendum ipsum tempore partus humiditate carent aquea, quæ ad tempus illud servari solet, ut partes alioqui propria conditione angustæ ab humiditate illa irrigatæ, & madefactæ relaxantur, faciliusque partus exitum admittant, sit ut eadem angustiores potius reddat, partum difficilem reddant, decimoquarto de usu partium quinto, solet autem calamitas hæc fœminis accidere, quia membranae, quibus involvitur infans nimis tenues, molles, multo ante tempus debitum ipsius partus disrumpuntur, quibus disruptis humiditas illa serosa, & quæ urinam infantis redolet, excernitur: Membranae verò illæ tales ex semine vitioso, tenui inquam, aquoso, & frigido fieri consueverunt, sed utrum semen vitiosum sit ex parte viri, vel mulieris, in præsentî meritò dubitari potest, quoniam tamen mulier est temperamenti subpituitosi & vir (ut audio) est cacochimi valdè habitus, idcirco in ea sum sententia, ut ex parte utriusque, ut magis ex parte viri, semen culpatum existat.

Ut igitur nobilissima hæc fœmina ab hujusmodi miseria, si in eam rursus inciderit, vindicaretur, & ab ea etiam imminente præservetur, agendum est ut suasionibus animetur, & constantior animo inter parturiendum fiat, partesque nimis exiccatae humectentur, relaxenturque, ac facultas expultrix segnis reddita promoveatur, ac irritetur; & quoniam malum hoc accedit ob languorem, imbecillitatemque membranarum ipsius fœtus, studendum est ne de novo membranae imbecilles, sed firmæ, ac densæ generentur, cum antem languidæ, molles, tenuesque ex semine vitioso gignantur, in id potissimum incumbendum, ut seminis vitium corrigatur.

Quæ an consequi possit Medicus, non ita certum existimo, illud tamen scio, vitium propositum haud carere periculo, sæpiusque sub eo fœminas, ac infantes periclitari, in aliudque vitium incurrere, & eo magis, ubi illud contraxerit habitum ac à primis seminariis ortum duxerit, quod in casu nostro suspicandum; ut propterea non sit mirum, si Avicenna nullam ferè fœminam in partu ad quatuor dies laborantem edere

edere fœtum superstitem affirmat; ac alii semper aliquid mali vel matri, vel infanti contingere dixerint, si mulier difficulter patiens fuerit putillaninis, secundum vires rectrices debilis extiterit, praveque respiraverit, sed ut dictum fuit, ruinæ quoque, quas proposuit Galenus 1. ac 3. Epid. Magnus Avenzoar, necnon Albertus Magnus graviores imminet, & quoniam malum hoc originem habet à partium genitalium angustia, periculum sine dubio magis ex parte fœtus, quam parientis impendet; Utcumque tamen danda est opera, quantum fieri potest, ut hæc omnia avertantur, quod aliqua ex parte nobilissima Matrona assequetur, ubi cum obsequentia, animi constantiam conjunxerit, quod spero futurum, speque hujusmodi concepta ad materias remediorum me confero.

Et primum de chirurgica statuo ex Hippoc. primo de morbis, mulieribus venam infernam esse secandam, quia patiens est juvenis; & sanguine repleta, quod remediū genus eo tempore est administrandum, quo fœmina nobilissima doloribus angitur; Partes item infernæ jugiter sunt fricandæ, & deligandæ, ac inter cætera curandum, ut doloribus incipientibus observet obstetrix, an os uteri sit apertum, nec ne, quia si sic, atque fœtus ad os uteri pateat, mulier, in subsellio locanda, ac ab obitetrice ea facienda dicendaque sunt quæ propria peritiâ cognoverit necessaria. At si partes uteri angustæ mancant, & sponte non dilatantur, obstetrix manibus inunctis oleo amygdalino dulci, seu liliacco eas aperire, ac sensim dilatare tentabit. Cæterum ad præservationem, ut corpus ab humiditatibus excrementitiis immune servetur, & vitiosi seminis generatio cohibeatur, cauteria in femoribus inusta mihi magnopere placent.

Pharmaca alia sunt curatoria, alia præservatoria, curatoria vel facultatem sopitam excitant vel impedimenta remonent, communiter autem partum facilitantia, & dolores concitantia dicuntur: Quæ facultatem irritant, si intus assumantur, plura esse possunt, inter cætera verò hæc mihi probantur. Primum paratur ex pulvere boracis minetalis, corticum cassiæ fistularis, cinnamomi, & croci cum aqua Artemisiæ dato; Alterum ex theriaca Diatesseron, fructibus sabinae pulveratis, cum syrupo de Artemisia in bolum exceptis, quibus addo trociscos de mirra cum pulvere cinnamomi, & croci in lixivio dulci exhibitos, & si ab his medicamentis dolores non promoveantur laudo potum aquæ tepidæ cum melle crudo. Exterius in hunc finem convenit cataplasma ex Artemisia, & satuteia in vino Cretico coctis, ac imò ventri adhibitis, adjecta pulpa colocyntidis, linimentum quoque pro pectine, dorso, & locis interfœmineis videtur maxime conveniens, paratur autem ex succo colocyntidis, rutæ, felle thauri, ac oleo cheirino, pessus pariter ex lana molli efformatus, ac therebintina illitus adjecto pulvere Artemisiæ, rutæ silvestris, & Dauci, necnon opoponace, ac mirræ tolet esse plurimum efficax sicuti & suffitus ex resina pini, aut cortice pini. Huc etiam referenda sunt aliqua, quæ à proprietate indita operantur, inter quæ seligo corrigiam ex pelle cervi Illustrissimæ patienti cinctam, lapidem Aetitem à brachio ad femur tempore pariendi translatus, lapidem pyritem sinistra manu gestatum; sed & cinis quoque ungulæ asini, vel equi partibus infernis illitus ad idem valet, in quem usum assumitur, & pulvis castraturæ, scrophæ, vel testiculorum equi siccatorum ex aqua matricariæ.

Ad impedimentorum remotionem faciunt quæ angustia, ac siccitati viarum partus prospiciunt, quæ tum interna sunt, tum externa, atque omnia hæc tempore partus usurpanda; In genere internorum probo ego oleum amygdalinum dulce recens, cum decocto ciccerum rubeorum, vel fæcolorum, adjecto nonnihil

amygdalini amari, gratiâ deterfionis; ita valet fœtus padendi, ossis sacri, & ventris inferioris ex spongia madefacta in aqua ranarum, vel decocto malvarum, alteæ, meliloti, fœnugreci, sem. lini, foliorum lauri, lavendulæ, & calaminæ, à quò illinienda sunt partes oleo communi, vel amygdalino, aut liliaceo mixto cum pinguedine gallinæ, & mucilagine alteæ.

Postremò medicamenta occurrunt præservatoria ante, & post conceptum, quæ ante conceptum in id referuntur omnia, ut semen coctum, & crassum gignatur. Ideò habita totius providentia cum viro, & fœmina illustrissimis, per ea quæ succum pituitosum detrahunt, studendum ut calor vigoretur, & semen optimum, copiosumque gignatur: Pro calore vigorando præter utramque magnam Antidotum, themas calidas, jus columbi turialis cum ligno sassafras medicatum, laudo quoque ut in uterum injiciatur oleum de cherna, vel expressum nucis myristicæ in vino Cretico dissolutum, atque eadem abdomini lumbisque adhibeantur, quibus partibus in viro Illustrissimo necnon etiam testibus illa sunt admoveenda; sed & intestus ex iisdem thermis maxime conveniens, utriusque reputatur: Post hæc usum confectionis Diasatirionis, atque vini Cretici cum succo à pineis expresso non tantum assumptorum, verum & admotorum probo.

At medicamenta, quæ tempore conceptus per viginti quinque dies ante partum conveniunt, sunt, quorum usus intus, & extra est opportunus. Intus expertam habeo aquam florum sambuci ad uncias octo cum saccharo datam, sicuti oleum amygd. dulce ex jure assumptum conservamque florum malvæ; Extra convenit balneum, infusus, & fœtus ex aqua dulci decoctionis simplicium emollientium, lavendulæ, & foliorum lauri, à quo os sacrum pecten, locaque muliebria unguento ex mucilagibus alteæ, sem. lini, ex pinguedinibus, oleo amygd. dulci, & liliaceo cum cera exceptis inungenda.

Iphius victus quoque maxima est habenda ratio, idcirco ante partum omnino curandum, ut mulier nobilissima in aëre paulo calidiori, vel saltem temperatiori vivat, ut cibis laxantibus, minime autem adstringentibus vescatur; Carnes ideo pingues, jura pingua, butyrum, oleum, passulæ, caricæ, malva, lapatum, beta, ac hujusmodi erunt opifera; vinum bibat moderatum, & subdulce, somnus vigiliam excedat, & alvus mollis asservetur clysteribus potissimum emollientibus vel juribus pinguibus, tum maxime cum oleo amygdalino dulci recenti ante prandium assumptis. Coitus etsi aliquando conducere videatur, quoniam tamen fœtui noxius est, idcirco dimittendus; Corpus ambulationibus, at præsertim ascendendo, descendendoque factis exercendum; atque imprimis, & ante omnia curandum ut maxima animi fœmina illustrissima stuat quiete, præcipue verò ab ira, timore, ac mœstitiâ caveat.

Verum enimvero prædictus aer tempore etiam partus videtur opportunus, quod si vires patientis nimium exolvat, permutandus est ad frigidum, cibusque hoc eodem tempore debet esse euchimus, facilis concoctu, quantitateque modicus; quocirca panis coctus in jure pingui ferè consumpto, ova sorbilia, succus carnis, distillatum, carnesque avium quam maxime conveniunt Et si vires ob aerem calidiorem dejiciantur prædicta succo mali punici, cydonii, & arancii condiri poterunt, quo in casu panis bucella vino, cui aliquid succi prædicti sit immixtum, imbuta; est offerenda; Potus vini sit odorati, & eo tempore, quo Matrix hiare incipit, ab omni potu est abstinendum, somnus haud est concedendus nisi vires collabantur, Ac antequam os uteri aperiatur, doloribus affligentibus, mulier nobilissima deambulando modò ascendere, modò descendere debet, dein stare, post assurgere, ac de-

nuo quiescere, & ita vicissim modò quieti, modò motui sese tradere, ut ligamenta disrumpantur, infanti facilius exitus præparetur, & ubi os uteri hiat, sicuti in sella locanda, & non amplius movenda est, ita vociferare, singultire, eructare, & cum labore vomitum edere, sternutareque ex quinto Aphorismo, 35. debet; propterea in his ipsis eam juvare licebit, atque etiam hortari, ut spiritum cohibendo inferiùs uterum, ac fœtum impellat; ad hæc ubi mulier nobilissima timido, ac pusillo animo fuerit, Medicus, & obstetrix suationibus spem, ac animum ipsi addere, ipsamque consolari tenentur, quocirca Medicum prudentissimum obstetricemque sedulam esse oportet, ut ea etiam in hujusmodi casibus desideretur, quæ sæpius ipsa pepererit.

Cæterum si victus ratio ad virum nobilissimum referatur, non est difficile ex dictis intelligere, totam eo dirigendam, ut boni succi in corpore gignantur, ac omnis occasio cruditis auferatur; his enim omnibus, D. O. M. auxiliante, spero futurum illustrissimam, ac nobilissimam fœminam in similem, de qua nunc conqueritur calamitatem, in posterum aut non casuram, aut certè minori longè cum molestia. *Julius Cæsar Claudinus in Consultation. Medic.*

Partus Cæsareus.

Nobilissima Juvenis, annum 20. agens, temperamenti calidi & humidi, capitis pariter humidioris, orthopnoicis accessionibus, potissimum circa temporum mutationes, obnoxia, anno elapso viro juncta, ita ipsius persuadente Medico, concepit, & tertio uteri gestationis mense orthopnoicæ correpta fuit quæ tribus integris perduravit diebus de more, solito tamen intensior, adeò ut vix à suffocatione liberari potuerit. Modò, ineunte autumnali tempore, nonus à conceptione agitur mensis, cum hesternæ die accessio eadem violentissima recrudit; quæ, nihil proficientibus medicamentis laxantibus, revellentibus, divertentibus, miseram juvenem propè ad suffocationem duxit; quod periculum cum à nobis in procinctu & imminens videretur, narium enim pinnas movet, & pulsus, qui inæqualis & inordinatus, mox tardus & deficiens, tandem creber & languidus factus est, accedentibus stertore & impedita prorsus deglutitione; queritur à parentibus quid Puero adhucnum vitali existente, agendum sit.

Non desunt Medicorum plerique, qui omnes, virginibus nubilibus affectus contingentes, utero impudent, & hystericos existiment; cum tamen aliqui à coitu: alii, & ab eodem, & à ventris tumore in gravidis augmentum non leve suscipiant; ut præsentis nostræ Nobil. Patienti contigisse pro certo habendum est. Etenim difficultas spirandi à catarrhali materia, ab humidiori capite ad bronchia pulmonum delabente, & angustiam inducente, proveniens, incrementum suscepit ex compressione septi à ventre tumido; & ideo accessio tertio gravidationis mense ingruens, solito vehementior fuit; sicuti, quæ demum præsentis autumnæ repetitur, nono mense, prætumido ventre, vehementissima & exitialis existimatur, cum remediis nullo modo cedat, solis tribus alioquin diebus durans, præsentibus imminentis suffocationis signis. Primò enim pinnas narium movet, quod in sublimi spiritu contingere solet; sed præterea inæqualis & inordinatus fuit pulsus, acutæ primò orthopnoicæ: tardus item & deficiens, ejusdem acutissimæ indolis; qui modò creber & languidus mortem præfortibus prænnunciat, cum arteriam attollere non possit facultas. Turcemerito ergo concludendum, quod puero servando omnia sint agenda. In quo casu partus Cæsareus dubio procul in usum revocandus.

Qui in tribus administrari solet. Primus, cum fœtus mortuus est & mater vivit. Secundus, cum mater mortua est & fœtus vivit. Tertius cum fœtus & mater vivunt. Duo posteriores Cæsarei dicuntur, ab utero cæso; in primo verò sectio rarò instituitur, sed vel medicamentis, vel manu extrahitur fœtus, vel naturæ opus relinquitur. De sectione in secundo casu feliciter secuta, variæ extant historiæ. Sic enim ab utero extractus fuit Scipio Africanus prior. Ira primus Cæsar à cæso matris utero dictus fuit. Manlius item, Carthaginem cum exercitu ingressus. Sic Sanctius Rex Navarræ. Sic Villica quædam, cum ob ulcus uteri parere non potuisset, viginti sine cibo & potu persistit, & ex eadem mortua extractus fuit fœtus ad Sacrum Fontem, Fortunatus vocatus. De sectione in tertio, licet periculosissima, plurimas historias refert Franciscus Roussetus quatuor ab aliis relatas, sex à se ipso observatas, in quibus superstites ambo fuerunt, Mater scilicet & fœtus. Noster autem Partus Cæsareus secundus est, in quo sectio hoc ordine est instituenda.

Matre extremum spiritum trahente, virgula, aut aliquid inter dentes intrudatur, & obstetrix nunquam ab osculo vulvæ manum moveat, ne fœtus in utero suffocetur; gaudet enim infans animâ propriâ, & perfectus sine Matris beneficio vivere potest, quidquid dicat Rodericus à Castro, quod scilicet motu & vita puerperæ cessante cesset etiam vita infantis. Hinc diducta conservet Mulieris femora, & ultimo exhalante spiritu confestim ad lateris partem, per sinistrum Mulieris hypochondrium, circa uteri eminentiam, linea cultro rasorio leviter ducenda, non tamen usque adeo profunda, sed ad Peritonæum solum; inde admovenda novacula, & summa tantum conspide incidendum, ad digitos sinistræ manus intro-mittendos, quibus aliquantulum sursum peritonæum attollitur, ut dextera manu insinuetur novacula, ad ejusdem quod elevatum est incidendum, secundum vulnæ longitudinem, atque ut tota manus intus devolvi possit, usque ad uterum; tunc verò intestina paulatim sursum attollenda, ita ut non delabantur eademque manu, vulnus superius diducendum & ampliandum, ut uteri prominentia omnino in conspectum veniat, mox sinistra manu intus relicta, ut vulnus apertum conservet: dextera, novacula utero ad-mota, hic secandus, prima quidem vice ad digitum crassitrem, paulatim postea pervadendo, ut integrè pertundatur, & aperiatur quousque ad secundinam ventum sit, quæ dignosci poterit ex venarum confusa multitudine. Hæc pariter novaculæ cuspide aperienda, & digitis intromissis laceranda, ac aquosa excrementa; excernenda mox dextera manus in profundum sensim demittenda & demergenda atque extensis digitis integer fœtus comprehendendus, sinistra manu labiis matricis diductis & elevatis, ne concidant. Fœtus autem ipse sensim ac leviter ita abducendus, ut ejus spina toti volæ manus extensæ incumbat: non sine magno quippe periculo ejusdem caput, thorax, venter, pes, aut manus apprehendi possent. Quod si caput infra devolutum esset, extensis digitis paulò ulterius, digiti ipsi ad humeros nonnihil incurventur, ut facilius apprehendi possit. At si caput sursum vergat, extremi digiti sub natibus, & osse sacro commodè firmentur; inde sursum, paulatim sublata cum fœtu manu dextera, sinistra quoque in auxilium exporrigatur, ut fœtus ipse supinus educatur, atque se exerat. *Raymund. Joh. Fortis Tractatû de Morbis Mulierum, primo Consiliorum Medicorum Tomo adjuncto*

*Observationes:**De Extractione fœtus mortui, Exempl. singulare.*

Quod odiosi & ingrati sint Medici parturientibus, & puerperis nostris, nisi summa adfuerit necessitas, sit ut multæ miserimè pereant, quæ tamen servari possent, si artis peritos in consilium adhiberent, facit id obstetricum ignorantia, & rusticitas, dum prægnantibus persuadent, Medico ignota esse, quæ circa parturientes & puerperas occurrunt. Inde fiat, ut Medici operationem hanc, omnium præstantissimam, & necessariam, extractionem videlicet fœtus mortui, negligant. Non solum autem de nostris loquor, per totam enim Germaniam, proli dolor, paucissimi reperiuntur Medici, qui hanc operationem exercent. Multi verò qui ipsam contemnunt, quasi contra decorem ac honestatem esset, Medicum, qui partium genitalium totiusque negotii (quæ omnia obstetricem latent) cognitionem habet, tractare muliebria, & afflictissimas parturientes ex tantis angustis, imò & ex ipsius faucibus Orci liberare. De hujus operationis præstantia addo hinc exemplum, recentissimum. Matrona quædam nobilis, & uxor cujusdam ex primariis hujus urbis, cum nono esset gravida, & constitutum tempus gestationis absolvisset, parturientium doloribus correpta fuit. Vocatur obstetrix, quæ quidem illam, quam potuit, adhibuit, diligentiam, sed frustra. Supra modum adauctis doloribus & conatibus ad parturiendum, uxor mea quoque accersita fuit, antea enim, Divinâ adspirante gratiâ, ipsam ab obstetricibus veluti derelictam, bis à fœtu mortuo liberaverat uxor mea, sed manu tantum, & sine instrumentis, quod hac vice fieri non potuit. Porro, cum fœtum mirando quodam modo in globum involutum esse, & caput osse ilei sinistri incumbere animadvertet, astantibus significavit, partum præter modum difficilem fore, neque infantem vivum eniti posse, prædixit.

Quapropter jussit ut cordialia exhiberentur, Epithemata carpis applicarentur, venter, genitalia, & adjacentes partes oleis emollientibus, & relaxantibus, inungeretur, & sacculus emolliens ventri applicaretur, quæ quidem administrata fuerunt, sed frustra, Dolores enim & conatus magisque augebantur, ita ut vasa umbilicalia extra uterum propellerentur, & fœtus extinctus fuerit. Tum & ego advocatus fui. Vix credibile est, in quantis doloribus & cruciatibus ipsam invenerim, & ita quidem, ut junctis elevatisque manibus, sine intermissione me rogaret exclamando, ut Cæsareâ sectione ipsam ex tantis angustis & doloribus liberare vellem, & sunt hæc ipsius verba, *Mein lieber Herr Fabrici, schneidet mir den Bauch auf, damit ich dieses Schmerzens mæge erlæss werden.* Taceo, & quid maritus, & adstantes matronæ, quibus consilia Medicorum apud parturientes & puerperas, odiosa esse consueverunt, dicturæ sint, expecto: Obmutescunt omnes: illa verò magis magisque exclamat: *seca, seca, mi Dn. Fabrici, & ocyus me ex tantis angustis libera.* Quum verò sectionem illam, ut periculosam, neque in hoc subjecto necessariam, rejicerem, & methodum meam extrahendi fœtum mortuum proponerem, statim & ipsa ægra, maritus, & adstantes omnes exclamant, adhibe, quæ adhibenda, & tenta, quæ tentanda, ut hujus miseriæ finem videre possimus. Uxor itaque mea, ut quæ operationem hanc, Lausannæ, Paterniaci & alibi multoties administraverat, me adstante, operationem aggreditur, iterumque prædictas partes inungit, sacculumque calidum applicat: Postea ea qua fieri potuit diligentiam, attracto capite, ostium uteri versus:

hamulum vertici adaptat: quibus omnibus Deus ita benedixit, ut intra dimidiæ horæ spatium à fœtu, simul & à secundina, maximâ cum adstantium admiratione, qui nunquam de hac operatione audiverant, feliciter liberata fuerit, Vigesima videlicet novâ Aprilis hujus anni. Post operationem omnia tam bene ad votum successerunt, ut brevi in integrum restituta, & perfectè sanata fuerit. Laus sit Deo Opt. Max. in secula seculorum.

Fœtus in globum admodum contortus & intricatus fuit, ut ejus situm describere non possim. Totum præterea corpus, imò & facies ipsa (quod in aliis nunquam observavi) limo quodam glutinoso ac spisso, cineritii coloris, coopertum erat. *Gulielmus Fabricius Hildanus Observation. Chirurgicar. Cent. 4.*

De mirandò quodam sitò fœtus in uterò, unde difficillimus partus.

Honestâ quædam matrona Bernensis, *Elisabet Wagner* nomine, uxor Jacobi Schmid, cum secundò esset gravida, & superiori Autumno, propter fœtum mortuum, maturum tamen, in octavum diem, doloris parturientum supra modum excruciatâ, tandemque ab obstetricibus pro deplorata derelictâ fuisset, ut uxor mea in consilium & auxilium vocaretur, adstantes rogavit; Illa cum circa quartam pomeridianam ad ægram venisset, præter modum ipsam debilem invenit. Conatus ad partum perexigui aderant; Febri torquebatur ardentissima: idque propter doloris vehementiam, ac diuturnitatem, vigiliæque, & quod potiunculas aliquas ad expellendum fœtum, ex rebus calidis confectas sumpserat, vinoque generoso, ut hinc moris est, usa fuerat; aqua, quæ fœtum comitari solet, ab initio effluxerat, quapropter genitalia admodum erant arida, sicca & clausa, ut vix ingressum duorum digitorum admitterent.

Negotium autem hoc modo aggressa est: Loco vini lac amygdalarum exhibuit, & quidem in copia, Alvum, quæ constriicta erat, Enemate subduxit, Ad vires refocillandas, ex aquis cordialibus, & confectioe Alkermes propinat: carpisque epithemata applicuit, totum ventrem, coxas, lumbos, os sacrum, & genitalia, oleis & pinguedinibus anodynis, emollientibus & relaxantibus, inunxit, sacculumque triangularem emollientem, & relaxantem, ejus magnitudinis, ut infimum ventrem & interfeminiū cooperiret, calidè applicuit. His per horas aliquot adhibitis remediis, cum inunctâ manu situm fœtus explorare vellet, vix apices digitorum in uteri ostium intrudere potuit; Admodum clausum erat, adeoque fœtus, propter præcedentes conatus, versus os pubis & genitalia depressus fuit. Tandem cum summo cum labore & industria, genitalia aliquantum dilatata fuissent, digitosque ulterius immisisset, lumbos, manumque dextram fœtus sese ante ostium, offerre reperit, ut itaque inversum ac monstrosum situm illum fœtus corrigere, & caput, aut pedes ostium versus adducere posset, omnem quidem adhibuit diligentiam, sed frustra, tam angusta & contracta erant genitalia. Ab incepto tamen opere cum desistere nollet, sed operando, & auxilium operumque divinam implorando strenue progrediretur, & parturientem quotiescunque consultum ac necesse videbatur, ad labores reduceret, tandem & quidem ante duodecimam noctis, singulari misericordiâ ac clementiâ Dei maxima cum admiratione adstantium, feliciter ac miraculosè liberata, fuit. Miraculosè inquam, fœtus enim, ut post partum apparuit, mirando quodam modo, hunc in modum involutus erat: caput & collum sub brachio dextro versus coxam dextram ita reflexum fuit, ut facies internates collocata esset; admodum dorsum collumque erat pro-

prolongatum, manus dextra regioni renis sinistri, sinistra verò manus, genu ejusdem lateris incumberebat; Tibia dextra sinistra decussatim in formam X incumberebat, & ambæ versus pectus reflexæ erant. *Idem ibid.*

De Matronâ quâdam Burgundâ, cui Annô millesimô sexcentesimo nonô, fœtus putridus per umbilicum excisus fuit, operâ & diligentia Johannis Marchandeti. Chirurgi Salinensis.

Si verum est, candide Lector, quod Cicero libro 1. officiorum ex Platone prodidit, his verbis: Non solum nobis nati sumus, ortusque nostri partem Patria vendicat, partem parentes, partem amici, atque (ut placet Stoicis) quæ in terris gignuntur ad usum hominum omnia creari, homines autem hominum causâ esse genitos, ut ipsi inter se aliis aliis prodesse possent. Hæc, inquam si vera sunt, profectò, ut unusquisque nostrum, quæcunque rata & observatione digna in arte Medica occurrunt, conscribat, & posteritati relinquat, rationi consentaneum esse mihi videtur.

Quum igitur perpenderem divini Hippocratis dictum, Aphorismo primo, libri primi: Vitam videlicet hominis esse brevem, artem verò longam, item ea, quæ à Plinio in Proœmio libri 7. traduntur: nimirum Hominem nihil scire, sine doctrina, non fari, non ingredi, non vinci, breviter non aliud natura sponte quam flere. Non abs re fore mihi visum est, si ea, quæ in curatione cujusdam rusticæ mulieris observavi rata & annotatione digna, publici juris facerem: Idque eam præcipuè ob causam, quod per hujusmodi rara, & admiranda, ad laudandum Deum conditorem omnium rerum, ejusque nomen celebrandum; opera verò naturæ (quæ ut se conservet, semper est sollicita) stupenda invitamur.

Natura porro, quantumvis cum ratione non operetur: neque in suis affectibus, & actionibus utatur judicio, nihilominus tamen urgente necessitate, & quidem in maximis, & præsentissimis periculis, media occulta, & nobis incognitas vias. (quarum Medicus, quantumvis eruditus, rationem reddere non potest) ut sese conservet, excogitat, invenitque. Per quos quæso ductus, & vias manifestas, pituita illa inter ventriculum & diaphragma inclusa atque contenta, necnon dolores acerbissimos excitans, fluit: nihilominus tamen Hippocratem illam notasse, atque observasse, certum est, sic enim scribit l. 7. Aphorismo 54. Quibus inter ventriculum & septum transversum pituita reposita est, & dolorem adfert, non habens exitum neque ad alterum ventrem: his per venas ad vesicam pituita versa solvitur morbus. Adde insuper providentiam naturæ in magnis & periculosis affectibus, tam magnam esse ut ne ossa quidem, quantumvis durissima densa & spissa, excludat. Legimus enim apud Hipp. duobus in locis nimirum epidemiorum lib. 2. & lib. 6. abscessus etiam fieri in ipsis ossibus: hinc naturam optimum esse Medicum, Hippocrates sectione quinta libri sexti Epidemiorum ingenuè confessus est. Hujus quoque sententiæ fuisse Galenum ex libro 6. de locis affectis & alibi apud ipsum videre licet. Naturam itaque in suis operationibus admirandam esse, amplius in controversiam vocari non potest; quotidiana enim exempla fidem faciunt. Albucasis inter Arabes Medicus & Chirurgus excellens, lib. 2. cap. 76. historiam ab illa, quàm mox subjungemus, non multum dissimilem recitat, his verbis.

Vidi ego mulierem, in cujus ventre mortuus erat fœtus, & nihilominus imprægnata, postea mortuus fœtus etiam secundo conceptus. Accidit ergo ei post tempus longum, apostema in umbilico suo, & inflatum est, donec apertum cœpit emittere pus: vocatus sum ego ad curationem, ejus & medicatus sum ei tem-

pore longo: & non consolidatum est vulnus. Posui ergo super ipsum ex quibuldam Emplastris fortis attractionis, & exivit ex loco os: deinde post dies aliquot exivit & aliud os, miratus sum ergo, cum in ventre non sit os. Cautam diligenter expendens, & mecum per omnia putans, deprehendi, quod erant ex ossibus fœtus mortui. Causa itaque morbi certò cognita, medendique rationem hinc consecutus, extraxi ossa multa, muliere existente in melioribus dispositionibus & diu postea vixit mulier illa: ex ulcere autem semper puris nonnihil fluxit. Hactenus Albucasis.

Alexander Benedictus, Veronensis Medicus & Philosophus multis nominibus clarissimus, lib. 25. cap. 33. similem historiam raram & admirandam recitat, hunc in modum. Mirum obiter naturæ exemplum referam, cujusdam Venetæ matronæ quæ cum partum legitimum exclusisset, alter inclusus intra ventrem mansit mortuus, qui in magnis puerperæ difficultatibus tabefactus, fluore quodam profluit, ex naturalibus oris: demum ortis in ventre tribus fistulis, ex una quæ omnium maxima erat, integra infantis calvaria extracta est, cunctis mirantibus: deinde singulis diebus reliqua ossa desumpta sunt. Unde mirabili naturæ ope sanitati restituta est. Hactenus Alexander Benedictus.

Porro sequens historia præcedentibus non minus rara, quàm admiratione digna est. Casum enim gravissimum de quâdam matronâ, Joahanna Barbet nomine, Barbet nomine, 45. circiter annorum ætatis, Anatolii Boutonis in vico Pagnoz dicto, habitantis uxore, continet. Est autem matrona illa corpore robusta, optimè temperata, hilaris, sed imprimis in omnibus suis actionibus operosissima, actuosissimaque. Ex hac autem historia, symptoma, cujus postea fiet mentio, etiam absque superfætatione, & gemellis, accidere posse, satis superque apparet. Hæc autem quum 11. utero gestasset, constituto quin etiam tempore semper feliciter peperisset, & jam 12. partus excludendus esset, res multò aliter successit. Cum enim ad statutum tempus pervenisset, & felicem partum expectaret, dolores infinitos maximosque & conatus ad parturiendum irritos sustinuit. Fœtus enim ad partum paratus, in uterò veluti intricatus & ita inclusus, remansit, ut amplius sese non moveret, neque se vivere, signum ullum ederet. Id ad infinita symptomata atque incommoda excitanda sufficiens erat. Si enim ex sola retentione secundinæ febris ardens & continua, spasmus, syncope, aliaque gravissima symptomata, tandemque mors ipsa sequuntur, nonne multò magis ex fœtû mortuò & in uterò retentò, illa omnia provenire potuissent? Verum aliis hanc rem judicandam relinquo, & quæ præterea acciderunt paucis significabo.

Ab ipsâ itaque decimâ quintâ Junii Anni 1608. quâ die primò partûs doloribus correpta fuit usque ad ultimam Octobris Anni 1609. (menses circiter sedecim cum dimidiò faciunt) quum continuis, maximisque atque inauditis doloribus, conatû & tormentis defatigaretur, tumor ingens è regione umbilici paulatim exortus est. Ego primâ Novembris ejusdem anni ad curationem accersitus, jam cutem aliquomodo naturæ beneficio contaminatam, & ratione ossis scapulæ (quod sibi exitum parabat) exulceratam esse, reperi. Quum verò naturæ opem ferre necesse esset, cutem ex sinistra parte umbilici, ad longitudinem quatuor digitorum in transversum positurum incidi, donec fœtus adeò corruptum, putridumque invenirem, ut aliquibus in locis nihil præter ossa eaque carne denudata superesset: Quæ potiùs skeleton, quàm quicquam aliud repræsentabat. Inde satis perspicuum est, partes molles item intestina, omniaque viscera interna paulatim in pus conversa, per pudenda effluxisse. Quandoqui-

doquidem nihil carnis repertum fuit, præterquam quòd manus, brachia, pedes & crura, musculis nonnullis, sed lividis, semiputridis, fœtidissimisque investita essent. Incisione, uti dictum, factâ, os scapulæ, quod primò sese obrulerat, carne denudatum, siccum & ab ipsò humerò separatum, extraxit. Postea de die in diem, ut reliqua ossa, unum post alterum extraherem, omnem diligentiam adhibui. Intra Octiduum itaque truncum fœtus, qui nondum membranis, quantumvis putridis, omnino destitutus erat, extraxi. Quum verò ulterius progredere, cranium, pericranio denudatum reperi: Quod cum extrahere vellem in partes quinque aux sex disjunctum erat. Vertebrae omnes tam colli, quam metaphteni & lumborum, carne & ligamenti denudatae, omnesque separatae confusè inveniebantur, uti quoque costae & sternum. Demum neque brachia, neque tibiae hujus putredinis expertes erant. In istis tamen partibus nondum ad ossa penetraverat corruptio illa; ita ut adhuc carne, quamvis semiputrida, investitae essent, & trunco corporis adhærent. Quapropter cum aliter illas extrahere non possem, minutari illas ut inciderem, necesse fuit. Sicque extractioni fœtus finem imposui.

Post extractionem, quum ex ossibus, quæ extraxeram, nihil amplius præternaturale respectu ossium, in corpore superesse, cognovissem, partibus à fœtu mirum in modum dilaceratis, veluti matrici, peritonæo, musculis epigastrii prospiciendum esse duxi. Primò itaque ulcus illud profundum, ut convenientibus remediis, veluti injectionibus abstergentibus & desiccantibus putredini resistentibus ablueretur, necesse esse, mihi videbatur. Ab initio itaque, quamdiu putredinem adesse sentiebam, prædictis medicamentis maximò cum fructu usus sum. Eorum porro beneficio ablata putredine, ad sarcotica perveni; Tandemque cicatricem induxi: Idque intra paucos dies tam feliciter factum fuit, ut aegra, per singularem misericordiam atque clementiam Dei integram valetudinem recuperaverit, optimèque hucusque valeat.

Hinc, Lector candide, quam diligens sit natura ad individui conservationem, perspicuum fit. Et quamvis numquam ab artifice edocta fuerit, nihilominus tamen, oblata occasione, maximò utitur artificio: media quinetiam infinita, quibus ex maximis & gravissimis periculis sese extricare possit, excogitat atque invenit. Præcipue autem si aliquò modò, artificio Medici, (qui minister est naturæ, illamque imitari debet) refocillata atque conservata fuerit. Et quanto periculosior, qui ipsam infestat morbus, sese exhibet, tantò magis quoque insurgit, operationes quinetiam curationesque admirandas facit.

*Præcedentis Curationis & sanationis testimonii,
à Magistratu concessi summa.*

Nos, major Capitaneus, Beuleuta, Senatusque civitatis Salinensis, omnibus notum facimus, supplicem coram nobis comparuisse, honorabilem virum, Johannem Marchanderum, unum ex nostris Chirurgis, exponentem, se ante paucos dies mulierem gravidam, ex vicò Pagnoz dictò, prope Salinam civitatem, ad duo miliaria tractasse; Quæ cum statuto tempore infantem non pareret, spaciò viginti quinque mensium cum dimidio ipsum in utero gestasse. Tandem verò (quum per viam naturalem ipsum excludere non posset) ad umbilicum mulieris incisionem se fecisse, & per eam membra, ossiculaque, infantis extraxisse.

Idque tali cum successu, ut in præsentia, per singularem Dei misericordiam, eò usque sanitati restituta sit fœmina illa, ut partim hîc Salinæ, partim etiam alibi eò, quò antequam prædictò morbo laboraret, modò cum omnibus denuò conversari possit.

Biblioth. Chirurg. Tom. III.

Nos itaque ut hujus rei veritatem exploraremus, Virum Nobilem Daniele Romanet J. U. Doctorem, & hujus civitatis Beuleutam, Honorabilem item Dn. Philippum Pernet, Syndicum constituimus, quibus hoc negotium committeremus, idque in eum finem, ut in omnia, quæ in prædictò scriptò continentur sollicitè studiosèque inquireretur, nobisque rei veritatem referrent, exponerentque. Facto itaque debito examine, ea omnia quæ acciderant, nobis fideliter retulerunt, uti & clarissimi atque doctissimi Viri Dn. Quanteal, & Dom. Mathon, Medicinæ Doctores, & hujus civitatis Senatores, hujus rei locupletissimi testes esse possunt, quibus supplicatio prædicti Marchanderi, ut & copia examinis exhibita fuit: Testamur itaque quæ in præcedenti scriptò recententur, vera esse omnia. In testimonium rei verissimæ, hoc nostrum testimonium ut à Secretario nostro sublignaretur, & sigillum nostrum apponeretur, constituimus. Actum quartâ die mense Novembris. Anno millesimo sexcentesimo decimo.

Reviderunt.

PERNET Syndicus

D. ROMANET

Subscripsit GRENIER Secretarius.

Hæc ex eodem Gulielmò Fabriciò Hildanò. Responsione scilicet ad Michaellem Doringium.

Aliæ similes historia.

Rara profectò, imò & verè admiranda præcedens est historia; & meo quidem judicio, verè digna, quæ etiam posteris innotescat. Addam & ejusdem argumenti duas, ex Diomenis Cornarii, Serenissimi Principis Maximiliani Archiducis Austriae, &c. olim Medici, multis nominibus clarissimi, observationibus Medicis, idque in eum finem, ut hujusmodi exemplis & operationibus rarissimis admonerem Chirurgos, ne ab ejusmodi operationibus, quantumvis gravissimis, manus penitus abstrahant; sed invocato semper ante omnia nomine Domini, potius aliquid cum periculo tentent, quam ægrum in evidentissimo mortis periculo relinquant. Sic autem habet historia prima, quæ apud Cornarium VI. est in ordine, Marcellus Donatus lib. 4. c. 22. eandem uti & aliis ejusdem argumenti habet historias.

Anno Christi 1545. quædam concivis Viennensis, nomine Margareta, filia Wolfgangi Karlinger civis Viennensis, uxor verò Georgii Volczer, hospitis eò tempore ad ædes rubri cancri appellatas Viennæ; postquam antea quoque enixa esset aliquot liberos, concepit annò ætatis suæ vigesimo quinto, omnia denique habuit signa felicitis imprægnationis, fœtum in super temporis progressu sensit. Ante festum D. Bartholomæi eodem annò valentem, & strenuè sese moventem, usque ad festum D. Luciae sacrum. Quò sanè illi tempore supervenerunt partus dolores, adeò vehementes, ut antea experta jam sæpius ipsa jam se crederet enixuram. Statim igitur advocari jussit matrem, & unam ex suis sororibus, acciri etiam obstetricem confestim præcipit. Quæ cum advenisset, statim re animadversa, jussit omnia ad manus esse parturienti necessaria; hæc verba adjiciens: statim, Deo volente, puellum habebimus, & quemadmodum postea eventus comprobavit, vera vates exitit. Interea prægnans in sede parturientium confedit, & quum constanter admodum à circumstantibus admoneretur, urgeretur etiam ab obstetrice, omnibus visibus elaboravit ad parturiendum, in quibus heu nimium vehementibus conatibus fragor quidam increpuit satis sonorus: quique non temere augurer magnam vim, vel fœtui, vel matri illatam fuisse, vel cerrè conquassatum infantis caput in partes discessisse. Ab eo

N n

fragore

fragore vivacitas fœtus deprehendi amplius nullis argumentis potuit.

Gravida inde majorem in modum cœpit ægrotare, ac propterea in lectulum suum reducta & reposita est. Interim lac accurrens, quod parturientibus usu venit, ubertim ubera replevit, adeo ut stillatim etiam à pupillis gliscentibus colostrâ deflueret spectantibus multis & iis honestis ac prudentibus mulieribus: quæ dies noctesque assistentes prætolabantur felicem partum.

Dum verò res ita proraheretur, semperque major difficultas, minor verò spes elucesceret, deliberatum est ab omnibus, quæ tum præsto erant, & itum in eam sententiam, ut plures obstetrices accerferentur in rem præsentem, aliquod ferè salubrius allaturæ consilium.

Sed ex harum etiam adventu nil miseræ adminiculi accessit, neque quisquam ab his in medium dici potuit, vel consuli salutare, præterquam quod una ex iis judicatum habebat, (& fortasse non male) rem nimis festinatam fuisse, os sacrum nondum satis hiasse. Nihil itaque etiam rum affectum & datum est, gestansque uterum mulier tandem per multas septimanas gravissimè decubuit, ventris tumore, duritie, fluxu, qui supervenerant, doloribus nihil remittentibus. Quæ omnia continuæ denique corporis graves afflictiones, animi percussiones ad summam desperationem miseram videbantur compellere; Effeceruntque, ut ad tentanda omnia, omnium consilia animum adverteret, ad usurpandas omnium medelas, doctorum, & indoctorum, Christianorum & Judæorum, quæ tamen ne quicquam adhibere, auxilii nihil plurimum mœroris & desperationis (cùm res difficilis ad impossibilitatem videretur vergere) attulere. Hisce periculorum & ærumnarum acervis circumventa, atroci insuper ventris ac inevitabili onere summè implicita mulier, per quadriennium, usque ad annum Domini 1549. semiviva perduravit. Sed quod prætereundum hoc loco non est, propter has enumeratas à nobis difficiles calamitates, misella insuper adhiecta est defluxu continue putrilaginoso, qui per locum muliebrem perrumpens, totum hoc quadrienne tempus duravit, ita tamen ut aliquando parcins, aliquando copiosius profluens, dispari ratione mulierem affligeret, cessaret tamen nunquam.

Cruciatibus igitur hisce ac gravedinibus diu perstantibus, tandem natura (quæ semper individuum conservare contendit) acore, & copia putridi humoris non evicta sed compulsâ (utpote cui inferna humoris subductio non sufficeret) ad umbilicum matricem ipsam totum denique abdomen multis alioquin partibus munitum perfodit. Foramen igitur factum est primo Anno Domini 1548. in loco prædicto; Ex quo multum saniosi fœtidique mucoris profluit. Successu deinde temporis post aliquot menses, adhibitis externis emplastrorum adminiculis apertio coaluit, posteaquam (ut videtur) colluvies humorum nocivarum abundè excreta esset; vel aliquantisper pro necessitate evacuationis diminuta. Sed quod efflictum observandum est, paulo post Anno Domini 1549. Mense Junio, quum scilicet multa putrida superfluitas omni conatu mox per naturam expellenda iterum collecta esset, natura denuò eodem consilio & via, proximo in loco non ita procul à priore apertione distante, per ventrem iterum perrupit, & affatim eduxit necessario evacuandam purulentiam.

In hoc foraminulo exhibebatur omnium conspectui & tactui os quoddam, quod eventus postea (resecta alvo & matrice) comprobavit, infantis fibulam sinistri brachii fuisse. Duravit iterum hæc apertio, eodem statu & effluxu, cum magna fœminæ in utero habentis virium prostratione, ad menses aliquot. Cum autem periculi magnitudo, dolo-

rum, fœtorisque intolerantia indies magis ac magis ingravescerent, viderentque omnia ad interitum spectare, ipsaque miserrima quæ cruciatibus immensis, animi crebris deliquis jamjam crederet sibi exitum imminere; denuò iniit consilium asciscendi Medicos, si fortasse ex singulari Dei mitericordia, felix horula salubris consilii elucesceret, si denique fortè fortuna Deo ita disponente, in hora contingeret, quod non contigisset in annis. Vocati igitur sunt Chirurgi tres; Aulæ Regiæ Chirurgus, Sixtus Wirt, Paulus Dirlevvang, urbis Viennensis ordinarius Chirurgus & Petrus Winckler: qui cùm advenissent, rem omnem intuiti, atrox periculum præ oculis esse animadvertunt, simulque moderate omnes unanimes responderunt, majus esse negotium hoc, quàm ut ipsi quicquam certi in hoc casu statuere, vel debeant, vel possint; accersendos esse Medicinæ aliquot Doctores, quorum consilia meritò accedere debeant, & si quid in re tam ardua faciendum superesset, sibi consultum videri; ut id ex eorum matura deliberatione proficiscatur. Acciti igitur Doctores duo Johannes Enzianer & Cornax, alter vir senex, & revera miles (quod dicitur) emeritus, hic publicus Medicinæ in Viennensi Gymnasio ordinarius Professor. Qui cùm venissent aliquoties post crebram inspectionem ægræ, virium explorationem, circumstantiarum diligentem inquisitionem, nihil aliud videbant superesse consilii, quàm ut ad sententiam Hippocratis, Extremis morbis, extrema adhiberentur remedia quantumvis periculosa. Decretum itaque ab iis est, de alvo aperienda. A Chirurgis etiam in eandem itum sententiam. Quod cùm certo constitutum esset, etiam fœminæ ejusque marito, & propinquis Medicorum consultum indicatum est, à quibus omnibus assensum. Statuta tandem dies est decima mensis Novembris, Anni 1549. hora duodecima pomeridiana; Christi igitur Domini Auspiciis, cùm tempus statutum advenisset, rebus ritè auxiliariis, denique paratis & dispositis præidiis, si quid fortè gravius contingeret, præsentibus Doctoribus nominatis, & Chirurgis sectio cùm summa diligentia peracta est.

Linea autem sectionis ex mea designatione ducta est, ab apertione ea inchoato (quæ paulo supra umbilicum à natura, ut diximus, facta erat in latere dextro) rectè deorsum per tractum musculi recti, abdomini incumbentis, longitudine plus minùs octo unciarum, hoc est semipedis antiqui, & duorum pollicum, qua facta incisione, propter necessitatem & intolerabilem fœtorem subito contentum in utero à Chirurgis undique liberatum est, & exemptus frustratim fœtus, jamdudum emortuus & semipurridus. Sectus est hanc extractionem fœtor incredibilis, adeo enim putredo invaluerat, ut bona pars membrorum pueri consumpra apparet, Caput verò totum fractum, & ossa cranii dispersa extraherentur, cerebri verò videretur nihil, nimirum quod totum putredine diuturna consumptum esset. Absoluta hac sectione ex summa Dei Opt. Max. misericordia feliciter mulier debita ratione, intactis laceris & rugosis uteri cavitatibus ligata & curata est; Illique de rebus necessariis quàm optime prospectum à Medico & Chirurgis. In omni autem ista administratione, misella quæ rescabatur, nullum passa animi deliquium, sed forti & sedato animo omnia pertulit adeo ut Deus natura ipsa in conservanda hoc inopi & ignobili fœmina, contendisse videantur. Successu deinde temporis cùm omnia ex singulari nutu Dei feliciter procederent sine ulla futura, rugis (derumescente ventre ob exinanitum uterum) cœuntibus, postliminio venter ab onere putri-

putrido liberatus, peroptime coaluit: & fœmina præter omnem expectationem curata est; Et uterus ipse unâ cum abdomine, & ejus partibus planè consolidatus, quinetiam ita matrice probè restituta menses bono ordine & modo rediere, ut spem aliquam conceperimus, membro quantumvis sensibili & spermatico ita perfanato mulierem denuo concepturam & fortasse fœtus edituram. Quod tamen postremum, ut valde & multis rationibus est ambiguum, ita incertum, divinæ omnipotentiae relinquimus determinandum.

In hunc modum se habet hæc rara quidem & admiranda digna, sed vera història, quam ideo in literas referendam non dubitavi, ut omnes homines animadverterent, summam Dei erga gravidas fœminas benignitatem, atque hæc història esset consolationi omnibus prægnantibus fœminis, quum videant Deo se adeo curæ esse, suamque imbecillitatem tanta perferre posse. Postremo ut hæc nostra scriptio admonerem Chirurgos, ne ab ejusmodi gravissimis aggreddendis potiùs impigrè, & alacriter, quàm expavescendis casibus manus suas abstraherent. Longè enim præstantius ac laudabilius est, aliquid cum periculò aggredi, quàm cum certâ perniciè cessare; Et decentius est aliquid lethale etiam committere, modò spes aliqua salutis prorogandæ supersit, quàm omnino certæ & præsentis se committere morti, quæ proculdubio huic gravidæ mulieri jamjam imminabat, nisi relatis à nobis præsidii ex Dei singulari voluntate evalisset. Quare laus sit Deo summo, qui fecit, facitque mirabilia, qui sit benedictus & superexaltatus, in secula seculorum, Amen. *Ex eodem, & ibidem.*

Quod eadem fœmina denuò conceperit, & gestaverit fœtum vivum, perfectum, masculum, ad legitimum pariendi tempus, quodque ex posthabita sectione, mater unâ cum puellâ interierit.

Posteaquam superne à nobis descripta Margaretha, ex sanctissimi opificis Dei voluntate convaluisset, convixissetque denique sana marito annum plus minus integrum, satis frugaliter, denuo concepit & gestavit puerum bene valentem & ritè succrescentem, usque ad secundum diem mensis Junii Anno Domini 1551. quod erat legitimum tempus pariendi. Ea dies cum mane eluxisset, & belle se haberent omnia, infans robustus strenue palpitavit, & elaboravit ad egressum uteri, mater mœsta omnibus nervis ad expellendum fœtum incubuit præsentibus multis mulieribus; sed in cassum omnes conatus cessere. Quapropter vocatus est Paulus Dirlewang Chirurgus Viennensis; qui antea illam secaverat, ut in medium consuleret. Ille verò præ oculis cernens grave discrimen, consuluit, me etiam esse vocandum. Adveniens itaque & ego cum perlustrassem ventrem enitentis, vidissemque fœtum validum, matrem autem omnibus viribus, quæ ad certamen enitendi requirebantur, destitutam; cicatricem præterea veterem, quasi per rimam longam hîscere, omninoque impossibile esse, ut conatus fœminæ tam lacero utero incisis per longum musculus & abdomine, tanti esse possent qui in utero contentum quantum is viribus præstans & sese adjutans, per os sacrum possent repellere, suasi è vestigio, utendum ferro, ut prius refecandum esse. Firmavit meam opinionem & hoc, quod rimula sectionis pristinæ laxata pellucens madebat, & per se discessionem parietum cicatricis minitaba-

tur. Hisce perurgentibus rationibus, nos compuncti, & commemoratione prioris felicitis eventus animati, sectionem iterum instituendam censuimus, acquiescebat consiliis nostris alioquin moritura puerpera. Verum enimvero mater ejus, & reliquæ aliquot præsentis fœminæ assentiri nullo pacto voluerunt. Interim ego ordinatis quibudam præsidii confortantibus, consolatus afflictam discessi, & paulo post reversus, acriter intiti, iterum peragenda Cæsareæ. Sed perperam tum obtinuit matris affectio, quæ cum cæteris fœminis in ea perseveraverat sententia, ut Deo omnia committerentur, relicta periculosa sectione, quæ tum etiam satis tempestive adhiberi posset, cum extremum anhelitum mater spiraret. Expectatum igitur usque ad horam decimam noctis, quo tempore infelix, cum frustra diu & strenue luctata esset, viribus omnibus exhaustis, cruciatibus oppressa animam exhalavit. Quod cum factum esset, subito Chirurgus prædictus vocatus est, & citissime ventrem aperuit, statimque infantem perfectum, masculum, omnibus numeris perfectum, exemit. Ibi videre erat (superveneram enim & ego) certamen adnitentium puello vitam; quæ paulo ante abierat, revocare, & sufflando omnia tentare spiracula, sed perperam & frustra omnia fiebant. In promptu causa est eruditis, & anatomis peritis, siquidem in confesso est, vitam & motum cordis in infante à duabus arteriis vitalibus matris per umbilicum fœtui ceu per insitionem insertis dependere, quæ vasa natura pro cordis refrigeratione fabricavit. Quare cum arteriarum motus in matre cesset, earundem etiam motum è vestigio in infante cessare necessum est, siquidem fieri minimè potest, ut puer ante præcisionem umbilici, in ipso denique utero involutus tunicis spiritum per os attrahat.

Præterea esto, quod continuatio umbilici fœtus à matrice sit libera, ruptis cotyledonibus partus tempore, tamen nihilominus umbilicus secundinæ adhæret, necessario ab obstetrice præcidendus; vel etiamsi à secundina, in utero existente puello umbilicus scilutulus esset, tamen respirare per os non posset infans, panniculis involutus; uteri præterea parietibus inclusus, mucoribus denique, & aquositatibus circumfusus, quæ certè res sæpe solutos infantes tamen diutius in angustiis faucibus ossis sacri, enecat suffocando. Cum ex prædictis itaque necessarium sit, vita & motu puerperarum cessante, cessare etiam infantis in utero contenti vitam & morum, impossibile est, tam immediate excindi infanrem posse, in eo istu temporis quo anima ex matre migrat, quæ si semel evolaverit, certe revocari humanis præsidiiis nullo modo potest. Si autem fortè fortuna exemptio infantis contigerit, in agone puerperæ, aut in animi deliquiis, præsentibus adhuc spiritibus vitalibus, tum censemus omnino, supervivere infantem posse, quemadmodum sine dubio de Julio Cæsare contigit.

Ex his igitur omnibus à nobis enumeratis, luce meridiana clarius liquet: Primò ut supra descripsimus, hanc Margaretam per quadriennium fœtum mortuum in utero gestasse, eundem exsectum esse membratim per abdomen: & quod ipse prognosticatus sum dubitative, hoc Deum præstitisse re ipsa, ut quod fœmina ita lacero, sed restituto uterunque utero, progressu temporis tandem concipere posset, & nostram hanc denuò concepisset & gestasse usque ad legitimum tempus partus, bene formatum & perfectum infantem, qui si etiam exsectus fuisset tempestive, sine dubio supervixisset: cum tam robustus, tam bene habitus, tam absolutus (ut ipse diligen-

ter coram intuitus sum) fuerit, ita ut planè nihil in eo desideraretur, præter vitam. Cujus rei testes multæ personæ utriusque sexus esse possunt, quæ frequens eo consuebant, hoc miraculum contem- plari. Quare nemo deinceps dubitare debet, hanc historiam verissimam esse, liquiden Apud Deum non est impossibile omne verbum, cui sit laus & gloria & benedictio in secula, Amen. *Ex eodem, & ibi- dem.*

De muliere, quæ annis tredecim in utero gesta- vit sceletum fœtus mortui, quod tactu cum ab ipsa matre, tum ab omnibus illi præsentibus percipitur, hujus rei historia scripta est ad Matthiam Cornacem ab Ægidio Hertogio Me- dico, Enchiridio Medic. consultat. Matthia Cornacis, fol. 214.

Catharina quædam uxor Michaelis de Menne, vi- ri ruralis & pauperis, annis duodecim utero gerit fœ- tum mortuum, vel potius sceletum fœtus mortui, res penitus monstroia ac miraculo digna dici potest: ita tamen res habet, sicut ipso tactu unicuique fue- rit manifestissima. Mulieris enim ventrem inferiorem propriis manibus attrectavi, non bis terve, sed plu- ries. Idem quoque egere cum viri, tum mulieres illustissimæ, non sine omnium admiratione maxima, quos omnes honoris gratiâ præterimus. At vel unius viri hæc in re testis monium oculare sufficere poterit, puta Excellentissimi Dn. Henrici Cornelii Matthiæ, qui quondam Carolo ejus nomine Quinto Augusto, Medicus fuit domesticus. Hic inquam cum stantem, & supinè decumbentem dictam mulierem crebrius at- trectasset, omniaque ossa fœtus mortui ipso tactu op- time deprehendisset, præ stupore nimio, tum admi- ratione summa dicebat.

Deo & naturæ nihil impossibile.

Anno igitur Domini 1549. eadem Catharina, po- steaquam antea enixa esset duos liberos, concepit mense Martio, omnia signa habens felicitis impræ- gna ionis fœtum insuper temporis progressu, à quar- to mense conceptu, sensit valentem & strenuè se mo- ventem, usque ad festum Divo Andreæ sacrum, eo- dem anno quo sanè illi supervenere dolores partus adeo vehementes, ut jamjam crederet se enixuram. Uterus quoque mirum in modum prominebat, ubera- que lacte copiosissimo turgebant, idque magis instan- te jam partu quàm multis diebus antea. At cum ad parturiendum nulla amplius mora exspectaretur, ac- cidit ut vetula quædam malefica & præstigiatrix ven- trem huic utero gerenti attigerit, in aures susurravit & in faciem sufflarit, aliaque peregerit: quæ quo- niam parum ad rem nostram facere existimo, plu- ribus non persequor: illius tamen meminisse placuit, nam in vetulam mulier culpam omnem rejicere vi- detur, quod illi res tam infelicitè successerit. Ut au- tem parturientium dolores, cum in ventre inferiore, tum in lumbis sensit, statim acciri obstetricem, & mulieres vicinas jubet, quæ dies noctesque aliquot partum præstolabantur: nullum tamen partus brevi- futuri signum observat obstetrix: præter illos dolo- res qui toto biduo crescebant. Quare discedit, re- versura, si ita res postulaverit. Quid multis? dolo- res nihil interim remittuntur, sed diebus totis qua- draginta, & die & nocte illam sævissime affligere non desinunt, ut totum id temporis misellæ ista insomnis egerit. Ab utero quippiam interea fluxiss, nunquam animadversum fuit. Fœtus vehementissime semper

movebatur, ac calcitrabat, ita ut manifestè illius mo- tus ab adstantibus observari posset. toto isto dolo- rum tempore sudoribus quoque copiosissimis madebat. Lac præterea è mammillis uberius fluebat: quod quia acrius, tum plus justo biliosum erat, omnes scire partes vicinæ, quas diffusis attingit, exulceraban- tur. Quadragesimo demum secundo, & quarto do- lorum die fœtus tam validè amplius moveri desistit. Dictu profecto mirum, quod tanto tempore sub- sistere potuerit incolumis, tandem conatu vehemen- tissimo ita fœtus movebatur, ut inde transversum in utero revolutum mater narraret Dolores ab illo im- petu fœtus multò mitiores evadere, & paulo post plane recesserunt. Post verò dies quatuor vel sex, cruenta quædam ac nigra per alvum deijcere cœpit, illis similia (ut illa inquit) excrementis, quæ pueru- li jam in lucem editi, primum excernere solent, cu- jusmodi excrementa egerebat diebus ad sex libras. Cumque antea nullus in utero collisionis ossium sen- sus voluntarius perciperetur, hic tandem putans mi- sellæ, se ab omnibus ærumnis liberam, unicuique tangenti uterum, sese prodere cœpit, ut etiam illam non lateat ossium fœtus mortui situs, quippe cum digito monstret: hinc caput, illic costas, hinc humeros, illic fœmora contineri. Quod ego & alii complures, me monitore deprehenderunt.

Cadaver istud seu sceletum in utero matris jacet transversum, capite & cruribus introrsum, dorso ve- rò extrorsum prominente. Sub illo dextro caput re- conditur, quod cum profundius quam matris spinam deorsum respiciat, non sine ratione tactus nostri judi- cium refugit, ibi tamen ossis humeri, caput superius contineri manifesto constat. Sub illo sinistro sunt cru- ra & pedes sed introrsum reflexi, ut attingi mini- me possint: conjectura tamen artificiali & anatomi- ca, ita esse, judicare non est difficile, tum ex situ reliquo corporis, tum quia ibi os fœmoris apertis- sime deprehenditur. In medio ventre dorsum evi- dentissime cognoscitur vertebraque omnes facillime distinguuntur, Costæ quoque majori ex parte, tam superiores quàm inferiores, dinumerantur, turgit ven- ter maternus tumore oblongo, qui in pudendum desi- nit, elevat totam istam molem sursum, eademque pro animi arbitrio deprimat, non sine adstantium summa admiratione. Ossa verò sic satis induruisse sen- tiuntur: ita ut validiori compressioni difficulter ce- dere videantur. Venter maternus interea dum attre- ctatur, nullo dolore angitur, ni id plus, quàm par est, fiat diutius. Valet sic satis ista mulier, omnia- que sua munia, tam domi, quàm in agris unà cum marito suo optime peragit: hilaris est, prudens ma- terfamilias, & utcumque faceta, annum nunc tempo- ris ætatis suæ agens quadragesimum quintum, cor- pore gracilis, nec habitu illaudabili. Menses cum annis quatuor essent detenti, potiunculis nonnullis il- los promoventibus usæ, rursus manare cœperunt, in hunc usque diem; at mensibus singulis, dum eorum terminus instat, venter inferius intumescit, illamque dolores invadunt vehementissimi, haud aliter quàm, si nunc esset enixura, nec antea cessant, ni men- ses omnino eruperint. Quod si mulierem morbo ali- quo laborare contingat, iisdem plane doloribus ad integrum morbi terminum corripitur. Aliud præterea notatu dignum refert, quintum nunc esse annum, ex quo natura quodammodo istius sceleti expulsionem tentavit. Uteri enim osculum hiasse, & inde aliquot ossicula fuisse egressa, qua de causa è vestigio accer- situr obstetrix: at cum n satis imperita, vel potius rei novitate perculsa nullum remedium ferre se posse in- dicaret, omni ope humana hanc multis modis longè infelicitissimam desituens, recessit. Ipsa verò interim nihilominus intrepido forrique animo, ossicula illa,

ut in propositum locū retro cederent, propriis manibus allaboravit, si ut in pristinum redierint. Ab isto verò tempore, uti nec antea, hujusmodi quid sinistri illi accidit. Mirum denique quantopere rustica illa flagitet summisque precibus contendat, ut abdomen ei manu medica aperiatur, sceletumque ab utero eximatur, sic enim seipsam sanitari pristinae restitui posse confidit. At quo minus id tentatum hæctenus sit, adhuc sub iudice lis est. *Ex eodem & ibidem.*

Pro Partu difficili.

Mulieri cuidam circa tres dies in partu difficili hærenti, hic pulvis ad provocandum partum per tres vires exhibitus est.

℞. Cinnam. el. ʒiʒ. ossium dactyl. ʒʒ. sem. viol. ʒii. rad. dictamn. alb. ʒʒ. F. pulvis subtiliss. in partes divisus, quo ter cum vino assumpto, & admotis linimentis & sacculis appropriatis, feliciter tandem peperit. Alia cum octo diebus in difficili partu valde angeretur à Tiengio Medico curata fuit, ubi nono die accepisset ʒi. pilul. de assa fœtid. (de quibus supra lib. 11. sect. 18. subsect. 2. Pro Mola) cum cyatho uno decoctionis sabinae, idque ter post prandium, hora quarta, & sub noctem hora octava, quibus eadem nocte, Dei nutu peperit filiam & salva mansit, eodem modo & aliam agrè parientem liberavit, & alteri etiam cum iisdem secundinam eduxit, singulis tribus horis ad ʒʒ. exhibendo. *Petrus Forestus obs. 73. lib. 28. De Mulierum Morbis.*

Mulier quædam cum filiam peperisset, & secundam prolem parere non posset, his infrascriptis remediis per me, nutu Dei, aliam sœmellam peperit.

℞. Cinnam. pulv. ʒi. cass. lign. doronic. romani. an. ʒʒ. nucleum unum dactyl. sabinae ʒi. perlar. finissimar. ʒʒ. pulvis partiatur in duas partes. Detur cum vino malvatico.

℞. Ol. amygd. d. lil. alb. sesamin. butyr. rec. pingued. gallin. anatis, an. ʒʒ. M. inungatur venter inferior. Sumpto pulvere, & prius una dosi, & hora post altera, post horas quinque peperit. *Idem obs. 76. lib. 20.*

Cuidam pro partu facilitando, partu instanti, consilium, dedi, ut quinque aut sex granâ juniperi cum scibus sumeret, quibus cum quinquies, aut pluries usa esset, mox conamina partus apparuere, adeo (quod & dictu mirabile est) ut illa ipsa cum maxima facilitate gemellos pepererit. *Petrus Forestus. schol. obs. 69. lib. 28.*

Mulier quædam cum toto biduo parere non poterat, & ob tantam difficultatem & angustiam, fœtus stercus emitteret; Ego in consilium adhibitus, exhibui olei succini gut. xxx. cum vini ʒʒ. umbilico simul ol. lign. heracl. calentis gut. xx. imposui, hoc facto, intra mediam horam, alacri & erecto animo facilè per Dei præsens auxilium peperit infantem integrum & incolumem. *Martinus Rulandus. Curat. 66. cent. 2.*

Nuper cum mulierculæ quædam parere non poterant, in ipsa parturigine iussi plurimis mollem clysterem injici intestinis, ac illico pepererit: ita ut jam apud nos id agere incipiant mulieres Nobilissimæ. Clyster fit ex decocto herb. emollient. ut malv. alth. parietar. thapsi barbari, chiamæ. artemis. colat. adde sacch. oleum amygd. d. & ʒi. salis *Joan. Heurnius ad aphor. 34. sect. 5.*

Ubi parturigo non succedit ex sententia, salutaris est sternutatio, etenim ad inferna validè propellit diaphragma, compresso epigastrio: hinc ad inferna pellitur valido nisu uterus. Nos patum piper. & galang. naribus ut sorbeat jubemus: miscemus interdum pa-

rum hellebori albi, maximeque quid euphorbii. Sed antea propinamus hoc remedium, quo summi Dei beneficio plurimas liberavi.

℞. Cinnam. el. ʒiiʒ. myrrh. opt. ʒii. succini albi ʒiʒ. rubiæ tinct. castor. an. ʒi. boracis ʒʒ. croci gr. v. M. F. pulvis subtiliss. capiat ʒi. cum vino albo & saccharo, eliso fœtu, cum secundinæ retinentur, hoc pulvere propinato, illico redduntur, nam tunc hæmorrhagiæ metu, non foveamus. *Jo. Heurnius ad aphor. 35. lib. 5.*

Uxori gregarii militis difficili partu pene enectæ, dedi pulverem testium equi, in aqua lilior. alb. cum croco, pudendo saponem nigrum applicandum curavi, dimidio quadrante citius puerum croceo colore tinctissimum enixa est. *Henricus ab Heers obs. 14. lib. 1.*

Non præteribo auxilium præstantissimum, cujus ope plures in agone positæ, fœtus vivos vel mortuos feliciter excluderunt laborioso partu oppressæ. Hoc constat ex boracis officin. ʒi. tenuissimè pulverizata; quam si cum ʒiii. aq. artemis. aut sabina. aut generosi vini bibas, miram invenies utilitatem, debilibus sufficit ʒʒ. aut ʒi. *Zacutus Lusitanus observ. 158. libr. 2. prax. admir.*

Sæpius compertum est, quod olei oliv. potu ante partum facilitatur mirè partus, nec tormina ulla patiuntur puerperæ, vias enim lubricas & molles reddit oleum, debet etiam topicè extra idem oleum admoveri. *Petrus Borellus obs. 25. cent. 2.*

Novi remedium, quo fœtus alioqui per diem & horas in partu staret, eoque potu sumpto, mox infra horæ quadrantem mulier parturit, hoc autem remedium in jecore & felle anguillæ siccatis & pulveratis consistere scripsi alibi. *Jo. Helmontius tract. cui titul. Astra necessitant non inclinant, nec significant de vita, corpore vel fortunis nati.*

Mulieres observavi in partu difficili aliquot dies periculoso, oblato poculo, mox ad summum ante semihoræ spatium enixas, idque ducenties & amplius probatum; Pharmaco nimirum adhuc in stomacho existente apertum est os pubis, & valve ossis sacri in lumbis, fœtusque statim propulsus. Notavi scilicet stomachum claves uteri gerere. Hoc medicamentum lubens in bonum proximi evulgavi, ne deinceps parturiens periculum vitæ subeat. Est autem jecur simul cum felle anguillæ siccatum pulveratumque in vino potum magnitudinè avellanæ, donum Dei in hoc simplici, ut cum mulier jam parere debuerit, in dolore propter serpenti invidiam; Deus anguillæ aquæ serpentis visceribus pacare voluit illius maledicti rigorem, idem fortè atque melius hepar serpentum efficeret, sed in anguillæ experimento nunquam fefellit eventus. *Jo. Helmontius tract. cui tit. Jus Duumviratus.*

Nos remedium optimum dabimus experimento pluries comprobatum dono receptum à Serenissimo Duce Guisano, videlicet anguillæ jecur in furno panis exsiccatum, ut in pulverem redigi possit, dosi ipsius est medietas ponderis unius aurei, detur in liquore convenienti prout medico libuerit, mirificè partum facilem reddit: *Dominicus Panarolus obs. 21. pentecoste 3.*

Jecur anguillæ ad partum facilitandum ab Helmontio & Panarolo valdè commendatur. Novi famosum Empiricum qui hoc solo ferè secreto magnam sibi famam acquisivit, illud exhibui medici cujusdam uxoti egre parienti, & à marito & obstetricibus pro deplorata, habita, unaquæque dosi plurimum auxit conatus parturiendi antea fere consopitos; ita ut tandem feliciter peperit, Coactus sui ad duplum dosi Helmontii pervenire, nimirum ad magnitudinem nucis juglandis in vino rhenano. *D. Robertus Boyle lib. 2. De Utilitate Philosoph. Experimentalis cap. 18. sect. 5.*

Partus tempore sumat ℥iii. boracis ex aqua matricariæ. *Horatius Augerius. rom. 2. lib. 8. Epist. 3.*

Nobilis mulier pleuritica prægnans, habuit aliquid commemorabile, doluit latus, febris continua erat. Uerum ferebat jam octo menses cum dimidio, dubitabamus, an partus accelerandus foret; alii è malloco tendendam venam putabant, tamen ex brachio sanguinem detraximus, plane corruptus erat, tandem patiendi sese occasio obtulit, vires erant infirmæ, dolores suos & tormina (ut politico verbo utar) devoraverat. Dedimus decoctum fol. senæ, folia erant pauca quantitate, ut non tam alvum subducere-mus, quam cum leni alvi subductione tormina excitaremus, excitatis ita torminibus feliciter peperit. Folia senæ exhibere solemus.

℥. Matricar. artemis. nepetæ an. p. i. hyssop. p. i. mercuriali. p. i. sem. citri, pæon. an. ʒss. cinam. ʒi. F. decoctio in qua bulliant fol. sen. ʒii. F. fortis expressio, adde vini albi parum, tormina excitat. *Guil. Ballonius conf. 20 l. 2.*

Si partus tardior est, fel gallinæ sumatur, maximè nigræ & umbilicus ungatur, item in vino detur consolida regalis, ne sint in eo loco, ubi paritura est, pyra, impediunt enim partum. Artemisia cocta in vino, dextro femori prope muliebria applicetur, magni fit & lapis aquile, si sinistro cruri applicetur, sed statim à partu removendus est. Idem scribitur de matrisylva & polipodio; si pedibus alligentur, vehementia vero ut est borax non probo; nisi vel fœtus mortuus sit, vel mola adfuerit. Si fœtus sit mortuus, sume oleum lini cum pinguedine aliqua in qua castor. coctum sit, & ungue ventrem. *Joan. Crato confil. 40. lib. 5.*

Hoc expulsum præscripsi, quo alias fœliciter usus sum.

℥. Troch. de myrrha, rad. dictamn. alb. succin. an. ʒi. borac. sem. viol. an. ʒi. magist. perl. ʒss. M. F. pulvis tenuiss. in tres partes dividendus: assumatur cum aq. artemis. & puleg. an. ʒii. *Petrus Lotichius. obs. 18. cap. 1. lib. 5.*

Cingat se nudam mulier spolio serpentis, & pariet facillime. Rasura ossium dactylorum cum vino pota, mirabiliter liberat parturientes. Dare parturienti lac alterius mulieris faciliat partum, corallus coxe appensus idem facit. *Petrus Bayrus pract. l. 15. cap. 9.*

Fœtus frustulatum per alvum excretus.

Margareta Cornelia nupta viro, & octo plus minus annis sterilis, nulliusque prægnationis sibi conscia, ubi prolapsa fuit in febrem, doluit acerbe in imo ventre, cum tumore circa sinistra inguina, foris quidem duro, at intus pulsatili; quem vir experientissimus Franciscus Vicquius (cui posteritas exemplum acceptum feret) ratus cum utero communicare, partim potionibus, partim cataplasmate, eò produxit maturitatis, ante diem sextum decimum, ut per se adaperitus pus suum effuderit, parcius quidem ab utero, verum ab alvo deinde uberius. Unde dolor usque eò remisit, ut affluerit non exigua sanitatis spes; modo ritè detergeretur immunda ulceris proluvies.

At paucis diebus post, invalere iterum dolor ac febris, quorum impetus, quò infringeretur, datum fuit medicamentum alvum stimulans, cujus beneficio, cum excernerentur, plurima membranosa, putridis vermibus similia. Decretum fuit eandem viam insistere, reliquamque illius saburræ colluviam exigere; cum per decoctum detergens ac catharticum, tum per pulverem oculorum cancri, hieræ picræ, ac radice contrayervæ, sive drahemæ Caroli Clusii. Quorum

medicamentorum ope, erupere per alvum pedes embryonis demortui, membraneo involucre inclusi; quos manu sua educturus, Chirurgus extraxit simul inde, quæ fuit diligentia, femora, nates, ventrem, imò quicquid fuit infra lumbos, cum cute, carne, umbilico, ac evidente sexus feminei discrimine.

Sequentibus deinde tribus costis, ac postridie, à medicamento purgante, præter plurima purulenta, omnibus manus ossiculis, cum cute ac ligamentis adnexis, duabusque costis haud diu post, similiter excretis: Subsistente interim reliquo corpore, non quidem procul ab ano, attamen remotius, ac intricatius, quàm ut digitorum adminiculo inde extraheretur. Quocirca itum fuit ad clysteres detergentes, & decocta alvum moventia. Quæ tertia qualibet hora exhibita, plurimas quidem putridas membranas, sed nihil expulere solidi. Incrementibus interim denuo imi ventris doloribus, & abdomine intra triduum usque eo iterum elevato, potissimum circa pubem, ac inguina dextra; ut non levis moveretur suspicio agram parituras, utrumque excreturum quod à vitiato embryone ibidem etiamnum resideret: Quem naturæ conatum cum quotidie juvarent cum decocta, tum cataplasmata, ac injectiones in uterum, ac alvum, uti & pulveres concinnati ex oculis cancri, ac radice contrayervæ, excrevit tandem, præter plurima purulenta, costæ, brachii, scapularum spinæ dorsi, occipitis, frontis, ac verticis ossa; quorum excretionem finita, ac jam cessantibus, quibus aliquandiu excarnificata fuerat torminibus, desiere non modo febris, ac dolor, verum etiam quicquid ipsi molestum fuisset. Injecto subinde nihilominus in uterum, ad conciliandum ipsi robur, decocto concinnato ex rosas, absinthio, cypripso, balauistiis, plantagine, mastice, ac olibano; donec defuncta ex toto periculis, ac ærumnis, quibus per tres menses fuerat afflicta, pristinam recuperaverit sanitatem. Quæ certè quàm grata fuerit ipsi, tantum erit Medicis historiam hanc lecturis. *Nicolaus Tulpius Observationum Medicarum lib. 4.*

Partus intestinum lacerans.

Partus difficilis ut inducit deformem claudicationem, ob solutam vel ossium pubis inter se vel ilei cum sacro commissuram: sic dilacerat non rarò: sive sinum pudoris, sive anum, aut intestinum rectum, cum propter perversum infantis exitum, tum ob nimiam ejusdem molem, aut culpam aliquam obstetricis.

Quod postremum vitium sicuti ægrè curatur, ita degenerat quoque facillimè in callosum, ac manans ulcus, ob perennem, in locum declivem, fordidorum excrementorum decursum. Cujus tamen infortunii quò evites calamitatem, videsis, maturè infundas, antequam inveteraverit ulcus, per anum, ac naturalia, frequentes adstringentes, ac detergentes clysteres, quorum assiduo usu, equidem aliquando vidi deformia hæc mala ex toto sanata. Quæ tamen ubi pedem semel fixere in subricis, ac rugolis harum partium membranis, laterem lavabis, quisquis illis manum admoveris. *Idem ibidem.*

Secunda post partum retenta.

Secundæ, sive *ûsege* Hippocr. lib. 1. morbor. mulier. sunt involucre membranæ, quæ in vulvâ fuere velamentum infantis. Has expedit è vestigio sequi præeuntem fœtum: tardius enim procedentes, arguunt aliquid monstri ali. Pereuntibus inde quidem pluribus prægnantibus, at non omnibus, uti hæctenus perperam creditum obstetricum nonnullis.

Uxor Joh. Lonii, quantumvis partum feliciter ederet, plurimum tamen molestiarum semper perpeffa fuit à secundis suppressis; sive quod firmius adhererent

rent utero; siue ob nimis teretem, gracilemve infantis umbilicum: quo tamen aliquando satis validò, subsistere nihilominus, licet satis validè traherentur à tribus obstetricibus, quas inveni in eodem cum puerperâ cubili; prælagientes ipsi certam vitæ desperationem, quum vix quæpiam evaserit cui, præter naturæ legem, hæc excretio fuerit impedita. Quâ inconsideratâ improvidarum muliercularum prædictione, usque eò perculsus fuit pavidus puerperæ animus, ut non secus sudoribus distlueret, ac si mors fuisset in procinctu.

Quem perplexum terrorem quò ereptum irem; monui rem quidem esse in difficili, & aleæ admodum ancipitis, nihilominus tamen aliquibus bene cessisse, iterumque fieri posse quæ semel facta fuere; modò erigeret animum labantem, admitteretque requisita remedia: Quorum beneficiò etiam pristinam sanitatem felicissimè fuit adepta. Constabat autem hæc medicandi ratio, præter clysteres, ac detractiorem sanguinis ex venâ tali, cum ex pulvere sequente, tum ex decoctò hic præscriptò.

℞. Boracis Venet. succin. alb. singulorum scrup. croci, cassiæ ligneæ, castorei, singulor. gr. x. M. f. pulvis.

℞. Radic. gramin. pœoniæ, cichor. scorfoner. singular. ʒj. Herbar. acetosæ, endiviæ, boragin. meliss. singular. inj. artemis. Cardui bened. singulor. mß. Boracis Venet. ʒiij. Coque ex aquâ hordei ad lb ij. Adde syrup. artemis. ac limonum an. ʒij. F. potio. Quibus medicamentis, non modò egram hanc, verum etiam & alias puerperas vidimus excrevisse plurima laceræ membranæ frusta, sanie ac sordibus undique infecta, iisque ritè exoneratis, recuperasse, amissam sanitatem, sine vel minimâ, aut virium, aut valetudinis, jacturâ. *Idem ibidem.*

Secundina portio quarto à partu mense incorrupta & innoxia editur.

Homo homini Deus dicitur: & homo homini lupo. Passim hæc frontibus adversis pugnancia jactantur; pueri audiunt & senes, & verum audiunt: audi tu, mi Lector, quare. Infirmum, debile, inconsultum, rerum omnium ignarum editur in lucem animal illud, quod hominem vocamus, ideoque statim alterius eget ope: qui opitulatur, Deus illi est ea metaphora, qua utitur proverbium. Perversum, ad mala pronum, lucri sui cupidum, & per animi passionem seductum à vero, idem illud animal est, maxime ubi adolevit, & se videt ad corporis sui commoditates propter communem malitiam aspirare non posse, nisi per fraudes & mendacia, & nisi comminiscatur, quomodo alteri detrahat, quod sibi cupit accedere; ideo dum alter in alterius damnum invigilat, & ubi potest, proximo nocet, homo homini fit lupo. Non opus est ut illud per omnes humanæ vitæ professiones discurrendo ostendam & in lucem proferam, quos sub pelle ovina singulæ tegunt lupos; tegunt, inquam, omnes, quæ se prodesse profitentur, (alias publice non tolerandæ) hac ovili pelle suam nocendi cupidinem. Mitto Theologos, qui nos distrahunt per tot ecclesias, & singuli suam esse, quæ nos ad salutem deducat, certatim clamitant, ut multitudinem ad se pertrahant, & ita plurimis nocent. Jurisconsultos non tango, multò minus Medicos: quos utrosque scimus iniquissimam sæpe malè locatæ operæ mercedem exigere, dum ob ignorantiam, ne dicam malitiam nocent, aut prodesse differunt, ubi promittebant promptum auxilium. Quod hîc deploro, est femellarum, quæ veluti harpyiæ quædam positæ primo in limine vitæ nostræ; statim in pueros matresque ineunt; & vel illos occidunt, vel utrosque ita

malè tractant per inscitiam, ut longo tempore post miseras trahant animas: sed ut iis, quæ per inscitiam contingunt, omnia condonemus, ea certè, quæ per malitiam quotidie fere perpetrant ferri nulla ratione deberent. Dum iis, quibus adfuerunt parturientibus, jam puerperis persuadent, & mentiuntur secundinas cum puero integras prodiisse, cum magna earum pars adhuc in corpore hæserit, & securas reddunt mulieres, quæ forte aliis remediis se liberarent his, quæ postea sequuntur, miseriis. Plurimæ mihi, quæ hanc obstetricum malitiam, aut morte, aut maximis luerunt doloribus, sunt oblata: nec esse, puto, Medicum, qui praxin feliciter cum bona hominum fama aliquandiu exercuit, cui non tristis ille casus occurrerit; ideoque non istud est, quod tanquam rarum hoc capite observo: sed illud potius; quod una ex iis, quæ ita, decipiuntur ab obstetricibus, quarto post partum mense, cum nullum aut exiguum sensisset incommodum, fluxu vehementi laborare cæperit, & una bonam placentæ partem nulla corruptionis ostentantem indicia ejecerit, optimeque evacuata, nihil inde senserit incommodi.

Tanta est sæpe naturæ non solum in therapeuticis potentia, sed etiam in prophylacticis industria. Sed satius esset huic obstetricum inscitie remedium, & malitiæ querere supplicium, quàm semper fidere huic naturæ bonitati, quæ non nisi observatione digna rarissima raritate tale solet edere miraculum. *Theod. Kerckringius in Spicilegiò Anatomicò.*

Dyslocia ex integumentis cranium fœtus involventibus, sanguine extravasatò antèrius referitis &c.

Suavis est rustica vita, sui que commendationem ab Eruditis abunde retulit, utpote tranquilla, tuta, & à tot invidiæ & æmulationum procellis libr.

*Libera simplicibus curis sua contenta requie
Et quam non vario traxit fortuna tumultu.*

Quin concludere liceat cum Claudiano:

*Erret & extremos alia scrutetur Iberos
Plus habet hæc vita, plus habet illa via.*

Est tamen & suis obnoxia incommodis, quæ ejus amatores, eo equiori ferunt animo, quo voluptates transitorias minus curant, vel ignorant, sua potissimum manu ἀναγκάζεσθαι ἀγωνίζεσθαι περὶ τῆ βίης καὶ ἐκαστὴ τὴν ἡμέραν, de quotidiano victu parando, solliciti esse edocti: optime hinc monuit vetus ille.

Ἐν τοῖς πολέμοις ὑπερέχειν τὸν ἀνδρᾶ οὗ

τὸ γὰρ γεωργεῖν ἔργον ἐστὶ σικέον.

Πῶς ἔχεις, ὡς ἴχανθαι εἰ δόπλιμα

τρίψω γὰρ ἐν ἀρχῇ χεῖρον.

In bellis præstare aliis laus magna Virorum;

Servilis multum rustica vita sed est.

*Anne vales? macilentus ades? mens disperit eheu
Quotidie Domini prædia namque colo.*

Veritatem horum ex aliqua parte experta est fœmina rustica 38. annorum, quæ cum per biennium marito usâ esset, læta tandem concepit, & propediem enixura erat: Paucis ante terminum septimanis, τῆ βέλτιον ζῆν ἐνεκα, hæc ipsa, Maritum qui Vulcani filius erat in opere audacter adjutura, seu uti Apoll. Rhodius loqui amat. l. 4. Argonautæ.

----- αὐτὰρ ἔπειτα

Ἐλθεῖν εἰς ἀκλᾶς; ὅθι τ' ἀκμονες ἡφαίστιο

χαλκιοὶ εἰσάρησιν ἀργέστονται τυπιδέσσιν.

----- rursus aditura

Littora, ubi resonant percussa pondere vasto

Vulcani incudes, fumique exæstuat unda:

Hypogastrium maximopere protuberans, incaute maleo fecit, atque istud, quod minus periculi portendere credebatur, omnibus reticuit, & quidem d. 5. Maii 1681. exacto gestationis tempore, dolores partus ingruere ceperunt, aquæ d. 6. sub vesp. profluxerunt, & mater omni vi eniti conabatur, alt irritò planè successu, licet medicamenta ab obstetricibus ad hæc munia destinatis, varia fuerint propinata: D. 8. sub vesp. vocamur, & hæcenus actorum seriem postulamus, quam adstantes fideliter enarrarunt, inprimis tum de enitendi necessitate deficiente, orificiique uterini exactissima constrictione conquæta: Nos qui fœtum jam à multis horis cinortuum suspicabamur, cum ex diuturna, quæ præcesserat mora, tum ex dolorum omnimoda cessatione &c. matri viribus adhuc pollenti mixtur. ex aq. puleg. ment. borac. Vener. croc. essent. succin. cum syr. de artemis. suavisimus, injecto juxta clysmate stimulante, hinc ad enitendum matrem incitavimus & manuum opera extrinseca, quantum licuit juvimus, propinando subinde cochl. aq. cardiac. Sed incassum fuit hæc nostra opera, nullis subsequenti partus, quamvis suis cum adstantibus partibus strenue mater fingeretur apparentibus vestigiis, quin ingemineret obstetrix sæpius, se ne gry quidem de fœtu percipere, in quo tamen hallucinata fuit graviter, & fortè aliæ cum ipsa, artis obstetricandi minus perire: Rogati proin ab adstantibus, præprimis Reverend. illius loci D. Pastore, ut matri admodum periclitanti succurreremus, manum operi applicuimus, quâ poruimus industriâ & dexteritate: mox autem uteri orificium adaperitum deprehendimus, fœtumque capite exitum quodammodo molitum esse deprehendimus. Quod verò obstetricem decepit, fuerunt cranii integumenta, ob sanguinem extravasatum, instar vesicæ aquâ refertæ propendentia, unde leviori tactu, non corpus aliquod duriusculum, quale fœtus caput est, sed molleculum misella percepit: quum itaque digitis orificium uteri circumspicte dilatari, atque de fœtus situ & statu evidentiore indicia capessere studeremus, prædiximus facile, omnes ad quos matrem fatigatam, adhucdum instigare volebant conatus si impenderentur, incassum fore, corpore illo propendente vias ita præcludente, ut quoties eniti misera volebat, hoc orificium uteri totum unice replevit: ægram inde debite collocaram quiete decumbere, subindeque jussula confort. cum aq. card. exhibere jussimus: Accepto interim forfice corpus præfatum incidimus, sanguinique viam aperuimus, qui etiam copiose omnium cum stupore prorupit: hinc cum à dehiscenibus cranii ossibus dolorosè sæpius mater lèderetur, eadem cum cerebro (facta prius decenti incisione) maxima ex parte liberavimus & exemimus, digitisque sub ossè jugali immisissis, fœtum prægrandem citra graviolem parturientis molestiam, integrum &c. extraximus: placenam quin etiam, quæ paulo adnata erat, funiculo umbilicali resecto, digitorum ope abscedere fecimus. Puerperæ lecto restituta roborantibus, aliisque quæ genitalia concernunt, medicamentis prospeximus, imperata diæta exactissima. Altero mane bene habuit utcunque, lochiis fluentibus, nec multo circa partes uterinas dolore vexante: Pulsus tamen concitior & frequentior, ob causas prægressas satis evidentes, & sitis quæ ingravescere cepit, sui rationem aliquam haberi voluerunt, unde usum commendavimus mixt. bland. diaphor. & cordial. Die 11. cum lochiis non rite fluentibus, febris aliquomodo ingravesceret & hypogastrium intumesceret, tenesmi verò vel urinandi difficultatis aut ardoris, vel etiam fœtoris nulla adessent indicia, ad fluidi attemperationem, sordium elutionem & humorum acrimoniam in viis uterinis demulcendam Emulsion. cum injection. uterinis commendavimus, addito decoct. ordin. lapide. prunell.

Die 18. ejusdem cum ipsam accederemus bene habuit, venter detumuit, appetitus vigebar, neque sitis urgebat amplius: *περὺν δὲ* ergo jussimus iidem insisterè, addendo pulv. ex diaph. Jovial. oc. canc. ebor. corall. parat. Atque his rite ita usurpatis, Deo annuente, pristinam sanitatem recuperavit, inque hunc usque diem vegeta, aura hac vitali fruitur, ante annum & quod excurrit, filiolo feliciter beata. *Joh. Jacob. Harderus in Observationibus Anatomico-Practicis.*

Fœtus semiputridi, secundinis 9. diebus ante excretis, ex utero extractio.

Fœmina 40. An. ex ditione Solodur. aliquot liberorum mater, A. 1683. postquam menses ordinarios feliciter emensa esset; doloribus partus, die 18. Jul. obruitur, aquæ erumpunt cum Sonitu, & postdie secundinæ sequuntur, citra autem fœtus, quem anxie præstolabantur, egressuri ulla indicia: Variarum muliercularum medicamenta experiuntur, sed non ad votum: die 20. fœtus emori incipit, quod mater ex pondere, & omni calcitracione deficiente cognovit. Miseri adstantes quid facto opus ignorant: Partum singulis quidem diebus avidi expectant, sed in nonum usque diem, (qui erat 28. Julii) voto suo frustrantur: Accedit hinc ad nos maritus, consilium postulat & operam: Redarguimus moram intempestivam, & periculum à putredine matri imminens significavimus, præscriptis nihilominus convenientibus remediis uterinis & cordialibus: Aliquot horis post parturientem cum Clar. D. Doct. Scherbio Episcopocell. invisimus, remque omnem, uti Maritus enarravit, deprehendimus: hypogastrium supra modum erat distentum, sitis vehemens, pulsus paulo frequentior, nec dolores enitendi amplius invadebant: Dum nobiscum mater se accingit exclusioni, fœtor insignis nates ferit ilico, putredinis in inferioribus uti evidens *τεκμήριον* ita operationis accelerandæ calcar: Postquam orificii interni, quod fere occlusum erat penitus, aperturam ac dilatationem digitis blande impetravimus, fæces fluidæ olentissimæ proruperunt, quibus cum viam dedissemus, fœtus in internis uteri latebris etiamnum hærentis situm commodius exploravimus, obrulit se hinc capitis integumentum illico, præpendens mirum in modum cum cranii ossibus ab invicem plane solutis ac dehiscenibus: brachia pedesque misere erant intorta. Fœtu pro viribus liberato & anteriora versus tracto, forfice cranii integumenta incidimus, vulnusque digito deinceps dilatavimus, è quo ichor purulentus gravissimi fœtoris mox erupit, quem sequebatur cerebrum flaccidum & putrilaginosum: exemptis hinc cranii lamellis aliquot, fœtum ipsum è cavernis suis tandem eduximus, qui tamen ob inversum artuum firum intra ipsa ostia constitutus; valde renirebatur, donec, ibidem liberatus, totus extractus fuit: Educti trunci facies livida fuit & omnimodæ corruptelæ proxima: Puerperam jam omnes salutarunt hilares, nosque exacta diæta præscripta injection. uterinarum ad modum Mauricæi usum summe necessarium inculcavimus, præscripto juxta pulv. blande diaphoret. Undecimo à partu die conveniens nos maritus uxorem bene se habere nunciavit, parum ab illo tempore sitiisse, appetere & sine ulla difficultate obambulare: nullum percipi fœtorem vel dolorem, ab injectione primis vicibus adhibita plurimam sanguinis grumosi & putrescentis copiam excrevisse cum frustis sanguinolentis duos pugnos magnitudine æquantibus, nunc lochia legitime citra incommodum profluere, & pro opera præstita magnas gratias exolvit.

Scholium.) Fœtus domicilium, commodumque habi-

habitatulum uterum esse, alibi diximus. Commoratur sanè in hoc, usque dum decreta curricula compleantur, ipseque maturitatem legitimam adeptus, non alieno amplius sed proprio ore spirare desideret: Inde aliqui fœtum fructui maturenti, uterum verò arbori comparaverunt, instarque ejus de petiolo sponte decidentis deciduum fieri existimarunt, in quo quidem difficultas haud levis obstat, de succi nutritii affluxu cessante, utroque parilem cum petiolo ariditatem contrahente: at largiamur dissimilitudinem istam, propterea tamen comparatio ista prorsus rejicienda non est, locumque sibi vendicat præprimis in abortibus à causa vehemente, saltu, cursu aliove graviore exercitio oriundis, à quibus, uti pomum immaturum à vento impetuosiore, fœtus de ponte suo deicitur: Aliàs solenne pariendi statumque tempus novem mensibus absolvitur, quibus exactis uteri latebras ille relinquere, liberioresque auram haurire desiderat: De causis partus Authores variè senserunt, quorum alimenti penuriam, fœtus a quarumque molem alii, alii denique harum acrimoniæ stimulantem accusant: Neutri tamen causam genuinam usque indagarunt: Enimverò succi nutritii jugem præsentiam & abundantiam contra Aquapendentem, autopsia probat, ipsius verò acrimoniæ adeò suffulta nondum est, ut fœtum inde irritari, adque calcitrations quibus involucra sua di rumpat instigari, certò constare possit, accedit, quòd dicta involutorum laceratio sæpenumero à conatibus matris, uterique morticibus fibris ad excernendum se componentibus deducenda, utpote à quibus humores, cum membranis involventibus in angustum coguntur, fundoque uteri sese coarctante, cum impetu propulsi exitum querunt, de quo sonitus non rarò perceptibilis, sufficienter testatur: fœtus verò moli respondet. Excell. Harveus ex autopsia, qua edoctus, fuit, fœtum novimestrem octimestri aliquando minorem esse, mirumque est, si pondus fœtus tantum valet, fœmina gemellos gestante, partum non acceletari: alia hinc invenienda est ratio exclusionis statò tempore fieri solitæ, quam fœtus mole seu stimulaute non prorsus rejecta, in respirationis necessitate querendam esse ab initio innuimus, qua in parte præeuntem nobis habemus Aquapendentem, apertè autem consentientem Celeberr. Bohuium Progymnasin. 3. de partu: non equidem quasi per appetitum elicitum, (verba sunt ipsius) squaloris uterini novimestris pertæsus, fœtus auram liberiores exposcat ac anhelet, sed quod fluidum ejus intrinsecum si e motore externo machinæ magis grandæscenti impar evadat: Equidem in uteri claustro quamdiu occultatur, unà cum sanguine materno illud haurit, quod pulmonum ministerio in adultis in sanguinem secernitur, pabulum æthereum intelligimus, sanguinis intestinum motum, suscitans supervenientibus materiæ subtilis, à quo ipsummet jugiter actuat, ut non abs re Hippocrates l. f. citat. fœtum το πνεύμα είσω έλκειν asseruerit: cum verò grandæscente corpore auctaque humorum copia eorundem motus, qui lentior primùm sufficiebat, intendi necessariò debeat, particulæ elasticæ à matre suppeditatæ sine subsidiariis aliis sufficere impossibile possunt, unde plenioris accessum exigens, absoluta hac solenni mora, partu excluditur, eodemque quo editur momento, respirare incipit: Naturalissimus ille est, ubi capite edi incipit, humeris ad latus utrumque inclinatis, in quo ipso tamen obstacula gravissima accidunt, quandoque enim fœtu grandiore existente, viisque angustioribus, maximè in primiparis, aut viribus jam attritis, lamellæ cranii tenere adhuc, sitisque laxè invicem unitæ, comprimi, elongari, aliterque vitari in situ assolent, ut nonnisi summo cum labore fœmina enitatur; sæpius verò

ex vehementi nitu, mora que circa orificium internum fœtus necit, inter integumenta capitis sanguis stagnat & in vesiculam quasi colligitur, qua deinceps propulsa & ab orificii dicti fibris coarctata, parturitio difficillima subsequitur, ceu prior historia docet, cui similes aliquot jungere possemus: sunt tandem perversæ fœtus situationes aliæ complurimæ, matris fœtisque exitum non raro accutientes, ni peritæ obstetricis, Chirurgi & aliquando Medici manualis industria accesserit. de quibus videlicet elegantem Mauricæi laudati de art. obstetric. librum, Medicorum sanè in isthoc negotio opem, uti necessariam laudamus, ita talem esse cupimus, ne quid contra dignitatem gravitatemque molietur sapius, quod Ministris prudenter præcepisse satius foret: Id magè mirum, potuisse fœtum in uteri latebris hæere putrescentiam usque, abque gravioribus inconmodis symptomatibusve matris illatis, quæ sanè haud dubie citius subsequuta fuissent, ni secundinæ primùm exclusæ essent, in Rustica altera, quam præter hominum spem atque expectationem ab onere suo per Dei gratiam liberavimus: ubique certe Medici Chirurge prudentia requiritur, ut adhibita manuali opera, inflammationi uteri periculosæ subveniatur, sanguisque vel in vasis tantisper subsistens, vel uteri cavo collectus solvatur, in motum suscitetur, eque latebris eliciatur, educaturve, cui operi præstando injectiones necessariæ maximique usus sunt, non neglectis internis humorum blando motui, vitiumque conservationi intervenientibus: Genitalium quoque habenda ratio, ceu partium teneriorum, & in difficili partu multum labis sustinentium, de quibus cum in histor. diximus cum Authorum monumenta amplius videri poterunt. *Idem ibidem.*

Partus mirabilis, in quo insolita viarum clausura, arte tamen re serata.

Mulierem posse concipere, aut gravidam fieri, utero à corpore ex parte propendente, non absolute negandum est, quia illud semel (ut posthac referam) in matrona quadam observavi; rarum tamen est, & à paucis (si ab ullo) antehac visum. Nam minus rarum esse censeo, mulierem imprægnari, salva manente membrana hymena, idque ad tempus partus. At rarissimum, vaginam uteri, tempore partus, membrana præternaturali pone hymenem esse clausam, sicut jam resensebimus.

In fossa Principis, è regione fossæ, vulgò dictæ de *Angeliers groft*, tabacum vendebat cò tempore Jan. Pieteriz. Nomen & locum præter morem (solent enim plerumque id ægrè ferre ad quos pertinet) apposui; quia omnia admirationem excitabit hæc historia. Hujus uxor in partu versans fœtum in lucem edere potuit, quantumvis conatus & labore partus essent adeò vehementes, ut clamoribus ejus transeuntes in dictâ fossâ detinerentur: Tandem me vocari jusserunt huic operi admotæ duæ obstetrices, (nempe *Annotie Meer in de Rlanrve Pot op de Keyfers graft, en stinzie Moer de Huyde straat*) jamjam enim videbatur moritura misera illa patiens. Exploranda difficultatis partus causâ, inveni membranam hymenem esse integram, valdè crassam, & à fœtus capite, exitum quærente, foras extensam. Hoc viso, incidendam esse hanc membranam judicavi. Vocantur itaque, Andreas Boekelmannus, & Petrus Adriani filius Chirurgi expertissimi, quorum ultimus primò accedens, me cum hanc suasset operationem; quæ statim à nobis instituta est forfice & stylo excavato, ne fœtus caput læderetur. Hæc factâ incisione, frustra fœtus exclusionem expectavimus, propter alteram præternaturalem membranam, crassam, vulvam profundius claudens

claudentem, fœtusque exitum impedientem. Hæc observatâ membranâ, spem in angusto esse judicavimus: ne tamen simul cum fœtu periret mater, huius incisionem quoque moliri sumus. Quid fit? Illic operatione peractâ, in lucem editur fœtus vivus, ejularibus vires satis robustas prodens, & in hanc usque diem salubriter vivens. Hicce omnibus non sine summo levamine peractis, quæ jamjam videbatur cum fœtu moritura mater, eluëtabatur Dei T. O. M. favore. Sequentibus diebus sollicita facta agra, ob urinæ incontinentiam, quam persentiit, non ob incisiones supra dictas, sed extensionem immanem, & diurnam vulvæ, sphincterisque vesicæ, quod eventus quoque confirmavit: Nam post aliquot septimanas optime convaluit, & adhuc pancreaticè vivit, simul cum fœtu admirandi partus.

In hoc partu 1. Considerandum est, hymenem membranam in coitu fuisse illasam, (cujus rei variæ reperiuntur in oculatissimi Bartholini Anatomia historiarum) live à nimia crassitie, vel aliâ causâ, hic reticendâ, ne vetecundia limites transeam. 2. Profundius & ponè dictam hymenem, vaginam fuisse occlusam à membrana quadam præternaturali, quæ dubio procul, ortum duxit post imprægnationem ab excoriatione quadam vulvæ, ab humore acriori oriunda: Videmus enim aliquoties vulvam excoriatam (cujus latera extra coitum ad se invicem concidunt) non solum claudi, verum etiam membranofum quid producere. 3. Urinæ incontinentiam ortum duxisse non ab operatione, aut incisionibus, sed à nimia vulvæ extensione. Nonnulli imperiti existimant omnem urinæ incontinentiam obstetricibus, aut magistris qui fœtum mortuum extraxere, imputandam esse, aut insulto: Multoties enim provenit ab extensione nimia vaginæ, unde sphincter vesicæ, qui vaginæ arcuè coheret, ita extenditur, ut urinam per aliquot dies, imò septimanas, retinere non valeant puerperæ. Hanc sphincteris atoniam sæpissime curavi: raro verò curantur, si urinam non retineant à gangræna, quam parturientes sæpius contrahunt post vulvæ intensionem diutinam & immanem, aut digitorum attritum immodicum. *Friedericus Rhuyfch. in Observationum Anatomico-Chirurgicar. Centuria.*

Partus quinque puerorum.

De tali partu mentionem facit Aul. Gellius lib. 10. cap. 2. noct. Attic. Et sacerdos elapsis diebus jurato edixit, se Imolæ vidisse fœminam quandam, annorum 35. uxorem cujusdam barbitonioris, quæ ann. 1688. quinque filios peperit, qui pauco tempore intervallo obierunt, quos eodem fato paulò post mater insequuta fuerat. Et ego quondam Comaclensem mulierem, atque aliam Ferrariensem vidi, quæ tres gnatos uno partu peperere. *D. Jos. Lanzonus in Miscellaneor. Curiosor. Decur. 2. A. 9.*

Fecunditas mira.

Circa annum Christi nati millesimum, quadringentesimum, octuagesimum octavum, habitaverunt in oppidulo *Bonningkheim* in Zabergovia territorii Wurttembergici conjuges, Adamus *Srotzmann*, & Barbara *Schmotzerin*, qui successive ex uno conjugio parentes fuerant liberorum quinquaginta trium, triginta quinque vicibus prognatorum in tali serie & tempore. Per vices octodecim unicum saltem infantem in lucem protulerat mulier; per quinque vices dein semper duos; quaterna vice tres. Postea iterum sex simul infantibus prægnans, quarto mense eorum primò tres, in puerperio adhuc cubans die nono quartum, posthinc hebdomade undecima quintum, atque iterum elapsis septem septimanis sextum enixa

est. Denuo & ultimo post nuperrimum puerperium septem simul infantibus gravida, gestationis hebdomade vigesima, eorum tres, abhinc septimanis tribus & dimidia rursus quatuor edidit; ultimus horum matri parturienti ingentes dolores & angores caulaverat, quippe hæc per triduum in partu laboraverat, & desperabunda prædebilitate vix quenquam videbat & agnoscebat, sed Deo mirè adjuvante, periculum evasit, infans etenim erat longitudine ulnæ unius ac transversorum digitorum trium, cum capite spithama virili grandiori. Puellorum fuere generatim triginta octo; puellarum quindecim, omnes lavacro sacro tincti, præter octo præmaturè demortuos, & cæterorum quidem nullus novennium supervixerat. Parentes in conjugio annos prope quinquaginta traducetes, uxor Anno Christi millesimo quingentesimo tertio mortua est, quam maritus brevi post sequebatur.

Historiam hanc, quam multi fabulam meram æstimant, sed verissimam attestabantur quondam pictura & scriptura rei gestæ in templo parochiali oppiduli *Bonninskheim*, nec non delineatio ejusdem ibidem in Curia, itemque manuscriptum parentum proprium illic adservatum; uti & Cæsar Ferdinandus Primus, multique Bohemiæ Proceres attestationem manuscriptam avide petierunt. Quam ego tam mirandæ fertilitatis conjugalis historiam, quum hætenus ejus alii Scriptores nullibi mentionem fecerint, ob raritatem, è Manuscripto Bibliothecæ D. Gregorii Queccii, adfinitis mei, quodam vetusto, ac fide omni digno excerpti, & hic inferere volui. *D. Joh. Helwigii.*

Additamentum Schroeckii.) Hanc etiam Historiam exhibet Exc. D. Georg. Hier. Welschius Epigram. observ. medic. 75. multum tamen ab Auctoris nostri relatione differentem, cum qua magis convenit illa Clar. D. Joan. Christoph. Eisenmengeri in Nob. D. Laurent. Straussii Resolut. casus de fœtu Mussipont. proposita.

Partus numerosus.

Cum in Decade, 1. Ephem. Nat. cur. Anni 9. Obser. 161. & 162. raras gemellorum historias recensuerim, aliam nunc inconsoletam numerosi partus dare libet observationem, qui anni proximi 1683. die 30. Novembris hic Augustæ contigit, dum murarii Jacobi Thomas uxor, 29. annorum, parvæ staturæ & tenuis fortunæ fœmina, quatuor jam liberorum, diverso tempore editorum, mater, in fine mensis octavi post ingravidationem, (gravi hac sarcina abdomen ita extendente, ut propè ad genua usque propenderet) circa horam matutinam tertiam, difficili partu puellum, pedibus scilicet primò prodeuntibus, enixa est; quam, doloribus, qui ab exclusione hac cessaverant, hora nona redeuntibus, alius hora secunda pomeridiana, & paulo post filiolarum totidem successive, omnes in situ naturali, sine magno parturientis nisu, imò ultimi partus ob virium delassationem quasi insciæ exceperunt. Ipsi infantes, singuli spithamas duas longi, omnibusque corporis partibus ritè ac bellè conformati, eodem die sacra Baptismatis unda fuerunt lustrati, primo Andrea, secundo Nicolai, Barbaræ & Mariannæ nomine fœmellis imposui; è quibus tamen filiolarum, ultimo è materno claustro emissæ, eodem adhuc die fuit denata, quam paulò post altera iridem excepit, filiolarum nati minori insequente demum die primò, ac denique primogenito pariter vivere desinentibus, sicque vitam ordinè in nativitate observato, inverso deponentibus. Placenta uterina, quæ horum sustentationi in utero matris inservivit, & mox post partum ultimum facile prodiit, fuit unica, quadratæ figuræ, spithamas duas in longitudine; & in latitudine unam cum semisse, in crassitie

crassitie verò digitos tres transversos æquans; cæterum à sulcis decussatim per eam exurrentibus in quatuor quasi partes divisa, totidem nempe funiculis umbilicalibus recipiendis dicatas, ita ut cujuslibet fœtus umbilicalia vasa in separatam & sibi propriam placentæ angulum implantata fuerint; prout non minùs unumquemque fœtum propriæ membranæ involverant, & quemlibet partum aquæ solitæ effluxus præcesserat; quo tamen non obstante, magnam ejus portionem, quam novus aliunde factus affluxus fortè adauxerat, in uteri cavitate restitasse indicium fuit, quod septimo demum die copiosæ aliæ affatim effluerint, cum prius subinde conquesta fuisset puerpera de molesto ventris pondere, in latus alterutrum, si quando ab uno in alterum se verteret, decumbente, & de quinto insuper fœtu latente ipsi suspitionem idcirco aliquam movente: Utrum hîc contrigerit aliqua superfœtatio? decernere satis est difficile, si non impossibile. In negativam enim descendere si cui libuerit, is fortè non erraverit, partim quod omnes hi fœtus eadem magnitudine fuerint præditi, partim etiam unica eosdem placenta sustinuerit. Attamen, ut & hoc fatear, cum generatio hominis ex ovo, è muliebri testiculo in uterum deposita, nostra hîc ætate tot experimentis Virorum Celeberrimorum satis sit demonstrata, atque hinc quam metuebant, seminum diverso tempore, tam à mare quàm fœmina excretorum commistio vel confusio, & hanc insequens destructio, spontè corruat, cui à coitu e. gr. una nocte instituto ovulum tale fœcundari & ita conceptio fieri, insequente verò altera vel tertia nocte, à reiterato illo aliud dein ovulum itidem fœcundum reddi, sicque nova conceptio, vel superfœtatio contingere nequeat, nulla causa subest, siquidem hac ratione fœtus isti quatuor notabilem in magnitudine differentiam neutiquam præ se ferre, placentæ autem uterinæ faciliè tum concreescere in initio potuerunt, hanc ipsam earum concrectionem sulcis illis, in quatuor partes placentam qui distinxerant, quodammodo innuentibus. Ipsa verò puerpera, quinta à partu die, non tam à reiteratis toties nixus doloribus, quàm varii, illustris etiam & nobilis, ordinis ac conditionis turbæ, ut insolitum bigemellorum partum spectaret, & angustum conclave, in quo unà cum infantulis decubebat, strepitu tota die replentis, aëremque frigidum, aperta toties janua importune admittentis confluxu, defatigata ægrotare incipit. Quam in valetudinem imprudens sororis, clinicæ officio fungentis, curiositas adauxerat, dum hypocauftuli frigefacti, appropinquante nocte, pavimentum à sordibus purgaret atque elueret, media insuper nocte jusculum è vino cum vitello ovi paratum puerperæ, de virium imbecillitate conquerenti, exhiberet, siri etiam cervisiâ liberalitè porrectâ succurrere tentaret, sicque gliscentem jam internum calorem febrilem adaugere. Circa diluculum pejus se habenti ut opitularer, à marito vocatus, deprehendi cordis anxietatibus, lipothymiis, ventris doloribus & insigni tumore, lochiorum suppressione, æstuque vehementi interno conflictantem, Unde mox, vitale robur quæ restaurarent, calorem internum præternaturalem compescerent, nec non naturæ motum ad lochia expellenda promoverent, idonea medicamenta præscripsi, salutari cum effectu: Deliquia quippe animi ex usurpatione Cardiacorum remediorum cessarunt, & propinato 5. die Decembr. leni pharmaco, ut alvum retardantem officii admonerem, lochiorumque moram tollerem, utraque repagula feliciter fuerunt referata, subductis nempe leniter fecibus, subsequente verò die sero instar loturæ carniū tincto copiosissime profluente; ex quo & venter detumuit, & ejus cruciatus cessavit. Hoc

onere elevata natura, die septimo à partu, massam sanguineam, erysipelate ad ambitum corporis universi protruso, per motum criticum deputavit; quod postmodum in pustulas instar crystalli lucidas, certum venenatæ aut malignæ qualitatis signum, elevatum, dubii eventus indicium præbuit, viribus præsertim vim haud exiguam patientibus; quod tamen periculum usu alexipharmacorum, cordialium ac simul hysteriæ, (utero nempe à sua immunditie nondum penitus libero existente,) habito semper angustæ vel œconomicæ respectu, præscriptorum, feliciter evaserat, gravibus istis symptomatibus non tantum remittentibus, sed & pustulis sensim evanescentibus, relictis in pectore, (quod sapius, præsertim dormienti sudore madebat) & circa utrumque carpum ulcusculis, applicatione tamen Unguenti exsiccantis brevi quoque dissipatis, & sic ad integram valetudinem agræ restituta. *D. Luca Schrockii senioris.*

Partus numerosi.

Anno Christi 1538. femina perparvæ staturæ, textototis uxor in pago *Kleinreuth*, prope Noribergam, uno partus nixu duos filiolos, & duas filiolas ediderat, omnesque baptismo sacro lavati. *Ex Chronico M^o Sto Noriberg.*

Anno 1628. Noribergæ pistoris cujusdam filia ab Italo quodam constuprata, tres filiolos uno partu enixa erat, hoc percipiens ipsa larè exclamavit, se quoque ab insultatore suo, mercedis loco, thalerum tribus iconibus masculinis insignitum accepisse.

Anno 1644. die 14. Januar. Matrona perhonestæ Noribergæ, cum in conjugio frequenter, & quidem semper unicum saltem fœtum protulisset, demum tres filiolos vivos unico partu in lucem edidit, qui omnes sacro fonte tincti fuerunt; matre verò interea ob virium lapsum è tanto pariendi labore, penè agonizante, sed analepticis maturè adhibitis restituta.

Anno 1648. die 21. Octobr. Noribergæ lanii cujusdam uxor uno partu unicum filiolum & duas filiolas in lucem protulerat, qui omnes quoque baptismo tincti fuere.

Anno 1670. 25. Aprilis, sartoris cujusdam uxor ibidem tres unico quoque partu filiolos ediderat, qui omnes vivi fonte sacro lavabantur. *D. Joh. Helwigii.*

Scholion Schrockii. Exempla numerosi partus plura occurrunt, quorum multa collegerunt Marcell. Donatus lib. 4. de Medic. histor. mirab. cap. 24. Johann. Schenckius lib. 4. observ. Medic. Henr. Salmuth. comment. in lib. 2. Pancitollî tit. 10. Ludov. Bonaciolus de fœtus format. cap. 6. & 9. Thom. Bartholinus de insolit. part. viis cap. 19. & Welschius noster observ. Medic. epigram. 75. nec non in addend. ad h. l. Monstra inter natos Rodericus à Castro lib. 3. de natura mulier. cap. 11. cum maxima ex parte mulieres unum duosve tantum fœtus, juxta mammillarum numerum pariant; Quod tamen nimis liberè atque justo durins scriptum videtur, qui non monstra inter, sed rariora naturæ contingentia referre debuisset. Nec mammillarum numerus huc quidquam facit; quia communissimè unius tantum fœtus generationi in qualibet femina favet Natura, nec tamen unica tantum mamma tales instruit; aliàs sanè ex hoc fundamento, unius fœtus generatio monstrosa eadem facilitate dicenda foret. Cæterum seminis abundantia & distinctioni, vel uteri diversis loculis tam multiplicis fœtus productionem esse adscribendam, sunt qui statuunt; quæ tamen rectius per nostri avi

experimenta anatomica, vel in multa ex uno pluribusve iteratis brevi congressibus veneris fecundata ova muliebria, vel aliquot uno in ovulo ex Naturæ lulu occurrentes cicatriculas, referri posset.

Difficilem partum facilitare.

Inter complures sterilitatis causas nulla erit potior, aut ævior, quam dum generosa in suos ortus semina exurgere, inque lucem prodire publicam nituntur, languentis interea naturæ vitio vanum sui desiderium relinquunt in mentibus parentum, suffocata vitalique aura orbata, primiparæ huic potissimum periculo obijciuntur, dum vagis partus dolouribus deceptæ, ad conatus pariendi pramaturæ sæpè ausu satis masculæ se accingunt, contra licet strepente viarum angustia, nonnumquam enitendum fœtum satis matura. Multæ nationes gravidas suas balneis aquæ dulcis, antequam partus intat, immergunt, ut membra prius mollescant, & facilius relaxata diducantur, inunctis insuper cum unguento altheæ, oleoque li. alb. talibusque, ipsis naturalibus. Pleræque verò fœminæ ob insignem ventris molem cupas ingredi commode nequeunt, quibus humiliori in sedili locatis sacculus herbis emollientibus, aut floribus fœni factus, & per calidam tractus aquam, subijciatur bis in die, subsequente partium illarum inunctione.

His aliisque compluribus ad facilitandum fœtus exitum, in vanum sæpius admissis, quid mihi ea de re olim cogitanti acciderit, in sexus hujus debilitatis gratiam patefacere non gravabor. Fructum balsaminæ rotundifoliæ repentis, sive maris, Bauhini primæ, Momordicæ vulgi, jam maturum, coccineo præditum colore, & spinis quasi asperum, diu multumque contemplatus, cum in manus vola arctè tenerem, ille sua sponte diffiliit, seminaque sua foras protrulit, ut apertæ, rursus manu illa seorsum projecta elaberentur. Haud inanem huic fructui inesse signaturam subinde suspicari cœpi, quæ utero materno ad pariendum jam proclivi, ob quasdam tamen injurias sufflaminato divinæ instar virgulæ contingeret. Oleo proinde olivarum carnem fructus illius Momordicæ immisi, solique id expositum, virtutisque ejus satis imprægnatum, clysteriis ad unius uncie pondus admiscui, non vano inde subsequente succellu.

Id præcipuè commodi mecum exinde puerpera sensit, ut inanibus istis, vel etiam colicis doloribus discussis, legitimam paritûs tempus attingeret, aut verò si terminus pariendi instaret, illa fortiore nisu ad excludendum aptè fœtum feliciore infantem exitu bearit, seque à tam laborioso expeditam conatu immunem asseruerit à majoribus periculis. Fructus momordicæ pulpam cum butyro benè mistam obstetricæ aliis pinguedinibus huic fini inservientibus commodè applicabunt. Quid fructus cucumeris asinini, quid perlicariæ siliquosæ, noli me tangere dictæ, levi tactu diffilientes &c. in his difficultatibus, vel etiam promovendis secundinis possint, curioso naturæ scrutatori censendum & pensitandum relinquo. *D. Joh. Georgii Polikameri.*

Partus facilis redditus esu Cancrorum.

Soror mea Susanna cum in partu laboravit, non potuit ulla ratione fœtum eniti, nisi prius edisset Cancros, hos enim maxime appetebat, & cum vix unum comedisset, statim enixa est filium.

Vi imaginationis partum hunc factum luce meridiana clarius, quantum enim valeat imaginatio in prægnantibus videatur Thom. Pienus de Viribus

Imagin. peculiari & egregio Tractatu. Puto quod ab humoribus in partu cominotis pica excitata sit, ita ut spiritus distracti cogitationibus, vim expultricem deseruerint & in opere retardarint; Pica verò sedata & Archæo inquieto pacificato, eo majori vi ac conatu rem cœptam perfecerunt. *D. G. C. Winkleri.*

Partum difficilem juvat usus Tigridis pellis.

Principissa Nassov. Hadamatenfis, pro arcano in partu difficili sibi servat frustum cutis Tigridis, femori sinistro aliquando tentans certum expertus. *D. Joh. Dolai.*

Mater & fœtus debiles partum impediunt, & urgent.

Maria B. è pago Tallvvyi oriunda, quadragenaria, prægnans, die vigesimo nono Decemb. Ann. 1681. queritur, se inde à quatrinduo per intervalla pariendi dolores pati, cum rigore. Infans parum movebatur, & lac in mammis exaruit. Exhibui aquam lil. alb. serpil. meliss. cinnamom. & matricalem nostram cum borace & tabulis alkermes: item spiritum salis armoniaci in jusculis: jussi bibere vinum decocto agrimonie temperatum, & edere juscula è ciceribus rubris parata, nec multò post feliciter peperit, & sana evasit.

Scholion) Evenit multoties, ut matris & infantis utero conclusi debilitas partum urgeat, non tantum propter vitam calamitosam, quæ lætos spiritus vitales obtundit, sed etiam propter labores graves, & alimenti penuriam: maxima enim pars morborum, quibus affliguntur pauperes à mala diætâ dependet, hoc est, primum à prava substantia & qualitate alimentorum, quibus utuntur, deinde à victu planè inordinato; nam aliquando cibis abundant, & famem iis nimium saturant, mox in penuria pristina vivunt, & diu esuriunt. Tertio à labore, & injuriis aëris, namque æstate expositi sunt solis ardori, hyeme ventis & frigoris, à quibus se defendere nequeunt; cum vestimentis bonis careant. Nascuntur ergo inde cruditates, tot malorum causæ, quot morbi premunt inopes.

Ægram nostram pauperulam solus calor & alimenti defectus ad pariendum ante tempus adigit. Rigoris causa est nervosarum partium irritatio. Infans parum movebatur, quia debilis fuit, debilitata simul & mater erat; tam arcta enim inter utrumque est conjunctio, ut eodem sanguine nutriantur, iisque gaudeant spiritibus.

Lac in mammis exaruit, quoniam impendebatur chylus, spirituosâ lymphâ turgidus conficiendo sanguini, & restaurandis viribus, quibus mater valde opus habebat.

Quamobrem deficiente apta materia, lactis fons in mammis exaruit.

Quomodo autem lac generetur, dixi in Clav. Med. Exercit. 1. pag. 13. aliis quoque de causis lac in mammis absumi potest: ob nimium videlicet calorem, vel sanguinis crassitiem & frigiditatem.

Quia verò ægræ nostræ lac defecit ob defectum alimenti & debilitatē virium, exhibui aquam cordialem fœtum pellentem supra notatam. Lac quoque vaccinum vel caprillum, cum sacchari rosati s. q. sumptum, alimentum est excellens; si quando verò calor immodicus lac aufert, venesectio & usus feri lactis tunc prodest. Si crassities, & frigiditas sanguinis, jusculum carniū cum seminis fœniculi contusi 3j. exhibemus; vel etiam decoctum fol. fœnic. cum

cum 3ß. femin. urtic. Fomentationes quoque mamma-
rum sunt ex decocto foliorum fœniculi, nasturtii,
eucæ, in vino albo.

Lactis defectus in mammis sæpè mortem & matri,
& infanti prælagit, imprimis si præter rigorem alia fig-
na mala adfuerint, id quod accidisse memini Lugduni
Galliarum prægnanti mulieri, quæ octavo graviditatis
Mense exspiravit. In ea sectionem cæsaream Mense
Januario 1671. administrari iussit N. Falconettus. An-
drea Filius: Renuebant parentes: Tandem cultrò in
uterum immisso extractus fuit fœtus omnibus partibus
absolutus, immobilis tamen & exanimis. Cranium
ejus & dexter humerus livore suffusus erat.

Matrem antiquis mœror ex odio confecerat cum
syncope, cujus cadaver collustrantes invenimus glandu-
las mammarum aridas & exsuccas, cor vietum,
flaccidum & pallidum, sine humore pericardii, pul-
mones nigris tactos vibicibus & atra spuma turgentes,
thymum erosum, cæterasque glandulas absumptas; in
fundò. stomachi inflammationis non lævia indicia. In-
testina tenuia contracta erant, hepar tamen & lien in-
columes. Cur verò gravidis & puerperis mammae
turgescant lacte, hic commodè disquiri potest?

Vetères putarunt, Naturam mammarum cum utero per
infinitas penè vasorum anastomoses consensum indidisse,
ut ab utero ad mammas sanguis commear, & vicis-
sim à mammis ad uterum, atque sapienter ordinasse,
ut toto graviditatis tempore sanguis versus uterum de-
ferretur, quo fœtus inde formetur, & nutriatur: at par-
tu edito, sanguis ab utero ad mammas tenderet, ut ibi
in lac mutatus infanti in alimoniam cedat.

De quâ sententiâ, quid statuendum sit, in Clavi
Med. Exerc. I. p. 17. exposui; Gravidis humidioribus
sanis serme turgescunt omnes glandulae, utero amplia-
to & graadescente, maxime autem glandulae mamma-
rum, seu consensum singularem per nervos cum utero
sortitæ.

Turgescit quoque Thymus, & glandulae alarum,
colli, inguinum; dum enim fœtus perfectus est, & mi-
nus de sanguine materno quàm antea in se recipit, ne-
cessariò lymphæ superabundans glandulis copiosa adve-
hitur, & imprimis etiam spirituosior mammis, quæ
lac exinde conficiunt, & per glandularum poros apte
fabricatos percolant. D. Joh. de Muralto.

Aqua ante Puerperium quindecim diebus innoxie effusa.

Illustriss. Comitissa de Starenberg, quindecim die-
bus ante partum Aquam Puerperii semper rejicit abs-
que gravi damno, ubi masculam prolem paritura est;
non verò ubi fœmellam. An quia fœtus masculinus
plus attrahit quàm fœmellus? An quia fortior mascu-
lus motu vehementiori vias aperit? An præcox ille
fluxus sit hydropis uteri prodromus. Dom. Pauli de
Sorbaire.

Trifolii Fibrini vires in promovendo Partu.

Biduum Partus doloribus non procedente fœtu in-
sumserat mulier rustica primipara 24. annorum, cum
consilium rogarer, dedi statim in aqua trifolii fibrini
frigida sumendum pulvisculum:

℞. Cinam. trifol. fibr. an. ʒj. Sal. C. C. volat.
ʒss. Misc. f. pulv. Usâ hoc est, sed sine effectu, adeò
ut & noctem misera miserissimam transegerit sine partu.
Manè, rogatus, repeto pulverem aliquot granis Salis
C. C. autum, quandoquidem hanc ʒʒʒʒʒʒ debilitati
Matris fœtusque, cujus motus sensim minor fiebat,
iusto citius ab obstetrice ad partum sollicitatorum,
unicè adscripserim, jubeo deinde Ol. trifol. fibrin. de-

Biblioth. Chirurg. Tom. III.

stil. umbilicali regioni inungi. Quid sit? Paucis ab
inunctione minutis, manifestè fœtus exitum molitur,
& paucis inde horulis prodit filia sã elegans & ve-
geta, succedentibus statim omnibus quibus opus erat.
vidi post aliquot hebdomades matrem filiamque vigen-
tes optimè. Brevi post tempore alia mulier rustica si-
milibus doloribus per integram diem frustra fatigata,
auxilium petiit, nullâ re usâ quàm inunctione olei hu-
jus ad umbilicum etiam brevi post filiam enixa est.
Alia mulier Dralensis, post durissimos difficillimi par-
tus dolores, circa pectinis regionem versus superiora
dextri ossis Ilium & lumbos horrendos per intervalla
recurrentes dolores sensit, primis à partu diebus mini-
mos, at nono summum exasperatos. Non tumor
exterius viscebatur, nec rubor. Credidi gravius quid
ligamenta hujus partis perpessa. Leniendum dolorem,
partem roborandam, materiam fortè vellicantem dissi-
pandam ratus, iussi locum affectum inungi.

℞. Ol. Verbas. veteris 3ß. Misc. cum aqua verò
trifolii dedi Ol. trifol. fibr. gr. 3. Sal. volat. C. C.
gr. 6. Misc. Statim ab inunctione habuit melius,
noctu sudavit plurimum, unde quidem lassata, sed &
malo aliquantulum levata fuit, donec continuatione
inunctionis paucis post diebus dolore hoc liberata sit.
D. Johan. Jacob. Willii.

Parturiens sine Aquis.

Anno Christi 1664. Disputationis meæ Inauguralis cap.
18. inserui Casum fœminæ, quæ in lucem edidit fœ-
tum sanum firmæque valetudinis, nullis prodeuntibus
aquis & paucio sanguine, ab Excellentissimo Viro Do-
mino Guernero Rosinckio P. P. apud Jenenses Cele-
berrimo, Præceptore meo colendo communicatum.
Nunc ipsemet quid observavi, referam. Civis cujus-
dam Luchovienensis uxor primipara, sub medium hu-
jus anni post Christum natum 1671. iusto tempore
parturiendi conatus experitur, adest Obstetrix, sunt
omnia ordine & decenter, infans etiam in recto situ
& bene coronatus deprehenditur, nihilominus parturi-
ens eniti non valet, locelli manent sicci, & licet mem-
branae disruptæ, ne guttula quidem aquæ prodit. Du-
rant parturiendi conatus per biduum, incassum tamen
laboratur. Meum cum auxilium imploraretur, locel-
lorum ante omnia siccitatem, pinguium & emollien-
tium inunctione emendandam censeo, Galenum secutus,
qui hoc tali in casu faciendum esse monet, lib. 15. de
usu partium cap. 5. ubi addit, suo tempore obste-
trices humores quosdam habuisse, quibus tali in casu
matricis Collum perfundebant. Unguentum autem,
quod præscribebam, tale erat:

℞. Unguent. de althea compositi ʒiij. Ol. Chei-
rini 3ß. Pingued. gallinæ, Taxi an. ʒvi. Ol. Chamo-
mill. cocti ʒj. Misc. f. unguentum.

Hoc Oleo Obstetrix matricis Collum sapius & se-
dulò inungebat. Interim pro matre & fœtu roboran-
do sequentem misturam, qua sapissimè maximo cum
successu usus sum, præscribo, cochleatim assumendam.

℞. Aq. pulegii, Fœniculi an. ʒij. Vitæ mulier.
ʒvi. Tinctur. castor. Croci an. 3ß. Syrup. de arthe-
misia ʒj. Misc.

Ab hisce medicamentis, mirum, intra bihorium
enititur prægnans filiam sanam firmæque valetudinis,
debilem tamen à prægressis partus doloribus. Mirum
postmodum nullam vel omninò exiguam & vix sensi-
bilem lochiorum secutam purgationem. Intra hujus
curationis tempus, ut & postmodum diligenter inqui-
sivi, an aliquot ante parturitionis tempus diebus, sep-
timanis, vel mensibus, quodpiam uteri sensisset dilu-
vium; etenim licet ordinarium sit, quod aquis emer-
gentibus, dolores partus intra trium horarum spatium

sequantur, nihilominus & haud ratum est; imò quotidianum, partum aquis jam prægressis retardari ad sex, decem; imò etiam viginti horas: quin & Amstelodami ante aliquot annos notavi trium septimanarum & trium dierum ante partum spatium accidisse symptomaticum hoc diluvium salvo manente fœtu & iusto egrediente tempore. Sed contrarium semper asserbatur. Est autem hæc fœmina pauci sanguinis, aded ut vix semel intra trimestre utero, ut ipsamet mihi retulit, purgetur: Hinc & uteri pondus sine molestia, & fœmè sine ullo impedimento tulit toto prægnationis tempore. *D. Alardi Hermanni Cummeni.*

*De Partu difficili & Pudendis à gangranosò
Fœtu infectis.*

Circa illud tempus, id. nempe Februar. noctu hora 10. vocabar ad pistoris cujusdam uxorem juvenculam, justum gestationis terminum quidem emensam, sed difficulter admodum patientem, prominentem nempe jam extra partes genitales fœtus masculi manu dextra, brachioque sentim sequente, ast reliquo corpusculo intra uterum subsistente, nihil vel parum in tertium usque diem proficientibus puerperæ & naturæ conatibus, quos adjuvare idoneis remediis auxiliis contendebam: sed incassum omnia. Verum, cum parum spei de salute superesset, ob deficientes puerperæ vires, & abortum putidum è brachioli propendentis gangræna jam infecti fœtorem, divinum subveniebat auxilium, dum stipulum ad urinæ excretionem ex improviso sentiret, & simul novum parturientis doloris nistum: quare è præsentem tum obstetricem instanter sollicitata, ut quantum virium corporis adhuc restaret, eas intenderet ad omnimodam fœtus exclusionem, id quod animosè ac strenuè fecit, cum felici aded successu, ut integrum pueruli emortui corpusculum exin fuerit exclusum; quod mox sequebatur secundina, fluxusque lochiorum moderatus. Superata autem hac calamitate, alia excipiebat non minùs periculosa, dum brachii gangræna jam humerotenus serpens, per contagium genitales partes inficiendo, ac insuper vesicæ cervicem lædendo, involuntarium urinæ profluxum irritaret, necnon sævum istis partibus dolorem induceret. Hæc malorum turba oppugnari utique mox debuisset congruis à perito artifice remediis, muliebris tamen prævalebat prudentia, insipientia potius nuncupanda, cuius inepto labore, per fœtus, suffumigia, linimenta, & nescio quæ alia adhibita fanatica & exitiosa deliramenta, morbus aded exasperatus fuit, ut exigua restitutionis spes amplius superesse videretur. Cum itaque desperatam jam rem fœminatam cæcus ille cernebat, & motus quasi præ foribus præstolaretur, postliminio ego rursus vocatus, dum accederem, totum conclave, in quo patiens recumbebat, fœtore aded inquinatum deprehendi, ut spiritum liberè ducere vix potuerim. nihilominus, etsi summis in angustiis versaretur, persuaderi tamen egre fuit passa, explorationem loci affecti vel à me, vel à Chirurgo ut admitteret. Tandem doloris atrocitate coacta inspectionem nobis concedente, comperimus attoniti horrendam partium istarum faciem, similem ferè ei, (quoad pudenda gangræna infecta) cujus Vir magni judicii, & indefessæ industriæ Theophil. Bonetus Anatom. Pract. lib. 3. sect. 21. observ. 55. §. 14. Ex mea communicatione, benevole meminit. Labia enim istius partis obcœnæ, ut & perygomata, nec non vagina ipsa, ad internum usque uteri osculum, quantum ex ardore & dolore summo, in interioribus pudendi perpeffo, ut & fœtore mephitico, ex partibus in profundo reconditis lœsis exhalante, ac abscedente per particulas, convenientium remediis usu, membranosa cervicem

uteri investiente substantia constabat, gangræna mirum in modum corruperat. Verumtamen post alia atque alia solerter & indefinenter usurpata tam interne, quàm externe remedia, ministrante providi, & longo rerum usu probè exercitati Chirurgi manu, subinde cutis mortuæ pars plurima abscedebat, vivæ verò carnis particule in conspectum veniebant, mitigato insuper dolore atroci; & fœtore sensim evanescente, ita ut fiducia reconvalescentiæ haud mediocris conciperetur: quæ etiam Nos non fefellit, perducta nempe ad exoptatum finem (nisi quod urina quandoque involuntariè, sed indies remissius, stillatim fluere, imò ut plurimum voluntatis arbitrio succederet,) feliciter, unius mensis, curæ laboriosæ tela. Quamvis hoc jam tempore, quò talia scribo, ab isto quoque stillicidio immunis planè fœmina vitam pancreaticè transigat; ut aded de bufonis usti pulvere, tantoperè ab Henr. ab Heer observat. suarum 14. commendato, cujus nempe virtutem experiri animus erat, cogitare amplius nulla sit necessitas. Cæterum observationi præfatæ non absimilem aliam invenio apud Magnificum Dom. Thom. Bartholinum Cent. 2. Histor. Anatom. 6. totum uteri collum sphacelo desperato infectum, feliciter tamen curatum exhibentem; prout etiam gangrænam in uteri ostio gravissimam fœtidissimamque in Nobili Matrona sanatam Joh. Wierus lib. 1. observ. pag. 943. recensuit. *D. Luca Schræckii.*

Uterus locò fœtus incautè extractus.

Anno 1681. Junii 20. Dominus Daniel Richter Medicinæ Doctor, me præsentem, aperiebat Cadaver juvenculæ, Uxoris Andræ Thielens Scriniarii, cui primiparæ alioquin robustæ obstetrix incauta, sub persuasione fœtus restitantis alterius vesana, uterum inversum planè, ut instar marsupii versi propenderet, atque cum hoc, ipsam vitam violentissimè extraxerat. *Dom. Christophori Seligeri.*

Scholium.) Cum vel alias uteri prolapsum fœminas à partu difficiliore incurrere novum non sit, eò facilius, si obstetricis imperitæ temeraria violentia accesserit, idè continget; quo nempe tempore uteri substantia adhuc cum ligamenti suis laxiori textura prædita violentæ tractationi promptius cedere cogitur. Quale etiam exemplum Petr. Marchettis observat. Chirurg. 61. recensuit, ubi obstetrix secundinas à partu non statim proheuntes extractura, & uterum nonnihil laxatum depredendens, magna vi manibus eundem extra pudendum, letali subsequente effectu, dejecerat, exemplo, uti verba Autoris habent, obstetricibus, quæ omnium peritiam profitentur, quanquam imperitissimæ, ut secundinas sponte potius prolabi permittant, non violentis manibus eas sollicitent, aut earum loco uterum ipsum extrahant, quamplurimis mortis auctores. Confer. D. Nicol. de Blegny Zodiaci Med. Gall. Ann. 3. Mens. August. observ. 8. & D. Franc. Mauriceau de morb. muliet. lib. 2. cap. 13. & lib. 3. cap. 6. (*L. Scrock. L. F.*)

Partus faciles.

Meo tempore matrona quædam Nobilis & perhonestata fuit Noribergæ, Consiliarii uxor, quæ quotiescumque pariendi hora instaret, semper stando, cum dorso innixa, ad partum laboravit. Et sub labore, pro mitigandis partus doloribus, micæ panis ex hydromelite continuè manducavit, facile sic feliciter, semperque levata fuit.

Itemque mulieres quasdam villicanas vidi, quæ Noribergæ in horto meo suburbano tempore belli Suevici hospi-

hospitabantur; eę post levem partus nixum, statim è lecto sutrexerunt, ipsęque è partu recentes, vitulum, vel juvencam, vel nesciendam propriis manibus suis mactarunt, cubiculum mundaverunt & lavarunt, pro epulo solemnī, rursūque tunc se lecto committentes, strenuè cum compatre & ceteris invitatis corporarunt & comederunt, sine omni fatigatione atque sanitatis noxa. *D. Joh. Helwigii.*

Scholion Schroekii.) Licet Divinum istud decretum de partus doloribus, in pœnam inobedientię, muliebri sexui impositis, omnes gravidas in fœtus exclusione subire, nemo dubitare queat, minoresve, tamen illos pro variarum circumstantiarum ratione, esse simul notum est; ut ita ipse etiam partus, qui facillimè absolvitur, dolorificus existat, atque illos maximè falli, aliosque decipere, crediderim, qui de Americanis; allive quibusdam remotarum terrarum mulieribus persuadere conantur, easdem absque ulla molestia vel dolore fœtus suos, excludere, quam sanè fabulam ex gentium istarum consuetudine sibi fluxerunt, post editum nempe in lucem infantem se mox lavare eas, adque labores consuetos ut plurimum sese conferre observantes; id quod robustę feminarum illarum naturę, & partium genitalium naturali amplitudini, ac laxitati, ipsique etiam infanibus firmiorem corporis constitutionem pactis adscribendum esse, huiusmodi licet: quin & mulieres illę adfuetę cum sint laboribus, ob id ipsum, iudicio Aristotelis lib. 4. de generet. animal. cap. 7. partum faciliorem experiri dicimus. Quę sanè cuncta, aut quę plures possint esse alię, in villicanis quoque istis, ab Auctore nostro memoratis, locum habent. Quod si quandoque inscię mulieres pariant, laboresque in enitendo haud perferant, easdem eo ipso tempore aliis doloribus majoribus, alteros illos quasi minores obfuscantibus, vel morbosā quādam insensibilitate laborare credibile est; qualia exempla apud Auctores occurrunt, mulieris præcipuè Prægnantis in Nicol. Tulpii lib. 1. observ. medic. cap. 10. tam acerbis nervorum contractionibus afflicta, ut pepererit, ignara tamen partum illum à se editum.

Partus difficiles.

Persæpè observavi partus difficiles fieri non sine matris & fœtus vitę discrimine, cum funiculus umbilicalis infantis collo, vel cruri simul & alteri, vel utrisque obvolutus invenitur aut sentitur, & nisi in tempore ab obstetrice evolvatur sub enixu, infans facile strangulatur. *D. Joh. Helwigii.*

Scholion Schroekii. In naturali & genuino partu duo requiruntur, quę sibi invicem operas mutuas præstent; nempe parturiens mater, & pariendus fœtus. Qui ambo nisi ad hoc negotium parati fuerint, [vix succedit felix partus: verba sunt Magni Guil. Harvei in Exercit. de partu. Quę omnia prolixius deducere; cum difficilioris partus causę passim doceantur, haud opus est; ex fœtus saltem parte quę contingit difficultas, ob funiculi umbilicalis collo circumvolutionem, paucis hinc consideranda. Ista enim vasorum umbilicalium congeries ex uterina placenta prodens, supra frontem embryonis naturaliter ut plurimum fertur, atque reflexa per occipitium decurrens, ad umbilicum dein solet descendere, si itaque anteriori etiam parte delabatur, collumque circumdet, quia hac ratione brevior evadit, fœtum retrahendo, vel simul secundinam cum fœtu ad exitum rapiendo, partum reddere difficile, imò in ipso egrediendi conatu embryonis fauces laquei instar constringere, eumque strangulare potest. Sic Ill. Thom. Bartholinus collo aliquoties circumductum vidisse se, lib. 1. Anatom. reform. cap. 27. testatur, unde ad horas plusculas

dilatus fuerit partus, prodienſque infans vix spiritum traxerit. Cujus etiam exemplum in nepote suo recenset Stephanus Rodericus Castrensis Exercit. medic. 21. qui cum ex materno clauſtro egredi tentaret, laqueus ille collo circumvolutus, cum suffocationis metu, conſtringebatur, unde infans ab exeundi impetu aliquoties retrahebatur, donec tandem obstetricia manu aliquanrulum eo relaxato lividus omnino & penè suffocatus hinc in lucem prodierit. Et Clar. Joh. Bauhinus apud J. Schenckium lib. 4. obs. med. similem periculosā circumvolutionem, bis terve collum ambientem observaverat. Nec minori multum discrimine caret, si idem funiculus ipsum corporis truncum circumdet; cuius specimen matri ac fœtui lethale exhibet Guil. Fabricius Hildanus Cent. 4. obs. chir. 57. ubi vasa umbilicalia non tantum bis ita circumducta fuerant, sed & brachium sinistrum cum crure dextro eidem colligaverant.

De Partu difficili à fœtus situ inconveniēti.

Multi extant modi, per quos in hanc lucem eduntur fœtus, me tamen similem modum quem jam referam, & ab Obstetrice nostra ordinaria accepi, legisse non recordeor:

Civis cujusdam uxor devenit ad partum difficillimum & p. n. fœtus potexit unum pedem, altero pede ad caput prorsus reflexo, sicque fœtus duplicatus quasi, ac semper pes exitum moliens, licet ab obstetrice reponeretur sæpius, tamen annuente gratiā divina, fœtus ad situm naturalem & convenientem pro partu reductus, inque lucem post longum laborem editus. Ita ut hunc partum magis demirer, quam eum apud Curios nostros Anni 1. Observ. 49. p. 145. ab Exc. D. Friderico Ferdinando Illmer à Wattenberg unico extractum communicatum. Magis hic fœtus stupendus, & omnium difficillimum conatum pariendi fecit; Hęc quoque obstetrix referebat fideliter se non semel vidisse quod fœminę pepererint sine aquis; ac harum aquarum receptaculum prorsus siccum inventum, verum partum tum semper esse difficilem: Etsi eveniret quod hęc ordinaria eluvies efflueret justo citius, tum partum remorari ad vi. xii. xxiv. horas, vel etiam ad tres dies, longiorem moram nondum experta est; De Infantibus hęc referebat, quod interdum cum tumore in lucem edantur, qui tumor si rubet, vel alterius est coloris, nil mali metuentum. Dum autem pallet, infaustum signum est, ac mortem denotat; illud sese jam in tribus infantibus, quibus tumor palluit, verum deprehendisse. Omnes tres enim non multo post extincti sunt: Tumorem hunc mulierculę nostrę vino calido butyrato foveat. *D. Joh. Ludov. Hannemannii.*

Partus difficilis, cum vitalis fœtus & duplicis mole exclusione.

Ad militis cujuspiam uxorem, difficultate pariendi gravissimè laborantem, nec ullum à biduo calcitrantis antea fœtus motum amplius sentientem accersitus, fœtusque hoc & usque extinctionem statim auguratus signis, ejusdem quamprimum exclusionem, exitii materni metu, sum molitus. Præcipitatā iraque auxiliis adhibitis mediocri Molā, major altera subsequuta est, verum ita fracto parturientis animo, ut conclamatum de misera putarem, cum illa novas, tribus horis post, recolligens vires, gracilem quidem & mortuum, ac partibus omnibus absolutum fœtum edidit, ac tandem evasit. *D. Francisc. Bouchard.*

*Directio & Extractio fœtus vivi sincipite ad
pubem compulsi, manumque sinistram
exserentis.*

Conjux Ar. perdilecta die 22. mensis Septembris anni 1683. post aquarum copiosarum haud doctorinico effluxu, rursus pariendi per aliquot horas atrocissimos absque fœtus promotione sustinuit: Situm infantis vitiolum esse maicule asserui, neque fœminam ulterius urgeri perinisi, digito, ut decet, rem examinans, adstantium prœcibus commotus, ad operandum me accinxi, & manum Infantis sinistram juxta osculum uteri repertam molliter repositui, ne subsequenter conatibus foras protuderetur: faciem sursum spectantem, & frontem cum sincipite pubi adstantem non attigi, sed occiput Intestino recto incumbens prehendi, & vel tantillum loco dimovi, quo factò frons lubricatus, & puer saluus felicissimè in lucem editus est.

Partum hunc dolores lancinantes in ventre usque ad tertium diem, siue lactis ad mammas trajectum, sublequebantur.

Scholion) Quamdiu puer utero materno conclusus. funiculo umbilicali vinctus, hæret, & fovetur materno calore, tam diu vivit quoque vegetus, quamquam integro octiduo juxta osculum uteri capite provolutus subititerit, neque arcta uteri claustra dilatare nitibus quoque vehementissimis potuerit. At, si puer situm depravatum habuerit, & laboribus nimis in vaginam usque promotus sit, nifusque eundem oppresserint, vel si colliquamentum amnii deficiat in integrum; funiculus frige factus fuerit, conatus superiora petant, vita hæc sat diu duratura extinguetur, & puerpera in statum periculosum redigetur: Hæ autem difficultates superabuntur si, statim atque animadvertatur, nifus neutiquam pertranscentes, & deorsum ad uterum vergentes veros, (signis cæteris ad partum requisitis præsentibus) urgere, sed gravidam ad murum velut, & in vanum omnes suas vires & conatus impendere, non expectetur, usque dum manui operatrici via præclusa fuerit, sed intellecto infantis situ, manus operari admoveatur, & infans malè situs in naturalem situm, quantum possibile, reducat, id quod absque omni periculo fieri potest, si cum prudentia & Dei auxilio res perficiatur, ut id ex præsentè Operatione & observatione innotescit.

Causa Vitæ tamdiu durantis in infantibus dependet à Spiritu astrali, sub forma flammæ vitalis, ope matris per venam umbilicalem ad puerum deducto: atque essentia idem spiritus est, quem Observ. 1. de musca aquatica Tigurina descripsi: Hujus flammæ vitalis parva quædam initia, s. scintillæ ab ipso conceptu in amplexu venereo excutuntur, & in semine conservantur, à materno, blandoque ovi calore suscitantur, parum gliscunt, micant, instar titionis cinere obvoluti leviter tantum ardent, donec partu tempestivo in lucem egressus spirare incipit, quo tempore flamma vitalis pabulum nitrosum illico ex aëre accipiens latissime sese expandit ac per totam massam sanguineam effervesceat. Vide Clav. Med. de Sang. pag. 127.

Pabulum hoc nitrosum, s. occultum vitæ cibum in aëre contineri sublimiorum Naturæ scrutatorum communis fert sententia, idque ratione salis sui mirabilis, quæcunque penetrantis, resolventis & volatilifantis, atque universalis quasi solventis. Unde tanta respirationis ad vitam emergit necessitas, ut quæcunque animalia, simulatque ex ovis semel eruperint, aëris pernecessario victu neutiquam carere possint, ipsis etiam Insectis, ut supra citavi, eodem indigentibus, non secus ac pisces, aquarum licet incolæ. Vide Doctissimi Ettmulleri Valetudinarium.

Cavendum proinde summopere, ne flamma hæc extinguatur in utero; frigus fugiendum: effuso amnii liquore matri quiescendum aliquantisper, ne situm depravatum acquirat pusio; neutiquam cunctandum ob alimenti penuriam, & loci angustias, dum enim apud nostram uterus quasi exaruit, & solito siccior redditus fuit, infans loco sese divomere non potuit: adhuc post liquorem amnii effusum, aut subito ingruunt nifus vehementiores; aut ante effusionem nifus præsentis in momento quasi pereunt; illud si fiat, antequam urgeatur puerpera, situs est examinandus: hoc verò factò, in lecto quiescendum, usque dum Natura sese recollerit, & fibras nimium extensas, aliquo usque contraxerit.

Naturam Colliquamenti explicavi Clav. Med. pag. 23. & 158. item Ephemerid. Decur. annor. secundæ tom. 1. Obs. C. d. 233.

Aquarum autem copia, quæ ex abundante in sanguine sero judicanda est, ad amnium derivabatur ob tractum suctumque fortiolem, & concitatum sanguinis circulationem, qua secretionem quoque copiosiores evadunt. Dolorum verò atrocitas non aliam agnoscit causam, quam contusionem & extensionem fibrarum, tendinumque uteri lateralium juxta pelvis ossa constitutorum, qua tristis hæc sensatio divisionis continui oborta fuit: Constitit nempe infans sincipite ad pubis os firmissimè, facie sursum porrecta, manuque sinistra osculo protensa, qui situs rarus est admodum, & à paucis observatur: Manus primò reponi debuit, ut nifus ulteriore foras in vaginam protunderetur, & caput supra pubis os pelleretur, sicque periculosior partus evaderet, repositâ manu, caput non versus anum depulsi, tum ob faciem teneram, tum ob repositam manum, ne iterum procidat, sed saltem circa caput olea innungendo, occiput loco dimovi & uteri orificium quantum possibile dilatavi. Situs alii vulgares sunt, quamvis periculosi quoque, nempe dum Infans ad partum venit præmissis pedibus, manibusque ad femora deductis: dum in pedes partus procidit, manibus supra caput protensis, dum uno tantum pede infans prodit, brachii: circa latera demissis, retroverso pede alteros dum per transversum jacet infans, & in latus procidit: dum distortis pedibus atque brachiis ad partum prope rat infans: dum utroque genu in partum infans procidit, manibus circa femora demissis; aut, manu tantum alterutâ ad partum accedit, altero brachio circa latera deducto, pedibusque ad uteri fundum ritè porrectis: dum utrumque brachium juxta caput protensum ad partum venit, pedibus in uterum porrectis, & facie sursum reclinata, quæ figura proximè ad nostram accedit, & admodum periculosa est: aliquando natibus infans ad partum primò procidit, aut inflexa cervice, pronis ad partum humeris, retroverso autem capite, surrectisque pedibus ac manibus, subinde manibus & pedibus simul ad partum inclinat, interdum autem fit, ut pectore primò pto deat retro manibus, pedibusque coniectis & averfis: Contingit præterea forma naturali partum comparere geminum, præmissis ad exitum capitibus, vel obversis ori matricis utriusque infantis pedibus, vel alterutro infante in caput altero in pedes demisso: persæpè quoque umbilicus utero propendet, remanente fœtu vegeto, vel mortuo: horum autem situum præternaturalium cura successivè in his observationibus nacta occasione tradetur, & quo pacto convenientem situm facere deceat, vel etiâ dirigere, propellendo, adducendo, flectendo, in rectum agendo, fusiùs demonstrabitur: nunc id tantum observari velim, prætermittam manum haud nunc extrahere oportuisse, ne magis affirmaretur,

luxaretur,

luxaretur, vel etiam abrumperetur, verum digitis humero infantis affixis repellere, & inconvenientem ordinem restituere. Dein si vel duplicatus, vel transversus, vel pronus feratur infans, sursum prius ipsum ab uteri ore sublimem blandè impellere, deinprehendere rursus, ad os vulvæ sensim in caput erigere: & tandem in gemellis summâ prudentiâ procedere.

Partum hunc subsequiebantur dolores lancinantes in ventre, qui aborti sunt à collectione & retractione fibrarum extensarum & contusarum, quæ contractio ad suâ principia simul heterogenea quæque dolorifica è spatiolis suis expulit, qualia sunt nec derepentè post partum subingressus, utero inimicissimus: flatus intestinorum uterum molestantes, lochia impura, chymi refluxus per massam sanguineam, cotyledonum, quibus inhærebat placenta, costrictio; excoriationes & ulcera, vel vulnera & inflammationes idem præstare queunt.

Vulgatum in lacerationibus post partum remedium præbet Oleum Amygdalarum dulcium cum Syrupo capillorum veneris, aliàs vix obtundendi & sopiendi sunt hi dolores, quia semper quid lochiorum & impuritatum secum ab utero evehunt.

Duratio horum torminum usque ad lactis in mammas trajectum, seu tertium à puerperio diem perseverabat, hoc enim tempore lac ab utero in mammas uberius & cum impetu quodam fertur, ut citò eas ad tensionem usque impleat, & aggravare incipiat. cum febricula quadam, lactea dicta, aliisq; symptomatibus, quibus lactatione resisti commodè potest, ne videlicet in grumos abeat lac, vel mammae inflamentur, vel repulsionem facta per topica repellentia, cum lochiis sub specie humoris purulenti albicantis ex utero effluat.

Lac autem quid sit, Anno 1. Ephemerid. Decur. secundæ, & in Clave mea medica explicui, nempe chylus lymphâ temperatus, spirituosus, cum sanguine in corpore circumfluo ad uteros & mammas delatus, & ibidem in apertos poros secretus: non est chylus crudior, qualis in vasis chyloferis reperitur, quanquam & hîc lymphæ varia, tum juxta hepatis cava, tum juxta collum, tum circa inguina & lumbos diluatur, sed spirituosus admodum, magisque exaltatus, (de quo videlicet Exercit. 9. Pæonis & Pythag. pag. 46. &c) ut vel in ventre ant sinu materno gestato fœtui alimoniam supeditet; vel ingravidationis tempore, portione quadam ad uterum derivetur, & ultimis mensibus aliquantulum; uberimè post puerperium in mammis (stantibus circulationis legibus) deponatur. Clariss. D. Joh. de Muraltio.

Extractio fœtus mortui, pedibus usque ad axillas, ex utero pendentis.

Fœminæ Q. R. quadraginta duos annos natæ, aquarum vix quicquam effluxit, hinc violentis nisibus, pedibus ad partum properabat masculus, cubito utroq; cum capite intra uterum ad mortem usque recluso: vocatus, cubitum dextrum ad anum positum deinde integrum corpusculum molliter attrahere tentabam, sed os pubis brachio, quod continebat, impedimento fuerat: ne autem vesica urinaria, vel partes adjacentes læderentur, sensum integrum corpus æqualiter inverti, ut, circumducto collo, & caput moveretur, absque omni attractione, sic cubitus sinister versus anum depulsus, securè inflexus & exemptus, atque puerpera liberata est: Infans crustâ caseosâ obductus, ac tanquam glutine illitus erat.

Scholium. (Aquarum Amnii defectus æquè periculosus est, atque abundantia earum, illud Infantis ad partum nondum bene compositi præcipitationem, & situm perversum; hoc autem motum infantis iusto tati-

dorem, & provolutionis ad partum ineptiam; parienti dolores atque molestias vanas, ventrisque lancinationes & tormina causatur: hinc urgentibus conatibus, eò tempore, dum in ipso ad partum accessu sive provolutione puer desudat, quacumque positura & situ præternaturali infra osculum compulsus jacet & instar trunci immobilis hæret, ut in hac observatione conspiciatur. Debet enim fœtus illis humoribus, tanquam molli culcitæ innatare, illosque pro munimento & promontorio quasi agnoscere. Dum igitur humores emanant, fluxu suo & inundatione vias lubricant, ac nisi partus statim subsequatur, & ad tempus vel dies aliquot moram necat, alimentum fœtui decedit, partusque fit difficilior, fœtus imbecillior, & consequenter necessariò moritur.

Colliquamentum hoc, s. liquor serosus, naturaliter magnâ copiâ colligitur in Amnio, imò prius quàm fœtus ferè constituatur, aut vestigium ejus ullum extet, & quàm primùm fœtus jam conspicitur, & adhuc totus mucilaginosus, ac perexiguus est, quanvis maxima tunc copia aquæ hujus conspicitur, ut in illa narrare Embrio, licet exigua corporis adhuc dum mole præditus, videatur. Vide pag. 23. Clav. med. Nihilominus tamen calore hepatis & uteri, vel alia causa siccare liquorem huncce benignum, certum est, & in gluten s. caseosam materiam abire, ut infantum corpora crusta hac & lanugine viscida, cutis extimæ regioni adhærente, obducantur.

Pedibus ad partum properabat masculus ad axillas, perpetuisque nisibus tandem enectus, ita pendulus, usque dum suppetias ferrem, permansit. Horrendum est Obstetrices sine ratione nimium audaces esse, & in tali quoque casu; ubi viventi puero pedibus utero egresso manus & brachia juxta caput sursum porrecta restarint ibidem, miseris parientes vi impellere, & ad enitendum urgere, haud percepta ob loci angustiam & situs pravitatem; impossibilitate, sic enim factum, ut pusio frigidatus, & flamma vitalis per venam umbilicalem infanti advecta, fuerit extincta, vesica & alvus matris compressa, membra superiora luxata sint, denique mors adventarit. Multò autem consultius egissent, si puerperam in lectum deduxissent, infantemque pendulum commodè ibidem locassent. & lacte tepido fovissent. usque ad meam præsentiam, tunc enim ego cubitos ad pectus, manu axillis blandè adnota, duxissem, ceteraque ex arte peregissem, & cum Deo infantem servassem: Spero tamen, imposterum Obstetrices suum officium melius observaturas esse, ne negligentia accusentur, & conscientia maculam sibi inurant: Nam infans superstes modo, quem in observatione retuli. excipiendo non est, nisi admodum parvus & gracilis sit, & diductum admodum matricis extiterit orificium, ut facilis exitus sine matris & infantis nocumento omnino sperandus sit: nec tamen eum prius excipiet Medicus, quin ante uterum & infantem diligenter perungat: multò autem consultius &, quod repeto, utrique salutaris, partum vivum pedibus ad orificium stantem in uterum repellere, & ad legitimam formam convertere, in hunc modum: Ægra se supina in lecto reclinabit, capite retrò demisso, sublimioribus natibus: quo facto, operator Medicus ventrem ipsius, præcordia versus, mediocriter stringet, ut in uterum infantem ipsum repellat, & aliâ formâ prodeundi occasionem ministret. Antè omnia autem curabit, ut faciem infantis tergo matris obvertat, deinde infantis nates & crura, umbilicum matris verius elevet, ut ad legitimam partum acceleret.

Similem ferè observationem notavi in uxore B. L. è pago Urdorfensi, 30. annorum, quæ infantem pedibus prodeuntem ad pectus usque peperit, reliquū corporis, etsi dolores perseverarent, edi nequiverat, sed moriebatur puellus: vocatus, utrumque brachium reflexum ulnis coxendicis ossibus s. pelvi adstitisse comperi, & reduxi, sicque ægram liberavi.

Fœmina hæc vinum novum & austerum, post tres à partu septimanas assatim hausit; inde urinam retinere nequivit, spiritu tamen salis armoniaci, & thermis Badenensibus nostris restituta est: nam austeritas vini non tantum constrictionem massæ sanguineæ, & hinc feri expressionem per vesicam, sed etiam uteri inflationem, & vesicæ fibrosæ compressionem excitavit, hinc fibræ hæc enervatæ per partum, frigore & aciditate stupefactæ sese contrahere nequiverunt, quare & remedia dicta fibræ vigorem conciliando profuerunt. Vinum hornum, à facibus nondum probè depuratum, fermentando in stomacho facillimè acescit, & urinæ ardorem atque incontinentiam puerperis causatur, infantibusque. ut & acetum summòpere nocet: Acidum enim morborum infantilium, lactantium, & puerperarum, tormina & lincinationes excitando, frequentissimus author existit: bibant ergò tales mulieres vinum tenue, rubellum antiquum, quod eas roborret & lac augeat, vinum tamen vinosum forte vitetur, sed si urgeat sitis, calor, dolor papillarum & capitis, alvus adstrictior, utantur emulsione amygdalata cum decocto hordei parata, addito oculorum Cancræ tantillo. Clariss. D. Joh. de Muralto.

Extractio fœtus in utero putrescentis, & manuum dextram exerentis.

Bibliopegi M. uxor, 30. circiter annorum, die octavo Augusti Anni 1682. Bada Tigurum me vocari voluit thermis ut manus auxiliatrices in promovendo partu adhiberem, fœtumque extraherem: Infans capite prono ossi pubis firmiter adstans, manumque dextram, relictis intra uterum partibus reliquis, exseruit, id quod ante triduum exactum, ob lochiorum effluxum copiosum ei accidit: præsens cum Excellentissimo Domino D. Joh. Henrico Lavatero, nostrate, & Celeberrimo D. Artheaudio, Chirurgo Lausanen- se, vidi infantem mortuum, fœminamque extremè debilem, motibus convulsivis vexatam esse, adeoque ob fœtorem cadaverosum intolerabilem, si Naturæ negotium committeretur, ægram de vita periclitari: Sensim brachium, quod sphacelatum erat, neque intrudi ullo modo potuerat, intorsi, ut in articulo humeri separaretur, sicque manui meæ nihil impedimenti adferat: sed per infortunium humerus fractus est, ut nil aggredi potuerim, antequam prostantia ossa acuta forcipe semota fuerint & levigata, ne vulva vel vesica læderetur, tum alterum infantis brachium prehendi, sed ob crassitiem corpusculi, & magnitudinem capitis infantem paritum loco dimovere nequivi: vires sufficientes mihi haud restabant, ut in pedes inquirerem; rogavi comitem meum, Chirurgum prælaudatum, ut & ipse ad opus se accingeret, quod fausto omine factum, nam & alterum brachium separare, & pertuso pectore lateraliter viscera eximere debuit, ut via pateret ad pedes usque in utero reconditos, arripuit cautè dextrum pedem, & ita illam molem reliqui corporis invertit, magnâque operâ fœtum mutilum eduxit: funiculus disruptus & placenta utero inhæsit, quam ego demum cadaverosam conquirere & eximere debueram; sanguis post partum effluxit copiosior impurus, supervenere convulsiones, frigidi sudores, & morti vicina ab omnibus credita fuit: Ego tamen, cui ante

biennium in partu quoque adstabam, meliora speravi, dummodo adstantes jussu mea non neglexerint, nempe ei pulverem marchionis in Aq. plantag. & fol. quercus cum sacch. ros. tabell. exhibuerint; Epithemata adstringentia lumbis applicarint, Lactis serum cum rosis propinarint, vulvam in quavis hora; & dorsum bis de die oleis consuetis perunxerint, jussula hordeata, passulata, &c. cum sale volatili oleoso Sylvii exhibuerint: Tribus post septimanis bono cum Deo salutem recuperavit; & hocce momento partui vicina iterum opem meam imploravit.

Scholion.) Lochia sunt sanguis intra poros & vasa uteri contentus, qui postquam placenta decedit, effluit: hic sanguis singulis mensibus in utero augetur, & habitaculum Pueri calefacit, atque à variis injuriis tutius reddit, crassiusve: solo tempore & quantitate à mensibus differt: nam menstrua ante partum, lochia post partum dicuntur. Horum autem lochiorum fluxus p. n. multum variat, & vel quantitate vel qualitate peccat: aliquando fluunt ante partum, aliquando non fluunt sine incommodo, plurimum autem incommodi Puerperæ patiuntur quibus p. n. retinentur, ob sanguinis per novem menses detenti à calore inductâ crassitiem, & abundantiam, vel frigus in puerperio subitus pudendis admissum, quod orificia vasorum constrinxerit, gravissima oriuntur symptomata, & quandoque mox ipsa obrepit: adest tumor ventris, lumborum dolor, febris, debilitas, difficilis respiratio, sanguinis sputum, vomitus, mania, melancholia, vigiliæ, delirium, quæ omnia periculosissima sunt. Immoderatus verò post partum fluxus ægram debilitat, acciditque à sanguinis nimio fervore, copiâ, tenuitate, viarum laxitate, & dilaceratione vasorum: pulsus redditur frequens, debilis, cibi fastidium iugravescit, visus imminutio, aurium tinnitus, grumi sanguinis utero eliduntur: Dolor lumborum & hypochondrii adest, cum torsione ventris & magnâ febre. Quod si ante partum hic effluerit sanguis, ut in Observ. præsentē, eadem symptomata excitantur, situs infantis invertitur, & mater & fœtus maximè debilitantur, & in vitæ periculum cadunt. Motus convulsivi ferè nunquam absunt, hinc merito queritur, Cur exhausto sanguine motus convulsivi puerperas invadant? Putarim, quia per inanitionem lymphæ, & spiritus inde generati, quos blando, dulcique chyloso humore cum sanguine circulante enutriti & refici convenit, acrimoniam contraxerunt, ut irritatione & vellicatione in nervis oborta, versus sua principia contracti fuerint, sese corrugarint, atque hos motus p. n. instituerint: Nervorum enim motui dicarorum, & partium valdè nervosarum proprium est, ut vel ad impetum voluntatis, vel necessitate suadente, in illarum partium motu, quæ voluntatis imperio non subsunt (cujusmodi sunt motus ventriculi, intestinorum, cordis, aliarumque partium) continuò corrugentur, breviores fiant, ac se contrahant: si itaque à re peregrina sollicitentur & stimulentur, idem, sed validius facient: sic ventriculus ex. gr. angue & lignorum segmentis latentibus, helleboro, vel chelidonio majore propinato, imò cicuta aquatica deglutita, irritatus: sic intestina clystere acri stimolata, protinus insurgent, verè omnes nervos, quibus abundant, intendunt, ut hostem expellant, idque revera nonnisi illorum nervorum beneficio, qui utrique sensum & motum largiuntur: Ut Clarissimus D. D. Wepferus aliquando certior fieret, hos motus violentos ab irritatione fieri, in ranis vivis nervos cruales denudavit) & acupupugit, protinus tunc motibus convulsivis pedes concutiebantur, nunc rigidi persistebant, prout vel ictus iteravit, vel acum pertinacius nervo affixâ insigni tenuit. Id postmodum sæpius quoque in Canum vivorum sectione eodem spectaculo tentavit:

tentavit: non semel corda Canum, Lupi adulti, Gallorum gallinaceorum apice cultri anatomici irritavit, ut vim ejus in motu peragendo oculis usurparet: in Gallis & Lupo imprimis citò in validissimos motus proruit, & vel extra pectus erupturum Cor videbatur, imò jam ferè emortuum, denuò titillatum, motus rursus exordiebatur. Adèd ut nullus dubitem, nervos ipsos, vel partes nervis præditas, stimulas, validissimos motus instituire: quod amplius venena, acria purgantia, vomitoria, maxime antimoniatà & mercurialia, sternutatoria, nervi punctim læsi, & sexcenta alia abundè confirmant. Quoniam verò pluribus convulsio, & convulsivi motus obtingunt, citra puncturam nervorum ab acu aut alio instrumento pungente, citra venenum propinatum, citra Helleborum, Antimonium, Mercurium, & alia hujus generis assumpta, necessum est ut analogum quippiam in corpore humano generetur, quod nervos, nervosæque partes ad motum contractivum proclives, irritare, stimulare & sollicitare valeat, ut hujusmodi motus vel præter jussa voluntatis involuntarios, vel solito violentiores peragant. Hoc analogum procul dubio humor acris, mordax, nervoso generi inimicus erit, de quo plura legere est in Doctissimi mei discipuli Caspari Sibelii à Goor, M. Doct. & practici apud Amstelodamenses felicissimi Disputatione Inaugurali Leydæ Anno 1678. habita, pag. 7. 8. &c.

Inter operandum humeri os fractum est, siquidem ob sphacelum adèd spongiosà & flaccida membra reddita sint, ut os humeri citius fractum, quàm verò in articulo solutum fuerit: hanc fracturam subsequēbatur periculum prostantium segmentorum pungentium, ne vel uterus vel vesica, partes præter modum turgentes & calefactæ læderentur, & inflammatio excitaretur, quæ vel mortem causari, vel miseram per totam vitam redere potuisset puerperam; coactus ergò fui prostantia ossa & segmenta inæqualia scabraque forcipe prehendere, circumducere, & in articulo avellere; idem factum est cum altero brachio, dum fœmina convulsà quasi & sopita jacuit, præterea & incisio in pectore facta fuit, interanea viscera exempta, ut ita corpusculum sensum, sensimque consideret, & pedes invenirentur, atque ita truncatus fuistillatim fœtus extraheretur.

Vires mihi non restabant sufficientes invertendi fœtum, nam quia omnis aqua diffluxit, nifus omnes evanuerunt, fœtus mortuus, fœtor intolerabilis, tantum non ego animo defeci, & lipothymia dejectus procubui; tam verum est, quod in Clave mea pag. 430. de officio Obstetricum, Operationes laboriosas & difficiles esse, notavi.

Operationem hanc varia symptomata exceperunt, auctæ sunt convulsiones, & sudor frigidus abortus est, &c. Idque ab extinctione caloris nativi propemodum totalis, & sanguinis infectione à miasmatis. cadaverosis per glandulas cutaneas eliminandis; item naturæ tantum non oppressæ pugna cum violenta morte, ac ultimo quasi vitæ conatu. At quietem & obscuritatem imperavi, usumque præscriptorum medicamentorum: pulvis enim Marchionis insignes vires habet in præcipitanda acrimonia spirituum, lymphæ, sanguinis & chyli, in genere nervoso roborando, heterogenea à centro ad circumferentiam promovendo: Epithemata adstringentia putredini adversabantur, sistebantque fluxum: inunctiones confortabant partes læsas, easque in vigorem pristinum reducebant, spiritusque animales in spinuli medulla contentos, motus enormes spasticos excitantes, sopiebant. Dom. Johann. de Muralto.

Puerpera nifus negligentis, & filiam tandem vegetam parientis, hæmorrhagia & mors.

Fœmina, (cujus Observ. præced. memini) die 20. mensis Octobris hujus 83. anni, triduo exacto, post aquarum fluxum, circa vespèram nifus denuò persensit, quas illa lancinationes perperam reputans, negavit, sed tremebant genua, æstuabat sanguis, conatus per vices se invicem excipiebant, infans probè obversò cri uterino vertice, collocatus fuerat: Pariens obstinata admodum laborare nolebat, nec blandè concitata, nec minis ad enitendum adacta, donec in absentia mea advocarint Matronam, cujus imperium jussu meo fideliter exequendum, ne infantis in angustiis hærentis vita periclitaretur, ut tandem intra trihorii spatium, puella salva in lucem edita fuerit, remanente in utero derepentè præcluso placenta, sanguine & lochiis tam copiosè manantibus, ut, abortis animi deliquis debilissima evaserit. Bis itaque, sed tardius, vocatus existimabam hanc hæmorrhagiam fieri adèd copiosam ob placentæ retentionem, quam rogatus feliciter quidem extraxi, supra os pubis in utero reconditam, nihilominus multi sanguinis grumi sequebantur, & fluxio sisti nequibat, sed urgebat continuò, varia medicamentis frustra tentata sunt, tandem ægra placidè defuncta est.

Scholion.) Quantum lucis ad morborum notitiam adferat Sanguinis Circulatio, præter infinita exempla id comprobant Observatio præsentis Puerperæ, cujus nifus suppressi per Circulationem intoto corpore circumacti, mitas turbas crearunt, & ægra fortè restituta esset, si præsens statim post partum sanguis tantillum è brachio, ejusdem Circulationis lege, vena secta, eduxissem. Proh! quàm miserè agitur in Republica, dum medicorum illi, quos ob singularem medendi peritiam & senium veneramur, hocce Inventum credere nolunt, & Circulationem sanguinis, motum à sedato Corde peractum, nugas esse dictitant, cum Creatoris Opt. Max. & sapientissimi opus sit, quod cum veneratione potius suspiciendum est, quàm ob præconcep-tam opinionem, aut turpe in veritatem inquirendi fastidium exhibendum. Inventum hoc maximi æstimat Helvet. medic. Coriphæus, Wepferus, his verbis: Huic Invento præclaro addictus sum, cum non semel hanc sententiam publicis scriptis asseruerim, non solum in tractatu de Apoplexia, sed jam ante triginta annos in disputatione mea Inaugurali de Palpitatione Cordis, & non ita pridem in historia Puellæ sine cerebro natæ; quæ inserta fuit Anno 3. Collegii Curiosorum. Certè me taderet Medicinam unquam addidicisse, vel illam profiteri, si hanc ignorarem. Neminem ita propria putatitia scientia tantoperè fascinatū esse, aut ita ab invidia, aut superbia vel nescio quo superciliò excecatur credam fore, cui non volupe sit, vel tantillum operæ huic studio impendere, ne se toti mundo ridiculum præbeat. Novi Æmilium Parisanum egregiè hoc nomine à Riolano vapulasse, quamvis ipsemet non plenè huic sententiæ assenserit, quamobrem meritò à Slegelio castigatus fuit. Cui sordent Harvæus, Walæus, alique hujus generis viri optimi, perlegat Conringium, veteribus, si quis alius, addictissimum, certè, nisi omninò veritatem ejuravit, tandem manus victas præbebit. Inclyta Universitas Lugduno-Batava, tale judicium de hac materia ad me perscripsit: Miramur esse hoc sæculo, qui Circulationem sanguinis negent, aut etiam spernant, eique hæreses multas in causis morborum tradendis ascribant: sed hoc quidem veritatè Ordinarium, ut non habeat inimicum nisi ignorantem, &c.

Puerpera hæc misera, & cachectica, tandem partum suum laboriosum morte finivit, propria, ut reor, culpa, quia nifus urgentes in sese redire passa, nullos ad expulsionem infantis impendit, & ad uterum direxit, unde sanguis serosus aliàs & acris, tantoperè excalesfactus, & attenuatus, membra verò ita enervata sunt, ut post partum ille sisti nequiverit, etsi medicamenta præstantissima quæque exhibita fuerint. At causa, cur nifus retenti, sanguini & artubus incussi, Puerperam in tale periculum præcipitem agant, manifesta redditur, si natura nifuum s. conatum, sanguinis item & membrorum alteratio per eosdem examinetur.

Nifus sunt perfecti infantis motus & impetus, quo exitum sibi ipsi procurat, ut uterus, hospitem importunum exturbaturus, suas & corporis universi vires ad pugnam sollicitare & impendere cogatur, idque per violentam distractionem oris uteri, & tendinum atque fibrarum divulsionem, ut videre est Observ. 102. Ephemerid. Natur. Curios. Decad. 2. Tom. 1. Dum verò sese natura parientis ad certamen subeundum ita præparavit, & metus dolorum, vel aliud quid voluntatem à conatu tali necessario, & virium spirituumque impensione arcet, regurgitant iidem, vel avolant: ubi regurgitarint, impuri facti ab humoribus per uterum è toto corpore eliminandis, sanguinem intemperatum reddunt, & fervorem ibi concitant, ejus dulcedinem nativam in biliosam vertunt & attenuant: Ubi verò avolarint, Pariens, ut conservetur infans, exhausto viribus corpore ad enitendum urgeri, & ita delicti proprii penas dare debet, siquidem membra fermè paralytica redduntur, si tremores spastici à nifibus recurrentibus iis incutiantur, & neque nervi, neque muscoli amplius officio suo ritè, sat longo post puerperium tempore, funguntur.

Sæpè etiam fit, ob retentam placentam sanguinem sisti non posse, nam irritatio adest perpetua à re peregrina. Vide Ephemerid. Decur. 2. Tom. 1. Observ. 116. & relicta placenta tamquam spongia allicit sanguinem, imprimis si per difficilem partum uterus debilitatus, & vasa adaperata fuerint. Non quidem negandum, intempestivam Placentæ avulsionem tale periculum asserre, ut multis exemplis testari possem, sed cum in egra nostra loco dimota, propè pubem hæserit eadem, sine periculo eximi debuit. Imprudentiæ obstetricis exemplum circa hanc rem expertus Chirurgus Mauriceau Parisinus, olim magister meus honorandus narrat lib. 3. *Des maladies des femmes grosses & accouchées* pag. m. 390. Imò prudentem sese præstare debet Medicus & considerare, an justum partus tempus, verique conatus adfuerint, quanquam infans perfectè & feliciter editus sit, antequam placenta utero eximatur, quia dum immatura est placenta, tenaciter vasis hypogastricis & spermaticis ad uterum porrectis inhe-ret, & sæpiùs aliis de causis fœtus ante mensem notum ad partum properare potest, nempe si puer aquarum evacuationem repentinam, & insperatam sequatur, dum amhion vel solo desidendi conatu dilacerari possit, vel si puer tenui pallescente funiculo nexus nutrimento in utero destituatur, & marcore laboret, vel à lapsu, casu, allisione, contusione, commotionibus animi, morbis, &c. quibus in casibus magis tempus à Deo constitutum, scil. finis noni & principium decimi mensis attendendum est. Ceterum non retardanda est nimium exemptio secundinarum post partum, usque dum sanguis omnis effluxerit, & vitæ vix quicquam restarit, sed statim atque puer in lucem editus est, tollatur (venæ enim tunc omnes adhuc patent, & fœminæ inde non dolent, nec periclitantur: sedulò cavendum interea, ne matticis partes, aut latera vel parietes, nifu antrorsum compulsi placente loca trahantur, vel comprimantur Summa, quò citiùs, eò tutiùs res

cedet, quò tardiùs, eò periculosius & laboriosius opus erit. Periculum magnum est, si putrescat placenta, & umbilicalis funiculus perdat, vel laceretur, tum enim interiores uteri spongiosi partes facilè inflāmantur, & ut plurimum incurabiles redduntur (quamvis nuper fœminæ von Fluenten, uterum putrescentem sub umbilico abscessu formato extraxerim ope medicamentorum, & benedicente Deo intra mensem restituerim) labor verò summus est penetrandi inter muliebria, quia per moram diuturnam uterus arctè præcluditur. Non quidem ad Puerperas hocce malo decumbentes ultrà septimum vocor diem, sed plurimum ante eundem: Inter tales miseras quædam præcæteris innumeris laboris & molestiæ multum mihi creantur: Uxor H. E. cujus placenta die sexto, tam vieta & flaccida, non dicam putrida fuit, ut quamvis omni studio eam ab utero integram separare voluerim, nihilominus in plures partes sub prehendente manu divulsa, & particulatim exempta fuerit, salva interim ægra extra periculum denuò infantes pepererit. Deinde Medici filiæ hetniâ umbilici laboranti, quarto demum die, matrice præclusâ, secundinas cum sudore contra meam voluntatem auferre coactus fui, quæ decimo post operationem die, superveniente hæmorrhagia ad fata festinavit, cum priùs sat vegeta vixerit, huic uteri vasa sinistro medicamentorum usu adstricta erant adeò, ut putrescens & virulentus sanguis excerni nequiverit (inde post operationem ego in brachio dextro anthracem sat dolorificum nactus sum) sed inflammationem & gangrënâ in utero concitarit. Adhæc Senatoris filiæ moribundæ tertio die à partu placentam nullo præsentem funiculo, ingenti operâ extraxi, & feliciter restitui; Vid. *Exercit. Anatom. & Med. Panis & Pythag.* pag. 62. & 64. Tandem, die septimo laceram & vieta placenta à Pictoris fœmina quadragenaria majore, semimortua, & in hysterice suffocationibus jacente feliciter eximi & oleo succini, spiritu salis armoniaci, Confectione Alkermes, camphora, atque castoreo restitui.

Si post partum cum impetu effluat sanguis, & vires auferat, id quod in præsentem casu, me absente, factum est, cave ne subito adstringas, verum parum sanguinis è brachio mittas, ut fluxio divertatur, Cucurbitam magnam, vel panem calentem Vini spiritu irroratum mammis applica, & ligaturis sensibilibus digitos stringe: exhibe Puerperæ sequentem potiunculam:

℞. Succi plantag. ℥i. Decocti rad. tormentill. & flor. rosar. siccar. ℥vi. Syrup. flor. bellid. ℥ij. Misce & per cochlearia trade. Potus sit decoctum sem. plantag. & radic. tormentill. cum tantillo vini rubelli. Pessii fiant è mucilag. sem. Cydon. cum aqua plantag. extracta, addita terra sigillata: urgente periculo mortis, albumina ovi cum bolo & aceto linteo aut cannabe excepta lumbis applicentur, non neglectis internè corallis & hyacinthorum confectione. Ichthyocolla cum carne elixari, & ejus jusculum egrè exhiberi potest: Pillulæ etiam sequentes proderunt si ad se redierit egra.

℞. Diaph. Mart ℥iii. Corall. rubr. ℥i. sang. Dragon. ℥ss. cum succo foliorum tenerrimorum quercus inspissato q. s. fiat. Massa; ex ℥i. pill. 40. dos. 6. mane & vesp. in aq. plantag. Pila interim hysterica naribus admoveatur:

℞. Castor. asæ fœet. an. ℥i. sem. angelic. rut. an. ℥ss. cum terebint. q. s. f. Pila, quæ illinatur guttis aliquot Olei succini. D. *Joh. de Muralto.*

Fœtus vivus ob arctum uteri osculum, effluxis aquis, per quinque dies retardatus, & feliciter à me exceptus.

E. B. 30. annorum, primipara à 5. diebus partus dolores ingentes sustinuit, capite infantis ad osculum usque provoluto, quod tamen nullo molimine edi poterat: vocatus, matricis tendinosum cingulum, seu osculum, vertici infantis aptè & arctè adplicatum, perunctis locis, pollice circumcirca dilatavi, & sensum diduxi, medicamenta fœtum pellentia matri porrexi, alacriter fœminam ad labores instigavi, quo tandem puer natus est debilis, quem in balneum immisi, epithematibus ex decocto Salviæ in vino paratis, caput, pectus & genitalia fovi & refocillavi: Puerperam sanam in lectum deduxi, & linteis probè muniri feci.

Scholion.) Juvenulas ad pariendum esse feliciores, quam senescere incipientes mulieres. Ephemerid. Tom. priore, observ. 101. retuli, idem quoque testatur præfens Historia: nuper Præceptoris Th. uxori triginta quinque annorum adstiti, quæ quatrinduo ante constitutum partus tempus ad labores ab Obstetrice imperita, quæ lacerationes à veris nifibus distinguere non valebat, incitata, circa muliebria tantoperè intumuit, ut Nymphæ utrimque duos pugnos æquarint, vixque ei possibile fuerit præter rupturam partium edere prolem: sacculum maticalem lacti incoctum vocatus applicare. Venæ sectionem celebrare & ægram quiescere jussi: transacto triduo veri demum dolores ingravescebant, quos sensim ita impendit, ut rupto amnio aquæ effluerint copiosæ: sed ob ætatem provectiorem primiparæ infans non statim subsequēbatur, vires enim defecerunt, & siccitas partium cum tumore partum retardavit. Caput infantis digito contactum, nullum pulsus, aut vitæ signum edebat, horrendos itaque nifus impendere coacta fuit, ego verò pollice dextræ uteri osculum parum dilatatum vel summo molimine quoque extendere debui: exhibitis tandem emmenagogis medicamentis enixa est fœtum mortuum, & puerpera sensim restituta est: Merito itaque Primiparæ, adultiores, & sicciores fœminæ, ultimis gestationis mensibus aliquot diebus in balneo sedeant emolliente, maticemque roborante, haut neglectis Unguentis vel Oleis & salis armoniaci spiritu: formula Balnei hæc sit.

℞. Herb. malv. meliss. artemis. anaim. iii. flor. chamomil. melilot. hyperic. verbas. an. pug. v. hord. integri-℥vi. sem. lin. ℥ii. Coq. in f. q. aq. fluv. &c. At balneo deterfa calens inungatur Matrix ol. lil. alb. verbas. & chamomillæ.

Ceterum non negari potest, & juvenulis quandoque arctum reddi uterum, ob tumores, contracturas, scirrhus, cicatrices &c. ut ad manualet operationem devenire necessum sit; dantur Observationes præclusarum maticum in gravidis, quæ infanti viam negarunt & ventrem potiùs dilaceraverunt, factoque abscessu putridum fœtum sub umbilico excreverunt: E. G. Sangallensis fœmina, quæ spatio octo annorum novem infantes feliciter pepererit, dum decimum utero gestasset, tempusque jam pariendi instaret, obambulans in horto, salviæ folia incurvato corpore decerpens, momento citiùs aliquid ad uteri orificium internum prolabi magno dolore percipit, de loco surgere nequivit, à marito advocato in lectum deducta, pariendi conatus aliquos sensit, Obstetrix incitavit puerperam ad pariendum per biduum integrum, sed frustra, tertio quippe die nifus omnes evanuerunt; durante hoc tempore nec lochia, nec aquæ manarunt, ut dubitarint adstantes de fœminæ graviditate: Quinta hinc hebdomada putrescens placenta ex utero per partes ejecta est: potiones emmenagogæ exhibitæ sunt, quæ magnam

ventris inflationem & dolorem intolerabilem excitarunt, nec quicquam ex utero deduxerunt, ut tandem sub umbilico rupturam natura in ventre sponte sua effecerit, & per vulnus putrescentis pueri ossa cadaverosa aliasque partes sensim & diuturno tempore, octodecim videlicet mensibus protruderit: vulnus coailuir, & fœmina mensium fluxum per muliebria ordinatè tenuit: Post abicellum hunc curatum, anno quarto iterum impregnata est hæc mulier, probèque gestavit infantem per sex menses: Septimo verò mense cutis ventris juxta cicatricem iterum spontè rupta est, propendente infantis brachio per quinque dies, quod à patre cultro abscissum erat, sequebantur & aliæ partes, quas omnes abscidit. Caput verò cum Pectore tamdiu in ventre reliquerunt, dum putredine consumpta spontè, longoque temporis intervallo secreta fuerint: quænam nunc sit determinanda hujus occlusionis maticis causa, ignoro: credibile tamen est primitus tendinoso osculo interius superinductam & agglutinatam fuisse crassiorem tunicam, vel ipsum osculum scirrhum evasisse. Similem ferè historiam observasse nuper memini Virum Excellentissimum Dn. D. Christophorum Harderum Scaphusanum Patrem, Practicum Celeberrimum &c. in fœmina Lottstettenfi, quam huc referte supersedeo. D. Joh. de Muralto.

Extractio fœtus mortui, decenter in Utero positi.

Uxor R. L. xl. annor. 1. die Febr. anni 1682. parturiens dolores magnos pertulit, quibus tandem infans vivus decente figura usque ad osculum uteri internum depulsus est. At primipara tantos dolores ferre recusans, viribus cohibitis, Naturæ conatum obstinate suppressit, donec die undecimo Obstetrix auxilium meum imploraret. Igitur opem allaturus, increpavi gravidam & hortatus sum unà cum adstantibus ad sustinendos, si urgeant, labores & conatus, ne periret proles, At, quæ miseria! viribus fractis, & conatibus jam evanescentibus nulla pariendi vis supererat superat, & infans spatium inter vesicam & alvum ita occupat inhaerens angustis, ut nec excrementa, nec urina emitti posset. Quare liberationem rogatus meditans, indice caput infantis in vagina exploravi, cùmque vulvam admodum arctam deprehendissem, hanc Oleo Chamomillæ, Lil. alborum & caiminativis ac emollientibus aliis tepide perunxi, suppositorio alvum sollicitans, quæ deposita, in Balsamo Embryonum præterea liliorum alborum semen cum Castorei tantillo exhibui. Fœmina tandem ad labores vel vi adacta caput infantis mortuum exitum moliri cœpit, quod cùm suapte sub mento comprehendissem, hiatuique calvariæ digitos desuper inseruissim, fœtum masculinum integrum sensim eduxi. Placenta mox spontè sequuta est. Urina & lochia manarunt copiosè, ægæque convulsionem per horam passa est, quæ medicamentis cœgis discussæ fuerunt. Remansit tamen urinæ incontinentia per tres hebdomadas, qua demum curata, fluor albus puerperam invasit, quem, spes est, convenientibus remediis & exacto victus regimine, instauratis viribus, brevi tempore sanatum iri.

Scholium.) Magna Parturientium felicitas sita est in ætate juvenili, antequam membranæ crues cutis & musculi corrugati inarescant, ita ut imminente partu viæ egre ampliùs distendi aut amplificari se patiantur. Vetulis enim & senescere incipientibus; quanquam ritè omnia eveniant, optimèque positus sit Embryo, accidit tamen ob vehementem oris uteri tenditatem expansio, & ossis sacri pertinaciam (dum epiphyses in apophyses

les per ætatem degenerant) ut pariendi nifus ex voto non succedant, vel etiam si fortes fuerint, non bene impendantur, sed supprimantur, imprimis si matres à liberam educatione abhorreant, vel ineptæ & tituculentæ sint, aut delicate nimis. Hæ tamen omnes, quod labori purcant in sustinendis doloribus id sæpè & fœtus & matres graviter launt, interdum etiam cum vita. Imprimis autem accidit, quando conatus non ad uterum dirigitur, sed raptim ad collum & caput, veloci expiratione. Nifus hic aliorum ab utero deductus & depulsus fœtum suffocat, membra Puerperæ debilitat, collum indat, ita ut quandoque Bronchoncele oriatur. Quapropter completo jam gestationis tempore, instantæque partu, ubi dolores veri ingruunt, Obstetrix parturientem verbis confoletur, & ad obedientiam impellat alacriter. Assideat prona, & manibus oleo delibutis uterum perungat, quo arctiores viæ & os matricis patefcat, maxime in iis quæ primum pariunt. Has quippe multum lubricasse expedit. Deinde prægnantem cohortari incipiat, ut omnes conatus ad enitendum deorsum adigat, atque diligenter impendat. Isti enim tales sunt, ut facile avertantur, idque in alterutrum femur, vel dorsum, vel brachia, vel collum, denique caput. Hinc etiam Puerperarum paralyfes, herniæ, asthmata, & complura alia mala nascuntur: ad quæ præcavenda, & ne eveniant, Obstetrix porro manuum operi comiter admoveat, digitisque inquirat in infantis situm; quod si qua conlterit infans, aut impediens fuerit, digitis eum deducat, & facilem partum promoveat: nam si diutius in angustiis hæret infans, de vita periclitabitur. Sed & matri respiratio inde præcluditur, & conatus annihilantur, tum quia uteri fibræ nimis distenduntur, tum quia vires evanidæ corpus quasi immobile relinquunt. Sistitur quoque alvus, cohibetur urina, & matrix infantis collum adeò arctè comprimit, ut spiritu præcluso suffocet. Puerpera postmodum pro tam enormi peccato luens in gravissimos affectus & ipsa præcipitatur, Urinæ nempe & alvi incontinentiam, dum muscoli horum viscerum constrictores, onere gravati resolvuntur: hoc ne eveniat, supposito-riis vel globulis moschatis ano inditis cavendum est, Patienti insuper os comprimendum, detinendus spiniendus spiritus, provocanda quoque sternutatio, ut spiritus deorsum compulsus infantem ad exitum detrudat. Profuit etiam semen liliorum alborum in balsamo embryonum cum tinctura Castorei. Tandem, fœtum esse mortuum tertio cognoscerem, manu operi admota, externum uteri orificium, quantum fieri poterat, dilata- vi, & cultro vertici infantis immisso, digitis sinistrae manus meæ arreptum illius caput hinc inde commovi, dextra circumcirca perungens, donec fœtus totus eximeretur. Urina & lochia post partum copiosè manarunt; multum enim colluviei longo tempore in utero stagnavit. Convulsiones ortæ sunt, partim ab evacuatione subitanea, partim ab alteratione nervorum, membranarum, & reliquarum uteri partium, ob fugus admissum. Convulsiones istæ nunc manifestæ, nunc occultæ & nocentiores fuerunt. Frænum autem iis injecit pulvis Marchionis, spiritus C. C. Sp. Arm. Sal. volatil. oleos. Fr. Sylvii, Oleum succini &c. Aqua item valerianæ, jaceæ, anagallidis, pæoniæ, melissæ. Notari autem velim, convulsiones in Puerperis sæpè sæpius à contracta alvo, retentisque flatibus distendentibus excitari; proinde alvus iis semper servetur libera. Nostra ægra per tres heddomas Urinæ incontinentiam sustinuit usque dum fibræ vesicæ urinariæ, iterum in sese redirent; & vigorem pristinum adeptæ essent, atque genitalia quoque antiquum obtinerent. Intentioni huic inserviebat exacta diætæ, & olei rosati, atque Carminativi nostri illitus: Causa verò Incontinentiæ urinæ erat afflictio musculosarum vesicæ parti-

um, & sphincteris resolutio. Imperita plebs ferme manum Obstetricantem accusat, sed malè & plerumq; ex invidia, cum fieri vix possit, ut manus vesicæ reconditæ & obvallatæ vim inferat. Imò si quis secundinarum loco ipsum extraheret uterum, vesica nihilominus urinam contineret. Tunc eigo demum id mali metuendum est, quando fortia emmenagoga fœtumque pellentia indiscriminatim propinantur matribus humidioribus & crebrò micturientibus, quando item equo diutius hæsit infans in vagina uteri, partusque difficilis & perversus fuit. In extractione fœtus mortui nonnunquam franguntur costæ, aut alia membra, quæ lædunt, & compungunt adeò, ut etiam inflammationes, vulnera & ulcera oriantur: Quo in casu potionibus vulnerariis certandum, lintheaque Oleo rosato imbuta parti adponenda. Denique ægram nostram ab incontinentia urinæ immunem fluor albus oppressit, causa est sanguis crudior, qui per uteri vias effluit. In curatione talia requiruntur, quæ & roborant, & incrassant: roborant Betonica, Plantago, Corallium, Bistorta, Tormentilla: Incrassant Gelatinæ, Crocus Mart. Symphytum, &c. D. Johann. de Muralto.

Directio & Extractio fœtus mortui præter naturam in utero positi.

Susanna K è Pago Mediken oriunda, & triginta annos nata, die tertio Decembris anni 1681. Partus dolores per biddum sensit. Cum brachium infantis dextrum illi jam ex utero prominere nunciaretur, jussu id lacte tepido foverent, ut postea retruderetur. Sed frustra hoc tentatum est, nam ægra tandem in sedili omnes naturæ conatus ad enitendum partum die noctuque impendit, usque dum vitæ nullum signum in infante amplius perciperetur. Vocatus ad illum pagum, ut agrè parturienti opem præstans ferrem, dedi aquam lilior. alborum, melissæ, cum confectio[n]e Alkermes & borace per cochlearia hauriendam; brachium verò infantis mortuum & sphacelo tactum in articulo abscidi: mox in pedes ejus inquirens, unum post alterum ex utero foras eduxi, denique corporis reliquum penitus inverti, quod parturiens paulo post enixa fuit. Vulva exinde multum intumuit: & vomitus supervenit, quo sedato, ægra denuò convaluit.

Scholion.) Multoties accidit prægnantibus, quando gestationis tempora non probè observant, vel pariendi conatus veros à nothis haud bene distinguunt, ut ab Obstetricibus antequam legitimum partus tempus instat, ad sellam deducantur, & ad enitendum laboriosè instigentur, priusquam infans ritè situatus est. Hinc evenit, ut difficili partu nunc manus vel pes alteruter, nunc dorsum aut nates, jam venter & latera, jam humerus, mox inflexum genu, denique umbilici funiculus primum exitum molitur.

Quod ad justum pariendi tempus attinet, instante Mense septimo, cum partium nutritioni dicatarum apparatus solers natura formavit, atque perfecit, fœtus in utero per os amnii liquore nutritus subinde pedibus calcitrare, varièque moveri incipit: tandem, absoluto Mense nono ex tenebrosis uteri carceribus in lucem egredi conatur. Nam fœtui grandescenti nec alimentum ibidem amplius sufficit, nec loci angustia retinendo par est. quare, ruptis membranis exitum infans sibi ipse quærit. Quod dum fit, dolores parientem corripunt, Uterus verò importunam hospitem exturbaturus suas & corporis universi vires ad pugnam sollicitat. Parrurientium conatum insuper mirè adjuvat spiritus cohibitus, quò diaphragma deprimitur,

primitur, & abdominis muscoli irritantur. Adeoque parturientium dolores reipsa nihil aliud esse intelliguntur, quàm perfecti infantis motus & impetus, quo exitum ipse sibi procurat. Ruptis verò ex impetu membranis, & reclusa matrice, humores diffluere incipiunt: infans aërem haurire cupit, cujus aviditate versus matricis ostium provolvitur, capiteque obverso foribus imminet. Dolores parturientium veri incipiunt in regione lumborum & circa coxendicem, nec continui sunt; sed augentur per vices, & protrahuntur usque ad partum, variis stipati symptomatibus. Initio quidem pluribus adest vomitus, capitis dolor, sitis, urinæ incontinentia, postmodum augetur vomitus, solvitur alvus, dolor capitis ingravescit, pituitosa & cruenta ex utero profluunt; venter infra umbilicum intumescit, & supra eum detumescit; tandem magna oritur debilitas, & symptomata prædicta intenduntur, cum anxietate tanta, ut parturiens sellæ insidere vel cathedræ accumbere, & divaricatis genibus partum eniti teneatur.

Passiones verò & dolores matricis, licet quodammodò similes sint parturientium doloribus, quippe qui in eodem utero excitantur, tamen non ita deorsum vergunt, nec exitum quærunt, sed magis lancinant, & cum fermè sint intolerabiles, respirationem impediunt, & fœtus exitum per se non molitur. Quòd si nihilominus prægnans tunc ad labores pariendo instigatur res infelicitè succedit, sicuti accidit mulieri, cujus historiam descripsimus.

Partus figura & situs præterea depravatur quandoque ab infantis debilitate, uteri amplitudine, & inquietudine matris, dum, hæc inter parturiendum fervente cruciatur, nullibi quiescens, nec obtemperans, sese hinc inde jactitat. Fœtus enim tunc non consistit, sed illuc adigitur.

Itaque agræ nostræ ad pariendo vi deductæ infans brachium dextrum ex utero primum exseruit. Et hic sanè situs valde periculosus fuit: quoniam caput ad coxendicis ossa firmiter appulsum hæsit, & inde dimoveri vix potuit. Jussi ergò per internuncium gravidam in lectum deduci, ut ventre elevato & capite demisso recumberet: vel denique partem manu lacte calente fota introrsum per pudenda repelli.

At, cum ita ex voto res statim non succederet, pariens in sedili ad labores ab adstantibus coacta est per diem & noctem continuam iniquissimè.

Quod si præsens adfuisset tempore, cum fœtus adhuc viveret, manu utero inserta protinus infantis humeros reprimere, prominensque brachium ad latus inclinare, adeoque partum naturalem procurare sategissem.

Verùm labore præposterè ac præter omnem rationem instituto, infans jam enecatus fuit, antequam accederem: neque enim ille se movebat amplius, & mater in hypogastrio sensit pondus cum frigore, brachiumque infantis prominens frigidum & lividum erat, sine motu & pulsu etiamsi variis liquoribus foveretur, dolor præterea matri circa umbilicum adfuit cum frequenti desidendi & mingendi stimulo, ac extenuatione mammarum.

Igitur agræ parienti exhibui fœtum pellentiâ, ex borace, trochiscis de myrrha, castoreo, & croco, cum syrupo de artemisia. Quibus nihil proficientibus ad operationem accedendum fuit, ut servaretur mater.

Quamobrem brachium enortium & sphacelo corruptum, primò abscidi in articulo, ne operantis manui amplius impedimento esset, deinde reliquam corporis molem in utero inverti, & membra omnia ad exitum composui: in operatione hac misericor-

dia nulla est, nulla audacia, præcipitandum tamen non est, sed cum prudentia agendum. Cultello, quem indici digito, ne cerneretur, alligaveram, humerum incidi, mox brachium prominens intorsi multoties, usquedum tendines planè divellerentur, & ita membrum abstuli.

Quod si ab hac brachii separatione infantis corpus vertere nequivissem, sub scapula, inter costas vel claviculam digitis, aut scalpello foramen fecissem, & per id instrumentum peculiare, vel funem, re hortante, trajecissem, sicque fœtum eduxissem, vel integrum, vel in partes concisum.

Ast, amputato brachio, dextrâ meâ infantis pedes quæsi, quibus apprehensis inversum fœtum facillimè protraxi. Labia vulvæ tuebant, quoniam sanguis per venas ab infante hærente compressus promptè reduci nequibat. Hac quoque de causâ prægnantibus pedes quandoque intumescunt, sed statim liberantur, atque lochia post partum fluxerunt. Hujusmodi vulvæ tumorem sanat & discutit oleum verbasci & chamomillæ. Vomitus adscribendus est consensui stomachi cum utero per ramos nervorum à pari octavo ortos: quamprimum enim fœtus utero exemptus fuit, aër ingrediens faucias uteri membranas & fibras alteravit, quare spiritus animales in ventriculum simul irritati, impetu facto, fibras inferiores inde à pyloro sursum constrinxerunt. D. Joh. de Muralto.

Conatus Natura in expulsionè fœtus mortui

Anno 1. Decuriæ 1. Ephemeridum N. C. Observ. 49. Excellentissimus D. D. Illmerus habet egregiam enchiridion extrahendi fœtum mortuum cum uncis, id quod mihi subsequenter observationem consignare animam dedit. Vidua Grünbergensis 40. annorum sat vegeta, in consortium matrimonii iterum adsciscit juvenem lanionem, imprægnatur, & die 26. Novembris St. N. 1683. legitimè partus tempus accedit, omnia accersuntur quæ in hoc passu sunt necessaria, & ecce fœtus brachium foras erumpit. Obstetrix reponit sæpius, ast in vanum per diem & noctem, cum magna puerperæ debilitate. Altero die me consulunt, ibi periculum indico, & quòd non citius consilium exposcerint, exprobro: ordinabam autem quæ proficua judicabam, & satis instruebam, quomodo tractare debebant patientem. Verùm omnia erant frustra, & quia fœtus, ut dicebant, statim initio partus esset mortuus, & summum aderat pro matre periculum, mentionem faciebam dissectionis & extractionis fœtus mortui, & hoc unicum indicabam præsidium pro vita matris. Nolebant autem audire de hacce operatione, & ni Deus fuisset mediator ut referam, fœminam morti tradidissent. Dum expectant ultimam exhalationem, paululum se recolligit parturiens, & quærit anxie cum lachrymis opem: ideo iterum me salutant, & si quid haberem consilii, præter extractionem Chirurgicam, maximopere petebant ne denegarem. Ordino itaque Clysterem sequentem:

℞. Radic. bryon. ℥ij. Fol. meliss. Mercurialis, Artemis. rubr. Puleg. Matriear. an. Mss. Sabint. flor. Chamamel. Baccar. lauri. an. Mj. Agaric. in peria ℥ss. Sem. anis. fœnic. an. ℥ij. Coqu. in aqu. f. Colatur. ℥vi. add. Elect. de bacc. laur. ℥vi. Ol. rutac. Chamem. an. ℥ss. Sal. gemm. ℥ij. M. f. Clyster.

A quo natura irritata exclusit brachium à corpore separatum, quod multoties immittendo & tractando avulsioni aptum reddiderat obstetricis manus. & dein uno fermè momento fœtum sat putridum cum matris restitutione & salute. Fœtus antea fuerat mortuus, non ut falsò retulerant fœminæ, & in invasione partus. Ex his videmus conatum naturæ in partu, & vulgi obstinatum mentem in casibus Medicis desperatis. Vide si placet

A ni 1. Dec. 1. Obs. 52. Item Anni 1. Decad. 2. Obs. 101. Videatur porro Henricus ab Heer, in Obs. 14. in medio. *D. Samuelis Ledelii.*

De Fœtû mortuò feliciter, eductò.

Fœmina quædam honesta 35. annos nata, jam trium liberorum mater, quartum utero concepit & ad quintum gestationis mensem benè se habuit, quando more apud nos recepto ad vicinam mulierem mortuam, capulo inferendam invitata accessit, & ad horribilem cadaveris vultum adeò exterrita fuit, ut illico magnum senserit corpore horrorem, ex quo inclinans ad deteriore statum, nec tamen vel cum febre, aut aliis gravibus symptomatis conflictata, quæ fœtum mortuum comitari solent, firmiter credidit, quem perceperit ante horrorem imaginarium fuisse, & nauseam corporisque gravitatem à solo mensium defectu orta esse. Itaque cum menses ferè duodecim essent elapsi, petiit à me medicamentum emmenagogum, quod ultro, cum me ad stipulantem haberet, obtinuit. Erant verò familiares mihi pilulæ de sagapeno, sale Martis duplicato & sale succini permixtæ, quo remedio nihil unquam potentius ad referandas uteri obstructions comperi. Istitis assumptis cum *εὐφροσύνη* est purgata, sed circa quartam pomeridianam ægrotare cepit, idque gravissimè & cum animi deliquio. Misi absque mora aquam meam melisse compos. cum spir. cornu cervi succinato ex cujus usu consecuti sunt uteri motus, verique parturientium nîsus. Sollicitata obstetrix officium fecit, & paulò post fœtum eduxit, omnibus quidem numeris absolutum & masculum, sed exuccum & canis instar fumaræ duratum. Mirum sanè id mihi notatuque dignum visum, cum fœminam semper ad humidum temperamentum, cachexiamque scorbuticam propendere judicarem. Deinde cum nulla adhuc apparerent lochia, sed tamen vires se recipere putaret, post mensem à partu consilio meo pilularum usum repetiit, idque cum longè optatissimo effectu, statim enim menses sunt secuti. Firmata deinceps valetudine. bis etiam utero gessit & feliciter peperit. *D. Joëlis Langelotti.*

Fœtûs mortui in difficili partû felicissima extractio

Viri cujusdam literati in Urbe Viennensi castissima Conjux, Mulier virtutum satellitio stipata, fortis & generosa, devenit ad partum difficillimum & p. n. fœtus quasi duplicatus, reclinato capite sursum, foras porrexit brachium, quod licet ab Obstetrice reponeretur sæpius, tamen usque redibat: omnes denique modi adhibiti, quibus fœtus ad situm naturalem debitum & convenientem pro partu posset reduci, sed frustra omnia; suffocatus tandem est in utero, cum diu in hoc situ vivere sit impossibile. Prævidendo ergo periculum, jubebam ut baptizaretur, antequam moreretur, secundum brachium, more nostro. Interim ante extinctionem vitalis, auræ mater urgebatur enormibus doloribus, qui sine ulla cessatione incrementum sumendo, post mortem fœtus miseram & afflictam adeo tormentarunt, ut clamor ejus per longa spatia exaudiretur, tandem caligabant oculi, vox rauca & clamosa per intervalla, lamentationes & ejulationes, infinitæ audiebantur, quæ si non pectus humanum, certe saxum commovere poterant. Ego in hac perturbatione (quia fœtus partim magnitudine sua, partim tume-

factione omnium membrorum ob conceptam ebullitionem humorum in fœtu, uteri latera instar alicujus robustissimi pali infixi amplissimè distenderat) quid facerem aliud non sciebam, quàm ut suaderem extractionem fœtus per manus artificis & instrumenta, hîc enim omne genus medicamentorum, & modi fœtum pellendi cogniti incassum adhibebantur. Erat apud nos inauditum aliquid à sæculo, licet in Gallia nulla mulier horreat hoc remedii genus. Maximè resistebant fœminæ. Verùm annuente mihi viro Nobili & Magnifico Dn. Paulo de Sorbait Professore primario in Universitate Viennensi, & assistente Chirurgo Wenceslao, viro probo & in Arte sua peritissimo, ipsaque parturiente consensum subito præbente, applicui fœtui uncus. Brachio propendente, me alias in operatione impedituro, prius per novaculam resecto, fœtum in tres partes dirupi, & ita sine ulla læsione uteri ac matris cum masculum, unà cum secundinis extraxi, Matremque ab instantissima morte sic, auxiliante Deo liberavi. Quo peracto gaudia & jubila in Domo, admiratio verò in Urbe & vicinia. Eadem mulier sequenti anno impregnata, ad idem infortunium redacta, eodem modo adjuncta, extracto fœtu fœmello, tertio anno rursus uterum gerens feliciter & citò filiolum generosum viventem adhuc & vivacissimum enixa est. Causa tam infelicitis partus videbatur esse ingens copia humorum in & circa uterum ex lautiori victu, & optima viscerum constitutione collectorum, propter quos fœtus debito modo sese vertere non poterat, sicque suffocari debebat. Unde cum gestaret ultimo filiolum in toto hoc tempore, etsi contra Hippocrat. oracula aphoristica videretur agi, quater exhibui dragm. sem. pulv. jalap. cum cremor. tartar. & ecce extracta est cacochyma serosa in copia, sicque illam ad partum felicem disposui. Notandum quod unci debeant esse obtusi, ne lædant uterum casu quo inter operandum in ejus latera irruant; hinc unci catenati, quos in suo Armamentario Chirurgico depingit Sculterus, uti & Pareus f. 683. quia nimis acuti sunt nobis displicent. Hoc exemplo excitatæ & animatæ mulieres in hac tota Urbe hoc remedii genus non amplius horrent. Juvi ego postea plurimas in hac miseria constitutas, tamen non semper eodem modo: aliquas enim inverti, aliquas exhibitis pulveribus appropriatis, aliquas imponendo in Balneum altheatum, exhibendo pulveres cephalicos, analogos illi quem Langius describit in Miscell. Curiosis §. 32.

Quam Langii doctrinam eò loci reperi in his casibus esse verissimam, & meis experimentis continuò respondentem, aliquas etiam sine Unco intrudendo manum ad uterum & apprehendendo infantis manus vel pedes, vel caput, ligulam iis imponendo sicque extrahendo, adeò quidem feliciter, ut nunc aliquot Chirurgi à me hîc sint instructi, qui dexterimè cum plurimarum salute, cum & sine nucis hæc Lucina sacra peragant. Heroïna ergo dicenda hæc mulier, quæ pudore rustico deposito, genuinum pudorem non exuit, sed exemplo suo plurimis occasio fuit, ut Hygiæ efficaciam, Medicinæ Excellentiam, Necessitatem, Jucunditatem, Gloriam & Admirationem suis in corporibus experirentur, vitæque integritate fruerentur. Virtus nunquam sola est, sed adeo fœcunda, ut plures etiam diversæ speciei soboles procreet. Hæc in fœmina hac semper talis apparuit, quæ non una virtute munita, verùm plurimarum satellitio condecorata, omnibus est in admiratione & commendatione. *D. Friderici Ferdinandi Illmer. à Wartenberg.*

antea parciùs) an uterum gereret ipsamet anceps hærebat; nisi quod postea evidens fœtus in utero motus, quem satis validum sentiebat, ipsi scrupulum hunc eximeret. Sanguinis tamen fluxu etiam post motum perseverante, meum super hac re consilium coram expetiit. Ego verò tam propriâ quàm celeberrimorum Medicorum Observationibus (quas Joh. Schenckius Observ. Medic. lib. 4. Observ. 20. collegit) edoctus, nonnunquam fœminas, præsertim plethoricas etiam toto uteri gestationis tempore; idque citrà offensam matris & fœtus, menstruum fluxum pati ediserebam, simulque autor eram, quia magna eam sanguinis mole premi videbam; ut venæsectionem in brachio institueret ad revellendum ab utero sanguinem, ne fœtus nimia ejus quantitate suffocaretur, & sedulo, quod ipsi præscribetam, ex modicè adstringentibus & fœtum roborantibus compositum medibamentum in usum vocaret: imò si neque sic sanguis sisteretur, ut V. S. in brachio iteraret. Verùm cum sanguis compesci non posset, quin per uterum sese exoneraret, & motus insuper fœtus planè evanesceret, tempusque pariendi juxta ipsius calculum elapsum jam esset, fœtum jam mortuum esse suspicabatur. Quam ipsius opinionem cum manifestissima putredo, per corpus ipsius sese diffundens, tetrumque spirans odorem, & præcipuè in anima præter modum & solitum fœtente sese exferens, & pondus uteri, quò plumbi instar sese gravari querebatur, non obscure confirmarent: propinabam ei, quia vires integræ id ferebant, vinum medicatum ex pellentibus, artemisia præsertim rubra, sabina, myrrha, castoreo, croco & purgantibus constans, quod cum per aliquot dies biberet mulier, ossa fœtus mutilata (quæ inter cranii frustula, os humeri & femoris dignosci poterant) partemque carnes planè putridæ ex utero fuere rejectæ, quibus ego visis, præsertim cum vires paterentur, usum vini continuandum suasi, & tantum obtinui ut excluso tandem per partes fœtu, uterus & abdomen ad pristinam redierint parvitatem, mulierque sanitati sit restituta. *Dom. Casonis Grammi.*

Partus post mortem.

Domina de *Anneberg* fuit gravida, instante mense ultimo caput se malè habere, dimidia vix hora elapsa moritur. In superiore parte ventris striæ nigræ post mortem erant conspicuæ. Tertio demùm die Fœtus mortuus ab ea egressus est.

Scholium.) Ad partum requiritur robur tam matris quàm embryonis & viarum aptitudo sive laxitas. Si quid horum desit, partus difficultas, si omnia, partus nullus. Post mortem matris, si Embryo superstes & robustus, partus possibilis; Exempla vide in Literis responsoriis Fabr. Hildani ad Mich. Doringium. Putarem itaque Fœtum hunc non mortuum, sed vivum & debilem sibi ipsi viam quæsi-visse, invenisse, & defectu adjutorii demùm mortuum; nisi usque in tertium diem partus sic dilatus, non enim possibile videtur, fœtum tam diu matri mortuæ supervivere posse, alimento scil. ipsi denegato per umbilicum; etsi per os adhuc alimentum assumat, quod etiam diu durare non potest, nam cum placenta sit mamma Embryonis, secundum Harvæum de Gen. anim. pag. 543. ipsa verò ex utero mortuo nihil amplius accipiat; etiam Embryoni nihil reddere potest, & sic ex penuria alimenti mors Embryonis necessariò tanto temporis intervallo sequitur. Dubitaret forrè quis de Observationis fide, sed confirmabo illam aliò Exemplo, quod Olaviæ 24. Martii Anno 1665. amica meæ, viri cujusdam conditionis honoratioris uxori accidit. Illa instante

Partu epileptica mortua, cum corpus mundaretur, ecce infans jam altero die mortuus observatus ex improvviso egrediens decidit ab illa. Cum itaque hoc, certò certius sit, mea sententia, si partus inleterit, & Embryo in procinctu fuerit ad egrediendum, etsi mortuus, tamen laxatis post mortem omnibus membris, & simul ligamenti uteri, gravitare descendere, & sic partus post mortem tam Matris quàm Fœtus subsequi potest. *D. G. C. Winkleri.*

Fœtus post biduum mortuæ Matris natus.

In vicino pago Trönninge, mulier Rustici filia, Johannis Jacobi Villici Præbendæ Theologi Hafnien-sis, ex partus difficultate mense Novembri anni currentis 1673. misere obiit, cum fœtum eniti non posset, frustra coriantibus Obstetricibus tribus, quas ex vicinia in auxilium convocaverat. Biduo ferè elapso præter omnium expectationem sua sponte fœtus cum impetu erupit; sed mortuus, sine dubio in partu, consumptis viribus quæ superfuerant à morte Matris. Supervixisse enim interea dubitandum non est, quahquam astantes non adverterint, nihil tale cogitantes. Vitam verò, ut ante, propriam vixit, & alimento antea per os in ventriculum congesto, quasi cohleæ suo succo victitant. Spiritum non difficilem traxit ex apertis uteri locis, qui matre defuncta patentes manserant: Ipse enim altera manu viam prius sibi paraverat, quàm amputaverant, cum reliquum corpus eluctari ex angustis vivæ Matris non valeret. Nec insolens talis partus est. Unde in more positum habent mulieres, quando gravidarum funera curant, in loculo ferali acus, forficis, filumque addere, superstitione accedente, quasi Manes istis instrumentis indigerent in resecando ligandoque umbilico prodituri fœtus ex cadavere Matris. Observatum etenim in oculis defunctorum prægnantium nonnunquam fœtus ex utero prodiisse. Ne via præcludatur, divaricatis cruribus reponuntur Matres mortuæ. Robur superstitis infantis ex puerpera denata promovete posse nativitatem exemplis demonstrat Hildanus in literis responsoriis ad Doringium. Liberius fœtui nutrimentum suppeditatur, quando mater satis cedit antequam rumpantur membranae, colliquamentum illud Harvejanum seu liquorem nutricium, quem ore sugit infans, includentes, sed difficilior tum erit partus ille posthumus, cum & lacerandis membranæ & locis aperiendis, nisi per se longo Matris labore pateant, nimium delassetur. Promptior ad exitum erit si artè adhaerentes unà prodeant. Id non raro contigit, vidique puellum membranis suis ita involutum fuisse post partum, ut quid esset ignoraretur antequam dissecarentur illæ, & velut ex marsupio eximeretur fœtus. Quod si tam artè adnatæ sint infanti, ut sine læsione tenelli corpusculi separari non possint, certa perniciēs manet. Plures effluxerunt anni cum de simili partu orta esset controversia in Italia. In territorio quippe Bergomeni fœtus abortivus, quum secundinis artè adeò involveretur ut eximi non posset, & tamen motu vivus agnosceretur, Parochus ipsum ita constitutum baptisabat, cum verò mox expiraret, alter Parochus mortuo sepulturam denegabat, negans verè baptizatum propter impeditum Physicum aquæ contactum. Hinc disputatio inter Theologos, Philosophos ac Medicos orta, num aqua secundinas penetrare posset, & num hæ partem fœtus constituant? Re ad Medicos Patavinos, tum fama celebres delata, respondit Pompeius Caimus, Philosophus major quàm Anatomicus, secundinas ex Aristotelis sententia non esse partem fœtus, nisi excrementitiam

tiam. Contra Joh. Prævotius asseruit partem esse, quum vita fœtus vivat, non matris, suæque habeat venas propriæ nutritioni dicatas. Aquam verò penetrare posse negabat, non solum quod tunica hæc à natura geminæ unit constitutæ, ut serum retineant, cui rœtus innatat, sed etiam quod ab externo aëte condementur. Hæc ita inter eos acta, fida beati Rhoani nostri relatione scio. Nostri patriæ ritibus sepultura infantibus nullis denegatur, qui parentibus Christianis nati, quocunque impedimento, sine contemptu Sacramenti, à baptismo exclusi fuerunt. Neque enim privatio, sed contemptus damnat, & quamquam parentes sint negligentiores, culpam tamen innocui infantis non luent, qui filii sunt τῆς πλᾶνης Actor. 3. 25. Secundinas partem infantis essentialem non magis credo quam domum, quam inhabito, quæ meis impensis & extruitur & conservatur, partem mei esse necessariam, aut tunicam qua vestior. At arctè connatæ membranae præter naturæ ordinem, moribulum infantem notant. An vis spiritus per aquam baptismi minus efficax sit in morbofo hoc statu, judicent Theologi.

Nativitas posthuma & antiquis & recentioribus Autoribus non infrequens. In *Florilegio* Var. Epigrammatum Lib. 3. cap. 12. num. 42. ex incerto de tribus narratur liberis defuncta matre editis. Is quippe, interprete *Eil. Lubino* loquitur.

*E mortuâ Matre vivus partus. Unus sanè Deus
Ab hæc viam sustulit, his verò dedit.*

Exempla recentiora suppeditant Schenckius & Marcellus Donatus. Rara Bruxellis historia 1633. agitata fuit, Medicisque proposita, de muliere gravida septimestri, quæ convulsionibus Epilepticis die Jovis circa nonam vespertinam suffocata fuit. Die Veneris spuma ex ore matris prodiit, exauditus murmurillus, quasi vagientis infantis in utero matris, tumque venter ab affidentibus observatus attolli ac deprimi. Die sabbathi circa decimam matutinam profluvium sanguinis coëgit adstantes denudare corpus, & intra femora matris provolutus infans deprehensus adhuc calidus. Inde nata quæstio, quæ Medicis Parisiensibus, Andræ du Chemin, Nicolao Pietre, Johann. Riolano, Abeli Brunier, Bruxellis tum cum Regina Matre commorantibus excutienda & judicanda proponebatur: An fœtus extinctæ Matri tamdiu superstes fuerit, ut post triginta sex horas ab interitu matris, vivus suoque impetu ab ergastulo suo erumpere potuerit? Cui responderunt laudati Viri, si relationi certa fides adhibenda sit, verisimile esse mulierem post illas convulsiones epilepticas & hystericas, spiratione, sensu, motuque orbatam, habitam ac derelictam fuisse pro mortua, ut in mulieribus hystericis & epilepticis sæpissimè accidit, quæ ad funus elatæ revivere: In istis convulsionibus orificium internum uteri sufficienter ad partum dilatari potuisse, & fœtum imbecillum subsistere & morari in utero per 24. horas & ultra, ad recuperandas vires in istis convulsionibus matris prostratas. Attamen vixisse sub finem diei Veneris, & matrem & Fœtum mulieris corpus adhuc calens, vagitum uterinum & abdominis subsultum, ac elevationem manifestè indicare & attestari: sed vagitum infantis morientis matris indicem fuisse, & propriæ calamitatis internuncium, atque tum matrem obiisse cum spuma ex ore prodiit: Ac proinde potuisse Fœtum septimestrem die sabbathi suoque impetu, ruptis membranis tenerrimis & jam extensis, vivum ab utero emergere, prius tamen mortua & extincta matre.

Responsionem Collegarum tuetur Riolanus, & illustrat Lib. 6. Anthropogr. cap. 8. Nam spatium illud diuturnioris moræ & cunctationis in utero per triginta sex horas esse impossibile: Fœtum enim sub-

sidio materno destitutum, vix per duodecim horas propriâ vitâ vivere posse, quandiu incarceratus uteri ergastulo detinetur; ideoque post extinctam Matrem, nisi confestim exeat, aut per sectionem Cæsaream eximatur, diu superstitem esse nequire, atque ex viginti prægnantibus in enixu morientibus, vix unum aut alterum fœtum secto matris utero extrahi viventem, multò minùs vivum & incolumem servari in utero. Verosimile igitur esse ultra duodecim horas in tali casu mulierem non posse vitam producere, Soli Deo competere trium dierum sepulturam & resurrectionem, ut de Lazaro resuscitato. Itaque aut fictam esse hanc historiam, alieno fœtu supposito intra femora matris mortuæ, aut non posse aliter explicari quàm à Medicis Parisiensibus fuit pronunciatum ac determinatum.

Eadem historia ad Patavinos Medicos fuit transmissa. Habeo Synopsin Responsionum eorundem, P. Magistri Serafini, Patavini Augustiniani curâ editam, ad duo quæsitæ circa notabilem Matronæ Belgicæ partum. Ad Primum videlicet: Utrum infans post obitum Matris potuerit nasci, si non vixisset tempore suæ nativitatis? Respons. Ex communi ferè omnium consensu statuitur Infantem tempore nativitatis suæ omnino vixisse, quod comprobatur ex eo, quod ante partum, validè in corpore materno commotus fuerit, atque in ipso partu ventrem Matris sublevaverit. Supervixisse etiam ad tempus, post partum, à nemine negatur, quia vagitus Infantis evidenter perceptus fuit. Confirmat idem corpusculi tepor, labiorum rubor, & genuum divaricatio, atque eorundem postea superveniens frigus & rigiditas. In illo dissentiunt: Utrum infans natus fuerit in ipso Agone mortis maternæ; an verò mater prius mortua, & paulo post infans ex utero prodierit. Priorem sententiam tenent illi, qui existimant matrem ob salivam apparentem, & calorem circa ventrem ac lumbos perseverantem, (ut in multis fieri solet epilepticis mulieribus) non fuisse verè mortuam sicut astantibus videbatur. Posteriores amplectuntur illi primò, qui indubitata fidei exempla adducunt, Infantum scilicet, paulo post extinctas matres ex utero erumpentium: deinde quod facta commotione corporis materni, nocte subsequente observata, nulla amplius signa vitæ præsentis apparuerint.

Ad secundam: Utrum secundum naturæ cursum, & rationem naturalem non sequatur, ut res vera & necessaria, dictum infantem vixisse post suam nativitatem, & quod per copercula, aut aliter per materiam sanguinolentam fuerit extinctus & suffocatus. R. Ad hanc quæstionem, communi consensu determinatur, Infantem, partim ob nutrimenti defectum, corpusculi lassitudinem, sanguinisque malignitatem, partim verò, quia pronus jacuit, & stragulorum pondere oppressus secundinisque implicitus fuerit, suffocatum interiisse. Patav. 1633. D. *Thoma Bartholini*.

De dislocatione Ossium pubis in partu.

Vivit adhuc honesta fœmina, cui primiparæ, sub difficiliore fœtus exitu, ossium pubis commissuræ (ætate satis tum matura) non solum divulsæ sunt, verum etiam, uti infeliciores nonnunquam in fracturis accidit, utrinque seorsim occalluerunt, invicem separatæ, ut in scalarum ascensu ac descensu, consuetæ (sanis validisque) pedum alternatione uti nequeat, sed alterum semper (posito prius altero pro fundamento) quasi post se trahat; digito eandem Alternationem circa dictas ossium extremitates eodem tempore apertè sentiente. Aliquoties postmodum, ætate æquè difficulter peperit, angustia fortè colli nimia. *Dom. Danielis Ludovici*.

Puerperis periculosus annus.

Anno currente plusculæ fœmina Hafnienſes vel abortum paſſa, vel difficultate partus mortuos ediderunt, vel ſectiōne per Chirurgum ſibi extrahi diſceperique viderunt, vel febre varioliſque extinctæ. Et pleræque femellas pepererunt, imbecillitatis indicio. Juvit humida anni conſtitutio & frigida, qua laxata uteri ligamenta fœtum, ut decet, conſtringere non potuerunt. Hinc perversus in utero embryonis ſitus, quem cum obſtetrices pleræque, harum accidentium ignare, emendare in partu non valerent, puerperas in vitæ periculum adductas deferere coacte ſunt. Ego quidem innocuas manus gero ſalvamque conſciētiā, qui toties de obſtetricum Medico examine monui, ſed ſurdus hæcenus fabulam narravi. Ipſæ viderint quæ utiliſſimis conſiliis obſtant, & ſibi conſciētiæ damna imputent. Quomodo ſacili manu reduci ad naturalem ſitum in partu fœtus poſſit, docui in l. de Inſolitis Partus Viis cap. 19. Inter tot infelicia exempla apud vicinas & amicas obvia, ſalva laus Deo, filia mea Margareta, filiolum pulcherrimam Sophiam Reginam Mulleram prid. Feſt. Pentecoſt. 1672. circa meridiem enixa eſt, magno licet labore & ſubſecuta febre continua, quæ quarto die per diarrhœam ſoluta eſt. *D. Thoma Barho- lmi.*

Epileptica pariens.

Puerperâ primipara ſub ipſum partus tempus excubiabatur paroxyſmo gravi epileptico. Obſtetrici impetrecta fœtum partui vicinum ſentiens, paroxyſmo neglecto ſtrenuè munia ſua exequitur, feliciterque fœtum extrahit: quo facto, ſtatim ſubſequitur paroxyſmi intermiſſio, lochiorum debita exclusio, ſirmaque per Deum valetudo, nec hucusque ullum hujus mali ſignum in trium jam liberorum matre apparuit.

Scholium) Singulare eſt in hoc Caſu, epilepſiam à partu originem pariter & medelam inveniri. Author ſanè Libri de natura pueri, Hippocrates quibuſdam creditus, in partu maxime laborare prodidit quæ primos partus experiuntur, eo quòd doloribus non adſueverint; quorum etiam dolorum, tum ſævitia, tum nimius metus primiparam hanc dubio procul in epilepticum ſtatum inſultum conſecravit; qualem quoque perpeſſa fuit fœmina, cujus Dec. 1. Ephemer. harum Ann. 2. Obſervat. 67. mentionem facit. Uti verò ad partum naturaliter feliciterque abſolvendum, non parturientis tantum matris, ſed fœtus quoque parturiendi conatus requiruntur, ita præſenti in caſu nixus, quem moliri puerperam gravis illa morbi invaſio prohibuerat, ab hoc ipſo motu convulſivo peractus fuit; totius nempe corporis motu & agitatione uterum unâ commovente, fœtumque inhærentem & exire paratum excutiente, non ſecus ac à Vomitoriorum etiam operatione, corpus concutiente, partum promoveri nonnulli obſervant; acque ſupervenientem difficulter parturienti ſternutationem (quæ ipſa *Ebn. Sinæ* lib. 3. ſen. 1. tract. 5. cap. 8. quali motus levis epilepticus eſſe videtur, uti viciffim epilepſia quali ſternutatio multa & fortis) ſalutarem eſſe cum Hippocrate 5. Aphor. 38. Celfus lib. 2. cap. 8. experientia non contradicente, adnotavit: Simile exemplum vide Anno 3. Obſervat. 212. & apud *Tulpium* lib. 1. cap. 10. *D. Samuelis Ledelii.*

Partus per Umbilicum.

Antonia Boiſſer uxor Petri Quiſſac Lanifici Ne- maufenſis, vigefimum quartum ætatis annum agens, brevis ſtaturæ, cum jam ter uterum geſſiſſet, fœtusque paulò ante ſtatutum partus terminum extinctos, perita obſtetrici ſemper extraxiſſet, quartò concepit, Martio menſe anno milleſimo ſexcentefimo octuagelimo primo; & ut calamitati in quam toties reciderat maturè occurreret, remediis per totum ſermè graviditatis decuſum, cum ſpecie felicitis futuri exitus, uſa fuit: fœtus enim ſtrenuè in utero movebatur, ipſaque prægnans bene valens rebus ſuis alacriter incumbebat. Sed completo nono menſe, inſtanteque pariendi tempore, in longa acerbiffimæque ventris tormina, & atroces femorum lumborumque dolores incidit, qui propter omnimodam interni oris clauſuram, in nixus inanes & identidem recurrentes deſinebant. Horrēda illinc ſymptomata emere, frequentia ſcilicet animi deliquia, vomitus indefinens, anhelitus fœtor, extremorum frigus, & cætera quæ mortuum in utero fœtum arguunt ſigna. Poſt tranſactos aliquot in iſtis anguſtiis dies, vires ſenſim recuperavit, recreataque remedium ope, domeſticis muneribus fungebatur. Secundo abhinc menſe moderatum ex utero ſanguinis effluviū, à menſtruo non alienum, per duos menſes paſſa eſt: quibusexactis fluor albus, tandemque puris fœtidiffimi egeſſio, inſequuta ſunt. Lac interim in mammis ad hæc uſque tempora, nempe decimum tertium graviditatis mentem habuit. Febre, ciborumque faſtidio ſemper laboravit, flaveſcente ac pene cadaverofa facie deformis, tetrumque toto corpore fœtorem ſpirans, animo gravius quam corpore ægrotare videbatur. Non illa omnia puris, ichorum, ſanguinisve proſuvia, non frequens diarrhœa, aut tenefimus, tumorem, durtiem, doloremve abdominis minuire valuerunt. Poſt ſeptimum à ſanguinis fluore menſem ingraveſcebant per totum corporis habitum qui jam infeſtaverant dolores, ſed imprimis ad uteri vaginam, è qua officulum emerſit. Elapſa mox hebdomadâ emerſit alterum. Sexto ſequenti die, prodit aliud. Perſequerante fluore uterino, dolorum ſæpiſſime recurrentium adventus, offiuli cujuſdam brevi tempore prodituri prodromus erat: ſicque ab Octobris initio ad medium Decembrem, viginti aut circiter oſſa, quædam ex articulis manuum aut pedum decidua, oſſium majorum epiphýſes, & ſquamæ, inciſorius dens, aurique malleus, prodire. Tandem, circa natalia, inſumit ipſi ad juglandis magnitudinem umbilicus, poſtque acerbiffimos dolores per quattriduum infeſtantes, ex ſponte diſrupto tumore ſerum tantummodo emanavit. Reſedit cuticula quæ ſerolum humorem continebat, nullo præteriti tumoris, præterquam guttatim ſcaturientis per potum viſum effugientem ſeri, veſtigio ſuperſtite. Ex eo ſenſim ſeri atrimonia corroſo, & per immiſſum pexiculum patentiori, facto, modò pus, modò fœculenta fœtidiffimæque ſanies effluebat. Circa vigefimum à diſrupto tumore diem, capilli aliquot cum pure, prodierunt. Decimo ſecundo Calendas Februarii, doloribus cruciata, mihi accerſito ulcus umbilici tumidum & penitus obturatum, cum circumfuſâ inflammatione patefecit. Specilli ope compertum os, ſine levi inciſurâ, educi non poſſe dixi: adnuir ægrotans, meque Chirurgi munere invitum coëgit fungi. Ex illa igitur forcipulâ ab umbilico pubim verſus peractâ, fœtus cubitum, quæ cum humero connectitur, extrahi, alio oſſis extre-

mo capillis adhærentibus obvoluto. Turundam offis crassifici respondentem in ulcus immisi, unde in posterum tanta puris copia emanavit, ut quin quies seculive quotidie torquentes fasciæ essent abjiciendæ. Nec tantum efflavium ventris dolorem tumoremve adhuc abiecit; Verùm tunc temporis cibos appetivit. Octavo adhuc die, quinto scilicet Calendas Februarii, majoribus adhuc offibus ad ulceris ora appellentibus, vocatoque Carolo Treutignan, doctissimo peritissimoque Chirurgo, diligentius explorato ulcere, femur, radius, cum osse ilium extracta sunt. Putris simul caro, ex scæla cutis, adipis, membranarum, musculorumque copulatione constata, & naturæ viribus propulsa, ex ulcere, ad duorum digitorum transversorum latitudinem, semperque pubim versus alterius inciso, educta est, semipedali longitudine, & carpi crassitie, quæque ossiculorum quorundam dispositione, sub spinæ dorsalis specie innouit. Sed cum sine patentiori sectione minimè possent extrahi pectus truncusque corporis cui prædicta adhærescebat caro, illa, ne relaberentur, funiculo colligavimus, & in sinum ulceris balsamicum detergentique decoctum injecimus. Postridie mane pendebamus animis, utrum novâ amplioreque incisurâ omisâ, cui sustinendæ vix sufficerent vires ægrotantis, quæ ob cadaver in utero tamdiu gestatum, febre macieque confecta erat, quæ supererant in ulcere ferramentis confecta ossa disceptasque carnes sensim & iteratis vicibus extraheremus. Verùm talia instrumenta in partem non penitus exploratam & cognitam immittendi periculum, cujusque aditus à carne offibusque fœtus, èd vi naturæ propulsis, omnino intercludebatur, nos à tali consilio deterruit. Quamobrem peracta fuit, ut antea, pubim versus, immittendæ manui sufficiens incisio; cujus beneficio costas, artuum ossa, corporis truncum, capitisque ossa sponte à sese iavicem secedentia Chirurgus eduxit. Reliqua verò quæ ob putredinem à carnibus resoluta, cum pure taboque restagnantibus, ossicula prodire. Hiante fordescentis ulceris cavitate, prædicto decocto ablurâ, convenienterque deligatâ. Cessavit penitus, quem per umbilicum apertum puris egestio non coërcuerat, aut minimum revocaverat, uterinus fluor. Ad octavum usque ab operatione celebrata diem, omnia ex voto se habuere; ex ulcere intus & extra belle constituto, pus, licet magnâ copiâ erumpens, colore & consistentia laudabilibus donatum, fœtore carebat. Somno indulgebat; cibosque horis assuetis capiebat ægrotans, & penè immunis febre doloribusque, reluctanti animo vitæ rationem tenebat, & se lecto affigi ægre patiebatur. Verùm sexto idus Februarii, tam felicia & prospera signa infusa symptomata exceperunt, & ex ulcere decolore fœtidissimum & minima quantitate pus emanavit. Tantæ ergo mutationis causam explorantes, hanc ossicula quadam in ulceris sinu à dextris existentia procreasse comperimus. Eorum unum ciceris magnitudine, rotundum depressumque & capillis obvolutum è vestigio eductum est. Eadem die Vesperis os aliud rotundum & minus prædicto, densque incisori cum duobus cirris eruta fuere. Ulcerius indagantes, quedam adhuc ossicula deprehendimus, quæ disruptum inter peritonæum musculosque abdominis corrosos, in profundis ulceris abditis prope dextrum inguem latitabant. Maximamque item capillorum copiam, palmari latitudine ab umbilico distantium desuper & à dextris, ubi fœtus caput antea recumbebat. Ossicula equidem mobilia, sed in latibulo recondita, quæque vix extremis digitis contingere licebat, per ulceris orificium educi nequaquam poterant; capillique ita tenaciter carni adhærebant ut ad minimum contactum compressionemve stri-

dentes, vix sine labore, acerbissimoque dolore avelli posse videbantur. Quarto idus Februarii ægrotans ipsamet immisis in ulcus digitis cirros duos divellebat. Prædicti mensis idus, ossiculum instar prioris eductum est. A quamam autem corporis parte tot ossicula disjuncta essent, quatenus mutila corrosoque, intelligere non licuit. Quotiescumque autem ossiculum aut cirrum eruere contigit, febris accensa est, doloresque in partibus, à quibus prodire, citissimè autem desinentes, oborti sunt. Verùm in opposita parte, iliorum nempe, lumborumque regione, sinistrorsum, acutissimi excitabantur. Obfirmatis ibidem doloribus, totum abdomen inflammatione tumoreque affectum fuit, excepta parte in qua ossiculi latitabant, quamque potius inflammatio invadere debuisset, ob labores quibus agitata fuerat, cum illa educere conaremur. Interim ægra à definita vivendi lege desciscens, vomitu & rigore vexata, in frequentes lipothymias incidit. Stranguinâ, ventris doloribus, & tenebris, cum febre vigiliisque stipantibus torquebatur, perditissimæque ulceri, alias laudabili colore prædito & parum dolenti, adveniens fœtor, ad os usque ipsius pertingebat. Exsiccata in sinu ulceris sanies, ab interno uleri orificio ad vaginam injectioni viam præcluserat; sed digitorum ope remotâ, facillimè ad externum usque orificium patuit. Dira hæc symptomata, quæ ad decimum Calendas Martii infestaverant, maximum profusumque seri ab ulcere profluvium, paulatim sustulit: verùm semper solliciti de ulceris fœtore, quem ab ossiculis latentibus pendere liquidò constabat, factâ incisione in infimâ hypogastricæ regionis parte juxta dextrum inguen, tria ossicula, quorum unum rotundum depressumque, instar prioris, & duo reliqua vertebrarum particulae, evulsa sunt. Hujus incisuræ beneficio totam ulceris cavitatem eluebamus; unde in posterum minori quantitate, laudabilioribusque colore & consistentia præditum pus effluebat. Non ideo tamen omnibus eramus impedimentis soluti, maximumque nobis negotium incumberebat in evellendis cirris qui prædictæ parti tenacissimè adhærentes, ulceri & puri emananti fœtorem identidem impertiebant. Periculum etiam impendere videbatur in adhibendis septicis, ut scilicet putrefacta carne, faciliori cirrorum avulsioni consuleremus; satius ergo ducentes eam immisso rostro anatino moliri, ipsamet ægra propriis aliquando digitis eos conglobante, hoc opus bonis avibus intra dies octo pergitimus; Sed qua vi quantoque labore, Chirurgi, manus suæ nihil tantum non adhibentis, conatus, capillorumque parti firmè coalitorum stridor, tandemque adipis carnisque semiputridæ frustula simul educta testabantur. Eradicatis ergo penitus cirris, ulcus utrumque fœtore prorsus caruit, & puris quantitas quotidie decrescens, à parte, cui prius affigebantur capilli, tantummodo emanabat, quæ ob prægressam inflammationem aliquandiu dura tumidaque ad nativam constitutionem reducebatur; utroque itidem ulcere cicatricem recipiente & restincta febre, virium recreatio, appetentia, confectioque ciborum, somni placiditas & vividus oris color, valetudinem restitutam luculenter arguebant. Verùm, quod præstabilis, fluor ex utero plerumque manans, menstruaque purgationis prodromus, partis illius tonum cirò confirmatum iri testabatur: scilicet per umbilicum, cujus vasa & ligamenta eruendo fœtui arte aut naturâ patefacta nondum planè coaluerant, menstruus sanguis elapso uno mense profluxit. Sed incongruente hac viâ penitus tandem præclusa, antiquum & vulgare iter suo tempore deinceps, natura duce, constantissimè affectam, Julio mense ann. 1681. *Ex amicâ communicatione Viri Clari Clariss. D. Rivalier Medici quondam Nemausensis*

Partus difficilis facilitatus.

Clariff. Joh. de Muralto. Miscell. Curios. Decur. iii. Ann. 2.

Adstici nuper fœminæ, quæ ante triennium ob arctam uteri præclusionem, & ætatem provectiorem, eniti puerum non poterat, sed iniuncto verrici vulnere, cerebroque exento, collapsis cranii ossibus, extractio fiebat, ut mater salvaretur. Nunc eosdem dolores paritûs sentiens, involucri fœtus ad osculum protrudit, nec ob eorum crassitiem nisibus diffingere valuit. Vocatus, manu uterûs immissa fluctuantia & in pyramidem abeuntia involucri hæc disrupti, effluxisque aquis, adauctis nisibus, eam ad operandum instigavi: Infans dorso incumbens vertice intestino recto, & facie osculo uteri obverso, adeo ut mentum ossi pubis ceu obici adstiterit; dilatavi pro viribus per integram horam orificium uteri nervosum, sive tendinosum, ut faciei exitum illæsum concederem, ad primum enim digitorum in uterum ingressum, os infantis parvum cum auribus, oculis, natibus, ulteriorem operationem, sive in bonam figuram collocacionem impediēbat. Talibus in angustiis positam matrem, & operatorem, quid faciendum, experientia docuit, instigandam fœminam, reliquum opus naturæ committendum, solumque citulum nerveum intra uterum & caput infantis leniter extendendum esse; quo facto, tandem infans vivus in lucem prodiit, sed qui ultra horæ quadrantem vitam protrahere nequivit, ejus facies prætumida, imprimis os, nasus, & frontis pars anterior fuerat; quasque sanguine suffusa, nec mirum, cum sanguis ob coarctatum infantis collum præclusus fuerit. Puerpera intetum liberata à secundinis, lectoque introducta, lochiisque ritè manantibus, bene se habuit. Ex hac operatione, discendum 1. quantum possibile, osculum uteri apud vetulas mirum in modum dilatandum est; 2. occiput supra alvum hærens levandum, & ad osculum uteri dirigendum esse, ne retrorsum plicetur, & collum ac respiratio cum sanguinis circulo præpediatur; 3. infantis faciem nullo modo esse digitis tangendam, ne sensuum organa lædantur; 4. Operatori à puerpera non esse recedendum, nisi simul à secundinâ liberata fuerit.

Nuperrimè quoque fœminæ adstici, cujus infans dextrum brachium ex utero porrexit; hæc nisibus in vanum tentata operam meam anxie quærebat; manum utero immisi, & brachium in cubito prehensum reduxi, atque retrò occiput, manu exsertâ reclinavi, ne relabi posset; tum osculum solito more dilatavi, & muliebria perunxi; aquam liliorum alborum cum extracto croci & borace exhibui, sicque nisus adauxi, ac fœminam liberavi, puerumque vivum vegetumque excepi.

Partus novennis, per ulcus sub umbilico.

Clariff. Salomonis Reiseli. Miscell. Curios. Decur. iii. Ann. 3.

Præterito Autumno audiivi de muliere, quodd ante undecim ferè annos gravida demum pepererit infantem, sed illum putridum nono anno. Cum insolitum & creditu mihi difficillimum esset, petii circumstantias à Pastore illius loci. Sed mulier illa ipsa sese sistit 2. Aprilis 1695. unâ cum testimonio Pastoris; Prætoris & Chirurgi, nomine Agnes, uxor Jacobi Sægeri, civis in pago Staimheim, Præfecturæ ad Monasterium Hirschaviense pertinentis, annorum 48. quæ

Biblioth. Chirur. Tom. III.

antea tres enixa est infantes, & edicit, quod ante undecim ferè annos gravida facta, & partu vicina mensis tempore à tempestate grandinosa ita terrefacta fuerit in campis sub libero aëre, ut penè defecisset. Domum verò redeunti partûs dolores quidam accessere, sed & remissere, remanente tamen embryone usque ad nonum annum, quando interea mater imbecilla facta, doloribus laceßita, lecto affixa miseram traxit vitam, donec cum fœtore maximo putridum sub umbilico ulcus ruptum fuerit, fluxeritque per trimestre spatium à Gottardo Schonlin, Chirurgo Calvvensi; cum pauca spe sanitatis tractatum, ex quo denique, 22. Octobr. 1692. fœtus altero latere putridus quidem, sed ita, ut pro masculo ab obstetrice præsentem agnoscere potuerit, prominens, extractus est; quod testatus est unâ cum Chirurgo suprascripto, Pastor illius loci M. Johannes Jacobus Lauster, & Prætor quoque. Post id tempus, cum cibus & potus per vulnus exiisset per mensem & ultra, planè emaciata & lassata fuit mulier, donec beneficio pulvis avenacæ cibus quidem retentus, vulnus autem demum post annum coaluerit, curante eodem Chirurgo; cujus relictam cicatricem mihi ostendit. Tunc nihil dolet, præterquam quod non ferat cruda & frigida, ut brassicam conditam, lac acidum & alia: potest etiam domi & ruralibotes, sed leviores, tolerare. Quapropter ob alia negotia festinato examine contentus quidem eram. Sed cum statim id narrarim Collegis meis, idque portentosum si non fabulosum putaretur, denuò eam cum Excell. Dn. D. Matthia Scheppio Collega meo, examini acriori subjeci ut fidelis sit testator.

Interrogata igitur denuò unde sciat, quod ante undecim annos gravida fuerit? Respondit mater trium antea libetorum procreatorum & lactatorum non imperita, quod mensibus per sex menses restitantes bene se gesserit, venter tumuerit, senseritque motum, usque ad terrorem factum; & inde sequentes dolores partus, cujus gratiâ venam secuerit, quibus deinde remittentibus morus & sensus infantis desierit, ut post quatuordecim dies crediderit mortuum esse.

Interrogata quoque quomodo se gesserit post partûs primos dolores remissos; & an non à concubitu denuò gravida fieri potuerit, vel facta? Respondit, ventre adhuc manente pleno, passam quidem esse congressum; jubente sic marito & postulante suum jussu, multos dolores & imbecillitatem sustinisse, menses per dimidium annum restitisse, sed deinde fluxisse constantibus periodis, quovis etiam antea venam secasse, denique dimidio ferè anno ante putredinem incipientem itetum stitisse, ventremque d. tumuisse, nequicquam puris aut fœtidi per genitalia effluxisse. De infantis statu addidit, quod ipsam extraxerit ex rupto abscissu infantem, cujus costæ nudatæ fuerint; craniumque à se invicem distractum & collapsum.

*Fœtus frustillatim per umbilicum exemptus
ruptis intestinis, & eorum motu
peristalticò extra abdomen conspicuò.*

Clariff. Joh. Menradi Vorwaldneri. Miscell. Curios. Decur. iii. Ann. 5. & 6.

Margaretâ Nisslin uxôr lanionis in Sigemburg 4. filiotum mater, circa nonum gestationis mensem, dolores partum præcedere solitos, animadvertens, dubia de legitimo pariendi tempore, præter obstetricem alias fœminas sibi familiares in consilium vocavit, quæ mote solito minus de fœtu ad exitum ritè disposito; quam decelerari partu sollicita, mulierem istam mox ad labores strenuè, & eò usque urserit, donec

omni conatu jugiter, sed in cassum tentato, ruptis membranis rœum involvenibus, & aquâ contentâ effusâ, viribus jamjam deficientibus dolores omnino intermiserint. Quo factô quâdam in hac arte peritior sibi via cataplasma ex piacentia seminis lini expressi, foliis malvæ & lacte paratum probè semper calcfactum toti abdomini superimposuit, quo ad tertiam diem continuato sæpiusve renovato, afflicta mater interea fœtum præter morem vehementer moveri sensit, ita ut eundem ad jugulum usque ascendere, & accedentibus crebris singultibus non rarò se suffocandam crederet. Abdomine perinde, velut in atcite in immentum crescentre parvisque copiosis tuberculis hinc inde erumpentibus cataplasma remotum, & à prædicta fœmina Emplastrum nescio quale substitutum, ad 19. feriè septimanas usurpatum est, donec livescente circumcirca cute prope umbilicum, ingens abscessus apparuit, paulò post sua sponte ruptus. Purgato nonnihil ulcere & amplum hianre, se in conspectum dedit fœtus cum suis involucris & secundis putridus, fœtidus, transversim situs, ægra mediis destituta, Chirurgum abhorruit, cæterisque fœminis audacior ipsa prima manum admovit, atque disruptis membranis fœtum per abscessum frustulatim eximere cœpit, cum verò caput ob renitentiam quandam & virium imbecillitatem tollere haud valeret, alia fœmina incautâ manu tam validè id extraxit, ut ægra ab ossibus cranii intestina præcisa statim lamentaretur. Verùm misera fidem non habuit, nisi postquam fœtu & secundinis penitus excerptis intestina rupta per abscessum foris pendula coram viderent omnes præsentés, unde desolata & à fœminis huc usque assistentibus derelicta opus naturæ commisit, à qua ceu communi medicatrice, Deo dante, ulcus intra paucas septimanas sanatum & cum intestinis propendentibus consolidatum est. Restituta in tantum me in Monasterio vicino occupatum accessit, totamque rei seriem fusè enarravit: At ego ipse hujus casûs experientiam facturus modernam intestinorum constitutionem inspicendi ab ea facultatem petii, quam facillè obtinui, cum à me auxilium vel saltem stipem aut attestationem expectaret. Observavi cutem magnam Ileii portionem ac quasi truncum per umbilicum prodeuntem in duos ramos divisum, quorum unus ad partem dextram reclinans, farciminis instar infarctus longitudine X, crassitie IV. digitos transversos facillè superabat, nulla tamen excrementa emittens, alter tenuior quidem, sed inæqualis magnitudinis vermis instar modò contractus, modò ad quartam partem ulnæ Bavaricæ exporrectus, continuò liquida & flava alvi fœda expuebat, ita ut curiosum valde esset intueri motum intestinorum peristalticum tam conspicuum & manifestum. Observavi præterea bipartitum hoc intestinum inversum, ita ut runica aliàs interna jam existat externa, rubicundissima quasi inflammata, præsertim si diutius aëri ambienti exposita, è diversis locis ac poris sanguinem plorans. Deprehendi tandem majorem raram ex latere dextro, non excrementis sed intestino illapso repletum.

Cæterum fœmina ista, quam paucis abhinc septimanis denuò obviam habui, quamvis ab eo tempore quo intestina rupta sunt, nulla excrementa per alvum secedant, bene valet, habituque corporis non mediocri fruitur, nihil magis, quam ob exquisitissimum nensum, immanes dolores ad tactum & molestiam in purgandis fœcibus, omnium verò maximè ob maritum defunctum, inopiam patiens.

Similem ex parte calum, haud ita pridem prope Beilngries in pago N. contigisse memini, ubi fœmina 8. mense utero gerens, insignem tumorem in regione umbilici acquisivit, quam Chirurgus ad suppurationem ductam aperuit, & fœtum putridum frustulatim

extraxit, ulcere post fœliciter curato. Hanc fœminam posthac tres partus vivos successivè peperisse nuper à viro fide digno audiivi.

Confer Dec. III. Ephemeridum nostr. Ann. IV. Observat. CXXXI. à Dn. Directore Ephemer. communicatam.

Partus Vesicularum mirus.

Clariss. Antonii Vallisnerii Ephemerid. German. Centur. 3. & 4.

Fœmina ætatis annorum 43. temperamentis melancholici, dolori pungenti in dextro hypochondrio semper, adparentibus menstruis, expolita, cum flatibus, & interdum vomitu, à levi occasione facillè excitato, novem annorum spatio quatuor filiolas & unum mascululum, mercatori septuagenario nupta, peperit. Dum ultimum hunc, texturæ ventustæ & debilis, cum multò majoribus incommodis, quàm vires ferrent, læstabat, præter falsæ acrem ad fauces defluxionem, & multos ventris dolores, elapso Februario omnimodam mensium suppressionem passa est, qui aliàs in eadem ægra, similibus in casibus non modicè comparere solebant, in mense autem Martio, Lunâ crescente, denuò notabiliter fluxerant, & simul antiquus dolor in hypochondriis, majori cum molestia rediit, cum flatibus, cordis oppressione, inappetentiâ cibi, vomitu, febriculâ aliquâ noctu incremente, & urinâ saturatè rubro colore tinctâ. Die 16. dicti mensis Medicus N. N. in auxilium vocatus, cum notabiles sanguinis grumos quotidie exire observaret, gravidam eam non esse probabiliter credidit, eamque primò lenibus purgantibus, & postea humectantibus, validisque aperientibus, nec non venæ sectione in pede curavit. Die 22. Aprilis alius insuper Medicus consultus fuit, qui adhibita remedia, symptomatum perviciam, & speciatim continuum istum sanguinis exitum considerans, eandem gravidam non esse consensit, omniaque à succis valde acetosis, cum vitiatis viscerum fermentis, & dispositione aliqua ad cachexiam, provenire, verisimile esse credidit, unde sectionem saphanæ iteravit, ordinavitque quicquid hodierna sagacitas ad absorbendos aut frangendos hostilium istorum succorum aculeos hucusque investigavit. D. 9. Maii denuò quatuor incirca sanguinis uncias ex manu detrâhere curavit, & altero mane largior longè fluxus uterinus cum virium resolutione successit, superveniente semper memoratorum symptomatum majori pertinaciâ & ferociâ. D. 22. post solitum molestissimum vomitum, magna sanguinis copia exiit, & per quatuor circiter horas Dominam ægotam in dubio salutis statu reliquit. Dehinc viribus aliquantum restauratis, malum decrescere, & per quinque continuos dies minùs eandem torquere videbatur, non cessante tamen quotidiano, quamvis remissione, fluxu uterino. Sed nocte diei 26. vehementioribus quàm unquam antea redeuntibus symptomatibus; magno nisu corpus ovarum, tunicis suis involutum, magnitudine circiter anserini ovi ex utero expulit, quod immediatè mirabilis vesicularum copia subsecuta est. Illo aperto, & remotis externis teneræ ac mollis texturæ involucris, comparuit corpus imperfectum & fuscum, in quo omnia illa mirabilia instrumenta deficiebant, quæ ad perfectam machinæ illius architecturam requiruntur; neque caput, neque brachia, pedesve conspici poterant, sed merus truncus ruditer compactus, qui aliquâ delineatione potius quàm verâ viscerum formâ cerro modo vixisse se monstrabat: inter omnia cor equidem meliùs formatum erat, magnum ramen respectu parvi & macri sui corporis, cum duobus sacculis membranosis, flaccidis & rugosis, qui pro pulmonibus habiri fuerunt, cum aorta & cava, atque ramulis quibusdam huc & illuc per thoracem protensis.

In abdomine hepar obscure sanguineum absque lobis figurâ consuetâ aderat; pancreas & lien tantum rotundi grumuli glandularum fortuito connexi, non eleganti artificio efformati videbantur; ventriculus & intestina aliquantum rubebant, & juxta cum tota ista informi massa; tam delicata & tenera erant, ut levi saltem contactu dissolverentur; id quod impedimento fuit, quo minus reliquum tam curiosi & imperfecti naturæ operis accuratè observaretur. Verum non sine stupore nullus putredinosus odor in eo à me adstantibusque sentiri poterat.

Oculis ad ova sive vesiculas supra memoratas conversis, tum prodigiosum earum numerum, atque adeo confusè intricas deprehendi, ut eas tam accuratè, ceu in raris casibus fieri deberet, dinumerare impossibile mihi fuerit; parte tamen earum aliquâ numeratâ eademque cum tantæ molis reliquis partibus, quæ simul magnam illam massam composuerunt, multiplicata, collegi, quod sex mille incirca esse potuerint. Trunco unico communi carebant, à quo varii rami, atque ab his minores alii alique derivarentur. Solum rete quasi ex variis filis inordinatè & confusè contextis adparebat; è quibus elegantissimi ramusculi diversæ longitudinis & crassitiei huc illuc derivabantur. Rete hoc in utero meliorem & elegantiorum formam habuisse, in laborioso autem partu, aut ab obstetricis manibus corruptum fuisse, suspicari licet. Multæ unico soli ramo adhærebant, aliæ racematim jungebantur, aliæ in longa serie per unicum saltem latus decurrebant, omnes tamen exiguo pediculo erant præditæ, quo mediante ramis adpendebantur. Diversæ magnitudinis erant, minimæ instar milii, majores instar globulorum sclopetariorum ordinariorum; quædam aliis rotundiores; nisi illud eveniret, si involuctum, ex materia tenera & flexibili constans, ubi rumpebatur, rotunditatem perderet. Aqua, quam continebant, gustui adparebat insipidissima, & soli exposita non erat sine incorrupta limpiditate; nec minùs planè lubrica erat, sed paululum lubricitatis quid minorem tamen quàm ovi albumen, & majorem, quàm naturalis aquæ communis viscositas habebat; cum alcali non effervescebat, nec cum acidis coagulabatur. Coctæ multum mole, contrahentes se in seipsas, atque inter se invicem constringentes, decrescebant. Hac ratione tunica earum minor reddita, crassior, & liquor magis albicans, sed non viscosior evasit: unde perforatæ procul ejiciebant liquorem, quasi expressum à tunica per calorem contractâ; à quo etiam transparentiam priorem amittebant, & albicantes adparebant. In iis per microscopium lustratis parum amplius, quàm cum nudis oculis vidi, ob earum qualemcunque albedinem & lucis defectum. Rami & fibra, qua adfigebantur, revera non erant aliud, quàm simplices & continuati canaliculi, qui humorem ad bullulas vel vesiculas, instar tuborum à fontibus, vehabant. Vasa sanguifera nulla potui deprehendere; nisi aliquam subtilissimam lineam, quæ primò canaliculum sanguiferum referens, postea accuratius observata non nisi particula rubicunda sanguinis in quodam subtilissimo fuleo aut plicula tunicæ relicta fuerat. Hæc tamen pulchrè contexta cernebatur, ex longitudinalibus aliisque fibris, uti in vesica oculo nudo adparet. Super tabulam per aliquot dies relictæ colorem fuscum induerunt, nec computruerunt, sed effluente prius omni aquâ, in seipsas contractæ, fuerunt exsiccatae, & tunc odorem gravem admodum nauseosum spirarunt. Conservo etiamnum easdem, ut curiositati, si quis videre eas velit, satisfaciam.

Postquam hæc ita evenerunt, sanguinis excretio cum levamine Domine ægrotæ continuavit, & post quinque dies notabile frustum placentæ, triduoque abhinc reliqua ejusdem pars absque singulari aliquo fœtore

excreta fuit. Lochia etiam benè & notabiliter luxerunt, sicque prior exoptata sanitas fuit restituta.

Scholium. Observationem hanc Nobilis D. Valisnerius celeberrimo D. Marcello Malpighio (in cujus operibus posthumis pag. 116. edit. Amstel. & pag. 87. edit. Venet. eadem contractior, unâ cum aliâ ab eodem Malpighio notata legitur,) inscripserat, suasque doctas Meditationes desuper formaverat; quarum posteriores in compendio recensere Lectori non ingratum esse posse confidimus.

Querit autem I. An vesiculæ illæ fuerint ovarium vel ova muliebria? Quo de multum dubitat, quia confusam porius ramorum aliquorum texturam, quàm abstrusum illud artificium, quale tam præclarum naturæ instrumentum habere solet, ostenderit; neque credibile sit, integrum ovarium sine dolore, aut ullo notabili omnium istarum delicatissimarum partium damno ad uterum ferri, atque fortuito eidem adherere & crescere potuisse; præterea liquorem contentum ab igne non fuisse coagulatum, secus ac ovulorum humori, suo & Regn. Graaffii cap. 11. de mul. org. experimento, evenit: injuriam insuper magnam providæ naturæ fieri, tot mille superflua ova statuendo, ubi pauca sunt necessaria; neque obstare primariam quandam feminam unico partu trecentos sexaginta quatuor filiosos, & aliam mille ac quingentos, quatuordecim edidisse, cum, præterquam à recensito numero, quod hi multum adhuc distent, de veritate relationis dubitare liceat, Autoribus nempe in numero variantibus; & verum si esset, supernaturale quid, non lex aliqua naturæ fuisset &c. Præterea etiam extra uterum, in ipsisque maribus similes vesiculas generari, uti in Th. Bartholini cent. 4. ep. med. 86. Solenandri sect. 1. consult. med. 15. atque Cordæi comm. 5. ad lib. prior. Hipp. de morb. mul. exempla occurrunt, & quendam Antonium Mazacænum, febriculâ lentâ contumaci laborantem, post longam & pertinacissimam alvi obstructionem, per mensem circiter, magnum earum numerum excrevisse.

II. An fuerint Hydatides, aut lymphæ in propriis canalibus stagnans, quæ inter unam alteramque valvulam cohibita fuerit? Ubi negativam amplectitur, cum corpuscula ex omni parte elata, aut rotundi sacculi, & nulla in eis valvula visa fuerit, variis modis à ramo suo dependerint, non verò in uno aliquo ramo comparuerint, nec sine vehementi aliquo motu, & ita novorum symptomatum concursu, neque cum notabili adeo ægrotæ levamine separari potuissent; præterea minutissimam hanc vasorum struem simul inter uteri partibus adherere non potuisse.

III. An aliquarum glandularum noviter inventarum quæ vesiculares dicuntur, inque extraordinariam illam magnitudinem excreverint, sint congeries, aut ipsius uteri laciniæ, qui non minùs ac lien, & pulmones, ex vesiculis esse contextus cuidam statuatur? De utroque tamen dubitabat, cum vera eis dent glandularum idea, atque vasis excretoriis ac sanguiferis destituantur; neque particula uteri tam notabilis sanguine carere & lymphâ saltem repleta esse, nec ægra à morbo obstinato inde liberari potuisset.

IV. An sit spuma, vel productum aliquod sanguinis menstrui & seminis? Ubi non multum dissimilem vesicularum partum ex Zodiaci med. gall. ann. 1. obs. i. his verbis adducit: Verisimile, utrumque æqualiter concurrisse, hoc est sanguinem menstruum in uterum citius à conceptione irrupentem, commixtum, & confusum seminibus; antequam germinum naturam adeptæ essent, aut, ut loquitur Hippocrates genituræ: unde exorta est fermentatio, ex contransièntate partium horum liquorum, quæ excitare valuit effervescentiam sæ insignem, ut ideo effictæ sint species hæc ampullarum, aut vesicularum, quæ erumpunt

„punt in aqua ebulliente, vel in quam alię incident
 „imbris modo, quę postquam formam nacta sunt,
 „augmentum adipisci potuerunt, non secus, ac mo-
 „lę, ac alia falsa germina, hoc est, servata pristina
 „forma. Verum displicent hęc, cū (1.) antiquę
 illi & erroneę opinioni de fœtū ex mixtura seminum
 ortu nitantur; (2.) fermentatio ex *contrarietate par-
 tium horum liquorum* non sit possibilis, quia inter
 serum & sanguinem menstruum, qui idem est cum re-
 liqua tota massa sanguinea, talis inimicitia non datur,
 & uterque dulcis ac amicissimus, neque unus acidus,
 alter alcalicus est, unde pugna induci posset; (3.) ne-
 quę in supposita ab ebullitione bullarum productione
 canaliculi tam elegantes cum pediculis suis, sed con-
 fusa potius conglomeratio aliqua bullarum orta fuis-
 set, neque liquorem continuissent, bullis utpote in a-
 qua aliisque liquoribus dum in spumam abeunt, va-
 cuis remanentibus; insuper nulla vascula sangui-
 fera, vel minutissima etiam sanguinis pro earum nutritione
 necessarij guttula observari potuerit; (4.) in aliis e-
 tiam partibus, inque vario sexu tales oriantur, ubi
 causa illa locum non habet.

Tandem Clar. Auctor, postquam celeberrimi Marc.
 Malpighii diss. de polypo cord. in superiori sanguinis
 concreti parte, præter rubicundas particulas crustam ex
 subalbis pelliculis contextam, meatibusque & ferè ve-
 siculis perviam, quę diaphano & minùs gravi succo
 replentur, observari notasset, hanc solam sanguinis
 partem continere particulas sic figuratas adstruit, quę
 telam quandam formare possunt, aliis minutis, non
 ita facile invicem implicari aptis, frenum imponen-
 tem. Et hæc illas esse suspicatur, quę nutrire aut
 renovare solent corporis membranas, solamque esse
 materiam, ex qua natura, per quandam quasi petu-
 lantiam, vel ex necessitate vesiculas istas efformave-
 rat; & cū in eadem fluant ejusmodi salia, quę for-
 mas aut ideas rerum continent, his medianibus om-
 nes istas minutias aut ramos, ex quibus membranę
 componi solent, debito loco dispositas fuisse, atque
 facillè sic percipi, quomodo in brevi tempore talis fa-
 brica fuerit efformata. Incredibile D. Auctori viden-
 tur, ex confuso tumultu & ebullitione partium, sine
 idea aut naturę consensu tam bene formatum opifi-
 cium, suis canalibus, pediculis, aliisque ad sui pro-
 ductionem requisitis instructum, progigni posse, un-
 de reconditum aliquod agnoscit, quod non sine arte,
 aut sine illis instrumentis vel principiis fieri potest,
 quę in motum posita, non nisi res determinatas ac
 proprias operari soleant. Salia itaque hęc, ab ali-
 quibus rerum essentialia dicta, veram vesicularum i-
 starum basin & ideam esse; hæc autem in corpore, &
 etiam extra illud, modò certa ratione agitentur ac
 moveantur, semper figere, aut ramusculos & fila
 membranarum disponere conari; hæc illa esse, quę
 ingeniosam illam sanguinis crustam etiam extra venas
 efficiunt, & quę vesiculas in intestinis, abdomine, u-
 tero efformant: sive jam ab aliquibus abrasis perfec-
 tarum membranarum particulis proveniant, sive na-
 tura simpliciter eadem in sanguine pro novis inde fa-
 bricandis conservet, quarum magna in corpore nostro
 est abundantia. In cujus rei dilucidationem adducit
 doctissimi cujusdam amici sui observationem, qui ali-
 quando, cū cibus aliquis ex solo uvę succo, cum
 aliqua farinę portione cocto & confusè mixto, refri-
 geraretur, in superficie ejus elegantissimum truncum se
 extollere vidit, ex basi sua ramos, paulatim minores
 instar rudioris pyramidis emittentem, in extremitate
 autem cujusque rami vesicula rotunda, protuberante,
 quę eleganter cum eo se inosculando, integram race-
 mi figuram repræsentabat. Ex quo adparere statuit,
 quod licet corrupta, ac in minutias redacta sint cor-
 pora, atque ex propriis quasi nidis egressa, semper ta-

men cum ipsis remaneat permixtum aliquod princi-
 pium temperaturę quasi æternę & incorruptibilis, ap-
 tum natum ad eadē denuò producenda, cui Salis nomen
 imponit. Minimè tamen eo ipso ingenium aliquod ei-
 dem tribuere intendit, quo singula in debito loco di-
 sponat, & cum aliquibus partibus flexibilioribus pa-
 stę circumdet, aut trahendo ab uno ad alterum, &
 texendo, ac supponendo stamina, incognita arte mi-
 rabilem membranarum situm efficiat; sed tantum,
 quòd omnia faciat vi-tute solius molis & figurę, in
 motum ab improvise aliquo ac subtili prius posita-
 rum, id quod omnes poros magrę hujus molis pene-
 trar, & sine intermissione omnia agit & conquassat.
 Alia insuper Domini Auctoris mentem subit cogita-
 tio, omnem nempe illam fabricam non esse aliud,
 quàm plantę aliquam speciem per se, ex proprio se-
 mine natam, ac tali modo productam, aut postquam
 magnum corpus membranofum suis ubique canaliculis
 pertusum, fuit generatum (uti uxori Com. Montfor-
 tii apud Fel. Platerum, in obs. propr. contigit, quę
 membranofum corpus crassum, amplum, fistulosum,
 multis appendicibus obnatum, per uterum ejecit,) in
 hos se se insinuasse serum, salibus & particulis mem-
 branarum productioni destinatis prægnans, quę usque
 ad eorum limbum ab aëre interno, aut ab aliis cor-
 poribus propulsa fuerint, vel saltem viâ in aliquâ
 commissurâ apertâ, à tergo autem oclusâ aut leviter
 conglutinatâ, illas liberius spatium invenientes, ubi-
 que equaliter se dilataste & blande intumescences in
 lateribus aut sine earum, descriptas vesiculas efforma-
 se, fortasse non dissimili modo, ac pueri tubulum a-
 liquem insufflando, in pauculo liquido, pro lubitu
 simile quid in hujus luminitate comparere faciunt.
 In præsentī casu non tantum imperfectus, sed etiam
 extremam ad maciem perductus fœtus, cū non re-
 ciperet aut absumeret tantam feri copiam, quę ibi
 fluctuabat, illud regurgitasse, multumque stagnasse, &
 sic ab eo massam istam dein augmentum accepisse; qua-
 le quid in hydatidibus glandulisque, aliàs in corpore
 nostro invisibilibus, accidere solet, suspicatur Dn. Au-
 ctor; nec non ab aliquo corpore placentę analogo,
 quod sanguini permixtum cū ejiceretur, non obser-
 varum fuit, dependisse, cū ipsa etiam placenta ex
 meris hydatidibus composita quandoque deprehensa fue-
 rit, vel ab uteri tunica, aut vasis umbilicalibus, aut
 fœtū involucris, quia in omnibus hisce locis genera-
 ri & dicta ratione crescere possunt, eoque magis, cū
 in his casibus turgidiores liquorum canales ubique
 compareant.

Tandem indagaturus, quomodo vesiculę istę tam
 atrocium malorum & pertinacissimarum febrium cau-
 sa fuerint, suspicatur, quòd serum inter vesiculas flui-
 tans, propter valvularum defectum, quas neque in
 earum oscillis, neque canaliculis deprehendere valuit,
 in sanguinem regurgitasse, & idè propter illum con-
 tinuum fluxum & refluxum, ab ejusdem partibus,
 cū peregrinis, atque à sanguine jam separatis, motus
 hujus placidus & amicus confundi, minimæ ejus par-
 ticulę impelli, variè & confusè transponi, & ita ob
 debitam succorum cribrationem impeditam vel confu-
 sam, totam ejus massam alterari & turbari, atque in-
 de longa illa symptomatum in historiâ memoratâ se-
 ries enasci potuerit, usque dum natura, debitum nu-
 trimentum tam molesto corpori subtrahendo, aut in-
 star alicujus crifeos illud magna vi separando, vel e-
 tiam ipsomet ob proprium pondus delabente, liberata
 fuerit.

Partus Cæsareus, ab ipsâ gravida institutus.

Clariss. Samuelis Ledelii. Miscell. Curios. Decur. iiij. Ann. 1.

Virum, qui calculum grandem sibi exsecare non dubitavit, sinit Dec. I. Ann. III. Observatio 192. Ephemeridum Curios. quæ res certè singularis est, & raram contingens. Hac vice fœminam produco, (ne melior sexus solam palmam tantæ audaciæ obtineat, (quæ partum proprium, cultro admoto excidere ausa fuit. Relatio quam studio teutonicis exprimere verbis non erubesco, uti in Chthonicis jam typus expressis extat, ita habet.

Anno 1555. mense Octobri, *hat ein Weib in Seidenberg, sich Abwesen ihres Mannes, von einem andern fetwanger lassen, aber gerne bey Ehren bleiden wollen. Desswegen sie ihr dein Leib mit einem Messer auf geschnitten, das Kind mit aller Substantz heraus genommen, und mit ihren eigenen handenzwey bestie am Leibe gethan, und vor grossen Schonerken also geschrien, dass es die Nachbarn gehoret, Welche solches der herischafft angezeigt. Weil ihr kern Balhier helfen, noch sonst jemand an sie hand legen wollen, ist sie hierauf des dritten Tages gestorben.*

Exsectio hæc, uti facile apparet, non est legitimus partus Cæsareus, in foro Medico ita nuncupatus: Placuit tamen analogicè ita insignire. Optandum autem esset ut omnes circumstantiæ accuratius fuissent annotatæ in hoc casu, ad meliorem rei explicationem.

Seidenberga est oppidulum Lusatiæ superioris, Comitatus à Nostitz subditum, altero lapide à Gorlicio distans. Animadvertimus hîc quid æstimatio famæ valeat apud sequiorem sexum, dum enim Amor talia perpetrare iussit, quæ sunt vetita famam mordentia & pœnis exposita, celare nituntur, quantum possunt, commissa, & inde facîle evenit, ut fiant infanticide, aut fœtum abigant; aut clanculum exponant, quo Castimoniam putatitiam apud alios factam tectam seceant.

Quis fuerit Autor hujus attentati apud nostram fœminam, conjectu difficillimum. An aliquid de partu Cæsareo audiverit, an proprio motu excogitavit, an Diabolus consilium hoc suggererit, & quis de futuris ipsi dixerit? hæc omnia in obscuritatis puteo abscondita latent.

Interim animositas hujus fœminæ & virilis audacia est expendenda. Dolores in secando pertulit sat atroces, ob inartificiosam abdominis & uteri apertionem, & deinde proficuum remedium carentiam.

Detestanda autem venit meticulositas vicinorum, rusticus pudor agnatorum accedere nolentium, Chirurgorumque inhumana obstinatio nigro lapillo noranda, qui nec accedere, nec manum admoveere voluerunt. Certè de restitutione haudquaquam fuisset dubitandum, si legitime tractassent secundum methodum Francisci Rousseri aut aliorum: vitæ enim filum protraxit ad triduum, spiritibus tamdiu salvis, & lentè tandem dissipatis. Si autem Chirurgi medicamenta applicare recusarunt ob metum infamiæ vel carnificis, ne ipsis litem moveret, adigendi fuissent ad curam à Magistratu, quippe qui hujus rei sufficientem habuit notitiam, ob vociferationes & lamentationes à vicinis exauditas, & Domino loci indicatas. Hac nostra tempestate hinc inde reperiuntur exempla eorum, qui *αὐτοχειρίαν* intendentes, fuere restituti per Chirurgos, insigniter licet læsi & mutilati; nec ullus unquam Chirurgus ob istiusmodi Curam fuit traductus, aut à quopiam in litem vocatus, quantum quidem ego novi.

Fœmina nostra, inciso utero, exemit cum fœtu secundinam, an autem fœtus vitam posfederit, nec ne? de eo altum, in descriptione casûs, silentium.

Sic animosa hæc profectrix, temerarii ausûs, post

prostitutam pudicitiam, pœnam luit sat gravem, ærumnosâ & dolorificâ morte.

Partus Cæsareus, oppidò rarus.

Clariss. Christiani Vateri Miscell. Curios. Decur. iiij. Ann. 2.

Die 11. Maji, Anni elapsi 1693. insigne prorsus Partus cæsarei exemplum mecum communicavit D. D. à Lankisch Reip. Zittaviensis Physicus excellentissimè meritis &c. quod & ego hîc bona fide communico. Civis nimirum ac fullonis bid-Conjux N. N. An. 1690. Mense Julio primum puerpera, nescio ob quas causas, laboriosissimè parturire cœpit, ut obstetrices etiam fœtum jam in utero emortuum manu violentâ extrahere coactæ fuerint: ex quo, ut fieri facîle solet, non solum vaginâ, sed etiam vesicæ sphinctere graviter læso, vaginæ ulcus & incontinentia urinae secuta. Misera igitur opem Circumforanei adhibet, qui tamen vesicæ malum non solum non curat, sed id quoque efficit, ut callosus insuper tumor in vagina succresceret, totumque ferè canalem, relicto solum foraminulo, pisi magnitudinem & rotunditatem adæquante, repletet. Sed quid sit? alterâ nihilo fecius vice gravida facta & partui proxima, impossibilem oneris sui exclusionem ipsamet intelligit, indèque laudati Excellentissimi D. à Lankisch, consilium & auxilium implorat. Qui perspectis etiam & collatis prudenter omnibus circumstantiis, unicam in sectione, ut vocant, cæsareâ, licet à *Mauriceau* aliisque recentioribus prorsus condemnata & rejecta, spem relictam esse prædicit, & parturiente, Marito; aliisque amicis consentientibus, die XVI. Martii operationem ipsam aggressus, incisionem in latere sinistro pollicis latitudine, è regione umbilici deorsum versus ad ulnæ circiter quadrantem ducit, Dehinc utero ipso decenter aperto, fœtum jam mortuum cum secundinis suis propriâ manu educit & Obstetricum manibus offert. Quo feliciter ac nullo quidem graviore symptomate, ne lipothymia quidem interveniente, à Celeberrimo Viro peracta reliqua Chirurgis peritis committit commodisque ægræ adeò prospicit, ut vix elapsis sex septimanis, eadem salva in publicum prodire potuerit, & adhuc hodiernum perfectâ sanitate gaudet. Quis ergo miracula in natura & cura fieri neget?

Sectio Cæsarea in matre mortua, unde educus fœtus vivus.

Clariss. Samuelis Grassii Sen. Ephemer. German. Centur. 3. & 4.

Inter Heroicas operationes facîle primum locum tenet Sectio Cæsarea. Hæc, sicuti in vivo corpore instituta, periculi plenissima est, & ob crudelitatem operationis ab humanitate aliena; Ita mortua matre, Christianæ charitatis est, vivo adhuc fœtui cita sectione succenturiari, eundemque ex mortis claustris eripere. Omnium Auctorum consensu cita & momentanea quasi operatio expetitur, ne deficiente circulo sanguinis materni cum fœtu luce vitali idem privetur. At enim verò quemadmodum fœtui integro suus constat Circulus vitalis, sic etiam ad aliquod tempus vivere potest, denegato quanquam materno sanguine vitali, quod ex sequenti patet historiâ. Illustris quædam fœmina in nostra Silesia summè gravida & partui proxima, vitam cum morte commutat, vivente adhuc fœtu, interim fortibus spirituosis, balsamo embryonum, vinoque generoso aromatico cum culcitris calidis continuò fovetur abdomen, usque dum post quatuor horas ex Civitate Oppolienfi advocetur Barbiton-

bitonior, hic secto utero viventem extraxit elegantissimum puellum, qui ablatus sacro baptisinate, ad tertium usque diem vitales hauriebat auras. Vivit enim ut plurimum fœtus, quanquam non semper aperte moveatur. Sic novi fœminam Uratislaviensem, quæ apparentibus partus doloribus, brachium primum excluderat, hoc cum intrudi renueret, illudque lividum & frigidum, hinc mortuum fœtum & ob salvandam matrem, illud amputandum adstantes iudicarent, renuente verò & opiculante Obstetrice, tertia die, vivum enixa est puellum. Ex hisce patet, multos vitali auriæ concredi posse fœtus, modo cita Medici-Chirurgi manu ex uteri claustris eripiantur.

Anatomicæ Inspectiones.

Partus difficultas, ob corpus uteri in scirrhum concretum & vitiosum fœtus situm 1. *Ob scirrhum & perforationem uteri.* 2. *Ob Abscessum.* 3. *Ob Tumorem durum cum ulcere & uteri disruptione.* 4. *Ob orificium arctè clausum, compressum à recto intestino facibus oppleto.* 5. *Ob uteri crassitiem extraordinariam.* 6. *Ob omenti crassitiem.* 7.

§. 1. Anno 1611. 24. Maii Uxor D. A. Morge, 30. annos nata, cum quinto utero gestaret & finem noni mensis attigisset, doloribus parturientium correpta fuit circa horam 10. matutinam, cum pro more praesens esset, dolores tam acerbos & motum fœtus tam vehementem sustinuit, ut vix unquam similes viros astantes retulerint, quare vires protinus prostratae fuerunt: circa 3. pomeridianam leipothymia & horrores maximi supervenerunt, quo tempore infantem in utero obiisse credo: dolores enim atque conatus ad parturiendum ab eo tempore cessarunt, nec fœtus percipi potuit: Accersitus circa 11. noctis pulsus vix percipere potui, extremitates frigide erant & sudor frigidissimus in toto; brachium dextrum extra vulvam propendebat: ideo mortem proximam prædixi: Ne itaque inventionem meam, quæ hæcenus in multis feliciter mihi successit, apud vulgus odiosam redderem, manum adhibere nolui: Adstantium tamen & ægræ precibus commotus, aliquid Confectionis Alkermes ex aqua cinnam. propinavi: postea, quia genitalia veluti arida erant (quandoquidem ne guttula sanguinis profluebat) sacculum ex relaxantibus, emollientibus, anodynis applicui, unguento emolliente inum ventris, coxas, os sacrum & genitalia inunxi, tandem eodem unguento inuncta manu situm infantis expiscari cœpi, qui etsi monstruosus esset, & brachium dextrum extra collum matricis propenderet, caput tamen, quod pectori incumbebat (prius tamen inuncto & clementer intruso brachio) versus collum matricis manu reduxi: verum cum uterum & ipsius collum ob virium & expultricis summam imbecillitatem supra modum clauderetur, adeoque constringeretur ut manus mea sufferre non posset ab opere desistere coactus fui, brachium mox iterum egressum est, Et circa decimam matutinam sequenti die obiit.

Miratus quod fœmina illa, alioqui sana, tam subito extincta fuisset, suasi ut cadaver incideretur: Aperto itaque ventre, vacuum sanguine seroso repletum reperi: ob ingentes enim dolores & violentum motum infantis, venæ nonnullæ in ipso parenchymate Hepatis & circa os sacrum ruptæ fuerant: inde profusionem sanguinis & mortem sequutam esse nullum est dubium: Situs autem fœtus talis erat, caput collo matricis proxime adhærebat, brachium dextrum, quod lividum, extra collum matricis propendebat: Crura versus pectus & caput ita reflectebantur, ut pedes in vertice conjungerentur, manus sinistra hypochondrio dextro ita erat imposita ut brachium crura versus poplitem amplecteretur:

Exempto fœtu scirrhum durissimum qui magnitudinem capitis infantis fere adæquabat, inveni. Ille autem utero non simpliciter adhærebat, sed ipsum corpus uteri in scirrhum concretum atque induratum fuerat.

Scirrhum hunc causam fuisse mortis nemo negare poterit, cum uterus ratione huius scirrhi ita angustus factus fuerit, ut cum mulieri adesset partus, sese extendere non posset, & quia fœtus maturus & vegetus impetum talem fecerat ut venæ rumperentur, necnon hæmorrhagia & mors sequeretur. *G. Fabricius Hildanus cent. 3. observ. 57. & Epist. ad M. Doringium.*

§. 2. Honestâ quædam matrona juvencula bis fœtum mortuum, opportuno tamen tempore enixa, tertium gravida, tempore partus instanti, doloribusque urgentibus fœtum frustra excludere allaborat: Ego vigesimo prima Julii 1670. vespere ad eam vocatus inveni satis adhuc vegetam: quærens de statu ipsius, ab obstetricibus responsum tale retuli, os uteri apertum esse, reliquaque bene constituta, situm autem infantis malum, manu tantum dextra extra vergente, capite verò & reliquis membris impervestigabilibus: cum ita per totam noctem una cum tribus obstetricibus adessem, nonnullaque corroborantia & fœtus expulsionem promoventia præscriberem, agraque sine fastidio libenter assumeret, omnia tamen in eodem statu permanerunt, manu infantis usque ad scapulam fere exerta, & jam emortua immobili permanente, puerperaque summe debili, donec natura tandem in totum deficiente, die 22. Julii paulo ante primam pomeridianam obiit.

Cadavere ipsius statim post mortem aperto, inferius uterum invenimus laceratum & quasi ex ulcere perforatum, fœtu masculino perfecto cum secundinis extra uterum inter intestina latitante, manu tantum dextra partim in vagina uteri, partim extra uterum prominente: præterea quoque uterus in fundo dissectus, ad palmæ crassitiem scirrhusa duritie tumidus apparuit. *Observat. Simonis Scholzi in miscell. curiosis anni 1671. Observ. 86.*

§. 3. Anno 1670. mense Augusto uxor militis laborabat 5. aut 6. diebus doloribus partus: infans primis diebus vivus persentiebatur, tandem nulla signa vitæ edens & matrem jam doloribus fractam è vivis subsequi fecit.

Aperto utero, tantus fœtor emanavit, ut etsi in atrio domus res facta fuerit, præ absurdissimo tamen fœtore nemo sat longo tempore accedere potuerit: tandem exempto jam mortuo infante, collum uteri abscessu turgidum reperi, sanietque inde emanantem teterrimo fœtore nares percellentem: Hoc autem observatu dignum circa fœtum reperi: Infantem bene formatum, & ut iudicare licuit, aliàs sanum fuisse; Et dum instabat hora exitus, ipsum met conatum fuisse viam quærere per quam exiret; cumque eadem ob tumores eidem non patuisset, tamen tantos impetus fortitudinis propriæ exertuisse, ut magnam pariter cranii in parte dextra ad intra sibi compresserit: Ex quo clare elucescit non solum vim expultricem uteri facere ad protrudendum fœtum, sed & ipsum infantem allaborare ad sui è carcere liberationem. *Joh. Jacobus Vencesl. Dobzensky. a Negroponte, in miscell. curiosis anni 1670. Observ. 18.*

§. 4. Anno 1670. Aug. 23. Præge Catharina Wolrahip, temperamenti frigidi & hum. ætatis 35. ann. quatuor jam antea proles robustas feliciter peperit, tandem de dolore uteri subinde querebatur, colore pallida, macies in dies incrementum sumpsit, tussis sicca molestabat, cum quinta prole ad nonum mensem, naturale parienti tempus pervenit: quatuor diebus laborioso partu misere torquebatur, fœtus dextram manum exporrectam habuit, nec ultra ab obstetrice adjuvari, nec à conatu protrudi potuit, quinta tandem die fœtu jam extincto & illa expiravit.

Aperto

Aperto leniter abdomine, puer robustus extra uterum, omnibus involucris solutus, pedibus in sinistram hypochondrium extensis Lienem contingens, capite cum manu exporrecta, intra ossa pubis & cervicem uteri hærebat: Chirurgus adstanti ut fœtum suaviter eximat dico, quo exempto manus livida unâ cum parte capitis, quæ exitum tentabat, ob vehementem facultatis expellentis conatum, in acutum redacta, deprehensa; Uterus in parte sinistra, unâ cum secundinis à conatu pueri pedibus disruptus: In parte verò dextra, tumor quidam durus in convexum usque ad cervicem uteri instar globi se extendebat: in concavo hujus, ulcus nigrum gangrænosum illum tumorem causans, qui fœtui vitam præclusit, repertum est: Sectus per medium tumor, crassitiem quatuor transversorum digitorum superabat: hæc causa detenti fœtus. *Simon Aloysius Tudecis in Miscellan. curiosis anni 1671. Observ. 254.*

§. 5. Gravida 5. mense paralyti totius corporis inferioris à coxis ad extremos pedes tentatur: Ob longam in decubitu moram gangræna nates derepente occupat, qua generosioribus remediis ablata, quum nulla vitæ spes superesset, calore nativo à fœdis evaporationibus infecto, prorsus deficiente, ad extrahendum fœtum quinquemestrem, cujus nuper motum ægra mater tentarat, operas suas manusque certatim conferunt Medici pariter & obstetrices: Hæ igitur manu immissa nullum fœtum in utero adesse clamant, nisi molam fortassis: At petitiior Medicus tumorem statim deprehendit ex intestino recto fœcibus induratis repleto: ad uterum verò progrediens, nulla vi manum intrudere potest.

Mortuæ cadaver apertum, visumque os uteri arctissime clausum, fœtusque optimi coloris & habitus in utero mortuus, nec vicinarum partium fœditate ulla putridus, membranarumque uteri densitate inter tot molestias tutus. *Bartholinus cent. 4. histor. 27.*

§. 6. Lapidicidæ uxor maxima cum difficultate fœtum edit, qui paulo post exstinguitur: Eo excluso tumidus nihilominus remanet venter, unde molæ suspicio; nihil tamen manum intrudens obstetrix præter angustiam deprehendit. Die sequenti à partu interiit.

Recluso ventre insignis uteri crassities, per totum ambitum scirrhi tres digitos spissitudine æquantis deprehenditur. Mirum fuit quomodo & concipere, & fœtum gestare, multoque magis quomodo eniti valuerit, ac fœtus intra eas angustias, præ duritie renitentes, componere se ad exitum potuerit. *Observatio M. Benjamin. Noel. Chirurgi Genevensis.*

§. 7. Mulier aliquando parit difficulter ob Omenti & vicinarum partium nimiam spissitudinem & obesitatem: Nam Hippocrates scripsit Omenti magnitudinem impedire conceptum os uteri comprimendo, sic & faciliè partum molestat: In quibusdam enim Omentum descendit inter vesicam & uterum, ibique spissius sit. *Rondeletius præf. cap. 64.*

Partus impeditus ob ossis Pectinis malam conformationem, quam uteri disruptio sequuta. 1. In Partus difficultate uterus laceratus, impediente scirrho uteri fœtus exclusionem. 2. Fœtus extra uterum disruptum repertus 3. 4. Impeditus ob adnatum uteri orificio sarcoma. 5. Ob uteri orificium caput fœtus constringens, Hydropem abdominis in matre. 6. Ob apophysin non naturalem in interna ossium pubis facie aut ischii. 7. 8. Uterus disruptus prope cervicem, in cujus foramen fœtus brachium intruserat. 9. Partus impeditus ob angustiam oris matricis, hujusque lacerationem. 11. Ob vitiosam ossium coccygis & pelvis conformationem. 12.

§. 1. Anno 1594. Haganoæ Alfatæ mulier 40. annor. cum jam septies fœtus alioquin integre efformatos, sed mortuos peperisset, ultimo partu, 8. scil. ipsa quoque unâ cum fœtu, non tamen edito succubuit, postidie nimirum quàm fœtus in alvo materna extinctus animadverteretur: Instantibus autem partus doloribus, iisque vehementissimis (valide quippe puer movebatur) atque sapius toto triduo recurrentibus, quibus prægnans miserè sed frustra excruciabatur: dolorum tandem sævitia, potissimum tamen ultima nocte illis exasperatis, viriumque resolutione postrata, interiit: Multa quidem à mulieribus astantibus tentata fuere, at sine ullo parturientis juvamine.

Demortuæ cadaver aperiendo, vix leviter impressâ novaculâ, musculos epigastrii cum peritonæo dividere voluimus, quo uteri situm prius cum fœtu contempleremur: At vix inquam immissa acie, & abdomine parum dissecto, dorsum pueri vulneratur: Nos nil tale suspicantes primo uterum tactum fuisse credidimus: ideoque cautius sectionem abdominis instituendam putavimus, qua peracta integer statim fœtus, omnibus numeris absolutus (licet jam inflatus & cuticula abscedente ob incipientem putredinem) occurrit, atque immediate peritonæum superne contingens; inferne intestino incumbens, liber in ventris capacitate inferioris, nullo neque velamine aut membrana, neque utero cinctus; situ alioquin ad partum faciliorem accommodato, capite deorsum facie ad posteriora reclinata, corporis trunco in longitudinem extenso, omnibus reliquis partibus, tam earum quæ ab utero, quàm quæ ad uterum, ut & quæ utero, (una ruptione excepta) nihil præternaturale ostendentibus: nullibi apparente neque contusione, neque vulneratione, ulcere, aut apostemate conspiciendus offertur. Ubi etsi nos ob rei novitatem admiraremur, non tam fœtus situm & figuram rectam, licet extra uterum in abdominis capacitate factam, quàm fœtum ipsum integrum & justæ magnitudinis ac conformationis citra uterum atque extra matricem visus objectum, ramen lacerò, rupto, seu porius abrupto utero conspecto, mirari aliqua ex parte desimus: Causas verò hujus ruptionis indagandi haud sine majore admiratione ansam datam animadvertimus: Porro alligatus adhuc fœtus erat vasis umbilicalibus suis secundinis, quæ sursum ad sinistram, lienem versus, ad intestina & lumbos retractæ, & tanquam per convulsionem & abbreviationem vinculorum firmiter connexæ illis partibus cernebantur, ut easdem inde abstrahere difficile fuerit: De uteri verò substantia, quæ quidem tenuior solito apparebat, quantum equidem conspici potuit, illud secundinis,

cundinis, ac potissimum placentæ, seu, chorio aut uterino jecori, tanquam concretum, rursusque in minorem magnitudinem (ut aliàs post naturalem partum contringere solet) contractum fuerat, atque adeo secundinas nequaquam amplitudine excedere videbatur uterus, ut propterea eundem, quia conciderat, ratione potius quàm sensibus agnoscere necesse habuerimus: Cæterum juxta cervicem uteri, ad os pectinis, intrinsecus sub vesica, membranæ portio, usitati cultri crassitiem non excedens, latitudinem dimidię palmæ propendebat, quæ uteri abrupti particula fuit: reliquum autem, unà cum proprio uteri orificio, ipsique secundinis omne ad intestina, ut dictum est, sursum raptum, alieno loco detinebatur: unde penitus à cervice, seu sinu muliebri omnibusque vicinis partibus, quibus adnasci solet, avulsam, atque ex parte dilaceratum fuisse uterum patuit. Ex his illud maximè suspiciendum & quærendum videtur, cujus vi uterus abruptus fuit; Nos tot fœtum in partu interemptorum causam deprehendimus Ossis pectinis malam conformationem, nimis scil. depressi, quod in gibbum superne, inferne autem in arcum excavatum esse oportuisset. *Leonardus Doldius Noribergensis Medicus.*

§. 2. Matrona quædam Lustriæ, ad marginem Lacus Lemanni, totos sex dies parturiens fuerat: Ego tandem advocatus, ipsam in agone mortis reperio, eaque ipsa nocte obiit.

Corpore aperto uterum laceratum, & caput infantuli in ventris capacitatem dimissum inveni: Hujus autem difficultatis causa fuerat scirrhus, qui magnitudinem capitis infantuli propemodum adæquabat, matri tamen non usque adeo adhærebat: Hic obstitit quominus uterus tempore prægnationis sese satis extendere, & parturientis violentum motum fœtus sustinere potuerit. *Fabritius Hildanus cent. 1. Observat. 67.*

§. 3. Anno 1607. D. Binet Chirurgus Parisiensis dissecurit cadaver Janæ du Bois: Aperto abdomine fœtus intestinis incumbens repertus, lacerata enim & rupta matrice eam omnino egressus erat, simul effusa magna sanguinis copia in ventris capacitatem: *Fac. Guillemeau cap. 13. lib. 2 de facili partu.*

§. 4. Testes adduco D. Pineau, Guerin, Lanay Chirurgos Juratos Parisienses, me dissecurisse cadaver pauperculæ mulieris in Nosodochio mortuæ: in cujus ventre repertus infans aquis innatus, utero circa fundum disrupto. *Idem.*

§. 5. Expleto gestationis tempore fœmina Hafnien-sis, fœtum eniti nullo conatu potuit: Exinctus embrio miseræ quoque matri acceleravit interitum.

In aperto cadavere inventus quidem embryo, sed adnata uteri orificio carnea excrescentia viam occlusit, omnemque egressuro exitum interceptit: hinc suffocatus embryo, denegato ad vitam meatu frustra laborantem matrem aura maligna infecit. *Thom. Bartholinus cent. 1. hist. 94.*

§. 6. Fuit apud nos Netrix 24. annor. ætatis, quæ à quodam vitiata gemellos concepit, fœmellam, cujus situs in dextro latere, & masculum cujus sub hypochondrio sinistro: illa minor, viva edita est, quamquam in tergum prodiret; hic major intra matrem est suffocatus: cum enim masculus aquis emissis sequi veller, ab orificio matricis constricto strangulatus hæsit: mater paulo post exspiravit.

Cum jussu Magistratus aperiretur, Omentum deerat; rupum credo in latera ad intestina concessisse; Viva mater sæpe conquesta est ventrem sibi divullum iri: Scrim in conspectum prodiit uterus, alicubi rubro, alicubi nigro sanguine infectus, alicubi lividus, occupabat totam capacitatem usque ad foveam pectoris fete: modico enim intervallo aberat sternum,

seu malum punicum: Venter compulerat versus diaphragma, ita ut à lateribus uteri in summo appareret: Hepar intta dextrum hypochondrium latebat; Utero aperto secundę in conspectum veniebant: Hic quærebatur geminæ ne essent, an una tantum? Vocabatur una in medio divisa in duo domicilia, interventu amnii: Secundis dissectis infans apparebat albis sordibus obductus: Caput inversum erat in collum matricis, & ab uteri orificio sic tenebatur, ut vi esset revellendum: Dorsum spectabat ventrem, alvus ad spinam matris versa erat, nates & pedes complicatis genibus in ventriculum matris tendebant, brachia adiacebant lateribus & genibus occurrebant: Omnino situs erat naturalis & ad exitum dispositus, si vires pariendi non defecissent, prodiisset, ita ut occiput anteriora, frons posteriora matris respiceret, qui est alter ex naturalibus situs; Visa deinde sunt membra cætera propter hydropem matris: Pulmo lividus, atro sanguine refertus, Cor flaccidum, Hepar & Renes boni, Lien in sinistro latere adhærebat ventriculo, orbicularis circumferentia & nonnihil tumidus, palmæ manus instar habens, sanguis intus ex puniceo niger: Judicatum est vitio Pulmonis hydropem esse ortum, cum Hepar rectè se haberet; & ex thoracis capacitate aqua ichorosa efflueret: laboraverat autem Asthmate: In ventriculo nihil cibi erat, sed biliosa quædam superfluitas, quæ orificium acrimoniâ vellicaverat, unde querelæ de rosione cordis: Intestina inflata nihil fere excrementorum continebant, ob jejunia & ciborum fastidia: Mammæ in rugas contractæ papillis nigrescentibus conspiciebantur: Foris à ventris tumore versus latera & dorsum suffusus sanguis lividus, niger, puniceus, pedes œdematosi: Periisse judicatum est defectu virium in duplici partu: Vires autem prostratæ fuerant, hydropem, asthmate, doloribus dorsi validis: Spina enim intus elevata quasi in arcum erat, haud scio an convulsa, an pondere uteri & intestinorum tracta. *A. Libavius in cista med. Hornungi Epist. 76.*

§. 7. Ex parte matris nihil præter naturam esse debet, ut est *συλοειδής διάφωσις* vel *αγκυροειδής* in interna ossium pubis aut ischii facili, quæ obsunt fœtibus, ita ut nonnisi mortui emitti possint: Quod à nobis, pluribusque aliis Medicis ac Chirurgis Lutetiæ visum in cadavere honestissimæ mulieris, in difficili eam ob causam puerperio functæ, quæ dictam apophysin prælongam præter naturam habebat ossi pubis sinistro innatam, intus prope synchondroses infernum sinem: Os pubis tali præditum apophysi aliàs dedi Dom. Parco Regis Chirurgo. *Severinus Pinens libro secundo de Notis virginitatis cap. 5.*

§. 8. Nullus aliquando fit Partus ob minùs minime explicata pubis ossa: Tum ob aliquas excrescentias osseas in prædictis viis existentes exitumque fœtui præcludentes. *Sylvius de le Boë Practica lib. 3. cap. 8. §. 8.*

§. 9. Inter pariendum motitur fœmina quædam Lipsiæ: Maritus certior de matre & fœtu esse cupiens, rogat sectioni ut præesse velim. Secto itaque abdomine, infans extra uterum supra intestina reperitur; Rem mirati, Uterum inquirimus & ruptum illum ad Ilion dextrum prope cervicem, ad dimidiæ spithamæ longitudinem offendimus; Fœtus quoque brachium dextrum, quod pridie ejus diei exeruerat & retraxerat, corruptum erat & fœtens: *Phil. Salmuth. cetur. 1. Observ. 16.*

§. 10. Uxor cujusdam militis gravida, pallida & melancholica, cum circa festum Paschatos anno 1624. ultra triduum parere non posset, vocatus, omnibusque quæ cum ipsa acta fuissent intellectis, ventremque ipsius ubi tetigissem, observavi tumorem durum magnum (quem obstetrix, nec non mulierculæ adstantes caput infantis esse putabant) in sinistro latere è regione umbilic

bilici tactui renitentem, quo observato, statim de felici partu cœpi dubitare: Erat enim hic tumor scirrhusus, melancholicus, ex humore terreno melancholico abique inflammatione præcedente genitus: Tempore gestationis nullum calorem, è contra segnitiam haud exiguum ad omnes vitæ actiones sensit: Et quia varia tam interna quam externa medicamenta mulierculæ adhibuerunt, uterique os cervicis arcte clausum, speculum matricis uteri collo admovendum, ad partum promovendum (quod tamen ob scirrhi duritiem abique omni fructu fuit intromissum) curavi: hinc quia fœtus aliter excludi non potuit, sectione cæsarea patientem liberandam duxi, quam tamen sustinere non potuit: hinc symptomatibus crescentibus, altero die circa vesperam è vita discessit.

Hujus corpus per me apertum fuit, uterumque in dextra, (sana nimirum parte) disruptum & infantem extra uterum positum: scirrhumque insignis magnitudinis, à fundo uteri incipientem & ad os uteri desinentem inveni: Ob quam causam parere non potuit, Disruptionem autem puto dolores partus acutos & vehementes peperisse. *Ex observationibus Tobia Knoblochii Archiatri Onolsbacensis.*

§. 11. Anno 1593. Colonia dissectui aurificis uxorem ex partu mortuam: comperta est matrix erumpente infante lacerata, ejusque caput in lævam ventris capacitatem dimissum, eademque matrix, pars nervosa, circa infantis collum contracta, quæ ipsum fœtum suffocarat: Mater rotos XI. dies parturiens fuerat, obstetricibus, meque tandem ipso pridie ante obitum, frustra adhibitis, quum multò ante mortuus fuisset infans, in utero solo extante lævo brachio quod propendebat: Ab obstetrice præterea, aliisque matronis, quæ in parturientis agone adfuerant, didici angustissimi oris matricem fœminæ istius fuisse, unde magnus extans fœtus, per viam angustam erumpere nequirit, robustus quantumvis fuerit: *Fabricius Hild. cent. 1. Observ. 64.*

§. 12. In viis causa difficilis partus est, aliquando dum ossa coccygis à ptima conformatione non solum firmiorem compagem & articulationem habent, sed &, ac quidem præcipue, si iusto latiora sunt, & extra ita compressa, ut intus gibba potius quam cava sint, & ab osse sacro & coccygis non satis distent, & ita fœtui exitum querenti viam præcludant, eamque nonnisi angustam concedant, ut ita vel occipite vel sincipite infans in istis angustis necessario hæreat, quæ maxima Partus difficilis causa est, ob quam & fœtus & mater interdum periclitantur, imo pereunt: Quod etiam fit ob ossa coxendicis male forniata & sita in claudicantibus. *Sennerius lib. de morb. mulierum p. 2. sect. 6. cap. 4.*

Partus impeditus ob fœtum mortuum, putrefactum.

Item. Ob Fœtum extra uterum conceptum.

Mulier Senonensis, (Columba Chatry) quæ Ludovico Garita homuncioni, quadrato tamen & bene habito, nupserat ab annis 48. fracta ætate & valetudine hic occubuit agens annum 68. Hæc ante annos 28. quæ nunquam antea uterum gestaret, licet jam pridem nupisset (nihil de sanitate prius admodum conquesta,) certissima habuit inchoati hominis indicia: nam qui statis periodis erumpere solebant menses, illi statim substituerunt: Pica primis mensibus laboravit, tempestivum embryonis motum & frequentem perensit, tumore lumborum & abdominis paulatim subcrescente mammisque turgentibus: Tandem autem decurso pene veræ gestationis cutriculo labores puerperii graves & alvi tormina experiri incepit, urina ad aliquot dies suppressa (Medicis tunc varia dubia de illa *νεοσφία* sentientibus) quæ postea currente veluti alveo & magna vi erupit, profuso illo ichore non tam ex vesicæ meatu, ut credibile est, scaturiente, quam ex oculis: Amnio tunica disrupta, quæ sudorem fœtus

& urinam continet, cum una cum istis serosis recrementis (quos mulierculæ aquas vocant) aliquis coacti sanguinis thrombus emergerit: Inde autem & mammae considerare visæ sunt, motus infantis aut ignavus aut nullus, labores mulieris tolerabiliores: quibus omnibus artonitæ fuerunt obstetrices: quæ antea certissimum puerperium expectassent: A ludibrio autem istius fœturæ totum triennium lectulo illa decubuit, ad extremam vitæ calcem de valetudine conquesta, de tumore, de duritie, de torminibus alvi (quam obviis quibusque transtandam exhibebat) de inutili & gravi illò pondere, quod pro vario gestantis motu modo in hanc modo in illam partem procumbebat: denique de languente & depravata appetentia, quam subinde acetariis & absorpto omphacio sollicitabat, alioqui perpetuo *ἀσπιτῶ* i. e. sine cibo.

Postquam autem fato esset functa, ejus vir officiosus in uxoris manes accersivit Chirurgos, ambos valentes arte & artis usu, quibus (licet de scirrhuso tantum tumore cogitarent) dissectio mulieris abdomine, & rejecta infra peritonæo tunica, quæ intestina viscera, uterum & vesicam contingit, uterus sese offert aspectu quidem rugosus & versicolor, ut crista illa pendula quæ Gallis Indicis ex summo capite prolabitur, vel potius ut operimentum illud cutaneum quod illorum collum ambit: tactu autem, durus, testaceus & crassus instat, τὰν ὀσπῶν δερμῶν id est, eorum quæ testâ teguntur: Tum novaculam in portentosam illam molem & gypseam injiciunt, qua ad aciem cultelli renitente, scalprum, altius adigunt: Eorum autem alter inflicto casu in cranium vulnere, & in aliquot costas, tandem humerum dextrum imperit, à quo erumpens ossis caput certissimam fecit fidem ossium illic latrantium: Ex quo scalpellum aliò transferunt, & magna vi, sensim tamen & rectâ, uterum secant, didactisque durissimis vulnetis labris, infantem in orbem implicitum, & ex transverso in utero positum introspiciunt in penitissimo sinu & altissimis latebris stabulantem, in suamque velut cystin, quam allantoidem tunicam, quæ in utero totum fœtum ambit, fuisse puto callosissimam, reconditum: Quo spectaculo inexpectato obstupefacti Medicos convocant, quos in re inaudita consulant, adhibeantque in testimonium & iudicium rei hujus quæ pene fidem omnem superet: Inter cæ multis ad novum prodigium accurrentibus, & opus Chirurgorum interturbantibus, venit istis in mentem totam istam molem ex illo veluti antro & manibus & uncis Chirurgicis, qua valeret vi, abstrahere, ut arborem ex suo caudice, domumque compottare, ut privatim & apud se accuratius corpusculi anatomen sectarentur, & cum peritis de novo portento & inaudito consilia conferrent: In præcipiti autem & violenta illa laniena, non licuit opus festinantibus prospicere quod substratum esset infantulo chorion, quæ uteri acetabula, quæ umbilici vasa, quis esset allantoidis cum utero & cum fœtu nexus, cum uterus ipse, præcipue ad coxam dextram, ad nates, & ad partem spinæ dorsi cum cute infantuli omnino coaluisset: situs infantis erat pene sphericus, facie ad thoracem affixa, sublati ad nates genibus, undeposita ex patulæ, retusæ & resimæ sunt conspectæ: Ossis capitis tenuia quidem, sed firma & instar cornu nitentia, cute capitis multis in locis pilosa; Caput in sinistrum brachium ita procumbebat, ut à protuberante humero auris & os occipitis impellerentur quod incavatum ex parte introcessisse conspiceretur: Cubitus ad summum humerum reflectebatur, porrecta sola manu, quæ in pugnum adeo firmiter erat contracta, & summi digiti ita palmæ inhærebant, ut licet apparerent separatim inter se distincti, re ipsa tamen in unum idemque vere lapideum corpus concrevissent: Dextrum autem brachium ad umbilicum manum ex-

tendebat, quæ ad carpum inadvertenter excisa fuit & in alvo matris relicta, Femur, genu, tibia sinistra dextris incumbabant, quibus tamen ita erant implicata, ut talus sinister, pedisque planta in dextrum pedion (est pars pedis superior) implantarentur, quibus excavatum cederet & pene indissolubili nexu colligaretur: Utrunque crus in ventrem & pectus reflectebatur, certissimamque sexus fœminæ notulam tegebat: Tibia utraque ad nates intorquebatur, pedibus & pedum digitis ita inter se compactis & lapidifacis, ut facto ex oculis & tactu iudicio totum istud opus Phidiae alicujus esse dixisses, qui vel ex ebore, vel ex marmore maturæ ætatis embryi absolutissimam iconem expressisset, maxime cum in ea duritie corpusculi moles cum concidisset, imo cum cute nitida integram suam & symmetriam & polysarciam tetinisset: Partes autem internæ, viscera nempe omnia, cor & cerebrum, habebant naturaliter, eo dempto quod ultra modum induruerant; (minùs tamen quàm externæ) Ita ut hodie externum istud corpusculum neque putredinem minetur neque teredinem: *Joan. Albosius.*

§. 2. Dom. H. Bisaccionus Patritius Aefinas, uxorem duxit Ferrariæ anno 1571. hanc ille post mensem compressit, tum decimo incipiente, doloribus partus advenientibus, & aqua plurimum fluente, delusæ fuerunt obstetrices ac matronæ: dolores illico cessarunt ventre adhuc tumido manente, atque ipsa magnam gravitatem sentiente: Nullum remedium non tentatum fuit à Medicis Ferrariensibus ut fœtum educerent sive vivum sive mortuum: Tandem cum incassum laborassent, & pondus utero incumberet, movereturque ad corporis motum, anno jam præterito, putarunt unanimi consensu mulierem pati molam, pro qua educenda remedia nihil profecerunt, sic misera annis duobus cum gestavit uretum: Ejus vir duxit ex voto conjugem ad sacram ædem D. Virginis Lauretanæ, ac in patriam reversus vocat ad consultationem Medicos; quo tempore levi febre & continua tenebatur cum eisdem circa uterum symptomatibus: Hæsitabamus omnes, alius aliam dicebat imaginabaturque, ac post discursus multos in eam sententiam venimus, Tumorem adesse in utero p. n. vel oedematofum, aut molam. Dum ita ambigimus, ac ab omni genere medicamentorum abstinemus, solo victu accommodato contenti, mulieri fluor alvi supervenit fœtidissimus, erant excrementa flava, ac ut plurimum alba & livida & copiosa; singula quaque hora decies fere egerebat. En, mirum dictu, nondum visum, nondum imaginatum, cum ipsis excrementis duæ effluunt costæ parvæ: quæ indicabant nobis ob parvitatem esse costas pueri in utero existentis, rursus die sequenti duas alias emisit & expiravit.

Exenterato cadavere, inventus est uterus putrefactus, qua parte rectum intestinum tangit, hocque ipsum totum corruptum: Inventus est fœtus sine involucri, sine secundis, cujus caput non aderat: hoc putamus ex putredine dissolutum: erant integra reliqua costis quatuor exceptis, atque visceribus quæ putredine tabuerant, quis hunc non admirabitur casum? *Horatius Augenius libro secundo de Hom. part. c. 23.*

§. 3. Catharina de Fiefs cum secundas contraxisset nuptias, eodem tempore in morbum incidit, & gravida est facta: Cum verò se utero gestare non suspicaretur, Lutetiæ infinitis remediis, & quidem diæta sudorifica (auxilium adversus morbum quærens), usa est, etsi non deesset ex obstetricibus quæ gravidam ipsam pronuntiarent, eo quod symptomata ea quæ utero gerentibus accidebant solent, in ipsa observarent, idque à tempore suppressorum menstruum, donec etiam lac in mammis observabatur, & usque ad novum mensem quo tempore omnia illa symptomata

desiere, unà cum motu ipsius fœtus: dein dolores partus irriti tum supervenere, & statim post omnia signa fœtus emortui, observare licuit, attamen horum omnium signorum ratio non habebatur: Quare cum Lutetia domum redisset, adhuc fœtum mortuum utero gestavit idque mensium quindecim spatio à die ipsius interitus supputatione facta, præter anteaotos novem menses quibus in utero materno vixerat: sic partes molliores putrefactæ per inferiora ejiciebantur, quæ non absque ratione aliqua per D. Ponetum medicum pro sanie ex uteri ulcere manante habebatur, quemadmodum ossa quæ remanserant, scirrhum lienis esse censebat.

Tandem extincta 5. Nonis Octobr. anni 1570. aperta fuit. Quare copiosa adhuc sanies in abdomine repta absque utero, & fœtus ossa aliqua jam putrida, aliqua verò integra erant: & inter hæc unum ex ossibus claviculæ jam lividum, peritonæum & abdominis musculos jam perforarat, ita ut sola cutis integra remanserit, quod in latere sinistro forinsecus conspiciebatur, quod jam pridem pro splenis scirrhus habebatur. *Franc. Rousselus de Partu Cæsareo sect. 4. cap. 2.*

§. 4. Vidimus puerum putrefactum & frustulatum rejectum, relictis magnis ossibus in utero per longum tempus, quæ post in utero matris mortuæ sunt repta, Uxor fuit Chirurgi Monspelienfis, qui post mortem, ut causam alicujus affectus interni cognosceret, passus est illam dissecari. *Rondeletius lib. 1. Præf. c. 65.*

§. 5. Fit etiam ut conatus pariendi eo tempore sese manifestent, mulierque paritura videatur, & adaptum ab obstetrice disponatur, aquaque jam, sicuti ante partum fieri solet, effluerit, sed his omnibus rursus cessantibus, atque evanescentibus, nullus partus sequatur, & nisi denuo hæc redeant, uti aliquando fit, fœtus extinctus nunc in utero, nunc extra hunc hæreat, qui tandem cum involucri putrescens, febres animique defectus, & si nihilominus retineatur, uterum partesque vicinas simul inficiendo, matri exitium parit, sicut in quibusdam accidisse (Inter quas una quinque, supra decimum mensem, fœtum mortuum antequam ipsa expiraret, profluente fœda interim eluvie, & vena umbicali propendente, utero inclusum gestavit) aliquoties vidimus, tanta corruptione intrinsecus facta, ut & uterus simul cum fœtu, & abdominis musculis illius loci ex putredine nigricantibus, summe fœtencia, post mortem sectione facta, deprehensa fuerint: priusque vivente matre, interdum tumor pellucidus vesicæ instar, circa umbilicum elevatus, subjectæ putredinis character, per quem fœtus vertebræ cernebantur, eoque rupto eximebantur, sese obrulerit. *Platerus Præf. lib. 1. c. 9. p. 440.*

§. 6. Matrona Londinensis gravida, ad nonum usque mensem fœtum utero gestavit, quo tempore dolores quasi parturitionis accidunt, qui ingentes & diuturnis fuere; primipara enim erat, quod assistentes mulierculas non terruit, etsi proxima partus alia signa non accederent, ut dilatatio oris exterioris matricis: Dolores ii duos integros dies, toridemque noctes afflixere: idè convocati Medici, qui tardantis partus causam existimarunt, quod Lucinæ nondum esset experta labores: Multa idè præscripta quo is facilis redderetur, desieruntque tormina eò non succedente. Ab eo tempore fœtum moveri nunquam observavit, ac consultatione inter Medicos & Chirurgos instituta, statutum fœtum exitum affectasse, jamque defatigatum à motu cessare matremque; quæ nunquam aliàs pepererat, errasse circa tempus conceptionis: Tertio vel quarto ab hinc die restituta, ac moræ in urbe pertæsa, villam equo solutario pro more patrio, vecta concessit, nulla

nulla hinc sequuta noxa; sed mense exacto pristini dolores repetunt, tota die & nocte molesti, postea, ut prius cessantes: Medici & Chirurgi convocati cuncti o-di dolores colicos sentent, prioresque dolores septimo mente contigit asserunt, quo tempore, teste Hippocrate, exitum affectat fœtus, qui defatigatus jam quiescat; Addebant verisimile non esse cum mortuum, quod mater vividi esset coloris, vegeta & appetitu polleret, absentibus etiam omnibus signis, ex quibus Hippocrates, Galenus alique Medici mortuum esse fœtum colligunt. In statu ergo precedenti mensem integrum perstitit, undecimum expletem: quo exeunte, leves invadunt dolores, illico succedente cardialgia, idè lecto se tradidit, exhibitumque vinum, morte subito invadente, antequam auxilium implorare licuerit: In demortuæ latere dextro macula nigra in ventre comparuit. Daleri magnitudine: Cadavere aperto, fœtus putridus inventus, cuius caro in pus conversa ab ossibus abscedebat; Leipothymia non antè prehendente matrem quàm gangræna panniculum carnosum attigerit: *Lodoica Borgesia observ. lib. 2. p. m. 20.*

§. 7 In quatuor puerperiis difficillimis adhibitus fui anno 1608. primo Laufannæ 6. Septembris, sed parturientem in mortis agone inveni, atque in illa ipsa hora, in qua ad ipsam accessi, è vita discessit: Post mortem aperto ventre, fœtus semiputridus, Uterus verò dilaceratus conspectus est. *Fabritius Hildanus Epist. 12.*

§. 8 Mihi ex Gallia reduci narrarunt D. D. Colet & Raisin anno 1665. se mense Aprili anni 1662. D. de la Forest, Chirurgum Aurelianensem, cum D. D. Balduino Medico Parisiensi, in Nosodochio fœminam disseccuisse, quæ diurnos partus dolores irritosque conatus experta tandem obiit:

In cujus ventre inventus sit puellus egregius & optime formatus, extra uterum locatus, nempe in spatio quod uterum & rectum intestinum interjacet; utero intonso & illæso, nequaquam rupto aut pervio versus intestinum; matri autem puellus exiguo supervixit intervallo. *Monconis Tomo 2. Itiner. Italici p. 450.*

In mulieris decima à partu hora mortuæ cadavere Uterus, Hepar & Pulmones in vitio deprehensa.

Mulier honesta, mollis & rara, annorum 30. Febre, destillatione veteri in pulmones laborabat, fœtum gestans octimestrem: imperatæ aliquot purgationes, phlebotomia iterata: ratio vitæ ex expressis carniū succis: contra exulceratum guttur pugnatum: in difficultate partus decoctum veteris galli cum modico cassiæ lignæ, croci & tantillo vini odoriferi, unctio pubis &c. Peperit die 7. levata febris, & omnia imperatæ quæ instaurant &c. prohibetur somnus in horam unam aut duas propter multas vacuationes &c. Mortua est decimâ horâ à partu.

Apertæ uterus grumis plenus inventus est, totus venter flatibus tumens, Ren dexter purulentus, Hepar quantitate peccans, lobo uno notis costis hærens, colore totum vitiatum, aridum ac veluti frixum, aliis partibus quasi putredine mucosum. Similiter & Pulmones, in quorum summo ad arteriam voinica pura plena erupit. *Hollerius lib. observat. propr. n. 8.*

Partus ad 16. mensem prorogatus, ob vitiosam capitis fœtus conformationem, & illi accretum tumorem.

De stupro conqueritur juvenula: Illa in dies tumidior ad partus terminum visa est accessisse, nec tamen fœtum ullum enitebatur, hinc molam suspicatus

Medicus expellentia præscripsit, & tumido vatri capta plasma ex semine lini &c. applicuit, quibus aliquandiu usa, 16. mense feliciter peperit fœtum, sed debilem, nec ultra unum alterumve diem superstitem: Caput infantis nucem juglandem vix superabat, tumor verò capiti superna parte adnatus erat, universo capite major, qui quoties manu contrectabatur, rotas infans convulsionibus corripiebatur:

Mortuo infante caput apertum, inventaque in ipso cranio exigua cerebri portio, quam pro cerebello habuit Chirurgus, in tumore verò substantia cerebrovalde similis: hinc diurnam istam in utero materno moram ex vitiosa cerebri constitutione derivavit, qua impeditus fœtus & fractus, subsidiariam operam matri parturienti ferre non potuit. *Thom. Bartholinus cent. 3. histor. 15.*

Partus impeditus ob Fœtum in Utero incuneatum.

1. Ob Fœtus transversum situm. 2. Ob vitiosum situm, Uteri disruptionem, vasorum umbilicalium convolutionem. 3. Ob Fœtus magnitudinem, situmque transversum. 4.

§. 1. Inspectio aliquot honestarum fœminarum, quibus difficilis resistans fœtus vitæ filum abruperat, fenestram aperuit meditandi de capiuitate hac exterminanda: Inquit etiam sæpe cum stupore situm fœtus in alvo matris incuneati mortui, meorum præceptorum nullus aggredi arduum opus: commendabatur Deo & naturæ; confusus ego iudicii maturitati, manuum dexteritati, neglectum opus aggressus sum. Glorietur Rousserus suo pro arbitrato in sectione Cæsarea, & securam periculi proclamet, ego semel aggressus infausito eventu ita territus fui, moriebatur enim post quadriduum puerpera, epilepticis convulsionibus tentata, vulnere inflicto multa salutaria promittente; ut nunquam hanc operationem in viva suaderem, veritatem ne quam scis perimere decrevit, Medici manu sublatam rumor increbescat; at extractionem per uncas & forcipes affabre adornatos felici cum successu molitus, nunquam nisi voti compos cum astantium admiratione discessi. *Rolsinckius Dissert. Anatom. lib. 1. cap. 13.*

§. 2. Sartoris cujusdam uxor, postquam triduum parturiendo consumpsisset, nullisque medicamentis fœtus jamjam mortuus extrahi potuisset, supervenientibus leipothymiis moritur.

Petitu matris & obstetricis apertum fuit corpus, exemptusque infans jacens, supino quasi corpore per transversum uteri, capite sinistrum, pedibus dextrum attingens os ilion, brachio verò sinistro extra uterum pendulo. Scrutando reliqua viscera, ex vesica fellea præter motem magna, bile lenta & ex viridi nigricante repleta, extraxi calculum olivæ majoris (quas regias, vel Hispanicas appellant) magnitudine, nec colore & figura illi ab similem, ceterum aequalem, & drachmam unam civilis ponderis pendentem, quem adhuc ob formæ raritatem integrum servo. *Carolus Raygerus in miscellan. curiosis anni 1673. observ. 283.*

§. 3. Matrona Bernensis adhuc juvenis, cum tertio uterum gereret, & justum gestationis tempus absolvisset, doloribus parturientium tam acerbis ac vehementibus correpta fuit ut vix nunquam similes observari fuerint: aqua quin etiam quæ fœtum comitari solet, uti quoque sanguis copiose profluxere, brachiumque dextrum fœtus primo quoque insultu erupit: Post horam tamen dolores omnes & conatus parturientium cessarunt nec deinceps redierunt. Quarto post die videns obstetrix rem in angusto positam, sua

sit ut uxor mea advocaretur: Illa cum ad parturientem pervenisset, brachium dextrum ex utero propendens reperit, febris quoque, leipothymia & vomitus aderant: Exhibita Confectione Alkerimes, inuncto ventre oleo lil. alb. & amygd. d. brachio ex orificio matricis remoto, dolores hypochondriorum, qui antea ob tensionem peritonæi acerbi fuerant, cessarunt, verum dolores & conatus parturientium (etsi dolores reliquarum partium continuè vexarent) nunquam leniri potuerunt, nec medicamentis neque manu Chirurgi: Variis præstitis cæteri dolores remiserunt, ita ut cibum libenter assumeret, somnum caperet, & ita quidem ut nihil præter exclusionem fœtus desideraretur: Cum verò motum aliquem naturæ, qui nobis viam modumque procedendi ostenderet, ex consilio adstantium, in septimum usque expectaremus, ecce cardialgia, cum rigore quodam & leipothymia accedente, protinus placideque exspiravit.

Corpore aperto, causa deprehensa est situs fœtus præternaturalis, in transversum enim situs erat, & ita quidem ut caput sinistro, pedes verò dextro hypochondrio ita insisterent, ut in utroque latere prominentia non obscura observari posset: Spina dorsii autem fœtus versus orificium uteri vergebat: brachium dextrum extra orificium propendebat, sinistrum verò, uti quoque crus dextrum (quod versus caput reflexum) mediantibus vasis umbilicalibus (qui truncum corporis bis circumdederunt) trunco corporis ita alligabantur, ut ab initio fœtus ad exitum minus commodum sese parare posset, sed omnia inverso ordine acciderent: Præterea, ab initio cum fœtus, qui & maturus & robustus erat, maximo impetu se moveret, & ad exitum præpararet, sinistro pede corpus ipsum uteri versus dextrum latus dilaceraverat: *Fabricius Hildan. cent. 4. observ. 57.*

§. 4. Sartoris uxor annorum circiter 30. quæ quater prius pepererat, quintò gravida facta, exactis decem mensibus, cum jam pariendi tempus instaret, atque in ipso labore fœtus quandam convolutionem, levesque aliquot pariendi conatus sentiret, tandem iis omnibus cessantibus, fœtum mortuum, uti postea apparuit, antequam exspiraret, adhuc quinque menses retinuit: Quo tempore cum an gravida esset, ex eo quod supra gestationis tempus tamdiu superstes maneret mulier, nec graviora pateretur accidentia, in quæstionem veniret, & de molâ aliove aliquo tumore inter obstetrices consultaretur: tandem consilio meo habito (licet eam vivam non viderim) de fœtu mortuo pronuntiavi, & ad fœtum mortuum propellendum medicamenta præscripsi, pilulas & pessarium, quod cum unam saltem noctem retinisset, mox chorda umbilicalis propendere cœpit, quæ tandem, cum putris esset, amissa fuit: verum cum nullus sequeretur abortus, nullusque esset omnino fœtum excludendi conatus, ut is promoveretur, mulier quædam ventrem illi variis modis aliquoties compressit, deorsumque impulit, unde fluor uterinus, per quem putris, alba, fœtidissimaque materia ex utero profluebat, exortus est: Quo octo septimanarum spatio perseverante, accedente interim febre, corpus adeo contabuit, ut nihil in ea carnosum fere amplius præter ventrem, transversim admodum tumentem & durum appareret: donec viginti septimanarum spatio, supra decimum mensem, quo uterum gestavit, tempore exacto exspiraret.

Rogatus ut corpus aperirem, primo ventris intuitu vesicas geminas, lividas, in latere umbilici, ubi tumor durus, inæqualis adhuc transversim eminebat, deprehendi, quibus levi negotio, cum tenuissimæ essent, disruptis, statim vertebræ ipsius fœtus, unâ cum scapulis & costis obvia erant; transversim enim collocatus & supinus dorso inflexo, & in orbem convolu-

tus jacebat & versus exteriora prominebat: qui exemplis diductusque adeo putris erat, ut præter cutem & ossa, quæ tamen levi negotio dissolvebantur, & quod fœmella erat, nihil aliàs liceret, vel fœtor immensus sineret cognoscere: hoc saltem manifestum erat transversum illum situm, atque eximiam magnitudinem, quam longitudo illius & capitis amplitudo, prolaxis admodum capillis constans declarabant, impedimento fuisse quo minus in partu prodire potuerit, sicque retentum 20. septimanarum spatio, computrasset, & simul vicinas partes undique infecisset, cum univsus uterus, unâ cum involucris & omenti portione aliqua, musculisque epigastrii illius loci desiderarentur, totaque illa regio pure, fœtore & nigredine infecta esset, & ad extremam usque cutem, ubi vesicæ apparuerant livescerent, corrupta: Quo in loco si fortè sectio, ante extremam illam vilcerum corruptionem facta fuisset, fœtum eximi, matre superstitute manente credibile est. *Platerus observ. lib. 2. pag. 228. & Pract. lib. 1. cap. 9.*

Ossa pubis & coxendicis in partu distrahuntur.

Quanquam miraculo distractio ossium in partu carere non videatur, tamen quia in Anatomicis ratio prius audienda non est quàm sensus consulendus, iniquè faciunt qui quod ipsi non viderunt aliorum experientiæ credere negant: Nec facile hîc à communi errore abscissilem, nisi Genevæ, cum Illustris Senatus nobis meretricem juvenulam, sexto post partum die in lacu Lemano suffocatam, quæ adeo facilem partum ediderat ut & heram falleret, ad sectionem offerret, contrarium me sensus docuissent. Difficile est hoc apud nos deprehendere, ubi nefas putatur ex partu mulierem mortuam secare: & quæ suppliciis afficiuntur, non prius ad mortem ducuntur quàm disjuncta ossa longo temporis intervallo vicissim coierint. *Henningus Arnicaus observ. Anat. 6. Idem in Hildan. Operibus, Epist. 45.*

Hi qui mulierum & virginum plura cadavera secuerunt, videre potuerunt illas quæ nunquam conceperunt, esse longe angustissimas, easdemque habuisse cartilagine inter hæc ossa sitas, quibus mediis uniuntur, admodum tenues, ciccæ & fere nullas aliarum respectu: Sed quibus in utero sæpius habere, pluriesque parere contigit, etiamsi longo tempore post ultimum partum obierint, in his interjectas cartilagineas crassas reperiri certum esse; In iisdemque ilia & ossis sacri latera ampla, atque ossa pubis ubique, præsertim inter spinas anticæ ossium pubis latitudine insigni ab invicem dissidere. Quæ verò aliquoties tantum, ut semel aut bis, pepererant, medio quodam modo habere: Quod etiam ex inspectione matricis probatur: Nam ut in his quæ nunquam conceperunt matricis corpus tenue est & parvum, sic in his quæ pluries sunt enixæ, crassius semper remanet ad extremum usque vitæ diem: & in his quæ rarò aut semel, mediocris est, hæcque perpetuò vera sunt, dummodo his partibus nihil præter aut contra naturam acciderit: Hæc autem sententia ulterius confirmatur historia anatomica sequenti. Anno 1579. Mense Febr. in Regio Chirurgorum Parisiensium Collegio, cadaver muliebre dissectum, quæsitumque an in partu mulierum ossa pubis & ilium, hæc scilicet ab osse sacro, & ilia ab invicem distraherentur necne? major pars adstantium negabant. Alii affirmabant, Alii dubii omnino tacebant, Dubium autem istud statim solutum fuit, veritasque ex tempore eluxit: Accepto enim altero cadaveris femore seu crure integro, sublevatoque eo, cute minimè secta, sed integre servata, cæteri que symphisi superpositis partibus, os pubis ejusdem lateris attollebatur, supraque alterum, latitudine saltem medii

dii pollicis eminebat: Quod oculis digitisque ab omnibus verissimum judicabatur; Ut facilius meliusque videretur, crus alterum supini cadaveris supra mensa locati summe extendebatur, nulloque modo ischii flexo articulo, ambabus alteri natium subductis & substractis manibus, sursum os pubis cum minimo conatu attollebatur, & cum eo os innominatum totum, quod, ut dictum est sæpe, componitur ex tribus, Ischii, Pubis & Ilii ossibus, quæ in ea ætate penitus coaluerant per symphysin, quæ eò loci sit sine medio, unde posticas duas synchondroses multò laxiores fuisse solito necessariò concludimus: Eo enim quo diximus modo, elato crure, innominatisque ossibus resupinati cadaveris, os pubis lateris ejusdem sua spina latitudine medii transversii digiti à suo congenere distabat, atque ei superveniebat: contrà verò sublatis manibus, & æqualiter positis manibus æqualis opposito apparebat: altero verò crure telato, illud quod priùs eminebat, inferius conspiciebatur, unde plures non abs re mirati sunt. *Severinus Pinæus de Notis virginittatis lib. 2. cap. 6. & 8. Vide Baubinum Anatom. lib. 1. cap. 49.*

A plurimis agitata hæc quæstio, ac nostro sæculo à D. D. Laurentio & Pinæo hîc dissentientibus: Ego verò experientiæ credo, adtiti quippe ab annis 40. partui plusquam quingentarum mulierum, in quibus manifestè deprehendi crepitationem & diductionem ab invicem dictorum ossium, inserto inter utrumque os pectinis digito, ubi manifestam separationem animadverti: quinimò mulieres omnes, quibus ægrior partus, tunc temporis accusant dolorem eo in loco: Imò infra coccygem imposita manu, prædictam separationem licuit mihi percipere, Nec non in quibusdam ab inani nixu extinctis facta Cæsonia sectione, reperi ossa prædicta separata & relaxata, necnon ligamenta ea colligantia, mollia facta & dilatata; eo quippe loco maxima matriæ portio incumbit, *fac. Guillemeau de facili partu lib. 2. cap. 1.*

Vivit adhuc honesta fœmina, cui primiparæ, sub difficiliori fœtus exitu, ossium pubis commissuræ (ætate satis tum matura) non solum divulsæ sunt, verum etiam uti infeliciores nonnunquam in fracturis accidit, utrinque seorsim occalluerunt, invicem separata, ut in scalarum ascensu ac descensu, consueta; sanis validisque pedum alternatione uti nequeat, sed alterum semper (posito priùs altero pro fundamento) quasi post se trahat; digito eandem alternationem circa dictas ossium extremitates eodem tempore aperte sentiente, Aliquoties postmodum, at æque difficulter peperit, angustia fortè colli nimia. *Daniel. Ludovici in miscell. curiosis anni 1673. observ. 255.*

Fernelius lib. 6. Pathol. inter causas difficilis Partus recenset ossium Pubis firmiorem compagem: Sed quid opus testibus in re tam manifesta? sola experientia fidei faciet, cui Medicus plus debet tribuere quàm rationibus: Sæpius, atque plusquam trigies, in mulieribus mox à partu extinctis, vel paulo ante enixum, vidi præsentibus Medicis & Chirurgis, cartilaginem quæ ossa Pubis colligat, minimi digiti latitudine diductam, ita ut hiulca pubis ossa apparent si digito intus attrectarentur: Quod etiam ante cadaveris dissectionem innotescebat, uno crure sublato, sic enim ossa Pubis mobilia deprehendes, unumque alteri supereminere: Atque anno 1631. cum publicam Anatomem instituerem mulieris, quarto die à partu suspendio strangulata, præsentibus trecentis Auditoribus, demonstravi commissuræ ossium pubis interjectam cartilaginem, digiti latitudine laxatam; quin etiam ossis sacri cum ossibus Ilium commissuras mobiles admodum scalpello tenuissimo facillime separavi: Ossibus Ilium ossis sacri, loco cartilaginis, interjecta erant ligamenta crassa, rubicunda, quæ cavitatibus utriusque ossis

inculcata erant; ossibus pubis cartilago crassa interposita erat: Potest & controversia etiam ipso sensu componi. Accipe perfectæ mulieris ossa ilium, arce inter se per symphysin, & recto ossi sacro juncta: si per hoc foramen amplissimum, caput infantis recens nati libere traducatur, fatebor ossa Pubis non diduci; alioquin sustinebo, non sine maxima ossium pubis dilatatione fœtum egredi, quia spatium illud angustius reddit caro intus circumjecta. *Riolanus Anthropogr. l. 6. cap. penult.*

Quomodo possibile est ut maturus & magnus fœtus per pelvis angustias, musculis aliisque partibus undequaque obstitas & infarctas, in partu transire possit? Dico, si parvus fuerit fœtus, cum per dictas angustias sine magna molestia transire posse, docente id experientia quotidiana; nam partus tempore, ab humorum copioso affluxu, adeo lævæ & laxæ fiunt partes genitales, ut exigente necessitate, etiam obstetricis vel Chirurgi totam manum facile admittant: Verum si magnus fuerit fœtus, vel partes per se sint angustiores, tunc gravem & laboriosum fieri partum, atque pubis ossa, laxatis ligamentis & cartilaginibus, aliquantum dehiscere, imo cartilagosam quoque connexionem ossis sacri cum ilii ossibus adeo laxari, ut manifeste à se mutuò recedant: Hanc dehiscenciam harum partium primi notarunt, Hippocr. lib. de nat. Pueri, Avicenna lib. 3. fen. 12. tract. 1. cap. 2. Aetius tetrabil. 4. sermone. 4. cap. 22. quam acriter quoque defendit Sever. Pinæus operis physiolog. lib. 2. cap. 5. 6. & 7. Contrarium sentientes evincit certissima rerum magistra experientia (hac docente omnes qualescunque rationes concidunt) qua non semel illud fieri compertum ac clarissime demonstratum est. Nos quoque anno 1654. mense Martio, puerperam sequenti post partum die mortuam, in publico theatro secimus, in qua pubis ossa à se invicem adeo divulsa erant, ut minimus digitus facillè interponi posset. *De Diemerbroëck Anatom. l. 6.*

Paræus lib. de gener. cap. 13. scribit se olim fuisse in illa opinione, ossa ilium & pubis in partu non posse divelli, sed tandem tamen contrarium ipsi apparuisse in sectione cujusdam mulieris, 15. die post partum suspensæ, cujus ossa ilium ab osse sacro distracta erant, & ossa pubis à se invicem distabant latitudine dimidii digiti.

Idem observavimus hîc Basileæ ante annos duodecim, cum Nobilis matronæ Gallæ ventrem, quæ ob secundinas retentas interierat, pluribus adstantibus aperiremus. *Baubinus Theauri Anatom. lib. 1. cap. 49.*

Experientiâ edoctus assero ossa pubis sæpe ab invicem in partu laxari, emollito eorum cartilagineo connexu, totamque hypogastrii regionem ad miraculum usque ampliari: Non quidem ab aquosæ substantiæ profusione, sed sua sponte, ut fructus maturi excludendis suis feminibus solent hîscere. *Harveus de Generat. animal. Exerc. 57.*

In publicis fœminarum, difficili partu mortuatum sectionibus, conjunctionis ossium pubis, ut & ilii ac sacri dehiscenciam spectatoribus multoties conspiciendum exhibui. *Spigelius lib. 2. de Humani corpor. fabrica cap. 24.*

Os Uteri in pręnantibus arctissime clausum repertum. 1. 2. Uteri status à Partu secundo die. 2. 3. 6. De crassitie uteri in Gravidis. 4. Uteri status sextâ post partum hebdomadâ. 5. Uteri constitutio in Graviditate & à Partu. 7. Uterus hypogastrio adstrictus post maris partum. 8.

§. 1. Os uteri, testibus Hippocr. & Galeno, in pręnantibus tam arctè clauditur, ut ne quidem specilli

aciem, nec ullius aëtis aut aquæ (in balneo) introitus admittat: quod licet nonnulli in dubium vocent, & solummodo de levi aliqua conniventia explicent, tamen à nobis verissime visum est anno 1649. quo aperuimus & examinavimus ancillæ veneno interceptæ cadaver; in quo, inter alia, invenimus uterum à longitudinis manus fœtu tumidum, ejusque osculum non modo artissime contractum, sed tam glutinoso ac tenaci humore pituitoso obseratum, ut nusquam tenuis stylus immitti posset, nisi majore vi per glutin illud adigeretur.

§. 2. Illud etiam vidimus in alia muliere circa 7. mensem gravida, repentino fato extincta mense Decembri 1665. *De Diemerbroeck Anatom. lib. 1. cap. 33.*

§. 3. Excluso in lucem fœtu redit uterus ad priorem consuetudinem sensim & seculum: Aperto cadavere altero à partu die, uterus conglobatus apparebat ad capitis infantis binuli magnitudinem, albicans, in tubulis nullo sanguinis apparente vestigio. *Rolsinckius parte 2. de Organis generat. cap. 21.*

§. 4. Os uteri ita extensum & lacerum erat ut vix appareret, Uterus magnitudine capitis erat adhuc & crassitie pollicari: Intus sanguinis reliquæ & oravaforum crasso & nigro sanguine adhuc sudantia: Vincula uteri cum ossibus Ilium, sacro & lumborum, & intestino recto firmissima, parte anteriore nulla, præterquam cum vesica admodum exigua. *Jac. Sylvius in appendice Isagoges anat. de variorum corporum sectione.*

§. 5. Falcolburgius testatur in dissecis se observasse gravidis, crassiorem videri tum temporis uterum, sed falli oculos ab hepate uterino artissime connexo, quod separatim fucum detegit: Sed contrarium docet experientia: Nempe crassities illa in utero, fœtu jam absoluto oculis conspicua, duorum pene digitorum crassitiem æquat, præcipue circa fundi illam partem qua secundina adhæret: adest etiam adstipulante Harvæo, in ea parte qua placenta utero non adnascitur: Conflatur hæc crassities à sanguine in tubulis uteri stabulante. *Rolsinckius cap. 21. de organis generationis parte 2.*

§. 6. Infanticida fœmina sexta post partum hebdomada capite patratum scelus expiat. Juvenula parvæ staturæ, obesa & sana: Peritonæo aperto non comparebat uterus prima fronte, sed vesica lotio tumida conspectum illius adinebat, sub qua delituit uterus, durus satis & constrictus, ut mirari satis nequiverim tam brevi post partum tempore contractum: Magnitudine vix pugnum æquabat. Nymphæ contractæ, carunculæ quoque oblitteratæ, nisi orificio vesicæ apposita: Vagina dissecata ad uteri orificium sine rugis solicis: Externa pudendi labra satis hiabant: Uteri orificium artissimum durumque: Uterus ipse crassus & fungosus, vix pomo excipiendo: In ipsis parietibus crassis foraminula utrinque patebant seu acetabula, quibus per fistulam inflatis, elevabantur vasa testibus subjecta, seu alter Tubæ inferior ramus ex vasis deferentibus ortus. *Th. Bartholinus histor. 92. cent. 1.*

§. 7. Nuper dissecui Nob. mulierem, quæ 24. horis à partu decessit è vivis, aquarum copiâ, quibus abundabat thorax, corde suffocato: Inveni uterum fere ad naturalem magnitudinem contractum, vix enim manus complicatæ amplitudinem æquabat. Disseci uteri cavitas exigua erat, & adhuc cotyledones, sive tubercula, granis milii simillima apparebant: Parietes uteri duorum digitorum crassitiem æquabant. *Riolanus Anthropol. l. 5. c. 1.*

§. 8. Membranas Uterus obtinet duas, Exteriorem duplicatam validam à peritonæo: Interiorem propriam, fibrosam magisque porosam: Inter has carnosus & fibrosus contextus quidam reperitur, qui in mulieribus gravidis ab affluentium humorum nutritio-

rum ubertate admodum unâ cum dictis membranis increfcit, ita ut quo magis augetur & increfcit fœtus, eò carnosior, fibrosior & crassior evadat uterus, qui postremis gestationis mensibus pollicis, & nonnunquam circiter duorum digitorum crassitiem adæquat: Hæc crassities non est ex solis humoribus in porositates uteri se insinuantibus, ut multi existimant, sed est vera & satis densa caro, quæ postea musculorum instar inservit ad fœtus expulsionem: Qualem carnosam uteri substantiam anno 1653. mense Novembri, in theatro Anatomico publice demonstravi, in cadavere puerperæ, duodecim horis post partum mortuæ: Et non ita dudum privatim in muliere in partu unâ cum fœtu mortua: Hoc tamen carnosum incrementum post partum, humoribus & sanguine maxima copiâ ab utero effluentibus, denuo emaciatur & exarescit, atque sic ad pristinam formam ac magnitudinem uterus redit & contrahitur. *De Diemerbroeck Anatom. lib. 1. cap. 24.*

§. 9. Nuper vidi in muliere 15. diebus à partu stragulata, uterum in dextrum latus inclinatum, & firmiter adstrictum: Ligamentum latum dextri lateris brevius erat sinistro; marem enixa fuerat: An eo modo constitutus iis, quæ mares potius quàm fœminas generant? *Riolanus Anthropol. lib. 2. cap. 33.*

Secundinarum retentio, ob arctam cum Utero adhesionem, item Ob eandem cohesionem cum carne Utero adnata.

In Nosodochio nostro apperui corpus puerperæ, statim post puerperium defunctæ, causam indagans mortis, inveni secundinam undiquaque ipsi utero tam firmiter adhaerentem, ut vix & nonnisi cum labore separari potuerit, eratque omnino exsanguis, ut & reliquum corpus parum admodum sanguinis habebat, respectu ejus qui aliàs esse solet. 2. Uteri substantia admodum crassa erat & fere duorum digitorum crassitiem adæquabat, multis tamen iisque conspicuis foraminibus instar spongiæ pervia, inter scil. duas tunicas proprias: orificium ob recentem partum cum cervice maximè hiabat: ossa pubis nullo modo juncta, sed artissime, & ut naturaliter fieri solet, firmissime connivebant: Venæ spermaticæ amplissimæ erant, ita ut infantis cujusdam minimum digitum adæquarent, sanguine refertissimæ, in exortu naturaliter se habebant, dextra tamen paulo infra exortum, alium adhuc ramum, & cum quidem insignem ab ipso trunco assumebat, eumque mox sibi conjungebat, ut ex duobus vasis unum fieret. *I. R. Salzmanus observ. p. 443.*

Uxor D. Morel Lanistæ, præpinguis & vorax, eximie fœcunditatis, 12. partu filium enititur Junii 13. 1673. hora secunda pomeridiana: Partum magnus sequitur lochiorum effluxus, ea quantitate ut jugulatum bovem dixisset, hinc leipothymia, subsistunt secundinæ Educere tentantem obstetricem conatu adhibito, prohibeo, quod arctius adhærere judicarem; perseverant leipothymia, jectigatio accedit, puerperiorum educationem urgent iterum assidentes mulierculæ, & enixa obnixè postulat: advocantur Chirurgi, qui manum admove-re ob virium debilitatem reculant, veriti ne in ipsa operatione expiraret. Accedens alter Medicus omnia symptomata in resistentem secundinam rejicit, terros vapores emittentem: Repugno quod ante tres demum horas satis felix partus præcessisset, nec esset verosimile tantillo spatio eas computruisse; septem horis à partu occubuit.

Referato postridie hypogastrio, adeps ad trium digitorum spissitudinem se offert, Uterus bene constitutus, quo inciso ne gutta sanguinis per ejus substantiam

tiam diffusa cernitur; In cavitatis parte sinistra corylones manifesti erant: Parte dextra secundina arctissimo nexu utero adhærebat; Ita ut iudicatum sit ab imperitia obstetricis partum intempestive promoventis, mortem contigisse. Aderat porro grumus sanguinis, ovi parvi gallinacei magnitudine, ad uteri ostium, à quo tetra illa accidentia provenisse verisimile est, potius quàm à subsistente secundina, quæ illacera & in corrupta apparuit; Mortis autem causam sanguinis profusionem magnam credo, quamvis plethorica esset mulier, hæmorrhagiis obnoxia, quæ quater vel quinquies per graviditatem sanguinem sibi mitti curabat.

Mulier Nobilis Galla, quæ jam multoties pepererat, cum ante annum in partu, ob secundinam retentam, ab hora quarta matutina, ad 8. vespertinam, quæ demum, usâ prius injectionibus, sternutatoriis, suffribus secundinam ejecit, vix evasisset, anno 1588. Martii 25. denuo cum mane fœtum excluderet, ob secundinam subsistentem in periculum venit, propendente interim chorda umbilicali: Frustra autem variis remediis tentatis, magnaue sanguinis grumosi continuo effluente copia, vires adeo collapsæ sunt ut sequenti die circa horam 4. vespertinam extingueretur.

Sectione facta uterus spissus & amplus (qualem puerperis per octiduum permanere, indeque sensum se recolligere, & ad pristinam parvitatem redire aliquoties observavi) in hac quoque inventus est: Quo in longum ipsiusque cervice dissectis, secundinam, tum circa uteri ostium, quod amplum admodum erat, initium adhæsisse, tum per carneam placentam uteri interiori substantiæ adeo accrevisse, ut ægre manibus avelleretur & tracta laceraretur, visa fuit; cui adhuc amnios tunica, chordaque umbilicalis adherabant; Præterquam & corpus quoddam, parenchymate crasso & sublivido constans, hepatis substantiæ coctæ simillimum, propria involutum tunica, illic quoque citra connexum jacuisse observavimus: *Platerus observat. lib. I. pag. 231.*

Mulier post 15. annos à connubio parere contigit: Secundæ substituerunt, evulsæ frustulatim: Obstetrix afferebat superesse aliquid; febris nata, hinc lingua nigra, dentium intervalla scabritie nigricantia, facies *vergewdys* septimo die mortua; Secta; Inventa caro oblonga adnata utero, membranarum pars quæ computruerat. *Hollerius libello observ. §. 10.*

A Partu difficili extinctæ mulieris, Anatome.

Clariss. Philippi Jacobi Hartmanni, Miscell. Curios. Decur. iij. Ann. 9. & 10.

Filiolum die 19. Aprilis ann. 1701. enixa fuerat, variis doloribus, & prægnationis decursu & partus tempore, afflicta perditæ: postridie accersor; Obstetrix abdomen rigide extensum ostendit, atque sub regione epigastrica, ab uno hypochondrio ad alterum transversum, iustâ fœtus magnitudine, corpus situm esse comparebat: durum istud, & renitens quamvis Puerpera ægerrimè tactum ferret. Isti verò in regione Epigastrica loco elato respondebat depressus, instar convallis, qui umbilicalem ab uno illo ad oppositum emetiebatur; postquam rursus in Hypogastrio par suprema abdominis elatio conspiciebatur. Illis Obstetrix, gemellorum restitantium suspiciones oggerbat. Cum contumaci alvi obstructione & flatuum lancinationibus, in sinistro Inguine; doloribus atrocissimis pungentibus & scissoriis (als wann sie mit tausend Messern geschnitten und geschnitten und gestochen ware)

conflictata fuerat misera. Quinque diebus ante partum obstructio perseveraverat, nec flatus loco dimoveri poterant. Lenimen à Cataplasmatibus senserit post partum, assumto etiam Spermate ceti cum oculis cancri & tantillò croci, quod matrix statim à partueductâ secundinâ, occlusa lochia nulla dimisisset. Obstetrix referebat fœtum jam jam in lucem proditurum supremam epigastrici regionem adhuc occupasse, quo ipso de gemellis conjecturam firmare studebat.

Defunctæ autem die 21. April. *Aperitio* aliam rerum faciem detexit: *intentum* ad rupturamque usque, abdomen quando Chirurgus perforabat, quasi ex bombardâ explosio facta, in faciem secantis sordes ejaculatæ, fœtore pessimo totum conclave inficiebant. *Patet factâ Epigastrici regione cum Umbilicali, Corpus illud elatum & durum, colon* deprehensum, tantâ vi expansionis, ut incisi hujus intestini totidem lobi visceris alicujus grandioris viderentur, ipsumque nullâ vehementiâ manûs, comprimi posset: *Ubi amplissimum erat Colon*, filo tres partes ulnæ longo vix comprehendebatur. *Par corporis in Hypogastrio elati conditio*; siquidem Coli itidem portio erat; quæ in confinio intestini recti tota nigra atque sphacelata; atque ad contactum, cum intestinis vicinis quæ tabe suâ corripuerat, rumpebatur: Hæc sedes erat dolorum lancinantium, de quorum atrociâ toties conquesta fuerat: Hæc causa inquinamentorum in cavitate abdominis. *Superius Colon à Gangræna erat immune*: Ab hoc verò Hepar sede suâ erat exturbatum, & fermè inversum, ut Sima pars cum vesicula fellis in conspectum prius veniret, Gibbâ ad vertebra distortâ: *crepido*, quæ ad umbilicum vergete solet, coarctata & retrò inversa, cum suo fasso & suspensorio duas palmas à mucrone ensiformi recesserat. *Bilis in vesicula fluida satis*; Hepar ipsum sublividum & emarcidum: *Lien putris*, ad contactum diffluens. *Omentum* nusquam comparuit, neque ad incisâ Coli, aut ullum intestinum pinguedinis quidquam, qua & Renum fascia destituebatur: *Intestina tenuia* sedibus suis emota, à Colo oblecta, flatu distenta, & coluvie.

Uterus licet alter solum à partu dies abierat, in globum jam contractus in pelvi quiescebat, magnitudine capitis infantilis. *Fundi incisi crassities* erat duorum digitorum transversorum, tantâ è contra colli minoris tenuitate, ut calami anserini crassitiem non excederet. Intus per omnem superficiem *Placenta reliquæ* hærebant, quas tamen digito facile erat avellere: In collo ipso cruor hæsitabat. *Tubarum altera* erat alba, cujus orificium *finbrias*, quales *Swamerdan* voluit, *lacinosas* habebat: Hanc Tubam incidens *Striis albis* secundum longitudinem distinctam inveni, quales *Striæ in Uteri Gallinacei processu* extantiores: Stylum per eam adigens in cavitatem Uteri penetrare non valui. *Sinistra Tuba* erat sanguinolenta, Sphacelata parti coli subjacens; *hujus finbria lacertulos* sive carneos lobulos quales *Graafius* defendit, ostendebant. *Testes* oblongi, albi, plani, exsuccii, exilibus & paucis hydatidibus.

Usus ex Anatome à Partu difficili defunctæ.

1. Fallax gemellorum indicium, partes abdominis elatæ.
2. Fœmineus Sexus Colicis doloribus obnoxius, qui tamen Uterum semper causatur.
3. Quanta vis flatuum intra Colon.
4. A Gangræna dolor acutissimus scissariis.
5. Succus vitalis defectus, causa defectus pinguedinis.

464
6. Uteri post partum crassities diversaque in diversis partibus.

7. Lochiorum remora.

De Partu præternaturali, ac de Fætibus monstruosis in muliebri corpore sitis, curiosa plura videri possunt sub titulò Fætus. Item etiam alia non pauca in Bibliothecâ nostrâ Medico-Practicâ, sub titulò Partus.

P E D I C U L I

Vid.

P H T H I R I A S I S.

PEDUM MORBI.

Pedum Fætor.

PEDUM fætor est odor teter ac hircum olens, ex ipsorum poris expirans, & à miasmatis putridis obortus.

Hic affectus sæpe adeo pertinax est, & intolerabilis, ut eum adstantes ferre nequeant, unde in Actis Hafniensibus traditur historia fœminæ tam abominabilem fundentis pedum fætozem, ut nullus nisi bene odoratis probè munitus ipsi assidere valeat. Sæpissime autem occurrit in iis qui pedes suos negligentius muniunt linamentis ac soccis.

Paracelsus pro eo abigendo suadet varia arcana sudorifera, & in specie chelidonium calceis imponendum; nihil verò magis juvat quàm mundities, quando scilicet pedes semper novis muniuntur soccis. *Joh. Dolans in Encyclopediâ Chirurgicâ rationali*

Pedum Clavi.

Inter ea quæ corpori nostro molestiam adferre, aliquibus tamen flocci fieri solent, clavum in pede vulgus quoque numerat, sed perperam; Si enim error circa affectum huncce commissus fuerit, facillimè in gravissimum morbum evadet. Nobilissimum & egregium quendam Virum, & Serenissimi Principis Emanuelis Ducis Sabaudia &c. Consiliarium (quem de facie quoque hic Bernæ cognovi) eo extinctum fuisse, ex viris fide dignis habeo. Mihi simile quid in barbitonfore quodam videre contigit. Huic enim cum claviculam instar verrucæ, ex attritu forficis, in apice dextri pollicis procreata, excidisset, ille verò me absente, nescienteque nonnihil arsenici vulneri imposuisset, parum absuit, quin vitam cum morte commutaret. Quotiescunque igitur temerarii atque artis imperiti homines, clavum huncce, sive duritiem, ad carnem vivam excindunt, guttulamque unam aut alteram, (uti vulgus facere consuevit) olei vitrioli, aut aquæ fortis, vel nonnihil arsenici imponunt, exoriuntur dolores acutissimi, inflammationes, convulsionones, lipothymia, aliaque gravissima Symptomata, plerumque etiam sequitur mors, uti Consiliario Ducis Sabaudia accidisse ante dixi. Aliam itaque viam ac methodum excogitavi, quâ memetipsum, uxorem item meam, aliosque feliciter sanitati restitui, hunc in modum. Inprimis quia affectus ille propter attritum, & angustiam calceamentorum procedit, calcei angusti & ex corio duro parati, abrogandi; & ex corio tenello, uti est Hispanicum, quod *Maraquin* vocant, parandi sunt. Postea præparetur sequens balneum emolliens, pro pedibus.

R. Radicum althææ. Malvæ, Liliorum alborum, Scrophulariæ majoris an ʒj. Foliorum althææ, Malvæ, Violarum, Florum chamomillæ, Meliloti an. Mj. Sem. lini. Fœnigræci, Anethi, an. ʒj.

Incidantur, & contundantur omnia grosso modo, coquanturque in aqua, in qua pedes per duas horas post cœnam immergantur, & per horam integram macerentur. Linteis calidis absterfis pedibus, in lectum calidum se conferat æger, & superdormiat, sequenti, uti & tertio die, (semper tamen post cœnam) iteretur balneum. Sic satis emollitis claviculis, novaculâ totum illud quod induruit, abradendum, abscindendumque est, verum pedetentim, & superficie tenus, non autem à superficie ad centrum. Clavo sic ad radicem abscisso (quod sine dolore fit) emplastrum de cicuta, supra alutam tenuissimam extensum applicetur, fasciâque carbascâ ita ligetur, ut dies noctesque adhæreat. Ab initio quaternis diebus, postmodum verò singulis mensibus, saltem renovandum est emplastrum: per menses tamen multos, imò etiam per annum integrum emplastrum gerere convenit, idque sine ullò sit incommodò, ac molestiâ, maximò tamen cum fructû.

Clavorum Pedum certa cura

Clariss. Danielis Crugeri Miscell. Curios. Decur. iij. Ann. 7. & 8.

R. Spir. vitrioli veneris, & illinantur clavi optimè bis vel ter de die, quoties opus.

Post duodecim horas impone sequens emplastrum

℞ Gummi Galbani & Gummi Ammoniaci aa. ʒß. Solve in f. q. spir. vini, & inspissa. Adde, Euphorbii ʒß. Alumin. usti gr. 45. Viridis. æris. ʒiijß. Mercurii dulcis vulgaris ʒj. Olei Euphorbii & Cera aa. q. f.

M. F. Emplastrum, quòd post duodecim horas removeri potest, & cultello clavus eximi. Imò si magnus fuerit clavus, secundâ vice repeti potest.

Pedis distorti cura, ex Gulielmò Fabriciò Hildano.

Circa annum 1589. nobiliss. quædam gravida, Generoso ac Præstantissimo D. Sebastiano ab Atazwelt Domino in Wildenberg, Grotorff &c. nupta? cum quâdam die crepidis subere elevatis, incederet, & fortè fortuna vacillaret, haud parum commota atque perturbata fuit: nihilominus tamen fœtum ad constitutum tempus gestavit, & puellum progenuit: Huic pes (si rectè recordor) dexter ita distortus fuit, ut digiti malleolum interiorem, totusque verò pes suram versus reflecteretur: itaque cum incederet puer; non plantâ pedis, sed malleolo exteriori solum calcabat; ut ex sequenti figura videre licet. (*Vid. Tab. xx. fig. 1.*)

Multa quidem adhibita fuerunt medicamenta, etiam à præstantissimis Medicis & Chirurgis, sed frustra. Quum tertium annum ætatis prætergressus esset infans, & nulla amplius superesset spes restitutionis pedis, & Generosus Dom. parens de me audivisset, Coloniâ, ubi tunc artem meam exercebam, per literas me ad se vocavit, Anno 1592. & ut omnem diligentiam atque industriam circa puerum suum adhiberem, rogavit. Explorato optimèque considerato morbo, de restitutione pedis, ut ingenuè fatear, penè desperabam: omnia enim jam occalluerant. Cum verò auxilium à me afflagitarent parentes, curationem sequenti modo institui.

Primò, quia infans robustus & obesus erat, corpus ante omnia manna & syrupo rosato solutivo per intervalla purgavi, ne balneis & fomentationibus superfluos humores

Fig. 1.




Fig. 2.



Fig. 3.




Fig. 4.




Fig. 5.



Fig. 6.




Fig. 7.



humores ad partem affectam attraherem: Purgato corpore, sequens decoctum emolliens in decimum aut duodecimum diem usque, bis terve indie calidè applicui.

R. Rad. Altheæ, Malvæ an. $\frac{3}{4}$ lb. Herb. & flor. Betonicæ, Ivæ arthetica, Flor. Chamomillæ, Meliloti an. Mj. Sem. Lini, & Fœnigræci an. $\frac{3}{4}$ lb. Anisi, $\frac{3}{4}$ j.

Coquantur in decocto capitis & pedum vervecis, fiatque fomentum, quo bis in die ad semihoram usque pedem immerfi. Post fotum totam tibiam plantamque pedis sequenti oleo inunxi.

R. Ol. Liliorum alborum, ol. Amygdalarum dulcium, an. $\frac{3}{4}$ lb. Ol. Lumbricorum $\frac{3}{4}$ j. Ol. Granorum juniperi $\frac{3}{4}$ j. misceantur.

Postea sequens Emplastrum applicui.

R. Empl. de mucilaginis $\frac{3}{4}$ lb.

Gummi Amoniæ, in spiritu juniperino dissoluti & percolati, iterumque ad spissitudinem cocti $\frac{3}{4}$ j. Cera novæ $\frac{3}{4}$ lb. Ol. de vitellis ovorum $\frac{3}{4}$ j.

Dissolvantur lentissimo igne, deinde admisce

Pulv. florum betonicæ, Ivæ arthetica, Rosarum rubearum an. $\frac{3}{4}$ j. Croci, Pulv. Lumbricorum terrestrium. Masticis, Olibani an. $\frac{3}{4}$ j. Misce & fiat secundum artem Ceratum, addendo parum olei rosacei, si opus fuerit. Emplastrum hoc mirum in modum emollit, & partes nervosas corroborat.

Sic satis emollito pede, ab usu emollientium discessi, & corroborantia, de quibus postea, applicui.

Interim autem dum emollientibus utebar, serperastrum ad affectum huncce accommodatissimum inveni, & ipsemet specimen ex tenuissima lamina ferrea, charta & ligno concinnavi: quod postea in arce Gotorff per ferrarium ex ferro fabricatum fuit, eodem modo ut infra depictum est.

Porrò etiamsi pes mirum in modum distortus esset, ut ex præcedenti figura videre licet: post usum tamen emollientium, facile veluti in formam naturalem reduci potuit, idque sine dolore, sed remotâ manu protinus in pristinam formam monstrosam revertebatur.

Quotiescunque autem pedem (quod diligenter observandum) extendebam, & in formam naturalem reponerebam, sinus magnus inter malleolum interiozem & plantam pedis, percipiebatur. Processus enim inferioris appendicis ossis tibiæ, qui malleolum internum constituit, quia à longo tempore ossi calcis incubuerat, depressus erat, & ab osse calcis distabat. Processus verò fibulæ, qui malleolum exteriorem facit, præter naturæ ordinem prominebat, totumque pedem introrsum detorquebat.

Ut igitur pes in situm suum ac formam naturalem reduci posset, necesse fuit, ut prominentia fibulæ deprimeretur, defectus verò processus appendicis ossis tibiæ aliquantum prolongaretur. Illud arte & industria, hoc verò naturæ beneficio factum fuit. Cæterum naturam mirando quodam modo in conservando sui individuo sollicitam esse, exemplum ad oculos in Museo meo demonstrare possum: Habeo enim Sceleton Caponis, in quo miranda Creatoris providentia observatur: Quandoquidem femur sinistrum, cum in transversum fractum, & extremitas una ossis fracti, super alteram callo quàm firmissimè annexa fuisset, & proinde crus illud altero brevius evasisset, provida ac prudens natura, os tibiæ ejusdem cruris tantum longius creavit dextro, quantum femur sinistrum brevius est dextro: ita ut nulla relicta sit inæqualitas aut deformitas. Hæc si in brutis fiunt, cur non & in pueris, interim dum accrescunt: præsertim si optimo corporis habitu sint præditi, & vivaces fuerint, qualis erat Generosus hic noster æger. Sed ut ad institutum redeam, sic satis emollito pede, de reliquis cogitandum fuit. Primum itaque pedem totumque

crus succo lumbricorum, aquâ betonicæ, ivæ arthetica, salviæ, & juniperi mixto, inunxi, & sequens Emplastrum, quod mirum in modum corroborat, applicui.

Æ. Emplast. Slotani $\frac{3}{4}$ j. Gummi Elemi putissimi, Cera novæ an. $\frac{3}{4}$ j. Pulv. Masticis, Olibani pulv. lumbricorum, aquâ communi lotorum & exsiccatorum an. $\frac{3}{4}$ j. Rosarum rubearum, Balaustiorum, Nucum cupressi an. $\frac{3}{4}$ j. Cum s. q. olei lumbricorum fiat Cerotum, quod supra alutam extendatur, applicetur, & renovetur, de sexto in sextum diem. Postea in formam naturalem reposito pede, quod, ut antea dixi, facile & sine dolore fieri potuit, sequens instrumentum. (Vid. Tab. XX. fig. 2. a. & b.) Peditam concinnè adaptavi, ut pes in pristinam formam præternaturalem recedere non potuerit, nisi fortè fortuna fasciæ ac vincula laxarentur.

Tab. XX.

Fig. 2. 3.

Declaratio Figurarum.

2. a. & 2. b. Tab. XX.

In primâ figurâ interna facies instrumenti adumbratur: Eam præsertim ob causam, ut reflexura laminæ A. A. in conspectum veniat: hujus reflexura enim, quæ in secunda figura β D. insignita est, beneficio, planta pedis introrsum, & versus malleolum internum reflexa, ex tela facta, instrumento diligenter annectatur, ne loco suo recedere possit. Id verò ut commodius fiat, ferula lignea stupis, & tela involuta interiori parte tibiæ apponenda, & unâ cum fasciâ & loramentiis vincienda & liganda est, ut ex sequenti figura apparet. (Vid. Tab. xx. fig. 3.)

Tab. XX.

Fig. 3.

Porrò instrumento undique firmiter annexo, si forsân aliquando circa talum, & plantam pedis relaxatum fuerit, beneficio torcularis, in secunda & tertia figura B. notati, in altum facile retrahi potuit: quàm rarissimè enim loramenta, fascias, cæteraque omnia solvere conveniebat; quin potius summa diligentia adhibenda erat, ut pes immobilis maneret. Genu verò quod attinet, id beneficio flexuræ, in tribus figuris G. notatæ facile movebatur.

Hoc modo rectè ac firmiter ligato pede, prominentia illa fibulæ depressa, aut saltem ne excreceret, impedita fuit. Processus verò inferioris appendicis ossis tibiæ, quum locus vacuus esset, excrecere, paulatimque sinum illum circa malleolum internum implere potuit. Hoc modò deformitas pedis omnino castigata, emendataque fuit, & ita quidem, ut inter deambulandum hujus deformitatis nullum amplius vestigium appareret, quemadmodum ego ipsemet Ann. 1617. ex Hassia rediens, & Moguntia, ubi tunc temporis Canonicus erat, hisce meis vidi oculis.

Longum autem tempus, summamque diligentiam hujusmodi curationes requirunt. Vi enim nihil efficitur, sed est naturæ opus, quæ deformitatem illam corrigit, si ars & industria Medici accesserit. Idque ego in prædicto Generoso ægro expertus sum. Sed affectus jam inveteratus & deploratus erat: quapropter instrumento præfigurato per integrum annum, & ulterius in ipso usus sum. Postea serperastrum eodem modo fabricatum, ut ante annum speciem simul & delineationem ad T. Excel. misi, apposui, quo & per annos aliquot sine ullo incommodo usus fuit. Quia verò pueri crescunt, instrumentum contrâ in eodem tenore permanet, ideò quotiescunque res postulat, illud renovandum est. Quod

Quod autem à prioribus Medicis, quamvis expertis, restitutus non fuerit, non ratione medicamentorum, quæ ex arte præscripta & adhibita fuerant, sed defectu serperastrorum accidit: quamobrem in huiusmodi affectibus necesse est, ut Medicus toto ingenio ad inventionem instrumentorum incumbat, citra quæ omnia frustra adhibentur medicamenta, quamvis optima.

In pueris verò nuper natis, si distortio aliqua pedum fuerit, non usque adeò difficilis est curatio, dummodo serperastra commoda adaptata fuerint. Vidi id Anno 1621. in nobilis Viri Dom. Benedicti Doube Moratensis puero, qui cum distortis & veluti monstruosis pedibus natus esset, non diu post ipsum Bernam mihi adduxerunt, ubi spatio octo vel decem mensium per Dei gratiam, feliciter à me restitutus fuit. In hoc autem puero nullum emolliens applicui, quandoquidem omnia adhuc lubrica erant. Corroborantibus itaque antea commemoratis, curationem incœpi, & absolvi, sequenti tamen adaptato & appposito serperastro, ex lamina ærea, non usque adeò spissa, tam concinnè fabricato, ut pedem secundum naturam dispositum ferè repræsentaret, quemadmodum ex sequenti figura apparet. Prius autem prædictis aquis tepidis cura innotavi, atque imbui, & Emplastrum corroborans malleolis applicui. Postea fasciis ex carbaso paratis, pedes & tibiae ad genua usque involvi, tandemque, ne pedes inter ungendum & fasciâ ligandum in formam naturalem repositi, ex loco recederent, serperastra hîc depicta apposui. (*Vid. Tab. XX. fig. 4.*)

A. A. Laminæ sunt ex ære, ad imitationem & formam pedis secundum naturam se habentis, fabricatæ.

B. B. Aluta est in mediò, cui Laminæ annexæ sunt, ne videlicet loco suo amoveantur, neque calcaneus simul, uti & maximus ille tendo, qui calcaneo inferitur, comprimatur.

Pedes præterea, ut & aliæ partes, obnoxii sunt Fracturis, Luxationibus, Tumoribus, Vulneribus, Ulceribus, Combustionibus &c. De quibus omnibus vid. sub propriis titulis.

PENIS MORBI.

Penis sive virile membrum nexu validissimo ossium pubis medio alligatur; figuræ est oblongo rotundæ, inferiùs paululum depressæ. A communibus denudatus integumentis partes ejus reteguntur propriæ, musculorum scilicet paria duo, quorum primum ab ossis ischii tubere atque margine erumpens, & in validam nervorum, seu spongiosorum ac cellulosorum corporum membranam procurrens, ibidemque delitescens, attrahens non immeritò dicitur. Alterum quod à sphincteris quibusdam fasciculis oriundum, ac super urethram progressum, eam undique quasi complectitur, & in præmemorata tandem abiens membranam, ibidem terminatur, compressoris nomine non malè insignitur. Tertium quandoque sed rarò, additur, quod è situ transversò nomen habet: A coxendicis apophysi parum infra primos penis musculos erumpens, inter sphincterem musculosque comprimèntes urethræ basi inferitur. Præter musculos descriptos, inter partes proprias aliquo modo recenseri meretur præputium, scilicet non unice ex tegumentis conflatur communibus iisque laxioribus; sed multis præterea musculosis fasciculis donatur, quibus nervosis corporibus interiùs annectitur, & figulo seu potius ligamentaceo-tendinea membrana glandi affigitur, quæ nihil cum prædictis tegumentis habet commune. At verò propriæ specialius sunt peni aliæ partes, duo nimirum corpora nervosa, propter fibras nervosas, & quasi argenteas innumeras, sic proculdubio dicta, quamvis à recentioribus commodius, ac magis ex eorundem fabrica, spongiosa & cellulosa nuncupentur.

Per spatium illis intermedium inferiùs decurrit urethra, seu canalis è collo vesicæ in extremum usque penem pro urinæ ac seminis emissionem prolongatus, quæ itidem præter tunicas à vesica urinariâ desumptas, corpore exteriùs vestitur spongioso sibi proprio. Atque pauca hæc satis pro penis descriptione, quam fusiùs explicatam videre licet in Bibliothecæ nostræ Anatomicae Parte 1. Morbos quod attinet, illi sunt multiplices, Distortio scil. seu Nodus verpi, Inflammatio, Inflatio, Verruca & Excrecentiæ, Apostema, Tumor frigidus, Ulcera, Pruritus, Ganglium, Phimosis, Paraphimosis, Retractio, Longitudo immodica, Brevitas, Hydrops, Hæmorrhagia, Vulnere, Gangrana, & Cancer. Hos omnes ordine hîc verbo persequemur.

Distortio, seu Nodus Virga.

Hic affectus illis accidit qui veneri nimis indulgent, & diu distento sunt genitali: Tum enim spiritus in ligamentis, seu corporibus spongiosis, conclusus, in aliquam alterius ligamenti partem impetum faciens, eam relaxat, & fabæ, vel glandulæ instar, eam protuberare facit: quo fit, ut quantum latitudini assuetæ partis adjicitur, tantum longitudini detrahatur. Curatur, abstinentiâ à venere, & illis quæ curandæ Herniæ inserviunt. Emollientia fugienda; Prodest fons ex vino austero, in quo nuges pinî & cupressi, rosæ rubræ, myrtilli, balauistia &c. fuerint decocta. *Johan. Jonstonus in Syntagmate Medico.*

Inflammatio & Inflatio.

Illæ, ut plurimum, ex impuro oriuntur concubitu, aut sunt ejusdem cum aliis inflammationibus naturæ, nec propterea particularem expetunt curationem.

Verruca & Excrecentia.

Illæ vel in summo glandis assurgunt, vel ad ejusdem basin sub præputio latitant. De primis in fungum cancriformem degeneratis, vide suprà capite de Cancro observationem è Gulielmo Fabricio Hildano. De aliis verò vide quæ capite de Lue Venereâ attulimus.

Apostema Virga.

Non alia ratione is curatur, quàm alia apostemata, seu tumores calidi abscedentes, de quibus capite de Inflammatione.

Tumor frigidus.

Vix alius is est quàm qui ab Hydroke pendet, illum itaque consultò hîc omittimus.

Pruritus Virga.

Pruritus ex falsis ac acerbis humoribus in penem effusus, eadem prorsus ratione quàm in aliis corporis partibus oritur. Ille mitigari potest cataplasmate ex acerosâ, fumariâ, rosæ rubris, & radice bryoniæ, aqua cum paucò aceto rosaceo incoctis. Vel potius fortè ex aquâ phagedænicâ, paucissimò mercurio sublimato imprægnatâ; aut litu ex unguento rosaceo admistâ mercurii præcipitati particulâ. Uno verbo, iis omnibus quæ in aliarum corporis partium pruritibus conferunt.

Ulceræ Penis.

Illæ, vel sunt simplicia, quæ commode satis curantur medicamentis capite de ulceribus proponendis; vel maligna, quæ scilicet, vel venereum quid tedolent, quorumque cura capite de Lue Venereâ affertur, vel ad canceri naturam accedunt, de quibus tum

infra, sed præcipue capite de Cancro, sub litera C. Sufficiat hîc in genere dixisse, in iis omnibus penis ulceribus, quæ cancræ non sunt, proficua fore tum præcipitatum rubrum ac album, tum alia de quibus mox in pruritû. De Urethræ ulcere, indeque entra Caruncula, suo loco.

Ganglium Virgæ.

De eo mentionem facit Forestus lib. 26. Obs. 8. dicitque duritie fuisse prope scirrhusa, glandemque, ac etiam ipsius priapi dorsum ex parte occupasse. Quid autem in causâ fuerit, cur ejusmodi tumorem ganglion nuncupaverit, non videmus; quandoquidem illud tantum in partibus assurgit tendineis, fibrarumque tendinearum quædam quasi corrugatio ac crispatio vulgò creditur, ut proprio videre est loco, scilicet capite de Atheromate. Conducibilis itaque nobis videtur Virgæ Ganglium præmemoratum ad tumores reducere schirrosos, in cancræ faciliè abientes; de quibus propriis locis.

Phimosis & Paraphimosis.

Phimosis nihil aliud est quam præputii circa glandem penis constrictio, unde illud retrahi, atque hæc pars nudari nequeat, quò sit ut seminis, imò etiam quandoque & ipsius urinæ emissio non parum impediatur. Paraphimosis autem, priori contrarius affectus, est denudatio perpetua glandis, propter decurtatum, aut per inflammationem ex lue, violentiori coitu, aliaque de causa, retractum præputium. Ambo hi affectus ut plurimum à virulentia oriuntur venerea partes genitales inflammante, ac in glande excoriations pariente, quibus præputium adnascatur; At præterea ab humorum acriorum, nullo tamen veneno gallico infectorum, in easdem partes decubitu, procreari queunt. Sic sæpius vidimus infantes alterutro horum morborum afflicti, in quos cadere non poterat aliqua luis suspicio.

Si affectus fuerit venereus, illi occurrendum erit foribus variis emollientibus ac discutientibus, ut & remediis, de quibus capite de Lue Venerea, ubi scilicet de variis morbi symptomatibus dictum. Si simplex fuerit nec à veneno venereo originem trahat; forib. ac litibus tractetur. Imò, aliis non proficientibus, in Phimosi, ad incisionem præputii, per totam glandis in parte superiori longitudinem deveniatur; separatoque etiam, post prædictam incisionem, per ferrum, si opus sit, à glande præputio, nova præpediatur adnascencia per interjectam plumbeam lamellam, vel telam utrinque emplastro de Vigo cum mercurio imbutam, ulcusque digerentibus, detergentibus ac cicatrificantibus ex methodo curetur: non neglectis interim auxiliis interioribus; purgantibus scilicet, variisque anodynis, & humorum acrimoniam temperantibus ac diluentibus: Quibus omnibus præmittendæ, aut intercalandæ venæsectiones necessariæ. Atque hæc in genere satis, de iisdem nimirum in sequentibus fusiùs ex variis Autoribus dicendum veniet.

Retractio Penis.

Hæc quandoque tanta est ut virga in imo ventre funerata videatur (ut verbis satyrici utar) ac potissimum accidit obesioribus, ac senio confectis. Non tamen ab illa etiam sunt immunes viri aliàs vegeti, sed rarior ipsis est affectus: Oriri autem illa videretur à crispatione & corrugatione universali fibrarum cellulas corporum cavernosorum penis circumcingentium, unde illa, quasi spongia manu compressa densantur & in minimam contrahuntur molem. Curam quod spectat,

non video qualis illa futura sit, nisi affectus à meru sit procreatus, ut aliquando evenit, tunc enim annota causa, fugatur morbus.

Longitudo penis immodica, & ejusdem brevitatis.

De iis variæ sunt historiæ, nosque ipsi aliquando vidimus tantam verpi longitudinem, ut ne mulieri vir sic esset omnino molestus, ille ad radicem pulvillis muniri debuerit, qui introductionem integram in coitu præpedientes, illum quasi decurtarent. Brevitas nimia, eaque naturalis nulla arte curari potest.

Hydrops penis.

Ille ut plurimum sequitur abdominis hydropem ac propterea specialem non exquirat tractationem.

Dolor, Hæmorrhagia, Vulnera, Gangræna, ut & etiam Glans imperforatâ ac Cancer, propriis explicantur capitibus, ac propterea iisdem hîc aliàs quam per observationes enarrandis, superfedebimus. Unicum hîc adjiciendum venit: scilicet.

Operatio Aurelii Cornelii Celsi in Recutitis.

Si glans nuda est; vultque eam aliquis decoris causa tegere, fieri potest, sed expeditius in puerò, quam in virò; in eò cui id naturale est, quam in eò, qui quorundam gentium more, circumcisis est; in eò cui, glans parva, juxtaque eam cutis, speciosior verò ipse coles est, quam in quò contraria his sunt. Curatio autem eorum quibus id naturale est; ejusmodi est. Cutis circa glandem apprehenditur & extenditur, donec illam ipsam condât, ibique deligatur. Deinde juxta pubem in orbem tergo inciditur; donec coles nudetur: magnâque curâ cavetur, ne vel urinæ iter, vel venæ, quæ ibi sunt, incidentur. Hoc facto, cutis ad vinculum inclinatur, nudaturque circa pubem velut circulus, eoque linamenta dantur, ut caro increseat, & id impleat, satisque velamenti supra latitudo plagæ præstat. Sed, donec cicatrix sit, vinctum esse id debet, in mediò tantum relicto exiguo urinæ itinere. At in eò qui circumcisis est, sub circulo glandis scalpello diducenda cutis ab interiore cole est. Non ita dolet, quia summò soluto, deduci deorsum usque ad pubem manu potest. Neque idè sanguis profluit. Resoluta autem cutis, rursus extenditur ultra glandem. Tum multâ frigidâ aquâ fovetur, emplastrumque circa datur, quod valentem inflammationem reprimat, proximisque diebus, ut propè à fame victus est, ne fortè eam partem satietas excitet: Ubi jam sine inflammatione est, deligari debet à pube usque circulum. Super glandem autem adversò emplastro imposito, induci. Sic enim fit, ut Inferior pars glutinetur: superior ita sanescat, ne inhæreat.

De Penis Hæmorrhagiâ, Vulneribus, Ulceribus, Gangræna & Cancro; vid. sub propriis titulis. De Glande imperforatâ. in specie vide sub titulo imperforati. Antequam autem ad Consultationes & Observationes aliquot pergamus: Jam Curam & Operationes in Phymosi & Paraphimosi adhibendas ac exercendas; è Præclariss. Antoniò Nuckiò præmittemus. Sic itaque Ille,

De Phimosi.

Phimosis est quando præputiò arctè aded obtegitur glans, ut denudari nequeat. Ortum communiter ducit ex malâ in utero formatione, vel ex variis glandis tumoribus, præputium lædentibus.

Præter

Præter interna medicamenta, & speciatim diaphoretica, solis externis cura non raro peragitur. In id nunquam maximè incumbendum esse censimus, ut viscidæ particule incidantur, acres demulceantur & involvantur, stagnantes pristinae circulationi restituantur, sicque obstructionum repagula removeantur. Id quod Balsamicis, Volatilibus oleosis, & spirituosius peragitur. Eum in finem *Balsam. Peruvian.* vel *Unguent. Nervin.* Præputio externe illinatur: Vel *Spiritu Vin. Camphur.* aut *Aq. Matricar.* cum *Aq. Sambuci* penis cum Præputio calidè foveatur. Convenit quoque *Lac calidum* cum *Floribus Chamom.* coctum. Uti etiam Fetus ex *Herb. Rorismar. Major. Salv. Flor. Chamom. Sambuc. Milior.* &c. compositi. Verùm ubi Luem Veneream originis suæ parentem agnoscit, morbus ille respiciendus erit.

Si verò ex utero malum hocce sibi contraxit patiens, medicamenta modo præscripta vix aliquid levamini afferre poterunt, ideòque unicè ad Chirurgiam hac methodo instituendam, confugiendum.

Primum à latere frenuli rectilinea incisio instituitur, vel major, vel minor, prout Præputium magis minùsve contractum, ægrique ætas varia fuerit.

Priusquam Incisio peragitur medicamentum aliquod stypticum ad manus esse debet, ut Præputii vasa, in ipsa Operatione resecta eo constringantur.

Factà jam Incisione, relaxatum hoc modo Præputium, vel suâ sponte vel digitorum ope retrocedere incipit: tum verò sæpius de die reducendum, ut pro lubitu sursum aut deorsum moveri possit.

Veteres aliter procedentes, Præputium in anteriorem partem attrahebant, hamulique tribus quatuorve illud extendendo aperiebant, ut cutis hac methodo relaxata retrorsum propelli posset; quem tamen procedendi modum, ut dolorificum valde, minus probamus.

Aliquando frænum nimis contractum & breve, hunc affectum producit: Tum verò præmissis emollientibus externè adhibendis, solâ fræni Incisione restituitur. Notandum tamen, rectius partem fræni, quæ Præputio, quàm glandi iungitur, incidi; quo enim glandi vicinior Incisio instituitur, eò periculosior hæmorrhagia metuenda.

De Paraphimosis.

Paraphimosis est cum ita retractum & contractum est Præputium, ut glandem denudatam tegere nequeat. Oritur autem vel à nimia penis distensione, inflatione, vel à mala hujus partis conformatione.

Malum si recens fuerit; cura externis medicamentis ordinariè absolvitur. E. g.

℞. Spir. Matricar. Aq. Recin. Hung. a. a. ℥j. Malv. Caphurat. ℥iv. F. Fetus Calidè admoventus.

Fetus quoque vel Cataplasmata, ex Herbis Aromaticis sale volatili scatentibus parata, externè calidè applicanda.

Si ab ipsa nativitate pars hæc malè fuerit formata, frustra medicamenta admoventur.

Imò quicumque Encheiresi Chirurgicâ affectum hunc curare conantur, laterem lavant; factis namque tribus quatuorve (ut solent) Incisionibus Præputium tamen, ut glandem tegat, attrahere non valebunt.

Consultationes.

De Φιμωσει.

Filio H. M. Consulis contigit affectus qui Græcis *Φιμωσις* dicitur. A causâ procacitica fuit. Nam cum pruritui satisfacere volens partem defricaret, ulcusculum

contigit. Neglectum verò, diuturnitate cicatricem calumque contraxit. Hinc restrictâ, coactâque cuti, glans detegi non potest. De eâ affectione ita strictim dicendum, *Φιμωσις* & *Περίφιμωσις*, indifferenter & ad viros & ad mulieres pertinet. Id aut casu, aut naturâ contingit. Si in viris glans non detegitur, sed præputium undique ferè coalescit, *Φιμωσις* dicitur. Si ita glans denudata, deductio retrorsum præputiò ut tegi nequeat *Περίφιμωσις* dicitur. Quanquam & *Φιμωσις* Manardo vocatur. In mulieribus aliquando sinus pudoris ostiolum non est perforatum, & si id à naturâ est, *ἡ γυνὴ ἀτρέφει* dicitur Imperforatas Avicennæ interpret vocat. Si verò casu evenierit, in muliere quoque *Φιμωσις* appellatur. Barbari id vitii capistationem vocant. Et cum naturalis est meatuum præclusio *Φιμωσις* nomine donatur; quacunque id corporis parte eveniat. Sed, καὶ ἐξ ὀχλῆν de præputio dicitur. Porro *Περίφιμωσις* etymon est *Φιμωσις*; *Φιμωσις* autem significat nexum summi oris perarum & sacculorum, cum toto superiore ejus ambitu in angustum collecto funiculo reliquantur. Guido Cauliacus præputii clausuram vocat. Paulus Ægineta omnium plenissime egit, atque ad *Φιμωσις* in mulieribus laudat infessus emollientes ex hydræleo, & decoctò fenigr. item catapl. instituit. In viris sæpe fit, aut ob cicatricem quæ in præputio concrevit, aut ex carnis incrementò unde coalitus secutus fuerit. In hoc adolescentis suspicio magna fuit ulceris, quanquam & à naturâ visa est hæc pars aliquantùm imminuta. Ad finem glandis ulcus erat *ἰχθυώδες*. Detersum est & curatum. Tandem spongiæ sunt inditæ angusto meatui, ut is magis pateret. Parum profectum est. Cogitabatur de amputatione, aut incisione rectâ præputii flaccidioris & oblongioris. Res in aliud tempus dilata est. Nil molestiarum afferebat, at metus erat ne non corrumpere virginem posset. Nec id abs re, angustus enim valde meatus est. Dum hæc agitantur, occurrerunt duo eandem *Φιμωσις* gestantes qui in palæstrâ venereâ se non minùs strenuos & aptos, quàm reliquos affirmarent. Et alter jam quinos liberos ex uxore susceperat. *Gulielm. Ballon. Consilior. Medicinal. lib. 2.*

De Paraphimosis.

Vir erat annos natus sexaginta paraphimosin in balanò habens, dubitabatur an à lue, an à nimio conatu, an ob fluorem muliebrem uxoris: malignum quid phlogosis & tumor & replicatio præputii præ se ferebat.

Consultum ut corpus diligenter purgaretur, aut opiatâ laxativâ, aut solenni syrupò.

Phlebotomia brachii, imò malleolorum si phlogosis gliscat.

Balneum, litus, & prægrediens fetus mollis ad partem.

Ulus radicis *sassafras*, aut *scynæ* additis *santalidis*, ob intemperiem hominis, in potu, & post opiatam convenientem cardiacam injectio detergens, & parum emolliens, inter balanum & præputium.

Emplastrum de mucilaginis cum paucò Neapolitano. Imò pilulæ mercuriales valebunt; & levis sectio malo rebellante, *Idem Consiliorum lib. 3.*

Observationes.

De præputio monstroso ejusque abscissione.

Juveni cuidam viginti duorum annorum ætatis, ab ipsa nativitate præputium præter modum naturalem, & nonnihil monstrosè propendebat. Ita enim versus anteriorem partem contortum erat, ut effluente urina, ipsa sursum versus abdomen efflueret. Hinc vesicam commodè, & sine madefactione vestimentorum nunquam exonerare potuit, nisi solutis ligulis ad latrinas sese conferret. Etsi autem pars illa præputii, ut postea ex delineatione videbis, non simplex esset mem-

membrana, ut est præputium secundum naturam formatum, sed potius substantia quædam carnosæ, effluens tamen urina sub ipso præputio retinebatur, ipsumque usque ad mediam partem penis mirum in modum extendebat. Propter contorsionem enim & complicationem præputii, lotium per se omnino effluere non potuit, nisi digitis diu emulsa glande atque præputio; propter continuam hanc emulsionem urinæ, & contrectationem glandis membrum virile magnitudinem naturalem multum excedebat. Porro victus ratione, purgationibus, & venæ sectione ad operationem bene preparato corpore, ægri in dorsum collocavi, & instrumento castratore à Chirurgis dicto, apprehenso & constricto præputio, ipsum juxta glandem abscidi. Deinde pulverem, reliquaque, quæ ad cohibendam hæmorrhagiam necessaria, postea digestivum, & quæ cicatricem inducunt, applicui. Ne autem præputium intempestivè, & præter modum contraheretur, fistulæ plumbeam imposui. Sic Divino aspirante Numine feliciter curatus fuit. Verum id notandum est, me nulla arte aut industria præputium retro glandem retrahere, ipsiusque coalitionem impedire potuisse, quod quidem propter carnosam illam substantiam, de qua antea dixi, accidisse certum est. Urina tamen nunc absque ullo impedimento, & copiosè & rectè effluit: nec dubito, quin sperma idem facturum sit, cum ad matrimonium pervenerit, etiamsi balanus à præputio detegi minimè possit.

Nota) quod nulla arte aut industria præputium retro glandem retrahere, ipsiusque coalitionem impedire potui; Ea de causa quod eger in prima operatione consentire noluit, ut superfluum omne abscinderem, glandis enim læsionem supra modum timebat: pars itaque superflua ita ex anteriore parte glandis coaluit, ut nullum ferè foramen pro evacuatione urinæ, restaret. Quapropter cum iterum ad me venisset: de præputio particulam ad pollicis latitudinem feliciter abscidi. Hinc præputium adeò retractum fuit, ut amplius glandem obtegere non posset, nullum tamen incommodum inde perferit, & nunc in matrimonio satis commodè vivit. *Gulielm. Fabricius Hildan. Obs. Chir. Cent. 4.*

De Penis abscissione.

In bello inter Ducem Sabaudia & Genevenses, cuiusdam militi in velitatione membrum virile ictu sclopeti ablatum fuit. Genevam diductus à Dn. Johanne Griffonio, Chirurgus longè celeberrimo, feliciter sanitati restitutus fuit, sed in isto viro hæmorrhagia non usque adeò magna sequuta fuerat; alioquin propter profusionem sanguinis, hujusmodi operationes periculosas esse, exempla non desunt; sed nunc ea addere, tempus & occupationes non permittunt. *Gulielm. Fabric. Hildan. Observ. Chir. Cent. 3.*

De periculosa membri virilis abscissione.

Præcedenti observatione de felici successu abscissionis membri virilis egimus. Nunc verò periculosas esse ejusmodi operationes, si minus rectè administrantur, duabus subsequenter historiis planum faciemus.

Anno 1581. cum rusticus quidam à Filtin, à la Marche Gallia civitatem, penus sibi comparandi gratia profectus fuisset, & crumenam ponderosam collo appensam gestasset, à manticulario quodam exploratus erat, qui cum de modo crumenam illam abscindendi deliberasset, id imprimis notavit, quod corpore antrorsum inclinato, crumena in caligas propenderet, eadè verò corpore rursus erecto, denuò sursum versus regionem umbilici retraheretur. Hec cum manticularius

probè observasset, ac rusticum ante officinam quandam merces perlustrantem conspexisset, clam accedit, & per fissuram caligarum manu crumenam & membrum virile apprehensum, simul & semel abscidit. Miser verò ille rusticus in terram procidens, illicò animam efflavit. Historiam hanc ex ore Humberti lePage, civis Lausannensis, viri pii ac fide digni, compatri mei plurimum honorandi, hujusque rei testis ocularis, excepi.

Anno 1582. Cum quadragenarius quidam Hildana in patria mea, ulcere quodam færido ac maligno in ipso balano laboraret, in manus Chirurgi non usque adeò imperiti incidit. Is abscisso balano, nec pulveribus ad sanguinem sistendum validis, satis instructus, interim dum ferrum quoddam, quod primò illi in culina ad manus erat, calefaceret, tanta subsecuta hæmorrhagia, ut æger paucos post dies è vita discederet: ex tanta enim sanguinis profusione vires adeò debilitatæ fuerant, ut in integrum restitui amplius non potuerint. Ex quibus summam in abscissione membri virilis diligentiam, providentiamque adhibendam esse, tyrones facillè colligere possint. *Idem ibidem.*

De affectu quodam gravi præputii, & penis, ejusque curatione.

Quadragenarium quendam, Virum robustum, unum cum Clarissimo atque Doctissimo Viro, Dominò Ludovico Scharandeo Reipublicæ Solodurensis Helvetiorum Medico ordinario, curandum habui. Laboraverat illè à multis annis defluxione quadam humorum ad penem & præputium, quæ ipsum cum febre, rigore maximo, nausea, dolore capitis, & lumborum corripiebat, & præcipue post equitationem vehementem, aut excessum in computationibus. Tunc enim prius exortà febre, ut dixi, glandulæ in inguine dextro increverunt, mox quoque membrum virile & scrotum intumuerunt. Primis annis morbi sui, nonnisi bis aut ad summum ter in anno, à defluxione ista corripiebatur, nec usque adeò vehementer: purgato quoque corpore, secta item venâ in cubito, & applicato Medicamento aliquo discutiente, facillè cedebat malum. Progressu tamen temporis, morbus contumacior factus, frequentius ipsum invasit & difficilius curari potuit.

Nonnunquam enim talis durities in pene & præcipue in ipso præputio remansit, ut spatio duorum mensium, illud retro glandem retrahere non posset. Ubi corpus aliquoties expurgavimus, sudorem provocavimus, Topica veluti Cataplasma, unguenta, emplastra, & sacculos emollientes, resolventes & corroborantes applicuimus: tumor quidem & durities paulatim remiserunt, sed levissimo interveniente errore in victus ratione aut corporis agitatione, in eundem iterum incidit affectum.

Tandem An. 1619. cum tumor omnino evanuisset, nec durities amplius circa præputium adesset, delibatum fuit inter nos, ut semel in mense, aut de sexta in sextam hebdomade infusum sex granorum Croci Metallorum cum vino sumeret: & bis aut ter in anno venam brachii dextri incideret. Loco affecto sacculum adstringentem & corroborantem, ex radicibus tormentillæ, bistortæ, plantaginis, item ex balauistiis, nucibus cupressi, corticibus granatorum, rosis, & similibus, in aqua coctum, per menses multos calidè applicuimus, idque bis in die, mane videlicet, antequam lecto egressus fuisset per horam integram: Vesperì verò, postquam quieti se tradidisset, denuò sacculum imposuit, & per totam noctem, supra locum affectum reliquit. Ab initio per mensem integrum sine intermissione, singulis videlicet noctibus, usus est sacculo, postea verò per intervalla, hoc est, ter aut quater in hebdomade tantummodò, ipsum applicuit.

Hâc methodo & hisce remediis, non tamen omittâ optimâ victus ratione, difficilis ille affectus depulsus fuit. *Idem Centur. 5.*

Paraphimosis ex violento coitu, quomodo sanata.

Sponsus quidam Juvenis, haud ex obscura familia patriciorum Bernensium oriundus, viginti quatuor circiter annorum ætatis, cum Anno 1616. mense Januario prima nocte sponsam suam nimis arctè amplecteretur, nec unquam antea Venerem exercuisset, tanta cum violentia frænum ei abruptum & præputium retrorsum fuit detrusum, ut maximus dolor & intumefactio totius membri virilis, inde sequuta sit. Ab initio, morbum propter verecundiam celavit, tandem verò cum symptomata ingravescerent, me in consilium vocavit.

Primò itaque victus rationem tenuissimam & refrigerantem præscripsi: Deinde corpus cholagogis medicamentis expurgavi, & venam in brachio incidi, sanguinemque satis lautè extraxi: aderat enim maxima plethora. Regionem renum unguento refrigerante bis in die inungere jussi; loco verò affecto sequens Cataplasma applicui.

℞. Farinæ hordei ℥iv. Pulveris rosarum, Myrtillorum, an. ℥ii. Balauftiorum, Nucum cupressi, an. ℥i.

Coquantur in aqua rosacea & plantaginis, parumque aceti rosacei, fiatque Cataplasma, addendo vitellum unius ovi. Applicetur tepidè & bis in die. His per dies aliquot adhibitis remediis, cum dolores, qui ab initio acerbi & magni erant, remisissent, appetitus ad Venerem & erectio membri, ipsum aded vexavit, præcipuè noctu, ut tota curatio inde impediretur. Quotiescunque enim membrum virile erigebatur, præputium aded constringebat balanum ut mirum in modum inde auctus sit affectus.

Cum itaque hac de re anxius essem, jussi ut per dies aliquot consortium atque familiaritatem uxoris, imò ipsius præsentiam planè evitaret. Deinde corpus iterum cholagogis purgavi, & lumbos oleis sequentibus inungere jussi.

℞. Olei violacei, ex Nymphæa, Rosarum, an. ℥ss. hyoscyami per express. ℥ij. Caphuræ dissolutæ in aceto rosac. ℥i. Misceantur in mortario.

His ita peractis, post cœnam, cum dormitum iret, dosin Laudani exhibui: Melius ea nocte quievit, minorque membri vitilis fuit erectio.

Cum itaque aliquoties exhibitionem Laudani iterassem, inunctiones quin etiam lumborum & applicationem Cataplasmatum continuassem, tumor membri virilis brevi remisit, ut non diu post, præputium & detrorsum detrahère, & antrorsum reducere, balanumque obducere posset eger. Convaluit, & ab eo tempore liberos aliquot ex uxore sua recepit.

Admonitio ad Tyrones.

Vide atque etiam vide, Candide Lector, ne prædictum Cataplasma applices, si Paraphimosis ex impuro congressu cum scorto acciderit. Materia enim maligna ad interna viscera repelleretur: hinc maligna ulcera sequerentur, ut sequenti Observatione fusiùs dicam. *Idem ibidem.*

De Phimosi & Paraphimosi ex impuro coitu.

In præcedenti Observatione de Paraphimosi ex intempetivo, licito tamen & puro coitu orta egimus, nunc visum est etiam de Phimosi & Paraphimosi, propter

illicitum & impurum congressum cum meretrice nonnihil adscribere. Inter scortatores enim satis frequens est malum & ut plurimum difficulter sanatur, uti ego sæpius vidi. In congressu etenim isto illicito, nimirumque luxurioso, cum meatus totius corporis & præcipuè membri vitilis (quia porosum est, sint aperti) facillimè vaporem aliquem malignum & impurum (ex scorto, quod aut lue Venerea, aut fluxu mensium, vel fluxu albo, laborat aut paulo ante cum Vito aliquo Gonorrhœa virulenta laborante, rem habuit) ad se attrahit.

Hinc primò pruritus circa glandem & præputium, qui ab initio voluptatem aliquam adferre videtur, oritur: mox tamen incalcescente materia circa glandem & præputium inclusa & acriore facta, fit ex pruritu dolor, totumque membrum virile intumescit; hinc præputium aut ante balanum contrahitur, & ita, ut vix urina liberè perfluere possit, clauditur: aut retro glandem abducitur, ibique mirum in modum intumescit. Hoc malum Paraphimosi, illud Phimosi appellant Medici,

Sæpius quoque sequuntur ulcera virulenta & maligna in ipso balano, quæ difficulter sanantur, propter malignam qualitatem, quæ membro virili ex impuro coitu impressa fuit. Porro cum propter malignitatem ex scorto contractam & membro virili impressam, tum etiam propter copiam humorum ex sordido & impuro corpore, ad partem, uti dixi, porosam & laxam decumbentium, tantam sequutam fuisse putredinem, ut partem aliquam virgæ abscindere necesse fuerit, memini, idque præcipuè fit, si error in curatione committitur, quemadmodum postea dicam. Adderem exempla. Sed quia odiosum est, & similia quæ probus & fidelis Medicus veluti arcana penes se, ut docet Hippocrates in lege, continere debet divulgare, nomina suppressam, & potius quæ in curandis agnis observavi, in gratiam tyronum paucis adscribam.

Est autem morbus iste aut simplex, aut cum aliis gravioribus symptomatibus, veluti Gonorrhœa virulenta, lue Venerea, exulceratione & inflammatione conjunctus, (de dolore taceo, est enim veluti symptoma inseparabile) quæ omnia diligenter perpendenda, ne quicquam in curatione omittatur. Ante omnia autem corpus, cum pharmacis, tum venæ sectione à pravis humoribus expurgandum est. Novi Chirurgum quendam in Belgio, haud vulgarem, qui hujusmodi scortatoribus Phimosi & Paraphimosi laborantibus, statim ab initio infusum Stibii hyacinthini exhibebat. Quod in robustioribus & pituitosis corporibus non usque aded improbandum esse videtur; præcipuè si loco Stibii, Crocus Metallorum acciperetur; Non solum enim materiam peccantem evacuat, verum etiam provocando vomitum, à loco affecto revellit.

Verum in extenuatis & imbecillioribus corporibus, minime tutum Medicamentum sciunt Practici. Sed & diligenter perpendendum & proscribendum est, an scortum lue Venerea fuerit infectum, tunc enim à Croco isto Metallorum, quia violentia quadam, etiam ex remotissimis corporis partibus ad centrum corporis trahit, atque ab omnibus Medicamentis per vomitum cum violentia purgantibus, abstinendum est, ne materia peccans ex genitalibus ad hepar trahatur, & fiat ex particulari affectu universalis morbus, quod in aliquibus evenisse observavi. Præstat itaque uti ego semper maximo cum successu feci, corpus clementer & blandè expurgare, hunc in modum.

℞. Radicum Polypodii, Chicorii, Lapatii acuti, an. ℥i. Corticum interiorum radic. frangulæ, ℥iv. Herbar. Scabiosæ, Fumariæ, Agrimonie, Veronicæ, Cuscutæ, an. m. ℞. Trium florum cordialium, & Genistæ, an. p. j. Folior. senæ ℥i. Sem. anisi ℥ii.

Coquantur in lb. iij. aquæ, donec colatura redeat ad ℥x.

ad ℥x. In quibus infundantur & macerentur per noctem, Rhabarbari electi ℥iii. Turbith. gummosi, agarici recenter trochiscat. Florum Tartari an. ℥ss. Cinamomi electi, & Specier. diatrhod. abbat. an. ℥ii.

Expressioni forti, adde Syrupi rosar. solut. compositi cum Rhabarbaro, agarico & sena, Syrup. de cichor. cum rhabarb. an. ℥j.

Misce, fiat Potio pro tribus dosibus, alternis diebus in crepusculo matutino sumendis cum custodia.

Primo haustu purgato corpore, incidatur vena in brachio & extrahatur sanguis secundum virium tolerantiam & plethoræ magnitudinem. Post sectionem venæ sumantur reliqui haustus. Corpore clementer sic purgato, tam pharmacis, quam venæ sectione, sudor per dies aliquot movendus est, ut materia maligna à scorto contracta, si forsan jam per corpus diffusa fuerit, in halitum abire & per poros evacuari possit.

In hunc finem itaque.

℥. Theriac. opt. ℥ii. Cornu cervi usti & præpar. ℥i. Syrupi de succo limonum ℥ss. Cum s. q. aquæ Cardui benedicti fiat potiuncula.

Pro delicatioribus,

℥. Lap. Bezoardici occidentalis grana viii. Magisterii margaritar. ℥ii. Confect. Alkermes ℥i. Syr. de succo limonum, Aq. cinamomi sine vino destillatæ an. ℥ss. Aq. card. benedict. q. s. fiat potiuncula.

Aut paretur decoctum sudoriferum ex ligno Guajaci, radic. Chinæ, falsæ parillæ & similibus.

Loco affecto, nonnulli statim ab initio (quia inflammationem adesse vident) refrigerantia & repellentia, applicant, sed malè; Materiam enim virulentam & malignam ex impuro coitu contractam repellunt, & in ipsam partem secludunt, unde postea virulenta & maligna ulcera oriuntur. Cum itaque præcipuum symptoma, quod ægros molestante posset, sit dolor, ab ipso curatio incipienda est. Sequens itaque applico Cataplasma anodynum.

℥. Farinæ fabarum. Hordei, an. ℥ij. Sem. cydoniorum ℥i. Fœnigræci ℥ii. Pul. rosar. rubear. ℥ss. Croci ℥i.

Cum lacte vaccino fiat Cataplasma. Adde vitellos ovorum num 2. Applicetur calidè.

Totum membrum virile, nisi inflammationis vehementia obstiterit (inflammationibus enim oleum, ut docet Galenus, adversatur) sequenti oleo inungo.

℥. Ol. amygdal. dulcium recenter extracti, Ol. rosarum an. ℥i. Ol. de vitellis ovorum ℥ss. Misce.

Interim dum hæc adhibentur medicamenta, victus tenuissimus observandus est, à Baccho & libidinosis ac venereis cognitionibus omnino abstinendum, propter causas quas in præcedenti Observatione recensui.

Sed quia unica purgatio minime sufficit, in hoc tam contumacissimo malo, necesse est purgationem præscriptam reiterare.

Ego, non rarè extracto corticum Esulæ, in hoc affectu, uti quoque in Gonorrhœa virulenta & similibus affectibus, maximo cum fructu usus sum; Videtur enim facultate quadam singulari hæc expurgare posse partes: sedato dolore, si tumor circa glandem & præputium non cedit, ita ut præputium neque abduci neque reduci possit, fiat sequens Cataplasma:

℥. Farinæ fabarum, Lentium, Lolii, an. ℥i ss. Pulver. rosarum, Absynthii, Florum chamomil. Sambuci, an. ℥i ss.

Cum decocto florum betonicæ, chamomillæ, sambuci & rosarum fiat cataplasma, addendo vitellos ovorum num. duos. Applicetur calidè.

Hiscè remediis continuanda est curatio donec præputium, si Paraphimosis, in locum suum reduci: aut velut in Phimosis, adduci & balanus denudari possit. Atque hæc

est certa, vera, & securissima Phimosis & Paraphimosis, ex impuro coitu contractorum curatio.

Quod si adfuerint alia quoque symptomata, velut Gonorrhœa virulenta, aut ipsa lues Venerea. ulteriori curatione indigent, de quibus hæc agere instituti nostri non est.

De exulceratione tamen glandis & præputii, quam Cariem vocant, unum aut alterum verbum addam. Quotiescunque in Phimosis aut Paraphimosis ex impuro coitu contracta, frigida medicamenta applicantur, & materia illa maligna in partem affectam secluditur, tantam acrimoniam acquirit, ut inde maligna, putrida & virulenta ulcera, imò & nonnunquam Gangræna ipsa sequantur. In curatione horum ulcerum iterum non levem errorem committunt quamplurimi, dum aqua, ut vocant, forti, aqua item plantaginis, cum vitriolo, alumine, viridi æris, unguento Ægyptiaco, & similibus, ulcera abluunt, aliaque acria applicant: Hoc modo enim malum addunt malò.

Quandoquidem dolor, quem acribus illis medicamentis excitant, multos humores ex corpore ad locum affectum trahit: hinc inflammatio, aliaque symptomata omnia accrescunt indies: blandè igitur huiusmodi ulcera tractanda sunt, hunc in modum. Primò si sordida fuerint, abluantur sequenti decocto.

℥. Ligni Guajaci, ℥i. Radic. Chinæ, Vincetoxici, Angelicæ, an. ℥ss. Herbar. Scabiosæ, Fumariæ, Absynthii, Scordii an. p. ij. Rosar. rubear. m. j.

Coquantur in aqua ad consumptionem tertiæ partis, colatura servetur ad usum.

Si maiorem absterisionem volueris, adde aliquid mellis rosacei.

Ablatis ulceribus, soleo ab initio, dum dolor adhuc vehemens est, applicare unguentum ex Cera, Terebinthina, Gummi Elemi, cum oleo Amygdalarum dulcium, oleo de vitellis ovorum, & croco: postea Cataplasma anodynum suprâ descriptum.

Sedato dolore & satis digesto ulcere, pulvere præcipitato, quàm diligentissimè Spiritu vini rectificato, sæpiusque aquâ rosaceâ abluto, mundificanda sunt ulcera, aut insperso pulvere per se aut cum butyro recenti, vel unguento rosaceo mixto, & filamentis imposito. Mundificato ulcere, cicatrix inducenda est, unguento de Cerusa, de minio, de pômpholyge, aut sequenti Collyrio.

℥. Aquæ plantaginis, & Rosarum, an. ℥ii. Sem. cydoniorum contusi ℥ii.

Maneant in infusione horas quatuor. Colaturâ fortiter expressæ, adde Plumbi squamosi & subtiliss. triti, Antimonii crudi & diligenter pulverisati, Cornu Cervi usti, Cerusæ lotæ, Lapidis calaminaris, an. ℥ii. Corallorum præparator. ℥ss. Misceantur, & tepide cum linteis applicantur.

In Phimosis, ubi glans detegi non potest, prædictum decoctum, syringâ quotidie quater aut sexties inter præputium & glandem injiciendum, diligenterque pus abluendum est, omnibus quin etiam modis laborandû, ut dolor sedetur & intumefactio membri auferatur, quo ulcus præputii detegi & medicamenta ipsi imponi possint. Detegitur autem purgationibus iteratis, venesectione & applicatione Cataplasmatum, de quibus antea prolixè dictum. Detecto balano, ulcera si adfuerint, curanda sunt, superius præscriptis auxiliis, quibus si non sanantur ulcera, & lues Venereæ indicia adfuerint, propria ejus curatio adhibenda est. Idem ibidem.

De Paraphimosis infantium, & ejus curatione.

Non tantum sordidi scorraiores, propter gravissima delicta fornicationis, hoc malo, certissimo iræ Divinæ indicio, sæpius graviter corripuntur, in d & membrum virile aut partem ejus aliquando amittunt;

amittunt, verum etiam ipsi miseri infantes, imò adhuc lactantes, ab ipso immunes non sunt.

Accidit enim nonnunquam ex prava victus ratione Nutricis, ut humor acris ad genitalia infantis decumbat, ibique pruritus excitet. Mox propter confractionem genitalium & acrimoniam urinæ, confluunt humores circa balanum & præputium, qui ut plurimum flatulenti & pituitosi sunt.

Cum itaque penis sit pars corporis porosa & mollis, facillimè humorem istum excipit & quidem adeò copiose, ut mirum in modum extendatur præputium.

Nonnunquam quoque propter acrimoniam urinæ, inflammatio supervenit. Cæterum cum barbitonfores quosdam ineptissimos, infantulos hoc modo laborantes, scarificationibus profundis & applicationibus medicamentorum acrium, crudelissimè tractasse sciam, Christiana charitate commotus, placuit in gratiam ægrotum simul & tyronum hinc adscribere remedia, quibus ego multos infantulos, hoc malo laborantes, per Dei misericordiam feliciter sanitati restitui.

Primo Nutrici victus rationem, quæ tenuis sit & refrigerans: præscribo.

Deinde secundum humoris prædominantis naturam, ipsum expurgo, ut plurimum tamen sequenti potinacula.

℞. Rad. cichorii, Lapatii acuti, Polypodii, an. ʒi. Cortic. radic. frangulæ ʒii. Herb. scabiosæ, Veronicæ, Agrimonie, an. p. i. Flor. cordialium an. p. ʒ. Fol. senæ, & Sem. anisi, an. ʒii.

Coquantur in aqua ut colatura redeat ad ʒii. in quibus dissolve Elect. de succo rosar. ʒii. Syr. ros. sol. compos. cum Rhabarb. Agaric. & senæ an. ʒʒ. Misce, fiat potio.

Si pituita in corpore prædominium obtinet, loco Electuar. de succo rosarum, ʒii. diacarthami substituo. Si plethora adest, venam in brachio incido. Hujus medicamenti beneficio infans quoque purgabitur.

Si vero ablactatus fuerit, à dragma una ad dragmas tres syrupi rosati solut. compositi, ipsimet infantulo cum pituita, aut decocto agrimonie & veronicæ exhibeo. Ab initio si dolor & inflammatio adfuerint, sequens applico Cataplasma.

Accipio, Micæ panis albi ʒiii. Pulv. rosar. rubear. Balauftiorum ana ʒii. Croci ʒj. Butiri recentis, ʒi.

Ex quibus omnibus cum lacte vacci conficio Cataplasma, sub finem addo vitellum unius ovi.

Hisce remediis adhibitis, & prout necessitas urgebat, iterata portione purgante, aliquot infantulos Paraphimosi laborantes sanitati restitui. Si vero morbus adeò fuerit contumax: ut prædictis præsidis non cesserit, applicetur sequens Cataplasma.

℞. Far. fabarum ʒij. pulv. summat. absynth. Flor. chamomillæ, Sambuci an. ʒiii. Pulv. sem. fenugraci ʒii. Cumini ʒii.

Coquantur cum vino rubro austero ad formam Cataplasmatidis, quod calidè applicetur bis in die. Si exoratio aliqua adfuerit, loco vini accipio decoctum florum chamomillæ, meliloti, sambuci & rosarum: Excoriationem quin etiam, sequenti unguento inungo.

℞. Olei rosacei ʒiʒ. Cerusæ lotæ, Tutie præparatæ, Cornu cervi usti & præpar. Corall. præparator. Plumbi squamosi (Schiferbley) an. ʒiʒ. Camphoræ dissolutæ in aq. rosac. ʒʒ.

Misceantur & agitentur tamdiu in mortario, donec formam Linimenti acquirant.

Annotatio.

Monitos velim Lectores, nunquam mihi advenisse infantulos, in quibus affectus adeò fuit contumax, ut ultra tres Septimanas circa ipsum occupatus essem præcipue Anno 1607. circa Paterniacensem

infantulum, cujus Nutrix supra modum erat cacochymica, & proinde (mediate lacte) quotidie novam suppeditabat materiam peccantem. Quapropter Apozemata aliquot exhibui, aliquoties quin etiam graviter ipsam expurgavi, & ut optimam victus rationem observaret, jussi. Quantum ad externa Medicamenta, quia eis quæ jam præscripti antea in multis felicissimè usus fueram, nihil in ipsis mutare volui; Ab eis enim, quæ cum ratione sunt, ut docet divinus Hippocrates, ad alia transcendendum non est, stante & perseverante eo, quod à principio vitium est, nec alio interveniente Symptomate, quod à priore instituto recedere nos cogat. At in hocce ægro postquam mater semel atque iterum expurgata, venaque incisa fuisset, & Cataplasma ex mica panis albi, pulvere rosarum &c. quod antea præscripti, per dies aliquot applicuissem, dolor simul & inflammatio remiserunt, tumor verò ultra dies quatuordecim in eodem permansit, & quia antea in aliquibus pueris, (in quibus plura alia frustra tentaveram) idem mihi contigisse, tunc occurrēbat, ab applicatione posterioris Cataplasmatidis desistere nolui, juxta sententiam præscriptam Hippocratis. Quid sit? Insurgit tandem natura, materiamque peccantem è vestigio expellit, & ita quidem, ut intra horas viginti quatuor omnino evanuerit & subsedit tumor. Idem & in aliis affectibus puerorum advenisse meminimus.

Anno 1718. Domini Christophori Burckhardi civis Basilensis (quem honoris causâ nemino) filiolum octodecim circiter mensium ætatis, unà cum Viris Clarissimis atque Doctissimis Dominis DeCloribus, Martino Chmieleccio & Johanne Fridetico Wertenbergio, Basilensibus Medicis celeberrimis, curandum habui. Contraxerat puer ille ex Variolis, præter alia symptomata, tumorem ex materia pituitosa & flatulenta circa malleolum sinistrum, qui videbatur abscessum minari.

Cæterum cum hujusmodi Apstemata circa articulos, sint difficilis & longæ curationis, & nonnunquā nervos ipsaque ossa erodant, constitutum fuit inter nos omnibus medis tentare, an materia ipsa inclusa, possit per insensibilem, ut loquuntur, transpirationem evacuari.

Applicuimus itaque cataplasma ex farina fabarum, lupinorum, lolii, pulvere florum chamomillæ, sambuci, meliloti, baccis lauri, semine anisi, cumini & similibus coctis cum lixivio simplici & sapa, addito sale. Ad 15. aut 18. dies absque successu applicuimus Cataplasma hoc, tandem ex calefacta materia in loco affecto, subito pruritus & herpes pustulosus aut miliaris supervenit; quapropter per diem unum aut alterum usum Cataplasmatidis intermisimus, & locum affectum unguento albo Rhasis inunximus, & ut puer pedē pro libitu confriicaret, ipsi permisimus, & postquam ex pustulis multum humoris effluxisset, imminutus est tumor circa articulum: Consolidatis pustulis, iterum Cataplasma applicuimus, donec denuò exorta sint pustulæ, quas ut antea unguento albo exsiccavimus, iterumque Cataplasma applicuimus.

Hisce per vices mutatis remediis, tandem felicissimè sanatus fuit affectus ille tam contumax atque rebellis. Hec propterea adscribo, ne Chirurgus toties mutet medicamentum quoties successus quem ab ipso expectat, non sequitur illico. Frequenter enim apud pueros & imbecilles tempus requiritur, antequam natura medicamentum ex potentia in actum deducere possit; Nō propterea tamen ab instituto desistendum, sed naturæ motus expectandus est.

Hinc videmus causam, cur plerunque Medici etiam fidelissimi & optimi, tam graviter injuriā afficiantur, ab iis ægrotis, qui veluti scortum meritorium, quotidie novos Medicos, plerunque etiam impios impostores

impostores & sordidissimos carnifices adhibent.

Res autem ita habet. Sæpiissime rationalis Medicus ægro medicamentum ex arte præscribit, & per dies aliquot, eâ quâ fieri potest diligentia exhibet applicatque, absque tamen successu; Quemadmodum enim semen, quod in terram projicimus non illico germinascit, & absumptus cibus non statim in sanguinem convertitur: Ita quoque tempus requiritur antequam Medicamentum vires suas edere possit. Interim si ineptus aliquis ægro medicamentum etiam ineptissimum exhibet, ac primum medicamentum tum demum vires suas exerit, ita ut convalescat æger: tunc primus qui sanitatis author est, infamia opprimitur; postremis vero laudibus ad cælum extollitur, donis quin etiam muneribusque splendidissimis afficitur.

Johannes Birckmannus, quondam Medicus Colonienus longè celeberrimus, ægro non ex infima familia oriundo, per dies aliquot remedia ex arte exhibuerat, parvo cum successu. Quondam sub multam noctem alius quidam Doctor Tilmannus nomine, vocatur: Is ut aliquid fecisse videretur, Julepium ex Syrupis & aquis destillatis exhibet, quibus æger ita alleviatus fuit, ut altera die, cum Dominus Tilmannus ipsum denuò inviseret, ipsi decem florenos, ut vocant, aureos offerret. Discedenti ab eo, ante aedes ægri, obviam venit Dom. Doct. Birckmannus, cui ostendit munus dicens; Vide, vide, mi Domine Doctor, Tu Sementem fecisti, Ego Messem. Hæc ex ipsius Dn. D. Tilmanni ore, qui mihi fuit familiaris, habeo. *Idem ibidem.*

Infans Pene carens, in quo solum Præputii vestigia.

Ludit, inquit Thom. Barriol. histo. anat. rar. Centur. 4. histor. 22. subinde natura in membris generationi inservientibus, aliquando in defectu, nonnunquam numero excedente, addo aliquando ea saltem abscondendo, ut ex sequentibus patebit. Cum anno 1674. die 7. Octobr. Nobil. & Stren. Dom. Frider. Wilhelm. à Stopler, Hæreditarium in Binder. Westte. & Leckstett, unâ cum Ampliss. Dom. De Zingenweide, Jcto celeberrimo, animi recreationis ergo inviserem, inter alia aiebat hic nobilis, quod haberet in pago suo Leckstett rusticum quendam, cujus filius circiter quadraginta hebdomadas natus Pene careret, & pro confirmanda relatione rogatu meo, patrem accersiri jubebat. Is quamvis verum fateri tunc nollet, circa vespertinum tempus tamen filium ad ædem nobilis apportabat: ubi prænobilis Viri narrata vera esse deprehendi. Ego verò ista inspectione non contentus, altero die maturino tempore, ipse casam adii, & puerum diligentius tractavi, nihil tamen, nisi præputii vestigia quædam inveni, lorium reddentia, scrotum, quod valde parvum erat, unum tantum testiculum in se continebat. Interroganti, an semper sine pendulo pene esset, pater respondit, more rusticorum: *Das hat kein Noth. Wenn man ihn vor das Feuer heltein si-reppelt. so kan he wohl her vor krupen.* h. e. præfici-cisne! Si illum igni admoveas atque titilles utique penis emergere solet. An verum hoc sit, equidem nescio, nolebat enim me præsentem monstrare, si tamen res ita se habet, credo annis pubertatis magis foci, quàm flagellorum usu in re venerea, de quo raram historiam edidit, Joh. Hier. Meibomius à Th. Barth. iterum recensitam, hîc opus futurum. *Friderici Laeh-mund.*

Subita Membri Virilis retractio.

Viennæ in platea Dominorum habitans, derepente privabatur membro virili, ita ut nihil penitus appareret. *Biblioth. Chirurg. Tom. III.*

teret præter ultimum præputii labrum: Veneficium ratus me in consilium vocavit, et carminativis fomentatum, membrum pristino statui restitutum fuit: Erant enim dumtaxat status intra triplicem membranarum vesicæ complexum inclusi & distensi, qui membrum ad oculorum effugium retrahebant. *Pauli Sorbait.*

De Subitaneo membri virilis tumore tympanitico.

Anni 2. Ephemeridum Curiosorum Observ. 50. pag. 89. Dom. Pauli de Sorbait exhibebat subitam membri virilis retractionem, quæ, affinem historiam ut proponerem, ansam præbuit. Anno 1671. Miles quidam equestris Electoralis, sub Centuria Nobilissimi Domini Gabrielis à Bergk Colonelli excubiarum, quoad faciem pallidus, cum commitione & conterraneo non ut potaret, sed vel tempus perderet, tabernam cerevisariam sanus ingrediebatur, commoratus inibi per horæ spatium, vesicam exonerandi gratiâ ad locum secretiorem se conferebat, & mox, extracto è caligis pene: illum magno cum stupore à regione pubis ad extremum usque præputii ita vidit inflatum, ut glans penis non amplius in conspectum veniret, sed ferme tegetetur. Hoc viso commilitoni rem narrat totam, ambo verò è vestigio ad me confugiunt, rem, uti erat, narrant, consiliumque petunt. Autopsia explorato rei veritatem, præmissis examine, utrum cum impura coivisset, quod sanctè negabat, & deprehendo intumescientiam relata momentaner in majorem accèssisse tumorem, pellucidum, indolentem tamen vesicæ instar inflatæ & vento repletæ. Tumorem hunc Emphysema esse cum Clarissimo Sennerto statio, quia omnia signa diagnostica erant præsentia, quæ ponuntur ab Authore lib. 5. Prax. Medic. part. 1. cap. 51. de tumore flatulento p. m. 179. Facili negotio, nimirum fotu; absolvebatur cura instituta. *D. Melchioris Fribe.*

Tubercula in glande Penis.

Observavi sub comitiis Imperii Ratisponensibus anno 1664. in Nobili adolescente, Phymata seu tubercula parva, rotunda, in exteriori parte carnosæ glandis Penis, sub præputio pronata, ex consilio medici Galli floccis lintei albi derasis & siccis impositis cum successu bono disturbata. *Helwigii.*

Scholion Scrockii. Quæ quid sit, Johan. Gorraus explicat lib. 21. Definit. med. duplicem ejus significationem ex Paulo Aegineta docens, quarum altera generalis & communis, omnes æquè tumores *δυσμματα* in quacunque corporis parte p. n. exortus denotans, hisce adolescentis tuberculis convenire videtur; à sero crassiore in parte ista subsistente pronatis, quæ quidem à causa aliqua externa fuisse oborta, suspicari liceret, si per Galenum, cujus sententiam Gorraus adducit, integrum foret, dum is in comm. 1. in lib. 6. Epidem. tumores hos prorsus sine causa aliqua externa provenire scribit, maximè, si extra corporis superficiem extuberent. Hoc verò non obstante, si tubercula ista cum verrucis, myrmeciis, & thymis eodem sub genere comprehendi dicerem, fortè non errarem. Similia sanè ab impuro coitu propullare solent, in quo si virulentus admodum glandi & adnexo præputio adfricetur humor, eo difficiliorem reddit curationem, & non exiguum membro genitali minatur periculum. Talis pustula omnibus illico, qui cum prostibulo illo Bononiensi, cujus apud Johan. Schenkium observ. med. lib. 4. Andreas Petrus Perusinus meminit, in glande excitabatur quæ penis cum periculo paucis horis ardebat, nisi vel sectione, vel ustione, etsi dubio sæpè eventu occurreretur. Alias ubi magna corrupti humoris malignitas non adest nec altius radices egit, facilius cura succedit, in qua secreti loco

labnam commendat Hieronymus Fabricius ab Aquapendente in Operationibus Chiturg. Cui tamen radi-
cis petasitæ pulverem Adrianum Spigelium prætulisse,
Cl. Georg. Hieron. Welschius Micromimet. cent. 2.
observat. 26. monuit; Utrumque autem, præter cale-
faciendi & siccandi facultatem, etiam attenuandi ac
discutiendi virtute pollere, est notissimum.

Phimosi.

Cum Norimbergæ adhuc præxim medicam exer-
cerem, hortulani cujusdam puellus biennis propè api-
arium cubans sive dormiens, ab apicula forte ictus,
penis glandem cum ardore dolere, ac intumescere sen-
tiebar, ita ut & præputium vix retrahi potuerit. Quo-
circa ex consilio meo parentes statim linteis lacte
vaccino tepido imbutis membrum involverunt, ac
sæpius iterando, extremitatem pennulæ oleo tepido amy-
gdalorum dulcium tinctam foramini glandis, ac inter
præputium & glandem inferuerunt, indeque puellus
brevis fuit sanatus. Quod & postea Ratisbonæ quo-
que ætitavi, dum puer quidam novennis ob pruritus,
ex adfluxu forsan humoris falsi, glandis carnem, retra-
cti præputio, nimis fricasset, & inflammationem ma-
gnam, absque ulcere quidem, cum insigni intumescen-
tia causasset, ut facile & difficulter glans obtegi qui-
verit; quem adfectum alias paraphimosim appellare
solimus. *Helwigii.*

Scholion Schröckji. Non sordidos tantum scortato-
res gravissima propter fornicationis delicta, hoc phi-
moscos malo, ut certissimo inq̃ divine indicio, sæpi-
sime graviter corripit, ipsiusque membri virilis jactu-
ram aliquando incutere animadverrit Guil. Fabricius
Hildanus cent. 5. observ. chir. 58. verum ipsos etiam
miseros infantes, imò adhuc lactantes, haud esse ab
eo immunes; cum nonnunquam ex prava nutricis
dicta humor acris ad genitalia infantis decumbat, ibi-
que pruritus excitet; unde propter genitalium con-
stitutionem ac urinæ acrimoniam humores flatulenti
& pituitosi ad partes istas confluant, præputium mi-
rum in modum extendentes, nonnunquam etiam ab
urinæ acrimonia inflammatione superveniente. Quem
tamen adfectum, duriori rejecta ineptissimorum bar-
bitonforam methodo; molliori cura tollere monstrat.
Nec tantum est nutricum errore, sed & alias ob causas
eundem alterumque ei oppositum, oriri, suavioriquemodo
fuisse edomitum, præsertim Auctoris nostri Observatio-
nes docent. Quamvis nec omnes adultos, quos phimosisvel
paraphimosi vexat, sordido isti scortatorum numero
includere conveniat, cum etiam (ut de phimosi ab
ipsa nativitate, primæ conformationis vitio, infecta ni-
hil dicam) in primo ac forti conflictu venereo hanc
præputium incurere, Exc. D. D. Jo. Theodor. Schen-
kii, Exerc. anat. 8. pag. 651. scribat, atque para-
phimosicos exemplum habeat Hildanus l. c. obs. 56.
sponsi cujusdam juvenis, nunquam antea venerem ex-
perit, cui ex nimia violentia frænum abruptum atque
præputium retrorsum fuit detrusum, maximo cum do-
lore & totius membri virilis tumore. Sic & juvenem
novisse se scribit Petr. Forestus lib. 26. observ. 7. cui,
crebrius cum nuper ducta uxore venerem exercenti,
cutis illa cole valde inflammato, reduci postea non
potuerat. Quos tamen leniora tantum topica fa-
cile curasse conitat: In utroque adfectu ex fervido coi-
tu procedente, si glans tumida remanens diu foveatur
aquâ frigidissimâ, detumescere eam, sicque præputium
attolli vel deprimi posse notat Joan. Riolanus, secre-
tum id vocans admirabile, Enchirid. anatom. pathol.
lib. 2. cap. 31. Cum vicissim scortatoribus hoc malo
correptis, ob virulentiam, quæ ut plurimum istis

mercedis loco communicatur, impacti humoris dif-
ficilior medela communiter obtingat; licet & illos fa-
cillima quandoque opera curari, & quemdam lactis
tantum muliebris tepidi loturâ fuisse sanatum, ex ob-
servatione Marcelli Cumani, in Sylloge observ.
medic. Welschio nostro recensita, compertum
sit.

Penis cancrosi amputatio.

Uterum prolapsum, & in prodigiosam molem au-
ctum, extirpari posse, ex observationibus præceden-
tibus patet: quod tamen nunquam moliendum sine ca-
theteris immisione in Urethram, antequam ligetur U-
terus, ne tam abominabile malum simul sequatur.
qualem alibi depingimus, scilicet constrictio etiam
ineatus urinarii. Non minus etiam penis virilis des-
peratè corruptus extirpari potest, modò omnia rite
peragantur. Rusticus quidam suburbanus à duobus
annis incidit in scirrhum extimam partem penis ob-
sidentem, tandemque in carcinoma exulceratum de-
generantem, inque tantam molem auctum, ut pugni
magnitudinem adæquaret. Joachimus Schraderus Chi-
rurgus satis versatus, qui huic curæ præerat, in con-
siliū vocavit expertissimum Dom. Doctorem Hid-
dingh, me, & Andream Boekelmannum, cum ejus-
dem filio Cornelio. Unanimiter extirpationem com-
mendavimus, quemadmodum etiam subsequente die
instituta est, & tanto (gratia Deo ter O. M.) cum
successu, ut jam, quantumvis pene privatus domum
redierit, & incolumis vivat. Est autem operatio illa
hoc modò peracta: Cathetere per urethram in vesicæ
cavitatem immisso circumligavimus penem ponè ma-
lum supradictum funiculo tenuiori quidem, sed tenacis-
simò, idque fortiter. Dolores ægrotus tam viriliter per-
tulit, (paucos enim audivimus ejulatus) ut omnibus
admirationi fuerit. Injectâ hac ligaturâ, ita munivi-
mus catheterem filò, ut è canali urethræ se se subdu-
cete haud potuerit. Sequenti die novam injecimus
ligaturam, ut eò citius emoreretur pars affecta. Inte-
rim totum involvimus penem vesicæ madefactæ, ad
fætorem arcendum & lotium recipiendum. Quinto,
ni fallor, die cultello membrum emortuum fuit abla-
tum, sine ulla hæmorrhagia, in totum enim emor-
tuum. Relinquebamus interim adhuc per diem unum
atque alterum catheterem in vesica, donec separatâ
suâ sponte ligaturâ, patiens eò non ampliùs indigeret.
Restitutus jam, per instrumentum ex ebore confectum,
lotium reddit: In totum enim pars penis relicta in
abdomen retracta est, ita ut illud instrumentum ventri
adaptari debeat, lotium emissurus, ne vestimenta ma-
desiant. *Clariss. Dom. Frederic. Rhuyssch. in Observatio-
num Anatomico-Chirurgicarum Centuriâ.*

Penis retractio.

Auriga senex tantam penis in imum ventrem retra-
ctionem passus est, ut nec hilum quod ullò sensu per-
cipi posset, extaret. Inter pubem & scrotum rimula
se visendam præbebat, vulvulæ labiis destitute, aut ri-
ctui piscium quorundam simillima, minimum meum
digitum aliquo usque nullò negotio admittebat. Ro-
gavi quid me veller? Fac, inquit, si nihil aliud po-
tes, ne urinam emittendo (quod solitis horis sine mo-
lestia facio) indusium caligatque ita madefaciam, &
urinam aliquo usque saltem ejaculer, ut inviso hoc
madore, & omnis meæ suppellectilis putrefactio-
ne liberer. Facillimum factu, inquam. Itaque
tubum ligneum in principio ovalem, sesquipedè longum,
quem

quem ex Italia attuleram, ipsi dono, quo rimulæ applicito, in distantem matulam nullò negotiò urinam fundebat. Itali, cum citaris equis feruntur, scuticis ferè uruntur, quibus manubrium, quale meum erat, admovent, sicque in mediò cursu, nec brachios nec equos inadeficientes, inejunt. Caterùm cum ulterius quid rentandum dicerem, qui credebam, sicut aliàs uteros prolapsos in sinum pudoris capacibus cucurbitulis umbilicò applicitis cum flammâ luculentâ revocaveram, ita iidem retrahi in locum penem posse: proclivius enim esse gravia descendere quàm ascendere. Omnino bis cucurbitularum admotionem admisit, & jam balani redituri apex ad magnitudinem avellanæ se ostendebat, cum ille suò tubulò contentum se diceret, nec ulterius operam meam, quamvis gratuitam, admittere voluit. Dolui sanè senilem pervicaciam, tam raram curationem, quam certissimam augurabar, mihi invidisse. *Henricus ab Heers Observ. 7.*

*penis & Testiculi, intra cavum
abdominis lateſcentes, percusso
podice, in publicum prodeunt.*

Clariss. Ambrosii Stegmanni Miscell.

Curios. Decur. iij. Ann. 4.

Annotatas quidem legimus observationes: In quibusdam masculis, tum penem; tum testiculos intra cavum abdominis latuisse, & pubertatis tempore, vel naturæ quodam conatu, vel accedente aliquo motu violento, prorupisse in lucem: Ast observationes has super omnes illa, quæ ante aliquot annos Halæ Magdeburgicæ contigit, cuius me, Advocatus quidam ejusdem loci non infimus, participem fecit sequentibus verbis. Nuper, inquit, Ancilla rustica ex vicino pago Trotta, me convenit, vehementerque petit, ut defensor ipsius statem parte, cum ex actione rei in rem ab opilione quodam gravida sit facta. Petit Ego satisfactorius: stupratorem in consistorio ad contrahendum matrimonium urgebam. Apparebar, qui adesse erat jussus, nullo stipatus defensore: Impotens sum, dicebat, & membris careo, quibus viri gaudere solent, hinc invisus pudicitæ: Nique verbis meis fides habeatur ventrem ad inspiciendum denudabo. Inspectis itaque genitalibus: pronunciabatur à Chirurgo & idem, qui præter fissuram magnam nullum penitus penem exterius esse conspicuum, in interiori verò hujus fissuræ cavitare, excreſcentiam saltem genitalia aliquo modo repræsentantem apparere referebat. Hinc jure Opilio absolvebatur innocens. Nos verò actione injuriarum tenebamur merito. Cum in corpore juris l. 2. H. de Ædil. jam dudum sit decisum: Illum esse morbosum, & ad generandum planè impotentem, cui tam necessaria pars corporis penitus absit. Et juxta mentem Riolani, aliorumque Medicorum: In divortiis omnes illos viros esse declarandos impotentes quibus genitalia, validissimè etiam intra abdomen scaſcant.

Iratu hinc ego meretrici, pergit Advocatus, gravibus illam verbis compellabam: quòd Impotentem sine data causa de ingravitatione accusaverit. Est meus hic, respondebat meretricula ex pudore diu hesitabunda, omnium bipedum nequissimus, hoc enim dolo & me decipit miseram, cum verbis ipsoque rerum testimonio Hermaphroditum se diceret & mutilus me ab initio comprimeret, hinc ex hac ratione commota, data quavis occasione corporis mei usum illi concedebam patri apta nata. Aderat autem aliquando in horto quodam mecum solus, ubi detruso prius podice in arborem,

virili me membro titillabat, quâ postea dulcedine infuscata, toties illius podicem, compressâ manu feriebam, quoties coire desiderabamus, à quovis enim podicis ictu tota supellex prodibat in publicum strenuè parata ad sua officia exequenda, exsatiara verò libidine contrahebatur membrum & rursus abscondebatur in cavitatem dictæ fissuræ. Auditis his Opilio, notabiliter expallebat, quamvis pallear semper & confusis tremulisque verbis ingerebat. Negare quidem penitus non possum, quòd solus cum sola sæpè habitaverim, & lascivum femori supposuerim femur, sed semper

Truncus iners jacui species & inutile lignum.

Nec satis exactum est, corpus an umbra forem.

Forſitam tertius quidam intervenit, qui melius circa genitalia conformatus fuit ac Ego, & fecit, quod mihi Natura negavit. Ego verò, pergit Advocatus, hac objectione non contentus, Chirurgum denudò ad inspicienda genitalia cogebam, quæque mandato citius ad novam exercendam praxin pronis aderat, & exoptatissimo successu compressam manum natibus opilionis ita applicabat, ut norarius unâ cum testibus proſiliret in publicum, & virilitatem stupratoris attestaretur in forma probante.

PERNIONES.

DE Pernionibus fusè admodum ac doctè agit Marcus Aurelius Severinus, ubi de recondita abſcessuum natura, cujus propterea tractatulum ejus integrum legendum exhibebimus.

P R A E F A T I O.

De Tractationis dignitate.

Pernionem non levem affectum per istud ostendit Hippocrates, quòd non semel, sed 5. epidem. & 7. de eodem rectè curando præcepta tradidit, quæ paulo posterius exponemus. Satis autem id ostenditur definitione referente vitii naturam, quæ est ambustiora, ac tantum non corruptoria membro *χειρὸν ποῦνα* ad extremum sæpè modum intemperato ac propemodum extincto, adeoque non incite, neque hyperbolicos interpretatus potest videri Macer, qui disticho cecinit;

Esse pedum dicunt vitium, cui pernio nomen

Est à perniciæ membri patientis id ipsum.

Nec injuria perniciem pedis pernionem vocavit, quando & tumores amplivagos, & dolores acres, & torpores adusque negatos membrorum usus ducat pernio, experimentis autem constat nostris, qui sacro valetudinario singulis brumis inopes homines undique confluentes consuevi sumus curare, etiam gangrenas, ac necroses hujus affectus sævitiâ perpeſſos, quòd maxime evenit anno 1624. cujus algores intrer omnes quas nostra memoria recolit, incomparabiles fuere, minimum autem est; si dixerim hos plerumque in ulcera faſſeſſe prava sic, ut ossa nudent: sic testeraſſe calcanei carne abroſa parentem à se viſam perhibet Julius Cæſar Arantius, mihi verò se obtulit filia Marii de Maio bibliopolæ in taberna libraria Joſephi Peluſii; cui digiti manûs abſumpto perioſtio fuerant ulcerati, atque item in valetudinario nostro alii: ergo jure maligna chimethla dixit Ariſtoteles referente Mercuriali, quoniam haud tales sunt perniones suâ naturâ, sed ex accidenti; id est, vel, quia non fuerunt homines principio rectè curati, vel quia cacochyma vel cachectica, ac *δυσχολία* corpora inciderunt quibus cauſis fit, ut

sub rigoribus hybernis ad æstivos ardores se servant, atque etiam ulterius altetos hyemis circuitus visant, atque hoc tempore fomenta nova recipiant. Sed hæc, ut dixi, labes interna corporis facit. Quæ causæ profecto levi quidem aut vulgari cūra non sunt spectandæ, ut feliciter his occurrere possis & contumaciam mali superare. Auget autem incommodi gravitatem, quod hunc affectum quotannis stabiliter accidentem pauci sunt qui intelligant, plurimi autem minime comprehendunt, sed sic in eo vestigando hallucinantur, ut cum roseolis malignioris naturæ contrariisque causis producto vitio confundant, evidenti sane periculo, ne auctus à foveante medela morbus infinite sæviat, atque hominem ferme mutilet. Jam igitur, ut hic tam multi momenti error elutur, suæque languentibus medicina reddatur, necessarius profecto labor nobis dignusque vitus est, qui sedulo susciperetur. Itaque cum aliis abscessibus ac tumoribus hunc etiam enarrare gravati non sumus, ac sic complexi, ut in eo pleraque illustrasse certò credamus. Reliquum est, ut hæc tibi lectet eo sint usū atque commodum, qualia nos, ut essent collaboravimus.

Cap. 1. De notione.

P RINCIPIO nomen interpretantibus admodum incerta res est, quo referri debeat origo, an enim dicti perniones per syncopen figuram, quasi perniones à græco nomine pterna, quod est calx, vitii scilicet propria sedes unde *περνησις* calcar, & *περνηκωειν* calcaneis strepitum movere supplodereve, an verò per eandem figuram appellati perniones, quasi peroniones? enim verò defice in lignum peronæ, & clavi capitulo quodam prominentes apparent, qua etymo servata fieri potuit etiam, ut nuncupati fuerint peroniones propterea, quod ad perones, id est, fibulæ vocati ossi, alterius de tibia fines oriantur; quo loco tendo maximus implantatur.

Præter has omnes alia fuit etymologia Macri herbariæ rei scriptoris, qui capite de colubrina, magno quo vitii spectato symptomate, quæ necrosis est; pernionem à perniciā dictum suavit carminibus quæ dudum recitavi.

Habes jam latinam notionem, si verò græcos adeas, hi nominare *κίμειλον* seu potius *κίμειλον*; quod hyeme producti vitantur, autore Joanne Gorraeo in defin. med. suo loco; & hoc subinde comprobantibus Gabriele Fallopio lib. de tumor. particularib. cap. 36. ac Joanne Huccherio Monipeliensi Professore libro de diæta, ac therapia puerorum illo ipso titulo.

Cap. 2. De genere morbi.

H OC jam nomine vulgatus morbus, ad quodnam generum à medicis constitutorum referri debeat, haud plane discretum est, indefinita adhuc re, num tumor, num ulcus habendum sit. Porro Galeno autore in l. de tumor. præter natur. & communi omnium consensu, tumor est incrementum particulæ cujuspiam in longum, latum & profundum, atqui ejusmodi est pernio; quapropter à Fallopio, Ingrassia & Julio Cæsare Arantio cum tumorum familia censitus ac tractatus est. Verum tamen Hieronymus Mercurialis in sua definitione nuncupavit ulcus, nulla tumoris habita ratione, propterea, quod quatenus tumor est, eatenus nullam inferat noxam, quam rem ab eoviro creditam non admirari non possum, qui noverim à solo isto tumore pedes aggresso compluribus ademptum sepe, plurimum autem impeditum incessum; manibus verò confictis comprehensionis usum, & alias suas enchirises quasi præcisas. Cæterum ignarus non sum ab antiquis i. Oribasio, Actio, Paulo dicta

ulcera: sed, ut in epinyctide monstravi, minus exacte, neque adamussim; appellatione nimirum accommodata tuberculis & fortasse non exulceratis: nam nemo diffitebitur, ad tumorem atque ad ulcus promiscue se habere affectionem, verum aliqui spectare vitium in ulcus transgressum, aliqui citra id tempus, in cujus tamen latitudine non inficior ulcerosum apparatus subesse, præsertim si diutius inheferit vitium. Est itaque liberum hoc, aut illud opinari; modo distinxeris tempora. i. vel manentem adhuc primam suam speciem, vel in ulcus mutatam, verius autem & simplicius tumoris illi ratio debetur, quando jam tum exorsus, paululumque proventus humoris accessus primum nanciscatur tumoris nomen; cum verò post hæc ulceratus est, jam in aliam speciem transgressus apparet.

Cap. 3. De sede affectus.

S ED neque sedes affectus ab omnibus una refertur; qui nominis etymon sunt sequuti, pedum hoc vitium fecere privatum, sed non rejecerunt ab hoc ordine manus alii, qui communem spectarunt binorum membrorum sortem, quæ communis multorum opinio est. Fallopius aures addidit, ac nares, at non ita quidem arbitratus videtur Mercurialis, qui exclusit supremas corporis partes propterea, quod influentis calidi multa collustratione participant, sed hæc certe assertio falsi convincitur experimento; siquidem nivali tempore nemo est, qui non videat multum auricularum chimethlis affectarum. Præter quæ membra nos, si comprobatis & nostris, & amicorum observationibus adheremus, non dubitavimus, & alias pleraque partes plane debilissimas, & (quæ Celsi vox fuit) eminentes huic languori subicere, nam quomodo ab extremi frigoris vi se tueantur eadem; Atque inde fit, ut roseolas saltantes cum roseolis simpliciter dictis, qui perniones sunt, confundant hodierna die nonnulli medici nobiles Neapol. quorum unum non multis ab hinc diebus cum Joanne Maria de Potentia Lucano Medico audivimus, huic opinioni sic hærentem, ut ab ea non posset plane discedere, significantibus nobis contra nostram demonstrationem. Quæ quidem eo retuli non, ut alios taxarem, sed ut operæ nostræ, qui hæc animadvertenda suscepimus, utilitatem ac necessitatem ostenderemus.

Verum ad priorem sermonem redeuntibus jam nobis, quid placeat in hac re audi. Ossa membrorum omnium intima, & horum proximæ cartilagines, quæ sunt contactæ carni & musculorum offæretu, quæ vero istorum expertes, cute duntaxat subjectis membranis obducuntur. Posteriores has partes omnium esse debilissimas nemo non videt: imbecillitatem autem hanc adversus aëris injurias, præterquam ad externos ictus nullo tempore abiciunt, ergo ejusmodi partes omnes præsertim, quæ in extremo sunt ambitu corporis apparent, quæ chimethla pariuntur, atque aded narravit aliquando Franciscus Romanus Medicus amicus noster cum brumali tempore Cisalpinam Galliam fortè fortuna peragrat; perniones circa cubitos & carpos, nasum & labia partim se, partim comites suos plerosque graviter expertos. Sed neque taceri velim sexcentorum ejusmodi hominum observatione rarissimum illud, extremorum digitorum manuum, tum pedum carnosæ (cacumina & acinos appellavit Ruffus Ephesus) interdum etiam vellicari pernionibus, quas quidem manuum partes eo malo lividulas ac torpescentes, hoc anno, cujus nulla bruma fuit, primus ostendit Joannes Ruardus Gallus Bibliopola non ineruditus, pedum autem illas particulas in aliis valerudinarii nostri decumbentibus vidi sic aliquando viciatas, ut etiam ossicula metacondylorū abcefferit ut intelligas jam eminentibus & extremis nullis corporis partibus parcere genus hoc ulcusculorum.

Cap. 4. *De pernionum causis & ortu,
Doctorem hominum sententia.*

DE pernionum causis & procreatione nonnullæ fuerunt scribentium opiniones. Franciscus quidem Vallesius in 5. epidem. 52. Hieronymus Mercurialis in l. 1. de morb. pueror. F. & post hos Julius Cæsar Arantius in l. de tumor. præf. natur. tit. hujus ejusdem rei proprio consueverunt perniones advenire constipatis hyberno frigore pedum manuumque particulis, qua constipatione productus fervor, atque æstus pruriginem acrem ac perdolentem, inflammatoriumque tumorem parit. Verum enim verò, ut equidem non inficiat cutis addensationem hoc vitii capere, tamen hæc causa non satis ad illud omne procreandum videtur, at neque ut tumorem exciter effatu dignum, & phlegmones concremento parem; conjunctum præterea symptomatis sic sæpe pravis, ut ossa nudet ac sideratum ossis inducat; verum ut tantummodo pruriginem moveat, vix autem, ut phlegmonem etiam tumore solutam producat, valere pororum constipationem affirmo, atqui tumor, quem pernio ducit, etiam principio dignus est effatu, confertusque mox ulteriore gradu proventus, & magnitudine non modica est, & vi graviore sævit, quam ut compacta corporis extima textura postulet.

Sic apparet impar pernionum causa densatio: Mirum autem, quod energia frigoris prima relicta, qualitatem secundam, aut quid potius hujus ambages, quam principii rectam efficientiam amplexi fuerint hi: aut quid ab exili cohibita transpiratione detrimenta potius, quam ulla constrictionis commoda spectarint; quippe mihi tam parum densatione fieri vitium videtur, ut hæc etiam appareat usui summo futura. ne quid in locum obrepserit mali: sic enim unice præcluditur via frigoris insolentia, cujus ipsius vi propria non eventu post ipsum alio, fit affectio. Densitatem, inquam, adversus perniones fore propugnaculo declarat, quod piscatores, qui perpetuò in aqua maris obstruente versantur, perniones incurrere minime videntur, atque etiam si quis multò ante tempore, quam adveniant hyberni rigores, vel igne vel alia ratione dentaret partes pernionibus obnoxias, hæc certissime defenderentur & præservarentur à noxa quæ ipsa provisio, consiliumque curandi fuit Dioscoridis, qui picem illivit, Theodori verò Prisciani, qui gluten & ceram appinxit. Ut non adstruere jam possis amplius ex superfluitatum coarctatione labem aliquam; nam, amabo te, quæ hæc aut qualia in tam exigua comprehensione particular; aut quomodo non aliis etiam corporis partibus frigore densatis accidant illa mala! Cum enim apparatus humoris prætexes, protinus erit cutis densatio vitii causa levissima.

Quod si est, tua quidem opinione, pernionum causa densatio; fit inde, ut hanc quasi fovere conservareque cum morbo voluerint antiqui medicinae magistri, qui plurimum adstringentibus curavere. Porro Dioscorides alumen aqua intersum, lentes, rosas siccas, malicorium, cydonium malum, myrtum, acaciam adhibenda præcepit; nulla verò laxantia, ut producenda ad calcem tabula apparebit. Post hunc Oribasius alumen & farinam paribus portionibus in vino terit, & illinit l. 7. Synops. c. 45. Sed Aëtius alumen liquidum & scissum, & rotundum acetum, succum acerbae uvæ, malicorium, myrteum & omphacinum oleum, ihus coriarii, atramentum sutorium, flores mali punici medicamentis admiscet. Paulus verò lenticulam cum vino, alumen, malicorium incoctum vino, oleum lentiscinum. Sed è græcis ultimus Actuarius emplastrum è calcitide Galeni probatum ad perniones ait l. 6. meth. med. c. 8. è larinis verò primus Cornelius Celsus imponi jubet alumen æqua portione cum thure contritum cum vino adjecto, aut malicorium in aq. coctum, deinde contritum. Marcellus item l. de medicam. cap. 34. scripsit hæc: alumine ex aceto peruncti perniones sa-

nantur. Ad hos verò Theodorus Priscianus perniones vino styptico calido fovet, ac decocto betarum, quibus alumen scissum infusum fuerit & cataplasma ex aluminis pulvere cum hordei farina & vino compositum adhibet, aut gallas cum aceto contritas, aut caduca mali granati in calidis cineribus tepesacta attrita. Denique Plinio autore l. 23. nat. hist. c. 6. perniones sanantur cortice mali punici ex vino decocti & impositi. & l. 31. c. 9. salis impositu. & 33. c. 6. lithargyro, myrtho & cera. & l. 35. c. 19. liquido alumine. Sed & Plinius Valerianus l. 2. c. 51. styptiriam coquit in vino, & ex hoc fovet pedes. Satius igitur, quam hi omnes opinatus est Gabriel Fallopius, qui dixit tumorem hunc excitari percussu multo aëris argenti & borealis venti, quo plurimum allidente ac veluti flagris membra cedente, sanguis & spiritus eò locorum accurrat, ac multus inibi consistens tumorem exaggeret & coacervet.

Verum de Fallopii opinione paulò posteriùs: nam referenda mihi mox est sententia Joannis Huccherii Bellovaci; in cujus viri doctrina Monspelienfis magisterii dignitas non obscurè deprehenditur: Hic in lib. de diæta ac therapia puerorum c. de hac ipsa re professus est nasci perniones ex sanguine in superficiem partis frigide doloris vi à frigore externo vehementi allecto & perfrigerato, tandemque putrefacto (neque enim aut, extincto calore suo sanguis suppurationem habeat) ut acrimoniâ suâ obscellam partem cutemque erodat atque exulceret. Apud quem ipsum autorem curationis scopi sunt, dentata à frigore partis laxatio, concretique sanguinis attenuatio, deterfio, resolutio, sive ichorum effusorum exiccatio. Voluit autem & plurima, ut adustis adhibenda.

Quæ docti viri opinio ut omnium ingeniosissima est, & elegantissima, tamen comprehensu difficilia nonnulla comprehendit, primum, ut extinctum sanguinis calorem curet refrigerantibus & his quæ ambustis occurrant? Secundum, quando vitium est à densatione vehementis frigoris in parte item frigida, quo pacto tam doloris vis attrahere potis sit, ut non magis obstat prævaleatque frigus quod dolorem prævenit? Crescit autem hæsitatio magis, quod sanguinis attractio adusque superficiem adstruitur. Præterquam enim, quod repugnat & sanguinis natura inter omnes humores crassissimi & qui fusus extra venas est, continuò refrigeratur, & concrevit, quam refrigerationem & quod concrementum & ipse opinionis autor testatus est. Tertiùm, quod laxatio potius hæc cutis in ultima superficie admittentis fusum è venis sanguinem, quam densatio censenda est, contra quam ipse in scoporum enarratione proposuit. Quartum, haud compertum est, ut frigus computrefaciat, potius enim, quæ putrescere parata sunt, vindicat à putredine, quam alioqui putredinem si quando parit; alia quidem & per circuitum via est & ratio, quam declarat hic vir, sed putrescentiam istam frigori per se, aut simpliciter attribuit.

Hæc igitur omnia capita nonnullam offensam incurrunt opinioni prænarratæ, quo optarem equidem nulla, ut scitum illud placitum sequi possem. Quapropter alia tenenda via est, ut intelligentiæ satisfaciamus, nitar autem quantum in me est; maxime probabilem aliquam de causis & generatione sententiam in medium proferre, si tantummodo præsit Minerva.

Cap. 5. *De pernionum causis & de morbi
procreatione opinio nostra.*

ANtequam autem aliquam demonstrationem ordiamur, proponenda sunt quædam, tum ad effectricem causam, tum ad materiam spectantia: incipiam ab effectrice, quod omnium consensu frigus est, & bruma. Frigidum Hipp. doctrina lib. 5. aphor. 20. & 22. partibus exanguibus exitio est, quæ res fit si quod *πολέμιον* atque è diametro adversans est calori partium nativo, quod amicum est & indicans, ut ipse ait. Jam igitur, ut

prævaleat inimicum frigus, sic calorem obteret aut extinguat. Præter hanc altera frigidi vis est tanta, ut ad uredinem accedat; quam ustionem videre licet hyeme in plantis & herbis glacie niveque obductis, ventorumque rigore percussis, itaque vulgatum est apud olitores & agricolas, arbores frigido exarescere, id est humore nativo exhauriri atque flaccescere. Tertia frigidi proprietas est penetratio in altum ita ut intima viscera contremiscant convellanturque frigore: quas tres omnes frigidi qualitates mirus uno verlu comprehendit Virgilius, qui ait;

Acrior, aut Borea penetrabile frigus adurit.

Sed & malorum experti referunt, inter causas pernionum hanc non potestem; si quis hyberno frigore post summum partium extremarum perfrigeratum ac madidatum ad immodicos ignis adhaesus se referat aut contra ab ignis adhaesit ad crudum frigus, qui duorum extremorum rubinde succedentium sibi ipsis usus naturam non torquere non potest.

Hactenus de efficiente, nunc enarranda tumoris est materia, quam Falloppius in tract. de ulceribus cap. de ulc. nomode, & l. de tumoribus c. 39. dicit sanguinem purum, quod hercle, si nos admittimus, simul etiam admittimus, quod esset hæc phlegmone, atque adeo apostema aliquando suppurabile, nunquam autem suppuratos aliquos, ac verò turgidos semper aut exulceratos vidimus perniones: cum autem exulcerati sunt, adeo pus non reddunt, ut sint perpetuò sicci, quod advertit item Hieronimus Mercurialis.

Sed nostram nos opinionem exponamus. Per habitum omnem illius partis, quam obnoxiam malo nominatim ostendimus, sunt perpetui quidam affusi perspersique rores sanguinis, i. flores ejusdem, & vividissima portio; hos rores aura glacialis adhæsu plane tristifico corruptos primùm exhaurit atque absumit, qua confecta re, qui novus accurrit sanguis, & hujus ejusdem ros, ut particulae conglutinetur, huc perlatus, tum à contractu malo partis affectæ, tum ab impulsu corruptivi frigoris labefactatur, quod cum sit in dies, præterquam quod doloris vis non potest, succos præsertim calidos non attrahere, exaggeratur idem tumor, excocta veluti per ambustionem parte, quo factum est, ut ambusta hæc latine reddiderit Theodorus Gaza apud Aristotelem illud problematis interpretatus. Qui succi quæve superfuitates huc omnes advehi male dominati à natura transmigrant in ulteriorem intemperantiam, ac putredine jam concepta pariunt ulcus; inde fit, ut utiles ac puri liquores, qui primùm occurrunt, prima sint morbi materia, post hos autem interiores ac viliores alii.

Habes jam nostram de vitii causis & generatione sententiam, quam si cum Falloppiana contuleris, profecto videris illà probabiliorem atque exactiorem. Primùm enim quid naturæ consentientius, quàm partes sanguinis efflorescentis substantia tenuiores & exteriores primùm dissipari, mox reliquum crassamentum in parte relictum computrescere? computrescit, inquam, sanguis subinde vivida rorum portione, tabescente atque corrupta, qua ipsa incolumi persistere, tota integra substantia, & cum inimico frigore depugnaret invicta, veluti vinum, quod dum spiritus suos incolumes servat, non corrumpitur, sed postquam isti desiere, aciescit aut vapescit. Ad hæc expositio nostra, quæ rationem rei totam aperit ac enucleat, potior est altera, quæ laxiùs expositis causis, accidentia magis, quàm rem ipsam persequitur. Sed & firmam nostram opinionem volens nolens approbavit Falloppius, qui non inchoatos adhuc neque existentes perniones, voluit medicamentis roborantibus antevertendos atque cavendos, reprehensis acriter iis, qui jam confirmatos curant inutiliter & infrugiferè. Enim verò procurantur, inquam partes obnoxie principio, priusquam

vitium aliquod obrepserit, singulari ac sevidenti, quam indicavi, ratione atque consilio tuendorum rorum sanguinis, qui postquam labefactati frigore fuerint, difficillimam curationem recipiunt. Quid quod inexcussi sepe medicamentis perniones, vere propinante sponte delentur? scilicet instauratis iisdem roribus ac tepore nativo partis integre restituto. Tertium indicium illud est, quod sanguinea suppurabilis alioqui substantia non suppuratur, quod fit nimirum, quia sanguinis calor extinctus est, ac vigor excussus.

Verum enim verò quid dicamus ad Julium Pollucem; cui Onomastici l. 4. c. penult. dictæ sunt *ἐλκόμεναι φλεγμοναὶ* inflammationes ulcerosæ, sed ab hac quidem viri sententia non discrepat nostra traditio; qua statuantur tubercula inflammatoria & ulcerosa affectionem referentia. Verum quo pacto cum inflammatione conjuncta sit extinctio caloris in sanguine, hoc explicandum fortasse fuerit nobis; qui non profitemur emortuum sanguinem; ut in gangranis & omni necrosi: verum, ut in morticinis pedum clavis, spiritus vividiores & plusculos absumptos asserimus; exemplo sit carnosæ particulae contusio sive contritio; cui maxime similis pernionum est natura; ab hac quidem excussa plurima pars est spirituum & vigoris à sanguinis flore venientis: unde languens ac stupens pars collixa restat, verum non sic, ut vitæ detrimentum extremum experta sit, hæc enim absoluta gangranæ ac interitus esset calamitas, à qua natura contusionis est longe, si quatenus ipsa est concipiatur. Similes igitur contusis, quæ ad semixanimam naturam accedunt, sunt perniones, quantum ad hoc caput spectat; si tamen adjunxeris inflammatoriam affectionem & ustionem, quam in carnibus frigore percussis nemo non videt.

Sed hujus utriusque effectus causam & rationem audire si requisieris hanc ego tradiderim. Est frigus extremum, communis philosophantium consensu adversus omnia quidem corpora, sed animantium potissime, contractivum ac densativum sic, ut partes quoque pacto dissitas nimium attrahendo pervellat ac mordeat; unde mordentia frigora dixit naturæ scientissimus Virgilius, seu quicumque fuit is autor, in Rosa; hæc igitur immodico raptu partes adducendo, & harum poros adstringit hiantes; & earundem calorem conculcat in se ipsum coactum, qui propter hoc nihil exhalans atque repressus acervat substantiam, servet ac aestuat, præter suum naturæ modum accensus, quo fit, ut carnes à quibus hospitatur, ipsas reflexus discoquat, ac veluti flamma quadam exurat. Aliud etiam, quod observavi, referam; sic extenuari rareque fieri percoquendo partes ab hujusmodi calore, ut prope diaphanæ reddantur, si ruborem tamen non excluderis. Ita post multos suorum effectuum circuitus, crudum & immitte frigus objectos mortalium artus inflamat atque exurit, per antiperistasin nimirum, ut dicunt, calorem exaggerando, quæ res præter nostros physicos, neque Servium grammaticum latuit; qui secundo Georgico super memorato Virgilii loco dixit; & frigus esse caloris initium, & summum calorem frigoris esse principium, unde quasi unus effectus est frigoris atque caloris, quibus omnibus ad summam contractis apparet, ut inflammati, non inflammati verò, corrupti non corrupti; extincto sanguinis calore non extincti sint genus hoc difforme tumorum & ulcerum, quos perniones appellamus; non consueta s. & calida interiorum affluxionum causa, neque in totum ignavo & inerte frigore productos.

Cap. 6. *Pernionum definitio, & de quorundam affectuum discretione.*

HÆc quidem omnia, si placet, ad definitionis formam redigere sic possis; Perniones sunt tubercula in pedibus manibusque inflammatoria & ulcerosa affectionem referentia; quæ sit abolitis primùm in his particulis ab hyberno frigore toribus sanguinis, mox à vi doloris attracto conculcatoque sanguine semicorrupto. Hac porro descriptione multos à pernionibus affectus discreveris, videlicet intertriginem, paronychiam, tophos podagricos, clavos, callos, de burgantiis autem vulgò dictis non adeo certus sum, nam hæ licet quidem apud Cisalpinos atque alias Italas nationes hodierna die sunt iidem, qui perniones tamen Gulielmo de Saliceto veteri chirurgo sunt calli, duraque pedum tubercula, qui excisione tolluntur, quomobrem ipse acu per burgantiam transmissa, & per filum, quod acu ducitur, multoties comprehenso, perque manum sublato; quidquid acui subicitur, scalpro rescindit; quæ curatio longe videtur alia, quam quæ pernioni congruat aut accommodari possit. Quæ te nosse volui tum, ut nomina rerum; tum, ut res ipsas sine errore discernas & scripta prudentium secundum ipsum animi sui sensum accipias.

Cap. 7. *Qui qualesve sint ad hoc vitium suscipiendum parati, simul & in hac re problemata discussa plura.*

OPortunas huic vitio partes excarnes & eminentes in disputatione de sede affectus ostendimus, cujus rei causa non est ad summam alia, quam extrema debilitas: sic adolescens quidam Consentinus rei medicæ studiosus, qui per vulnus inferiore carpo senserat jam manûs atrophiam, expertus est hac hyeme alioquin tepida, roseolas in digito minime privatim; quæ pars inter omnes maxime sustinuerat ictum, aut, ut accommodatius in rem loquar, ab hoc ipso noxam, quæ stupor & aliquando sensus privatio fuit. Parata quoque inter omnes ætas est puerilis, quam rem & Cornelius in l. 5. c. 26, testatus est. Deinde patet hisce molestitis adolescentia propterea, quod laxiores ac molliores istorum hominum particulas nullo negotio penetrat exuperatque vis insolens brumæ,

Neque verò memoraveris etiamnum contra, calidum istorum maxime vegetum & uberrimum, siquidem obtruserim eo tempore totum intro conversum, præterquam quod molliusculum est illud, & uti copiosum, non item robustum ac statum, contra virorum firmitus est, velut antiquum vinum, & si copia minus est: puerorum verò calor, quale mustum est, habituofum atque commixtum. Hæc mihi sane ratio videtur, quæ pueri maxime in hunc affectum incurrant. Ut nequaquam sit audiendus Mercurialis, qui propterea pueros huic vitio fecit obnoxios, quod omnium minime se tueantur à frigoris injuriis, sed his prope se subjiciant ultro ipsi. Ad quam puerorum naturam accedit & ea, quæ femininarum est, præter quas impuberum ac puberum ætates, & alia paulò superior exors ejus mali non est, si corporis habitus ac temperamentum ad utrorumque modum accesserint. Hic naturalium ordo est, quod verò ad non naturales alteras pertinet, climata septentrionalium regionum, ut quæ hyemi plurimum respondent, cum primis obnoxia sunt huic noxæ quapropter epidemicos & vulgares istarum gentium perniones retulit Olaus magnus in historia de hisce populis; dum tamen adverteris & graviores pernionum vim ac furorem adversus has nationes eosdem magis, quam nostros Italos affectioni resistere, nimirum

propterea, quod his incommodis assueti ac magis obfirmati sunt corpore adversus eadem.

Post hæc, quod equidem observavi, referam, graviter expendendum: etiam si communem ex æque patiente causa, quod frigus est exuperans. pernionum affectionem constituerimus, tamen obliviscenda aut contemnenda non est cooperaturæ proprietas, qua sunt aliqui ad promptius suscipiendum accommodati sic, ut nullo non anno perniones nequicquam omni studio vitaverint, licet non asperrima interdum, sed mitior bruma contigerit, alii verò resistunt causis, neque meminerunt quicquam incommodi se expertos, qui maximis se rigoribus exposuere. Itaque spectat non parum ad cooperaturas hominum atque ad partium temperaturas his causis obsistere vel prompte cedere.

Quarum rerum explicationem ex me tradente dum accipis, revoca primùm in memoriam eum, qui spectat ad primam partium compositionem primarum secundarumque qualitarum complexum. Deinde considera texturam cutis aliquos adscivisse fibrosam ac duram, viros inquam potissimum assiduis laboribus exercitos, aliis eandem esse minime fibrosam compactamque, sed laxam & mollem, veluti si languor aliquis attigerit, talis feminis & pueris ac male habitis hominibus visitur. Jam igitur, quam non satis calido sed frigidiori atque humidiori qualitarum complexui conjuncta laxitas atque mollicies, itemque cutis solutior & cessibilis est, hæc partium habitudo lubricam se exhibet, ut promptus in ea pernionum sit lapsus.

Aliud etiam quibusdam adverti peculiare, quod frigoris extremi sensu suscitant, ac tantum non livefunt manus, quibusdam illud autem fit, ut facile intelligis, aut caloris insiti parcitate, aut melancholiæ naturalis exuperantia. hos autem homines molliore carnis habitu videris omnes, ac subfrigido & subhumido tum hyeme, tum æstate manuum contactu semper: contra verò, qui calidiori sicciorique temperamento donatas partes, ac fibrosas firmasque tum naturâ, tum usu nacti sunt, maxime repulerint; ac minime senserint hanc eandem noxam. Hæc à nobis sæpe comprobata tua observatione verissima comperies.

Hæc ad ægrotandum partium habitudo est, ad solidam suam substantiam spectans. Similis, ut minima noxa frigoris prævaleat, spissitas requiritur sanguinis seu portionis humidæ, contra verò; ut vis frigoris χεμεδλέφωρ insinuetur, spissitudinis defectus faciet. Voco autem spissitudinem in parte quidem solida texturam compactam; in humido verò genere coactam hujus substantiam, cogitur autem & conspissatur humior ab interno congenitoque opifice, qui calor est seu coctionem præparantium, seu perficientium viscerum naturalium, hic quippe quò valentiùs vi propria subjectum humorem exercebit atque pulsabit, eò pressior & crassior hic evasurus est, & minùs dilutus solutusve, quemadmodum exemplo mustum, qui quantò majorem ac diuturniorem sustinuerit ignis versuram, eò consistentius tenaciusque reddetur.

Dices autem & quo pacto statuimus percoctum firmumque sanguinem obsistentiorem futurum è pernionum causis; dilutum verò atque solutum eisdem magis obnoxium, nimirum, inquam, propterea, quod illo concocto, & per calorem elaborato qualitates activæ terminant passivas, & dominantur, passivæ verò terminatæ sunt ac dominatæ; quemadmodum Aristoteles docuit in l. 4. meteor. initio, atque alibi. Signum autem, quod concocta & modificata omnia magis resistent alienis injuriis, monstrat inductio in plerisque succis, sero, lacte, atque aliis ejusmodi fluidis corporibus, quæ ignem experta se diutiùs incorrupta conservant, atve-

rò non percocta minùs se vindicant à putredine; sic igitur & de sanguine cogita, sive cui calor validus incubuerit, sive quem imbecillior coctionis agitatio crudiorē reliquerit: porrò, cùm ab exterioribus humor inalteratur, facilè crudior proditur; cùm verò perstat integer, & statu suo nativo inexcussus, per hoc perfectus & commodatus declarari videtur: itaque cùm adversus offensas frigoris incolumem se tueretur, probatæ substantiæ modum habebit, cùm verò prompte labefactabitur ab eodem, viriosa protinus se ostendet systasi, quod ad hunc affectum pertinet, atque adeò non constantes ad detrimenta sanguinis hospitati spiritus etiam ipsi languescent ac exolventur. Quibus omnibus vides omnes ex triplici substantia portiones, solidam, humidam, spirituolam perpeti sub pernionibus, & quæ ordine.

Cap. 8. *Nota pernionum.*

Pernionum indicia primus inter latinos exposuit Cornelius Celsus verbis, quæ certè immutare fas non sit: ita brevi pleneque rem exprimunt, quæ sunt scilicet. Rubor cum inflammatione mediocri est, interdum pustulæ oriuntur, deinde exulceratio, dolor autem modicus, prurigo major est, nonnunquam humor exit, sed non multus, qui referre vel pus vel saniem videtur. Hæc nos Celsi singula leviter exponemus, ex commentario quem in hunc autorem conscripsimus, traducta. Primum enim, quod rubor & inflammatio sit tumori, qui frigore productus est, ne difficile quidem videtur, nimirum frigus est calidi calidorumque causa per accidens, illud enim, cùm crebro quasi icta feriat continui facit solutionem, inde dolor, ab hoc fluxio & humorum illapsum acervatio, post prohibita transpiratio, mox putredo & à putredine inflammatio. Rubor autem à confluxu sanguinis est. De pustulis majus est negotium, sed hæc possunt excitari fervore ichorum prodeuntium quidem extra poros, sed ab habitu cutis compactiore conclusorum atque cohibitorum. Equidem comperi plus semel hoc anno 1624. in nostro nosocomio pernionibus excitatas ampullas phlyctenasve cùm maximas; ita ut comparari posuisset vitium ambustis ab igne, quod tamen ex una fervoris conditione proficisci mihi visum est consentaneum. Sed de prurigne quid censeam? id scilicet quia confarcti per poros ichotes, nullo expiratu computrescentes & aciores redditi fibras vellicant, & naturam sentientem excitulant. Illud nunc restat unum & quid cause sit, ut parum saniei & hæc portio neque etiam semper emittatur ab ulceratis perniunculis. Ad quam rem aio, paritatem hanc humoris respondere suæ siccitati partium, quæ & exangues sunt & à vi frigoris prope redditæ retorridæ, aut sicut loquutus est Aristoteles, asperæ.

Cap. 9. *Pernionum proprietates ac mores.*

Præter autem frequentissimas & communes jam enarratas pernionum conditiones, audi nunc & alias in hominibus plerisque privatas, quas equidem fideli multorum laborantium enarratione collegi.

I. Rigores aliquibus ac febres plurimum perniones exacerbati movent, ac nonnullam quoque maciem atque pallorem certis personis invehunt, quas res credo fieri, cùm acerbiter aliquam graviorem affecerunt, nam quibusdam etiam ungues quotannis excutiant novis inductis, sed & membranas ossibus circumpositas vitiant interdum, præterquam quod phagedænam, gangrænâ & necrosin, ut dixi, concitant sæpe.

II. Videris nunc in pedibus nasci vitium, quod non

tentaverit manus, nunc manus infestare, quod pedes reliquerit incolumes, atque hoc quidem frequentissimum est, ac exploratum à me perpetuò: qui tamen haud dubito, redundantis & varii succi materia posse superiores inferioresque partes æque corripere.

III. Manuum roseolæ noctu plurimum turgescere consueverunt, seu quod decubitus contactura, foveatque lancei strati.

Calor iste vias, & caca relaxat.

Spiramenta, novus veniat qua succus in ulcus.

Seu quod, ut aliis placet hi, qui nocturno cutis addensatu prodituri fuerant halitus, repressi conferveant, carnemque laxent ac tollant.

IV. Alios usu manuum solvunt, aliis verò manus neque plurimum extumescences ad operam impediunt, quanquam inertes maxime persequi difficultas hæc motus videtur.

V. Pedes calceis laneis contactos plerisque non peccant: quod idem defendendi studium manus non juvit alios; de quibus unus est Octovius Beltramus Thurius conterraneus meus Typographus Neapolitanus nulli secundus.

VI. Nonnullis grandioris ætatis accessu pepercerunt, alii verò sæpè medicamentis deleri recurrerunt.

VII. Ad hunc quoque locum spectat, quod narravit mihi Tryphon Cytharella Amalphenis ex opido Majori adolescens XVII. annos natus, auditor meus apprime diligens & studiosus, se tres jam annos, quos Neapoli transegit, laborasse primum manuum roseolis, quas antehac in patria nunquam fuerat expertus, contra verò religiosus vir Theatinus Joannes Marius Scaranus retulit Neapoli nativo solo multis jam annis hyeme pernionibus infestatum, qui profectus ad Siculos XV. annos per hyberna tempora nil mali sentiit, mox ad suos lares reversus hoc anno 1631. qui minime frigidus inter omnes fuit, hæc malis rursus expertus est, sic aëres aquæ, loca, luculenter, in has affectiones.

VIII. His eadem medicamenta conducunt, his non conducunt, nam quibus lixivium probe facit, quibus furfurum fomentum, aliis ex impuberis lotio cum arantii mali medulla confricatio, aliis ex percalfacto porcino veretro perfricatio sicut usui non penitendo.

IX. Ad summam difformis admodum hæc vitii species videtur: neque perpetuam in omnibus rationem lædendi servans, à causa nimirum externa & incertis sæpè corporum naturis variata atque producta. Singula autem, quæ accidunt, à medico describi non possunt, autore Hippocrate in l. de articulis, & alibi.

X. Frigidum humidum infestius plerisque quàm frigidum siccum.

Cap. 10. *De curandi ratione.*

Pernionum methodica curandi ratio per autores omnes sic explicata non est ad hanc diem, ut scopos mendedi certos dignoscas, adeo quidem, ut non satis exturbari contrariis appareant, aut si curentur, his utrisque gaudeant applicamentis: siquidem Aristoteles id supposuit lib. 1. problem. 55. & 56. calidis hos æque ac frigidis curari. Dixi jam Philosophi judicium in hac re. Sed è nostris Hippocrat. & aquæ fomento & igne curari solitos per Pithoelen contemporaneum medicum approbavit l. 5. & 7. epidem. qui ait; Perniones pertundere oportet & calefacere ita, ut quàm maxime excalefacias igne & aqua.

Sed & Cornelius Celsus optimus Hippocratis imitator pernionibus non adaperitis, æs quàm maxime calidum quis pati potest, admovendum præcepit: quem ignis usum cum non approbat inter manus idiotarum Fallopius, videat quæso quàm id inique faciat, quàmve immemor

quamve immemor sit, qui sanatos sibi perniones calidis ciueribus præcepto matris adnotis testatus est.

Sic apparet contra quam instituerint medici, censuisse problematum conditorem: hic enim frigida, sicut & calida pernionibus conducere; calida tantum nostri volunt. Quæ Philosophi sententia tam difficilis est visa Mercuriali, ut cum medicis sentiens ipse, qui maximus semper problematum Aristotelis fuit admirator & observator, tamen huic viri Stagiritæ placito visus est nuncium remisisse. Verum enim verò mea quidem opinione, nil absurdi continet Aristotelæ hæc hypothesis; etenim eo constituto, quod Petro Aponensi visum est, pernionibus mederi frigidam, quod hæc immodicum humorem ab extrema parte repellat & abigat, nimirum ad interiora transpositum, hæc quippe opera non improbat à nostris medicis, imò verò facienda præcipitur initio tumoris; quo scilicet tempore procedit ad membrum humoris affluxio. Quæ transpositio conducibilis amplius esse potest, si sanguis influens sit purus ac probus qualem constanter opinatus est Fallopius; ad hunc enim modum non peccat aliquid nisi nimietas, quæ ritè recteque repellitur ab unoquoque frigido.

Jam verò cum Hippocrates & Celsus & horum asectæ medici calidam aquam & ex igne petitas medelas admovent, hæc faciunt desita jam fluxione, collectaque tota materia tumoris, ut hæc efficaci calidorum vi dissipetur & exhauriatur, constante verò fluxione neque nostri parcunt refrigerantibus medicamentis, etiam quæ adstringunt admittis, sic gallas cum aceto contritas, sic vini fecem imponi laudat Octavius Horatianus, sive, ut altero codice nominatur, Theodorus Priscianus l. 1. ad Euporistum cap. 28. Aerius verò succum admonet hyosciami, quem ab inflammatione ac doloribus vindicare prodidit Paulus. Sed è posterioribus Fallopius & aquam rosatam frigidam & ceratum quoddam impense frigidum commendavit, quod R. succi rosar. solatri, plantag. singulorum unciam j. cerussæ, lithargyri singulorum uncias ij. aceri acerrimi, olei omphacini uncias iij. mista in mortario plumbeo subigantur ad linimenti consistentiam, quæ sæpius usitato affirmat autor rem optime successisse. Sic siquidem ille: Sed Joan. Huccherius velut ambusta perniones curavit, neque aliter Arantius in operis de tumoribus capite peculiari. Sed isthæc omnia superat, quod Guido Cauliacus vir sane consultissimus, frigidam aquam laudavit tractatu 6. doct. 2. cap. 8. quod est inscriptum de doloribus & mulis; sunt autem mulæ interpretibus Laurentio Joberto, Joanne Huccherio, Joanne Manardo, & gallicis Lexographis perniones. Postremò sunt &, qui nivem applicitam ferunt remedio fuisse. Has ob res omnes verum apparet, quod problematographus enunciarat, calidis ac frigidis æque perniones deleri, si tantum distinguantur usus opportuni tempora.

Qua composita veterum autorum contradictione, aliam, quæ inter juniores est ambiguitas & perplexio, nunc enarremus. Mercurialis quidem nullo proposito certo scopo, curationem pernionum, ut intertriginis dicit instituenda, qualem tamen neque postmodum exequutus est, verum apprimè diversam. Jam autem aliorum omnium, qui vitii summam ad cutis inani constipationem retulere, pars laxationem & detersionem, ut Huccherius, pars calfactum atque discussum, ut Fallopius; pars utrumque censuit exequendum, ut Arantius. Sed Franciscus Vallesius in com. ad l. 5. epidemiorum super ea sententia, quæ de pernionibus tradita est, ait; perniones quoniam cutis refrigeratione ac densatione fiunt, proinde calfactione ac laxatione curari, verum adhibenda hæc alternatim, nam aqua sola nimium laxat ac mollit, at solus ignis exiccatione vehementi constringit & co-

git, jam verò cum sibi mutuo succedunt hæc: igne calfaciente & aqua laxante, atque ustionem prohibente dissolvitur materia, laxabitur cutis, ac temperabitur pars.

Hæc alii, nos horum opiniones ad examen, si licet, referamus, ergo quod inter omnes convenit, pro certoque habitum est; laxandam eam, quæ malum sustinet, partem; non placet. Primò, quod non ad sententiam summi Hippocratis; imo multo diversa est enarratio, deinde, quod non ex legitima indicatione, sed nocua hæc medicatio est, quod (ut incipiam) ostenditur hac ratione, neque enim quod fiat addensatione vitium, propterea sit ab hac simplici causa, neque etiam si concedatur: ideo sequitur, ut sit laxandum, quippe si curatio est per contraria, contrarietas hæc medicamentorum spectat ad morbum, qui curationem indicat; non ad causam, quæ curationem vere non indicat, sed præservacione, Galeno teste in 8. metho. med. Quæ si vera sunt, ut sunt plane verissima, laxatio, quæ suaderetur à Vallesio, præter legem est Galenicam & nocua parti, nam tumor chimethlodes, si credimus Aristoteli, peculiari problem. jam iudicato, laxatio quædam est, nec non laxis hominum corporaturis advenire sueta, quod jam ostendimus, ergo laxantibus adaugenda sit potius, quàm relevanda.

Jam igitur quoniam, ut apparuit, perniones quædam sanguinis est affusio sub cutem de venarum oculis per vim frigoris expressi, mox semicorrupti; ob id exhauriendus est seu medicamentis, seu prompta & manifesta vacuatione, sic usum calidorum applicamentorum, & scalpri præcepit M. Hippocrates: longe aliter nimium, quàm interpret Vallesius commentus est, qui legit sic Hippoc. enunciatum; perniones dissolvere, tepescere pedes, hoc modo præcipue, calefacere igne & aqua; quæ lectio versioque non convenit cum ullo multorum aliorum translatione, neque cum codibus græcis sive Basilienfi sive Aldino; qui ambo l. quidem 7. sic habent: χιμέθλων κατασπᾶν, κατασχᾶν, restituit Anutius Foesius ἀλεαίνεν Aldino, ἀλεαίνεν verò Basilienfi τὴν ποδὰ ὥδὲ μάλιστα ἐκθεραίνειν πρὸς καὶ ὕδατι. Quæ Janus vertit ad hunc modum; perniones pertundere oportet, & calefacere ita, ut quam maximè excalfacias igne & aqua. Sed Anutius Foesius sic; pernionum medela est scarificatio; tepescitio, itaut pedes quàm maxime igne, & aqua excalfacias, quibus utrisque prior Fabius Calvus transtulit hæc ita, pernionculos pertundito; scalprove scarificato, pedes igne & calida aqua valde calefacito. Quod si fortasse codicem libri 5. græcum adendum volueris atque legendum, quem locum ipse Vallesius explicabat, is quidem tum ex Aldinâ, tum ex Basilienfi editione ad hunc modum habet, χιμέθλων κατασχᾶν ἀλεαίνεν τὴν ποδὰς ὥς μάλιστα ἐκθεραίνειν πρὸς καὶ ὕδατι quæ vertens prius Calvus reddidit per hæc; Perniones mulgebat, vellebatque pedes igne & aqua maxime calefaciendo: sed mox accedens Janus ait: perniones pertundendi & calefaciendi sunt pedes sic, ut maxime excalfacias igne & aqua. Post hos autem tertius Anutius vertit hoc pacto, pernionibus medeberis scarificando & pedes calefaciendo sic, ut maxime igne & aqua excalfacias.

Itaque si græcos ipsos codices, si latinos primos omnes interpretes consulueris, falsa & commentitia Vallesii translatio reperietur. Nec minus improbabili videbitur ejusdem enarratio, qui deduxit ex Hippocratica dictione alterum ignis & aquæ utum, quam aquam & ad laxandum propositam interpretatur, neutrum enim consentaneum rationi videtur, nam neque ad laxandum aqua capi debuit, cujus usus

‘nucleate traditus est ad maxime calfaciendum : deinde vero similis est, loquutum Hippocrat. de aqua marina, quæ usui præcipuo semper & maximo fuisse constat ad perniones præcis, præsertim Oribasio, Aëtio, Paulo locis citatis, & Octavio Horatiano, sive Theodoro Prisciano l. 1. ad Euphoristum cap. 28. nimirum ob multam exiccandi vim, quam habet hæc aqua propter salinam exuparantem portionem, qua de repiscatores, qui nudis perpetuò pedibus exercentur juniores & grandiores, equidem adverti minime chimethla perpassos. Confirmat demum aquæ marinæ conjecturam, quod solenne fuit antiquis scarificatis continuò membranisaquam salinam affundere, ut ne grumi sanguinis protinus occluderent vulnuscula, aut etiam, ut ne hæc simpliciter coalescerent; distinet porro coalitum sal inter omnia plurimum; ut in commentariis nostris de inermi chirurgia monstravimus. Quod si aquæ potabilis omninò retinetur opinio, etiamnum apparet, non ad ignis alterne contemperandi usum, quem opinatus est Vallesius; verum ad eliciendum laxandumque sanguinis effluxum institutam eandem.

Jam autem, quod ad alternum illum binorum præfidiorum usum spectat, neque hic necessarius est, tum propter prædicta, tum, quod probabile sit, duo illa simplicia (igni & aqua) proposita in sensu composito, quali diceretur percalfacta igne & aqua, aut si disjuncta volueris utraque capienda; dicam Hippocratem eam sententiã comprehendisse calidum in sicco & calidum in humido, quorū hoc infirmius alterum valentius sit, ut statuendum sit denique calfacientia ad Hippocrate probari præfidia non laxantia, si consideres plurimam partem semicorrupti ac propemodum extincti sanguinis exauriri per punctione efficacitate tanta, ut nihil sit præstantiū ad prompte demerendum de nostris hisce languentibus; Quam ego duce Hippoc. exequutus in plerisque egenis mire frugiferam comperi, quippe quæ causam ipsam mali fomitem in promptu detrahit & naturam partis diu gravatura sarcina cito levat, sic in Joanne Dominico Fusco; sic in Thryphone Cytharella meis auditoribus, quos curatos viderunt admodum R. P. Marcus Antonius Russus è Societatis Jesu medicus scientissimus, & Franciscus Sparanus medicus è Collegio Neapolitano consultissimus; sic in Reverendo quodam Capuccino: sic in Clerico Theatino, sic in aliis valetudinarii nostri decumbentibus, qui fuere propemodum innumeri, exiit autem semper ex vulnusculis sanguis primo tenuior, deinde ater & crassior, mirum autem quod aservato, refrigeratoque jam eidem cruori serum ullum non extitit.

Dixi de simplicibus, restant composita medicamenta referenda. Quorum duplex est series; nimirum altera præservantium, altera curantium. A pernionibus, inquit Aëtius l. 4. serm. 2. c. 73. præservat sal cum melle tritum manibus ac pedibus assidue inde perfrictis. Aliud non modò præservans, sed productos etiam perniones curans, ciciorum magnorum internam partem acidam rejectis feminibus diligenter terito, & cum adipe suillo vetusto ad cerati compagem redigito, & ad hyemis initium quotidie illinens ex eo digitos utitor. Aliud Oribasii, sulphur vivum cum melle cocto imposito. Aliud perniones imminentes arcens. Atramenti sutorii, florum mali punici sativi, singulorum drach. i v. alum. scissi unc. iv. myrtæ, thuris, singulorum unc. ii. ceræ unc. iv. adipis suilli unc. viij. olei myrtei quantum satis est.

Hæc ex Amideno autore. Post quæ referuntur & perniones curantia jam eductos ex his alia fluida, alia solidiora ex fluidis primum est apud Celsum ex multa calida aqua fomentum, in qua rapæ decoctæ sint: aut si ea non sunt aliquæ verbenæ ex reprimentibus decoctum, vel lenticulæ, vel ervi vel hastulæ regiæ radicis proba-

vit Paulus, sed rapæ summum perhibuit Aëtius. Ex fluidis epithematis decoctum betarum, quibus alumen scissum infusum est; proposuit Octavius Horatianus, post quod fomentum cera liquata linire convenit, idem ait, qui addidit ceræ & picis resolutæ solam undionem curationi valuisse, & gluten solutum in aqua liniendo profuisse, quod glutinis & ceræ linimentum usui præservandi potissime conducibile probarim equidem. Sed ex Paulo sunt hæc, in rapæ sativæ radicem excavatam conjicitur ceræ sextans, olei lentiscini quantum sufficit: cocta in duplici vase ex marina aqua, aut muria, aut lupinorum decocto, hoc quidem superfundo, ceratum verò in rapa liquefactum frigidum imposito. At in exulceratis pernionibus, thuris aluminis scissi, minii, resinæ; terebinthinæ singulorum par modus: adipe suillo diluta inducuntur. Verum si inflammatio exulceratos perniones male habeat, medicamento utendum hexapharmaco, quod recipit olei uncias novem, adipis fellis taurini, & singulorum libram, argenti spumæ uncias sex, colophonix uncias quatuor, mellis uncias sex.

Hæc isti: ante quos omnes Dioscoridi comprehensa sunt hæc; Thus cum suillo adipe, aut anserino impositum. Pix liquida inuncta. Acacia illita. Myrti seminis decoctum fotu adhibitum. Ficus crematæ cum cerato impositæ. Cancrorum fluviatilium cinis cum decocto melle illitus. Pulmo marinus recens concisus, & impositus. Asininæ ungulæ cinis oleo maceratus illitus. Ursinus adeps inunctus. Umbilici Veneris succus impositus.

Lentes cum meliloto, siccis rosis, malicorio, cydonio malo; & rosaceo adhibitæ.

Orobi decoctum fotu impositum. Raporum decoctum fomenti modo. Beræ decoctum appositum. Dracunculi majoris folia ex vino decocta & imposita. Oleum ex incavata asphodeli radice decoctum illitum.

Cyclaminis decoctum fotu adhibitum, quin etiam oleum cum pauca cera in ejus excavata radice fervefactum illitum.

Scilla cremata imposita. Ranunculi decoctum adhibitum. Arction ex vino additum. Alumen aqua aspersum.

Haftenus ex Anazarbeo Viro multa, post quæ referam experta mihi medicamenta: quæ sunt, ut non ulceratos quidem perniones suffitus ex cinnabare contrito, in ignitos carbones coniecto, mane vespereque ad multos dies, sub tensis paniculis accommodate recipiendus, mox ex decocto cyclaminis lotura. Tertio ex liquore destillato ceræ, vel ex hoc simul & pomata inunctio cum confricatu. Ad exulceratos verò ex eodem oleo ceræ, succo cyclaminis, adipe taurino, & pinus resina, vel pice colophonia ceratum secundum artem confectum. De tota pernionum inquisitione & curatione sint hæc jam satis.

De glandulis vulgo thureis Appendicula.

Medicina, sicut Cornelius Celsus ait in operis sui primordio, nusquam non est, siquidem etiam imperitissimæ gentes herbas, aliaque prompta in auxilium vulnorum, morborumque noverunt. Itaque fœminæ, tum quia peculiari quodam naturæ munere humanitatis & hospitalitatis officiis maxime sunt comparatæ, tum quia minus curarum habent, atque ocio abundant, pleraque observare possunt, ad commendandum alioqui non ineptæ. Quam medicinæ speciem rudem s. & ineruditis suis sensibus congruentem, aut ipsæ sibi confluerunt, aut perperam ab eruditis comprehensâ reservaverunt, obstetrices maxime, & hæc verulæ, quæ solertiã aliquā aut ætate, aut medicorum consuetudine compararunt; quarum rerum exemplis mediocrem numerum exsuperantibus enarrandis, ne nimius sum,

sim, superfedeo : si memorare non omittam non esse rem istius gentis omnino contemnendam ; quando Plinius a Lai Elephanti Salpe obtetricibus, pleraque describere medicamenta, dedignatus non est l. 28. c. 7. & Marcelli Imperatoris Theodosii medicus etiam ab agrestibus & plebeis accepta remedia fortuita atque simplicia, quæ experimentis probaverant ; operi, quod edidit de medicamentis, inserere, non erubuit ; quid quod audiendos vulgi inedentes monuit Hipp. alicubi technicorum operum, gynæciaque plurima ex fœminis accepit.

Itaque istæ matronæ morbum invexerunt tunc, tersius tolle appellatum, latinè tolles quod propterea, tollantur ac tumeant ; cujus diminutivum tonsillæ, parystomia, quæ sunt in homine, sicut glandulæ in luecūm tumor fauces occupat, quæ verba sunt Ambrosii Bergomatis in lexico. Sed alii pronunciant thurea fortasse, quod ad thuris grana figuræ magnitudinisque similitudo accedit. Scire autem licet, oboriri vitiosas istas glandulas & eментitos adenas in artubus, ac præsertim in brachiis parte supina, quæ supra carpum est, in devaricationibus tendinum lacertorum. Materies autem est lenta pituita, quæ laxato ac rarefacto prius per calorem corpore, mox succedente frigore cogitur & conglobatur in eam, quam dicunt glandularum, aut granulorum formam. Has istæ sic curant, ut obverso pollice duriter comprimant, sic crebro afflictu finiuntur tum ipsæ, tum aliæ, quæ subsunt parysthiis glandulæ, fortasse communicato concalfactu, ob diversitatem verò fieri credidit Gulielmus Rondelérius in l. 2. sue nosotherapy cap. 4. quo loco & ipse morem hunc vulgarem curandarum tonsillarum retulit. Similis tuberculi meminit Avicenna lib. 4. fen. 3. tr. 2. c. 6. cum ait ; generatur in quibusdam membris apostema glandulosum, sicut avellana nux & minus eis, & est in principio taliter, quod cum super ipsum sit compressio, superatur, deinde redit multoties & multiplicatur &c. Quod tuberculi genus ab Avicenna memoratum crediderunt aliqui, Joanne Costæo relatore, Ganglium : quod tamen notas ganglii verè non habet, ut probat idem Costæus ; verum mea quidem opinione sunt notatæ glandulæ, quas ad sententiam fœminarum vulgarium enarravi, quod confirmatur communitate curationis. etenim, quod attritus auxilium præcipit Avicenna glandulis ; idem medicæ nostræ factitat, tum quidem tonsillas ; tum tolles excutiendo ; tonsillas quidem rumpunt collo patientis mira celeritate per utraq; manus circumrotato, brachii verò glandulas ante descriptas obverso pollice vehementer proterunt, ut jam exposui. Quæ de thureis glandulis pauca libentius equidem in hunc locum retuli, quod complicati folii vacuitari complendæ sum ansam hactenus.

Tractatui Marci Aurelii Severini adjiciamus jam Observationes aliquot de Pernionibus hybernis, earumque curatione.

Fotus calidi cineris maxime laudatur, quo remedio testatur Fallopius se liberatum fuisse à pernionibus, quibus singulis annis vehementer affligebatur : fovebat pedes cum ibat dormitum, alii solent inungere locum affectum oleo ceræ & terebinth. frequens usus est, ut excavetur rapa usque ad fundum, infunde ol. ros. & ol. terebinth. an. 3i. supra calidos cineres ponatur rapa, bulliat ad medietatem & inungantur loca hoc liquore bene calido : prius pedes apponat ad fumum aquæ ferventis : si ulcerentur perniones, imponatur unguentum de tutia magistrali, vel etiam diapalma. *Rodericus à Fonseca. tomo 2. consult. 12.*

Biblioth. Chirurg. Tom. III.

Consilium dedimus ut rapam ferventem imponeret : vulgares apponunt cutem extractam ab hialece fumo induratum : curantur etiam cum decocto rapatum, si in eo immergantur, curantur & appposito diapalma. *Petrus Forestus. obs. 15. & Schol. lib. 5. obs. Chirurg.*

Adversus manuum perniones infallibile prophylacticum commendatur cruor adhuc calens ex bove recens mactato effusus, si eidem manus imponantur, cujus uti quædam puella ab hoc vitio singulis hiemis recidivante jam immunis vivit. *D. Joh. Ludov. Han. nemann. in Miscell. Curios.*

P E S S A R I A.

Sunt instrumenta quædam, è variis materiis, & sub variis figuris fabricata, quæ medicamentis aptis inuncta, intruduntur in Vulvam, seu potius Vaginam, pro Uterô prolabente in situ naturali continendô, ac normandô. De iis vid. Tabulas sub titulô Instrumenta Chirurgica, allatas.

P H A L A N G O S I S.

Vid.

O C U L O R U M M O R B I.

P H Y G E T H L O N.

De eò sic Hieronimus Fabricius ab Aquapendente.

Phygethlon est inflammatio in glandulâ, erysipelatis particeps ; aut est erysipelas inflammatorium. Gal. cap. 1. lib. 2. ad Glauco. In hoc præcedat universi corporis procuratio per venæsectionem, purgationem, diætam. Quoad partem affectam, potius digerendum, quam supputandum, quia hujusmodi tumor habet bilem admixtam : Propterea Galenus lib. 6. simpl. laudat alsinem, instat cataplasmatibus, item atriplicem, & folia malvæ hortensis : Nec non ceratum humidum, quod describit c. 6. lib. 2. simpl. In summâ φνέθλον discutientibus mitioribus curandum.

P H I M O S I S.

Vid.

P E N I S M O R B I.

P H L E G M O N E.

Vid.

I N F L A M M A T I O.

P H L Y C T Æ N A.

Est morbus ad Pustulas pertinetis. Verum hîc de eò aliquid specialiùs, ex Clariss. Godefridi Bidloo Exercitationibus Anatomico-Chirurgicis, tradere ingratum minime fore credimus. Sic autem ille.

Uno eodemque nomine diversissimos aliquando indigitari morbos eosque singulos cum definitione nequaquam convenire ; insigne, præ cæteris ; in phlyctæna exemplum est.

In cruribus brachiisque oculisque uno nomine venit morbus, Phlyctæna ; neutrum tamen eorum, definitioni huic, aut illi, ab auctoribus in hoc usque momentum traditæ in genere, aut specie responderè, patebit ex sequentibus liquidò.

Ipsi autem voci quæque propriæ significationi non inhærentes sive etenim illa ab ebulliando, vel bullas

excitando, *φλογεν*, deducta sit merito, vel non, ad rem faciet parum) submittamus examini morbi descriptione; qui utriusque partis, nunc inflationis vacuæ, nunc vesicæ liquore subflavo, vel limpidi lucidoque impletæ, modò pustulæ & mox hydatidis formâ, describitur; harum autem descriptionum nullam morbi phlyctænæ exhibere vim, multò minùs indolem, colligere est ex utriusque morbi cum illa comparatione, ex qua constabit, Phlyctænâ artuum esse, ab ea oculorum, diversissimâ.

Primò; Phlyctæna artuum formâ pellucidarum vesicularum liquore nunc subflavo, nunc albido, magnâ copîâ, plurimis locis, citò, cum pruritu erumpens, cuticulam elevat; non pertusa, aut exsiccata mox facillè scabiei, exedentis ulcusculi, *herpetivæ*, squamosæ, fuscæ &c. characterem exprimit.

2dò; Phlyctæna verò, oculi membranas anteriores, non autem cutim occupans, nunquam in vesicæ formâ, id est, cum pellicula assurgens, intus non excavatur liquidique continet nihil, unâ, lentò, sine pruritu & semper rubra erumpens, ni curetur, ulceris, ne indurati, vel exsiccati quidem unquam; *panni* verò quandoque indui characterem; ita ut cum Phlyctæna artuum epinyctides, esset &c. cum ea oculorum panni initium, rarior papula &c. similitudinis aliquid, essentia verò nihil habere, ex earum descriptione constet probeturque nominibus nil fidendum, neque ut à multis assertum habemus, ex græcis titulis morbis inscriptis, morborum indolem posse percipi. Oportet ergo huic, aut illi diversissimorum prædictorum morborum aliud inscribatur titulus, ne sub improprio nomine, huic, quæ illi est adhibenda, adhibeatur medicatio; quod saltè tyronibus, vel ad titulum morbi, absente ægro, medico-chirurgis accidere facillè potest; si quoque hæc & illa Phlyctæna eadem idemque esset morbus, unum & idem sufficeret remedium genus.

Priusquàm autem de curatione verba nobis sint, perlustremus (lect: ben:) partes, quæ primariò, secundum auctores, in hoc & illo prædicto morbo afficiuntur: unus venas, lymphæ ductus eorumque extravasatû liquidum, glandulas oculorum serosumque earum excrementum; membranas alter, bilem falsâ, pituitâ, retentum menstruosum sanguinè, fermentum acre & salinum & quæ porrò istius farinae plura passim inveniuntur, inculcat atque increpitar.

Ut modò diversas horum morborum apparentias, ita jam nunc ostendere conabor, diversa planè in iis primariò affici organa in artuum, nempe Phlyctæna cutaneas glandulas papillariaque; cutis corpora, in ea verò oculorum, solummodò arteriam.

Ad prim: in artuum, crurum, manuum pedumque; sic dicta Phlyctæna elevatur, variis cum tuberculis vesiculosis, cuticula, quâ ablata detergoque; liquore, asperitates eminentieque, plus, minusve, pro glandularum, aut papillarum majore, aut minore affectione, duræ, aut flaccidæ conspiciuntur, eodem fermè adspectu, ac si cuti vesicatorium, vel leve aliud quoddâ esset impositum causticum. Mador hic rarò ultra quatum, aut quintum diem stillitare continuat, quibus pars affecta consolidatur denudè, vel in scabiosum degenerat ulcus, cum circumjacentium partium induratione, inflammatione, excoaratione &c. non rarò, inveterascentibus hisce ulceribus, cutaneo tegmini fœda erumpit, circumvolutis induratisque hîc & illuc ulcerum labiis, excrecentia; imò ex hoc morbo homines vitam trahere languidam, contabescere, continua vexari febre, vigiliis aliisque quandoque symptomatibus lethiferis, ipsa me sæpius docuit res.

Cutaneum hunc morbum fœminas, non mares; artus, non verò alias infestare partes, fabula est: in dorso etenim, pedore aliisque locis cum detexi multoties; quare autem plus in artuum extremis, quàm aliis partibus inveniatur, crediderim ab eo loci pruritus scalpendi radendique proprio facillique accessu plus, quàm ab alia causa dependere eoque magis; quoniam, ut plurimum, in iis quibus noverca fortuna victum negat & amictum, reperitur

accedenteque porrò corporis immunditate, sordidâ, pediculis &c. cutim infestantibus, morbi vis adaugetur hæcque incommoda morbi quòque causa existant; quoque (inquam) quia ejus variè statui possunt causæ & originationes; ut sunt ex: gr: sudoris transpirationisque impeditio, cutaneorum glandularum, vel papillarum corporum mala dispositio, abundans & male disposita eorum liquidum, vulnus non ritè consolidatum, cuticula mole auctior, indurata debitorumque tensior &c.

Ad secund: Arteriam in oculi Phlyctæna solummodò, sive primariò peccare, sequentibus rationibus, confirmari, confido.

Primò; rubescentem, sine pellicula, hanc expullulationem in tunicam adnatam, corneamve à vena originem trahere, rationi demonstrationique est contrarium: vena quippe sanguinem à membranarum superficie intro vehit; fracta, nullum, nisi eò loci, tum temporis detentum, emittit sanguinem; ipsius quoque venæ pars non est; quoniam pellicula caret & hoc sensu, potius varicis extaret species; insuper, sanguis; si esset, qui expullulat, venosus, non rubro-floridi, ut ab initio ad finem est; sed fusci extaret coloris; itidem de momento in momentum non augetur (sanguis enim in venis non retrograditur) quod in Phlyctæna semper ita obrinet; ut tandem panni, vel excrecentia tuberosæ efformet speciem.

2dò; non esse de lymphaticorum tuberculorum genere, docet ejus materia, originatione &c. & ipsorum vasorum lymphaticorum cum fabrica, usus.

3tò ex nervis male constitutis ortû Phlyctænâ ducere, nemo anatomico-chirurgus suspicatus est unquam.

4tò; esse membranarum affectum easque corpore primariò peccare, probatu est impossibile; quoniam, non nisi jam nunc expullulante in ipsas Phlyctæna, patiuntur; quinimò, ab ipsis illam separari, sine laceratione sui corporis elevarique posse atque à membranis sanguinem non emitti, propriè loquendo, compertum est satis.

5tò; neque oculi glandulis hoc posse imputari vitium, vel ex eo patet; quod loco ab ipsis remoto maximè, oritur.

6tò; tubulos aquoso-lacrymales corpore non lardi, neque hoc malum membranis injicere, probatione egere non videtur: quod enim emittunt liquidum non sanguis; sed verò limpidus latex est. &c.

Restat igitur (cum omnia illa organa, primariò, in causa non sint) probem, arteriam efficientem causam & esse, quod in hoc morbo peccat organum ejusque vitio postea infestari alias partes; posset enim quoque arteria (ut prædicta organa) extare inculpada & hoc vitium, hæc Phlyctæna, ab exteriori quodam oculo accedente infortunio, materia &c. ortum ducere; sed, obstantibus phaenomenis, non credo hanc difficultatem operosius esse diluendam, extraneum enim nihil, sua valet virtute, membranarum oculorum sanguinem (ex quo tamen & solummodò fit oculi Phlyctæna) injicere, de quo momento in momentum, uti in hoc morbo fit, cumulo augere.

Censeo itaque Phlyctænam (qui morbus apud medicos vulgò oculi, non verò cutis est vitium) esse extremitatis arteriæ dehisceniam à sibi opposita venarum radice, cum apertura in membranarum corneæ adaptæque superficie, unde ipso temporis sui fieri puncto, subalbida, mox verò, potius simul (nam vix admittitur temporis interstitium) rubra existit manetque; Quare autem liquidissimus iste sanguis de arteria oculoque mox itidem non distiliter defluatque, rogare desines (lect: ben:) ubi tibi in mentem inciderit; primò; esse ab initio vix visibile illud punctum, inter tunicarum filamenta detineri, frigore externo inspissari moxque concretescere; sed verò, tum temporis, digito carptove posse ex parte abstergi: vividum itidem effusum sanguinem, partibus coherentem; nullo autem velamine cinctum, mox non defluere,

fluere, corripì, putrefcere, ex farcomatum, ulcerum hyperfarcoticorum multis speciebus demonstratu perquam est facile. Ptopullulantes luxuriantesque corpore arterias tumoribus inferi, cum iis plexiformi commisceri ritu cumque ipsis capere, præter ordinem æconomiae animalis, incrementum ex citatis; sed verò maxime patet nasi polypis.

Oculi Phlyctæna, pro inflammationis initio, haberi non potest: in illa enim arteriae propagatio una, vel multa obstruitur, in hac aperitur.

Ultimò; cum ex interiore membranacearum lamellarum adnatæ, vel corneæ parte, peccans hæc quandoque arteria, sive phlyctæna assurgat, de vario Phlyctænarum colore, inultus, sed inutilis sermo est (sequitur enim illa illuminationis omnium corporum regulam) ruber plus, minusve pro collaocione, mole &c. omnibus itaque hisce nominibus differentiisque, quæ à colore petuntur, supersedeo: priusquam enim arteriola supra memoratæ extremitas in oculi anteriorem membranam eruperit, cum apertura, superficiem egeritque (ut supra) Phlyctænam non constituit; inter lamellas verò exteriorum tunicarum oculi non Phlyctænam; sed suæ speciei hypopyonem generari, excitari, docebo datâ opportunitate, luculenter.

Quæ igitur in membranæ corneæ, vel adnatæ superficie protuberant venæ, varicum sunt species; quæ vesiculæ liquore impletæ limpido, aut ex albo-turbidulo, hydatides, aut lacrymalium vasorum distensiones; quæ exaltationes-livescentes unâ cum membranarum prædictarum parte, intra eorum lamellas oriuntur, hypopyonum initia: ita ut præxi chirurgica hæc consent infallibiliter, videlicet, conspici sine albescente sua dispositione materia Leucoma, sine pelluciditate Vesiculam, vel Hydatidem; sine rubedine Phlyctæna nunquam.

De morbis hisce eorumque definitione, differentia, ortu, progressu, apparitione tantum.

Utriusque postremò exhibituro curationem, liceat mihi primò descriptum morbum (cui alium & specificum inscribendi titulum, unicuique relinquo potestatem: sufficit enim jam nunc demonstravisse eundem illum, cum ejus nominis oculi morbo, non esse) ut Pseudo-scabiem tractitare; in cutaneo autem hoc symptomate, sive succi nutritii lymphæque, hoc loco, supra modum abundantis, profluvio, gradus ut sunt; ita plus, minusve de scabiei titulo & essentia obtinet: profluvium enim modò quod erat ad cuticulam, si continetur, fractâ cuticulâ, ulcus excitabit; hoc, pruritu & liquorum horum mala dispositione, acredine &c. accedente, scabiei requisita & sic porro.

Cutanea Phlyctæna curatur initio: mox enim adest dolor, observata medicatione; si opus sit, internâ dietâque ex malacticorum lenientiumque genere; topicis, anodynis desiccantibusque mediis. Ut sunt: *vinum dilutum, solutiones opii. ung. alb. caphur. ung. diaphom. aq. litharg. aq. plantag. cum sacc. Saturni. & liq. tart. mucilag. sem. Psyll. portulac. addito* (quo tertio, quartove demum die opus est) *flor. croc. cum tepido expressorum liquamine ʒi. ad ʒij.* in genere abstinendum ab emplastris largaque unguentorum inspersione. Si vesiculæ indurentur, pertusione excipiantur crebra iterataque; acu autem id fiat aurea, vel è chalybe, aut minusculo scalpello idem est; sed parti medicamentis exornatæ, mox injicienda est ligatura eaque non laxa.

In ulcus si abierit, ulceris methodo tractanda, in qua sulphurata, mercuriata, nunc mixta, nunc seorsim, vel alternis vicibus usurpata, rarò non profunt.

In scabiei specimen conversa, ut hæc solet, cusetur.

Præservari ab hoc malo si corpora possint, fiet illud (dietâ constitutâ) multa cutis frictione, ablutione in balneis, sudoris expulsionem, modico exercitio.

In oculi Phlyctæna curatione, paucis exceptis, ut desiccatione & ligaturâ, quæ tamen alia est: aliud enim

desiccari debet liquido-concretum aliterque laxè nempe applicanda ligatura, omnia è contrario fiant oportet.

Primò; mox ab initio abstinendum ab omni pertusione: sanie enim (ut quidem autumant) nò continet; sed verò cōpressâ, quæ defluit materia, ipsi laticis sanguinei est: 2dò; à mediis sanguinis motum accelerantibus.

3tò; à remediis, quæ cum oleis, adipe, axungia &c. miscentur.

4tò; melle & felle cujusunque sit animalis.

5to; liquidis collyriis &c. acrioribus, utpote in vicinas partes, etsi penicillo inspergantur, defluentibus easque plus infestantibus, quam ad requisitâ curationem ducentibus.

6tò; de mutatione, sive supputatione non est (lect. ben:) quod somniet: latex quippe hic mox concretus in pus degenerat nunquam, ideo maturantia cataplasmata, fots &c. de hoc remediorum cœtu removenda extant: luvæ enim radiis non maturefcit botrys, nisi ubi mulâ pepererit.

Pustula (in oculo) Vesicula; Macula; Phlyctæna; quibusdam eadem res est eademque recipit ab ipsis remediis, sed extra rationis normam: trajicere enim arteriâ pro vesicula, quis non horreat; Phlyctænam arteriarum extremitatem apertam demonstravi; perperam itaque illa pertunditur acu, perperam itidem Phlyctæna artuum acu non pertunditur: vesica quippe cutanea est.

Remedia in curationem adhibenda (emplastra enim adhibenda nemo statuit) sunt; quæ, quantum est possibile, sine, aut saltem levissima cum incrustatione exsiccant: *gummi arabicum, gypsum, sarcocolla, cerussa*; sed verò omni arte in pulv. impalpab. redact: hæc enim propullulationi huic adhærentia, eam exsiccant, deprimunt, cicatrice obducunt. Uti si velis hisce cum quodam liquido immisceantur *albumini ovorum cum alumine conquassato*: de deterfione non moneo; quoniam abstergi minus, quam desiccari deprimique debet; inde est, quod à *vitriolatis* in initio cavendum sit; ubi autem morbi status mutatur; mutantur & remedia; ita Phlyctæna inveterata, malè medicata, extuberans in formam *panni*, aut *farcomatis* &c. alio modo, quam recēter nata, excipitur; statuendo tamen, escarotica vix unquam usui venire. Quod si vicinæ partes doleant ex inveterata, multave mole aucta Phlyctæna, instituitur ac præscribitur, quæ in inflammatione, partium distentione, excoaratione &c. medicationis formula extus intusque. Phlyctænam hanc; ni ritè consolidetur, facile recidivam pati, exemplo didici & periculo meo; esse junioribus, ut & mero delere curas nimium amantibus, æstivoque tempore, ut plurimum, oborients symptoma sanguinisque iis missionem conducere, pro comperto habeo. Quæ contra hunc morbum in prælidium vocari posse videntur; observato methodico vitæ regimine, sunt oculorum matutine vespertinaque tepida ablutiones à frictione abstinentia, corporis animique quies, quæ inter curandum, uti in omni infortunio, non levioris est adminiculi & solaminis.

PHTHIRIASIS.

Pertinet ad Pilorum morbos, atque sub hoc titulo reperiri poterit. Jam unicam tantum ejus historiam, ex Clarissimo Gregorio Franco-de Frankenau, in Miscellan. Curios. Decur. iij. Ann. 5. & 6. contentam, adducemus.

Ιατρικὸν τὰτος Vir Petrus à castro Bagonas Veronien-
siū Aculapius, & cui multi celeberrimi Medici intra & extra Germaniam debent plurimum, ob insignem eruditionem & Praxin felicissimam, in aureo libello de Febre maligna puncticulari (cujus iteratam editionem debemus candidissimo pectori, Magno Joh. Georg. Volchamero nobis olim, dum viveret, amicissimo & adhuc post fata colendo) Sect.

IV. de signis prognosticis febris punctularis §. 39. p. m. 94. ita scribit: Horrenda phthiriasis, ante septimum præsertim apparens, majorem partem ærotantium miserè sustulit: Nec protracto morbo temper est secura; nisi coctionis signa apparuerint. In declinatione salubriter solent germinare, consumtis per ea animalia impuris succorum reliquiis, quæ ad cutem natura detruserat, non satis valens, propter putredinalem visciditatem ab eis se expedire, alioquin perniciosas effecturis recidivas. Idem ibidem Sect. IX. §. 54. p. m. 26. sequens pergit: Fœda Phthiriasis non rarò etiam hunc morbum comitatur, malo certè omine, ut dictum est supra. si in principiis appareat, nisi purgatione debelletur. remedium non habet, ut contigit famulo pharmacopolæ ad D. Zenonem, qui quarta die apparente Phthiriasi, sexta miserè extinctus est &c. Commodum verò accidit, ubi librum huic elegantissimum in Antiquissima totius Germaniæ Heidelbergensi Academia, Auditoribus meis proponebam, jubente ita tempore, Ann. 1674, quando hæc maligna febris & in Castris & in urbe sæviebat; ut occurreret talis casus, qui certè inter rariores numerari meretur. Venerandæ cauitici vir, Consil. Intimus & Præses Serenissimi cujusdam Principis, ad jussu Domini, Castra Cæsareæ, tunc temporis propè Spiram Nemetum metata, secutus, incidit in morbum castrensem seu febrem vulgò dictam Hungaricam cum fuetis, hoc est, vehementissimis symptomatibus. Ingravescente malo deportatur Heidelbergam ad Generum suum Dn. G. A. de M. Centurionem ibi in præsidio commorantem. Hic me vocat & urbis Phisicum Ordin. D. D. Andr. Steigerum; invenimus senem promissâ comâ barbâque, quam sæpius solebat interplicare & nodis constringere; cætera proceri & robusti corporis, munditiæque studiosissimum. Exhibemus ex artis præscripto remedia. Sed ecce circa undecimum morbi diem subito & ex improvviso pediculi copiosi agminatim per caput, collum, pectus reliquumque corpus oberrantes conspiciuntur, cum ægri horrore & adstantium. Vires violentissimè discedunt, Optimusque Senex die morbi xiii. circa vesperam placidè expiravit. Exemplum hoc communicavi cum Clariss. Viro Joh. Gottofredo Zeisio cum me Rectore Universitatis & Præside An. 1678. d. 17. Junii Heidelberge, non sine laude proponeret Disput. Inaugur. de Phthiriasi, in qua magno labore, doctâ diligentia, rem exactè enucleavit, qui potest videri. Hic noster casus mihi revocat in memoriam aliud exemplum quod non ita pridem legi apud Erud. Virum D. D. Franc. Blondel in Thermanum Aquisgranensium & Porcetianarum Elucidatione & thaumaturgiæ c. xiv. §. 2. p. m. 158. seq. Edit. „Aquisgr. An. 1688. in 4. ubi inquit: Unus restat „exoticus morbus, quem referre debeo. Primâ A- „prilis accessit ad thermas Prænobilis Hollando- „Frisius M. M. singulariter in omnibus aulis Regum „& Principum Europæis, imò & Turcarum notissimus. Navigans in mari cum Judæis, suspicabatur „se ab illis, fœdo illo Herodiano morbo pediculari „intoxicatum fuisse. Quidquid fuerit, ita ejus cutis „illis repleta fuit, ut undique ex vola manûs, ex „Naribus, Auribus, Oculis, Mento, Barba, Pectore, „Ano, Pene &c. innumerabiles extrahere posset, „videntes & in charta ambulantes & currentes, quod „vidimus unâ cum Chirurgo M. Henrico. Personam „habebat conductam, quam secum ducebat, pro hac „venatione, quæ tota die fermè operam illi impendebat, & quæ ad millones fortè mactabat &c. „Huic casui medelam adhibuit circiter per duos menses, potu & foru thermalium, causam morbificam „sustulimus, extinximus &c. mutatis vestibus ivit „Francofurtum, sanatus rediit, curamque anteriorem

pro majori certitudine aliquantisper repetiit, & abivit liber & incolumis. De morbo hoc qui plura desiderat, adeat Joh. Schenk. Obs. Med. I. V. f. m. 699. seq. Ephem. Germ. Cur. Dec. II. Ann. V. & VII. in App. Fabrum Buchneri per Cellarium f. 1798. Cunn. Dietericum in Analyti Evangel. Dom. post Circumcisionem Domini p. m. 148. 6. Sennert. de Infant. cur. p. 2. c. V. Holler. ad l. 1. de comp. med. Perioch. I. p. m. 13. de pediculis horumque seminatio, & quod etiam sint in arboribus vid. Joach. Camerar. in utriusq; Lingue Comment. f. 410. Reusner Obs. XXXI. & plures Auctores in Moroni Directorio per Sebast. Scheffer p. m. 355. & præcipuè apud laudatû Zeisium supra.

PHYMA:

Phyma latinis Tuberculum, comprehendit in genere pustulas ac tumores omnes p. n. erumpentes in exteriori corporis ambitu: strictè verò glandularum inflammationem cum subsequenti suppuratione significat. Quomocunque autem sumatur, non opus est ut caput distinctum inde conficiamus, quandoquidem quicquid ad hujus morbi curam spectat faciliè reperire est ubi de Tumoribus, & in specie ubi de Furunculo. De hoc itaque jam satis.

PILORUM MORBI.

De iis accuratè & eruditè pro more, differit Clar. Vopiscus Fortunatus Plempius in suo doctissimo de Affectibus Capillorum Tractatu, qui sic habet.

Capillus dicitur quasi capitis pilus, ut tradunt illi, qui verborum rationes originesque inquirunt. Litera L. geminatur, contra quam sit in primogenio, pilus, quod priorem corripit.

Caput deducunt à Græco vocabulo κεφαλή vel à κείρα ejusdem significationis voce. Alii Romanorum, teste Cicerone, doctissimum Varronem secuti etymi rationem inde arcessunt, quod à capite initium capiant sensus & nervi. Atque hanc etymologiam multi probant, quorum tamen in censu nomen suum non profitetur eruditiss. Ger. Johan. Vossius, qui mavult caput nominari à κεφαλή. Nam & φ, inquit, interdum abit in tenuem p. quomodo à σοφός est sapiō; à κάρω, carpo &c. & è non rarò in a. abit; quomodo à μένω est maneo; ab ἐνός, annus; à σέζομαι, id est colo, veneror, Sabini; ab Hebræo & Syro creb, quo εἰρήνη, id est, vespera significatur, Arabes. Quod si hæc, addit, minus placent, fuerit caput à cap curvare, vel Syro capa inclinare; quia caput formâ est globosâ & ad inclinandum se idoneâ. Sanè à Syro illo est κῆλην caput inclinare. Huic præclaro Viro consentit Joh. Henr. Alstedius in omni scientiarum genere non minus excellens.

In animantium autem genere humanum caput maximè est pilosum. Cujus causam tum ad necessitatem; tum ad præsidii rationem esse referendam auctor est magnus Stagiritis. Ad necessitatem quidem, propter cerebri humiditatem & commissuras calvæ: nam ubi plurimum humoris calorisque, ibidem ortum pilorum esse exuberantem necesse est. Præsidii autem seu adjumenti ratio est, ut frequentia pili caput operiens defendat à nimio frigore & calore. Cum enim cerebrum hominis portione maximum & humidissimum sit, maximam etiam tutelam desiderat. Res namque corporis nostri humida quæque & incalescere & refrigerari maximè apta est: quæ autem contrâ se habet, hæc minùs affici potest. Adde & ornatum, qui sit velut in ædificii culmine, neque in pilei figuram teres factus, ne quibusdam partibus nudis, esset informis:

sed aliubi iufusus, aliubi retractus, pro cuiuslibet loci decentiâ, ut ita loquar speciem miri ostendit decoris. Proinde memoriâ traditur, Charilaum nobilem Lacedæmonium interrogarum, cur comam nutriret, respondisse: quoniam ex omni ornatu hic pulchrior foret venustiorque, ac sumtus minimi. Quam ob rem & Silius Italicus Poëta & tertium Consul Romanus in laudibus Scipionis ita sibi canendum censuit.

*Martia frons, facilesque comæ, nec pone retroque.
Casaries brevior.*

Philostratus in quâdam suâ epistolâ comæ decorem commendat ad hunc modum: caput crinibus luxurians amœnius est longè Palladis germine: hanc enim arcem minimè omnium glabram atque incomtam decet conspici. Hisce calculum adjicit prophetica sententia Esaiæ tertio: calvum reddet Dominus verticem filiarum Sion. Et Lycurgum scimus cives assuefecisse comam nutrire; quoniam pulchros quidem decentiores redderet, deformes verò terribiliores, ac magis formidabiles. Nam & jubati leones tigresque terribiliores videntur cæteris eo exutis ornamento.

Isti capitis tegmini à natura dato fidentes veteres nullis pileis usi sunt, sed vel nudo capite fuerunt, vel veste caput velaverunt: cum nulli in veteribus Romanorum statuis; nulli in æneis quoque nummis pilei visantur. Nulla etiam pilei vel causiæ, qui est pileus expansos habens margines, ad ascendendum estum, ne apud Homerum quidem mentio: adeò ut nudi capitis consuetudo à calcâ Græciâ, cui capitis operaimenta usitata non fuere, ducta videbatur. Inter Romanos Julius Cæsar, ut Tranquillus prodidit, calvitii deformitatem iniquo animo tulit; ideòque deficientem capillum revocare à vertice assueverat: atque ex omnibus decretis sibi à Senatu populoque honoribus, non aliud aur recepit, aut usurpavit libentiùs, quam jus laureæ coronæ perpetuò gestandæ: idque ad calvitium celandum. At verò minimè eam tantò expetivisset opere, si pileus in usu fuisset, longè scilicet aptior & fidelior ad dissimulandum calvitium, quam corona.

Nihilominus tempora quædam fuerunt & homines, quibus jus & usus capitis tegendi.

Temporibus comprehendo sacra, ludos, saturnalia, peregrinationem, militiam.

Sacra seu sacrificia velato capite peracta fuisse prisco ritu literatoribus notum est. Undè flamen quasi filamen dictus, quod caput filo lanæ præcinctum haberet. Diserte Servius in 8. Æneid. flamines in capite pileum habebant, in quo erat brevis virga desuper habens lanæ aliquid. Quod cum per æstus portare non possent, filo tantum capita religare cœperunt. Nam nudis penitus eos capitibus incedere nefas fuerat. Unde à filo quo utebantur, flamines dicebantur, quasi filamines. Verùm festis diebus filò deposito, pilea necesse erat accipere, quæ secundum alios ad ostendendam sacerdotii eminentiam sunt reperta: sicut columnæ mortuis nobilibus superponuntur, ad ostendendum eorum columen. Hæc Servius eo loco. Plutarchus à pileo, quasi pileamines, dictos arbitratur. Vossio neque à filo neque pileo, id nomen accepisse videntur: longius enim vocabula hæc abeunt. Sed est, inquit, flamen à flameo, hoc est, velamento capitis, quo utebatur. Id autem flameum vocatum à flameo colore. Hujus verò coloris erat, quia erant sacerdotes Jovistonantis, cui is color convenit. Illud gestaminis genus etiam apex dicebatur. Sic enim Juvenalis;

Et tollens apicem generoso vertice flamen.

Maximus item Valerius inrer sacrificandum Sulpitio apicem prolapsum scribit. Numa Pompilius de Pontificalibus agens titulum appellat, quem ait esse pallium, quo sacerdotes caput tectabant, cum ad sacrificium accederent. Virgilius:

Et caput ante aras Phrygio velatus amictu.

In ludis quoque, Saturnalibus præcipuè, hoc est liberri-

mæ vitæ diebus, pileus admittebatur, signū scilicet libertatis. Quo sensu Martialis Romam pileatam vocat:

Permittis, puto, pileata Roma.

Illo nimirum tempore passim per agros urbesque; ferè omnes læti agebant, & cum dominis famuli epulabantur.

Peregrinatio insuper capitis tegmen sibi vendicabat; quod erat causa live petasus; qui ad umbram faciendam marginatus erat, & adversus pluvias, æstus, ac ventos inprimis idoneus. Plautus peregrè euntibus aut venientibus petasum ubique aptat. Cicero tabellarios petasatos venire ait. Augustus teste Suetonio, domi quoque non nisi petasatus sub dio spaciabatur: quia aëris & solis erat impatiens.

Denique in militia pileorum usum fuisse, suadet Vitruvius: usque ad præsentem, inquit, ætatem consuetudo permansit, ut omnes milites pileis, quos Pannonicos vocant ex pellibus uterentur. Auctor tamen est Suetonius, armorum & equitandi peritissimum Julium Cæsarem, laborisque ultra fidem tolerantem, in agmine nonnunquam equo, sæpius pedibus anteisse capite detecto, seu Sol live imber esset.

Jam & homines certi à communi illo more excipiebantur. In primis liberti novi. Nam servis, simul atque manumissi essent, capilli radebantur & capite calvo pileus imponebatur. Plautus:

Ego hodiè raso capite calvus accipiam pileum.

Hinc ad pileum vocati servi dicuntur Livio passim & Senecæ, quibus promissa concessæ libertas erat. Præterea agris capitis firmandi gratiâ pileo uti licuit. Sic Ovidius amantem suum de morbo & pallore fingendo instruens, pileolum ei inter signa tribuit:

Arguat & macies animum; nec turpe putaris

Pileolum nitidis imposuisse comis.

Alii legunt palliolum. Idem Senibus licuisse Nicephorus Gregoras ostendit lib. 10. ubi morem eum cum Romano imperio Byzantium translatum docens: de capitis tegmine ait moris apud superiores fuisse; ut ætate provectiores aulici pileis turbinatis uterentur, serico textis; juniores autem omnes prorsus nudis essent capitibus.

Dicat aliquis, si omnes extra memorata tempora & personas, nudo & aperto erant capite veteres, quomodo Plinius, Plutarchus, Sallustius, Seneca, alique prodiderunt, qui viris dignitate præditis & honore dignis fortè occurrerent, obvios caput aperire consuevisse? Respond. aut de iis hoc intelligi potest; qui operto capite aliqua ex causâ incederent, ut milites & liberti pileo, sacerdotes flameo, omnes pluvio tempore galero, in Sole & per viam petasio seu causiâ. Aut capitis illa tectio & apertio non tam de pileo, quam de togæ lacinia erit accipienda. Laciniam enim istam in caput sæpè rejiciebant contra ventum, vel æstum; eamque detrahebant viro aliquo prælustri occurrente.

Sed è diverticulo in viam redeamus. Partes capitris, quæ pilis teguntur, sunt sinciput, occiput tempora, supercilia, cilia; & in viro justâ ætate labrum superius ac mentum.

Sinciput non quasi sine capite, ut quidam explicant: neque ut alii, quasi sincerum caput, sed quasi semi caput: nempe quia eo dimidium capitis denotatur; unde & Græcis *hemicephalion* vocatur: iidem & bregma dicitur vel bregmos à *βρεγμεν*, hoc est humectare, madefacere, eò quod hæc pars humida sit infantibus.

occiput conflatum est ex ob & capit; quia ea pars sincipiti opponitur. Nam hanc esse vim præverbii ob, patet ex obvio, obverto, oppono.

tempora vel timpora, hoc enim modo in probatis codicibus scriptū invenitur; ita vocatur, nō quia, quasi tēpora; quibusdā intervallis mutatur, uti vult Isid. sed quia ex iis tempus, hoc est; anni sive ætas hominis cognoscitur.

Supercilia dicta scribit Isidorus, quia superposita sunt ciliis. De ciliorum voce Festus sic censet: cilium est folliculus, quo oculus tegitur; unde fit supercilium. Et Isidorus cilia inquit esse tegmina, quibus co-

periuntur oculi; & dicta cilia, quodd celent oculos, tegantque tutâ custodiâ. Sed cum cillere antiquis sit movere, verisimilius est, cilia dici, quia perpetuô cillant; quemadmodum palpebræ nominatæ à perpetuâ palpitatione. Etiam Lactantius accedit Festo atque Isidoro: nam inquit: ut oculi munitiores essent ab injuriâ, ciliorum tegminibus Deus occuluit: undè oculos esse Varroni placet.

Sed enim videri queat, non tam primò id notare, quàm per synecdochen partis: propriè autem significare non totam oculorum tunicam, sed superiorem; nec hanc totam, sed crepidinem ejus, undè pili exeunt. Plinius id indicat l. 11. c. 37. ubi ait: extremum ambitum generis superioris antiqui cilium vocavere; undè & supercilia. Quo loco generis non sunt malæ, sed oculorum tegmina, undè palpebræ prodeunt. Hadrianus Junius in Nomenclatore suo, cilia ait esse pilos è palpebris natos; & supercilium ductum pilorum supra palpebras. Sed pili isti Plinio dicuntur palpebræ, non cilia loco jam citato: palpebræ, *inquit*, in genis homini utrimque fluere eas haud immeritò venere abundantibus tradunt.

Labrum, uti & labium venit à Græcò *λαβειν* labiis De enim sive labris cibum apprehendimus. Donatus ad Terent. Eunuch. act. 2. scen. 3. vult labra esse superiora, labia inferiora. Arætius contrâ sentit.

Mentum Isidorus sic nuncupari putat, quodd ibi mandibulæ oriantur, vel quodd ibi jungantur. Mirifica herclè etymologia, mentum à mandibula! Paulò verosimilius Jovianus Pontanus in Actio suo dictum ait, quia hiantibus nobis moveatur, nempe ut ex momentum sit momentum, & hinc mentum. At Jul. Scaliger exercit. 307. deducit à *μενω*; id est, indico, significo; quasi esset menutum. Rationem affert: hanc: quodd mento demonstrent pueri & muti atque alii, etiam intenti, ubiloqui nolunt. Vel sit mentum à meno, undè & mentio & commentum.

In hisce ergò capitis partibus nascitur capillus, pilus, crinis, coma, cæsaries, caprone, antiæ.

De capillo antè vidimus, dictum videlicet ita esse, quasi capitis pilum. Ab eo est capillitium & capillamentum & capillago, quo utitur Tertullianus.

Pilus à pelle, è qua prodit; ita Isidorus & Perottus. Sed est fortasse à *πῖλον*, pluma inquit Vossius. Nam quodd in piscibus squamæ, in avibus plumæ, hoc in pedestribus pili. At fortan meliùs à *πῖλον* propter densitatem.

Crinis à *κρίνω*, id est, discerno; quodd crines discreti sint.

Coma est Græcum *κόμη* à *κομειν*, id est curare, ornare; quoniam studio excoli requirat. Sunt qui comam quasi *κόσμον* & capitis ornamentum dici autumant: quâ ratione & arborum folia comæ dicuntur, quodd ad ornatum sunt comparata. Undè hyems ventorumque injuria exuere plantas honore suo, & exspoliare comis legitur, ubi frondes decurrit. Nec desunt, qui à *κόπτεω* à cædendo vocis verbi originè derivare malint, ut ab ejus præterito *κόπημα* descendat. Quorum opinioni refragari videntur Servius & Donatus, nobilissimi Grammatici; quorum ille comas, esse capillos non tonsos annotat; hic comarum significatione prolixitatem monstrari scribit. Usque adeò non esse 'fidendum' etymologiæ videtur, ut eam non immeritò Galenus noster dixerit mendacem testem.

Cæsaries, nunc dicimus; fortassis & olim Cæsaria. Est à Cæsa: ut à luxu venit luxuria & luxuries. Cum autem sit à cædendo, tantum erit viro: quod monet etiam Servius & S. Isidorus.

Caprone sive caproneæ aliquibus dictæ videntur, quia caprorum propriæ sint. Hæc ab aliis rejicitur sententia, recipiturque Festi, qui ait capronas esse equorum jubas in frontem devexas, quasi à capite pronas. At Nonius non equorum modò, sed & hominum facit: generatim e-

nim ab eo definiuntur comæ, quæ ante frontem sunt. Deindè, idem ac Festus, etymon subjicit, adductis his Lucillii versibus.

Aptari caput atque comas fluitare capronas

Altas frontibus immixtas, ut mos fuit illis.

Forfan tamen non est vox composita, sed simplex sive à capite, sive à caperando, quia frontem caperent cortugentve. Had. Junius ait esse antiæ & capronas. Et ex iis quidem quæ de his veteres prodidere Grammatici, difficile est dicere discrimen. Differre tamen vel fidem fecerit Apuleius lib. 1. flor. ubi ita scribit: jam primùm crines ejus præmulsis antiis, & promulsis caproneis, anteventuli & propenduli. Dictæ ergò antiæ ab ante.

Ista Grammatica sunt & Phylologica, eruditis tamen literatoribus grata. Nunc quodd propositum est, persequamur; affectus, inquam, capillorum explicemus & curemus, quodd Medicum est.

Quid autem inquires, rei vilis, excrementitiæ, vitæ expertis curam geris; & non potiùs partium corporis affectus tradis? Ego verò, aio capillos, etsi fortasse corporis quilibet & ierimenta sint, tamen qui præcipuum sunt hominis honestamentum, & mentis arcem ab injuriis tuentur, meritò & sedulò curæ habendos esse. Quin imò fortan excrementa non sunt, sed vitam habent. Plerique quidem Medici & Phylosophi aliter sentiunt; aiuntque capillos non verè nutriri, sed à vaporibus excrementitiis foras protrudi; quos inter elegantissimus Fernelius quoque est, his præcipue motus rationibus: quodd præcisi omni ætate vel decrepitâ vel præcipitatâ recrescant. Deindè quodd hæceticis & tabidis, quibus reliquum corpus non modò non augetur, sed planè exhaustitur & liquefcit, ii soli diffundantur & grandescant: neque his modò, sed etiam vitâ destitutis corporibus. Quibus apertè convinci putat, non naturæ attrahentis beneficio, sed excrementi redundantis vi & egressu ab radice dumtaxat illos incrementum.

Quæ quidem non mediocriter urgere videntur, sed talia tamen non sunt, ut adversam partem tanquam improbabilem pessum dent. Etenim quodd præcisi omni ætate excrecant; hoc non solis pilis competit, sed & dentibus ex Anatomicorum omnium sententiâ: id quodd idèd ipsis condonatum creditur, quia perpetuò molendis cibis atteruntur. Quodd verò hæceticis & tabidis ii soli diffundantur, fit, quia vilissimum alimentum ipsis augendis accommodatum est; quale cum iis in affectibus suppetat facile, & cæteris partibus alendis sit inidoneum, fit, ut hæc liquefcant, illi non item. Quodd denique in vitâ destitutis corporibus angeri animadvertantur; non propterea ipsos vitâ destitui evincitur: possunt enim in vitâ carentibus quædam excrefcere vitaliter; sic namque è terrâ vitâ experte plantæ emergunt viventes. Qua ratione dici potest, in mortuis corporibus pilos retinere vitam vegetativam.

Sane vitâ pilos donatos esse, arguere mihi hæc videntur: quodd, dum canescunt pili, non radicibus tantum, sed & in extremitatibus simul albescant: argumenro illos alimento intrò attracto, intusque immutato nutriri. Deindè quodd pili non crescant in immensum, sed definitam incrementi legem ac metâ habeant, quemadmodum & stirpes; fidem facit eos verâ nutritione incrementum. Si enim admotâ dumtaxat ad radicem materiâ atque subiectâ adangescunt; quoniam continenter suggeritur & accedit, continuâ adauktione debere tandem in immensum luxuriare atque grandescere. Atqui contrâ fieri cernimus, his, ut plantis, constitutos incrementi limites, quos prætergredi non liceat. Quo circa his, ut stirpibus, videtur alimentum omnem substantiam intrò subire, quodd primâ ætate, alit, & auget, & demum cessante incremento tantum alit. Hoc sibi objicit, verum non solvit Fernelius: at inquit, illud esse ex his, in quibus non aliud, quàm mirari licet Dei & Naturæ providentiam. Denique & hoc pilos verâ nutritione alimento intrò adactò augescere indicat, quodd quan-

quando reſecti primùm, ſunt; obtuſi ſint in cacumine, & poſtmòdum grandefcentes acuantur. Certè ſi appoſita infernè materià tantùm extruderentur, faſtigium exſians eandem ſemper figuram retineret. Neque negandũ hũc eſt, rem tam ſubtilem, ut piſu eſt, poros habere poſſe per quos alimentum trahat. Nam conſiderentur ariſtarũ fibræ tenuiſſimæ, quæ vivunt, ideoque poros habent, per quos alimentum ſugunt. Quæ etiam ratio eſt, cur præſecti pili nihil ſucci emittant, ob tenuitatem enim pilorum exiguis, qui in eſt, ſuccus fugit ſenſus noſtros; quemadmodum & in jam dictis ſit ariſtis. Quod ſi notabiliter craſſefacti ſunt pili, ſuccum etiam ſenſibiliter emittent; uti ſubindè obſervare licet in illo capillorum affectu, quem plicam Polonicam nominant, in qua ſecti pili ſtillant ſanguinem. Quin jam beneficio conſpicillorum microſcopiorum videntur omnes capilli naturaliter ſe habentes cavi & ut canales perſecti ac perforati, adèd ut pennas anſerum referant; figure verò eſſe triangularis plerique; radices eorum geniculatæ; velut multæ ſunt plantæ.

De Canitie.

Canities vel canitia, vel canitudo, ut Varro loquitur, eſt à cani, quod ſimpliciter prolatum de capillis intelligitur. Illud autem cani nonnullis primas literas retinuiſſe videtur ex candidus & niger, unde ſit conſtitutum. Ita Iſidorus, canus, inquit, dictus eſt, quia ex candido colore & nigro eſt. Sed enim ſive ſingulo canus, ſive plurativo numero cani dicas, ſimplex eſt, non compoſitum. Nec canus eſt à candidus: ſed contra à canus eſt caneo; unde candeo, à quo candidus. Canus autem eſt à *καίνω* uro, quia ignis lucem parit, quæ candida à Poëtis vocatur: vel potiùs à *γάρειν*, id eſt, album reddere.

Eſt porò canities naturalis pilorum coloris in alborum vel potiùs cinereum colorem commutatio. Eam propter eà non inveniſſe ſpumam nominat Q. Calàber, à ſqualidà nimirum albitudine:

Albebant nimia ſpumâ caput hirtaque barba.

Haud abſimili ratione nivem capitis eam appellat Aurelius Prudentius: ab imitatione candoris cygnearum plumarum Flaccus nuncupat plumam, ubi Ligurinum formæ venuſtate ſuperbientem modèſtiæ admonet his verbis.

Inſperata tua cum veniet pluma ſuperbie.

Naſo quoque apud Getas exulans in extremo ſenio queritur, jam ſua tempora imitari cygneas plumas. Tale eſt Ariſtophanis, illud in Veſpis:

Olore canior comæ ſilva emicat.

Hinc cygnus epithero canicolor dicitur apud Euripidem. Græcus Poëta Hippothous canos nominat ſennii flores. Ver jucundum Græcis Poëtis canum vocatur ab amæno adſpectu florum ſuâ albitudine prætorum virorem interſtinguentium. Abſinthium, herbam amaram, canum dixit Ovidius à cinericio albore. Mare etiam canum vocatur ob albeſcentis ſpumæ ſqualorem. Decembrem menſem canum appellat Martialis propter nivis omnia operientis ſpectaculum. Ferrum, quod attritu candefcit, ad cædes & latrocinia infamè, canum appellat Homerus. Gomici Græci canos dictitant polline albicantes. Quemdam albicante pariter & flavente capillo varium conſpicatus Domitianus, geſtare nivem mulſo perſuſam dixit, ut à Sexto Aurelio Victore literis proditum eſt.

Alia autem eſt canities naturalis; ſenectutis propria; alia præter naturam, quia præmatura & intempeſtiva, quam qui contrahunt, præcani vocantur ab Horatio.

Fuerunt etiam, qui cum canis natũ ſunt. Ita à primo ortu canum exſtituiſſe legimus Tarchonta; qui à Tyrreno oppidis duodecim in Hetruriâ conditis præ-

ſectus fuit: quod innatæ illius à puero prudentiæ tributum à Poëtis eſt ſimile verò. Cygno Neptuni filio canities primis annis nata nomen deditur putatur. Tarchonium Priſcum, prudentiſſimum Regem ab ineunte pueritiâ canum fuiſſe Strabo memorat. Numam quoque Pompiliũ à primâ ætate canum fuiſſe affirmat Servius Honoratus, quâ fide nescio; quanquam Virgilius illi incanum mentum crinesque tribuat jam tum ſeni. Quin & ab ipſo natali canefcere Albanos Scythiæ populos, qui ſe poſteros Jaſonis credi voluerunt, refert polyhiſtor Solinus in hæc verba: albo crine naſcuntur, canitiem habent auſpicium capillorum; ſic comæ color genti nomen indidiſſe videtur. At hoc non videtur Doctiſſimo Salmaſio in Plin. exercit. ad Solinum. Refert Heſiodus Græas Phorci filias mox à partu canas fuiſſe, quas è ſore Ceto ſuſceperat. Caſſiodorus putat Senecæ nomen inde duci, quoniam cui primo cognomentum id impoſitum, canus ſit natus. Johan. Schenckius ex literis Guil. Stuckii narrat Conradum à *Waldkirch* patricium & Senatorem Scaphuſianum ſtatim à nativitate canos ab unâ parte capillos, & barbam, ſimul atque illa creſcere caput, ſimiliter ab illâ parte canam habuiſſe, ideoque *grauvlock* eſſe nominatum. Illud verò inter naturæ miracula adſcribendum, quod prodit Cteſias, in Indiæ quadam gente feminas ſemel tantum parere, eoque conceptu genitos conſeſtim canefcere, in ſenectute autem nigreſcere. Quod & tradit Ariſtoteles de gruibus, nimirum illas ſeneſcentes magis nigreſcere, contra quàm cætera animantia. Erginus filius Clymeni virentibus etiamnum annis ante tempus canus, cum in funerale ab Hyppſyle in exequiis mariti Thoantis propoſitum deſcendiſſet, cum Boreadibus certaturus à Lemniis mulierculis riſu fuit exceptus; Undè & in proverbium abierunt, Ergini cani, de intempeſtiva canitie.

Iſta canities intempeſtiva & præpropera nullâ re citius promovetur; quàm curis, mœrore, metu. Sunt, qui è naufragio præter ſpem ſalvi enatantes, repente cani evaſerunt. Commemorant alii nonnullos, qui in præruptas rupes aucupii gratiâ funis opè pervalerant ſoluto eo aut delapſo, desperabundos præproperam canitiem acceſſiſſe. Memoratu digna eſt hiſtoria Hadriano Junio narrata olim à Franciſco Dilpho, non gentilitis magis imaginibus, quàm ſingulari eruditio- ne clariffimo Equite, Cæſareæ Majestatis apud Sereniff. Angliæ Regem tum temporis Oratore; ea ſic habet: Hiſpanus nomine Didacus ſive Diëgus Oſorius nobiliſſimâ familiâ ortus, aulicæ puellæ amorè captus, communicato priùs cum eâ conſilio, in patulâ arbo- re & frondosâ abſconderat ſe; eâ creſcebat in Hiſpaniis intra Regii horti ſepta. Interim fortuito catelli Melitæi latratu prodita colloqui fides; ſatel- litum manu illum objecit. Comprehenſus carcerique incluſus, quod capitale eſſet illic deprehendi, dictatâ ultimâ ſententiâ ita inhorruit totus, ut nox unica juvenem eundem & ſenem incanum viderit. Quo ſpectaculo motus carcerarius, delato ad Ferrandum Regem catholicum prodigioſæ rei indicio, effecit, ut capitalis, legis rigore in benignitatem converſo, Rex illum abſolverit, inquiens pœnarum ſatis dediſſe, qui præmaturam ſenectutem cum juventæ flore commutaſſet.

Hanc ipſam rem contigiffe teſtatur Petrus Meſſias Hiſpalenſis: eventum hunc imaginationi adſcribens. Henricus Salmuth comment. in Guid. Pancirollum, adfirmat quemdam fabrum in Haſſiâ, cum nocturno itinere à cacodæmone ſapiſſimè habitus eſſet ad auro- ram uſque, unâ nocte canitiem ſpectabilem contraxiſſe ex metu. Aliam hiſtoriam Conrado Geſnero expoſuit per litteras ſuas Juſtinus Goblerus: quarum hoc eſt exemplar: Fuit mihi propatruus, Michael

Michiel dictus, venationi & aucupio mirè deditus, qui cum fossas aliquas in agris suis ex patrio more haberet pro capiendis feris, altas ita, ut nulla bestia quamlibet violenta erumpere capra posset. Accidit ut unâ nocte, eâque, dominicâ tria animalia longè diversæ naturæ unam eandemque in fossam caderent: mulier vicina prior, quæ, ut postea ipsamet retulit, sola decurrens in agrum sub vesperam betis rapasque in obsoletum sequentis diei istinc exportatura erat: deinde vulpes: tertio atque ultimo Lupus incidit. Singuli sibi in fossâ locum occupatum prius totâ nocte quieti obtinent, & ut verisimile est, sese inter se mutuo metuant. Lupus, quamquam animal ferocius, neque vulpem tamen, neque mulierem attingit invadere, sed sui quasi in stultione timidus pectitur. Trepidanti interea mirum in modum mulieri nihil ab utraque bestia mili contigit, nisi quod ob metum ab illis unâ nocte ferè tota canesceret, & rursus non ad amentiam redigeretur. Minè venator proprius more suo fossas perlustrans, prædum triplicem insperatò conspicit, & ad conspectum mulieris vicinæ suæ obtupefcit, quam alloquens voce suâ quasi ex morte revocat, atque fossam insiliens ut erat cordatus ac robustus, statim telum lapum interficit, deinde vulpem; tandem scalam nactus mulierem semimortuam humeris suis extrahit, & in planitiem sistit, domumque desert. Quo facto suæ illa familiæ domique reddita, deinde per omnem vitam tritior semper quàm antè compurebat. Jul. Scaliger. exercit. 312. ad subtil. Card. describit historiam suæ tempestatis sub Francisco Gonzaga. Is affinem suam suspectum conjurationis, cum in turri portæ Cæsareæ ad quæstionem aut supplicium assertari jussisset nunciatum est manè totum repente canum factum. Quid quasi prodigium flexit Principis animum; qui ei propterea & veniæ & vitæ fecit gratiam. Cum Ludovicus Bavarus Imperator cum civitatibus ad Rhenum litis inito federe contra eos, qui distractione Principum Germaniam vastabant, in armis esset, Maria Brabantina ejus conjunx, Werdaë habitans, binas literas, uno quidem annulo, diversâ tamen cerâ, atrâ, rubrâ, obsignatas, istas marito, alteras Heinricho Ruchoini, decurioni equestri mittit. At is, qui epistolas detulit, errore seductus, rubrâ cerâ complicatas Ludovico tradit. Qui lectis literis amatoriam agi suspicatus, dissimulatâ re, relicto apud Rhenum exercitu, quàm maximis potest itineribus ad uxorem diu noctuque contendit, & indictâ causâ adulterii condemnatam securi percussus jubet. Postea veluti conscius Helicam virginem Prennebergensem cultello confodit, & aliam fæminam nobilem, quam gynæceo præfecerat, de turri precipitavit. Ob id mirandam habuit & horrendam nocturnam visionem, quâ unâ nocte totus factus est canus, Inde penitentia ductus, Monasterium in Bavariâ supra Amram, quod principis campus, patriâ lingua *Furstenfeldi* dicitur, exstruxit, & donariis ac censibus locupletavit.

Itæ sunt canities causæ evidentes, quas procat arcticas appellare solemus Medici. Nunc propinquiores inquirendæ, videndumque quid sit illud, quod colorem leucophæum capillis inducit. *Aristoteles* lib. 3. de hist. animal. cap. 11. & lib. 5. de gener. animal. cap. 4. & 5. duas proponit sententiâs de causis canities, easque refellit. Prima fuit Hippocratis, quæ legitur libro de nat. pueri n. 19. cani, ait, ob id sunt, quod longo tempore pertransiente humiditate in homine albidissimum ejus secernitur, & ad cuticulam allabitur; & pilus albidior humiditatem trahens albidior fit, quàm priori tempore: itemque ipsa cuticula, præsertim ubi cani sunt, albidior aliâ evadit. Et quicumque ex nativitate canum quid in capite habent, etiam illis cuticula summa, ubi cani sunt, reliquâ albidior existit; illic enim albidissima est humiditas: qualemcumque verò

humiditatem caro attraxerit, sive albam, sive fulvam, sive nigram tali colore ex jam pilus inficitur.

Hanc Hippocratis sententiam confirmat vitiligo, in qua pili albi sunt, quod album & pituitosum alimentum cute subiacens simili colore pilum inficiat. Deinde quorundam observationibus constat, aliquos cum canities natos barbam postea emisisse partim canam, partim alio colore præditam, canos autem erupisse ex albis punctis & maculis, quibus menti cutis erat notata. Nihilominus hoc placitum convellit *Aristoteles*; quod multi pilos nigros habeant, & cute sint candidissimi: & contra Æthiopes cutem habeant perpetuò nigram, per senectutem tamen canescant.

Altera opinio, quam refellit *Aristoteles*, est eorum, qui statuebant canitiem fieri ab ariditate: sicut enim videmus albescere ærescentes plantas, sive quod à nimio Solis incendio ipsarum succus exhauriatur, sive quod obinopiam & defectum calidi nativi novum succum prolectare non possint: similiter pilos canescere existimabant, quod deficiente alibi humore ærescerent. Hanc sententiam triplici argumento insequitur: primò, quia nonnulli derepentè cani evasere, imò & ab ipso ortu quidam prodire cani: atqui nihil ab ipso ortu aut derepentè est aridum. *Secundò*, qui caput pileo aut alio tegumento semper operiunt, citius canescunt, quàm quibus illud semper est denudatum: operiti autem pili minùs siccantur, quàm aperti. *Tertiò*, canities plerumque à pili cuspide inchoatur: atqui in cuspide non est tam intensus calor exsiccans quàm in radice: ergo hæc deberet prius semper ærescere, ideoque & canescere.

His opinionibus rejectis, censet *Aristoteles* causam canities non esse aliâ, quàm putredinem, hæc ratione: quibus hominibus, inquit, natura pilorum parum calida est, plusque humoris subit, calor proprius nequit concoquere; atque ita humor putrescit calore, æris ambiantis: fit enim putredo quæque à calore, sed non suo nativoque: putredo autem & aquæ & terræ, & quorumvis ejusmodi corporum fieri potest: quamobrem terreni etiam vaporis putredinem novimus, quæ situs vocatur. Etenim situs caries vaporis terreni est. Itaque in pilis quoque alimentum tale, cum non concoquitur, putrescit; atque ita efficitur ea, quæ canities appellatur. Quæ alba propterea est, quod & situs cariosorum ferè albus est; cujus rei causa est, quod multum æris contineat. Ita *Aristoteles* Qui rem sic se habere demonstrat exemplo eorum, qui cum per morbos cani evaserunt, restituta sanitare pristinum colorem in pilis receperunt: cujus eventus eam adsignat causam; quod per morbum calor nativus pili debilior factus suum alimentum non potuerit concoquere, quo ex defectu putredo, & ex putredine canities fuerit consequuta. Posteaquam verò æger sanitati restitutus est, calor vegetior factus crudos humores emendat, & putrefactos abigit, in quorum locum bonos & perfectè coctos subrogans, pilis suum colorem restituit.

Quæ quidem omnia probabiliter dici videntur, sed tamen non carent difficultatibus. Nam quibus rationibus studet conficere *Aristoteles*, canitiem ex ariditate non suscitari, eisdem arguere possumus, putredinem etiam causam canities non esse. Etenim quod ait *Aristoteles*, nihil ab ipso ortu siccum produci, aut derepentè tale evadere; & propterea cum canities ab ortu, & repente nonnunquam contingat, eam à siccitate non posse provenire. Idem telum in ipsius Aristotelis sententiam possumus retorquere, dicendo nihil ab ipso ortu putridum produci, aut repente putridum fieri; ideoque à putredine non omnem canitiem pendere.

Puto ego canitiem universè ab unâ aliquâ causâ non provenire, sed à variis: est enim canities pilorum color albus; ac color tum albus, tum alius quilibet à mul-

tis causis oriri potest: est namque color proportio certa diaphani & opaci intermixtâ luce, atque proportio illa multiplici de causa quæ variari. In præsentî negotio variari illa potest à cruditate & incoctione alimenti sequente imbecillitatem caloris nativi. Atque in canitie ferè semper videtur adesse caloris imbecillitas. Tribus quippe modis ea solet accidere, per ætatem, per morbum, per subitam animi consternationem: in quibus omnibus calor natus imminuitur. Potest aliter candor pilis induci; propter separationem eorum halituum, qui per modum tincturæ ipsis colorem imprimebant: vel propter tincturam, quam à pituitoso humore accipiunt. Sed ex certa aëris & aquarum proprietate videtur oriri canities. Nam congenita ab ortu canities quibusdam populis est familiaris: cujus eventus non videtur alia causa posse assignari, quam cōmunis usus aquarum & aëris, vel mattis imaginatio.

Solent de canitie problemata quædam agitari. Quorum primum est: quid causæ sit, cur canities potius in hominibus, quàm cæteris animalibus appareat; & magis in capite, maximè autem in temporibus? Hoc problema *Aristoteles* atque etiam *Galenus* solvit. *Aristoteles*, quia canitiem à putredine fieri existimat, respondet, corpora humida maximè esse putredini obnoxia: homo autem cætera animalia humiditate superat. Capite verò magis canescit, quia cerebrum in homine copiosissimum est, & inter omnes corporis partes humidissimum, parumque habet caloris: putredinis autem causæ sunt abundantia humidi & defectus caloris.

Quod verò ad tempora attinet, ait *Aristoteles*, idèò maximè canescere; quia cùm occiput parum cerebelli contineat, non valdè abundat humiditate superflua: contra autem sinciput ob multam cerebri copiam putredini resistit: quæ enim in majori copia sunt, difficilius putrescunt; ut vini dolium magis putredini resistit, quàm cyathus, & mare magis quàm flumen, flumen quàm palus. Cùm ergo tempora plus cerebri contineant, quàm occiput, & minus quàm sinciput; fit ut inter capitis partes ipsa omnium prima canescant. Ita *Aristoteles*. Noster *Galenus* sic solvit: homo potissimum canescit, quia cùm non subeat annuas mutationes pilorum, meritò per longam ætatem infirmatur pilus & canescit: magis in capite, ob immodicam humiditatem à substrato cerebro suppeditatam: maximè autem temporibus; quia hæc sola ex omnibus capitis partibus vestiuntur musculis: adèò ut in cæteris capitis partibus cerebri humiditas à siccitate ossis temperetur; at in temporibus concurrit duplex causa humiditatis, cerebri scilicet & musculorum temporalium molities. Ad hunc modum differunt illi scientiarum Principes, non dissimulans à suis principiis. Nos secundum nostra hoc pacto dicere possumus: homo inter omnia animalia maximè canescit, quia maximè obnoxius est defectui ac remissioni caloris nativi: caput autem primò canitie tentatur; quia cùm cerebrum innato temperamento sit frigidum & humidum, per senectutem maximè deficitur calore nativo; & præcipuè in temporibus propter humiditatem. Sed enim inter animalia & equi & canes quoque canescunt. De equis *Aristoteles* & *Plinius* fatentur. Cæterum quia canities illa rarior minusque propria est, nec clara admodum, idèò solum hominem canescere traditum est. In equis tamen etiam ratio afferri potest, quod os, in quo cerebrum, tenuius quàm cætera pro magnitudine habent. Argumentum est, quod ictus in eo loco periculosus sit; unde illud Homericum:

Et qua seta hærent capiti, letaleque vulnus

Præcipuè fit equis.

Cùm igitur præ tenuitate ossis affluat humor, & per ætatem calor deficiat, pili isti canescunt: rufi verò cele-

rius quàm nigri: nam & rufitas quasi imbecillitas pilii est: imbecillimum autem quodq; senescit celerius.

Alterum problema: quænam pars corporis omnium postrema canescat? Respond. pubem ultimò canescere, ut bene observavit *Aristoteles*. Cujus eventus ratio in copiam sanguinis & spirituum eam in partem defluentium referenda videtur.

Tertium: cur, cùm caput & mentum canescant, palpebrarum pili non canescant, qui intermedii sunt? Respond. quia sicco, firmo, solido & denso loco sunt inserti.

Iam ad curationem nos accingamus. Canities, quæ naturaliter & tempore venit in senectute, tolli non potest, nec fucis emendari debet: nam senem turpe non est esse canum. Quin venerabilis est canities, *Cicilius*.

*Magna fuit quondam capitis reverentia cani:
Inque pari pretio ruga senilis erat.*

Cano seni in theatro universi assurrexere Spartani
Unde Satyricus:

*Credebant hoc grande nefas & morte piandum,
Si juvenis vetulo non adsurrexerat.*

Quod jam antea *Moses* præceperat in Levitico: coram cano capite assurge, & honora personam senis. Canities atque senium, scribit *Heraclides*, sacri quidam portus sunt extremæ ætatis, secunda hominibus statio quantumque corporis tum decrescunt vires, tantum animi vigor augebit. Apud Gentiles castitatis Dea habita Vesta, cana dicitur Maroni. Et fides; cujus numen sanctissimum, cana eidem nominatur. Eadem dignitate Veritas cana, apud Varronem audit. Naturæ longævæ rerum parenti canitiem dat *Claudius*. Æternitatem eadem insignit *Nonnus*. Tempus, *Diphilus Comicus* appellat canum opificem. Apud Romanos vetusto more nubentes canis senum ornabantur, ut & Vestales virgines, castitatis vitæque integritatis exemplo, ut è *Sexto Pompeio* liquet. Thebæ Bæotiarum habebant canum Apollinem, teste *Pausania* in Bæoticis. Apud Cimbros sacerdotes & vates canes castiæ sequebantur, magno in honore habitæ, quæ de præliorum eventu vaticinia edere solebant. Denique *Salomon* in Proverb. ut juvenum gloria, inquit, in robore posita est, ita senum dignitas in canitie,

Hanc tamen dignitatem quidam studiosè occultare conantur pigmentis adhibitis. Quam capillorum tincturam primum à *Medea* excogitatam tradit *Clemens Alexandrinus* in Stromatum libris; præclarum scilicet lenocinii rudimentum. Eodem loco acriter idem auctor invehitur in eos, qui meretricio more vultum pingunt, cæsariemque tingere non cessant. Quæ res ut in viris summè pudenda, imò detestanda, ita è diverso fæminis, quibus mundicias, ornatum, cultumque pro insignibus esse permittenda scitè apud *Livium* differit *Lu. Valerius* eatenus indulgenda, dum certis finibus coercetur licentia, nimiaque curiositas, atque intra fucum consistat. *Lucillius* epigrammatarius lepide jocatur in anum canos tingentem, dictitans; fucis nunquam effici, ut ex *Hecubâ* fiat *Helena*. Caus quispiam magno natus homo, cætera futilis, ob senectutem tamen venerabilis, inducto fucis canos tegere conatus, legationem, cujus causâ *Lacedæmonia* venerat, exponere cùm cœpisset, *Archidamus Rex*, animadvertens dolo, assurgens: quid, inquit, sani dixerit iste, qui non animo tantum verum etiam capite mendacium circumfert? simulque cum dicto orationem hominis explosit, ac pro indictâ habuit uti refert *Ælianus* lib. 7. omnigenæ historiæ. *Philippus Macedo*

cedo similiter Antipatrum, quem ex amicis in Judicum ordinem cooptarat, capillos pariter & barbam fucantem, ut mendacem summovit, adjiciens: in crinibus infidum; nihilo fidelior in rebus gerendis fore. Hujus filius Magnus haud vano cognomine Alexander, senem capillos inficientem conspiciens; ne comam, inquit, tingas, sed si potes, genua, ut à Plutarcho scriptum est, Ridet pulchrè Lentinum quendam Martialis:

*Mentiris juvenem tinctis Lentine capillis.
Tam subito corvus, qui cygnus eras.
Non omnes fallis; scit te Proserpina canum:
Personam capiti detrahet illa tuo.*

Tamen quæ intempestivè venit canities, ea corrigi potest, neque inconvenit. Pro quâ tollenda, si corpus cacochymum est, hoc à vitiosis humoribus expurgandum. Quo facto ad capitis evacuationem est procedendum per sternutatoria, apophlegmatismos & er rhina. Deinde ad medicamenta calorem nativum corporis & cerebri roborantia veniendum. Inter quæ multæ sunt confectiones calidæ; sed primas tenent theriaca & mithridatium. In primis verò studendum, ut liber sit animus, neu affectionibus iis agitur, quas diximus canitiem accelerare. Novi ego virum religiosum, cui cum imposita esset provincia pueros humanioribus literis imbuendi, eamque iniquo susceperet animo, quod sic non satis Deo & pietati vacare posset, canescere cœpit. Quod animadvertentes Superiores eum à munere illo summovertunt, statimque, mirabile dictu, capilli ad pristinum nigrorem rediverunt. Tantum in corpus valet animus! Evonymus, qui est Conradus Gesnerus, in thesauro suo aquam describit tantæ virtutis, ut senem rejuvenescere facere sit potens. Pedemontanus & alii similia medicamenta proponunt. Narrat Deodatus de insigni Chymico Joan. Montano, quod suo elixire sumpto, decidentibus canis & unguibus è totius corporis cute, senectam deposuerit, & juventutis florem denuò comparaverit. Quæ an vera sint, ego nescio; hoc scio, à Chymicis multa magnificè promitti, non præstari. Petrus de Osma scribit, se Indum vidisse, qui cujusdam herbæ succo Hispanos quovis morbo laborantes, cæterosque Indos persanabat, junctaris omnibus succo illitis, pannisque coopertis, à quibus deinde sanguinis copia exsudabat: & repetitâ curatione non à difficillimis tantum morbis multos sanatos fuisse, sed eodem auxilio plures valde senes repubescere visum fuit, robustiori recuperato corporis habitu. Cæterum herbam nec pretio, nec precibus, aut minis patefacere unquam voluit. Sit fides penes auctorem. Hoc pacto Glaucum fabulabantur antiqui immortalem factum cujusdam herbæ esu. Sed neque imitandum, quod Rhazius prodit, amicum se habuisse, qui potatâ chalcanthi drachinâ unicâ nocte pilos omnes albos exuit. Quod periculosum est medicamentum & erodens, ideoque per os minimè sumendum.

Si per ista antè præscripta, simul servatâ bonâ victus ratione, capilli canitiem per se non deponant, ad pilos tingentia accedi debet. Inter quæ alia tingunt colore nigro, alia flavo. Videndum ergò quis color cuique conveniat. Tincturam autem præcedere debet pilorum absterasio, & à fordibus, pinguedine, ac squallore expurgatio: etenim colorem non admittunt, quæ sunt unctuosæ. A frigidis tingentibus præcipuè læduntur, quibus imbecillum est caput. Itaque acerba, austera, & hujusmodi valdè adstringentia iis plurimum nocent teste Galeno, qui observavit, plerasque mulieres talium abusu, dum canos fucare vellent; in gravissimos affectus incidisse. Constat verò quibus caput est frigidius, eos promptius offendi; gravius autem, quibus est calidius; his siquidem frigus magis

est adversum; & in morbis magis periclitantur, quorum naturæ non convenit affectus. Gordonius in hanc sententiam ait: melius est habere modicum de vetecundia fatuâ; quam dolorem perpetuum capiti inducere.

Medicamentum denigrans, neque ullum periculum damnumve inferens capiti est hoc:

℥ Myrobalan. nigror. unc. i. passar. nigr. unc. ij. vini nigr. adstring. lib. ij. bull. in duplici vase lento igne ad consumt. duarum tertiarum: dein adde succi cortic. nucum viridium lib. v. sumach, acaciæ ana unc. i. Caryophyl. integ. sesquidiagm. moschi scrup. i. ponantur iterum ad ignem & sine ebullitione detineantur per dimidium diem. Isto illinuntur capilli noctu, quando itur dormitum: deinde contegitur caput panno nigro, atque ita detinetur totâ nocte. Manè postmodum abluitur caput vino nigro adstringente, in quo ebullierint myrobal. nigr. Sic continetur uno mense circiter.

Hoc etiam linimentum commodum est.

℥ Vini rubr. ℥. i. salis drachm. i. chalcanthi drachm. ij. Misce, & pone in testulâ vitreatâ parum bulliant: tum ab igne remove, & denique adde gallæ subtiliss. tritæ q. s. pro faciendo linimento, quod mellis crassitiem habeat; quo capilli optimè illinantur, & ita caput pannis lineis tectum per tres circiter horas relinquantur. Deinde pannis calidis siccetur caput, medicamentumque excutiat, & abluatur lixivio.

Aliud: ℥. Nuces gallas tot, quot vis: redige in pulverem, & impone sartagini ferreæ super ignem, donec nigrescant. tum infunde eis guttatim ol. olivar. agitando semper, sic ut oleum imbuant, atque ita exsiccentur ad ignem, dein contunde benè, postea isti pulveri adde pul. vitriol. rosmarin. sal. gemmæ caryophyll.

Simul ℥. Cort. arbor. jugland. granator. alumin. ana part. æqu. bulliant in vino, donec hoc nigrescat instar atramenti. Colato huic vino injice dictum pulverem, tum lava caput forti lixivio; dein sicca: deinde lava isto vino, ac linteo involve caput, maneatque involutum per hor. vi. denique ablue caput aquâ & vino, & sicca. Durabit hæc nigrities ad v. vel vi. menses. Facile parabile est hoc; si capilli quotidie peccine plumbeo depectantur, intincto prius in succo nucum viridium, aut atramento scriptorio.

Flavos capillos reddit hoc lixivium:

℥. Lixivii sarment. vitis lib. ij, Rad. bryon. chelidon. curcum. ana. semunciam. Croci lilior. albor. ij. flor. verbasco. stæchad. citrin. genist. hyperic. ana drachm. j, coq. simul. & f. lixiv. clarum f. a. Sæpe crines hoc lavandi, donec perfectè tingantur.

Aureos reddit alkanna Arabum paucò vino albo tepente excepta, & in pulmenti formam redacta. Eo unguento capilli ad radicem usque illinendi; & ita per 24. hor. stupis cooperti & benè fasciati sinendi. Postea tepente vino caput lavandum; & denique peccendum. Cineris unguen rutilum producere crinem, dixit in Originibus Cato inquit: mulieres nostræ capillum cinere ungitabant, ut rutilus esset crinis.

A canitie præservat, seu ne canescant pili, vermium terrenorum cinis præstat, admisto, oleo si eo in peccendo utaris: testes sunt Plinius, Serenus Sammonicus & Marcellus.

De Calvitio.

Calvitium ducitur à calvus quod est, capillis vacuus, ut vult Jul. Scaliger comment. in lib. i. Arist. de hist. animal. Putat Vossius non ineptè derivari à *λείρω*, unde *ἐκαρον*: ut à *λείρων* lilium, sic à *καρῆν* calvus, converso utrobique t. in l. Magis tamen ipsi arridet, ut vel sit à *Φαλακρὸς* calvus, per merathe-

sin,

fin, & ablato r. vel ab Hebræo *kal*, quod est leve. Hoc calvi etymon firmat ipsa definitio calvitii, quæ est apud Aristotelem lib. 3. de hist. anim. cap. 11. capitis lævitas calvitium nuncupatur, ut Gaza vertit; vel ut Scaliger: verricis glabritia calvitium dicitur. Martinius addit, calvus videri esse à Chaldæo *kalf*, quod est decorticare, delibrare. Denique Alstedius docet à καλλος, pulcher, per antiphrasin. Calvitium ex nostra definitione est absentia pilorum in calvâ. Turpe autem est & deforme calvam capillis nudam esse. Est enim coma id ferè capiti, quod planti germinibusque sunt folia, à parente Naturâ producta ad fructuum conservationem, quorum fori pariter ac refrigerio, aëris injuria tum averteretur, tum retunderetur: quo fiat, ut avulsis frondibus arbores & plantæ indecoro vulnere ac depili nuditate affectæ moriantur quodammodo, morsumque sentiant; uti in Symplociacis differit Plutarchus. Firmat id Aristoteles lib. 5. de gen. anim. dum ait, id esse in homine calvescere, quod in avibus depennescere; in foliis arborum defrondescere. Proinde nihil mirum, si calvitium, quo caput ferè depilatur, apud omnes ætates opprobrii loco habitum fuerit. *Naso*:

*Turpe pecus mutilum, turpis sine gramine campus.
Et sine fronde frutex, & sine crine caput.*

Helisæus Propheta calvus à puerorum catervâ fannis exceptus, ludibrioque habitus fuit, quamquam non impunè: quippè quos diis devotos proteviæ pœnas uris dedisse constat. Apuleius, mulierem etiam venustissimam, si capillitio nudetur, licet illa cœlo dejecta, mari edita, flustibus educata; licet, inquam, Venus ipsa fuerit, licet omni gratiarum choro stipata, toto cupidinum populo comitata, cinnama fragrans, balsama rorans; si calva processerit, placere non poterit, ne Vulcano quidem suo. Ambrosius in hexaemero lib. 6. scribit comam esse reverendam in senibus, venerandam in sacerdotibus, terribilem in bellatoribus, decoram in adolescentibus, comam in mulieribus, dulcem in pueris. Tolle arboris comam, arbor ingrata est: tolle humani capitis capillum, tota pulchritudo perit. Julium Cæsarem calvitii sui deformitatem iniquissime tulisse retulimus cap. 1. hujus tractatus; eaque de causâ deficientem capillum à vertice revocare consueville. Domitianum Cæsarem calvitio ita fuisse offensum à Suetonio proditur, ut pro suâ ipsius contumelia duceret, si cui alii objiceretur. Agathoclem Siciliæ tyrannum turpi calvitio deformem tradidit Ælianus, quem cum puderet defluentis capilli, myrteam corollam, glabritiæ velamen, quo nuditas tegeteretur, adornavit. Acerbè Juliam filiam suggillavit Augustus, qui aliquando improvisus cum oppressisset cosmetrias sive concinnatrices, præmaturam canorum segetem vellentes percunctatus illam est: malletne cana esse, an calva post paucos annos: respondentique, canitiem se præoptare, regessit ille mendacii notam isto dictorio; quid ergo istæ tam citò calvam te reddunt? Vespasianus lepidè calvitium argutâ ostenti cujusdam elusione non dissimulavit: nam viso comere, qui mortem ipsius portendere credebatur, non sibi, sed Parthorum Regi minitari dixit; illum namque comatum esse, se verò calvum. Modestè tulit calvitii sui opprobrium Tiberius Cæsar à Seiano Prætoris ludibrio habitus, quando in Floralibus per calvos omnia peragenda curavit ille, qui postea ab ipsius nomine Seiani nuncupati fuerunt: ac rursus è theatro descendentibus facies præferri per quinque mille rastos pueros, qui calvitium glabris capitibus mentiebantur. Galba Imperator ita fuisse glaber fertur, ut Fabius Fabulus caput ejus præcisum, vestis sinu exceptum portare debuerit, cum ob pilorum raritatem difficillimè prehendi posset. Carolus filius Ludovici pii Imper. cognomento calvus fuit dictus à calvitio: in cujus laudem Hugbaldus monachus, vir, ut tum ferebant tempora, haud indoctus, eclogam composuit non illaboriosam, cunctis vocibus initialem literam C. præferentibus. Socratem quoque recalvâ fronte depingit Hieronymus, sapientiæ argumento. Æsculapium calvum ostendunt Ægyptii eandem ob causam. Ulyssem item calvum nominat Synesius. Sed & Isocratem oratorum omnium suavissimum, calvum constat: uti & Hippocratem nostrum. Qui omnes cum prudentes, sapientes, astutique fuerint viri; hinc forsitan monet nos vulgatus versiculus à calvorum familiaritate abstinentum esse:

Si non vis falli, fugias consortia calvi.

Porro quemadmodum canities, ita & calvitium aliud est naturale per ætatem adveniens: aliud præter naturam, accidens intempestivè. Narrat Herodotus Scythicam quandam gentem à natali in perpetuum calvescere. Myconii quoque pilis carentes nascuntur; quod præter Strabonem & Plinium testatur Lucilius vetus Satyrographus, ita inquires:

Myconi calva omnis juvenus.

Ita ut Strabonis testimonia calvi quicumque Myconii appellari proverbiali dictorio consueverint.

Detempestivè quoque calvitium contrahi posse, uti de canitie diximus, docet nos Marcellus Donatus lib. 1. hist. med. mirab. Adolescentula, scribit, patri unica mane parentis thalamum ingressa, ut de more illi è lecto surgenti ministraret, adaperitis fenestris patrem vocat; illum verò altiori somno detineri rata ad cubile accedit illum expergestatura: verum rigidum immobilemque repertum cum tetigisset, frigidum invenit, nocte intempestâ subitanè morte oppressum. Quo casu inopinato perterrefacta & horrescens, arrectis capillis, semianimis vicinos advocat; (soli enim pater & filia vitam ducebant) qui patrem mortuum sepultura dederunt, semiviventem filiam in lectum collocantes, ut vires reciperet: cui quartâ die cœperunt defluere capilli, ita ut omnes ferè deciderint, paucique fuerint reversi, & in posterum calvitio laboraverit.

Causa calvitii sumenda est, vel ex cutis vitio tum in primis, tum in secundis qualitatibus, præcipuè in ariditate: vel ex convenientis alimenti defectu, sicciorè videlicet reddito cerebro: vel denique ex læsione virtutis formatricis; sic videmus nonnullos calvos fieri vitio sui generis, in quibus cutis benè se habet, neque apparet boni alimenti defectus.

Dicunt Hippocrates & Aristoteles ante venerorum usum neminem calvescere: mulieres item à calvitio immunes esse. Cæterum rem aliter se habere, posseque virum citra venerorum usum calvescere, experientia & rationes convincunt. Occurrunt enim permulti spectatæ probitatis viri, & numquam venerem experti, qui tamen calvi sint. Contrà autem alii sunt insigniter veneri, qui tamen calvi nunquam fiunt. Videlicet non ex sola alimenti penuriâ, sed & ex cutis & facultatis formatricis vitio oritur calvitium. Quod ad mulieres attinet, scribit Aristoteles, eas non calvescere, quoniam ipsarum natura puerorum naturæ similis est; utraq; scilicet sterilis excrementi seminalis. Idem Galenus docet ad aphor. 28. sect. 6. Eunuchi neque podagrâ laborant, neque calvi fiunt. Eunuchi enim, ait Galenus in comment. similes feminis efficiuntur: sicut ergo in his calvitium non accidit, sic neque in eunuchis, propter temperamentum frigidum. Sed huic quoque sententiæ & rationes & experientia adversantur. Sunt quippè non paucæ mulieres calvæ tum juvenu-

Ab alimenti defectu veniens tollitur agro restituto & benè habito.

Qui curaturus est capillorum defluvium, hunc præcipuum sibi scopum præfixum habere debet ex Galeni doctrinâ, ut caput roboret, boni succi delationem ad cutem procuret, eamque ad densitatem & raritatem moderatam deducat.

Ubi statim petat quis: an ista topica seu localia remedia adhiberi possint ante universalem corporis evacuationem? Dicendum est: posse, si causa defluvii sit vel alimenti defectus, vel cutis raritas. Sed si humorum pravitas ac corruptela sit causa, præmittenda est totius evacuatio.

Inter localia medicamenta conveniunt calida & adstringentia moderatè: in quibus principem locum obtinet ladanum oleo lentiscino mixtum, vel oleo myrrino, si largè capilli defluant; undè liceat conjicere, multam cutis capitis raritatem adesse.

Formula poterit esse hæc: ℞. Ladani optimi unciam, olei lentiscini unciam. Misce.

Hoc apud Galenum & simplicissimum & efficacissimum est medicamentum, quo se nullum præstantius neque esse expertum, neque animo concipere potuisse fatetur. Licebit tamen ei addere myrrhæ electæ drachmam, pulv. capill. ven. verbenacæ rectæ an. scrupulum. Mis. f. linimentum.

Alii præparant olea adstringentia, quibus imponunt deindè ladanum, myrrham, & alia: verbi gratiâ.

℞. Rosar. sicc. balauſtior. cortic. granat. an. drachmam. ol. comm. unc. quatuor. vini rub. adstringentis sesquiunciam: bulliant ad consumptionem vini. Tum ℞. Istius olei sesquiunciam. Ladani, myrrhæ an. drachmas tres. pul. capill. ven. drachmam. Misce pro linimento.

Aliud: ℞. Apum uncias sex. adipis ex collo equi uncias quatuor. mellis comm. uncias duas. Moschi scrupulum. Pistillo contunde; & concorpora ad lentum ignem. Eo ungatur caput vesperi, superalligando lin-teum calidum.

Quidam his sanatus est: ℞. Ladani semunciam. ol. myrtin. mastichin. an. sesquiunciam. mis. pro linim.

℞. Lixivii facti cum cinere quercus lib. v. gal. lar. non perforat. adianti an. pugillum. fol. rosar. sesquipugillum. baccar. myrti semipugill. acaciæ, ladani an. drachmas duas. Acaciam & ladanum ligata in petiâ cum reliquis pone in lixivio, bulliantque ad consumpt. tert. part. Isto linimento vesperi caput ungatur, & mane lixivio lavetur.

Si quibusdam displiceat, pinguis & unctuosa in capite ferre, fiat decoctio ex cap. ven. abrotano, pollytricho aureo, lentisco, fol. myrti, rosis, absinth. in vino rub. & eo caput abluatur.

Item spumam carnis bubulæ macræ in aquâ coctæ collige in ollulâ mundâ; adde aquam mellis: atque eâ unge locum depilem.

Hæc aqua omnium est efficacissima:

℞. Aq. stillat. è melle uncias tres, ol. tartar. unciam, aquilæ vegetabilis drachmas duas. Mis. & fervebunt. Fervore facto subsidet crassamentum. Dein filtra per chartam bibulam; & utere. Descriptio aquilæ vegetabilis est hæc:

℞. Tartari libram. calcinetur per ignem carbonum linearum in vase lapideo perforato, & aëri aperto exposito, quia horrendum foetet. Deinde in pulverem redigatur, & ponatur in ollâ lapideâ novâ, atque affunde poculum aquæ pluvix. tum coq. ad consumptionem medietatis. postea filtretur per folium chartæ bibulæ quadruplicatæ; & appositæ infundibulo: officium infundibuli imponendo phialæ seu lagenæ vitreæ, ut sensim in eandem destillet. Si gratum

colorem addere vis, quandò medietas decocta est, adhuc ferventi injice taleolam renuem cortic. aurantii. Quò plus decoquitur, eo est valentior. Hujus aquilæ multæ & mirificæ sunt virtutes, quas enarrare non est hujus loci.

Ista adhibenda sunt detonsis primò vel rasis capillis: deindè cutis fricanda: tum medicamenta apponenda.

De area, alopecia, & ophiasis.

Area ab areo est. Varro lib. 4. de ling. lat. ubi frumenta secta terantur & areſcant, area. Propter horum similitudinem loca in urbe pura, areæ. Ubi per pura loca intelligit non ædificata. De origine ejusdem vocis sic Festus censet: area propriè dicitur locus vacuus, quasi exaruerit, & non possit quidquam generare.

Est ergo hoc loco nobis area glabrities seu privatio pilorum instar areæ in partibus capitis quibusvis. Vulgò vocant depilationem.

Hujus due sunt species: alopecia & ophiasis.

Alopecia vel alopeciaſis est area seu glabrities capitis quâlibet figurâ prædita. Nomen tractum est à vulpibus, quæ dicuntur Græcè ἀλώπενες, quarum lorium terræ inspersum toto anno eam sterilem reddere, scribit Callimachi scholiastes. Vel potius è vulpibus nomen habet, quòd ipsæ, cùm annosæ sunt, illi affectui sint obnoxie, obortâ per ætatem scabie:

Ophiasis est area capitis tortuosa instar serpentis. Dicitur à serpentibus, qui Græcè nominantur ὄφεις; quòd eorum figuram hæc depilatio referat. Hæc accidit solis pilis superioris capitis: alopecia etiam barbæ accidere potest.

Occupat utrumque vitium non totum caput, sed partes quasdam & loca tantùm quædam cuti; ad distinctionem defluvii capillorum, de quo antè, quòd promiscuè & sparsim toti capiti accidit.

Causa arearum post ortum venientium est parvus humor erodens radices pilorum; qui aliquandò simul malignus est, tanquam in lue venereâ. Humoris potest esse serum, pituita, & bilis utraque, putrefacta vel corrupta. Quemadmodum enim plantæ moriuntur, si muriâ, lixivio, aceto, urinâ alluantur, ita capilli defluunt, si humore falso & acri circumfundantur.

Fernelius in consiliis suis narrat casum, cujusdam qui ab ortu & semine areas contraxerat.

Alopecia & ophiasis faciliè cognoscuntur; & faciliè quoque inter se distinguuntur. Nam alopecia quidem est area, quæ sub qualibet formâ dilatatur, ita ut nullam certam figuram habeat: ophiasis verò more serpentis tortuosè progreditur, & modò ab occipitio extenta utrimque ad aures usque serpit, latitudinem habens duorum ferè digitorum transversorum; modò aures præterveſta ad ipsam usque frontem serpentis instar procedit. Alopecia quamlibet ætatem invadit: ophiasis ferè infantes. Præterè in ophiasis majus causæ vitium est, ut non solum pilorum radices, sed & cuticula erodatur. Commune utique est; quòd emortuâ summâ pilliculâ pili primùm extenuantur, deindè excidunt: ac si ictus is locus sit: sanguis exit liquidior ac mali odoris.

Alopecia, quæ à lue venereâ ortum habet, id peculiare obtiner; quod superciliorum citius & barbæ, quàm aliarum partium pilos adgredi consuevit, subindeque ejus partis capitis, quæ rariùs hoc defluvium patitur, ut sunt latera utraque. Sic & alopecia, quæ lepræ soboles est, magis in superciliorum, quàm aliarum partium pilos grassatur.

Signa causarum sunt, quòd si cutis apparet albidior, peccabit pituita; si nigrior, melancholia; si pallidior, flava bilis.

Increſciſ

Increfcit utrumque vitium in aliis celeriter, in aliis tardè. Pejus eft, quod denfam cutem, & fubpinguem, & ex toto glabram fecit. Difficilioris fanationis eft ophiafis, quàm alopecia: nam illa à materiâ & craffiore & deteriore oritur, & fimul cuticula eft excoxiata.

Alopecia in infantibus faciliùs fanatur; quàm in adultis. Id quod voluit Celfus, dum inquit; hanc vix unquàm fine curatione, illam per fe fapè finiri. Sebaftianus Egberti experientiffimus Medicus & Conf. Amftelredamenfis, civis meus, notis ad Dodonei praxin, fcribit fe obfervaffe illos affectus anno 1614. quafi epidemios, & puerulos invadentes.

Si per modicam fricitionem cutis capitis mutetur color cutis, cirò & facilè vitium tollitur. Si per modicam vel mediocrem fricitionem non mutetur color cutis, vel vix mutetur; affectus non nifi difficulter, & longo temporis fpatio pelli poterit. Si medio modo fe habeat, medio etiam tempore tollitur.

Ut autem tollantur hi affectus: in primis, fi finant vires, incidenda eft vena, fanguisque mittendus pro ratione plenitudinis corporis, præmiſſo leniente. Tum ad purgantia veniendum. Galenus lib. de comp. med. f. l. cap. 1. narrat hiftoriam cujuſdam adoleſcentis alopeciâ laborantis, ex quâ licet colligere, quæ medicamenta ſint accommodata. Huic adoleſcenti primùm dedit duas pilulas ex aloe, quæ ciceris magnitudinem habebant. Deindè ſolâ hierâ diacolocynthidos eum purgavit bis in quinque diebus, primâ quidem vice drachmis quatuor, alterâ drachmis quinque exhibitis. Poſtea ad evacuantia caput eft procedendum per erhina & apophlegmatifmos. Denique ea uſutpanda, quæ materiam in capitis cutē detentam diſcuriant. Ea debent eſſe calida, non vehementer ſiccantia, tenuium partium, & metaſyncritica. Inter quæ quædam ſunt leviora, quædam mediocria, alia validâ. Levius eſt hoc:

℞. Amygdal. amar. cum cott. uſtar. drachmas tres, thuris drachmam, olei chamæmel. unciam. ceræ parum. Miſc. f. liniment. Mediocre eſt iſtud:

℞. Pul. amygdal. amar. uſtar. drachmas duas, ſem. erucæ drachmam. ellebori ſemidrachmam. adip. urſin. anſer. ana unciam, ceræ parum. f. linim. Validum eſt illud:

℞. Euphorb. thapſiæ ol. laurini, ana drachmas duas. ſulphur. vivi, ellebori utriuſque ana drachmam. ceræ drachmas ſex. cum ol. vetere f. linim. Quæ adhibenda ſunt calida, raſo capite perfrictâ cute, in loco calido, donec cutis ſuum naturalem colorem recipiat. Poſteſt ante inunctionem caput lavari lixivio, in quo cap. ven. polytrichum, abrotan. ſimileſque plantæ coctæ ſint; & poſt lotionem caput linteo calido fricari; tum inungi.

In affectibus hiſ inveteratis, ubi alia non profuerunt, hoc efficax eſt:

℞. Pingued. lardi veteris ſemilibram. terebinthin. uncias tres. lapid. polychreſt. ol. tartari ana drachmas ſex, ſulphur. vivi, ceruſſ. lotæ, lithargyr. minij ana ſemunciam. ellebor. utriuſque piper. long. tutiæ præpar. nihili alb. ana drachmas duas. Mixtis affunde ſuccor. depurator. rad. lapath. acut. & ſcrophular. herb. fumar. ſcabioſæ, cott. inter. virid. ſambuci, limon. ana uncias duas. Coq. ad ſuccor. conſumptionem. Poſtea adde ſtyrac. liquid. cinnabat. factit. ana drachmas ſex, ol. laurin. juniperin. ovor. ana ſemunciam. mercur. ſubl. ſelquidrachmam. Miſc. f. unguent. Descriptio lapidis polychreſtri, qui hoc medicamentum ingreditur, eſt hæc:

℞. Vitriol. alb. ſalis nitri ana uncias duas. lithargyr. utriuſque ana ſemunciam, lapid. calamin. drachmas

tres. Miſc. f. pul. coquendus in vin. rub. q. ſ. ad lapidis duritiem.

Fernelius in juvene carnoſo, benè ſano, annor. 20. areis ab ortu laborante, hæc ſuadebat: priuò cutem glabram & jam ſiccam fotibus emolliendam & laxandam: venæſectionem & purgationem. Fotus ſient ex decocto rad. althææ, lilior. malv. violar. parietar. ſem. anif. lini, ſani Græci. Dum hoc fotu pars mollior videbitur reddita, fiat fotus ex ſalviâ, betonic. rœchad. adiant. cap. ven. abrotan. ſem. urtic. & ſinap. coctis in aquâ & vini albi parte quartâ. Mox à fotu areæ ungantur adipe urſino. Exactis diebus quindecim, mane & vesperti caput confricetur cæpis contulis, dum prorsus rubefcat, & mox melle oblinatur vice cataplasmatis. Si ſub hiſ remediis pilus non erumpat, adhibendum erit hoc unguentum:

℞. Thapſiæ pulv. drachmam. adipis urſin. unciam. Miſc. hujus vi ſi pilus non ſuccreſcat, dicit vix ſpem ullam aliunde eſſe poſſe.

In puerulis arcâ laborantibus venæſectio & purgatio locum non habent, ſed ſola topica ſufficiunt. Sæpè ſatis eſt, lavare caput vino Gallico, in quo ſapo vulgaris ſit diſſolutus.

De nimia prolixitate, criſpitudine, reſtitutione; ſetacæ rigiditate, redundantia, fiſſurâ pilorum, & pinguitudine.

Pili longiores, quàm uſus illorum, aut conſuetudo regionis fert, deformitatem inducunt: tanquam ſi in frontem longiùs descendant; vel mulieribus in labio ſuperiore myſtax, aut in mento barba oriatur.

Rectos etiam omninò ſeu planos pilos cum aliqui certis in locis minùs decoros eſſe, criſposque illic decere magis exiſtiment, eos criſpari arte deſiderant.

Sunt alii, qui pilos ita duros habent, ut videantur pili ſuū ſive ſetæ: quod etiam moleſtum eſt & indecorum.

Accidit præterea, ut capilli in capite & barbâ ſindantur & dividantur; ita ut, qui antea ſimplices erant, biſidi appareant: quod etiam deforme eſt.

Denique multis pili pingues ſunt & uncti, quaſi adipe obliti, adeò ut præ pinguedine ſplendeant, & ſibi mutuò adglutinati cohæreant. Id quod ingratum, ineptum, abſurdum eſt.

Longitudo & luxuria pilorum provenit ab alimentii copia; ratione cujuſ vis pilos educens ordinarios ſuos incrementi terminos excedat.

Criſpitudinis cauſam tum Ariſtoteles tum Galenus conati ſunt adferre. Ariſtoteles attulit duplicem. Primam quidem, diverſum motum diverſarum partium; quæ pilum conſtituunt. Inſtegitur, inquit, pilus, quia duplici delatione fertur: terrenâ enim portio deorſum deprimitur; calida verò & ſumoſa exhalatio ſuſcùm attollitur: cumque pilus præ ſuâ imbecillitate inſtegi facile poſſit, intorquetur; quod pili criſpitudine eſt. At ſi hæc ratio vera eſſet, omnes haberemus pilos criſpos, cum in omnium pilis adſit duplex illa materia, terreſtris ſcilicet & calida ſumoſa.

Alteram criſpitudinis cauſam refert Ariſtoteles in ſiccitatem: quia, inquit, in pilo parum humotis, multum autem portionis terrenæ ineſt, efficitur ut pili reſiccati ab aëre ambiente contrahantur: inſtegitur enim & contrahitur, quod rectum eſt. ſi evaporatur: atque convellitur pilus, quemadmodum cum ab igne aduritur: utpote cum criſpitudine convulſio ſit ob humoris inopiam. Hanc eandem rationem adſignat Galenus lib. 2. de temp. cap. 5. quam etiam illuſtrat ſimilitudine corrigiæ, quæ cum ab igne plus juſto ſiccatur, intorquetur. Quæ quidem ratio in

capitibus & pilis Æthiopum locum fortassis habere possit, sed non in hominibus nostratibus. Nam hîc aër ambiens non est tam calidus, ut pilum contrahere, velut ignis, possit.

Tertiam ergo causam producit Galenus ibidem, nimirum meatum, in quibus pili radicauntur, obliquitatem; quàm duabus ex causis oriri statuit; vel ex debilitate fuliginis per meatum erumpentis; vel ex densitate cutis. Si enim exhalatio imbecillior est quàm ut rectâ viam sibi parare possit pro modo, quo inflectitur, etiâ meatum suum format. Si verò exhalatio satis valens est, sed duriori cuti occurrat, non poterit rectâ ferri, sed in latus reflectetur, & obliquum transitum sub cute molietur. Quales autem, inquit, in radice pili finguntur, tales rationabile est perpetuò fore. Quæ Galeni ratio tolerari potest in eâ sententiâ, quæ statuit pilos ab excrementis protrudi, & non verè nuttiri: sed in alterâ, quæ ipsos verè nuttiri censet, non apparet admodum verisimilis: videmus enim in plantis ex anfractuosis, tortis, & obliquis radicibus rectum stipitem exsurgere. Quin pili multorum ad radicem recti planique sunt, in cacumine tripi: id quod poris assignari nequit.

Itaque forsitan melius causa crispitudinis in certum cutis temperamentum referenda videtur, quo urens virtus pilorum generatrix tales pilos profert: cum videamus natos ex Æthiopibus etiâ in regione temperatâ, crispas habere capillos; & contrâ ex Europæis natos in Æthiopiâ non habere. Videlicet sicuti semen lactucæ Hispanicæ in his etiam terris lactucam producit foliis crispis: ita semen talium parentum tali temperie præditum crispas gignit.

Sicca pilorum rigiditas oritur ab alimento, quòd planè siccum & terrenum est.

Pilorum fissura fit etiam vel à facultate pilorum genetrice, & sic nativa est: vel ab humore acri capillos in extremitate findente: à quâ causâ fissi pili brevi decidunt.

Capilli redduntur pingues à vapore per cranium tranante pingui, qui sustollitur ab humore uncto. Sunt enim quidam adeò pingui humecto madidi, ut sudore pileos perpingues efficiant, quare & capillos suos simili unguine inficiunt. Atque hos adverto rariùs capitis dolore consistari.

Pilorum nimia prolixitas tondendo ad eam, quæ decens est & utilis, longitudinem, sine negotio magno, uti consuetum est, reducitur. Sex autem invenio modos ab antiquis usitatos, quibus crinium silvam tollerent. Nam aut tondebant forficulâ, aut radebant novaculâ, aut digitis vellebant, aut vossellis eradicabant, aut deglabratoriis medicamentis exstinguebant, aut denique pice resinâve extirpabant. Nobis tondere aut radere in more est, rarò deglabratoriis pharmacis nrimur. A centum & quadraginta annis majores nostri non in Belgicâ tantùm, sed per totum Occidentis imperium comâ breviora erant, quàm nos hodiè. Morem illum comam tondendi, cum sæculis præcedentibus eam, ut nos jam, gestassent, à Carolo V. Cæsare cœptum existimat Fam. Strada: cum enim, inquit, Carolus anno 1519. ad capeffendam imperii coronam venisset in Italiam & minuendo capitis dolori cæsariem deposuisset: exemplum certatim rapuerunt omnes aulæ primores, more, qui per ea prægressaque sæcula tantoperè vigeat, alendæ comæ, imitatione unius, apud omnes abolito. Tonderi ad cutem in diuturno pituitæ cursu, qui morbus lictarum studiosis plerumque familiaris ac molestus esse solet, suadet elegantissimus Celsus. Nimirum capitis vapores, qui cerebrum percellunt, attonso vertice eventantur ac dissipantur meliùs. Ægyptii conceptis verbis capillum puerorum desertum Divis suis nuncupabant, ut ab adversâ valetudine respirarent.

Neque aliorum Aristotelem attonso vertice fuisse, quod de eo prodidit Lærtius, credi debet. Mar. Antoninum, cognomento Philosophum, optimum Imperatorem, vivâ cute tenus tonsum fuisse & cum eo Medicos omnes, testatur Galenus lib. 6. epid. Quod patris integerrimi factum degeneri patrique longè dissimilimus filius Commodus aureâ comâ superbienti mutavit, ejusque exemplo turba familiarium. Inter athletas, qui in promovendâ corporis firmitudine & evexiâ studium omne ponebant, ii, qui viriliores erant, ad cutem usque tondebant capillos.

Tonsuram veteres Græci *σχελιν* vocant, cujus vocis in nostrâ vernaculâ lingâ manit vestigium: nam tondere comam dicimus *scheren*. Commemoratur autem apud scriptores duplex tondendi genus, cepus & scaphium. Existimatur cepus illud tonsuræ genus, quo casaties frontem obumbrans ornatus gratiâ refecatur, exæquando capillos pendulos ad instar consilis fruticeti herbarum hortensium, quibus muscaria & cacumina amputant olitores, ne inæqualitas areolas deformet. Scaphium verò, quando ad ipsam usque cutem calvâ ambientem succiditur: cujus non absurda ratio est, quòd, ubi totum cranium tondetur, piscatoriæ scaphæ inversæ formam referat, cujus uti prora puppisque eminentiores exstant, ita latera hinc inde subsident depressa; quod in temporibus videre licet. Mansit & hujus vocis vestigium in nostrate linguâ, quâ qui villosos pannos longis forficibus attondent, *scapescheren* appellant, quasi *σκαπισσχελιν* dicas: quoties strictim ad ipsam usque panni carnem, ut ita loquar, detondent villos.

Radimus ea loca, quæ volumus prorsus pilis esse nuda & glabra, ut malâ & menti partem. Quæ & alia si volumus ex toto depilari, neque in posterum pilos renasci, adhibenda sunt psilotra. Inter quæ efficax & probatum est hoc:

℞. Calcis vivæ uncias duas. auripigmenti drachm. sex. rad. irid. Florent. semunciam. sulfur. nitri ana drachmas duas. lixiv. stipit. fabar. fort. libram. Misce & coq. in ollâ novâ vitreatâ, ad justam consistentiam; quod cognoscas, si penna oblinita plumas dimittat. tum adde ol. spicæ drachmas duas, vel alia odorifera; & f. unguent. ex cujus illinitione pili, in quâcumque corporis parte sint, statim decidunt. Locus autem depilatus ungatur unguento rosaceo. Jam ne renascantur denuò pili ablati:

℞. Hyoscyami manipulum: teratur cum aceto vini, & formâ cataplasmati applicetur.

Fœminis hoc peculiare, ut circa comarum nutritionem quàm maximè occupentur. Neque injuriâ fortassis, quandoquidem capillamenti decorum adeò fœminas deceat, ut quamvis auro, veste, gemmis, omnique cætero mundo exornata mulier incedat, tamen nisi capillum distrinxerit, ornata non possit videri. At viros cum affectatione quâdam & curâ capillos studiosè colere, & ad lenocinia decoris se demittere, minimè decet. Hos Seneca dicebat sollicitiores esse de capitis sui decore, quàm de salute; quippè qui inter speculum pectinemque occupati sint; qui concinniores esse malint, quàm honestiores; qui rempublicam suam turbari minùs curent, quàm comam; si scilicet.

Unus de toto peccaverit orbe comarum

Annulus, insertâ non benèfixus acu.

Sicut de molli quodam & effœminato Martialis cecinit. Archesilaum Philosophum Plutarchus refert vehementi verbo usum esse in quemdam nimis delicatum divitem, qui incorruptus tamen & perinteger habebatur. Nam cum vocem ejus infractam, capillum arte composurum, oculos ludibundos, atque illecebæ volupratique plenos adspiceret: nihil interest inquit, quibus membris cinædi sitis; posterioribus an prioribus. Conserunt tamen & nunc & olim Fran-

ci live Galli comam alere elegantem, & cesariem insignem ac copiosam lubenter ostentare. Claudianus:

----- tum flava repexo

Gallia crine ferox, evinctaque torque decoro.

Ideò fortassis, quòd Franci, id est, liberi potissimum nominarentur. Liberorum autem live ingenuorum est, comatos esse:

Longæ hæc comæ si rectæ essent, crispabantur. Tonsores ad hoc peculiariter conducti, qui cinerarii dicebantur; quòd unum de ministeriis eorum esset, calfactis in cinere calamistris torrere ac vibrare crinem. Idem vocati & ciniffones; quòd in cinerem flarent, ad calefaciendum instrumentum, quo capillos crispabant. Ornatrices etiam & concinnatrices nuncupabantur puellæ, quæ mulieribus comas exornabant, & crines disponebant per acus & veritæ; edoctæ ab artis magistris ad hoc artificium. Acus istæ comatricæ appellantur à Petronio; ab Apuleio autem crinales. At Plautus vocat calamistrum, quo crispatur in annulos capillitium. Juvenalis calamistro crispare comam: comam in gradus frangere Plinius dixit: vibrare ferro crines Virgilius: ustulare candente ferro crines Pacuvius. Dicebatur & discriminis acus, quæ capillos mulierum ante frontem dividebat. Ornatus ipse, quò capilli sic dividebantur ante frontem, discrimin dictum. Germanorum cirri in nodum erant substricti. Martialis:

Crinibus in nodum tortis venere Sicambri,

Atque aliter tortis crinibus Æthiopes.

Vulgò locum illum exponunt; crines in nodum tortos esse calamistro ad speciem nodi vibratos, in tortos, ac rotatos crines: quemadmodum in fluctum tortos crines dixit Manilius; qui instar fluctuum exhibent. Tortos autem aliter esse Æthiopum crines, quia naturaliter, non arte, crispi existunt. At illi non rectè sentiunt. Non enim hic mos unquam Germanorum fuit, crines calamistris inurere, aut alio modo ornare. Clemens Alexandrinus: Celtæ & Scythæ, inquit; comas alunt, non oruant. Atqui pars longè maxima capilli ornandi est calamistri & crinium inflexio, quæ ferro fit calido. Phrygum hoc fuerit propriam, & effæminatarum gentium, quibus hoc probum passim objectum, quòd haberent comas

Vibratas caldo ferro, murrhæque madentes.

Longè hoc à Germanis. Quid igitur hi, aut quomodò crines torquebant? qui simplicissimus fuit mos; in nodum eos cogebant. Ex ipsâ nimirum comâ, quàm satis longam nutriebant, nodum faciebant. Quia verò non datur ex crine nodum in capite facere, nisi torqueatur, ideò tortos in nodum crines dixit Martialis, in nodum coactos, vel nodo substrictos. Rectam quippè ac prolixam cesariem nodare non possis, nisi in modum funis obliques eam ac torqueas. Sic in nodum facilè ducitur, neque aliter quivum est. Tacitus de moribus Germanorum sic explicandus: insigne gentis obliquare crinem, nodoque substringere. Quem locum perperam capiunt de crine calamistris vibrato. Neque altera melior interpretatio, ut crinem non in rectum passim descendere, sed reducerint in posteriorem verticem & obliquant. Obliquant crinem, & nodo substringunt, quia nodo aliter substringere nequeunt, nisi obliquatum ac tortum. Ideò obliquandi crinis meminit; ut ostenderet, ex ipso crine nodum eos facere solitos, non alio vinculo nodare. Nam vinculo aut taniâ potest nodari ac religari crinis etiam rectus, & in rectum descendens: at ex ipso crine nodum facere non datur, nisi obliquo ac torto. Iste crinis in nodum tortus & coactus vocatur cirrus, qui idcirco etiam Germanorum proprius ferrur ab auctoribus. Jam ad Medicinam redeamus.

Ad crassiores, rigidioresque & setaceos pilos reddendos tenuiores mollioresque valet hoc lixivium.

℥. Majoran. hyssop. salviæ, thymi, ana manipulum. lavendulæ manipulos duos. cort. citri vel arant. sicc. uncias duas. lupinor. & orobor. ana unciam. flor. stæchad. rorismar. genist. rosar. ana pugillum. fol. lenæ unciam. agaric. cortic. colocynth. ana semunciam. bull. in lixivii q. s. colatura detur usui.

Fissura pilorum corrigitur, si pars illa, quæ fissâ est, abscindatur: atque ea, quæ remanet, circa extremitates felle inungatur: postea rursùm docto herbarum capillarium, abrotani, polytrichi, & similium pili abluantur.

Pinguedinem pilorum aufert hic pulvis inspersus:

℥. Rad. Irid. Florent. uncias duas. flor. viol. recens sicc. semunciam. rad. cyper. rot. drachm. ol. stillat. rosar. veri scrupulos quatuor Misc. f. pulvis subtilissimus. Gratissimi est odoris; cerebrum & omnes spiritus recreat; nec sexui muliebri est adversus.

De tricis seu trichomate; quam Plicam vocant.

Plica est pilorum sibi invicem junctorum adeò arcta intricatio atque implicatio, ut nullo pacto amplius discerni aut extricari possint; à certâ causâ internâ & præter naturam proveniens. Familiaris est hic affectus & quasi endemius Polonis, præcipuè Russis; quorum infantes sæpè cum eo nascuntur. Vidi tamen eum etiam Patavii in fæminâ Germanâ; in cuius ædibus habitabam.

Poloni duplicem statuunt plicam: alteram masculam, alteram fæminam. Hæc totum horribili spectaculo involvit caput, ita ut non tam capilli, quàm aliquis pileus congenitus homini videatur. Masculâ est, quæ propendentes aliquot ad instar funiculorum spiras habet.

Hujus mali causæ sunt vitiosi & maligni humores, ob peculiarem loci, præcipuè Russiæ, aëris, & aquarum genium ad caput ferri, & in pilos commutari apti: quemadmodum in Alpibus Reticis, Stiriâ, & Carinthiâ, aquarum vitio bronchocelæ & strumæ incolis adnascuntur, materiâ vitiosâ in glandulas colli, & non in aliud locum detrusâ.

Joachimi Pastorii Florus Polonicus lib. 2. c. 14. narrat, tempore Læsci Nigri Poloniarum Principis; in Russiâ (rubra) à transeuntibus Tartaris, immixtis humanis cordibus, quæ veneno imbuerant, infectas aquas nova morborum genera peperisse, quorum ut causa diu fefellit Medicos, ita soboles hodie quoque in inexplicabili tricarum contagio, quam plicam vocant, creditur vulgo superesse. Spondanus etiam anno 1287. num. 10. ita scribit: cæterum ne Russi quidem, quamquam socii, prorsus expertes malorum à Tartaris fuere. Nam excessuri illi è Russiâ; ut est malitiosum hominum genus, atque incantationum & veneficiorum guarum, aquas omnes infece-runt, ex sectis captivorum casorum cordibus, & præsentissimo veneno imbutis, ac veribus subter aquas defixis. Undè plurimi mortales, cum seriùs mali causa animadversa esset, miserabiliter extincti sunt. Idem aiunt Brovius, Cromerus, Dlugossius, alinque historici Poloni. Et concurs in Russiâ traditio est; plicam ab illis aquis infectis esse derivatam. Cui favere potest regionis ipsius temperamentum seu indoles. Nam plicâ laboranti caput radere in Poloniâ, perniciosum; in Tartariâ verò, si quis plicâ affectus eo deductus captivus fuerit, rasura minimè nocet, ob climatis benignitatem.

Defertur ista materia vitiosa & maligna ad pilos, non per modum fuliginis, ex quibus tantum cre-

duntur cūiri pili; sed simul cum sanguine; utpote quo pilos ipsos nutrire, hinc manifestum est, quod pili hī intricati abscissi aliquandō sanguinem fundant.

Est plica symptomaticum quid, sed aliquandō criticum, ortum ex materiæ istius vitiosæ expulsionē versus caput. Nam plica nihil periculi ægro adfert, sæpeque sine ullo damno ad mortem usque circumfertur. Id verò quod maximè ægrum infestat, est humor ille malus in corpore hærens; undè pili oriuntur; hic enim est, qui gravissima illa symptomata efficit, quæ jam enumeratum eo.

Incipiente trichomate unus & alter cirrus in capite vel barbâ excrescit, cum vicinis sibi crinibus introrsum implicatus & densus. Antequàm is excrescat, vel etiam quamvis excreverit, modò tamen materia vitiosa in corpore redundet, ossa infringuntur, laxantur artus, membra conglobantur ac retorquentur: gibbi efficiuntur, pediculi funduntur, quibus caput ita oppletur, ut nequaquam purgari possit: Sed hoc non est perpetuum, ut pediculi in plicâ adsint. Narravit mihi Loveni Illustr. D. Theodorus Skuminovius Episc. Gratianopol. se novisse nobilem Polonum Petrum *Niesmierski* ferè sexagenarium in albâ Russiâ, cui capitis pars plicâ sceminâ ad instar pilosæ pyramidis cūrata, nullum unquam habuit pediculum: quin è contrario, si vivus pediculus capiti ejus imponeretur, moriebatur. Si cinni hī & cirri radantur intempestivè, humor malignus & virus in corpus relabitur, & ægros jam dictis modis torquet. Caput, pedes, manus, omnes artus, omnes juncturæ, omnes corporis partes exagitantur. Ideoque morbus hic Polonicâ linguâ vocatur *Gozdziec*, quasi clavatus; quod corporis, capitis præcipuè, clavis confixi dolorem æquet. Ungues aliquandò, præcipuè in pedibus & maximè in pollicibus, scabri, longi, & nigri fiunt instar cornu hircini. Observatum est, qui tales fasciculos implicatorum inter se crinium detassissent, vel ungues illos præscidissent, oculis captos fuisse; aut defluxionibus ad alias partes gravissimè afflictos. Purgantia usitata si exhibeantur, efferatur magis malum. Quidam cum aliquot annis hoc genere mali cruciati essent, nec caput rasisent, sed omnem spurcitiam ac molestiam pertinaciter pertulissent, tandem virulentis illis cirris sponte suâ decidentibus convaluere; consumptâ scilicet totâ illâ malignâ materiâ in capillos: quod de masculâ plicâ intellige; nam scemina est immedicabilis. Contrahitur hoc malum etiam per contagium, si quis aliquoties sibi imponat pileum sudore plicâ laborantis madidum.

Hæc, quæ retuli, ita esse & sic se habere universi omnis ordinis Poloni, maximi, medioximi, minimi, adfatentur: eaque fuit constans tot sæculis sententia, à parentibus inculcata, ab avis, proavis, atavis, tritavis propagata & tradita, tantoque cum suo malo vera comperta. Quam tamen jam nunc ridet Willielmus Davisonus, nobilis Scotus, Christianissimi Galliarum & Navarræ Regis Consiliarius & Medicus, domus hortique plantarum medicinalium, qui Parisiis in suburbio S. Victoris est, olim præfectus: nunc autem S. Regiæ Majestatis Poloniæ & Sueciæ senior Archiater & Chemicus: S. Reginalis itidem Majestatis in vulgari Medicinâ personæ Medicus. Nam in suo Prodro-mo commentariorum Scoticorum in Petri Severini Dani ideam Medicinæ Philosophicæ pag. 450. vocat plicam Polonicam morbum ex superstitionis mulierum cerebro natum, & in credulos aliquos Medicos transplantatum. Audax Hercle & intolerandum facinus, ab homine alienigenâ nobilem, potentem, strenuam, ingeniosam gentem, à cujus Magno Rege Reginaque lautissima meret stipendia, scripto publicè edito traduci ut stolidam, stultam, infrunitam, de-

lirantem. Quid enim aliud censeas de eo, qui morbum hunc sævissimum immeritò morbi nomine insigniri; quæ de eo narrantur, aniles esse fabulas, eisdemque adsentientes judicii & mentis non esse compotes ait, hoc est, incipite esse non satis sano. Hoc se agere obtendit, ut ponat auxilium nobilissimæ & fortissimæ nationi; ut non solum medelam gravissimis affectibus corporum adferat, qui sub nomine plicæ occultantur, sed etiam animos moderationum hominum à tyrannide fabulosâ & superstitionis deinceps liberet, id est, paucioribus verbis, ut genti fatuæ mentem restituat. Hic videlicet alter est Hippocrates, qui è longinquo accersitus insanienti Democrito opem & salutem laturus est; at Democrito quàm ipse Hippocrates, sapientiori. Septem annis inquit se in Poloniâ degisse: Tantulo tempore sibi arrogat, acquisivisse scientiam, quâ veram de plicâ opinionem tot sæculis irroboratam convellat & proterat. Id quomodò exefficere conetur, operæ pretium est videre.

Principio ablegat nos ad consultationem Patavinam, quæ proponit hominem triginta annorum, boni habitus, apud Polonos repente fieri debilem, tremulum, aut lividum & exsanguem; deinde post tres aut quatuor dies capillos capitis crispari, in varios cirros involvi, figuras quasi anguium repræsentantes, qui puncti sanguinem effundant, cum fursure, pediculis, spurcitiâ & fæore totius capitis. His ita se habentibus accedere Medicum, qui si sanguinem miserit, aut purget, vel pilos ad spurcitiâ illam auferendam radat, illicò sæva symptomata advenire, dolores oculorum, articularum, ossium, membrorum contractiones &c. Adversus quæ hæc reponit.

Quod hominem triginta annorum pro exemplo supponant, error est: nam non solum contingere videtur hominibus triginta annorum, sed pueris aliquandò trium annorum; imò & nuper natis, si ita matricis superstitioni placere licuerit. Neque repente fiunt debiles, sed præviam aliquam experiuntur causam debilitatis, quamvis non à plicâ. Simili modo nec tremuli, nec pallidi, nec exsanguies repente fiunt, sed post manifestam aliquam actionem læsam. Neque post tres aut quatuor dies capilli capitis crispantur, neque involvuntur in tales cirros, varias figuras quasi anguium recipientes, nisi arte per contractionem crebram quasi per artem fulloniam introducuntur. Neque puncti sanguinem effundunt, sed de fursure, pediculis, spurcitiâ, inhonesto fæore totius capitis. Hæc à veritate haud aliena sunt, illa enim omnia accidunt illis, qui datâ operâ ut in complicationem concrecant, crines pectine non deducunt, aut qui fulloniam in capillitio plicando artem exercere volunt. Sed cum accedit Medicus, qui sanguinem mittere, aut purgare, vel pilos ad spurcitiâ illam auferendam radere velit, illicò illis symptomata sæva accedere somniant. Ego illis sic occurro. Consultatio illa est Roderici à Fonseca Olyssiponensis, in Patavinâ Academiâ Medicinæ practicæ Professoris, in qua proponit sibi hominem triginta annorum plicâ laborantem, verbi & exempli duntaxat gratiâ, velut in consultationibus & consiliis, ut vocant, fieri adsolet, non quod tantum illâ ætate affectum istum invadere existimaret: invadit enim & torquet mortales ætate quâlibet. Atque ut confessum accipio, quod ipse hic ait, etiam nuper natos interdum corripit. Quid autem tum matris aut nutricis superstitioni est adligandum? Cirros in infante videre, tangere non est supersticiosum. Aut vult fortassis matrem imaginari, cirros in infante esse, qui non existunt? Hoc jam est phreniticam aut aliter deliram matrem dicere, similemque Theophilo Galenico tibicines in conclavi suo canere garrienti, qui nusquam essent. Et si mater

mater forſan id pravè imaginata fuit, adſtantes tamen quidam ſapiebant, qui falſam matris imaginationem rejeciſſent, nec narrari aut credi paſſi fuiſſent, infantem cirratum eſſe, qui nuper in lucem ſit editus. Repentè autem fieri debiles, tremulos, pallidos etiam ponit verbi tantum cauſa: non quòd ita ſemper & perpetuò accidat. Et repentè ipſi non eſt conſeſſim, ſtatim, extemplò: ſed ſine manifèſtâ cauſâ, quæ à prudentibus adſtantibus aut Medicis advocatis poteſt accuſari; v. g. nullo prægreſſo animi pathemate, nullâ febre, nullo dolore, nullâ vehementi corporis exercitatione, nullâ inedia &c. Debilitatem autem, tremorem, pallorem non à plicâ ſeu capillorum contortione fieri, verum eſt: at ſit à materiâ malignâ, virulentâ, venenatâ in corpore vagante, à quâ deinde ſit plica. Similiter verum eſt, non ſemper poſt tres aut quatuor dies ab illâ debilitate, tremore, pallore capillos criſpari, ſed ſæpè longo poſt tempore; aliquandò tamen citò, prout natura valens vel invalida eſt & materia pauca vel copioſa. Quod poſtea addit, capillos in tales cirros (cirros dicere debuit) non involvi, niſi arte per contrectationem crebram quaſi per artem fulloniam introducantur. Hoc à verò alienum eſt. Teſtem appello univerſam cirratorum in Ruſſiâ turbam, quorum nullus in capillos ſuos fullonicam ſe exercuiſſe aiet; cùm caput raſum habeant relicto uno in ſincipite aut circa tempora tutulo; in hunc ergò ſolum fullonicam exerce- queunt: atqui è reliquo capite toto excreſcunt cirratæ ſpiræ. Et in puerulis trimis, nuperque natis infantibus nihil capillorum eſt per artem fulloniam complicandum; tamen hi quoque eo affectu laborant. Punctos illos capillos ſanguinem non effundere, ſed de furſure, pediculis, ſpurcitiâ, inhoneſto fœtore totius capitis eundem prodire: partem verum eſt, partem non verum. Furſures, ſpurcicia, inhoneſtus capitis fœtor ſanguinem haud fundunt, nec fundere poſſunt: pediculi poſſunt. Eſt autem, cùm caput plicâ deformatum nullos alat pediculos, ut de *Petro Nieſmierski*, nobili Polono antè relatum eſt: in eo ſi pili craſſefacti ſunt, ſi eorundem cavitas potentior reddita, utique abſciſſi ſanguinem ſtillabunt; qui eo caſu non fundetur è pediculis. At *inquit*, illa omnia accidere illis, qui datâ opera, ut in complicationem concreſcant, crines peſtine non deducunt, aut qui fulloniam in capillitio plicando artem exercere volunt. Sunt agafones, muliones, aurigæ in Germania, Gallia, Italiâ, Hiſpaniâ, qui nunquam vel rarò peſtine crines diſpeſcunt, non cruciantur tamen unquam illis malis, quæ in plicâ evenire advertuntur, Eſt in Europâ natio miſera, quæ vix alium capillitii uſum agnoſcit, quàm ad detergendas manus à pingui- bus cœnæ ſordibus, cæterâque omni illuvie: quâ de cauſâ ingentes concretorum crinium ſpiras alit in humeros uſque dependentes, quibus vice mantili- um diffluentes pinguedine ciboque digitos ſolet injicere, eoque pacto extergere; neſcit tamen illos cruciatus, quibus Polonicâ plicâ affecti torquentur. Et in Ruſſiâ tonſo ad vivam cutem capite nequeunt Fulloniam in plicando pilo artem exercere; quibus tamen plicâ ſupervenit.

At ſomniant, *inquit*, ſibi ſymptomata illa ſæpè accedere, cùm accedit Medicus, qui ſanguinem mittere, aut purgare, vel pilos ad ſpurcitiem illam auferendam radere velit. Hic iterum Coræbos aut Morychos facit Polonos, quippe vigilantes dicit ſomnare, & ſentire tormenta, quæ non ſunt. Dum vult dumtaxat Medicus ſanguinem mittere, dum vult purgare, dum vult pilos radere, nulla accedunt ſævâ ſymptomata; ideoque neque illa ſe ſentire ſomniant ſapientes Poloni. Sed dum Medicus ſanguinem miſit, purgavit, pilos raſit, tum demum accedunt,

& reverà ab ægris ſentiuntur. Pergit:

Ego plures quàm ſexaginta plicas iſtas immenſas latitudinem caudæ caſtorinæ ſuperantes, imo & uſque ad coxin propendentes, aliquibus abſcindi curavi abſque ullo prævio remedio adhibito, aut ſymptomate qualicunque ſubſequenti, Alii negarent id factum: ſed ego credo Viro Nobili id publicè affirmanti: & dico, id feliciter ſucceſſiſſe iis, quibus tota materia virulenta in pilos erat abſumpta; iis enim interdum ſponte cirri decidunt, & ſani evadunt. At quibus multum materiæ malignæ in corpore ſuperest, iſti non impunè ferent pilorum reſectionem: ſed doloribus oculorum, cæcitate, articulorum, oſſium, membrorum contractionibus corripiuntur.

Illicò dolores illos à plicâ abſciſſâ oriri non deprehenderam; imo potius aſſererem iſtos dolores perpetuos capitis non aliunde oriri, quàm à radicibus iſtis capillitiorum quæ divaricantur ſub fullatione, quia plicata capillitia trahunt, non plicata in fundo in unum & perpetua vellicatione dolores pariunt immenſos & perpetuos & præcipuè quando ſubmiſſe in tergum dependet, nam tunc pondere ſuo totum pericranium torquet, & in conſenſum trahit. Non ſemper illicò dolores illi plicâ abſciſſâ ingruunt; ſed aliquandò citius, aliquandò tardiùs, pro naturæ & materiæ nocentis conditione. At enim dolores iſtos oriri ideò, quia capilli plicati pondere ſuo pericranium torqueant & trahant; id minimè eſt credendum. Nam etſi dolorem capitis fortaiſſis eo pacto inducere poſſint, articulorum tamen, oſſium, membrorumque contractiones non queunt ſuo pondere facere. Et multò plures ſunt, quibus non demittitur conglomeratum capillitium in tergum & coxas uſque, ſed ſolum dependet hic & hic cirrus unus & alter, pondere ſuo nequiens pericranium detrahare: atque in his tamen etiam dolores tales contingunt.

Deindè ſcribit quemadmodum ophthalmia curanda ſit. Nimirum primò mittendum eſſe ſanguinem ex venâ maximè apparente ad uncias novem: nocte ſequenti admovendum poſt aures emplaſtrum veſicas excitans, Utantur, *inquit*, iſto remedio, & nullo alio, & reſpondebo pro vita nullam cæcitatem inde ſubventuram. Si hoc conſilio uſi fuerint ante decurſum annorum 20. & apparuerit plica in tota Polonia, capite plectar pro præmio: Occiſſimus eſt Archiater iſte, acephalus eſt, Quid? Non apparituram plicam in totâ Polonia, ſi ante viceſimum annum ſanguis mittatur, & poſt aures applicetur veſicatorium? atque in eam rem caput ſuum oppignerare? Jam nunc ſine capite eſt, ſi verbo ſuo ſtet. Ne quidem promitti poteſt, non ſecuturam cæcitatem, etſi benigna ſit ophthalmia, quandò tamen magna eſt; quantò minùs, ſi ſit maligna, venæſectionem reſpuens. Prætereâ plica ſæpè venit ſine ophthalmiâ. Quid ergò proficiet tum ſanguinem miſiſſe, veſicatorium pone aures adhibuiſſe ante annuſm ætatis viceſimuſm, ad avertendam ex totâ Poloniâ plicam?

Plica ſic ſit: cùm morbi homines lecto diu detinere ſoleant; progreſſu temporis; crebrâ crinium contra pulvinaria perfrictione, longoque ſuper crines decubitu, aut peſtinandi intermiſſione, concreſcunt crines, modò in occipite aut circa tempora.

Si plica non aliundè, quàm ex cauſis illis fiat, multò frequentior eſſet plica hic in Belgio, Gallia, Germaniâ, Italiâ, quàm in Poloniâ: nam in illis regionibus viri comati ſunt promiſſo capillitio; in Poloniâ detonſam habent calviam. Sine dubitatione igitur alia plicæ ſubest cauſa, quæ & illa malâ infect ſymptomata, qualia non comitantur intricacionem pilorum ex longo decubitu. Qui enim ex cachexiâ, hydrope, phthiſi, paralyſi diutulè lecto affiguntur etſi forte implexos capillos habeant, quod longo tem-

pore pexi non sint: haud tamen illis cruciatibus torquentur, qui in plicâ adesse observantur: qui quidem à plicâ non efficiuntur, sed à materiâ venenatâ in corpore hærente, & in pilos symptomaticè vel criticè missâ. Neque hæc sunt imaginaria fabulosa, ex rusticorum superstitiosorum aut muliercularum ingeniis nata, ut ipse contendit, sed pluribus seculis in Russiâ explorata, ac vera comperta, magno cum hominum malo. Habet is affectus multa accidentia luis venereæ vel scorbuti; attamen ab utroque morbo isto diversus est; pluresque remediis antivenereis & antiscorbuticis frustra diu curati ac macerati, senserunt tandem suo detrimento infestari se eo humore, qui plicam facit. Ad colicam biliosam universè etiam referri nequit; ut ut enim aliqui, antequam plica se ostendat, coli aliorumque intestinorum doloribus tententur, hoc non est perpetuum, sæpeque colica nulla antecedit. Quin aliquando plica se prodit, absque ut homines diu in lecto decubuerint; ita ut vel tum saltem non possit pilorum implicatio adscribi crebræ crinium contra pulvinaria perfrictioni, longoque super crines decubitu. In Russiâ & Poloniâ malum hoc quoque invadit equos; qui si hic per solidum decennium strigile non peccantur, minimè eo corripientur. Barba denique etiam multis implicatur; an & id ad longum in lecto decubitum referendum? Ego quidem haud accredo; neque hic quisquam Capucinatorum longibarborum, quantumvis diu ægrotus in lecto jacuisset, taliter cirratos barbæ crines habere visus est. Hæc sunt, quæ pro tuendâ Polonorum sapientiâ dicere habui: censeoque cognitionem istius mirabilis affectus potius hauriendam esse à Medicis Polonis Russisque, quàm ab externo Scoto, qui septem vel octo tantum annis in Poloniâ habitavit.

Constat Polonorum omnium experienciâ, in hoc malo purgationes & venæ sectionem adhibitâs non prodesse, sed nocere. Videtur ergo hic morbus, ut sanetur perfectè, proprium & specificum postulare alexipharmacum, sicut scorbutus, & lues venerea, atque alii occulti morbi. Quod alexipharmacum interim dum investigatur, potest usurpari theriaca, quæ est alexipharmacum universale. Detur ergo theriaca frequenter, sudorque provocetur, maximè è capite: sic enim materia illa vitiosa citius ad capillos, quò tendit, evocabitur: ad quod ipsum plurimum confert, ut agrestium Polonorum experientia docuit, lotio capitis parata ex decocto foliorum branchæ ursinæ, & herbæ, quæ Polonico idiomate nominatur *dereza*: serpit humi in locis arenosis, quibus crescunt pinus. Est muscus terrestris, de quo in Herbario suo *Dodoneus part. 3. lib. 15. cap. 14.*

De porriginè seu furfuribus.

Porrigo seu furfures, vel ut alii dicunt, furfuratio est affectus, in quo inter scalpendum & peccendum quædam furfuribus similia ex capitis cute decidunt. Occupat aliquandò hoc malum etiam barbam & supercilia. Fit plerumque sine exulceratione; aliquandò tamen cum levi exulceratione.

Causa porriginis sunt humores serosi & ichores pituitosi falsi, vel billiosi; qui dum per poros cutis exitum quærunt, partes quidem eorum tenuiores discutiuntur, crassiores autem & lentæ in cute hærent, & in materiam furfuraceam abeunt.

Affectio hæc se prodit, dum caput scalpitur, fricatur, vel peccitur: imò aliquandò, si gravè malum est, dum leviter crines moventur; tum enim squamule decidunt.

Ajunt vulgares hanc affectionem esse sanam: signum quippè cerebri se per furfures illos expurgantis.

At dicendum: salubre quidem & sanum esse, quatenus cerebrum se purgat: sed insalubre esse signum, quatenus significat in capite talis vitiosi humoris redundantiam.

Ut sanetur porrigo, præmissâ totius evacuatione, si frequenti peccinatione non cedat, lavetur caput decocto cicerum & malvæ, aceto addito; & vice saponis usurpentur amygdalæ amaræ contritæ. Si per hæc parum proficitur, radatur caput, & eodem dicto decocto abluatur, dein panno aspero fricetur, atque hoc unguento illinatur.

℞. Hyssop. virid. semipugillum, adip. anser. drachmas duas. Pulpæ colocynthid. olei keirin. ana semunciam, thapsiæ drachmam. ladani unciam. fiat unguentum. Hæc quoque lotio optima est, & sufficiens sola.

℞. Malvæ, betæ, lapath. acuti cum rad. hederæ arboreæ, centaur. minor. ana manipulum, caulium rubr. semimanipulum. colocynthid. drachmas tres, agarie drachmam. fol. senæ semunciam. ellebor. nig. sesquidrachmam. coq. in aq. com. ad libras tres. colaturæ adde salis com. pugillum. Multis etiam profuit primò caput lixivio communi lavisse: deinde caput exsicasse. Secundò, aceto vini, in quo semen urticæ parum contusum bullierit. Tertiò & ultimò aquâ nitidâ, in quâ radix malvavisci cocta sit.

Alia decoctio pro lotione capitis:

℞. Rad. lapath. acuti, enul. campan. ana unciam. malvæ, bismalvæ, parietar. saponar. ana manipulum. lupin. fabar. ana uncias octo. centaur. minor. pugillum. hordei integ. uncias tres. f. decoct. in aquâ. Sed & lotio capitis cum urinâ, vel aquâ falsâ, vel vino sæpè benè fecit.

De morbo pediculari, & vermiculis capillos depascentibus.

Morbus pedicularis, Græcè phtheiriasis, est is affectus, in quo quispiam pediculis, maximè in locis pilosis, scatet: ut in capite, barbâ, superciliis, palpebris.

Ad hunc non inconvenienter referri potest alter affectus, in quo capilli tum capitis, tum barbæ particulatim & frustillatim à vermiculis quibusdam erosî decidunt vel absumuntur. Sunt enim & hi pediculorum species; sed tam exigui sunt, ut visum penè fugiant, similes lendibus, quos vocamus *Flandricè neten*, Gallicè *lendes*: credunturque esse ova pediculorum.

Circa pudendâ in pilosâ cute impactî atque inserti observantur pediculi alterius generis, vehementem pruritum & lancinationem excitantes, ac pertinacissimè hærentes, vocanturque pediculi inguinales, vulgò morpiones & plattulæ.

Denique in nudâ manuum volâ peculiare aliud pediculorum genus deprehenditur sub cuticulâ latitans, levî tuberculo vel fissurâ illic apparente, prurituque continuo se prodeus. Sunt etiam hi adedò exigui, ut vix, etsi eximantur, possint videri, motusque eorum observari, nisi speculo imponantur. Dicuntur sirones vulgo & cyrones: fortassis rectius chetrones, cum *χεῖρας* id est, manibus occupent: sed tamen & alias corporis partes occupare nihil vetat. Latine vocantur acari & tereidines.

Materia pediculorum ex Medicorum consensu est humor excrementitius præter naturam, calidus moderatè, actu & potestate humidus, inter crassum & tenuem medius, & potius ad ichorem quàm ad crassum vergens; putrescens non excellenti putredine, sed miti & moderatâ.

Causa efficiens, dispositiva est calor benignus & modera-

moderatus, qui cum in pueris sit, hinc illi pediculorum sunt feraciores, quam adulti, qui habent calorem acriorem.

Procatactica causa præcipua est neglectus curæ corporis & immundities: edulia item, quæ pinguem succum generant, inter quæ primum locum obtinere volunt ficus.

Vermiculi capillorum à simili causâ producuntur, excrementitio scilicet quodam humore, qui cum alimento pilorum in capillos penetrat, atque in iis à calore capitis foras in vermiculos facessit; qui capillis adherentes pilos corrodunt, ita ut frustillatim decidant.

Cognoscuntur pediculi visu & tactu. Estque turpis ea affectio & molesta: imò periculosa, si totum corpus occupetur: nam quidam eo malo extincti narrantur.

Vermiculi deprehenduntur, quando pili breviores fiunt & inæquales, sic ut alii magis alii minus curti sint. Hærent hi vermiculi in extremitatibus pilorum, eosque arrodunt.

Cum præcipua ferè morbi pedicularis causa sit immundities corporis, pro curatione & præservatione studendum imprimis corporis munditiei. Si sanguinis impuritas, & aliorum humorum redundantia affectui occasionem præbeant; evacuandum est corpus iis ferè, quæ in scabie conveniunt: & hæc sudoris provocatio est utilis.

Quibus factis ad peculiaria pediculos abigentia est procedendum, eaque potius extrinsecus adhiberi debent, quam intus sumi. Quamquam aliqui allium comestum, vel cum decocto origani potum pediculos fugare prodant. Theriac quoque frequens usus pediculis adversus est.

Inter externa præstans est hoc decoctum:

℞. Rad. aristol. rot. sesquiunciam, ellebor. alb. nigr. semunciam. fol. absinth. marrubii, summit. centaure. minor. an. manipulum. sem. staphisag. lupin. an. semunciam. agarici uncias duas, coq. in lixivio pro ablutione capitis, vel manuum, vel aliarum partium, ubi pediculi versantur. Si sal, alumen, nitrum addantur, efficacius erit. Post ablutionem & abstersionem potest hic pulvis capillis inspergi:

℞. Sem. staphisag. drachmas duas. salis drachmas tres, aloës drachmam. cinnabaris sesquidrachmam. Misce, fiat pulvis.

In corporibus robustis argentum vivum adhiberi potest; ut

℞. Ol. commun. uncias tres. staphisag. argent. vivi salivâ jejuni hominis extinct. an. drachmas tres. fiat unguentum, quo caput illinatur, postquam lotum est aquâ marinâ.

Item ℞. Mercur. sublimat. scrupulos duos: dissolve in aq. absinth. librâ. Eâ caput humectetur: omnes pediculos brevissimè abigit, crustasque capitis sanat.

Est usitatum unguentum contra pediculos in pharmacopoliis quibusdam, quod recipit sem. staphisag. ellebor. alb. sal. Mercurium, axung. porc. ol. laurin. saponem & acetum. Efficacius & præstantius est hoc:

℞. Ol. laurin. uncias quatuor. succi rutæ uncias tres. Mis. & coq. ad succi consumptionem. Postea adde argent. vivi salivâ jejuni extinct. drachmas sex. sem. staphisag. nitri præpar. aloës hepat. an. drachmas duas. rad. ellebor. alb. lapath. acuti, tabac. Indici an. drachmam. camphoræ ol. spicæ an. semidrachmam. Mis. & cum cerâ f. unguent.

In pueris & corporibus tenerioribus ab argento vivo abstinendum. In his aqua lavendulæ & salviæ destillata satis est, si eâ laventur, estque remedium gratum & bonum.

Item ℞. Sem. staphisag. drachmas duas contunde

parum, & infunde in aceti acerrimi uncias duabus per noctem: deinde coletur, & locus ungatur.

In palpebrarum pediculis confert, si acetum scilliticum sumatur, & in eo parum aloës dissolvatur, atque hæc mixturâ palpebræ madefiant: huic alia nitrosa & salsa addi possunt. Imprimis opitulatur oleum spicæ, quod & visum roborat.

Pro chironibus peculiare est, ut acu pertundatur cuticula, ubi chirones latent, ut detur eis exitus: tum manus sæpè abluendæ vino-vel aceto, cui sal, alumen, nitrum additum sit. Vel fiat hoc decoctum.

℞. Aq. fluvial. libras tres, vini austeri libram. stercor. gallin. sicc. manipulum. coq. parum. huic decocto immittantur manus. Id scabiem vulgarem etiam brevi tempore sanat; & isti chirones sæpè cum scabie adsunt.

Ad pediculos inguinales commodum est hoc unguentum:

℞. Axung. porc. ol. laurin. sapon. nigr. an. semunciam. argent. vivi salivâ extinct. scrupulum. myrrhæ, aloës an. semidrachmam. sem. staphisag. scrupulos duos. sapon. Gallic. drachmas duas: in mortario redigantur ad formam unguenti. Non hæc multum argenti vivi miscendum; nam inde membrum virile torpidum redditur, atque ad venerem ineptum. Quod si incidit, oleo spicæ illinendus locus est, quo & pediculi pelluntur & vis redditur genitalibus.

Ad vermiculos capillorum: ℞. Genistæ unciam, myrrhæ drachmas duas, aceti quantum satis. coq. parum & colaturâ pili illinantur.

Vel ℞. sem. urticæ pulveris. maceretur in aceto, & eo pili madefiant. Vel urtica major coquatur in lixivio, & eo caput abluatur. Alii utiliter usi sunt lixivio communi, cui clavi ferrei rubigine obducti injecti essent, quo pili abluantur.

De achoribus, favis, tineâ, helcydriis, psyraciis.

Hæc omnia sunt manantia capitis ulcera vel pustulæ.

Achores quidem & favi seu ceria sunt ulcera seu ulcerosa tubercula capitis, in quibus apparent foramina, per quæ saniosum quid continuè effluit.

Tinea est ulcus capitis crustosum, cutem capitis erodens & foetidum.

Helcydria sunt ulcuscula & pustulæ capitis, à quibus humiditas effluit aquoso sanguini similis.

Psyracia sunt exigua exanthemata in capite, similia vesiculis eminentibus in superficie.

Oriuntur hæc omnia ulcuscula ab humoribus excrementitiis serosis & acris, aliquem tamen crassum succum sibi mixtum habentibus: Ii inter cutem capitis & calvariam congeruntur, diutiusque retenti putrescunt, & deinde cutem erodentes eandem certis in locis perforant.

Platerus illis humoribus perniciem quandam malignam etiam inesse existimat; eò quod contagiosum infantibus sit malum. Sed sæpè nobis dictum & jam notum est vel tironibus, non omnia contagiosa esse maligna; uti neque contra, omnia maligna esse contagiosa.

Istorum vitiosorum humorum causæ sunt vel internæ, scilicet mala viscerum constitutio: vel externæ, nimirum mala diæta, ut esus ciborum acrium & salforum; conversatio & familiaritas cum iis, qui similibus affectibus laborant.

Sed & lactis vel sanguinis menstrui impuritas causa est, si ab infantia malum est.

Achores, favi & pustulæ capitis aspectu noscuntur, uti & tinea.

Achores autem à favis distinguuntur, quòd in illis foras

foraminula, per quæ sanies effluit, sint minutiora; in favis paulò patentiora.

Tinea adest, quando apparent ulcera obducta crustâ; quæ modò viridis est, modò crocea, modò cinerea: sanies effluit modica, & quæ effluit, foetet.

Manantia ista capitis ulcera liberant infantes à magnis morbis capitis, & à convulsionibus epilepticis: progressue ætatis in ipsis sponte sanantur. Si tamen diu durent, maximè tinea, defluvia capillorum & areas efficiant: imò & ipsum cranium materia acris aliquando perrodit.

Si infantis nutricis vitio contingant hi affectus, aut etiam statim à primo ortu, vix sanationem admittunt; ac ne ea quidem procuranda, antequam puer eam ætatem attigerit, quâ curationem & medicamentorum laborem ferre possit.

Tineæ non solum perdifficilis est sanatio, sed etiam, neglecta si fuerit, & inveteraverit, sanari ferè non potest: idcirco satius est, ab ipsius curatione abstinere, quàm cum dedecore sanitatem polliceri nec præstare: tamen etiam sanetur, nihilominus post se relinquit quandam capitis deformitatem ob areas seu pilorum privationem.

Pro curatione ante omnia est animadvertendum, an affectio magna, an parva sit; recens, an antiqua, benigna, an maligna. Si parva, recens, & benigna fuerit, neque corporis purgatione, neque medicamentis validioribus est opus: sed primo quoque tempore ad localia, & quidem leviora est veniendum. Si affectio fuerit magna, antiqua, mali moris, ideoque ab humorum vitio foveatur; tum ad totius corporis evacuationes & validissima localia est procedendum. Et quidem si homines robusti sint, purgandi primò sunt taliter ferè, qualiter illi, qui lue venereâ laborant. Deindè exhibeatur hoc decoctum:

℞. Salsæ unciam. rad. chinæ semunciam. radic. cichor. drachmas quinque. hordei semipugillum. carnis vitulin. unciam. bulliant in aq. com. libris octo ad consumpt. mediet. tum ℞. Dicti decocti uncias duodecim. rad. gramin. asparag. ana drachmas duas. agrimon. sonchi, cap. ven. cuscute ana semipugillum. bull. ut remaneant unciæ octo pro duabus vicibus, mane scilicet & vesperi: reliquum sit pro potu ordinario. Interea caput ungatur unguento, quod constat calce vivâ & ol. rosaceo.

Alii laudant hoc: ℞. Ol. laurin. unciam. lardi veteris drachmas sex, mis. f. unguent. quo locus ungatur ter in hebdomadâ, & urinâ propriâ caput abluatur. Efficacius est, quod recipit alum. usti, chalcit. ustæ an. semunciam. aristol. rot. virid. æris an. drachmas duas. picis navalis drachmam. pinguedinis anatis semidrachmam. butyr. antiquiss. semunciam. Mis. f. ung. Primò caput abluatur lixivio dulci: lotum siccetur: postea inunctio fiat dicto unguento. Post tres dies eadem lotio & unctio repetatur. Quod cum ter factum fuerit, tineæ evanescent.

In puerorum achoribus non facilè est aliquid adhibendum: si enim repellamus, maxima incommoda inde oriri solent. Debet ergò præscribi non repellens; sed evocans. Linatur caput oleo rapar. cui incocit tabacum. Quæ inunctio antequam fiat, commode caput abluatur decocto rad. oxylapat. fol. malvæ, absinth. sem. fœnigræci, cicer. lupin. fabar. in vino: vel decocto solius rad. bryoniæ in aquâ. Alii capiunt butyrum falsum in sartagine frixum, addunt camini fuliginem, & paxillum aceti.

Ad achores & favos in pueris tenerrimis.

℞. Ciner. myrrillor. gallar. an. drachmam. tutiæ sesquidrachmam, butyri vetusti loti aq. rosac. unciam, cineres aceto lavigentur, deindè misceatur ad ignem. In puerulis grandiusculis:

℞. Pulv. cort. granat. lithargyr. tutiæ an. sesqui-

drachmam. ol. rosacei semunciam, pingued. anatr. acetolotæ sesquunciam. Mis. fiat linim. Quæ linimenta extendantur super linteum subtilissimum pids cerâ illitum: cera hæc facit, ne calor ulcerum usque adeò consumat medicamentum. Ad contumaces achores:

℞. Succ. helenii, fumar. an. semunciam. axung. porc. decies lot. in aq. ros. uncias tres: tutiæ præpar. gallar. ustar an. drachmas duas. Mis. f. unguent.

Ad tineam veterem & rebellem medicamentum efficacax.

℞. Succ. fumar. scabios. borag. oxylapath. aceri an. uncias tres, ol. antiq. libram. bulliant omnia in vase duplici ad consumptionem succorum & aceri. Deindè insperge sequentes pulveres:

℞. Utriusque ellebor. sulfur. vivi, chalcant. auripigm. calcis vivæ, alumin. gallæ an. semidrachmam. virid. æris drachmas duas, terantur & cribrentur omnia diligenter, tum misceantur cum dicto oleo, & addita picis liquidæ & ceræ q. s. f. ceratum: quo cooperiatur capitis pars malè affecta. Interim tamen quando hoc gestatur, evacuandum est subindè corpus per pil. cochias, vel hieram Pachii, vel similia purgantia.

Sunt, qui hoc modo in tineâ tollendâ procedunt, & valdè turò. Coquunt imprimis vitell. ovi ad duritiem: addunt mellis unciam, & simul coquunt ad linimentum molle. Hoc inungunt universam tineam emplastri modo, singulis 24. horis renovando, continuandoque ad dies 4. vel 5. postea lavant lixivio forti in quo bullierit sat bona quantitas tartari: permittuntque caput per se siccari: quo facto tegunt caput vittâ; & post 24. hor. lavant sequenti lixivio.

℞. Lixiv. com. libras quinque. ei incoque absinth. salviæ, chamamel. betonic. an. manipulum. rad. lapath. sesquunciam, rad. lappæ major. unciam. baccar juniper. semilibram. post ebullitionem unam atque alteram, adde salis petræ uncias tres, alumin. unciam. vitriol. uncias duas, sulfuris uncias tres, lithargyr. uncias sex. Eo lavetur caput; exsiccatum deindè inungatur aliquo ex suprâ descriptis unguentis.

Forestus hoc laudat in tineâ quantumvis inveteratâ, & ab omnibus immedicabili judicata, modò universalia præcesserint & capitis lotiones:

℞. Sulfur. semunciam. liquefcat super ignem in patellâ terreâ: ita liquatum in mortarium æneum conjiciatur, pistillo semper ducendo. Tum adde butyri saliti liquati & cocti ad nigrorem. axung. porc. liquatæ an. unciam. argent. vivi salivâ extincti drachmam. vitrioli scrupulum. Hæc omnia in dicto mortario concutiantur, & pistillo continuo moveantur, donec frigescant, & in linimentum coeant.

Chirurgus quidam hoc unguento ad capitis scabiem & tineam feliciter utebatur:

℞. Pingued. porc. semilibram. rad. enul. chelidon. an. unciam. fabinæ manipulum: omnibus contusis & coctis adde hunc pulverem, donec frigescant:

℞. Nuc. moschat. caryophyl. macis, cinnam. an. drachmam, croci semidrachmam. baccar. lauri, aristol. rot. an. drachmas duas. sulfur. drachmas tres. vitellos ovor. numero octo mellis cochlear. Mis. f. unguent: quo caput illinatur, prius lotum urinâ.

Sed & hoc est expertissimum passim Amsteledami:

℞. Bacc. laur. rad. cavæ quantum vis. Misce cum pice liquidâ: addendo butyrum vetustiss. & rancidum. pone ad ignem benè miscendo, donec fere bulliat.

Elegans quoque & probatum est hoc unguentum, sed non nisi præmissâ corporis purgatione utendum:

℞. Lardi veteris semilibram. terebinth. alb. uncias tres, lapid. medicamentosi, olei tartari an drachmas sex, sulphuris vivi, cerussæ lotæ, lithargyr. minii an. semunciam, ellebor. utriusque, piper. long. tutiæ præpar. nihil alb. an. drachmas duas. Mixtis affunde succor. depurat. rad. oxylap. scrophular. herb. fumar. scabios.

bioſ. cort. inter. virid. ſambuc. limon. an. uncias duas. coq. ad ſuccor. conſumt. poſt adde ſtyrac. li- quid. cinnabar. factit. an. drachmas ſex, ol. laurin. juniper. ovor. an. ſemunciam. mercur. ſublim. ſeſqui- drachmam. Miſ. ſ. unguent. Lapidis Medicamentofî hæc eſt deſcriptio :

℞. Vitrioli virid. ſemilibram, vitr. alb. uncias tres, alumin. uncias novem, ſalis petre, ſalis com. ana ſeſ- quunciam. ſalis tartar. ſalis abſinth. artemiſ. cichor. perſicar. ſalis planrag. ana drachmas duas. ponantur in novâ ollâ vitreatâ. aſſund. modicum aceti roſac. coq. igne carbonum lento, ſæpiùs agitando. Ubi incipit ſpiſſari adde Ceruſſæ Venetę uncias tres, bol. armen. uncias duas. diligenter miſceantur omnia, donec vi i- gnis mediocris in lapidis duritiem maſſa concreverit; quæ poſteâ fractâ ollâ eximitur. Hujus ſolius lapidis uncia in librâ aquæ pluvialis vel fluvialis, non fon- tanę, ſoluta & poſt filtrationem ad hos malos affe- ctus adhibita mirifica eſt.

Pſydraciis ſuccurrit unguentum ex ceruſſâ & ol. ro- ſaceo.

Vel ℞. Litharg. ceruſſ. ana ſeſquidrachmam. cre- tæ alb. ſulphur. ana drachmas duas. cum ol. myrtin. ſ. unguent.

Levia hæc mala, & quę ſoventem cauſam intus non habent, ſed orta potiùs ſunt à ſudore & humo- re ſub capillis longis detento, à putredine acrimoniam acquirente, remedio ſiccante ſtatim ſanantur v. g. vi- triolum aquâ diſſolvatur, eâ moderatione ut linguam non mordeat: eâ tepidâ cruſtæ mafeſcant, & ipſæ & ulcera ſiccabuntur. *Hætenus Clar. Vopiſcus Fortu- natus Plempius, Tractatu peculiari de Affectibus Ca- pillorum. Sequuntur jam Conſultationes & Obser- vationes è variis aliis.*

Conſultationes.

De Alopeciâ vel Depilatione.

Propoſitio Aegritudinis ab alterô Medicô ad

Clar. Fernelium.

Juvenis bene carnoſus ac ſaluberrimus, annos na- tus vigintiſ, areoliſ aliquot ſtatim ab incunabulis ca- put ſibi deturpari ſæpe apud me conqueſtus eſt. Va- cuatô corpore remedia ego adhibui, quę à veteribus in proliciendis pilis commendari videbam: ſed nullô proſectu omnia. Tu ſi quid longô uſu in id admo- dum efficax comprobavi, impertias etiam atque etiam rogo. Vale, & me, ut ſoles, ama.

Reſponſum Clar. Fernelii.

Hæ capitis areę, cùm nec ex acutô morbô, nec ex humoris cujuſquam vitiô, ſed ab ortu & ſemine contractę ſint, vix ullam ſanè curationem admittunt. Seminiſ quippe & naturæ vitia vix ars ulla poſſit cor- rigere.

Si qua tamen curandi ratio profutura eſt, hæc unâ potiſſimum videtur. Vacuationes nullæ tentandę; nec venæſectione; nec purgatione corpus exagitandum, quôd nullus humor deſluviî cauſa ſit.

At quoniam pars glabra ſiccior apparet utile ſit, foris emollientibus cutem laxare, in eamque humorem è vicinis ſedibus prolicere, ut materia gignendis pi- lis apta ſuppetat.

Primô itaque focus ſient ex radice altheæ & lilio- rum, ex malvâ, violariâ, parietariâ, ex ſemine aniſi, lini & ſænuigræci. Ab hõc deindè cùm pars mollior videbitur, focus aliquis conferet qui materiam alliciat,

Biblioth. Chirurg. Tom. III.

ex ſalviâ, betonicâ, ſteechade, adianthô, capillo ve- neris, abrotanô, ſemine urticæ & ſinapi, coctis in a- quâ & vini albi parte quartâ. Mox à rotundatę in- gendę ſunt adipe urſinô, qui omnino ſummas vires obtinet. Exactis diebus quindecim mane & velperi ca- put confricetur cepiſ contuſis dum proſus rubefcat, & mox melle oblinatur vice cataplaſmatis.

Si ſub his remediis pilus non erumpat, poſtremô adhibendum erit unguentum ex thapſiâ & adipe urſinô, quod ut veterum monumentis celeberrimum eſt, ita ef- ficaciſſimum comprobavimus. Eſt autem nobis hic vera thapſia frequens, cujuſ drachma una ſatis ſit in unciam adipiſ. Hujus vi ſi pilus non ſuccreſcat, vix ſpes ulla aliunde eſſe poteſt. *Joh. Fernelius in Conſiliis ſub finem operum adjectis.*

Pro Illuſtriſſimô Genuenſi Capillorum deſluviô, & porriginē detentô

Quod illuſtriſſimus vir capillorum deſluvio, ac porriginē furfuratione vocata, ab hinc per tres annos afficiatur, nobis per litteras traditum eſt, ſimulque in capillorum fluxu id obſervatum eſt quod ad occipitium, & tempora minùs quàm ad aliam partem pili deci- dunt, propter quæ vitia, ut de ſe conſtat, cùm cutis non modo non ornata, ſed etiam inſigni utilitate (quan- do capillis mediis caput ſe tueatur ab injuriis exter- nis) orbetur, propterea operâ Medicâ opus habent illa. Quocirca ut eis occurrere poſſinus circa eorum generationem parum digredi oportet.

Certum igitur eſt, capillorum, cutiſque capitiſ af- fectiones pendere à vitio, vel cutiſ, vel materiæ, vel caloriſ nativi, at in propoſito caſu calorem minime vi- tiari ex pluribus ſuaderi poteſt, quando corpus non refrigeratum, ac languidum, ſed bene commoda- tum, ac in medio ſloris ætatiſ conſtitutum (eſt e- nim annorum triginta duorum) & ob id calidum ac robustum nobis proponatur, de cujuſ proſpera valedudine ferè nunquam ab Illuſtriſſimo Patientē audita eſt querela, relinquitur igitur, mala propoſita, vitium tum cutiſ capitiſ, tum materiæ tanquam proprium generationiſ principium ſibi acquiſiſſiſſe, cutiſ autem vitiola eſt ob nimiam humiditatem, ac laxitatem, quia ſi fricetur, colorem mutat, atque intumeſcit, in cujuſ confirmationem & id facit, quod patiens ſemper capillatus, & intonſus inceſſit, & propterea ſemper cutim humidam habuerit, necesse eſt; mate- ria verò & ipſa vitiola eſt, quoniam abundat, atque acris eſt, ratione abundantię totam cutim capitiſ occupavit, ut etiam capilli è toto capite deſſuant, magis verò in ſyncipite quàm in occipite, ac tem- poribus, quoniam ibi calor minus viger; ac ma- teria pilorum parciùs ſuppeditatur, hiſ verò in lo- ciſ calor major, & materia copioſior ob venarum, & arteriarum numerum, & magnitudinem exiſtit. A ra- tione acrediniſ tum pili eroduntur, hinc eorum fluxus, tum unitas cutiſ ſolvitur (ut Avicennas in hoc malo le- vem excoſiationem in ſuperficie cutiſ adeſſe affirma- verit) hinc ſenſus triſtiſ pruriginôſus, & ab hoc ma- teria quædam furfuracea à capite decedit.

Cæterum materia hæc acris, eſt ſuccus pravus, qui cùm non ſit amicus naturæ ab ea non regitur, & pro- inde putreſcit, ac corrumpitur, & qui capillorum deſluviū excitat eſt pituita ſalſa, qui verò porriginem ichor ejuſdem pituitæ, in quam ſententiam adduci- mur ob ſalſedinem, quam antea inſignem in ore illu- ſtriſſimus Patientē percepit, cui & illud accedit, quod cùm ipſe venationibus, merito quarum non tantum calor in corpore plus quàm decet augetur, verum etiam humores crudi generantur, dedituſ fuerit, in- ſignem etiam pituitæ ſalſæ generationiſ occaſionem nactus fuit, cui non parum etiam hoc tempore etas

Juventutis, quæ nonnihil bilis suppeditat, favet. Nec obstat quod cutis capitis fricata rubescat, quoniam sanguinem prædictis succis vitiosis commisceri putamus, propter quem copiosius in occipitio, ac temporibus receptum, & sui aliqua benignitate succos illos vitiosos attemperantem ibidem pilorum fluxum corrigi haud dubitamus.

Sed jam remanet ut videamus ubinam succi illi generentur, non in toto igitur generari tam certum est, quam quod certissimum, quando totius temperamentum, atque habitus commoderatissima proponantur, ideo & in jecore, ac capite fervidioribus, coadjuvante etiam ventriculo, succos illos suam habuisse occasionem putamus, qui ad cutim capitis transmissi, ibidemque præter naturam detenti mala jam dicta modo prædicto produxerunt.

Et propterea pro illorum ablatione cutim siccare, ac densare, materiam corruptam evacuare, & repellere, tandemque viscera in contrarium alterare, & corroborare oportet, quas indicationes expleri posse non est quod quis dubiret, sicuti tum corporis commoderatio, tum coloris ex frictione cutis subita mutatio pollicentur, verum quoniam affectus sunt satis progressi, idcirco provincia hæc non erit ab omni difficultate immunis, poterit tamen hisce remediorum materiis perfici.

Et primum (quantum ad Chirurgicas attinet) mitatur sanguis ex cubito dextro, quo tutius topica usurpentur, quamquam & ex podice per hyruidines mitti posse putemus, quando patiens non nihil melancholiam sapiat, quod & cauterium femoris dextri referendum asseveramus, verum & gratia capitis post totius providentiam materiæ Chirurgicæ non sunt reprobandæ, ergo cum Avicenna caput est fricandum, & si valde rubeat, ut venæ frontis, ac temporum turgeant, vena frontis est aperienda, imo verò & cauterium in brachio sinistro infigendum; gratiâ autem materiæ in cuti existentis, oportet hanc, usu postulante, scarificare.

Medicamenta totius in ordine lenientium ex melle rosato solutivo & syrupo de polypodio, in serie præparantium, ex decocto betonice, cicoreaceorum, & boraginis cum suis syrupis; in classe purgantium ex infuso Agarici, Rhabbarbari, senæ cum manna, parata erunt accommodata, quamquam secundam, tum præparationem cum syrupis magis compositis, tum purgationem cum pilulis cochiis helleboriatis necessariam fore credimus, sicuti pro insensibili evacuatione decoctum guajaci, salis, & Chinæ cum cicoreaceis, ac cephalicis castigatum ad plures dies bibitum. Autumno sequenti non improbamus; hoc verò tempore serum lactis caprini cum succo cicoreaceorum, termæque frigida; sicuti & balneum aquæ dulcis ad materiæ, & jecoris attemperationem opportuna videntur.

Topica attenuantia, detergentia, siccantia, & modicè adstringentia sint, requirunt autem prius ut pili sapius abradantur, quoties nimirum renascuntur, mox cutis, aut fricanda spongia imbuta tepida, vel panno aspero, vel foliis ficuum, aut abluenda lixivio decoctionis furfurum, fumarie, betæ, radicum oxylapathi, Agarici, & colocynthidis, post quæ est adhibendum balsamum naturale, vel unguentum ex oleo unguentariorum rosetarum, & cariophylorum, favo mellis, urina pueri destillata, & labdano cum cera exceptis, adjecto malabatro; in eundem usum laudatur quod ex cinete Abrotani, & radicum cannarum cum oleo nucleorum Persicorum, Thure, & Labdano in aceto dissolutis, ac cera paratur. Quibus non conferentibus tum ad oleum ex lutis sulphureis, ac nitrosis, & Labdano destillatum, tum ad medicamentum ex calcantho, sale minerali, sulphure vivo, cum Lab-

dano in oleo masticino dissoluto exceptis est deveniendum, imò verò aliqui ad medicamentum ex cantaridibus ascendunt, & si cutis exasperetur nimis, abstinent ab his, & clementioribus, vel mitigatoriis, uti butiro atque adipidibus utuntur.

Et hæc dum peraguntur exposcunt victum euchimum subadstringentem, qui à Medico curanti institui poterit, de quo referente Galeno primo loc. Acchigenes in porriginè exactè agit; illud autem solum nobis notatu dignum videtur, ut tota hyeme Illustrissimus Patiens utatur vino cum guajaco, & sandalis medicato, Deus autem Optimus Maximus hæc omnia secundet. *Julius Caesar Claudinus in Consultationibus Medicinalibus.*

Capillorum defluvium.

Com. Illustriss. Juvenis, temperamentum, tum secundum totum tum secundum caput, calidi & humidum, boni habitus, martialibus exercitiis deditus, cum pro Serenissima Repub. ad Regni Cretensis tutelam se contulisset, ibique vina meraciora potasset, & salamentis, imo alimentis ferè omnibus salitis & assatis usus esset, altero transacto anno, scabie totius corporis infectus est, cum molestissimo pruritu, ad quam expellendam, quadam inunctione sibi indicata usus est, nulla prægressa totius providentia, quare scabies quidem exliccata & ferè ex toto ablata fuit, verum capitis doloribus corripi caput, qui tactu exasperabantur, & erosionis sensum præ se ferebant, diuque magis quam noctu affligebant, unde ab Imperantibus venia impetrata, domum reversus, de alio symptomate sibi maxime molesto, Capillorum nimirum Defluvio, conqueri caput, non solum in syncipite, verum & in aliis omnibus capitis partibus, imo & superciliis manifestum, postquam scilicet à reliquo corpore pili antea omnino effluxissent. Quare modò Patavium se contulit, ut de agendis, pro salute consulat.

Tum præterita, tum præsentia mala Illustr. hunc Juvenem molestantia, unicam habuisse causam manifestissimum est, sanguinis nimirum vitium, ex potu vini meracioris, & potissimum salitorum diuturno usu, in toto contractum, cujus pars acrior & acidior, ad cutem universam à natura detrusa, impetigine non solum, verum & scabie totum corpus infecit, unde ab eodem corrupto pilis alimento, à toto effluxerunt, servatis solum capillis pilisque genarum & superciliorum, qui, utpote utiles, magis quoque à natura custodiuntur. Verum, quoniam ab inunctione impuro sanguini iter ad exteriora fuit interceptum, idè idem superiora petens, & copia & prava qualitate continuum solvendo, capitis dolores corrosivos excitavit, & quidem extra cranium, cum ad tactum exacerbentur; præterea ab eodem vitiatur capillorum alimentum, & ideo necessariò defluunt: non enim concurret in nostro casu siccitas, sive alimenti inopia, sed evidens ejusdem corruptio, unde non minùs decidunt ab occipite atque temporibus, quam à syncipite, quod prius denudatur ex siccitate, ob cerebri, eo loco, à cranio distantiam. A toto verò prius quam à capite defluxerunt, quoniam, sicut stirpium quæ ex terra nascuntur, quædam Agricola industria coluntur, utpote humano usui utiles, quæ ideo conservantur, aliæ verò per accidens ortæ, quarum nulla cura habetur, facilius propterea atque celerius exsiccantur, ita pilorum alii, capilli scilicet & qui supercilia atque genas exornant, quorum ipsa natura Agricola veluti est, tanquam utiliores diutius præservantur, reliqui verò universo corpori inutiliores, atque idè neglecti dimittuntur, licet tandem vi humorum copia & par-

& prava qualitate peccantium, caputque petentium, & capillorum & pilorum nilium defluvium, eadem natura permittere coacta fuerit.

Affectus certè non negligendus, non solum, quia turpitudinem inducat, sed multò magis quia acres humores dolorem excitantes, & pericranium mordicantes, progressu temporis cranium quoque cariosum reddere possint. Quare curatio statim incunda, spe fore ut Illustriss. Juvenis à doloribus liberetur, & rutilius capillatus fiat. Nam licet dicat Gal. Quis nescit Calvitium esse passionem incurabilem? Intelligendus attamen præsentè Alopecia & Ophiasis.

Intentiones autem Medicæ sunt. Primò universam massam sanguineam depurare; primas vias priùs evacuando, totum corpus, & inde caput electivè purgando, & cutis capitis porositates, nec nimis laxando, nec nimis densando. Quibus indicationibus ut satisfiat.

A fonte Chirurgico, repetita deprecanda est sanguinis missio ex utroque brachio, vitium enim in sanguine est, dum peccat substantiâ, qualitate, necnon quantitate. Reliqua verò ex hoc fonte administranda, inferius ordine executivo erunt proponenda.

In fonte Pharmaceutico, statim validiora purgantia usurpari posse videntur, si Gal. audiamus, quem, quoniam Capillorum defluvium unica die valido medicamento purgante exhibito sanavit, Medici illius ævi odio prosequuti sunt, nihilominus lenientia nobis nota, ignota illi tunc temporis fuere, præterquam quod forsitan affectus ille non adeo altas egerat radices, ut præsens hic. Quare tutius fuerit humorum præparationem præmittere, exhibito priùs leniente primas vias defæcante, ex syr. ros. sol. & de Polyp. vel ex Lenit. & Tart. Deinde primum præparans erit, Decoct. Cich. Borr. Bugl. Meliss. Scab. Beton. cum syrup. Acet. & de Pom. Transactis verò quinque, aut sex diebus, expurgentur præparati humores, Elect. Lenit. & Diacarth. vel superscripta Portione, Inde ad ulteriora præparantia deveniendum, ut

℞. Syrup. de Pom. de Fum. de Beton. Viol. simp. an. ʒ. f. Decoct. Cich. Borr. Bugl. Meliss. Fumar. Malv. Beton. ʒ. v. m. pro syr. & sic pro aliis octo, aut decem, quibus succedat talis expurgatio.

℞. Elect. Lenit. Diacarth. Diaph. an. ʒiij. m. f. b. Vel ℞. Rhab. opr. Myrob. Cheb. Folior. fenne rec. mundat. an. ʒ. ij. Cinnam. integ. ʒj. Aq. Agrim. q. f. m. f. inf. per noctem, & f. fortis expr. colat. adde syrup. ros. sol. ʒv. m. f. p. cui superbibat serum Asin. aut Capr. depur. ad lib. ij. vel iij. pro libitu.

His peractis, venosum genus, nondum satis defæcatum, Decoct. Epith. Mel. tribus vicibus, alternis diebus exhibita deplebitur, aut Extr. Veratri Nigri, ad ʒc. cum Cassia, quibus omnibus semper serum jam dictum erit addendum. Diebus autem intermediis, assumantur succi depur. Cich. Borr. Fumar. ad ʒiij. in decoct. suprâ descripta; vel saltem serum dep. ad lib. i. f.

Tandem caput erit expurgandum, Pilul. Coch. cum Helleb. præpar. additis Aur. & Aggreg. an. ʒ. f. quibus pariter serum superbibendum. Nec aliqua Erthina caput purgia erunt omittenda, ex lacte cum Diagrydio parata, vel ex Pulv. Major. Nig. & Ireos.

Expurgato toto & capite, ad Topica deveniendum, quæ capillorum ortum accelerare valeant, cum jam ferè ex toto defluerint, & primò quidem Caput abluatur lixivio dulci ex cinere ligni Juniperi & Abrotani parato, deinde sæpè attingatur spongiâ imbutâ Aqu. stillat. ex apibus cum suis alveolis, & melle. Vespere verò, caput idem illinatur linimento ex melle, Lad. & pulv. Apum confecto, mox matutino tempore caput abluatur decoct. Abrot. Marrub. Lapat. Capillor. Ven. Agrim. Flor. Rosif.

mar. ut subinde spongia Aq. jam dicta imbuta caput & facies attingatur; atque ita procedendum, si non quotidie, saltem alternis diebus, caput illinendo vespere, abluendo manè, & tota die cerebrum madefaciendo.

Addendo his omnibus congruam victus rationem, abstinendo à salitis, ab acerbis, à vaporosis; Vinis meracioribus; Sub ingressum lecti, in usum ducat Conf. Violar. & singula hebdomada Pil. Capit. assumat; ita enim & purus reddetur sanguis, & probum habitum sibi comparabit, atque capillorum decorem recuperabit. *Raymund. Joh. Fortis. Consultat. & Respons. Medic. Tom. I. Cent. I.*

Plica Polonica.

Juvenis triginta circiter annorum, Natione Polonus, pauper, eleemosynam queritans, proximè præteritis annis huc pervenit, qui post petitam stipem, rem gratam mihi facere existimans, capillorum affectionem raram præsertim in nostris Regionibus detegere, & exponere voluit, aliquod quinetiam auxilium Medicum, pro remissione, non autem pro integra sanatione in sui subsidium implorans. Erat autem Juvenis iste temperamenti secundum totum frigidi & humidi: albus enim erat totius color; mediocritatis habitus, & subpinguis; caput verò humidissimum, pediculis & protentis capillis abundans, & fulvi coloris, qui præsertim prope radicem conglomerati & à glutinosa succo coacti, atque in unum collecti conspiciebantur, nec sine dolore moveri poterant; minusque abscindi: abscissi autem cruentum ichorem emittebant. Caput quoque sibi nonnunquam gravari atque dolere asserebat, qui dolor à copiosa pituitosa materia per nares & per os excretionem remittebatur. Interrogatus verò de antea vivendi ratione, respondit consuetum victum sibi fuisse, ex lacte, caseo aliisque edulis, pariter ex lacte cum aquæ potu consueto: & præsentem capillorum affectionem decem abhinc annis sibi accidisse, dum mutato statu & habitatione, vinum meracum & copiosum bibere inceperat: à natiuitate tamen lactum in capite semper se passum fuisse asserebat, quod ætatis progressu in affectum crustaceum degeneraverat. Subdidit quàmplures in illa Regione sua huic affectioni obnoxios observari, ut plurimum pauperes, aliquos tamen etiam divites, qui curationem tentantes, aut in cæcitatem, aut in sævissimam Podagram ducuntur. Quibus habitis, infra scriptam Consultationem eidem tradidi, curatione quinetiam addita.

Capillorum hujusmodi affectionem atque conglomerationem: Cirrum aliqui nominant, plures autem Plicam Polonicam vocare maluerunt, eo quod illius Regionis Endemicus sit affectus. Et quatinvis novam affectionem hanc esse aliqui existimaverint; semper tamen fuisse puto, si genericè consideretur: sicut nova appellari posset specificè; atque habita ratione ipsius graduum: etenim sub lactuminis atque Morpheæ genere continetur, & ab iisdem causis procedit: quibus adauctis, aut à vivendi ratione aut ab æris alteratione, ob aquarum inundationes, aut ab influxu Cælesti, præsertim propter aspectum Lunæ cum Saturno, auctus quoque fuit ipse capitis affectus; adeo ut tandem unâ cum vitioso humore quem antea expultrix facultas ad cutem extrudebat, sanguineus quoque ichor ad capillorum cavitates fuerit transfusus, affectum hujusmodi capillorum constituens. Humor autem iste prædominans, frigidus & humidus pituitosus & glutinosus est; ut propterea ad ejusdem generationem simul conspiraverint in isto Juvene totius, & præsertim capitis temperamentum frigidum & humidum, Regio frigida, & frigida prægressa victus ratio: quarum causa-

rum ratione lactumen in infantia erupit in capite, quod in pueritia in affectum crultaceum degeneraverat: atque tandem materia ipsa non solum adaucta, verum & a meraco copioso potu attenuata in capillos ipsos sese insinuavit, & cruentos ichores una cum tenuissimis nervosis capillamentis, sive cum aliis spiritus tantum animales secum duxit, repletionem atque distentionem dolores excitans, dum interim ab humoribus glutinosis capilli ipsi coalescunt atque conglomerantur, & Plica Polonica constituitur. Dum vero in capite humida materia atque copiosa detinebatur, ejusdem capitis gravitatem atque dolorem faciebat, qui remittebatur & evanescebat, eadem per nares erumpente & ex ore effluente, facilis præterea fuit pediculorum fecunda soboles à putredine concepta ex debili calore in copiosam humiditatem agente.

Affectus iste nonnisi magno labore & opere tolli potest; tum quia naturales habet radices; tum quia expurgato toto, & capite à copiosis excrementitiis humiditatibus, nisi eandem regeneratio totis viribus inhibeatur, facillimè maxima & majora mala succedunt: sicquenter enim ad cecitatem, aut ad venterum luxationem, aut ad insanibilem podagram Patientes perducit; quæ tamen omnia enarrata succedunt, eo quod in illa Regione, curatio eradicans non adhibetur, nec malum radicatus extirpatur.

Intentiones igitur curativæ debent esse, primas vias expiare. Secundò Massam sanguineam à pituitosis humoribus vindicare. Tertiò Caput iterum, atque iterum expurgare. Quartò ejusdem frigidam & humidam intemperiem corrigere & auferre. Quintò Viscera naturalia & caput ipsum roborare; atque tandem prope radices, capillos abscindere.

Quibus intentionibus ut satisfaciamus; à fonte Chirurgico aliqua erit desumenda sanguinis missio in Patientem nostros, qui juvenis est, cum aliqua sanguinis abundantia; & quidem potius ex venis sedalibus, quam ex superioribus. Præterea Cauteria duo brachiis sunt inurenda.

Quoad primum scopum convenire poterit potio ex melle rosæ solut. & manna; vel electuarius lenitivum cum hiera; Sicut pro prima præparatione oxymel, & mel. rosac. simpl. additâ pauca aq. cinnam. ut repetatur superscriptum leniens.

Pro secunda indicatione, Præparans erit, decoctio borag. beton. agrim. melissæ, pentaphyl. addito oxymel. & sale tart. fixo: in qua præparatione viginti saltem diebus est persistendum, sed quinto quoque die, purgante medicamento, materia peccans in roto est minuenda; & quidem primò electuario lenit. diaphen & trochiscis Alhandal; postremò verò electuario lenit. addi poterit hiera Alex. vel extractum elleb. nigri. sic & pilulæ fœtidæ, de agarico; conveniet etiam crystallus antimonii, vino albo infusa.

Hinc ad tertium scopum implendum deveniendum, caput expurgando; in quem finem pilulæ coch. præparate cum elleboro, efficacissimæ sunt: sicut & præstantissimæ erunt pilulæ capitales Paracelsi, ut quæ, extracta veratri nigri, colocynth. & diagryd. contineant; exhibeantur autem ad ℥ij. à primo somno, circa noctis dimidium, & ter, quaterque, quarto quoque die repetantur; diebus verò intermediis, matutinis horis, erithinis caput pariter expurgetur, ex pulvere majoranæ, ireos, nigellæ, & nicotianæ parandis. Interim tamen syrupi capitales exhibendi, ex decoct. beton. majoranæ, stæchad. salviæ, e phragiæ, pæoniæ, & liliorum convallium, oxymelite compos. syrup. de beton. de stæchade, additis.

Purgato toto, & capite, quartæ intentioni satisfaciendum erit sudorifico decocto, quod caput calidius, & exsiccare, necnon totum corpus ab humi-

ditatibus vindicare valebit, quod sic parabitur.

℥. Ligni guajaci cum cortice, salsæ parillæ electæ, ligni visci querc. ligni ros. mar. an. ℥j. ligni buxi, radic. pæoniæ, radic. chinæ an. ℥ss. aq. itillat. beton. lib. ij. rutæ capr. lib. j. salviæ, lil. convall. an. lib. s. m. f. infus. per hor. 24. deinde bull. ad consumpt. dim. & facta colat. servetur ad usum pro tribus vicibus, matutinis horis, horâ unâ ante ingressum hypocauli, ad ℥viii. exhibenda; cui præmittatur pulvis viperin. ad gr. xv. aut xx. & in hoc decocto sudorifico, dies quadraginta perseveret, semel per diem sudorem provocando; decimo verò quoque die, pilulæ, totum, & caput purgantes, nimirum cochliæ, & aggregat. aut à Paracelio præscriptæ exhibeantur, quibus addi quoque poterunt grana Mercurii dulcificati. Diebus autem intermediis, Clysteribus acrioribus utendum; atque hoc sudoris tempore, victus attenuans, sed mediocris tamen esse debet: pro potu verò consueto, aqua hunc in modum paranda.

℥. Salsæ parillæ electæ, visci querc. veri, chinæ opt. an. ℥j. ligni sassafras ℥ij. aq. com. ℥ss. xv. m. bull. ad consumpt. tertiæ, in fine ebullit. adde cinnamom. integri. ℥ij. fiat colat. cui adhuc ferventi adde sacchari fini, ad libitum Patientis, prout & frustula citri recentis, ut agitatione fiat aqua, vulgo dicta Cedrata.

Completo sudore, si ventriculus non adeo perfectè concoquat, cibosque conficiat, aqua Tettuciana, quatuor aut quinque vicibus de more exhiberi poterit, cum vehiculo mellis rosæ solut. sicut pro capitis roboratione, Conservæ capitales è floribus rotis mar. salviæ, calendulæ, pæoniæ, beton. lil. convall. sub ingressum lecti erunt in usum ducendæ: quinimo & ante cœnam Theriaca, cum Mithridatica confectio summopere proderit, eodemque tempore pulveres exsiccentes atque pediculos necantes capiti inspergendi, ex staphisagria, lupinis, absinthio, calamentho, nitro, scordio, & dictamno Cretico.

Sed tandem ad capillorum abscissionem prope radices erit deveniendum: qua peracta, capiti lotiones quotidianæ erunt parandæ, ex aquis sulphureis atque nitrosis: quæ si præsto non fuerint, substituantur lixivium ex cinere ficus paratum, in quo ebullierint cortex ligni guajaci, agaricus, radix lauri, folia tabaci, centaur. aristolochiæ, beton. & stæchados, & jejuno ventriculo, quotidie, ad xx. dies caput lavandum, pannisque lineis diligenter exsicandum.

Quibus jam dictis, congrua erit addenda vivendi ratio. Et quamvis ab isto Juvene ob inopiam observari non possit, sicut neque præscripta ad usum revocari, attamen ut cæteris quoque hoc affectu laborantibus hæc Consultatio utilis esse possit, exactam Curationem præscripsi, propriamque vivendi rationem subdo. Primò namque aer debet esse exsiccanus, & calidus potius, quam frigidus, qui in cubiculo est alterandus suffumigio, ex styrace, benzuino, ligno aloës, pastillos efformando, cum tragacantho, & aq. rosacea, accensis carbonibus inspergendos. Secundò victus debet esse attenuans, non tamen tenuis; sic conveniunt aviculæ montanæ, volucres silvestres, turdi, alaudæ, attagenæ, hirundines, columbæ turticolæ; & vitandæ carnes annosæ & pingues, sicut & lactaria omnia, legumina, olera frigida & fructus humidiores. Ex piscibus verò, electiores & saxatiles quandoque concedi possunt. Vinum sit odorum, maturum, sed paucum. Tertiò somnus sit moderatus, siquidem in vigilia humores magis resolvuntur, magisque totum corpus exsiccat. Quartò Exercitium, jejuno ventriculo, magnopere conferre potest, imò & parvæ pilæ ludus. Quintò Alvus lubrica servetur, aut Clysteribus acrioribus, aut usu pilularum mastich. semel saltem per hebdomadam. Venus totum corpus refrigerat debilitatque caput. Tandem alacri animo vivat Patiens, micro-

mærores arcendo: sed ad iram tamen quandoque Patientibus provocandi. *Idem Tom. 2. Cent. I.*

Observationes.

Pro Porrigine importuna.

Juvenis quidam Melancholicus porriginem diu passus est: illi enim tenuēs & fufuraceæ squammule ex capitis & universi corporis superficie continuò resolvantur, pluribus ulceribus relictis, è quibus sanies quædam virulenta ex intervallis per totum corporis ambitum emanabat, quod malum cum non solum sit fœdum & molestum, sed periculolum, & facile in lepram commigret, idcirco illi citissime auxiliares manus adhibere oportet. Post infinita propemodum usitata remedia, tandem solo urinæ balneo omnimodam consecutus est sanitatem, in quo prius furfures & fumaria erant incocta, nec sine ratione, nam urina vehementer abstergit, & potenter repurgat; quo pacto scabiem, sorditiem, pruritumque nitrosa qua pollet facultate per sanat. *Zacutus Lusitanus. observat. 3. lib. I. prax. admirand.*

Pro Capillorum casu à relaxatione meatuum cutis.

Cum hic affectus à nullius materiæ vitio, sed à sola cutis relaxatione & meatuum amplitudine proveniat, sola adstringentium admotione curandus venit.

Hoc quod sequitur singulare remedium ad hoc vitium deputatum est.

℥. Polytrich. capill. ven. an. Mß. fol. myrti. ros. ablinth. an. Mj. coq. in olei dulcis & vini rubri austeri an. quart. iij. donec vinum consumptum sit: colatum & expressum oleum reponatur.

℥. Hujus olei ℥iij. ladan. ℥iß. mastich. ℥ß. ladanum & mastich. subigantur in mortario pistillo calido, paulatim oleum infundendo. Deinde consperge & probe misce pulveris capill. veneris Div. ut fiat linimentum. Quo illinantur loca depilata. Nigellam etiam urito, aquaque subactam illinito, hujus enim usus ad eliciendos pilos mirifice probatur, sive capiti, sive mento, imprimis autem si superciliis adhibeas: his remediis pili egregie restituuntur. *Petrus Forestus. observ. 7. lib. 8.*

Vidi, cum mentum calvum erat, hirsutum factum ex crebro fotu decocti capil. veneris, quos nonnulli idcirco polytrichon vocant, quod multitudinem pilorum producant. Facies autem sic radi curabis mentum novaculâ, & sequentibus diebus fricabis nonnihil cum panno aspero, postea lavabis sæpius decocto capill. ven. in aqu. fluviatili facto. *Hieron. Reusnerus. observ. 22.*

Pro Capillorum defluvio.

Ad firmandas radices capillorum & humores contemperandos, utile erit hoc unguentum.

℥. Ol. ovor. ℥ß. ladan. ℥vi. pingued. urfi ℥ij. chartæ nstæ, nuc. avellan. ust. an. ℥ß. pulv. gran. myrti. ℥j. M. F. unguentum; eo ungatur mane, postea vespere ante cœnam abluatur caput lixivio in quo abrotan. & capill. ven. decoquantur. Ad eandem intentionem stercus capræ in cinerem redigatur, & misceatur cum oleo ovorum, addaturque guttula una olei Caryophyll. vel pulvis ejusdem prop. ter majorem efficaciam & odoris gratiam *Jo. Craton. consil. 8. lib. 4.*

Bibliot. Chirurg. Tom. III.

En ἐννοεῖσθαι quoddam singulare in producendis capillis, ubi illi deciderint.

℥. Spumam carnis bubulæ, potius macræ quam valde pinguis in aqua decoctæ, & illam collige in ollulam mundam, & eâ locum depilum inunge. Ego nuper admodum in quodam cui superciliorum pili ex morbo omnino deciderant, feliciter usus sum. *Petrus Monavius. Epist. 34. lib. 2. consil. & Epist. Cratonis & aliorum à Scholtzio editorum.*

Pro Capillorum in fronte proventu in Virgine.

Dropacem talem præscripsi.

℥. Resin. latic. vulgar. circiter 4. Cochlearia, adde mastich. subtiliss. tritæ instar avellanæ. dissolv. ad ignem, & parum coque continuò agitando. Postea effunde in lebetem aquâ frigidissimâ plenum, deinde manibus malaxentur & in magdaleonem rotundum formentur, qui in aqua, ne adhæreat, conservetur, hujus portiuncula dilatata supra cutem pilosam applicata, ubi adhæserit, iterum detrahatur, pilique in Emplastro evulsi hærebunt. Et si quid de Emplastro in cute remaneat, ol. amygd. d. perfricatione, recedet: consuetum est remedium Venetis matronis, quod pilos evellunt.

Sequens etiam pilothrum ordinavi.

℥. Calcis vivæ ℥j. auripigmenti, ℥j. pulverisatis subtiliss. adde album. ov. num. i. & lixivii tonforum parum; incorporentur in formam linimenti, coque cum digito intincto ungatur pars cutis pilosa & in quarta horæ parte abluatur lixivio & fricetur, cujus vires cum pueri Pharmacopæi experiretur, pili recesserunt; sed dolor aliquis inde subortus, & rubedo, quæ tamen diu non remanserunt. *Felix Platerus. observat. lib. 3. pag. 591.*

Pro Pilorum defluvio.

Oleum Caryophyll. chymicum præstans est remedium, si pars depilata leniter inungatur. *Rodericus à Fonseca Tomo 2. consult. 60.*

Post purgationem universalem, locum depilem ut lavaret mandavi sequenti lotionē, scilicet vino infusionis rotisimat. & abrotani: deinde ut inungeret unguento sequenti.

℥. Ol. ovor. myrtin. liquoris destillantis è lima- ceis rubris, an. ℥ß. ciner. capill. human. talpæ, an. ℥ij. ciner. apum. muscar. an. ℥j. ciner. abrotan. ℥ß. pingued. cuniculi ℥ß. propol. ℥ß. ladan. puri, ℥iij. fæcis olei sem. lini ℥ij. mell. despumat. ℥ß. incorporentur omnia, & redigantur in unguentum, quo pili regenerati sunt. *Petrus Forestus. observ. 6. libr. 31. De fucis.*

Pro Calvitie in Adolescente.

Consului ut decocto ulmi ex dulci lixivio caput lavaret, & locum affectum Squillâ aut cœpâ fricaret, & deinde hac etiam decoctione ablueret, quæ ex abrotano & agrimonîa paratur; demum verò ut hoc unguento inungeret, quod ex labris vulpis cum pelle in cinerem redactis & ex cinere stercoris capræ, apum & muscarum, & succis dictarum herbarum & oleo decoctionis muscarum constabat; cera modica adjecta, post succi consumptionem ad formam unguenti paratum. Erat hoc Experimentum *Gisberti Horstii* præceptoris mei. Urina calida per se lota juvat, alteri verò solo lixivio hederæ arboreæ, cum caput lavasset crines restituti sunt. *Petrus Forestus. Observ. 6. lib. 8. de vitiiis capitis exterioribus.*

Pro Calvitie post tineam remanente, ad virum excellentem.

Calvities hæc non ex senio, sed ex ulceribus capitis manantibus ortum dedit; vera cute hinc inde exesa; & per dropacum applicationes & detractiones absumpta, in cuius locum cicatricosa & callola cutis nata est. Cum autem in cicatrice pili vix unquam nasci possint, & jam diu perseveravit malum, difficile erit arte, illic denno pilos educere. Tamen cum curis capitis spissa & capillosa sit, in qua semina adhuc fortè pilorum late subitus possunt, præcipuis expertisque remediis id tentandum esse, ut pili crescant, censerem, omissis multis aliis hoc modo procederem.

Caput manè foveat dominus cum spongia intincta in vino albo, in quo decoctum sit abrotanum cum Chamæ. & Salviæ floribus; ut sic pori sentim aperiantur, quod & alioquin capiti, tantum abest ut oblit, ut potius prosit. Hoc pacto alternis diebus per mensis spatium & ultra caput foveat; fricando & percutiendo post forum. Deinde inungat caput noctu, sequenti unguento.

℞. Ol. Myrtin an-ygd d. an. ℥j. Cortic. rad. Cannar. ustar. veratum. Capill. ven. veri uli & polytrichi an. ℥ij. cap. muium ustor. apum combustarum, & Cantharid. cubrat. maculis nigris an. ℥j. ladan. ℥ij. Mell ℥j cum cera F. Linimentum. Hoc Linimento nihil est efficacius, quod si non juverit, nihil juvare poterit, utetur illo alternis noctibus, & quando spissè adheret, abluere poterit lixivio, in quo abrotanum decoctum fuerit. Ubi mensis spatium usus fuerit, postea hoc decoctum perari curet.

℞. Cap. ven. polytrich. cortic. rad. cannar. fol. Myrti, fol. Sen. fl. Chamæ. ros. rubr. fol. Lapathi acuti. an. Mj. lign. guaiac. ℔℔ abrotan. Mij. F. decoctio. qua singulis noctibus caput lavet cubitum iturus, continuando diu; vel saltem cum spongia foveat; arque nisi succedat mensibus aliquot elapsis, rursus unguento priori caput inungat noctu & manè. & hoc decocto abluat, hæc præ æteris omnibus (si quid effici in hac re potest) efficacissima sunt remedia, quæ fideliter communicare volui, à Deo successum domino optans. *Felix Platerus. observ. lib. 3. pag. 597.*

Pro Favo in Puero lactante.

Infans quidam in capite Favum habebat cum ingenti pruritu. Imperavi ut caput leviter balnearetur cum decocto fenugræc. malv. & althææ. Deinde ut inungerent solo oleo ros. in quo Camphoræ exiguum immixtum sit, alioqui si istis non curaretur, jussi patarent oleum descriptum à Montagnata consil. 298. (cujus descriptionem vide supra, sect. 14. lib. 3.) quod egregie valet ad crustas & eruptiones puerorum, valet enim ad favum, tineam & achores. Nam ea quæ ad crustas capitis puerorum à Neoteticis practicis scripta sunt valere, eadem quoque conferunt favis, achoribus, & tineis. *Petrus Forestus. obs. 24. lib. 8. De exterioribus vitiiis capitis.*

Præstat in pueris uri levibus, quale hoc est à Bayro sæpius expertum, tam in favis quàm achoribus, nempe caput abluere cum decocto fl. salicum, fol. parietar. beræ albæ & lentium, & post ablutionem inungere unguento subsequenti.

℞. Lichargyri cum oleo ros. & aceto nutriti ℥j. fol. ruræ viridis, ℥ss. (vel ceruss. ℥ss.) staphisagr. ℥ij. virioli, ℥j. (vel aloes succotrinæ, myrrh. fuliginis o s furni, turhiæ, an. ℥ss.) probè M. in mortario cum aceto & ol. rosac. (vel myrtino) diu agitando,

ut fiat unguentum instat nutriti, eo inungatur caput & est mirabile. *Petrus Forestus. obs. 25. & Schol. lib. 8.*

Capillus prodigiosus, post immanem capitis dolorem in vertice cum naturalibus pilis erumpens.

Vidua quædam extranea, ætate fere quinquagenaria defuncto marito, supremo Vigiliarum præfecto, ex Ungaria redux in patriam Sileciam, occasione mihi data secum colloquendi, retulit se per. 12. annorum seriem, post febris Ungariæ infirmitatem ægrè evictam, obnoxiam esse immanibus Capitis doloribus, in mense semel, quandoque bis tali typo recurrentibus. Postquam intra cranium doloris capitis periclitarii, telorum instar, ab uno latere ad alterum vagantes, & quasi cerebrum transfigentes, tertriâ vel quartâ ab insultu die desævierunt, inter capillos naturales, suâ naturâ attos, pili novi, præteritis annis albi, jam cani, medium digitum longi, canini ab illa appellati, exurgunt, infra verticem potissimum, hic sparsim illic densè, (*Buschweife*) occiput & ultra cingentes, coronamque effingentes, atque per spatium unius noctis incrementi sui terminum absolvent; doloribus tum ab interna calvaria parte ad pericranium, seu ad radices prædicti capillitii plurimum transgressis, tantis quidem in principio ejus status, ut cutis ibidem nec levissimum digiti tactum admittat. Eos pilos, si intra quattriduum evelli curet nobilis scemina, dolor indies decrevit: imò inter evellendum in extimâ cutis parte eundem jam non sentit; nisi simul vicinum naturalem incautè convelli contingat. Sin verò ultra prædictum tempus stare permittat, hem! reciproco & stupendo motu intra cutem illi se retrahunt & abscondunt. Quo facto, dolores capitis interni multo majori, quàm ante pilorum egressum, atrocitate recrudescunt, multoque diutius durant, adeò ut in rabiem propè incidat afflictâ mulier.

Causæ horum Curiosis curiosè indagandæ relinquuntur: ad quas scire expedit sceminam illam, aliàs sterilem, ut tales solent, impensè favere canibus, eosque frequenter manibus suis versare; cum iisdem mensam & lectum communicare; sicuti coram præpingues duos melitæos, unum ejus gremio exceptum, alterum lateri accubantem vidi: ut, si pili illi pro caninis habendi sint, quærere liceat, annon (salvo Theologorum judicio) horum anomalix producendæ canum halitus & vapores spiriuiosi quandoque procatatxin aliquam contribuant? *David Spielenbergius.*

Plica Polonica.

Anno Christi 1653. cum Ratisbonæ tempore Comitiorum Imperii variolæ grassarentur, inter alios etiam juvenes duo, natione Poloni, fratres uterini uno simul fere tempore ægrotabant variolis, amboque plicâ Polonicâ à juventute afficiebantur: Medicus quidam in curam accersitus, in principio statim præcepit majori natu, pro liberiori fuliginum febrilium transpiratione, ac variolarum transitu capillos omnes detondi, simul ac illos citros, qui Plicâ, uri communi nomine vocatur, Polonicâ infecti fuerant; quo facto, æger statim sanguinem ex capillitio fluentem sensit, & cum insigni virium animalium & naturalium lapsu post paucos dies mortem obiit, non sine magno fratris & nobilissimorum Parentum luctu. Medico igitur priore abdicato, mox in junioris fratris decumbentis curam accersitus ego, omisâ & prohibita capillorum tonsurâ, feliciori eventu, simulque brevi tempore, auxiliante Deo, eam absolvi, cum propinquorum applausu. *Helwigius.*

Scholion

Scholion Hellvigiæ.) Plica capillorum morbus est, Polonis quidem plerumque endemius, ac tam maribus, quam fœminis, imò pueris etiam & infantibus familiaris, iremque in aliis regionibus, ut in Helvetia, Brisgoja, Alsatia, & Belgii parte ad Rhenum, ac in Hungaria cognitus, alit non tam frequens. In Hungaria interdum animalia morbo hoc infestari, præsertim equos, testatur Sennertus lib. 5. prax. med. part. 3. sect. 2. cap. 9. & Ducem quendam milirum talem equum ex Hungaria Dresdam adduxisse, qui ejusmodi cirrum in collo usque ad pedes pendulum habuit. Est autem Plica affectus capillorum gravis, malignus & periculosus, cum unius & alterius, vel plurium capillitii cirrurum arctâ & indissolubili implicatione & agglutinatione seu inviscatione, uti Fonseca loquitur, à vapore insensibili tenuioris & unctuosæ sanguinis portionis, vitioso, pilis imbibito, ortum habente, causâ primariâ in aère austriano & humido, cibis crudis & mali succi, atque aquis corruptis aut mineralibus existente. Nam cum pili verè sint partes corporis, & nutrirì debeant alimento suo, ut quælibet pars corporis, familiari & determinato, quod in pilis est sanguinis portio tenuis, vaporosa, & unctuosâ, attamen humor hic sæpius ob loci & aëris genium, atque alimenti assumpti intemperiem, quum humores plerumque assumptorum naturam obtinent, aut ob concoctricis facultatis errorem seu impedimentum, malignitatem aliquam adiscit, & putrescere incipit, & tunc evaporationes tales subsequuntur, quæ in capillis & aliis coporis partibus diversa & varia symptomata gravia causant, sicuti in scorbuticis videmus, & talia sæpius in infantibus à parentibus per generationem transplantantur, sicque malum hoc ut plurimum præsertim in Polonia, hæreditarium fit. Morbum autem hunc Sennertus innuit non tam novum esse veluti Poloni putarunt, licet Rodericus Fonseca, & Hercules Saxonia, ex autoritate Johannis Stadleri, Medici, scribant, vix ante annum Christi 1564. in Italia & Germania, plerisque Europæ provinciis ad nostra usque tempora notum fuisse, sed cum causæ eadem, quæ morbum hunc constituunt, multis retrò seculis quoque adesse potuerint, Medici verò, qui eum describerent, & iste rariùs occurreret, vel penitus neglexerunt; vel defuerunt. Præterea morbus hic non est planè criticus, ut multi volunt, nec planè symptomaticus; sed partim criticus, partim symptomaticus, ut eleganter differit Fonseca Consil. suor. consult. 1. de Plica. Non planè criticus, quia natura expurgando corporis profunditatem, partem saltem humoris peccantis ad capillos capitis & cutem, tanquam ad partes ignobiliores mittit, sed non cum tolerantia & conferentia, ac potius cum gravium symptomatum antecessu, quod malignorum affectuum proprium est, remanente in corpore reliquo magna ex parte humore peccante; insuper natura quoque per evacuationem morbum hunc ob humoris multitudinem, lentorem, & visciditatem, judicare non potest. Nec planè symptomaticus est morbus hic, quia transpositio hæc humoris maligni ad partes ignobiliores, mitigat saltem ad tempus symptomata præcedentia, & prohibet quodammodo futura mala, quando absoluta fuerit pilorum implicatio. Præscissionem verò capillorum in sic affectis intempestivam cum sanguinis fluore periculosam esse, ratio & experientia evincunt. Ratio: quia hoc modo, vel intempestivâ curâ quâdam tentatâ tenuis ista sanguinis portio unctuosâ, quæ capillorum hætenus alimentum fuerat, impeditur, & non attracta, cum nitrosa sua & maligna qualitate repellitur, & materia reliqua in cerebro irritatur ac commoveretur, fluxiones oculorum & cæcitatem producens, simulque maligni vapores, quos natura procurabat, temporis successu, per capillos educere,

retrusi per membra ad articulos, periostia, musculorum nervos & tendines discurrunt, atque dolores acerrimos, arthriticas convulsiones, artuum torsiones, cardialgiam, lassitudinem, cum virium prostratu & vitæ periculo excitant: quod & experientia in prædicto juvene nobili, ac multis aliis docuit. Hercules Saxonia non dubitat malum hoc etiam per veneficium inferri posse, idque ex observat. Johannis Schenckii, ex relatione Christoph. Rumbaum probat, quod in Pocutio, Poloniæ provincia, strigæ, ac hujus sortis mulieres solâ curatione superstitiosâ illud facillimè & brevissimè curent. Cætero, tametsi Hercules Saxonia, Johannes Prævotius, Fonseca, & Sennertus multa remedia, tum præservandi, tum curandi causâ, proposuerint, nulla interea certa & appropriata medicinalia & alexiteria hujus morbi, ob vim suam malignam & occultam, hætenus inventa sunt quæ illum perfectè sanare, vel penitus extirpare quiverint, quod & de subditis suis generosus Comes Nicolaus Sapieha scribit, qui licet multò majorem notitiam & experientiam de plicæ origine, progressu, & curatione, quàm alii, qui de affectu hoc scripserunt, haberet, nulli verò contigisse quod ægrum perfectæ sanitati restituerit. Optimum igitur erit, curationem hujus mali non tentare, siquidem generosis auxiliis magis irritetur, & citò occidat, sed abolutionem naturæ relinquere, quum, experientiâ teste, multi sine ulla evacuatione & præscissione, naturæ ope duntaxat sanati fuèrint: Cognovi ego quendam Vice-præfectum Oppiduli Neustadlein in Bavaria, virum temperamenti cachectici, obesi corporis, & vultus pallidi, qui cirrum densum, longum à cervice ad lumbos usque pendulum, ac mirè implicatum & inviscatum in cervice gerebat, qui quidem aliquoties ob spurcitiem, credo, copiosam & fœtidam, tanquam distractus ad tertiam penè partem in extremitate sponte desilivit, sed tunc unò alterove symptomate gravi vir iste molestabatur, usque cirrus ad priorem mensuram procrederet. Vidi etiam Sacrificulum senem in arce quadam Episcopali Ratisbonensi, quæ cum subjacente opidulo vulgò *Ward* vocatur, sub libera custodia, sed effrenatæ mentis, cum capillis ad humeros usque pendulis, & barbâ larâ, longè usque ad crura promissâ, pilis utrobique impexis & mirè implicatis, opinor, ex incuria & spurcitiæ, horridis, quia nullam aliâs affectionem, Plicæ consuetam, inde sentiebat, in vestitu squalido deambulantem, & in tali statu per plures annos vivebat.

Additamentum Schröckii.) De hoc adfectu, nostris in terris, per Dei gratiam, ignoto, quidquam addere supervacuum esset, postquam ejusdem naturam atque curationem, propriâ aliorumque experientiâ instructus, Nobiliss. Dn. Simon Scholzius, Physicus Thorunienfis, & Sac. Reg. Maj. Poloniæ Medicus celeberrimus, in Anno 6. Ephem. German. Curios obli 138. sub titulo: Plica explicata, diffusè doctèque exposuit.

Plica explicata.) Certum est, quamlibet ferè regionem aliquid habere, quod sibi jure quodammodo suo vindicare videtur: sic quoque & morbos quosdam nonnullis provinciis ita familiares esse, ut ejus quasi proprii dicantur, in aprico est. Appellant hos Medici propter communem aliquam causam *endemics* ac si dicas, vernaculos sive indigenas & proprios. Talis morbus à Plinio sceletyrbe & stomacace, à recentioribus scorbutus dictus, ad septentrionalis maris littus habitantibus communis est. Talis Neapolitanis podagra, Alpinarum regionum incolis, Hispaniæque finitimis, bronchocele esse putatur. Galenus Alexandinis elephantiasin familiarem scripsit. Judæos imprimis leprâ contagiosâ divexatos fuisse Sacre Literæ testantur. De singulorum naturâ varii varia

observarunt. Affectum cui à capillorum ceu glutine quodam inviscatione & invicem complicatione Plica nomen tribuitur, & qui Polonis imprimis, hisque finitimis peculiaris est, vix quidam ex observatione propriâ, pauci ex relatione aliorum hucusque descripserunt. Hinc natura ejus nondum planè perspecta, de eo aliquid certi statuere haud facile erit. Nos tamen auxiliante divino Numine, quicquid tum propriâ experientia, tum ex relatione aliorum hucusque collegimus, circa plicæ hujus explicationem nunc consignare studuimus.

Dicitur est hic morbus Plica, quod capillos planè inter se complicit: Plica Polonica, quod Polonis, & imprimis eis, qui inter Hungariam & Pocutium habitant, Russis & his finitimis, (quamvis nostris temporibus totam Poloniam pervagatus, usque ad nos Prussos pervenerit) hinc licet primo ortu epidemius fuerit, jam endemius factus sit. *Schenckius observ. Med. lib. 1. observ. 3.* etiam Brisgois, Allatis, Belgis, nonnullique Rheni tractibus morbum hunc notum esse scribit: sed rarè a Melicis illorum locorum tale quid observatum est. Vocantur aliàs capilli ita convoluti ab hoc affectu Tricæ incuborum, quod vulgus capillos ab incubis intricari & noctu fugendo tractari putet. Trichoma morbus cirrorum, capilli enim intricati cirros representant, & lecti nonnunquam sanguinem fundunt, quod tamen alii negant. Germanorum appellationes sunt, *die Marenflechten, Marenwirkung, Marenlocken, Schrottilins Zepffe*, quæ eandem rationem cum Latinâ appellatione obtinent. Præterea *Wichel Zepffe* vocant, quod superstitiosè creditum sit ab infantibus non baptizatis, (quos antiqui *Wicheln* dixerunt) neci. *Juden-Zepffe*, quod ab incubæ Judæi specie fieri existimantur. A Polonis notatur nomine *Gozdziec* sive *Gwozdziec*, quo vocabulo morbus ipse exprimitur, item *Kolium* quod proprie capillorum complicationem significat. Est itaque Plica capillorum cuti capitis infixorum & in amplum distentorum involuta contorsio, cum gravissimâ totius corporis artuumque tam superiorum quàm inferiorum, capitisque læsione, & antequam capilli complicantur, magno dolore, sudore plerumque concomitante.

Subiectum ejus primarium seu radicale est hepar vel partes succo sanguineo generando & separando destinatæ: secundarium, & per sympathiam recipiens, cutis capitis secundum radices pilorum, & pili ipsi, ubi morbus firmatur, naturâ criticè ad illas partes sibi molestum deponere tentante atque perficiente. Apparet hinc pilos poris non destitui: & inde etiam quod una nocte omnes possint canescere ab apprehensione gravis mali imminenti vel præsentis. Unde suspicio vitæ eis inesse, quasi alantur, per succi sibi appropriati intus susceptionem.

Neque tamen hæc affectio dicenda pilorum convulsio, quia ea tum propria est, tum analogæ partium sensu & motu voluntario præditarum. Subiectum adæquatum est totum ferè corpus, articuli & periostia &c. ut patet ex actionibus læsis & qualitatibus mutatis.

Quamquam autem motus hic naturæ, ut superius dictum, videtur esse criticus, non tamen simpliciter talis est, haud enim tota materia illuc deducitur; vel si aliquando per abscellum ad illas partes morbus judicatur, id nimis longo obtingit temporis intervallo, secus ac sit in vera crisi. *Galen. in Aphor. Hippocr. comm.*

Neque etiam appellare quis posset symptomaticum, sit enim ex interioribus ad exteriores, ex nobilioribus ad ignobiliores partes humoris pravi expulsio. Ex utroque igitur mixtum, nuncupare lubet. Causa *απορυσμική* seu antecedens est morbosus apparatus, sive dispositio talis humorum & partium, quæ effectum hunc generandum, sive aliunde susceptum, sive con-

genitum magis apta redditur: quemadmodum sunt magnæ cruditates in tribus coctionibus cumulatæ, sanguis multus, crudus, quocunque modo corruptus & venenatam aliquam conditionem adeptus. Utut enim malum hoc ob communem aliquam ejus regionis causam endemium sit, ita ut sæpè in una domo duo vel tres eo affecti reperiuntur, non tamen absolutè contagiosum dicendum est, nam plurimi, licet cum ægris illis conversentur, non inficiuntur, sed qui *διαθεσιν* aliquam internam nacti sunt. Causa *απορυσμική* morbosum apparatus in actum deducere valens, è triplici serie rerum naturalium, non naturalium & præternaturalium Medicis dictarum, hîc quoque peti potest. Inter res naturales dispositio hæreditaria multum facit, & immediata plerumque seminarii morbifici existit causa, quando cum generationum principiis in ipsum fœtum transfunditur. Præter quotidianam experientiam testis est oculatus *Clar. Sennerius*, qui *lib. 5. med. Pract. part. 3. sect. 2. cap. 9.* de plicâ, Generosi cujusdam Poloniæ Comitæ plicâ laborantis filium sexennem, plicas jam aliquot in pilis capitis habentem introducit. Idem militem quendam senem, plicam in occipitio à matre suâ, quæ septem plicas duarum ungarum longitudine ad mortem usque alebat, hæreditate accepisse ibidem asserit. Ætas quælibet ad morbum hunc suscipiendum apta est. In sexu maximam partem fœminas invadere nonnulli existimant, potissimum suppresso menstruo sanguine: sed falsum id esse experientia testatur.

Inter res non naturales est aëris mala constitutio, eidem à vaporibus è terra & aquis, quæ in Poloniam ex montibus Ungariæ defluunt exhalantibus impressa. Sive quis cum *Fonseca lib. 1. consult. Med. cons. 1.* eum etiam totâ substantiâ ob cœlestes influxus ab initio mutatum fuisse credere maluerit: qui unâ à maleficis unguentis eundem contagium sumpsisse ibidem suspicatur. Cibus & potus tam quantitate, quàm modo assumendi peccans, morbo citius generando quoque aliquid addit. Poloni, præsertim ejus provinciæ, cibos crassæ substantiæ & in magna quidem copia assument, potui nimis indulgent, non solum cerevisiæ crassæ & potentis valdè lupulatæ, verum etiam vini generosi & spiritus frumenti, atque mulsæ cum lupulo decoctæ; unde cruditates & exhalationes proveniunt. Sed peculiare quiddam aquis ejus loci, quarum quotidianus iis hominibus usus est, ad plicam producendam inesse nonnulli rentur. Reliquæ res non naturales quid huic præstent, facile quivis perspicere potest.

Res præternaturales mali hujus apparatus promovenent, observatumque est eos qui in luem veneream propendent, vel eâ jam infecti sunt, facilius plicâ affici: tum etiam scorbutum cum hoc morbo magnam analogiam habere.

De causa proximâ & continente intricata res est. Ad solum humorem viscidum causam referre, minus probabile videtur, sic enim in omnibus ferè regionibus multi, qui ad viscidos humores generandos dispositi, sunt, imò eis abundant, accedente aliquo aëris vitio, plicæ obnoxii essent: nullaquæ ratio est, cur solum ad capillos & partes superiores, non etiam ad inferiores, quo viscidi & lenti humores magis vergunt vel alias partes materia hæc detrudatur. Quinimo nec vapote solo circumscribi potest, quia capilli secti sanguinem emittunt: quod tamen plurimi negant, egoque nunquam observavi. Præter alios tantum unicum testem verum hîc produco, Perillustrem & admodum Reverendum D. Sebastianum Belenski, Canonicum Uladislaviensem & Præpositum Brzezinensem; sanctè affirmantem, quod sibi plicas omnes absque noxâ à sanguinis effluxione aliquoties præcidi curaverit, Sed neque humor, qui corpori noxius est,

idem

idem pilis copiosum alimentum suppeditare potest, atque hinc capillorum inviscationem efficere, siquidem is potius capillorum luxuriei causa existeret. Causa itaque plicæ proxima statuenda est maligna glutinosa materia, cui sæpè humor atrabilarius permixtus accedit, peculiari modo cum vehiculo sanguinis in caput elevari apta, ac ibidem firmata, capillos inter se complicans; non alia ferè ratione quàm ut arthritidis causa articulis infensa esse solet. Evincent hoc varia & sæva symptomata malignitatem eius satis arguentia, ipseque morbus curationem methodicam planè contemnens. Chymici fortè dixerint esse resolutionem sulphuris in succo sanguineo cum salis reverberari ad mordacitatem dispositi separatione: & modum determinatum esse ab originali aëris inquinamento, quod in minutis particulis inversam proportionem efficiens, resolutionem & separationem eam præstat. Sulphur quidem resolutum quum occupat sedem mentis, soporem inducit suâ visciditate, at quum per venas jugulares ad radices capillorum repit, unà cum sanguine corrupto per modum partialis criseos, implicationem inviscatam in capillis præstat; quod si capilli tum secantur (de quo inter signa) humor irritatus, qui sal à contemperatione separatum sibi admixtum habet, exhalationes, in quaslibet partes subjectas, ad oculos, articulos, periostia, &c. transmittit, etenim continuo filo humor coherens per irritationem, etiam in ipsâ minerâ agitatus, sparsim venenatos vapores diffundit.

Quod hic affectus (de quo mox) tineæ in cute capitis similis fiat, nec tamen in ulcus desinat, est à sale, quod à glutinosa visciditate sulphuris resoluti cohibetur: quod atrabilarius nonnunquam fiat morbus, est à salis in massa glutinosa assatione. Cum autem in articulis dolorem excitat, fit hoc à salis acumine, quod in loco frigido & sicco siccescit magis: sed hanc opinionem speciosam magis, quàm ad curationem morbi utilem, utpote cujus fundamenta nondum satis confirmata sunt, hîc prolixè examinare superfedemus.

Multi sunt affectus, cum quibus plica communia quædam habet symptomata. Cum lue venereâ lassitudinem totius, colorem faciei immutatum, adustionem quandam & calorem, cruciatum ossium: cum scorbuto artuum dolores, contractiones: cum capillorum tineæ redundationem vermiculorum, (qui tamen rarissimè agros infestant) cum *πυτυριος* immunditiem & squamulas furfuraceas; verum faciliè ab iis discernitur, si reliqua graviora ejusque magis propria conjunctim cum his perpendantur symptomata.

Signa morbi talia sunt. In principio cum natura vitiosum illud sibi que molestum à partibus interioribus ad exteriores propellere tentat, color faciei in pallidum mutatur, ossa infringuntur, artus laxantur, caput, pedes, manus, omnesque artus, & juncturæ dolore atrocissimo infestantur, tinnitus aurium percipiuntur, convulsiones interdum excitantur: membra etiam contrahuntur & gibbi quandoque efficiuntur, si nimirum actio causæ ab initio vehemens fuerit. Dein natura superiore quasi existente, ad capillos præcipuè (ut in arthritide ad articulos) materia morbifica protruditur, unde nonnunquam furfurum & pediculorum in capite generatio, capitis spurcicies, fætor, capillorum inter se complicatio & in cirros convolutio, ut eos nec arte nec labore ullo explicare queas, si verò feces aut radas (quod alii, imò plurimi, ceu suprâ dictum, negant) sanguinem fundent, plurimis etiam cirri sponte decidunt. Ungues insimul, præsertim in pollicibus pedum; scabri, longi; & instar cornu hircini, nigri evadunt, atque hoc tantum iis qui hoc morbo graviter laborant obtingit: quibusdam etiam planè decidunt, & post explicationem plicæ renascuntur, quod mihi oretenus retulit Illustrissima Co-

mitissa à Donhoff, Illustrissimi itidem Palatini Pomeraniæ, &c. Domini Johannis Ignatii Bonkowskii conjux, se in propriis digitis observasse.

Prognostica quod attinet, maximo cum periculo malum hoc conjunctum est, eò majorem habet laborem quo sæviora Symptomata in pluribus partibus, ad quas materia detruditur, excitat. At natura vincente, cum materia ad capillos delata eos in densos cirros deformavit, corpus à malis suprâ enumeratis liberatur, quod tamen sæpè longam temporis moram requirit, natura interim reliquias humoris peccantis ad capillos pedetentim deferente. Et sanè plurimi ejusmodi plicas citra noxam, quoad vivunt, circumferunt, quamquam non sine deformitate. Existimarunt quidem nonnulli, si isti cirri temerè præcidantur, gravissimis malis corpus iterum obnoxium reddi, quia vehementia causæ per istam irritationem increfcit & motus materiæ ab ignobilibus partibus ad internas nobiliores revocatur. Oportet autem humores, quorum maturationes progressu temporis contingunt, quæ vel foras, vel intrò, vel alio, quo expedit, tendunt, ducere, ut Hippocrates libro de Humoribus docet: hinc statuunt materiæ exitu denegato, evacuationeque ejus solitâ impeditâ, quosdam visu privari, alios gibbosos fieri, alios aliâ damna pati, prout humoris motus in hunc vel illum locum inclinat. Veruntamen expurgata jam in totum corporis profunditate ipsæ plicæ sæpè sponte decidunt, & si non fortasse tum Medico earum resectionem moliri liceret, modò de materiâ non amplius in corpore præsentem certus esset. Hoc quamvis difficile sit, attamen Medico cuncta accuratè pensanti, & secundum rationem agentis haud impossibile. Verum testati sunt plurimi, cirros illos post finalem conglutinationem illis sine omni noxa præcisos fuisse. Nihilominus tamen mihi noti sunt quidam, qui post abscissionem cirrorum ad tempus visu privati fuerint, & dolores graviores artuum & capitis inde retulerint.

Curationem plicæ perfectam nemo sibi polliceatur, antequam ejus loci, ubi morbus hic endemius est, genus & incolas, cæteraque ad hoc pertinentia benè cognoverit, quod quantum ad morborum investigationem & depulsionem faciat, magnus Hippocrates libro de aëre, locis & aquis satis demonstravit.

An verò hic ternarius ille indicantium numerus triplicem indicationem suppeditans; qua primò præservatoria causam antecedentem tollit, secundò curatoria morbum causamque continentem debellat: tertio vitalis viribus pristinum robur restituit, locum inveniat, non sine causa in dubium vocatur.

Quibus hætenus in principio morbi venæ sectio instituta est, plus obfuit, quàm profuit. Illustrissimâ Matronam Polonam, cui vena cubiti in principio secta est, confestim sævissimos in eo brachio dolores cum tumore œdematoso passam esse: pari modo in pedibus vena aperta, dolores acerbissimos in utroque crure ad malleolos excitatos fuisse, testatur Herculus Saxonia Med. Pract. lib. 10. de plicâ cap. 7. Quibus nos etiam libenter suffragamur; plurimis plicâ laborantibus id affirmantibus, propriâque experientiâ edocti. Sed multò minus purgationibus exhibitis noxii humores superantur, quin potius commoti ita per totum corpus dispergantur, ut quosdam cæcos, alios claudos reddant, alios alio modo graviter afficiant: quod ii experti sunt qui purgantibus medicamentis hunc affectum ab initio extirpare tentaverunt, ex relatione egrorum.

Quare plica methodicam curationem respuere videtur, siquidem generosis auxiliis magis irritatur. Itaque ingruente ea leniens curatio instituenda: valida & extirpans post pilorum inviscationem & capitis immunditiem locum habere posset; sed omnes ferè post capillorum conglutinationem sani evadunt, quod

quod nos aliquoties experti sumus. Quia autem motus hic naturæ ex parte criticus est, tutissimum materiam vitiosam ad capillos, quod tendit, primò invitare & adducere, secundum Hippocratem Aphor. 21. lib. 1. & Galen. comment. in eundem. Præsertim cum in morbis venenatis judicatio per abscessum ad partes externas & ignobiles fieri consueverit.

Fiet hoc leniter aperiendo poros cutis capitis per emollientia & laxantia externa; sed imprimis commendant capitis lotionem cum decocto brancae ursinæ, sive acanthi Germanici, etiam Polonici dicti, & sedi seu sempervivi majoris: atque Musci terrestris: forsan ob signaturam. Vide Crollii de signaturis tract. tum Guern. Rolincium de vegetabilibus plant. &c. lib. 2. sect. 8. cap. 5. atque Paracels. Portam & Quercetan. locis propr. Quidam etiam magni faciunt radices lupuli: experientiaque constat decoctum harum herbarum in ablutione capitis multum profuisse; quare vel istis vel additis aliis convenientibus hoc in casu utendum, in iisque tam diu subsistendum, donec omnes capilli in cirros abierint, & magna pars virulentia, corpus à magnis imminentibus malis liberaturæ, ad cutem capitis attracta animadvertatur. Verum ut branca ursina decocta externè in ablutione capitis prodesse dicitur; ita contrà potius ex illa paratus, & jussula internè usurpata admodum nocere plurimi confirmant. Sed de musco terrestri hoc in affectu evolvat B. L. *Observat. 52. Anni 1. Miscell. Germ. Curios. D. D. Bernhards à Bernitz.*

Purgatio (ut jam dictum) sit moderata, incipiendo aliquando à vomitu, quem ob multas cruditates collectas, & in primis viis hærentes, aliquoties repetere haud inutile esset. Tum tutissimum erit, reliquias per alexipharmaca & sudorifica ad ambitum corporis expellere; præsertim ad pilos capitis, qua in re prudens Medicus naturæ erit minister, eandemque illuc viam monstrantem sequi non repudiabit.

Testes curationis istius adducam verissimos, inter alios plurimos, primò illustrem & Magnificum Dn. Josephum Johannem Stamirowky, Venatorem Sannocensem, &c. dein generosum & strenuum Dn. Sebastianum Machowsky, S. R. Mris. Pol. Colonellum &c. tum nobilissimas Matronas, unam Generosi Dni Stanislai Jemielki, alteram nobiliss. Uladislai Niemoiewski conjugem, atque Johannem Koyen, juvenem: è quibus prima matrona tertia quaque die paroxysmum, ad modum febris tertianæ, cum horrore & calore, doloribusque capitis & homoplatarum per aliquot septimanas perpeffa est, cujus terminus erat sudor copiosus totius corporis, usque dum materia vitiosa ad cutem capitis delata capillos complicavit, & morbo finem dedit: altera verò doloribus totius corporis, artuum omnium & capitis gravissimis, quasque ossa frangentibus, cum tumore pedum, maximisque cordis angustiis & continuis, non nisi per sudorem copiosum & capillorum conglutinationem liberata, per aliquot septimanas afficiebatur, & jam optimè valet. Juvenis Koye Warsaviâ huc veniens, morbo isto oppressus, primò horrorem percepit, sequente mox calore p. n. continuo, concomitantibus doloribus capitis, artuum, sudoribus indefinentibus foetidis, dejectionibus copiosis, aqueis & tumore pedum, donec natura criticè ad cutem capitis & pilos ejusdem humores vitiosos transfulerit, cirrique illi capillorum mox omnes deciderint, sanitatemque integram agro attulerint. Sed Illustris Dn. Venator Sannocensis, vir vix triginta annos supergressus præter calorem præternaturalem, dolores articulorum, & sudorem nanquam intermittentem, etiam convulsivos motus cum dolore capitis incipientes percipiebat. Generosus autem Colonellus, vir plus quàm sexagenarius,

robustus tamen, ante pilorum contorsionem tantum artuum doloribus divexabatur, quos semper haustu vini generosi Ungarici sudorem promoventis dispellebat; forsan hoc ex depravato quodam appetitu ad vinum factum: nam ut mihi retulit supra nominatus Dn. Venator, proprium huic morbo est apud plurimos eo laborantes, ut ad hanc vel illam rem in cibo magis inclinent, ceu ille sæpè appetitu insolito ad vinum sublimatum, & quidem benè aromatizatum infestabatur, quo si potiri potuit, morbi sævitia remittebat, si non, pessimè se habebat, quod etiam alios mihi narrasse recorder.

Tertis relationis hujus auritus est Spectabilis Georgius Merckner, Scabinus Novo-Oppidanus, affinis & compater meus honorandus. Vivit etiam inter nostros in hunc usque diem Spectabilis Jacobus Sachs, Scabinus suburbanus, jam sexaginta annos supergressus, qui ante plures annos morbo hoc correptus, gravissimè decumbebat, & à b. m. clarissimis Antecessoribus meis Dn. D. Georgio Mochingero & Dn. D. Christophoro Meisnero P. P. Ord. ut morbo aliquo venenato cum febre continuâ laborans, curatus est; medicamentis autem nihil proficientibus, post cirrorum aliquot explicationem convaluit, quorum adhuc duos habet, reliqui deciderunt. Ut hinc taceam Magnificos & Generosos Dn. Nicolaum Rey, Hæreditarium & Dominum in Skoky majoris Poloniae, &c. ac Dn. Nicolaum Lubstowki, Capitaneum Cruszwicensem, atque Nobilissimi Dni Andreæ Niemoiewski conjugem, quæ pro febricitante per semestrem habebatur, utpote tertiâ quavis die rigore & horrore febrili, atque calore succedente, repetentibus: inter nostros autem viduam Weissiam plusquam septuagenariam, & filium ejus Georgium Weils, lutorem, pluresque alios.

Hoc verò notabile est ex relatione Per-Illustris & admodum Reverendi Dn. Stanislai Belenski, Canonici Uladislaviensis & Præpositi Bizezinensis in viciniâ Cujaviâ, quod ipsi Medicus quidam Polonus (dolores atrocissimos, circa orificium ventriculi patienti & per aliquot septimanas oculorum caligine, tandem etiam totali cæcitate laboranti) antequam se plica explicasset, jussit ceram virgineam seu albam oculis applicare cum tali prognostico, si post aliquot horas in cerâ crines apparuerint, illud certissimum signum plicæ fore, quod etiam eventus edocuit, nam remota cerâ, plurimi crines ei adhærebant, moxque omnes capilli se in cirros contorsuerunt, quorum illi, qui à partibus capitis dextrâ & sinistrâ pendebant, fuerunt (ut mox de hac distinctione dicetur) rotunditenuis & masculi, unus autem crassus & dilatatus in occipitio fœmina appellatus: post quorum explicationem dolor ventriculi, atque oculorum cæcitas statim cessarunt. Mirum sanè & disquisitione dignum, unde isti capilli provenerint? Id quod ego tempore destitutus, aliis discutiendum relinquo.

Hic obiter mentio faciendâ, plicam in illis locis ubi endemia est, in masculam & fœmineam distingui, hæcque totum caput patientis horribili spectaculo involvit, ut non tam capilli, quàm villosus aliquis pileus congenitus homini videatur, & ejusmodi species (quia ex nimia fortè humoris viscosi abundantia, & nativi caloris defectu oriri creditur) plerumque pro desperatâ habetur. Talem ego primò conspexi in Dn. *Stanislaw Bystram* Nobili Prusso: dein in Judeo quodam staturæ proceræ in nudinis horribilem mitram retro pendentem representante. Talem se quoque & quidem in superiore capitis parte habuisse ante plures annos, Illustrissima Dna Comitissa à *Donhoff*, Illustrissimi Dni Palatini Pomeraniæ, &c. conjux, mihi nuper narravit, in præsentia Rever. Patr. Soc. Jesu & Reform.

Discalc.

Discalc. cui jam iterum, post decisionem, capilli nigri creverunt. Sed mascula, quæ propendentes aliquot ad instar funiculorum plicaturas habet, licet & illa contumax sit, sæpè tamen spontè, consumpto fortè per calorem humore nocivo, decidit, & patientem à doloribus & molestiis absolvit: hæcquæ est communior & mitior, illa verò rarior & contumacior.

Cùm autem (ex occasione scripti, quod sub ficto nomine Theophrasti veridici Scoti Doctoris Medici, typis universitatis Abredonensis in Scotia Ann. 1668. impressum prodiit, & sub titulo Plico-Mastix, seu Plicæ è numero morborum *ἀπὸ πλίκας* apud Jacobum Pufflerum Bibliopolam Dantischi venditur) tam ab his prænominatis, quàm ab aliis quærerem, an non etiam capillorum illa convolutio & conglutinatione ex incuriâ quâdam proveniret, quod Polona gens rarò pectine capillos explicet? omnes mihi constanter contradixerunt, sanctè affirmando, licet quotidie aliquoties (tale quid jam in capillis animadvertentes & antea etiam observantes,) pilos capitis pectine explicare voluerint, conglutinationem tamen illam inhibere haud potuerint. Non possum igitur hæc in parte suffragari Theophrasto illi veridico Scoto Doctori Medico supra cirato, quisquis ille fuerit, sententiâ clarissimi & excellentissimi quondam alicujus Serenissimorum Regum Poloniae Archiatri, in tractatu præfato contra Vopiscum Fortunatum Plem-pium mordicus defendenti, qui plicam è morborum numero planè exterminare voluit, dicendo, eam ex superstitionis muliercularum cerebro natam, & in credulos aliquot Medicos transplantatam, causamque plicæ nullam aliam statuit, quàm pectendi capillos negligentiam: idemque plicam nil aliud, quàm superstitionis mulierum commentum tenet. *Idem* Theophrastus veridicus Plico Mastix in isto Tractatu, in responsione ad Epistolam Theodori Skuminovii Episcopi Gratianopolitani, & per albam Russiam Suffraganei, *de plica ita scribit*: Plica est voluntarius morbus, si morbus debeat dici, & nullus habet, nisi qui non velit cavere; nam affectatio credendi absque ratione ea, quæ fama inter vulgus sparsit, illam genuit, & fama alas à credulitate suppeditavit. Plicam enim ut sobolem fama genuit, amplexuque progressu auxit, quia non habuit Medicos, sed plebem authorem, quæ quidem non purâ ratione, sed affectu & desiderio summo natos suos enutrire solet, proinde fingendo credunt & credendo fingunt, & quicquid audiunt, credunt se vidisse, & quod vident, augent & extollunt, imò assuefactio seu affectatio videndi insueta, deformia & delira falsaque spectacula inducunt mentes hominum, ut primò æmulentur, quæ affectant, & ita, quæ primâ vice apparent deformia, assuefactione longâ pulchra solent apparere, ita peregrina primâ facie duplicent, postea appetuntur: ita plicoli primo visu apparent horridi, consuetudine postea contagiosâ mollescent, ita ut si unus in pago plicam gerat, postea plures volunt habere, & tandem omnes; sed nimis serò in ejusmodi deliria animadvertitur, præcipuè si sub auctoritate fide dignorum virorum descenderint. *Idem ibidem pergit*, impedita pectinatio capillorum retrorsum impedit transpirationem, impedita transpiratio obstruit meatus cerebri, meatus obstructi inducunt apoplexiâ, epilepsiam & paralyin, quæ auferunt sua munia membris, imò & crines complicati causant viscerum dolorem consensu membranosarum partium, quæ obstruuntur; imò ego assero, dolorem viscerum causare etiam plicam, quia ægrum reddit sui negligentem, intermittendo pectinationem, & istos dolores provenire potius à colicâ biliosâ, atque aliquando per metastasin aut pravam epigenesin in paralyin transplantari cernimus, & ad istam transplantationem à membranosis partibus ad nervosas non parùm conferunt crines plicati, quia capillitia complicata obstruunt suturas, ne fuliginosos vapores

à cerebro expellant, & inde adimunt membris sua munia. Huc usque ille. Quæ quàm frivola sint, quilibet, nisi ab affectibus præoccupatus, videt.

Verùm melius sensit Episcopus ille Gratianopolitanus, qui in Epistola sua ad D. Vopiscum Fortun. Plem-pium tales quæstiones format. anne crines convoluti longo decubitu vel negligentia pectendi possint causare internum aliquem viscerum dolorem? vel hominem contorquere? vel adimere sua munia membris? & ita respondet: quâ tricantur facilitate, eadem extricantur, & nulla sequitur alteratio: in plicâ contrarium, imò huic malo non crinium tantum plicaturâ, sed etiam unguium excretionem portentosa natura medetur? Nonnullis enim si fortè contrarius in capite prædominatur humor, venenum illud in ungues educitur, prodeuntque contorti, nigri, crassi, à formâ solitâ & colore humanorum ordinario alieni: datoque casu, hos etiam ut capillos præscindere equè periculosum, artamen bonus ille Doctor negligentiam pectendi capitis huic malo imponit causam, & forsitan multis imposuit, tamen hoc certum, quod capillos ad numerum frangere, & mollitie cincinnorum cum mulierculis certare à decore nostro, uti virili, sit longè alienum. Non curamus itaque Poloni hæc prostituta excrementorum capitis ornamenta, sed illa magis, quæ sunt de necessitate nature, ipsa illa 1. Corinth. 2. 14. docet nos, quod vir, si comam nuttiat, ignominia est illi, mulieri pro velamine dati sunt, sed quis Hercules Augiæ stabulum expurgabit? Dummodo.

Sint procul à nobis juvenes ut femina compti.

Honestas capillorum apud nos non muliebris: sed & glabritiem totius capitis Turcis, Moschisque usitatam incusamus, medium pro more gentis & virili decore retinemus, caput semper pectimus, sæpe lavamus, nec illud frivolum curatur à nobis, caput ablue nunquam, &c. quæ ibi videantur,

Cur autem Germani vel Borussi culturæ capitis magis studiosi etiam plicâ afficiantur, non possum invenire rationem, si apud Polonos & Russos incuria pectinandi caput accusetur? sed quid opus est verbis, ubi rerum testimonia adsunt? Longe melius & rectius sentit Excellentissimus Dn. D. Martin. Bernhard. à Berniz, S. R. M. Poloniae Personæ & Camerae Medicus observ. 52. miscell. Curios. Med. Phys. Ac. N. C. anni 2. ubi simul modum plicæ curandi proponit: cui nos quoque adstipulamur; statuentes, plicam è numero morborum nullatenus esse excludendam. quanquam non diffitemur, plurimos lue venereâ infectos, nec non scorbuticos, se plicæ pallio obtegere, cùm hi morbi magnam inter se analogiam obtineant: in primis verò scorbutus varietate symptomatum secundum individua plicæ admodum similis est; singuli enim ægri singularia accidentia patiuntur. Sed nos unicunque liberum sensum relinquimus, hancque controversiam nostram non facimus.

Effatum hoc nostrum & plurimorum Medicorum, qui de plicâ huc usque aliquid ediderunt, confirmat egregiè rarissimum exemplum, lectuque dignum de plicâ pudendorum muliebrum, cujus meminit Dn. Joannes Paterson Hain. obs. 221. Miscell. Curios. Med. Phys. Ac. N. C. anni 3. Cui nos Epiphonematis loco addimus historiam miram de plicâ resectâ, & post sedecim annos è clavo pendente, in loco ab hominibus remoto, in cœnobio quodam Poloniæ Majoris Ordinis S. Brigittæ circa Poseniam, ad semiulnæ longitudinem accretâ, monialis cujusdam ejusdem ordinis nomine Kozielska, quam mihi verâ fide retulit monialis altera S. Brigittæ Ordinis Constantia Mieszkowska, tum temporis Illustrissimæ Dominae Comitissæ à Donhof, supra nominatæ domestica, in præsentia ejusdem Illustrissimæ Comitissæ. Aderant tum unâ duo Patres Soc. Jesu Collegii Thorunensis, & duo alii

alii monachi Reformati discalceat. Ordinis cis Vistulam Podgurzientes : atque Georgius Grunack, civis & chirurgus Thotunensis. Cui lubet, adeat historicos de plicæ origine scribentes, præter alios imprimis Spondauum, Bzovium, Cromerum, Dlugossium, & inter recentiores, Joachimum Pastorium in Floro Polonico lib. 2. c. 14. quorum plerique initium hujus morbi in annum Christi 1287. ponunt *Simon. Schultzius*.

Musculus terrestris repens, Plica Polonica remedium. Et de eodem monstrosus.

Anno 1662. cum Leopolum versus ad Commissionem generalem iremus, in Sylvis non procul à loco *Zulkow* dicto, inveni Muscum terrestrem serpentem *Math*: qui aliquos lapides suis brachiolis, seu ramis affabrè circumcinxerat, & cum illum à terrâ allevare vellem, ut totam ipsius longitudinem experirer, dimidiâ ulnâ circiter ab extremitate, ubi paulò tenaciùs terræ adhærebat, fortiusque extrahenda esset, totam plantam extraxi; & ecce Musculus ibidem in duas partes crassiores quasi divisus, in unam tamen figuram monstrosam à natura denudè compositus, ad vivum Talpam representabat, cujus forma & magnitudo hac quoque in Tabulâ adjunctâ patet.

Causam hujus monstri nullam aliam credo, nisi illos ibi arctè sibi adjacentes lapides, per quos Musculus ille, ceu per spatium angustissimum duorum lapidum, à natura transire cogebatur: & illi Muscum quâdam vi compressionis ita latum & monstrosum efformaverunt, quod & in carduo arvensi aliquando observavi, qui non impari modo, æquè inter duos lapides ita contractus & totus monstrosus creverat; & ego credo, quod omnes lato caule, monstrosæ plantæ, & in forma Cornu Copiæ, ab Ulys. Aldrov. in lib. suo de monstrosis Plantarum depictæ & descriptæ (qualem & Clar. D. Joh. Jenisch in Ephemeridibus Germanor. primi anni Naturæ curiosorum, observ. 102. ob oculos ponit) à Naturâ ita in altum vi compressionis protrusæ sunt.

Scholion.) Muscum terrestrem repentem *Math*. (quem aliàs & Muscum terrestrem clavatum C. B. pin. in Polonia verò Plicariam & Cingulariam nominare solent) satis jam in Ephemeridibus primi anni Naturæ curiosorum observ. 97. curiosè descripsit Cl. L. Christianus Frider. Garman. & cum Scholiis in ejusdem observ. Exc. Dn. D. Phil. Jac. Sachs à Lewenheim; nihil ergo restat, nisi aliqua circa consuetum & jam quotidianum illius plantæ usum, quem Poloni & maximè Rutheni & Lithuani, ad extirpandam & curandam Plicam, morbum sibi familiarem habent. Nam hic Musculus seu Planta (quæ reverâ inter plantas perfectiores numerari potest) non solum in Poloniâ, sed adhuc in majori copiâ in locis desertis & arenosis, maximè in campis petrosis Ucrainæ crescit, & aliquando in longitudine ad 7. 8. usque ad 10. ulnas, quod Ipsemet observavi, invenitur. Mense Julio gignit julos seu spicas, sulphurei coloris, quæ autumnali tempore, digiti percussu sulphur vegetabile de se se spargere solent, cujus usum etiam jam citati Clar. D. L. Garman. & in Schol. Exc. Dn. D. Sachs à Lewenheim, annotaverunt, ut dixi.

In curandâ Plicâ verò (quem morbum Poloni Koltum, Germ. *den Weichsel-Zopff. oder Wixelzopff*. vocant) sequens observatur modus. Accipiunt hanc plantam seu Muscum, quem priùs cultello aliquo sursum versus dissecare solent, postea infundunt decocto Brancæ ursinæ, priùs optimè calefacto, & post unam vel alteram lenissimam adhuc ebullitionem adjiciunt aliquid fermenti, illudque reponunt postea ad fermentandum propè fornicem.

Alii verò accipiunt Muscum illum divisum & crassiuscule dissectum, & folia Brancæ ursinæ, etiam priùs siccata, part. æqual. coquunt ista cum aquæ simpl. fluviat. s. q. ramdiu donec decoctum saturè flavum colorem contrahat. Decocto priùs colato admiscunt aliquid fermenti vulgaris acidii, (panis siliginæ, à pistore desumpti) vel fermentum huic usui destinatum, nempe ex pulvere Brancæ ursinæ, pane biscocto & fermento ordinario parato, reponuntque illud ad fornacem per diès aliquot, donec saporem quasi acidiusculum contraxerit. Et ita decoctum huic morbo idoneum est.

Not. Pro usu ordinario ad tabulam & ad juscula, ita & ad alia fercula, mediante hoc decocto, paranda, sc. Capones, Gallinas, Vitulinam carnem & similia, qualia in tabulis Nobilium, hîc in Poloniâ quotidie (non ingrati saporis) apponi solent.

Hoc decoctum dicto modo absque Plicaria, seu Musco terrest. repente paratur, hac ratione, quoniam apud multos aliquando vomitus excitare solet. Hi verò, qui Plicâ laborant, eligunt sibi decoctum primum è Plicariâ paratum, & illud ita per se, aut cum ovis rec. in formâ jusculi quotidie bibunt & comedunt. Exterius cum illo decocto priùs calefacto & aliquando ad majorem potentiam seu virtutem secundâ vice, cum recente Musco incocto, instar lixivii & obscuri rubei coloris, lavant caput bis in septimanâ, nullo amplius adhibito pectine, donec crines sese complicare incipiant, unde necessario progressu temporis ita sese intricare solent, ut tunc quasi serpentes penduli circa caput pendeant, instar Gorgonei, aspectu horrendo, & sic credunt Plicam jam perfectam in crinibus. Leopoli quidam Presbyter Græcus & Plicatus, affirmabat mihi quasi juramento, se mediante hoc decocto, plus quam centum personas utriusque sexus dicto modo curasse. Narrabat mihi etiam (vir erat aliàs doctus) quod omnes plantæ, quæ scandunt, in formâ convolvuli, & signaturam quasi capillorum habent (uti sunt Vitis, Hedera, Bryonia, Salsâ Parilla, species Convolvuli, & similia) huic morbo profint. Et hoc credo facillè, Salsâ Parilla & Smilax aspera sunt tam potentes ut luem Veneream curare soleant, & cur non etiam Plicam? cum morbus, prout aliqui volunt, occultæ qualitatis sit, qui ferme simillima symptomata producere solet. Hoc scio pro certo, & sæpissimè probavi, quod Mercurius vulg. (qui aliàs morbum Gallicum curare solet) etiam in Plicâ certissimum sit remedium, & qui illam infallibiliter per salivationem expellere solet: nisi alia sint impedimenta & causâ aliqua conjuncta. Sed revertor ad nostrum Muscum repentem & ejus virtutes.

Illustissima Domina Tarlowa, capitanea vidua, quæ multis annis fuit Plicata, tandem Unguento aliquo ex Musco nostro terrestri repente confecto, Dei imprimis benedictione, feliciter fuit restituta. Arcanum seu unguentum hoc acceperat à Magnifico Domino Zirowski ante annos 32. ubi spatium hujus temporis intereâ, ut ipsâ retulit, aliquot centenos curavit, & ab istâ plicâ liberavit. Unguentum, quod defunctus piæ memoriæ Dominus D. Andr. Cnosselius, amicus meus extraordinarius, ab ipsâ viduâ, tanquam rem singularem acceperat, mihi quoque concessit, paratur tali modo:

℞. Herb. Plicariæ (scil. Musci terrest. & repentis) & Radicum Bryoniæ partes æquales, Adipis Erinacei q. s. ex his tribus optimè commixtis, in vase vitreo benè obturato, coquuntur in B. M. per horam & f. s. a. Unguentum. Cum quo radices capillitii in capite complicati, & loca affecta, maximè articuli dolentes, bis in diè inungebantur. Naturæ, & hæc tota erat cura, in curando morbo, quæ nimis empiricâ, & in extirpando malo mihi videtur non sufficiens.

Oleum,

Oleum, seu pinguedo, ex Erinaceo, quod ad confectiorem Unguenti hujus requiritur, parare solebat in Ollâ novâ foraminatâ, igne circulari per descensum more consueto.

Mulieculæ rusticæ & plebejæ in Ukraina adhuc alium habent usum hujus Musci terrest. seu Plicariæ. In nimio fluxu Menstruorum, doloribus & strangulationibus uterinis, faciunt cingulum ex illô, cum quo mulieculæ circa nudum corpus sese cingunt, creduntque sanguinis impetum non solum ita cohiberi posse, sed & omnes dolores uterinos per hoc compesci. Et hoc faciunt simili modo in Hamorrhagia narium, ubi cum illâ plantâ seu Musco caput cingunt; & ex eo quasi coronam faciunt, & inde credo plantam nomen attraxisse, quod à quibusdam Cingularia vocatur. *Martinus Bernardus à Bernitz.*

De Plica Pudendorum Mulierum.

Quod per crines humor ille malignus sese exoneret præsens de Plica observatio non leve argumentum adferre potest. Fuit apud Illustrissimum Palatinum Sandomiriensem, Dominum Ossoliński in Polonia, Gallus quidam à Servitiis, cujus nomen *Sant-aman*, ille in uxorem duxerat ex Gynæceo nobilem virginem, quæ postea variis morbis divexata, tandem & Plicâ correpta: non solum autem in capite, sed etiam in pudendo, ubi crines in tantam excrevere longitudinem, ut sesequi alteram ulnam excederent, & si sibi permitteretur, terram attingerent, quapropter femori circumductam ligare opus habuit Plicam, quam mihi, dum illam rogarem, extra vestem eduxit & monstravit. Multi sunt qui plicam illam, quæ in capite vel barba gestatur à multis, ex negligentia & sorditie aliqua coagmentari putent & illam crinium coitionem mirabilem pro nugis habeant, quales in Poloniâ non paucos inveni etiam Medicos. Plica autem illa pudendi manifestum argumentum præbet revera humorem extrudi aliquem in crines, qui eandem naturam habet cum alimento quo crines sustentantur. Nam in pudendis inauditum quod crines in tantam excreverint longitudinem naturaliter, apparet igitur quod præter naturam illa fuerit, & succus ille excrementitius, vitiosus & malignus, ad pilos à natura demandetur, & æmuletur motum aliquem Criticum; Imò observavi in Plica alicujus fœminæ Illustris in Polonia, dum præcideretur, me præsentem, quod corpuscula flava sulphurea plurima per Plicam sparsa in ea invenirentur, qui incensa sulphur redolebant, sed cum fœtoris alieni intersperso odore. *D. Joh. Paterson Hain.*

Plica ex vulnere capitis.

Rustica quædam juvencula anno 46. d. 31. Maii in campo pro pecore gramina demetens, grassatorem militem ipsi deflorationem vi intentantem falce leviter vulnerat, sed is ob repulsam pariter & læsionem manus, exardescens stricto gladio Misere duo profunda vulnera forma Lambdoidea Λ in bregmate infligit (additis quoque pluribus percussionibus cum bombardâ) ita ut in angulum acutum ambo coirent, pericranium ac cranium penetrarent & exemptis aliquot cranii particulis cerebri motus ac subsultatio exactè perspicerentur, sed latior laminæ interioris (duplici enim lamina plerumque constat cranium, pumicosa quadam substantia distincta, quod in usu trepani probè observandum) pars palmæ latitudine à superiori per contusionem inferius abruta & duræ matri incumbens, superiori cranii parti adhuc arctissimè adhærens, quia eximi non poterat, specillo paulum elevata est, & negotium Naturæ commissum: Quarto die de quodam pruritu circa vulnera conquerebatur: in somnum prona erat,

Biblioth. Chirurg. Tom. III.

sed absque delirio, sermones hominum ægrè ferebat, nullo alias symptomate graviore correpta, nisi quod se ebriæ instar incedere sibi videretur, quæ tamen paulo post plenariè tum restituta est; Tractu autem temporis eidem huic fœminæ ex loco olim vulnerato duo villosi cirrhi (*zovey filkigte Haarzapff*) nati sunt, qui tamen iterum post febrem malignam, (qua feliciter defuncta erat) cum reliquis capillis omnibus sponte deciderunt absque ullo capitis dolore; sed rectescentibus capillis loco duorum renatus est unus ejusmodi villosus cirrhus, isque ad 4. ferè ulnarum longitudinem terræ superficiem lambens, *hat auf der Erden nack geascht*, quo incommodo diu afflictâ tandem ex consilio cujusdam plebejæ, annuente marito & cognatis, diinidiam ulnam ex cirrho isto detruncat, sed statim invadit, bis terque miseram intensissimus capitis dolor, oculorum caligo, aurium tinnitus, & quandoque quædam quasi paraphtensis, ob doloris vehementiam: ter frontis vena secta, & crebræ capitis lotiones c. decoct. branc. urs. & verbenæ (crescente iterum cirrho) malum nonnihil mitigarunt tum, sed ingruente squalida tempestate anno 76. mense Junio id recruduit tantopere, ut ex anni æstu ac dolore intensissimo ferè ad insaniam redigeretur: Priori decocto adjectum lycopodium (quod nobis rarum est) idque potui ordinario & capitis lotionibus crebrò immersum, unde gravissima illa cephalæa maximam quidem partem fuit sopita, sed ex materiæ pravitate ad oculos derivata subsēcuta est Epiphora, non minus contumax & permolesta ad tumultum usque. *D. Joh. Michael. Fher.*

In eorum sanguine, qui Plicâ correpti, interiere, Pili reperi sunt.

Non sub cute tantum, imo etiam in ipsis venis Crines reperiri genitos, valde pungentes, & acriter vellicantes probat historia à Slovacio Medico Cracoviensi allatâ de Matrôna, in cujus sanguine pilos vidit; quique affectum hunc ut curaret rogatus, respondit irrita fore omnia, versari enim matronam in eo affectu jam deplorato, qui sanguinem habeat omni ex parte pilis refertum. Sed & omnium certissima testis *Avrophia* & inspectio sanguinis ocularis eorum qui Plica correpti obierunt, quorum in sanguine pilos acres & stimulantres videbis. *Sculetus Trichiasis admir. p. 52. Saxonia Panthei lib. 10. cap. 25.*

Plica Iudeorum.

Clariss. Ambrosii Stegmanni Miscell. Curios. Decur. ii. Ann. 7. & 8.

Plicam Judæis admodum familiarem, & illam exinde nomen etiam germanicum, *Juden-Boss*, adeptam esse, nullum fugere autumo. Causam hujus affectus quæsi ex multis Judæis, nationis suæ Medicis & Scholæ Magistris, nullus autem illorum scivit, vel voluit ullam. Nuper me conveniebat Senex, antiquissimæ traditionis Judaicæ, & linguæ sacre peritissimus Rabbi, qui à me de una atque altera re Medica petebat consilium, & inter alias etiam plicæ faciebat mentionem, referendo: Hunc affectum tam enormem consistere in utrumque gentis suæ sexum, ut non solum illorum capillos sed & sæpe pilos sub axillis, & pudendis complicit in plicas longissimas & monstrosas. Amicis hinc illum compellabam verbis, ut causam hujus Affectus, si quam haberet, mihi secreto aperiret. Diu hæsitabundus tandem respondit. Refertam tibi, quæ ex antiquissimo hebraico MSto olim

olim me legisse memini: *DEUM*. nimirum affectum hunc meæ gentis hominibus dedisse in pœnam, quod mandato divino contrarii neglexerint præcisionem & loco præputii in adultis ob metum exquisitissimi exinde oborientis doloris, lanuginem membri virilis, ut saltem in conspectu adstantium pro forma aliquid fecisse viderentur, præciderint. Hinc *DEUM* omnes illos inobedientes, & ex his falsò præciis prognatos utriusque Sexus Homines plicâ punitisse, & in posteros per tradicem quasi derivasse hunc Affectum. Hinc & exinde resultare rationem: Quod lapidibus saltem plicæ abicindi debeat, quia nimirum præputium olim (& adhuc hodie) collisione duorum lapidum acutorum abscindebatur, & inobedientes illi Judæi falsam suam præcisionem lapidibus etiam peregerint. Mitto has nugis, cum sciam, gentem Hæbræam traditionis variæ, fabularumque esse amantissimam, & figmentum hoc forsitan ex historia Ziporæ Exod. 4. v. 24. Originem suam traxisse mihi imaginor. Judico autem, quod Plica Judæorum potius à Cachectica & putredinosa illorum maligna dispositione exoriat, quæ in corporibus dispositis impuritatem cachecticam ad peripheiam corporis, & imprimis illas partes, in quibus fuligines exhalare solent, expellit. Nam malignitatem plicæ in corruptione Massæ sanguineæ, in acrimonia & viscositate excedente latitare, nemo negabit. Expertus etiam in tribus monstris plicatis didici, quod Plica, corpore ritè purgato, & affectu lege artis curato, absque damno & vitæ periculo, cultro tonsorio abicindi possit.

De Muliere hispida

Ad Amiciss. D. D. *Carolus Barbeyrac*, pro
suggeritu Professorali Medicum inscriptum
Agonistam C. D. Medicus Regius.

S. P. D.

Visitur Parisiis Mulier Augustana, annor. 30. ab utero pilosa, habitu molli, albido, haud venoso, sed nonnihil toroso. Statura media est; Caput amplum, ad acuminatum vergens, ex parietalibus utrinque patentibus: Crassa curtaque cervix, pectus latum, mamme turgentes, sororiantes. Oculi cerulei, mediique magnitudine & situ. Lingua sublæsa; mores blandi; somnolentia multa, appetitus exiguus, potus vix multus, nisi Germana id moti cederet. Pulsus lentus & parvus; Spina in totum hirsutior, è cuius coccyge, sicut & ex axillis atque præsertim ex alis pudendi densi & promissi flocculi sobolescent. Calvitium totam calvariam ambit, ab infimo nonnihil coronali, intercilio, orbitæ limbis & oculorum Canthis ita fusè ut supercilia non discriminentur ab ipsa coma, quæ vulgaribus nihilo promissior est, fulvaque ac teres, mollis & tenuis, genuineque crudi felici æmula.

In reliquo corpore universo tota fermè pilo est fulvo, nam hinc inde *leucophæo* & subcinereo cernitur, *d'un blond cendré*.

Ab universa facie, fronti subiecta, ac auricular. partibus singulis, longè lateque fusus est, ac per densos & promissos flocculos, quavis carbaso tenuiores ac molliores pilus propendet.

Cilia, vibrissæ ac barba labii supremi, ubi feliciter adolevere, visioni, loquelæ & esui officiant. Necessum est igitur isthæc enormiter progerminantia subinde rescari. Aliàs prorsus est ab ortu intonsa.

Nusquam glabra est, nisi in volis artuum, & ubi pilus attritu deteritur, ipsas autem palpebras supernas mollis investit lanugo.

Abhinc quadriennium Viro iuncta; tertio matrimonio anno masculinum depilem maturè exclusit, qui sexta hebdomada spiritum extremum duxit.

Ab eounigenito nonnisi gravidata, etsi secundus jam annus excurrat. Cæterò incolpata sanitate gaudet; floresque sexui solitos statis Lunis profert.

Urbes peragrat lacrum uberrimum faciens, citra sui copiam, etiam nuda sæpè visa atque contrectata.

Nullis parentum aut avorum solito hispidior fuit. Ipsam fugit an mater ejus in ipso conceptu aut gravitatis tempore ab objecto hispidoso forti fuerit commota?

In fusiores diagnolm digitum intendisse non licuit. Vale ut meritis, Vir amiciss.

Datum Lutetiae Parisior. Idib. Feb. Anno 1660. Ex
communicatione Præclarissim. Viri Dom. Carol. Drelincurtii Medic. Profess. & Leydenfis Universitatis Decani.

Phthiriasis.

Phthiriasis seu affectio pedicularis toti ferè corpori communis, omnem sexum & ætatem infestans, præcipue & frequentius pueros (namque nec nobilium infantibus parit) & mulieres, quia ejusmodi ætas & sexus utraque humiditate, naturali & excrementitia, præ aliis abundat, ac maxime in capite, qua parte pili gignuntur, de qua sola hîc loquimur. De materia pediculorum diversæ sunt diversorum Authorum sententiæ, ut Hercul. Saxonia tract. de plica cap. 19. & Sennertus tract. de infant. cur. part. 2. cap. 5. annotarunt. Etenim Theophrastus lib. 2. de caus. plant. vult esse sanguinem corruptum & putrescentem. Aristoteles statuit lib. 5. de histor. animalium cap. 31. ex carne cum multa humiditate gigni, per quam Marcellus Donatus dicit, Aristotelem intellexisse locum, & non materiam. Cui in hac sententia non refragatur Saxonia, in loco suprâ cit. scribens, Aristotelem per carnes intellexisse eas, quæ in corporis ambitu sunt, in quibus cum secundæ illæ reperiuntur humiditates, quas Avicenna alias rorem, gluten, & cambium vocavit, ex ea, quem cambium appellant, humori excrementitio permista pediculos fieri, Aristoteles existimavit, idque affirmavit, quum non omne animal ex quacunque materia sit, sed ex determinata determinatum, itaque pediculorum materiam esse aliquid calidi nativi in se continentem, & quidem lentum & pingue, ut ex eo quoque animal lentum & pingue gigni possit. Per carnem autem Galenus lib. 5. de simpl. med. facil. paratu cap. 4. putat, Aristotelem intellexisse cutem, sicuti Sennertus refert tract. de infant. curat. part. 12. cap. 5. Serapio dixit, materiam pediculorum esse ex humiditate calefacta. Alzaravius ex humore putrido. Haly Abbas ex humiditate grossa. Avicenna lib. 4. fen. 7. tract. 3. cap. 26. citante Heurnio tract. de morb. capit. in singul. partib. cap. 6. cui & Galenus lib. 1. de compos. medic. local. cap. 7. consentit; pediculos generari ex excrementis calidis tertiaræ coctionis putrefactis, non acribus, non pravis, sed dulcibus, quem locum & Mercurialis in tract. de morb. curat. cap. 7. allegat. Petrus Forestus lib. 8. observ. med. cap. 14. docet, originem illorum esse ex vaporibus intercutaneis humidis, corruptis, per poros resudantibus. Neotericos, Hercules Saxonia in cit. tr. memorat, cum Græcis & Arabibus velle, materiam pediculorum esse humorem excrementitium, & quidem præternaturalem, ita dispositum, ut sit moderatè calidus, actu verò & potentia humidus, inter crassum & tenuem intermedius, & potius ad ichorem, quàm crassum vergens, putrescens, non tamen excellenti putredine, sed miti & moderata. Hinc madida & calida intemperie gaudere pediculos, scripsit Joh. Heurnius tract. cit.

Præ-

cit. Præterea inter alias pediculorum causas externas, sunt cibi crudi, & mali succi, spurcities, immundities, iterum docente Heurnio, Avicenna quoque dinumerat aërem frigidum, qui exhaustionem materiæ excrementitiæ intercipit, si leptomeria seu cutis tenuitas adfuerit, quæ in se recrementa prolecat. Causam & modum generationis pediculorum Berhard. Gordonius in Lilio Medicinæ partic. 2. cap. 9. eleganter depingit his verbis: Quando in corpore humores corrupti sunt, quos natura omnino regere non potest, nec omnino emit, tunc per cutem ad viam alicujus defudationis propellit, & quia materia crassa est, & juxta cutem, dum calor natus agit, & desiccatur materiam illam, & generantur quedam pelliculæ, quibus includitur vapor cum aliquali calore, qui agit in materiam ebulliando, trahens ad calorem humidum, hinc suscipit illa speciem vitæ, & generantur animalcula in capite, vel in toto corpore. Ex parte hujus materiæ magis humida procreantur pediculi, qui juxta Isidorum lib. 12. origin. cap. 5. à pedibus nomen habent, ac notante Foresto lib. 8. observat. medic. cap. 14. plus pedum motu lædunt cutem, quàm morfu. Ex parte magis sicca lentes, à lædendo denominatæ. Ex parte verò media pefsolatæ vel plaetulæ vulgò dictæ ortum habent, quæ plerunque pectini & sub axillis adherent. His omnibus consideratis, facile conjecturamur, superiorem causam non penitus ex causa aliqua interna originem habuisse, sed magis externis attribuendum, cum exhalationes humidæ tenues, putridæ aquarum canalibus evaporationi naturali per defudationis viam provenienti permixtæ, capillis adhæserint, & à frigore nocturno congelatæ subveniente calore corporis nativo, pediculi tunc ejusmodi subitanei oriuntur, qui tamen ob tenuitatem materiæ, & paucitatem caloris nativi & generantis, ab externo calore Solis astrali & aëreo, aut affricatu linrei calidi, facile & citò rursus dissolvuntur ac dispelluntur. Mare verò, præcipuè meridionale peragranibus, & sub tempestate serena, cum exhalationes hujus maris sunt liberiores atque puriores, & aura variorum ventorum flatu ventilatur & corrigitur, talis affectio rarò contingit, aut antipathia quadam singulari conservantur. *D. Helwigii.*

Phthirialis ut malum est fœdissimum atque molestissimum, & sæpe luctuosissimum. De fœditate, per se utpote cognita ut taceam, quam & natura vermium æmula, & sordium, quibus inhaerent animalcula ista, putor adaugere, tantæ abominationis, ut nec absque veniæ præfatione teneris auribus nominari debeant; nec de molestia ut quidquam addam, lancinationibus imprimis, non tantum, quod Foresto placuit, pedum motu, sed & morificatione, sive, quod ex Hookiana Micrographia patet suctione fastidiosius, inducta, luctuosam eorum præsentiam multi experti fuerunt adeò ut vitam ipsam lenta morte commutare gemebundi fuerint, coacti. Qua non minus ad Tartara descendisse Herodem Antipam (cujus mortem, mortisque causam Acta Apostolor. cap. 12. v. 23. manifestant,) sunt qui existimant. Nec dedecuisse, magnum illum fastum, Divinæ Majestati summè exosum, vilissimo isto mortis genere eradicari. Quamvis verminosum potius obuisse Tyraunum hunc, alii judicent, quibus præsertim calculum addit Excellent. *DD. Thom. Bartholinus cap. 23. de morb. Biblic.* cum τὸ σκλῆρον vermem denotet, non pediculum.

Sed quis non paveat Pherecydis fata Tragædi.

Qui nimio sudore fluens, animalia tetra

Eduxit, turpi miserum quæ morte tulerunt?

Sylla quoque infelix tali languore peresus

Corruit, & fædo se vidit ab agmine vinci: ut

Quintus Serenus Sammoniacus cap. de phthiriasi cecinit. Quamvis enim Plinius lib. 7. hist. natur. cap. 51. &

Bibliot. Chirurg. Tom. III.

Apulejus lib. 2. floridor. Pherecidem Syrium copia serpentium, ex corpore ejus erumpente, exspirasse scripserint, per serpentes tamen hoc in loco pediculos; quos Aristoteles 5. de histor. animal. cap. 31. Plutarchus, & Ælianus exprimunt, intellexisse eos non male determinat Hieron. Mercurialis lib. 5. Variar. Lætion. cap. 6. & Marcell. Donatus lib. 1. Med. histor. mirab. cap. 5. Aliorum exempla malo hoc intemptorum ex Antiquitate desumpta ut taceam, recentiora etiam suppeditant Amatus Lusitanus cent. 3. curat. 58. in schol. Ezechiel de Castro lib. 1. tract. ignis lamb. cap. 6. & Tobias Coberus observ. castrens. dec. 1. observ. 9. Qua arte verò expellendæ sint istæ turpissimæ bestiolæ, Practicorum libri abundè edocent. Quid Unguentum Officinar. nostr. valeat, p. 344. Pharmac. August. restit. à me ostensum fuit. Quam curam formolæ virginis matutinis horis amplexus spondere debet. cum Andr. Libavio (vid. Cist. med. Hornung. epist. 40.) lascivis destinabimus & superstitionis. Unicum Stockeri experimentum notasse lubet, quod de oleo ligni coryli lib. 1. Empiric. cap. 40. profert, modicæ scilicet ejus quantitati quodcunque genus vermium, & pediculo impositos, in momento temporis emori; sed qua ex proprietate id fiat, cum nescire se fateatur, conjecturare nobis liceat, ab impedita id respiratione fieri, qua ratione alia etiam insecta, si trachearum oscilla oleo obliniantur, emori constat; id quod de scorpionibus experientissimus D. Francisc. Redus observat. de viper. & de muscis observat. de insect. nec non de bomicibus, vespis, apibus, locutis, gryllis, ex ingeniosissimi Marcell. Malphigi tract. de bomic. Cl. Thom. Willisius lib. 1. de anima brutor. c. 3. testantur. Hoc ipso etiam modo juvenem illum apud Augustin. Thonerum observ. medic. lib. 4. pag. 222. totum caput vermibus Syllanis refectum habentem, adhibito spicæ oleo, unica nocte à turpissimis hospitibus liberatum fuisse credibile est, quamvis hic etiam aromaticam spicæ proprietatē, qua putredini adversatur, symbolum unà contulisse non negaverim. *D. Luca Scroëckii.*

Pro Phthiriasi.

Quendam Phthiriasi totius corporis laborantem ita curavimus. Primò ejus causam venæ sectione & purgatione deposuimus, non solum semel, sed bis & ter: ac postea sequentibus topicis remediis brevi ab hac fœda Lue liberatus fuit æger.

℞. Lupin. amarot. p. iij. sem. staphysagriæ p. ii. F. decoctio in aceto acerrimo, quo decocto universum corpus à capite ad pedes usque lavetur, ac postea linimento sequenti, corpore benè terso & exsiccato illinatur.

℞. Sem. Staphysagr. part. ij. sandarach. græc. part. j. nitri fini part. ss. in aceto acerrimo, cum oleo raphanino omnia accuratissimè pista misceantur, & ex iis fiat inunctio, quibus brevi affecuti sumus scopum, nec amplius in eandem fœdationem æger devenit. Ex hac fœda labe multi sunt mortui, ut Scylla, Pherecides, Ennius, & ut nonnullis placet, Plato iis quoque adjungendus venit. Novimus autem nos Olyssiponæ hominem quendam non ignobilem ex hoc morbo miserrimè obuisse, ita enim per universum ejus corpus pediculi scatebant, ut duo ejus servi Æthiopes nihil aliud curæ haberent, quàm ex ejus corpore pediculorum cophinos plenos ad mare, quod prædictam civitatem præterlabitur, portare. Porro apud Hiberniam & Islandiam scimus homines semiferos subulis croco infectis vestiti, ut pediculos fugent; quas per sex menses & amplius gestare solent. *Amatus Lusitanus. curat. 58 & Schol. cent. 3.*

Cùm puer quidam valdè pediculis scateret in capite, huic primùm consului, ut caput ablueretur aquâ marinâ, deinde decocto absinth. lupin. cent. min. & propria urina admixta. Postea superaddidi hoc linimentum, quod ex axungia porcina, succo absinth. pulv. lupin. staphysagria exigua, adjecta, & oleo veteri constabat; quo illito capite, omnes pediculi fugati sunt, si verò cimices seu morpiones in barba, aut locis secretioribus sint propè virilia, vel muliebria, hoc infra scripto unguento commodissimè uti soleo.

℞. Axung. porc. ol. laurin. saponis nigr. an. ʒss. argenti vivi extincti cum saliva hominis jejuni ʒj. (ad omnia enim pediculorum genera occidenda nulum est præstantius remedium quam argentum vivum in quacunque parte fuerint) myrrh. aloës an. ʒss. staphysagr. ʒij. sapon. gallici, ʒij. in mortario reducantur ad formam unguenti. *Petrus Forestus. observ. 14. lib. 8. de externis capitis vitiiis.*

Phthiriasis funesta.

Nobilis Gallus, quem ipsemet Lugduni vidi, à continuâ & immodicâ Venere adedò omnia viscera, humores, totamque massam sanguinis corruerat: ut scelerati instar, seu larvæ, quò deportabatur, jaceret, ire enim amplius tunc non poterat. Erumpunt tandem ex corruptissimo sanguine per universa cutis spiracula minutissimi & vix sensibiles pediculi rufi, qui diès noctesque horrendis cum excruciant tormentis, pungendo, lancinando, rodendo, &c. Ex oculis in nares, è naribus in os & palatum reptabant pusilli illi carnifices, & nullus ferè porus ab iis immunis. Lachrymæ, sputum, urina, feces, & omnia excrementa animalculorum plena. Inde tandem mors miserrima. Alium Neapoli offendimus, qui in eadem navi navigans, corpore non priùs, quantum licuit, repurgato, eoque aquâ aloëticâ abluto, ferreæ cistæ inclusit, reas, ibi latere tutum. sed spes eum egregiè fefellit, eodè fatò crudeliter extinctus. Nemesis accessisse Divinam, eamque specialem, non equidem inficiabimur, interrim causas ipsa dicitur natura. *Dom. E. Q. M. D. referente Clar. Christian. Francisc. Paullin. in Appendice Ephem. German. Ann. 5. Decur. ij.*

Phthiriasis à pediculis pro sanando Ictero voratis.

Puella rustica contra Icterus flavum, consiliò matris, utebatur pediculis vivis, quos in capite suo captos, & cerâ virgineâ obvolutos, securè devorabat. Verùm bestiolæ in corpore sese multiplicantes perniciosam peperere phthiriasin, à quâ ægrè redimi poterat puella. *Idem ibidem.*

Phthiriasis sulphure & ejus balsamò sanata.

Duodecim jam præterierunt anni, cùm Altenburgi puer sive tyro stanni fusoris à me consilium peteret contrà phthiriasin, unde indusia munda statim ac vestiebantur, pediculorum magnâ copiâ onerari videbantur. Suasi ut vestibus (quadantenus à naribus remotis) sulphuris, vel succini fumum interdum exciperet, & ter in die balsami sulphuris xij. aut xv. guttis, quòquò posset in vehiculò uteretur. His observatis brevi se dixit puer ille liberatum à malo suo molesto. *D. D. Jacob Wolffius Ephemerid. German. Decur. iij. Ann. i.*

Phthiriasis in femore sinistro.

Vir quidam in viciniis hujus urbis, Chirurgiam exercens annos circiter 25. natus, ischiadicò dolore in femore sinistro corripitur tam immani; ut ab eo per annos integros excarnificatus fuerit; nò eodem tamen semper tenore pergebat malum, sed per intervalla exasperabatur, tumque sensibiler pars minui videbatur, & quod magis mirum ex ea pediculorum miriades prorumpabant. Innumera tentata sunt remedia pro atroci fugandò morbo, sed frustra, donec demùm meo consilio adiit Thermas Aquisgranenses in Sabaudia, quæ sulphure & nitro divites sunt. Sic enim restitutus in matrimonio jam hilarè vivit.

P L I C A.

Vid.

P I L O R U M M O R B I.

PNEUMATOCELE.

Vid.

H E R N I A.

P O L Y P U S.

Huncce morbum Hippocrates suspensò gurgulioni aptissimè comparavit. Quemadmodum autem gurgulio delapsus, si æqualiter protendatur ad formam teretis columnæ, κίων & κιονίς, Latinis columella nominatur; si verò summâ parte tenuior fuerit, imò crassior ac insuper rotundus & subrubescens ita ut grano uvæ vitigineæ è pedunculo pendenti, magnitudine, figurâ & colore extet persimilis, σαφύλη sive uva simpliciter, & à Plinio cum adjuncto uva jacens appellatur: Ita metaphoricè caro in nares pendula, polypi, hoc est pisculi cujusdam marini atque multipedis ex genere πόν μαλακοδεργῶν, nomen sibi adoptavit; seu quòd polypi carnem æmuletur molli lubricaque consistentiâ, sed præsertim colore, quem pro humorum è quibus conflat diversitate, polypi modò varium nanciscitur, album præcipuè rubentem vel plumbeum; seu quòd è petiolis exilibus in crassum latumque corpus se se porrigat, instar polypi qui è pediculis exiguis, crines vocat Plinius, in amplum ventrem, definit; seu denique quòd ut piscis iste ταῖς ἰδίαις πλεῖν ταυαῖς ἀεληφδύντα, res omnes maximèque venatorum manus suis cotyledonibus hoc est acetabulis & velut brachiorum flagellis nactas firmiter itringit, adedò ut se truncari patiat potius quàm avelli, unde Plautus de hominibus rapacibus atque tenacibus: Ego istos novi polypos qui quicquid tetigerint, tenent; sic polyposa ὑπεροχῇ vel simplici stylo vel potius multiplici radiculâ seu chelis quibusdam pertinaciter naribus sese affigat. Arabes ab externa quadam affinitate cum capitulis hæmorrhoidum ani, quæ turpes ani papillas vocavit Q. Serenus, hæmorrhoidin nasi nuncupavere.

Hujusce morbi subjectū, ut loquuntur, inhæSIONIS vel potius adhæSIONIS, sunt subrubræ ac spongiosæ carunculae quæ intra concava narium latitantes, decumbentem è cerebro pituitam naturaliter ebibunt, obstantq; ne stiticia perpetim stillat è naribus.

Sed de natura & causis polypi non æquè constat. Vulgò dicitur esse tumor ab humore crasso & viscido genitus, qui vel è capite defluit, vel propriâ affectæ particulæ culpâ congeritur. Atque pro duplici istius humoris differentiâ duplex quoq; assignatur polypus; unus à pituita, mollis, laxus, albicans, indolens ac benignus; al-

ter

ter ab humore atrabiliariô, durus, tactui renitens, inæqualis, venosus, lividus, aspectu teter & dolorificus, qui malignus est & *Αρκινώδης*; quibus phlegmonosus rubescusque adjicitur, inter albicantem & lividum medius.

Veruntamen cum polypus prolestatô per propria vasa sanguine nutriatur, ac per intussusceptionem viventium more suum in omnes simul dimensiones capiat augmentum, adeo ut si filô sericô vel equinâ setâ radix ejus arctissimè constringatur, vasis alumnis interceptis contabescat, atque intra septem octove dies commeatûs penurîa spontè decidat emortuus, imò cum sensu tactus orbatus non sit; profectò minimè videtur è pituitosorum vel melancholicorum excrementorum congerie *οικοδομῆσθαι*, sed potius esse vera & animata caro, vitam sensitivam participans præter *φτυκίω*, etsi caro ista peregrina sit & excessu morbosa. Quamobrem Galenus *βλάσημα Γαριός* germen carnis in naribus retulit ad morbum in numerô auctô, non quidem rei totô genere præter naturam ut calculus & lumbricus, sed ex genere naturali ut oculi pterygium, ac superfluous digitus in sedigitis.

Potentia siquidem *Θρεψίμη* otii nescia è sanguine paulatim superfluente & ad roris modum exudante carneam ejusmodi molem coagmentat, proindeq; membri unitatem ac seriem necesse est interpellari, siue insensibiliter siue sensibilibus, ut in ulceribus, quibus non maturè siccatis apophyses carnosæ solent adnasci; haud secus ac convulseratô arboris cortice succus nutritius extillans in *γόγυροις ἢ κροτῶνας* hoc est ligneos nodos torosque transformatur, potissimum si propter tenacitatem è labiis vulneris non facile effluerit, ut in oleis ceterisque fruticibus pinguibus & resiniferis, proindeque non *φυλλοβολέσας* sed *ἐμπεδοφύλλοις* æternô frondis honore virentibus. Nihil novum ergò si natura vegeta uberrimôque sanguine redundans, dum partim integritatē etiam leviter delibatam immani desiderîo resarcire satagit, non deficiat in necessariis; quin potius largâ ac munificâ sanguinis suppeditatione luxuriat, ac è dispensatrice fiat profusa; sicque supernutritione quâdam pro *Αρκώσσει* præstet *ὑπερσάρκωσιν*, similiter ac in ossibus rimulas agente periosio pro *ὀστέωσσει* ossis quasi umbones, quas *ἐξοστέωσας* dicunt, nonnunquam reponit.

Ne mireris porrò, quamvis in genere partes spermaticæ etiam adhibitis pæoniis pharmacis non putentur renasci, polypum tamen venulis, arteriolis ac nervulis esse interitum. Neque enim pusilla vascula ibi de novô creantur, sed è vicinô adducuntur; nempe è cæterorum vasorum extremis oris ceu ipsorum appendices ac additamenta; quomodo ulcerum ventriculi quotidie cernuntur expleri, ac ipsemet Galenus venas & quidem multas satisque memorabiles in magnis ulceribus observavit regenitas; vel architectante facultate *πλαστικῇ* non solum in certis locis ad *ὑπερῶν μορίων* ut dentium formationem superstitē; sed etiam in singulis membris pro ipsorum necessitatibus ad mortem usque residuâ, quanquam longè ignaviore quàm in fœtu. Neque enim reliquit natura animal, neque oblita est virium sibi insitarum, nam quas à nullô acquisivit, sed ex semine habet, eas impossibile est ipsam abjicere; vel saltem operante altrice virtute valentissimâ, cum nutritio publicâ Philosophorum conscientia, sit generatio quædam partialis, ac juxta Galenum *ἀναπλήρωσις τῆς ἀπορρέουσας ὀσίας*, expletio substantiæ defluentis, sicque terminetur ad novum esse patriale viventis.

Igitur si ad validam vim membri *Αρκοποιητικῶ* floridus sanguis accesserit, dubium non est quin caro laudabilis atque solida nascitura sit, quæ alioquin flaccida succresceret & fungosa, ut contingit ab usu sarcoticorum debiliorum ac minùs quàm par est siccant-

Biblioth. Chirurg. Tom. III.

tium, quibus neque membri exulcerati nativus calor satis fovetur, neque ulceris sordes sufficienter eluuntur. Quodque notatu dignum, proba caro extuberans non raro inflammatione, erysipelate, œdemate, scyrrhò, nec non etiam cancrò tam ulceratô quàm non ulceratô tentatur; ac quemadmodum in insitionibus, quas arborum adulteria appellabat Plinius, fibræ insiti cum fibris adoptantis nodô quasi conjugali coeunt, fiuntque veluti duo in carne unâ; Ita morbus morbo hic superstruitur & quodammodo *ἐγκυτεῖται*.

Polypus aut est uniformis, aut ex multis quasi carunculis simul junctis compingitur, instar ferinè mororum è quamplurimis granulis coacervatorum. Secundò polypus vel alterutram nares vel binas nares & quidem sæpè sæpius occupat, quas interdum adeo impedit ut blennæ delapsus moretur; quâ suppressâ & computrescente, ut in iis qui retrusum simumque nasum gerunt, fœda consequitur olidarum narium labes, egrò tamen propter assuetudinē inconsciô; sic cloacarum mundatores ad oletorum *κακωδία* obstupefcunt, ac pariter quicumque gratis odoribus solent perfundi, eorum suaveolentiâ minimè capiuntur. Non sentit, *inquit Plinius*, ipse qui gerit, summaque commendatio habetur, si transeunte illô, invitet odor etiam aliud agentes, tanti emitur voluptas aliena. Propter eandem naris obturationem polypus non aliter quàm hiante ore cœli animam ducit; forbilem capit somnum, hoc est alte stertit inter dormiendum; *δυχερῶς καὶ ἀηδῶς* loquitur, voce in calamos narium non amplius resonante; subsistit ab olfactu, quod fumidæ anathymiascos odorum vecturam facitantis fluctus aditu intercludantur ad nares internas, per quas sensus odoris nobis datur. Quandoque etiam tanta est polypî latitudo ut nasum conspicuè dilater, tantraque longitudo ut ad labra usque pensilis sit instar cristæ illius carneæ ultrâ *πρὸς ὄψωπον* hoc est rostrum gallorum gallinaceorum ira percitorum dependentis, potissimum in expiratione, nam inspirando reconditur in nares polypus si mollior extiterit. Tertiò polypus aut narium lateribus, aut earum diaphragmati adherescit; iterumque vel infimæ narium regioni harum scilicet cartilaginibus, vel mediæ nempe nasi ossibus, vel supremæ putà ossi cribrosô appenditur, indeque lacunas suprâ palatum explens ad fauces nonnunquam protrahitur, ore adaperitò ponè gargareonem conspiciendus, magnò non tantum spiritûs & vocis sed deglutitionis quoque incommodô, maximè si ambarum narium polypus per duplices meatus ad cameram palati pervios retrò prolapsus fuerit.

Piscatores, *νηχοταλάντων* incolæ, homines rei nauticæ plurimum dediti ac *Σάρων* *ναυτικώτεροι*, polypus opportuni vivunt, ob temperiem humidiorē functionibus naturalibus, nutritioni, accretioni & generationi accommodatissimam. Quantò hæcce *Αρκοφύα* *ἀνώτερι* altiusque radicitur, tantò rebellior existit, quoniam cerebro propior ac medicamentis minùs obvia & exposita. Eò etiam molestior quò tumidior, ut Austrò vel Eurò afflante, necnon *Θεῶ* *παυσελλώ* regnante, quò tempore more ostrearum & conchyliorum *πληρῶν καὶ θαλασσιζόντων* consuevit intumescere; sicut ex adverso ac sitiente Lunâ detumescit, ita ut polypus sit mutationum cælestium quasi Ephemeris.

Polypum carcinomatolum, si exquisitus fuerit atq; confirmatus *ἀσκληπιωδῶν* primicerii apertè ac ingenuè confitentur immedicabilem, mussatque tacitò medicina pudore. Quamobrem Trophilus apud Stobæum interrogatus quem Medicum censeret perfectiorem, sapienter respondit qui possibilia ab impossibilibus potest dignoscere, sed plenissimæ istius desperationis causa investiganda est.

In cancro tria occurrunt spectanda, materia, qualitas & ῥιζοβολία. Materia est atrabilaria, ideoque, ex Hippocrate, glutinosissima, percussione & suppurationis æqualiter ignara, ἀπηνής καὶ ἀπέραμνη. ὅπως αὐτῷ, ut ait Aretæus, lapidis instar contumax & indomita; quin etiam durioris rigoris quàm ipsamet petrae, rupes enim cedunt violentiæ causarum dissolventium, legiturque mons acetō ruptus, vel, ut Livius loquitur, putrefactus; sed cancer catharticis agitur & efferatur, fitque è non ulceratō ulceratus, è quietō ἐρυσσινὸς ac populabundus. Qualitas quoque materiæ cancerosæ ob superaffationem supremè acris est atque acida, idcirco, iudice Hippocrate, διωαμικωπάτη, nec ab aliis quantumvis activis qualitatibus comprimenda & edomanda, ita ut cancer stet undique tutus à machinis pharmaceuticis utut industriis ac impigris. Imò irrita sunt Medici ferrō & igne sævientis conamina, vel potius noxiosissima, mortemque accelerantia, etenim carcinoma ad modum Excetræ cui datum erat.

Crescere per damnum, geminasque resumere vires; si amputetur amburaturve pestiferō scœnore repullulat, propter numerosas, varicosas, altas nec extirpandas radices, more arborum quas radicibus hinc inde sparsis ac instar forcipum canceri divaricatis καρκινέωδ' scribit Theophrastus. Faver etiam internum βλάστημα, licet inemendabilis principis alicujus visceris κακοῦ ἔργου perniciosum fœtum jugiter lactantis: potestque carcinoma asperiorum remediorum contactu invalescens assimilari vel plantis illis quæ calcari gaudent & atteri pereundoque latius proveniunt, quod tota vis deprimatur in radices; vel metallis opulentissimis quorum, ut ait Romanus sapiens, in altō latet vena, assidue plenius responsura fodienti. Jure igitur odor sagaxque indagator Hippocrates, cujus Medicis dogmaticis semper vivet autoritas, de hoc morbo εἰδύησι προαπίδασι sic pronuntiavit, quibus fiunt canceri occulti (hoc est ἀνέλκωτοι quantō magis ulcerosi atque πορευτικοί) non curare melius, curati enim citius intereunt, non curati verò longius vitam trahunt: proindeque non licet ipsos συφελεῖν, quin potius πθασεύειν καὶ μὲλινον, nimirum molli manu nec ἀγωνιστικῶς tractandi sunt, blandæ fucatæque medicinae quasi palpum obtrudendo, ῥαυρῶν μᾶλλον βίη benignè non violenter; planèque capitale est irasci ac succensere tam feroci belluæ.

Audio tamen Mediculos ἀνάζοντας magnificare certa præsidia volatilisstantia, quibus humor canceri è fixo redatur evanidus; quò pactō operâ argenti vivi distillantur venerea ossium tubera. Sed hi propriis rationibus incauti irretiuntur, & quasi plagas ipsi contra se texunt; admotō namque hydrargyrō artificiosâ qualibet industriâ adornatō; vel provocatâ per hydrargyrofin plenis labris salivatione, nec ulcera καρκινωμάτων δὴ resiccantur, nec tumores cancrofi desidunt; tamen si mercurius sit maximè desiccatorius, adeoque volatilis ut idolum istud suum, Aquilæ ac servi fugitivi nomine donent fuliginosi Miltæ.

Alii igitur venditare malunt ac ebullire arcana nonnulla specifica atræ bilis acrimoniam & aciditatem utut excellentem cicurantia & quasi edentantia; similiter ac spiritus vitrioli & sal tartari mutuâ mixtione condulcescunt, atque ex sublimatō corrosivō ac hydrargyrō crudō concinnatur mercurius dulcis. Verum μεγαληγορίαν hoc est grandiloquentiam ac, ut loquitur Satyricus, magnos montes tam divitis promissi, experientia pignoribus fulcire opus esset: Nam αἰσχρὸν καὶ ἐν πασὴν τέχνῃ καὶ ἐν ἡκιστα ἐν ἰατρικῇ πολλὸν ὄχλον καὶ πολλὴν ὄψιν καὶ πολλὸν λόγον! πρὸς χάριν ἔσται μηδὲν ὠφελεῖσθαι. Turpe est cum in omni arte, tum præcipuè in Medicinâ, multum turbam, multam ostentationem ac multum tumorem concitare, tandemque nihil

opis afferre. Quamplurima, inquit Galenus, μέγιστα γράμματα καὶ λόγαν τὸ πιθανόν ἔχοντα ἐπὶ τοῖς νέων ἔργοις ἰλεγχόμενα ad literas & verba verisimilia sunt, at in morborum operibus redarguuntur. Non desunt E.G. ciniffiones qui bullulis ejusmodi similitudinibus nitantur probare mercurium arte Chemicâ figi posse ac tingi in aurum, ipsi interim auri non minùs quàm mentis inopes, Ea est pyrotechnicorum nonnullorum intemperies, ut activa passivis applicando hominem intrâ alembicum effingi posse allevèrent, haud aliter quam è semine intra formandi fœtus moneta locatō. Quidem ἀθανασίας venatores nihil obesse asserunt, quominus reparatō alimentis ἐξλυθρωπισμένοις, hoc est mansuetis ac naturæ humanæ accommodatis, calidō nativō ἀντιπλάντῳ lucroque jacturam adæquante, vita in æternum naturaliter protogetur, ipsi sæpè valetudinarii atque βραχύβιοι. Quis non derideat, qui habeat aliquid sanitatis, Philosophum illum Sophistam octogenarium atque σκακεφρόν, commentarium edentem de senectâ removendâ & corporum immortalitate comparandâ? cujus meminit Galenus librō de marasmo? Virum novimus heteroclitum prorsus in praxi Medicâ atque σκαιότατον, qui vivificō spiritu arteriis dextrè immisō, homines ἀρπθανῆς se excitaturum seriò pollicebatur, non tertitus sorte Æsculapii Vejovis ignibus percussus

----- Reduces quèd tradere vitas
Nosset, & in cælum manes revocare sepultos.

Ignoscant ergò Herculei cancerorum domitores πορρήμασι λαμπροῖς καὶ ἀγωνιστικοῖς ἐπιθυμῶντες ἐκχαυνῶν τὸν πολλὸν ὄχλον, ut loquitur Magnus Medicinæ Professor, Prædictionibus splendidis ac palmaribus aucupantes multitudinis rumusculos, plebisque grande & insanum sophos affectantes, quam gloriolam generosō fastidiō ἀνδραγαθικάτατ' & καὶ τεχνικώτατ' Hippocrates ibidem appellabat δημοεῖδα κιθαρῳδία popularem scoriā, & ad cujus mentem aiebat Seneca; Si te videro celebrem secundis vocibus vulgi, si totâ civitate sceminæ te puerique laudaverint, quidni ego tui miserear, cum sciam quæ via ad istum favorem ferat? Ignoscant, inquam, mustei Anticarcini, ὠδίνοντες δὲ τὸ σόματ' & βαύχησιν τλὴ σοφιστικῶ, si aures nobis desint aptæ grandioribus fabulis, tenuamusque circumferri omni ventō doctrinæ in nequitia hominum, in astutia ad circumventionem erroris.

Πίς τις δ' ἄρα ὁμῶς καὶ ἀπιστία, ὥλεσαν ἄνδρας,
Ipsa fides homines & diffidentia perdit.

Mirum tamen quo procedat humana credulitas, nullum tam impudens mendacium quod teste careat; O homines securos de negligentia generis hi mani, ad occultandas deceptiones suas! Antonius Meniotius Dissertationum Pathologicarum parte 3.

Curationes.

Curandî polypum ratio satis difficilis est. Ejus incremento per initia, quantum fieri potest, obsisti debet. Sed factus, confirmatusque Polypus (sive is exulceratus sit, sive nō,) auferri & extirpari oportet, si ipsius radix seu pedunculus comprehendi instrumento conveniente queat.

Igitur tentetur primum, possitne incipiens Polypus per admota Medicamenta tolli. Quem in finem varia proponuntur: Mitiora viz, quæ partim adstringunt, partim exsiccant: vel Erodentia seu Escharotica. Inter hæc meritō laudatur Pulvis Vitrioli calcinati, Chymici Caput Mortuum seu Colchorar Vitrioli vocant. Scribit Pigræus Prax. Chirurg. lib. 5. de Ulceribus cap. 6. præstantissimum ad tollendam carnis hujus superfluitatem remedium esse Pulverem Sabinæ: quod si

tertia pars Ocræ illi admisceatur, majoris efficaciar fore putat. Quibus Remediis sanè corrugatur magis quàm aperitur Polypi tunica. Nec penetrat hic Pulvis per angustiam prope nasi finem, ab excreſcentia hac obturatam.

Barbette hosce proponit pulveres;

℞. Cort. Granatorum, Flor. Balaustiar. an. ʒj. Cadmiæ Fossilis ʒij. Antimonii crudi, Croci Martis an ʒß. Mastichis, Myrrhæ, Lithargyri, Lapidis Magnetis an. ʒj. M. F. Pulvis subtilis.

℞. Aluminis Usti, Balaustiar, Boli Armeni an. ʒij. M. F. Pulvis subtilis.

℞. Vitrioli ʒß. Gallarum, Aluminis, Cort. Granatorum an. ʒij. Myrrhæ rubræ, Aristolochiar. ustæ an. ʒj. M. F. Pulvis subtilis.

Idem testatur, se polypos radicitus extirpatos vidisse Aquâ, cui incoctus Mercurius Sublimatus.

Haud secus Johannes de Vigo *Chirurg. lib. 2. cap. 5.* laudat linteum discerptum cum Mercurio Sublimato Aquæ sequenti modo incoctum, ac iterum exsiccatum; quod dein Aquâ Plantaginis tursus madefactum Polypo admoveatur, & bis quotidie renovetur.

℞. Filorum discerptorum panni linei veteris ʒij. Medullæ Panis albi ʒiij. Mercurii Sublimati ʒß. Aquæ Rosarum, Plantaginis an ʒbj. Coq. in Vase Stanneo ad consumptionem dimidii, dein fortiter linteum carptum exprimatur, & in furno siccet.

Platerus *Observat. Med. lib. 3.* acriora adhuc proponit remedia. Atque bis, terve de die cum penicillo Polypo admover Oleum Vitrioli, vel hunc liquorem.

℞. Olei Vitrioli ʒj. Aluminis Usti ʒj. Aquæ Plantaginis ʒj. Misceantur.

Vel ℞. Mercurii Sublimati ʒj. Coq. in Aquæ Fabrorum ʒiij. ad consumptionem medietatis, add. Olei Vitrioli ʒß. Aluminis Usti ʒj. Misceantur.

Dein Unguentum hoc cum petia naribus intrudit, & Polypo admover.

℞. Unguenti Ægyptiaci ʒß. Pulv. Gallarum, Cort. Granatorum an. ʒß. Olei Vitrioli ʒj. Misceantur.

Sed rarum valdè est, Medicamentis Polypum tollere. Et verè docet Julius Cæsar Arantius *lib. de Tumor. pr. nat. cap. 21.* admota medicamenta pro curando Polypo plus molestiar, quàm utilitatis adferre. Adhæc Caustica, & Escharotica, fungosam hanc carnem profundius erodendo Diathesin Cancrosam faciliè accersunt. Idem esto iudicium de Cauterio Actuali: nihilominus tamen Obstructionem utriusque naris è Polypo Spurio, ejus ope feliciter se sanasse, refert Petrus de Marchettis *Observat. Chirurg. 27.*

Si ergo mitiora Adstringentia, & Exsiccantia pro Polypo curando nihil adferant emolumenti, ad Chirurgiam seu Manualem operationem deveniendum; quæ genuina & certissima est Polypum curandi ratio. Atque in hac Polypi per Chirurgiam Cura monet C. Celsus *lib. 7. cap. 10.* oportere sursum per nares immittere ferramentum acutum, in modum spathe factum, & ipsum Polypum ab osse liberare, adhibita diligentia, ne subjecta cartilago lædatur, quia difficilis succedit curatio. Ubi Polypus abscissus est, uncò ferreo extrahendus; tum implicitum linamentum, ad supprimendum sanguinem, imponendum; hinc purgandum; & denique pinnâ impositâ medicamento cicatricem inducente obductâ, sanandum.

Paulus Ægineta vult, ut ægrò collocatò in sedili adversus solis radios, Chirurgus sinistrâ manu narem aperiat, & dilatet; dextrâ verò spatulâ ad id factâ, in myrthacei folii modum acuta, orbiculatim polypum præcidat; illic acie ferramenti impositâ, ubi naribus coaluit; postea instrumentò in oppositum conversò, ipsius manubriolò succisam carunculam foras eximat; idque toties efficiat secando, & eximendo, quousque totus polypus fuerit exemptus. Judi-

cat verò totum esse exemptum polypum, si respiratio per nares libera, & sine obstaculo recurat, sique vox, seu loquela concinna sequatur.

Aquapendens novum proponit instrumentum, quò utitur pro extrahendò polypo, id quod apprehendit simulque præcidit & foras trahit. Sed ineptum huic operationi censemus hoc instrumentum; quippe quod radicitus polypum non evellit, sed radicem prope fungosam hanc carnem excindit; quæ idcirco velocius postmodum solet repullulare. Verùm sumendum potius ferramentum, vulgò rostrum corvinum dictum, nec quicquam secandum, sed ejus ope polypus firmiter apprehendendus, atque hinc inde vertendus, ut illius radix frangatur, & integra evellatur carò fungosa.

Quòd si post polypi extractionem, fluxio sanguinis supervenerit, illi medendum est, ut cæteris sanguinis ex nasò fluxionibus; medicamentis viz. adstringentibus naribus impositis.

Exemplum polypi admirandi, utramque nare nunc spiritu difficili, & continuò suffocationis metu, obturantis, atque, in faucibus deinde extracti, videri potest apud Amplissimum Tulpium *Observ. Medic. lib. 1. cap. 26.* Insuper de polypo, ejusdemque curationis modò; consulatur Jacobus Meekeranus *Obs. Chirurg. cap. 10. 11. 13. Joh. Munnicks in Chirurgia ad Praxim hodiernam adornatâ.*

Polypum narium sequentibus non semel feliciter vidimus curatum. Præmissis præmittendis, venæsectione scilicet & purgantibus, præscribatur ptisana, è fortiori guajaci, sarsaparillæ, sassafras & santalorum decocto, additis etiam iisdem lignis in pulverem redactis, & usurpabatur quater die longè à pastu ad ʒvi. per aliquot septimanas. Præterea manè & vesperi pulvis sequens in nares insufflabatur.

℞. Calcis vivæ & mellis crudi an ʒiv. fiat pasta, quæ igne comburatur & pulveretur, tum addetutia præparat. alum. usti, radic. gentian. pulver. an ʒj. M. f. pulvis. Tandem suffimigium adhibebatur sequens.

℞. Rad. ellebori albi & nigri an. ʒß. fol. betonic. pulver. ʒiij. majoran. origan. calamenth. an ʒj. flor. rorismar. M. ß. baccar. juniper ʒij. mumia Ægyptiac. ʒiß. f. omnium pulvis cujus pugill. in ignem pro suffumigio injiciatur, naribusque fumus ex infundibulò aptò excipiat. Hisce tamen aliisque etiam quàm multis, nihil proficientibus, vidimus etiam aliquando polypum rebelliores radices suas è naribus ad oculi usque canthum minorem egisse atque nec causticis, nec ferrò, nec igne millies applicitis curari potuisse: imò sic augmentum in dies cepisse, & quasi aliam hydram è propriis renarum vulneribus, ad totalem tandem faciei deformationem, nostrique egri etiam suffocationem, accrevisse.

De Polypo Narium, sic scribit Anton. Nuck.

Narium cavitatem interiorè tumor quandoq; occupat, dictus, Polypus modo carnosus, modò pituitosus, colore aliquando rubicundus, lividus, vel obscurus; subinde molliusculus, vel cartilagineus, pedunculò suo nonnunquam pendulus, vel multis in locis narium tunicæ interne annexus, quò nares non tantum clauduntur, sed respiratio & loquela, præsertim ubi post uvulam se se extendit, notabiliter præpediuntur.

Præter intemperiem in ipsâ massâ sanguineâ quarendam, non rarò ulcera, hæmorrhagia narium, coryza, catarrhi, casus, hunc affectum præcedunt. Licet autem ut plurimum sanguinem non fundant polypi, aliquando tamen sanguinem fundentes, aut etiam cum Lunæ phasibus incrementum & decrementum sumentes, conspiciuntur.

Si illorum color lividus, plumbeus, aut si tumor canerosus conspicitur, difficillimè restituntur. Nec ita facilem curam admittunt, qui carnosus & duriores;

faciliorem verò, qui albicantes, molliusculi & unico pedunculo penduli apparent.

Curatio absolvitur vel medicamentis, vel filo, vel ferro. Filum tamen non ubique convenit, quod satis altè Polypo ligatura injici nequeat. Si cui tamen hac methodo Polypum extirpandi est animus, procedat uti *Hildanus* in Trago Schirrhoso, ex ore propullulante, *Observ. 1. Cent. 3.* ubi instrumenti & fili usum distinctè proponit.

Quidam ex amicis Chirurgis utitur eadem instrumenti formà, sed minori, quali Uvula resecatur.

Alii fili usum declinantes, medicamentis utuntur primò mitioribus, dein fortioribus corrosivis.

Observandum interim ut Narium interior tunica sana adhuc muniatur & obducatur Unguento albo Caphurato, Populeo, Refrigerante Galeni, aut Nutrito; ne particule medicamentorum applicandorum nimis acres partes lædant sanas.

Polypo itaque tollendo sequentia inserviunt,

℞ Sacc. Granator. coct. inspiss. q. pl. quo Polyp. oblinatur.

℞ Cortic. Granator. & Sabin. F. Pulv. polypo ad-movendus.

℞ Cap. Mort. Vitriol.

℞ Vitriol. Alb. pulver.

℞ Cap. Mort. Vitriol. Subtil. pulv. Ung. Ægypt. liquidior. q. pl.

℞ Alumin. cum Bolo Armen.

℞ Spir. Vitriol. cum Aq. Plantag.

℞ Aq. Fort. cum Aq. Solan.

Subinde radicitus extirpantur aquâ cum Mercur. Sublimat. coctâ. vel

℞ Vitriol. Ærugin. Alum. Mellis aa. q. s. M. F. cum Aceto Unguentum molle.

Notandum autem, tenuiora medicamenta penicillo; majoris verò consilientia linteis carptis esse admo-venda.

Verum hæc aliquando nil juvant, sed instrumento, *Forfex Cannulata* dicto, Polypus auferendus venit; Cuius instrumenti effigies exstat apud *Severinum* lib. 1. de Efficaci Chirurgia p. 115.

Præstintius autem illud instrumentum foret, si in concava parte superiore duobus aut tribus dentibus quadratis & acutis esset præditum, qui firmius dictum tumorem apprehendere possent.

Extracto Polypo reliquæ inurantur ferro ignito per Cannulam naribus immisso, ut ita Polypus radicitus extirpetur; aliàs enim facilè recrudescens malum difficulter per medicamenta Caustica & Adstringentia restitui posset.

Non tamen ubique ferro ignito utuntur: Extracto enim Polypo admoventur Spiritus Vini, cum melle rosaceo mistus, eoque solo post extractionem patientes curant.

Solus etiam Sp. Vini, vel Tinctura Cinamom. cum melle Rosaceo, cum successu admoventur.

Dexterrimus quidam Chirurgus, experientiâ aliquoties edoctus, Extractionem dissuadet, & aquâ solummodo Calcis utitur, quâ sæpius Polypum tangit, quâque nuper adhuc Polypum, ad labii superioris oram pendulum, felicissime sustulit.

Consultationes

De Polypo in Nare dextra. Pro Nobilissimo Viro

Carnis excrecentia in dextra nare hujus Viri nobilissimi, sive sit polypus, aut sarcoma, originem ducit

a causa interna & me judice, sanguine pituitoso, ab-que per mixtione insigni humoris melancholici; quod ex ætate conjicere licet, & iubitantia carnis exulcerata.

Pro ejus affectus curatione, singula illæ indicationes implendæ erunt, quæ prudentissimè à Viris præclarissimis proposita fuerunt. Et quia universalis curatio est notissima, idè hac prætermissa, ad fonticulum devenio, de quo consultitur, an inurendus sit occipiti, pro diversione. Verum si liberè profectè licet quod sentio, minimè necessarium esse censeo. Sufficit enim jam inustus brachio, partem spectanti, quem aliquandiu in ulcus servare expediet, donec scilicet omnino morbus hic sit sublatus, & pars affecta roborata. Quapropter superest tantum expendendum, qua ratione extirpanda sit hæc caro excrecens, & præservari possit nobilissimis hic patiens ab eadem affectione.

Quoad primum, duo remediorum genera proposita observo, quibus averruncari possit hujusmodi carnis excrecencia: primum est ferrum, alterum ignis potentialis. Inter hæc duo, tutius, ac promptius absque dubio ferrum est, præcipuè si fiat hæc operatio instrumento proposito ab Excellentissimo Marchetto Equite, quo feliciter usus fuit olim Excellentiss. ab Aquapendente, & idem D. Marchettus, qui polypum in quodam Tridentino, cujus curam ipse susceperam, pluribus ab hinc annis evulsit, ut innumeros taceam ab eodem hoc instrumento sanitati restitutos. Et sanè hæc operatio citò fit, parum molesta, ac sine periculo effusionis insignis sanguinis. Quoad medicamenta erodentia, hæc minimè tuta esse censeo. Horum enim loco præstaret partem affectam ferro ignito in eam immisso per cannulam perforatam, linteolis madefactis succis refrigerantibus involutâ, contingere, præmissâ partiû proximarû necessariâ curâ: quo paulatim contabesceret caro illa luxurians, & exsiccaretur, sine ullo metu lædendi partes adjacentes, quæ facilius ab erodentibus medicamentis læderentur. Hæc tamen operatio minimè tuta erit, atque cum tædio, & fortè dolore.

Idcirco si patiens hic Illustrissimus manulem respiceret operationem, tutior modus resolvendi carnem illam exuberantem erit à Gal. propositus Tertio de Medicamentis secundum Loca cap. 3. per medicamenta scilicet non ea quidem, quæ ab ipso proponuntur ex aliorum sententia, sed quæ sub finem capitis ex propria in medium afferuntur: & sunt succi granatorum dulcium, acidorum, & austerorum exsiccati, pulverizati, & appliciti, modò formâ collyrii, cum succo plantaginis, addita panca quantitate diphrygis: modò madefaciendo partem affectam eodem succo, modò insufflando eadem mala granata pulverizata. Modus autem manifestè expressus est ibi loci ab eodem Galeno. Quæ quidem operatio lenta est: sed blanda. Quo in loco proposuit etiam pulverem rosarum exsiccatarum, qui excipi poterit omphacio, cum portione aliqua diphrygis. Atque remedia omnia adstringentia, exsiccantia, & digerentia opportuna erunt, dummodò erodentia non fuerint. Idcirco pulveribus supradictis addi poterit parum spiritus vitrioli, & aluminis usti. Tutius tamen, celerius, & minori molestia hæc operatio ferreo instrumento antea proposito administrabitur, exsiccatione, ac cicatrizatione postmodum curata.

Interim ex usu huic patienti existimarem decocti usum, blandi tamen, parati ex radice chinæ, tantalis, & visco quercino. Hoc enim redundans in capite humiditas absorbi posset, ac in toto pariter corpore, servata congrua victus ratione, quæ à Viris Excellentiss. optime quocunque tempore veniet præstibenda. *Benedictus Silvaricus Consil. & Resp. Medic. Cent. 2.*

Polypus.

Polypo in utraque nare octo abhinc annis laborat Nobilis Vir quinquagesimum annum agens, temperamenti totius & jecoris calidioris, melancholici habitus, & capitis valde humidi cum calore; quarum parrium intemperies, & præsertim capitis, à repetita lue Gallica antea contracta, neque propriis Alexipharmacis curata, magnopere adaucta fuerunt, adeò ut propter abundantem à capite destillationem sudorifico decocto in hypocausto resistere nequiverit, dum in asperam arteriam & Bronchia pulmonum irruens, astmaticam affectionem intulit, sicque à Curatione propria desistere coactus fuit. Hinc factum est quod cacochimum quotidie magis redditum fuerit totum corpus: & quod pejus est, capitis intemperies calida & humida magis magisque semper adaucta, & ita valde excrementosum caput redditum, à toto quoque pravum alimentum recipiens. Interim natura caput ipsum exonerare cupida ad nares tanquam ad proprium emunctorium sanguinem crassum & viscidum deposuit, & carnosam quandam molem in utraque nare produxit Polypum nominatam. Hæc autem non semel ferro & igne ablata fuit, sed rursus reversa, non extirpata mali radice, siquidem adhuc latet anguis in herba: latet nimirum Gallica infectio, viget in toto sanguinis impuritas, & magis adhuc calida & humida capitis intemperies, crassa & viscida excrementa continuò regenerans à quibus sicut Polypi primam originem duxerunt, ita semper fomitem susceperunt atque suscipiunt, & quoties iterum amputati fuerint, causâ non ablata, toties redibunt.

Quare ut tanto malo finis imponatur, omnia agenda: aliquando enim intrinsecus adeò augentur, ut vocem auferre & respirationem impedire valeant; & præterea quoniam ætatis progressu frigida excrementa in capite necessariò multiplicantur, aut in capite ipso retenta, aut ad inferiores partes, & potissimum ad spirituales delabantia, alia majora mala afferre possent.

Et ideo ut præsentī malo succurramus, & imminētia præcaveamus, statim hoc anni tempore congrua est ineunda purgatio, primas vias mundando: Secundò Obstructiones quæ supponuntur, aperiendo. Tertiò Massam sanguineam ab excrementis vindicando. Quartò Caput purgando. Quintò ejusdem intemperiem corrigendo, & Alexipharmaco Gallicum extirpando. Sextò Jecoris fervorem contemperando; & interim Polypum medicamentis localibus auferte tentando; hisque non sufficientibus, & igne demendo.

Quibus intentionibus satisfaciendum remediis Chirurgicis, Pharmaceuticis & Diætericis; & inter Chirurgica, duplex erit conveniens sanguinis missio, ex Jecoraria dextera & ex sedalibus venis: Cauterium in brachio si adest, custodiarur.

Inter Pharmaceutica, pro prima intentione explenda conveniet repetitum Leniens ex manna clarificata; aut ex elect. lenit. cum tartaro, & intermediis diebus julepium acet. ad ℥. iii. aqua florum citri dissolutum, erit idoneum Preparans.

Pro secunda & tertia intentione, succi herbarum depurati sunt usurpandi, nimirum cich. borag. & agrim. in decoct. malvæ, melissæ & lupulorum, addito sale tart. fixo ad gr. x. Transacta hebdomada; præbeatur Purgans ex manna clarif. addendo infusioni consuetæ rhabarb. senam & polypodium, vel ex elect. lenitivo, de succo rosarum & diacharth. quibus superbibat aquæ Nucér. aut hordeaceæ lib. ii. Mox repetantur succi cich. borag. & betonica, decoctioni addendo folia beton. stœchad. & salviæ, cum gutt. xii. spirit. tart.

ter rectificati: & transacta hebdomada, præbeatur aliud Purgans, nimirum decoctio Epith. Mef. elleborata. ad ℥. vi. aut Extractum ellebori nigri cum Cassia, quibus pariter superbibat aquam, ut supra.

Quarta intentio exigit medicamentum ab alto trahens, & esse poterunt pilulæ capitales Paracelsi, quæ constant ex extractis colocynth. ellebori nigri & diargydii, sub Sole diebus Canicularibus paratæ, & hæc Patavii reperiuntur; quarum dosis est ℥. β. aut ℥. ii. quibus pariter superbibenda concedatur aqua; duabus verò aut tribus vicibus tertio quoque die exhibeantur, & intermediis diebus propositi syrupi ex succis præbeantur.

Ad quintam intentionem necessariò explendam paratur Decoctum sudorificum ita.

℥. Salsæ parillæ el. visc. querc. veri an. ℥. j. chinæ opt. ligni ros. mar. medullæ guajaci an. ℥. β. aq. stillat. cich. beton. an. lib. j. β. m. f. inf. per hor. 24. deinde bull. ad consumpt. ultra dimid. & facta colatura servetur pro duabus vicibus summo mane horâ unâ ante ingressum hypocausti assumenda. Maneat autem in hypocausto primis diebus solum per horæ quadrantem, sequentibus verò non ultra horæ dimidium, mox sudet in lecto. Perseveret in usu Decocti supra mensem. Decimo quoque die præbeantur pilulæ capitales Paracelsi, & ad vires sustinendas concedatur tertio quoque die portio aliqua carnis, aut pullæ junioris, aut palumbi ex turre; die verò intermedio prisana hordeacea, ultra panem biscoctum, nucleos pineos saccharo incrustatos & passulas ad libitum. Pro potu verò consueto paretur suavis aqua hunc in modum:

℥. Residuum, aquæ com. opt. lib. xii. m. bull. ad consumpt. tertie, in fine ebullit. adde cinnam. integri ℥ij. bulliant parum, & colaturæ adhuc ferventi adde sacchari albi ad libitum Patientis, & frustula citri rec. ut agitando fiat aqua vulgo dicta Cedrata.

Pro postrema intentione adimplenda opportunus esset lactis asinini usus ad jecur contemperandum, totum sanguinem demulcendum & universum corpus nutriendum. Verum quoniam humida nimis fuit capitis intemperies & excrementorum ferax; ideo suspectum eum Hippocr. nobis quoque videtur, ut propterea & thermalium aquarum potus tutus non habeatur; quare suppleat lac arte factum ita.

℥. Semin. melon. mundatorum ℥j. sem. cucurb. anguriæ mundat. an. ℥β. juris pullæ ℥viii. contund. semina, & cum jure extrahatur emulsio, cui adde syrupi de pomis, aut de succo limon. ℥j. m. pro potu matutino tempore quatuor horis ante prandium, saltem integro mense quotidie assumendo.

Interim polyporum cura est habenda: etenim licet præscriptis medicamentis, & præsertim sudorifico Decocto nonnihil imminui potuerint, non tamen ex toto aboleri & tolli potuisse credendum. Quare medicamenta prius exsiccantia, mox attenuantia & digerentia adaptari debent: neque spernenda; siquidem ab ipso Gal. & ab aliis Medicinæ Principibus non proponerentur, si frustra forent. Sic proponit Galenus idem succum Mali punici ad mellis consistentiam redactum. Paulus verò pulverem ita paratum per nares atrahendum.

℥. Squamæ aris ℥iv. atram. sutorii ℥ij. Sandarachæ ℥ij. veratri nigri ℥j. m. quo quatuordecim dierum spatio sanitatem promittit. Ad inveteratos, Trallianus proponit pulverem ex chalcantio, chalcitide, cre cremato, & misy, ustis. Baius causticum confusum in cannula plumbea positum & naribus inditum, ut caro paulatim erodatur, & postea butyrum apponatur. Verum si neque medicamentis apposis Polypi cesserint, ad ferrum & ignem deveniendum, ut cum Hippocr. consulunt Celsus & Oribasius. Polyp

lypi separatione prægressa, ut docet Galen. mox fiat amputatio, & pulveribus astringentibus sanguis sup-primatur. Quibus non sufficientibus, ferro candenti cannula argentea involuto erit utendum. Et interim congrua vivendi ratio à Viro Excellentiss. Adstanti præscribenda. *Raym. Joh. Fortis, Consult. & Resp. Medic. Tom. 2. Cent. 1.*

Observationes.

Pro Polypo narium.

Premiis venæsectione & purgatione, jussi ut guajaci decocto uteretur cum tenui victu; nam multis guajaci usus profuit, deinde partem attingat fortiter astringentibus & parum causticis, qualis est aqua sequens utilissima in principio adhibita, Authore *Rondeletio*.

℞. Uvar. immaturar. ℥iij. cortic. malor. granat. balauft. sumach. an. ℥ij. macerentur omnia in aceto & distillantur; deinde adde alum. ℥b. vitriol. ℥iij. distillantur iterum omnia simul, & aquâ illâ tangatur pars affecta, quidam utuntur aquâ separationis auri, vel si nimium vehemens sit, utere medicamento ex puniceis malis confecto, quod sic se habet. Accipiantur tria mala granata, ex tribus generibus eorum, acidis scilicet, dulcibus & austeris, eaque matura, ac recentia terantur simul in mortario. Deinde succus exprimatur, & coquatur in linimenti formam, specillum ex lana vel linteo confectum eo succo imbuatur, & frequenter in narem demittatur, hoc remedium siccatur & astringit sine morfu, & excrementitium humorem absorbit. Puer quidam quinque annorum in nare altera polypum habebat. Carpus ille insignis Chirurgus hoc medicamento Galeni ex puniceis usus est, & puero rhei el. pulver. ℥j. exhibuit: deinde usus unguento suo ad polypum valente.

℞. Cerae alb. ℥iij. ol. ros. ℥ij. butyr. antiq. ℥vi. simul liquefiant ad ignem, deinde extrahas, & pone in aqua & bene laventur duabus vicibus: cui addantur ova numero 2. cum ℥b. sublimati M. (nimis forte est, fortasse ℥b.) imposuit: præterea tangebatur aqua vel spiritu vitrioli, & curatus est. *Petrus Forestus. observ. 8. lib. 13. de nasi affectibus.*

Unguentum sequens cum petia linteoli naribus intrudatur, illic ubi inter polypum & nares adhuc patet aditus, repetaturque bis in die.

℞. Unguenti Ægyptiac. ℥b. cortic. granat. gallar. an. ℥b. ol. vitriol. ℥j. M. deinde irroretur nares sequenti liquore, capite adedò resupinato, ut nares subire possit.

℞. Ol. vitriol. ℥j. alumin. usti 3j. aq. plantag. 3j. m. post dies quatuordecim, aliquo usque jam assumptus erat polypus. Verum ut penitus auferretur, sequenti dein usus est.

℞. Sublimati 3j. coq. in aq. fabror. ℥iij. ad consumptionem medietatis, adde ol. vitrioli ℥b. alum. 3i. M. & cum penicillò intinctò sæpe tangatur polypus, & sic penitus ablatum est polypus. *Felix Platerus observ. lib. 3 pag. 665.*

A frequenti narium frictione polypus, & ab illo mors.

Etiam in sanitate conservanda utile est illud observasse tritum omnium ore proverbium, exiguum scintillam sæpe non exigui causam esse incendii. Vin hoc tibi in morbo, imò in morte ostendam? Polypo laborabat juvenis quidam tam profundo, ut ad guttur usque penetraret; tam potenti, ut nasi officula loco moveret; tam fædo denique, ut longè extra nares emineret: non exiguum hic morbus in miseriarum

humanarum iliade conficeret paginam, si quis Medicus vates conscriberet, in qua pathos maximè excitaret, quando tantorum malorum, quibus hic, cum triste sui omnibus fecisset spectaculum, tandem extinctus est juvenis, maximè cum adderet innoxia, & puerilem propemodum, causam quam jam audies.

Consuetudo ei fuerat sæpe digitis interiora narium fricare, quod cum ferè (ut assiduitate invalescunt mali isti mores, quibus circumscriptio quædam sui non adhibet modum) faceret assiduò, primò inflammari cepit nasus, deinde oriri, quem dixi, polypus; qui miserum enecavit miserrimè. Tantum ex tantula scintilla, quis expectaret, quo tota conflagraret domus, incendium? Retuli hoc ad cautelam eorum, qui vix unquam manus à naribus abstinere, ne similes ibi reperiant, quos perpetuò scrutari videntur, thesauros; & eò retuli libentiùs, quod Anatomie quoddam spoliolum videatur ad spectaculum servatus hic à me polypus. Alterum subjungo, quod mihi in praxi occurrat, triste similis incendii exemplum de fœmina, quæ dentes aciculis, purgare solita, cum id invalescente consuetudine facit frequentiùs, inde gargaris cõtraxit, gangræna mortem peperit; hæc & similia ad cautelam non parum facere possunt iis, qui malis istis moribus vel imbuti sunt ipsi, vel aliis, ne imbuantur, ex officio debent providere. *Theodorus Kerkringius in Spicilegiò Anatomico.*

De Polypo Narium Epistola Nicolai Zas, Medici Rotterodamensis. ad Jobum à Meckren.

Experientissime Vir.

Curæ nostræ nec non Chirurgi cujusdam Civitatis nostræ haud postremi commissæ est Puella 13. annorum, temperamenti frigidioris, polypo narium laborans, varia jam ab aliquo tempore adhibita medicamenta, interna aque ac externa, ast nihil hætenus effecerunt. Res non naturales quas exactè observari in omnibus morbis exigit *Hippocrates lib. 3. de morb. vulg. & lib. 2.* curiosè etiam ab egra nostra observatæ, fluxiones à capite ad hanc partem descendentes ex præcepto Galeni sistere allaboravi, præmissa universali corporis evacuatione. Decoctum radicis chinæ jam à longo tempore sine fructu usurpatum. Instituta etiam ex doctrina *Celsi lib. 6. cap. 8.* Capitis fricationes; Cucuphæ capiti applicatæ ex herbis, floribus, &c. cephalicis exsiccantibus paratæ, nec fonticulum negleximus.

Topica à Chirurgo adhibita varia itidem fuerunt: pulvis sabinæ *Paræo lib. 5. cap. 19.* in hoc casu usualis, inspersus, aut etiam, pro unguento illiniendo, unguento Ægyptiaco mixtus; Trochisci itidem vigonis. At nihil omnium profuit.

Dolore accedente, ex usu forsan medicamentorum acrium, mali moris affectum futurum, metuebamus, maximè cum catnosior, sanguinolentusvè magis polypus hic notaretur, coacti adeoque Medicamentum adsumere illud quod *Ambr. Paræus lib. 8. cap. 2.* in curatione Polypi commendat, dolores imminuere, haud tamen Polypum ipsum tollere, valens.

Enarratis omnibus frustra hætenus adhibitis nihil superesse, & parentibus, & ægrotanti ipsi indicavimus, præter extractionem Chirurgicam, at admittete eam detrectabant omnes.

Hæremus adeoq; nec quid agendum constat, Tu si quid habes Vir Clar. imperti; quo tandem misera ægrotans inolesto hoc malo liberari queat. Quod si nõ nisi manulem extractionem hic locum habere nobiscum sentias, Epistolio quodam notifices rogo, quo & parentes, & ægrotans, quàm necessaria sit hæc operatio, informetur. *Vale. Tuus N. Zas.*

Responsio

Responsio Iobi à Meekren ad literas Nic. Zas, Medici Roterod. de Polypi narium verâ curatione.

Domine.

Quod Polypum auferendi methodum ex me cognoscere deides, valdè afficit, non video quæ proponere queam tibi ignota, viriliter aded, patlibusque certis me procedit, aut quis æquiparari multò magis anteponi possit, non videam; Gratiarum refero maximas, quod eo me honore dignum æstimes, cui publicum in commodum, questio de verâ polypos curandi viâ proponatur; Bestia illa (eo enim nomine Polypus venit, & quidem merito) quomodo vel per media Topica in nâs cavo consummentia, vel per instrumenta ipsa auferri queat, paucis docere aggrediar.

Notum nobis Polypum hunc esse *Galeno de comp. medic. cap. 3. Paulo Aeginata lib. 3. c. 24. Actio lib. 6. cap. 90. Cornelio Celso. l. 6. c. 8. imprimis Fabr. ab Aquapendente parte 1. Oper. Chir. cap. 24. debemus.*

Locus non ipsi solum nâs, sed & palati pars superior, & cum ea fauces ipsæ, quæ loca adeo sæpe carnâ hâc excrecentiâ angustari possunt, ut suffocari ferè videatur æger.

Quomodo tractaveris Polypum, quo correpta ægra tua, quæque adhibueris medicamenta, accurato satis stylo proponis. Ut verum fatear, atque ex animo Tecum agam, Medicum hîc præstiti talem, qualis desiderabatur, nec aliquid omisisse Te testari possum eorum quæ ad auferendum malum requirebuntur; haud equidem in medicina satis me expertum agnosco, profiteorque, qui Chirurgiæ deditus, diuturno, nihilominus exercitio etiam ea quæ Medicæ magis considerationis habentur, imò revera sunt, Chirurgis innotescere, quotidie experimur.

Localia quod spectat media affectum ipsum quibus tollere assaborasti; non solum ut haud rejicienda ea habemus, sed & quæ iis anteponi queant nulla nobis nota, testamur.

At, Vir humanissime, concedas precor, quod, cum ægra tua filiola sit tredecim annorum, cur Vena pedis finitri saphena non fuerit secta, ad mensum promotionem, quærere audeam. Carnæ etenim substantiæ eam dicis, imò indies sanguineam magis conditionem assumere, carnosioresque fore, at hæc unde deduci poterunt, si non ex sanguine.

Ad extirpationem manualet admittete Chirurgum quod reculant parentes, nolit ægotans, doleo, cum præstantius medium hætenus nullum innotuerit, citò imò etiam certò hac via procedimus; Testantur hæc in arte Chirurgica viri celebres, Fabr. imprimis ab Aquapendente loco suprâ allegato. Nobis eadem non semel ex voto successit, inter alios in Ancilla Medici hujus loci *Simonis Dilmans, Mariæ Stevens*, cui auxiliante *Henrico à Roonhuysen*, Chirurgo magni nominis, polypum extraximus incredibilis magnitudinis, & crassitiei.

Attamen, Vir Celeberrime, quod si recusare perseverent parentes extractionem manualet, non inconsultum videretur (pace tua dixerim) plumaceolum hoc medicamentum insigni, à *Johanne Vigone lib. 2. c. 5. descriptum*, salivâ aut aquâ plantaginis madefactum, naribus imponere, ad eam altitudinem, ut attingat polypum, idque bis singulis iterare diebus. Descriptio hæc est:

℞. Pilor. carptor. panni linei veteris ʒij. Medull. panis alb. ʒiij. Sublimat. triturat. ʒj. Aqu. Rosar. Plantag. an. ℥j. Coquantur in vase stanneo ad secundæ partis consumptionem, dein fortiter exprimantur, & filum carptum siccetur in forno.

Medicamento huic, quod cautè admodum usurpari

debet, eo quod sublimatum recipiat, de quo contereaneus tuus, Medicus olim celeberrimus Johannes Beverovicus, libro cui titulus Thesaurus sanitatis, *Schaller, Gesenthey, cap. 8.* addimus aliud, cujus vires egregias non semel experti. Valdè hoc commendat Alexander Trallianus, referente Durante Scacho subsid. Med. cons. de Polypo cap. 1. Caput hoc est, caput mortuum Vitrioli, sequenti modo usurpandum.

℞. Cap. mort. Vitriol. ʒj. Subtil. pulv. misceatur cum Unguenti Ægyptiaci portione liquidior.

Unguentum hoc bis ter vè quovis die applicetur plumaceolo exceptum polypo, penicilli opera; Benè hoc successit in Consule hujus loci, brevi tempore. At quum usû immoderato hujus unguenti ardor nimius dolorque excitaretur, coacti fuimus ad utriusque mitigationem, Unguentum sequens, à prædicto Scacho præscriptum cap. allegato, adhibere, quod bene successit.

℞. Spumæ Argent. ʒij. Ceruss. ʒiij. Alum. scissil. ʒij. Tund. & cribrentur, hinc in mortario plumbeo, cum vino odorato ad mellis consistentiam reducat, huic addatur Olei myrtini q. s. conquassatumque in pyxide plumbea servetur.

Crede mihi, Vir Doctissime, medicamenti hujus vires esse summas, imò notum mihi hætenus nihil esse quod ei anteponi queat.

Quod si verò nec hoc medio tolli polypus queat, necessarium omnino ducimus parentes ægotantis, ipsamque ægram eò deducere, ut concedant Extractionem manualet, quam commodissimè fieri posse, expertus indico, instrumento s. forcipe, cujus descriptionem Fabr. ab Aquapendente exhibet, allegato capite, quod magis Commodum Caustio quod commendat *Cornelius Celsus l. 7. c. 10.* ne nimium increseat, quale incrementum enorme notavimus in virgine religiosâ *Grietje Kroonenburg*, quæ, quòd in principio eradicationem omnem quovis modo instituendam recusaret, monstro magis ac homini similem faciem tandem exhibuit, effigiem addimus: Finem imponimus discursui nostro minus erudito, ne tempora tua aliis severioribus dicata moremur.

Successum optamus eum, quem non semel experti. Benedicat is qui dator omnis boni. Vale Vir Magne, diuque vivas in commodum ægotantium, honorem artis nostræ, & urbis vestræ gloriam. Tuus *Iob. à Meekren*

Scias, benevole Lector, cancrosum hunc Polypum, cujus in Epistolâ prædictâ mentionem feci, ad eam magnitudinem excrevisse, ut totam propè faciem occuparet.

De Polypo cartilagineo, à parte posticâ uvulæ ex faucibus ablato.

Polypus non solum nares, sed & fances replet, Authore Fabr. ab Aquapendente *part. 8. c. 2.* Unde gravis aded respirandi difficultas, ut sæpius suffocari videatur æger.

Pedilequus Dn. Six, ex ictu graviore, respirandi contraxit difficultatem, aded ut spiritum ducere grave ipsi valdè, imò successu temporis incrementum tale sumpsit malum, ut ne quidem cibum deglutire, nisi cum molestiâ summâ, valeret.

Variarum Medicorum, Chirurgorumvè auxilia hic frustra imploraverat æger; quibusdam incurabile malum habitum, adeoque, medicamentâ nulla in usum ducenda, statuerunt, eo usque artis Medicæ præcepta extenderunt, ut lue venercâ ægrum laborare asserere ausi fuerint, eò quod obscurè admodum loqueretur.

Tandem innotuit quibusdam ex hæmorrhagiis

gravioribus, fluxuque humoris tenuioris acriorisve per nares, eoque continuo, in naribus ipsis certo herere malum. Ad hoc medicamenta varia adhibita, at sine successu.

Amore servi incitatus Dn. Six nullius non operam implorare pergebat, modò curationis aliqua spes, tandem etiam nostram, collegæque nostri Dn. Floriani.

Ægum quamprimum visitare nobis concessum, non solum nares polypo repletas observare licuit, sed & fauces angustatas à malsà carneâ, gravi, durâ, cartilagineâ, circa uvulam deorsum ad œsographum se extendente, musculis œsophageis incumbente; Hic cura nulla nisi que per eradicationem manualet, primò adeoque forcipe id quod fauces palatique posteriora occupabat, tollendum esse monuimus.

Operationem hunc admittente servo æque ac Domino, portio preparans & simul laxans, ad aliquot dies præscripta. Huius usu præmisso, ad ipsam extractionem devenire placuit, quæ præsentè Domino Six & Florianò Chirurgo, à nobis ad hunc modum peracta.

Primò omnium, nihil eorum hic deesset quæ ad extractionem non magis quam sanguinis fluxus inhibitionem, requirebantur, curam gessimus.

Pulverem stypticum parari curavimus in hunc modum præscriptum, ab acrioribus enim abstinere asperè arteriæ structura atque situs fecit.

℞. Lapid. Hæmatit. ʒss. Bol. Armen. veri. Terræ Lemn. an ʒij. Nuc. Gall. immat. ʒij. F. Pulvis subtilissimus.

Hoc quo convenienti modo uti liceret, turundas confecimus operi aptas & plumaceolis, & spongiæ exsiccatæ particulis, longas equidem, crassasque, attamen molles; has filo fortiore constrinximus, quò, siquidem ad fauces prolaberentur, ejus beneficio extrahi possent; hinc mixturæ ex albumine ovorum & succo limonum paratæ imposuimus, quo pulvis præscriptus stypticus melius iis adherere, sicque commodius applicari posset.

Ipsam operationem aggredi ubi constitutum, ægri, sellæ altiori insidentis animosè admodum, faciem, faucesque luci obversas posuimus, quo certius & oculis polypum cernere, & instrumentò tractare, nobis liceret.

Mox polypum ipsum, ovi gallinacei magnitudinem habentem, planioris licet figuræ, forcipe recurva apprehensum, forti manu, variè agitando, separare à partibus quibus adnatus, extrahereque allaboravimus, at verò nihil omninò effecimus, inseparabilis relinquebatur polypus, fracturam patiebatur forceps, magni alias roboris; æger, qui omnia patienti animo perferbat, oris natumque ossa violentiâ Chirurgicâ diffracta sibi esse credebat, sanguinis accedebat fluxus enormis, qui tamen ex se ipso sine ullo medicamento adstringentium usu sedatus. Pergebamus interim in opere nostro, quinquies, sexiesve extractionem modo dicto tentando; ast irritus omnis labor.

Tandem quòd polypus extractionem omnem respiceret, licet deorsum magis descenderit, forcipe eum auferre aggressi sumus, quod ad eam altitudinem fecimus, quam attingere licuit, consideratione habitâ uvulæ, ne laderetur.

Extirpatò polypò hæmorrhagia nulla observabatur, quæ in principio considerabilis satis fuerat, eò quòd hîc vascula sanguifera nutrimentum excrecentiæ adferentia, lesa sint, ibi ob cartilagineam polypi constitutionem desiderentur.

Faucium, uvulæ, palatæ ad alterationem, gargarismata convenientia, eclegmataque præscripta, quæ die nocteque usurpare haud derectavit æger. Vigiliæ hîc continerent, doloresque capitis vehementes, anxydalatæ exigebant, quæ tamen parum aut nihil efficiebant

antequam laudari opiatum aliquid misceretur dialcordio & aquæ alexipharmacæ, cochlearibus per vices usurpandum.

Ad virium deperditarum restitutionem, necessarium omnino fuit alimenta bene nutrientia usurpare, quæ etiam largiter adsumpsit juvenis.

Die octavò sanguinis per os & nares immodicus superveniebat fluxus, ex eò quòd vasorum laceratorum extrema cuore repleta jam etenim aperirentur, quæ tamen simili cruore denudè repleta fuerunt, sed tamen sic ut fluxus dictus cessaret.

In dies hinc æger vires sumpsit, sic ut quatuor septimanarum spatiò integrè fuerit curatus, robustior quam antehac unquam fuerat. *Jobus à Meek' ren in Observat. Medico-Chirurgicis.*

De Polypò ligneò quinque aut sex dierum spatiò curatò.

Filiolus Dom. Francisci Reatal, Reineri filii, ætatis ann. 3. per aliquot dies stillicidiò narum sanguineò fetidò, laboraverat, dextram partem nasi occupabat malum, rei gravitatè perpendentes cum matre consanguinei, me advocarunt; polypus narium esset, nec ne, dignoscere desiderantes, imò auxilia Medica exigentes.

In affectum inquirentes, non solum humore sanguineò, purulentò, eòque fetidissimò nares scatere deprehendimus, sed & carneâ, sububicundâ excrecentiâ superius repletas.

Hæc observans, quis non nasi hanc partem angustatam diceret polypò verò, ex fluxu purulenti humoris causatò?

Evacuato corpore, quod seq. factum medicamentò;

℞. Syrup. diacnic. ʒss. r. lin. Jalap. pulver. gr. iij. M. & detur pro dosi; Topicò hoc polypum consumere studuimus;

℞ Mell. rosar. ʒ i ss. liquoris Ægyptiaci ʒj. capit. mortui vitrioli, calcinat. & dulcificati ʒss. Mistura hæc bis tervè de die penicilli ope applicabatur excrecentiæ dictæ; paucorum dierum spatiò non solum polypus imminutus, sed etiam frustum ligni in mediò observatum; hoc ope instrumenti commodi extractò, brevi sanatio absoluta.

Observatio hæc attendere nos docet ad suppurationes eas quæ in aure aut naso puerorum occurrunt, sæpius enim externum aliquod partibus iis imponitur, ut bene notat *Paræus lib. 17. cap. 23.* unde mala varia. *Idem ibidem.*

Uteri Polypus Carnosus.

Sicut nares sunt corporis partes per quas humores superflui continuè excernuntur; sic etiam uterum humanum ei muneri inservire palam est. In naribus tumores præter naturam, polypi dicti, non rarè excresecunt; nec etiam uterus humanus ab iis est immunis. Non omnes polypi è naribus erumpentes ejusdem generis sunt, nonnulli carneam substantiam repræsentant; multi è contra membranâ involuti substantiam pituitosam & limosam nati sunt. Modò nobis polypus malignus & canerosus occurrit: modò eum omnis malignitatis expertem offendimus. Annò 1673. me vocarunt ad mulierem, à longò tempore, ut fluore albò immani, uteri prolapsu laborantem, è cuius orificiò interiori variæ excrecentiæ (quas ob similitudinem cum polypis narium, eodem nomine aptè vocari posse putamus) membranaceo-carnosæ propendebant. Hi polypi adeò dolebant, uterisque tantum humoris aquosi & acris quotidie profundebar, ut ordinaria remedia proficere nil potuerint, & vehementiora usurpare non ausi fuimus, propter malignita-

lignitatis indicia, & rectè, ut eventus docuit: ulcus enim malignum acceleravit, brevique post expiravit ægra. Ejusmodi etiam tumores polyposos, Bellius, Chirurgus Wormer-Veriæ expertissimus, mihi quoque misit; quos mulier quædam ibi habitans diversis vicibus excrevit. *Clar. Frideric. Rhuyfchius in Observat. Anatomico-Chirurgicis.*

Polypus Nasi tentata curatione lethalis.

Adsumus cum aliis Medicis Experientissimis D. Simone Paulli, D. Henr. à Moinichen, D. Olao Borrichio, & Chirurgo Philippo Hacquart, Telonario quondam Regio Johanni Schmid, cui polypus nares sinistras oppleverat, & simul tumor ingens genæ sinistrae, durus, scirrhusus, immobilis, cancrum minitans dolore pungente. Videbatur autem abscessus totius ossis maxillæ superioris, cum futuræ dislocatione. In hanc sinistra propendit ramus quidam ejusdem tumoris, polypum imitatus, ad palatum superius ejusdem ramulis protensus. Nasum tumor ad dextrum latus torquer, oculo quoque sinistro sede sua moto, extra orbitam prominente. Visu horrenda facies. Deliberatum inter nos, an ferro posset aperiri, vel prorsus exsecari. Conclusum tandem, tangi non debere, cum nulla salutis spes superesset, ne optima auxilia defamarentur. Tormenta quippe majora ægro superesse, Medicis opprobrium. Ex occulto manifestum cancrum imminere, si tangatur. Tentavit verò, doloris impatientia, proprio consilio, dissuadentibus Medicis, sub Empirico crudeli excisionem carcinomatis. Sed successit gangraena, convulsio, mors tertio die. *Thom. Bartholini.*

Polypus Narium fonticulo curatus.

Dum hic Pseudopolypi & coaguli Kerkringiani facio mentionem, incidit commodum observatio de medela Polypi, aut Sarcomatis narium, quam ex ore Tuo, Venerande Domine, nuper hausisse memini, & datâ occasione ut stylo attingerem mea suavis exstitit: Erat utriusque nostrum virgo notissima Husumensis, ferosi utcunque temperamenti, quæ sine manifesta causa in tumorem nasi internum prolapsa est, lente ut solet proserpentem, donec cum tempore grandior opplere unius hiatus cavum, & narium angustare septimetum inciperet, tandem etiam manifesto lobulo extranaris limbum propendere, magno affinium dolore, neque exigua gratiæ jacturâ. Exploratus tumor non adeo repertus durus, sed molliculus & cedens, albus & pituitoso œdemati concolor; figura rotundior, nec in ramulos aut pediculos fissus, multo ininus ad posteriora gulæ reflexus, magnitudine verò nucem avellanam vel superans aut æquans. Hic ut neque solennibus adhibitis purgationibus, neque aliis domari potuit, consilium erat præcipui Chirurgi, intempestivum & fatale hospitem ferro, ut vocant, extirpare, invitante fortè loci oportunitate, in medio enim potius & latiore natis hiatu, quam postterioribus resederat. Verum, ut fieri in talibus solet, detrectantibus violentiam amicis, ultimum adhuc à Medico sperabatur auxilium. Itaque cum tua affinitate, Vir Amplissime, & fideli imprimis cura, qua adesse laborantibus soles, niterentur, operumque rogarent, primum, ne quid præter receptam methodum & vulgata arcana ageres, pulverem consummentem ex corticibus Granatorum, Gallis, magisterio Saturni, & cujus alias in atterendo vires notasti egregias, Colcothar Vitrioli adhibere consultum fuit; quo medicamine etsi nonnihil tumor imminui videretur, tamen vix aliquo notabili signo reddita exilior superficies. Quare successu illo frustratus, tumoris attendens natu-

ram serosamque corporis complexionem, velut Divino consilio ad Fonticulum brachialem confugisti, ea quidem felicitate, ut postquam stillare sanies cœpit, statim magnitudo contrahi, & paulatim intercidere, occultarique visa sit, & à portentoso nævo Virginem, Affines sollicitudine liberaverit. Alia etiamnum Virgo novendecim annorum tanti beneficii auctorem, fonticulum, aletetque amplius, nisi sobolescentis carnis impetus consolidationem vi minaretur. Hæc, quam humanitati Tuae debeo, historia digna mihi visa est, quæ adnotaretur; atque pro occasione in usum traheretur: id tamen, scio, facile mihi concedes, non promiscuè, neque in omni perinde Polypo, remedium hujus successum expectari posse, sed in illo tantum, qui serosus vel pituitosus, formæque Sarcomati, quam Polypo propior, qualis hic fuit in Virgine tumor: non enim puto negligendum esse, quod Auctor definitionum Medicarum attendit, differre nimirum *σαρκώδους απολύτως μέγθησιν κατὰ σκευήν*. Equidem ut Polypum referat tumor, necesse est in cirros aut pedes dividatur; ut Sarcoma sit, satis est, unâ adesse & globosam ferè partis protuberantiam. Quando autem multifida expansione palatum tumor inequitat, inque gulam penilibus lobis descendit, sive pituitosus sit seu carneus, non sic satis tutam esse per externa adhibita curationem manifestum est, quia remedia ista ad omnes angulos, fugientisque morbi latebras pervenire nequeunt: an verò etiam Fonticulus aliquid possit, non temerè dixerim, cum plerumque post moram tam longam medicaminum generosorum rarior sit successus. In sarcomate autem, & initio Polypi, Fonticuli insignem usum esse posse persuasissimum habeo, imprimis, si pituitosa sit vel serosa concretio; in sanguinea enim & carnea operam luseris, cum venesectionem ibi principio adhibere ex optimorum Medicorum consilio satius sit, commendetque identidem Meekera-nus, Chirurgus olim Amstelædamensis, atque in hoc opere versatissimus. In cancroso autem vel cartilagineo, qualem Belgico idiomate Observationum suarum Capite ix, descripsit idem Meekera-nus, tantum abest, ut alterutro remedium genere aliquid efficere possis, ut nec extirpationem quidem, nisi summa cum prudentia, adhibendam esse existimem, adeo difficilis illa molitio & periculi plena, ut, cum jam semel inceperis, aliquando desistendum esse ducas, ad tot symptomatum ipsa sectione sæviorum, deliquiorum, hæmorrhagiæ, suffocationis & reliquiarum metum. Cessavit aliis istud artificium, semelque ac iterum Meekera-no ex voto, tum illi apud Tulpium lib. i. Observ. Cap. 26. attamen non est hoc perpetuum, & vidimus cui post tentatam hanc curam nihil præter immensam dolorum vim & tumoris cancrosum malignitatem relictum fuit solatii. *Joh. Nicol. Peablini.*

Polypus Curatus.

Patiebatur Virgo quædam consistentis ætatis E. V. H. Polypum naris dextræ, qui in eam excrecebat quantitatem, ut non solum cavitatem naris impleret, sed, quod molestissimè omnium ferebat, penè extra propenderet, & quia per nares trahere aptè spiritum non poterat, in respirando difficultatem percipiebat non levem: quid quod ad sinistram etiam narem re-peret. Radices Polypi narium partibus affixæ conspiciebantur, circa pinnas autem naris dextræ ad pollicis transversam longitudinem carnis frustulum propendebat; hæmorrhagias subinde patiebatur spontaneas largissimas, quæ nec internis nec externis fisti poterat remediis. Vocatus ad agram, corpus evacuationibus per *ἐπιχειρήσεις* factis.

factis præparabam, revulsionem sanguinis venæ sectionibus tentabam, nec infelici progressu: restabat opera chirurgica: sectio, ob molestissimæ hæmorrhagiæ metum, locum non inveniebat, quæ ut plurimum sponte propria accidebat, interdum tamen motu etiam vel levissimo Polypi, qui conspicuis admodum abundare venis videbatur, interdum etiam acriorum remedium ad partem adfectam adhibitione facile concitabatur; unde impetuosè tractare Polypum, sectionibus, ligaturis, ausus non sum. Tentabam quidem vicibus aliquot locum attingere, num excitata per mortificationem eschara, imminui sensim posset; sed non respondebat voto consilium; hæmorrhagia enim statim subsequēbatur, quam vix compescere iterum licebat: superfedere itaque remedio hocce necessitas suadebat. Tandem placentulas parvas & tenues ex Mercurii sublimari optimi & viridis Aeris an. q. s. cum fermenti tantillo curabam præparari, harum unam parti prominenti imponi, & ne decideret gossypium admoveri; escharam, post horarum aliquot moram conciliatam, blanda manu separari, & iterum iterumque novam imponi placentulam, idque toties, repeti usque dum totaliter ablatus Polypus appareret, nec vestigium amplius relictum conspiceretur. Redibat quidem non semel hæmorrhagia; sed levis admodum erat, ut placentularum impositionem vix semel atque iterum turbaret. Et ita quidem à molestissimo & periculoso affectu liberata, sana, sine symptomatibus, sive nova excrescentia, vivit & incolumis, bis tamen circiter in mense pilulis quibusdam magistralibus caput ab humorum saburra, qua repletum id esse signa non obscura commōstrant, liberatur. *D. Joh. Schmidii.*

De Polypo nasi.

Puella 13: annorum cachectica, à longo tempore Ozænâ laboravit, pusque naribus excrevit, hinc amplius per nasum respirare non poterat, & ore obturato suffocationis periculum subibat: conspecti sunt duo polypi interna narium foramina adimplentes, fluctuantes, neque membranâ vel cartilaginibus adhærentes, sed ossi cribriformi altius innexi, albicabant, & duriores erant: tali autem modo extirpati sunt: Venæsectio brachii ante omnia celebrata fuit, & ex adverso in altero brachio fonticulus excitatus, purgatum verò cum Aguico, Jalappa & Sena diversis vicibus; dein die & loco claro, agra in sedili collocata, capite firmato, forcipe extractorio cavo & in summitate denticulato prehensus est polypus, parum circumductus, & radicitus ex utraque nare avulsus: agra respirare liberius cœpit, & quantitatem pituitæ coctæ & crudæ emunxit, vix quicquam sanguinis amisit, turundæ verò unguento detergente imbutæ naso inditæ sunt, omnia accidentia præcauta, aliquanto tempore ita deligata agra melius quidem respiravit, sed & conquesita est de impedita deglutitione, ob dependentem massam in palatum è foraminibus narium internis; massa hæc erat quoque polypus ad interiora vergens, qui ægrè quidem sed fortiter prehensus forcipe extractus est: reliquæ autem inustæ sunt fermento per cannulam naribus inmissam, trajecto: Usa est gargarismo ex hordei decocto; vini spiritu & melle parato, idemque syringa per nares injecit; intus decoctum Guajaci ad humores siccandos, & remperiem pituitosam corrigendam bibit, sicque restituta est.

Huc pertinet Observatio curæ Polypi cancrofi ab Atavo meo, Dn. Francisc. Muralto, p. m. feliciter peractæ, his verbis notata: Mihi adducta fuit Rustica, quæ aliquandiu in utraque nare Polypo cancroso laboravit, naresque carne obstructas & repletas, ut respirationi via non concederetur, habuit.

Ademi carnem superfluum totam erodentibus medicamentis, sed iterum pullulabat, meque coëgit, ut candente ferro rotundo per cannulam trajecto aliquot

vicibus eandem adimerem & comburerem: Immissi post operationem turundam albumine ovi cum oleo rosato imbutam, postea aliam imposui digestivo oblitam, per integrum octiduum, hinc unguento albo & de plumbo agrotans usa, observans exactam victus rationem, restituta est.

In narium Polypo usus quoque est instrumento plumbeo, longitudine unius digiti, formâ pyxidis excavato, cui imponebatur cauterium potentiale, quod ita excrescentiam carnosam instrumento susceptam absumpsit; remota hac cannula, butyrum applicuit, donec eschara & caro combusta deciderint; toties autem hoc repetitum erat, quoties necessum ad omnem carnem absumendam.

Scholium.) Plura curati polypi per pharmaciam vel Chirurgiam exempla qui desiderat, inveniet in *Ephemer. nostr. Curios. Dec. 1. Ann. 8. observ. 91. Ann. 9. observ. 26. Joh. Georg. Schenckii observ. Fel. Plateri lib. 3. observ. medic. Nicol. Binningeri cent. 3. observ. 69. Nicol. Tulpii lib. 1. observ. cap. 26. Henr. ab Heer observ. med. &c. D. Joh. de Muralto.*

Polypus Nicotianæ fumò curatus.

Clariss. Viri Riedlini, Miscellan. Curios.

Decur. iij. Ann. 7. & 8.

Vir quidam propinquâ adfinitate mihi conjunctus, quadraginta septem annorum, ad eò nicotianæ fumò se delectans, ut ab eodem per pauculas horas vix abstinere possit, quin abstinens tam malè se habeat, ut & adstantes notent, quimoris ejusdem gnari; hinc eundem monent ut appetitui suo satisfaciatur, unde illico priorem lætiorem induit faciem: Cum nuper me visitasset, testatus est se ante duodecim demum, & quod excurrit, annos hòc fumò uti cœpisse, antea verò fermè ab eodem abhorruisse; non autem tam delectationis gratiâ, quàm summâ necessitate coactum, se hanc suffumigationem instituisse: Notasse enim prius per bene longum temporis spatium excrescentiam carneam in narium sinistro foramine, quæ non solum nares obstruxerit, sed & in dies magis excreverit, jamque & narium fines excedere inceperit, hincque varios artis chirurgicæ peritos se tum hæc de causâ consuluisse, qui omnes pro polypò agnoverint: nec nisi extractione violentâ curari posse plerique statuerint. At ab hæc se abhorruisse, cum præsertim quidam, non parvum subesse in eadem administrandâ periculum, dum nempe arteria lædi, & hinc hæmorrhagia non tam facilè curanda concitari possit, monuerit: hincque præsertim sollicitus fuit ut aliò modò juvaretur, & Clariss. Medicum, Domin. Joh. Francum, communè nobis adfinem æstumatissimū, sæpius sedulò rogavit, ut consilia salubria suggerat: Qui pluribus aliis non juvantibus, suavit ut fonticulum sinistro inurat brachio, & in primis nicotianæ fumò mediante, sæpius superfluum serum ex ore eliciat. Dictis autem his eò magis paruit, quòd majus polypus sumpsit in dies incrementum; & ecce, vix per trimestre ulcusculum in brachiò excitatum pus in quantitate debitâ fuderat, & per hoc ipsum temporis spatium salivæ etiâ major quantitas mediante tabaccò ex ore rejecta fuerat, cum aliquândo subito sternuere cœpisset, mediantequè hæc sternutatione è naribus secessit massa carnosâ, non ita parva venulis hinc inde interdistincta, & ab illo tempore, Dei gratiâ, melius se habuit, facilius nunc respirat, & restitâtis adhuc particulæ se nullū indicium deprehendere possit testatur: vel eò diligentius verò nicotianæ fumū cōtinuat, quò magis se juvisse eundè credit: unde eidè per tantum tēporis spatiū maximè assuevit. Quod autè apophlegmatismis suis veteres in talibus affectibus præstiterūt, hand abs re à fumo nicotianæ, ad eos cōmodè referèdo, expectatur, deniq; eò mediante alimentū subtrahitur, tali excrescentiæ, & pediculus unus aut alter, à quibus pēder, exarescit, non ita difficulter postmodū à naribus separatur primò, & tandem quoque excluditur. Fonticulum tamen non prorsus nil contulisse, nullum est dubium.

Polypus

Polypus œsophagi Vermiformis rarissimus à nimio pulveris Hispanici sternutatorii usû excitatus.

Ex Actor. Lipsiens. Annò 1715.

Vir annum quadragesimum tertium agens temperamento sanguineò, habitûque ad cacochimiam admodum proclivi, ac sat notabili corporis mole gaudens, mirumque in modum pulveris sternutatorii Hispanici deliciis effacinatus, annò superiori 1714. circa tempus vernale, dolorem quandam urentem, à nimia dicti pulveris aliquando factâ per nares attractione, in medio œsophagi percepit, inopinatoque non ita multò post deglutitionem nonnihil animadvertit impeditam. Quâ obrem auxilium quærens, Medicum quandam convenit, & de dolore, nunc quidem sopitò, at in deglutitionis impedimentum mutatò, queritur: Cujus affectus causam in pituitosa quadam ac viscidâ materia, interioribus œsophagi partibus adhærescente, Medicus ponens, convenientia pro ista incidenda atque educenda ægro præscribit remedia, irritò tamen successu, maloq; indies indiesq; adhuc ingravescente. Hinc ad alium se confert, ejusque opem implorat, simulque affectûs causam, infra suo loco paulò specialius asserendam, sibi probabilem ipsi refert; quam verò hic flocci estimans, aliamque subesse asserens, ægro remedia, pro nescio quo acido, spasmodicam fibrillarum affectione hanc generante, corrigendo atque eliminando, equidem exhibet; at iterum absque successu sperato. Nul- lum igitur secundâ vice effectum salutare, hæctenus tam anxie exoptatum, æger observans, in auxilium rursus vocat alium, & quidem medicum rusticum, qui, prioris vestigia legens, pituitosam acremve materiam genuinam hujus impeditæ deglutitionis causam existere, pariter asserit, certò, citòque ut id genus hominum solet, impedimentum hoc se ablaturum, deglutitionemve liberio- rem redditurum, pollicetur: Varia hinc ægro por- rigit, quorum usus (insignis licet pituitæ fuerit e- ducta copia) planè denuò fuit inanis atque nullus, cum nec minima levaminis cujusdam pars ægro inde fuerit allata. Deserens ergo & hujus hominis medelam patiens, naturæ & tempori sese tantum committere animum induit, sponteque suâ fortè an hoc malum iterum cessaturum firmiter sperat. Interim verò Peniculum Ventriculi (vulgò *die magenborste*) de quo instrumento multa hæctenus audierat, cõsulit, istud applicat, ejusque ope, sat notabilem quidem educit materiæ pituitosæ copiam, nullo tamen inde subsequente levamine. Ad quæstionem, num ex applicatione peniculi senserit dolorem? respondit: eum quidem se non sensisse; interim tamen difficilem, imò in ventriculi cavitatem ejus penetrationem omnino impossibilem, ob quoddam in gulâ obstaculum perceptum, plenary peniculi ingressum prohibens, fuisse. Paulo post loco sperati effectus salubris, magis magisque malum augeri animadvertit æger, adèò ut solida tandem alimenta haud amplius assumere valeret, sed liquidis tantum, v. g. lacte, jusculo avenaceo tenui, &c. famem sedare corpusque nutrire cogeretur. Imò tantum demum hic affectus sumpsit incrementum, ut recensita jam liquida tenuia liberè exinde deglutire haud valuerit, sed mediante calamo stramineo ista absorbere necesse habuerit miser. Quamprimum enim paulò liberiùs largiusque ea sorbere voluit atque deglutire, statim ea cum sonitu regurgitârunt, præsentaneam ægro suffocationem minata. Tandem hic, de cætero sanus, liberaque respiratione gaudens, denuò Medici auxilium implorat, petitq; ut sibi supperie feratur. Hic in affectûs hujus admirandi causas occasionales paulò curatius inquirens, variaq; ex eo quærens, inter alia quoq; hæc sequentia, de quib⁹ superius jam nonnihil fuit adductû, audit: Ægrum nempe nimis in usû vocasse pulverem sternutatoriû, eun-

Biblioth. Chirurg. Tom. III.

dèq; dubio procul miserandi hujus mali primâ extitisse causâ occasionale. Et, quo evidentior veriorq; causa hæc appareat, factû fuisse refert æger, quod pulvis hic, præsertim siccissimus sumèq; volatilis, corpore aliquâto calfacto, & sudoribus propè diffluète, navibus copiosè intrusus, fortiterq; inspiratus, nò solum in asperâ arteriâ, verum etiâ in fauces & gulâ usq; penetravit, tussim, eâq; frequentè, nec non in gula ardorè, unâ cum dolore primùm obtuso, sanguinisq; sputo, excitavit. Ex quo tempore statim dolorem haud levè, & hoc evanescente deglutitionis impedimentum fuisse exortum. Ulteriùs confessus est æger, sanctèq; affirmavit, nunquâ in vita simile, vel etiam levissimum in œsophago percepisse deglutitionis impedimentû. Hæc omnia Medicus percipiens, excrecentiâ quandâ cartilagineâ, ex læsione œsophagi obortam, adesse, ægrumque in extremo vitæ periculo constitutum pronunciat, cujus terminû inevitabile nunc fatum, cui æger solum relinquendus erat, accelerare medicamentis suis nolens. Ob nutritionis autem defectum, corpus obesum adèò fuit extenuatum, ut magis τὸ σκελετὸν quàm hominis vivi faciem repræsenterit. Ultimò liquidorum etiam ne guttulam quidem amplius assumere potuit: Quò evenit, ut post aliquot dierû spatiû, mense aprili, anni currentis, fame sitique incredibili emaciatus atque fractus, miserè tandem perierit. Cadaver quo aperiretur, causaq; tam stupendi affectus detegeretur, vivens adhuc æger petiit. Aperto itaq; cadavere, Ventriculus partesq; internæ à statu naturali adèò remotæ non fuerunt invicè, exceptò tantum œsophagò, qui ex parte non nihil contortus, & pharyngem versus solito tenuior atq; acuminatior apparuit, & quidem adèò ut ejus tandem apertura vix pisum admittere visâ fuerit. Quo autem quæ intus fortè lateret, nunc quoq; detegerentur, ille incisus fuit: quò factò, insignis ad omnium stuporem conspectui sese stitit excrecentia carnea in duas quasi cordas divisa, quæ in media œsophagi parte, eâq; posticâ, quâ spinæ dorsi adjacet, initium (circa quod aliquid cujusdam materiæ cruoris inspissati ad instar cernebatur) sumens ad pylorum usque ferè sese extendens, longitudine spatium sex digitorû transversorum, crassitie verò lumbicum insignè, tam in una quàm in altera sui divisione æquabat, cujus etiam facie aliquo modo patiebatur. Substantia hujus excrecentiæ rectius polypi, erat carnofo-fibrillota atq; mollis, color verò ex albo rubicundus. Cultro anatomico, & quidem facillimè, cum vel digitorû jam attractû cederet auferebatur polypus hic rarissimus: quo ablato, pedes ejus, vel potius radices, quibus se in gulâ substantiam insinuaverat, in cõspectum veniebant, iisq; arcè tunice œsophagi interiori adhærebat. Sic impeditæ deglutitionis causa, de qua nemini hæctenus quicquam in mentem venerat, detecta cõspiciebatur, dignaq; judicabatur quæ rarioribus Medicorû observationibus infereretur, publicèq; proponeretur.

P O R R I G O.

Vid.

P I L O R U M M O R B I.

PRÆGNANTIUM MORBI.

De iis vide Bibliothecam nostram Medico-Practicam; ad quam potius pertinent quàm ad Chirurgicam.

PROCIDENTIA ANI.

- I. **P**rolabitur interdum Anus sive Podex, ac recti intestini pars extrema ita, ut post consuetam illam, quæ

quæ in egerendis alvi fæcibus accidere solet, eminentiam, rursus suum in locum, & intra corpus reduci nequeat, sed extra promineat, quod malum Anni Procidentia nuncupari solet.

Accidit autem Ani Procidentia, interdum ex nimio in excernendis alvinis excrementis conatu, quo anus adeò propellitur, ut partem recti intestini secum ducat; item in difficili ac laborioso partu. Fit quoque nonnunquam ob magnam irritationem, unde in Dysenteria, Teuesmo, & Lithotomia sæpius contingit. Insuper ob musculorum, qui post alvi egestionem anum propulsum retrahere solent, imbecillitatem aut resolutionem quandoque oritur hic affectus; & ex hac causa symptoma hoc interdum ita adaugetur, lævitque, ut se vidisse scribat Aquapendens Ani Procidentiam tam longam, ut cubiti mensuram æquaret, ac ita crassam, ut anibos cubitos simul junctos metiretur. Atqui hæc musculorum Ani Levatorum imbecillitas accidit, vel quia frequens & diuturna fuit ani procidentia, vel à sessione super lapide frigido, aut mora in aqua frigida, adeoque horum musculorum refrigeratione. Quibus nonnulli & mollitiem nimiam ac humectationem addunt, quæ de causa infantibus hoc malum familiarius est.

III. Malum hoc per se patet, & visui manifestum est. Difficilius verò curatur in senibus, quàm in junioribus. Si ob solum conatum vehementem, nullâ aliâ accedente causâ, podex foras prolabatur, spontè interdum in locum suum redit, vel manus operâ facillè reducitur. Sin ex dysenteria aut tenesmo fit Ani Procidentia, vix curatur, nisi sublata causâ. Quum autem ab imbecillitate aut resolutione musculorum anum retrahentium originem habeat, & quotiescunque alvus excernitur, procidat, vix aut saltem difficulter curam suscipit.

IV. Igitur Anus ubi prolapsus est, molliter manu Ægri vel Chirurgi intra corpus reponendus: vel, ne facillè deinceps prolabatur, inungatur prius unguento adstringente Fernelii, aut Oleo rosarum & Myrtyllorum. cui tantillum pulveris adstringentis additum, hinc, digitorum aut lintei mollioris ope prolapsum intestinum restituitur.

Quod si intumuerit, atque hinc repositio impediatur, foveendus anus Lacte Dulci tepido, vel Decocto Malvæ, Althææ, Florum Camomillæ, Seminum Lini, Fœnigræci, & similium, Vel talis fiat Fodus, præsertim Inflammatio si adsit.

℥. Summ. Absinthii, Hyperici. Flor. Sambuci, Camomillæ, Meliloti an. Mß. Rosarum Rubr. p. ij. Coq. in Lacte Dulci, vel Vino Rubro adstringente.

Noxium hîc valdè externum frigus, siquidem Gangræna subito accederet. Celerrimè adeoque Chirurgus repositioni sese accingat, hinc conservationi vitalis caloris, usu Fomenti præscripti, calidiorumque linteorum, operam omnem impendat.

V. Repositus Anus suo in loco ut retineatur, Adstringens aliquod Fomentum spongiæ ope aliquandiu ei admoveatur, v. gr.

℥. Cort. Granatorum ℥ iii. Fol. Plantaginis, Quercus an. M. j. Flor. Camomillæ, Rosarum Rubr. an. p. ij. Balaustræ ℥ ij. Aluminis Crudi ℥ iij. Coq. in aqua ferrata, vel Vino Rubro adstringente ad ℥ xx.

Interea danda opera, ut laxa servetur alvus, fæcesque molliores & ad facillè excernendum apte reddantur, ne tanto conatu in iis excernendis opus sit.

VI. Modum adhuc alium, (ridiculum sanè!) prolapsum hoc intestinum in suum locum reponendi describit Barbette Chirurg. part. 1. cap. 9. viz. manu forti aliquoties nates ægri percutit, unde ani levatores musculi illicò rectum intestinum in suum locum retrahunt.

VII. Quod si ne hisce modis Anus suo loco restitui queat, jubet Hippocrates, ut ex pedibus pendens Æger concutiat; futurum enim, ut illa concussione reinigret hocce Intestinum. Atque in hunc ferè modum refert.

Fabricius Hildanus Cent. 3. Observat. 76. se virum quinquagenarium, cui, cum in via publica alvum exonerare vellet, anus prolapsus erat, & ex aëre frigidior maxime in eo exortus dolor, nec non prolapsum intestinum ad magnitudinem ovi strutio cameli tumefactum, curasse. Primò hoc applicuit Fomentum.

℥. Fol. & Flor. Verbasci, Flor. Camomillæ, Meliloti, Rad. & Fol. Althææ an. M. j. Sem. Lini, Fœnigræci an. ℥. j. Anisi ℥ j. Coq. in Lacte Vaccino pro Fodus; cui linteamina duplicata intinxit, & per integram horam calidè applicuit. Deinde toti intestino hunc inspersit Pulverem,

℥. Flor. rosarum rubr. cort. granator. nucum Cupressi, Mastichis, Thuris, Croci Martis, Plumbi Usti an. ℥ j. F. ex his S. A. Pulvis.

Tandem caput Ægri in terram inclinavit, pedes verò in altum à duobus fortissimis viris elevari curavit; mox indice manus dextræ molli linteo involuto, & præscripto decocto intincto, atque in medium intestini prolapsi immisso, id suum in locum feliciter reduxit; & porro quæ necessaria erant peregit. *Johan. Munnicks in Chirurgia ad hodiernam praxin accommodatâ.*

Prolapsum intestinum rectum quomodo reductum.

Anno 1605. Mense Novembri, quinquagenarius quidam ex pago prope Paterniacum, cum multo oneratus, ex oppido domum rediens, in via alvum exonerare vellet, ac sese inclinaret, prolapsum ipsi est intestinum. Et quia tunc aër frigidiusculus erat, exortus est dolor maximus, ita ut ulterius ad suos progredi, neque ad oppidum redire posset. Verùm fortè fortuna à prætereunte quodam semianimis repertus, Paterniacum mihi adductus fuit. Tum intestinum rectum prolapsum; & ad magnitudinem ovi struthii tumefactum reperi. Dolor ingens aderat, & excrementa continuò, eaque liquida, effluebant. In curatione sic processit. Primò protinus sequens applicui fomentum.

℥. Foliorum & florum verbasci albi, flor. meliloti, chamomillæ, Radicum & foliorum althææ an. Mj Seminum lini, fœnigræci an. ℥ß. Anisi ℥j.

Coquantur in lacte vaccino, recens emulso. In decocto isto linteamina reduplicata intinxi, & per horam integram calidè applicui. Deinde toti intestino sequentem inspersi pulverem.

Rosarum rubearum, Corticum granatorum, Nucum cupressi, Mastichis, Thuris, Croci martis, Plumbi usti an. ℥i. Misce, fiat pulvis.

Tandem caput ægri in terram inclinaui, pedes verò ut in altum à duobus viris fortibus elevarentur, operam dedi, mox indice meo dextro, linteo molli & suavi involuto, & decocto præscripto intincto; nec non in centro ejus quod prolapsum fuerat posito, intestinum in locum suum feliciter reduxi. Altera die os sacrum & coccygis sequenti linimento inunxi.

℥. Ol. lumbricorum, Rosarum an. ℥i. Ol. ex floribus verbasci ℥ß. Misce.

Sequenti die syrupo rosato solutivo composito, cum rhabarb. agarico, & fenna corpus leviter leniterque expurgavi, venamque in brachio incidi. Sic in pristinam sanitatem restitutus fuit, nec postea amplius prolapsum est intestinum. *Gulielmus Fabricius Hildanus observation. Chirurgic. Cent. 3.*

PROCIDENTIA UTERI.

Vid.

UTERI MORB

PROCIDENTIA UVEÆ.

Vid.

UVEÆ seu GURGULIONIS MORBI.

PSOROPHTHALMIA.

Vid.

PALPEBRARUM AFFECTUS.

in OCULORUM MORBIS.

PTERYGIUM.

Vid.

CORNEÆ VITIA.

PSORA.

Vid.

SCABIES.

PTILLOSIS & MADAROSIS.

Vid.

PALPEBRARUM AFFECTUS.

in OCULORUM MORBIS.

PUDENDAGRA.

Vid.

LUES VENEREA.

PROSTHESIS.

*Vid.**sub titulo*

OPERATIONES CHIRURGICÆ.

PUERPERARUM MORBI.

DE iis jam ex parte in Prægnantium morbis; (de quibus scilicet in Bibliothecâ nostrâ medico-præctica) hîc rursus quædam adjungemus, & primò differtatiunculam cui titulus *Felix Puerpera*, ab Excellentissimo D. Movio, *Praclarissimo Domino Carolo Drelincurtio* dicatam, quâ præcipuè de regimine Puerperarum ac Infantum recens natorum, agitur. Inde; continuo deveniemus ad *Consultationes*, *Observationes* ac *Anatomicas inspectiones* in Puerperiò habitas.

*Felix Puerpera Seu Observationes Medicae,
Circa regimen puerperarum & Infantum recens natorum.*

Cùm tantus in his Provinciis committatur error circa regimen puerperarum & infantum recens natorum mihi animus non est quæcumque ad nostrum propositum pertinere videntur ad amissum percurrere, sed tantum quædam Consilia tradere necessaria, quibus si fieri possit, emendetur error ille. Et quamvis Ætius Tetrabilium 4. Sermone 4. Cap. 5. dixerit scriptis inutiliter mandari quomodo opitulandum sit mulieribus naturaliter parientibus, quòd hoc non inodò obstetricibus sed etiam aliis mulierculis omninò cognitum sit, & quamvis insuper eodem Consilio Oribasius, Trallianus, Paulus Ægineta & alii primæ Classis Medici de ejusmodi re siluerint, non tamen sicq; pede transeundum duximus, quidquid super regimine puerperarum & puerorum recens natorum Felix Platerus Archiatros Basileensis, in suâ Praxi Medicâ Literis mandavit, multa quippe in nonnullis locis illustratione quædam digna esse duximus, ne iis qui nondum bene initiati sunt rebus Medicis malè intellecta imponere possint, vel saltem ut liceret illis faciliori negotio dirimere atque distinguere eam methodum quæ apud melioris notæ Medicos recepta est super regimine istò puerperarum & puerorum recens natorum ab ea quæ in more potest esse apud Helvetios aut Romanos. Sic autem de ejusmodi re verba fecit Platerus.

Postquam partus jam peractus tunc & matri atq; infanti cura adhibetur, & paulò post subdit agens de puerperâ, ex sella in lectum placidè ne animo deficiat, quod sæpè fit, collocetur exhibitis jussulis.

In eo textu statim nonnulla sunt quæ offendunt, nostræ non est consuetudinis parturientes mulieres ut commodiùs pariant in sella constituere; quod tamen in more positum est apud Helvetios & Germanos & quosdam Batavos; varii quidem sunt; mulieres ut faciliùs pariant constituendi modi, nonnullæ in genua, aliæ rectæ cubitis mensæ, vel lecti lateribus admotis, aliæ super lodice humi constrictæ, aliæ juxta Platerum in sella, aliæ demum in lecto se putant faciliùs parituras. Si ex his omnibus figurationibus sella magis probetur Platero, apud nos magis lectus commendabilis est, super quo enixuræ commodiùs habitâ ratione sui; commodiùsque habitâ ratione obstetricantis & famulatum collocari possit. Duplex autem est modus apud nos super lecto pariendi, vel super alio in eam rem apparato, vel super eodem super quo solent obdormire. Habent verò in more prædivites mulieres peculiari super lectulo parere, nec immeritò, etsi enim necesse postmodum sit eas ab eo lectulo in consuetum transferre, id tamen sit ita blandè & tranquillè, ut non pedibus ambulantes sed alicujus valentioris vel scæminæ vel viri brachiis fultæ atque delatæ, ut nulla postmodum consequatur noxa: porrò beneficium ea ratione eis accedit aliud, dum enim in consueto lectulo pariant, etiam si variis linteis multipliciter replicatis munitus sit quæ statim à partu removeantur: quia tamen purgamenta illa quæ solent unâ cum partu prodire non adèò grati sunt odoris, sit ut lectus iste, etsi linteis inquinatis repurgetur, servet nihilominus odoris istius pravitatem istorumque pravorum velut miasmatum inquinamenta. Istud enim non contingit ubi super lectulo peculiari pariens collocata post partum lectulo consueto committitur, nullis ejusmodi inquinamenti infecto. Itaque lectus nostro Judicio, isque peculiaris preferendus est omnibus aliis ad partum usurpari solitis figurationibus & maximè sellæ Plateri in qua mulieres veluti duplicatæ, nusquam cominodè colloca-

collocari possunt neq; obstetrices comòdè munus suum exequi in partu naturali, molè minus in partu præternaturam. Aliud in textu Plateri observandum est, quod scilicet velit iuscula esse exhibenda mulieri, postquàm è sella in lectulū placidè fuerit post partum collocata, tum verò subdit vino & odoribus esse refocillandā, hæc quippe videntur ὕσπερ ποτότερον dici & certè hæc adèd indistinctè confusèque prolata sunt ut quid maximè sequendum sit, aut saltem quo ordine non liquet: videretur equidem convenientius si mulier quæ peperit, statim à partu quemadmodum & in partu ad virium restorationem vino & odoribus refocillaretur quod in more positum est apud nos in partus difficultate, dum enim agrè parit mulier vino cardiacisque auxiliis adjuvatur, in quam rem sequens potio satis feliciter succedit ad naturalem partum accelerandum ubi tardior est;

℥. Aquæ stillatitiæ card. benedict. & lilior. albor. an. ℥iij. in quibus dissolve syrup. de capillar. ℥iβ. aq. stillatit. è capite cervi ℥ij. confectiois de hyacinth. sine ambra & moscho ℥i. aquæ cinnamomi ℥j. fiat potus in duas doses, ex duarum horarum spatio exhibendas, interassumpto iusculi tantillo.

At statim à partu vino odoribusque illam recreare liceret, nisi statim à partu aliud in more positum esset præstare adversus tormina quibus divexari solet, itaque statim à puerperio ℥j. syrupi de capillaribus cum ℥j. olei amygdalarum dulcium permiscetur & exhibetur adversus ea tormina apud vulgus nimirum nec de Jusculo subit cogitatio quàm una aut altera hora fuerit elapsa ut isti remedio locus fiat. Ut tamen liberè dicamus quod nostra est in mente ejusmodi remedium parum proficuum; videtur permittendum tamen arbitrio volentium, sed intermittendum nostro, Jusculum siquidem longè majoris nobis videtur esse utilitatis atque adèd descenderemus in sententiam Plateri super ea jusculorum exhibitione nisi postmodum adjecisset vino & odoribus post jusculorum exhibitionem recreandas esse mulieres, quod nusquam nobis arridere potest, periculum enim esset ne vino & istis odoribus accenderetur quidam calor insolitus qui febrem posset excirare, præterea quantum odoramenta ejusmodi (quæ de bene odorantibus intelligi debent) inimica sint utero & maximè statim à partu omnibus vel mulierculis notum calamitosà sæpè experienciā, cum eo tempore uterus imbecillior factus propter toleratos labores causis istis insolitos in eo motus, excitantibus reluctari non possit. Juscula potiùs exhibeantur concinnata ex carnibus pullastrorum & vituli interdum & perdicis veteris primo quoque tempore quibus & caro vervecina adjici poterit, si nihil gravioris supervenerit; Addit Platerus cibo somnoque uti decet puerperam esse gubernandam. Circa quem articulum duo sunt expendenda. Primum quo tempore mulieribus quæ peperere somnus sit concedendus, alterum quæ victus ratio puerperis conveniat. Circa verò utrumque id insuper venit observandum, distinguendum esse scilicet de primis puerperii diebus & de ulterioribus, ad somnum ergo quod attinet non statim à puerperio concedendus nobis videtur, ita ut peccaverit Platerus qui indistinctè cibo somnoque uti decet puerperam esse gubernandam dixerit. Quid enim tunc temporis deceat, id certè est quod erat definiendum. Præterea ad cibos quod attinet, cum priùs juscula exhibuerit, quidnam per cibos intelligere voluerit non adèd liquet; nisi apud eum cibi sint aliquid solidioris edulii, juscula liquidioris, quo posito quoto tempore juscula, quoto cibi sint exhibendi id operæ pretium erat declarare.

Huic itaque difficultati lux ut afferatur dicimus non priùs somnum puerperis esse permittendum quàm jusculo fuerint recreatæ, à quo una hora vel altera

elapsa omnibus inquinamentis debent repurgari, amotis ab illis omnibus linteis inquinatis, si in consueto pepererint lecto, aut elapso ejusdem temporis intervallo pepererint in peculiari lecto, debent priùs in consuetum transferri antequam de somno mentio fiat. Non debet igitur somnus concedi nisi tribus, quatuor aut quinque à puerperio horis elapsis, aut porissimum quia antequam somnus concedatur debemus esse certi de modo lochiorum effluentium cum sæpè fiat, ut mulieres quibus istius concessa sit dormiendi libertas incidant in aliquam lipothymiam ob nimium lochiorum fluxum qua par est adstantibus imponere, dum putant mulieres somno indulgere, unde non leve vitæ periculum incurrunt: sæpè etiam fit ut quædam mulieres propter gravissimos quos sustinere dolores, incidant in soporosos affectus à quibus vindicare illas vix possemus, si bonà fide adèd citò somnus eis permitteretur. Itaque priùs debemus esse certi de rerum præsentium statu ut si omnia benè se habeant securè somnus concedatur. Ut autem liquere possit an omnia sint juxta notata disposita, tres quatuor vel quinque horis ad minimum à partu sunt relinquendæ; itidem non levis est difficultas circa cibum, si per id vocabuli solidum alimentum sit intelligendum. Quod igitur confusè pronunciavit Platerus hacce ratione distinguendum est, puerperis primùm parturientibus nusquam puto solidiorem esse concedendum ante quintum aut septimum diem à partu, quamvis nulla gravia symptomata à cibi solidioris usurpatione videantur orta; Ratio est quod omnino incertum sit qua ratione successura sit ista parturitio, perpetuò quippe fit ut puerperæ duabus, tribus, aut quatuor diebus à partu incidant in febrem quam lætis febrem solent appellare, quæ ex genere Ephemerarum solet contingere, dum natura fœtui consules ad mammas materiam lactis transmittit, idcirco majoris securitatis ratione ne tunc temporis febris symptomata abeat in essentialem, non debemus priùs solidiorem cibum concessisse, qui culpari non injuriâ posset & haberi tanquam vel autor istius febris vel fautor alterius supervenientis, itaque istud febricitationis tempus debet priùs effluxisse, ne Medicus accusetur indulgentiæ, solaque concedi interea juscula tribus quatuorve horis (ut dictum est) aut ova sorbilia jusculi vice sufficiantur cum gelatina, quo usque septimo à partu accedente die & febre fideliter sedata, horis meridianis concedantur cibi solidiores, boni succi & facili coctionis, elixi potiùs quàm assi, ut accedente quarto-decimo à puerperio die & horis serotinis quemadmodum & meridianis, detur pariter locus solidioribus eduliis.

Res autem non sic se habere debent circa mulieres jam alias partum expertas, quibus vel primo à partu die 8. vel 10, horis ab eo partu elapsis solidioribus semel in die concedi potest, quia jam puerperium expertæ de eventu velut sunt securæ, eà nihilominus cum lege ut versus tertium à partu diem interea dum viget iste motus febrilis designatus sola juscula in usū veniant per unum vel alterum tertiumve diem; Cavendum est autem tum primùm puerperis tum in aliis ne (quod clinicæ mulieres solent) nimia ciborum copiâ excipiantur, à qua sæpè non expectata superveniunt symptomata, id enim licet sapiùs à Medicis recantatum, vix potest ab ejusmodi clinicis observari, quæ id solum intentum habere videntur ut plurimis & sapiùs ingestis eduliis vires ut dicunt restaurent puerperarum quas ejusmodi copiâ potiùs obruunt & pessundant.

Pergit Platerus nec tum (donec vires receperit uterisque ad pristinum statum redierit, quod citiùs fiet si fascia ventri circumdata leviter ut subsidear stringatur) ambulando aut exercendo se nimium commoveat aut aëri intempestivo se credat, Hæc postre-

ma sunt de regimine puerperarum Plateri verba, quæ nec magis sũt probanda quàm ea quæ jam examinata fuerunt, quippe hĩc primũ agit de fasciæ admovenda puerperis postquam egit de cibis solidioribus eis exhibendis, quod præter rerum agendarum ordinem est: scilicet debuerat verba facere primo à partu die de fasciæ quæ tunc necessaria est, non verò post cibi solidioris concessionem, quæ admittenda solũ aliquot à partu diebus, præterea quo die permittendum sit mulieri ut deambulare possit ex his non liquet. Tandem & multa circa regimen istud à Platero sunt prætermissa, de quibus omnibus paucis acturi sumus; atque ut primum quæ ab eo malè observata sunt circa fasciam ventri admovendam illustremus; dicimus tribus aut quatuor horis à partu eam esse admovendam, sed eam à prima die ad diem usque quintam sextam aut septimam, atque sequentibus laxiorem esse relinquendam, ne si arctius constringeretur primis hisce partus diebus uterus vim pateretur, cum enim per novem menses spatium venter intumuerit in eam molem quæ in gravidis constituta est malè consultum esset mulieribus, si per unum aut alterum diem fasciæ strictiori ad solitam magnitudinem quis vellet & abdomen & uterum revocari, maxime cum ab ea constrictione uterus inflammationem facili negotio pati posset, hæc itaque circa fasciam cautio est adhibenda; ut primis diebus laxior, sensim strictior reddatur, per fasciam autem intelligimus non linteum in plures circulos per abdomen revolvendum sed linteum palmaris altitudinis quadruplicatum abdomen circumdans unà tantum revolutione aciculis solummodo firmandum & potissimum circa regionem umbilicalem admovendum ut sic uterus grandior graviditate redditus & umbilicum sua dilatione excedens ad suam sedem hypogastricam blande reduci queat velut abdomen ad legitimam amplitudinem.

Quod ad deambulationem pertinet, nusquam nisi temerè permittenda venit ante decimum-quartum à partu diem: nam quamvis rusticæ mulieres & aliæ nonnullæ diebus aliquot à partu pedibus suis se committant variaque peragant opificia sine ullà interdum noxâ, nusquam id tamen trahi debet in exemplum, Medicus debet esse iudex severus qui suis sultis præceptis ab eis non debet recedere, propterea quòd quia non religiose servaverint, perpetuò non lædantur: Sufficit ut una mulier sic lædi possit ad hoc ut nusquam quid simile debeat concedi ab artis perito, at plures novimus quæ citius quam par esset pedibus se committentes in uteri Rheumatismos, inflammationes, abscessus, hydropem incidere, quod non contingit ubi ex methodo omnia fiunt, hæc itaque à Platero circa regimen puerperarum fuere annotata, sed nonnulla alia sunt ab eo prætermissa, non tamen contemnenda.

Inter illa postremum locum non obtinent enemata quæ in puerperis maximæ semper fuisse utilitatis observata sunt, itaq; rebus bene se habentibus, id est nullis gravioribus, vel torminibus vel doloribus præsentibus ritèque lochiis procedentibus, de istis remediis non cogitandum nisi 24. à partu horis ad minimum elapsis; illa autem sic concinnari solent.

℞. Folior. malv. bifmalv. violar. parietar. Mercurial. hord. an. M. ℞. Seminis lini p. ij. bulliant in ℞. iij. vel iv. aquæ ad tertie partis consumptionem aut circiter, in colaturæ librâ unâ dissolve mellis nenupharini, ℞. iij. olei amygdalarum dulcium ℞. ij. fiat clyster, qui nullo graviore symptomate urgente semel quibuscunque diebus manè debet injici ad septimum usque à puerperio diem, postmodum verò misso omnis olei usu alternis ad tertiam usque septimanam aut circiter iterari potest, tum melle omnino despumato in locum mellis nenupharini suffecto, addita interdum uncia semisse electuarii lenitivi, interdum si status adsint

eadem quantitate Catholici duplicati cum Rho. Quod si tormina primis diebus negotium facerent bis de die Clysteres essent injiciendi usque ad 5. aut 7. à partu diem sed ea lege ut in eo qui sub vespere injiceretur, nullum penitus mel adjiceretur si lochia profluerent ex debito & si dolorum acerbitas lochiorum fluxum cohiberet, tum aliquid mellis esset addendum & potius Mercurialis quàm alterius hocce modo.

℞. Decocti supra descripti libr. unam, dissolve mellis mercurialis ℞. iv. Olei amygd. dulcium ℞. ij. trochiscorum de myrrha ℞. ℞. fiat clyster.

Hæc rebus se debite habentibus circa clysteres sunt peragenda qui immutari poterunt pro symptomatum supervenientium conditione; sed quia de regimine gravidarum bene se habentium post Platerum hĩc solũ agere suscipimus, idcirco de remediis ad morborum supervenientium curam conducentibus differere super sedemus, nam altioris & longioris indaginis id esset.

Aliud prætermissum à Platero est, observatio scilicet circa linteæ uterum obturatio, quæ sæpius de die immutanda: ne factorem contrahant, & maxime ut illorum auxilio cum quantitas tum qualitas lochiorum penes odorem & colorem possit examinari; unde intelligitur error Primerosii cap. 8. cap. 1. de Morbis mulierum qui humores ejusmodi fluentes vel spongiâ, vel pulvino sulphure repleto vel mollibus linteis excipiendos consulit; inibi quippe dupliciter peccat, tum quia excipiendos solũ dicit ejusmodi humores nullâ factâ uteri obturatione quàm per crura decussatim disposita faciendam esse malo consilio dicit, tum quia præter linteæ spongiam & linteum ex sulphure conducere posse scripsit; quæ tamen nusquam accuratè aut qualitatem aut quantitatem lochiorum designarent. Sola itaque linteæ molliora venire debeat in usum, ex quibus nulla cum ambiguitate quod percipimus accipere possumus.

Tertium à Platero omissum est lochiorum mulierum deterfio & mundificatio, cum tamen propter effluvium acriorum humorum per novimestre spatium retentorum, calor quidam insolitus eas partes invadere soleat & cum propter insignem quam patiuntur dilationem contusiones, excoriationes & dilacerationes incurrant, necesse est ut ad meliorem statum reducantur & fieri solet instituta lotione tepidiuscula ejusmodi partium bis, terve, quaterve de die, ea tamen lege ut ista lotio non veniat in usum nisi duabus aut tribus à partu diebus, ne aer externus subeat ejusmodi partes non satis adhuc primis hisce diebus coactas & ad se reductas.

℞. Hordei integri nodulo latiore inclusi man. j. Fol. telephii M. ij. bulliant in aquæ communis libris duabus ad medias, ut ex spongia levissima vel ex foliis ipsis telephii fiat fons, qui tamen ea ratione debet institui ut non sublato operimento manibus in lectum immisissis peragatur. Quod si vel excoriationes vel dilacerationes sint nimie fori facto, apponatur illud præsidium in unguenti formam redactum & super linteolo extensum.

℞. Olei amygdal. dulcium recenter extracti ℞. i. Vitellum ovi recentis, ceræ albæ ℞. vi. eliquatâ cerâ misceantur omnia simul & agitentur in unguenti formam, quod si drachma dimidia vel drachma una Tebeinthinæ pluries in aqua plantaginis vel solani clote cum ovi vitello prius agitur, magis proticum futurum istud præsidium. Nonnulli oleum hyperici autem ponunt oleo amygdalarum dulcium, quod non culpamus ubi insignis dilaceratio, sed vulgè magis probatur oleum amygdalinum.

Quartum illud gravissimum à Platero neglectum circa menses versatur, filuit quippe de modo quo

per totum puerperii tempus sint gubernandæ, ne aut pilare malum, aut abscessus, aut aliud quid simile incurrant propter lactis solitam ad eas confluere copiam; & quia ut plurimum nobis communis mulieribus ratio est qua alienis nutricibus alendos suos fetus committunt, idcirco quid circa illas sit moliendum ne à lactis copia & concretionem vitium patiantur potissimum docere debemus. Varii varia in eam rem comminiscuntur: Suscipientias nonnulli volunt ex collo quæ intermedium mammarum spatium perreptent areas catenulas, alii oleum rosatum cum aceto permiscunt, atque ex Charta-bibulâ imponunt mammis, alii ex unguento populeo aquis partibus cum cerato Galeni permixto litus instituunt, sed nostro iudicio catenulæ istæ inutile sunt præsidium, alia etiam præsidia minus sunt secuta, vel eo nomine quod unaquaque die semel & iterum debeant celebrari, unde aëri externo expositæ mamme majus damnum incurere possunt. Securiori itaque ratione agatur si paulo ante partum lintea quadruplicata tepidiufcula mammis imponantur, quæ post modum ab illis partibus nusquam removeantur, nisi ubi lac per eas affluens, madefacta ejusmodi lintea cogit immutare, quo in casu alia prius sunt mammis imponenda quam antiqua removeantur. Eâ autem ratione antiqua debent removeri ut mamme nusquam aëri externo imponantur, per inferiores ergo partes detrahantur, dum eam mamme aëri externo non patent, vix sit ut in lactis concretionem, aliaque symptomata incurant, quæ potius solent contingere ubi juniores puerperæ nondum de rebus edoctæ velut voluptarium aliquid, mammas suis fetus exhibent planè nadatas, licet prius monitæ de infausto qui exinde contingere solet, successu.

Quintum & ultimum, nec silendum, potus est, de quo breviter absolvamus, cerevisiam à puerperis ablegamus velut flatulentam, vinum pariter damnamus & omnia illa decocta calidiora ex cinnamomo, coriandro, passulis, glycyrrhiza aut similibus concinnata quæ legere licet apud Liebauium, Primerosium & alios. Itaque paretur decoctum sequens vulgaris.

℞. Radicum graminis & althææ an. ℥ij. bulliant in lib. v. aquæ communis ad quintas, adde glycyrrhizæ quantum volueris, fiat ptisana pro potu ordinatio, quod si syrupi de capillaribus uncia duæ cum libris duabus decoctionis hordei etiam ad potum commisceantur & proficua erit ista cautio. Ad potum pariter pertinere posset, non quidem limonata, quæ tormina sua aciditate posset concitare, sed orantiata, si quippe succus unius aut alterius mali orantii cum uncis duabus sacchari in libris 3. vel quatuor aquæ utiliter iste potus exhibebitur, quia polorum orantii succus lochia ut menses promoveri putatur, qui propterea sæpiusculum solitarius iusculis exhibetur.

Hæc præcipua sunt circa regimen puerperarum bene se habentium observanda, ad Plateri textum illustrandum. Jam pergendum nobis est ad explanationem regiminis quod instituendum voluit circa puellulos recens natos, hæc itaque sunt ejus omnia verba quæ unâ serie à nobis traduntur, sed quæ per partes postmodum examinabuntur.

„Fœtum quod attinet mox ille more consueto in
„balneo aquæ tepentis à sordibus adhærescentibus abluatur, pannisque mollibus leviter abstergatur, lac-
„tis cremore vel butyro oleoque amygdalarum dul-
„cium recenti inungatur, postea fasciis involvatur at-
„que cunis impositus continuo donec dormiat, a-
„gitetur, & ut lactere discat uberibus matris adhibea-
„tur, illud autem postquam à sordibus in primo sui
„balneo abstersus tentare omnium optimè, cum sic à
„calore balnei stribundus quasi prodiens mox papil-
„las ore apprehendat & ad sugendum accommodat.

Hæc ille, inter quæ primum illud licet apud Germanos aut Helvetios consuetum sit ut loquitur, apud Nos tamen nusquam in usu est, ut videlicet balneo aquæ tepentis puerorum recens natorum corpora immergantur quo à sordibus possint repurgari, olim quidem in more receptum fuit Galeno referente lib. i. de sanitæ tuenda cap. i. apud quosdam Germaniæ populos recens natos in flumina demergere, sic enim illorum robur explorandum contendebant, nam si ejusmodi immersionem sine damno sustinuisent, exinde conficiebatur robusta esse viscera quæ frigiditatem aquæ eluisent immò firmiora evaliscent, qua ratione candens ferrum in aquam frigidam demissum durius solet extrahi, hunc morem periculosum esse probavit Galenus eò loci, sed quod balneum aquæ tepentis, non ad roboris explorationem sed ad sordium expurgationem foret conducibile nusquam observavit, certè quicquid aliter sentiant Germani, omnis illa etiam in aquam tepentem immersio tenellulis corporibus videtur esse inimica, tum quod omni tempore partus edatur, etiam per hyemis sævitiam, quo tempore vel majoribus natu infidus est balnei usus, tum quod balneum sæpè fluxiones moveat, sed maximè quod longè securiori ratione sordes ablui possint quam ista balneatione, fatemur itaque necessariam esse eam sordium deterfionem, sed contendimus eam tutiori ratione institui coram igne ex vino rubicundo tepente cui 3. aquæ pars fuerit admixta, & quia sordes majori sunt in copia circa caput, maxillas, idcirco ejusmodi partes accuratius sunt fovendæ vel ex panno molli, vel ex spongia vino madidis: Quod si ut sæpè fit sordium ejusmodi crassamentum aliquod firmitus adhæreat cuti, tunc vel oleo amygdalarum dulcium, vel butyro recenti diluendum erit, ut linteis mollibus tandem possit omnis impuritas detergeri: Cavendum tamen ab oculis de quibus siluit Platerus, quibus nec vinum, nec butyrum, nec oleum convenit, sed qui solummodo vel linteo molli sicco, vel eadem aquâ tepentem madefacto sunt eluendi; Nonnulli ad totius corporis abstersionem oleum rosaceum & oleum myrtinum adhibent, aut saltem in vino austero rosarum & myrti folia incoquant, eo consilio ut pori cutis minus aperti maneant cutisque vis astringentibus firmior evadat: Sed quia transpirationi eâ ratione intercipitur aliqua libertas, sufficiat ut sordes extergerantur per ea quæ descripsimus remedia, ne adhibitis astringentibus pori cutis adversus externas injurias minus quidem pateant, sed totum corpus internis affectionibus magis sit obnoxium.

Addit Platerus lactis cremore vel butyro, vel oleo amygdalarum dulcium recenti, puellulorum esse inungendum corpus post balneationem, quæ verba, si ad sordium deterfionem prolata sunt, inutilia prorsus videntur, nam balneum ad istas sordes eluendas jam consuluit Platerus, ergo isthæc inunctio nullius utilitatis erit.

Fasciarum involutionem equidem commendat Platerus, sed quia recens nati umbilico siluit, idcirco quid super eo præstandum sit priusquam de fasciis agamus expendendum est;

Statim atque prodiit fœtus in lucem, quia placentæ per umbilicum adalligatur, quædam obstetrices antequam placentam & secundinas ex utero detrahant umbilicum esse resecandum volunt, ut postmodum facilius, ut putant à secundinis & placenta libertate possint puerperas, sed mos iste nobis non arridet qui putamus de secundinis educendi quam de umbilico resecando potior debere esse curam, hac maximè impulsæ ratione quod metus sit dum in resecando umbilico tempus teritur ne nimis morâ interpositâ vel aër externus uteri cavitatem subeat, vel ejus partes angustiores reddantur, unde utrinque periculum immineret. Itaque non prius de resecando umbilico cogitandum quam puerpera à secundinis fuerit liberata;

Interea fœtus inter femora matris ejulans supinus est constituendus, ne si pronus esset suffocationis periculum incurreret. Liberatâ itaque muliere à secundinis, fœtus primò involvatur & ad ignem positus ei umbilicus refecetur, hacce ratione ut spatium inter abdomen & ligaturam faciendam crassitudinis pollicis relicto, vinculum admoveatur ex filo crassiore quadruplicato & leviter torto quod prius præsto esse debet magnitudinis pedalis, cujus extrema nodulo contineantur; vinculum autem istud neque adeo arctè stringi debet ut umbilicum dissecare par sit, neque adeo laxum esse ut per valorem umbilicalium cavitatem aliquid sanguinis fœtus refluere valeat, sed moderatè debent esse constrictiones, si enim nimia strictura sit, citius quàm par esset dissecaretur umbilicus & periculum esset sanguinis effusionis, partibus nondum satis ad se adductis, quod idem periculum sequeretur à vinculo laxiore. Ultra locum vinculi debet etiam ante sectionem umbilici ejus portio altera relinqui altitudinis duorum vel trium digitorum, quæ portio intra 4. 5. 6. aut 7. dies propter interceptionem caloris factam à vinculo putrida decidere debet, dum pars altera intra vinculum ad se se adducta formatur in umbilicum vulgo dictum, sed prima ut diximus pars ultra vinculum putrescere debet. Inde duo necessariò facienda veniunt, primum ut pannulo residuus umbilicus involvatur, ne pars ea exanguis reddita sua frigidityte fœtum lædat, alvique tormina concitet, alterum ut quatuor digitos latâ fasciâ, abdomen prius linteo munitum constringatur & umbilicus certa in sede permaneat, atque adeo citius quàm decet non decidat, quod forsan contingeret si nulla re firmatus huc & illuc divagaretur.

Accedat tertium, non minus observatu dignum, ut scilicet residuum illud umbilici versus partes superiores adducatur, non versus inferiores, sic enim tanta cum copia sanguis non erumperet si dum flaccefcit, sanguinis per illas daretur exitus. Existimant nonnulli in masculis alia ratione umbilicum esse refecandum aliâ in fœmellis, relinquendam scilicet volunt umbilici intra vinculum majorem portionem in masculis, ut penis, ut inquiunt, grandior evadat, minorem in fœminis ut altiore sedem obtineat uterus, illique cervix fiat strictior. Sed hanc observationem refutat Anatomia, quia nullum admittit consensum vel penis vel uteri cum umbilico, fœtus enim omnis umbilicalium partium consensus est cum vesicâ ratione urachi qui suspendit vesicam, non verò cum utero aut cum penne. Error itaque unus sit: aliis verò pariter annotandus, quem vulgò mulierculæ committunt, quæ ubi fœtus est debiliôr consulunt sanguinem in toto umbilico contentum, esse ad interiores partes propellendum, fœtus ea sanguinis accessione roborandi gratia; sed quia iste sanguis sua frigidityte suaque, propter aëris externi appulsum, velut concretionem & congelationem utilis esse non potest; idcirco prohibendum ne quid simile ab ignavis mulierculis præstetur cum plurimo fœtus damno. Hæc de umbilico.

Ubi ergo umbilicus fuerit ex arte dissectus jam fœtus est involvendus fasciis, ad majorem tamen securitatem omnes partes sint ut decet parentes & liberæ; explorandum os, nares, aures & potissimum urinæ canalus & podex: sæpè quippè sit ut iis partibus membrana præter naturam obtendatur quæ scalpello est aperienda, meatusque patens relinquendus ad motis molli- bus linamentis, nec difficile erit de urinæ ductu & de podice Judicium ferre, cum statim à natalibus urinas reddere debeat fœtus & nigrum illudcrementum, quod papaver seu meconium appellatur. An itaque ejusmodi viæ à partu perforatæ sint ac bene conformatæ expendendum, antequam fasciis fœtus involvatur, cum non paucos liquerit observare imperforatos in lu-

cem prodixisse, quibus mors succedit ineluctabilis, nisi factâ operatione Chirurgica. Præterea ante fasciarum admotionem de Capitis conformatione cogitandum est, atque examinandum an aliqua contusione non sit affectum, interdum quippe ita premitur inter exeundum caput fœtus ut ejus parietes, pro ea qua tunc donantur mollitiæ comprimantur, atque adeo caput non longam & rotundam figuram sed vitiatam & ex longitudine compressam obtineat. Quod ut fiat manu obstetricis corrigenda ejusmodi figura & ad naturalem reducenda, quia futuræ tunc sunt molles ac proinde facili negotio suum locum pares sunt immutare & ad situm legitimum reduci; Quod si contusum sit caput, uti sæpè contingit, ubi potissimum in primo partu angustiores sunt partes, in eadem sede oleo hyperici æquis partibus cum spiritu vini permixto tepidè foveri potest ter aut quater quoque die: Iis itaque prius sic observatis fasciis est involvendus infans, circa quas id solummodo ad Medicum spectare videtur ut moneat obstetricem aut clinicam vel nutricem, Primò incipit fœtus quadruplicato panno molli esse muniendum, cum ejusmodi pars adhuc mollis eo debeat defendi munimento adversus frigus externum. Secundò aures, axillas & inguina pannulis debere muniri, quo exeuntes fordes absorbeantur facilius. Ad fascias autem quod spectat, pectus primò liberum est relinquendum, ut omnis sit inter respirandum libertas, cum liquerit quosdam observasse à nimia fasciarum circa pectus constrictione suffocatos; Secundò ventriculi regio pariter sit libera, ne dum lac fugitur impar sit extendi, unde lactis ejectio consequetur; Demum quod æqualiter totum corpus fasciis contineatur, maximè verò crura & tibiæ ita æqualiter extendantur ut in debita figura possint permanere.

Observandum est insuper brachia secundum longitudinem corporis extensa à corpore, femora & tibiæ à sese, interpolito linteo molli, debere distinguî; ne molities corporis attritus aut excoriationes perpetuas patiatur; cætera mulieribus permittantur quarum illud interest potius quam Medici. Deductis bellè fasciis de cunis cogitandum, sed observat Platerus cunis fœtum impositum, continuò donec dormiat agitandum, qui certè mos vitiosus omninò est neque in quantum fieri potest tolerandus: Duo itaque se offerunt examinanda, primum qua ratione cunis imponi debeat fœtus, alterum an cunis impositus perpetuò donec dormiat sit agitandus? Ad primū dicimus non supinum sed ad latus alterutrum leviter inflexum fœtum esse constituendū quia si supinus esset ne à viscida pituita in ventriculo partibusque vicinis cumalata suffocaretur periculum esset. Ut ergo pituitosis liberior decubitus in utrumque latus præferendus; Id præterea annotandum, cavendum esse nutrices cunis omissis in eodem in quo decumbunt lecto, fœtus constituent quò facilius mammas eis admoveere per noctem possint. Sæpè quippè factum fuit ut dum in eodem lecto ubera admovent puellulis, somno oppressæ eos suffocaverint, scilicet mammis inscienter & mala ratione dispositis; Idcirco lectulus ille peculiaris sternendus lodicibus & pulvinis ut decet munitus, qui cunæ vel cunabula appellantur *ἀπὸ τῆς κύνειν*, quod in illo *κύνῃ* seu *κύνῃ* hoc est partus seu fœtus reponi soleat; Annotandum insuper cunas ita debere in cubiculo constitui ut ad eas fenestrarum lumen rectè pertineat, ne dum lumen obliqua ratione oculos infantum verberat, strabismus seu oculorum distortio exiteretur: Ad alterum autem quod spectat, videtur perpetuo in usu fuisse cunarum motitatio vel ex Galeni loco ubi de Elephanto agit nutricis munia obeunte, atque ubi inter alia narrat quomodo plorante infante etiam cunas motitarit suâ proboscide quo is sopiretur, unde & forsan cunæ *ἀπὸ τῆς κύνειν* à κύνειν

vendo deductæ, quæ ratione ab insulando insula dicta, ut notat Vossius in Etymologico. Verum enim verò si usu recepta fuit ista cunarum motitatio etiam juxta Galenum lib. 1. de sanitate tuenda, ea solummodo ad fortum sopiendum fuit instituta, si itaque possumus obtinere ut infantes absque motitatione somnum capere possint, non levis exinde sequeretur utilitas, quia dum nutrices molestâ consuetudine cunis motitandis operam dant, per noctem somnum capere non possunt, unde lac illarum calidius multò redditur, à quo postmodum maximè læduntur infantes, non ergo bene consultum à Platero qui statim à fasciis continuè donec dormiat agitandum esse fœtum mouet, cum apud nos iste motus somni non accedentis remedium esse soleat post Galenum, debeamusque prius experiri an somno sine motitatione indulgere possint infantes quam illicò de illa cogitare, quæ si omnino non admitteretur res infantium felicius succederet.

Tandem adjicit Platerus infantem ut lactere discat uberibus matris esse admovendum, illudque faciendum vult statim à Balneo à quo sitibundus solet exire, in quibus verbis, primum illud annotandum à Balneo non esse admovendam uberibus matris infantem, cum nullum admittimus balnei usum. Secundum malè Platerum dixisse uberibus matris esse admovendum infantem ut lactere discat, habet quippe illud documentum à natura ipsa, quæ pueros sugere lac à mammis docet; Sed an uberibus matris, quod voluit Platerus, an uberibus nutricis admovendus sit inquirendum. Observandum tamen est prius nescio quoddam phlegma viscidius ventriculi fœtus parietibus adhærescere, quod sit educendum quàm lac ingeratur, quod quidem facilius fiet opera si vini tantilla portio saccharo medicata, putà drachma una sacchari pro unciiis duabus vini, ex digito sugenda vel ex cochleari sorbenda ei exhibeatur, oleum amygdalarum dulciù etiam saccharo medicatum.

℞. Olei amygdalarum dulcium & sine igne extracti ℥j. Sacchari candi. ℥ii. Misce ad usum vel digito vel ex cochleari, ut dictum est; Quorum vicem subire potest, syrupus violaceus ad unciam unam cum uncia semisse olei amygdalarum dulcium permixtus ad eundem usum, his per solidum diem utatur infans recens natus, donec præsto sit nutrix & omnem sputando rejecerit pituitam, nec enim aut mel aut butyrum in eam rem probamus. At quæritur an tunc de cassiæ medulla vel de mannæ decocto tutius sit cogitare: quicquid alii aliter sentiant, nos à catharticiis istis abstinendum existimamus rebus rectè compositis, at morbo aliquo postulante pro rerum momento consilium est capiendum. Elapso tempore designato & magna pituitæ portione repurgata, lacti infans committendus, an materno, an alieno quæstio instituitur, quam ut brevi dissolvamus, dicimus oprandum esse ut omnes ex æquo matres forent pares alendis fœtibus, cum plurimas liceat observare inidoneas huic operi propter pectoris, pulmonisque intemperiem fervidiorem, quam vulgò imbecillitatem vocant, aut propter Viscerum nutritiorum pravam dispositionem. Insuper dicimus vel matrès alendis fœtibus idoneas 8. solummodo diebus à partu Mammæ eis præbere non debere, quonià id. quod primis diebus erumpit ex mammis lac convenientibus dotibus destitutum, infantem potius lædere quàm nutrire potest, ut pote quod sua tenuitate seu potius aquositate & alvum solvere & in eo tormina excitare par sit; Demùm quia non paucae plantæ alieno solo traditæ feliciter luxuriant suamque (quod de malis Persicis dictum) deponunt malignitatem, & quia vel ferocia animalia mitioris animalis lacte mitescunt, ita & pluries liquit observasse alienam nutricem alterius quàm matris sit temperamenti, suo lacte emendasse in visceribus matris contractam in fœ-

tu intemperiem. Id licet Gellius cap. 1. lib. decimo noctium Atticarum culpaverit licetque major multa convenientia alimenti extra uterum à matre suffecti cum alimento ab eadem suppeditato intra uterum, quia tamen non levia exinde emergunt incommoda, quibus sustinendis melioris sortis mulieres non sunt pares, & quia alias nutrices non difficile est invenire bonâ valetudine, laudabilibusque dotibus institutas, idcirco satius duximus alieno quàm materno lacte fœtus nutriendos exhibere, neque enim Vitellii Imperatoris crudelitatem vel Caligulæ ebrietatem post Suetonium, nutricibus alienistribuendum putamus, aut si nutricibus, illud imputandum intemperatis quas à fœtus nutritu prorsus arcendas existimamus, nec melius valet quod super ea re Joubertus refert, nisi ad suæ ipsius fœminæ encomium quam quatuordecim, ni fallor, puellulos nutritis venditat, quod nusquam in exemplum sumi debet à prædivitis mulieribus.

Reliqua Plateri verba quæ hortantur ut puellulæ à balneo sitibundo potius mamme admoveatur inutilia prorsus sunt, cum balneum ipsum nullius apud nos sit utilitatis, itaque hæc super puerperæ infantisque recens nati regimine ex Plateri textu licuit annotasse, quibus plura licuisset adjicere, si ut de regimine puerperæ bene se habentis & pueri recens nati in bona valetudine constituti, ita de morbis illorum disse-
rere animus fuisset.

De Lochiorum retentione cum urinæ suppressione & doloribus post partum.

Mulier partu laborioso, in quo ab obstetrice ruditer tractata, filium enititur, quem difficilis & tarda secundinatum earumque frustularum discerptarum exclusio sequitur. Hinc lecto imposita altero mane graves abdominis lancinantes, & ad pubem usque protensos dolores patitur, repetitis vicibus recurrentes, similes partus doloribus. Dolet simul acerbissimè circa pubis regionem, ita ut præ dolore tantum non ejulare conatur. Lochia parcè fluunt, similia loturæ carniù, eaque pauca, urina difficulter redditur, & tandem penitus supprimi videtur. Ponderis sensum in regione abdominis hypogastrica intrinsecus sentit, versus genitalia prementis. Tertiâ denique die vocatur Medicus, qui ægram præter enarrata frigidiusculè circa extrema, ac frontem sudantem cum singultu offendit, simulque pulsum celerem, frequentem magnitudine & vehementiâ moderatum, durum nonnihil deprehendit. Adstantes flagitant curam.

Resolutio. Affectus est complicatus, consistens primariò in lochiorum retentione, secundariò in suppressione urinæ & doloribus post partum.

Pars affecta. Uterus, hinc vesica & partes membranosæ vicinæ.

Causa proxima, grumi sanguinis, à quibus irritatur uterus, unde dolores spasmodici, quales sub partus tempore adsunt; ab iisdem grumis ponderis sensus in regione hypogastrica.

Causa remota, aër frigidus sub partu laborioso, & tardiore secundinarum exclusionem admissus, qui puerperis sicut & potus frigidus, perniciosissimus, ita hic grumescentiam sanguinis introduxit, & consequenter lochiorum suppressionem. Quod effluit, est saltem serum, à sanguine grumescente separatum, & pauxillo sanguine tinctum, hinc loturam carnis refert.

Urinæ suppressio est à læsione genitaliù circa collū vesicæ, quæ imperita obstetricis manu durius tractata tumescunt, quæ tumore occursum aëris frigidi auxit; sæpè collū vesicæ planè laceratur, undè urinæ stillicidium planè incurabile.

Frustrula

Frustrula secundinæ retentæ potius hæmorrhagiam quàm suppressionem lochiorum inducunt. Sicut etiam mola retenta, fœtus mortuus, debilis, ad copiosum sanguinis fluxum disponunt.

Sæpè à frigore suscepto, vel potu frigido hausto abdomen à partu tumidum manet, vix nisi maturè, vel novo partu curabile.

Metus est, ne lochiorum suppressioni febris acuta, urinæ retentioni graviora symptomata superveniant.

Excretio loturæ carniū similis inuuit orificiū apertum adhuc: dolor, spirituum motum ad uterum, mollientem excretionem arguit: neutrum malum.

In cura. (1) Lochiorum fluxus promovendus stimulantibus, & aromaticis; grumos resolventibus. Solis æstimulantibus nihil obtinebis, quàm ut dolores intendas, excellunt Myrrha, crocus, borax in aqua cinnamomi. Item pro grumis resolvendis, lapis canceror; propter vim traumaticam, decoctum artemisiæ in cerevisia addito croco, tinctura antimonii ex scorii reguli ad 3ß. egregia.

Externè suffitus ex colocynthide, vel scorii reguli antimonii, vel urina putrefacta, quæ leni calore sat volatile acerrimum emittit, per insundibulum excipendum in lochiis & mensibus suppressis. Si ægra habitior, & metus febris ardentis urget. Venâ secanda in pede.

Puerperæ nostræ ad lochiorum fluxum promovendum, dedi.

℞. Borracis venet. 3ß. myrrh. gr. xvii. croc. 9ß. M. Pro 2. dosibus; primam dosin sumplit mane, alterâ evomuit, unde præscripsi.

℞. Sal. Card. bened. artem. an. 9ß. Borrac. venet. 9ß. M. Pro 2. dosibus, à prima dou sub ves. eram sumpta sat commodè fluxere lochia, in sequente manè penitus supprimuntur cum ventris tumore, inenloque dolore, sudoribus frigidis, unde cum sanguinis grumos suspicarer.

℞. Aq. Chærefol. matricar. an. 3iß. Aceti vini acerrim. 3vi. lapid. cancr. præp. 5j. Myrrh. gr. xv. syrup. artem. 3vi. laud. opiat. gr. iß. M. capiat probè agitatam saltem cochlear. hinc sequentes sacculos calidè simul abdomini applicandos præscripsi.

℞. Herb. absinth. chamom. an. M. iij. Matricar. M. ij. rad. angel. 3ij. femin. 4. calid. major. an. 3ij. baccar. junip. 3ß. concisis & contusis includantur sacculis duobus, repetitis vicibus applicandis.

A mixtura prædicta sanguis dissolutus fuit & evacuatus, cujus usum etiam in casu ab alto, lochiis à partu resistentibus, & læsionibus uteri consolidandis multiplici experientia confirmatus recomiendo.

(2) Urinæ excretio promovenda leniter stimulantibus, potissimum lapid. cancr, egræ dictæ sequens applicatum fuit:

℞. Herb. parietar. M. ij. chærefol. M. iß. incisa coq. ad Consistentiam pult. adde butyr. recent. non salit. 3ij. ol. scorpion. 3iij. terebinth. destill. 3iß. M. f. cataplasma calidè applicandum pectini.

(3) Doloribus urgentibus providè obviandum, commendando decoctum chamom. vulg. cum cortic. aurant. (quamvis sit nauseosum) additâ ad stimulandum myrrhâ & artemisiâ, externè sacculi calidi imponantur, illito prius hypogastrio oleo destillato succini & juniperi.

(4) Virium prostrationi succurrendum, quod fit, absente febre spirituosius, aqua cinnamom. vino generoso, cujus odor & potus egregius ad refocillationem, tinctura corall. cum spiritu cornu cervi. *Michaël Ettmullerus in Collegiò Consultatoriò.*

De Lochiis per alvum expurgatis.

Lochiorum post partum expurgatio copiosior nonnunquam est iusto, parcior nonnunquam, interdum

planè intercepta. Pro diminuto vel cessante fluxu lubrica alvus confert, cujus rei causam non rarò admiratus sum: novi puerperas quibus nulla lochia post partum successerunt, magno vitæ discrimine: injecto verò clystere simplici, alvoque soluta convaluerunt, quibus diarrhœa loco sanguinei purgamenti fuit salutis: quum uxor mea charissima feliciter filiolum meum Casparum enixa esset, parcissimè præter morem lochia fluxerunt, sed continuâ ferè aliquot dierum diarrhœa sine ulla virium jactura purgata fuit. Dubitavi per quas vias retracta sit materia ad intestina; longæ viæ sunt, nec hic per alvum cruor decurrit: igitur verò mihi sit simile per alvum revelli & evacuari serum quo alioqui diluitur sanguis & impregnatur ad venas uteri patentes deducendus. *Thom. Bartholinus. Histor. 19. cent. 2.*

Pro Lochiorum fluxu immodico

Mulier quædam post abortum à sanguinis fluxu immodico summam patiebatur virium dejectionem, illi præscribo frictiones & ligaturas partium superiorum, cucurbitulas sub mammis, epithemata & pullos columbinos, fœtus manuum cum vino calente; in quo confectio alkerm. dissoluta sit, & sequentem potionem.

℞. Aq. plantag. naph. & ros. an. 3i. syr. corall. 3i. sal. prunell. 3i. sang. drach. 9ß. M. F. potio, quæ itatim fuit exhibita, antequam reliqua remedia fierent, & intra horæ quadrantem dolores ventris & lumborum quieverunt, & fluxus immixtus est, ut aliis remediis non indiguerit. *Lazarus Riverius. obs. 96. cent. 1.*

Curatio fluxus sanguinis immodici in illius cohibitione tota versatur: summa tamen cautio adhibenda est, ne quod per huiusmodi purgamenta excerni consuevit, intus retineatur, & gravissimorum affectuum causa evadat. Ideo si affectus non vehementer urgeat, à levioribus incipiendum erit, ad potentiora, si opus fuerit, sensim progrediendo; ac primùm sanguinis impetus cohibendus est alimentis incrassantibus, ut panatellis, gelatinis, oryza, amylo, cum iusculis pedum vituli, pyris, cyden. coctis, carnib. assis succo, granatorum aspersis. Cibus paulò copiosior exhibeatur, non tamen una vice; sed potius frequentè, cum modo calor & spiritus, qui expulsionem in utero adjuvant; ab utero ad ventriculum avocetur, vires instaurantur. Vitelli ovorum huic conveniunt: ham & facile coquantur, & calorem ad ventriculum avocant: potus sit aqua ferrata, vel extinctionis auri, vel in qua parum mastiches bullierit, venter fasciâ mediocriter constringatur: quia hoc modo comprimuntur vasa & fluxus immodicus impeditur, lumbis admoveantur lintea oxycrato madefacta: si diutius duret fluxio, pulvis vel opiata ad plures doses præscribi potest in hunc modum.

℞. Lapid. hæmatit. 9iv. pulv. bol. arm. corall. rubr. margar. præp. an. 3i. sem. plantag. coriandr. præp. & gran. sumach. an. 9ii. M. F. pulvis tenuissimus, de quo capiat 3i. cum decocto centinodiæ & syr. cydoniorum.

℞. Conserv. ros. rad. symphyt. an. 3j. bol. arm. troch. de carabæ; & corall. an. 3i. cum syr. corall. vel de ros. ficc. F. opiata de qua capiat ad magnitudinem castanæ, superbibendo parum aquæ potus ordinarii.

Exterius verò fœtus & unguenta utiliter admovebuntur in hunc modum.

℞. Summitat. lentisc. rubr. plantag. cupress. olivæ; polygoni, an. M. j. rosar. rubr. p. ii. granor. myrti 3iß. nuc. cupress. numero vi. cortic. granat. p. ii. coq. in aq. chalybeata & vino rubro adstringente, & colatura roventur partes muliebres valde tepidè & ferè subfrigide.

℞. Unguenti comitiss. 3ii. succ. plantagin. 3i. agiten.

agitantur simul, & fiat linimentum, applicandum post partum.

Injectio in uterum etiam potest fieri ex sacco plantag. à Galeno laudato, vel decocto fatus prædicti.

Reliquis remediis non conferentibus, venæsectio in cubito præsentaneum est remedium, si paulatim & per quædam intervalla sanguis educatur; sic enim multas deploratas convalescere experientia docuit.

De somno peculiariter hæc annotandum, dum sanguis copiosè effluit, eum esse penitus arcendum, multæ enim ex eo de medio tolluntur, quia calor ad interiora retractus majorem fluxum efficit: & si aliquando is concedendus sit, aliquis ex ministris semper adesse debet, qui ægrotantis pulsum & respirationem observet. *Lazarus Riverius. prax. medic. lib. 15. cap. 21.*

Pro Lochiis suppressis

In puerpera lochiis suppressis laborante recte usus sum hoc decocto.

℥. Hord. mund. M. j. liquir. ras. ℥ss. schænanth. ʒi. coq. in aq. pro ʒbi. id quidem vel in febre non obest, & simul purgationes sopitas aperit, debilioribus ʒi. schænanth. in jure pulli bullire jubeo: hoc enim modo Florentiola medicus Bononiensis utebatur: valet & jus cicerum. Mulieres Bononienses dant jus columbæ in quo bullierit schænanthum ad purgationes promovendas; estque remedium Nicolai, at in robustioribus puerperis, si menses diu retineantur, venæ tali incidenda, ut in quadam cum maximo successu fecimus, menstrua purgatione subsequente: etiam sumendo ʒi. pulv. dominarum cum aq. artemis. *Petrus Forestus obs. 82. lib. 28. De morbis mulierum.*

Hunc potum sibi reddat familiarem aliàs à me experitum.

℥. Fl. chamæm. M. j. pulv. cortic. arant. sic. ʒj. coq. in f. q. cerevis. cujus colaturæ sacch. finiss. parum misceri potest: ab eo aliquoties assumpro melius habuit, *Jo. Petrus Lotichius. obs. 21. cap. 1. lib. 5.*

Purgatio convenire potest septem vel novem diebus à partu, ex infus. rhei, agar. aut senæ; vel cum jussulo laxante ex herbis ac rad. aperient. cum sena parato; vel cum mannæ ʒi. in jussulo dissolutæ. *Lazarus Riverius, prax. med. lib. 15. cap. 22.*

Nobilis mulier pudicitiam suam prostituerat, utroque conceperat, conceptus ferè trimestris. Cum de ea re nulli suboleret, fortè cum joco multa faceret patereturque, in vicinum lectum conjicitur, in ejus ventrem incidit juvenis, qui impetu lapsus, & sua ipse mole opprimens, tantam utero vim intulit, ut illis fuerit fœtus: ingens copia sanguinis fluit. Qui aderant nil tale de conceptu cogitabant. Advocatus medicus, de amissa pudicitia ne cogitare ausus, totum id ad pressum istum referebat, idè rogatus ut omni ratione sanguinem cohiberet, & supprimentia, & sectio-nem venæ recens enixæ adhibuit. Sequenti die theum præscribuit, nihil inde alienum consecutum, an urgente necessitate recens enixas ad solennia remedia adigere audebis. *Guill. Ballonius lib. 1. Epid. & Ephem. pag. 53.*

Lochiorum fluxus nimius usu Lapidis Hamatitidis cohibitus, manu detenti.

Fœmina Limburgi ad Lhanam nimio Lochiorum fluxu laborabat; multa nec non optima remedia frustra adhibuit, tandem ex consilio fœminæ cujusdam lapidem Hamatitem manu tenebat, Quid sit? illico fluxus sistitur. *D. Joh. Dolai.*

Uxor cujusdam Mercatoris expletis Mensibus absque laborioso nixu puerperio, natura ipsa obstetricante partum absolvebat. Circa fœtus exclusionem mirum & intolitum quid contigit: Conficiebatur enim absque ulla sanguinis profusione, cujus ne guttula in conspectum venit, sed loco ipsius lymphæ viridis non dissimilis solutioni vitrioli commun. cum aqua simplici factæ, præter propter pondere 20. librarum lochia constituebat. Aqua erat limpida, dulcis, omnis acrimoniæ expers, duravitque ejus fluxus integram mensem satis copiosus absque ullius sanguinis vestigio: Neque puerpera hinc male habebat: sed uti feliciter enixa erat, ita reliquo tempore puerperii, absque multis torminibus aliisque incommodis traducto, in hunc usque diem vivit sana optimaque utitur valetudine. Notandum, quod secundinæ, quanquam dilaceratæ & cultelli acie multoties discissæ nihil sanguinis, sed similem liquorem limpidum & aquosum profuderint. Hæc ob causas fœtus non est exclusus justo infirmior, sed uti integris viribus mundum intravit, ita iisdem adhuc absque ullo sanitatis vitio bene fruitur. Hinc evidenter apparet, quàm lubrica sit illorum opinio, qui sustinere conantur, lochia esse residuam sanguinis partem pro nutritione & augmento fœtus ad uterum delatâ.

Scholium.) Cum humorem fœtus nutritium à matre suppeditatum non purpureum illum esse, sanguinis nomine propriè venientem, compertum sit, verum albicantem aliquem & serosum, similem feri evacuationem ex oscillis uterinis hæc contigisse; & cum sanguis puerperis à partu recenter exstillans non aliam originem agnoscat, quam vasorum sanguineorum, in uteri substantia radices agentium, à prægresso enitendi conatu, sive uteri forti commotione, & hinc subsequente placente separatione violentam reparationem, in hoc autem casu absque laborioso nixu puerperium successerit, & ita oscula vasorum sanguiferorum non dilacerata fuerint, potius istos, qui liquorem nutritium graviditatis tempore ex arteriis uterinis in placentam derivaverant, ulteriorem saltem feri istius à sanguine separari fluxum concessisse, crassioribus autem cruoris particulis exitum denegasse, foret credibile, nisi & ipsa placenta discissa, sanguinis loco, similem aquosum liquorem suppeditasset; Unde potius in hoc subiecto ipsi sanguini tincturam purpuream omnino defuisse dicendum erit. Qualem rubedine destitutum sanguinem in aliis quoque fuisse deprehensum novimus, exempla promentibus Joh. Rhodio cent. 1. observ. 36. cent. 3. obs. 72. Petr. Borello cent. 1. hist. 25. Thom. Willisio de febrib. cap. 1. Henr. Oldenburgio Act. philosoph. Angl. Num. 6. §. 4. 10. & Num. 8. §. 8. Ephemeridibus Nat. Cur. Ann. 2. observ. 210. & Ann. 3. obs. 123. &c. Quæ tamen dum vel recenter è cibo comesto prolectum, & nondum cum sanguine intimius permixtum chylum proponunt, vel saltem sanguinem illum in cachecticorum, febricitantium, aut alio morbo laborantium corpore exstitisse innuunt, quid hæc decernere liceat, haud video. Chylum enim non fuisse, nec puerperæ fœtusque sanitatem admodum laborasse, ipsa historia loquitur. Sanguinis equidem in genere considerati essentiam in purpura non consistere, vel Hippocrates lib. de glandulis testis est, illud album, quod ex glandulis dissectis erumpit, sanguinis nomine dignatus, per hunc ipsum tamen sanguinem album nil nisi serum intellexisse, Hier. Barbatus tr. de sang. & ejus sero benè interpretatur, utpote cujus feri quoddam quasi promptuarium sunt glandulæ; id ipsum vero ita solitarium in humano corpore pro sanguine vitali & sano nemo facile agnoverit. Licet enim imperfectiorum quorundam animalium, uti cochlearum (vid. Exc. D. Joh. Jac. Harderi examen anat. cochl. terr.) lique-

liquorem vitalem albicare certum sit, in homine tamen similis ubi occurrit, aliquid præternaturale, & ita morbosum, à quacunque demum causa, sulphur sanguinis rubicundum subjugante, ortum habuerit, evincit *D. Joh. Petri Albrechii*.

Lochiorum Suppressio.

Autumni frigidi injurias experta puerpera Hafnien-sis, non satis forsan cautè se in actu hoc gerens, nec fortuna satis lauta id concedente, post partum cæ-teris benè ex voto fluentibus, lochiorum suppressio-nem passâ est. Quid inde? id certè rarum non est. Sed inter raros casus referendum quod huic accidit. Totum enim corpus tuberculis hinc inde oblitum fuit & defœdatum raro spectaculo, incaluitque à sangui-ne resitante, sive ab uteri vasorum obstructione, sive sanguinis crassitie. Vasorum obstructio impedire po-tuit sanguinis aliàs ex reliquo corpore, ubi gestatio-nis tempore retentus fuerat, nec expurgatus men-struis purgationibus, excernendi cursum, unde ille in tubercula congestus. Consultus sectionem Saphenæ suasi, & pellentia interna, sed moderate sumenda. Memini in alia puerpera parciorem lochiorum fluxum, alvi liberaliori obsequio compensatum. *D. Thoma Bartholini*.

Lochiorum Fluxus per Nares.

Muliebria purgamenta (sive menstrualia sive puer-perialia fuerint) non subsistere utile, prædixit Hip-pocrates in 522â Coaca, quod in præced. 516â sic explicuit: Quæ ex partu & abortu copiosè, celeriter, cum impetu ferri, i. e. fluere solent, si subsistunt, mo-lestiam exhibent, quæ molestia consistit in rigore, præcordiorum dolore, è quibus (uti habet prædictio Coaca 522.) comitiales morbi oriuntur, nisi videli-cet postmodum decenter fluant.

Veritatem harum prædictionum proprio q. cotio stabilivit Lipsiæ Mens. Jul. Anno 1670. paupercula quædam meretrix, Desslaviâ Anhaltina, hæc fætum furto conceptum, depositura, cogebatur ob fortunam summe tenuem sub Dio Lucinam vocare, quæ ipsi quoque optatas tulit suppetias, filium optimè forma-tum in lucem mittendo. Ast, dum enititur, ob exter-num, eumque udum aërem (qui in canicularibus quoque utero insensus) Lochia retinebantur, quo fa-cto, Symptomata ex supra citatis prædictionibus coac-is, ipsam miserculam statim invadebant: Interim providentiâ magistratus oppidani in Nosocomium, in quo cum de Lochiis suppressis conqueretur, atque meo consilio uteretur, statim curationem direxi eo ut Lo-chiorum fluxus via ordinaria promoveretur, ad hunc scopum facientibus medicamentis: Verùm irritò om-nia conatu: Die tertia post partum, circa medium noctis, incipiebant Lochia erumpere per largissimam hæmorrhagiam narium, quæ duravit usque ad meri-diem diei quartæ, quo fluxu etiam perfecte purgata atque restituta fuit citra aliorum medicamentorum ulum. *D. Pauli Ammanni*.

Secundina in utero retenta.

Anno 1667. Furstenvvaldiæ ædes locaram paternas cuidam Bibliopego, cui nomen Michaël Koch: ejus uxor 30. annorum, nomine Anna Schachin, Züllichia oriunda peperit filium, sed mortuum. Provida ob-stetrix cum sentiret secundinas, quas avellere non po-terat, utero esse accretas, umbilici partem ex utero propendentem filo robustiore confirmatam femori al-ligavit, ut eo indies secundinatum solutionem citra detrimentum uxoris tentare posset. At frustra hoc ge-

nus remedii adhibitum fuit; etenim pars umbilici ex-tra uterum citò putredine absumebatur, secundina in utero firmiter remanente. Cùm autem mulieri pro-pterea nullum gravius symptoma accideret, & medi-camenta averteretur, nulla ei fuerunt adhibita reme-dia, obiitque mulier sua munera in ædibus sana per annum integrum cum dimidio, quo transacto tem-pore secundinam aridæ instar pellis sponte excidisse eadem jurato affirmabat. Concipere verò non pote-rat per id tempus, quo secundina in utero hæ-sit. Atera vice impregnatæ mulieri eadem accide-runt, quæ jam de ipsius partu & secundina per unum & dimidium annum in utero retenta enumerata sunt. Tertia autem vice cùm in partu ipsi similiter non possent ab utero solvi secundinæ, mulier cum infan-te suo in ipso partu mortua est. Rarus mihi hic ca-sus videtur, & notatu dignus, cui fidem vix adhi-buissem, nisi meâ is constaret experienciâ, & con-juges prædictos ipse in ædibus aluissem. Docemur hoc casu, nostri esse officii, jubere Obstetrices in simili-bus casibus, ubi secundinæ sponte non excidunt, nec facilè ab utero separantur, ut eas ab utero vi sum-ma minimè dissolvant, aut accretas suis unguiculis, ad id opus acumitatis, felium instar scalpendo dila-cerent & sic violentia quadam eas extrahendo præ-sentaneam mortem accelerent, quod equidem sæ-piùs à me & aliis in Praxi Medica observatum est.

Scholium.) Quamvis secundinæ retentæ magnum ut plurimum minentur periculum, aut ipsam etiam mor-tem accelerent, nonnunquam tamen absque singulari incommodo easdem in utero diu restitate novimus. Id verò pertarum est; qualia, præter hîc allatum rarissi-mum, exempla tum in Ann. 3. Ephem. N. C. obs. 117. tum in Actis Medd. Hafn. Barth. Vol. 2. obs. 22. apud Theod. Kerckringium obs. anat. 30. & Laz. Riverium cent. 2. observ. 3. occurrunt. Idque fortassis accidit, corpore illo arctius utero etiam post partum adhærente, eique per humoris ex utero in illud instil-lantis glutinositatem quasi adcreto, humidis autem secundinæ particulis sensim dein evacuatis aut evapo-rantibus; vel etiam uteri osculo post partum arctius occluso aëris corruptionem minantis, adpulsum in-hibente. Qua ratione autem tardior illa post partum secundinarum ab utero separatio provide sit promo-venda, (ne, quod Hippocrates lib. de superfœtat. habet, violenter detractæ inflammationem excitent) præ aliis eleganter edocuit Franc. Mauriceau de Morb. mul. lib. 2. cap. 9. & 13. *D. Christiani Menzelii*.

Secundinarum post laboriosum partum ultra ses-quimenssem retentorum frustillatim facta exclusio

Civis apud nos uxor, aliquantum corpulenta, sta-turæ propemodum mediocris, temperamenti sangui-neo-phlegmatici, annorum 42. mater tredecim libe-rorum, jamque quarta & decima vice utero gerens, anno 1682. D. 30. Nov. post laboriosum non in sedi-li, sed in lecto inopinato enixum partum, quo inte-grum biduum transegit, non subsequenter secundinis, ex earum retentione periculosè laborare cœ-pit. Paulo enim post præcordiorum ingruit anxietas, vires decidere, venter intumuit, dolor in inguine & infra sinistrum cruciavit hypochondrium. Interea, ex-cluso fœtu, haud mora adhibuimus omnis penè ge-generis remedia secundinas expellere apta aliàs nata, qualia sunt:

℞. Pul. adpart. valid. ℞ss. ægagropil. testicul. equin. præpar. an. gran. v. M. D. pro unâ dosi.

℞. Ol. succin. dest. fabin. dest. an. gurt. v. Sacch. alb,

alb. ꝯß. sal. volatil. succin. gr. vii. Aq. artemis. melil. an. ꝯj. M. D. pro una dosi.

℞. Sem. melon. exc. Nucl. persic. an. ꝯj. Aq. artemis. Aq. puleg. calcatripp. meliss. an. ꝯj. F. l. a. Emuls. add. Ocul. cancr. præpar. succin. alb. præpar. an. ꝯß. borac. Venet. sol. Margarit. an. gr. v. Man. Christ. perlat. ꝯij. Aq. cinnamom. flor. cordial. ꝯvi. M. D. pro aliquot dosibus.

℞. Mag. succin. ꝯß. Sol. ocul. cancr. testicul. equin. præpar. an. ꝯj. borac. Venet. diagryd. sulphurat. sal. succin. volatil. an. ꝯß. aq. consolid. regal. artemis. meliss. flor. cheir. an. ꝯj. cinamom. opt. ꝯß. Man. Christ. perlat. ꝯj. M. D. pro aliquot dosibus.

℞. Aq. artemis. puleg. meliss. an. ꝯß. Pulv. addystociam August. ꝯß. borac. Venet. stamin. lil. alb. an. ꝯj. ol. sabin. dest. cum saccharo albo ritè subact. gutt. vi. syr. artemis. ꝯij. M. D. pro una dosi.

℞. Rad. Aristol. r. ver. liquirit. pimpinell. an. ꝯij. H. scord. betonic. meliss. an. Mj. Flor. calendul. sambuc. hyperic. an. p. j. bacc. laur. contus. Myrrh. sem. fœnugræc. an. ꝯj. Coq. in s. q. aq. lil. ab. ad dimid. part. consumption. Colaturæ ꝯviii. add. Mell. anthos. Mercurial. an. ꝯij. Ol. è vitell. ovor. amygd. dulc. hyperic. simpl. momordic. an. ꝯij. Bals. Peruvian. ꝯj. M. pro injectione uterina aliquoties repetenda.

℞. Ung. Basilic. ꝯj. succ. rutæ ꝯß. trochisc. de myrrh. ꝯj. pulv. castor. ꝯj. aq. puleg. artemis. meliss. an. ꝯij. Bals. Peruvian. ꝯß. M. pro injectionibus uterinis.

His potioribus hîc adductis aliisque similibus, summæ aliàs in exturbandis secundinis virtutis, unâ cum interpositis pro virium refectione cordialibus, fomentationibus item humidis siccisque, nec non inunctionibus, pessis, inque similibus casibus commendabilibus cæteris pluribus præsiidiis, sollicitè in usum vocatis, hoc solum effecimus ut tertio à partu die membranacea portio vix semithaleri magnitudinem æquans, & elapso integro octiduo carnosol-membranaceum frustum longitudine & crassitie pollicis digitum æmulans ex vero proruperit; relicta in eo cætera secundinarum congerie, quæ pluries, nempe vel duodecies repetitis in uterum factis injectionibus balsamicis quasi ac aloëticis à vehementiori putredine ita præservatæ sunt, ut acrior febris putrida nulla exarserit; utut inde exhalans fœtor putidus adstantium nates graviter ferietit.

Exacto integro Mense, die nempe 30. Decem. iterum secëssit totum carnosum conglobatum frustum pugni magnitudine, molæ carneæ, quam secundinarum portioni similibus; injeçtis intra id temporis continuis cum uterinis, tum pro sollicitanda segniori alvo, ano immissis Enematibus, itemque laxativis communibus superiori gutturi oblati; nondum etiam omisiss secundinarum exclusioni dicatis, jamque partim superius commemoratis, licet minùs fortibus & parcius exhibitis medicaminibus. Cum enim interea febrilis quidam calor, cum siti, interpolato capitis dolore, & pervigilio continuo ingruisset, mutatis hinc indicantibus, ipsa remedia methodi incedendi lege, mutari debuerunt. Proinde ad febrem aliâque urgentia symptomata respicere coacti, relicta ipsi Naturæ secundinarum exclusioni, quæ ad ea averruncanda necessaria videbantur præsiidia, inter quæ & venæsectio in pede erat, surrogavimus, maximè cum advertere liceret, adhibitis quantumvis fortissimis secundinas expellentibus nihil unquam, contra verò nullis usurpatis remediis, sua sponte illam molam, cæteraque secundinarum frustra ex utero abscëssisse, eleganti argumento, quàm impossibile sit, Naturam cogere, quàmque nihil illâ invitâ efficere liceat. Quin sæpe præstat restituendæ sanitatis nego-

tium patienter officiosissimæ Naturæ officio ac temporis committere, quàm præfestinata curatione graviora mala, uti haud rarò fit, accersere. Adhuc enim quotidie comperimus, Naturam morborum esse præcipuam medicatricem, Medicum verò Naturæ ministrum. Ita persuasissimi sumus, secundinas uterò tenaciter adnatas nulla medicaminum vi priùs avelli potuisse, quàm facta demum tempore earum maturatione & spontanea separatione, quemadmodum abscessus non prius dehiscit, quam suum maturitatis tempus fuerit nactus.

Potissimum symptoma, quod hîc plurimum negotii faceffit, proptereaque in specie commemoratu dignum, est faucium, uvulæ, amygdalarumque inflammatio, & linguæ summa ariditas, ab elatis ex utero putridis vaporibus, accensoque inde sanguine calore dubio procul orta. Hoc symptoma tantum minatum est periculum, ut, labefactata inde deglutitione, viribusque subinde magis labascentibus, conclamata res videretur ancipiti prognostico relinquenda, maximè quando omnia illa præsiidia, ut sunt injectiones acidæ per siphonem frequentissimè institutæ, ablutiones faucium penicilli beneficio in horas factæ, gargarismi acidiusculi, epithemata collo inducta, ipsaque raninarum venarum sectio, nihil aut partum profecisse visa sunt.

Sed quid? In mediis dum versamur angustiis, D. 15. Januar. 1683. adeoque sexta à fœtus enixu septimana vix tale quid sperare nobis audentibus, totus secundinarum acervus ex utero profilit; quo factum, ut non solum dictum faucium malum paucis post diebus remittere ceperit, sed & vires paulo post paulatim redierint, illaque circa inguina, ex retentatum secundinarum conglomeratione ac adhæsiōe enata intumescencia, indeque prognatus infra sinistrum hypochondrium aggravans dolor, exclusis secundinis innox evanuerit, subsecuta non longe post pristina valetudine, solumque relicto levi sinistri pedis circa malleolos tumore, quem itidem sponte brevi speramus. D. Georgii Abrahami Mercolini.

De Secundina frustulo ultra mensem in utero retento, excreto.

Inchoante anno 1667. Hannoveræ curavi matronam primiparam mihi cognatam: huic per 5. septimanas frustulum secundinæ in utero restiterat sine ullo tamen incommodo. Quinta autem septimana repentè insignibus cordis anxietatibus & doloribus ventris corripitur, cui fini aromaticam misturam cum laudano opiato præscribo per intervalla assumendam. Usa hac est per 6. horas cum levamine: hinc in somnum incidit per tres horas durantem. Expergefacta dolores instar parturientis sentire incipit, & paulo post excernit frustulum carneum pugni magnitudine, quod ego pro residuo secundinæ non habere non potui. Exinde fluxus materiæ primò viridis post flavæ per bidduum, à quo optime convaleuit. Memini hic Præceptorem quondam meum honoratissimum Dn. Johan. Theodorum Schenckium, aliquando in lectionibus botanicis retulisse Illustrissimæ cuidam Comitissæ secundinam post partum per tres septimanas sine ullo tamen notabili incommodo restitisse: cum autem suavis alicujus vetulæ jusculum ex Chærefolio Romano sumisset, subito onerè fuisse levatam. Et sanè, verum ut fatear, vix herbam novi, cujus in partu difficili, & resistente secundina, majores vires fuisse cognoverim, quam Chærefolii & majoris sempervivi; sat scio neminem qui experientiam horum ritè facit falsum iri. D. Alardi Hermannii Cummeni.

De puerperio infelici à potu frigido.

Quantum actu frigidus potus puerperis præsertim non longè à partu oblit, docuit celeberrimus D. D. Marcus Gerbezius Medicus Labacensis, & amicus meus singularis: in suo tractatu de morb. complicat. part. 2. cap. 20. p. 453. unà cum Clariss. Dno. Dre Georgio Franco patrono atque collega meo semper colendo in Ephem. nat. cur. decur. 2. anno 9. observ. 200. quod etiam sequenti observatione patet.

Juvenis quædam fœmina, hîc Fetrariæ, uxor unius fabri lignarii annor. 21. feliciter peperit filiolum; puerpera hinc facta, sine ullo ventris dolore, lochia benè ac ritè fluebant, ejus die quinta à partu siti vehementi molestabatur, ad quam expellendam libram unam emulsionis semin. pepon. fact. l. a. in aq. stilat. cichor. gelid. ebibit, post cujus assumptionem totius corporis improvisus rigor accessit cum ventris tumore, dolore, ac nonnulla, exigua tamen convulsione; lochia suppressa sunt, ac die sequenti ingenti affecta fuit febris, à qua occisa est. *Ex communicatione Viri Præclar. J. D. Josephi Lanzoni Ferrariæ Medicinæ Professoris.*

De Terrore lethali in puerpera.

Hanc quoque observationem mihi nuper per literas communicavit prælaudatus D. D. Franc. de Evangelistis. Salacissima quædam muliercula, tempore diurnæ absentiae fratris sui adulterè compressa, masculinum concepit, & hunc die 21. Novembr. 1691. feliciter peperit, sed partum ab oculis fratris occultare non potuit, uno enim eodemque tempore, quo obstetrix filiolum vix natum in ulnis tenebat, ex improviso ejus frater ad eam ingreditur, & ex crimine sororis irâ percitus, ipsam strangulare contendit. Mulier perterrita in syncopen incidit, & vix ope aceti refocillata, laboriosè respirare incepit, hinc singultire, & in singultu, valdè concussivo per plures horas perseveravit. Secundinam ope singultûs ejecit quidem post duas horas à syncope, sed lochia retrocesserunt adeo, ut muliebria pudenda omnimodè exsiccata apparuerint. Tandem post septem vel octo horas cessit majori ex parte singultus, sed incidit in alium perversum diaphragmatis motum, quem à similitudine veri risus, risum præternaturalem appellare licet; sed hunc valdè atque iterum valdè tumultuosum, cum lacrymis continuè largeque profluentibus, qui risus perseveravit supra horas 30. & intermittebat solum per spatium, quo salutatio Angelica recitari potest, & tempore hoc intermedio bis, ter, & quater singultiebat, postea ad eundem risum revocabatur. Non bibere, non manducare, nec loqui poterat, Oculi adeo prominentes erant, ut ex orbita prolapsuri viderentur. Ego vocatus post horas 22. à partus obstupui ob similem affectum apud me omnimodè novum, ejusque causa pensitata, & indicatione sumpta ab animi pathemate, & lochiorum retrocessione ad partes spirituales, medicamenta cordialia, & quæ sale volatili abundant præscripsi. Sed hæc ob risum & singultum sumere non potuit, unde solummodo externis uti coactus fui, inter quæ nonnulla, quæ lochia prolicere poterant, uteri regioni admovi, interim quamvis pulsus valde obscurus (ex nimia sarcina) appareret, unam tamen ex saphænis tundi præcipio, sed incassum, quia nullus sanguis ex aperta vena prodijt, idque non alia ex causa quàm quòd in forami gelatinæ abierat, ut ex duabus vel tribus guttulis observare potui, tandem cum ex carnosa, valde extenuata evasisset, & per tot horas cachinnasset, lacrymasque profudisset, à valido terrore correpta, vitam

cum morte commutavit, post horas quadraginta à partu. Puerperæ postquam parentatum fuit, cadaver aperuimus, & quod observatione dignum, vidimus ejus venas sanguine destitutas ferè, ac qui aderat; sine humiditate apparebat, observavimus insuper diaphragma undiquaque vesiculis polyporum colore protuberans, quarum nonnullis phlebotomo adaptis, emanabat serosus liquor aqueo liquore, sed acidissimo odore ita imbutus, ut ob acutiem nares offenderet. Cum isto humore gossypium imbuimus, & aliquot guttulas expressimus in tincturam floris cærulei coloris, cum qua plura experimenta ad explorandas differentias saporum acidorum olim feceramus; invenimus autem istam tincturam in colorem rubro flavescens convertam fuisse, non aliter ac si in eandem spiritum vitrioli instillavissimus, atque ita ab insigni aciditate hanc mutationem evenisse credidimus. Quod naturaliter possit dari tam insignis aciditas in humoribus, aut saltem in succo pancreatico, pro impossibili habemus. Quare putamus, probam hujus mulieris sanguinis massam, à vehementissimo animi pathemate, illam insignem aciditatem contraxisse, unde sanguinis fusio in instanti, ut ita dicam, sequuta sit, & in serositates abierit, ut demonstrarunt copiosiores lacrymæ, non secus ac paulatim in quamplurimis accidit; quia prægnantes & puerperæ habent corpus prædispositum ad quasunque impressiones & mutationes subeundas; citissimè enim fit metastasis ab anima ad corpus, nam in iis valde pollet imaginationis vis, ex qua spiritus commoventur, humoresque alterantur. In eam insuper devenimus sententiam, quòd singultus in casu nostro vel ortum duxerit ex affecto sepro transverso, non ventriculo, (ni dicamus sympathicè) ut Medici communiter statuerunt, aut pulmonibus ut Aristoteli placuit sect. 33. problem. 1. risum præternaturalem non alia ex causa inductum fuisse arbitremur, quàm ex vellicatione, quam inducebat ipse humor acidus, vibrationes spasmodicas suis puncturis excitando in ipso diaphragmate, non aliter quàm accidit Tychoni telo leviter in sepro transverso percusso, ut refert veterum Medicorum Maximum Epidem. lib. 5. Cur verò tam citò mortua fuerit, difficile non erit rationem reddere, & maxime si sectemur opinionem Platonis, qui 3. de Republ. dixit, quod effusum risum vehemens mutatio sequatur, id est, mors, ut explicat Platoniorum Princeps Ficinus. Nec moraliter interpretandus videtur, & maxime quia extat exemplum apud Homerum, videlicet; *tum proci illustres manus extollentes risu emoriebantur*, quod si tanquam à Poëta prolatum pro fabuloso judicetur, alia exempla patent apud Valerium maximum, & præcipuè ex Philemone qui nimio ex risu obiit, & meritò ait insignis Philosophus Lælius Peregrinus: *Risus intempestivus inter mortales est grave malum, quia ad mortem usque perducit.* Et multò magis hæc efficere valebat risus non naturalis in puerpera, ad quam plurima malorum syndrome accesserat. *Ex eodem Ephemeridum Germanicar. Dec. 3. Ann. 1.*

In Puerperæ cadavere os uteri hians, & pelvis humoribus repleta.

Quàm malè sibi consulant puerperæ in hac regione, quæ purgationis tempora haud benè observant, & nimis citò domo exeunt, sequenti observatione satis constabit. Anno 1676. mense Martio in usum obstetricum cadaver cujusdam mulieris, à tribus cum dimidia septimana puerperæ, publicè dissecuri, (præsentibus spectatissimis Viris Collegii Medici inspectoribus) cujus os uteri ad naturalem coarctationem tantum aberat ut pervenisset quin facillimè, & sine ulla vi

digitos duos immittere potuerim. Dicit forsan aliquis, illud rarum & contra naturæ leges esse: Respondedo, Sufficere hoc in aliquibus locum habere, præterea nemini notum esse, quoties hoc quidem contingat, &c. Hinc sæpissimè illæ lacrymæ & quærelæ de intolerabili hypogastrii dolore & frigiditate, obstructionibus, imò non rarò quoque de menstruum stillicidio perpetuo. In hac anatome hujus cadaveris quoque observavi pelvim ab humorum colluvie repletam, imò pintas ferè duas continere, non sine magno fœtore. An isti humores ex utero per tubas aut ovi ductus ad pelvim propulsi fuerint; quod facile crediderim, quia pluries in pelvi humores reperi illis similes, quos in utero inveniebam; an aliunde venerint, aliorum judicio relinquo; saltem ego sum in ea opinione, in difficillimo partu caput aut clunes infantis vaginam uteri non rarò ita ocludere posse, ut ne gutta quidem ampliùs utero exire valeat: atqui in tali casu non video quid possit esse obstaculo, quò minùs humores in utero contenti conatibus aut partus doloribus vehementissimis per tubas Fallopianas ad Pelvis cavitatem deriventur, eò magis quod nullæ in dictis tubis reperiuntur valvulæ: & hinc febres atroces, tormina circa hypogastrium, lipothymia, & similia mala, imò mors ipsa, superveniunt. *Clariss. Fridericus Rhuysh. in Observationibus Anatomico-Chirurgicis.*

Verosimilis Lochiorum eruptio per Fallopianas in abdominis cavitatem.

In platea vulgo dicta de *Kalverstraat* visitavi nuper puerperam acriter febricitantem, & de hypogastrii tensione ac induratione, non sihe immani dolore, conquerentem: remediis emollientibus doloremque lenientibus usa fuit; at verò nihil proficientibus illis, brevi post è vita discessit. Aperto abdomine inveni in pelvi multum materiæ fœtidæ, (vide quoque observat. præced.) loturæ carnis aut lochiorum corruptorum ad exemplum, qualis etiam à me reperta est in uteri cavitatem. Hoc suspicandi mihi ansam auxit, dictum humorem per oviductus aut tubas Fallopianas pervenisse ad abdominis cavitatem & pelvim, & hoc puerperis pluries contingere, si pariendi conatus & dolores sint vehementissimi, & os uteri ita clausum sit, ut per idem lochia exitum invenire haud valeant;

imò etiam in ipso partu laboriosissimo, fœtus capite dictam viam in totum ocludente, humoribusque pone fœtum aliam sibi viam querere non valentibus: hinc sæpe immanes illos hypogastrii dolores, de quibus frequenter queruntur puerperæ, ortum ducere, non est cur dubitemus.

Sequens observatio affertur propter affinitatem materiæ.

Verosimilis eruptio menstruum per tubam Fallopianam in Pelvim.

Probabile esse humores heterogeneos in utero contentos per oviductus seu tubas Fallopianas ad Pelvim & abdominis cavitatem posse deduci in parturientibus, superiùs innui. Quò minùs quoque sanguis ex uteri cavitatem per dictos ductus ore uteri clauso ad Pelvim pervenire possit extra statum partus, haud video; imò rem probabilem in medium proferam. Menstruatæ olim cadaver aperuit R. Roonhufius Chirurgus dexterrimus, (præsentibus D. Dormuntio, ejusdem Nozocomii Medico meritissimo, nec non Adriano Coenerdingio Chirurgo eximio) in cujus uteri cavitatem coagulatum & utero leviter adherentem observavit cruorem, quo tuba ejusdem lateris quoque non solum erat conspersa, verum etiam Ovarium, in cujus superficie coagulatus copiose firmiterque adhærebat. Hunc uterum cum ovario annexo & sanguine coagulato, prout mihi demonstrarunt dicti amici, in Museo nostro reservo, balsamo ita conditum, ut omnia naturalem situm, magnitudinem & figuram servaverint, idque sine rugis, quæ post exsiccationem sæpius remanere solet. *Idem ibidem.*

PUNCTIO PARTIUM MOLLIVM

Item.

PURIS EVACUANDI RATIO.

Vid. sub titulò *ABSCESSUS*, ubi agitur de modò aperiendorum & evacuandorum *abscessuum*.

PUSTULA.

Vid.

GUTIS VITIA.

Finis Libri Decimiquarti.

JOH. JAC. MANGETI
BIBLIOTHECÆ
CHIRURGICÆ
LIBER DECIMUS QUINTUS

*De Affectibus & Operationibus Chirurgicis à Literâ
R. incipientibus.*

RABIDI MORSUS

*Et ex occasione aliorum aliquot Venenatorum
Animalium, Ictus.*

Curationes.

Ac primò Clariss. Viri Julii Palmarii.



Vulneribus quæ venenatorum animalium ictu aut morfu inferuntur, hæc tantum ejus, quod rabiosus canis infligit, curandi rationem trademus. Nostra enim hæc frigidior regio, venenatis feris, quas & Gallia Narbonensis, & Italia, calidioresque alii terrarum tractus, frequentissimas alunt, destituta, inveniendorum aut explorandorum remedium, quæ illarum ictibus aut morfibus auxiliantur, occasionem nobis prorsus adimit. Rabies igitur Græci *λύσσα* furor est, in quem quovis anni tempore, sed sub canicula maximè, canes aguntur, quemque cum ad homines, tum ad reliqua animalia contagione transferunt. Quum canis animal maximè iracundum sit, si per æstatis ardores, aut brumæ frigora frigida, potu prohibetur, bilis in eo inexplicabilem malignitatem contrahens, ipsum in rabiem agit. Quumque animal domesticum & frequentissimum sit, si rabie corripitur, ab eo cavere perquam difficile est: & si quempiam momordit; tamen nulla gravia symptomata, nisi forsitan ex vulnere dolor, protinus urgeant, periculum tamen maximum ac inevitabile imminet, nisi certis prædiis confestim obviâ itur, quippe venenum in partem morfu vulneratam infixum si finitur, sensim ac clanculum in totum corpus irrepens omniaque contaminans, & in sui naturam depravans, tandem hydrophobiam ac brevem mortem accersit. Canis autem aliàs sponte intimoque vitio, aliàs alterius canis rabiosi demorsu, interdum devorata animalis rabie aut peste demortui, aut puridi, aut fulmine percussi, aut venenato morfu interfecti carne, nonnunquam & aquarum fœtidarum potu, & salforum acrium & calidorum ciborum esu, furorem concipit. Accedit etiam ingenta quædam canis ipsius ad rabiem proprietas usque propensio. Neque verò canes temperamento calidi & sicci, atq; in iracundiam propensi, per æstatis duntaxat, fla-

grantissimos æstus, sed etiam per intolerabilia brumæ frigora sponte in rabiem efferuntur: utraque enim ambientis constitutio licet contraria, eundem tamen effectum profert: Nam ut calida, sic etiam gelida sanguinem perurere ac torrefacere solet: Sic verò exfluxus sanguis venenata labe, rabiem infligit, postea facile inquinatur: idque maximè contingit, quum vel longiori inedia inarescunt, vel salis potulentis aut esculentis sese replent, vel post vehementes labores atque exercitationes bibere prohibentur. Itaque regiones in quibus maximæ & inæquales ambientis mutationes inordinatæ fiunt, aut in quibus & gelidissimæ hyemes, & ardentissimæ æstates sunt, morbo huic maximè patent. Et quamvis (si Galeno lib. 6. de loc. aff. credimus) soli canes absque morfu & contactu, interna humorum corruptela, & vitio in rabiem aguntur, quæcunque tamen animalia ab his demorsa fuerint, ut simiæ, suæ, feles, boves, equi, oves, muli, vulpes, lupi, & reliqua, rabie corripiuntur: ita enim aliquando ruri commorantes, fieri in omnibus fere animalium generibus observavimus, tantamque esse ejus veneni perniciem; ut non morfu modo, sed solo etiam contactu, rabidi canis saliva rabiem excitare, & hydrophobiam parere visa fuerit: Interdum etiam inquinari & furore perciti osculum contagione inficit. Quod ita habere certa comprobavit, atque mihi fidem facit experientia. Cum enim rusticus quidam rabie percussus futiisque agitato sibi è vivis brevi migrandum esse intelligeret, assidentes qui eum vinculis contrictum tenebant, in furoris intermissione obnixè rogavit, ut quos mox deserturus esset liberos, sibi deosculari liceret: quod quum ei fuisset concessum, liberisque oscula libasset, præfocatus est: sed ecce septimo post die liberi eodem morbo correpti, eisdemque cruciatibus torti, brevi miserrimam vitam cum morte commutarunt. Vidi præterea ex straminis, in quod rabie perciti sues decubuerant esu, equos, boves, oves, & reliqua animalia, quæ stramentum degustassent, rabiem contraxisse, tandemque periisse. Observavi lupos viginti rabie percitos, eodem fere tempore è sylva egressos in omnis generis animalia obvia magna strage debacchatos fuisse, paucaque ex iis, quæ demorsa fuerant evasisse. Sed canis frequentissime hoc morbo consiliatur ac perit. Jam verò furentem ac rabiosum canem his signis ab aliis internoscet.

Rabidus canis, toto corporis habitu & temperamento immutatur, gracilis & siccus evadit, sicculofus

quidem est, non tamen bibit, plerumque anhelat, oculis rubentibus & inflammatis, horrendo & torvo aspectu, cauda & auribus demissis, aperto ac spumante ore, lingua exerta, eaque bilis colore infecta, contractis naribus, è quibus sæpè fluit mucus aliquis. Eluculentæ & potulenti avertitur, sed aquam omnium maxime, caput in alterutrum latus inclinat atque deprimit, tristis & solitarius oberrat, neque Dominum agnoscit. In obvios quosque sine latratu irrumpit, & æque feras hominesque, familiares & notos, pariter atque ignotos mordet ac dilaniat, atque in id quodcunque obvium est, impetum facit. Modò huc atque illuc intempellive ac inordinate, citraque modum vagatur & discurret, deinde rursus subitò vel prorsus confisist, vel segnius incedit. Suas enim morbus hic, pro febris, quæ illi perpetuò comes est, motu, exacerbationes habet, atque in remissione mutus fere & veluti somnolentus existit. Reliqui canes ab eo diffugiunt, eique si repente sit obviam, cedunt & blandiuntur. Qui momordit canis, si ita se gerit, rabidus censendus est. At si fortè is rabidus sit necne incertis adhuc signis ambigitur, nuces juglandes contusas in cataplasmatibus in modum vulneri per integram noctem admotas, pullis gallinaceis in escam præbere jubent: & siquidem illi postridie mortui concidant, rabidum canem fuisse, sin minus, nequaquam. Nonnulli panis frustum cruore qui ex vulnere manat, imbuunt, illudque sanis porrigunt canibus, quod si comederint, certo colligunt experimento, canem qui vulnus infixit, rabidum non fuisse: si verò respuit, & alia signa concurrant, rabie percitum esse pronunciat. Sunt etiam qui micæ panis sanguine perfusas gallinis comedendas exhibeant, quas (si canis in rabiem versus fuerit) gallinis intra viginti quatuor horas mortem afferre contendunt, quantum rerum me nunquam periculum fecisse ingenue fateor: cum tam multa eaque fidissima rabie perciti canis argumenta statim se prodant, ut huiusmodi experimentis non sit opus. Jam verò ex illato vulnere, ubi parum opportune occursum est, aquæ timor (ῥυποφοβία Græci appellant) nasci consuevit, miserrimum profecto mali genus, in quo simul æger & siti & aquæ metu cruciatur, & in canis rabiosi modum furit, atque in obvios quosque debacchatur. Rabiei autem causa censetur maligna & venenata, eaque cæca & inexplicabilis qualitas è rabioso cane, in partem demorsu apertam, vel salivæ contagione infectam, inserta. Ea autem quoniam spumosa rabidi canis salivæ insidet, in integram curam si incidit nihil sinistra tantopere metuendum hortatur, modò statim probe deterfus & elotus fuerit locus, neque enim defusa & adstricta epidermis crassiorum venenorum (cujusmodi est venereum, elephantium & rabiosum) vim humori insidentem protinus altius in corpus penetrare sinat, nisi vel fissa vel dilacerata sit: alioqui vulnera demorsu illata quis unquam ex veterum præscripto fugere audeat? At in partem demorsu vulneratam quum incidit venenum, tempore membratim infiltratum, non solum humorum & spirituum, sed etiam viscerum constitutionem sensim pervertit ac labefactat, dum tandem victoriam consequutum, in corde vitæ principio triumphet, in eoque accensum manifesta sui furoris edat symptomata, qualia ordine recensbo.

Antequam hydrophobia insiliat, multa illam præcedunt atque prænunciant. Demorsus solito tristior & cogitabundus est, hominum consuetudinem, conspectumque fugit, multa animo fingit & obmurmurat perturbata atque à ratione abhorrentia, eaque fere tristitia obloquitur. Iracundia sæpius ardet: somnus deliriis interturbatur, leves quædam extremorum convulsionum ac retractiones ex intervallis fatigant, sitis

& oris siccitas molesta est: vox raucescit, facies rubet, oculi lumen refugiunt, & lachrymis nulla manifesta causa madescunt. Hæc igitur cum in demorsis se prodent, hydrophobiam proximam putato. Ejus verò jam factæ hæc signa sunt. Mente capti quum sint hydrophobiâ prehenso, se suosque ignorant, quo sit, ut modo huc atque illuc, in canis rabiosi morem impetu ferantur, modò veluti somnolenti, stupidi ac languidi, vel subsistant prorsus, vel lento gradu incedant: atque horum alii sine ulla furoris intermissione vexantur, alii remissionem habent. Fere autem exacerbationes recurrunt cum distentione nervorum, totiusque corporis rubore, præsertim verò faciei. Solvuntur autem cum frigidiusculo sudore, languore quodam, & virium resolutione. Omnes in exacerbationibus adeo furunt, ut in obvios quosque involent, nisi arctis vinculis, cohibeantur. In remissione multi miseriam suam agnoscunt ac deplorant. Accessiones autem & sæpius movet, & exasperat aquæ conspectus, hætenus ignoratâ causâ, nisi forte eos existimes, quoniam mente non constant, id quod sibi opem ferre potest non agnoscere, ideoque aquam perhorrescere, & ab ejus potu abstinere, hincque fieri, ut ob febrem qua intus uruntur, inarescant & convellantur, miserrimoque tandem mortis genere intereant. Non minus illos discriat speculi alteriusve cujuslibet rei pellucidæ intuitus. Hæc enim omnia ingentissimis clamoribus, ac veluti canum latratu vociferantes, è conspectu suo auferri postulant, quod ni confestim feceris, tremunt, sudant, deficient animo, delirant, miroque pavore concutiantur. Ego venenatæ rabiei causæ, quæcunque ea sit, maximam cum aqua antipathiam inesse opinor: Nam præterquam quod ejus conspectus hydrophobiam celerius accersit atque exasperat, recens etiam inflictum vulnus, ea si abluatur, vix ullo postea remedio æger restitui queat, alte adeo aqua venenum ejusmodi in corpus dejicit atque impellit. Quo commorsus quisque deteriore est corporis constitutione & habitu, & quo impressum virus acerbius, hoc & citius hydrophobia prehendit, & crudelius discriat. Non enim statò definitoque tempore illa exoriri solet, sed aliàs quidem quarto, aut septimo, aut nono à morsu die, aliàs decimo septimo, aut vigesimo, plurimum quadragesimo, nonnunquam & ad septimestre, aut etiam ad annum differri consuevit. Narrant & aliquos post septennium aquæ metu fuisse tentatos, ut quam vim in acutis morbis criticos dies Hippocrates habere prodidit, eandem in hujus invasione & hebdomadas & menses & annos nonnunquam obtinere credendum sit: tamen in hoc etiam, si quo in alio diuturno morbo criticorum dierum naturam vimque luculenter elucere non dubito. Neque enim aliis, quam vel verè criticis, vel intercalaribus diebus exoriri deprehenditur, modò ne ultra annum integrum cunctetur. Quam cæcam & inexplicabilem hydrophobiæ causam diximus, quidam non nisi immodica siccitate, quæ totius corporis habitum immutat, nobis noxiam & venenatam esse prodiderunt. Quod si verum est, quomodo impendens ea siccante cancerum cinere, aut alexipharmaco nostro prohiberi, vel jam genita, penitus extinguere potest? Alii hydrophobiam insaniam ex atrabile speciem autumant, ob eam quæ venenatæ hujus causæ cum atrabilario humore intercessit similitudinem, & symptomatum affinitatem, quorum justior videtur opinio. Hydrophobi namque perinde atque melancholici, & ab atrabile insaniunt, quanquam alii alia timent, fugiunt atque perhorrescunt, omnes tamen multa falsa & commentitia, eaque fere tristitia animo fingunt atque comminiscuntur. Neque enim aliam ob causam eos vel speculum, vel aquam fugere & avertari, veteribus verisimile visum est, quam quod

quod canis qui eos momorderit imaginem in iis se videre existiment, cuius aspectu terreatur. nec alia ratione canum more latratus edere, aut obvios quosque dentibus impetere, quàm quod se fastos canes opiniuntur. Sed hujus rursus metamorphoseos abdita & occulta causa est.

Plurima veteres ad præcedendum hydrophobiam remedia literis ac memoriæ commiserunt: ad eam verò jam natam profligandam, perpauca. Illa efficacia esse multorum fide confirmatum est: hæc fere semper irrita longo medendi usu comperta sunt. Nam & Dioscorides ex iis, qui jam hoc vitium sensissent, neminem unquam se servatum vidisse testatur. Et Celsus hydrophobiâ oppressis in angusto spem esse literis prodidit. Et nostra hac ætate vulgus eâ tentatos dum nullo remedio restitui posse reputat, vitæ pariter ac morbo strangulatu finem opponit. Triste profecto & crudele nimium spectaculum. Nisi fortè ex historia unum aut alterum evasisse audiamus: siquidem Endemus convaluisse quendam affirmat: Themisonem etiam demorsum, quidam in hunc furorem incidisse & evasisse fatentur. Referunt & alii Philosophum egregii animi constantiâ, aquæ pavore excusso, quam perhorrescebat aquam, hausisse, & malum tandem ita superasse. Pauci itaque natæ jam hydrophobiæ discrimen evasisse notati sunt. Sed nec præcautionis ratio à veteribus tradita, in multis respondere comperta est. Quæ res effecit, ut posthabitis Medicis ad divorum opem confugere cœptum sit. Sed posteritatis industria certum jam & minimè fallax alexipharmacum est, quod & futuram hydrophobiam antevertere, & præsentem extinguere, cohibereque possit, modò inflicti vulnus capitis partes ore superiores non attigerit, aut aquâ elotum fuerit, alioqui in angusto fere (quod veteres non animadvertisse miror) spes est. Quod antequam in reipubl. utilitatem posteritatis memoriæ conficere, præcautionis ac curationis hujus affectus rationem à veteribus pluribus traditam, paucis complectar. Non quidem, quod de nostro antidoto, cuius vis est mirabilis diffidam, sed ut iis quoque satisfaciam, qui posteriorum industriam & diligentiam condemnantes, nisi quod à veteribus prodierit, nihil profuturum putant. Veteres igitur præcautionis duos scopos statuerunt: quorum prior venenum demorsæ parti impactum introque subiens revellere & extrahere, alter autem impressam paribus quas jam attigerat, malignam affectionem delere hortatur. Illud præstant cucurbitulæ, vel cornua quibus nonnulli illarum loco utuntur: oris suctio, ustio quæ vel igne, vel seprico medicamento fit: deinde calefacientia & vehementer attrahentia medicamenta, unguenti aut cataplasmatibus, aut emplastris formâ admota. Hoc verò efficiunt antidota & alexipharmaca quædam tora substantia, & occulta proprietate veneno corpori inserto adversa, de quorum usu paucis differendum. Quam primùm inflicti vulnus est, cucurbitulæ cum multa flamma affixæ, id adjuvamenti præstant, ut veneni vis cum sanguine extrahatur. Quod si fortè ab illato vulnere ante cucurbitulas aliquot effluxerint horæ, sæpius illas admoveere præstiterit, & viciniam altioribus ulcusculis semel atque iterum scarificare, non solum ut copiosior sanguinis vacuatio prohibeat, ne venenum membratim in corpus insinuetur, sed etiam ut si fortè jam altius illud subierit, dissecta cute cucurbitulis validius revocetur. Si fortè cucurbitulæ demorsæ parti non possint agglutinari, aut si desint, post scarificatum quàm copiosissimus sanguis effluere sinatur. Deinde sicca spongia quicquid in vulnere supererit exugatur: postremo unguentum aut cataplasma, aut emplastrum aliquod ex iis, quæ excalfaciunt, & valenter attrahunt, imponatur: cujusmodi ex alliis, aut cepis, aut

utrisque sub prunis coctis, adjecta theriacâ aut mirbratio, aut utroque confici solet, quibus & sal & fermentum nonnunquam miscere contrulerit. Stercus columbinum cum ruta viridi subactum, non minùs utile quàm paratu facilè remedium est. Quin & sinapi cum nucibus juglandibus, allio crudo, sale & melle pistum, cataplasmatibus loco vulnere commode imponitur. Majorem artis ostentationem præ se ferunt, quæ è dictamno, magnete, rhapsia, sulphure, aliisque longius petitis medicamentis calfacientibus, & vehementer attrahentibus concinnantur emplastra vel cataplasmata: quorum infinita exempla facilè sibi comparabit, qui vel leviter in artis operibus versatus est: quæ omnia & virus potenter evocant & quominus vulneris labra præpropere coalescant, impediunt. Galenus istorum loco theriacam oleo rosato solutam recenti vulnere indebat: Veteres non ita majora vulnera verentur uti minora, & ulcusculis cutis similia. Quippe è majori vulnere confertim copiosus sanguis manans, virulenti liquoris non nihil exauriri potest, quod minoribus non accidit. Quin à majoribus abscedentes carnes auferre, & labra scalpello abscindere, & prehensam hamulo carnem amputare licet. Itaque exigua quum erunt, arte amplificabuntur, carne multo intervallo, orbicularim si pars commode ferat, præcisa, ne facilè ad cicatricem ulcus perveniat, sed diu pateat, ut per ipsum virus emanet. Cucurbitulæ loco, nonnulli vulneratæ partis succionem commendant. sed cum periculi plena sit, nemini eam tentare suaserim. Alii gallinarum vivarum podicem vulnere admovent, quæ si moriantur, venenum extractum esse arbitrantur: alii pullos gallinaceos, aut columbinos vivos per medium dissectos demorsæ parti adhibent eadem ratione, aliàs quidem post cucurbitulas, aliàs sine his. Horum omnium calor demorsæ partis calorem languescens erigens, ipsum pariter ad depellendum venenum suscitatur idque allicit & evocat. Post cucurbitulas ustionem expeditissimum remedium censuit Dioscorides, tum quod ea virus domet, & intromitti penitus non pariat, tum quod diuturnum ulcus relinquit, per quod virus diu effluat. Ustionis vicem supplent seprica & exedentia medicamenta, cujusmodi multa adurere, & crustas ulceribus inducere usus comptobavit. Inter ea usurpant nonnulli argentum sublimatum unguento aliquo refrigeranti mistum. Nam præterquam quod omnium vehementissimè adurit, crusta etiam ab eo inducta, exustaque cito citissimè excidit: quod in hoc affectu perquam necessarium est, ne diutius sub crusta cohibetur virus exitum non habens in corporis intima convertatur. Nudatum crusta ulcus dies minimum quadraginta apertum ac patens esse volunt. Quamobrem attrahentia & valde extergentia unguenta aut emplastra inducunt, cujusmodi sunt, tum quæ supra posuimus, tum quæ ex pice, rapsia, erugine, calcantho usto, argento vivo præcipitato, aliisque ejusdem classis confici possunt. Qui dolorum metu ignem & seprica medicamenta contemnunt, post cucurbitulas lixivio ulcus accurate abluunt, deinde cataplasma è cinere sarmentitio cum aceto subacto imponunt, aut theriacam ol. rosaceo dilutam. Nonnulli & salè aut præcipitato mercurio inspergunt, aut salsamentum super vulnus deligant, omni cura & diligentia demorsæ partis inflammationem proritantes, ut humores ad eam majori imperu confluant. Quæ ad partem demorsam pertinent remedia ita se habent. Verum enim verò si ea, quæ retulimus auxilia primis diebus prætermissa fuerint, nec scalpro carnem incidere, nec ustionem experiri operæ pretium est. Neque enim quod jam altius penetravit, insedique visceribus, illa revocare possunt, sed nullo profectu corpus doloribus prosternunt.

igitur curationis modus accedat. Cathar-
sim his tantum opis ferre tentatus est Dioscorides.
ut quidam jam aquæ metum sentirent, sumpto elle-
boro simul ac primum morbi impetum experirentur,
fuerint servati. Quocirca eo non semel atque iterum,
sed frequentius ante quadragesimum, vel etiam post
hoc tempus, cum fiducia utendum præcipit. Ad-
dunt nonnulli canes rabiosos elleboro cum polenta
accepto vomuisse, & statim à rabie liberatos ad se
rediisse. Quin & hieram, quæ colocynthidem reci-
pit, non parum commendant. Hæc enim omnia
quoniam vehementer movendo corporis habitum
transmutant, ab hydrophobia liberare posse. Eadem
de causa & sudores conferre arbitrantur. Avicennas
primis diebus catharticiis abstinet; postea verò pur-
gantia propinat, si cacochymum corpus sit. Sunt
tamen qui nec validiorum catharticatorum, nec venæ
sectionis usum, nec sudorum promotionem idcirco
admittant, quod elleborus & colocynthis, & reliqua
omnia vehementer purgantia, maleficum rabiosi canis
virus (sive demorso tantum loco, vicinque parti-
bus affixum erat, sive altius jam irrepserat) una cum
vacuando humore noxio exagitent, & à corporis am-
bitu ad interiores ejus partes (à quibus in cor &
viscera facile illabatur) convertant: verendum enim
ne carnibus, aliisque solidis partibus in transitu ob-
hareat, & quicquid atigerit, contaminans, in præ-
sentissimum hydrophobiæ periculum laborantem conjiciat.
Eandem de venæ sectione, & sudorum provo-
catione, sententiam ferunt: quod universi corporis
humores exagitent atque confundant, & rabidi canis
virus (quod alioqui intus sopitum sine incommodo
diu forsitan latuisset) commovent, manifesto hydro-
phobiæ discrimine. Nisi fortè in externa aliqua par-
te contractum vulnus est, è qua, nulla reliqui corpo-
ris perturbatione, statim post demorsum revulsionis
ergo sanguis detrahi possit, puta in crure, tibia, bra-
chio aut manu. His quidem rationibus contendunt
catharticiis medicamentis, & venæ sectione neminem
ab hydrophobia, aut venerea lue, aut alio venenato
morbo, si insertum in corpus jam virus est, vindica-
ri posse, sed alexipharmacis opus esse contraria ve-
neno vi, eaque cæca & occulta agentibus. Multos
tamen novimus rusticos, qui vehementi propinato
pharmaco, quod una eademque opera vomitione &
dejectione supervacanea omnis generis è corpore ex-
cluderet, totiusque corporis habitum immutaret, de-
morsos ab hydrophobia arcerent: cujusmodi est, quod
è ruta, absinthio, allio, bellide minore, calendula,
melissophyllo, pauco elleboro nigro, sale & aceto
portionis formâ conficitur, tribusque diluculis alternis
repetitur. E multis autem internis præsiidiis, à tota
substantia & occulta proprietate agentibus, quæ ve-
teres demorsos à cane rabido ab hydrophobia tutos
reddere prodiderunt, duo Galenus efficacissima sele-
git, theriacam & cancrorum fluviatilium cinerem.
Theriacam hoc mali genus tollere, tum extrinsecus
vulneri impositam, tum introsumptam scriptum reli-
quit. Aëtius illam in potu dat per primos tres dies,
nucis avellanæ magnitudine, neminem qui ita eam
hausisset, hydrophobiâ correptum se vidisse affirmans.
Theriacæ vires proximè imitatur mithridatium. Flu-
viatilium cancrorum exiccatorum cinerem substantiæ
propriate mirabilem in his, qui à rabioso cane sunt
demorsi, effectum præbere, sive solus sive cum gentiana,
& thure exhibeatur, ex præceptoris sui sententia tra-
dit Galenus. Thuris partem unam esse vulr, quin-
que gentianæ, cancrorum decem: præberique mo-
dum cochlearis magni cum aqua bidendum, quoti-
die quadraginta. Quod si aliquot post dies curam
ceperis, duo cineris cochlearia misceantur. Celeber-
rimum hoc ex cancris antidotum, si mense augusto

præpatetur, efficacius esse tradit Aëtius: & in va-
se aris rubri lignis vitis uri præstare contendit. Avi-
cennas & alii, quo tempore sol leonis signum per-
grat, caneros & capi & uri, non parum ad ejus
efficaciam facere contendunt. Omne, in hoc con-
veniunt, quocunque tempore vel capiantur, vel uran-
tur, eorum cinerem, vel solum sumptum hydro-
phobiam arcere. Interim verò dum eo utuntur, ad
vulnus emplastrum applicant, quod ex pice brutia,
opopanace acetoque conficitur. Cancrorum pulve-
re qui rectè usus sit, neminem unquam mortuum
fuisse affirmat Galenus. Dioscorides cineris cancro-
rum in sarmentis albe vitis crematorum bina cochlea-
ria, singula verò radices gentianæ tritæ & exeretæ,
in quaternos cyathos vini meraci conjicienda præcipit,
quadriduo bibenda. Quod si ab illato morbo, ante
cœptam curationem, aliquot dies fluxerint, à tripli-
cato pondere, curationem auspicandum jabet. Qui-
dam inter præcipua hujus morbi præsidia, assum can-
nis qui momordit jecur commemorant, idcirco eo
cocto demorsum uti triduum præcipiunt, & certe ali-
quot rusticorum, qui id post demorsum esitarunt, ex-
perientiâ didici, eo remedii genere aquæ pavorem
prohiberi: Senis cujusdam experimentum celebrat Aë-
tius, quem demorsos à rabioso cane sola oxalide cu-
rasse testatur. Idem præstare dicitur & oxylapathum.
Decocto vulnus fovetur, magma verò aut herba ipsa
vulneri inducitur, succus cum vino aliquot dies bi-
bendus datur, urinam acrem & multam movet, ac
regium morbum expurgare dicitur hoc præsidii genus.
Alyssum herbam Græcis quod rabiem eximat ita nun-
cupatam veterum scripta percelebrant: verum quæ-
nam hodie ea sit recentioribus inter se non satis con-
venit.

Ceterum victus ratio nec tenuis esto, nec plenior,
utraq; enim hydrophobiæ pabulum subministrat.
Tenuis humorum omnium acrimoniam adauget, bi-
lisque fervorem accendit. Plenior excrementis pu-
trere paratis nativum calorem obruit. Quin ejusmo-
di quoque sit, ut & veneni vires hebetet, restinguat-
que, & impediatur quominus ipsum ad intima facile
insinuetur. Veneni vires restinguunt & hebetant ali-
menta, quæ præterquam quod probe nutriunt,
peculiari etiam dote veneno resistunt & adver-
santur: cujusmodi sunt quæcunque cor partesque
principes adversus ipsum muniunt atque & na-
tivum calorem spiritusque recreant & erigunt. Ve-
neni accessum intercipiunt, ejusque vires retundunt,
& remorantur, quæ vias, quibus ad viscera iter est,
obstruunt, & humorem in quo illud inhærescit, in-
crassant, acrimoniamque contemperant. Itaque vi-
num deligatur generosum, tenue, & odoratum, idque
abunde diluatur. Carnes sint boni succi, coctu faci-
les, interdum quidem assæ mali punici, aut medicæ
succo conditæ, interdum verò elixæ cum buglosso,
borragine, lactuca, portulaca, oxalide, pimpinella, ca-
lendula, plantagine, menta. Nam & horum jusculum ad-
versus omnes venenatorum animalium morsus, aut idus
insigniter prodesse, multorum fide & experientia cer-
tum est. Lactis quoque potus, quum venenorum
omnium acrimoniam obtundat, commorsis haud ne-
gligendus, sicut nec reliqua omnia, quæ probabili
ratione & experientia, adversus venena, aut occul-
tas, aut manifestas vires habere videbuntur. Non-
nulli alia, porros & cepas idcirco commendant, quod
& difficile in ventriculo confici, & ægre forsitan à
veneno vinci possint. Sed tamen horum usu hu-
morum omnium acrimoniam, quam illi metuunt au-
geri manifestum est. Ira, excandescencia, moeror,
& graves aliæ animi perturbationes, curæque omnes
declinandæ, venus in totum intermittenda, dum sus-
pectum tempus præterierit. Hæc enim omnia quum
corporis

corporis humores exagitent atque conturbent, venenum in corpus præpropere impellunt. Alvus si quando pigrior videbitur, vel enemate, vel blandiore aliquo medicamento atram bilem docente mollienda: Atque hæc quidem ex veterum sententia demorsus à cane rabido curatio decernenda est. Jam præsentaneum alexipharmacum nostrum tradendum, quod solum neglectis catharticiis medicamentis, omiſſâ etiam quam modo diximus vulneris curâ quocunque à morſu tempore uſurpetur, certiffimum ac tutiffimum exiſtit, ut quo nullum unquam animal uſum viderim, quod non tam atrocis morbi periculum evitarit quacunque ureretur victus ratione, illæſis tamen capitis partibus, quæ dentes ſuperant: his enim vulneratis exigua ſalutis ſpes eſt, ut & vulnerata parte, ſtatim à morſu frigida elota.

℥. Foliorum rutæ, verbenæ, ſalviæ minoris, Plantaginis, foliorum polypodii, abſinthii vulgaris, menræ, artemiſiæ, meliſſophyli, betonicæ, hyperici, centaurii minoris, ſingulorum æquale pondus. Legantur ſingula, quo tempore viribus pollent maximis, quod ad Junii ferè plenilunium, in hoc Galliæ tractu aſſequuntur. Papyraceis dein chartis conclufa ſiccantur ſeorſim in loco, ad quem neque ſol, neque pluvia pertingat, ne vel nimium exareſcant, vel ſitum contrahant. Siccata ad futuros uſus aſſerventur, ea lege, ut quotannis renoventur. Quum autem utendi neceſſitas incidet, ſingulorum æquale pondus in pulverem renuiſſimum redigito, cujus ꝑ. demorsus quoridie præbeto, idque vel ex cochleari cum duplo ſacchari, vel ex vino, vel ex pomaceo, vel ex juſculo, vel ex butyro, vel ex melle opiata formâ. j. juno ſtomacho, & tribus horis ante cibum. Quanquam aurem ſeſquidrachma aut drachmæ duæ ſatis ſint, tum homini, tum omni animali quantumvis crudeliter ſauciato, nihil tamen obſuerit ad tres, quatuorve proceſſiſſe, quum præſertim vel longè poſt demorſum tempore, vel natâ etiam hydrophobiâ, curationem aggredimur. Qui hydrophobiâ jam correptus eſt, arctè vincendus, ut quem dixi pulverem vinò, aliòve liquore ſolutum (nihil enim ad curationem refert) deglutire cogatur, ore etiam ſi opus ſit, vi adaptatò. Satiùs autem fuerit in furoris intermiſſione quum mens integra eſt, remedium propinare.

Jam verò quum primùm contractum, vulnus eſt, ne in ſordidum ulcus degeneret, ſpongiâ aut ſiccis linteis exiccatum, vino aut hydromelite, in quo ſupra poſiti pulveris ꝑ. ſoluta ſit, bis, terve, quoridie foveto: deinde unguentum aut emplaſtrum inducito, quale aliis vulneribus ex uſu eſt, & ita ſaneſcere finito, nullo hydrophobiæ metu. Hæc dum ſunt, nec conſuetam victus rationem immutare, nec domi ſe continere, nec purgans medicamentum uſurpare neceſſe eſt, niſi fortè ante cœptam curationem natâ erat hydrophobia: ea quippe ſublata qui jam vitium fecerant corporis humores, partim expurgari, partim idonea victus ratione immutari debent.

Henrici ſecundi Galliarum regis venatòr, gravi morbo decumbens, bona fide Johanni Fernelio, præceptoris meo amantiſſimo, aſſeveravit pimpinellam ad præcavendam hydrophodiam tantam vim obtinere, ut quicunque eam aliquor diluculis, vel in acariis, vel alio quovis modo appararam, poſt demorſum comederit, nihil inde incommodi ſentire poſſit: quod in canibus regiis ſe primam expertum fuiſſe dicebat, quibus demorsus illam ſœlici ſuccellu offerebat. Si quis igitur eam volet in brutis primùm experiri, dein ſi reſpondeat, ut reſpondere in aliquot comperi, ad demorſos homines transferre, præſidium erit paratu faciliſſimum. Verùm enimverò quum nullum hæcenus animal noſtro alexipharmacò uſum ſit, qui non feliciter ceſſerit, ſive jam natâ, ſed non ul-

tra tres paroxyſmos, erat hydrophobia, ſive ea ex demorſu metuebatur, fruſtra in aliis inveniendis tempus & opem poſtea luderemus. Hujus autem præſtantiffimi antidoti inventio arque exploratio Jacobo Sylvano Domino de Pyrou viro antiquitate generis & nobilitate præſtanti, accepta ferenda eſt. Vellem interim argutulos quosdam acerrimos abſtruſarum rerum, ſi diis placet, inveſtigatores, qui occulras medicamentorum proprietates pro ignorantia aſylo reputantes, eorum omnium, quæ in arte ſunt cauſam ad manifeſtas medicamentorum qualitates acceptam referunt, mihi indicarent, quomodo deſcriptus pulvis calidus quum ſit, febrem tamen malignam, eamque continuam, delirio, aliſque pernicioſis ſymptomatis comitaram nulla excretionem manifeſta proſtiter, atque hydrophobiam tam facilè vel præcavere, vel perſanare poſſit? Quinam, cedo, temperiei intemperiei-ve gradus, omni animali, ætati, ſexui, & corporis conſtitutioni, ita reſpondeat, ut eundem effectum in omnibus producat? Sed valeant illi, & ad ſenium uſque nihil præter intemperiem circumſtent. Celſus unicum hydrophobiâ oppreſſis remedium eſſe putat, nec opinantem ægrum in piſcinam, non antè ei præviſam projicere: Et ſi natandi ſcientiam non habet, modò merſum bibere pati, modò attollere: ſi habet, interdum deprimere, ut invitus quoque aquâ ſatietur. Verùm ſi hyems erit, ne corpus infirmum in aqua frigida vexatum nervorum diſtentio adoriatur, à piſcina protinus in oleum calidum demittendus æger eſt. Noſtrares hoc remedii genus ad præcautionem uſurpant, mare fluviis præferentes. Hydrophobiâ jam oppreſſis, iſtam curationem inſœliciter ceſſiſſe: at præcautionis gratiâ plerique proſuiſſe, multorum experientiâ compertum eſt. Quanquam nè huic quidem remedio proſus fidendum eſſe per multorum morſes didicerunt populi maritimi. In plerique enim aquæ conſpectus hydrophobiam veneno in corpore commoto celerius exſuſcitât, quod alioqui ſine ullo ægri incommodo diutius deliteſcere, & alexipharmacò extingui, domarique potuiſſet. *Hæcenus Julius Palmaris de morbis contagioſis.*

Rabiei explicatio & curatio ex Joſepho de Aromatariis.

Rabies quamvis plures in ſe ſpecies habeat; non eſt tam amplum latumque genus quàm angina. Eſt igitur videndum, quænam angina ſit quæ Rabies dicitur; quod forſan facilè colligemus, dum proprium rabiei ſignum ad memoriam revocabimus. Id rabidis proprium eſt, ut potulenta deglutire nequeant: ſiquæ tentent: vel potiùs ad nares reſiliat: vel egri ſtranguentur. Conſiderandum ergo venit, qua ratione fiat, ut in quibuſdam cynanchicis difficilis potatio fiat: in quibuſdam verò difficilis deglutitio. Methodicorum plurimi crediderunt in ſtomacho, ſcilicet in infima gulæ parte, ac in ventriculo, fieri famem arque ſitim: illam quidem quadam conſtitutione parvarum viarum: hanc autem majorum. Undè ſecundùm ipſos, parientibus parvis iis viis, potùs abominatio ſequitur: Verùm nos hoc loci non concedimus vel negamus id ſic fieri: Sed aſſerimus, ſtante eo principio non poſſe fieri ſitim & apperentiam porùs eodem proſus tempore, quò fuga ſuaderetur. Quòd ipſi verò ſub nomine ſtomachi intelligant infimam gulæ partem, quæ ori ventriculi conjungitur, optimè apparet ex 80. prob. Caſſii. Nec id novum exiſtimari debet; Haben uſ etenim ab *Hippocr. lib. de corporum diſſect.* Οἰσοφάγου ὃ ἀπὸ τῆς γλώττης τὴν ἀρχὴν ποιούμενον ἰσχοιλίῳ τέλεται, ὃν δὲ καὶ μετὰ σκαπίκῆς κοιλίης ἐσθμαχὸν καλέουσιν, id eſt, Gula verò, à lingua principium faciens in ventriculum deſinit, quam ſanè etiam juxta putrefacientem ventriculum

culum stomachum nominant. Alii verò credidere id cynanchicis accidere ex dispari pondere, è soliditate ciborum & potionum; quod & nos quoque magnam vim habere credimus: sed si alimentorum actio tantum spectanda venit; cur non semper anginosi densiora devorant facilius? Aliqui id fibrarum constitutioni tribuunt; aiunt quippe internas rectas gulæ fibras deglutioni potus interservire: externas verò transversas deglutioni solidorum; Undè aiunt, patientibus internis fibris gulæ, difficillimè posse ægrotantes potum sumere. Nos hoc loco non negamus nec asserimus has actiones à diversis fibris provenire: Sed asserimus vidisse ægrotos, qui difficillimè solidam escam devorabant: imò sæpius non poterant assumere: Liquidam verò sive dicas fluidam facillimè recipiebant; & nihilo tamen minus horum aliqui laborabant interno gulæ tumore, eoque inflammato: Alii verò levi interuvarum fibrarum excoriatione vexabantur: & nonnulli gravi earundem partium ulcere.

Cùm igitur ab iis, qui antecessere, nihil certi videatur stabiliri posse, non erit equidem incongruum, ut ex natura id rimari nos tentemus. Pluribus ergo modis videtur potus impediri posse, vigente adhuc libera facultate deglutiendi solida. Alter modus erit ratione abominationis, quæ potest progigni vel ab intensa humida qualitate stomachum alterante, vel à frigida humidaque materia ipsum occupante; in quo quidem casu accidit sitim unde quaque extingui. Sed cùm rabidi valde sitiant, hac ratione potum non abhorrent. Alter modus est, quotiescunque palati extrema pars postica inflammatur, tunc enim temporis potus degluti nequit, vel saltem difficulter, quin ad nares potius refiliat, strangulatusque moveat; cuius rei causam inferius declarabimus: Potest insuper impediri potus transitus à nimia pituita cruda atque viscida œsophagum replente; propterea quod impulsus potus non habet tantam vim impulsivam, ut pituitam penetrare valeat, quantam habent solida cibaria, imò pituitam elevat in ampullas, undè magis compressa proxima arteria strangulatus patitur. Tandem depravatur quandoque potulentorum transitus, nulla apparente manifesta lésione: sed larynge patiente. Cur autem inflammata palati extrema parte sive larynge læsa id contingat, facillimè videbimus, dum cognoverimus, quonam modo organa sese gerant in potando, quonam verò in comedendo. Præaccipere igitur oportet gulam & asperam arteriam à faucibus incipere, hoc tamen discrimine, quod non solum postica singula, sed etiam videatur altius principium retinere: larynx verò non solum sit in anteriori colli parte sita, sed inferius videatur obtinere principium, quo gulam impingere & claudere videtur. Undè quoties faciendâ est deglutitio, larynx debet elevari supra œsophagi principium, quod deprimi & dilatari debet. Id autem facillimè contingit ope musculorum laryngis, quos communes œsophago cognominant; quibus quidem alteram partem comprimentibus opposita elevatur, & vice versa. Insuper diligentissimè animadvertendum esse credimus, laryngem dum potamus altiori loco & longiori tempore deduci, quàm dum comedimus, & per consequens ipsam & arteriam constringi magis & longiori tempore; unde longiori tractu respiratio detineri debet in potando quàm in comedendo: Sic etiam ex altiori laryngis elevatione profundior fieri compressionem ipsius oris gulæ. Nec id prætereundum esse credimus, quod scilicet in deglutione extrema pars palati gulam versus tendit: quod, ea parte inflammata, difficilius accidit ex potu, quam ex cibario solido, cùm ille non valeat tam fortiter impellere, quàm istud. His igitur sic stantibus, si extrema pars palati inflammata fuerit, difficillimè deprimeretur gula quantum ad potendum satis; ex eo

quod musculi, qui palato & gulæ communicant, breviores redditi id fieri negant. Potus igitur eadem ob eam causam permeare nequeat, adventante spiritu à pulmonibus, impellitur per nares, vel si non dimovetur, suffocationem commovet. Præterquam quod palatum difficilius à potu quàm à cibo gulam versus pellitur. Dum verò larynx inflammatur, fit rationabiliter difficilis respiratio; quæ difficillima redditur, imò omni modo negatur, si elevari & constringi debet, quantum pro potando satis. Undè natura, tanquam suffocationi proxima, potum validissimè refugit & per nares repellit, impellente spiritu. Ex his igitur apparet rabidos laborare vel palati inflammatione, quod non videtur: vel ea angina, quæ laryngem occupat, vel ea, qua œsophagum phlegmate repletur. Quæ quidem duo in ipsius fieri, per sectionem facillimè patere potest.

Diximus quid sit rabies: at res dubiæ non sic determinandæ veniunt: sed rationibus, auctoritatibus & experientiâ comprobari debent. Videamus igitur primò, an aliquod nomen habeant angina & rabies, quod idem saltem innuat. Rabies in brutis animalibus *Ravia* dicitur ab aliquibus, quod raucedinem progignat: Angina verò & ipsa in quibusdam brutis *κράδρα*, scilicet Raucedo nominatur ab Aristotele. Sed non est nomini fidendum. Canes anginâ laborare clariùs patet, quàm diligentiori egeat probatione; ob hoc nempe *κυνάγχη* dicitur à Græcis: undè apud Aurelianum legimus *lib. 3. Oxeon cap. 1.* Alii verò etiam cynanchen & lycanchen hanc passionem vocaverunt, siquidem frequenter hæc animalia afficit; nam canes cynas, lupos lycos vocaverunt. Nec dicendum est canes eâ tantum anginâ laborare, quæ occupat externas colli partes; cùm ea, quæ sit cùm apparente tumore interno, peculiari nomine *κυνάγχη* dicta fuerit, propterea quod sæpius canes ipsâ strangulentur. Sed videtur non esse ulterius progrediendum; quippe Aristoteles dixit *lib. 8. de Hist. Anim. cap. 22.* *Οἱ δὲ κύνες κἀμνησιν νοσήριασι τρισὶν ὀνομάζονται ἡ ταύτα λυτῶσα, κυνάγχη, ποδάγρα. id est,* Canes laborant tribus morbis: isti autem vocantur rabies, cynanche, podagra. Quibus verbis clarissimè videtur nostram evertere sententiam, cùm rabiem ab angina separaret. Sed non sic forsitan sese res habet. Cùm & nos quoque anginam à rabie differre dicamus, ex hoc quod angina sit latius quoddam genus. Sic etiam Hippocrates 21. *Aphor. 21. Aphor. sect. 3.* dum de morbis, qui æstate fiunt, loqueretur, dixit: *καὶ πυρετοὶ συνέχουσιν, καὶ καύσοι, id est,* Et febres continuæ & febres ardentes; quamvis febris ardens sit ex genere continuarum. Sed ulterius urgebunt forsitan alii, asserentes Galenum aliosque Medicos magui nominis longè aliter de natura rabiei, quàm nos sensisse: Sed de hac re solliciti non sumus. Admiramur Galenum reliquosque eruditos viros & eorum placita, sed veritatem longè magis. Imo si nobis notum fuisset Galenum aliosve attigisse hanc opinionem, quam nos sequuntur, non fuisset cur libellum hunc conscribere-mus; cùm possit unusquisque Galeni dogmata, nullo adhibito nostro auxilio, recognoscere in mirabilibus libris ab illo conscriptis.

Redeamus igitur ad inceptum, & videamus an accidentia, quæ in cane rabido apparere solent, possint fieri etiam ab angina. Hujus rei testimonium præbet Avetæus, cuius verba eruditissimus Paulus Junius Crassius elegantissimè interpretatus est hoc pacto: Adest sanè canis anginâ laborantis, tonsillarum, faucium, totius oris inflammatio: lingua extra dentes & labia prominens: saliva effunditur: pituita crassissima ac frigida defluit, facies rubicunda & inflata est: oculi exerti, patentes valde rubent: potus in nares refunditur: dolores acerbissimi sunt: Sed strangulatio-

ne vexati eos obscurius sentiunt. Pectus & cor ardent: frigidi aëris desiderium adest, & admodum exiguum inspirant, eoque donec demum intercluso ad pectus aëris transitu strangulentur. Si quis igitur huiusmodi accidentia in cane viderit, nonne statim ipsum rabidum affirmabit? Nonne sunt ista, quæ nos deducunt ad rabidorum cognitionem, distantibus auctoritatibus & ipsâ insuper naturâ; Sunt qui visis huiusmodi passionibus in homine, cum non potuerint ad bruta causam referre, non dubitarunt confiteri rabiem in hominibus ab interna causâ generari posse absque ulla contagii suspitione. Sed non tam breviter sententiam nostram demonstratam volumus: Verum distinctè magis ostendemus tempora & accidentia eadem prorsus esse rabiei & cynanches, nec varias insuper habere causas.

Quatuor anni temporibus, Avicenna teste & experientia comprobante, rabies fieri solet, quicquid alii quidam dicant: Iisdem temporibus cynanchen fieri scripserat Hippocrates, vel si alius fuit Auctor lib. de victus rat. in morb. ac. Caloris & frigoris excessus rabiem excitare solent. Quid mirum? fluxiones pariunt: à fluxionibus cynanchen fieri ab omnibus habemus; eas verò à nimio externo frigore vel calore gigni videmus quotidie, & habemus ab Hippocrate lib. de veteri Med. lib. de locis in hom. & alibi; testatusque est Halyabbas lib. 9. Theor. cap. 19. Avicennas, Galenus, Aretæus, & unusquisque (ut ita dicam) Medicinæ scriptor. Nec à ratione discrepat; nimirum excellens & immoderatum frigus cerebrum refrigerat, constringit, & humiditatem, ejus exprimit, redditque impotens ad benè concoquendum nutrimentum, quod defertur illi, & ad resolvendos elevatos ad ipsum vapores. Unde non solum assidui sunt ab illo fluxus, sed insuper, cum sanguis liberum transitum non habeat, jugulares venas improporionate replens, crassescit, & eos inflammatione concepta lædit. Calor autem excedens longè magis attrahit, quàm concoquere & retinere possit, improporionate cerebrum calefacit, ac inde liquat, carnes rarefacit, & humores tenuiores reddit nec non calidiores; unde (quemadmodum Hippocrates dicebat) calida, acris & nitrosa fluxio. Præterea incalescit etiam cerebrum à frigore quandoque, veluti dixerat Hippocrates lib. 2. de morb. Item si rabies ortum habere solet à calidioribus & frigidioribus potionibus & cibis, ipsisque acrioribus & putridis: Sic cynanchen fieri Aurelianus affirmavit: imò Aretæus inter causas anginae non solum refrigerationes, & calefactiones, ebrietates, frigidisque potus, sed etiam saturitates solas posuit. Et Hippocrates lib. de vet. Med. inter fluxionum causas, acrimoniam & intemperantiam humorum numeravit; quæ duo quàm faciliè ab enumeratis causis proveniant, omnibus clarè patet. Quod autem accidentia rabiei sint cynanches accidentia, nunc remanet nobis demonstrandum.

Quicumque ab animali rabido vulneratur; à principio nihil præter vulnus, non magis quàm aliud dolorificum, pati consuevit. Sic etiam nihil præternaturale à principio percipit, qui spuma vel spiritu rabidorum fuerit infectus. Processu verò temporis, modò longioris, modò brevioris, accidentia multa patitur. Quæ primò cum Aureliano dividemus in antecedentia & subsequencia. Et in ordine primò numerantur corporis difficultas, insolitusque motus, somni suspensi atque turbati; quibusdam dolor capitis, & aurium tinnitus, stomachi gravedo, cum parva bibendi voluntate, & ciborum corruptione; crurum & brachiorum extensio; crebra jugisque oscitatio; insueta querela, quod aër sit veluti austrinus, quamvis fuerit serena quies; Visus quoque falsitas pervolantium

veluti culicum; vultus fervor; Anxietas quædam sine ulla ratione & iracundia. De quibus omnibus priùs quàm ad alia deveniamus, rationem reddere tentabimus. Primò igitur præscire oportet, quod in fluxionibus non solum pars recipiens, sed & illa quæ mandat, patitur. Habemus namque ab Hippocr. lib. de nat. hum. Necesse est enim cum quid horum (loquitur de humoribus) secretum fuerit & per se steterit, non solum eum locum undè secesserit, sed etiam in quo stat, & in quem propter nimiam copiam diffusum est dolore ac morbo vexari. Unde non solum gulam & alias colli partes in cynanche malè affici asseverandum erit, sed etiam caput præparati dicendum. Quàm faciliè insuper fluxiones à capite ad ventriculum proveniant, omnibus quidem apertissimè patere credo, & experientia ipsa demonstrante, & gravissimorum etiam auctorum testimonio comprobante, Hippocratis præsertim in lib. de Glandul. in lib. de locis in hom. In 1. & 3. de morb. & aliis pluribus in locis. Hoc igitur ante omnia retinendum est, in cynanche non solum (quemadmodum diximus) gulam & reliquas circumpositas partes malè affici, sed etiam caput, oculos, pectus, stomachum, &c. coaffici: partim ob præsentem materiam, partim ob insensos delatos vapores, communicatamque aliam præternaturalem affectionem. His sic stantibus, cum caput patiatur, mirum non est, dolores in ipso fieri, somnos suspensos atque turbatos reddi: nec mirum est, aërem apparere nubilosum, & parvis animalculis volantibus refertum; Habemus etenim ab Hippocrate lib. 3. de morb. quod cynanchici obtusius vident; provenit autem hoc præcipuè à vaporibus, à fluxione, ab excedente communicato calore, & ab impulsione venarum jugularium, estque signum adventantis maniacæ passionis. Ventriculus autem ab capitis consensum & ob defluxum, ab ea parte læditur gravedine, parva bibendi voluntate, ac ciborum corruptione; ab hac eadem causâ anxietatem fieri asseverandum erit, si Galenò credimus, cum 7. Aphor. cum. 56. legimus: Eodem modo & agrotos illos anxios esse (scilicet dicimus) qui accubitus non ferentes jacendi figuram evariant, quia semper præsens aggravat eos. Hoc verò præcipuè illis consuevit, quibus in ore ventriculi (quod nos sæpè solemus stomachum nominare) certa quædam humoris qualitas continetur ventriculo molesta, quæ neque plurima est, neque in ventriculi fluctuat cavitate: sed eam ipsæ imbibere tunicæ. Et Hippocr. dicebat lib. 2. de morb. de iis, quibus gurgulio inflammatur, quod nesciunt stare loco: sed sese vibrando spiritum & animam efflant; & de cynanchicis lib. 3. de morb. quod crebro sese jactant & exiliunt. Indignatio autem & ira (secundum Cassium) proveniunt & ipsæ quoque ob materiam, quæ defertur ad infimam gulæ partem & ventriculum, undè existimavit iræ & indignationis causas promanare: nos verò addimus, ab excedente calore, & commoto bilioso humore, & à percalefacto spiritu, ob impeditum respirationis transitum, sanguinem aliquantulum accendi circa cor, & inde iram ac indignationem provenire. Crurum & brachiorum jugis extensio & oscitatio crebra fiunt à detento spiritu, detentaque flatuosa humiditate in musculis, per quos tales motus fiunt; dum etenim viam sibi ipsis aperire tentant, huiusmodi motum gignunt. Sic apud Hippocr. legimus; Multus aër coacervatus cumulatim superne petens, commovet ac diducit os, cum per hoc facillimus ei exitus pateat: quemadmodum enim ab aquis in lebetè ferventibus vapor multus elevatur: sic & corpore calefacto penetrat per os aër convolutus & quadam vi erumpens. Sic etiam legimus apud Gal.

Gal. in 2. epyd. com. 6. part. 3. Hęc itaque & alię hujusmodi infirmę dispositiones dum incipiunt adnasci, solvuntur, lecernente natura eos spiritus & humores, qui ipsas generarunt: veluti oscitatio, & distensio cum oscitatione, quę sunt ex secretionē excrementorum. Sic etiam Aristoteles in prob. retulit oscitationem ad vapores. Quod autem in cynanchicis vapores fiant, & eleventur fortiter, nulli dubium esse credimus. Possemus forsan aliam quoque reddere rationem, quod nempe jugulares venę meningem percalefaciant, & inde levia quędam principia convulsionis generentur, quę à vaporibus quoque fieri possunt; non esset enim forsitan arduum & inconveniēns, oscitationem ad levem quandam convulsionem redigere; sic & brachiorum extensionem fieri à natura pugnante contra principia quędam levia convulsionis adventantis.

Diximus de accidentibus, quę sese primò propagare solent in iis, qui à rabido sunt infecti, veluti nuntia crudelioris agminis: Sequuntur namque plurima, quę momentum longè majus habent. Horum autem nonnulla pertinent ad respirationem: nonnulla ad vocem: Aliqua ad locutionem, alia ad deglutitionem: quędam ad oculos, quędam ad faciem: Plurima ad stomachum: plurima ad alias partes: Multa ad totum corpus, alia denique ad animę operationes. Facies ergo inflammatur, oculi exerti, rubentesque patent. Hoc idem in cynanchicis evenire adeo clarum est, ut non indigeat probatione; restantur tamen Avicennas, Aurelianus, Aretęus, Galenus, Hippocrates, & alii. Causa verò videtur esse strangulatio, quę sanguinem ad eas partes compellit, nec non communicata inflammatio, & impeditus venarum transitus. Lumen rabidi adversantur, quemadmodum Avicennas docuit nos: Hoc idem de cynanchicis omnes affirmarunt; Quod ab ipsa inflammatione ac intumescētia oculorum provenit; Difficulter spirant rabidi: Hoc idem de cynanchicis dicebant Hipp. Galenus, & quicumque alii; Quid mirum, si, quid sit angina, memorię repeteremus: Vocem raucam illis reddi Avicennas affirmavit: & de cynanchicis Hippocrates dicebat, vox obtusa. An forsan later causa? Nonne clarum est à fluxionibus id quotidie fieri? Linguam difficulter movent rabidi: Sic & cynanchici cū ipsi intumescant venę, quę linguam penetrant; & hujus partis muscoli ad anginarum loca deducantur, sintque male per consequens affecti. Linguam aliquando rabidi extra os protendunt: hoc etiam & cynanchici, veluti & apud Aretęum, Aurelianum, & alios plurimos habemus. Rabidos murmurare dicebat Avicennas & Aurelianus, cynanchicorum loquutio non articulata sed confusa. Vox veluti latrabilis vel luporum vocem æmulans in rabidis narratur. Sed quid? Cælium auscultemus: Alii verò etiam cynanchen & lycanchen hanc passionem vocare, siquidem frequenter hæc animalia afficit; Nam canes cynas, lupos lycos vocaverunt, quorum quoque similes voces sive ululatus in cynanchica passione constituti, cū perfocari cœperint, emittunt, &c. & cap. 2. repetebat sic: Quibusdam caninus vocis sonitus: Et nos vidimus mulierem laborantem anginā ob menstruorum retentionem subitam, genitam à calore prunarum accensarum oculis suppositarum, quę quoties bibere tentabat, tremens voces modò lupinas modò caninas reddebat. Hoc autem manifestissimis causis, non occultis fieri credimus. Præaccipere igitur oportet, quod Hippocrates dicebat, cynanchicos in naso loqui, quamvis Avicennas aliter crediderit. Insuper hoc etiam retinendum est, cynanchicorum linguam fieri tumidam difficilisque motus, vocemque reddi raucam. Quibus sic stantibus necessariò

sequitur canina vel lupina vox: cū etenim loqui volunt, duobus modis possunt aërem impellere, vel violenter & interrupte: vel ut ita dicam, querule & extense: si violenter ac interrupte faciant ob respirationis indigentiam, cū aër impulsus non possit à lingua bene articulari, & ab organis vitiatis aliquo modo reprimatur, necessariò vocem, veluti latrantem, facit: Si verò querulè & extense, luporum more ululant; cū lente admodum per nares transeat, quemadmodum unusquisque ex arbitrio experiri poterit. Non est enim vere latrans, sed potius, uti apud Hippocratem habemus, vox abrupta, obtusa, ac violenter reddita: Non proprie ululatus, sed indistincta, querula vox rauca. Aliena quandoque loquuntur rabidi: Et de cynanchicis idem apud Hippocratem habemus lib. 2. de morb. pop. & aliis pluribus in locis. Hujus autem clara causa; malè siquidem afficiuntur mentis sedes. Amittunt rabidi vocem, ac stertunt: Hoc & cynanchici; suffocantur etenim ac strangulantur. Rabidi spumam ore reddunt: Hoc etiam de cynanchicis Aretęus, Cælus, Hippocrates, & alii sunt testati: cujus rei causa legitur apud Galenum 43. com. lib. 2. Aphor. aliisque pluribus in locis. Sitiunt rabidi: sitiunt & cynanchici, dum passio incrementum habuit, propter nimium intrinsecum calorem, à quo tandem aqua pericardii consumitur, non aliter ac in ardenti febre consumptam vidit Johannes Jessenii à Jessen. Sed quamvis sistant, cū non possint deglutire, potum & escam averlantur rabidi: Quod etiam de cynanchicis Hippocrates dicebat lib. 2. de morb. prop. sect. 2. & aliis pluribus in locis, & Avicennas cap. de signis angin. & Aurelianus cap. 2. lib. 3. Oxeon, nec non omnes, ut ita dicam, Medicinę scriptores. Sed hujusmodi ratio insufficiens aliquibus apparere poterit; cū rabidi aquam videre non sustineant. At nos hoc quoque in cynanchicis evenire demonstrabimus. Nunc ad alia nonnulla accidentia deveniamus. Qui (ut dicunt) Hydrophobici jam sunt, ac morti proximi, tentantur nausea & vomitu: Sic & cynanchici. Nec id irrationabile dicendum: cū supernus ventriculus excafactus, attrahat in se, fiatque inde vomitus, quemadmodum Hippocrates lib. 1. de morb. nos docebat. Convelluntur rabidi: convelluntur cynanchici. Emittunt illi involuntarie semen: sic & isti ob convulsionem. Observatum fuit generari quandoque vermem in anteriore parte capitis, tam in cane rabido, quàm in homine: Hoc etiam in cynanchicis observavit quandoque Philippus Aureolus, integrę scholę Princeps. Rabidorum aliqui febricitant: aliqui verò non: Sic & cynanchici. Difficillime possunt illi: imò à potu strangulantur: sic etiam difficillime cynanchici nonnulli: imò à saliva sola ipsos quandoque strangulari dixerat Hippocrates, si eam deglutire tentent.

Verum dubitabit aliquis, qua ratione fiat, quod rabidi turbentur ex solo audito aquę sonitu, vel etiam nomine? Qui ejus rei causam exoptat, memorię recolat, rabidos non levem læsionem pati à potulentis; unde necessariò apprehendunt speciem illius tanquam aufugibilem. Et eo quidem magis, si mente alienati fuerint. Quippe Maniaci videntur fortius retinere species jam apprehensas; unde mirum non est si quandoque ad sonitum decurrentis aquę vel audito tantum nomine exacerbentur ægri; sit etenim ab imaginatione ad organa regressus: quomodo autem id contingat per recordationem, Cassius nos docebat 73. prob. & Suidas in verbo *Ἀνάμνησις*; totum id spiritui tribuentes. Nec instet aliquis ex hoc, quod quandoque accidat, rabidos ex aquę intuitu lædi primo quam ex ipsa potatione: id etenim & nos quoque scimus ab Aureliano & Cassio confirmatum, quibus

quibus assentimur: Sed addimus id ob aliam causam contingere: ob nimiam scilicet disgregationem jam agrotantis oculi, factam à rebus lucidis. Anginosi namque splendida & lucida non sistent, ob eam effectiorem quam oculis patiuntur. Hinc forsitan Democritus jubebat (referente Cælio) potum præbendum in poculo sphaerico. Et Methodici mandabant ipsos obtutu vultu bibere. Et Arabes alii voluere illis dari potum in vase confecto ex cute lupi, vel alterius animalis, cooperto eodem cutis genere, vel latrinæ panno: Alii per canalem longum optimè cooperto per os infundi potum voluere: Non quod virtus sit in cute vel panno aliisque talibus ridiculis: verum ut agrotorum oculi non exasperentur, quemadmodum fieri solet, ex reflexione luminis, quæ provenit facillime ab aqua, vitro, speculis, ceterisque talibus. Addas à vitione citius & fortius imaginationem commoveri, quam ab alio sensu.

Sed amplius. Non incongrue videbitur plurimum distare ab angina rabies, dum meminitur à rabidis commingi res carnosas veluti parvos catulos. Sed id plurimi negant: & qui asserunt non consentiunt: alii quippe dixere id contingere in fine morbi, quod à Radio & pluribus aliis reprobatur: Alii verò asseruere id fieri intra spatium septem primorum dierum, quibus transactis aiunt animalcula in renibus congenita non posse amplius pertransire urinarias vias. Sed hæc ridicula videntur, cum nullum horum appareat in urina, vel in renibus. Expurgatur quidem cum urina & pituita & semen putrefactum, unde curiosiores quidam possunt sibi ipsis vana simulacra fingere, potius per actiorem imaginationis vim, quam per existentiam rei, ut de lunæ maculis evenire videmus, quæ unicuique pro imaginationis propensione varias formas repræsentare potest. Nec equidem credimus irrationabile quandoque accidisse in rabidis cynanchicis, ut ex putredine genita fuerint quædam animalcula, & excreta per urinas: sed id non est proprium rabiei, nec perpetuum. Legimus apud *Plut. 8. sympt. prob. 9.* Athenis ephebum cum multo semine ejecitæ bestiolam asperam, multis pedibus ambulantem: nec desunt plurimæ historiæ, apud Schenckium, itius generis.

Quod majus negotium facessere videtur, est quod rabiem contagiosam diximus, cynanches verò contagiosa non videatur. Sunt equidem qui negent, rabiem esse contagiosam, ex hoc, quod supponere ipsam esse siccissimæ naturæ & potius venenum, quam contagiosum morbum. Sed à veritate forsitan aberrarunt, non dirigentes oculos ad humiditates plurimas rabientium corporum, & non distinguentes venenum fieri à corpore incontaminato in propria specie: contagium verò à putrido & corrupto, siquidem vipera, aconitum, arsenicum, & alia quæ sunt venenola, vel venenum pariunt, occidunt venenando, quamvis nullam patiantur putredinem & corruptionem: sed hoc satis est, quod habeant naturam contrariam iis animalibus, quæ necari debent. Contrà verò à propria naturali constitutione recessere plurimum oculi laborantes humida inflammatione, cutis vitiata ob scabiem, pectus lætum phthisi, aer infectus peste, canisque rabie detentus. Cum igitur sit contagiosa rabies; videndum est, repugnet ne Anginæ contagium. Aristoteles dicebat illas ægritudines contagio fieri, quæ vitiant spiritum, gravemque reddunt & humiditati jungunt, adeo ut illius ope adhærere possit corpori afficiendo. In quibusdam anginis verò, quid vetat maximam adesse commixtionem spiritus & excrementi pituitosi? Nonne fit spuma? Quid vetat excrementa putrescere, & vitari spiritus? Certissimum est hæc Venetiis Sacerdotem quendam digito commorsum fuisse à fabricitante quodam cynanchico, dum ob illius de-

liramenta crederet ipsum dæmonio vexatum, admo-veretque digitum illius ori. Et certissimum est eundem religiosum virum, post octo dies, rabie correptum obiisse. Quo autem modo per contagium communicari accidat, nunc remanet declarandum. Fit primò angina rabida, scilicet putrilaginosa & occupans gulam, laryngem, eique adnatas glandulas. Spiritus hinc humido putrido admiscetur, & quasi commutrescit; ambo spumæ commiscuntur, vel saltem aëri, quem rabidus ore reddit. Si sanum corpus tangant, ad sui naturam alterant obvios sanos spiritus, sanguinem & humores. Et id quousque ad determinatum locum perviat infectio, & gignatur similis rabida angina; quæ inde totum corpus alterat, quousque mortem inferat. Nec sit qui miretur, quomodo infectio determinatum locum petat; evenit etenim aliquando, ut determinatæ partes per contagium lædantur: idque fit vel affecta parte post partem usque ad determinatum locum: vel tendente contagioso spiritu primario ad partem determinatam. Afficitur hoc modo oculus in ophthalmia, pulmo in phthisi, summum corpus ob scabiem, & quæcunque tandem primò & facillè moventur ab eo quod movet: Altero verò modo afficiuntur inguina, caput, articuli, & alia membra plurima nonnunquam in morbo apud nos vocato Gallico. Hæc à determinatarum partium defectio provenit ab ortu, & humidi similitudine: dum etenim vitiatu spiritus corpora ingreditur; conjungi solet materiæ, quam nactus fuerit suæ propinquiorem, concomitaturque eam, quocunque tendat. Si namque destinata fuerit ad aliquod membrum, puta cerebrum, vel inguina, eo ipsam insequetur etiam spiritus. Hinc est quod quotiescunque pituitosam habuerit materiam, pituitoso sanguini conjungitur, & ascendit ad cerebrum, cui talis sanguis demandatur. Sic, qui morbo Gallico laborant, solent quandoque impertiri easdem affectiones & in iisdem partibus, quas & in quibus patiuntur ipsi; propterea quod spiritus vitiatu ad eas deferretur, vel cum nutrimento, vel cum excremento; utpote cum nutrimento ad hepar, cum excremento ad inguina: cum nutrimento ad cerebrum, cum excremento ad fauces & tonsillas. His ita positis, cum in rabida angina spiritum vitari accidat, & pituitoso humido atque salivæ jungi; quid mirum, si progignat in aliis rabidam anginam; Si quippe inspiretur aëri commixtus, laryngem illico contaminat; inde gulam, jugulares venas, caput, necnon reliqua. Sic etiam, si salivæ, vel cybariis commixtus deglutiatur, afficit illico tonsillas, epiglottidem atque gulam. Si verò, spumæ immixtus adhæreat corpori & præsertim ulcerato, per partem post partem contaminando quæ veniunt obvia, est in causa rabidæ cynanches; cum etenim vitiatu spiritus fundamentum habeat & vivat, ut ita dicam, in materia, quæ à capite & ab ore fluxit, nulli mirum esse debet, si admisceatur succis & excrementis gulam, laryngem, caputque petentibus: sique perveniat ad eas partes commixtus illis, easque lædat: quod eo facilius advenit, quo cerebrum & glandulæ laxam, mollem, & imbecilem naturam habent: unde non sunt, quemadmodum aliæ partes, aptæ ad resistendum & expellendum: sed aliis frigidiores & humidiores facilius pati solent: & præcipue glandulæ, quæ tanquam excrementorum spongiæ videntur constitutæ; & gula, quæ naturaliter aliqua pituita abduci videtur. Cur à aliqui tardius, aliqui verò citius in morbum incidunt, id provenit à fortiori vel leviori rabientium morbo, à complexionem, spirituum vitio, spumæ vel pituitæ copia, propinquitate vel longinquitate partis primariò inquinatæ; à communicantia partium læsa-

rum cum partibus anginae subditis : ex diversa hominum ac temporum constitutione , ex dictæ varietate. Sic etiam citius ac tardius pereunt ob easdem causas & anginarum differentias : quatum aliæ sunt diuturniores, aliæ velociore, quemadmodum Hippocrates dicebat lib. Præn. & Avicennas, nec non alii. Ut plurimum autem creduntur post quadraginta dies periculum evasisse ; propterea quod hic est quasi ultimus terminus anginarum acutarum, veluti legimus apud Avicennam, Raskin, & Hippocr. lib. 2. de morb. pop. sect. 2. Quod si aliqui incidunt in rabiem post longum tempus, id non abhorret à ratione ; cum, veluti jam superius diximus, angina sit aliquando morbus chronicus. Unde habemus ab Hippocrate loco jam citato : Multi verò ad valde longum tempus partem aliquam tumoris habebant, & columellæ liquecentes significationem parvam exhibebant. Et Demetrius (referente Cælio) dixerat, homines à cane rabido commorosos levi tumore affectos fuisse ultra biennium ; quod optime dictum credimus, quamvis Cælius aliter existimaverit. Potest insuper absque apparente tumore vel liquefactione relinqui debilitas quædam in partibus anginae deditis : unde accedente postea quavis causa apta gignere fluxiones putridas, rabida cynanche excitetur ; & eo quidem facilius, quo angina est morbus, qui recidivas facere consuevit : veluti adnotabant Aurelianus & Hippocrates. Imò, uti in principio dicebamus, gignitur quandoque rabies in hominibus absque præcedente contagio. Unde non semper ad externam læsionem est confugiendum. Si quis verò dubitet, cur rabidi non conquerantur de faucium reliquarumque partium colli dolore, si cynanchen patiuntur ; adeat Aurelianus, qui de cynanchicis incipientibus dicebat : Sequitur autem eos, qui hac passione tentantur querela sine ulla ratione ; & Hippocratem lib. 2. de Morb qui de confirmatis cynanchicis dicebat : Videntibus nihil mali habere videntur, & vident acaudiunt obtusius, & præ suffocatione non intelligunt, neque quid dicant, neque quid audiant, aut faciant : Et Aretæum, cujus sententiam sic translata legimus : Dolores acerbis sunt, sed strangulatione vexati eos obscurius sentiunt : imò Avicennam audiat expressè docentem nos, aliquando cynanchicos dolore privatos esse, quod ante ipsum adnotaverat Galenus, 4. Aphor. com. 34. sub fine, dum loqueretur de illis anginis, quæ à multa pituita fieri soleant, quales rabidos pati diximus. Et habemus apud Hippocratem lib. præn. quod si anginosi faciliè, ac sine dolore degere videantur, tuberculo ad extremam partem converso, &c. significatur mors, aut ruboris recidiva. Præterquam quod delirant fere semper omnes ; qui verò mente constant, narrant fauces & gulam magnam habere constrictionem & angustiam ; uti Petrus Salius etiam adnotabat.

Ex dictis (ni fallimur) clarissime colligitur rabiem esse anginam quandam contagiosam ; cum iisdem excitetur causis, in iisdem animantibus, iisdem temporibus, habeatque accidentia prorsus eadem & effectus ejusdem conditionis ; & apparet quomodo unumquodque accidens, habeat determinatam causam & patentem ; quomodo morbus contagio inficiat homines & bruta, ac vitam adimat. Nunc remanet loquendum de curatione, sed brevissimè, cum ea planissima haberi possit apud Auctores in tractatibus de angina ; & qui sufficit ad cognoscendum, sufficiat ad sanandum, quemadmodum Hippocrates dicebat, vel ad prædicendum saltem.

Cum verò prudentis Medici officium sit non solum præsenes morbos debellare, sed imminentium quoque vim infringere, tota hæc tractatio, quæ curationem explicat per capita, dirigetur vel ad utilitatem eorum quos retigit contagiosus spiritus, non tamen hucusque læsit evidenter : vel illorum, qui aliquales, sed leves, sustinent passiones, anginam solitas præire :

vel tandem eorum quos cynanches obtinet. Quicumque igitur voluerit primis opem ferre, in memoriam revocare debet, quod isti in plures distinguuntur series. Horum quippe alii comarorhi sunt : alii per os infecti, vel spiritum attrahendo, vel aliquid ore commutando, vel aliquid comedendo. Possent etiam adjungi forsan alii, qui scilicet intente nimium oculos rabientium prospexere : propterea quod rabidi sunt ophthalmici, & ophthalmia contagiosa extat. Insuper animadvertendum est, eandem esse causam immediatam, qua omnes isti male solent infici : vitiatum nempe spiritum. Quale autem vitium habeat spiritus, qui contagio inficit, optime nos docebat Aristoteles prob. 4. sect. 7. dum dicebat, al quas ægrotudines contagio fieri, quoniam spiritum vitiant gravemque reddunt : Innuens scilicet, vitium in nimia gravedine & crassitie consistere, quæ ab humido excedente & crassa nimis materia provenit : Unde in fine problematis addebat, ad contagium duo esse necessaria : quod spiritus attingere possit corpus, quodque possit persistere ob glutinositatem. Hinc insurgit indicatio exsiccandi & attenuandi : Hoc autem externis & internis præfidiis tentari potest. Externa sunt, ex urina & aqua marina lotiones : pulveres, emplastra, & unguenta, quæ id præstare valent, si contagium per vulnus timeatur. Si verò per os : externa præfidia erunt gargarismata & pulveres insufflati, omnia confecta ex attenuantibus & exsiccantibus : in quorum numero sunt pulveres ex cineribus cancerorum, hyssopi, hirundinum, stipiticum brassicæ ; vel potentiores, ex nitro & flore sulphuris, &c. gargarismata ex aquis appropriatis, in quibus admixta fuerint nitrum, alumen, spiritus aceti, oleum sulphuris, spiritus vitrioli, pulvis sclopetorum, atramentum scriptorium & similia ; item linimenta ad internas gulæ partes ; secundum artem applicata ex unguento Ægyptiaco Mesnes & similibus ; quæ omnia aliquo modo, cum non deglutiantur, externa nominari possunt. Si verò ex inspectione infectionem timeamus, possumus lavare oculos cum aqua fæniculi, vel euphrasiæ & similibus, admixtis sale, saccharo, vel felle, vel viridi æris, vel alumine Cypro, seu Italo, & similibus, quæ attenuant & excitant, & ab oculo tolerari possunt. Interna præfidia in hoc genere sunt phu, gentiana, cinis cancerorum, alysson, centaurea minor, hyssopus, capparorum cortex, sal prunellæ, spiritus vitrioli, & alia cum vino, vel aquis appropriatis, scilicet rutæ caprarie, urticæ, ulmarie, eringii & aliorum ex ratione plurimum. Altera insuper indicatio ex eodem spiritu elicitur, ab ipsius nempe motu. Cum enim spiritus infectus à partibus externis ad internas tendat, necessum est ipsum ad exteriores partes revocare, vel ejus transitum impedire. Ad extra revocabunt scarificationes, hyruidines, cucurbitulæ, emplastra & cerata attrahentia, nec non glutinum, supra vulnus imposita ; vel alia similia ; hoc idem præstabit motus, & si eger valde timuerit, sanguinis extractio à commodiori ad hunc usum parte : timor etenim sanguinem ad cor retrahit : & venæsectio, si debito modò exerceatur, revocat ad ambitum : sic vini potio & exercitatio, modò modum habeant. Transitum impediunt ligamenta, vel constrictiva medicamina debito loco apposita : & aliqui ad hoc utuntur opio. Potest etiam alia extrahi indicatio partim à spiritu & spuma, partim à parte malè affecta ; quod scilicet absolute removeatur spiritus ejusque conjuncta humiditas, nec non etiam caro quæ infecta fuerit. Præstabit hoc ignis actualis & potentialis super vulnus, à rabido infectum. Actualis autem vel ferro, vel argento, vel auro, vel ære, & aliis quàm plurimis administrari potest.

Potentialis verò erit unumquodque causticum; veluti aqua aluminosa, & aliæ omnes vocatæ fortes, & composita cauterizantia, & oleum sulphuris, vel vitrioli; & dum per os timuerimus infectionem, spiritus vitrioli cum aquis appropriatis, qui non solum attenuabit & exsiccat, sed hoc potenter agens, humiditatem & spiritum consumet, non est enim in iis partibus caro consumenda. Alia etiam indicatio desumitur à materia, quam nostrum corpus præbet, quæ nihil aliud est quam humiditas excrementitia, in qua recipiuntur infecta materia & spiritus infectus. Hæc verò indicat sui ipsius ablationem; & obtinebimus purgantibus, diureticis & sudorificis. Inter purgantia principem locum videntur obtinere, quæ à capite, à tonsillis & à faucibus materiam educunt: veluti agaricus, iris, jalappa, ricinum indicum, coccognidium; &c. pilulæ Cocchiæ, hiera diacolocintidos: Item clisteres & suppositoria, in quorum genere, acria dulcioribus meliora credimus. Diuretica etiam ipsa aliqua leviora, aliqua potentiora sunt; plurimum autem præstabunt si admixtum habuerint rhododendrum; & sunt saxifragæ, halicacabus, crinum, pastinaca terrestris & marina; raphani domestici & silvestres, sales & aquæ harum rerum & fabarum, & ononidis, &c. Item cantharides præparatæ, &c. Sudorifica erunt decocta ex ligno sancto, salza parilla, ex chyna, ex ligno sassafras, urtica, aliisque plurimis, item aurum diaphoreticum, præcipitatum diaphoreticum, & alia plura chymica hujus generis. Quæ omnia non tantum materiam evacuabunt, verum etiam motum spirituum inficientium cum materia ad exteriora revocabunt, eorumque substantiam extenuando & exsiccando poterunt consumere. Hæc sunt ea, quæ videntur facienda in iis, qui hucusque nulla apparente passione detinentur, sed tantum à rabido commorbi sunt, vel per os, vel per oculos infectionem timent. Dum autem aliquales passiones incipiunt propalari, ad alia etiam remedia devenire licet; & secundum ea quæ apparent operari. Oportet fluxiones sistere, partem recipientem roborare, materiam revellere, derivare & evacuare; à toto corpore, à parte demandante, & ab ea, quæ recepit, insuper dolores lenire, si qui adsunt; sanguini, qui per Hippocratem in venis sistitur, motum reddere; inflammationes extinguere si quæ sunt; vias corporis patentes reddere, &c. Ad fluxiones sistendas animadvertendum, an caput nimio incendatur calore: quo quidem casu refrigerandum erit lotionibus ex decocto hordei, malvæ, lactucæ, papaveris, &c. & odore papaverum in aqua rosacea cum santalis & floribus nimpheæ, vel odore opii: Item oxyrronidis ex oleo nimpheæ, rosarum, violarum, unguento populeonis, cæterisque similibus, & sanguinis evacuatione. Si caput autem maximo frigore constingatur, tunc porositates aperire convenit lotionibus ex decocto meliloti, fœnugræci, capillorum veneris, &c. Si verò nimio humido laboret, exsiccandum erit pulveribus, aliisque notissimis prædiis; sic etiam ignis actualis supra suturam coronalem, & ceratum Barbarum, & alia capitalia eidem parti & temporibus adhibita fluxiones sistunt, nec non materiam aliquomodo evaporare facient. Firmabit eas etiam diacodion & Theriaca recens, si à calido provenerint, vel fluidiores fuerint. Sistet item vomitus, qui materiam quoque vacuabit; conciliari verò potest remediis quam plurimis ad hunc usum aptis; Nos tamen credimus in hoc casu non esse tentandum ope relaxantium, sed abstergentium, & expurgantium; scilicet ope asari & hellebori albi, &c. Evacuabunt insuper reliqua purgantia superius jam recensita, & alia plurima. Revulsio

fiet dolorificis, aliisque attrahentibus positis supra vulneratum vel cicatrizatum locum; sic etiam ligaturis, vesicantibus, &c. Derivabunt materiam à colli partibus, nasipurgia ex helleboro albo, elaterio, euphorbio, cæterisque modò ejusdem generis, imodò mitioris, nec non etiam, si occasio postulet, extractio sanguinis per venas frontis, oculorum, narium, post aures, quas tamen tentandas non probamus, nisi prius secta vena brachii. Hisce remediis non solum derivabimus, verum etiam aliquo modo evacuabimus; & inflammationes & dolores, si aderunt, extinguemus; & cursum sanguini reddemus, si in colli venis impeditus fuerit. Fauces roborabimus adstringentibus, quibus attenuantia & resolventia admixta fuerint, ne materia inimica detineatur illic. In hoc genere sunt pulveres rosarum exsiccatarum, foliorum myrti, balaustrorum, gallarum, Hypocistidis, acaciæ, admixto nitro, hyssopo, &c. Materiam adhærentem abstergere sunt apta suffumigia, ab antiquis recensita, per longas fistulas, ad hoc, ne calefaciant nimium, in os recepta; quæ ex farfara, nitro, sulphure, hyssopo, &c. secundum rei urgentiam fieri possunt: sic oxymel, electuarium ex heleenio, vel ex iride siccata, &c. Porositates corporis aperient frictiones, cucurbitulæ, unctiones, ad hunc usum aptæ, balnea, & lotiones aptæ. Si verò jam synanches adsit, secundum morbi naturam prudens Medicus se gerat; non est enim instituti nostri hoc loco recensere illa, quæ apud omnes auctores plana & in confesso sunt. Recurrat igitur ad Avicennam, Alexandrum, Areteum, Paulum, & Aëtium, Actuarium, Aurelium, Galenum, & Hippocratem, ac alios, à quibus curationes recognoscet. Cum verò apud hos non extet (quod nos sciamus); Medicamentum à nobis inventum, non pigebit id referre; usum scilicet nivis & aquæ concretæ gelu, quibus mirabiliter extinguitur inflammatio, si diù detineantur ore. Id quoque animadvertendum esse duximus, quod si necessum sit, ob aliquam causam os pertingere; cautè incedatur admodum, nè commordens æger contagio lædar. Adimus insuper, quod Medici non timeant aliquando (si ratio dicat) dextrimè incidere venas temporales & jugulares minores, velut etiam in Ægypto aliis de causis fieri narratur. Si verò morbus adeo furiat, ut spuma jam appareat, possent per os immitti fistulæ ab Hippocrate recensitæ, ad respirationem & nutritionem excogitatæ; an verò expetæ, nescio, cum verisimile sit potius ab iis vomitum excitari posse. Sic etiam forsitan tentari posset laryngotomia, divisura scilicet asperæ arteriæ ab *Asclepiade* inventa, quæ non immerito forsitan ab Aureliano acriter reprehenditur; quæ si tentari debet, melius equidem tentabitur instrumento ferreo candenti vel aureo: Sed eò temporis mihi videntur ægroti prognostico potius relinquendi. His omnibus respondere debet accommodata victus ratio. Hoc tamen addimus, quod dum æger timet aquam, glutinosus lubricusque debet esse potus lentorem habens, ne ampullas elevet, non admodum fluidus, sed potius lubricus, ut gulam & laryngem defatiget minus, retroque non cedat, sed quò facilius potest permeet. Ob hoc licebit uti lacte, præsertim coagulato, gelu cornu cervi, gelido pullorum jure, luteis ovorum, cæterisque talibus. Et hæc sunt ea, quæ ad curationem genericè spectantia à nobis videbantur recensenda.

Cum verò adfuerint etiam nonnullæ curationes, quæ mirabiles & quasi non naturales hucusque existimantur, non pigebit eas hîc recensere, & nostram de illis promere sententiam. *Luca* (ut referunt) sunt quidam ex quadam familia, qui accepto poculo terreo, in fundo ipsius quosdam caracte-

res inscribunt: Benedixit sacerdos poculum; Post hæc qui notas designaverat, gladiolo ipsius poculique portionem abradit, & cum vino infuso rasuram bibendam præbet illi, qui à rabido vulneratus fuit; dummodo hucusque aliam non sustineat læsionem. Hoc nos credimus nihil in se mirabilis habere una excepta benedictione. Omnia scilicet quæ talem ingrediuntur potionem, attenuant & exsiccant, & aliquo modo roborant. Undè in principio rationabile præsidium erit: & eò quidem magis, quò adhibita sacerdotalis benedictio maiorem illi virtutem facit. Sic etiam in Gallia apud D. Huberti Templum juxta mare positum, commorssi mare ingrediuntur, & in ipso ambulant. Sic in Italia pluribus in locis Divi Bellini clavibus ferreis ignitis, in nomine Dei exurunt vulnus à rabido inflictum. Quæ duo, quamvis naturalia sint, causamque manifestam habeant, eò evadunt meliora, quò Christianæ pietati sunt proximiora. Celsus & alii, cum æger ad aquæ fugam jam devenit, ipsum in aquam submergendum suaserunt. Hoc periculosissimum est remedium, veluti quod facillimè strangulare solet. Potest tamen aliquando contingere, ut æget supervivat, & ex nimia aquæ copia pituita abstergatur: perque vomitum & secessum expurgetur: & si quæ adest inflammatio extinguatur. Si quis hoc utatur medicamine, aquam ingrediatur tepidam, & occasione postulante pariens ab aqua tractus oleo tepido foveatur. Cinis cancrorum, alisson, & spongia canini rubri, quæ occulta proprietate credebantur operari, attenuantem siccantemque naturam possident. *Ælianus cap. 20. lib. 9. de Anim.* docet nos Piscatorem quendam Cretensem sanasse filios à canicula rabida commorssos, Hyppocamporum exenteratorum ope: quorum alios affos eis comedendos dedit: alios cum aceto & melle contrivit, eoque cataplasmate ulcera obligavit: atque (credente Æliano) adolescentium rabiem vicit: excitatio in ipsis per Hyppocampos aquæ desiderio. Credidit enim elegantissimus ille Auctor hanc esse proprietatem eorum, qui Hyppocampum comedere, ut aquam summo studio quærant & ab ipsa delectentur admodum. Verùm piscator ille non curavit præsentem Hydrophobiam: sed futuram à filiis declinavit, non ob occultam Hyppocamporum vim & aquæ desiderium, sed ob illorum naturam attenuantem & exsiccantem, quam in illis Galenus quoque recognovit.

Proposuimus superius aliqua valida dubitatione non carentia. Diximus in principio morbi convenire purgantia & diuretica, nec non aliquando sectionem venæ: Sic etiam dum incipiunt, quedam anginae præludia fieri, vomitum laudavimus. Tandem inter purgantia per infetnum ventrem, coccognidium, & inter vomitoria album helleborum recepimus; quæ quidem omnia non paucam in se difficultatem habent. Sint igitur qui negent, in principio purgantia & diuretica deberi. Eorum verò rationes sint: *Prima*, quòd medicamenta motum gignant; in venenis verò potius requiratur quies; nè venenum ex agitationes fortius humores & corpora inficiat: *Secunda*, nè vi medicaminum major fiat ad intrà veneni tractio; cum purgantia & diuretica ab externis partibus ad internas trahant. Nos autem credimus aliquando diureticis & purgantibus utendum esse etiam in principio. *Primo* namque adest indicatio, quæ desumitur à materia, quam nostrum corpus præbet, quæ nobis plurimi facienda visitur, cum plures homines optimè constituti & ab excrementis mundi nullam aliam à cane rabido noxam receperint, quàm solum vulnus, nullo etiam adhibito: imò patet etiam corpora puriora pesti quoque plurimum resistere. Undè credimus in corpore impuro & cacochymico nullo

modo prætermittenda esse. Nec allata in contrarium argumenta nos deterrent. *Primo* namque dubitari posset, an spiritus contagiosi dici possint, quamvis ab Actuario, Dioscoride, Galeno, & aliis canis rabidus inter animantia venenata recenseatur. *Secundo* falsum est, venena semper indigere quiete, veluti in nostro de viperarum & scorpionum vi mortifera & medica demonstraturi sumus. *Tertio* ea, quæ nostrum corpus in deterius alterant, non quiete, sed extinctione & expurgatione indigent. Quantum autem ad secundum argumentum attinet, hoc nullum robur haberet in iis, qui vel respirando, vel alio quovis modo per os infecti sunt; cum spiritus inficiens jam aditum habuerit. In iis verò, qui fuere morsu vulnerati, dubium est, an contagiosus spiritus in sola corporis superficie steterit, anè intrò replevit; quod verisimilius credimus; cum per totum corpus venæ & arteriæ dispergantur; quæ perpetuò fluentes facillimè receptum spiritum & spumam huc & illuc citissimè deferre valent, & eo quidem magis, quò sapius homines aliquo modo timent, dum à rabido mordentur; quo casu sanguis ad cor trahitur. Hisce de causis sapius vidimus homines in rabiem incidisse, quamvis usi fuerint in principio medicaminibus ad externam partem attrahentibus. *Secundo* animadvertendum est, prædicta medicamina non solè evacuari materiam, quam nostrum corpus præbet; verùm etiam unà infectum adhærentem spiritum purgare, vel saltem tenuando siccandoque refringere. *Tertio* falsum est fundamentum, quòd purgantia & diuretica ad partes internas trahant; non etenim ad eas, sed per eas motus; valde quippe distat, ad locum intra corpus trahere, & per locum extra corpus ducere. Illud quidem irrationabile & inconveniens: hoc autem rationi & naturæ consonum: cum natura ex semetipsa sapius per urinam, vomitum, & secessum venenatos liberet. Nec dicendum est, quòd in transeundo corpora spiritus inficiat; est enim ex semetipso ad operandum segnis & impotentior redditus, atque forsitan extinctus ab ipsa attenuante vi medicaminum; quorum etiam proprium est, naturam mirabiliter ad expulsionem incitare. Unde nos credimus in principio non esse à medicaminibus purgantibus & diureticis abstinendum, si corpus excrementis scateat; ac eo præsertim quo diximus ordine; scilicet post adhibita localia, quando decet. Erat altera dubitatio, an conveniat missio sanguinis. Hoc posset negari: *Primo* ex eo, quòd major fieret retractio veneni ad interna: *Secundo*, quia non videntur adeste indicationes: *Tertio* propterea, quòd in casu venenoso indigemus virium robore, sanguinis autem evacuatio virtutem frangit. His attamen non obstantibus nos credimus aliquando sanguinis missionem convenire: scilicet dum æger valde timuit, vel per os infectus fuit, nec non etiam dum per morsum; si tempus aliquod introeundi spiritus habuerit; sic etiam dum pariens valdè fuerit plethoricus. Tantum enim abest, si æger timuit, ut per sanguinis missionem ad interiora fiat retractio, quin potius per sectionem venæ sanguis ad exteriora revocetur, & secum etiam infectus spiritus, si ad cor redierat; est enim naturæ proprium, statim ac sectam habet venam, illuc deteriore sanguinem & spiritum impingere. Hic eadem causa, laudanda est sanguinis evacuatio, si spiritus infectus tempus aliquod introeundi opportunum habuerit, vel per os ingressus fuerit; sique corpus sanguine repletum fuerit; solet enim natura in tali casu ab onere quodam sublevari, unde fortius contra inimicum spiritum insurgit ad vincendum; non potest enim probe; quod noxium est, expellere, nimia sanguinis copia

copia impediēte venas. Est igitur aliquando sanguis equidem mittendus & à proximiori vena, quæcunque sit, si æger morfu vulneratus fuerit: si verò per os spiritum ingesserit, à communi; ut jecur & caput expurgentur, & inde ab iis, quæ sub lingua sunt. Nec deterreant nos allatæ in contrarium rationes: Propterea, quod primò falsum est non adesse unquam indicationes. Retractio enim sanguinis ad cor, revocationem ad ambitum requirit; inter ea verò, quæ præstant, est equidem venæsectio. Amplius duo sunt ea, quæ sanguinis missionem indicant, vel scilicet nimia copia, vel immedicabilis conditio, quod minimium est, diminutionem postulat: quod naturæ & medicaminibus repugnans, evacuationem indicat: Unde si corpus nimio abundet sanguine; vel vitiato valde scateat, nostro equidem judicio, sanguis mitti debet. Nec fortius est alterum argumentum, quod egeamus virium robore; Qui etenim est tam fatuus, ut viribus oculum non dirigat? Sunt vires quidem attendendæ: sed juxta & requisita sanguinis missio eas non extinguit. Præterquam quod dum morbum oppugnamus, viribus consulimus, contra verò, dum timentes ne robur infringatur, necessaria prætermittimus, morbus invalescit, vires decidunt, ac vita perit. Erat tertia dubitatio, an conveniant vomitoria, dum incipiunt pandiculationes, & alia quæ cynanchen præire solent. Hoc plurimi negabunt, propterea quod vomitus in angina aliisque morbis lædentibus spiratum, non conveniat, plurimum Medicinæ scriptorum testimonio. Cumque non conveniat per affectum locum trahere: Nihilominus contrariam nos amplectimur sententiam, quod scilicet aliquando conveniat. Hippocr. lib. de locis in hom. dixit fluxionibus ex capite manantibus vomitum conferre. Quod autem in istis fluxiones fiant & susti debeant, dubium equidem non est. Insuper idem Hippocr. lib. 5. de morb. vulgar. statim, ac de cynanche locutus fuit, dixerat convenire purgationes superioris ventris in accessionibus morborum, quando humores per se in sublime efferuntur, cum anxietate & capitis gravitate, aut incontinenti corporis jactatione; quæ quidem omnia in jam dictis ægris facillimum est reperire. Et Celsus optimè dixerat lib. 1. cap. 3. quod si aliquid corruptum est, nihil commodius existimari debet, quàm id qua via primùm expelli potest, ejicere, per vomitum scilicet; Unde materia quæ vitiata reperitur in stomacho, gula, & faucibus, per vomitum nobis ejicienda visitur; faciliior enim, brevior, latior, & promptior via. Nec argumenta jam allata nos ab ista revocant sententia. Quippe non purgate per vomitum in angina, non est adeo receptum dogma, quod contrarium plurimi non senserint. Praxagoras etenim & Heraclides Tarentinus magni nominis auctores cynanchicis dabant medicamen vomificum, Emeticum ab ipsis dictum. Et Hippocrates lib. 6. de morb. vulgar. ait, se quosdam cynanchicos ex superioribus purgasse. Imò quandoque non possumus rationabiliter nisi per vomitum purgare, propterea quod si deorsum trahentes, in pectus materiam deducamus, æger in maximo versabitur discrimine; & natura ut plurimum per os hujuscemodi morbum ex semetipsa solet expurgare. Insuper concedimus per affectum locum nos non debere aliquando purgare; tunc scilicet quando periculum est, ne major copia ad partem attrahatur, quàm expurgari possit. Sed in casu nostro contrario modo sese res habet, propterea quod tantùm abest ut materiam vomitus impingat in partem læsam, quod ipsam ab illa extrahit & expurgat. Et hinc est, quemadmodum dixerat Hippocrates lib. de loc. in hom. quod vomitus vomitu sedatur, cum ab ipso eluantur, quæ sunt ipsius

caussa; & hac eadem ratione lib. 3. de morb. jubet fricari paracynanchicorum linguam & fauces iis, quæ pituitam educunt; ad hoc scilicet, ut materia morbum gignens per promptiores vias expirgetur. Addimus insuper, quod Petrus Salius & alii, qui in demorsis à cane rabido vomitum concitavere, testantur pulcherrimum inde venisse opus. Quod si postea negent in morbis respiratum lædentibus vomitum opportunitum, id nihil refert; cum repugnet illis ipsorum quoque experientia, quæ certissimum est testimonium veritatis. Et Hippocrates dicebat, quicquid artificiosè factum est, ex ratione protulatum est ac productum. Quidquid a. artificiosè dictum non autem factum, methodi inartificialis demonstrativum est. Dubitabatur ultimò, an relatæ materiæ præsidiorum convenirent; scilicet coccognidium & Indici phaseoli inter purgantia infernum ventrem; & album veratrum inter vomitoria, cum ista apta sint ex semetipsis fauces inflammare. Pro cujus dubitationis solutione hoc animadvertendum est, quod quamvis coccognidium & Indicum ricinum, si degustentur, fauces inflamment, nihilominus id non præstant; si debitis modis propinentur, scilicet in vino dulci, vel melle cocto, vel in aliis rebus abscondantur, ne transeundo propria superficie tangant immediate fauces. Sic etiam veratrum nullam affert faucium læsionem, si debitis modis ipsum, & nostrum corpus præparemus; de quorum quidem præparatione, dosi, &c. in nostro de helleboro libello tractaturi sumus. Hoc interim sufficiat, in casu nostro optimum esse post cibum ejus secundam decoctionem propinate eo modo paratam, quo apud Petrum Salium legimus in tractatulo de rabie. Quantum a. in rabie debellanda valeat hellebori albi potio, colligitur facillime ex eo, quod canibus etiam opitulatur, & ex Actuario cap. de rabie; sed hoc præsidium tentandum non laudamus, nisi reliqua alia fuerint tentata frustra, vel dum maxima adest occasio.

Absoluta jam sunt omnia quæ ad cognitionem, causas, prognosticum, & curationem attinent. Nunc verò recensenda venient quædam, quæ fugienda omnimodo creduntur. Compertum est eos, qui à rabido sunt infecti, per annum saltem debere à fructibus cornorum abstinere; fecit enim fructus iste rabiem sæpius. Sed quid mirum? ora gingivæque lædit, quemadmodum Dioscorides nos docebat, & experientia sæpius comprobavit. Hac igitur ratione, si quæ adest debilitas vel malignus fomes in venis linguæ, tonsillis, faucibus, aliisque partibus, facillime ob novam earum læsionem radices altius figit. Præterquam quod nimia adstrictione possunt fructus per antiperistasin ipsum spiritum exasperare: nec non sanguinem in venis coagulate, unde fluxiones & angina solent evenire, docente nos Hippocrate. Sunt qui rem ampliaverint ad contactum, & ad umbram cornorum; sorborum, sanguineæque virgæ, asserentes experimento constare, harum arborum virgas rabiem excitasse, dum tamdiu manibus tractatæ fuerint ab illis, quos rabidus momorderit, quousque incalescant: eandemque vim retinere umbram earum arborum, propterea quod pluries visum sit rabiisse eos, qui lanas purgant cædendo virgis corneis, nec non eos qui summo æstu sub harum arborum umbra recubant, dummodo prius à rabido læsi fuerint. Verùm dubium quidem esse posset, an rabies ab harum arborum virtute excitetur; an verò fiat (quemadmodum rationabilius esse credimus) ab aliis causis cynanches. Peccant nempe lanarii vociferando nimium, nimiaque frequentî ebrietate, & os illorum multo impletur pulvere, qui faucibus adhærens plurimum affert nocūmentum. Sic etiam

qui sub umbra cubant, veri est simile, fuisse à sole prius alteratos. Non negamus tamen posse aërem inspirandum, à sorbo & sanguinea virga alterari adeo, ut fauces etiam aliquo modo lædat. Fugiant ergo qui rabidam infectionem timent omnia, quæ jam diximus, & alia quæcunque cynanchem generare possunt. Caveant illi qui tentantur morbo, lumen & splendida, sic etiam aquam, ejus sonum atque nomen, & sanguis mittendus est, (si potulenta jam abhorrent) excipiat manu, ne tonitu floris percussus commoveatur ager. Hæc sunt ea quæ nobis de hoc morbo & ejus curatione dicenda videbantur. Prudens Medicus plura apud Hippocratem & Galenum aliosque Magnos viros, de angina loquentes, videre poterit; unde causam, naturam, differentiam, curationem, & prognosticum eliciet. Ex quibus vel agro sanitatem, vel sibi saltem prævidentiæ famam comparabit; inter eos verò qui curationem hujus morbi sub rabiei nomine optimè tractarunt, Actuarius extitit.

Exactam certitudinem rarè cerni dixerat Hippocrates: Nec immerito: Nihil enim probatum est & receptum adeo, ut tanquam falsum & inverisimile ab aliis non fuerit acriter reprehensum: Nihil absurdum adeo & incredibile, quod idem aliquibus certissimi faciem non habuerit. Hinc tot variae & inter se pugnantes Philosophorum & Medicorum Scholæ. Unde Plato supra cælos Veritatis campos collocavit omnem sensibus fidem abrogans. Non deerunt ergo, quibus hæc nostra improbanda, & à veritate dissona credantur. Quibus hoc solum responsum volumus, opinionis errore decipi, & si sapiens non sit, hominis saltem esse: Nosque; insuper non eorum, sed nostram scripsisse sententiam: quam ideo amplexari libenter sumus, quia sub veritatis forma sese nobis propalavit, sensibus & ratione ipsam quærantibus: Unde si falsam cognoverimus, eam statim reprobata volumus. Si aliis igitur aliter appareat (absque nostræ reclamationis suspitione) credant & scribant quicquid libet. *Hætenus Josephus de Aromatarius, tractatu de Rabie contagiosa.*

Curatio Clarissimi Martini Lister.

Rabidi morsus Hydrophobia, Latine, aquæ pavor: Miserimum genus morbi, inquit Cornel. Celsus, in quo simul æger & siti & aquæ metu cruciatur.

Quemadmodum autem Diabetes, à morfu bestiolæ cujusdam venenatæ, ex serpentium genere, interdum nasci solet; ita morbus de quo jam tractaturi sumus, Canis rabiosi venenato morfui primariò origine suam debet. Atque similiter quoque hic, atque ille, Dei Providentia, mortalibus rarè accidit. Quod tamen vehementer miror, cum nulla domus sine cane sit, ejusque totiusque familiæ non sine ratione præsidium vocetur; imò cum omnium gregum, bestiarumque ruralium assiduus & fidelis custos sit. His adde, Canes venatici plurium generum apud nos infiniti sunt, & primarii viri eorum etiam greges nutriunt; imo mulieres, cujusque ferè sortis, soliis voluptatis & animi causa, eos in sinibus suis gestare amant, & intra ipsos lectos admittere; adeò non satis est, eos esse domestica Animalia, nisi mensa & toro quoque accipiantur: item horum plurimos rabie perire, scilicet morbo Canibus, & id genus animalibus solis peculiari, teste Galeno. Idcirco Providentiam divinam magnopere laudo, à morbo omnium longè sevisissimo, humanum genus etiam invitum, rueri velle.

Non autem ignoro Hydrophobiam aliter; atque aliter in morborum classibus disponi. At tota illa contentio, an celeribus tardisque passionibus annume-

retur, pauci momenti est. Etenim cum rarè ante trigésimum quintum diem aquæ pavor à quo prima morbi cognitio est, incipiat; & quod celestissime deinceps hominem interficiat, acutus morbus dici potest. Verum tamen, quia post plurimum tempus morsu inflicti æger morte afficiuntur, & quod ab ipso ferè mortu diversimodè sese malè habeant, etiam in otibi genus nondum percipitur, aut ne dum ille an inadvertitur; ideo cum aliis antiquorum sectis (quales fuerunt Asclepiadis sectatores, auctore C. Aureliano) hanc tardam passionem esse putare licet.

Ut autem hujus morbi descriptio perfectior sit, tam ipsius canis rabiosi, quam hominis à mortu rabiosi conditiones exponendæ sunt.

Canis verò insania propriè rabies dicitur: huic tùm ferè cauda demissa, oculi inflammati, lingua exerta, citra rationem currete, deinde rursus subitò consistere. Sirculosi quidem sunt, non tamen bibunt, & plerumque anhelant. Multi sunt & adeo deliri, ut ne familiarissimos cognoscunt, sed hos primùm attingunt. Segnius ferè incedunt, & velut somnolentiores exsunt; si verò etiam cucurrerint velocius, subitò currunt, at intempestivius & inordinate. Rufo & Posidonio auctoribus antiquis apud Ætium: non solum maximè æstu, sed etiam per maxima frigora canes in rabiem agi solent. Item potum & escam averfantur: largam spumantemque pituitam naribus & ore projiciunt; torve & solito tristius intuentur: in omnes passim sine latratu irruunt, æquè feras hominesque: tam familiares, quam ignotos mordent, nec protinus infestum quidquam intelligunt, nisi vulnus, doloremque; exinde morbus ille contrahitur, qui aquæ metus denominatur. Illudque nosse convenit, pavorem aquæ non statò definitoque tempore exoriri. Quidam post morsum celerius in passionem veniunt, quidam tardius: ideo etiam post annum, aut eo amplius afficiuntur; sed magis plures post quadraginta dies. Cæl. Autel. Florinum tamen ad quadragésimum usque diem neglectis differri consuevit. Post semestrem etiam nonnullos invadit. Quendam post annum aquam horuisse constat, quæ nobis visa & comperta fuere: narrant & post septennium aquæ metu fuisse tentatos.

Jumentorum Hydrophobia correptorum hæc ferè est conditio. Vegetio auctore.

Aliquando jumentis aquas timentis signa hæc sunt, venas omnes habebit extensas, sudabit, suffusus oculis tremorem fremoremque patietur, illider se parietibus; ex qua passione converti consuevit in rabiem.

Homini autem evenit id malum cum distentione nervorum, totiusque corporis rubore, præsertim faciei, cum sudore & languore quodam. Aliqui autem splendorem fugiunt; alii sine ulla doloris intercapidine vexantur; sunt etiam qui canum more latratus edunt, & obviam factos, morfui adoriuntur, ac mordendo simili vitio labefactant.

Cæl. autem Aurelianus omnium Antiquorum diligentissimus fuit in colligendis nominibus & signis hujus morbi. Hydrophobiam, inquit ille, alii Phobodyson appellant, quod cum timore sitiat aliquis; aliis aquæfuga audit: aliis cynolysson, veluti ex rabie canina morbum conceptum.

Antecedens certè causa passionis est canis rabidi morsus; at quidam in hanc passionem deveniunt solius aspirationis odore, ex rabido cane abducto: alii rabidi canis unguibus læsi: alii à catulo parvulo læsi: Hydrophobici memorantur.

Sartrix quædam ex chlamyde scissa rabidis morfibus sarcienda, turris & filo linguam pro more sæpius admovendo.

Aliæ quoque animalia apud eundem Cæl. Aurel. nu-

numerantur simili rabie noxia, ut Lupi, Urſi, Leopardi, Equi, Anni, etiam Gallus Gallinaceus.

Imò apud illum poſſibile eſt ſine manifeſta cauſa hanc paſſionem corporibus innasce.

Hydrophobiam autem, ſecundùm eundem Cœl. Aureliannum hæc ferè indicia circumſcribunt: nempe, pronis in illum, cùm jam prætangere cœperint. Anxiètas quædam ſine ulla ratione: Atque iracundia, & corporis difficultas: inſolitus motus: Somnus etiam ſuſpentus atque turbatus, vel vigilie: & ſimul cibi corruptio: ſtomachi gravedo: crurum atque brachiorum extenſio, olcitatio jugis, & impigra levandi (an ad ambulandum) voluntas: inſueta etiam querela aëris, tanquam auſtrini, quamvis ſerena fuerit quies: item difficilis toleratio, atque tedium, & reſuſatio imbrum, parva bibendi voluntas contra conſuetudinem.

Obrinentè verò paſſione, appetentia bibendi atque timori primùm ad ipsius aquæ viſum, ſecundò etiamſi ejus audierint ſonitum vel nomen; dehinc timor fomentationis olei. Pulſus denſus, parvus, inordinatus: quibuſdam ſaltus ſtomachi, torpor atque ſtupor articulorum; ſubreptio atque extenſio præcordiorum ad ſuperiores partes, & officii ventris abſentia. Urinæ reddendæ paulatim frequentatio, tremor atque conductio nervorum. Vox obruſa & velut larrabilis: corporis canina involutio, (ſive decubitus caninus) ſpiratio difficilis: jaſtatio corporis omnis ad ingreſſum hominum, tanquam ſecum aquam afferentium: rubor vultus atque oculorum, & corporis renuitas, atteſtante pallore cum ſudore partium ſuperiorum. Verreri frequens tenſio cum ſeminis involuntario jaſtu: lingua prominens.

In ultimo etiam ſingultus, & vomitus fellis, ac frequentius nigri: quibuſdam etiam timor, manus oculis tenus admotæ vel circumtractæ.

Quidam ſe agnoſcere fatentur eſſe naturalem, vel conſuetum aquæ liquorem, cùm ſibi monſtratur; ſed commoveri cùm viderint.

Soranus ipſe teſtatur ſe vidiffe Hydrophobum ſeſe hortantem, ut liquorem ſumeret, inec tamen potuiſſe. Aiunt & militem quendam Hydrophobum, ut Artorius memorat, ſibi indignatum, quod in bello nulla timeret vice; ſed nunc, aquam cùm vidiffet, quæ eſſe conſuetudinis jucundæ ſolet, metu inenarrabili terretur.

Eudemus, Themifonis ſectator, memorat fuiſſe Hydrophobum medicum, qui cum prænoſceret periculum, ſuppliciter ingredientem exoraret, & cum lachrymarum fluore guttis deſtillantibus tangeretur, exiliens veſtem conſiderit.

Soranus memorat ſe infantem Hydrophobum vidiffe, Ubra matris expaveſcentem.

Atque hæc ex Cœlio Aureliano, veterum medicorum nulli ſecundo, exſcripta habui.

Unum autem morbi ſæviſſimi prognosticon reſtat; nempe ex iis qui hoc vitium ſenſerint, neminem ſervatum eſſe: niſi forſitan ex Hiſtoria unum aut alterum evaſiſſe audimus, teſte Dioſcoride; & idem alibi; Hoc vitio tentatus nemo ſervari poteſt. Huic etiam prognostico conſentiunt ferè omnes Antiqui Scriptores. Aquæ metu oppreſſis in anguſto ſpes eſt: ſic C. Celfus. Quum liquorem timent, & larratus edunt, ſpaſmoque vexantur, horum nemo ita correptus, quantum ego ſcio, inquit Scribonius Largus, expeditus eſt: ad idem redit ſententia Galeni; hoc autem morbo omnium peſſimo correpti aquam timent; ac propter multam ariditatem, humidi deſiderio tenentur, cæterum à potu abſtinent, quia mente alienati, id quod auxiliari poteſt, non conſiderant. Proinde fit, ut aquam fugientes inareſcant, & convelluntur ob febrem, qua intus uruntur, miſerrimo-

que tandem mortis genere intereunt. Aquæ, id eſt, cujuſlibet liquoris timor, ubi accidit, ſummo cruciatu ad mortem eos compellit: hæc etiam prædixit Scribonius Largus.

Ipo autem morbo hætenus deſcripto, proximum eſt, ut aliquot Ægrotos, pro mote noſtro, exhibeamus; nempe ad majorem morbi elucidationem. At rariffimi hi ſunt: imò in tota Hiſtoria medica quantum legi, tam antiqua, quam moderna, vix unum aut alterum ægrum ex integro narratum invenire licet; quòd forſe ab iſtiusmodi ægrotis etiam medici abhorreſcere conſueverunt; cùm ſaliva non ipſius canis tantum, ſed & hominis rabioſi inſicere potis eſt: neque enim inſectionem aliquibus aſſidentibus, maxime ſi vitioſi corporis habitus ſint, mediante ſpiritu communi, communicari poſſe, non multum dubitare videtur Dioſcorides.

Ægrotus 1. Jacobus Corton, juvenis procerus, atque admodum robuſtus: à Cane quodam rabioſo dextra manu leviter morſus eſt; vulnuſculum per ſe ſanatum eſt; imò res ipſa & ſibi & ejus uxori omnino oblita eſt; mihi tamen reſpondit (cùm Hydrophia correptus eſt, & ea à me cauſa aſſignata eſt, cur aquam jam bibere non potuit) ſe uxori dixiſſe, illud ſibi valde mirum viſum fuit, quòd canis, antea ſibi tam familiaris, ipſum tunc morderet: at è memoria id totum ſibi excidit. Poſt quadraginta verò plus minus dies de dolore quodam totum quidem corpus, maximeque dorſum & tota circumcirca præcordia, vehementer afficiente queritur; palleſcit, huic cavi oculi, &c. Die autem tertio à primo inſultu ad vespertum, circiter medium Martium, Anno 1682. Spiritum Vini dictum metacum, & calefactum, petiit, potavit; lecto decubuit, vomuit, noctem inquietam egit, & poſtridie manè valde ægrotavit cum ſtomachi vehementi inſultu; & quamvis maxime ſitiebat, tamen omnino bibere non potuit; imò jam propriam ſalivam ægre quidem deglutiebat, quod ipſi, ut nobis ſeriò mulrotes aſſeveravit, vel morte pejus erat: ejuſdem autem diei manè, & Diaſcordii tantillum, & aquam Theriacalem ei obtulit quidam Pharmacopola. Diaſcordium quidem ſumpſit, at aquam guſtare non potuit. Atque hæc manè: Prima autem ejuſdem diei poſt meridiana hominem primùm vidi, lecto decumbentem; pulſum protinus exploravi admodum tardum, & interdum inæqualem, at neque id, niſi ab aliquo ſtomachi gravi inſultu; habitus corporis frigidus, lingua non ſicca, ſed flexilis & humida, ſubalbida. Hominem ſurgere juſſi, & ante claram lucem eum poſui; & quòd de neſcio qua gravi ægritudine circa ſtomachum multum querebatur, aquam Theriacalem, quæ ad manus erat, propinavi: at cùm ori ejus poculum appropinquarem, inhorruit quidem tremuitque: illud equidem infinita admiratione ſpectabam; adeoque vinum aquamve petii; & aquam mihi ejus neceſſarii attulerunt, quam ei ſtatim potandam dedi; ſed vehementer ad eam reſiliit, & ejus ſtomachus modo quodam inſolito valde intumuit, & tunc pulſus ei multum tremulus & commotus eſt: ampliùs autem eum ad bibendum provocavi; ſed ut ad ejus os aquam propius moverem, magis magisque attonitus, caput retrò avertebat, ſingultiens, & eam torvis oculis intueus, non ſine dentium ſtridore tandem & vociferatione. Illud vehementer miratus ſum, nec ejus ſymptomatis rationem ullo modo reddere potui; diu verò cogitabundus, feliciter mihi in mentem venit, hunc Aquæ metum eſſe, mihi tantum ad hoc tempus ex libris cognitum, nondum tamen viſum. Quo animadverſo, iterum atque iterum hominem ad bibendum provocavi: & toties illum valde perturbatum expertus ſum, maxime ad aquæ appulſum: Tandem uxoris matrem & ancillam adſtantes interrogavi, quâ corporis parte nuper vulneratus

est: quâ quidem quæstione confusæ, responderunt. Quare id querebam se velle scire. Illum à quodam cane morsum esse dixi. Id verum est, ipse ægrotus territus subito mihi respondit, à cane cujusdam *Sutton*, vicini mei morsus sum; sed vulnus jamdiu sanatum est. Post hæc hominem iussus decumbere iussi, illumque reliqui. Uxorem autem & necessarios alibi domi conveni, & ejus mortem, ut rem certissimam prædixi; siquidem tardius esset, quàm ut opem aliquam ferre potuerim: item neminem præter custodes, si enuos aliquot viros, illi adesse permittere volui.

Venam autem in brachio demorsæ manus statim secandam curavi; vulnus scarificatione profundiore aperui & vesicatoria superinjeci eadem regioni interscapulari, tibiis & brachiis ex internâ parte admovi; item Antidotos famosas & usitatas, ut Theriacam Andromachi, cinerem Canciorum Ruvarilium, Rutam, Agaricum, &c. formâ boli propinavi, illud autem notandum est, solida quæque cochleari assumere potuit, (quod ut jam video C. Cœlum non latuit) sed id non sine multo tremore & metu; omnixè supplicans, ut eautè id fiat, neque aliquis ea subito & improvisò afferret, & ut in ejus manus leniter deponerentur, quibus acceptis, manum suam suspensam paulatim versus os dirigens, subito cochleari intra id, velut ejaculando, conficere voluit, & dicto citius, velut canis ad ossam, quicquid in cochleari contentum est deglutire, idque multò expeditius voraciusque, quàm est hominum aut consuetudo aut natura. Ex variis autem Antidotis aliquid singulis horis ad multam noctem sumpsit, & semper ad modum jam descriptum; item Potiones plurium generum subinde obrulerunt die nocteque, quæ tamen nunquam sine horrore vidit, gravi stomachi motu superveniente. At Salivam deglutire ei horrendum fuit; perinde, ac si mortem ipso momento inferret. Nox illa ex toto insomnis fuit.

Postridiè verò ejus sanguinem, è venis missum, diligenter inspexi; optimè quidem se habentem & colore, & consistentia, & proportionem utriusque partis feri ac crassamenti rubri, & sanorum sanè quàm simillimum.

Fabricavit jam primùm, & pulsus jam celertimus, fortasse magis à calidis Antidotis, multoties exhibitis, & vigiliâ perpetuâ & animi anxietate, quàm à morbo. Aqua denuò oblata est, sed frustra; imò me magnopere rogavit, ut non ampliùs ei molestus esse velim, ut saltem quietè mori siperem, adeo aqua ei terribilis, ut nihil supra; sed & omnia alia quæcunque illi jam terrorem incutere dixit; ejus mortem jamjam instare sentit. Quod animo, inquit, penè defæcturus sum; & admodum quidem pallidus, & cavo & tenui vultu erat.

Multâ autem difficultate hominem vestitum persuasi, ut se in faciem inclinaret. Lectoque incumbentem se se super ventrem prosterneret; pectore tamen & vultu in terram ultra lectum liberè deorsum prospiciente: nam mihi verisimile esse videbatur, ut hoc corporis positum (scilicet canino, aut quadrupedum more, quàm erectiore, humanoque) faciliùs biberet. Itaque cerevisiæ tenuioris Urnam capacem ipsius ori placidè subjici curavi; quam, protinùs ut aspiceret, infinito gaudio amplexus est; & ejus odore se admodum refici dixit; portionemque jam cum insigni voluptate vidit; seque minixè dubitare, quin totam Urnam siccare posset affirmavit; & qui jam tantùm non moribundus videbatur jocosè loquutus est, & cum uxore & necessariis ejus multa lepidè & jucundè confabulatus est; inventionem meam mirificè laudat, mihi que gratias quàm maximas ex animo dedit &c. Caput autem versus cerevisiam maximâ festinatione impetuque movebat, sed frustra, nam, quories labia aperuit, stomachus vehementer offensus est; linguam jam exeruit, ac si lambreret sed cum vel summo ejus apice cerevisiam tangere contigit, territus resiliit bibendi tamen vana imaginè utque delectatus est; amphoram quæ è conspectu ejus subducere ancillam linere noluit, & quo-

ties eam parùm & leniter subtrahere conata est, odorem sequutus est naribus, carum more, follicans. Iu & multùm sic frustra fatigatus, se jam plurimùm offendi dixit odore cerevisiæ tenuioris, scilicet nimium vapido & languido; idque sibi ne biberet impedimento esse; itaque alam (fortiorem cerevisiam nostraribus dictam) petiit. Atque illa ex voto dicto citius oblata est; sed post infinitos conatus & linguam millies, canino more, exercitam, neque ex ea vel primis labiis guttare potuit. Atque hac positione modo ventri incumbens, modò manibus & genibus innixus, integrâ minixè horâ persistebat, (Tantalum agens) at omnino citra potionem Deinæceps, tenuis fistulæ, è pennis coagmentatis contactæ, alterum caput ejus ori, atque alterum cerevisiæ, immitterimus; sed illo Syphone uri non potuit: atque idem esse videbatur, ac si quis illum Canis ori intruisset. Ira vexatus, me persuadente, tandem decubuit, & non multò post exitum meum nervorum contractione correptus est, ore spumavit, latravit, adstantes dentibus petiit.

Hoc autem paroxysmo finito Ellebotismum in bolo propinavi, quod libenter avideque, perinde ut cætera, sumpsit, ab eo ter quaterve copiosè vomuit, eoque se multùm levati dixit; tamen subinde convellabatur, & in accessionibus semper delirabat. Post quatuor autem horas hominem rursus visitavi, & jam Sacerdos etiam accessurus est, quocum multa loquutus est sobriè & piè, præcesque publicas ab eo repetens, & sacramentum mensæ Dominicæ vehementer petiit; quod tamen propter morbum dare non licuit; Testamentum scribi iussit & rationum libros inspexit. Post hæc rursus hominem ad bibendum sollicitavi, & jam promptè seipsum in ventrem sua sponte vertebat, omnique artificio & ingenio usus est, ut de cerevisiâ capiti subjectâ biberet; sed nunc ut olim frustra. Insuper poculum exiguum argenteum, Portionis plenum, in ejus manum tradidi; quod, cum propè os leniter & suspensa admodum manu admovisset, subito intra proprias fauces illud ejaculare voluit, ut de bolis facere consuevit, sed dentibus allisum, in amphoram subjectam cecidit.

Illum autem, cum non meminissem, toto decubitus tempore vel minxisse vel semel dejecisse; idèò enema dari cutavi, quod potinùs rejecit & convulsus occubuit. At eum non minxisse, & satyriasi molestissima correptum fuisse, (de quâ plurimùm questus est, maxinè cum in genibus & manibus incumbens lecto) à vesicatoriis potius, quàm à morbo oriri, verisimilius mihi esse videbatur; at lecto postea Cœlio Aureliano, Antiquorum diligentissimo si quis alius scriptore, ipsius morbi unum è propriis signis esse cognovi.

Ne quid autem omitterem de iis, quæ aliquo modo ad morbi intelligentiam facere possunt, intuspe dicam, me quandam mulierem è propinquis ejus fortè convenisse, cujus filia, ut mihi retulit, valdè anxiosa erat, ne illa quoque periclitaretur, quòd hic vir à suâ domo redeuntem puellam nocte conducere ad ædes marianas voluit; seque benè meminisse ejus manum quæ illum tenebat, totumque corpus tremuisse, & frigido sudore maduisse, multumque tecum murrurasse; ut illum rogaret, quomodo se haberet: respondit, post operam quotidianam, (nam supellecticarius erat) ita se malè habere nuper contuevit.

Neque illud silentio prætereundum est, ipsum canem, à quo morsus est, hominem ea nocte sequutum esse: imò ipse canis vivus & sanus esse videbatur, quo tempore homo mortuus est.

Ægrotus 2. Ad hæc: *D. Widdow*, ipso autore, mihi hæc narravit; nempe ad illud tempus, quo *Corion* morsus est, ab eodem ipso cane nigro ejusdem *Sutton*, Carulus in ejus offiina morsus est. Postridiè autem à mortu idem Carulus & Dominum & ancillam, illum in manu, hanc in tibia momordit & eo ipso die moriebatur. Post mentem verò malè se habuit, & cordis dolore

lore vexatus est, non sine aliquo tremore & metu, per triduum vix dormivit, sanguinem mitti curavit, & melius se habuit. Ancilla autem de nulla noxa adhuc querebatur.

Ægrotus 3. Puella quædam, duodecim annos nata, à cane rabioso morfa est ad Tatum: cutis autem ejus non lacerata est aliquo vulnere; at penitus impressi sunt canis dentes, eorumque vestigia ad aliquot dies manebant: huic autem in ea parte nescio quis dolor Urens, per intervalla accedens: à sexto verò, ut memini, die à morfu adeo intolerabilis fuit, ut præ dolore vehementer vociferavit; pungente, atque urente dolore, ac si carbone aliquo vivo afficeretur; is verò dolor usque ad genu ascendebat; imò eo tempore planè aliena loquuta est.

Ægrotus 4. Quædam mulier, 60. annos nata, ex matre vehementer phrenetica; ab ipsis cunabulis (ut mihi à fide dignis relatum est) hujus mali materni quædam signa habuit: ex. gr. nunquam in vita nisi pitiando, & cum nescio quâ difficultate, bibere potuit; contra, cibum & multum & avidè sumebat: aquam semper vehementer inhorruit, ut naviculæ in flumine se nunquam committere persuaderi potuit; imò iter factura vehiculo, aquæ metu supra modum affecta est; item repentinos pavores sine causa vehementer passa est: subitò & supra humanitatem, præterque omnem rationem (aliàs mitissima Fœmina) irasci solebat.

Ægrotus 5. Quidam quinquagenarius, Mercatoribus notissimus institor, habitans in *Pyealley*, ad vicum vulgò dictum *Fenchurch street*: morbo quodam valdè inutilato ex 25. an. graviter affectus est: me verò per Pharmacopolam vicinum accersivit ejus uxor, ut de re, per neminem adhuc vel infinitis remediis levatâ, saltem judicium meum ferre velim: hominem vidi athleticum quidem & aliàs sanum, & dum ei adstabam, bis aut ter convulsus est ad hunc semper modum; nimirum, caput ejus de humero ad humerum admodum veloci vibratione concussus est, non sine dentium stridore; idque si noctè in lecto contingat, quod tamen sæpius fit, cum quodam horrendo murmure perpetrari solet; ut ejus uxor nobis autor fuit: hæ autem vibrationes tanta pernecitate transactæ nondiu durant; tamen cum frequentes sunt, hominem supra fidem fatigant; ad plures verò menses in anno nihil istiusmodi mali patitur, sed integer est. Ego autem, cum is caninus concussus planè mihi visus fuit, hominè protinus interrogavi quoties (Pharmacopolâ præsentē) & quibus corporis membris Cane morfus est? At mihi non sine gravi iracundia respondit, bis: sed utrumque in tibia, & sibi vel puero vel adolescentulo contigisse. Cum hæc mea interrogatio hominem valdè morosum reddiderat, parùm aut nihil amplius loquutus, ei valedixi.

Elapso autem anno, rursus, suâ jam spontè, eodem Pharmacopolâ nunciò, me rogavit ut ad se venirem; excusatione autem ab ipsò præfatâ. Ejus malum à Canum morfibz, tibiz olim inflctis, quorum cicatrices, nudatâ tibiâ, mihi libenter ostendit, posse oriri verisimile est; maximè quod ejus Uxor, sæpius observaverit istum stridorem, & dentium concussionem & murmur in nocturnis Paroxysmis usitatum, canem quendam latrantem valdè propè imitari; aliaque non dicenda mihi narravit, quæ nobis fidem utique faciebant, me de morbi natura rectè conjecturam fecisse; operumque meam suppliciter rogârunt, quòd quò vir senescat, eò etiam malum gravius inveterascere & multò pejus fieri. Pulverem autem *Antilyssum* diu lumen dum præscripsi, &, ut memini, aliquoties in mense Helleborisum, de effectu autem medicamentorum; & an illa sumpserit, nunquam audiui; & istiusmodi homines citò remediis satiari credibile est: & si boni

alicujus evenus fuerint, sanè præter expectationem meam id esse, propter diuturnum vehementis morbi malum habitum. At Ægrotus jam vivit, ut mihi nuperimè narravit ipse pharmacopola vicinus ejus.

Ægroti quidam (manuscripti ex minio) ad marginem cujusdam libri S. Attdoin de venenis, ad medicum quendam eximium, *Herenhook*, olim pertinentis: hos autem mecum communicavit pro candore suo notissimo, Doctissimus vir D. D. Franciscus Bernard, illosque sanè publicâ luce dignos existimavi.

Ægrotus VI. Notanda Historia cujusdam, qui tertio demum anno post morsum interiit: Septimo autem quoque die, eadem hora, qua demorsus fuerat, toto triennio in rabiem agebatur: an rabiei supervenit septimana febris?

Ægrotus VII. Vidi in senè Septuagenario, qui post 40. dies Hydrophobiâ correptus, quinto ab ejus insultu die, me mordere appetens, & salivam plurimam ex ore profundens, interiit: demorsus autem fuerat ad anris pinnam.

Ægrotus VIII. Memento Institoris Parisiensis, quem vidi: is à cane non rabido demorsus circa malleolum, sine vulnere, per septem annos integros, me spectatore, & si adhuc vivit, per decem, quotidie millies in quacunque corporis parte, sævissimos percipiebat cruciatus, præsertim in *Pene*, quasi ab adactis vitri fragmentis: carnosus aliàs & boni habitus: nullum ipse levamen nisi in vino generoso, & laudano, quo per plures menses sæpius in die usus est.

Atque hæc hætenus de Ægrotis: deinceps verò hujus mali rationem explicare aggrediar.

At breviter videamus, quæ Antiquorum de hac re notitia fuit.

Igitur alii, referente Cœl. Aurelian. Hydrophobicam passionem melancholiam esse voluerunt.

Ab Hipocrate verò *βραχυπότος*, i. e. parvi bibuli, appellantur Hydrophobi, quos brachypotos vocant, hoc est, quod modicum biberent, ob timorem liquoris.

Corporis passionem esse, i. e. omne corpus pari: plus tamen stomachus patitur, atque venter, siquidem in ipsis signa plura & manifestiora; ut singulis, egerendorum retentio.

At ex nostra observatione ipsam Salivam præcipuè vitari; atque in ea unicum esse virus; experimentis credo. Etenim hæc ferè vulnera inficere solet: ac sine vulnere, etiam vel ab ipsis labiis aut linguæ ope communicata idem aliquando malum attulisse, ut ex satrice C. Aureliani constat, idemque attestante hujus seculi fide dignissimo Fab. Hildano.

Huic accedit illud, nempe aliorum morsum venenatorum non aliam causam esse; Viperæ puta, aut Dipladidis, &c. siquidem ab his Animalibus una evidens saliva vulnere infunditur; quam salivam per se quoque venenatam esse extra dubium ponitur, infinitis experimentis à F. Redi excogitatis.

Porro, canem ore tenus plus imitantur hi ægroti, quàm ullis aliis corporis membris; ubi scilicet Saliva propria excretoria vasa sunt.

Postremò hominis & aliorum omnium quadrupedum rabiosorum, videlicet ex canina rabie affectorum, morsum identidem virosus esse, aliàs innoxium; licet id sæpius fiat ab ægrotis ex febribus putridis, aut aliàs vehementer insanientibus, notissimum est. Atque adeò ipsa eorum saliva, equè ac canum, contagiola est.

Ad ejus verò rei explicationem hæc imprimis faciunt: nimirum à morfu canis rabiosi novam naturam caninam aliquatenus homini superinduci. Id quod liquidò constat, ex ejus latratu verè canino; ex linguæ exertione, rapidoque deglutiendi modo: ex porionis horrore in erectiore hominis positione: contra procumbenti, quadrupedum more, ejus delectabilis prospectus, spontanea & vehemens appetitio.

At bibere tamen non possunt, alterutro demum modo iis offeratur aqua: adeoque aliquid intus impeditur; verbi causa, vel faucium tumor, qualis in Angina, quod aliquibus, ut videtur, modernis placuit; vel quod eadem contracta & arida sint. At omnino nullum horum est: siquidem bolos dictos optime & facillime, imò avidè, canum more, appetunt devorantque, cum ne linguæ quidem apice portionem ullius generis tetigisse valeant. Quid ergo est? planè ipsa saliva in causa est: nam quoties illam deglutire contingit, ut ex nostro primo ægroto centies dictum audiui, stomachus tanquam contra rem maximè odiosam insurgere solet: nec aliud molestius, aut gravius symptoma, quam quod ex mota saliva oritur. Quæ itaque humida sunt, cum ex similitudine naturæ communis crassis & solidis cibis propriè, salivam movere, soleant, ideo multò magis abhorrerè credibile est. Portionem itaque hi miseri per se non recusant, sed quòd propriam salivam venenatam, à potulentis vehementius motam, ampliùs deglutire in stomachum non sustineant. Galenum itaque multum errasse à vero constat, dicentem hoc morbo malè affectos à potu abstinere, quia à mente alienati sunt, ut id quod iis auxiliari potest, non considerent.

At nosster Ægrotus, ut portionem primis paroxysmi diebus non magnopere desiderabat; ita à calidis medicamentis cum sitis ei infinita excitata sit; tamen & portionum genera optime cognovit, earumque usum, & necessaria ei, at citra potentiam bibendi.

Alia autem dubia restant satisfacienda. Primum, cur sola saliva inficiatur, & non alii humores & ipse sanguis? Respondeo ita quidem aliquatenus esse; quod liquet ex ægrotorum habitu, & conditione corporis ante paroxysmi adventum, siquidem tremunt frigentque; at ipse imperus morbosus in salivam maximè erumpit, utpotè congenerem humorem. Sanguinis autem massam esse duos distinctos humores alibi ostendi; aliumque adèd posse infici, alio integro, credibile est; Cumque è sero saliva proximè conficiatur: qui in sanguine caninæ salivæ magis affinis est, ex communi natura potius affici, verisimile est.

Alteræ quæstio est, Cur Canini generis saliva sola rabie afficiat, & non aliorum quorumvis quadrupedum infanientium? Galeno auctore, (de locis affectis, lib. 2. cap. 5 item 6. de interioribus, cap. 4.) reliquorum animalium nullum rabie arripitur; solus canis eo affectu corripitur, tantaque fit in ipso humoris corruptio, ut vel solum ejus sputum, si humanum corpus contigerit rabiem excitare sit potens. Proculdubio hoc exhibuit Galenus ex veterum naturalistarum fide & autoritate.

Non autem ignoro alios ex antiquis aliter sensisse: nam C. Aurelianus inter caninum genus, ut Vulpem, Lupumque, etiam Ursam, Leopardum, Equum, Asinum, imò ipsum Gallum Gallinaceum, numerat.

Hæc omnia & alia plurima animalium genera ex febribus, & ob alias causas, insanire non dubitandum; imò & rabie interdum affici, aliaque quæ momorderint, in rabiem similiter adigere solere. At ex rabie canina hæc effecta esse, non ex seipsis illæsis, credibile est.

Morsus humanus, (etiam phrenitici aut aliter insanientis) nisi ex aliquo canino prævio infectus, nocivus non est. Siquidem nusquam, quòd scio, proditum est maniacum, mania aliquem ex vulnere aut morsu affecisse. Ita de aliorum animalium furore naturali cogitandum est. Soli itaque canes rabie infectoria noxi sunt, & qui ab iis rabiosis morfi insaniunt: quæ Galeni sententia fuit.

Et si contingat, inquit S. Ardoynus, aliquod aliud animal rabiosum effici, illud accidit, quia à rabido cane, aut à morsu ab ipso, morsum fuerit: & si absque hoc aliquod aliud animal videatur rabidum effici, erit rabidum non vera rabie, juxta Galeni mentem, sed

dispositione quadam simili rabiei causæ: vera itaque & propria rabies aliis animalibus non accidit: cani soli & id genus animalibus proprietas est, quatenus ita mirabilia & sava symptomata communicari possunt.

Apud veteres tamen quoddam alia invaluit opinio; nempe esse possibile sine manifesta causâ hanc passionem corporibus aliquando innasce. Ar hæc mera eorum conjectura est, & ob ignorantiam facti prodita.

Quid autem sit peculiare in genere canino, quod hanc infectariam rabiem efficiat, difficile est dicere.

Illud interim notare lubet: Canes ferè omnium quadrupedum minimè sudare, etiam æstuantibus & ex vehementi & diuturno cursu fatigatos; sed linguis valdè exerts, salivam magno & continuo anhelitu effundunt; quam ob rem eorum salivam magis saliam acremque esse verisimile est; maximeque si quando, more aliorum animalium, ægotantes insaniant. Imò propter eandem fortasse rationem omnium Serpentum, id est, frigidorum, & non sudantium animalium, etiam omni tempore & sanitate integra, saliva virosa est, & in plerisque supra fidem septica; quòd nempe nullibi corporis nisi in ore ventiletur, & ab acredine sua purgetur. De salivæ autem natura salia & exedente alibi multa à me dicta sunt; scilicet in Tractatu de Humoribus, ubi de Concoctione agimus.

Ampliùs quæri potest, cur aliqui ex morsu canis rabiosi non Hydrophobici fiunt? atque adeo de vita non multum periclitantur; sed mitioribus quibusdam symptomatibus & citra aquæ pavorem certis anni temporibus, & certis hominum ætatibus ægotant.

De hac autem quæstione veterum nonnulli cum nostris observationibus non conveniunt. Democrito (Hippocrati coætaneo & naturæ rerum omnium longè sagacissimo) non danda fides est, inquit Cælius Aurelianus, dicenti, Hydrophobas quosdam levi aquæ timore affectos, biennium transegisse. At ipse Hippocrates idem cum Democrito videtur exhibuisse, cum parvibulos Hydrophobas appelleret & brachyporas, ut supra dictum est.

At ex nostris ægrotis, id esse verum abundè constat.

Quæstioni itaque benè fundatæ respondeo: Canis alicujus saliva possit interdum graviter esse virosa, & Hydrophobiam inducere interdum ex alio aliquo morbo, quo canis laborare possit, multò mitius inficere. Rursus, incipiente, aut declinante canis alicujus rabie, quos tunc is mordere contigerit, eos lenius infici, quàm alios in vigore accessionis morfos, verisimile est. Deinde, quòd aliquod extremum membrum, pes puta, morsum sit; cum labium aut manus itiusmodi infectioni opportunior esse viderint. His adde remedia etiam prophylactica, vel minore modo, quàm parerat, aut gravissimum malum futurum exigebat, data fuisse, adeoque hominibus morsus tantum ex morbi maligna certè parte, & non ex toto occurrunt. Postremò, cum canibus hæc lues propria & peculiaris sit, is tamen omnibus & singulis non tam funesta est: sed sæpè per se sanantur, ut qui venaticos canes nutriunt, benè norunt: imò & homines similiter, etiam si à cane rabioso morfi sint: non semper tamen Hydrophobici moriuntur: sed à morbo tuti esse videntur; cum tamen vel iidem ipsi, vel eorum nati insania peculiari & infectoria vitentur in plures usque generationes.

Ex hac itaque & superiore Quæstione rriste corollarium deducere licet: nimirum hinc familiarum plurimarum insignem calamitatem oriri posse verisimillimum est. Etenim si sola canina rabies ex omnibus animalibus communicari potest, scilicet de cane in hominem transferri, deque homine similiter in hominem, & sic ita in infinitum; idque à solo contactu salivæ absque vulnere; quidni per semen genitale? Et si illa lues ad Hydrophobiam non semper attingat: sed, salva hominum vitâ, non dicendis symptomatibus, quòd adhuc plerisque nostris hominibus non animadvertita fuerint, propagari possit; tot & tantarum maximè illustrium familiarum

familiarum (quibus canes præ pauperibus in deliciis sunt) ubique terrarum melancholiam nescio quam & insaniam hæreditariam ex his ferè causis nasci non sine ratione vehementer suspicari fas est.

Hæc autem non protuli insolentiæ aut animi causa; sed veras causas tanti mali indagando, quo nostri homines meliùs & majori cum effectu curas intendunt: cum alia profectò sit vulgaris phrenitis maniaque, atque alia rabies, & ab ea orta melancholia hæreditaria mille larvis simulata.

Reliquum est, ut rationes curativas & remedia huic morbo præcipuè accommodata expediam. Hæc autem ad duas præcipuè intentiones dirigi solent; nempe vel non permittunt homines morsos in aquæ timorem incidere; vel Hydrophobicos, quos ipse morbus aquæ timore occupavit, curant: at utriusque intentionis pleraque remedia communia sunt.

At cum saliva venenata præcipuè noxia sit, illa imprimis evacuanda, temperandaque, ne stomachum amplius offendant.

In primo autem censu sunt chirurgica; ut cucurbitula, ignis, medicamenta exedentia vulnere admodum, balneum, & vehementes sudationes, fricationes ex oleo, multum & meracum vinum, lac, pingua juscula, &c. At hæc omnibus venenis communia remedia sunt.

Item, Antidota: quorum præcipua Theriaca Mithridatica, secundum Andromachum, aut ipsum Mithridatum, hæc autem ideo bene faciunt quòd ex aromatibus conficiantur, quæ medicamenta viribus & substantiis ægè permittuntur à stomacho visceribus; cum itaque intra corporis habitum parùm mutata & tantùm non integra admissa fuerint, qualitates alienas, si quæ occurrant, & naturæ inimicas, facillè vincunt. Etenim quæ difficulter concoquantur, vix alibi corporis aboleri possunt; itaque venenis rectè obijciuntur, ad ejus acrimoniam obtundendam, Dioscoride aliisque veteribus: imò propter hanc rationem intinctibus & condimentis miscentur aromata, ut acida & salia remperentur; sic vinum, ex gr. ingratum, acidumque, absinthii tantillo fit jucundum & potabile: adeoque ad virosam Salivam corrigendam, ne stomachum nimium lædat, bene facere existimanda sunt. Atque hæc Antidotorum communis ratio est; ut quæ illis facultates naturæ, id est, communibus sensibus amicæ & gratissimæ insint, illas & ipso stomacho corporisque habitu, ad ipsa usque excretoria vasa sarras rectas conservent.

In eodem autem censu Antidotorum à veteribus numerantur etiam simplicia quæque medicamenta: imò & interdum medicamenta propriè & per se purgantia, si minori modo dentur, quàm ut alvum movere possint; ut Hiera in hoc morbo quotidie exhibita citra purgationem: & tunc auxiliare medicamentum, id est, Antidorum apud eosdem audit.

Pergo ad alia Antidota: illud autem è nucibus juglandibus per se quoque alvum, at leniter, movet; sed ad venena mirificè apud antiquos commendatur: siquidem in his nucibus insunt qualitates maximè desiderata: earum oleum verè anodynum est, & privatim adhiberi solet ad inflammationes: idem de istiusmodi nucibus testatur Ætius supra hoc, quod affectu rabiosæ resistit; Somnum, inquit, conciliat, & febricitantibus convenit. At alia peculiaris qualitas his nucibus donatur, (quæ ei cum oleo ex semine lini & papaveris communis est) nimirum per se siccari; piscatoribus hodiernis notissima. Atque adeo hæc nucs propter hanc præcipuè rationem aptæ natæ sunt salivam acrem & venenosam obtundere. Etenim cum corporis humani omnia salia ferè urinosæ sint, id est glabra & pingua, quòd digitorum attritione planè constat, hujusmodi olea ex similitudine & natura quadam communi propius associari, & cum levi corporis

calore quæ earum proprietas est, strictius uniti posse credibile est. Quemadmodum in saponis confectio, calcis vim septicam & salis lixivii pinguem acrimoniam, ob facilem coalitionem cum oleo olivarum pisciumve (etiàmsi illa præ nostris oleis tam dictis minimè apta sint per se siccari, qui ad strictionem inter se unionem aliquis tamen defectus est) admodum retundi, & mitissimum medicamentum reddi videmus.

Procedo ad alia Antidota prophylactica, inter quæ numerantur Cinis cancerorum fluviatilium: Hippocampus marinus: item Sylvestris rosæ Tuberculum ex Plinio. Hæc autem omnia quandam inter se affinitatem habent: nam & canceri, & animalcula rosæ sylvestris exanguia sunt; Hippocampus verò marinus, etiàmsi è piscium pinnatorum genere sit, cum ramen valdè offensus est, ideoque & propter parvitatem suam veteribus exanguis quoque visus est: imò verò piscium ossa, crustæ testæque exangium eandem ferè naturam qualitateque analogas habent.

At cineres canceri usti in præcipuis medicaminibus sunt: ad magnum modum (ad ʒj. puta minimum, aut ʒij. si tardè dentur à morfu) & per se à veteribus multà fiducià ad hoc malum præcavendum iidem dabantur; de pulverum verò testaceorum facultatibus, tam crudorum, quàm ustorum, in Tractatu de humoribus fusiùs egimus. Interim illud scire licet, illos esse è mitissimis colliquantibus medicamentis, adeoque apprimè utiles ad imbecillum stomachum salivâ venenosâ perpetim offensum, ejusque acrimoniam optimè iis temperati posse verisimile est; multoque magis, quòd is pulvis à canceris fluviatilibus confici debet; utpotè marinis, quibus assedo major, lenioribus; item ob similem rationem ad serpentum morsus & ad tabem benè faciunt, auctore Dioscoride.

Potè Helleborus albus apud antiquos laudatur, & sternutamentis, & clysteribus aut balanis podici supponendis inditus. De infinita autem efficacia hujus medicamenti ad insaniam curandam alibi erit disputandi locus, sed an ad Hydrophobiam privatim benè faciat, hæreo. Illud quidem verum est, hoc medicamentum pituitam vehementer movere, evacuareque; quæ cum salivæ venenatæ proxima materia sit, sic fortè ad evare possit. At metuo ne nervorum contractiones acceleret. Idem de Diagridio & Elaterio dando sentit C. Aurelianus; nempe incongruè agitant atque gravant ægros, & non eo tempore, quo permitti potuit usus suprascriptorum, præcautionis causâ ac effugiendæ passionis. Hæc itaque & similia ante accessionem Hydrophobiæ, & proximè à morfu, si quid commodi inde expectare licet, exhibenda sunt. Siquidem incepto semel aquæ pavore numquam puram & sinceram dimissionem habeat Hydrophobia, in qua sola dandum est Helleborum.

Proximo loco Antidoti Apulei Celsi exhibendi modum paucis perpendamus: illo verò in ipsa correptione uti oportet; ad ʒj. dato cum rosæ cyathis tribus & exigua aqua? Hoc proficit ut aquam postea sine timore sumant, & minùs quidem liberati hac difficultate cruciantur. De Antidotis autem suprâ satis diximus.

De oleo verò rosato mihi amplius differere lubet. Non ita dissimile remedium & optimæ, ut mihi sanè videtur, spei. Cum Aceto jumentis Hydrophobicis adhibet Vegetius; at illos tantùm eorum nares & caput diligentissimè perungit, & sanitatem promittit. At summa difficultas est in exhibitione alicujus humoris, quod Scribonio tamen Largo satis benè provisum est; remedium ejus ipsa correptione ineunte, exhiberi debet: concedatur itaque id fieri posse; olei tamen rosati quantitas præscripta admiranda est, scilicet ad quinque ferè uncias: attamen salivæ venenatæ ore, faucibus, stomachoque commistum, ejus virus habitare potest; maximè quod oleum ipsarum rosarum retum

insigniter lenientium, ad satietatem usque particeps est, ita ut postea sine metu bibant, haud incredibile est. Uterius videant, quibus opporunitas est id genus medicamenta experiundi.

Ultimo loco, Aquæ exhibitionem violentam consideremus. Nam sunt apud veteres qui nihil aliud, quam potum dare quoquo modo nituntur.

Nunc gelu, vel nivem offerentes ægrotis, nunc viridem ficum, vel pyrum, aut cucumerem, & his similia, referente C. Aureliano

Antiqui autem Medici alios atque alios modos bibendi invenerunt.

Alii calami perforati initium ori ægrotantis immittunt; dehinc ex alia parte per aliam cavernam aquam infundunt.

Alii poculo, lineo panno subter imposito, vel belluæ pelle (hyenæ puta) potandum putant: scilicet super ictione traducti, quod naturalis autoritas belluarum, quæ canibus est contraria, timorem ægrotantium solvat.

Democritus autem ex antiquissimis medicis, & qui Hippocrati convixit, jubet origani decoctionem dari atque ipsum poculum, quo bibant, in sphaeræ rotunditatem formari.

Si comanoti aut irati fuerint audito potu, erit differenda oblatio: dandus interea potus in Fictili vasculo subtili caverna perforato, tanquam sunt papillæ Ubertum & dandus, projecto oculis obstaculo, vel temporali re clavis fenestris.

At de his ex nostrâ observatione supra comprehensa dicere licet cum C. Aureliano, nempe hæc quæ vulgus per experimenta probata putat, longè aliena exogitata fuisse.

Potum, parum olei, sive calidæ, ut poterit contineri per podicem, clystere injiciatur: Atque id ad minuendam sitim: nam non solum dysentericis injectum medicamen superiora invadens, sæpè stomachum atque caput vexare accepimus, siquidem eò necessariò pervenit, sed etiam calidam & oleum pervenire posse concepimus, quod partibus iidem irrigationis præbeat laxamentum.

Restat autem dimensio involuntaria in frigidam, quod & nostris hominibus ut video placuit: de hoc verò remedio C. Aurelianus audiendus est. Quidam medici, inquit ille, ut Artorius memorat, alios in vasculum plenum frigidâ miserunt, alios in puteum posuerunt, saccis immisos, vel inclusos, ut necessitate bibere cogentur. Alii in aquam calidam.

Quos optimè reprehendit idem antiquissimus scriptor, dicens illos nescios esse, quod passionis curationem illam esse, non ut bibant ægrotantes, sed ut bibere velint: quod sit cum passio fuerit adjutoris destructa.

Multi denique etiam bibentes raptu affecti sunt graviore, & convulsi ex frigida interficiuntur.

Strangulatio quoque ac mors quandoque ex sorbitione aquæ accidere solet, teste Ardoyno.

Haud ita dissimile experimentum à docto quodam medico Nottinghamiensi, *Thuronghton*, mihi olim narratum est. Is Hydrophobici cujusdam oculis mapam crassam superinjecit, manibusque ligatis, portionem bibete invitum aliquoties cogebat: at porsus sinistro eventu, nam itatim vehementer convulsus obiit.

Nec opinantem in Piscinam projicere, non ante ei provisam, inquit C. Cellius, ut invitus aquâ satietur, sic enim & sitis & aquæ metus tollitur.

At hæc vana sunt, & sine funda nentio: illud sanè ex nostris ægis satis jam evidens est, sitim non esse Hydrophobiæ perpetuum symptoma; adeoque non de morbi natura ægros firire: si tamen aliquando per accidens id fiat; scilicet, in aliàs vitiato corporis ha-

bitu, aut æstivo tempore maximè calidâ & æstuosâ regione, à vigiliis & antidotis calidioribus nempe medicamentis multum exhibitis, si quid boni expectare liceat à tali dimensione, id à vomitu plurimè aquæ deglutitæ oriri debet; ita fauces & stomachus à saliva venenata abstergi possint: at quomodo causam tam altè radicatam tollat levis vomitus, non video: adeoque inter remedia contingentia, & non privata & specifica ponenda sunt.

Nostris autem Homines, certè maritimi, in altum mare ægrum demergunt: At aqua, inquit marina sitim accendere quam tollere aptior est, propter vehementem & peculiarem falsedinem ei naturaliter insitam. Aliter tamen de aqua salsa marinaque cogitandum est, siquidem adversus omnigenum ferarum morsus sal privatim utilis est. *Teste Dioscoride.*

Inter prophylactica privata oblitus sum memorare ipsius rabiosi canis Hepar coctum: Catuli lactantis coagulum. Hæc autem nomino, quia remedia sunt ab antiquitate ad nos transmissa, & quod non raro à nostris quoque hominibus adhibeantur; at, quantum intelligo, frustra. Mihi quidem videntur antiquitatis religiosa quædam deliramenta: alia certè antidota supra comprehensa non negligent, suadeo.

Antequam verò hanc dissertationem dimittam; queri potest, cur Hydrophobia morbus insanabilis sit? Respondeo primò, ob causam fortasse adhuc ignoratam; adeoque remedia rectè adhiberi non potuerunt. Rursus, cum duo præcipuè tempora, medicamenta dandi in hoc morbo sint; unum, ab ipso morbo ad præservationem ab Hydrophobia, alterum, ad ipsam Hydrophobiam initam curandam. Cumque plurimos à rabioso cane morsos ab antidotis appropriatis sanos evasisse; imò Galenus, alique affirmant, neminem, cui cinis cancrorum fluviatilium ex gr. ad zij. ex vino puro quotidie exhibitus est ad 40 dies mortuum esse: contra, Hydrophobicum aliquem rarissimè, si unquam, curatum fuisse. Hujus itaque in successu medicamentorum differentiarum ratio esse videtur, quod in ipso statu & paroxysmo plerique morbi medicinam agere admittunt; at eadem medicamenta ante potum exhibita benè faciunt. Imò morborum initia maximè accommodata sunt medicinæ faciendæ, quod noxios humores reprimunt, totasque eliminant, antequam habitus corporis vitiatur: à morbo itaque ipsoque morbi initio medicandum est, si quid feliciter moliri velimus.

Quod non alio quidem exemplo (ut id hinc obiter notem) melius elucidatur quam è varia exhibitione Corticis Peruviani in Febris intermittentibus, aut in ipsis putridis febribus, ubi tantum remissiones eademque ita æ sunt. Nam si febris paroxysmo declinante is propinetur, & intermissione tota remissionisve intercapidine aliquoties iteretur, ut Sydenham, ejusque sectatores faciunt, magnis & multis modis eas pulveris pugnandum est, & frustra eo sæpius eventu; certè ad infinitum nauseam & crapulam stomachi à morbo labefacti: contra, si è vino puro, per diem unum maceratus, propinetur, vel aliquot tantum paucis horis (unâ vel altera puta) ante adventum paroxysmi, quando scilicet maxima corporis integritas est, maximeque si id fiat ipso ineunte morbo debellat plus una ejus dosi, quam decem alias exhibitæ: loquor autem de morbis longis quales intermittentes sunt; id quod centies felici eventu expertus sum.

Unde satis constat falsum esse, quod aliqui vehementer volunt; nempe Antidotum illud mirabile (ipse autem inter primos, quantum scio illud medicamentum olim in antidotis posui) multò minoris efficaciarum esse nunc, quam aliquot viginti retrò annis, mercatoresque ac Pharmacopolas nostros (ut quidam volunt) injuriæ fraudisque insimulando; cum tamen non in medicamenti bonitate, sed in exhibitionis tempore & modo discrimen sit.

De hac autem re provoco ad Badum, qui elegantissimū ac doctissimum Tractatum ante triginta annos de Cortice Petuviano edidit, unde, S---aliique nuperi scriptores nostri, omnia sua habuerunt, præter unum illud, de corticis exhibendi modo inepto, ne pejūs dicam, & intempestivo, autore suo, misero illo agyr-tā Talbot, dignum inventum.

Porro, si sit potior aliquis defectus in Cortice, ipsi nos medici videmur culpandi, qui pessimum volumus ex inadvertentia. Nam is cortex, me iudice, optimus est, qui è trunco arboris, mox qui è ramis majoribus; deinde è ramusculis habetur: at ex ipsis summis & tenuioribus furculis non nisi crudus & acerbus cortex detrahitur. Atque hoc satis constat ex analogia corticis nostrarum arborum, (quercus putā) qui maturior, magis concoctus, majorumque longè virium, quo crassior, vetustiorque, vel ipsis coriariis notissima res. Illud fortè nostris hominibus imposuit, cinnamomi ratio pretiumque, nempe in corticis illius quadam tenuitate parvitateque: at in illo medicamine quò acrior vehementiorque gustus, eò gratius, acceptiusque aroma: cum tamen ex cortice majori camphir copiosius oleumque elici solent, clara maturitatis indicia.

Illud quidem propriā experiētiā testor, me ante viginti annos cortice Trunci sæpè usum esse, ad crassitiem & latitudinem volæ manūs, magnis & profundis sulcis & fissuris conspicuo, velut in vetusta arbo-re. Inò eundem aliquando valdè cariosum putridumque ex necessitate, quòd melior nullo pretio tunc temporis haberi potuit, & olim & nunc me vix unquam frustravit eventu optimo & desiderato; maximè si ejus modus & tempus exhibitionis ritè observentur. Sed tanti medicamenti rationes cæteras alibi, cum de morbis acutis agam, opportunior dicendi locus erit. Atque hæc hæctenus de hydrophobia, ad alios morbos longos procedo.

Superiores autem Schedæ de Hydrophobia tantum non impressæ fuerunt, cum librum Petri Salii diversi, proximè superioris seculi doctissimi medici, primum viderim. At multa sanè fide digna, atq; aliter quàm ab ullis aliis scriptoribus, apud eum dicta inveni.

Itaque & quæ nova ad hunc morbum pertinent excerpere; & quatenus nos ab eo in aliquibus dissentimus, pauca hic reponere lubet.

Imprimis, apud illum non video ullam bonam rationem, quæ convellatur sententia Galeni; nempe, solum canem ex omnibus animalibus rabie corripi. Admittam licet à Lupo sæviora & magis horrenda symptomata posse consequi: at Lupus à cane nonnisi specie differt. Cætera autem animalia, quæ ab Aristotele aliisq; rabie tentari dicuntur, à canino morsu prius infici possunt. Elto! & Alinus & Leo rabie inficere primariò possunt; cur homines siti tentari non irrugiant, rudantve sed semper ut canes latent, vel ut Lupi ululent? Hoc itaq; rem planè conficere mihi videtur; morbi nempe malitia ex integro à canino genere oriri, non homini tantum, sed & aliis quibuslibet animalibus.

Nec multum commoveor ab instantia mulieris Hydrophobicæ ex febre recens sanatæ; nam potuit, ut supra diximus, ea ex traduce transmitti à parentibus, ut alii morbi hereditarii. Et in his sic propagatis mitiora seie symptomata esse solent.

Inter symptomata verò titubat, dicens, dum rabiant homines, sitiunt admodum. At sitis non minùs quàm Febris, (quam ipse excludit) ex morbi natura est.

Ut verò Febrem rectè explodit, ita delirium quoq; nolit hujus morbi signum Pathognomonicum constituere, nec necessariò rabiem consequi; quæ ex nostris quoq; observationibus fidem habent.

Rationem verò Salii libenter admitto, cur oblatio, vilis, solaque imaginatio aquæ, Hydrophobicos lædat,

nempè ex consensu ventriculi cum rebus vel viis imaginatis: quæ infinitis exemplis expediri potest.

Causas timoris aquæ, quæ ab aliis afferuntur, doctè refutavit: at ejus non libenter admitto.

Etenim illa Antiphatia, quam cum virosa saliva liquida alia habeant, res vana & inutilis est. Atque hæc averfio ex accidenti tantum est: nam pejorante malo, ubi valdè cupiunt bibere, si virus salivæ abominandum non impediret, promptè biberent.

Item illa altera ejus causa falsa est; nempe esse materiam ullam, quæ obstruat fauces, vimque deglutendi in rabidis hominibus ullo modo ex pituita cruda, viscida, & virulenta esse præpeditam: sed stomachum potius à tanto veneno vehementer offendi; ne itaque lædatur, ad aquam insurgere.

Quod autem solida avidè deglutiant, cum liquida averfentur, ratio est, in absorbendis liquidis arctius attingi gulam, quàm in assumendis solidis cibis, ideo iis magis offenduntur, quòd è ductibus excretoriis saliva copiosius à liquidis elicitur.

Si quis verò quærat, cur liquida (ut in nostro Ægroto I. supra ostensum est) non averfantur in positu canino & pronis capitibus, erecti verò illa maximè abhorreant? Respondeo. Quia saliva virosa, in illo positu effusa, ad labia decurrit, in hoc ad fauces relabitur, easq; ad illam deglutendam magis provocat.

Etiamsi verò Timoris aquæ causas non bene, ut opinor, expedivit, cum illo ramen asserere necesse est; verum characterem hujus mali esse cruciatum internū, ab aqua vel assumpta vel oblata inductum, & non vanum aliquem timorem aquæ liquidorumque, aut aliquam falsam de iis imaginationem, sed quia verè & sensibiliter ab iis interiùs admodum & in stomacho læduntur.

Hæc autem quæ sequuntur ferè singularia sunt, atque ad intelligentiam morbi maximè faciunt; eaque ideo in nostras chartas transferre non gravabor; & præcipuè quòd cum nostris observationibus, supra cōprehensis, ex magna parte bene concordant.

1. Sensui quidem nullas rabientium à proprio habitu & temperamento, ex aspectu immutatus apparet, cum nec in colore, nec in mole corporis, nec in facultatibus, nec in affectionibus, nec in ullis accidentibus sensibilibus, antequam rabiem incurrant, ullam mutationem subeunt.

2. Rabientes ratione proprii virus non febricitare: si autem aliquando febricitant, hoc ex corporis prævia altera indispositione fieri.

3. Præter signa ab aliis commemorata, unum se (quod præcipuum & infallibile futuræ rabiei appellat) animadvertisse ait, omnibus ignotum; atque hoc signum est, dolor quidam in loco jam commorso, licet ulcus antea per dies & menses integrè fuerit sanatum, accedens, qui intensus esse non consuevit, nisi morsus partem nervosam petierit. Hic dolor à loco jam commorso incipiens, leviterque patientem affligens, per partes post partem, spatio trium aut quatuor dierum, aliquando paulò plùs, aliquando paulò minùs ascendit ad cerebrum: cui cum communicatus fuerit, in eo quasi vertiginem causat, simulque confusionem quandam, quorum merito, modò ad hanc partem, modò ad illam declinantes rectè progredi nequeunt; indeque statim homo in rabiem deducitur.

4. Etiamsi rabie correptis omnia excrementorum genera, ut plurimum retineantur: in uno tamen vidi maximam & ingentem urinæ copiam excretam, sine ullo agrotantis sensu.

5. Vidi aliquot simul carnes & ossa apprehendere & conterere, & ita facilè esitare, ut profectò non adeò facilè Canes ipsi edant.

6. Narrat, quā fide nescio, Lupum à Venatoribus

captum, in diversaque obsoniorum genera apparatus & coctum, fuisse in causa, ut qui cum gustarint, esitarintque, rabie non multò post correpti fuerint: si verum est, remedium sanè illud ex Hepate denteve Canino suspectum imò abominandum reddit,

7. Ubi Hydrophobiæ indicia accesserint, si quid in tali casu prodesse poterit, hoc unum erit Helleborus albus, ab antiquis valdè celebratus, qui admirandus est in hisce affectionibus. At ubi rabies facta est, morbusque gravissimus evasit, adeò lethalis est, ut auxilia humana, nisi tantùm ad reinittenda symptomata, quæ in iis verenda & horrenda sunt, incassum censcam. *Hactenus Martinus Lister tractatu de morbis quibusdam Chronicis.*

Consultationes.

Hydrophobia.

Ad Ancillam Illustriss. Matronæ Patriciæ invisendâ, Autumno vocatus, 40. circiter annos natam, formosâ & boni habitus eam sedentem inveni, inculto capite, capillis spatis, anhelam, huc atque illuc sese jactantem, quæ à duobus aliis famulis vix tenebatur, & à Religioso quodam exorcismo expiatur, dum interrim, ululatus ederet, ad instar canis, quinimò & mordere tentaret alias famulas, nisi minis & verberibus se ipsas tuerentur. Omnia autem exasperabantur quando Aqua benedicta aspergebatur, quanquam hoc idem eveniebat: aquæ quoque putealis, non benedictæ aspersione, prout statim expertus sum, imò si cyathus aqua plenus eidem offerebatur, magis jactabatur. Præterea convellebatur, nec quicquam comedebat, omniū verò minimè potum, aut potulenta admittebat. Erat autem illius afflictionis quarta dies, licet & antea potum renuerit. Interrogavi adstantes num à cane aliquo unquam demorsa fuisset, qui affirmarunt æstate proximè præterita à catello Bononiensi domestico demorsam fuisse in brachio, juxta Deltoidem musculum, ut ego vidî, verum morsum, utpote exiguum, absque ulla curatione ex se sanatum, & faciliè cicatrizatum esse, catellum tamen in aquam projectum & suffocatum fuisse, quoniam paucis ante diebus Domine quoque digito manus vulnusculum infixisset, quod tamen sola proprii oris exuctione & expuitione sanatum fuit.

Quibus auditis, & à me consideratis, jam hydrophobam, mortique proximam miseram Ancillam pronuntiavi, longo enim tempore rabies inducitur, at invalescens repentinam quoque nonnunquam mortem affert, ut eidem contigit, siquidem post paucas horas convulsâ è vivis decessit. *Raymund. Joh. Fortis Consult. & Respons. Medic. Tom. 1. Cent. 1.*

Hydrophobia Imminens.

Dies igitur sexagesimus jam agitur, ex quo Illustriss. Matrona ab eodem catello fuit in manu sinistra demorsa, cujus ætas quadragenaria est, totius & jecoris temperamentum ad calidum, & siccum vergens, gracilior habitus, & fuscus color, in potu meraciori, de more, delinquens. Vulnus autem à catello inflictum fuit, aliquot diebus ante Ancillæ infortunium, fuitque exiguum, ex quo tamen sanguinis guttulæ emanarunt spontè, quanquam & aliquas ore sibi suxerit Illustriss. Pat. cui propterea spatium trium aut quatuor dierum, idem vulnusculum, licet neglectum, cicatrizatum fuit.

Modò, cum infaustus atque funestus eventus, ex morsu ejusdem canis, in misera ancilla fuerit secutus, sciscitantur à nobis Domestici, nū virus caninū in corpore Domine adhuc latere possit, & ancipites nostrū implorant auxilium. Quare unâ cum duobus aliis Medicis, ita consultum fuit.

Inquirendum à nobis non est, utrum Matrona Illustriss. hydrophobiâ correpta sit, patet enim imaginationem in ea depravatam non esse, adeò ut & aquam, & liquida omnia fugiat atque formidet, sed quaeritur, num rabie infecta esse possit, quæ tamen nondum ad aquæ formidinem pervenerit?

Et quidem, ut partem negativam & favorabilem magis sustineam aliqua prælibare, hoc sermone mihi liceat. Hydrophobia est intemperies sicca habitualis solidarum omnium partium corporis, cum depravatione imaginationis, inducta à veneno canino, natura calido, & sicco. Ita Gal. narrat, se vidisse quendam transacto anno hydrophobiam incurrisse, cui Medicis omnibus summa in solidis animalis partibus siccitas esse videbatur, quod paulatim fit, & ideò immedicabilior. Hanc autem intemperiem inducit virus caninum, calidum & siccum, de quo dicebat Aëtius, quod Canes naturâ calidi & sicci, per æstatem ex ambiente nos aëre, aliam caliditatem ac siccitatem acquirunt, & ob immoderatam intemperiem insaniunt, quæ insania Rabies vocatur. Et quoniam febris vacat, non phrenetica est insania (& licet febris adeste quoque possit, non tamen hujus affectus propria) prout, quia cum metu, melancholica est, in se tamen maniam continens, quia cum furore fit, cum in adstantes motu invehuntur. Sic & Paulus dicebat, quod adeò desipientes sunt ut familiares non cognoscant, venenū enim hoc, utpote atræ bili proximum, ferinum & maniacum delirium producit, scribente Arist. quod facit hæc Rabies furorem. Depravatur autem imaginatio, non ratio, Philosophus enim ille ab Aëtio descriptus, à cane rabido demorsus, & hydrophobus factus, quia rationem illasam habebat, cum canis in balneo sibi appareret, secum locutus, dixit; Quid cani cum balneo? unde vicit affectionem, & sanatus fuit cum intrepidè bibisset. Nec quaerendum, cur in aqua canem se videre putent hydrophobi? rationem enim reddere cujusvisque objecti, circa quod decipiuntur insani, impossibile est: nisi dicamus quod depravata sit imaginatio circa illud objectum à quo læsi fuerunt, cujus species, mediante virulentia canina, ad cerebrum defertur, dum hæc eidem calidam & siccam intemperiem inurit.

Antequam autem talis alteratio, dicit Gal. solidis corporibus communicetur, in humoribus reperitur, quibus evacuatis, licet & solida occupare inceperit, illico cessat, & ad naturalem habitum solida redeunt. At si completa fuerit affectio, & non amplius in fieri: etiam si vacuata fuerint, quæ eandem prodixerunt humida, nihil facit ad sanationem, sed tandem ob nimiam siccitatem corrumpitur mentis judicium, adeò ut quid sibi prodesse possit non intelligant, sique remedium vitando, & aquam metuendo, miserabili morte pereant.

Quibus præmissis & consideratis, primò ab Illustriss. Matrona aquæ formidinem abesse, hydrophobiam scilicet, pro certo habendum, non solum enim præludia imminentis non adsunt, sed rabie quoque vacat; imò nec eadem infecti humores fuerunt, quoniam qui vitiosis humoribus scatent, & analogiam, seu symbolesitatem, cum hydrophobia habent, citò, imò aliqui statim ab ea corripiuntur, ut considerabat Aëtius. Quare cum Matrona hæc temperamenti calidi & sicci, gracilis, & melancholici habitus, & cacochyma sit, & jam à morsu sexagesimus præterierit dies, summa cum ratione credi potest, venenatum non fuisse vulnus tunc temporis infectum, eò quod catellus nondum rabie fuerit infectus, licet ad rabiem pronus, & si fortasse gradum aliquem rabiei fovisset in saliva, sperari potest quod exuctione sibi statim facta, extractus & simul cum sputo ejectus fuerit fomes; eadem quippe suctione Gentiles à mancipiis suis facta utebantur, quam Christiani omiserunt, utpote non adeò tutam.

Verum.

Verum quoniam in dubiis tutior pars est eligenda; & dum agitur de summa rerum nunquam satis cautè agitur, idè remedia in præfenti rerum statu usurpare consultum existimo, ut humores, si fortasse infecti forent, è corpore educatæ; statim enim solida ad pristinum statum revertentur, quia in fieri adhuc est affectio, non in facto esse. Secundò humida alteratio in solidis educenda. Tercio alexipharmacis virus caninum oppugnandum.

Imposito itaque Clystere, aut medicamento ex syr. ros. sol. & de polyp. præmissò, aperienda est brachii dexteri vena, sanguisque modicè educendus, habita cacochymia ratione, quæ sanguinis missio in principio nullo modo conveniret, prout convenit veneno jam ad humores propagato.

Inde aliqua præparantia utilia quàm maximè fuerint, ex Decoct. Bugl. Melis. Oxalid. Gent. Zedoar. Dictamni albi, Angel. & Vincetox. additis syr. de Cort. Cit. de succo Bugl. & de Pomis. Quinque verò aut sex post diebus, purgans quod validum sit, erit exhibendum. Ita scribit Diosc. quendam hydrophobie proximum, sumpto Helleboro convaluisse, & Orib. quotidie porrigebat purgans, ex Colocyn. ad fabæ quantitatem. Nos præbere possumus Elect. Diacath. Diaph. cum conf. Hamech. vel Extr. Helleb. ad 3ß. Cassiæ immistum. Quæ Cholagoga medicamenta conveniunt, cum caninum virus exultionem cõtineat, præsertim verò in hoc temperamento calido & sicco, habitu gracili, atque cacochimo. Aliqui ad usum quoque Antimonii deveniunt, ut quod agitatione, & calida humorum commotione, ab alto trahere, & educere venenatos humores valeat; à quibus tamen omnibus serum depur. copiosum est semper præbendū, quorum etiã repetitus debet esse usus. Nec ullo modo audiendus Rhasis, qui valida purgantia, non modò in progressu, sed etiã in principio exhiberi cõsulit, contra cõmuni tum Arabum, tum Græcorum sententiam.

Tandem Alexipharmaca virus oppugnantia sunt diutius quotidie exhibenda. Galenus Alyssum commendat. Lycium, & Læserpitii succum; Paulus, Orib. & Aëtius viticis semen. Avic. præter cætera, Gentianam. Verum principem locum, non solum apud Gal. sed & apud omnes, tum Antiquiores tum Recentiores, renet Pulvis Cancr. fluiat. quem Aescrion Empiricus, Gal. præceptor, ita parabat.

℞. Pulv. Cancr. fluiat. 3x. Gentianæ 3v. Thuris 3j. m. cujus dosis erit ad 3ij. qui dissolvi poterit in Aq. Card. sanct. Scorzon. & tot. Cit. ut ad venosum genus pervadat; in cuius usu persistendum ad 40. dies. Et interim sedeat Matrona Illustriss. sub arbore Cornus, & Virgam sanguinariam manibus tractet, ita enim venenum caninum intrus latens detegitur.

Victus ratio debet esse refrigerans, & humectans, licet Paulus vinum dulce, meracum, & vetus concedat, etenim idem Lactis usum & lactaria edulia proponit. Quæ in casu præfenti, dicta satis. *Idem ibidem.*

Quæsito de Virulentia Canina

Responsum.

Casus equidem sicuti rarus, ita periculi plenus, offertur mihi considerandus, cujus decisio sicut, apud ignaros & Laniones ipsos impossibilis, ita apud Eruditos difficillima, atque tandem apud Medicos, in Arte peritos; difficilis evadit, primò quia non adè omnibus innotescat, animalia cætera rabie tentari posse, cum ab Eruditis Viris jam Vulgus acceperit, solum Canem rabie corripì; secundò quia si animalia à cane rabido mordeantur, eorum qualitatem veneficam ab igne qui omnia consumit, prorsus absumi posse, à quàm plurimis facilè creditur; & propterea juremeritò Magnates Illustrissimi istius Urbis Nob. plures con-

suluerunt Medicos pro decisione, num Vitulus & Porcus, à cane rabido demorsus, rabie infici, & inficere potuerint homines, qui comederint ipsos, nec ne? simulque à partem affirmativam sustinentibus, pro curatione atque præfervatione opem medicam exigunt.

Antequam igitur ad remedia proponenda deveniam, in casu mihi proposito duo necessariò prius consideranda veniunt, alterum, num Vitulus & Sus, animalia à cane rabido demorsa, venenum caninum contrahere, & rabie affici possint, nec ne? alterum verò considerandum; num canino veneno infecta, & hominibus paulò post morsum comansa, eosdem inficere potuerint.

Et primum quod attinet; quamvis Galen. asseruerit, canes tantum inter omnia animalia rabie tentari, & solos Camelos addiderit Aristot. locuti tamen fuerunt de innata rabie, non autem de contracta, & acquisita à canis rabidi morfu: hanc enim omnibus animalibus communicabilem esse idemmet Aristot. apertis verbis asseruit. Quare rabiem & Vitulo, & Porco rabidum canem morfu communicasse, non est quod dubitemus; quæ tamen affectio quoniam insignem latitudinem habet intentionis & remissionis, idcirco si paulò post morsum à Lanione mactata fuerint, veneno canino progressus interceptus fuisset: non enim serpit in animalium corporibus sine vehiculo spirituum, & in hoc casu non adè facilè venefica canina. qualitas comedentibus carnes illas communicabilis foret, eoquè minus (ut ad secundum quæsitum deveniam) ignem pro coctione experta, cum à Galen. habeamus, quod integri Serpentes cum sale assi, ignis operâ noxiam, excedentemque corporis nostri virtutem deponunt. Negandum tamen non est caninum virus hominibus, qui carnes illas non assas, sed elixas comederint, communicari potuisse. Et quamvis Galen. asseruerit, quod spicula venenata necant quidem Cervos, sed ipsorum caro comesta hominibus minime obest; solvitur tamen objectio, eo quod venenum illud quod helenium esse solet, humanæ Naturæ, sicut Cervinæ, non adversatur; quod de veneno canino asserere nequeo: narrat enim Surlus in sua Historia de rebus in Orbe gestis, quòd cum Caupo quidam porcellum à rabido cane demortum, decoctum & conditum, hospitibus comedendum obtulisset, rabie omnes correpti fuerunt. Sed præterea habemus à Petro Salio, Medico egregio, lupum quendam rabidum, à Venatoribus captum, decoctum, & in diversa obsonia distributum, multis hominibus qui ex eo comederant, rabiem intulisse: rationemque reddit, cur ab igne canina illa virulentia prorsus abolita non fuerit; idque quoniam non ab excessu alicujus manifestæ qualitatis, verum à tota substantia venenum caninum procedit. Igitur cum & Vitulus & Porcus à cane rabido commorsus, rabiei capaces fuerint, & eorum carnes ab hominibus comestæ rabiem iisdem communicare potuerint, reliquum est ut modum proponam, quo & à rabie præfervari, & ab interitu præcaveri possint: non enim necesse est quod statim à comestione rabie detineantur, asserente Galeno, quod Canis venenum licet in demorsis non oriatur, longo tamen tempore, causa, quæ rabiem efficit, augetur, quousque tandem ad aquæ formidinem, hoc est, ad rabiem ipsam pervenerint, tuncque quarto aut septimo die convulsi pereunt, ut propterea Anthidotis alexipharmacis adhibitis, venenoque à corpore educto demorsus homines à veneno canino vindicari, & à rabie atque interitu præfervari possint, cum frequenter, spatio mensium, & nonnunquam annorum, virus caninum suas exerat vires, dum non tantum humores, sed solidas quoque partes tandem occupaverit.

Affectus iste quod medicamentis tolli possit antequam solidas corporis partes obsideat, jam innuebat

Gal. citatis locis, & confirmavit, dum pulverem ex cancris fluvialibus, remedium certò sanans appellavit, de quo pluribus locis mirabilia quoque repetit. Et quamvis Dioscorides tertium aut septimum diem, tanquam ultimum terminum assignaverit, quibus transactis nulla spes salutis superest, tunc intelligendus est, quando jam ad rabiem & hydrophobiam pervenerint; tunc enim nullum se vidisse sanatum. Dioscorides idem asserit, admiratus se audivisse Eudemum & Themisonem ianuarii restitutos. Confidenter itaque remedia sunt opportunè adhibenda, quibus se nullum vidisse mortuum asseruit Galenus, atque ego pluries expertus sum.

Et quamvis in morbis curandis, utiles priùs desumi soleant indicationes à morbi essentia & à causis, in hoc tamen affectu curando, indicatio ab essentia, neque à causa desumi potest, quia ut morbus à tota substantia, occulta vi agit, nobis ignota, ut propere ad experientiam & experta remedia confugere debeamus, occulta & alexipharmaca facultate huic veneno se opponentia; quibus tamen solis ego non acquiesco, cum ab evacuatione infectorum humorum liberatos viderit Galenus, & Dioscorides ipse; quare prima intentio erit humorum venenatorum educio; mox Alexipharmacorum qualitati veneficæ oppositio, atque tandem, quoniam huius veneni finis & effectus est ipsa siccitas, humectantia quoque indicari videntur.

Primæ intentioni satisfacere nequeunt sola Lenientia, ut quæ humores à venis & longinquiribus corporis partibus trahere non valeant: unde Dioscor. narrat, se vidisse quendam Hydrophobiæ propinquum, usu hellebori sanatum: quare mundatis primis viis leniente aliquo medicamento, statim Purgantia in usum duenda, hæcque sint. Extractum hellebori nigri & senæ cum cassia, Melancholicis; Extractum rhabarb. & diagrydii, Biliosis, quibus superbibant serum asin. depur. ad libras: Pituitosis verò trochisci Alhandal cum Diaphæn. cui superbibant mulsam dilutam, aquâ hordei paratam: Diebus verò intermediis assumant quoridie summo mane pulverem cancrorum fluvialium, quem Æschrion, Galeni Præceptor, Empiricus, diebus Canicularibus ita parare solebat.

4. Cancrorum fluiat. in panatella rubra ustorum, ʒx. gentianæ ʒv. thuris ʒj. m. f. pulvis, cujus dosis à ʒj. ad ʒij. in cyathò aquæ stillat. cardui sancti, aut pimpinellæ aut pæoniæ quadraginta diebus assumendus. Et si huiusmodi prava canina dispositio ultro processerit. Patientes etiam juvenes fuerint, plurimo aut fervido sanguine abundantes, venas quoque aperite & sanguinem educere minime verendum, ex pede primò, mox etiam ex brachio, cum infecti humores jam in massa sanguinea contineantur; & idcirco summa cum ratione, dierum progressu, Celsus commendat quoque sudorem in Balneo, prius nimirum evacuato corpore per centrum, quod Balneum parari poterit duabus vel tribus horis ab assumpto Alexipharmaco ex cancris; ita primæ & secundæ intentioni satisfactum erit.

Pro tertia verò explenda, Paulus tanquam egregium remedium, lac proponit. quod quoniam horis matutinis remediis tum educentibus, alexipharmacis propositis locum cedere debet, idcirco horis vespertinis in usum duci poterit, simulque alia substantiæ humectantia alimenta boni succi: non tamen excludendo pepones optimos, persica matura & à Sole bene confecta, ut siccitas à virulentia canina produci solita, quam fieri potest, arceatur, in quem finem à calefacientibus & exsiccantibus alimentis, vigente & perdurante huiusce veneni suspicione, prorsus abstinendum. *idem*

Tom. 2. Cent. 4.

Observationes.

De morsu humano, ejusdemque curatione.

Duplex homini ab homine morsus infertur, nam aliàs fit ab homine rabioso, isque summè malignus atque venenosus est: idèque non secus quàm si à cane rabioso factus esset, curari debet. Aliàs fit itidem ab homine, aut phrenetico aut furiosà irâ percito. Quem morsum postremum periculo non vacare, exempla quæ sequuntur, fidem faciunt.

Anno 1582. Girardus Muchs, mercator in *Langenberg*, in Ducatu Montensi, quum inter pocula cum alio quodam litem haberet, eique colaphum impingere tentaret, dentibus haud leviter infixis apicem dextri ejus indicis apprehendit. Unde, quia non rectè curatus, nec ulla vitæ regiminis ratio habita est, exortus est dolor magnus, aliaque graviora symptomata. Quum verò de abscissione manus barbitonfores duo, quibus curandum se commiserat, inter se conferrent; is vocari iussit præstantissimum Cosmum Storaum, apud quem tunc temporis praxim exercebam. Quum itaque pervenissemus ad ægum 26. Julii, invenimus totam manum inflammatam, & jam incipiente gangtana correptam: dolores quoque extremi, convulsionem, febris ardentissima, syncope, & inquietudines maximæ aderant; ita ut non solum de manu, verum etiam de vita periclitaretur.

Scarificavimus itaque statim totam manum, & applicuimus quæ gangrænæ adversantur. Mox universilibus, veluti clysmatis, purgationibus, venæsectione, epithematibus, cordi & hepati applicatis, & vitæ regimine frigido & humido, humores & sanguinem ad manus cum impetu fluentes, repulimus, detraximus, diminuimus, & partes principes ad temperiem vocavimus. Sic tandem æger, divino favore convaluit, ita ut nō manum, imò ne digitum quidē morsum amiserit.

Anno 1603. mense Aprili, quum phreniticam quandam mulierem tractandam haberem, & linguam an arida esset, explorare vellem, illa digitum incauti, & nimis curiosi Medici dentibus arripuit, atque adeò dētes digito impressit, ut sine violētia eum inde extrahere non potuerim. Hinc statim dolor vehemens, non solum in ipso digito, sed per totum brachium exortus est. Applicatis tamen iis quæ sequuntur, paulatim dolor sedatus est: & quinque vel sex dierum spatio digitus convaluit. Primò diligenter sanguinem ex moribus (diversis enim in locis dentes infixerat) expressi, mox acero acerrimo ablui tum morsus, tum etiam totum digitum. Postea theriacam dissolutam in aqua vitæ, cum gossipio moribus imposui, ac emplastro basilico apicem digiti, totam verò manum linteo reduplicato, ac in oxicroto madefacto involvi. Atque his remediis quotidie bis vel ter iteratis, Dei beneficio convalui. *Gulielm. Fabricius Hildanus Observ. Chirurg. Cent. 1.*

Alia morsus humani curatio.

Anno 1604. sub Canicula Esaias Rapin, Corsellis propè Paterniacum, à quodam viro, furiosà irâ percito, ad primam articulationem pollicis graviter morsus fuit. Hinc statim exortus dolor vehemens per totum brachium. Neglecto ab initio morsu, dolores, reliquaque symptomata singulis momentis ingravescabant. Ego quarto die morbi accersitus febricitantem ipsum comperi; synopæ item aderant, & dolor acutissimus. Pollex item usq̃ ad carpum correptus erat phlegmone, quæ postea in putridum & sinuosum ulcus degeneravit. Morsus lividi erant, ex quibus subtilis

subtilis, acris, & fœtidissima materia effluebat. Doloris leniendi gratiâ, brachium oleo rosaceo & lumbricorum inunxi. Ad carpum, defensivum moribus, toti verò digito sequens unguentum applicui.

℞. Unguenti basilici. Butyri recentis an ʒss. Ol. amygdalarum dulcium ʒj. Theriacæ opt. ʒj. cum vitello ovi, fiat unguentum f. a.

Postero die electuario de succo rosarum ipsum purgavi. Postea basilicam brachii sani incidi, & vitæ regimen præscripsi. His sedato dolore, & probè digestis moribus, ulceribus mundificativum sequens imposui.

℞. Pulveris Myrrhæ, Aloes, radicum aristolochiæ rotundæ, Iridis florentinæ, Angelicæ an. ʒj. Theriacæ dissolutæ in aqua vitæ ʒij. cum melle rosaceo, fiat unguentum.

Tandem ulcera alicum ulcerum more consolidavi, curamque Dei beneficio, maximo cum labore absolvi *Idem ibidem.*

De morsu canis rabiosi.

Matronæ cuidam in via obviam venit canis rabiosus, qui vestem ejus dentibus arripiens, huc & illuc trahebat, donec tandem veste lacerata, cute tamen mulieris illæsa & intacta, canis aufugit. Illa verò nescia canem rabiosum fuisse, laceratam vestem filo (prout farcinatrices facitare solent) dentibus absciso, refarcire cœpit. Unde nullum quidem per tres menses sensit incommodum. Postea verò sensum melancholica facta, imaginationibus, visionibus horribilibus & pavoribus agitari cœpit, & paulò post, aquam & vinum odisse, & quod pejus est instar canum latrare, domesticos non agnoscere, dentibus arripere, atque modò hunc, modò illum mordere tentans: Donec tandem in ea miseria animam efflaret.

Quomodo autem venenum partes nobiles infece-rit, jam operæ pretium est perquirere. Venenum hoc universam complexionem ac molem humorum in corruptionem trahere, ac omnes partes principes invadere, symptomata, quæ inde sequuntur, satis superque testantur. Cerebrum enim imprimis à veneno occupati, furor & insania denotant: quandoquidem spiritus animales, aliis subtiliores, primò offenduntur. Postea quoque in corde, & hepate summam intemperiem calidam & siccam exoriri, leipothimia, incendiū, febris, ardor linguæ, sitis vehemens, anxietas, inquietudines, & hujusmodi symptomata denotant. Hinc certum est, excrementa & salivam præcipuè (quæ in canibus rabiosis partim cerebri, partim pulmonis excrementum est) venenosam esse. Vestis igitur matronæ virulentâ salivâ canis madefacta, filum infecerat. atque inde mulier dentibus filum abscondens, venenum partim ex filo, partim ex ipsa veste, labiis ad se attraxerat, quod deinde paulatim ad partes nobiles serpsit. Tanta enim est hujus veneni sævitia ac malignitas, ut hominis judicio comprehendere non possit. Neglecti enim morsus canis rabiosi, quantumvis minimi, cute vix læsâ, sine dolore aut inflammatione, nihilominus post longum tempus omnibus partibus principibus, labem atque perniciem communicant, ita ut tandem homo in furore moriatur. Nonne Baldus, eximius ille Jurisconsultus, à caniculo suo in labiis morsus, neglecto morsu, post quatuor menses rabidus periit? Sed non tantum morsum perniciosum & mortiferum esse, sed ipsam salivam, testantur Galenus, & post eum multi viri docti.

Quanta autem hujus veneni sit sævitia atque malignitas, licuit hoc anno binis exemplis mihi observare. Primum fuit Sebastiani Cuisineri, Paterniacensis filia, quatuordecim annos nata. Illa à rabioso cane vulnuscula

quinque in tibia acceperat. Parentes illam vetulæ empiricæ curandam commiserant. Illa vulnera ferro candenti inussit, postea nescio quo unguento 15 dierum spatio, curationem absolvit. Sed quia (ut ex parentum relatu colligo) non satis profundè immissum fuit cauterium, & maturè nimis obductæ fuerunt cicatrices, accidit ut post menses tres subito melancholiâ, tristitiâ, mœrore, & timore, ac paulò post hydrophobiâ correpta sit. Ego tandem accersius, inveni ipsam in mortis agone. Maximus ardor, sudores, anxietates, & sitis aderant: aquam tamen neque vinum videre potuit, neque etiam sibi nominari passa est. Lingua arida erat. Domesticos non agnoscebat, quos quandoque dentibus apprehendere tentabat. Atque in eo angore paulò post à vita decessit.

Alterum exemplum fuit de Juvene quodam vixiginti annos nato, Daniel Perrin nomine. Is superiori ætate, tempore messis, à fele rabioso sculpturam in dextro pollice accepit: ubi epidermis vix offensa fuit. At quia ipse inscius felem rabiosum fuisse, hanc sculpturam (quæ non diu post sponte coaluit) planè neglexit. Nullus enim sequebatur dolor, nullaque inflammatio, aut aliud symptoma. Proximâ verò die 1. mensis Martii, paulatim incepit melancholicus fieri, & pavoribus, atque falsis imaginationibus commoveri: ita quidem ut postero die domo egredi: atque in publicum prodire non auderet. Ego tertio die ejusdem mensis vocatus, inveni ipsum hydrophobiâ correptum; Aquam enim, vinum, omniaque splendida adeò abhorrebat, ut ne videre quidem posset, nec vellet: imò interrogatus an vellet bibere, statim alta voce exclamabat, seque abscondebat. Vultus, collum, & pectus inflammata erant: colore caruleo misto, sudores & anxietates aderant: maximo cum impetu ex una in alteram lecti partem sese ita projiciebat, ut tres viri quantumvis validi, vix eum continere possent. Nonnunquam exclamabat, & sese in adstantes projicere tentabat: quos dentibus arripuisset, nisi custodes eum retinuissent. Cibum & potum non solum respuebat, sed ex sola nominatione aut inspectione calicis, expavescebat & tremebat, atque in ea miseria eadem nocte à vita decessit. *Idem ibidem.*

Anno à Deiparæ virginis partu 1581. mense sextili, matrona quædam, honestaque mulier, doctoris celeberrimi filia, quam nobilis vir ante duos annos in uxorem duxerat, hæc mihi familiariter nota, proximèque affinis: cum quodam die per urbem negotia haberet & ageret, à cane rabido ex improvviso impetitur, in sinistro brachio mordetur. Vicini, & concomitantes rei magnitudine, & tristissimo casu vehementer perculsi, illico canem interficiunt: Dein præsto advocati adfuerunt seduli doctissimi Medici, qui exquisitè remedia præscripserunt, partique affectu apponenda jusserunt. Per os item Alexipharmaca propinari curarunt. Brachium supra vulnus, ligaturâ validâ, vinculo arctissimo exceptum fuit: Topica attrahentia, forasque venenum evocantia, ejusque vim retundentia, adhibita. Denique ferrum & ignem loco læso applicuit Chirurgus. Tandem elapsis paucis diebus, Deo volente, salva & incolumis evasit, vel evasisse videtur, nulla in brachio noxa, nec tantum cicatrice ferè relicta, nulloque in corpore, ut apparebat, restante veneno. Verum quid evenerit, audi quæso. Septimo ab hinc anno recurrunt symptomata sæviora multò: persentit in brachio aliàs læso dolorem acerbissimum, veluti à caninis dentibus discerpi, & dilaniari. Inde paucò interjecto tempore furor & mentis alienatio subsequuntur, mœror, tristitia, vigiliæ summæ, sitis inexplebilis, febris tandem; & maxima virium prostratio: ciborum denique omnium odiū, nunquam tamen à potu abhorruit. Nec liquida, quæ sitim extinguere valebant rejecit. Morti proxima judicata est, imò nulla nobis relicta erat vitæ vel

salutis spes. Sed in tot tantisque malis, ita diligentissime ei manus auxiliares adhibere fuere, tum à præstantissimis Medicis, tum à domesticis, ut intra paucos dies perfecte sanata vita fuerit.

Sæva etenim illa accidentia, paulatim mitescendo, absolute cessarunt. Post annos septem ab hac invasione, & decimo quarto à canis morfu, & tertio ab obitu mariti sui, mirabilibus, iisque gravissimis morbis, iterum tentari cœpit, principio ducto à sinistro illo brachio. Tormina lethalia sensit, vomitiones & ructus incredibiles, omniaque symptomata atrabilaria sustinuit; vigilias & sitim maximam passa est. Vellitationem, & dolorem ingentem in loco prius morso habuit. Curatur iterum diligentissime, & me præsentente sanitati, ut videbatur, restituitur perfecte, aptis ad id adhibitis remediis. Sopitum tantum judicavi malum, non deletum. Sic mansit per annos sex. Anno vigesimo à vulnere accepto, denuò recurrit affectus, excitantur accidentia ut prioribus annis, redeuntque eadem symptomata. Sedatis annò sequenti iidem rursus tentatur honesta fœmina. Subsequenti annò reperit malum bis. Anno proximè illapsò ter ita correpta fuit. Hòc annò jam bis. A tribus annis frequentiores, sed breviores fuerunt paroxysmi. Tres aguntur hebdomades, quòd ab ultimo prehensu fui, & evasit paroxysmò. In omnibus ferè temporum mutationibus sibi brachium vellicui persensit. Vereor, ne brevi vitam anxiam & calamitosam, cum morte sæpius optata commutaret. Hujus rei testis sum: hæc egomet vidi. *Idem ididem; ex communicatione Abelis Roseii Medici Lausannensis.*

Morsus canis rabidi curatio.

Anno 1602. 30. Julii, adolescens quidam Paterniacensis, David Willometus nomine, prope cubitum dextrum à cane rabido vulnus accepit. Venit ad me primo Augusti. Tum præparatis omnibus, sic processi. Primò morsum scalpello scarificavi, cucurbitulamque cum largiori flamma apposui, & quantum fieri potuit, sanguinem extraxi. Deinde totum brachium poscà, in qua dissoluta erat theriaca, parumque salis marini, abluvi. Saliva enim canis rabidi in parte aliqua cutis exsiccata, nisi maturè & diligenter abluta & absterfa fuerit, rabiem excitare potens est. Postea cauterio actuali morsum undique ac profundè inulsi. Hic monitos velim tyrones Chirurgos, ut diligenter prospiciant, ne nimis leviter & superficialiter inurant hujusmodi morsus, sed ut potius in excessu, quam in defectu peccet. Quum enim morbus sit extremus, extremū quoque requirit remedium. Expertus loquor. Filia enim Sebastiani Cuisineri (cujus antea meminimus) frustra passa est cauterium, ab empirica vetula adhibitum, quòd non satis profundè impressum fuisset. Audacter itaque atque satis altè, si pars affecta consentit, imprimendum est cauterium admodum ardens, ut Galeni verbis utar. Quandoquidem ex levi applicatione cauterii, duo sequuntur incommoda. Non enim satis consumitur virus illud, atque malignitas à cane relicta, & maturè nimis coalescit ulcus. Hinc remanens portio aliqua veneni in parte affecta, tandem serpendo ad partes principes pervenit, eaque in perniciem trahit.

Nunc ad propositum nostrum redeamus. Post inuisionem non usque adeò sollicitus fui de leniendo dolore. Unctuosam enim & escharam relaxantia, veluti butyrum, oleum, & similia, multò minùs refrigerantia & repellentia medicamenta, mihi in hujusmodi ulceribus non usque adeò probantur. Illa enim exhalatione, evaporationemque veneni impediunt, hæc verò sanguinè, atque cum eo venenum ad partes nobiles repellunt. At quia omnis dolor ad se attrahit sanguinem & humores ex

corpore (ut Galenus testatur) verisimile est, dolorem prodesse hujusmodi ulceribus, dummodo levis fuerit. Itaque post inuisionem, vulnere in posui gossipium madefactum aqua vite, in qua dissoluta erat theriaca. sequens emplastrum supra linteum extensum apposui.

℞. Cepæ aliquantum sub p. unis coctæ, Fermenti, Farinæ inapi an. ʒij. Theriac. ʒij. Foliorum rutæ & Scordii an. M. ʒ. Misceatur in mortario, addendo parum mellis.

Sequenti die scalpello escharam undique, quantum fieri potuit, incidi, deinde jam memorata medicamentata applicui: atque sic usque ad casum escharæ processi. Postea ne labia ulceris coalescerent, bis in die pisum imposui, quemadmodum fit in fomiculis: & præscriptum emplastrum applicui. Atque hoc modo ulcus ad menses tres apertum retinui. Interim tamen per intervalla, singulis scilicet hebdomadibus, bis terve ulceri sequentem inspersi pulverem.

℞. Pulver. præcipitat. Lapidis bezoardici, Pulv. radicum angelicæ an. ʒj. Misce.

Mirificè enim malignitatem ad se ex profundo attrahit, & veneno adversatur pulvis ille. Per os alexipharmaca, veluti theriacam, mithridacium, cornu cervi ustum præparatum, & lapidem bezoardicum propinavi. Sequens quoque pulvis, cum aqua buglossæ aut boraginis exhibitus, summopere laudatur à veteribus & modernis Medicis.

℞. Cineris cancerorum fluvialium ʒx. Radicis gentianæ ʒv. Olibani ʒj. Misce, fiat pulvis tenuissimus.

Venam incidi, neque pharmacum solutivum exhibui, ne venenum ab externis ad interiora traherem membra. Sic divino Numine curatus fuit. Atque ad hunc usque diem, quo hæc scripti, prospera valetudine fruitur.

Eodem tempore hujus juvenis fratrem, ab eodem cane, septem in locis morsum, superiori methodo curavi, qui à curatione per annum integrum sanus vixit, tum pleuresi correptus obiit. *Idem ibidem.*

Anno 1604. die 10. Novemb. Matrona quædam honesta Paterniacensis, quinquagenaria, uxorque Petri Denisi, à Cane suo domestico ac rabioso quatuor diversis in locis morfa fuit. Primò quidem in dextræ manus digiti medii dicti, tribus locis diversis, quorum morsum vulnere duo ex una ferè digiti parte in alteram penetrabant. Deinde quoque supra cubitum in musculo bicipiti. Unde meo consilio usa, modo sequenti processit.

Primùm vulnera phlebotomo aliquantum scarificavi, quòd sanguis effluere posset, cum à vulneribus acceptis nihil ejus effluxisset. Deinde brachium ac manum undique sequenti lotionem abluvi.

℞. Aceti acerrimi ꝑ℞. salis marini subtiliss. pulverisati ʒij. theriacæ ʒss. Misce.

Postea cauterio actuali vulneribus cauterizatis, gossipium spiritu vini, in quo theriaca dissoluta, madefactum, imposui, & sequenti Emplastro totum digitum involvi, idemque brachio quoque applicui.

℞. Caparum sub prunis aliquantum coctar. pulveris sem. sinapi, salis marini, fermenti acris an. ʒj. fol. rutæ, scordii an. M. ʒ. theriacæ opt. ʒss. Misceantur, & cum s. q. mellis in formā unguenti diligenter incorporentur.

Alterâ die escharas sequenti hamulo apprehensas, separatorio blandè excidi, idque in eum finem ne serosus aliquis humor ibi detentus, ab eschata malignitatem aliquam acquireret. *Idem Cent. 2.*

De morfu hominis.

Rusticus quidam in pago *Worb.* propè Bernam, *Hans Schlichter*, nomine, in conflictu ab adversario suo iracundiâ excandescens, ad secundum articulum medii digiti manus sinistræ morsus fuit. Ab initio à balneatore quodâ in secundū mensem usque curatus fuit,

fuit, sed parum feliciter: quandoquidem malum ita auctum, ut tandem Bernam ad barbitonforem primarium Xenodochii se conferre coactus fuerit. Is cum nullum aliud remedium, quam ut ad metacarpum abscinderetur digitus, superesse bono isti rustico persuaderet, operationemque strenue, & per dies aliquot urgeret, author fuit nobilissimus Vir Dn. Petrus à Wattenville Dn. in Wyll, ut ad me se contulerit æger. Tum manum, brachium, imò totum corpus propter doloris vehementiam & diurnitatem extenuatum, digitum verò præter modum intumefactum reperi, & qui in superficie juncturæ exulceratus, & ligamenta, ipsæque cartilagines juncturæ erolæ, ossaque inter se disjuncta & separata erant. Purgato corpore, & parum dilacerato ulcere, & imposito pulvere catagmatico, aliisque, quæ in sordidis ulceribus, & in eis, in quibus ossa cariola sunt, adhiberi solent, cartilagines, necnò squamulæ appendicum exciderunt. Deinde brevi consolidatum fuit ulcus, ita quidem, ut spatium sex hebdomadum, divino aspirante numine, totam curationem absolverim. Juncturam verò cum rigidam & immobilem permansuram esse scirem (erosis enim cartilaginibus, quæ appendices ossium regunt, ossa juncturæ mediante callo connectuntur, uti Observ. 77. Cent. 3, fufius declaravimus) maturè ipsam aliquantum incurvavi, ita ut manus pristinum robur adepta sit. Idem in Mercatore quodam in Langerberg propè Dusseldorpium Anno 1583. observavi, de quo vide tractatum nostrum de Ichore & meliceria Celsi cap. 3. fufius. *Idem Observ. Cent. 4.*

De morfu canis rabiosi.

Circa festum Purificationis beatæ Mariæ Virginis; proximè elapsum, rusticus quidam Hildenz Vir robustus, virgini septem annorum ætatis, & optimo corporis habitu præditus, à cane rabido circa poplitem & genu dextrum variis in locis morfus fuit. Eadem die in pagum Ater vocatum, & ad marginem ferè Rheni situm, ipsum conduxerunt: ubi sacrificulus ejus loci clave ignita S. Huberti, ut vocant, vulnera inussit: ipsum eadem die ad suos remisit, ad majorem quoque securitatem, potionem *Lüchtenbergianam* tantoperè in morfu canis rabidi celebratam sibi adferendam curavit, eaque summa cum diligentia, & prout præscripta, usus fuit. Nullum supervenit symptoma, & ulcera intra dies quatuordecim planè coaluerunt. Eodem autem tempore porci tres ab eodem cane morfi erant: quibus prædictam potionem similiter exhibuerunt: nihilominus tamen post mensem rabie correpti fuere; Rusticus verò ad finem mensis Aprilis absque omni incommodo supervixit. Tunc primò dolores maximi, & peracuti in tibia dextra exorti sunt, urina quinetiam simul, & excrementa alvi supressa fuere. Tertia die morbi cum ego accersitus essem, vires adeo prostratas inveni, ut cum è lecto surgeret, ex una in alteram partem veluti ebriosus vacillaret, & solus minimè incedere posset. Inquietudines, nausea, anxietates & angustia pectoris, nec non dolores in inferiori ventre aderant, & urina simul & excrementa alvi, ut dixi, supressa erant. Circa genu tamen, & in ipsa tibia nihil apparebat, præterquam quod cicatrices lividæ, aut potius nigræ essent. Ene-ma emolliens & anodynum protinus infudi, quo rejecto; sequuta sunt excrementa prædura, parumque urinæ. Sacculum quoque ex radicibus, herbis, floribus, & feminibus emollientibus & dolorem sedantibus calidè applicui: inferiorem ventrem perinaeumque butyro recenti & oleo lumbricorum (urinam enim provocat) inunxi. Post horas duas, cum iterum alvum exoneraret, excrementa copiosè rejecit: sequutum est & multum materiæ pituitosæ, viscidæ & salivosæ, ve-

luti sperma ranarum, multum item reddidit urinæ, quæ etsi obscura, turbulenta & spissa esset, absque impedimento tamen & liberè deinceps ad finem usque vitæ suæ ipsam reddidit. Semel atque iterum ita copiose exonerata alvo, ipsum jam evasisse penitus sperabam, sed fœellit opinio: quandoquidem paulò post correptus est rigoribus maximis: subsequens nox gravis & vires magis magisque prostratæ fuere: & quia ab initio morbi usque in quintum diem nihil dormiverat, paulatim in delirium incidit: exclamabat, vociferabatur, adstantes arripiebat, & objurabat, ex una in alteram partem lecti sese projiciebat cum impetu, & sanguinem attum, & in grumos concretum expuebat. Cum verò post cœnam nonnihil laudani, & confectionis alkerines exhibuissem; omninò remisit delirium & ea nocte quievit. Altero tamen die cum à somno pejus haberet, mortem ex Hippocrate Aphor. 1. lib. 4. proximè adesse prædixi. Aucta itaq; febre, aucta etiam imbecillitate viri, & sudore frigido correpto ægro, placidè & mète cōstanti, animam sexta die morbi effudit.

Ceterum, etiamsi Hydrophobiâ, quæ præcipuū, & verissimū symptoma est morfus rabidi, correptus non fuerit: ipsum tamen pestifero hocce veneno necatū fuisse existimo. Primò enim morbum in summo gradu, ut ita dicam, malignū fuisse, summa illa viriū prostratio, angustia circa præcordia, anxietates, nausea & hujusmodi, fidem faciunt. Deinde causâ mortis fuisse morsū canis, dolor ille pungens, qui per dies aliquot, antequam reliqua symptomata supervenerint, tibiam exercuerat, certissimū est indicium, aliquid veneni ibi remansisse. Et profectò malignitatē aliquā adfuisse; præter dolorem lividitas, aut potius nigredo cicatricum indicat. Itaq; nulli remedio, nulliq; alexipharmaco, quantumvis approbatissimo, in morbis præcipuè acutis, nisi methodicè adhibito, fidendum est. Præsentaneū & à multis seculis approbatissimum remedium in morfu canis rabidi, est cauterium actuale: at hîc inutile fuit! Causam quæris? Dicam paucis quid sentiam. Primò an satis profundè infixèrit, incertum est. Ustio enim superficialis nequaquam sufficit. Deinde post inustionem eschara excidenda: vulnus quinetiam ad menses duos aut tres apertum est retinèdū. Eschara enim, nisi prima aut secunda die auferatur, retinetur in ipsa portio aliqua veneni, quæ vi ignis inspissata fuit, iterumq; dum putrescit eschara, in liquorem dissolvitur, & per venas capillares ad majora vasa transit; partèsq; nobiles serpendo paulatim inficit; At quia in hoc ægro eschara minimè excisa, & ulcera nimis maturè cicatrice obducta fuerant, mirum non est, ipsum tandem pestifero hocce veneno extinctū fuisse. Quia tamè inustio aliqua vulnere præcesserat, & potione *Lüchtenbergiana* usus fuerat, venenum extremam suam sævitiam exercere, & hydrophobiam excitare non potuit. *Idem ibidem.*

De morfu Lupi.

Anno 1610. mense Februario, cum rustici propè Lausannam in venatione lupum in obstantes plagas, trussissent, & quinquagenarius quidam ex illis lupum trucidare vellet, insurgit contra ipsum lupus, ipsiusque genu dextrum arripit, & circumcirca rotulam quatuor in locis dentes altè infigit, ac miserum in terram projicit, & nisi reliqui rustici accurrissent, lupum quin etiam occidissent, de bono isto viro actum fuisset. Ab initio, etsi dolores & magni & continui adessent, affectum tamen neglexit, neque ulcera ut aperta manerent, & ichor efflueret, operam dedit. A fera itaque inflictum virus cum effluere liberè non posset, auctus est dolor, aucta est & inflammatio. Cibi item fastidium & diarrhœa supervenerunt. Tandem cum materia purulenta undique circumcirca genu, & in ipso poplite collecta esset, & sinus aliquot sibi parasset, adductus mihi fuit

Lau fannam. Plurimis itaque factis incisionibus & aper uris, pus tam copiosè & tandiù effluxit, ut vires inde mirū in modum prosternebantur. Tandē propter labefactionem virium diarrhœā in lenteriam conversā, planè extenuato corpore, naturæ satisfecit.

Verū, hīc perpendendum est, primò huncce virū cacochymicum, & melancholico succo refertum fuisse; secundo morbum ab initio neglexisse. Ego enim cū advocarer, jam per multos dies decubuerat, & labia vulnerum ferè coaluerunt. Deinde propter injuriam temporis, & adversam valetudinem meam (nondum enim à quartana planè restitutus eram) rarò ipsum invisere potui, sed negotium famulo, & ipsis domesticis (qui nonnunquam absente famulo turundas extrahebant, ita ut labia vulneris nimis citò coaluerint) committere coactus fui: circa affectum itaque externum errores commissi fuerunt. Tertiò non illam, quæ requirebatur, victus rationem observabat. Quartò partem læsam valdè debilem fuisse perpendendum est: antea enim per multos annos, & diversis quidem temporibus, ulceribus in ipsa tibia laboraverat. Ab initio itaque morbi, quia corpus purgatum non fuerat, & dolores vehementes (qui, ut Galenus testatur, instar cucurbitulæ attrahunt) adessent, sanguis & humores copiosè affluebant, qui à parte debili & in decliviori loco sita, facilè excipiebantur.

Interitum itaque hujus viri potius ad supradictas causas, quam ad venenosam aliquam qualitatem à fera inflictam referendam esse, rationi aliquomodo consentaneum esse videtur. Ego, ut ingenuè fatear, hujusmodi morsus malignitatem non spernendam, cū maximam contusionem, tum etiam salivam feræ inflictā, sibi adjunctam habere, existimo. Id enim non solum viri eruditi, verū & symptomata, quæ in hoc viro apparuerunt, satis superque testantur. Civem insuper quendam in oppido Corsonnay propè Lausannam, Minicus Maria si rectè memini, ex morsu lupi obiisse, Joh. Colonnay Archigrammaticus Corsonnensis, vir virtute & ingenio præstans, mihi retulit. *Idem ibidem.*

Pro Canis rabidi morsu in puero duorum annorum.

Cū extra urbem in prædio vicino casus hic accideret, protinus puerum parens rusticus adduxit, medicam opem implorans, ne gravius quid innocenti filio sit expectandum. Mox enim à principio laborandum in hoc malo, quo malignitas morsu venenato inflictā funditus extirpetur, & ne serpat interiùs, antidotis appropriatis prohibeatur. Idcirco indicationem utramque respiciendo, primū exterius ordinavimus collutionem mundificantem & extrahentem. Sic.

℞. Theriac. veter. ʒij. fol. rutæ, M. ʒ. Syrup. acetos. citri ʒij. cum hydromel. q. s. leviter bulliant, & per expressionem colentur; cum colatura vulneratæ partes duriùs fricentur & eluantur.

Mox apponatur cataplasma ex allio, sale & terebinthina subactum.

Ast interiùs quoque cito remedio opus esse statuebam, quam ob causam canis rabidi jecur coctum ad ʒij. in particulas dissectum puello dedimus, experimento confirmari, quod primis 24. horis post morsū nondum absolutis, antidotum sit præsentissimum. Ne quid verò ad miserabilem Hydrophobiæ morbum præcavendum intermitteretur, mox in officina parabatur pulvis alexipharmacus contra rabiem caninam quem habet Palmarius. Qui.

℞. Fol. rutæ, verben. salv. min. plantag. polipod. absinth. vulg. menth. artemis. melissophyl. beton. hyperic. cent. min. an. q. s. Legantur omnia ubi sunt efficacissima. Siccentur in umbra: hujus pulveris externus & internus usus fuit, juxta præscriptum authoris.

Exterius ʒiʒ. pulveris cum hydromelite coquebatur pro vulneris deterfione; Interiùs quotidie ʒj. cum saccharo permixtus in jusculo vel solitariè cum hydromelite, vel cum syr. de succo citri d. batur, non neglecta interim in aquam quotidiana læsi puelli immersione.

His remediis Dei gratiā liber fuit æger ab ulterioribus gravioribus symptomatis.

Sicut & alius septem annorum puer, qui similiter à cane rabido demorsus, meam opem primo statim die implorabat; at neglectis vulneribus hisce per caninam rabiem inflictis, Nobilis cujusdam ministrum, necnon alium Baronis in vicinia, Sartorem, hydropobia succedente, miserabili delirio vitam cum mortē commutasse recordor. Quare si unquam, sanè verum hīc illud, principiis obsta. *Gregorius Horstius, observ. 23. lib. 7. De Morbis malignis.*

Potionem hanc hydroticam contra morsum canis rabidi expertam pro tribus vicibus propinavi.

℞. Myrrh. gentian. an. ʒj. theriac. ʒiʒ. ocul. cancror. ust. ʒij. aq. gentian. & Scabios. an. ʒiʒ. M. F. haustulus hydroticus.

Externe vulnere applicet rutam cum allio & pauca theriaca mixtā. *Joh. Petrus Lotichius obs. 1. cap. 5. lib. 6.*

Matrona quædam Nobilis pluries à cane rabido demorsos curabat, urendo vulnus claviculā ignitā & exhibito hoc pulvere.

℞. Rutæ, veronic. plantag. latifol. rad. gentian. an. pt. æp. F. pulvis; dabat quantum nux juglans dimidiata caperet manè per quinque dies continuos. *Jer. Martius, observ. 37.*

Nuper cujusdam militantis in Prætorio mater vidit in quiete, ut radicem Sylvestris rosæ, quam Cynorrhodon vocant, blanditam sibi aspectu pridie in fructeto mitteret filio bibendam: in *Lucetania* res gerebatur, *Hispania* proxima parte: casuque accidit, ut milite à morsu canis incipiente aquas expavescere, superveniret Epistola orantis ut pareret religioni: servatusque est ex insperato, & postea quisquis auxilium simile tentavit. *Plinius, Nat. Hist. lib. 5. cap. 2.*

Pro Canis rabidi morsu.

Hujus curationis exemplum habes apud Amatum Lusitanum, cent. 5. curat. 45. de puero annos 12. nato, à cane demorso in crure. Sequenti enim die puer eadem hora rigore, succedente ingenti postea febre correptus est; ad quem vocatus Amatus, & accito Chirurgo locum demorsum scarificare jussit, non sine profundioribus incisuris, & calido vino lavare: optimè absterfo loco affecto, hoc emplastrum admovit: capam unam acrem accipiebat; aliorum caput sive radicem mediam, theriacæ opt. ʒiʒ. fol. Marrubii foetid. meliss. ʒi. ps. rubeæ min. ʒiʒ. fermenti ʒiʒ. omnia pistentur, & loco affecto superponantur, quibus puer sanitatem brevi obtinuit. Nostri verò demorsos à cane rabido ad Oceanum mittunt, ut ibi ter aqua marina immergantur, idque in principio vulnere inflicto, antequam in hydrophobiam incidant. Novum hoc non est remedium. Ejus enim meminit Celsus lib. 5. cap. 27. Puero 10. annorum Delphensi, cū à cane rabido morsus esset, ne in hydrophobiam incideret, consului, ut in mari immergeretur, & cū ab immersione domum rediisset, mandavi, ut decoctionis radic. Gentian. in vino. ʒiijʒ. adjectis ʒij. theriac. opt. ebiberet, & nihil mali amplius sensit. Chirurgo imperavimus ut vulnus probè tractaret, neque subito occluderet. Imò multis postquam mari immersi essent, solum theriacam exhibui. *Petrus Forestus Schol. ad observ. 28. lib. 10. Cerebri Morbi.*

Vidi non procul *Gandavo* transnatantem navem & in ea senem nudum funibus vinctum, habentem pondus in pedi-

in pedibus: subter axillas zona cingebatur, quâ ad antennâ ligatus erat, Rogavi quid sibi veller illud spectaculum: Unus è Nautis dixit, senem illum jam hydrophobum, & à rabiente cane demorsum fuisse pridem, petivi quorsum illum ad mare veherent, an necem ejus intenderent; Quinimò (ait Nauta) mox sanus rediturus; illamque esse maris benedictionem, quod ejusmodi rabiem extemplo sanaret: Arrham obtuli ut me socium & testem assumerent. Cum navigatum fuisset per milliare Italicum duo viri subductâ caudâ antennæ elevarunt ejus cuspidem, & senem in altum sustulerunt, inde verò in mare præcipitem dedere, eratque subter aquas ad spatium miserere, quem dein adhuc binies submerserunt ad spatium salutationis angelicæ, tunc collocarunt illum super vas teres supino dorso chlamyde tectum. Ego suspicabat illum obiisse, sed metum risit Nauta. Nam solutis vinculis, cæpit omnem muriam rejicere quam inspiraverat; & mox revixit, qui dein rabie liberatus, sospes vixit. Referebat Nauta Batavos cruda halece falsa triduo renovata, & ad morsum rabientis applicata, omnem auferre metum rabiei. Ubi verò id negligentia impedivisset, spectato saltem submersionis modo omnes sanari. Manlit id mihi alta mente repostum, persuadens id in aliis amentis non fore inutile. *Joh. Bapt. Helmontius, tractat. cui Titulus, Demens Idea.*

Honestæ cuidam fœminæ in forum eunti, canis rabiosus obviam venit, illiusque pedes furenter ac violenter petit, ipsa periculum hoc ut evitet, inclinat se se, & genua paululum flectit, unde canis vestem, & quidem potissimum fimbriam mordicus arripere, aliquantum latrare, & statim aufugere. Quo facto, fœmina adhuc perterrita, hæret primò, an canis rabidus fuerit: recollecta autem mente, de rabie ejus suspicatur, cum ipsi antea familiaris admodum, imò domesticus ferè extitisset. Domum igitur se confert, subque tecto vestem laceram ligno suspendit. Postquam verò eam quarto die repetit, atque refarcire cogitat, res mira! vermes capite catulis prorsus similes, iis in fimbriæ locis, quibus dentes infixerat, enatos reperit, eosque; ceu miraculum novum, vicinis quibusdâ convocatis conspiciendos præbet. *Phil. Salinuth. observ. 83. cent. 2.*

Morsus rabidi lethalis.

Joh. Janfonii, servus Subprætoris *Joh. Voerknecht* canem Prætoris rabiosum gladio jugulare tentans, exiguò foramine circa carpi manus dextræ interiora morsu canis vulneratur.

Die nono, neglectâ in mare præcipitatione, etiam accedo, delirium aderat, febris ardens, hydrophobia, convulsio, sputatio continua, sitis ingens, anxietas, lingue ariditas summa, oculorum scintillantia.

Vulneri illicò applicari curavi cucurbitulam, & quidè tertium iterandam, hinc locum vicinum, similiter ac vulnus ipsum hoc tegebatur Cataplasmate.

℞. Theriac. veter. ʒss. Succ. Cepæ ʒiſs. Stercor. colomb. ʒiſs. Sal. commun. ʒij. Pulv. Ruthæ, Scordii an. ʒss. Aq. vitæ q. s. f. in formam Cataplasmat.

Vesperâ Cauterium actuale vulneri applicabamus, quo apertum servaretur, & venenum consumeretur; loco cauterisato applicabamus Unguent. Basilic. cui Theriaca mixta, ad separationem escharæ, præterquam quod & præcedens Cataplasma superimpositum, sudoriferum itidè præscriptum, quod ægrè admodum, similiter ac omnia liquida assumebat. Pro potu tamen ordinario hoc præscriptum:

℞. Fol. Ruth. Rad. Scorsoner. an. M. j. Fol. Salviæ min. P. ij. Beton. Nepet. an. Mj. Levistic. M. ʒ. Coq. in vino gall. q. s. Colatura usurpetur pro potu.

Die decimo, vigiliæ continuæ, abstinentia à potu, sudoris nulla eruptio, graviter molestabant, imò delirium

valdè augebatur, mordendo enim, spuendo, lacerando, vociferando, similibusque actibus, omnia turbabat, latratus tamen, contra ac vulgus docet, nullus notabatur.

Die undecimo omnia parum remittebant, quod nox præterita placidior, at duodecimo, defatigatus admodum exspiravit: Et hæc mortis ratione vulgum evidenter docet, vanum esse quod, rabiosum ejusmodi non nisi suffocatione interfici posse, statua t. *Jobus à Meeckren in Observationibus Chirurgicis.*

Rabiei & lumbaris impotentia Causa in Lupis.

Venatores in Lupo & Rabiei & lumbaris impotentie atque doloris causam credunt singulari providentiæ naturæ Serpentes in renibus natos, sine qua ferocissima bestia multò diutius victura & robustioribus viribus prædatura, multò majus damnum sit illatura. An hoc perpetuum sit inquirant alii: Ego sequentiâ notavi. Anni post seculum ultimum quinquagesimi tertii, Februario capta est Ottovillæ (circa quod tempus lupo niger visus est) ab Illustr. Dom. Comitè Nassovio Lupa, in cujus sinistri renis planè consumpti superstitie membrana vermis viginti & unam unciam seu pollicem longus serpentis formâ, enectus, sub tenera cute quasi sanguine suffusus alter apparuit; alter pedem longus multò gracilior, ore patulo, qualè mordilapides habent, cruentum caput erexit: plures insuper albi longè minores inventi. Renum verò dexter insignis & integer visus. In narium dein spongioso ossè duo visebantur vermes latiusculi, veluti qui in ovium hepate sunt, *Egeln* dicti, sed hi rotundo capite, caudaque magis magisque gracilescente, sub quorum ventre tenuia quædam à cauda extrema removebantur, cum ore verò continui mihi videbantur. Quos vermes potius rabiei causam conjicerem, ubi incrementa proles sumferit, quàm dolorem renum, quando & in canibus sub lingua inveniuntur, quos recens natis eximunt, ut præcaveatur Rabies.

De morsu Canis rabidi.

Domina à *Stange in Wagniss* dedit duos Vermes Majales sine capite duobus pueris demorsis à cane rabido. Sed malè sese habuere exinde, ita ut mortem instare putaretur. Postquam autem sanguinem minxerunt, intra aliquot horas restituti sunt. Filia ejus Domina à *Domnig in Elgut*, dedit ancillæ, cui canes multa vulnera moribus inflixere, cum magno commodo.

Scholion. Hoc experimentum est rusticorum (quibus Scarabæi instar Cantharidum sunt) teste Sennerto l. i. p. 2. c. 16. Prax. Ubi Avicennæ autoritate, urinas ad sanguinis mictum provocandas refert. Avicenna enim l. 4. fen. 6. tract. 4. Trochiscos è Cantharidibus peculiari modo præparatos commendat, ac addit: Cum ergo minxerit sanguinem, tunc jam securabitur à timore aquæ. Cum itaque cum auctoritate Experientia adsit, videndum & indagandum, quâ ratione diuretica hoc in casu prosint. Ego, salvis aliorum judiciis, putarem: cum diuretica serum sanguinis ab ipsius massa segregent, & per renes & ureteres ad Vesicam detrudant, si principio statim exhibeantur, quando fermentatio à veneno adhuc sit in fieri, & miasma ipsius nondum sit Visceribus impactum, diuretica illud unâ cum sero extrudere & per urinam expellere. *D. C. G. Winkleri.*

Remedium Euporiston in morsu Canis rabidi.

Adversus morsum canis rabidi infallibile Euporiston matris meæ, Annæ Gisenæ de Calis, cujus beneficio

cio multos commorfos, & aliquot jam actu rabidos feliciffimè reftituit, communicabo, &

℞. Rutæ, Abrotani, Betonicæ anguftifol. Salviæ anguft. fol. an. M. j.

M. incif. aff. aceti vini optimi lib. i. fiquè tempus permittit, per aliquot horas maneat in infufo, expreme, expreffo adde Theriac. Andromach. ʒii.

Adultus magnum de eo faciat haufum, junioribus & puerulis datur cochleatim: fin ve d periculum metuatur, additur Herb. cardui fullonum M j. vel hujus fem. contuf. ʒi.

Vulnus commorfum per 9. dies apertum tenendum, ac prædictæ herbæ expreffæ poft fricationem cum bacillo è vitæ applicandæ omni mane, tamdiu donec æger in portu naviget: fi metus periculi adhuc fit, repetatur potio. Tota Reſpublica Medica fimile Euporifon vix habet, quod æque prodeft.

Experitiſſimus Franciſcus Joël integram curandi Rabidi canis Morſum, Methodum tradit, qui videatur: fi ſuperius Euporifon in uſum vocare non lubet, præprimis cataplaſmata venenum elicientia placent.

Sequens noſter etiam omni voto reſpondet.

℞. Pulv. ſemini. card. fullon. ʒ. j. c. c. præp. ʒii. Lap. Bez. gr. xv. herb. Card. bened. Scordii an. ʒʒ. Terræ Sigill. præp. gr. 20. Radic. Tormentill. ʒj. ocul. can. præp. ʒi. Magiſt. Antim. diaphoretic. ʒiſ. Lapid. Percar. ʒii. cortic. citr. ʒiſſ. M. f. l. a. P. D. Joh. Ludov. Hannemanni.

Auctarium Th. Bartholini.

Euporifon expertum compendio laudat Ferd. Ponzett. de Venen. L. 3. c. 19.

℞. Pulv. gentianæ ʒi. pulv. cancr. fluviat. uſtor. ʒii. myrrh. ʒi. pro duabus doſibus. Cui ſimilis pulvis inter ſecretos à Galilæo Mathematico percelebri habitus.

℞. Pulv. cancr. fluviat. 18. Jul. capt. & in pulv. comb. ʒv. Rad. Gentianæ ʒiſſ. thur. pulv. ʒiv. f. pulv. ſubtil. in vitro ſervetur. Doſ. ʒi. mane. ʒʒ. vesp̄eri in aquæ font. vel alterius quant. æq. 40. diebus.

Ex Galenò verò hæc deprompta l. xi. de ſimp. Med. Facul. quæ quomodo præparanda, & miſcenda & agenda tradit laudatus Fr. Joël, quem ſemper magni feci à primis tyrocinii annis, quia cælo noſtro accommodantur remedia, facilia, & pleraque inquilina. Unde præfero cataplaſma ejus ex cinere fraxini cum urina pueri aut aceto. In eo enim totus ſum. ut ex domeſticis remediis morbos noſtros curare doceam, ne in peregrinis incertis, mangonio ſæpè corruptis, & naturæ noſtræ cæloque minus convenientibus poſthæc indormiamus. Hinc ad Theriacam Danicam conficiendam curas converti, ſi cœptis Deus faverit, cui interea ſubſtituatur pulvis Card. Ben. ſcordii, C. C. vel unicornu Grônlandici, cancrorum, cent. min. & alia quæ ex gentiana noſtra, angelica, fraxino, imprimis nuce juglande huic intentioni ſufficiunt, ne peregrinis Diis litare ſemper cogamur. Euporifon Matris Cl. Hannemanni omne punctum feret, ſi Theriacæ, quam ruri vulgus habere non poteſt, Rob ſambuci uſus inter vulgus noſtrum quotidiani ſubſtituatur, vel cancrorum decoctum, quos hujus veneni bezoar vocat Guainerius Ven. c. 12. Rabiei promptam medicinam affert aqua ſola, ſi eam attingere rabioſus audeat. Philoſtrato autote de Vita Apollonii Thyanei Lib. vi. c. 18. Oleum lucernæ perennis à canibus demorſos curabat, ſicut tradit Octav. Rubens in monum. Brixienſibus,

De Tetrace rabioſo.

Hominem, equum, camelum, leopardum, aſinum,

mulum, urſum, lupum, vulpem, canem, felem, ſiamiam, cercopithecum, muſtelam &c. rabie nonnunquam affici experientia & authorum teſtimonia loquuntur, qua de te videre licet Schenckium lib. 7. Obſ. 13. De avium autem genere nullum exemplum legere mihi licuit, præterquam quod loco cit. poſt alia egregia de hac materia aannotata additum eſt de veteri gallo gallinaceo olitorem, herum ſuum, ex improviſo inſultante & roſtro manum ſiniſtram ſauciante, ex qua cauſa olitor eodẽ, quo hoc factũ, die, os ringebat, & irritis omnibus adhibitis remediis, cum adſtantiũ & de hoc admirando exẽplo audientiũ horrote, tertio die venenoſo galli morſu vitam cum morte commutabat.

Cafus huic non adedò abſimilis æſtuate hac æſtate media in Sylva Semana accidit, ubi Tetrax quidam virorum in ſylva negotia ſua tractantium capitibus aut humeris inſedit, eoſque unguibus & roſtro imperivit, (nullum autem ſauciavit,) quod poſtquam crebrius factitavit, demum ab Illuſtriſſimo comite, Domino Antonio Günhero, è quatuor Sacri Rom. Imper. Comitibus, Comite de Schvvarzburg & Honſtein &c. Domino meo gratioſiſſimo, avis hæc cædi impunè vulgo expoſita eſt. Et poſtquam vertici arboris (citra ſolitum hujus avis) non altẽ inſideret vir quidam ejuſdem arboris caudicem ſecuri ſua irritationis cauſa pulſabat, ad quod tetrax ita exandefcens in viri caput & humeros citò involabat, qui alios duos viros in ſubſidium vocabat, qui ſubitam fuiioſa violentia tetracem manibus prehendebant & Illuſtriſſimo Comiti vivum tradebant, cui aliàs ligato in viridario deambulare permittebatur, ſed brevi poſt moriebatur. Ex quibus apparet, hanc avem ad dictos conatus inſolitos itidem rabie fuiſſe adaſtam, æquè ac, inprimis circa urentem Syriam, in hominibus & ſuprà nominatis brutis fieri aſſolet. D. Joh. Georg. Summeti.

Hydrophobia annis 20. occulta.

Occultari morbos plurimos per temporis aliquod intervallum poſſe, plurimè conſumant Medicorum obſervationes. De morbillis & variolis, res certa eſt: queis cum ſenibus etiam non raro conſiſtendum eſſe praxis docet; timendum ad minimum malum hocce ad mortem uſque, etiamſi caſu aliquo plurimi immunes ab eo moriantur. An cauſa in fermento quopiam hæret? quod ubi later, à cauſa ut plurimum externa caloris beneficio in actum deducitur, & circulationis ope infecta nimirum & corrupta ſanguinis maſſa, cum diris ſymptomatibus, pro fermenti quantitate & qualitate & corporis temperamento naturali ad partes protruditur exteriores, exanthemata illa nota efficiens. *Μαδουρα* itidem peſtifera per literas etiam ad remota deferri loca poſſe, res ipſa loquitur. Quid quod veſtes, lintea, & ſimilia peſtifera luc inſectorum, vertente anno etiam, cum aër non bene res illas peſſaverit, ſi incautè moveantur, iterum inſciant. Luis venereæ virus ſæpius latere, & vires tandem ſuas exſerere poſt annos etiam aliquot, obſervationes confirmant. In hydrophobia, affectu graviffimo, idem evenire Salmuth cent. 1. obſervat 96. teſtis eſt, qui ad ſeptimum, decimum octavum etiam annum venenum canis rabidi occultari poſſe ex aliis citat, & ipſus exemplum horrendum commorſæ à ſponſo hydrophobo per aliquot annos optimè diſpoſito ſponſæ, enarrat.

Rarum occulti affectus hujus caſum ipſus vidi in uxore Wilhelmi Richter, lapidæ apud nos *νῦν ἐν ἀγῳ*, quæ maligna febre laborans, meam implorat opem; ſecabatur prima ſtatim die vena, exhibebantur remedia cordialia contra malignitatem pugnancia, quæ, ut ſibi conſuleret, quamvis propter eorum liquiditatem ſatidiret, vi tamen exhaurire tentabat, ſed fruſtra,

frustra, nam dum vasculum ori admovebat, ita terrebatur, ut convulsiones metueret, quarto morbi die exasperabatur malum, fauces erant siccissimæ & tandem ob defectum humidi inflammabantur. Juscula, julepos, potiones omnes magis magisque averfari incipiebat, imò tandem ad liquidorum & aquæ ipsiusmet mentionem horrebat. Quæro, num aliquando à cane rabioso commorfa fuerit? Ante viginti, inquit, annos id quidem factum est, sed nihil per vitam exinde incommodi sensi. Chirurgus faucibus gargarismis subvenire non poterat, ego remediorum nulla forma naturæ succurrere valebam, malignitas indies crescebat, deliria accedebant, sicque octavo morbi die animam efflavit. Habet suprâ citatus Salmuth. similem quâ symptomata casum cent. 2. observ. 52. sed hydrophobiæ speciem in febre maligna fuisse autumat: non video quare quasi hydrophobiam appelleret, cum genuinum fuisse affectum sympomata satis comprobent.

Observari etiam recidivam hydrophobiæ per annos aliquot in ancilla quadam Simonis Kroim, quæ morfa & vulnerata à cane rabido in digito, me cum Chirurgo apud nos expertissimo Mart. Brandt vocari jubet. Exhibebantur statim alexipharmaca, imò & specifica in forma, ut petebat, quantum fieri poterat, solidiore, sudores vicibus aliquot recto probè corpore proliciebantur, vulnus cautissimè & prudentissimè admixta reliquis ingredientibus semper theriaca à Chirurgo tractabatur, & sic Dei O. M. ope salva evasit & incolumis, quotannis tamen circa morsus tempus mens leviter aberrabat, & circa liquida quædam quasi averfio superveniebat, tandem autem perfectè sana diu supervixit. *Joh. Schmidius.*

Hydrophobia historia rara.

Jacobus Dumas Lanificus, juvenis, à cane rabido in utroque brachio commorsus, se commisit Chirurgo, cujus operâ & consilio perductis celeriter ad cicatricem Vulneribus, ad Mare se contulit, ubi non solum per triduum, uti mos est, balneum assumpsit; Verum ad majorem, ut opinabatur, prophylaxin, aquâ marinam per ipsum triduum potavit. Paucis à reditu in domum diebus, decubuit, sensimque ingravescente morbo, in hydrophobiam incidit, vocatus ad illum sequentia observavi. Ad ignem sedebat æger, amictus pallio, frigore totum corpus obsidente attritus, lassitudinibus fractus, doloribusque, caput & præcordia occupantibus, cruciatus. Universum corporis habitum quasi aculeis pungi quærebatur, rigoresque illum identidem invadentes desinebant in sudatiunculam frigidam, quâ detersâ, prædicta symptomata protinus recurrebant. Susurros modò, tinnitusque auribus percipiebat, modò fulminei Ventis sonitu perterrefactus, ostia & fenestras cubiculi diligentissimè claudi curabat. Ardentes oculi, suffecti sanguine & ignei à diuturna luce perstringebantur, idcirco lumina detorquens ab illa, abditum manibus vultum versus tenebras convertebat. Difficilis respiratio à flebili suspiriosaque voce, item & à gemitu, frequentique singultu interrumpebatur. Sudarium ori admovebat, ut salivam largo flumine erumpentem abstergeret; illudque frequenti morsu premebat, ut stridorem, crepitumque dentium cohiberet. Pulsus, ut & respiratio, ipsi erat inordinatus, scilicet modò intermittens, modò deficiens reciprocus, & intercurrentes. Cum autem omnia cujuscunque generis alimenta fastidiret, & per triduum jejunos, tandem parentum amicorumque suavis cibum assumpsisset, siti ardens aquam haurire enixus est. Verum ad ejus conspectum horrore perfusus, nauseam, lipothymiam, dyspnæam & motus convulsivos passus

est. Post tam dira symptomata, exurentem sitim relevare studens aquam in lagenam immitti jussit, ne illius intuitus prædicta symptomata revocaret. Sed lagenam ad os admoventem, iterum nauscabat miser, singultiebat, convulsusque non minùs in furias sublatus erat, quàm si aquam ipsam, terroris sui causam, vidisset. Tunc autem interrogatus à me, cur aquam bibere recusaret, aut etiam quâ de causa illius aspectum sustinere non valeret, oculos in me torquens, minacique murmura pro verbis reddens, repente impetu terga dedit, & in lectum toto vultu procumbens, sudarium morsu corripuit & conscidit, terramque pedibus supplot. De salute miselli actum esse judicans, rabieique illud brevi exagitaturæ prodromos advertens, præcepi quamprimum vinculis coerceri. Probavit consilium ægotans ipse, quod jamjam futurus impositus sui, mortus cuque obvio paraturus esset. Interim de ægotantis anima solliciti parentes, verbi divini Ministrum aduocarunt, ut illum verbis amicis solaretur & appropinquantem equo animo accipiendam mortem hortareretur. Mirum quàm piè placidèque consolatoris sui dictis auscultaverit. Etli enim spumante rictu frendens, & canis instar in auras latrans, morsus quandoque inferre niteretur, attamen, intermittente diro symptomate, in vota & preces effundebatur. Sed vires eundo acquirens furiale virus, præcordia contagione sua labefecit; pulsu enim & respiratione deficientibus, gelidoque sudore è toro corpore manante, reliquias vitæ, cum larga & stridente spuma ex inmembris abstulit.

Eadem die qua prædictus juvenis à rabido canè commorsus fuerat, vinitor quidam septuagenarius, & juvenis famulus, hic in brachio, ille in facie, mordicus impetiri fuere. De vetulo accepi, præter horrenda symptomata quæ sustinuerat, priapismo ardentem uxori concubuisse, liberosque Ministrâtes momordisse, verum innoxie omnia. Occidit uterque. Sed quoniam acrius commorsus, & lacerus crudeliter ora, vinitor, citius occubuit. Famulus verò in unico brachio demorsus, tanta non passus est numero. Verum melancholicus & penè furiis agitato, noctu per vias & compita vagans, seseque à dæmone possessum putans, sacrificuli cujusdam auxilium imploravit, qui aquam lustralem ipsi potandam præbens, quandoquidem ejusdem intinctio ne hilum profecerat, rabiosum ita exasperavit, ut mentis alienatione, singultibus & ferme latratibus, convulsionibusque universalibus, tunc temporis recrudescentibus ab omnium conspectu, verè lymphaticus, aufugerit.

An interimendi sint rabiosi, utrumque ipsorum sputa, morsusque rabiem aut lethum inferant, prædicta docebit historia, quæ illustratur à Tulpio observat. vigesima lib. primi. Alexiæ, Martio mense ant. 1671. *Ex Communicatione Clarissimi Viri D. Rivalier Medici Nemausensis, jam Lausannæ degentis.*

Historia atrocissimorum Rabiei symptomatum, in Viro Andegavensi, à Lupo radido commorso, qualis nobis eam perquam accuratè describit Praclariss. Dominus Hunaud, Regis Galliarum Consiliarius ac Medicus Ordinarius, in suo pereleganti de Rabie Tractatu Gallico.

Vir quidam sanæ admodum mentis, ac maximis corporis viribus præditus, correptus fuit ab eo lupo rabido, qui intra viginti quatuor horas centum quadraginta homines morsibus suis aggressus est. Vir autem ille hostem cum impetu in se ruentem, plenis brachiis comprehensum, in humum projecit, sicque sibi sub-

jectum,

jectum, horæ quadrante detinuit, clarâ voce auxiliû aliquod è vicinia advocans. Tunc temporis facillimum fuisset lupum occidere; Verùm ejus terror in tota Provincia tam magnus erat, ut omnes ipsius accessum non parvâ sollicitudine refugerent. Vir tandem noxiter delussus, ac maximis lupi agitationibus victus, illum dimittere coactus, ab eodem excessus sui momento, in maam commorsus fuit.

Etiamsi mihi hic Vir rusticus ad mare continuo post mortuum properasset, tam malè vulneri accepro providit, ut nihil sibi urgentius proposuerit quam promptam ejus cicatrificationem, sicque decimâ octavâ die ab illi inflicto in rabiem conjectus sit. Hydrophobia primum hujusce morbi signum exhibuit; ipseque memini quod cum eo ipso tempore quo in Valerudinium publicum Andegavensè deduceretur, guttæ aliquot pluvie deciderent, inde atrocius torqueretur, quam si carbonibus inflatus obutus fuisset.

In valerudinium introductus super lecto ligatur; ubi mentis suæ plene compos, pietatisque non mediocra signa exhibens, omni momentò ab adstantibus exquirebat ut ipsum arctius vincirent: Siquidem se eorum virium esse, addebat, in maximis quibus exagritabatur commotionibus, ut cordas injectis non minori facilitate abrumpere posset, quam alias simplex filum discerpisset. Nihil mihi dicatis quæso, adjiciebat, nisi prius vos alloquar, minimus etenim strepitus me maximo percellit metu. Præprimisque exoro ut nullus de potu me sollicitet, quod frequentius, totus horrore fremens, voceque clangosâ, ac convulsivis subsultibus interruptâ, repetebat, quos subsultus in ventriculi regione ortos, manifestè videbam ad fauces ascendere ac illas comprehendere. Ego ipsi sanctè pollicitus sum quod nunquam de aqua aut potu sollicitandus foret; ac interim mirari quod de rebus sibi tam terribilibus ipse sermonem haberet. Ah! respondebat, totus tremulus ac palpitans, quasi morti proximus fuisset, maximo equidem angore torqueor ex hac aquæ commemoratione: Verùm illi angori me subijcio, pro devitando multo majori malo quo afficeret, si ex defectu hujusce præmonitionis, de aqua aliquis mihi verba faceret.

Exquisivit à me ut sibi venam in brachio aperiri juberem, quandoquidem pectus quasi flammis & fumo oppletum persentiret; unde exarderet ac suffocaretur. Tunc autem quantumvis vena exquisitè fuisset incisa, ægerque motus non parum vehementes faceret, sanguis tamen vix per brachii longitudinem distillabat. Pulsus interea minutus erat, durus ac admodum contractus; Manus erant frigidae & humidae. Ex hisce itaque pravis dispositionibus pertimecebam ne largior venæ sectio exitiosa foret: At verò postquam duodecim circiter sanguinis unciae fuissent educæ: Ah! exclamavit, cum magno suspirio, jam aliquid solaminis percipio: Ego ipse reverà in ejus vultu aliquid, si ita dicere liceat, magis exhilaratum vidi, oculi fuerunt splendidiore, ac in ipsius manus aliqualis diffundebatur calor, tuncque in formam arcus sanguis è vena efflavit. Cum itaque tot boni effectus animos mihi addidissent, ejus petitioni obtemperans, consentiebam ut sanguis ad uncias inter viginti quinque, ad usque triginta educeretur, sine ulla ægri debilitatione.

Verùm hic non omittenda circumstantia admodum singularis, nimirum quod parvulus sonitus per intervalla à sanguine in vasa decidente excitatus, ægrum in tantam anxietatem deducebat; quia ut ipse aiebat, aque subsultantis aliquam imaginem menti suæ offerebat; ut in furorem traheretur, motusque convulsivos in ventriculi regione pateretur; unde subinde, voce clangosâ ac balbuciente, exclamare cogebatur, sibi satius esse sanguinis in venis existentis pondere suffocari, quam in eo educendo ulterius procedere.

Si quis eum de manu attingeret, necessarium erat ut partem quam tangebatur validius comprehenderet; quandoquidem levior contactus titillationis sensum prorsus intolerandum in ipso excitabat. Ideoque dum ipsius pulsum explorare intendebam, digitos in carpum immittebam, quasi confodere illum voluissem.

Splendor luminis colorumque aliquot vividiorum illum etiam sauciabant: (quo utor termino, quia ipsi familiaris erat). Inde enim quasi totidem pugionis ictibus se confodi aiebat. Verùm id me maxime percellibat, quod à volante super se culice quasi inperceptibili, ita perterresceret, ut in extremum furorem ageretur, exacerbatioque inde orta fuerit quam maxima. Culicem manû expellere voluerunt adstantes; sed motus in id adhibendus, non minus molestus erat quam ipsa animalis volitatio. Necessarium itaque fuit, pro eo aliquatenus sedando alterum è brachiis deligatum baculo armare, ut se defendere posset contra animalculum tantum ipsi terrorem incutiens. Minime prorsus, adjiciebat, vobis concessum est concipere, quantis subversionibus me intus agitatum persentio: mihi videor rotæ affixus, quâ mille diversis modis rapidissime verfor.

Inter hæc omnia rationis suæ compos fuit, & tribus tantum, aut ad summum quatuor ante fatale momentum horis, delirare cepit. Sub finem tertiæ mali sui exacerbationis, ineunte scilicet tertiâ morbi die, postquam copiosam spumam de ore projecisset, mortuus est.

Plures alii rabidi, quos morientes vidi, tantas non passi sunt savitias: maxima siquidem eorum pars à secundo paroxysmo in delirium prolabebatur: Unde alii adstantes mordere, atque in eos se projicere, aut vultum salivâ suâ perfundere intendebant. Alii stupore ac taciturnitate afficiebantur, quasi profundâ ebrietate occupati fuissent; nec aliter excitabantur quam per horrendas commotiones à paroxysmis per intervalla advenientibus, ortas.

Omnes à secundo paroxysmo appetentiâ prorsus privati fuere, & si quid comedere tentabant, illud quasi vorando, maxima cum difficultate deglutiebant; & siccos tantum exquirebant cibos. Soli inter eos duo, mel experierunt; sed illud leviter tantum degustârunt. Vinum ipsis oblatum fuit, at ab eo non minus quam ab aqua abhoriebant: Omnes omnino etenim liquores ipsis æquè odiosi ac molesti sunt.

Unum hic addemus circa virum cujus historiam mox tradidimus, quod cum præbiter qui eum credebatur mortuum, pro precibus super cadavere recitandis accessisset, lustralisque aquæ aliquot guttis ipsum conspersisset, subito miser ille qui sine ulla vitæ nota jacebat cum maximo impetu sussum exiit, momentoque ab hoc extremo conatu enectus est.

Venenum canis rabidi esu lactis vaccini communicatum.

Non tantum morsu sed aliis modis venenum canis rabidi corpori humano communicari ex observationum scriptoribus notum est, *Per odorem ex canis rabido attractum* nonnullos in hydrophobiam incidisse, Aurelianus lib. 1. de sign. & causis morbor. acutor. cap. 7. scriptum reliquit, *Per halitum & esum canis rabidi*, quendam infectum, & mortuum esse. Cardanus refert lib. 2. contradict. 9. tractat. 5. *Per salivam canis rabidi* Johannem Coquetanum rabiem contraxisse narrat Johannes Matthæus de Gradibus consilio 82.

Per carnes coctas & comestas, quosdam rabie correptos periisse, recenset Fernelius lib. 2. de abdit. cap. 14.

Ex lacte vaccæ à cane rabido demorsæ rusticum quendam ejusque uxorem, liberos & alios rabie infectos ipse memini; Maritus & filiorum natu maximus auxiliis idoneis, servari sunt; Mater cum reliquis duobus filiis & totidem filiabus periit; Postmodum ex intervallo trium quatuorve mensium etiam ancilla & vicina cum quatuor liberis, qui lacte istius vaccæ usi erant, omnes in furorem acti miserè interierunt, horrendo & notabili exemplo. *Baldassar Timæus in Cassibus Medicinalibus.*

Aquæ Metus.

Ex venenato canis rabidi morfu oritur terribilis, ac exitialis ille aquæ metus; quem *ὕδρφοβία* appellant Græci. In quo siti enecantur, nec tamen bibunt ægri, cujus miseriæ unicū remedium est (liquidem credimus Celso, lib. 5. cap. 27.) nec opinantem in piscinam projicere; præsertim eò si deveniant, antequam aquam metuant: aliàs foret spes in angusto, ex eodem Celso, Avicenna ac Cælio Aureliano: imò ipso usu, efficacissimo omnium rerum magistro.

Quod ipsum auxilium, tanti, in hoc morbo sit notitatibus, ut eo solo fermè contenti, vix expetant aliud. Neque sanè injurià. Sanat quippe mare quoscunque. Neque vidi hætenus quenquam (licet viderim plurimos) cui tempestive in mare projecto, quidquam sinistri postmodum eveniret. Sed salutari hoc remedio, vel flocci factò, vel tardè, ac timidè adhibito: dedere multi irreparabiles supinæ suæ incuriæ pœnas; obsessi jam tum penitiùs, ob longiorem moram: quàm ut ullâ arte dispelleretur inevitabile strangulationis periculum.

Viro æstuanti, ac summe irrequieto, incensum cum foret guttur, utique impedita deglutitio; intenta præcordia; spiritus difficilis; sitis inexhausta & vibrans arteriæ pulsus: imperabatur confestim sanguinis extractio: præter clysterem & portiones frigidas: quæ duo postrema auxilia, ceu humida, expavescebat tam evidenter, ut moverit suspicionem hydrophobiæ, quam deinceps confirmavit certò adesse, exile aliquod vulnuculum: quod ante quintum mensem inflixerat rabida canicula.

Quò neglectui habitò, neque tanti factò, ut vel convenienter inde extraheretur conceptū virus, vel propere proficisceretur maturè ad mare: proserpsit sanè hæc labe tam altè, ut infectis visceribus, degeneravit in eferam rabiem, & furorem adèd indomitum, ac Belluinum, ut nullis coerceretur repagulis, quin potiùs miserabiliter pessundaret hominem, cum per terribiles nervorum contractiones, tum per incendium, ne toto quidem mari, extinguendum.

Adèd ut opus non fuerit, nec huic, nec aliis ægris, (quos equidem vidi satis frequentes) mortem maturare, sive per stragula, sive per culcitram (uti loquitur vulgus, ori impositam. Pereunt quippe, per se satis celeriter: utpote rarò superstites, cum aquæ formidine, in diem, vel tertium, vel quartum. Quibus addo, quod equidem neminem hætenus, vel audiverim latrare, vel viderim mordere; nedum cuiquam detrimento fuissè rabidorum sputa: quæ tamen, ne fortè nocerent, jussi nihilominus, curiosè mari semper abluere: territus exemplo illius sartricis, quam Cælius Aurelianus lib. 3. acut. morb. cap. 9. scribit tertio die, in rabiem conversam: quòd linguâ tetigisset, pannorum futuras, à rabido morfu conspurcatas *Nicolaus Tulpus in Observationibus Medicis.*

Senex Rabiosus.

Nauta septuagenarius, demorsus à cane rabido elicit minùs maturè virus brachio suo impressum: neque

demisit se ita in aquam: ut invitus eâ satiaretur: in quo tamen Cornelio Celso, hujus auxilii summa; sed blandius, propter atatem, à liberis habitis perfundebatur Tyâ fluvio, non minus leniter, ac si folius cutis immunditiem detestum venissent. Quum tamen expediisset, & penitus submergere, & inopinato illo terrore, integrè expellere aquæ metum ipsum alias certò occisurum.

Ubi etiam, haud diu post, contigit: proserpente paulatim veneno: & infestante ejus acrimoniâ, primum quidem brachium læsum: sed mox etiam alas, illi adpositas; à quarum æstu, ubi accenderetur cor, occupavit ipsum illicò, non tantum febris, sed tam vehemens faucium siccitas, ut immensum sitiret: neque tamen vel tantulum biberet, ob formidinem conceptam, non tantum ex aquæ intuitu, sed & ex qualicunque ejus mentione.

Hinc torrerè viscera, & præfervido ardore, tantas intus excitari angustias, ut demorsus Senex rejiceret modò stragula sibi imposita, modò verò exiliret nudus ex lecto: exclamans stentoreâ voce, ardentius sibi esse incendium, & urgentiorem sitim: quàm ut posset ab homine tolerari.

Quem tamen fervorem, liquidem satageret bibendo compescere, contremiscebant protinus omnia membra: & sentiens brachii nervos minùs firmos, ad retinendum poculum, ratiocinabatur secum, ad instar illius Philosophi, qui apud Ætium, tet. 2. serm. 2. cap. 24. describitur se ipsum rogare; quid cani cum balneo? Quod si verò, tantulum liquoris sorberet, decideret illicò poculum à manibus, & exhorresceret usque adèd corpus universum, ut exclamarit non semel, ô homines quid me cogitis ad ea, quæ naturæ meæ tantopere adversa.

Tantum itaque profuit huic seni blandior hæc aquæ ablutio: ut potnerit interdum, licet molestè bibere: præsertim circa postremos vitæ dies, in quibus licet biberit affatim, nequit ramen extinguere incendium, nimis diu inveteratum: multò minùs suppressere convulsiones, quæ haud diu ipsum jugularunt. *Idem ibidem.*

Rabidi morfus lethalis.

Venator nobilium Tigurinorum ante tres circiter menses à cane rabido demorsus, usus est aliquot remediis Sudorificis, & meliùs habuit; cum è contra faber quidam ferrarius nulla remedia sumens derèpentè rabie tactus, liquida fastidiens, torvo vultu & quasi latrans succubuerit. Venator prædictus, tertio post morsum mense in itinere probè excalesfactus potum vini ingurgitavit frigidum, statimque rigore correptus: lassitudinem spontaneam concepit, demumque magna molestia veniens suspiria movere & anhelare cœpit, nihil penitus deglutire poterat, & statim atque appropinquaret potus, esus, vel medicamentum, altâ voce clamare, atque cum maximis anxietatibus spiritum trahere cœpit, sudore frigido per totum corpus diffuso; aërem verò in ullo membro vel articulo præ suffocationis metu tolerare nequivit: convulsiones quoque tantæ erant, ut brachium non potuerimus de loco movere ad instituendam venæsectionem vel porrigendam theriacam, tandem ferè rabiosus factus derèpente moriebatur.

Rabiei fermentum in venatore diaphoreticis oppugnatum tardiùs vires exeruit, secùs neglectis remediis, hinc citiùs ad *ἀκμὴν* pervenit in fabro ferrario, ipsumque interemit. Vini cyathus frigidus, quem excalesfactus hausit, frigore excalesfactioni subinde inducto, sub ratione motuum contrariorum sibi invicem & derèpentè adversantium, humores

exagitavit, miasmaque rabiosum latitans exaltatum est; anhelitus; Deglutitionis impotentia, horror ad potum, esum, anxietates, convulsionones generis nervosi affectum indicabant, rabies liquidem inflammatio membranarum cerebri à priscis Medicis definita, ipsorumque spirituum insignis & furiosa excandescencia etiamnum apud modernos audit, quæ præ cæteris quibuscunque aliis morbis gravia horrendaque symptomata inducit. Præ suffocationis metu refugiebat aërem, ex eò quod membrana spiritalibus aculeatis exquisitiùs sentirent, & ab effluviis vaporosis aëre externo propulsis intusque recursantibus præcordiis, suffocationis periculum immineret. *D. Joh. de Muralto Ephemer. Germanic. Decur. 2. Ann. 7.*

De Rabie.

Prope Pontisvellam apud Sebusianos lupa rabida è nemoribus duabus circiter horis ab urbe dissitis proliens, in quos incidebat adoriens rictu diducto momordit, ita ut quinque personæ ab ea demorsæ fuerint, usque dum ultimò infante ab ea demorso, horæ quadrante ab urbe, ab ipsius parente scipione mucrone færeo instructo interfecta fuerit. Quatuor prius demorsi ante quadraginta dierum lapsum, rabiosi facti, obierunt, ultimò demorsus infans evasit. Ex quatuor prius demorsis adolescentem quindecim circiter annor. curæ nostræ subjectum vidimus, qui variis dentis rabiosi moribus manum dilaceratam habebat, manus subindè fuit scarificata, & aliquandiu vulnera aperta detinebantur, verum cum nullius profusus mali augurium minaretur, nec parentes ideo curam longius protrahi permetterent, post viginti circiter dies à morfu occlusa sunt, neglectis interim remediis internis, trigesimo autem octavo à morfu sub vesperam inquietudine affici crepit, animi corporisque jactationes patiebatur, noctem insomnem transegit, postredie exasperatis symptomatibus, excandescabant oculi cum aspectu luído & torvis oculis, os distortis moribus circumagebatur, jactationes inchoatæ adaugebantur, fastidibat, corpus calore immodico perfundebatur, vomitus infestabat, spumam circa os ejiciebat, incendium internum patiebatur, lingua exarescebat; hisce symptomatibus divexatus, tandem circa mediam noctem è suo cubili in terram se projecit, pedibusque in altum circa dolium erectis, capite in terrâ prostratò, terram commordens, animam efflavit. Interea tum temporis expositulato pro infante, de quo supra, consiliò, cum fortè, propter mollitiem, humorisque decubitum nativum in genas, quæ fuerant demorsæ, vulnus à morfu nondum occlusum esset, jussi, ut per diu maneret apertum, purgantibus interea convenientibus, per epicrasin repurgatò corpore, hisce auxiliis, maximè vulneris diu manantis aperturâ, incolumis evasit, & etiamnum post quinque circiter annos à morfu sãtus tectus vivit.

Notandum quod, quamvis hydrophobia pro pathognomonicò signò rabiei habeatur, ipse tamen adolescens, de quo supra in ipso symptomatum lethaliū vigore, hauserit quosdam julepos, sed tamen etiam quod non minus notatu dignum, ipse patiens, à morfu, quavis ætas vigeret, fuissetque solitus antea, uti alii ejusdem ætatis, sapius etiam in die lavare corpus, nullatenus tamen balneum ingressus fuerit. *Idem. ibid.*

Venenum morfu canis rabidi inductum & post octo annos in Puella excitatum.

Novi puellam civilem, dum Viennæ frequentarem collegium medicum, quæ sexto ætatis anno in pede à cane rabido, fuerat morsæ; Vulnus cum leve erat, nec ullum malignitatis vel rabiei signum appareret, curabant domestici per remedia vulgaria, & etiam

cirò cicatricem inducebant; puella ista octo integris annis optimè valuit. Tandem decimò quarto ætatis anno, variolis epidemicè tunc grassantibus corripitur, antequam autem illæ in cure se manifestant, variis cruciatur symptomatibus; jam delirat, modò instar canis latrat, (quod mirum dum & ipsi canes rabidi latratum omittunt.) Aquam autem coctam & omnia liquida, itro & aquam destillatam pro pulveribus alexipharmacis sumendis sumere fugit. Adhibentur varia remedia in forma boli ex oculis cancri, radice cynorhodi. composita, & medicamentis ordinariis variolas expellentibus admixta, immersio autem aquæ in hydrophobiâ aliàs usitata hîc omittitur, ne naturæ motus à centrò ad peripheriam impediatur. Tandem præter omnium spem, variolis perfectè jam protrusis, præfata symptomata cessant, & medicamentis ulterius continuatis ex integro convaluit. *D. Joh. Benedictus Grundelius Ephemer. Germ. Dec. 2. Ann. 7.*

De Fele rabida.

Canes rabidos venenato morfu homines occidisse, experienciâ constat; rarò autem de Fele hoc accidisse narratur; Verum Cornelius *Stalpart. Wunderziel* observat. cent. 1. refert de cive Lugdunense in Batavis mortuo ex morfu rabidæ felis; hîc autem Ferrariæ anno 1693. mensè Maji adolescentulam ann. 15. observavi; cui pollicem manus dextræ momordit rabida felis; de quo morfu parùm sollicita fuit, & parùm pariter solliciti fuere parentes; ast supervenientibus pravis symptomatibus, immensa siti, cephalea, & potus fastidio, sequuto delirio, & convulsione obiit. *Ex communicatione Viri Clar. D. Josephi Lanzoni Medici Ferrariensis Celeberrimi.*

De noxa ab esu carnis vaccina à cane rabido demorsa

Doctissimus D. Petrus Borellus cent. 1. observ. 75. narrat, Porcum à cane rabido demorsum fuisse, omnesque qui ejus carnem degustarunt, rabidos effectos fuisse, unde colligit maximè cavendum esse ab esu animalium à canibus rabidis demorsorum; hinc pariter ego anno elapso 1694. mensè Augusti observavi familiam integram Rusticorum veneno affectam, ob esum vaccæ demortuæ à cane rabido morsæ: tres autem ab illo veneno emortui sunt, alii verò ope remediorum, Deo favente, sani evaserunt. *Ex eadem communicatione.*

Canis Radidi Morfus:

Clariss. Joh. Victoris Fagerschmid, Miscell. Curios. Decur. iij. ann. 3.

Jacobi Herlin, Geislengensis filia, ut & Conrad Braun, à cane rabidò, prior in manû, posterior autem in scapula & brachiò morfû excipiebantur. Advocatus, statim profundissimas scarificationes in locò affectò instituere, ac theriacam cū alliò contusò & pulver. ocul. cancr. vulneri imponere jussi. Intus Tinctur. bezoard. pulver. Palmarij cum oculis cancr. maritatum ad sudores eliciendos adhibebam. Consolidationes vulnerum de industriâ quantum possibile retardatæ fuere, ne de veneni fermentò quid in sanguine relinqueretur, quod postea tremores, anxietates, oculorum torvitatem, hydrophobiam, aliaque infausta symptomata producere posset. His ritè observatis atque usurpatis, prædicta symptomata in partu quasi suffocata, ita ut jam per lesquiannum nihil incommodi ab his morfibus sentiant.

Remedium contra morsum animantium Rabidorum longò usû comprobatum, ex Transactis Philosophicis Anglicanis; in Actis Lipsiensibus relatum.

Lichē cinereus terrestris, descriptus à Dom. Raiô in Historia Plantarum p. 117. exsicceetur & in pulverē subtilissimum redigatur, eique tantundem piperis subtilissimè contriti admisceatur, & ad usum servetur. Si canis exhibendū hoc remedium, ex aure ejus sanguis prius detrahendus est, deinde canis probè abluendus, atque à pastû cohibendus totam noctem, aut maximam diei partem, antequam ei propinetur, mixtum lacti aut jusculo tepido. Si pecus aliquod admorsum fuerit, sanguis etiam mittendus est, idque probe abluendum. Dosis autem magnitudini aut viribus ejus est attemperanda. Hominibus tandē propinandum est remedium post venę sectionem factam, & ablu-tionem faciei aut manuum vel partis læsę. Expedi etiam ut vestēs, quibus indutus fuit admorsus laventur. Dosis unica est assumenda manè jejunis, duobus aut tribus diebus se consequentibus.

Morsus levior canis, etiam non rabidi, perniciosus. Clariss. Joh. Petri Albrechti. Miscell. Curios.

Detur. iij. Ann. 9. & 10.

Anni 1687. undecimo Aprilis circa mediam noctem vocatus ad Dominum M. 22. annorum Studiosum Juris, ac cujusdam hujus loci Senatoris filium, in miro eundem deprehendo statu: Siciebat vehementer, corpus hinc inde jactitabat, anxius valde erat circa præcordia, spasmus aderat cynicus & artuum præcipuè notabilis convulsio. Statim libi pereundum esse putans, de restitutione plenariâ omnino desperabat. Interim nec ullum passionis Colicę, nec febrilis invasionis præstò erat signum: Pulsus equidem quodammodo celerior percipiebatur; haud verò præcesserat frigus, horror, pandiculatio, dolor lumborum & qui hujus farinę sunt alii febrium, vel intermittentium, vel continuatum præcursores. Sepius in hæc verba vociferando, vel ejulando potius prorumpebat: *Va meis manibus emortuis jam & stupidis, ita ut eas vix amplius sentiam!* Quas propterea inspicieus, erysipelacè quòdam colore tinctas vidi, dextrâ tamen præ sinistrâ magis rubeunte. Cénaverat præcedenti vespërâ adhuc bene & optimo cum appetitu cibum sumserat; duabus verò post horis, dicta subito ipsum invaserant symptomata, quibus tempore mei accessus magis magisque exagitabatur. Inquirenti mihi sedulò in eorum causam, suspicio haud sine ratione, assumti in cœnâ forsan cum esculeuris vel potulētis veneni oboriebatur, unde citissimè Tartari Emet. M. grana duo ipsi exhibui, additâ mixturâ quâdam alexipharmacâ, vomitoriî operatione finitâ, cochleariū sumendâ. Quo facto domum redux, lectum peto, somnò fruens, sextâ verò matutinâ ad Ægrotum denuò me conferens, eundē semel saltem amarulenta quâdam evomuisse, usurpatis verò postea dictę mixturę aliquot cochlearibus, per duas horas somnum cepisse cognosco; Anxietas quoque quodammodo remiserat, convulsionibusque pacatioribus visis, ut residuò mixturę utatur & corpus ad blandum componat sudorem, injungo. Circa undecimam meridianam, rursus ipsum visitans, paululum quidem eum sudasse, anxietates verò & cetera symptomata recruidisse comperio, ita, ut quò se verteret, nesciret; Mira insuper digitorum, dextrę præsertim manūs contorsio & retrosum versus incurvatio advertebatur, unde exquisitiùs eum contemplans, haud procul ab articulatione carpi cum brachio in illa regione, ubi pulsus explorari solet, exiguum aliquod vulnusculum, vel potius fissuram acutò quasi instrumentò inflictam ac cicatrice jam obductam conspicio; Interroganti mihi, quanam ejus causa, respondet Pater, heri circa quintam vespertinam filium cum cane ei familiari lusisse, hunc verò, postquam ipsum aliquatenus irritarat, levî eum petiisse morfu, unde, quicquid videre vulnusculi, esset superstes. Neque tamen verosimile sibi videri, præcipuè

Bibliot. Chirurg. Tom. III.

cum canis non fuerit rabidus (quem datò alliciebat signò, satisque comiter & sine ullo furoris vestigio, hero suo & omnibus præsentibus abblandientem, mihi monstriabat) occasione inflicti vulnusculi ejusmodi horrendam symptomatum syndromen produci potuisse. Ad quæ, vel maximè id fieri potuisse, regeſsi, pessimèque cum Ægrotò actum fuisse, ostendi, quòd tandiu veram ejus infortunii causam celaverint; Quam unicè igitur dicto canis morsui ascribens, partem læsam scarificari ac cucurbitulam ei imponi jubeo; Quæ adminicula, cum ille admittere nollit, aquâ falsâ vulnus fricari, remotâque sic cicatrice Topicum ex Aq. Theriac. Spit. Theriac. camph. & aliis calidissimè sepius imponi curo; Postea datis aliquot dosibus salis volatilis Viperarum, paulatim quęvis evanescere symptomata, ac brevî profecit ita Ægrotus ut optimè cum pristina in gratiam rediret valetudine.

Apparet ex hîſce luculenter, in omni morſu cavendum esse, etiamſi non rabiât animal. Haud equidem Bellonio adſtipulari poſſum, qui referente ſic Bonetò *Labyr. Med. extr. p. 353. §. 93.* quemlibet canis dentem virus gerere aſſerit; Neque hoc in negotio ſalivæ caninæ per inflictam plagulam ſanguini communicatę tot miſeriarum cauſam tribuerem, quin potiùs facerem cum iis, qui in ſimilibus morſibus ab animalibus haud venenosis illatis, nihil veneni ad ſanguinē læſi ſubjecti perſtingere, ſed quęvis ſymptomata à nervoſarum fibrillarum per morſum excitata vellicatione, lancinatione, diſtentione ac ſpaſmodicis per conſenſū aliarum partium contractionibus oriri judicant, uti hanc ſententiam Doctiſſimus Dominus Melchior Frickius *Paradox. Med. 7. p. 171. & 195. ſeq.* haud ita pridem optimis corroboratam argumentis erudito exhibuit Orbi. Ceterum non planè inaudita me hîc propoſuiſſe, docet inſtitutor ille, cujus Martinus Liſterus *Exerc. de Hydrophob. p. m. 127.* meminit qui demorſus à cane non rabido, per plurimos annos ſubinde in quacunq; corporis parte, præſertim in pene, ſæviſſimos percepit cruciatus. Sic Forreſtus *Obſ. 27. lib. 10. de Cerebri Morb.* de Monacho quodam refert, quòd à cunicula, quam in ſinu fovit, dum conſeſſioni vacaret auriculari, in labiis commorſus ſit, ex quo poſtea factus fuerit rabioſus; Cui Histořię in Scholio ſubneſcit Exemplum, celebriſ illius Icti Baldi, qui itidem ludendo cum ſua canicula, morſus ac in maxima rabie & metu aquæ extinctus eſt. Diſcant hinc illi, quibus canum in deliciis eſt conſortium, ne temerè nimis ipſorum fidant blanditiis; Facile namque fieri poteſt, ut & hi adulatorum æmulentur mores, qui, dum maximè ab blandiuntur, ſummam non rarò intentant perniciem.

Ictus Scorpiois lethalis.

Clariss. Joſephi Lanzoni. Miscell. Curios. Decur. iij. Ann. 1. p. 39.

Quam hîc ſiſto Obſervationem, Exc. Dn. D. Franc. Evangelisti, ut Nobiliſſimis noſtris Dnn. Collegis innoſceſceret, communicavit: quam etiam propriis ejus verbis exhibeo: Eliſabetha de Turſanis ſub finem menſis Junii 1692. cum ſeſe ad latrinam ſ. h. in loco præhumido ſitam contuliſſet, à ſcorpione ibidem latente icta fuit circa ultimas recti inteſtini plicas. A re inopinatâ perterrita me acceſſitū voluit, ut prædicta narraret. Petiit ab eâdem, num eſſet certa quod verè ictus ſcorpionis fuiſſet, quem ſtatim mortuum mihi oſtendit, quia ab inflicto vulnere illum calceamentis contriverat. Interea ut mortem, quam imminentem arbitrabatur, evaderet, medica poſcebat præſidia. Unde præcepi, ut locum ſauciatum cum eodem ſcorpione optimè trito fricaret, quòd non permiliſit. Quapropter ſuſſimigium cum eodem animali perſiciendū comendavi, quòd factum fuit; quamvis pudibunda dilata-tionem puncturę operâ Chirurgi peragendam renuiſſet. Interea nulla ſæviora accidentia apparebant. Poſt duas à maxima viſcerum commotiones, vomendi ſtimulo, ſudore frigido, & quadam veluti lipothymiâ infeſtata, denuò ad viſitationem Adſtantes me vocant. Ego, indicatione ſum-

pta à veneno repente ad superiora, hircines ad locū fauciātum, unam post aliam, apponendas consului, & interrim specifica alexipharmaca assumenda præscripsi, quæ omnia integrè peracta fuerunt. Post sex horas incidit in adeò perversum intestinorum motum, ut omnia quæ per os assūmebat, statim evomeret. Unde cum per superiora non posset dari medelæ locus, clysteribus, fementis, & unctio-nibus alexipharmacis, & spiritus refocillantibus usi fuimus. Primus clyster vix injectus fuit, cum jam per superiora redderetur, de certitudine volvuli nos certiores faciens. Interea pluries animi deliquia ipsam apprehenderunt, & post horas aliquot convulsa obiit.

Venenum scorpionis esse minimum mole, sed facultate & immanitate maximum & potentissimum, *Galenus* ab experientiā edoctus pronunciavit. Et quamvis in Italia lethale virus non emittere, *Plinius* testatus sit attamen summa rerum magistra, experientia contrariū confirmat. Cur verò tam citò, & tot tantorumque morborum syndromen evenerit, non assequor, nō forte credam, quòd per venas & arterias, non solum virus ipsi cordi communicatum fuerit, spiritusque vitales infecerit, sed etiam pro certo habeam, quod in humoribus centuplicata fuerit quantitas veneni, non secus ac Chymici auri argentique multiplicationem invenerunt: Nā, *Apponense* dictante, venenum perniciosā ac destruētem vim Cordis habet, & quidquid attingit in humano corpore, hoc convertit in suam speciem venenosā & se ipsū ita multiplicat, inficiendo humiditates corporis nostri in venenosā naturā, quā multiplicatā, augetur virtus veneni. Geometricum enim est axioma: *Geminata quantitas exauget virtutem*. Mihi insuper persuadeo, nostram patientem tā citò obiisse, quòd Chlorosi laboraret, & per consequens valetudinaria esset, hinc facillè credo, quòd venenō in suō corpore genitō scaturerit, idque adventitio, & forsan sibi analogo adjunctum, deleteriam vim exeruerit, accitam mortē attulerit. *Nam ubi abundat venenosus spiritus, venenum denuò ingruens est magis perniciosū*, ut probat *Castrensis Lusitanus* in suis *Meteoris Microcosmi*.

Iliaca passio, quæ successit, magis miranda videtur, cum aliās ex occlusionē intestinorum, & præcipue gracilium ortū ducat; quæ tamen in Casu nostro supponenda non erat, quia novissimè rēces egresserat, quando à scorpione icta fuit; neque ab inflammatione circa rectum intestinum premebatur, ex qua clausum orificium supponendum fuisset, tum quia ex febris absentia, imò ex autopsia abfuit inflammatio, tum etiam quia clyster summa cum facilitate injectus fuerat: Ergo omnis causa ad pravam veneni qualitatem referenda videtur, quæ annulosis intestinorum fibris communicata, & spiritibus in ipsa animi commotione versus principem suæ originis locum remeantibus, associata, secum fluida vasorum ad superiora per motum antiperistalticū stimulavit & convolvulū prædictum excitavit. Hinc duo fatenda videntur: Primum, quòd detur motus convulsivus, præter causā inanitionis & repletionis, ut plurimū ex causā veneficā, & hac calidā vellicante, quia ex frigidā aut humidā potius resolutio non convulsio succedit. Alterū, quòd Scorpionis virus calidū, urens, & nervos mordens credendum sit, ut cum *Casalpino* plurimis placuit; non verò frigidum, ut multis aliis Medicinæ Principibus arrisit.

Inspectiones Anatomica.

In demorso à cane rabido, Pericardium sine humore repletum, & ex parte consumptum, Sinus cordis aridi.

Rabidi canis venenum quarto ordine calidum esse videtur, cum enim dissectum esset Monachi cujusdam cadaver, tria notanda apparuerunt. 1. Nulla aderat humiditas aquosa in pericardio, tota erat consumpta ab hoc igneo veneno: 2. Sinus cordis conspiciantur aridi & sanguine prorsus destituti, 3. in Pericardio portio quædam fuit observata ferme combusta & in pulverem redacta. *Capivaccius præst. lib. 7. cap. 12.*

In quodā hydrophobia affecto summa siccitas viscerū reperta.

Anno 1674, mense Majo juvenis artis Saltatoriæ ma-

gister, à cane rabido mordetur, Tertia post septimana in hydrophobiam incidit, salvo tamen judicio; dantur illi pilulæ purgantes, à quibus ritè expurgatur: postridie, quod nausearet, exhibitum vinum emeticum; Paulo ante assumptionem, cum alio ejusdem Artis magistro, cui cum jurgium extiterat, in gratiam redit mutuisque amplexibus uterque ejus firmitudinem testatur; tertia ab hausto hora exstinguitur: Pro more loci, ante sepulturam, à Chirurgo, ad id officii destinato, cadaver examinatur: Ille livore digitorum animadverso, (qui à convulsionibus inter irritos vomendi conatus ortus erat) malignitatem suspicatus, & ignarus eorum quæ præcesserant, aperiri cadaver voluit. Intactum fuit cerebrum, sed in visceribus naturalibus & vitalibus summa siccitas fuit deprehensa, quæ an veneni indoli, aut potius inanitionibus præcedentibus adscribenda fuerit, dubium remansit. *Clar. Theophil. Bonerus Anatom. Practic. lib. 1. sect. 8.*

Luporum morsus, præsertim Rabientium est venenatus, quod in eorum renibus serpentes nascantur.

In Luporum senum renibus serpentes observavi, ita ut aliquando Lupus in uno rene duos habeat serpentes, quorum unus pedem longus, alter pollicis longitudine, alii etiam breviores sint, qui venenatissimi redduntur & cum tempore Lupum enecant. Hinc videmus si animal aliquod à Lupo fuerit præmorsum, rarò & quàm difficillime curari, quod dubio procul propter peculiare venenum in Lupo delitescens usu venit: pleraque enim animalia præmorfa moriuntur, aut saltem membrum præmorsum putrescit. *Carolus Stèphanus Agricult. lib. 7. cap. 1. Gaspar Bauhinus lib. 1. cap. 17. de corp. hum. fabrica. Joh. Bauhinus Traët. de Luporum rabie memorabili p. 77.*

In iis qui demorsi sunt à cane rabido nihil anginosum deprehenditur.

Mordendi desiderium in à Cane rabido morsis, magni nominis Medicus referebat ad inflammationem faucium, & conjunctam Anginæ speciem: Sed aperta aliquoties cadavera, nulla inflammationis vestigia ostendēre. *Gu. Rolsinkius Dissertat. Anat. lib. 1. cap. 13.*

In Equis, Bobus & ovibus Rabie affectis vermes in capite deprehensi.

Æstas hæc sicca æstuanque multa animalia in phrenitidem & vertiginem agit, quod damno suo multi apud nos agricolæ experti sunt. Notandum id imprimis de equis, bobus & ovibus, vermes capiti inesse ita affectorum rusticorum nostrorum est observatio *T. Bartholinus Cent. 3. observ. 48.*

Idē hoc ex multiplici demonstratiōe affirmat *Clar. Christian. Francisc. Paullini Cynographia Curiosa Sectione 4. Anatome Hydrophobici.*

Laurentius Serenissimæ & Clementissimæ Reginæ meæ à pedibus d. 1. Mart. 1678. in subitanam incidit hydrophobiam ut ne guttulam liquidi cujusunque generis posset deglutire, cum tamen solida quæcunque promptè per gulam demitteret. Ab exhibitis bezoarticis & alexipharmacis parum juvabatur, die tertio tabie correptus saliva uberrim ex ore fluēte adstantes omnes conspuebat, quarto demum morbi die extra lectum in sella sedens facto uno, & altero corporis subultu suffocabatur. Aperto per Chirurgum Regium Philippum Hacquardum, me præsentē, cadavere, corpus prorsus extenuatū erat ac si hæctica diuturna tabefactum fuisset, caro musculosa omnis ut & pinguedo penè consumpta, omentum item penitus absumptū ut intestina flatibus turgida nuda jacerent, mēscēterii glādulæ & pancreas prorsus extenuata. Hepar in parte convexa sano simile, in parte concava inflammatum & gangrēne proximum cum pleura tam firmiter coaluerat, ut vix nec sine ruptura avelli posset, sinister lobus hepatis lienī tam arctè adnatus erat ut non nisi sectione ab invicem possent separari. Vesicula fellis bile viridiuscula plena, costis itidem firmiter adhærebat. Ventriculi interior tunica corrupta ut digitis posset abradi. Ejus superius orificium etiam

xile admodum, ut & totus œsophagus angustus valdè & quasi constrictus. Pulmones aridi & exsucci costis utrinque adnati. Pericardiū ne guttulā aquæ continebat. Cor flaccidum & extenuatum, cujus dextra auricula insigniter tumebat, dexter ventriculus sanguine grumoso plenus, in sinistro sanguis planè fluidus. Renes satis magni notabili vitio carebant, succenturiati egregiè conspicui. Cerebrū non introspectum, quia instrumenta ad calvaria deponitio- nē necessaria ad manū non erant. An à cane rabido demor- sus unquam fuerit, à me cum mente adhuc constaret in- terrogatus, se id non meminisse aiebat, suadere tamen id videbatur cicatrix in sinistro crure post mortem conspicua, quanquam non desint exempla lethalis hujus aquæ metus, ut Plinio l. 8. N. H. c. 40. vocatur etiam citra morsum canis rabidi prout videre est apud Marcel. Donat. hist. med. mirab. l. 6. c. 1. Salmuth. cent. 2. observ. 52. Zac- cut. Lusit. de Med. P. P. hist. 20. Borell. cent. 3. observ. 38. Proinde etiam famosum illud aquæ marinæ balneū in cura neglectum, quod demorsi antequam hydrophobia super- veniat juvamen aliquando inde accipiant, ubi verò a- quas jam horrent.

Nec formidatis auxilientur aquis.

Johan. Henric. Brechtfeld. in Actis Danicis Bartholi- nianis, Ann. 1682.

Rabidorum cerebrum vermibus scatere repertum.

Cum anno 1674. ipsis diebus canicularibus Hamburgo cum aliis in Saxoniam inferiorem proficisceretur, occur- rit nobis in rheda amicè confabulantibus circa cre- pusculum canis pastoralis rabidus, quem, ne aliis in vicina noceret, ocyus quidam è sociis nostris plum- beo globulo trajecit, nomine Tobias Lorch Prussus, Chirurgiæ candidatus, literisque bene tinctus. Qui, cum me medicum esse rescivisset, multis humanitatis officiis in itinere non semel præstitis, amicitiam meam ambiit & promeruit. Post sobriam canam mihi in horto ambulanti sese sociat, causam rabiei cupidè indagans. Pla- cuit juvenis studium: orto ergo sole caput prædicti canis aperuimus. Tum neuter quidem fœtorem perferit, am- bo tamen deliquio animi correpti cepimus titubare, ille- que vomere. Sumptis verò rotulis bezoardicis sta- tim nobis ex voto reddit. Hinc contra venenum, quantum potuimus balsam. antapoplect. & aceto theriacali Timæi, satis muniti, sufflaminato hali- tu, clausisque naribus & ore, hocque aceto illo reple- to, accensaque circa cadaver strue, ex ligno quercino & fagino congesta, propius & animosius accessimus mirabilia naturæ contemplaturi. O si tunc nobis ad- stitisset Reyssius, expunxisset fortè merum cerebebelli sui figmentum in Camp. Elys. quæst. 61. §. 1. publicè pro- nuncians se injuriam fecisse Jacobo de Partibus. To- tum cerebrum maximè putridum è calvaria statim pro- lapsum in gramine longiùs diffudit, inque eo diversi vermiculi, quorum plusculos in majoribus bullis, è viscoso putrique cerebri liquore elevatis, vel ex motu interiori notavimus. Hęc agentibus supervenit canus o- pilio anatomen nostram visurus. Qui cum utrumque a- dhuc quasi attonitum cerneret cum cachinno aiebat: mihi sanè nihil novi, cum tamen literis me nunquam manciparim. Par ratio cum ovibus. Notastine talia spe- ctacula in ovibus? Mirabiles socii! vidistis tales ver- miculos? sunt rabidi vermes, seu potius vermes rabiem inferentes; corrodunt bestiis cerebrum, inque rabiem a- gunt, ut quiescere nesciant. Uterque ei 24. grossos o- stendens. Dic nobis, quæsumus, o bone senex, at dic se- rio, an res ita se habeat. Ille corrugata fronte, & pectus suum palma tundens; quid? Si ego silicernium vobis mentiar, rapiat me diabolus! Vultis ne interiora canis, inque iis vermiculos contemplari? Vera loquor, credi- te mihi, & senes adhuc sapiunt. Bene: manum igitur ad canem. Quod si feceris, gratiam mereberis & hoc præmiū. Ille, sumpto prius jentaculo, & devoratis, ni fallor, 12.

Biblioth. Chirurg. Tom. III.

baccis lauri, quibus se canitiem suam debere sanctè fate- batur, rem animosè aggrediens, nobis interim procul sensum recedentibus, aperto canis ventre, viscera, pede suo hinc inde, longiùs aliquantulum recedens, subindeque vo- lutans, allium mandebat. Cum verò nullos cerneret ver- miculos, præter lumbricum ex intestinis protractum, cum indignatione dicebat lumbricum istum minores omnes vermiculos devorasse.

Amphion noster amicus Reiselius, nunc Consil. & Archiater-Studgardianus, reperit in sinistro lupini renis superstite membrana vermem 21. uncias, seu pollicem, longum, ore patulo, capite cruento, plures insuper albos minores. In narium quoque spongioso ossè duos invenit latiusculos, velut qui in ovium hepate sunt. Hosce vermes rectissimè rabiei causā conjicit. Ego, ut ni- hil omitterem, quantum ad notitiam veritatis, ab ipsis can- nicidis per alios expiscatus sum, an non & ipsi in rabidis canibus occisis similes notassent historias? Negantes pro- misso præmio monui, ut scrutarentur. Multum enim inte- resse, ut scirem. Fuere, bisque mihi monstrarunt in capitibus, renibus ac intestinis canum, ob rabiem cæcorum, in- ventos. Sic alicubi observationem sequentem scriptā re- perio. Vidi canem ex cujus toto corpore, magno cum fœ- tore, innumeri prodibant vermes albi, qui ei intra bi- duum mortem intulere miserrimam. Hic canis rabidus an- tea fuerat, sanatus tamen iterum. Cum vero cadavere e- quino, intolerabilem mephitim longè latèque spirante ve- sceretur, denuò incidit in istum morbum, in quo etiam pe- riit. Dices, si hoc malum à vermibus, eccur Hacquard. Regius in Dania Chirurgus, amicus quondam noster, in anatome Hydrophobi nullos omnino reperire potuit? R. Nec cerebrum, ob instrumentorum defectum, introspe- ctum est. Et licet nulli, oculis saltem obvii, in cerebro in- venti fuissent, quid inde? Cadaver infaustæ illius Catha- rinæ quæ annis retrò quasi 20. innumeros bufones vomitu rejecerat, à curioso Sirio nostro, Dom. Vollgnadio disse- ctum, ne vestigium quidem bufonis ampliùs exhibuit. Er- go ne relatio ficta? Narravit etiam mihi Nobil. D. Francisc. Gulielm. à Steinhauff, fautor olim honorandus, in dissectis capitibus rabidarum ovium, ab aliis, quorum officium erat, diligentius examinatis, aliquando integros globulos vermium plenos fuisse repertos. Et in eviscera- tione lupi, ob rabiem à rusticis Westphalis cæsi, in dex- tro rene planè exeso vermem rubicundum, sed albis macu- lis eleganter distinctum, palmam infantis longum, cauda bifurcata, & acuto rostello armatum, inventum esse, à Veterano quodam Venatore in Comitatu Waldeccensi olim accepimus. Quocunque itaque modo rabies nobis communicetur, atomi verminosæ, seu *μυῖα ματα* vel semi- nia fermentabilia, simul in nos derivantur, vel tamen ex seminio, ante in nobis contento, suscitantur, quæ non se- cus ac icu suo tarantula *νεγέρσας* suæ velut genium, vi fermenti deterioris, inducunt. Ut enim in seminibus ve- getabilium tota latet idea plantarum quæ sub veris ini- tium, jam tum tumente & sale suo gravida tellure, ipso quoque calore solis, genuino coctionis opifice, in partem veniente, excitatur, digeritur, perficitur. Sic in exigua admodum particula, in minima atomo, fermenti ita dicti, morsu, contactu, aliove modo in hominem translati, in- que corpore ejus paulatim luxuriantis, tota reconditur indoles symptomatum, quæ post variè produntur, pro vario ægrotantium temperamento, læsa puta phantasia, ac læsis spiritibus, à fermento illo petegrino. *Christianus Franciscus Paullini in Cynographia Curiosa.*

Historia & Anatome Rustici, Hydrophobiæ, secun- do mense post acceptum à Cane rabido vulnus, correpti & extincti.

Agricola trigessimum sextum ætatis annum supergres- sus, in pago Monchenstein Agri Basilienfis D. 14. Ja- nuar.

nuar. 1687. summo mane ad vicinum stabulum, insignem proprii canis latratum, mox ejulatum audiens vehementem confestim è lecto surgit, forasque egreditur, visurus quid sibi insolitus iste clamor veller, cumque jam stabulo appropinquaret, en rabidum canem alienum, per prata nivibus oblecta, obviam sibi cum furore currentem, cujus intuitu perterritus, famulum statim in auxilium evocat, inermis ipse, nec nisi indusio vestitus. Nondum advenerat subsidium, cum jam à cane illo magno & robusto, quemque adeo lupum rapacem primo conspectu credidit esse, impetuoso adgressu invaderetur: ancipiti hinc Marte aliquandiu dimicatum usque dū abo humi prosternerentur, ipseque Rusticus antequam famuli opem experiretur, in brachio manuque sinistra haud leviter exciperet vulnera: Liberatus vero tandem à cane securi percussus, in lectum revertitur, vulnera Lacertorum, quod fortè habuit, oleo inungit, linteis; calente vino immersis ligat, & Aurorâ post imminente medicum ex urbe nostra accersit virum in Praxi versatissimum. Hic verò statim cum perito Chirurgo ad Ægrum properat, inspectisque vulneribus, remedia interna Alexipharmaca, Theriacalia, venenum absorbentia & expellentia; Externa autem, præter vulnorum scarificationem & cucurbitularum, deleteriam rabidi animalis salivam extrahentium applicationem, precipitantia, absorbentia præscribit, nihilque adeo intermittit eorum quæ contra morsum canis furibundi commendari, & cum fructu usurpari consueverunt. Succedere hinc omnia bene videbantur, nulla symptomata suspecta hominem prehendebant, nec quicquam deleterii, sive in sanguine aut spiritibus, sive in vulneribus animadvertatur: non sitis urgebat, nec appetitus minuebatur; Brachii quoque ac manus affectæ inflammatio, Fomentis è decocto Plantarum traumatico-aromaticarum solum discutiebatur, ipsa quin & vulnera, laudabile pus manantia, tandem septimâ post morsum hebdomadâ, ad cicatricem feliciter perducta fuerunt. Sic ergo Rusticus sibi visus integrè restitutus, muniis suis per plures dies, sine ullo incommodo defungitur, suoque indulgens genio, diu prohibitum vini usum repetit, & velut refarturus quidquid neglectum autumabat, athleticis haustibus generosioris potus aliquoties sese inebriavit. Illucescente hinc d. XIV. Mart. ejusdem anni in urbem nostram venit, meoque consilio (dum interea prior ille medicus febris malignæ obierat) usus narravit, se præteritâ nocte quoad lecto incumbere, maximum dolorem lancinantem, pungentem atque gravantem, in loco acceptorum nuper vulnorum persentisse, extra lectum verò dolorem mitiorem esse. Lustrò hinc brachium & manum, vulnera observo benè consolidata, neque dolor in eorum locis magis quam alibi in brachio sæviebat; sed in extremâ inde manu incipiens, æqualiter versus Axillam usque pergebat, sine ullo tumore, aut colore cutis mutato: Exploro dein reliquum corporis habitum, quem etiam carnosum beneque habentem offendi: constabat adpetitus, nulla sitis molesta aderat, de lassitudine tantum aliquali conquerebatur. Quibus singulis ad animum probè revocatis, protinus in suspicionem incidi præsentis adhuc è cane rabido veneni; atque hinc statim jussi plures cucurbitulas, cum scarificatione fortiore Brachio affecto & Dorso applicare, quin & juncturas brachii unguento, ex ossium medulla, axungia canis, oleo scorpionum, lumbricorum terrestrium, ac spiritu Theriacali concinnato frequenter inungi curavi: Pro interno autem usu præscribo pulverem ex antim. diaphoret. Ebore ppt. Myrrhâ, ocul. 69. cum Theriaca pro aliquot dosibus, Mane ac Vespera in aquâ scorzon. card. bened. Scord. ac syr. acetositis, citri, ad sudorem proliciendum, fumendis: jungo his mixturam cardiacâ Alexipharmacam cum confectioe Alkermes, per cochlearia hauriendam. Quibus per diem atque noctem, nescio, quâ diligentia usurpatis, cum postridie dolor nihilomi-

nus major urgeret, ipseque Agricola, tum fortè audiret, eundem non nisi à morsu canis rabiosi malè curato suam originem trahere, seque proin mortem haud evasurum, nisi carnificis, in medendis ejusmodi moribus magis periti, auxilio utatur, ad ipsum sine mora cum uxore in urbem properat, ei historiam mali ab origine pandit, tandemque ab ipso impetrat unguentum fortè & aliquid internè propinavit, quod tamen Agricola fateri noluit. Sub vespem, benè interea potus domum revertitur, sibi unguentum inungi patitur, haustoque simul ovo sorbili, in lectum se componit; sed vix elabirur semihora, dum miser ille jam incipit frequentissima cum ejulatu suspiria ducere, spiritum altius magno cum labore, imò & tremulo plerumque cum palato, erectaque cervice petere, ac insimul aquam liquidaque omnia horrere. Anxietas hinc pectoris subsequatur pregrandis, ut, quod se verteret, nesciret. Die insequente XVI. ad Ægrum sollicitatus, eundem deprehendo Hydrophobum, ac eo prorsus modo, ut jam narratum, patientem, sed ratione utcunque sanâ utentem: offero aquam fontanâ, offero juscula, offero mixturâ cardiacâ; ast momentaneo saltem, horum singulorum intuitu, statimangebatur, quàm maximè exiliebat è lecto, brachia pedesque concutiebat, ac de loco in locum sine quiete movebat, spiritum non nisi cum spasmodicis colli pectorisque motibus ducebat, subinde clamores & ejulatus miscens, ita interruptos, ut tactatum canum non tam quoad sonum vel vocem, quàm quoad repetitas toties faucium & pectoris concussionones nonnihil referrent: loqui cupiens dimidiata saltem verba, ob anhelitus brevitate effari poterat. Juxta hæc autem nullus unquam in Ægro deprehensus est furor, quo adstantes morsu impeteret aut vulnerare gestiret; quin rationis sufficienter compos, in tanta angustia præcordiorum mortis horam unice petiit. Sitim interea passus est inextinguibilem, bibere vel non valens, vel non audens: si fenestræ, si fores aperiebantur, symptomata statim vehementiora reddebantur, non secus liberum aërem atque liquida horrens. Laboriosa autem ista respiratio, licet subinde mitior evaderet, difficilior tamen usque redibat, sudorem post se trahens frigidum largissimum, qui Ægrum ad mortem usque comitatus est. Quantumcunque autem in hoc statu liquida omnia fugiebat Æger; aut eadem cum insigni perpetuoque singulorum membrorum tremore, velut unoquoque momento suffocandus, difficillimè hauriebat; à solidis tamen non ita sibi metuebat, quin sive panem sive Electuarium alexipharmacum confortans à me præscriptum, sive alia crassioris consistentiæ, facilius admittebat, & cum spe levaminis cupidè quidem, sed tamen non sine aliquo labore deglutiebat. Conatus vomendi interim sæpè Ægro simul molesti extiterunt, sed irriti: per alvum verò aliquoties in hoc statu dejecit, urinasque emisit paucas easque lixiviosas: Pulsus fuit succutiens & debilis; musculorum tendines hinc inde, vibrativo motu, tantum non continuè subsaltarunt; Abdomen nunquam intumuit; brachium quoque neque in magnitudine, neque in colore mutatum fuit, vel saltem, duodecim ante mortem horis mihi nihil tale præter naturam apparuit. Sub finem autem conquerebatur, dolorem, non brachium saltem occupare, sed ab eodem versus pectus quoque & cordis regionem tendere, majoremque de momento in momentum respirandi difficultatem parere. Cum itaque neque interna remedia commodè assumere posset, neque externa quidquam valerent, tandem miserrimè, quamvis absque præcedaneis convulsionibus, expirante decimâ sextâ die Martii, circa mediam noctem, suffocatus est, symptomata Hydrophobiæ horrenda, ultra triginta horas perpeffus.

Quindecim à morte horis ad cadaveris interanea lustranda

stranda, unâ cum aliquibus Myftis Apollineis quos inter eminuit Experient. Dn. D. Johannes Hoferus, Poliarer Mülhulinus, excutri & fequentia notatu digniffima observavi. Cicatrices vulnorum acceptorum neutiquam rubicundæ vel lividæ sed cutis naturali colore præditæ adparuerunt. Verùm in humero & scapula ejusdem lateris, ut & in reliquo dorso insignia statim gangrænæ & sphaceli indicia conspiciiebantur; livebant enim hæ partes maximè, livorque se antèius extendebat usque ad pectus sinistrum. Aperto Abdomine intestina se se statim obtulerunt, minimè quidem inflata, sed hinc inde rubicundis quidem maculis, cœ totidem inflammationum signis, conspersa. Incisus dein ventriculus, paucam exhibuit crudi, turbidi, subflavi, minusque fetidi humoris quantitatem, in quo moleculæ quædam flavæ, vitello ovi indurato perlimiles, ac pro reliquiis ovi ante obitum comesti habitæ, continebantur: In ipsis autem stomachi tunicis itidem rubicundæ maculæ, præprimis circa utrumque orificium, deprehensæ sunt, prædictis intestinorum latiores. Reliqua abdominis viscera sana prorsus animadverti; dum verò Thoracis cameram detegebam, eandem undiquaque sanguine suffusam ex rubore livescentem, non sine insigni stupore conspexi.

Pulmo circumquaque Plenæ adhærescens, concreti sanguinis molem referebat; usque adeo extravasatus & coagulatus sanguis pleræque ejus vesiculas adimplevit, alicubi magis, alicubi minus, ut hinc inæqualis tumor pulmonum cerneretur.

Interstitia membranosa cartilagineorum Asperæ Arteriæ circuloꝝ intensissimè rubebant. Diaphragma etiâ, quâ costis fuit vicinus, siderationis incipientis vestigia, suo simul præternaturali rubore & livore monstrabat. Tandem sive cordis ventriculos, sive vasa circa illud majora aperiebam, sive Pulmones mille locis incidebam, nullibi nisi concretum sanguinem omni propemodum ferro fluido destitutum reperire licuit.

Quamquam ergo plura sint, quæ ex historiâ prolixius exhibitâ inferri & disci queant, hæcenus vel ignota planè, vel minùs accuratè animadversa; brevitati tamen studentes, paucula saltem porisinata inde educta offerimus & quidem.

I. Inde liquere arbitramur, Hydrophobiam à rabie canina magnopere discernendam esse, cum in illâ ratio constet, in hac autem Ægri cum furore delirent, Hydrophobus qui est, commodè adhuc ratiocinatur, & non nisi invitus plures membrorum motus patitur; membra ipsius citra animæ voluntatem, velut in Epilepsia aut rigore febrili, moventur, tremunt, & ad conspectum liquidorum, vel ad auræ liberioris admissionem, succutuntur. Hydrophobus noster Agricola interrogatus, cur non quieti sua tradere membra, suosque artus studeret, respondit statim, se non posse, quantumcunque velit & tentet, continere artus, sibi invito contingere omnes illos motus. Ita Schenkius in obs. suis adduxit exemplum Hydrophobi, qui adstantes precatus est, ne propius accederent, se enim nescire sibi imperare, quominus dentibus eos non impetat. Qui verò Rabie laborat, protinus is rationis est expertus, quique adeo non delirat, saltem & furibundas actiones committit, sed & inconditos sermones, aut ejulatus vel clamores horrendos edit, adstantes etiam sine discrimine adoritur, moribusque cum furore impetit.

II. Patet ex historia, Hydrophobiam non semper cum Rabie existere & conjungi: quod si enim venenum minus potenter & copiosè in laticem spirituum fuit admissum, Hydrophobia sola producet: si autem æquè spirituum ac massæ sanguinæ rivos subiit, & in utroque latice turbas excitavit, tum & Hydrophobia & Rabies simul jungentur. Atque hinc inferimus,

III. Hydrophobiam absque rabie sæpius, nunquam verò Rabiem caninam absque Hydrophobia existere posse. Rationem addimus hanc, quod in Rabie spiritus animales à specifico veneno turbati sint, & specifica ista veneni qualitas ita latere nequeat amplius, quin simul in nervos pneumonicos impingendo, eosque contrahendo & crispando, stagnationem, extravasationem atque coagulationem humorum deleteriam excitet. Adde quod, venenum tale spiritibus vix communicetur, nisi simul & ipsi sanguini insit, aut inferatur.

IV. Discimus inde, Hydrophobiam non statim vulnus à cane rabido illatum subsequi; etenim secundo demum mense post Agricolam illum invasis; in aliis verò nunc citius, nunc tardius exitum fuisse, Observationes testantur. Ita Hieron. Fracastor. libr. 2. de morb. contag. se puerum vidisse memorat, octo demum menses ab accepto morfu Hydrophobum redditum, & statim mortuum. Dodonæus observ. med. cap. 12. exemplum habet adolescentis, trigesima à morfu die Hydrophobi redditi & extincti. Baldus, insignis ille jureconsultus à catulo suo, quem amabat, in labio leniter morsus, quarto post mense phanaticus obiit, referente Paræo lib. 20. cap. 14. Gesnerus Epistol. 1. 3. p. m. 82. ad Cosmum Holzachium scripsit, Lithotomum quendam Tigurinum, sex vel septem hebdomadas post vulnus impetratum, Hydrophobiâ correptum, miserè intra biduum interiisse. Ut taceam plura aliorum exempla, quibus post annum unum pluresve demum ab inflicto vulnere, Hydrophobia atque mors obtigit.

V. Si verò quæras hic, cur Hydrophobia non semper morsum rabidi canis subsequatur? Ratio in promptu est, quoniam primò venenum, quod in salivâ rabiosi animalis consistere credimus, non semper in vulnus immittitur, aut saltem non ita profundè ut non citò iterum vel inde extrahi, vel præcipitari, & suâ corrosivâ qualitate privari queat. Secundò vulnus subindè duntaxat leve est, non capiens aut retinens facilè salivam deleteriam, à qua morbus ille produci debet. Et tertio frequenter inmissum vulneri virus, remediis efficacibus tam internis quàm externis destruitur, ita ut corrosivam suam naturam prorsus exuat, & vel sudoris ope expellatur, vel aliter extrahatur. Convenit hîc imprimis, statim vulnus aquâ muriaticâ quâcunque vel lixivio etiam, probe, sed & calidiuscule eluere, hancque lotionem aliquoties repetere, aut simul reliqua more & methodo consuetâ adhibere: hinc qui maris sunt adcolæ, homines à cane rabido demorsos statim salis marium aquâ immergunt, ad venenum in vulneribus præcipitandum, eluendum ac destruendum, sicque Hydrophobiam præcavendam.

VI. Si verò quæras ulterius, cur aliquando accedat Hydrophobia & cur eadem nunc citius, nunc tardius sequatur. Responsi loco damus, venenatæ salivæ portionem subinde in vulnerum cavitatibus integram, atque à remedium adhibitorum virtute tutam remanere. Hæc igitur veneni portio, occasione quâcunque arrepta, effervescens, ac fibrillas sive vasculorum humoralium, sive tubulorum nerveorum discindens, partim sanguini aut lymphæ, partim spiritibus se se immiscet. Sicque turbas excitando Hydrophobiam producit. Venenum istud quandoque sub velamine visceri cujusdam feri diutius in partis demorsæ fibrillis latitare potest; subinde autem minùs obvolutum, & magis activum existens, citius in apricum prodit, effervescit, pungit, scindit ac rodit, donec viam sibi fecit, in quemcunque laticem irruendi, suamque vim novicam exercendi. Excitatur etiam sæ-

pius à causis externis & procatarcticis, sicque instar canis dormientis expergescit, ac in motum agitur: quod fit partim à nimio corporis exercitio, partim ab irâ vehementiore, partim ab æstu corporis in Laconicis, aliisque Balneis; partim à Crapula sive Inebriatione, partim etiam aliis à causis. Quod verò præcisè in affectâ parte tandem delitescere queat portio quædam veneni illati, Rustici nostri exemplum docet, in quo ante Hydrophobiæ eruptionem sive accessum, per diem unum & alterum conquestus est de dolore vulnerati brachii, qui dolor postmodum extensus ad Thoracem, sicque Hydrophobiam excitans, procul omni dubio indicium certissimum fuit veneni in brachio hætenus latentis, sed nunc in motum ac furorem adacti.

VII. Anatome Cadaveris Rustici sufficienter docet, in Hydrophobia contingere inflammationem veram, id est, stagnationem, extravasationem, & extravasati sanguinis coagulationem in pulmone atque partibus vicinis. Hæc certe lerna malorum, hæc vera origo symptomatum omnium in Hydrophobia contingentium. Quod si enim singulorum ætiologiam percurrere velimus, illico patebit, respirandi difficultatem, præcordiorum anxietatem, deglutitionisque laborem non nisi ab inflammatione musculorum laringis, pharyngis atque pulmonum provenire. Inflammatio autem ista talium partium universalis, originem suam unicè debet turbationi sanguinis à specifico veneno inductæ, ita quidem, ut turbatus sic quoad intestinum motum, situmque partium sanguis per vascula pulmonis minima circulari amplius haud queat, quin & à spiculis veneni fibrillæ talium vasculorum capillarium faciliè crispari, constringi sicque sanguinis transitus præcludi potest. Ubi vero jam inflammantur Pulmones, statim & Pleuræ, ob interventum viscidæ stagnantis ac in Pituitam abeuntis lymphæ adnascuntur. Vesiculæ Pulmonum ab extravasato sanguine implentur, aut ab ejusdè stagnatione vasa distendente angustantur, ita ut aëri hinc sufficiens pro respiratione introitus claudatur. Sitis adest, eaque inextinguibilis, ob faucium à salivæ defectu, continuam ariditatem: deficit saliva propter sanguinis motum à veneno turbatum, hinc secretionem salivæ ablatam. Horror adest liquorum, ob imaginationem imminentis ab eorum potu suffocationis; & revera potulenta Hydrophobi deglutire aut non valent, aut non nisi maximo cum labore & dolore possunt: sed & ad solum Potulentorum adspectum spiritus animales ad impetuosum quemdam ac meticulosum motum concitantur, in quo membra omnia, cum terrore & anxietate succutuntur. Difficillimè autem deglutiant liquida, quoniam tumor faucium inflammatarum validissimè liquidis resistit; solida facilius admittuntur, quoniam in his aliqua est contranitentia, à qua fauces & gula nonnihil magis dilatari, fibræque ad deglutendum validius incitari possunt. Vigiliæ, inquietudines, palpitationes, tremores cordis perpetim adsunt, propter spiritus animales plus minus turbatos, vel saltem in continuo motu versus partes affectas verantes. Conatus vomendi inanes, inflammatiunculis fibrarum stomachicarum originem debent. Urinæ lixiviales etiam à sulphureis particulis salinis nimium incoctis proveniunt, quod quidem in turbatione æstuque sanguinis ac inflammationibus internarum partium, tam glandulosarum quàm aliarum ut plurimum contingit. Mors tandem à circulo sanguinis penitus ablato, æconomiaque corporis destructâ inducitur.

VIII. Stagnationem illam sanguinis in aliis quoque Hydrophobis, si non omnibus similiter contingere, aliud me quoque exemplum docuit: Etenim ante quadriennium Filius Lanii cujusdam Basiliensis mihi curandus obtigit, qui à rabido cane in brachio dextro, ac etiam in dorso sub scapulis vulneratus, hinc-

que à Canifice malè tractatus, quintâ post vulnus utrumque acceptum, quorum alterum jam cicatrice obductum erat, hebdomadâ, in Hydrophobiam incidit, quæ cum iisdem prorsus symptomatibus puerum invasit, quibus Agricola in historia nostra exercuisse tradidimus; mens quoque & sana ratio eidem constabat, sed respiratio, paulatim adauctâ Pectoris inflammatione, magis magisque offensa & præpedita fuit, ita ut tertio ab hinc die inter miserimas anxietates suffocaretur; sollicitavi hinc apertionem cadaveris, sed renuerunt Parentes; hinc externè saltem illud inspexi, atque tertiâ post mortem horâ in dorso versus scapulas ad Pectus usque jam livescere deprehendi, unde certum indicium sumpsi, similem prorsus sanguinis stagnationem & extravasationem in Pectore atque Pulmone Pueri contigisse. *D. Theodorus Zwingerus Ephemerid. Germanicar. Decuriâ 3. Ann. 2.*

RACHITIS.

De Rachitide primum jam adducemus Clariss. Joh. Mayovv sic scribentem.

UNus est, quod sciam, Clarissimus Glissonius, qui de Rachitide quicquam scripsit: quod mirum esse videatur, cum plerumque vix tantum grassatur morbus, quantum de eodem scribendi cacoethes. Et me quidem à scribendo deterreret accuratus adeò de hoc morbo Tractatus, jam pridem à Glissonio editus, tantique viri autoritas; nisi cum esse crediderim, qui veritatem colenti, quanquam aliquando à se dissentienti, lubens ignosceret. Cum tamen ad eandem cum illo metam properem, necesse est, ut iisdem quoad magnam partem vestigiis insistam: quapropter tanti viri cum veniâ liceat nonnulla ab eodem prius dicta, (cum aliter fieri non potest) nonnunquam repetere.

Morbus hic ante quadraginta circiter annos in Occidentalibus Angliæ Regionibus ortum habuit: postea autem (ut morbis, malisque latius serpendi mos est) per totam fere Angliam, in Septentrionalibus tamen regionibus rariùs, infantum cunas infestavit.

Infantes ergo sunt, qui morbo hoc imprimis laborant, iique à sexto mense à partu ad sesquiannum frequentius, à sesquianno ad finem secundi anni cum dimidio frequentissimè infestantur: ita ut tempus plerumque invasionis, sint anni illi duo, qui semestrem à partu ætatem mox sequuntur.

Diagnosis morbi hujus, uti cæterorum, à symptomatum notitiâ dependet; quæ sequentia sunt.

Proportio partium irregularis est: Caput nempe justò majus; Facies habitior; Ingenium, quam pro ætate acutius; membra externa, præsertim musculosa gracilia, & extenuata; Cutis laxa, & flaccida; Ossâ quoad maximam partem incurvata, & quæ circa articulos sunt prominentia, & nodosa; Spina etiam variè inflectitur; Pectus angustum est; Sternum vero acuminatum; Costarum extremitates nodosæ; Abdomen subtumidum, & tensum: hæc exterius observantur.

Interius autem cernitur Hepar justò majus, uti etiam Parenchymata ferè omnia; Ventriculus, & Intestina in majorem quàm in sanis molem assurgunt; Mesenterium glandulis justò majoribus, si non strumis afficitur; hæc in Abdomine.

In Thorace Pulmones infarcti, & tumidi cernuntur, iidèque nonnunquam purulenti, strumosi & pleuræ sepius adnascetes. Jugulares venæ, & Carotides arteriæ justâ proportionem ampliores nonnunquam reperiuntur:

cerebrum autem non nisi proportionem & mole peccat.

His denique accedit partium fere omnium enervatio, item torpor quidam, & laboris exercitiique impatientia; neque enim pueruli nisi sedentes ludere possunt; & vix pedibus insistant; & tandem in morbi progressu à debili collo, vix sustineri potest capitis onus.

Hæc tot tantaque sunt morbi hujus symptomata; quodnam autem sit tam numerosæ prolis ferax malum, proximè inquirendum est.

Et primò supponimus morbi hujus causam in vitiato cordis influxu non consistere: ita enim tota sanguinis massa corrumpitur; quæ cum indiscriminatim ad quasunque partes transmittitur, nullas non plus minus afficeret sanguis impurius; quod tamen in hoc affectu nunquam accidit: Caput enim; uti etiam viscera, nisi quòd solito majora, bene habent: imò ipsa Parenchymata, quæ præcipuè ex sanguine affuso constant, cum sanorum simillima reperiuntur, laudabilem utique sanguinem esse arguunt: absurdum enim esset Attractionem, nescio quam, Electivam asserere, propter quam caput, cæteraque viscera benè se habentia, quicquid sit boni sanguinis attrahunt; sanguinè autem malum cæteris partibus amendant: hæc enim attractio, si qua esset, ab omnibus similiter partibus foret, cum eadem sit quibuscunque partibus boni sanguinis congruentia, & necessitas; quæ istiusmodi motum efficere creduntur.

Secundò asserimus affectus hujus fundamentum in depravatâ partium ipsarum constitutione non consistere, quasi partes frigida humidæque intemperie laborantes, ineptæ essent ad influxum cordis recipiendum: unde enim hæc tanta partium nonnullarum præ cæteris humiditas frigiditasque oritur, cum omnes simili, & æque spiritibus incallescanti sanguine irrigentur? neque enim frigiditatem partibus innatam, sed præter earum naturam inesse existimo: neque quidem partes ipsas nutritioni suæ ob stare credendum est. Istæ enim in nutritionis actione nihil operantur, sed nutrimentum allatum tantum patiando recipiunt: planè ut nullam aliam partibus ineptitudinem inesse credam, quo minus nutrantur, præter unicas obstructions, propter quas alimentum recipere non possunt: quapropter morbi hujus causa ipsarum partium constitutioni inesse non potest; neque humiditatem illam morbi causam, sed potius effectum existimare fas sit.

Cum tamen partes revera frigescent, neque nutrantur, licet sanguine satis idoneo profundantur, omnino concludendum est, aliquid aliud præter sanguinem solum ad calorem & nutritionem necessarium esse. Quicquid autem hoc fuerit, necesse est, ut per vasa aliqua adferatur. Arteriæ sanguinem advehunt, Venæ allatum reportant; & unici Nervi restant, qui succum, aut saltè spiritus nutritios, adferre possint. Ne tamen cuivis dubium sit, quin nervi non nihil ad nutritionem necessarium advehant, Experimentum nemini non notum proferam, nempe si nervus parti cuivis inserviens præcidatur, partis ejusdem non tantum sensus, sed etiam nutritio quævis omnino cessat, ita ut dicta pars in futurum marcescat.

At verò succus hic nervosus integrum nutritionis munus solus non exequitur. Etenim præter illum, sanguis per Arterias diffusus, non minimas in nutriendo partes obtinet. Nimirum succus nervosus cum sanguine mixtus effervescentiam quandam, & calorem efficit, unde materia partibus nutriendis idonea præcipitatur: atque ob influxum hujus nervosi defectum, sanguis in hoc affectu quanquam satis laudabilis, fermento tamen debito indigens, neque calorem in partibus debito excitando, neque nutritionis munus exequendo valet.

Ut jam non dubitemus asserere Rachitidem esse morbum, ex inæquali succi nervosi distributione ortum; ob cuius defectum, aut superabundantiam, partes aliæ nutrimento defraudatæ attenuantur, aliæ plus satis saturatæ, in molem justo majorem excrescunt.

Hujus autem inæqualitatis vitiū in Cerebri influxu non

consistit: ab hoc enim fonte vitiato nullis omnino partibus nutrimentum idoneum adveniret: at verò caput cæteraquæ partes, quæ nervos à cerebro ortos sortiuntur, satis laudabili, quanquam justo pleniori nutrimento fruuntur. Cum tamen partes, quæ à Spinali Medullâ nervos oriundos habent, istæ succo nutritio defraudatæ, emaciantur. Certo utique indicio, proventum spirituum vitalium satis amplum in Cerebro, tanquā publicâ totius corporis officinâ, elaborari: Medullam autem Spinalem, veluti Viam Regiam ab Emporio illo exeuntem, à crassis, & glutinosis humoribus obrui prorsus & impediri; ita ut nutrimento nervoso aditus præcludatur: unde fit, quod nervi à spinali medullâ oriundi, succo illo nutritio destituti, partibus quibus accedunt, languentibus nullas omnino suppetias ferant. Hinc partium earum atrophia, & summa extenuatio. Atque hanc demum morbi hujus causam statuere fas sit: & præsertim cum ratio symptomatum omnium huic morbo propriorum, ex hoc fonte clarius, faciliusque derivari possunt, ut ex sequentibus manifestum erit.

1. mō In hoc affectu contingit, ut caput in molem præter rationem augeatur; quod quidem ex nostra suppositione omnino fieri debet: succus enim cerebri nutritius, qui aliàs in Spinalem Medullam ex magnâ parte exonerati solet; intercluso jam aditu isto, totus in nervos à cerebro oriundos dispensatur. Hinc cum caput ex nervis illis, succo nutritio turgidis, liberaliorem nutrimenti proventum sortitur, necesse est, ut in molem justo majorem crescat. Hinc etiam vultus quàm pro annis habitior, & ingenium acutius; uti enim exhausti spiritus torpidos nos languidosque, ita eorundem copia in cerebro congesta, sagaces efficit, & ingeniosos.

2. dō Solent plerumque viscera Abdominis justam proportionem excedere; in his nempe eadem ratio obtinet, quæ in capite, plexus enim illos nervorum, infimo ventri inservientium, quoad maximam partem nervorum Paris Vagi, ac Intercoastalis, à cerebro oriundorum propagines esse certò constat: ut jam mirum non sit, si viscera prædicta, pleniori nutrimento per dictos nervos allato fruentia latius excrescant. Quanquam enim nervi paris intercoastalis à spinali medulla ramos accipiant, qui succum nullum nutritium adferre possunt; hujusmodi tamen defectum abunde compensat liberior iste à cerebro influxus. Quoad Hepar, cæteraque parenchymata, quæ præsertim ex sanguine affuso constare videntur, ad horum fortè nutritionem succus nervosus non adedò necessarius est. Cum tamen muscoli Abdominis iis superstrati, à spinali medullâ nervos habeant, qui nutrimentum plane nullum à fonte isto exsiccatò adferre possunt, hinc fit, quòd assurgentia interius viscera musculos prædictos, utpote pari passu non crescentes, mole suâ premant, & tensos efficiant.

3. tiō Accidit præterea, ut Mesenterium glandulis majoribus & strumosis tumoribus afficiatur. Ut hujus symptomatis causa melius innotescat, glandularum ortum breviter præmittam. Succus nervosus debitâ fermentatione cū sanguine permixtus, in substantiam nutritiam & carnalè transit, si tamen nervus repletus, turgidusque succum suum albumini ovi simillimum, in carniū interstitia effundat; materia sic effusa non amplius jam carnè, ob sanguinis ad hoc requisiti defectum, efficit; sed in corpus glandulosum, sui simillimum coagulatur: id quod ex observatione patet; etenim experimentum aliquod in Cane facturus, nervum vulneravi; quo facto canis postea convulsionibus miserè torquebatur: post tres autem circiter menses in eodè dissecto, ubi vulnus illud antea inflatum fuerat, glandulosam concretionem satis insignem reperiēbam; quam à succo nervoso è nervi puncturâ emanante, ortum suum habuisse videtur. His præmissis, cum tantus à cerebro repleto succus nervosus per dictos Paris vagi, & Intercoastalis nervos in Abdomen transferatur, quantus in viscerum substantiam mutari non potest; succus iste in membranarum interstitia, quæ multa occurrunt, deponitur; ibique stumas numerosas efficit;

efficit: nec in abdomine tantum, sed ubicunque nervi à cerebro oriuntur, coque succo turgentes, accedunt, illic videre est strumulos tumores: qui tamen post morbi curationem brevi evanescent; nempe succus nervosus, qui tantâ copîâ à cerebro per nervos exinde provenientes effusus, strumarum generationi abundavit, maximâ jam ex parte in spinalem medullam derivatur; adeo ut strumæ nutrimento defraudatæ, brevi exarescant.

4to Solent etiam in hoc affectu Ossâ nunquam non plus minus incurvari: præsertim Ossâ Tibiæ & Cubiti. Articuli etiam plerumque extrorsum inclinantur, costarum extrema, ubi cum cartilaginibus Sterni committuntur, nodosa; articulorum Ossâ protuberantia, item tota Spina partim extrorsum, partim introrsum varie inflectitur. Incurvitatem hanc ossium ab eorum flexibilitate procedere non evistimo; siquidem pueris morbo hoc afflictis, majora potius & firmiora sunt ossâ, quàm in aliis uti mox flius dicetur, cum tamen notabilis adeo sit hæc ossium incurvitas; liceat in ejusdem disquisitione, paulo prolixiorum esse: & primo Doctissimi Glissonii opinionem, dein nostram breviter proferam.

Comparemus, inquit Vir Clariss. Ossâ, quibus curvitas accidere solet, columnæ, & certè satis appositè, cum si erigantur, columnam quodammodo referant; atque inde demonstrationem, rem hanc explicantem deducimus: esto ergo columna è tribus lapidibus, sibi invicem impositis, exstructa: supponimus talem, quæ ab omni latere perpendiculariter sit erecta, ejusdemque altitudinis: si ergo à dextro latere immiseris cuneum inter lapides duos inferiores caput columnæ, supremus nempe lapis inclinabitur ad latus oppositum angulumque efficiet, & altitudo columnæ erit elatior, ab una parte quàm ab aliâ. Similiter si alterum impuleris cuneum inter duos lapides superiores amplius adhuc inclinabitur columna, fietque alius rursus angulus sicque reinclinabitur eadem columna. Quò autem ex pluribus lapidibus columna extruitur, si inter quosvis duos uti dictum est, cuneus ab uno solo latere interponatur, lapides isti non columnæ speciem, at portionem arcus referent.

Ut ergo hoc ad præsens negotium accommodemus, si ossâ prædicta ab uno latere plenius alantur, atque proinde secundum illud latus plenius excrecant, quàm secundum oppositum, necesse est, illa eo ipso incurvari; nam hic eodem modo se habet plenior istius lateris nutritio ad incurvandam os, quo se habet cuneus immisus ad columnam incurvandam, nisi quòd cuneus certis tantum locis lateris columnæ infigatur; plenior tamen nutritio lateris ossis sit ex æquo ferè secundum totam illius longitudinem, & ob hanc æqualem nutritionem, ossis inclinatio exacte segmentum circuli sine ullis angulis effingit.

Secundum hanc hypothesin, plenior viz. lateris unius nutritionem, Vir Clariss. ingenioso utique commento, ossium incurvitatem demonstrat. Sed tanti viri pace, unde constat de pleniori illâ lateris unius nutritione, cum sanguis, ex quo nutriuntur ossâ, non minus, in hoc affectu, quàm in sanis, æqualiter dispensetur? & si qua esset hæc inæqualitas, in posteriori Tibiæ latere, ut pote frigori minus exposito, coque molliori, alimentum plenius admitteretur; & ita posterius, & elongatum latus Tibiæ incurvatæ esset convexum; anterius autem concavum; cujus tamen contrarium obrinet; etenim Tibia in hoc affectu anteriorum prominere solet.

Imò ulterius, ex ipsa ossium incurvatorum figurâ colligere est, quòd ab utroque latere æqualiter excrecant, ossâ enim in Tibia habent latus concavum æque longum ac latus convexum alioquin enim os cruris ei superimpositum non sine manifesta corporis obliquitate sustineri poterat.

Liceat ergo aliam incurvitatis hujus causam investigare, & quò clarius res procedat, sequentia breviter præmittenda sunt.

Primo Afferimus ossâ in hoc affectu non esse numeranda inter partes affectas respectu nutritionis; illa enim non minus, quàm in sanis aluntur, & crescunt; uti observatione compertum est: ad horum enim nutritionem, sanguinem solum sufficere, neque succo nervoso, uti in cæteris partibus nutriendis, opus esse videtur. Etenim ossâ, cum ex se sentire non creduntur, parum utique aut nihil commercii cum nervis habere putandum est.

Secundo Pro concessio habemus partes Nervosas, & Musculosas propter succi nervosi, ad earum nutritionem requisiti defectum, haudquaquam in hoc affectu excrecere.

His præmissis, si os tibiæ crescat, & elongetur; idem tamen à musculis qui pari passu non crescunt, tanquam à chordâ detineatur; ita ut non possit rectâ extendi: necesse est ut os illud à musculorum fibris brevioribus tensum, tanquam arcus incurvetur. Liceat Hypothesin hanc nostram exemplo illustrare. Si arbori teneræ, & crescenti chorda superius, & inferius alligetur, ita tamen ut eadem à chordâ non tendatur; nullus dubito, quin arbor dicta crescendo incurvabitur. Etenim demonstratio hæc mathematicæ huic assertioni innititur; viz. si lineâ quævis intra eosdem terminos elongetur, necesse est, ut ea à rectâ in obliquam mutetur; id quod ossibus in hoc affectu contingit.

Atque hoc ulterius ex eo confirmari potest, quod ossâ incurvata musculum sibi annexum, tanquam arcus chordam suam, concavo semper latere respiciant: uti in Tibia videre est, quæ antè prominebat, & convexa est; in latere tamen posteriori, musculos respiciente, concava: & hoc idem in cæteris ossibus locum habet; argumento haud invalido, non aliter à musculis, quàm à chordâ arcum, ossâ inflecti.

Ex quibus ratio perenda est, cur Medicastre solent quotidie latera ossium concava, & non convexa cum succo nutritio uberius evocato, musculus in concavo ossis latere situs alitur, crescitque; ut jam mirum non sit, si chorda elongata, os ab eadem tensum, & incurvatum relaxetur simul, & rectius fiat. Et ob hanc causam, ab affectu hoc curati, quàm maxime in staturâ assurgunt, etenim ossâ non tantum, uti in aliis crescunt; sed etiam dum ab incurvatis rectiora evadunt, magis adhuc elongantur.

Spina etiam varie inflectitur, partim introrsum, & partim extrorsum; quod à variâ musculorum in diversis spinæ partibus positione oritur; nempe Spina in superiori parte à musculis exterius affixis introrsum; parte tamen inferiori à musculis Psoas interius annexis, & præpollentibus extrorsum incurvatur.

Et hanc utique incurvitatis causam non tantum in hoc affectu, sed etiam alias locum habere existimo; Enimverò si quando in tenerâ ætate contigerit, musculum quemvis ob nutrimenti defectum extendari, necesse est, ut ab eodem inflectatur os, cui idem annectitur.

In Crure, & Húmero, ubi ossâ à musculis, ab omni latere affixis æqualiter restringuntur; ea in equilibrio posita, à nullâ parte, nisi rarius inflectuntur: cum tamen ea in longitudine extendi nequeant, necesse est ut in magnitudine, uti sit, & aliquando etiam in nodos excrecant.

Quinto Accidit insuper in hoc affectu, ut Pectus angustum sit, & acuminatum: & hoc utique symptoma à nostrâ hypothesi facilè illustrari potest: etenim Costæ non possunt arcus suos ampliare, nisi musculi intercostales etiam extendantur, at pro concessio habemus,

mus, musculos dictos, utpote quibus nervi à spinali medulla impertiuntur, non posse ob alimenti defectum, elongari; quapropter neque Costæ, eoque nec pectus ulterius ampliari possunt: cum autem alantur costæ, neque tamen à musculis dictis impeditæ, possint secundum longitudinem augeri, necesse est, ut in nodos, uti fit, excrecant: ac neque huiusmodi augmentum alimenti copiarum respondet; quapropter costarum extremitates anteriores ulterius adhuc in acumen elongantur; quippe hic unus restat iis crescendi modus, neque enim introsum inflecti possunt, cum hoc magis adhuc contra naturalem situm esset.

Ad istiusmodi pectoris angustiam haud parum etiam conducunt musculi Abdominis, qui extenuati, uti diximus, tensique, costas quibus connectuntur, inferiores deorsum trahunt, & ita pectus angustant.

Simili planè ratione ossium cæterorum vitia illustrare possumus: nempe Articulorum ossa in Carpis, Talisque, cum præ brevitate incurvari nequeant, in nodos protuberant. Sed hæc de ossium incurvitate dicta sufficiant.

Sexto Ob prædictam pectoris angustiam haud mirum est, si Pulmones, quibus se dilatandi spatium non conceditur, sanguine grumoso, uti fit, infarciuntur, & intumescant, hinc nonnunquam idem purulenti evadunt, & Pleuræ plerumque adhaerescunt; hinc etiam Asthma, & spirandi difficultas affligunt.

Septimo. Quoad summam in hoc affectu corporis imbecillitatem, & ad motum quævis ineptitudinem, quanquam musculorum extenuatio ad hoc symptoma nonnihil conducit, hæc tamen sola non videtur satis efficax: cum major sit, quam pro musculorum extenuatione vitium imbecillitas; neque enim agri pedibus insistere, nec in morbi progressu capitis onus sustinere possunt. Quapropter tantæ imbecillitatis causa ulterior investiganda est, quæ quidem nihil aliud esse potest præter Spirituum Animalium defectum, dictas nervorum obstructions necessariò consequentem. Spiritus enim Animales non tantum ad nutritionem, sed etiam ad motum omnino requiruntur.

Et ita demum morbi huius symptomata à Medulla Spinalis obstructione, tanquam à fonte deduximus.

At hic quæri potest, quid fiat, quod ætate grandiores morbo hoc nunquam infestentur, cum illi, æque ac infantes nervorum obstructions patiantur, uti in paralyti, aliisque istius generis morbis contingit? Respondeo, quanquam fortè pueruli morbo hoc præcipue sunt obnoxii; grandiores tamen hoc affectu sub diverso nomine nonnunquam laborare. Quod tamen symptomata prædicta quoad maximam partem senioribus nunquam adveniunt, non hoc à morbi, sed ab ætatis differentiâ oritur: Etenim cum Capitis moles, ossium incurvitas, & alia nonnulla symptomata ab enormi partium augmentatione proveniant, adultos, grandescendique apicem adeptos, qui scilicet amplius accrescere omnino non possunt, eos enormiter crescere, omnino impossibile est: nempe ideo grandioribus morbo hoc laborantibus, non uti pueris plus iusto augetur capitis moles, quia metam crescendi jam adeptum est caput, quam præterire negant ipsius naturæ leges. Utcunque tamen senioribus partes enormiter augeri non possint, satis tamen se morbus prodit, quod unum in illis potest, eandem extenuando.

Quoad prognosin morbi huius plerumque ex se lethalis non est: nonnunquam tamen, ingravescentibus symptomatis, in Phthisin, Tabem, Febrem Hecticam, Hydropem Pulmonum, aut Ascitem degenerat, & ita demum fit patienti exitialis. Prognosis autem facilius ex regulis sequentibus institui potest.

1. Affectus hic, si ante partum, aut statim à partu invadat, periculosissimus est, & plerumque lethalis.

2. Quò citius à partu morbus hic invadit, eò periculosior est.

3. Quantò magis ingravescent morbi symptomata, viz. si nimia sit partium proportio, & extenuatio summa, eò difficilius est curatio.

4. Si affectus hic morbos prædictos sibi conjunctos habeat, vix unquam in salutem terminatur.

5. Quicumque ante annum quintum non curantur, postea per totum vitæ spatium valetudinarii sunt.

6. Scabies, aut pruritus morbo huic supervenientes, ad ejusdem curationem multum conferunt.

7. Quibus morbi symptomata non augentur, sed potius minuantur, non est quod de eorum salute dubitetur.

Methodus Medendi.

Postquam de morbi huius causâ, & Prognosi disquisivimus, superest, ut ad ejus præcautionem, & curationem deveniamus.

Quandoquidem ergo affectus huius causa in obstructione Spinalis Medullæ, Nervorumque inde oriendorum imbecillitate consistit, præcipuæ Indicationes tam Præservatoriæ quàm Curatoriæ sunt; ut Nervi roborentur, & obstructions præcaveantur, aut tollantur. In hunc finem Medicamenta Cathartica, sanguinis Missio, item Digestiva, Diuretica, Diaphoretica, & Specifica in usum vocentur: quorum formulæ, & modus utendi infra subjicientur.

Quod ad morbi Curationem spectat, in eadem instituendâ à Catharsi incipiendum esse arbitror; quæ eò magis in hoc affectu convenit; quia humores Phlegmatici magnâ copiâ in infimo ventre plerumque congeriuntur; visceraque Abdominis tumoribus itumosis crebro afficiuntur, Catharsis autem per Enemata, Emetica, aut Purgantia Lenitiva institui potest.

Enematum usus & exempla quedam.

Si Alvus adstricta sit, aut intestina flatibus, torminibusve colicis infestentur, Enemata frequenter in usum adhibeantur. Quæ non tantum solutiva, sed subinde etiam ex alterantibus, & corroborantibus componantur: Illorum formulas aliquot subjiciemus.

℞. Fol. Malv. m. j. Flor. Melilot. Chamæm. Sambuci an. P. j. Sem. Anis. Fœnic. contus. an. ʒss. Coq. in lactis vaccini. rec. ℥i. q. Colaturæ ʒiv. v. vel vi. adde sacch. rubr. syrup. Viol. vel Rosat. an. ʒj. M. F. Enema Injic. tepidè longe à pastu.

℞. Rad. Alth. contus. Fol. Malv. Parietar. an. m. ss. flor. Chamæm. Sambuci an. P. j. sem. Carminat. ʒiii. Coq. in s. q. feri lactis cerevisiati, colaturæ ʒv. vel vi. adde Elect. Lenitivi, vel Diacassie ʒss. Butyr. rec. ʒvi. M. F. Enema. Injic. tepidè.

Enemata corroborantia ad hunc modum formari possunt.

℞. Fimi equi non castrati recent. ʒi. ss. flor. Rorismar. Salv. an. P. i. baccar. Junip. ʒii. sem. Anis. Fœnic. an. ʒss. digerantur calide, & clausè cum feri lactis cerevis. s. q. in Colaturæ ʒiv. v. vel vi. solve sacch. rubr. ʒi. Butyr. rec. ʒvi. M. F. Enema, addi insuper potest, si visum est Manne. Calabr. ʒvi.

Vel ℞. Millep. lotor. n. 20. vel 30. quibus contusis affunde feri lactis ex vino albo parati ʒiv. vel v. in expressione solve sacch. rubri ʒi. Terebinth. Vener. in vitello ovi unius solut. ʒi. vel ii. M. F. Enema tepidè injiciendum.

Emeticorum usus & formulæ quedam.

Si ventriculus humoribus vitiosis aggravetur, iique sursum tendant, Emetica exhibeantur. In quorum tamen præscriptione teneræ ætatis ratio habenda est.

Vomito-

Vomitoria potius è sale vitrioli, & vino Scillitico, quam phumacis stibeatīs consent; quippe quæ infantibus exhibere non adeo tutum est ob convulsionum periculum: quanquam aliquando etiam Emetica stibea ex usū esse possunt.

℞. Vini, vel Oxymel. Scillit. ab ℥ss. ad ℥j. quo sumpro, post horæ s. serum lactis Cerevis. in magnâ copîâ superbibatur, dein digito, vel pennâ gutturi immis̃sis, vomitus provocetur, & aliquoties repetatur.

Vel ℞. Oxymel. Scillit. ab ℥ss. ad ℥i. si vomitus non succedat, post horæ s. sal. vitrioli ℥ss. vel gr. xv. in haustu feri lactis cerevis. exhibeatur.

Si vires ferant, Emetica fortiora in usum vocentur.

Ut ℞. Infus. Croci Metallor. per subsidentiā optime depuratâ à ℥i. ad ℥ii. pro ratione ætatis, viriumque: Oxymel. Scillit. ℥ii. vel ℥l. Aq. Jugland. simpl. vel Centaur. Minor. ℥vi. m. f. vomitor.

Cathartorum exempla quædam.

Post aliquot dies à Vomitorio, aut etiam si vomitorium locum non habeat, purgatio lenis instituatur, & per intervalla repetatur. Ut

℞. Syrup. Augustan. vel è Cichor. cum Rhabarb. à ℥vi. ad ℥j. Cremor. Tartar. gr. x. vel xv. misce, capiat primo mane, aut per se, aut in haustu feri lactis cerevisiati.

℞. Mann. Calabr. ab ℥ss. ad ℥i. Tartari Vitriol. à gr. v. ad gr. x. misce, sumatur mane in juscūlo, aut sero lactis cerevisiati.

℞. Rad. Polypod. querc. Lapathi acut. an. ℥vi. Cort. rad. Sambuci, Ebuli an. ℥ss. rad. Osmundæ regalis, Filicis mar. Cichor. an. ℥ss. herb. Agrimon. Hepat. Veronic. Ling. Cervin. Asplenii an. m. ss. Coquant. in aq. fontan. lib. iii. ad tertiæ partis absorptionem. Liqueor coletur in matrarium, cui imponantur fol. Sennæ ℥ii. Rhabarb. ℥i. Epithymi, Santali Citrin. an. ℥ii. sem. Anis. Fœnic. an. ℥i. Sal. Absynth. ℥i. ss. f. infusio calida, & clausa per horas 12. Colaturæ per subsidentiā depuratæ, adde sacchari æqualem quantitatem, & sola sacchari dissolutione, aut leni ebullitione f. l. a. syrupus. Dosis cochlear. j. ad iii. vel per se, aut in liquore appropriato.

Vel Infusioni superiori purganti adde Cassiæ, & Tamarindor. cum parte infusionis ejusdem extract. Manne Colatæ, sacchar. opt. an. ℥i. f. Evaporent leni calore ad consistentiā electuarii: Dosis qu. nucis Jugland. plus minus pro ratione operationis.

℞. Specier. Hier. pict. simpl. ℥j. Rhabarb. opt. pulv. ℥l. Tartar. Vitriol. ℥i. Gum. Ammon. in aceto solut. gr. xv. cum s. q. Elixir proprietat. Paracel. f. Mass. Pil. cujus ℥ss. ad ℥i. in exiguas pilulas formetur, & exhibeatur horâ somni.

Bocherum ex Rhabarb. & sant. citr. in aquis destillatis idoneis fact. ex usu esse potest.

Si æger vermibus, aut Strumis, afficiatur, aut Luis Venereæ suspicio fuerit, bolus sequens per intervalla exhibeatur.

℞. Mercur. dulc. à gr. 6. ad x. Resin. Jalap. vel Scammon. gr. ij. ad iv. ol. Junip. Chym. gutt. j. f. Pulv. qui cum pulpæ pomi cost. aut conserv. Viol. ℥i. in bolum redigatur. Capiat primo mane.

Vel ℞. Mercur. dulc. gr. vi. ad x. Conserv. flor. Cichor. ℥ss. m. f. Bolus. Detur primo mane, superbibendo mox syrupi, vel infusionis purgantis dosin idoneam.

Remedia Chirurgica.

Post purgationem leniter institutam, si æger temperamento sanguineo præditus sit, sanguinis missio locum habet. Empirici nostrates scarificatione in conchâ aurium factâ, sanguinem parvâ quantitate de-

trahere solent; quam operationem potius cultello obtusiore, quàm scalpello acutiore perficiunt; idque bis aut ter, interpositis septem circiter dierum intervallis, repetunt. Quanquam Practici scarificationem hujusmodi multum celebrant, nescio tamen annon Hirudines æque, aut etiam magis prodesse. Neque enim metuendum esse arbitror, ne hirudines suctione suâ affluxum sanguinis majorem versus caput efficerent. Etenim quicquid sanguinis ob earum suctionem ad partem, cui adnotæ sunt, accedit, idem ipsa suctione evacuatur; & quoad majorem sanguinis affluxum, qui propter vasorum depletionem efficitur, iste etiam in venæsectione locum habet,

Fonticuli insuper in hoc affectu opem egregiam præstant, præsertim verò fontinella inter primam & secundam colli vertebra excitata; ita enim eadem ad morbi originem appositâ, majoris efficacîæ erit. Fonticulorum autem utilitas in eo consistit, quòd iidem ad superfluum Cerebri serositatem evacuandam, proindeque ad magnitudinem ejus enormem imminuendam, item ad nimiam Spinalis Medullæ humiditatem resiccandam, & consequenter ad Nervos inde oriundos corroborandos maxime conducunt. Fontinellæ vicem Setaceum supplere potest.

Quoad Vesicatoria, minime dubitandum est, quin ea super vertebra colli, aut pone aures appositâ, levamen allatura sunt. Verum vis eorum subito exeritur, & frequens eorum usus pueris nimis molestus, & dolorificus esse videtur.

Cucurbitulæ insuper sine scarificatione secundum spinæ longitudinem applicatæ, ad temperiem humidam, frigidamque spinalis medullæ corrigendam, nervorumque torporem tollendum haud parvi momenti esse videntur. Imo nonnunquam easdem etiam cum scarificatione leviori juxta supremas colli vertebra applicandas esse arbitror.

Alterantia Specifica.

Præter Catharsin, & remedia Chirurgica, alterantia insuper Specifica usurpentur, quibus interdum Diaphoretica, & Diuretica adjicienda sunt; quorum exempla quædam subjiciemus.

Remedia Specifica, quæ ad affectum hunc impugnandum præcipue idonea comperiuntur, vel simplicia vel composita sunt; & quidem inter simplicia maxime probantur sequentia. Lignum Guajacum, & ejus cortex. Sassafras. lign. Lentiscinum. Rosmarin. Partes nodosæ lign. Abietini. rad. Chinæ. Sarsaparil. Tria Santala; rad. Osmundæ regalis, seu potius spicæ rad. ejusdem; rad. Filicis maris, vel potius gemmæ vix dum è terrâ erumpentes. Rad. Graminis; Asparagi, Eryng. Cichor. Bardan. Cort. rad. Capparum; Herbaræ capillares, imprimis Trichomanes; ceterach. Ruta muraria; Ling. Cervin. Hepatica. Veronica mas. Agrimonia; Becabung. Nasturt. aquat. Fol. & Elor. Salviæ, Rorismar. Betonicæ, Lamiæ, Tamarisci. Item chalybis præparat. ut ejus sal, Vitriolum. Tartarum; castoreum, Flores sulphuris; Vermes Terrestris; Millepedes præparati, & similia.

Ex quibus composita ad hunc modum formari possunt.

℞. Spicar. rad. Osmund. regal. vel rad. Filic. mar. aut Gemmarum rad. ejusdem vix dum è terra erumpentium m. i. Coquantur in lactis, vel aq. font. ℥ss. i. ad tertiæ partis consumpt. Colatura saccharo edulcoretur, & sumatur bis, aut ter in die.

℞. Fol. Teæ ℥i. flor. salv. Beton. an. ℥ss. quibus vasi idoneo impositis, superfundatur aqua, quæ aliquandiu ferbuerit, ad lib. j. infundantur clausæ, & tepide per horam circiter unam, colatura saccharo edulcoretur, & bibatur ut suprâ.

Bocherum, è Rad. Chin. Sarsapar. & Sassafras aq. fontan. incoct. ex usu esse potest.

℥. Spicar. rad. Osmund. regal. rad. Bardan. Gramin. Cichor. an. ʒi. Herb. Veronic. mar. Agrimon. ling. Cervin. Hepat. Capil. vener. an. m. ʒ. raf. C. C. Ebor. an. ʒʒ. Passul. exacin. ʒi. coquantur in aq. fontan. lb. iv. ad tertie partis consump. adde vini alb. vel Rhenani lib. ʒ. & statim coletur in vas idoneum, cui imponantur, Fol. Beccabung. Nasturt. summit. Abietis an. m. ʒ. Baccar. junip. ʒʒ. F. infusio tepida, & clausa per horas circiter duas. Colatura servetur vitris oclusis, & edulcoretur pro libitu. Dos. ʒii. vel ʒiii. horis medicis.

℥. Lign. Lentiscin. Rosmarin. rad. Sarsaparil. Osmund. regal. vel Filic. mar. an. ʒiii. Herb. Agrimon. Capil. Ven. Veronic. Ling. Cervin. Salv. Beton. an. m. ii. summitat. Abietis. Tamarisc. an. m. j. coquantur in cerevisiæ non lupulatae cong. iv. ad unius consumptionem, colatura fermentetur, & in doliolum reponatur, in quo suspendatur sacculus ex telâ rarâ confectus, & sequentibus repletus, viz. Milleped. in vino alb. lotor. & levitet. contus. n. 200. Baccar. Junip. ʒii. Nuc. Myrist. incis. n. ii. unâ cum frustulo chalybis ad sacculum submergendum. Si scorbuti suscipio sit, vasi insuper imponi possunt, Fol. Beccabung. Nasturt. aquat. an. m. ii. maneant per septimanas circiter duas, dein liquor sumatur pro potu ordinario.

℥. Conserv. rad. Cichor. Flor. Beton. an. ʒi. Conserv. Anthos, flor. Tamarisc. Flaved. Limon. an. ʒʒ. Myrobal. condit. n. ii. Pulv. è Chelis Cancror. compos. ʒi. Cremor. Tartari, flor. Sal. Armoniaci an. ʒʒ. fantali Citrin. ʒi. cum syrup. de Coral. s. q. f. Elect. capiat qu. nuc. Moschat. mane, & horâ quintâ pom. superbibendo liquoris appropriati haustulum.

℥. Pulv. Milleped. præpar. ʒii. Nuc. Myrist. ʒʒ. flor. sal. Armoniaci ʒii. f. Pulvis Dos. gr. viii. ad xv. in Apozemate, Jusculo, aut liquore quovis convenienti.

Pulvis iste cum Balsami Capiv. q. s. in mas. Pil. redigi potest, quæ in pilulas exiguas formetur. Dos. circiter ʒʒ.

℥. Rad. Osmund. regal. vel Filic. mar. ʒiʒ. rad. Pæon. Mar. ʒi. lign. sassafras. fantali citrin. sem. Nasturt. aquat. an. ʒi. flavedinis Aurant. Condit. ʒii. f. Pulvis. Dos. ʒʒ. ad ʒi. ut supra. E pulvere præscripto cum sacchari albi in aq. Cerasor. nigr. solut. & ad Tabulat. cocti septuplo, Tabulæ formati possunt, quæ singulæ pendant ʒi. Capiat ʒʒ. ad ʒi. bis in die superbibendo liquorem appropriatum.

℥. Rad. Ari, Pæon. Mar. Osmund. regal. vel Filic. mar. an. ʒiv. fol. salv. Beton. Rosmar. Nasturt. aquat. Beccabung. Veron. Mar. Hepat. summit. Abietis an. m. ʒ. jugland. virid. lib. ʒ. Millelep. lotor. ʒiii. Lumbric. mundat. lib. j. Castor. opt. ʒi. Incis. & contus. affunde seri lactis ex vino alb. parat. lib. vi. destillentur Communi destillatorio, liquor totus misceatur. Dos. ʒj. ad ʒii. bis in die post dosin medicamenti solidi.

Inter remedia, quæ in hoc affectu probantur. Celebratissimum est illud à Nob. D. Boyle inventum, cui nomen est Ens Veneris. Componitur è Sale Armoniaco, & Colcothare edulcorato, bis aut ter simul sublimatis, dos. gr. iii. ad vi. in convenienti liquore horâ somni. Medicamenti istius efficaciam à sale Armoniaco præcipue oriri existimo; utpote quod ob summam partium suarum tenuitatem ad obstructions morbum hunc efficientes, tollendas maxime idoneum est. Et utique probabile est Flores salis Armoniaci æque, aut etiam magis in hoc affectu profecturos esse: quippe dum sal Armoniacum unâ cum Colcothare sublimatur, Sulphur quoddam narcoticum Colcotharis, indolis Terræ, aut Cupræ unâ cum sa-

le Armoniaco in altum ascendit. Sulphur autem istiusmodi morbo huic minus convenire videntur.

Sal quoddam artificiale indolis Armoniacalis virtutisque egregiæ ad hunc modum componi potest.

℥. Sal. volatil. C. C. Sanguinis, aut Urinæ s. q. quibus phialæ oblongæ immisilis, sp. sal. rectificat, aut etiam sulph. per Campan. rectific. guttatim affundatur, quousque ebullitio non amplius excitabitur: sal hic resolutus, per filtrum trajiciatur, & leni calore ad siccitatem salis abstrahatur. Dos. gr. 3. ad. vi. primo mane, aut horâ somni in liquore appropriato.

Porro ea, quæ Sale Volatili purè falso constant, in morbo hoc opem insignem præstant; in quorum censu sunt, Sp. Sanguin. Corn. Cerv. Sal. Armoniac. & similia: præsertim verò spiritus isti succino, aut Castoreo impregnati.

Elixir Propriet. cum tinctura salis Tartari, aut etiam modo vulgari præpar. subinde in usum vocetur; utpote quod non tantum digestivum optimum est, sed idem insuper vermibus necandis, & corruptioni humorum impediendæ, alvoque leniter subducendæ idoneum est. Dos. gr. vi. ad x. in Coch. ii. liquoris idonei.

Si pulmones humoribus viscidis, (ut crebro affolet) infarciuntur, & Mesenterium glandulis strumosis afficiatur, Balsamum sulphuris exhiberi potest. gutt. 3. aut 4. in convenienti liquore, aut syrupo sumantur.

Nonnunquam etiam chalybis usus convenit, utpote qui virtute insigniter aperiente donatur, idemque non tantum coctionem juvat, sed etiam viscerum tonum firmat, roboratque; verum illius usus non sine cautione instituendus est, etenim in Tussi, Pleuritide, Infarctu Pulmonum, Febre Hecticâ, morbiisque id genus aliis à Chalybis usu omnino abstinendum est.

Medicamentis prædictis Diaphoretica nonnunquam adjiciantur. Veluti decoctum Guajaci, idque genus alia, quæ in lecto sumantur, & sudor pro virium ratione promoveatur.

Huc quoque referre possumus Balnei usum sive naturalis, veluti Thermarum Bathoniensium, quæ sudorem provocando, nervisque roborandis in hoc affectu multum probantur. Et quidem observatione frequenti expertus sum, quod ad abdominis intumesceniam, quæ in morbo hoc vaide insignis esse solet, tollendam; Thermarum prædictarum usus maxime conducatur. Balnea etiam artificialia ex herbis cephalicis & Tartaro vel Nitro aquæ incoctis, ex usu esse possunt.

Fomentatio sequens multum probatur. Nempe ægro in vase satis amplo collocato, hordeum fermentatum; quod in aquâ coctâ aliquandiu infusum est, (ut in cerevisiâ conficiendâ fieri affolet) eidem circumcirca tepide apponatur, maneatque æger eodem pene opertus ad sudoris provocationem.

De Symptomatis.

Symptomatum insuper morbo huic supervenientium ratio habenda est, ex quibus maxime frequens est Alvi fluxus: ad cujus curationem Cathartica leniora, veluti infusio Rhabarb. Tamarindor. & Santalor. vel bolus ex iisdem compositus, præcipue conducit; Quinetiam nonnunquam ad adstringentia, & opiatas blandas, purgatione tamen & aliquando etiam vomitu præmissis, deveniendum est, quorum for-

mulis passim apud autores reperire est.

Sudor insuper immodicus in affectu hoc affligere solet. Qui si paroxysmo febrili superveniat, criticus esse possit; neque temere cohibendus est. Si tamen idem inordinate, & præter causam fluat, indicium est, corpus humoribus cacochymicis gravatum esse: proindeque sudor istiusmodi purgatione blandâ per intervalla reperenda corrigendus est; purgatio autem præcipue à Rhabarbato instituatur; Nonnunquam etiam vomitus hic conferre potest. Neque aperientia, & coctionem juvenia emittenda sunt.

Porro Dentitio laboriosa morbo huic familiaris est, quæ haud rarò febrem inducit. Quo casu, evacuatio lenis præsertim per Clysteres fiat: quanquam aliquando, Purgatio, & etiam Vomitus (qui leniter provocatus multum probatur) ex usu esse possunt. Si dens gingivam pertutus sit, solent nutrices eundem fructo Corallii politi perfricare: cujus tamen vicem radix Altheæ, aut Lapathi acuti supplere potest. Quin etiam aliquando consultum erit, viam denti erupturo sectione aperire. Item emplastra epispastica pone aures applicata levamen afferunt. Si tamen dolor, & vigilæ urgeant Hypnorica, veluti Syrupus de Meconio ad ℥i. vel ii. exhiberi potest.

Præter medicamenta interna & præsidia Chirurgica, etiam externa usurpentur. Ex quorum censu sunt Exercitia cujuscunque generis. Si vires ferant, obambulatio crebro in usu sit. Aut saltem pueruli sedentes ludant; & gestatione in ulnis nutricum, & cunarum jactatione exerceantur. Exercitio enim sanguinis & insuper spirituum animalium influxus ad partes musculosas promovetur; unde calor in iisdem elanguescentibus excitatur: porro cruoris massa musculorum contractione in motum velociorem citetur; eademque in pulmonibus ob respirationem in exercitiis intensius institutam, subigitur, & particulis fermentativis impregnatur; cum tamen è contra sanguis otio diuturniori grumulosus evadit, proindeque obstructionibus efficiendis aptior fiat.

Porro Frictiones in morbo hoc curando haud parvi momenti sunt, quæ cum pannis laneis calefactis fiant. Partes fricandæ sunt Spina, quæ ut supra ostensum est, primario laborat; item partes musculosæ; hæc tamen cautione, ut qua parte ossa prominent, à frictione absterneatur; partes autem ossium concavæ liberius fricentur; cujus ratio superius assignata est.

Huc etiam spectat Hypochondriorum contrectatio, quâ viscera modò sursum modo deorsum premanantur, intrudendo nonnunquam digitorum apices sub costis nothis: hac etiam ratione cavetur, ne Hepar, cæteraque viscera præternaturalem quamvis adnascantiam, cum Peritoneo, aut aliàs patiantur; quæ in affectu hoc ob tensionem Hypochondriorum haud rarò accidunt.

Ligaturæ insuper emolumentum adferunt, quæ cruribus supra genu, item brachiis supra cubitum adaptandæ sunt. Verum oportet eas satis laxas mollesque esse; ut ita incremento partis, cui applicantur, non obstant: ligaturarum autem utilitas in eo consistit, quod eadem ad sanguinis affluxum à capite revellendum, eumque versus partes extenuatas deducendum conducunt.

Huc quoque referenda est certarum partium fasciatio; uti etiam ocreæ fibulatae, quæ non tantum ad partes obfirmandas, sed insuper ad incurvitatem ossium, Articulosque inflexos reducendos, haud parum conferunt. In harum autem usu curandum est, ut premant aliquantulum protuberantem ossis partem, Cavam autem vix tangent.

Ad corporis truncum erigendum Thoraces è duplici panno confuti conficiantur, asserculis ossis

Ceti dense interpositis; qui Corporibus infantum ita adaptentur, ut Spina erecta sitatur, ossaque prominentia reprimantur.

Neque hic omittenda est artificialis corporis suspensio ope instrumenti cujuscunque penduli ex fasciis ita formati, ut pectus sub axillis complectatur, caputque sub mento alia fascia circundet, manusque binis ansis excipiat; quo corporis onus partim à pueri manibus, partim à capite, partimque ab axillis sustineatur.

Subjiciamus nunc postremo nonnulla de iis quæ extrinsecus applicanda sunt.

Fomentatio ex vino cujuscunque generis, uti etiam ex aquâ vitæ vulgari ad partes nervosas corroborandas multum confert, quæ partibus debilitatis, Spinæ vero præsertim applicetur: quâ peractâ, partes istæ oleo, aut unguento idoneo inungantur, de quibus postea. Loco vini decoctum sequens usurpari potest, ut

℥. Rad. Osmund. regal. aut Filic. Mar. an. ℥iii. Fol. Beton. Salv. Rorismar. majoran. Nasturt. aquat. an. m. j. flor. Chamamel. Melilot. Sambuci an. P. i. Baccar. Lauri, Junip. an. ℥ss. Coq. in aq. font. f. q. ad lib. ii. adde vini albi, vel aquæ vitæ vulg. lib. j. Colatura usui servetur.

℥. Fol. Sambuci, Lauri, Majoran. salv. Rorismarin. Beton. summittat. Lavendulæ an. m. ii. Baccar. junip. lauri an. ℥i. incisa & contusa vasi idoneo indantur cum butyri Maial. vel butyr. recent. non saliti, lib. iii. & aquæ vitæ lib. ss. Coqu. lentè ad aq. vitæ consumpt. Expressioni adhuc calidæ adde ol. nuc. Myrist. per expressionem ℥ss. Balsam. Peruv. ℥i. Misce F. Unguentum, loco butyri maialis substitui potest medulla Povina, vel sevi Cervini, & Ol. Lumbricor. vel Vulpin. an. lib. i. ss.

Unguenta tepide coram igne luculento applicentur, & calidâ manu ad siccitatem usque affricentur: quò autem magis penetrent, liquoris appropriati aliquantulum iisdem tempore usus admisceatur.

Si Abdomen tensum, tumidumque sit, unguentum sequens applicetur.

℥. Ol. de Cappar. Absinth. Sambuc. an ℥i. ung. de succis aperit. vel unguent. supra præscript. ℥i. ss. Gum. Ammoniaci in aceto solut. ℥ss. F. linimentum: cui tempore usus portiuncula liquoris sequentis admisceri potest.

℥. Rad. Bryon. alb. ℥i. fol. Absinth. Centaur. Salviæ an. m. j. Flor. Sambuci, Melilot. an P. j. Baccar. Lauri, Juniper. an. ℥ii. Coqu. in aq. font. lib. iii. ad diuicias, adde vini Rhenani lib. ss. Colatura usui servetur.

Dum unguenta Hypochondriis applicantur, viscera manu nutricis contrectentur, ut supra dirigitur.

Emplastra insuper hic conferre possunt.

Ut ℥. Emplast. de Melilot. compos. f. q. extendatur super alutam & Hypochondriis applicetur. Si tumor juxta regionem Hepatis fuerit, adde Emplastri prædicti ℥i. Santal. Citr. pulv. ℥i. ol. de Absinth. & ceræ f. q. pro emplastro conficiendo.

Vel ℥. Succ. Beccabung. Nasturt. aquat. Sambuci, Absinth. an. ℥i. Succu depurati lento calore ad consistentiam extracti redigantur, quibus adde Gum. Ammoniaci in vino solut. & ad spissitudinem cocti ℥ii. Terebinth. Venet. ℥j. sant. Citrin. pulv. ℥ii. ol. de Cappar. & Ceræ f. q. f. Empl. applicand. ut supra.

Si Pulmones afficiantur, Pectus unguento Pectorali, vel Dialthææ, vel utrisque commixtis inungatur, quibus tempore inunctionis admiscendum est, aliquid Ol. Nuc. Myrist. per express.

Vel ℥. Glycyrrhizæ rec. ℥iv. Butyr. rec. non salit. lib. i. Contundantur simul in mortario lapideo, & macerentur calore Balnei per horas 4. dein exprimantur; idemque labor ter iteretur cum pari quantitate novæ Glycyrrhizæ. Unguentum f. a. depuratum, usui serve-

servetur. Cui tempore usus unguent. Pector. æqu. quant. cum ol. nuc. Myrist. per express. parum admisceatur.

Quoniam morbus hic à Medullæ Spinalis obstructione, & debilitate oritur, Fomentationes & unguenta corroborantia, qualia jam ante præscripta sunt, eidem applicentur, Balsamum de Tolu in parva quantitate admisceri potest. Emplastra insuper hic conficiunt: qualia sunt, Empl. Nervinum, vel de Betonica, uti etiam sequens.

℥. Unguentum primò præscript. ℥ ii. Gum. Ammon. in vino solut. Pic. Burgund. an. ℥ß. Mastich. Oliban. Carann. an. ℥iii. Castor. 3ß. Lumbricor. præpar. 3iß. Sal. Armoniac. ℥ii. Cerae s. q. pro emplastro conficiendo. Hujus portio sufficiens extendatur super alutam, cujus figura variari potest; etenim prout partes superiores, aut inferiores infirmæ sunt, Emplastrum superiori parti Spinæ, aliquando etiam secundum ejus longitudinem applicandum est. Atque, hæc de Methodo Medendi. *Hactenus Joh. Mayovv dissertatione de Rachitide.*

Sequatur jam Praclariss. Franciscus Glissonius, qui de Rachitide hæc habet.

Materia Chirurgica in hoc affectu communiter recepta ac probata, & præ cæteris famosa, duplex præferri se se offert: scarificatio aurium & fonticulus. De pluribus verò aliis (ut infra videbimus) inquisitio institueretur, videl. de cucurbitulis, de sanguisugis, de vesicantibus, de ligaturis & fasciis. Venæsectionem verò ipsam vires non tolerant, ut cuiusvis facillè innotescit, qui ad ætatis fragilitatem, habitus partium extenuationem, venarumque gracilitatem attendere velit.

Agmen ducet scarificatio aurium. Empirici nostrates, qui hunc affectum tractant, eam pluris faciunt quam quis facile putaret. Solemniter quippe in sua praxi eam celebrant, absque ea vix felicem curationem sperant, nos verò, licet hoc remedii genus non improbemus, vidimus tamen absque ejus usu nonnullos pueros feliciter sanatos, & illi ipsi qui ei plurimum tribuunt, maxima ex parte vix notabilem quantitatem sanguinis eliciunt, aliqui tamen testantur se vidisse satis largam sanguinis copiam cum euphoria hac operatione eductum: ut sit, credibile est eos pueros facilius hoc remediū ferre, plusq; emolumenti ex ejus usu obtinere, quā si sanguinei sunt & habitiores, quippe Alogotrophia potius quā Atrophia, aut tabe, aliave magna partium extenuatione detinentur. Practici nostri bis vel ter, interpositis septem circiter dierum intervallis, hanc operationem repetunt rariùs lanceola, aut acutiori scalpello, frequentius ordinario obtusiorique cultello id perficiunt, nihil dolorem ejulatumque infantis morantes. Porro in concha aut ut plurimum hanc scarificationem instituunt; aliqui verò eam ad interiorem alæ sive pinnae aurium circumferentiam, imò ad Helicem usque extendunt. Nemo hactenus, quod scimus, posterioris lateris auriculæ scarificationem tentavit: quamvis revera haud obvium sit rationem reddere, cur illic administrata, non minus conducere quam in ipsa auris concha.

Adferre tamen liber conjecturam saltem nostram, cur concha auris præ cæteris ejus partibus ad hanc operationem eligatur, quam tamen nondum confidenter adstruimus; etsi probabiliter ad minimum sustinere posse putemus, modò verum sit id, quod diligentissimus *Fabritius Hildanus* (*observ. 4. cent. 1.*) de nervo quinti paris retulit: huic enim observationi conjectura hæc funditus innititur, eaque fortè vacillante unà corrui. Conjectura ipsa hæc est. Suppositis distribu-

tione & usu nervi quinti paris loco citato memoratis scarificatio in concha auris commode cum liberare istum nervum à qualicunque oppressione, tum torporem ejusdem excutere, eique vigorem præstare potest. Est enim concha auris locus ei proximus, quam ferro licet attingere. Quare evacuatio hic facta materiam prementem ferè originem illius nervi, immediate derivare, simulque dolorem inferendo, caloremque augendo, qualemcunque torporem ejusdem excutere, vigoremque ei addere poterit. Si ergo nervus hic (ut ibidem asserit celeberrimus ille Chirurgus,) aut pars ejus ad spinalem medullam distribuatur, neque spinalem medullam unquam deserat, sed continuè ramulos cum nervis spinalis medullæ ad aurium & pedum extrema emittat; facile concedi potest, nervum hunc ab obstructione esse liberatū, excitatū, ac vigorem natū, ipsam spinalem quoq; medullam omnemq; inde ortos nervos, quos ex ista sententia ad extrema concomitatur, nonnihil excitare, iisque vigorem aliquem imprimere. Quare necesse est scarificationem hoc loco factam, in concha nempe auris, longe majoris esse efficaciam, quàm si in ulla parte ejusdem auris à nervo quinti paris remotiore administraretur. Idem fere dici potest de vulnuscule hic facto per obtusorem cultellum. Etenim affirmant nonnulli practici præstantiam hujus operationis non tam quantitatem sanguinis extrahendi, quam doloris in ista parte excitationem respicere: quod ad excitationem vigorisque conciliationem nervo quinti paris facillè quis reducat.

Sed missa hac conjectura, alias proponamus considerationes, quarum respectu scarificatio hæc ex usu esse possit in hoc affectu.

1. Hinc obtinemus particularem quandam capitis evacuationem, quæ pars, si quæ alia, in hoc morbo particulari plenitudine gravatur.

2. Ipsa sanguinis evacuatione ejusdem crassitiem & visciditatem nonnihil corrigimus, adeoque æqualiorem ejus distributionem, æqualioremque partium nutritionem, promovemus.

3. Hinc nonnihil excutimus partium torporem.

Notandum, hanc operationem, quam evacuationem particularem & topicam præstet, non simpliciter primum locum in methodo curandi mereri, sed præmissis universalibus, suo loco subsequi debere.

Denique ridiculum quid, & superstitiosum sapit, quod aliqui in hujus scarificationis administratione faciunt; dum dextræ auris sanguinem-lanā exceptum sinistro hypochondrio, sinistra dextro alligant. Hæc de aurium scarificatione.

Fonticulus in hoc affectu multū probatur, atque hoc solò ferè præsidio nonnullos pueros liberatos fuisse novimus. Etenim non tantum ea omnia præstat, quæ scarificationi aurium modò adscripsimus; sed & specialiter Hydrocephali cum potens curativū, tum præservativū remedium est, & ad enormem capitis magnitudinem paulatim imminuendam, ejusque superfluum serositatem evacuandā, tum inordinatum ossium augmentum repimendum multum conducit. Manifestè quoque nimiam spinalis medullæ humiditatem exsiccat, calorem suscitatur, nervos roborat, eorumque torporem excutit.

Quum verò hoc remedii genus per se ulcus quoddam sit, & nonnihil doloris puello gestanti inferat, nutriticque insuper aliquid molestiæ indies creet, non id præscribendum, nisi ea morbi magnitudo sit, ut eam aliis remediis, absque hoc satis domari posse vix speremus.

Excitandus est fonticulus inter secundam & tertiam colli vertebra. Aliqui eum cauterio actuali iungunt, sed hunc modum ob doloris vehementiam minus probamus: alii cauterio potenciali; sed neque hic aridet, quod caustica infantuli naturæ nimis sint adversa,

& nescio quid venenosi insinuent, spiritusque saltem nimio opere dissipent, partesque debilitent. Probamus ergo potius fonticuli excitationem per simplicem incisionem acuto scalpello factam.

Aliqui utuntur forcipe ferreo in hunc usum concinnato, quò cutem, locò incisionis, prius atramento notatò, comprehendunt, moderataque compressione sensum partis obtundunt, dein per forcipis medium quod oblongo foramine pertusum est, scalpellum adigunt, incisionemque perficiunt. Factò vulnere pituitum seu artificiale, seu naturale intrudunt, superimpositò emplastrò digestivò; huic chartam vel linteum multoties complicatum imponunt, eique scutum parvulum ex materia aliqua solida factum adhibent, cui fasciæ quatuor assuuntur, quarum duæ superiores fronti circumductæ aciculis capitis integumentis annectuntur; quæ inferiores involucris pectoris similiter aciculis affiguntur, atque hòc modò deligatò vulnere pituitum non excidit, sed fonticulum format. Aliqui locò fonticuli setaceum surrogant, quod non plane improbamus, nisi quod nimis molestum ac dolorificum videatur, solusque fonticulus ut plurimum sufficiat. Hæc de fonticulis, sequuntur jam aliæ nonnullæ Chirurgicæ operationes examinandæ.

Primò locò hircines se offerunt. Harum certè applicatio quid in hòc morbo curandò præstet, vix dum satis experti sumus. Si rationem solam consulamus, suspicamur plus damni quàm emolumenti ab hoc remedio expectandum esse: etenim si alicui capitis parti admoventur, ob continuam suctionem facilè effluxum sanguinis eò versus concitiorè efficerent. Sin aliis partibus applicarentur, sanguinem à partibus ejus inopiâ prius laborantibus detraherent.

II. Cucurbitulas non tam noxias quàm inutiles existimamus. Equidem eas quæ cum scarificatione adhibentur planè rejicimus, non tantum argumentis modo allatis de sanguisugis ducti, sed & metu dejectionis virium ob dolorem, & administrationis molestiam, moti. Cucurbitulas sine scarificatione, ut dicere caperamus, neque vires, neque morbus, ejusve causæ videntur respuere. Verùm tamen parum hæc efficaces sunt, & perpendendum relinquimus, an utilitas, qualis qualis, ex earum utu emergens, applicationis molestiam satis compenset.

Nihilominus fieri potest, ut respectu alterius morbi conjuncti earum usus alicujus sit momenti: ut in pleuritide, phrenitide, atque ubi imminet periculosis aliquis fluxus in partem quandam principem. In quo casu, forsan istæ, quæ cum scarificatione adhibentur, in grandioribus & robustioribus puellis admitti possint. Applicentur autem vertebris colli, humeris, natibus, interioribus femoris partibus, plantis pedum, aliisque locis, prout peculiaris affectus complicatus postulaverit.

Notandum interim in tam tenera ætate, multò minores eligendas esse cucurbitulas, easque minori cum summa admovendas, quàm alias in adultis solent, scarificationemque, si omnino admittatur, leviori manu indigendam esse.

III. Quod ad vesicatoria attinet, licet eorum etiam usum nondum satis experti simus, & licet tum *σενιμα*, quod partes eliquent; tum *καυσμα*, quod altius penetret, crustamque inducant, ab hoc affectu arceamus: illa tamen *πυρσινμα*, quæ vesicas tantum in cure excitant, utiliter interdum admitti posse conjectamus.

Dicas, cantharides (è quibus fere conficiuntur) impense esse calidas, & præterea venenosæ cujusdam qualitatibus suspectas.

Respondemus, ne quid de cantharidum qualitatibus hic interse amus, concedimus id quod asseritur: verùm cum externæ tantum cuticulæ, & particulæ e-

jus non ad eò extensæ adhibeantur, & cum statim excitata vesica amoveantur, earum caloris excessus, virusque, vix ultra cuticulam altius in corpus penetrat, adeoque sine notabili detrimento, remedium hoc adhiberi potest. Sed quæras, quid hinc commodi expectare liceat? dicimus, efficaciter intemperiem frigidam & humidam corrigere, torporemque spinalis medullæ, cerebri, nervorum, partiumque nervosarum excutere, simulque omnes partes firmiores ac rigidiores præstare, pulsūque fortiorè in externis partibus proritare: quæ omnia in hujus affectus curatione non parvi sunt momenti.

Aliquis nostrum testatur se bienni puello, qui hoc morbo affectus, in febrem quoque continuam & malignam inciderat, quique jam prope phreneticus factus fuerat, præscripsisse inter alia vesicatorium vertebris colli adhibendum. Manifestum hinc levamen puellus mox sentire visus est. Postea bis vel ter infusione Rhabarbari &c. purgatus, præter omnium expectationem, fere absque aliis remediis hunc affectum quoque excussit. Verùm enim vero ut vix reperias commodum, quod nulla secum incommoda trahat, ita neque hoc remedium ab omni parte culpâ suâ vacat. Molestum quippe & dolorificum atque ingratum pueris est: eorum porro lusus & exercitia ad tempus interturbat; cujus rei respectu, nisi forte alius morbus complicatus exercitia unà interdixerit, vix plus utilitatis, quàm damni præstare poterit. Ad hæc, vis ejus subito exierit, & mox paulatim exhausta est, quod non usquequaque chronico morbo quadrat. Denique Fonticulus, qui chronicis morbis proprius est, in hoc affectu ejus vicem supplere posse videtur. Quocirca, vix medicamenti vesicatorii applicationem in hoc curando morbo admittimus, nisi acutus una complicitur morbus, qui sui causâ hoc remedii genus exigat; ut in casu modo proposito evenit.

Ubi autem res postulat, ut applicetur vesicatorium commodissime id fieri posse videtur super vertebrae colli, nisi fortè fonticulus excitatus locum præoccuparit; in quo casu, vel pone aures, vel quatuor digitos infra fonticulum admoveatur. Non negamus, illud, respectu aliorum, aliis atque aliis locis adaptari posse: hic vero designamus locum, qui maxime respiciat præsentem morbum.

IV. Ligaturæ quoque ad hunc titulum referri posse videntur, & quidem concedimus eas aliquando in hoc affectu non planè esse inutiles, nimirum, si eæ valde moderatæ, si per justa intervalla, si locis convenientibus adhibeantur; verùm cavendum, ne incremento partis, cui applicantur, obstent; quod sit, si satis laxæ sint, si ex lanâ molliori confectæ, si interdum aut aliquâ diei parte, leviterque constrictæ, noctu verò solutæ, si cruribus supra genu, brachiis supra cubitum adparentur.

Videntur autem ligaturæ hic conducere ad sanguinis affluxum à capite revellendum, eundemque versus partes extenuatas externasque & extremas promovendum; præterea ad nimis lubricum sanguinis regressum in illis partibus, quibus adhibentur, retardandum.

V. Huc quoque spectat certarum partium fasciatio, quippe quæ cum ligaturis affinitatem habet. Solent enim ad firmandas partes earumque calorem fovendum fasciis laneis eas involvere; pedes nimirum, tibias, genu, & vicinas femoris partes. Cavendum verò ne eæ nimis strictæ liberâ partium accretionem impendant.

Alii loco fasciarum ocreas fibulatas panno lineo succintas conficiunt; has vero non sola firmitatis, aut caloris gratiâ, effingunt, sed etiam ad curvitatē ossium reducendam, vel ad inflexos articulos erigendos. Aliqui ferulas addunt, aut particulas fissis ossis ceti.

Verum tria potissimè in harum structura sunt notanda.

1. Ut premant aliquantulum extantem & convexam ossis partem.

2. Ut cavam vix tangant, quin potius à compressione defendant.

3. Ut parti bene adaptatæ, & articulorum motum quàm minimum impédiant.

In hunc finem istæ ocreæ anteriori parri qua genu spectant, transversim secari possunt, similiter si opus sit, ut ferulæ supra genu extendantur, ad sustinendam & erigendam quidem deflexionem, requiritur, ut cum duplici articulo formentur in loco flexionis.

Loco ferularum commodius substitui possent tenuissimæ laminæ ferri, totumque instrumentum ex ferro fabricari posset.

Axēs bini super quos flectuntur asserculi sive ferulæ, duobus orbiculis infiguntur: orbiculi vero ipsi ex laminis ferri quàm tenuissimis (modo firmis) ne nimis graves sint, fabricantur; simulque admodum politis, ne asserculorum motum impédiant: æqualis sunt diametri, seu latitudinis, hi orbiculi, puta duorum circiter digitorum transversorum, atque ita inter se coaptantur, ut ab omni parte paralleli sint: interstitium verò inter illos tantum sit, ut asserculorum capita appositè excipiat. Porro orbiculi hi, non modo duplici axe, sed & quinque clavis ferreis, transfigendi, firmiterque copulandi sunt. Denique tota instrumenti compositio, ita comparanda est ut commode alligari possit ad prominens latus genu inflexi, simulque tam extensioni quam ordinariæ ejusdem flexioni inserviat, deflexionem vero ejus ad alterutrum latus, præsertim ad prominens, coërceat: quæ causa est cur duplici orbiculo axes infigantur, scil. ne quâ juncturæ vacillent & deflexioni genu cedant.

Similiter torsio pedum fasciis quoque frequenter emendatur, si digiti pedum extrorsum distorquentur, nocte fasciis colligandi sunt, interpositò inter calcaneos talosque pulvinari, sin introsum digiti pedum torqueantur, colligandi sunt tali, immittendumque pulvinar inter majores pedum digitos.

Denique ad truncum corporis erigendum, aut erectum servandum solent thoraces ex duplici panno confectos conficere, interpositis exiguis asserculis ossis ceteri, quos ita corporibus infantum adaptant, ut spinam erectam sistant, ossa prominentia reprimant, incurva ab ulteriori compressione defendant; curandum quoque ne sint, aut saltem quàm minimum, puellis gestantibus molesti, atque ut super spinam dorsī, funiculo in hunc usum accommodato fibulentur.

Materia Pharmaceutica. Multiplicis ac nobilissimi usus est, plurimisque indicationibus satisfacit, omnia quippe medicamenta, quæ vel morbi causas, vel morbum ipsum; vel symptomata primò respiciunt, exceptis solis Chirurgicis, complectitur.

Dividitur in interna & externa remedia, & utraque in simplicia & composita. Interna demum subdividi possunt in eluentia primas vias, in præparantia, in elective evacuantia, in alterantia specifica, & roborantia, denique in corrigentia symptomata.

Primum locum inter hæc merentur interna, atque ex illis eluentia impuritates primarum viarum: cum hæ, ut supra monuimus, habeant rationem impedinenti respectu remediorum sequentium, & simpliciter primo sint amovendæ. In singulis autem titulis, quantum rei natura fert, simplicia compositis præmittimus.

Eluentia hæc tria genera adhuc comprehendunt, videt. Enemata, Vomitiva & Cathartica lenitiva.

Enematum injectio, priusquam pressius curationem aggredimur, tunc potissimum prærequiritur, cum alvus adstricta est, fecesque induratæ; aut cum flatus intestina torquent, aut quævis intestinorum tormenta ægrum affligunt. In quibus casibus non mo-

modo ante quamvis præparationem, sed & ante vomitionem, imò ipsam lenitivam purgationem nonnunquam utiliter præmitti possunt. Nunquam hæc è violentioribus purgantibus, frequenter verò è lenitivis & benignis, aliquando etiam è solis lubricantibus & flatus discutientibus constant. Longius à pastu injicienda sunt tepidè. Formulas aliquot subnectemus.

℞. Lactis vacc. rec. calfact. ℥iij. iv. vel v. sem. anis. pulv. gr. x. sacchar. comm. ℥j. ℥ss. vel ℥ij. vitellum unius ovi. M. F. Enema. addi insuper potest butyr. recent. ℥ss.

℞. Decoct. emoll. q. s. elect. lenit. ℥ss. syrup. rosar. solut. violar. an. ℥vi. ol. cham. ℥j. M. F. Enema injiciendum tepidè.

℞. Rad. alih. contus. ℥ss. vel ejus loco fol. malv. vel flor. ejusdem M. ss. flor. chamam. p. j. sem. carminant. ℥ij. coq. in s. q. feri lactis cerevisiati. Colat. ℥iv. vel v. adde diacassiae vel Elect. passulati ℥ss. syrup. rosar. solut. simpl. sacchar. culinaris an. ℥j. butyr. recent. ℥vi. addi potest, si visum fuerit, vitellum unius ovi.

℞. Fimi equi non castrati recentis ℥ss. sem. anis. fœnic. malvæ contus. an. ℥ss. flor. cham. p. j. coq. in s. q. feri lactis cerevisiati. in colat. ℥iv. vel v. solve syrup, viol. ℥x. sacch. comm. ol. rosar. an. ℥ss. M. F. Enema.

Emerica, seu vomitoria, tria potissimè præstant. 1. Humores sive crudos, sive corruptos, & quascunque impuritates in ventriculo contentas evacuant, idque per viâ breviorè & expeditiorè, quàm si per ambages & anfractus intestinorum circumducerentur. 2. Agitando omnes partes, imprimis viscera, humores crassos viscidosque iis adhærentes, aut iisdem impactos magis fluxiles reddunt, & frequenter excutunt, præsertim in ventriculo & intestinis collectos: quò nomine colicis doloribus subveniunt, & ad obstructions referandas multum conferunt. 3. Omnium partium corporis, & maxime viscerum excreticem facultatem efficaciter stimulant, hincque latentes morborum, imprimis febrium intermittentium fomites & causas sepe unica vice exhibita eliciunt. Enimverò inter vomendum intestina quoque ad excretionem per sedem stimulantur; hepar per porum biliarium, bilem, pancreas peculiare suum excrementum per novum ejusdem vas profusius in intestina effundit; lien quoque forte suum excrementum in ventriculum per vasa nondum satis nota uberius exonerat; renes serum per ureteres; Pulmones efficaciori tussi concitata, pus mucumque per trachæam arteriam; Cerebrum, pituitam, & falsum serum per palatum, per nares, oculosque copiosius solito excernit.

Denique totum corpus ad diaphoresin, sive manifestam per sudorem, sive occultam per insensibilem transpirationem, pronius plerumque redditur. Notandum interim est, non leviora quæque vomitoria, neque etiam ipsa fortiora, si imminuta dosi exhibeantur, statim hæc omnia plenè perficere; attamen sua operatione plus minusve pro viribus & quantitate medicamenti eo colimare & fortiora quidem, plena dosi data, tres metas propositas, efficaciter attingere.

Ex prædictis facile cuivis innotescit fortiora Emerica pleniori quantitate præscripta, puellis hoc morbo correptis competere non posse, neque teneras eorum vires tales in corpore tumultus, & tam universalem evacuationem subitoque factam perferre posse. Quapropter circumspicte admodum hoc remedii genus puellis est præscribendum, tum etiam atque etiam vires & medicamenti efficacia ac quantitas contra sunt pensandæ. In hunc ergo finem aliquot cautiones juniorum gratia hic subnectere non erit inutile.

1. Vomitus in hoc affectu concitandus non est, nisi humores sponte sua, nonnihil sursum vergant, iique

per superiora non difficulter exigi possint.

2. Nisi puelli per se ad vomendum sint proclives, vomitumque facile ferant.

3. In sputo sanguinis, phthisi seu tabe, hæmorrhagia narium, in quavis interna venarum apertione, similibusque casibus ab hoc remedio abstinendum.

4. Potentiora Emerica liberaliori dosi exhibita hic interdiciuntur. Etenim metus est, ne infitos spiritus nimium depopulentur, ipsasque partes solidas plus æquo prius extenuatas ulterius eliquent.

Oportet ergo, ut vomitoria, hic in usum vocanda, vel naturâ suâ leniora sint, vel saltem fortiora satis correctâ & parca dosi administrata.

Object. Dicas si leniora sint, aut diminuta quantitate exhibita, vix efficaciter, posse humores evacuandos educere.

Resp. Revera ubi naturam, aut non omnino, aut parum adminiculantem habemus ita rem se habere; in quo casu negamus vomitoria omnino esse exhibenda: supposita vero aptitudine tum humorum, tum corporis ad hanc evacuationem, (ut in prima & secunda cautione requiritur) etiam leniora vomitoria humores in primis viis stabulantes evacuare queunt: quod idem dicendum quoque est de fortioribus probe correctis parcaque manu exhibitis. Etenim ob correctionem & diminutam quantitatem haud multum corpus exagitant, aut naturam lacerant, atque interim ob ventriculi humorumque proclivitatem huic scopo satisfacere valent.

Paradigmata jam aliquot subjungamus.

℞. Summ. Erigeri M. β. passul. corinth. ʒj. coq. in lbj. cerevisiæ non lupulatae ad medietatis absorptionem. Colaturæ ʒiij. adde syrup. acetos. simpl. ʒβ. M. & exhibe tepide.

Vel ℞. Infusionis croci metallor. in vino Hispan. loco frigido factæ, & per subsid. optimè depurat. ʒj. ʒiβ. ʒij. (pro ratione ætatis ac roboris) syrup. acetos. simpl. ʒ β. feri lact. cerevisiati ʒiβ. Aquæ ciunam. gutt. x. vel ejus loco, si convulsiones metuuntur, aq. anti-epilept. Lang. ʒj. M. & ebibat tepidè mane cum regimine.

℞. Succu fol. asari ʒβ. ʒij. vel ʒj. Syrup. acetosi simpl. ʒij. feri lact. cerevisiat. q. s. M.

℞. Salis vitrioli præpar. à gr. v. ad gr. x. exhibe similiter in sero lactis cerevisiato.

Cathartica lenitiva, cum effectus suos placidè sine tumultu exequantur, non illam Medici circumspicionem quam Emerica aut electivæ purgantia postulant. Tria tamen circa illorum usum cavenda sunt. 1. ne ingrato sapore eam ventriculo nauseam inferamus, ut postmodum omnia medicamenta aversetur & abhorreat. 2. ne nimia pharmaci quantitate ventriculum gravemus. 3. ne assumptum pharvacum vomitu statim rejiciatur. In hunc ultimum scopum solent aliqui os puelli grato aliquo liquore statim colluere; alii tantum in os ejusdem ingerunt, vel cerasa condita, vel pruna brigniolenfia, vel conservam berberorû, vel succum aurantium saccharo admixtum, aut similia.

Dividi hæc lenitiva possunt in simplicia & composita; & hæc iterum in ea quæ in pharmacopoliis extare solent, & ea quæ pro re nata de novo parantur.

Simplicia quæ huic scopo per se satisfaciunt, admodum pauca reperiuntur; ut manna, cassia fistularis, Aloë socotrina, Tamarindi, polypodium quercinum. At vero minus efficacia quæque (nisi purgantibus aliis fortioribus acuantur) lenitivam indolem non induunt, plura occurrunt, ut uvæ passæ majores, tum corinthiæ, Jujubæ, Sebestenæ, pruna dulcia & damascena, ficus, dactyli, pulpa pomorum assatorum, flores malvæ, violarum, herbæ parietariæ, mercurialis, Rad. altheæ, glycyrrh. sem. 4. frigid. maj. semina malvæ, amygdalæ dulces; ova sorbilia, pinguedines, butyrum, oleum

olivarum, oleum amygdalarum dulcium, serum lactis, & similia. Hæc licet per se parum efficacia sint, aliorum tamen purgantium admixtione, non contemnendam vim lenitivam acquirunt.

Composita lenitiva hæc in Officinis prostant, cassia extracta cum vel sine senna, diacassia, Elect. lenitivum, diaprimum lenitivum, Elect. passulatum, decoctum commune pro Medicina, decoctum flor. & fruct. syrup. & mel violarum. syrup. rosarum sol. mel mercurial. mel passulat. conservæ rosar. pallid. flor. malv. violar. Formulas nonnullas extemporaneas his subjungere possumus. Ut.

℞. Mannæ calabrinæ optimæ ʒvi. Crem. tartari gr. vii. feri lactis cerevisiati, (*posset Ale dicti*) in quo parum sem. anis. ferbuerit ʒiβ. Misce & exhibe mane, loco feri ejusd. substitui potest jusculum aliquod vel decoctum commune pro Medicina, vel decoctum florum & fructuum.

℞. Elect. lenitiv. ʒiβ. vel ʒij. syrup. rosar. solut. ʒii β. viol. ʒj. crem. tartari gr. x. feri lact. cerevisiati ʒiβ. M. & capiat in aurora, aliqui parant syrup. lenitivum in hunc modum.

℞. Polypod. querc. ʒij. tartari albi præpar. ʒij. poma dulc. num. 12. uvar. pass. exacinat. ʒj. coq. in f. q. aq. font. ad lbj. in colat. infunde per noctem sol. senn. elect. ʒiβ. ihab. ʒij. pulp. cassiæ recenter extract. ʒβ. tamarind. ʒi. glycyrrh. sem. anis. coriandr. an. ʒiβ. mane per pannum lineum exprimantur.

℞. Expressionis ʒviii. sacch. albi ʒvi. coq. parum, tum adde mannæ opt. syrup. rosar. solut. an. ʒij. viol. ʒj. F. Syrup. lenitivus, capiat puellus ʒj. aq. cichor. vel parietar. ʒβ. & succi limonum ʒj. dilutam.

℞. Aloës loræ, vel pil. Aloëphanh. gr. vii. F. pil. ij. cum syrup. rosar. solut. immittantur in duo cerasa condita, exemptis ossiculis, quæ integra deglutiantur, ne sapor offendant, horâ somni vesperti. Mane superbibat syrup. rosar. solut. ʒj. in sero lactis cerevisiato.

Vel ℞. Syrup. rosar. solut. ʒvi. viol. ʒβ. succ. limon. ʒj. Elect. passulat. ʒj. Aq. cichor. vel parietar. ʒiβ. M. F. haustus, quem capiat mane jejunos. Atque hæc de Eluentibus primas vias: sequuntur præparantia.

Remedia præparantia, partim humores præparandos, partim vias, per quas ii educendi, partim ipsas partes in quibus stabulantur, respiciunt. Sciendum autem evacuationem illam, quæ *Emericis* perficitur, minime omnium præparationem prærequirere; illam verò quæ catharticis aut expectorantibus maxime.

I. Humores præparandi in genere sunt vel pituitosi, nimirum frigidi, qui calidis attemperandi, crassi attenuandi, viscosi incidendi; vel biliosi, viz. acres, amari, urentes, corrosivi, qui lenientibus & compescentibus cicurandi; vel melancholici, scil. terrestres, sæculenti, tartarei, qui benigniori materiæ commiscendi & fluxiles reddendi: vel denique serosi, qui disponendi & quasi manu dirigendi sunt, vel ad vias urinarias, ut per mictum vel ad alvum, ut per secessum; vel ad partes cutaneas, ut per sudationem facilius exigantur.

II. Viæ per quas evacuatio decernitur, muniendæ quoque sunt ac adaptandæ, & non tantum communes, sed & ipsæ speciales, per quas materia peccans in specie ad communes vias deducatur. Alia enim est præparatio vasorum renum, (quæ scil. lubricantibus & laxantibus maxime perficitur) alia vasorum hepatis, quæ fit aperientibus, abstergentibus, & non nihil simul adstringentibus. Alia vasorum pulmonum, quæ potius lenientibus & maturantibus peragitur, admixtis forte pro ratione materiæ, vel incidentibus & attenuantibus, vel contra incrassantibus & fluxionem avertentibus.

III. Partes ipsæ, in quibus præ cæteris humores vitiosi impinguntur vel fluitant, medicamenta sibi appro-

appropriata admiscenda postulant; & prout hoc vel illud viscus plus minusque afficitur, modo cephalica, modo hepatica, modo pulmones respicientia &c. dominium in præparantibus obtinent, & liberalius sunt admiscenda.

Porro (ut simul omnes prope qualitates præparantium in hoc affectu requisitas complectamur) dicimus hæc remedia ex arte præscripta ut plurimum esse moderatè calida (nisi scil. febris adfuerit) attenuantia, & deobstruentia, simulque peculiari jure, non nihil hepar & pulmones, & caput respicere, quæ partes plerumque humorum copia in hoc morbo gravari solent; esse adhuc huic affectui in specie nonnihil appropriata: si vero non occurrant, quæ simul sub censum præparantium cadant, morboque approprientur, saltem alia tunc specifica præparantibus admiscenda.

Tandem in memoriam revocandum est, morbum hunc esse Chronicum, materiamque ejusdem esse tardi motus, totamque vix simul præparari, aut non continuè insistendum esse præparantibus, donec tota materia fuerit præparata; ita quippe pars præparata, & jam fluxilis reddita, vel alios affectus, vel etiam gravia forte symptomata, facile concitet. Quare per vices modo præparandum, modo materia jam præparata pharmaco exigenda qua sane alterna remediorum administratione, tum viribus prospiciemus, tum causæ morbificæ tuto (utut sensim) occurremus. Notandum quoque hic, quod & supra monuimus, ubi causæ morbificæ eo usque diminutæ ac edomitæ fuerint, ut ad tempus non impediant specificam curationem, huic quamprimum propriis alterantibus esse incumbendum, & in eadem persistendum esse, donec causæ denuo processum interturbaverint.

Hiscæ jam præmissis, præparantia simplicia, ut & composita illa, quæ in pharmacopoliis asservari solent, necnon exempla quædam de compositorum ordine subungere ulterius visum est: monemus tamen haud expectandum esse ut singula simplicia, (aut forte eorum aliquod) omnes qualitates, quas modo exquisitis illis & appropriatis præparantibus attribuiamus, complectantur; (ita enim nulla compositio foret opus) sed tot & talia è simplicibus à nobis enumeratis à prudenti Medico seligenda, ac inter se contemperanda sunt, quæ simul juncta remedium omnibus istis qualitatibus donatum concinent.

Simplicia, & composita in officinis asservata sunt sequentia; Herbar omnes capillares, imprimis, Trichomanes, ruta muraria, spicæ radicis osmundæ regalis; gemmæ vixdum erumpentes filicis maris; polypodium murale; phyllitis seu lingua cervina, ceterach, hepatica, agrimonia, cuscuta, scabiosa, betonica, veronica mas, folia & cortex tamarisci, cortex radicum capparum; Rad. cichor, endiv. gramin. asparag. myrridis, glycyrrh. tartarum; (quanquam forte ejus lubricitas minus congruit) passulæ, imprimis corinthiæ; pruna damascena; semin. anis. fenicul. dulc. coriand. carvi; anethi; Syrup. capill. veneris, de betonica simpl. & compos. byzantin. cichor. de eupator. de 5. radicibus, de scolopend. de stæch.

Ex his ulterius decomposita pro re nata formari possunt; ut,

℞. Spicas, vel gemmas rad. filic. maris n. 5. coq. in lb. lactis ad 3iij. colaturam bibat mane, jeuno stomacho. Convenit maximè junioribus & lacti assuetis.

Vel ℞. Gemmar. filicis maris tenellar. è terrâ modo erumpentium m. j. Veronic. maris, ling. cervin. hepat. an. M. lb. flor. tamarisci p. j. passul. min. 3lb. macis 3lb. pullum unum exenteratum, &c. Et cum farina avenacea, q. s. f. f. jusculum ut artis est. Capiat puellus 3iij. vel iv. mane & hora quarta po-

meridiana, addendo, si lubet, crem. tartari gr. x.

Vel ℞. Capill. vener. hepat. agrimon. cuscuta, an. m. lb. radic. filic. maris, gramin. asparag. an. 3lb. flor. tamarisc. p. j. passul. corinth. 3j. tartar. alb. præpar. 3j. glycyrrh. 3lb. macis 3j. coq. in lbij. aq. font. colat. lbj. adde vini alb. vel rhenan. 3iij. Syr. de scolopendr. 3i lb. M. F. apozema. De quo bibat puellus haustum, mane & hora quarta pomeridiana. Valet potissimum ubi pertinaces obstructions, in mesenterio hepate &c. adfunt.

Vel ℞. Tussilag. capill. vener. ling. cervin. hepat. an. M. lb. Rad. myrrhid. asparag. an. 3lb. glycyrrh. Hispan. 3ij. macis 3j. passul. exacinat. 3j. Jujub. sebesten. an. num. 8. fic. incis. num. 2. coq. in f. q. aq. hord. Colat. clar. lbj. adde syr. capill. vener. 3i lb. M. hujus apozematis usus præcipuus est, infarctis simul aut obstructis pulmonibus.

℞. Musti cerevisiati lb ij. hepat. capill. vener. phyllit. scabiosæ, tussilag. matricar. arthemis. an. M. j. fic. incis. passul. exacinat. an. lbj. glycyrrh. sem. anis. an. 3ij. coq. lento igne per horas 6. colatura servetur in usum. In eodem prope casu conveniens est.

Vel ℞. Sarsaparill. incis. 3iij. rad. chin. rasur. corn. cerv. eboris an. 3j. fol. veron. mar. phyllit. hepat. scabios. an. M. iij. spic. rad. osmund. regal. filic. an. 3ij. coq. in 4. congiis musti cerevisiæ non lupul. (Ale dictæ) lento igne per horas 4. vel 5. dein post aliquot horas coletur liquor per setacem; tum adde succi cochleariæ, becabung. an. lbj. ferment. cerevisiat. q. s. fermentetur more solito, & in dolium reponatur, è quo ad usum pro potu ordinario depromatur, conducit præcipuè ubi adeest suspicio luis venereæ, vel scorbuti complicati.

Præparata materia morbi, apertisque viis, per quas evacuatio instituitur, proximum est, ut consideremus quæ phaimaca humores in specie peccantes electivè educant. Hæc autem medicamenta partim humores, partim partes in quibus stabulantur, respiciunt: in singulis vero iusta virium habenda est ratio.

Violentiora, vel plane abdicanda, vel optimè correctæ & parca dosi circumspicteque adhibenda sunt: & junioribus quidem pueris ac infirmioribus, vel mitiora, vel minori dosi, magisque correctæ: majoribus & robustioribus fortiora pleniorque dosi (modo non transcendant vires) permittenda. In utroque casu, tutius est paulo infra vires subsistere, quam easdem vel tantillum excedere; & omnino in hoc affectu satius est per epicrasin procedere, quam simul & semel, plenariam humorum peccantium evacuationem tentare.

Humores porro in corpore dominantes, sibi appropriata pharimaca desiderant; ut bilis *Cholagoga*, pituita *plegmagoga*, melancholia *melanogoga*, seu humorque aquolus *hydragoga*.

Ad hæc si hepar præ aliis partibus humoribus gravetur, talia sunt eligenda purgantia, quæ peculiari jure hepar respiciunt. Similiter, obsessis multum pulmonibus, aut cerebro, aliisve visceribus, ejusmodi sunt eligenda purgantia (quantum quidem fieri potest) quæ hisce partibus respectivè sunt appropriata. Sin veto non occurrant simplicia purgantia nonnullis partibus satis speciatim dicata, apta aliorum ingredientium istis partibus familiarium admixtione eorum defectus supplendus est.

Denique (quoad fieri poterit) purgantibus directè morbi essentia oppositis insistere conandum est, hoc nomine Rhabarbarum præ aliis simplicibus commendamus. Est enim medicamentum moderatè calidum & siccum, spiritibus insitis omnium partium satis familiare, & amicum, torporem spirituum benigne excutit, molliem, laxitatemque partium firmat, internam lubricitatem nonnihil corrigit; pulsum ad artus evocat, calorem externarum partium auget, inter-

natum & imprimis earum, quæ nutritioni inserviunt, vigorem & activitatem fovet. Adde quod rarissimè (modo iusta dosi adhibeatur) super purgationem invehit, medicamentum profecto omni ætati & complexioni satis tutum.

Hiscæ jam præmissis, nonnulla simplicia purgantia, quæ huc spectant, necnon paragdimata quædam compositorum proponenda sunt. Neque etiam quidquam prohibet, quin multa ex lenitivis supra citatis huc quoque diverso tamen respectu, referantur: illic enim respiciuntur, ut acuant lenitiva aliàs ignaviora; hic vero potius, ut temperant purgantia fortiora.

Purgantia simplicia, tum composita officinalia.

Manna, cassia fistularis, tamarindi, Myrobalanorum genera, rhabarbar. Aloë, syr. rosar. solut. de cichor. cum rhabarb. dupl. augustan. scamonium, agaricus. Sem. chartami, mechoaca, jalappa, turpethum, mercur. dulc. syr. rosar. solut. cum agar. Epithymum, polypodium quercin. fenn. syr. magistralis ad melancholiam, de pomis reg. sapor. diabalzemer, elect. lenit. de prunis solut. elect. passulat. diacathol. confect. hamech. benedict. laxat. &c.

Extemporaneorum compositorum exempla quædam.

℥. Syrup. Augustan. ℥j. rosar. solut. ℥ij. aq. cichor. ℥ss. pro dilutione F. potio exhibenda mane jeiuno stomacho.

℥. Rhab. opt. pulv. gr. xviii. syr. de cichor. cum dupl. Rheo ℥vi. rotat. solut. ℥ij. aq. fol. filicis ℥vi. M. F. haustus, biliosis ut & hepaticis maximè convenit.

℥. Fol. fennæ, polypod. querc. Epithym. an. ℥i. Rhab. opt. ℥i. Chrystall. tartar. sem. fenicul. dulc. an. ℥i. f. infusio in f. q. aq. fumar. f. a. pro ℥ss. colaturæ; express. adde syrup. magistral. ad melanchol. ℥vi. aq. cinnam. gutt. vii. vel anti-epilept. Lang. ℥ss. M. F. haustus, melancholicis maximè designatur.

℥. Fol. fenn. ℥ij. pulp. tamarind. ℥vi. sem. anis. ℥ss. cremor. tartar. ℥ss. F. infusio in f. q. aq. font. per noctem cum expressionis ℥ij. F. sec. art. emulsio ex amygdal. dulc. decort. ℥ss. sem. 4. frig. maj. an. ℥ij. pro duabus dosibus; addenda singulis syrup. de cichor. cum quadrupl. rheo, mannæ optim. an. ℥ij. humores acres & adustos evacuat & temperat.

℥. Elect. lenit. ℥ij. Rhab. ℥i. crem. tartar. sem. anis. an. ℥ss. flor. borrag. anth. an. p. ss. aq. fumar. q. f. f. infusio per aliquot horas. Colaturæ, per pannum laneum densum factæ, ℥ss. adde syrup. de pomis Regis saporis ℥ss. M. F. H.

℥. Fol. fenn. ℥ss. vel ℥ij. agaric. trochisc. ℥ss. sem. fenic. dulc. ℥ss. flor. chamæm. num. x. coq. in f. q. aq. font. f. a. express. ℥x. vel ℥ss. adde syr. rosar. solut. cum agar. ℥v. mann. optim. ℥ij. M. F. haustus, humoribus crassis & pituitosis, potissimum datur.

℥. Flor. sambuci p. i. Rhabarb. ℥ii. Jalapp. Mechocacan. an. ℥i. cremor. tartar. ℥ss. nuc. moschat. gr. xv. f. infusio & brevis ebullitio in aq. flor. sambuci, & vini rhenan. an. q. f. Colat. ℥ss. adde syrup. rosar. solut. ℥ss. vel ℥vi. f. potio, pituitosis, cachecticis, & hydropicis convenit.

℥. Fol. fenn. ℥ss. Rhab. ℥ii. agaric. trochisc. ℥i. pulp. tamarind. ℥ij. sem. anis. crem. tartar. an. ℥i. flor. anth. p. ss. f. infusio in f. q. aq. font. & levis ebullitio. Express. ℥i ss. adde syr. rosar. solut. cum agar. magistr. ad melancholiam an. ℥ij. M. F. haustus. Mixtos humores evacuat.

℥. Merc. dulc. gr. xv. conserv. violar. ℥i. Pulv. tragac. gr. i. M. F. bolus cum syrup. viol. sumendus

in aurora, superbibendo mox ℥i. Syrup. rosar. solut. in haultulo feri lactis cerevisiati solutam. Commendari potest pueris, qui vermibus simul cum hoc affectu laborant, uti & lue venerea unà infectis; Item strumosis.

℥. Merc. dulc. gr. xii. Jalapp. gr. xi. nucis myrist. gr. ss. Pulp. passul. ℥i. M. F. bolus cum syrup. viol. quem capiat mane, loco Jalappæ substitui possunt scammon. præp. vel resin. Jalapp. gr. iiii. vel iv. convenit pueris simul strumosis, ut & iis qui lue venerea suspecti sunt laborare, iisque qui difficulter purgantur, & ingrata planè respuunt.

℥. Merc. dulc. ℥j. resin. Jalapp. ℥ss. sacch. puriss. in aq. beton. vel simili dissolut. ℥ij. vel ℥ss. F. sec. art. tabell. pond. ℥ss. vel ℥j. capiat unam pro dosi.

℥. Aloës socotrin. opt. gr. vii. rhab. pulv. gr. xi. syrup. rosar. solut. q. f. f. pil. quas capiat puellus in cerasis conditis abditas, exemptis officulis. Possunt & deaurari pitulæ commodioris exhibitionis ergo.

℥. Rhab. opt. ℥ss. uvar. passar. exacinatar. M. j. cerevisiæ commun. ℥j. infund. per 12. horas, de colatura hujusmodi bibant puelli, qui noctu avide potum expetunt.

Præparatis jam atque ex parte evacuatis morbi causis, vel saltem ita edomitis, ut ad tempus ulteriorem curationem non impendant, statim ad hæc alterantia specifica procedendum est; quæ quidem jugulum quasi ipsius morbi petunt, & quorum gratia ista cum præparantia, tum evacuantia præmissa fuerunt.

Definiri autem possunt hæc specifica, Remedia quæ ipsi essentia morbi è diametro contraria sunt, adeoque eum directè oppugnant.

Sunt autem ea vel simplicia, vel composita; & simplicia quidem quæ nobis hæcenus innotuerunt, sunt sequentia. Radix osmundæ regalis, seu potius spica radice ejusdem abjecta media parte; radix filicis maris; item turiones vel potius gemmæ ejusdem, vixdum è terra prorumpentes; Radices graminis, cichor. asparagi, rubiæ tinct. Eryng. herbæ capillares, ceterach, lingua cervina, hepatica, veronica mas, flores & folia lamii, borrag. salviæ, rorismarin. tamarischi, abrotanum, absinth. ponticum, chelidonium majus, crocus, radic. curcumæ, farsaparill. sassapar. chinæ, tria santala, lignum guajaci, ejusque cortex. flor. sulph. chalybs præpar. crocus martis, sal chalyb. vinum chalybeatum, syrup. chalyb. vinum alb. gallicum, & Rhenanum, sperma ceti, moschus, ambræ grisea, castoreum, vermes terrestres, Jecora ranarum, pullorum corvi, millepedes vino albo lotæ, & in clibano siccata ac pulverata, & similia.

Si quis autem querat quomodo, quave actione medicamenta hæc affectus hujus essentiam specialiter impetant.

Respondemus forte non necesse esse, ut ad Asylum istud ignorantia, occultas qualitates, statim confugiamus; sed in memoriam revocandas esse partes essentia hujus morbi; siquidem facta collatione, inter illas partes & hæc medicamenta, haud obscuram contrarietatem ac repugnantiam erga illa invicem deprehendemus. Morbus enim hic consistit, in intemperie frigida & humida, in spirituum insitorum inopia ac torpore, in toni partium enervatione: Econtra remedia hæc, calefaciunt & siccant, spiritus insitos foveant, torporem eorum excutiant, tonumque firman.

Porro quandoquidem cum caliditate ac siccitate remedia hæc insignem obtinent friabilitatem ac tenuitatem partium, fit, ut non tantum viscida incendant, crassa attenuent, sed & æquationem quandam omnium succorum in massa sanguinea fluitantium concilient, æqualemque (habita ratione distantia à fonte caloris) distributionem tum caloris tum sanguinis

guinis procurent. Hinc partes externæ prius extenuatæ liberaliori alimento caloreque fruuntur; parenchymata viscerum, mole nimium aucta, à crassioribus & viscidioribus succis alimentariis liberantur, & nonnihil inde imminuuntur: hinc irrationalis illa partium nutritio, seu α'λογοςτροφία, à qua tanta vitiorū organicorum series dependet, emendatur. Denique remedia hæc partes nervosas quoque & ipsam spinam dorſi nimis debilem roborant ac fovent.

Dicas, omnia simplicia à nobis supra citata non hæc omnia plene perficere. Concedimus. Nam santalorum genera, licet sua siccitate, friabilitate ac tenuitate partium, fortiter hunc affectum impugnent, sua tamen frigiditate, videntur potius ad morbi partes accedere. Dicimus ergo huiusmodi simplicia per se sola non esse administranda, sed aliis duntaxat admixta, quæ qualitatem noxiam satis corrigant. Similiter nonnulla simplicia impensè calida, ut Crocus, Castoreum, flores sulphuris, &c. huic morbo multum repugnant, sed in usum non sunt vocanda, nisi prius contemperata.

Potrà Sarsaparilla, Sassafras, Osmunda regalis, filicis genera, herbe capillares, ceterach, lingua cervina, & similia (caliditate ac siccitate simul junctis cum insigni friabilitate ac tenuitate partium) plurimum ad æquationem sanguinis, tum ad multas alias morbi partes subigendas contribuant. Verum partes nervosas ac fibrosas vix satis roborant firmantque; quare cephalicorum admixtionem desiderare videntur. Ad hæc lignum vitæ suo calore, siccitate, friabilitate, resinosa ac balsamica substantia, tonum partium multum firmat, nonnullisque aliis morbi partibus contrariatur: cum tamen parum conferat ad æquationem succorum in massa sanguinea contentorum, quin potius eam forte impediat; non sine summa cautione, correctumque, & exigua quantitate est præscribendum. Denique ex simplicibus hic recitatis nonnulla, magis ad vires omnes corroborandas, quàm ad morbi essentiam debellandam, recipiuntur; ut Salvia, Moschus, Ambra grisea & similia, quæ nonnisi aliis efficacioribus magisque appropriatis admixta in usum veniunt.

Quod si quis ulterius quæſiverit quanam simplicia è propositis efficaciora ac nobiliora sunt æstimanda: huic regulis sequentibus respondemus.

1. Illa sunt nobiliora medicamenta, quæ simul pluribus essentiæ morbi partibus opponuntur.

2. Illa, cæteris paribus, nobiliora habenda, quæ primarias essentiæ morbi partes directè impetunt, præsertim si simul faciant ad æqualem distributionem sanguinis & caloris, quâ tot vitia organica corrigantur.

3. Quæ cæteris morbi essentiæ partibus eminentiori gradu, ita tamen ut vires ea ferant, contrariantur.

4. Quæ unâ & morbo adversantur, & naturæ similia ac familiaria sunt, eique quam minimam vim inferunt.

5. Quæ magis grata puello laboranti sunt, minoreque cum molestia atque averſatione admittuntur.

His jam præmissis Paradigmata quædam medicamentorum compositorum subiicienda sunt.

Apozemata & Cerevisiæ medicatæ.

℞. Rad. Osmundæ regal. spicas num. 6. herbar. veronice mar. ling. cervin. ceterach. capill. vener. hepat. an. M. j. salv. anch. añ. M. β. passul. min. ℥iij. Glycyrrh. Hisp. ℥β. macis ℥ij. Coq. in lb. vi. aq. font. f. a.

℞. Colat. lbij. adde syr. capill. vener. ℥iij. M. F. Apozema, capiat puellus haustulum huius quotidie mane, hora quarta pomeridiana, tum etiam noctu, si potum tunc petierit, immo si voluerit, utatur eo pro potu ordinario: tussi

& obstructione pulmonum simul cum hoc affectu graviter afflictis maximè con venit.

℞. Fol. osmundæ regal. ling. cerv. hepat. ceterach. fl. tamarisci radic. filicis mar. an. m. j. passul. min. ℥ij. santal. albi & rubr. lign. sassafr. an. ℥ij. fem. coriandr. ℥j. macis ℥j. fol. salv. m. β. coq. in l. q. aq. font. f. a. ad lbij. colatura edulcoretur saccharo vel melle, pro potu ordinario, hepaticis hoc affectu laborantibus succurrit.

℞. Sarsaparill. incis. & optimè contus. ℥iij. rad. chin. in talleol. concis. ℥j. infund. & coq. f. a. in lb. vii. aq. font. ad lb. iv. β. tum adde rad. sassafr. ℥ij. osmund. regal. ling. cerv. ceterach. capilli vener. lamii an. man. β. glycyrr. Hisp. ℥ij. macis ℥j. coq. ad lbij. colaturæ adde mellis vel sacch. ℥iij. M. pro potu ordinario; conducit præcipue iis qui lue venerea laborare suspecti sunt, ut & strumosis.

℞. Fl. tamarisc. recent. m. j. veron. mar. M. β. leviter contundant. & infund. frigidè per 6. horas in lb. ij. cerevisiæ communis in lagena lapidea vel vitrea, subere optimè clausa; pro potu ordinario.

℞. Rad. sarsaparill. ℥vi. rad. chinæ ℥ij. lign. sassafras ℥β. Eboris ℥j. osmundæ regal. veron. mar. ling. cervin. ceterach. capill. vener. hepat. summit. lamii an. manip. ij. concisa & contusa f. a. coq. in congiis iv. cerevisiæ recent. ad unius absumptionem, sublatis ab igne adde congium ejusmodi cerevisiæ, agitentur simul baculo, & deinde colentur, ingredientia eadem sacculo ex tela rara includantur cum frusto ferri in ejus fundo reposito, & suspendantur in cerevisiâ; tum addito fermento, F. fermentatio, cerevisiæ ad perfectam usque depurationem. Liqueor limpidus post aliquot dies depromatur pro potu ordinario, deinde ubi ad medietatis exhaustionem devenerit, excipiatur reliquum lagenis vitreis, vel lapideis, quæ subere optimè clausæ, reponantur in loco frigido ad usum.

℞. Vini chalyb. ℥β. syrup. de cichoreo cum rhab. ℥ii. bibat æger quotidie mane per v. vel vii. dies, aut plures, nisi fluor alvi aut ventriculi debilitas prohibuerint, in quo casu loco syrup. de cichor. addatur syrup. de rosis siccis.

Juscula & Panatelle.

℞. Scolopendr. ceterach. Hepat. capill. vener. salv. an. Manip. β. cort. tamarisci, santal. rubr. an. ℥ij. indantur ventri pulli majusculi aut gallinæ vel galli veteris, & confuto ventre, coq. cum ℥ij. passul. min. in l. q. aqu. fontan. additaque sufficienti quantitate farinæ avenaceæ purioris, F. jusculum perfectè coctum.

℞. Rad. chinæ in talleol. concis. ℥ij. sarsaparill. alb. & medullosè incis. & optimè contus. ℥iij. infunde per noctem in lb. x. aq. font. mane, post levem ebullitionem, inde colaturæ ling. cervin. veron. mar. an. manip. j. macis ℥β. passul. corinth. ℥j. & cum carne vervecina, vitulina, vel capon. addita farina avenacea F. f. a. jusculum.

Quod si tenuiora juscula desiderentur, loco farinæ crusta panis incoqui; sin vero crassiores, mica panis cum vitellis ovorum admisceri poterit. Porro ob debilem puelli coctionem nonnunquam cochlearia aliquot vini addantur.

Panatellæ ex ejusmodi jusculis colatis, iterumque cum mica panis coctis, additis tandem, ubi ab igne sublata fuerint, butyro & saccharo q. s. conficiantur. Eadem quoque è decoctis modo præscriptis, nisi fortè quid amarum aut aliter ingratum contineant, concinnentur. Præterea panatellæ pulcullæque communes, uti & juscula ordinaria, pulveribus modò scribendis alterari, adeoque huic morbo curando appropriari queunt. Sin verò ex lacte pulcullæ parentur, & farina tritici incrassentur, præter istos pulveres tantillum croci inter coquendum addi convenit. Quod si quid in pulveribus minus gratum, aut quod nauseam moveat, deprehendatur, id

id omittatur, aliudque, (si res ita exigat) quod gravior est, in ejus locum substituendum.

Pulveres & Electuaria.

℞. Rad. filicis mar. (vel potius gemmar. ejusdem vix dum è terra prorumpentium, & in umbra siccata.) spicar. osmundæ regal. an. ʒij. macis, sem. amifi an. ʒss. croc. gr. ʒ. F. pulvis, dosis à ʒss. ad ʒj. in lacte, sero lactis cerevisiato, Apozemate aliquo, jusculo, panatellis &c.

℞. Medullosæ part. rad. sarfap. ʒij. rad. chinæ ʒj. rad. assafras ʒj. sem. carvi & coriand. an. ʒss. rad. filicis mar. osmund. reg. an. ʒij. M. F. pulvis, qui usurpandus ut prior.

℞. Milleped. aq. prius deinde vino alb. lot. in clibano post extract. panem siccatur. q. v. F. pulvis, dosis similiter ʒss. ad ʒj. in jusculis &c. ut supra: eodem modo præparata jecinora ranarum, & pullorum corvi pulveris præscribuntur.

℞. Flor. Sulphur. ʒij. spec. diarrhod. Abbat. diatr. fantal. an. ʒss. croci gr. sacchari chystallini ʒiij. pulverata subtilissime cum aq. ros. rubr. q. s. F. pasta lento calore siccanda, quæ denuo ubi usus fert, in pulverem redacta exhibeatur ad ʒj.

℞. Conserv. ros. rubr. ʒi ss. flor. borrag. lamii, salv. anth. an. ʒss. chalyb. præparat. ʒj. cinnam. glycyrr. Hispan. an. ʒss. croci ʒss. fantal. rubr. ʒj. pulv. pulverand. f. f. a. Elect. cum syr. de cichor. cum rhabarb. q. s. capiat æger ʒss. ʒij. vel ʒj. quotidie mane vel per se, vel in cochlear. feri lactis cerevisiato, vel decocti alicujus appropriati, vel etiam vini.

℞. Conserv. flor. lamii ʒj. borrag. salv. caryoph. rubr. ant. cort. myrobalan. in India condit. cort. citr. an. ʒss. fantal. rubr. cinnam. glycyrr. Hispan. an. ʒss. sal. chalyb. vel ejus loco croci ʒss. syr. de Absinth. q. s. F. Elect. dosis & modus utendi, ut prioris.

Corrigentia Symptomata.

Symptomata nonnulla, huic affectui supervenientia, aliquando legitimam curandi rationem anticipant, peculiaremque tractandi rationem exposcunt, hujus generis sunt Fluor Alvi, ut Diarrhœa, cui frequenter aliquid Lienteriæ est admixtum; sudores profusi; Dentitio laboriosa, Dolorque Dentium.

Fluxus alvi hunc affectum frequenter sequitur; qui cum diutius perseverat, aut paulò violentior est, facile vires deficiet, ipsasque solidas partes eliquet, & absumat, manifeste naturam causæ induit, & ut causa suam indicat correctionem. Dysenteria rarius huic morbo accedit, Diarrhœa vero cum intestinorum torminibus, vel cum Lienteria complicata satis frequens. Etenim ob partium cõstioni inservientium debilitatem, cum Diarrhœa, tum Lienteria facile; non item dysenteria, supervenire possunt. Concurrent tamen frequenter & aliæ causæ, ut ingesti cibi, vel quantitate nimii, vel qualitate vitiosi, febris aliqua, vigiliæ, dentitio laboriosa, lumbrici, &c. Quæ omnia quoque Diarrhœam, vel Lienteriam, porius quam Dysenteriam, facile pariunt. Ad curam quod attinet, perficitur ea partim purgantibus, partim sedantibus & adstringentibus, partim aperientibus simulque partes roborantibus;

Purgantia hic conveniunt ea quæ evidentem adstrictionem post evacuationem relinquunt, ut Rhabarbarum, senna, Tamarindi, Myrobalani, &c. ex quibus pro re nata, ut plurimum, vel bolos vel poriones concinnamus; quod sub illis formulis facilius deglutiantur.

℞. Conserv. ros. rubr. ʒss. rhab. opt. pulv. gran. xii. syr. de Corall. q. s. f. bolus deglutendus mane. Vel,

℞. Pulp. Tamarind. ʒj. Rhab. pulv. gr. vii. sacch. rolat. ʒss. syr. cydon. q. s. ut F. bolus, loco hujus syr. substitui possunt, syr. Myrtil. granat. de Coral. Mentha. vel,

℞. Fol. fenn. elect. ʒss. rhab. ʒj. pulp. tamarind. ʒi ss. sem. anis. contus. gr. x. F. infusio in f. q. aq. font. levissime ebullitio.

℞. Celat. ʒi ss. syr. de ros. sicc. ʒss. M. F. haustus. vel,

℞. Aq. plantag. vel aq. cichor. vel saxifrag. ʒj. rhabarb. pulv. gran. x. syrup. de rhabarb. Auguttan. syrup. de ros. sicc. an. ʒj. M. F. potio.

Notandum, aliquando paulò plenior evacuationem requiri posse; nimirum, ubi fluxus ipse parcius processerit, vel non diu perseveraverit, & interim materia peccans copiosa in corpore collecta fuerit, in quò casu, locò syrupi de ros. siccis, drachmæ aliquot syrupi rosarum solutivi, syrupi August. vel de cichoreo cum Rhabarb. vel mannæ substituantur: tutius vero plerumque est dosin rhabarbari aut etiam sennæ augere: non omisso syrupo de ros. siccis.

Vesperti, post purgationem, gran. x. diascordii in vino cum Caryophyllis, & tantillo cinunamomi cocto & tertia parte aq. papav. rhæad. diluto, syrupoque aliquo, cordiali, ut caryophyllorum) edulcorato, virium instaurandarum, fluxusque sedandi gratia, concedantur: vel, si fluxus pertinacior sit, ʒij. diascordii, pro vice, loco syrupi prædicti, admisceantur vel,

℞. Posleri, è lacte & vino albo parati, detracto coagulo, quod aromatizetur tantillo croci in nodulo ligati, in id immersi, leviterque expressi, donec pallidæ flavedinis tincturam acquisiverit ʒi ss. confect. Alchermes ʒj. corric. granatorum pulv. gr. vii. diascordii ʒij. m. F. Potio, hora somni propinanda. vel,

℞. Landani dispensatorii Londinens. gr. ʒss. magist. corall. gr. xii. conserv. Caryophyll. vel ros. rubr. ʒj. syr. Cydon. q. s. ut F. bolus deglutendus vesperti, hora somni.

Quod si obstructions adfuerint, Crocus martis, vel sal chalyb. mane præscribantur. Ut,

℞. Conserv. ros. ʒj. rad. cichor. condit. cort. myrobalan. in India condit. an ʒss. sal. chalybis ʒss. vel croci martis ʒj. cinnam. glycyrr. corall. rub. an. gr. xviii. croci ʒss. syr. de cichor. sine rhabarb. q. s. f. a. Elect. de quo capiat quotidie mane ʒss. In huic etiam usum ferum candens extingui potest in potu ordinario.

In fluxu pertinaci aliquid conservæ, vel syrupi prunellorum sylvestrium edulcis admisceri potest, ita tamen, ne ea reddantur ingrata.

Sudor profusus, modum excedens, peculiare aliquando Medico negotium in affectu facit: quippe qui vires multum dissipat morbi que curationem remorat.

Cavendum tamen est, si forte febris adfuerit, aut Paroxysmus aliquis febrilis calorve immodicus præcesserit, ne temere coërceatur: in his enim casibus, criticus esse possit, vel saltem plus utilitatis corpori ex mitigatione febris calorisve, quam damni ex viriù jactura adferat. Nescimus enim an quidquam potentius, aut etiam suavius febrilem calidè solvat, quam ipse sudor. Interim, quando inordinate fluit, & præter causam, (quam scilicet amovere queat) arguit corpus obstructionibus, crudis succis; inutilibus & superfluitatibus gravari, quos dum regere ac domare satagit natura, ex ipso labore (concurrente unà laxitate partium cutanearum) in sudorem profunditur & quidem inut ilem ac laboriosum viresque depopulantem, idcirco quamprimum corrigendus est, huc respexisse videtur Hippocrates, ubi dicit, sudorem illum, qui præter causam fluit pur-

purgationem postulare. Quid enim commodius has superfluitates minuat & eliminat; Deinde motus hic sudori contrarius est, unde inter remedia huic symptomati opposita primum locum meretur, & cum viam sternat aperientibus cutemque firmantibus, & coctionem promoventibus (quæ ultimam partem curæ absolvent) iis jure præmittendum est.

Purgantia huc spectantia sunt; illa quæ naturæ amica & familiaria observantur, quæque simul obstrueta, aperiunt, visceraque roborant ac firmant: quæ omnia an ex simplicibus quidquam efficacius quam ipsum Rhabarbarum præstet, dubitamus. Omnia tamen, cum simplicia, tum composita supra de electivæ evacuantibus proposita, pro varia agrotantis conditione, huc à prudenti Medico transferantur. Aliqui cerevisiam Rhabarbaro medicatam hic multum commendant, ut.

℞. Rhabarb. in taleol. incisi ℥ij. uvar. passat. exacinat. & incisor. ℥ss. cerevisiæ tenuioris ℔ij. indantur lagenæ lapideæ vel vitreæ subere optimè clausæ, quæ in loco frigido reponatur, sæpius agitata: Ante usum verò iterum subdant per diem unum, deinde depromatur liquor pro potu ordinario. Exhausto liquore lagena denovo repleatur cerevisia, sed absque novo Rhabarbaro.

Porro nobiliora aperientia, quæ simul coctionem promovent, inutilem sudorem reprimunt: ut vinum Gallicum, & Rhenanum, quod si horum calor in tam tenera ætate metuatur, temperari possunt pomis assatis, aqu. ros. rubr. borrag. addito saccharo & tantillo nucis moscatæ rasæ; propinantur etiam in minori quantitate, & tantum tempore passus.

Sunt & aperientia efficacissima, quæ non tantum coctionem juvant, sed & simul omnium partium tonum, præcipuè viscerum, firmant ac roborant, inter quæ præcæteris chalybeata commendamus; ut vinum chalybeatum, electuarium chalybeatum supra descriptum. Et similia. Verum licet Chalybs reipsa ea efficaciter præstet, quæ diximus; cum tamen is nonnullis aliis scopis magni in hoc affectu momenti non usquequaque respondeat, quin potius nonnunquam ex una parte plus noceat, quam ex altera prosit, cautiones sequentes circa ejus usum hic proponere visum est.

1. Quandoquidem Chalybs pulmonibus inimicus est, facileque sævum pituitosæ materiæ fluxum in tenellis corporibus concitat: ubi Catarrhus, Tussis, Infarctus pulmonum multoque magis inflammatio quævis, Pleuritis, sputum sanguinis, aut dispositio ad quemvis horum affectuum adest, ab ejus usu planè abstinendum est.

2. Cum Chalybs parum aut nihil ad æquationem sanguinis contribuat, quin potius contra (ut ut attenuet caseosam & pituitosam sanguinis partem) ad ejus tamen separationem à reliqua massa sanguinis ob vitriolatam aciditatem simul faciat, omnino circumspicte admittendus est; præsertim vigente illa massæ sanguineæ inæqualitate.

3. Cum vis attenuandi, incidendi & aperiendi in Chalybe cum insigni siccitate & adstrictione conjuncta sit, illosque idcirco humores, quos forrè non dissolvat & discutiat, magis adhuc impingat: in alogotrophia ossium notabilis ejus usus est suspectus. Etenim metus est ne curtas ossium partes minusque debito nutritas nimium constringat & consolidet; unde postea minus prompte secundum longitudinem accrescant; partes autem protuberantes (ut & convexa ossium latera) liberabilius nutritas cum dissolvere non valeat, amplius confirmet & contumaciores reddat; eas nimirum plusculum condensando & indurando.

4. In omnibus acutis febribus Chalybis usus noxius

est; quod nimium partes desiccet & constringat: immo eò ipsò, quod sudores reprimat; humoresque aciores ac ferociores præstet.

His cautionibus ritè observatis, chalybis usum in hoc affectu admittimus: verum cum Medicastræ, Empiricique nequeant usum ejus ab abusu distinguere, non iuaderemus tam nobilis medicamenti usum sine consilio exercitati prudentisque Medici: quoniam nisi circumspicte præscribatur, tanto cum periculo adhibetur. Alia minoris notæ aperientia huic scopo etiam inservire possunt; Ut, radic. fol. cichor. borrag. vel conserv. flor. eorumdem, rad. gramin. asparagi, filicis, rubiæ tinctor. fol. ceterach. Asplen. Capill. vener. &c. inter composita, species diatr. santal. diarthodon. Abbat. &c. vel,

℞. Sacchar. opr. ℥ij. solvant. in aqu. ros. & coq. paulum ultra syrupi consistentiam; deinde adde conserv. berberorum ℥j. specier. diatr. santal. diarthod. Abbat. an. ℥j. croci pulver. gr. j. m. F. Electuarium.

Dentitio laboriosa, dolorque dentium, familiaria Rachitidis symptomata, cum febres, inquietudinem, vigilias, aliaque mala producant, peculiarem quoque merentur mitigationem. Itaque si Dens gingivam pertuturus insignem molestiam puello creet, statim ab initio universalis aliqua evacuatio, nisi ea paulò ante facta fuerit, instituenda est; ut vomitus qui dolori dentium potenter subvenire creditur. Proritati autem is potest, vel sola gutturis titillatione, immissa penna vel digito nutricis in fauces puelli, vel etiam frictione dentis erupturi cum folio tabaci circa nutricis digitum involuto, & cerevisia parum madefacta, vel denique propinato haustu aliquo Emetico supra descripto. Non est autem remedium hoc frequenter iterandum, ne ventriculū nimium debilitet. Sequenti die (dolore persistente vel recurrente) potio aliqua cathartica bolusve ex supra præscriptis aut similibus exhibenda. Facta hōc modò universali evacuatione ad Topica deveniendum. Solent nutrices dentem erupturum frustō Corallii in hunc usum polito perfricare. Medici potius commendant radices Althææ, quæ emolliunt & laxant gingivas, quo facilius pertundi possint.

Aliqui pro secreto habent frictionem dentis dolentis cum radice lapathi acuti. Alii plurimum commendant frictionem gingivæ e qua erupturus est dens, cum crista galli recenter abscissa, aut sanguine calido ex isto vulnere extillante. Quæ in aures instillari solent; In hac ætate non experti sumus; similiter neque Emplastra mastichis, Olibani vel de minio, quæ in adultis fluxionem sistere observantur. Aliqui parva Emplastra Epispastica pone aures applicant, quæ forte materiam dentibus dolorem inferentem revellunt. Sed neque de his judicium nostrum interponimus. Tandem non proficientibus universalibus, solemus ad hypnotica confugere; quæ quidem extra applicata parum efficiunt; intrò verò assumpta ubi ritè præparata & correctæ fuerint, plurimum juvant. Urgente ergo inquietudine, & vigiliis, hæc vel similia præscribimus.

℞. Diascord. gran. vii. syrup. de meconio ℥i ss. vel ℥ij. posseti ex lacte & vino albo parati, paucosque croco tincti ℥j. vel ℥x. m. & capiat hora somni nocte ista, quæ purgationem proximè subsequitur.

℞. Laud. dispensatorii Londinensis gran. ss. pulv. cord. è chelis cancror. gr. x. caryophyll. ℥j. syr. melliss. q. s. F. bolus deglutiendus vespere hora somni. Atque hæc de corrigentibus symptomata.

Remedia externa.

Absoluta tandem disquisitione de materia & speciebus

bus internorum medicamentorum, ad externa remedia semper noster dirigendus est, quæ quidem ad ultimum locum reservavimus: non quod ea perpetuò ultimò sit exequenda, sed quo diversè planè generis sint ab internis; Administranda verò immediate post evacuationia universalia, aut saltem post electivè purgantia, simulque cum alterantibus specificis, ad quorum genus, pertinent, licet quatenus externa sunt, ab iis, ut dictum est, differant: monendum hîc autem extetnii remedii nomen paulò latius hîc à nobis accipi, adeo ut omne medicamenti genus, quod proprie neque ad Chirurgica, neque intus assumpta referatur (modò in hujus affectus curatione usum) sub se complectatur.

Exercitii modis, seu genera omnia puero consueta, suo locò & tempore in usum venire possint. Quandoquidem autem Puelli Rachitide laborantes motum nonnihil adversantur, atque ob virium languorem & exercendi desuetudinem, statim à curationis principio, vix, aut ne vix quidem violentiores motus perferunt; à mitioribus exercitiis perpetuò ordiendum, & dein paulatim gradatimque ad fortiora progrediendum: similiter breviori tempore ab initio, postea autem longiori absque intermissione sunt continuanda.

Distinguiamus ergo exercitia in leniora & fortiora, seu infancula.

Leniora referimus, 1. ad morem decubitûs; 2. ad agitationem in cunis: 3. ad gestationem vel tractationem in ulnis, vel manibus nutricum, 4. ad lusus sedentarios.

1. Decubitus supinus inter omnes corporis positiones maxime ab exercitio recedit, & in extrema virium debilitate ferè solus convenit; ut in febribus acutis, exhaustis jam viribus. Solus etiam in multis Thoracis & Hypochondriorum casibus convenit, ut frequenter in inflammatione Hepatis, Lienis, Pulmonum, in Pleuritide, in Adnascencia Pulmonum cum Pleura, in Empyemate &c.

Decubitus lateralis versus supinum; sive dexter, sive sinister, quamproxime ad hunc decubitus accedit, & tantillum de natura exercitii participat. Quare convenit etiam in magnâ virium debilitate, saltem positionis corporis mutandæ causâ, ut & quando profundior somnus non expectatur. Porro & proficius est satis robustis, tempore primi vel secundi somni, mutatis post justa intervalla lateribus. Sed non æque forsitan iis postea convenit, præsertim corpore somno satis refecto, tunc enim decubitus, qui propius accedit ad exercitii naturam, potior est.

Decubitus simpliciter lateralis plusculum exercitii continet & debilibus ac insuetis tempore profundioris somni vix quadrat, alias autem familiaris iis reddi poterit, si paulatim ei assueverint. Robustis omni tempore, modò justa ratio debite variationis habeatur, competit.

Decubitus lateralis versus primum laboriosus admodum est ac molestus, vixque ipsi robustis insuetis diu continuandus. Attamen paulatim per consuetudinem superatâ molestiâ, facilius toleratur; & cum dolores capitis sedet, concoctionem ventriculi promoveat; colicos dolores mitiget, alvum adstrictam lubricet, peractò somnò naturæ debitò in usum nonnunquam voca i, in hoc affectu exercitii supplere vicè potest, accidit enim interdum in hoc morbo, ut pueri ad tempus aliquod vix citra damnum pedibus committantur, immo ut plus emolumentum ex ipso decubitu, quam ex deambulatione percipiant, Etenim in levis articulos deambulatione confirmat potius quam curat. Decubitus autem, ubi partes debito modo fasciis munitæ sunt, non parum ad eorum erectionem conducit. Deinde ad curtas partes proceriores

reddendas, multum ipsa decubitûs positio confert, quemadmodum cernere licet ex partium secundum longitudinem per morbos accretione. Tertiò decubitus ratione communium totius corporis involuorum, facit ad caloris in omnibus partibus æquationem. Ultimò, decubitus, si justa ratio sternendi lectum observetur multum contribuere potest ad spinæ truncique corporis incurvationem erigendam. Etenim ubi in latus gibbosum decumbit parvus pulvillus, in hunc usum aptè formatus, sub extantibus partibus immiti potest, atque ita adaptari, ut partes gibbæ magna ex parte totius corporis onus sustineant, adeoque ad rectitudinem repellantur. Quando autem puelli in alterum latus devolvuntur, ita lectum sterni oportet, ut detractò pulvinari pars cava lectum, vix tangat, nisi se ad rectam lineam conformet, quò pondere suo ad rectitudinem deprimatur. Atque hæc de Decubitu.

2. Decubitus proximè æmulatut exercendi illud genus, quod cunarum agitatione perficitur. Cunarum arcibus, seu portionibus rotæ, seu circuli, sustentantur, quo autem majoris circuli portiones sunt hî arcus; eo efficacius exercitium puello præstant. Motus hic profundioris somni tempore intermittendus, aut saltem remittendus est; tempore verò vigiliarum, per vices modò intendendus, modò remittendus est. Convenit maxime debilibus, vix dum pedibus insistentibus, aut aliter ab incessu impeditis.

3. Gestatio in nutricum obambulantium ulnis, iisdem prope puellis & sub iisdem conditionibus convenit, similiter Gesticulatio puelli ad rhythmum cantûs, sive dum Nutricis genibus insidet, sive dum ejus manibus sustentatur, ut & ejusdem horum illorum jactatio frequensque elevatio & demissio, leniter apprehensis manibus, si puellus fortior sit, aut axillis, si debiliior, ita quidem, ut crura & truncus inter movendum dependeant, Præterea tractio & retractio puelli, super lectum vel mensam inter binas nutrices altera inanus, altera pedes apprehendente. Duo ultimi motus aliquid videntur contribuere ad spinæ curvæ seu inflexæ erectionem, præsertim si manus, quæ humero depresso, & pes, qui coxendigi elevato inarticulatur, paulo fortius quam altera manus vel pes trahantur. In eundem prope scopum collimare videtur elevatio puelli, apprehensis solis pedibus, ita ut truncus & caput puelli inverso situ aliquandiu dependeant; licet hæc actio videatur quoque nonnihil respicere Hepatis adnascenciam, si qua adfuerit. Ut & convolutio illa corporis, qua demisso capite, attolluntur pedes, iterumque elevato capite corpus totum invertitur. Huc quoque referatur rotatio illa puelli, à nonnullis usurpata, super lectum vel mensam corpore lateraliter reclinato: quam magis probamus, si non integrè circumvolvatur: sed tantumvolvatur ac revolvatur corpus supposito dariusculo pulvinari, cui pars gibba incumbat, onus corporis sustineat. Hoc exercitium rectè administratum multum ad corporis deflexi erectionem confert.

4. Lusus sedentarii minimum inter omnia exercitia emolumentum pueris Rachitide detentis adferunt, iisque placandi causâ potissimum permittuntur, utiliores verò erunt, quò magis eos ad movendos pedes provocant, ut, verbi gratiâ, si à Nutrice, erecto vel projecto coram pedibus corpusculo aliquo, irritantur ad id calcitrando evertendum, vel abigendum. Quòd si puelli corpus incurvum sit, ii lusus adinveniendi sunt, quibus puellus ad corpus in partem contrariam movendum alliciat. Ubi ergo alter humerus altero est depressior, alliciantur ab isto latere, ostensis supernè pupis vel crepundiis, manum humerumque simul elevare & extendere, quo

quò oblatum objectum arripiant. Innumera propè ejusmodi particularia exercitia fingi possunt, quæ nutriticum industriæ relinquimus.

Mascula exercitia majoris notæ ad tres titulos reducimus.

1. Ad Incessum; 2. ad artificialem corporis suspensionem; 3. ad Frictionem, & Hypochondriorum atque Abdominis contrectationem.

1. Incessus, Gressus, siue Obambulatio inter nobiliora exercitia numerari potest. Etenim puelli atate grandiores, ut & robustiores, quique huc illuc quotidie discurrere solent, hoc ipso, ceteris paribus facilius affectum hunc exequuntur. Verum hoc exercendi genus iis non temerè permittendum, quorum articuli genuum, talorum aut vertebrarum dorsum nondum eo usque confirmati sunt, ut oneri corporis sustinendo sint parës. Ubi enim pueri ex incuria Nutricum (ut supra monuimus) præmaturè pedibus committuntur, facile sit, ut articulos istos vel intransum, vel extrorsum, vel antrosum, vel retrorsum, deflecti sinant, adeòq; deformitati illi in debita corporis erectione occasione præbeant.

Porro, illi puelli, qui vel ex nativa debilitate & laxitate ligamentorum, vel ex incuria Nutricum, malove usu, articulorum deflexionem jam contraxerunt, non sunt pedibus exercendi, donec ferulæ, aliave munimenta, quæ articulos deflexos erigere erectosque servare valeant, iis adaptentur: Atque aliis interim proficiuus exercitiis, saltem non nocivis, partim superius, partim inferius descriptis, assuescendi sunt. Discursus puerorum in suis curriculum, ita constructis ut eos à titubatione, & casu inter incedendum defendant, in eundem scopum collimat, iisdemque legibus subijcitur.

2. Artificialis corporis suspensio perficitur ope instrumenti cuiusdam penilis ex fasciis ea arte formati, ut pectus sub axillis complectatur, caputque sub mento alia fascia circumdet, manusque binis ansis excipiat, unde corporis onus partim à pueri manibus, partim à capite, partim ab axillis in aëre pendulum sustineatur ita, ut ab adstantibus non sine voluptate huc illuc impellatur. Hoc exercendi genus multis modis in hoc affectu conducere creditur. Etenim ad ossa curva restituenda, ad articulos deflexos erigendos, ad curvam corporis staturam elongandam, conducit, quia etiam, quod & alia præstant exercitia, calorem vitalem excitat, unaque uberiorem alimenti ad partes externas primòque affectas distributionem promoveret: atque interim puellis huic exercitio assuetis voluptatem potius, quàm molestiam creat. Aliqui, ut magis distendantur partes, calceos plumbeos pedibus adaptant, & contractiori corporis lateri pondus adjiciunt, quò facilius partes ad æqualem longitudinem extendantur. Hoc autem exercitium solis robustioribus competit.

3. Frictio quoque ad mascula exercitia suo modo referri potest: non quidem respectu activi alicujus motus in puello ad ejus administrationem requisiti (siquidem Nutricis potius actione quàm pueri perficitur) sed ob consimilem vim & efficaciam, quam habet in morbi hujus curatione. Videtur autem frictio dubii esse generis, & partim ad exercitii, partim ad exterius applicandorum genus pertinere, quo respectu ad hunc locum eam reservavimus, ut simul exercitiorum agmen claudat, & extrinsecus applicanda immediate præcedat. Administranda hæc est (hyberno saltem tempore) coram luculento igne, puello undique bene munito, ne afflatu frigidi aëris lædatur. Perficiunt hanc frictionem nutrites, aliæ manu calida, aliæ linteis siccis & calefactis, aliæ pannis laneis, a-

liæ verriculo. Et quidem aliquæ plurimum laudant verriculum, ceterisque modis præferunt: verum cum tantillum interesse videatur quo ex his modis peragatur, singulos probamus, electionemque penes Nutrices sagaces permittimus. Cæterum ordiantur hanc frictionem à spina dorsum corpore puelli pronò collocatò, & manum modo sursum, modo deorsum, modo lateraliter promoveant, illinc ad clunes, femora, suras, talos, plantas pedum descendant; postea resupinatò corpore, pectus, ventrem, hypochondria & latera, necnon anteriora crurum, tibiarum, pedum, moderatè fricent, abstinendo tamen à frictione, quâ parte ossa prominent, & liberaliùs fricando partes eorum cavas. Non continuanda est hæc actio ultra levem ruborem in partibus excitatum, ne magis dissipetur, quam suscitetur nativus calor. Hoc exercitii genus maximè infirmioribus puellis convenit, quique aliàs statione aut gressu vix satis valeant sese exercere. Supplet enim vicem hujusmodi exercitii, & calorem insitum excitat, vitalem evocat, alimentum ad partes affectas attrahit. Concedimus tamen frictionem paulò minùs ad musculorum carnes, licet fortè magis ad partes cutaneas, nutrimentum ac calorem allicere, quàm exercitium propriè sic dictum, adeòque eam veris exercitiis dignitate ac præstantiâ cedere. Ad frictionem quam proximè accedit illa nonnullis usitata contrectatio ventris, seu hypochondriorum & abdominis, qua viscera, modo sursum, modo deorsum, modo dextrorsum, modo sinistorsum premunt, intudendo nonnunquam digitorum apices, sub costis nothis.

Et sperant Practici, neque præter rationem, se hac actione Hepar à præternaturali quavis adnascencia cum peritoneo liberare, si qua fortè talis adfuerit. Atque hic obiter notamus talem Hepatis adnascenciam in hoc affectu faciliè ob tensitatem hypochondriorum & magnitudinem hepatis accidere posse, unde præcisè admodum arctèque peritonæum & Hepatis membrana conjungantur, conjunctaque diu in eadem positione maneant, adeòque tractu temporis promptè coalescant. Coalescentia hæc quatenus ab Hypochondriotum tensitate, & mole Hepatis, ut diximus, dependet, non incongruè ad essentiam hujus morbi secundariam referri potest, viz. ad vitia Organica, inter quæ recenseri meretur, quamvis supra suo locò, casu à nobis fuerit omiſsa, idèoque hinc visum est ejus mentionem facere. Hæc de exercitiis, sequuntur exterius applicanda.

Remedia hæc non tantum, ut diximus, frictionem prærequirunt, sed & plerumque cum ipsa frictione, at leviori, administrantur. Sunt autem, vel generalia seu universalia, omnes partes ex equo respicientia; vel particularia, certis regionibus corporis dicata. Generaliù materia eadem ferè est, quam supra proposuimus, ubi de alterantibus specificis; particularium verò varia, pro varietate regionum corporis, quibus applicanda sunt. Formulæ utriusque generis prope omnes communes videntur, & quinque numero occurrunt; Liquores, olea, linimenta, Unguenta, Emplastra; quanquam Emplastra costis potius partibus dicata, nunquam universo corpori simul applicanda veniunt.

Liquores in hoc affectu longo usu probati, sunt omnia prope vini genera; imprimis verò vinum Moscatellinum. Aliqui verò potius commendant, vinisque præferunt cerevisiam Gedanensem, seu Prussicâ: quæ quidem ad consolidandas & firmandas partes plurimum, ad sanguinis autem æquationem ejusdemque æqualem distributionem parum aut nihil potest, idem quoque judicium esto de vino Alicantico, ut &

de vino rubro. Aliqui loco vini utuntur aquâ vitæ vulgari, quæ nihilo inferior vino creditur. Decocta quoque in eundem usum parari queunt. Ut.

℞. Rad. osmundæ regal. fol. salv. flor. calend. fol. lauri, icolopend. veron. mar. an. m. s. roris marini, ros. rubr. siccatur. an. p. j. coq. in aq. font. & aq. vitæ vulg. an. ℥j. ad tertiæ partis absorptionem. Colatura servetur ad usum. Vel,

℞. Radic. filic. mar. ℥j. fol. Osmundæ reg. hormini, lauri, salv. veron. mar. an. m. s. F. infusio in vino aliquo, & liquor colatus servetur in usum.

Cæterum liquores hi raro, aut nunquam, soli adhibentur, sed oleis, linimentis vel unguentis, æquis ferè partibus admixti; & quidem coram luculento igne tepidi usurpandi, calidâ Nutricis manu, donec exsiccantur, affricti.

Olea composita, & probata in hoc affectu, pauca admodum, eaque vix satis efficacia, in officinis parata servantur. Simplicia verò paulò plura; ut oleum vermium terrestrium, chamæmeli, florum calendular. veronicæ mar., è pedibus bovinis: quibus etiam addere possumus oleum vulpinum, catellorum, hirundinum; modò hæc ultima simpliciora, & saltem absque impensè calidis parentur.

Oleum Excestrese (licet eo nonnulli practici utantur) videtur calidius, quàm ut per se solum in tã tenera ætate facillè probemus. Idem iudicium esto de Oleo Castorei Jacobi de Manliis, ut & de plurimis unguentis antiparalyticis, Unguento Nervino, Martiato, Aregon, & similibus. Torpor enim in hoc affectu non paralyticus est, neque perinde ac in vera paralyfi, impensè calida expetit: neque etiam conjuncta partium flacciditas talia, absque spirituum insitorum dissipatione, facillè admitteret. Quare cum hic morbus novus sit, si velimus olea, unguenta vel linimenta ei appropriata, ad manum habere, oportet ut recta methodo compositionem instituamus; nimirum specifica alterantia suprâ usitata, Oleis vel pinguedinibus, debito modo admiscendo. Ut;

Prima. ℞. Fol. salv. rubr. veron. mar. anagallid. flor. calendulæ, an. mij. rad. osmundæ reg. ℥vi. butyr. Majal. ℥iij. vini alb. ℥ s. concisæ herbæ, & contusæ radices coq. f. a. ad vini absorptionem: dein F. expressio, dum adhuc calent, cui adde oleum nucis Myristicæ per express. ℥i s. Misceantur diligenter & post subsidentiam abjectis fœcibus, F. ung. purum, quod in olla vitreata reponatur ad usum. vel,

Secunda. ℞. Fol. chamæm. beccabung. nasturt. aquat. cochlear. hort. veron. mar. cardiacæ; capill. verner. ling. cervin. ceterach. lauri, summit. menth. rubr. salv. rubr. roris mar. baccar. hederæ an. m s. rad. osmund. regal. ℥iv. vini Moscatellini ℥ s. butyr. Majalis ℥ iij. incidenda incisa, & contundenda contusa. coq. omnia ad vini absorptionem, exprimatur dum calet, & separatò impurò sedimentò. F. f. a. unguentum. Vel,

Tertia. ℞. Fol. salv. rubr. veron. mar. ling. cervin. Xiris, an. mij. rad. osmundæ reg. ℥vi. summit. lavendulæ, roris mar. fol. lauri, an. m s. aq. vitæ vulg. ℥j. ol. è pedibus bovin. ol. vulpin. an. ℥j. sevi cervin. vel vervecin. vel medull. bovin. ol. lumbricor. an. ℥j. coq. ad consump. aq. vitæ, exprimatur ung. dum calet, & separatim fœcibus reservetur in usum.

Quarta. ℞. Fol. osmundæ regal. virentis M vi. anagallid. flor. calendul. fol. salv. rubr. hormin. cardiacæ, beccabungæ, nasturtii aqu. an. manip. j. fol. roris marini, lauri an. m. s. concisæ omnia minutim contundantur optimè in mortario marmoreo, vel ligneo, cū ℥vi. butyri non saliti; inde macerentur per dies 14. tum paulatim liquecant in balneo Mariæ & simul ac fervere incipiunt, F. Expressio, iterumque addantur herbæ ut prius. Tandem unguentum expre-

ssum, & depuratum, recondatur in vasibus idoneis, ad usum.

Hiscæ generalibus externis remediis nonnulla particularia, certas corporis regiones spectantia, subjungi possunt. Ut,

Si regio abdominis, præcipuè Hypochondriorum, tensa, dura tumidaque fuerit; neque durities, tensitas, tumorve purgationi debito modo administratæ cesserit, ad hujusmodi topica deveniendum est. Ut,

℞. Ol. de capparibus, de absynthio, sambucini, an. ℥j. ung. generalis primi suprâ descripi ℥i s. M. F. linimentum. Vel,

℞. Unguent. è succis aperit. Fœsi ℥iij. ung. primi generalis ℥i. M. F. unguentum. Commendatur etiam oleum saxifragiæ ex multiplici infusione & coctione herbæ concisæ & contusæ fact. in oleo vulgari.

Tempore usûs hæc, similiaque unguenta, vel linimenta, cum aliquo appropriato liquore facilius penetrationis causâ misceri possunt. Ut,

℞. Flor. sambuci, fol. salv. rubr. contusorum, baccarum lauri contusar. santal. albi crassiusculè pulv. an. ℥ij. vini albi ℥ij. maceantur, per tres dies in loco frigido, in ampulla vitrea, suberè accuratè clausa, bis in die concutienda, tempore usûs portio liquoris, quæ pro una vice suffecerit, effundatur colata; denudò clausum vas reponatur in usum, vel (si fortiorem malis)

℞. Rad. bryon. alb. siccatur. & incis. baccar. lauri, stercor. Anserini, an. ℥ij. sem. Cymini ℥j. fol. salv. rubr. flor. sambuci an. pug. j. coque in ℥i s. vini Rhenani, ad ℥j. colatura servetur in vase clauso, locò frigido.

Liquores hi, similesve unguento commixti, & ad ignem calefacti, calidâ nutricis manu, abdomini & præcipuè Hypochondriis, ad siccitatem usque affricentur: simulque Nutrix istas partes molliter contrectet (viscera modò sursum, modò deorsum, dextrorsum vel sinistrorsum premendo, ut suprâ diriguntur.

Egregiè etiam hîc confert balsamum de Tolu, Unguentis vel Emplastris admixtum. Potest & ex eo fieri Emplastrum, quod spinæ debili utiliter applicatur.

Emplastra quoque huc nonnihil contribuere videntur: ut,

℞. Cerati santalini ℥iij. Gummi Ammoniaci in vino Rhenano, vel vino aliquo medicato modò descritto, soluti, depurati, & ad spissitudinem iterum cocti ℥j. F. f. a. Empl. hujus porro sufficiens quantitas extendatur super alutam, & dextro hypochondrio coaptetur vel etiam sinistro (si durities quod raro accidere putamus) illic magis urgeat. vel,

℞. Succor. beccabungæ, nasturt. aqu. cochleariæ hortensis, absynth. cortic. sambuci, rad. filicis maris, an. ℥j. succ. depurat. lento calore, ad crassitiem ferme extracti redigantur; tunc adde in pulverem subtilissimum comminuta santali citrini ℥ij. macis ℥i s.

℞. Mixturæ hujus ℥i s. gumm. ammoniaci in vino soluti & ad spissitudinem cocti, ℥iv. misceantur calide, & continuè agitentur, donec incipiant frigescere & indurari: & fiat Empl. applicandum ut prius.

Porro pulmonum malè affectorum gratiâ, frequenter quoque peculiare unguentum pectorale ex usu est, in quo casu.

℞. Ol. viol. lilior. alb. unguenti è floribus Arantiacis, an. ℥j. m. F. linimentum, calidâ manu pectori affricandum, superimposita charta, mollique lana interfuta, vel panno laneo, addi huic linimento potest exigua quantitas balsami peruviani. Vel,

℞. Unguent. pectoralis ℥ij. ung. Glycyrrhizæ simplicis ℥i s. ol. viol. ℥j. M. F. linimentum, eodem modo adhibendum.

Cæterum ung. glycyrrhizæ simplex sic conficitur.

℞. Glycyrrhizæ recent. & succulentæ, ℥iv. butyr.

butyr. recent. non saliti, in aqu. rosacea loti, ℥ij. glycyrrhisa incisa contundatur optime cum butyro in mortario lapideo; postea simul frignantur in sartagine: tunc F. colatura cum expressione; idemque labor iteretur, cum pari quantitate novæ glycyrrhizæ.

Denique propter summam spinæ dorsii debilitatem, quæ in hoc affectu frequens esse solet, Emplastra quædam isti appropriata. parari possunt. In pharmacopæis extant Empl. de betonica & Diacalciteos; cui tamen tempore usûs addenda est mastiches, olibani pulv. an. 3 ss. Emplastrum quoque, flos unguentorum dictum, huc referri potest, modo caphura omittatur, similiter & Emplast. nervinum, vel.

℥. Unguent. primi generalis ℥ij. herbar. ejusdem compositionem ingredientium, minutim concisarum ℥v. ceræ citrinæ ℥iv. resinæ purissimæ 3 viii. unguento, resinâ, & cerâ liquatis, adde herbas, & f. a. F. Emplastrum. Vel.

℥. Unguent. generalis tertii 3 xv. lithargyri auri triti & cribrati 3 ix. coque simul spathulâ agitando ad Emplastri consistentiam. Tum adde ceræ, picis burgundiæ, an. 3 iij. olei nucis Myristicæ expressi 3 iij. mastiches, olibani, myrrhæ an. 3 i ss. castorei 3 ss. vitrioli albi pulverati 3 ss F. Emplast. f. a.

Discrepant autem practici, in figura & applicatione horum Emplastrorum. Aliqui oblongam, & angustam figuram eligunt, & secundum longitudinem spinæ applicant. Alii potius figuram latiusculam & propè triangularem probant; & à lumbis deorsum super os sacrum ad Coccygem usque, extendunt. Nos autem existimamus, ubi inferiores partes spinæ, tum crura ac tibiæ, partes illæ nimirum, quæ ab inferiori spinæ parte nervos suos mutant, præ superioribus infirmæ sunt, formam posteriorem convenire posse, ubi verò potius superiores spinæ partes videntur debiliores, priorem & oblongam formam magis quadrare.

Similiter à nonnullis pro spinæ debilitate linimentum commendatur, quod constat ex gelatina cornu cervi facta cum nervinis & radicibus sigilli mariæ, floribus salviæ & consolidæ, tempore inunctionis admiscendum est aliquid olei nucis Myristicæ per expressionem, vel olei lumbricorum terrestrium, aut adipis humani. Atque hæc de medicamentis externis. *Hæftenus Franciscus Glissonius, Tractatu de Rachitide.*

Anatomica Inspectio.

Rachitidis & respirandi difficultate laborantis, anatomica inspectio.

Infans dentitionis tempore languebat. Adfuit à principio tussis molesta & spirandi difficultas, quæ indies crescebant; caput solito majus erat: membra flaccida: carpi aut tarsi protuberabant; aderant nodi in costarum cartilaginibus; venter tumebat: pectus macre fuit. Tandem emaciatus obiit diem.

Abdomine inspecto, cuncta sana, sed justo majora. Intestina aëre turgida. In thorace sternum reflexum, pulmones exucci & plumbei coloris. Mirum, membrana pulmones succingens aspera erat & protuberantiis, tuberculisque, verrucis non dissimilibus. Apertis pulmonibus, in plurimis locis tartarea seu gypsea substantia concreverat.

Infantem hunc ex diætæ vitio, sive cibi sive lactis, quo sugendo alebatur, Rachitide seu morbo anglico, laborasse certum est, cum omnia signa huic quadrant. omnia viscera in hisce symptomatibus, quæ ner-

Bibliot. Chirurg. Tom. III.

vos à cerebro accipiunt melius habere videntur, quæ membra, quæ nervis ex spinali medulla gaudent. Causam genuinam in obstructione medullæ spinalis pono: quæ non quidem planè paralytica est, sed pro parte. Succum enim nervorum talem particularum proportionem possunt habere; ut cerebri glandulas, ejusque nervorum originem facile permeent medullamque spinalem quasi obstruant. Hinc causa petenda cur quædam partes nimium nutriantur, quædam autem flaccescant.

Incurvantur ossa, quia muscoli non crescunt; eodem ritu ac si funis arbori circa radicem & summitatem accommodetur, tum arbor primò esset recta, elapsis verò aliquot annis planè esset curva; hoc modo etiam tota spina incurvatur, adeo ut *κνῶρεα* vel *κρόσσει* laborent.

Ossium nodi protuberant, quia alimentum tenax ad nodos copia quidem affluit, sed propter lentorem altius in substantiam magis ossæam non penetrat, indeque intra ossium tubercula magis spongiosa subsistit, & protuberare facit.

Cum spina ita contrahitur, thorax angustatur, hinc pulmones haud justè explicantur & ansam difficili respirationi præbent. Humores interim ibi stagnantes si particulis salinis scateant, crystalisantur, & calculosos pulmones efficiunt. Glandulæ enim minimæ, quæ pulmones perreptant, facile lentis & salinis humoribus obsidentur. Vidi sæpè calculos trachææ adhaerentes, qui unciam semissem & aliquando integram pendebant, ut dixisses totam trachææ fistulam petrefactam fuisse, adeo calculosa erat. Ejusmodi petrefactionem refert *Clariss. Theod. Kerckringius obs.* 27.

Non mirum igitur in infantulo nostro pulmones ita inæquales fuisse tactu, cum calculi per ipsam membranam ferè protuberabant; hinc liquet cur respiratio difficilis fuerit, aër enim ab hisce tuberculis excludebatur, quò melius succi petrefacturi crystalizando ansam habebant, quam cum moverentur: nullus liquor falsus crystallos mittet, quandiu moveatur, sed duntaxat, cum quietus sit. *Stephanus Blancardus in Anatomia Practica.*

Rachitidem consequutus dolor Colicus lethalis, in quo intestina, ac præcipuè crassa, ruborè inflammatoriò hinc inde perfusa, Cecum tumidum ac sphacelò tactum, Bilis ad instar picis paulò dilutioris nigra &c.

Rachitide priùs affecta puella, spinamque propterea ad lumbos non parum intro adactam gerens, languida semper vixit, ac subinde de doloribus colicis conquerebatur, qui tandem eò atrocitatis devenere, ut sibi quandoque intestina dilacerari crederet, tumque quicquid abdominis regioni umbilicali & cordis scrobiculo interjacet, non parum attollebatur. Singulæ præterea ac vomitibus frequentibus, subsistente tamen appetentiâ, vexata, die Jovis 25. Junii 1696. circa sextam matutinam, anno ætatis propè 19. adhucdum tamen non menstruata, staturæ pro ætate humilioris, ac tabida moritur. Cum post meridiem ejus exenterationi assideremus, adnotavimus primò exterius cutem admodum desiccata, Abdomen tensum ac tumidum, spinam, ut jam diximus, intro incurvatam. Abdomine autem apertò vidimus Omentum rubrum, tenue, sed vasis varicosis ad suas origines consitū, omni prorsus adipem destitutum, & ad usq̃ umbilicū non descendens. Lien sine vitio erat, quantumvis totam morbi culpam in ipsum rejiciētes mulierculæ eidē innumera, applicuissent remedia. Hepar grandius, malè coloratum, pallidum, maculis lividis conspersum, diaphragmati per sui

Ecc 2

convexam

convexam partem largiùs ac intimiùs adhærens, minime interim purulentum, verùm ejus substantia quasi friabilis erat, velut aquæ diutiùs incoctum fuisset. Velicula fellea adeò viâ est turgida ut aliquid bilis contentè transudasset, quo proximum intestinum extus inficiebatur. Hæc autem bilis adeò degener erat, aut colore ac consistentia picem nigram aliquatenus liquatam, referret; ejus verò sapor dissectori subdulcis apparuit, non aliter quàm cum animalium bili spiritus admiscemus acidus; prædictæ autem vesiculæ parietes glutine illo bilioso ita erant infecti, ut eo nisi adhibitis multis lotionibus, digirorumque conficationibus expurgari minimè quiverit. Pancreas bene se habebat, ut & idem Ren sinister; dexter verò purulentus reperiebatur circa pelvim, nulla tamen apparente ulcerosa cavitate, sed totâ illâ purulentia potius è fibris visceris tubularis per dissectionem, non aliter quàm alibi lotii materia, emanante. Uterque figuræ erat inæqualis, quàm loculamento à contorta spina efformato, in quod profundius compulsus erat, acceptam debebat. Uterus cum ovariis suis bene sanus, cavitate; vix excipere potis semen orobi, & tamen inde ad exteriora specillum liberè transmittens. Intestina, quorū aperturam ab inferioribus ordiebamur, ea ratione, quò ordine describemus affecta, observata sunt. Rectū rubicundius undique, ac eo mucore, qui illud contra excrementi acrimoniam tueretur, prorsus spoliatum, materiam continebat pultaceam, griseam, odoris non ita exquisiti. Colon admodum erat dilatatum, tam secundum sui latitudinem, quàm secundum longitudinem, ita ut vi sic facta freno ipsum corrugante, ac in plicas minus profundas cogente, in longum non parum explicaretur, valvulatque conniventes intus sibi appensas, seu potius per interioris tuniæ corrucationem efformatas aprèque se interfecantes, ex parte oblitteratas exhiberet: Hinc inde bilem viscidam parietibus suis agglutinatam cum exquisita circum inflammatione ostentabar. Materiam ejusdem indolis, quam in Recto descripsimus complectebatur. Cæcum tumidiùs, coloris extus atrii, vasis varicosis totum constitum. circa sui originem crassius, prorsus sideratum, ac putridum, digitis æque facillè ac charta madida lacerabile supra dicta materia cum aliquot cerasorum nucleis plenum, reperiebatur. Ileon, Jejunum ac Duodenum rubore inflammatoriò, non parum perfusa: Ventriculus admodum contractus, sui cavo materiam pultaceam bile saturatum gerebat. Thorace hinc referato nihil quod contra naturam foret in eo advertere licuit; ut nec in ipso cerebro quod firmioris erat texturæ, per omnes suas partes perquam sanum & probè constitutum, præterquàm quòd glandula pinealis naturali grandior, ad fabæ minoris magnitudinem accedebat.

Non possumus causam mortis dolorumque illam accersentium ex alio repetere quàm pravâ hepatis constitutione, rachiticis familiari, unde bilis degener ferociorisque indolis efformata, ac secreta est, quæ post varios, per totum intestinorum tractum, dolores excitatos, impressiones tandem funestas pluribus locis peperit, quas cultrò anatomicò detectas, mox explicuimus.

Anatome pueri Rachitide defuncti.

Clariss. Samuelis Graßij, Ephemerid.

Germanic. Cent. 1. & 2.

In sectione pueri rachitici trium annorum sequentia observavi. Intra integumenta abdominis pleraque

interstitia scirrhusa, ulcerosaque inveniebantur. Hepar erat pergrande, in dextro latere per abscessum ad mesenterium transeuntem, omnia intestina infestantem, cum scirrhescencia & exulceratione undiquaq; contortum, ut neutiquam distincta intestina conspici & distinguere potuerint, circa intestinum rectum maxima induratio live tumor scirrhusus trium digitorum amplitudine observatur. Renes erant integri, & more hujus ætatis satis magni, in dextro inguine inveniebatur relaxatio annulorum peritonæi, ob convoluta verò & purulenta scirrhusa intestina prolapsus in scrotum non observabatur, bene verò per digitum hiatus percipiebatur. Lien erat magnæ & optimæ constitutionis; Ventriculus flaccidus & enervis. Dexter lobus pulmonis erat taliter qualiter constitutus; in thymo tamen dextri lateris abscessus scirrhusus, nucis juglandis viridis magnitudine conspiciebatur: Sinister verò pulmonis lobus totus quantus scirrhusus erat, & pleuræ in superiori parte annatus. Cor cum pericardio optimæ erat notæ. In cerebri ventriculis copiosa inveniebatur lymphæ.

Ex hisce concludo in rachitico-hypochondriacis infantibus hepatis conformationē nimiam in culpa esse, quia

1. Hepar lymphæ maximum colatorium est.
2. Ob hepatis nimium augmentum, cæteris partibus idem adimitur: Hinc flaccescunt musculosæ partes, & abdomen attollitur.
3. Hinc propter lymphæ defectum in mesenterio, ejusdemque glandulis restitans chylus varices, obstructions, flatus, & intumescenciam abdominis causatur.
4. Ob lymphæ in musculosas partes denegatam distributionem, eadem in capite cumulat, caputque grandiorē nanciscitur figuram; lymphæ verò nutritrix largiori per nervos & vasa lymphatica influxu præcox ossibus per medullam infert nutrimentum, ut non mirum quod propter minus nutritos tendines & musculos, ossa abundanter crescant, incurvantur, & ramorum instar exostoses protrudant.

Videre poterit Lector verè Anatomicus, quomodo hac ratiocinia ac conclusiones genuinis Oeconomiae animalis legibus accommodentur.

R A M E X.

Vid.

H E R N I A.

R A N U L A.

I. **N** Onnumquam sub lingua, propè ejus vinculum, seu ligamentum, tumor oritur, Græcis *Βαλτραχῶ*, Latinis Ranula, dictus, quod hoc sublinguali tumore correpti, coaxando magis quàm loquendo mentis sensum enunciare videantur. Est autem Ranula tumor mollis, laxis, mucis plenus, sub lingua prope ejus frenulum subsistens, atque loquelæ libertatem adimens. Enimverò tumore hoc aperto mucus prodit, ovi albumini colore & consistentiâ non multum absimilis. Et scribit Aq. apendens, se aliquando hujusmodi tumorem vidisse adeò ingentem, ut omnes fermè oris partes labefactarit. Equidem errat ille, quādo Meliceridis speciem hunc tumorem esse putat; quum non eadem in hoc, atque in Meliceride, continentur materies

II. Circa causam verò hujus tumoris, Veteres omnes, tum Medici, tum Chirurgici, quibus latuit vera organorum salivaliū structura, perperam ratiocinantur; sanguinem

sanguinem accusantes crassum & terrestrem, seu ut loquantur, humorem tartareum in venis sub lingua coacervatum, aut pituitam lentumque humorem è cerebro eò stillantem, partibusque hisce infixum. Sed repertis, ac palam ostenfis, organis salivæ generationi & excretioni dicatis, potius dicamus oriri ranulâ à saliva nimis acri simulque viscidiorè, quæ per inferiores ductus salivales erumpens atque ob suam ipsius visciditatem extrema ipsorum orificia liberè permeare nequens, hinc sub lingua, propè ejus ligamentu subsistens huc ibidè tumorem, ingenti cum dolore, excitat.

III. Sed ut rollatur sublingualis hic tumor, laudant pulverem, quo identidem ranula fricetur, c. g.

℥. Pyrethri, zinziber. an. 3j. sal. comm. gem. an. ʒj. radic. iridis, hermodact. an. ʒß. origan. calaminth. mastich. an. ʒj. M. F. pulvis. Ex iisdem in aq. & vino decoctis, oris collutio fieri potest.

Avicenna extollit origanum, cortices granator. & sal, quibus mixtis & pulveratis ranula fricetur. Veruntamen hisce, aliisque medicamentis, quæ passim apud Autores describuntur, rarò admodum curatur ranula, vixque ea sanatur nisi Chirurgiâ.

Paræus Chirurg. lib. 7. cap. 5. Vigierius Chirurg. lib. 1. cap. 36. & alii, tumorem hunc sublingualem aperiendum censent actuali canteriò, hinc materiam intus contentam educendam, ne malum revertatur. Alii acum per tumorem transmittunt, arque vulnus deinceps cum scalpello dilatant, ut conclusus humor effluat; quò effusò cum aqua multa gargarizare jubent, quam & per syphunculum in apertum tumorem immittunt, ac ulcus tandem legitimè claudunt. Sed quoniam contentus in hoc tumore humor nimis viscidus est & tenax, quàm ut per exiguam hanc aperturam possit evacuari; idèò cum Fernelio, multisque aliis, legitimam hujus tumoris curationè esse puto, ut ranula scalpello utrinque aperiatur, & quidem sectione laterâ, & profundâ, quæ citra periculum fieri potest. Ubi verò humor effluxerit, & ultrâ expressus sit, sæpius os colluatur hordei decoctò cum melle rosaceo, tantillo addito salis prunellæ, donec nihil amplius tumoris in loco affecto reliquum sit. Nigra autem, vel fusca, & dura ranula, quæ cancrofa est, attingi non debet. Joh. Munnicks in Chirurg. ad Praxin hodiernam adornatâ.

REDUVIA.

Vid.

PARONICHIA.

RECUTITI.

Vid.

PENIS VITIA.

RENUNCIATIO.

Renunciationum materia est admodum ampla, & ad omnes propè Medicinæ partes se extendit: Siquidem vix aliquid morbidum occurrit in quo renunciandi occasio aliquando non exhibeat. In gravidarum, ac in earum quæ pepererunt, v. g. examine; atque in illis quæ ante aut post partus terminum ordinarium fetus suos enixe sunt; in Viris, aut Mulieribus matrimonio inhabilibus; in iis qui veneno enecti sunt; in Leprosis, in Lue Venerea affectis, innumerisque aliis eoritudinibus & casibus dubiis, Medicus à Magistratu adhibitus, solidis rationibus ac auctoritatibus fretus,

Bibliot. Chirurg. Tom. III.

tanquam legitimus iudex pronunciat. Verum in præsentiarum hocce in argumento nos in iis restringemus quæ à Medico, aut Chirurgo frequentius expectantur; scilicet in Vulnerum ipsorumque lethaliitate, aut non lethaliitate, aliorumque paucorum Renunciatione. Præterquàm quòd etenim de Partus termino plurimà videri poterunt in secunda Bibliotheca nostra Medico-Præctica, brevi emittendâ, sic Deo juvante, editione: Gravidarum ac Puerperarum examen totum difficultatibus horridum reperitur, dum, scilicet signis nimium equivocis ac fallacibus innititur; aliarum renunciationum quæ à Medico expectantur, pars maxima à morborum accurata diagnosi unice dependet. Vulnerum itaque lethaliū, vel minimè lethaliū examen jam referre studentes, duos adhibebimus tractatus; primum scilicet ab Excellentissimo Godofredo Welschio, in Lipsiensi Academia Medicinæ Professore famigeratissimo, conscriptum, & jam annò 1674. divulgatum; in quo quia renunciationum formula linguâ Germanicâ, Doctis omnibus minimè notâ, tradita reperiebantur; earum in linguam latinam translationem perfici curavimus. Alterum, perelegantem sanè, à Præclarissimo Viro Joh. Bohnio, Professore iidem Lipsiensi, de Renunciatione Vulnerum, jam annò 1689. publici juris factum, non ita pridem verò, annò scilicet 1711. rursus cum non contemnendis correctionibus & auctariis Lipsiæ editum. Veniat itaque primò.

Clariss. Godofredi Welschii. Rationale Vulnerum Lethaliū Judicium, seu de Vulnerum Lethaliū Natura & Causis, eorumque legitimâ Inspectione.

CAPUT I. De Lethalitate in Genere.

Cum, ad dicendam super Lethalitate Sententiam, maximum interessè videatur, ut in antecessum statim constet, quid propriè Lethalitatìs nomine veniat, vel venire tamen debeat, operæ pretium esse existimo, ut ex Principum Medicorum Scriptis, communique Rationalium, ac Dogmaticorum Fonte, genuinus Rei istius hauriatur sensus; Hinc si Patrios Artis Medicæ investigemus Latres, nihil vulgariū, quàm τὸ θανάσιμον occurere, experimur ubique; quod, cum δὲ τὸ θάνατος, mortem infero, & hoc δὲ τὸ θάνατον, quod δὲ τὸ θνήσκειν, mori; Mortem denotat, derivetur, primo statim intuitu omnem Ambiguitatis videretur removere temerem; Verum enim verò si Hippocratem, accuratumque ipsius Commentatorem Galenum, hinc inde evolvas, consulasque pluribus in locis, τὸ θανάσιμον, vel, quod idem, θανάσιδες Ipsorum, non idem semper significare comperies; Sic enim vel pro eo tantum, quod κακόν, vel κινδυνώδες, malum, pravum, perniciosum, ac periculosum est, accipitur; Ita namque Hippocrates Vulnera Capitis, quæ Ossibus Syncipitis infliguntur, θανάσιμώτερα καὶ χαλεπώτερα (ut statim addit) non Lethalia purè, sed perniciofa magis, magisque periculosa dicit, quàm si in qualibet alia Capitis parte ista accendant; cum, quod χαλεπὸν est, non statim θανάσιμον sit; Unde idem Hippocrates, Teste Galeno, τὸ θανάσιμον, vel θανάσιδες de Convulsione ex Hellebore usu prædicat, non quoad ea Mortem simpliciter inferat, sed quòd mala sit, ac periculosa, quia ex helleboro (& albo quidem, ut Gal. addit) utpote qui hypercatharsin facilè, vomitum, &, per consensum ventriculi cum cerebro, mala plurima inducere solet, prognata est.

Propriè tamen magis de Eo dici videtur, quod in morbis, eventus ratione, vel dubium satis, atque summe periculosum est, & ita quidem, ut, si servari & evadere quosdam, contingat, rarum sit; Id quod Ga-

lenus innuisse legitur, dum dicit: *Hoc Verbum Lethale protulisse Hippocratem sapè de his, qui ex ἀνάγκης & inevitabili qu. necessitate, sapè etiam de iis, qui ὡς ἐπὶ δὲ πόνον, & magna ex parte, morituri sint*; Unde Ipse Hippocrates dicit: ἀποθνήσκουσιν δὲ μάλιστα, &c. *Moriuntur autem maxime &c. vel, ut Interpres reddit, ferè autem mors contingit, si cui vulneratum fuerit Cerebrum &c. hinc, cum non omnes in universum, quibus Cerebrum vulneratum est, mori semper contingat. neque δανάσιμον h. l. semper, sed ὡς ὅτι πολὺ, & ut plurimum, Lethale esse, manifestum est.*

Vel tandem pro *Eo*, quod δανάσιμον ἔξ ἀνάγκης, ex necessitate, vel simpliciter, & absolute, Lethale est, & nullà ope, nullà curà, nullisque corrigi potest mediis ac remediis; hoc est, ubi summa, & inevitabili (consequutionis, putà) necessitate, ac qu. secundum Canonem, quod dicitur, moritur Patiens, & Vita nullo Artis Consilio servari, & prolongari potest. Qui in re Hippocratis, & Galeni sententiæ, Celsus, Fallopius, Forestus, Hildanus, Sennertus, Serapion, & Alii, aditipulantur unanimes.

Cum verò uñ hactenus in foro Medico receptum esse constet, ut illud tantum Lethalitatē mereatur titulum, quod vel ut plurimum, vel simpliciter, & absolute, mortem, mortem, inquam, non Parti, ut, cum Brachium gangrænâ correptum, mortuum dicitur, sed Toti Corpori inferre assolet; absque mora proinde in formalem Vulneris Lethalis rationem inquirendi ansam arripio.

Cap. 2. De Vulneris Lethalis Descriptione, ac Divisione.

Dico ergò, quòd *Vulnus Lethale sit Unitatis in Parte Humani Corporis, vel nobili vel ad Vitā tamē simpliciter necessaria, à re externa, violenter solvente continuum, inducta, &, vel cum discrimine, vel ipsâ vitæ jacturâ, conjuncta Solutio.*

Vulnus omne *Solutionem* esse *Unitatis*, vel lippis etiam, ac tonsoribus notum esse censeo; ita, ut plura impresentiarum de ea proferre, nunc quod suscepi, non patiatur negotium, sed reliqua potius, & quæ ad præsens facere magis videntur propositum, datæ *Descriptionis* membra accuratius examinanda augurer; præptimis cum *Subjecti* statim, vel *Partis Lethali Vulneris Affectæ* qualitas, ac conditio, commodam dicendi præbeant materiam.

Cum verò *Lethale Vulnus duplex* in Definitione agnoscat *Subjectum*, vel *partem affectam*; *Nobilem* unam; *Ad vitam* verò *simpliciter necessariam* alteram; inquirendum proinde ulterius, quid sit, & in quo consistat *Nobilitatem humani Corporis Partium Nobilitas*? Earumque pariter, quæ *ad Vitam simpliciter necessaria* dicuntur, *Necessitas*?

Partem verò unam, alteramque *Nobilem, Viscus Nobile, Partem principem, principalem* (quòd aliarum partium vel Principium sint, vel, *Actionum* ratione, *Principatum* tamen præ aliis obtineant) alteram verò *necessariam* dici *Medicis*, nihil novi, sed *communi usu* ab *Anatomicis* ita receptum est.

Nobilitatem autem quod attinet ipsam, est ea vel *Structura* ac *Conformationis*, vel *Actionis* cuilibet partipropria; *Illa* ex visceris *Situ, Substantia*, notabilique partium integrantium *Apparatu* imprimis cognoscitur; *Hac* verò per *Singularem agendi Proprietatem, & Prædominium* in alias, manifesta redditur cuilibet.

Unde, *Situm* si intuearis, *Cerebrum, Cor, & Epar*, Principum instar, ac *Magnatum*, illud quidem *Caput*, istud *Thoracem*, hoc verò *abdomen*, tanquam certas *Regiones*, *Medicis* etiam ita dictas, occupare,

comperies; Si *Substantiam*, proprium cuilibet *Perenchyma* esse, concedes; Si verò magnificum integrantium partium *Apparatum*, non sine summa *Optimi Creatoris* laude, ac admiratione, inspicere ista, insignēque præ partibus omnibus prærogativam mereri, ac Principatum, ipse fateberis; Et eò magis, quò major, ac splendidior a Deo, & Natura ipsis concessa est.

Actionis quoque *Nobilitas* pariter, ac singulis innata & à *Substantia* proprietate proveniens *Proprietas*; Quis integrè ut tradere queam, tantum sanè abesse cor, ut potius, quò me verum, nesciam! eloquar, an fileam? Scilicet tanta est viscerum horum *Nobilitas*, & Eminentia, ut vel in ea sola *Summum* istud, quod omnes in universo hoc Terrarū Orbe sperant, optant, desiderant; *Sanitas* nimirum, &, ut breviter dicam, *Vita ipsa*, extremusque vitæ halitus consistere, ab eaque dependere, statuatur meritò. Hæc etenim viscera sunt, quæ, cum nondum sumus, Generationis nostræ suppeditant Principia, & ut tenelli adhuc in utero, inque lucem postmodum editi nutriamur, angeamur, moveamur, & vivamus, faciunt.

Unde si *Cerebrum*, Animalis Facultatis *Organum*, *Platonis* ὑπεμονικὸν, rationalis animæ Domicilium, *Sensuum* omnium *Sensorium*, motus localis directorium, *Cor*, vitalis facultatis organum, caloris nativi & humidi radicalis principium, spiritus insiti receptaculum, influentis emissorium, *Misericordiæ, Charitatis, Castitatis*, aliarumque *Virtutum* non minus diversorum quàm *sinistrorum Affectuum* *Ergastulum*; *Epar* verò, Naturalis facultatis organum, sanguinis *Ergasterium*, nutrimenti *Colatorium*, & benignum partium adjacētium fomentum, cum aliis dicerem, à veto aberraturum me, dabito; præsertim cum tanta sit *Viscerum* horum *Dignitas*, ut reliquarum more partium, non vicinis tantum faveant partibus, sed ut toti pariter prospiciant corpori, utpote quorum regimini integra humani corporis œconomia à naturante Natura providè satis demandata, atque concedita est; Sic etenim quis nervus vel minimum etiam extremi pedis incurrit digitum, eumque sentiendi, & movendi informat potentia, nisi qui à *Cerebro*? quæ *Arteria*, quæ in summum etiam corporis habitum influentem cum nutrimento distribuit Spiritum, nisi quæ ex *Corde*? quæ tandem *Vena* in toto microcosmi territorio est, quæ sanguinem à nutritione superstitem, refluxumque ad suos reducit fontes, nisi quæ (ex Veterum imprimis sententia) ex *Epate* sit? Ita, ut *Nobilem* hanc partium *Trigam*, non *Structura* ac *Conformationis* minus, quàm *Actionis* gratiâ, *Nobilitatis* emereri stemmata, à multis hinc meritò decusum, ac conclusum fuisse seculis, totus fateri habeam.

Sed ut in alteram etiam *Partis Lethali vulneris affectæ* inquiram notulam, dicitur ista *Pars ad vitam simpliciter necessaria*; quod ipsum quamvis abscondit quodammodò minusque medicè, & qu. non omnes partes nostri corporis ad vitam essent necessariæ, dictum videatur, nihilominus tamen scitè, & pro Intuitu ratione, appositè ita dictum, comperies; cum impresentiarum non loquar de Statu humani corporis saluberrimo, & plenariâ Actiones omnes perfectè exercendi potentiâ, quæ ab omnium omnino partium naturali dependet habitudine, ac constitutione, sed de corpore in aliqua ipsius parte vulnerato, & quatenus super qualitate, & *Lethalitate* inflicti istius vulneris dicendi est sententia. Dari autem, præter superius enumerata viscera, alias in corpore humano *Partes*, quæ *Nobiles* quidem vel *Principes* non sunt, sine quarum tamen ope, & officio *Principes* dictæ *Partes* œconomiam corporis sartam tectam servare, vitamque ipsam sola tneri nequeunt; *Alias* verò, sine quarum ope, usu, & officio, *Vitam*, quamvis imperfectè, & miserè, servari tamen contingat, extra omnem est contro-

troverfiam;

troverſiam; Sic cui inteſtinum tenue profundè vulneratum eſt, moritur; E contra cui manus integra amputatur, non moritur; Ratio eſt, quia abſue ope, uſu, & officio manûs, vivere poteſt, qui, ceſſante ope, uſu, & officio Inteſtini, moritur.

Dicitur ergo *Pars ad vitam ſimpliciter neceſſaria* quæ ejuſmodi fungitur munere, quò vivi carere non poſſumus, & cujus ſublato uſu, & officio, vita ipſa ut plurimum ceſſare cogitur, quales ſunt: *Pulmones*, cum *aspera Arteria*, *Diaphragma*, *Gula*, *Ventriculus*, *Inteſtina*, *Mefenterium*, *Renes*, & *Vefica*; Reliquæ verò omnes pro ſimpliciter ad vitam neceſſariis non habentur, quippe quibus vel vulneratis, vel planè perditis, vulneratus, quamvis cæcus, mutus, ſurdus, claudus, mancus, uno verbo, miſer reddatur, vivus nihilominus ſuperſeſſe poteſt.

Quibus omnibus ita poſitis, quæ tandem *Lethalis Vulneris Cauſſa* ſit, ac *Differentia*, reliqua in deſcriptione allata teſtantur Verba, *Cauſſam* proinde quod ſpectat, & quidem *Procatarticam* (cùm aliam non agnoſcat vulnus) dicitur ea *Res violenter ſolvens Continuum*; *Res*, eaque externa (cùm de Continui ſolutione à cauſſa interna, humorum putà vitio, & acrimoniâ, hic ſermo nullus ſit) quodlibet ſcil. *Armorum*, *Rerumque* aliarum genus, quod *Continuum ſolvere* aptum natum eſt; Sive ſit *ſclopetum*, *baſta*, *gladius*, *enſis*, *pugio*, *culter*, *novacula*, *fuſtis*, *saxum*, *malleus*, *contus*, vel id genus alia; Sed quid agit *Res* iſta? *ſolvit*; quomodo? *violenter*; quid? *Continuum*; quippe quibus ipſis *Subjeſtum* partim, *Actio* partim ipſa, partim v. *agendi* determinatur *modus*.

Subjeſtum, in quo *Res* iſta externa agere fertur, *Continuum* dicitur; quod *Medicis* idem eſt, ac *integrum* & *unitum*, cui opponitur, quod *ruptum*, *fractum*, *fiſſum*, *contuſum*, & *diſciſſum* eſt; Ad naturalem enim partium conſtitutionem, præter *Temperamentum* & *Conformationem*, *Unitatem* non minus earundem requiri, vel noſtris etiam notum eſt tyronibus; unde reſeſſus etiam à naturali iſta *partium Unitate* peculiare Morborum genus, *Soluta Unitatis* dictum, conſtituit; *Actionem* verò quod concernit ipſam, dicitur, *rem externam ſolvere Continuum*, quod dicere *Medicis* nihil aliud eſt, quàm, *vulnere Lethaliter* inſiſto, *viſceris nobilis*, vel *partis ad vitam ſimpliciter neceſſariæ* fabricam, ac ſtructuram deſtruire, & quod *integrum* in ea, ac *unitum* erat, *ſolvere*, *rumpere*, *frangere*, *lacerare*, ac *diſcindere*; Et quidem *violenter*, hoc eſt, *fortiter*, & *cum violentia*, ac *impetu*, utpote quo ipſo *Continuum ſolvendi*, *Modus* exprimitur: qui in eo conſiſtere videtur, quòd *Lethalium vulnerum* omnia manûs fiant. & contingant *violentia*; & quidem vel *Ceſum*, ſive incidendo (wenn einer gehanen, oder geſchnitten wird) (vel *punctum*, ſive pun-gendo (wenn etner geſtochen, geſtoſſen wird) vel *im-miſſo* ex ſclopeto globulo (wenn einer mit einer Rugel getroffen und geſchoſſen wird) vel tandem *Contuſum*, ſive contundendo (wenn einer trucken geſchlagen, geſtoſſen, geworffen, oder mit Fuſſen getreten wird.) Unde etiam, qui ex tali moriuntur vulnere, morte *non-naturali* vulgò, & *manu violentâ* periſſe dicuntur, (Sie ſeyen keines reinen, oder natürlichen Todes geſtorben) quod tamen ad ſolam *Cauſſam* externam, ejuſque *violentiam* reſtringendum eſt, utpote quâ ipſâ quocumque etiam modo ea contingat, *Calor nativus*, cujus *extinctio mortis naturalis cauſſa* eſt, deſtructo ſcil. per *Vulnus Lethale* hoc vel illo *Actionis Nobilis*, vel ad vitam ſimpliciter neceſſariæ, *Organo*, & ipſe perit, & extinguitur.

Ut autem *Lethalium* denique *vulnerum* addatur *Differentia*, videtur ea ſe ipſam manifeſtare, modò illa, quæ ſola adhuc in deſinitione reſtant, attendantur Verba, dum dicitur; *Unitatis in Vulnere Lethali So-*

lutionem cum Discrimine & facturâ vitæ conjunctam eſſe; Hinc cùm *Vulnerū Lethalium* aliud cum *vitæ discrimine*, hoc eſt, ſummo ipſius periculo; Aliud verò cum ipſâ ipſius vitæ *facturâ* fiat, & diſpendio, Dividendum propterea iſtud centeo in *vulnus Lethale ſimpliciter & abſolutè* tale, & in *Vulnus Lethale ut plurimum*; utpote ex quibus paucarum horarum vel dierū ſpatio moriuntur vulnerati, & pereunt, ita ut *Duas* proinde *Vulnerum Lethalium Claſſes* conſtituam, quarum *Prior Vulnera partium nobilium*, & quatenus ea *ſimpliciter, & abſolutè Lethalia*; *Posterior* verò *partium ad vitam ſimpliciter neceſſariarum Vulnera*; & quatenus ea ut *plurimum ſunt Lethalia*, conti-net. De quibus ſingulis in Specie.

Cap. 3. Primam Vulnerum Lethalium Claſſem continens.

Ex prima igitur *Vulnerum Lethalium Claſſe* ea re-latus, quæ *ſimpliciter, & abſolutè Lethalia ſunt*, nulla-que arte, nulloque remedio ſanari poſſunt, eam imitari conabor *methodum*, quæ ſuperius partium nobiliorum, & principum, conſtituebat ſeriem; Quas inter cùm *Cerebrum* primum occupaverit locum, de ipſius etiam *Vulneribus* primum eſto *Judicium*.

Perpendens autem quàm verum ſit, quod, qui bene diſtinguat, bene doceat, in antecellum ſtatim notari velim, τὸ θανάσιμον, *Lethale*, de toto quidem *Organo*, & principalioribus, non verò de ſingulis ipſius prædicari debere partibus: Prædicta enim viſcera ſunt partes organicae, quæ, *Actionis* ratione, unum quidem conſtituunt *Organum* unum totum, *Conformationis* verò ratione, ex pluribus diſſimilaribus, & integrantibus conſtant partibus, quarum nec eadem invicè eſt facies, ſubſtantia; forma, multò minùs eadem dignitas, idem uſus, eademque neceſſitas; & conſe-quenter nec idem de omnibus ſuper *Lethalitate* erit *Judicium*; Sic (ut quivis poſſit, quod volo, aſſequi) cùm *Cordis vulnera ſimpliciter & abſolutè* dicuntur *Lethalia*, intelligendum quidem iſtud eſt de *Toto vitalis Facultatis Organo*, & principalioribus ipſius partibus, *Ventriculis* putà, *Auriculis*, & *vafis*, non verò de reliquis æquè ipſius partibus; aliàs enim vulnera *Pericardii* (modò contingat, illud ſolùm lædi) & ipſa eſſent *Lethalia*, quod non eſt, teſte *Benivenio*, qui, iſtum in *Cordis tunica* curaffe, legitur; Et ſic ſuper *Lethalitate* judicandum de omnibus.

Sed *Cerebrum Caput* occupat, quod ex multis; iſſique diverſis, quæ vulnerari poſſunt, conſtat partibus, quarum tamen *Vulnera* (quamvis nec *leviuſcula contemnenda ſint*) non omnia, nec ſemper habentur pro *Lethalibus*; Inter omnes autem *cerebrum Princeps* eſt, utpote quod *Animali*, & ſibi propriâ, à *Creatore* inſtructum *Facultate*, prompto ſatis *Spirituum animalium miniſterio*, *Senſuum internorum*, & *exter-norum*, motuſque voluntarii *functiones* omnes expedire diſponit, atque gubernat; ita, ut quò nobilius eſt *cerebrum*, eò periculoſiora etiâ, & *Lethalia* magis eſſe ipſius *Vulnera*, veriſimile ſit.

Cùm verò de *ſimpliciter Lethalibus* hîc tantum ſermo ſit, ea verò, ut ſuprà monitum, de omnibus ipſius partibus dici non poſſint, inſpicienda proinde eſt *cerebri Structura*, & *Compoſitio*; Sed breviter, & in tantum, quantum inſtituti ferre videbitur ratio.

Situm autem eſt *cerebrum* in *capite*, membranoso pię, duræque matris operculo, validoque ſatis *Cranii* non minùs circum circa præmunitum muro, quàm propriorum ac communium tegumentorum involucris, denſaque donatum cæſarie; *Formam* habet globosam quodammodò, continentis tamen *Cranii æmulam*; *Magnitudine* vel *amplitudine* verò inſigni, *Bovem*, & *Br-*

ra, in proportione, superat pleraque; *Substantiam* agnoscit peculiarem, & sibi propriam, cum similem non licet reperire in corpore; Cujus ratione dividitur in cinericii coloris *corticem*, qui mollis, & candidantem *Medullam*, quæ solidior; *Situs* autem ratione, in partem anteriorem, & posteriorem; dextram, & sinistram; superiorem, & inferiorem; Illa *Cerebrum* propriè, hæc *Cerebellum* in specie dicitur; à quibus utriusque *Nervorum* oritur *Principium*, & *Spinalis* dicta dependet *Medulla*, ex maximo *Occipitis* foramine in vertebrarum sinus deorsum porrecta; *Actio* denique ipsius est, *Animales* elaborare *Spiritus*, ac ministerio eorum sensuum, commodum *Sensuum internorum*, & *externorum*, *Motusque localis* esse *Organum*.

Ex quibus colligi facillè potest, quænam in *Cerebro* pars *Vulnere* simpliciter, & absolute *Lethalium* sedes sit; *Medulla* scilicet utpote quæ *Spirituum animalium* non tantum officina, & diversorium est, sed & alias, unum tamen cum *Cerebro* constituentes *Organum*, partes continet, & fovet nobilissimas, quales sunt: *Falcatus* iste per medium cerebrum conspicuus *processus*, sinusque ipsius, copiosum arteriosi, & venosi generis sanguinem continentes, eumque circulates; *Celebres* item *Cerebri* dicti *Ventriculi*; ut & mirabilis iste in cavitate partim ipsorum, partim circa eosdem *venularum*, *arteriolarumque* apparatus, *Plexus Choroides*, & arteriosum *Rete mirabile* dictum; Quorum partium, ut dicitur, *Vulnera*, præsertim quæ magna, & profunda sunt, simpliciter, & absolute *Lethalia* esse, sit no. Ne verò absque ratione, & fundamentis dicatur, vel determinetur quicquam, *Lethalitat*is istius omnino exponenda est ratio; quod ut commodi⁹ fiat, quinque isti (sive ea *Lethalitat*is Signa, & Indicia, sive requisita fixis, mihi perinde est) attendendū censeo quorū 1. est *Partis vulnerate Nobilitas*, vel *Necessitas*; 2. *Vulneris Magnitudo*, & *Profunditas*; 3. *Remedia applicandi impossibilitas*; 4. *Symptomatum gravitas*; & 5. *Periclitantis vitæ termini Brevitas*; quippe quæ toti huic de *Vulnerum Lethalitate* applicanda sunt discursui.

Sic ergo *Medulla cerebri vulnera simpliciter*, & absolute sunt *Lethalia*; 1. quia est omnium *Capitis* partium nobilissima; 2. Accidit vulneris profunditas, cum, si vulnus capiti inflictum ad *Medullam* usque cerebri penetret, partes prius alias, situque priores, cutem puta capitis, pericranium, cranium ipsum, duram, piamque matrem, & qui *medullæ* proximus est, cerebri *corticem*, fuisse vulneratas, præsupponendum sit; Unde 3. *Remedia applicandi* suboritur impossibilitas, vel maxima tamen incommoditas; Et quò, quæso, modò *Chirurgorum* etiam dexterrimus *Vulnera Medullæ Cerebri* tractare legitimè, curare, vel sanare poterit, quæ ob loci profunditatem, vulnereumque in vicinis partibus complicationem, nec videre quidem potest, multò minus instrumentis ipsi explorare, licitum est; Et sic subsequitur 4. *Symptomatum gravitas*, copiosa putà sanguinis profusio, *Actionum animalium* læsio, dolor, ob solutionem in partibus membranosis continui, exquisitus, vigilie, humorum à dolore excitatus affluxus, unde inflammatio, in bilioso præprimis corpore, febris, delirium, quod in vulneribus *Capitis malum* dicit *Hippocrates*, ista partis putredo, & corruptio, gangræna, *Lethargus*, *Epilepsia*, *Tremor*, ob spirituum vel resolutionem, vel interceptionem, *Paralysis*, *Convulsio*, eaque vel particularis, vel universalis; quæ ipsa 5. demum pereclitantis vitæ termini comitatur brevitatis, cum paucarum horarum, vel dierum spatio, perire vulneratos ita, dies testetur, & *Experientia*.

Quò profundius verò vulnus penetrat, ita, ut vel *Falcatus cerebri processus*, vel ipsius *Ventriculi*, &

qui propè eisdem sunt, *Plexus Choroides*, & *Rete mirabile*, dicti, insimul lædantur, eò *Lethale* magis vulnus est, citiusque qui ita vulnerantur, moriuntur, & pereunt; Ratio est, quia, præter partium harum Nobilitatem, profunditatem, applicandique *Remedia* incommoditatem, maxima statim, (*falx* si læsa, unusve vel alter ipsius perfossus sinus est) hæmorrhagiæ sequitur, ita ut 24. libras sanguinis exinde effluxisse, ex aliis testetur *Sebizius*; Sanguis, exitum non inveniens, in vicina *Cerebri* intima profluit, ibidemque collectus in grumos abit, & putrescit, quo ipso turbatur anima, pereunt sensus, motus, loquela, quib⁹ brevi succedit sopor gravis, *Apoplexia*, *Mors*; Si profundius adhuc, & ad *Ventriculos* usque *Plexumque* dictum *Choroidem*, per sinus eorundem mirabili texturâ se exhibentem, & *Rete mirabile* pertingat, res citò acta, & mors in olla est, cum hæmorrhagiam subita insequatur spirituum (non animalium tantum ex vulnerato cerebro, sed vitalium insuper ex sauciatis arteriis) dissipatio, & exspiratio; *Plexus* enim isti, præter tenuem, quam à pia matre habent, tunicam, minutissimasque glandulas, ex solis constant vasis, plurimis arteriis, paucioribus venulis, innumerabili, plexum quidem *Choroidem* quod attinet, anastomosi invicem sese exosculantibus, in quibus *Spiritus vitalis*, è vicino corde, cerebro copiosè satis communicatus, in sanis alacrem se exhibet, primumque futuri spiritus rudimentum suscipit, ita ut vulneratis, disruptisque hisce vasculis, & cerebrum, & cor, omni subito priventur robore, & *Spiritus* ita vel nulli generentur amplius, vel pauci, qui tamen & ipsi brevi exspirant, emigrantes autem spiritus (utpote qui ad respirationem, & consequenter ad vitâ ipsâ suâ necessarij sunt) ipsa subindè absq̃ mora comitentur anima.

Cujus rei *Exempla* in *Observationibus Medicis*, & *Chirurgicis* quamvis plura passim occurrant, melioris ramen probationis, & illustrationis gratiâ, ex iis casibus, qui a Gratiissima *Facultate Medica*, ex libro *Responsorum*, & ab Amplissimo hujus *Reipublicæ Lipsiensis Senatu*, ex *Actis publicis* mihi fuer⁹ comunicati, ut major rei fides accedat, sequentia impræsentiarū proferenda censui.

Sic enim *Facultas Med. & Chirurg. Lips.* 26. Sept. A. 1626. attestatur: *Præm. Præmitt.*

Et absolutâ *Cranii* aperturâ, observavimus vulnus, quod defuncto (qui sequenti die mane mortuus est) inter nasum & angulum majorem sinistri oculi inflictu fuit; pone dictum oculum per cranium in cerebrum penetrasse, & quia ille paulò post, uti dictum fuit, in terram lapsus, aphonîâ, vomitu, & lethargo correptus fuit; quapropter rebus sic se habentibus, vulnus pro lethali habendum esse existimavimus. Et quidem simpliciter, atque absolute, quia 1. *Cerebrum*, ut pars nobilis, & quidem 2. *Profundè* satis, ac per mediam ipsius *medullam*, *Ventriculosque* vulneratum est; Nec curationem 3. *Loci incommoditas*, qua basis ipsius vulnerata est, nec *symptomatum* 4. eam admittere videtur *gravitas*; In terram enim salmine qu. percussus stupidus concidit, læsò violenter *Sensuum*, *motusque* organo; obtumescit, evomit, ob linguæ, & ventriculi amicum cum cerebro consensum; *Apoplecticus* redditur, ob impeditum, & abolitum spirituum animalium, ex læsò, & profundè vulnerato nobilissimæ actionis organo, motum, atque influxum; & 5. demum, interdictâ qu. & interceptâ mutuâ cordis, & cerebri actione; brevi horarum spatio suffocatur, & moritur.

Sic dum hæc scripsi, Nobilis quidam vulneratus sexto, post acceptum vulnus, die moritur, cujus *Caput* cum *Facult.* nomine ipse aperuissim, hunc in modum læsum comperi.

PP. Et in apertura, præter ea quæ in *Relatione* vulneris

vulneris Chirurgicâ declarata fuerunt, invenimus quod in cranio, non solum Os sincipitis super aurem sinistram, versus os occipitis, digitum longum, dissectum erat; sed etiam à latere duo alia fragmenta præter illud quod in vulneris deligatione exemptum fuerat, in conspectum venerunt. Item Os occipitis quoque (sine dubio ab ictûs violentia circa finem vulneris duas habuit fissuras, utramque minimum digitum longas: Imprimis autem durâ sic dictâ & piâ matre dissectis, vulnus in substantia cerebri apparuit, quod per corticalem in medullarem substantiam ad digitum unius & dimidii profunditatem penetrabat, versus Os petrosum, circa quod magnam quantitatem, partim congrumati, partim jam putrefacti sanguinis, invenimus: universa sinistra Cerebri pars corrupta, & sub suis membranis purulentâ materiâ repleta erat. Cum igitur Cerebrum corporis humani pars Nobilissima in hoc casu graviter vulneratâ fuerit, hoc vulnus, rebus se ita habentibus, insanabile simpliciter & absolute lethale declarandû fuit. Et quidem ex rationibus, quæ semel pro semper prolatae sunt.

Infiguntur aurem Cerebro enarrata jam vulnera *cassim* ut plurimum, quemadmodum jam dictum; & *emissis* è *sclopetis globulis*, quæ quidem posterior læsio, in quacunque corporis parte illa fiat, *omnium gravissima & periculosissima* dicitur; ob ictûs vehementiam, carniû dilacerationem, ossium fracturam, & attritionem, hæmorrhagiam immedicabilem, & inductum pariter, à cominus immisso globulo, empyreuma, & combustionem, & lethalia inde provenientia symptomata; raro *punctim* & non, nisi gladio cavum Oculi violenter penetrante, ut prior testabatur casus; Sæpiissime tamen *contusim*; Cujus contusionis ea præsertim videtur esse differentia, quod *vulnèrum lethaliû contusim* inflictorum alia sint *sine Fractura Cranii*, ex quibus vulnerati muti redduntur, & cruda evomunt, ob cerebri commotionem, sanguis ex ruptis per contusionem, vel *commotionem* cerebri, valis, partim per nares, aures, & Os excernitur, partim verò in cerebrû copiose profunditur, qui, cum exitum non inveniât, Cerebri substantiam vel comprimit, vel replet, temperamentum ipsius destruit, inflammationem, putredinem, indeque febrem producit, & delirium; Spirituû animalium influxum motumque, ac generationem impedit, ac Animalis ita Facultatis functiones omnes turbat, lædit, impedit, unde Stupor, Aphonia, Sopor gravis, Lethargus, Apoplexia, Epilepsia, Convulsio, Mors; quale quid Illi qui, à Macedone, lapide in caput percussus, & die tercio mortuus est, contigisse legitur; & Mulieri, quæ, cum ad nasi radicem, & supercilia, pugno percussa, mox Apoplectica reddita, atq; mortua est; In cujus cranio plus quàm tria cochlearia coagulati sanguinis, plexum Choroidem, & Rete mirabile comprimentis, fuerunt inventa. Henric. ab Heer Observ. 12.

Sic Facult. Med. & Chirurg. Lips. Anno 1625. 10. Aug. P. P.

Et observatum fuit, quod defuncti Tempus sinistrum, oculus & auris, fulci coloris & tumefacta erant, oculus internè contusus congrumato sanguine plenus erat. Aperto Cranio, magna sanguinis copia effluxit; Cranium verò non erat contusum, sed inter meninges contusione Pia mater alterata erat; Ventriculi etiam Cerebri, apertis, ictûs violentiâ sanguineis vasculis, coagulato sanguine repleti erant. Unde factum fuit ut spiritibus animalibus à sanguine extravasato subito quasi superatis & compressis, mors secuta fuerit.

Alia verò est *Contusio* cum *fractura*, *fissura*, *subsidentia*, & *fragmentis Cranii*, quando Ossâ ipsius vel *franguntur*, & dividuntur; vel *finduntur*, & in rimas, vittorum, & ollarum scissuris similes, abeunt; vel *subsident*, & os, fractum prius, in substantiam Cerebri deprimitur; vel *fragmenta*, aut portiuunculae, ab

osse læso sive decedunt, sive cerebrum versus recedunt (*wenn die Hirnschale entzwen, und ein oder das andere Stüke loss ist; und sich unterwärts ins Gehirn beuget; oder dieselbe sonst geschreckt, oder geschöllet ist und von der zerschlegenen Hirnschale ein oder mehr Splitter oder Schiefer loss, oder ins Gehirn gehen.*) Ex qua, si magna præsertim, & profunda sit, & in osse Sincipitis (*tanquam in quo si confusio est, citius mori dicuntur*) ac Sutura ipsius contingar, ob insignem cerebri commotionem, & compressionem, præter superius enumerata symptomata, insignis imprimis hæmorrhagia, ob vasorum sub osse sincipitis copiam, & magnitudinem, Vomitus item, & oculorum caligo; ob consensum Ventriculi, & interceptos spiritus, & sanguinis insuper, ob compressa vasa, impeditur circulatio, unde brevi temporis spatio Paralysis, Lethargus, Apoplexia, Mors; *Hyeme tardius, æstate citius*.

Sic Facultas Medicæ & Chirurg. Lip. A. 1593. 26. Martii P. P.

Et cum defuncti cranium inactâ magna cum vi percussum discissum fuisset, vasa cerebri inter duram rupta erant, pia verò mater unâ cum cerebro sanguine suffusa erat, unde statim in terram lapsus, stertore & epilepsia circa matutinum tempus correptus ad plures abiit.

Item Anno 1611. die 11. Febr. P. P.

Et post cranii aperturam observatum fuit, ictûs violentiâ, non solum cuti externæ vulnus impactum, sed etiam cranium secundum utramque laminam discissum, cerebroque violenter concusso & commoto, sanguinea vasa rupta esse, & ita *sanguinis effusio satis larga ejusdemque grumosi & concreti ad uncias aliquot inter cranium & duram matrem lateris confusi collectio* reperta est, unde epilepsiâ gravioribusq; aliis symptomatibus, ut aphoniâ & omnium sensuum privatione cum affectu soporoso statim apparentibus, mors tandè necessariò secuta est.

Item Anno 1649. 8. Febr. P. P.

Postquam certioris indagationis gratiâ, caput aperuimus, ingens sanguinis congrumati copia apparuit externè sub pericranio, ut & internè sub cranio à latere sinistro in supereori parte circa suturam coronalem, quo in loco cranium ex gravi lapsu vel ictu transverso diffractum, cerebrumque contusum & depressum fuit. Quia igitur non solum cerebrum, ut pars nobilissima & principalis magnum damnum mortalemque vim passum est, sed etiam cum impossibile fuerit tantam congrumati sanguinis copiam ex cranio depromere, unde *privatio spirituum adeoque sensus & motus*, mortiferæque convulsiones necessariò secutæ sunt. Itaque hanc læsionem & vim illatam pro absolute & simpliciter lethali habendam esse cognoscimus & judicamus.

Quod verò Nervorum dictum Principium, & Spinalē Medullam attinet, utriusque *Vulnera* & ipsa *simpliciter*, & *absolute Lethalia* sunt; ita tamen, ut illud consideretur, quatenus Cerebro & Cerebello in Capite adhuc adhæret, nondumque ex eo per magnum Occipitis foramen in vertebrarum sinus abiit; Hæc verò quatenus profundè, & in parte superiore, & quidem supra thoracis vertebra vulnerata est; Eadem enim & Nervorum Principiû, & Cerebri vulnerati conditio est; eadem symptomata, idem eventus; Spinali verò Medulla supra thoracis, & Medias Cervicis vertebra, ac per transversum imprimis, inflictum vulnus subjacentes partes omnes sensu privat, & motu, ac Respirationem consequenter planè aufert, ac impedit; Cum, læsâ ita medullari *spinali substantiâ*, per nervos, ex vertebrarum foraminulis ab ea in utroque Latere prodeuntes, nec ad mûsculos intercostales, nec ad ipsum Diaphragma amplius distribuantur Spiritus, quibus denegatis, cessat respiratio, & vulneratus suffocatur, & moritur; Si verò in *Inferioribus* vulneretur *partibus*, nisi maximum, ac per transversum

inflatum

infectum vulnus sit, *Lethale simpliciter* non est, sed partium earum motus, ac sensus inducitur privatio.

Sic Facultas Medic. & Chirurg. Lips. Anno 1641.

Et cum quidam cultro vulneratus esset qui capulo tenus inter quartam & quintam colli vertebra sub cervice penetrabat, læsa spinali medulla septimo mortuus est.

Sic *Juvenis pugione in spinali Medulla vulneratus, omnimodâ Alvi, & Vesica obstructione, ac oppensione, insigni Abdominis intumescentiâ, Viscerum oppensione, animi deliquio, & sudore frigido correptus, tertio moritur.*

Et Facultas Med. Lips. d. 31. Mart. 1668, P. P.

Prædictis testimoniis accuratè lectis & perpensis observavimus interfectum variis vulneribus confectum fuisse, ex quibus secundum & tertium numerate Medico, ut & vulnus digiti famabilia erant. Primum autem vulnus gladio digitum latum infra autem infectum ab extremitate maxillæ inferioris usque ad cervicem penetrans duos digitos profundum & manum latam longum erat, quo in statu non tantum musculi sed etiam venę jugulares, externa per transversum, interna verò ut & arteria carotis & colli vertebra ad dimidium dissectæ erant, spinalis quoque medulla læsa erat, quod vulnus merito pro simpliciter & absolute lethali habitum fuit, quia non solum ob incisam arteriam magna fuit sanguinis & spirituum animalium jactura, quæ listi difficillimè potuit, sed etiam ob læsionem spinalis medullæ, præsertim cum illa capiti & principio nervorum proxima esset. Epilepsia & convulsiones necessario supervenire & vulneratum hoc modo de vita decedere oportuit.

Quapropter nos &c.

Cap. 4. De Vulneribus Thoracis, simpliciter, & absolute Lethalibus.

Venter humani corporis *Medius*, à saliente in eo corde, *Thorax* dictus, Situs ratione inter supremam, ac infimam, mediam ita vocatam *Regionem* constituit; quod *Nobile* istud *Jus*, Principis, ac Gubernatoris instar, in ea, tantquam proprium sibi Ditione, Vitalis Reipublicæ clavum teneat, ex eaque, obsequioso Spirituum vitalium, per arterias divagantium, ministerio, Vitalem in totum microcosmum diffundat gratiâ, salvum Jus vitæ, ac necis obtineat.

Proprium verò suum *Cor* occupat situm, si *Basin* ipsius inspicias, in medio thorace; sin verò *mucronatam* ipsius partem, versus sinistram inclinare latus, vel leviter admorâ pectori manus ipse experieris; Capsulam, vel involucrum ipsius, *Pericardium* dictum, in quo tanquam in *Vesica* dissolveditur, si removeas, *Substantiam* ipsius densam, ac compactam, ipsique proprium esse *parenchyma*, videbis: *Magnitudine* gaudet insigni, quæ tamen *Ætatis*, ac *Temperamenti* ratione, variat; Exterius utrique *Basis* lateri adhaerentesque appendices, quas *Auriculas* vocant; Interius verò insignes *Cavitates*, *Ventriculos* putâ, *carnosi* interventu *sepimenti*, in dextrum & sinistram, distinctos, licet conspiciere; *Vasa* habet maxima, dum è dextro ipsius *Ventriculo* *vena cava*, & *vena arteriosa*; è sinistro verò *Arteria magna*, & *Arteria venosa*, vasa magnifica satis, mirisque intus valvularum appendiculis donata, prodeunt; *Nervos* verò, à sexto equidem pari productos, in *Cordis* tamen *substantiâ* vix observabiles; *Actio* tandem ipsius propria, est *Spiritus vitalis generatio*, & *sanguinis perfectio*, quibus tamen ipsis non sibi blanditur, sed toti subinde corpori, continuo vivifici istius nectaris influxu maximè egenti, prospicere satagit, negotium hoc continuè *Sanguinis*; *Pulsifica Facultat*is ope, *Circulatione*, & ovilè, ac decenter expediens.

Structura ergò, *Actionisque Cordis* Dignitatem dum perpendo, ac Eminentiam, aliter sanè non possum, quin, *Cor*is vulnera simpliciter, & absolute Lethalia esse, certus asseram.

In *substantiam* enim *Cordis*, utpote quæ solutionem continet, & dolorum nocupentum vitam permanente, diu

perferre non potest, vulnus si penetret, ob læsum, & vulneratum nobilissimæ actionis organum, nobilissima ipsius læditur actio; citò inflammatur, quia viscus est omnium calidissimum; Vulnus manu tractari, loci recusat profunditas, quod ipsum tamen ob continuum in pulsu motum sponte coalescere nequit, spiritus vitales, & balsamum vivificum, quibus integrum turgēt *Cordis* *parenchyma*, citò dissipantur, & abeunt; Unde subito caloris nativi resolutio, dissipatio, animi deliquium, Syncope, Mors matura.

Aliis verò, & vel in ipsas *Auriculas* vel *Ventriculos*, & *sinistram imprimis*, si penetraverint Arma, statim, atque infectum vulnus est, & absque ullo prævio notabili symptomate, dissolutis quæ in momento omnibus vitæ vinculis, & turbata subito totius cordis, & corporis æconomia, examinantur Vulnerati, moriuntur, pereunt necessario; cum contra tantam Martis violentiam, ipsi primum viventi, & ultimum morienti illatam, nihil valeat Artis efficere vigilantia, ita ut pro Miraculo habeatur, si vita ad alterius diei usque prolongetur terminum.

Vasa denique *Cordis* quod spectat, è basi statim ipsius porrecta eorū, non minus, utpote quæ humane, naturæ fontes sunt, ex quibus flumina excurrunt, quibus totus irrigatur Corporis alveus, vulnera simpliciter, & absolute Lethalia esse, statuo; cum *Cor*di, vitæ Principio, vicina nimis sint, & calidissimum, & spirituosissimum vehant, ac distribuant sanguinem, unde, ex infecto ipsis vulnere, immedicabile statim sanguinis, & spirituum, qui, arteria si vulnerata est, cum quodam quæ saltu exiliunt, excitatur diffluvium, ex quo subitus virium lapsus, sudor frigidus, facies Hippocratica, animi deliquium, syncope, mors.

Sic Facult. Med. & Chirurg. Lips. Anno 1658. 29. Jan. P. P.

Et observatum fuit vulnus quod mors statim secuta est, in dextro latere pectoris ad distantiam duorum digitorum à papilla infectum fuisse, ubi pulmones dextrumque cordis ventriculum, qui perforatus fuit, usque ad costas penetrabat.

Item, P. P. Et deprehensum est, interfecti vulnus substantiâ cordis in dextro ejus ventriculo truncum venæ cavæ & arteriæ magnæ penetrasse, quo facto statim mortuus est.

Item Anno 1649. 19. Octob. Et Observavimus vulnus lateri dextro infectum, cavitatē pectoris, primum lobum partis dextræ pulmonum super rectā cordis auriculā & truncum arteriæ magnæ è corde emergentem usque ad costas penetrasse, quare ob jacturam spirituum animalium & sanguinis qui in magna quantitate extravasatus totam thoracis cavitatem impleverat, vulneratus horæ spatio interiit.

Quod ipsum de majoribus etiam ascendens arteria magna, & venæ cavæ ramis, subclaviis putâ, jugularibus internis, & Carotidibus; intelligo, ipsorumque vulnera pro simpliciter & absolute lethali habeo, Insignes enim cum sint, & ipsum, suâ distributione, thoracis profundum occupent, copiosum, & spiritibus turgidum, vehunt sanguinem; ita, ut, vulneratis illis, subita, eaque copiosa proveniat sanguinis extravasatio, & spirituum dissipatio, cui nec ligaturis, nec aliis retineri licet auxiliis; unde vires, vena si vulnerata, pedetentim, citius, si arteria, prosteruntur, & pereunt, vulnerati linquuntur animo, fiunt syncopici, moriuntur placide.

Sic Facult. Medic. & Chirurg. Lips. 26. Aug. 1621. P. P.

Et observatum fuit defunctum profundo vulnere læsum, quo etiam statim periit, hoc verò per costas dextri lateris dorsum versus penetravit, magnam & asperam arteriam vulneravit, quare ob copiosum sanguinis effluxum vitam cum morte commutavit.

Item 7. Mart. An. 1631. P. P. Et invenimus interfecto vulnus ad latitudinem digiti inter sextam & septimam costam

costam dorsum versus latam manum à spina dorsi distans in latere sinistro inflictum fuisse, quod sinistram pulmonis lobum & versus medium spinę dorsi in venam cavam penetrabat, quę læsio copiosę sanguinis jacturę, difficilis respirationis, mortisque causa fuit.

Cap. 5. De Vulneribus Abdominis, simpliciter, & absolute Lethalibus.

Infimus venter, quod plura in eo abdita, & recõdita sunt viscera, *abdomen* dictus, præter alias, quę ad *conservationem individui* partim, partim verò ad *propagationem speciei* faciunt, *Epar* imprimis continet, quod, ex Veterum maximè sententiã, tertium inter partes humani corporis principes locum obtinet; Et quamvis ex Principum numero planè excludere illud, religio sit, insignem tamen ipsi cum *Corde*, & *Cerebro* intercedere nobilitatis disparitatē, ipse cõcedo ac fateor.

Situm autem est *epar* in *dextro hypochondrio*, ex proprio insignis magnitudinis *parenchymate*, propriã iuncto tunica, constans, quod *gibbã* sui parte *Diaphragma*, *cavã* verò, quę *fellis vesiculam* fovet, *ventriculum*, & *intestina* respicit; E *vasorum* genere *vena* imprimis in eo notabiles, *cavã* scil. *truncus*, *ramique* insignes, & *vena portę*, ejusque *rami*; *Arterię* verò exiles; ac *nervi* & ipsi vix conspicui sunt; *actio* tandem ipsius, *sanguificatio*, *spiritusque naturalis* (si quis ex Neotericorũ sententia datur) *elaboratio* est.

Quemadmodum autem de disparitate Nobilitatis dictum, sic *vulnerum* quoque *epati* inflictorum dispar omnino est ratio; ita ut illa tantum *epatis vulnera* pro *simpliciter*, & *absolute lethalibus* haberi, statuam, quibus vel *truncus*, vel *rami majores vena cavę* in *gibba*, vel *vena portę*, *majoresque* ejus *rami* in *cavã* ipsius parte, lædantur; quemadmodum *Delpheusi*, qui ex *vulnerata vena Portę* citò obiit, contigisse legitur. Sola enim si *epatis substantia*, ejusque tantum *superficies*, ut Sennettus loquitur, vulnerata, nullusque insimul ex ramis majoribus læsus sit, *Lethale simpliciter*, & *absolute* esse, nego; quia totum *epar* solidum, nullisque, præter vasa, vel cavitatibus, vel ventriculis, cordis instar, distinctum est; unde *vulnera*, soli *substantia* inflicta, nec cum tanto sanguinis sunt profluvio, nec ita difficilè, sed vel sua sponte coalescunt, vel sanari tamen arte possunt,

Sin verò *substantia* pariter, & *vasa* profundè convulnerentur *majora*, *cavę* scil. *truncus*, vel *rami ipsius majores*, vel *vena portę*, insignesque ejusdem *rami*, vel ipsa etiam *Bilis vesicula*, utpote quę *cavum epatis*, vasorumque majorum occupat viciniam, & *substantiæ nervosę*, contentęque *bilis* ratione difficillimè consolidatur, *simpliciter*, & *absolute lethale* est; Cum sanguis, ob loci incommoditatem, nec sisti, nec vulnus, ob læsionum complicationem, tractari queat debite, nihilque propterea restat, quàm ut, præter remedia applicandi impossibilitatem, vomitus, ac dejectiones cruentas, deperditis cum sanguine vitibus, ipsa brevi expiret anima; Sicut ille, qui jaculo in *secur* immisso, vulneratur, priusquam Concio dimitteretur (hoc est, ubi frequens adhuc forum erat) mortuus est, cum primã luce vulneratus esset; exspirasse dicitur.

Et si autem hęc commodam satis de *liene* quoq̃ dicendi haberem occasionem, superfluum tamen existimo, si vel de ipsius *structurã*, vel *vulnerum* ipsi inflictorum, qualitate, plura, quàm quę de *epate* jam relata sunt, dicerem; cum ea omnia, ob *structure*, & *actionis* utriusque visceris analogiam, & similitudinem, ad *lien*is quoque vulnerati conditionem applicanda censeam; ipsiusque proinde *vulnera*, si soli infligantur *substantiæ* pro *periculosiss*; Sin verò *majores vasorum*, *arteriarum* imprimis, quarum copiã *lien* gaudet, vulnerentur *rami* pro *sim-*

pliciter, & *absolute Lethalibus* pariter habeam.

Quemadmodum eundem etiam in modum *descendens* *arteria magna*, & *vena cavę*, *truncorum*, *majorumque ipsorum ramorum*, *splenic* putã, *Mesenterici*, *emulgentium* imprimis, & *Iliacorum*; *vulnera simpliciter*, & *absolute Lethalia* sunt; Cum *vasa* hæc *Ima abdominis* occupent, ac profluentem proinde ex ipsorum vulnere, sanguinè inhibere, nec artis, nec manus dexteritas, nec doctum sufficiat Consilium.

Sic Chirurg. Lips. 1610. P. P.

Et compertum est vulnus quo læsus paulò post interiit profundũ fuisse & hepar ad longitudinẽ duorũ articulorũ penetrasse, adẽ ut abdomen sanguine repletũ fuerit.

Item 19. Maji 1617. Et deprehensum est vulneratum, ictum in dextro latere passum fuisse, inferiorem hepatis partem penetrantẽ, quo facto ingens sanguinis copia in abdomine confluens necessariò de vita decessit.

Facult. Medic. & Chirurg. Lips. 1610. P. P. Et vulneratus lethali plaga in dextro latere propè ultimã costã juxta spinam dorsi venã cavã ferimè discindẽte læsus fuit, quã inflicta statim in platea prostratus mortuus est.

Item 19. Maji Anno 1628. P. P.

Et fuit observatum vulnerato iu lumbis vulnus versus spinam dorsi regionemq̃ ubi os sacrum incipit impactum fuisse, & uti post cadaveris aperturã apparuit, vena cava perforata erat, quare necessariò & subito mortuus est.

Sed hęc *vasa* quoque *umbilicalia* in recens natis infantibus pertinere, existimo, utpote quorũ vel neglecta, vel perperam & malitiosè administratã præcisione, frequens sanè committitur Infanticidium; si enim planè negligatur præcisio; si præfectus umbilicus decenter minùs, aut planè non deligetur, subito sanguinis, & spirituum diffluvio, moriuntur miselli, ac pereunt.

Sic Facult. Med. & Chir. Lips. P. P.

Et invenimus vasa umbilicalia infantis non solum, tam brevi ab umbilico spatio præfecta ut reliquum vix unguibus apprehendi potuerit, sed & planè non deligata fuisse, quam ob causam sanguis per venam & arterias umbilicales copiosè effluxit, hocque modo infans ab incuria extinctus est.

Cap. 6. Alteram Vulnerum Classẽ continens.

De partibus quę nobiles quidem non dicuntur, sine quarum tamen ope, usu & officio, pattes principes vitam solæ servare & conservare nequeunt, plura non addo, sed *Lectorem* ad ea, quę Cap. 2. de iis dicta sunt, remitto; præterquam quòd, *alterum fas lethality subiectum* constituere, asseram; Idque propterea. quia ad vitam simpliciter sunt, & dicuntur *necessaria*; non *actionis* tantum *necessitate*, ut *pulmones*, *Diaphragma*, *Ventriculus*, & *Renes*; sed *usus*, etiam, & *officii*, ut *aspera arteria*, *Gula*, *intestina*, & *Vesica*.

Pulmones flabellum cordis, & culcitra, rarã, spongiosaque sui *substantiã*, dum attracto aère diducuntur, integrum *thoracis* replent spatium, *Mediastini* interventu in *dextrum*, *sinistrumque lobum* divisi; *vasa* habent insignia, è dextro statim, sinistroque vicini cordis ventriculo immediatè in utrumque lobum distributa; ex illo quidem *venam arteriosam*, ex hoc verò *arteriam venosam*, copioso, calido, ac spirituofo sanguine turgentia; *actio* ipsorum singularis & ad vitam simpliciter necessaria est, *respiratio* scil. quã à *pulmonibus*, *Diaphragmatis*, *musculorumque intercostalium* ministerio, per *asperam arteriam* aër, pro vitalis caloris ventilatione, attrahitur, residuus verò cum fuliginibus, ne iisdem lædatur cor, exspirat, & redditur; Cui *actioni* providè satis accommodata est *aspera* dicta *arteria*, & fistula spiritalis (Germanis *die Luffröhre*) utpote quę ex membranosa, & cartilaginea constat substantia, cujus caput faucibus

faucibus cohærens *Larinx* dicitur, corpus verò reliquum per colli anteriora in pulmones variè distributum, *Bronchus* dicitur, & aëris attrahendi via, vocis verò, & sonorum aptum satis cum pulmonibus instrumentum est.

Quamvis à *pulmones* in censum, ac numerum *partium nobilium* non veniant, tantum tamen est ipsorum, quod vitæ præstant, officium, ut, cum partes aliæ somno refo. illari, & quiete, desiderant, & ipsæ etiam propterea ab actione sua quiescant, *pulmones* nihilominus, continuatâ *inspirandi & expirandi* serie, suo fungantur munere, & toti proinde naturæ suæ ope perpetuò prospiciant, ita ut ipsis propterea primus inter *partes ad vitam simpliciter necessarias* locus concedatur optimo.

Quibus præmissis, quid de *pulmonum* vulnere statuendum sit, sequitur; Scilicet, *substantiam* quidem eorum quod attinet, *vulnere ipsius*, etiam si vasa pariter minora læsa sint, vulnusque penetret: pro *lethalibus* tamen non habeo, cum sanguis per vulnus extravasatus, viam, per quam excerni possit, habeat, reliquus verò, ut in hæmoptysi, fluere vel spontè cesset, vel sisti tamen, & inhiberi faciliè queat; Ut *Billo* contigit, qui in dorsum vulneratus, etiam si spiritus multus, & sanguis multus, ex vulnere prodierit, curatus tamen est. Accedit & hoc, quòd, vulnerato uno pulmonum lobo, in locum, & officium vulnerati, cedat, ac veniat alter; Positoque, vulnus magnum esse, hæmorrhagiam fieri recidivam, aliaque temporis protractu, supervenire symptomata, *lethale* tamen non est, sed qui vulnerati ita sunt supervivunt ut plurimum, plerumque tamen fiunt *Empyrici*, & moriuntur demum *Phthisici*.

Quæ verò profunda sunt, & substantiæ, & vasis pulmonum pariter majoribus infliguntur vulnera, *venæ paritè arteriosæ*, vel *arteriæ venosæ*, ea ut plurimum, *Δανερσώδεις*, & *lethalia* esse, certum est, cum vasa hæc magna non tantum, sed cordi, vitalis caloris fontis, maximè etiam vicina, inque imò pectore, & pulmonum basi sita sint, ita, ut nec manu, nec medicamentis, commodè, & ut artis est, insigni subvenire hæmorrhagiæ, concessum sit; Unde cum sanguis ex vulnerato vase in thoracis ruat capacitatem, *pulmones* vivifici hujus nectaris influxu destitutos, & à diffluentis circum circa sanguinis sinceris, ac congruatis, copiâ pressos, & impeditos, ab actione sua; quæ tamen ad vitam simpliciter necessaria est, remittere paulatim, animadvertitur; Et quamvis propria ipsis dicatur *Respiratio*, solius tamen cordis gratiâ ab opifice ordinata ea creditur, quo ipsum propterea, pro meliori functionis, & officii hujus expeditione, ex ipsa statim basi sua vasa *pulmonibus* largitur insignia, ac per ea sanguinem, spiritusque copiosè suppeditat.

Accedit, quòd, cum parenchyma pulmonum humidum, inque continuo cum vasis motu sit, ac sanguis, pus, & sordes non, nisi per tussim, evacuari possint, summè difficilis, vel planè impos sibilis sit ipsius, vasorum præcipuè consolidatio, præsertim ubi, ex vasis majoribus insimul vulneratis; insigne sanguinis excitatur profluvium; unde, cum medicamenta ægrè admodum ad locum vulneratum perveniant, ideòque parum etiam proficere soleant, vitalium suboritur spirituum dissipatio, inevitabilis, ob vicini cordis sympathiam, virium prostratio, animi deliquium, syncope, mors; Aliis quidem, pro circumstantiarum ratione, tardius, aliis citius.

Sic Facult. Med. & Chir. Lips. 26. Nov. An. 1634.

Et observatum est vulnus sub brachio dextro circa quartam costam illatum fuisse, dextrumque pulmonis lobum & arteriam venosam penetrasse, quapropter spiritibus vitalibus cum sanguine dissipatis, mors necessario secuta est.

Cap. 7. De Vulneribus asperæ arteriæ Lethalibus.

Canalem autem, per quem pulmones aërem attrahunt, superfluumque cum fuliginibus, iterum exspirant, *asperam* scil. arteriam quod concernit, eam in partem internam, quæ in thorace est; externam, quæ in anteriore cervicis, vel colli parte conspicitur, dividendam censeo; & ea propter vulnera partis *asperæ arteriæ internæ* pro summè periculosis, *externæ* verò minus, neutrum tamen pro *Lethali* habeo; Cum *interna pars* vulnerata nullis externis objecta sit alterationibus, ac injuriis, sed virtutis roboris naturæ, benigneque vitalium partium fomenti, vel spontè coalescere queat, vel juvari tamen natura, in consolidando, arte possit; *externa* verò vulnera, utpote quæ sensibus judicantur, manuque tractari, & remediis, absque ullo valeant impedimento, sanari possint faciliè.

Verum hæc omnia cum conditione dicta scias, nimirum de sola *asperæ arteriæ* id intelligendum esse membranosa, & cartilagineâ substantiâ, non verò de partibus illis, quæ cum eâ finissimo cohærent nexu, ut sunt: in thorace quidem arteriæ magnæ truncus ascendens, & maxima gulæ portio; extra thoracem verò, & in anteriore cervicis, vel colli parte; Rami jugulares, arteriæ carotides, gula ipsi subjacens; Vasa enim hæc si cum *asperâ* simul arteriâ vel in thorace præprimis ipso, vel exteriùs in cervice, & per transversum præcipuè vulnerata sint, cum, ob suffocationis periculum, legaturam, sanguini sistendo necessariam, non admittant, & arteria, ob siccitatem, & duritiem, motumque continuum difficillimè coalescat. *Lethale* est ut plurimum; Sin secus, & si debite tractetur vulnus, restituntur vulnerati, & vivunt; Sic juvenis, inopinatam nuptiarum repulsam passus, violentâ manu præcisus ferro obviis *asperæ arteriæ cartilaginibus*, sed illæsis venis jugularibus, & arteriis carotidibus, faciliè curatus est; Id quod vel gallinarum, pecudisque mactandæ exemplo probatur quotidie, dum, quibus sola cultello inciditur aspera arteria, vivas abire, & supervivere; quibus verò vasa per transversum simul pertusa sunt, illico emori, cernimus; Cujus vel in homine etiam *Laryngotomia* testis est.

Sic Chirurg. Lips. 2. Jan. 1621. P. P.

Et cum Fæminæ vulnus pugione à latere dextro in asperam arteriam, adeò profundum, ut digitum admittere potuerit, inflictum fuisset, magna cruoris quantitas (ex vulneratis dubio procul vasis) in cavitatem profluxit, & sic statim mortua est.

Item 30. Mart. 1612. P. P. Et observatum est fauciato vulnus ponè aurem dextram illatum, quod deorsum versus mentum flecebat, asperam arteriam venamque singularem penetrabat; quare non solum sanguis copiosè extravasatus; sed & respiratio suppressa, unde vitam cum morte commutavit.

Cap. 8. De Vulneribus Gula Lethalibus.

Ceterum sub *asperâ arteriâ* gula est, *canalis*, sui generis, *membranofus*, qui ex faucibus musculofo principio proveniens, vertebrarum cervicis, & thoracis dorso firmiter adhæret, circaq; undecimam thoracis vertebram Diaphragma trāsīt, & sinistro ventriculi inseritur orificio; usus, & officium ipsius est, ut per eum, tanquam per *infundibulum*, alimenta, cibus, & porus, ad ventriculum transeant; quæ verò, musculorum ratione, ipsi adscribitur actio, alimentorum dicitur *Deglutitio*.

Vulnera verò ipsius quod attinet, quamvis existimarem, rarò satis solam vulnerari *gulam*, cum æquè in cervice, quàm in thorace, plurimæ circa eam reperiantur partes, quibus qu. præmonitus *Oesophagus*, solus vix vulnerari potest, quin superjacens imprimis ipsi aspera infimul arteria, partesque contiaucientur aliæ.

Quod si tamen solam, perque transversum præsertim, vulnerari *gulam*, contingat, *Lethale* illud vulnus *ut plurimum* esse, censeo; Cum statim, atque inflictum *gula* vulnus est, præter medicamenta applicandi incommoditatem, duo urgentia emergant symptomata, dolor scil. vehemens, tumorque insignis; iste, ob membranofam *gula* substantiam, hic verò ob ejusdem crassitiem, ac soliditatem; unde *gula* cessat actio, usus & Officium; Alimentorum scil. deglutitio, ac transitus; Utrumque ob dolorem partim, partim ob tumorem, utpote qui deglutitionem impediunt, & alimentorum transitum intercipiunt. Maximè verò quod urget, *Vulnus* est, quippe per quod alimenta, & quæcunque assumuntur exeunt, spatia aliena occupant, putrescunt, variaque inducunt symptomata; Quibus succedit non minùs respirationis difficultas, & imminutio; quò majus enim incrementum sumat tumor, eò ma or etiam respirandi difficultas, majusque suffocationis periculum est; ità ut, urgente hâc symptomatum syndrome, paucarum dierum spatio perire tandem vulneratum oporteat.

Sic Chir. Lips. 28. Aug. 1626. P. P.

Et invenimus occisum glande plumbeâ in collò perfoctum fuisse, quæ caput asperæ arteriæ à latere sinistro planè contudit, venam jugularem læsit, œsophagum & asperam arteriam trajecit, vertebraeque colli ubi globulus plumbeus desitit & repertus est, contrivit; quapropter ob totius ferme sanguinis in asperam arteriam defluxum, capitisque ejus contusionem, respiratio difficilis facta est, præterea læsione colli vertebrae, spinalis medulla, quæ potissimum vitæ hominis instrumentum, vim passa est: quibus se ita habentibus vulneratus necessariò & brevi tempore vitæ fungi debuit.

Cap. 9. De vulneribus Diaphragmatis Lethalibus.

Gula autem, priusquam illa in abdomen descendat, Diaphragma proximum est, quod sepimenti instar, ambitu ferè circulari, medium, infimumque ventrem invicem distinguit, *septum* inde *transversum* dictum; *substantia* ipsius majore ex parte *musculosa* caro est, intermedia verò portio ex pleurâ, quâ thoracem, & peritonæo, quâ abdomen spectat, *excarnis* planè, & *membranosa* est; *Vasa* habet non infimæ notæ, ac magnitudinis, ex vicinis statim venæ cavæ, & arteriæ magnæ truncis, prodeuntia, *Phrenica* dicta: *nervi*que insuper insignes, ac peculiare, à cervicis nervorum plexu rectà descendentes, unde exquisitissimus in eo sensus, insignisque cum capite consensus est: Præclara verò in juvando, & expediundo respirationis negotio, ipsius actio est.

Vulnera autem vel *carnosam* ipsius petunt circumferentiam, vel *membranofam* ejusdem penetrant *centrum*; Ex quibus prius periculosum satis, posterius verò *Lethale est ut plurimum*; Teste Galeno, qui dicit: Transversi septi *Vulnera* in carnosis quidem partibus subindè coalescere sunt visa, ejus motu non obstante; Quæ verò in nervosis ejus hærent, insanabilia sunt.

Cum enim *membranosa* ista *Diaphragmatis* portio exquisitissimi sensûs sit, motus item ipsius ad respirationem, vitamque pariter ipsam, summè, ac simpliciter sit necessarius, adeoque continuus, ipsumque cor, solius interventu pericardii, validè ipsi cohæreat, cerebrumque per nervum non minus, quàm cor per ar-

terias, maximè consentiat, & excitata à vulnere ulsif consolidationem impediat, fieri aliter non potest, quin inflicto statim vulnere vehementissimus superveniat præcordiorum dolor, cordis, ob vicinitatem, anxietas, insignis respirationis læsio, (cùm moveri ob dolorem, vulneratum Diaphragma nequeat) inflammatio, febris, Delirium, convulsio; ex quibus perit vulneratus, & moritur.

Sic Facult. Med. & Chirurg. Lips. Anno 1638. P. P.

Et Observavimus Defuncto pergravem plagam in sinistro latere ligone impactam fuisse qua paucis horis periit. Hâc plagâ extimâ diaphragma tam violentè contusum fuerat, & in utraque superficie tam quâ cor quàm quâ lienem spectat inflammatum erat, venis ruptis magna superveniebat hæmorrhagia, adeo ut quatuor aut quinque sanguinis libras in abdomine invenimus. Itaque hæc contusio quam sanguinis & spirituum, jactura secuta est, mortis causa fuit.

Cap. 10. De vulneribus Ventriculi Lethalibus.

Porro sub Diaphragmate, in regionis Epigastricæ medio, conspicuus satis est *ventriculus*; qui ex *membrano-carnosa* constans *substantia*, formâ *utriculari*, magnitudine variat; divisus in *orificium superius*, quod *sinistrum*, & *inferius*, quod *dextrum* est, & in cavitatem insignem, quæ *fundus* dicitur; *Orificio* super ore *gula*, inferiore intestinis connectitur; *Actio* ipsius est *alimentorum concoctio*, & in *chylum* conversio.

Ex quibus apparet, *vulnera* ipsius vel in *fundo*, vel in altetutro ejusdem fieri *orificio*, *fundum* vel cavitatem quod spectat, cum partium ipsius una eademque non sit conditio, pro instituti ratione, in *superiorem*, *inferiorem* (*fundum* propriè dictum) & *partes Laterales* dividendum censeo; Hinc, si *superiorem*, & quæ Diaphragma respicit, vulnerari partem, contingat, præsertim quò remotius ab orificio vulnus est, curari, quamvis difficulter satis, & supervivere vulneratum posse, ex Gal. sententiâ largior; Si verò vel *Laterales* ipsius partes, vel *fundus* præprimis propriè sic dictus, vel *alterutrum* ejusdem vulneretur *orificium*, vulnusque in cavitatem usque penetret, *Lethale est ut plurimum*.

Concoctio enim cum in instanti fieri nequeat, sed alimenta quandam præsupponant, & requirant in *ventriculo* moram, unde retentrice etiam donatus est facultate *ventriculus*, oportet sanè, ut ingesta retineat alimenta, amplectatur, & foveat; quod ipsum verò vulneratus ità effectum dare nequit; quia si alterutrum ipsius perfoctum *latus* est, læduntur fibræ quæ retinent, & alimenta vel *chylus*, per vulnus exeunt; Si *fundus* sanguis, ob venas & arterias copiosè ibidem distributas, confertim profluit, unde vomitiones, & dejectiones cruentæ, ac cruoris in spatiis abdominis collectio; alimenta cruda statim per vulnus in loca vicina labuntur, ac decidunt; Ex *orificiis* autem si *superius*, exquisitus, ob copiosam nervi insertionem, excitatur dolor, ac *Lethalia* satis; ob singularem cum corde, & cerebro, per nervum sexti paris, consensus, excitantur symptomata: singultus puta, vomitus, extremorum frigus; sudores syncoptici, & convulsionones; nec non insignis, ob substantiæ crassitiem, fit tumor, unde læditur appetitus, & si quid assumatur, vel à tumore intercipitur, & non admittitur, vel ægrè vix admissum, priusquam ad cavitatem pertingat, ex vulnere in abdomen profluit, & delabitur: Si verò *inferius* vulneratum sit *orificium*, præter dolorem; ac rumorem, chili læditur distributio, cum alimentaris massa, quæ naturaliter ex ventriculo per inferius hoc orificium ad intestina tenuia distribui solet, ex vulnere hoc & ipsa in abdominis spatia defluat; Unde, ut contraham, quod dictum est, ex tali ventriculi vulnere, substantiæ alteratio, temperamentum destructio, dolor, tumor, inflammatio, febris, singultus, vomitus, con-

coctionis lætio, impedita concoctionum distributio, alimentorum, chylique in abdominis spatia delapsi putredo, fœtor ingens ex vulnere, partium corruptio, nutrimenti denegatio, virium lapsus & prostratio, mors; quæ & ipsa tamen, pro circumstantiarum ratione, quibusdam citius, aliis contingit tardius; ita, ut præfunda & penetrantia ventriculi vulnera, quæ à Schenckio, & aliis sanata referuntur, inter tã dæmonia & rara reponenda, & felix eorum consolidatio nature solertia, virium robori, carnosæ ventriculi substantiæ, fidelitati, ac perititiæ Chirurgi, obedientiæ ægri, & rerum necessariarum affluentia, sive copie adscribenda censeatur.

Sic Aristippus, sagittâ, magnâ vi, & graviter in ventriculum impacta, intra 7. dies mortuus; Et mercator, cui ventriculi fundus cultello perfoctus erat, triginta horarum spatio obiit; Quirinus Oenopola verò ex vulnerato ventriculo, ex cuius vulnere, cum ebrius esset, plus quàm duæ pintæ cerevisiæ emanarunt, quatuordecim horarum spatio mortuus abiit.

Et Chirurg. Lips. 30. Decembr. 1599. P. P.

Et Invenimus Vulnerato in dextro latere sub costis ipuriis inter intestina vulnus ventriculi fundum penetrans inflictum fuisse, ita ut sanguis extra vasa effusus per sedes & vomitum apparuerit, sicque tertio die defunctus est.

Hæc hic cogor, nescius, an sub Zippel des Magens, orificium inferius, vel fundum intelligant Chirurgi; quicquid tamen sit, utrumque vulnus, si penetrans, & profundum, Lethale est ut plurimum.

Caput. II. De vulneribus Intestinorum lethalibus.

Inferiori autem ventriculi orificio intestina proxima, atque continuata sunt, quæ ab eo, tanquam suo Principio, gyrato qu. & mirabili planè ductu totum discurrunt abdomen, inque extremo terminantur podice; Substantia ipsorum membranosa est, & eadem ferè cum ventriculo; Tunicarum tamen disparitate in tenuia dividuntur, & crassa; Illa constituunt duodenum, jejunum, & ileum; hæc verò cæcum, colon & rectum; usus ipsorum, & officium, ac tenuium quidem, est recipere, & pro distributione reservare id, quod in ventriculo ex alimentis concoctum est; crassorum verò colligere primæ concoctionis excrementa, eaque prout necessitas urget, retinere, ac debito tempore per alvum reddere, atque dejicere.

Vulnera eorundem penetrantia, tenuium imprimis, lethalia sunt ut plurimum; Dico tenuium imprimis, quia per ventriculi inferius orificium, pylorum dictum totus in illa immediatè distribuitur chylus, ab illisque recipitur, foverur, & eò usque asservatur, donec optima ipsius pars per vasa lactea, copiosè satis in ea distributa, attrahatur, & rapiatur ad mesenterium; Jam ergò si vulnerari ea contingat, vulnus verò, ob suus incommoditatem, nec manu per futuram consui, nec quâvis attis lege tractari decenter possit, pars vulnerata alteratur, (Sic lauffen an) quia frigida, humida, & exsanguis est, & præsertim si promineat ex vulnere, & foràs exeat; inflammatur, ob vasorum copiam; dolet, ob nervosam substantiam; chylus ex vulnere exit, & in abdominis spatia defluit; Unde nutritionis cessatio, vitium dissolutio, chyli ex vulnere prolapsi putredo, intestini vulnerati corruptio, gangræna, fœtor ingens, animi, ob cordis consensum, ac vitium imbecillitatem, deliquium, syncope, mors; eòque citius, quod vulnus vel per διακομήν, & transversum, vel majus & profundius, ac jejuno præprimis inflictum est; utpote in cuius substantiâ, nervosâ planè; non ingens solum dolor, tormina, ac, ex ventriculi consensu, singultus aliaque funesta excitantur symptomata, sed nulla propemodum sanandi spes

suboritur, cum vasa præterea recipiat insignia, ductusque biliosos copiosè admittat, unde, si, præter jam dicta, insigne quoque subsequatur profluvium, ac biliosorum vomitus, & dejectio, quid mirum est?

Crassorum autem, & cæci præprimis, quod monoculum est, ac coli, quod attinet vulnera, illud, cum pusillum latis sit, &, vermiformis instar processus, inter ileum, colonque propendeat, vix vulnerari, existimo; quod si tamen id contingat, leviusculum vulnus summè periculosum, magnum verò Lethale non minus, quàm intestini coli, ut plurimum esse, statuo; quamvis enim cæcum exiguum, & tenellum sit intestinulum, commune nihilominus cum crassis reliquis sustinet officium; Colon verò omnium maximum, & commune flatuum, ac excrementorum alvi, receptaculum est; Unde, vulneratis iis, tanquam partibus ad vitam simpliciter necessariis, fœtida ista alvi excrementa, & flatus, nec colligi amplius, nec retineri, pro arbitrio, in iis possunt, sed exeunt per vulnus, ac præterea, quæ de intestinis tenuibus dixi, symptomata, maximus statim inducitur in vulnerata parte fœtor, spirituum infectio, & inquinatio, sanguinis per alvum dejectio, & miserrima ita vitæ consummatio.

Quoad recti verò intestini vulnera, anceps sum; Illaque quæ eâ in ipsius parte fiunt, quæ membranosâ suâ substantiâ colo adhuc vicinum est, & magna imprimis ac profunda sunt, ut plurimum Lethalia pronuncio; quæ verò postremæ ipsius, & ubi musculi inseruntur, indiguntur parti, sanabilia esse censeo; cum illa fiant in membranosâ, & exsanguî, adeoque difficulter sanabili; hæc verò in carnosâ qu. intestini substantiâ, ubi vel spontè coalescere vulnus solet, vel convenientibus tamen, per alvum, vel in ipsum vulnus, injectis, & applicatis tractari, & sanari possit remediis.

Sic Facult. Med. & Chir. Lips. 12. April. Anno 1657. P. P.

Et observatum est Vulneratum gladio magna vi in abdomine læsum fuisse, vulnus externe quidem duos digitos latos super umbilicum versus latus dextrum inflictum fuit, sed ensis postea dextrum hypocondrium penetrans jejunum intestinum per transversum ad latitudinem dimidii digiti dissecabat. Itaque hoc vulnus secundo die mortem afferens juxta principia & Observationes Medico Chirurgicas pro absolutè & simpliciter lethali habendum est.

Item 1658. P. P. Et animadvertimus cuidam pedibus violenter conculcato intestinum ileum infra umbilicum versus latus dextrum adeo læsum fuisse, ut in vulnus tres digitos immittere potuerimus, quam ob rem sequenti die mortuus est.

Ne verò, multiplici gyrorum tractu, per abdominis vacuum, discurrentia intestina, cum sanitatis discrimine confundantur, & convolvantur, prudenter satis à sapientissimo corporis nostri architecto interpositum ipsis est mesenterium; Cujus substantia membranosa, copiosâ pinguedine, insignique glandularum serie donata est, & vasa, à venâ portæ, & arteriâ magna, mesenterica ampla satis, & conspicua, nervosque varios pariter recipit, ac venas, sibi proprias, fover lacteas; ita ut, pro colligendis, & continendis partim intestinis, partim vero pro chyli per venas lacteas distributione, factum præcipuè esse dicatur mesenterium.

Cujus equidem vulnera, si solas ipsius penetrant tunicas, pinguedinem, ac glandulas, & magna, atque profunda sunt, periculosi quidem, Lethalia tamen vix dicerem, nisi, ut suprâ cap. 5. dictum, vel vasa ipsius majora, arteriæ præprimis, vel partes insimul consanciata fuerint aliæ; quemadmodum fieri vix possibile est, quin, læso mesenterio, intestina offendantur & ipsa

& ipsa; Id quod de ipso etiam intellectum velim *Pancreate*.

Caput. 12. De Vulneribus Rhenum Lethalibus.

Ultimum tandem inter *partes ad vitam simpliciter necessarias* locum *renes* cum *vesicâ* occupant; Illi quidem in lumbari Abdominis Regione, *dexter* sub *Epatè*, *sinister* sub *Liene*, siti sunt; *Substantia* Ipsorum proprium *parenchyma* est, *figura* phaseolum referens; *vasa*, quæ partim ad *Eos* distribuuntur, partim verò ex *iisdem* proveniunt, habent insignia; cum ex descendentibus venæ cavæ, & Arteriæ magnæ truncis, *rami emulgentes* dicti in utriusque *renis cavum* abeant; Ex utroque verò *Canalis* notabilis, *Ureter* dictus ad *vesicam* usque prodeat; & *Renēs* ipsi per *illa* superfluam in massa sanguinis serositatem, facultate, & virtute sibi propriâ, ad se trahant, per *hos* verò serum omne, quod attractum est; per papillares carunculas ad infundibulum percolatum, ad *vesicam* transmittant *Urinariam*.

Vulnera proinde *renum* quod spectat, & hîc limitatione opus esse, reor; Scilicet cum per *Inflammationem*, & *exulcerationem*, alterutrum ex *Renibus*, absque vitæ tamen dispendio, planè consumptum fuisse, ac defecisse, anatomicorum testetur autoritas, *Vulnera* propterea solius *renalis Substantiæ*, & *Parenchymatis*, nisi magna, & profunda satis, & cum insigni conjuncta sint *Inflammatione*, *Lethalia* non sunt; præsertim cum *Binos* inde *Renēs* providus constituerit *Opifex*, ut, laeso, vel ulcere planè consumpto, uno, in officium, & functionem succedat, & succurrat *Alter*.

Si verò cum *substantia vasa* simul *Emulgentia*, & imprimis ubi *sinum Renis* ingrediuntur, & vicina adhuc suo sunt Principio, conlauciata sint; *vulnera*, ob insignem, & immedicabilem hæmorrhagiam imprimis, *Lethalia* sunt ut plurimum.

Alia verò *ureterum* vulneratorum est ratio; sive enim *Ureter* per longitudinem vulneretur, sive per transversum, & ita quidem, ut ex inflicto vulnere planè pereat, ac cesset ipsius usus, & officium, *Lethalitatem* tñ. per se id inducere, non dicerem; quamvis enim ob inductam *ureteri* vulnerato cicatricem & ab eâ proveniente meatûs obstructionem, ipsius etiam *renis*, cujus *Ureter* vulneratus est, *Actio* impediatur, ac cesset, nihilominus tamen alter alterius *renis ureter* in vulnerati locum succedere, ipsiusque vice fungi dicitur; quippe quæ succedanei officii ratio in aliis non minùs, quas binas fecit *optimus Plastes*, observatur Partibus; Nec obstat, quod dicitur, vulnerato *uretere*, exire serum in spacia abdominis, ibidemque, protractu temporis, putrescere, corrumpi, variaque exinde produci posse symptomata; cum notum sit, se i ex *renibus* per *ureteres* ad *vesicam* transitum non fieri confertim, sed percolari, & vel parum proinde feri, quod tamen à partium Calore resolvi; absumi, & dissipari facillè potest, in Abdominis transire spatia, vel commodam statim vulnus consolidandi præberi ansam.

Caput. 13. De Vulneribus Vesicæ Lethalibus.

Ipsa denique *Vesica*, in abdominis pelvi collocata, ex *membranosa* constat *substantiâ*; & in *cervicem* musculosam, vel carnosam, ac *fundum* membranosum dividitur; facta, ut serum à *Renibus* ex *Ureteribus* per *binos meatus*, eosque *obscuros* satis, ac veluti *convincentes*, in se recipiat, illudque deinde, vel copiâ, vel acrimoniâ ejusdem irritata, sub uriné formâ,

Bibliot. Chirurg. Tom. III.

fibrarum, musculorumque beneficiò, reddat, atque excernat.

Ex cujus structurâ, quid de *vulneribus* ipsius statuendum sit, colligere non est difficile; Scilicet, si vulnus *cervici* intinctum sit, sanari illud posse; nulum est dubium; quod vel *cervicis* in calculosis exulceratio, vel sola docere videtur *Calculorum* in vivis *Exsectio*, utpote à quibus *Ægotantes*, modò debite, ac lege artis fiant omnia, curantur; & restituuntur plurimi. Et hæc ratio fuit, quod *Miles iste*, in *Vesicâ Vulneratus*, etiamsi ex femore mingeret, curatus fuerit.

Sin verò membranosa vulneretur *Vesicæ fundus*, & qui dem per *διανομήν*, quæ *divisions*, ac *lesionis magnitudinem* significat, vulnusque in cavitatem usque penetret, *Lethale* est ut plurimum; Cum *vesica* vulnerata non tantum ratione membranosa suæ substantiæ, dolorem acerbum, *Inflammationem*, febrem, & *Convulsionem* inducat, sed fundo etiam suo imam occupet abdominis pelvim, & vulnus propterea nec futurâ, nec *Vinculis* stringi, nec, cum madeat perpetuò, & sauciata ab uriné acrimoniâ lædatur insigniter, medicamentis cicatrix tam citò induci queat, quin ex vulnere *urina* omnis, quæ aliàs in matulam excerni deberet, in abdomen produat, ibique retenta, ac collecta, præter alia symptomata, insignem, *hydropicorum* more, ventris tumorem excitet, *Viscerum* tenorem destruat; *Calorem* nativum restinguat, ac, vulneratos ita miserè perire, faciat.

Sic Facult. Med. & Chir. Lips. 5. Nov. 1622.

Et Observavimus plagam qua vulneratus in inguine dextro læsus fuit, *vesicam* penetrasse abdomen sanguine coagulato repletum fuisse, intestina per vulnus foras prodeuntia, & ab aëre ambiente alterata jam inflammata & nigra esse; Quapropter vulnus pro lethali habitum fuit.

Quod reliquas tandem (quas & ipsas attingere fas est) in Thorace, & Abdomine restitantes concernit partes, *Mediastinum* puta, *Omentum*, *Peritoneum*, *Uterum*, cum *Vasis spermaticis*, & *Testes*; *Vulnera* earundem periculosa equidem, *Lethalia* tamen non sunt; Cum nec *Nobiles*, nec *ad vitam simpliciter Necessariæ* sint; Sed, vel ad fomentum solum, & Robur aliarum partium faciant, ut *Mediastinum*, *peritoneum*, & *Omentum*; vel *Propagationem* sobolis respiciant, ut reliquæ; ita, ut, præcisâ maximâ *Omenti* quod prolapsum ex vulnerato abdomine necessario compurescere dicatur, parte; Corrupto item ex causis internis, vel planè remoto *Utero*, & exsectis *Testiculis*, salvam nihilominus remanere vitam, constet, ac manifestum sit cui-libet.

Cum verò non rarò contingat, fœtum etiam, in *Utero* adhuc contentum, à malè feriatis hominibus violenter tractari pariter, ac lædi; proptereaque Medici etiam *Inspectionem*, & *Judicium* persæpè subinde requiri; Operæ pretium proinde existimo, ut & in hoc casu Medicus, qualem se præstare debeat, non nesciat; Scilicet totum hoc negotium à temporis partim, partim verò ab aliarum circumstantiarum ratione, pendere videtur; Circa tempus considerandum est, an læsio, vel externa gravidæ illata injuria, in primis, an in mediis, an verò in Ultimis gestationis Mensibus contrigerit; Sin vel in primis, vel in secundis contingat Mensibus, & nulla alia, sive interna, sive externa causa supervenerit, Gravida verò Abortum patiat, læsionem illam abortûs causam esse, palam est; Sin verò in ultimis, & fœtus, præter malæ Conformationis, ac aliarum causarum indicia, vel quavis corporis sui parte læsus, in lucem prodeat, vel planè mortuus excludatur, Externam illam injuriam Effectûs hujus causam esse, iudicandum est.

Circumstantiæ verò aliæ, in Læsionis partim vehementiâ, partim verò in Rerum, per quas fit læsio,

qualitate; nec minus in ipsius læsionis effectu, ac eventu consistunt; utpote ex quibus, collectivè sumptis, causa vel abortus, vel læsi, vel mortui fœtus, dici haut difficulter potest.

Sic Facult. Med. Lips. de 15. Febr. 1669. P. P.

Habita Collegiali deliberatione diligenterque simul Archiatri Relatione considerata. Te certiore facimus illas *Læsiones* quas in gemello mortuo observavimus tam externas quàm internas violenta pedum conculcatione sine dubio illatas fuisse, præcipue si nulla alia vis post conculcationem gravidæ allata sit; tenerrimo igitur fœtui ob prædictam in utero materno violentiam moriendum fuit; & nihil refert infantem res adhuc menses post læsionem in utero commemoratum fuisse, quia natura per hoc spatium omnes adhibuit curas ut hunc fructum vitiosum restituere posset, sed frustra, quia plures & nimix fuerant læsiones, quare ille, priusquam ultimam attigerit perfectionem, in utero expiravit, sed unà cum altero fœtu sano, & quidem in mortui emolumentum, Deo benedicente, providaque naturâ, usque ad tempus legitimum parvû, in utero conservatus est. Tardius autem lucem aspexit, quia mortuus situm mutavit, nec ut vivus in partu cooperare potuit.

An verò fœtus statim nonâ à læsione die perierit, difficillime determinari potest; Credendum tamen illum paucò ante partum tempore è vita migrasse, aliàs intelligi non potest, quomodo natura corpus mortuum (ut pote quod statim post obitum cadaverosæ obnoxium est putredini) sine damno & periculosis symptomatibus tam gravidæ matris quàm gemelli vivi & sani, per longum tempus, plusquam tres nempe menses, in utero foveri & conservari potuit. &c.

Cap. 14. De Vulneribus Partium externarum, aliisque per accidens dictis Lethalibus.

Ne verò vulnere partibus corporis humani internis tantum inflictorum *Lethalitem* attigisse; Externas verò, & quæ *extrema* dicuntur, sicco planè præterisse pede, videat, de illis non minus, & quâ ratione in partibus externis vulnera fiant, & contingere queant *Lethalia*, dicere, & finem ita negotio imponere, fert animus. Externarum autem partium nomine, habitum corporis, communia ista humani corporis tegumenta, cutem puta cum suâ cuticulâ, pinguedinem cum panniculo carnosò, musculosque cuilibet parti proprios, intelligi: *Extrema* verò *artus* denotare, & manus, pedesque completi, non est, quod ulterius demonstrare allaborem.

Quæ omnes etiam si ad perfectum actionum humanarum requirantur exercitium, respectu aliarum tamen, & de quibus hætenus dixi, ipsis nec singularis compeit nobilitas, nec summa, & simpliciter ita dicta ad vitam necessitas; unde nec gravia maximè, vulneratis iis, superveniunt symptomata, nec difficilis admodum ipsorum est sanatio; ita ut propterea etiam neque in vulnere *Lethali* venire soleant census, ac numerum.

Sed cum multos nihilominus ab externo, eoque ut videtur, nullius momenti vulnere perire, ac emori, quotidiana testetur experientia, quamnam proinde insperati eventus hujus causa sit, ac ratio, dicere operæ pretium pariter, ac necesse esse, existimo.

Recordor autem hîc, Hippocratem prudenter satis, ac scitè innuisse, non Medicum tantum oportere, ut ad ea, quæ decent, facienda, promptum se exhibeat, ἀλλὰ καὶ τὸν νοσούντα, καὶ τὰς παρέοντας, καὶ τὰ ἔξωθεν, sed ut ipse etiam patiens, & adstantes, & externa ita se gerant, ac habeant, ut curatio benè suscipi, decenterque & sine ullo impedimento, absolvi queat;

Unde quemadmodum in aliis Morborum Curationibus non Medici tantum requiritur diligentia, & prudentia, sed necesse est, ut & patiens obsequiosum se præstet, & adstantes, sive amici sint, sive curam Aegrotantium habeant, nihil vel faciant, vel intermittant, vel permittant, nisi quod salutare, & curationi conveniens est; Ipsaque tandem externa (hoc est quæ foris contingere possunt, ut sunt: *Aëris*, & loci mutatio, error circa dietam, ira, commotio, terror, &c., ut Galen. loquitur, sexcenta alia) ita comparata sint, ut Medico methodicè & rationaliter curanti exactè respondeant; Sic cum vulnere etiam tractatione, & curatione rem se habere, certum est, utpote pro quibus dextrè, & artificiosè curandis, ac consolidandis, non Chirurghi tantum sufficit dexteritas, sed ipsius etiam vulnerati, adstantiumque, ac externorum experitur conditio, & habilitas; quippe quibus bene se habentibus maxima etiam, & enormissima externarum partium vulnera consolidari, sanarique possunt facilè; Cum è contrâ, si vel Chirurgus imperitus, ac negligens; Vel vulneratus morosus, & impatiens; vel insignis ab adstantibus, & externis, commissus error est, ex leviusculo interdum vulnere mori vulneratos, dies testetur, & Chirurgicæ Medicorum observationes, & Historia; quæ ipsa tamen propterea vulnera nec per se, nec ut plurimum, sed per accidens dicuntur, & fiunt *Lethalia*, hoc est, ubi inflatum vulnus, nec ratione affectæ partis vel nobilitatis, vel ad vitam simpliciter dictæ necessitatis, nec Symptomatum (à vulnere puta contingentium) gravitatis, multò minùs remedia applicandi impossibilitatis, nullum planè per se inducit vitæ periculum, sed vulneratus sine ullâ necessitate, & per accidens, quod dicitur, ac ex insperatò moritur; qualia sunt: negligens vulneris deligatio, & sanguinis inhibitio, quod utrumque vel ob Chirurghi defectum, vel ob ipsius contingit ignorantiam, vel incuriam (wenn der Verwundete nicht bald verbunden, oder das Blut nicht bey zeit gestillet wird.) Negligens vulneris tractatio; (wenn der Barbierer die Wunde mit Hefften, Reinigung, Präcavi rung des zufälle, und sonst, so viel an ihm ist, täglich nicht wohl in acht nimmt.) Sic Virgo nobilis, quæ, cum in choreis cecidisset, vix læsâ cute, vulnusculum in vertice accepit, à Barbitonsore negligenter habita, & tractata, superveniente Symptomatum syndrome, moritur; nobilis item, cui bregma percussum erat, ex trepanationis neglectu, quam Barbitonsores, ex ignorantia, odiosam reddebant adstantibus, & ipse moritur; Ità, puer in clune non ita profundè vulneratus, ob Chirurghi imperitiam, superveniente Phlegmone, & gangrænâ, moritur. Et Delphenses duo, ex abscessu, sine præviâ ligaturâ, omenti portione, ob sanguinis profluvium, & omenti putredinem, mortui sunt.

Mala vulnerati Constitutio, & habilitas, (wenn der Verwundete an sich selbst ein Valetudinarius, schwacher Natur, böser complexion, und unheilbarer Haut ist.) Cum pro animi, & corporis bonâ, vel malâ constitutione, vulnera variant, & qui morbis obnoxii, vel senes, vel aliâ quavis causâ debiles sint, & quibus corpus impurum, cachecticum, & fluxionibus obnoxium est, ob humorum affluxum, & virium imbecillitatem, difficulter ferant vulnera, nec sanantur, & restituantur, nisi difficillimè; In ulcerum enim & vulnere felici curâ, & partem affectam minimè esse intemperatam, & affluentem sanguinem bonum esse oportet; Sic aquâ inter cutem (Hydrope) laborantibus exorta in corpore ulcera (quantò magis vulnera) ἐπιδηῖας, cum nullâ alleviatione, hoc est difficulter, & non facilè curantur: Et vulnera, ab emissis è sclopeto globulis, corpori pravis succis abundanti inflata, maligna judicantur; Unde etiam Facult. Med. & Chirurg. Lips. 30. Jul. 1617. post inspectionem Cadaveris pueri.

pueri cuiusdam, qui alapis, & plagis, sola manu datis, tractatus, altero die mortuus est, ita attestantur: P. P.

Eti externe circa aurem sinistram ecchymoma apparuerit, attamen post aperturam cranium integrum & illatum, nec *alienus vas rupturam in panniculis cerebri* vidimus. Præsumendum igitur & credibile est, licet plagæ in se solum & absolute lethales non fuerint, commotionem tamen & contusionem cerebri, & per hanc pravorum humorum affluxum fieri potuisse, quo facto, non solum dispositio ad epilepsiam, sed & apoplexia supervenit, quia per confluentem materiam nervorum principium obturatum fuit, & sic mors secuta est; quod facile in corpore impuro & minus sano (ut in hoc cadavere ex pedibus œdematosi satis apparuit) fieri potuit.

Malum Vitæ Regimen (*vonn sich Vervundete nicht wol hält*) ac *insignes* circa *Diatam*, & sex Rerum non naturalium legitimum usum commissi *Errores*; sive isti committantur circa ea, *qua assumuntur* (*vonn der Vervundete im Essen, und Trincken, Eresse begehret, wie auch im Gebrauch nöthiger Arzneyen nachlässig ist*) sive *qua geruntur*, & vel corporis, vel animi motu, indebitè aguntur (*vonn er sich nicht stille hält, und der Wunde zu ihrer Heylung keine Zeit, und Ruhe läset, oder sich dem Gemüthe nach beveret, betrübet, erzürnet*) und sonst moros, und *Widerverrig* erweiet.) Sic *Juvenis*, *Capite vulneratus*, remittentibus omnibus symptomatibus, ex *irâ Phreneticus* moritur; Sive, *qua excernuntur*, & *revertuntur*; Sic *Juvenis*, *baculo in syncope vulneratus*, restitutus ferè, ex *Venere* moritur; Sive *qua fori accidere* dicuntur, ut sunt; *Casus*, *Contusio*, *aëris cuiusvis*, *frigidi*, & *maligni præcipue*, & *tetris exhalationibus infecti*, in *Vulnus penetratio*, *Venenatus Vetularum*, aut *mensibus laborantium*, intuitus (*vonn dem Vervundeten äußerlich etwas übels begegnet, und derselbe entweder auff die Wunde fällt, daran sehr gestoßen, oder geschlagen, oder auch die Wunde vor der Luft nicht wol verwahret; oder wenn ein alt verdächtig Weib, oder sonst unrein Weibesbild zuffehet, und darbey ist, wenn der Patient verbunden wird*) & ut, *Galenus* τὸ ἐξὸθεν interpretatur, *sexcenta alia*, quorum quo plura insimul concurrant, *Vulnerique* superveniant, eò facilius *Vulnerati* extinguntur, & pereunt; quamvis per *Accidens*; Sic *Puer*, cui *syncope contusum erat*, febre, aliisque symptomatibus planè extinctis, ex *typhani pulsatione*, *tubarumque*, & *fistularum strepitu*, ac *Rusticorum choreis*, quas *Pater* ipse, *Oenopola*, prope *fratris convalescentis ex Vulnere cubiculum*, ad *mediam usque noctem permiserat*, febre acutâ inde incensâ, delirio & aliis subinde intervenientibus symptomatibus, moritur; it *Vulnere detectio*, ac *aëris frigidi contactus*, *Capitis imprimis*, & *Cerebri*, ut & *aliarum partium*, *Vulneribus periculosa maxime dicuntur*.

Sic *Facultas Med* Lips. d. 10. Jan. Ao. 1671. P. P.

Re diligenter perpensâ, circumstantiisque probè ponderatis, non possumus non illum certiore facere, *Vulnus* in casu descriptum per se quidem satis periculosum; sed non absolute lethale dici posse. Attestatur potius *Vulnus* per accidens mortale factum fuisse, quia secundum *Relationem vestram aëri* expositum, nec ligatum per septem horas remansit.

Ad quam *Partium Externarum Classem Axillas* quoque, ac *Summum femur* refero, vulneraque *Ramis* ipsorum majoribus, *Arteriis imprimis*, & per transversum, inflicta, quamvis non rarò per *Accidens*, *ut plurimum Lethalia* fieri assero; Scilicet, si *Ramus Axillaris* circa *Axillam* statim, & sub eâ, ac prope ipsius è *thorace exitum*; *Ramus Cruralis* verò & ipse in *summo femore*, & *Principium*, ac *egressum* versus, ex *Abdomine* vulnerentur, & ita quidem, ut

sanguinem, ob loci incommoditatem, nec medicamentis, nec ligaturis, ac vinculis sistere possibile sit: unde subito, & priusquam vel *Chirurgus* vocari, vel ullum adhiberi possit auxilium, exhaustis celeriter spiritibus, & sanguine, moriuntur ut plurimum.

Sic *Chir.* Lips. 18. Decemb. 1596. P. P.

Et dprehendimus *framea interfectum* in parte sinistra *femoris crassiore vulneratum fuisse*, vulnusque natem *dextram* & *perinæum* sub membro virili penetrasse, *Vena Iliaca cæsa* erat, qua de causa circa *maturinum sequentis diei tempus mortuus est*.

Et *Facult. Medic.* Lips. d. 25. Novembr. 1670. P. P. Cum verò in *Relatione* affirmetur, *ramos Iliacos externos læsos*, & *asserente ipso* qui testatus est, incisos fuisse, horum autem valorum præsertim *arteriarum vulnera* & quidem transversa, in *summo femore* & ipso in *inguine inflicta* nec facile nec commodè ut alia vulnera deligari possunt, multò minus sanguinem ex his majoribus ramis copiose & rapide fluentem sistere possibile est. Itaque hoc vulnus rebus sic se habentibus omnino pro lethali habendum, & C. T. ob *insecutum sanguinis diffluvium* mox *vita fungi debuit*. Quod *Dominis* significare &c.

Cap. 15. De Necessariis Legitimæ Vulnerum Inspectionis Requisitis.

Cum verò maximè necesse sit, ut, priusquam de *Vulneris qualitate* dicatur *sententia*, accurata præcedat *ipsius inspectio*, *appendicis loco*, ea, quæ circa eandem notatu digna videntur, recensere, *ferta nimis pariter*, ac *negotii Ratio*.

Legitima autem Vulneris inspectio nihil aliud est, quam *sedula*, *diligens*, & *accurata in Vulneris conditionem*, ac *qualitatem*, à *Medico*, & *Chirurgo*, à *Magistratu* legitimè requisitis, ad *Judicis super Lethalitate Vulneris informationem*, instituta *Inquisitio*.

Ita ut *Tria Legitimæ Inspectionis Requisita* asseram; quorum 1. *Personæ Inquirentes*; 2. *Inspectio Ipsa*; & 3. *Inspectionis finis*, & *Intentio*, constituit.

Inquirentes quod attinet *Personas*, sunt illæ: *Magistratus*, *Medicus*, & *Chirurgus*; Ille, qui *homicidium* si fortè commissum est, *Hos* ad *vulneris inspectionem* *requisitè ex officio*; *Hi* verò, qui, *requisiti à Magistratu*, *comparent*, ac *inspectionem administrant*.

Circa quos ipsos tamen plura sunt, quæ notanda veniunt; A parte *Magistratus* enim *Inquisitio* statim, atque de *Homicidio* constat, instituenda; ne, cum temporis protractu alteretur *Cadaver*, putrescat, & corrumpatur, *vulnus* vel ipsum difficilius cognoscatur, vel *factor cadaverosus*, quò minus *sectio* decenter fieri, & expediri possit, impediat; Nec minus ab iis, qui ex *Magistratu Sectioni* intersunt, attentè *inspicienda*, & *notanda sunt omnia*, ut illis ipsis postmodum de *Vulneris qualitate*, & *Attestati veritate*, constare possit certius.

A parte *Medici* disceptatur vulgò, an *Uterque*, & *Medicus & Chirurgus*, semper requirendi sint: vel alteruter solus sufficiat? An *Medicus* debeat esse *Examinatus*, & *Promotus*? An *Juratus*? An *Sectionem* administrare *Ipsum* oporteat? & quæ sunt Alia.

Ad quæ tamen meam breviter dico *sententiam*; Præsupponendo, *Medicos* oportere omnes, qui ad *Judicialem Vulneris inquisitionem* se requiri permittunt, ut *fundamentalem*, *solidam*, & *perfectam Artis Anatomicæ* habeant *noticiam*, nec de *Corporis humani structurâ*, *singularumque partium situ*, scitè solum loqui, sed *Cadaver humanum* quodvis propriâ manu, decenter, ac dextrè secare, & vel *ignarum Rei hujus Chirurgum* informare, vel in *necessitatis casu Sectionem* ipsi administrare possint, ac valeant, cum

in *Rerum Anatomicarum* notitiâ totum consistat inquirendi negotium.

Quo præsupposito, si qui statim, reor, ad *quancunque Vulnerum Inspectionem* semper vocari, & requiri debere *Medicum*; Eumque *Examatum*, & *Promotum*, utpote qui publicum habeat Eruditionis, Doctrinæ, & Experientiæ testimonium, & cui, ob depositum in Promotionis suæ Actu *Juramentum*, certior habenda fides sit.

An verò ad *Singulos* Inspectionis *Actus* jurare oporteat *Medicum*, non dicerem, multò minus ipse facerem; Cùm nec *Judex*, qui *Eum* requirit, & inquit; nec *Advocatus*, qui Defensionem in se suscipit; nec qui *Sententiam* dicunt, ad *singulos Actus* jurati sint; Unde si Fides habetur *His*; Cur non & Eadem habenda est *Medico*? Præteritum si iste Vir Bonus, Eruditus, in Arte suâ Expertus, ac conscientiosus sit.

Quot autem à *Medicastro*, circa *Inspectionis* hocce negotium, ex solâ *Rerum Anatomicarum* ignorantia, & inconsideratâ super *Lethalitate* judicandi temeritate, committantur errores; quot liberentur, & absolvantur Homicidæ, dies testatur, & Experientia, mille testantur, *Casus*, & *Acta*; Cujus Rei Causa tamen non *Arbitrio* Nostrâ, sed Magistratui, qui tales requirit *Idiotas*, imputanda est; Porro, an, *Medico Chirurgum* semper adjungi, oporteat; nullam equidem *Necessitatem* video, cùm vel solus *Medicus*, eruditus puta, & præteritum qui bonus est *Anatomicus*, utrumque experire, in vulneris nimirum qualitatem inquit re, & super *Lethalitate* ipsius judicare, sufficiat; Providè tamen ac circumspiciendè satis usu hæcenus receptum est, ut, pro tutius expediendo hoc negotio, *Medicus Chirurgum* (si Uterque haberi potest) semper habeat comitem, non (sicut malè putatur à plurimis) ut *Medico* famuletur *Chirurgus*, & manus solùm admoveat suas, sed ut Ipse etiam suam super *Vulneris* qualitate ferat, dicatque *Sententiam*.

Requirendum ergò *Chirurgum*, utpote qui inter *Personas* inquirentes Tertia est, non *Barbitonsor*, vel *Balneator* quemvis, sed talem, qui *Rerum Anatomicarum* benè, ac sufficienter gnarus, & in *Chirurgiâ*, ac *Vulnerum tractatione*, ac regimine, probè exercitatus, & Juratus Artis suæ Magister est, suadeo; Utrumque enim nisi obtineat, *κακόν ἐστι πρὸς αὐτὸν*; *Sectionem* quippe administrare eum oportet, quia *Medici* ministri est; Suam verò insimul dicere *Sententiam*, quia *Chirurgus* est & frequenter, ac quotidie curam habet *Vulnerum*; proptereaque tutum non minus est ipsius *Judicium*.

Non soli tamen *Chirurgo* (multò minus imperito *Barbitonsor*, vel *Balneatori*) committendum negotium. cùm, teste *Experientiâ*, vix Centesimus Eorum in *Anatomiâ*, & artificiosâ *Cadaverum* propriis *Sectione*, solidi quicquam sapiat; Unde Ipse faceri cogor, me *Judicium* hocce meum, de *Vulneribus* *Lethalibus*, plurimis illustrare, & probare potuisse *Casibus* in terminis, à Gratiissimâ patrim *Facultate* Nostrâ, patrim verò ab Amplissimo hujus *Loci* *Senatu*; ex *Actis* in *Puncto* *Homicidii* *Publicis* mihi communicatis; Verùm cùm pleræque *Vulnerum* *Inspectiones* à solis celebratæ, ac administratæ *Barbitonsoribus*, vel *Balneatoribus*, ab iisque Res tam crassè, tam turpiter, ac illegitimè planè peracta fuerit, missos potius facere *Casus*, quàm *Nollitates* referre, & allegare, duxi consultius; Quapropter requirendum Utrumque & *Medicum*, & *Chirurgum*, dixi superius; hunc quidem, qui in *Loco* est, & *Curam* *Vulnerati* habuit; Illum verò, nisi præsens sit, ex *Viciniâ* vocandum, censeo.

Cæterùm quod *Inspectionem* ipsam attinet, & quando *Medicus*, & *Chirurgus* requisiti, jamjam circa can-

dem occupati sunt, non minimùm sanè interest, ut ab *Adstantibus* alternatim, & aliud quasi agendo, in *Litis* occasionem, *Armorum* genus, & qualitatem, *lesionis* modum, *læsus* conditionem, & alias inquirent circumstantias, utpote ex quibus non minimus acquiritur rei prægustus, nec inane inquirendi indicium;

Porro manus dum admovenda ipsa est, in *Cadavere*, à sordibus per *Chirurgi* discipulos benè prius absterfo, *læso* externa quævis, sive *vulnus* sit, sive *Contusio*, secundùm longitudinem, latitudinem, & (pro ut *vulneris*, & *Partis* affectæ fert conditio.) profunditatem primò omnium notari debet sedulò; hinc partes *Externæ*; vel singulæ seorsim; vel, prout necessitas requirit, plures simul, artificiosè tamen, ac cautè, ne *Chirurgus* vel *lanienâ* suâ *nauseam* excitet *Spectatoribus*, vel turpi quicquam lædat incuriâ removendæ sunt; Aperto jam *Cadavere*, (Aperire autem, & secare *Cadaver* omninò oportet, etiam si nimirum quidem, ut fieri interdum contingit, in externis partibus *læsionis* appareat vestigiū; nec stoli sufficit immissio, ac sola per eundem facta *vuln.* exploratio, utpote quæ & ipsa fallax pariter, atque suspecta est) *sanguis* extravasatus, qui reperitur, spongiis excipiendus, & abstergendus, ut *vulnus*, eò facilius aut ipsum se exhibeat; aut commodior ulterius inquirendi detur *Occasio*; quod tamen si profundius, & *sectione* ultetiori opus sit, cautè procedendum, ne, vel ex secandi imperitiâ, vel manūs temeritate, ac violentiâ, *vulnerentur* partes aliæ, *vasa* imprimis, quibus ab homicidâ tamen nulla illata fuit *injuria*, & *vulnus* ita novum vel studiò, vel ex secandi ignorantia, fiat majoris non rarò momenti eo, quod *inflictum* fuit ex *injuriâ*.

Repertum denum, detectumque *Vulnus*, abstergendum est spongiis; Magnitudo ipsius, & profunditas stylis exploranda: omnia verò (iis præsertim, qui ex Magistratu *sectioni* intersunt, ut & aliis *Viris* honestis, *Rerum* istarum *Testibus*) demonstranda sunt.

Quibus tandem peractis, redintegrandum *Cadaver*, quantum possibile est, & quicquid ex partibus externis dissectum fuit, artificiosè, & quantum quidem possibile, iterum applicandum; apponendum, ac cutis denique ipsa, filo trajecto, affabrè consuenda est; Quæ omnia ut legitinè expendantur, & decenter, *Medicus*, tanquam providus, ac prudens totius negotii *Director*, animum diligenter attendat, dicat, jubeat, moneat, ut *Inspectio* administretur, & procedat, ut *Artis* est.

Fieri autem hæc omnia dicuntur ad *Informationem* *Judicis*, & rectè; Cùm enim Magistratui à *Deo* demandatum sit in hominum malitiam animadvertendi officium, inter omnia autem facinororum ac delictorum genera, abominandum satis coram *Eo* *Homicidium* sit, ita, ut, *Terram*, quæ *insontium* cruore maculatur, *expiari* aliter non posse, nisi per *sanguinem* ipsius, qui *alterius sanguinem* fuderit, ipse *Zelotes* velit, & præcipiat *Dominus* *Zabaoth*; magna tamen *læsionum* sit diversitas, magna *circumstantiarum*, & *Accidentium* varietas, duobusque pariter rei eventus, maximum propterea interesse videtur, ut *Magistratus* prudenter, circumspiciendè & cautè procedat, nihilque intermittat, quod ad perfectam, ac sufficientem circa commissum *Homicidium* notitiam, informationem, & certitudinem facere valeat.

Hæc verò inter primas tenere jure dicitur *Legitima* *Cadaveris* defuncti ex *vulnere* *Inspectio*, utpote quæ *Partis* *læsæ* monstrat situm, *Structuram*, *Connectionem*, *Actionisque* ipsius, usus, & *Officii* rationem; *Vulneris* item *Magnitudinem*, profunditatem aliasque qualitates exhibet, & *Accidentia*, mortisque ipsius causam reddit, & explicat. Ut ergò rectè, & sufficienter

ficienter informetur *Judex*, oportet omnino; ut *Medicus* & *Chirurgi*, omni ope, ac studio eò invicem allaborent, ut inquisitio decenter fiat, & legaliter; Ne ipsorum sive ignorantia, sive negligentia, & incuria, vel impunitus dimittatur, & absolvatur Reus, vel innocens; & mortis insons damnetur capite, ac Advocati, & Causarum Patroni commodam inde dubitandi, ac disputandi ansam arripiant, & culpam ita omnem in eos, quibus inquirendi, & inspiciendi commissum fuit negotium, devolvant; Unde, cum & hinc difficile sanè sit *Judicium Medico* præprimis, nisi, ut suprà dictum sufficientem habeat Artis Anatomicae notitiam, fidus suaderem Amicus: *Memum de Tabulâ!*

Cujus rei, locò plurium, unicum tantum refero Exemplum: Anno 1654. 28. Mart. vulneratur quidam, ac paulò post moritur; *Magistratus* ejusdem loci altero statim die ex viciniâ *Medicum*, eumque nec Examinatum, nec Promotum, vocat, ipsumque unà cum *Chirurgo* ad *Vulneris inspectionem* requirit legitime, ac ipsorum *super Lethalitate* rogat *sententiam*; Ad quam *Requisitionem Medicus*, & *Chirurgus* comparentes, secant, inquirunt, inspiciunt, ac ita postmodum ad Acta referunt:

Apertò defuncti cadavere qui Sutori serviebat nomine N. Ego infra subscriptus & ab amplissimo senatu ad vulneris inspectionem requisitus, Observavi defunctum nullà alià plagà sive ictu læsum fuisse, nisi hòc unicò; sex digitos latos à septima spinæ dorsi vertebra inflictò; deorsum versùs femur dextrum ad longitudinem trium ulnæ quadrantium, minùs duos digitos penetravit & non solum nervos, Arterias ac musculum discidit, sed etiam Venam Iliacam læsit; quò factò sanguine spiritibusque animalibus privatus animi deliquium passus est, Ideo vulnus pro lethali habendum.

Percipiens hoc Reus Advocatum petit, ipsumque, ut defensionem sui in se suscipere velit, rogat, efflagitat. Advocatus, omni aliò remedio destitutus, ac solaciò. Medici Attestatum intuetur: Ecce! optatam ex eo dubitandi, ac disputandi sibi arripit ansam; vulgarem istam; ex eadem fistulâ cantilenam canticans. Vulnus, vel non lethale, vel inspectionem tamen minùs legitime fuisse administratam: Hinc casus formatur. Res ad Facultatem devolvitur nostram. Physici attestatum transmittitur, & queritur: an vulnus pro simpliciter, & absolutè lethali habendum sit.

Facultas convocatò Conciliò, negotium circumspècte perpendens respondet.

Cum quæsto proposita cum testimoniò litteris consignatò Physici N. N. vulnus illius qui sutori serviebat describente, nobis transmissa sit, simulque rogati simus nostrum ferre judicium, an vulnus pro simpliciter & absolutè lethali sit habendum.

Itaque scriptò vestrò perlectò, & circumstantiis accurate perpenis, dicimus.

Si præterlapsò tertiò paschatis die quidam sutoris Operarius vulneratus fuerit, qui intra semi horam mortuus est, cujus cadavere inspectò annotatum fuit &c.

Reliqua de verbò ad verbum ut in scriptò vestrò & annexò Medici testimoniò litteris consignatò continentur.

Primò Physici testimonium haud parum mirati sumus; optavissimus Inspectionem hanc diligentius administratam, nosque hòc modò accuratius informatos esse, siquidem neque pars læsa præcisè determinatur; neque ratio pro lethaltate decidendi adducitur, licèt enim vulneris magnitudo designetur quod sex & digitos latos à septima spinæ dorsi distat, vertebra, dextrum femur deorsum versùs penetrat, simulque longitudo vulneris tres ulnæ quadrantes minùs duos digitos continens, describatur, partes etiam vulneratæ, ut nervi, arteriæ, & unus musculus qui dissectus

fuit, venaque Iliaca læsa, ex qua sanguis cordis, spiritibusque vitales profluxerant, denonumentur. Præterea quoque quod vulneratus has ob causas in hypothyriam incidere potuisset, in eòdem Testimoniò attinetur. Attamen vertebre doti septimæ denominatio obscura apparet, cum aliàs *Vertebra spina dorsi ab Anatomicis numerentur, initio factò a prima colli vertebra, cui caput innixum.*

Vulneris potrò longitudinem per se non sequitur lethaltas; de cætero, nec nervi, nec arteriæ nec musculus qui discissus fuit denominatur: Item, an vena Iliaca, in parte superiori vel inferiori, versus genu læsa sit minime docetur; neque hæc absurdiam silentio prætereundum est, quod Medicus putaverit, *per vena Ischiadica lesionem* defunctum sanguine cordis, spiritibusque vitalibus privatū fuisse quod tamen primis Anatomie elementis repugnat, ideoq non possibilitas animi deliquiorū; quia per Venæsectionē sapius Lipothymia & animi deliquium; imò mors ipsa, si puncta Vena non deligatur (quæ circumstantiam quoque ex Renuntiatione vestrà in hòc casu annotavimus) supervenire potest; sed potius lethaltatis necessitas concludenda fuisset;

Quia verò nec in scriptò vestrò, nec in Medici testimoniò, litteris consignatò, pars læsa determinatur, imprimis autem vulneris inspectio insufficiens fuit, notitiam, rebus sic se habentibus; de lethaltate vulneris judicium, ferre non possumus. Quod &c.

Responsum hoc Ampliss. Facult. Jurid. Lips. Censuræ, ac Sententiæ subjicitur, quæ talis est, P. P. Cum Magnificentia Vestra, & Vos nobis, scriptum ab Inquisitò N. N. traditum, simul cum Actis seu instrumentis, duobus voluminibus contentis in hòc homicidii casu, transmisissetis & rogassetis, quod juris esset pronuntiare: Judicamus &c. Licèt prædictus Inquisitus Medicus expressis verbis, vulnus minime esse lethale dicat, & hanc ob causam Medicæ Facultatis judicium simul tradat, quia tamen Facultas nihil certi, hæc in re definivit, an nempe vulnus lethale fuerit, nec ne; sed tantum statuit rebus se ita habentibus, cum in Medici testimoniò qui vulneris inspectione interfuit, nec accurata nec perspicua membrorum læsorum mentio fiat, suum de lethaltate vulneris judicium ferre non posse. Itaque censemus Medicum, Testimonium litteris consignatum accuratius exhibiturum; super quod Facultas aliud Judicium feret; Actisque adjunget, quibus factis, quid rectum sit, & hoc quidem de jure pronuntiabimus.

Physicus animadvertens negotium, ad prævium Academicæ mandatum, attestatum suum ita explicat, ac deducit, vel explicasse, ac deduxisse tamen existimat.

Accurata Designatio Eorum membrorum, quæ in inspectione vulneris illius sutoris Operarii, coram Magistratu amplissimo & Justitiæ Assessoribus, meque Chirurgo Castrensi presente, cum duobus famulis, læsa deprehensa sunt.

I. Unicum vulnus in corpore defuncti animadvertimus, quod à septima spinæ dorsi vertebra, deorsum, dextrum femur versùs, penetravit, tres ulnæ quadrantes, minus duos digitos profundum; pollicem verò unum latum erat.

2. Ex quò ictu. *primum musculus* (qui vulgò omnium longissimus vocatur; & ab Ilii spinâ oriundus oblique in tibiā anticā & externā descendit) læsum & dissectum fuisse observavi.

3. Ex eadem potrò plagâ, Ramum cruralem Venæ cavæ vel magnæ, quæ fons est humanæ naturæ uberrimus, & secundum Hippocr. & alios, microcosmi flumen amplissimum, incisum observavimus, quare interfe-

ctus sanguine & spiritibus privatus est, & cum hominis vitam in sanguine consistat, facile coniciendum est occisum hō modò viribus spoliatum fuisse: quam ad rem non parum fecit, quod defunctus macilentus & minus carnosus fuerit.

4. *Nervus etiam pedis dextri, qui cum vena & arteria crurali per inguen descendit, dissectus fuit.*

5. Et tandem eandem venam & arteriam cruralem, quæ cum prædicto nervo secundò pedis per internum femur ad pedem usque descendit, per transversum incisionem invenimus.

Hæc in cadavere, Inspectione vulneris habitâ læsa deprehendimus, observare verò non potuimus, an à supervenientibus Epilepticis, vel Apoplecticis symptomatibus, corporis partem quandam, tuberculò vel fulò colore maculatam fuisse.

An verò ex his partibus læsis & incisis lethale vulnus sit declarandum, aut an deligatio vulneris, & quod defunctus nec internis nec necessariis medicamentis in brevi quò vixit temporis spatio, usus fuerit, mortem inauraverit hæc Amplissimæ Facultatis Medicæ cognitioni & arbitrio submitto.

Quam explicationem, ac deductionem, Fac. Med. ulteriùs examinat, tandemque ad instantiam, super Lethalitate suam dicit sententiam.

P. P. Sperabamus Medicum alteram vulneris Relationem priore clariorem daturum, & secundum artis præcepta, omnia, ut ejus erat officii, prolaturum. Attamen extraneis renuntiatione observamus prædictum Phisicum septimæ dorsæ vertebrae nomen silentiò præterire, quod nobis eò magis obscurum apparet, quod in scripto vestigio animadvertatur vulnus sub natibus dextrum femur, & quidem deorsum versus penetrasse, ubi nulla amplius adest vertebra, & quod non minùs absurdum, partes in relatione deligatæ unò ictu minime lædi possunt: quod ad vulneris locum attrinet, ex naturali partium situ, an circa quartam & quintam lumborum vertebra, ut Anatomici loqui solent, vel secundum Medici opinionem circa dorsæ septimam, deorsum versus, ictus penetraverit, facile probari potest: Et quia in huiusmodi a curatâ designatione, nihil quod ratione vulneris notari dignum sit, nobis à Phisico declaratur, Cumque vulnera vertebrae inferioribus sicut & musculis & nervis inflicta minime lethalia sint, vena quoque, & arteria cruralis, ut à Medico descripta est cum nervo pedis secundò per internum femur, ad pedem usque & ejus digitos descendat, ideoque procul dubiò Vena Saphena, & arteria musculota interna subintelliguntur, horum autem vasorum vulnera convenienter & secundum artem deligata & curata faciliè sanari possunt, hæmorrhagia etiam quæ timentia foret præcaveri poterit. Itaque huiusmodi Inquisitione habitâ vulnus pro simpliciter & absolute lethali pronuntiare non possumus, sed optavissimus Inquisitiones ex quibus hominis vita pendet ab Inquisitionibus meliori forma, & secundum artis principia institui, ne in Nobilissimæ Medicinæ opprobrium, ulterioris postmodum indagationis opus sit.

Cui subscribens Ampliss. Jusconsultorum qui in Facultate Juridica sunt; pro dimittendò ex Carcere, & Captivâ, Reo, quæstionem decidit.

P. P. Licet Reus in carcere in quem conjectus fuit, usque ad rei decisionem custodiri more solito debuisset. Attamen cum Medica Facultas vulnus defuncto inflictum pro absolute lethali minime agnoscat; Censemus Nos &c. Reum ducentorum thalerorum prædem daturum, ut quotiescunque requisitus erit coram iudice stet, interim illum à vinculis liberamus, & hoc de Jure.

Ex quibus facile constare cuilibet existimo, quantum intersit, ut Vulnerum Inspectio à Perito admini-

stretur Medico & Rono præprimis Anatomico. ne ex tam crassis circa Inspectionem, ex Requiritorum vel ignorantia incuriâ, commissis erroribus, insperatum emerget Reo patrocinium.

Decet r. a. & Legaliter satis procedere possunt, & Medicus, ac Chirurgus, si, requisiti à Magistratu, Sectionem, ut supra dictum, prudenter administrant, eaque peractâ, ea omnia, quæ circa læsionis qualitatem notari oportet, accuratè notent, ac singula propriis suis inscribant nominibus, tandemque, pro necessariâ Judicis informatione, super Lethalitate unum dicant sententiam: id quod candidè, sincerè ac ex bonæ conscientie distamine, artisque præscripto non minus, quàm principum Medicorum Authoritate fieri decet, majoremque proinde in fidem manus propriæ subscriptione corroborari, usu olim receptum est.

Quod a. de Principum Medicorum Authoritate hic dicitur, illud cum discretionem accipiendum est; Scilicet tantum valeat, in dicendâ super Lethalitate sententiâ, Authoritas illa, in quantum ad singula, & cum iidem circumstantiis, possit applicari individua; In ejusmodi enim inspectionibus Vulnerum, & ferendo super Lethalitate eorundem Judicio, non Generaliter, sed individualiter procedendum, & judicandum est; hoc est (ut res exemplo declaratur) quando Titius ex Vulnere Pulmonis moritur, & dicenda est super qualitate vulneris istius sententia, non quærendum est in genere; An vulnera Pulmonum sint Lethalia? Sed: An hoc; & huic individuo; Titio nimirum inflictum Vulnus Pulmonum; & quidem pro qualitate, & aliarum circumstantiarum ratione, Lethale sit? Sicut enim in forensi Judicio unica interdum circumstantia totum variat processum; Ita in inspectione Vulnerum unica non raro circumstantia totum variat Judicium.

Sic Facult. Med. Lips. d. 17. Jul. 1668. P. P.

Ad hæc respondemus, casu collegialiter & accurate ponderato quod responsis & sententiis allarum Facultatum Medicarum minimè attendimus, dum status controversiæ & nervus vestigii quæstionis non est, an vulnera ventriculi in genere sint lethalia? Sed hic agitur judicare, an hoc vulnus ventriculi huic individuo inflictum & à vobis descriptum pro lethali sit habendum?

Quamvis rationes, auctoritates & exempla in responsis nobis transmissis & in sententiis Medicorum allegata nos non fugiant, tamen comprehendere non possumus, quomodo ista huic casui & individuo fundamentaliter applicanda sint. Ideoque judicamus quod hoc vulnus ventriculi, (secundum Testimonium literis conscriptum & circumstantias post inspectionem vulneris habitam adductas, quæ instar normæ sunt) per se & absolute lethale sit.

Et quidem (1) quia illud, licet non parti nobili ut tali, tamen parti ad vitam absolute & simpliciter necessariæ; & quidem in fundo circa orificium inferius ventriculi, qui locus præ cæteris periculosus, inflictum fuit (2) quia vulnus per se magnum & penetrans (3) ob situm ventriculi profundum nec lege artis tractari, multò minus filo tractato consui potuit. Imò (4) supervenientia symptomata, ut cordis anxietas, dum Chirurgus vulneratum primo aspectu cum morte luctantem & de magna cordis anxietate conquerentem invenit, nec non vomitus cruenti ex motu ventriculi convulsivo provenientes, sudorque frigidus; nihil aliud quàm lethalitytis & instantis mortis prodromi fuerunt; hæcque ex ratione (5) nec potius aquæ, nec intermissa V. lectio, multò minùs motus, cum ille in prætra sequenti die deportatus fuit, neque etiam externa & superficialis in capite confusio lethalitytis causæ fuerunt; quia illæ causæ quæ vulnus ex accidenti lethale reddere possunt, tam celeriter non agunt, ut vulneratio ex ejusmodi causâ inter quin-

decim dies, ut huic individuo contigit, moriendum sit. Quod vobis significare &c.

Attestati autem hæ præcipuæ esse videntur *Partes*: *Legitima* sc. requisitio; *Acurata Cadaveris Sectio*; *Sufficiens Vulneris Descriptio*; *Sincerum super qualitate ipsius Judicium*, & *ingenuum manus propria Testimonium*; ita, ut, meo quidem iudicio, talis præter propter *Attestati* possit esse *Formula*.

Auff beschehene ordentliche requisition der Obrigkeit (hic denominetur Magistratus Loci) haben wir Zuendgenannte heut dato N. N. welcher an einer empfangenen Wunde (Schlage) Schosse) gestern Abend (oder wenn es sonst geschehen) verstorben, besichtigt, und bey Gröffnung des Körpers befunden, dass demselben in die lincke Brust, zwischen der 5. und 6. Rippe, unsern der Warte: ein Stich, äusserlich Glieds lang, beygebracht worden, welcher durch die Musculos Thoracis; Pleuram, Pulmones, und Pericardium, in den finitrum Cordis ventriculum, und durch denselben bey der 6. ten vertebra thoracis wieder heraus gangen, worbey dann eine grosse Menge Geblütes in dem Thorace zu finden gewesen. Weil nun durch diesen Stich zusehender das Herz, als das edelste Glied Menschlichen Leibes profundè verwundet, und hierdurch nicht allein seiner Substantz nach, heftig verletzet, sondern auch der Sinister Ventriculus durchstoßen, und daher das Herz-Geblüte, nebenst denen Spiritibus vitalibus häufig extravasirt unn entgangen, Solches auch durch kein Mittel zu stillen gewesen; Als ist solch Vulnerus denen Fundamentis Anatomiae, & Chirurgie gemäss, pro simpliciter, & absolutè Lethali zu halten, und hat der Verwundete nothwendig daran umkommen, und sterben müssen, Welches wir hiermit unter unsrer eignen Hand attestiren, und bezeugen wollen, So geschehen &c. &c.

N. N. Med. D.

N. N. Barbierer und Wunde-Artzt.

N. N. Barbierer und Wund-Artzt.

Ubi omnes, qui tale in se suscipiunt negotium, memores velim istius, quod scitè satis monuisse *Vesalius* legitur, inquiens: *Quæ sanè cuncta summâ animadversione spectare, atque dignoscere peritus Medicus debet, ut, si quando illi coram Magistratu de illatis vulneribus pro testimonio dicendum sit, Rem totam ad veri normam expromere queat; quæ una cautio illi summo-perè tenenda est, ut nunquam à verò desciscat, præsertim ubi de Capite agitur, nec livore, invidia, odio, aut aliâ nullâ perturbatione affectus, aut metu, minisve cuiusdam impulsus, à Dei timore, à Veritatis amissi declinet; Sed Vulneris naturam, Magnitudinem, sedem affectam, & quàm altè telum descenderit, & quæ in Eo Lethalia, aut secus, apparere symptomata, accuratè describat. Et Sebiziùs, cùm de Judicis informatione loquitur, ait: oportet enim in hoc casu Animum habere ab omni affectu, & perturbatione Liberum, ac vacuum; Credendo, Deum xαδιογνώστης nobis adesse, & factorum nostrorum, animique inspectorem esse oculatissimum; Sique contra Veritatis, & Equitatis legem, sententiam tulerimus, Vindicem Severissimum; Sin pro Veritate steterimus, Fautorem, & remuneratorem Benignissimum; Magnum quippe crimen est, & impietatis plenissimum, eum, qui à Mortis pœnâ liberari potest, falso, & iniquo testimonio reum facere; Peccatum maximum, servare velle illum, quem, ob Vulnerus illatum Lethale Leges Homicidarum pœnâ damnaverunt. Quæ si observaverint, uterque lux satisfacit & Conscientiæ, & officio.*

Cap. 16. Curiosa quædam, circa Lethalitatē tamen scitu maximè Necessaria, continens.

Quemadmodum autem ad formalem Vulneris Le-

thalis rationem instantis ex Vulneri vitæ termini Brevitatem requiri, non sine ratione superius dictum est, ita explicare omninò oportet, quousque scite iste extendat terminus, & quid de nono vulneris die; (von einer, der tödtlich verwundet ist, den neunten Tag erlebt) cum vulgo, sed præptimis cum ratione sciendum sit?

Cùm ergò ex Principum ore Medicorum percepisse me, jam succurrat, *Lethaliter vulneratos paucarum horarum, vel dierum, mori, ac perire spatio*, nullus sane possum, quin *Vulnera ista Lethalia ad acutorum Morborum classē vel referri, vel multum tamen de ipsorum naturâ participare, securè asseram.*

Vulnerum enim omne Morbum esse, & ad tertium Morborum genus, morbos scilicet solute unitatis pertinere, superius abundè demonstratum est; Lethale verò ad acutorum referri classē; nec novum; nec rationi dissonum.

Et quamvis acutum propriè morbum ex humorum in corpore provenire vitio, ac criticè solvi; *Vulnera* verò, de quibus noster est Sermo, à solis externis produci causis, non nesciam, nihilominus tamen, quin *Vulnera Lethalia ad acutos referatur morbos*, quid obstat, non video; Posito enim quod ponitur, & dicitur ab omnibus esse de Natura, & formali acutorum Ratione, *moveri celeriter, subito, & non sine insigni gravium congerie symptomatum, pervenire ad statum, & solvi, sive ad salutem, sive ad mortem criticè*; quis negabit, idem *Vulneribus contingere Lethalibus*? Ut potè quæ & ipsa *movenitur celeriter*, hoc est, fiunt, & excitantur, non præcedente aliquâ spontaneâ lassitudine, Capitis dolore, anxietate circa præcordia, &c. ut acuti fiunt Omnes, sed statim, citò, idu, in momento; Subitò, & non sine insigni gravium congerie symptomatum ad statum perveniunt, id est, vel statim, atque inflatum vulneris est, vel brevi horarum spatio maxima Vulneri superveniunt symptomata, dolor puta, pro partium ratione, exquisitissimus, inflammatio, febris, Delirium, motus convulsivi, Epileptici &c. &c. Et solvuntur tandem, quamvis vel semper, vel ut plurimum tamen, ad mortem, criticè an dicam? hæreo; Doctiorum tamen pace, criticè omninò solvi, assero, Sicut enim acutorum Crisin, & solutionem, quædam à Symptomatum congerie excitata præcedit conturbatio, quâ ipsâ natura, molestias deponere, allaborans, humorum vel transpositionem molitur, vel evacuationem, hanc verò ipsam subita insequitur morbi, vel ad salutem, vel ad mortem, mutatio; Ita in *Vulneribus* quoque *Lethalibus* insignis admodum, ex multiplici symptomatum serie, advertitur totius naturæ conturbatio, validusque conservandi se, observatur conatus, cui tamen, cùm vulneris Magnitudini, ac *Lethalitati* non sufficiat, subita supervenit mutatio, quam vel semper, vel ut plurimum *Vulneratorum mors* sequitur, & interitus.

Quod cùm ita sit, colligere exinde difficile non est, quid de nono vulneris die statuendum sit; Scilicet, siqua in Parte vulneratus graviter nec statim, nec paulò post, nec horarum aliquot moriatur spatio, sed à primo vulneris die ad quartum, à quarto ad septimum, & à septimo ad Novum usque tanquam *Intercalarem criticum*, vivus remaneat, *Vulnerum simpliciter & absolutè Lethale non est*; Ratio, quia Terminus iste, nonus puta dies, indicat, *Vulnerum vel non Magnum æquè, nec profundum maximè, nec Nobili, vel ad vitam simpliciter necessaria parti, esse inflatum*; vel tamen, quòd tot dierum (solent n. ut plurimum intra id tempus apparere accidentia, tum Bona, tum Mala, quæ post accepta talia vulnera supervenire consueverunt) spatio sive à naturâ, in sanis, & robustis; sponie; sive concurrente Medici, ac Chirurgi ope, & consilio, etiam maxima soleant curari vulnera, cùm tertio plerumque

que vel quarto ad summum vulneris die, suppuret vulnus, ac dolor, & febris, aliaque remittere soleant symptomata, & materia, vel pus coctum, & laudabile efficiatur, donec brevi temporis spatio vulnus consolidetur planè, vulneratusque ita restitatur integre.

Unde non malè concluditur, eum, qui, *Vulneratus graviter*, post nonum tandem moritur, non mori simpliciter ex vulnere, sed ex Symptomatum, & accidentium suprâ relatorum ut plurimum congerie.

Quid de musculi læsione non vulgariter tantum ab idiotis, & mulierculis credatur, sed à non paucis insuper, non dicam Medicastris, sed qui artem (nefas dictu!) exercent Chirurgicam, dici, statuique soleat; neminem latere censeo; Scilicet credunt plurimi, si quis ex vulnere, vel contusione externarum partium moriatur, eum propterea fato concessisse, quia *musculus læsus est*, (*weil ihm die Mauss getroffen*) persuadentes sibi, esse circa tempora imprimis, temporalem, & *Humeros*, bicipitem præcipuè, vel aliam quamvis corporis partem, certum, ac singularem musculum, vel nescio quid in musculo, in quo vita quasi resideat, &, quo læso, ipsam expirare animam, mirum non sit; cum Galenus ipse fateatur, ac doceat, *Musculos temporales inter omnes Musculos, convulsiones, febres, soporem inferre, si lædantur, & deliria*; Verum n. verò cum nec unicus tantum, nec Duo, sed plures in corpore humano reperiantur musculi; Illique ipsi non *vitalis*, sed *animalis facultatis* instrumenta sint, & locali imprimis inserviant motui, ac nihil propterea in musculo, ut musculo, sit, quod vel vitam conservare, vel mortem inducere simpliciter possit, opinionem hanc risu potius, & Cachinno, quam fide dignam iudico; Gravissima verò, quæ læso temporali accidere dicuntur musculo, symptomata, à vasorum copiâ, & magnitudine, cerebrique viciniâ provenire non dubito.

Sed quid, si quis ex acceptâ solâ moriatur *Alapâ*? Ex acceptâ enim vel unicâ *Alapâ* quosdam periisse, constat; id quod vel pulchra illa *Nerii Filia*, quæ ab amicâ mulierculâ, latâ, ut dicitur, manu (palma nobis) plagam accepit, & nono die moriua est; & *Juvenis*, qui ab acceptâ *alapâ* *Apoplecticus* concidit, & post paucas horas moriuis est, testari videntur;

Dico proinde, nisi eâ ipsâ *Lethalis* contingat capitis contusio, vasorumque ruptura, ac Cerebri compressio, *Lethalem* eam non esse, etiam si moriatur, qui eam acceperit; Cum nec instrumentum manus putat, ex armis sit lethiferis, nec læsio ipsa sensibus obvia, ac de eâ judicari queat, sed mortem ex subitâ animi, à Causâ Externa, consternatione, spirituumque vitalium, & animalium stertore quasi, fixatione, ac suffocatione contigisse, præsumere potius liceat; Quemadmodum ex subito, ac insperato gaudio, eundem in modum extinctos fuisse, restantur *Historia*.

Cæterum an *Vulnera* externarum partium (de internis n. Nobilium imprimis partium nullum planè est dubium) *Venenatis armis inflicta* sint simpliciter, & absolute *Lethalia*? non sine ratione ambigitur. Insignem n. *Venena* corrumpendi corpus nostrum vim habere, sive in illud assumantur, sive exterius ipsi contingant, & admoveantur, neminem fore, qui id neget, existimo; ita, ut communiter statuatur, *venenum* omne, statim, atque assumptum, vel admotum est, Cor petere, &, vi sibi innatâ, vitæ illico invadere, & occupare penetralia; Quemadmodum autem *venenorum* alia magis, alia minus noxia, & deleteria, aliaque citius, alia verò tardius interficere, ac jugulare, observatur; Ita dispar non minus *veneno* infectarum partium est ratio, cum periculosum magis sit *venenum*, quod intus assumptum, quam quod exterius admotum, & applicatum est; quod enim assumitur, à

viscerum Calore statim, vel, pro virulentia sue naturâ, ac conditione, tardius resolvitur, & ad partes Nobiles abire dicitur; extrâ verò admotum, habitum prius penetrare, vasa petere, & sic demum, longo satis viarum tractu, ad partes oportet ire Principes, quâ ipsâ tamen viarum distantia fieri facile potest, ut vel ipsum *venenum* vires deperdat suas, vel tamen vis ipsius reliqua à natura sponte effringatur, ac pereat.

Ex quibus *Vulnera*, *Venenatis armis*, externis solis partibus inflicta, periculosa quidem, simpliciter verò *Lethalia* esse, non existimo; Cum *Vulneri* insuper ab armis infectis inducta *Venenata* qualitas vel externis statim corrigi possit remediis, quemadmodum in *Bello Turcico Senex quidam Medicus Vulneribus*, *Venenato telo inflictis*, malum cydonium masticatum, & jejuna saliva permixtum, imposuisse, eaque feliciter ita curasse, legitur; & *Arcaus*, quendam sagittâ, helleboro intinctâ, sauciâ sanasse, ipse testatur; Vel fomes ipsius unico etiam interius exhibito restingui queat *Alexipharmacum*, modò, si præsumptio adsit, in tempore vocetur *Medicus*; & *Chirurgus* *Vulnus* externum, quod leve, & securum dicitur, ab eo, quod mali moris est, & vehementiora, quàm quæ *Vulneris* fert conditio, inducit symptomata, tempestivè distinguere, ipsique proinde, ut artis est, subvenire non nesciat.

Nec novum denique esse opinor, *Medicorum*, ac *Chirurgorum attestata*, ac prolatas super *Lethalitate sententias*, ab *Advocatis*, & *Procuratoribus* acriter satis oppugnari in *Judiciis*, dum, quâvis aliâ excusationis, & *Defensionis* specie, destituti, in *libellis* suis *defensionalibus*, ex *Hippocratis*, *Galenii*, *Schenckii*, *Forestii*, *Hildani*, *Sennerti*, aliorumque Clarissimorum Medicorum *Authoritate*, casus in terminis pomposè satis sciunt opponere in contrarium, *Medicique* ita taxare, & inculpare nituntur testimonium; per illationem argumentantes, & exempla, Simile scilicet planè, majusque, ac profundius, quàm quod, cujus *defensionem* susceperunt, inflixit *inquisitus*, accepisse hunc, vel illum, vulnus, ex quo tamen restitutum esse, & convaluisse cum *Medicorum*, testari *Historias*.

Sed quemadmodum non dubito, eruditum, ac conscientiosum quemvis non latere *advocatum*, exempla, vel nihil, vel parum concludere; Ita, pro salvandâ *Medicorum Sententiâ*, dico: *Exempla ista*, cum in natura etiam præter rationem plurima fiant, *Historias*, hoc est, rara, aut planè miracula esse, & nihil concludere; cum raritas illa, ac *Exemplorum paucitas Universalem* non evertat *Sententiam*; ita, ut *Advocato* defensori, ad exemplum, exemplo respondere nec mihi liceat, si dicerem: *Ovidius Adulter*, vel *Criminis Læsa Majestatis Reus*, capite non punitur, sed absolvitur, & dimittitur, Ergo neque *Horatius Adulter*, vel *Criminis Læsa Majestatis Reus* capite damnandus est; Si regeret *Advocatus*, istud factum fuisse ex singulari *Summi Magistratus Gratiâ*, & non tollere legem; Inferrem ego, & ex *Valleriolâ* dicerem, hæc *vulneratorum exempla* contigisse ex singulari *Dei Gratiâ*, & *Misericordiâ* ac *natura Miraculo*, & *Lethalitem* non tollere in Aliis.

Unde, ex *sennerti* sententiâ, an *Vulnus* tale actu *Lethale* fuerit, ex eventu maximè judicandum: hoc est, omne *Vulnus*, quod in certo aliquo individuo parâ vel Nobili, vel ad vitam tamen simpliciter necessaria inflictum est, & ex quo, brevi horarum, vel paucarum dierum spatio, &, nullo circâ externa insigniter commisso errore, moritur *Vulneratus*, in isto individuo ἐξ ἀνάγκης θανάσιμον, & necessariò, simpliciter, & absolute *Lethale* esse, concludo & statuo; Illaque, quæ in contrarium adduci solent, exempla, pro *ratio* habeo, & miraculis; Quod *Galenus* ipse fateri videtur, dum *Historiam* refert de *Adolescente*, qui, cum *Smyrnae*, in *ioniâ*, capite ad Cerebri usque ventriculum *Vulneratus*, & aliquid de substantia cerebri ipsi ademp-

tum fuerit, curatus tamen est, & suum addit iudicium, inquit. Sed & hoc tanquam admirandum, ac stupendum quoddam, incredibileque spectaculum, seu natura miraculum habeo ipsumque Adolescentem Dei potius voluntate, quam ullâ humanâ arte sanatum fuisse, ita ait. Cui Hildanus, dum capite graviter, & ad usque cerebri substantiam insigniter vulneratorum, curatorum tamen, aliquot recenset exempla, eleganti hoc ab Antonio Rayo mutuato subscripsisse legitur Epigrammate.

Non audita loquor, natranti credite; vidi
His oculis, tetigi non dubitante manus;
Acererat juvenis, medio cui vulnus adactum
Est capiti, cerebri parsque recisa fuit;
Ille tamen vivit. Si credas, arte Melampi
Id factum, peccas: hic Medicina silet;
Monstra sed in Morbis Arabum flos ille Sophorum
Quod fieri dixit, re patet apse palam.

Cap. 17. De signis Lethalitaris in iis, qui veneno extincti sunt.

Cum tantus semper fuerit Diaboli in Genus Humanum livor, ut, incensâ litis, ac rixarum flammâ, eò non tantum moveat rixantium animos ut alter alteri vim manu inferat, adeoque manifestum committat homicidium, verum etiam viperinâ suâ astutiâ artem, homines veneno extinguendi, & è viventium medio tollendi, suos edocuerit; atque adeo non raro contingat, ut Magistratus, certis indiciis, ac præsumptione ductus, & in hoc quoque casu Medicum requirere, ac, habitâ sufficienti cadaveris inspectione, sententiam ipsius rogare cogatur; non abs re fore existimo, si, appendicis intai, iis, quæ de Lethalitate vulnerum dicta antea sunt, signa Lethalitaris in iis, qui veneno extincti sunt, adjicerem.

Et cum primo quidem intuitu negotium hocce (nisi palam & manifestum sit omnibus) in nudâ conjecturâ videatur consistere, ita, ut jam olim, & ipsius Galeni tempore, inter Romanos Medicos agitata fuerit Controversia: utrum propriæ sint notæ veneni assumpti, nec ne? operæ proinde pretium esse duco, certa quædam referre, ac tradere signa, ex quibus Medicus ad inspectionem requisitus, Magistratum certiùs informare, suamque super hæc re dicere sententiam facillè poterit. Nec tamen de venenorum natura, & proprietatibus, nec de virulentâ eorundem virtute, & effectu, jam dum dicendi, sed signa tantum, ex quibus an de veneno assumpto constet, vel secus, tradendi est animus.

Brevitatis autem studio signa ista omnia in duas potissimum classes redigenda æguro, quarum prior antecedentia, posterior verò præsentia continet; Inter antecedentia 1. Præsumptionem, 2. Mortui constitutionem, & complexionem, 3. Symptomatum relationem, & 4. Mortis conditionem, referenda, cenſeo.

Præsumptionem quod spectat, attendendum præprimis in vita Genus illius in cuius cadaver habenda est inquisitio, & inquitendum proinde, an lites ac contentiones habuerit cum aliis; an in singularem raptus fuerit invidiam ab aliis; an conjuratum unum alterumve habuerit hostem, & adversarium; vel an, ex causa aliqua externa, ipse sibi, vitæque suæ invidus fuerit, atque molestus.

Hinc constitutio non minus & complexio ipsius mortui attendenda, atque adèò considerandum est, an, dum adhuc in vivis erat, boni vel mali fuerit corporis habitus; an sanus vel valetudinarius; an mente constans, an verò eadem captus fuerit?

Poriò & symptomatum relatio non parùm ad hocce facere videtur negotium, cum Medicus, ad inspectionem requisitus, ab adstantibus in ea, quæ mortem

præcesserunt, inquirat symptomata, monente hoc Aërio, qui, cognoscere, inquit, & discernere oportet eos; qui venenum assenserunt, ex signis, quæ coincidunt, & consequuntur; Ubi enim in aliquo placida, & benè composita prius mentis, & bonæ itidem habitudinis, accedente etiam justâ ciborum concoctione, statim, & derepentè variæ accessiones irruunt, præsertim ab accepto statim cibo, ac potu; veluti si accidat tussis, aut fetida sanguinis per os rejectio, aut molesta, & ægræ lotii excretio, aut dolor in alto nitens, aut ardor immensus, aut plus quàm juvenilis, aut sensus erosionis, aut stuporis percussio; punctura, itemque tremor, singultus, contractio, eruptio bullarum, livor, tumor; coarctatio, quarundam partium putrefactio, vomitus fetidus & plenus, manifesta alicujus venenose qualitatis apparitio, & demonstratio. Ex his omnibus si quid repentè ab accepto cibo sano homini accidat, veneno infectum hunc ipsum existimare debemus; Quibus ex aliorum observatione, ac experientiâ annumerantur: Oris calor, exspitio frequens, sitis, ventriculi fastidium, ventris mordicatio, copiosa & cruenta alvi & urina excretio, anxietas circa præcordia, color faciei plumbeus, difficilis respiratio, pulsus parvus, & celer, oculorum contorsio, frigus externarum partium, sudor syncopiticus, digitorum contractio, ungues nigrescentes, tremor labiorum, &c. Quæ si absque manifestâ causâ, & occasione provenerint, veneni suspicio est.

Ac sic mortis quoque perpendenda conditio; & considerandum tandem, an cito, inopinatè, & sanò, quod dicitur, corpore, ac nullo præcedente vel morbo alio, vel externâ quâvis injuriâ è vivis excellit?

Signa verò præsentia, quæ ex ipsa oculari cadaveris inspectione maximè petere licet, sunt vel externa, vel interna; ad externa pertinet insignis vel totius corporis, vel abdominis tantum intumescencia, à virulentâ, oppugnato calido nativo, fermentatione inducta; funestus cadaveris livor; Macula, circa præcordia imprimis, & in reliquo corpore, plurimæ; nunc maiores; nunc minores; coloris modò lividi, modò nigricantis, modò ex rubro flavescentis; uno verbo, variis prout scil. veneni, & ab eo inductæ corruptionis, fert quilitas, & conditio.

Interna verò sunt: Ipsa veneni vel venenosæ saburra in ventriculo ut plurimum latitantis, vestigia; massa sanguinea corruptio; & mutata præprimis viscerum qualitas. Cum enim veneni omnis natura, & proprietas in eo consistat, ut à totâ substantiâ agat, humaneque nature, & complexionis extremè repugnet, atque vi suâ deleteriâ calidum nativum cordis primariò, atque adèò reliquarum etiam partium confertim oppugnare, ac destruere nitatur, fieri aliter non potest, quin statim, atque assumptum est, ventriculi tonum quodammodo immutet, virulentiam verò suâ cor petat, ipsiusque robur omnibus vitibus, totaque substantiâ, infringat, ac cito quasi pede in reliqua quoque viscera sese insinuet, atque ita sanguinem, & spiritus in vasis inficiat, viscerum verò temperamentum destruat, substantiam corrumpat, qualitates immutet, & sic integram humani corporis Oeconomiam subvertat, ac ipsam subinde animam citò è suo corpore emigrare cogat, & faciat. Hinc viscera veneno extinctorum funesta satis apparere, & vel plurimis suspectis maculis conspersa, vel integrè immutata experimur; Sanguinem in vasis majoribus alteratum planè & corruptum deprehendimus; in ventriculo dissecto veneni vestigia, ac reliquias ipsi videmus ut plurimum; ita ut aliena planè facies sit viscerum omnium in iis, qui veneno extincti sunt, quàm qui vel morte naturali, vel violentâ, perierunt.

Nec sicco planè prætereundum pede existimo, ex Historicorum autoritate, alia quoque recenferi signa, scilicet, quod cor veneno extincti nec comburi, nec igne consumi posse dicatur, teste Suetonio, qui de *Cæsaris Germanici* obitu ita scripsisse legitur: *Antiochia obiit, non sine veneni suspitione; nam præter livores, qui toto corpore erant, & spumas, quæ per os fluebant, cremati quoque cor inter ossa incorruptum repertum est, cujus ea natura existimatur, ut, tinctum veneno, igne confici nequeat; Cui aditipulatur Plinius: Certè extat Oratio Vitelli, quâ reum Pisonem ejus sceleris coarguit, hoc usus argumento, palamque testatus, non potuisse, ob venenum, Cor Germanici Cæsaris cremari. Accedit & hoc, tanquam signum, ex Plinii mente, corporis veneno extincti certissimum, quod si exponantur sub Dio Cadavera veneno interfecta, neque à feris, neque ab avibus tententur; Cujus rei causa manifesta esse videtur, quia venena, sive calida, congelant, & exsiccant dulcem illam corporum humiditatem, quâ fera delectata solent Cadavera persequi, aut etiam ab hujusmodi cadaveribus pravi, & insuaves exspirant halitus, qui à feris persecti, earum fuga causa sunt. Quorum tamen fides penes Auctores esto.*

Ex quibus facilè patere arbitror, *Medicum Rationalem* quemvis, modò *Signa* hætenus recensita circumspècte perpendat, ac collectivè consideret super veneno assumpto & hinc dependente *Lethalitate* haud difficulter suam dicere posse *sententiam*; Ubi tamen recordari fas est, quàm amicè monere Medicum *Ardoynus Pilaurensis* soleat, ne in *Controversia de veneno*, cupiam ab altero propinato, festinanter, ac temerè, suam mentem aperiat, cum in corpore generentur humores, qui ex putrilagine, & corruptione insigni, ad veneni naturam convertuntur, à quibus accidentia penitus similia iis, quæ ab assumpto veneno inducuntur.

Cùm verò ex altera præprimis signorum classe constet, nudam externi corporis habitus inspectionem, & in hoc quoque casu non sufficere, sed interiora etiam intueri, ac spectare oportere, sectione propterea opus esse manifestum est; Quæ ipsa tamen, cùm suspecta satis sit, quandoquidem periculo vix caret, cautè administranda, ac propterea meò quidem judiciò, hæc duo potissimùm circa eandem attendenda; Quorum prius in præviis quibuldam *Preparatoriis*, posterius verò in ipsius sectionis administratione consistere videtur.

Quoad *Preparatoria* determinandum est (1.) *secandi*, & *inspiciendi Tempus*; (2.) *eligendus locus*; (3.) non negligenda *preservatio*; (4.) tandem absque morâ *festinanda* est *sectio* & *inspectio*. *Tempus* quod attinet, sectionem & inspectionem differre non licet, sed, quantum possibile est, maturare eandem, paucisque post mortem horis expedire, convenit; si enim protrahatur sectio, duplex exinde emergere potest incommodum, dum ex unâ parte in iis, ubi nuda est suspicio, viscera, quamvis veneni omnis expertia, temporis protractu, à causis plurimis ita alterari, & immutari possint, ut veneni assumpti suspensionem augeant, cùm tamen ne minimum quidem veneni assumtum sit; Ex alterâ verò parte ob sectionis dilationem, & procrastinationem, tanta tamque maligna in cadavere excitari potest putredo, & corruptio, ut *inquisitio* vix absque adstantium, & rem administrantium, insigni vitæ periculo, suscipi, ac expediri queat.

Locus sectioni, & inspectioni aptus, & ipse sit conveniens; non obicurus, ac tenebricosus, sed lucidus; non spelunca, nec conclave quodlibet, præsertim quod occlusum est; sed sub Dio, aurâque liberâ, expediendum negotium, ne operantes, vel adstantes, à tetris, ac deleteriis exhalationibus, contagii quicquam attrahant, ac concipiant, atque ita se-

ipsum in sanitatis, ac vitæ coniciant periculum. A quo tamen metu liberare eosdem potest *Preservatio*, si, quos manum admoveere oportet, ante sectionem unum vel alterum *cordiale*, *Bezoarticum*, vel *alexipharmacum* assumerint, basamque convenienti nares, tempora, ac pulsus inungendo, sibi prospexerint; Reliquis verò adstantibus, excitato hinc inde *suffragio*, pro exhalationum malignarum correctione, subvenerint.

Festinare autem denique *sectionem* & *inspectionem* ipsam omnium est convenientissimum; Contemplato enim externo habitu, volante quasi manu abdomen aperiendum, ut artis est, ibidemque contenta inspicenda sunt, cum vasis majoribus, viscera, utpotè in quibus *venenum*, notis ac characteribus suis seipsum manifestare assolet; quibus visis (si vel placeat, vel suspicio ac necessitas urgeat) ulterius quoque progredi, & *Thoracem* imprimis aperire, *vitalesque partes* intueri fas est. Omnia verò, quæ notanda veniunt, studiosè notare, *sententiamque* ingenuè tandem dicere, *Inquirentium* est *Officium*.

Sic *Facultas Medica*, & *Chir.* *Lips.* Anno 1661.

Ad requisitionem *Senatus Provincialis* hujus loci nos infra subscripti, cadaver *Viduae* cujusdam *Figuli N. N.* repentina morte extinctæ inspeximus, & observavimus quod corpus externe & præcipue circa præcordia, regionem epigastricam & abdomen, hinc illinc maculis flavis, nigris, subrubris inquinatum erat, & quamvis paucis post obitum horis cadaveris sectio facta fuisset, ubique tamen turgidum & tumefactum erat. Dissecto corpore, ventriculus ingenti corruptorum humorum saburrâ variegati coloris repletus apparuit, qualem etiam materiam paulò ante mortem per vomitum rejecit. Hisce igitur cum reliquis circumstantiis perpensis, judicamus, illam veneno propinato periisse, in cujus rei fidem hoc testimonium manu propria subscribere & corroborare volumus.

Item anno 1670. d. 9. Jul. P. P. Postquam litteræ vestræ cum annexis ad nos pervenerunt, in quibus rogavistis nostram de repentina morte N. N. ferre sententiam, attento animo tam *Inquisitæ* indicia quàm prædicti N. N. Symptomata cum circumstantiis occurrentibus, sectione & inspectione facta observavimus: imprimis quod defuncto jusculum cum Arsenico citrino aliàs Auripigmento 20. Februar. die propinatum fuit, quo sumpto statim alterationem sentire cœpit, quamvis antea optima usus fuerit valetudine, statim atque, gustu deprehendit in ossa aliquid esse, illam comedere noluit, & revera vomitu continuo, cordis anxietate, dolore Ventriculi, Resolutione, & lassitudine membrorum sponteâ & tandem motibus convulsivis violenter correptus fuit; Ejus cadaver etiam externe maculis rubris, lividis imo pustulis nigris conspersum, & ecchymosi affectum erat; Intestina à flatibus valde distenta, horumque vasa, ut & mesenterii sanguine turgida erant, ventriculus à stagnante sanguine alteratus & inflammatus cum tunica internâ erosionem. Omnia secundum relationem vestram & schedularum annexarum contenta deprehensa sunt.

Itaque circumstantiis ponderatis in annexis scriptis expositis, & rebus sic se habentibus existimamus prædictum N. N. Arsenico citrino seu Auripigmento ab uxore in jusculo illi propinato, periisse quidem, tamen conservari potuisse, si illi debito tempore necessarium præstitum fuisset auxilium, imprimis cùm usque ad undecimum diem vixerit.

Quæ vobis respondere &c.

Et hæc sunt, quæ de *Vulnere* partim *Lethalitate*, breviter dicere, partim v. de *Signis Lethalitatæ* in iis, qui veneno extincti sunt, adicere constitui. Deo Ter Sancto & nunc, & in eternum deprecissimas acturus *Gratias*!

Hætenus *Godefredus Welschius*; succedat jam.

Clariss.

Clarissimi Ioh Bohnii.

DE RENUNCIATIONE VULNERUM

De Renunciatione Vulnerum.

Tractatus.

TRACTATUS.

feu

Vulnerum Lethalium Examen &c.

Præfatio ad Lectorem.

ANte viginti jamdum, & quod excurrit, annos Anno nimirum elapsi Seculi 1689. præsens opusculum *De Renunciatione vulnerum*, edidi, non quod ulli persuadere mihi præsumpserim, quasi nemo ante me Argumenti hujus declarationē unquam in se suscepit, aut Publico quicquam de eo concesserit, quique scripto hoc aliis palmam præripere voluerim: utpote quale assertum ac petulantia, ut bonorum Autorum ignorantiam crassam, aut jactantiam inanem, oluisset, quarum tamen utramque semper odi. Neminem siquidem, qui Eruditi nomen gestit, latere potest, ante seculum *Ambr Paræum de Renunciationibus & Embammatibus Cadaverum*, paulò post *Fortunatum fidelem de Relatione Medicorum*, nostrâ ætate sub falso Scriptoris nomine ac fictâ Rubrica, *Thomæ sc. Reinesii Scholæ Jurid. Medice*, Venditatum, *Baptistam Codronchium*, de *Methodo testificandi*, Accessoriorum tractatus de *Vitiis vocis*, atque *P. Zacchiam Questiones Medico-Legales*, conscripisse. Quibus ante medium circiter seculi elapsi accesserunt *Melch. Sebizii Examen vulnerum*, *Hermannii Corbei*, *Oratio de Vulneribus lethalibus ac sanabilibus*, *Bernhardi Suevi de Inspectione Vulnerum Lethalium & sanabilium*, ac demum *Gottofredi Welschii Judicium Vulnerum Lethalium*, *Blegny la doctrine des Rapports en Chirurgie*, & , quam Anno 1703. Parisiis imprimi curavit *Anonymus, l'art de faire des Rapports en Chirurgie*. Qualia sanè nemini ansam conquerendi concedent, Lethalitatæ percussionum materiam olim nondum fuisse ventilatam. Alia longè mihi eadem cum Suevo conatus hujus tunc temporis erat, ac in præsentiarum est, ratio: nimirum ut, quam Scripti hujus difficultatem, viribus meis superiorem experiebar & adhuc deprehendo, hincque Incubrationum mearum imperfectionem haud exilem auguror, aliis, quorum Judicium promptius & doctrinæ atque peritiei supellex instructior, solvendum ac eruendum concedere malletm. Veritati siquidem dum unice & semper lito, perinde mihi erit sive propriis, sive alienis, oculis illam perspexero. Recudere verò dum nunc intendebat Scriptum hoc Bibliopola, me rogabat, ut illud reviderem, demerem ex eodem adderemve illi, quæ è re esse cognoscerem: Errores conspicuos magis emendavi, quædam delevi, adjeci tamen pariter nonnulla, quæ posteriorum temporum suppeditarunt observata. Annexi demum sub *Appendicis* conspectu Cogitata 1. *De Infanticidio recens natorum*: 2. *circa modum discernendi Vivos & mortuos submersos, suspensos ac vulneratos*; Argumenta frequentiora, & Medico, qui ad deponendum coram Magistratu se applicat, scitū maximè necessaria. Vale!

PLura sunt argumentorum genera, Medicis cum Legum-peritis communia; ideòque forsitan *mixta* seu *Medico-Legalia* dicenda, super quæ hi illorum censuras sub *Relationum*, *Renunciationum* ac *Depositionum* nomine petunt, & pro eorum diversa inclinatione ac sententia reos damnant ac infontes absolvent. Rogant sc. Jure-Consulti Medicorum sententiam circa morborum simulationem, de sustinendis tormentis, de generandi impotentia, de arcta & sterili, de virginitatis signis, de ingravidationis notis, de simulata imprægnatione, an mulier pepererit, de tempore partus legitimi, de abortus à verberibus metu, de abortu concitato, de mente captis, de foetu intra extrave uterū mortuo, de infante v. g. à nutrice suffocato, an ex aqua protractus vivus, an mortuus, in eam fuerit præcipitatus? de veneno hausto, de iis, qui mortem fingunt, & quæ similia fereque infinita sunt. Ast omnium frequentissimum &, prout *Zacchias* loquitur, practicabile maximè, super quod Magistratus seu Juxta à Medicis informari desiderat, *Vulnerum est Lethalitas*: i. e. an Vulnus, à percutiente inflictum, mortis causa, an secus, extiterit? quo illi pariter ac vulnerato jus decernere queat. Ubi nimirum, adverte *Celeberrimo* quondam *Stryckio*, de *Sanguine in Terram profuso*, qui ad Cælum anxius clamat, *controversia movetur, movetur ibidem de sanguine vivi adhuc hominis, carnificis manu profundendo*. Ita quidem ut, quamvis Legum Interpretes diversas conjecturas, v. g. à tempore mortis subsequenter, parte corporis læsa, qualitate ac quantitate vulneris, conditione armorum, fama publica &c. petitas in Commentariis suis prolixè satis subministrant, v. g. *Mascardus*, *Boerius*, *Gomesius*, *Carerius*, *Farinacius* aliique, quorum Catalogum à Medico, prudentior nec Legum, nec Medicinæ peritus, desiderabit: eorum plerique nihilominus, præsumptionibus illis, tanquam insufficientibus atque incertis, posthabitis, ad Medicorum Relationes confugiant, hæque solas Judicem in arbitrando, an vulnus sit mortale, nec ne, sequi debere sentiant, prout vel ex solis *Mascardo*, *Conclus. 10037. & Farinacio, de Homicid. tit. 14. quest. 127. part. 2. No. 49. 50. & 51.* videre est. Renunciationum E. de Vulneribus formandarum provincia quia ad Medicos devoluta, horum quoque erit potissimum, fundamenta & rationem, illas methodicè concinnandi, evolvere atque innuere, quod duabus Sectionibus præstare conabor.

Sectio I. De Renunciatione Vulnerum in genere,

Cap. I. De Vulnerum Inspectione.

Postulatur ac adornatur Censura de Lethalitate Vulnerum modo vulnerato adhuc superstite, quæ ut plurimum conjecturalis atque incerta satis, quatenus vulnus, interiora penetrantium, vix unquam tanta observatur latitudo, per quam cunctas eorum circumstantias, imprimis læsionum profundiorum, sufficienter indagare, intueri ac dignoscere licet, ut in plagis capitis quotidie experimur, utpote quæ facie suâ externa sæpè levissimæ, multum nihilominus periculi involvunt, imò non rarò interficiunt, ob rupta vasa recondita interioresque cerebri recessus laceratos: ut ta-

ceam, vulnera aliarum quoque partium ex iquinimo errore mortifera fieri, contra pro desperatissimis habitos percussos elucari, ut inferius patefecit. Modo de vulnere deponere jubetur Medicus, seu à vulnerante ejusque Parastatis quæstio movetur, postquam mortuus vulneratus, an, quod ille intulerat, vulnus lethale extiterit, i. e. ut tale, occiderit? Quod judicium, quia læsionum ipsarum autopsiam & accuratorem lustrationem supponit, hincque *Vulneris inspectio* vulgò audit, non mirum, cur certam atq̃ infallibilem magis hanc censuram pronuncient Legistatores, adedque huic demum, non illi, definitivam accommodent. Atque hoc quidem scrutinium post *Clarum Recept. sentent. §. si quæst. n. 4. & 5. ac Constitutiones criminales Carpzovius prax. crimin. part. 1. quæst. 26. Feldmannus de Inspec. cadav. c. 3. Stryckius de Jure sens. c. 7. ac Serenissimi Electoris Brandenburg. Edictum, Anno 1665.* promulgatum, quasi totius mundi consuetudine receptum, diversorumque populorum moribus ac legibus conformem, comprobant. Quatenus eo ipso, dum decidendum est, an percussus à vulnere? an alia causa, discesserit, oculorum usu imprimis inuitendum venit, ut illius habitudine seu conditione, quam in hujusmodi casu corpus delicti ajunt Icti, perspecta de quæstione illa accuratior sententia feratur. Ita quidem ut, si Visitatio ejusmodi, ex quacumque occasione negligatur, iisdem Legibus publicis cautum legamus, pœnam homicidii in percussore minime locum habere, seu ab hoc recedant Legistatores, communiter, aut certè in ambiguo relinquatur judex, destitutus depositione medica circa Lethalitem vulneris, ex inspectione quæ debebat formari: dum in iis, quæ de vita humana agunt, probationes dubiæ ac semiplenæ ad mortem inferendam non sufficiunt. Quavis cum *Tuschio, Muscarello, Brunnemanno* aliisque *Stryckius l. a. c. 3.* si brevi ab illato vulnere discesserit percussus, etiã non facta sectione, ordinariã nihilominus homicidii pœnam locum habere, & ita in ejusmodi casu à Facultate Viadrina aliquoties decretum fuisse, tradat.

Negotium proin hoc non, prout incongruè à plebisque Scripioribus factum, prognosticæ Medicinæ parti accendendum, sed Anatomix practicæ seu pathologicæ specimen videtur: quatenus non de eventu futuro, sed de facto sive præsentem, per autopsiam reliquarumque circa vulneratum emergentium circumstantiarum collationem, decernit Medicus, talem nempe ejus & plæge fuisse statum, ratione cujus hæc sanabilis, vel insanabilis extiterit. Id est, perinde ac lustratio Anatomica ejusmodi subjectorum, quæ ex morbis internis, sive acutis, sive chronicis, perierunt, symptomatum ac ipsius mortis ætiologiæ formandæ, non status ægri vel defuncti futuri, rationem habet: sic vulnerum ex cadaverum inspectione judiciaria partis prognosticæ documentum dicere, sanè rationi refragatur. Cui quidem errori, si non solitariam, certè potissimam, occasionem subministravit hoc, quod nonnulli Medicorum, v. g. *Sebizius, Suevus* (quorum nihilominus posterior sub titulo de *Inspectione Vulnerum* opusculum suum vendit) de Vulneribus lethalibus ac non lethalibus non in facto, sed in fieri tantum, seu de metuendis ac sperandis, scripserint, quale scribendi genus utique prognosin spectat: quam circumstantiam alii, de Inspectione ac Judicio vulnerum suas meditationes evulgantes, non attenderunt, adedq̃ quadrata rotundis cōmiserunt, propriæq̃ intentioni ac scopo præfixo ridiculè contradixerunt. Nec error hic sibi met manfit, sed ut communiter fieri solet, mox prolis sibi similis genitor evasit, dum factum, ut inter argumenta lethalitatis confirmandæ communiter retulerint, modo partium externarum seu continentium firmitatem & molliem, modo instrumentorum ledentium figurâ, magnitudinem &c. Ita sæpius cum nausea legi & audiui, vulnus hoc vel illud, v. g. capitis lethale esse, inter alias ob causas quod syncipiti, cujus ossa tenuiora,

hinc ad violentiores percussiones sustinendas inepta, fuerit inflatum: cujus pariter acuminis est ratio decidendi hæc, quæ eadem capitis læsio juxta reliqua argumenta, mortalis pronuntiatur, quod à securi, fusti majore &c. contigerit. Cum circumstantiæ hæ non pro lethalitate in cadavere, quàm nihilominus determinare Judex postulat, sed periculo tantum, in vulnerato adhuc vivo, plus minus metuendo ac innuendo, faciant.

Quod si tamen in ulla quadam functione Medica, certè in hac querelæ *Hippocratis* nostri, *Judicium difficile*, locus erit, causas sc. sanguineam concernentes decernente; resque hæc magnæ semper difficultatis visa fuit; vel quod læsionis ratio formalis nec inspicienti aded promptè compareat seu satis evidens sit, vel quod ab hoc ejus conditiones perfunctoriè satis attendantur, obscurius ac impertinenter recenseantur, hincque Collegia Peritorum, quæ secundum ejusmodi Acta & Probata, seu Data valde obscura, sententiam de vulneris lethalitate dicere debent, ambigua maximè redduntur, Nemesis à nugis his modo intempestivè interpellatur, modo plus justo irritatur, utrâque ratione Justitia sanctissima violatur. Quàm frivolus ac negligens in cadavere inspiciendo, absurdos temerariosve in judicio formando se nonnulli gerant, ad testimonia ejusmodi provocati, quotidiana loquitur experientia: eo ipso verò dum inspectionem illegaliter peragunt, læsionis phænomena minus technicè ac fideliter referunt, circumstantias insufficienter exponunt, nec Prudentioribus, à quibus rei decisionem magistratus postulat, ex difficultatibus ejusmodi se extricare conceditur, hique vel sententiam suam suspendunt, sicque conscientiæ prospiciunt, vel, quod horrendum, reum absolvi ac innocentem damnari præcipitantia sua faciunt, haud attendentes illud *Guidonis de Cauliaco de Vuln. cap. 1. Non sis tamen, rogo te, in judicando velox ac subitus, sed deliberatus ac prævisus*: nec illud *Ammiani Marcellini lib. 29. De vita & spiritu hominis, qui pars mundi est & animarum numerum complet, laturum sententiam diu multumq̃ cunctari oportere, nec præcipiti studio, ubi irrevocabile factum est, agitari*; neque *Fieni Semiot. part. 1. sect. 4. c. 1. Si Medicus nimis temerariè judicat, reus est ipsemet mortis & supplicii vulneratoris*. i. e. differente *Joh. Baptista Sylvatico, hist. 85. magni momenti res videtur, cum de Justitia servanda agitur*.

Cujus difficultatis summæ & errorum nefandorum dum recordor, ab Inspectoribus nempe vulnerum seu horum Judicibus primè instantiæ commissorum, in quæstionem delabor, qualesnam personæ huic muneri destinati seu ad inspicienda ac dijudicanda vulnera admitti debeant? dum Legistatores horumque Commentatores modo Medicos, modo Chirurgo, nominant, imò modo solis his, modo tonsoribus ac balneatoribus quoque, deponentibus fidem adhibere jubent, aliis contrarium asserentibus: adedque ipsimet in diversas partes secedere videntur. Quibus equidem dicam haud scribam, neque magistratum legis hujus causa provocare mihi præsumam: imò ut Medico inspicienti præsto sit vel barbitonsor, vel balneator, qui in sordidis ac vilioribus operationibus illum sublevet, vel Chirurgus, artis dissecandi gnarus, qui manus non tantum aperturæ cadaveris admoveat, sed suam quoque super vulneris qualitate dicat sententiam, facile largior; potissimum cum ex Juris peritorum collatione, in specie *Stryckii de Jure sens. cap. 2.* evidens sit, hos non balneatores ac tonsores, ut tales, seu quosvis, sed in rebus Anatomico-Chirurgicis versatissimos, vel qui judicii sui rationem reddere queant, Medicis ac Chirurgis aut combinare, aut surrogare. Ambiguus tamò hæreo, rem nò, ut in thesi, sed in hypothesi & secundum statum nostratem, consideras, an ejusmodi vel Chirurgorū vel Barbitonsorū in Saxonia aut Germania nostra multi reperiantur, qui de scientia corporis humani, muneri huic

jure gloriari queant, licet Magistri utriusque artis examinati & jurati audiant? quatenus quidem omnes præsumptionem ejusmodi peritiæ atque dexteritatis præ se gerunt, plures nihilominus eorum, quod plus quam notorium, nec terminum anatomicum enunciare valent, multo minus ipsius artis sufficientem notitiam habent, vulneraque inter operandum non tam lustrant, quam faciunt; adeoque nec ad secandum, nec ad decernendum, omnium minime ad effati sui rationem reddendam, habiles existant. Cur E. rudioribus ejusmodi hominibus, sive Chirurgi, sive Tonsores, appellari malint, arduum tale munus & in causis sanguinis definitivam concedamus? cum, animadvertente Carerio, non per Chirurgos, sed *Medicos Chirurgicos expertos, vulnus mortale, aut non mortale, esse probeatur*. Circumspecte proin Angelus Aretinus in Proem. Instit. sentire videtur ajens: *Quando aliquid committitur faciendum alicui, debet committi illi, qui sit peritus in eo, quod faciendum est, & debet esse peritus totius artis, non partis tantum*, hincque infert, quod, si potestas (Magistratus forsan) debeat requirere consilium Medicorum, an *Vulnus sit mortale, nec ne, non debeat credere, nec stare Medico qui est Chirurgus tantum, sed oporteat N.B. ut sit peritus totius Artis Medicinae*. Cui subscribit Fulvius Pacianus de Probation. lib. 1, cap. 47. ubi perinde negotium hoc se habere, ait, ac dum Imperator, quando judicium Architectorum vel Mechanicorum requirit, vult ut primates Architecti & insignes Mechanici advocentur, sc. quod N.B. mediocriter instructi haud sufficient.

Porro quando Medico ac Chirurgo vero Barbitonfores ac Balneatores nostros Sanctiones publicæ, in illorum defectu, substituere jubent, ea, qua decet, observantia has pariter equidem veneror, modo ex earum Interpretibus constaret, qui præter Medicos Chirurgi, & præter hos Tonsores ac Balneatores existant: cum ipsimet nostrates Chirurgi se Barbitonfores profiteantur, omnesque Barbitonfores ac Balneatores jure sui Magisterii peritiæ Chirurgicæ & Chirurgi nomen atque immunitates præcedant. Adeoque disparitatis hujus ratione haud determinata non apparet, quis horum alteri succedere debeat: ne repetam, neutris horum prout quidem Provinciæ nostræ eos alunt, (si forsan unum vel alteram rarissimam avem excipias) tantum peritiæ atque dexteritatis, quantum huic expeditioni necessarium, inesse. Siquidem prout (nec in quocunque necessitatis casu) non cujuslibet Prætoris urbani ac pagani arbitrio pœnas delictorum minorum, multo minus homicidii, committunt Leges publicæ, sed vel à Judice Superiore, vel à Collegio Jurisprudantium, Principis Autoritate pollente, demum, quid in Inquisitionis Processu agendum, an reus puniendus, vel absolvendus, ac quo genere pœnæ affligendus, ille querit ac resciscit, eo quod negotia hæc captum ejus superent: ita sane paradoxum valde videtur, Medico Chirurgo peritiori & perspicaci, homines doctrinæ nullius ac peritiæ exilis, aut non, nisi empiricæ, uno verbo, pecora campi succenturiari posse, quasi hi ingenio & oculis obtusioribus talia discernant, quibus dijudicandis majoris sæpe perspicacitatis Homo vix par erat.

Multo minus evidens est, quo fundamento in lethali-
tate vulneris dubia Medicoque à Chirurgo dissentiente, quidam Doctorum hujus partes præ illius amplexi fuerint, & quo argumento Mascardus de Probat. Conclus. 1175. hanc suam consequentiam defendere queat: *Ubi periti discordant, standum est peritiori: idcirco, quando queritur, an vulnus sit mortale, standum est magis Chirurgo, quam Medico?* (Etsi Stryckius l. a. c. 3. §. 21. scribat, hoc assertum Mascardi vix universalis Conclusionis nomen mereri.) Aut enim nescivit Reverendissimus hic Vir, Chirurgiam Medicinæ partem

esse; aut Chirurgi soli, non Medici, Romani, Mediolanenses, Patavini, Placentini alive, inter quos vel ut Protonotarius Apostolicus, vel ut Ecclesiæ Vicarius, vel sub quacunque conditione ac dignitate vixit, studium secandi coluerunt, & interiora corporis humani noverunt; aut ille intallibilitate: Papa suo inferior longe extitit, id est, in conclusione hac formanda egregie lapsus est. Subsumo proin, concessa illius argumenti Majore, eo ipso; dum machinæ, seu æconomix, corporis humani cognitione frequentius ac ut plurimum destituuntur Chirurgi, sine qua nihilominus non, nisi meras nugas, super vulnerum lethalitate proferre licet, his tanquam minus peritis, minus quam Medico, erat standum; quatenus, juxta Boërium decis. 323. *magis creditur testibus allegantibus legitimam causam, vel rationem dicti sibi, quam ceteris, nullam reddentibus*, nec reddere valentibus, i. e. trivialibus Chirurgiæ Magistris aut Barbitonforibus. Possem hujus loci facere, quæ superius ex Aretino & Fulv. Paciano retuli, at in præsentiarum & pro odiosa hac questione solvenda sufficiant ejusdem Paciani verba, quæ loco allegato legere licet: *Major peritiæ verosimiliter probatur, quando unus est bonus Physicus, & simul bonus Chirurgus, alter vero est tantum Physicus, vel tantum Chirurgus*, ex quibus concludit; *priorem reliquis duobus præferendum esse*.

Hinc Paradoxum quoque illud miror, in quod abripi se patiuntur nonnulli, si non ex Legislatoribus horumque Interpretibus, certe Legum Administratoribus ad minimum, ac in Foro nostro similiter fieri factumque novimus: ex Constitutione Imperatoris Criminali inferentes, Medicum solitarium, sine parastata Chirurgo, deponere neutiquam posse. Qualis traditio postquam frequentiore usu in consuetudinem abiit, Legis publicæ tandem auctoritatem acquisivit; quinimo Collegia Prudentum Vulneris inspectionem, quam sine Chirurgo administrat Medicus, illegalem, secus, quam sine Medico peragit Chirurgus, pronunciantur hætenus: perperam tamen in hoc negotio agi, ex antecedentibus evidenter elucescit. Quibus insuper addo, formari à Medicis & ex horum scriptis nostrates Tonsores: in operibus proin Medicis non Directores, non Consiliarios, eorum; quæ penes ægros fieri solent, aut debebant, sed ministrantes atque executores illorum; quæ Medici jusserint, hos agnoscimus: Cur itaque illis potior locum in hac functione concedamus? cur concedant præter omnem rationem alii? Præterea hominum horum peritiæ, si Magistros in arte sua declarari malint, Medici explorant, iidemque quoties illos in Extispiciis ejusmodi forensibus adstantes & ministrantes sibi habent, observata consignant: ideo, quod spheram illorum hoc negotium longius transcendat, ut ex eorum Relationibus super Vulnera, *Mund-Serrein*, ad nauseam experimur. Accedit, Chirurgum, qui in Casu quovis difficiliore, hinc Vulnerationis etiam, Medicorum consilia non implorat, sed negligit, non levem hac ratione occasionem præstare, per quam à pœna ordinaria absolvatur homicida. Et quid frequentius, quam super Chirurgorum æque ac Medicorum Relationes Collegia Medica (nunquam Chirurgorum Societates) horumque decisiones rogari, & secundum horum consensum ac dissensum illarum vim moderari? Unde nec in Cadaveris inspectione, hincque concinnando judicio Chirurgi Medicis censerì poterunt pares, multo minus superiores, sine quorum approbatione ad deponendum omni facultate hi destituuntur: Notoria perquam est Barbitonforum nostrorum ruditas, per quam plerique eorum nec Calvariam sine Meningum ac Cerebri laceratione aperire; nec abdominis integumenta sine interaneorum perforatione; nec Viscera, horumque vasorum ramificationes evolvere & discernere, multo minus ex visis petere judicare, norunt.

Qualem hominum ruditatem occultare, quam in apri-
cam ponere, mallem. Denique attendi meretur, Me-
dicum solum sine Pharmacopœo de rebus Pharmaceu-
ticis, ac de aliis infinitis causis v. g. Impotentia, Vir-
ginitate, Gestatione, Partu dissimulato, Potiatione
&c. sine alterius cuiusdam, ministrum tantum aliquam
Medicinæ partem exercentis, adiutorio perire, suffi-
cienter ac legaliter deponere: quid obitat, quominus
super Vulnerum lethalitate idem solus & absque ad-
stante Tonfore, indicare queat, qui non hanc vel illam
tantum, sed cunctas Artis partes, callet. vid. *de Offic.
Med. part. 2. cap. 3.*

Circa Medicum tamen ac Chirurgum, Inspectioni
ejusmodi præficiendos, adhuc monere conveniet, ne
homino illis, qui Percusso decumbenti medebantur, hoc
in eodem defuncto deponendi munus committamus:
fecus, ac olim *Welfchium* nostrum sensisse novimus. Dum
hoc ipso, ubi de vulneris lethalitate per se ac per acci-
dens questio imprimis emergit, aut à percussoris De-
fensore in litem trahitur, an illi in Medela perire &
secundum Artem egerint horumve nihil neglexerint,
hi de lethalitate ejusdem individui seu in propria causa
i. e. lege, Artis medelam se administrasse, ac omnem
diligentiam adhibuisse, testari seu judicare nequeant;
nisi defensori ad lites utiles, & Judicem in sententia
de homicidio ferenda conturbantes occasionem sugge-
re malimas. Quale quid *Facultas Nostra* in Casu hu-
jus generis Anno 1706. mense Augusti ad Tettavienfes
respondit his verbis: *So ist auch wors andere*, pro
legalitate in ejusmodi actu observanda, *besser*, *das
nicht derjenige Medicus und Chirurgus, welche den
Entscheidung in der Cur gehabt, sondern andere Personen,
dergleichen Section und Besichtigung verrichten, da
absonderlich die Frage: An Vulnus per se, an per acci-
dens lethale? und hierbey; Ob der erste Medicus und
Chirurgus dem Patienten recht und wohl vor gestanden?
in Zweifel gezogen werden mag, da ja diese in propria
causa nicht fuglich testiren können.*

Sed missis personis inspicientibus, rem ipsam aggre-
diar, ubi sane præliminariter monendum, Vulneris
nomine non illam tantum continuitatis partium mol-
lium, celsum, punctum, similive modum factam solutio-
nem hic venire, sed quamvis ab ictu externo & vio-
lento partium solidarum, mollium pariter ac duriorum
læsionem illud designare, sive hæc sui sensibile vesti-
gium pone se relinquit, sive secus. Adeoque sub cen-
sura hæc præter vulnera proprie dicta stant tumores,
fracturæ, v. g. Calvariæ, luxationes vertebrarum spi-
nae, contusiones hincque ortæ rupturæ, compressiones,
v. g. cerebri, ac quævis percussiones, actiones vitales
aut animales turbantes vel intercipientes: ita quidem
ut hinc quibusdam ICris Percussionis vocabulum præ
vulneris notione placuerit. In specie vero præter vul-
nera cruenta Medicorum effatum frequentius postulat
commotio cerebri, quam graviora symptomata, imo
aliquando mors immediate, excipit, juxta *Hippocr. 7.
aph. 58. Quibus cerebrum concussum fuerit, ex aliqua
causa, eos statim voce privari, necesse est;* vel ut *Ga-
lenus* explicat, ac quotidiana evincit experientia, eo-
rum modo ac apoplectici, sine omni motu ac sensu pro-
terantur. Et quidem non illi tantum, quibus à vaso-
rum ruptura aliqua sanguinis profusio ad *ἐγκέφαλον*
contingit, sed ubi nihil plane hujus observare licet;
ex symptomatis nihilominus gravioribus morteque præ-
cipiti texturam cerebri tenerimam hujusque canalicu-
lorum molliissimum atque exilium fasciculos enormi-
ter contractos, complicatos, aut quacunque ratione à
natura & habitudine naturali dejectos auguramur. Cui
violentiorum quoque regionis Epigastricæ ac Hypo-
condriarum percussione jungo, ad suffocationem &
asphyxiam disponentem, atque aliquando sine vulnere
tuncve paulo enecantem: cujus phænomeni penes
scriptores equidem raro mentio fit, nisi quod *Fortun. Fi-
delis* oris ventriculi seu Epigastrii percussione aliquan-

do enecare perhibeat, & quidem propter stomachi seu
orificii ventriculi superioris dolorem exquisitum maxi-
me. Ego nihilominus Anno 1673. die 6. Maii requi-
situs à Prætoris hujus urbis dissecui cadaver virile ho-
minis, qui à jactu lateris dimidii, aliquot librarum,
hypogastrium dextrum impetente, subito concidens ex-
spirarat: in quo nihil integumentorum, nihil viscerum
vasorumve læsum laceratumve offendi, nisi quod in
diaphragmatis illo loco, quo costis nothis ejusdem
hypochondrii hoc contiguum, aliquid contusionis &
suggillationis, ambitu suo vix dimidium imperialem
æquantis, mecum viderint adstantes, perierit tamen ex
ictu hoc infausto miser ille. Ne igitur & percussione
terminus justo strictior videatur, quemlibet ictum læsio-
nemque, quæ manu violentiore, aut nuda, aut instru-
mentis nociferis armata, infertur, hic concipere licet,
de cujus lethalitate questio est: ita, ut præter casus
quos superius innui, hujus quoque forsan loci sint plures
alii, v. g. violentior uteri parturientis sub secundinarum
specie, ab imperita & imprudentiore Obstetrice facta
extractio, qualem hæmorrhagia, inflammatio, deli-
rium & convulsiones lethales ut plurimum sequuntur.

Cadaver secandi & aperiendi rationem prolixius de-
clarare præsentis negotii haud videtur, qui Medicis
harum rerum peritis hæc scribo: quinimo illorum pru-
dentiam laudo, qui se modulo suo metientes, & quod
in Resectionibus administrandis se non sufficienter exer-
citatos norint, ejusmodi secandi & inspiciendi, hincq;
testificandi munus, postulati quamvis, modeste detre-
ctant. Sufficiat in genere dixisse, singulari prudentia ac
dexteritate Vulnerum inspectiones esse peragendas, si
non secundum regulas à *Carpzovio prax. Crimin. part.
I. quest. 26. p. 43. & Celeberr. Stryck. l. a. cap. 2. §. 33.*
certe sub similibus & sequentis forsan tenoris animad-
versionibus ac monitis traditas.

Primo nempe instituaturs ejusmodi Visitatio satis tem-
pestive, i. e. quantum licet, brevi à decessu Percussi,
pro declinanda putredine Cadaveris & Fracedine hinc
superveniente: qualis Medicum in inspectione accura-
tione turbat, putredine corrupta & arrola Interanea læ-
sionum illatarum conditionem genuinam occultant, &
commode has evolvi minus concedunt. Ad qualis sane
cadaveris lustrationem nec adigi potest Medicus, nec, si
sub tali cuncta penitus non adverterit, hinc minus ex-
quisite deponat, imperitiæ vel negligentiae accusandus
erit. Deinde caveat à Styli similiumque instrumentorum,
antequam interior Vulneris facies detecta, improvida
intrusione. Sane sicut in Percusso vivo adhuc specilli
tentativi, pro Vulneris profunditate similibusque condi-
tionibus explorandis, usus à *Wurzio* jamdum *Chirurg. 1.
cap. 6.* non sine evidente ratione, improbatus fuit, casti-
gatur etiam ab aliis, quasi fodiendo partes interiores
laceret, hinc Vulnera profundiora & latiora reddat &c.
pariter metuendum erit ab ejusmodi scrutinio in defun-
ctis, utpote ambiguum reddit inspectorem, an à suimet,
an vulnerantis, talis plagæ conditio, ex qua Lethalitas
determinanda, dependeat. Erroris ejusmodi crassioris
quam maxime paradigma Acta Fac. nostræ 1699. mens.
Martii suggerunt. Ubi Vulneri Frontis à Globulo sclo-
petario facto, Chirurgus rudior instrumentum ejusmodi
ad digiti profunditatem immiserat, neque à violentiore
ejus impressione & agitatione cesserat, donec Corpus
solidius, quod globulum augurabatur, offenderit, hocq;
non sine cerebri laceratione & mortis acceleratione, dum
inprimis hac ratione Calvariæ fragmenta illi profundius
impacta, hinc plaga magis dilatata & elongata, fuerit.
Cui ex *Stryckio* l. a. n. 34. addo, ab impertinente ac rudiore
Styli sciscitatorii per Chirurgum imperitum applicatio-
ne in Cadaveris aperti Pulmonibus diversa Vulnera fuisse
reperta, quorum quod ense occisoris, quod instrumento
Chirurgi, illatum, ambiguum manserit.

Tertio, sedulo & exquisite non tantum in partem læ-
sam & plagæ evidentis condiciones cunctas disquirat Me-
dicus, sed totum insimul cadaver, an forsan aliud insuper
in eo

Vulnus lateat, seu omnes ejus ictus, tumores, vices externas perlustret, quo ab his similive phænomeno ad internarum læsionum investigationem feratur. Imò quamvis nihil ejusmodi vestigiorum compareat, minime tamen sectio & interaneorum evolutio ulterior negligatur, si nimirum defunctum violentiorem percussione passum fuisse innotescat, aut præsumatur: sed Medicus, quam in uno membro non invenit mortis causam, in altero scrutetur; imprimis si de homicidio tumultuario aut plurium ictuum illatione, constet; adeòq; caput non minus ac thoracem & abdomen horumq; recessus atq; contenta, omni studio perlustret. Ita ut si plures ictus offendant, horum singulos cum eorum circumstantiis annotet, quo, quæ demum lethalitatis potior existat occasio penitus eruatur: aut si forsan læsionū diversarum neutra mortalitati inferendæ sufficiat, num earum binæ vel trinæ simul idem præstent, commodius disquiratur. Habet etiam sollicita ejusmodi investigatio hoc emolumenti ut, si forsan percussione evidentis lethalitas aut nulla, aut dubia, verior aut latens simul, v. g. apostema internum, hydrops, manifestetur, in subiecto præprimis hætenus valetudinario, aut ignoto etiam, sicq; ab homicidii suspitione liberetur percussus.

Ab ipso *F. Fideli* l. 4. c. 5. c. 1. jundum annotatū legimus, non quacūq; partem percussam semper livorem seu ecchymosin ostendere, nisi venis, iisq; nō admodū altè positis prædita sit, aut si in nervosas aliasve minus carnosas partes inciderit percussio. Ac sæpè ne livissimo quidē percussione externo vestigio comparente, interiora corporis enormius lacerata deprehendimus, mihiq; plura ejusmodi obrigerunt subiecta, qualium dissectionem frustra aut præter rationem postulari, videri poterat, ubi tamen partes recoditas mortaliter læsas autopsia declaravit. Hujus rei exempla de *Offic. Med. libr. 2. c. 4.* aliquot adduxi, inferius quoq; talia recensere occasio feret: ne pluribus Lectori molestiam hic pariam. Infero potius ex his, cæturū & circumspectum postulari Prosectorum in percussione lethali investiganda, neq; hunc remittere aut subterfugere debere perlustrationē partium exquisitiore, ut laboriosissimā, & sine violentiæ quoq; ab extra illatæ nota præmōstraticē.

Quarto E. quia ejusmodi inspectio atq; evolutio sine sectione fieri nequit, hæc nunquā negligatur, aut perfunctoriè administratur, aut rudiori Chirurgo, ut superius monitum, cōcedatur: quo læsionis forma penitus & quoad singulas circumstantias pateat, nullaq; harum negligatur, quæ judicio de illa ferendo litet. Neq; enim, quam ab externi vulneris obtutu, contactu, aut ejus aliquali dilatactione, aut styli tentatorii intrusione sibi nonnulli promittūt, exploratio læsionis profundius latentis conditionibus singulis manifestandis adæquata existit, sed fallax omnimodè ac suspecta deprehenditur, prout superius monitum. Ipsa verò hæc sectio suspensa ac provida maximè celebretur manu, ab illo, qui operationum anatomicarū ignarus, vix expectanda: & qui dexteritate hac secandi destituti vulnera non rarò facere potius, quàm investigare, videntur. Ac eo ipso, dum Chirurgos nostros huic negotio minus pares esse, novimus, vasa hinc inde, mēbranas cerebri, ipsūq; cerebrū, intestina, &c. per incuriam atq; imperitiam lacerantes ac perforantes; prudentioris Medici erit, propriis potius manibus talia administrare, quàm rudioribus his hominibus committere.

Quinto majore circumspeditione opus est in puncturis illatis, quæ in partibus internis ob instrumenti perforantis apicem angustiore seu acuminatā valdè sæpius eousq; cōnivent, aut minus lyncei atq; attenti Prosectoris oculos & manus faciliè fugiant: adeòq; horum terminus ultimus sollicitè persequendus. In specie sclopeto facta vulnera indagine curatione opus habent, utpote quorum globuli virosos & tortuosos adeò tractus ut plurimum describunt, ut horum tendentias an fractuosas stupefcat aliquando curiosior oculus, offendens ultimum globuli terminū & intera-

neorum, quæ ille perforarat, læsionem plagæ externæ minus directo respondentē & inadequatā maximè. Multa hujus observati possem tradere exempla ex pluribus subiectis ita interemptis: nisi unum vel alterum dictis comprobandis sufficere crederem.

Anno 1678. mense octobris, ad Requisitionem Quæstoris Sceudizensis, cadaver militis cujusdam globulo sclopetario interfecti, visitabam: qui globulus quamvis per rectā satis lineam thoracem penetrarat, dum prope papillā dextrā inter quintam & sextam costam pectus subierat, & dorsi idem latus inter septimam & octavam trajecerat, ita ut unam costam anticarum maximam partem, posticā omnimodè, cōfregisset: miris nihilominus & tortuosis ictibus seu sub totidem refractionum ratione, diversā interanea, plagis thoracis externis haud æq; intermedia, simul lacerata cernebantur; inferior nempe pulmonis dextri lobus simplici, ast aplo, Diaphragma duplici vulnere, itē epatis cōnexa & septo annexa pars, cuncta ratione à priore minus explicabilia. Pariter Anno 1687. mense Junii vocatus à Commissariis Serenissimi Ducis Martisburgensis inspexi cadaver juvenis, bombatbæ manualiæ globulis binis, hinc duplici vulnere, interfecti: quarum spherularum unā per lumborum sinistram, prope costam ossis Ilei, obliq; sursum ad Hypochondrium ejusdem lateris conversa lienis faciem gibbā profundius laceraverat, hinc per Diaphragmatis ambitum carneum ac Pulmonum sinistram lata in costarū superiorum tertia figebatur; dum alter globulus Nativum sinistram & musculos gluteos itidem obliq; sursum unācū Ilium osse & musculo Iliaco perforaverat, ita tamē ut hūc, sedulò quamvis inquirens, nequiquam, sed ramentum tantum ejus exiguum, quasi laminatum, invenire potuerim. Quibus adjicio vulnus globulo sclopeti majoris 27. Jun. Anno 1706. Fœminæ Tauchenſi illatum, qui summitatē humeri dextri, hujus musculos & superiorem costam ad cavitatē pectoris penetraverat, & in hac pulmonis dextri lobum superiorem superficialiter laceraverat, simul tamen arteriæ pulmonalis truncum unā cum lobo superiore sinistro & costa ejusdem lateris sinistri secunda perfregerat ac claviculā notabiliter cōquassaverat, tandē brachiū sinistrū ad humeri usq; partem superiorem permearat.

Interim, lustrationis ejusmodi auctoritati nihil derogabit, si per illam lethalitatis causā mediata vix semper evolvetur, & aliquando nos ad decernendum de illa urgeamur: modo de hujus effectu, seu causā mortis immediata certi reddamur, V. g. in casu, quo vasorum lymphaticorum lacerationes, propter horum teneritudinem, nec per industriam satis visitationem conspicuæ fiunt; comparet nihilominus lymphæ extravasatio notabilis, illarum necessaria atque immediata pedissequa. Simile quid de enormiore quoque cruoris ad ventrem hunc vel illum profusione seu collectione, vasorumq; evidentiore exinanitione aliquando judicare, sana ratio suadet: utut hæc horumque perforationes aut rupturæ, ob sui exilitatem, minus conspicuæ extiterint, annuente *Facultate nostrā* in Responso 1692. mense Maji, & in alio, Anno 1707. mense Augusti, dato.

Quemadmodum nec de lethalitate ideo mox ambigendum, adeòque sectio ac lustratio Interaneorum, quasi minus necessaria, negligenda, quod violentiæ periculosioris illatæ nulla extrinsecus seu in habitu compareant signa. Quales casus dum crebriores, ita horum quoque diversos *Collegii Nostri Acta* suppeditant. V. g. Anno 1705. mense Julii Procurator Fisci Smalcaldensis ad illud deferebat, in cadavere fœminæ sex vel septem menses gravidæ, in agro reperto, Diaphragma manus longitudine disruptum, absque ullo signo externæ percussione, nisi levi dorsum versus rubedine, visum fuisse: unde Medicus ac Chirurgus, qui visitationi præerant, sibi & Judici persuaferint, non tam à percussione quadam externa, quàm per modum suffocationis seu aëris interceptione, ruptū fuisse dictū sepimentū. Cui tamē respōdimus, Crepaturā hanc Diaphragmatis nequiquā

neutiquam ab aëris compressione, quin potius ab ictu externo evenisse, etsi nullum ejus vestigium extitisset: quod in illis preprimis contingat percussis, qui subitanea valde, & ictibus ejusmodi mox superveniente morte intereunt, antequam sc. ex ruptis à percussione vasis capillaribus tantum sanguinis, quantum ad conspicuam suffillationem formandam, necessarium profundatur. Liceat mihi addere, in strangulatis, seu suspensis, me nunquam aliquid rupturæ in Diaphragmate observasse, nec memini ab aliis Prosectoribus talem visam fuisse: neque immensior pulmonum, aëre turgentium, inflatio ad Diaphragma rumpendam satis potens videtur, illorum compage atque texturâ teneriore, tenacius & compactum magis, quodque sub constitutione ejusmodi deorsum, sine ulla sui renitentia, explicatur, cedenibus ipsi promptissime abdominis partibus continentibus cum contentis.

In hoc interim *Claro 5. sentent. §. homicid. Farinacio Conf. 100. num. 17. Zacchia l. 5. tit. 2. quest. 3. n. 2. 3. 4. Carpzovio prax. crimin. part. 1. quest. 26. n. 4.* aliisque Legum Interpretibus auscultandum, ne percussiones quas autopsia in se mortiferas testatur, propter aliam quandam causam, obitum percussi quæ forsan juvare vel accelerate poterat, supervenientem vel præexistentem, minus seu per accidens tantum lethales arguamus v. g. si vulnerato nullus aut imperitus adhibitus fuerit Medicus vel Chirurgus, si neglecta in casu ejusmodi consueta & adæquata remedia, aut vulnerati prævum regimen accedat; verum non obstantibus his vulnerantem per Leges de occiso teneri. Et locum tantum habet hujus generis exceptio, ubi læsio illata hujusve lethalitatis signa dubia: contra, ubi hæc certiora, ac vulnerato præsidia necessaria denegata.

Assertum hoc durum nimis videri poterat non frivolis tantum Homicidarum Defensoribus, sed Medicis quoque & horum Collegiis incautioribus, minus pensitantibus, quod, quamvis, quæ per imperitiam neglecta censebantur, studiosius administrata fuerint, hæc nihilominus per ipsius plagæ conditionem, huic medendæ haud paria contigerint: quod imprimis cōprobant Collegii Nostri diversa. Ita v. g. 1702. mense Aprilis ad Christianum Olzen, Administratorem Jurisdictionis Grifavienfis in *Farnstedt*, & Mense Maji ejusdem anni ad Questorem Torgaviensem respondebat idem in puncto percussionum capitis per se lethaliū, quas Patroni causarum nihilominus, ob medelam negligentiorē & remedia congrua posthabita, per accidens solummodo tamen aiebant, illas, his erroribus sc. non obstantibus, mortiferas per se pronunciando. Mense Junii similiter deponebat de triplici Epatis Ruptura, quam quidam Medicorum, per accidens tantum lethalem redditam asseruerunt: non obstante plagam lustrantium judicio, à Facultate Nostra confirmato. Hoc ipso anno 1710. Mense Martii Zwickaliensibus simile quid rescribebatur circa capitis contusionem, cui remedia congrua pariter minus adhibita fuerant, eam, quia brevius discesserat vulneratus, neque ante Sectionem cadaveris in subiecto adhuc vivo Calvariæ fractæ habitudinem exactius dignoscere, hinc Instrumenta Chirurgica secundum artem & cum fructu administrare liceret, per se lethalem pronunciando.

Secus tamen in Lethalitate vulneris minus evidente, si errores obitum antecefferint, judicabatur, v. g. Mense Januarii 1706. ad Requisitionem Caroli Friedebert Bartholi, Dessaviensis, de capitis pariter percussione. Nèpe, cum in hoc casu cruor extravasatus Calvariæ & duræ Meningi tantum incubuerat, hic autem primis diebus per sanguinis missionem, cutis incisionem ac Trepanationem educi forsan valuerit, his neglectis læsionem illam, per accidens tantum lethalem fore dicendam. Cujus etiā generis est Responsū Anni ejusdē mēsis Aprilis ad Lubecenses, de Calvariæ forminæ fractura, hanc equidem

difficilem atque periculosam valde videri: quoniam nihilominus Percussa sine affectibus comatosi, convulsionibus, deliriis aliisque in simili casu frequentioribus, ad septimum diem commodè satis degerit, quantitas sanguinis extravasati exigua admodum, ac Chirurgus tardius accersitus fuerit, hic in plagæ exploratione minus industriū se gesserit, neque sanguinis missionem, Epithemata aliaque hujus generis præsidia administrari, interim nulla partium læsarum in putrefactionem abierit, eam per se lethalem declarari vix posse.

Illegalem Inspectionem hincque vulneris Mortalitem ancipitem reddere nonnulli satagunt, si, hoc quavis gravi & in se lethali in aliquo membro viso, illa mox abrumptur, ac cæterarum partium plus minus nobiliorum nulla simul fiat lustratio: num, fortè in harū una alterave par aut potior mortis causa reperiatur? Verum utut minimè diffitear, in ejusmodi nos aliquando incidere casus, ubi plures simul sectione indagare partes consultum atque necessarium: si nimirum læsionum plurium extrinsecus observentur vestigia, aut illarum percussas signa probabilia vel adstantes innuant; item si aliquam ex his morbo latente affectum, aliàs constet, ac lethalitas in una parte nondum evidens deprehendatur. In qualibus sanè cæterorum quoque ventrum interanea perquirere jubemur, ne aliquid eorum negligi videatur, quod Justitia exigit: sin verò nullum membrorum aliorum, sive ab extra, sive ab intra, læsorum compareat signum, Vulnus in illo, quod imprimis percussum novimus, verè lethale advertatur, prolixiore cæterorum viscerum evolutione minime opus; & legaliter ac secundum artem agit, qui talem haud suscipit, adstipulante hoc in passu Responsō Facultatis dictæ duplici, Anni sc. 1685. mens. Decēbris & 1706. mense Augusti; hujus circiter tenoris. Si in capite v. g. percussio mortifera cernatur, simul sedula & exquisita facta indagatione penes agnatos aliosque familiares de percussi valetudine pristina, nihil tamen morbi antecedanei hinc innotescat, minime illegalem dicendam esse inspectionem, quæ membri manifestè & lethalter affecti tantum rationem habuit, capitis v. g. posthabita thoracis ac abdominis aperturā.

Mense Octobris 1708. Dominis Scabinis Lipsiensibus respondebatur, dum percutientis Promachus contra lethalitatem, à Medico & Chirurgo secantibus assertā, urgebat: quasi inspectio ab his Lege Artis non fuerit administrata, idè, quod thoracem non simul aperuerint, in quo forsan alia internecionis causa, Cordis e. g. Polypus, fuerit reperta, innuente tale quid Dyspnœa non levi, qua defunctus olim pressus fuerit: eo ipso, quod ictus graviores in capite sustinuerit defunctus, spuma circa ejus os, Epylepsiæ gravioris nota, mox comparuerit, & mors brevi supervenerit, percussum non ex Paroxysmo asthmatico ac morbo pectoris latente, sed ictu capitis & commotione cerebri graviore, periisse. Circa capitis saltim Læsiones insigniores & cum vehementiore cerebri commotione factas, monendum, forsan non inutile fore his defunctorum thoracem ac abdomen simul cum capite aperire: si nimirum febrem ardentem valde cum rigoribus erraticis, dolorem Hypochondriorum punctorium, item cervicis, summam spirandi difficultatem atque inquietudinem decumbentes passi fuerint. Utpote in qualium cadaveribus, Pleuram, Pulmones, Epar ac Lienem frequenter plus minus suppurata offendere, hincque percussio- nis gravitatem insuperabilem magis judicare licebit. Difficultatem equidem anhelitus *Pareus Libr. 9. cap. 9. ac 10.* propter impeditam facultatem animalem, quæ movendi virtutem à cerebro musculis thoracicis impertiti debebat, fieri opinatur: Verum aliud docuit Modernos Observatores Experiētia, sc. Epatis, pulmonumq̃ inflātorū symptomata, esse sphacelati cerebri productum.

Tandem verò per quamcumque demum causam vel errorem

errorem Medici & Chirurgi Depositio insufficiens aut imperfectior videatur, haud tamen semper tanti momenti existit, ut lethali, si quæ subest, omnem vim ac pondus subtrahat: modò per istam percussione illatæ conditio & circumstantiæ lethaliorem inferentes sufficienter ac perspicuè annotatæ ac enarratæ fuerint. Secus, si ex rudiori ejusmodi visitatione de his minus constet, ex quibus nihilominus super lethaliitate formari poterat ac debebat sententia. Prioris generis inconcinna Inspectio admittebatur à Facultate nostra Anno 1670. mensè Novembris, facta in cadavere vulnerati Rustici à Pharmacopœo ac duobus Chirurgis satis ineptè ac imperitè deponentibus, Ligamenta scilicet Pulmonum fuisse lacerata, Ventriculū cordis vulneratum haud nominantibus &c. Quod nihilominus plagam in Pulmone latitudinis binorum digitorum & in Ventriculo cordis profundam admodum adnotaverant iidem Professores aciei obtusioris, ac vulneratus tantum non intra Nycthemerum obierat, læsio per se lethalis ab eodem Collegio pronunciabatur. Posterioris verò notæ, i.e. nullius planè ponderis ac autoritatis videbatur Relatio medica, à Causidico quodam Oppidi *Stadthagen* 1672. mensè Junii transmissa, in qua inter alia hæc legebantur verba: *Cruor & Serum ad cavitatem thoracis copiosius profusa circa orificium ventriculi sinistrum & venæ circulum utrumque nervosum super diaphragmate hærebant. Post diuturniorem & solertiorem Visitationem cernebamur duo vulnuscula exilia in ramis bifidis venæ cavæ descendentes sub corde ad utrumque latus Vertebra, cui septima costa alligata est, disseminatis &c.* item, *In hoc tantum pulmonum lobo, qui mediante Mediastino loco affecto annexus erat &c.* Unde Collegium respondebat: equidem percussione hanc per se lethalem videri, idè, quod multum sanguinis extravasatum, & vulneratus quinto mox die sub gravioribus symptomatis obierit; ex obfcuriore nihilominus eadem Relatione nihil categorici de hoc casu decerni posse.

Interim hoc quoque attendi meretur, illos, qui pro Visitoribus cadaverum cavillandis & Judice confundendo conquiruntur ac finguntur defectus aliquando parvi momenti existere, si artis fundamenta ponderentur; adèdque à Collegiis peritorum, optimo jure rejici; qualium unum alterumve innuere, è re erit. Anni videlicet 1667. mensè Februarii Arnurus quidam Wittebergensis de vulnere Hypochondrii sinistri, Ventriculi duplici, Epatis ac Mesenterii, cum insigniore cruoris ad abdomen profusione, litem movebat, num hoc jure lethale fuerit pronunciatum? & inter alias dubitandi rationes inspectionem illegalitatis accusabat idè, quod cruoris extravasati quantitatem minus accuratè & non pondere determinarit, nec Symptomata Plagæ supervenientia cum vasis laceratis recensuerit Professor: hincq; Collegium, cujus decisionem implorabat, in lethaliitate determinanda dubium valdè reddebat. Cujus tamen indicia seu documenta satis evidentia exhibuerat ipsa Sectio, quæ perstringebat iste Causidicus; ventriculū nimirum in fundo pariter ac prope orificium inferius; ac Epatis cavum non procul à vesicula fellea, perfoffa, simulq; enormem sanguinis profusione. Ex quibus profectò phænomenis vulnus hoc per se lethale fuisset dicendum, expirante imprimis vulnerato mox & vix horis novem elapsis: nec perpetuè necessitatis videtur; Symptomata supervenientia ac vasa læsa nominare, cruoremque statim ponderare. Similiter Anno 1701. à Stargandensi quodam Juris Practico Collegii nostri postulabatur judicium super vulnus abdominis, lethale à Medico atque Chirurgis declaratum, à Defensore nihilominus vulnerantis impugnatum, idè, quod quamvis notabilis cruoris quantitas in ventris dicti cavitate fuerit visâ, vasorū tamè laceratorū rami vel truncus minus aſotati, nec Intestini Ileii plagæ profunditas & latitudo circumscripta. Responsum

autem ferebat: Etsi Judicium professorum omnibus numeris haud absolutum, videatur, dum vasa Mesenterii læsa num majora minorave fuerint, non determinatur, hoc nihilominus valdè foggillarum, & sanguinis profusi ingentem quantitatem dum annotarint, lethaliitatis evidentem rationem eos reddidisse. Pariter licet in vulneris Ileii descriptione non adèd accuratos se gesserint iidem: eo ipso tamen, dum lacerationem dictorum vasorum, hincq; enormiorem sanguinis profusione intulisse, abundè constet: nec hanc negligentiorem Ileii fauciati lustrationem lethaliitati evidenti derogare.

Cap. 2. De Lethaliitate Vulnerum in genere.

Læsiōnum verò harum percussionumve dum quædā Lethales, quædam non lethales, pronunciantur, ratione lethaliitatis supponendum, eam prudentiores nō ex eventu deplorando tantum concludere, neque omne vulnus, quod mortem pedissequam habet, mox cum vulgo mortale proclamare; sed quod reverà & ut tale, mortis insequentis causa extiterat, & quia non sanabile, mortem intulerat. Quippe quamvis non omnis plaga insanabilis simul atque necessariò lethalis sit, ac Lippis quoque & Tonforibus de differentia inter vulnus insanabile ac lethale constet, proin à Celsō non adèd congruè forsan mortiferum insanabile dicatur, dum ipsa experientia evincit, membrorum non tantum quorundam externorum, sed viscerum etiam, quædam vulnera, modò cum symptomatis plus minus molestis, modò sine his, vulneratis plures annos ac non raro ad decrepitam usque ætatem manere, nullâ arte consolidari seu sanari posse. (Quatenus præter alios Scriptores *Platerus obs. p. 880.* de quodam Capitaneo, in abdomine fauciato, perhibet, hunc per multos annos incolumen satis, per fistulam, à vulnere intestini atque abdominis remanentem, stercus cum euphoria quotidie excrevisse. Pariter ex *Cornace & Jul. Alexandrino Schenckius* vulneris ventriculi, Rustico cuidam Bohemo venabulo illati, meminit, quod nullâ arte seu consilio consolidari poterat, id est, insanabile existeret, vulnerato nihilominus per plures annos supervivente, & ventriculū ad lubitum per aperturam, à vulnere relictam, eluente seu evacuante.) Eo ipso tamen quod mortē inferēs vulnus propter sui insanabilitatem funestum existat, quia nullam inedelam admittit, omne quidem mortiferum insanabile, non verò omne insanabile mortiferum, appellari potest, adèdq; vulnerans non de morte, sed de vulnere tantum, tenetur.

Quo proin de ratione, super vulnere lethaliitate judicandi, plenius constet, quia sicut in quibusvis casibus, ita in homicidio quoque, antequam corpus delicti, hujusque cunctæ circumstantiæ ac conditiones; imprimis verò, an occisus ex illata violentia seu percussione perierit, pateant, Icti pœnam mortis haud decernunt, ac ab ordinaria, si occisus non à vulnere, sed culpa Chirurgi, malo regimine, vel alia de causa superveniente moriatur, reum absolvunt: illud vulnus lethale, mortale seu mortiferum asserunt, quod plus tendit ad mortem, quàm ad salutem, & mortali vulnere affectum dicunt, qui secundum artis Medicæ regulas, seu cum tota peritia Hippocratis & Galeni, non, nisi cum magna difficultate, evadere potest. Neque enim confundenda sunt vulnera periculosa cum lethaliibus, sed ex Chirurgicorum Medicorumque scriptis, horumque collatione, aut per ipsam experientiam supponi debet, vulnera non tantum majora & penetrantia, sed interdū exilia ac superficialia satis, sæpius cum magno minoreve mortis periculo combinari, imò plagis levissimis tristes aliquando contingere eventus: multum nihilominus ab his recedunt Lethalia seu Mortalia.

Quare primò solennis maximè penes Medicos æque ac Jurisperitos observatur distinctio inter vulnus *per se* & *per Accidens* lethale: quorum *illud* lethale *ναρξ ἐξ ὧν* etiam dictum, sine ulterius causæ intervntu mortem immediatè producit: *Per accidens* verò lethale seu indifferens audit, ex quo, ut tali, seu immediatè, nullus vulneratorum perit, sed percussu modo convalescunt, modo satis cedunt, pro diversa nempe medentis industria ac peritia, ægri probo pravoque regimine & similibus circumstantiis, ut causis intermediis, ex vulnere non mortali aliquando mortale facientibus. Deinde per se lethale denuò deprehenditur vel *de necessitate* seu *simpliciter* & *absolute*, item juxta Hippocratem, maxime, juxta Guidonem de Cauliaco valdè, vel non necessariò, sed utplurimum tantum seu frequentius, tale. Ita ut illud dicatur, quod omnem medelam detrectat, ac semper brevique interimit; non necessariò verò vel utplurimum duntaxat lethale, cujus curatio utplurimum malè succedit, non tamen semper, aut tardius, demum, interficit. Id est, potest aliquando plaga existere in se utplurimum lethalis, vulneratus nihilominus convalescere, quemadmodum alii morbi, tamen si sua natura utplurimum lethales sint, interdum & à quibusdam superantur: seu possibile est, vulneratum lethaliter, per singularem, ut communiter aiunt, corporis texturam, ac naturæ robur à vulnere liberari ac sanari, aliud nihilominus ex morbofo corporis apparatu, textura ejusdè teneriore &c. diem supremum obire.

Frequentius equidem *Tò per se* & *absolute* vel *de necessitate* lethale in Relationibus ac Judiciis à Magistratu postulatis, non tantum Balneatores hujusq̃ generis homines rudiores, sed illi quoq; qui inter Medicos eruditos ac dogmaticos recenferi gestiunt, quinimò aliquando Peritorum Collegia, pro synonymis habent ac exscribunt, vulneriq; per accidens lethali opponunt: Quibus & ego in hoc subscribo, quod omne simpliciter ac necessariò lethale per se etiam tale dici queat ac debeat: minime tamen vice versa omne per se lethale simpliciter seu *ἐξ αὐτῆς* tali pronunciar valet, ut ex antecedaneis elucescit. haud operosum adèd mihi foret, diversa diversorum Collegiorum hujus generis absona producere enunciata, quibus *tò simpliciter* & *absolute* lethale huic, quo *dper se lethale*, substituant, seu unius ejusdemque generis ambo credunt, prius quoque *per accidens lethali* contradistingunt: quorum tamen auctoritatem ne petulanter lacerare videar, curiosiorem Lectorem ad P. Ammanni. *Praxin Vulnerum* tantum ablego, in qua specimina hujus paradoxii plura reperiet. Sanè vulnus, quod non absolute seu simpliciter lethale neutiquam mox per accidens tale dicendum, interim pro *per se* tali, vel quod mortis insequentis proxima vel immediata causa aliquando haberi postulat. Ac *per se lethale* modò absolute seu necessariò, modò non necessariò, sed frequentius aut utplurimum tantum, tale, prout monui, deprehenditur. Id est notio *lethalitatis per se* non eo usque se restringi patitur, ut de nulla plaga ejusdem membri & conditionis, ex qua unum alterumve aliquando eluctatum, sed omnes interiisse, novimus, prædicari queat: quin potius ab eo, quod utplurimum contingit & contingere experimur, ceteris paribus, argumentari conveniat. Proin, si dicendum, quod res est, quoniam justitiæ imprimis administrandæ ac homicidii puniendi causa Judex à Medicis sententiam super lethalitate rogat, Legislatores verò in delicti hujus pœna decernenda, inter vulnus necessariò & utplurimum mortale, differentiæ vix rationem habent, sed ordinaria pariter affici jubent illum, qui vulnere simpliciter seu ex necessitate lethali, ac qui utplurimum tantum lethali, occiderat: (Quatenus utrumque horum vulnere causa mortis insequentis proxima seu immediata existit, ipseque Hippocrates ex illis, quæ 6. aphor. 18. *θανατώδεια* seu lethalia pronunciat, vesicæ sc. cerebri, cordis septi transversæ &c. vultibus 3. Coac. 387. *μάλιστα ἀποθνήσκειν*, i. e. ferè &

utplurimum mori percussos, asserit.) Consultius forsitan foret in Renunciationibus Anatomico-Chirurgicis distinctione hac, utpote per quam iniquis & minus conscientiosis homicidarum defensoribus disceptandi argumentum atque occasio suggeritur, & Judex non adèd perspicax, in sententiam injustam trahitur, superfedere, ac solummodo, an vulnus per se, an per accidens, mortale, disquirere atque enunciare.

Neque enim unum alterumve, rarissimè contingentium, exemplum, quo hunc aut illum, ex tali vel tali vulnere, aliquando convaluisse observamus, aut ab aliis observatum legimus, sufficit, quo minus, quæ sæpissimè, seu utplurimum mortales deprehenduntur, plagas in his, qui hinc moriuntur, per se tales appellemus: quatenus profectò res difficillima est, de binis duorum subjectorum, quorum unum evasit, alterum occubuit, vulneribus asserere, ambo hæc sibi omnimode & per cunctas circumstantias similia, seu specie eadem, extitisse, & per consequens ejusdem eventus eadè pronunciare, ac causas diversas concipere licet, harumque forsitan plures adhuc latent, cur ex illorum, plerumq̃ desperatissimis, pauci nonnulli evadant. Mirabile & incredibile est, quod Galenus 8. de usu part. cap. 10. & in Hipp. 6. aphor. 18. testatur, spectaculum, Smyrnensem Adolescentem, vulnere in alterum anteriorum cerebri ventriculorum majusculo accepto, solâ voluntate DEI, ut plerisque videbatur, sanatum fuisse: cui simile, quod Theodoricus Chirurg. lib. 2. cap. 2. refert, se Cellariū vidisse, cui ventriculus cerebri posterior vulnere destructus fuerit, qui nihilominus restitutus prodierit. Quod Phænomenon quamvis jure in dubium vocet Guido de Cauliaco l. a. vulnera nihilominus cerebri enormissima, cum ejusdem substantiæ perditione, sanata perhibet idem, & cum hoc Brassavola in Hippocr. 6. aphor. 18. Fallopius de Curat. Vuln. cap. 45. Berengarius de fract. Cran. 13. Arcaus de Curand. Vulner. cap. 6. Coiter Obs. anat. Chir. p. III. & II2. Pareus lib. 9. cap. 9. Hildanus cent. 1. obs. 13. Horstius lib. 2. obs. 5. & 6. Rhodius cent. 1. obs. 31. & 32. Glandorpheus Spec. Chirur. obs. 5. Marchetti obs. med. chir. 1. 2. & 3. Jones Anglus, in peculiari tractatu, Wounds of the Brain proved curable, ac præter hos Symphorianus Carpeins, Musa, H. Augenius, A. à Cruce alique infiniti. Pulmonum vulnera, quæ parum spei alebant, consolidata nihilominus fuisse ex Platero obs. p. 735. & 736. Hildano Cent. 2. obs. 32. cent. 3. obs. 36. & Meis. 51. ac 52. Horstio lib. 3. obs. 13. Foresto obs. chir. lib. 6. obs. 4. Valeriola lib. 4. obs. 10. Glandorpio l. a. obs. 24. Rhodio cent. 2. obs. 5. Lamsverde append. ad Scult. obs. 43. Pechlini Celeberrimi Historia Vuln. thorac. item ex Massa, Fallopio, Schenckio &c. patet: egoq̃ ante biennium in Nobili, sub papilla sinistra ita transverso, ut ensis per dorsum superiorem partem, prope scapulæ os, prodierit, testor. Cordis vulnerum non necessariò lethaliū forsā pauciora existunt exempla, inter quæ nihilominus memoratu dignum est, quod Glandorpius obs. 33. refert, Patavii Sæditorum in maxima Studiosorum corona & cum summo hujus stupore cor cuniculi instrumento acuto perforasse, viro nihilominus per multos menses animalculo.

Porrò ex plagis compagis Tracheæ cartilagineæ quasdam arte vel casu feliciter consolidatas perhibent Petr. von der Stille, Pareus, Pigræus, Bartholinus ac Tulpinus, quibus observatione addo, cujus ante decennium, aut quod excurret, ad me ab Amico transcriptæ recordor. ubi quidam, propter delictum in carcere cōjectus, Novacula penes se recodita, summatem hujus canalis, proximè sub cartilagine annulari, transversim præciderat, ad hæmorrhagiā usq̃ insigniorē, Lypothymiā, Aphoniā, Stertorē ac paucorum tantum verborum emassitationē. Balneator imperitus, labia Tracheæ vulnerati haud adducens plagæ tantum integumentorum externorum curam gerebat: consolidescēbat vulnus totū brevi, sine gravioribus symptomatis, excerpta tussi sensim pariter

unius seu solitarii hujus salutaris eventus, utpote, juxta *Averrhoem*, Monstri naturam præ se ferentis, præ tot male succedentibus ac funestis casibus, majorem rationem habendam esse.

Neminem adeo præcipitis ingenii concipere possum, qui leviora partium externarum vulnera, quæ sæpe sponte aut sine ullo Chirurgico auxilio consolidantur, ideo pro lethalibus per se pronunciet, quod aliquando mortem inexpectatam & quasi præter omnem rationem intulerint; sed ejusmodi plagæ, non obstante uno vel altero casu tragico, qui fortuito contigerat, minus aut per accidens tantum lethalibus à quibusvis Prudentioribus accensentur. V.G. si quis ex infusta Odoragia pereat, quod rarioris equidem observationis est, aliquando nihilominus fieri solet. Anno sc. 1705. mense Maji tempore Nundinarum, in Foro nostro, Circumforaneus quidam Juveni robusto dentem ex maxillaribus extrahebat: qui intra paucas horas, propter supervenientem hinc enormiorem hæmorrhagiam, satis cedebat: sine dubio, quod vel Operator, vel agrotus, in illa cohibenda negligentior fuerit. Cujus generis Exemplum pariter è *Facultatis nostræ Actis* Anni 1701. Mense Junii mihi producere licebit, funesto nimirum eventu susceptæ hujus Chirurgiæ in femina: quæ tamen propter effractionem potius Maxillæ simul factam, non fluxorem sanguinis, obierat. Cur non Vulnus ejusmodi lethale pronuntiabimus, quo plures pereunt, unus tantum vel alter præter spem atque opinionem servatur? Deinde nec adeo evidens est, aut fieri unquam potest, an vulnus sanatum cum non sanato, quoad singula exiacte simile, seu specie & omnimode idem fuerit, quin mens sagacior semper anceps relinquatur, an illud, quod accurate lustrare haud licebat, ratione latitudinis, profunditatis, vasorum fibrarumque lacerationis idem cum hoc, cujus conditiones in cadavere per autopsiam, quam accuratissime dignoscimus, quas in illo ex signis tantum, interdum latis fallacibus, auguramur, rarius penetramus.

E. de conditione Vulneris in reconvalescente nihil certi constat, adeoque nec de identitate seu conformitate hujus cum illo, quod in Dissectione Cadaveris cernitur, judicium exactum formari valet. Nec sequitur, Vulnus pectoris, cujus partes lasas ignoramus, aut leviter tantum auguramur, in Lentulo feliciter fuit sanatum, forsitan quod levioris momenti existerit; itaque nec insanabile seu non lethale erit in Fabio, cujus venam, Azygos, pulmonalem, &c. transfossam autopsia manifestavit: quod saniori rationi & quotidianæ repugnat experientiæ. Per consequens frivole, ad minimum inepte, agunt, qui super Lethalitem individualement sententia dum postulatur, terminis generalioribus se explicant, aut mox ab uno alterove Exemplo ad Subjectum quæstionis concludunt. Ita v. g. ubi disquiritur, an Titio inflicta Capitis fractura, ex qua secundo vel tertio die hic decessit, sit lethalis? Fracturas Calvariæ non omnes, nec omnibus mortem intulisse prolixo sermone perhibent, hincque nec Titii percussione mortiferam, perperam ac posthabita circumstantiarum conformitate aut disparitate inferunt; seu quod vulnus pluribus quidem lethale, uni tamen vel alteri tantum salutare exitit, præsentī Individuo seu Titio minus quoque mortiferum appellandum fore, tadiose concludunt.

Pariter Ventriculi fundi vulnus exile, tantum tamen, per quod alimenta cruda aut semicocta, aliquot dies, cum singultu molestissimo, conatu vomendi ac Lithomyiis prodeunt, in Titio intra mensem solidatur: intra triduum verò simili vulnere, quoad circumstantias sensibiles cunctas, si singultu excipias, moritur Cajus, adeoque tali, quod propter spasmodici hujus symptomatis absentiam, si non majoris, certe paris, expectationis videbatur. An Caji E. ideo non per se mortifero vulnere occubuisse, dicamus, quod Titius superstes manserit, eadē ratione, imo

invenita singultus, gravius forsitan vulneratus? minime, manifestante sc. sectione cadaveris, lateralem magis, quā anticam, fundi stomachi partem in hoc perfossam, si-mulque arteriam gastricam sinistram discissam. Quorum circumstantiarum prioris ratione plus contentum ventriculi ad abdominis cavitatem, quam extra hanc, posterioris plus sanguinis ad idem abdomen fuisse rejectum, (de quibus phenomenis ante inspectionē haud contabac) deprehenditur: eas nihilominus Caji vulneri defuisse non immerito consueque ambigimus, donec, id est, nunquam, contrarium probetur. Item Sempronius contusione capitis patitur insignem, cum depressione cranii enormiōre, hæmorrhagia impetuosa satis, per vulnus æque ac aurem dextram apparente, sensuumque ac motus sublatione: post cranii elevationem tertio die factam, redit successive ad functiones pristinas anima sensitiva, compescitur fluxus sanguinis, & post quinque septimanas sanus egreditur vulneratus. Claudius cum simili calvariae depressione & sub iisdem symptomatis, restituto pariter tempestive satis ossē, quod subsederat, & hæmorrhagia cessante, septimo die cum stertore expirat: in cujus cadaveris ventriculis Cerebri multum sanguinis extravasati & putrilaginosi, à ramulo plexus choroidis rupto, cernitur. Proba tu eandē fuisse faciē internā contusionis Sempronio illata: aut si non, mihi dubitare liceat, illam talem fuisse.

Præterea quid obstat, quin certa ac individualis conformatio, plus minus frequens, occasione existat, quo minus vulnus pluribus aliis mortiferum, alicui individuo salutare contingat? dum v. g. ex vulnere pulmonum in se satis gravi, ac ut plurimum lethali, cujus plenæ illi adnati, convalescit aliquis: quatenus in ejusmodi subjecto sanguis ex visceris vulnerati vasis profluus immediate magis per vulnus intercostale emanat, alias ad pectus deciduus, ac vel mole, vel putredine, organis vitalibus molestus ac exitiosus; & vulnus pulmonis, sibi in aliis subjectis relictū & liberius, non adeo prompte coeans, muscutorum intercostalium vulnere in hoc Individuo continuum, per cicatricem cum hoc communem facilius conglutinatur. Denique nonne præter causas ejusmodi salutarium in vulneribus mortiferis eventum, ab *Hippocrate* recensitas, corporis nempe singularem puritatem & crasin laudabilem, virium robur præcellens, plusquam fidam atque diligentem Chirurgi curationem, optimamque vulnerati dietam, casus ejusmodi nobis aliquando concipiamus, quos imitari arti vix concessum, qui dabiles nihilominus existunt? Nonne v. g. fieri potest, ut particula quædam omenti aut pinguedinis intestini, ventriculi aut vasis cujusdam vulneri, alias lethali futuro, se fortuito insinuet, illique incuneata agglutinetur? pari forsitan modo, ac in cadavere cujusdam Anrifabri, Anno 1672. die 13. Maji dissecti, hujus venæ Iliacæ internæ dextræ, prope insertionem hypogastricæ, vulnere particulam pinguedinis immersam mihi videre licuit, quod operculum sine dubio terminum vitæ, hujus generis vulneribus breviorē, ad decimum tertium diem, quo vulneratus demum moriebatur, distulerat. Hujus etiam generis fatum *Nobilis Rosencranzii* fuit, cujus ex literis *Bartholini* mentionem faciunt *Ephemerides Germ. Naturæ Curios. Ann. 2. obs. 161.* qui in crure sinistro vulneratus post enormissimā hæmorrhagiam aliquantum sedatam ad decimum quartum usque diem supervixerat: ideo ut sectio cadaveris manifestavit, quod arteriæ cruralis apertura infelix grumoso sanguine obturata fuerat, quæ universi sanguinis effluxum consueque inhibuerit, & mortem plerumque alias repentinam longius protraxerit. Similiter quid impedit, quo minus vulnus cavitatis aut visceris cujusdam interni, integumentis musculosis propinquius & magis contiguū cum horum plagæ labiis felicius cicatricetur? cum à brutorū vivorum sectionibus, v. g. pro extractione lienis, ligaturis vasorum biliariorum, exploratione succi pancrea-

pancreatici similibusque experimentis Anatomico-Physiologicis adornatis, viscera hæc vel illa peritoneo agglutinati, quotidie experiamur, si denovo post paucos pluresve dies aperiatur animal.

Qualem coalitum fortuitum potissimum etiam suspicor causam, cur ventriculi fundi vulnera, frequentius equidem mortalia, aliquando nihilominus salutaria existant atque extiterint, si sc. partem hujus magis anticam & peritoneo musculisque contiguam, non lateralem, & à contiguitate ejusmodi alienam, afficiant; Imo forsitan eadem ætiologia incisionis ventriculi, manu Chirurgi, pro extrahendo cultro, à Prusso ac Bohemo devorato, factæ, salutaria: potissimum cum vel magnetis, exterius admoti, vi, vel cultri ad exteriora vergentis, tendentia, ventriculi ambitus Epigastrii integumentis propius adductus, cum his promptius coire valuerit. Vulnera vesicæ urinariæ fundo inflicta olim necessario lethalia pronuntiabant cuncti harum rerum Judices: postquam vero ex *Platero obs. p. 850. Kentmanno de Calcul. cap. 11. Vurzio Chirur. part. 2. cap. 13. Cattierio, obs. Borrello, communicatarum 4. S. Pauli. Flor. Danic. part. 2. c. 83. & Cornelio Stalpart. van der VViel cent. 1. cl. rar. 81.* medii quoque ipsius corporis seu fundi vulnera sanata fuisse, innouit, temperandum non nihil erit de his rigidius illud iudicium, illaque non adeo absolute lethalia dici debent. Cujus equidem aliquando salutaria eventus causam non tantum conicere licet in carnosam seu musculosam fundi ejusdem tunicam, non obstante, quod antecessores nostri eundem membranosum plane dixerint, sed potissimum in contiguitatem seu connexionem illam, quæ illius parti anticæ cum peritoneo ac musculis abdominalibus rectis atque pyramidalibus, si adfuerint, in homine intercedit, quibus coalescentibus simul callus inducitur vesicæ discissæ. Pulmonum vulnera, alias exitiali, eadem fortuna accidere posset, ut nimirum vulnerata horum portio spatio intercostali se insinuans vulneratum incolumem dimittat, musculis hujus pericardicæ communem agglutinata: cui mea suspitioni faret, quod *Tilpius lib. 2. obs. 17.* de quodam refert, cui per vulnus thoracis erumpens ac propter putredinem supervenientem præcisa pulmonis fibra cum oris ventris externi brevi firmiter coaluerat, ut sectio ejusdem subiecti, sexennium abhinc administrata, manifestavit. Imo quemadmodum ejusmodi salutares vulnorum lethaliū eventus plerumque naturæ solius opera videntur: ita aliquando vicinitas organorum internorum læsorum cum integumentis communibus, facit, ut per futuram utrisque pariter communem vulnera illorum constringi & firmari queant, quod alias & per levem circumstantiarum mutationem fieri haud poterat. Comprobat hoc augurium post *Jacobum Ortheum* modo allegatus *Corn. Stalpart van der VViel cent. 1. obs. 39.* ubi vulnus ventriculi fundi cum vulnere musculorum acu & filo salutariter confutum perhibet. Christianus & prudens igitur Medicus ac Chirurgus, præeunte *Galeno*, locis superius, de vulneribus capitis præter opinionem salutaribus, adductis, *Pareo lib. 9. c. 9.* ac *Brunne Seidelio de morbis incurabilibus pag. 19.* potius & primario vitæ Autoris atque Conservatoris primi, seu DEI, beneplacito, benedictioni atque auxilio immediato, quam artis potentiæ seu beneficio insperatorum ejusmodi successuum, horumque causarum, nobis fortuitarum visarum, directionem adscribit, ac in acceptis refert: adeoque vulnera quoque illa, quæ maximam partem seu ut plurimum Medicinæ vires & opem humanam superant, mortemque sibi terminum habent, per se lethalia proclamant, utpote non per medelam, quam Ars tradit, sed per propitium tantum Fatum seu per *ἐννοχίαν* sanabilia, cujus agendi methodum cognoscere vel imitari nescit Medicus, utut sagacissimus. Per inductiones demum si non completas & ab-

solutas, certe aliquales, hic sua format Theoremata atque Conclusiones, nunquam à singularibus paucis ad universalia; nedum singularia, argumentatur Medicus prudens.

Contra aliquando observamus Casus, ubi Vulnera natura sua & intuitu partis affectæ vix lethalia per se dici poterant, nihilominus per certas circumstantias talia evadunt. Sit scil. Vulnus Arteriæ Brachialis aut Venæ Basilicæ, alias vix adeo difficulter sanabile, moritur nihilominus ex hæmorrhagia hujus extraordinaria præcipiti intra quadrantis horæ spatium, antequam Chirurgus, qui deligationem necessariam præstet, quamvis mox vocatus, adesse possit, percussus. Circa qualem Casum ita me gererem, Vulnus equidem ratione Vasorum læsorum, per quam hæc commode constringi seu constipari poterant, hinc suæ conditionis intrinsecæ, lethale per se vix censerem; intuitu nihilominus adynamiciæ extrinsecæ seu circumstantiæ, quod, propter Chirurgi & medelæ indeclinabilem defectum, non licuerit tempestivè sanguinis effluxum enormiorem sistere, illud per se lethale dicere haud vererem, per Artem, ob fatale exiguum nimis, minus sanabile.

Supposita & asserta hoc modo Vulneris seu Læsionis per se ac per accidens lethalis formalitate dispari, disquirendum erit de prioris ætiologia: id est, cum superius dictum fuerit, illam immediate, seu, ut talem, mortem inferre, investigare decet, quando & sub quarum functionum frustratione tale quid præstet? Quod dum annitor, ex Physiologicis repeto, Motum fluidorum universalium & solidas partes vitalitate immediate actuantium, sanguinis sc. & lymphæ, esse duplicem, intestinum & localem: per consequens quæcumque Percussiones, Vulnera &c. aut alterutrum, aut utrumque horum eoque turbant, ut vita totius extinguatur, mortifera per se erunt appellanda. Quæ violentiæ externæ motui fluidorum vitalium obicem ponunt, hoc aut immediate magis & subitaneo impetu præstant, sc. cunctæ illæ, quæ organa respiratoria horumque functionem enormiter lædunt, v. g. vulnera & percussiones diaphragmatis pulmonumque ac asperæ arteriæ obturationes, constrictiones ac læsiones quævis inemendabiles: aut mediate demum ac lente magis perimunt, sc. vulnera organorum, Chyli productioni, exaltationi ac dispensationi ministrantium, ventriculi nempe, intestinorum, vasorum lacteorum, folliculi fellis &c. Pariter quæ vulnera motum fluidorum localem interpellant, iterum duplicis generis sunt, quatenus vel cor cum canali sanguinis & lymphæ, i. e. cum vasis & visceribus ipsis appensis, sc. epate pulmonibus, liene, renibus, utero &c. tanquam antliam primariam ac canales adequatos, immediate lacerant, quæ omnium brevissime ac certissime enecant: vel cerebro atque nervoso generi, utpote vim moventem omnibus membris suggerentibus, illata, hinc cordi quoque potentiam motivam subtrahentia, pulsus intercipiunt ac tollunt. Denique utrumque motum simul lædit quorumvis totius corporis organorum continuas soluta, cujus occasione fluida tam nutritia, quam excrementitia, sc. chylus, sanguis, feces alvi, urina &c. extra receptacula & canales suos in hanc vel illam cavitatem, sibi incongruam, elabuntur, ibique congesta aut mole, aut putredine, Exagitationi sanguinis vitali, ejusve Circulationi moras nectunt, sc. in capite, thorace atque abdomine.

Per consequens non lethale, seu aliquando per accidens tantum tale, dicendum erit vulnus, quod neutrum horum sanguinis motuum vel functiones ei litantes ad interitum usque vulnerati turbat: aut si exin mori contingat hunc, aliis intermediis de causis hoc fiat, negligentia v. g. Chirurgi, temulentia illius, Veneris usu intempestivo &c.

Cap. 3. De deponendi ratione

seu modo.

Qualia vulnera eisque cognatas violentias ut prescius dignoscamus, perpendendæ erunt horum circumstantiæ atque adjuncta, & quidem tam intrinseca, quàm extrinseca. Intrinseca voco, quæ ipsam plagam affectam spectant, huicque inhaerent, sc. (1) hujus texturam, situm & actionem, (2) vulneris magnitudinem, (3) ejusdem qualitatem ac (4) figuram: Extrinseca, quæ extra percussione hujusve subjectum immediatum sunt; & quidem iterum vel necessaria, vel contingentia. Necessaria denudò distinguere conveniet in res naturales, quæ sunt textura seu dispositio corporis nativa & ætas: præternaturales, nempe morbi antecedenci ac combinati: & non naturalem, sc. loci atmosphæram. Contingentia verò observantur Symptomata, ægri diæta & Chirurgi seu Medici peritia ac solertia diversa. Pro quarum circumstantiarum habitudine varia modo lethale, modo non & per accidens lethale, pronunciandum erit vulnus.

In parte læsa primò ponderanda est texturæ, & quidem non tam organicæ, quàm similis communiter dictæ, seu substantiæ, disparitas, ratione cujus membranosarum ac tendinosarum partium vulnera, quia difficulter coalescunt, mox vehementius inflammantur ac convulsiones concitant, plus semper periculi involvunt, hinc, cæteris paribus, præ carnositatem continuitate, soluta lethalia magis dicuntur, v. g. tendinosa diaphragmatis parti inflicta, quæ carnosæ plagis insanabilia magis observantur. Quando enim *Sennertus prax. lib. 2. part. 2. cap. 15. & lib. 5. part. 4. cap. 3.* circulo hoc nerveo aliquando perfosso sanatum nihilominus ac restitutum fuisse vulneratum, asserit, ex prava & Scholis à superiorum temporum Professoribus obtrusa hypothese agere videtur, centrum diaphragmatis, per quod Oesophagus fertur, tendineum docentibus: cum nihilominus carneum hoc esse, id est superiorem muscoli sui inferioris partem involvere, nec tyrones nostros nunc lateat. Quem quidem locum illū innuere inde opinor, quod ventriculum simul per idē vulnus ad thoracem raptum ac translocatum perhibeat, qui huic parti ratione Oesophagi vicinior existit. Præterea non per se coaluisse hoc vulnus, sive carneæ, sive tendineæ, septi transversī portioni illatum, id evincit, quod intestini pars cum ventriculo transiens hoc obturavit, simulque, quo minus diaphragma ratione hujus foraminis respirationem turbarit, impediverit. Manent E. ac manebunt diaphragmatis tendineæ substantiæ vulnera, nisi forsan exilissima, in consolidabilia, hinc ratione inflammationis metuendæ ac actionis respiratoriæ turbatæ lethalia.

Propter eandem texturam nerveam seu membraneam plagæ ventriculi, Intestinorum ac Vesicæ urinariæ pariter vix unquam coalescunt, hincque periculosissima & ut plurimum lethales existunt: dum vel ratione inflammationis ac sphaceli, vel dolorum ac spasmodorum supervenientium, vel contentorum ad abdominis cavum depositorum, mortem inferunt. Non cunctæ e quidem organorum horum tunicae membranæ sunt, sed instruuntur insimul involucro carneo seu musculofo, ratione cujus eorum coalescendi difficultas forsan aliquantum temperatur: quia nihilominus hoc quicquid musculofo exile ac tenue latis, & vel à contentis, vel à motu illorum peristaltico nunquam non tenduntur atque exagitantur hæc receptacula, parum spei de eorum coalitu superest, prout Sect. 2. constabit.

Deinde partis affectæ intuitu consolidationem vulneris difficiliorem & interdum impossibilem reddit illius situs, ratione cujus labia sibi adducere aut ulla arte illud obtura-

re minime licet. Hinc vix adeò paradoxum videri poterit, vulneratum intestinum extra abdominis plagam propendens promptius consolidari, quàm latitans: quatenus huic nihil remedii, synthesi faventis, applicari, multò minùs censui, valet; quale quid nihilominus cum successu in prominente præstari, plurimī Chirurgorum testantur, ex quibus unicum allegare sufficiet *Glandorpium Specul. Chir. Obs. 33.* Ejusdem circumstantiæ intuitu fit, ut vasorum sanguiferorum satis amplorum lacerationes in externis partibus per se raro aliquid periculi portendant, parium nihilominus aut minorum quoque, profundius reconditorum, hæmorrhagiæ animam eluant: utpote quibus nec medicamina stegnotica, nec ligaturas, nec ferrum ignitum admove-re possumus, vasis aliàs obturandis quàm oportuna remedia. Recordor equidem ex Facultatis Nostræ Actis 1678. Mens. Octobr. quem vasorum gastricorum, cum splenicis ramis communicantium, & vasorum brevium vulnera aliquando idè per accidens tantum lethalia pronunciasse, quod ipsum Lienis viscus, cui majora obtigerint vasa, sine vitæ periculo canibus excindi queat & frequentius extrahatur. Cui tamen phænomeno, aut inde potius formatæ consequentiæ, declinandæ ex Responso ad hunc casum inserviet, non vasorum amputationem, ut talem, sed ex hac necessario contingentem hæmorrhagiam, nulla arte compescibilem, mortis in ejusmodi casibus causam existere: proin quod extirpatio lienis sine vitæ dispendio administretur, causa est hæmorrhagia, per ligaturam vasorum præparatoriam congruam inhibita, qualem casu vulnerans haud præmeditatur, Chirurgus verò denegatur eadem.

Refero huc lacerationes Vasorum Intercoastalium, Mediastini & Mammariarum, Sterni superficiæ artetiarum annexorum, quæ unà cum Venæ Azigæ vulneribus idè imprimis Lethaliter patrant, quod sub costis, Sterno ac in profundo thoracis recondita Chirurgiam necessariam renuant, hinc sanguinem ad cavum hujus copiosius profundendo pulsui ac respirationi vitali moras lethales necant. Equidem huic cruoris Collectioni gravativè remedio traditur vulneris thoracis tempestiva dilatio, per quam ille educatur: rarissime tamen effectum speratum & salutarem præstat hæc Chirurgia, dum quidem fatale fati ad aliquot dies retardat, minime tamen hoc omnimodè declinat. Id est, cruoris quidem extravasati aliquid eduxit, vulnera tamen vasorum, quæ ejusdem quotidie plus profundunt, haud obturat, vel obturare concedit, donec tandem cum sanguine ipsa vitalitas deficiat. Exempla infæstæ ejusmodi læsionis frequentiora obtingunt, inter quæ spectatoris momenti forsan erit, quod *Gallus ille anonymus, l'art de faire les rapports*, quem in Præfatione hujus Opusculi nominavi, p. 139. & 140. recenset. Vulnerabatur nempe quidam in thoracis latere sinistro inter quartam & quintam costarum spurriarum, cui ut mederetur, & cruorem, quem ad cavum thoracis depositum ex symptomatis ominabatur, Chirurgus, comodè subtraheret, plagam dilatabat: expirabat nihilominus sub febre cum horripilationibus irregularibus, summa spirandi difficultate, tussi enormiore & alvo laxiore percussus. In cujus cadavere aperto arteria intercoastalis spatii indigitati cum vena Azigæ læsa & thoracis cavum multo sanguine scatens offendebatur: adeòq̃ vulnus istud solâ & unica mortis causa in hoc subjecto asserabatur.

Cui subnecto, quod ante quadriennium Anno sc. 1706. 26. Maji mihi observare contingeat in juvene, qui in postica ac sinistra thoracis parte, prope Spinam, intra octavam & nonam Costam vulnere exili & inter cutem atq̃ musculos obliquo, penetrante verò, trajectus, nihil tamè aëris, quod vulneribus ejusmodi aliàs solenne, toto decubitus tempore, per hoc parum admodum sanguinis, mittebat, quinimò in Pleura cadaveris dissecti apertura vix ulla, nisi prolixiore lustratione, demù reperiri

valebat, cavum interim thoracis sinistrum multo sanguine ichoroso, cum intermixta sanie scatebat, ac ramus intercostalis arteriosus spatii indigitati maximam partem discissus cernebatur: ex cujus vulnere sine dubio tantum cruoris & ex vase lymphatico socio lymphæ profluxerat. Pleura inflammata, pulmo insigniter cortugatus, Pericardium cordi hinc inde agglutinatum, & inter hujus Auriculam dextram dictumque involucrium apostema notabile, pure cocto turgidum, Diaphragmatis verò superficies, qua thoracem spectat, inflammata ac evidenter incrassata, nullibi illud perfossum, deprehendebantur: cum nihilominus abdomen apertum notabilem feri quantitatem, purè interfluam, monstraret: imprimis multum ejus intra Diaphragma, Ventriculum, Epar, Lienem & intestinorum hinc inde inflammatorum, plerasque convolutiones, ac in pelvi renis sinistri & hypogastrii cernebatur. Quale vulnus vel idèd in se lethale pronuntiabam, quòd ratione suæ angustiae & tortuositatis sanguinis & feri extravasati eductionem haud concefferit, nec illud ad cavum thoracis, cum nihil aëris transmitteret, penetrare, nec vasa læsa, augurari licuerit. Præferim dum dyspnœa post tertium diem aliquandiu cessabat, nec æger interrogatus aliquid fluctuationis in pectore sentiebat innuebat. Purulentam verò materiam minime ex thorace vulnerato ad abdomen defluxisse, sed ex totidem hujus apostematibus, propter circulationem impeditam & inflammationes hinc inde entas, promanasse, hæcquè lethali-tatè juvasse, rebar in percusso, qui decimo quinto die animam exhalabat.

De cætero attendi meretur; vasorum internorum (thoracis v. g. & abdominis) laceratorum non illa tantum, quæ conspicua magis & per nomenclaturas determinatas famosiora, v. g. venam Azigos, vasa mammaria, arteriam hepaticam, vasa brevia &c. sed exiliora quoque & tantum non anonymos eorum furculos, si lacerati conspicuam magis quantitatem cruoris profuderint, lethali-tatis autores existerè: sub hac tamen conditione, ut multum mox ejus & confertim eruant; nam qui lento magis demum motu ab his stillat, dubium relinquit Medicum, de lethali-tate qui judicare debet, dum tantillum ejus, quod pedetentim promanat, à natura facilè discuti aut quocumque modo subigi posse videtur. Hinc in casu ejusmodi decernendo advertendum, num vulneratus brevi à percussione decesserit, aut graviora mox perpessus fuerit symptomata: sicquè aut majora, aut minorum plura, vasa sanguine manarint; quales circumstantiæ si deficiunt, lethali-tatem dubiam relinquunt.

Neque tantum cavitatum ac viscerum arteriæ atque venæ laceratæ ob situs incommoditatem, medelam detrectant, hinc mortales hæmorrhagias movent, sed externarum quoque partium vasa frequentius eundem effectum experiuntur: unde miror, cur *Suevus de Inspect. Vuln. part. 2. c. 5.* vulnera venarum jugularium majora ac profunda, quæ nihilominus *Hippocrates 2. prædict. 9. τρώματα θανάτῳ δέσπεα* & *Celsus lib. 2. cap. 26. illum servari non posse* ait cui circa fauces vena vel arterie grandes sunt præcisæ, per accidens tantum mortalia fieri sibi persuadeat? Contrarii ipsum monere poterant *Forests* ac *Hildanus*, quos ipsemet in eodem capite allegat, quorum ille *lib. 6. obs. chir. 4. in Schol.* inquit: *jugulares venæ (quas & organicas vocant) grandi vulnere percussæ, agrè & rarè curationem recipiunt, tum quòd largâ profusione sanguinis hominem vitali spiritu exhauriunt, tum quòd ligaturam propter imminens suffocationis periculum sustinere non possunt.* Hic verò *cent. 4. obs. 2.* exemplo satis tragico *Hippocratis* ac *Celsi* judicium firmat. Pariter ejusdem situs incongrui ratione artuum quædam vasa majora sauciata exiguum, aut nullam, salutis spè concedunt v. g. rami axillares & crurales, tam arteriosi, quàm venosi, sc. sub alis & prope inguina lacerata seu discissa: ita quidem ut ejusmodi

vulnerati ut plurimum brevi, antequam Chirurgus advocetur, cum sanguine animam deponant.

Vasorum axillarium lacerationis eventum funestum maximè ipsemet testor, requisitus Anno 1678. die 12. Januarii à Nobilissima Vidua Widemaniana ad pagum Drachenau, pro administranda inspectione ejusdam Studiosi, quem securis, alæ dextræ injecta, intra dimidium horulæ sub hæmorrhagia enormissima è vivis sustulerat: cujus vena axillaris per transversum & omnimode discissa, hincque ejus summitas ad spatium usq̃ subclavium pectoris retracta, cernebatur. Cruralium verò seu Iliacorum externorum ramorum vulnerum lethali-tatem comprobabit Casus, Anno 1670. Facultatis nostræ sententiæ expositus. Nimirum femur dextrum, mox sub inguine, ad abdominis usque cavitatem (in qua tamen nihil læsum reperiēbatur) ensis angusto satis vulnere penetraverat, & glandulam inguinalem cum ramo Iliaco externo, arterioso æquè ac venoso, disse-cuerat, ut miser intra quadrantis horulæ spatium animam exhalaverit: quale quidem vulnus à Collegio per se & absolute lethale, idèd quod ratione loci atque angustiae auxilia cuncta respuerit, pronuntiabatur. Simile huic erat vulnus femoris, Anno 1682. d. 24. Maji & 25. Novembr. à Collegio Nostro ventilatum, quo prope inguen, cultro latiore per musculum lividum illato, arteria muscula interna, circa sui ex crurali exortum cum ipsius trunci parte, unde hæc exurgebat, lacerata: cui enormior superveniens hæmorrhagia idèd mortifera contingebat, quod illud abdomini propinquius remedia necessaria haud admiserit. Anno 1685. d. 2. Julii Plaga globulis Sclopeti minoribus, *Vogel-Schrot*, Arteriæ & venæ crurali simul inflicta, ex qua sauciatus intra pauca momenta interierat, à nobis pariter per se lethalis pronuntiabatur ob situm imprimis vasorum læsorum profundiorum, qui medelâ necessariam interpel-labat: Porro Anno 1679. d. 15. Februarii arteria & vena cruralis non procul ab inguine rescisse, propter sui situm profundiorum lethali-ter læsæ dicebantur. Quale judicium eadem Facultas de plaga venæ cruralis, inguini viciniore, & ex qua intra horulæ quadrantem spiritum cum sanguine profunde-bat percussus, Anno 1695. d. 12. Junii ferebat. Cujus generis etiam erat Responsum ejusdem ad Senatum Colbergensem Año 1706. d. 25. Januarii de vulnere arteriæ cruralis prope coxâ, sc. ob eadè ratione hincquè impetuosius cruoris profluviū illud per se lethale edifferebat eadè. Tandè An. 1707. d. 20. Febr. Nostrâ rogabat sententiâ quidam *Arcthes Dicæophilus Ienensis* super simile arteriæ & venæ cruralis plagâ, quæ intra horulæ dimidiū percussū interfecerat, motui corporis immoderatiore supervenientem sanguinis profusione inprimis adscribēs. Cui respōdebatur, illâ, quâ immediatè patra-verat, hæmorrhagiâ utique, & nō obstante illo corporis motu, per se existerè lethalem.

Assertum hoc communiter labefactare satagunt. 1. quod aliquando femora cum vasis per infortunium tollantur, vulnera nihilominus hæc feliciter sanentur; quale argumentum Medicus quidam 1687. d. 12. Febr. in casu Facultatis Nostræ censuræ paulò post exposito, adducebat, ac globulis binis, Sclopeto elisis, Musculum Femoris sinistri fascialem, arteriam musculam internâ, musculum tricipitem, venam cruralem totam & arteriæ ejusdè nominis medietatem laceratas minimè per se, verum per accidens tantum, lethali-ter vulneratas aiebat: 2. quod crus hunc in modum sauciatum per ἀνευληγίασιν tolli, hoc facto vasa discissa commodè satis occludi ac hæmorrhagia mortifera compesci queat. Quibus tamen regero, primò detruncatis per infortunium femoribus cum suis vasis, hæc per ἀνολυγίασιν potiùs, quàm artem, aliquando coaluisse; idèd rariùs contingentibus ejusmodi observationem fore accensendam. Deinde Extirpationem cruris longius supra genu & inguini propius, propter ingens valdè Hæmorrhagiæ periculum, nunquā forsā molimur: aut si in parte genu viciniore hoc fieri debeat, nō nisi

nisi apparatu pro præcipiti hæmorrhagia avertenda, necessario instructi Operatione aggredimur, sicq; Chirurgia hæc aliquando feliciter succedit. Aliter longe se res habet, ubi casu & minus præmeditate Vasa cruralia majora, prope sui ex Abdomine elapsa fuerint læsa: dum vix ullo experimento constat, talia unquam fuisse consolidata, ubi sc. necessaria ejusmodi casui, qui nullam moram concedit, remedia deficiunt. Et supponunt ejusmodi Homicidarum inepti Defensores conditionem minus possibilem i. e. *Wenn dem Vulnerato bald Hülffe geschehen wäre*: Forſan aptius dicerent: *Hülffe geschehen können* &c. Proin alia videbatur conditio vulneris femoris sinistri, quod quidam Servo suo eodem anno cælim infixerat, & cujus relationem pariter ac antecedentem Jena transmissam in Faculte ventilatam memini. Principium hujus incisionis punctura superius descripta uncias quinque vel sex profundius observabatur, à quo oblique per femur versus genu ad spithamæ longitudinem descendebat, musculos intermedios profundius cum arteriis ac venis majoribus lacerans, ac tantæ latitudinis, ut ejus Labia vix palma regi potuerint, & ex qua læsus intra paucas horas obierat. Hanc non per se, sed per accidens tantum, lethalem judicavimus, quoniam ejusmodi in loco tantæque amplitudinis extiterat, ubi vasis tam deligandis, quam per adstringentia aut cauteria occludendis, commode satis præsto esse potuerit Chirurgus, modo peritiori commissus fuisset, per septem horas (tempore hyberno) sub cælo rigidiore ad deliquium usque animi vulneratus relictus.

Nihil interim impedit, quo minus arteriarum, profundius seu sub musculis, per brachium ac femur descendentium vulnera quoque summe periculosis annumeremus: si sc. circumstantia quædam obſtet, quo minus puncturæ arteriæ locum accurate augurari ac dignoscere, multo minus adæquata remedia commode admoveere, liceat; de quo me monet sequens casus. Vocabar nempe Anno 1686. d. 13. Septembris ad Juvenem Equitem, Stirpis hujus Provinciæ generosissimæ, die tertio ejusdem mensis vulneratum. Observabam puncturam in brachii dextri interiore parte, paulo supra carpum, quæ ad cubiti flexuram sub cute ac musculis ferebatur, & quæ bis ab ipsa perforatione sanguinem cum pulsu ac impetuosius fuderat: brachium vero ad summum usque humerum totum tumidum, ex livido rubicundum, ac circa cubitum præprimis, maxime dolens, donec post triduum, ni fallor, in flexura illius ruptura contingeret, per quam cum brachii detumescencia ac febris reliquorumque symptomatum remissione exercebantur per aliquot dies cruenta ac saniosa. Stabat etiam huc usque à primo meo accessu sanguis ad vigesimum septimum Septembris, quo & postmodum aliquoties, primo post biduum, hinc quatuordecim, ac tandem post octodecim demum dies, recrudescere illius fluor impetuosissimus, per vulnus pariter carpi ac flexuræ cubiti ulcus: donec post plures ejusdem profusiones nono Novembris corpus exsangue & exsuccum relinqueret anima beata. In cadaveris sectione vulnus cernebatur, à carpi summitate intra integumenta externa ascendens, & arteriæ brachialis ramum externum, statim ac truncum elabatur, penetrans, illiunque ad uncia dimidiæ longitudinem findens, quæ fissura callo solidiore munita exſtebat. De lethalitate hujus quid censuerim, Acta Publica loquuntur: in præsentiarum innuere sufficiat difficultatem medendi huic hæmorrhagiæ deplorandæ: quæ in illo præprimis videbatur consistere, quod vulnus arteriæ sanguinem fundentis à vulnere externo adeo distaret, ut ejus situs determinari haud potuerit; amputationem vero brachii, quam nasuti quidam, haud interrogati, ferro nimis commendare sustinebant, detrectavit vulneratus.

Biblioth. Chirurg. Tom. III.

Quamvis haud abnuam, in ovismodi similive Casu si Aneurisma evidens supervenerit, huic tempestive mederi sicque Lethalitem forte imminuentem declinari posse: præeunte *Chirurgo* illo *aronymo Gallo*, cujus bis, ni fallor, jamdum mentionem feci, *l'acte de faire des rapports*. p. 181. in Casu sequ. Vir quidam in Brachii inferiore seu Carpi interiore parte puncturam passus erat, quæ inter Flexores digitorum binos ad Cubiti flexuram tendebat, ibique Arteriam Basilicæ venæ sociam perforarat, hincque Aneurisma pararat, quod ex conspicuo satis tumore & pulsatione profundiore mox innotescebat, intumescere ac dolente valde brachio inferiore cum manu & combinata febre vulneraria. Chirurgus prior incisionem Vulneris ab hujus ostio ad terminum usque intendebat: cui tamen Noster unam alteramve ejusmodi longioris incisionis regerebat difficultatem, simulque solius Aneurismatis Chirurgiam solennem commendabat atque administrabat.

Sed, quod potissimum lethalia maxime reddit vulnera, Organorum fauciatorum actio seu usus cessans est, utpote per cujus integritatem solam, non autem à situ, substantia, partium integrantium apparatu, seu conformatione, (ut communiter fabulantur) membrorum alia præ aliis nobilitantur. Id est, quæ horum plus minus ad vitam perpetuandam necessaria sunt, eorum vulnera etiam mortem inferunt, frustratis nimirum hinc illorum functionibus, cordis v. g. pulmonum, vasorum sanguifluorum majorum, cerebri, ventriculi &c. de quibus jamdum superius dictum, ac inferius dicitur: Ita quidem ut, quam à partium natura *F. Fidelis de renunc. lib. 4. f. 2. cap. 2. & Zacchias lib. 5. tit. 2. quest. 2. & 6.* Lethalitis præsumptione potissimam seu primariam maxime peti aiunt, ad actionem potius hujusve necessitatem videatur restringenda. Adeoque vulnera cerebri, cordis, pulmonum, ventriculi &c. utpote quorum magna pro vita conservanda necessitas, vel necessario & absolute, vel ut plurimum, lethalia observantur, si sc. talia fuerint, quæ illorum functiones enormius turbent; quod periculum notabiliter intenditur, si pars vulnerata in perpetuo motu existens, ob quietem denegatam consolidescere nequeat, v. g. pulmones ac diaphragma.

Neque tamen partis vulneratæ tantum habitudo ac necessitas semper pro lethalitate decernenda sufficit, quasi, juxta *Zacchiam*, hæc circumstantia sola per se, reliquæ, nempe vulneris magnitudo, qualitas &c. per accidens saltem, eandem determinent, id est, majus minusve duntaxat periculum reddant, mortemque modo accelerent, modo procrastinent: sed præter illam Quantitas quoque est, quæ, prout variat, sic unius ejusdemque membri in duobus subjectis vulnus lethale & non lethale facit, quatenus sc. præter longitudinem ac latitudinem, profunditatem complectitur, quod ab *Hippocrate 6. aph. 18.* per vocabulum *discissa* significari *Galenus* probabiliter satis asserit. Vulnus Ventriculi e. g. & intestinorum exile aliquando sanatur, majus semper pessundat: ex superficiali Cerebri, Eparis, Pulmonum &c. plaga multi evadunt, pereunt ex profundiore tantum non omnes: pariter vulnusculum Vescicæ urinariæ exiguum aliquando sine damno singulari sustineri posse, suadet, quod adacta in vesicam canis vivi acicula tenuiore, hacque denuo extracta, nihil hinc urinæ prodeat, profluat tamen ex apertura ejusdem paulo majore. Imo ubi de Medullæ spinalis vulnere deponendum *Fallopins de Vulnerib. particul. cap. 11.* ante omnia dispicere jubet, an hæc in una tantum sui parte puncta vel cæsum fauciata, an ex toto & per transversum discissa, compareat: ita quidem, ut si totus vel maximam partem laceratus existat funis hic, omnimode desperandum sit, sin alteruter tantum ejus tractus, v. g. punctum, læsus, aliquid adhuc spei restituet. Quamvis hanc quoque exilem reddat Experimentum,

mentum, quod *Sennert. prax. l. 5. part. 4. cap. 3.* innuit, olim Lugduni Batavorum, pro enecandis sine magno strepitu canibus, exercitiis anatomicis destinatis, frequentius à nobis administratum: Sc. dum acus major (similive instrumentum subtilius inter os occipitis & vertebrarum cervicis primam, aut inter primam & secundam, ad eorū Medullā spinalem profundius dimittitur, post aliquot concussiones epilepticas illi mox attoniti cōcidunt, in puncto quamvis exili vulnerata hac. Cui accedit, quod quemadmodum vulnera nervorum pleraque, imprimis puncturæ exiliores, mox ipsum cerebrū in consensum trahunt, & convulsionibus universalibus totum corpus concutiunt, idem forsan metuendum sit, de medullæ spinalis caudice, non latius, modo profundius, fauciato, tanquam trunco omnium nervorum communi & cum cerebro immediate magis conspirante.

Atque observare contingit, quarundam partium vulnera, quo exilia seu angustiora, eo periculosiora, existere, ac interdum per solam hanc circumstantiam, nisi manu Chirurgi tempestive dilatentur, lethalia evadere: quatenus v. g. ex *Galeno artis medic. cap. 92.* cuilibet Chirurgorum constat, nervorum læsiones atrociora semper patrare symptomata, cum nihil hinc expirat, obsecato cutis vulnere.

Pariter fissuræ calvariæ, cum ruptura vasorum subtus latentium & sanguinis extravasati congestione, aut fragmentorum secessu, nisi trepano ampliuntur mortis certissima existunt causa: quale quid de thoracis vulneribus angustioribus ac tortuosis, ubi de sanguine ad hujus cavitatem copiosius profuso suspicio est, cujus generis angustiam & obliquitatem dignotioni atque medelæ derogantem in Vulnere Thoracis penes Juvenem paulo ante indigitavi, itidem animadvertendum, sectione aut turundis, si læsum orci faucibus eripere velis, dilatandis. Eadem ratio abdominis vulnerum, quorum latiora hoc equidem periculi involvunt, quod per ea intestina promptius elabuntur, ac interanea ab æris contactu magis lædantur; angustiora nihilominus ideo nonnunquam existunt, quod, si forsan contingat, per hæc quoque intestina aut omentum prorumpere, eadem per angustius foramen non statim & commode reponi queant, hinc grangræna facile corripiantur.

Præterea Vulnerum qualitas quoque lethalitatem notabiliter variat, imo sola aliquando eandem conicere facit. Quid notius est, quam vulnera partium externarum contusione, hincque sclopetorum globis, illata, ratione contusionis ac lacerationis enormioris & inflammationis exquisitoris supervenientis, simplicioribus puncturis & incisionibus, utut majoribus ac profundioribus, semper graviora ac periculosiora esse? Nonne E. periculum viscerum internorum vulneratorum ad lethalitatem usque evehi poterit, si à glande sclopeto emissā hoc dependeat? ita quidem ut ex quibus eorum plagis, gladio similive instrumento acuto minusque conquassante inflictis, quidam sanantur, puta ventriculi, intestinorum &c. illæ, si sclopetorum effectus ut plurimum perimant, partium sc. inflammationibus sustinendis minus adæquatarum.

Spectat huc quoq; Vulnerum venenositas, ab instrumentis lædentibus venenatis impressa, quorum quaecunque & quomodocunque ab his illatum, lethale *Zacchias l. a. quæst. 2. & quæst. 6.* Arma venenata lethalitatis præsumptionem adeo urgentem constituere, asserit, quæ ex se ipsa sola facere posset evidentissimam conjecturam, quod vulneratus ex vulnere mortuus fuerit, ceteris omnibus conjecturis & præsumptionibus, in contrarium facientibus ipsius quoque partis natura, quæ omnium urgentissima est. Breviter, si non necessario, ut plurimum tamen, maxime si majora fuerint ac interiora penetrant, hæcque plus minus afficiant, ejusmodi

vulnera enecant, non tam unitatē partiū solvendo, quam principio vitali immediate magis vim inferendo: ut vel symptomata eorum peculiaria & reliquorum vulnerum accidentibus mox atrociora longe, v. g. cordis palpitatio, totius corporis frigus ac rigor, lypothymicæ, livor ac fœtor vulneris &c. innuere poterant. Latent siquidem nos aliosque innocentes illa venena quibus arma, sagittas globulosve intoxicare norunt ejusmodi homines maligni: quæ aliquando tantæ activitatis & virulentie observantur, quam nulla sive Pharmacia sive Chirurgia subigere potest, adeoque nec impedire, quominus eis ejusmodi percussi pereant; quale quid cum notabili suo damno experiebantur quondam Galli penes Sienses.

Communiter equidem plerisque hæc arridet traditio, quodvis venenum haustum seu intus sumptum exterius admoto exitiosum magis existere: quasi, quod assumitur, à viscerum activitate citius resolvatur & ad horum nobiliora feratur, extrinsecus vero applicatum habitum prius penetrare, vasa petere & sic per ambages demum ad partes principes abire oporteat, sub qua ipsa tamen viarum longinquitate facile contingere posse, ut ipsius veneni vires valde infringantur. Quo supposito, vulnera à telis venenatis illata minus lethalia asserunt, quod virulentia iisdem afflicta commodis remediis facile detergi queat: pari modo ac *Aræus de reſta tur. vuln. rat. lib. 2. c. 1.* se in oppido Cumbres Baxas quendam, sagitta, helleboro tincta, in pectore graviter fauciato, curasse, & *Foreſtus 6. Obſ. chir. 10.* ex relatione Medici cujusdam Romani, quendam vulneribus venenato telo inflictis poma cydoniorum, dentibus contrita & saliva jejuna subacta cum multorum salute admovisse, perhibent. Quod nihilominus dogma diversas ob rationes mihi suspectum videtur, quatenus primo diversorum, imprimis *Celsi lib. 5. cap. 27.* & *Cardani lib. 2. de Venen. cap. 6.* testimonio evinci potest, non universalem illam regulam existere, venena vulnere instillata non æque facile, nec assumpta internecioni dare: dum *Ille venenum Serpentis, ut quadam etiam venatoria venena, quibus Galli præcipue utuntur, non in gustu, sed in vulnere, nocere: Posterior Venenum, per vulnus inditum, multo majorem vim obtinere, quam epotum, illico enim per venas ad cor facile penetrare posse;* ait quinimo ipse jamdum *Galenus 3. de tempore cap. 3. classe 1.* venenorum quædam assumpta perimere, de foris tamen administrata minus nocere, tradidit: ita quidem ut, quæ extrinsecus applicata nocent, deglutita tale quid haud præstent. Accedunt his *Fr. Redi & Charras* experimēta, circa veneni viperini vim adornata, cuncta vero evincentia, illud epotum nec homini, nec brutis aliquid damni adferre, sed vel cum morſu, vel alias, animalis plagæ instillatum, necare: quod ipsum confirmare poterat venenum hellebori, ex observatione *Aræi* mediante sagitta inficiens, minime tamen tale quid præstans, si in adeo exili quantitate, quali telo illinitur, intrinsecus propinetur; ut taceam, venena immediate in spiritus & sanguinem, non, quæ vulgo teritur opinio, in cor similiaque organa solidiora agendo, œconomiam corporis evertere. Deinde nec adeo levis sanationis vulnera venenosa observantur, ut malo quidem cydonio tolli queat eorum malignitas, utpote quibus ferrum & ignis vix sufficiunt, raraque satis ideo dici debet avis vulnus venenatū interiora penetrans (quale *Aræi* erat) sanatum, cum ejusmodi violentiora remedia corporis interanea haud admittant. Potissimum, dum venenorum non eadem observatur formalitas, hinc nec eadem alexi-pharmaca: ob quam solam etiam varietatem vulnera viscerum venenosa profundiora lethalius accensere convenit, quod nec de veneno, quo arma imbuta fuerint, adeoque nec de hujus antidoto, constat.

De cætero forſan non omnibus adeo absurdus videbor,

bor, si huc & inter causas seu occasiones lethality generaliores retulero illam percussionum live plagarum conditionem ac habitudinem, intuitu cuius difficillimæ cognitionis existunt illæ. Ducein hoc in passu sequor Hippocratem de Arte t. 19. dicentem: *Quæcunque oculorum conspectum effugiunt, ea mentis oculis obtinentur ac superantur. Quæcunque vero ob id, quod non statim cognoscantur, ægri mala perpetiuntur, ea non ad medicos, curantes ipsos, tanquam ad ipsorum auctores, referenda sunt, sed ad naturam ipsius ægri, itidemque ipsius morbi.* Et paulo post: *Quando igitur neque ex ægri narrationibus ad infallibilem certitudinem pervenire potest, alio certe respicere Medicum necesse est; quare huius tarditatis non ars ipsa, sed corporum natura, causa existit.* It. text. 21. *Quare artis potentiam magis ex merito miremur, si quem ex clandestino morbo ægrum restituat, quam si impossibilibus & desperatis opem ferre molietur.* Unde quamvis ejusdem Hippocratis seu sui literalis, quoad illa verba, quæ a. l. text. 20. legere contingit, non omnimode subscribam: *Medicus siquidem suffecerit ad cognoscendum, sufficiet etiam ad sanandum,* subscribo tamen ejus edito, quod de Flatibus t. 2. exprimit: *Si quis causas corporis affecti probe cognovit, potens est valde adferre, quæ corpori commodent, nimirum contraria corporibus, morborum natura perspecta.* Et per consequens, si illam, quam omnes concedunt, vulneris lethalis ætiologiam supponamus, quod nulla arte ipsi mederi liceat: nec Medico, seu Medicinæ potius, non cognita seu non cognoscibilia, curare, multo minus sanare, concessum, i. e. vulnera ejusmodi, horumque effectus latentes quia non dignoscuntur, insanabilia, hinc lethalia, dicenda, qualia in aliis partibus rarius, in capite frequentius eveniunt. Quemadmodum idem Hippocrates de Capit. vuln. t. 9. de Resonitu ait, & hanc calamitatem, ubi facta est, nulla re juvare queas. *Nam si passus est hoc malum, non est, quod ex ipso exquirere possis, an passus sit hoc malum, neque quæ capitis parte.*

Quamvis nec Thoracis vulnera penetrantia adeo feliciter semper dignosci soleant, hinc vim Lethality intendere, oppido & ex variis Casibus constet. Superius, ubi de situ partium vulneratarum, medellæ harum derogante, discebam, enarravi, juvenis cujusdam pectus dissectum multum cruoris ichorosi monstrasse, nihil tamen æris strepiferi vulneratum hunc decubitus tempore per plagam expirasse, parum tantum sanguinis per plagam excrevisse, nullum fluctuationis sensum in Thorace percepisse, parum tussivisse, quinimo dyspnœam in eodem per aliquot dies omnino cessasse &c. uno verbo omnia deficiebant signa, quæ cavitationem hanc perforatam & sanguine extravasato scatere alias innuunt. Pariter, Anno 1707. d. 2. Augusti de Coquo vulnerato Medico ac Chirurgo, qui ejusdem curam gesserant, deponebant vulnus pectoris quod d. 19. Julii ipsi inflictum, musculus pectoralem sinistram ac intercostales perforaverat, vasa mammaria ejusdem lateris cum Mediastino atque Pericardio laceraverat, hincque notabili saniei congestionem occasionem præstiterat, in vivo adhuc corpore nec candelæ cereæ applicatione, nec syphone, nec tubulo, nec flamma candelæ adnota, explorari potuisse, sed in Sterno, quorsum tendebat, terminari visum, neque ægrum de dolore pectoris punctorio similive conquestum fuisse, per consequens nec medellam adæquatam innuisse aut admisisse: qualem plagam intuitu recensitarum circumstantiarum per se lethalem pronunciabam, utut Medico indigatis cum Chirurgo, leviores ob rationes contrarium sentirent. Denique notabilem Casum Pectoris Anno 1701. d. 14. Decembris Sigersdorfi Silesiorum infausta sclopeti manuarii explosione perforati, minus tamen dignoscibilis, Acta Facultatis Nostre suggerunt in Nobili videlicet, cujus brachium sinistrum globulis minoribus

ictum, quique sine ullis pectoris symptomatis, nisi ipsismo Oculophagi, tandem in universalem degenerante, die 26. Decembris animam exhalabat. Sectio Cadaveris globulos multos musculos Brachii diversos cum Vena Basilica & Arteriæ brachialis ramo vicino perforasse ac lacerasse, simul tamen intra eosdem musculos & os Humeri eorum quinque Thoracem adisse, huius musculum pectoralem & intercostales, primæ & secundæ Costæ ac dextrum Pulmonum Lobum penetrasse, hinc extravasationem Sanguinis notabilem concitasse, declarabat. In hujus Lætionis Lethalitate determinanda ambiguos ac dissentientes deprehendimus Medicos, ad deponendum desuper postulatos, licet unus horum cordatior illum, propter obscurum & paradoxum ejus tractum ac terminum, à priori haud dignoscibilem, incurabilem asseruerit: cujus sententiam nosmet confirmabamus d. 21. Septembr. 1702. quod tendentia globulorum horum per Brachium ad Pectoris interiora nec ex Symptomatis, nec per lustrationem solertiore ullam, innotescere potuerit.

Non sola autem ipsius lætionis conditio in se talis est, ut prudentiorum dignotionem, quam accuratissime quoque adornatam, effugiat: sed, quemadmodum per circumstantias Vulnerationis externas aliquando ad vulneris dignotionem ducimur, ita si & his destituamur, silet ac cessat omnis ars, v. g. reperitur in via publica percussus, sine suggillatione, vulnere, & nemo adest, qui testetur de percussione, nec ipsemet æger, quia sine sensu & aphonus, quem Hippocrates t. 10. & 11. ut passus sit & quomodo interrogandum ait, horum aliquid indicat, vel indicare valet: nonne huius v. g. calvaria contrassitura, hinc vasorum cerebri ruptura, quia nullo modo dignosci valent, incurabilibus, adeoque lethilibus, adscribendæ? ideo quod Ars, quæ non sufficit ad cognoscendum, nec sufficiat ad sanandum.

Quam difficultatem, partem internam primario læsam ac lætionis indolem curatius dignoscendi, aliquando etiam patrat situs seu figura corporis aut membrorum, sub ictus illati momento observatus ad qualem se componere sauciatus plerumque nescit, nec Medico, nec Chirurgo fingere semper licet, magni interim momenti in hoc negotio circumstantia, & quam vel casus antecedanei, ratione obliquitatis vulnerum declarare poterant; quo ignorato tractu seu sinu, partes profundiores, quæ læsæ, necessario nos latent, consequenter modus illis medendi. Ne dicam de vulneribus, tenuiore ensis mucrone factis, & facile denuo concidentibus, qualia oculum Chirurgi aliquando fugiunt, nec quæ intrinsicus læsa, internoscere concedant.

Sed magis forsitan paradoxum erit, si per figuram vulneris huius lethality aliquando determinari; aut ad minimum intendi moderarique, dixero: non gratis tamen me hoc attentare, inde puto, quod quarumvis v. g. partium plagæ circulares, seu in orbem factæ, pessimæ ac difficillimæ consolidationis deprehendantur, ut præter experientiam Pareus Chir. lib. 8. cap. 4. ratione hoc evincit, quod labia vulnerum notæ, nisi per angulum, h. e. duarum linearum combinationem, uniantur, quod in vulneribus circularibus locum minus habeat, dum hæc figura unica linea obliqua absolvetur: Vulnera quoque eo majora censeantur, quo magis distant eorum labia, quod vulneribus sphericis contingat &c. Si proin visceri alicui, cujus usu integro sine vitalitatis discrimine carere haud possumus, ejusmodi circulare aut cujusvis ad coalescendum minus aptæ figuræ vulnus inferatur, nonne ideo, id est, ob figuram sui incongruam, plaga redditur lethalis, alias & sub alio schemate sanabilis ac salutaris?

Quoniam nihilominus vix adeo frequens hæc lethality ætiologia observatur, missis intrinsicis ad extrinsecas mortis à vulneribus progredior causas, inter quas, & quidem necessarias

atque inevitabiles magis, primo ipsa vulnerati textura seu constitutio naturalis occurrit, quam vel crasis & conformatio congenita, vel ætas ingerit. Observo equidem ex Scriptorum, in lethalitatis formalitatem & causas inquirentium, lectione, eorum plures binas has vulnerum indiguitas circumstantias illis tantum causis adscribere, quæ illorum in se sanabilia per accidens lethalia reddant; quod quidem illis per me liceat: ostendere tamen haud vereor, easdem, aliquando ad minimum, vulneris lethalitatem per se inferre.

Quippe quemadmodum, ubi iudicium de hac expectitur, non, quomodo illa in genere, sed quomodo in Paulo, v. g. Petro aliove individuo, à vulnere mortuo, se habeat, i. e. an immediata mortis causa in hoc subiecto determinatum vulnus, v. g. ventriculi, epatis, mesenterii &c. an secus, extiterit? quæstio est: Sic Responsum quoque sub iisdem terminis specialioribus concipi debet, nisi concipiens stupiditatis notam penes sagaciores incurrere gestiat. Quod si E. ejusdem individui caput calvaria gaudeat tenuitatis extraordinariæ, adeo ut ab alapa aut baculi exilioris ictu frangatur: quæro, an fractura hæc per se, an per accidens, lethalis nuncupari debeat? Respondeo, non per accidens, quia percussione & mortem nihil causalitatis intercedit intermediæ, prout per definitiones superius traditas & ab omnibus admittas suppono: sed quoniam à partis percussæ conditione individuali huiusque læsione cuncta symptomata mortifera aut ipsa mors immediata immediate dependent, per se lethalis videtur. Pari siquidem fundamento ac si propter habitum individui robustiorem, hinc v. g. crassitiem ac soliditatem calvariæ extraordinariam (qualem v. g. in cadavere scæmineo olim aliquando à me publice dissecto mecum annotarunt trepanationi, in eodem subiecto administratæ, adstantes, digiti nempe minoris crassitieci parem) vehementius percussus nec fracturam, nec lethalia symptomata patiatur, hoc individuum mortis periculum non per accidens, sed per se & per suæ texturæ resistantiam, superasse omnes asserent: ita si per texturam individualement, qua corpus ad resistendum violentiis externis minus potens, aliud individuum percussum moriatur, à percussione, ut tali, ac per se hoc mori, evidens satis est. Porro vulnera abdominis, huius musculos & peritoneum perforantia, nihilque huius ventris interaneorum lacerantia, communiter non lethalia observantur: quod si vero concipiatur subiectum, cujus vena atque arteriæ umbilicales præter consuetum naturæ morem, paulæ sunt, ac sanguine scateant, qualem conformationem *Coiter. obs. anat. chir. pag. 117. Kerckring. spicil. anat. obs. 7.* aliique Anatomici testantur, hocque ratione dicta saucietur, hinc ex vasis illis unum alterumve discindatur, profecto vulnus hoc non, nisi per se lethale, vocari poterit. Præter reliqua viscera Lienem dislocarum diversi anatomici testantur, v. g. ad regionem hypogastricam & super vesicam urinariam *Ballonius Epidem. & Ephe- mer. lib. 2. Blasius part. 1. obs. med. 14. & Schræderus obs. anat. med. dec. 3. obs. 4.* ad medium abdominis seu regionem umbilicalem *St. Blanckart. collect. Med. Phys. cent. 4. obs. 46. & C. Stalpart. van der Wiel. cent. 1. obs. 37.* Si itaque contingat, ejusmodi hominis vulnerari regionem umbilicalem aut hypogastricam, & sub hac reconditum Lienis viscus cellulosum huiusve vasa perforari ad mortiferam usque hæmorrhagiam: sine dubio in hoc subiecto, cui ejusmodi lienis situs connatus, erit vocandum vulnus illud lethale, utpote quod hæmorrhagiæ illius primaria, immediata & solitaria causa, licet pluribus aliis individuis ejusdem regionis similis punctura vix ullum notabile symptoma moverit.

Par ætatis in discernenda percussionum mortalitate videtur ratio, cum in pueris v. g. casus ejusmodi non tã fingere, quam quotidianos attendere, liceat, sub qualibus vul-

nus per se lethale evenire poterat, in adulterioribus minus tale: & quidem non tantum ratione teneritudinis totius, caloris majoris, minoris temperationisve &c. sed potissimum conformationis partium vulneratarum naturalis ætati huic adæquatæ atque perpetuæ. Revocare huc mihi concedatur plagas, abdomen sine viscerum læsione penetrantes, qualium modò mentionem feci, & quales in adultis nemo facile pronunciaret mortales: quod si autem ex tali pereat infans paucorum dierum, ac in sectione hujus venter ille sanguine plenus reperiatur, ob sauciatam videlicet alterutram arteriarum aut venam umbilicalem, nonne per se, imo absolute & simpliciter, lethale hoc dicendum puerile vulnus. Similiter si cranii ac cerebri in puero teneriore sumnam ponderemus molliem ac tenuitatem, nonne hæc illius habitudines, quo minus nec levioribus ictibus sustinendis ejus caput par sit, faciunt, id est, ut calvaria facilius deprimatur, vascula, aut ipsi cum meningibus ac cerebro communia, aut huic propria, rumpantur, molliora ac succulentiora ejus ossa, annotante *Hipp. de Vuln. cap. 1. 25. & Pav- vio p. 219.* citius putrescant, cerebrumque vehementius commoveatur, ejusque ad fluorem usque adhuc mollioris tractus cum functionum animalium disturbance ac extinctione distorqueantur, lacerentur aut omnimode obliterentur seu destruantur? hincque læsio, huic ætati minus tolerabilis, dicenda erit per se, & forsan aliquando absolute lethalis? Præterea si v. g. sanguis extravasatus, sub calvaria pueri tenerioris congestus, mediante trepano educi nequeat, vel quod mollior ipsius textura ejusmodi operationem ancipitem sine convulsionum metu haud ferat, vel quod calvariæ flexibilitas ac teneritudo, seu hujus futurarum laxitas, instrumenti impetum vix sustineat: sane hæc incurabilitatis causæ non accidentales seu evitabiles, sed res corpori ejusmodi secundum naturam ac necessario inhærentes, ictum talem per se lethalem faciunt, quod omnem medelam respuat. Nec Senectuti tantum est pondus, quod vulnus, ex quo juniores frequentius evadunt, seniori subiecto hinc fati cedenti, pariter minus mortale extitisse persuadeat; quasi nimirum illud occasio tantum, ætas vero immediata & effectiva causa, hujus eventus fuerit, i. e. sanatus fuisset percussus, modo senectus non obstitisset: & per consequens non vulneratorem, sed vulneratū, ad grandioris ejusmodi ætatem evectum, mortis culpam gerere. Eo ipso enim, dum, si vulnus haud illatum fuisset, senex, valetudine satis mediocri gaudens, forsan per plures adhuc annos vixisset, illud non occasionalis, sed vere efficiens, symptomatum & mortis causa pronunciari debet: senium vero causa tantum per accidens videtur, utpote quod, hincque corporis robur exilius, percussione accidentibus resistere haud poterat, aut est ac juvans atque accelerans duntaxat. Adeoque quamvis plaga illa non sit tanta, quæ in juvene aut ætatis consistentis homine robusto convulsionem, aphoniam, febrem, gangranam &c. concitare valuerit, viresque enormiter & ad mortem usque mox prostraverit, sufficit tantam illam existere, quæ decrepito debiliore vere & effective talia symptomata graviora intulerit, quæ alias & ab intrinseca causa haud emerissent, & quorum, hincque evenientis mortis, causa, utique vulnus, judicari debet, nec aliter potest.

Ad res & causas præternaturales propero, ubi an corporis vulnerati infirmitas, seu morbi præcedanei, vel ad hunc prædispositio percussione per accidens tantum lethalem, efficiant, decidere mihi vix præsumerem, nisi præter Ictos quosdam, qui vulnerantem infirmum, si hic decedat, de homicidio teneri, etiam vulnere in se non existente mortali, decernunt, *Galenum quoque de causis procatarct. c. 2. Zacchiam, lib. 5. tit. 2. quæst. 3. & 6. ac Fienum l. a. pro lethalitate per se militare animadverterem: ideo quod dato, vulnus non mortale, ex corporis vulnerati impuritate ac morbifica dispositione mortale fieri posse, vulnerans morti proximam causam*

causam dedisse videatur, & ex corporis infirmitate sola, absque vulneris accessu, non decessisset idem subiectum.

Quia nihilominus ex Jurisperitis *Caballus de omni genere homicid. n. 330.* & ex Medicis *F. Fidelis lib. 4. cap. 9.* à sententia hac recedere videntur, pro quaestione hac, dubiis multis undique stipara, solvenda, ante omnia & primo considerandum puto periculum seu gravitatem & levitatem vulneris, ut talis, quarum hæc seu vulnus leve, propter supervenientem mortem lethale per se proclamari nequit; id est, si hoc non ut plurimum aut frequentius lethale fuerit: contra si periculum majus vulnusque in se gravius, quamvis forsitan simile in subiecto firmiore aut robustiore sanetur, vel sanatum fuerit, in hoc tamen individuo, cui mortem per symptomata sibi intrinseca, inferebat, v. g. vulnus capitis per insipientiam, convulsiones &c. omnimode mortiferum pronunciari debet; neque vulnerari v. g. exuperantia humorum pituitosorum, ulcus pulmonum, ventriculi atonia &c. illud per accidens lethale reddent. Multo minus occisori favebit, si vulnere per se lethali decedat percussus, qui vitam miseram & valetudinariam hætenus egit: quatenus in robustissimo quoque & sanitate optima fruente subiecto idem eventus à simili vulnere obtigisset, id est sola hæc plaga effectui illi funesto sine morbo antecedaneo, adæquata extitisset: Neque pro eodem sub tali casu res decidi poterit, quasi, si morbi gravitas ac periculum evidens, v. g. phthisicos aut hydropis conclamati, apoplexiæ quarti gradus, seu fortissimæ, vulnus, quamvis in se ut plurimum Lethale, mortis factæ causa non videatur, quod tale aliquando salutare observatum fuerit: cum mors ex morbo nihilominus antecedaneo incerta sit, quatenus phthisicos, hydropicos ac apoplecticos desperatissimos aliquando inopinato convalescere, præter Scriptorum testimonia Experientia loquitur, ita quidem, ut ex apoplexia v. g. mortuos ante triduum haud sepeliendos lege publica cautum sit. Imo et si de funesti morbi eventu certissime constaret, vix tamen constabit de ejus termino: ita ut vulnus superveniens eundem antevertere forsitan videatur, pereatque non ex illo, sed ex hoc, vulneratus.

Deinde distinguendum auguror inter causalitatem infirmitatis præcedanæ minus necessariam seu separabilem, qualis v. g. dum referente *Munardo* ex impuritate corporis erysipelas simileve quid vulnerato accidit: & inter necessariam ac inseparabilem magis, quam binis exemplis seu casibus declarabo, quod conceptu generaliore eam exprimere nondum audeam. Perfoditur v. g. herniosi scrotum, ut simul enormiter lædantur intestina, ad hoc devoluta, quod Vulnus Scroti in se nequaquam lethale, ob morbum hunc intestinorum in situ (qui pariter in se non mortalis) lethale evadit: id est, ipse hic morbus antecedaneus causalitate sua ad lethalitatem ita concurrat, ut ipsi nihil detrahat, sed eandem potius conciliet. Contra, si vulneretur levius idem scrotum, intactis intestinis inhærentibus, & vulnere superveniat inflammatio, quæ repositionem intestinorum moretur, hincque vomitus stercorei & cum aliis symptomatis mors eveniant, vulnus infictum per se lethale dici haut poterit, quod evitabilis fuerit hæc causalitas seu inflammatio i. e. non semper & necessario superveniat. Porro sinistro v. g. rene, ulcere calculove, eousque affecto, ut secretio & excretio urinæ in hoc per otiduum turbetur, aut, ut sectiones cadaverum perhibent, plane consumpto vel deficiente, qualia exempla ex *Solenandro sect. 5. consil. 5. Job. van Meekren obs. chir. 37.* & *Cornelio Stalpart. van der Wiel obs. 52.* aliisque petere licet, si vulneretur dexter, non quidem vulnere in se lethali, id est, quod vasa majora aut Pelvim petat, tali tamen, cui superveniat inflammatio, hujus etiam functionem secretoriam ac excretoriam ad interitum usque ægri turbans; an in hoc subiecto non, nisi mortalis,

Bibliot. Chirurg. Tom. III.

poterit pronuciari plaga tenis dextri?

Ferendo huic judicio me eo promptius applico, quod *Boerius decis. 323.* alique Jurisperiti in casu ejusmodi, si vulnera duo quis patiat, quorum prius non mortale, posterius mortale, existat, sentiant, posteriorem vulnerantem de occiso teneri, i. e. dolorem, vigilias similiaque symptomata prioris plagæ, hincque emergentem infirmitatem, non impedire, quo minus vulnus posterius, in se lethale, tale pronuncietur: per consequens nec valetudo adversa seu debilitas corporis præcedanea ulla alia vulneris revera mortalis, lethalitati, aliquid derogabit, sed Medicos quoque lethale hoc dicere jubet sana ratio. Imo quamvis ipsa pars morbofa, v. g. caput doloribus frequentioribus expositum, pulmo exulceratus, ventriculus anorexia & dyspepsia laborans, vulnere alias lethali afficiatur: quia nihilominus hæc pathemata morti subito inferendæ minus proportionata sunt, seu eorum lethalitas non adeo evidens & certa est, vulnera ejusmodi, iis non obstantibus, utique lethalia pronuciare conveniet: contra, si eorum periculum evidentius & horum lethalitas dubia, seu per accidens saltem eveniat.

At quid denique censendum, si vomica pectoris, apostema abdominis, &c. alias lethales affectus, à percutiente ita perforantur aut rumpantur, ut ad cavitates dictas præcipitata materia purulenta ægrum brevi interficiat? vel si asciticus vulneratus confertim nimis aquam, & cum hac animam, profundat? nonne vulnus ejusmodi causa mortis immediata erit? quod ancipites etiâ hi morbi inexpecta plane ratione aliquando à natura solvantur, adeoque de eventu eorum ultimo in hoc quoque subiecto incerti sumus? Ambigo.

Quod si vero de vulnere nec absolute, nec frequentius, mortifero, sed de tali, quod in se ut plurimum sanabile observatur, sermo fuerit, simulque ejusmodi infirmitatis præcedanæ seu status valetudinarii supponatur causalitas, quæ symptomata mortalia non necessario patret, i. e. illud propter cacochymiam v. g. gangranam febremque graviolem moveat: res dubia magis & iniquior forsitan videbitur illius severitas, qui ex ejusmodi casu mortuum vulnere per se lethale occubuisse asseteret, hinc vulnera autem homicidii accuseret. Quoniam nihilominus, si de symptomatis constet, ea ex vulnere ipso emerisse, hoc in corpore cacochymico debili ac valetudinario se ut causa mortis proxima & efficiens habet, eo quod absque illo infirmus seu cocochymicus nequaquam decessisset; neque dici potest vulnere novum supervenisse morbum, quatenus conditio seu constitutio ejusmodi corporis non aliter fert, quin alias salutare vulnus in eo semper præva symptomata & per horum atrocitatem mortem causetur: dyscrasia illa viscerum, cachexia, partis læsæ imbecillitas &c. causæ tantum per accidens, seu occasionales, non effectivæ, pronuciari debent, utpote ratione quarum accidentibus, quæ idem vulnus sequebantur, resistere subiectum hoc morborum minime poterat. Per consequens, vulnus, quod in hoc vel illo individuo, intuitu determinatæ seu valetudinariæ dispositionis, magnum & grave fati est, mortemque in similibus subiectis ut plurimum pedilequam habet, accidentium quoque suorum & mortis hinc evenientis causa proxima audiet. Ut proin percussor ille, cujus *Bonetus Anat. pract. lib. 4. sect. 3. obs. 29. §. i.* meminit, satis prudenter dixerit, audiens, cacochymiam biliosam ab ictu externo commotam symptomata lethalia in percusso excitare potuisse, qui evasisset, si illam humorum colluviem ante rixam pharmaco exclusisset: gratias ago pro salutari monito, nunquam enim deinceps cum quopiam altercabor, quin eundem prius sic adoriar, cura tibi corpus expurgari & venas sanguine depleri, demum te, prout promeritus es, mulcabo. An vero, qui illud intulit, Homicidæ nomen ac pœnam mereatur? alterius est fori.

Hhh ;

Contra ;

Contra, si vel vulnus ratione exilitatis, seu levitatis suæ tantis symptomatis, nec in valetudinario subiecto, inferendis non facit proportionatum, vel alias evidens sit, accidentia hæc minime à vulnere, sed à procatarxi corporis, ut tali, emergere, v. g. si vulnere cruris parvo superveniat in cachectico gangræna, pulmonico &c. subiecto strangulatio: non ex hoc, sed ex illa, mortuus iudicabitur vulneratus, neque hoc lethale dicendum; cuius etiam generis videtur, quod paulo post ex *H. Augenio* in scenam producam. In præsentiarum exempli loco sit rusticus ille, ex pugno pectori inflicto mortuus, cuius historiam *Bogdan.* apud *Bartholinum cent. 4. epist. 11.* describit. Sc. ebrius hic ex pugno pectoris supinus sternebatur, extemplo conquestus de frigore, dolore lumborum & ambulandi difficultate, nihilominus post aliquot horas extra urbem ad suos se conferens: ubi decumbebat, sanguinem spuebat & laterum gravissimis puncturis excruciabatur, cum siti ingente, delirio & convulsionibus functis. Ejus cadaver cum iussu magistratus inspiceretur, in dorso & lumbis comparebant macule longitunculæ, instar vibicum, incisæ tamen nihil sanguinis extravasari exhibentes, pudenda ad gangrænam usque livida, & in sinistro Olecrano ecchymoma, fœtor simul horrendus. In aperto abdomine omnia integra & salva. Sub thoracis mamilla dextra, plagæ inflicte vestigium, macula nempe livida, sine effusione tamen cruoris, omnique costarum ac sterni læsione: interiora vero hujus ventris cuncta quasi fumo fuscata conspiciebantur, pulmones undique pleuræ adhærescebant, exsucci, intus putidi & instar puris inspissati atque exsiccati. In cordis, omnino flaccidi, ventriculo utroque polypi ingentes, in capite vero pariter dissecto nihil præternaturalis reperiebatur. Quem percussum non à percussione violentia, sed cordis & pulmonum imprimis prava diathesi, periisse, idem *Bogdan.* cum Medico & Chirurgo sociis egregie l.a. deposuerunt.

Quod casum concernit, quem ex *Manardo lib. 6. epist. 1.* allegat *Zacchias*, quendam sc. ex vulneribus capitis binis levioribus vixque calvariam attingentibus, propter erysipelas ac febrem octavo, & paralyfin atque loquelæ deperditionem duodecimo, die, sine ullis pravis symptomatis, quæ de cerebri læsione suspicionem movere poterant, præviis, supervenientes, decimo quarto decessisse: hæc equidem vulnuscula vitiosorum humorum motui lethali aliquando occasione existere & mortem inde secutam ex humoralis æque ac locali procatarxi, non illorum magnitudine, contingere posse, *Manardo* facile largior. Quia vero nec cacochymiam totius, nec infirmitatem capitis, præcedaneam evincit idem, ac neglexisse videtur cadaveris sectionem atque inspectionem: in fabro illo ferrario, de quo quæsitus respondebat, an res ita se habuerit, ambigo, potissimum cum argumenta illius haud sufficientis connexionis appareant.

Multominus *Zacchia* condescendere possum, qui dum vulnera hæc cum *Manardo* non per conditionem sibi intrinsicam & ex symptomatis, à vulneratione immediate dependentibus, sed à procatarxi individuali, lethalia reddita fuisse concedit, vulnérantem nihilominus proximam morti causam dedisse, scribit: quatenus quæ in iisdem à *Manardo* supponitur, exilitas occasionem tantum pravorum humorum motui subministravit, ac proin symptomatum lethalium causa proxima vulnera vix extiterunt.

Memorabilis ac difficilioris solutionis mihi videtur Casus, à Præfecto Quæsturæ Reinhartsbrunnensis-Gothanæ Anno 1701. d. 12. Nov. Collegii Nostri decisioni expositus: quem prudentiorum disquisitioni commendo, idèd prolixiore paulo stilo eum delineans. Verberibus variis ac duris à duobus Compotatoribus excipiebatur, pedibus conculcabatur, tandemque de scala dejiciebatur præceps *Valentinus Just*, Minister nominatæ

Quæsturæ pragmaticus, Vir alias robustus & quadratus. Hic quotidie in pectus ruebat, licet parum hinc decuberet, conquestus interim de algore totius cum æstu alternante, dolore pleuritico, oppressionem pectoris, tussi ferina, appetitu Ventriculi prostrato & Corporis Contabescencia evidente: donec post quatuor fere Septimanarum decursum, sub ardoris in dorso vehementioris sensu, morte repentina suffocatus perierit. In ejus cadaveris Thorace Cordi ac Pulmonum dextro lobo, non sine stupore, annatum cernebatur Sreatoma glandulosum, trium circiter librarum pondo, quod Scirrhum Cordis aut magis, Pericardii ajebant Prosectores. Pulmonum compages hinc inde similibus tuberculis glandulosis, mole globis bombardarum paribus, stipata erat: Spina autem dorsi à superiore ad undecimam vertebram valde intorta atque incurvata, & in sinistro Thoracis latere folliculus comparebat membraneus, palmam æquans, qui ruptus procul dubio, sub ardore præcedaneo, quod continuerat, demum ad cavum Pectoris, ad suffocationem profuderat, serum cruentum notabilis quantitatis. Neque tumor ille Cordis ac Pulmonum à percussione hac ultima, sed antiquioris originis forte ac profapiæ, videbatur: Et si, quod mirari meretur, sine molestia horum Organorum & eorum actionibus conturbatis, virium attritione ulloque valetudinis incommodo gestarit eundem miser ille. Curvatura vero Dorsi, hujus sugillatio & Abscessus sanguinolentus brevioris forsitan ætatis & percussione atque delapsus producta erunt. De qua re dum querebatur, an lethaliterem involvat, dubie responsum fuit: Contorsionem equidem Spinæ, Sugillationem internam ac Apostema cruentum probabiliter à violenti illata facta fuisse; profusionem autem Seri sanguinolenti una cum Cordis Pulmonumque tumore glandulo-scirrhoso mortem hujus subiecti mutuo concursu accelerasse, ac solas læsiones, ab extra factas, minime per se lethales asseri posse.

Circumstantiis externis necessariis, Lethalitem vulnerum moderantibus seu determinantibus, accenseo atmospheræ certam ejusmodi habitudinem, quæ quamvis forsitan ad diætā potius seu egri gubernationem ac Chirurgi Curationem, adeoque ad contingentia magis, videatur spectare, quin tamen sub certa relatione eam rem inevitabilem magis asseram, nihil me moratur. Suppono nimirum ex diversorum Celebrium Magnæque Experientiæ Scriptorum consensu, quibusdam non tam Zonis ac Climatibus, v. g. dum *Sebizius Examin. Vulner. prodr. part. 3.* vulnera capitis in Germania præ Hispanorum ac Italarum minus periculosa & *Paw. in Hipp. de Vuln. cap.* læsis capite aërem circa lineam æquinoctialem insaluberrimum testatur, quam urbibus ac agris particularibus magis peculiare contingere cælum, Vulneribus his vel illis modo propitium, modo infestum magis. Sic v. g. *Pareus de Renunciat.* de tempestate, quæ olim in obsidione Rothomagensi & in agro Dionysiaco regnabat, omnes glæde, sclopeto ignivomo elisa, vulneratos de vita periclitatos fuisset perhibet, imo *Idem Chir. lib. 10. cap. 8.* cum *Guidone de Cauliaco* capitis plagas Lutetiæ Parisiorum contumaciores longe, quam Avenioni, ubi tibiatarum vulnera difficilius, quam Lutetiæ, sanantur, deprehendi, asserit. Atmospheram Florentinam *Vidus Vidius lib. 6. de Curat. membrat. cap. 2.* eandem cum Ferrariensi *Quercetanus Sclopetar. cap. 3.* Florentinam cum Bononienſi *A. Lusitanus cent. 6. curat. 100. Jerem. Martius obs. 18. & Joh. Udalric. Rumlerus obs. 76.* capitis pariter vulneribus peitiferam maxime referunt, contra, in agro Ragusæo & Romano vix enormissime capite fauciatos decedere, posterior subdit. Temporarium ejusmodi influxum de Mantuano aëre testatur *M. Donatus de Variol. cap. 2.* dum inquit: jam agitur quartus vel quintus annus, quod in civitate nostra Mantuana, quicumque in capite vulneraban-

zur, licet leve admodum *Vulnus* ipsis inflatum esset, quovis administrato auxilio sanari minime potuerant, qui tamen influxus post tertium vel quartum annum penitus abolitus fuit, ita ut nunc fere nullus eadem in parte fauciatus moriatur &c. Denique in obsidione ultima Regni Candiae Metropolis peculiarem & vulneribus adeo exitiosam aëris malignitatem annotarunt Chirurghi, ut potior fauciatorum pars periret, testante hoc *Leonh. Tassin* *Chirurgie Militaire*. Quibus ita se habentibus vulnera tali tempore ac in ejusmodi locis inflata, sine dubio per se lethalia dici debent: quod aëris hanc texturam cœlive constellationem aut quamvis habitudinem, sive endemicam sive epidemicam, nec ægro, nec chirurgo, emendare aut immutare, adeoque intuitu hujus effectus non minus accidentale quid ac aliarum provinciarum & locorum constitutiones, morbos communes producentes ac fovescentes, asserere, concedatur.

Pergo ad res contingentes ac ad Lethalitatem percussionum indifferenter magis se habentes: i. e. pro quarum diversa relatione ad vulnus hoc modo mortale, modo non mortale, appellandum. Inter quas primo occurrunt symptomata, illi supervenientia, quæ insulsi ac perversi occisorum defensores, ut circumstantiam, qua vulnus per accidens tantum eveniat mortiferum, allegant, id est, non ex hoc, sed ex accidentibus, vulneratum occubuisse, judici persuadere frivole satis moluntur: cum nihilominus interdum perinde sit, mortem ex ipso vulnere immediate, ac ex symptomatis, evenire. Quatenus hæc & illud aliquando, imo forsitan ut plurimum, ut causa & effectus, inter quæ symptomata mediant, se habent; sive hæc vulnerationem mox excipiant, sive paulo post superveniant: ita ut, qui ex hæmorrhagia vulneris moritur, moriatur revera ex vulnere, qui ex apoplexia ab ictu capitis vehementiore concitata, perit, à percussione interficiatur, pariter, qui à lipothymia & asphyxia succumbit, ex vulnere cordis, illarum causa immediata seu proxima, decedat. De cœtero quemadmodum ex symptomatum gravitate ac multitudine læsionis gravitatem in vivis adhuc, & antequam eorum læsas partes penitus inspicendi ac secandi copia fiat, auguramur, ex illorum absentia plus salutis fauciaris pollicemur: ita præter & post inspectionem quoque factam attendere jubemur symptomata plura & vehementiora, ac vulneris ad mortem influxum ex horum syndrome colligimus; sin mitiora aut nulla adfuerint, potissimum si vulneratus aliquandiu supervixerit, non raro de plagæ etiam atrocioris, mortalitate ambigimus, dum v. g. *H. Augerius tom. I. lib. 9. epist. 2.* de vulnere quodam capitis judicium ferens, illud non lethale fuisse inter alia inde concludit, quod nulla symptomata, ut cerebri ac membranarum discissarum signa, sc. vomitus biliosus, corporis syderatio, adfuerint. Paucis, supervenientia & perseverantia symptomata, v. g. febris, dolor, spasmus similiaque, ex quibus percussus in deterius labitur, ac mortem tandem obit, hunc ex vulnere mortuum præsumere faciunt, pro contraria vero militat præsumptione, ubi contrarium evenerit, i. e. nulla eorum vulneri superveniunt, aut brevi evanescent seu notabiliter remiserint eadem.

Cum autem symptomatum, vulneratis exitiosorum, triplex observetur genus, & horum alia ex vulnere ipso, ut tali, hinc à parte læsa immediate, emergant; alia aliam extra vulnus causam agnoscant; alia indifferenter se habeant, id est, modo à vulnere, modo aliunde eveniant: probe omnes ac singulæ ponderandæ sunt in vulnerato circumstantiæ, & ex harum demum collatione, cujus generis sint illa individui præsentis, prudenter inferendum.

Primæ & secundæ classi accidentia dirimit I. functioni membri fauciati & symptomatum emergentium collatio: i. e. si hæc illas turbent, à vulnere, contingunt, hocque

lethale reddunt; sin alterius generis fuerint, aliunde dependent, nihilque lethalitatis ipsi adferunt. Sic v. g. vulnus ventriculi qui comitantur, singultus, nausea & vomitus, qui affectus soporosi, epilepsia &c. plagam capitis excipiunt, ex læsione, ut tali, eveniunt; proin si vehementius & ad mortem usque affligant, ex illis, hæc concitantibus, æger mortuus, eademque per se lethalia dici debent. Sin vero, e. g. Vulneri vesicæ sese jungat dolor pleuræ punctorius, dyspnœa, tussis cruenta &c. qualia non vesicæ functionem frustrantur, aliam extra illud hæc symptomata agnoscunt causam: & per consequens, ex his si pereat vulneratus, non ex vulnere perit; potissimum hac accedente circumstantia, quod per prædispositionem vel naturalem, vel præternaturalem, in hoc vel illud symptoma magis pronum fuerit Individuum defunctum v. g. erysipelas, epilepsiam &c. Pluribus casibus ne Lectori nauseam pariam, sufficiant à *Fieno loco superius alleg.* adducta: *Si quis latus in ventre & supervenit apoplexia, & vulneratus esset Senex, probabile esset, illam apoplexiam ortam esse ex propria causa ac dispositione cerebri & non ratione vulneris illius, quia talis morbus non est natus sequi tale vulnus, & verosimile est, talem apoplexiam eventura fuisse, etiam si vulnus non fuisset inflatum, & proinde non vulneri, sed apoplexia est imputanda mors.* Sic si quis in capite vulneratus esset, & superveniat phlegmone, & inde gangræna in pede, ex qua mors sequeretur, tum censendum esset, illum non ex vulnere, sed ex alio morbo qui fortuito supervenit, mortuum esse.

Neque tamen illa tantum symptomata quæ actionem partis læsæ turbant, adeoque immediate magis ab hujus soluta unitate eveniunt, patratore mortis insequentis existunt, sed classi huic pariter accensenda veniunt, quæ alia minusque percussa organa afficiunt, modo constet, eadem à percussione illa, ut tali, quamvis mediate contingere: qualia à capitis læsionibus gravioribus omnium frequentissima observamus, v. g. vomitum biliosum, dyspnœam, urinæ suppressionem, alvi fluxum &c. quem, percussionibus capitis supervenientem, absentibus quamvis aliis symptomatis, cerebri lacerati signum esse, & quidem ut plurimum mortale, *Marchettus obs. med. chir. 15.* asserit. Spectant huc pustulæ, in lingua ex sphacelosa cerebri corruptione exurgentes, & vel cum stupore & aphonia, vel cum partis oppositæ convulsione, per experientiam *Parei lib. 9. c. 9.* mortem inducentes: item illa materiæ purulentæ ex capite ad pectoris & abdominis cavitatem metastasis, qua tractu temporis pleura, pulmones, lien, epar &c. eroduntur & apostemata ac ulcera contrahunt. Ita quidem, ut rei hujus ignari abscessus ejusmodi, in cadaveribus apparêtes, in partibus illis immediate exortos clamitent, eosque, non vulnus capitis, mortis causam primariam existiment, quod ex capite adeo copiosum pus ad inferna viscera delabi, sibi haud persuadeant: quibus nihilominus *Pigraus chir. lib. 4. c. 9. Ballonius de Convulsion. in append. Joh. van. Meekren. obs. Chir. 2. & 3. Ephemerid. Nat. Curios. ann. 2. obs. 119. Bonetus Anat. præf. l. 3. f. 17. obs. 12. & lib. 4. sect. 3. obs. 16. & Marchettus l. 1. a.* contradicunt, ac posterior multijugâ suâ commendat autopsiâ, & quidem sub hac conditione seu circumstantia infallibilem, si nimirum in ejusmodi vulneribus collum, potissimum parte sua antica & laterali, doleat, tanquam signo delabentis ad inferiora materiæ purulentæ. Imo hic recordor gangrænæ in pollice pedis, ex levissimo capitis credito vulnere, in Adolescente contingentis atque in sphacelum lethalem abeuntis: in cujus calvaria nihilominus præter fissuram exilem & inter binas meninges sanguis purulentus reperiebatur. Hinc omne dubium circa casum à *Smerio Miscell. lib. 10. p. 561.* enarratum animo excutere nequeo, ubi quendam ex vulnere capitis cœsim inflato, superveniente pleuritide, post tertiam septimanam mortuum, non vi vulneris, sed morbi

accessorii, periisse, putat: quod nihilominus pus sub calvaria in ictus loco, contrahissuram in hujus lamina interiore, hincque fragmentum squamosum, pollicis latitudinem habens, se in apertura capitis offendisse, ipsemet scribat.

Peculiare insuper aliquid hoc in passu sibi vendicant vulnera quorundam nervorum, in se equidem vix lethalia, intuitu tamen organorum, magni ad vitam usus ac necessitatis, quorum actionem illa sufflaminant, talia dici merentur; i. e. quamvis non in loco vulnerato, sed in membro, ab hoc remotiore, eveniant symptomata, mediantibus quibus interficiunt, v. g. si saucietur collum, simul discindantur nervus octavi paris & intercostalis, hincque contingant deliquia animi, dyspnœa ac tandem asphyxia & suffocatio. Non pathemata mortifera ejusmodi tantum partium hic attendi volo, quæ sine nervorum laceratorum integritate ac spirituum animalium influxu ordinario in actione vitali deficiunt, sc. modo indigatorum cordis ac pulmonum, quod *Guido l. a. ex Avenzoare* innuit, quando, si læsio fuerit in nervis anhelitus, moritur patiens suffocatus brevi, ait: sed illorum pariter membrorum, quæ sympathiam quandam communiter dictam, si quæ ipsis cum nervis, aut in extremitate, aut in medio, seu circa plexus, læsis, intercedat, lethalia symptomata sustinent. Quid frequentius, quam à tendinum & nervorum in artibus contusionibus & lacerationibus deliria, convulsionem aliosve affectus, generari? qualia exempla *Glandorpianus Specul. Chirurg. obs. 41. 42. ac 43.* refert, quos, quamvis mortales eveniant, quia nihilominus ab ejusmodi externorum læsionibus emergunt, quæ, cæteris paribus, Chirurgiæ locum concedunt, lethales per se vix declaramus. Ast liceat ita formare casum, ut vulneretur plexus mesentericus superior aut renalis, aut insertio nervi stomachici reticularis circa orificium sinistrum, hi vero in consensum trahant cor, aut cerebrum, & quidem per ejusmodi symptomata, quæ principium vitale hujusve influxum immediate magis destruunt: & tunc si quærat, an vulnus hujus plexus nervei sit lethale? tacebunt omnes, quotquot materiæ huic disquirendæ se hæcenus dicarunt Scriptores.

Cerebrum à nervi cujuscunque punctura, contusione &c. in consensum rapi, illamque ad nervorum (reliquorum) convulsionem excitandam promptam esse, ratione continuitatis, quæ huic cum illo, ut suo principio, intercedit, *Galenum art. med. cap. 92.* animadvertisse, legimus: quia vero idem subdit, ac tum præsertim cum nihil extrorsum expirat, obcæcato cutis vulnere, non sine ratione me acturum confido, si internorum seu in cavitatibus reconditorum nervorum majorum læsiones, quæ convulsionem totius funestam patrant, per se lethales asseram; quod omnem medelam, imo extremam quoque, sc. præsectionem, propter situm, renuant. Verum vulnera plexuum ac nervorum abdominis Cor & Organa Pneumonica ad mortem usque spasmus concitatis afficere posse, ac, si afficiant, ideo per se mortifera dici debere, paradoxum magis judicabunt, quos Anatomie Nervorum, à Neotericis demum accuratius exculta, latet: qui nihilominus sibi facile hoc persuadebunt, modo, si forsitan ipsi operi manum commodare detrectent, *Willisii* ac *Vienssens*, Scripta, improbo labore congesta, legere malint; quod antequam ab iis impetravero, frustraneus foret conatus, quem in ejusmodi hominibus, qui primis fundamentis destituuntur, informandis impenderem.

Præterea an accidentia lethalia à vulneris conditione, an aliunde, eveniant, dignoscitur forsitan II. ex tempore invasionis, i. e. si mox cum vulnere, aut brevi post, aut tunc temporis, v. g. die quarto, quod inflammationis audit, ingruant plagæ, non alterius causæ, producta censerentur debent, quod talia errores in diætâ & medentiū incuriam imperitiāve, à quibus vulnus per ac-

cidens lethale fieri poterat, excludant: secus, si vulnerationem præcesserint, aut tardius, ubi nimirum res in salvo videbatur, demum emergant eadem.

Ita cum plerisque sentit *Farinacius Conf. crimin. lib. 2. conf. 171.* quale quid tamen cum discretione seu judicio pleniore tantum admittendum. Non modo, quod ex solennioribus & inevitabilibus magis plagarum accidentibus quædam non primo statim harum momento, sed tertia quartave die demum, aliquando compareant, inflammatio sc. Febris, dolor alięque ex his emergentes molestiæ: verum quod aliquando talia accidentaliter quoque vulnerato longius post supervenire queant, quæ peculiariter in hoc concitent mala eaque gravissima atque lethalia, & quidem immediate ex vulneris habitudine. Hujus loci reddere licebit casus illos, quos superius recensui, sc. ubi portiuncula pinguedinis vulnus Venę Iliacę ad plures dies eousq; obturabat, ut decimo tertio demum Hæmorrhagia lethalis vulneratum enecaret: item ubi ex relatione *Th. Bartholini* Arterię cruralis vulnus à grumo sanguinis eousque fuerit obturatum, ut enormior hæmorrhagia ad decimum quartum usque hinc interpellata fuerit, hocque symptoma tardius recidivans mortem attulerit. Ut taceam, tela, globulos similiaque extrinsecus immissa atque aliquandiu relicta fluorem equidem sanguinis lethalem aliquantisper interdum morari, haud tamen omnimode avertere. Proin perpetuę consequentiæ haud erit, ideo, quod symptomata percussum non statim à principio præhenderint, vulnus non esse lethale: quemadmodum nec connexio undique valida videtur, pro inferendo vulnere lethali ex symptomatis mox corripientibus, si sc. temporis tractu secundum rationem mitescant aut cessent, prout ex tertia conditione elucescet.

Quod III. eo certius erit, si eadem symptomata à principio ad mortem usque perseverarint, aut si alia ejusdem generis accidentia pristina excipiant, v. g. nausea vomitum, vertiginem epilepsia, utraque tamen in pectus semper vergant.

Neque tamen cuncta symptomata, quæ vulnus mox sequuntur, & ad mortem usque durant, ideo illius effectus credere convenit, sed eorum quædam aliam quoque causam & apparatus morbificum internum agnoscunt; si nempe vulneris conditioni non fuerint congrua, & procatarxis morbifica ex signis pateat. Ex quo fundamento *H. Augenius* v. g. loco allegato febrem continuam, in leviori capitis vulnere, ipso vulnerationis die exardescens non symptomaticam, sed primariam, ait, i. e. quæ propriam habeat consistentiam, à vulneris occasione distinctam: quod vulneratus ab aliquo jamdum tempore prædispositionem febrilem, seu biliosarum cruditarum congestionem, aluerit, hinc in cephalalgiam ac lassitudinem totius ulcerosam inciderit, morbi imminentis prænuncias; evacuationem humoris peccantis præscriptam neglexerit, & febris citius justo eum invaserit, antequam sc. vulneris vehementia tanta vel putredo in cerebro vulnerato exoriri poterat. Nec, si melius quandoque se habeat vulneratus & symptomata aliquandiu remittant, aut cessent, pereat nihilominus à plaga ille, in alias ab hac causas culpa sæper referenda, eademve mox non lethalis proclamanda: cum annotante *F. Fidel. l. a. multas ac graves invenias aggritudines, ac præsertim malignas, quarum aliquando sevities intermittat, mortem tamen propria natura adferunt*, quidni vulneribus quibusdam simile quid contingeret, ut & hæc videantur curari, ac æger melius inde habeat, illa nihilominus serò postmodum per symptomata aut pristina, aut nova, ad mortem usque ingravescant? Induciarum ejusmodi perfidiam sæpius experiuntur vulnera capitis, quorum quædam parva, superficialia & sine omni calvariæ fractura videntur, cum nihilominus sanguinis ex vase interiore, à contusione lacerato, extravasatus longiore demum temporis tractu,

ctu, v. g. decimo quarto aut trigesimo die putrescat, suppuretur, cerebroque phlegmonem, sphacelum aliaque mala & symptomata inducat.

Nec deficient Casus, ubi post graviora vulnera & prava horum symptomata percussus quidem reconvalescit, recidivas nihilominus horum aliave experitur accidentia & moritur: quorum illud per robur naturæ, vim lésionis & accidentium superantis evenit, hoc concipiendum, si cruor extravasatus hætenus nec premendo, nec vellicando, aliquid molestiæ attulerit, tandem vero in putredinem abripiatur, inflammationem concitet & suppurecat; In qualibus decernere vel ipsa Lex divina nos instruit, dum *Exod. c. 21*: Percussorem ab Homicidii pœna absolvit, si percussus ad obambulandum reconvalescat: unde necessario inferendum, illum, qui post evidentem reconvalescentiam pristinis denuo, vel aliis, cotripitur symptomatis, hincque moritur, ex vulnere antedecedente vix decedere, i. e. annotante *Grotio in text. alleg. Et Lex, & Mos, & Aequitas exceptiones legi addidere, si vulneratus aliquo tempore melius se habuerit, ut credi possit, magis Medicorum ac sua negligentia mortuus*. Cui cæteris paribus *Th. Fienus Semiot. part. 1. s. 4. c. 1.* annuit, quod ex eo, dū Vulneratus post aliquot dies melius se habuit & convalescere incepit, vulnus non fuerit lethale, disparente omni periculo ac difficultate; cum si lethale extiterit, æger non melius, sed paulatim pejus, se habuisset: adeoque quod tandem tam sæva symptomata evenerint, certum reddere, quod vel ex parte Medici, vel ægri, aliquis error fuerit perpetratus, etiamsi is minus innotescat; vel quod alius affectus supervenerit, non ratione vulneris, sed peculiaris suæ causæ & prave corporis prædispositionis &c. Dari nihilominus pergit *idem Scriptor* ejusmodi aliquando occasiones, in quibus æger prius notabiliter reconvalescere videatur, superveniant nihilominus sæva symptomata, hæcque cum ipsa morte vulnere imputanda fore: in quali nempe intus materia reliqua aut sanguis ruptis vasis extravasatus & retentus, temporis progressu putrescendo, suppurascendo &c. nova mala moveat, ut vulneribus capitis non infrequens contingit, levioribus primo visis, decimo septimo aut decimo octavo demum die pessima symptomata ac mortem inferentibus. Extra talem casum & ordinariæ, si vulneratus melius se habuerit, & convalescere visus fuerit, & per plateas aut ad templum exierit, posthac nihilominus moriatur, mortem non vulnere, sed alicui errori commissio, esse adscribendam.

Tandem & I V. quemadmodum, si constet, vel Ægrum, vel Chirurgum enormiorem errorem commississe, symptomata, hunc excipientia, si talia fuerint, quæ, ut effectus illum sequi queant, verosimiliter gubernationi illi prave tribuimus: ita si talis non contigerit, nihilominus sub symptomatis gravioribus obierit vulneratus, hūc ex vulnere symptomatis seu ex percussione mortuum asserimus. Declaro hoc per exempla, quæ *Fienus loco allegato* suggerit. Si, inquit, *Chirurgus sua ignorantia non scivisset fluentem venam compescere, & inde secuta fuisset magna debilitas, vultus pallor, asphygmia, est indicium, mortem esse secutam errore illius Chirurgi, quia talem errorem talia symptomata sequi nata sunt: Si Chirurgus neglexisset adhibere repellentia, & exinde secuta fuisset magna inflammatio, vel nimis frigida adhibuisset, & exinde secuta fuisset gangrena, ex eoque mortuus esset (vulneratus) verosimile est, eum mortuum esse ex errore Chirurgi, non vulnere magnitudine: nam tale symptoma natum est sequi talem errorem commissum. Si æger continuo vinum bibisset, & secuta inde fuisset vulnere inflammatio, vel sanguinis fluor, aut magna febris, & ratione ejus æger mortuus esset, verosimile est, eum ex errore proprio, & non vulnere magnitudine, periisse.*

Ac de his Vulnere symptomatis locum habet, quod

cum *Boerio* suo plerique ICtorum asserunt, sub his li moriatur vulneratus, ex vulnere cum decedere, utpote quæ, ut effectus, testantur de sua causa, vulnere sc. hujusque gravitate: i. e. hæmorrhagia impetuosior, cui mederi nulla arte licet, dum interimit, vulnus vasis fauciati perimere dici potest. Imo circumstantiis his probe observatis determinari valet, quæ accidentium indifferentium, seu quæ modo vulnus sequuntur, modo ex alia quadam causa oriuntur, v. g. febres, vomitus &c. in individuo præsentem revera à vulnere, quæ aliunde, dependant: illa augurando, quæ mox cum vulnere aut consueto tempore apparent, & cum illo ingravescunt, tanquam illius immediatos effectus & mortis causam immediatam; posterioris vero generis, quæ longius à percussione & quovis tempore, non solenni, eveniunt.

Deinde prout, si Æger ac Chirurgus in gubernandis ac tractandis Vulnerebus suis muniis rite fungantur, nihil eorum intermittant, quæ Artis præcepta exigunt, nullumque errorem vel in diætâ, vel Chirurgia ac Pharmacia, committant, vulneratus nihilominus decedat, illorum lethalitas arguitur aut dubia confirmatur: sic, si de malo regimine aut eorum alteruter, aut uterque, vincatur, nisi mortalitas evidens plane, seu vulnus in se mortale, extitisse, ex aliis signis & autopsia constet, mortis culpa in hoc redundat, & illud eventui huic per accidens tandem occasionem præbuisse dicitur. Æger accusatur, si negligentem aut cervicosum in admittendis ac adhibendis remediis se gesserit, si sex rerum non-naturalium rationem accuratorem non habuerit, aut intempestive seu tardius Chirurgum advocarit. Chirurgus vero seu Medicus Vulneris, in se levioris, periculum ad mortem usque intendit, si non agat, quæ in artis potentia sunt, si v. g. venam minus tempestive secet, hæmorrhagiam vel non, vel intempestive supprimat, sanguinem extravasatum, festucas, fragmenta ossium similiaque exterius immissa non educat, item, animadvertentibus *Boerio decis. 323. Farinacio de homicid. quest. 427. p. 3.* aliisque Juris Commentatoribus, incantationibus potius, quam remediis naturalibus, sanationis aleam committat &c. Quales tamen ex Percussi & Chirurgi erroribus formatae exceptiones suas limitationes pati ex *cap. 1.* repetendum. Hoc loco saltem attendendum, quid circa vulneratum plerumque eveniat, qualem hic & Chirurgus circa eundem se gesserint: quo his diligentius inter se collatis demum constet an ex habitudine ipsius plagæ, an aliunde, symptomata prodierint. Interim nec, quod rudiorum ac imperitorum commune asylum est, sufficit, fecisse Chirurgum ac molitum fuisse cuncta, quæ in ipsius potestate erant; sed tunc demum ab omni culpa absolvitur hic, si, quæ in artis potestate sunt, præstiterit. Quatenus Percussiones ejusmodi, ratione suarum circumstantiarum, tales aliquando operationes postulant, quarum nomen ejusmodi Magistri inertia vix norunt, nec instrumentorum congruorum apparatu instructi sunt, aut illa applicare sciunt. Quibus nihilominus remediis ignoratis aut neglectis ægri, qui ex vulnere haud perirent, imperitiam sui Chirurgi morte luunt, administratis iisdem aliquando à certo interitu vindicantur: cujus incertitiæ exempla funesta ac deploanda, v. g. intermissi trepani, neglectæ extractionis fragmentorum calvariæ, paracenteseos thoracis &c. à Scriptoribus passim enarrantur & quotidianæ in Germania nostra observationis sunt, modo illa recensere haud puderet.

Applicare non vereor trivialibus nostris Magistris querelam, quam de Hispanis sui temporis plerisque *Arcaus l. a. lib. 1. cap. 3. & lib. 2. c. 5.* jactabat, qui vel nihil aliud norunt, quam quod à suis ejusdem farinae magistris didicerunt, vel, quod miserrimum est, suam quisque libidinem, suum privatum errorem, nullo, neque indocto etiam, auctore, sequuntur: item, qui neque eos, qui

(fundamenta artis) intelligunt, interrogandos ducunt, neque doctiores consulere, neque expertos magis adire, & duces sequi, commodum sibi aut honestum arbitrantur. Hinc etiam fit, pergit, ut si gravis aliqua & magni momenti curatio contingat, tametsi nonnihil jam illius cognitionis, vel ex temporis longitudine, vel ex ingenii felicitate, vel alia ratione, sibi pepererint, tamen instrumentorum, aut inventorum, aut inveniendorum, usu, quibus ea res effici possit, careant, cum nulla talia ipsis vel videre, vel cogitare, unquam contigerit. Si quæ vero illis forte sint, neque ea norunt, neque iisdem uti didicerunt. Quotus enim quisque in hac citeriori Hispania est, cui abaptisti (sive terebellum, sive trepanum, vocare malis) usus notus sit, imo istis plerumque terebrandi officium ut periculosissimum & lethale omnino damnatur, asserentibus fieri non posse, dum trepano utaris, quin ea &c. Nec prudentioribus & conscientiosis adeo iniqua nostrisque chirurgis incongrua videri poterit censura G. Fabr. ab Aquapendente, per quam insigniores Veterum operationes nunc obsoletas de thorac. sect. ait, & quidem inter alia ideo, quia non reperiuntur exitiis Chirurghi, sicut deceret, qui calleant anatomen, & tuto noverint perforare, & id genus omnes operationes tuto moliri, sed formidolosi plerique.

Neque vulneranti favere potest iniqua & inhumana quorundam illatio, quod, quia hæc vel istæ operationes generosiores, provinciis & locis nostris minus usitatae, aut Chirurghi illarum ignari sint, earum neglectus culpa in hoc devolvi haud queat; sed circumstantia hac non obstante, vulnus, ex quo moritur percussus, per se lethiferum appellari debeat: cum nec multitudo errantium & ignorantium, nec illorum tenacitas, qui, juxta Arcanum, eandem semper insistant viam, quam prætergredi nullo modo aut posse, aut debere quengquam putant, errori aut inscitiae huic tantum patrocinium parere valeat, quod vulnus penes Chirurgos eruditos ac peritos non mortale, in gratiam stupidiorum Tonforum mortale reddat; potissimum quia non, quid fiat, sed quid fieri debeat, attendendum est, hæcque vel incuria, vel imperitia, nostrorum Chirurgorum ille ipse obex observatur, qui sanioris artis & salutarium operationum ex his nostris provinciis Colonias excludit.

Aliquot præterierunt anni, cum à Principis vicini Quæstore ad cadaveris percussæ inspectionem ac sectionem vocarer, simul tamen à me Chirurgus illius loci juratus consilium peteret ratione focii vehementius pariter læsi, viram adhuc miserrimam agentis. A, quò cum circumstantias paulo accuratius resciscerem ex perforatione calvariae aliquid spei mihi & illi pollicebar, hinc instrumenta, huic operationi adæquata, simul apportabam, nec sine successu. Accedens percussus sine omni fere sensu ac motu, ultra biduum, nisi convulsivis intercalaribus, & absque rationis usu reperi, ex quibus aliisque signis, quæ huc referre vix quadrat, incerta illa de Trepano spes vites potiores penes me acquirebat, hinc sectionem cutis præparatoriam (nullum enim vulnus conspiciebatur) à Chirurgo postulabam, quam inter miseri ejulatus & beatus trepidus & tremebundus satis peragebat. At, ubi terebra applicari debebat, imperitiam, quam hætenus egregie celaverat, qui multas clades cruentas ac vulnerum graviorum deligationes atque curationes olim enarraverat, nec trepanum se unquam tractasse, nec hujus usum vidisse, ingenue & cum suspitio fatebatur: ut aut percussus tristi prognostico relinquere, aut ipsemet Chirurgum agere, coactus manum admoverim, & quem intuitu imperitiæ Tonforis nostri incurabilis insanabilem pronunciare debuisssem læsum, annuente Benedictione Divina, ab orco revocaverim.

Atque ex circumstantiarum harum, tanquam totidem Lethalitatæ & Non-Lethalitatæ causarum, hætenus enarratarum, ponderatione, quibus fundamentis inniti de-

beant Renunciationes vulnerum seu percussionum, quæ mors excipit, & quando hæc per se, quando per accidenis, mortifera enunciare deceat, satis superque elucescere putato: modo membræ singulis earumque læsionibus rite applicentur regulæ hæc generaliores, quod in Sectione sequente annitar. In præsentiarum ex dictis tria formare mihi licet porismata, quorum primum sit: *Inspectionem vulneris ad judicii ejusmodi rationalis concinnationem necessarium ac primum esse Instrumentum.*

Sc. Jurisperitorum plurimi in vulnere mortali ac non mortali discernendis nonnullis conjecturis utuntur, quarum priorem ab obitus tempore petunt, mortali obivisse vulnere præsumentes, qui intra biduum tri-duumve decesserint, quasi, juxta Mascardum, natura ipsa per spatium ejusmodi breve cum ex vulnere mortuum demonstraret: Alii terminum hunc lethalitatis ad octiduum, alii ad decimum tertium usque diem, alii ad octavum mensem, alii, per Legem Lombardorum, ad annum usque, alii longius, si nimirum per totum hoc intervallum symptomata à vulnere indices ad mortem usque ingravescant, extendunt, v. g. idem Mascardus & Gomefius, & quidem posterior his verbis: *Si post vulnus illatum in continenti decesserit vulneratus, præsumitur ex vulnere & ejus occasione decessisse; si vero probetur, pergit, quod post vulnus illud semper & continuo fuerit infirmus, & tandem decessit, similiter præsumatur ex prædicto vulnere & ejus occasione decessisse &c.* Eo ipso nihilominus, dum horum Doctorum, quidam latiore, quidam angustiore, vulnere, quod recens vocant, terminum concipiunt, imo plerique eorum ad judicium Medicorum insimul recurrere jubent, v. g. Mascardus Conclus. 1039. alii non attendendum esse ajunt, quanto tempore quis supervivat, seu quandocumque moriatur, modo alias, Vulnus mortale esse, constet: equidem ita probabiliter satis concludere possumus, brevi vel de recenti (sc. vel mox, vel intra paucas horas) post illatum vulnus læsus mortuus est, E. ex vulnere, ut tali, obiit, aut soli huic illationi inhærere, adeoque cadaver non aperire, periculosum maxime videtur. Quamvis enim terminus vitæ brevior & vulnerationem immediate magis excipiens mors maxime probabiliter, vulneratum non culpa propria aut Chirurghi periisse, innuat; quin tamen v. g. ex dispositione ejusdem agri morbifica aut morbo latente, cujus terminus ultimus seu lethalis cum percussione momento coincidat, aut paulo post contingat, mors sub vulnere exili minusque periculoso aliquando evenire queat, non est, cur adeo præfracte dubitemus.

Exempli gratia suppono, gestasse quendam polypum cordis aliquandiu in pectore, vulneratur is in capite, paucas post horas hospes ille peregrinus, vel ratione magnitudinis & conformationis suæ, vel propter fervorem sanguinis ab ira concitatum, suffocat, adeoque brevi post percussione obit læsus: quis hunc à vulnere periisse ideo diceret, quod mors paulo post illius illationem contigerit? Nondum biennium est, cum in vicina Vir quidam Nobilis ac strenuus, ætatis consistentis, habitus formosioris atque athletici, sine symptomatis evidentioribus sub diætâ accuratiore vivens, uno verbo, cui summam senectutem promississet quilibet, ad latus uxoris repente occumberet, cujus subitanæ mortis causa in cadavere ruptura sinistri cordis ventriculi prope ostium Aortæ, hincque cruoris ad pectus profusio deprehendebatur. Hunc E. si paucis ab obitu horis leviter fauciari contigisset, v. g. in abdomine, nonne, solius temporis rationem habens, ex vulnere mortifero decessisset, autumasset? phænomeni revera exitiosi ignarus, & talis quidem, cujus nulla signa præcedanea comparebant, & quale vix unquam viderunt Prosectorum oculatæ manus. Quadrat huc Casus, quem ex Bogdani literis ad Bartholinum superius transcripsi, Rustici sc. ex pugno pectori inflicto post quatridentium defuncti: Ex cujus circum-

circumstantiis cunctis percussione illam causam mortis subitanæ remotam, quæ internam procatarxin moverit, vel concomitantem duntaxat secundum regulas artis pronunciarunt ad deponendum Requisiti.

Multo minus ex temporis à vulnere illato diuturnitate negative deponendum, i. e. vix sequitur, periit demum post nonum, vigesimum aut trigessimum diem aut totidem septimanas vulneratus. E. non vi vulneris occubuit, seu Vulnus hoc per accidens tantum tale quid præstitit: quatenus intercedere ejusmodi nonnunquã valent & solent circumstantiæ dilatrices, quæ mortem certam & inevitabilem dubiam reddunt, prout v. g. superius de punctura quadam Venæ Iliacæ internæ innui, quæ à portiuncula pinguedinis accumbente forsan obturata; ad decimum tertium usque diem superstitem reliquerat fato brevioris termini alias mancipatum. Quemadmodum enim inter reliquos præter vulnera morbos non acuti tantum & quorum tempora breviora sunt, sed chronici quoque infiniti, vere & per se mortales deprehenduntur, nec horum diuturnitas lethalitytem excludit: Ita nulla apparet ratio, cur vulnus tardius interficiens seu chronicum, minus per se enecet, modo conditio vulneris eventui fuerit adæquata, id est, tale hoc extiterit, cui manus Medica nihil medelæ conferre potuerit, actio nihilominus hinc læsa œconomiam vitalem enormiter, quamvis lento satis motu, evertat. Quippe si termini brevitatis mortisve celeritas, ut talis, vix perpetuo lethalitytem per se infert, aut concludere permittit, nisi vulneris conditio respondeat: neque vulnus in lentam mortem abiens ideo salutare dici poterit, ubi ejusmodi circa idem observantur circumstantiæ, quæ illud lethale pronunciant. Imo si ex illis vulneribus, quæ ut plurimum mortifera, quosdam aliquando evadere contingit, hæc nihilominus mortalibus per se adscribuntur: nonne horum aliquod, aliquandiu salutem promittens, post plurium dierum aut septimanarum decursum fallere atque enecare poterit, & quidem per naturam ac formalitatem suam intrinsecam: prout superius jamdum indigitatum fuit.

Crebriores sane numerantur casus, ubi post plures demum dies sanguis extravasatus, pus similiaque heterogenea, per trepanum, à Chirurgo priore neglectū, cum salute ægri, minus sperata; fuerunt educta, v. g. animadvertente *Scultero Armament. Chir. obs. 5.* decimo septimo læsionis die, & septimana vigesima nona, juxta *Eundem obs. 13.* item annotante *Lamswerde append. ad Scult. obs. 11.* vigesimo primo & *obs. 48.* trigesimo sexto demum die: quales sane percussos tandem, operatione hac posthabita, certa quamvis lenta, morte perituros fuisse, non est ambigendum, ut vel, aliis missis, *Sculteri obs. 7.* contusio capitis, ob intermissum terebræ usum, centesimo die mortem inferens declarare poterat.

Sunt E. nonnulli, & quidem non tantum *Medici*, sed ex *ICtis* quoque *Farinacius*, qui negotium hoc ita determinare satagunt, quasi, si symptomata plus minus graviora, in continenti à vulnere, aut brevi post, emergentia, ad finem usque perdurent, cognata sibi focia adsciscant, aut in hæc commutentur, pariter ad mortem usque perpetua, lenta etiam mors illud pro causa proxima & efficiente agnoscat, sin vero non mox, sed post aliquot demum dies, compareant, vulnus minus mortale præsumatur. Ast horum regula vix tantæ auctoritatis æstimari debet, quin ex vulnere quoque immediate tardius succumbat læsus, cui symptomata non statim in principio enata, modo postmodum emergentia læsioni fuerint adæquata, v. g. contusioni capitis cephalalgia, vertigo, paralytis, &c. ac vulneris conditio Lethalitytem involvat. Ita *Lamswerde obs. 48.* refert, juvenem quendam ex casu contusionem, hinc binas fissuras in dextro syncipite passum, ad trigessimum sextum tamen usque diem ab omnibus symp-

tomatis immunem mansisse, tempore vero hoc elapso febrem, vomitus, convulsiones similiaque huic morbo communia sustinuisse, quæ trepanum tandem mitigavit, ægrumque ad brevem reconvalescentiam præparavit. Quod si vero hæc similiaque remedia fuissent prætermissa, aut etiam, ob situm materiæ peccantis similesve circumstantias, frustraneo conatu applicata, nomine mortem certam ex ejusmodi percussione sibi augurari potuerit miser vulneratus, tanquam hujus effectum proximum atque immediatum, quamvis tardius evenisset; quod metuisset?

Rectius proin judicant v. g. *Salycetus, Boerius, & Farinacius*, si alias constet, vulnus, quo læsus periit, extitisse mortale, vulneratum ex vulnere decessisse, præsumi, quodcumque morietur idem, etiam ex intervallo: id est, non attendi metam temporis volunt, sed si vulnus ex sua natura fuerit mortale, & vulneratus processerit, ut inquirunt, de malo in pejus, ac tandem mortuus sit, semper illum ex vulnere obiisse hocque per se lethale; dicendum.

Altera, cui communiter innituntur *Jureconsulti*, conjectura instrumenti ledentis est conditio seu habitudo, quam moles æque ac figura ejus suggerit, utraque diversitate sui vulnus gravius leviusve innuens. Verum quia & circumstantiæ soli innixi pariter in anticipi relinquimur, quousque penetrarint eadem arma, & quam partium internarum tetigerint; fallax satis videtur, quam inde petimus, præsumptio: cum à solo manus ictu seu inflata alapa contusiones capitis & ἐγκεφαλὰς commotiones deplorandas aliquando evenisse, præter Practicorum testimonia frequens confirmet experientia. Simili ratione lapidis fustisve crassioris impetum sustinent sine ulla commotione quorundam calvariæ tenaces, dum aliorum olla fissilis admodum ab ictu baculi seu ferulæ exilioris in fragmenta secedit; quorum disparum successivum exempla frequentiora mecum testabuntur multi Medicorum ac Chirurgorum, imprimis cadaverū ejusmodi sectionibus vacantes.

Tertio ex symptomatis insuper gravioribus ac mitioribus de Lethalityte judicium fornam: quam firum autem hoc sit, ex illis, quæ superius dicta, suppono. Quam tandem conjecturis his addunt, loci vulnerati & partis læsæ conditionem ac vulneris magnitudinem, pariter prolixius jamdum delineatas ac circumscriptas, sola inspectio Vulneris accuratior manifestat, quod erat probandum.

Imo eadem cadaverum per peritos lustratio, quoad reliquas circumstantias, imprimis procatarxin morbosam, in judicio accuratius enunciando, insigni pollet emolumento. Tales corpori nonnunquam inexistere apparatus morbosos, seu partium internarum vitia conformationis & unitatis, quæ illato vulnere faciunt, ut ex hoc, cui alias haud succuberet, mortuus credatur vulneratus; aut ad minimum ambiguus linquatur Magistratus æque ac Medicus, utri horum morborum in acceptis sit ferendus illius obitus, ex iis, quæ de infirmitate corporis præcedanea hujusque influxu in mortem casu vario disserui, repeto: quibus nihilominus determinandis sola autopsia perspicacissimus deprehenditur iudex v. g. an subfuerit vomica pulmonum, apostema abdominis, horum rupturæ, polypus cordis similiaque, à quibus tristem vix hætenus opinati fuimus eventum, imo interdum vix per somnium cogitasset; quæ cum plaga tamen de mortis, subitanæ aliquando satis, causalitate certant.

Sed ad alterum nunc Confectariū generale progredior. Cadaveris Inspectionis vim atque auctoritatē, in deponendo super lethalityte, nō parū reprimens: *Sc. operationē hanc in Renunciationibus rite condendis non esse instrumentum solitarium.* Id quod vel ideo minus paradoxum videri poterat, quod, qui de Lethalityte vulnerum judicare postulatur, huic non tantum innotescere conveniat, quæ

quæ pars & quam late quamque profunde sauciata, reliquæque vulnere inhaerentes circumstantiæ, sed præterea requiritur, ut de vulnerati ætate, dispositione ante vulnus perpeßum, item de cunctis illis, quæ à momento inflicti vulneris primo ad mortis usque articulum illi contigerunt, ipsi accuratius constet: sc. qualia fuerint arma, quibus illud infligebatur, v. g. an venenata? qualem coluerit vulneratus diætam? sub qua cœli plaga aut atmosphæra degerit? an Chirurgus & Medici tempestive advocati? qualem hi adhibuerint solertiam? quomodo adstantes suo functi fuerint officio? quoto die expiravit &c.? Necessariam harum rerum, quæ extra vulnus sunt, notitiam esse, *Celsus lib. 5. cap. 26.* postquam quæ vulnera lethalia ac non lethalia, quæ facilioris, quæ difficilioris, curationis, per ipsorum membrorum vulneratorum naturam determinaverat, his verbis edisserit. *Quin etiam confert aliquid & ætas & corpus, & vitæ propositum & anni tempus, quia facilius sanescit puer vel adolescens, quam senior; valens, quam infirmus; neque nimis tenuis, neque nimis plenus, quam si alterum ex his est; integri habitus, quam corrupti; exercitatus, quam iners; sobrius & temperans &c.* Utpote quibus circumstantiis aut ignoratis, aut neglectis, sæpius fit, ut Medicus Lethalitem per se & per accidens discernere, uno verbo, de eadem certi quid pronunciare, nequeat: imo Collegia quoque, ob denegatam illarum notitiam, inspectionis seu vulneris historia quamvis transmissa lecta ac relecta, sententiam absolutam suspendere aut edusque interdum limitare coguntur, donec pœnam ordinariam subterfugiant occisores.

Cujus erroris scandalive vitandi causa prudenter agit Magistratus, qui in vulneribus non tantum periculosis, sed desperatis quoque, Chirurgus ordinario, aut prius advocato alterum adhuc, imo Medicum peritum, adjungit, non tantum scil. quo nihil eorum, quæ in artis potestate sunt, intermittatur, adeoque si decedat vulneratus, vulneranti lethalitatis per accidens exceptio succidatur; sed, quod præprimis hujus loci, quo, quæ decubitus tempore successive contigerunt, ab his accuratius animadvertantur, adeoque vel ipsimet homicidii & non-homicidii certiore probationem suppeditent; vel ad Inspectionem & Renunciationem requisitos de his circumstantiis, ut testes oculati, admonere & informare queant.

Accedit insuper & hoc, tales aliquando contingere percussiones mortiferas, Capitis v. g. & Præcordiorum, brevi ac non raro in momento enecantes, quæ utut nullam sensibus evidentem post se relinquunt unitatis solutionem seu Lethalitatis notam, minime tamen ideo pro non lethalibus haberi debent, ut superius innui, in sectione vero subsequente specialius comprobare conabor; si nimirum aliæ circumstantiæ ejusmodi instantum impetum & vim singularem evincant, v. g. Sanguinis & Lymphæ profusio. Neque virulentia ab armis venenatis vulnere afflicta ejusmodi semper habitudinem mihi persuadere possum, quæ sensoria nostra afficiat: sed vel ex notitia, quam de infectione armorum diligentior inquisitio suppeditat, vel ex symptomatibus, illam colligere jubemur.

Tertium dictorum porissima penes me suppressere mallet, aut ex iis hoc eliciendi facultatem aliis concederem, ne arrogantia cristam tollere, aliisque, qui hoc argumenti genus olim evolvere conati fuerint, aliquid vel autoritatis, vel famæ detrudere videretur: ast eo ipso, dum post *Fortunatum Fidelem & Ambrosium Pareum, Codronchio* quoque, *Sebizio, Suevo, Corbeo &c.* suas lucubrationes publico exponere licuit, sic nec horum mœnes, nisi æquo animo, ferent spero, si demum dixerō: *Nec sufficienter, nec pro rei exigentia hanc de Vulnerum, Renunciationibus Doctrinam hætenus fuisse excultam & traditam, proin emendatione indigere.*

Non gratis me hoc asserere judicabunt sublimioris judicii Ingenia, si attendere iis placeat, quæ mox subnectam. Sc. primo plusquam succincti videntur plerique Scriptorum quoad Nervorum vulnera per se lethalia determinanda, qui error aut defectus Anatomes superiorum temporum imperfectioris soboles est, aut, si mavis, factus abortivus eorum, qui ultra *Veslingii Syntagma Anatomicum & Sennerti Institutionum* Epitomen sapere noluerunt, suisque sapere sub fide Juramenti Hippocratis interdixerunt. Sicut enim alias in pathologia, prout quidem hæc in Scholis hætenus tradebatur, plerorumque morborum causæ tantum aut in humorum exuperantia, defectu & pravitate, aut viscerum obstructionibus atque imbecillitate, hincque vaporum meteorisationibus, fuerunt suppositæ, & vix ullus Doctorum, si *Willisium* aliosque modernos excipias, generis nervosi per totum corpus dispersi, & an hujus schematis ac distributionis occasione, ramulis nervorum exilioribus læsis ipsum eorum principium seu cerebrum vel alia organa intermedia, in consensus tristes ac deplorandi interdum eventus rapi queant, ratione habuit: Itaparum aut nihil ex Scriptoribus modo allegatis mihi promittere potui rationalis vulnerum Nervorum lethaliū judicii. Aliquando nihilominus illa per se mortifera existere, asserere haud vereor, illarum videlicet propaginum, quarum, profundius sitatum, vel puncturis, in convulsiones universales & epilepsiam conjicientibus, vel quibus læsionibus enormioribus, quibusve organa vitalia, seu cor ac instrumenta pneumatica, activitate sua defraudantur, conveniens haud adhiberi valet medela. Suppono enim, nervorum vulnera non adeo prompte coalescere, nec pati summam viscerum horum vitalium in œconomia totius conservandæ necessitatem animæ sensitivæ eclipsin, seu spirituum animalium irradiationem interceptam diuturnā, quin mox rota corruat machina. Quoniam E. ab his motoribus cordis & pulmonum motum, cum vita paribus passibus ambulanti, dependere, ex physiologicis constat: haud sine ratione infeto, vulnera nervorum octavi phrenici & intercostalis paris frequentius per se lethalia existere. Quamvis enim experientiæ conforme, nervis in habitu ac extremitatibus corporis læsis, i. e. punctis, cōtulis &c. in iisdem organis, aut toto corpore convulsiones lethales concitari, his tamen plerumque medelam fieri & mortem hinc imminentem declinari, constat: pari nihilominus ratione ac Vasorum sanguiferorum, profundius latentium, & quibus ob situm rationem remedia congrua applicare haud licet, lacerationes vulneribus per se lethalibus accensetmus, non obstante, quod in artubus eorum hæmorrhagiæ ut plurimum & commode satis refrenentur; ita nec, quod nervis exterioribus sauciatis remedia suppetant, ingruentia aut metuenda eorum symptomata graviora interpellentia ac solventia, de interioribus, v. g. plexibus abdominis, qui auxilia adæquata respuunt, idem nobis polliceri valemus. Et si aliquando ex ejusmodi punctura, in spasmos totius, vel organorum vitalium, conjiciente, quis convalescat, aut dubium manet, an talis vel tanta fuerit nervi læsio, quam oculis usurpare haud licet, aut salutaris ejusmodi eventus rarioribus phænomenis, seu naturæ monstris, accenseri debet.

Pergerem ad Lymphatica vasa, quæ etiam lactea cum receptaculo lumbari & ductu thoracico spectant, de quibus pariter penes hos, qui Vulnerum Lethaliū Examina nobis tradiderunt, altum observatur silentium; quorum nihilominus rupturas seu vulnera ac Chyli atque Lymphæ nutritiæ profusiones aliquando maxime lethales ut pronunciemus, sanior ratio suadet: ast tractatui specialiori forsan doctrina hæc congruè magis reservatur; sufficiat in præsentiarum innuere, neminem hætenus judicium suum illi applicuisse.

Alterum in Prædecessorum argumenti hujus scriptis deside-

ludendum est, quod recte equidem supponentes, partium ad vitam immediate magis necessariarum vulnera per se mortalia existere, excluderint nihilominus quoddam ex harum classe, forsan pati jure cum corde, pulmonibus, cerebro &c. hanc prærogativam actionisque nobilitatem sibi vendicantes, hinc eidem lethali obnoxios. Thoracis ambitus, quem cum pleura costæ, sternum, spina & muscoli intercostales formant, vulnera penetrantia cum costarum fracturis affectibus maxime periculosis à plerisque accensentur, neminem tamen mihi legere contigit, qui hæc aliquando per se lethalia conjecturaret, ideo sc. quod nec ratione actionis, nec usus, compagem hanc ad vitam immediate necessariam concipere poterat ullus eorum, qui in inspiratione pulmones active se habere, purabant, oblii *Galenii* sui dogmatis, passim ab eodem inculcati & à pluribus modernis comprobati, pulmones ad motum thoracis moveri, i. e. ad respirationem passive magis concurrere. Quo concessio ipsi facile constitisset, testudinem hanc osseo-carneam membris vitalibus ac nobilioribus esse annumerandam, hinc vulnera ejus majora, i. e. quæ respirationem insigniter lædunt ac sufflaminant, plus minus mortifera præsumenda: idem olim jamdum annotante eodem *Pergameno* 6. de usu part. cap. 3. dum à magnis vulneribus, alterutram thoracis partem seu ventrem penetrantibus, animal repente parte dimidia respiratione privari, plane autem respiratione destitui asserit, si pars ejus utraque fuerit confossa. Quæ tristis hujus eventus causa intermedia sit, ex Physiologicis commodè deceditur, sive Cartesianam & Svammerdamianam, de aëris ab explicato thorace in pulmones impulsione, sive Illustris *Boyllii* hypothesin, de pondere ac elasticitate ejus, admittamus: quia tamen non Tyronibus, ad quos materia hæc non spectat, sed veteranis magis Artis Cultoribus, hæc trutinanda propono, speculationibus his chartam consumere nolo.

Par ratio videtur fracturæ costarum non unius, sed plurium, aut sterni simul, integro quamvis manente integumento cutaneo ac musculis quoque substratis minus læsis: utpote qua ratione extensio ac constructio pectoris respiratoria insigniter turbatur, sicque impressio illa vitalis, quam ab aëre ambiente fluidum sanguinis recipit & expectat, brevi & perinde, ac si fauces laqueo constringantur aut quovis modo obturentur, cessat. Bina ejusmodi exempla in praxi annotavi, fracturarum sc. costarum, brevi interficientium, utraque quidem in senioribus subjectis, & viris decrepitæ ætatis, percussionebus; nihilominus per se lethali obnoxios. Nempe Anno 1679. mense Februarii alter horum à fratre (ut aiebant hæreditatis marurandæ causa) cum tanto impetu sternebatur, ut durius allidens scamno latus dextrum intra nycthemerum suffocatus occumberet: nihil tamen violentiæ præter suggillationem partium externarum, quam costas nothas tres superiores ac verarum duas inferiores transversim fractas reperi. Pariter 1709. mensis Maii die sexto, à Magistratu requisitus secui cadaver hominis, qui currus onusti rotis subactus post paucas horas sub maximis angustiis expiraverat: offendi autem in hoc lateris sinistri costas novem & dextri duas superiores confectas, sextam, septimam verò & octavam ejusdem lateris luxatas; quamvis nonnullorum vasorum intercostalium & arteriæ mammariæ sinistra rupturas, sanguinisque ad cavum thoracis extravasationem in hoc misero accelerasse non dubitarim.

Simile quid de spinalis medullæ parte inferiore, sc. intra vertebra thoracis ac lumborum, sauciata communiter v. g. *Forestus* lib. 6. obs. chir. 4. & *Fallopianus* de vuln. in genere cap. 4. asserunt, quasi nec nervorum hujus diramationum, nec fluidi horum cerebralis, visceribus abdominis inferendi, tanta foret ne-

cessitas, ut hujus influxu intercepto actiones vitales inhibeantur, quamvis viscera hæc sensu & motu priventur. Verum quemadmodum *Hippocrates* s. 3. Coac. 387. & *Celsus* lib. 5. cap. 26. caudicis hujus medullaris vulnera, sine illius superioris partis ab inferiori discretione, mortalibus accensent: sic rariora forsan numerare continger exempla eorum, qui ex thoracis & lumborum medullæ plagis enormioribus reconvalescunt; & quas harum *Fallopianus* sanatas perhibet, forsan non adeo magnæ fuerunt, ut vel illius verba innuunt. Si propriam denuo allegare licet experientiam, Anno 1683. die 30. Aprilis, in agro vicino, globulo sclopeto minore eliso, Centurioni cuidam Casareo perforabatur intra secundam ac tertiam lumborum vertebra, spina dorsii, simulque funis medullaris medietas sinistra, ita tamen, ut nec dextra omnino intacta maneret, unde præter dolores atrocissimos, mox febris continua, cum delirio & convulsionibus subinde intercurrentibus, sudor algidus, sæcum ac urinæ suppressio, distensio abdominis & præcordiorum angustia summa oriebantur finemque vitæ die 8. Maii imponebant. Quod vulnus unius ejusdemque generis cum illo mihi videbatur, quod *Tulpius* l. 3. obs. 27. describit, ut ut locum ictus in spina non determinet hic: sub intercostalium nihilominus nervorum exortu illud auguror, quod alvi ac vesicæ excretiones impeditas hincque tensionem abdominis prima & potissima illius symptomata referat. Quæ quidem, si vulnere medela fieri nequeat, v. g. in hoc subjecto, cui vivo æque ac mortuo adstiti, propter globulum & fragmenta spinæ nulla arte extrahenda & sub sectione demum comparentia, Lethalitati inferendæ capacia videntur: quod secretionibus & excretionibus his subblatis massa sanguinea heterogeneitatibus ipsi haud proportionatis gravetur, viscera cuncta ac genus vasorum à sero restagnante inundentur, ac tandem his & abdomine præter modum tensis suffocetur vulneratus. Imo perinde ac ex nervo particulari, in extremitate artuum lacerato frequentius in consensum rapitur cerebrum, hincque in lethales convulsionem totum conjicitur corpus: quid mirum, si à trunco quasi hoc nervorum, cui rarius medela fieri potest, læso idem contingat?

Tertio disquisitioni sobriæ vix unquam expositum legimus, quid de Percussionum plurium simul factarum, singularum equidem minus lethaliarum, syndromæ censendum sit, si ex tali moriatur percussus? numne sc. hæc Lethalitati inferat? Ubi sane affirmativa probabilis satis videtur, ideo quod plurium membrorum contusiones, lacerationes aut vulnera multos dolores, inflammationes & spasmos patrent, adeoque sanguinis & spirituum motum hinc inde enormius turbent, v. g. contundatur Musculus temporalis, Inguina cum Peritoneo, lacerentur Membranae Cerebri &c. Quinimo sæviores fustigationes ac flagellationes, quibuscumque durioribus instrumentis, in partibus externis ad suggillationem usque factas, quamvis vasa interna haud lacerant, interficere, experientiâ conat: si imprimis Percussus infirmior ac valetudinis causariæ fuerit, v. g. phthisicus, hecticus, anhelosus, lipothy-miis facile expositus, febricitans &c. nihil interim erroris vel à Percusso, vel Chirurgo, commissum & graviora mox symptomata secuta fuerint. Quatenus nempe hinc factæ suggillationes circulationem sanguinis vitalem atque spirituum maximopere interpellant.

Denique pro argumenti exigentia doctrinam hanc olim haud fuisse traditam, hinc evincere possem, quod aliquando vulnera minus lethalia per se lethali obnoxios adscripserint, v. g. vesicæ fundi vulnera cuncta, contra revera lethalia minus talia proclamant, v. g. Lienis, substantiam hujus visceris tantum, non vasa ejus majora, afficientia: quem utrumque errorem, simileque

plures, minus patiter accurata situs, connexionis, atque texturæ organorum peperit lustratio. Imo tandem eò usque crevit quorundam spirituum narcosis, ut organi haud existentis vulnera inter simpliciter lethalia redegerint, retis sc. mirabilis, vere mirabilis, quippe in Anatomicorum ejusmodi mirabili cerebro ficti potius, quam ejus basi subrensi. Censuræ hujus fundamentum ex Modernorum Anatomicorum consensu prolixè exponerem, nisi illis ingeniis cuncta, quæ nova, sordescere nossem: forsan proin tolerabilior ipsis erit virgula censoria Jacobi Berengarii Carpenfis, ante sesquiseculum Anatomicum ac Chirurgiam docentis, qui in *Isagoge in Anatomicam Corporum humani ubi Experientiam sensualem sibi Auxiliam*, ait, *istud rete ego nunquam vidi*, ingenue fateretur, fatua ejusmodi insomnia se successoribus disciturum sperans, Proh! frustra. Ast ne ulli in recensendis pluribus hujus generis solœcismis Anatomico-pathologicis molestiam creem, hæc pro firmando posteriore hoc Corollario & pro parte hujus materiæ generali evolvenda nunc sufficiant.

Modo illud adhuc adjecero, nullum Medicorum jure culpari, nec penes hunc ignorantiam spatium dici posse, multo minus eundem erubescere debere, si post casus difficilioris enarrationem inconcinnam, aut ubi forsan omnium circumstantiarum, ad accuratius nihilominus deponendum scitu necessariorum, notitia minùs suppetit, Judicium suum detrectet, suspendat, aut dubie vel sub conditione deponat: approbante circumspectam hanc modestiam Codronchius *meth. testif. c. 3.* ubi quemlibet Medicum sententiæ potius peritorum magis se submittere, quam in casu minùs firmatum frivole ac in alterius præjudicium & Justitiæ violationem decernere, suadet. Cui adstipulatur F. Fidelis in *conclus. Operis, de Relat. Medicor.* hoc contextu: *Sed illud etiam ignorandum non est, in nonnullas rerum occasiones Medicum nonnunquam incidere, ut, cum nihil certi de re proposita constet, dubia omnia incertaque referre nos etiam oporteat. Non semper enim prompta sunt rerum atque affectionum nota: ut propterea in dubia atque ancipiti Medicorum relatione satis justa esse possit excusatio.* Et perperam agit, qui rationibus concludentibus minùs sufficienter instructus casum ancipitem dirimere audet, i. e. tale quid asserere sibi præsumit, de quo ipsemet dubitat, aut dubitare poterat debebatque. Non adeo diu est, cum de vulnere transversali tendinis majoris, qui patellam in crure sinistro obtegit atque firmat, ab insultu improvido equi inflictio, deponere me postulabat Prætor hujus civitatis, postquam nimirum ab hoc ortus & per abdominis lateris ejusdem integumenta ad umbilicalem usque regionem ascendens Sphacelus, simulque intestinorum aliqualis Gangræna vulneratam tertia die occiderat. Lethalis hæc videbatur contusio, ratione Sphaceli ac Gangrænæ brevi supervenientis; ast minus talis, quod præter tendinem nominatum nihil laceraverat, & symptomatum aliàs graviorum expers: hinc malui potius in ambiguo linquere, quam frivole asserere negareve, casus hujus lethalitatem.

Quinimo nec Collegiis de sententia ferenda ambigentibus, & interloquendo, ut aiunt, minùs accurate atque confuse à Medico ac Chirurgo observata atque relata technice ac perspicue magis explicari postulantibus, hæsitantia ejusmodi vitio verti debet: Ita tamen, ut defectus momentosos innuant, quibus illos erroris, obscuritatis, præcipitantiæ &c. convincant, sicque perspicuitati ac veritati eruendæ occasionem præstent. Quamvis Medicis cum cæteris peritis leges harumque interpretes, v. g. Baldus *prim. constit. ff. n. 16. Mascardus conclus. 1069. Gailius obs. 111. atque Pacianus l. 1. cap. 47. num. 25.* in hoc faveant, ut non semper de rei veritate, sed credulitate seu probabilitate, etiam tantum, in causis nempe, quæ in sensus minùs incurrunt, nec aliàs certo sciri possunt, depo-

nant, etiam in ejusmodi casibus, ubi Magistratus illorum relationem jurejurando confirmari postulat.

Sect. 2. De Renunciatione Vulnerum in Specie.

In quas & quot classes vulnera seu læsiones lethales intuitu functionum vitalium dirimi queant, superius dictum: nunc ubi earum singulæ perlustrandæ, his recensendis ordo ille appropriatus esto, quem corporis structura suggerit, adeoque à capite mihi initium petere liceat, hinc ad thoracem & abdomen horumque partium vulnera decensuro.

Cap. 1. De Capitis Vulneribus Lethalibus.

Sanè si in ulla parte corporis vulnerum lethalium ætiologiam determinare difficile, Capitis & Cerebri percussiones sunt, quæ disparis planè eventus observantur, dum earum graviores aliquando sanantur, ex levioribus verò interdum moriuntur percussi, quod utrumque præter autorum observationes frequentior comprobatur experientia: videnturque capitis vulnera peculiare ac diversum quid à plerisque reliquis alere, ut vel ex ipsorum symptomatis atrocioribus evidens sit, ratione cujus sedula iis non minus in curatione, ac si ferendum fuerit de mortalitate eorum judicium, adhibenda erit prudentia atque opera.

Phænomeni hujus rationem redditurus F. Fidelis *lib. 4. f. 2. c. 6.* i. e. cur capitis vulnera sua natura nunquam tuta sint? tres imprimis indigitat circumstantias, partis nempe naturam, errandi facilitatem, & curandi difficultatem. Cui equidem per potissima adstipulor, modò ratione partis affectæ (cum ille de integumentorum tantum externorum vulneribus disserat) addatur, levissimam etiam cerebri denudationem aliquando mortem præstare, si nimirum ab incongruo aëre, qualem sæpius vix discernimus, alteretur hujusque textura tenerrima, hinc mutabilis valde, immutetur. Imo, quæ circumstantia & nocendi ratio non infrequens forsan, ipsius cerebri ingens commotio ejusque tubulorum enormior concussio, complicatio atque contorsio, quam nulla oculorum acies discernit, mortis sub vulnere alias exili existit causa, ab imprudentioribus vix animadversa.

Quibus addo contrassuras, de quibus inferius prolixius agetur, item rupturas vasorum profundius reconditorum, hincque sanguinem ejusdem loci extravasatum, aut cruorem, qui ex vasis etiam elatioribus laceratis ad inferiora descendit, v. g. ad ossis temporum inferiorem partem, quæ organa auditus asservat: quia nimirum nullo artis instrumento inde educi valet, nisi forsan aliquando Natura inimitabili tendentia ejus excretionem per meatum auditorium præstet. Hujus generis Percussionem Capitis ejusque à Medico atque Chirurgo factam relationem Anno 1679. d. 23. & 29. Septemb. Collegii Nostri Censuræ exponebat Quæstor Libenverdenfis. Ubi quidam Andreas Pfennig ex ictibus violentioribus altero die mortem obierat, in calvaria verò ejus dissecta prope Os Petrosum, seu intra hoc & Duram Meningem, aliquid sanguinis congruati, forsan per canaliculorum vicinorum rupturam huc depositi, reperiabatur; licet nec in hoc osse, nec cæteris calvariæ partibus, ulla fractura comparnierit. Per se nihilominus lethalis hæc extravasatio, ob situs declivitatem, fuit pronuntiata.

Equidem enormiores capitis contusiones præter phænomena externa symptomata diversa sibi familiaria habent, è quibus rupturas ejusmodi intrinsecas dignoscere, non adeo difficile deprehenditur: sc. sic mox ab ictu in humum prosternantur percussi, sensus cum motu aboleantur, sanguinem per os, nares ac aures illi profundunt,

fundant, oculi inflentur ac inflammentur, vomant, ac remittentibus etiam his symptomatis insequentibus diebus gravitate capitis notabili premantur. Dantur tamen illarum quoque leviores, quæ, quamvis non mox in principio, certe temporis progressu, propter extravasationem quoque cruoris minorem, graviora symptomata patrant, ac præter opinionem enecant, adeoque nec his fidendum.

Quia autem ictus capiti illati vel ejus tantum integumenta exteriora afficiunt, cutem sc. cum substratis musculis, vel cranium, vel ἐγκέφαλον: de prioribus notandum, hæc quocunque modo læsa, mortem per se haud inferre, nisi cerebri ingens commotio similisve subsit. De musculo temporalis vulnere equidem vetus est nonnullorum cantilena, ejus contusiones incisionesve grandiores per se lethales existere, ideo quod *Hippocrates* 3. *Coac. prænot.* 369. de *Vulner. Cap. 1. 19.* sectionem hujus musculi convulsionem oppositi excipere, ac de *articul. 1. 27.* musculos hos p. n. alteratos ac tenso febrem continuam & soporem inducere, asseruerit: cujus eventus tristis hanc rationem vulgo reddunt, quod arteria & nervis insignioribus gaudeat. Quamvis potior videatur interior ejusdem structura radiosa, seu ex totidem musculis penniformibus compositio, cujus intuitu vix in ulla sui parte, exterius carnea visa, lædi potest, quin laceretur unus alterve tendo diversorum musculorum, hujus compagem constituentium: imò nec radiosus simplex, sed biventer & ex duobus quasi compositus observatur, quorum, instar binarum laminarum, sibi instraturum, extremitates tendineæ in medio illius compagis cœunt; ut taceam pericranium, illi superinstratum, aut hinc emanans, cujus læsiones periculi magis plenas testatur experientia, per continuitatem sc. quæ ipsi cum dura matre intercedit. Quibus addendum, quod musculus hic nervos suos a caudicibus, ex Cerebro seu Medulla oblongata immediate magis emergentibus, hinc brevioris ab eorum exitu distantia, recipiat, binos à tertio & unum à quinto pari: facilius proin hoc sensuum & motus organum cum suis membranis, ad febrem usque, delirium, paralylin, convulsiones &c. in consentum rapiat.

Ast eo ipso, dum *Hippocrates* ex Musculi Crotaphitis plagis non convulsionem universalem, sed particularem tantum, oppositi nempe ejusdem nominis musculi, & ex illius, per maxillæ luxationem, tensione soporem febremque continuam, quibus nihilominus tempestiva ossis translocati restauratione mederi licet, hinc symptomata per se lethalia ex læsionibus ejusmodi evenire, minime asserit; neque ulla pars huic musculo præ reliquis peculiaris, id est, cui laceratæ non adæquata remedia suppetant, contigit: traditionem hanc mirari seu ridere potius, quam refutare, congruum mihi videtur, & quæ contusiones ac vulnera ejusmodi excipit, mortem ex accidente saltem aut propter alias læsiones coincidentes, supervenire, puto.

Stant à partibus meis infiniti Medici ac Chirurghi, qui hunc musculum partim casu enormiter vulneratum, partim manu provida Chirurghi incisum, feliciter coaluisse perhibent, quorum pauciores allegare impræsentiarum sufficiet: Prioris nempe classis *Pavvium in Hippocrat. de Vuln. cap. p. 147.* *Fontanum in epit. Vesal. p. 14.* *Scultetum arm. chir. obs. 3.* *Gandorpium specul. chir. obs. 11. & 12.* *Volcherum Coiter. obs. anat. chir. p. 111.* *Cattierium obs. 9. & Wiefeman of Wounds cap. 9.* posterioris verò, i. e. sectionem chirurgicam ejusdem musculi in casu necessitatis haud omnimode declinantis, sed cum salute ægrorum factam perhibentis, *Fontanum l. a. part. 3. Borellum cent. 2. obs. 20.* *Pavvium l. a. p. 176.* *Riverium obs. à Formio commun. 19* & ab *Aimar commun. 4.* *Marchettum obs. chir. 15.* *Joh. van Meekren obs. chir. cap. 1.* *Cornelium van de Voorde Lichtende Fackel der Chirurgie p. 476.* & hujus Scholiasten. l. a. item *Wiefeman l. a.* Quibus propriam experientiam jungo, per quam olim *Lugduni Gallorum* in Nosocomio, quod *P. Hoesel de Dieu* vocant, in puero 10.

Biblioth. Chirurg. Tom. III.

circiter annorum dextrum musculum temporalem casu ab alto ita contusum atque laceratum fuisse recorder ut superveniente suppuratione os subjacens hinc inde nudum plane, imo in hoc sub illius latere postico fissuram cernere contigerit, cujus persequendæ causa ejus inigne satis fibrarum lateralium fasciculum incidere cogebatur Chirurgus: qui nihilominus post delirium, febrem & convulsiones exantlatas sanitati pristina restituebatur. Itam militem consistentis ætatis, cujus sinister Crotaphites obliquo vulnere versus genam usque securi discissus erat, paucis tantum fibrarum in medii profundo intactis & sciculis, quique præter illius antagonistæ convulsionem hæmorrhagiam insignem & febrem aliquot dierum, nihil symptomatis patiebatur, paucarum septimanarum cura ad cicatricis usque cutaneæ inductionem sanatum eodem in loco relinquebam. Imo provocare possem ad acta publica Quæsturæ Sckeudicensis vicinæ, à cujus Præfecto Anno 1679. d. 7. Julii ut de fœmina quadam, uxore civis nostratis, in pago, *Schônau* dicto, vehementius vulnerata, deponerem, postulabar: in qua præter vulnus brachii dextri & manus sinistrae plagam capitis observabam; spithamam circiter longitudine æquantem, i. e. ab occipitio per temporum sinistram & frontem ad nasum usque vergentem, simulque musculum temporalem ac ejus vasa enormiter, calvariam quoque & meninges cum cerebro, cujus etiam aliqua portio excernebatur, in occipitio non leviter incisa, deprehendi, cum aphoniam sensuum, que fere omnium per biduum ablatione, febre tamen non adeo magna: quæ nihilominus misera in hanc urbem & ad suos delata intra aliquot septimanas sanata fuit.

Paucis, nisi vel calvariæ fractura, vel cerebri commotio & vasorum ruptura plagæ aut convulsioni musculi temporalis combinentur, hæ mortem vix unquam inferunt. Cujus limitationis intuitu nec adeo paradoxa videri poterat *Ant. de Heide obs. medic. 20.* dum musculus temporalis forma crucis incisus in cane equidem concitabat hæmorrhagiam profusam brevi tamen inhibitam qui sine ullis gravioribus alias symptomatis brevi convalescebat; sine dubio, quod vulnus hoc simplex omnino extiterit, nullaque contusione concussioneve cerebri stipatum.

Potro Calvariæ fracturæ in se numquam mortem inferunt, sed propter adjuncta tantum sine quibus tamen rarius contingunt vel contingere valent, sc. commotionem cerebri insigniorem, vasorum interiorum rupturas, fragmenta membranarum ac cerebro infixa, aut hujus compressionem atque lacerationem: Proin si funestus iis superveniat eventus, ejus ætiologia ab una alterave harum similiumque circumstantiarum erit petenda. Neque omnis vasorum intra calvariam ruptura & sanguinis profusio, calvariæ depressio cerebri compressio & vulnus ac à fragmentis punctura mortem infert: sed fracturæ conditio demum diversa ejusmodi pathemata horumque circumstantias modo per se, modo per accidens tantum, lethalia reddit, illud quidem si ratione fracturæ adjunctis his congrua medela fieri nequeat, hoc, si eandem admittant. Commotio verò cerebri mortis causa quando & quando non, judicari debeat, inferius declarabo.

Chirurgia E. illorum, quia in eo consistit ut vel læsionibus internis admoveantur remedia adæquata, vel educantur ac removeantur heterogenea, symptomatis lethaliibus occasione existentia, nempe calvaria depressa, festuca pungens & sanguis atque sanies comprimentia & putrescentia: ante omnia hic mihi ex superioribus repetere concedatur illud *Hippocratis* effatum, Medicum, qui sufficit ad cognoscendum, sufficere quoque ad sanandum; & per consequens fracturas calvariæ, quas vel ratione exilitatis summæ, vel ut contrahissuras, dignoscere haud licebat, solerti quamvis adhibita indagatione, si enarratarum circumstantiarum graviorum aliquam cum pravis & perinacibus symptomatis sibi combinatam gerant, mortifera per se præsumerem,

utpote quibus non perspectis, aut vix dignoscibilibus, nec medicina applicari poterat. Deinde, utut satis manifesta sit fractura, i. e. quam oculus aut specilli contactus dijudicet, eo ipso nihilominus, dum ratione situs similiumque circumstantiarum, de quibus successive in sequentibus differendi dabitur occasio, intrinsecus latentibus congrua remedia denegantur, etiam hoc nomine fracturæ aliquando mortiferæ evadunt, v. g. si sanguis extravasatus sub meningibus & interioribus ἐγκεφαλε : recessibus hæreat.

Sc. posthabitis fracturarum enarrationibus, quas alii cum Hippocrate sub quinario, alii cum Paulo sub senario, numero complectuntur, sub ea disparitate mihi hoc loco illas concipio, ut alia sit Fissura, alia effractura seu depressio, alia contusio seu collisio, alia sedes, aliaque contrafissura: hinc in earum mortalitate evolvenda ita procedo.

Fissura quia vel evidens, vel cæca seu abstrusa magis, illa vix unquam lethalis est, quod vel immittendis medicamentis ac educendis molestiis satis pateat, vel quod, si per angustiam suam operas necessarias haud admittat, de sui dilatactione nihilominus (chirurgum admoneat: adeoque si inde moriatur percussus, ex accidente tantum talis dici debet. Ast de cæca seu capillari si constet, omnem prudentiam indagatricem ipsi fuisse adhibitam, hanc tamen nullo modo conjecturari licuisse, v. g. si verenda mox in principio haud emergant symptomata, subitanea tamen aut lenta etiam aliquatenus morte & præter expectationem succumbat æger, hanc, si aliqua mortis causa, etiam si talis, quæ alias commode satis sublata & educta fuisset, sub calvariæ sectione reperiatur, lethalem enunciatem, quod malo haud perspecto aut minus perspicuo non valuerit fieri medicina. Paradoxum hoc assertum videbitur pluribus, imo ejus contrarium in Collegiis non raro renunciari novi, ideo quod fissura in se nihil lethalitatis involvat, sanguis extravasatus ac sanies tempestive satis educi queat, terminus mortis interdum satis longus, v. g. in casu sequente: ast difficultatem dignotionis probe ponderantes, hanc summam, difficilem quoque omnimode, curam, inviti post hac fatebuntur, ac in accusando magis Chirurgo, quam vulneratore, haud adeo præcipientes se dabunt.

Comprobant hoc Observationes frequentiores, v. gr. penes Pavv. in Hippocr. de vuln. cap. p. 32. qui refert, quendam à compositore in Bregmatis os dextrum poculo stanneo percussum, hujus tamen integumentis mollioribus apertis nihil fissi in Olla repertum fuisse, ægrum pancratice se habuisse & obambulasse: donec post decimum mensem inter ambulandum vertigine correptus conciderit & brevi post expiravit, apertoque Cranio in ictus loco os plane putridum fœtidumque cum meninge comparuerit; ideo sc. quod ab insensibilibus staminum, seu fibrillarum ossæarum, tabularum calvariæ medullarum intercurrentium, contusionibus lacerata fuerint vasa illi intertexta, quorum cruor exstillans in inflammationem, hocque meninges & Cerebrum in consensum lethalem abripuerit, cui similem Historiam Valleriola in Comment. in Hipp. de vuln. cap. ad c. 15. suppeditat. Eiusdem fortè generis dicenda erit occulta illa Rima, quam Tulpinus obs. 1. c. 2. describit, & ex qua, omnibus remediis irritis periit sexta die Vulneratus: cujus Cranium, tam vivi, quam cadaveris, dissectum foris illæsum plane deprehendebatur, intus nihilominus sui fissuras, una cum sanguine, ad basin Cerebri deposito, & Cerebello syderato ostendens. Sane Tabulam Calvariæ externam ictui illato minus cedere, findi nihilominus plus minus internam, hinc inde experimur, qualis læsionis species lethalitatem plerumque pedissequam habet, si non ob aliam causam, certe vasa lacerata, hincque sanguinis ad interiora profusionem. Ita v. g. Fallopius in Hipp. de vuln. cap. 13. perhibet, se in Nobiliss. cujusdam Studiosi Occipitio percusso (raso etiam) nullam equidem

vidisse fissuram, donec Lamina superiore penitus abrasa inferior largam satis stiterit. Simile quid de Surore quodam Parisiense, lapide percusso Anonymus ille Gallus cujus aliquoties jamdum memini, L'art de faire des Rapports, narrat, hunc equidem intra quindecim dies sanatum evasisse, postmodum verò duris symptomatis prehensum quinta circiter septimana expirasse: super hujus dura matre repertam fuisse saniem purulentam, quæ hanc lividam maximè reddiderit, & in Cranii pariete interno visam fissuram cum aliquali hujus etosione, recta quidem sub loco, qui ictum exceperat, integra lamina exterior. Hæc casus, inquit Berengarius de fract. cran. part. 2. c. 1. inter alios timendus est, quia Medicus cum maxima difficultate potest judicare illam speciem læsionis maximè sensu, sed judicio tantum præsumptivo judicabit, visis accidentibus, quæ sequuntur ad talem speciem &c. Quæ tamen pariter aut non mox eveniunt, aut fallunt.

Minoris ergo periculi erit fractura latior & patula magis præ arctiore, atque inepte argumentantur ab illis frequentius sanatis, ad minores, capillates ac minus sensibiles; cum hæc plures perimant, ob rationes, indigitatas, sanguinis imprimis ad ἐγκεφαλον profusionem; illarum enoniores quoque feliciter curari, experientia crebrior comprobet. Etenim etsi rima sit tam angusta, inquit Agineta, ut sensum exiguitate fallat, tamen pluribus mortis causa fuit: quanquam non tam ob rimam ipsam, quam ob sanguinem supra interiora Calvariæ profusum, tale quid eveniat. Ad quas latentes fissuras quoque referendæ, quæ in ossibus Calvariæ profundioribus v. g. ossum temporum inferiore parte, ossis Sphenoide, orbitarum, oculorum &c. eveniunt, sub basi Cerebri latitantes, hinc nulla oculorum mentisve acie comprehensibiles, & læsionibus Capitis per se lethales annumerandæ. Non quidem in se, sed quatenus vasa sanguifera rupunt, aut sub iisdem testæ aut fragmenta secedunt, membranas cerebrumque pungentes ac vellicantes: qualia educere, nulli arti conceditur, exitium nihilominus ægro parant.

In specie si fissura in ipsam inciderit futuram, difficillimè eam dignosci, Hip. de Vuln. cap. 16. tradit, Fallunt enim, inquit, & mentem & visum Medici hæc futura, fissura speciem referentes & reliquo osse asperiores existentes, nisi vehementer dissecta fuerint ac dissoluta. Seu secundum Fallopium in Hippocr. de vuln. cap. 19. quoniam asperitas specillo deprehensa non indicare facit Vulnerum futuræ, & ambigui recedimus ab exploratione facta: num illa naturalis, i. e. Suture propria, num præternaturalis, seu à percussione superinducta: Credimus, pergit Fallopius, enim futuram tangere, & erit vulnus, & e contra, oculus etiam decipitur, qui videbit futuram, & credet os esse fractum; nisi forsitan suture ipsæ rimam patiantur latiore, seu hiatus manifestum, quem dissolutionis nomine Hippocrates innuit, dehisceniam forte commodius dicere liceret. Per consequens si nec oculus, nec ratio, his vitiis detegendis, semper adæquata, quid mirum, mortem, quæ ejusmodi fissuras insequitur, ex conditione vulneris, non imperitia Chirurgi, obvenisse dicamus, i. e. has, quod iis mederi haud liceret, per se lethales asseramus. Cunctos verò Medicos mihi ad stipulantes promitto, fissuram, qua interaneorum læsorum remedia excluduntur, aut heterogeneitatibus ad mortem usque molestis exitus denegatur, semper lethalem esse: quod quibus modis evenire queat, inferius tradetur.

Alias verò etiam aliquando evenire solet, quod ter sibi in Praxi visum Berengarius Carpens. l. a. part. 1. tradit, partem Cranii, à re obtusiore percussam, partem ossis sibi oppositam, per futuram tamen sibi connexam, eò usque impellere, ut commissura illa intermedia plus minus evidenter aut omnino non solvatur & hiet, huic tamen intertextæ villæ membranæ ac vasa conquassentur ac lacerentur, hinc cum sanguine è vasis ruptis destillante temporis successu putrescant & in pus abeant. Quod, quemadmodum, cute haud lacerata, difficilioris pariter

pariter cognitionis, sic difficilioris quoque medelæ est: atque ideo lætio hujus generis ut plurimum, hinc per se, lethalis erit dicenda.

Incisio ac puncturæ aliæ sedis nomine venientes in se mortis causa minime dici debent: quia ut plurimum cum vulnere evidentes satis & in oculos incurrunt, ideoque patulam viam immittendis remediis & edicendis noxiis concedunt, vel de amplianda illa nos monent.

Neque effracturæ talis existit conditio, quin sensibus satis obviæ sint ac cæteris paribus Chirurgiam promptius admittant: nisi quod aliquando sanguis & sanies una cum fragmentis ossis sui educationem detrectent. Quæ sanguinis ac saniei evacuationem moventur, paulo post dicitur: de testis verò seu fragmentis à calvaria secedentibus, & vel extremitatibus suis acutis, quasi spiculis, meninges ac cerebrum pungentibus ac perforantibus, vel mole sua eadem comprimentibus, monendum, utraque ratione hæc exitiosa valde existere. Quippe si mole, si aculeis, in membranas agant, illa comprimendo, his irritando, & in spasmos eas concitando, circulationem per vasa turbant & graves inflammationes movent; cerebrum verò simul in sphacelum conjiciunt, spirituum dispensationem inhibent & apoplexiam provocant. Per consequens si vel fragmenta hæc ita se habeant, ut commode protrahi nequiverint, vel eousque læterint, ut protracta quamvis, effectus graviores pone se reliquerint: lethales capitis percussiones aliquando reddere possunt. Priore nempe ratione, si portio ossis avulsa seu fragmentum sub os integrum ita se receperit, ut ubi hæreat, nescius Chirurgus illud apprehendere & extrahere haud valeat, aut v. g. ad basin cerebri hujusve interiora adeo profunde, aut in similem quandam locum, depositum fuerit, ubi instrumentorum usus silet, v. g. ex fractura orbitæ oculi, ossis cuneiformis &c. Imo quamvis commode satis, mediante siue trepano, siue per ipsam effracturam patulam, tale ossiculum protrahatur, adeo ut symptomata graviora ad unam alteramve horam remittant, & sensus ad pristinum statum ac vigorem se denuo recipiant, redeunt tamen illa, paulo post cum impetu: vulnus, propter ejusdem durioris impressionem factam, etiam hoc remoto, percussum interimit, hinc lethale manet.

Ambigua magis videtur confusio seu desessio calvariæ, quia cum ab hac modo fovea remanet, modo eadem deletur, in priore casu, etiam citra ullius symptomatis apparitionem Chirurgus metum rupturæ tabulæ internæ ac vasorum illa incutere & elevatorii atque trepani usum commendare poterat. Quinimo hæc introcessio cerebro ac Membranis comprimendo vim infert, seu motum sanguinis & spirituum plus minus evidenter turbat, in adultis ut plurimum cum fractura. Adeoque ex collisione illa, quam cum externæ tabulæ lacuna, sine ulla accidentium molestia in juvene testatur *Paw. p. 91.* post trimestrem eveniens mors artificis potius securitati & negligentiae erat adscribenda. In posteriore nec de eadem constat, nec talem, nisi ex symptomatum vehementia suspicari, aut per cadaveris sectionem judicare, licebit; hinc ejus effectus haud semper attendere, multo minus avertere, poterit sagacissimus, & sine dubio non culpa Chirurgi, sed aggressoris, perit percussus.

Ex contrassura, oppositione seu resonitu demum si moriatur idem, cum sanguine extravasato, fragmentorum ad interiora secessu similive circumstantia, non sine ratione me hanc per se lethalibus fracturis accensere, illi annuent, qui in primis artis Principiis evolvendis operam suam aliquando collocarunt. Hos enim ex *Hippocrate de vuln. capit. 1. 9.* non possunt latere hæc verba: *Si os vulneratur alio capitis loco, quam quo ulcus habet homo, quintus hic modus est, quod infortunium ubi accidit, nulla re juvare valebis: non enim scire potes, ubinam malum hæreat, imo num ager vulneratus sit, aut quam capitis partem, etiam si maxime quæras, certior fies.* Hinc *Paw.*

Bibliot. Chirurg. Tom. III.

p. 106. vere infelices ac infortunatos ejusmodi percussos proclamat, qui nec ipsi sciunt, an, & quo loco l. si sint, nec Medicus ac Chirurgus hac de re certior fieri potest, nisi cum jam conclamatum est. Et *Pareus 9. c. 8.* ait, cum nullo certo signo hoc fracturæ genus dignosci valeat, si quando ex tali mors consecuta fuerit, venia dignum censendum esse Chirurgum.

An ejusmodi contrassura dentur, seu unquam existant, prolixè equidem disceptare novi Doctores æque, ac Practicos, ut cernere est penes *Fallopium in Hippocr. de vuln. capit. c. 14. Berengarium part. 2. c. 2. Joh. Baptist. Cortes. in Hipp. de vuln. cap. part. 2. t. 2. A. à Cruce Chir. l. 2. cap. 1. Pareum l. 9. c. 8. Senne. tum pr. 1. c. part. 1. c. 23. Diemerbroeck anat. l. 11. c. 1. John. Brown of Wound c. 33. & Anton. de Heide annotat. in Cornel. van de Poord Fackel der Chir. horum aliis illas asserentibus, aliis negantibus: inter quorum illos reperio *Pareum, L. 4. Nic. Florent. Sermon. 7. sum. 2. tr. 4. c. 1. à Cruce, Pavium anat. succent. Loff. 1. obs. 1.* Quibus sane obstrepere nefas, multo minus Berengario subscribendum, quando illos, qui ἀνίσχημα τὸ ὀνύχημα. testantur, purum mendacium dicere frivole clāmitas: postquam in linea mox antecedente possibilitatem ejus nihilominus non diffusus fuerit, perdifficilem tantum dixerit. Medicos Chirurgosve ajunt decipi per hoc, quod contingere queat, aliquem in uno latere lapide, fusti, percute, sine ullo ictus aut fracturæ vestigio, simul tamen eundem percute in opposita parte, aut hac percussum in terram cadere, seu parieti allidere &c. ut in hac frangatur Calvaria, quod à priori percussione evenisse, imprimis si de posteriore ictu aut allisione minus constet: ut credamus illam partis oppositæ læsionem, factā fuisse ab uno ictu, quæ ab alio seu altero fuit facta, v. g. casu in terram. Quod equidem aliquando ita se habere facilis largior, quin tamen interdum etiam ejusmodi infortunium accidere queat, nihil prohibet. In præsentiarum interim, ne theoriæ præ praxi plus litare videar, neminem adeo difficilem ac obstreperem mihi in hoc auguror, etsi nulla unquam contrassura detur, si modo duabus diversis capitis partibus inferantur ictus, quorum unius insufficitio aut infirmitas locus ex quacunque occasione nos lateat, etiam hunc per dignotionis difficultatem incurabilem præstiturum fracturam hinc factam, eamque per consequens ideoper se lethalem.*

Celsus equidem *lib. 8. cap. 4.* modum eam dignoscendi suggerit hunc, ut si quis graviter vapulet & mala subsequantur symptomata, neque in parte, qua cutis diffissa est, rima reperiatur, in parte altera investigetur, num quis locus mollior sit & tumeat, hicque aperjatur: imo alii alia his addunt signa, nempe quod eger manum illi loco frequentius admoveat, &c. At cuncta hæc insufficientia ac fallacia satis testatur Chirurgorum multijuga experientia, quatenus non raro in illa quoque cranii parte, in sectione cadaveris, offendimus fissuram, in qua nullus tumor nullaque laxitas cutis conspiciebatur: imo qualis tumor cutisque secessus expectari poterit, si lamina calvariæ interna, externa integra, resonitum fuerit passa, aut orbitæ oculi sub musculo temporali, ossi cuneiformi similibusque locis, cuti non immediate contiguus, ejusmodi infortunium imprimatur? qualia phænomena autopsia non raro suggerit. Unicum horum exemplum recensere lubet. Requisitus Anno 1669. Septembr. Tauscham, oppidulum vicinum, ut cadaver Christiani Voigrii, ex ictu fustis defuncti, aperirem, in fronte hujus prope & circa supercilium dextrum suggillationem sine vulnere, nihil verò in osse subtrato fissuræ, confusiois &c. att. sub prora cerebri in orbita ejusdem oculi dextri contrassuram sesquipollicaris longitudinis, ad sellā turcicā abeuntem, hinc eodem in loco duram matrem rupram, offendi, offenditque mecum Chirurgus, qui laboris impatiens hanc in tempeste abrupte maluisset. Aegrorum delirantium ac sub torpore, i. e. sine sensu & motu decumbentium, manus, caput hinc inde contrectans, aut nulla, aut minus fida, index est. Præterea non in parte percussioni

semper opposita, sed in vicina quoque aliquando contrasiffura fit, imo in eadem sc. ut modo dictum, non lamina externa, quæ ictum excepit, sed interna, fissa, ut vel ex *Fallopio in Hippocr. de Vuln. cap. 14. Pareo lib. 9. c. 8. Pavv. p. 108. Tulpio lib. 1. obs. 2. & Sculteto obs. 14.* patet. Imo nonne evenire potest, sicut inspectiones cadaverum edocent, ut in parte percussa excitetur fissura, patiatur nihilominus contrasiffuram alia quædam remotior, de qua, quia illa evidens, nec somniare quis poterat? Et certe, si quis non, nisi mera fretus suspitione, inquit *Pavvius hanc illamve capit. partem explorandi causa fecet, nihil inibi detrimenti inveniat & ager postmodum moriatur, non poterit crudelis Medici evadere nomen, verum notam tam sibi, quam arti, inuret non eluendam.* Neque tamen contrasiffura immediate lethaliatatem patrat, sed pariter, ut modo indigitatum, vel ratione sanguinis extravasati, vel fragmentorum insignium, quæ vel aculeis vel mole sua membranis ac cerebro exitiosa existunt, & quorum neutrum, utpote haud exploratum, protrahi potest. Sanguinem sub contrasiffura vix ullus disputabit: ast tanrùm ictus illati ad contrasiffuram usque esse potentiam, ut in testas majores minoresve interior calvariae lamina secedat, mirari, haud tamen omnimode negare, conceditur. Miserum hujus phaenomeni exemplum est, quod *Paw. l. a. refert, de Juvene quodam, qui capite pronus in terram conciderat, & tertio post casum die obierat: cujus calvaria discilla omnino integra & sine omnis læsionis vestigio comparuit, ab interna parte nihilominus evulso fragmento ingente, quod per utramque cerebri partem perque intermediam hujus divisuram se trajecerat.* Cui addere convenit, quod *Pareus lib. 9. cap. 8.* perhibet, cujusdam Nobilis, casside armati, bregmatis lethaliter icti, laminam internam externa integra in multas testas secessisse: imo quotidie tale quid evenire, sectionibus ejusmodi cadaverum vacantes mecum fatebuntur. Per consequens, si aliquando ejusmodi infortunium tempestive detegatur, huicque æger eripiat, raro contingentibus hoc erit annumerandum, imo paucissima forsitan (si quæ) penes practicos reperimus exempla eorum, quorum contrasiffura comparuerit, hæcque cum lethalibus suis adjunctis seu effectibus sublata fuerit.

Propero ad interiora Calvariae, ubi mox de Duræ ac Piæ meningis vulneribus quæstio exoritur, an hæc inter lethalia referenda? quale quid simpliciter affirmare haud possumus, nisi forsitan intuitu reliquarum circumstantiarum, sc. rupturæ vasorum, cerebri concussionis aut vulneris insignioris, mors aliquando superveniat. Quemadmodum enim cerebri compages nec levissime vulnerari valet, nisi instrumentum vulnerans hæc ejus involucria penetret, ex læsione nihilominus illa frequentius convalescunt ægri; ita cur sola hæc involucria lacerata mortis causam quis præsumeret, haud apparet. Porissimum cum crassam integram, si inter hanc & tenuem sanguis extravasetur, vel pus colligatur, incidere & aperire haud vereantur Chirurgi peritiores, ut vel ex *Glandorpii Specul. Chir. obs. 4. & Blankarii Collect. Med. Phys. cent. 1. obs. 27.* legere poterunt, quibus hoc paradoxum nimis videtur.

Cujus etiam generis videtur experimentum tentativum *Antonii de Heide, ab hoc obs. 19.* delineatum, quo, postquam trepano Canis Calvariæ perforaverat, forcipe prope sinum falciformem aperiebat, eum in finem, ut symptomata, hujusmodi læsionis connexa observaret. Hæmorrhagiam sanguine draconis & linteo carpto brevi sedabat, adeo ut post breve animi deliquium ad se rediret, & pane sicco aliisve (licet minus a vide) vesceretur, nullis ab hinc aliis gravioribus symptomatis correptus.

Et si lubens fatear, ejusmodi incisiones arte & manu suspensa factas, haud undiquaque æquiparandas esse Lacerationibus ac Rupturis horum panniculorum, cum impetu seu violentia majore concitatis: dum harum posterioribus combinantur fractura, cerebri concessio &c: tensiones quoque ruptoriæ ac ictus impetuosius illati

plus doloris præ incisione artificiali parant, hinc spasmus gravioribus totius involucri aliarumque partium occasionem existunt. Ne advertam, in parte laterali, vel à fractura calvariae remotiore ac profundiore, cui remedia commode administrati nequeunt, laceratas meninges lethaliatatem ut plurimum consecutariam habere. Sensus delicatioris sunt hæ membranæ, hincque vulneratæ in paralytin ac demum convulsiones abripiunt partes, ideoque per se mortales nuncupari valent earum lacerationes, si frustra admota fuerint remedia congrua: & si forsitan unum vel alterum à læsione ejusmodi evadere constet, aphorismo tamen universali occasionem parare nequeunt, per axioma: *rara non sunt artis.* Utgens interim magis videtur lethaliatatem in vulnere piæ matris; quod vasis sanguiferis nullibi non cernatur hæc intertexta, quæ simul rupta multum cruoris profundunt: Cerebrum quoque in tegumento hoc denudatum ab aëre ambiente brevi corrumpatur, ejusque dolorifica constrictione ad exteriora protrudatur atque elevetur.

Ratione læsionum Duræ meningi obvenientium adhuc attendi meretur membranæ hujus textura singularis, quæ in superficie sui interna fibrarum crassiorum & tantum non lacertolarum strata bina, se interfecantia, in extrema simplex tantum, sistere *Anton. Pacchionus de dura mening. c. 1.* edisserit, hæcque pluribus figuris exprimit: Per quam conformationem ac alternativam sui constrictionem cerebrum ejusque vasa comprimat, fluidum à sanguine derivatum in substantiam ejus corticalem & ex hac intra nervorum tubulos medullares exprimat atque propellat, ut *cap. 4.* prolixè tradit. Ad stipulatur huic theoriæ *G. Baglivius de fibra motric. c. 5.* ubi duram matrem maximum humani corporis elaterem air, qui perpetua sua oscillatione secretiones fluidorum varie promoveat varieque dirigat, hinc solidis ac fluidis imperet: vulneratus verò, inflammatus aut quocunque modo læsus convulsiones, deliria, jactationes aliosque motus inordinatos in cerebro ac partibus inferioribus præstet toti plus minus perniciosos. Quam theoriam etiam si haud per omnia meam faciam, admonitus à *Ridley Anglo, dum in tr. de Anatomie Cerebri duræ matris motum arteriis cerebri, cum plerisque antecessorum, in acceptum refert: postmodum, cum Baglivii hypothesein, de motu duræ meningis proprio & hujus influxu ad cætera organa, intelligeret, singulari experimento, in cane vivo adornato, quod ex Trans. Philo-sophic. Angl. excerptum in Aët. Erudit. Lips. Ann. 1705. mens. Maii reperitur, pristinam sententiam vindicare, motumque cerebri à peculiari hujus membranæ textura, ab aliis assertum, evertere conatus fuit. Ipsa nihilominus ejus structura, simplici telæ saris absimilis, sed sensibilibiter lacertosa, & symptomata ejus statum morbosum comitantia, innuunt, eam machinæ corporis vitali usum non exiguum præstare, adeoque violatam motus hujus generosiores varios vitare. Adeo ut minus paradoxe asserere liceat, violentiores involucri hujus rupturas aliasque unitatis solutiones convulsionem, paralytin ac non raro mortem inferre: atque hoc quidem plus minus, quo modo has, modo illas, fibrarum illius series fasciculose violari contingat. Qualem quidem disparitatem specialius animadvertere non licuit, augurari tamen in genere fecit hoc, quod, tradente *Pacchiono c. 6.* loci diversitas in dicta membrana, in quo contactus violentiores hæc experitur, cuive hæc vel illa acriora admoventur, majus minusve periculum inferat, v. g. prope falcem, cujus lateribus Glandulas quoque spissius seu copiosius adhærescere, idem Autor *de glandul. duræ matris* asserbat.*

De vasorum, involucri his intertextorum, lacerationibus mox dicetur, in specie quoad sinus duræ matris hic monendum, eorum vulnera, nisi levissima forsitan, propter enormiores sanguinis profusiones, semper lethalia pronunciari debere: sive cranio eoque aperto, ut paulo

tulo satis vulnere medicamenta styptica admoveere concedatur, sive eodem clauso, hisque remediis aditu intercluso. Nec in dubium hoc vocabit, qui sanguinis uberimum confluxum ad receptacula illa, imprimis majora, novit; firmareque idem possent diversis Autorum testimoniis, nisi insequentibus casibus sat fidei adscriberem; Facultatis nostræ censuræ 1669. d. 7. Aprilis & 1678. d. 16. Novembr. expositis. Nempe in priore, cuidam furca, aut, occisoris relatione, baculus extremitatis acuminatæ, per orbitam oculi dextri eoque adigebatur, ut processum falcatum in antica parte hujusve sinum duobus foraminulis pertusum & sanguine vacuum, declararet inspectio die tertia ab ictu mortui. In altero, quidam fuisse majore percussus repente sine motu & sensu conciderat, & ni fallor, tertio die obietat: in cujus calvaria fractura ingens simulque quartus duræ matris sinus ruptus visus fuit, sanguine multo sub eadem membrana & intra cerebri anfractus atque cavernas collecto. Quod si tamen cranii fractura latior, dubia ideo videri poterat hæc lethalitas, quod sub hac circumstantia ille sanguinis fluxus mortalis commode satis compesci queat, & quidem præeunte *Marchetto*, qui *obs. med. chir.* 4. vulnere capitis latiori, per medium cerebri, ubi hoc à falce dividitur, usque ad corpus callosum penetranti & sinui falcato cum aliis vasis dissecto, gossypium ustum, bolo armena, sanguine draconis & albumine ovorum imbutum, una cum filamentis aridis intrudendo, hæmorrhagiam enormissimam sistebat. Sed quamvis experimentum hoc celebris adeo Chirurgi in dubium vocare mihi haud præsumam, ambigo nihilominus, an levior & superficialis ejusmodi stypticorum applicatio vasis seu receptaculis tantis, quæ præter sanguinem venosum arteriosum si nul excipere, eorum pulsus & manifesta satis arteriarum insertio persuadet, obturandis sufficiat: quatenus cerebri subjacentis mollietis nullam ab altera parte renitentiam compressivam præstat, & in membris externis, nisi simul adplicari queat deligatio congrua, frustraneus est restringentium usus: violentiorem verò & duriorem ejusmodi remediorum infarctum, hinc compressionem potentiorem, cerebrum mollius sine spirituum dispensationis graviore ac lethali læsione, an feret, quod sanguinis extravasati mole, aliquando non adeo ingente, mox gravatur?

Lacerationes ac rupturæ vasorum sanguifluorum reliquorum, sive cerebro, sive membranis, implicatorum, proin Plexus quoque choroidei, si tales fuerint, per quas enormior ad extra sanguinis contingat profusio, lethales per se censentur: sive apertura calvariæ tanta fuerit per quam styptica applicare liceat, hæc nihilominus tanto malo avertendo vix unquam proportionata sint, ut ex modo dictis suppono; sive situs ac tractus vasis lacerati talia respuat, v. g. arteria illa per fissuram magnam limborum cerebri anteriorum decurrens. Hinc necessario cum sanguine deficiente oscillatio hujus vitalis fatiscit & syncopen apoplexia lethalis brevi excipit seu comitatur.

Sin verò idem sanguis extravasatus intra calvariam congeratur, duplex pariter cerebro inde emergit damnum: alterum ab ejus mole seu pondere, alterum ab ejusdem corruptione seu putredine. Illa siquidem cerebrum brevi ad apoplexiæ concitationem comprimitur; hac verò idem sphacelosum redditur, ac post deliria, vertiginem ac convulsiones spirituum pariter emanationes turbantur: per consequens, si sanguis ille tempestive satis educi nequeat, mortis causa vera & proxima dici meretur. Quamvis enim aliquando per nares atque aures idem aliquando sponte, cum percussu salute, rejiciatur: fortuitum tamen satis & solius naturæ potentioris effectus quia hoc est, artis regulis condendis minus adæquatum videtur; cum pluribus miseris beneficium hoc extraordinarium illa denegat, neque toti Hippocratis & Galeni peritiæ abstrusas has illique soli reservatas,

vias terere ac simile levamen istis adferre concedatur.

De sanguine sub cerebro, in hujus substantia, plicis & concamerationibus, intra hoc ac cerebellum atque circa medullam oblongatam collecto, idem asserunt plures, si non omnes: illum verò, qui intra calvariam & membranam crassam deponitur, aliquando Trepano educi adeoque lethalitatem non semper patrare, in propatulo est. Quia nihilominus Medici minus cauti & malitiosi occisorum Procuratores Chirurgiam hanc omnibus ejusmodi casibus adæquatam credunt, hinc ejus omissionem inter neglecta & errores, quibus per accidens saltem mortalis evadat plaga, referunt: non cuilibet sanguini sub calvaria immediate hærenti evacuando hoc remedium sufficere, adeoque aliquando grumos illos per se mortem inferre, sequentibus declarabo.

Nolo in præsentiatum prolixus esse in explicanda difficultate, quam aliquando læsionis locus admovendæ terebræ parit, dum v. g. ex consensu plurimum Artistarum constat, frontis illi patti, quæ superciliis propinquior eam applicari haud posse: alia plura insuper, hac superata, sunt quæ operationem illam prohibent, seu prudenter negligere jubent. *Primum* horum est symptomatorum mox summa gravitas & mortis hinc eventientis celeritas; ratione quarum circumstantiarum ingentem simul cerebri fibrarum medullarium commotionem aut enormiorem sanguinis profusionem subesse concludimus: quarum hæc sæpe tanta, ut, quamvis aliquid cruoris per foramen modiololo descriptum prodeat, reliquum illius tamen ejusmodi ponderis aliquando obsetvetur, quo cerebrum ad apoplexiam usque comprimat, aut putredine sua idem ad sphacelum usque lethalem brevi contaminet, quod multum sanguinis brevi educi nequeat. Imo fieri haud potest, quin multus sanguis extravasatus per totam *εγκεφάλου* convexitatem dispergatur, semperque declivorem vacui partem petat, hinc nullo instrumentorum apparatu evocabilis. Neque obstat, quod *Berengarius* l. a. cap. 11. *Roonhyfen* *obs. chir.* p. 161. ac 139. *Heide* in not. ad *Corn. van de Voorde* *nieuwlichtende Fackel der Chir.* p. 475. ac de *Anton. Pacchion. de dura mening. fabrica & usu* cap. 3. non in futuris tantum, sed undique crassam meningem calvariæ alligari, hincque ejusmodi descensum cruoris fieri haud posse per autopsiam & contra commune dogma tradant; Quippe eo ipso, dum à percussionibus capitis membrana eadem ab osse plus minus secedit & abruptitur, via patula & locus conceditur sanguini, ex ruptis vasis profuso, sese latius explicandi & ad latera ac inferiora descendendi. Præterea quamvis non cunctos, quibus cerebrum concutitur, necessario perire, lubens concedo: quod si nihilominus enormior ejusmodi quassatio fuerit, sanguini equidem, ad calvariam profuso, extrahendo trepani usus quadrabit, minimè tamen corrigit illas cerebri tubulorum interiorum distorsiones aut lacerationes lethales. Neque hac Chirurgia educere licebit sanguinem sub ejusmodi concussionibus ad cerebri interiora rejectum, à quibus nihilominus vehementiora mox in principio symptomata eveniunt, & per consequens in ejusmodi casu, frustranea erit modiololi applicatio. Adeoque utut etiam hujus extravasationis illa fuerit conditio, cui Chirurgia hæc in se foret adæquata: eo ipso nihilominus, dum, ut dictum, citius expirat percussus, ac prudens super eandem consilium capere hancque congrue administrare poterat Chirurgus, non hic, sed ipsa læsionis natura, causa mortis dici debet. Accedit, quod rupto majore aut pluribus vasis sanguis equidem extravasatus modiololo evocetur, non tamen impedire queat idem instrumentum, quin illo educto ex rupturis his novus scaturiat, hicque si non cerebrum comprimendo, certe vires dissipando, ægrum, cujus calvaria terebram sustinuit, enecet.

Deinde à trepano nihil salutis expectandum, huiusque neglectus ex percussione per se lethali vix per accidens tantum lethalem faciet, si signa deficiant sanguinis extravasationem alias indicantia: quales quidem casus determinate mihi haud præsumo, binis tamen vel trinis declarare conabor. Si nempe contingat, quendam remotis arbitris, seu nemine vidente, percuti, ut sine sensu & motu mutus concidat, uno verbo sine omni phantasia & rationis usu percussus reperiatur, nullum vulnus aut tumor simileve, ex quo à violentia quadam externa hæc symptomata lethalia evenisse, suspicari liceat, compareat, hinc nec æger, alius quispiam, qui percussione iuvare possit: talis si sub torpore illo, ex sanguine sub craniò collecto, & alias per trepanationem educibili, moriatur, nonne illa sanguinis profusio per se mortifera erit iudicanda, ideo quod causæ mali haud cognitæ non valuerit congrua fieri medela?

At ne casus ejusmodi fingere aut somnia alere videar, provoco inprimis ad ingenuorum Medicorum ac Chirurgorum experientiam, quorum sane unus vel alter, si non frequentiora, certe aliqua, sibi aliquando obvenisse exempla præstabuunt, per recensitas aut his similes circumstantias: difficultati intimatæ obnoxiarum, hinc per se lethalibus adscribendarum, capitis percussionum: quibus nihilominus, ne ἀσύνετο plane censeat, quid mihi ann. 1688. obvenit, adjiciam. Vocabar sc. die 6. Septembris à Prædicti suburbani Gubernatore, ut secarem cadaver militis gregarii, & de læSIONIBUS ejus deponerem. Sanus hic vespere antecedanea ex hospitio suo ad tabernam cum commilitone prodierat, mane in compito reperitur semimortuus, aphonus sc. sine sensu & motu, deportatur ad suos & post paucas horas satis cedit. Nemini constabat, an à violentia externa, an pathemate causæ intrinsecæ lethalia hæc ipsi contigerant symptomata, nisi quod eo jamdum defuncto socius egregie vulneratus narrabat, quosdam homines ignotos & per viam grassantes se cum socio fustibus similibusque instrumentis invasisse, donec fuga sibi prospiciens ipsemet vulneratus mortuum dereliquerit. Nullum violentiæ ullius externæ in toto hoc cadavere comparebat velligium, nisi brachium dextrum maxime suggillatum, hinc de mortis causa proxima incertus primo medium & inferiorem ventrem, & cum in his nihil eorum, quæ ominabantur, offenderem, caput quoque aperiebam, nec in hujus cute, sed sub musculo demum temporali sinistro effracturam cum sanguine extravasato super dura matre deprehendebam.

Quæro itaque, qua ratione quave arte sanguis sub calvaria extravasatus in hoc subiecto dignosci potuisset, cum, quid ipsi obvenit, nemo deponeret, neque ipse vulneratus (secundum consilium Hippocratis l. a. t. 10. & 15.) interrogari potuerit quid passus sit & quomodo? & per consequens, quid agendum fuerit? an terebrandum in casu, ubi morbi natura huiusque circumstantiæ latent; demum verò, an artificis culpa occubuerit miser hic? Hærebunt quoad bina priora quæsitæ omnes, postremis negative respondebunt prudentiores. Unde infero, vel propter has solas circumstantias percussione illam sua natura extitisse lethalem.

Pariter hujus generis erit sanguis, qui è vasis in loco extra percussione locum, sive cum, sive sine, contrassura ruptis, emanat ac colligitur: de cujus extravasatione quamvis satis certi simus, cum nihilominus, quia de particulari ipsius situ haud constat, trepano protrahere vix conceditur, concederetur forsitan, modo, ubi hæreat, innotesceret. Item, si quis percutiatur baculo exiliore, nulla verò primo aut altero die gravia patiatur symptomata, nec vulnus, aut superficiale tantum, compareat: qua conjecturandi arte fissuram cranii laceratave vasa sanguinea intelligeret, hinc qua temeritate perforationem cranii & educationem sanguinis, sibi ignoti, adornaret, Chirurgus? Quod si interim moriatur ille ex improvviso, uter horum causa mortis? an Læsus? an Chirurgus? an Percussor? Ultimus sane mihi omnium quam suspectus videtur.

Tertio sicut sanguinem, qui intra cerebri plicas & concamerationes, sub eodem, cerebello, & sub dura matre hæret, modiolus usum derectare plures mecum convenire superius monui, ita de posteriore, si in capitis ambitu superiore, immediate sub meninge fluctuet, hoc asserere, nimis durum videri poterat illis, qui ex Glandorpii, Blankartii, & de Heide observationibus superius allegatis recordantur, aliquando sanguinem purulentum, ad spaciū, huic ac tenui intermedium, depositum, incisa priore, cum vulnerati euphoria ac salute, eductum fuisse: quin tamen rupturis ut plurimum, adeoque per se, lethalibus, ejusmodi casus accenseamus, singularia hæc nihil nos morari debent. Quatenus extravasatus hic sanguis indeve producta sanies non semper adeo sensibili, & ad protuberantiam usque meningis turgescencia seu tendencia, qualem in historiis suis scriptores hi testantur, exitum molitur, hinc artis ministerium poscit: sed probabilius est, illum fluxibilitate & gravitate innata inferiora potius, quam superiora, capitis petere, adeoque v. g. ad basin cerebri, aut inter hoc & cerebellum se insinuare, unde sane nulla arte elicitur, ut taceam, si in sanie patrilaginosam abierit, quod aliquando detrepente fit: ejus congestionem sub involuero hoc sine pia matris & cerebri substantiæ singulari alteratione seu corruptione vix fieri posse.

Nec ille sanguis, qui immediate sub calvaria, etiam si circa bregmata, colligitur, trepano semper cedit, si nimirum quarto citius grumescens duræ meningi plus minus tenaciter agglutinetur, hænet an so feste als Pech, ut in cadaveribus nō, nisi duriore ratione, hinc detergetur, & lenta suppuratione seu putredine demum, secestratur, hinc forsitan tarde latis per aperturam factam, excernitur, interim cerebri compagi vel mole, vel fracedine, molestus & æconomiam ejus brevi sufflaminans ac destruens. Quam circumstantiam nihilominus à paucis attendi, pro dolor! quotidiana edocet experientia.

Ipsi denique cerebri ac cerebelli plagas Hippocrates f. 6. aph. 18. 3. coac. 387. & 1. de morb. l. 3. mortales ait: quia nihilominus ex harum gravioribus quosdam evadere præter experientiam frequentem scriptorum fide dignorum monumenta perhibent, quorum quædam in sectione prima allegavi, pluraque his addere possem, ex quibus in præsentiarum sufficiat à Berengario de fræ. cran. c. 13. & à Volch. Coiter. obsanat. chir. p. III. producta exempla, cogitarunt de limitationibus variis Chirurgi, quibus, quousque vulnere horum lethalitas se extendat, definirent; quamvis vix adeo congruis & phænomenis quotidie obvenientibus haud adequatis.

Potissimum verò per discrimen inter cerebri corticis & medullæ plagas ambiguitatem hanc declinare attentant: quasi corticali tegmini illatæ per se mortem minime inferant, semper tamen medullam penitorem penetrantes. Sed hos, quàm inepti sint illi conceptus, docere poterant ex medullaris substantiæ profundiore aliquando laceratione non minus convalescentes, quam è corticalis vulnere succumbentes. Alii inter vulnera ventriculos penetrantia & non penetrantia distinguunt, v. g. Fernel. 7. pathol. cap. 8. dum inquit: Si cerebri quoque substantia offenditur, ut facile fit cum amplificatione, id. (ut plenilunio) omnem calvæ capacitatem implet, mens labat, symptomataque omnia ingravescent, ac sæpe cerebri portio, non citra vitæ perniciem excidit. At si alius in cerebri ventriculos vulnus sit inflicum, aut si transfossi sunt oculi, repentina mors insequitur. Verum cum non minus ventriculorum vulnera sanata, ac hos non penetrantia mortem attulisse, multis historiis, quarum nonnullæ sectione prima allegatæ, comprobari posset, merito & hæc distinctio phænomenis cunctis solvendis haud adequata erit: potissimum cum ex pravo supposito, quasi nempe intra ventriculorum horum concamerationes spiritus animales elaborentur, natales suas trahere videatur. Non is equidem ego sum, qui propter unū alterumve raro contingentium i. e. salutaria aliquando ventriculis cerebri vulnera, hæc è lethalium classe

classe eximam, sed illa per se mortifera utique pronuncio: minime tamen ideo, quod ventriculos penetrarit instrumentum lædens, sed quod magnæ cerebri portio- nis continuitatem solverit, antequam vacuitates has at- tigerit idem.

Puto E. in cerebri plagarum lethalitate determinan- da hac ratione procedendum esse, salvis tamen aliis sa- gaciorum judiciis. *Primo* sc. respiciendum erit ad illarum magnitudinem ac profunditatem, pro quarum diversitate corticis æq; ac medullosæ substantiæ vulnera modo mor- tifera, modo non-mortifera, dici poterunt: prioris ge- neris quælibet majora, posterioris salutaria, cæteris pa- ribus, minora neque adeo profunda. Ita tamen ut me- dullæ vulnus intuitu corticalis vulneris minus, mortem nihilominus per se inferat, quatenus instrumente percu- tiens ad hanc penetrare nequit, quin corticis totam pro- funditatem emeriat, simulque plura vasorum sangui- ferorum laceret: item quod ob situs conditionem re- media vel plane non, vel difficulter admodum, eidem applicare concedatur.

Alteram conditionem formant vasorum majora mi- norave, plura aut pauciora, discissa seu rupta, per quam corticis æque ac medullæ vulnera uni subjecto exitio- sa, alteri secus, existunt: illud sc. si sanguinis ingens copia profusa partem vulneratam cum toto debilitet, aut intra meninges ac cerebrum collecta huic vim in- ferat. Spectant huc vulnera plexus choroidei, quorum hæmorrhagiam nulla arte compescere licet: Cruor etiam ex hoc profusus recondita magis cerebri, impri- mis medullæ oblongatæ principium, comprimendo & secum in putredinem vindicando, lethaliter afficit.

Hinc factum, ut quidam ex modernis Chir. gis v. g. *Parr.* in *Hipp. de Vuln. capit. Wiese*man of *Wounds & Blankart.* in *Collectaneis Med. Phys.* vulnera cerebri in- strumentis secantibus inflicta, quia ut plurimum cere- brum non adeo graviter commovent seu concutunt, minu- periculosa autem sunt his, quæ à casu ab alto, obtusis atque gravioribus telis, lapidibus &c. emer- gunt: ideo sc. quod hæc maiorem in cerebro excitent tremorem ac concussionem, hinc vasorum sanguifero- rum rupturam nunquam non comitem habeant. Quam quidem circumstantiam *Tertio* loco iis, qui super le- thalitate deponere postulatur, commendo, cum vul- nus cum concussionem cerebri vix unquam sine ejusmo- di ruptura & sanguinis profusione concipi queat, vel in cadaveribus repenatur: unde fit, ut illud mox enor- miora sustineat symptomata, sensuum nempe ablatio- nem seu torporem insignem, aphoniam, qualia in plagis simplicioribus & acutis magis instrumentis con- citatis, non, nisi temporis tractu & ex superveniente putredine ac sphacelo cerebri, eveniunt.

Quarto sicut ex Anatomicis nunc suppono, corti- cale cerebri ac cerebelli tegmen instar cribri glandu- losi se habere, ex cujus acinibus infinitis emanantes toti- dem fibrulæ seu canaliculi medullares fluidum ibi secre- tum ad totam machinam huiusque cuncta organa dis- pensant: ita unam præ altera, tam corticis, quam me- dullæ, portionem vulneratam mortis causam existere probabile fit, illa sc. quæ visceribus nobilioribus & ad vitam vel immediate, vel mediate magis, facientibus, destinata, seu quæ ratione vulneris nervis ejusmodi mem- brorum spirituum animalium influxum denegat aut in- tercipit.

Qualès equidem cerebri tractus seu areolas nemo Prosectorum à priore determinare poterit: sed ex symp- tomatum, vulnerationem ipsam mox excipientium, in- dole ac vehementia tantum, aut periclitantis vitæ ter- mini brevitate eas, stochasmo satis rationali, augura- mur. Ita v. g. si singultus vulneribus ejusmodi super- veniat, radices nervi phrenici, sin palpitatio cordis, syncope & asphyxia, sin dyspnœa, tractus cerebri nervis cardiacis ac pneumonicis laceratos, à vulnere laceratos practictosve esse, probabile videtur: uno verbo ex symp- tomatibus vitalibus, plagis cerebri, sine concussionem il-

lius, supervenientibus, plus minus lethales has præsu- mere ac declarate convenit.

Præmonstratorem mihi hoc in passu reperio *Senner- tum* pr. lib. 5. part. 4. cap. 3. dum vulnera cerebri, etsi hoc sit pars nobilis, quatenus cerebrum lædunt, mini- me lethalia existimat, sed quatenus ob eadem cordi & facultati vitali vis infertur, cujus sedes cerebrum non esset, sed facultatis animalis. Hinc ubi prognosis de ejus- modi plagis formanda, distinguere inter symptomata animalia atque vitalia, quam accuratissime monet: ju- dicando ex posterioribus semper casum quam desperatis- simum, ex prioribus neutiquam, cum ex vulneribus ejus- modi non raro sensus omnes interni ac externi motusq; spontanei enormiter lædantur sine vitæ discrimine; si verò facultas vitalis inde periclitetur, mortem sequi ne- cesse sit. Quemadmodum autem symptomata alia fa- cultati vitali vel immediate, nempe pulsus læsum ac turbatum, respirationem deficientem seu suffocationem, vel mediate magis, v. g. actiones ventriculi & intesti- norum depravatas ac interceptas, vim inferre ex *Jeft.* 1. repeto: ita non minus hæc, ac illa, vires extreme absu- mentia, & vulnus cerebri, quod ea patrat, mortiferum dici debent.

Imo *quinto* non contemnenda aliquando erit circum- stantia, Vulneris exilitas, si nimirum hæc impediatur, quo minus sanguis extravasatus, in apertum prodeat, sed in- tus coërceatur, aut ad nobiliores magis ejus partes v. g. medullæ oblongatæ principium, se demittat. Monet me de hac Historia, quam *Timæus Respons. medicin.* 18. re- fert, sc. *Nobilis quidam Silesiacus Francofurti ad Via- drum nocte illuni & tempesta per plateas in exubitores seu vigiles urbis incedit, à quibus in osse sinistro capitis ad su- turam coronalem bipenni acuta punctum, in hypochondrio autem dextro ense lato & hebetere casum, vulneratus illico concidit & æquos, die tertio superveniente Epilepsia forti & convulsionibus expiravit.* Cui casui ita hoc suum judi- cium subnectit, *Vulnus in hypochondrio dextro pro letha- li habendum non esse &c. Alterum autem in capite mortem intulisse nullum est dubium: fuit enim, ut in apertione cra- nii conspeximus, valde profundum & utramque meningem ipsosque cerebri ventriculos penetrans adeoque angustum, ut sanguis, cujus magna copia ad basin cerebri defluxe- rat, nullo modo evacuari posset.*

In specie verò & *sexto* ut plurimum, si non semper, & per se mortifera deprehenduntur corporis callosi for- nicis, corporum striatorum & medullæ oblongatæ tam crurum quam caudicis huiusque protuberantiarum vul- nera, utpote non tantum partium, medullari cerebri substantiæ continuatum, sed talium quoque, in quibus ex utroque hemisphærio cerebri emergentes canali- culi fibrosi, tanquam in centro, seu communi trunco, concurrunt, ac proin in quibus, exigua incisione seu laceratione plures ad organa vitalia abeuntium nervo- rum radices, manipulatim quasi, præsecantur ac dila- cerantur: de qualium furculorum læsione ex symptoma- tis mox ab ipsa vulneratione evenientibus, certiores red- dimur, v. g. singultu aut vomitu effeto, pulsu maximè inæquali ac intermittente, item dyspnœa &c.

Quemadmodum tandem & *septimo* huius loci sunt plagæ cerebellum subeuntes, utpote quod motibus in- voluntariis intrinsecus, nempe cordis, diaphragmatis, ventriculi atque intestinorum, magis quam cerebrum, videtur litare, quatenus par nervorum quintum, sex- tum, octavum, eisdem organis vitalibus dicatorum majorem ab illo, quam ab hoc spirituum animalium copiam recipiunt, prout nunc ex illis, quæ Anatome moderna de nervorum intercostalium, octavi paris & phrenici exortu atque mutua implicatione nobis de- textit, suppono. Imo si experientiam consulamus, vix forsan observare continget, qui ex lacerato cerebel- lo evaserit, cum plura passim obvia sint illorum ex- empla, quibus satis ingentia quoque cerebri vulnera coaluisse perhibetur, referte huc mihi liceat experi- mentum, cujus *Perrault, Mécanique des animaux* part.

2. cap. 7. & *Vicussens neurograph. lib. 1. cap. 20.* meminerunt: Nimirum animalis capite per superiora aperto, hincque dissecto & exempto cerebello, hoc illico mori, integro quamvis cerebro & medulla oblongata; contra insigniter satis in simili subjecto lacerato, imo evulso, cerebro, ut intactum maneat cerebellum, ad aliquot horas satis commode adhuc respirare animal ejusque cor palpitare. Idem in catellis junioribus, quibus calvaria adhuc mollior & futuræ hiscentes, per futuram sagittalem adigendo cultellum in cerebellum, tentavi, vidique eisdem post leviores partium externarum concussiones expirasse, remota verò calvaria in uno totam fere illius compagem perforasse, in altero ad medullosum ejus nucleum tantum penetrasse, instrumentum.

Quibus denique capitis læsionibus cunctis subnectere convenit *αἰσιν*, i. e. Agitationem seu commotionem cerebri, quæ quemadmodum modo pluribus reliquis capitis læsionibus major minorve combinatur, modo sine his à sola concussione illius contingit: ita in priore casu aliquando lethalitatis sociam, in posteriore solitariam, causam illam auguro. Talem qui patiuntur, v. g. ex lapsu aut allisione violentiore, docente *Hippocrate 7. aph. 58. 3. coac. 370. & L. de Morb. t. 3. ac Galeno in Hipp. f. 7. aph. 58. obmutescunt, sine sensu & motu concidunt, imo, nec apertis quamvis oculis vident, & fere seu ut plurimum moriuntur*: uno verbo frangitur tali quassatione cerebri robur vehementer, ut munia sua peragere nequeat: qualem concussionem à sternutatione etiam experimur, interdum adeo gravem & lethalem, ut mos precandi salutem sternutantibus, etiamnum hodie solemniss, olim hinc originem cepit.

Quorum quidem phænomenorum duplex sub cerebri commotione existit causa, i. e. quemadmodum hæc modò cum ruptura vasorum, cerebrum ambientium ac transeuntium, modo sine hac, fit: ita eadem symptomata gravissima aliquando à cruore extravasato, aliquando sine hoc, à sola pattium cerebri quasi dislocatione & situ mutato, dependent. Ruptorum vasorum sanguineorum ex concussione capitis exempla infinita hinc inde ex Medicorum ac Chirurgorum historiis depromere liceret, neque ullus talium notitia destitueretur, cui cadavera ex percussionibus capitis defunctorum secare & lustrare concessum. Plura horum proin & ego enarrare possem, tria tamen tantum malo, utpote de vasis majoribus testantia Anno 1674. d. 22. Septembris à Quæstore delitiano requisitus, Landsbergæ aperui calvariam Christophori *Köslers* hoc genere mortis trucidati, ita quidem ut mox sine sensu & motu cum stertore concidisset ac expirasset: in quo præter fracturas & fissuras ossium diversas cerebri à fragmentis lacerationes, item vasorum tam per ambitum hujus decurrentium, quam eidem intertextorum, rupturas, illum Carotidis arteriæ ramum insignem, qui intra fissuram cerebri dexteram magnam, ab orbita oculi per maximam ejus hemisphæri partem abeuntem, reconditur, divulsum mecum viderunt Chirurgus atque adstantes. Ann. 1675. die 9. Maii à Nobilissimo hujus Civitatis Senatu vocabar ad pagum vicinum, *Kohl-Garten*, ut vetulæ, quæ pariter ictu atque Lerhargo & sub auditu loquelæque amissione obierat, caput inspicerem: & ecce, in hujus integumentis, nec mollioribus, nec durioribus, nisi inter cutem & calvariam tantillum sanguinis extravasati, aliquod violentiæ perpessæ vestigium cernere licebat, inter duram & piam meningem verò, intra cerebrum & cerebellum ac sub basi utriusque multum cruoris, ex ramo sc. arteriæ carotidis sinistrae, ad vertebralem sub cerebro descedentis, effusi. Denique postulatus Ann. 1685. d. 15. Januar. à Quæstore Sckedicensi aperui cadaver Juvenculæ, sedecim circiter annorum, & ex lapsu quarto die defunctæ, in cujus

capite nihil omnino violentiæ effectus observare dabatur, quamvis cruor ex ore & naribus vivæ pariter satis copiosus promanasset, ac mortuæ promanaret: donec aperta calva & elevato cerebro Carotidum ramus sinister anterior ruptus sanguinis illius scaturiginem monstraret.

Pro illa autem cerebri vibratione lethali, quæ sine ejusmodi arteriarum aut venarum ruptura contingit, commodius concipienda, suppono ex mechanicis, dura quævis, hinc calvam quoque, non ex meris partibus seu machinulis solidis, sibi undique exacte contiguus, congesta esse, sed prout ex staminibus, non ex omni parte cohærentibus, & quæ innumere porositates ac spatiola intercipiunt, in quibus stringi ac flecti possunt, coagmentantur, ita eorum totam quoque compagem ab ictu violentiore aliquantisper constringi, ejusque impetus momento cessante, denuo dilatari posse, percussa proin necessariò tremiscere. Qui tremor in ossea hac galea fieri nequit, quin ad cerebrum & partes ipsi intertextas propagetur: utpote quæ illi non tantum contigua, sed per vasa & membranas continua, sunt: Imò, quemadmodum pariter ex doctrina Percussionis hujusque potentiæ evinci posset, (multis patadoxum ac impossibile visum) vibrata calva cerebro motum, motu suo velociorem seu vehementiorem, imprimit, simili modo, ac pila simileve corpus super tabulam ligneam aut incudem ferream quiescens, ad harum percussione tremorificam velocius longè his, quæ ictus extrinseci vim immediate magis sustinent, exagitur & in altum projicitur, quantum sc. spatium ambiens ipsi concedit; & proindè cerebrum ad calvariæ contusiones quatitur atque subsultat, ac quidem motu pariter tremorifico, plus minus; prout vel percussio major minorve, vel spatium in ejus ambitu amplius aut angustius, est.

Unde ratione prioris circumstantiæ evenit, ut innuente *Hippocrate de Vuln. cap. 1. 13.* ictus rectilinei obliquis ut plurimum gravius afficiant, imprimis perpendiculares & vertici illati: utpote quorum major est vis, in se perpendiculariter recurrens & quasi duplicata, hinc potentius non tantum quatit calvariam ac cerebrum, sed hoc vel ideo potentius, quod cranio illud hic vicinius sit, eique propius adhærescat. An vero spatium inter cerebrum & cranium in senibus latius, juxta *Hollerii* in sæpius allegatum *Hippocratis Aphorismum Scholiasten*, primaria & solitaria causa sit, cur in his magis agitetur à percussione cerebrum? vix assererem: cum naturalis ejus flacciditas & subsidencia, ætati huic solennis, ac spatii vacui amplioris causa, plus forsan lethali ejusmodi eventui litet.

Hujus enim meatus seu fibrulæ aut canaliculi medullares, tanquam nervorum primæ propagines seu radices, à vibratione ejusmodi comprimuntur, subsident, contorquentur aut quomodocunque tonus eorum viciatur, imò illæ aliquando propter summam sui teneritudinem, lacerantur: cunctis tamen his modis œconomia spirituum animalium insigniter turbatur, perinde ac à subsidencia cerebri causæ apoplexiam lethalem *Platærus obs. lib. 1. pag. 16. & Barthol. cent. 4. hist. 68.* annotarunt, cujus formale symptomata, commotioni cerebri supervenientia, constituunt.

Velocius seu protinus sub vibratione illa vehementiore eadem invadere *Hipp. loc. alleg.* tradit, quale quid nihilominus haud perpetuæ observationis est: quatenus non omnes, quibus cerebrum quassatum, mox aphoni concidunt, sed plures aliquando dies sine ejusmodi prostratione mediocriter satis se habent, quale quid *Dodonaus obs. medic. 1.* perhibet, in quodam, qui baculo in temporum sinistro, ad ossis petrosi usque fissuram ingentem percussus, primo non nisi, levi & interpolato sopore, corripiebatur, post plures demum dies in graviores degenerante atque enecante. Cui similis est ille calus, quem *Valeriola lib. 3. Obs. 8.* debemus,

bemus, quo vinitor in syncipitis parte sinistra lapide ictus, sine vulnere, sine fractura fissurave, ad aliquot dies sine gravibus symptomatis manebat, his demum post septimum supervenientibus, moriebatur; sub cuius calvaria multum puris & membrana aliquantum corrupta, comparuit. Præterea ipse *Hippocrates* 5. *Epidem. agro* 24. quendam, à Macedone in caput percussum, equidem mox corruisse, (forſan notante *Pavvio* p. 150. potius *præpercussione* robore ictusque vehementia, licet non perturbaretur cerebrum) tertia verò demum die voce & post hac sensibus privatum fuisse, refert: Ut vel ex hac ipsa Historia, cum in pluribus equidem, non tamen cunctis, præcipitem ejusmodi symptomatum metum incutere voluisse, inferendum veniat. Aut cum *Berengario* l. a. cap. 5. dicere oportet, aliud esse commotionem cerebri, ut talem, id est hujus medullarium tractuum confusiones seu conturbationes, aliud sub & cum ea contingentes vasorum sanguiferorum rupturas ac cruoris depletiones: quarum illæ, si vehementiores, quia ab ictu seu allisione corporis durioris immediate dependent, repente seu subito mutos reddat, reliquisque motibus ac sensibus privet: quæ verò ratione rupturæ arteriarum ac venarum tale quid patret, non semper mox sub ictus momento, sed aliquando tardius, vim suam lethiferam exerat, postquam nempe sanguis putrescit, & hoc modo spirituum dispensationem turbat.

Confunduntur equidem bini hi de cerebri exagitatione conceptus ab illis quoque Scriptoribus, quos Doctores bene meritos venerantur Prudentiores, Classicos vocant temulentis præjudiciis occæcati: aut ipsimet *Hippocrati* forſan illi injuriam faciunt, qui solius cerebri substantiæ vibrationis seu quassationis eventum talem ait, nulla habita vasorum sanguineorum ruptura, horumque fluidi rejecti. Sunt ex primatibus artis nostræ alii magnæ autoritatis, ex quibus brevitatibus causa unicum *H. Augerium* tom. 1. lib. 9. *epist.* 3. loco plurimum nomino, qui accuratius longe inter commotionem substantiæ cerebri, & si per vehementiam contusionis aliquæ venæ in cerebro fuerint abruptæ, indeque sanguis effusus ac putrefactus mortem attulerit, distinguunt: quorum prius sine altero, i. e. quassationem cerebri satis violentam & lethalem absque vasorum sanguineorum laceratione, à capitis contusione aliquando evenire posse, frequens evincit experientia testanturque modo nominatus *Berengarius* l. a. atque *Wise*man. of Wounds cap. 9.

Quod si ergo à Commotione cerebri, proprie tali, quis moriatur, ejus percussione per se lethalem, pronunciarem, si nimirum pathematâ hinc emergentia non solam facultatem animalem, sed simul vitalem, mox enormius turbarint, remedia, alias congrua, eis amoliendis aut solvendis haud suffecerint. Prout enim de vulneribus cerebri dictum, eorum quædam hoc, alia aliud, accidentium, plus minus lethaliū, genus concitare, diversis nimirum ejus partibus seu tractibus præfectis: sic probabile est, ab agitatione cerebri graviore modo hos, modo illos, nervorum surculos seu fibras radicales, præter naturam contorqueri, comprimi, laxari, tendi &c. ac pro harum disparitate alia atque alia phænomena morbosa fieri. Dum v. g. *Heurnius* in *Hipp.* 7. *aph.* 58. quosdam σείων ejusmodi perpeſſos tota vita sua ad gustandi & odorandi potentiam non rediisse, narrat: *G. Segerus* *Miscel. Nat. Cur. Dec.* 1. ann. 2. *obs.* 120. in alio ex casu obmutescentiam sine ulla insuper læsione, tandem curatam, testatur; quale quid pariter de quodam, cum insequente tamen post octiduum morte, *Blankart. Collected. Med. Phys. cent.* 4. *obs.* 28. perhibet Quibus demum adſtipulatur *Berengarius* l. a. dum ait: *Post concussiones atq; agitationes cerebri, secundum nervos ruptos, ad quæ*

vadunt tales, varia evenire accidentia: quæ textus verba quamvis spissiorum spirituum Cephalotomis de nervorum tantum ex cerebro emanantium caudicibus intelligenda videantur, quin tamen ad radices quoque eorum extendi queant, nihil impedit: cum quæ occasiones radici subtrahunt fluidum animale, ipsi quoque nervo hoc interceptant.

Sin itaque nervorum cardiacorum, thoracis, phrenicorum, ventriculi &c. surculi radicales, i. e. nervi hi sub primo statim sui ex cerebri meditullio exortu, per hujus generis vibrationem, figuram situmque mutant, eorumve tonus eò usque vitietur, ut vitalium functionum una vel plures graviter hinc turbentur: Contusionem capitis, quam lethalia ejusmodi symptomata, propter cerebri insigniorem commotionem, mox excipiunt, mortalem per se præsumere sana ratio suadet. Quæ verò ratione sanguinis extravasati tale quid præstat, pro circumstantiarum illarum, de quibus superius, ubi de ruptura vasorum, occasione fracturarum calvæ, dicebatur, disparitate, modò per se, modò per accidens solum, lethalis audiet.

Atque illud quidem in iis eo certius, quorum cerebrum concussum in consensum adeo evidentem interiora Thoracis atque abdominis abripit, ut Pulmonem cum pleura, epas ac lienem inflammari, hinc suppurari contingat. Penes antecessores hujus generis observationes legere vix datur, testantur tamen lethales *P. Marchettis obs. med. chir.* 15. *scriptor ille anonymus Gallus, L'art de faire les rapports*, cujus aliquoties memini p. 80. 81. atque *Ant. Pacchionus de dura meningis fabrica & usu*. Apostematum horum ætiologiam redditurus *Marchettis* l. a. ex dolore colli conjuncto sibi persuadet, à vulnere capitis ad Thoracis cavum delabi horum materiam: quæ longiore mora pulmones ac pleuram erodat, ex quibus sanies ad abdomen defluens in Jecore ac Liene pustulas excitet, quibus disruptis materia purulenta in abdomen depōnatur. Quamvis mox addat; alios de ratione hæc fiendi hæsitare, ac potius credere, abscessus in visceribus his, sine metastasi saniei ex capite oboriri: ideo imprimis, quod vix appareat, qua ratione adeo copiosum pus, quo mediam Thoracis & abdominis cavitatem in plerisque fuisse refertam ipsemet commemorat, ex capite ad inferiora hæc delabi queat. Quibus adjicio, nec per sectionem cadaverum ejusmodi manifestari vias seu meatus, per erosionem factos, per quos devoluta fuerit ad Thoracem ac abdomen purulenta hæc materia; nec longiote demum temporis mora semper illam congeri, sed interdum brevius post factam percussione, v. g. intra triduum, intra quod exile tempus ille *Anonymus* ex ingente epatis abscessu cujusdam Capite vulnerati plus quam septem uncias se eduxisse, pulmonisque totam substantiam pure suffusam se vidisse, perhibet; qualis humoris corrupti moles forſan è cerebro nunquam foret expectanda, utpote quod in ejusmodi casibus raro simul suppuratum cernitur, dum in capite indigitati subjecti nihil nisi exiguum sanguinis congrumati, reperire licebat. Idem confirmat observatio *Pacchioni*, qua refert, quendam in occipite vulnus accepiſſe, nullis pravis signis hætenus comitatum, donec post octuagesimum à decubitu diem fragmenti, meningi adhærescentis, rudior extractio totius corporis concussione, partium cunctarum refrigerationem, sudorem gelidum, pulsum admodum debilem & dolorem intestinalem concitaret. Quo evanescente tensionem abdominis factam, manuum compressioni aliquomodo extrinsecus cedentem, interius verò valdè dolorificam, cum inflammatione & exquisitiore dextri Hypochondrii sensu, bilis vomitu & tertia die morte insequente. Nihil puris intra calvariam defuncti, sed aliquam tantum serositatem, in epatis autem gibbo abscessum insignem, ex quo

quo feri ac puris crudi copia in abdominis cavitatem profluxerit, fuisse deprehensum. Ex quibus concludendum, graviores cerebri concussiones tam in se, quàm per abscessus ejusmodi medii ac infimi ventris, mortiferas maximè contingerè: adeoque in eorum, qui ex capitis percussione obierunt, cadaveribus etiam horum extispicia fere instituenda, quo nimirum de singulis circumstantiis satius constet.

Addo denique his capitis ac cerebri contusionibus atque concussionibus illam, ubi loco sanguinis Lympha seu serum extravasatur, & ad cerebri interiora, v. g. ventriculos depositum, vel solum, vel propter illius tractus medullares simul turbatos atque distractos, enecat: quorum hoc celerius ut plurimum & cum gravioribus mox symptomatis, illud lente satis, contingit. Rem ita se habere, variorum Authorum observationes comprobant, v. g. *Joh. Chiffletii obs. rar.* 11. qui puerum, 14. annorum, postquam caput casu ex alto allisisset, ita commilitonibus in dolio rotatus fuisset, in levissimam febrem, stuporem instar temulentiae ac dolorem capitis incidisse, subinsequente verò obmutescencia dentiumque stridore duos post mentes mortuum, & ejus cerebri ventriculum dextrum Aquæ libram unam continuisse, refert. Cujus quoque generis est, quod *Berengarius* cap. 13. de Nepote Cardinalis Strigoniensis perhibet, se ex capite hujus insigniter vulnerato, seu ampla fovea in cerebri substantia excitata, copiosam aquam, per vices coacervatam, evacuisse, sexagesimo verò die hujus portionem de novo collectam & coercitam, Epilepsiam cum rigore & tremore universali concitasse, qua tamen denuo evacuata vulnus consolidatum & æger pristinae sanitati restitutus fuerit. Porro *Bonetus Sepulchret. lib. 1. sect. 1. obs. 13.* de pueri septenni ac ingenii vivacissimi narrat, eum, cum supinus ex sedili in occipitium graviter cecidisset, mox de ingente capitis dolore, nullius læsionis notis exterius comparentibus, conquestum fuisse, cum insequente verò decimo die ischuria, decimo quinto satis cessasse. Sub cranii integumentis dissectis in occipitio, ubi ictus fuerat, amplius libra una sanguinis concreti, in anteriore capitis parte, inter cerebrum & meninges ingentem feri copiam, delituisse. Refero huc bina exempla, quorum alterum amici relationi debeo, alterum propriis usurpavi oculis. Sc. narrabat prior se Amstelodami apud Blasium vidisse Cranium pueri hydrocephalo defuncti, quem contraxerat, quòd nutritici ulnis seu sinu elapsurum hæc pede altero comprehensum violentius levarit atque succusserit. Ego verò A. 1683. d. 7. Jun. postulatus à Prætorè hujus civitatis in suburbio aperui caput pueri septennis, qui baculo in caput percussus, post cephalalgias, modò vigilias, modò somnolentiam, vertiginem, convulsiones capitis, motum atque erectionem impeditam ac pedum vacillationem, die vigesimo sexto occubuerat, in quo nullum violentiæ externæ vestigium, præter concamerationem ventriculorum anteriorum sero limpidissimo scatentem, hincque corporis callosi portionem, intra bina hemisphæria cerebri conspicuam, maximè attenuatam seu distentam, annotavi.

Contrà ab ictibus ejusmodi capitis gravioribus extravasatum serum, quandoque cum euphoria per aures excretum, testantur nonnulli, v. g. *Langelottus Miscell. Nat. Cur. Decur. 1. ann. 6. obs. 12.* Certum nempe Principem Romæ ex lapsu ab alto tam valde capitis latus sinistram lapidi impigisse, ut semianimis absque sensu, motu & loquela ad integrum fere diem jacuerit, venæsectione tantillum ad se revocatus: ita tamen, ut abhinc cephalalgia immani & continua presso à Medicis trepanum decretum fuerit. Quod dum capiti admovebant, ex sinistra aure latex quidam serosus stillare incipit, qui Medicos ac Chirurgum ab operatione desistere & naturæ molimen admirari jubet, cujus robo-

re primùm duæ ad minimum & successive octo libræ feri fuerint excretæ. Cui similis videtur historia, quam *Cornel. Stalpart van der Wiel obs. rarior. part. 1. obs. 15.* describit, Fœmellam nempe quandam cono ligneo in bregma sinistram percussam omnem sensum & motum perdidisse, vomuisse & tantillum sanguinis ex aure ejusdem lateris profudisse, cum levi saltem cutis laceratione, ast sine omni calvaria fractura: quæ tamen post venæsectionem aliorumque congruorum applicationem ad se redierit & per quinque continuos dies multum aquæ serosæ, duarum circiter librarum, cum euphoria & ad reconvalescentiam usque excreverit.

Unde hoc serum sit, vel quæ ejusdem, ab ictibus capitis violentioribus, extravasationis ætiologia, disquirere hujus loci vix videtur, nec ego, an ex vasorum Lymphaticorum, cerebro intertextorum, utpote, nondum à Prosectoribus visorum, ruptura, an medullarium cerebri meatuum laxitate similive morbosa constitutione, hincque feri motu impedito seu eruptione, tale quid dependeat, determinare præsumo: illud præsentis magis instituti videtur, an profusio & circa meditullium cerebri facta congestio, si symptomatis lethalibus occasione extiterit, per se lethalis dici mereatur? Quod equidem asserendum puto, quatenus sub calvaria, multò magis intra cerebri ambitum, contingens hydrocephalus nullam curationem admittit, i. e. aqua, ut causa mali continens seu proxima, nulla arte educi valet: unde tractus cerebri comprimendo, necessariò sensum omnium torporem aliaque symptomata lethalia, pedetentim inducit; vel de laxitate meatuum cerebri extraordinaria, secretioni ac dispensationi fluidi nervei exitiosa, testatur.

Nihil enim movet, quod *du Hamel Philos. Vet. & Nov. tom 6. seu phys. part. 3. c. 6.* ex relatione Dordardii profert, sc. illum diversis temporibus duorum infantum, hydrocephalorum, capita aperuisse: quorum anteriores ventriculi, cum tertio unam & continuam cavitatem efficientes, aqua pura & limpidà quàmvis tulerint, uterque nihilominus eorum aliis morbis, qui nullo modo capitis affectus dici potuerint, laboravit; & citra omnem convulsionem interierit; hincque aquam intra cerebrum conclusam apoplexiam haud inferre, concludit. Quippe utut talis colluvies non semper & mox symptomata graviora cerebri ac generis nervosi inducat, & aliquando ex alia causa mors præmatura hydrocephalo affectos, antequam illa vim suam in organa illa abunde exerat, tollat, quale exemplum *Vesalius* quoque *de hum. corp. fabr. l. 1. cap. 5.* proponit: particularia tamen & rariora hæc phenomena tantæ consequentiæ haud sunt, ut eos, qui morbo hoc, sive per causam intrinsecam, sive violentiam externam, concitato, defunctos, non à feri hac congestione succubuisse, evincant. Plus dubitandi rationis involvit dignotio, qua certi reddimur, an, quod intra calvariam reperitur, serum percussionis seu collisionis, an potius causæ cujusdam internæ & antecedentæ, productum sit? i. e. ex symptomatum collatione semper equidem recte inferimus, colluviem illam horum & mortis insecure causam existere; rarius verò determinari potest, an hæc aliquandiu jamdum latitarit, an à violentia externa promanarit?

Atque hæc de Lethalitate percussionum capitis, pro instituti ratione sufficere crederem, nisi frivolos homicidarum defensores, ne dicam, Medicos artis ignaros ac malitiosos, variis technis, imprimis per medellam minùs decenter administratam, illam suspectam reddere nossent; quibus quidem in parte generali me satisfecisse puto. Inter hos tamen defectus quia frequentius trepani usum neglectum perpetam referunt, & per hunc vulnus capitis per se lethale, aut per temerariam peritiæ jactantiam, aut mercedis cruentæ aviditatem

aviditatem, per accidens tantum tale pronunciare fatagunt: pro negotio hoc adæquate ventilando opus esse ratus paucis adhuc, quod olim in Dissertatione quadam *de Trepanationis difficultatibus* tentaveram, innuere casus, in quibus Chirurgia hæc necessaria, seu in quibus, non sine imperitiei culpa, negligatur. Quo ex his demum plenius constet, quando illa male & in perniciem Vulnerati fuerit omiſſa, sicque non tam vulnerantis violentia, quam vulnere inflicto medentis errore, illum periſſe, seu Percuſſionem per accidens demum lethalem evaſiſſe.

Sc. Utilitatem ac Neceſſitatem Modioli experimur, seu secundum rectam rationem ejus applicationem ſuſcipimus, non in quibusvis Capitis plagis, secundum *Perri Martyris Troni* doctrinam, neque tamen tantum ex Præcepto *Laſſi*, ubi os Calvariæ fractum incluſum ἐγκέφαλον premit aut pungit: ſed, ex *Hippocratis*, *Galen*i, *Ceſi* ac plerorumque, antiquorum pariter ac modernorum, ſententia, in quibusvis ejus percuſſionibus, ubi aliquid p. u. ſub Cranio hære auguramur, quod per hanc ejusdemve fracturam anguſtiorem progredi ac educi nequit, tollendum tamen vi primariæ indicationis. Id eſt non ipſa Capitis leſio fracturaque Calvariæ, ut talis, Chirurgiam hanc perforatoriæ poſtulat, hincque nullius conſequentiæ pronunciatum: Capiti, gravius etiam, ſauciato non adminiſtratus fuit Modiolus, E. hic percuſſus culpa negligentius medentis & ex accidente, periit. Sed certæ demum ejus conditiones ſeu adjuncta, h. e. quicquid occasione percuſſionis ſimilive violentiæ externæ aut ad ἐγκέφαλον detruſum delapſumve huic graviora ſymptomata parat, aut cujus deſcenſum metuere jubemur. Prioris generis ſunt, præter ab extra immiſſa telorum fragmenta &c. cruor, ſanies, lymphæ & calvæ fruſtula, quæ ſui eduſionem exigunt, ne mole premant, acrimonia ſeu heterogeneitate rodant, vellicent ac aſperitate lacerent, atque mortificent: Poſterioris claſſis obſervamus ſaniem, rodentem pariter ac ſphacelantem, quæ ex oſſe plus minus contuſo, hinc carioſo facta, aliquando etiã ſine evidentiore fractura, ad interiora Capitis deſtillat.

Quorum tamen eduſionem morantur, & Chirurgiam hanc, penes peritos æque ac imperitos adeo decantatam, difficilem reddunt, aut, ſi de educendis his horumque ſitu ac loco ſpecialiore minus certo conſter, hinc deſiciente ſeu ignorato indicante deſiciat indicatum; aut illa commode educi reſuunt: ſive hoc pariter ratione eorum ſitus, ſive alterius cuiuſdam circumſtantiæ, contingat. Cruorem à percuſſionibus Capitis extravari, tandemque in pus ſaniemve converti, ex cadaverum ſectiõne quam manifeſtum eſt; in percuſſis viventibus vero difficillime dignoſcitur, imprimis ſi nulla, aut non evidens, ſimul contigerit Fractura. Ex iſtus gravioris momento fractum Cranium, rupta Vaſa Sanguinemque effuſum ominamur: quia nihilominus illius impetum majorem tale quid non ſemper patrare, leviorẽ aliquando profundius lædere; crebrius edocemur: hinc formata conjectura illi percuſſionis adjuncto ſeu effectui minus deprehenditur adæquata. Poſtquam ipſam fracturam ſenſibus ſemper dijudicare haud conceditur; ſigna ejus aliquando nulla, aut fallacia admodum, exiſtunt: prout ſuperius prolixè ſatis indigitatum dedi, aſſentiuntur etiam in hoc omnes Artiſtes. Nec ſymptomata vehementiora, quæ extravariationem ejusmodi comitantur, ſc. proſtatio in humum ſubitanea, vomitus bilioſus, oculorum rubedo, aſtonia, torpor ſenſuum &c. Commotioni Cerebri incruentæ, i. e. meræ & ſine vaſorum ruptura factæ illius concuſſioni, adeo inirequentia obſervantur, ut neceſſario ac ſemper vaſorum ſanguiferorum rupturam innuant: eadem aliquando evaneſcunt, hinc Chirurgum ſecurum reddunt, donec ex improviſo & cum majore atrocitate recrudeſcant ac operationem irritam faciant. Neque his

caſibus perpetua & inſeparabilis eſt Sanguinis per Nares atque Aures eruptio, quam inter ſigna certiora extravariationis ejusmodi numerant, ſed hujus majori ac graviori tantum gradui combinatur: cum nihilominus tantillum Cruoris, quod ſine notabili Cerebri ſuccuſſione ac durioribus ſymptomatis ſub Calvaria colligitur, temporis tractu, aut dum in ſaniem convertitur, horum lethalia patrat. Haud audiendi, qui, quod in iſtus momento percuſſus non ceciderit, non vomuerit, viderit, audiverit &c. ejus Calvariæ integram & illeſam, nihilque ſanguinis ſub illa extravariatum ajunt: poſtquam Experienciã convincimur, Cranium aliquando ſine ullis aut majoris momenti Symptomatis, non tantum leviter contundi, ſed enormius quoque confringi.

Difficilius longe eſt Lymphæ dignoſcere proſuſionem, niſi evidens Cerebri concuſſio eam ſuſpicari faciat; extra quem caſum, quia tardius ut plurimum congeritur, ſymptomata ejus aut nulla, aut leviora, obſervantur, aliqualis tantum nempe ſenſuum ſtupor, capitis gravitas ac dolor, vertigo, ſomnolentia cum vigiliis intercalaribus. Saniem ex cruore productam auguramur, & quidem temporis demum tractu, ex Commotione Cerebri graviore antecedente &c. vaſa rumpente, ac ſymptomatis quotidie ingraveſcentibus, juxta illud *Hippocratis*, dum pus fit, febris ac dolor augetur: quam tamen dum educere molimur, res ut plurimum deprehenditur deſperata, hinc irrita Operatio. Et naturæ miraculis adſcribendum, quod in Juvene phreuetico Veneto teſtatur *H. Saxonia præleſt. præſt. part. I. c. 3.* cui ſuborto abſceſſu, purgata fuerit ſanies per aures, oculos & nares: quemadmodum pariter, quod penes *Glandorpium Specul. chir. obſ. 4.* legimus, de quodam pugili, cui cum graviter in Capite vulnerato tertia die gravia ſupervenerent ſymptomata, ut ſuſpicio de materia quadam præter naturam ſub Cranio collecta contingeret, hoc cum Dura matre aperto ingens ſaniei copia effluxit & æger ſanitatem recuperavit.

Neque tamen in hoc caſu à Calvariæ perforatione aliquid certi promittendum, & pauci illorum quibus ejusmodi ſuppuratio aut potius corruptela ſanioſa contingit, evadunt, ſanie quamvis copioſius promanante, perinde ac illis, quibus extravariatio ingens, parum ſpei ſuperelle videtur. Per moram nempe diuturniorem, quam, antequam in pus abeat, ſub Calvaria trahit Cruor, decubitu interim ſuo multum hujus partium contentarum corrumpit: atque hoc equidem eo magis, cum non verum eſt ſanguine extravariato hic forinetur pus, ſed in liquamen potius putrilaginoſum idem convertatur; quod fætor ejus cadaveroſus aliaque phaenomena, quibus à pure ingenuo illud quam alieniſſimum obſervatur, innuunt. Proin tunc demum & tardius hujus corruptelæ ſe exerentia ſymptomata equidem materiæ ſubſtantia peccantis eduſionem ſuadent, corruptionem tamen atque fræcedinem ſimul enormem, quæque omnem artis vim ſuperat, ſimul declarant.

Quæ vero ſanies occasione Fracturæ ex Diploes vaſis laceratis in Panniculum deſtillat, niſi hæc evidens & graviore mox Symptomatis illa ſe manifeſtarit, vix cognoſcitur; ad minimum non in principio morbi ac tempeſtive, ſed ubi virium lapſus Chirurgiam generoſiorem prohibet, i. e. fruſtra patet, cui mederi haud conceditur. Quinimo in illa Fracturæ ſpecie, quam Contuſionem ac Deſeſſionem ajunt, Medulla vaſculoſo-carnea, tabulis Calvariæ intertexta, modo laceratur, modo comprimitur, hinc ſanguis vel ad Diploen profunditur, vel intra vaſcula compreſſa ſtagnat, ſub utroque ſtatu putreſcit, & os ad inflammationem uſque corrumpit: ita quidem ut hujus tubus aliquando panniculo inſtillatus hunc cum cerebro ad lethaliſſimam uſque ſyderet, in uno ſubjecto citius, in alio tardius, i. e. aliquando poſt plures demum ſeptimanas, ne dicã totidẽ meſes, pro-

ut Historiæ à *Paw. in Hipp. de vuln. Cap. p. 82. & 91.* enarratæ testantur. Qualis vitii medela Modiolum frequentius postulat, antequam nimirum os contusum per moram corrumpatur & ejusmodi ichorem offi vicino pariter, ac substratæ Membranæ corruptivum generet: de eodem nihilominus experimur, difficillimæ satis conjecturæ illud contingere. Quod in osse nulla sensibilis aliquando contingat mutatio, nulla relinquitur & compareat in hoc vel exilissima rima vel fovea: Dam, advertente *Fallopio & Vertunio in Hipp. de Vuln. cap.* ejus compages ab ictu compressa depressæ mox in statum seu formam pristinam, sc. per Elasticitatē suam intrinsecam, resilit ac restituitur; quatenus in eadem continuum, non juxta magnas, sed minores & intrinsecas tantum, sui particulas, i. e. per meram attritionem, solvitur.

Quod demum festucas & fragmenta majora minora Calvariæ, tabulæ potissimum interioris, attinet, Membranis ac Cerebro diversis modis molesta, præter Fracturæ ac Commotionis Cerebri cætera signa dolor equidem, cum insequente partium harum Inflammatione hincque delirio aut torpore talia innuere creditur: quia tamen dolor hic aliquando non, nisi confuse, à percusso, sub delitio torpoteve, sentitur, aut de eodem ille conqueritur, nec à dolore ipsius Fracturæ squammæ pungentis vellicatio commode semper discernitur. Neque fragmenta ejusmodi, si vel minus aspera, vel læviore sui superficie Membranam contingunt, molestiam semper sensibilem concitant, adeo quidem ut talia interdū in Cadaveribus reperiantur, quæ in vivente adhuc subiecto nullo modo augurari licebat: incerta hinc quoque manent horum signa, & manus Chirurgi prudentis hæsitat in educatione eorum per Trepanationem tentanda.

Porro educio ejusmodi heterogeneorum, Calvariæ immerforum dubia manet, quamdiu dubii hæremus de particulari eorum situ: i. e. an sub Bregmatis, an sub Temporum, an Occipitis, ossibus, an super Oculorum Orbitas, in Calvariæ basi, in Cerebri Substantia ac Ventriculis &c. lateant. Atque hoc quidē, si regionē Capitis percussam ignoremus, si Contrassura subsuerit, plures ictus forsitan sustinuerit ager: ut taceam, hæterogenea hæc aliquando pristinum situm mutare & ex altiore loco ad profundiorē volutari. Qualis sane circumstantia aucipites nos reddit, cui Capitis loco admovenda sint instrumenta, labitur interum tempus & cumulantur Symptomata.

Quibus ita se habentibus nemini Medicorum ac Chirurgorum vitio verti potest, si in rebus adeo obscuris, & quas nulla sensus ac rationis acies in apricum ponere valet, hallucinantur ac fallantur, & subesse sibi persuadeant Cruorem extravasatum, festucam &c. hæere hæc in illa Capitis provincia, unde Modioli ope educi queant, haud cogitent vero de alia, quæ sedes eorū vera existit. Postquam nempe in illis & horum circumstantiis singulis penitandis assiduitatem & peritiam suam comprobarunt; utut eos errasse eventus doceat: nec negligentia aut ruditatis accusandus, qui Capite vulneratum, sub cujus calvaria, post obitum secta, cruor, sanies, fragmenta ossis &c. reperiuntur, haud perforavit; multò minus plaga, ob intermissam hanc Chirurgiam, per accidens tantum lethalis pronuncianda. Eodem siquidem jure, quo veniam meretur, qui incaſu, quo cum Indicante Prohibitia majoris momenti concurrunt, calvariam haud perforat, nec ob neglectam Operationem Vulnerus minus lethale evadit: nec quamdiu de Cruoris extravasatione, sanie, fragmentulis latentibus &c. horumque situ specialiore incertus, erroris convinci valet, qui illa educere minus molitus fuit; & plaga ejusmodi, ob dignotionis difficultatem, insanabilis seu per se lethalis jure meritoque decernitur.

Accedit huic dignoscendi difficultati alia, hoc est, Heterogeneorum illorum conditiones diversæ, per quas sui educationem plus minus detrectant, quarum forsitan in fluidis frequentior & majoris momenti est situs seu descensus eorum profundior, ratione cujus Trepanum non admittunt, aut irritam reddunt Operationem, si sc. in ipsam Cerebri substantiam, Ventriculos aut Basin fuerint profusa. In Cruore extravasato simul attendi meretur, eum nonnunquam sub Calvaria eoque condensari, ut Duræ meningi instar glutinis spissioris aut picis adhærescat, hincque in cadavere vix multo conatu ac ferramentis deradi queat. In quali sane casu à Perforatione Calvariæ parum sperari valet, dum agglutinator hic panniculo grumus per aperturam factam protinus haud excernitur, mora vero diuturniore, imo forsitan intra nonnullas horas, *ἐγκεφαλον* ad Apoplexiam usque lethalem comprimit, aut successive, dum in pus abit, idem graviter corrumpit: quod phænomenon nihilominus nulla arte dignoscere conceditur. *Johannes Baptista Carcanus Leonis* equidem de vulner. capit. serm. 2. lect. 5. coagulum hoc diffitetur, seque sanguinem sub osse extravasatum nunquam grumosum conspexisse, scribit, alios quoque idem asseverasse, memini: talem nihilominus hinc inde offendi, expertus testor, provocans simul ad aliorum Medicorum autopsias, Censuræ Collegii Nostri expositas. Regerere ac discernere commemoro negantes, Congelationem hanc in cadaveribus demum evenire, neutiquam in iis, qui adhuc superstites: ast vidisti fluidum cruorem in vivorum Olla? & quid obstat, quo minus in viventibus talem concipiamus sanguinem extra vasa rejectum, intestino ac locali motu destitutum; postquam ex partibus vivorum suggillatis v. g. in Capite ipso, per factam incisionem grumos spissiores educi comperimur.

Fragmenta ossium pariter aliquando situs ratione sui educationem morari per experientiam edocemur, dum à fracturæ loco ad aliū interdum ab ipso ictu illato hujusve instrumento dimoventur, cujus exemplum d. 12. Febr. 1686. Budissa ad Nos delatum, ubi fragmentum ossis Bregmatis sinistri in & ab eodē sub Calvariā longius detrusum, in quodam *Adam Gottfriedt Fürsten*, ablata hujus summitate reperiēbatur, quod per Fracturā, quamvis patulam satis, cerni non poterat. Adjuta forsitan horum devolutione aliquando per motum quendam corporis aut capitis incongruum, aut si fracturæ vel aperturæ Trepano factæ linteamina similiave improvide subtrudantur, sicque testæ dictæ de loco suo propellantur. Aliquando à profundiore Cranii parte effracta hæc ossicula secedunt, quorum extractioni nullum Instrumentum, proin nec Modiolus, adæquatumprehenditur, v. g. ab ossis Sphæroidis processu, Crista Galli &c. aut Cerebro desuper quoque profundius immerguntur ut nec reperiri, nec eximi, commode valeant. Cujus utriusque casus exempla in uno subiecto, *George-Hauffmann*, suppeditant Acta Pegaviensia, lethalis proin per se à Nostro Collegio Anno 1705. mense Julii pronunciati: utut aliquot à Percussione dies melius se habuerit ager, cessarint aliquandiu Febris, Vomitus ac Vertigo, illeq; demum per Diætæ errores evidentes Febrem de novo cum aliis symptomatis gravioribus sibi contraxerit. Quibus accedit tenacior Testarum, vel Offi vicino, vel Duræ Matri, adhæſio, cujus ratione sine summo aliquando periculo illæ se avelli hand patiuntur; quamvis earum celerem remotionem urgeat dolor, quem lacerando aut pungendo Meningibus ac cerebro gignunt. Cujus rei singularem historiam *Ant. Pacchionus de Dura Matre obs. 3.* recenset de Septuagenario, qui in occipitio vulnus, nullis pravis signis comitatum acceperat. In quo cum post octuagesimam à decubitu diem Chirurgus ossis, Meningi paulo adhærentis, extractionem

prope Suturam Lambdoideam tentaret, repentina totius concussione partiumque singularum refrigeratione hic correptus fuerit, sudore insuper gelido, pulsū imperceptibili, doloreque ad intestina: quo evanescente tensio in abdomine apparuerit, manuum pressioni aliquoties extinctus cedens, interitus vero dolorifica, cum inflatione exquisitioreque dextri hypochondrii sensu. Accellerit his Bilis vomitus & tertia die mors.

Impedit denique hanc Chirurgiam aliquando temporis brevitās, seu subitanea nimis fauciarum exspiratio: vel quod non mox in principio adeo prava symptomata illam festinantia observentur, nec de circumstantiis ejusmodi constet, unde talia imminere metuendum, vel quod præsto sint Symptomata, si non prohibentia, certe retardantia, eandem, v. g. Hæmorrhagia gravior. Cujus intuitu etiam, si sine Integumentorum mollium vulnere, Capiti contrigerit læsio, hinc arte prius fuerit parandum, non ab ipsa mox facta incisione Trepanum admoveri valet, sed altera demum die & fluxu sanguinis, qui eam necessario comitatur, sedato; vel quod hic in languorem ac animi deliquia conjiciat percussus, hinc Perforationem interpellat; vel quod hanc ipsā & Operatorem in negotio hoc ex arte expediundo turbet. Interim dum perit miser, culpa in illum minimè conjicienda, utpote qui officium suum haud negligit, sed in hoc peragendo impeditur: linquit vulnus per se, non reddit, per accidens, lethale.

Ex quibus discernere erit, quando in plagis Capitis Trepanatio aut secundum, aut præter rationem sanam negligatur, & quando hujus omissio earum Lethalitati derogat: quamvis minus dubitem, hujus generis plures mergere posse casus, qui pro Chirurgis, qui Modiolum non applicarunt, interpellent.

Cap. 2. De Medulla Spinalis & Nervorum Vulneribus Lethalibus.

Cerebri productio & quasi caudex cum sit spinalis medulla, ita tamen, ut cinerea substantia, qualis Corticis ad instar Cerebri compagem medullarem involvit, ab hac in Spinali medulla obvolvatur, & ratione hujus situs diversi Cerebrum inversum commode satis forsan dicatur, hujus quoque & spinæ læsionum examen, intuitu Lethalitatis huc refero: adeo quidem ut, dum conformatione & officio ipsi cum cerebro convenit, ideo etiam à Galeno alterum nuncupatur, harum læsiones aliquando mortales augurari conveniat. Quas accuratioris Doctrinæ gratia dispeſcam in spinæ luxationem, fracturam, vasorum sanguineorum & ipsius fanis medullaris vulnera seu lacerationes.

Spina sicut vel ad posteriora, vel ad latera, vel ad anteriora luxatur, ita, quia priores binæ luxationes restitutionem prompte satis admittunt, posterior nunquam, aut non sine summa difficultate & periculo, hæc, si tanta, in tali spinæ loco fuerit, quæ & ubi motus seu actiones, plus minus vitales, turbat ac interpellat, mortis, quæ ipsi pedissequa, causa vera & prima dici meretur, comprimendo scilicet medullam inclusam, emanationem fluidi cerebralis ad organa vitalia intercipientis, aut ad convulsiones horum depravans. Per organa vero hæc non thoracis tantum viscera à Galenicis καὶ ἑσθλὴν sic dicta, sed abdominis quoque potissima, subintelligere jubet Hippocrates 2. prædict. t. 26. dum ait: Si spinalis medulla aut ex casu, aut ex alia quapiam causa externa, aut sua sponte, laboravit, & crurum impotentiam facit, ut nec tactum quidem percipiat ager, & ventris & vesicæ, adeo ut primis quidem diebus stercus aut urina nisi coacte reddatur. Quum autem morbus invaluerit, & stercus & urina, non urgente homine, prodit, moritur postea non multo interposito tempore. Viscerum enim abdo-

minis functiones, quamvis vitalitati non immediate prospiciant, siue illorum tamen functionum integritate vitalitas diu integra persistere nequit: per consequens si per spirituum animalium influxum interceptum munere suo haud fungi valent, causa tale quid præstans per se lethalis præsumitur, adeoque non tantum, juxta Avicennam, vertebræ colli luxatæ mortem inferunt, ob nervos, respirationi aut pulsui cordis inservientes coarctatos aut quocunque modo tensos, sed dorſi quoque, imo lumborum, superiores, si nimirum ventriculi, intestinorum & vesicæ urinariæ contingant spasmi enormiores, aut ipsum cerebrum, quod satis frequens, hic in consensum rapiatur.

Vertebræ Dorſi ad interiora seu anteriora non, nisi per summam violentiam dimoventur, aut excidunt, ob renitentiam & firmamentum, quæ à vinculis & ligamentis suis habent, qualia potius rumpuntur, quam ut tantam extensionem ferant: hujusque dearticulationis restitutio vix sperari valet, nec inflammationi dictorum ligamentorum, hinc nec convulsionibus inde ortis, mederi conceditur. Adeoque mortifera ut plurimum deprehenditur illa, quod Medullam vehementius comprimat, tendat quoque violentius nervos, ad interiora magis decurrentes, hinc diversas actiones tam vitales, quam animales, frustret: quod à spina extrorsum luxata vix metuendum, nec Medullam, nec hinc excurrentes Nervos, adeo potenter comprimente.

Quinimo circa Spinæ Luxationem adhuc attendendum, quod ab Antiquis non minus, ac Modernis Chirurgis, v. g. Pareo & Fournier notatum legimus: mortalem magis evenire Luxationem unius Vertebræ, præ plurimum sibi contiguarum simul facta dislocatione. Quatenus unica tantum, extra situm suum compulsa, Medullam Spinalem in acutum magis angulum cogit atque secum abripit, ut hæc proin arctius compressa, torſa & tantum non disrupta emanationem fluidi nervei ad partes magis intercipiat: quod si vero plures Vertebræ sibi contiguae simul dislocantur, in angulum obtusum & leviter tantum illa inflectitur, hinc equidem ejus actio aliquantum, haud tamen omnimode, frustratur, & fluido illi aliquid adhuc transitus patet. Ita ratiocinari jubet Hippocrates de articulis, quando t. 43: unum tantum si verticillum exilierit, spinalem medullam hoc magis comprimete, si non etiam abrumpere, tradit: & t. 45. eandem Medullam distorsiones Spinæ circulares, i. e. ad gibbositatem conspicuam facies, facilius ferre, non angularem.

Recensitis his Spinæ Luxationibus cum Galeno jungo hoc, ubi Vertebræ equidem de locis suis minus dimoventur, sed intra sedes suas manent, laxantur nihilominus harum Ligamenta eoque, ut illarum contiguitas sensibilibus lædatur, seu juncturæ earum plus minus à se invicem recedant, quod Quassationem seu Seisin communiter ajunt, Elongationem forsan appellare liceret. Qualis equidem Ligamentorum atque Articulationum laxitas non semper tantum periculi involvit, si nimirum à causa interna, & quæ lente magis agit, eveniat: ab impetu tamen externo violentiore si tale quid eveniat, subito ut plurimum interficit, vel in ipso ictus momento, vel brevi post, contuso nimirum hinc seu vehementius cominoto ac tenso fune medullari. Exemplo sit quidam Joh. Nicolaus Selinger Curiensis, qui ab ictu violentiore, Nuchæ inflicto, post nonnulla verba prolata aliosque leviores ac paucos motus atque gressus mortuus conciderat; cujus Cervicis articulatio adeo laxa observabatur, ut hic facile intorqueri & facies in dorsum converti potuerit, nihil vero luxationi analogū, sed Integumenta tantū cum Musculis multo cruore suffusa, comparuerint, prout d. 16. Nov. 1673. Nobis relatum, & Sententia nostra desuper rogata fuit. Cui simile quid præstabat jactus, Cervici Magdal. Catharinæ Miritschin illa-

tus, subitanea itidē hujus percussē mortis causa: de quo Deslavienses 26. Martii & 5. Octobr. 1685. nostrum Judiciū postulabant. Quibus ex *Pareo* 15. c. 17. addo illud Medullæ spinalis vitium, à variis pariter violentiis seu succussionibus eveniens, si nimirum illa ab immotis plane Spondylis divellatur, abscedat atque concutiat, i. e. simile quid Commotioni Cerebri sustineat: quale quid passos vix unquam reconvalescere, Idem Autor sentit. Pugnō in Nucha percussū epilepticū evasisse, ipsemet recordor.

Quamvis enim v. g. ex *Hildano* cent. 5. obs. 68. thesi huic regeri queant exempla, duorum, qui ex luxatione vertebrarum lumbarium, misere satis, evaserint, i. e. satis diu adhuc vixerint; peculiaris tamen horum est ratio, asserto meo minus contraria. Quatenus in neutro horum unquam fecum & urinæ contigerat suppressio, per consequens nec adeo ingens medullæ compressio in his concipi poterat: imo rariores forsan sunt luxationum ejusmodi spinæ eventus, cum ipse *Hildanus* de posteriore fateatur, solius naturæ beneficio potissima symptomata remisisse.

Deinde nec fracturæ spinæ à mortalitatis culpa semper immunes videntur, si nimirum hinc secedentia fragmenta medullam eousque subeant ac penetrent, ut eximi nequeant, adeoque vel comprimendo vel pungendo, hinc alia viscera nobiliora ac cerebrum in consensum trahendo, enecent: pari enim ratione fragmenta ejusmodi hic agant, ac in cerebrum agere eadem, superius dictum.

Tertio cum ingentibus gaudeat arteriis sinibusque venosis idem finis medullaris, his vel per conquassationem tantum, vel per fracturam spinæ, ruptis vel vulnere discissis & cruore intra tubum spondylorum congesto, hic perinde, ac cerebro affusus, sanguis mortis causa evadit; i. e. tum comprimendo, quam putrescendo, spirituum hinc emanationes turbat; & quidē eo magis, quod pro eodem educendo haud suppetant instrumenta Chirurgica, qualia nihilominus in quibusdam casibus ars cerebro concessit satis commoda ac salutaria.

Demum quarto ipsius medullæ spinalis vulnera, quæ ejus summitatem seu principium in cervice, paulo profundius, afficiunt, imprimis transversalia, consensu omnium mortifera per se proclamantur, in specie *Foresti* 6. obs. chir. 4. *Fallop. de Vuln. in genere* c. 4. ideo quod partes subjacentes omnes si non sensu privent, motus nihilominus earum, v. g. diaphragmatis, thoracis, cordis &c. enormissime turbent & plane auferant. Dum vulnerata in hoc loco Medulla Spinali per Nervos ex eadem utrinque promanantes, nec ad musculos intercostales, nec Diaphragma, nec Cor &c. posthac emanant Spiritus animales, actionibus horum organorum ministrantes. Casum præsentis negotii suppeditant *Acta Facultatis Nostræ* Anno 1641. de quadam Cultro latiore inter quartam & quintam Cervicis Vertebram illata punctura profundiore, Cerebri hanc productionem vulnerante ac vulneratum septimo die enecante, hinc per se lethalis pronunciata. Ast inferioris ejus tractus, imprimis lumbaris, plagæ, à multis pro non mortalibus habentur, v. g. *Galeno de Sympt. caus.* l. 1. c. 5. ac *Sennerto* pr. l. 5. part. 4. cap. 3. ideo quod partium, quibus hujus nervi destinantur, sensu & motu, sine vitæ discrimine carere possimus, & v. g. inde contingens fecum alvi & urinæ incontinentia vitalitati nihil deroget. Alii circumspectiores se gerentes distinctione, inter vulnera majora ac transversalia, & inter longitudinalia ac minora, negotium decidere conantur: illa per se lethalia, hæc minus, pronunciantes. Quibus denique accedit *Forestus*, qui punctum illata, utut minora, æque mortalia, ac majora quevis, ait.

Verum repetere hic mihi liceat ex sectione prima, utique aliquando vertebrarum thoracis inferiorum & lumbarium superiorum medullam quoque lethaliter vulnerari, & pro effato illo magis magisque confirmando exemplis, ibi recensitis, historiam ex *Panarol. pent.* 5. obs. 7. superaddo, famuli sc. cujusdam Cardinalis, qui glo-

bulo sclopeti minoris, quatuor digitis sub regione renum, per medium spinalis medullæ trajecto, vulneratus triginta post horas expiravit. Qualium vero hujus generis conditionum plagæ, qualium non, mortem per se inferant, difficile dictu: cum exempla illorum, qui hinc evaserint rarissima, & forsan à *Fallopio* tantum, si ab ullo, observata, referantur, ut dubius hæream, an quæ judicentur ac judicata fuerint in defunctis vulnera spinæ non lethalia, cum fundamento talia dicta fuerint, aut dicantur.

Quæ enim non lethalitatis causa vulgo venditatur, quod à parte Medullæ thoracica & lumbari propullulantes nervi ad organa minus vitalia pertingant, sed ignobilioribus duntaxat spiritus pro sensu & motu communicent, quarum nihilominus functionum privatio, v. g. in retentione fecū atque urinæ læsa, mortē necessario haud inferat: ideo suspecta videri poterat, quod ea concessa nec transversalis & omnimoda præcisio partis Medullæ inferioris mortalis dici queat, quam tamen plerique talem asserunt, utpote quæ non plus damni, quam minores Nervi, scil. sensus & motus defectum, imprimeret. Plus Lucis nobis suggerit hoc in passu *Galenus* 4. de loc. aff. cap. 3. ubi ex luxatione vertebrarum medullā ac nervos modo tendi, modo comprimi, ab his vero partium resolutiones, ab illis spasmos seu convulsiones, emergere ait: cui adstipulatur *Celsus* l. 5. c. 26. his verbis: *Medulla, quæ in spina est discussa, nervi resolvuntur aut distenduntur*, item *Pareus* l. 9. c. 30. *Spinalem medullam vulneratam testantur oborta convulsio aut paralyssis, urinæ & fecum citra voluntatem excretio, aut omnimoda suppressio*. Quæ si vulnerata non minus medullæ, ac propter luxationem spinæ male se habenti, applicentur, concederem equidem, quæ inferioris medullæ partibus luxationes ac vulnera organorum paralyses tantum comites adsciscunt, minime, quæ convulsiones, utique lethalia, præsumi debere, non tantum, quod urinæ & alvus hinc pertinacius supprimantur, quale eorū symptoma ut plurimum mortiferū præter *Hippocratem* l. a. experientia quotidiana testatur, sed quod cerebrum ac superiores partes quoque, si caudex spinalis non omnimode præcisus, simul in consensus spasmodicos rapiantur. Imo confirmant me in hac ætiologia reddenda non tantum exempla ex *Hildano* superius producta, ejusmodi subjectorum, quæ luxationem spinæ, haud restauratam, sine spasmis, verum cum sola relaxatione sphincterum vesicæ, podicis ac crurum, salutarem experta fuerunt: Verum probabilitatem quoque haud exilem ipsi conciliat *Foresti* monitum, dum l. a. puncturas majoribus ejus vulneribus combinat; easque pari jure lethales judicari debere, ac hæc, asserit. Sine dubio, quod pari modo, ac nervorum puncturæ, spasmis producendis aptiores, quam incisiones, existant. Imo denique quid impedit, quominus propter commercium, quod nervo intercostali cum vertebralibus inferioribus pariter ac superioribus intercedit, alia viscera, ventriculus, intestina tenuia, Lien &c. in consensus spasmodicos abripiantur lethales? dum vomitus quoque à læsæ medullæ portione lumbari evenire, in propatulo est, testaturque exemplum posterius ab *Hildano* communicatum.

Illud ratione summitatis spinalis medullæ nunc ex *sect.* 1. denuo moneo, non tantum latiores ac transversales ejus incisiones, sed, ut modo de inferiore illius portione annotavi, puncturas quoque exiliores, mortem patrare, hinc, intuitu symptomatum, lethaliū nomen mereri: quod nemini adeo paradoxum existimari poterit, modo nervorum puncturas atrociora semper incisionibus majoribus movere pathemata, ac cerebrum cum toto corpore vehementius exagitare, attendat, sic enim facile, quid de nervo hoc, totius corporis maximo, seu nervorum plurium fasciculo, expectandum sit, præsumet.

Addo denique his judicium de Nervorum vulneribus, quæ pariter aliquando per se interficiunt, & quidem sub

conditio-

conditionibus sequentibus. Nempe primo læsiones illorum truncorum, qui organis vitalibus ministeriū motus ac sensus, præstant, imprimis octavi seu vagi paris, intercostalis, ac diaphragmatis: utpote qui præfecti respirationem, pulsum, & ventriculi aliorumque viscerum, vitalitati liantur, functiones enormiter imminuunt ac tollunt; quātenus saltem lacerati eosdē motus & actiones per spasmos gravissimos & in universales degenerantes depravant. Quamvis enim trunci hi, mox ab exortu suo, aliquatenus vulnerati, cum aliis nervis partium externarum hoc commune videantur habere, ut per colli latera decurrentes topica medicamenta admittant: quia tamen hæc sæpe minus sufficiunt spasmodorum interim, hinc concitatorum, violentia æque intenditur atque extenditur, ultimum vero remedium, sc. eorum amputatio hic nullum locum reperit, quod hac facta sensus & motus in partibus vitalibus maxime destruat, ex situ hoc magis externo nihil aut parum lethalitys vulneribus ejusmodi decedit, ut taceam, hunc adeo profundum esse, ut vel hujus ratione illorum præsectionem moliri temerarium satis videatur.

Præterea quamvis sine dubio celerius longe jugulet, si uterque recensitorum parium nervus simul afficiatur, nec ideo tamen alterius horum incisio, si ejus symptomata graviora atque pertinaciora, non lethalis auguranda, quasi per socium integrum restitui ac emendari queat, quod ab alterius vitio tollebatur ac depravabatur: obstat enim, quod nihilominus tantæ ac lethales ex lacerato uno nervo præcordiorum anxietates, palpitantes &c. evenerint, quibus nulla arte succurrere licuerit, sine dubio quod integritas nervi solitarii non suffecerit pro motibus illis vitalibus integris conservandis. In specie vero quoad spasmos à nervorum uno, quātenus saltem læso, res evidentior est: quippe si unum membrum alterum, interdum satis remotum, ratione commercii nervorum, in consensum trahit, cur idem in ejusdem organi lateribus diversi non fiet? ut nimirum v. g. diaphragmatis pars, lienem spectans, ratione nervi sui, male se habentis, in convulsiones concitata, partem sui, epati contiguam, simul convellat, ideo quod nervi unius fibrillæ capillares ubique alterius furculis mire implicentur, hinc motuum irregularium stimulos invicem communicent. Quod quidem in Ventriculo ac reliquis abdominis visceribus promptius concipiendam, quatenus illius nervi paris vagi ante sui insertionem sibi aliquoties inosculantur, intercostalis vero propagines & plexus pluribus in locis coeunt ac invicem communicant.

Deinde mortis insequentis causa immediata existunt quorumcunque illorum ramorum ac plexuum, profundiora atque interna corporis perreptantium, adeoque remediorum congruorum usum respicientium, lacerationes aut puncturæ: si nempe doloribus, convulsionibus, febribus ac deliriis occasione fuerint & sub his ac cognatis symptomatis enecarint. Alia sententia erit ferenda de artuum & habitus externi nervis horumque læsionibus & exin dependentibus spasmodis, utpote quibus non unum remedii genus suppetit, quamvis in intensiores ac universales spasmos conjiciant vulneratos. Anteceptus nihilominus hæreo de illorum caudicibus, summitati humeri & femoris implantatis, si ab harum incisionibus aut puncturis tale quid contigerit, miserumque illæ enecaverint. Quippe ratione profundioris, quem obtinent, situs topicorum admotorum vis non penetrat, incisionibus vero iisdem viam parare, ob grandiorum vasorum sanguineorum, incumbentium & accumbentium, propinquitatem, temerarium admodum videtur. Sed ad extremum seu ultimum provocas auxilium, humeri sc. aut femoris extirpationem, & hoc plus audaciæ, quam rationis, sapit consilium: ac operationem illam in hac artuum summitate, trunco adeo vicina, vix audebit Chirurgus prudentior, cui convulsiones atroces atrocioribus ad mortem usque cumulare religio est.

Biblioth. Chirurg. Tom. III.

Cap. 3. De Colli Vulneribus Lethalibus.

Quatuor, præter spinam, partium genera in collo observantur, quarum Plagæ frequentius funestos eventus habent: sc. Vase illius sanguifero, Nervi, Aspera Arteria & Gula: quamvis rarius contingat, unam earum solitarie sauciari, cum sibi vicinæ maxime existant cunctæ; hinc lethalitas per concursum plurium læsionum non raro intendatur.

Arteriarum Carotidum ac Cervicalium, Venarum Jugularium internarum & vertebralium diæreses impetuolas ac lethales excipere hæmorrhagias, nullo auxilio coercibiles, *sektionem primam* indigitatum: ideo præprimis, quod ligaturam strictiorem, comprimendis suis aperturis ac compescendo sanguini necessariam, propter imminens hinc suffocationis & apoplexiæ periculum, sustinere nequeant. De jugularium externarum plagis mitius sit judicium, majoribus etiam, utpotè quibus obturandis remedia Chirurgica suppetunt, & *M. A. Severinus Effic. Chir. de phlebot. c. 16. Horne in notis ad Botall. ac in Microtechn. Hildan. cent. 4. obs. 14. & River. pr. l. I. c. 2.* venarum harum aperturam diversorum Medicorum testimoniis pariter ac propria experientia approbant, minimeque habet *Borallus*, cur *de modo incid. venam &c.* phlebotomiam hanc Chirurgis adeo dissuadeat, aut timide satis concedat, quamvis nec quibusvis tonsoribus committendum. Imo, qua immediate sub cute degunt, si non compressione, certe ligatura, earum incisiones constringere & eruptionem sanguinis reprimere licet, notante *Blanchart Collect. vent. 3. obs. 65.*

Plurium horum vasorum aliorumque organorum hujus loci simul sauciatorum exempla frequentioris observationis sunt, ipseque testari possem: bina loco plurium sunt. Requisitus Anno 1672. 23. Octobris à Præto- re Civitatis Nostræ inspexi cadaver adolescentuli 12. vel 13. annorum, cujus colli tota anterior facies à juvenile nequissimo cultro lanionino consueque dilaniata erat, ut omnes hujus musculi, scil. Mastoidei, Sternothyroidei, Coracohyoidei, Trachea, Oesophagus, utraque Carotis, ambæ Venæ jugulares internæ atque externæ resecta comparuerint, hinc ex multis vulneribus una mors contigerit. Anno 1678. d. 28. Julii à quodam Militum Centurione postulat, in pago proximo, Lindenaui, lustravi vulnus, quod Pediti punctum illatum erat, ingens valde & ab antica colli parte, sub mento, per integumenta ac musculos, sub auricula dextrâ, versus cervicem penetrans, quodque utrumque musculum Sternothyroideum & Sternothyroideum, dextrum Coracohyoideum & Mastoideum, ejusdem lateris Venam jugularem internam & externam, Carotidem ac Nervum Octavi paris, imo cum ensis, (forsan dum tetraheretur) inter Os Hyoidis & Laryngem retrorsum declinaverat, summitatem simul Gulæ totam fere, resecuerat. Quibus ex Responsis Facultatis Nostræ addo plagam, Wittenbergæ 1668. 9. Martii cuidam cæsum inflictam, & à cervice sub aure sinistra atque maxima ad colli anteriora declinantem: qua cum musculis accumbentibus vena jugularis externa tota per transversum, interna vero ac Carotis cum Vertebra Cervicis secunda ad medietatem discissa hujusque medulla simul tacta cernebatur, à cujus enormiore hæmorrhagia vulneratus altero die succubuerat.

Quia vero rariora existunt exempla, ubi unum seu solitarium horum colli vasorum lethaliter laceratur, casum, ad Nos pariter Jussu Serenissimi Ducis Mechlenburgensis An. 1685. 10. Julii transmissum, referam. Fabri nempe ferrarii servi collum parte antica cultro d. 25. Novemb. anni præcedentis perfoditur, unde hæmorrhagia insignis, ac nullis remediis, nisi cauterio actuali, cedens, eveniebat: eschara vero 27. Decēbris recedente & fluore sanguinis recrudescente 14. ejusdē sauciatus satis cedebat. Cadaver dū perlustrabatur, Vena jugularis interna, ad duorum

digitorum latitudinem sub maxilla inferiore, oblique incisa cernebatur, floris cruenti lethalis antor: musculi vero aditi à sanguine post escharam inductam, extravasato, congesto ac putrescente jamdum corruptionem notabilem contraxerant. A certo quodam Collegio Medico punctura hæc per accidens tantum lethalis judicabatur, quod lēsus ad decimum nonum usque diem vixerit, nullaq; primis diebus graviora nisi lypothymias, (hæmorrhagię potius, quam vulnere adscribendas,) symptomata passus fuerit, ac ex commotione demum animi vehementiore hæmorrhagię recidiva cum febre supervenerit &c. Quibus nihilominus haud obstantibus & satis declinatis argumentis, Facultas Nostra Medici ac Chirurgi de Vulneris Inspectione deponentium, sententię adstipulabatur, utique lethalem per se illam asserens.

Nervorum, per collum decurrentium, Vulnera quæ & cur mortifera sint, *capite preced.* innui. Asperæ arteriæ plagas vero quod concernit, cadunt hæc vel in partem ejus externam, vel in internam, seu sub jugulo reconditam. Bronchi externi incisiones, majores ac cartilagineos illius circellos lacerantes, difficillime consolidari, in propatulo est, coalescere nihilominus aliquando si non per se, certe, per intermedium callum, imo ligamenta illa carneo-membranea, cartilaginibus interjecta, excrecentiis suis, quamvis relicta post se raucedine, has incisuras obturare, adeoque majores etiam fistulæ hujus spiritalis hiatus coire, testantur *Joubertus de affect. thorac. cap. 1.* per *Albucaſis, Avenzoaris* & propriam experientiam *Brasavola in Hippocr. de rat. victus acut. 2. f. 35.* (qui magnam annulorum, ad numerum quinarium, anteriorem partem lamina ferrea dilaceratam, ac sanatam vidit) *Pareus lib. 9. cap. 29. Tulpius lib. 1. obs. 50. Bartholinus Cent. 5. hist. 89. Timæus Respons. 14. & Blankart Collect. cent. 4. obs. 47.* Neque audiendus erit *Jacotius in Hippocr. Coac. lib. 1. sect. 3. aph. 16. & Forestus 6. obs. Chir. 4.* qui majores ejus incisiones lethales ajunt, utpote quibus allegati *Jouberti, Brasavola, Tulpii & Blankarti* historiæ contradicunt.

Coalitum horum Tracheæ Vulnerum Suturam proprię sic dictam juvare, *Petrus von der Stille, Chir. part. 2. tr. 4. cap. 14. Pareus lib. 9. c. 29. Pigraus Chir. 1. 4. cap. 12. ac Bartholin. 5. hist. 89.* testantur, quemadmodum suturam per glutinum, *Tulpius 1. obs. 50:* casu nihilominus & sine ejusmodi medela quosdam, quibus canalis ille profunde satis præcisus, eundem *Pareum & Pigraum 1. a.* perhibere *Sect. 1. c. 2.* innui: quorum relationibus, quod ad me ab amico in simili Casu transcriptum erat, adnectebam.

Quin tamen percussiones seu contusiones cartilaginum Laryngis, maxime Arythanoidearum, aliquando per se mortem inferant, haud ambigo, si nimirum per ictum violentiorem earum connexio laxior eousque turbetur, ut sibi propius adactę seu arctius conniventes Glottidem eousque claudant, quo inspiratio & expiratio inhibeat, illis vero diducendis haud suppetant remedia.

Tracheæ autem sub claviculis & in thorace reconditæ vulnera ut plurimum suffocando enecant, hinc sub tali circumstantia per se lethalia dici debent, quod ars naturam in consolidando juvare nequeat, soli vero hujus roboti commissa opera, quorum successus incerti, judicio super lethalitate enunciando normam suppeditare haud valent, cum non de hujus, sed de artis potentia, ubi de Lethalitate deponendum, quæstio sit: alias vulnus illud Asperæ Arteriæ ac Venæ jugularis *Pareus 1. a. præter expectationem & divino potius favore, quam arte, sanatum fuisse*, non scripsisset. Symptoma siquidem inde emergens tantum est, ut ei per unam alteramve horam sustinendo minus par sit principium nostrum vitale, brevi hinc suffocationi obnoxium: quippe enormiter hinc turbatur respiratio, quatenus aer externus pulmonum cavernosam compagem minime subit, sed ad pectoris cavum depositus illos non tantum non

non distendit, sed undique etiam comprimit. Quam circumstantiam cum vulgo non attenderint, factum, ut ad canalis hujus coalitionis possibilitatem tantum respicientes, errorem non exiguum commiserint ejusmodi vulnera minus lethalia decernentes.

Gulę denique seu fistulæ cibariæ vulnera penetrantia, pariter modo lethalia, modo minus talia, ut accuratius discernantur, attendendum puto, alia canali huic evenire adhuc intra collum constituto & ab hujus organis reliquis stipato, alia, ubi per cavitatem thoracis & per diaphragma ad ventriculum dimittitur; item, quædam horum esse majora, quædam minora. Quo supposito exiliora & summitati ejus, cervici accumbenti, illata vix unquam morti exponere, probabile sit: quatenus vel ratione exiguitatis parum inflammationis ac doloris metuendum, aut, quod ejus supervenit, gulæ quidem functionem turbat, imo forsan aliquando interpellat, frustratio tamen hæc non tanta, quin ad unum alterumve diem eam sine certo vitæ dispendio sustinere queamus: Nec per vulnus hoc elabentia deglutita spatia aliena subintrant & in his putredinem concipiunt: remedia denique satis commode hic applicare conceditur. Et ne sine experientia merus theoreticus prodeam, ex *Schenckio Bonacursii* observationem hujus loci faciam, qui quendam, carceribus detentum, postquam sibi gulam, qua parte tracheam spectat, sauciarat & hiatum digito eousque ampliavit, ut per ipsum medicamenta cum alimentis transmitterentur, paucis diebus sanatum narrat. Ejusdem generis est historia, quam *Pigraus Epit. Med. Chirurg. lib. 4. cap. 12.* refert. Sc. in sylva duo juvenes à latronibus jugulabantur, quorum unus mortuus, alter se mortuum ad aliquod tempus simulavit, maximo largissimoque vulnere in faucibus accepto, ab una enim jugularium externarum incipiens ad partis adversæ alteram definebat ita tamen, ut illæ minime offenderentur. Missus proin à Regina, de eo certiore facta, *Pigraus* miserum illum prægravi vulnere jacentem reperit, capite demisso equidem loquentem, sed eo elato aërem per vulnus expirantem & aphonium. Ut mali magnitudinem melius dignosceret, lac ipsi bibendum dedit, quod per vulnus effluebat, supinus verò cum hoc hauriret miser, ad stomachum descendebat, ita ut œsophagum haud omnino rescissum esse, colligeret. Quo viso idem Scriptor futura valida ac firma plagam se firmiter conjunxisse & per viginti duos dies lacte tantum, resupino semper collo hauriendo, eum aluisse ait: donec postmodum solidioribus vesci cœperit & vulnus, ad exilioris tantum foraminis circa tracheam, remanentiam, coaluerit.

Verum si interior, seu in thorace delitescens, gulę portio pertundatur & quidem vulnere paulo majore, nulla quia medicamenta nec Chirurgiam admittit, alimentis vel transitu ad stomachum, ratione tumoris ac doloris denegat, vel ad cavitatem pectoris assumpta transponit, in qua, tanquam loco sibi alieno, computrescendo symptomata lethalia patrant: vulnere per se lethali deficere dici debet eger.

Communiter addunt, incisiones gulæ transversales longitudinalibus graviores esse, v. g. *Suevus de Inspect. Vuln. part. 2. pag. 17.* qui tamen ratione vera videtur destitui, dum juxta Doctrinam *Vesalii* exteriorem seu carneam gulę tunicam ex fibris transversalibus, internam seu nerveam ex rectis contextam putat. Docet quippe cum *Fallopio & Fabr. ab Aquapendente* autopsia præter tunicam interiorem nerveam, ex fibris longitudinalibus coagmentatam, carneam duplicis fibrarum strati, in subjectis humanis reperiri: quorum exterius ex staminarum rectarum manipulis crassioribus, interius ex transversalium circulis teperioribus paratum: ita ut ex transversis simplicioribus ac tenuioribus fibris, secundum tractum gulæ discissis, minor metuenda sit vulneris apertura, quam ex longitudinalibus, internis pariter ac externis, laceratis.

Cap. 4. De Thoracis Vulneribus Lethalibus.

In Thorace præter Spinam diversa pariter observantur membra, quorum plagas excipiens mors his, ut causæ per se, adscribitur: nempe Cor cum suis vasibus, Arteriæ & Venæ Mammariæ atque Azygos, Pulmones, Ductus Thoracicus, Diaphragma & Nervi Intercostales, Phrenici ac Octavi paris. At horum organorum integumentis externis seu testudini Carnei-ossæ aliquando vulnera per se mortalia contingere posse, nemini Scriptorum unquam in mentem venit: ita ut de his exclamandum veniat, quod de eorum Chirurgia facit *Guido de Vuln. spec. cura. cap. 5. De Vulnere thoracis, magnum est mirabile, quia ita parum de ipsis maxime, quantum ad membra continentia, invenimus tractatum à Galeno, neque ab Halyabate, neque ab Avicenna &c.* Nec ideo ullum eorum reprehendendum esse, pluribus persuasum videtur, qui sc. partium harum externarum ulum & actionem ad vitam non adeo necessariam concipiunt, id est, cum *Sennerto nostro* pulmones proprio motu, non ad dilatationem thoracis, extendi &c. putant: qualis nihilominus generis homines, dum veteribus causam dicere, haud requisiti, annuitur, Principi Medicorum & antiquiori longe Doctore, *Galeno*, contradicunt, qui hinc inde in suis Commentariis, v. g. *lib. 2. de Hippocr. & Platonis decretis c. 6. de Causis Respirat. c. 2. 6. de Usu Partium c. 10. ac de Motu Thorac. & Pulmon. c. 1. Nullum pulmones innatum habere motum, sed semper indigere thorace ad motum, item, Pulmonis dilatationem & contractionem thoracem gubernare*, magna animi contentione asserit. Quibus ita se habentibus, id est functione thoracis ambius ad vitam immediate necessaria, inferendum puto aliquando, majora thoracis vulnera, quibus illa eoque turbatur, ut brevi hinc suffocetur vulneratus, lethalibus per se non minus accenseri debere, ac si à mole majore, thoraci incumbente, quis interficiatur, seu comprimendo suffocetur.

Quotidie equidem pectus perfossū, modo interanea illius intacta maneat, consolidari observamus & infinita forsā vulnerum ejusmodi sanatorum ex scriptoribus corradere possem; Majorum tamen & latiorum, i. e. à quibus motus thoracis ac pulmonum insigniter latus, aliquod salutare penes neminem legere aut observare mihi datum; proin & cum causalitas horum suffocatoria evidens maxime, donec resectionem v. g. quatuor vel plurium costarum, harumque interstitiorum coaluisse audiam, vulnera ejusmodi lethalia verebor, confirmantibus idem animalium vivorum sectione, hujus phænomeni experiendi gratiā administrata, & *Galeni* dogmate *Sectione Prima ex 6. de Usu Part. c. 3.* allegato. Urget quippe maxime Respirationis necessitas, neque tamen vel futura, vel glutine, vel deligatione, labia ejusmodi hiatus fortuitorum sibi adducere & combinare concessum, quin thoracis motus, vel impetuosior in hunc conatus, qualem in pectore sauciatis experimur, hoc interpellat atque inhibeat, expiret vero interim percussus.

An unum solummodo thoracis latus vulneratum tantum exitii præstet, dubitare jubent eadem *Galeni* verba, dum à magnis vulneribus in alteram thoracis partem penetrantibus, animal repente dimidio tantum respirationis multari, tunc vero demum eadem omnimode destitui, ait, si cavitas illius utraque fuerit perfossa. Verum eo ipso, dum dimidium seu residuum illud respirationis sanguinis oscillationi virali aliquandiu continuandæ non sufficit, i. e. unius lateris pulmo vix tantum elateris aërei suppeditat, quantum viribus totius perpetuandis dimensum: brevi forsā quoque hinc destruetur & cessabit functio vitalis tota, à febre acuta, necessitatio superveniente, simul enormiter conturbata. Imo quid dicendū erit de vulneris unius lateris insigniore, mediastinū simul perforante, hinc per aëris utrinque incongruā irruentiam utriusque pulmonis explicatione inspiratoria cohibita?

Idem vel simile fatum traculentum aliquando observatur Fracturarum costarum, i. e. nec hæc mortis, nec percussor forsā homicidii, culpa semper solvi poterunt. Si Scriptorum super hoc assertum infragia forent petenda, nullum planè, qui letalitatem hanc suspiceretur, offenderem: aliquando equidem has fracturas periculosas, non tamen per se lethales, dicentium v. g. *Hippocratis de artic. l. 51. & 52. item 5. epid. r. 13. Galeni in Hipp. de artic. Celsi lib. 8. cap. 9. Epiphan. Ferdinand. Hist. 64. Forest. 8. obs. Chir. 6. & Sennert. pr. l. 2. part. 2. c. 25.* At cum de vita & spiritu hominis ferenda sit sententia, rem non sola autoritate decernere, sed penitus disquirere, conveniet: potissimum cum inter Jureconsultos *Marium Giurbam Consil. 17. §. 17.* ipsa hæc Medicorum dogmata seduxerint, ut Costarum fracturas læsionum per se mortalium classe exemerit, firmatum consensu *Capolla lib. 3. Consil. 61.* Quem tamen loco allegato neutiquam de fractura costarum lethali aut non lethali differere, sed tantum, ex contusionibus vel ictibus illarum, quarum ossa durissima, instrumento obtuso fieri posse læsionem mortalem, negare, si non *Giurba*, verum ipsius *Capolla*, verbis fidem adhibeamus, constabit.

Sc. non unius alteriusve, sed plurium simul costarum, ut ex superius seu in *sect. 1.* allatis observationibus suppono, *καταγμα καυληδὼν* ac *σύντρισμα* mortalia videntur: quod nullum vel ipsamet, vel strangulatio hinc imminens, adæquatum admittant remedium: Sive enim fracturas has concipias cum fragmentorum secessu, sive horum contiguitate: illis tamen si ad interiora ferantur, nec reducendis, nec reductis conservandis, ars semper sufficit. Quemadmodum enim harum fracturam quamlibet, sic ingentem quoque seu plurium costarum, mox carniū seu integumentorum inflatio, ab aëre pectoris intrinseco erumpente, excipit, ita sine dubio hæc impedit, quominus restitui vel componi possint illarum extrema reponenda. Quippe non fiet hoc per spiritus retentionem ac tussim, cum aër internus, à quo motum illum reductorium expectemus, costarum & pleuræ ambitum elabens, illas haud elevet: manui repONENTI rarissime conceditur locus, prout omnes Chirurghi peritiores asserunt; & quidem multo minus, si ejusmodi carniū secessus & intumescencia adsit. Nec *Vesalli, Parei & E. Ferdinandi* glutinosum aut coarctivum Emplastrum tantæ semper observatur efficacæ, ut impetuosius avulsam costarum fragmenta depressa attollat, si illa integumentis externis non fuerint continua, adeoque nec cum cute attolli queant: neque demum ultimum illud *Parei* aliorumque remedium, integumentorum nempe incisio & per vulnus cum hamulis similibusque instrumentis adornanda costæ elevatio, ubi plures fuerint fractæ, rei difficultati proportionatum observatur. Adaptatis verò costarum fragmentis continendis haud semper suppetere encheirises, experti fatebuntur, cum quæ uni vel alteri, costæ firmandæ sufficiat mediocris deligatio pluribus non sit adæquata, strictiorem autem non ferant anxiosi & vix anhelantes ejusmodi miseri. Uno verbo, si *Paræus lib. 13. c. 11.* unius costæ fracturā ad interiora vergentem, propterea, quod *membranam costalem pungat, inflammationem excitet, in empyema facile desituram, nec tam facile restitui queat, ideo quod libere & plene absolvi nequeant in hoc fractura genere, quæ sunt ad restitutionem necessaria, nempe trahere, continere, impellere, seu adungere* curatu difficillimam pronuntiat: quid de quinque, sex vel plurium costarum effractura ominabimur? Habent siquidem pauciores ruptæ hoc beneficium, ut harum parastatè integræ ipsis instar ferularum sint, quæ pariter, ac in cubito radium fractum ulna, aut in tibia hujus os fibulam fractam, seu vice versa, eas ita detinent, ut fragmenta earum sibi contigua maneat, dislocationem costarum ruptarum vicinarum impediunt ac repositis firmamento sint: quali destituuntur plures idem fatum expertæ. De cætero

sicut aërem thoracis internum virtute sua elastica pulmonum compressionem & expirationem multum juvare, ex fundamentis physiologicis suppono; ita dum extra claustra sua naturalia sub inflatione integumentorum externorum, magis tensibilem, idem erumpit, spiram ejus valde dilarari seu fatiscere, adeoque expirationis quoque motum enormiter gravari, probabile fir.

Comprobare hanc Fracturæ Costarum Lethalitem puto Casum 22. Julii 1689. Facultatis Nostre judicio expositum: Ubi quidam Nobilis, fustibus agitato ac de exquisitissimis doloribus lateris dextri conquestus sexto à percussione facta die obierat, in cujus cadavere dissecto quatuor Costæ inferiores diffractæ cernebantur. Quam læsionem, in specie Costarum, nominatum Collegium per se & absolute lethalem, cui nulla arte mederi concessum, quæ Pleuritidem incurabilem induxerit, Respirationē ad Suffocationem turbantē, enunciabat: quamvis nihil remediorum, nec Venæ sectio quidē, fuerit administrata, nec Sanguinis extravasati, qualis nihilominus ex Vasis Intercoastalibus simul ruptis probabiliter prodierat, ulla mentio facta fuerit. vid. sect. 1. cap. 3.

Verum quemadmodum meam hanc de Thoracis integumentorum percussionibus opinionem nemini obtrudere audeo, ita & illos, qui huic suffragantur, monitos volo, ut illam, casibus specialioribus applicantes, circumspēcte agant, & quas vel mihi, primum tale quid proponenti, non licuit innuere ac determinare, circumstantias amore Publici ac Justitiæ suppleant, vel me devium ea, qua Viros honestos decet, modestia ad rectam magis viam reducant.

Ego interiora Pectoris nunc aggredior, ubi primo occurrit Cor, cujus Plagas, si vel alterutrum aut utrumque ventriculum penetrant, vel Vasorum Coronariorum aliquod lacerent, per se mortales periti æque ac imperiti judicant: illas quidem non, quasi animæ sensitivæ altithronium, caloris innati sedes & officina spirituum vitalium Cordis hi Recessus sint, sed quod sanguine per easdem profuso ejus influxus vitalis ad totum interceptiatur; hæc vero, quod per hæmorrhagiam horum vasorum, satis equidem particularem, ipsi Cordis compagi musculosæ vitalitas atque activitas subtrahatur, adeoque hoc inde languescens in officio publico expediundo deficiat. Pariter si, intactis his ventriculis & vasis propriis, substantia tantum ejus exterior saucietur, utut sub tali fato ad triduum, quatrimum &c. aliquando supervivant tale quid perpeffi, casus nihilominus & hic inter ut plurimum, adeoque inter per se, lethales, referri debet, annuente *Vido Vidio lib. 7. de curat. membr. cap. 7.* & confirmantibus idem historiis, productis à *Pareo lib. 9. cap. 30. Horstio lib. 11. obs. 18. H. ab Heer. obs. 11. atque Job. van Meekren. obs. chir. 32.* Non potest enim fieri, quin muscoli hujus propulsoris actio maxime vitalis à fibrarum ejus spiraliū uno vel altero fasciculo præfecto notabiliter turbetur, cui tamen symptomati maxime urgenti ejusque causæ nulla chirurgia, ob loci seu situs profunditatem motumque cordis perpetuum, mederi licet: Et sine dubio evidentior erit lethalitas Lacerationis majoris, v. g. juxta *Heer* baseos æque ac coni simul; septum utrique ventriculo intermedium, annotante *Horstio & van Meekren*, penetrantis; aut juxta *Pareum* cum magna sanguinis profusione seu insigniorum Ramorum Coronariorum discissione contingentis.

Atque hæc quidem Cordis vulnera modo repente interficiunt, sc. perforantia alterutrum vel utrumque ejus thalamum, modo tardius post aliquot demum horas ac dies, nimirum carnem tantum & vasa ejus coronaria lacerantia: quatenus in illis non tantum Circulationis Antlia, seu organum movens, rumpitur, sed sanguis quoque dispensandus, antequam canales adæquatos subeat, profunditur; in his moventis tantum textura laceratur, hincque ejus impetus retunditur. Unde paradoxum maxime & inter miracula pathologico-

anatomica referendum, quosdam perforatis illis ventriculis plures horas, imo dies supervixisse, v. g. Ventriculo dextro Nauclerum, quinto demum die fati cedentem, cujus *Barthol. cent. 1. hist. 77.* meminit, item Civem illum Parisiensem, eodem demum tempore mortuum, de quo *Blegni Zodiac. Gall. ann. 2. April. Obs. 10.* videatur. Eodem Ventriculo dextro Vigiliarum cujusdam Magistri servum transossū quartum diem supervixisse *Miscell. Curios. Decur. 2. ann. 3. obs. 113.* Rusticum, similem puncturam sustinentem septimum attigisse, *obs. 114.* testantur: Militem ex vulnere ejusdem ventriculi die decimo sexto demum obiisse, *tabula pensilis, in Bibliotheca Academiae Groningensis suspensa, tradit.* Franciscam à Tulpha, quæ quamvis præter alia Vulnera duo in dextrum sinum penetrantia exceperit, ultimum nihilominus halitum ad quartum usque diem compressisse *Panarolus pent. 5. obs. 45.* annotavit: item juvenem ad nonum usque, cum non adeo magna hæmorrhagia, mente sana, motu cordis satis valido, tussicula ad juvenem sanguinis excretionem voluntaria, nec sine omni alimentorum usu, ad decimum usque, refert *Diemerbrock, anat. l. 2. c. 6.* ad vigesimum tertium, ex communis. *f. B. Fontani Bonnet. Sepulchr. lib. 4. f. 3. obs. 23. §. 12.* Septimo post ictum demum die quendam, cui Cordis balis cum cono per insignem lacerationem, duobus sclopeti globis, transverberata, mortuum *H. ab Heer. obs. 11.* perhibet. Quemadmodum eodem loco narrat, quendam, cujus Cor quaternis bombardæ globis perfoffum, nihilominus quintum diem supervixisse. Nolo hujus loci facere, quæ de Cervo, post dextrum ventriculum glande plumbea à Serenissima Electrice Brandenburgica olim trajectum, instar mortui prostrato & post tres horæ quadrantes quatuor circiter millia passuum aufugiente, ex *Dissertatione 1687. Francofurti ad Viadrum* habita, legimus: Cum præsto sint illorum exempla, qui perfoffo utroque ventriculo satis diu superstites permanferint, v. g. Studiosus ille Ingolstadiensis, quem vulneratum plateæ satis longæ spatium cursus confecisse, mente porro & sensibus integerrimis per horam fere integram constitisse, ex observatis *Cyriaci Lucii* narrat *Bonnet. l. 1. §. 16.* item juvenis, simili ratione sauciatus, quinta demum hora expirans, de quo *Miscell. Curios. Dec. 2. ann. 2. obs. 188.* videantur; ut *Jacotium in Hipp. Coac. & Th. à Veiga in Galen. de loc. aff.* taceam cervam quandam sagittam, ex longo tempore cordi infixam, gestasse, perhibentes, item Cordis porcini, cui bacillus acutus ante semestre transfixus inherebat, quod penes *Platerū* se vidisse *H. ab Heer l. a.* asserit.

Quæ similesve historiae, quamvis raro contingentibus merito accenseantur & fundamentis anatomico-pathologicis ponendis minus adæquatae sint, earum nihilominus aliquas ætiologias ex circumstantiis, iis combinatis, reddere, non adeo forsitan difficile erit. Nimirum probabile est, quorundam ejusmodi sauciatorum vitam protrahi primo ab exilitate plagæ, ut de suo vulnerato suspicatur *Diemerbrock, loc. alleg.* & experientia Zootomiæ vivorum incumbentium comprobatur, dum acus simile instrumentum pungens, ventriculis cordis adactum, parum sanguinis educit, & *Glandorpio Specul. Chir. cap. 38.* teste, cuniculus, cujus cor *Sanctorius* instrumento acuto perforat, vivus nihilominus ad multos menses permansit: quatenus pauca admodum organi hujus fibræ per puncturam lacerantur, sed leviter tantum divellantur, quæ extracto instrumento pungente pristinum situm & habitudinem facile reperunt. Deinde corde vulnerati terminum vitæ ultimum sufflaminare videtur ipsemet specialis magis locus, per quem subintrarat instrumentum lædens: dum idem *Diemerbrock, l. a.* præter vulneris angustiam in casu sibi observato rationem hanc putat, quod superiori ventriculi pari, inter valvulas, fuerit illatum, ita ut in constrictione cordis omni ventriculi dextri sanguis per vulnus non innox expelli valuerit.

Tertio,

Tertio, quemadmodū aliquando observamus ense trans-fossos, quādiu hunc intra vulnus gerunt, haud adeo repentinam experiri syncopen, vel mox concidere, extracto telo statim cum sanguine animam dimittere: sic à ratione vix omnino alienum, in corde simile quid aliquando fieri posse, ita ut non adeo paradoxum censeri debeat, quod *Jacotius & à Veiga* de cerva à longo tempore sagittam, & *H. ab Heer* de porco baculū cordi infixum gestante, scribunt, cum eadem instrumenta quas puncturas parabant, obturarint; neque illud, quod de acu dextro cordis vaccini ventriculo transversim infixa huicque rubigine conferruminata ex observatione *Celeberrimi Anatomici du Vernay, Peyerus parerg. anat. med. 3. c. 6.* refert. Imo probabile est, simile aliquando à grumo quoque sanguinis fieri posse, ut in *Parisi-no illo*, sub finē demū quinti diei ex vulnere dextri sinus mortuo, cujus superius ex *Zodiac. Gall.* memini, annotarat Chirurgus, qui cadaveris sectionem administraverat, vid. *Blegni l. a. mens. Junii obs. 6.* quamvis non dubitem, huic casui, quæ modo ex *Diemerbroekio* prolata, quoque applicari posse, cum immediate pariter sub auricula ictus ventriculum subintravit. *Quarto* hujus generis concipienda obliquitas vulneris, qualem in *Naucle-ro suo* causam auguratur *Th. Bartholin. l. a. cur* adeo diu in hoc interrupta persistit sanguinis & vitæ chorea. *Quinto* Autor Observationis 113. *Miscel. Curios. alleg.* in seruo illo, cujus vulnus Cordis Ventriculi descripserat, individuale ac peculiare sibi concipit texture robur, per quod post acceptam plagam in fibris Cordis nihilominus tantus remanserit vigor, ut sese à cono ad basin contrahentes sub systole vulnēris labia simul constrinxerint, liberumque Sanguini in Arteriam pulmonalem impulsū concesserint: fibris vero iisdem relaxatis Cordeque ad diastolen seu pristinum statum redeunte hiantes Ventriculi à venis denuo sufficienter adimpleti fuerint, donec doloris ex vulnere sensus fibris illis seu compagi cordis magis communicatus paulatim defecerit Machinæ hujus vitalis motus &c. Nec denique à verisimilitudine procul abest, singularem quandoque cordis fabricam mortem necessariam interpellare: quatenus, observante *Job. van Meekren l. a.* quidam corde vulneratus sextum diem ideo supervixerat, quod organum hoc, pericardio suo hinc inde alligatum, motus suos minus libere exercere, hinc nec sanguinem adeo pleno rivo projicere, potuerit. Et si nec improbabile videatur, ideo Vulnus hoc Cordis tardius enecasse, quod neutrum Ventriculorum perforavit, sed Septum tantum his intermedium in Basi cordis lacerit, ut ex Exemplari Belgico (non Latino) perspicuum est: adeoque non flumine mox præcipiti, sed lentâ magis stillâ, sanguis ex hoc Viscere promanavit.

Antequam Cordis vulnera dimittam, ratione hujus involucri noterur, ejus plagas à *Rondeletio de dignosc. morbis c. 21. & F. ab Aquapend. Chirurg. l. 7. c. 21.* sæper, à *Suevio part. 2. c. 8.* aliquando, lethales judicari, si tantæ fuerint, per quas humor ejus serofus omnimode effluat: Eo ipso tamen, dum horum posterior cum aliis supponit, humorem pericardii secundum naturam colligi singularemque usum cordi ac toti præstare, ita quidem, ut ejus defectum & profusionem hectica excipiat; de his vero dubitare jubet sana ratio: nec ætiologiam lethalitatis hujus (si qua est) admittere conveniet. Sc. non immerito cum *Vesalio, Th. à Veiga, Matthæo Curio, Lindano &c.* dubito, an fluidum hoc corporibus vivis & secundum naturam constitutis, ut pars integralis, insit? cum *R. Columbi* autopsia in animalibus vivis facta, tale quid minime evincat: vel quod nihil, aut parum ejus sub extispicio hoc compareat, vel quod, si compareat, in mortis potius articulo & sub illis anxietatibus, quibus animal per aperturam pectoris exponitur, congeratur, quod ante non existerat. Videtur enim serum hoc inde quidem succus laudabilis & naturalis, ast situ peccans

& per motus cordis impetuosiores ac circulationem per pulmones impeditam p. n. secretus: pari modo, ac in corporis partibus diversis arte talem feri congestum parare licet, circulo nempe sanguinis per vincula, venis injecta, intercepto. Adeoque non mirum, in cunctis, quocunque morbo, defunctis illud reperiri, utpote quibus in agone ad minimum respiratio & circulatio per pulmones fatiscit: copiosius tamen in his, qui ex hydrope, asthma, phthisi similive pathemate strangulatorio peribant, ita ut in phthisico ejus uncias quinque *J. D. Horstius Obs. anat. 18.* testetur. Qui violenta morte pereunt, quia pariter vel aquis submerguntur & strangulantur, vel confossi & decollati, i. e. sine notabili circulationis turbatione expirant: non in his, sed in illis tantum, lympham hanc cardiacam animadvertere licet, ut aliquoties, in publicis æque ac privatis sectionibus, ostendi.

Quod si proin ex lacerato insigniter pericardio quendam obire contingat, imputandum hoc erit vel continuitati, quæ ipsi cum diaphragmatis parte tendinea intercedit, vulnere ejusmodi solutæ, hincque respiratori turbatæ, vel inflammationi, cui sacculus hic membraneus cum partibus, quibus continuus existit, exponitur, vel aëris forsan contactui, cordi minus proportionato, hoc erit tribuendum. Priori ætiologiæ causam dicit *Antonius Algiate*, quem ablata parte pericardii quidem sanatum, suspiria tamen alta duxisse, nec multis annis supervixisse, ex *Cardano Schenckius* refert: inflammationem vero harum partium mortalem existere, cur mirabimur? Quemadmodum denique Cordis texturam ab aëre per vulnus pericardii subintrante ad corruptionem repentinam satis alterari, probabile reddunt, intestina, omentum, pulmones aliaque organa, extra ventres suos devoluta & ab atmospherâ mox in sphacelū coniecta.

Et quæ contra hanc vulnere Pericardii Lethalitatem assertam adducuntur, v. g. ex *Benivenio de abdit. morb. caus. & Cardano ad Hipp. 6. aph. 18.* parum movere poterunt, quod meris conjecturis innitantur. Quamvis vix concipi vel fieri queat, Folliculum hunc Cordis sine partium aliarum circumstantium aut adsiturum læsione vulnerari, adeoque de habitudine ejusmodi plagæ solitaria vix unquam disquiri, quin lacerata simul fuerint Vasa, Intercoastalia, Mediastina, Pulmo &c. Ita ut crebrius complicata hinc emergat Lethalitas.

Cum Corde communi lethalitati involvuntur hujus Vasa sanguiflua quatuor majora, si ea vulnerari contingat, cujus asserti experientiam casus tristissimi infiniti comprobant, rationem *Hippocrates de Corde r. 5.* sup-peditat. Hæc quippe, nomine Venæ Cavæ & Pulmonalis, Arteriæ pulmonalis atque Aortæ, ad ventriculū illius utrumque demissa & ex hoc exurgentia, fontes sunt humanæ naturæ, & flumina sunt, quibus totum corpus irrigatur, atque etiam homini vitam conservant, & ubi desiccati fuerint, homo moritur; i. e. totum corpus his laceratis fluido vitali necessario defraudatur, siue hoc ex eo rejiciatur, siue vasa tantum deferat, & ad cavum thoracis depositum, tam mole, quam putredine, hujus mēbris molestum evadat. Exemplum vulnerum ejusmodi funestorum vel ex Actis Facultatis Nostræ, vel ex Inspectionibus à me administratis proferrem, nisi penes omnes Conscientiosos & Prudentes Medicos assertum hoc in confesso esse, nossem. Potius stupeo tantam quorundam Medicorum malitiosam ruditatem, qui talia vulnera, utur in momento hinc concidant icti, pro per accidens tantum lethalibus defendere & homicidis contra conscientiam causam dicere satagunt: quale quid quendam de Aortæ trunco, mox à sui exortu perfosso, ante paucos annos, quod Arteriæ non sint partes principes, arteriarum & venarum vulnera sæpius consolidentur, non omnis profusio sanguinis sit lethalis, hic è cavitate thoracis educi queat, naturæ ejusmodi plagarum consolidationes sint possibiles

biles, similibusque frivolis argumentis sustinere conatum fuisse, Acta publica loquuntur.

Accenseamus his vulnera Vasorum Subclavium & Mammariorum, item venæ Azygos, ex truncis illis immediate magis emanantium & in eisdem se terminantium; quæ mortis certissimæ pariter causa proxima existunt: vel quod sanguinis affluxu hinc spoliatur totum, vel quod thoracis organa motuum suorum vitalium ab hujus congestione lethales patiantur moras, ut historia, à *Ballonio lib. 2. consil. 22. Boneto Sepulchr. l. 4. f. 2. obs. 24. §. 2.* evincunt.

Quibus non sine ratione accenseo Vasorum Intercoastalium læsiones ejusmodi, quarum occasione multum cruoris ad cavitatem pectoris profunditur: de quibus tamen quia *Seët. 1. cap. 3.* prolixius disserui, Lectorem eo remitto. Sanguis enim hic congestus Viscerum vitalium motus enormius turbat atque cohibet, ac tandem in saniem seu pus ichorosum degenerans ad suffocationem usque eorum texturam corrumpit ac destruit. Cujuseductio per Paracentesin non adeo facilis est, ac communiter creditur: vel quod plagas ejusmodi, cavum illud penetrare, non eque semper constet, vel quod adornata hæc Chirurgia eductoria successus felicioris raro observetur. Utriusque Exempla evidentiora *Seët. 1. c. 3.* recensui: priori in præsentiarum hoc addo. Anno 1707. mense Junii in fauciati cujusdam Thoracis latere sinistro Medicus ac Chirurgus deprehendebant puncturam, ad Sternum inclinantem, quæ an Pectus perforarit, nec Candelæ ceræ, nec Siphonis, nec Tubuli applicatione, iisdem experiri licebat: quin, potius eam in Sterno terminari, cuncta tentamina innuerent, & Symptomatum levitas optima quævis sperare juberet; donec post aliquot dies cochleare circiter feri corrupti hinc promanaret & percussus obierit. In cujus Cadaveris Thorace Puncturam illam intra tertiam & quartam Costarum superiorem illius cavum subisse, ac Musculum sub Sterno Triangularem sinistram, Mediastinum & Pericardium lacerasse, vidi, ita quidem ut lateris dextri spatium Intercoastale pariter ad cutem usque perforarit. Venter hinc medius, pure sanioto repletus, Pleuram & Cordis superficiem externam corrugatam ac crassiorem, Ventriculum vero hujus dextrum maxime compressum, monstrabat: punctura vero descripta à me Lethalis dicebatur.

Pulmonum Plagæ non semper lethales observantur, hincque forsitan *Hipp. 6. aph. 18. & 2. prædict. 19.* harum inter lethalia haud meminit, suntque frequentiora illorum exempla, qui transfossis iisdem, quamvis raro sine gravioribus symptomatis, ad multos annos superstites manserunt, qualia in *Seët. 1.* innui, his vero nonnulla ex *Pigrao & C. Stalpart. van. der Wiel*, utpote memoratu præ reliquis digna, in præsentiarum addo. Nimirum *Prior Chirurg. lib. 4. cap. 14.* de Nobili quodam, in pectore non longe à mamma ensis ictu, dorsum in opposita parte trajiciente, percussio refert, quod, quavis hic trajectus sine pulmonis læsione fieri non potuerit, parum tamen putis per vulnus prodierit & sine febre aliisque symptomatis intra quadraginta dies perfecte sanatus fuerit: donec quadragesimo febre ac aliquali dyspnœa correptus paulo post per tracheam puris albi & percocti ultra libram ejecerit, indeque optima semper valitudine usus fuerit. Addit huic notabilem maxime historiam cujusdam militis, qui sclopi ictu in thorace vulneratus tribus aut quatuor à sanatione mensibus per eandem arteriam asperam satis crassum tribusque ad minimum digitis longum costæ fragmentum emiserat, ab eoque tempore nullum plane symptoma senserit. *Posterior autem Cent. 1. obs. 39.* perhibet, juvenis cujusdam dorsum prope scapulam eoque perfossum fuisse, ut ensis mucro per pectoris quendam musculum intercoastalem ad cutem usque ferretur, isque multum sanguinis rursus rejiceret, sanatum nihilominus intra

quatuordecim dies prodierit. Item *Obs. 31.* alium juvenem ab ense, pariter thoracem trajiciente, humi prostratum sine motu & sensu aliquandiu decubuisse cum insequente hæmoptosi duarum circiter mensurarum & paralyti unius lateris satis diuturna: qui nihilominus tandem cum loquelæ & motus in crure aliquali restitutione sanabatur, manu resoluta permanente.

Memini ipsemet Juvenula villicæ, quæ ante annos viginii circiter sclopeti explosi ictum sustinuerat, cujus globuli, pisum circiter æquant, plures summitatem Pectoris dextram perforarant, ita quidem ut horum quatuor per Scapulam ejusdem lateris hujusque Os denuo prodierint. Altera à vulnere suscepto die, cum illam, pro Prognosi formanda, visitarem, sputum cruentum spumofum, tussim, dolorem pungitivum cum aliquali dyspnœa penes eam annotabam, ex qualibus Symptomatis & regione Thoracis vulnerata Pulmonum partem granulis illis plumbeis transfossam, hinc vulneratam non omnis vitæ periculo expertem declarabam; quæ nihilominus sensim reconvalecens, sub raucedine & dolore loci tensivo ac gravativo cum aliquali anhelitus difficultate, superstes mansit.

Multos tamen, modo brevius, modo tardius, ex pulmonum ictu succumbere præter *Hipp. 3. coac. 388.* eadem experientia evincit; adeoque organi hujus Vulnera per se lethalia censei debent, quæ aut plures, aut majores earum arteriarum vel venarum ramos, aut tracheæ propaginem insigniorem, penetrant lacerantve. Vasorum sanguiferorum pneumonicorum lacerationes lethales præter *Timaum Respons. 16.* Acta Facultatis Nostræ comprobant, v. g. in Viro quodam, Sulæ Francorum 1683. d. 19. Junii glandis sclopetariæ ictu trajecto, hincque paucas post horas obeunte: in cujus cadavere visa fuerunt clavicula dextra & pulmonis summitas perforata, hujus vero vasorum rami majores lacerati, hinc spatium thoracis idem multo sanguine repletum. Cui ex propriarum observationum Catastro tres paris eventus casus jungo. Quippe anno 1674. die 13. Februarii, vocatus à Nobili in Viciniam, secui & inspexi cadaver, cujus pectus non glande plumbea, sed chartacea tantum, trajectum monstrabat sub ala sinistra è regione papillæ intra quintam & sextam costam vulnus, cum quintæ effractura & pulmonis sinistri loci inferioris hujusque vasorum insigni seu sesquiunciam æquante dilaceratione, qua intra Nycthemeron cum hæmorrhagiâ insigni, difficultate spirandi & cordis anxietatibus obierat percussus. Primo Decembris ejusdem anni in conflictu quorundam Studiosorum & Præsidii Curie nostræ illorum cujusdam, qui mox cum vitæ suæ exordio Cognomen à Morte susceperat, latus sinistrum venabulo nefario mortaliter pertundebatur, ut per vulnus satis ingens, septimæ costæ partem, octavam totam & utriusque spatium intermedium trajiciens, cum cruore languescens animam sexto ejusdem mensis deponeret: in cujus cadavere cum diaphragmatis ambitu carneo sinistri pulmonis fibram superiorem ad unciam longitudinem perforatam simulque aliquot hujus visceris vasa, imprimis tres insigniores ramos arteriosos, lacerata, hincque pulmonem ac pleuram inflammata, videre continebat. Porro A. 1679. d. 27. Sept. ad Instantiam Prætoris urbani lustravi cadaver juvenile, Civis suburbani filii, qui thorace sub ala pariter sinistra, intra sextam ac septimam costam, ense perfossum triduo post satis cesserat; ideo quod pulmo ejusdem lateris cum venæ pneumonicæ ramo sinistro sauciatus fuerat.

Majora itaq; pulmonum vulnera, quia sine divulsione vasorum sanguiferorum fieri nequeunt, item minora, venam arteriamve insigniorem penetrantia, semper per se lethalia dici merentur, & rarissime evadunt, qui talia sustinent. Obstare equidem huic pronuntiato videntur ejusmodi quorundam Scriptorum observationes, quæ ingentem satis pulmonum prominentem portionem

portionem, sine vitæ detrimento rescissam perhibent, v. g. *Hildani Cent. 2. obs. 32. Schenkii ex Rolando obs. p. 267. ac Tulpii l. 2. obs. 17.* verum dispar horum phenomenonum & plagarum hæctenus descriptarum ratio est. Quippe, quam *Hildanus* annotavit, apicis pulmonis lividi præfectio ferro candente, hinc absque notabili hæmorrhagia, fiebat: in *Schenkii* historia pulmonis portio, propter sanguinis, ab angustia & conniventia vulneris thoracici, appulsum interceptum, pariter sine hæmorrhagiæ metu amputabatur. Quam *Tulpius* quoque, quia partem pulmonis prorumpentem emortuam filo constrictam extirpabat, prudenter satis evitabat.

Quadrat huc *Ruyfchi Celeberrimi obs. anat. chir. 53.* ubi ex vulnere thoracis partis inferioris, in famulo cuiusdam Nautæ Pulmonis particula prominebat, quam Chirurgus imperitior pro Omenti portione habens illico vinculo ad rescindendam deligando præpararat. Advocatus *Ruyfchius* admonebat Idiotam, Plagam non Abdomen, sed Thoracem penetrasse, & eam, quæ emineret, ab illo ligata, Pulmonis portionem esse: hinc vulnere digestivo & Emplastro defensivo singulis diebus fore prospiciendum, donec illa ligata emoreretur ac sua sponte decideret, & pulmo in ipso vulnere consolidaretur; quod cum reconvalescentia ægri contigit.

Futile & nullius valoris augmentum saue est, quo in defendendis homicidis communiter utuntur, quasi sub compagis Pulmonum ab ulcere profundiore erosione & non exiguæ hujus portionis consumptione quidam diu satis & per annos (quamvis sub valetudine plerumque causaria) superstites degant: proin nec Vulnera eorum adeo exitiosa & brevioris interitus censeferi posse. Alterius plane rationis est Suppuratio sensim & sine Hæmorrhagia præcipiti emergens, ac Plaga, ense, globulo &c. inflicta: cum hæc sine cruoris enormiore vel ad extra, vel ad Pectus profusione, quæ Lethalitatis causa proxima, nunquam contingat; qualem ulcera illa nesciunt. Ulcera Crurum aliarumve partium externarum per plures annos sustinent nonnulli sine vitæ dispendio, Vulnera eorum, graviores Hæmorrhagiam quæ comitem habent, brevi cum sanguine animam deponunt.

Præterea vulnera pulmonum illa quoque, quæ, illeſis vasis sanguiferis, asperæ arteriæ intra eos reconditum ramum perforant, mortem per se patrare, ipse *Hippocr. Coac. l. c.* innuit his verbis: *Moritur autem etiam, si in arteriam & pulmonem magna plaga fiant, ita ut pulmone percussio paucior spiritus per os procedat, quàm is qui ex vulnere elabitur*: confirmante idē experientia v. g. *Glandorprii*, qui *obs. 25.* quendam nautā ex læsione rami asperæ arteriæ cum impetuosiore aëris per vulnus transitu & sanguinis spumosi eruptione sexta die decessisse, narrat. Estque hujus eventus causa in promptu, quod aër, qui pulmones distendere & sanguini moleculas vitales concedere debebat, libere & sine omni hoc effectu per plagam pulmonis æq; ac pectoris exhalet: aut ob vulneris angustiam in thorace retentus ac pulmones comprimens suffocando magis perimat.

Nec ductus Chyliferi seu Thoracici lacerationes, hæctenus ab hujus argumenti Scriptoribus neglectæ, lethalitatis notam effugiunt: non tantum quod hac ratione, quæ per canalem hunc alias fieri solet, chyli tractus interceptatur, sicque sanguis commeatu necessario intercludatur, sed quod lymphæ pariter, & corporis partibus reflua, ex canali sanguinis exturbetur. Asserto huic ejusque ætiologiæ egregiam fidem faciunt experimenta bina, à *Lowero de Corde cap. 5.* perspicue satis tradita, & à quovis, mediocriter in ejusmodi tentaminibus exercitato, facile adornanda; quibus intra thoracem canis viventis tribus à pastu horis lacerata receptaculi lumbaris summitate aut ipso canali chylo-lymphatico cruor & vena vel arteria postmodum ductus pauca lymphæ nulloque chylo dilutus conspicitur, animal

pauca dieb; elanguescit & expirat, ventre hoc lymphæ ac chylo extravasato scatente, ac Viscera vitalia submergēte.

Lethalitatem equidem hanc dubiam reddere poterat historia fluxus ex vulnere chyloſi, quam ex *Langeloti* relatione *Bartholinus Cent. 3. Epist. 37.* tradit, quod Baro quidam circa mediam dorſi vertebram sclopeto læsus, glande subter sinistram scapulam exeunte, primo quidem non adeo male se habuerit, post quatuordecim tamen dies per vulnus inferius, superiore consolidato, extillarit liquor albicans, parum simul flavescens, & quidem per plures menses, ægro quotidie sub febricula vespertina magis magisque debileſcente & contabescēte, utut bene appeteret & victu lauto atque pleniore quotidie uteretur, tandem tamen eousque restituto, ut febricula & fluxu per quatuordecim dies remittente, habitus quoque corporis floridior comparuerit. Donec idem, ex alimentorum calidiorum abusu animique commotione vehementissima, ejusdem fluxus recidiva una cum epilepticis convulsionibus ac postmodum hemiplegia correptus, paucos post dies è vivis sublatus fuerit. Sed vindicabit Illam ab ambiguitate, si (propter cadaveris inspectionem minus accuratè peractam) dicamus, forſan non ipsum truncum, sed ramum ejus tantum alterutrum, infra coalitum communem, sauciatum fuisse, ut pro portione quadam Chyli & Lymphæ advehenda alter adhuc ramus quadantenus suffecerit. De cætero mortem certam non parum forſan morata fuit illa circumstantia, quod fluidum hoc extravasatum è vulnere promanarit, nec congestionē sua cordi pulsanti, nec organis respiratoriis, impedimento fuerit; contra in thorace reservatum functiones has vitales graviter turbet.

Pro Diaphragmatis vulneribus mortalibus discernendis vulgo distinguunt cum *Galeno in Hipp. 6. aph. 18. & 5. meth. medend. c. 9.* inter vulnera nervosæ & carnosæ parti inflicta, nervi s. tendinosi centri vulnera per se & necessario lethalia, carnosæ vero peripheriæ modo cum *Fallopio & Vido Vidio* gravia tantum, ac difficilius curationis, modo cum *Foreſto* ut plurimū, hinc per se, lethalia pronuntiantes. Verum quamvis negari haud possit, carneæ diaphragmatis substantiæ vulnera minora aliquando sanata fuisse, qualia exempla præter *Alex. Benedictum, Hollerium in Hipp. 6. aph. 18. Glandorp. Specul. Chirurg. obs. 27. ac Diemerbroeck anat. l. 2. c. 3.* narrant; & quidem non tantū per texture rationem, qua ad consolidandū hæc magis apta, sed quod costis maximam partem propinquior eadem circumferentia remedia commodius admittat: Majora nihilominus aut multiplicata v. g. bina, non, nisi morte, expiari, præter experientiam communem ratio suadet, dum per hæc quoque actio respiratio vitalis turbatur, & inflammatio superveniens cerebrum ac nervosum genus æque facile, ac si pars ejus tendinea ictum sustineat, in consensus spasmodicos ciet.

Imo ambigere licet, nonne quæ à Medicis ac Chirurgis hæctenus vulnera nerveæ Diaphragmatis portionis ex præjudicio credita fuerunt, ipsam ejus carnositatem penetrarint: dum quæ communiter traditur, diaphragmatis conformatio autopsiæ accuratiori haud concordat, & à Modernis Prosectoribus evincitur non hujus tantum circumferentiam carneam existere, sed ex duplici & digastrico quasi musculo illud componi primo *Steno* asserit, quorum superior ac latior peripheria sua circulari costis & sterni extremitati adhæreſcat, altera sui parte in aponeurosin tendineam abeat, inferior à vertebriſ lumbarum carnoſo pariter corpore sursum feratur, & cum prioris aponeuroſi tendinem communem formet. Ita quidem, ut Septi hujus portio, quam transit Gula, quamque nerveā seu tendineā hæctenus crediderunt omnes, revera carneæ sit, adeoque ex hujus vulneribus qui pereunt, non ex tendineæ, sed carneæ, expansionis læsione expirent. Breviter, utriusque Diaphragmatis substantiæ

stantiæ vulnera per se lethalia sunt: quia nervæ semper & necessario, carneæ frequentius, seu ut plurimum talia observantur. Accedit, raro Diaphragma solum fauciarum, quin ex Visceribus vicinis unum pluraque simul lædantur, hincque Vulnus complicatū Lethalitatem intendat.

Interim vix adeo mirari convenit, si vulnera Septi mortem aliquando non mox pedissequam ferant, illa scilicet per quæ Ventriculus atque Intestina sursum & intra thoracis ambitum rapiuntur, hinc foramen factum obturant, imo hujus limbo tandem agglutinantur, qualia phænomena *Pareus lib. 9. cap. 30 Sennertus prax. lib. 2. part. 2. cap. 15. & lib. 5. part. 4. c. 3. ac Blanckard. Anat. pract. ration. obs. 1.* referunt: quamvis eadem viscerū hac translocatione repente quoque interemisse, i. e. irrepentia hæc motum cordis & pulmonum mox ad syncopen & suffocationem usque turbasse, idem *Pareus l. a. H. ab Heer. obs. 25. Glandorp. obs. chir. 28. & Blanckard. l. a. obs. 2.* testentur. Nihilominus, si brevis, si post mensium demum fluxum, moriatur ab ejusmodi viscerum mutato situ perfoctus, lethalis tamen dici meretur hic Diaphragmatis ictus: quod arti nullus suppetat modus, per quem raptus ille impediatur ac translocata interanea retrahantur, etiam si de his (phænomeno alias satis abstruso) constaret. Etsi etiam sine ejusmodi Viscerum Abdominis translocatione Diaphragmate enormius fauciatos Fatum aliquot dies superstites conservasse, Observationes testentur: v. g. ex relatione illius Galli Anonymi, cujus à me aliquoties mentio facta fuit: Ubi ensis vulnerans Hypochondrium sinistrum compagem Diaphragmatis carnosam primum, hinc dextræ partis tendinosam, perforaverat: expiravit tamen post triduum demum vulneratus sub Febre graviore, Delirio & Convulsione Sardonica.

Spectat huc ejusdem Septi Contusio, non tantum illa, quæ cum Cruoris enormiore extravasatione contingit, qualem *Timeus Resp. 15:* brevi lethalem perhibet: sed quæ etiam sine hac momentaneam suffocationem infert, percussis scilicet hypochondriis aut regione epigastrica. Repentinæ ab ejusmodi Diaphragmatis concussione strangulationis exemplum ex penu propriarum observationum *Secl. 1.* protuli, simileque me aliquando ab Amico audivisse recordeor, qui superioribus annis, jussu Magistratus sui, secuerat cadaver pueri, commilitone globi nivalis in Epigastrium jactu prostrati & extincti, nihil tamen rupturæ similisve violentiæ præ se ferentis. Sine dubio, quod vehementius concussum Septum spasium ejusmodi compressivum experiatur, per quem ad tempusculum intercepta respiratio percussum è vivis rapiat.

Demum Lacerationes Nervorum per ventrem medium decurrentium Intercostalium, Vagi paris & Phrenicorum, ut mortiferæ maxime, huc revocandæ, siue utriusque, siue alterutrius tantum, lateris propagines aut plexus existant, prout sub finem *cap. 2.* monui. In specie hoc evidens maxime est in nervis & plexibus cardiacis singulis, quatenus ab horum ruptura uni tantum cordis ventriculo eveniens spasmus, aut resolutio alterius quoque motum cum Respiratione necessario turbat: ut ponderata habitudine, qua ad se invicem & pulmones hi gaudent, facile cuivis perspicuum fiet.

Cap. 5. De Abdominis Vulneribus Lethalibus.

In Abdomine quemadmodum pariter diversa diversique muneris sunt organa; sic eorum fauciatorum intuitu ventri huic plura præ Thorace contingunt vulnera mortalia: Scilicet innuente *Hippocrate* locis aliquoties allegatis, Ventriculi, Intestinorum, Hepatis, Vesicæ & Vasorum Majorum, quibus non immerito Lienis, Folliculi fellei, Mesenterii, Pancreatis, Omenti, Receptaculi lumbaris, Renum Uterique lacerationes pleræque accensentur.

Ventriculi Vulnera vel ratione vasorum sanguifero-

rum, vel ratione compagis sibi propriæ, lethalia observantur: dum per illa contingens hæmorrhagia totius corporis viribus enormiter derogat, sanguinis vero ad interiora facta profusio mole atque putredine Visceribus vim infert: per hæc autem digestio alimentorum horumque distributio, fluidis, vitalibus universalibus eque ac particularibus, materiam subministrans, turbatur atque aboletur, imo illorum vel crudorum, vel digestorum, ad ventrem rejectione hujus interanea pariter materia molesta & in sui ac horum exitum vergente obruuntur.

Frequentiora nihilominus annotantur & penes Autores consignata leguntur exempla eorum, qui à percussione Ventriculi reconvalescerent, v. g. *Galenum in Hipp. 6. aph. 18. Fallopius de Vulnere in genere c. 4. Chr. à Veiga in 6. aph. 18. Schenckium obs. p. 348. & Glandorp. Specul. Chir. obs. 30.* quibus accedunt historiæ famosissimæ illorum, quibus cultrū, vel demente temeritate, vel imprudentiore conatu, per gulam ad ventriculum demissum, per epigastrii regionis incisionem eductum fuisset, narratur à *Crollio in præf. Basil. Chymic. & Daniel. Beckero in peculiari de Cultrivoro Prussiano libello descriptæ.* Quo referre licebit adolescentem illum rusticum prope Halam sedecim annorum, qui anno 1691. d. 3. Januarii inter petulantias juveniles Cultrū ore prehensū improvise pronique in terram lapsū faucibus profundius impexit, sociisque & aliis accurrentibus, quod extrahi illum posse diffiderentur, cerevisiam ac oleum, ad gulam lubricandam, suffundentibus, in ventriculum demisit. Post varios dolores ac molestias, modo sedatos, modo recrudescentes, mense Januarii insequentis anni tumor quidam durus non procul à Scrobiculo Cordis enatus, cum rubore & dolore intenso, paulo post aliquantum evanescens, Maji mense denuo tamen prominens & Abscessum innuens, qui 24. dicti mensis spatia Chirurgi apertus materiam purulentam ac graveolentem fundebat, die 18. Junii apicem cultri monstrabat, donec die 2. Augusti culter integer, quamvis hinc inde corrosus ac mole imminutus, feliciter extraheretur, & ab eo tempore, sensum consolidato ulcere, incolumis viveret Adolescens. Transcripserat hanc Historiam, qui illi medendo adstiterat, ad nos, *Actis Eruditorum ann. 1692. mens. Decembr.* cum figuris Cultri devorati insertam. Quibus & similibus, quo *Hippocratis, Galeni, Celsique* sui effata defendant, Vulnerum Ventriculi varias constituerunt classes eorum commentatores, harumque alias lethales, alias non lethales, sibi conceperunt. Distinguebant siquidem 1. inter parva & superficialia tantum & inter penetrantia ac latiora, illaque minus, hæc maxime, mortalia judicabant: II. inter Ventriculi læsi partes, id est orificia & fundum, illorum plagas semper & necessario, hujus ut plurimum tantum, mortiferas pronunciantes; quamvis alii fastigio tantum fundi, seu eminentiæ bina orificia interjacenti, hujusque læsionibus hanc prærogativam tribuerint.

Verum quemadmodum orificiorum plagas penetrantes semper lethales censeo, scilicet sinistri, ob deglutitionem impeditam, plexuum nervorumque insigniorum inevitabilem lacerationem, connexionem cum Septo transverso, hincque inflammationem dolorificam singultuosam & convulsivam; dextri ob chyli distributionem impeditam vel depravatam & vomitus biliosos enotiores: utriusque vero quod ratione situs profundioris remedia congrua sibi applicari haud patiantur. Ita haud apparet, cur non vulnera fundi quoque, si cum his similibusque symptomatis moriatur percussus, per se lethalia debeant pronunciari, utpote quæ pariter ideo perimunt, quod medelam necessariam ratione situs naturalis respuant, aliorum vero consolidationes aut naturæ favoris singularis, aut cæcæ fortunæ, opus fuerint. Neque enim, ut aliquoties monui, locum hic habet illa, quam in prognosi vulnerum

adeo frequenter decantant, limitatio, quasi orificiorum plagæ semper & necessario, fundi ut plurimum duntaxat, mortem inferant: quatenus non de futuro, sed præsentem, eventum, id est, non, an moriturus, sed mortuus, sit percussus, deponere postulat Medicus; vel eo ipso, dum ex vulnere ut plurimum funesto perit hic, hoc per se interfecisse videtur vulneratum, prout in *Sectione prima* prolixius ostendi.

Neque enim I. Symptomata alterius generis, panciora aut orificiorum vulnerum pathematis mitiora minusve lethalia patitur sauciatus ventriculi fundus, chyli nempe digestionem ac distributionem frustratam, nauseam, vomitus, convulsiones, &c. quæ sane vulnera interficiendo satis potentia existunt. Nec II. crassior magisque carnosæ est hujus substantia tunicacea, prout hætenus cum *Sebizio & Suevio* sibi suisque lectoribus multi, dogma sui *Galenii* denuo posthabentes, quo in *Hipp. aphor.* sapius nominatum vulnera, ad stomachi cavitatem penetrantia, non tam propter hujus substantiam, quam quod ipsis non, ut partibus externis medicamenta possimus imponere, incurabilia ait, persuaserunt. Carnosiora longè semper observantur bina ostia, & fibrarum musculosarum fasciculis pluribus atque crassioribus, imo insuper circularibus, instructa, tenuioribus semper comparentibus parietibus ipsius cavitatis: ita ut, qui contrarium afferunt, eos vel contra autopsiam loqui, vel nullum ventriculum humanum vidisse, dicendum foret. Multo minus III. majorem præ fundo sensibilitatem prætereundum ostia bina vel ex his finitum propter plexus ingentes, in quos circa idem abire par vagum, quatenus plexus illi hic locorum haud terminantur, aut ab his majores ac plures nervi in eorum tunicas absorbentur, sed ab iis emanantes propagines per totum undique ventriculi ambitum feruntur, imo à plexibus nervi intercostalis abdominis diversis infiniti & conspicui nervorum fasciculi egrediuntur fundo magis, quam orificiis prospicientes. Denique nec IV. adeo evidens est habitudo fundi, pro admittendis medicamentis, major quam ostiorum: dum quoad extrinsecus immitenda difficultas ratione situs ubique eadem, à traumaticis verò internis seu epotis haud plus sperare potest fundus præ orificiis, quam illa in hoc diutius moreretur, eumque non adeo festinanter, ut hæc, præterlabantur, i. e. quancunque hujus regionem tibi concipias perforatam, exilissima, aut potius nulla, illorum in plagam conglutinandorum erit efficacia. Si enim summam, ad hanc minimè pertingunt, hujusve unitatem læsam attingunt optima balsamica: Si inferiorem, per hujus aperturam facilius effluunt & abdomen gravant, quam illius labia conglutinant: Sin denique mediam, etiam ejus plagæ viam potius patulam medicamenti illis concedunt, quam ut ab illorum momentaneo contractu aliquid virtutis recipere queant; eas verò si non attingant, nec inde delibare poterunt balsamum labia illarum.

Neque tandem video, qualem prærogativam habeat jugum fundi, orificiis intermedium, quæ cordatum & rationalem Medicum, in hujus vulneribus mortalibus judicandis ambiguum reddere possit: imprimis cum quem unus vel alter hunc in finem *Galenii in 6. aph. aph.* 18. allegat, commentarium aut nunquam legisse, aut non recte intellexisse, aut perversè applicuisse, videatur. Verba quippe illa: *Tenuium autem intestinorum natura & ventriculi magis non parum participant carnosæ substantia, & ideo in summa parte vulnerata sapius agglutinantur &c.* non summitatem loci, sed superficiem externam ventriculi & vulnera non penetrantia determinant, ut præter *Sebizium ac Suevum* vel succedanea innuunt: *Tota autem discissa usque ad eorum cavitatem, rarissime &c.* vel hoc evincit, quod, cum ventriculum intestinis combinat hoc loco *Galenus*, haud pateat, quid per horum summitatem, nisi superficiem, sibi ve-

lit. Quodsi verò ex percussionibus ejusmodi aliquos evadere contingat, ratio duplex potissimum subesse videtur: nimirum vel quod fastigium hoc ventriculi non adeo prompte conscendant ac per hoc rejiciantur contenta, præcipuis si vulnus exilius; vel quod diaphragmati magis contiguum cum eodem facile coalescat: quæ phaenomena tamen quia naturæ ac fortunæ potius, quam artis, opus sunt, vulnera hæc nec in genere, nec in individuis, ex illis succumbentibus, reddunt minus mortalia.

Quo tamen his meis de fundi ventriculi plagarum lethalitate aliquid luminis & firmamenti ab experientia quoque accedat, provoco ad scriptorum observationes, in specie *Forestii*, qui *lib. 6. obs. chir. 5.* quendam quatuordecim circiter à fundi ventriculi vulnere, alium à simili viginti quatuor horis, obiisse perhibet, *A. Lusitani Cent. 1. Cur. 67.* qui Architectum Pauli Tertii, Summi Pontificis, ex ventriculi fundo ense perfoctum, altero die mortuum ait. Item *H. ab Heer, obs. 25.* qui Granorum Mercatorem, cujus ventriculi fundus cullo transossus, ad trigesimam tantum horam supervixisse refert: & *Th. Bartholini*, puellam, bombardæ minoris globulo ad ventriculi fundi sinistram protuberantiam hujusque cavitatem usque ictam, sequenti mane expirasse narrantis. Quibus ex *Actis Collegii Nostri* adjicio binos casus, quorum alter de vulnere lethali in fundi imo, alter in summo, testatur. Sc. Anno 1668. 12. Maii Servestæ Studiosus quidam militis hypochondrium sinistrum mox sub costarum verarum ultima ita vulneraverat, ut gladius in fundum stomachi, hincque ad latitudinem digitorum duorum transversorum à pyloro per eundem ventriculum & hypochondrium dextrum transierit, ex quo ille cum vomitibus frequentioribus potulentorum haustorum, ac cardialgia, sudore frigido altero die perierat, potulentæ pariter materiæ menturis quatuor circiter ad abdominis cavum profusis. Qualem percussione quamvis præter Medicum quendam privatum Collegium aliquod in vicinia non per se lethalem pronunciarit, aliud judicium postulatum super eundem casum suspenderit: Nostri nihilominus Facultas per se & absolute mortalem, non sine rationibus decidendi, evidentibus judicavit. Pari- ter An. 1617. 26. Sept. in Oppido Voigtlandiæ, Reichenbach, calcearius calcearii hypochondrium sinistrum fere eodem loco, sc. super costarum notharum prima, & ipsum ventriculi fundi fastigium, è regione orificii sinistri, ac duobus digitis transversis super pylorum denno, perfoderat, ut hic cum dolore circa stomachum insigni, siti, vomitibus & convulsionibus intra biduum expiravit, & quidem vulnere sine omni dubio lethali.

Quodsi proin præter summitatis ventriculi etiam reliqua fundi vulnera, in plagis lateralibus, antica &c. aliquando consolidentur, quintuplicem suspicor imprimis hujus eventus salutaris causam occasionalem. Nempe (I) si minora, fieri hoc poterit per corrugationem ventriculi naturalem & beneficio strati fibrarum musculosarum tunice carneæ, tractui vulneris paralleli, contingentem: (II) Si peritoneo, diaphragmati & abdominis musculis agglutinentur & cum horum labiis coalescant, ut in Rustico illo Kunnersdorffensi, cui, annotante *Schenckio*, per vulnus epigastrii satis diu alimenta prodierant, sanato factum, tumor externus, mole pugnum æquans & non raro dolores gravissimos excitans, probabile reddit, simileque in adolescente rustico Hallensi factum, ex circumstantiis enarratis colligitur: vel si (III) portiuncula omenti se insinuans ejus incisionem obtruendo coalitionem juvet. Quod (IV.) etiam forsan evenit, si per vulnus ejusdem abdominis regionis latius labia ventriculi sauciati integumentis externis adducere & una eademque sutura hæc colligare liceat; quale quid ex voto satis successisse ex observatione *Oerhei Schenckii*, *Suevus*, *Corbeus* aliique referunt, idemque confirmat C.

Stalp. van der Wiel cent. 1. obs. 39. Item (V.) si apertura ejusdem ventriculi ratione contiguitatis arctioris cum labiis plagæ externæ ita occalleſcat, ut per meatum ſeu ulcus hoc patulum, quæ moleſta, rejiciantur: cujus phænomeni exemplum in Ruſtico Bohemo, venabulo lato in Stomachum ſub orificio ſiniſtro iſto, ex *Cornace & Jul. Alexandrino* allegari, ſi Wielium excipias, narrant, ſc. vulnetis interni & externi labia per callum communem ita coiiſſe, ut per eorum hiarum deglutita ad lubirum emittere, eodem verò linteis obturato illa retinere, valuerit, ſicque aliquot annorum ſpatio vitam protraxerit. Nec (VI.) rationi omnimode repugnat, quod nonnullos ſcriptores inclinare obſervo, quorundam forſan ventriculos carnoſiores exiſtere, adeoq; per habitudinem quoque hanc individualem vulnera felicius eluctari.

Sicut autem, prout in *ſeſſione prima* innui, quæ per ſingularem naturæ benignitatem aut circumſtantiam ſatis fortuitam aliquando ſanatae plagæ alias, ejusdem generis viſas, lethalitate haud eximunt, niſi ex particularibus univerſalem concluſionem, invita Logica naturali, eruere malis: ita, dum plura ventriculi vulnera lethalia, quam ſalutaria obvia ſunt, in ſubjectis, quæ occasione horum ac cum ſymptomatis gravioribus, his læſionibus adæquatis, perierunt, & quibus non adeo propitia fuit vel natura, vel fortuna, talia cujuſcunque ventriculi partis, mortem per ſe intuliſſe aſſerere nunquam vereor, poſſimum ſi nec ſauciatus, nec Chirurgus, erroris convinci queat. Habent enim cuncta hoc commune, quod remedia illis commode applicari haud valeant, vomitibus verò ac convulſionibus totum exagitent brevique enervent, his ipſis ſubſultibus diſcontinuatarum partium coalitionem turbent atque impedian, aſſumpta verò vel omnino è corpore proſcribant, vel ad abdominis cavum deponant.

Ventriculo prout continua ſunt inteſtina, & quidem tam ratione ſubſtantiæ quam uſus, hæc diſciſſa aut quocunque modo lacerata idem cum illo habent fatum. Sc. vulnera horum per ſe lethalia comprobant infinita eorum exempla, qui inteſtiniſ ſauciati expirarunt, contradicentibus aliis obſervationibus, quamvis paucioribus, nonnullos eadem ſalvos atque incolumes evaſiſſe. Unde factum, ut diverſam ſemper *διὰξιον* meditati fuerint rerum harum ſcriptores, ſc. modo cum *Galeno in 6. aph. 18.* vulnere *Superficiarium & Penetrantium*: modo cum *Hippocr. 3. Coac. 39. magnorum & Parvorum*, modo cum *Eodem Longitudinalium* atq; *Transverſorum*; modo deniq; cum *Galeo 6. meth. med. cap. 4. Tenuium & craſſorum*: adeo quidem ut ſuperficiaria, parva, recta ac craſſorum periculofa tantum, penetrantia verò, majora, tranſverſa ac tenuium per ſe morriferæ, proclamarint. Et quidem poſteriori limitationi ipſe quoque *Hippocrates* primam occaſionem ſuggeſſiſſe videbatur, dum *6. aph. 18. & 24.* inter patteſ lethaliter ſauciataſ tenuia tantum numerat inteſtina: eo ipſo tamen dum *2. prædict. 19.* inteſtina in genere, & *3. Coac. 389.* tenue æque ac craſſum mortem cauſari, ait, eandem diſtinctionem quaſi tollit, neſcio tanten quo caſu, inter Canoneſ fundamentaleſ relatam; pariter etiam *Celſuſ l. 5. cap. 26.* poſtquam ſervari non poſſe ſcripſerat, cui inteſtinum Jejunum aut tenue aliud vulneratum; mox omnium inteſtinorum plagarum difficilem eſſe curam, pergit.

Primam itaque ac Secundam *διὰξιον* promptuſ largior, Tertiã verò ac Quartã concedere nequeo: cum arti non plura ac efficaciora ſuppetant remedia pro vulnere longitudinali & craſſo inteſtino, ac pro tranſverſo & tenui, conglutinando ſeu uniendo. Tranſverſa vulnera rectis cur difficilior coeant, hæc forſan ſubeſſe videtur ratio, quod fibris tunicæ extrinſæ ac mediæ ſeu carneæ longitudinalibus diſſectis nullo amplius vinculo contineantur circulatorium manipuli: contra hiſ præſectis, illiſ harumque potentia contractoria integriſ conſerveant magiſ vulnera, minimè tamen in cadaveribus, ſi patula reperiantur, pro

non lethalibus habenda. Concedo pariter, tenuium inteſtinorum plagas vel ideo magiſ exitioſas exiſtere, quod nobilior eorundem videatur actio, ſc. Chyl. perfectio atq; diſtributio, quod difficilior longè coaleſcant craſſiſ, quodque majoribus & copioſioribus vaſiſ ſanguifluſiſ & lacteiſ inſtruantur. Nec tamen craſſorum functio ſordidior, quam in congerendis & egerendis ſtercoribuſ præſtant, talis eſt, quæ ſine vitæ certo diſcrimine per vulnuſ fruſtrari queat: neque facilitas & difficultas coaleſcendi ex vulgi hypotheſi à ſubſtantiæ diverſitate dependet, ut ipſemet *Galenuſ comm. 6. aph. 18.* innuit, ſed ex ſituſ diſparitate, per quam colon maximum ſui tractum, ambitui ac integumentis abdominiſ externiſ non tantum contiguum, ſed continuum quoque, deprehenditur, tenuibuſ profundiuſ reconditiſ atque implicatiſ.

Concludo E. cum *Hippocrate*, iſtuſ, inteſtina quæcunq; penetranteſ, imprimiſ majoreſ, & graviora ſymptomata peſiſſequa habenteſ, per ſe mortaleſ exiſtere: quod 1. à contentiſ ſuiſ ac flatibuſ diſtendantur, & motu perſtaltico perpetuo exerceantur, hinc difficulter coaleſcant; 2. facile inflammantur ac gangrænoſa evadant, ac 3. chylum atque feces ad aqualiculum profundant; nec 4. remedia ſibi rite applicari patiantur.

Vulnerum inteſtinorum lethalium hiſtorias plureſ ſcriptoreſ conſignarunt, v. g. *Valeriola li. 2. ob. 8. & 9. Beniveniuſ de Abdit. c. 76.* in ſpecie v. Ileſ *Glandorpiuſ obſ. 32. Salzmann. obſ. anat. p. 10. & Bonetuſ Sepulchret. l. 4. ſ. 2. obſ. 25. §. 9. it. Coli Tulpiuſ l. 3. c. 20. ac Salmuth. cent. 1. obſ. 18.* Quibuſ addo Caſum à *Quæſturæ Martiſburgenſiſ Præſecti Facultatiſ Noſtræ* Judiciuſ expoſitum, cujuſdam, qui 1678. 27. Decembr. duorum tranſverſorum digitorum altitudine ſupra oſ pubiſ cultello conſoſſuſ, 1679. 4. Januarii ultimuſ diem obierat: propter Ileum ſeſſione longitudinali, vix craſſioriſ Digiti capace, laceratum, hincq; cum reliquiſ inteſtiniſ inflammatum atque ſphacelatum. Nec deſunt tamen, quibuſ eorundem inteſtinorum plagæ ſalutareſ contigerunt, qualium meminerunt *Albucaſiſ l. 2. c. 5. Pareuſ l. 9. cap. 31. Holler. in 6. aph. 18. Fallopiuſ de Vuln. in genere cap. 4. & de Vulner. pecul. cap. 17. atque 19. Valeriol. l. 4. c. 9. & quidem Ileſ *Ephemerid. Nat. Curioſ. Dec. 1. ann. 3. obſ. 176.* Coli verò *C. St. van der Wiel. cent. 2. obſ. 25.**

Vulneriſ Coli (ex quo ſauciatuſ die quarto vita deſunctuſ) Lethalitateſ quondam ſc. A. 1691. 22. Auguſti à deſenſore impugnatam, à Collegio v. Noſtro eodem anno ac menſe vindicatam, acta huiuſ ſuggerunt: cujuſ utriuſque argumenta recentere forſan è re erit. Deſenſori ambigua videbatur illa ideo imprimiſ, quod 1. Proſectoreſ negligentioreſ inteſtinum nominatum minus aperuerint, hinc ejuſ valvulæ læſionem, unde lethalitatiſ poſiſſimum momentum petierant, non tam viderint, quam augurati fuerint, 2. quod per integumenta abdominiſ dilatanda vulnerato inteſtino Medicuſ, qui ægri curam geſſerat, vulneraria ſeu baſſamica non tempeſtively injece-rit, aliaſ ſalutaria. 3. Hinc inde conſtet, vulnuſ ejuſmodi cum Peritonei & Muſculorum vulnere aliquando ita occalluiſſe, ut per hiatum relictum ſcybala inteſtinorum ad plureſ annos, ſine vitæ periculo, rejecta fuerint: 4. non tam vulnuſ, quam ſanguinem extravafaſ ac in ventre congeſtum, ſupervenienti inflammationi & Gangræne inteſtini occaſionem dediſſe: ac tandem 5. Vulnera huiuſ generiſ ſanata quandoque legantur. Aſt dubia hæc ſolvebat Facultaſ, regerendo ad (1) quod, quamvis valvulæ coli laceratio ab inſpectoreſ nec viſa, nec exaſte probata, ex plagæ nihilominuſ loco, principio nempe huiuſ inteſtini, læſionem illiuſ opinari liceat. & urut hæc minus lacerata fuiſſet, motuſ tamen inteſtini perſtalticuſ ex ſimplici huiuſ vulnere, hincque neceſſario ſuperveniente dolore ac inflammatione, depravari potuerit: ad (2) deficere indicans adæquatum ad abdominiſ integumenta dilatanda ad injeſtioneſ admovendaſ: incumbenſ etiam vulnereſ coli ileum illaſ ad hoc forte non amiſiſſe,

se, neque has ejusmodi duplex vulnus conglutinare potuisse: ad idem & (3) à particulari ad universale non valere consequentiam, h. e. ex uno exemplo casu magis, quam arte, hujus vel illius sanati vulneris non inferendum, quasi omnia ejusdem partis vulnera medelam admittant: ad (4) Inflammationem ac mortificationem coli utrique vulneri hujus potius, quam extravasato sanguini, adscribendum: ad (5) verò idem, quod ad 3. dicendum, sc. ab illo, quod rarius contingit, ad plura non fore concludendum; proia hoc vulnus coli duplex ratione doloris, inflammationis ac gangræne; hincque evenientibus liporhymis, singultus vomitus ac rejectorum clysterum per os, pet se lethale esse dicendum.

Et sic in exque genere experientia fatis potius, quam arte, à vulneribus intestinorum reconvalescentium, non; nisi hoc, concludere nobis convenit; vulnera intestinorum natura sua & in se non necessario, seu semper, sed ut plurimum tantum, existere lethalia: hincq; inferendum, E. eorum plura illave frequentius sunt talia, hæc nimirum, quibus consolidandis Medicina defuit, adeoque symptomata mortifera declinare haud potuit, ob difficultates modo indigitatas. Quæ verò eorum salutaria contingunt, observantur vel cum hiato, seu apertura ad exteriora hiscente, per quam præterlabentes feculentia excernuntur; vel cum intestini pariter ac abdominis plagæ occlusionem & coalitionem. Prius solennius est crassis intestinis, & quidem per situs & connexionis cum ventris hujus integumentis rationem, qualia exempla *Cabrolus obs. 13. Hist. lan. cent. 1. obs. 74. Platerus obs. lib. 3. p. 870. Bauhinus in append. ad Roussieu. parerg. 1. Ephemerid. Nat. Cur. Decur. 1. ann. 3. obs. 8. & ann. 9. obs. 121. & ex S. Sauteri Dissertatione Suevus de Inspect. Vulner. part. 2. c. 19.* quamvis ex tenuioribus tale quid Illeo quodque cum vitæ, quamvis miseræ forsan, integritate accidere posse, sequentes binæ historiae declarent. Refert quippe *Fernelius pathol. lib. 6. cap. 14.* Viro cuidam ex accepto ventris vulnere præcisum tenue intestinum prodidisse, ex quo alvi excrementa minus solida aut coherencia per multos annos emanarint, ea via, quæ ad anum ducit intercepta. Pariter *Bleg. Zodiac. Gallic. ann. 2. Jun. obs. 4.* narrat, ab acinace quendam vulnus recepisse in parte dextra inferioris abdominis regionis, paulo supra annulos, processibus vaginalibus peritonei transiri concedentes, quo ictu transversum & omnino dissectus fuerit tubus intestinorum, non procul à loco; ubi desinit Ileum. Quod vulnus quamvis absolute lethale pronunciatum & pro desperato relictus fuerit percussus, ea tamen fuit hujus felicitas, ut extremitas ilei resecti, extra vulnus ad ulnæ sextæ partis longitudinem elata, tandem recti intestini munus in se suscepit &c.

Quod autem aliquando omnimode ac perfecte coalescant intestinorum vulnera, fieri potest I. per communem cum integumentis externis cicatricem; si illud vulnere externo è diametro opponatur, quale quid colo per continuitatem illam, quæ cum peritoneo & musculis abdominis ejus parti externæ intercedit, quam frequentissimum est. II. Si vulnus abdominis tantum; quantum pro consuendo intestino lacerato necessarium, hoc confutum interdum coalescit, si nimirum substantiæ crassioris & copiosiore pinguedine oblitum fuerit, qualem experientiam in colo *Glandorp. obs. 32. ac Ephem. N. C. Decur. 1. ann. 3. obs. 176.* testantur: non enim in omnibus futuram hanc æque feliciter succedere penes *Bauhinum* loco modo allegato videre est. III. Si forsan omenti, intestinis innantis, portio casu apertura ejus se ingerat, hocque ad coalitionem usque perfectam obturet.

Mesenterii rupturæ vix adeo facile interficiunt; nisi quatenus hujus vasa majora cum glandulis vel pluribus, vel majoribus, lacerentur. Vasa hæc quia sunt tam sanguifera, quæ lactea, utraq; per fluxus sui, plus minus vitalis profusionem letho causam dicunt; illa quidem, siue sanguis è corpore proscindatur, siue in ventre congeratur; hæc, si

intra abdomen cumuletur chylus serosus & ascitem formet. Prioris, seu hæmorrhagiæ lethalis, exempla frequentiora sunt, quamvis oppido raro tales animadvertere liceat vasorum mesenterii sanguiflorum lacerationes; quin simul intestina aliave viscera mortaliter læsa conspiciantur. V. g. *Jussu Magistratus oppidani 1669. 13.* Augusti lustrabam interanea juvenis in hypochondrio sinistro perfolli, & paucas abhinc horas defuncti: in quo præter Mesocoli vasa sanguinea diversa, hinc multum sanguinis extravasati, Jejuni extremitatem inferiorem perforatam vidi. Pariter in cadavere civis cujusdam hujus urbis 1671. 25. Sept. ab ense, itidem hypochondrium sinistrum subeunte, hujus intestini Jejuni principium, epatis partem dextram & folliculum fellis cum venæ Mesentericæ trunco perfolli, hincque itidem non unam seu solitariam mortalitatis causam, in uno defuncto, cernere dabatur. Superiore tamen anno d. 17. Junii in cive quoque oppidano; vulgo *dem Französischen Roche* dicto, qui ex punctura regionis Epigastricæ tertia die expiraverat, observavi, ictum per omentum in mesenterii centrum penetrasse, sicque præter vascula Epiploica exilia propaginem arteriæ mesentericæ superioris insigniorē transversum reseculisse: unde abdomen satis vastum & obesum cruore extravasato & ad corruptionem inclinante turgebat.

Circumspectius paulo mihi judicandum videtur de lactearum venarum vulneribus. Nempe lacerato uno vel altero tantum harum furculo, etiam satis magno: hinc notabili quamvis chyli ac lymphæ portione profusa ac massæ sanguineæ subtrahæ: per reliquos nihilominus ramulos integros, quia tantum chyli, quantum pro vita perpetuanda indigemus, advehitur: nec chyli hoc dispendium, nec ramulorum horum lacteorum incisiones, phenomena per se lethalia pronunciare conveniet. Quod si autem hæc vulnera cum multa & mox præcipiti chyli ad abdomen profusione contingant, visceribus ejus molesta ac tandem suffocatoria, haud perspicio, quid auxilii illis sperandum: cum perinde ac in aliis ascitis speciebus, nisi aquarum scaratigo obtureretur, hoc in casu frustraneus sit Paracenteseos conatus. Illud tantum hac occasione monitum volo, minimè, ut communis fert traditio, Chylum ac Lympham extravasatam intra corporis ambitum seu cavitates adeo facile corrumpi aut putrescere; adeo hanc illorum nocendi ætiologiam hoc loco haud attendendam esse. Quotquot enim secui ascite vel hydrope pectoris extinctos, serum horum chylosum nihil vel graveolentiæ, vel saporis nauseabundi, præ se unquam tulit, nisi corruptio visceris cujusdam enormior fracedine quadam illud infecerit: imo vix annus præterit, cum in viro, summe ascitico (magis ad ejus & uxoris instantiam, quam ut ipsi aliquid hinc successus promitterem) per instrumentum Barberianum Paracentesin administrari, qua reperitis vicibus eductum serum, quod per menses aliquot in aqualiculo quam moleste gesserat, coloris lactei, odorisque ac saporis suavioris atque subdulcis, uno verbo instar lactis serosi & omni corruptionis seu fracedinis ignarum, deprehendebatur.

Glandularum mesenterii eadem est ratio, si nimirum harum læsio tanta; per quam chylus ac lymphæ cum impetu ad abdominis cavum stillent & sub quantitate visceribus respiratoriis molesta in hoc cumuletur. Quod fieri aliter vix poterat, quatenus si vasa lactea primi generis has non transeunt, certè per eandem colatur hinc discissis colatoriis profunditur eorum fluidum: præprimis majore & media glandula, in quam plura lactea confluere, ex Anatomicis nunc suppono.

Plus metuendum à vasorum lacteorum distributorio- rum seu secundi generis vulneribus; utpote quo pauciorum, eo grandiorum, item Receptaculi lumbaris: quatenus hi canales atque alveus communis lacerati plus chyli, imo omnem hujus & lymphæ ascendentiæ penum, profundunt, hinc non tantum viscera gravan-

do, sed his atque fluido sanguinis succum alibilem denegando, mortem certam accelerant.

Pancreatis plagas non, nisi arteriarum ac venarum transeuntium ac perreptantium occasione, mortiferas augurari possumus: quatenus organi hujus actio seu usus non tantus, quantum olim Græci, aliique venditabant, ita quidem ut satis commode ac sine notabili æconomiae animalis conturbatione aut eversione subjectis vivis extirpari queat, fueritque extirpatum sapius cum successu à curiosioribus rerum Physiologicarum Scrutatoribus.

De omento idem sit judicium, i. e. nec hoc, ut tale, sed vel ratione venæ splenicæ ac arteriæ epaticæ atque splenicæ, proximè transeuntis, vel harum ramorum, sibi priorum, insigniorum laceratorum, vulnerato aliquando necem adfert: Miror proin *Sebizium*, quod omenti vulnera per accidens tantum periculosa, nunquam per se lethalia concedat, si nimirum imperita ac rudior manu tractentur illa: quatenus *Celeberrimum hunc Doctorem* meliora edocere poterat, quem pro dogmate suo declarando in scenam producit *Forestus*, qui 6. *obs. chir.* 7. rescissa sine ligatura prævia portione omenti, ex abdomine vulnerato prominente ac corrupta, hincque per hæmorrhagiam enormiorem multo cruore in abdomine collecto, quendam paucis post diebus periisse; Alium per Gratiam Dei ac Naturæ singulari demum fato, huic & desperatissimis symptomatis ereptum fuisse, perhibet, i. e. quæ ab ejusmodi cum consilio, quamvis imprudentiore, suscepta resectione contigit, cruoris extravasatio lethalis, à vasorum eorundem majorum perforatione seu rescissione magis fortuita erit metuenda.

Epatis plagas *Hippocratem* non sine ratione mortalibus accensuisse declarat *Galenus* Commentarius in 6. *aph.* 15. his verbis: *Epar vero vulnera habet plurimo manantia sanguine; atque idcirco prius moriuntur, qui ita sunt vulnerati, quam vulnera agglutinari possint*, quatenus in eo vix exilisissima demonstrari potest areola, cui si non arteriæ conspicuæ, certe venæ notabiles, sint intertextæ, nec remedia commode applicari, nec pus ac sanies evacuari potest; unde cum anxietate præcordiorum, lipothymiis, punctiōibus ac doloribus ad jugulum & scapulam extensis, vomitibus modo biliosis, modo cruentis, item dejectionibus cruentis, æstu ac siti intensissima, ejusmodi miseri brevi ut plurimum pereunt. Testatur hoc ille, cui annotante *Hippocrate* 5. *Epidem.* §. 24. & 7. *Epidem.* §. 18. sub diei exordium epate jaculo percusso, color, qualis est mortuorum, mox per corpus diffusus fuit, anxietas contigit, quique mortuus est antequam concio solveretur: idemque morte sua confirmant, qui penes nos tale infortunium sustinuerunt. Cujus classis erat Tympanista ille Mattisburgensis à Tubicine Ann. 1672. 6. Maii gladio latiore inter secundam ac tertiam costarum notharum sauciatus, ac intra bihorium discedens: in cujus cadavere Epar mox supra fellis folliculum ad convexitatem sui simulque diaphragmatis expansum carneum perforatum cernebatur. Item ille Molitoris Ostatiensis servus, in eodem hypochondrio dextro ictum sibi intra viginti septem horas mortiferum perpessus, epatis partem dextram perfossam hujusque ramum venotum ac folliculum fellis laceratum prosectoribus sistebat, ut pariter Acta Facultatis perhibent.

Quia nihilominus his similibusque casibus hincque for nato judicio historiae salutarium epatis plagarum contradicere observantur, enarrata à *Bertino Medic.* lib. 13. cap. 7. *Hildano Cent.* 2. *obs.* 37. *Quercetano de vuln. scopel.* cap. 2. *Foresti* 6. *obs. chir.* 3. & *Glandorpio obs.* 33. &c. imo ipso jamdum *Galenus* ævo extiterunt, qui non tantum profundius fibrarum jecoris vulnus, sed fibræ quoque abscissam, sanatam fuisse, jactitarunt: factum, ut alii de Hippocratis sententia dubitarint, potissimi discrimen inter plagas substantiæ & vasorum organi hujus, tanquam arbitrum fidissimum, produxerint, vasorum epaticorum vulnera per se lethalia, substantiæ minus talia, asserentes.

Quod si tamen observatis anatomicis innitamur, vix apparet, quales eparis percussiones lethaliū classi eximi debeant; nisi cum *Sennertio* illius superficiē tantum ejusmodi prærogativam decernamus: Cum vix ejus fibræ aliqujus extremitas observetur, quæ discissa non conspicuis satis venis intertexta sit; adeoque haud constet, ubinam epatis substantia sola, sine vasis, hæmorrhagiæ lethali concitandæ adæquatis, sauciari queat. Ad stipulandum potius *Glissonii* censuræ, *Anat. Epat. cap.* 9. ubi substantiam epatis friabilem non adeo commode solidescere ait, quia per hujus ejusque vasorum minorum vulnera enormior quoque cruoris extravasatio contingat. Et vix fieri posse, idem pergit, quin per vulnera, visceri huic casum inflicta, vasa ejus simul lædantur, nisi plane superficialia fuerint: quamvis in illis, quæ punctim inferuntur, hæc forsitan aliquando magis intacta evadere valeant. Per consequens, epate vulneratum eluctari, rarissimæ observationis est, sed cum cruoris dispendio insigni fatiscit motus cordis ac sanguinis vitalis: citius equidem in illo, cui, animadvertente *Celso*, Jecoris Portæ & Crassum, quam cui fibrarum extrema, fuerunt lacerata. Cujus posterioris generis dicendus Lictor ille audacior, penes *Tulpium* l. 2. *obs.* 26. qui cuidam Nebuloni ferociori injecturus vincula, in infima jecinotis fibra bipenni ictus fuerat, ex qua extillans & in pus conversus sanguis eum in febriculam lentam & tantam totius maciem conjecit, ut ante diem quadragesimum conficeretur, in cadavere autem, jussu Prætoris dissecto, sub fibra vulnerata multum puris graveolentis reperiretur. Imo si juxta *Brassavolam* in 6. *aph.* 18. & *Glisson.* loco cit. contusiones epatis adeo periculosæ sunt, inflammationem ac suppurationem concipientes, parum profecto spei alet vulnus hujus membri mediocris magnitudinis ac profunditatis, præter hæc pathemata nunquam ab hæmorrhagia gravi immune.

Memini, quondam me legisse Responsum Collegii cujusdam Medici, super vulnus Diaphragmatis duplex & epatis, quod digiti latitudine profundum, longitudine verò digiti longitudinem æquabat, hincque sanguis in abdomen confertim influxerat. Quale complicatum vulnus nullum vitæ periculum absolute inferre decidebatur, quod 1. nulla vasorum majorum læsio in eo fuerit observata: 2. sanguis ad ventrem inferiorem confertim ruens ex quam plurimis vasis minoribus forte scaturierit: 3. Plaga epatis superficialia tantum: nec 4. determinatum à visitoribus, utrum carnosa, an membranosa, Diaphragmatis pars transfossa. Verum Judicio ejusmodi superficialiario ad stipulari vereor, quod ex eadem hujus casus relatione constet, 1. vulneratum mox à suscepto ictu mortuum concidisse. 2. Testetur quantitas sanguinis extravasati tanta de majorum, aut plurium minorum simul, vasorum epatis ac Diaphragmatis laceratione: 3. vulnus epatis non hujus superficiem tantum attigerit, sed longum & altum maximè: ac 4. demum Diaphragmatis plaga, cujusunque demum hujus partis extiterit, facile æquipollere queat tendinæ ejus expansioni inflicta. Immortales profecto debes grates, homicida, mortalibus his, qui vulnus plus quam mortale, ut mortalitati tuæ derogent, minus mortale enunciarunt.

Quoniam proin Jecoris plagæ immediate magis, propter hanc cruoris, sive ad interiora, sive exteriora, profusionem, enecant, cunctas illas, quas hæc vel solitaria, vel cum aliis symptomatis desperatis, comitatur, lethales pronunciamus, quamcunque demum epatis partem subierint: utpote quas temper si non unius vasis grandioris, plurium nihilominus mediocrium, lacerationes in sinu fovere, accuratior inspectio manifestabit. Ita, ut dubitare liceat, an cuncti circa epatis regionem percussi ipsius visceris hujus plagam sustinuerint, v. g. cujus *Quercetanus* meminit: alii verò ex vulnere tali reconvallescentes hujus exiliati & fortuitis adjunctis potius, quam solertiæ Chirurgi salutem suam debere videntur. Hinc quem *Forestus* à Jacobo Carpo ex plaga epatis cum ejus-

eiusdem portionis, à natura facta, secretione sanatum perhibet, thesi expositæ nihil derogat, vel quod exigua satis & motu naturæ lento magis, quam instrumenti lædentis violentia, illa separata fuerit, vel quod mutilata & cruenta sua extremitate integumentis externis contigua fibra illorum labiis opportune forsan coaluerit: Porro difficultatem consolidacionis non parum temperat vulnus hypochondrii integumentorum latius magisque patens, per quod remedia itegnotica ac conglutinantia ipsi epati lacerato immediate magis admoveere conceditur: quale illud concipere convenit, quod *Hildanus cent. 2. obs. 37.* describit. Sc. Helvetium quendam, in conflictu gladio Helvetio è regione epatis percussum, tantum vulnus accepisse, cujus consolidati cicatrix longitudine spithamam æquavit, ac simul epar eousque subierit, ut sanguis copiosius & ad deliquium animi emanarit, frustulum verò infimi epatis lobi resectum Chirurgus extraxerit: qui nihilominus evaserit, quod per latiore plagæ externæ hiatus comode satis mederi licuerit internæ. Cujus etiam generis videtur Adolescens ille, de quo *Glandorpius obs. 33.* narrat, ei ad finem ultimarum costarum plagam, octo digiros transversos longitudine superantem simulque epar longo satis tractu penetrantem, incussum fuisse: quam pulvis stypticus cum aliis appropriatis, tam internis, quam externis, tandem ad cicatricem perduxerit.

Nallum itaq. epatis vulnus, quod cum multi sanguinis emanatione, hinc vasis, sive unius majoris, sive plurius minorum ejus compagi undique intertextorum, laceratione, vel pathematis irreversibilibus evenit, salutare dici potest, sed qui sub hoc perit, ex percussione, ut tali, perire præsumuntur. Atque hoc quidem eo magis, si vasorum, organo huic accumbentium, illud subeuntium hincque emanantium continuas simul solvatur, sc. arteriæ epaticæ ac cysticæ, venæ splenicæ, mesentericæ, cavæ & portæ trunci inferioris aut superioris, vel hujus ramorum trigæ alterutrius. Cum venæ portæ laceratione epatis vulnus lethale describit *Forestus l. 6. obs. chir. 3. in schol.* cum Cavæ trunci *Timæus R. spons. 20.* Cum rami mesenterici, in cive illo, quem occasione percussione illi 1671. 25. Septembris celerrima morte occubuisse, superius dixi, idem vidi: ut illa mittam, quæ cum vicinarum partium plagarum complicatione lethalia exiterunt.

Ad vasa Jecoris quia non immerito refertur vesicula biliaria cum poro epatico, de folliculi laceratione observandum, hanc juxta *Fallopium de Vuln. in gen. c. 4. ac Forestum l. 1. obs. 2. & 5. in schol.* mortem necessariam inferre, quatenus lentam, tum ob situm, tum ob substantiam, tum ob ejus contentum. Idem asserit *Helmontius de Sexupl. digest. §. 30.* sub hac tamen disparitate, ut confestim mortalia vulnera fellis seu vesiculæ biliaris pronunciet. Rupturam ejusmodi ab intrusione summitatis ductus cystici in ejusdem extremitatem, hinc bilis ad crepaturam usque receptaculi turgescerentiam, cum torminibus ventris atrocissimis & post biduum enecantibus, annotavit *Job van Meekren obs. Chir. 43.* vulnere verò ejus, à percussione externis eventientium, solitariorum rariora sunt exempla; adeoque si experimentis negotium decidi debeat, ambigua relinquitur mens, an mors sacculi fellei rupturam excipiens, huic, an plagæ combinatæ, v. g. epatis, ventriculi &c. in acceptis referri debeat? Quo itaque in hoc argumenti genere me magis firmarem, binis canibus vesiculam hanc extirpavi, uno intra viginti quatuor horas, altero post biduum demum, utroque cum magno ejulatu, anhelatione graviore & anxietatibus, expirante. Ast contrarium huic phænomeno successum experiebar, in subjecto simili, cui in corona studiosorum privata folliculum, prævia cervicis hujus ligatura, extraxeram, quodque post operationem tres septimanas integras, primo misere, post comode satis, transegerat, forsanque unum alteramve adhuc diem supervixisset, nisi moræ impatiens eundem Martyrem vivisectioni alteri, pro lustran-

dis, quæ ab extirpatione illa ejus interaneis contingerint, mutationibus, mancipasset.

Rationem disparis hujus eventus si postules, sine dubio est, quod in prioribus binis subjectis nulla ductus cystici facta fuerit ligatura, adeoque per hunc etiam emanavit bilis per potos epaticos conflua; quem effluxum in tertio vinculum folliculi cervici injectum, prohibuerat: ita quidem ut in hoc meatu cysticus à divergente bile tumidior, choledochus seu intestinalis patulus maxime & intestinum bile manifestissime tinctum conspiceretur.

Hoc est, bilis Epatica eoque sufficere poterat æconomie intestinali ac totius in animali hoc, deficiente quamvis Vesicaria. Causa enim primaria atque immediata, qua folliculi fellis dilacerationes mortem inferunt, bilis est profusio ejusque ad intestinum diffluentis interruptus: dum ille, ratione situs profundioris, remedii appropriatis aditum intercludit, substantiæ verò ac emanationis bilis continuæ bilis defectus non adeo commode consolidatur: hic verò cruditatibus sanguinis motui vitali exitiosis, modo brevius, modo confestim magis, occasionem suggerit. Quale quid pariter dicendum puto, si vel porus epaticus, vel ductus choledochus, eousque saucientur, ut bilis actio in intestinum aboleatur.

De venæ seu ligamenti umbilicalis, in adultioribus ruptura seu præcisione quid judicandum, hæreo, utpote quam, sine ulla alia noxa, repente suffocare, commune dogma est: ideo nimirum, quod cum reliquis ligamentis in æquilibrio detineat epar, ne hoc versus posteriora ac superiora nimis reclinando diaphragmatis motum turbet; unde vinculo illo præfecto septum hoc necessario comprimatur, & respiratio aboleatur. Suffulcire etiam hoc suum assertum quidam conantur fabula illa, per quam *Scaliger, Cardanus* & cum his *Laurentius grassatores* ac rebelles, apud Ægyptios pro supplicio, corio vivos exutos, cum maximis cruciatibus diu, nisi Carnifex umbilicum ferro contigerit, vivere tradunt: cui accedit *Hildani Cent. 1. obs. 53.* qua adolescentem quendam à vulnere inter umbilicum & costas mendosas exiguo, interioribus omnibus illæsis, solaque vena umbilicali resecta, mox humi prostratum quamprimum expirasse perhibet.

Quali tamen asserto repugnat, quod *Riolanus Anthropol. l. 2. c. 12.* in Muliere Æthiopica, Saltatrice agilima, strangulata, venam hanc abruptam & intra fissuram epatis revulsam, sine ullo ejus respirationis aut vitæ incommodo, & in aliis fœminis, quæ utero sæpius gesserant, vasa umbilicalia ab umbilico avulsa, viderit. Deinde vix concipi potest venæ hujus officium deligatiorum, dum in cadaveribus lupinis illa vix adeo tensa conspicitur, hinc laxior adhuc necessario in illis, qui erecto corpore incedunt, erit, quam ut visceris hujus molem umbilico attrahat.

Neque difficultati huic solvendæ epicrisis Glissoniana quadrat, qui propter convulsionem demum supervenientem, tendinosam ac nervosam partibus vulneratis frequentem, rupturam dicti ligamenti lethalem fieri putat: quatenus hoc nec nervosum, nec tendineum est, nec convulsionum, sed subitanæ tantum mortis, penes *Hildanum* mentio fit. Aliis proin hujus generis observationibus quia destituimur, nec mihi quenquam vitio versurum confido, si vinculi hujus vulneris lethalitatem in suspensio relinquam.

Ad lienem propero, cujus substantiæ, ut talis, plagas qui mortiferis accendere verentur, illi visceris hujus compagem se minus exacte perspexisse produnt: cum nihil parenchymatis seu carnis hic reperitur, sed tota illius compages ex cellulis seu vesiculis nerveis ac fibrosis, sanguine arterioso turgidis, coagmentetur. Per consequens sive arteriosi ac venosi huius organi rami, si ve his continuatæ, ac intermediæ cellulæ saucientur cum impetu hinc promanans sanguis repente satis inrerimit:

adeoque aut leve admodum fuit, aut non tam *Carpi* dexteritate & solertia, quam fortunæ nutu, consolidescerebat illud in milite lienis vulnus, cujus curandi rationem *Forestus l. a. obs. 6.* tradit. Neque video, cur *Fallopium* ac *Forestus* plagas hujus visceris minus, ac aliorum, lethales pronuncient: quatenus, etiam si concedatur, quod utus ejus ad vitam non adeo necessarius sit, quodque sine hujus periculo illud extirpari valeat; enormior nihilominus hæmorrhagia, quam ex substantia vel tunica tantum ejus, latius divulsis, experimur, eidem fato has cum epatis plagis exponit, vixque juxta *Celsum* ad sanitatem perveniunt, quibus lien vulneratus.

An ulli hominum unquam fuerit excisus aut excidi, sine vitæ discrimine, possit, prout *Plinius, Cæli. Aurelianus & Leonb. Fiorovanta* scripserunt, merito dubitant prudentiores, quemadmodum in specie *Fiorovanta* fidem valde suspectam reddit *R. à Fonseca tom. 2. consult. 94.* In casibus aliisque brutis, sine notabili actionum detrimento hoc fieri, nec Tyrones nostros latet: insulse nihilominus ex phænomeno hoc concluditur, vulnera lienis majora aut profundiora non esse lethalia; quatenus per vincula, ante extractionem visceris, vasis ab anatomico injecta, inhibetur, quam ab ictibus fortuitis observamus, hæmorrhagia lethalis.

Læsiones autem ejusmodi lieni obtingunt non tantum ab instrumentis secantibus ac perforantibus, sed obrusoribus quoque & contundentibus, quorum ictus vehementiores crepare faciunt ac rumpunt profundius reconditum ampullosum viscus, integumentis externis integris vixque suggillatis, qualia exempla *Tulpius l. 2. obs. 29.* & *Fantanus in Vesal. Epit. p. 21.* à baculi ictu, recensent, eisque bina ex *Facultatis Nostræ Actis* subnecto. Sc. Lignizæ 1682. 22. Augusti quidam uxoris hypochondrium sinistram baculo mediocri crassitie percutiebat, hæcque post horulam exinguebatur: cujus abdomen cruore extravasato ad turgescentiam usque plenum, & in lienis gibba seu hypochondrium spectante parte fissura ingens ac duplex, angulum acutum formans, cordis verò ventriculi & vasa corporis majora sanguine vacua, reperta fuerunt. Pariter à Quæstore Lunzensi petebatur Facultatis nominatæ judicium super quendam, qui ex fustigatione & diversarum partium, præprimis verò ex hypochondrii sinistri contusione enormiore, (in cujus tamen integumentis ne suggillatio quidem cernebatur) mox conciderat & brevi expirarat: cujus abdomen sanguine extravasato & congrumato scatuit, Lien verò in putre sui cavâ tres fissuras ingentes ac profundas monstravit.

Renum Plagas in Catalogo Hippocratis Lethalium haud deprehendimus, ab *Avicenna* nihilominus magna ex parte mortales dicuntur, *Celsus* quoque *servari illum haud posse*, ait, cui *Renes vulnerati*. Et quidem non absque ratione: non tantum, si illæ vasorum emulgentium ramos & pelvis tubulos vel foramina penetrant, sed si substantiam quoque tantum eorum profundius ac latius incidant ac lacerent.

Quomodo enim priora non, nisi cum magna cruoris profusione, contingant, per pelvis verò fistulas laceratas in illo collectum serum urinosum ad cavum abdominis rejicitur, molestias ibi lethales patrans: ita intactis quoque his canalibus gravius sauciatus ren, hujusve canaliculi urinosi, potissimam ejus compagem constituentes, serum pariter ad abdomen profundunt, ut taceam dolorem atque inflammationem mox supervenientem, & quod renam substantia, quin simul vasorum sanguiferorum arcuati plexus insigniter lædantur, vix incidi queat, ut ex autopsia Anatomica suppono. Interim vulneribus his, ob conditionem loci, necessaria denegantur remedia, ac cum sero jugiter transeuntes fordes illorum coalitionem haud parum turbant.

Quod si verò eadem superficialia duntaxat fuerint, minimè mortifera dici poterunt, utpote à quibus neu-

tra harum evacuationum præternaturalium rictuenda: cujus generis videntur illa, quæ penes autores diverſi: sanata legimus, & quidem aliquando cum portio renum sublatione, v. g. *Fallopium de vuln. in gen. c. 4. Forestum lib. 25. obs. 20. Dodonæum obs. medic. 2. in sch. 1.*

In his tamen vulneribus renum cunctis attendenda quoque erit eorum inflammatio, hincque emergens ischuria seu urinæ suppressio; quod symptoma solum lethalia illa reddit, unius quamvis renis: cum experientia testetur, ab uno tantum, à vulnere atque inflammatione, affecto non minus, ac à calculo, alterum mox in consensum rapi, ut vel sola ex *Foreſto* nunc allegata observatio declarare poterat.

Neque valet consequentia, quibusdam solennis, quasi eo ipso, dum ab exulceratione renum compagem aliquando omnino consumptam fuisse constat, & quidem sine vitæ dispendio, nec eorum vulnera adeo difficilia videantur: sed hujus loci pariter erit, quod de pulmonum vulneribus monitum, sc. per renum vulnera sanguinem profundi, cui profusioni ob situs partis vulneratæ profunditatem, commode mederi haud possumus.

Tantum non elapsi sunt quadraginta anni, cum Barbitonforis Minister in Regionis lumbaris parte sinistra ense subdola perfoderetur, correptus hinc Hæmorrhagia vehementiore, lypothymiis, nausea & vomitibus, insequentibus diebus nephritide, interdum mictu cruento cum ischuria alternante, quarum posterior cum refectione sanguinis grumosi per visicam solvebatur, febre valde acuta & totius abdominis distensione dolorifica. Ex quorum symptomatum syndrome renem sinistram profunde satis fuisse vulneratum probabiliter inferri poterat. Graviter & ulterius tres menses sauciatus decubebat, mitescentibus tamen sensim enarratis molestiis, tandem restituebatur & superstes ultra triginta annos vixit, paroxysmis nephriticis frequentius agitatus.

Refero huc ureterum præsectiones & per has ad abdomen confluentem urinam: quæ mole pariter ac putredine vulneratis exitio evadit. Notum equidem est, serum urinotum in renibus sensim percolari & per canales hos non confertim, sed lento satis stillicidio, ad vesicam descendere: nec vetulam tamen latet, intra nycthemeron v. g. multum ejus vias illas transmeare, & per consequens non adeo parum urinæ, quod à partium ambientium calore tam facile resolvi ac consumi valeat, per unum ureterem vulneratum ad ventrem deferri, potissimum si febris superveniens potum uberiores jubeat. Neque perspicio, quam commoda statim plagam ejusmodi consolidandi vel præbeatur ansa, vel præsto sit Chirurgia, partis nimirum profundius reconditæ.

Vesicæ vulnera lethalia itidem pronunciare jubet *Hippocrates* cum *Galeno* Commentatore ac *Celfo*: Imo *Aristoteles* quoque 3. *histor. animal. e. 15.* inquit, *Nec Vesica præcisa coire potest &c.* Quemadmodum autem idem hic mox pergit his verbis: *quanquam non ignoro, aliquando contigisse, ut vulnerata Vesica solideſcat*, ita nec deficiunt alii viri, magnæ experientiæ atque fidei, qui vesicæ læsiones non semper mortiferas exitisse, diversis experimentis confirmant. *Fallopium* v. g. *de Vuln. in gen. c. 4. Platerus obs. p. 849. & 850. Bauhinus app. ad Rouſſet. cap. 2. & Riverius obs. infrequ. 5.* ut reliquos mittam in *sect. 1.* nominatos, subnecto tamen his, quod Ann. 1680. Mense Maii in studioso quodam, nomine *Reiche* observavi. Perfodebatur huic noctu, nescio à quò adversariò, hypogastrium, prope os pubis commissuram, advocatus ego cum Chirurgis eum deprehendi hæmorrhagia insigni, vomitibus atque dolore ejusdem regionis ad lypothymias usque fractum, per vulnus omnis urina, nihil verò aut parum hujus per urethram, nisi ope catheteris, excernebatur, & quidem per plures dies: donec turundarum, quibus hætenus plagam

gam Chirurghi more communi deligaverant, usum distuaderem, illamque remotis his tractarent illi, quæ postmodum intra octiduum coalescebat, teddebatque per meatum ordinarium urinam percussus.

Cum nihilominus præter dictos Medicinæ principes tota hujus schola vesicæ plagas per se lethales proclamet, postquam supposuerunt ejus Doctores, *Hippocratem* reliquosque non de superficialiis, sed penetrantibus, seu *Vesica dissecta*, loqui, limitatione seu distinctione, inter fundo ac cervici infictas, illorum auctoritatem & experientiam quotidianam integram conservare ac rem decidere, allaborarunt, fundi perforationes per se, cervicis minus, lethales asserentes, eandemque jamdum concepisse videretur *Aristoteles* l. a. his verbis, *Nisi ad ipsum exordium suæ cervicis*. Quod nimirum fundus membraneus sub hypogastrio delitescens laceratus plus doloris ac inflammationis suscipiat, non coalescat, nec futura, nec vinculis, stringi queat, defluat interim ad abdomen urina: contra collum carneum promptius consolidescat, ipsiusque, perinæi propius adjacentis, coalescentia remediis juvari queat, ut vel in calculo sectis experimur.

Circa quæ cogitata temen monendum, nec cervicis vulnera semper adeo salutaris eventus esse, sed frequenter ex his quoque perire percussos, si, annotante *Foresto* l. 6. *obs. chir. 5. in schol.* contundatur ac laceretur valde illa, ut lithotomi fateri coguntur, si sub extractione calculi majoris tale quid contingat. Neutiquam interim ideo illa lethalibus per se annumerari debent, nisi forsan per hypogastrium subintret instrumentum collum lædens, adeoque sanguis æque ex valis colli discissis, ac ex ipsa vesica urina, emanans ad cavum abdominis confluat, nec vulnere interno medela adæquata fieri queat, quale auguror civis illius Tennistædensis, super quod Judicium Facultatis petebat Præfectus illius loci. Perfodebatur Anno 1679. d. 6. Octobris hujus hypogastrium, mox supra pubem, cum egresso intestinorum per plagam externam, quæ quidem per hanc dilatatam reponerentur & hæc futura firmabatur: tertio nihilominus die vulneratus moriebatur, in cujus cadavere collum vesicæ perforatum ac pelvis cruore congruato referta deprehensa fuit. Econtia à fundi quoque plagis quosdam convalescere *Kentmanni*, *Plateri*, *Bauhini*, *Cattierii* & *Pauli* observationes *Secl. 1.* allegatæ, item *Ruyfch. obs. anat. chir. 75.* & historia vulnereis studiosi modo nominati evincunt: quin tamen ob ratiorem hæc exempla fundi plagæ in genere dici debeant per se lethales, vix putarem, sed eas tales judico. Ita *Nossenæ* quidam machæra venatoria 1681. d. 2. Octobr. vulnerabatur intra os ilium seu Coxendicis & Sacrum, penetrante punctura substantiam membraneam vesicæ lateris dextri: qui mox corruit & tertio pariter die expiravit, in cujus sectione præter plagam illam vesicæ multum urinæ, sanguine tinctæ, in abdomine conspiciebatur. Cui simile quid *Glandorpius obs. 36.* tradit.

Evadunt verò tales vulnerati, si illius fundi parti, in qua, advertente *Fallopio de vulner. in gen. c. 4.* cum *Perineo ligatur*, seu ubi huic & musculis abdominis connectitur, plaga fuerit inficta: secus, ubi in alia & ab ejusmodi connexionem cum integumentis libera quadam parte illum sauciari contigerit, utpote cui nec natura, nec ars, propter situs profunditatem, auxilium ferre valet, per vulnus verò vesicæ ad cavum Hypogastrii urina potius confluit, quam evacuatur. Atque illud quidem duplici modo fieri solet, nempe ut plaga vel nunquam coalescat, sed in ulcus callosum degeneret, per quod lorium reliquo vitæ tempore excernatur, ut ex *Fallopio* l. a. & ex *Bauhini* ac *Plateri observatis alleg.* elucescit; vel artis & naturæ opera mediantibus illis integumentis conglutinentur illius & horum labia in unum; interim urina per vulnus externum proma-

nat, nullamque interaneis molestiam parit. Præterea, si incisio abdominis major, per quam forsan vesicæ vulneratæ labia adducere ac consuere liceat, nisi superveniens inflammatio negotium turbet, sanescere poterit illa pariter: quale quid tamen contingentibus mere fortuitis foret adscribendum. Interim non video, quod fundamento *Forestus* l. a. asserere sibi præsumat, plagam fundi in illa parte qua ossi sacro alligatur, sanari posse: cum dictum os ac vesicam urinariam intestinum rectum ac in fœminis uterus intercedat, adeoque illi nec continua, nec contigua existat vesica. Nescit etiam hanc connexionem, quem sui asserti testem provocat, *Fallopius*.

Uteri in fœminis vulnera quia rariora, forsan quod ossibus circumcirca bene muniatur idem; vel quod sexus hic ad conflictus & digladiationes cruentas non sit pronus, parum de lethalitate horum penes practicos legere contingit. Mirari tamen satis nequeo illos, qui talia, ideo quod uterus ad vitam non simpliciter necessarius sit, sed propagationi sobolis tantum prospiciat, non lethalia sibi persuadent. Contrarium asserente *Foresto* l. 6. *obs. chir. 5. in Schol.* non tam quod, juxta hunc exanguis, secundum alios membranea sit ejus compages, sed si illius vasorum sanguiferorum unum alterumve saucietur, per quod sanguis non tantum utero, sed toti quoque subtrahatur, aut in abdomine, in detrimentum uteri viscerumque individui conservationi destinatum, cumuletur.

Sin idem organum, dum fœtum gestat, ejusmodi ictum, etiam extra vasorum majorum diramationes, experiantur, matri pariter ac proli ille lethiferus existit. Illi quidem, quod (ultimis præprimis mensibus) totus uteri cavernosus seu spongiosus ambitus cruore multo turgeat, hinc laceratus ad deliquium animi eundem profundat, insequente simul illo quoque, quem vasa, tunc temporis per uteri fundum tumidiora, continebant: Huic verò, quod subsidiis vitalibus maternis idem defraudetur.

Quinimo fieri potest, eundem exitum per plagam ejusmodi profundiorum simul lædi, cujus generis casum perquam funestum *Gallus ille anonymus, l'art de faire les Rapports artic. 9.* describit: quem vernacula transcribere non incongruum erit. *Rapporté par moi Maître Chirurgien juré à Paris, que ce jour d'hui 8. Mars 1695. l'on m'est venu chercher avec empressement, pour penser Jeanne Ravichot, femme de Jacques Berthot, grosse de huit mois, laquelle venoit d'être blessée au bas ventre, à trois travers de doigt de l'ombilic d'une playe penetrante dans la capacité & perçant la Matrice aussi bien que le Fœtus contenu en icelle. La blessée étant morte de la perte du sang, avant que j'ai eu le temps de mettre aucun appareil sur sa plaie. Il m'a été ordonné par Monsieur le Commissaire sur les neuf heures du soir, de venir faire l'ouverture de son cadavre, au moyen de quoi j'ai decouvert, que le coup d'épée porté à la mère, après avoir percé la matrice près de son fond, s'est perdu dans la poitrine du fœtus, & a occasionné un très grand épanchement de sang dans le bas-ventre, ce qui a causé la mort tant à la mère, qu'à l'enfant.*

Verberibus aut pedum conculcationibus uterum eoque aliquando concuti, ut in fœtum pariter, quem ille gestando fovet, ingens damnum redundet, si imprimis ictus in anticam & laterales abdominis gestantis partes impingant, ut casus Jena 10. Febr. 1669. transmissus declarare poterat. Iurgiis dum se exagitarant Pastor Cobodensis & ejusdem loci Ludimoderator, à verbis denique ad verbera veniunt, ubi uxor posterioris gravida accurrit, pro dirimendis his furiosis, aut pro marito manibus Presbyteri eripiendo; quam hic in inguine sinistro pedibus vehementius conculcabat, ut hinc per reliquum gestationis tempus male se habuerit. Elapsis à violentia illa suscepta quatuordecim septimanis partus dolores miseram hanc invadunt, ut post horas aliquot filiolum

sanum ac vegetum enixa fuerit, quem transacto nycthemero mortuus alter sequitur, partu quamvis præternaturali, & cujus diversa membra præter naturam se habebant. Funiculus quippe umbilicalis brachium dextrum, primum ex utero prominens, strangebatur, quod humerus idem cum capite sequebatur, ita tamen, ut sinistrum brachium pone cervicem dorso incumberet, caput intra crura & oculo dextro aperto, maximam partem haberet. In exclafo foetu funiculus ille cernebatur putrilaginosus sibi agglutinatus habens sanguinis grumum ingentem ac foetidum, dimidium placentæ uterinæ saluum, alterum corruptum. Ipsius foetus aperti epatis pars dextra nigricans in putredinem vergebat: dexter ren hinc inde profundè suggillatus, sinister testiculus sanguine ferossò turgidus, Pulmo dexter semiputridus, in eodem thoracis loco tres costæ fractæ, seu à cartilaginibus suis avulsæ & musculi his incumbentes cum intercostalibus, humero & brachio multo cruore suffusi, totum fere corpusculum cuticula exutum & ossa capitis hinc inde evidenter suggillata deprehendebantur, horumque futuræ plus quam secundum naturam habebant.

Partui huic similis aliquomodo erat ille gemellorum enixus, cujus *Louise Bourgeois part. 1. c. 4. Hist. 4.* meminit, quorum prior mortuus, satis monstruosus, cuticula & cute etosa, alter vivus, pedibus tamen primum nascebatur. Cujus partus præternaturalis duplicem reddebat rationem puerpera; vel quod in cœtu populi majore ejus venter violentius compressus ac contusus fuerit, vel quod gravida per pravam quandam consuetudinem angulo mentis crebrius se affedisse meminerit. Porro pedibus abdomen uxoris prægnantis violentius concusserat, quidam nefarius Anno 1682. mense Martii, quæ quatuor post enitebatur puerum putrilagine valde arrosam. Hunc cum ad requisitionem prætoris urbani dissecarem intra calvariam ejusque integumenta molliora, ut & intra Duram ac Piam Meningem, notabilem cruoris extravasati quantitatem, & os occipitis à futura lamdoidea maximam partem avellum atque ad interiora depressum deprehendi ac monstravi adstantibus.

Cui tamen argumento inferere oportuum reor, non quævis gravidis inflicta verbera, aut pedibus factas conculcationes, foetui sui vestigium immediatè imprimere, sed illa tantum, quæ abdominis anticæ aut lateralibus partibus illata, & foetum immediate magis contunden- ita: quin potius sana ratio nos conjecturari jubet, non ab ipsâ percussione externa semper, sed aliquando per matris percussæ, sub ejusmodi aggressione à Terrore, Ira &c. conturbatam imaginationem vitia p. n. patrare. Postquam violentias ejusmodi extrinsecas tale interdum gestantis membrum sustinet, cujus læsio ad foetus mutilatam partem penetrare non poterat, dum à percussio v. g. matris brachio humerum infantis editi contusum cernimus. Et Facultatis Nostræ disquisitioni Anno 1696. commendabatur casus, ubi prægnantis cujusdam manus in tumultu vulnerabatur, simul abdomen vehementius hinc inde ad livorem usque conculcabatur: quæ post trimestre, partum tempestivum, prolem enitebatur labio leporinò horrendò deturpatam. Qualem oris rictum nullam matri illatam percussione induxisse, ex collatione sic foetus in utero, instrumentorum lædentium similiumque circumstantiarum suspicabamur, sed terrori potius ac imaginationi istius in acceptis referebamus. Ejusdem nominati anni mense Jul. à Prætoris hujus loci disquisitioni meæ exponebatur puerulus octo septimanarum, cujus matri die partum præcedaneo incussi colaphi oculum præprimis sinistrum contigerant; ut, an suggillatio in oculo sinistro nati ingens, ac demum in Cataractam degenerans percussione illarum productum existeret? deponerem. Non sine ratione inferebam, non tam à violentiâ matri illatâ immediate, quàm ab Im-

aginatione hujus vehementiore, per ictus determinatâ, hunc oculi foetus tumorem contigisse, oculò nempe matris ictò ab oculò hujus evidenter diffitò. Ne dicam, interdum à metu tantum percussione imminentis, tale quid evenisse, ut v. g. penes *C. Gemnam Cosmocrit. l. 1. c. 6.* legimus de gravidâ, quam matris excandescens brevi ante partum terminò strictò gladiò adoriebatur, hunc velut in caput illius adacturus: quæ, etsi fuga sibi consuleret, paulo post infantem enitebatur, in cujus capitis illa parte, cui ensis acies minitabatur, ingens solutio unitatis comparuerit, sanguine ad nati subitaneum exitum manans. Nec tamen omnimode negandum, violentiæ non raro externæ imaginationem matris combinari, hisque simul unum eundemque foetum variis modis lædere, ut ex observatione de labio leporino recensito constare valet: ubi funiculus umbilicalis infantis collo & brachio semel, cruri dextro bis, circumvolutus deprehendebatur, agitationis & prostrationis matris violentioris variæ sine dubio effectus; labio leporino interim ab ejusdem imaginatione producto.

Frequentius occurrit illa improvida & immanis uteri dislocatio, quam rudiores obstetricum manus, secundinas violentius eripientes, aut locò harum uterum arripientes, præstant, non sine atrocissimò parturientis in abdomine dolore, inflammatione, convulsionibus & repentina morte, quales casus *Bartholinus cent. 2. obs. 91. Marchettus obs. Chir. 61. Solingen Embryulcia cap. 16. ac obs. circa mulieres & infantes Append. & Mauriceau des Maladies des femm. gross. lib. 3. c. 6. & obs. sur la grossesse & accouchement* narrant, testanturque *Acta Facultatis in Juvenula Zittaviensi filii primipara.* Hujus enim placentam, utero arctius annexam, dum obstetrix impetita violentiore manu eripere moliebatur, simul uteri portione protrahit: quam pro foetu peculiari seu gemello habens, puerperam ad novos conatus urget, nec labori ipsamet in illo educendo pareit, contradicente illa, de illata vi & evulsionem interaneorum omnimoda conquerente, ac vix elapsâ à feliciore aliâ partu horulâ expirante. Cujus Hypogastrii Pelvis utero hujusque annexis vacua, hic autem ex sinu muliebri ultra spitham propendens, in cadaveris dissectione cum stupore adstantium cernebatur.

Qualis quidem funesti eventus ætiologia non semper sanguinis illa est profusio, ejusmodi impetuosioris uteri evulsionis vasorumque sanguiferorum rupturæ effectus, ut in fœmina, cujus primo mentioem feci, annotavit *Mauriceau l. 1. a.* sed sola aliquando partium nervorum ac sensibilibus maximè tensio dolorifica & in convulsionibus graviores ac mox lethales conjiciens: Ita quidem ut nihil plane cruenti penes quasdam, nec in harum cadavere, reperitur, observante *Solingen & Medico*, qui sectioni puerperæ Zittaviensi præerat.

Denique in abdomine mortaliter læduntur vasa majora, hoc transeuntia: Sc. ex sanguiferis arteriæ magnæ truncus descendens ac vena cava ascendens horumque propagines insigniores v. g. cœliaca, mesenterica utraq; Portæ, splenica, emulgentes, iliacæ, spermaticæ & per quarumcunque lacerationes multum sanguinis profunditur, proin minores quoque rami v. g. Gastricæ, Epiploicæ &c. Qualem quoque lethalitatis præsumptionem habent lymphatica per eundem ventrem hinc inde lata, imprimis horum caudex major super spinæ vertebra, inter aortam & cavam, Cysternam Lumbarem conscendens, aut si plures eorum ramuli simul v. g. sub epatis cavo & circa Portæ confinium rumpantur. Repeto siquidem ex Physiologicis, Lympham non fluidum excrementitium, nec vehiculum tantum alimonie, sed succum particulis gelatinosis seu nutritiis plus minus turgidum existere: proin hujus extravasationem corpus emaciare vireque insigniter consumere. Cujus equidem phænomeni exempla scriptores

practici vix suppeditant, nisi *C. Stalpart van der Wiel & Solingen*, Medicus ac Chirurgus Belgæ, multæ Experi-
 entia. Horum quippe posterior *part. 4. van de Manual Operativen der Chirurgie*, c. 34. de Bajulo quodam
 narrat, ipsi ex motu corporis incongruo vas lymphaticum in femore ruptum fuisse, ut lymphæ per foraminulum exilius instar pori cutanei, continuo cum cruris emaciatione ac totius languore promanarit. Alter *part. 2. obs. rar. 46.* perhibet, ex vulnuscule brachii à V. S. relicto, altero & insequentibus diebus multum lymphæ diaphanæ absque dolore ac inflammatione profluxisse, sine dubio ex vase quodam seroso, supra venam sectam decurrente, ac à ferrò in hanc adactò, dissectò, & quidem cum virium languore quotidie crescente. Atque horum canalium vulnera difficulter coalescunt non tantum ratione tunicarum suarum membranarum tenuissimarum, sed imprimis ratione lymphæ transluentis, quæ non adeò commodè, ac de sanguine innotescit, in thrombum seu grumum abit, atque vasis rupturam aliquandiu obturat, donec ipsius tunicæ cicatricem contraxerint. Qualis coalitionis difficultas, cum in vasis iisdem, profundius & in abdomine delitescentibus, ubi carne non undiquaque stipantur, non minor sit, neque ob eandem situm rationem hæc medicamenta appropriata, plumaceolos comprimentes ligaturæve, quorum nominati Autores, ut remediorum congruorum meminerunt, admittant: si ex rupturâ ejusmodi ascites aut virium quicunque raptus contingat, utique hanc mortiferis plagis accensere sana ratio jubet.

De nervis abdomen perreptantibus, quid judicandum, ex *Secl. 1. & Secl. 2. c. 1.* satis superque constare puto, horum nimirum propaginum & plexuum læsiones ejusmodi, quæ viscera hujus ac reliquum corpus in convulsiones lethales conjiciunt, utique mortiferas nuncupari debere: Et si lubens fatear, vix sine aliarum & vicinatum partium plagis enormioribus eas existeret, vixque oculo tantum fugitivo cerni.

Cap. 6. De Artuum Vulneribus & ictibus per fistigationem ac contusiones duriores illatis, lethalibus.

Artuum vulnera per se lethalia minimè dici possunt, vel quod uti eorum sine vitæ discrimine superfedere queamus, vel quod ab omni parte medicamenta, deligationes, futuras aliasve operationum Chirurgicarum prompte satis admittant. Unum tantum est, quod ex his per inevitabilem necessitatem sauciatos aliquando succumbere facit, vasorum nempe sanguineorum & nervorum perforationes ac præcisiones illæ, quarum symptomatis lethalibus, hæmorrhagiæ potissimum ac convulsionibus totius, nullum auxilium præsto est, i. e. trunco corporis propinquiorum: de quibus tamen quia *Secl. 1.* (de vasorum sanguifluorum) & *2. cap. 2.* (de nervorum vulneribus) prolixè actum, argumenta inde repetere nolo.

Qualia E. symptomata si non superveniant, aut brevi cessent, lethalitatis suspicionem discutiunt, evanescente sc. ratione decidendi, seu lethalitatem inferendi: prout ex Judicio Collegii nostri de vulnere femoris elucescit. Anno 1705. mensè Septembr. Leucopetræ vulnerabatur fœmina quædam in summitate femoris sinistri, hujusque parte interna, cum mox insequente hæmorrhagiæ aliquot dierum, frequentioribus Lypothymis & motus impotentia dicti cruris. Accedebat febris gravior cum vomitibus biliosis, ita ut dolore, inflammatione ac hæmorrhagiæ licet sedata, & vulnere ad consolidationem inclinante, vulnerata post decubitus mensis integri fati cesserit. Sub inspectione d. 16. Octobr. à Medico & Chirurgo administrata, plaga deprehendebatur in dicto loco haud omnimode consolidata, hinc pure adhuc scatens; sub cute & pinguedine per medium Glandulæ inguinalis rendebat vulnus, discisso insimul insigni Venæ ac secundi nervi cruralis ramo usque ad Gluteos mûsculos. Vulnus hoc nihilominus à nobis non

lethale per se pronunciabatur, ideo, quod hæmorrhagiæ venam discissam secuta compesci potuerit, nec nervi cruralis dissectionem convulsiones aut paralytis universalis exceperit, vulnus ad coalescentiam maximè inclinavit, nec dolor, inflammatio aut alia periculosa symptomata penes vulneratam observata fuerint.

At memoratu digna videtur illa tendinis majoris, patellam obvolventis, in fœminæ genu per insultum eorum & curru facta ruptura, quam nulla hæmorrhagiæ notabilis ac inflammatio, mox verò ipsa nocte insequente sphacelus per lateris ejusdem femoris atque abdominis integumenta communia & mûsculos ascendens, simulque partem insignem intestinorum gangrænosam reddens excipiebat, ut defensiva necessaria fuerint applicata. Immedicabile hoc genu vulnus videbatur mihi, quod artis instrumenta naturam adiutricem non invenerint & ex vulnere sphacelus immediate, omnibus remediis irritis, emergerit. An aliis tale compareat, penes eos stet sententia: simile quid interim iis aliquando evenire posse non dubitandum: postquam in aliis quoque artuum locis, quibus tendines majores contigerunt, in subjectis imprimis Cachecticis, vulnera fracturæve convulsiones lethales inferunt; prout olim in ICto, qui fracturam Tibiæ prope malleolum cum vulnere passus, factum recordor, qui mox convulsionibus totius cum febre ac delirio vehementissimis corripiebatur, & quarto die animam exhalabat, ut nihil eorû intermissum fuerit, quæ necessitas efflagitabat.

Vulneribus congrue annectuntur læsiones, quæ fustibus, pedum concussionibus seu quibusvis duriorum instrumentorum ictibus inferuntur; plagæ incruentæ, quales pariter, si vehementiores, sine rupturis & partium unitate soluta nunquam fiunt; quinimo hæ quoque utut habitum corporis tantum externum afficere videantur, mortem aliquando inopinam patrant, si nimirum earum plures latiores durioresque fuerint, carnes profundius penetrent, imprimis autem interanea plus minus attingant: leviores verò seu magis superficiales, paucæ atque exiguæ vix enecant, utpote sub quibus extravasatus cruor promptius discutitur, si per remedia appropriata potissimum juvetur natura. Sc. sub læsionibus his catium compages contunditur seu conquassatur, harum fibræ, canaliculi & vasa rumpuntur, hincque illa extravasato cruore inæqualiter suffunditur, ad ruborem, livorem & nigredinem usque: unde circulatio sanguinis ac lymphæ plus minus turbatur, tractu etiam temporis quod hujus extravasa profusum, corrumpitur, & in saniem abit. Non raro etiam impetus ejusmodi contusionum ad interiora se extendit, ut pleuram, pulmões, epat, lienem, vesicam urinariam &c. evidenter suggillare, quin etiam rumpere, aliquando observemus. Hernias diversi generis ab ejusmodi violentia concitari, quid frequentius? Uteri verò descensum à tali factum, acta Facultatis nostræ commemorant in fœmina quadam An. 1669. mens. Aug. quam quidam socius petulans supinam cum impetu prostraverat, genibus ejus inguina, ad excretionem usque urinæ, insultaverat &c. Firmioris habitus & optimæ valetudinis illa hæcenus extiterat, proin laboribus domesticis semper strenue contenderat, mox verò postquam illam violentiam perpeffa fuerat, inguinis & costæ sinistræ sensatione molesta, oppressionem præcordiorum, animi deliquis, convulsionibus, passione hysterica, febre ac deliriis corripiebatur, multum cruoris per anum ac os rejiciebat, octavo demum die primordium procidentiae uterinæ penes se observabat & de hac penes adstantes conquerebatur. Quam equidem non tam à violentia hac, quam forte ab alia quadam causa, concitatam aggressoris procacis defensor sustinere annitebatur, quod totidem demum post ejusdem illationem dies hæc contigerat. Illum tamen hanc immediate patrasse, Collegium dictum enunciabat: quod organum hoc situm suum non propter vinculorum rupturam, sed relaxationem, mutavit, lentò demum gradu & sub totidem molestiis factam.

Funestum magis Fustigationis & Procultationis eventum olim, nempe 1684. mense Martii vidi, pariter in fœmina, quam maritus truculentior Verberibus ac calcitrationibus diris exceperat, quæque sub doloribus corporis variis exquisitissimis, motus impotentia, febre, anxietate Præcordiorum, dyspnœa ac convulsionibus post triduum spiritum exhalabat. Hujus, jussu Prætoris iussitæ, habitus externus circa humeros imprimis, Thoracis latera, lumbos, inguen ac femur sinistrum, ex rubore pariter ac nigredine lividus, hinc inde etiam tumidus, cernebatur; Entis verò nonnullarum partium incisa cruore partim fluidiore, partim grumosò, manabat, & carnes profundiores plus minùs conquassatæ ac suggillatæ deprehendebantur. Medius ac inferior venter sanguine serosò scatebant, pleuræ ac peritonei sinistra pars & huic vicinior intestinorum tractus, unà cum lienis superficie, quâ costis nothis accumbit, sanguine ad Gangrænâ usque erant suffusa. Lethalitati per se phænomena hæc mancipabam, quod circulationem evidenter turbarent, ad rupturam etiam vasculorum capillarium, hinc cruoris & lymphæ profusionem variarumque actionum frustrationem. Et conturbatur quidem hac ratione indigitatorum fluidorum motus, non tantum ob dictas vasorum ac intermediorum canaliculorum rupturas ac compressiones, sed insimul, quod fibræ propter nervearum partium tonum hinc inde enormiter laxatum in illò juvando deficient: ne dicam humores nutritios, extra meatum, seu cancellos naturales profusos, faciliè corrumpi & in saniem, partibus solidis exitiosam, converti.

Ast quoniam in ejusmodi casibus hoc frequentius emergit aut movetur dubium, num verè immediatè ac solitariè à Verberibus inflictis, nec à causâ & affectu quòdam interno, sive antecedentè, sive superveniente, aut simul ad minimum, mors contigerit? huic etiam satisfacere frequentius jubetur Medicus, quamvis hujus discretio ut plurimum difficilis deprehendatur, nisi circumstantiæ fustigationem antecedentes, subsequentes ac inspectio cadaveris negotio huic aliquid lucis fœnerentur. Quem in finem igitur prænosse ac sciscitari oportet, valetudinem seu statum corporis defuncti ante violentias illatas, i. e. an exactè sanus an valetudinarius hic fuerit. Ubi in casu priore probabile sit, ictuum duritiem solam obitus ejus extitisse occasionem, atque hoc eò certius, si mox ab illorum percussione malè se habuerit, & in pejus quotidie lapsus fuerit, qui vapularat: in posteriore plus minus ancipites hæremus, num à morbo aliò latente potius, quem relatio Medici vel adstantium innuit, vel quem sectio manifestat, an à Plagis illis, fatalis hic dies evenit; aut ad minimum combinandi sunt morbus ille antecedaneus ac violentia externa, ut tanquam causæ sociæ mortis infecutæ attendi possulent.

Exemplum dubiæ ejusmodi decisionis erit modò relatam, de uteri descensu per rudiores insultus in fœminam concitatio: cujus generis alia hinc inde occurrunt, v. g. si Gravidam ad abortum usque partum p. n. ac vitium per abdominis violentiorem contusionem adigi contigerit, qualem casum Jenâ ad nos missum cap. 5. recensui. Quibus addo alium nostri Collegii censuræ 1693. d. 10. Augusti expositum, in quo perhibetur, servam postquam per mensem integrum ex dolore pectoris & lateris sinistri, seu, ut sectio cadaveris declaravit, vomica pectoris & pulmonis insigni, decubuerat, 12. Mortis fusti crassiore rudius & donec in humum conciderit, percussam, abhinc verò dorsi, hypochondriorum & crurum cruciatus insignes perpeffam, ac 27. Aprilis demortuam fuisse. In hac, occasione plagarum duorum & has stipantium animi commotionum vehementiorum, sanguinis stagnatione in thorace ac pulmonibus, hincque supputationem adjutam vel acceleratam sentiebat Faculas; infirmitati huic interim non parum contulisse, quod post fustigationem per nives & aquas

medio Martii procul ambularit nihilque remedii primis quatuordecim diebus admiserit ægra.

Appendicis ad Tractatum de Renunciationibus Vulnerum.

DISSERTATIO I.

De Infanticidio.

Ubi de infanticidio recens nati suspicio emergit, duo imprimis disquiri solent, nimirum, *num vivus, mortuusve, partus fuerit exclusus? & num vere enecatus fuerit?* seu an modus, quo interemptus creditur aut dicitur ille, neci inferendæ sit adæquatus? quo de corpore, quod ajunt, delicti planius constet. Prius vel ideo nosse opus, quod prima & crebrior infanticidarum observetur exceptio, fœtum in utero vel sub enixus conatibus expirasse, seu mortuum fuisse editum: posterioris verò indagatio aliquando vel ideo exigitur, dum miseræ quædam (aut ex vitæ tædio, aut ex amentia) criminis insontes ejusdem se accusare, illudvè fateri, Collegia Ictorum haud lateat, quas circumspiciat nihilominus inquisitio, tale quid minimè perpetrasse, post prolixiores demum superatas difficultates, docet. De quò utròque nunc, ubi super infanticidium deponendi ratio explicanda, edisseram.

Olim equidem prius negotium per Indicia tantum mere legalia, plus minus specialia seu propinqua, decidebatur, ut ex *Ordinatione Caroli V. Constitut. Crim. Saxon. Farinacio, Mascardo, Zangero, Carpzovio*, elucescit, & Mulier, quæ infantem mortuum se peperisse, ajebat, hoc aut sufficienter probare tenebatur, aut si hoc probare non poterat, in assertionem nihilominus suâ pertinaciùs perseverabat, ad veritatis confessionem cogendam torturæ subiciebatur: gravata imprimis per hoc, quod graviditatem occultarit & clam pepererit. Nec quæstionem hanc, num vivus mortuusve extiterit natus? inter Medico Legales olim relata legimus, neque unquam à Prætoribus adigebantur Medici, ut ex Cadaveruli inspectione & per hanc observatis, i. e. per Argumenta Anatomico-Physica, de illâ enunciarent, aut hi ad deponendum super illâ postulabantur, ut ex *Pareo, F. Fideli, Codronchio ac Zacchia* constare potest. Ubi nihilominus Ictis in infanticidii indiciis formandis à Medico manus porrigenda, hujusque relatio expetitur, plurium phænomenorum ac circumstantiarum in nato rationem habendam & ex horum demum examine negotium dirimendum esse puto. Vixisse ad partum usque & post partum infantem conjicimus, si tempestivè nec præmaturius ille exclusus fuerit, si conformatio ejus membrorum omnibus numeris absoluta: contra, si ante terminum naturalem editus, & membris quidem justa conformatione atque firmitate destitutus.

Quemadmodum enim prius perfectam minusque interruptam ejus nutritionem, & hinc vivacitatem adæquatam, innuit: sic posterius per exilitatem, ténertudinem ac flacciditatem membrorum suspicari concedit, defecisse in Utero gestato nutritionem arque augmentationem, per consequens vitalitatis robur. Quamvis aliquando etiam ejusmodi casus evenire possint, per quos nutritio illius cum ipsa vita brevi ante partum cesserit, sicque carnosior & quoad singula membra firmatus, ac robustus satis editus compareat, pro vivo itaque habendus; quem tamen intra uterum jamdù vita defuncti aliæ circumstantiæ dicere jubeant. In specie de nutritione integra atque vita fœtus, instante partu testari creditur funiculi umbilicalis habitudo, ratione cujus hic modo succulentus, candidior ac firmus, modo flavus, flaccidus, aridior & faciliè lacerabilis cernitur: quorum illud eum in utero vivum, hoc emortuum innuat. Licet ex his formatum judicium aliquando fallat, dum nimirum idem funiculus in vivo etiam edito minus rite deligatus, & aëris externi afflatum per aliquot horas tantum sustinens, faciem ejusmodi præternaturalem frequentius

quentius induit: contra brevi ante enixum seu sub enixu expirans fœtus succulentum & fumum præstat eundem, qui tamen de vita illius minimè testari poterat. Porro in occasione tali attendi meretur, num funiculus non diligatus multum cruoris fuderit? de quo si constet, vivum exitisse Partum, verolumile sit; secus, si parum ejus comparuerit, appulsu nempe sanguinis penes fœtum in utero qui expiraverat, jamdum deficiente.

Qualia momenta pro fœtu ante sui enixum mortuo declarando plus certitudinis acquirunt, si innotescat, Matrem gestantem violentiam quandam evidentem, v. g. abdominis graviolem concussionem, lapsum, terrorem aut plura horum simul, fuisse perpessam, ponderis gravioris elevatione, inconcinno corporis motu ac tentatione sibi met ipsi vim intulisse: qualibus ille modo subito enecatur, modo eoque saltem concutitur, ut lente demum fatiscat & emoriatur, functionibus vitalibus plus minus successively fractis atque labascentibus. Quod si interim ab illata cujuscunque generis injuria fœtus mortuus brevi exturbetur, nihil corruptionis aut putrilaginis in hujus cadavere deprehenditur: si tardius & post aliquot demum dies excludatur cadaver, frigidum & putredine plus minus arrosum compareret idem. In utroque quidem casu violentia externa & animi commotio enormior fœtui exitium infert: saltem ut modo præcipiti magis, modo lenta, functionum vitalium conturbatione ac interceptione hoc fiat. Favet his responsum Facultatis nostræ Anno 1699. d. 2. Januarii ad quæstionem: *an fœtus ex lapsu gestantis ancilla intra uterum fuerit extinctus?* Eum equidem septimo aut octavo ante partum die statim, quo illa conciderat, vix decessisse, ideo, quod sine omni squalore ac fœtore prodierit: fieri tamen potuisse, ut ab allisione præcedanea debilitati motu evidenter fracto, ille nihilominus eoque superstes manserit, donec vespera partum proxime præcedanea, qua mater horrore corripiebatur, animam exhalaret.

De cæterò tunc mortuum enixam fuisse illam non inepte auguramur, si sub difficili partu hoc contigerit, sive nati infirmitas partum molestiotem reddiderit, sive sub illo hic imbecillior, & qui enixui laborioso ferendo minus capax, suffocatus perierit, sive partum brevius longiusve hæmorrhagia insignis antecesserit. Alias verò fœtum mortuum gestari conjecturamus, si per plures dies nihil ejus motus consueti senserit mater aut adstantium quædam, ventrem hujus manu calida complectens, ac si exclusus aliquid fracedinis spiret: sicut contra eum vivum natum colligimus, si partui mox supervenientes calidum aut tepidum, hoc est, omni vitalitatis caractere nondum privatum, deprehendamus illius corpus; dum emortuus, mox frigesceat, aut potius actu friget, nisi in ipso enixus momento expirarit. Et si cuncta hæc documenta non demonstrativa, sed verosimilia tantum, veniant dicenda; nisi forsan plura horum in uno casu concurrant: i. e. vivum mortuumve partum exclusum Medici asserunt, secundum illa, quæ in prægnantibus ac natis communiter fieri norunt, adeoque de credulitate solum, non de veritate, hæcenus deponunt, ad testandum si requirantur. Atque hoc quidem iis indulgent leges, earumque interpretes, in causis nempe, quæ in sensus minus incurrunt: qualem præsentem omnes saniores sine dubio pronunciabunt.

Donec haud adeo pridem nonnulli Medicorum, in eliciendis ac formandis ex una alterave observatione seu experimento anatomico hypothesibus & aphorismis universalibus nimis præcipites sibi met aliisque durius & difficilior hoc referendi onus contraxerint. Nempe ex *Galenò de usu part. 6.* & hujus quibusdam commentatoribus intelligentes, compagem Pulmonum in fœtu rubram, densam ac ponderosior, in edito subalbam, raram ac levem, deprehendi. Porro ab *Harveo*, *Highmore*, *Th. Bartholino* ac *Thrustono* edocti, per ponderis illam disparitatem pulmones fœtus, integros æque ac

dissectos, si aquæ committantur, submergi, nati contra fluctuare seu supernatare: ex dicta visceris hujus supernatione ac præcipitatione; an infans, mortuus oblat, talis, vivusve, partu exclusus fuerit, decidere sibi præsumpserunt. De quali tamen experimento hujusque concludendi vi sicut olim quædam incidenter disferui, ita hoc infallibile & sufficiens omnimode pro dubio præsentè dirimendo, & pro infanticidis convincendis aut exculpandis, satis fida argumenta suppeditare, adhuc ambigo, atque prolixius nunc declarare contendam.

Inquisiturus ante omnia in experimenti ipsius veritatem seu certitudinem, nimirum an pulmones fœtus mortui compactiores ac rubicundiores, vivi nati rariiores ac albicantes, semper cernantur? Ubi primam dubitandi rationem subministrat *Charleton* in *œconom. corp. animal.* qui se multoties expertum tradit, nullam ejusmodi coloris differentiam in pulmone fœtus ac nati reperi: cui sub certis conditionibus suffragatur *Diemerbroeck anat. l. 2. c. 13.* autopsia edoctus, usque ad quintum mensem cum dimidio circiter pulmonem fœtus rubicundum & mediocriter densum reperiri, postmodum verò eum paulatim mollescere, rariorem & coloris subpallidi magis cerni, quod suum assertum duplici comprobatur exemplo. Sc. in cadavere mulieris gestantis septimo mense præter propter gravidæ se offendisse fœtum; cujus pulmonem equidem minus turgidum, ac in natis, mollitie tamen atque colore ab horum pulmone parum distinctum invenisse & coram compluribus spectatoribus demonstrasse. Pariter in fœtu maturiore ac perfecto, paulo ante partum in utero extincto colorem pulmonum equidem rubicundum magis, quam in nato, aut simul, nonnihil variegatum seu cinereum, mollem tamen & adeo spongiosam ejus substantiam, ut aquæ injectus minimè subsederit, sed natarit, observasse. Ex quibus observatis inferre liceret, Criterium Modernorum, quo pulmones rarioris texturæ, pallidiores & aquæ innatantes infantis esse qui à nativitate vixit; densiores, rubicundas & submergentes illius, qui in utero obierat; librico & infirmo satis gaudere fundamento: adeoque tantæ molis ac ponderis negotium in eodem haud locandum venire. Imo quamvis hæc phænomena, contra *Charletonum* & *Diemerbroeckium*, firmioris veritatis admitterem, non levia tamen sunt, quæ applicationem eorum difficilem reddunt: ita ut experimentum hoc quæstioni, an fœtus in utero respiret, & an editus in lucem respirarit? discutiendæ probabile satis argumentum præstet, vix tamè certo & infallibiliter per idem determinari queat, an natus in utero, an extra uterum, obierit, seu manu violenta interfectus fuerit? ut quidem hæc ætenus sibi nonnulli Medicorum persuaserunt.

Quale quid tamen quo evidentius evadat, experimentum illud bifidum membratim trutinare tentabo, proinde *Primo* disquiram: *An ejus, qui post sui enixum expiraverat, Pulmones in aqua semper fluctuent?* Seu, *an infantem, ex cujus cadavere tales extracti, vivum editum; hinc post partum demum vel spontè expirasse, vel enecatum fuisse, certo asserere liceat?* Quam sane hypothesin mox dubiam reddit hoc, quod mortui quoque nati pulmones compactiores & submergentes inflatione ab extra facta ad natandum facile disponi queant: dum non tantum catulorum mortuorum exsectorum pulmones levi aëris inhalatione tunc eoque, ut natarint, expandisse memini, sed in cadaveribus quoque recens natorum mortuorum infantum, propter infanticidii suspicionem hinc inde dissectis, mihi atque adstantibus idem præstare ac cernere contigit, testaturque idem *Peyerus miscell. Nat. curios. dec. 1. ann. 6. obs. 202.* ut qui fundum prius petierint, pulmones, per *Tracheam* inflati ac distenti, post expressum iterum omnimode flatu, natarint, nec mergi potuerint. Argumentum hoc credit indubitatum allegatus scriptor ad convincendas infanticidas & indagandam veritatem,

an infans in utero mortuus, vel post partum demum quocunque modo occisus? Ego invero, hocque ipso experimento auctoritati natatus pulmonum multum detrahi, ajo: dum atte adigere conceditur, pulmones in utero mortui & alias submergentes, ut narent, adeoque partum perperam & contra rei veritatem vivum innuant; qualem Fallaciam *Böckelman* quoque penes *Blankartum Collect. physico med. cent. 2. obs. 9. 2.* Eiusmodi siquidem casum nunquam dabilem seu impossibilem omnino nemo prudentum asseverabit, quin ipsa Mater nati, pia satis & tenerimæ Conscientiæ, per σοφὴν quo hunc debiliorem & syncopizantem mortis faucibus eripiat, ori ejus aliquid auræ inhalet; prout ab obstetricibus in ejusmodi casu ancipiti, cum evidente aliquando ejus emolumento & resuscitatione inopina, fieri solet: sicque ante enixum vere mortui pulmones, in sui propriam necem, explicet, seu ad natandum componat, i. e. vivi nati pulmonibus similes reddat.

Quod ne gratis plane augurari seu fingere videar, ad ipsam experientiam provoco. Nimirum aliquot elapsi sunt anni, cum ab amplissimo hujus urbis Senatu in pagum vicinum evocarer, ut de nati cada-verulo, an culpa matris forsan perierit? renunciarem. Accedens non tantum ex hujus, sed obstetricis quoque, quæ ipsi in partu opem tulerat, ac cæterarum adstantium relatione intelligebam, Fœtum non modo aliquot ante partum hotis in latere, ni fallor, sinistro matris sine omni motu & in glomum quasi convolutum jacuisse, sed mortuum quoque, h. e. sine motu aut quovis alio vitalitatis indicio, eductum fuisse: nisi, postquam eadem obstetrix, quo illi, quantum possibile, suppetias ferret eumque forsan suscitaret, hujus faucibus spiritum fortiore conamine inhalaret, bis adhuc exhalare visus fuerit. Nosmetipsi cernebamur corpusculum partui perfecto & maturo per omnia simile, ejus funiculum umbilicalem hinc inde putrilaginosum (qualem corruptelam in secundinis etiam remotis asserbat vetula) totum habitum marcidum & flaccidum maximè, nullam verò illatæ violentiæ notam observabamus. Unde obstetrici subscribere jubebamur, & quidem per phænomena recensita, mortuum hunc partum prodixisse, quem mater, obstetricem ipsammet accersens, celare noluerat. Interim, quo etiam hac occasione controversiam illam, de innatantibus ac submergentibus pulmonibus recens natorum per autopsiam ventilarem, è Thorace tenello hos extractos, satis albicantes, aquæ injiciebam, cui supernatabant, fœtus nihilominus ante partum mortui: sine dubio, quod inhalatione obstetricis explicari & rarefacti fuerint. E. quod quæstionis erat, hactenus negatum, pulmones in utero defuncti aliquando aquæ supernatant: neque præsens eorum supernatio præjudicio contingere poterat nostræ, de infanticidio quamvis suspectæ.

Equidem contrarium dictis innuere videtur observatio, dissertationi *Zelleri, Professoris Tubingensis*, cujus inscriptio: *Infanticidas non absolvit, nec à tortura liberat, nec respirationem fœtus in utero tollit, pulmonum in aqua subsidencia*, inserta: Qua vituli vivi nati, submergentes tamen pulmones, nisu quamvis inflationis fortiore, omnimode & ad natatum usque distendere haud licebat. Verum singulari & individuali structuræ, ni forte præternaturali habitudini, per quam ad commode inflandum illi minus apti existebant, hoc in acceptis ferendum videtur: qualem exin suspicati jubemur, quod animal hoc post partum crebrius anhelarit, pulmones tamen ejus ad fundum vasis, aqua repleti, se præcipientes dederint, lobulorum horum quidam mucoturguerint & crassioris compagis extiterint. Adeo ut, etsi in uno alterove subjecto hujusve pulmonibus, non æque prompte succedat ejusmodi inflationis conatus, in plerisque tamen quia eam non frustra molimur, per illam ambiguum reddi experimenti venditi auctoritatem,

prudenter judicamus.

Præterea numne per dystociam aliquando fieri valet, ut ruptis membranis, fœtus, in utero aliquandiu adhuc commoratus aëris tantum per vaginam & uteri orificium admittat ac pectore recipiat, quantum ad pulmones ejus tantisper explicandos ac natatiles reddendos exigitur, mortui nihilominus exturbari? Cui conjecturæ litare quoque; deprehendo illos, qui penes *Blankartum l. a. Ruyschius*, Medicis Trajectinis, Lugdunensibus & *Böckelman*no, experimentum de fluctuantibus ac decidentibus pulmonibus pro vivo aut mortuo nato, admittentibus atque comprobantibus, cōtradicere cōtendūt. Quibus quamvis per omnia assentiri nolim, nec tamen *Böckelmann* dum l. a. aëris ejusmodi subingressum rationibus quibusdam impossibilem plane reddere conatur, æque subscribere possum: quatenus fœtum sub difficiliore enixu quandoque sensibilibiter satis anhelare contingit, sive vivum, sive mortuum postmodum prognatum. Neque hypothesis Cartesianæ & Svammerdamianæ, de aëris ad uterum ac fœtum impulsu denegato, quam nihilominus *Böckelmann*, omni dubio superiorem ait; nec, quasi uterus, post effluxum aquarum à secundinis ruptis in se cedens atque contractus, fœtus thoracem eousque comprimat, ut spatium pro admittendo aëre undique intercludat, affecto illi destituendo par erit: postquam ille impulsus aëris, pro respiratione formanda, dudum jamdum explosus legitur; conniventium verò patietum uteri reniteniæ vix tanta, quin à fœtus agitationibus illi aliquantum explicari, sicque lateribus seu thoraci ejus ampliandis & aëri vaginæ propinquiore locus atque aditus aliquis parari queat. Potissimum cum *Overcamp œconom. animal. c. 121.* qui strenuum alias ptomachum illius experimenti se gerit, concedat ac fateatur, quandoque partus in utero defuncti pulmones aquæ supernatare: si nimirum hic sub ipso enixus conatu, post respirationem aliqualem, mortem obierit; seque in una scemina quatuor ejusmodi partus observasse, tradat.

Porro nec adeo fidum seu tutum erit hoc fluctuationis ac subsidentiæ pulmonum experimentum, si putredine jamdum in cadavere inchoata illud tentetur: dum per hanc ejus, qui nondum respiravit ac mortuus natus, pulmones forsan ad fluctuationem eousque immutari & disponi valent, mediante scil. rarefactione illa, quam putredo cadaveribus cunctis horumque membris mollioribus præstat, ut quæ horum aliquandiu in profundo aquarum hæserant, tractu temporis in sublimine earum ferti hisque supernatare in vulgus innotescat. Qualem putredinem tamen, quia cunctis natorum cadaveribus haud parem concedo, nec eundem ejus semper effectum facile largior: quinimò, observationibus ejusmodi convictus, quibus post partum difficiliorem hujusque conatus aliquot dierum frustraneos editi tandem fuerunt infantes mortui, in quibus fracedo putrilaginosæ satis evidens, pulmo nihilominus horum, aquæ commissus, mox fundum hujus petere cernebatur, ut casum tantum dabilem, & qui cautos in decernendo hoc negotio arduo nos velit, non perpetuæ existentiae atque necessitatis, me adduxisse, lectorem advertere æquum ratus sum.

Nolo hujus loci facere vagitum uterinum, quem ab ipsis gestantibus & amicis harum observatum annotarunt diversi scriptores à *Sennerto prax. lib. 4. part. 2. sect. 5. cap. 8.* recensiti: quibus ex modernis *Timæum 8. cas. med. 24.* & *Bartholinum 1. hist. 1.* addo. Hisque eo promptius subscribo, quod *Boyle de vi aër. elast. exper. 41.* minus absurdum credat scribere, grandescentem fœtum forte obscuram quandam respirationem exercere: ideo quod non vana fabula sit, Infantulos in uteris matrum aliquando auditos fuisse vagientes, hocque exemplo Dominæ cujusdam comprobet. Meminique ipsemet, quandam Theologi nostræ Universitatis & Ecclesiæ Archidiaconi Uxorem, anno 1684. gestantem finale quid

penes

penes se aliquoties & memet ipsum illi assidentem, percepisse: quacunque demum ratione hoc evenerit. Sub ambiguo interim relinquitur, an levis hæc in Embryone quodam facta pulmonum agitatio hos eousque disponat, ut partu edito aquis supernatent: cum nec exclusorum & aliquandiu extra uterum viventium catulorum pulmones vel sponte mox se expandant, vel æris per tubulum seu arte factâ inflatione, adeò facile semper explicari posse, experientia doceat. Hinc quia Ejulatus ejusmodi uterini rariùs accidunt, nec penes nefarias meretriculas ullo testimonio certificati, nec fortè ad natatiles reddendos pulmones sufficiant: parum defensionis sibi hæc ab illis promittere poterunt.

Hæc erant momenta quæ fluctuationis pulmonum super aquam testimonium de nato vivo suspectum innuunt, quibus nunc talia subnectam, quæ alteram illius famosi Experimenti partem fallacem pariter, hincque factam illationem infirmam ac minus concludentem reddere videntur; i. e. ex sola pulmonum recens nati submersione, hunc ante sui enixum mortuum, seu in partu & post partum eundem non vixisse, concludi haud posse. Nec vitio aut temeritati mihi vertent illi Medici horumque Collegia, quæ eam fœtus ante partum exhalantis signum perpetuum ac certum asserunt, quod eorum sententiæ non adeò promptè assentiar: qui causam sanguinis arbitrio ejusmodi suspecto submittere. & rem ancipitem atque arduam levi ac fallaci Experimento dirimere nolo, argumentis seu dubitandi ad minimum rationibus haud exigui vigoris admonitus; quarum nihilominus solutionem si ex aliis intellexero, eorum cogitatis subscribere minus refragabor.

Scilicet primam traditioni huic Scholarum erroneæ occasione dedit puto theorema, quod ingentis auctoritatis ac fidei catholicæ hætenus visum fuit naturalis scientiæ Doctoribus plerisque, *Vitam & respirationem paribus passibus ambulare*, seu juxta Galenum 6. de loc. affect. c. 5. *Spirationem à vita, & vitam à spiratione, separari non posse, adeò ut viventem non spirare, & spirantem non vivere, sit impossibile.* Cui tandem Dogmati tribuere vix valeo, quin *vitam in recēs natis respiratione priorem seu aliquando etiam sine hac, existere*, asseram, proin illud precarium maximè dicam. Quatenus per observationes, muliercularum quoque evidens est, quas suas etiam olim faciebat *Facultas Medica Wittebergensis Nobilissima* in causa seu suspitione infanticidii aliquando renuncians, adeò debilem atque infirmum interdum excludi partum, ut omni sensu, motu ac respiratione per aliquot momenta seu notabile tempus, destitui videatur, hinc non, nisi variis vellationibus, fomentationibus, vini, spiritus vini & aromaticorum liquorum adspersionibus, instillationibus ac inhalationibus plus minus medicatis demum excitetur, & ejulatu primo æris primam admissionem testetur. Hunc sub tali statu, i. e. sine omni sensu & motu, (nisi quod in arteriis ejus patentioribus, v. g. umbilicalibus levis quædam micatio sentiatur) hinc sine respiratorio quoque, quis non mortuum diceret, quem tanto molimine nihilominus resuscitare attentat, & feliciter sæpè suscitatur, seu latentem & quasi syncopizantem vitam in aprium ponit? cum hujus formalitas animæ & corporis sit connubium, quo semel soluto aut denegato illa haud redit, nec ullo modo revocari potest. Hoc est, quamvis sensus atque motus, functiones vitales, in nato aliquando deficient, vita nihilominus interim, seu unio illa animæ & corporis actualis, erit concedenda, & quidem ex functionibus vitalibus post liminio conspicuis: perinde ac fœtus, si Secundinis obvolutus nascatur, aliquando aut nihil omnino motus sensibilis exerit, aut thoracem saltem minus movet. Per consequens falsum, quod vulgò supponitur, omnes natos statim ab ipso partus momento respirare. Quod argumentum laudata *Wittenbergensi* Facultas pariter admittens in

Bibliot. Chirurg. Tom. III.

causa *Annen Voigtii*, hujusq; matris, in Præfectura primû Pegaviensi, hinc Liptienli, ventilata, die 30. Augusti Anno 1684. ita decernebat. *Wir können aber nicht davor achten dafs dieses (submersio nempe Pulmonum) ein indubitatum und universale argumentum sey, wodurch so gar gewis bewiesen werden könne, es müsse das Kind ante partum in Mutter-Leibe verstorben seyn. Mann könnte endlich wol ex præsuppositis schließen, wenn eine Lunge in Wasser sincket, so hat dieselbe noch keine Luft in der Welt geschöffet. Aber es folget nicht alsbald, dafs es müsse in Mutter-Leibe gestorben seyn. Sintemal so wol in, als nach, der Geburt ein lebendig Kind kan ertöet werden, ehe es Athem holet rc.*

Vere E. vivum, utut nondum respirantem, ejusmodi tenellum si mater impia manu truculentiore perimat, seu perire concedat, pulmones ejus cernes compactiores, sâguine uberius perfusos, pôderosos, hinc aquæ submergentes: non mortui tamen, sed vivi nati, quamvis nondû anhelantis, organum. Nec adeò ineptè planè in ejusmodi casibus ancipitibus nostrates mulierculæ agût, dū, ut superius tradidi, Nati ad sensû mortui, seu nō mox respirâtis, faucibus halitû potētius imittât, sicq; eundē resuscitent; Forsâ quod hujus sanguinis motus vitalis absq; elatere accessorio, seu impulsu ab extra, quem ab atmosphæra liberiore expectabat, pro hoc tamen admittendo vel recipiêdo, thoracem, præsumma virium imbecillitate & per æris externi incubētis gravitatē, nondû sponte explicare poterat, ferè succubens, ab illius paulò potentiore atq; ad trachæa maximè directo impulsu aut inhalatione alterius levetur, sicq; sensibiler quali reviviscat partu exclusus. Porro, sicut Natus imbecillior aliquando nō eq; prōptè respirat, ita nec vegetior elatere æreo externo sæpè forsâ adeò opus habet, ipsiq; & fluido ejus vitali aliquâtisper exagitâdo, seu hujus undulationi intestinæ ad tempusculû perpetuandæ motor internus à matre deciduus seu impressus præsto est. Simile quid hîc fieri concipiendû quod in Hystericæ ac hypochondriacæ suffocationis nonnullis speciebus & animi deliqui gradu intensiore contingere observamus, in his nimicū affectibus inspirationē æris evidenter interpellari: adeò ut ad tempus notabile satis, sine vita cū morte commutatione aliquando carere valeat æger anhelatione sensibilibi, quod nulla, prout sermocinari amât, ejus in ejusmodi casibus urgeat necessitas. Qualē nihilominus hominē nemo sanæ mentis mox pronuciabit exanimē, calore & pulsu aliquali, tanquā vitalitatis indicibus, adhuc præsentibus, & si non planè integris, certè haud omnimode abolitis: ut vel à posteriore concludimus, quod ille aut sponte ad se redeat, aut adjuviciulis congruis restituatur.

Perinde nempe, ac per Experientiam advertere licet, catulos aliaque animalia, mox à partu & antequam spirant; etsi teneriora, longè difficilius strangulari seu suffocari præ illis, quorum fauces aliquantulum demum ab enixu intervallo & respiratione jamdum inchoata constringimus: quod sine æris externi usu, per motum vitalem, sanguini connatum, aliquandiu superstites durare possint, comprobante hoc duplici Observatione, cujus olim aliquando ex Actis Forensibus mentionem feci. In prato nempe agri Torgaviensis Anno millesimo sexcentesimo decimo nono puellam enitebatur Meretricula quardam, quam, ut occultaret, vivam in humum vicinam defodiebat, vivam nihilominus posthac Prætor protrahebat. Pariter Anno millesimo sexcentesimo septuagesimo quarto Parentes, quam ex nefario coitu genuerant, filiam natant mox pannis ac lireaminibus obvolvebant, scrobi in horreo ad profunditatem pedis effosso imponunt, terra hunc oppleat & spicarum avenacearum mergitibus cooperiunt: quæ tamen misella stupendo Fato, post septem horarum intervallum incolumis ac viva eruta ac protracta suum & parentes à crudeli infanticidii flagitio hujusque supplicio liberavit. Atque hujus constitutionis seu texture, utero & involucris suis verè vivus exclusus

M m m

Partus,

Partus extra omne dubium pulmones retinebit compactiores & aquæ minus supernatantes: minusque perpetuum reddet assertum triviale, vivi nati pulmones super aquas fluctuare & nunquam submergi.

Me vera scribere, non merâ speculatione fingere, recensita, quælibet docebit Experimentum sequens, modò in hujus administratione circumspiciorem ac frequentem se præstet: cum non equè feliciter succedant tentamina hujus gratiâ adornata, quod expertus moneo. Præsto sit Canis aliudve animal partui quam proximum & catulorum enixus patienter expectetur, editorum verò Guttur mox, antequam spirare videantur, funiculo cōstringatur: qui vivi nihilominus inter strangulandum varias corporis agitationes & oris rictus convulsivos edent ac formabunt, dissecti in pectore Cor satis potenter vibrans & pulmones compactiores ostendent, & hi perinde, ac non natorum & vivorum, ad aquæ, cui injiciuntur, fundum præcipitabuntur. Non dubitabit de rei hujus successu & experimenti fide quispiã ideò, quasi catuli omnes, statim ac utero & membranis exclusi necessariò respirent, qui *Boyllii*, de vi aëris elast. exper. alleg. evolvit: ubi catulos quosdam, antequam respirarint, se dissectuisse commemorat, in quibus cordis motum, quamvis non adeò evidentem, observavit: & vix frustraneos experietur suos conatus, si modò celeriter & dextrè satis operatus fuerit.

Accedit, quòd luctuosa satis aliquando testatur Experientia, Funiculum umbilicalem collo foetus nascendi præter naturam ac ita circumvolvi, ut in ipso hujus enixu incongruè tensus, imprimis si rudior Obstetricis manus supervenerit, illum brevi aliquando extinguat. Per modum constrictionis canalisi pneumonici atque strangulationis hoc fieri, Muliercularum turba sibi persuadet: de quo tamen dubitare faciunt illa, quod aëris ulu & reciprocatione hætenus destitutus, eodem aliquandiu adhuc sine vitæ dispendio carere valeat, & catellòs sine respiratione vivos exclusos injecta chorda difficulter admodum strangulari, modò dictum fuerit: quin potius solam funiculi umbilicalis tensionem ac compressionem, sub ejusmodi circumvolutione inevitabilem, partui proximum enecare, probabile sit. Provoco, pro hoc meo asserto comprobando, ad aliam Obstetricantium observationem: scilicet si quocunque modo, ac sine ulla colli constrictione, funiculus foetui antevertat, seu capiti hujus promineat, nisi mox reponatur, ei valdè detrimentosum hunc evadere. An discriminis hujus causam cunctæ harum æque intelligant, disquirere nolo, auguror ego, à prolapsu vasorum umbilicalium præmaturiore infantem ideò brevi extinguì, quòd sanguinis materni motus ad illū per cōpressionem, inter genitalia parturientis & hujus caput necessariò, imprimis sub reiteratis ac singulis partus doloribus factum, intercludatur: quo tamen, donec respirarit, carere nequit. Quid proin dicendum foret si Pariens forsan *ἄσχετος*, aut huic obstetricans imperitior, aut complex truculentior, eundem funiculum vel strictius tendendo, vel minus decenter reponendo, vel quancunque vim ipsi inferendo, huic, qui vitam anhelat, necem inferat? Quale quid pariter metuentum, si caput, in partu constitutum, aut à parturientis, pite alias, agitatione ac situ inconcinno, aut ejusdem Obstetricis rudiore contrectatione, aliquando lethali-ter conquassetur, dum enixum illius juvare intendit, aut mentitur earum utraque, & mortuum exclusum dejerat. Numne, quod in ejusmodi casu pulmones aquæ submergentes facinorosas has ab Infanticidii crimine liberent, asserere, temerarium ac impium foret.

Porrò Experimenti hujus de natatu ac præcipitatione pulmonum fidem sublestat reddit, quod unius ejusdemq̃ infantuli pulmonis frustum ad fundum aquæ feratur: alterum eidem supernatet: quale quid se quoque advertisse perhibet *Craanen de hom. c. 30.* ubi scri-

bit, Judices hac in parte maximè falli posse, idòque Medicum advocatum, ut suam hac de re dicat sententiam, prudenter circumspicere admonet, ne innocentem matrem puniri faciat. Cum sæpius contingat, quòd vivi etiam nati pulmo per primam ac brevem respirationem, non quoad totam sui compagem æqualiter mox infletur, sed secundum aliquam tantum sui partem; & sic, quamvis quædam ejus pars, quam aër nondum subiit, fundum peteret, in aquam coniecta, vix tamè inde sequi, infantem mortuum in lucem fuisse editum. Proin omnes visceris hujus lobos diligentius contrectandos ac singulos in partes conscindendos monet, quæ aquæ successivè commissæ si omnes fundum petant, certo demum & infallibiliter innuant foetum ante partum mortuum fuisse, quam primum verò aliquam ejus partem aëre inflatam & supernatantem viderit, foetum per momentum aliquod extra uterum respirasse ac vixisse pronunciat. Et contingere aliquando posse, pergit, ut quorundam natorum pulmones, non, nisi difficulter, inflati valeant, extra uterum nihilominus infantem vixisse, quamvis pulmo aërem, propter anormaliam sui conformationem nō admittat. Quale quid in vituli vivi nati pulmone observatio *Zelleri l. a.* docet sc. hunc non nisi, repetito ac potentiore conatu fuisse distensum, & in aqua subsedisse. Verum eidem ambiguitati hæc *Craanii* immergitur cautela ac totum, hætenus prolixius ventilatum experimentum, decisivum quod vulgò sibi persuadent: postquam hoc ab utraq̃ sui parte fallere, partim dictū, partim ex sequentibus cōstabit.

Horum primum erit Quæstio, superioribus annis disquisitioni Scabinatus hujus loci Electoralis exposita, ubi Infanticida facinus primo pertinacius diffitebatur, favebantque illius negationi pulmones nati, in aqua submergentes, hincque in utero defunctum (ex hypothesi communi) innuentes: postmodum nihilominus, se partum vivum enixam fuisse eundemque enecasse differtè fatebatur, & ad ultimum usque supplicium constantissimè asseverabat. Addo huic binas observationes à *Zellero l. a.* productas, quarum una vitulum concernit, qui post sui partum per dimidium horæ crebrioribus & evidentiore illorum motu reciproco, qualis circiter equorum delassatorum, se respirantem ac viventem stiterat: cujus pulmones nihilominus aëre inflato mediocriter distenti, aquæ dum committebantur, instar lapidis ad fundum vasis fuerint præcipitati ac demersi. Alteram ex Actis Forensibus infanticidii ac Nepotidii suspicionem involventibus, & *Amplissima Facultatis Juridicae Tubingensis* disquisitioni expositis, idem Scriptor recenset: ubi in foetu post facta & sepulturam clandestinam denuò eruto & inspectioni Medici commisso, pulmones reperti fuerunt, qui aque injecti, hujus fundum petierint. Matre quidem primum, ex Avia relatione, asserente, Natū post partum aliquoties vagivisse, eadem Avia, quæ filia seu Matri parturienti adstiterat, hoc diffitente, & foetum mortuum dejerante: donec tandem sub examine rigorosiore illum vixisse seque miscellum vivum atque ejulantem tumulasse utraque confessa fuerit.

Quibus ita se habentibus Experimentum hoc solitarium seu merum, ac hætenus adeò jactitatum, ut nōnullus illud *argumentum indubitatum ad convincendas ac defendendas Infanticidas* proclamavit, minus potens deprehenditur, annuente Collegio Medico *Wittebergensium* in causa pari, cujus superius mentio facta fuit, nisi alia huic cōstinentur phænomena seu indicia, illi robur addentia seu plus verisimilitudinis conciliantia. Quod advertentes cautiore ita concludunt, Subsidentiam pulmonum in aqua signum equidem præstare infantis in utero seu ante partum denati, sicut eorum fluctuationes vivi nati: neutrum tamen illorum universale argumentum existere. Sub qua etiam circum-
spectione in casibus hujus generis *Facultas nostra* semper
hætenus

hactenus respondit quæsitæ, Anno v. g. 1701. die 18. Julii à Commissario Ducali Jenensi, in puncto inculpato Infanticidii Uxoris *Paul Lorbers*, quod, etsi communiter tradatur, Infantem, cujus Pulmones aquæ supernatant, vivum prodiisse & respirasse; hoc tamen firmum signum, seu ex quo tale quid semper ac universaliter inferendum, venditari minime posse. Quin potius aliquando suspicari detur, illos rarefactos & natatiles redditos per inhalationem aëris in fauces mortui nati, quam Mater simplicior & anxietatibus gravioribus obruta pro suscitando hoc forte susceperat. Dum ex Actis imprimis innotesceret, paucis ante Partum diebus eandem gravius lapsam ac ab illo tempore penes Maritum & Mulierculas diversas de torminibus atque cruciatibus ventris conquestam fuisse, hunc simul subsedisse ac ad Hypogastrium fœtum devolutum fuisse, ejus motum omnino cessasse hincque ex Lapsum potius gestantis illum in Utero periisse; Concurrente forsitan intus partu difficiliore, sub enormiore atque anxiosa matris jactatione & animi deliquis, & quod neminem in labore hoc opitulante habuerit genitrix: interim violentas has vasorum Fœtus rupturas, cruoris extravasationes, hinc Suggillationes Integumentorum Capitis, Colli &c. necem patrassè.

Dubius magis occurrebat Casus die 20. Novembris 1705. *Annen Dorotheen Gelhorn*, concernens, de quo ita sentiebat Nostrium Collegium. Favere ejusdem Inquisitæ, quod Infans octimestris hincque debiliior visus fuerit, & vel ante enixum, vel in hoc, vel brevi post, dum illa Syncope fortiore correpta & omni ope destituta, occumbere valuerit: Supernatationem pulmonum conjecturam suggerere, Fœtum vivum editum fuisse ac respirasse, quod non adeo diu sub partus conatibus hæserit, brevi tamen expirassè. Nec in Matrice à Partuientis laboribus durioribus & moribus vehementioribus, quos Defensor accusarit, eum enecatam fuisse, inde colligi, quod nulla uteri Hæmorrhagia, ut in casu ejusmodi fieri solet, motibus his supervenerit. Neque Funiculum umbilicalem flaccidum & exsiccum infirmitatem & immaturioris Fœtus obitum in utero necessario indigitare: quod natus, postquam aliquandiu sub terra defossus jacuerat, demum lustratus fuerit, ubi per prima corruptionis rudimenta flaccidus evaserit ille. Quin potius, propter indicia hæc incerta sibi que contradicentia in dubio relictum fuerit, An Infans hic vivus mortuusve natus, seu an violenta manu interemptus fuerit. Similis argumenti Quæstio Collegii dicti judicio exponebatur 7. Octobr. 1707. ad quam sequentibus respondebat. Cum natus vix Septimestris videretur, Gestanti paucis ante partum diebus insignis Uteri Hemorrhagia supervenerit, pulmones illius maximam partem in aquam demerserint, Cadaverulum scybalis suis defœdaturum, corruptionis putrefactivæ notæ, v. g. cuticulæ in facie secessus, Cerebrum fluidius & quasi deliquatum, in Sectione annotatæ fuerint; verosimile quidem videri, illum mortuum Utero fuisse exclusum: quia nihilominus Partus septimestris quoque vitalis censetur, nec omnis Uteri fluor cruentus Fœtum necessario enecet, submersio pulmonum eum quidem nondum respirasse, minime tamen nondum vixisse, testetur, nec Stercorum ante partum excretio infallibile intra Uterum mortui signum (dubium siquidem maneat, num in præsentis casu cadaveri adhærescentia, ante, aut post, partum ille excreverit) incertum pariter, an putredinis illud primordium in utero, aut extra eundem, ipsi evenerit, dum quarto demum à partu die inspectio facta fuerit, suggillatio Capitis enormior, violentiam non Cadaveri, sed viventi corpusculo, illatam augurari faciat; probabilius judicandum fore, partum illum mortuum nequitum, sed viventer, fuisse exclusum. Anno 1702. d. 6. Febr. Facultatis Nostre sententia itidem de Infante, ex Fœmella Stemmatidis

Bibliot. Chirurg. Tom. III.

generosioris nato, & in Cloacam dejecto, ab hujus defensore rogabatur; num scilicet ex Specie facti hujusque circumstantiis infanticidium violentum suspicari liceat? qualem sequentibus pronuntiabat. Ecchymosin Integumentorum Calvarie & Meningum, in Relatione Medica descriptam vivum natum indigitare, ideo, quod ejusmodi cruoris ad interiticia & compagem dictorum Involucrorum extravasatio suggillatoria in Cadavere nequitum fieri possit: hocque per Pulmones illius in aqua fluctuantes magis confirmari.

Annecto his singulare & rarioris forsitan observationis exemplum, ex Actis Inquisitionalibus in puncto Infanticidii, cujus prostibulum quoddam Dresdense accusabatur, depromptum. Nati Thoracis integumenta molliora, spongiosa & sero turgida, instar eorum, qui Anasarca laborarunt, à Medico & Chirurgis Sectionem Cadaveris administrantibus, deprehendebantur. Thorax totus aqua scatebat ac Pulmones rubicundi, compacti atque exiles ad spinam dorsii reclinati seu coacti: qui dum aquæ injiciebantur, protinus submergebant, nullumque violentiæ extrinsecus illatæ comparebat signum, quin Funiculus umbilicalis quoque integer, non avulsus, sed Placentæ adhuc annexus seu continuus. Negabat Facinorosa, primò Fœtum vivum se fuisse enixam, diffitebatur proin Infanticidium: Tormentis vero admota fatebatur & asserere utrumque, quod paulo post, ab his liberata, magna denuo constantia negabat. Cujus etiam sub Tortura facta confessio vel ideo dubia & hujus cruciatibus extorta videbatur, dum ejulasse ac vagiisse editum simul dixerat: quale quid vel ob ejus Thoracis Hydropem, pulmonum explicationem sufflammentem, vel quod Pulmones aquæ non innatarint, dictu ac creditu difficile, supervenientibus etiam his Circumstantiis, quod modo prostratione seu lapsu corpusculi editi impetuosiore in humum, modo Funiculi umbilicalis divulsione, illum se enecasse, dixerat: quorum tamen prioris nulla in Visitatione comparuerint signa, Funiculum etiam, qui huic præerant, integrum minusque laceratum testati fuerint. Et numne fieri potest, Fœtum brevi ante partum vixisse, suggillationes in Capitis ejus Integumentis non tantum mollioribus, sed ipsis quoque Calvarie Ossibus conspici, stercorata comparere linteamina, quibus ejusmodi recens natus involutus, ac facile peperisse Matrem; adeoque ex horum collectione hanc illum vivum enixam fuisse: quin tamen hæc signa judicio à pulmonum fluctuatione petito, semper ac undique annuant, Casus alterius generis, v. g. si Partus laboriosus maxime extiterit, simulque Infans stercoratus prodierit, evincunt. Quemadmodum; nec stercorum absentia cum submergentibus pulmonibus hunc mortuum exclusum semper ac necessario evincit: Dum sine illorum recrementorum excretionem aliquando ad tempus vivere potest idem, imprimis nondum respirans; nec adeo certe eum vivere sub partus conatibus semper dignosci, Genitrix autem improba, sine ejusmodi Capitis evidentioribus contusionibus aut depressionibus, variis aliis modis, tenellum interficere valet.

Quibus, an vivus mortuusve extiterit Partus, judicio Medici expositus, ventilatis, ad alterum hujus Negotii momentum transeo, modos recens natos enecandi frequentiores, qui ambiguitatem aliquam involvere poterunt, horumque circumstantias disquisiturus quo de Infanticidio actu perpetrato aut plenius constet, aut indicia ejus obvia plus minus infirmentur. Postquam ex Legum harumque Interpretum sententia, ubi de crimine puniendo decidendum, non sufficit, Matrem suspectam modum aliquem & instrumentum facinoris sui innuere, vel ab aliis de horum applicatione convinci: Verum simul indagare postulatur, num effectum funestum præstiterit hæc, h. e. miscellum vere interfecerit, aut prolata ratione saltem interficere valuerit? Nimirum Con-

fectio ut probet, debet esse verosimilis, alias nihil operatur, siue per Torturam, siue sponte, emanaverit: ut v. g. non condemnatur mox, qui venenum propinavit defuncto, sed tunc demum, ubi in hoc comparuerint signa venenis propria, simul vero in cadavere ejus intoxicationis actualis indicia, i. e. hujus effectus solennes. Pari ratione Infanticidii suspicio aliqualis tantum ad hujus poenam ordinariam decernendam minus adæquata creditur, nisi de modo & infantem occidendi ratione evidente plenius constet.

Nequitiarum seu technarum ejusmodi, huic exitiofarum, primum locum tenet Funiculi umbilicalis à Secundina avulsi aut præfecti, siue animo maligno, siue per ignorantiam, neglecta deligatio, ratione binarum Arteriarum, quas involvit, laceratarum Hæmorrhagiam lethalem inferens. Qualis tamen culposa Funiculi administratio tunc demum admitti valet, ubi multum sanguinis per vasorum dictorum aperturas promanasse, constat: cum parcius ejus profusio Tenellum ante partum expirasse innuat. Quam quidem circumstantiam dignoscimus primo, si vel Lintheamina, quibus natus involutus, vel locus, in quo occultatus reperiatur, multum cruoris profusi ostendant. Cujus momenti intuitu à Facultate Nostra Anno 1709. die 30 Martii pronunciabatur hunc in modum. Cum restantibus Actis, vix ultra horam in partu transegerit Mater, pone Cystam autem, ubi natus latitaverat, parum satis cruoris observatum fuerit, credibile magis videri, Fœtum intra uterum obiisse: dum vivus natus, non deligato Funiculo, plus Sanguinis rejecisset, adhuc sc. naturaliter tepescens, & motu cordis plus minus integro; ac post partum demum per illius deligationem neglectum interfectus. Deinde disquirere conveniet per Cadaveruli Sectionem, num vasa hujus majora sanguine adhuc scateant: unde non propter laceratum minusque obturatum Funiculum Natum periisse probabile sit; secus, si hæc evidenter exinanita deprehendantur. Disruptum eundem Funiculum casu & Fœtu à parturiente stante in humum ex improvviso præcipitato, non raro accusant de Infanticidio suspectæ, firmantur etiam in effugio hoc à Patronis Causæ. Quibus equidem aliquando graves accidunt nonnulli Medici, divulgationem ejusmodi Funiculi, utpote secundum naturam tenacioris ac validioris compagis, nisi à corruptione fuerit artosus, perquam difficilem asserentes, simulque metuentes, ne per præcipationem Nati impetuosiores Secundina potius, forte cum Utero quoque, protrahatur seu evellatur, quam Funiculus rumpatur. Ab Obstetricibus nihilominus peritioribus annotatum novimus, Parturientibus stantibus sibi que solis relictis, Fœtam cum impetu ejusmodi exturbatum illum lacerasse, & quidem in hujus parte modo altiore, modo profundiore seu illi propiore: nisi extraordinariæ magis longitudinis hic extiterit.

Aliquando Partus etiam durioribus Capitis tenelli compressionibus ac contusionibus enecatur, (quamvis an sub conatibus parturitionis difficilius gravioribus, an à Matre truculentiore post enixum tale quid factum, haud semper determinari queat) & violentiæ illatæ vestigia in Cadaverulis crebrius observamus, ideo suspecta, quod nullæ sanguinis ex vasis capillaribus profusiones & suggillationes integumentorum, nisi in vivo nato, concipi, & in cadaveribus, nec rudiori contrectatione & contusione, evenire queant. Infanticidii inculcata Generosa Fœmella, cujus superius mentionem feci, fingeat, ex Latrina eductum Infantem, quem mortuum natum asseruerat & quatuordecim à partu diebus in illam dejecerat, sub decidentia & lapsu in glaciem illius loci contusiones, hincque cruoris suffusiones, in Calvariæ involucris ac Meningibus Cerebri perpeffum fuisse; quales nihilominus non, nisi viventi adhuc Partui illatas, modo (nominatum Collegium de-

cernebat: quod ejusmodi cruoris extravasatio ad integumenta nominata in defuncto nequaquam, sed vivente tantum, corpusculo fieri potuerit. Cui parallelum judicium ab eadem Facultate die 14. Octobr. Anno 1707. ad Requisitionem Patroni Causæ, latum: Scilicet non obstantibus aliis momentis, Fœtum forsitan mortuum natum innuentibus, Suggillationem tamen Integumentorum Cranii, enormiorem Capitis contusionem & rupturam vasorum sanguiferorum, vivo illatam, hunc enecasse, verosimile videri.

Porro præfocatos atque strangulatos recens natos Acta forensia pariter tradunt, in quali tamen occidendi seu necis genere admittendo itidem circumspectos satis decet esse Medicos desuper deponentes. Circumstantiæ seu momenta, in ejusmodi occasionibus attendenda, modo omni suffocationi communia, modo huic vel illi propria seu peculiaris, observantur. Communium evidens maxime existit Faciei & Capitis intumescencia, ac illius, Colli & Humerorum Livor atque Rubedo obscura: à Circulatione Sanguinis videlicet, per Interceptam respirationem & Venarum jugularium compressionem, impedita; item Os, Nares ac Pulmones sero seu muco spumoso scatentes. Quale quid proin si minus fuerit conspiciendum, de suffocatione Nati dubitare concedit: dubitabat etiam Facultas Medica hujus loci A. 1702. die 16. Februarii de infante, qui ex rivo mortuus, cum Vinculo circa collum constricto protrahatur & strangulatus censebatur: propter signorum seu phænomenorum recensitorum defectum. Quia nihilominus Respirationem interpellant, modo quæ Collum cum Trachea constringunt seu comprimunt, modo quæ fauces tantum obturant, in casu priore advertendum, num Funiculus simileve constrictorium Cervici profundius impressum, seu an ejusmodi impressionis vestigium evidens cernatur, Circulus nempe in collo hujusque imprimis antica & lateralibus partibus conspicuus, rubicundus, aut fuscus, Cutis rugosa, Musculi substrati plus minus suggillati: sine quali arctiore constrictiore Trachea nec præcludi, nec Aeris per hanc reciprocatio vitalis sufflaminari, poterat. In altero casu, seu ubi lintheaminum similiumque obturamentorum in os intrusionem vel infarctum Matrem impiam Nati suffocationem molitam fuisse videtur, an talem per illa vere præstitit, an secus, non raro ambiguum evadit, si de modo & profunditate hujus intrusionis haud sufficienter constet, ut vel Observatio proxima declarat.

Nimirum Anno 1690 die 30 Septembris Juvenula quædam ex clandestino coitu Puellam pepererat, hancque in Latrinam, mortuam, ut ajebat, dejecerat: quam paulo post tamen vivam se enixam fuisse, ac lintheamine præcinctorio ori ejus impacto, ne ejularet, suffocasse fatebatur; postmodum Confessionem illam temperabat, nimirum lintheo hoc superficialiter tantum se os ejus obtegisse, seu illud huic admovisse, *nur an das Mäulgen gehalten*, modo leviter illud immississe, ac perpauca tantum momenta in hoc reliquisse, dicens. Quas circumstantias variantes apprehendens Defensor, pro innocentia Inquisitæ adducebat, quod ore natæ leviter tantum per Præcinctorium obturato, i. e. per hoc illi minus profunde adactum, haud suffocari potuerit illa: cum imprimis obturaculum hoc non adeo diu in ore ejus reliquerit, & sub hac oris leviori obturatione Respirationi patula per nares via manserit. Cui ego, à Prætoris desuper requisitus, regerebam, Naribus quamvis externis hac ratione minus coarctatis, viam nihilominus faucibus atque naribus intermediam, forte hac ratione fuisse præclusam, sicque respirationem Puellæ utique sufflaminari potuisse, aut nares forsitan muco, in recens natis frequenter oppletas suffocationem juvisse. Et, tametsi de mora linthei intra fauces minus exacte constaret, brevem tamen forte moram interi-

interimendo Infanti extitisse adæquatam : qui à partu recenti debilis , spiritum trahere tantum inchoaverit. Hocque eo magis , quod per Hæmorrhagiam vasorum umbilicalium haud deligatorum , nec non caloris externi forum aliorumque necessariorum administratiōnem neglectam infans simul viribus fractus fuerit. Ac denique per superficiale tantum Linteaminis immisionem phlegma illud glutinosum , quo fauces modo natorum pariter ut plurimum infarctę , ab ore forsan antico ad hujus angustias posticas & Laryngem retrusum , sicque spiritus reciprocationem interceptam fuisse. Magis anceps Collegio Nostro obtingebat Casus , quem Scabini Wazdorffiani in Sira , mense Aprilis præteriti anni disquirendum exponebant , Partus nempe septimestris aut ad summum Octimestris , quem à Genitrice suffocatum suspicio ferebat : Linteamine seu Mappa aliquoties complicata & ori atque naribus ejus superimposita , concurrente insimul , illius imbecillitate , præcocius editis consueta , ac deficiente Regimine Tenellis ejusmodi necessario. Quamvis nihil certi hoc in passu Nobis decernere licuerit , dum Mater ipsamet in circumstantiis , scitu necessariis , recensendis sibi haud constabat , asserens modo , se Nato linteamen tantum injectisse , modo complicatum ori ejus arctius imposuisse , modo hunc eodem obvolvissē ; ignorare pariter se fingeat , quamdiū sub velo hoc ille vixerit : hinc in dubio linquens nos , an ab instrato eodem suffocatus perierit.

Nec missum facere possum , ab aliarum quoque rerum , aliquando paradoxarum satis , infarctu Guttur , ad lethalem utque spirationis interceptionem suffulciri : hujus admonitus ex Casu , quem 1. Septembr. Anno 1684. à Prætorē ac Senatu Islebienti Facultatis nostrę sententię expositum , recordor. Mortuum à se editum quædam Agnes Sophia Bolazia asseruerat , in cujus Capite nihilominus Contusiones hinc inde varię , Funiculus umbilicalis abruptus & Os cineribus refertum cernebantur : emergente hinc Quæstione , numne præter cæteras internecionis causas hanc quoque festinarit cinerum infarctus , aeris permeatum intercludendo. Quem quidem Mater suspecta fortuito obtigisse ajebat , cum stans enixa fuerit infantem , capite in humum , in qua cinerum acervus , præcipitatum , sicque aliquid horum admittentem : eo ipso vero , dum ille mortuus (ex illius asserito) hinc minus inspiravit , tantam cinerum quantitatem illum attrahere haud valuisse , augurabamur , & non tam per illapsum fortuitum , quam ex consilio & manu intrusus , cineribus refertas fuisse illius fauces.

Refero huc pariter illum suffocationis modum , quo Natus sub stragulis , culcitris similibusque operimentis , simulque in sordibus ac excretis partus , detinetur , item intra Femora Infanticidæ comprimitur , cujus Exemplum Quæstor Langen-Salienſis Anno 1700. mense Decembris nobis suggerebat. Ubi equidem nulla à Medico in Infante observata erant violentiæ externę vestigia , vixisse interim præter natantes Pulmones ipsa Mater asserbat : quem à Secundina minus liberatum sub stragulis atque recrementis parturientibus consuetis relictum , ac intra femora genitricis compressum , ex aeris appultu denegato & Thoracis motu impedito , seu suffocatum , periisse , probabile judicabamus. Quale Infanticidii genus promptius conjiciendum , si sub situ , quo partum ordinarię excludi innotescit , facie nimirum ore ac faucibus posteriora spectantibus , hisque incumbens seu pronus hic diutius manserit : quantum enim situs hic modo editis præjudicet , rudiores nedum Obstetrices nos docent , dum hos statim , ac manibus suis exceperunt , invertunt & inversos in gremium ponunt.

Ratione Spumositatum in Faucibus ac Fistula Pulmonari repertarum , quas suffocationis violentioris

Biblioth. Chirurg. Tom. III.

signum communiter tradunt , advertere conducet , phænomenum hoc aliquando fallere , hinc solitarium Infanticidio inferendo pariter vix adæquatam existere indicium , dum Epilepsia quoque decumbentibus ac occumbentibus non adeo infrequens deprehenditur similis Spuma : ut proin vitio verti nequeat Medico , si ubi non alia insimul Suffocationis ab extra factę signa concurrant , in deponendo ambigat , suamque potius sententiam suspendat. Cujus festinationem etiam hoc dissuadet , quod , cum fauces recens natorum mucō seu sero viscidiorē ordinarię scateant , fieri facile queat , ut uno alterove leviori anhelitu , mox à partu & brevi ante obitum spontaneum tentato , adeoque sine omni causa externa , illud in spumam eleveur : sicque decipiat , qui Infanticidii conjecturam ex hujus solius conspectu confirmare suscipit. Quinimo ex adverso contingere potest , ut , sine ejusmodi spumositate circa fauces comparente , suffocando extinguatur ejusmodi renellus : v. g. si illę linteaminibus obturentur , serum spumosum imbibentibus seu absorbentibus ; aut hic in latrinam similemve locum cœnosum præcipitatus fuerit , hujusque illuvies Spumositatem talem obliteret. Ut mittam , ipsas aquas limpidiore , si forte his submergatūr Infans , illam diluere ac detergere : aut , quia his injectus sine notabili renitendi seque elevandi conatu ac facultate , mox opprimitur , talem spumam vix produci seu formari.

Idem observari solet in natu majoribus , hoc est , aliquot septimanarum ac mensium , si repentina & clandestina morte perierint ac suffocati præsumantur , quibus Spuma turgescens , aliis circumstantiis deficientibus , mox categorice hoc asserere vix concedit. Atque hoc quidem multo minus , si denatum Epilepsię alias expositum constet , aut Dentitione similive affectu , qui ejus frequentior occasio existit , laborarit : qualem morbum , propter conturbatam hinc respirationem , spumam circa os ut plurimum producere , vel in vulgus constat. Proin si in tali casu deponendum fuerit , per collectionem demum pluriūm phænomenorum hoc tentet Medicus. Sc. se deprehendisse infantis nupera nocte mortui faciem lividam aut ex atro rubicundam , os & nares spuma obſitas , aperto vero cadavere pulmones pariter sero spumoso refertos : quarum circumstantiarum intuitu & cum de cætero cunctę , tam externę quam internę partes sanę & optimę constitutionis deprehensę , probabile videri , eundem à mole quadam ponderosiore , quę faciei aut pectori ejus incubuerit , aut alia forte ratione , fuisse suffocatum :

Hi sunt modi natos suffocandi crebriores & Meretriculis impiis solenniores : quin tamen aliis quoque insuper tale quid vel per incuriam & negligentiam , vel magis dolose , ab iis patrari queat , ex illis , quę circa partum magna cum cura agere novimus Fœminas sagaciores , non sine omni ratione auguramur. Pronum sibi in faciem atque pectus conversum Infantem ordinarię nasci , penes omnes in confesso est : in quali tamen corporis situ ille minime linquendus , sed mox in latus alterutrum convertendus , ut facie sua Obstetricem assidentem spectet : Ne videlicet pronus diutius jacens , spiritum forsan tardius ac difficilius trahat , supini vero os ac nares à colluvie aquarum & cruoris , partus proxima pedissequa , ad suffocationem usque oppleantur. Unde subsumere adigimur , quam facile cautela hac neglecta , & si Puerpera ejusmodi clandestina hanc situs in nato mutationem haud studiose advertat negligatque , aut Infanti quoad hæc minus oportune subveniat , neci tradatur hic , nulla alias adhibita violentia evidente , h. e. non quidem committendo , omittendo tamen , peccet ac infanticidium committat.

Nec Obstetrices aliasque Fœminas peritiores latere potest , quam perperam cum Nato agatur , si à Funiculo &

Secundina non sat citò liberetur, hæcque ab illo non quantocyus separetur: ita ut penes Illas in usu observetur, partum, si fortè illa hunc non mox sequatur, præciso funiculo, remove. Quo nimirum balneo quamprimum committi & sub enixu viribus fractus hujus fori calido suscitari & mortuus visus in vitam revocari possit: antequam nimirum, ambitui uteri tepidiori adluctus, ab atmosphæra frigidiorē nimis alteretur. Secus quidem aliæ Muliercularum hatum sentiunt, non protinus nempe segregandum à Secundina infantem, dum per hujus & sanguinis per funiculum circulari seu agitati motum secessus & excretio Secundinæ ab utero, cui forsan tenaciùs adhærescat, juvetur. Earum tamen opinioni multum authoritatis derogat hoc, quod Natus imbecillior parum aut nihil aliquando, motus exerat, hinc Epar uterinum per funiculum illum vix agitare & commovere queat: nec concedente hoc longitudine ejus ordinariâ, ratione cujus nihil impressionis seu vellicationis ab Infante ad illud emanare valet. Neque motus sanguinis, per umbilicalia vasa undulantis, firmius adhærescentem Secundinam commovere potest in Nato viribus destituto: postquam experientia frequentiore edocemur, nec robustissimum semper illam mox sequi, multò minus ab imbecilliore, per cujus vasa umbilicalia vix tantillum sanguinis fertur, aliquid exagitationis illa sibi promittere poterit. Stante proin, Nati connexionem cum Epate uterino hujus exterminationem minus juvare, nec illum Balneo similive fomentatione calidiorē sub eadem commodè & secundum exigentiam, tractari posse: quid impedit, quominus interim hac ratione, seu sub tardiorē Nati à Secundina remotione pereat ille; sive hoc contingat per clandestinæ nascētis ignorantia, sive malitiâ & culpâ plusminus laram.

Metuendum simile quid à Placenta, mox simul equidè cum foetu excussa, ab hoc tamen minus tempestivè seu nō illicò sequestrata: dum hæc vitalitate maximam partē orbata & tantum non cadaverosa, non, nisi cruorem grumescētem, nihilque vitalitatis ac virium, illi concedit, quin potius aliquid corruptelæ suæ inchoat & impertitur. Quæ proin clandestinarum ejusmodi puerperarum vel per imperitiam, vel dolosè, hoc agere negligunt, culpam infanticidii gerunt, illud omittendo, quod Nato internecioni cedere poterat. Recordor quidem pravi illius moris, à *Spigelio* & *Sennerto* comprobati, quarundam Obstetricum, quæ, antequam Funiculum præscindant ac deligent, Cruorem vasis ejus inexistentem digitis suis versus Infantem urgent ac repellūt: ineptè sibi persuadentium, hac ratione refocillari maximè illum, fortè debiliorem. Ast cum summo Tenelli vitæ periculo tale quid ab iis fieri, inde judicare est, quod canalibus his refrigeratis, sanguis quem continēt, omnem mox vitalitatē deponat & congelascat, hinc ad interiora ejus delatus & latici vitali intermixtus hunc pariter corrumpat & graviora in illo Symptomata patret; quorum genuinam causam nec sagacissimus Medicorum subolfacere, nec eidem mederi, potest.

Recens deniq; nato exitium non rarò infert Regiminis necessarii neglectus, hoc est, si à mucositatibus, quibus ad infarctum ejus Nares ac fauces frequentius scatent, non oppido liberetur, à quibus tamen solis aliquando suffocatur: aut si idem contra aëris injuriam externam saltem non mox per lintamina, Fascias similiaq; integumenta, Balneum aliâq; fomenta calidiora præmuniatur. Calidiori siquidem atmosphære in utero hætenus adluctus externam sine evidente sui damno non æq; ferre valet: quin brevi ab hujus solius rigore, absq; ulla alia violentia, suffocetur ac enecetur. Qualibus curis & administrationibus necessariis posthabitis si pereat infans, Infanticidii non rarò deficiunt indicia, Medico nihilominus ad deponendum postulato, scitu necessaria maximè.

DISSERTATIO II.

De Vivis Mortuisve Aquæ submersis, suspensis ac vulneratis.

Contingit aliquando dubitare 1. de Homine ex aqua protracto, an in illam vivus mortuusve fuerit? demeritus? 2. de Suspenso reperto, vivusne an mortuus suspensus? ac 3. De Vulnerato, num vivo mortuove inflicta fuerit plaga? Quarum disquisitio pariter ad Medicos devolvatur, determinationis aliquando arduæ satis, & ex phænomenis in cadavere conspicuis non adeò facilè eruendæ. Variis siquidem dum artibus nefarii homines crimina sua celare contendunt, non mirum, infinitas fraudes has eum in finem fingere, ut Magistratum, Vindicem eorum, fallant, quibus discutiendis equidem Ars medica aliquando præsto est, interdum tamen vix sufficit: modi interim ac signa, negotia ejusmodi investigandi penes diversos Scriptores leguntur, *Paræum* v. g. *F. Fidelem*, *R. à Castro*, ac *Zacchiam quest. med. legal. l. 5. tit. 2. quest. 11.* congesta; quorum monumentis unum alterumque subnectere nunc intendo.

Quoad prius, communis est ratio, illius, qui undis vivus submersus fuit, cadaver digitorum extremitates attritas & excoriatas monstrare, quod nimirum ille quovis extremo molimine obvia quævis perfringere, eripere ac effodere, hincque emergere attentavit, sicq; dum salvare se molitus fuerit, in proprios digitos, instar furibundi, sævierit: quale quid in cadavere ejus, qui in illas mortuus conjectus, cernere haud detur, conatu ejusmodi desperabundo destituti, quique vita jamdum privatus cum morte minus colluctatus fuerit. Præterea in ore ac naribus ejusmodi submersi viventis mucum observari ajunt spumofum, elevatum ab iis moribundi conatibus ultimis, quibus spiritum agitare annisus fuerit, & sub hoc molimine simul tam humorem salivalem, quàm aquam ab extra appellentem in Spumam redigerit: dum contra Cadavera aquis injecta nec respirationis reciprocatione opus habeant, nec huic moliendæ paria existant. Addunt demum his, abdomen & thoracem illius, qui vivens in aquam præcipitatus fuerit, valdè tumidum conspici, Pulmonibus nimirum, ventriculo ac intestinis aqua subeunte refertis ac turgentibus; in hoc verò, cujus cadaver demum submersum, nihil ejusmodi intumescētiæ, nihil aquæ in interaneis, reperiri: in priore canalibus ad hæc patefcentibus, quinimò aqua, sub ultimis anhelandi conatibus pulmonibus impulsâ, in posteriore oclusis ac constipatis.

Docuerunt idem olim omnes Medici, ex Signis his Prætori suspicionem non unius generis subministrantes, & aliquando Inquisitionis argumenta suggerentes: qualia tamen multum ambiguitatis involvere ille fateri nō erubescet, qui experientiam autoritati ac pluralitati conspirantium anteponit. Scilicet haud omnino frivole infertur, illum, cujus in undis reperti digitorum extrema, forsan aliæ quoque partes nudæ, evidenter laceratæ, illarum vi suffocatum fuisse, per fermocinationē declaratam: neutiquam tamen hoc mox negare convenit, si forsan illæ integrè offendantur, v. g. in recens natis, ad primum mox aquarum contactum, ac sine ullo renitendi nisu suffocatis. Ne de Melancholicis dicam, qui salutem ex aquarum oppressione quærunt, nec de Ebriis, qui sensuum torpore obruti & quasi somnolenti tale quid sustinent. Circa os atque nares profectioris ætatis hominis aquis submersi quæ compareret, Spuma indicio est, eundem sub aquis demum interiisse, huncque gargarizando quasi illam formasse: de recens edito autem dubitare conceditur, spumositatem hanc illi connatam seu à partu relictam forsan esse. In cujusvis verò ætatis homine quid impedit, quominus hæc

hæc sub aquis in submerso elevata Spuma, ab iisdem denuò eluatur & abstergatur, hinc deficiens eum extra has interemptum fuisse falsò persuadeat.

Ast quod demum aquæ ad Ventres horumque viscera, imprimis pulmones ac ventriculum, subingressum spectat, hujus argumenti vim probandi confirmant, qui cum Veteribus, Græcis æque ac Arabibus, periculo aquarum ereptos mox studiosius in caput convertunt, seu pedibus quasi suspendunt, ut aquam ingestam propè exturbent: quinimò hujus rejectionis juvandæ cautela illum super cupam seu dolium rotant, ut penes *Alex. Benedictum* 7. de morb. cur. cap. 3. *Codronchum de iis, qui aquis submerg.* *Christoph. à Vega art. med. libr. 5. f. 5. c. 8. & Th. Bartholin. 6. hist. 68.* videre est. De quali tamen suffocatos per aquas in vitam revocandi remedio dubitare oppido jubent illi, qui sine ejusdem administratione & sola sub stragulis calidis fomentatione, frictione & spirituosorum internorum atque externorum usu idem feliciter se præstitisse perhibent, v. g. *Forestus* 15. obs. 26. *Platerus obs. p. 284. Langelot in miscell. N. C. decur. 1. Anno. 6. obs. 20. & Pechlinus de vita sub aquis* aliq̃ qui ejusmodi homines tractarunt: quibus prædiis *Forestus l. a.* Decoctum florum Chamomille, tanquam singularis in ejusmodi casu virtutis, addit & præ aliis commendat. Ipsemet quoq̃ *Zacchias & Rod. à Castr.* circa hoc experimentum, ab ingurgitatione aquæ petum, ancipites hæere videntur, dum *Prior l. a. quæst. 11. & 12.* illos, qui in aqua pereunt, non tam propter molem aquæ, quæ interiora eorum opplerit, quam impeditam potius respiratione, suffocari, tradit: Posterior non cuncta eorum cadavera ob inclusam aquam, sed propter vapores, in quos sub aquis horum fluida resolvuntur, inflari ac intumescere scribit, illa videlicet, quæ diuturniore sub illis mora putredinem contraxerint.

Verum, quod potissimum, olim jamdum, cum Professoris publici officio adhuc fungeret, non unam Infanticidam, supplicio Culei enecatam, me secuisse atque hac occasione Spectatores ad advertendum admonuisse, nemini: nihil tamen aut parum aquæ in ullius pulmonibus ac abdomine deprehendisse. Quinimò, ut hujus rei certior evaderem, canes aliquot huic meæ curiositati & aquis viventes litavi: in neutro tamen horum hinc extracto aquâ haustam offendi. In quo me insuper confirmarunt *Platerus quæst. med. Waldschmid. in Ephemerid. Nat. Cur. decur. 2. an. 6. obs. 153. & Joh. Conrad Becker in tract. de submers. mort. sine potu aquæ.* Quemadmodum idem Experimentum hincq; petum Argumentum, quasi, si in homine ex aqua protracto, nulla aqua reperiatur, inferre detur, mortuum, non viventem, eundem in hanc præcipitatum fuisse, *Facultas nostra Anno 1689. d. 6. Aprilis suspectū ac fallax declaravit:* idè nimirum, quia per aquam suffocati non, quod interiora eorum eadem repleantur, sed quod per hujus ambitum aëris usus iis denegetur, pereunt. Demum contrarium probabilius videtur, Cadavera aquis submersa æq; ac illorum, qui vivi in eadem præcipitati, si diutius sub his linguntur, tandem per canales laxatos aquam aliquando forsan admittere, proin in deponendo pariter fallere utraque, si diutius sub illa hæserint.

Unde concludo, bina equidem priora signa in discernendo cadavere viventis ac mortui submersi, cæteris paribus, alicujus valoris, tertii autem, quia falsa innititur Hypothesi, vim nullam omnino videri: ita tamen, ut illum etiam circumstantiæ atque indicia combinata moderentur, temperent atque infringant. Ita v. g. si constet de hominis submersi dementia, si de hostis animo vindicativo, illumve per loca ignota ambulasse, simulque protracti ex Aquis cadaveris manus, aut chirothecæ, quibus forsan hæc indutæ, hinc inde laceratæ, nasus verò atque os spuma referta vel obfita cernantur; hæc vix dubitare sinunt, illum viventem aut in aquam cecidisse, aut præcipitatum fuisse; con-

tra, si ejusmodi indicia deficiant ac de aliis violentiæ illatæ generibus horum signa testentur, propinati e. g. toxicî, Facies livida ac inflata, lingua tumida, nigra & extra buccas longius prominens, Stomachi facies exterior rubra aut fusca, interior verò hinc inde arrosa & quasi cauterisata, sine digitorum conspicua attritione, appareant.

Par ambiguitas circa illos emergit, qui strangulati reperiuntur, si de his, an viventes adhuc, an mortui demum, suspensi fuerint, Medicus deponere postuletur: cui equidem discutiendæ *Pareus & F. Fidelis* al-laborarunt; ast forsan non undique feliciter. Signorū illorum distinctivorum frequentiora traduntur, quod in suspensio vivo funis seu laquei strangulantis observetur vestigium sive impressio in Jugulo & lateralibus Cervicis partibus, vel rubedine, vel fuscedine, livore aut nigredine conspicuum. A quali funis constrictiva impressione, annotante *Pareo*, rugosa & contracta etiam cernitur cutis propinquior. De cætero livida comparet Facies, humeri & brachia, circulatione sanguinis cum impetu intercepta: quinimò Caput & Thorax tumidior aliquando, utraque à sanguine intra horum integumenta stagnante, thorax verò insuper ab ultimo inspirandi conatu, quia in diastole explicatus permanerat. Mucosum spumoso, plus minus cruore tincto, scatent os atq; nares: Lingua tumidior ac nigricans extra dentes cum oculis prominet, à circulatione pariter impedita ac anhelitu violentius intercluso. Urinam aliquando in agone profundunt ejusmodi strangulati &, advertente *Zacchia*, membri virilis tentiginem, cum ejaculatione seminis, præ se ferunt: symptomata sc. spasmodica, strangulatis crebriora. Larynx in quibusdam lacerus, attritus & quasi conquassatus deprehenditur, si nimirum funis strangulatorius ipsi propius adactus fuerit: hoc tamen rariùs contingit, vixque fieri potest, ubi ille infra guttur aut supra hoc tracheæ caput, seu proximè sub mento, collum constrinxerit. Addunt his nonnulli Luxationem Vertebrae cervicis secundæ, quale quid tamen rarioris observationis: nimirum in illis tantum, qui à manibus carnificum suspendii supplicium passi, quibus in nonnullis locis solemne est, mortis accelerandæ causa cervicem delinquentis torquere ac inflectere, sicq; vertebra plus minus dislocare. Qualium signorum & symptomatum si nulla compareant, cadaver saltem hominis suspensum fuisse, probabile fit.

Utriusque casus exempla & super hæc deponendæ formæ *Chirurgus ille Gallus des Rapports p. 516. 517. &c.* subministrat, quales, quia rarioris observationis, in tyronum gratiam transcribere haud pigebit sequentibus. Nos Medici & Chirurgi Regii, ad Requisionem & in præsentia Commissarii, visitavimus cadaver Fœminæ septuaginta circiter annorum, quæ semetipsam suspenderat, exhibens Linguam nigram, tumidam & extra os prominulam, cum recremento oris & narium glutinoso atque ex atro rubicundo. Invenimus dictum corpus pedibus humum contingens seu humotenus innitens, & collo mediante laqueo ex tænia duplici parato ac nodo crassiore instructo, tigno affixum: ita quidem, ut funiculi hujus Orbiculus quasi capistriformis, inter mentum ac laryngem, per angulos maxillæ inferioris, inter aures atq; Apophyses Mastoideas ad occipitium latus, profundam sui impressionem in partibus his, sub mēti potissimum medio, quod nodus ille crassior contigerat, reliquerit. Adèd ut ex his cæterisq; in Actis enarratis circumstantiis, & postquam singula membra exactius lustraveramus, judicaverimus, solam laquei admoti stricturam huic Vetulæ mortis causam extitisse. Sicut contrarium casum, i. e. post mortem demum suspensæ, ac de hac testificandi schema ex eodem Scriptore l. a. petere licet sequens. Nos Medici ad Relationes ejusmodi deputati ac à Magistratu loci postulati, Cadaver fœmineum in horreo offendimus, de trabe sus-

pensum : cujus facies naturalis seu consueti coloris, nihil spumæ aut recrementi viscidæ in ore ac naribus monstrabat, in Lingua nulla nigredo, nec minimum rubedinis, livoris aut ullius coloris peregrini in Collo aut funiculi stringentis tractu comparabat. Cætera vero corporis membra lustrantes exiguum in latere Thoracis dextro deprehendimus vulnusculum, sub mamilla propendente occultatum, inter quintam ac sextam Costam veram pectoris cavum & in hoc totum Cor, ad cruoris ingentem ad hoc profusionem, perforans. Ex quibus observatis, collective sumptis seu simul ponderatis referre adigebamur, plagam hanc Thoracis & Cordis Fœminæ huic ante strangulationem inflictam solitariam & genuinam mortis ejus extitisse causam, & post hanc demum cadaver fuisse suspensum. Simile quid ad Requisitionem Quæstoris Senftenbergensis Anno 1708. d. 19. Octobris factum, ex *Actis Collegii Nostri* commemorare liceat de Fœmina quadam suspensa reperta : cujus quia nec facies, nec Collum, nec Humeri cum Thorace peregrino colore imbuti, nec Oculi prominentes, nec Lingua tumida ac nigra, nec vestigium laquei deprehensa fuerint, utrumque potius Abdominis latus, à Costis nothis, Lumbi ad Podicem usque ac Femora livida, fusca atque sugillata comparuerint, hoc concludebat, illam non tam viventem se ipsam strangulasse, quam ejus Cadaver post fustigationem & verbera lethalia suspensam fuisse.

Tandem de illorum Cadaveribus, quæ vulneribus confossa reperiuntur, dum forsitan ambigitur, utrum hæc homini adhuc viventi an mortuo, illata fuerint? discernere hoc satagunt *Pareus* atque *Zacchias* hunc in modum. Nimirum plagas rubicundas, cruentas ac quarum labia tumida & livida, viventium; plagas autem nec rubras, sed pallidas, nec cruentas, & quarum labia flaccida, defunctorum, esse. Ast hallucinari utrumque horum, Experientia imprimis evincit, quam in enunciando illi neglexerunt, per quam nihilominus constat, haud cuncta vivis inflicta vulnera in cadaveribus horum rubicunda, cruenta & tumida, quinimodo pleraque eorum pallida atque flaccida, conspici : dum quicquid rubedinis ac inflationis in viventibus possident, sive à carniū vitalitate, sive earum inflammatione, hoc habeant, cum vita deponunt, & per consequens in quovis cadavere fauciatorum frustra queritur. Cruenta autem observantur nunquam in cadavere, sed in actu tantum viventibus subjectis, & quidem primis diebus tantum, ubi cruore adhuc stillant; sed data vero omnimode eorum Hæmorrhagia tunc cessat quoque cruentatio : adeo multo magis in defunctis, quorum Cruor undulare & per tubulos carniū laceratos prorumpere definit. Proin ita quidem concludere conceditur, tument, rubent & cruenta cernuntur in Cadavere aliquando plagæ eorumve labia illius, qui vivus fuit percussus : haud tamen infallibilis videtur consequentia, illum, cujus vulnera recensita phenomena præ se minus ferunt, cadaveri demum ejus fuisse inflicta; ob rationem nimirum declaratam. Tumor labiorum sine dubio emergit ab aliquali Labiorum inflammatione, qualis in vivis jamdum non raro cessat : imo dum labia eadem aliquando ad exitium usque vulnerati subsident, flaccida ac livida simul evadunt, superstitite adhuc eodem. Majoris proin momenti ajerem illud *Zacchiæ* criterium, vasa hujus, qui vivus fauciatus fuit, flaccida & inania maxime, in illo, qui post obitum vulneratus, sanguine turgida & repleta adhuc, cerni : idque ideo, quod per viventis vasa & carniū fibrillas diicissas sanguis promptius feratur, penetret ac prorumpat fluidus adhuc, vitali elatere turgidus, & à Cordis Embolo vibratus : deficit contra uterque motus & cruor grumescit in Cadavere, si hujus partium unitas solvatur, proin nihil aut parum hujus per vulnus ejus rejicitur. Nisi obstaret, vulneratum ex

diversis aliis præter Hæmorrhagiam causis satis cedere, utut exile vivens perpeffus fuerit cruoris profluvium, sed potior hujus massa intra vasa asservata fuerit : unde deciperetur, qui ex sanguinis in cadavere exuperantia mortuum vulneratum crederet, vivens nihilominus qui vulnus exceperat.

Hæterus Clarissimus Bohnius de Renunciationibus. Sequantur jam aliquot earum in variis Casibus exempla alia.

Renunciations de Vulneribus, ad diversos Indices, factæ.

Clariff. Christiani Helvich. Miscell. Curios. Decur. iij. Ann. 9. & 10.

Licet eruditorum manibus terantur integri tractatus de relationibus rectè instituendis à doctissimis viris editi, uti in fundamentis decidendi eruendis præclarissimè operam suam posuerunt *Baptista Codronchius*, *Fortunatus Fidelis*, *Ambrosius Pareus*, *Paulus Zacchias*, *Gottof. Welschius*, *Johannes Bohnius*, *Heinric. Meibomius*, *Wolffg. Wedelius* alique plures : non tamen abs re faciunt, qui particularibus exemplis ea, quæ in genere disputantur, illustrare satagunt, quod facere data occasione prælaudati viri non intermiserunt; ex professo autem id egit *Paulus Ammanus*. Non itaque mihi vitio vertetur, si eo animo relationum quarundam compendium hîc recitavero. Id verò tribus adhuc præfari liceat verbis, me vulneris vocem sensu Medicis & Coo familiari hîc accipere, quò notat omnes affectiones, quæ extrinsecus cum quâdam violentiâ corpori accidunt, seu casus fuerit, seu vulnus, seu plaga, seu distensio, qua de re videatur *Martianus Comm. in Hippocrat. Section. 5. lib. 6. Epidem. p. 276. Anno 1696. Sub initium Julii, adolescens 18. annorum ab herô suô molitore, baculô circa regionem hepatis, pubis & ipsum scrotum graviter percussus fuerat. Post hanc verberum inflictionem malè habens, initio curæ balneatoris commissus est; qui, quomodo in curâ progressus fuerit, non memini audivisse, nisi quod medicamentum purgans ei datum fuisse postea resciverim. Ex eò verò in deterius singulis momentis percussi res lapsa est, ac deinde nescio quò consiliô in pagum *Lanich*, qui uno circiter milliari distat *Vratislaviâ*, ad matrem afflictam fuit deportatus. Hic miser de molitoris truculentia multis verbis flebiliter conquestus, famâ deinde savitiæ latius, ut sit, sese diffundente, à Judice aulicô Episcopali rogatus, ut cum Chirurgis in pagum illum proficisceretur. Factum illud est die XI. Julii. Sugillatio ingens circa regionem hepatis deprehendebatur. Partes genitales Sphacelo affectæ putridum & cadaverosum exhalabant odorem, & ita invaluerat Sphacelus, ut jam *νῆκρωσις* in intestinis serpere pateret. Sitis intolerabilis erat. De exquisitissimo ejus dolore, quò partes gangrænâ, ut apparebat, correptæ afficiebantur, ululatus ejus, quibus tuguriolum resonabat, testabantur. Extrema & cæteræ partes exteriores frigebant. Hæc Magistratui referebantur & addebatur de miseri vitæ actum esse. Ubi deinde mortuus fuerat, judicio aulico consultum videbatur, ut cum Experientiss. Dn. D. Ohmb iterum illuc irem & extra lustrarem, quod ipsô, quo obiit die, à nobis diligenter est factum. Præter sugillationem externam & Sphacelum in Scroto nulla labe à nobis deprehensa, nisi quod colon & ileon Sphacelo affectum ostenderent hiatum, per quem aliqualiquoris quantitas in cavitatem abdominis effusa erat; Relationis nostræ ad Judicem summa erat : sugillationem satis testari de percussione violentiâ, ex hac ortam esse gravem inflammationem, ex inflammatione*

ex inflammatione vero gangrænam & ex hâc Sphacelum, *non adhibitâ fortè satis diligenti curâ*, ex sphacelo mortem secutam, nihilominus mortiferam percussione, ex se & naturâ suâ non videri, quod (1.) nullum notabile vas sanguiferum læsum, nec ulla hæmorrhagia observata, (2.) nec pars ad vitam simpliciter necessaria noxam majorem passâ fuerit, quantum enim ad sphacelum & solutionem continui in intestinis attinet, non videri sub actu percussione, vel brevi post contigisse, & hoc constare liquidò, tum ex *modicâ* liquoris in abdominis cavitatem effusi *quantitate*, eam certè futuram fuisse longè majorem, si intestina statim fuissent rupta, ægrum enim avidè & multum bibisse; tum ex valida medicamenti purgantis à balneatore post plagam propinati operatione &c.

Exauctoratus miles, Anno 1698. die 27. April. in pago Illustrissimi Commendatoris Ordin. S. Joh. Hierosolym. Dom. Comitis à Kollovroth, cum homine quodam turbido primò litigans, deinde in monomachiam descendens interimitur. Hoc cum contigisset, iterum ego cum laudato ante Medico ad inspiciendum occisi corpus invitatus sum, & 28. Aprilis ad locum in quo occisus erat, me contuli. In latere sinistro sub costis spuris vulnus tres digitos latum, ex quo intestina facilè ad palmæ longitudinem protuberabant, ostendimus. In latere dextro è diametro quasi priori oppositum cernebatur vulnus, sed vix tertia parte magnitudinem prioris æquans, ex quo ante apertum abdomen sanguis confertim manabat. Cavitas abdominis, postquam eò in sectione perventum erat, cruore, cujus pars non exigua in grumos concreverat, turgebat. Post institutum sollicitum examen deprehensum est, arteriæ celiacæ ramum splenicum, nec non ramos quosdam mesentericos fuisse mucrone discissos. Viscera abdominis non multum læsa, & hepar gladio quasi leviter perstrictum erat. Propter læsionem hanc vasorum & enormem sanguinis extravasationem, quæ nulla arte impediri potuisset, judicatum est, vulnus fuisse ex se & naturâ suâ lethale.

Anno 1699. die 6. Januarii adolescens imberbis maturè castra secutus in hybernis luxurians ex protervâ perulantia occiderat Patris-familias alicujus in *Bolnisch Beterwits* filiam in flore ætatis constitutam, habens enim sclopetum in manu, ecce, inquit interficiam te; dictum, factum, explodit & puella exanimis corruit. Rogatus, ut cum Chirurgo die sequenti irem & de lethaliitate vulneris judicium ferrem, licet ex brevi illo inter vulnus & morrem intervallò ac partis vulneratæ nobilitate satis esset probabile puellam ex vulnere mortuam esse. Inspectio tamen magis nos confirmavit læsionem illam fuisse mortiferam; globus per orbitâ oculi dextri adactus in sinistra occipitis parte emerferat & craniû discuperat, unde sanguis ad aliquot cochlearia effluebat. Post integumentorum separationem in ossè occipitis, non procul à vulnere, duæ spectabantur fissuræ, altera digiti longitudine, altera aliquantò minor. Os squamosû itidè fissû deprehendebatur. Remotò deinde craniò patuit ex globuli per meditullium transitu factam ingentem cerebri commotionem & inductam vasorum (cerebrum perreptantiû) rupturam, unde sanguis ex vasis suis evacuatus in quantitate notabili in cerebro depositus erat, atque hinc nullum ampliùs de lethaliitate vulneris supererat dubium.

Eodem anno, die 19. Januar. invitatus sum ad inspectionem exanimis puellæ, quam mater meretrix mortuâ à se in lucem fuisse editam affirmabat. Dum externum corporis habitum lustro, sanguinem ex naribus stillasse atque hinc illinc cutem discessisse sine aliâ evidenti noxâ. Corpore aperto, pulmones rubescens ac densioris substantiæ sese offerebant, ac aquæ immerû subsidebant. Pericranium circa futuram coronalem lividum erat, ipsum verò cranium omni ex parte illæsum. Nec erat, unde vel cerebri concussio, vel ruptura vasorum eidem implicatorum argui posset. Relatum itaque fuit,

nihil quicquam in hac inspectione occurrissè, unde clarè ac irrefragabiliter inferri queat, infanti post partum patricidiò vitam fuisse ademptam, imò ex sententiâ passim receptâ (non tamen indubitato verâ, ut à Celeberrimò Bohniò demonstratum est) quæ vult pulmonem aquæ injectum & ad fundum descendentem præbere certum indicium, quod infans non respirarit, potiùs consequi, quod jam in utero materno (incertum, quo fato) mortuus sit.

Die 6. Julii ejusdem anni Virgo in pago Ostvvi-zabà Vratislaviensi aliquo cive, qui inter ipsam & Gallum quendam nuptias conciliare gestiebat, fortuitò sclopeti ictû vulnerata erat ac post paucas à vulnere inflictò horas obierat. Abii eò die sequenti, ut de lethaliitate vulneris cognoscerem. Vulnus duobus pollicibus supra podicem à fissurâ à natium partis sinistra uno pollice remotum in musculo gluteo majori comparebat, externa facie digitum transversum æquabat, interna verò aliquanto angustius erat, profunditas ejus stylo explorata, non multum a longitudine digiti indicis aberat. Cum cautè secando interiora vulneris scrutaremur, apparuit ex quinque vulneribus minoribus globulos aliquot minutos, quos grandines vocant, in parte oblique oppositâ iterum ex carne emerissè, reliquos verò ad os femoris allisos superna & inferiora petiissè, obvia aduissè, vasa cruralia lacerassè ac excitassè in superioribus sinum duos transversos digitos latum, & medium ferè digitum longitudine superantem (liquidem extimam Peritonæi membranam in regione pubis attingebat) & in depressâ verò ac declivi quasi parte, iterum produxisse cavitatem, quæ latitudinem digiti & longitudinem duorum articulorum referebat. Pronunciatum est vulnus fuisse summe periculosum ob læsionem vasorum sanguiferorû insignium ac incutâ hæmorrhagiâ maximâ, non tamen videri absolutè lethale, ac perito Chirurgo si præsens fuisset, non defuturam fuisse viam artemque sedandi, (quamvis cum magna difficultate) sanguinis effluxum.

Anno 1700. die 17. Maji administrator in Krobeltwitz Vratislaviam pergens, a pastore gregis, licet inter eos occasione cessionis, in viâ subitò exorta, gravissimè percussus, die 18. ejusdem decesserat, atque vulneris inspectio mihi commissâ fuit: In mortuo cadavere, in latere sinistro, supra os squamosum, non procul à musculo temporali, vulnus duos digiti articulos longum, & digitum transversum circiter latum est deprehensum. Cranii illa pars quæ iocum sustinuerat, ostendebat spectatoriibus particulas laminæ inferioris percussione violenta divulsas & separatas; in oppositâ verò calvariæ parte non procul à futura squamosa cernebatur fissura. Dura mater & sinus falcatus superior livebant. In medio substantiæ medullaris cerebri extravasatus cruor in larga quantitate non sinebat dubitare de vasorum sanguiferorum rupturâ, ex violenta cerebri concussione ortum ducente, quæ omnia documento erant & argumento, vulnus absolutè fuisse lethale, præprimis cum statim post inflictû vulnus, visus, auditus, sermo, percussus prorsus destituerint, exactèque impleta in hoc Hippocratis Coaca: *Quibus concussum est cerebrum, vel ex plaga dolet aut alio casu illico vox deficit, neque vident neque audiunt, fereque intereunt.*

Mors ex vulnere subitanea, eòdem tamen minimè lethali.

Clariss. Joh. Georgii Hoyer. Ephemer. German. Centur. 3. & 4.

Adolescens sedecim annos natus sanguinei temperamenti sanus & robustus, die solis ictu sclopeti non nimis periculosè seu lethaliiter ex Medici & Chirurgi sententia, qui

qui spem salutis fecerant haud dubiam: vulneratus, (dum verba facere, edere, bibere & deambulare adhuc posset pro lubitu) cum sequenti die lunę celerius opinione animam efflaret, iussu superiorum, cultello anatomico subiciebatur. Exterius itaque (1.) brachium dextrum ictu citato, qua partem internam superiorem leviter solum tactum, particulis quibusdam plumbeis sub cute relictis, pluribus aliis globulis sub axilla dextra inter tertiam & quartam costam in thoracis cavitatem trajectis, quibus non solum (2.) integumenta communia contusa & dilacerata adeo, ut vulnus magnitudine floreni conspicuum, sed ipsa etiam quarta costa penitus diffracta, (3.) Vicini musculi intercostales una cum venis intercostalibus & ipsa pleura dilacerata, (4.) Dextri pulmonis lobus superior unius digiti transversus, inferior pollicis transversus latitudinem & culmi straminei transversus profunditatem latus; (5.) In cavitatem thoracis sanguinis extravasati coloris seroso-sanguinei mediocris quantitas, cum quibusdam costę diffractę festucis & particulis plumbeis, chartaque pro bombardę explosione necessaria, visenda. (6.) Globulus quidam plumbeus in ipsam vertebra dorsi penetrasse notatus, & quantum ex situ & profunditate lęionis videre erat, ipsa fortasse spinalis medulla leviter tacta.

Notabile profecto est harum læsionum seu vulnorum seorsim consideratorum, nullum per se lethale judicari posse. Quod enim 1. & 2. ad læsiones illas externas attinet, illę sanę nullius sunt momenti: Neque etiam unius costę fractura lethality merum potest afferre; cum sæpius unius costę, & haud ita pridem duarum quoque costarum & ipsius ossis femoris fracturas casu ab alto factas in cive & pistore hujus urbis feliciter curatas viderim. (3.) Vulnora thoracis cum læsione vasorum intercostalium feliciter fuisse persanata, quotidiana experientia confirmat. Et sicut (4.) ipsa pulmonum leviora vulnera, vasis majoribus illęsis, vix considerata, sed pro curabilibus æstimanda; cum per observationes constet, lobos pulmonum tam ensibus pertusos, quàm ictu sclopetorum perforatos fuisse curatos: Ita (5.) nec sanguis extravasatus (vel alia materia purulenta) in thorace per vulnus inflictum, aut si nimis angustum fuerit, scalpello dilatandum, vel per sectionem seu paracentesim, in loco commodiori institutam, bono cum successu & curatione vulnerati forsitan evacuandus, ut taceam, quantum excellentissima remedia interna à modernis inventa his casibus præstent, lethifer vix ac ne vix quidem pronunciari potest.

Hujusmodi enim vulnus thoracis & pulmonum cum sanguine extravasato copioso per excreationem rejecto in Prætoro pagano, pagi Molhusini Felchte feliciter sanatum notavi. Quo quidem casu, præter interna remedia, Empl. diaphysitidis Rulandi, excreationem purulentam promovendo & dolores leniendo, egregiam levamen afferebat. Nec denique (6.) vulnus medullę spinalis in vertebra thoracis, nisi per transversum inflictum & maximum, pro lethali habendum. Maxima quippe vertebrarum thoracis vel dorsi vulnera, siquidem lethalia sint, non tam citò interire solent. Quemadmodum Jenę studiosum, & hęc Molhusæ civem quendam, vertebri dorsalibus casu ab alto planè diffractis & dislocatis, per plures septimanas vitam protraxisse notavi.

Qualis igitur causa subitanę hujus mortis sine lethali vulnere? Ipsas equidem læsiones citatas conjunctim consideratas & vi quasi unitā mortem accelerasse, valde probabile. Ipso enim thorace, à cujus motu impedito pulmonum motus etiam impeditur, in alterutro latere enormiter laeso, ipsaque materia serosa ex vasis intercostalibus effusa, & partim in cavitatem pectoris collecta, ibidemque subsistente, æconomia vitalis mirè

turbari potuit. Hinc spiritibus animalibus sensim depauperatis, altero die lipothymię notata. Quibus cum motus convulsivi, dubio procul à dilaceratione nervorum intercostalium ac læsione spinalis medullę orti, accesserint, vomitu simul notato, neglectis apprimè medicamentis cordialibus, confortantibus, nervinis, festinæ mortis eventus non fuit impossibilis.

Pulmonum in aqua subsidentia, non est signum infallibile fœtus in utero maternò mortui.

Clariss. Christiani Schuchmanni Miscell. Curios. Decur. iij. Ann. I.

Haud solis pilulis similive apparatus Medicos adstringi, eorumque munus non circa grabatos ægrotorū solum terminari, sed Forum etiam Civile, pariter ac Ecclesiasticum, eosdem aliquando moderari, in Publicū & Curiam prodire, & Civitati seu Reipublicę immediate magis consiliis atque decretis suis litare, omnium novissimè pro vindicanda Medicorum autoritate in nuper editis *Speciminibus Medicinæ Forensis*, solidis rationibus, atque exemplorum serie probatum ixit Celeberrimus Lipsientium olim Anatomicus *Bohnus*, nunc Therapeutices Professor. Infiniti scil. generis casus dantur, in quibus Prætor, auditā nisi prius Medici sententiā, jus dicere nequit: Neminem siquidem juxta Fortun. Fidelem in Præfatione Operis sui, latet. *Quam sæpe qui jurisprudentiam præstentur ipsique gravissimi Magistratus nos consulant, nostramque sententiam exposcant, ut illa adjuri sapienter de rebus atque integrè judicare possint.* Sæpius autem accidit, ut quæstiones has ad dirimendum propositas tanta circumstet difficultas, ut his neutiquam ex assè satisfacere queamus. Quin potiùs captum hominis cæteroquin sagacissimi, transcendant, hocque ex ipsius casus naturā ac circumstantiis. Jam dudum hoc, plus scil. interdum à nobis postulari quàm quidem per naturam rerum præstare conceditur, prævidit Fortunat. Fidelis in fine operis sui, ubi inquit. „Sed illud etiam ignorandum non est, in „nonnullas rerum occasiones Medicum nonnunquam „incidere: ut cum nihil certi de re proposita constet: „dubia omnia, incertaque referre nos etiam oporteat. „Non semper enim promptæ sunt rerum atque effectuum „notæ: ut propterea in dubia atque ancipiti Medicorum relatione satis justa esse possit excusatio.“ Ut alios casus specimine tertio §. 6. & seqq. allegatos & sub hunc censum venientes, taceam, unicum illud famosum pariter, ac abstrusum Problema Medico-legale sistam, ubi à Magistratu Medicis dijudicandum offertur; an scil. fœtus à meretrice Matre clanculum editus, abjectus, aut etiam è terra erutus vivus prodierit, an verò uterò adhuc inclusus defecerit, mortuusque sit natus? Pro hac quæstione decidenda hætenus defuisse sufficientia signa, nemo cordatorum Medicorum inficias ibit credo. Silent siquidem de his docimasiis omnes scriptorum libri, qui de Renuntiationibus scripserunt, aut observationes orbi erudito communicarunt. Aliquot autem abhinc lustris factum, ut non solum color pulmonum, juxta mentem Galeni, sed & quod pro palmario hætenus fuit habitum, pulmonum in sufficientem aquæ quantitatem conjectorum subsidentia pro indubitato ac infallibili tecmeriò fœtus in utero defuncti fuerit recepta. Cui sententiæ benè multi præclarissimorum Medicorum subscripsere, ceu hoc ex *Miscellan. Curiosor. Dec. I. An. 6. & 7. Observat. 102. ex Ammanni Praxi Vulnerum lethaliū Decad. 6. Hist. I. ex Blanckardi Collectan. Medico-*

Medico-Physic. Cent. 5. Observat. 92. Cornel. *Stalpart van der Wiel*. p. 2. Observ. rarior. 32. Schol. abundè videre licet. Nec tamen defuere qui secus sentientes, ex allegata subsidentiã apodicticam veritatẽ fœtus in utero extincti, erui non posse strenuè contendunt. Hos inter est Nobiliss. Wedelius, Collegium Medicum Wittebergen- se, & omniũ novissimè Excell. Bohnius in supra citato specimine tertio Medic. Forens. cujus rationes fortan nõ le- ves, ibidem videre poterit curiosus lector. Ex quibus fa- cile elucescit hoc signum tot contradictionibus adhuc ex- positum, dubiũ non solum fidei esse usq; nunc, sed & huic soli, an in causã sanguinis humani tutò sit fidendum me- rito ambigi posse. Interim cum meum non sit tantas com- ponere lites, finita sic sibi met contradicentium recensione, Facti speciem superaddam, quæ posteriori negantium scil. partì, vel maximè accedere videtur. Anno nimirum hujus seculi nonagesimo primo die tertio Martii Maria Lutwi- gin, aliàs Trescher Maria vocata, ex furtiva Venere puel- lam peperit, quam linteis involvens cistẽ includit, quod cum Magistratui illius loci innotesceret, Medicinæ Licen- tiatum Practicum Ronneburgensem percelebrem, ad lu- strandum secundumve corpusculum Grosdolsium evocat. Hic remotis linteis, apertove cranio ac thorace, cum ni- hil solini, quod violentas manus testaretur, adinveniret, *quesito, an viva, an mortua prodierit*, satisfactorius, pulmo- nes sufficienti aquæ quantitati immittit, quos citò subside- re videt. Innixus huic experimento (quod sæpius etiam in brutis antea tentatum viderat) & quod vasa sanguifeta, resecto quidem umbilico, sed filo non constricto cruore turgida cerneret, in Renunciatione sua puellam ante par- tum, sicque adhuc in utero detentam periisse judicat. Me- retrix interim, infanticidii suspecta, Ronneburgi captiva detinetur. Instituta hinc in Præfectura Ducali, quæ ibidẽ est, inquisitione generali, singula negat, nequicquam de perpetrato infanticidio sponte manifestat; nec carnificis præsentia instrumentorumque apparatus illam terret, imò arctiorem pollicum compressionem sine confessione pertu- lit. Fidiculis cum subjiceretur, sequentia profert: Se filiã non necasse, occidendi tamen animum habuisse, vixisse ad- huc puellam brevi, ante partum propendisse funiculum umbilicalem, quem, fœtus intestina esse reputans, sinui reddidisset, an autem hac ratione fœtum suffocasset, sibi non constare, utut putet. Cum instarent ulterius fidicu- lis illam exercere, ut desisterent petiit 6. die A- prilis, cunctaque narraturam promittit: Igitur ad 3. arti- culum: An scil. infans ante & post partum vixerit? affir- mativè respondit. Ad Artic. 4. An non interfecerit infan- tem? affirmativè respondit. Ad Artic. 5. An non ligaturã funiculi umbilicalis studio neglexerit? respondit: non ve- nisse in mentem. Ad Articulum 6. An non illa existeret causa mortis? affirmativè respondit, dicendo vixisse utique post partum infantem, artusque movisse, *Es habe gekrap- pelt, sic habe es gefühlr*, constrinxisse verò illam fœtui fau- ces & fontanellam compressisse, *Sic habe das Kind an die Kehle gedruckt, und das Blätgen mit den Fingern einge- druckt*. Hæc ipsa horã xi. noctis scil. 6. Aprilis repetiit hanc confessionem. Cum die 8. Aprilis denuò interroga- retur, absque tamen tortura, ad Artic. 3. 4. & 5. ut suprã affirmativè respondit. Ad Artic. 6. autem sic deposuit; quòd utique mortis existeret causa, cum fauces cõ- strinxisset & fontanellam compressisset arctius: sed non vi- xisse puellam post partum, nec motum hujus animadver- tisse, exprobrante autem Judice hanc varietatem, & ut vera deponeret monentẽ, ternã vice affirmativè respondit; dicẽ- do: utique se motum fœus percepisset. *Es habe das Kind mit den handem gekrappelt*, reliquaue omnia Artic. 6. contenta constanter affirmavit, singulaque denuò prælecta sine ulteriori negatione, quòd vera sint sanctè affirmavit, quam jam confessionem subsequente morte confirmavit.

Hic igitur est Tragœdiæ hujus exitus; de fide autem hujus Relationis, ne dubitet rogo Benevolus Lector, siquidem hæc omnia literis debeo suprã allegati Medicinæ Licentia- ti, qui Acta Judicialia Publica excerpsit, mihiq; com- municavit. &c.

Scholium. Legi de hac materia meretur Disputatio quã Excell. Dn. D. *Joh. Zellerus* Prof. Publ. Tubingæ, An. 1691. in lucem edidit; qua infanticidas non absolvere, nec à tortura liberare, nec respirationem fœtus in utero tolle- re deducit pulmonum infantis in aqua subsidentiã. Ubi imprimis, præter varias ingeniosas rationes, duobus id ex- perimentis confirmatur: uno nempe in vitulo post partum per dimidium horæ spatium vitali, qui crebris anheliti- bus, fortiorique abdominis motu respirate se testatus est, pulmonibus tamen ejusdem aquæ injectis, lapidis instar fundum petentibus: altero, de fœtu ibidem vive in lucem edito, cujus tamen pulmones in aqua submersi fuerunt. Mi- hi si concessum sit circa hæc conjecturam meam proferre, neque respirationem leviculam fœtus in utero penitus ne- gare volo, neque tamen etiam fidem & experimenta alio- rum, quibus pulmones fœtus in utero demor- tui semper fundum petiisse, extra uterum verò demum defuncti supernataisse referunt, in dubium vocare valeo. Magna etiam temeritas foret allatis suprã duobus experi- mentis fidem denegare. Ast cum in vitulo præternaturalis pulmonum constitutio adfuerit, reliquorum experimento- rum in sanis pulmonibus institutorum robur inde non in- fringi arbitror: Lobulorum unus crassus fuisse perhibetur, & ob mucum vesiculas obstruentem ad inflationem ineptus; unde graviolem eum exitisse sequitur, ita ut aer in reliqua sana pulmonis parte contentus, nõ sufficiebat pul- monem in alto suspensum tenere, sed alteri illi pondere suo ad fundum detrudenti cedere cogeatur. In fœtu au- tem cum hepar corruptum ac tumefactum, nec non abdo- minis cavum aqua nonnullã repletum fuerit, scrupulus inicitur annon in pulmonibus quoque vitium aliquod ad- fuerit. Interea tamen hæc cautionem maximè necessariã suppeditare valent, ut in similibus casibus, imprimis ubi de sanguine & vitã humanã agitur, providè circa istius- modi experimenta procedatur, nec nisi accuratissimè om- nibus circumstantiis excussis, aliquid decernatur.

Plura rursus qua hic infererentur, nobis parata essent, tum de Renunciationibus in Leprosis, in Lue Venerea affe- ctis, in iis qui Matrimonio inhabiles visi sunt, tum in alijs etiam casibus. Verum quandoquidem hoc in argu- mento jam forsã nimii fuimus; illa omnia in aliam ali- quam opportuniorem occasionem rejicimus.

RHAGADES.

Vid.

PAPILLARUM FISSURÆ;

Capite de Mammarum Morbis.

RHYAS.

Vid.

OCULORUM MORBI.

RIMA CRANII.

Vid.

in CRANII FRÅCTURIS.

ROSEOLÆ SALTANTES.

De iis tanquam à Gutta Rosacea diversis, videatur. Marcus Aurelius Severinus, sub titulo *Epinyctis*, cui omninò affines videntur.

